

---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<https://books.google.com>















<36642145180015

<36642145180015

Bayer. Staatsbibliothek



2<sup>o</sup> Germ. Spec. 137. -2







R

OPERUM

R. P.

NICOLAI SCHATEN

TOMUS SECUNDUS.

*SEU*

ANNALIUM

PADERBORNENSIIUM

PARS PRIMA.





ANNALIUM  
PADERBORNENSIIUM

PARS PRIMA.

COMPLECTENS

INPRIMIS FUSIOREM

EPISCOPORUM

PADERBORNENSIIUM,

DEINDE

SUCCINCTIOREM HISTORIAM

RELIQUORUM PER WESTPHALIAM

ANTISTITUM,

TUM

RES GESTAS ALIORUM IN EADEM

HAC REGIONE CLARORUM

VIRORUM,

POSTREMO

PONTIFICUM, IMPERATORUM,

PRINCIPUM &c. GESTA,

MAXIME EA,

QUÆ WESTPHALIAM CONTINGUNT.

OPUS POSTHUMUM

AUCTORE

R. P. NICOLAO SCHATEN S. J.

EDITIO ALTERA.

CUM PRIVILEGIO EMINENTISSIMI ELECTORIS.



MONASTERII WESTPHALORUM,  
TYPIS & SUMPTIBUS ANTONII WILHELMI ASCHENDORF,  
TYPOGRAPHI PRIVILEGIATI ANNO MDCCLXXIV.





REVERENDISSIMO

ET

CELSISSIMO

PRINCIPI AC DOMINO,

D O M I N O

W I L H E L M O

A N T O N I O

DEI GRATIA

E P I S C O P O

P A D E R B O R N E N S I,

SACRI ROMANI IMPERII

P R I N C I P I,

C O M I T I P Y R M O N T A N O,

**DOMINO**  
**IN**  
**HINDENBURG ET WALLHAUSEN**  
**&c. &c. &c.**

**Hanc SCHATENII Annalium Paderbornensium partem primam in commodum reipublicæ litterariæ denuo impressam dedicat**

**Servus obsequentissimus,  
*Antonius Wilhelmus Aschendorf.***

D I V I S  
**CAROLO** COGNOMENTO **MAGNO**,  
PRIMO OCCIDENTIS IMPERATORI,  
ARMATO SAXONIÆ APOSTOLO,  
ECCLESIAE & DIOECESIS PADERBORNENSIS  
F U N D A T O R I:

NEC NON

**HENRICO** COGNOMENTO **PIO**,  
E DUCE BAVARIÆ  
REGUM GERMANIÆ HUIUS NOMINIS SECUNDO,  
IMPERATORUM PRIMO,  
ECCLESIAE & DIOECESIS PADERBORNENSIS  
*PRÆCIPUO INTER ALIOS*  
**BENEFACTORI.**

---

TUTELARES SANCTI.

**V**estris sub auspiciis prodire gestiit Annalium Paderbornensium Pars hæc prima, quæ continuatio quædam est Historiæ Westphalicæ, paucis ante annis in lucem datæ; Vestris, inquam, sub auspiciis prodire gestiit; quod persuasum sibi haberet, neque potentiores offensuram se Patronos, qui se a malevolis obtrektorum linguis ac calamis valerent fortius tueri; neque propensiores nacturam Mæcenates, qui eo, quo sperari posset animo, eandem essent acceptaturi. De potentia vestra non attinet hic referre; cum satis Orbi constet, quanto olim eidem terrori fueritis, sub jugum Christi & Vestrum eos mittentes, qui sublimi a DEO datæ vobis potestati resistere audebant. Quæ potestas nil jam imminuta, sed præ terrena illa in immensum quasi aucta censeri debet; conjuncti enim DEO, cæli terræque Domino, & Principes ac amici illius statuti, quid non valebitis præ mortalibus, etiam Mundi Monarchis, qui nesciunt, quam aliquando fortem sint subituri? Labet tantum paucis hic commemorare, quam tenero Ecclesiam & Diocesin Paderbornensem amore complexi, quibusque olim beneficiis eandem fueritis profecuti; ut demum constet, optimo quæsitus patrociniū Vestrum conatu pro tuendo illo libro, qui res Vestras præclare gestas, & ingentiā in Diocesin Paderbornensem, reliquamque Westphaliā merita complectitur. Inculta admodum & sterilis erat, ut reliqua Westphaliæ, ita hæc Paderbornensis Diocesis terra, nullo adhucdum, vel pauxillo, cælestis gratiæ rore irrigata: arescebat in vanis gentilitiæ superstitionis suæ desideriis, nec fructum dabat, quem cælestis Colonus in horreum suum conveheret; quando Tu, Imperatorum Maxime Carole, miseratus terræ hujus, non tam corpora quam animos concernentem sterilitatem, subegisti eam armis, DEI & animarum causâ susceptis, eamque

rigan-

rigandam curasti sacris doctrinis per Apostolicos a te introductos viros disperfis; utque optatum proferret fructum quot modis & curis providisti? Anno 777 Paderbornæ commoratus, *Ecclesiam ibidem in honore Salvatoris ædificasti*. Anno 795. certum ac stabilem fundatæ a te Ecclesiæ huic Pontificem præfecisti B. Hathumarum, e gente Saxonica virum genere, literis & virtute plane nobilem. Anno 799 Leonem III Pontificem, Roma ad te profugum, eo Paderbornæ honore excepisti, ut Christi in terris Vicarius majorem ab Imperatore exspectare vix potuerit. Tuus in Sedem Apostolicam animus huc te impulerit; nullus tamen dubito, quin hoc exemplo tuo conversam recenter gentem in suscepta Christiana fide stabilire vel maxime volueris. Taceo hic de aliis frequentibus admodum conventibus tuis Paderbornæ celebratis, in quibus & variorum Regum legatos audisti, & Christianæ in hisce provinciis Reipublicæ consuluisti; verbo id dicam, adeo frequenter, ut ex vitæ tuæ historia constat, locum hunc te frequentasse, ut verisimile nulli non appareat, præ cæteris eundem a te adamatam fuisse. Nec amore in hunc locum, nec benevolentia, nec collatis in eum beneficiis quicquam prædecessori olim tuo cessisti, Imperatorum Sanctissime Henrice. Ut enim primum Werlis in Westphalia Rex Germaniæ dictus es, Paderbornam invisisti, ibidemque post coronatam conjugem tuam (quod ante non viderat, nec postmodum vidit Paderborna) omnia illius Ecclesiæ jura & privilegia confirmasti. Anno 1009 dedisti Episcopum consanguineum tuum Meinwercum, hæreditariis bonis & rara industria sua pauperis ea tempestate Ecclesiæ bona amplificaturum. Eidem Anno 1011 Comitatum Haholti adjecisti. Anno 1013 Werlis licet æger decumberes, non cessasti tamen a munificentia tua; sed plura dilecto tuo Meinwerco prædia pro Ecclesia sua attribuisti: & sanitati redditus eundem Paderbornæ invisisti, ac Pascha cum eodem celebraisti. Hæc tua in Ecclesiam Paderbornensem merita, quando Rex Germaniæ salutabaris: Imperator deinde coronatus, non minuísti, sed auxisti potius de anno in annum non sterilem illum, & inani verborum ostentatione parum profuturum affectum; sed beneficiorum potius accumulatione plenum & abundantem. Statim enim post coronationem tuam, antequam ex Italia discederes, anno 1014, Papiæ possessiones & jura Ecclesiæ Paderborn. rata habuisti. Mox in Germaniam reversus, anno 1015, *Natalem Dominicum*, teste Dithmaro, *in Patherbrunn festis gaudiis cum Meinwerco Episcopo peregristi*. Deinceps anno 1016 villam Morongam, prædium Bernehufanum, & bona Adelæ Meinweri matris ad fiscum redacta dilectæ Ecclesiæ tuæ contulisti. Ano 1017 cum conjuge tua Imperatrice Cunigunda Paderbornæ versatus varia rursus prædia Diœcesi Paderbornensi donasti. Anno vero subsequenti 1018 prædium Siburgehufanum, & nemus quoddam prope Reginshershufon dono tuo patriæ huic cessit. Sive vero Paderbornæ, seu alibi commorare, nulla apud te Paderbornæ tuæ oblivio. Anno enim 1019 Bambergæ commorans prædium Hammonstadiense, & anno 1020 Confungæ nemus Reinkershufanum, vulgo Reinerswald huic loco attribuiti. Necdum tamen finis beneficiorum. Anno 1021 Comitatum Warburgensem a Dodicone donatum Ecclesiæ nostræ comprobas, simulque beneficentia tua adjicis Comitatum Immedeshufanum. Anno 1022, dum Paderbornæ versabare, extorqueri a te finis Regale prædium tuum Erwete, & altero mox anno 1023 in eodem loco constitutus prædium Steinemense, & Hohunselanum liberalissima donatione Ecclesiæ nostræ adjecisti. Nullus fuisset beneficiorum finis, nisi justo demum remuneratori DEO mox ad præmium tot benefactorum placuisset te evocare. Is vero animus Vester, Divi ac Munifici Imperatores, cum fuerit olim in Ecclesiam & Paderbornensem Diœcesin nostram, non minor modo erit vel in eandem hanc Diœcesin, vel opus hoc, quod gratissimo merita & acta vestra affectu recolit recensetque. Defendite ergo, qua valetis in cælo gratia & potentia dedicatum nominibus Vestris tam literarium hoc opus, quam Ecclesiam tantopere a Vobis aliquando adamatam. Efficite Vestris apud DEUM meritis, ut imprimis hæc Ecclesia vestra permaneat in ea, quam introduxistis & stabilivistis fide, ac bonis semper operibus hic ita in terris militans intendat, ut triumphans tandem in cælis vobiscum coronari mereatur.



DEDICATIO PRIMÆ EDITIONIS.

REVERENDISSIMO ET CELSISSIMO  
PRINCIPI AC DOMINO,  
DOMINO  
FRIDERICO CHRISTIANO,  
EPISCOPO MONASTERIENSI,  
BURGGRAVIO STROMBERGENSI,  
S. R. I. PRINCIPI,  
AC  
DOMINO IN BORCKELOHE.  
LIBERO BARONI  
DE PLETTENBERG.

REVERENDISSIME AC CELSISSIME  
PRINCEPS!

**P**rodiit nuperrime prior *Historiæ Westphaliæ* decas sub umbra Reverendissimorum, Perillustrium ac Generosorum Dominorum liberorum Baronum de Furstenberg, neque facilius illi defensio sperari poterat, quam ab iis Mæcenatibus, quos magni fratris ac Patruus FERDINANDI Episcopi ac Principis Paderbornensis & Monasteriensis, utpote auctoris, gloriosissima memoria exstimulabat. Nunc ea, quæ sequitur annalium pars, tuam tutelam, Reverendissime ac Celssime Princeps, humillime respicit, nec minus præsidii a tua protectione, quam illa prior a suis Mæcenatibus sibi appromittit. Etenim post illos Furstenbergicæ familiæ, magnorum ac Perillustrium Virorum sæcundissimæ stirpis, proximus es, tam ex sorore Nepos, quam ex antiquissima apud Westphalos familia Plettenbergica ad ardua & magnam boni publici utilitatem feliciter procreatus, qui post varias laboriosas legationes ad primarios Germaniæ exterosque principes, post suprema Cathedralis & patriæ Monasteriensis officia administrata, tot ubivis specimina excelsæ Virtutis, sapientiæ, & in rebus gerendis dexteritatis signa reliquisti, ut ex Consiliario intimo, Cameræ & iudicii aulici Præside in Decanum & Vicarium generalem, ac tandem etiam in Episcopum ac Principem Monasteriensem omnium votis, communi lætitiæ, & applausu Patriæ electus sis; patere proinde, Reverendissime Præsul, Princeps Celssime, ut opus hoc continens præclara in prioribus sæculis Westphalorum gesta illi consecrem dedicemque, cujus sacram personam hac nostra ætate ejusmodi eximia opera & virtutes ad celeberrimam in Westphalia mytram evexerunt, cujus perillustrem & jam ante 600 annos Equestribus Germaniæ ludis celebrem familiam tam numerosa majorum gloriosa decora tantopere illustant. Ex quibus cæteros prætereundo (ne rem infinitam faciam) pace ut spero tua, vel unum referam, heroica inclytum virtute, varaque memorandum a felicitate Heroëm WALTERUM a PLETTENBERG, ordinis Teutonici Magistrum & primum Livoniæ Principem, totius Westphaliæ, imo verius universæ Germanicæ nobilitatis & nobilissimi ordinis insigne decus, qui post multa & magna cum Rigenfibus prælia, iisque ad obedientiam redactis, fugatisque ex Livonia Russis, aliisque feliciter gestis bellis, tandem anno 1502 (a) cum

(a) Vid. Bredemb. de bello Livon. Russorum. fol. 56. Boxtius lib. 2. de signis Eccl. & de rebus belli contra mach. c. 3. Herberstein tom. 1. sub fin. Levens. tom. 3. Hist. Polon. Ssangesfol. 1. 3. annal. circuli Westph. Chytræus. Venator in hist. ordin. Teuton. c. 13.



7000 equitum Germanorum, 5000 Livonum & exiguo peditum numero, sed magna in Deum & beatissimam Virginem fiducia, prævia ad suos magnanima & pia exhortatione, pro patriæ & Religionis libertate, centum & triginta Moscovitarum & Tartarorum milia uno prælio stupendæ internecioni dedit, dispersis ad duo milliaria germanica 100000 cæforum cadaveribus; post hanc ab omnibus retro sæculis vix auditam victoriam magno Moscorum Duci pacem 50 annorum, qua voluit, lege dedit. Demumque strenuissimus hic illius temporis Ecclesiæ & Religionis propugnator ob bellicam fortitudinem & singularem in Christianam Rempublicam & religionem merita ex Magistris Livoniæ jure primus Imperii Princeps anno 1515 creatus, eam dignitatem gloriosis suis factis nobilissimo suo Equestri ordini acquisitam ad successores in magisterio transmisit, postquam ordini & patriæ quadraginta & uno anno pie, patetne & laudabiliter, raro fortitudinis & pietatis exemplo, semper victoriosus præfuisse ac profuisse. hæc & similia, Celsissime Princeps, tuorumque majorum toga sagoque præclara gesta traxerunt me, ad hanc historiam de præclaris Westphalorum gestis tutelæ tuæ devotissime subjiciendam, sub qua facilem firmam & diuturnam eidem spero & opto defensionem, qui sum & maneo

## CELSITUDINIS TUÆ

humillimus servus  
Christoph. Nagel, Typographus.

## APPROBATIO R. P. PROVINCIALIS.

Ego infra scriptus Societatis Jesu per Rheni inferioris Provinciam Præpositus Provincialis, potestate mihi facta a Patre N. P. Thyrsio Gonzalez Societatis nostræ Præposito Generali, typis mandari permitto Librum a deputatis ad id censoribus ejusdem Societatis lectum & approbatum, cui titulus: ANNALIVM PADERBORNENSIVM PARS I. a P. Nicolao Schaten Societatis ejusdem Sacerdote publico usui donatum. In cujus rei fidem has literas manu propria, consuetoque officii Sigillo munitas dedi Paderbornæ 27 Septembris Anno 1692.

Henricus Weisweiler.

(L.S.)



PRIVILEGIUM

**MAXIMILIANUS  
FRIDERICUS**

DEI GRATIA

**ARCHIEPISCOPUS COLONIENSIS,**

S.R.I. PER ITALIAM

**ARCHICANCELLARIUS**

E T

**PRINCEPS ELECTOR,**

**SANCTÆ SEDIS APOSTOLICÆ LEGATUS NATUS,**

**EPISCOPUS MONASTERIENSIS,**

**WESTPHALIÆ ET ANGARIÆ DUX,**

**BURGGRAVIUS STROMBERGÆ, COMES IN KÖNIGSEGG-ROTTENFELS,  
DOMINUS IN ODENKIRCHEN, BORCKELOHE, WERTH, AU-  
LENDORF ET STAUFFEN, &c. &c. &c.**

**U**niversis præsentēs Literas Nostras visuris, lecturis; seu legi audituris salutem in Domino. Cum fidelis Nobis, dilectusque Antonius Wilhelmus Ascendorff Typographus & Bibliopola Monasteriensis humillime a Nobis petierit facultatem, & Privilegium imprimendi denuo Librum, cui Titulus: HISTORIA WESTPHALIÆ & ANNALIS PADERBORNENSES Auctore R. P. SCHATEN, ipsam operis dignitatem intuiti benignum in ejus preces assensum tribuentes eidem concedimus, & per præsentēs plenam, liberam, & omnimodam facultatem ac licentiam impertimur, ut ipse solus dictum Librum imprimere, & per Civitatem ac Diocesin Nostram Monasteriensem venalem exponere possit ac valeat; inhibentes insuper omnibus Typographis, Bibliopolis ac aliis quibuscunque Nobis subditis cujusvis qualitatis aut conditionis existentibus, ne prædictum Librum imprimere, alio transmittere, nec ulla ipsius nova exemplaria venalia exponere audeant, aut præsumant præter ea, quæ imposterum præfati Antonii Wilhelmi Ascendorff Typis excusa fuerint, & qui secus fecerit, Confiscatione omnium Exemplarium, & aliis gravioribus Pœnis mulctabitur. Nos eum in finem mandamus cujuscunque loci Præfectis, Judicibus, Gograviis, Prætoribus, Consulibus, cæterisque Præsidibus tam Urbicis, quam ruralibus, ut prædictum A. Wilhelmum Ascendorff ab omnibus molestiis semper tueantur, curentque, nequid contra Privilegium Nostrum ipsi concessum ab ullo attentetur. In quorum Fidem præsentēs Literas Manu Nostra subscriptas Sigillo Nostro communiri jussimus. Monasterii Westphaliæ die 13tia Novembris 1771.

(L.S.) **MAXIMILIANUS FRIDERICUS** Archiepiscopus & Elector,  
Episcopus & Princeps Monast.

Vt. F. de FÜRSTENBERG.

N. A. A. Schilgen.

# PRÆFATIO AD LECTOREM.

**H**abes hic, benevole Lector, quam dudum & nos promissimus, & tu desiderasti, *Historiæ Westphaliæ* a p. m. P. Nicolao Schaten S. J. antehac conscriptæ, & anno MDCLXXX. publico bono editæ continuationem; tametsi enim alter hic tomus inscribitur *Annalium Paderbornensium Pars prima*, non tamen in hac parte aliud proponitur, quam quod a Caroli M. obitu, in Paderbornensi Diœcesi & reliqua Westphaliæ provincia gestum est, dignumque occurrit, quod literis posteritati commendaretur. Licet etiam pars hæc Paderbornensis historia nominetur, noluit tamen auctor iisdem, quibus Paderbornensis Diœcesis finibus circumscribitur, *Annales* suos terminis incingere; sed cum præcipue *Antistitum Paderanorum* genus, electionem administrationem, obitum, aliaque præclare ab iis acta latius, ut datum fuit, prosecutus est; tum non leviter plerumque attigit res gestas ceterorum Westphaliæ Præsulum, aliorumque Virorum vel egregiæ virtutis fama, vel bellica fortitudine, vel religiosa munificentia, vel denique aliorum eximie factorum gloria celebrium, dignorumque, qui posteris in exemplum proponerentur. Nec hoc solum, latius subinde excurrendo, quid Moguntini præsertim Antistites, suis quilibet temporibus egerint, historiæ suæ modice inspergit, ratus, cum Carolus M. hanc ad Paderam Diœcesin Moguntinæ sedi subjecerit, non incongruum fore, si data commoda occasione, inter subjectorum commemorationem Antistitum, Metropolitanorum etiam Præsulum memoria celebraretur. Denique frequens in hac historia mentio est Pontificum, Imperatorum, Ducum & Principum, quam ut faceret auctor, motus fuisse videtur, quod jejuna nimis & multis locis abrupta historia prodiiisset, si ea tantum in lucem fuissent data, quæ hanc solummodo patriam concernunt. Adde quod & minus accepta fuisset, si non egressa e finibus suis, & plures Germaniæ partes complexa, latiore nomine suo materiam rerumque gestarum narrationem curioso hoc ævo lectori subministrasset. Nec tamen ita hac in re evagatur auctor, ut absque delectu arripiat proferatque, quæ extra Westphaliam gesta compertit, sed prudenti ea judicio selegit, quæ connecti aliqua ratione videbantur cum his, quæ proprio ad Westphaliam & diœcesin Paderbornensem jure spectabant. Ita quos sibi præscripserat limites videri non potest fuisse transgressus. Unum tandem, antequam ad annalium horum lectionem te dimittam, monere te debeo, deprehensurum te in libro eorundem primo annos aliquot admodum steriles, maxime ab anno 801, a quo transfilitur statim ad annum 813; cujus rei causa non est, quod nulla pro his suppeditata fuerit materia; sed quod in præcedenti tomo diffuse satis ea explicata fuerint, operæ pretium non fuit, illa hic repetere; quo enim anno 814 Carolus M. ad superos abiit, prioris toni narrata concluduntur; ac licet initio hujus toni aliqua ex præcedentibus recolantur, eaque referantur, quæ alias fuerant omissa; diffusior tamen rerum subsequentibus temporibus gestarum narratio non incipit, nisi ab anno 814, a quo proprie prioris toni acta continuantur. Vale & fruiere.







# ANNALIUM PADERBORNENSIIUM LIBER I.

Historia E-  
piscopos-  
rum Pader-  
bornens-  
ium.



Res gestas Episcoporum Pa-  
derbornensium, hi-  
storiamque Diœcesis  
scripturis a primor-  
diis suis, haud aliun-  
de nobis ordiri fas erit, quam ab ipso  
Carolo M. primo per Saxoniam Epi-  
scopatuum conditore; quem constat,  
debellatis harum regionum populis,  
Episcopos primum ac Sacerdotes intro-  
duxisse; quorum deinde doctrina, stu-  
dio, ac labore barbari homines ab ina-  
nium deorum cultu ad veri Numinis  
cognitionem, & a fœda gentium su-  
perstitione, longisque errorum tene-  
bris, quibus cœci ac dementati tot sæ-  
culis, a prima gentium in has oras  
transmigratione, tenebantur, in admi-  
rabile illud Christianæ religionis lumen  
tandem perducti sunt; quemadmodum  
nos superioribus libris, quibus res Ca-  
roli M. præclare gestas complexi su-  
mus, satis superque exposuimus. Ex  
quibus hic pauca etiam repetere neces-  
se habemus; dum ex communi totius  
Saxoniae Westphaliaeque descriptione, tan-  
quam velis in arctum contractis, ad par-  
ticularem hujus Diœcesis narrationem  
progredimur, ex flumine magno de-  
lati in rivum. Quo in cœpto operis eo  
etiam securius faciliusque procedere

licebit; quod horum Episcoporum  
res gestæ a FERDINANDO Principe  
& Episcopo primum, dum Romæ per  
novennium versaretur, magnam par-  
tem ex bibliothecæ vaticanae monumen-  
tis collectæ, deinde post Episcopatum  
adeptum singulari studio in annos & or-  
dinem sint digestæ. Hic enim ex tan-  
to Episcoporum numero unustandem,  
qui hanc curam cum animo suo serio  
complexus est, ut ceterorum, qui an-  
te ipsum hanc Carolinam Sacrorum  
Antistitem sedem tenuerunt, fama &  
nominis gloria ex situ & tenebris in  
novam quandam vitæ lucem reduce-  
ret; quando omnis mortalium vita ab  
excessu in vivorum memoria posita, &  
memoria sine literarum monumentis  
obscura & caduca est. Voluitque sa-  
pientissimus Antistes a Carolo M. &  
Hathumaro, primo Paderbornensium  
Episcopo, ad nostra usque tempora  
scriptionem deduci; qua in re prima  
gloria Carolo M. debetur. Multa ille  
per omnem vitam bella gessit adversus  
Longobardos, Saracenos, Hunnos,  
aliasque seu barbaras seu rebelles gen-  
tes; at vero uti nullum ab illo gestum  
diuturnius atque atrocius, ita nullum  
ab illo sumptum est constantius atque  
alacrius quam Saxonicum; propterea  
quod

A Ferdi-  
nando Epi-  
scopo ma-  
gnam par-  
tem colle-  
cta.

Initium  
ducit a Ca-  
rolo M.

Primo Epis-  
copatum  
in Saxonia  
conditor.  
Hieron. lib.  
contra Lu-  
cif. Epiph.

quod Saxoniam omnem non tam regno Francico, quam Christianæ religioni aggregandam suscepisset; ut gentem natalis Francorum soli a servitute dæmonum in libertatem Christianæ legis, & viam salutis asfereret. Inde quoties Romam profectus est, Saxoniam Christo & Divo Petro ad altare ex conceptis votis obtulit; ut sacrum hoc bellum potius votivumque quam profanum dixeris. Inde cetera fere bella filiis ac ducibus commissa; Saxonicum ipse suis auspiciis suaque præsentia administravit. Ac toties per triginta tres annos, ac supra etiam, ad senectutem usque armatus Saxoniam ingressus est, donec bellicosam gentem, toties perfidam ac rebellem, Francico imperio victor submitteret. Voti exinde compos, nihil sollicitius ac sanctius habuit, quam ut *omnem terram eorum, antiquo Romanorum more, in provincias redigeret, & certo limite descriptam disternatamque inter Episcopos divideret*; quemadmodum id Carolus in diplomate Bremensis & Verdensis Ecclesiæ iterato proficitur. Quod sane omnium, quæ per Saxoniam gessit, pulcherrimum operum ejus fuit, & immortalis annalium memoria dignum. Præclare nimirum intelligebat Rex, quod cum D. Hieronymo profitentur omnes sanæ mentis Christiani, *Ecclesiam esse non posse, quæ Sacerdotes non habeat*: & Sacerdotes creari non posse, ubi Episcopi non sint, *Patrum ac Sacerdotum generatores*. Qua veritatis voce libere olim prolocutus Cyprianus, Ecclesiam dixit esse in Episcopo, & Episcopum in Ecclesia, omnemque religionis structuram in sacerdotio tanquam fundamento consistere. Quamobrem sapientissimo Regi prima & salutaris cura fuit, universam Saxoniam in Episcoporum dioceses partiri, & cuique de Episcopis prospicere. Id vero cum totum sui juris non esse probe sciret, & grex recens ad ovile Christi attractus pastores exposceret; aut Hadriani summi Pontificis, aut legati Apostolici qui plerumque Carolo aderat) aut Metropolitanis auctoritatem sacram implorabat, quorum opera idoneis quæque dioceses Episcopis distributæ sunt. Visaque est non minus Saxonia, quam Regnum Franciæ, & omnes orbis Christiani provinciæ ac regna, jurisdictione sacra inter Episcopos divisa, in

florentissimam quoque Ecclesiæ formam consurgere. Ac ne Hierarchiam, quæ in Ecclesia ordinatissima semper fuit, desideres, Episcopos Saxoniam partim Moguntino, partim Colonienfi Archiepiscopis subjecit. Quo veteri instituto atque ordine etiamnum ad suos hosce Metropolitanos Carolini sese Episcopi referunt.

Descriptis accurate terminis ac finibus singularum diocesium, ne in vacuum domum sponso Ecclesiæ introduxisse videri posset, dotavit decimis Episcopos ac Sacerdotes, auxit prædiis & amplis bonorum possessionibus, exornavit privilegiis & regalium etiam jure, supra quam vel in Regno Franciæ, vel ulla orbis Christiani parte regia unquam liberalitas fecerat; tanquam Episcopos sacrorum Reges, & Saxoniam sacerdotalem terram esse voluerit. Quod cum ex ceteris donationum tabulis, tum vel maxime ex utroque Caroli diplomate, Verdensis & Bremensis Ecclesiæ, constare potest, quo in hæc verba, omni posteritatis memoria digna, effatur Imperator. *Noverint omnes Christi fideles, quod Saxones, quos a primogenitoribus nostris ob suæ pertinaciam perfidiæ semper indomabiles, ipsique Deo & nobis tam diu rebelles experti sumus, quousque illius, non nostra virtute; ipsos & bellis vicimus, & ad Baptismi gratiam, Deo annuente, perduximus, pristinae libertati donatos, & omni nobis debito censu solutos, pro amore illius, qui nobis victoriam contulit, ipsi tributarios & subjugales devote addiximus, videlicet, ut qui nostræ potestatis jugum hætenus ferre detrectaverunt, victi jam (Deo gratias) & armis & fide, Domino Salvatori nostro Jesu Christo & Sacerdotibus ejus omnium suorum jumentorum & fructuum, totiusque culturæ decimas ac nutrituræ divites ac pauperes legaliter constricti persolvant.*

Magnæ vel his decimis opes Sacerdotum, si integræ, ut a Carolo præscriptæ sunt, permansissent apud posteros.

Episcopatus, quos Carolus M. primum in Saxonia condidit, octo fuere, Osnabrugensis, Halberstadiensis, Paderbornensis, Mindensis, Verdensis, Bremensis, Mimigardevordensis seu Monasteriensis & Hildesienensis. Ita fasti singulorum, & scriptores passim uno consensu tradunt. Hos dum vixit Rex & Impe-

Qui amplius  
eos juribus  
ac bonis  
dotavit.

Episcopus  
tus a Caro-  
lo M. con-  
diti.



Imperator, suis finibus descripsit & absolvit; quibus additos præterea duos imperfectos reliquit; Schidrensem & Hamburgensem. Atque hunc in modum decem passim Episcopatus Carolini numerantur. Hamburgensem Ludovicus Pius Imperator, Caroli filius, explevit: Schidrensem, cujus prima sedes apud nos Schidroburgi in montibus Teutonicis intra Angrivarios designata fuit, alii Principes ac Cæsares alio atque alio transstulere, donec Otto M. Magdenburgi in stabili & Archiepiscopali sede collocavit. Singulis a Carolo sui Episcopi & pastores dati: Osnabrugensi Wiho, Halberstadiensi Hildegimus D. Ludgeri frater, Paderbornensi Burchardus Herbipolensis Episcopus vicario opere commissus; dum Hathumarum postea a Carolo proprium Episcopum acciperet: Mindensi Herimbertus, aut, ut alii vocant, Hercumbertus impositus; Verdeni Suitbertus, Bremensi Willehadus, Monasteriensi Bernardus primum religiosus Abbas, ac deinde Ludgerus: Hildefiensi Guntherus; atque hi vivo Carolo Episcopi consecrati. Hamburgensi Heridagus Presbyter; ex quo gradu Albertus etiam Sacerdos Schidrensi præstitutus traditur. Omnes illi primi Saxoniarum pastores magno delectu a Carolo conquesti, virique Apostolico munere clari; quos aut vitæ innocentia fervoreque proferendæ religionis, aut doctrinæ præstantia, aut fama sanctimoniarum, aut miraculorum etiam dono aurea illa ætas ex primo religionis flore illustres sortita est; ut cum D. Augu-

stino dicere liceat: *Ecce illi viri graves, docti ac sancti, & fama totius Ecclesiæ contestante, Catholici, quod invenerunt in Ecclesia tenuerunt, quod didicerunt, hoc docuerunt, quod a Patribus acceperunt, hoc filiis tradiderunt.* Ab his deinde primis Saxoniarum nostræ Episcopis perpetua illa ac continens aliorum Episcoporum successio, ad quam fasti singulorum per tot a Carolo M. sæcula se revocant. Quamquam duo tantummodo ex his Catholicæ religioni Episcopatus integri; Paderbornensis & Monasteriensis: ceteri aut toti, aut ex parte in alienam cum hæresi potestatem concessere, ipso etiam sacratissimo Episcopatus nomine abolito. Ita adversis sæculi fati factisque sensim ad deteriora devolvimur. Auditus aliquando Carolus homini Ecclesiæ bona petenti respondere: *Satius est nobis non habere regnum terrenum, quam æternum perdere; plus enim confido Deum posse per Sanctorum suorum merita & preces nos adjuvare, quam per omnem militiam secularem.* Quid enim, inquit, bona Ecclesiæ: nisi *vota fidelium, pretia peccatorum, & patrimonium pauperum, quæ non solum habita conservare, verum etiam multa, Deo opitulante, conferre optamus.* Et quæ in hanc rem etiam per execrationem, & provocationem ad supremum Numinis tribunal, sancita a Carolo. Sed hæc querelæ, undecunque tandem suas origines causasque habeant, hic ingratae atque importunæ, ab initio certe scriptæ absint; exordia potius Christianæ religionis, claramque Paderbornam cum belli initiis reddamus.

Duo tantum ex his Episcopatus Catholicis supersunt.

Lib. I. Cap. p. 1. 23

## Annus Christi 772.

Hadriani Pontif. I. Caroli M. Franc. Reg. 5.

Bellum Saxonicum, quod Carolus Martellus Caroli avus, ac Pipinus Pater, ceterique ante ipsum Francorum Reges affectum reliquerant, coëptum est a Carolo M. Francorum Monarcha anno Christi septingentesimo septuagesimo secundo; postquam Wormatiæ in comitio Episcoporum ac procerum Franciæ decretum est, gentem toties Carolo Martello & Pipino Regi perfidam, Christianisque ad Isalam ac Rhenum & per Hassiam incolentibus infestam, omnibus regni Francici viribus aggredi, ac subigere in obsequium. Evocatus hanc in rem Sturmio primus Fulden-

sium Abbas, vir Pipino Regi percarus, & Carolo a consiliis. Is quia ex D. Bonifacii disciplina Hassiam prope omnem Christi sacris a Bonifacio imbutam excolebat, & sæpius e vicinis Hassiæ regionibus per Westphaliæ Evangelii doctrinam proferre incassum tentarat, gentis pertinacia omnes conatus eludente, magnopere quoque Carolo belli inferendi, ulciscendique perfidos, auctor ac ductor fuit. De his belli initiis ita Ægil Fuldensium Abbas, Sturmionis per xx. annos discipulus, qui hæc ejusdem Sturmionis comes coram spectare potuit. *Regnante feliciter Domino Rege*

Auctore præter ceteros D. Sturmione

A 2

Karolo

Primi fin-  
gulum  
Antistites.

Omnes do-  
ctrina &  
sanctitate  
clari.

Carolus M.  
Bellum Sax-  
onicum  
inchoat.  
Ann. Franc.  
Eginard. in  
vita Caroli  
Ægil in vi-  
sa Sturm.

Karolo annos quatuor, Saxonum gens  
*ſæva & infeſtiſſima cunctis fuit, & pa-*  
*ganis ritibus nimis dedita. Rex vero Ca-*  
*rolus Domino ſemper devotus, cum ipſe*  
*Chriſtianiſſimus eſſet, cogitare cœpit,*  
*qualiter gentem hanc Chriſto acquirere*  
*quiviſſet. Inito ſervorum Dei conſilio*  
*(inter quos Sturmio) popoſcit, ut pre-*  
*cibus Dominum votis ſuis annuere obti-*  
*nerent. Congregato tam grandi exerci-*  
*tu, invocato Chriſti nomine, in Saxo-*  
*niam proſectus eſt, aſſumptis univerſis*  
*Chriſti Sacerdotibus, Abbatibus, Pres-*  
*byteris, & omnibus orthodoxis ac fidei*  
*cultoribus, ut gentem, quæ ab initio*  
*mundi demonum vinculis fuerat obliga-*  
*ta, doctrinis ſacris mite & ſuave Chriſti*  
*jugum credendo ſubire feciſſent. Præ-*  
*claro Principum documento, bella non-*  
*niſi Sacerdotum precibus & comitatu*  
*eſſe ingredienda. Igitur traduſto ad*  
*Moguntiam per Rhenum exercitu, in-*  
*de per Weteraviam Haſſiamque digreſ-*  
*ſus, intra fines Saxoniz Eresburgum,*  
*apud nos in prærupto monte caſtrum,*  
*celebre gentis fano & ſimulacro Irmen-*  
*ſul, expugnat, ejeſtoque Saxonum*  
*præſidio, Idolum & fanum ſubvertit;*  
*ac primam iſtic Chriſtianæ religionis ſe-*  
*dem collocat, ubi gentis ſuperſtitio; im-*  
*pietatis conventus, cultumque inanum*  
*Deorum habebat celeberrimum. Præ-*  
*tereo hic quæ ſcriptores noſtri de Idolo*  
*Irmenſul, quæ de fano gentis, aut*  
*quæ annales Francorum de miraculo*

Eresbur-  
 gum expu-  
 gnat.

fontis, & aquis ſitienti per caſtra mili-  
 ti cœlitus præbitis, tam copioſe perhi-  
 bent. Expugnato Eresburgo, Carolus  
 ad Viſurgim movet, & quæ iſtic caſtra  
 præſidiaque Saxonum, occupat; inter  
 quæ & Heriſtallum ad Viſurgim in edi-  
 to monte caſtrum reputes, quod pri-  
 mam Episcopii Paderbornenſis ſedem  
 poſtea eſſe voluit Carolus. Ac poſt-  
 quam exercitus late per Weſtphali-  
 am vagatus terrorem circumtulit, Saxones  
 Carolo ſe ſupplices ſiſtunt, pactique  
 de ſalute & obſequio Regni Francici,  
 xii. obſides dant. Quibus conſiſus Rex  
 exercitum ad Rhenum reduxit. Et  
 quia ea expeditione Carolus multos E-  
 piſcopos, Abbates & Sacerdotes ſecum  
 duxerat, uti Ægil Abbas hæc memorat,  
 conſultum habuit Rex intra Luppiam &  
 Dimolam munitioribus locis Sacerdotes  
 relinquere, qui rudi populo Chriſtianæ  
 legis doctrinam, per vicos excurren-  
 do, explicarent, & Baptiſmi Sacra-  
 mentum traderent. Inde veriſimile ex  
 tanta hominum multitudine, quæ haud  
 multo poſt circa fontes Luppiæ ſeſe ad  
 Baptiſmum obtulit, extitiſſe, qui rudi-  
 menta Chriſtianæ legis didicerint, quæ  
 per Sacerdotes a Carolo relictos, vel  
 commercia cum Haſſiæ incolis edocti  
 habere poterant. Hoc ſalutare, primæ  
 Chriſtianæ religionis initia per Weſt-  
 phali-  
 am in hac diceceſi, hac prima Ca-  
 roli expeditione invaluiſſe, quæ exinde  
 planius cognoscuntur.

Relinquit  
 in Weſtph-  
 alia Sacer-  
 dotes fidem  
 Chriſt. pro-  
 pagaturos.

## Annus Chriſti 773. 774.

Hadriani Pont. 2. 3. Caroli M. Franc. Reg. 6. 7.

Carolo in  
 Italiam  
 proſecto,  
 Saxones  
 rebellant.  
 Ann. Franc.

Sed rerum ſtatus adhuc fluctuans  
 abruptusque; quando a tam proſperis  
 initiis Carolus altero mox anno bello  
 Italico avocatus, quod adverſus Lon-  
 gobardos, eorumque Regem Deſide-  
 rium vexatorem Romanæ Eccleſiæ, ro-  
 gatu Hadriani Pontificis, ſuſcepit. Per  
 hunc Caroli diſceſſum Saxones, facta  
 procerum conſpiratione, Eresburgo  
 Francos ejiciunt. Inde in Haſſiam pro-  
 greſſi, fines regionis ferro flammaque  
 devaſtant. Tum Friſlariam delati, Ba-  
 ſilicam, quam D. Bonifacius conſtru-  
 xerat & dedicarat, ſubjectis ignibus  
 incendere aggrediuntur; tanquam fani

fui Eresburgi ruinas ulturi, fontemque  
 Evangelii obſtruſturi. Verum injecta  
 divinitus trepidatione, incendiarii ce-  
 terique averſi, cœptumque hoc faci-  
 nus intermittere compulſi, poſt con-  
 quiſitos ad necem Sacerdotes, turba-  
 tosque Chriſtianorum cœtus, cum præ-  
 da intra ſuos fines regreſſi ſunt. Quæ  
 ubi Carolo nunciata, juiſſit exercitum  
 tripartito ire in Saxoniam. Atque is  
 incendiis & direptionibus vicinas re-  
 giones depopulatus, complures etiam  
 Saxonum, qui ſe in armis obtulerant,  
 cecidit, & cum ingenti præda paulo  
 poſt trans Rhenum rediit.

## Annus Chriſti 775.

Hadriani Pont. 4. Caroli M. Franc. Reg. 8.

Sed a Ca-  
 rolo redu-

At Rex ex Italia reverſus in Ger-  
 maniam, iraque juſta plenus ulciſcen-

di perfidiam Saxonum, ſtatuit bello  
 gentem perſequi, dum aut victam

ce ad fidem  
 & obſe-



quiam re-  
ducuntur.  
Ann. Franc.  
Vetus Poeta.

Christianæ religioni submitteret, aut captam sedibusque suis avulsam (quod Tiberius & Constantinus M. fecerat) per alias regiones dispergeret. Quam in rem Duria conventum Episcoporum ac procerum totius Franciæ Germaniæque indixit; ex eoque, quod bellum omnes approbassent, cum exercitu Rhenum transgressus primum Sigeburgum ad Ruram castrum expugnat; ejectioneque istuc præsidio Saxonum, Eresburgum accelerat. Id quia a Saxonibus destructum erat, reparat munitis, & præsidio Francorum firmat. Inde ad Visurgim movens Brunsbergam obsidet, castrum videlicet ex edito monte Huxariæ imminens. Ibi cum in adversa Visurgis ripa Ostphali Saxones starent armati, Carolo transitum prohibitori; Rex hostes aggressus in fugam abjicit, magnaue caelorum clade obterit. Inde ad Ocrum fluvium ducto exercitu, Hesso dux cum primoribus & Ostphalorum multitudine sup-

plex occurrit Regi; cui postquam obsides dederunt, fideique Sacramentum jurarunt, recepti sunt in gratiam. Mox reflexo ad Visurgim exercitu, in pagum Buchi (quem locum Bokam ad Luppiam intra diocesis hujus fines haud procul Delbruggia nonnulli designant) Angrivarii convenire jussi: & hi territi Regis potentia, haud secus quam Ostphali, fidem Carolo jurant, obsidesque dant. Inter hæc pars exercitus ad inferiorem Visurgim ire jussa; positisque ad Ludbeki vicum castris (quem Lubbeke hodieum esse volunt infra Mindam) dolo Saxonum castra ingressorum haud levi clade affecti Franci. Quo postquam e vestigio advolarat Carolus, fugientes Westphalos consecutus, ingenti hostium strage ultus est suorum jacturam. His fracti Westphali, haud secus quam Ostphali & Angrivarii fecerant, paciscuntur, datisque obsidibus & jurata fide Regi se submitunt.

## Annus Christi 776.

Hadriani Pontif. 5. Caroli M. Franc. Reg. 9.

Ann. Franc.

Jam totam Saxoniam Rex in suam potestatem venisse existimabat, in quam secure Christi religionem introduceret; cum subito in Italiam ad Rodgaudum Longobardorum ducem rebellantem, regnumque affectantem avocatur. Vix dum Alpes transcenderat Rex, cum Saxones nunciantur per ejus discessum Eresburgum arcem expugnasse, ejecto Francorum præsidio; Sigeburgum oppugnatum quidem, sed militum fortitudine & cœlesti ope defensum; ac longe atrociora machinari, nisi subsidia adfint. Quapropter Rex compositis in Italia turbis, ea qua venerat celeritate, ex Italia in Germaniam properavit; indictoque Wormatiæ conventu procerum, ac bello ab omnibus comprobato, exercitum per Rhenum transmisit; famamque præveniens, stetit Carolus cum exercitu in visceribus Westphaliæ, atque ad fontes Luppiæ castra metatus est: ubi ingentem hominum multitudinem, miserabili supplicum aspectu, virorum, mulierum, senum, juvenum & puerorum occurrentium habuit, ultra ad Christianam religionem ac Baptismum sese offerentium; quos miseratus Rex in gratiam recepit; confususque gentis promissionibus ac la-

Carolus ite-  
rum rebel-  
lantes Sa-  
xones bello  
domiros in  
gratiam re-  
cipit.

crymis supplicum, cum id sincere eos, petere crederet, & per Sacerdotes quantum fas erat, instrui jussisset, fonte Baptismatis ablui permisit. Quamquam multi ex his simulato fidoque animo id fecerint, qui tam Regi postea, quam Deo datam fidem fefellerunt. Et vero per id tempus primores quoque gentis Westphaliæ & Angrivariæ convenisse, & fidem denuo in publico conventu jurasse Regi, satis Francorum annales perhibent; quando imperatos quoque obsides pro ritu fœderum pactorumque post rebellionem dare jussi sunt. Versabat in omnem modum Carolus Saxonum animos, quo ad Christianam religionem amplectendam induceret. Atque ut Ægil Abbas de hisce expeditionibus scribit, Carolus *partim muneribus, partim promissis & persuasionibus, magna ex parte Saxonum gentem ad Christi fidem perducere contendit*. Et consilia conatusque processissent, si ut populi, ita proceres religionem ante gentis libertatem æstimassent.

Per id tempus jussit Carolus Eresburgum castrum, quod Saxones denuo subverterant, instaurari. Aliud deinde

Castrum ad  
confluentes  
Almæ, Lup-  
piæ & Pa-  
deræ fontes  
erigit.

deinde castrum ad Luppiam flumen extruxit. Et utrumque non modico Francorum præsidio firmavit. At quo loco postremum hoc positum fuerit, dissentiunt Auctores: alii collocant, ubi Glæna Luppia miscetur; quidam Lipstadii, quæ urbs istic nomen Luppia servavit. Verisimilius alii ad confluentes Almæ & Luppia ac Paderæ, atque in veteri Alifonis castelli loco, intra Luppia ac Paderæ fontes, situ, quem natura præmunit, ubi nunc arx ac sedes Paderbornensis Episcopi visitur. Non alius in Westphalia Saxoniave universa locus, in quo Carolus frequentius versatus, aut castra posuerit, aut synodos conventusque populi celebravit, aut legatos audierit; quam hic vel ad Luppia, Paderæque fontes, vel horum trium amnium Luppia, Paderæ atque Almæ confluentes. Quare dum annales Francorum scriptoresque veteres Luppia fontes aut Paderbornam memorant, totum illum complexum locorum designari ac plerumque

permisceri reputes, quo intra unum leucæ spatium fontes horum amnium & confluentes tanquam in triangulo aspicias. Quamquam Paderæ fontes ob naturæ beneficium ac miraculum, quibus Saxonia Germanique nihil propemodum habet jucundius aspectabiliusque, oppido primum, deinde urbe ac metropoli diocesis hujus nobilitati sint. Defenbergam præterea arcem in edito coronatoque monte hac expeditione, ejectione Saxonibus, expugnatam tradit Regino; quemadmodum alias quoque arces & castra aut erepta Saxonibus, aut præsidiiis firmata perhibent Francorum annales. Sed neque situm horum locorum, fontesque amnium, neque castra arcesque, quales Eresburgum, Brunsberga, Boka, Defenbergam, supra memorata, hic describere necesse; quod id erudite explicatque a FERDINANDO Principe in monumentis Paderbornensibus sit præstitum. Res gestæ horum locorum nuda narratione proponenda.

## Annus Christi 777.

Hadriani Pont. 6. Caroli M. Franc. Reg. 10.

Ann. Franc.

Carolus  
Comitia  
Paderbor-  
næ habet.

Post quæ  
religio  
Christiana  
florere inci-  
pit.

Anno igitur abhinc proximo, ut ea, quæ superiori anno prospere cœpta erant, confirmaret, Saxonumque animos ad obsequium Francorum, & Christianam religionem componeret; Carolus Noviomago, ubi Pascha egerat, cum valido exercitu Saxoniam ingressus, Paderbornæ totius populi Saxonicæ conventum indixit. Quo cum venisset in comitatu sacrorum Præsulum ac procerum Franciæ, reperit quoque totum gentis senatum populumque Westphaliæ, Angariæ & Ostphaliæ convenisse, præter Widekindum, unum ex primoribus Westphalorum, eorumque Ducem; quod is multorum sibi facinorum conscius ad Sigifridum Danorum Regem profugerat, quippe omnis, qua hæcenus fatigatus Carolus, rebellionis barbarumque concitor. Ceteri qui venerant Saxones, summi infimique, se Regis potestati submisere, eoque recepti in gratiam; sed ea lege, iterum si pactam juratamque fidem violarent, omni libertate exciderent, bonisque exuti, avitis suis sedibus ejicerentur. Tum libertas Christianæ religionis facta per Saxoniam, atque ingens rursus hominum

multitudo Baptismatis fonte abluta. Tum constructæ variis in locis Ecclesiæ; & has inter una erecta Paderbornæ, honorique Salvatoris dedicata; ut præter binos Annalium Francorum pervetustos codices, hisce memorat antiquum Monasterii S. Galli Chronicon: *Anno 777. fuit Dominus Rex Karolus in Saxonia ad Patrisbrunna, & ibi edificavit Ecclesiam in honore Salvatoris.* Et Monachus Divionensis in Cœnobii sui Chronico apud Lucam Dacherium tom. I. Spicilegii, ad annum DCCCLXXVII: *Gloriosus, inquit, Rex Carolus venit Saxoniam, loco qui vocatur Patrisbrunna; & ibi habuit placitum magnum: & ibi convenerunt Saxones ad baptismum Catholicum; edificaveruntque ibi Ecclesiam Franci, multaque millia populorum ibi baptizati sunt, ea conditione a Rege proposita, & ab illis suscepta, ut abjecto dæmonum cultu, & relictis patriis cæremoniis, Christianæ fidei Sacramenta susciperent, & Francis adiuncti unus cum eis populus efficerentur.* Tum denique revocati Sacerdotes, qui rudem populum in suscepta religione excolerent. Quos inter D. Sturmio per id tempus a Carolo

Prima Pa-  
derbornæ  
Ecclesia  
erigitur.

rolo evocatus adfuit; de quo Ægil Abbas, æqualis illorum temporum scriptor inspectorque, hæc memorat. Suscepto igitur prædicationis officio, curam modis omnibus impendit, qualiter non parvum Domino populum acquireret. Sed temporibus instabat opportunis, sacris eos sermonibus docens, ut Idola & simulacra dereliquerent, Christi fidem susciperent, Deorum suorum templa destruerent, Lucos succiderent, sanctas quoque Basilicas ædificarent. Quo cum multum temporis prædicando & baptizando cum suis presbyteris peregisset, & per regiones quasque singulas Ecclesias construxisset; iterum postea Saxonum gens prava & perversa, a fide Christi devians, vanis se erroribus implicavit; congregatoque exercitu ultra fines

suos egressa est, & usque ad Rhenum vastando & depopulando cuncta pervenit. Cumque inde reversi essent, infesta cæde, quoscunque invenire potuerunt, trucidarunt. Atque hæc illa funesta Saxonum rebellio & irruptio, de qua proximo anno referemus. Interim confusus Carolus præsentibus, quæ cum Saxonum gente transegerat, auditisque, qui Paderbornam ad illum venerant; Saracenorum legatis, traductoque per Rhenum, exercitu, rediit in Franciam, eo tum etiam securior, quod Eresburgum, ceteraque quædam castra intra Saxonum fines prædiis Francorum firmata reliquisset; nulla parte Westphaliæ tum magis excoli cœpta, quam quæ a Luppia ad Hassiæ jam Christianæ fines se porrigebat.

## Annus Christi 778.

Hadriani Pont. 7. Caroli M. Fran. Reg. I I.

Carolus ad-  
versus Sa-  
racenos in  
Hispaniam  
movet.  
Ann. Franc.  
Ægil in vi-  
ta Saxonum.

Rebellant?  
Saxones  
auctore  
Widkindo

Bellum exinde Hispanicum suscitatum Paderbornæ a legatis. Prosperum id quidem, siquidem superatis Pyrenæis montibus, Pampelonam, multasque Hispaniæ civitates, ejectis Saracenis, expugnavit: at in reditu haud levi clade affectus est intra saltum angustias a Vasconum gente; quemadmodum hanc cladem Rulandi & tot clarorum militum præfectorumque multis exaggerant annales Francorum. Per hunc Caroli discessum ex Germania, Widekindus e Daniæ latebris erupit, & quas collegerat in Dania & Frisia copias, cum Saxonibus conjunxit, cum quibus deinde ad Rhenum inferiorem furentis in modum, omnia vastando, proruit: si non ad Isalam etiam prius turbata Christianorum sacra, ut scriptor vitæ Ludgeri insinuat. Certe D. Ludgerus de hac furiosa irruptione scribit, Saxones in Cæsaris Insula, ubi sepulchrum D. Suiberti colebatur, barbarum in modum exussisse templum, trucidasse Sacerdotes & Christianos; quos inter tres Westphalorum Satrapas memorat, ob sacrilegium ulticem mox Numinis manum sensisse, ac nullum ex his miserabilius quam Ogellum Paderbornensem. Interemptis in Cæsaris Insula Sacerdotibus, & cæsis prope ad internecionem incolis Christianis, Saxones ripam Rheni ascendunt, tentantque Co-

loniæ Rhenum transire, & in ipsam Franciam proruere. Id cum Franci armati non ferrent, movit Duitio prædatorius ille exercitus ad confluentes Mosellæ; quo in transitu totus ille tractus Rheni barbarum in modum vastatus; exusta Ecclesiæ, eversa cœnobia, constuprata sacra Virgines, trucidati Christiani, nullo ætatis sexusque discrimine, ut Francorum etiam annales perhibent: ut liquide satis constiterit, eos non tam prædandi quam ulciscendi causa terminos Francorum, qui tum in alteram Rheni ripam cum Christi religione prolati erant, intrasse. Ab Rheno deinde flexo itinere in Hassiam se vertunt, eo furore grassati in Ecclesias, cœnobia, Sacerdotes, ac Monachos, ut omnia istic incendiis & cædibus sint funestata. Ad quam irruptionem Sturmio Abbas, qui a Visurgi se Fuldam receperat, cum didicisset eos extrema suo cœnobio intentare, consultum habuit, corpus D. Bonifacii, quod jam per viginti quatuor annos istic quieverat, Hameleburgum ad tutiorem locum transportari. Quæ Chronotaxis iis favet, qui Bonifacium anno Christi 754. obiisse tradunt, aliis passim ad sequentem annum referentibus martyrium ejus. Ipse Sturmio in Weteraviam profugus discessit. Ad hunc sævum processum rursus prospera Christianæ religionis initia per diœcesin Paderbornensem conturbata sunt.

Annus



# Annus Christi 779.

Hadriani Pont. 8. Caroli M. Franc. Reg. 12.

Saxones  
ceduntur  
a Francis.  
Ann. Franc.

At postquam hæc Carolo renun-  
ciata sunt, succensus ira, ob gentis  
jam toties perfidæ sacrilega facinora,  
repente Francos orientales & Aleman-  
nos pro imperio mittit, qui Saxones  
insequantur. Aliam deinde ex Francis  
suis turmam expedit, quæ, ceteris  
aberrantibus, e vestigio hostem conse-  
cuta ad Adranam flumen, adortaque  
in ipso vado tanta clade sternit mactat-  
que sacrilegos, vix ut pauci cum præ-  
da ad suos redierint. Carolus exinde  
celebratis Natalitiis Christi & Paschate  
Heristalli ad Mosam, Duriam conten-  
dit, & synodum Episcoporum ac pro-  
cerum convocat. Multæ in hac (quæ  
extant) salutares leges sancitæ; simul-  
que de summa rei, ulciscenda nimirum  
Saxonum perfidia, ferventibus omni-  
um animis actum. Ad quorum cohor-  
tationes ac preces Carolus cum exer-  
citu Rhenum transmittit, adlectisque  
in comitatum Episcopis ac Sacerdoti-  
bus, ad Luppianam pervenit; quem  
transgressus, ad Bocholdiam armatos  
Westphalos sibi occurrentes habuit.  
His ad primum congressum fœde pul-  
sis fugatisque victor Westphalam in-  
greditur, circumspectoque Mimigar-  
devordia, uti opinari fas erit, oppor-  
tuno loco, ubi Episcopi sedem collo-  
caret, proceres gentis advocat; expro-  
brataque perfidia, cum supplices ad  
clementiam appellarent, obsides dare  
iussit, & juramentum dicere; ita in  
deditionem & gratiam recepti. Inde  
cum exercitu ad Visurgim progressus,  
Angrivariorum & Ostphalorum pri-  
mores obviam missos habuit, qui obsi-  
des darent, & Sacramentum fidei pro  
tota gente jurarent. Quibus Rex pla-

Recipiunt  
in gratiam a Car-  
olo Rege.

catus, militem a vindictis prioris inju-  
riæ inhibuit, eo cumprimis, quod li-  
bertatem Christianæ religionis recipere-  
rent. Aderat hac expeditione a Caro-  
lo evocatus Sturmio Abbas cum suis  
presbyteris & religiosis viris, qui prio-  
rem Evangelii culturam per australem  
hujus diocesis partem repetere aggres-  
sus, colligere dispersos populi cætus,  
ordinare Ecclesias; & Baptismo abluere  
cœpit, nihilque aliud per se & suos  
contentius egit, quam ut abjecto ido-  
lorum cultu, miseri ac cæci ad Christi  
& veri Numinis sacra transfirent. Quo  
in opere cum jam senio etiam præfra-  
ctus esset, cœpit gravi morbo tentari;  
quod ubi compertum Carolo, iussit  
Eresburgi quiescere, addito etiam Win-  
tero medico suo, qui valetudinis cu-  
ram haberet. Tam carus Regi erat  
Præsul, in quo D. Bonifacii, cujus tot  
annis discipulus fuerat, spirabat fervor  
in conversione barbararum gentium;  
ob quam relicta etiam Fuldensis cœno-  
bii præfectura ultro se Carolo adjun-  
xerat, non dedignatus, etsi e primaria  
Noricæ gentis nobilitate oriundus esset,  
circuire vicos, docere rudem popu-  
lum, & baptismo neophytos abluere.  
Increfcente morbo Fuldæ delatus hoc  
anno finem innocentis vitæ & laboris  
habuit, fama sanctitatis apud posteros  
relicta, quem Fuldenes primum Ab-  
batem fortiti, & cum Bonifacio pri-  
mum cœnobii conditorem venerantur.  
Dignus etiam quem Paderbornenses  
inter Apostolicos hujus diocesis viros  
& doctores gentium colant; perinde  
ut a scriptoribus etiam olim Apostolus  
Saxonie est appellatus.

S. Sturmio  
post felices  
plurimum  
annorum  
labores obit  
Ægil in vlt  
sa.

# Annus Christi 780.

Hadriani Pont. 9. Caroli M. Franc. Reg. 13.

Ann. Franc.

Hoc felici rerum successu provo-  
catus Carolus, tanquam modo Saxo-  
niam terrore armorum victam, ultro-  
que se religioni Christianæ dedentem  
possideret, proximo abhinc anno octo-  
gesimo supra septingentesimum, sub  
initium veris, in Saxoniam cum exer-  
citu acceleravit. Nihilque in primo  
accessu intra fines Westphaliæ antiquius

habuit, quam ut Eresburgum arcem  
inviseret, in qua primam religionis se-  
dem posuerat, sub tutela Francici præ-  
sidii. Eresburgo ad fontes Luppia  
movit, ubi castra metatus stativa ha-  
buit. Sunt, qui ingentem rursus ho-  
minum turbam se ad Baptismum obtu-  
lisse scribant. Quanquam Paderborna  
ex eo anno multo celebrior synodo  
Episco-

Synodus  
Lippienfis  
seu Pader-  
bornens. II.  
Alia Concil.  
general.  
Regino.  
Crantzius  
Gobelinus.

Initio quo-  
rundam E-  
piscopatu-  
um Saxo-  
nicorum ad  
hunc an-  
num a non-  
nullis revo-  
cantur.

Episcoporum ac procerum, quam Lip-  
piensem appellant scriptores, in qua  
de Episcopatibus quibusdam ordina-  
tum, & de Catholica religione firman-  
da actum. Sane Mindensis, Halber-  
stadiensis, aliæque Ecclesiæ ad hunc  
annum exordia suorum Episcopatuum  
referunt; quemadmodum Gobelinus,  
celebris inter nostros scriptor, primor-  
dia Paderbornensis Ecclesiæ nostræ eo-  
dem revocat. *Erexit Carolus, inquit,  
quandam Ecclesiam in Paderborna,  
quam commisit Episcopo Wirtzeburgensi  
respicendam, donec de Episcopo posset  
eidem loco tuto providere. Et hæc Ec-  
clesia incepta est anno Domini septin-  
gesimo octogesimo.* Et quid verifi-  
milis? quam ei parti Saxonica pro-  
spexisse primum de Pastore, quæ pri-  
ma inter ceteras D. Sturmionis opera,  
baptizatis tot hominum millibus, Chri-  
sti fidem amplecti cœpit; & in quam  
ex vicina Christianaque jam Hassia Sa-  
cerdotum & Monachorum operæ sub-  
mitti poterant; quæque prædiis ca-

strorum Francicorum inter Luppian,  
Visurgim & Dimolam ante alias tuta  
ac præmunita erat. Quanquam prima  
Episcopi sedes non Paderbornæ, sed  
Heristalli in castro ad Visurgim collo-  
cata sit. Unde Episcopi Paderbornen-  
ses primum Heristallenses dicti ferun-  
tur a nomine, quod postea loco a sta-  
tione & hibernis Caroli inhæserit; haud  
secus quam Sturmioni Eresburgum in-  
tra fines hujus diocesis sedes data fuit.  
Cetera hujus Lippiensis Synodi acta,  
ut aliorum complurium, temporum  
injuria interciderunt. Sacris civilibus-  
que per Westphalam constitutis, Rex  
trans Visurgim duxit exercitum, pari  
solicitudine cum Orientali Saxonum  
gente transacturus. Quam in rem ad  
\* Ocrum fluvium eorum proceres po-  
pulumque convenire imperavit: ubi  
inter cetera ita de Christiana religione  
actum, ut magna gentis turba sese in  
Horheim ad Baptismum obtulerit, quam  
& salutari fonte ablui permisit.

Prima Epi-  
scopi Paderborn.  
Sedes Heris-  
talli fuit.

\* al. Oba-  
crum.

## Annus Christi 781. 782.

Hadriani Pontif. 10. 11.

Caroli M. Franc. Reg. 14. 15.

Carolus M.  
Romanus ad  
Pontificem  
proficiscitur.  
Ann. Franc.  
Auctor vi-  
ta Caroli.  
Pacta ab eo  
synodi.  
Regina.

Rem Christianam simul & publi-  
cam bene iam in Saxonia ordinatam  
ratus Carolus, alteram hoc anno Ro-  
mam professionem suscepit, ut inter  
cetera Regni sui negotia cum Hadriano  
Pontifice de Episcopatibus a se institu-  
tis, & de Episcopis imponendis con-  
ferret, offerretque jam omnem Saxo-  
niam Christo, ac D. Petro devotam.  
Paschate cum Pontifice celebrato, in-  
unctisque duobus filiis Pipino & Lu-  
dovico in Reges, Carolus in Franciam  
rediit; atque inde nihil impensius ha-  
buit, quam in Saxoniam se conferre,  
ad ordinandas res sacras cum Pontifice  
pertractatas.

publicam ordinasse; licet acta Synodi  
(quæ tertia Paderbornensis haberi po-  
test) aut temporum injuriis, aut scri-  
ptorum incuria ad nos non pervenerint.  
Certe dum ad fontes Luppia Carolus  
magnam æstatis partem agit, accessere  
Sigefridi Danorum Regis Hunnorum-  
que legati, quos Caganus & \* Jugur-  
rus gentis Principes ad Carolum mise-  
rant. Ita rursus celebris Paderborna  
Regis frequentia; vidisseque Francos  
haud secus quam Romanos ad Alifonem  
& hos Luppia Paderæque fontes de  
summa rei tractare; atque ut Cæsares  
Romani bella, ita Carolum Regem Chri-  
stianæ religionis salutaria consilia con-  
ventusque populi agitare. Capiebatur  
Rex loci amenitate, agrorum fertili-  
tate, & fontium salubritate. Et pote-  
rant Carolum non dissimilia Paderbor-  
næ, quæ Aquisgrani oblectamenta in-  
vitare; quod in tota Saxonia Germa-  
niaque non repertus locus, quem na-  
tura fontium e terra profiliens multitudine,  
& aquarum salubritate am-  
norem dederit. Cœpit a frequentia  
hac accessuque Caroli Regis vicus circa  
Paderam excoli in oppidum, in quod  
Carolus Episcopi sedem transferret.

\* al. Vi-  
gurnus.

B

His

Conventus  
ac Synodus  
Paderborn-  
ensis III.

Vix dum annus 782. per vernalis  
tempus se aperuerat, cum trajecto ad  
Coloniam Rheno, omnem Francorum  
exercitum ad fontes Luppia ducit; ubi  
castris positis, conventum indixit,  
quem nonnulli Francorum scriptores  
generalem appellant; tanquam univer-  
si Saxonie proceres ex Westphalia,  
Angaria & Ostphalia, convenerint,  
quibuscum extremum Carolus pertra-  
ctavit. Et adfuisse scribuntur Carolo  
Episcopi cum Sacerdotibus, refertur-  
que ille plenus majestate regia Rem-

Francorum  
passam a  
Saxonibus  
cladem.

His jam pacate prospereque ad fontes Luppiae transactis, relictisque Sacerdotibus & Pastoribus, qui rudem populum Christianam legem docerent, Carolus cum aula & exercitu in Franciam se retulit; tanquam securus de Saxonia regno Franciae parta; nescius interim, quae tempestas superioribus multo saevior immineret. Vix dum enim transmissio Rheno e Westphalia excefferat Rex, cum Widekindus e Dania Nortmannorum copiis instructus in Saxoniam advolat, concitatosque procerum & populi animos ad defectionem compellit. Fortuna etiam adjutus, majores Spiritus gerit: nam quas Carolus Adalgiso, Geilone & Wolrado ducibus miserat copias adversus Sorabos Sclavosque, Saxonum fines transgressos ac depopulatos, eae ducum temeritate Visurgim transgressae in Widekindum movent, quem haud procul Minda rebellium suorum castra posuisse didicerant. Conserto praecipitans quam cautius praelio, caduntur foeda clade Franci; interempti legatorum duo Adalgisus & Geilo: Comites quatuor: ex nobilitate proceres xx. cete-

rorum haud levior jactura caedesque. Quae ubi ad Carolum relata sunt, exacerbatus exercitum per omnem festinationem contrahit, Rhenumque ac Visurgim transmittit, castris ad Aleram fluvium positus; ubi accitis ad se primoribus Saxonum, in auctores defectionis inquirat. Et hi cum Widekindum auctorem concitoremque proclamarent, ad Nortmannos rursus profugum; non acquievit Rex; & quatuor millia quingentosque rebellium Saxonum, qui Widekindo se junxerant, uno in loco super aleram flumen unaque die capite plecti jussit. Locus supplicii Ferde consignatus in annalibus Francorum, quem haud multo post sedem Episcopi Verdenensis esse voluit. Durum & inexpectatum a miti Rege judicium, quod perfidia gentis toties perjurae expressit, ceteris in exemplum, ne clementiam toties expertam impune ludificarent. Quibus in praesens peractis, quod annus in hyemem processerat, Rex Theonis villam cum milite concessit ad hiberna, ubi & Natalem Christi & Pascha ritu Christiano coluit.

Multorum  
rebellium  
supplicio  
Carolus ul-  
ciscitur.

## Annus Christi 783.

Hadriani Pont. 12. Caroli M. Franc. Reg. 16.

Widekin-  
dum in Sa-  
xones saevi-  
entem.  
Ann. Franc.  
Vita S. Wille-  
hadum a  
Phil. Casare  
edita.

Exercita a Carolo in rebelles severitas, non tam pacavit, quam exacerbavit Saxones; totamque rursus gentem concivit ad arma, extrema jam velut ex desperato tentaturam. Ac nemo furiosior Widekindo. Is per inferiorem Saxoniam ac Frisiam effusus, Willehadum Wigmodia, Ludgerum e Frisia ejecit: Ceteri Sacerdotes per Trentiam aut trucidati, aut conquesti ad necem, aut depulsi in exilium; qua procella multorum Christianorum sanguine litatum. Et hic barbarae gentis terror Sacerdotes quoque harum regionum perculit; coeptaque messis sacra rursus turbata est.

Carolus me-  
morabili  
victoria  
comprimit

Ad hanc rebellionis famam saevitiamque Saxonum excitus Carolus, abrupto propere luctu Hildegardis conjugis, quam pridie Calend. Maji miserat, Rhenum cum exercitu transgreditur, atque in Westphalam properat. Jam Widekindus, Visurgi trajecto, in Teutonicis montibus cum Saxonum exercitu stabat, certus praelio decerta-

re, si Carolus ausurus esset. Adeo superiori ad Mindam victoria inflatus confidebat, vinci a se Francos posse. Nec segnior Carolus exercitum in montes Teutonicos educit; eademque in planitie, qua Arminius Varum, ipse Widekindum ad Dethmoldiam assequitur; praelioque acerrimo congressus prope ad internecionem delet; quando ex innumera Saxonum multitudine, ut Francorum annales perhibent, paucos admodum fuga cum Widekindo servavit.

Quae tam illustris victoria primos A primis  
eorum temporum Christianos eo im- Saxonie  
pulsit, ut haud procul a loco praelii, Christianis  
grata in Deum memoria, aedem sacram erecto Saxe  
in monte construxerint, quae capella & i. adjutorii  
divini auxilii appellata est: Vulgus Saculo, ce-  
Montem sancti adjutorii dixit, ob coele- lebrata.  
ste beneficium, ut Crantziius memo-  
rat, quo Deus pugnantem Carolo in an-  
cipiti praelio adstetit. Monumentum  
sane omni tropaeo illustrius, quod ad  
Crantzii aetatem cultu religionis, &  
vici-



vicinorum populorum accessu; multisque cœlestibus beneficiis, ac miraculis conspicuum perstitit; & quo, ut fasti perhibent, ex urbe Tremonienſi frequens quotannis populi supplicatio ducta, atque ab omni retro memoria ad annum Christi 1548. continuata est. Post quæ deinde tempora, quia hæresis ea Comitatus Lippienſis loca Majorumque religionem corrumpit, & peregre eo venientes ludibriis divexavit, intermissa majorum pietas. Ipsa deinde ædes sacra, quæ in monte S. Antonii, inter Dethmoldiam & Osterholtium, monstratur, collapsa, nil nisi rudera exhibet. Adeo hæresis non modo sacrorum monumenta, sed ipsa etiam Caroli M. tropæa e conspectu posterorum sustulit, antiquitatis non minus quam religionis perturbatrix.

Sed ad Carolum redeamus. Is a prælii loco Paderbornam regressus, castrisque circa fontes Luppia & Paderæ explicatis, fessum attritumque reficiebat militem; dum ex Francia altera pars exercitus, quam iteratis nunciis præstolabatur, accederet. Inter hæc Widekindus ex Saxonum, Frisonum, & Septentrionalium populis recentem exercitum contraxerat, castris haud procul Osnabrugo ad Hasam flumen firmatis. Id postquam renunciatum est Carolo, motis Paderborna castris, festinavit in hostem, eoque citior, quod jam copiis ex Francia expectatis confirmatus esset. Ac postquam ad Hasam in mutuum conspectum venere, & Carolus Francos, Widekindus Saxones in aciem composuit, uterque ducis & militis fortissimi munere functus est. Decertatum acri prælio. Victi fugatique ad extremum Saxones. Cæsa innumera barbarorum corpora, direpta spolia, magna captivorum turba abducta. In utroque prælio Carolus ante aciem stetit, victorque pugnavit, uti Eginardus scribit. Utrumque ad omnem posteritatem memorabile prælium, quorum alterum *juxta montem, qui Osneggi dicitur, in loco Theotmelli nominato: alterum apud Hasam fluvium, & hoc uno mense, paucis quoque interpositis diebus commissum est. His duobus præliis hostes adeo profligati ac devicti sunt, ut ulterius Regem neque provocare, neque venienti resistere, nisi aliqua loci*

*munitione defensi auderent.* Ita debellatis per Westphaliā hostibus, Carolus ab Hasa flumine ad Visurgim cum exercitu castra promovit; transitoque Visurgi, ad Albim usque flumen progressus, victoriam terroremque circumtulit. Inde trans Rhenum Heristallum se ad hyberna recepit; ubi Natalis Christi dies, & Pascha peractum. Annus, si quis alius, Saxoniarum felicissimus; quo, debellata superstitione, Christi religio triumphare cœpit; quantumque hætenus perfida & perjura gens pro libertate depugnavit, tantum libertas Christianæ religionis se extulit. Nam ab his præliis, quæ cœlesti magis auxilio & beneficio, quam humanis viribus adscribuntur, cœpit Carolus fana demoliri, aras impiorum sacrificiorum subvertere, Idola comminuere, omnemque superstitionis cultum eliminare: & qui Saxoniam jure belli sibi vendicabat, cœpit jura populo præscribere, & regno Francico regionem accensere; ut jam *unus populus*, quemadmodum Eginardus perhibet, Saxones & Franci censerentur.

Ad hæc tempora, quibus Carolus M. frequenter Paderbornam invisit, referre visum est, quæ auctores de ortu D. Meinulphi & matre tradiderunt. Natus est is inter bella Caroli cum Saxonibus, novum postea sanctimoniarum sidus inter Westphalos conspiciendus; quamvis nonnemo ortum ejus supra ad annum 777. retulerit. Verum cum anno 847 e vita abiisse dicturi simus, ne vitam longius, quam verisimile sit, extrahamus, natalis & vitæ ejus exordia hisce temporibus assignare placuit, quæ Caroli quoque in hunc puerum beneficentia illustra fecit. Nam cum per necessitatem mortis amisisset patrem, virum e prima Westphaliæ nobilitate opulentum & clarum; mater, quæ Christianis sacris jam imbuta erat, vidua mansit, vitæ illud genus certo pioque animo complexa: ad quam dum defuncti conjugis frater accederet, homo superstitione paganus, specie quidem honestatis & solatii, re autem libidinis explendæ causa, per vim stupro comprimit. Quod facinus averſata mulier, ut primum corruptoris manus evasit, e vestigio Carolum Regem adit, & quæ dolor inter lacrymas dictabat, libera voce proloquitur,

Et pacem  
Westphaliae  
adfert  
stabilisque

D. Meinulphi  
vitæ  
initia.

Carolus Paderbornæ  
exercitum  
reficit.

Altera vice  
cum Widekindo  
visitose  
congregatur.  
Eginardus, in  
vita Caroli

tutelam simul & vindictam a Rege petendo. Utque Regis animum inflecteret, Meinulphum puerum, quem triennem, aut quadriennem liberali vultu alebat, in conspectum Regis secum adducit. Annuit Rex postularis, multumque injuriæ condolens, Meinulphum in tutelam suscipit; idque sollicitè statim agit, ut puer sacro nondum lava-

cro regeneratus fonte baptismatis ablueretur. Prona ad hoc mater filium offert, quem Carolus ipse sponsor e fonte baptismatis sustulit, & impense Sacerdotibus educandum commendavit; qui exinde per ætatem maturior, ab Hathumaro Episcopo literis excultus, & in Clerum adscriptus, præclaræ indolis & sanctimoniam specimen dare cœpit.

## Annus Christi 784.

Hadriani Pont. 13. Caroli M. Franc. Reg. 17.

*Ann. Franc.*  
Carolus rursus  
Saxoniam in-  
greditur.

Ex eaque  
excedens  
filium West-  
phaliæ præ-  
fectum re-  
linquit.

Anno hoc Christi octogesimo quarto supra septingentesimum, ut primum veris opportunitas adfuit, festinavit Carolus in Saxoniam, ad belli reliquias comprimendas, totamque gentem, quantum trans Visurgim ad Albim usque ripas incolit, armis subigendam. Quare exercitu ad Lippenheim, seu ad ostia Luppiæ influentis in Rhenum ducto per flumen, primorum late Westphalorum pagos peragrat vastatque; explorando simul, an uspiam rebellium receptacula, & factionum capita reperirentur. Purgataque Westphalia, ad Visurgim inferiorem castra movet, transiturus ad Albim, & Aquilonares Saxoniam Regiones, quibus in Transalbianos, Holsatiam & Daniam se porrigit; quod ex iis oris Widekindus se infestus effunderet, profugusque ex proximis præliis crederetur in Transalbianos & Nortmannos latitare, ad novas turbas confandas: Verum ab hoc consilio prohibitus est, fœda pluviis anni parte, & aquarum inundationibus. Igitur reflexo in Orientem expeditionis consilio, in Thuringiam movet; filio interim Carolo cum parte exercitus in Westphalia subsistere iussu. Prospera per ætatem utriusque expeditionis. Nam Rex progressus in campestris Saxoniam, ubi hæc Albi & Salæ fluminibus adjacet, Sclavos compressit, & Saxones Orientales in fidem arctius astrinxit. Inde reducto ad Rhenum exercitu, Wormatiæ confedit. Caroli filius cum inter Luppiam & Ruram ageret, & in pagum Draigin, quem Dreini alii vocant, iter ad Luppiam intenderet, rebellium Westphalorum copias occurrentes habuit, quibuscum equestri prælio commissus, felici eas diminutione magnaque clade obtrivit, exte-

ris, qui se junxerant, in fugam actis dispersisque. Inde Victor se Wormatiam ad patrem contulit.

Nec Carolus diu Wormatiæ quietus: nam cum didicisset Westphaliæ adhuc ex rebellionis incendio fumare, Widekindumque inter Transalbianos oberrare, non sine metu novæ concitationis, anno licet in hyemem prolapsa, cum exercitu in Westphaliæ properavit, certus hiberna inter Saxones agere, ne quid Widekindus Saxonesque turbare auderent. Quam in rem montes Teutonicos ingressus, castra ad Ambram, in pago Huettage, ac juxta castrum Saxonum, quod Schidroburchum dixerunt, posuit, ac Natalem Christi, in vico Luidi, quod Lude oppidum est, celebravit. Omnia hæc loca intra diocesis Paderbornensem: conspiciunturque adhuc vestigia castrorum ad Schidram, quæ videre mihi licuit; ut vel inde Schiræ vel Schidræ in tutiori Saxonum munimento sedem Episcopi designasse Carolus videri possit inter Angrivarios. Quæ pars diocesis vicis & incolis antiquitus cultior fuit; monstraturque haud procul ab Ambra, quæ nunc Emmera dicitur, in edito monte aliud castrum Saxonum Harmesburgum, quod Arminii Cheruscorum ducis & Vari debellatoris tradunt. Rudera, vallorumque ruinas, & ad latus montis oppidi vestigia videas, utrimque istic claustra montium, Ambra per valles & agrorum planitiem interlabente, Ad Ludam etiam Pyrmontani fontes & acidulæ, naturæ beneficio & medicorum arte celebres, cujusmodi loca Carolus ad cultum urbium incolarumque amare visus.

Regressus  
deinde hi-  
berna in  
Diocesi  
Paderbornæ  
habet.

Annus

# Annus Christi 785.

Hadriani Pontif. 14. Caroli M. Franc. Reg. 18.

Atque hic dum Carolus ad Ambram castra habuit, populabundus Remam ad confluentes Wernæ & Visurgis accessit; tanto etiam cupidius, quod Remam Pipini Regis Patrisque castris ac memoria celebrem didicerat, certus istic per Visurgim transportare exercitum ad Albim inferiorem. Obstitit consilio temporis asperitas, & hyems pluviis aquisque fœda. Quare reflexo itinere per diœcesin Eresburgum movit; qua in arce, cui Ægil urbem adjicit, hyberna delegit, evocatis uxore Fastrada & liberis, annonaque ex Francia per Rhenum advecta. Ibi per hyemem Carolus substitit, & Pascha celebravit, quantumque Ludam Natali Christi, tantum Eresburgum Paschate decoravit: utrumque vero locum Carolus intra diœcesin Paderbornensem descripsit; quæ vel inde illustrior etiam, quod prima per Saxoniam hyberna Rex apud nos delegerit. Sed hoc ipso anno, qui Saxoniam tandem optatissimus illuxit, multo illustrior Paderborna ex synodo, quam Carolus indixit. Nam postquam per hyemem cum exercitu omnem prope Westphaliæ regionem vastando peragrasset, terrore per rebellem maxime gentem circumlato; nec ulla Saxoniam pars superesset, quæ imperium dominantis Regis detrectare auderet: Carolus Paderbornæ tam Episcopos & Franciæ procures, quam Saxoniam gentis primores (qui ex Satrapis de nobilitate censebantur) omnemque populi senatum Paderbornæ convenire iussit; quo & ipse regia maiestate & fulgore exercitus conspicuus accessit. Hac in Synodo jurata fide, gens omnis imperio Francico se submisit, & libertatem Christianæ religionis constanter recepit. Tum Carolus, quos evocarat Episcopos, suis sedibus cum potestate regia imponere, alias diœceses circumscribere, & Pastores evocare. Atque hoc anno ab hac synodo post longam discussam belli tempestatem Osnabrugensis Episcopus Wihonem, Bremensis Willehadum (qui jam ab exilio redux Carolum Eresburgi convenerat) Mindensis Herimburtum, Verdenensis Suibertum, Halberstadiensis Hildegrimum, Mimi-

gardevordienfis Bernardum religiosum Abbatem, aliæ alios Pastores aut accipere; aut recepere. Tum & Paderbornensis Ecclesiæ vicaria cura Herbipolensi Episcopo est commissâ, dum de certo Episcopo provideret Carolus. Atque inde jam Episcoporum Paderbornensium res gestas cum Vicario Episcopo ordiemur. Eoque certius etiam religionis Christianæ progressus trademus, quod bellum Saxonicum intra Rhenum; Visurgim & Albim hoc anno post decimum tertium annum finitum sit. Nam etsi scriptores in trigessimum tertium annum illud extrahant; id exinde de iis bellis accipias, quæ gessit contra Transalbianos, ac ceteras trans Albim gentes, Danos, Sorabos, Wilfos, & quotquot Sclavorum nomine censebantur barbari, infesti semper Saxonibus, qui aut Francico imperio, aut Christianæ religioni se submiserant, quibuscum adeo ad extremos vitæ dies Carolo bellum fuit. Ceterum pax Saxoniam & libertas Christianæ religionis magis confirmata stabilitaque Widekindi ad sacra transitu. Quam in rem Carolus hoc ipso anno, post solutam Paderbornensem Synodum, transmissis per Visurgim exercitu, ad pagum Bardegau, urbemque tum nobilem in agro Lunenburgensi (quam ceteri Bardewicum dixerunt) profectus, ut cum Widekindo, quem inter Transalbianos apud Albionem ejus gentis ducem versari didicit, transigeret. Ibi igitur, ut Francorum annales perhibent, *audiens Widekindum & Albionem esse in Transalбина Saxonum regione, primo eis per Saxones, ut ommissa perfidia ad suam fidem venire non ambigerent, suadere cepit. Cumque ipsi facinorum suorum sibi conscii, Regis fidei se committere dubitarent, tandem accepta ab eo, quam optabant, impunitatis sponse, atque impetratis, quos sibi dari præcabantur suæ salutis obsidibus, quos eis Amalwinus unus Aulicorum a Rege missus adduxerat, cum eodem ad ejus præsentiam in Attiniaco villa venerunt, atque ibi baptizati sunt, incredibilitotius Franciæ & Christianorum per Saxoniam gaudio.* Tum vero, ut auctor vitæ Caroli memorat, Saxoniam tandem subacta;

Ann. Franc.

Synodus  
Paderborn.  
IV. a Carolo  
celebrata

Widekindus  
Dux  
Saxonum  
fit Christianus.

Annal.  
Eginardi,



Carolus Saxoni-  
am in  
Dioecese-  
& provin-  
cias distin-  
guit.

acta; quam exinde idem Carolus more Romanorum in provincias redegit, & inter Episcopos certo limite disteminavit, singulis suas dioeceses certis limitibus circumscribendo, largeque dotando, ut supra ex diplomate Verdenſi vidimus. Post Episcopos & Sacerdotes introductos, singulis provinciis duces militares, Comites juris dicendi causa, Marchiones limitum custodes, ceterique praefecti ac ministri impositi, coepitque religio Christiana tanquam cum aureo pacis & felicitatis seculo florere, populis undique ad Ba-

ptismi fontem & Christianorum sacra confluentibus; qui exuta sensim barbarie, Christianisque legibus mansuefacti, miti Christi jugo praefracta colla submisere. Visaque Saxonia non minus, quam Francia & Anglia olim ex eadem gente barbara, perfidiam, impietatem & pertinaciam superstitionis in constantiam fervoremque religionis commutare. Inde nunc dioecesis Paderbornensis, haud secus quam ceterae Carolinae, Sacerdotum opera libere exulta, certa etiam & illustriora praesulum suorum exordia percenset.

## VICARIUS ANTE HATHUMARUM PADERBORNENSIS EPISCOPUS.

Cura Dio-  
cesis Pader-  
bornensis  
Episcopo  
Herbipol-  
ensis com-  
mittitur.

Priusquam Hathumarus primus certusque Episcopus Paderbornensi Ecclesiae imponeretur, cura administratioque descriptae dioecesis, populorumque eam incolentium, commissa fuit Herbipolensis Ecclesiae Episcopis, qui eam Vicario munere ad Hathumari ingressum administrarunt. Id cum certa majorum fide accepimus, tum Ido presbyter, libro de translatione S. Liborii, quem rogatu Bissonis quarti Episcopi Paderbornensis conscripsit, ex viva eorum temporum memoria luculente testatur. *Inter omnia enim, inquit, loca constituendis principalibus Ecclesiis in hac, de qua loquimur, provincia designata, Paderbornensis sedes speciali quadam dignitate praecellit; eoque Carolus M. inter primas dioeceses a se descriptas constitutasque Paderbornae Episcopi sedem collocavit: seu loci amoenitate & celebritate captus, in quo tot synodos & conventus Principum habuit: seu vicinitatis opportunitate adductus; quod Hassiae jam ante Christianis legibus imbutae, & Monasteriis coetibusque Sacerdotum florenti, Paderborna conjuncta esset, atque ex Hassia & Thuringia Sturmionem ceterosque Sacerdotes & Monachos saepius introduxisset in Paderbornensem regionem. Pergit deinde Ido presbyter. In hoc igitur loco Paderbornensis Ecclesiae sedes Episcopalis, tam Imperatoria sanctione, quam Apostolica benedictionis auctoritate, primitus constituta fuit,*

*& aliquamdiu tuitioni Praesulum cujusdam castelli Orientalis Franciae, quod sermone barbaro Wirtzburg appellatur, commendata permansit.* Eadem retulit auctor vitae Meinwerchi, idemque vetustus scriptor: Carolus, inquit, delectatus regionis situ, fontibus, agris, omni, quam cum cultu humano desideres ubertate, pro publicis disponendis negotiis inibi saepius est moratus: *positisque regali magnificentia principalis Ecclesiae fundamentis, magno erga Deum dilectionis suae indicio talem locum jure belli acquisitum magis Ecclesiastico, quam proprio deputavit servitio.* Cum autem noviter factae conversionis messis multa, novellae vero plantationis operarii essent pauci, locum eundem tuitioni Praesulum Wirciburgensis Ecclesiae commisit. Post illos idem de vicario hoc munere, Episcopis Herbipolensibus imposito, scribit Gobelinus noster, Crantzius, & complures alii. Acciditque Ecclesiae Paderbornensi, quod Monasteriensi. Nam cum Carolus M. ea tempestate non haberet statim idoneos viros, quos singulis locis Episcopos imponeret, Monasteriensi Ecclesiae praefecit Bernardum quendam religiosum Abbatem; donec D. Ludgerus primus ejus loci fixusque Episcopus imponeretur: quod idem Hamburgi & Schidrae factum.

Vita D.  
Ludgeri.

At nunc magna nobis controversia movetur, quis in Paderbornensi Ecclesia

Controversia  
titur, quis  
Episcopo-  
rum Herbi-  
pol. Vica-  
rium Dio-  
cesis. Pa-  
derb. mu-  
nus gesserit.  
\* *usat. 6.*  
c. 38.

sia vicarium Episcopi munus ad Hathumarum primum Episcopum nostrum egerit. Nam cum Ido Presbyter, Auctorque vitæ Meinweri, & \* Gobelinus dicecesis administrationem attribuant Herbipolensibus Episcopis, nullo certo Herbipolensium Episcopo nominato; ceteri post illos scriptores Burchardo primo Herbipolensium Episcopo id vicarium munus tribuunt, ducti auctoritate scriptorum, qui Burchardum anno 791. 4. Nonas Februarii obiisse tradunt. Hi vero auctores sunt Egihwardus, scriptor vitæ Burchardi, Urspergensis, Albertus Stadenis, Bruschius, Barorius in Annalibus & Martyrologio, Bollandus, alique; secundum quam scriptorum sententiam nihil vetat, quo minus etiam Hathumarus & Baduradus a Carolo M. obsides accepti, D. Burchardo Herbipolensium Episcopo in disciplinam dari potuerint, a quo deinde in religione Christiana exculi, & in Clerum adscripti sint; id quod a nostris scriptoribus assertum est; cum bellum illud Saxonicum jam anno 772. cœperit, ab eoque tempore multi nobilium filii obsides in Germaniam & Franciam adducti sint.

Verum hanc sententiam, quam nos hæcenus probavimus, magnopere controversam faciunt Mabillonius & Carolus Cointius, clari in Gallia scriptores, a alter in actis sanctorum sui ordinis, b alter in Annalibus Ecclesiasticis Francorum; multisque contendunt, D. Burchardum ante D. Bonifacium excessisse e vita. Et cum Bonifacium constet anno 754. aut certe 755. martyrio vitam absolvisse, Burchardi vita ad annum 791. extendi non poterit, & quod inde consequitur, neque vicario unquam munere Paderbornensem Ecclesiam administrare, neque Baduradum & Hathumarum obsides a Carolo M. accipere Burchardus potuit, quippe qui jam dudum ante bellum Saxonicum e vita secundum hos auctores excessit.

Multa in hanc rem adferunt scriptores illi, quibus sententiam suam probabilem reddunt. Palmare eorum argumentum est ex auctoritate D. Ludgeri, quod is scribat in vita Gregorii Traiectensium Antistitis, post recensitos aliquot D. Bonifacii discipulos: Duo

autem ex illis electis Dei, Wigbertus & Burchardus, ante Magistrum suum migrarunt e seculo. Et hunc illum Burchardum volunt Herbipolensem Episcopum, qui tamen Episcopi nomine non consignatur a S. Ludgero. Quare incertum an hunc Burchardum Episcopum, an alium ex Bonifacii discipulis designet D. Ludgerus; cum nihil vetet duos ejusdem nominis fuisse D. Burchardos, quales duo Suitberti, duo Ewaldi, & duo Egberti. Ac mirum sane, Burchardum Episcopum ante D. Bonifacium excessisse; cum de tam celebris Episcopi morte & mortis anno nihil memoret Regino, nihil Hermannus Contractus, nihil Lambertus Schafnaburgensis, nihil Sigebertus, nihil alii, præter unum D. Ludgerum. Contra sunt a nobis supra relati, qui ad annum 791. ejus mortem referant. Quod vero Marianus Scotus scribat Burchardum anno DCCL. consecratum Episcopum, & novem inde annos præsedisse, prorsus evertit sententiam e S. Ludgero deductam, eo quod ex his conficiatur Burchardum quatuor annis superstitem vixisse D. Bonifacio, quem anno DCCLV. obiisse constat.

*In Westph. Christiana.*

Alterum in hanc rem argumentum deducunt ex Megingozo sive Megingaudo, Burchardi in Herbipolensi sede successore; ad hunc enim venit Winibaldus Heidenheimensis Abbas tertio ante mortem anno, quam in annum DCCLXXI. conjiciunt. Nam de his vita Winibaldi habet: Venit ad urbem Wirtzburg, ibique allocutus est Megingozum Episcopum. Sed hæc sanctimonialis scœmina postea scripsit in Winibaldi vita, cum jam Megingaudus seu Megingozus Episcopus esset, ideoque id nomen ex suo tempore illi attribuerit; præterquam quod incertum sit, quo anno Winibaldus excesserit e vita. At Willibaldus Eistadensis Episcopus, inquit, ante annum DCCLXXXVI. librum a se in ceratis tabulis conscriptum de vita S. Bonifacii nuncupavit Lullo & Megingaudo Episcopo. Sed permittamus Megingaudum jam ab anno 780. vel 781. Episcopum fuisse, nihil hoc impedit, quo minus Burchardus ad hos annos pervenerit, & ab anno 772. belli Saxonici Hathumarum & Baduradum obsides acceperit in disciplinam, vixeritque per aliquot etiam annos

a. ad Secul.  
III. in not.  
ad vitam S.  
Burchardi.  
b. tom. 5.  
ad an. Chris-  
ti 254.

Wandelb.  
lib. 2. de S.  
Goaris  
Sarius in  
vita ad 6.  
fol.

annos sub Carolo M. post bellum Saxonicum; eo quod Egilwardus scribat a Burchardo missum esse Landfridum Comitem, & e Clero viros ad Carolum M. qui sollicitarent pro Megingaudō sibi jam senī subrogando. Addunt præterea hi auctores Wandelbertum Prumiensem Diaconum, quod is referat Lullum Moguntinum, Basilium seu Basenum Nemetensem, & Megingozum Wirtzeburgensem Episcopos convenisse rogatu Caroli M. ad elevationem S. Goaris, & dedicationem Basilicæ, quam Assuerus Prumiensis Abbas absolverat. At quo anno hæc dedicatio facta sit, incertum; quando alii ad annum 768. alii cum Browero ad annum 770. ante bellum Saxonicum referunt. Posset alius ad posteriorem annum aliquem referre, præsertim cum celebritas a Carolo M. jam regnante impetrata, nec a Wandelberto certus ejus dedicationis annus consignatus sit.

Postremum adjici posset, nullum Burchardi tam celebris Episcopi vestigium, nullamque mentionem vel in publicis conventibus & actis, vel in scriptorum monumentis constare a morte Bonifacii; ut vel eo probabile sit, Burchardum ante Bonifacium excessisse e vita, quod Ludgerum dixisse volunt. Sed illud a silentio scriptorum fragile argumentum. Imo Egilwardus scriptor vitæ S. Burchardi, ut supra retulimus, inter cetera ejus acta refert, missum esse a Burchardo Landfridum ad Carolum M. rursumque alios e Clero suo ad Lullum Metropolitanum Archiepiscopum, Bonifacii successorem, qui tam verbis quam literis agerent, quo Megingaudus jam senī sibi & deficienti in cathedra Wirtzeburgensi subrogaretur. Ex quibus conficitur Burchardum ad Caroli M. regnum & bellum adeo Saxonicum vitam prorogasse, ut & Hathumarus & Baduradus primi postea Episcopi nostri a Carolo M. obsides accipi, & in disciplinam dari potuerint. Sed nunc rem omnem, quæ hic agitur, ab Egilwardo, qui ex instituto vitam Burchardi descripsit accipiamus. *Quadraginta*, inquit, *annos laboravit Burchardus in vinea Ecclesiæ suæ.* At mox explicatius subjungit. *Obiit autem quarto nonas Februarii, anno Incarnationis Domini septingentesimo, nonagesimo pri-*

*mo; post acceptum vero Episcopatum quadragesimo.* Atque hi illi quadraginta Episcopatus anni sunt, ab anno 751. ad 791. deducti. Quam in rem erudite Serrarius: Burchardus, inquit, jam anno etiam 742. a S. Bonifacio designatus fuit Episcopus; & priusquam Herbipolensis Episcopus consecraretur, Episcopi munus docendo egit; sicut & ipse Bonifacius diu ante, & alii fecerant; donec Burchardus demum a Zacharia Pontifice, vel ab ipso Bonifacio anno 751. consecratus Episcopus solenni ritu introduceretur in urbem Herbipolensem. Quare idem Egilwardus: *Acta est hæc nova institutio novi Pontificatus apud urbem Wirtzeburg anno Dominicæ Incarnationis 751.* Quæ cum tam accurate ab Egilwardo consignata sunt, conficitur Burchardum, tam a consecratione quam institutione numerando annos, ad 791. superstitem fuisse; ideoque ab anno 772. quo bellum Saxonicum cepit, potuisse ei Hathumarum & Baduradum nostrum acceptos obsides dari in disciplinam, & Paderbornensem Ecclesiam ab anno 785. ad 790. vicaria administrationis cura committi; viro cumprimis, qui per tot annos cum D. Bonifacio in Apostolico munere versatus, fama sanctitatis inclaruerat. Quare nec chronologia, uti a Gallis hisce scriptoribus de Megingaudō Burchardi successore constituitur, satisfacet. Fatentur enim Megingaudum sive Megingozum, quod Egilwardus simul scripsit, a morte Burchardi Herbipolensem Episcopatum annis xv. administrasse; cui Bernwulfus subrogatus Episcopatum Herbipolensem gesserit annos vii. Jam vero si Burchardus ante Bonifacium excessit e vita, ante annum videlicet 754. aut 755. ab eoque anno Megingaudi Episcopatus per xv. annos protrahendus sit, neque Megingaudus regnum Caroli M. & bellum Saxonicum, quod anno 772. cepit, attingere, neque ipse etiam Hathumarum & Baduradum primos Episcopos Paderbornenses accipere in disciplinam potuit; maxime quod Cointius scribat, Megingaudum anno 769. Wirceburgensi se Episcopatu abdicasse, & in Bernwulfum, a quo multum vexatus erat, transtulisse, eoque anno in Monasterium Neustad, quod erexerat, secessisse: cum tamen constet ex veteri chrono-

Lib. 9. hist.  
Moguns.

nico



nico Franconia, quod nobiscum P. Joannes Gamanus communicavit; Bernwulfum, successorem Megingaudi, ac tertium Herbipolensem Episcopum, missum ante Episcopatum suum in Saxoniam, & per aliquot annos Paderbornensem Ecclesiam vicario Episcopi munere administrasse. Quod certe tempore Caroli M. post subactam Saxoniam hoc, de quo egimus, anno 785. fieri oportuit. Quare non modo Burchardi, sed & Megingaudi successoris, ut ab his statuitur, chronologia vacillat; quam non facile compones, nisi utriusque Episcopatus extendatur, & per Megingaudum ad multos etiam Caroli M. annos pervenias; quem tamen illi anno 769 ante Caroli M. regnum & bellum Saxonicum, Episcopatu se abdicasse scribunt; ac Bernwulfum subinde subrogatum, per VII. annos Episcopatum Herbipolensem administrasse. Admittunt præterea Galli scriptores Megingaudum per XV. annos Herbipolensem Episcopatum gessisse, quod Egilwardus id scribat; & tamen Egilwardo fidem abrogant, qui Burchardum 791 obiisse scribit. Contra Bruschi Megingaudum tantum tres annos gesti Episcopatus tribuit, ac decessisse 795. cui per id tempus successerit Bernwulfus. Id verisimilius reputo, quod eo anno Hathumarus Paderbornensi Ecclesiae demum certus fixusque Episcopus impositus sit, ut mox ostendemus. Itaque eo anno Bernwulfus ex Dicecesi Paderbornensi, atque ex vicario Episcopi munere Herbipolim revocatus fuerit, cum illi succederet Hathumarus. Sed hæc multo exactius ex chronologia Herbipolensium Episcoporum ab ipsis Herbipolensibus expectamus. Ac dum certiora proferantur, Egilwardo potius inhaerendum arbitror, quod idem Serrarius vir longe eruditissimus fecit; cum illis etiam, qui mortem Burchardi ad annum 791 retulere.

Interim quoquo modo se istæ discrepantes de Burchardo & Megingaudum habeant sententiæ, nihil derogant veritati Paderbornensis historiae; eo quod Ido presbyter, Auctor vitæ S. Meinweri, Gobelinus, atque alii tantummodo memorent procurationem Episcopatus Paderbornensis vicario opere a Carolo M. commissam Herbipo-

lensibus Episcopis; five jam inter illos Episcopos censendus Burchardus, quod alii supra relati tradunt; five Megingaudum, five alii etiam adscribendum sit, qui id vicarii Episcopi munus ad annum 795. gesserit, quo Hathumarum certum fixumque Episcopum Paderbornensi Ecclesiae impositum dicemus.

Igitur Bernwulfus, qui ab aliis Bernwulfus scribitur, five hoc anno 785. five sequenti aliquo, primus post Sturmionem Abbatem, ut supra diximus, missus Herbipoli in Saxoniam stabili labore vineam Paderbornensis Ecclesiae excolere cepit; adductisque secum Sacerdotibus ex Clero, diocesim in parochias dividere, singulis suos Pastores imponere, templa & sacella erigere, populi cœtus colligere, eundemque pro concione libere docere, Clerum Paderbornæ formare, & honorificentiori in loco sedem Episcopi, quæ prius Heristalli memoratur fuisse, collocare, omnia demum pro vicario Episcopi munere administrare; quemadmodum hæc ex vetusto Franconia chronico accepimus. Vir enim memoratur cordatus, fervidus, magnusque religionis & Cleri propugnator: qui & Monachos Herbipoli ex cathedrali Ecclesia ejecit, quos Burchardus & Megingaudus Episcopi introduxerant. Quo instituto primum quoque Paderbornæ collegium Sacerdotum congregare cepit; ut magnopere fallantur, qui per Saxoniam Collegia Cathedralia ex Monachis componunt; quando Osnabrugi, Halberstadii, Mindæ, Monasterii, Verdæ, Hildesii, Bremæ a primis eorum Episcopis, juxta prima religionis per Franciam & Germaniam instituta, nonnisi Canonicorum & Clericorum in primariis Ecclesiis congregationes introductæ. Hinc cum Bremæ D. Willehadus Sacerdotum ac clericorum cœtum primo instituisset, ac postea ab Ansgario reliquisque Archiepiscopis ex Corbejensi Monasterio electi Monachi simul introducti essent in majorem Ecclesiam; Unwanus Bremenensis Archiepiscopus, e choro Paderbornensi assumptus (uti id Adamus Bremenensis scribit) primus omnium congregationes ad canonicam traxit regulam, quæ antea quidem mixta ex Monachis & canonicis conversatione degebant.

Bernwulfus  
Ecclesiae Paderbornæ  
administratio-  
nem suscepit.

## Annus Christi 786.

Hadriani Pontif. 15. Caroli M. Franc. Reg. 19.

Widekindus jam Christianus in Saxonia reverentis magno adjumento est religioni Christi.

Ann. Franc.

Ad hæc prospera & læta religionis exordia, Paderbornensi Ecclesiæ nostræ a Bernwulfo facta, accessit altero post anno magnum adjumentum præsidiumque Widekindus M. Nam postquam is cum Albione primario Saxonum Transalbianorum Duce, ceterisque proceribus Attiniaci fonte baptismatis ablutus esset, Paschaque cum Carolo M. incredibili totius Franciæ & Germaniæ gaudio celebrasset, jam in longe alium virum commutatus rediit in Westphaliā, & quam Christi religionem tot annis acerrime oppugnavat, ipse & Albio ac ceteri Westphaliæ proceres, Christianis sacris ac legibus imbuti, ferventissime propugnare ac dotare aggressi sunt. Nihilque antiquius

exinde habuit Widekindus, quam ut intra sacros diœcesis nostræ limites in vico Engern ad paternam arcem Basilicam cum Collegio Canonorum D. Dionysio consecratam conderet, largeque dotaret. Hæc illa Basilica, in qua hodiedum magnificum ejus sepulchrum & Mausoleum conspicitur. Idem postea Mindæ, in qua amplissimas bonorum possessiones arcemque habuit, fecisse memorant eorum annales; ut jam libera tandem Christi religio, post longas illas bellorum tempestates, ubique per Westphaliā & Saxoniam doceretur, templa consurgerent, populi ad fontem Baptismi & cœtus convenirent, proscrip- toque Idolorum cultu sacra Christi triumpharent.

## Annus Christi 787. &amp;c.

Hadriani Pont. 16. Caroli M. Franc. Reg. 20. &amp;c.

Carolus Pascha Romæ cum Pontifice celebrat.

Ann. Franc.

Anast. in vita Hadriani.

Carolus interim profectus Romam Pascha cum magna celebritate peregravit cum Adriano Pontifice, præterque cetera tractavit cum eodem de firmandis per Saxoniam Episcoporum sedibus, cultuque religionis proferendo; quod jam Widekindi, Albionis, ceterorumque procerum (quorum Baptisma & transitum ad Christi sacra magno cum gaudio Pontifici exposuit) securus esset; ut non sine causâ scripserit Anastasius de hac tertia profectioe congressuque cum Pontifice, Carolum Pascha magna cum hilaritate cum Adriano Pontifice celebrasse. Inde Rex, ut Francorum annales memorant, adoratis sanctorum liminibus, votisque solutis, & Apostolica benedictione percepta, in Franciam est reversus. Et quæ lætiora vota esse poterant Carolo, quam post tot cruenta & atrocia bella Saxoniam in quiete possidere? & quam toties Christo & S. Petro voverat, nunc victam debellatamque, & in religione Christiana quiescentem licuisse offerre?

Postquam in Germaniam est reversus, Wormatiæ celeberrimum omnium ordinum populorumque conventum habuit in quo Principibus exposuit, quæ Romæ transegerat. Atque ut primum illic Saxonicum bellum anno 772 ex Principum sententia decretum cœptumque est; ita confecti hujus belli, conditorumque Episcopatum ex approbatione Pontificis ratio est reddita, applaudentibus omnibus Archiepiscopis, Episcopis, & Principibus Regni Francici.

Quieta exinde Westphalia Saxoniaque omnis ad annum 794 mirificeque Christi religio per omnes Episcopatus & regiones propagata confirmataque floruit; quod jam singulis locis sui Episcopi impositi diœceses in Parochias divisissent, populum ab inanum Deorum cultu ad fontem Baptismi & Christianorum sacra traduxissent, subversisque fanis & Idolis, ubique templa & sacramenta admirabili populi concursu & lætitia frequentarentur, ex quo Carolus M. victor, & Widekindus Christianus religionem firmaverant.

Wormatiæ comitia Principum habet.

## Annus Christi 794.

Hadriani Pontif. 23. Caroli M. Franc. Reg. 27.

Ann. Franc.

At ingens hoc anno per Westphaliā tempestas coorta, qua omnis pro-

pe Evangelii labor messisque in periculum venit. Nam per Caroli absentiam, Westphaliæ rebelles a-

Carolo M.  
in campo  
Sintfeldt do-  
manur.

tiam, ex quo ille Bavaricis Hunnicisque motibus atque Regni negotiis impeditus, Westphalam cum exercitu intra aliquot annos non reviserat, ausa gens ceteris semper pertinacior, procerum rebellionem ad arma convolare. Et jam formidabilis populi multitudo confluerat, turbatura omnia, ni Rex de periculo edoctus mature occurrisset. Itaque Synodo, quæ Francofurti agebatur, finita, sepultaque Moguntia ad S. Albanum Fastrada Regina, Carolus (ut hæc Francorum annalium verbis referam) bipartito exercitu Saxoniam petere statuit, eo videlicet modo, ut ipse cum dimidia copiarum parte ab australi plaga instaret; Carolus vero filius ejus cum alia medietate Rhenum apud Coloniam trajiceret, & in eandem regionem ab Occidente veniret. Quo facto, licet Saxones in campo, qui Sintfeldt vocatur, quasi prælium cum Rege commissuri consedissent, ibique adventum ejus operirentur, amissa victoriæ spe, quam sibi paulo ante falso pollicebantur, ad deditionem omnes conversi sunt, victique sine prælio victoris potestati se subdiderunt. Dati obsides, & fides jure jurando confirmata; captivorum pars donum remissa, pars ac tertius quisque Saxonum, ut Annales alii referunt,

Ann. Pith.

per Franciam & alias regiones dispersi. Tanta nimirum consternatio erat, ultro etiam ut sese ad Christianam religionem offerrent, veriti scilicet, ne qua ad Aleram perduelles plexi essent severitate, & ipsi acciperentur. Postrema hæc rebellionis procella fuit, postremumque cum Saxonum gente bellum; ex quo tempore Rex deinde Saxoniam quietam & in Christiana religione securam florentemque habuit. Campus Sintfeldt intra Dimolam & Almam fluvios hujus diocesis, agerque frumentarius in vasta planitie etiamnum apud nos id nomen retinet, monstratque victoriæ trophæa: quæ ob id a FERDINANDO Principe & Episcopo inter Monumenta Paderbornensia celebrata. Haud procul inde Eresburgum ad Dimolam conspicitur, ubi belli pro Christiana religione initia; ubi & per eadem diocesis loca in campo Sintfeldt felicissimus belli Saxonici victoriæque exitus fuit. Pacata Westphalia, Carolus Aquisgranum discessit ad hyberna, ubi sacras Natalis Christi & Paschatis deinde ferias habuit. Nec dubium etiam fecero, quin Carolus ante discessum ex Westphalia, ex vicino diocesis loco Paderbornam inviserit, ac de statu certoque Episcopo prospexerit.

## Annus Christi 795.

Hadriani Pont. 24. Caroli M. Franc. Reg. 28.

Hathumari Episc. Paderb. I.

Carolus Synodo Moguntia hæbita, in Saxoniam rediit.

Ann. Franc.

Enim vero anno insequente, qui Christi erat nonagesimus quintus supra septingentesimum, Carolus convocato generali, ut Francorum annales referunt, conventu trans Rhenum in villa Cussenstein, quæ ad Mænum e regione Moguntiacæ urbis sita est, consilium habuit cum Episcopis & proceribus (ut in ejusmodi comitiis fieri moris est) de statu Saxoniae; quod gentis perfidiam ex superioris anni rebellionem suspectam haberet. Quo haud dubie Herbipolensis Episcopus Bernwelfus cum ceteris evocatus; agitatumque de Episcopo Paderbornensi Ecclesiæ imponendo, cum jam Bernwelfus ex vicario Episcopi Paderbornensis munere Herbipolensis electus ac præstitutus esset. Igitur synodo apud Moguntiam expedita, Carolus transmissio per Rhenum exercitu, in Saxoniam properavit, quam hac expeditione totam pene popu-

lando peragravit (quemadmodum hæc Francorum annales perhibent) ad castigandam prioris anni perfidiam, reliquiasque rebellium comprimendas; ne quid deinceps periculi aut turbamenti Christi religio ex suo flore fructuque subiret. Quæ cura ante Regni negotia Carolo semper proposita fuit, ex quo Saxoniam Christo & B. Petro obtulit. Quam in rem per Ecclesias & dioceses Westphaliæ ipse coram omnia cum Hildebaldo Colonienfi Archiepiscopo, Alcuino, ceterisque Sacerdotibus diligenter ordinavit. Et vero cum in hac Westphaliæ peragratoe Rex verisimiliter Mimigardevordiam adierit, dispositis iis, quæ ad res Ecclesiæ illius D. Ludgerus jam ab anno DCCLXXXVIII. impositus desiderabat; tum etiam Paderbornensi Ecclesiæ de Pastore suo provisum est, uti jam planius referemus.

C 2

B.HAT.



# B. HATHUMARUS I.

## EPISCOPUS PADERBORNENSIS.

**H**athumarum, quem alii cum Cratopolio Hadumarum, alii vitiose cum Crancio Harimarium dixerunt, primum fuisse statum certumque Paderbornensem Episcopum, tam indubitata Majorum factorumque fide accepimus, quam alii primos suos Carolinos Episcopos nobis exhibent; quod & Crantzius agnoscit in *a* Metropoli; tamen immemor sui in libro de *b* Saxonia scribat, D. Liborium a Carolo M. praestitutum esse Paderbornae Antistitem; quem tamen constat tot retro annis, Gratiano & Theodosio Augustis, Cenomanis in Gallia sedisse Episcopum. Sacrum Liborii corpus magna celebritate cultuque posterorum, Badurado II. Paderbornensi Episcopo, Paderbornam translatum referemus. Nemo Liborium unquam hujus loci Episcopum agnoscit.

*a. lib. 1. c. 11*  
*b. lib. 1. c. 16*

Primus Ec-  
clesiae Pa-  
derbornen-  
sis Anno 795  
Episcopus  
impositus  
B. Hathu-  
marus.

Ceterum Hathumari in Episcopatu exordia ad hunc annum nonagesimum quintum hujus seculi certis scriptorum testimoniis reducimus. Nam verus chronicon Franconiae editum a Paulo Bollando, Anno, inquit, 795. regio omnis, quae Paderbornam circumjacet, quaeque Wirtzeburgensi Episcopatu adiecta erat, in peculiarem Episcopatum est divisa, eique Hathumarus ex clero Wirtzeburgensi primus Episcopus praefectus, idque post victoriam Caroli adversus Saxones, quorum magna pars in Franciam est abducta. Conveniunt in hunc annum aditi Episcopatus Gobelini, Crantzius, Bruschi, Browerus, Kerfenbrochius, alique quos inter Serarius in historia Moguntinensi, cum, inquit, circa Domini annum dccxciv Paderbornensis Episcopatus erectus est, Buriburgensis a D. Bonifacio institutus desit, nimirum ob vicinitatem loci. Unde post omnia haec Hassiae loca jurisdictioni Episcopi Paderbornensis comprehensa fuere. Causam praeterea annumque hujus ingressus in Episcopatum multo explicatius certiusque retulit Auctor vitae Meinweri Episcopi nostri. Cum noviter, scribit ille, factae conversionis messis multa, novellae vero plantationis operarii essent pauci; Paderbornensem Ecclesiam commisit Carolus tuitioni praefulum Wirtzeburgensis

Ecclesiae; sub quorum regimine status ipsius nec profecit, nec longa via inter capedine, publicaue variorum negotiorum necessitate proficere potuit. Unde Rex, cum suis habito & inito consilio, eundem locum proprii Pastoris vigilantia tuendum & gubernandum adjudicavit; praeposuitque ei anno Salvatoris mundi septingentesimo nonagesimo quinto praefatae Wirtzeburgensis Ecclesiae Canonicum, rus rudis in fide adhuc populi exculturum Hathumarum. Jam ante hunc scriptorem longe vetustior Ido Paderbornensis Presbyter, qui Bisone quarto Episcopo translationem D. Liborii conscripsit, haec tradidit; nam postquam has easdem causas instituti Hathumari in Episcopum retulisset, quocirca, inquit, merito utilius visum est, hanc sedem suam per se habere Antistitem, qui non alibi occupatus, hic tantum agendis rebus praesens insudaret. Erat tum temporis in Clero Wirtzeburgensi vir magnae humilitatis atque modestiae, Hathumarus nomine, de gente nostra, hoc est, Saxonica oriundus: qui cum adhuc puer esset, belli tempore Carolo Imperatori obses datus, illic servari jussus est; ubi postea tonsuratus, ac studiis literarum traditus, in virum perfectum moribus & eruditione profecit. Hic ex praecepto Principis primus est Paderbornensis Ecclesiae ordinatus Episcopus. Post cujus ordinationem paucis annis transactis, idem gloriosissimus Princeps ab hac luce migravit. Neque haec derogant Chronologiae, ex qua Hathumarum hoc anno Christi nonagesimo quinto institutum Episcopum dicimus; quando hic auctor de anno ordinationis & consecrationis in Episcopum agit, quam ante obitum Caroli, qui anno 814. excessit e vita, hic factam refert. Nihil enim infrequens per haec tempora, Episcopi munus ex Sacerdotis ordine & jurisdictione sacra agere: quemadmodum D. Willehadus septem; D. vero Ludgerus duodecim annos id munus ex presbyteri gradu administrarunt, priusquam Episcopi consecrarentur. Et vero si Hathumarus inter primos obsides belli, quod anno 772. coeptum, adhuc puer aut adolescens, non ultra viginti annos in Clerum cooptatus

Vita D. Willehadi.  
Vita D. Ludgeri.

tus censerī potest, cum anno nonagesimo quinto Episcopatum adiret, potuitque tam ab ætate, quam ex submissione prorogationem consecrationis obtinere, eo etiam, quod tum multi per Saxoniam consecrati Episcopi adessent.

Gente Saxo  
nobili fami-  
lia oriun-  
dus, & vir-  
tute infi-  
gnis.

Igitur Hathumarus ex prima Saxonum nobilitate, quales obsidum adolescentes aut juvenes erant Carolo dati, primus etiam e Saxonum gente inter Carolinos Saxonique Christianæ Episcopos conspectus fuit. Crediturque id Carolus dedisse gentis honori ac bono, quo Saxonum animos sibi conciliaret, dum viderent ex sua gente summum inter eos Sacerdotem creari, imponique popularibus suis regendis. Et vir maturæ probatæque virtutis erat Hathumarus, ex quo a primis innocentiae annis D. Burchardo inter Obsides adolescentes in disciplinam est transmissus, excultusque Herbipoli in collegio Clericorum, quod florentissimum erat. Haussit in eo sanctissimi sui Magistri doctrinam vitæque institutum, uti Burchardus ipse a D. Bonifacio atque in Anglia a religiosissimis Regni illius viris didicerat. Quocirca non alio instituto religio & disciplina Cleri Paderbornam introducta, quam a Burchardo Hathumarus acceperat, Præful integritate vitæ, morum gravitate, eruditione rerum sacrarum, concionandi facundia, fervore proferendæ religionis, prudentia in tractandis animis, & quod ante omnia commendant scriptores, modestia ac submissione animi jamtum in Clero Herbipolensi conspicuus. Quem uti Burchardus in hanc spem educarat, ita Bernwelfus, ex quo Vicariam Paderbornensis Ecclesiæ administrationem, suscepta per hæc tempora Episcopatus Herbipolensis præfectura, dimisit, ut familiarem suum Carolo imprimis Regi commendavit. Et Carolus quam superiori anno debellatis in campo Sintfeldico Westphalis, Paderbornam accessit, rursusque hoc ipso anno Moguntiae ad Rhenum conventum Episcoporum, moderantibus Richolpho Moguntino & Hildebaldo Colonienfium Archiepiscopis, habuit, atque inde Westphalam est ingressus ad disponendas res sacras, quæ in Synodo decretæ erant; Hathumarum simul Paderbornensi Ecclesiæ præfecit Antistitem, auctoritate Richolphi Moguntini Archie-

piscopi, cujus Metropolitanæ sedi Episcopatus hic addictus subjectusque. Atque ut Lullus ante ipsum, quod Baroni agnoscit; ita Richolphus, aut certe Hildebaldus, in hac causa legati Apostolici munere perfunctus est; quando Principum est nominare Episcopos, sacra vero altioris potestatis est dare. Et Carolum, ut proprium statumque Paderbornæ Episcopum acceleraret, multa urgebant, Cleri imprimis sollicitantis populique preces; longa deinde & molesta Herbipolim facienda itinera, priusquam aut responsa aut auxilia adessent, aut Episcopus inviseret; demum exempla aliarum circa diocesum, quæ suos singulæ Pastores haberent, eoque magnis incrementis Religio in illis proferebatur. Raro enim videas tam impense sincereque vicario Pastoris oculo, quam proprii, gregem pasci, Quo factum, ut cum in aliis diocesibus res sacrae felici ordinatoque cursu procederent, hic, ut ab Idone Presbytero & Autore vitæ Meinweri relatum, sisterent. Quæ omnia accessu Hathumari, ut iidem scriptores perhibent, magno cum fructu progressuque religionis immutata sunt. Nam postquam cum auctoritate Episcopi munus adiit, nihil impensius habuit, quam descriptam a Carolo diocesin circuire: lustrare coeptas parœcias, alias ad cœtus populi ordinare: populum pro concione docere, Baptismi fonte abluere, advocare aliunde Pastores in partem laboris: Collegium Canonorum Paderbornæ condere, implereque Clericis, ex quo tanquam ex seminario religionis Sacerdotes doctoresque incultæ plebis produceret; scholas ubique per diocesin instituere, quibus juvenis cum elementis literarum Christianæ legis rudimenta simul disceret; sacrilegos in lucis conventus interdiceret, Idola confringere, sacrificia impia ritusque superstitionis proscribere, fana subvertere, & in horum locum Christianorum templa construere.

B. Hathu-  
mari sacri  
labores.

Inter has sacrarum ædium structuras, immortalis memoriæ, Basilicæ Paderbornensis & cathedralis Ecclesiæ opus, quod ad Carolum M. & Hathumarum se refert: sive jam illa fuerit Basilica, ut Gobelinus & ex eo Crantzius refert, quam Carolus M. primum Paderbornæ exstruxit; postea inter sac-

Exstruitur,  
Paderbor-  
næ Ecclesiæ  
cathedra-  
lis.

viencia

*In Not. ad  
vitam Mein-  
werci.*

*Et alia Geroldina dicta, cui postea ædem S. Bartholomæi adje-  
cit B. Meinwercus.  
Vita Meinwerci  
n. 48. apud Brevu.*

*Auctor vi-  
tae Meins-  
werci.*

vientia adhuc bella a Saxonibus injecto igne combustam: sive etiam super posita a Carolo fundamenta novam aliamque magnificentius Basilicam Hathumarus educere cœperit; quod Auctor vitæ Meinwerci visus est indicare, probatque Christophorus Browerus; eo quod fabrica quarto Hathumari anno nondum ad culmen perducta, Leo Pontifex in crypta hujus Basilicæ reputetur altare S. Stephani consecrassè. Acta Liboriana in Ecclesia recens constructa tantum altare a Leone consecratum memorant, quæ Ecclesia dici potuit, etsi nondum ad fastigium ascenderit. *Fuit & alia ædes sacra a Geroldo Caroli M. Imperatoris consanguineo & signifero exstructa, ac B. Virgini dicata, quæ juxta principale Monasterium, seu Collegium Canonicorum, uti tum collegia illa ex communis vitæ cultu vocabantur, constitit. Huic contiguam postea Capellam per Græcos operarios adstruxit Meinwercus, eamque in honorem S. Bartholomæi Apostoli dedicavit: Quemadmodum hæc Auctor vitæ Meinwerci retulit. Ædes illa D. Bartholomæi hodie dum superest ad descensum Basilicæ turrisque, elegans, ut tum opere Græcanico per Meinwercum constructa fuit. Visitur quoque Geroldinæ ædícula adhuc, quantum æstimes, cryptæ in modum & fornici substructa, inhæretque adi D. Bartholomæi ex adverso ad ingressum protensa, opere rudi & pervetusto, ut tum impositum fabricæ seculum obscura fama sua struebat. Meinwercus Episcopus ut Geroldinam ædiculam illustraret, alteram hanc illi Græcanico opere adjecit, unoque structuræ recto utramque complexus est. Antiquissimum hoc monumentum est, quod cum altari S. Stephani ex crypta Basilicæ monstrat Paderborna; quamvis utrumque ex situ & neglectu antiquitatis magis, quam ex prisca majorum pietate aspicias. Ad Geroldinam ædiculam Carolus M. magnificentius templum erexit, quod haud multo post Saxonum rebellione exustum est; donec victo Widekindo, belloque confecto, Basilicam opere multo solidiore moliretur; quam Hathumarus Caroli magnificentia eduxit ad tectum, & Baduradus suc-*

cessor demum perfecit & dedicavit; dum interea Geroldina ædes, quæ tempore Meinwerci superstes fuit, sacris operandis deferviret. Utraque ædes, tam Geroldina, quam Carolina, B. Virgini dicata, quam patrocinii Divam a Caroli ævo ad hunc diem colit Cathedralis Ecclesia; cui postea Kilianus ex Ecclesia Herbipolensi, & Liborius deinde ex transvecto illatoque corpore tutelares patroni accessere. Utraque etiam ædes supra nativam petram fontesque Paderæ constructa, quos per abditos meatus canalesque centum ostiis ac rivis in duos demum alveos confluentibus effundi conspicias. Ibi cum Carolus toties confederit, conventusque populi habuerit, iteratoque hominum multitudo ad Baptismum se obtulerit, idem Carolus ac Geroldus ædes hasce sacras, & in his salutaris undæ fontes erexere. Sane vero Geroldus Comes Saxoniam non minus cum animo complexus, quam Carolus, ut gentem Christianam faceret. Erat is Hildegardis, quæ prima Caroli conjux fuit, frater ac militiæ præfectus; vir tam præclara in Deum religione, ac pietate in B. Virginem, quam belli gloria inter Francos præstans, Caroloque ob navatam in bello Saxonico operam percarus; quem ob id toties Bojariæ præfectum dixit, atque anno ab hoc quarto, Christi videlicet 799. ex prælio belli Humici, quo fortiter pugnando heros occubuit, magno luctu profecutus est. Nec desunt qui inter Divos connumerent; quippe qui sacro adversus Barbaros bello vitam cum sanguine fuderit, uti de hac ejus laurea coelitus quidam edoctus perhibetur. Multis hunc præter Reginonem celebrant Boici scriptores, & genere Suevum fastis suis adscribunt. Saxonum semper amantissimus, fidem eorundem erga se mutuam amoremque expertus est, cum Saxones milites e prælio cæsum humeris suis exportarunt. Diversis hic Geroldus (secus quam Browero forte visum) ab illo, cujus sepulchrum Corbejæ ad Vifurgim visitur. Alter in Augiæ cœnobio miles humatus, alter apud nos sub Ludovico Pio ex milite Monachus ac Diaconus, de quo tempore memorandum.

*Geroldi genus, virtus, obitus.*

*Ann. Franc. ad ann. 799*



Annus

## Annus Christi 796.

Leonis III. Pontif. I. Caroli M. Franc. Reg. 29.

Hathumari Ep. Pad. 2.

Hathumarus Collegium Carolinicum Paderbornae condidit.

Basilicæ, de qua diximus, Hathumarus deinde eadem Caroli M. beneficentia adjunxit Collegium Canonicorum, quod Auctor vitæ Meinweri vocat *nobile principalis Ecclesiæ Monasterium, præcipui operis & decoris, a Carolo M. fundatum, quod a Badurado Episcopo consummatum est.* Cœpitque Hathumarus ædificium in eam habitationis formam erigere, qualis per Franciam & Germaniam ad communem in clero vitam tum florentem apta erat, claustris & Monachorum cœnobiis haud multum dissimilis, temploque continenti structura inhærens, ex qua ad chorum & communem triclinii mensam descendebatur. Quamobrem passim a scriptoribus Monasteria, haud secus quam Monachorum, appellantur: uti Auctor vitæ Meinweri, vocat Monasterium Principale, distinctum a Monasterio Abdinchoviano Monachorum ordinis D. Benedicti; atque Ido presbyter Clerum Paderbornensem sub disciplina Monasteriensi vixisse scribit tempore Baduradi II. Episcopi nostri. Ita Collegium Canonicorum Ultrajectense a Willebrordo institutum, quod sæpe in diplomatis Cæsaris Monasterium legas. Nihil apud scriptores frequentius, ut supervacaneum hoc velle commonstrare. Ex quo vocis usu urbs & diocesis Monasteriensis a celebri tum apud illos Monasterio, quod Canonicorum erat Collegium, etiamnum nomen suum retinet. Extat hodieum magnificentum in quadro ædificium choro Basilicæ circumpositum, seu illud ab Hathumaro & Badurado, seu ad primam Collegii formam splendidius ab incendio a Rhotario & Meinwerco extructum sit. Circum in inferiore parte peristylia, in medio cœmeterium Clericorum, supra dormientium & literis studiisque vacantium cubicula, singula suis habitaculis discreta. Ac nescio an ullibi Clericorum in communi olim viventium illustriora magis certioraque vestigia. Quemadmodum tota vitæ institutique Clericorum ratio in concilio Moguntino sub Carolo M. explicate satis descripta est, ut vel ex Canone IX. satis cognoscas, quo in hunc mo-

dum sancitur. a Patribus. *In omnibus, quantum humana permittit fragilitas, decrevimus, ut Canonici Clerici canonice vivant, observantes divinæ scripturæ doctrinam, & documenta sanctorum Patrum, & nihil sine licentia Episcopi sui vel Magistri eorum agere compositæ præsumant in unoquoque Episcopatu: & ut simul manducent & dormiant, uti his facultas id faciendi suppetit, vel qui de rebus Ecclesiasticis stipendia accipiunt, & in suo claustro maneant, & singulis diebus mane primo ad lectionem veniant, & audiant quid eis imperetur. Ad mensam vero similiter lectionem audiant, & obedientiam secundum Canones suis Magistris exhibeant.* Et quæ in hunc modum multis præscribuntur. Huic Concilio, quod anno Christi DCCCXIII. celebratum est, Hathumarum quoque Episcopum cum Ricolpho suo Metropolitano interfuisse non ambigo. Quantum nunc falli videas eos, qui Collegia Cathedralium ædium, a Carolo M. per Saxoniam condita, Monasteria cœnobiaque fuisse, ex claustris vitæque communis similitudine, opinantur; cum longe aliud sit institutum Clericorum, aliud Monachorum. Quod etiam multo confirmatius recognoscas ex hujus Concilii ordine atque confesso, qui in tres classes & turmas distributus memoratur. In quarum prima confederint Episcopi cum Sacerdotibus, præscriperintque legem Clericis. In altera confederint Abbates cum Monachis, & tractarint institutum D. Benedicti. In tertia confederint Comites & Judices, rerum civilium causas sanctionesque disquirentes. Quid nunc Clericis cum instituto Monachorum, ut in hunc ordinem istos Caroli ætate velis compingere? aut primas Cathedralium Ecclesiarum origines per Saxoniam ex Monachorum cœnobiis arcessere? tamen si primas illas sedes alibi quandoque obtinuerint. Sane in Paderbornensi nulla ejus indicia aut vestigia. Nam primus qui hic Clerum collegerit, ut diximus, Bernwelfus fuit vice-Episcopus. Atque is ut primum Episcopus delectus, præfecturam adiit, Monachos ex Principe Herbipolensi templo ejecit, Cleri-

Quod non fuit Monachorum, sed Clericorum in communi viventium.



acerrimus propugnator; quemadmodum id a Bruschio traditur. Hathumarus deinde Canonicus Herbipolensis Ecclesiae scribitur ab Auctore vitae Meinweri, ex eoque vitae genere electus primus Episcopus noster non alios quam Clericos & Canonicos introduxisse videri potest. Et si Carolina monumenta, scriptoresque rerum nostrarum consulas, non facile reperies vel ullum Monachorum Cœnobium a Carolo in Saxonia conditum, præterquam quod Eresburgum religiosi D. Benedicti domicilium esse voluerit. Ac tamen si Carolus Abbates transvexerit in Episcopos; Cathedrales tamen Ecclesias Clero reliquit, in iisque Collegia Canonico- rum abs se dotata adjecit, omnia nimirum ad institutum formamque Romanæ Ecclesiae, in qua principes ædes collegiaque a Canonicis possideri vide- rat; intelligebatque Clero gubernationem Ecclesiarum esse datam a Christo & Apostolis.

Quocirca Hathumarus inter pri- mas sui muneris curas habuit, con- struere domicilia Sacerdotum & Cano- nicorum, colligere in communem vi- tam Clericos, instituere seminarium, ex quo Pastores & rudis populi magi- stros formaret. Quam in rem singulis in Saxonia Cathedralibus Ecclesiis decimæ atque amplæ bonorum posses-

siones a Carolo erant regia liberalitate donatæ, quarum prima pars Episcopo, secunda Clericis, tertia fabricæ, quarta pauperibus erat attributa. Cœptæ in hoc Collegio etiam ab Hathumaro scho- læ sub magistri disciplina. Nam dum Ido presbyter scribit hæc omnia a Ba- durado II Episcopo esse aucta, satis in- dicat ab Hathumaro I Episcopo jam ef- se inchoata. Enim vero diœcesin pro- vinciamque hanc tanquam horridam in- tractabilem ferarum sylvam est ingres- sus; hominesque adhuc semibarbari ægre etiam a Badurado Episcopo, ut acta Liboriana perhibent, a prisca ma- jorum suorum superstitione avelli po- terant, & in Christi legem mansuefacti transire; dum sensim institutione juven- tutis instillata pastorum doctrina, præ- fectorum Christianorum cohortatione, consuetudine ac commerciis Christi sa- cra addiscerent, barbarosque mores exuerent. Ad quæ summum momen- tum erat Episcopi præsentia & doctri- na; ut tum re potente moris erat, Epi- scopos circum diœceses, docere per pagos & vicos, Sacramenta populo ad- ministrare; quod D. Ludgeri, Wille- hadi, aliorumque per Saxoniam Epi- scoporum exemplo haud minus impi- gre præstabat Hathumarus: quemad- modum omnes primos hosce Episco- pos Apostolico spiritu plenos accepimus.

## Annus Christi 797.

Leonis III. Pont. 2. Caroli M. Franc. Reg. 30.

Hathumari Ep. Pad. 3.

Inter hæc Episcopatus initia Hathu- marus Caroli Regis præsentia recreatus animatusque. Westphalia jam subacta Christo, ac pacata, Ostphalia inter Al- bim & Visurgim adhuc turbabatur. Quocirca Aquisgrano ex hybernis mo- vens, Saxoniam cum exercitu est in- gressus, ad contundendam perfidæ gentis contumaciam. Nec prius destitit, quam omnes terminos ejus peragrasset. Nam usque ad ultimos fines ejus, qua inter Albim & Wisiram oceano alluitur, ac- cessit. Inde Aquisgranum se recepit, & legatos Saracenorum ac Constanti- nopolitani Imperatoris audivit. Qui- bus expeditis. Consilium iniit, ut ad conficiendum Saxonicum bellum in ipsa regione hyemaret. Sumpto igitur co- mitatu suo, Saxoniam petiit, castrisque

super Wisiram positus consedit, & locum castrorum Heristalli vocari jussit. Qui locus ab incolis usque ad præsens nomi- natur. Exerciitum vero, quem secum adduxit, per totam Saxoniam in hyberna divisit, in eaque residens Heristalli Na- talem Domini & Pascha celebravit. Eo igitur ad se evocavit Pipinum filium ex Italia, & Ludovicum ex Hispania, trans- acturus cum illis de Regni negotiis. Ibi præterea legatos Hunnorum cum ma- gnis muneribus ad se missos; ibi lega- tum Adelfonsi Asturiæ & Galletiæ Re- gis, papilionem miræ pulchritudinis dono ferentem audivit, remisitque cum Ludovico filio in Aquitaniam Ab- dellum Saracenorum legatum. Tam celebris rursus Paderborna (intra cu- jus diœcesin Heristallum) non tam filio- rum

Anno. Franc.  
Auctor. vi-  
sa Caroli.  
Regino.  
Adelmu.

Carolus He-  
ristalli in  
Diœcesi Pa-  
derb. hy-  
bernac.

rum legatorumque accessu, quam hybernis & festis natalitiorum & Paschatis apud nos celebratis; perinde ut primis in Saxonia hybernis ante duodenos annos Christi Natalitia Ludæ ad Ambram fluvium, & Pascha Eresburgi intra fines hujus Episcopatus peracta. Nec alibi unquam inter Saxones hæc Caroli hyberna, & celebrationes solemnum festorum peractæ. Nec dubium feceris, quin Hathumarum Carolus per hyberna intra diocesin hanc ad se evocarit, ac de statu nascentis Ecclesiæ suæ coram cum eo disposuerit, magno simul hortamento ad laboris sacri constantiam. Ceterum Heristellum, seu ut Adelmus scripsit, Heristallum, in editi abruptique, qua Visurgi imminet, montis vertice Saxonum castrum est haud secus quam Eresburgum, a Carolo per initia belli expugnatum, intra Saxonum antiquorum fines, quibus Hassia, quæ jam tum Christiana, conjungebatur; eoque opportunior etiam tutiorque locus ad recipiendos Sacerdotes ex Hassia submissos ad culturam doctrinæ Christianæ. Nostra etiam memoria eruta istic arcis rudera, quæ olim Carolum & Sacerdotes intra præsidium Francorum receperit. Reperias scriptores, qui ex hoc loco primum Heristallenses Episcopos nostros dixere; quod istic Sturmio, Burchardus & Bernwelfus confederint; quemadmodum Carolus cum urbes in Saxonia non reperiret, in ejusmodi castris atque arcibus Episcopos cum Sacerdotibus collocare solebat. Hathumarum vero Heristalli Episcopi sedem aliquando fixisse non mihi persuaserim; quod ab ingressu ejus in Episcopatum Westphalia a bellis quieta, & Paderborna satis tuta fuerit. Manet interim loci nomen non

modo post tempora Caroli M. quod Francorum annales docent; sed & ad nostram usque ætatem patrio vocabulo Herstell ab his Caroli hybernis & statione castrorum appellatur; celebreque non minus Heristallum Saxonicum, quam Francicum ad Mosam ab his Caroli hybernis ad posteritatis memoriam. Castrum deinde totusque circum locus Episcopi Paderbornensis possessio, seu Caroli aliorumve Cæsarum donatione (quod istic prima Sacrorum præsulum sedes fuerit) seu alio jure cessit. Sane vetusta in monte Ecclesia, ad quam subiecta ad pedem montis parochia convenit; ut totus hic profanus locus, haud secus quam Eresburgum, in sacrum commutatus videri possit. Ab Hassis primum anno 1465, festo D. Christinæ urbs Heristalli cum villa vastata & cremata. Nostra deinde memoria anno 1632. bello Suecico arx finibus illorum insidens ab Hassis incendio & vastatione subversa haud secus quam Eresburgum; templumque in eo vetustissimum & celeberrimum cum domicilio religiosorum hominum, eadem belli tempestate, in cineres confedit. Vidimusque duo illa Carolina sacrorum monumenta, omni antiquitatis & religionis veneratione digna, in unam simul ruinam incubuisse, dispari sane Majorum posterorumque studio. Olim ex Hassia primum Christi religio, ut commonstravimus, in hanc diocesin introducta est; quæ nostra ætate dictæ religionis & sacrorum mutationem intulit; tanquam quod barbari olim Saxones perpetrarunt in vastatione Frislaensis Basilicæ, sacrarumque per Hassiam ædium & cœnobiorum, idem Christianis in Christianos liceret.

## Annus Christi 798.

Leonis III. Pontif. 3. Caroli M. Franc. Reg. 31.

Hathumari Pad. Ep. 4.

Carolus Minda in Transalbianos movet. Ann. Franc. Adelmus. Auctor vitæ Caroli M. & Regino. Exactis Heristalli hybernis, Carolus evocato (quem per Saxoniam diviserat) hybernante exercitu, secundo Visurgi per diocesin Paderbornensem iter instituens, Mindam descendit, castraque ad flumen ejus loci collocavit. Adeo tum Minda erat in hac Visurgis ripa, ut Auctor vitæ Caroli M. & Regino vocat; tamen ab aliis Munde scribatur: quæ certe ea non fuit, quæ ad

confluentes Fuldæ & Werræ visitur, ubi ne nomen quidem Visurgis obtinet, nisi postquam infra misceri cœperint hi amnes, & res ipsa, quam narrabimus, Mindam nobis monstrabit. Nam istic transmissio per Visurgim exercitu, ad Albim in Transalbianos Saxones movit, ulturus perfidiam gentis, a qua per ferias Paschales legati Caroli, quos ad causas ejus regionis tractandas miserat,

serat, trucidati erant, inter quos Godeschaldus ad Sifridum Danorum Regem missus, barbare contra jus gentium interemptus. Igitur regionem ingressus, omnia inter Visurgim & Albim ferro atque igne vastavit. Cæsi etiam ope Trasiconis Abotritorum Ducis, quotquot Abotritorum Carolo confederatorum regionem palabundi intra-

verant. Subacta in hunc modum Ostphalia, ad imperium regni Francici, & Christianam religionem confirmandam Carolus per Visurgim reduxit militem; compositisque per Westphalam sacris profanisque, Aquisgranum discessit, ad Legatos Irenes Imperatricis audientes; ubi hyemando Natalem Christi & Pascha solemniter coluit.

## Annus Christi 799.

Leonis III. Pont. 4. Caroli M. Franc. Reg. 32.

Hathumari Ep. Pad. 5.

Leo Pontifex Caroli Paderbornæ convenit.

At nihil hætenus Paderborna magnificentius sanctiusque spectavit, quam hoc anno nonagesimo nono supra septingentesimum, quo duo suprema Ecclesiæ capita Leo Pontifex & Carolus Francorum Rex Paderbornæ convenire. Funestum Leonis Pontificis casum causamque adventus cum Anastasius aliique multis exponunt, tum paucis Annales Francorum. Romæ, scribunt illi, Leo Papa cum Litania processurus de Laterano ad Ecclesiam B. Laurentii, quæ ad craticulam vocatur, equo sedens pergeret, in insidias a Romanis positas juxta eandem Basilicam incidit. Ubi equo dejectus, & erutis oculis, ut aliquibus visum est, lingua quoque amputata, nudus & semivivus in platea relictus est. Deinde jussu eorum, qui hujus facti autores fuere, in Monasterium S. Erasmi Martyris velut ad curandum missus, Albini cujusdam cubicularii sui cura noctu per murum dimissus, a Wini-giso Duce Spoletano, qui audito hujusmodi facinore Romanum festinus advenerat, susceptus, ac Spoletum deductus est. Cujus rei nuntium cum Rex accepisset, ipsum quidem ut vicarium S. Petri, & Romanum Pontificem, cum summo honore ad se præcepit adduci. Iter tamen suum, quod in Saxoniam facere constituerat, non omisit. Jam & Carolus intellexerat, quo cœlesti beneficio Leo visum oculorum linguamque recepisset, & in somno a Deo monitus fuerat, qua ope Pontificem restitueret; quemadmodum id Poeta eorum temporum scripsit.

*Portentum Rex triste videt monstrum-  
que nefandum,*

*In somnis summum Romanæ adstare  
Leonem*

*Urbis Pontificem, mæstosque effun-  
dere fletus,*

*Squalentes oculos, maculatum sangui-  
ne vultum,*

*Truncatam linguam, horrendaque  
multa gerentem*

*Vulnera, sollicitos gelidus pavor occu-  
pat artus*

*Augusti.*

Igitur Aquisgrano cum exercitu ad Rhenum progressus, habitoque generali conventu super Rhenum, in loco, qui Lippenheim vocatur, ibi eodem annie transmissis cum toto exercitu suo ad Paderbrunnam accessit; ibique in castris confidens, Pontificis ad se properantis adventum præstolatus est. Et Pontifex postquam festinatis itineribus Norimberga Coloniam advenerat, salutato istic D. Severini sepulchro, Carolus ei Hildebaldum Coloniensem Archiepiscopum, quem sibi supremum aulae Præfulem semper adjunctum habebat, cum Aschario Comite obviam misit, qui venientem exciperent, & per Westphalam honorifice ad se Paderbornam deducerent. Non Eresburgi, non Heristalli, non alibi in Saxonia, quam Paderbornæ Carolus Pontificem excipere voluit; quod locum in his regionibus nec amœnitate admirabilium fontium agrorumque ubertate, nec cultu surgentis oppidi civiumque urbanitate, nec hospitiorum populique jam Christiani frequentia uspiam haberet commodiorem, aut magis adspectabilem; ex quo simul Pontifici ostenderet Saxoniæ ad Christi fidem abs se perductæ, tantorumque bellorum suorum fructus; hoc præsertim ad fontes Luppia & Paderæ loco, ubi tanta hominum multitudo se primum ad fontes Baptismi obtulit, & tam felicia Deus Christianæ religionis auspicia esse voluit. Et Carolus ubi propius Pontificem adesse cognovit, omnia, quæ ad Christi vicarium

Anast. Biblioth. in vita Leonis.

rium & Petri successorem quam honorificentissime suscipiendum facerent, in castris ad Paderbornam disponit. Ejus rei gratia præmissus primum ex castris Pontifici obviam Pipinus filius, Italiæ Rex, cum legionibus aliquot; nam Carolus filius per id tempus cum parte exercitus ad Albim missus ierat, transacturus Regni negotia cum Wilis, Abotritis, Nortluidis, Transalbianisque. Interea Pontifex in campis Paderbornensibus aderat; susceptusque a Pipino & legionibus in ordinem compositis, sublata manu ter benedictionem imperit; ad quam miles tertium se humi prosternit. Inde a Pipino ad castra Caroli deductus. Jamque omnis regius miles in legiones & signa utrimque distributus stabat, quem inter Pontifex procedebat, protensa rursus manu precationem singulis impertiens, singulisque ad venerationem Pontificis procumbentibus. Tum vero ubi Pontifex in conspectum propius venit, Carolus ex regio throno descendens, magnaue ducum, Comitum ac Procerum corona circumfusus, in amplexum Pontificis occurrit; factaque invicem salutatione, e castris ad oppidum procedunt. Haud procul a throno stabant castrenses Episcopi, Sacerdotes ac Clerici in choros utrimque divisi, sacro singuli amictu suo induti, signisque, crucibus ac vexillis supplicantium ritu compositi; quibus cum Pontifex hymnum Angelicum, *Gloria in Excelsis Deo* exorsus, choro Sacerdotum cantum excipiente. Ita processum ad Ecclesiam, quam a Carolo & Hathumaro prope absolutam diximus; ubi ab Episcopo & Clero de novo exceptus introductusque Leo & Carolus. Peracto solenni Missæ sacrificio divinisque, Rex Pontificem ad hospitium & convivium ducit. Lætus dies mutua gratulatione & colloquiis consumptus. Non alius hunc magnificum Pontificis ingressum honoremque, a Carolo Christi Vicario Paderbornæ delatum, exactius nobis descripsit, quam vetus quidam Poeta a Canisio ex antiquitatum latebris productus, quem ipsum Alcuinum Caroli M. præceptorem censet; uti is hujus rei coram spectator esse potuit, ex quo a Concilio Francofurtensi una cum Hildebardo Coloniensi Archiepiscopo Regi adjunctus fuit. Quisquis tandem auctor ille, juvat certe hunc non tam Poetico inge-

nio, quam historica fide narrantem audire:

*Est locus insignis, quo Patra & Lippa stuant,*

Canisius l.  
6. Ansig.

*Altus & in nudo campo jacet undique largo  
Vestitus spacio, celsa de colle videri  
Namque potest legio omnis, & hinc exercitus*

*omnis,  
Castra Ducum & Comitum, radiantiaque  
arma virorum.*

*Hic Carolus multis stipatus millibus heros  
Advenit, & tandem juvat hic succedere testis.  
Missus Apostolici regalem tendit ad aulam.  
Interea & summum manifestat quippe venire  
Pontificem expulsum Romana a sede Leonem  
Civibus a propriis, & tot tolerasse recenset  
Verbera, commemorans extinctum lumine vul-*

*tum;  
Narrat & abscissam liquido de gusture lin-*

*guam:  
Nunc medicante Deo sanatum & ab omnibus  
istis*

*Esse malis, animis stupet ipse exercitus omnis  
Audita, & Carolus recolendo somnia retro  
Præteriti indicio agnoscens vestigia visus;  
Hoc fore non dubitat, quod tristes fundere fletus  
Pontificem in somnis jam dudum vidit eundem.  
Hinc jubet ex templo Pipinum occurrere magno  
Pastori, pacem & placidam portare salutem,  
Obvius ire parat genitoris jussa facessens.*

*Pipinus centum latus cum millibus ibat.  
Ipse sedet solio Carolus Rex justus in alto,  
Dans leges patriis, & regni fœdera firmat.  
Utque videt patulo adversum se tendere campo  
Pastor Apostolicus centum cum millibus alium  
Pipinum, geminas extendit ad æthera palmas,  
Pro populoque preces effundens pectore largas.*

*Ante Sacerdotem ter summum exercitus omnis  
Sternitur, & supplex vulgus ter fusus adorat.  
Mox Leo Papa solo Pipinum more benigno  
Excipit, & sacris circumdans colla lacertis  
Hæret in amplexuque diu placida oscula libans.  
It comes, & supra se confert vertice toto*

*Pipinus, varias miscet sermone loquelas,  
Inque vicem diversa levant problemata verbo.  
Rex pius interea solium conscendit, & omnem  
Alloquitur populum Carolus venerabilis Heros.  
Ergo agite o proceres, inquit, quibus induite  
arma*

*Ire estis soliti ad bellum, Martemque severum  
Tentare, & crudo vosmet confidere pugno,  
Pontifici celeri cursu occurremus opimo.  
Vix hæc dixit Heros, fremit undique turbatu-*

*multu,  
Tela manu glomerat, mox loricasque trilices  
Et lato clypeos galeasque & spicula peltæ  
Æratæ resonant; acies hinc inde videntur  
Ire equitum, sparso nigrescunt pulvere nubes,  
Et tuba lugubri medio strepit aggere voce.*

*Classica signa sonant, campi densantur aperti,  
Agmine cristatus fulgetque exercitus omnis.  
Tela micant pariter, vexilla levata coruscant,  
Armati incedunt juvenes & freta juvenus  
Gaudet equis, fœcus fervescit in ossibus ardor  
Audendi, ac Carolus medio micat agmine lætus*

D a

Aurea

Ubi insigni  
pompa ab  
eodem Re-  
ge excipie-  
tur.



*Aurea crista tegit frontem, & conspectus in armis*

*Fulget, equo ingenti portatur ductor opimus.  
Ante Sacerdotum porro castra agmina ternis  
Stant divisa choris, in longis vestibibus alinae  
Sacra crucis vexilla levant, & Præsulis omnis  
Adventum expectat Clerusque & candida  
plebes.*

*Jam pater in campo Carolus videt agmina aperto*

*Pipinum & summum Pastorem tendere contra  
Constat & inque modum populum expectare  
coronæ*

*Præcipit, atque aciem hinc dividit urbis ad instar.*

*Ipse autem medio consistere in orbe beatus  
Præsulis adventum expectans, & vertice toto  
Altior est sociis, populum supereminet omnem.  
Jam Leo Papa subitque externo se agmine  
miscet.*

*Quam varias habitulinguas, tam vestis & armis*

*Miratur gentes diversis partibus orbis.  
Extemplo properans Carolus veneranter adoratur,*

*Pontificem amplectens magnum, & placida oscula libat,*

*Inque vicem dextras jungunt, pariterque feruntur*

*Gressibus, & multo miscentes verba favore.  
Ante Sacerdotem ter summum exercitus omnis  
Sternitur, & supplex vulgus ter fusus adorat,  
Propopuloque preces ter fundit pectore Præsul.  
Rex pater Europæ, & summus Leo Pastor in orbe*

*Congressi, inque vicem vario sermone fruuntur.  
Exquirat Carolus casus, auditque laborum  
Diversos, secleris populi impia facta stupefcit.  
Miratur geminas jam dudum luce fenestras  
Extinctas, & nunc reparatum lumine vultum,  
Truncatamque loqui miratur forcipe linguam.  
Alter in alterius configunt lumina vultus,  
Et parili sedis tendunt ad culmina gressu.*

*Ante Sacerdotes sacri stant ostia templi,  
Alternis vicibus modulantes carmina laudum,  
Atque Creatori grates laudesque frequentant,  
Qui nova Pontifici reddebat lumina summo,  
Et desperatam condebat in ore loquelam.*

*Exoritur clamor, vox ardua pulsat olympum.  
Intrat Apostolicus, Carolo ducente beato,  
Templa Creatoris, solito solemnium more  
Concelebrare pio, Missarum sacra favore.  
Ex hinc officiis divinis rite peractis,  
Invitat Carolus celsa inter tecta Leonem.*

*Clara intus pictis conlucet vestibibus aula,  
Auro ostro ornantur hinc inde sedilia multo.  
Ad mensas residet læti, variisque fruuntur  
Deliciis, medio celebrant convivium tecto;  
Aurea namque tument per mensas vasa falerno.  
Rex Carolus simul & summus Leo Præsul in orbe*

*Vescitur, atque bibunt pateris spumantia vina.  
Post lætas epulas & dulcia pocula Bacchi,  
Multa pius magno Carolus dat dona Leoni.  
Hinc lætus repetens aulæ secreta revisit  
Rex, & Apostolicus repetit quoque castra suorum.*

*Cum tali a Carolo Leo sit susceptus honore & Romanos fugiens propriisque repulsus ab oris.*

*Celebravit & hunc Pontificis ac Regis congressum ingressumque Saxo Poeta noster, tempore Arnulphi Cæsaris Paderbornæ, ut creditur, presbyter.*

*Namque propinquantem cum primum noverat, illi*

*Obvius ipse loco de castrorum memorato*

*Stripatus multis populorum millibus ibat;*

*Pontificemque vicem Petri, cui claudere caelos*

*Et referare licet verbo, sedemque tenentem,*

*Suscepit cum magnifico reverenter honore.*

Mansere per aliquot dies Leo Pontifex & Carolus Paderbornæ; interque cetera pietatis monumenta tria cum primis illustria. Enimvero Episcopatum Paderbornensem recens a Carolo institutum descriptumque Leo Pontifex coram Apostolica auctoritate confirmavit; quod acta Liboriana ab Idone presbytero nostro conscripta docent. Religiosum, inquit ille, Caroli & salutare Christianitatis dilatandæ studium nobiliter inchoatum Leo Pontifex Apostolica auctoritate firmavit. Quo felicius nobiliorque ceteris Carolinis Episcopatibus est Paderbornensis: nihilque magis cum ceteris conquerendum, quam temporum injuria utrumque Regis & Pontificis diploma intercidisse. Deinde Pontifex, ut idem Auctor refert, in Ecclesia tum ibidem noviter constructa quoddam altare consecrans, adorandas in eo reliquias Protomartyris Stephani, quas secum Roma detulerat, collocavit, fiducialiter id Principi promittens, quod oratorium illud tanti Martyris patrocinio munitum, non ulterius passurum foret injuriam, quam ipse referente prius ei contigisse cognovit: ut videlicet ob incolarum loci perfidiam & odium in religionem Christianam aliquoties igni traderet. Et ob hanc maxime causam easdem reliquias ibi rogatu Imperatoris condidit, non sine effectu congruo fiduciæ sponsonisque suæ, cum nihil tale postmodum illic perpetratum esse certissimum sit. Verum ac sua fide constans vaticinium. Nam etsi postea, Rothario Episcopo, Basilica cum maxima parte urbis, iterumque anno MCXXXI. conflagravit; id

Leo Pont.  
altare S.  
Stephani  
Paderbornæ  
consecrat.

for-

fortuito igne accidit, non Barbarorum injuria: quod hic Pontifex tantummodo pronunciavit; ut recte a Bollando in animadversionibus in acta Liboriana observatum est. Ceterum quæ hic de consecrato a Pontifice altari ac Lipsanis D. Stephani repositis memorat Ido presbyter, eadem scriptor vitæ Meinweri, Gobelinus, Crantzius, Browerus clari scriptores retulere. Perstat hodieum altare in crypta chori Leonis monumentum. Quanquam non probet Browerus, quod a Leone ipsum templum dedicatum scribat consecratumque D. Virgini; cum templo demum integro absoluto ea dedicatio Badurado Episcopo Hathumari successori tribuatur. Cryptam forte, quæ choro substructa hodieum amplo spatio conspicitur sacelli instar, aliamve ædiculam dedicaverit. Et falli Gobelinum ac Crantzius, qui a Leone Pontifice Basilicam Paderbornensem VIII. Idus Decembris dedicatam scribunt, satis ex eo constat, quod eo tempore Leo Pontifex Romæ fuerit; quippe qui in pervigilio D. Andreae ad urbem rediit, exceptus incredibili gaudio a Romanis; ut hæc Anastasius Bibliothecarius inter acta Leonis Pontificis retulit. Leonis præterea liberalitatem sacram commendat Gobelinus a condonationibus noxarum, quas recepto vocabulo indulgentias diximus, quarum Pontifex large participes fecerit, quotquot ædem hanc rite precando salutarent; cujusmodi indulgentias alia quoque loca, a Leone per id tempus consecrata, ad eundem Pontificem referunt, de quibus in annalibus nostris uberius relatum est.

At Carolinæ liberalitatis monumen-

Carolus Ca-  
strum Dri-  
burgum  
Ecclesiæ  
Paderbor-  
nenis ad-  
dit.

tum, quod tertium est ex hac Regis & Pontificis præsentia, haud minus illustre dignumque posteritatis memoria. Nam licet Carolus jam amplis bonorum possessionibus proventibusque dotasset Ecclesiam; adjecit tamen regia munificentia, idque rogatu Pontificis, castrum Iburgum (quod posterior ætas Driburgum dixit) cum subjectis agris & circumpositis vicis ac prædiis colonorum domui Episcopi Hathumari. Testes hujus donationis Gobelinus, Crantzius, Bruschi, Hamelmannus, Kerschenbrochius, Hobelius ex tradita certaue Majorum fide: licet tabulæ donationum, quas primi viderint, a nobis desideren-

tur; quemadmodum hæc pluribus afferta a FERDINANDO Episcopo in Monumentis Paderbornensibus; ut ceteris, quæ hic desideres, facile superfedeam. Quo regio Caroli dono alterum etiam Iburgum castrum, quod idem nomen obtendit, Wihoni Osnabrugensi Episcopo cesserit. Nec insolens videri debet, ejusmodi castra arcesque Saxonum Episcopis a Carolo esse datas; quando, ut mox referam, celebre Eresburgum castrum cum circumjacentibus prædiis, agris & incolis a Carolo donatum est Monachis familiæ D. Benedicti, ob egregia in prima gentium conversione merita. Quam in rem Leonis Pontificis consilium fuit, ut ex Eresburgi diplomate liquet, ejusmodi castra consecrare religioni & domiciliis sacrorum Præfulum. Nimirum ut iis in locis, in quibus Barbari habuerant sua fana, Idola, & conventus superstitionis, in iis Christiana religio haberet cultum veri Numinis. Ultraque etiam Carolus porrexerit consilia; quibus ejusmodi arcibus Episcopos præmunitos esse voluit, vel ad receptum, vel ad tutelam suorum. Certe nec eum Saxoniam ita inter Episcopos divisisse scribitur, ut solis decimis agrorumque prædiis, sed amplis bonorum possessionibus atque arcibus honori splendorique supremi Sacerdotii consultum voluerit; haud secus quam in Francia & Germania Cirschenana Regum Francorum & progenitorum Caroli liberalitate conspiciebantur Episcopi. Driburgum certe Iburgumve castrum primis Caroli bellis expugnatum ereptumque Saxonibus, qua Austrum respicit, ex abrupti montis crepidine inexpugnabile, ex adverso montium Teutonicorum jugo altis fossis vallisque præmunitum, ut vestigia hodieum monstrant: circum nemora & luci; quibus persuasus non nemo, illic Idolum Irmenseul cultum a Barbaris. Sed cum illud Eresburgi a nobis monstratum sit, aliud gentis Idolum, quæ ejusmodi in locis crebra fuerit, constituisse dixeris; quæ ob id Carolus in sacrorum loca haud secus, quam Eresburgum converterit. Arx, quam Episcopi tenuere, ad annum 1309. constitit: modo rudera tantum visuntur & collapsa turris. Ad pedem montis Driburgum oppidum, quod idem nomen servat. In subjecta planitie magna vi aquarum prorumpentes acidulæ, quibus

bus non aliæ per diœcesin, aut alibi facile præstantiores vel celebriores; cuiusmodi loca aquis nobilitata, quæ ex naturæ apud nos beneficio, ita probavit Carolus, ut suo etiam beneficio duo ex his Paderbornam & Driburgum, Ecclesiæ donarit.

Leo Pont.  
Dethmoldiam ac  
Mindam  
cum Caro-  
lo inivit.

Vita Mein-  
werici.  
n. LXXX.

Henr. de  
Harvard.  
Gobelinus  
Herm. Min-  
denfis.  
Joan. de  
Essendia.  
Relevingus  
Wirkius.

Manfit Carolus, ubi hæc agebantur, Paderbornæ per aliquot dies cum Pontifice; & cum multa coram pertractata essent (sicuti Francorum annales tradunt) Rex Pontificem, quod multa non obscure indicant monumenta, per diœcesin circumduxit. Monstratus primum in vicinis Teutonicis montibus locus prælii, quo acie decertarat cum Saxonibus; nam ista a Caroli ævo, quia a Carolo condita, sacra ædes hujus cælestis victoriæ grata in Deum memoria constitit. De qua inter ceteros Crantzius, & nos supra ad annum Christi 783. Dethmoldiam inde progressi; ubi Leo Pontifex aram consecravit, cœtu primorum Christianorum jam iis locis congregato per Sacerdotes. Hujus rei sat evidens testimonium apud Auctorem vetustum in vita Meinwerici: lapidem, inquit ille, quendam altaris spectabilis magnitudinis, a B. Leone Papa consecratum, de Ecclesia Thietmelle allatum, collocavit in crypta novi Monasterii a se constructi, in qua & reliquias Protomartyris Stephani cum multorum alius sanctorum reposuit. Thietmelle vero seu Dethmoldia arx est & oppidum infra fines diœcesis Paderbornensis; sicuti totus ille montium tractus. Mindam quoque deductum Pontificem ad Visurgim duæ sacra ædes monstrant; quarum alteram Remæ ad confluentes Wernæ & Visurgis, alteram in monte haud procul Minda D. Nicolao a Leone Pontifice consecratam perhibent vetusta eorum locorum monumenta & tradita Majorum fides. Et si conjecturis uti fas erit, quod ex illa antiquitate per hæc vestigia liberius est, prorsus existimo, Carolum M. ostendisse Leoni Pontifici, non solum Mindæ, sed & in ceteris per Westphaliæ locis primas Episcoporum sedes a se institutas conditasque; ut haud secus, quam Paderbornæ fecerat, Apostolica auctoritate probarentur: ac Pontifex coram oculis suis delibaret fructum Saxonie, a se ad Christi religionem traductæ; quo a Pontifice nihil jucundius, & a Carolo nihil ho-

norificentius spectari poterat. Hunc in modum Hameliæ ad Visurgim, & Sindinckusii in dynastia Burana apud nos, ex tradita Majorum fide, monstrantur ædes sacræ a Leone Pontifice dedicatæ. Sane vero Leonem Pontificem Eresburgum accessisse, ibique non modo consecrassè capellam, sed & totum illum montem, in quo prima Christianæ religionis auspicia fuere, convertisse in domicilium possessionemque Ordinis D. Benedicti, ut exinde religiosi Sacerdotes incolerent in Subsidium excolendæ Saxonie; ex tabulis ipsius Pontificis certum accepimus, quas hic adscribere necesse habemus.

Montem  
Eresburgum a Carolo M. D. Benedicti religiosi donatum comprobatur.

*Leo servus servorum Dei, Karolo M. Francorum Regi. Piæ tuæ intentioni per omnia congaudentes, quod jubes, annuere non tardamus. Igitur hunc montem Eresburg, quem expugnatum cum tota Saxonia Deo obtulisti, & per nos B. Petro consecrasti, liberum ab omni humana potestate esse, & fratrum inibi ad Christi servitium adunatorum ditioni tantummodo parere censemus. Qui ne aliquid in hoc impedimenti patiantur, neve regni vestri invasoribus aliqua rebellandi fiducia præparetur: Sub anathemate, B. Petri auctoritate, interdicimus, ne quis unquam bellica ipso in monte præsidia collocare, aut per te collata prædia, aut decimas circa montem per duas Saxonicas rastas, quas illuc delegasti, audeat diripere. Hæc conservantibus sit pax a Deo patre, infringentibus excommunicatio & a Beatorum collegio sit separatio in æternum. Datum Eresburg per manum Jannis Bibliothecarii & Cancellarii Ecclesiæ Romanæ VIII. Kal. Jan. Anno Domini ... Leonis tertii quarto. Indictione \* septima die de-*

\* Octava.

Celebre apud Baronium, & in conciliorum actis apud Binium & Sirmondum, perinde uti apud nostros scriptores, diploma, in quo vetustatis ex scriptorumque vitio unus alterve error irrepsit; inscriptio enim Carolum Imperatorem præfert, qui altero demum anno Imperator a Leone coronatus est; quocirca nomen Romanorum Imperatoris, in Francorum Regis commutavimus: si non tota inscriptio imperiti manu acceperit. Alter error est in mense, qui VIII. Kal. Januarii consignatur, cum Leo

Meibomius.  
Wittius.  
Cleinberg.  
Strangefol.

Leo Pontifex nonnisi post Litanias Romæ habitas verno ejus anni tempore ex Italia profectus ad Carolum venerit, quem deinde Carolus per totam æstatem in serum usque Autumnum in Saxonia & ad Rhenum apud se in comitatu habuit; quocirca pro Januario reponendus est Junius aut Julius; quæ mensium nomina cum per primas abruptasque literas in diplomate scripta fuerint, facili errore pro Junio aut Julio Januarius obtrudi potuit. Quibus animadversis facile est componere ac statuere ea, quæ de templis & altaribus aut Sigeburgi ad Ruram, aut Colonia, aut Aquisgrani, aut Tungris a Leone consecratis memorant eorum locorum scriptores; quando Leo Pontifex, uti ex Anastasio relatum est, pridie D. Andreæ sub exitum Novembris Romam tandem reversus est. Interque Romanos ordines, qui Pontificem incredibili gaudio redeuntem exceperunt, memorantur apud Milvium processisse Pontifici obviam Scholæ Francorum,

Frisonum & Saxonum. Adeo semper Carolo cura fuit de Saxonia, ut jam Hadriano Pontifice Saxonum adolescentes transmitteret Romam, literis & Christiana religione informandos; quos ex obsidum aut captivorum numero, aut ingenuorum delectu, ad illud seminarium pietatis transmisit. Quemadmodum ceteros obsides adolescentes aut Herbipolim, aut Ultrajectum, aut Rhemos, aut ad alia Franciæ Germaniæque florentia Clericorum collegia transportari jussit; quo ex illis haberet probatæ virtutis & doctrinæ Sacerdotes, quos incultis per Saxoniam populis imponeret Pastores doctoresque Evangelii. Et si quis hæc conferat cum iis, quæ a Leone Pontifice acta sunt per Saxoniam, insanire prorsus dixeris eos, qui aliam quam Romanam Religionem a Carolo in Saxoniam nostram introductam comminisci, & suæ hæresis plebi persuadere, palamque editis libris per summam fallaciam spargere audent.

## Annus Christi 800.

Leonis III. Pont. 5. Caroli M. Franc. Reg. 33.

Hathumari Ep. Pad. 6.

Pontifice honorificentissime a se dimisso Romam Carolus Aquisgrani hyemavit inter festos Natalis Christi & Paschatis dies, altero mox anno per Autumni tempus Leonem Pontificem Romanam consecutus. Ubi sacratissima Natalis Christi die, inter Missarum solemniam, in Basilica B. Petri Apostoli Imperator a Leone coronatus est, acclamante populo KAROLO AUGUSTO A DEO CORONATO, MAGNO ET PACIFICO, IMPERATORI ROMANORUM VITA ET VICTORIA. Post quas laudes, ut Francorum annales addunt, a Pontifice more antiquorum Principum adoratus est, ac deinde omisso Patricii nomine IMPERATOR & AUGUSTUS appellatus; cum ob rerum magnitudinem pro Ecclesia Christi gestarum, tum etiam ob Saxoniam subactam, Christoque partam. Jam enim quam late ab Rheno ad Albim, ab Isala & Frisiæ finibus ad Salam & Thuringiam ingenti terrarum populorumque spatio protendebatur, cum imperio Francico Christi legem ac religionem susceperat: jam omnis illa regio vasti instar regni in Episcoporum sedes a Carolo descripta erat:

jam Episcopatus octo conditi absolutique erant, duobus præterea inchoatis: jam & Episcopi in singulas suas dioceses ac sedes introducti erant; & quiescente a bellis gente, florebat ubique Christiana religio, everfis inanium deorum fanis ac Idolis. Postremo quod divina prorsus ordinatione factum dixeris, Romanus Pontifex Leo III in Saxoniam delatus, & a Carolo M. per Episcopatus circumductus; ut vice S. Petri, cui Carolus toties Saxoniam Romæ devoverat, possessionem Saxoniam adiret; tanquam non prius Deus Carolum Imperatorem coronari voluerit, quam ex integro belli merito Christiana religio per successorem S. Petri confirmata esset. Quapropter per hunc S. Petri successorem in Basilica ejusdem Natali Christi die, corona Imperii ad Francos translata, quorum natales & origines gens Francica in his Westphaliæ Saxoniamque regionibus primum habuerat; lætoque ac prælogo non minus auspicio eadem Imperii Corona a Francis deinde ad Saxones, utramque Germaniam & bellicosam pro Christo gentem transiit; donec hanc nominis Majorumque suorum

Chapenwill  
Brouverus.  
l. 7. ann.  
Becanus in  
Aquisg.  
Fisen lib. 5.  
ad an. 799.

Carolus M.  
Romæ a Leone  
Imperator  
coro-  
natus.  
Ann. Franc.



suorum gloriam foeda hæresi corrumpet, immemor quo Romani Pontificis & successoris Petri beneficio Impe-

rii majestas ad Germanos primum pervenerit.

## Annus Christi 801. &c.

Leonis III. Pont. 6. &c. Caroli M. Imper. I. &c. Reg. 34. &c.

Hathumari Ep. Pad. 7. &c.

Finite bello Saxonico Christiana religio florere incipit

Ceterum Carolus, ex quo Imperator Roma in Germaniam rediit, & sedem Imperatoris Aquisgrani medios inter Germanos collocavit, & bella, quæ exinde gessit in his regionibus, trans Albim adversus Transalbianos suscepit; dum anno DCCCIV. debellatis quoque iis gentibus, Saxones Transalbianos identidem rebelles cum mulieribus & infantibus transferret in Franciam. Abotritis (populo Francico fœderatis mitioribusque ad Christi sacra accipienda) in vacuas Saxonum sedes repositis. Quo bello Eginardus ceterique scriptores trigessimum tertium belli Saxonici annum in Carolo absolvunt. Ita religio Christiana ad Danorum fines atque Ederam fluvium, quo Saxones a Danis dirempti, quam latissime propagata, antiquissimam quoque Saxoniam & primas Saxonum sedes imperio suo inclusit. Rarius exinde Saxoniam ingressus est Carolus; nec causa urgebat, cum gens omnis pacata quiesceret, & exuta barbarie Christianæ legis mores imbueret; ultroque se ad Baptismum & Christi sacra tam prona & fervida offerret post infusum religionis lumen, quam obstinata prius ex superstitionis cœcitate fuerat. Hunc vero laborum suorum fructum cum ceteri per Saxoniam Episcopi & Sacerdotes experirentur, tum Hathumarus cum primis; cujus diœcesis populus, statim ab initiis belli excoli cœperat; uti Caroli etiam totiusque aulæ frequentia toties excitatus erat; præterquam quod Paderborna jam ex vico in oppidi speciem templis, Collegio Cleri, ædibus, incolis, scholis, & frequentia civium præ ceteris Westphaliæ locis exulta esset.

Per hæc tempora, anno, ut quidam volunt, 805. vel ut alii 807. mor-

talium numero ereptus est Widekindus Mag. Westphaliæ & Angariæ Dux (quem Regis quidam titulo honorarunt) multis pro conservanda gentis suæ libertate bellis contra Carolum M. gestis memorabilis, de quibus suis superius locis egimus: at multo celebrior sincera ad Christianam fidem conversione, quam semel susceptam adeo deinceps constanter tenuit, ferventerque propugnavit; ut non vulgarem modo pietatis laudem vivus, sed & Divorum post mortem honores consecutus sit. Defuncti corpus conditum in vico Engeren prope Hervordiam, & tumulus crebris illustratus prodigiis, de quibus cum alio fusius loco actum, nihil hic repetendum ducimus.

Widekindus Dux, Westphaliæ obiit.

lisdem hisce temporibus, urgente Carolo & Metropolitano, inter Apostolicos labores Hathumarus consecratus est Episcopus; quod crescente per diœcesis amplitudinem Christiana religione postularentur Sacerdotes parœciis imponendi: & satis jam instructus esset hujus loci Clerus, e quo præficiendi popularibus suis Pastores desumi possent. In quem vero annum hæc consecratio inciderit, nullus scriptorum prodidit: tantum Ido presbyter in actis Liborianis, *Hathumarus*, inquit, *ex præcepto Principis primus est Paderbornensis Ecclesiæ ordinatus Episcopus. Post cujus ordinationem paucis annis transactis, idem gloriosissimus Princeps ab hac luce migravit.* Constat vero Carolum M. excessisse e vivis anno Christi 814. quocirca aliquot ante ejus obitum annis consecratus Episcopus, & Carolo etiam, ut mox confirmabimus, superstes vixit.

Hathumarus consecratur Episcopus.

## Annus Christi 813.

Leonis III. Pont. 18. Caroli M. Imp. 13. Reg. 46.

Hathumari Ep. Pad. 19.

Celebris interea Moguntina Synodus anno Christi DCCCXIII convocata,

ad quam tres Archiepiscopi Metropolitani, Hildebaldus Colonienfis, Richol-  
phus, Synodus Moguntina.

phus Moguntinus, & Arno seu Bernharius Salisburgensis cum suis provincialibus Episcopis, Abbatibus & Clero convenere Moguntiam, in clauastro S. Albani, die nono Junii; quemadmodum id præfatio Patrum ad Concilii hujus acta testatur. Episcopi qui interfuere, numerantur xxx. Abbates xxv. Ac licet nullius Episcopi nomen adnotatum reperiam, quod hinc multi nobiscum ex illa antiquitate desiderant; haud tamen ambigam, quin Hathumarus Paderbornensis, & Gerfridus Mimgardevordensis, ceterique Saxonie Episcopi evocati convenerint; maxime cum rogatu & auctoritate Caroli Synodus hæc congregata sit: in qua postremo ante mortem anno omnia constitui voluit, quæ vel ad religionem Christianam, ac Cleri disciplinam, vel ad regnorum tranquillitatem a religiosissimo Imperatore desiderari poterant, ut Imperium optimis sanctissimisque legibus

ordinatum Ludovico filio moriturus relinqueret. Eam quoque ob causam cetera per Franciæ Regnum Concilia, Arelatense, Rhemense, Turonense & Cabilonense ab Archiepiscopis eorum locorum per id tempus anni celebrata sunt. Tanquam sapientissimus Imperator, qui jam anno Christi dcccxi. testamentum solemniter fecerat, ab Archiepiscopis & Episcopis consignatum, per hæc postrema Concilia supremas quoque tabulas conderet, quibus Ecclesiæ & Imperio quam saluberrime consultum esset. Multa igitur in Synodo Moguntina, uti & in aliis, utiliter, pie & sancte lvi. Canonum legibus ac decretis constituta sunt, quibus Cleri, Monachorum, & populi mores formarentur; quæ Hathumarus, siquidem præsens hic fuerit, certe haud secus quam ceteri Saxonie Episcopi per diocesim sancita observavit.

## Annus Christi 814. 815.

Leonis III. Pontif. 19. 20. Ludovici Pii Imp. 1. 2.

Hathumari Ep. Pad. 20.

Monitur Carolus M. succedit Ludovic. Pius, Ann. Franc. Auctor vis. in Ludov. Torgans. An. Paderb.

Nihil exinde memorabile de Hathumaro ex Caroli ætate, quem altero mox anno Aquisgrani incredibili cum totius Germaniæ & Europæ luctu mors sustulit. Successit Carolo in Imperium Ludovicus filius, cognomento Pius, omnium regnorum & Imperii hæres a patre scriptus. Is vero postquam Aquisgrani omnia mature disposuerat; in Saxoniam cum exercitu movit, ac patris instituto Paderbornæ generalem conventum habuit. Tam celebris excultraque Paderborna, quæ præ ceteris Saxonie locis Ludovicum etiam Imperatorem invitavit, ut iste de totius gentis negotiis cum legatis undique ad se missis transigeret, Saxoniamque ut a patre acceperat, in religione Christiana & Imperio Francico pacatam contineret. Convenere etiam præter Herioldum profugum e Dania Regem, legati Sclavorum Paderbornæ; quibus cum de gentis illius securitate, ne quid in Saxonia turbaret, actum est. Interim exercitus, duce Balderico supremo militiæ legato ad fines Daniæ per Albim transmissus. Nam ex quo Herioldus & Reginfridus Daniæ Reges a Godefridi filiis ante biennium victi erant Regnoque ejecti, reparatis viribus bel-

lum denuo intulerunt. In quo conflictu Reginfridus alterque ex Godefridi filiis cecidit. Herioldus, cum rebus suis diffideret, Dania in factiones scissa, ad Ludovicum Imperatorem confugit; quem Imperator benigne excepit, & in Saxonia sui adventum præstolari iussit, dum post vernum tempus ipse in Saxoniam veniret: opportunum ratus si æmulæ & dissidenti genti Daniæ Regem imponeret, quem ex officio sibi obligatum haberet, ad Christianam religionem in remotissimas illas Septentrionis oras introducendam. Et spem dare visus Herioldus, qui postea Moguntia cum uxore & magna Danorum multitudine Baptismum suscepit. Igitur omnes Saxonici Comites iussi contrahere militem, junctisque Abotritis Baldericus trans Egidoram flumen in interiora Daniæ penetravit, septemisque castris ad litus oceani pervenit. Ibi cum castra figeret, & Godefridi Regis filii cum magnis copiis & classe ducenarum navium in Insula triginta millibus passuum a continente abrupta hærent, nec copiam pugnae facerent; Baldericus Herioldum in Regnum reposuit, acceptisque xl. populorum obsidibus cum exercitu ad Ludovicum Erediit,

Herioldum Regem sibi Ludovicus devincit ad fidem Christianam Daniæ inferendam.

Qui gentem Paderbornæ conventum habet, & variorum Legatos excipit.

rediit, qui per id tempus Paderbornæ, ut Auctor vitæ Ludovici perhibet, in Comitibus versabatur. Præclare cum Cæsar de Herioldo meritis, nec minus de Saxonibus. Nam Transalbanis, quos Pater, ut supra diximus, ob rebellionem in Franciam transportarat, cum uxoribus & liberis remigrandi potestatem fecit, solvitque onera quæ Pater injunxerat. Filiis quoque jus paternæ hæreditatis, quod sub Patre ob perfidiam amiserant, Imperatoria clementia restituit: ratus vi & timore coercitos hætenus, amore & beneficiis, ut cognomento vere pius erat Imperator, provocandos in melius; quod late tota Saxonia ultro in Christi legem & sacra transfret. Nec ea spe delusus Imperator, fida in posterum gente ex vinculo religionis, quo nullo artius mortalium mentes tenentur.

Nihil hac Ludovici præsentia per ætatem ad fontes Paderæ Hathumaro aut honorificentius aut jucundius evenire poterat, per quam in intimam Imperatoris gratiam receptus est. Neque Imperatori quicquam jucundius fuit, quam videre Christi religionem per Saxoniam efflorere, opera sanctissimorum Præfulum & Sacerdotum. Adeo quippe sacrarum rerum amans, & Ecclesiæ profectæ studio incensus erat, ut passim milites, dum in Aquitania ageret, non modo Regem sed & Sacerdotem compellarint; quemadmodum & Clerum omnem in Aquitania per longa bella dissolutum tanquam instauratur aliquis Episcopusque ad veterem disciplinam reduxit; quem longe meliori forma per Saxoniam efflorescente religione conspexit, ideoque patris liberalitate complexus est; quanquam Hathumaro quid præstiterit vetustate temporis subtractum sit. Vixisse autem per id tempus Hathumarum Episcopum nostrum, cum Imperator Kalendis Julii Paderbornæ conventum ageret, satis compertum habemus ex vetusto auctore, qui nova ad Visurgim Corbejæ exordia & translationem S. Viti conscripsit. Alterum, quia ad hunc annum & jurisdictionem sacram Hathumari Episcopi spectat, cujus voluntas ad hanc rem ab Imperatore postulata fuit, operæ pretium erit hoc loco referre.

Postquam Saxonia integre debellata, ut hic auctor attestatur, ac jam etiam Epi-

scopi introducti; Sacerdotes & Pastores populo dati, & disciplina Ecclesiastica per collegia Clericorum satis formata erat; sæpe agitatum in comitiis Caroli de cœnobiis Monachorum per Saxoniam instituendis; quod haud dubie secum Carolus pervolverit, quanto nimirum Christianæ religionis emolumento progressuque Monachorum cœnobia per Hassiam instituta essent. Verum ad eum diem nullus hætenus sese commodus locus obtulerat; in quo monasticum vitæ institutum collocaret. Hæc interim Caroli salutaria consilia cum ad aures Adelhardi Corbejensis in Gallia Abbatis pervenissent; quod is non modo Caroli consanguineus ac consobrinus, seu ut alii, patruelis ex Bernardo Caroli Martelli filio genitus, sed & inter primores palatii Consiliarios intimus, magnopere sibi hanc rem curæ sumpsit, eo vel imprimis, quod Carolus ejus quoque rei obsides & captivos Saxonum per Monasteria Francorum distribuerat, multosque ex his in Corbeja Galliarum collocarat; quo ex eorum numero haberet, per quos monasticum vitæ institutum per Saxoniam transportaret. Erat tum temporis Corbejæ inter illos Theodradus ex nobili Saxonum familia, quem Adelhardus consuluit, utrumne in parentis possessionibus locus monasterio condendo accommodus esset. Quo indicante, misit Theodradum in Saxoniam, qui locum exploraret, & parentum ac consanguineorum voluntatem referret. Dum vero in eo itinere versatur, ac parentes etiam omnesque consanguineos ad id promptissimos est nactus, accidit interea, dum hæc agebantur, Adelhardum Abbatem mitti in Italiam, ut Bernardi nepotis ex Pipino filio geniti pueritiam, & loco ejus Regnum Longobardorum administraret; quando Pipinus jam anno dcccx e vivis excefferat, relicto impubere filio Bernardo, cui Carolus Italiæ Regnum promiserat. Ita Adelhardo ex Galliis & aula Caroli evocato in Italiam, quæ cœpta erant consilia instituendi in Saxonia cœnobia per aliquot annos sunt intermissa. Post ubi Carolus M. anno Christi dcccxiv obiisse intellexit Adelhardus, ac Bernardo Regi interim de conjuge prospexerat, in Gallias rediit, Ludovico jam pro Carolo regnante. Sed ecce novum consulti operis impedimentum: vix dum Adel-

Corbejæ ad Visurgim origo & prima institutio.

Pascb. Radobertus in vita Adelhardi. Bollandus in Vita Caroli M.

Adelhardus Abbas Corbejam suam reperierat, cum æmulorum falsorumque hominum criminationibus traductus apud Ludovicum Imperatorem, innocens in exilium mandato Imperatoris projicitur, imperatumque ut Monachi alium sibi Abbatem deligerent. Igitur in Adelhardi locum subrogatus alius nomine Adelhardus, quem juniorem compellarunt, vir ut nomine ita religione & virtutibus seniori non dissimilis; a quo cœpti operis cura non minus suscepta, Walone cum primis hortante. Erat enim Walo frater germanus Adelhardi senioris idemque Monachus in Corbeja Gallica, qui eo etiam impensius hoc negotium sollicitavit, quod antequam Monachum indueret, inter primores aulæ sub Carolo præfecturam gesserat in Saxonia. Hujus ergo consilio, hortatuque ceterorum Monachorum, Adelhardus junior Abbas profectus est ad Ludovicum, *factumque est id eodem tempore*, ut hæc prisca ejusdem scriptoris referam verbis, quo *Serenissimus Imperator Ludovicus habebat placitum in Saxonia, in loco, qui dicitur Patherbrunna, in secundo anno regni sui, Incarnationis vero Domini octingentesimo decimo quinto. Tunc accessit præfatus Abbas\* ad eum, & locutus est ei, cum consilio suadens, ut ad profectum Christianæ religionis in eadem Provincia monasterium Monachorum construere juberet: quod cum pissimus Princeps benigne suscepisset; PLACUIT ACCERSERE EPISCOPUM NOMINE HATHUMARUM, AD CUJUS DIOECESIN PERTINEBAT LOCUS, ubi construendum erat Monasterium, ut cum ejus fieret imperio & voluntate.. Sicque factum est, ut ab ea die & deinceps religio Monachorum etiam in regione Saxonica succresceret atque proficeret. Eodem die remisit Dominus Imperator omne servitium quod ad se pertinebat, ut liberius sanctum opus implere possent. Cœpit autem ædificare in loco, qui dicitur HETHI; ubi cum per sex, & eo amplius annos laborassent, nihil proficere potuerunt, nisi quod religio sancta in loco deserto tradebatur. Nam locus iste aridus erat, ut nec victum nec vestimentum ibidem invenire possent, nisi quantum præfatus Abbas e Monasterio proprio deferre faciebat; augebatur tamen quotidie numerus Mo-*

nachorum ex nobilissimo Saxonum genere; pueri quoque bonæ indolis instruebantur optime, & licet opibus essent pauperes, religione tamen sancta pollebant.

Hæc celeberrimi ad Visurgim cœnobii Corbejenfis initia, atque ut omnium fere ejusmodi esse solent, aspera satis. Monstrantur adhuc ejusdem loci vestigia trans Visurgim in vasto Sollingano nemore, quem Theodradi parentes nobiles & consanguinei ultro obtulere excolendum, in eoque nobiles Saxonie alii filios suos in disciplinas scholarum atque ad literas addiscendas, alii & ad ipsum institutum Monachorum amplectendum obtulerunt. Locus porro HETHI, quem alii Herthi vocant, quique prima cœnobii Corbejenfis fundamenta dedit, trans Visurgim situs est; quod argumento est jurisdictionem sacram Episcopi Paderbornensis late per eas oras, ut Carolus M. descriperat, sese porrexisse. Nec minus præclara Ludovici Pii Imperatoris religio, noluisse citra voluntatem Hathumari Episcopi locum dare Monachis: quo discerent posterii politicique Principes, nihil sibi juris esse in iis, quæ sacræ jurisdictionis sunt, & Ecclesia Episcoporum potestati subjecit. Neque in hac narratione nos turbare debet, quod Gerhardus sylvæ majoris Abbas, idemque olim Corbejenfis in Gallia Monachus referat; scriptorem translationis S. Viti authenticum non esse, eo quod in Chronicis Principum & successoribus Adelhardi erret; at quaecunque id scriptum sit, utrumne hoc ipsum, quod Corbeja ad Visurgim pro authentico asseveravit, an aliud, certo constare non potest. Nos certe in iis, quæ adduximus, nullum errorem chronologiæ agnoscimus, præterquam quod Gerhardus Abbas valde involute scribat, ut ægre admodum mentem ejus divinare liceat.

Ceterum Hathumarus Episcopus ab his Paderbornensibus comitiis congressuque cum Ludovico Imperatore, haud multum superites fuit; nam ad hunc annum vixisse testantur ea, quæ retulimus: tum quod in actis Liborianis memoretur, *defuncto Carolo M. Hathumarum quoque Episcopum non longo post tempore ab hac mortalitate ad perennem, ut credimus, vitam assumptum esse*, cui Baduradus successit. Dies

Obitus B. Hathumari primi Paderborn. Episcopi.

\* Adelhardus.



obitus in necrologio Abdinghovensis Monasterii consignatus apud nos in hæc verba, *V. Idus Augusti obiit Hathumarus Episcopus*, quem diem anni hujus decimi quinti ac secundi Ludovici Imperatoris statuimus. Et si ab anno Christi 795. exordia Episcopatus, ut commemoravimus, ducantur ad hunc annum 815. anni universi, quos in Episcopatu exegit Hathumarus, vicinerunt. Quapropter falluntur Gobelinus, Crantzius, Bruschius, Cratepolius, Kerfenbrochius, qui nono Episcopatus anno excessisse scribunt, abducti in errorem ab auctore vitæ Meinwerici Episcopi, a quo hic idem annus male primum consignatus est.

Corpus sanctissimi Præfultis, ut Harius refert, antiquitus in crypta Basilicæ humatum fuit, tumulo etiam e terra altius erecto; cujus tamen nulla vestigia monstrata. Neque alius mos tum erat, quam humili & angusto sepulchro claudere Episcopos; qualis D. Ludgeri & tot Episcoporum in cœnobio Werthinensi conspiciuntur hodie. Imadus tandem XII. Episcopus ossa primorum Episcoporum anno Chri-

sti MLXVIII. collegit in unum tumulum & urnam, collocavitque honoratiore simul loco in crypta ante aram a Leone Pontifice olim consecratam, ac muro sepulchra inclusit, cippo contecta. Dies hujus translationis VII. idus Septembris Divum etiam honoribus celebris est habitus. Locus ipse cryptæ exstructis altaribus, constitutis sacrificiis, piorum oblationibus, ac votivis supplicum precibus cultus, non sine beneficiis cœlitus etiam impetratis. Deinde cum ab ingressa hæresi in urbem, ac per longa superiorum temporum bella, Hathumari ceterorumque Episcoporum memoria rursus prope obruta jacuisset, cippo etiam tumuli ablato, ut parum de communi sepulchro constaret; FERDINANDUS Episcopus demum monumentum instauravit; ossaque, inter quæ adhuc quinque capita reperta sunt, integra, mundioribus integumentis involuta, quam honorificentissime condidit. Atque ut posteritatis memoriæ ac pietati certius consuleret, tumulum altius & magnificentius erexit e terra, e cujus impositi lapidis planitie hæc elegans FERDINANDI Episcopi nostri inscriptio legitur.

Cujus ossa  
elevata ab  
Imado Epi-  
scopo anno  
1068.


Deinde pri-  
stinæ vene-  
rationi res-  
tituta a Fer-  
dinando II  
Episcopo  
anno 1666

## SEPULCRUM PRIMORUM EPISCOPORUM PADERBORNENSIVM RESTAURATUM IN CRYPTA ÆDIS CATHEDRALIS.

FERDINANDUS. DEI. ET  
APOSTOLICÆ. SEDIS. GRATIA  
EPISCOPUS. PADERBORNENSIS. S. R. I. PRINCEPS  
ET COMES PYRMONTANUS.

PRIMORUM HUIUS ECCLESIAE EPISCOPO-  
RUM CORPORA AN. DOM. INCARNAT. MLXVIII. INDICT: VI.  
HENRICI IV. IMP. AN. XIII. ORDINATIONIS VERO IMMADI EPI-  
SCOPI PADERBORNENSIS AN. XVI. INVENTA ET COLLECTA  
TRANSLATA AUTEM ET SEPULTA VII. ID. SEPTEMB. NE RE-  
CLUSO SUPERIORIBUS TEMPORIBUS SEPULCRO NEGLECTA DI-  
UTIUS JACERENT INSTAURATO PRISTINO MONUMENTO  
COMPOSUIT & ANTIQUÆ VENERATIONIS MEMORIAM  
RENOVAVIT AN. MDCLXVI.

ANNA-



# ANNALIUM PADERBORNENSIIUM

LIBER II.

## B. BADURADUS,

II. EPISCOPUS PADERBORNENSIS.

Annus Christi 815.

Leonis III. Papæ 20. Ludovici Pii Imp. 2.

Baduradi Ep. Pad. I.

Baduradus  
ex nobilitate  
Saxonie  
& Clero  
Herbipolen-  
sis secun-  
dus Paderb.  
Episcopus.



Post excessum Hathumari Episcopi, subrogatus est Baduradus, Anno Christi 815. Ludovici Pii Imperatoris secundo; quem altero de hinc anno semper est consecutus, gesto Episcopatu in quadragesimum tertium annum. Nomen hujus Præsulis pro scriptorum varietate varium; alii Baderatum & Baduratum, alii Badaradum & Baduranum vocant. Teganus prius ex eadem ætate scriptor Baradadum appellavit. Nostri (quod certius ei in diplomate Ludovicii Pii nomen est) Baderadum & Baduradum scribunt. Præclarus & dignus eo sæculo Episcopus; quem ab integritate vitæ, fervore religionis, magnitudine animi, atque ab omni virtutum ornatu scripta factaque mirifice commendamus. Paucis hæc Ido Presbyter complexus in actis

Liborianis. *Hathumaro, inquit, successit Baduradus, qui & ipse ex hac regione, nobili ortus prosapia, ex ejusdem Ecclesiæ, Herbipolensis videlicet, Clero electus est. Qui præclaræ morum nobilitatis, magnanimitatis & industriæ merito familiaritatem regiam intime consecutus, tantæ dignitatis locum promeruit, ut ei non minor facultas, quam voluntas amplificandæ, provehendæ, atque adornandæ Ecclesiæ sibi commissæ suppetere videretur.* Genus igitur Baduradi (quod & Auctor vitæ Meinwerici Episc. retulit) ex nobili Saxonum familia, atque, ut Gelenius perhibet, ex Adelingis Padbergicis; quorum per illa tempora ingentes opes & Episcopis semper formidanda potentia fuit. Certe Baduradus (quod omnes præci Auctores memorant) puer Carolo M. a Saxonum gente obses inter ceteros nobi-

Ido Presby-  
ter.  
Auctor vitæ  
Meinwerici.  
Gelen. lib. 4.  
Saxa.

nobilium adolescentes datus, quem Carolus Herbipolim D. Burchardo educandum formandumque Christianis moribus transmisit. Inde eadem, qua Hathumarus forte (quam divinam potius dixeris providentiam) non modo a primis adolescentiæ annis Christi religione imbutus; sed, quod ad felicitatem accessit, in clerum etiam cooptatus, a D. Burchardo ejusque successore Megingaudo Episcopo, ceterisque Magistris in collegio clericorum, quod Herbipoli florentissimum erat, excultus est; hausitque cum scientia sacrarum literarum disciplinam religiosæ vitæ, quam Magistri ejus a sancto Bonifacio ac reliquis Apostolicis viris didicerant. Fuitque Badurado primus imitandi ardor tam generis nobilitas, quam Magistrorum sanctissimorum & collegarum exemplum; tum vel maxime, cum socialem in communi vitam clerici haud secus quam Monachi colerent.

*Auctor vlt  
sa Ludovici  
Pii.  
Ob præcla-  
ras virtutes  
acceptus  
Imperatori*

*Parochias  
& gymnas-  
ium Pader-  
bornæ in-  
struit.*

Quapropter ob egregias, quæ in illo conspiciebantur, virtutes, e clero Herbipolensi in Episcopum electus est. Inde commendatus Ludovico pio, a primo congressu in intimam Imperatoris familiaritatem pervenit. Quod cum acta Liboriana recte testantur factum Ludovico Pio Imperatore, perperam Auctor vitæ Meinweri adscribit Carolo M. qui jam anno superiori e vivis abierat, ut Baduradum Episcopum videre non licuerit. Res deinde præclare ab eo gestæ in Episcopatu, mirifice eum commendarunt Imperatori, æstimavitque is virum præ ceteris Saxoniarum Episcopis. Et Baduradus, ut acta Liboriana proloquuntur, *tanquam ad hoc sibi datam divinitus excellentiam animadverteret, nihil sui laboris studiique subtraxit ab acquirendis & procurandis omnibus, quæ ibidem ad divinæ laudis augmentum, ad utilitatem Christiani populi noverat pertinere. Hæc illicura prima imminerebat, Ecclesias per omnem parochiam suam sub celeritate construere. Principalem vero Basilicam ingenti decore & grandi opere extollere: res omnes ad eam pertinentes modis variis adornare: augmentare clerum: disciplinam monasterialem instituire: pueros tam nobiles, quam inferioris conditionis in scholam congregatos in divinæ legis eruditione nutrire. Quod ejus laudabile studium ita felix comitabatur profectus, ut*

*vere illum ad hoc a Deo præsignatum, & rudimentis ejus loci cælitus concessum dicere valeamus.* Hæc priscus certusque scriptor ex recenti hujus Episcopi memoria in actis Liborianis, quæ & Auctor vitæ Meinweri ex eo retulit. Multa his paucis Baduradi elogia, præclaraque non minus pietatis monumenta recognoscis. Nam & Basilicam, quam Hathumarus una cum collegio canonicorum eduxerat, Baduradus absolvit. Et cleri numerum disciplinamque intra communis vitæ societatem in uno claustro, mensa & choro impense auxit. Uti id Hathumarus cœperat, & in concilio Moguntino, & Aquisgranensi præscriptum erat. Scholas præterea collecta juventute florentissimas habuit; quæ prima illi cura quoque fuit, ut in iis, tanquam in seminario Cleri, formaret Sacerdotes Pastoresque, quos rudi genti imponeret Magistros ac Doctores populorum; tum ut Christianæ legis præcepta moresque una cum literis infunderet in teneros popularium animos. Inde Paderbornenses scholæ non solum ab Imado XII. Episcopo, quod Panegyricus Paderbornensis, Theodoro Episcopo dictus, commendat; sed ab Hathumaro & Badurado primis Episcopis nostris statim per Westphaliam celebres florentesque fuerunt. Tanquam ad amœnos Paderæ fontes ipsa Christi religio Musarum camœnas collocare voluerit. Invitabatque locus, quod per id tempus nullus aut oppidi surgentis aspectu, aut ædium populique frequentia, aut incolarum urbanitate per Saxoniam magis excultus conspiceretur. Quemadmodum hæc inter ceteros Saxo Poeta (quem Paderbornensem fuisse censent Presbyterum) in rebus gestis Caroli M. commendat, verus sub Arnulpho Imperatore scriptor. Et Baduradus Episcopus postquam domi omnia rite composuerat, nihil pro munere suo sollicitius habuit, quam Diœcesin in comitatu clericorum obire: docere pro concione populum, eumque in parœcias dividere: templædesque sacras, ad quas cœtus rusticanae plebis convenirent, exstruere; eaque, quæ Hathumarus præclare cœperat, explere. Inter quæ nihil illi impensius fuit, quam Carolinam Paderbornæ Basilicam, ab Hathumaro ad fastigium deductam, absolvere, quam sub initio Episcopatus, opere jam per-

*Obit & or-  
dinat Diœ-  
cesin.*

*Cathedra-  
lom Eccle-  
siam absol-  
vit ac dedi-  
cat.*

fecto,

fecto, xrv. Kalendas Decemb. solemniter etiam ritu dedicavit. Quamquam quo anno hæc celebritas peracta sit, nec Auctor vitæ D. Meinweri, qui id retulit, nec fasti nostri meminerint. Nunc per consequentes annos eundo, quan-

tum fas erit, res ab eo gestas, & in Episcopatu ejus memorabiles referamus; Saxonica interim, ac publica modice ad rerum seriem, ordinemque temporum inspergendo.

## Annus Christi 816.

Stephani V. Pont. I. Ludovici Imp. 3.

Baduradi Ep. Pad. 2.

*Ann. Franc.  
Auctor vi.  
sa Ludov.  
Ludovici  
pii studium  
promovens  
de Christiani-  
tate religio-  
nis.*

Annus Christi jam processerat DCCCXVI. ex quo Ludovicus Pius imperii tertium, Baduradus secundum auspiciatus est. Felix Baduradus, quod piissimum Imperatorem nactus, cui unicum studium fuit, religionem Christianam per Saxoniarum provincias, patris exemplo, stabilire, fovendo Episcoporum labores, ditando Ecclesias, introducendo Monachos, condendo Monasteria, disciplinam cleri populique formando; ut vel inde cognomento Pius sit appellatus. Nec minus felix Imperator, quod Saxoniam in Christi religione quiescentem, ac nullis unquam rebellionis motibus concussam, administrare licuerit; bella enim, quæ gestit trans Albim, fuere adversus Sclavos & Barbaros earum regionum, ipsis jam Saxonibus Christianis contra Barbaros ultro pugnantibus. Et hoc anno Saxones nostri & Franci orientales, facta trans Albim expeditione, Sorabos cum ingenti clade represserunt. Multum Ludovicus Saxonum virtuti confusus, gentem magnopere probavit, quam in Christiana religione constantem, & in bellis sibi fidam experiebatur. Quapropter sub initia Imperii, uti ab Auctore ejus vitæ relatum est, *Saxonibus atque Frisonibus jus paternæ hæreditatis, quod sub patre ob perfidiam legaliter perdididerant, Imperatoria clementia restituit. Quod alii liberalitati, alii improvidentiæ assignabant; eo quod hæc gentes naturali feritati assuefactæ, talibus habendis deberent coerceri, ne scilicet effrænes in perduellionis procacitatem ferrentur. Imperator autem eo sibi arctius eos vinciri ratus, quo eis beneficia potiora largiretur, non est spe sua deceptus. Nam post hæc easdem gentes semper sibi devotissimas habuit.* At multo celebrior hic annus ex concilio Aquisgranensi, quod jussu Ludovici Imperatoris convocatum, celeberrimumque fuit, convenientibus Episcopis e nobilissimo Ec-

*Ejusdem  
amor erga  
Saxones.*

*Concilium  
Aquisgra-  
nense.*

clesiæ clero, ut Francorum annales memorant. Reperio Auctorem, qui ccclxiii Episcopos & Abbates convenisse scribat, quos inter ab aliis numerantur, Hildebaldus Colonienfis, & Haystulphus Moguntinus Archiepiscopi: Walcandus Leodiensis, Meingardus Osnabrugensis, Thiatgrimus Halberstadiensis, Wolfgerus Herbipolensis Episcopi. Nec dubium fecero, quin Gerfridus Monasteriensis, ceterique Saxoniarum Episcopi, ad consulandum Imperatorem accesserint. Et Baduradum Episcopum nostrum interfuisse concilio, satis æstimes ex D. Meinulpho Baduradi Diacono, atque intimo clericorum suorum, de quo Gobelinus, aut quisquis est Auctor vitæ ejus. *In Vita S. Mei-  
hoc provinciali concilio præterea, quæ nulphe.  
habent acta synodalia, S. Meinulphus  
Paderbornensis Ecclesiæ Diaconus, egre-  
gia sanctitate clarissimus, accepit licen-  
tiam monasterium pro virginibus cano-  
nicis regularibus instituendi, ut prorsus  
existimem, eum in comitatu sui Epi-  
scopi accessisse, cujus auctoritate nego-  
tium in concilio & apud Imperatorem  
expedierit. Actum in hac celeberrima  
Episcoporum synodo primum de cano-  
nicorum ac clericorum, tum de sancti-  
monialium canonicè viventium instituto  
disciplinaque quam exactissime forman-  
da. Id cum præfens Imperator sollici-  
taret, Patres sublatis in cælum manibus  
Deo gratias egere, eum sibi Principem  
datum; qui Patris exemplo non minus  
Ecclesiæ, quam Imperii sollicitudinem  
sumeret. Igitur Episcopi, qui conve-  
nerant, discussis diligenter iis collatisque,  
quæ aut Pontificum auctoritate, aut  
SS. Patrum institutis, aut majorum san-  
ctionibus in hanc rem præscripta erant,  
Canonicorum vivendi rationem cxlv  
legibus, sanctimonialium vero & Ca-  
nonicarum Virginum xxviii. statutis or-  
dinarunt: quemadmodum hæc acta Sy-  
nodi, tomis conciliorum comprehensa,  
exhi-*



*Sirmondus  
in Concil.  
Parisen.  
Concilia  
Colon. a Bis  
mo edita.  
Baronius  
ad an. 817.  
In quo or-  
dinata Ca-  
nonicorum  
vivendi ra-  
tio.*

exhibent. Transmissa exinde utriusque instituti exemplaria ad omnes Galliae Germaniaeque Metropolitanos; tantaque venerationis apud omnes fuerunt, ut quotidie ex praescripto Episcoporum versarentur in manibus cleri. Ac tota fere Canonorum vivendi ratio, uti & Moguntino in concilio jam ante sub Carolo M. praescriptum erat, ad communem vitam arctius redacta; quibus in uno collegio & claustro una bonorum participatio, una mensa, unus chorus, unus dormiendi locus, una bibliotheca, unumque sacrarum literarum sub Magistris studium esset. Post Episcopum, cui omnes obedire par erat, summa rerum administratio penes Decanum & Praepositum; illi sacrarum cura, huic bonorum administratio & oeconomiae procuratio commissa. Ab his proximi in suis quisque muniis diversis, Scholarcha, Cantor, Cellarius, Thesaurarius, Curator hospitum, primarii Collegii (quae tum monasteria dicebantur) ministri. Unde hodieum dignitatis ordo manet. Canonicis adhuc praescriptum, quotidie lectionem sacram a magistro interprete audire, Claustro sine facultate non exire, non extra illud cibum sumere, nec potum facere; ac ne, qui clerici erant, Monachi reputarentur, vetitum cucullas gestare.

Ad hanc formam Hathumarus & Baduradus, primi apud nos Episcopi, primarium collegii clerum Paderbornae instituerunt; ac ceteri deinde Episcopi in eadem disciplina aliquot saeculis conservarunt. Perstant hodieum domiciliorum structurae ac peristyllia, mirifica horum omnium monumenta. Diu etiam per Germaniam & Saxoniam hoc communis vitae institutum viguit in clero, multosque ex suo adhuc aëvo florentes testes habet cum Bartholdo, Petro Cluniacensi, Ottone Frisingensi. Quibus exinde causis laxari cæperit, tempori memorabitur.

*Uti & Ca-  
nonicarum  
quarum in-  
stitutum  
diversum  
semper fuit  
a norma vi-  
vendi Mo-  
nialium re-  
ligiosarum*

Ad Canonorum institutum praescripta sanctimonialibus, seu Canonicis Virginibus ratio vivendi, quibus sub Abbatis imperio intra collegii claustrum una bonorum communicatio, una habitatio, una mensa & psallendi chorus. Celebre tum vitae institutum in Francia, Germania, & Saxonia erat in sequiori sexu; passimque vocantur

Monasteria sanctimonialium, puellarum, sororum, ac canonicarum Virginum, diversa ab instituto Monialium, quibus ad normam D. Benedicti professæ vitae ratio fuit; tantumque ab his discrepabant hæc canonicæ virgines, quantum Canonici a Monachis. Neque monasterii nomen eis derogat, quando tam Canonorum Collegia, quam harum olim monasteria sunt dicta. Neque de hac diversitate, & hoc Virginum instituto magnopere dubitare potest, qui concilium Aquisgranense, aut Moguntinum, aut Cabilonense, aut Capitulare Caroli M. Caesarumque diplomata legerit. Et si prima dehinc Monasteria per Saxoniam instituta inspiciantur, reperies pleraque sanctimonialium fuisse canonicè viventium; quale Herivordense a Ludovico pio Imp. instauratum: Bodecense a D. Meinulpho, & Herifienfense a Luthardo III Episcopo nostro in hac Diocesi instituta. Falliturque ipse scriptor vitae Ludovici, qui concilio finito memorat, Benedictum Abbatem ab Imperatore constitutum, qui omnia monasteria Monachorum & sanctimonialium obiret, & ad regulam D. Benedicti conformaret; quando in hujus anni concilio nihil peractum de Monachorum instituto; id enim statutum anno proximo in alio conventu Abbatum, qui sexto Idus Julii Aquisgrani in domo palatii, quæ Lateranis dicebatur, congregatus est; ex eaque synodo iussus Benedictus Abbas utriusque sexus Monasteria sui ordinis ad meliorem vitae formam redigere, quos conventus hic Auctor vitae Ludovici Imperatoris narrando permiscet. Sed nec hic locus hanc rem disquirendi.

Id potius asseramus, post synodum Aquisgranensem in palatio Imperatoris editum esse capitulare ex Episcoporum sententia ab Imperatore, quo tam clericorum libertati, quam populi moribus præclare consultum; interque has leges de electione Episcoporum in hæc verba sancitum. *Sacrorum Canonum non ignari, ut in Dei nomine sancta Ecclesia suo liberius potiretur honore, assensum ordini Ecclesiastico præbuimus, ut scilicet Episcopi per electionem cleri & populi secundum statuta canonum de propria diocesi, remota personarum & numerum acceptione, ob vitæ meritum & sapientiæ donum eligantur, ut exem-*

*Sirmondus  
in concil.  
Galic.  
Binus tom.  
3. concil.  
Labbei &  
Gossartius  
tom. 7.  
Concil. Ges-  
nera.*

*Tom. xx.  
Concil. Pa-  
risiens.  
Sirmondus  
in notis.  
Electio Epi-  
scopi in eo-  
dem concilio  
permis-  
sa Clero &  
populo.  
Lib. 1. cap.  
84.*

plo

*plo & verbo sibi subjectis usquequaque prodesse valeant*: quam legem & in capitularium libris reperiās. Non jam mirabitur quispiam, si exinde audiat etiam per Saxoniam Episcopos cleri suffragiis delectos, quod heterodoxi soli Cæsarum & Principum potestati tribuunt. Leges, quæ in hoc capitulari præscribuntur, viginti novem recitantur a Sirmondo. Nec tulisse satis habuit religiosissimus Imperator: continuo etiam Missos suos cum suprema

potestate nominavit, Episcopum videlicet & comitem, per singulas provincias, qui capita legum per Ecclesias promulgarent præstarentque, ut servarentur. Quo Imperatoris studio & auctoritate mirifice per Germaniam & Saxoniam effloruit Christiana religio. Ac verisimile habeo Badurado hanc Missi legationem per Saxoniam impositam esse, quando id munus viro ob zelum & magnitudinem animi etiam alias commissum, infra memorabimus.

## Annus Christi 817.

Paschalis Papæ 1. Ludovici Pii Imp. 4.

Baduradi Ep. Pad. 3.

Hyemabat inter hæc Imperator Aquisgrani (quam urbem sibi exinde constanter delegit in Germania sedem Imperii) ubi auditi legati diversarum gentium, Saracenorum ex Hispania, Leonis Armeni e Constantinopolitana urbe, Godefridi Regis e Dania filiorum. Pontifices ex Italia præsentés aderant, spectabaturque Caroli Patris majestas in filio. Quancumque in illo fastigio honorum humano casu dejectus pene interiisset; dum enim Feria V. Cæna Domini e Basilica ad palatium redit, lignea porticus, per quam incedebat, putredinis vitio collabens Imperatorem in imam aream cum xx aulicis præcipitem traxit. Læsa capulo gladii pars sinistra pectoris, & dexterum femur collisum, nullo tamen lethali vulnere. Ideo medicorum industria intra vigesimum diem restitutus, Neomagus proficiscitur. Post Aquisgranum reversus publicum conventum procerum indicit; & tanquam mortalitatis admonitus, in eo Lotharium natu maximum Imperii confortem adlegit. Ceteri filii Reges dicti; ac Pipinus Aquitanie, Ludovicus Bojarie præfectus. Subinde Abotritorum defectio nunciatur. (Megapolitani nunc eam regionem incolunt trans Albim) Gens hæcenus, etsi Christianis sacris nondum imbuta, Carolo tamen M. fœderata fidaque adversus Francorum & Christianorum hostes; Thrafricone cum primis gentis principe id agente, & pro Carolo pugnante, uti id Francorum annales rerulerunt. Moriens dehinc Thrafrico filium reliquit Ceadragum hæredem, sed impuberem; eo principatus administratio popularium gratia data est Sclaomiro tutori. Post, ubi Lu-

dovico Imperatore, Ceadragus ex ephæbis egressus principatum repetiit, & Sclaomirus Regni cupiditate captus reddere detrectat, Ceadragus Ludovicum appellat. Imperator, ut litem componeret, principatum partitur inter utrumque. Sed nec illo iudicio contentus Sclaomirus, jurat se nec Albim transiturum, neque ad obsequium Imperatoris venturum; & mox hostilia intentans, Godefridi Regis Danorum filios implorat. Illi ut jam ante exacerbati erant ob Harioldum a Ludovico parti Regni Danie impositum, cum classe & terrestri exercitu Sclaomiro in auxilium adsunt, & in Transalbianos Saxones, per quos jam late Christi religio disseminata erat, perinsum movent, castrumque Effesfeldium, quod Francorum & Saxonum præsidio tenebatur, oppugnant. Imperator, ut malo huic occurreret, Comitibus Saxonie mandat exercitum contrahere. Sed priusquam hi adventarent, Barbari ultro oblidionem solvunt, prædiorum fortitudine delusi.

Sub id tempus Imperator tristiori nuncio perculsus, intelligit Bernardum, Pipini fratris ex concubina filium, cui Italie administrationem commiserat, per vim & tyrannidem Regnum occupare. Offensus juvenis, quod, se præterito, Lotharius consors Imperii adscitus a patre Italie Regno destinaretur. Præter Regni proceres Anselmus Mediolanensis, Wolfoldus Cremonensis, & Theodulphus Aurelianensis Episcopi conspirationis rei. Ad hos motus comprimendos Imperator ex tota Gallia & Germania delectus facit, magna-

Et contra deficientes Abotritos movet.

Ann. Franc. Vita Ludovici Autor. Thogannus. Bernardi Italiz Regis conspiratio adversus Imperatorem.

gnaque celeritate in Italiam contendit. Quibus perculsus juvenis, cum a suis se deferi videret, ultro supplex occurrit, & humi prostratus flagitium deprecatur; quem Imperator in custodi-

am abripi jubet, unaque Ægidium florentissimum gratia Ludovici Reginerium palatii comitem, Reginaldum cubi- culi præpositum, pluresque alios.

## Annus Christi 818.

Paschalis Pont. 2. Ludovici Pii Imp. 5.

Baduradi Ep. Pad. 4.

*Ann. Franc.  
Auctor vita  
Ludovici.  
Nithard.  
Theganus.  
Sigon. lib. 4.  
de Regno,  
Italia.*

*Oculis or-  
bantur Ber-  
nardus, &  
qui cum eo  
conspiras-  
sant.*

Inde Imperator Aquisgranum re- gressus, transactoque quadragesimali jejunio, istic paucis post Pascha diebus comitia magno procerum conventu ha- buit. Deliberatum in iis de Bernardo Italiae Rege ceterisque conspirationis au- ctoribus, qua poena scelus plectendum. Ac veteri Francorum lege, rei læsæ Majestatis judicati, damnatique sunt capitis. At cum Imperator pro insita clementia carcerem mallet pro suppli- cio, frementibus contra primoribus, passus est optimus Princeps Bernardum, & qui proxime obnoxii sceleris, oculis orbari. Ex quo supplicii dolore Ber- nardus & Reginerius tertio die interie- runt. Episcopi, decreto Synodali, aut dignitate dejecti, aut in cœnobio de-

trusi: Ceteri, ut magis minusve rei, aut attonsi in monachos, aut in exilium deportati. Tractus in hanc poenam, calumniantum invidia, Adelbertus Corbejenfis Abbas, Caroli M. Consobri- nus, vir sanctitatis nota percelebris; quem haud multo post novæ ad Visur- gim Corbejæ conditorem introduce- mus. Multis viri hujus innocentiam testatur S. Paschasius Ratbertus in vita ejus. His in reos peractis, Italiaque rursum ad Imperium ex integro redu- cta, Imperator cum exercitu in Britan- niam movit; quam dum subigit, morte subtrahitur Andegavis Irmingardis con- jux, ex qua Lotharium, Pipinum, & Ludovicum Germaniæ Reges sustule- rat.

## Annus Christi 819.

Paschalis Pont. 3. Ludovici Pii Imp. 6.

Baduradi Ep. Pad. 5.

*Ann. Franc.  
Auctor vita  
Ludov.  
Theganus.  
Ludovici  
cum Judi-  
tha matri-  
monium,  
sed parum  
solix.*

Dolore amissæ conjugis, & morta- litatis cogitatione plenus Ludovicus A- quisgranum rediit ad hyberna; ubi se- cum meditari cœpit abdicato Imperio cœnobium ingredi, quod jam ante Im- perium sumptum verfarat cum animo: id cum haud fallacibus conjecturis in- notuit proceribus, magnæque Imperii conturbationi futurum timeretur, ex- pugnarunt animum Imperatoris; qui ex adductis subinde pulcherrimis Co- mitum liberis selegit Juditham, Wel- ponis Comitum filiam, cui mater scribi- tur a Thegano fuisse nobilissimi Saxo- nici generis. Verum, ut Caroli patris cum Fastrada, ita Ludovici cum Judi- tha connubium multis fuit obnoxium malis, quæ novercas inter & privignos oriri solita. Incensâ hæc odia, post- quam Ludovicus ex Juditha suscepit Carolum filium, cognomento Calvum, quem primo Francia Regem, deinde Imperatorem conspexit. Ceterum hoc anno in conventu Episcoporum & Ab-

batum, Aquisgrani post natalem Chri- sti habito, multa de statu Ecclesiæ & monasteriorum pertractata sunt: de- cretis etiam conscriptis, additisque ad ea, quæ in superiori synodo statuta erant. Nihil interim a curis bellicis re- missum ab Imperatore (& quia Sclaomirus Abotritorum Rex, contemptor mandati Imperatoris, non destitit tur- bare Transalbianos ac populares suos, Ludovicus exercitum Saxonum & orientalium Francorum Albim transire im- perat. Ducesque nominati, præfecti Saxonici limitis & legati; quorum au- spiciis Sclaomirus obtritus, captusque Aquisgranum perducitur; quem cum primores gentis suæ, qui simul jussi adesse, de multis criminibus accusarent, neque ille purgare se posset, exilio mulctatus est, Regnumque Ceadrago Thrasiconis filio ex integro est reddi- tum.

Justitiæ enim, si quisquam a Caro- lo M. Imperatore, amans fuit Ludovi-  
cus

*Sclaomi-  
rum Impe-  
rator subi-  
git, & in  
exilium  
mittit.*

Justitiam  
eximie co-  
lit.

cus pius. Nam postquam ad eum est relatum, ut Theganus asserit, multos per Imperium esse, comitum & ministrorum iniquitate, aut libertate contra fas exutos, aut patrimonii bonis spoliatos, aut injuria oppressos; ordinatis per provincias legatis Missisque, ut vocant, fideissimis, in singula jussit inquiri, quæque sub patre inique erant acta, rescindi; & postquam omnibus ex æquo sua essent reddita, singulorum tabulis manu sua subscripsit: cujus rei hic præclarum damus specimen ex diplomate ejus, quod hæcenus in tabulario Corbejensi compressum delituit.

In nomine Domini Dei & Salvatoris nostri Jesu Christi, HLudovicus divina ordinante providentia Imperator Augustus. Notum sit omnibus fidelibus nostris tam præsentibus & futuris, quia quidam homines ex pago Stormuse, Ethingh videlicet & HRuotmar, nec non Thancmar, questi sunt Missis nostris Ertangario Comiti & Erlegaldo Misso nostro, eo quod, quando infidelium Wigmodorum ad partem dominicam revocata fuerunt, res eorum, qui tunc fideles Francis erant, pariter cum ipsis injuste sociatae fuissent. Quæ res dum ab eisdem Missis & cæteris fidelibus nostris juxta veritatis & æquitatis ordinem diligenter perscrutata, & per homines bonæ fidei veraciter inquisita esset, inven-

tum est illos res eorum injuste amisisse, eo quod illas forfactas non habuerunt, nec infideles fuerunt. Proinde placuit nobis prædictis hominibus res, quas eo tempore juste & rationabiliter habebant, reddi. Ob firmitatis tamen gratiam placuit serenitati nostræ, ut pro mercedis nostræ augmento & æternæ retributionis fructu hoc præceptum nostrum eis fieret, per quod jubemus atque decernimus, ut nostris futurisque temporibus res, quas eo tempore juste & legaliter possidebant, & eis injuste ablatae fuerant, teneant atque possideant, & nullam deinceps commotionem, aut calumniam, aut aliquod impedimentum a quoquam nec ipsi, aut filii, aut posteritas eorum ab hodierno die & tempore pro hac causa se habituros penitus pertimescant; sed ut dictum est, absque aliqujus contrarietate & præjudicio res in sui, suorumque hæredum dominio perpetim legaliter & firmiter possideant, suisque posteris habendas relinquant, vel quidquid exinde elegerint, faciant, & ut hæc auctoritas firmitior habeatur, & per futura tempora melius conservetur, de annulo nostro subter jussimus sigillari. Data IX Kalend. ... Anno Christo propitio. VI Imperii Domini HLudovici serenissimi Augusti. Indictione XII. Actum Ingelneim Palatio publico in Dei nomine feliciter amen.

## Annus Christi 820.

Paschalis Pontif. 4. Ludovici pii Imp. 7.  
Baduradi Ep. Pad. 6.

Anno Franc.  
Bellum sus-  
cipit adver-  
sus Linde-  
witem Pan-  
nonie Prin-  
cipem.

Anno dehinc vigesimo supra octingentesimum celebris procerum totius Imperii conventus est habitus Aquisgrani mense Januario, quo omnium sententiis bellum Pannonicum decretum adversus Lindewitum, inquietum & turbulentum gentis Principem. Magno per hyemem apparatu id susceptum, & verno tempore tres exercitus, ut convenerat, producti in campum ex Saxonia, Francia orientali, Alemannia, Bojaria & Italia. Ac magnis quidem cladibus attritus Lindevitus, non tamen domitus; quod in ardui montis

castellum se suosque receperat: & milles Imperatorius multum absumptus fuerat locorum & aquarum insalubritate. Quo malo Saxonum & orientalium Francorum exercitus ad Dravum amnem profluvio ventris magnam partem interiit. Interim Saxonia trans Albini quæta a Danorum incursionibus; ausa tamen Nortmannorum gens XIII. navibus piraticis infestare Flandrense litus. Nihil per Saxoniam omnem felicius, quam ubique florentem Christianam rem aspicere, messis multa, in qua tantum operarii desiderati.

## Annus Christi 821.

Paschalis Pont. 5. Ludovici pii Imp. 8. Baduradi Ep. Pad. 7.

Rursum anno consequenti frequens procerum conventus Aquisgrani men-

se Februario indictus, quo triplici exercitu in Pannoniam adversus Lindevitum

F 2

witum



witum eundum decernitur; eo omnis vis Imperii contracta: nec alio exitu gestum bellum, quam vastatione agrorum. Ac ne quid in Frisia turbaretur, Imperator Noviomagum digressus est ad conventum procerum, in quo divisionem Regni inter Lotharium, Pipinum, & Ludovicum filios a se factam comprobare voluit, tanquam ex specula præviderit tempestatem filiorum æmulatione imminentem. Inde Aquisgranum reversus inter sacra Ecclesiæ negotia præclaro liberalitatis diplomate consuluit religiosis e D. Benedicti familia viris per Westphaliā laborantibus: seu illi partim a Gerfrido Monasteriensium Episcopo ex Werthinenſi cœnobio expetiti in hanc vineam: seu partim a Mindensi Episcopo ad Visurgim in Visbeke ex congregatione Solingani saltus cœpta evocati (jam enim ante Monachi, ob penuriam in tres partes divisi erant, alibi meliorem locum quæsituri) tabulas certe hoc anno consignatas reperio.

Religiosis  
Benedicti-  
nis succur-  
rit.

*In nomine Domini Dei & Salvatoris nostri Jesu Christi. H Ludovicus divina ordinante providentia Imperator Augustus. Si Sacerdotum & servorum Dei petitiones, quas pro suis necessitatibus innotuerint, ad effectum perducimus, non solum imperialem exercemus mansuetudinem, verum etiam ad beatæ retributionis mercedem talia nobis facta profutura confidimus. Quapropter notum sit omnium fidelium nostrorum solertia, præsentium & futurorum, quia vir Venerabilis Castus Abba Ecclesiæ, quæ vocatur Fischechi, cum subiectis Ecclesiis in eodem pago Loriga, & cum decima de silva Ammeri & Ponteburg, & cæteris Ecclesiis in Hesiga & Fenkiga, excepta una Ecclesia in Saxlinga, quam concessimus ad parochiam sancti Pauli reverti,*

*ad locum, qui vocatur Mimigernaford, ubi Gerfridus Episcopus præesse videtur, veniens ad nos, petiit celsitudinem, ut ipsum sanctum locum pro mercedis nostræ augmento sub nostra defensione & emunitatis tuitione recipe-remus. Cujus petitioni pro divino amore ad- sensimus, & ita in omnibus, quia juste & rationabiliter petiit, per hanc nostram auctoritatem confirmare studuimus. Præcipientes ergo jubemus, ut nullus iudex publicus, neque quislibet ex judiciaria potestate, seu aliquis ex fidelibus sanctæ Dei Ecclesiæ, ac nostris, in Ecclesias, aut loca, vel agros, seu reliquas possessiones, quas moderno tempore juste & rationabiliter possidere videtur, in quibuslibet pagis & territoriis sitas, vel quidquid etiam deinceps propter divinum amorem conlatum fuerit, ad causas audiendas, vel fredda exigenda, aut mansiones & paratas faciendas, aut homines ipsius Ecclesiæ tam ingenuos quam & servos injuste distringendos, aut ullas redibitiones, vel illicitas occasiones requirendas ullo unquam tempore ingredi audeat, vel exactare præsumat; quicquid autem de rebus præfatæ Ecclesiæ fiscus sperare poterat, totum nos pro divino amore concedimus, ut perennibus temporibus in alimonia pauperum, & stipendia servorum Dei ibidem Deo famulantium proficiat in augmentum. Quatenus ipsis Servis Dei, qui ibi Deo famulari videntur, pro nobis & conjuge proleque nostra & stabilitate ipsius Imperii nostri a Deo nobis concessi atque conservandi jugiter Domini misericordiam exorare delectet. Prædictam vero Abbatiam illius, circumquaque per diversos pagos sitam, nemo fidelium nostrorum exinde aliquid abstrahere, aut prohibere præsumat; quin ei liceat per hanc nostram auctoritatem verbum prædicationis, Domino auxiliante, exercere & ministerium suum pleniter peragere. Et ut hæc auctoritas nostris futurisque temporibus Domino protegente valeat inconvulsa manere, manu propria subscripsimus & annuli nostri impressione signari jussimus.*

Signum

POS  
LIL

HLudovici serenissimi Imperatoris.

Durandus Diaconus ad Vicem Helisacbar  
recognovi & ff.

Data V. Nonas Septemb. anni Imperii nostri VIII. Indictione XIV. Actum Aquisgrani Palatio regio in Dei nomine feliciter amen.

Quam hic Abbatiam Visbeck legis (sive ea ad Visurgim in diœcesi Mindensi, sive in Embslandia in Episcopatu Monasteriensi, ut verius reputes, alicubi fuerit) ea in tabulis Ludovici Germaniæ Regis Cellula vocatur, quæ ejusdem Regis donatione Corbeiensibus postea cessit. Ab aliis Abbatiola

dicitur; quibus nominibus stationes, & missionum domicilia appellata: qualia loca Eresburgum & Meppia fuere, Corbeienſi Monasterio conjuncta. Cellæ præterea a Browero vocantur prædia & fundi Monachorum, in quibus Curatores Monachi versabantur, quæ postea in præposituras auctæ. Quem  
in

Browerus  
lib. I Antiq.  
Fuld. c. 7.  
Vita S. Wal-  
labadi c. 9.  
Vita Ansg.  
c. 11.

in modum Cella Justina Willehado Episcopo Bremensi donata in Francia a Carolo M. refertur. Hac providentia a Ludovico Imperatore data est Ansgario Cella Thurholtia in Galliis, quo se reciperent viri illi Apostolici a Barbaris eiectioni. Et quæ hic alia Saxlinga in his tabulis Episcopo Mimigarnesfordensi ascripta, quam Linga ad Amesius annem intra veterem Saxoniam, quæ in oppidum post exulta? ut vel inde antiqua sibi jura in Lingam Ecclesia D. Pauli vendicet.

Aquisgrano Ludovicus Theonis villam concessit, ad celebrem Francorum conventum mense Octobri indictum, in quo Lothario filio Irmingardis, Hugonis Comitum filia, in matrimonium data: & qui conspirationis superioris vel rei; vel suspecti fuerant, in gratiam recepti. Tum & inter ceteros

Adelhardus Gallicæ Corbejæ Abbas una cum Bernario fratre ab exilio revocatus, redditusque magna omnium gratulatione cœnobio suo, haud multo post novæ ad Visurgim Corbejæ conditor a nobis introducendus.

Pacatissima inter hæc Saxonia; nisi quod Ceadragus Abotritorum Princeps immemor beneficii, aspernatusque Francorum tutelam, Danorum auxilia sollicitavit. Quare Sclaomirus Imperatoris mandato revocatur, Abotritis præficiendus; qui dum in Saxoniam properaret, fatali morbo corripitur; prius tamen, quam obiret, baptismi aquis abluitur, exilio quam Regno felicius. Contra Herioldus Saxonum Francorumque ope adjutus, adegit Godefridi Regis filios, ut in partem ac societatem Regni admitteretur.

## Annus Christi 822.

Paschalis 6. Ludovici pii Imp. 9. Baduradi Ep. Pad. 8.

Anno proximo, qui Christi aderat octingentesimus vigesimus secundus, Saxones, in quibus omne Imperatoris præsidium erat contra Barbaros, ducto per Albim exercitu, Sorabos & occidentales Sclavos aggressi, castrum Delbende, in quo trans Albim se incluserant, expugnant, ejectionisque Sorabis, præsidio suo adversus Barbarorum incursiones firmant.

ventum habuit Francofurti, quo hybernatum concesserat; actumque in eo de ordinanda Saxonia, & præstruendis Barbarorum incurfibus. Quam in rem evocati Orientalium & Septentrionalium, Sclavorum, Soraborum, Wilforum, Abotritorum, Bohemorum, Maruanorum, Nortmannorum, Pannonumque Legati adfuere. Integra adhuc majestas Imperii, cum omnes hæc gentes Imperatoris dicto audientes fuere. Quanquam in Ludovico Carolus M. pater non aspiceretur, qui suo ductu præsens bella gereret, & fines Imperii proferret victoriis. Domum potius videri poterat exornare, quam pater construxerat, non ampliare, totus in conciliis more Francorum convocandis, in condendis legibus sacris & civilibus, in dotandis Ecclesiis, & cœnobiis Monachorum condendis piissimus Imperator occupatus.

E quorum numero nova ad Visurgim Corbejenfis Monasterii exordia ad hunc annum referimus certo ex auctore; qui translationem S. Viti conscripsit: is enim anno octingentesimo vigesimo secundo Dominicæ Incarnationis, die octavo Idus Augusti prima hujus cœnobia fundamenta jacta docet; errat vero dum id anno Ludovici undecimo

*Author  
Translat.  
S. Viti.  
Dat facili-  
tatem con-  
dendi cœ-  
nobium  
Corbejen-  
se ad Visurg.*

*Publicam  
in concilio  
Attiniacensi  
si poeniten-  
tiam agit  
Ludovicus*

Duos inter hæc Ludovicus Imperator amplissimos Episcoporum ac procerum conventus habuit; alterum Attiniaci, in quo Princeps summus publicam & Canonicam poenitentium poenam suscepit, Theodosii magni exemplo persuasus; palamque fassus, quod Bernardum Italiæ Regem ceterosque conjurationis reos passus esset acerbius puniri; tum quod Adelhardum Corbejæ Abbatem, cum Walone & Bernario innocentie compertum relegasset: eo viros illos consanguineos multo exinde arctius recepit in amicitiam, atque omni beneficentia profectus est, ut mox exponam, in novæ Corbejæ donationibus. Agitatum quoque in hoc congressu Attiniaci de scholis per Saxoniam & Germaniam instituendis, pollicitique sunt Episcopi se, ubi nondum erectæ essent, curaturos. Alterum Imperator con-

*Bern. ad  
hunc an-  
num.*

decimo factum asserit, quod Gerardo silvæ majoris Abbati in auctore translationis S. Viti ejusque chronologia carpere licuit. Baronius etsi hunc auctorem non adducat, ad hunc tamen annum retulit; perinde ut veteres versus designant, Corbejensium monumentis inscripti:

*Occtingentesimus dum vicenusque secundus*

*Annus erat Christi, Claustro fundum dedit isti,*

*Filius ille pius Magni Carolus Ludovicus.*

Fallunturque alii, qui ad alios annos primordia collocant. Et res ipsa hunc annum exponit; nam postquam in septimum annum hæserant Monachi in Solingano nemore trans Visurgim, nec locum, in quo primo Monasterium condere aggressi sunt, ulla cultura subigi posse viderent, vitamque in summa rerum penuria traherent, ut jam in tres partes divisi sapius de migratione consilia agitent: accidit opportune Adelhardum superiori anno ab exilio revocari ad Corbejam Franciæ, atque istic edoceri de inopia quacum conflictarentur in Saxonia fratres, Coloniaque ab eo traductæ. Quare continuo submisit pecuniam & annonam; ipse deinde Imperatorem adiit, petiitque sibi dari facultatem deligendi alium in Saxonia locum, condendo Cœnobio idoneum. Hoc impetrato, cum Walone fratre in Saxoniam profectus est. Quo cum venisset, didicit a fratribus esse locum ad Visurgim in Auguensi pago prope villam regiam Huxeræ; eoque deductus a suis lustravit diligenter omnia probavitque: mox inito cum Episcopis, comitibus, & nobilissimis ejusdem gentis Viris consilio, expositaque Imperatoris voluntate, facile singulorum consensum impetravit. Igitur VIII Idus Augusti circumspecta loci opportunitate, prostrati in terram decantaverunt psalmos & litanias, Deum multis precati, vellent initia possessionis esse prospera. Inde ductis lineis, defixisque in terram paxillis dimensi sunt locum, ubi templum, & cœnobii habitacula construerentur. Rursum octavo Kalendas Septemb. evocatus Baduradus Paderbornensis Episcopus sacrationibus auspiciis locum Deo consecravit, solemnique Ecclesiæ ritu signum Crucis defixit in terra, ubi ara templi para-

batur: nomen adeo a Badurado Episcopo dari loco voluerunt, & Corbejam novam appellari. Cœpra mox ædificia extemporanea, tabernaculi in modum, erigi. Tandem mense Octobri ex Hetha Solingani saltus cum omni supellectile demigrarunt Corbejam Sacri incolæ, Sacerdotes senes, pueri; alteroque die solemne Missæ sacrificium celebratum, & tenuibus inter paupertatem initiis celebre totius Saxonix Monasterium Ordinis D. Benedicti exurgere cœpit. Omnis post illa labor religiosus Virorum conversus in novam templi & cœnobii structuram: quo in opere dum effossa humo fundamenta quærantur, reperta est politi operis & punice coloris columna marmorea, quam eandem fuisse tradunt, quæ patrio vocabulo *Irmenfue* dicta fuit, cui celeberrimum gentis Idolum in monte Martis super impositum stetit. Sive ea a Carolo M. eo deportari effodique in terram jussu a primo anno belli Saxonici, ne qua Idololatriæ memoria superesset: sive alia alterius Idoli columna fuerit, quod in monte Brunonis Huxariæ incumbente coluerit superstitione. Inde certe Hildefsum transvecta, expiataque sacris ceremoniis in Basilica D. Virginis ante chorum hodiernum collocata aspicitur, ubi meliori etiam cultu religionis statua B. Virginis, quod jam caput itigii serpentis per Saxoniam obtriverat, ei imposita est.

In cujus fundamentis reperta columna *Irmenfue*.

At non minus hoc ipso anno Ludovicus Imperator munificus in Paderbornensem Ecclesiam, Badurado Episcopo omnia privilegia a Carolo M. patre donata confirmavit, & sua etiam, qua erat benevolentia in Episcopum, cumulavit. Quam in rem ipsum Imperatoris diploma ex autographo hætenus reconditum, & Ferdinandi Episcopi nostri industria e tabulario productum hic sistimus.

Ludovicus privilegia Ecclesiæ Paderborn confirmat & auget.

*In nomine Domini Dei & Salvatoris nostri Jesu Christi. HLudovicus divina ordinante providentia Imperator Augustus: si erga loca divinis cultibus mancipata, propter amorem Dei ejusque in eis locis sibi famulantes, beneficia potiora largiamur, præmium apud Dominum æternæ retributionis nobis rependi non diffidimus. Igitur notum esse volumus cunctis fidelibus nostris, præsentibus*

A Badurado Ep. Pad. consecravit.

sentibus scilicet, & futuris, quia venerabilis vir Baderadus Episcopus Ecclesiæ, quæ est constructa in honore S. Mariæ semper Virginis & sancti Kiliani, in loco, qui dicitur Paderbrunna, missa petitione deprecatus est, ut prædictam sedem cum omnibus ad se iuste & legaliter moderno tempore pertinentibus vel aspicientibus sub nostra tuitione, & immunitatis defensione cum rebus & mancipiis constitueremus, quod ita & fecisse omnium fidelium nostrorum cognoscat industria. Præcipientes ergo jubemus, ut nullus Iudex publicus, aut quislibet ex judiciaria potestate in Ecclesias, aut loca, vel agros, seu reliquas possessiones memoratæ Ecclesiæ, quas moderno tempore infra ditionem imperii nostris legibus possidet, aut quæ deinceps in jure ipsius loci voluerit divina pietas augeri, ad causas judiciario modo audiendas, vel freda exigenda, aut mansiones, vel pa-

ratas faciendas, aut fidei jussore tollendos, aut homines ipsius Ecclesiæ distringendos, nec ullas redibitiones, vel illicitas occasiones requirendas, ullo unquam tempore ingredi audeat, vel ea, quæ supra memorata sunt, penitus exigere præsumat. Sed liceat memorato Episcopo suisque successoribus res prædictæ Ecclesiæ cum omnibus, quas possidet, quieto ordine possidere, & nostro fideliter parere imperio. Quidquid vero fiscus exinde sperare potuerit, totum nos pro æterna remuneratione prædictæ Ecclesiæ ad stipendia pauperum & luminaria concinanda concedimus; qualiter melius delectet Clericos in eadem sede degentes pro Nobis, Coniuge, & prole nostra Domini misericordiam exorare. Et ut hæc auctoritas per futura tempora melius conservetur, manu propria subter firmavimus, & annuli nostri impressione signari iussimus.

Signum

POES  
ELE

HLudovici serenissimi Imperatoris. Hirminmaris  
Diaconus ad vicem Fridugisi Abbatis recognovi.

Data quarto Non. April. Anno VIIII. Imperii Domni HLudovici piissimi  
Augusti. Indictione XV. Actum Aquisgrani palatio regio. In Dei  
nomine feliciter, Amen.

Dignum posteritatis memoria diploma, ex quo primorum Imperatorum liberalitatem & pietatem, fiduciamque, quam ex bonorum operum merito profitentur, recognoscas; tum etiam Ecclesiæ Paderbornensis immunitatem, Cleri florem, & cum primis Episcoporum jurisdictionem in subiectos sibi homines & possessiones perspicue videas. Qua forma concessæ jurisdictionis

civilis diplomata Ecclesiæ Osnabrugensis, jam multo illustrius a Carolo M. consignata, producta sunt in Monumentis Paderbornensibus, ceteris exinde Imperatorum tabulis iisdem privilegiis subsecuturis; qua certe religione nullum facile Heterodoxorum Principum sacras donationes consignare deprehendes.

## Annus Christi 823. 824.

Paschalis 7. Eugenii II. Pont. I. Ludovici pii Imp. IO. II.

Baduradi Ep. Pad. 9. 10.

Conventus  
variorum  
Legatorum  
Francofurt

Verfabatur, ut supra diximus, per huius anni hyemem Imperator Francofurti, novis in hanc rem ædificiis constructis, quo in loco alterum Mense Majo celebrem procerum conventum habuit: iussique adesse ex Francia Orientali, Bojaria, Alemannia, Burgundia, & Rheni provinciis Optimates, auditique sunt Barbarorum legati. Quos inter duo fratres Wilforum Prin-

cipum de Regno disceptantium ad iudiciū Imperatoris appellaverunt. Ac postquam Imperator Francofurto Compendium profectus, inscutus Ceadragus Abotritorum Princeps. Is cum se utcunque purgasset, ob merita Thraconis patris restitutus est in provinciam, Sclaomiro fati præcepto. Eodemque accessit Heraldus Danorum Rex, auxilia petens adversus Godefridi



fridi Regis filios, ne, quod illi minabantur, Regno exueretur. Quam in rem missi ab Imperatore in Daniam Theothanus & Rotmundus Comites, Regni statum exploraturi; quibuscum Ebbo Remorum Archiepiscopus rediit in Franciam, gente transrhenanus ac Saxo, ut ex Thegano colligas, unus ex eorum numero, qui ex barbaris nationibus ad fastigium Episcopatus perducti, & in conspiratione filiorum ante alios ingrati ac molesti fuerunt Imperatori. Hujus viri ob præclaras animi dotes præclara initia fuere. Nam ex consilio Imperatoris, Romani Pontificis auctoritate, Evangelii inter Barbaros diffeminandi causa, ad terminos Danorum missus fuit; ubi Holsatiam ac transalbianam regionem peragrans, ætate præterita multos ad Christi fidem & baptismum docendo perduxit. Quem admodum hæc annales Francorum exponunt, & ad hunc annum referunt ejus ex apostolico munere reditum.

S. Adelhardo in administratione novæ Corbeie successit Werenus Imperatoris consanguineus

Per hanc temporum opportunitatem, & lætos ad Visurgim superioris anni successus, Adelhardus Francicæ Corbejæ Abbas cum novis Monachorum Coloniis venit in Westphaliam; convocatoque religiosorum cœtu, qui in nova Corbeja se collegerant, præclara vitæ religiosæ institutique sui documenta singulis dedit. Ac postquam coram omnia sapientissime ordinasset, rediit in Franciam, retenta sibi, quoad superstes fuit, suprema simul administratione; quo surgenti Monasterio ob auctoritatem, qua pollebat apud consanguineum Imperatorem, opportunius consuleret. Quam in rem Walonem fratrem, quem in Francica Corbeja sibi Successorem habuit, ad Imperatorem misit, rogatum, ut ad tam prospera rerum initia velit Imperator locum in tutelam suscipere, eamque Corbejæ novæ dare libertatem & privilegia, quæ cetera per Franciam sublimia Monasteria obtinerent. Urgebatur jam senio Adelhardus ad supremam vitæ lineam (quippe qui cum Carolo M. prope adoleverat) eoque sollicitius etiam de Abbate cogitare cœpit, quem novæ ad Visurgim Corbejæ imponeret. Delegitque ad hoc munus Werenum monachum, ex nobilissimo Francorum & Saxonum genere, quem & Ludovicus Imperator propinquum suum ap-

pellat in diplomate; forte ob Juditham Saxonici generis conjugem suam. Nam, ut Auctor vitæ Pusinnæ virginis, fuit Werenus genitus Echberto clarissimo Comite ac Duce, Matre Ida splendidissimis natalibus scœmina: fratres habuit Palatinis honoribus & publicis dignitatibus claros; quorum ex sorore neptis Haduvina Herivordensium Abbatissa post delecta, ut in Luthardo memorabitur. Ac juvenis quidem Werenus erat ætate, sed fervore instituti sui, judicii maturitate ac sapientiæ inter ceteros Corbejæ Francicæ religiosos viros longe præstantissimus; quem vel ex eo æstimarat semper, quod, cum in palatio Imperatorem omnibus percarus, ipse relicta pulcherrima, quam sibi pari nobilitate desponsam habebat, virgine, per summam rerum humanarum contemptionem Monachi vitam elegeret in Corbeja Francica. Hunc deinde, ut commendarat, post excessum Adelhardi primum sibi Corbejenfis ad Visurgim Monachi delegerunt Abbatem. Et Ludovicus Imperator, qui se fundatorem Corbejæ novæ ferebat, hoc anno statim regia liberalitate Cœnobii fundum, Villam regiam Huxeri, quæ nunc Hoxaria est, & omnes circum agros, prata & possessionem regionis donavit; quod satis diploma, quas ipsas potius foundationis tabulas dixeris, testabitur. Id quidem diploma recitat Cleinsorgius, sed abruptum & germanico idiomate, ideo male consuluit posteris & torfit alios, qui latina lingua reddere conati sunt, nos hic integrum sincerumque damus.

Villa regia Huxeri donatur Corbeienfis ab Imp. Ludovico.

*In nomine Domini Dei & Salvatoris nostri Jesu Christi. HLudovicus divina ordinante providentia Imperator Augustus. Neminem fidelium nostrorum dubitare credimus, quam magnum quondam Dominus & genitor noster Karolus Christianissimus Imperator cum Saxonibus subiit laborem, ut eos ad cognitionem veræ fidei adduceret, quod & divina gratia cooperante, sicut optavit, effecit. Nos vero in ejus solio, superni Numinis dono, sublimati, cuidam venerabili viro Adelhardo seni Abbati ex monasterio, cui vocabulum est Corbeia, in eadem provincia Saxonie ob mercedis nostræ augmentum monasterium construere jussimus, & ad idem cœnobium dedicandum ex sacro palatio a Capella nostra*

nostra misimus venerabiles & sacrosanctas reliquias B. Stephani protomartyris, quod est constructum super Wisera in villa regia, in loco muncupante dudum Huxeri; ut quia auctore Deo prædictus divæ memoriæ Dominus & genitor noster in eadem gente primum Christianæ religionis fidem confirmavit, ita & nos ad augmentandum solidandumque ejusdem fidei vigorem primum Monarchicæ religionis ordinem illic servandum tenendumque constituimus, quod ita opitulante omnipotentis gratia ad effectum rei pervenit. Et prædicto monasterio ideo Corbejæ nomen impositum est, eo quod de antiquo quodam monasterio Corbeja prædicto Adelbardo Abbati seni, cui hanc curam commisimus, assumpto secum germano suo Walone cum cæteris quantis & quibus oportebat Monachis intra eandem provinciam locum aptum & congruum eligerent, atque ibi, pro ut opportunum esse potuisset, præfatum monasterium stabilirent atque construerent. Idcirco placuit excellentiæ nostræ, ut prædictam villam, quæ dicitur Huxeri, cum omnibus finibus & terminis suis, & cum terris, silvis, aquis aquarumque decursibus, cum omnibus adiacentibus & appendiciis suis ad idem monasterium per hanc auctoritatem jure perpetuo conferre, & de nostro jure in jus & dominationem prædicti monasterii præsentialiter tradere, nec non & res, seu possessiones, quæ a Deum timentibus Saxonibus infra ipsam Saxoniam ad hoc opus inchoandum, vel adjutorium præstandum conlatæ sunt, per hanc auctoritatem confirmare, etiam res, quæ ad antiquiorem Corbejam traditæ fuerunt, infra ipsos supradictæ Saxonie fines in terris, silvis, campis, pratis, pascuis, aquis aquarumque decursibus propriis vel communibus, domibus ac ædificiis vel prius habitis vel postea constructis, mancipiis quoque diversi generis vel conditionis, mobilibus & immobilibus, datum vel traditum fuit, cum omni integritate ad prædictum monasterium una cum consensu præfati Abbatis, vel congregatione ejus, celebri donatione contulimus, & perpetuo Monachis ibidem

Deo militantibus ad possidendum tuendumque, concessimus atque confirmavimus. Ideo autem ita fieri debere rationabile judicavimus, ut quia constabat prædictum locum ex monasterii prioris Corbejæ monachis constructum esse, & quia in omni loco uni Domino servitur, uni regi militatur, dignum erat, ut possessiones illæ eorundem Monachorum obsequiis deputarentur, qui infra ipsam provinciam ejusdem monasterii primi ædificatores & perpetuo habitatores in omnipotentis Dei servitio sub sancta regula deputati fuisse noscuntur; nam si forte talis esset causa, ut idem locus ex propriis in eadem provincia sibi conlatis nequivisset subsistere rebus, dignum erat, ut de prioris monasterii rebus benignitatis seu largitatis causa, pro ut ex utraque parte rationabile esse potuisset, larga manus porrigi debuisset, quanto magis de his, quæ infra eandem provinciam conlatæ, ut dictum est, prius fuisse cognoscuntur, cum omni benignitate ardentissimo caritatis affectu largiri. Statuentes etiam decernimus, atque per hos imperiales apices sancimus, ut quandoquidem divina vocatione Abbas prædicti monasterii de hac luce migravit, quamdiu ipsi Monachi inter se tales invenire potuerint, qui ipsam congregationem secundam regulam S. Benedicti regere valeant, per hanc nostram auctoritatem & consensum licentiam habeant eligendi Abbatem, quatenus ipsos servos Dei, qui ibidem Deo militant, pro nobis, conjuge, proleque nostra, & stabilitate totius imperii nostri jugiter Domini misericordiam exorare delectet; sed & hoc placuit nobis huic inserere auctoritati, ut licentiam habeant Rectores hujusce monasterii cum quibuslibet hominibus liberis res & mancipia legaliter commutare, quidquid juste & rationabiliter pars alteri contulerit parti, per hanc nostram auctoritatem jure firmissimo teneant atque possideant, & quidquid exinde facere voluerint, libero in omnibus perfruantur arbitrio faciendi, quidquid elegerint. Et ut hæc auctoritas largitionis atque confirmationis nostræ per futura tempora inviolabilem obineat firmitatem manu propria subter firmavimus, & annuli nostri impressione signari jussimus.

Signum

POES  
LIE

HLudovici serenissimi Imperatoris. Durandus  
Diaconus ad vicem Fridugisi recognovi & ff.

Data VI. Cal. Augusti. Anno Christo propitio. X. Imperii Domni HLudovici piissimi Augusti Indictione Ima. Actum Ingelingeim palatio regio in Dei nomine feliciter amen.

G

Plena

Plenæ regiae liberalitatis & Christianæ religionis, ad exornandam Saxoniam tabulæ; quibus eodem loco, eodemque tempore alias addit; quamque per Walonem fratrem cœnobii Corbeiensis tutelam ac privilegia sollicitarat Adelhardus, prono non minus animò delargitur Imperator: eo in hac re lætior, quod monachorum institutum inspirante Deo primum abs se in Saxoniam introductum gloriatur, ad sublevandum Episcoporum, & aliorum Sacerdotum labores:

*In nomine Domini Dei & Salvatoris Jesu Christi, HLudovicus divina ordinante clementia Imperator Augustus Cum petitionibus servorum Dei iustis ac rationabilibus divini cultus amore favemus, superni muneris donum largiri non diffidimus. Idcirco novetur omnium fidelium nostrorum, tam præsentium quam & futurorum, sagacitas, quia audiens serenitatem Culminis nostri vir Reverendissimus Adelbardus Abba ex monasterio Corbeie, quod ei dudum in provincia Saxonia ad augmentum mercedis nostræ ex novo construere jussimus super fluvium Wisera, in villa regia, in loco nuncupante dudum Huxeri, dicatum in honore S. Stephani protomartyris, suggessit mansuetudini nostræ, ut idem monasterium & monachos ibidem per tempora degentes cum rebus & hominibus non solum sub nostra tuitione & defensione constituere-mus; verum etiam & talem immunitatem fieri juberemus, qualem omnes Ecclesiæ in Francia habent. Cujus petitioni dignam & proficuum judicantes, hanc auctoritatem immunitatis erga prædictum monasterium Cor-*

*beie, ejusque Rectores fieri jussimus, per quam decernimus atque jubemus, ut nullus Judex publicus, vel quilibet ex judiciaria potestate, in Ecclesias, aut loca, vel agros, seu reliquas possessiones memorati monasterii, quas præsentis tempore in quibuslibet pagis, & territoriis habet, vel deinceps ibidem conlatæ fuerint, ad causas judiciario more audiendas, vel freda exigenda, aut mansiones, vel paratas faciendas, aut fide jussores tollendos, aut homines ipsius monasterii, tam ingenuos quam & leutos distringendos, aut ullas redhibitiones, aut illicitas occasiones requirendas ullo unquam tempore ingredi audeat, vel ea, quæ supra memorata sunt, peritus exigere præsumat; sed liceat memorato Abbati suisque successoribus res prædicti monasterii sub immunitatis nostræ defensione quieto ordine vivere & reside-re; & quidquid exinde jus Fisci exigere poterat, totum & ad integrum nos pro æterna retributione ad pauperes alendos & luminaria eidem monasterio concinnanda concedimus; qualiter Monachi ibidem degentes pro nobis proleque nostra, atque statu totius nostri Imperii, nobis ad regendum commissi, Domini misericordiam attentius exorare delectet. Sed & hoc placuit nobis huic inferere auctoritati, ut licentiam babeant Rectores hujusce monasterii cum quibuslibet hominibus liberis res & mancipia legaliter commutare: videlicet, ut quidquid juste & rationabiliter pars alteri contulerit parti, per hanc nostram auctoritatem jure firmissimo teneant atque possideant, & quidquid exinde facere voluerint, libero in omnibus perfruantur arbitrio faciendi, quidquid elegerint. Et ut hæc auctoritas immunitatis atque confirmationis nostræ per futura tempora inviolatam obtineat firmitatem manu propria subter firmavimus, & annuli nostri impressione signari jussimus.*

Signum

POES  
LIE

*HLudovici Serenissimi Imperatoris. Durandus Diaconus ad vicem Fridugisi recognovi & ff.*

*Data VI. Kalendas Augusti. Anno Christo propitio. X. Imperii Domini HLudovici piissimi Augusti. Indictione prima. Actum Ingilnbeim palatio regio. In Dei nomine feliciter amen.*

Laus Monasterii Corbeiensis.

Quæ postquam D. Adelhardus primus Corbejæ ad Visurgim auctor conditorque perfecit, haud multum inde in vita superstes fuit, uti & Baronius observavit; quamvis nec a Paschasio, nec ab Abbate silvæ majoris, a quibus multis paralogismis vita scribitur, mortis annus (quod historiæ intererat) consignatus sit. Hæc interim hujus celeberrimi & opulentissimi quondam per Saxoniam monasterii primordia, in quo exinde tot sanctitate illustres Monachi vixere, ut perpetuo psallentium

chorus diu noctuque fuisse memoretur. Hoc illud Christianæ religionis seminarium, ex quo tot Sacerdotes & Apostolici viri, tot Episcopi ac præfules prodierunt; quorum doctrina & labore magna pars Saxonie & septentrionalium populorum ad Christi fidem perducta. Quam exoptatum olim & salutare vitæ institutum primis Saxonibus, tam invisum modo heterodoxis, postquam a desertore Monacho Martino Luthero longe sane disparem, & ante id tempus inauditam majoribus doctrinam

nām intra Saxoniam primo admifere. Quantum vero Fuldenfi monasterio ejusdem clariffimæ familiæ D. Benedicti Haffia & Thuringia; tantum Saxonia in converfione barbararum gentium Corbejenfi debet. Sanē cum Ludovicus Imperator jam ævo fuo florentem monasterii disciplinam fructumque in diffeminando Evangelio afpiceret, non modo Eresburgum & Meppiam conjunxit Corbejenfi Seminario, fed aliis ſuper alias, de quibus referam, idem donationibus cumulavit. Ac brevi Corbeja ad Viſurgim Saxonica, Francica ad Somonam flumen Corbejæ, unde hæc Colonia traducta eſt, æmula ſpectabatur. Auxere deinde ceteri Reges ac Imperatores opibus ac privilegiis; quibus Abbates, uti inter Principes Imperii adſciti, ita ſe Episcopis ſplendore & potentia ſæpe pares tulere. Sed de his temporibus memorandi locus erit.

Nec tamen Corbejenſium initia tam proſpera fuere, quin & ſuos invidos æmulosque experti ſint, qui immunitatem, & illorum privilegia inturbare ſunt auſi. Quæſuper re cum Warenus primus Corbejenſium Abbas cum Imperatore queſtus eſſet, Ludovicus Badurado Paderbornenſi Episcopo ſcripſit, atque in mandatis dedit, ut immunitatis tabulas a ſe Corbejenſibus conceſſas & ſuam voluntatem infeſtis Comitibus exponeret: literæ ad Baduradum ſic habent.

*In nomine Domini Dei & Salvatoris noſtri Jeſu Chriſti, HLudovicus divina ordinante providentia Imperator Auguſtus Badurado Episcopo & Miſſo noſtro. Noſſe te non dubitamus, qualiter noſtra juſſione Adelhardus quondam Abbas quoddam monaſterium in Saxonia a novo opere conſtruxit, quod nos & alii qui boni homines de quibusdam rebus ſolemni donatione dotavimus; de quibus omnibus rebus noſtræ auctoritatis præceptum circa idem monaſterium fieri juſſimus, ut perpetua ſalvatione in jure ejusdem monaſterii eadem res conſiſterent. Sed ut relatione Warini venerabilis, ejusdem monaſterii Abatis cognovimus, quidam Comites memoratum præceptum noſtrum infringere & convellere velint, in eo videlicet, quod homines tam liberos, quam & lutos, qui ſuper terram ejusdem monaſterii conſi-*

*ſtunt, in hoſtem ire compellant, & diſtringere judiciario modo velint; quod nolumus, ut faciant, & ideo per has literas noſtras tibi præcipimus, ut tu illud præceptum, quod ſicut diximus, eidem monaſterio fecimus, adſumas, & in præſentia eorundem Comitum, in quorum miniſteriis res prædicti monaſterii eſſe noſcuntur, relegi facias, & ex noſtra auctoritate eis præcipias, ut ulterius noſtræ auctoritatis præceptum violare non præſumant, ſed potius, ſicut in eodem præcepto continetur, illud conſervare ſtudeant, ſi gratiam noſtram habere velint.*

Nullum his literis annum, quo datæ ſunt, adſcriptum reperio, retuli tamen ad hæc tempora proxime confeſcuta; quod Adelhardus, poſtquam per xxx annos præclara cum laude & fama ſanctitatis Corbejam Francicam Abbas adminiſtraſſet, & Corbejam novam ad Viſurgim condidiſſet, hatid multo poſt ſatis, ut diximus, conceſſerit, & Warinus ei ſubrogatus referatur. Id potius ex his Imperatoriis literis aſſeramus, Baduradum magnæ auctoritatis fuiſſe apud Imperatorem Ludovicum, quem hic Miſſum ſuum compellat; quod munus ſive extraordinarium, ſive ordinarium Badurado fuerit, magnificum certe reputes; quando illud vel Archiepiſcopi, vel eminentiores Episcopi, vel illuſtres viri adjuncto comite geſſerunt; erantque legatorum inſtar, & cum plena Imperatoris poteſtate deſignati provincias obibant; atque ea, quæ vel in publicis conventibus ac ſynodis, vel ab Imperatore conſtituta erant judiciaria auctoritate exequabantur; controverſiasque, quæ intervenerant, cognoscebant ac decidebant, aut certe ad Imperatoris tribunal referebant. Hinc paſſim in diverſarum gentium legibus appellantur Miſſi Dominici, Miſſi Dominicales, Miſſi tranſcurrentes, Legati Imperatorum, ac ſupremi Judices, tam in Eccleſiaſticis, quam in politicis controverſiis ac cauſis publicis; ut vel inde juridiſctionem politicam cum Episcopis ab Imperatoribus communicatam ex ævo etiam illo traducant ſcriptores, ſecus quam Heterodoxis noſtris & Episcoporum obtreſcatoribus perſuaderi poſſit. Hi, ſi Francorum Regum annales moremque Regni Franciæ, ſi Capitularia Caroli M. & Ludovici

Miſſi Dominici quaſi les.

Ad deſen-  
dendos Cor-  
beienſes de  
ſignatur  
Baduradus  
Imperato-  
ris Legatus.

vici Imperatoris, si deinde Synodos eorum temporum, & quam ordinarium id munus fuerit Archiepiscoporum, & præstantium Episcoporum, sincere legissent, intelligerent eam, quæ a Theodosio M. data est Episcopis judicandi potestas, etiam a Francorum Regibus & Imperatoribus cum Episcopis Franciæ, Germaniæ, & Saxonæ communicatam esse. Quapropter dum hoc publico munere obeundi provincias defungerentur, publica quoque anno-

na, & sumptus, quem Missaticum dixere, illis lege sancitus. Ac verisimile habeo Badurado, quem Ludovicus Imperator sibi ob sapientiam & fidem semper conjunctissimum habuit, id munus per Saxoniam multos annos ordinarium & honorificentissimum fuisse, cui hac Ludovici Imperatoris legatione, etiam in ipsos Comites, & supremos justitiæ ministros & vicarios Imperatoris exequendi potestas data est.

## Annus Christi 825.

Eugenii II. Pont. 2. Ludovici pii Imp. 12.

Baduradi Ep. Pad. 11.

*Chron. Mimsense.  
Henricus de Herivordia  
Diplomata  
Herivord.  
Collegii.*

Corbejensi Monasterio hic subjungimus illustre Herivordienſe ſanctimonialium Virginum Collegium, intra eosdem fines diœceſis Paderbornenſis; quod hoc anno octingenteſimo vigefimo quinto, Ludovici Imperatoris duodecimo, Waltgerus primus ejus conditor e vita exceſſiſſe tradatur a ſcriptoribus. Et quemadmodum Corbejenſe ex Corbeja Gallica per Colonias Monachorum inſtitutum; ita Herivordienſe ex Sueſſionenſi ſanctimonialium virginum Collegio a Ludovico pio Imperatore inſtauratum, & ad formam earum Gallicarum Virginum, traductis inde Coloniis, formatum eſſe, referent diplomata Principum a nobis infra recitanda. Sed altius nobis prima ab origine hujus initia reperenda. Inter Weſtphaliæ nobiles, qui a Divo Bonifacio Chriſti fidem edocti, & baptiſmatis aqua abluti ſunt, traditur quoque conſtante majorum & ſcriptorum fide Adolphus Waltgeri avus. Ab hoc deinde Adolpho Waldericus filius Chriſti ſacris imbutus, una cum Eva conjuge inter turbulenta bellorum Saxoniorum tempora conſtanter Chriſti quoque religionem coluit, transfuditque in Waltgerum filium cum acceptis bonorum poſſeſſionibus; quæ cauſa ut ab aliis Comes Herivordia memoretur. Is quia meliora tempora ſortitus ſub Carolo M. (quibus & Saxones perdomiti, & Widekindus ipſe, cui haud procul Herivordia paterna ſedes erat, ſubaſtus) ſe Chriſtianum profeſſus eſt. Conjunctiſſime vixere Widekindus & Waltgerus, unoque ſtudio & fervore proferendæ religionis Widekindus in vico Engeren nobile Collegium Canoniorum ac Baſili-

cam D. Dionyſio conſecratam condidit, in quo hodieſum ſepulchrum ejus, Mauſolei in modum erectum, conſpicitur: Waltgerus vero in vicino Herivordia loco ac fundo hereditario Eccleſiam conſtruxit. Super eſt etiamnum ædes illa ſacra, ſolido opere conſtructa, & legitur in arcu forniciſ hæc inſcriptio. *Princeps hujus terræ Waltgerus fundator Eccleſiæ Herivordienſis.* Ut mihi in comitatu Ferdinandi Epifcopi, hæc monumenta antiquitatis luſtrantis, videre conceſſum. Præter hanc ædem ſacram, quæ, priuſquam Baſilica collegii conſtrueretur, populi ſacris deſerviit, Waltgerus Virginum quoque monaſterium condidit in villa Mudendorſt, quod deinde Herivordiam ad commodiorem ſecurioremque locum translatum. Prima hujus monaſterii exordia referunt ad annum Chriſti 789. Inde ſeu belli tempeſtate, ſeu aliis temporum injuriis honeſtus Virginum cœtus in magna tenuitate vixit; quarum miſertus Ludovicus pius Imperator, cum forte locum ipſe coram inſpiceret, dum Paderbornæ prima Saxonæ comitia ageret, multis exinde ac regiis donationibus cumulavit. Ad quæ referas illorum opinionem. qui Collegium hoc virginum anno Chriſti 819. a Ludovico fundatum ſcribunt. Cum Ludovicus inſtaurator verius, quam conditor cenſeri debeat; cujuſmodi puellarum monaſteria ab ipſo in Aquitania quamplurima inſtaurata refert Auctor vitæ Ludovici Imperatoris; quemadmodum hæc ex diplomate Imperatoris, ad annum ejus Imperii xxv. recitando, conſtare poterunt, in quo prima Abbatiffa Herivordienſis memoratur

*Herivordia  
enſe Virgi-  
num Colle-  
gium tunc  
datum a  
Waltgero  
Herivordia  
Comite  
Meibomius  
in notis ad  
Widekindi  
annal. lib. I.*

*Auſtor viſa  
Lud. c. 2.*



ratur Tetta, seu Dedda, secunda in aliis tabulis Adda, tertia in aliis Hadewie.

A prima origine Canonicarum Virginum fact.

Institutum harum Virginum non aliud reperio, quam Sanctimonialium in communi viventium, sicuti in literis Ludovici Regis, Arnulphi, & Henrici Imperatorum vocantur. Plane in diplomate Conradi Imperatoris scribuntur, ex ordine & possessione Canonicarum virginum. Nec aliter Hadrianus Pontifex in diplomate compellat; tametsi Joannes Pontifex prolapsa jam & dissoluta claustris disciplina, privilegia approbet; institutum vero, ut tum reperit, tolerare magis, quam confirmare profiteatur. Sed nos jam supra satis ex concilio Aquisgranensi institutum harum Canonicarum Virginum asseruimus, quo per Franciam, Germaniam, & Saxoniam illo Cæsarium ævo nihil receptius & florentius fuit. Quin & ipsum Sueffionense monasterium, ex quo formatum est Herivordienſe, sanctimonialium Virginum memoratur; tametsi postea in D. Benedicti institutum transierit. Ludovici Pii Imperatoris munificentiam consecuti sunt ceteri Imperatores ac Reges; eoque privilegiis & donationibus auxere, ut

Sueffionensi monasterio par fuerit; quare ut in Sueffionensi, ita in Herivordienſi monasterio ex illustribus familiis Antistites delectæ honoratæque Imperii principum dignitate.

Increvit cum ipso collegio Virginum Herivordia ex vico in oppidum, ex oppido in Urbem, haud secus, quam Episcoporum sedes. Inde Urbs in veterem & novam divisa, cui tertia pars Radevicum accessit. Singulæ Werna & Hardna omnibus discretæ. Utque Episcoporum urbes, ita se Antistitis quoque Imperio multum, quod opinari pronum, postea exiit. Quanquam hic mirari magis subit, in his Teutonicorum montium locis, in quibus dominatu Widekindi gentilis superstitio & idolatria principatum tenebat, ibi Christi religionem duobus hisce Collegiis, multisque Ecclesiis caput extulisse sub administratione sacra Episcoporum Paderbornensium; donec sub annum Christi 1533, ejectis ubique Catholicis, primum Lutherani, postea his permixti Calvinistæ majorum sacra & piissimorum Regum instituta donationesque interverterent. Nunc ad Ludovicum Imperatorem me referam.

## Annus Christi 826.

Eugenii II. Pont. 3. Ludovici Pii Imp. 13.  
Baduradi Ep. Pad. 12.

Annal. Francorum  
Vita Ludovici Pii.

Agebatur annus Christiano nomine vigesimus sextus supra octingentesimum, cum Imperator hybernis Aquisgrani transactis, Calendis Junii Ingelheimium est profectus. Celebrem istuc Episcoporum & procerum conventum habuit, in quo Legati filiorum Godfridi Regis, Sclavorum, Abotritorum multarumque gentium, præter legatos Eugenii Romani Pontificis, auditi expeditique. Accessit & per id tempus Moguntiam cinctus Danorum multitudine Haraldus Danorum Rex: nihilque tum in congressu tot procerum & legatorum aspectu Regis jucundius, nam & Rex ipse una cum conjugē multisque aulae suæ primoribus in Basilica S. Albani baptismi undis ablutus, palam Christi sacra professus est. Regem e baptismo suscepit Imperator, Reginam Juditha Imperatrix, ut Theganus scribit; quæ res incredibili læticia Episco-

Haraldus Danorum Rex cum conjugē Moguntia baptizatur.

pos & spectatores Christianos affecit. Quapropter Imperator ingentibus etiam a se Haraldum Regem donatum muneribus honorifice deduci per Frisiam in Regnum iussit. Ac si qua procella eum jam Christianum ejiceret e Regno, donavit comitatu Rhiustri in Frisia, quo se in propriam sedem inter Christianos sub tutela Imperii recipere posset. Sed priusquam iter ingrederetur Rex, petiit sibi redeunti in Daniam addi præcones Evangelii, qui gentem barbaram Christianis legibus ac moribus excolerent. Lætus ad hæc Imperator sollicitusque, cum per Walonem Abbatem Corbejæ Francicæ inquireret in ejusmodi viros, obtulit se ultro in hanc sacram expeditionem D. Ansgarius novæ ad Visurgim Corbejæ monachus. Is ante triennium e Gallica Corbeja ad Visurgim cum aliis transmissus erat, ut scholis præficeret, doceret-

Vita  
S. Ansgarii  
a Philippo  
Casare edio  
tæc. 5 & 6.  
Grantzins  
l. 1. Mevrop.  
Cum quibus  
religionem  
Christi  
Propagaturus  
in Da-

que

niam navi-  
gat  
S. Ansgari-  
us Corbe-  
jensis Mo-  
nachus.

que monachos sacras literas; quo in munere cum ob ingenii & doctrinæ præstantiam emereret, simul functus est officio concionatoris; tanto jam magis idoneus ad hoc Apostolicum munus, vir tam sanctitate, quam fervore promovendæ religionis conspicuus. Ansgario ultro se comitem obtulit Autbertus ex eadem Corbeja monachus, genere nobilis, religione multo nobilior. Hi duo egregii Sacerdotes ab Imperatore adjuncti Haraldo Regi navim conscenderunt, impositaque sacra supellectile ad sacrificium missæ subministrata, secundo Rheno Coloniam descendunt: Ubi perbenigne ab Hadeboldo Coloniensium Archiepiscopo sunt excepti. Addita dono ejus altera navis, duobus habitaculis adornata, in quam transgressus Rex, ut colloquio sacerdotum frueretur. Inde in Frisiam provecti, incolumes Daniam intrarunt. Ibi Ansgarius cœpit scholas puerorum colligere, docere palam Evangelii legem, trahere sua eloquentia barbaras gentes ad Christi sacra: tanto inter eas fructu, ut magno numero se ad baptismum offerrent, ac Regis sui exemplo nomen Christo darent. Biennium fuerat versatus in Dania Ansgarius, quando Corbejam rediit, reducto secum Autberto ob debiles corporis vires. Nec multo post Autbertus felici morte, quam a Deo monitus acceperat, vitam clausit. Mirum vero quantum exhilarit excitavitque Ansgarius Corbejenses Monachos, postquam felicem in Dania successum Evangelii, & res a se gestas denarrasset. Cum per id tempus legati quoque Suecorum, quos Sueones Auctor scribit, ad Ludovicum Imperatorem venissent, asserentes multos quoque esse in sua gente, qui Christianæ religionis cultum expeterent; Imperator denuo sollicitus, Walonem Abbatem ad se evocat consilii causa, si vel ex suis monachis ad id munus voluntarios haberet, vel Ansgario id demandare posset: aliis tantisper in locum Ansgarii subrogatis, qui Haraldo adessent. Quapropter Ansgarius e Dania evocatur ad palatium; & cum se Imperatori promptum offerret ad expeditionem in Sueciam, additus est illi Witmarus monachus, insigni religione & fervore Sacerdos: præterea Gislemarus, qui locum ejus apud Haroldum sustineret; & quotquot ultro

se ex Corbejensibus monachis in eam expeditionem obtulere. His fociis rediit Ansgarius in Daniam, ex qua cum Witmaro in Sueciam profectus, haud sine magnis ærumnis, quibus virum sanctissimum Deus probare voluit; nam & in mari navis, qua vehebatur, cum mercatoribus a piratis intercepta, & spoliatus est Ansgarius libris & muneribus, quæ Suecorum Regi offerenda erant. His tamen malis invictus cum in terram emerisset, modo pedestri itinere, modo navigii opportunitate Bircam ad portum pervenit; ac benigne a Berno Suecorum Rege exceptus, causam legationis exposuit. Hanc cum non aliam audivisset Rex, quam ut libertatem sibi daret docendi Evangelium Christi, pronus ad ea postulata, potestatem illi fecit, ubi vellet Christi legem libere annunciandi. Quo obtento, Ansgarius tractare Christiana sacra, docere rudes Suecorum populos, & baptismi aquis abluere; quos inter Herigarius Regis præfectus & consiliarius, suscepto baptismo, palam Christi religionem professus, Ecclesiam suis sumptibus exstruxit, & cœtus Christianorum mirifice auxit. Læti etiam Christiani, qui captivi ex gente illa tenebantur, sibi copiam fieri sacrorum suorum. Prospere hæc hætenus successerant, cum, ut in ejusmodi Ecclesiarum initiis Deus suorum constantiam excercet, Nortmannorum ingentibus procellis aliquamdiu sunt turbata; donec Ansgarius Ludovici Imperatoris auctoritate, Hamburgi Episcopi sedem auspicatus, Corbeja alios atque alios monachos & Apostolicos viros in subsidium evocavit; quorum doctrina & labore illi Aquilonares populi magnam partem ad Christi fidem deducti sunt, ac demum proculcata Idololatria, iis in regnis haud secus, quam in Saxonia triumphatum est. Quid futurum opinamur? si nunc in vitam rediret Ansgarius, magnus ille Aquilonarium populorum Apostolus cum monachis suis, per quos Dania, Suecia, Rugiaque primo verbum Dei & Christi religionem accepit? Utrumne tam benigne accipiendus audiendusque ab hæreticis, quam olim a barbaris? quando lege etiam capitali agitur in monachos & Sacerdotes, quotquot Catholica sacra publice privatimque apud illos peragunt. Jam & D. Adelhardus excesserat e vita, & Warinus

Quam  
Christianis  
sacris im-  
buit.

D. Rembertus  
in vita  
Ansgarii  
c. 8. & 9.  
Adamus  
Bremensis.  
Albertus  
Stadenf.

Qui deinde  
in Sueciam  
concedit.

rinus in Corbeja Saxonica, Walo in Francica illi subrogati erant; quando prima Ansgarii missio in Daniam hoc anno ex consilio Walonis, ut supra diximus, instituta est. Quo erroris comperti sunt, qui ad sequentem annum Adelhardi obitum rejiciunt. Id quod etiam satis ex diplomate Ludovici, quod mox recitabitur, cognosci poterit.

Ludovicus  
Imp. Cor-  
beia donat  
Eresbur-  
gum.

Cæterum Ludovicus Imperator, cum Corbejæ ad Visurgim & disciplinam indies efflorere, & numerum religiosorum virorum augeri, Saxoniamque ac Septentrionis regiones tanto fructu per eos excoli videret, Eresburgum, in quo Carolus M. pater collocarat monachos ex eadem D. Benedicti familia, cum omnibus possessionibus donatum conjunxit Corbejæ novæ. Quam in rem ipsum Ludovici Imperatoris diploma, & hoc ipso anno simul a Lothario filio subscriptum, nec hætenus vulgatum producimus.

In nomine Domini Dei & Salvatoris nostri Jesu Christi. HLudovicus & HLotharius divina ordinante providentia Imperatores Augusti. Omnibus fidelibus sanctæ Dei Ecclesiæ & nostris, præsentibus scilicet & futuris, notum sit, quia nos pro divini cultus amore, & animæ nostræ remedio quoddam monasterium, quod Corbeia vocatur, in honorem B. Stephani Protomartyris infra Saxoniam supra fluvium Wisera in loco, qui dicitur Huxeri, construi jussimus, quod & viro venerabili Adalhardo construendum regendumque commisimus, qui erat Abbas in altero anti-

quiori monasterio, quod æque Corbeia vocatur, a quo & novum supradictum monasterium nomen constat esse sortitum. Itaque nos divina inspiratione compuncti, & celestis patriæ amore succensi, ob animæ nostræ salutem, concessimus eidem monasterio capellam, quam dudum Dominus ac genitor noster Carolus Imperator in castello, quod dicitur Heresburg, construi jussit, cum omnibus rebus & mancipiis, ac decimis ad eam pertinentibus; quantumcunque Dominus ac genitor noster eidem capellæ pia devotione contulisse dignoscitur, cum omni integritate sui prædicto monasterio ad subsidia monachorum, ibidem Deo famulantium, per hanc nostræ auctoritatis donationem a die præsentis perpetuo habendum atque possidendum concessimus & in ditionem ejus transtulimus, eo videlicet modo, ut quidquid ab hodierna die de prædicta capella, vel de his, quæ ad eam pertinent, rectores & ministri supra memorati monasterii disponere atque ordinare pro utilitate ejusdem monasterii vel fratrum in eo degentium voluerint, absque ullius injusta contradictione ordinent atque disponant, & faciant, quidquid utilitatibus prædicti monasterii congruere & convenire perspexerint. Et ut hæc auctoritas largitionis nostræ per futura tempora irrevocabilem atque inconcussam obtineat firmitatem, & a fidelibus nostris tam præsentibus quam futuris, seu etiam successoribus nostris verius certiusque credatur, eam manibus propriis subter signavimus, & annuli nostri impressione signari jussimus.

Signum

POES  
LIL

HLudovici Serenissimi Imperatoris.

Signum

EO  
LAR

Lotharii Gloriosissimi Augusti.

Durandus Diaconus ad vicem Fridugisi recognovi & subs. Data XII. Calendas Julii. Anno Christo propitio. XIII. Imperii Domni Ludovici piissimi Augusti. Indictione IV. Actum Ingilinheim palatio regio in Dei nomine feliciter amen.

Annus

## Annus Christi 827.

Valentini Pontif. I. Ludovici pii Imp. 14.  
Baduradi Ep. Pad. 13.

*Franc. Ann.  
Auctor vis  
sa Ludov.  
Turbantur  
res sacre  
in Suecia.*

Jam felicibus auspiciis procedebat sub Christiano Rege in Dania religio, laborque Ansgarii; cum altero mox anno hostis humani generis Regis æmulos concitare cepit, gentis invidia conflata in Harioldum, quod Christianorum sacra palam induceret in Regnum. Imperator, ut his malis præverteret, Noviomagum profectus est ad publicum Imperii conventum, quo Hori- chus Godefridi Danorum Regis filius promiserat se venturum, diluturus ac- cusationes adversus se fratremque fa- ctas. Interim illi majus crimen ausi, Haroldum e consortio Regni ac Nortmannorum finibus excedere compellunt; persistente tamen Ansgario, fre- toque Imperatoris auctoritate.

*Dithmarus  
in Chron.  
Breuvetus  
in notis ad  
vitam D.  
Ludgeri.  
Mors Hil-  
degri-  
mi,  
primi Hal-  
berstadien-  
sium Epi-  
scopi.]*

Sustulit hic annus e numero Saxo- nicorum præfulum Hildegrium Halberstadiensem Episcopum, D. Ludgeri germanum fratrem. Prius ille Cata- launi, quæ civitas est in campania Bel- gicæ II ad Matronam fluvium ob egre- gias virtutes delectus Episcopus; inde vero sub Carolo M. tractus in Saxo- niam, primusque Halberstadiensem Episcopus constitutus erat; quem ex-

inde Episcopatum, uti Dithmarus Epi- scopus in chronico memorat; per XLVII annos administravit, tam præclara san- ctitatis fama, quam merito laboris; quippe qui diocesis suæ incolas om- nemque circa regionem ab idololatriæ cultu ad Christi sacra perduxit, uno- que fratris Ludgeri studio Helmensta- dium seminarium monachorum, & Werthinam cœnobium condidit. Sub- rogatus in ejus locum Thiatgrimus se- cundus Halberstadiensem Episcopus, ejusdem D. Ludgeri & Hildegri- mi consanguineus, a quibus in clero educatus formatusque, ita, ut pari, qua Hilde- grimus virtutum æstimatione & sancti- tatis fama Episcopatum administravit. Abbatem fuisse Thiatgrimum refert Crantzius, quod haud aliter accipias, Crantzii in Metrop. lib. 1. c. 26. quam quod Werthinense cœnobium, perinde ut Ludgerus, Gerfridus, Al- fridus ceterique consanguinei Episcopi, Abbatis loco, & rectoris munere ad- ministravit, dum anno demum 853 post Hildegrium juniorem, ad Epi- scopatum Halberstadiensem prove- ctum, Werthinensibus Monachis in Sy- nodo Moguntina libera facta est pote- stas Abbatem, quem vellent eligendi,

## Annus Christi 828.

Gregorii IV. Pont. I. Ludovici pii Imp. 15. Baduradi Ep. Pad. 14.

*Franc. Ann.  
Auctor vis  
sa Lud.*

Imperator proximo dehinc anno Aquisgrano Ingelhemium ad congres- sum optimatum; inde Francofurtum, Wormatiam, ac Theonis villam concessit; actumque consiliis magis quam armis de fœdere inter Nortmannos & Francos stabiliendo; tum de Haroldo Rege restituendo. Quam in rem toti- us Saxoniae Comites & Marchiones jussi ab Imperatore convenire ad fines Dano- rum, pertractatum cum Danis. Quo in opere dum versatur, Haroldus Rex rerum gerendarum cupidior; facta ir- ruptione, aliquod Danorum villas diripit incenditque. Quo provocati filii Godefridi Danorum Regis contrahunt copias, ac Comites Saxoniae non opi- nantes Francorumque exercitum ad ripam Egidoræ fluminis confidentes ob- ruunt, castrisque exutos in fugam com- pellunt. Magnus pudor inustus hac

*Saxones a  
Danis ca-  
duntur.*

clade Saxonum Francorumque nomini. Excusarunt quidem tam audax facinus, missa ad Imperatorem legatione, Dani, etiam satisfactionem ponendo, dum- modo pacis fœdera manerent; sed nul- la irrogata pœna. Carolum M. hic de- siderabant Franci in filio, qui ultionem ejusmodi facinorum ab armis reposce- ret; quanquam similes clades Ducum inertia, & nimia Imperatoris tolerantia, hoc anno imperii acceptæ a Vasconibus. Inter hæc summa tranquillitas & felici- tas per Saxoniam, in qua omne sanctis- simorum Episcoporum opus contente fervebat in construendis Ecclesiis, in formanda Cleri populique disciplina, in excolendis rudium hominum animis. Et jam Saxonia, omni prope exuta barbarie, flore sensim religionis, cer- tare videbatur cum Francia & Britan- nia.

## Annus Christi 829.

Gregorii IV. Pont. 2. Ludovici Imp. 16. Baduradi Ep. Pad. 15.

*Tom. 21. concil. Paris. Sirmundus in notis. Tom. 3. concil. Colon. Binus in notis. Eginardus l. 3. c. 18. De translatione SS. Marcellini & Petri. Ludovicus Imp. Epist. synodica. Varia placando Numini concilia indicantur.*

In hac tamen summa temporum tranquillitate, cum multa simul vitia, quæ ex pacis otio prona sunt nasci, liberius alerentur, Deus Franciam Germanicam fame, peste, lue animalium, sterilitate frugum, multisque malis afflixit. Quare Ludovicus Imperator ad placandum Numen per quatuor Imperii partes, Moguntiam, Parisiis, Lugduni, & Tolosæ concilia provincialia indici iussit. Et Moguntiam convenere quatuor Archiepiscopi cum suis suffraganeis, Olgarius Moguntinus, Hadebaldus Colonienfis, Hetto Trevirensis, & Berwinus. Celebris synodus, ad quam non ambigas convenisse complures Saxoniam Episcopos, interque hos Baduradum Episcopum nostrum. Decreta synodi etsi interciderint; indicta tamen habemus publica jejunia, preces & supplicationes ad irati numinis pœnas mitigandas; ad eum modum, quo

hæc Parisiis, & per totum Imperium indicta sunt. Fama per hæc allata, Nortmannos (quo nomine Danos, & qui trans Daniam incolunt, notari scribit Adamus Bremenfis) collectis undique Barbarorum copiis in Transalbianorum Christianorum regionem irrupturos. Quo nuntio perculsus Imperator, jubet ex omni Francia collectum exercitum maturare in Saxoniam, quem ipse Novesii per Rhenum traducturus esset in hostes. Quæ fama postquam vanitatis comperta est, Imperator Aquisgrano Wormatiam ad conventum procerum se contulit. Sed his malis longe funestiora Imperium conturbavere, suis etiam prodigiis prænunciatis, quando patuicis ante pascha diebus terræ motus ventusque ingens Aquisgranensæ palatium domumque concussit, ipsamque Basilicam plumbo tectam nudavit.

## Annus Christi 830.

Gregorii IV. Pont. 3. Ludovici pii Imp. 17.  
Baduradi Ep. Pad. 16.

*Seditio in Ludovicum Imp. a filiis mota.*

Funestus, qui consequitur, annus octingentesimus trigessimus, quo conjuratio in piissimum Imperatorem detecta arsit in civilia dissidia & arma; quæ ut multis Theganus, Auctor vitæ Ludovici, & Nithardus Caroli M. ex filia nepos quatuor libris describere: ita causæ a variis scriptoribus afferuntur variæ. Imperator ob bella ante biennium in Ungaria & Hispania Ducum socordia improspere gesta, plerosque eorum in ordinem redegerat. Adhæc Bernardum Septimanæ ducem, gente Hispanum, adsciverat in aulam, & Supremum cubiculo ministrum præfecerat, per quem summa administrabantur. His primum offensi proceres quidam Regni, plures in societatem trahunt summos infimosque, atque inter hos Pipinum filium, juvenem audacia promptum. Sparsus exinde rumor Juditham Imperatricem adulterinis amoribus misceri Bernardo Duci, quo haud leviter Pipini & aliorum filiorum animus exulceratus in Patrem & novercam, odiumque illud incensum, quod dicerent Carolum & Rudolphum no-

vercæ artibus præferri & regnis destinari. Castigabat præterea Imperator Episcoporum & optimatum luxum multis a se legibus latis, quo stimulo maxime præsulum animi incitati credebantur; tractique in conspirationem Jesse Ambianorum Episcopus, Hildvinus Archicapellanus aulae, & Walo Corbejæ Abbas Hilduini causa. Horum auctoritate aliorumque potentia fretus Pipinus exercitum contraxit; sævitumque primo in aulae Imperatoris proceres, Heribertus Bernardi Ducis filius oculis orbatus: Rudolphus & Conradus Judithæ fratres in monachos attonsi: Juditha, quam Imperator Lauduni in monasterio S. Medardi collocarat, per custodes appositos ad Imperatorem rapitur, mortemque intentant, ni Imperatori persuadeat, ut abrogato imperio monachum induat, atque ipsa deinde sumpto velo idem vitæ genus amplectatur. Promittit hæc Imperatrix; post quæ Compendium ducitur, ubi Imperator morabatur. Hic vero auditis de amplectenda vita monastica conspirantium consiliis spatium delib-

H

randi



Composita  
fidei non  
nullorum  
opera.

randi poscit. At Imperatrix inde red-  
dita conjuratis retruditur in cœnobium  
S. Radegundis, & vi ad sumendum  
velum adigitur. Inter hæc Lotharius  
filius Collega Imperii ex Italia ad patrem  
accessit; & ea quidem, quæ facta erant,  
probavit: nihil tamen in patrem seve-  
rius agi est passus, sed ad publicum  
conventum omnia deduci consensit;  
quem Imperator, cum Germanis ma-  
gis fideret, quam Francis, Neomagi  
indixit, quo omnis prope Germania  
Saxoniaque in Autumno confluit in  
auxilium Imperatoris. Ibi Lotharium  
pater leniter objurgatum abstraxit a  
conjuratis; tantaque populi seditio co-  
orta est, ut, nisi cum filio prodiiisset e  
palatio Imperator in conspectum furen-  
tis populi, nihil propius fuerit, quam  
ut uno in omnes impetu facto, conju-  
rati trucidarentur. Igitur publico Op-  
timatum judicio instituto, læsæ maje-  
statis rei capitali supplicio damnantur;  
quæ tamen sententiæ severitas lenitate  
Imperatoris mitigata. Jesse Ambia-  
nensis Episcopus loco motus: Clerici  
in monasteria detrusi: Laici in Mona-  
chos attonsi: Hilduinus Abbas ad S.  
Dionysium aulæque Archicapellanus  
Paderbornam relegatus, iussusque pri-  
mum in militari tabernaculo hyberna-  
re, deinde Corbeiam ad Visurgim in  
exilium deportatus; quo cum Hinc-  
marus ejusdem cœnobii monachus in  
comitatu fuit, quem postea celebrem  
Rhemorum Episcopum habuit Belgica:

Walo Abbas Corbeiam Francicam mis-  
sus ad arctiorem custodiam. Hac pro-  
cella per Germanos & Saxones discus-  
sa, Imperator Aquisgranum cum Lo-  
thario filio digressus est ad hyberna.  
Præclara Germanorum atque insita in  
Principes suos fides. Celebrant quidem  
inter illos Corbeienfes Warinum Abba-  
tem suum, Tecklenburgici Cobbo-  
nem comitem, Clivenfes Balduinum;  
verum Francorum scriptorum testimo-  
nio nullius fides testatior, conspectior-  
que, quam Baduradi Paderbornensis  
Episcopi. Hunc enim virum; ceteris  
in tanta multitudine Episcoporum præ-  
teritis, nominatim commendant; qui  
& libera voce, & publica, ut refere-  
mus, legatione Imperatoris causam su-  
scepit. Haud interim nescius sum Ju-  
ditham a Reginone adulterii obnoxiam;  
ab aliis vero connubium, ob vetitam  
inter Ludovicum & Juditham consan-  
guinitatem, damnari; qua specie cri-  
minum abducti fuerint Episcopi & Ab-  
bates conjurationis rei, sed hi auctores  
partium studiosi scripserunt; quando  
ceteri omnes Imperatoris & Impera-  
trici innocentiam contente propugnant  
Nec Theganus aliud in Ludovico re-  
prehendit, quam quod Consiliariis suis  
nimium fiderit, & maximam vitæ oc-  
cupationem impensius in psalmis Ec-  
clesiæ decantandis, in legendis libris,  
precandi studio posuerit, quam publi-  
ca Imperii administratio patereetur.

Cumprimis  
Baduradi  
Paderb. E-  
piscopi.

Regino in  
chron.  
Beka in Epi-  
scopo Ula-  
trajectensi  
Episcopo.  
Bucherius  
in notis.

## Annus Christi 831.

Gregorii IV. Pontif. 4. Ludovici Pii Imp. 18.

Baduradi Ep. Pad. 17.

Imperat.  
Ludovici  
lenitas in  
conjuratos

Anno Christi 831 hyemem Impe-  
rator Aquisgrani transegit: quo tem-  
pore, missis in Aquitaniam Legatis,  
Juditham conjugem Aquisgranum re-  
vocavit, unaque cum conjugis fratres  
illius Rudolphum & Conradum; illam  
tamen honore conjugis non ante di-  
gnatus est, quam rite per leges se pur-  
gasset. Aliis deinde capitali supplicio  
damnatis vitam donavit; qua lenitate  
filii quoque pacati. Quare Pipinum in  
Aquitaniam, Ludovicum in Bojariam,  
& deinde etiam Lotharium in Italiam  
remisit, tanquam omnium securus qui-  
etum recepisset Imperium.

D. Rember-  
tus in vita  
Ansgarii  
c. 11.

Per id tempus Ludovicus Impe-  
rator salutaris providentia complexus

Aquilonares trans Albim populos,  
Ansgarium, cui jam ostium Evangelii  
per Daniam & Sueciam apertum erat,  
Hamburgensem Episcopum designa-  
vit. Hactenus eorum trans Albim po-  
pulorum curam, defuncto Heridago  
presbytero, quem Carolus Hambur-  
gi Episcopum constituere cogitarat,  
Ludovicus Imp. Willerico Bremenfi,  
& Helingaudo Verdenfi Episcopo  
commiserat. Igitur ut patris cœptum  
opus, votumque in ordinandis Episco-  
patibus expleret, Ansgarium Ham-  
burgensem Episcopum Gregorii IV.  
Pontificis auctoritate constituit, eoque  
etiam a Drogone Metensi Episcopo,  
Germano Imperatoris fratre, assisten-  
tibus

Adamus  
Bremenfis  
lib. 1. c. 17  
Cranzins  
lib. 1. Me-  
trop. c. 20.  
Bollandus  
comment. in  
vitam Aug.  
§. 1.  
Serrarius  
in Organo.  
Brevu-  
in hist.  
Trene, in  
Hestons.

**Ansgarius** tibus Ebbone Remensi, Hettone Tre-  
virensi, Otgario Moguntino Archiepi-  
scopis, ceterisque ad id evocatis Pro-  
vincialibus Episcopis, solemnī ritu  
Wormatiæ in Synodo Episcoporum  
consecrari voluit; atque id cum xviii  
Imperii Ludovici anno factum Adamus  
Bremensis tradat, ad hunc Christi quo-  
que annum 831 referri par erit.

**Bamberius**  
*in vita*  
**Ansg. c. 12**  
**13. & 15.**  
**Crantz. l. 1.**  
**Metrop. c. 32**  
**33. & 37.**  
**Albersus**  
**Stadenf. in**  
**chron.**  
**Joan.**  
**Magn. in**  
**Metrop.**  
**Upsalens**  
**lib. 1.**

Et jam tanto fructu & tanta spe  
processerat res Christiana in Dania &  
Suecia, ut post ordinationem Ansga-  
rii necesse fuerit auctoritate Apostoli-  
ca Gaudbertum Sacerdotem adiutorem-  
que S. Ansgarii consecrari Episcopum,  
qui mutato nomine Simon compella-  
tus est. Is in eas Sueciæ provincias  
reversus honorifice tam a Rege Ber-  
no quam populo susceptus, cepit non si-  
ne multorum accessu ad Baptismum &  
Ecclesiam Evangelium Christi circa an-  
num 834 libere docere. Quanquam  
post annos aliquot populari tumultu

citra Regis voluntatem sit ejectus. Quo  
plebis furore interemptus Nithardus  
Gaudberti Episcopi nepos ac Sacerdos  
primus Sueciæ Martyr, quod Adamus  
Bremensis postremis Ludovici Impe-  
ratoris annis factum opinatur. Non his  
abjectus Ansgarius submisit in Sueciam  
Artgarium anachoretam, rem omnem  
sustinente Herigario Birnæ præfecto,  
constantissimo & ferventissimo Christi-  
ano, quem Deus etiam miraculis illu-  
strem fecit. Gaudbertum exin Osna-  
brugenses quartum suum Episcopum  
numerant, qui a Cobbone Comite,  
Warini Abbatis Corbeiensis fratre, in  
locum Goswini Fuldæ delitescens sub-  
stitutus est, eumque Gosbertum vo-  
cant. Fallitur certe Ertwinus, dum  
eum gente Sueonem censet, eo quod  
cum Ansgario in Sueciam missus ierit.  
Sed ut hæc multum obscura sunt, ita  
non immerito Adamus Bremensis desi-  
derat meliorem chronologiæ rationem  
in Actis Ansgarii.

**Episcopus**  
**etiam con-**  
**secratur**  
**Gaudbertus**  
**in Sueciam**  
**missus.**  
**Adamus**  
**Bremensis**  
**lib. 1. c. 17.**  
**Vita S.**  
**Ansgarii.**

## Annus Christi 832.

Gregorii IV. Pont. 5. Ludovici Pii Imp. 19.  
Baduradi Ep. Pad. 18.

Anno abhinc proximo, postquam  
Imperator Pascha celebrarat Aquisgra-  
ni, in Bojariam maturavit; quod re-  
latum esset, Ludovicum Lotharii fi-  
lium res novas moliri. Postquam ve-  
ro Augustæ vindelicorum Bojariam pa-  
cavit, in Aquitaniam profectus est ad  
conventum publicum, quem Aureliæ  
indixerat. Jussus eo venire Pipinus fi-  
lius; & quia malignorum hominum  
consiliis a se aversum Imperator exper-  
tus, Trevirim in custodiam deduci  
mandavit. Verum e custodia, incuria  
& suorum artibus, elapsus, rursus  
omnia turbare cepit; eo Pater ex A-  
quitania discedens Treviris conventum  
indixit, quo & Pipinus filius evocatus,  
ut sanis procerum consiliis Regnum in  
quiete collocaret, at Pipinus ex prava  
conscientia veritus conspectum patris,  
venire destitit. Quare conventu disso-  
luto, Imperator Pipinum Regno Aquit-  
aniæ spoliavit, divisitque inter Lotha-  
rium, & Carolum filium ex Juditha  
susceptum. Hac Regni jactura & igno-  
minia multo exacerbatur Pipinus, fra-  
tres in novum adversus patrem odium  
concitavit; & tam pronos pertraxit,  
quam invidis animis acceperere Carolum

**Pipinus re-**  
**bellis e cu-**  
**stodia elas-**  
**psum turbat**  
**omnia.**  
**Ann. Pish.**  
**Aufhor vita**  
**Ludovici.**  
**Aimoinus.**  
**lib. 5. c. 23.**

ex noverca genitum admitti in Regni  
partitionem, sibi que præferri; foedum  
inde atque exitiale bellum conflatum  
inter patrem & filios.

Has inter turbas Ludovicus Impe-  
rator insigni beneficentia exornavit cœ-  
nobium Corbeienſe ad Visurgim, quod  
cum primis largiri visus est Warino Ab-  
bati, quem propinquitate sibi conjun-  
ctum appellat, memor fidei sibi in ad-  
versis præstitæ, quod nulli Saxonum  
præsides innocentiae ejus causam con-  
stantius susceperint, quam Baduradus  
Paderbornensis Episcopus, & Warinus  
Corbeiae Abbas. Diploma, quo pisca-  
tionem liberam ad Visurgim donat, sic  
habet.

**Ludovicus**  
**Imp. Cor-**  
**beienſibus**  
**donat ius**  
**piscandi in**  
**Visurgi.**

*In nomine Domini Dei & Salvatoris no-*  
*stri Jesu Christi. HLudovicus divina ordi-*  
*nante providentia Imperator Augustus. Si*  
*Ecclesias & loca divino cultui dicata nostris*  
*largitionibus providere satagimus, atque ibi-*  
*dem assidue Deo famulantibus solatia clemen-*  
*ter impendimus, non solum honorificam rega-*  
*lis munificentiae consuetudinem exercemus sed*  
*& temporalium erogatione donorum perpetuae*  
*nos mercedis praeemia promereri posse confidi-*  
*mus. Quapropter noverit omnium fidelium*  
*nostro-*

**Lego in alio**  
**exemplari.**  
**Si in honore S.**  
**Stephani &**  
**Viti; sed D.**  
**Viti reli-**  
**quia post**  
**quadrienni-**  
**um primum**  
**illat; unde**  
**Viti nome-**  
**aliens mae**

H 2

an irrefe-  
rit: neque  
Ludovicus  
Imperator  
Corbeiam  
in honorem  
S. Viti con-  
struxit.

nostrorum, praesentium scilicet & futurorum, industria, quod pro amore divino, atque animae nostrae remedio, ad monasterium, quod vocatur nova Corbeia; quod construximus in Saxonia in honore S. Stephani Protomartyris, cui modo praest fidelis & propinquus noster Warinus, primus substitutus Abbas, concessimus piscationem quandam in fluvio Wisera, in pago Wimodia nuncupato, cui confinis est villa Liufci vocata; in comitatu Abbonis, quae quia in similitudinem palorum, quos incolae Hocas vocant, construitur, gentilitio nomine ab indigenis Hocwar nuncupatur, quae ad jus nostrum pertinebat, quamque idem Abbo Comes hactenus in beneficio ha-

bebat, sed quoniam eadem piscatio absque familiis, quae ad ejus provisionem deputatae fuerunt, fratribus praedicti canobii non admodum utilis esse poterat, idcirco triginta duas familias, & quidquid ad eam piscationem pertinet saepe dictus Abbo in beneficio habuit, totum & ex integro in proprietatem jam dicti monasterii concedimus, quatenus ibidem servientes Monachos sine cessatione divinam clementiam pro nobis exorare delectet. Et ut haec cessio nostra auctoritas firmitus habeatur, & per futura tempora a fidelibus nostris verius credatur, ac diligentius observetur, manu nostra subter eam firmantes annuli nostrae impressione jussimus sigillari.

Signum



HLudovici Serenissimi Imperatoris.

Hirminmarus Notarius ad vicem Theogonis recognovi. Data XVI. Calendas. Julii. Anno Christo propitio. XVIII. Imperii HLudovici Serenissimi Augusti. Indictione X. Actum Franconovort palatio regio, in nomine Domini feliciter amen.

## Annus Christi 833.

Gregorii IV. Pont. 6. Ludovici Pii Imp. 20.  
Baduradi Ep. Pad. 19.

Vita Ludovici Pii.

Aderat jam annus trigessimus tertius supra octingentesimum, quo miserrabili tragedia agitatus Imperator a filiis; Cum Pipinus Lotharium & Ludovicum fratres in arma conscivit, eoque adduxit, ut junctis viribus in patrem moverent. Quo cognito Imperator post Pascha Aquisgrano progressus, cum instructo exercitu, comitanteque Juditha Coniuge & Carolo filio Wormatiam ascendit, turbatis, si posset, hisce rebus occurrurus. Interea dum hic versatur Imperator, duplici munificentiae diplomate Corbeienſe ad Visurgim Cenobium dotat, quorum altero jus publici mercatus & monetæ, altero salinas attribuit; provocatus nimirum Warini Abbatis studio, & religiosorum virorum pietate, ac quotidie increſcentium multitudine, quorum labore tantos per Saxoniam & Aquilonares regiones edi fructus intelligebat. Prius sic habet.

In nomine Domini Dei & Salvatoris nostri Jesu Christi. HLudovicus divina ordinante providentia Imperator Augustus. Omnibus sanctae Dei Ecclesiae, nostrisque fidelibus, praesentibus scilicet & futuris, notum esse volumus, quomodo Corbeienſe monasterium in Saxonia, propitiante Domino, cum consensu fidelium nostrorum, in honore S. Stephani Protomartyris Christi devotissima intentione fundavimus, & ibi competentia subsidia, quaeque praemanibus invenimus, debita largitate praedicto sanctificationis loco nostra in elemosina contulimus: insuper etiam, quia locum mercationis ipsa regio indigebat, monetam nostrae auctoritatis publicam ultra ibi semper inesse Christo militantibus proficiamus statuimus, quatenus cum omni integritate, absque ullius contradictione vel impedimenti occasione, locus ipse sanctitatis omnem inde redditum nostrae auctoritatis publicum possideat, & utilitatibus monasterii perpetuis temporibus multiplicatum nostrum hoc largitionis donum proficiat. Et ut fiduciali perpetuitate haec omnia auctoritatis nostrae dona sibi potiatur & teneat, annuli nostri impressione subter roborando firmare decrevimus.

Jus item  
publici  
mercatus &  
monetæ.

Signum



HLudovici Serenissimi Imperatoris. Hirminmarus Notarius ad vicem Theogonis recognovi &amp; ff.

Data Calend. Junii. Anno Christo propitio. XX. Imperii Domini HLudovici piissimi Augusti. Indict. XI. Actum Wormatiae Civitate, in Dei nomine feliciter Amen.

Alterum diploma, quo salinae fontes donat, etsi locum non memoret, in quo datum sit, hoc tamen eodem mense atque anno consignatum reperio.

Et Salina-  
rios fontes.

*In nomine Domini Dei & Salvatoris nostri Jesu Christi. HLudovicus divina ordinante providentia Imperator Augustus. Si liberalitatis nostrae munere de beneficiis a Deo nobis collatis locis Deo dicatis aliquid conferimus, id nobis & ad nostram mortalem vitam feliciter transigendam, & ad aeternam perpetualiter obtinendam, profuturum liquido credimus. Idcirco notum fieri volumus omnium fidelium nostrorum, tam & praesentium quam & futurorum solertiae, quia cum nos monasterium in Saxonia propitiante Domino cum consensu fidelium nostrorum in honore S. Stephani Protomartyris Christi devotissima intentione fundatum habuissimus, nomenque novae Corbeiae aptassimus, atque ibi competentia subsidia quaeque praemanibus inveneramus debita largitate praedicto sanctificationis loco in nostra elemosina contulissimus, Warinus quem in eodem monasterio Abbatem praefecimus, suggerendo petiit celsitudini nostrae, ut in memorato Ducatu Saxoniae locum provideremus, ubi sal fieri ad cibos Monachorum in eodem Monasterio per tempora degentium saliendo atque condiendo potuisset; quod & per hoc nostrae auctoritatis praeceptum in Ducatu Budinisvelt, quantumcunque juris nostri \* in illo sale, quod est super fluvium Wisera, erat in pago Logi. Per quod statuentes decernimus, ut sub jure istius monasterii. quantumcunque in eodem sale habere visi sumus, perpetuo consistat, sicut diximus ad necessitates Servorum Dei in memorato monasterio degentium fulciendas. Et ut haec nostrae largitionis auctoritas firmiter habeatur, de annulo nostro subter eam jussimus sigillare.*

\* al. M. S.  
vetus nostri  
in illo &  
fontes qui  
est super flu-  
vium.

\* al. M. S.  
vetus VI  
Kal. Junii.

*Miginarius Notarius ad vicem Theogonis recognovi. Data \* VI. Idus Junii. Anno Christo propitio. XX Imperii Domni Ludovici Serenissimi Imperatoris. Indict. XI. In Dei nomine Amen.*

Baduradus  
frustra ten-  
tat cum

Prorsus verisimile habeo, cum hanc expeditionem Ludovicus adversus filios Wormatiam & in superiorem Germaniam suscepit, Baduradum & Warinum

Abbatem in comitatu habuisse. Igitur cum Imperator Wormatiae cum exercitu consideret, & castris utriusque oppositis multum deliberaret, confligendumne esset cum rebellibus filiis, an prius animi per legatos ad pacem & concordiam pertentandi; consultum habuit Imperator mittere Bernardum Episcopum cum aliis quibusdam honoratis viris ad filios hortatum paterne, ut secum in gratiam redirent. Hunc ego Bernardum Episcopum haud alium intelligo, quam Baduradum nostrum, qui Imperatoris castra secutus, fidus illi semper adhæsit. Nec præter Bernardum Viennensem Episcopum ejus nominis alium reperio: at is, recte Adone Viennensi, per id tempus cum Agobardo Lugdunensi Episcopo reus conspiracy profugerat primus ante alios. Igitur Baduradus, fidus semper comes Ludovico, suscepta legatione, quamvis in omnem partem versasset animos filiorum, reique indignitatem exposuisset, nihil æqui ab exacerbatis filiis impetrare potuit. Imploratus & Pontifex (erat Gregorius eo nomine IV.) Ac tardius quidem ille Roma accessit, non sine indignatione Imperatoris; ubi tamen advenit, auxit Imperatoris offensionem, quod prius ad castra filiorum, quam ad se accessisset. Jamque frontes exercitus gemini stabant sibi obversa inter Argentoratum & Basileam (in Campo, qui mendacii dictus est, ob delusum Imperatorem) cum Pontifex singulos filiorum adit, modo precibus, modo hortationibus ad concordiam & pacem emolliens. Ac postquam nihil ab efferatis animis impetratum, petiit sibi permitti ad patrem transire, & de conditionibus pacis agere; id concessum. Inter hæc e castris Imperatoris plerique dilabuntur ad castra filiorum, transfugæ & perfidi. Imperator, ubi se desertum prope vidit a suis, nec quos secum habebat, prælio committi vellet, dura necessitate circumventus, legat ad filios, qui dicerent se in eorum potestate fore, caveant duntaxat ab injuria Conjugis, filii, & domesticorum. Nec mora, rebellia filiorum castra ingreditur; cum subito Juditha conjux a latere avulsa in Italiam abripitur: Augustus cum Carolo filio in tabernaculum includitur: inde soluto ad impiam prædam exercitu, divisoque inter se Imperio, Pipinus in Aquitaniam, Ludovicus

Ludovico  
Imp. filios  
conciliare.

Ludovicus  
filiorum  
se potestati  
dedit;

Imperio  
ejusque in  
signibus  
sequitur.

dovicus in Bojariam abeunt, captivus pater apud Lotharium filiorum iniquissimum relictus. Et quo non ambitio hominem abripuit? ut ex collega Imperii, abrogato patri Imperio, se Imperatorem ferret, eo omnes artes & concilia vertit. Ac postquam patrem tota ætate per urbes Franciæ tragico spectaculo circumduxisset, Carolumque filium a patre abstractum in Prumiense monasterium reclusisset, Compendium festinavit, ubi conventum indixerat, ut in eo publico procerum judicio Imperium patri abrogaretur; quantum vero hoc urgebat Lotharius, tantum veriti proceres, cum primisque auctores conspirationis, ne tantum flagitium excita Germania omnia retro in ipsorum capita verteret. Igitur callido consilio, quo facinus velent, Franciæ quosdam Episcopos, alios minis territos, alios dolo persuasos, alios etiam ingenio pronos in conventum consensumque trahunt; quos inter Ebbo Remensis Archiepiscopus concitor & architectus malorum accessit. *Quanquam omnes illi Episcopi*, ut Theganus perhibet, *Imperatori molesti fuerint, maxime hi, quos ex servili conditione bonoratos habebat, cum his, qui ex barbaris nationibus ad hoc fastigium perducti erant.* His deinde cum proceribus conjurationis in concilium congregatis, Imperator absens & per summum nefas inauditus damnatur: & mox, ut pronunciatum erat, eorum sententiis Imperator Compendii in Basilica Deiparæ Virginis ante aram & cor-

pus S. Medardi & Sebastiani sistitur. Ibi regia indumenta & arma ponere cogitur, pullaque veste indurus in monasterium sub tectum quoddam detruditur; & ne elabi possit, arcta custodia additur: oblato dein Missæ sacrificio, populus dimittitur inter gemitus & lacrymas. Inter Episcopos hujus facinoris reos producit Crantzius atque Ertwinus, Egilmari testimonio, Goswinum tertium Osnabrugensem Episcopum, a quo Imperatorem gladio discinctum perhibet: atque is forte est, quem Theganus comprehendit inter barbaræ nationis præfules, qui deinde restituto Imperatore ultro Episcopatu cesserit & conscientia sceleris se in monasterium Fuldense abdiderit. Ceterum nullum ego reperio ex Saxonici Episcopis hujus conspirationis reum: eo Baduradi nostri gloria illustrior, qui Imperatori in omnibus hisce ærumnis fidus adstitit, vir magnanimus, & ad omnes casus intrepidus.

Ertwinus  
in Chron.  
Omnib.

His mense Octobri per summum scelus gestis, Lotharius Compendio patrem secum eadem pulla veste, quam monachalem volunt, deduxit Aquisgranum ad hyberna, arctaque inclusit custodia impius filius. Lotharium Aquisgranum comitatus Otgarius Episcopus, quem Theganus inter conspirantes atque æmulos Imperatoris nominat; atque hunc Otgarium Moguntinum Archiepiscopum dixeris silente etiam Serrario.

## Annus Christi 834.

Gregori IV. Pont. 7. Ludovici Pii Imp. 21.

Baduradi Ep. Pad. 20.

Restituitur  
imperio,  
agente ma-  
xime Ludo-  
vico Ger-  
mania Re-  
ge.

Postquam propudiosi hujus facinoris fama per hyemem increbuit, tota prope Germania, Francia, & Burgundia concita, ad arma convolare cœpit. Ac nemo patris causam sollicitius vehementiusque suscepit, quam Ludovicus filius Bojariæ Germaniæque Rex, qui ceteris semper fratribus æquior fuit in patrem. Quare a Drogone patruo & Metensi Episcopo facile permotus, alios super alios legatos misit ad Lotharium fratrem; ut benignius haberet patrem. Cumque in colloquio apud Moguntiam coram nihil etiam impetrasset, collectis Germanorum & Saxonum

trans Rhenum copiis, Lotharium vi aggredi statuit. Jamque in Burgundia, ceterisque Franciæ provinciis arma pro Imperatore restituendo sumpserant proceres, quibus & ipse Pipinus filius se junxit. Hoc animadverso, Lotharius sub vernum tempus, pullatum secum trahens patrem, Aquisgrano Parisios maturavit. Ibi cum se tot undique copiis in caput suum confluentibus imparem cerneret Lotharius, patrem in cœnobio D. Dionysii deponit, ipse contenta fuga in Burgundiam properat, eaque decursa, Viennæ subsistit, exploratum, quo res vergeret. Tum vero



vero procures; commutata fortunæ scena certatim ad Imperatorem adcurrere, & omnem fidem & opem addicere, hortari ut insignia & potestatem Imperii resumeret. Quorum præsidio confusus Imperator in Basilica D. Dionysii, ingenti populi gaudio plausuque, Episcoporum manibus pullata veste exutus, purpura, baltheo, & ferro se accinxit, cohortantibus subinde armatis procerum turbis, Lotharium filium insequeretur, & a perduelle vindictam sumeret. Aversatus consilia civilis belli, sanguini parcendum suavit. Mox Carisiacum profectus Pipinum & Ludovicum filios, immemor præteritorum, paterno affectu excepit; & hunc in Bojariam, illum, in Aquitaniam remisit, ipse Aquisgranum rediit, ubi, recepta ex Italia Juditha conjugē, & Carolo filio ex Francia, hyemem exegit.

Villas nonnullas Corbeienfibus transcribit Ludovicus.

Has inter turbas, etiam dum Aquisgrani in potestate filii teneretur Imperator, duplex hoc anno in mense Mayo diploma dedit, quorum altero beneficentiam in Corbejenfēs explicuit, nova largitione donando prædia religiosis ejus cœnobii monachis.

*In nomine Domini Dei & Salvatoris nostri Jesu Christi. HLudovicus divina repropitiante clementia Imperator Augustus. Si liberalitatis nostræ munere de beneficiis a Deo nobis conlatis locis Deo dicatis quiddam conferimus, id nobis & ad mortalem vitam feliciter transigendam, & ad æternam perpetua-*

*liter obtinendam profuturum liquido credimus. Idcirco notum fieri volumus omnium fidelium nostrorum, tam præsentium quam & futurorum, solertiæ, quia complacuit serenitati nostræ, quasdam villas juris nostri sitas in Angariis, in Logni, quarum vocabula sunt Sulbichi & Hemlion, monasterio, quod dicitur nova Corbeja, ubi præsentī tempore Warinus venerabilis Abbas pastor & rector esse dinoscitur, sub integritate per hanc nostram auctoritatem delegare, ut nostris & successorum nostrorum temporibus in ditione ejusdem monasterii perpetualiter consistant, ad stipendia monachorum inibi constitutorum, & necessitates ejusdem monasterii procurandas atque sublevandas. Has ut diximus villas cum omnibus rebus, appendiciis, & terminis suis, & cum omnibus ad se pertinentibus, id est, domibus, ceterisque ædificiis, terris, pratis, silvis, campis, pascuis, aquis, aquarumque decursibus, cultis locis & incultis, mobilibus rebus, ac se ipsas moventibus, mancipiis diversi sexus ac ætatis, prædicto monasterio concedimus, atque confirmamus, ut ab hac die in futurum, sicuti dictum est, in jure & potestate ipsius perpetuo permaneant, absque cujuslibet Comitatus, vel publici Judicis, aut cujuslibet personæ contradictione vel refragatione. Et ut hæc nostræ donationis atque concessionis auctoritas inviolabilem & inconvulsam obtineat firmitatem, manu propria subter eam firmavimus, & annuli nostri impressione adsignari jussimus.*

Signum

POES  
LLE

*HLudovici Serenissimi Imperatoris. Hirminmarus Notarius ad vicem Thegonis recognovi & ss.*

*Data Idus Maji. Anno Christo propitio. XXI Imperii Domni Ludovici piissimi Augusti. Indictione XII. Actum Aquisgrani palatio regio in Dei nomine feliciter Amen.*

Altero diplomate rem longe salubriorem majorisque momenti complexus Imperator, Hamburgi sedem Episcopalem instituit, in eaque D. Ansgarium Episcopum, ex sua & Pontificis Gregorii IV auctoritate, ut profiteretur, collocavit: permotus primum Caroli patris instituto, a quo refert Hamburgi Ecclesiam constructam, dicatamque ab

Amalharo Episcopo, cui deinde loco Heridagum presbyterum imposuerit, provehendum in Episcopum, ut in cetera Saxonia fecerat, nisi virum egregium præmatura mors sustulisset. Ab ejus excessu Hamburgensis Ecclesiæ, & Transalbianorum populorum cura, Bremenfi & Verdenfi Episcopo, ut diximus, ad hunc diem commissæ fuit.

Polt

D. Ansgarius, us designatur Episcopus populi septentrionalium. *Vita S. Ansgarii c. 12. Diploma Gregorii IV. in Append. a Casare editum.*

Post ubi D. Ansgarius, prolata etiam Evangelii semente extra Transalbianam Saxoniamque gentem etiam Danorum & Sueonum Evangelii luce collustravit, ostiumque magnum aperuit Christianæ religionis (quod his tabulis dilaudatur) incensus Imperator tanto fructu, & spe tot barbararum gentium Ecclesiæ aggregandarum, Ansgarium septentrionalium Ecclesiarum Episcopum designavit; quem haud multo post Gregorius IV Pontifex Romæ Archiepiscopum, & Legatum circumiacentium populorum, Danorum videlicet, Sueonum, & Sclavorum fecit, palliique honore decoravit, & ampla ad id munus potestate donavit, docendi mittendique Sacerdotes, quocunque in Septentrionem Christi religio exporrigi posset. Ut vel inde recognoscas a Pontifice Romano harum gentium conversionem auspicia sua cœpisse, ut hæc planius in diplomate Pontificis enarrantur. Hisce nova largitione addidit Imperator Cellam Turholtiam cum prædiis & bonis, quo se reciperet, si a Barbaris ejici casus ferret. Igitur Anscharius novum illic Sacerdotum seminarium erigit, e quo postea D. Rembertus traductus, & simul Corbeja evocat monachos, quorum opera septentrionales populi Christi fidem tanto exinde fructu edocti sunt. Ipsum Ludovici Imperatoris diploma Aquisgrani consignatum Idibus Maji, anno Imperii Ludovici 21. Indiction. 12 hic non recito, quod jam a tot Scriptoribus vulgatum extet. Memoratur eodem quidem diplomate Anscharius consecratus Episcopus a Drogone Metensi Episcopo, assistentibus Ebbone Remensi & Olgario, inter ceteros, Archiepiscopis; Verum cum duo Archiepiscopi hoc ipso tempore conspirationis rei tenerentur, consecratio hæc Anscharii in annum 831, ut fecimus, rejicienda est. Quanto exinde labore, quo successu Anscharius per Daniæ & Sueciæ regna Christi fidem propagavit, quibus miraculis doctrinam illustravit Deus, multis enarrat D. Rembertus in rebus ab eo præclare gestis. Jam quantum Saxonia Carolo M., tantum Transalbianæ regio, Dania & Suecia, in Christianæ maxime religionis initiis, debet Ludovico vere Imperatori pio. Et quantum non Corbejæ ad Visurgim simul debet seminario Christianæ religionis? Sane quod Fulda in Saxonibus

Christo partis, id Corbeja in Aquilonaribus populis Ecclesiæ aggregandis conspicitur; dummodo nunc populi earum regionum recognoscerent, a quibus doctoribus sanctisque viris primo verbum Dei acceperint, & majores eorum tot sæculis ad Lutheri tempora intaminatum servarint. Tanta per hujus errores invec̃ta mutatio, ut quæ Catholicorum sacra olim Barbari libera fecere, ea nunc hæresis carceribus & suppliciis persequatur.

Fine hujus anni dum ex Gallia in Germaniam Imperator iter repetit, nova rursus liberalitate Meppiam, ad confluentes Amasis & Hafæ, Corbejensibus ad Visurgim monachis donat; eoque consilio, quo Eresburgum, Cellam quoque hanc Corbejæ conjungit, ut ab ejus Cœnobii Abbate ceteri tantquam capite regerentur; id quod Warinus Abbas, aut per se, aut Baduradum, qui tum Imperatori aderat, impetravit; tabulæ donationis hæc sunt.

Meppena  
a Ludovico  
Imp. donatur  
Corbejensibus.

*In nomine Dei & Salvatoris nostri Jesu Christi. HLudovicus divina reprobante Clementia Imperator Augustus. Si liberalitatis nostræ munere de beneficiis a Deo nobis collatis, locis Deo dicatis aliquid conferimus, id nobis & ad mortalem vitam feliciter transigendam, & ad æternam perpetualiter obtinendam profuturum speramus. Idcirco notum fieri volumus omnium fidelium nostrorum tam præsentium quam futurorum sagacitati, quia petente Warino venerabili Abbate, qui monasterium, quod dicitur nova Corbeja, nostra concessione in regimine habere dinoscitur, complacuit Celsitudini nostræ quandam Cellam juris nostri vocatam Meppiam, quæ est constructa in pago Agredingo memorato monasterio per hanc nostram auctoritatem tradere, ut perpetuo sub ejus ditio- ne cum omnibus ad se pertinentibus consistat. Hanc, ut diximus, Cellulam sub integritate cum omnibus rebus ad se pertinentibus & aspicientibus, id est, Basilicis, domibus, ceterisque edificiis, terris, pratis, silvis, cultis locis & incultis, mobilibus rebus & immobilibus, mancipiis diversi sexus & ætatis, memorato monasterio subditam esse facimus, atque per hanc nostram auctoritatem ita condonamus & tradimus, ut in jure ejusdem ac monachorum ibidem per tempora*

*Apud Philo-  
lip. Casar. in  
vribus Apost.  
Bollandum  
in vita S.  
Anscharii.  
Pontanum  
in hist. Das-  
nica.*

tempora Deo servientium in diversis necessitatibus ad divinum cultum propensius exequendum absque cuiuslibet diminutione ac retractatione permaneat, & nullus fidelium nostrorum ab eorum dominatione & potestate eam quoquo modo auferre; aut in aliam quamlibet partem quacunque occasione transferre præsumat, sed liceat memorato Abbati, ejusque Successoribus, ac monachis in memorato monasterio per tempora degentibus jam dicta Cella cum omnibus ad eam pertinentibus ad Dei ac Domini nostri Jesu Christi famulatum diligentius per-

agendum uti absque cujusdam contrarietate, & quæcunque ad suos in Domini nostri Jesu Christi militia usus & necessitates pertinent adornare, disponere, justeque efficere, quatenus pro nobis, conjugibus, proleque nostra, & pace, ac stabilitate totius Imperii a Deo nobis commissi, alacrius eos indefinenter Domini misericordiam exorare delectet. Et ut hæc nostra auctoritas inviolabilem & inconvulsam obtineat firmitatem, manu propria adscripsimus, & annuli nostri impressione assignari jussimus.

Signum

POES  
ELE

HLudovici Serenissimi Imperatoris. Hirminmarus  
Notarius ad vicem Hugonis recognovi & ff.

Data VII. Idus Decembr. Anno Christo propitio. XXI. Imperii Domini HLudovici piissimi Augusti. Indictione XII. Actum Blanciaco in nomine Domini feliciter Amen.

Meppia, quod nunc præmunitum est oppidum dicecesis Monasteriensis ad prædictorum amnium confluentes, vetustate celebris locus, ut vita S. Ludgeri proditum est, & Ludovici Imperatoris domicilium, ac sedes Monachorum, per quos vicini Embslandiæ Incolæ Christiana religione exculi; ideo Cella his tabulis vocatur, uti & Visbeki iisdem in finibus; quas & Abbatio las dixere, a primaria Monachorum statione, ad quam ceteri se per paræcias dispersi reciperent: Unde hodie dum jure patronatus multæ istic parochiæ Abbatem Corbejensem respiciunt. Intelligebatque tunc Imperator quanto lucro Sacerdotes ordinis S. Benedicti in ea rudium hominum cultura versarentur. Ideo tam amplis bonis dotavit cœnobium, Abbatemque Corbeiensem eorum moderatorem esse voluit.

Etrinarum scientiis clarus; tum multo illustrior, postquam abdicatis omnibus bonis & honoribus Corbejam ingressus sumptoque habitu pauperem & sanctissimam inter Monachos vitam exegit, cui hodie dum eleganti & Romano charactere hoc Epitaphium inscriptum legitur.

Inclutus est istic positus Levita Geroldus,

Quondam regali clarus in obsequio.  
Sed jervire Deo malens, hic quidquid habebat,

Secum præsentem contulit Ecclesiæ.  
Cujus doctrinis gaudet, donisque refulget,

Pro quo Christe jugem confer ei requiem.

Multa ille, ut erat opulentus, prædia bonaque donavit, interque cetera argenteam crucem xii librarum, & instructam omni suppellectile librorum bibliothecam; quanquam, quo Ludovici Imperatoris anno id factum, in annalibus præteritum sit.

Geroldus  
monasti-  
cam in Cor-  
beia Saxoni-  
ca vitam  
inchoat.

Accessit per hæc florentia Corbejenfis cœnobii initia Geroldus ex prima Francica nobilitate, vir cum palatinis honoribus, militiæ præfectura, & do-

## Annus Christi 835.

Gregorii IV. Pontif. 8. Ludovici pii Imp. 22.

Baduradi Ep. Pad. 21.

Ann. Franc.  
Vita Ludovici.

At nondum omni civili filiorum bello exsolutus Imperator. Quæ res impediit, quominus animum in Saxo-

niam, & harum gentium curam intendere licuerit. Hærebat nimirum Lotharius adhuc armatus ac rebellis patri

Lotharius  
patri rebel-  
lis.

in Francia; prælioque inter utriusque duces commisso victor, Cabilonem expugnat, sævitque in victos capitali supplicio; quos inter Gotberga Wilhelmi Comitis filia e cœnobio extracta, dolioque vinacio inclusa viva projicitur in Ararim. Eadem intentata aliis, qui aut fidi Imperatori, aut Lothario suspecti erant. Adeo difficilius reconciliatus filius patri, quam pater filio, qui jam ceteros in gratiam susceperat, idem facturum Lothario, si modo supplicem se, ut alii, stitisset. Igitur adversus obfirmatum armatus Aquisgrano movit in Franciam Imperator, quem Ludovicus filius cum Germanorum Saxonumque copiis secutus: his se junxit Pipinus cum Aquitanico milite. Jamque Imperatorius exercitus Aureliam promoverat, ubi haud procul Lotharius cum exercitu consistebat, viribus longe impar, eoque retro abiit. Nec pater insecutus filium, quem oblata concordia & pace; quam armis sibi reconciliari voluit. Quam in rem missi legati, qui contumacem filii animum lenirent; quos ille dure exceptos cum minis etiam remisit ad patrem. Castris utrimque in conspectu positis, cum militum animi cruentum prælium spirarent, Imperator nihil magis, quam ejusdem sanguinem averfatus, mittit Baduradum Episcopum Paderbornensem ad Lotharii filii castra, virum cum ætate gravem, tum auctoritate spectabilem, qui jam in vigesimum annum multis legationibus clarus Episcopatum gesserat; ille vero, qua pollebat facundia, perorando aggressus Lotharium ex lege divina exposuit indignitatem rei; tum Pontificali auctoritate ostensa, additaque comminatione, quam ex ultrici numinis manu tot contumaces in patrem filii experti essent, obduratum Lotharii animum ad reconciliationem inflexit, magno Imperii tum laborantis bono. Libet hæc ipsius Thegani apud Treviros tum Chorepiscopi & Spectatoris referre verbis; *Tunc, inquit ille, Imperator misit legatos suos post eum, Baradadum Episcopum Saxonum (Baduradum videlicet) & cum eo Gebhardum nobilissimum ducem, & Berengarium sapientem propinquum suum. Qui venientes ad eum statim jam dictus Episcopus præcepit ei sub edito Omnipotentis Dei & Sanctorum ejus, uti se a societate impiorum seductorum*

• Agente Ba-  
durado Ep.  
Paderb.

*alienaret; ac cum Episcopus primum intromissus multa perorasset, ad quæ attonitus hærebat Lotharius, post ejus legationem duces protulerunt, quod eis imperatum fuerat. Quos statim rogavit ad modicum tempus egredi foras, & statim revocavit, deprecans eos, ut ei consilium darent de omnibus actibus suis; at illi instruxerunt eum, ut veniret ad præsentiam patris cum ceteris Seductoribus, certo promittentes pacem & gratiam patris; quibus Lotharius addixit venturum se. Nec mora secutus Lotharius, venit ad castra, ubi Imperator pater sub magnifico papilione considebat, & juxta patrem filii Pipinus & Ludovicus spectante universo, qui circumfusus erat exercitu. Postquam introgressus tabernaculum Lotharius, e vestigio supplex se abjecit ad pedes Imperatoris, veniam omnium prætorum deprecatus, quem pater paucis objurgatum amplexus excepit facta omnium noxarum condonatione. Pari clementia Hugo, Mathfridus, ceterique rebellium accepti. Is finis hujus foedi & propudiosi belli: hæc salutaris tandem pax inter Imperatorem & filios conciliata, Baduradi potissimum studio & auctoritate, quem inter Germaniæ Saxonique præfules Imperator & aula post Drogonem Metensem Episcopum cum primis venerabatur.*

In gratiam  
cum ceteris  
recipitur.

His peractis, jussus est Lotharius petere Italiam, nec ab ea injussu patris redire, collocato etiam in Alpium claustris milite, ne transitus illi in Franciam pateret. Imperator exinde Aquisgrano reversus ea, quæ ad præsentem statum Germaniæ Saxonique poscebantur, disposuit. Nec multo post publicum in Theonis villa conventum indixit, ad quem viii. Archiepiscopi, & xxxv. Episcopi, ac plerique procerum Dominica ineuntis quadragesimæ præsentem Imperatore convenerunt. Actum in eo maxime de flagitio Episcoporum, a quibus Imperator Compendii augustalibus ornamentis exurus fuerat. At cum ceteri Episcopi hujus criminis rei in Italiam profugissent, solus Ebbo Remensium Archiepiscopus ex fuga retractus, ut Theganus scribit, sese stitit. In hunc igitur accusatio tanquam totius mali artificem instituta fuit. Atque is postquam in Ecclesia S. Stephani in Mediomatricum urbe

Ann. Franc.  
Concil. Pa-  
risiens. tom.  
21.  
Flodoardus  
lib. 2. c. 20.  
Synod. Suef-  
sion. & Tris-  
cassina.  
Hincmarus  
lib. advers.  
sus Godeo  
schalcum  
c. 20.

Conventus  
Theonis  
Villanus, in  
quo Ebbo  
Rhemenfis  
Archiepisc.  
ceterique  
Majestatis  
læsæ rei se-

dibus suis  
dejecti.  
Tom. 21.  
concil. Par.  
in decreto  
Lotharii  
Imp.

urbe cathedram conscendens coram Episcopis, Clero & populo confessus est, inique a se Ludovicum Imperiali fede amotum, traductus inde Theonis villam ad concilium Episcoporum accusatusque, secundum Africanos Canones, Judices petiit, delegitque sibi Aiulfum Archiepiscopum, Baduradum & Modoinum Episcopos. Coram his ille & se reum fassus, & ultro se dignum pronunciavit, qui munere suo exueretur. Mox omnium sententiis Archiepiscopatu dejectus in exilium abiit, atque inde, ut ad decretum Lotharii adscribitur, in Cisalpinis regionibus usque ad obitum Ludovici Imperatoris delituit: anno demum DCCCXI post excessum Ludovici a Lothario in Imperium successore sedi pristinae restitutus. Vir ex transrhenano & Saxónico verisimiliter genere, qui puer a Carolo M. inter obliides acceptus, translatusque in Franciam, multisque naturæ dotibus insignis, major etiam ex Apostolico munere, quo præclare fun-

ctum diximus ad fines Danorum; at ubi publicis Aulæ negotiis se miscere cupidius cœpit, neque se in fastigio honoris moderari potuit, fœdo casu in præceps datus est. Idem Episcoporum calculis in absentes sancitum est, observatumque, quo tempore Ludovicus Imperator captivus a filio circumductus, hyemem procellis fœdam & ventorum turbinibus horridam terras superfusus fluminum aquis ubique immerfas fuisse, tanquam elementa omnia filiorum scelus in patrem detestarentur. Et quo vindicem Deum plane cognoscas, omnes prope hujus rebellionis concitores auctoresque intra proximos annos extincti periere; quos inter Jesse Ambianensis, Elias Tricassensis Episcopi, Walo Corbeia Francica Abbas, Adelhardi conditoris Corbeia ad Visurgim frater, alique quamplures ex nobilitate Francica proceres; tanquam factiosis capitibus sublati Deus Imperatori pacatius exinde imperium pararit.

Ann. Franc.  
Auctor vis  
ta Ludov.

## Annus Christi 836.

Gregorii IV. Pont. 9. Ludovici pii Imp. 23.

Baduradi Ep. Pad. 22.

Franc. Ann.  
Auctor vis  
ta Ludovici

Illuxit tandem annus trigesimus sextus supra octingentesimum, tam Imperatori post sævam tempestatem serenus, quam diœcesi Paderbornensi duorum Sanctorum pignore Liborii & Viti ex Galliis illato salutaris, admirandusque cœlestibus beneficiis. Enim vero Imperator, postquam assertus in libertatem & majestatem Imperii, nihil impensius habuit, quam collapsa disjectaque belli turbine revocare in pristinum statum. Quam in rem mense Februario Imperatoris jussu convocata est celebris illa Synodus Aquisgranensis, de qua Francorum annales, atque auctor vitæ Ludovici pii ad hunc annum hæc memorant. Ipsis diebus, in quibus purificatio beatissimæ semper Virginis Mariæ celebratur, Conventus quidem magnus, sed præcipue Episcoporum Aquisgrani convenit. Nomina præsentium Episcoporum etsi exciderint, Baduradum Episcopum Paderbornensem interfuisse, nemini dubitare fas erit, quando per id tempus in palatio Imperatoris adhuc versabatur, etiam tum, cum corpus Liborii Paderbornam deportaretur. Et facile mihi

persuaserim, Baduradum præcipuum hujus concilii Imperatori auctorem fuisse. Pertractatum in hoc conventu primo de munere & moribus Episcoporum; deinde de officio Abbatum, aliorumque inferiorum ordinum instituto. Tertio de Imperatoris filiis ac ministris recte componendis. Quemadmodum hæc acta canonesque tribus libris comprehensa tenemus. Questi etiam cum primis patres de bonis Ecclesiæ per civilia hæc bella ereptis; tanquam intestinorum bellorum non alia causæ, quam laxata cleri populique disciplina, & spolia bonorum Ecclesiasticorum. Quare publico Imperatoris & Episcoporum decreto missi legati ad Pipinum filium Aquitanie Regem; idemque Ludovico & Lothario Imperatum, ut rapta Ecclesiis & Monasteriis redderentur. Ejus quoque rei gratia alter post Pascha Wormatiæ conventus procerum indicitur, in quo coram Imperatore diligens inquisitio & severa animadversio facta in ministros justitiæ. Quare & Missi Dominici, seu Legati in provincias ire jussi; ac ne oneri, aut incommodo essent in hoc legationis munere,

Concil. Paderborn.  
rij. tom. 21.  
Concil. Col.  
lon.

Conventus  
Wormatiensis.

Concilium  
Aquisgr.  
nense, ejus-  
que acta.



Lib. 2. Leo-  
gam Fransi-  
ci.

Ado Vienn.  
in chron.

Ludovici  
Imp. cura  
pro Eccle-  
sia Roma-  
na, a Lo-  
thario af-  
flicta.

Ann. Pish.  
Auctor vi-  
ta Ludov.  
Sigebersus,  
Ann. Franc.  
Fuldenj.  
Fritios con-  
tra Nort-  
mannos de-  
fendit.

munere, commeatum illis hac lege præ-  
scripsit; *Episcopo panes XL. Frisingæ  
tres, de potu modii tres, porcellus unus,  
pulli tres, ova XV. annona ad caballos  
modii tres præbentur*; quo denuo satis  
liquet hoc legationis munus Episcopis,  
quibus comes adjungi solitus, tanquam  
fidissimis & æquissimis Imperii mini-  
stris commissum fuisse. Hoc nimirum  
illud Adonis Viennensis de Ludovico  
elogium: *inter mirifica & honoranda  
opera per totum imperium dedit tum in  
Gallia, Germania & Italia legatos, qui  
pauperum & oppressorum justitias dili-  
genter perquirerent, & singulorum ne-  
cessitates ad plenum audirent.* Quæ laus  
non parum contingit afficitque Badura-  
dum nostrum, quem per id tempus  
vel aulæ moderatorem, vel legatum  
habuit Imperator, virum religione,  
æquitate, prudentia sibi probatissimum.  
Quamquam ex nullo regno Imperii gra-  
viores querelæ, quam ex Italia delatæ;  
nam ita Annales Francorum, auctorque  
vitæ Ludovici. *Nunciatum est Impe-  
ratori, quod Lotharius conditiones Sa-  
cramentorum dudum promissas rumpe-  
ret, maximeque Ecclesiam S. Petri,  
quam tam avus ejus Pipinus, quam pa-  
ter ejus Carolus, nec non & Imperator  
ipse in tutelam susceperat, homines ejus  
crudelissime vexarent. Quæ res adeo  
animum ejus exasperavit, ut in conti-  
nenti extra ordinem legatos mitteret,  
monendo Lotharium, ut memor esset,  
quod quando ei Regnum Italiæ donavit,  
etiam simul curam Ecclesiæ Romanæ  
commiserit, ut quam ab adversariis de-  
fendendam susceperat, eam a suis ipse  
diripi non sineret, & divinitatem of-  
fenderet, neque enim hoc ei impune  
futurum comminabatur.* Hanc adeo  
Romanæ Ecclesiæ & Pontificis curam  
sibi sumpsit Imperator, ut iter in Itali-  
am exemplo Caroli patris ad limina Apo-  
stolorum appareret, certus per præsen-  
tiam omnia restituere in integrum, &  
Pontificis honori consulere. Jamque  
ad iter Romanum accinctus stabat Im-  
perator, cum certis nunciis adfertur  
Nortmannos in Frisiam irrupisse. Et  
haud levis ea clades erat; nam Dore-  
stadum vastatum, Antwerpia & Wit-  
tha, celebre ad ostium Mosæ empori-  
um, incensa, Frisones ad tributum a-  
daçti. Quibus cognitis, Imperator co-  
pias contrahit, atque ipse suscepta ex-  
peditione in Frisiam properat; nec de-

sideratus diu fuit felix belli successus,  
quo Nortmanni oppressi, ejectique e  
Frisia. Nihil quippe Imperator sollici-  
tius habebat, quam eas regiones, in  
quibus Christiana religio florebat, a  
Barbaris intactas servare. Sed hæc præ-  
ludia fuerunt fatalium malorum, quæ  
gens illa post intulit. His gestis, Im-  
perator Francofurtum profectus omnia  
in quiete & religionis flore continuit.

Lætiora etiam per id tempus ex ad-  
vecto Paderbornam S. Liborii Ceno-  
mannensis quondam Episcopi corpore.  
Magnus Divi illius pignore thesaurus,  
& innumeris exinde miraculis & cœle-  
stibus beneficiis apud nos in hodiernum  
diem clarus, Donum id Baduradi Epi-  
scopi nostri religioni & studio debetur,  
a quo ab Albrico, Saxonici generis,  
tum Cenomannis Episcopo ac populari  
suo impetratum, illatumque in hanc  
Ecclesiam. Historia primum ab Idone  
Presbytero hujus Ecclesiæ, qui coram  
omnia spectavit, relata in literas; quæ-  
dam etiam viva voce tradita: ex illo  
alius religiosus hujus loci Sacerdos ro-  
gatu Bisonis IV Episcopi Paderbornen-  
sis conscripsit; ex quibus deinde Gobe-  
linus & Crantzius sua transcripsere.  
Præter hos vetustus Cenomannensis Ec-  
clesiæ scriptor translationem hanc con-  
texuit, ac forte Erconradus ejus Eccle-  
siæ Diaconus, a quo Gobelinus mira-  
cula hujus translationis exarata memo-  
rat. Postremum Bollandus acta omnia  
singulari libro complexus edidit, &  
singula erudito commentario illustravit,  
petente id Fabio Chisio Legato Aposto-  
lico in conventu pacis, cum calculo af-  
figeretur, huic patrono supplex; quem  
postea Roma Pontificem habuit eo no-  
mine Alexandrum VII. Ut jam nihil ad  
fidem publicamque notitiam desideres;  
ego tamen, quia ordo narrationis po-  
stulat, quam paucissimis dicam.

Baduradus religiosissimus Pader-  
bornensium Episcopus, postquam vi-  
dit plerasque Saxoniarum Ecclesias non mo-  
do suis patronis consecratas, sed &  
Sanctorum corporibus, Divorumque  
reliquiis ad majus cœleste præsidium  
esse præmunitas: Osnabrugensem vide-  
licet Crispini & Crispiniani, Bremen-  
sem D. Willehadi sui Episcopi, Min-  
denssem Gorgonii Martyris, Wildeshu-  
sanam S. Alexandri Martyris pignori-  
bus,

Translatio  
S. Liborii  
Paderbor-  
nam quib-  
us aucto-  
ribus tradi-  
ta sit.

Baduradus  
coelitus edo-  
cetur a Ce-  
nomannis  
sacra Lip-  
sa esse pes-  
cenda.

Et cum  
pluribus  
missus S.  
Meinols  
phus.

Ut corpus  
D. Liborii  
obteneat,  
vovet mo-  
nasterium  
Bodecense.

Miracula  
omplura  
translationem  
S. Li-  
borii subse-  
qua.

bus, aliasque aliis Sanctorum Lipsanis esse provisas, nullum vero Divi pignus Paderbornæ adhuc illatum, incensus hoc sacro studio provisusque suæ Ecclesiæ (ut tum magnum hoc pietatis certamen fervebat) publicum jejunium & supplicationem indixit, dignaretur Deus etiam suæ Ecclesiæ dare tutelarem cum pignore Divi alicujus patronum. Nec vanæ hæ preces fuere; coelitus enim mox Baduradus accepit, mitteret Cenomannorum ad Urbem in Galliis, fore ut ibi votorum copia fieret. Quam in rem Baduradus etiam Ludovici Imperatoris voluntatem, & literas commendatitias petiit ad Episcopum & Clerum ejus Urbis. Missi ergo cum Folodago Advocato, quem Sualenbergensem Comitem fuisse volunt, Meinulphus Archidiaconus, Adelbertus unaque Ido presbyteri, Aldricus Diaconus, & Dradivinus Subdiaconus, petitum Divi, quod placeret dare, corpus, quorum in ea urbe magnus thesaurus erat. Hi postquam v Kalendas Maji Urbem Cenomannorum ingressi, literas Baduradi Episcopi & Ludovici Imperatoris exhibent Albrico ejus tum Urbis Episcopo. Atque is licet pronus esset, ultroque corpus D. Liborii, offerret (seu quod idem gente Saxo popularibus suis id facile largiretur, seu quod jam ante id Badurado, cum in Galliis versaretur, addixerat) obstabat tamen clerus & populus ab Episcopo convocatus, quod dicerent, nolle se sacris illis & Divorum suorum patrociniiis spoliari. Quæ responsio nullum magis inter legatos anxium habuit, quam D. Meinulphum; quare ad Deum conversus, ut hæc impetraret, vovit in Ecclesia S. Vincentii se Sanctimonialium cœnobium Budecæ in fundo sui patrimonii ex paternis bonis erecturum. Multum hæ D. Meinulphi conceptæ preces valere, quibus pro sancto exoravit sanctus cleri ac populi animos; nam ubi altero die Albricus clerum ac populum convocavit, omnes mutata mente prompti ad postulata Legatorum corpus D. Liborii offerunt. Igitur Albricus Episcopus, indicto prius jejunio, cum clero & legatis extra Urbem progressus ad proximam in suburbio Ecclesiam, honori SS. Apostolorum consecratam, in qua corpus D. Liborii cum aliis Divorum Lipsanis conditum quiescebat, venerabundus sepulchrum ape-

rit, populoque integrum corpus spectandum exhibet, quando suavissimus & supra humanum usum odor omnes afflavit. Aderat & cæca mulier attrita, dum corpus feretro imponitur, quæ ubi in conspectu omnium visum recipit, tantus populi plausus junctusque gaudio fletus auditus, ut cleri psallentis voces interturbata; abruptæque fuerint. Mox & spiritus malignus ex obsessi corpore ejectus, in quo hætenus toties frustra alii laborarant. Quibus tam mirifice patris, Albricus Episcopus ipse humeros sacro feretro subjicit, unaque illud cum Sacerdotibus ad Basilicam Urbis deportat; ubi aliis super aliis prodigiis illustratus Liborius. Nam & claudogressus, & muto linguæ usus, & contracto membrorum integritas, & cæco visus, & energumeno ab infesto hospite reddita libertas. Quæ signa quo illustriora in oculis populi, eo hic in dimittendo D. Liborio alienior. Verum Albricus, ne legatos Baduradi sustineret longius, corpus Liborii solemniter e Basilica in eadem D. Vincentii portæ vicinam deportat; quod cum populus cerneret ad exportandum pignus in exterarum regiones parari, haud leviter tumultuari cœpit, questus auferri sibi tutelares Divos, quorum Patrocinio hætenus incolumes fuissent, vereri se idcirco ne & divi tutelaris, & Dei vindicem manum pro benefica, quam hætenus experti sunt, in urbem provocent. Commotus his aliquantum Antistes, cum primisque tantis turbæ vocibus. Ad quæ tamen, impetrato silentio, non auferri, inquit, tutelarem patronum, qui ubivis tandem locorum corpore quiescat, in cœlo tamen viveret, ex quo non minus a Cenomannis, quam a Saxonibus imploratus ope cœlesti adesse possit: tantum Divi corpus, non animam cœlestem transferri, cogitent, ad gentem, quæ recens ad Christi fidem vocata sit, ut ab aliis quoque cultus, suum eis patrocinium impertiat. Et quorsum Deus tot miraculis in præsens editis, supra quam unquam hætenus comperit, D. Liborium illustret? nisi ut hoc translationis consilium sub oculis vestris comprobet, & vos doceat, velle se ab alio quoque populo hunc sanctum coli, ejusque ad plures patrocinium derivari. Quæ ergo hæc temeritas vestra velle Deo refragari, aut quæ Christiana

Ob quæ po-  
pulus recu-  
sat dimitte-  
re tam pre-  
tiosum pi-  
gnus.

caritas

Sed Albrici  
oratione  
moveretur  
ad anfruen-  
dum denuo  
petitis.

caritas velle cœleste beneficium subtra-  
here fratribus suis, ad quos Deus hoc  
pignus destinat? nisi forte neglectus  
apus nos cultus, ut hæc mereamur.  
Quamquam, si Divorum patrocinia so-  
licitatis, tot apud nos Sanctorum pi-  
gnora remanent, quot nulla prope Urbs  
Galliæ colit. Quibus demum accedit  
Imperatoris voluntas; qui id hisce per  
legatos allatis literis a vobis petit. His  
dictis, aliisque in hanc rem copiose ex-  
positis, clerus ac populus, nullo ad-  
versante, consensit. Tum Albricus  
præsul iussit omnes intra biduum cœ-  
lesti D. Liborii ope sanatos produci;  
ad quorum conspectum ingens omnium  
exultatio & acclamatio, fineret Divi  
corpus transferri, quo Deus monstra-  
set. Inde Albricus præsul conversus ad  
legatos Baduradi Episcopi, gravi eos  
obtestatione cohortatur, ut quem tot  
signis sibi dari viderent, nullo unquam  
cultu honoreque apud se Paderbornæ  
defererent. Simul per hæc inter cle-  
rum Cenomannensem & Paderbornen-  
sem perpetuum societatis fœdus vincu-  
lo fraterni nominis ictum. Ita demum  
legati cum corpore D. Liborii, acceptis  
quoque particulis aliquot ex ossibus D.  
Panacii, Turibii, Gundanisoli & Vale-  
riani Episcoporum Cenomannensium Ca-  
lendis Maji dimissi sunt, quos Albricus  
Episcopus ex urbe inter psallentium  
choros aliquamdiu comitatus in viam  
deduxit. Iter Cenomannis, quæ urbs  
est Galliæ Celticæ in Turonensi Archi-  
episcopatu, ad Sartham fluvium insti-  
tutum Carnotum versus, & Parisios:  
inde per Belgium ad Rhenum discessum.  
Ac longum foret transcribere ex aucto-  
ribus a nobis adductis miracula, quæ  
toto hoc itinere ad venerationem hujus  
transvecti corporis sunt patrata. Per-  
hibet Cenomannensis auctor, brevi spa-  
tio itineris supra 70 homines divinitus  
perfanatos. Certe miracula hæc tot,  
& tanta fuere, ut prævolante fama to-  
tam Saxoniam impleverint. Quapro-  
pter longe lateque excita ingens West-  
phalorum multitudo ex adverso Rheni  
constitit; & dum 7 Cal. Junii Rhenum  
cum feretro transmitterent, omnes in  
terram provoluti sacrum pignus exce-  
pere; tantum ex barbaris mutati Saxo-  
nes Christianorum sacra celebrabant.  
Ab Rheno bidui itinere pervenere ad  
Hedraham fluvium (Hedera nunc dici-  
tur, ortus ex fonte ad Upsprungam vi-

Westphali  
complures  
ad Lipsiam  
D. Liborii  
accurrunt,  
miraculis  
in via patra-  
tis excitati.

cum, haud procul a Saltzcotteno oppi-  
do Salinis celebri, quod & perlabitur:  
Cenomannensis auctor Serenum vocat  
fluvium; sed idem hic fluvius, qui a  
Saltzcotteno oppido ad pagum Verna  
delatus in Luppianam se exonerat.) Eo  
igitur in loco tribus Paderborna leucis  
diffuso subsistunt, indies ex fama ad-  
ventus immensa hominum multitudine  
se congregante in occursum.

Missarum inde solemnia in aperto  
campo celebrata; quæ priusquam fini-  
rentur, quinque homines diversis mi-  
raculis perfanantur. Quæ ut benefi-  
cium Liborii adventum in Dicecesin præ-  
significaverunt; ita admiratione, & in-  
credibililæticia affecere spectantes. Ea-  
dem hora Paderbornæ puer ab ortu sur-  
dus & mutus utroque sensu sibi repen-  
te in Basilica Collegii redditus palam  
eloqui cœpit; tanquam & hoc prænun-  
cio brevi adventurus Liborius signifi-  
cetur. Jamque in conspectum Pader-  
bornæ advenerant cum sacro feretro,  
ipso Pentecostes die, quæ tum 28 Ma-  
ji agebatur celebritas, cum clerus omnis  
sacris ornamentis indutus cum civibus  
& populo, qui confluxerat, progressus  
obviam, Divi corpus in Basilicam in-  
troduxit, & honorificentissimo loco col-  
locatum publicæ venerationi exposuit.  
Aberat per id tempus Baduradus Epi-  
scopus, quod, ut auctor hujus trans-  
lationis memorat, in palatio Imperato-  
ris adhuc versaretur. Quo illa confir-  
mantur, quæ supra toties retulimus,  
Baduradum per has civiles turbas &  
calamitates Ludovico Imperatori inter  
præcipuos aulae proceres, interque fi-  
delissimos amicos & moderatores con-  
siliorum adhæsisse constantem. Jam  
qua gloria miraculorum Liborius egres-  
sus Cenomannis totam Galliam, eadem  
Paderbornam illustravit; quæ etsi au-  
ctor translationis scripturum se promit-  
tit, ad nos tamen hætenus non perve-  
nere; sive id non præstiterit: sive in-  
cendio, quo Rothario Episcopo Urbs  
& Basilica conflagravit, aliave tempo-  
rum injuria interciderint; sane quæ pu-  
blica Liturgiæ oratio ad patrocinium  
Liborii implorandum apud nos habe-  
tur, innumeris testatur miraculis deco-  
ratum. Calculo cumprimis laboranti-  
um singularis apud Deum patronus ad-  
jutorque est; Qua pervulgata fama  
evocatus anno Christi 1277 Wernerus

S. Liborii  
reliquiæ  
Paderbornæ  
nam ad se  
runtur.

Mo-

Moguntinus Archiepiscopus Paderbornam supplex venit, ac D. Liborii implorata ope a calculi malo se liberatum palam testatus est. Neque tum primum cœpisse hujus mali cœlestem medicum implorari argumento est, quod jam in Gallia etiam ante adventum in Saxoniam referatur Calculi medicus imploratus.

Gobelinus  
cap. 67. ad  
hanc aetate  
tem.  
Bollandus  
comment.  
ad vitam  
Liborii §. 5.

Brevis Syn-  
opsis vitae  
S. Liborii

Cæterum ut hæc ab ipsius Divi ætate repetamus, vixit D. Liborius Cenomannorum quintus, seu ut alii quartus, Episcopus, Valentiniano, Gratiano, & Theodosio Augustis, ut Baronius censuit, æqualis D. Martino Turonensi Episcopo, quocum illi intima familiaritas fuit, ut a sanctissimo viro prima illi sanctitas adhæserit. Qua enim innocentia primam ætatem exegit, ea vitæ sanctimonia per 49 annos Episcopatum administravit, omnibus Episcopi virtutibus, rebusque præclare pro Ecclesia sua gestis conspicuus. Quem ob id extremo morbo decumbentem S. Martinus Angeli monitu invisit, & in sepulchrum intulit, prædicto ante Successore, quem Victurium habuit. Excessit e vita circa annum Christi 383. 5. Idus Junii, seu ut alii 23 Julii, quo die Paderbornenses annuo, ac solemniter Liborium colunt. Quibus post obitum miraculis cognitus, iis dum viveret, clarum perhibent. Sanctitatis tot testes habet, quot vitæ suæ scriptores fastosque Sanctorum, ut supervacaneum hic referre. Nec minus Albricus Cenomannensium Episcopus, a quo Baduradus Liborii corpus impetravit, eximiae sanctitatis præsul tum temporis conspicuus, quem in Divorum quoque numerum retulere fasti Ecclesiæ suæ; ut quæ inter D. Martinum, & Liborium olim familiaritas; eadem inter Albricum & Baduradum utrumque gente Saxonem conspiciatur. Habet hoc Christiana vita per commercia virtutum, ut sanctos sibi viros in familiaritatem & amorem confociet; haud secus quam impiorum consortia a vitiis trahuntur. Ex eo nunc tempore Liborius ad B. Virginem & Kilianum Urbis & Diocesis patronus adoptatus. Quoniam vero sacrilegio sanctissimum hoc corporis pignus ætate nostra per Christianum Ducem Brunswicensem & Halberstadiensem Episcopum, capta ab eo urbe, vi militari abstractum sit

Baronius in  
Martyrol.

aliquamdiu, redditumque post Urbi nostræ, tempori memorandum est. Antiquitus, ne quis hoc in Cenomannis miretur, adeo difficiles erant Christiani in movendis Divorum corporibus, ut ne fragmina ossium dari sinerent, sed vela tantum, quibus corpora Martyrum involuta servabantur, quæ sanctuaria & Brandea dixerent. Quemadmodum hæc ex epistola Gregorii M. ad Constantiam Augustam, iisque, quæ S. Germanus ac Legati ad Hormisdam Pontificem Constantinopoli scripserunt, explanat Baronius. Post tamen Regibus Francorum ob merita in Ecclesiam Romanam compressamque Longobardorum insolentiam multa pignora concessa, inter quæ D. Viti Martyris corpus, de quo referam. Post importatum corpus D. Liborii, D. Menulphus ex Galliis rediit, ut in vetustis tabulis lego, & omnem hæreditatem monasterio Bodecensi transcripsit.

Hoc ipso anno, ac sub idem fere tempus translatus est ex Galliis corpus S. Viti Martyris Corbejam novam Diocesis nostræ, quo non minus tota Saxonia cultu religionis & Divi patrocinio decorata est. Inclytus Martyr S. Vitus, qui Diocletiano Imperatore una cum Modesto & Crescentio post ferventis plumbi ollam, post bestias & catastas divina virtute superatas, cursum gloriosi Martyrii peregit. Ea cum Fulradus Abbas admiratus legisset in Italia sepulchrum notavit, & Pipino Rege, corpus ejus in Gallias ad monasterium suum apud S. Dionysium transtulit. Hoc eodem pietatis studio incensus Warinus Abbas idem corpus S. Viti una cum Luciani Martyris Lipsanis expetiit & impetravit. Vidissesque tum Warinum & Baduradum inter se concertantes de Sanctorum thesauris, illum pro Vito, hunc pro Liborio in Saxoniam transportando; idque favore & auctoritate Ludovici Imperatoris, apud quem uterque simul præsul magno erat loco inter Palatinos. Et jam Warinus Abbas multum egerat cum Hilduino ad S. Dionysium haud procul Parisiis Abbate, quando exul, ut supra diximus, apud Corbejenses ad Visurgim versabatur; petieratque quidem primum S. Victorium ex Ambianensi Urbe transferri in Saxoniam. Id vero cum cives atque incolæ eorum locorum non paterentur, Hilduinum

Translatio  
S. Viti M.  
Gallia Cor-  
beiam Sa-  
xoniam.  
Martyrol.  
Roman.  
Surinus in  
vita.

duinum sollicitavit vehementius Warinus, permetteret ex tot Divorum corporibus, quorum tanta apud eos esset copia, unum alterumve transferri in Saxoniam, tum ad Corbejæ suæ novæ decus ac præsidium, tum ad gentis quæ recens Christi fidem susceperat cultum accendendum. Id uti Hilduinus exul promiserat, ita restitutus præstitit; impetrato tamen ad hoc prius Episcopi Parisiensis ceterorumque nobilium, quorum intererat, consensu. Neque Parisienses tam difficiles fuere, quam Cenomanni in Liborio corpore dimittendo; tamen ægre a se abstrahi sine-  
rent. Nam ex quo S. Viti adolescentis ac Martyris sanctissimi corpus Pipino Rege delatum Roma in Gallias, & ad S. Dionysium magnæ venerationi fuerat, præter alia coelestia beneficia compertum erat, nunquam fulgura ac tempestates vicinis circum agris, hominibus; ac pecoribus damnum intulisse. At iam Deus hujus Martyris gloriam & patrocinium cum Saxonibus etiam communicare volebat. Igitur Warinus, qui cum lecto Monachorum Clientumque agmine advenerat in Gallias, ab Hilduino Abbate, præsentem innumera hominum multitudine, donatum pignus post missarum solemnias 14 Calendas Aprilis cum summa veneratione suscipit; quem e templo sacrum effertentem pignus Hilduinus festo monachorum cantu deducit: Inde ad Rasbaccense cœnobium, quod Ludovicus Imperator Warino non ita pridem dederat, institutum iter, Deo quotidie miraculis illustrante S. Vitum; nam & Ermengardis matrona ad contactum feretri visum, quo duodecim annis orbata fuerat, & Framildis membrorum integritatem recepit. Substitit in Rasbaccensi Monasterio Warinus cum suis ad XII diem Calendas Julii: quo ex loco recto itinere in Saxoniam profecti Aquisgranum venere: nullaque dies perfectionis sine coelesti beneficio fuit. Juvat nunc cetera ab ipso scriptore eorum temporum audire. *Aquisgrano Rhenum transgressi, in Regnum Saxonum venere, ac post dies aliquot in Villam, quæ dicitur Söset, sive Sösatum, ubi multam phalangem Saxonum obviam habuerunt, adeo ut incredibilis videretur exercitus utriusque sexus. Ab ea villa morientes ad aliam venerunt nomine Brechat (oppidum nunc est Bracelia*

*diœcesis Paderbornensis) In his mansionibus singulariter dierum viginti spatio, Domino per beatum Vitum operante virtutes plurimas in utroque sexu, præter eos, quos supra memoravimus, duo viri cæci, unus mutus, unus claudus, adolescens unus habens manum aridam curati sunt. Sed & mulieres quinque cæcæ, quinque debiles, parvula contracta, alia gibbosa & incurva, alia brachium contractum, alia manum habens aridam, omnes sanatae sunt. Tandem igitur Christo propitio finito cæpto itinere, monasterium, quod Corbeja nova dicitur, multitudine populi utriusque sexus de nobilissimo Saxonum genere nobiscum comitante pervenimus pridie ante vigiliam S. Viti, quod est Idus Junias, ubi ipsum sanctissimum corpus in loco congruo, ut dignum erat, collocatum, & positum est. Ibi Deus ad confirmandam, & corroborandam fidem gentis ipsius multas virtutes & sanitates operari dignatus est. Fit ipso in loco conventus magnus, magna cum devotione & alacritate, adeo ut per milliarium & eo amplius in circuitu monasterii tabernaculis nobilium virorum ac mulierum repleantur campi atque agri, qui ex omni regno Saxonum propter religionem & reverentiam beatissimi Martyris Viti, aliorumque Sanctorum Martyrum reliquias, quæ in loco illo habentur, conveniant. Addit scriptor, quod mirifice ad primorum Saxonum pietatem ac religionem commendandam facit, in tanta hominum multitudine istuc concurrentium nullum obscenum dictum, nullum illiberalem jocum, nullum Scurrile verbum audiri, sed noctu diuque agros & campos Dei laudibus personare. Eademque demum miraculorum perpetuitate diu celebrem sterisse Corbejam, ob venerationem Viti Martyris, qua ad ingressum inclaruerat; quemadmodum per id tempus & religione disciplinaque & Sanctorum virorum multitudine, & piorum hominum donationibus ceteris Saxoniarum monasteriis longe præstabat. Multosque annos tenuit hæc pietas, cultusque D. Viti Martyris, dum refrigercentibus sæculis hæc multum imminui cœpta. Nec levis hujus prolapsæ interversæque pietatis causa ex nundinis publicoque mercatu, quem Ludovicus pius Imperator bono quidem loci liberum istuc fecit, sed malo suo corrumpit posteritas; visaque post*



post plura mercatorum, quam supplicum peregre venientium tentoria, & quæ his, lucri cupido, luxus, vana hominum studia, pravique sæculi mores permisceri solent, quibus prisca majorum pietas in vanitatem degenerat.

Scripsere permulti hanc admirabilem S. Viti translationem, Widekindus Corbejenfis monachus, Saxo Grammaticus, Sigebertus, Martinus Polonus, Surius, alique complures: nemo explicatius, quam antiquus scriptor Saxo, & a Meibomio relatus, qui transvectioni interfuit, & hæc omnia coram spectavit; ideo ex eo tanquam ex fonte certaue fide referri placuit, ut legentium oculis subjicerem, quibus miraculis ad Divi Liborii & Viti Martyris ingressum venerationemque Deus Saxoniam populos in suscepta recens Christiana fide confirmare voluerit; tum ut recognoscant posteris, quanto cultu majores nostri Divos profecti sint, secus quam hæc longe degener ætas consecuta ex Lutheri doctrina Saxonibus persuasit, quibus Divorum cultum inter superstitionem, & miracula vel inter ludibria Dæmonum, vel figmenta scriptorum reponere libet, quæ tamen eorum scriptores ex annalium memoria pari, qua nos fide referunt.

Sed & aliud in gentem Saxonum a S. Vito beneficium tradit Widekindus Corbejenfis, vetus apud nos scriptor, alique. Observatum enim memorant, ex quo corpus hujus Martyris ex Galliis demigravit in Saxoniam, res Saxonum mirifice increvisse: contra Francorum semper in pejus inclinasse; tanquam sacro pignore & Martyris patrocinio felicitas ab una gente demigrarit in aliam. Quod ipsum etiam Carolus simplex Francorum Rex misso ad Henricum Regem gente Saxonem legato professus, *postquam*, inquit, *nos deseruit insignis Martyr Vitus ad nostram perniciem, retro omnia fluxere; pax vero, & concordia regnandi ad Saxoniam transiit. Quæ tecum communicare placuit; neque enim ex illo tempore civilia apud nos externaue bella unquam cessavere.* Quo etiam referas prisca hosce incultosque versus, quos translationi S. Viti subscriptos lego.

*Felix Saxonia, gaude per pignora cara  
Viti ditata, quæ dat tibi Francia grata.  
Abbas Warinus regali semine primus,  
Francorum natus, Viti venerabile corpus  
Transtulit e Francis Corbejam, ceu patet  
istis.*

*Romano fretus pius imperio Ludovicus  
Hoc Hilduvine donat te patre favente,  
Quando Dionysii texisti limina claustris.  
Quo tam præclaro gaudebas ante patrono.  
Ex tunc translatus fuit a te Francia sa-*

*crum*

*Imperium, divi quo nunc gaudent Alemanni.*

Quanta dehinc Corbejenfis Cœnobii felicitas omniumque rerum abundantia ex S. Viti veneratione ac patrocinio apud Deum, tantum religiosi & Apostolici viri per Saxoniam cultum ejusdem Martyris propagarunt. Inde tot templa & aras ejus honori dicatas reperies. Cultus ejus in ipsam postea Rugiam Insulam cum religione Christiana per monachos inductus, cum barbaros ejus Insulæ homines Christi primum legem docerent; eo gens illa, cum postea ad Idololatriam delabere-tur, S. Vitum inter Deos coluit, tam impia superstitione, quam cæca gens sibi finxit ex mortalibus, Divisque Deos. Nostra demum memoria S. Viti ossa bello Suecico a Cæsareo milite furtim subducta transvectaque sunt in Bohemiam; tanquam ita sensim ex neglecto cultu cesserit S. Vitus, invitis Monachis in sacrum spoliū. Vidimusque hac hæresis tempestate ita opulentissime illius cœnobii bona refluere, quantum per exordia felicitatis adfluxerant.

Per hoc etiam tempus Baduradus Episcopus noster ossa S. Landelini impetrata ex Cameracensi dicecesi transve-xit Paderbornam. Vixit Landelinus circa annum 660., ortus ex illustri Francorum genere, & Apostolico munere, quod a Martino Pontifice & Martyre illi commissum fuit, & sanctitatis fama celebris, cultuque inter Divos eodem, quo S. Vitus, decimo quinto Junii die honoratus; tanquam se Liborio & Vito comitem dederit in Saxoniam. Ossa deinde Paderborna Bocam ad vicinam Luppia Ecclesiam transtulit Baduradus, ubi magna populi religio-ne culta quievere. Aspicitur hodie-dum Bocæ vetustissimum templum stru-ctura solida & elegante, Baduradi opus; quo celebri etiam Francorum historia

S. Landeli-  
ni Lipsana  
Baduradus  
transfert in  
Bocensem  
Ecclesiam  
abs se stru-  
ctam.  
Baronius in  
Martyr.  
Rom. ad  
15. Junii.  
Surius Mo-  
lanns ad  
Usuard. &  
in Belgii  
Sanct.  
Trith. de vi-  
ris illust.  
Ferdinans  
dus in Mo-  
numens.  
Bocæ.

K

loco

Widekind.  
l. 1. ann. a.  
Sigebertus  
in chron.  
Saxo Gram.  
hist. l. 14.  
Polonus in  
chron.  
Surius tom.  
7.  
Meibomius  
in transl.  
edita.

Cam S. Vi-  
ti ossibus fe-  
licitas Gal-  
liæ commi-  
grat in Sax-  
oniam.  
Meibomius  
in transl.  
Viti edita.

Tabula Er-  
ponis.  
Ann. Franc.  
a Pithaeo  
edit.

loco postea Erpo Comes de Patberg, consilio atque ope Henrici Paderbornensis Episcopi, ad celebriorem Landelini venerationem monasterium ordi-

nis D. Benedicti imposito Abbate condere cepit. Id quo consilio in Flestorpiense Cœnobium sit conversum, ad annum Christi MCIV. memorabitur.

Ann. rerum  
gest. a Lud-  
devis.

## Annus Christi 837.

Gregori IV. Pont. IO. Ludovici Pii Imp. 24.  
Baduradi Ep. Pad. 23.

Nunc ad annum Christi 837. digredimur, quo Ludovicus quidem naves classemque adversus Nortmannos parari iussit, gentis injurias, & clades superioribus annis illatas vindicaturus. Verum Imperii curis & domesticis præpeditus salutare illud belli consilium intermittere necesse habuit; totusque in eo Imperator occupatus fuit, ut bona per civilia bella Ecclesiis erepta restituerentur, cujus rei gratia Aquisgrani Episcoporum conventus est institutus, multaue in eo salubriter constituta.

Gobelinus  
in Coymod.  
asas. 6. c. 4.  
Vita Menulphi ex  
M. S. Bodec.  
Vita Menulphi apud  
Brouu. in  
Siderib.  
illu. Br.  
Scripsit ad  
V. O. Rob.

Hoc præterea anno, cum felicissime res Christiana procederet in Saxonia Episcoporum contento studio & fervore, D. Menulphus Bodecense, opere & subsidio Corbejensium nostrorum Monachorum, monasterium condere aggressus est, voto cumprimis urgente, quod superiori anno in translatione D. Liborii Cenomannis in æde D. Vincentii conceperat. Joannes Probus Canonicus Bodecensis auctorque vitæ primordia hujus monasterii ad annum Christi 817. revocat; id licet verisimile, quod priori anno in concilio Aquisgrani Menulphus facultatem construendi monasterii ab Imperatore, ut diximus, impetrasse memoretur; quia tamen Sigewardus, qui vitam D. Menulphi post alios, ut fatetur, conscripsit, & Albino Doctori suo dedicavit, id nonnisi post reditum ex Gallia factum perhibet, libuit hæc ad hunc annum referre. Certus nobis præ aliis hic auctor est, cujus archetypum vitæ S. Menulphi ex bibliotheca Abdinghoviana accepimus. Nam quæ Gobelino tribuitur scriptori, aut quæ Broverus habet, ex hoc auctore contracta sunt. Illo igitur usi, hæc integra fidemus. Quis vero ille Albinus sit, cui hanc scriptionem dedicat, adhuc dum nobis incompertum est. Ac volverat jam ante quidem hoc consilium de condendo cœnobio a multis annis cum animo suo D. Menulphus, quod inter no-

biles suæ gentis multum paternis bonis abundaret, incensus etiam non obscure a Badurado Episcopo suo; is enim cum divino instinctu quæstionem circumstantibus proponeret, quid nimirum mysterii sermo ille Evangelicus contineret, *Vulpes foveas habent, & volucres cæli nidos, filius autem hominis non habet, ubi caput suum reclinat*, & positam quæstionem, mox quidam, sicut res habet, solveret, verbum hoc ultra quam alter dixerat, in pectus Menulphi descendit; cepitque versari cum animo, quo Christi etiam consilio ex paternis bonis hospitium egenis, & Deo religiose viventibus pararet; sed, incertum obscurumque qua mora retardatus, optimum præpositum exequi distulit, donec Galliam conspexisset tot cœnobiis utriusque sexus florentem, simulque Herivordienſe collegium traductum ad nos ex Sueffionensi Sanctimonialium Monasterio in oculis esset, eadem, qua in Galliis virginum disciplina conspicuum. Ac post conceptum jam votum certus quidem Menulphus de condendo Sanctimonialium Monasterio, sed incertus adhuc hærebat, quo illud loco collocaret. Ex ea quoque mentis perplexitate Deus expediit Menulphum. Pastor, quem habebat pecorum in patrimonii agris, dum sub nocte gregi invigilat, videt locum, in quo monasterium est, miræ lucis splendore illustratum; & dum curiosius explorandæ rei causâ accedit, conspicit cervarum gregem modo chori instar sacri stare, modo circuire locum. Quo insolito spectaculo perculsus ad Menulphum properat, & quæ viderat, enarrat. Ille his auditis statim, ut erat, in cogitationem venit, divinitus sibi monstrari locum, in quo monasterium collocet; lætusque Baduradum Episcopum accedit; cui dum hæc exponit: Non nobis, inquit ille, vana hæc sunt, quando & per pastores Deus augustiora etiam denunciavit in nascente filio. Verum cum in hujusmodi sæpe

Et quidem Bodecæ, impulsus miraculo cervarum Chorum facrum ibi representantium.

S. Menol-  
phus Mos-  
nasterium  
Virginum  
condit.

com-

compertus sit Dæmon Angelum lucis induere ad ludificandos homines; consultum habuit certius explorare indicium. Quam in rem Menulphus deductus a pastore ad locum, quum noctem istic humi stratus precando transigit, locum rursus & splendore lucis, & cervarum grege, & quo pastor ante ritu circumfusus, videt. Hic jam multo lætior Menulphus ad Pontificem redit & quæ ipse viderat, ex integro denarrat. Nec tamen his confusus Episcopus, jubet terno rei veritatem signo explorari. Obsecutus ad hæc Menulphus noctem iterum ex propinquo inter preces agit: iterumque eadem, quæ ante, species Cervarum cum fulgore lucis objecta. Quæ ubi ad Episcopum retulit, nihil, ille inquit, Menulphe ambigas, locus tibi cœlestibus signis satis monstratus est, quare opus aggredere. Placuit Antistitis responsum; jamque demenso structuræ spatium, & resectis stirpibus parabantur omnia ad ædificandum, cum D. Menulphus ad Vallis marginem novo signo recreatus videt eo loco, ubi post ara intima erecta, cervum ingentis magnitudinis accumbentem; quem dum propius accedendo intuetur, erigit ille se in pedes, & mox humi se proster nit, præsentem Dominum suum veneratus. Sed ecce res longe major: simul inter cervi hujus cornua signum crucis omni auro fulgidius se aspiciendum offert; tanquam præfago loci indicio acciperet Menulphus, ut istic in altari incruentum crucis sacrificium exinde a Sacerdotibus litaretur; quemadmodum hæc omnia ex suis monumentis, ut tum gesta sunt, hodiedum aspiciuntur. Post illa cœlitus ostensa omnis D. Menulphi labor versus in fabricam monasterii & Basilicæ, quæ

contentis operis & impensis magnifica, & hodiedum spectabilis assurrexit, quam Deo & Genitrici Virgini iv Idus Novemb. dedicari fecit. Opere Basilicæ & Monasterii absoluto, quas collegerat Virgines Sanctimoniales, introductæ. Angelicam hæc vitam, ut vetus auctor refert, agentes, vitæ instituto canonicæ dicuntur; quod præsentem Menulpho in concilio Aquisgranensi præscriptum, ac tum vigore disciplinæ per Franciam & Germaniam celebre erat. Fundi dein circum agrorum & bona, ex paterno patrimonio, larga donatione addita. Nomen monasterio Bodica adhæsit a vicina & Decumana villa, quam primam monasterii dotem esse voluit Conditor. Omnium vero pulcherrimum operum, quod in D. Menulpho intuearis, innocentia & vitæ sanctitas, qua a primis annis Paderbornæ in clero præluxit, eoque filii loco ab Hathumaro & Badurado Episcopis semper habitus; & a Badurado ob sapientiam etiam legationibus admotus administrandæque Ecclesiæ, Archidiaconi munus gessit, cui per absentiam suam Baduradus vices suas in regendo clero commiserit. Quanquam nihil a Menulpho ferventius per omnem vitam actum, quam ut Christi religionem inter populares proferret, hominesque rudes, quos ex barbaris Christianos ætas illa formabat, Christi legibus & disciplina excoleret. Quo in opere magnum virtutis & laboris campum sortitus, ita se probavit, ut illum inter primos Evangelii Doctores, & sanctissimos Paderbornensis cleri viros posteritas venerata sit. Qua in re, ut in aliis, nihil ex ætate illa magis desideramus, quam scriptorum, qui præclara ejus sacra enucleatius ad nos transmississet.

D. Menolphi munia & innocens vita.

Cervus Crux  
cervi effu  
giem inter  
cornua su  
stinet D.  
Menulpho;  
se spectan  
dum offert.

## Annus Christi 838.

Gregorii IV. Pontif. I I. Ludovici Pii Imp. 25.

Baduradi Ep. Pad. 24.

Nunc præsentia exequar ex hoc anno 838, quo intestina filiorum bella adversus patrem recrudescere cœperunt. Nam ut Francorum annales a Pithæo editi memorant, convenere per Quadragesimam Lotharius & Ludovicus in Valle Tridentina, consilia agitantes de Regni inter se partitione. Quæ postquam animadversa ab Imperatore,

ille contra Neomagi mense Junio celebrem conventum Episcoporum ac procerum indixit. Ac magna frequentia, præter Comites & innumeram Vassalorum multitudinem, convenisse Episcopos, interque hos etiam Baduradum Paderbornensem Episcopum, docet nos tabula antiquitatum Fuldensium, quæ sic habet: *Anno Dominicæ Incarnationis*

Baduradus  
interest Co  
mittis Neo  
magi.  
Ann. Franc.  
Pub.  
Antiq. vis  
ta Ludov.  
Antiq.  
Fuld lib. I.  
apud Pisto  
rium tom. I.  
p. 474

nationis DCCCXXXVIII, Indictione prima, mense Junio, XVIII Calendas Julii, facta est contentio Gozboldi & Hrabani Abbatis coram Imperatore Ludovico & filiis ejus Ludovico & Carolo, nec non & Principibus ejus in palatio apud Nemoagum oppidum constituto, de captura piscium D. Bonifacio olim donata, & per fraudem injuste ablata, quam convicti iniqui possessores D. Bonifacio & Cœnobio Fuldensi, cui tum præerat Rabanus Abbas, jussu Imperatoris reddere coacti sunt: tabulæ his testibus consignatæ, Trugone Archiepiscopo, Otgario Archiepiscopo, Radolto Episcopo, Helmgaucho Episcopo, Gersfredo Episcopo, Theotgrimo Episcopo & Badurado Episcopo.

Ludovicus  
Imp. in He-  
rivordien-  
ses Virgi-  
nes benefi-  
cius.

Ex hoc quoque conventu Episcoporum producimus Ludovici Imperatoris diploma plenum liberalitate in Herivordienfes Virgines. Enimvero cum per id tempus Herivordienfe Monasterium Sanctimonialium & Canonicarum Virginum, & religiosa instituti disciplina, & confluentibus ad id nobilium & ingenuorum liberis mirifice floreret, liberali illud donatione Ludovicus pius Imperator hoc anno locupletavit. Ac facile mihi persuadeo, id cum primis Judithæ Imperatricis, quæ ex matre, ut diximus, Saxonici generis erat, benevolentia, & gratia impetratum esse; si non etiam Abbatis, quæ hic Tetta nominatur, aliæve in eo monasterio illustres Virgines propinquitate Judithæ sibi conjunctam habuerint. Eoque etiam pronior fuit Imperator ad liberalitatem, quod in eo Collegio Virginum Christianis moribus sequiorem sexum excoli conspiceret, magno Christianæ religionis inter Saxones nostros decore & fructu, quando per contemptionem humanarum rerum multæ Comitum, nobilium, & ingenuarum Virgines haud secus, quam in Francia sese Deo consecrarent. Quapropter diploma hætenus reconditum, in quo simul dicecesis Monasteriensis loca consignantur, hic recitare congruum duximus.

In nomine Domini Dei & Salvatoris nostri Jesu Christi. HLudovicus divina clementia propitiante Imperator Augustus, si illius amore, cujus munere cæteris mortalibus prælati sumus, loca

divino cultui consecrata congruis magnificentiæ nostræ beneficiis ad divinum cultum ulterius exequendum sustollimus, digno retributionis præmio nos a Domino fideliter remunerari credimus. Quapropter notum esse volumus cunctis fidelibus S. Dei Ecclesiæ nostrisque præsentibus scilicet & futuris, quia complacuit nobis ad quoddam monasterium vocabulo Herivarth, quod in Ducatu Saxonie in honore S. Dei Genitricis Mariæ semper Virginis constat esse dicatum, quod præsentis tempore venerabilis Tetta Abbatisa regere dinoscitur, quasdam res & mancipia nostræ proprietatis sitas in memorato Ducatu pro mercedis nostræ augmento delegare, ut inde uberius ancillis Christi inibi per tempora degentibus stipendia necessaria ministrantur, & necessitates ejusdem monasterii procurentur, id est, in pago, qui dicitur Bursibant, in villa vocata. Remi, Ecclesiam ibi constructam cum decimis, & omnibus rebus ac mancipiis ad se juste & legaliter pertinentibus, & in pago, qui dicitur Schoppingus, in villa nuncupata Wattringas, Ecclesiam inibi fundatam cum decimis, & omnibus rebus ac mancipiis ad se juste & legaliter pertinentibus, & in eodem pago, qui dicitur Schoppingus, in villa, quæ dicitur Stockheim Ecclesiam inibi fabricatam cum decimis & omnibus rebus & mancipiis ad se juste & legaliter pertinentibus & aspicientibus. Verum ut eadem nostræ majestatis largitio futuris temporibus inviolabilis permaneret, hanc nostræ auctoritatis conscriptionem circa memoratum monasterium fieri decrevimus, per quam decernimus atque jubemus, ut memoratæ Ecclesiæ cum decimis & omnibus rebus ac mancipiis ad se juste & legaliter pertinentibus in jus ejusdem monasterii Herivarth nomine perpetuo consistant, & nullus ex successoribus, aut etiam ex fidelibus nostris ullo unquam tempore easdem Ecclesias subripere, aut inde aliquid minuere, aut eas de jure ejusdem monasterii abstrahere præsumat, sed licet Rectricibus & ministris sæpe dicti monasterii easdem Ecclesias cum rebus & mancipiis ad eas jure pertinentibus Ecclesiastico ordine disponere, atque gubernare. Et ut hæc auctoritas nostra firmitior habeatur, manu propria subter eam firmavimus, & annuli nostri impressione adsignari jussimus.

Signum

Signum

POES  
LJE

HLudovici Serenissimi Imperatoris. Hirminmarus  
Notarius ad vicem Hugonis recognovi.

Data VII. Idus Junii. Anno Christo propitio. XXV. Imperii Domni HLudovici piissimi Au-  
gusti. Indict. prima. Actum\* Neomagi palatio regio in Dei nomine feliciter Amen:

\* a. L. Novio  
mage.

Ludovicus  
Ludovici  
Imp. filius  
nova ob re-  
gnum Fran-  
corum sibi  
ereptum  
moliens  
protligatur

At non illa tantum acta in conven-  
tu Neomagenſi, ſed & conſiliis primo-  
rum Franciæ, Ludovico filio Regnum  
orientalium Francorum, quod prius  
favore patris obtinuerat, abrogavit. Id  
vero cum Ludovicus Conſiliariorum  
invidia, & corruptis a Juditha Impe-  
ratrice procerum animis agitari intelli-  
geret, arma provincialium indicit, con-  
citatis etiam trans Rhenum populis.  
quos motus ut in fomite comprimeret  
Imperator, Moguntiacum cum exerci-  
tu advolat; tranſitoque Rheno, obvius  
habet armatos Saxones; quorum pars  
minis, alii perſuaſionibus Adalberti Co-  
mitis abducti, tractique erant in Socie-  
tatem Ludovici filii. At Saxones ſeu  
terruti obrutique Imperatorio exercitu,  
ſeu pacati ab Imperatore, in ſuas qui-  
libet ſedes rediere; & Ludovicus filius  
his cognitis, tempori cedendum ratus,  
in Bojariam ſe recepit. Imperator, ne  
quid per diſceſſum ſuum a Rheno tur-  
baretur, Francofurti Quadrageſimam  
& hyemem exegit, indicto in menſem  
Majum Wormatiæ conventu procerum;  
quo & poſt ferias paſchales conceſſit  
cum aula. Eo Lotharius quoque filius  
ex Italia evocatus haud gravate acceſſit,  
quod Imperator Aquitaniæ Regno per  
mortem Pipini filii vacuo, univerſam  
Franciam inter reliquos filios diviſurum  
ſe edixerat. Ibi cum partitionem pa-  
ter Lothario filio offerret, & is igno-  
rationem finium obtenderet, Impera-  
tor Regnum Franciæ in geminas partes  
diviſit. Lothario, qui jam Collega  
Imperii nominatus erat, præter Italiam,  
quidquid a Moſa in Auſtrum vergit at-  
tributum. Carolo Neuſtria, Aquita-  
nia, & quidquid occidentem aſpicit;  
adeo mariti animum blandimentis emol-  
lierat Juditha Imperatrix, anxia pro Ca-  
rolo filio. Ludovicus vero, quem ex  
priori thoro ſuſtulerat, ſola Bojaria juſ-  
tus ſe continere. Quæ diviſio, ut ve-

Autor vi-  
ta Ludovici

Ludovicus  
Imp. Regna  
inter filios  
partitur.

hementer accendit animum Ludovici;  
ita non defuerunt proceres, cum pri-  
mis Saxones & Thuringi, ſapientesque  
per Franciam viri, qui improbarent,  
Ludovicum indole ceteris præſtantio-  
rem æquioſoremque ſemper in patrem  
tam anguſtæ provinciæ & hæreditatis  
parte incingi, tanquam concubina ali-  
qua genitus eſſet. Quare quod jure  
ſuo non obtineret, id armis ſibi vindi-  
candum ſumpſit. Saxonum cum pri-  
mis & Thuringorum & Alemannorum  
ſtudiis conſiſus; quibus poſt obitum  
demum patris optimus Rex Germaniæ  
obtigat. Imperator inde tanquam omni-  
um ſecurus Wormatia in Aquitaniam  
iter conſtituit, ut Carolum filium enſe  
præcinctum Regno illi imponeret.

Ac dum menſe Novembri adhuc  
Imperator in Germania verſatur, In-  
gelhemii Warino Corbejenſium Abba-  
ti largas harum donationum tabulas con-  
ſignat.

Benefacit  
Corbejenſi-  
bus.

In nomine ſanctæ & individue Tri-  
nitatis, HLudovicus divina ordinante  
providentia Imperator Auguſtus. Si  
unius fidelis noſtri juſtam & rationabi-  
lem petitionem libenter implemus, pro-  
cul dubio reliquorum fidelium noſtrorum  
devotionem erga nos promptiorem effici-  
mus. Quapropter omnium fidelium  
ſanctæ Dei Eccleſiæ, noſtrorumque præ-  
ſentium & futurorum noverit univer-  
ſitas, quoniam propinquus noſter Wari-  
nus Abbas novæ Corbejæ, quod ſuper  
Wiſeram fluvium in honore beati Pro-  
tomartyris Stephani ſanctique Viti con-  
ſtruximus in pago Augenſi cum matro-  
na quadam adita nos adiit, noſtram  
cum ea deprecatus pietatem, ut res,  
quæ prædicta matrona pro ſe, & reme-  
dio animæ mariti ſui Bunichonis, ac fi-  
liorum ſuorum deſunctorum Folcmari,  
Bunichonis, Hemmæ, & Berthildis  
præ-



præfato monasterio contulit, videlicet Dominicale in Osthoven, vel quidquid ibidem, vel in oppidis his Oppenheim & Wachenheim possidere videbatur cum manso Regali Tyheyle, per nostræ mansuetudinis auctoritatem ibidem confirmaremus. Secundum petitionem ergo ipsorum eidem monasterio ea, quæ tradidit ab hodierna die & deinceps in nomine Domini per hoc nostræ auctoritatis scriptum confirmamus, ut nullo inquietante, sed Deo auxiliante, & nostro impe-

riali decreto prospiciente perpetuis temporibus ab ulla contradictione ibi permaneant. Quatenus Deo ibi servientes pro traditorum salute, & regni nostri stabilitate divinam Clementiam exorare delectet. Et ut hæc auctoritas nostra firmior habeatur, & per futura tempora a fidelibus verius credatur, & diligentius observetur, manu propria nostra subter eam firmavimus, & annali nostri impressione assignari iussimus.

HRotmundus Notarius ad vicem Hilduini recognovi.

Signum Domni



Serenissimi Imperatoris Augusti. Actum Ingelheim XVIII. Calend. Decembris. Anno XXV. Imperii Domni Ludovici Imperatoris Augusti.

## Annus Christi 839.

Gregorii IV. Pont. 12. Ludovici Pii Imp. 26.

Baduradi Ep. Pad. 25.

Ann. Pish.  
Auctor vis  
ta Ludov.  
Nithardus  
lib. 1.  
Ado in chr.  
Cometa vi-  
sus Ludovi-  
cum Imp.  
conturbat.

Et jam inter hæc annus trigessimus nonus supra octingentesimum ærunofis cum filio bellis, duplicique cometæ aspectu Imperatori fatalis imminere cœpit. Alter anno superiori post pascha visus in signo virginis multum conturbavit Imperatorem, quod dicerent ejusmodi fidera regnorum mutationem & Principum funera denunciare. Quapropter Astronomus Aulaque domesticus, (qui & has Ludovici Imperatoris res gestas se scribere fatetur, auctorque Francorum Annalium creditur) advocatus, jussusque fidus prodigiosum diligenter observare. Ille licet ad Imperatorem reversus, solatusque vatis sacri dicto monuerit a signis cœli nihil esse timendum; Imperator tamen noctem illam prope totam inter preces exegit, multisque largitionibus in pauperes & monachos factis aliisque pietatis studiis Deo impensius vacare cœpit. Alter Cometes hoc ipso anno Calendis Januarii igneo, ac terrifico radiorum aspectu in signo Scorpî post solis occasum circumagi observatus in occidentem. Ad triste hoc signum exarsit civile bellum flagrantius, non sine magno Episcoporum per Saxoniam dolore, qui inviti experiebantur arma, quæ in Barbaros trans Albim hostes sumenda erant, converti in ipsa Imperii viscera. Quippe Ludovicus,

cum in divisione Franciæ sibi male consultum videret, Alemanniæ, Germaniæque Regnum tanquam jure sibi debitum occupare cœpit; quam in rem Francofurtum advolavit, atque, ut annales Francorum memorant, orientales Francos, Alemannos, Saxones, & Thuringos sibi fidelitatis jure confirmavit, regemque se orientalis Franciæ, Germaniæque ferre cœpit, tanta constantia inter omnia bella civilia, ut ab hoc anno, aut certe sequenti post obitum Patris initia Regni sui in orientali Francia numerari voluerit, quod diplomata, quæ referemus, ostendent. Quæ ubi pater comperit, relicta Aquitania, Aquisgranum pergit, festisque paschalibus peractis exercitum trans Rhenum ducit, filiumque infecutus in Thuringiam, ac Regni finibus exclusum compulit per Sclavorum regiones sese in Bojariam recipere. Compositis per Thuringiam (Nithardus Toringam vocat) & Saxoniam rebus, ad Salam fluvium, ac palatium a patre frequentatum pergit. Peractis supplicationum ac litaniarum diebus in pervigilio Ascensionis tanta solis defectio est consecuta, ut stellarum ordo per diem in cœlo conspiceretur. Inde Wormatiam digressus ad comitia, quæ indixerat ad pacandas Imperii turbas, per id tempus viii. Idus Juliî Cruginiaci Imperator

Imperator Ludovici cum filium rebellans rem ex Germania occupata fugat.

Imperator Gerulfo possessiones bonorum in Frisia restituit.

tor Gerulfo fideli suo clienti possessiones bonorum in ducatu Frisiæ, quas filcus attraxerat, reddi iussit, quam in rem tabulas hæcenus latentes produci-  
mus.

In nomine Domini Dei, & Salvatoris nostri Jesu Christi. HLudovicus divina repropitiante Clementia Imperator Augustus. Notum sit omnibus fidelibus sanctæ Dei Ecclesiæ & nostris, præsentibus scilicet & futuris, quia ante annos aliquot concessimus cuidam fideli nostro vocabulo Gerulpho quasdam res proprietatis nostræ, quæ sunt in ducatu Frisiæ in pago Westracha, in villa Cumminge & Hunderi, & in aliis villis circumquaque sepositis, sed quia intervenientibus quibusdam turbinibus per ipsius Gerulfi negligentiam ab ejus potestate & dominatione eadem res abstractæ fisco regio sociatæ sunt, tandem di-

vinæ misericordiæ intuitu placuit nobis easdem res illi restituere, & quemadmodum pridem fuerant, in ejus potestatem & dominationem transfundere. Quas ut certius firmitusque nostris futurisque temporibus possidere valeret, has auctoritatis nostræ literas ei fieri iussimus, per quas memoratas res cum his, quæ ad eas jure & legaliter pertinent, deinceps jure proprietario valeat possidere, & quidquid de eis agere voluerit liberam habeat potestatem, neque aliquam ob memoratam occasionem de eisdem rebus ullo unquam tempore calumniari patiatur, sed quidquid sicut diximus de eis ordinare atque disponere voluerit, liberrimo in omnibus potiatur arbitrio. Et ut hæc nostræ restitutionis auctoritas, & nostris, & futuris temporibus inviolabilem valeat obtinere firmitatem de annulo nostro subter eam iussimus sigillari.



Glorius Notarius ad vicem Hugonis recognovi ss.

(L.S.)

Christe protege HLudovicum Imperatorem.

Data VIII. Idus Julii anno Christo propitio XXVI. Imperii Domni HLudovici Serenissimi Imperatoris. Indictione secunda. Actum Crucianico palatio Regio in Dei nomine feliciter Amen.

Obitus Gerfridi secundi Monasteriensium Episcopi. Catalog. Episcoporum. Monasterii. Crantzii lib. 1. Met. c. 25. Ciacinnus in vita S. Ludgeri. Kersembrochius in MS. Epif. Wittius in chron. MS. Brorværus in Sida. ille last. ad vitam S. Ludgeri. Bollandus in vita S. Ludgeri.

Ex hoc Ludovici diplomate satis æstimes non hoc anno, quod quidam volunt, obiisse Imperatorem, quippe qui mense Julio adhuc superstes subscripsit.

Referunt ad hunc annum facti Monasteriensis obitum Gerfridi II Episcopi sui, quem Baduradus sibi conjunctissimum habuit. Is quemadmodum D. Ludgeri nepos, ab eoque formatus erat; ita vestigiis ejus inhærens, in xxx annum Ecclesiam suam administravit, omni virtutum studio, fama sanctitatis, & miraculis etiam clarus, quæ conscripta olim, & apud Werthinenses servata intercidere, ob quæ Crantzii Divorum illum numero adscribendum censuit. Corpus deportatum Werthinam, ubi inter quinque consanguineos

Episcopos conquiescit. Ejus ille cœnobii, antequam Episcopatum adiret, rector a D. Ludgero impositus; tamen, ut D. Ludgerus, nunquam monachum professus sit, secus, quam Wittius scripsit. Datum id D. Ludgeri consanguineis Episcopis, ut cœnobii a se conditi curam & œconomiam gererent, quorum posterior Hildegimus junior Halberstadiensis IV Episcopus; post cujus obitum Abbates electi. Gerfrido in Episcopatu successit Alfridus consanguineus, a Ludowico pio nominatus, vir paris sanctimonix; a quo & vitam Ludgeri præclare conscriptam possidemus, uti se ab Hildegimo fratre ejus Gerfrido nepote, & Herburga Sanctimoniali Ludgerique sorore accepisse memorat.

Alfridus in pref. ad vitam S. Ludgeri.

## Annus Christi 840.

Gregorii IV. Pont. 13. Ludovici pii Imp. 27. Baduradi Ep. Pad. 26

Ludovici Imp. pia Tandem inter civilia cum filiis bel-  
la annus infecutus Ludovico fatalis, & ultimus adfuit, qui, etsi natura ipsa & ad mortem comparatio filio-  
invaletudine conciderit; mors tamen ex

*Autor vis-  
ta Ludov.  
Ann. Pith.  
Nithardus  
Ado.  
Regino.  
Aimoinus  
in Contin.  
Abron.*

filiorum vulnere & tædio vitæ accele-  
rata credita fuit. Qua cum se urgeri  
ad extrema videret, iussit se in Insulam  
Rheni Moguntino & Ingelhemensi pa-  
latio vicinam deportari. Ibi cum pius  
senex in æstivo domicilio decumberet,  
accessere Hettus Trevirensis & Otga-  
rius Moguntinus Archiepiscopi, præ-  
terque alios Drogo Metensis Episcopus  
& frater, præses aulicorum Sacerdo-  
tum, illi assiduo aderat, cui & quoti-  
die peccata confessus; ab eoque fere  
quotidie sibi Eucharistiam dari voluit;  
nam per quadraginta dies non alium fe-  
re cibum sumpsit, quam Corpus Do-  
minicum, identidem ingeminans: *ju-  
stus es Domine, & quia tempus Qua-  
dragesimæ non ita exegi, ut debui, &  
volui, nunc coactus exsolvam.* Inde di-  
stributis thesauris in Ecclesias, pauperes  
& filios, absenti etiam Ludovico filio  
ignovit. Inter ipsa demum mortis vi-  
tæque confinia accersit Drogonem, &  
communione sacram sibi postremum  
præberi petiit, præstarique cetera, quæ  
ad egressum animæ rite ordinata sunt;  
postquam signo crucis se signasset, læ-  
to vultu & hilari aspectu efflavit animam  
xii Calendas Julii, ætatis anno LXIV.  
Imperii xxvii. Corpus defuncti Drogo  
secum deportavit Metas honorifico pro-  
cerum comitatu, condiditque apud Ma-  
tris Hildegardis ossa in Basilica D. Ar-  
nulphi Progenitoris Carolinæ stirpis.  
Annum obitus tamen si, qui Astronomi  
scripta partitus est, post biennium re-  
jiciat; Ado tamen & Regino anno ab  
Incarnatione Christi DCCCXL. consignat:  
quoniam si auctorem annalium Fran-  
corum a Pithæo editorum consulas,  
mors Imperatoris ad annum Christi  
DCCCXXXIX referenda erit.

*Ado in  
Chron.  
Regino.  
Aimoinus.  
Breviarius  
in vita Lud-  
geri.*

*Obitus  
Thiatgrimi  
II. Halber-  
stad. Epis-  
copi.*

Inter hæc 6 Idus Februarii obiit  
Thiatgrimus secundus post D. Hilde-  
grimum Halberstadiensis Episcopus, S.  
Ludgeri itidem nepos, & quartus Wer-  
thinensis cœnobii rector, Successorem  
nactus Haymonem, virum doctissimum  
ut scriptorum ab eo monumenta te-  
stantur.

*Filii Ludov-  
ici Imp.  
defuncti de  
paternis re-  
gnis inter  
se digla-  
bantur.*

Morte Ludovici Imperatoris com-  
perta, Lotharius quam maximis pote-  
rat itineribus ex Italia in Franciam pro-  
perat, præmissis etiam, qui procerum  
animos partim minis, partim promissis  
sibi adjungerent; nec enim aliud secum  
volvebat, quam ut obtento patris te-

stamento, acceptisque ab eo Imperii in-  
signibus Monarchiam Francicam capef-  
feret, Ludovico fratre intra Bojariam,  
Carolo vero intra Aquitaniam restricto.  
Quod cum illi adverterent, qua insita Lo-  
tharius fraude & ambitione ageretur,  
consiliis atque armis conspirant in Lotha-  
rium. Inde civile bellum atrocius, quam  
ante sub patre exarsit; vidissesque veteri  
Franciæ malo filios de hæreditate pater-  
na digladiantes, regnumque nobilissi-  
mum lacerari, diffidiis & fraterno san-  
guine misceri Imperium. Quod bel-  
lum Nithardus nobilissimus Franco-  
rum, & Caroli M. ex Bertha filia nepos  
tribus exinde libris conscripsit, ut de  
se testatur. Ado bellum hoc civile &  
lamentabile vocat. Nec minus deplo-  
raverunt Episcopi & Sacerdotes, omnes-  
que sapientes per Germaniam viri. Et  
Lotharius postquam in Germaniam ve-  
nit, confusus Orgarii Moguntini Ar-  
chiepiscopi & Adelberti Austrasiæ Co-  
mitis studio, primo in Ludovicum ar-  
ma vertit (ne si geminos simul aggre-  
deretur, concordēs faceret) ostensa  
Carolo amicitia; cui Ludovicus in sub-  
urbanis Moguntia cum exercitu Orien-  
talium Francorum occurrit. At veri-  
tus Lotharius rem pralio committere,  
ne principia Regni in periculum præci-  
pitaret, pacto transigit cum Ludovico.  
Inde ad Carolum opprimendum inte-  
riorem Franciam petit. Inter hæc Lu-  
dovicus Orientales Francos, Aleman-  
nos, Saxones & Thuringos arctius sibi  
in societatem belli devincit. Quæ ubi  
Lotharius didicit, omisso Carolo, arma  
reflecit in Ludovicum, transitoque  
haud procul Wormatia Rheno, Ludo-  
vicum a suis quibusdam proditum ac  
prope desertum, circumventumque in  
Bojariam rejicit; ac ne quid istuc ad  
Rhenum turbaret Ludovicus, limitem  
fluminis Adelberto Austrasiæ duci cu-  
stodiendum tradit, reliquo deinde exer-  
citu in Carolum converso, quem ad  
Mosam confidere didicerat.

Per id tempus Lotharius 8 Calen-  
das Julii celebrem Episcoporum &  
Optimatum conventum habuit Ingel-  
heimii in palatio regio, cui & Badura-  
dus Paderbornensis Episcopus cum suo  
Metropolitano interfuit. Eo in conci-  
lio Ebbo Rhemenis Episcopus, quem  
supra conspirationis in Ludovicum Im-  
peratorem reum diximus, Lotharii stu-  
dio,

*Flodoardus  
lib. 2. c. 20.  
Hisor. Rhe-  
mens.  
Tom. 21 cons-  
cil. Paris.  
Ebbo Rhe-  
mensis Epi-  
scopus sedi  
sue restituitur.*

dio, & Episcoporum consensu sedi suæ restitutus est, quemadmodum hæc Flodoardus in Rhemenſi historia scripsit. Convenere Episcopi xx. Drogo Metensis Episcopus, Olgarius, Hettius, Amalwinus, Audax Archiepiscopi; præterea Joseph, Adalulphus, David, Rodingus, Gisbertus, Flotarius, Badardus Hagano, Hartgarius, Ado, Samuel, Rambertus, Haiminus, Ratoldus, Amalricus Episcopi. Restitutionem Ebbonis Lotharius publico per Imperium edicto confirmavit; quo ille armatus sedem suam repetiit, atque integro fere anno tenuit; post ubi audiit, Carolum resumtis viribus in Belgicam adventare, relicta iterum sede Rhemenſi ad Lotharium profugit, quem uti post illa Hildeſienſium Episcopum tradant, haud video; quando tam Ludovicum, quam Carolum sibi infensum habuit, & Sergius Pontifex, qui triennio post hæc Pontificatum adiit, rogatur, ut sedi suæ exulem redderet Ebbonem, reconciliaretque, indignum pronunciavit, qui communionem inter clericos obtineret, quemadmodum hæc in vita Sergii traduntur. Sed hic alia difficultas obnaſcitur ex ipſo Episcoporum conventu, quem viii Calendas Julii Wormatiæ a Lothario habitum ſcribit Flodoardus, & ex eo Sirmondus alique probant, cum Ludovicus Imperator xii. Calendas Julii hujus anni mortuus referatur, quo comperto Lotharius primum ex Italia diſceſſerit: itane igitur Lotharius Imp. intra eundem

menſem, iisdem diebus in Italia & Wormatiæ præſens eſſe potuit? ut Pitheanis annalibus verifimiliter acceſſerim, qui Ludovicum Imperatorem anno 839 obiſſe tradunt, atque ſynodum hanc menſe Junio præſentis anni celebratam eſſe, cum Indiſtio iii. a Flodoardo adſcribitur, quæ annum 840 deſignat.

Ceterum hac regni Francorum fratrumque diſſenſione comperta, quo & Saxonia conturbata, abreptaque in partium ſtudia, multæ barbaræ gentes, opportunitate ſibi ad rebellandum data, in Francicum regnum conſurrexere; quas inter Nortmanni, poſtquam Friſios ad tributa adegerant, per Albim piratica claſſe inveſti, Hamburgum occupant, & ſpoliis exhaustum incendunt. Quo miſerabili buſto conſumpta recentis operis Eccleſia, unaque Collegium Sacerdotum: direpta omnis ſacræ ſupellex: Incolæ Chriſtiani pars caſi, pars capti, plerique in fugam compulſi: Sacerdotes ac clerici diſperſi, vacuum reliquere locum, ipſe Anſgarius ægre nudus elapſus. Inde Nortalingorum provincia, & quidquid flumini contiguum, direptionibus Barbarorum ceſſit. Qua clade tota Saxonia terrore concuſſa, & qui per eas oras verſabantur Evangelii præcones ejeſti in exilium. Tradunt eadem tempeſtate piratarum claſſem Rheno quoque illatam penetratſe Coloniam, urbiſque obſidionis formidinem attuliſſe.

Barbarorum in Regnum Francicum irruptio. Adamus Bremens. c. 17. D. Rembertus in vita Anſgar. c. 14. Sigonius lib. 5 de regno Italia. Helmoldus lib. 1. c. 5. Albertus Stad. in chron. ad hunc annum, Crantzius lib. 2. Sax. c. 27. l. 1. Me trop. c. 35. Iſaacus Pontanus lib. 1. Danic. rerum.

## Annus Chriſti 841.

Gregorii IV. Pont. 14. Lotharii Imp. 1. Ludovici German. Regis 1. Baduradi Ep. Pad. 27.

Et quæ non Barbari auderent, bello civili multo exitialius inter hæc protracto? Lotharius ubi didicit Ludovicum Francorum Orientalium copiis invaluiſſe, omiſſo Carolo, omnes vires in opprimendum Ludovicum reflexit, quem tranſmiſſo juxta Wormatiam Rheno, ineunte Aprili a ſuis deſertum ac prope circumventum in Boſariam rejecit; relictoque ad tutelam Rheni Adelberto duce, cum exercitu in Carolum Ludovico opem ferentem ſe convertit. Inter hæc Ludovicus Rex magna celeritate vires reparat, caſoque iii Idus Maji Adelberto belli omnis incensore, Rhenum tranſit, & Carolo ſe

jungit: Igitur caſtris in aperto poſitis adverſus Lotharium, extremis viribus inter ſe connexis 7. Calend. Julii atrociffima pugna ad Fontiniacum conſerta eſt. Sex horis, quibus depugnatum eſt, centum hominum millia cecidere. Ea ſtrage, qua ſlos nobilitatis periit, ita enervata Francia, ut neque fines regni proferre, neque Nortmannos deinceps, aliosque barbaros hoſtes repellere licuerit. Viſtus eo prælio Lotharius Imperator Aquisgranum fugit: neque fratres ſunt inſecuti, victoriam clementia mitigantes. Ille interim collectis Auſtraſiis, adſcitisque Saxonibus vires inſtaurat, quibus Moguntiam L occu-

Ingens Gallorum caedes in bello civili.

Ann. Franc. Poldenſes.

occupat, transitoque Rheno Ludovicum, qui in Thuringiam discesserat ad Salæ palatium; incasso opere insequitur. Inde celebratis Wormatiæ filiarum nuptiis, Carolum oppressurus in Galliam se vertit. Sed nec istuc re aliqua memorabili patrata Aquisgranum regreditur. Anxii per hæc Episcopi incertique cui se Regum in illo flu-

tuante rerum statu permitterent. Multi enim Episcoporum seu tædio intestinorum bellorum, seu mortis necessitate per hæc tempora excessere e vivis: quos inter Willenius secundus \* Bre-

\* *Annales Francorum Euldenjes huius obis sum pomus ad annum 853. Cleinsorgius in chron. MS.*

## Annus Christi 842.

Gregorii IV. Pont. 15. Lotharii Imp. 2. Ludovici German. Reg. 2. Baduradi Ep. Pad. 28.

*Nithardus lib. 2. Ann. Francorum.*

Ceterum labor unus erat in reconciliandis Regum animis. Sæpe Lotharius sollicitatus a fratribus & Episcopis ac proceribus ad regni divisionem & concordiam, atque ab ipsis etiam fratribus provocatus ad supremum Dei iudicium, ne tot bellis intestinis & bellorum malis Franciæ Regnum pessundari sineret; at ille affectatione Monarchiæ, quo ceteros fratres excluderet regnis, omnia pro ingenio & dolis elusit. Quare Ludovicus & Carolus confociatas copias in Lotharium contrahunt, unoque consilio ac fide sibi animis conspirant. Et Carolus cum audisset Olgarium Moguntinæ sedis Episcopum una cum ceteris Ludovico fratri transitum Rheni prohibere, Tullos usque in eum movet. Quo cognito, Olgarius Rheni littus, quod obsederat, deferit, ceteris ad latebras profugientibus. Ergo Ludovicus & Carolus, ut a Regni inter se divisione arctissimam firmarent societatem belli, Argentorati conveniunt. Ibi postquam multa coram proceribus & populo questi essent Reges contra perfidiam Lotharii, Ludovicus quia Carolo senior, Romana lingua, nimirum Gallica ex Romana lingua corrupta (quæ rustica Romana in concilio Cabilonensi & Moguntino dicitur) fidem Carolo juravit; Carolus vero Theotisca, sive Theutisca lingua, quæ Francorum antiquorum, ac Germanorum, cum primisque Saxonum erat, juravit; ut concepta utriusque sacramenti verba a Nithardo recitantur. Sacramenta Regum populus utraque lingua excepit, & utrique fidem juravit. Quibus peractis, Ludovicus secundum Rheni ripas Spiram, Carolus Wormatiam cum exercitu movit, quos Carolomannus cum ingentibus Bojariorum

*Ludovicus & Carolus in Lotharium felici- ter movent*

& Alemannorum copiis Moguntiam consecutus. Quo ex loco missus a Regibus Bardo ad Saxones, qui gentes illas Lothario abstraxit, & in fidem Regum accepit. Moguntia uterque Rex armatus Confluentiam descendit, auditoque Missæ sacrificio in æde D. Castoris Mosellam trajicit, pulsus inde Olgario Moguntino Episcopo, Hettone Comite, & Herioldo, quos Lotharius ad tutelam Rheni reliquerat. His Aquisgranum perlatis, Lotharius Viam Allobrogum profugit. Eo Reges Aquisgranum cum exercitu digressi, sedem Imperii occupant, Synodumque sacrorum præsulorum convocant; ad quam cum maxima pars Episcoporum, interque eos haud dubie Baduradus, spectatæ virtutis & ætatis, convenissent, palam confessi sunt Reges, Episcoporum auctoritate consilioque, veluti numine quodam divino, magnarum rerum exordia capi, & hi postquam Lotharii perfidiam in patrem, frustrata toties promissa, violata toties fœdera cum fratribus pacta, exitialia Ecclesiæ bella, populorum ruinas, ac cetera ejus flagitia expendissent; censerentque præterea gubernandi prudentia, & conscientia sinceræ mentis destitutum, uno omnes Judicio Franciæ Regnum illi abrogandum pronunciarunt. Digna hominis poena, ut qui per Ebbonem & ceteros Episcopos Ludovicum patrem imperio exuerat, Episcoporum sententia & fratrum armis universa Francia exturbaretur. Quo iudicio subnixi Reges deligunt ex utraque parte duodecim proceres & sapientes viros, qui ex æquo Franciæ Regnum dividant. Ab his inter fratres tripartito divisum Regnum. Ludovico Germania tota ultra Rhenum cessit, Bavari, Francones, Thuringi, Saxones, Frisii, ceteræque fœdera-

*Dividitur inter fratres Franci cum Regnum.*



foederatæ gentes: Carolo occidentalis Francia a Mosâ amne ad oceanum Aquitanicum: Lothario præter Italiam mediæ inter Rhenum & Mosam provinciæ. Sed nec Episcopi Ludovicum & Carolum regna prius capeffere voverunt, quam rogati contestarentur, promitterentque se regna secundum voluntatem Dei ex æquo & bono administrare velle: tanta vel in ipsos Reges Episcoporum auctoritas erat.

Quæ dum Aquisgrani aguntur, nunciatur tota Saxonia plena tumultibus. Miserat enim Lotharius ad Saxones suæ factionis homines, qui populum concitarent. Gens quippe Saxonum, ut Nithardus hic præter ceteros tradit, in tria hominum genera divisa erat, in nobiles videlicet, ingenuos, & serviles, quos patria voce dixerunt Edhilingos, Frilingos & Lazzos. Nobilitas magnam partem pro Regibus fida stabat, ceteri a Lothario ad rebellionem concitati erant; hos ut sibi devinciret, promisit eandem legem & libertatem se Imperatore habituros, quam majores eorum, dum Idolorum cultores essent, habuerant. Impia & scelerata promissa! Et quo non regnandi cupiditas per politicorum artes deducit Christianos? Ea spe libertatis excita ingens hominum libertorum multitudo per Saxoniam conglobatur (quæ Stellingorum sibi nomen sumpsit) depulsisque e provincia Dominis & rectoribus, qua cuique lubitum, lege & li-

bertate vivit. Itaque ut 30 fere annorum bellis, & multo Francorum sanguine Carolus M. Saxoniam domuerat, quo Christianæ eam legi subjiceret; sic impius nepos ad Idolorum cultum viam reditumque laxavit. Addidit præterea scelus sceleri, & cum Nortmannis pactus, partem Christianarum provinciarum barbaris illis gentibus obtulit, siquidem in bello sibi adversus fratres auxilia præstarent. Quibus Barbari provocati, prædis & latrocinii grassabantur per Christianos. Quò non cæca ambitio præcipites agit? aut quo non vulnere Baduradi, & integerrimorum Episcoporum animos fauciat? Verum cum hæc Ludovicus tam perfide agi intelligeret, veritus ne ex confinio provinciarum Nortmanni ac Sclavi sese Saxonibus Stellingis conjungerent, & Christianam religionem iis in oris pessundarent, Coloniam cum exercitu properavit, eoque per Rhenum transmissio Stellingos aggressus conferto prælio superavit, totamque illam factionem disjecit. Inde ad Salam fluvium palatiumque Salæ digressus, habito procerum conventu, conspirationis auctores capitali supplicio damnavit; quamquam integra hujus seditionis extinctio anno demum proximo referatur a Nithardo; tum enim Stellingi, qui adversus Dominos suos rebellarunt ad interuersionem deleti, & qui sine auctoritate surrexerant, ense justæ auctoritatis interierunt.

Quos Ludovicus domavit.

## Annus Christi 843.

Gregorii IV. Pontif. 16. Lotharii Imp. 3. Ludovici German. Regis 3. Baduradi Ep. Pad. 29.

Nithardus lib. 4. Ann. Franc. Lothario mutato ac supplice, arbitri regnorum divisores statuuntur.

Tandem Lotharius, postquam vidit, frustra armis & dolis a se consumptis, omnia vergere in potestatem fratrum, & jam Episcoporum & procerum judicio Franciæ Regnum divisum esse, ad preces versus, mittit ad fratres legatos Josippum, Eberhardum, Egbertum, aliosque, qui dicerent se in Deum & fratres peccasse, nolle sua culpa amplius lacerari Imperium, & Christianum populum affligi: desiderare se, ut in stabilem concordiam aliquando conveniatur: unum duntaxat rogare, ut supra tertiam partem, quam in divisione Regni illi attribuissent, adjiciant; quo & nomen Imperatoris,

majestatemque Imperii digne sustineat, & patris voluntati satisfiat, a quo & Imperii Collega Successorque nominatus, & longe ampliore Regni Francici parte donatus sit. Ad quæ fratres, se nihil aliud ab exordio disensionis expectasse; ac ne quis existimet, se regnandi cupiditate ferri, velle se rem totam Episcoporum & Sacerdotum studio committere, quorum in his divina quædam auctoritas præluceat. Inde toto hoc anno pertractatum, primum in Insula Anxilla mense Junio prope Manticonem Burgundiæ Oppidum; deinde Wormatiæ Calend. Octob. indictus publicus congressus; post 14. Calend.

L 2

No-

Ludovicus  
ope S. Viti  
Abotritos  
rebelles  
vincit.

Novemb. Confluentiæ convenere trium fratrum legati. Sed cum arduum hoc opus, tantoque sanguine hætenus frustra tentatum confici non posset, in sequentem annum omnia sunt rejecta. Interim, dum singuli ab armis quiescunt, Lotharius Aquisgranum, Carolus in Franciam, Ludovicus in Bojariam concessit. Nec tamen hic annus Ludovico vacuus a bellis contra Barbaros; nam ut Francorum annales a Pithæo editi memorant, Abotritis defectionem cœptantibus, Ludovicus in eos, transito Albi, exercitum duxit, commissoque acri prælio Regem eorum Gozzomvil interemit. Quam victoriam cum divinitus sibi obtigisse recognosceret, terram populumque sibi, & Christianæ religioni subjecit, ordinatis ducibus & rectoribus, qui in officio continerent.

Hæc nimirum illa Ludovici Regis expeditio est adversus Sclavos, de quo Lotharius in diplomate Corbejenfibus dato, quod anno proximo recitabimus. Nam cum pugna, quæ mense Junio in ipso pervigilio S. Viti est conferta, diu ancipiti eventu agitata fluctuaret Christianos inter & Barbaros, Christiani opem S. Viti implorarunt, ad

cujus cœlestem opem hostium acies conversa in fugam, & memorabilis victoria reportata est. Cæsus Gestimulus eorum Rex, uti Lotharii tabulæ eum appellant: expugnata Insula Rugia, & pro concepto Ludovici Regis voto Monachis Corbejenfibus ad culturam Christianæ religionis oblata, quam deinde Lotharius Imperator Corbejæ totam dedit. Adeo fratrum semper integerrimus Ludovicus Rex, quod & Scriptores ceteri agnoscunt, qui patris & magni avi Caroli exemplo, Christi religionem inter Barbaros proferendam sumpsit, dignus, quem Germania Saxonique suum Regem fortiretur. Expeditionem hanc in Sclavos, expugnatamque cœlesti victoria Rugiam Insulam, etsi annales Francorum Corbeiensium ad sequentem annum adscribant, ex diplomate tamen Lotharii Imperatoris constabit ad hunc annum referendam esse, quo & dedicatio templi Corbejenfis, Warino Abbate, peracta; eamque celebrem omnino fuisse, Episcoporum & Præsulum sacrorum conventu, & a Badurado Episcopo nostro peractam, intra cujus diœcesin Corbeja est, nemo facile ambiget, etsi a Scriptoribus neglectum sit.

## Annus Christi 844.

Sergii II. Pont. I. Lotharii Imp. 4. Ludovici German. Reg. 4.  
Baduradi Ep. Pad. 30.

Advenerat jam annus 844 toti Imperio salutaris, quo Viriduni Regnorum partitione facta, in firmam pacem & fratrum concordiam convenit. Missi a singulis legati xl, quorum collatis in unum consiliis judiciisque, Lothario præter Italiam attributa Burgundia & Gallia Belgica; nimirum quicquid terrarum supra inter Mosam & Rhenum, infraque inter Rhenum & Scaldim interjacet. Ea exinde Regio, quia Lotharii Regnum erat, Lotharingia, ut volunt, primum dici cœpta, abolito tum sensim celebri Austrasiæ nomine; ex qua tamen parte Ludovico ob vini, quam prætendebat inopiam, cessit Wormatia, Moguntia ac Spira. Ad hæc Ludovico attributa, omnis Germania transrhenana, Thuringia, Hassia, Saxonia, Frisia, & quicquid trans Albim ad Barbarorum fines protenditur. Carolo vero Occidentalis Francia, vetus

scilicet Neustria, data, quantum videlicet, ab Oceano ad Mosam & Scaldim, atque inde ad Rhodanum & Ararim porrigitur. Pipino filio Pipini Aquitania concessa: ita Monarchia Franciæ, quæ uni Carolo M. & Ludovico Imperatori paruerat hætenus, quadripartito divisa. Auspicata quidem partitio, siquidem iisdem terminis regnantium animi circumscribi potuissent, neque ea, quæ in partes dividuntur, sponte sua in debilitatem simul & ruinam incumberent. Inde jam novos quisque titulos usurpare, & Carolus cognomento Calvus Rex Franciæ, Pipinus Aquitaniæ Rex, Ludovicus Rex Germaniæ salutatus, videasque ab hoc anno divisionis, passim diplomata Ludovici consignari; in quibus tamen nonnulli variant, eo quod a superiorum annorum divisione regni auspicia ducant.

Flore-

Æqua tandem Regnorum inter fratres divisio, ne pax stabiliatur.

Insula Rugia Corbejen-  
sibus  
datur.

Florebat per id tempus Warino Abbate mirifice Corbeja ad Visurgim, multique in ea non modo Apostolici Sacerdotes, qui impense operam navabant in excolendis per Saxoniam Barbarorum animis; sed quamplurimi illustrium familiarum adolescentes ac viri ex Francia & Germania se Warino in disciplinam religiosæ vitæ dabant. Certe Lotharius Imperator cum didicisset, quanto laboris fructu versarentur Corbejenses Monachi per Saxoniam, quantoque trans Albim progressu religionis barbaras gentes ad Christi religionem deducerent, una cum Ansgario Hamburgensium Episcopo, ceterorum duce & antesignano, cœlesti D. Viti beneficio provocatus, quo tam insignis victoria impetrata erat, omnem Rugiæ Insulam a Ludovico Rege debellatam, ac D. Vito oblatam Corbejensibus monachis ex integro donat. Diploma Imperatorium ex ipso Corbejensium tabulario autographo hic producimus, quod ut anno M. CCCXXVI testimonio ac tabulis Consulium ac Magistratus, Montis Martis, Huxtariensium & Volckmersensium hac super re confectis adhuc integrum fuit, ita ad nostra usque tempora asservatur, etsi læsum lacerumque in quibusdam aspiciatur.

In nomine Domini Salvatoris nostri JESU Christi. Lotharius divina ordinante providentia Imperator Augustus. Si liberalitatis nostræ munere loca Deo dicata provexerimus, id nobis & ad mortalem vitam temporaliter transigendam, & ad æternam feliciter obtinendam profuturum liquido credimus. Noverit interea sagacitas omnium fidelium nostrorum tam præsentium quam etiam futurorum, quod Ecclesiæ, quæ vocatur nova Corbeja, in pago Augen, super fluvium Wisera, & est quodammodo nova a Domino Patre nostro ante annos paucos condita in honorem Dei Salvatoris nostri, sanctique Protomartyris Stephani. ubi & Beatissimus Martyr Vitus requiescit, cui nunc præest dilectus, & propinquus noster Abbas Warinus, in proprietatem tradidimus Rugacem Insulam slavos cum tota terra ejusdem Insulæ, quomodo inibi positi devotione astricti sumus, quia Deo Salvatore nostro JESU Christo, sanctoque Vito id patrocinate in deditionem accepimus, nam ut aliquamdiu aliquoties-

que bellum utrimque durum satis committeretur, & anceps victoria & illis & nobis videretur, post aliquantorum quorum suffragia Sanctorum petebamus, beatum virum exorandum consulte confisi sumus, quod & fecimus. Insuper & si nobis auxiliari dignaretur, ei votum in hoc fecimus, quod & victoriam ipsi adscriberemus, & quacunque nobis illo auxiliante provenire possent, ipsi dedicaremus. Fiducia igitur continuo potiori accincti in Vigilia ipsius S. Viti bello renascente sumus congressi, & ipsorum Rege nomine Gestimulo cum nonnullis majoribus, & aliis quam plurimis illius gentis perempto, cum omnibus suis; Reliqui, & terra ditioni nostræ cedentes, Castella, munitiones, & cætera sua omnia nobis tradiderunt. Nos itaque prout ratio exigit, liberatis firmatis, ac possessis omnibus, jam nunc de reliquo succedentium temporum volumus ac decrevimus, proprietatis dispositionisque fore hujus novæ Corbejæ. Tradimus itaque totam eidem Ecclesiæ Rugacensem Insulam in jus proprietarium, ita videlicet, quod si quid in ipsa sit in munitionibus, in villis, in vicis, in domibus, vel ædificiis, terris cultis & incultis, silvis, pratis, campis, pascuis, aquis, aquarumque decursibus, viis & invias, exitibus & redditibus, tam in terris, quam in aquis, & in pensionibus portuum, & navium inibi supervenientium, sive etiam per trans-euntium, homines utriusque sexus, majores ac minores, senes ac juvenes, Incolas ejusdem Insulæ. Si quæ præter hæc lucra de ipsa Insula, vel in ea habitantibus provenire possunt, vel postmodum poterunt, memorato monasterio subdita esse instituimus, atque per hanc nostram auctoritatem sic donamus & tradimus, ut in jure ipsius Abbatis & Successorum ejus, nec non & monachorum inibi per tempora servientium in diversis necessitatibus ad divinum cultum propensius exequendum, absque cujuslibet diminutione vel retractione permaneant, quatenus & devotiores nobis ac Conjugi, ac liberis nostris, omnique stirpi nostræ omni tempore quodam debito supplicandi Deo memorentur. Quod autem hæc auctoritas nostra inviolabilem & inconvulsam firmitatem obtineat, manu propria subter eam subscripsimus, & annuli nostri impressione assignari jussimus.

Signum

Signum Lotharii



Serenissimi Imperatoris.

*Remigijs Notarius ad vicem Agilmaris recognovi. Datum XIII. Calend. Aprilis, Anno Christo propitio Imperii Domni Lotharii Imperatoris in Italia XXII. Indictione VII. Actum Aquisgrani palatio Regio in Dei nomine Amen.*

Recolant hoc diploma, qui liberalitatem Caesarum in dotandis exornandisque Episcopis aut carpunt, aut suspectam faciunt; cum legant hic Warinum Abbatem Corbejenfium ac Monachos donari Insula Rugia cum Castellis, Vicis, prædiis & Incolis, & omni jurisdictione Principum. Aut potius revolvant cum animis, quo a Majorum religione reciderint Saxones nostri,

quando barbaras illas gentes primum per Monachos ad Christi fidem perductas, legunt, in qua usque ad Lutheri tempora una cum Regibus & Principibus perstitere. Verum, ut patrimonium illa religionum hominum donaque Caesarum, ita ipsam religionem jam dudum sustulit hæresis, sacra humanaque profanando.

## Annus Christi 845.

Sergii II. Pont. II. Lotharii Imp. 5. Ludovici Germ. Reg. 5.  
Baduradi Ep. Pad. 31.

*Annales  
Francorum  
Aimoinus  
Annales  
Fuldenses  
Annales  
Mosenses  
Annales  
Bertiniani  
& gesta  
Norm.  
Normanni  
in Gallia vi-  
tores Car-  
oli Regis.*

Pacata quidem Germania Imperiumque erat, ex quo concordia inter regnantes fratres finem civilium bellorum dedit. Sed non perinde quievere Barbari, postquam laceffiti dulcedine spoliolum arma sumpserant; ausque sunt per intestina bella Imperii fines depopulari. Ac nulla gens infestior quam Nortmanni, quorum pars Duce Ragenario & Roricho classe perfecta per mare, Gallias Carolique Regnum invasit, & Turones Parisiosque usque progressa, omnia late spoliis & cædibus replevit (quemadmodum hæc Galliae scriptores deplorarunt) Carolo bellis domesticis se implicante, eoque redacto, ut excessum Nortmannorum e Gallia auro redimere coactus fuerit. Pars in Frisiam illata tribus præliis conflixit cum Christianis; ac primo quidem superiores Christiani, sed altero tertioque Barbari ingentem cladem rei Christianæ per Frisiam intulere; qua simul procella Hamburgum denuo in Saxonia direptum vastatumque memorant Annales Francorum. Fuldenses ad hunc annum, Nortmanni, inquit, in Frisia tribus præliis conflixerunt, in primo victi, in secundo victores magnam hominum multitudinem prostraverunt, Castellum etiam in Saxonia Hamburgum populati, nec inulti sunt reversi. Iterato vero Hamburgum vastatum per id tem-

pus, dum Ansgarius præfideret, testatur D. Rembertus in vita Ansgarii. Nec inulti tamen id fecere, quando his ipsis Nortmannis se Ludovicus Germaniæ Rex fortius quam Carolus objecit, Orientalium Francorum, & Saxonum cumprimis alacritate & viribus adjutus. Latè illi obvenisse sibi tempus, quo arma civilia in barbaros convertere liceret; eo per Ludovicum suis cladibus denuo Nortmanni obtriti. Clarus cumprimis inter Saxones his Ludovici bellis Ludolphus Henrici Germaniæ Regis avus, & Ottonis Magni proavus, vir religione non minus, quam bellica fortitudine eminens, ut præter Roswidam Gandersheimensis Collegii Virginem & poetriam facti Saxonum, & monumenta patriæ tradiderunt: quemadmodum & prisco Germanorum more nomen ejus, resque præclare gestæ tum vulgo, tum patriæ linguæ carminibus decantabantur.

*A Ludolpho Ludovici Reg. Duce, proavo Ottonis Magni vincuntur.*

Quapropter ab ipsa Roswida hac candido carminis elogio celebratur.

*Hic prænobilius natus de stirpe parentum,*

*Ortus quique suæ respondet nobilitati  
Moribus egregiis, usuque suæ pietatis  
Inter Saxones crevit laudabilis omnes.  
Namque fuit strenuus, forma nimiumque decorus,*

*Prudens*

*Prudens in verbis, in cunctis cautus  
agendis*

*Atque sui generis solus spes & decus  
omnis.*

*Hinc nam Francorum magni Regis  
Ludovici*

*Militiæ primis adscriptus pene sub  
annis.*

*Ex ipso digne summo sublatus honore,  
Gentis Saxonum mox suscepit comi-  
tatum.*

*Ac cito majori donatus munere,  
cunctis*

*Principibus fit par, Ducibus sed nec  
fuit impar,*

*Quique suos omnes vicit pietate pa-  
rentes.*

*Cui conjux ergo fuerat prænobilis  
Oda*

*Edita Francorum clara de stirpe po-  
tentum,*

*Filia Bilingi cujusdam Principis almi.*

At religione in Deum non minus in-  
signis, Gandersheimensium Sanctimo-  
nialium Virginum monasterium, loco  
divinitus sibi monstrato ad Gundam  
fluvium condidit; quam in rem acce-  
ptis a Ludovico Germaniæ Rege literis,  
Romam ad Sergium Pontificem, con-  
struendi monasterii potestatem cum sa-  
cris Lipsanis Anastasii & Innocentii im-  
petravit; & filiam, quam habebat Ha-  
thumodam, indole & pietate egregi-  
am, traduxit ad Collegium Virginum  
Hervordiensium apud nos a primis an-  
nis excolendam, quæ deinde prima  
Gandersheimensium Antistes delecta  
est. Celebre illud non minus in Ost-  
phalia, quam Herivordienſe in West-  
phalia fuit; certe Gandersheimenſe col-  
legium Colonia Herivordienſis dici po-  
terat.

Sed magnum certamen inter scri-  
ptores nostros, quibus parentibus Lu-  
dolphus Augustæ Ottonum familiæ  
Conditor sit genitus. Albertus Sta-  
denſis, cum enumerasset ortum ex Wi-  
dekindo Wigbertum, atque ex illo Wal-  
bertum, *ex eadem*, inquit, *Saxonica  
gentis stirpe vir nobilis procreatus est  
Ludolphus.* Hinc alii ex Walberto Wi-  
dekindi M. nepote, alii ex Brunone  
Walberti fratre; quidam ex Brunone  
Widekindi M. fratre genitum volunt.  
Verum cum Widekindus monachus  
Corbejenſis vetuſtiſſimus Saxonum  
Scriptor Ottonum ſtemma per mater-

nam lineam deducat ex Widekindo M.  
his derogare videri poterit, non præ-  
termiſſurus paternum genus, ſi a Wi-  
dekindo M. deducere licuiſſet. Incer-  
tum deinde Ducatumne Saxoniz ex  
paterna Widekindi hereditate, an Lu-  
dovici Germaniz Regis beneficio ob  
res præclare geſtas ſortitus. Et quid  
hæc tantopere contendimus, cum ſa-  
tis eſſe debeat gente nobilem Saxonem  
fuiſſe, ejusque familiæ conditorem,  
in quam extincta Carolina ſtirpe, Regia  
primum per Henricum Aucupem, ac  
deinde Imperatoria dignitas per Otto-  
nem M. translata eſt; cui tantum de-  
bet Saxonia, quantum poſtea decus  
fuit, Imperatoriam Auguſtamque ma-  
jeſtatem a Francis tranſiſſe ad Saxo-  
nes.

Rebus per æſtatem contra Nort-  
mannos in Friſia, & trans Albim con-  
tra Slavos fortiter geſtis, Ludovicus  
celebrem Paderbornæ Episcoporum &  
procerum in Autumno conventum ha-  
buit, Avi M. Patrisque exemplo, a  
quibus Paderborna ob amenitatem ce-  
lebritatemque loci per Saxoniam ad  
ejusmodi comitia eſt delecta. Nec mi-  
nus tum inter præſules Saxoniz Badu-  
radus Paderbornenſis Episcopus vene-  
randus aderat, vir nobilitate gentis,  
ætatis canitie, religione & ſapientia ſpe-  
ctabilis; quippe qui ſub Carolo M. Re-  
gis Ludovici avo inter prima Chriſtia-  
næ religionis initia per Saxoniam incla-  
ruerat, & in Ludovici patris aula in-  
ter Conſiliarios intimos & legatos rem  
publicam tractarat; cui Ludovicus tan-  
tum venerationis detulit, quantum de  
piſſimo patre ac Chriſtiana per Saxo-  
niam religione promeritus erat, quem  
ob hæc omnium conſiliorum ſuorum  
arbitrum eſſe voluit. Auditi in hoc  
conventu legati Lotharii & Caroli fra-  
trum; tum Nortmannorum, Slavov-  
rum, & Bulgarorum legationes acce-  
ptæ expeditæque: adeo tum celebrata  
Paderborna; tanquam cum Carolo M.  
& Ludovico Imperatore auſpicia rerum  
per Saxoniam & Septentrionem geren-  
darum ex hoc loco capere lætum ac  
ſolemne fuerit. Et vero quia Carolus  
Rex Franciz occidentalis per legatos  
ſollicitarat opem Ludovici adverſus  
Nortmannos, Rex Cobbonem Comi-  
tem ad Rorichum in Gallias Nortman-  
norum Ducem mittit legatum, qui Bar-  
bari

Ludovicus  
Comitia  
celebrat  
Paderbornæ  
nz.  
Annal. Ful-  
denſes apud  
Erebornum.

Aimoinus  
lib. de tranſ-  
lat. S. Gero-  
mani Epis-  
copi apud  
Surium ss.  
jul.



bari animum mitigaret contineretque a  
 fœdis Galliarum depopulationibus. Is,  
 ut ex Galliis ad Ludovicum Regem est  
 reversus, quas viderat calamitates, ef-  
 frenisque populi spolia & sacrilegia re-  
 tulit, quæ non sine indignatione Ludo-  
 vici ac Saxonum audita sunt. Nihil in-  
 terim horum Dani Nortmannive in Sa-  
 xonia, & Ludovici regno perpetrare  
 ausi sunt, quod, dum vixit, a Barbara  
 hac gente intactum servavit, Lothario,  
 qui Imperatoris nomen gerebat, aut  
 venationi dedito, aut per inertiam de-  
 fidente, aut cum Burgundis per inte-  
 stinos motus conflictante. Cobbo,  
 quem diximus, Comes haud secus,  
 quam Ludolphus ea tempestate inter  
 Saxones consilio & manu promptus,  
 magna apud Regem gratia & auctori-  
 tate pollebat; crediturque hic idem esse,  
 quem Teclenburgenfes primum suum  
 comitem celebrant. Cetera, quæ in  
 his Paderbornensibus comitiis pro statu  
 Ecclesiæ per Saxoniam formando repa-  
 randoque his bellis sunt gesta, tempo-  
 rum injuria periire, Francis Scripto-  
 ribus in res civiles tantummodo intentis.  
 Nec enim dubitare fas erit, Ludovicum  
 postquam Germaniæ trans Rhenum Sa-  
 xoniæque Regnum ex divisione Fran-  
 ciæ adiit, hanc sibi curam, avi patris-  
 que exemplo, inter primas sumpsisse.  
 Reperio interim hoc anno duo præclara  
 Ludovici Regis diplomata Paderbornæ  
 consignata, quorum altero Corbejen-  
 sibus Huxtariam & fundum cœnobii  
 confirmat, liberamque eligendi Abba-  
 tes potestatem facit. Id hoc loco ex  
 Originum literis adscribere visum est.

Confirmat  
 donationes  
 Corbejen-  
 sibus factas.

v. MS. W.  
 lona.

*In nomine Sanctæ & Individuæ Tri-  
 nitatis. HLudovicus divina favente  
 gratia Rex. Cum in nomine unice &  
 perpetuæ Trinitatis pro Regimine S.  
 Matris & universalis Ecclesiæ, etiam  
 & pro statu regni nobis divinitus &  
 paterno jure commissi Paderbrunnen  
 pervenimus, aderant inter cæteros fide-  
 les nostros quidam monachi cum vene-  
 rabili eorum Præposito Uvalanae, ex  
 monasterio, quæ nova Corbeja muncu-  
 patur, coramque familiaribus Consilia-  
 riis nostris in præsentiam culminis no-  
 stri adducti attulerunt Domni ac genito-  
 ris nostri HLudovici excellentissimi Im-  
 peratoris quoddam præceptum, in quo  
 continebatur, qualiter idem Christianis-  
 simus Imperator præfatum monasteri-*

*um in honorem S. Stephani Protomar-  
 tyris Christi super fluvium Wisera, in  
 villa regia, in loco dudum muncupante  
 Hucxeri Adalhardo cuidam seni Abbati  
 germanoque suo Uvalanae construi ac  
 fabricari præcepisset, obsecrantes clemen-  
 tiam Serenitatis nostræ, ut pro majori  
 firmitate ac certiori stuâio securitatis,  
 nostræ mansuetudinis super hoc præce-  
 ptum paterno ac regali affectu confir-  
 mari deberet. Quorum petitioni justæ,  
 & rationabili autem libenter accomoda-  
 vimus, ac præscriptam villam Hucxeri,  
 quam Serenissimus Augustus ad præfa-  
 tum monasterium tradiderat, cum omni-  
 bus finibus vel terminis suis, terrisque,  
 silvis, aquis, aquarumve decursibus,  
 seu cunctis adjacentiis, nec non appen-  
 diciis suis, sive res & possessiones, quæ  
 a Deum timentibus, vel gratiam divi-  
 nam diligentibus ibi conlatæ sunt, etiam  
 & res quæ ad Corbegiam antiquiorem,  
 ex cujus vocabulo illud monasterium no-  
 men usurpat, traditæ fuerunt, infra  
 fines regni Saxonie terris, silvis, cam-  
 pis, pratis, pascuis, aquis aquarumque  
 decursibus, propriis vel communibus  
 ædificiis, prius habitis vel postea con-  
 structis, mancipiis quoque diversi gene-  
 ris vel conditionis, mobilibus & immo-  
 bilibus datum, vel traditum erat cum  
 omni integritate præfato monasterio, &  
 Monachis ibidem Deo soli militantibus ad  
 possidendum fruendumque per hanc no-  
 stram auctoritatem in eleemosinam præ-  
 fati piissimi genitoris nostri ac nostram  
 confirmare atque stabilire decrevimus.  
 Libuit etiam nostræ Celsitudinis pieta-  
 tem erga Divæ memoriæ genitoris no-  
 stri Nobilissimi Augusti institutionem,  
 quando divina vocatione Abbas prædicti  
 monasterii vitam finierit mortalem,  
 quamdiu ipsi monachi inter se talem in-  
 venire hujusce vitæ quiverint, qui ipsam  
 congregationem secundum regulam S.  
 Benedicti, primi instructoris illius nor-  
 mæ, regere valeat, per hanc nostram  
 auctoritatem licentiam habeant eligendi  
 Abbatem, quatenus ipsos servos Dei,  
 qui illic uni Deo diu noctuque serviunt,  
 pro nobis proleque nostra, & stabilitate  
 regni a Deo nobis conlati jugiter Domi-  
 ni misericordiam exorare delectet. Illud  
 vero inserere hoc præcepto nostræ placuit  
 regie auctoritati, ut licentiam habeant  
 Rectores & ministri ejusdem monasterii,  
 cum quibuslibet hominibus liberis res &  
 mancipia legaliter commutare, videlicet*

v. MS. W.  
 lona.

v. MS. Hap.  
 xxi.

v. MS. f.  
 grand.

v. MS. ab.  
 erat soli.

v. MS. ab.  
 ba.

ut

ut quidquid pars iuste, & rationabiliter alteri contulerit parti, deinceps per hanc nostram auctoritatem jure firmissimo teneant atque possideant, & quidquid exinde facere voluerint, libero in Dei nomine perfruantur arbitrio facienti quidquid elegerint. Et ut hæc aucto-

ritas largitionis atque confirmationis nostræ per diuturna tempora inviolabilem atque inconvulsam obtineat firmitatem, manu propria subter firmavimus, & annuli nostri impressione signari jussimus.

Signum



HLudovici Gloriosissimi Regis.

Dominicus Notarius ad vicem Radleici recognovi. Data IIII. Idus Decembris Anno Christo propitio septimo regni Domini HLudovici Regis in orientali Francia. Indict. VIII. Actum Patherbrunnen in Dei nomine feliciter Amen.

Alterum Ludovici Regis diploma Paderbornæ eodem anno ac die consignatum novæ liberalitatis monumentum extulit, quo Corbejenfis agros & prædia dilargitur.

In nomine Sanctæ & Individuæ Trinitatis. HLudovicus divina favente gratia Rex. Si de rebus terrenis, quibus divina sumus largitate gravati, Laicorum, propter amorem Dei eorumque in eisdem locis sibi famulantibus beneficia opportuna largimur, hoc nobis procul dubio ad æternæ remunerationis præmia capefcenda profuturum liquido credimus. Idcirco noverit omnium fidelium S. Dei Ecclesiæ, nostrique præsentium & futurorum sollertia, quia nos pro mercedis nostræ augmento concessimus ad monasterium, quod nova Corbeia nuncupatur, quod est constructum in honorem S. Stephani Protomartyris Christi, super fluvium Wisera, in villa regia, in loco nuncupante dudum Huxeri, mansa undecim, quæ sunt in pago Langneæ, in villa, quæ dicitur Hemli, cum omnibus appendiciis, vel ad se pertinentibus, in

terris videlicet cultis & incultis, silvis, aquis aquarumque decursibus, adjacentiis, perviis, exitibus & regressibus, quæsitum & ad inquirendum, vel quantumcunque infra præscripta villa, vel quæ ad ipsam undecim mansa pertinere videntur; ut nostri juris atque possessionis in re proprietatis est, totum & integrum præscripto monasterio Corbeie & monachis ibidem Deo soli militantibus perpetualiter ad possidendum fruendumque concessimus, atque de nostro jure in jus & dominationem præfati monasterii liberalitatis nostræ munere contulimus; ita videlicet ut quidquid exinde ab hodierna die vel tempore Rectores & ministri ejusdem monasterii facere, ordinare, atque disponere voluerint, per hanc nostram auctoritatem liberam in omnibus habeant potestatem faciendi quidquid elegerint. Et ut hæc auctoritas largitionis atque confirmationis nostræ per curricula annorum inviolabilem atque inconvulsam obtineat firmitatem, manu propria subterfirmavimus, & annuli nostri impressione signari jussimus.

Signum



HLudovici Gloriosissimi Regis.

Dominicus Notarius ad Vicem Radleici recognovi. Data IIII. Idus Decembris anno Christo propitio VII. regni Domini HLudovici Regis in Orientali Francia. Indict. VIII. Actum Patherbrunnen in Dei nomine feliciter Amen.

Accedit tertium donum, quo hoc ipso anno, ejusdem Regis munificentia,

pro singulari in Warinum Abbatem affectu Corbeja cumulata est.

M

In

In nomine sanctæ & individuae Trinitatis, HLudovicus divina favente gratia Rex. Si erga loca divinis cultibus mancipata propter amorem Dei, eorumque in eisdem locis sibi famulantibus beneficia oportuna impendimus, atque de rebus terrenis, divina miseratione nobis collatis largitionis nostræ munere quidquam conferimus, hoc nobis procul dubio non solum ad stabilitatem regni pertinere, verum etiam ad æternæ beatitudinis præmia capefcenda profuturum liquidocredimus. Idcirco notum fieri volumus omnium fidelium nostrorum præsentium scilicet & futurorum sagacitati, qualiter nos ob amorem Dei & emolumentum animæ nostræ quasdam proprietatis nostræ res concessimus ad monasterium, quod dicitur nova Corbeja, quod est situm super fluvium Wisera, constructum in honore sancti ac beatissimi Stephani Protomartyris, ubi præsentit tempore Venerabilis Vir Warinus auctore Deo Abba præesse videtur, sunt enim prædictæ res in pago Guottinga, in villa quæ dicitur Amplidi, hoc est mansum Dominicatum cum casis & reliquis ædificiis, cum aliis mansis viginti ibidem aspicientibus ac deservientibus. Has

itaque res, sicut diximus, cum domibus, ædificiis, mancipiis utriusque sexus, salinariis, terris cultis & incultis silvis, pratis, pascuis, aquis aquarumve decursibus, adjacentiis, perviis, exitibus & regressibus, quæsitis & inquirendis, quemadmodum Banzleibs Comes in beneficium hætenus habuit, & nostri juris atque possessionis in re proprietatis est totum & ad integrum prædicto monasterio concessimus, & de jure in jus, & dominationem ejus liberalitatis nostræ munere contulimus, ita ut de eisdem rebus & mancipiis Rectores & ministri prædicti monasterii ob utilitatem & necessitatem ipsius facere, ordinare, atque disponere voluerint, per nostræ auctoritatis largitionem libero in Dei nomine perfruantur arbitrio faciendi, quidquid elegerint. Hanc itaque auctoritatem largitionis nostræ ut per curricula annorum inviolabilem atque inconvulsam obtineat firmitatem, & a fidelibus S. Dei Ecclesiæ nostrisque verius credatur, & aili- gentius conservetur, manus nostræ signaculis subter eam decrevimus corroborare, & annuli nostri impressione assignare jussimus.

Signum



HLudovici gloriosissimi Regis.

Adalleodus ad vicem Rathleici recognovi, & ff. Data VIII. Calend. Januarii anno Christo propitio VII regni Domni HLudovici Regis in Orientali Francia. Indict. VIII. Actum Rosbatb Villa in Dei nomine feliciter Amen.

**D. Rembertus.** Annus regni Franciæ Orientalis, qui in hisce tabulis consignatus se exhibet, ab anno 839. ducitur, quo a Saxonibus & Thuringis adjutus Alemanniam & Franciam Orientalem sibi vendicavit.

Sed longe Majori pietate ac miseratione Ludovicus complexus est D. Ansfcharium. Profugerat is ab excidio Hamburgensi Bremam ad Leudericum III. ejus loci Episcopum, ibique ex suo exilio administrabat septentrionales Ecclesias sibi commissas. Post ubi Leudericus priori anno IX. Calend. Septemb. discessit e vivis, uti Stadensis refert, Ludovicus Rex Bremensem Ecclesiam Ansfchario dare & utramque conjungere in unam consultum habuit. Id vero cum sine canonica auctoritate fieri

non posse agnosceret Rex & Ansfcharius, res in Episcoporum consilio, aut Paderbornæ in hoc conventu Episcoporum, aut post in Synodo Moguntina, quæ biennio ab hinc est habita a Rabano Archiepiscopo, ut Bollandus opinatur, discussa est, donec plena Nicolai Pontificis auctoritas accederet, utriusque Episcopatum in unum contrahentis. Utrique vero Synodo Baduradus Episcopus noster interfuit, non minus de salute Septentrionalium populorum, quam de sua diocesi sollicitus. Quam admiranda exinde gesserit Ansfcharius Daniæ & Sueciæ Apostolus in utriusque Regni ad Christi fidem reductione, narrat D. Rembertus, & rerum earumque gentium Scriptores.

Annus

**D. Rembertus.** in vita Ansf. c. 19  
**Adam. Bre.** mens. lib. 1.  
**Albertus Stad.** in chr. ad hunc an.  
**Crantz. l. 1.**  
**Metrop. c. 42**  
**Bolland.** in comm. ad vitam S.  
**Ansf. & 2.** Hamburgensis Bre- mensis Ecclesie unita S. Ausgario committitur.

## Annus Christi 846.

Sergii II. Pontif. 3. Lotharii Imp. 6. Ludovici Germ. Reg. 6.  
Baduradi Ep. Pad. 32.

Ann. Franc.  
Ann. Fuld.

Ludovici  
Regis hoc  
anno gesta.

At Ludovicus Germaniæ Saxoniarumque Rex, postquam Nortmannos, gentem hæcenus infestissimam Christianis, primum armis, post fœdere in conventu Paderbornensi ad quietem adigisset, profectus est in Franciam ad diffidentes inter se Lotharium & Carolum fratres componendos, ob raptam a Caroli Vasallo Lotharii Imperatoris filiam; id cum frustra ageret, rediit in Germaniam, menseque Augusto exercitum duxit in Slavos Margenses defectionem molientes, itaque eos obtrivit, ut Rasticem illis ducem imposuerit. Ea expeditione Moravia & Pannonia do-

mita, haud aliis, quam Francorum Orientalium, Thuringorum, & Saxonum armis, in quibus robur exercitus erat. Inde exercitus per Bohemiam reductus. Quo in regno XIV sibi Bohemorum Duces occurrentes habuit, cum ingenti subditorum hominum multitudine, Christi religionem flagitantes, quos festo Epiphaniæ die ad lavacrum baptismi lætus deduxit; quanquam alii id superiori anno factum referunt. Unicus regionum filiorum Ludovicus, qui majestatem Imperii sustineret, & religionem inter barbaros, Caroli M. avi vestigiis insistent, proferret.

## Annus Christi 847.

Leonis IV. Pont. 1. Lotharii Imp. 7. Ludovici Germ. Reg. 7.  
Baduradi Ep. Pad. 33.

Annus tandem insequens 847 ab omni bello vacuus, quem Ludovicus & Lotharius, alter alterum invitando ad palatia sua, conviviis, ludis, venationibus consumpsere. Sed tanto celebrior Synodus Moguntina, quam Rabanus vir doctrina, religione, & vitæ integritate præstantissimus, ex Abbate Fuldensi a Ludovico Rege 15 Calend. Julii post obitum Otgarii nominatus impositusque Archiepiscopus mox in septembri convocavit. Convenere ad eam omnes provinciales ejus Metropolis Episcopi, quos inter Baduradus Paderbornensis Episcopus tertio loco nominatus, habita nimirum ætatis ratione. Scribunt patres in Epistola, quæ synodo huic præmittitur, ad Ludovicum Regem, convenisse Rabanum Moguntinæ Ecclesiæ Archiepiscopum, una cum \* Samuele, Egorbaldo, Baturato, Hebone, Gerbratho, Hemmone, Waltgario, Anschario, Otgario, Lantone, Salamone, Gebehardo ac reliquis Episcopis, Abbatibus, Monachis, & presbyteris ceterisque Ecclesiasticis ordinibus. Et vero quia Ebbo & Anscharius huic synodo interfuisse memorantur, confici volunt Ebbonem per id tempus Hildesensem Episcopum egisse, & Anscharium Bremensi Ecclesiæ præpositum fuisse. Confessus Episcoporum in S.

Albani Basilica fuit, & in duas turmas distributus, quorum alter Episcoporum cum Sacerdotibus, alter Abbatum cum monachis, tertia jam classe, quam in mixtis Francorum synodis Comites & profani homines faciebant intermissa. Convocata potissimum hæc synodus ad libertatem Ecclesiæ afferendam in integrum, quando laici homines per licentiam civilium bellorum sibi potestatem non modo in bona & jura Ecclesiæ, sed in ipsos sacros homines sumere sunt ausi. Multa præterea una & triginta legibus sancita, ad disciplinam cleri, Monachorum, & populi instaurandam.

Lando Augustenus. Salamon Constantiensis. Gebhardus Spirensis. Otgarus Aichstadiensis.

Sub id tempus, dum synodus ageretur Moguntina, venit ex Alemanniæ partibus, ut Francorum Annales referunt, mulier, quæ se novam prophetidem jattabat, interque falsa vaticinia afferebat docebatque pro concione, imminere hoc anno extremum fatalemque orbis diem; multaque ejusmodi arcana venditabat, de quibus a Deo esset edocta. His adeo perculsi utriusque sexus homines, ut & larga munera offerrent, & se fatidicæ precibus commendarent; quia tanta facundia id agebat, ut & sacri ordinis homines decepti, relicto docendi munere ad eam tanquam sapientiæ magistratam convenirent.

Cujus iussu Pseudo prophetis flagris cæsa & correctæ.

\* Samuel Wormatisensis Episcopus. Egorbaldus Herbipolensis. Baduradus Paderbornensis. Ebbo sive Ebbo Hildesimensis. Gerbrathus Curiz. Hemmo sive Haymo Halberstad. Waltgarius Vordenensis.

rent. Hæc ad Episcopos in S. Albano congregatos deducta convictaque imposturæ, haud aliud obtendit, quam a Sacerdote sibi hanc fallendi artem esse suggestam. Quapropter Episcoporum iudicio publicæ flagellis cæsa, docendi munus, fallendique artes intermisit.

Obitus S.  
Menulphi  
& tigna  
mortem  
consecuta.

Mortuum hoc anno, cœloque illatum statuimus D. Menulphum Archidiaconum Paderbornensem, & Monasterii Bodecensis Conditorem, virum sanctissimum ac sidus Westphaliæ; & quantum æstimes per id tempus, dum Baduradus Episcopus Moguntia in synodo versaretur. Ac licet annus mortis a scriptoribus tam plane consignatus non sit, ad hunc tamen per indicia referre visum est, quod a morte ejus usque ad annum 897, quo Corpus ejus solemni ritu humo levatum est, anni quinquaginta effluxisse referantur, idque Arnulpho Rege; & Bisone Episcopo factum memoratur, ut jam retro legendo annos, hunc ei annum supremum vitæ fuisse opinari liceat. Fuit vero D. Menulphus, ut per omnem vitam sanctitate conspicuus in clero Paderbornensi, ita mortuus pluribus signis illustris; inter quæ illud memorabile, quod, dum corpus mortui ad tumulum deferretur, ac funebribus sacris peractis humo integendum esset, resupinum idem corpus e feretro se erige-

ret, attonitis omnibus, qui aderant, ad tam insolitum spectaculum. Quos sanctus benigne affatus, ite, inquit ad Episcopum, & dicite, quæcunque a congregatione hac virginum electa fuerit Abbatisa, eam non impediat adire munus, etsi conditione ancilla fuerit; nam qua sollicitudine & labore hoc ego monasterium construxerim scitis. Quid, vero ab illis fieri oporteat, qui palto- rum in Ecclesia munus gerunt, ego exutus corpore mortali didici. Quibus dictis clausit rursus oculos, & in feretro se reposuit, humarique jussit.

Quæ fama prodigii, postquam vulgata, cœpit non modo a virginibus ejus cœnobii, sed ab incolis longe lateque confluentibus sepulcrum veneratione frequentari. Exinde ad nostram ætatem cœlestibus beneficiis ad ejus opem imploratis innumeri mortales adjuti. Nam & claudi & cœci, & paralytici, atque omni membrorum genere afflicti ad sepulcrum ejus cœlestem opem experti; quæ miracula scriptores justo satis libro sunt complexi, magnamque partem apud Laurentium Surium leguntur. Qua vero rerum mutatione Monasterium hoc sanctimonialium virginum ad Canonicos ordinis D. Augustini pervenerit, anno 1409 memorandum erit.

## Annus Christi 848.

Leonis IV. Pont. 2. Lotharii Imp. 8. Ludovici Germ. Reg. 8.  
Baduradi Ep. Pad. 34.

Gothescalcus monachus similis Lutheri hæreses spargit.  
Franc. Ann.  
Rabanus Epist. ad Hinc.  
Hincm. in Epist. ad Landan. Episc.  
Trithemius in Chron.  
Hirsa.  
Concil. gene.  
Par. tom. 1.  
Concil. gen.  
Binii.

Altero ab hinc anno rursus Rabanus Moguntinus Archiepiscopus celebrem synodum habuit adversus Gothescalcum presbyterum ac Monachum. Multa is prava hæresis dogmata profugus e monasterio Gallia palam docebat per Ludovici Regis provincias in Germania, de prædestinatione & libero hominis arbitrio, de Christo, quod nec omnes salvos fieri velit, sed eos duntaxat, qui salvantur, ideoque nec pro omnibus mortuus sit, & quæ ejusmodi referuntur ab Hincmaro & Rabano Archiepiscopis. Quin ad laxandam viam impietatis ad omnia scelera & flagitia ausus est docere nihil opera bona conferre posse ad salutem; nam si quis, inquebat, ad vitam cœlestem destina-

tus, nihil mala opera, nihil omnia flagitia impedierint: si quis vero æternæ morti adjudicatus est a Deo, nihil opera bona juvabunt, eo quod inevitabili Dei decreto omnes vel ad suum exitium, vel salutem ituri. Uti multis queritur Rabanus in epistolis ad Hincmarum. Verum, ut ipse Hincmarus Archiepiscopus, ex cujus diocesis cœnobio profugerat, ad Nicolaum Pontificem scribit, *Gothescalcus monachus, Orbis cœnobii desertor, homo elatus animo, quietis impatiens, novorum verborum cupidus, insatiabili ambitione honoris incensus, protervus & tumultuosus, ut inani animi ostentatione, & falsa quadam novitate sui nominis famam adipisceretur, certos falsorum dogmatum articulos*

Servarius lib. 1. Hist. Mogunt. c. 33.  
Baronius ad hunc annum  
Hollandus in vita Rabani ad 17. febr.



ticulos collegit, & per provincias, quas pervagatus, spargere cepit. Ad hunc pestilentem hæreticum hominem, ejusque insanas hæreses condemnandas, convenere mense Octobri, ut Hincmarus testatur, Galliarum, Belgicarum, & aliarum provinciarum Episcopi, Germaniarum videlicet & Saxoniarum, quos inter a Trithemio referuntur Hetto Trevirensis, Hildeboldus Colonienfis, Altfrius Hildesienfis, Haymo Halberstadienfis, Ludericus Bremensis Episcopus; quem postremum tamen jam anno 844. obiisse scribit Albertus Stadenfis, cum in superiori Moguntina Synodo in ejus loco S. Anscharius prodatur, ut non abs re dubium fecerit Browerus Trithemii recensionem: quando & alius error observatus in Trithemio, quod hanc Synodum jussu Lotharii convocatum scribit, cui in regno Ludovici nulla constituendi potestas erat. Si Bollandum, aliosque consulas, Episcoporum nomina hæc ex ingenio suo Trithemius posuisse videri poterit. Utcunque tamen se ista habeant, id exploratum

fatis, convenisse magno numero zeloque Episcopos Germaniarum & Saxoniarum, non aliter ad Godeschalum, quam ad Elipandum condemnandum; interque hos Baduradum Paderbornensem Episcopum virum ætate, doctrina & sapientia probatissimum adfuisse. Igitur Godeschalcus primum in hac Moguntina Synodo Germaniarum Episcopis palam juravit, se nunquam in Germaniam & Ludovici regnum rediturum; tum Carisiaci in concilio a Galliarum Episcopis & presbyterii gradu dejectus, virgisque cæsus, atque in ergastulum est detrusus, præclaro sane ad posteros documento, hæreses in ipso fomite extinguendas. Nec sane aliis argumentis telisque Patres confixere Godeschalci hæreses, quam quibus nostra ætate Lutheri & Calvinii, aut Jansenii errores expugnati. Quemadmodum id acta conciliorum, scriptaque cæterorum testantur, ut non incongrue erudito libro Godeschalcus redivivus in Galliis sit redditus.

In Moguntina Synodo damnatur.

## Annus Christi 849. &c.

Leonis IV. Pontif. 3. &c. Lotharii Imp. 9 &c. Ludovici Germ. Regis 9 &c. Baduradi Ep. Pad. 35 &c.

Per id tempus Ludovicus Germaniarum Rex Moguntiarum procerum conventum habuit, in quo primum Lotharii & Caroli fratrum, tum Nortmannorum & Sclavorum legati auditi, jussaque gentes in fœdere conquirere, aut fore ut arma Francorum Orientalium Saxonumque in eas converteret. Sed eo perfidi magis Bohemi. Ii superiori anno, cum irruptionem in Germaniam tentarunt, prælio victi a Ludovico filio, & ad pacem fœdusque adacti altero post anno rebellant: ad quos refrenandos ulciscendosque missus a Ludovico Rege validi roboris exercitus Hernusto duce, cui multi comites & Abbates adjuncti. Horum adventu terribi Bohemi pacem & obsides offerunt; quæ cum Reges aspernarentur, malentque hæc armis victores imperare, temere congressi, fœda clade cæduntur, jussique sunt hosti obsides dare; quos accipere poterant.

Annales  
Francorum  
& Fuldenses.

scopos & Sacerdotes; e quorum numero hoc anno 22 Aprilis obiisse traditur Altfrius Monasteriensis Episcopus post D. Ludgerum, & Gerfridum consanguineos Episcopos. Corpus Werthinam delatum, ibique inter ceteros consanguineos Episcopos ad caput Hildegimi Halberstadienfis Episcopi humo intectum. Scripsit vitam D. Ludgeri eleganti stylo magnoque judicio, quam tamen imitatione virtutum multo pulchrius expressit, dignus etiam, cujus res gestæ, quod cum Gerfrido Episcopo neglectum, scriberentur. Vir enim a primis adolescentiæ annis in clero educatus, vitam exinde per innocentiae mores, litterarum studia, cultum religionis, & docendi labores exegit; quibus meritis, ut Gerfridus Episcopus eum cœnobio Werthinensi regendo præfecerit, ac suum Successorem designarit. Episcopus omnium virtutum exemplo fuit conspicuus, qualis tum aurea Episcoporum ætas per Saxoniam ferebat, Badurado etiam tam vicinitate diocesis, quam familiaritate conjunctissimus. Cetera quæ habentur

Fasti Monast.  
Cincinnati in vita  
Ludg. c. 92.  
Cranzius lib. 3. Meo  
trop. c. 25.  
Wittus in chron. MS.  
Kerfenbrok. in MS.  
Episcop.  
Monast. fastis.  
Olivus Altfriidi III.  
Monaster. Episcopi.

Quieta interim Saxonia a Nortmannis cultum religionis ubique florantissimum habuit per egregios Epi-

tur de Wilhelmo hæretico per eum ad sanam fidem reducto, & filia ejus cœlesti pane pasta, quæ exinde sine omni cibo triennium vixit; Fasti Monasterienses recensent: ita post D. Ludgerum Gerfridus & Altfrius consanguinei ex eadem nobilitate Frisia fuere Episcopi,

Sidera Monasteriensis Ecclesiæ, primi- que Conditores, quos ob sanctitatem vitæ posteritas quoque in magna veneratione habuit. Successorem nactus est Altfrius Lubertum virum præstantis doctrinæ & religionis.

## Annus Christi 852.

Leonis IV. Pont. 6. Lotharii Imp. 12. Ludovici German. Reg. 12.  
Baduradi Ep. Pad. 38.

*Annales  
Francorum  
Fuldens.  
Bervarius  
lib. 1. Mo-  
gunt. histor.  
c. 33.  
Concil. ge-  
neral. Paris.  
tom. 21.  
Bervarius &  
alii.  
Iteratur Sy-  
nodus Mo-  
guntia a  
Rabano.*

Anno dehinc quinquagesimo secundo supra octingentesimum Rabanus Moguntinus Archiepiscopus rursus celebrem Episcoporum Synodum indixit, de qua annales Francorum. *Habita est*, inquiunt, *Synodus ex voluntate & præcepto ejusdem serenissimi Principis*, Ludovici videlicet Germaniæ Regis, *in Civitate Moguntia Metropoli Germaniæ, præside Rabano venerabili ejusdem Urbis Archiepiscopo, cum omnibus Episcopis, & Abbatibus Orientalis Franciæ, Bojariæ, & Saxoniæ.* Celeberrima synodus, ad quam tot Provinciarum Episcopi conveniunt; interque Saxoniæ Episcopos Baduradum interfuisse dixerim; quamquam nomina præsentium nusquam repererim, quando ne acta quidem concilii supersunt. Causam convocati tanti concilii paucis Francorum Annales memorant; nempe ut quæstiones vel in superiore Moguntina synodo, vel hac ipsa propositæ Episcoporum judicio absolverentur. Ludovicus enim Rex Germaniæ, in quo Caroli M. religio & bellica virtus spirabat, Ecclesiam post bella civilia optima cleri, populi- que disciplina, & Rempublicam suis legibus justitiæque formatam voluit. Quam in rem ipse quoque per id tempus Moguntia diversum separatumque Optimatum conventum habuit: *Rex enim*, addunt Francorum Annales, *cum Principibus & Præfectis provinciarum publicis causis litibusque componendis insistens, postquam synodalia eorum decreta suo judicio comprobavit, & legationes Bulgarorum Sclavorumque audivit & absolvit, Bojariam reversus est. Ubi ordinatis & dispositis, quæ videbantur necessaria, sine mora rediens per alveum Rheni fluminis navigio venit Coloniam. Ubi cum quibusdam ex Lotharii fratris principibus habita locutione, in Saxoniam profectus est, ob*

*eorum vel maxime causas judicandas, qui a pravis & subdolis iudicibus neglecti, & multimodis, ut dicunt, legis suæ dilationibus decepti graves patiebantur injurias. Suberant & aliæ causæ, quæ ipsum regem attingebant, possessiones videlicet ab avita vel paterna proprietate jure hereditario sibi derelictæ, quas oportuit ab iniquis pervasoribus iusta repetitione Domino suo restitui. Igitur in loco, qui appellatur Nimia, super amnem, quem Cornelius Tacitus scriptor rerum a Romanis in ea gente gestarum, Visurgim, moderni vero Wisuracka vocant, habito generali conventu, tam causas populi ad se perlatas iusto absolvit examine, quam ad se pertinentes possessiones Juridicorum gentis decreto recepit. Quem hic locum Mimiam appellant Annales, cum alii Niemium oppidum in diocesi Paderbornensi, alii Mindam, alii Remam pagum ad confluentes Warræ & Visurgis designant, quod in Ripa Visurgis nullibi Nimia reperiatur. Verum qui foundationem Cœnobii Bursfeldensis ad Visurgis ripam inspexerit, (de qua nos ad an. Christi 1093 agemus) reperiet Villam Mimende, in qua Cœnobium illud conditum sit. Igitur ut locus ille post Mimide, Mimida, Mimete & Mitida; ita olim Nimia & Nimida, hæc Neimide appellatus fuerit; requirendusque potius ad superiorem Visurgis ripam infra confluentes Werræ & Fuldæ in Ducatu Brunswicensi, atque ipsum celebris Bursfeldensis Cœnobii fundum. At Ludovicus, postquam in Westphalia in publicis conventibus, Caroli M. patrisque exemplo, pro tribunali jus dixerat, ipsaque etiam præfectorum judicia aut convertisset in melius, aut castigasset; per Angros, Harudos, Suabos, ut Francorum Annales perhibent, perque omnes Saxoniæ provincias & Thuringiam conventus iudicando habuit. Ita vero Ludovicus*

*Et comitia  
habentur a  
Ludovico.*

dovicus postquam per tot synodos Ecclesiasticas disciplinas instaurasset, duabus præterea rebus, quæ optimorum Regum sunt, fortitudine videlicet bel-

lica & iustitia, Germaniæ Saxoniamque Regnum non modo domi quietum ac florens, sed ab hostibus exteris intactum conservavit.

## Annus Christi 853. &c.

Leonis IV. Pont. 7. Lotharii Imp. 13. Ludovici Germ. Reg. 13.  
Baduradi Ep. Pad. 39.

Nortmanni  
Galliam  
populati  
multis ar-  
mis concin-  
duntur.  
An. Franc.  
928.  
Lugio.

Hoc anno Christi 853, Nortmanni infestissimi Christianorum hostes arma convertere in Franciam occidentalem ac Caroli Calvi Regnum, & classe per mare invecata in Ligerim, urbes Nantem, Andegavos, Turones occuparunt, & celeberrimam D. Martini Basilicam flammis absumpserunt, tam late exinde quam impune prædiis, incendiis, & cædibus grassando. Frisiam vero non sunt ausi attingere, quod eam Roricus Haraldi Danorum Regis frater, religione Christianus, acriter terra marique tueretur, & classe pyratice ipsos etiam Danos infestaret, prohiberetque a Saxonum & Frisonum finibus: dum haud multo post Nortmannorum Regnum bello civili scissum, revocatisque ex Gallia Nortmannis, \* Ericus & Gutorinus internecino gentis prælio decertant. unico tantummodo puero regis stirpis superstite. Vidisses tam barbaram gentem, quæ per 20 annos misere Galliam, Angliam & Frisiam vastarat, Saxoniamque afflixerat, suis se armis confecisse.

\* al. Ho-  
rich &  
Gadwyn.

Ludovicus  
confirmat  
donationes  
factas Cor-  
bejenfibus  
& Herivordien-  
sibus.

Interim Ludovicus Germaniæ Rex, inter cetera munificentiae & disciplinæ sacrae procurandæ argumenta, insigni diplomate Corbejenfes decoravit, eaque, quæ a Ludovico patre Imperatore Corbejensi & Herivordienfi monasterio donata erant, rogatu Warini Abbatis, confirmavit. Id diploma licet a Cleinsorgio germanico idiomate vulgatum sit, multique ejus meminerint; nemo tamen hætenus ex latino autographo, quod ad fidem integram poscebatur, publici juris fecit. Quare uti cum Ferdinando Episcopo e tabulario Herivordiensium communicatum est, ita hic integrum reddimus.

In nomine Sanctæ & Individuæ Trinitatis. HLudovicus divina favente gratia Rex. Si petitiones Servorum Dei justas & rationabiles ad effectum perduxerimus, & ad humanam vitam felici-

ter transigendam, & perpetuam feliciter promerendam, procul dubio nobis profuturum speramus. Quapropter notum esse volumus quomodo venerabilis Abbas Warinus adiit Excellentiam nostram suppliciter orans, ut nostra munificentia prospiceremus monasteriis illi commissis, quorum unum est monachorum nova Corbeja nominatum, ubi & ille primum regulari electione Abbas extitit, & alterum est Sanctimonialium Herifordt dictum, & propriæ Abbatis, cujus nomen Addila, subjectum, sed juxta consuetudinem, quod ancillarum Dei congregationibus procurari solent præpositi ex Ecclesiastico ordine, jam dicto Abbati commendavimus, ut tam in disciplina Abbatissam juvare, quam in cunctis negotiis, quæ famulæ Christi pro sexu & professione sua exequi non possent, ipsarum provisor & patronus existeret. Is ergo petiit Celsitudinem nostram recordari, quod piæ memoriæ genitor noster HLudovicus Imperator ambo hæc monasteria exstrui jussit, ad normam videlicet præcipuorum in Gallia monasteriorum, Novam utique Corbejam ad similitudinem antiquæ Corbejæ, Herifordense vero cænobium ad exemplum monasterii Sanctimonialium in Sueffonis Civitate existentium, & ut in elemosinam suam hac totius generis sui institutionem earundem perfectio expleretur, cellam juris sui, quæ vocatur Mepia, cum decimis & possessionibus undique ad eam pertinentibus, & Ecclesiam Eresburg, quam avus noster Carolus primo exstruens in Saxonia decimis dotavit, circumquaque habitantium per duas Saxonicas ristas præfatus noster genitor ad novam Corbejam tradidit, ad herfordiensis autem monasterii adjumentum dedit, in episcopatu quidem Osna-brugensi ecclesiam bugimthi cum subjectis sibi ecclesiis, in parochia vero minigerfordensi ecclesiam breni cum his, quæ ad eam pertinent, ecclesiis. Ita sane ut decimarum aliorumque reddituum proventiones præfatis cederent monasteriis,

riis & ab ipsis vicissim procurentur subiectæ plebes in baptismo, in eucharistia, in sepulturis, in confessione peccatorum audienda. Et presbyteri, qui principales ex his ecclesias tenerent, archipresbyterorum officio fungerentur ad agenda omnia, quæ solent fieri ab Archipresbyteris Episcoporum. Cum autem ipsi Episcopi circationes suas ibi agere deberent, ad eorum mansionatica daretur, quod in capitularibus antecessorum nostrorum præscriptum habetur. Nos igitur rata esse volentes cetera omnia, tantum expensas ad ministerium episcopi propter ægritudinem & senectutem ei, quæ nunc est gozberti augere debemus, id juxta petitionem sæpe dicti Abbatis Warini ita moderari placuit, ut descripto, quantum satis sit ad servitium episcopi, hoc nullo modo subtrahatur, & episcopus vicissim ampliora non requirat, nec cum pluribus veniat, quam ut eis sufficere possint. In quibus satis esse consensit præfatus Episcopus coram no-

bis, & archiepiscopo nostro HRabano ceterisque cum eo in synodo agentibus. Item ut dentur ad singulas Ecclesias porci quatuor valentes singuli denariis duodecim, & octo arietes, qui eadem pene summa, quod quatuor porci æstimarentur, tres porcelli, quatuor auctæ, octo pulli, viginti situlæ de medone, XX de mellita cerevisia, XL de non mellita, CXX panes, C. modii de avena, manipuli DCti, sitque in potestate Episcopi utrum hæc per singulas Ecclesias ad unam mansionaticam, an ad duas velit habere. Ne autem in summa debiti his plus aut minus complectatur, hoc auctoritatis nostræ præcepto cum consensu sinodali decernimus atque jubemus. His etiam adjungere placuit liberam utrique loco concessionem eligendæ de propria congregatione in regimen suis per futura semper tempora congruæ personæ. Et ut omnis hinc dubietas tollatur, manu propria hæc roborantes annuli nostri impressione signari jussimus.

Signum

HLudovici Serenissimi Regis.

Hadelbertus Subdiaconus ad vicem Baldrici Abbatis recognovi. Data XI. Calend. Junii Anno Xmo regni gloriosissimi Regis HLudovici in Orientali Francia regnantis Indict. I. Actum in palatio regio Franconofordt in Dei nomine feliciter Amen.

Qui in hoc diplomate annus regni orientalis Franciæ adscribitur, is ab anno 844 ducitur, quo ex divisione regnorum inter fratres Virduni facta regnum suum confirmatus adiit, secus quam in aliis passim diplomatibus, in quibus exordia regni Ludovici ab anno 840 ducuntur, quo Ludovicus ipse sibi regnum Franciæ Orientale vendicavit. Herivordienſe quoque Sanctimonialium virginum monasterium Warino Abbati commendatur, quantum ad disciplinam sacram attinet, quamvis locus intra jurisdictionem sacram Episcopi Paderbornensis assertus, & hæc ipsa administratio ad Ecclesiastici ordinis præpositos, ut Ludovicus agnoscat, spectaret. Sed hoc datum Warino Abbati, dissimulante Badurado Episcopo. Legas quoque in hoc diplomate Gosbertum Osnabrugensem Episcopum

successorem Goswini debilitate & senio prægravem, cui tamen Erwinus in Chronico suo Goswinum antecessorem ad annum 866 superstitem scribit, five jam ille exauktoratus vixerit hæcenus Fuldæ inter monachos, five jam ante etiam extinctus fuerit. Quærit Cleinsorgius cur inter annonam, & portiones Episcopi visitantis Ecclesias nulla vini portio assignata, cum cetera tam large præbeantur; nec aliam causam reperit, quam quod vini usustum nondum per Saxoniam invaluerit. Ceterum annales Francorum hoc anno duorum Episcoporum Saxoniorum obitum tradunt, Hemmonis seu Haymonis Halberstadiensis Episcopi v. Calend. Aprilis extincti, cui Hildegimus junior subrogatus; tum Hartuardi Mindensis Episcopi xiii. Calend. Octob. sublato, cui Theodoricus successit. Viri omnes

Obitus  
Episc. Hay-  
monis Hal-  
berst. &  
Hartuardi  
Mindens.

inte-

integritate vitæ & Apostolica virtute commendati. Memorabile, quod de Ruthardo monacho, Rabani & Strabi auditore, scribit Meginfridus in Chron. Fuldensi, cui cum post obitum Haymonis Episcopi Ludovicus Germaniæ Rex ob præclaram doctrinam & virtutum famam Episcopatum Halberstadi-

ensem obtulisset, ut videlicet Haymoni monacho succederet & ipse monachus, libere respondit, da Episcopatum alteri, qui idoneus sit, ego religiosa vitæ quietem, & studium scripturarum omnibus mundi honoribus antefero; digna sapiente vox.

Ruthardus  
Monastii  
cam vitam  
præfert Episcopatu  
Halberstadiensi.

## Annus Christi 855.

Benedicti III. Pont. 1. Lotharii Imp. 15. Ludovici Germ. Regis 15. Baduradi Ep. Pad. 41.

Subinde Lotharius Imperator tandem rerum humanarum ultro se exiit imperio, & in Prumiense monasterium secedens, e manibus Egilonis Abbatis sacrum religionis habitum sumpsit; positaque capitis coma, in Monachum attonsus est, abdicato principatu nobilior, quam administrato. Paterna hæreditas in tres filios divisa; Imperium cum Italia penes Ludovicum natu maximum mansit. Carolo cum parte provinciae Burgundia: Lothario denique Lotharingia; vetus videlicet Austrasia cessit, unaque Frisia hæctenus Austrasiæ Regno inclusa. Ægre tulere Principes & Optimates imperium cum Ludovico in Italiam transferri; eo Lotharium Francofurtum deduxere ad Ludovicum Germaniæ Regem, sollicitantes, liceret sibi ejus consensu Lotharium Imperatorem deligere. At Ludovicus Rex cum ex eo novum civilium bellorum fomitem vereretur, & pacem bello ante haberet, abnuitt; quanquam & Lotharius nuptiis adulterinis cum Walrada pollutus, nihil Imperatore dignum ostenderit. Dignior Imperio ipse Ludovicus Germaniæ Rex, qui per id tempus bella gerebat adversus Sclavos & Bohemos, unusque sustinebat majorum gloriam, nec minus erat religione in Deum, munificentiaque in Ecclesiam illustris. Ex quo fonte liberalitatis nova rursus Corbejensibus facta donatio, quam hic adscribimus.

In nomine sanctæ & Individuæ Trinitatis H. Ludovicus divina favente gratia Rex. Si liberalitatis nostræ munere de beneficiis a Deo nobis conlatis locis Deo dicatis aliquid conferimus, id nobis & ad mortalem vitam feliciter transigendam, & ad æternam perpetualiter obtinendam profuturum liquido credimus. Idcirco notum fieri volumus omnium fidelium nostrorum tam præsentium, quam & futurorum sagacitati, quia petente atque

suggerente Warino venerabili Abbate, qui monasterium, quod dicitur nova Corbeia, nostra concessione in regimine habere dinoscitur, quod piæ memoriæ genitor noster constructi iussit in honorem Dei, & sancti Protomartyris Stephani, ubi & S. Viti Martyris pretiosa pignora servari noscuntur, complacuit Celsitudini nostræ quandam cellulam juris nostri vocatam Fischbaki, quæ est constructa in pago Leri, memorato monasterio adungere, atque per hanc nostram auctoritatem ei tradere, ut perpetuo sub ejus ditione, cum omnibus ad se pertinentibus & aspicientibus consistat. Hanc ut diximus cellulam sub integritate, cum omnibus rebus, appendiciis & terminis suis, & cum omnibus ad se pertinentibus, id est, Basilicis, domibus cæterisque ædificiis Decimis, silvis, campis, pascuis, aquis aquarumve decursibus, cultis locis & incultis, mobilibus rebus, & immobilibus, mancipiis diversi sexus & ætatis memorato monasterio subditam esse facimus, atque per hanc nostram auctoritatem ita condonamus atque tradimus, ut in jure ejusdem, ac Monachorum inibi per tempora Deo deservientium in diversis necessitatibus ad divinum cultum propensius exequendum absque cujuslibet diminutione, aut retractione permaneat. Et nullus fidelium nostrorum ab eorum dominatione vel potestate eam quoquo modo auferre, aut in aliam quamlibet partem quacunque occasione transferre præsumat; neque ullus Judex publicus, vel quilibet exjudiciaria potestate in Ecclesias, aut loca, vel agros, seu reliquas possessiones memoratæ Cellulæ, quas præsentis tempore in quibuslibet pagis & territoriis habet, ac deinceps ibidem conlatæ fuerint, ad causas judiciario more audiendas, aut fidejussores tollendos, aut homines ipsius cellulæ, tam ingenuos, quam & \* Latos distringendos, aut ulla redibitiones, aut illicitas occasiones requirendas ullo unquam tempore ingredi audeat, vel ea quæ supra memorata sunt, penitus exigere præsumat. Sed liceat memorato Abbati sub immunitatis nostræ auctoritate successoribusque ejus & Monachis in memorato monasterio per tempora degentibus, jam dictam cellam cum omnibus ad se pertinentibus vel aspicientibus, ad Dei & Domini nostri JESU Christi famulatum diligentius peragendum absque cujusquam con-

\* Latos, five  
Litos Latio  
dos.

N

tra-



trarietate uti, & quaecunque ad suos in Domini nostri JESU Christi militia usus & necessitates pertinent, ordinare, disponere, justeque efficere. Quatenus pro pii genitoris nostri animæ salvatione, & pro Nobis & conjuge proleque nostra, & pæce nostra ac stabilitate totius Imperii a Deo nobis commissæ alacrius eos indefinenter Domini misericordiam exorare delectet. Hanc quoque commotionem subungere curavimus, ut præfatus Abbas, ejusque per tempora Successores pro-

videant de præfata cellula, ne aliquando negligatur in divino cultu, neque cuilibet personæ in beneficium tribuatur, sed potius procuraretur, ut ibi in perpetuum Dei cultus perseveret, & ad præfati monasterii monachorumque ibidem Deo servientium usus & necessitates perpetuum prospiciat. Et ut hæc nostra auctoritas inviolabilem & inconvulsam obtineat firmitatem, manu propria subter eam firmavimus, & annuli nostri impressione assignari jussimus.

Signum



HLudovici Serenissimi Regis.



Hadebertus Subdiaconus ad vicem Baldvici Abbatis recognovi. Data XIII. Calend. Aprilis. Anno XXIII. Serenissimi Regis HLudovici in Orientali Francia regnantis. Indictio III. Actum in Villa Lipingas in Dei nomine feliciter Amen.

Integrum diploma, nisi quod in anno regni Orientalis error intervenit ex scriptorum vicio, nam quod Cleinsorgius retulit, annum Ludovici Regis XII. exhibet, id vero, quod ex Corbejenfibus tabulariis accepimus, an-

num Ludovici Regis XXIII præfert; ex Indictione tamen tertia in Corbejenfibus adscripta, ad hunc annum referre visum, qui Regni Orientalis Franciæ passim XV notatur.

## Annus Christi 856.

Benedicti III. Pont. 2. Ludovici II. Imp. I Ludovici Germ. Reg. 16. Baduradi Ep. Pad. 42.

Quoquo tandem anno, quod modo adduximus, diploma datum sit; certe Corbeja ad Visurgim sub Warino Abbate per hoc tempus florentissima fuit, quæ præter tot apostolicos Viros, Ansharium Hamburgensem, & Bremensem Archiepiscopum, Alfridum anno 845 Hildefensem Episcopum, & hoc etiam anno, nisi Leznerius nos fallat, Carolum, Pipini Aquitaniæ Regis filium, Moguntinum Antistitem submisit, qui Rabano ejusdem Sedis Archiepiscopo, die IV Februarii e vivis sublato, succederet.

Obitus Warini Corbej. Abbatis. Chron. Corb. Meib. Chr. Corbej. Memb. vet.

Demum & ipse Warinus, primus Corbeiensium Abbas, alterque post Adelhardum conditor, postquam triginta annis & quatuor mensibus monasterium administrasset, VI. Cal. Octob. ad immortalem vitam transiit. Vir ex illustri Francorum comitum familia ortus, doctrina, sapientia, disciplina monastica, fervore religionis, & vitæ integritate inter sanctissimos ejus sæculi Præsides numerandus; quibus cum sibi

Ludovicum Pium Imperatorem, Ludovicum Regem Germaniæ, ceterosque regios fratres intime demereret, Corbeiam horum donationibus bonisque ita auxit, ut ex inope cœnobio Episcopi patrimonium reliquerit.

Non cessabant inter hæc a vastationibus finitimi superioris Germaniæ populi. Quare Ludovicus, collecto Augusto mense exercitu, in hostes movet; adjunctisque sibi Soraborum Ducibus, dum per eorum terras iter facit, Dalmatas aggreditur; quos & felici successu superat, & post acceptos ab eis obfides, ad tributa deinceps pendenda cogit. Inde Bohemorum Regnum transit, eodemque prospero eventu, præter complures ad obsequium adactos, nonnullos ex illorum ducibus in dedicationem accipit. Nec tamen adeo fortunatæ hæc Ludovici expeditiones fuere, ut non plures qua Comites, qua inferioris fortis milites sint desiderati, de quibus pluribus Annales Francorum ad hosce annos.

Ann. Franc. Tuld.

Annus

## Annus Christi 857.

Benedicti III. Pont. 3. Ludovici II. Imp. 2. Ludovici German.  
Reg. 17. Baduradi Ep. Pad. 43.

Exin Carolus Moguntinus Archiepiscopus, Rabani successor, altero statim auspici muneris anno, in Octobri frequentem Episcoporum Synodum habuit, in qua præter Alfridum Hildesensem Episcopum, qui præsentibus fuerint, nihil ex annalium memoria accepimus; ut nec de Baduradi accessu quidquam certi asserere liceat. Multa in ea synodo ventilata sunt de jure & libertate Ecclesiæ. Allata quoque a Gunthario Colonienfium Antistite epistola ad Alfridum scripta, lecta que coram; qua referebatur ingens & terribilis tem-

pestas, quæ XVII. Calend. Octob. Colonienfem urbem concusserit, populo ob horrorem ad Basilicam confugiente tanquam istic tutior futurus esset; cum repente fulmen ignei Draconis instar illapsum in Basilicam, tectum & fornices scidit, unoque ictu tres homines, presbyterum juxta S. Petri, Diaconum ad altare S. Dionysii, & civem ad altare B. Virginis prostravit; sed præterea exanimis elati. Crebra super hæc prodigia memorantur in Francorum Annalibus.

## Annus Christi 858.

Nicolai Pont. I. &c. Ludovici II. Imp. 3. &c. Ludovici German.  
Regis 18. &c. Baduradi Ep. Pad. 44. &c.

*Ann. Franc.*  
Ludovicus  
quadrupli-  
ci exercitu  
hostes do-  
mac.

Prosperè interim pugnabat Ludovicus Rex Germaniæ adversus Slavos, Moravos, Bohemos, Dalmatas; cæptumque antea bellum multo acrius hoc anno resumptum & quadruplici exercitu itum in hostes: Barbarique hi vel ad pacem, vel ad obsequium redacti. Ad singulos populos cohibendos præfecti limitum, quos Marchiones dicimus, impositi. Carolomannus filius in Carinthia Pannonicos limites custodire jussus; Ludovicus filius trans Albim adversus Abotritos cum exercitu missus, gentem illam rebellantem compressit; quo ex bello duni victor rediit, divertitque ad Ludolphum Saxonie Ducem, filiam ejus Ludgárdam solemnè pompa sibi in matrimonium jungit. Ipse Rex in Germania mansit, pacis studiis cum Carolo fratre Galliæ, & Lothario nepote Lotharingiæ Rege intentus. Quam in rem festis paschalibus Francofurti celebratis, Confluentiam descendit, quo cum Lotharius colloquium non veniret, mense Junio Francofurtum rediit.

*Bremensis  
& Hambur-  
gensis Epi-  
scopatus  
Conjunctio  
Pontificis  
auctoritate  
stabilitur.*

Hoc demum anno Nicolaus Pontifex pro summa auctoritate Bremensem Episcopatum Hamburgensi conjunxit, id quod toties hætenus agitatum, obnitente Colonienfi Archiepiscopo; simulque S. Anscharius, ac Successores Bremenses Archiepiscopi, & Legati

Apostolici per Regna Danorum, Sueonum, & Sclavorum nominati, urgente id demum Ludovico Germaniæ Rege ob necessitates Septentrionalium Regionum, & spem magno fructu dilatandi Evangelii, quodque longius abessent Colonienfes Archiepiscopi, quam ut oculos & curas in hoc opus intendere possent. Et quo nunc Regna hæc per hæresin reciderunt, quæ tanto Ludovici pii Imperatoris, Ludovici Germaniæ Regis, Anscharii Archiepiscopi, & tot Apostolicorum virorum labore parta sunt?

*Adam. Bres-  
mensis.  
Baronius.  
Vita Ans-  
charii c. 20*

Sub id tempus Baduradus Episcopus Francofurtum ad Ludovicum Germaniæ Regem, Procerumque conventum inter Regni primores, & Consiliarios evocatus accessit: ibi cum publici boni causa versatur, simul diocesis suæ causas egit; & quia jam senio urgebatur, ex quadragesimo tercio Episcopatus anno, sollicitus cum primis fuit de privilegiis sui Episcopatus, quæ partim a Carolo M. partim a Ludovico Imperatore data erant, a Ludovico quoque Germaniæ Rege confirmandis; atque id cum Regi exponeret, magnificum sane confirmationis diploma hic dedit, Ludovicus Rex, petente Baduradus, privilegia Ecclesiæ Paderbornensis confirmat.

N 2

fide,

fide, ac deinde a patre Ludovico Imperatore Episcopatu imponit, fidum sibi haud minus, quam patri noverat: diploma a Ferdinando Episcopo primum erutum e latebris sic habet.

*In nomine Sanctæ & Individuæ Trinitatis. Ludovicus divina favente gratia Rex. Si liberalitatis nostræ munere loca Deo dicata, & necessitates Ecclesiasticas per petitiones Pontificum atque Sacerdotum nostro relevamus munimine atque tuemur juvamine, id nobis & ad mortalem vitam temporaliter transigendam, & ad æternam obtinendam profuturum liquido credimus. Quapropter noverit sagacitas seu utilitas omnium fidelium sanctæ Dei Ecclesiæ nostrorumque tam præsentium quam futurorum qualiter venerabilis Episcopus, fidelisque noster Batheradus nomine veniens in procerum nostrorum præsentiam obtulit obtutibus nostris præceptum Domini ac genitoris nostri Ludovici Serenissimi Imperatoris, quod ipse facere iussit per petitionem præfati venerabilis Episcopi ad locum, qui vocatur Paderbrunno, constructum in honore sanctæ Mariæ semper Virginis & sancti Kiliani, in quo præcepto continebatur immunitas atque defensio seu tuitio domini Imperatoris genitoris nostri supra prædictum locum, sed pro integra firmitate ac securitatis studio præfatus venerabilis Episcopus Batheradus deprecatus est mansuetudinem nostram, ut ipsam defensionem atque tuitionem per nostræ mansuetudinis præceptum renovare dignemur, cujus petitioni ob amorem Domini mei JESU Christi & reverentiam prænominati venerabilis Episcopi seu animæ nostræ remedium libenti animo*

*assensum præbentes tale auctoritatis præceptum ad ipsum sanctum locum fieri decrevimus, quatenus sub quali defensione domini genitoris nostri fuit, ita deinceps sub nostra tuitione & immunitatis defensione cum omnibus ad se juste & legaliter pertinentibus permaneat. Præcipientes ergo jubemus ut nullus iudex publicus vel quislibet ex judiciaria potestate in Ecclesias aut loca vel agros seu reliquas possessiones memoratæ Ecclesiæ, quas moderno tempore infra ditionem regni nostri legibus possidet, vel quæ deinceps in jure ipsius loci voluerit divina pietas augeri ad causas judiciario modo audiendas, aut freda exigenda, aut mansiones, vel paratas faciendas, aut fidejussores tollendos, aut homines ipsius Ecclesiæ contrarationem distringendos, nec ulla redibitiones vel illicitas occasiones requirendas ullo unquam tempore ingredi audeat, vel ea omnia quæ supra numerata sunt penitus exigere præsumat, sed liceat memorato Episcopo suisque successoribus res prædictæ Ecclesiæ cum omnibus, quæ possidet, quieto ordine possidere & nostro fideliter parere imperio: quidquid vero fiscus exinde sperare potuerit, totum nos pro æterna remuneratione prædictæ Ecclesiæ ad stipendia pauperum & luminaria concinnanda concedimus, quatenus melius delectet Clericos in eadem sede degentes pro nobis Coniuge proleque nostra Domini misericordiam exorare. Hæc quippe auctoritas ut plenior in Dei nomine obtineat vigorem & a fidelibus sanctæ Dei Ecclesiæ ac nostris verius credatur & diligentius observetur, manu propria nostra subter eam firmavimus, & annuli nostri impressione adsignari iussimus.*

Signum

POES  
LLE

HLudovici Serenissimi Regis.

*Walto Subdiaconus ad vicem Witgarii Cancellarii recognovi. Data XI. Calend. Junii Anno Christo propitio XVIII regni Ludovici Serenissimi Regis in Orientali Francia regnantis Indict. VI. Actum Franconofurd palatio regio in Dei nomine feliciter Amen.*

Ex hisce tabulis Ludovici Germaniæ Regis, ut cetera prætermittam, plane conficitur, Baduradum adhuc anno 858 superstitem fuisse; errorisque convincuntur Bruschi, Kerssenbrochi-

us, Cleinsorgius, ceteri omnes, qui Baduradum anno 852. obiisse scribunt. Vixit exinde Baduradus in sequentem annum 859, quo in Septembri excessit e vita; successitque Luthardus, qui cum

Baduradi  
Ep. Pad.  
obitus &  
encomium.

cum per xxvi annos referatur præfuisse ab Auctore vitæ Meinweri, Gobelino, aliisque, a cujus statim obitu, cum Biso Luthardi Successor corpus Baduradi elevarit, anno videlicet a morte Baduradi xxvii., ut in vita Menulphi scribit Sigewardus, conficitur hic annus mortis Baduradi. Vixitque in Episcopatu annos 45; secus quam Auctor vitæ Meinweri, & Gobelinus ad annum 48 extrahunt. Sed unde hic error illis obrepserit, exposuimus in Hathumaro. Certior dies mortis, xv. Calend. Octob. consignatus in necrologio Herisfensi & Abdinghoviano.

Quoquo tandem post hæc anno obiisse dixerimus Baduradum; dignus certe omnium annalium & posterorum memoria Episcopus fuit. Inter primos ille delibatos Saxonie Christianæ flores, e nobilitate obses a Carolo acceptus, excultusque in clero, ac secundus post Hathumarum Paderbornensis Episcopus, diœcesin ab Idolorum cultu integre purgatam formatamque in Christiana religione reliquit. Ab eo templum ubique & sacræ ædes exstructæ, interque prima hæc opera Basilica Paderbornensis Ecclesiæ perfecta est, & xiv. Calend. Novemb. solemniter ritu dedicata; collegium Canonicorum tam cleri disciplina, & numero, quam Gymnasio studiorum & patrimonii sacri bonis florentissimum habuit. In quam rem plurimum contulit auctoritas, qua pollebat apud Ludovicum Pium Imperatorem, cui ille non modo consiliis,

sed & legationibus inter civilia filiorum bella, ut diximus, fidus adstitit; eratque tum illo inter Saxonie Episcopos, vix aliquis aut sapientia præstantior, aut gratia apud Ludovicum potentior. Eadem post auctoritate valuit apud Lotharium Imper. & Ludovicum Germanie Regem, magno diœcesis bono & patrocinio; ut qui ita publicis sese palatinis negotiis permetteret, ut diœcesis, cleri, populique disciplinam ante omnia haberet. Illo Episcopo diœcesis tribus monasteriis decorata, Corbejensi Herivordensi, & Budecensi; utque Divorum etiam patrociniiis eandem præmuniret, D. Liborii, & Landelini corpora ex Gallia in eam intulit. Multis præterea rebus præclare ad senium gestis memorandus foret, si tum Scriptorem suum nactus fuisset: hæc ex Francorum annalibus, aliisque petenda fuerunt. Pulcherrima omnium ornamenta fuere, vitæ integritas, indefessus labor, modestia, zelus christianæ religionis, liberalitas in egenos, caritas in omnes, quibus ea sanctimonie fama vivus illuxit, quam ab obitu comprobavit. Nam cum post annos xxvii. Biso Episcopus ejus tumulum aperiret, quibus corpus ejus indutum involutumque erat, adeo integræ sunt vestes repertæ, ut ne fimbria quidem putredinis notam contraxerit: quod scriptor vitæ D. Menulphi ejus sanctitati adscripsit. Sepultus autem erat in Basilica Paderbornensi, quam ipse absolverat, in qua multo post honorificentius ossa ejus ab Imado Episcopo cum ceteris elevata diximus.

*Brevioribus  
in fid. illuf.  
vita D. Menulphi.*





# ANNALIUM PADERBORNENSIIUM

LIBER III. •

**B. LUTHARDUS III.**  
**BISO IV.**  
**THEODORICUS V.**  
**UNWANUS VI.**  
EPISCOPI PADERBORNENSES.

**B. LUTHARDUS III.**  
EPISCOPUS PADERBORN.  
Annus Christi 860.

Nicolai Pont. 3. Ludovici II. Imp. 5 &c. Ludovici German.  
Regis 20 &c. Luthardi Ep. Pad. 1. &c.

Luthardus  
ex nobili  
Saxone ter-  
tius Pad.  
Episcopus.



ublato e vita mortalium Ba-  
durado successit Luthar-  
dus Episcopus. Nomen  
scriptores aliquantulum  
variant: ab aliis enim Lindevardus, aliis  
Lintwardus; in diplomatis, Imperato-

rum passim Liuthardus, & Luitharius  
scribitur, tanquam in Lotharii nomen,  
quod multis cum Lothario Imperatore  
ac Rege commune erat, conveniret.  
Utrumne a Ludovico Germaniæ Rege  
nominatus impositusque, an a clero Pa-  
der-



derbornensi sit electus, inter incerta reliquit vetustas. Liberam quidem eligendi potestatem Luthardo dedit Carolus Crassus Imperator, uti postea referemus; sed & ante Carolus M. aut certe Ludovicus pius eandem libertatem dedit Clero; quemadmodum hac super re certa lex extat in libris Capitularium. Et jam Hathumarus ac Baduradus ita Collegium Sacerdotum Paderbornæ formarat, ut & idoneis ad Episcopatum viris abundaret, & numero etiam certare posset; neque aliunde petere necesse esset, maxime cum multi per Saxoniam nobilium & dynastarum filii sese in hæc collegia sacerdotum offerrent, qui & optima in clero disciplina imbuti, & omni scientiarum doctrina exculi, & publicis etiam muniis exerciti, clarisque dignitatum gradibus eminebant inter suos. Quo ex numero ipse Luthardus erat; nam genus illi ex illustri nobilitate Saxoniz, quippe qui sororem habuit Walburgem primam Herifensium Abbatissam, quæcum, collatis in unum patrimonii bonis, sacrarum illud virginum monasterium condidit. Vixit in clero cum D. Menulpho ceterisque præstantibus viris in eodem Canonorum cætu & claustro Collegii.

Magna simul sub id tempus per Westphalam æmulatio religionis inter nobiles & antistites in fundandis Sanctimonialium monasteriis; accessit enim post Herivordienfem & Bodecensẽ, Collegium Freckenhorstense, conditum donatumque ab Ewerwodo primæ & opulentæ nobilitatis viro in Episcopatu Monasteriensi haud procul Warendorpio atque Amisi fluvio, pium hoc conditoris opus magnopere approbante Luberto Episcopo. Postquam locus in formam monasterii apparatus provifusque fuit, in eoque Thiathildem adoptivam filiam primam Abbatissam conspexit cum florecente virginum cætu, Ewerwodus abdicata omnium bonorum possessione Fuldæ in cœnobium concessit. Geva uxor subinde se in eundem virginum cætum dedit, in quo sanctissimam cum nepte vitam clausit. Utraque tumulis a posteritate honorata hodieum visitur habitu Canoniarum Virginum spectabilis; Thiatildis etiam, cujus ossa Christophorus Bernardus Episcopus nostræ memoria solemniter

extulit, Divorum numero adscripta, eoque Bollandus, a quo singula hæc exacte perscripta sunt, suis Sanctorum operibus inclusit.

Alterum per id tempus monasterium Hersenbrocensẽ a Walburge nobili matrona & filia ejus Duda ex paternis bonis constructum donatumque post obitum Eccardi nobilissimi per Westphalam viri. Collecto virginum cætu mater & filia idem sacre vitæ institutum amplexæ sunt. Locum, ut donationum tabulæ præferunt, Egiberto Osnabrugensium Episcopo subjecerunt. Uterque Episcopus, Lubertus Mimigardefordensis & Egibertus Osnabrugensis, æqualis tempore mox ex consilio Wormatiensi & Herifensium Virginum tabulis produceretur.

Ad hanc nobilium pietatem & munificentiam accessit ipse Ludovicus Germaniz Rex, & illustre collegium Canonicorum condidit Tremoniz, templumque a se magnifice constructum dedicavit Pantaleoni Martyri; id quod D. anno Colonienfis Archiepiscopus ob bellorum injurias postea Coloniam transtulit. Eodem præterea sacram in suburbio Tremoniz erexit D. Benedicto, certus istuc monasterium ejusdem Divi familiæ condere, ni iniquiora tempora consilium præpediissent. At nihil illustrius hoc anno, quam translatio D. Pusinnæ Virginis ex Gallia in Westphalam & Herivordienfẽ Collegium diocesis nostræ, quam & Deus multis miraculorum signis testatam fecit. Administrabat per id tempus celebre Herivordienfẽ Collegium illustrium Sanctimonialium Virginum Hadwigis regii sanguinis Antistes, quæ cum videret Paderbornam D. Liborii, & Corbejam S. Viti corpore ex Galliis in Saxoniam transvecto illustrari, tantoque Divorum patrocinio præmuniri; misso ad Carolum Calvum Franciæ Regem presbytero, ac fratre suo, petiit a consanguineo Rege corpus D. Pusinnæ Virginis; idque Regis gratia, incolis licet multum reluctantibus, impetravit; quod mox solemniter & honorifico comitatu in Westphalam transportatum est. Nec defuere cœlestium beneficiorum signa, incolis ad sacri pignoris transvectionem confluentibus; quos inter famulus Luberti Mimigardefordensis

Et Hersenbrocensẽ.

Et Canon. corum collegium Tremoniz. *Cleinorg. in chron. & fasti. Trem. apud Diab. & Westhus. Ad translat. S. Pusinnæ ex Herivord. tabulario & MS.*

Translatio S. Pusinnæ ex Galliis Herivordiam.

Fundatur Monasterium Freckenhorstense.

MS. Colleg. Frecken. Bolland. & Gosselinus in Thiathild.

ensis Episcopi, cum ad sacralipsana venerabundus accederet, ope Virginis, qui ante cæcus, surdus, & claudus erat, repente omnium sensuum membrorumque integritati redditus est; quemadmodum hæc Henricus de Hervordia ordinis S. Dominici celebris olim scriptor retulit. Multa hujusmodi patrata, quæ aut temporum injuria, aut hominum incuria subtraxit. Ipsos virginis natales vitamque paucis hic referre interest.

D. Pufinna  
natales &  
eductio.

Vixit D. Pufinna seculo Christi quinto, cum Barbari per Gallias grassarentur, & Alpinus Episcopus Catalaunensem Ecclesiam administraret, in Perticensi ejusdem diocesis pagō. Pater Virginis Sigmarus nobilis Francus, cui conjux erat Luttrudis paris nobilitatis atque opum fœmina, ex qua septem filias hoc ordine suscepit, Immam, Othildem, Luttrudem, Pufinam, Franculam, Liberam & Magenkindem. Filias hasce parentes, qua insigni erant in Deum religione, a primis statim annis domi in omni pietatis cultu formatunt per Eugenium quendam Presbyterum, virum ea tempestate Sanctissimum; ac nihil magis teneris earum animis inspirarunt, quam amare Deum, castitatem diligere, & per contemptiōnem rerum humanarum se domi tanquam in clauetro aliquo continere. Una ergo omnium occupatio erat precibus, lectioni, meditationique rerum celestium vacare: quod reliquum erat temporispuellari manuum opere tractare. Quæ ubi ad maturiorem ætatem pervenere, uno omnes divino spiritu afflatæ votum perpetuæ castitatis animis concipiunt. Id cum parentibus exponerent, læti illi magnopere institutum vitæ commendant laudantque; ac ne inconsulte id agerent, Alpino Catalaunensium Episcopo, dum pro more diocesis docendo & Sacramentum confirmationis impertiendo obit, septem simul filias offerunt; quas ille, cognita earum voluntate & constantia, post emissum castitatis votum Deo consecravit. Inde in paternam domum re-

D. Pufinna  
cum reli-  
quis sorori-  
bus Virgini-  
tatem Deo  
vovet, &  
in domo  
Paterna  
sanctæ vivit

gressas pater tanquam in Collegio Virginum habuit, ac moriens post hereditatem, quam habebat amplissimam, inter filias singulas ex æquo divisit. Castissimam exinde singulæ, ab omni vanitatis consortio disclusæ, sanctissimamque vitam egere; quas inter sanctitate conspectior Pufinna quarto genita: quemadmodum id ex omnium virtutum operibus, quas multis Auctor vitæ perscribit, constare poterit. Eo etiam miraculis post obitum ad sepulchrum ejus patris inclarescere cœpit, novum devotarum Virginum sidus tanto illustrius, quanto etiam extra claustra monialium difficilior mundi delicias non delibare. Quæ cum probe sciret Hadwigis, vitamque Pufinnæ intelligeret quam maxime accommodam imitationi & instituto Sanctimonialium Virginum, corpus ejus incenso desiderio efflagitavit; ad cujus exemplar se ipsam postea sanctitate conspicuam superaddidit; nimirum quæ ab obitu inter Divos a suis culta fuit. Cujus etiam ossa Divorum ritu excepta tumulo, & venerationi proposita fuere ad annum usque 1531, quo Hervordix hæresis Lutherana tumultuari, & sacra omnia profanare cœpit. Qua in perturbatione nobilis Catholica matrona D. Hadwigis ossa collegit, & postmodum Collegio Monasteriensi Patrum Societatis JESU dono obtulit ubi in hunc diem asservantur colunturque. Longe hæc diversa Hadwigis ab Hadwige Poloniæ ducissæ, quæ anno demum 1243 obiit, & Cracoviæ ob vitæ sanctimoniam colitur. Ceterum non facile locum sacrum reperias in Saxonia, in quem plura Sanctorum pignora cumulavit Regum liberalitas ac pietas, quam Herivordienfē Collegium Virginum, quorum multa in hunc diem asservantur etiam sub disparis religionis potestate; ut hæc coram monstrata Ferdinando Episcopo; ex quo thesauro illi dono Elisabethæ palatinæ Antistitis oblatum brachium D. Ambrosii M. & Cunigundæ Imperatricis ac Virginis, quod utrumque avitæ venerationi ab Episcopo redditum est.

D. Hadwi-  
gis Antist.  
Hervord.  
Sanctitas &  
translatio.



Annus

## Annus Christi 862. 863.

Nicolai Pont. 5. 6. Ludovici II. Imp. 7. 8. Ludovici Germ. Reg. 22. 23. Luthardi Ep. Pad. 3. 4.

Secundæ  
Lotharii  
nuptiæ, di-  
milla prio-  
ri conjugē,  
ab aliquot  
Episcopis  
probata,  
a Pontifice  
damnantur  
Ann. Franco-  
corum  
Regino.

At quanta Ludovici Germaniæ Saxoniarque Regis pietate ac studio augebatur religio & Virginum decus, tam pravo foedoque exemplo Lotharius Rex, repudiata Theutberga conjugē, Waldradam inconcesso sibi toro conjunxit. Hæc quia Guntharii Colonienſis Archiepiscopi ſoror, vel, ut alii veriſimilius, neptis, Archiepiſcopus in partes malæ cauſæ attractus a Rege. Is deinde Thietgaudum Trevirenſem Archiepiſcopum, virum leviter eruditum, ignarumque Sacrorum canonum circumvenit, & diſſolvendi matrimonii patronum ſibi adjunxit. Ab his Episcopis Regni Lotharingici primum Aquisgranum, dein Metas convocati, Adventius Metenſis, Atto Verdunenſis, Arnulphus Tullenſis, Franco Leodienſis, Hungarius Trajectenſis, \* Ratbodus Argentoratenſis. Horum pravo corruptoque judicio Teutberga conjugio Regis ſoluta pronuntiatur; factaque eſt Regi Lothario poteſtas ducendi Waldradam. Quæ poſtquam delata ſunt ad Nicolaum Pontificem, cognomento Magnum ob ſapientiam & Chriſtianam fortitudinem, juſſit is Romæ cauſam recognoſci, reciſſaque Metenſis Synodi ſententia, Theutbergam viro ſuo reddi. Magnas res illa turbas & offenſionem dedit in Eccleſia, multisque exhinc annis acerrimo partium ſtudio agitata eſt. Quam ob rem Guntharius & Thietgaudus Archiepiſcopi divortii auctores, altero poſt anno, Romam proſecti, porrectoque ſupplicis libello, juſtis ex cauſis divortium a Lothario factum probare contenderunt. Poſtquam omnia Romæ in concilio Epi-

ſcoporum diligenter examinata, damna- ti non modo Archiepiſcopi, ſed & Epiſcopali munere ſunt exuti, & a fidelium ſocietate ejeſti, ceteris Episcopis, ſi reſiſcerent, venia & reconciliatio promiſſa. Quibus Guntharius & Thietgaudus in furorem acti, virulentiffimam in Romanum Pontificem vulg- arunt Epiſtolam, qua nec a ſchiſmaticis, nec hæreticis, nec barbaris, ut recte Baronius cenſuit, quicquam malevo- lentius ſcribi poterat. Recitant hanc epiſtolam Annales Francorum a Pitheco editi, quam paſſim ab hæreticis noſtri ſæculi, odio in Pontificem, tam avide videas arripi, quam male ſuæ cauſæ patrocinium a ſchiſmaticis & projectis extra Eccleſiam rebellibus flagitiotiſque hominibus emendicare neceſſe habent.

\* al. Ratol-  
dus.

Hoc interim \*anno Luthardus Epi- ſcopus noſter, Eccleſiam S. Pauli, quam Adelgarius Abbas haud procul ab ipſo Corbejenſi cœnobio ad Viſur- gim conſtruxerat, ſoleni ritu conſe- cravit; alteroque ab hinc \*anno Adel- garius Abbas reliquias S. Luitrudis Vir- ginis in eam intulit; Eccleſia vero cleri- cis ſub Præpoſiti adminiſtratione attri- buta eſt. Parochia ſimul hæc Eccleſia fuiſſe creditur in loco veteris Huxta- riæ, uti cœmeterium & cetera monu- menta monſtrant. Poſt vero hæc ipſa Eccleſia ſeu ob Viſurgis alluvionem, ſeu ob incendium vici, quo cœnobium illud afflatum, translatum eſt anno MCCXXX in oppidum Huxtarienſe, in- crevitque in collegium canonicorum, quod inde celebre fuit ad noſtram æta- tem.

\* 863.  
Luthardus  
Ep. conſe-  
crat Eccle-  
ſiam S. Pau-  
li prope  
Corbejam.  
\* 864.  
Vetus MS.  
Corbejenſis.

## Annus Christi 864.

Nicolai Pont. 7. Ludovici II. Imp. 9. Ludovici Germ. Reg. 24. Luthardi Ep. Pad. 5.

Rediere interim ex Italia, ſuperius damnati Archiepiſcopi, animis omnino diverſi. Trevirenſis conſcientia facti admonitus, decreto Pontificis ſe ſub- miſit: perſtitit pertinacior Colonienſis. Poſt ubi Lotharius Rex Pontifici ſcrip- ſit, ſe in omnibus voluntati ejus ac- ceſſurum, & Waldradam pellicem cum

probro ex aula abjecit; tum tandem Guntharius ſe deluſum vidit, eoque denuo Pontifici ſupplex Romam eſt pro- ſectus. Sed Pontifex hominem tam pertinacis ac turbulenti ingenii nec ad Epiſcopi ſedem, nec ad ſacerdotalia munia admittendum decrevit. Inde exutus habitu, ſolaque communione

O

laica

Lotharius  
Pontifici ſe  
ſubmiſit.

Ludovicus  
reconcilia-  
tur cum  
fratre suo  
Carolo.  
Annal.  
Franc. Eul-  
denf.

laica inter profanos ex decreto Pontificis vivere iussus, quo tandem exitu vitam clausit, incertum reliquere scriptores. Nihil Saxoniae Episcopis cum hac causa commune unquam fuit, quibus una cura sub optimo Rege suo erat, pacem colere & religionem firmare. Quin ipse Rex Ludovicus hoc anno ex integro cum Carolo fratre reconciliatus in conventu ad Duficam villam, seu oppidum Thuiskonis, vulgo Towentwist; in quo foedus ictum; quod Ludovicus per Hincmarum Ar-

chiepiscopum Rhemensem & Engilram Comitem, Carolus vero per Luitbertum Moguntinum Archiepiscopum & Altfredum Hildesensem Episcopum tanquam sponsores inviolabile esse voluit. Magna per id tempus auctoritate & sanctitatis aestimatione inclaruerat Altfredus; & quod praesulum fidus Baduradus, inter Saxoniae Episcopos Ludovico Pio Imperatore, id Altfredus Ludovico Germaniae Rege spectabatur.

## Annus Christi 865.

Nicolai Pont. 8. Ludovici II. Imp. 10. Ludovici Germ. Reg. 25.  
Luthardi Ep. Pad. 6.

Ann. Franc.  
orum.

Certa a Lu-  
dovico Re-  
ge praedia  
collegio He-  
rivedo do-  
nantur.

Anno proximo confirmatum de-  
nuo foedus inter Ludovicum Germaniae  
& Carolum Franciae Regem. Atque  
ut Nicolaus Pontifex Lotharium fra-  
trem tertium Regem hoc foedere inclu-  
deret, totumque Imperium in uno  
concordiae vinculo possideret, misit  
Arsenium legatum ad Ludovicum Ger-  
maniae Regem; quem Rex mense Ju-  
nio Francofurti honorificentissime excep-  
pit; salutare hoc Pontificis consilium  
ac studium erat, quo Ecclesiam a bar-  
baris undique imminuentibus praemuni-  
tam haberet. Eo simul mense Rex,  
eodemque in loco Hadwigi Herifordi-  
ensium Abbatissae consanguineae largam  
donationem fecit, quam hic pro insti-  
tuto inferere necesse habui.

*In nomine sanctae & individuae Tri-  
nitatis, HLudovicus divina favente cle-  
mentia Rex. Si enim liberalitatis no-  
strae munere locis Deo dicatis quidquam  
conferimus, & necessitates Ecclesiasticas  
nostro sublevemus iuvamine, atque re-  
gali tueamur munimine, id nobis ad  
eternam vitam feliciter obtinendam  
profuturum liquido credimus. Qua-  
propter noverit omnium fidelium no-  
strorum industria, praesentium scilicet  
& futurorum, qualiter nos ob amorem  
Dei, & remissionem peccatorum nostro-  
rum, atque pro remedio animarum.  
Antecessorum nostrorum, Augustissimo-  
rum Imperatorum, ad monasterium,  
quod dicitur Herivurt, quod est con-  
structum in honore Sanctae Mariae sem-  
per Virginis, situm in Ducatu Saxonico,  
ubi praesentibus temporibus Hadewic Ab-  
batissa & Rectrix esse videtur, quas-*

*dam res proprietatis nostrae in pagis  
Dreini & Boroetra cognominatibus,  
& in Comitatibus Burchardi & Wa-  
rini conjacentes, id est, casas domini-  
catas duas cum territorio dominicali,  
unam scilicet in Selibeim, & alteram  
in Stockheim, nec non & mansos tri-  
ginta pertinentes ad loca praenominata,  
& quidquid dici aut nominari potest,  
quae ad praedicta loca jure pertinere  
noscentur, cum familiis sexaginta, quae  
lingua eorum lazi dicuntur, totum, &  
integrum per hanc nostram auctoritatem  
ad memoratum monasterium perpetua-  
liter in proprium tenendum concessimus,  
& de jure nostro in jus & dominatio-  
nem ejusdem monasterii transfundimus  
& condonamus: ea scilicet ratione, ut  
perpetuo Sanctimonialibus ibidem Do-  
mino jugiter famulantibus in cibariis  
& victualibus reliquisque usibus earum  
per futura tempora Christo propitio con-  
sistant, & in beneficio res ipsae nulli  
concedantur, sed solummodo absolute ad  
mensam earum jugiter deserviant, &  
nullus Successor noster hanc auctoritatem  
largitionis nostrae aliter immutare possit,  
neque ullus publicus Judex, aut aliqua  
judiciaria potestas aliquam molestiam,  
aut contrarietatem in his rebus illis fa-  
cere praesumat; Sed liceat ipsis suas res  
libere & absolute Domino adjuvante,  
& nostra munitione tuente possidere,  
omni judiciaria remota potestate. Et  
ut haec auctoritas largitionis nostrae per  
futura tempora firmior habeatur, & a  
fidelibus nostris melius conservetur ve-  
riusque credatur, subter eam manu pro-  
pria nostra firmavimus, & annuli no-  
stri impressione adsignari jussimus.*

Signum

Signum



HLudovici Serenissimi Regis.

Hadebertus Subdiaconus ad vicem Vuitgarii Cancellarii recognovi & ff.

Data Idus Junias, anno Christo propitio \* XXVI HLudovici Serenissimi Regis in orientali Francia regnante. Indictione XIII. Actum in Villa Franconovurt palatio regio in Dei nomine feliciter amen.

\* Desumitur hic initium annorum Ludov. ab anno

804. quo Ludov. Pius obiit.

D. Rembertus S. Anscharii Successor, assistente Luthardo, a Mogunt. Archiep. consecratur Episcopus Bremensis.

At digna non minus ex hujus anni rebus gestis memoria Luthardi Episcopi nostri. Nam posteaquam 3 februarii ad immortalem vitam evocatus D. Anscharius Bremensis Archiepiscopus, subrogatus est ex concordie electione cleri D. Rembertus. Prædixerat hoc Remberto D. Anscharius tri-duo ante quam mortuus; quod a puero illum Thurholti in clero enutrierat, ac dein Bremam evocatum omnibus Apostolicis laboribus probatum socium habuerat. Nec dubium, quin a Deo id impetrarit. Verum cum extremum deprecaretur Rembertus, ne id munus humeris suis imponeretur; respondit divinæ providentiæ & voluntatis esse, cui refragari non liceret. Admisso igitur post electionem Episcopatu, deducitur a Theodorico Mindensi Episcopo, & Adelhardo Corbejensi ad Visurgim Abbate, ad Ludovicum Germaniæ Regem. Nimirum quia per Septentrionis regna nondum provinciales Episcopi erant Bremensis Metropolis, a quibus consecraretur, ad Regis consilia & dispositionem hæc detulerunt. Suscepit honorifice Rex Ludovicus Rembertum, ejusque auctoritate missus est ad Luitbertum Moguntinum Archiepiscopum consecrandus. Ac ne offensio interveniret, delectus est Luthardus Paderbornensis Episcopus ex Metropoli Moguntina, & Theodoricus Episcopus Mindensis ex Metropoli Coloniensi, qui consecratori Moguntino Archiepiscopo assisterent. Ab his igitur Moguntinæ Rembertus solemniter ritu conse-

cratus inunctusque est Episcopus, & per eosdem suffraganeos Episcopos Paderbornensem, Mindensem, simulque Adelbertum Abbatem reductus in diocesis Bremensem. Ex itinere Rembertus divertere voluit ad Corbejensem cœnobium; voverat enim jam ante, si post obitum Anscharii superstes foret, se in claustrum inter Corbejæ Monachos religiosam vitam ducturum; id autem ut quantum fas esset expleret, communicato prius cum Episcopis consilio, Corbejæ habitum monachi induit, promissitque, quantum & ratio & occupatio permetteret, se deinceps etiam ad leges a Divo Benedicto præscriptas vitæ rationes compositurum. Quam in rem sibi a Corbejensibus monachis ad-jungi petiit, quem & magistrum religiosæ vitæ, ductoremque apud se quotidie haberet. Additus ergo illi Adalgarius monachus, vir gravitate morum, pietate & doctrina præstans, gradu licet Diaconus, Adalgarii Abbatis germanus; quem & a morte successorem habuit in Episcopatu.

Prius tamen, quam ad Ecclesi- am suam se conferat, Corbejæ ha- bitum monasticum induit.

Ex hac consuetudine Luthardus sibi per omnem vitam conjunctissimum habuit D. Rembertum Apostolicum per Septentrionis regna virum & tot miraculorum operibus clarum. Felicia sane per Saxoniam Ecclesias tempora, cum Episcopi non de potentia & luxu, sed virtutum & religiosæ vitæ æmulatione inter se certarent; & Reges haberent, qui hæc unice quaererent in Episcopis, & tuerentur eorum labores patrocinio armorum.

## Annus Christi 866.

Nicolai Pont. 9. Ludovici II. Imp. I I Ludovici Germ. Reg. 26.  
Luthardi Ep. Pad. 7.

Am. Franc. Regine in chron. Lugebertus in chron.

Quoniam non is rerum status in Lotharii regno erat per Austrasiam. Adhuc pellicem Waldradam retinebat Lotharius Rex, Guntharii Archiepi-

scopi neptem, magna Austrasiæ familiæ labe, & conturbatione Ecclesiarum. Jam & Nicolaus Pontifex eo nomine Guntharium Coloniensem & Thietgaudum

Nicolaus Pont. laborat in pellice a Lothario abstrahenda.



gaudum Trevifensem Archiepiscopos anathemate percusserat, ac cum ceteris Episcopis sacrorum munere exitis, adulterini hujus connubii patronis exauktorarat; ut hæc multis deplorant Francorum Annales, & Regino. Quam in rem Nicolaus Pontifex (quo Roma, Judice Reginone, post Gregorium M. non facile habuit aut religione, aut constantia & magnitudine animi celebriorem) literas dedit ad Galliæ & Lotharingiæ Episcopos, quibus mandat, fœdum illud dissidii malum tollant ab Ecclesiis. Scripsit & Pontifex ad Ludovicum Germaniæ, & Carolum Franciæ Reges, omni ut studio enitantur, quo Lotharium fratrem ad sanio rem mentem revocent, isque recepta Theutberga conjuge, Waldradam pellicem abjiciat. Neque Luitberto Moguntino Archiepiscopo, neque Saxoniar Episcopis, ceterisque in Regni Ludovici Regis præfulibus quicquam cum hoc mali contagio commune fuit; quando & Ludovicus Rex cum Saxoniar Episcopis non in aliud magis intentus, quam ut Regnum suum a Barbaris intactum servaret, religionem inter eos proferret, & religionum hominum precibus Deum sibi placaret. Ejus rei gratia, cum in alios Episcopos, & collegia Clericorum ac Monachorum cœnobio largitate esset effusus; tum nova donatione hoc anno Herivordien se monasterium Sanctimonialium Virginum cumulavit, quam ex diplomate ejus hic reddimus.

Ludovicus  
Germ. Rex  
nova in He-  
rivordien-  
ses benefi-  
cia confert.

*In nomine Sanctæ & Individuæ Trinitatis, HLudovicus divina favente clementia Rex. Si enim locis Deo dicatis quidquam ex rebus, quas divino munere possidemus, largitatis gratia*

*conferimus, hoc nobis procul dubio ad æternam vitam promerendam profuturum liquido credimus. Quapropter novit omnium fidelium nostrorum, presentium scilicet & futurorum industria, qualiter nos ob amorem Dei, & pro absolutione peccatorum, Antecessorum nostrorum Augustissimorum Imperatorum, atque pro remedio animæ nostræ quasdam res proprietatis nostræ, quas Folcheri fidelis noster hæcenus in beneficium tenuit in Ducatu Westfalorum, conjacentes in pagis Grainga & Trecwiti, nec non in comitatibus Burchardi, Waltheri, & Albrici atque Letti. Id sunt mansi XIII cum familiis viginti, qui lingua eorum Luti dicuntur, ad monasterium quod vocatur herivurt, quod est constructum in honore sanctæ Mariæ semper Virginis, Ubi Haduwic præsentibus temporibus Abbatissa & rectorix esse videtur, cum omnibus appendiciis totum & integrum ad præfatum monasterium in proprium perpetualiter tenendum tradimus, & de jure nostro in jus & dominationem ipsius monasterii solenniter condonamus. Ita videlicet, ut nullus Successor noster easdem res inde ulterius subtrahendi licentiam habeat, sed ab hodierno die Rectrices atque sanctimoniales ipsius monasterii easdem res recipiant, atque deinceps per hoc nostrum præceptum data licentia Christo propitio habeant potestatem utendi pro communi utilitate eorum qualitercumque eis libuerit. Et ut hæc auctoritas nostra largitionis atque traditionis per futura tempora firmior babeatur, & a cunctis fidelibus nostris melius conservetur, veriusque credatur, subter eam manu propria nostra firmavimus, & impressione annuli nostri roborari jussimus.*

Signum 

HLudovici Serenissimi Regis.

*Hadebertus Subdiaconus ad vicem Vuitgarii Cancellarii recognovi. & ff. Data VII. Calend. Maji Anno XXVII. regni hludovici Serenissimi Regis in Orientali Francia regnantis Indict. XIII. Actum in Francovurt palatio regio in Dei nomine feliciter Amen.*



Annus

# Annus Christi 867.

Nicolai Pontif. 10. Ludovici II. Imp. 12. Ludovici Germ.

Regis 27. Luthardi Ep. Pad. 8.

Ann. Franc.  
Regino ad  
an. 868.  
Sigericus  
Michael  
Eugarus  
Rex  
baptismus  
& religio-  
sum habi-  
tum susci-  
pit.

Hac celebri Ludovici Germaniæ Regis fama & gloria, qua per arma & viros Apostolicos Christi religionem proferebat, provocatus Michael Bulgarorum Rex, non modo ad Nicolaum Pontificem, sed & ad Ludovicum mittit Legatos, petitem Sacerdotes, qui populum regni sui christianam legem ritusque docerent. Ad cuius postulata mittit Rex Ermenricum Episcopum cum presbyteris & Diaconis; quanquam jam a Pontifice missi Episcopi & Sacerdotes essent, qui gentem illam cum suo Rege baptismi undis abluerent. Interim Ludovicus, ut Regino est auctor, Christianissimus Rex, qui Germanis imperabat, non mediocriter præbuit supplementum. Tanto autem fervore Bulgarorum Rex post susceptum baptismum conspectus est, ut positis regiis ornamentis, noctu Ecclesiam intraret, & cilicio instratus totam noctem inter preces exigeret; confirmata per regnum christiana religione ultro se regno exiit, eoque in filium transportato, ipse monachi vitam professus est. Post ubi comperit filium sese comestationibus & libidinibus dedere, & periculum esset, ne populus ad Idolorum cultum rediret, exuto tantisper monachi habitu, regium diadema & arma resumit, filiumque aggressus capit, erutisque oculis in perpetuum carcerem detrudit, reposito in ejus locum juniore filio; tum & ille posito rursus militari cingulo monachi habitum resumpsit, sanctissimamque exinde in claustro vitam exegit.

Inter hæc Ludovicus Germaniæ Rex in Saxoniam digressus, patris avique instituto de rebus sacris profanisque disposuit. Nihil sapientissimus Rex, ut supra ex Francorum annalibus relatum est, impensius habuit, quam comitum judicia & præfectorum rationes examinare, & pro tribunali etiam populi causas ac querelas audire. Erant adhuc præclari per id tempus Saxonie Episcopi Rembertus Bremensis, Alfridus Hildesienfis, Luthardus Paderbornensis, Theodoricus Mindensis, Lubertus Mimigardefordienfis, Hilde-

grimus Halberstadiensis fama sanctitatis plerique celebres. Invitarantque præterea in Westphalam Ludovicum Regem duo monasteria Corbejenfe & Herivordienfe; quorum alterum præclarorum virorum, alterum illustrium Virginum numero & disciplina religiosa certabat; Ob quæ certe ad Herivordienfe, si non ad Corbejenfe etiam hoc anno divertit Rex, quod ex diplomate novæ largitionis eo in loco consignato, etsi hætenus nemo scriptorum prodidit, satis constare poterit.

Ludovicus  
Rex Collegio Herivordienti, datis novis bonis, beneficiis.

In nomine Sanctæ & Individuæ Trinitatis, HLudovicus divina favente gratia Rex. Si de rebus terrenis, quas divina sumus largitate consecuti, locis sanctorum ob amorem Dei quiddam conferimus, hoc nobis procul dubio ad æternæ remunerationis præmia capeßenda profuturum liquido credimus. Idcirco noverit omnium fidelium sanctæ Dei Ecclesiæ, nostrorumque presentium scilicet & futurorum industria, qualiter nos concessimus quasdam res proprietatis nostræ ad monasterium, quod dicitur Herifurt, sive ad reliquias sanctæ Mariæ semperque Virginis in eodem monasterio consecratas, in pago videlicet Grainga, in Villa, quæ vocatur Kelteri, id est mansum indominicatum cum domibus, ædificiis, & omnibus adjacentiis, terris cultis & incultis, silvis, pratis ac pascuis, de reliquo beneficio, quod Hrodradus Comes habuit, dimidiam partem cum familiis supermanentibus utriusque sexus numero viginti novem. In alio autem pago, quod dicitur Sutherbergi, in villa, quæ vocatur Lodre, octo familias & novem mansos. Et in eodem pago in villa, quæ vocatur Arpingi, unum mansum cum familia supermanente. Has itaque res, sicut superius diximus, cum domibus, ædificiis, mancipiis utriusque sexus, & terris, pratis, silvis, pascuis, aquis aquarumque decursibus totum & integrum prædicto monasterio ad proprium concessimus atque confirmavimus. Propterea hos apices serenitatis nostræ circa ipsum monasterium fieri decrevimus, per quos præcipimus atque jubemus, ut nullus iudex publicus in homi-

nes

nes ipsius loci aspicientibus potestatem ullo unquam tempore habeat præter advocatum eorum, neque fidejussores illorum tollendo, nec in Wadiis, aut publicis placitis aliquam distriktionem in eos faciundo, sed ob Dei amorem nostramque concessionem in futurum omnes res superius insertas ad jam dictum monasterium pleniter deserviant absque alicujus

contrarietate, aut impedimento. Et ut hæc auctoritas donationis seu confirmationis nostræ firmiter habeatur, & per futura tempora a cunctis fidelibus sanctæ Dei Ecclesiæ nostrisque verius credatur, atque diligentius conservetur, manu propria nostra subter eam firmavimus, & annuli nostri impressione adsignari jussimus.

Signum

Domni HLudovici Serenissimi Regis.

\* his annis  
desumptus  
a divisione  
regnum  
facta anno  
844.

Comeatus Notarius ad vicem Radleici recognovi & ff. Data VI. Idus Decembris anno Christo propitio \* XXIII. regni domni HLudovici gloriosissimi Regis in orientali Francia Indictione XV. Actum in eodem monasterio Herisford in Dei nomine feliciter amen.

Hac Ludovici Regis liberalitate Luthardus Episcopus noster provocatus, postquam cum Rege coram pertractarat, cœpit de Herisfordensi Monasterio Virginum intra suam dicecesin condendo perficiendoque consilia maturare, urgente cumprimis Walburga sorore,

qua cum plures e nobilitate Virgines (quas Domicellas vocant tabulæ nostræ antiquæ) exemplo Herivordiensium excitatæ se ultro obtulere. Adeo jam sequior ille sexus, postquam tota Westphalia ac Saxonia Christo se dederat, pietate & religione æmulari visus.

## Annus Christi 868.

Hadriani II. Pont. I. Ludovici II. Imp. I 3. Ludovici German. Reg. 28. Luthardi Ep. Pad. 9.

Luthardus  
Ep. in concilio Wormatiensi ob  
tinet facultatem con  
dendi monasterii Herisfordensis.

Eam ob causam Luthardus anno insequenti, qui Christi numeratur 868 Wormatiam ad Episcoporum synodum profectus. Celebre illud Wormatiense Concilium fuit, quod studio amoris Christi, Ut patres in præfatione testantur, ac jussione excellentissimi gloriosique Ludovici Regis, cujus tanta erga Deum devotio extat, ut non solum in rebus humanis, verum etiam in causis divinis maximam semper sollicitudinem gerat, apud Wormatiam civitatem anno ab Incarnatione Domini nostri JESU Christi Dccc Lx. viii. Indict. prima. xvii. Calend. Junii convocatum est, ad causas Ecclesiasticas pertractandas; quod regnum suum submotis iis, quæ male irreperant, optimis moribus, & legibus florentissimum haberet. Quam in rem extant quadraginta quatuor Canones a Patribus sanciti; quos tamen inter decimus quintus de occultis furibus per Eucharistiæ perceptionem explorandis, ab Ecclesia improbatum est; ceteri qui afferuntur canones ab alia synodo reputantur sanciti. Ad hanc igitur

synodum Wormatiensem, ad quam e regno Ludovici Regis convocati omnes Episcopi, præside Ludiberto, seu ut Serrarius vocat Lindberto, Moguntino Archiepiscopo, accessit Luthardus Episcopus noster, ac Patribus fundationem, quam meditabatur, Herisfordensis monasterii exposuit, factoque omnium, qui aderant, Episcoporum consensu auctoritateque impetravit. Quam in rem, ipsas Luidberti Archiepiscopi tabulas ab omnibus Episcopis consignatas hic sistimus.

s. Thom. 3.  
p. 98. ar. 6  
Bellarm. lib  
2 de concis  
lis c. 8.  
Fesservinus  
in apparatu  
sac. sacro.  
Philip. Labbe  
in notis

Cum in nomine Domini nostri JESU Christi apud Wangionam civitatem, quæ vulgo Wormatia dicitur, in unum convenissemus, Ego Luidbertus humilis Moguntiacensis civitatis Archiepiscopus, cum Coepiscopis & Choriepiscopis atque Abbatibus simulque aliis plurimis sacerdotibus, & diversi ordinis clero ibidem congregatis, plura quæ ad Christianæ religionis observantiam & profectum pertinere putavimus, conferre cœpinus. Inde inter cetera, quæ de Ecclesiarum statu

statu, & Deo famulantium augmento tractabamus, Luitwardus Paderbornensis Ecclesiæ Episcopus synodali suggestit conventui, suam sororem nomine Walburg, & nonnullas alias Domicellas sub sanctimoniali habitu & professione divino servitio se mancipare decrevisse. Et quia locus, quem earum conversationi & proposito accommodatissimum & opportunissimum judicabant, ad sibi, ut prædiximus, commissam, id est, ad Paderbornensem Ecclesiam pertinebat, nostrum ad hoc consensum & corroboracionem exposcebat, ut in memorato loco sororibus supra dictis, tam præsentibus quam futuro tempore superventuris, sine alicujus contradictione liceat servire: sed ne præfata Paderbornensis Ecclesia aliquod hoc facto dispendium vel sustineat, vel sustinere videretur, eidem Ecclesiæ tam ipse quam soror ejus tradiderunt, quidquid vel sibi in Osdagighusen hæreditario jure provenire potuit, vel sororem in locis nuncupatis Lutzilandreni, & Bocchem atque Heringi possidere videbantur. Quod non solum post obitum suum, sed etiam ex præsentis statim tempore ad memoratam Ecclesiam tradidit, & in perpetuum traditum esse voluit, ut a præsentis die cum terris, silvis, aquis, ædificiis suis, mancipiis, animalibus, & cum omni integritate sua ad eam pertineat. Ordinatio quoque & dispositio loci, in quo eadem sanctimoniales Deo servire debent, ita ad Episcopum vel præsentem vel sibi succedentem pertinere, ut singulis annis ad principalem ejus sedem quatuor solidorum pretium persolvatur. Proinde quia hanc petitionem piam per omnia & justam & tam Episcopo dignam quam Ecclesiæ salubrem fore perspeximus, dum non solum sine damno & detrimento Ecclesiæ, verum etiam suæ mercedis & meritum augmento famulantium Deo numerus augetur, tam proficue devotioni nostrum assensum præbere, & tam piwm inceptum luce nostrarum literarum confirmare decrevimus. Itaque synodali auctoritate, & communi sacri conventus decreto statuimus, ut locus, qui in territoriis villæ, quæ Heresi nuncupatur, conjacet, quem supra memorata Walburg jure mutuario in propriam hæreditatem a Paderbornensi Ecclesia mutuata est cum omnibus, quæ ad eundem locum tam prædicti Episcopi, quam prædecessoris suo tempore pertinere vide-

bantur, in terris videlicet, silvis, pratis, pascuis, aquis, aquarumque decursibus, cultis locis simulque incultis, domibus & ædificiis, litis & diversis servis, mancipiis, animalibus quoque, & cunctis mobilibus & immobilibus rebus, atque cum omni integritate sua ad usum Sanctimonialium, de quibus supra diximus, ita pertineat, & si quæ deinceps ad eandem Ecclesiam, vel in possessionibus, vel in aliis rebus tradita fuerint, possidere, mutare, & secundum hoc quod sibi utile esse videtur, facere permittantur. Eodem quoque modo eademque conditione mansos X in villa nuncupata Haionbus, simulque & decimas villarum, quæ ita vocantur Herisi, Smachtum, Nortgardinum, & Suitgardinum cum appendiciis, seu villulis supra dictarum Ancillarum Dei usibus amodo & deinceps delegare decrevimus. Et ut hoc nostræ immunitatis & synodalis conventus decretum perpetuam & inviolabilem obtineat firmitatem, Imperialem ad hoc confirmandum auctoritatem, & nostris subscriptionibus, & signis hanc traditionis & communicationis chartulam munire, & omnium unanimes consensu corroborari decrevimus. Datum in Wormatia anno Incarnationis Dominicæ DCCCLXVIII. Imperii vero gloriosissimi Regis Ludovici anno XXVIII. Indict. I.

Signum Luidberti Mogunciacensis Episcopi. Signum Adalwini Saltzburgensis Episcopi. Signum Rymberti Hammaburgensis Episcopi. Signum Altfriedi Hildenesheimensis Episcopi. Signum Guazonis Wormatiensis Episcopi. Signum Salamonis Constantiensis Episcopi. Signum Annonis Frisingensis Episcopi. Signum Landfridi Sabionensis Episcopi. Signum Ermenrici Pataviensis Episcopi. Signum Otgeri Rubelacensis Episcopi. Signum Luitgarii Augustburgensis Episcopi. Signum Luidberti Mimigarnifordiensis Episcopi. Signum Thiadrici Mimindensis Episcopi. Signum Hildgrimi Halverstaadiensis Episcopi. Signum Luthardi Paderbornensis Episcopi. Signum Eralt Feridensis Episcopi. Signum Aegiberti Osnabrugensis Episcopi. Signum Bernardi Chorepiscopi. Signum Heionis Abbatis & presbyteri. Signum Adalgari Abbatis & presbyteri. Signum Thiatrix Abbatis & presbyteri. Signum Tiadorici Abbatis & presbyteri. Signum Branwardi Abbatis. Signum Egilberti Abbatis.

Habes hic, quisquis hæc nostra legere dignaberis, celebris istius synodi Wormatiensis nomina præsentium Episcoporum, quæ in omnibus consiliis generalibus a Surio, Binio, Sirmondo & Cossartio vel Colonia, vel Parisiis editis, atque in Baronio desiderantur. Ferdinandi Episcopi nostri id studio debetur, qui hæc e vetustis apud nos tabulariis in lucem primo dedit, e quibus & ceteris Episcoporum factis lux affundi poterit.

Luthardus ex quo & Ludovici Regis voluntatem & consilii Wormatiensis auctoritatem condendi Herifensis monasterii obtinuit, nihil impensius habuit cum Walburge sorore, quam inchoatum monasterii opus perficere, ad fontem Netæ amnis fundamenta domiciliorum ponere, & nobiles Westphaliæ virgines honestæque familiæ puellas colligere, quibus primam Abbatissam præfecit Walburgem sororem suam. Celebre exinde & florentissimum hoc Virginum collegium, quales jam Herivordiae & Bodecæ erant, ex eodem Sanctimonialium & Canonisfarum, ut vocant, instituto Abbatissæ fere non aliæ quam ex illustribus nobilium Comitum & Principum familiis ad hanc usque ætatem nostram, ut ferries earum, quæ apud nos extat, ordine descripta commonstrabit. Luthardum fratrem Episcopum, quem alterum fundatorem hujus Collegii cum sorore Herifenses tabulæ a Ludovico Rege consignatæ vocant, vitæ integritate imitata Walburgis, pulcherrium sese sanctimoniam exemplum dedit; cujus rei primo testimonium poterimus sumere ex auctore vitæ D. Remberti, tum ex ipsius D. Remberti epistola. Ac scriptor vitæ ita refert: *D. Rembertus epistolas nonnullas ædificationis plenas ad diversos composuit, quarum una est ad quandam Dei ancillam in monasterio, quod dicitur Herifi, constitutam, cæterasque sorores ibidem in Dei famulatu consistentes. Hæc autem famula Dei, de qua loquimur, neptis erat Venerabilis Episcopi Luithardi, cujus supra mentionem fecimus, qui se sancto viro cum omni devotionis affectu ita devinxerat, ut non solum ipse sanctitatis ejus amator existeret, verum etiam omnes ad se quoquo modo pertinentes illi commendare studuerit, præcipue istam,*

Walburgæ  
Herifensis  
Antistitis  
primæ  
Sanctitas.  
Vita D.  
Remb. c. 15.

de qua loquimur, ab infantia Deo oblata, & in virginitate permanentem neptem suam, quæ & propria devotione meruit ut unicam dilectionis suæ filiam vir sanctus eam nominare solitus sit. Quantum hic auctor & Luithardum, & neptem a sanctitate commendat? quæ tamen non neptis, sed ipsa soror Luithardi, & Virginum antistes erat reputanda; quemadmodum in diplomatis allatis Luithardi soror asseritur. Ipsam vero D. Remberti epistolam, ad Walburgam & Virgines ejus sanctæ congregationis, plenam divino Spiritu recitat auctor vitæ ejus. Alterum sanctimoniam testimonium ex sepulchri inscriptione producimus, quod ejusmodi hodie legitur.

HIC VENERANDA JACET WALBURG, QUÆ  
MENTE VIRILI  
STRUXIT ET \* HOC REXIT PRIMA MO- \* HOC ET  
NASTERIUM  
SUBJECTIS VITÆ TRIBUENS EXEMPLA  
BEATÆ  
ECCLESIE CUNCTAS AMPLIFICAVIT OPES  
NUNC TE CHRISTE PIUM VIDEAT QUEM  
SEMPER AMAVIT  
UT DEXTRIS ILLAM, CONSOCIES OVIBUS  
III. NON. MART. OBIIT.

De anno obitus, quem adscriptum non invenio, parum, ut in aliis, solliciti veteres. Sepulchrum ceteris erectius e terra hodiedum aspicitur in adfeto Ecclesiæ Sacello. Multis exinde Sanctorum lipsanis, seu regio dono, seu Episcoporum procuracione, exornatum Herifense Collegium; inter quæ D. Saturninæ & Fortunatæ Virginum ossa duobus fastigiatis & inauratis tumulis inclusa, expositaque ad cultum populi, & patrocinium loci eminent. Id quod testantur apud nos monumenta Bustorfiana, in notis ad Bedæ Martyrologium adscriptis, quæ sic habent 13. Calend. Junii in Sanctina civitate natalis S. Saturninæ V & M. quæ translata sub Bisone Episcopo in Saxonia in Monasterio Herifensi requiescit.

Ceterum cum hic annus Lotharium Austrasiæ, seu novæ Lotharingiæ Regem sustulerit, novis rursus dissidiis, quæ in civilia prorsus bella exardere cœperunt, patruum Lotharii, Ludovicus videlicet Germaniæ, & Carolus calvus Franciæ Rex inter se commissi. Mortuo nimirum Nicolao Pontifice, Lotharius Rex questus apud Hadrianum

Lotharii  
Reg. Aus-  
trasiarum  
obitus.



drianum II Successorem, se æmulorum calumniis oppressum, eoque Romam venire, ut se coram purgaret. Quem Pontifex benigne accepit, rogavitque, an omnia, quæ a Nicolao Pontifice præscripta essent rite præstitisset; quo affirmante, Pontifex ei finitis missarum solemnibus Eucharistiam præbet, hac contestatione: si te innoxium cognoscis, nec pellici Walradæ te in posterum miscere statuisti, accede; sin minus, vide ne indigne sumendo vindicem Deum experiaris. Eadem ad proceres prolocutus est Pontifex. Et ita

quidem Rex ac proceres præmoniti; at cæci Eucharistiam de manu Pontificis sumpserunt. Vix Roma egressus Lotharius, cum febris corripitur, & Placentiæ 6 Idus Augusti peste extinguitur. Eadem hac vindicta plerique proceres intra annum absumpti. Foeda deinde strage sævit in comitatu pestis, qua Regni nobilitas pene tota periisse deplorabatur. Accesserant simul Romam Guntharius Colonienfis & Thietgaudus Trevirensis, Archiepiscopi; qui licet ad pœnitentiam recepti, sedibus tamen suis exulare iussi.

## Annus Christi 869.

Hadriani II. Pontif. 2 Ludovici II. Imp. 14. Ludovici Germ.

Reg. 29. Luthardi Ep. Pad. 10.

Comperta Lotharii morte, Carolus Franciæ Rex Metas advolat, ubi ab Hincmaro Remensium Archiepiscopo, dissimulante Adventio Metensi Antistite Lotharingiæ Rex coronatur. Inde afferto sibi Lotharii regno, Aquisgranum ad regni sedem advolat. Per id tempus Ludovicus Germaniæ Rex Ratisbonæ æger decumbebat, & filii, omnes bellicosi Principes, diversi contra Barbaros bellis occupati erant. Ludovicus cum Thuringis & Saxonibus in Sorabos & Bohemos ierat. Carolomannus cum Bojariis adversus Zwen-

tiboldum: Carolus natus minor cum Francis & Alemannis adversus Rasticen Slavorum Tyrannum missus a patre; prospero omnes belli exitu, victoriisque clari, ut multis Francorum annales memorant. Quiescentibus interim Nortmannis Barbarisque trans Albim ob metum Ludovici Regis, ne se in bellantes filios immitterent. Vidissesque tum Ludovicum Germaniæ Regem, Caroli M. nepotem, haud secus quam Carolum M. pugnatem, triumphantemque cum tribus filiis adversus Barbaros.

## Annus Christi 870.

Hadriani II. Pont. 3. Ludovici II. Imp. 15. Ludovici German.

Reg. 30. Luthardi Ep. Pad. 11.

At mox ut Ludovicus præter spem ab extremo morbo convaleuit, mittit legatos ad Carolum, præmonens, ne solus sibi Lotharingiæ Regnum vendicet, quod utrique ex æquo debeatur; eo Ratisbona Francofurtum contendit. Carolus cum legatos Ludovici nullo certo responso remisisset; indignatus Ludovicus, mittit ad Carolum Luidbertum Moguntinum Archiepiscopum, & Altfri dum Hildesienfium præfulem, viros ea tempestate gravitate morum & sapientia conspicuos, aliosque proceres, cum mandatis, ut Regno Lotharingiæ excederet, aut parata in se arma expectaret. Quibus territus Carolus in Galliam se recepit; convenitque pridie Nonas Martii inter utrimque legatos post Aquisgranum missos, Lotharingiæ Regnum dividere, & pactione

civile bellum antevertere. Discurrentibus dehinc legatis, placuit utrique Regi cum quatuor Episcopis & decem consultoribus ac triginta e nobilitate viris, Heristallum inter & \* Marlenam vicum, secundo a Trajecto lapide, convenire, ad regni partitionem faciendam; quæ demum v. Calend. Augusti in vico Martena confecta. Qua divisione Regni Lotharingiæ Ludovico cedit Colonia, Treviris, Ultrajectum, Metæ, & quidquid Rheno & Mosâ intercipitur; præterea comitatus Teisterbandiæ, Batavia, Frisiæ pars maxima, ceteraque his regionibus inclusa oppida & cœnobîa. Carolus præter Lugdunum, Tungros, Tullos, Cameracum, Vienna aliæque Burgundiæ urbes attributa, quemadmodum hæc partitio a Pithæo, Aimoino, & Miræo est relata

Regnum Lotharingiæ inter Ludovicum & Carolum dividitur. \* al. Marjæ nam. Pithæus in frag. hist. Franc. Aimoinus lib. 9. c. 25.

Carolus Franciæ Rex Lotharingiæ coronatur. Ann. Franc. 869.

Willibertus  
in sede Co-  
lon. succe-  
dit Gun-  
thario.

lata in tabulas, frustra ex Italia appel-  
lante adversus hæ Ludovico II. Impē-  
ratore ad jus gentium per Pontificem  
& Pontificis Legatos, quod sibi ex hæ-  
reditate paterna, & Lotharii patris te-  
stamento deberi contendebat. Tum  
simul Willibertus Colonienſis Archie-  
piſcopus, quem a clero eligi juſſerat  
Ludovicus Rex, in Guntharii locum  
ſubrogatus eſt, non ſine offeſſione Ha-  
driani Pontificis, quod inconſulta Apo-

ſtolice ſedis auctoritate id ſibi vendi-  
caſſet. Quare & pallium & confirma-  
tionem non niſi a Succeſſore Joanne  
conſecutus eſt Willibertus; vir cetera  
egregius, & inter præſtantiffimos Epi-  
ſcopos numeratus a poſteris. Hac po-  
tentia auſtus Ludovicus Rex Danis ce-  
terisque Barbaris formidabilior fuit, ne-  
quid in Saxonia noſtra pertentare au-  
derent, quæ cultu religionis florentiſ-  
ſima pacatiſſimaque manebat.

## Annus Chriſti 871.

Hadriani II. Pont. 4. Ludovici II. Imp. 16. Ludovici Germ.  
Reg. 31. Luthardi Ep. Pad. 12.

Filii concil-  
tantur in  
Ludovi-  
cum Pa-  
trem eis  
demque re-  
concilian-  
tur.  
Ann. Franc.  
Pith.  
Trith. in  
chron. Hirs-  
Serrarius  
lib. 1. Prolog  
Mogunt.  
c. 33.

Luthardus  
Ep. impe-  
rat a Ludo-  
vico R. con-  
firmatio-  
nem Colle-  
gii Herifi-  
enſis.

In hac rerum felicitate obturbatus  
Ludovicus Rex a filiis; tanquam ea,  
quæ ipſe in patrem perpetrarat, ultor  
etiam ſero Deus a ſuis filiis pati per-  
mitteret. Quippe Ludovicus & Caro-  
lus commoti in patrem, quod Carolo-  
manno filio nату majori partem Regni  
Francici ſibi adſcriptam dare meditare-  
tur. Adhæc omnes ſimul exacerbati  
in patrem, eo quod nobilem Heimrichi  
Comitis filium, virum genere & bello  
præſtantem, excæcari permiſſiſſet. Lu-  
dovicus Rex, ut filiorum animos com-  
poneret, ex Bavaria Francofurtum ac-  
celerat, indiſtoque Triburiæ conven-  
tu, filios ſibi reconciliat. Erat vero  
Triburia villa regia ad Orientalem Rhe-  
ni ripam inter Moguntiam & Oppen-  
hemium, caſtro & monaſterio, tem-  
plis atque oppidi forma celebris, in  
qua & Triburienſe concilium habitum.  
Modo præter rudera & paucas ruſti-  
corum ædes nihil iſtic aſpectabile. In  
hujus loci Triburienſi conventu Lu-  
thardus Epiſcopus Paderbornenſis, ſeu  
præſens, ſeu per legatos, a Ludovico  
Rege Heriſienſis Collegii confirmatio-  
nem, & tutelæ Regiæ tabulas impetra-  
vit, quas adſcribo.

*In nomine ſanctæ & Individuæ Tri-  
nitatis, Ludovicus divina favente gratia  
Rex. Notum ſit omnibus S. Dei Ec-  
cleſiæ fidelibus, noſtrisque, præſentibus  
& futuris, qualiter Luithardus Venera-  
bilis Eccleſiæ Paderbornenſis Epiſcopus  
ſuggeſſit Serenitati noſtræ, ut ei liceat  
conſtruere quoddam monaſterium San-  
ctimonialium in loco, qui dicitur Heri-  
ſi, una cum decreto Luiberti Archiepi-  
ſcopi noſtri, atque omnium Conſynoda-  
lium ſuorum Epiſcoporum, ſimulque*

*omnium Conſacerdotum & Clericorum  
Paderbornenſis Eccleſiæ, ea videlicet ra-  
tione, quod ipſe & ſoror ejus nomine  
Walburg in ſanctimoniali propoſito per-  
manens tradiderunt ſuam proprietatem  
ad præſatam ſanctam Eccleſiam Pader-  
bornenſem, quæ eſt conſtructa in hono-  
re S. Dei genitricis Mariæ, qualiter  
eædem res perpetualiter in ejusdem mo-  
naſterii poteſtate conſiſterent. Poſtea  
vero deprecatus eſt noſtram Celſitudinem  
præſatus venerabilis Epiſcopus Luithar-  
dus, ut præſatum monaſterium Heriſi,  
& res ad illud pertinentes ſub noſtræ  
munitionis factiōe & deſenſione ſuſci-  
peremus. Cujus petitioni ad amorem  
Domini noſtri Jeſu Chriſti libenti ani-  
mo aſſenſum præbentes decrevimus atque  
jubemus, ut præſcripta ſuper \* Luithar-  
di Epiſcopi nomine Walburg præſatum  
monaſterium, quod vocatur Heriſi,  
omnibus diebus vitæ ſuæ ſecuriter per  
hoc noſtræ auctoritatis præceptum habe-  
at. Poſt hujus vero obitum licentiam  
habeant inter ſe eligendi Abbatiffam  
una cum conſenſu & conſcientia præſa-  
tæ Paderbornenſis Eccleſiæ præſulis, &  
mundiburdium & deſenſionem de Recto-  
re præſatæ Paderbornenſis Eccleſiæ ha-  
beat præſatum monaſterium Heriſi, &  
per unumquemque annum quatuor ſoli-  
dos ad eandem Dei Eccleſiam perſolvat,  
ſimulque manſi X in villa nuncupata  
Hayonbus, quæ illuc venerabilis Epiſco-  
pus perpetualiter pertinenda conceſſerat,  
cum decimis villarum, quæ vocantur  
Heriſi, Smachtum, Nortgardinum, &  
Suthgardinum cum appendiciis ſeu vil-  
lulis ſupra dictarum ancillarum Dei tra-  
didit, per hoc noſtræ auctoritatis præ-  
ceptum plenius in Dei nomine confirma-  
tum, nullo inquietante, ſed Deo auxili-  
ante*

ante perpetuis temporibus permaneant absque aliquo contradicentis obstaculo. Volumus etiam atque precipimus, ut saepe jam dicti monasterii ancillarum Dei homines non alio modo a judiciariis potestatibus distinguantur, nisi eorum Advocato a nobis constituto, sicut Episcopo Paderbornensi preceptum concessimus. Episcoporum quoque synodale decretum cum scripto & signo subscriptionis super praesatum monasterium puellarum Dei Herisi nomine nostra largitatis concessione firmatum permaneat. Et ut haec auctoritas largitionis nostrae firmiter habeatur, & per futura tempora, a fidelibus nostris verius credatur, & diligentius observetur, manu propria nostra subter eam firmavimus, & annuli nostri impressione assignari iussimus. Data Idus Junii, Anno Christo propitio, XXXII regni Domni Ludovici serenissimi Regis in Orientali Francia regnantis, Indict. IV. actum Triburias in Dei nomine feliciter Amen.

sione firmatum permaneat. Et ut haec auctoritas largitionis nostrae firmiter habeatur, & per futura tempora, a fidelibus nostris verius credatur, & diligentius observetur, manu propria nostra subter eam firmavimus, & annuli nostri impressione assignari iussimus. Data Idus Junii, Anno Christo propitio, XXXII regni Domni Ludovici serenissimi Regis in Orientali Francia regnantis, Indict. IV. actum Triburias in Dei nomine feliciter Amen.

## Annus Christi 872.

Hadriani II. Pont. 5. Ludovici II. Imp. 17. Ludovici German. Regis 32. Luthardi Ep. Pad. 13.

Annales  
Francorum.  
Ludovicus  
Rex partem  
inter filios  
regno in  
hostes soli-  
citer movet

Annus jam accesserat octingentesimus septuagesimus secundus, quo Ludovicus Germaniae Rex post auditos Ratisbonae Basilii Graecorum Imperatoris legatos ex Bojaria ad Rhenum descendit, indictoque per Quadragesimam ad oppidum Forcheim Optimatum conventu, regnum inter tres filios divisit; ne qua ab obitu dissensio, quae jam ante, ut diximus, notata regnum conturbaret. Igitur Carolomanno Bojaria & Sclavorum provinciae: Ludovico Lotharingia, Saxonia, Thuringia, & Frisia: Carolo nati minori Suevia est attributa; iussique filii coram toto exercitu fidem jurare, nihil se turbaturos ex praescripto testamento. Adeo Rex optimus paci & suorum saluti consultum voluit. Quanquam Monarchia illa Francica, quae jam ab excessu Ludovici pii Imperatoris in tot partes divisa erat, nova divisione secaretur in partes. Inde mense Majo quatuor validi exercitus Regis ire iussi adversus rebelles Barbaros. Singulis veteri Francorum more Episcopi additi, Luidbertus Moguntinus, Embrico Ratisbonensis, Aran, seu Arno Herbipolensis, Sigehardus Fuldensis Abbas. Carolomannus cum Bojariis progressus adversus Sclavos ad Istrum incolentes: Lotharingi ac Rheni accolae duce Luidberto Moguntino Archiepiscopo adversus Bohemos pugnare, quinque Bohemorum ducibus captis. Omnes felici successu cum victoria regressi, praeter Saxones & Thuringos; hic enim quartus exercitus conflatus erat adversus Sclavos Occidentales. Hi quod ducem non haberent, per foedam fugam re-

diere, tanta etiam indignatione mulierum, ut reduces in provincias ex equis detraxerint viros, & fustibus mancipiorum in modum contusos mulctarint; tanquam ex bello Cymbrico aut Romano antiquas Germania virgines conspexisset resuscitatas, ac tanto potior his causa, quod christianae pro christiana religione tam turpiter pugnantes reciperent viros.

Plutarchus  
de bello  
Cymb.  
Tacitus de  
moribus

Quam haecenus Ludovici Regis beneficentiam, eandem nunc Hadriani Pontificis sollicitudinem erga Corbejenses commendamus; a quo hoc anno insigni diplomate Monasterii illius donationes & privilegia rogatu Adalgarii Abbatis confirmata; id quod ex antiquis Corbejensium tabulariis erutum hic exhibemus.

German.  
Adrianus  
Pont. Cor-  
bejam reci-  
pit in clien-  
telam apo-  
stolicam, &  
confirmat  
donationes  
ei factas.

Adrianus Episcopus Servus Servorum Dei, Adalgario Religioso Abbati venerabilis monasterii SS. Martyrum Stephani atque Viti, quod nuncupatur nova Corbeja, & per te eidem venerabili monasterio in perpetuum. Convenit Apostolico moderamini, pia religione pollutibus benevola compassione succurrere, & poscentium animis alacri devotione congruum impertiri assensum; ex his enim lucri potissimum premium a conditore omnium Domino promeremur. Dum venerabilia loca oportune ordinata ad meliorem sive firmiorem fuerint sine dubio statum perducta. & ideo cum constet religionem tuam nostrae sollicitudinis pontificis satis humiliter suggestisse, quatenus praesatum monasterium sub perenni defensione S. Sedis Apostolicae, cui licet indigni praesse dignosci-

gnoscamur, recipere dignemur, decernentes scilicet, atque Apostolica auctoritate modis omnibus statuentes, ut & idem monasterium privilegii nostri decore finetenus vigeat, & monachi, qui illic Domino quotidianis laudibus famulantur, de propriae congregationis Collegio post tuum discessum deinceps, quem divinitate summa annuente omnes concorditer elegerint, ordinandi habeant facultatem. Et quia asseris nomina, tum ipsum monasterium munificentia Principum in prædiorum facultatibus ditatum fuisse, petis & suggeris, ut tam hoc, quod nunc possidet, quam etiam, quod a fidelibus illic fortassis oblatum sive collatum fuerit, emissa præceptione confirmare nihilominus dignemur, super quibus non solum in Domino gavisi sumus, verum etiam quia pia esse conspeximus, ut moris est Apostolici, ad tibi hæc impendenda amore Dei illecti, votis tuis favere decrevimus. Quapropter a præsentis sextæ indictione jam dictum monasterium in Apostolicæ auctoritatis defensionem immo perpetuam recepimus tuitionem, & omnia prædia illius tam ea, quæ a gloriofis Principibus, vel aliis Christi fidelibus ibi collata sunt & concessa, quam illa, quæ deinceps præstante Domino conferri poterunt & concedi ibidem, sive mobilia sive immobilia, confirmavimus, & ut a quolibet non usurpentur, invadantur, aut rapiantur, autoritate Apostolica promulgamus, jubemus ac definimus, nihilominus inviolabiliter Apostolicam censuram ad nostræ mercedis augmentum decernimus, ut omne fas atque omnem licentiam habeant monachi ejusdem monasterii talem de suis semper Abbatem deligere, qualem omnium vota concorditer postulaverint, & sibi præficiendum fore, uno animo gratia S. Spiritus suffragante illic Domino famulantes voluerint, nec quisquam præsumat alienum seu extraneum illic unquam Abbatem constituere aut introducere. Sed sicut diximus tales de ipsa congregatione, qui eidem monasterio regulariter præsent, cum vel tu de hac vita vocatus ad Dominum demigraveris, vel tempore succedenti ab unanimitate omnium eligantur: qui vitam & omnem monasterialem ordinem teneant, & cuncta cum timore Dei & reverentia regularis disciplinæ dispensare summopere faciant; statuentes Apostolica censura

sub divini judicii attestazione, & Anathematis interdictu, ut nulli unquam parvo aut magno homini, cujuscunque sit dignitatis vel ordinis, liceat hanc nostræ auctoritatis, quam pio intuitu promulgavimus, sanctionem infringere, aut floccipendere, vel in toto sive in parte, quoquo modo violare; et si, quod non credimus, temerario ausu quisquam vel nunc vel unquam transgredi, contemnere, violare, aut hanc nostram præceptionem infringere præsumperit, & non in omnibus observaverit, sciat se Anathematis vinculis inmodandum, & a regno Dei penitus sequestrandum. Qui autem verus custos hujus Apostolicæ præsanctionis studiosus observator extiterit, benedictionem & misericordiam vitamque æternam a Domino Deo nostro consequi mereatur. Scriptum per manum Stephani Notharii Cameræ sacræ Romanæ Ecclesiæ, Imperante Domino nostro piissimo perpetualiter Augusto Ludovico a Deo coronato magno Imperatore, anno XVIII, & post consulatum ejus anno vigesimo quarto, mense Octobris, Indictione sexta, bene valete. Data Idus Octob. per manus Sergii primicerii defensorum sanctæ sedis Apostolicæ.

Indictio sexta etiam annum sequentem designet; ea tamen, quia a Septembri etiam inchoari consuevit, nihil hic fidei derogat; tamen Pontificia a Januario plerumque ducta: nec haud multo post eodem anno Calend. Novemb. excessit e vita Hadrianus, subrogato Joanne VIII, ut insequentem annum referri non possit.

Certabatur inter hæc altissima pacis tempora per Saxonia passim in erigendis magnificis basilicis & sacrarum Ædium fabricis. Ac postquam Corbejense templum jam perfectum erat, Adalgarius Abbas hoc anno ingentium turrium fundamenta jecit, quæ anno demum 885 a Luthardo cum infima parte templi consecrata. Longum de Parochiarum templis memorare, quando idem pietatis certamen in populo erat. Passim quæ ligneæ & extemporaneæ erant structuræ a primis religionis exordiis, ex solido lapide magnificentius surgebant. Inter quæ ad fontes Almæ seu Alifonis in pago Alman-go Sidagus nobilis, opibus non minus quam

Petr. vult. in  
Rat. temp.  
lib. 6. c. 1.

Lib. tradit.  
Paderb.

quam religionē præstans, dejecta lignea Ecclesia, aliam ex lapide reposuit, adjecta etiam tertia parte hereditatis in dotem. Hanc a Luthardo in vetustis monumentis consecratam reperio. Nihil Ethnicæ Saxoniz saxa ad splendorem christianorum templorum, eorumque multitudinem, postquam populus in parccias divisus & numero augeri, & loca cultu agrorum, resectis stirpibus & sylvis, replere cœperunt. Ad nobilis cumprimis Hildesienfis Basilica, quam Altfrius Episcopus B.

Virgini Mariæ dicatam absolverat. Ad hujus consecrationem & solemnem dedicationem inter Episcopos adfuit Luthardus Paderbornensis Episcopus; ita enim chronicon Hildesienſe. *Anno 872. Indiēt. V. in Calendis Novembribus dedicata est Ecclesia S. Mariæ in Hildenesheim a Venerabilibus Episcopis Altfrido ejusdem Ecclesiæ Episcopo, & Remberto atque Theodorico, sed & Luthardo cum interventione religiosi Abbat̃is Adalgarii, Monachorum & Canonicorum.*

Luthardus  
interest  
consecratio  
ni Eccle  
siæ Hilde  
sienſis.

## Annus Christi 873.

Joannis VIII. Pont. I. Ludovici II. Imp. 18. Ludovici Germ.  
Reg. 33. Luthardi Ep. Pad. 14.

Multo hæc illustriora ex consequenti anno & dedicatione Basilicæ Colonienſis Ecclesiæ. Enim vero Ludovicus Germaniæ Rex, postquam primum Francofurti ac deinde Wormatiæ procerum comitia habuisset, in quibus de publicis negotiis salubriter constitutum est, Aquisgranum descendit, simulque Coloniz celebrem Episcoporum conventum indixit, in quo sacram rerum causas, & quæ ad disciplinam cleri populique poscebantur, pertractari voluit: tum præterea Basilicam Colonienſem, quam Hildebaldus Archiepiscopus e ruderibus castelli Ubiorum educere cœperat, & Willibertus absolverat, solemni ritu dedicari. Convenere igitur Episcopi V. Calend. Octob. magna frequentia: Synodusque ob celebritatem Magna etiam Colonienſis appellata. Verum licet acta ejus synodi interciderint, duo tamen ex ea posidemus ad posteros transmissa, tabulas videlicet de libertate clericorum, & propriis, quibus his uti liceat, bonis. Quæ, ut Guntharius Archiepiscopus conceperat statueratque, ita Willibertus Patribus congregatis approbata obtulit, & qui præſentes fuere Episcopi probavere. Qua super re publicum instrumentum, quod Gobelinus, & acta Conciliorum generalia referunt, confectum est. Acta hæc memorantur Coloniz V. Calend. Octob. sub piissimo Rege Ludovico, anno Imperii illius xxxiii anno Dominicæ Incarnationis Dccclxxiii Indiēt. 7. Subscribere Episcopi, Willibertus Colonienſis, & Retholphus Trevirensis Archiepiscopi: Bernardus Virdunensis, Altfrius Hil-

delsheimensis, Theodoricus Mimin-  
denſis, Gerolphus Firdensis, Luithar-  
dus Paderbornensis, Hildegimus Hal-  
berſtadienſis, Hodolphus Mimigarne-  
furdensis, Lubertus Osnabrugensis  
Episcopi: Ad hæc quinque presbyteri.  
Quæ Adelwinus Diaconus ad vicem  
Adeloldi presbyteri atque Cancellarii  
subscripsit.

Scio equidem hanc synodum acta-  
que ejus ab Annalibus Francorum re-  
ferri ad annum 870, a Sigeberto vero  
ad annum 871. Verum si quis hæc  
ipsa, quæ recitavimus, acta ex Gelenii  
Bibliotheca, & codice Hermannii de  
Wefalia Canonici ac viri eruditi, quem  
Fridericus Imperator lauto sacerdotio  
exornavit, producta expenderit, ad  
hunc annum revocanda sunt. Præter-  
quam quod Willibertus Archiepiscopus  
hoc ipſo anno primum a Joanne VIII Pon-  
tificæ pallio Archiepiscopali decoratus,  
quemadmodum a Baronio relatum est,  
ut jam synodo rite præſidere possit;  
opinorque ex anno Incarnationis recte  
adscripto annum Ludovici Imperatoris  
in Francia orientali inchoatum. Indi-  
ctio septima assignatur a Gelenio, quæ  
sexta esse debet, nisi jam a Septembri  
inchoata dicatur.

Alterum quod ex hac synodo in-  
ter monumenta Westphaliæ accepimus,  
est fundatio illustris Parchenonis Assin-  
diensis seu Essendensis. Nam postquam  
ea ab Alfrido Hildesienſium Episcopo  
ac Conditore viroque sanctissimo con-  
gregatis in synodo Patribus est oblata,  
uno omnium consensu approbata &  
confir-



Essendien-  
sis Parthes-  
nonis fun-  
datio stabi-  
litur.  
Ex Archiv.  
Essend.

confirmata est. Tabulas foundationis, quando nec a Gelenio, nec in conciliis generalibus integre recitantur, & posteritate digna exhibent, tam ad Conditoris pietatem, quam Sanctimonialium institutum cognoscendum, hic recitare visum; quando & Luithardus Episcopus noster hoc institutum Sanctimonialium Virginum ita rursus approbavit, quemadmodum ipse Herifensis cum sorore jam ante condiderat, ut pari religionis ardore hi duo integerrimi & conjunctissimi Episcopi ducti videri possint. Literæ sic habent

Alfridus Dei disponente providentia Hildesensis Ecclesiæ Antistes. Cum inter immensas Dei Patris miserationes, quibus humanum genus gratuita pietate relevare dignatur, præcipue eam, qua constat consubstantialem coeternum ejus filium pro nobis incarnatum & crucifixum fuisse, ad memoriam reducere, circa me vero specialiter divitias bonitatis ejus non sine admiratione perpenderem, qui me nullis exigentibus meritis de sordibus levatum inter Principes Ecclesiæ confidere, & solium gloriæ tenere fecit, ne tantis ejus beneficiis ingratus apparerem, quid retribuere Domino pro omnibus, quæ retribuit mihi, diu multumque mecum cogitare cepi. Tandem itaque ex divina, ut credo, inspiratione occurrit animo, sanctissimam & semper Virginem Mariam unicum & singulare præsidium peccatorum post Deum esse, cui si quid venerationis impenderem, id & Deo fore gratum, & animæ meæ ejus patrocinantibus me meritis arbitratus sum profuturum. Opitulante itaque Dei gratia in prædolo meo, quod *Afnide* vocatur, in honore sanctæ & Individuæ Trinitatis consecratam, sanctæque semper Virgini Mariæ, & SS. Martyribus *Cosmæ* & *Damiano* dicatam Ecclesiam his, quæ Domino donante possidebam, construxi, in qua ad immaculatum sacrificium sanctimonialium congregationem coadunare, eique victus & vestitus necessaria providere; Spiritualem quoque matrem, quæ regulariter præsideat, eidem ex eadem præficere curavi. Ne vero post mei excessum futuris seculis de electione Abbatissæ dissensio oriatur, ex decreto Sergii Papæ, & ejus Successoris *Adriani* sancitum est, & eorum privilegiis confirmatum, ut nec prece, nec pretio, nec ullo omnino unquam modo alterius congregationis sanctimonialis dictis sanctimonialibus præponatur, sed quæcunque ex cisdem, & in Dei servitio potissima, ejusdem Ecclesiæ rebus juste disponendis aptissima reperitur, hæc ex communi omnium ibidem Deo famulantium electione secundum Dei timorem suis Sororibus præficiatur. Quod tamen consuetudinarium jus tam ministrandis suis rebus imposuerim, & perpetua-

liter offerendum velim, paucis absolvam. Possessiones Ecclesiæ traditas vel tradendas, interiores vel exteriores, tam mobiles quam immobiles cum consilio Deum timentium summa cum diligentia Abbatissa procuret, reditusque earum tam in sua, quam in Sororum æquabili distribuatur utilitate, id summopere cavens, utpote Deo rationem redditura, ut de communibus earum rebus ne vel unam minimam præbendam absque earum consilio vel utilitate alicui tradat, ne, quod absit, penuria familiaris rei urgente ruptis sanctimonialibus liberius hac vel illac absque Dei timore vagentur. Si quæ vero sanctimonialis ibidem habet propriam domum, aut aliud ædificium vel a se emptum, vel dono sibi datum, vel aliquas res undelibet juste acquisitas, nihilominus ex omnibus supradictis neque Abbatissa neque aliquis alius ei auferat, neque ullo modo auferendum suadeat, sed eadem sanctimonialis libero arbitrio eandem domum, & cuncta, quæ inibi possidet, sorori suæ vel amico ad eandem Ecclesiam pertinenti, absque ullius contradictione, siue morti sit proxima, siue vitæ, quocunque modo voluerit tradat. Idipsum vero & clericis ibidem servientibus constituimus, si quis ante dictam earum aliquam Ecclesiæ possessionem Abbatissa largiente suscepit, tali suscipiat conditione, ut post ejus obitum eandem possessionem Ecclesia absque ullius contradictione suscipiat, restituta prius omnibus tam mobilibus quam immobilibus rebus, quæ in illa esse videbantur ea die qua ipse eam suscepit, aut ipsa vivens, prout voluerit disponat, aut aliquis amicorum ejus post illius mortem pro salute animæ distribuatur. Constituimus etiam ut nullus hominum vel advocatus aliquis aliquam jurisdictionem in civitate prænominata habeat, excepta Abbatissa *Affndi*, præter intruncationem manuum, vel armorum proclamationem. Anno Incarnationis Dominicæ DCCCLXXVII\* sub piissimo Rege Ludowico anno imperii ejus XXXVI\* apud Coloniam civitatem V. Calend. Octobr. in ipso die dedicationis basilicæ S. Petri. Ego Alfridus Episcopus hoc privilegium coram Domino Wiliberto prædictæ civitatis Archiepiscopo recitavi, nec non coram Luitherto Moguntiacensi Archiepiscopo, & Bertolfo Trevirensi Archiepiscopo, & Berthardo Virdunensi Episcopo, atque Tiederico Mimidonen, Episcopo, & Herolfo Ferdensi Episcopo, & Luithardo Paderbornensi Episcopo, atque Hildegribo Halverstadiensi Episcopo, & Odolfo Mimigernafurdensi Episcopo, & Orbiboldo Trajectensi Episcopo, & coram Luitherto Osnabrugensi Episcopo, nec non coram aliis quamplurimis sacri ordinis viris, qui ob supra dictæ Ecclesiæ dedicationem convenerant.

Hisce ex tabulis recognoscet quis facile mecum, Essendenses Virgines a prima sua origine & instituto sanctimonialis fuisse, quales Herivordientes, Bodecenses, Herifenses, Gandersheimenses,

\* LXXIII.  
\* XXXIV.

menſes, & paſſim per Saxoniam ex concilii Aquisgranenſis præſcripto canonicas introduximus, a quibus diverſum fuit monacharum inſtitutum, ex rigidiore D. Benediſti diſciplina. Quocirca Alfridus hiſce tabulis facit poteſtatem teſtandi donandique res ſuas, quamvis non niſi ſacratis Deo hominibus, ne in profanum uſum averſæ cederent. Prima Antiſtes Gerſwinda; crediturque Soror Alfridi fuiſſe, Onnone patre, & Rheinharde matre nobilibus nata. Et pari ſtudio: quo Luithardus Epiſcopus ſororem ſuam primam Heriſienſem Antiſtitem, ille Gerſwindam eſſe voluit. Ac tamenſi Alfridus ex Corbejenſi monacho Epiſcopus creatus: hoc tamen inſtitutum Virginum commendavit; quando pari adhuc diſciplina vitæ ac rigore cantabant intra clauſtra Collegiorum Canonici, & cameræ virgines; donec poſterioribus ſæculis ab utriſque diſceſſum in laxiorem vivendi rationem, primæ inſtitutioni minus conſentaneam, quod omnium pene religioſorum ordinum commune fuit malum.

Ceterum qui huic ſynodo Coloni-enſi interfuiſſe in utraque tabula memorantur, ſuis ſibi nominibus ac ſactis ſatis conſtant. Verum quis ille Odolphus Mimigernafurdenſis, & Lubertus Oſnabrugenſis Epiſcopus, nuſquam in ſactis eorum reperio. Quanquam hunc errorem, qui ex corroſis tabulis irrepiſit facile correxeris, ſi pro Odolpho Bertholfum Luberti in Monaſterienſi Cathedra Succeſſorem, & pro Luberto Oſnabrugenſi Epiſcopo Egibertum reponas; hunc enim ex Heriſienſium tabulis jam anno Chriſti 868. Oſnabrugenſis Eccleſiæ Epiſcopum ſupra introduximus.

In hoc ipſo celebri Epiſcoporum congreſſu Baſilicam Coloni-enſem a Wiliberto ceteriſque Epiſcopis ſolemni ritu conſecratam fuiſſe, cum Annales Francorum, tum ſatis ipſæ Wiliberti Archiepiſcopi conſignatæ tabulæ com-monſtrant; in hiſ ita Wilibertus. *Hujus itaque ordinationis & conſeſſæ electionis decretum conſcriptum juſſimus in conſpectu totius ſynodaliſ conventus publice recitari, quem ſimul nobiſcum hodierno die collectum habuimus, ob noſtræ Eccleſiæ dedicationem faciendam, & ob plurima divina tractanda nego-*

*cia.* Utrumne Ludovicus Germaniæ Rex, quem Aquisgrani per id tempus fuiſſe diximus, Coloni-am acceſſerit, & ſua præſentia, quod veriſimile habeas, ſynodum & celebritatem dēdicationis exornarit, nullus ſcriptorum prodidit. Biennio ab hinc conſecuta dedicatio Werthinenſis Baſilicæ. Cœpta quidem illa a D. Ludgero, ſed a nepotibus Epiſcopis Hildegri-mo ſeniore, Thiatgrimo, Gerfrido, Alfrido, & Hildegri-mo abſoluta; ac tandem a Wiliberto Coloni-enſi Archiepiſcopo, atque ipſo Hildegri-mo conſecrata. Quod ipſe tabulæ a Wiliberto relatæ docent.

Per id tempus fundatum eſt in Weſtphalia nobile Gerreſheimenſium monaſterium Virginum a Regenberga Gerrici militis filia ex paternis bonis, quod a Wiliberto Coloni-enſi Archiepiſcopo conſecratum Deo. Tabulas donationis præter alios conſignavit Lu-thardus Archicancellarius; quem tamen diverſum dixeris a Luthardo Epiſcopo noſtro.

Inter hæc pietatis & liberalitatis ſtudia, Ludovici quoque Germaniæ Regis ſingularis beneficentia in Corbejenſes Monachos ſe hoc anno offert; tanquam Patri Ludovico pio conditori nihil conſeſſurus filius. Quam in rem bina donationum diplomata ſuppetunt, quorum alterum menſe Junio, alterum Septembri conſignatum. Prius ſic habet.

*In nomine ſanctæ & Individuæ Trinitatis HLudovicus divina favente gratia Rex. Convenit Regiæ dignitati ſemper ſtudere, ne Eccleſiarum Chriſti ſtatus aliqua occasione labefactari incipiat. Ex hoc enim & præſens vita ſub majori proſperitate tranſigitur, & æternæ beatitudinis merces maxima acquiritur. Quapropter expedit nobis ſæpius retrahere conſeſſiones anteceſſorum noſtrorum, ſimul & noſtra præcepta de immunitate Eccleſiarum ab exacti-onibus publicis confirmare, ut & quæ prius conſeſſa ſunt nuſquam infringi patiamur, & de hiſ, quæ forte minus expreſſe annotata ſunt, & ideo in antiquis præceptis non contineri contenditur, per novorum conſeſſionem omnem in futurum dubietatem tollamus. Notum ergo eſſe volumus omnibus tam præſentis ævi quam*

Initia Par-  
menoniſ  
Gerreſheimenſis.

Ludovicus  
R. Corbe-  
jenſis exi-  
it a deci-  
mis Epiſco-  
po datus.

quam succedentium temporum Christi fidelibus, quia novæ Corbejæ monasterium jussu gloriosi Genitoris nostri constructum est in honorem sancti Stephani protomartyris Christi, atque per voluntatem ejusdem Imperatoris corpore est B. Viti Martyris insignitum. Sed & ex integro ab omnibus publicæ exactio- nis officiis & expeditione hostili tam de litis quam de ingenuis hominibus ter- ram ejus incolentibus absolutionem pro- meruit, in quo & nos comprehensum existimavimus, & hætenus observatum comperimus, ut decimæ de dominicatis ejusdem monasterii mansis non daren- tur Episcopis. Sed ad portam monaste- rii darentur in eleemosinam præfati Ge- nitoris nostri, & totius prosapiæ ejus, ut videlicet esset unde ministraretur peregrinis & hospitibus, qui nunquam desunt monasterio; nunc vero exorta quæstione per quosdam Episcopos, utrum nam hoc eidem monasterio Genitoris nostri nostroque præcepto concessum sit: quanquam, ut ipsi dicunt, nominatim non sit, expressum, sub generali tamen confessione liberæ dispositionis rerum suarum etiam hoc comprehensum fate- mur. Sicut & seniori Corbejæ, ad cu-

jus normam hæc nova instituta est, & præcipuis quibusque monachorum mo- nasteriis antecessores nostros concessisse comperimus, & ne deinceps hinc aliqua dubietas fiat, rogatu venerabilis viri Adalgarii Abbatis ejusdem monasterii per hoc nostræ potestatis præceptum de- cernimus atque jubemus, ut & omnia, quæ prius habuit, immunitatis præ- cepta rata & inconvulsa habeantur, & per hanc conscriptionis nostræ Cartam specialiter ei concessum sciatur, ut de Dominicatis mansis vel nunc habitis, vel post acquirendis, a reddendis deci- mis plenam hoc monasterium habeat im- munitatem, nisi sicut hætenus fuit, ut dentur ad portam monasterii in suscepti- onem hospitum & peregrinorum. His omnibus adstipulari recens Adriani Apo- stolici præfati Abbati collatum privile- gium cognovimus, dum hujus apud nos controversiæ quæstio ventilaretur. Et ut hæc auctoritas nostræ largitionis fir- mior habeatur, atque per futura tem- pora a fidelibus nostris verius credatur, manu propria subter eam firmavimus, atque annuli nostri impressione assignari jussimus.

Signum Domini



HLudovici Serenissimi Regis.

Hebarhardus Cancellarius ad vicem Lu-  
itberti Archicapellani recognovi & ff.

Data XVI Calend. Julii, anno ab Incarnatione Dominica DCCCLXXIII, Re-  
gni autem Domini HLudovici Serenissimi Regis in Orientali Francia re-  
gnante anno XXXIII, Indiçt. VI, actum Aquisgrani palatii in Dei no-  
mine feliciter amen.

Et villam  
Lizzicham  
iisdem do-  
nat.

Alterum vero ejusdem liberalitatis ar-  
gumentum hisce tabulis consignatum  
est.

In nomine sanctæ & Individuæ Tri-  
nitatis, HLudovicus divina favente gra-  
tia Rex. Si liberalitatis nostræ munere  
locis Deo dicatis quiddam conferimus be-  
neficii, & necessitates Ecclesiasticas no-  
stro relevamus juvamine, atque regali  
tuemur munimine, id nobis & ad mor-  
talem vitam temporaliter transigendam,  
& ad æternam vitam feliciter obten-  
dam profuturum liquidocredimus. Qua-  
propter comperiat omnium fidelium no-  
strorum præsentium scilicet & futuro-  
rum sollertia, qualiter Nos ob nostræ  
mercedis augmentum, & pro remedio

animæ Domini avi ac Genitoris nostri,  
nec non fratris nostri HLotharii sui-  
que filii & æquivoci concessimus quasdam  
res proprietatis nostræ ad monasterium  
situm in Saxonia, quod nuncupatur no-  
va Corbeja, id est Villam, quæ vocatur  
Lizzicha, ubi sunt homines L. qui pictu-  
ras faciunt & picturæ Vinearum, quin-  
quaginta & septem particule Vinearum.  
Ubi duæ Carradæ colligi possunt, &  
sunt ibi 30 fœminæ, quæ dant censum,  
unaquaque sex siclas vini, & de lino  
XII fusas III pullos, & XV ova, &  
de terra aratoria ad L modios, & de  
pratis ad Carradas X. Has itaque præ-  
scriptas res cum omni integritate totum  
& ad integrum ex jure & dominatione  
nostra in jus & dominationem præscripti  
mona-

monasterii tradimus atque transfundimus; Ea videlicet ratione, ut ab bodierna die & deinceps per hoc nostræ auctoritatis præceptum plenius in Dei nomine confirmatum nullo inquietante, sed Deo auxiliante, perpetuis temporibus ibi permaneant, absque ulla contradictione, vel eis pro nostra ac Conjugis carissima-

que prole, salute Domini clementiam facilius exorare delectet. Et ut hæc auctoritas largitionis nostræ firmitior habeatur, & per futura tempora a fidelibus nostris verius credatur & diligentius observetur, manu propria nostra subter eam firmavimus & annuli nostri impressione assignari iussimus.

Signum

POES  
LIE

Domini HLudovici Serenissimi Regis.

Hebarhardus Cancellarius ad vicem Luitberti  
Archicapellani recognovi & ff.

Data VII Calend. Octobris anno XXXIII. regni Domini HLudovici Serenissimi Regis in orientali Francia regnantis. Indictione VI. Actum Aquisgrani palatii in Dei nomine feliciter Amen.

## Annus Christi 874. 75.

Joannis VIII. Pontif. 2. 3. Ludovici II. Imp. 19. 20. Ludovici Germ. Regis 34. 35. Luthardi Ep. Pad. 15. 16.

Ann. Franc.  
a Rich. editi.  
Regino.

Ab hoc deinceps anno 874, qui sequitur, ad annum 885. & Carolum Crassum Imperatorem nulla se memoria Luthardi Episcopi nostri offert. Multi interim Regum obitus, & rerum vicissitudines, quas nosse juvat. Inter Carolinæ stirpis Reges nullus Ludovico Germaniæ Rege potentior, quem præ ipso etiam Ludovico II. Imperatore, Italiæ prope Regno incincto, Monarcham tot per Germaniam regnorum appellare licebit, ad quem præ ceteris gentium legati confluxere, aut pacem aut foedera poscentes. Eam ob rem Saxonia nostra hætenus tam pacata: Verum ut in humanis nihil diu stabile, ad arma rursus hæc concitari, ac intestino turbari bello cœpit, non sine fatali cometæ prænuncio, qui mense Julio crinalibus radiis spectatus. Inde enim mense Augusto Ludovicus II. Imperator, Lotharii filius, ac Rex Italiæ, morte substractus, novum dissidii civilisque belli incendium dedit, quod nulum hæredem filium reliquisset. Carolus Calvus Rex Galliarum, comperta

nepotis morte, festinatis itineribus, inconsulto Ludovico Germaniæ Rege ac fratre, in Italiam avolavit, Regnum illud & augustalia ornamenta prærupturus. Id cum indigne ferret Ludovicus Rex, Carolomannum Regem & Carolum filios cum exercitu in Italiam festinare imperat. (alter enim Bojariæ, alter Sueviæ Rex cognomento Crassus jam nominatus erat.) Ab his claustra Alpium penetrata, infessaque, ne Carolo reditus pateret. Quibus teritus Carolus Rex Galliæ, qui lepore timidior, in juventute virum, in senio puerum egisse scribitur, ad callidas pro more artes conversus, Carolomanno præter auri & gemmarum dona, sancta omnia obtulit. Interim Romam profectus, & Joannem VIII. Pontificem sibi demeritus, Imperator coronatus. Simul per id tempus Ludovicus Germaniæ Rex cum Ludovico filio armatus Galliam ingressus. Ibi cum Germanus miles a prædis & vastatione contineri non posset, Rex misertus populi calamitates, ultro Gallia excessit.

## Annus Christi 876.

Joannis VIII. Pont. 4. Caroli Calvi Imp. I. Ludov. Germ. Reg. ultimus. Ludovici II. filii Germ. Reg. I. Luthardi Ep. Pad. 17.

Ann. Ann.  
Regino.  
Aimoinus.  
Sigebertus.

Nec tamen Carolo Calvo, homini callidi vafrique ingenii, omnia pro libidine regnandi relinqueret, Francofurti procerum conventum indicit; ex

quo mense Julio Wilibertus Colonien-  
sis Archiepiscopus, Adelardus & Menigardus Comites missi ad Carolum, postulatum, ut Italiæ Regnum cum  
filio

Q

Ludovici  
Germ. Re-  
gis obitus.

Lib. 41. c. 7.

Ex quo no-  
va in Ger-  
mania tur-  
bz.

filio Ludovico divideret, & cum eo augustale nomen communicaret. Sprevit hoc primum Carolus, & Græcorum Imperatorum habitu tumidus, minari etiam ausus est, se tantum brevi armatorum multitudinem adducturum in Germaniam, quæ Rhenum exhaustura esset, daturaque per siccum fluminis alveum militi transitum. Ingentes sed vanæ minæ; postquam enim a Ludovico Rege ac filiis didicit exercitus contrahi, metu perculsus, legatos misit pacem petitem. Inter hæc Ludovicus Rex post amissam Ratisbonæ Emmam Reginam, insignem Corbejenfis & Herivordienfis monasterii benefactricem, & ipse Francofurti v. Calend. Septem. mortalitatem implevit, iustitia & pietate, civili prudentia & militari gloria clarus: fratrum certe integerrimus & gloriosissimus Rex, ut Regino compellat: longe etiam ceteris bellicosior, terrorque barbararum gentium. Cujus hoc etiam Helmoldi presbyteri elogium: *Noster, inquit, Ludovicus, Rex scilicet Germaniæ, Nortmannos fœderibus sive præliis hoc modo retinuit, ut cum Franciam totam vastaverint, regno ejus vel minime nocuerint. Post cujus mortem effera barbaries laxis regnabat habenis. Nam Boemi, Sorabi, Sasi & Slavi, quos ipse tributis subjecerat, tunc servitutis jugum excusserunt. Quas vero deinde clades intulerint Saxoniam, haud multo post memorabitur.*

Igitur ex morte Ludovici Regis orta novi belli flamma; ea siquidem cognita cœpit Carolus promissa retrahere, & totam Lotharingiam, veterem videlicet Austrasiam, ad Rhenum usque sibi vindicare; eo quadraginta millium exercitu contracto Aquisgranum advocat, ac Regni sede istic occupata, Coloniam properat, castraque circa urbem explicat; quo & omnes Regni Optimates ad jurandam fidem evocati. Quæ dum perfide agit Carolus, aberat Ludovicus funere patris Francofurti occupatus, aberant & reliqui fratres. Carolomannus facta expeditione in Italiam ierat: Carolus in Suevia procul agebat. Nec segnis adhæc Ludovicus, nec abjectus, mittit primum legatos ad Carolum Calvum, rogatum, ne contra fidem patri juratam filio hæreditatem tyranni in modum eripiat. Quibus Carolus respondit, se

cum patre non cum filiis transegisse, sibi hæc omnia superstiti ac seniori Ludovici pii Imper. filio jure deberi. Inter hæc Ludovicus exercitum colligit ex Francis Orientalibus, Thuringis, & Saxonibus, quocum ex adversa Colonia ripa confedit. Castris utrimque oppositis, Ludovicus etiam cum robore exercitus inter Confluentes & Andernacum Rhenum transit, castraque ad Andernacum firmat. Quo comperto, Carolus Calvus pro ingenio ad fraudes conversus, mittit legatos ad Ludovicum, per quos pacis tractationem offert, quo securum & incautum obrueret; cum ipse interea promotis castris cum 80000 armatorum Rheni ripam ascenderet. Et obrutus fuisset Ludovicus, nisi Wilibertus Colonienfis Archiepiscopus, missio ad Ludovicum Hardivico presbytero, dolum & præfens periculum significasset. Ludovicus de insidiis certior factus, copias contrahit, arma arripit, aciem instruit, & quo sui se ab hoste dignoscerent, nondum orto die pugnuros, indusio linteove candido humeris injecto, procedere jubet. Ita ventum ad pugnam 8 Idus Octob. in pago Meghinensi haud procul Andernaco, Saxones in prima fronte collocati prælium ordiuntur, in quos cum tota vis incumberet, coacti pedem referre. Laborantibus succedere Franci Orientales, tantoque ardore inveci sunt in Gallos, ut cæsis passim obviis ad signa penetrarent. Inter primos trucidatus Reginarius Comes, raptaque e manu ejus Aquila, prætorio quod gestabat signo; tum vero disjecti ordines, & per cædes grassatum in fugientes: quos cum in angusta viarum compulissent, aliis super alios ruentibus nova strage sævitum. Carolus Imperator ægre cum paucis elapsus, reliquum exercitum a rusticis per agros obruncatum agnovere hostes divina vindicta premi, quando ad calcaria restitantes equi, loco moveri non poterant. Provocarant nimirum Ludovicus post publicas preces, jejunia, supplicationes ad superos testes & judicem causæ suæ Deum, cujus deinde ope tam insignem victoriam reportasse creditur. Quod & sero tandem agnovit Carolus Imperator in Galliam profugus. Ludovicus inde primum Aquisgranum, deinde Francofurtum triumphans ingressus, Ubi mense Novembri inter fratres

Ludovicus  
R. Caro-  
lum Imp.  
sausto ad  
Andernacum  
cum prælio  
vincit.



tres denuo stabili regni paterni facta divisione, Carolomanno natu majori cessit Bojaria, Pannonia, Bohemia, Moravia, Carantanum: Ludovico Francia Orientalis, Thuringia, Saxonia, Frisia, & pars maxima Lotharingæ: Carolo cognomento Craffo Suevia & superior Lotharingia.

## Annus Christi 877.

Joannis VIII. Pont. 5. Caroli Calvi Imp. 2. Ludovici II. German. Reg. 2. Luthardi Ep. Pad. 18.

Franc. Ann.  
Regino.  
Mortitur  
Carolus  
Calvus Imp.

Ab hac clade non multum superstes Carolus Calvus Imperator. Iteratis enim literis a Joanne Pontifice adversus Saracenos per Italiam grassantes imploratus, frigide expeditionem suscepit. Et Italiam quidem ingressus est: at ubi nunciatum, Carolomannum cum exercitu Longobardiam jam intrasse, pavore solutus in Gallias se recepit, & vix Alpium juga ingressus, morte decessit; regno in Ludovicum filium, cognomento Balbum (ita ob impedimentum linguæ appellatus) quem unicum reliquerat heredem, devoluto. Hæc jam tempora, cum ante a virtutum præconio Magni, Pii, Bellicosi dicerentur, post a vitio corporis Calvi, Craffi, & Balbi appellati sunt. Tum vero Carolomannus multis Imperatoriis virtutibus exornatus, ut eum Regino commendat, Italiam occupat. Balbo satis fuit transigere cum Carolomanno ac ceteris ejus fratribus, quo Regnum Galliarum retineret. At Ludovicus Rex Germaniarum, excelsi animi Princeps, postquam Francofurti comitia procerum habuerat, captivos omnes ultro remisit in Gallias. Inde armis in Sclavos ceterosque trans Albim barbaros conversis, ad pacem & tributa adegit: simul patris majorumque exemplo, patrocinia religiosorum virorum suscepit; cujus rei argumentum esse potest diploma, quo Werthinensi cenobio omnia jura & privilegia confirmat. Id tale est ex tabulario ejus cenobii productum.

Ludovicus  
R. Germ.  
confirmat  
privilegia  
werthinensium.

In nomine sanctæ & Individuæ Trinitatis, Ludovicus divina favente gratia Rex. Si petitionibus fidelium præsulum sanctæ Dei Ecclesiæ justa & rationabilia petentium acquiescimus, hoc sine dubio ad æternæ remunerationis præmia capeßenda profuturum esse liquido credimus. Quapropter noverit omnium fidelium nostrorum tam præsentium, quam futurorum industria, qualiter Hildegimus Halberstadiensis

Ecclesiæ Episcopus quoddam monasterium Werthina nuncupatum competitione fratrum ibidem Deo servientium nostro commendavit patrocinio & nostræ defensionis tuitioni, rogans, id ipsum exposcentibus fratribus, ut jam dictum monasterium sub sua constet potestate a tempore vitæ suæ, & post discessum ipsius monasterii prædicti fratres deinceps potestatem habeant inter se eligendi Abbatem, qui eos regulariter procurare sciat. Nos etiam petitionibus jam facti Episcopi & prædictorum fratrum assensum præbuimus, & jussimus fieri hoc nostræ auctoritatis præceptum, per quod decernimus atque jubemus, ut præfata petitio firma stabilisque permaneat. Hominißus itaque prædictorum fratrum nulla judiciaria potestas vel judex publicus præsit: non ab iis freda sive paratæ accipiendæ exigantur: præfati monasterii fratres hominesque ipsorum ab omni vectigalium exquisitione securi permaneant: eorum advocato, quem Abbas constituerit, si quid est ratiocinandum, vel corrigendum fiat, & immunitatis tuitione semper permaneant & ubique. Et ut hæc auctoritas assertionis nostræ firmior babeatur, & futuro tempore a fidelibus nostris melius credatur, & diligentius observetur, manu propria subter eam firmavimus & annuli nostri impressione sigillari jussimus.

Signum Ludovici Serenissimi Regis.

Waltberus Cancellarius ad vicem Luthberti Archicapellani recognovi.  
Data xi Calend. Junii, Anno Dominicæ Incarnationis DCCCLXXVII Anno primo regni Ludovici Regis in Orientali Francia regnantis, Actum Bifestadt in Dei nomine feliciter Amen.

Huic alterum conjungas liberalitatis monumentum, qua Gandersheimense monasterium Virginum Diocesis Hildefiensis cumulavit.

Et benefa-  
cit Monas-  
terio Gander-  
shei-  
mensi.

Q 2

In

In nomine sanctæ & Individuæ Trinitatis, Ludovicus divina favente gratia Rex. Si liberalitatis nostræ munere locis Deo dicatis quiddam conferimus, & necessitates Ecclesiasticas nostro sublevamus juvamine, atque regali tuemur munitione, id nobis & ad mortalem vitam temporaliter transigendam, & ad æternam feliciter obtinendam profuturum liquido credimus. Quapropter noverit omnium fidelium nostrorum, tam præsentium quam futurorum, industria, qualiter pro remedio animarum piissimorum antecessorum Augustorum, & ob nostræ mercedis augmentum, nec non pro dilecta conjugē Lutgarda, ac carissima prole nostra, quasdam res proprietatis nostræ ad monasterium, quod dicitur Gandersheim, concessimus, quod est constructum in honore S. Stephani protomartyris; & in nostro constat patrimonio, hoc est in villa, quæ dicitur Tengstede, & in villa quæ dicitur Erike, in pago, qui vocatur Suthuringia, in Comitatu Ottonis, cum domibus, edificiis, campis, agris, pratis, pascuis, sylvis, cultis & incultis, aquis aquarumque decursibus, viis & inviiis, accessibus cum adjacentibus finibus, exitibus cum regressibus, & quidquid ad præfatas Villas jure ac legitime pertinere videtur, Ita ut quidquid ab hodierna die deinceps Abbatisa & Sanctimoniales fœminæ præfati monasterii inde facere voluerint, liberam ab omnibus perpetualiter habeant potestatem. Si vero persona quælibet posterorum nostrorum, quod minime credimus, hoc nostræ concessionis præceptum irrumperere tentaverit, & immunitatis & electionis a nobis concessio scripto continetur, violandum decrevit, omnipotentis Dei iram incurrere se nullo modo dubitet, & coram justo iudice in tremendo examinis die se rationem inde redditurum minime ignoret. Et ut hæc nostræ concessionis auctoritas firmiter habeatur, & per futura tempora a fidelibus nostris melius observetur, veriusque credatur, manu propria nostra subter eam firmavimus, & annuli nostri impressione signari iussimus. Datum V Idus Febru. Indict. 10. Anno incarnat. Domini nostri Jesu Christi 877. Anno primo Serenissimi Regis in Orientali Francia regnantis. Actum Francofurti in Dei nomine feliciter Amen.

Sustulit hic annus e numero Saxo-

nicorum præfulum Alfridum Hildesensem Episcopum, quem Luthardus Episcopus noster sibi conjunctissimum semper habuit, ob viri religionem, sapientiam, & vitæ sanctimoniam. Nam & primaria Westphaliæ nobilitate ortus, vitam primo apud nos inter Corbejenses Monachos elegit; ex quo sacro cœtu ob virtutum eminentiam Hildesensem Episcopus delectus, præclare annis 30 sedî illi præfuit. Ab eo etiam Basilica Hildesensis opere magnifico constructa dedicataque fuit. Ac præterquam quod diocesi multis prædiis & bonis locupletarî, condita sunt ab eo duo illustria Virginum sacrarum collegia, Essendense & Salingenstaden; dotatumque præterea ab eo multis bonis Gandersheimense monasterium, ut facti Hildesensem celebrant. Quanquam longe pulchrius opus, Clerum sanctissimis institutis a se formatum Successori reliquisset. Hæc enim per id tempus omnium integerrimorum Episcoporum prima cura erat. Quare si unquam, Collegia Sacerdotum & Canonicorum tum florentissima spectabantur. Ob hæc virtutum studia & opera Alfridus ipse magno apud Ludovicum Regem in honore erat; multis legationibus publicis pro Rege functus. Quam vivus sanctitatis famam meruerat, ea etiam post obitum illustrata miraculis proditur. Subrogatus Alfrido ex eodem cœnobio Corbejensi Ludolphus, vir eximie virtutis & expectationis; quem tamen mors, priusquam Episcopus consecraretur, subtraxit. Inde ex eodem cœnobio & seminario Episcoporum sublektus Marquardus, quem haud multo post clades Ebbesdorfiana sustulit.

Crantzius ad hunc quoque annum retulit funus Ludolphi clarissimi Ducis Saxonie & bellatoris pro christiana religione adversus barbaros, de quo supra relatum. Hujus filii Bruno, Tancquardus & Otto Dux magnus, ex quo genitus Henricus Rex Ottonis M. parens. Multis Ludolphi præclara facinora celebrant Saxonum Scriptores. Nobis vel ex eo commemorandus, quod Westphaliæ & Angariæ magnam partem Ducis imperio complexus, Luthardo Episcopo nostro hasce regiones ab hostibus intactas servavit. Cum Reges civilibus inter se bellis decertarent,

jam

Obitus & præclara facta Alfridi Hildesensis Episcopi.

Obitus & genus Ludolphi Ducis Saxonie. Vnde de kindas lib. 1. Ann.

jam Ludolphi filia Luitgardis Ludovico II Germaniæ Regi in Matrimonium data erat. Adeo & ipsa Ludolphi familia clara erat, & connubio in regiam familiam penetrarat.

## Annus Christi 878. & 79.

Joannis VIII. Pont. 6. 7. Ludovici Balbi Imp. 1. 2. Ludovici II. Germ. Regis 3. 4. Luthardi Ep. Pad. 19. 20.

Prospera adhuc per hæc tempora Germania Saxonique, Ludovici II Regis provisum, quem modo Aquisgrani, modo Francofurti, modo in palatio Thuringiæ ad Salam fluvium proceres in comitiis præsentem habuere, nec alio negotio magis occupatum, quam ut Reipublicæ & religionis incolumitati consuleret. Ac ne per civilia bella quicquam turbaretur, convenere ad Marianam vicum inter Mosam & Heristallum Ludovicus Germaniæ, & Lu-

dovicus Balbus Galliæ Rex, confirmatis amice iis, quæ inter utrumque parentem de partitione Regnorum convenerant. Quanquam altero ab hoc anno Ludovicus Balbus morte substractus, Galliæ Regnum in turbas coniecit, quod Ludovicus & Carolomannus filii ex Ansgarda pellice suscepti divisere; nam Adelheidis conjux, quæ heredem filium datura esset, gravis relicta, Carolum cognomentum simplicem post edidit.

## Annus Christi 880.

Joannis VIII. Pont. 8. Ludovici II. Germaniæ Regis 5. Luthardi Ep. Pad. 21.

At multo calamitosior annus infestus. Contraxerat ille exercitum, ad quem præcipui Saxoniarum Comites & proceres ac tota prope nobilitas confluit. Bellum ab omnibus eo flagrantius susceptum quod contra barbaros & juratos christianæ religionis hostes gerendum. Quapropter & Episcopi aliquot se conjungere, non tam bellatores, quam Sacerdotes sacrarumque præfides, more jam a Francis recepto; quemadmodum & supra bello contra Slavos Episcopos produximus in castris Ludovici Germaniæ Regis. Igitur secundo die februarii, qui B. Virgini sacer adscribitur, Nortmanni & Saxones congressi in vico Ebbecksdorff Ducatus Luneburgensis, acri inter se prælio decertarunt. Anceps diu pugna, qua postremum Saxones circumventi, compulsi in paludes glacie constrictas: quæ ubi pondere armorum pressæ considerunt, hæsit soluta glacie immersus abruptusque a se miles, cui nec emergendi nec pugnandi facultas erat; uti hæc Widekindus & Dithmarus Scriptores nostri tradunt. Quo conspecto, Barbari incurrunt, & miserabili strage alios, post alios impune contrucidant. Non alia funesta clades magis accepta a Saxonibus, ex quo Christi religionem susceperunt. Cæsus Dux Bruno: duo Episcopi, Theodoricus Mindensis & Marquardus Hildesien-

sis: sus. Contraxerat ille exercitum, ad quem præcipui Saxoniarum Comites & proceres ac tota prope nobilitas confluit. Bellum ab omnibus eo flagrantius susceptum quod contra barbaros & juratos christianæ religionis hostes gerendum. Quapropter & Episcopi aliquot se conjungere, non tam bellatores, quam Sacerdotes sacrarumque præfides, more jam a Francis recepto; quemadmodum & supra bello contra Slavos Episcopos produximus in castris Ludovici Germaniæ Regis. Igitur secundo die februarii, qui B. Virgini sacer adscribitur, Nortmanni & Saxones congressi in vico Ebbecksdorff Ducatus Luneburgensis, acri inter se prælio decertarunt. Anceps diu pugna, qua postremum Saxones circumventi, compulsi in paludes glacie constrictas: quæ ubi pondere armorum pressæ considerunt, hæsit soluta glacie immersus abruptusque a se miles, cui nec emergendi nec pugnandi facultas erat; uti hæc Widekindus & Dithmarus Scriptores nostri tradunt. Quo conspecto, Barbari incurrunt, & miserabili strage alios, post alios impune contrucidant. Non alia funesta clades magis accepta a Saxonibus, ex quo Christi religionem susceperunt. Cæsus Dux Bruno: duo Episcopi, Theodoricus Mindensis & Marquardus Hildesien-

*Dracoenum  
Annales a  
Pitbas edic  
Amicus  
Cranzans  
lib. 2. Saxo.  
c. 11. & lib.  
2. Metrop.  
c. 3. & 9.  
Widekindus  
lib. 1.  
Fismoldus  
lib. 1. c. 7.  
Adamus  
Breman. lib.  
1 c. 34.  
Albertus  
Saxonicus.  
Mabomius  
in notis ad  
lib. 1. Wide-  
kindi.  
Clades  
Saxonum  
prope Ebb-  
ecksdorff  
& Nort-  
mannis il-  
lus.*

fiensis: Comites præterea duodecim; quos inter tres Bardones, Thiodericus, Gerricus, Ludolphus, Folwardus, Avanus, Thiotricus, Liutharius occubuerunt: Satellites, quos ab aliis præfectos nominari leges, haud minus quam octodecim desiderati, uti Francorum Annales hæc memorant, & post eos complures alii Scriptores retulerunt. Corpora cætorum Episcoporum, Comitum & nobilium in unum cumulum protracta sunt, exutaque vestibus & armis aliquamdiu infelpulta jacuere, & cum nemo ob metum hostilem ad tumulum peteret, nec jam amplius ab incolis ejus loci dignosci possent, in eodem vico promiscue confepulta sunt. Majores inde, quod bello sacro occubuisse, cultu Divorum inter Martyres habuere. Ejus quoque rei gratia monasterium Virginum ordinis D. Benedicti eodem in loco conditum. Sane Bollandus fecutus ceteros, Divorum fastis adscripsit. Atque hæc ut certa habeamus scriptorum majorumque fide; ita Crantzium plerosque Saxoniarum Episcopos ad classicum hujus belli confluisse, simulque in hoc prælio occubuisse narrat. Quemadmodum & alii septem Episcopos eum in numerum referunt: alii pauci-

Bolland.  
tom. 1. Feb.  
die 2.

ABA Pa.  
derborn.  
MS. chron.

ores, interque hos etiam Paderbornensem Episcopum recensent; quem tamen non alium proferre illis licebit quam Luithardum: constabit autem ex diplomate Caroli Crassi infra a nobis recitando, Luithardum anno adhuc 885 superstitem fuisse. Haud dissimiles fabulæ, quas de Verdensi, Monasteriensi, Halberstadiensi, Osnabrugensi, Bremensi Episcopis in prælio cæsis narrant. Nam si illi scriptores legissent Francorum Annales, Dithmarum, Helmoldum, Adamum Bremensem, Albertum Stadensem, reperissent duos tantum Episcopos ex eo prælio desideratos, Theodoricum Mindensem & Marquardum Hildesensem; nec plures probati Auctores permittunt.

Mindem.  
Kersens  
brob. in  
Episcop. Paderb.

Nortmannorum victoria provocati Sclavi, magnis Barbarorum copiis conglobati in Thuringiam prouunt, cædibus & prædis grassando; jamque ad Salam fluvium atque ipsum regium palatium pervenerant. Quibus Poppo Comes insigni fortitudine & religione miles implorata numinis ope occurrit, & ad internecionem prope delevit, ne tota barbaries se in hasce Christianorum regiones effunderet.

## Annus Christi 881.

Joannis VIII Pont. 9. Caroli Crassi Imp. 1. Ludovici II. Reg. Germ. 6. Luthardi Ep. Pad. 22.

Omne Saxoniarum præsidium per hæc temporum mala erat in Ludovico Germaniarum Saxoniarumque Rege. Sed ille Gallicis turbis implicatus, magisque intentus erat, ut Nortmannis per Galliam dominantibus obfisteret, quam ut Saxoniam tueretur. Opportune interim Otto Dux Saxoniarum in locum cæsi fratris obtigit, Vir, ut Widekindus scribit, fratre Brunone prudentior, fortitudine bellica, & omni virtute longe præstantior. Hunc idcirco Ludovicus toti Saxoniarum, Westphaliarum videlicet, Angariarum, & Ostphaliarum ducem ac moderatorem præfecit; eoque plus confusus Ottoni, quod Sororem ejus Luitgardem in matrimonio haberet, ac veluti proregis dignitate exornatum vellet: Sed Deo hæc arcanis consiliis longius porrigente, qui deficiente Carolina stirpe, filium ejus Henricum primum Saxoniarum Regem, & nepotem

Widekindus  
lib. 1.

ejus Ottonem M. primum ex Saxonum gente Imperatorem esse voluit. Nec in præsens sefellit Ludovicum Regem in Ottone fiducia; quippe qui a clade Ebbekesdorfiana Saxones collegit in arma, eodemque adhuc anno ultus fratris Brunonis necem, Nortmannos prælio victos prostravit, ultraque Albim in sedes suas rejecit; itaque contigit, ut dum illi per totam Galliam, & Germaniam, ut jam referam, desævirent, Saxoniam tamen intactam relinquere sint coacti. Ludovicus interim Rex Germaniarum, compositis per Galliam rebus, in Bojariam profectus, æstatem istic transegit. Ineunte hyeme Francofurtum concessit; ubi morbo, quo altero anno est extinctus, decumbere cepit. Carolus vero cognomento Crassus, cum Italiam sui juris faceret, hoc anno Romæ ipso natali Christi die Imperator a Joanne Pontifice coronatus.

Otto Dux  
Saxoniarum  
ulciscitur  
cladem a  
Nortmannis  
illis illatam.

Fine

Ann. Franc.  
Regino.  
Sigebertus.  
Nortmanni  
Galliam &  
Belgium  
devallant.

Fine anni sæva illa, & ad omnem posteritatem memorabilis Nortmannorum in Belgium & Germaniam irruptio facta, quam Scriptores tradidere. Nam etsi ejecti cum clade Nortmanni e Gallia, Neomago se includerent; reparatis tamen viribus, Godefridus & Sigefridus Reges mense Novembri cum innumerabili gentis suæ multitudine inveci per ostia Rheni in adversum Mosam Hasalon Oppidum in Mosæ ripa occupant, & locum castrorum vallo fossaque præmuniunt. Quo tanquam ad receptum firmato, longe lateque in prædas effunduntur, omnia simul ferro flammaque vastando. Qua procella Leodium, Trajectum castrum, Urbs Tungrensis, Prümia, Inda, Stabuletum, atque obvia quæque cœnobîa ignibus absumpta. Inde in certio rem Mosæ ripam conversi per Ripuariam eodem barbaro furore sæviunt: tum Coloniam Agrippinam & Bonnam civitates, ut Francorum Annales addunt, cum Ecclesiis & ædificiis incendunt. Quotquot autem evadere potuerunt

tam Canonici quam Sanctimoniales Moguntiam profugere, thesauros Ecclesiarum & corpora Sanctorum secum portando. Tum præterea Tulpiacum, Novesium, ac cetera loca injecto a Barbaris igne conflagrarunt; tum captum Aquisgranum, & regium palatium, capellaque regia, ac nobilis illa Caroli M. Basilica in stabulum equorum conversa. Ac ne cetera commemorem, eodem excidio Aimoinus Cameracum, Ambianum, ceterasque Belgicæ secundæ Urbes everfas, & Parisios Urbem a Sigefrido Nortmannorum Rege quadraginta millibus Barbarorum obsessum refert. Nihil ante eum diem aut Gothorum, aut Vandalorum, aut Hunnorum furor in Christianos ediderat truculentius. Adeo quidquid inter Scaldim, Mosam, ac Rhenum patuit, evastatum est, Saxonia quod mireris, intacta. Ita vero Barbarorum irruptione premuntur regna, dum aut christianorum vitia adoleverint, aut Reges ad ignaviam prolabuntur, aut Principes diffident intestinis bellis.

## Annus Christi 882.

Joannis VIII. Pont. 10. Caroli Crassi Imp. 2. Ludovici II. Germ.

Reg. 7. Luthardi Ep. Pad. 23.

Ann. Franc.  
Regino.  
Herm. comp.  
trad.  
Ann. Fuld.  
Brunerus  
12 antiq.  
antq.  
Ludovici  
II. Germ.  
Reg. obitus

Subinde Ludovicus Germaniæ Rex, quem Francofurti lecto depressum diximus, hoc insequenti hujus sæculi anno octingentesimo secundo Francofurti 3 Calend. Februarii moritur. Quamquam Francorum annales XIII Calend. Decemb. obiisse referant; cujus mortem cometes XV. Calend. Februarii radiantibus comis spectatus denunciavit; Regino XIII. Calend. Septemb. excessisse refert. Corpus ad Lauresheimense cœnobium ac patris sepulchrum delatum. Filium quidem is suscepit ex Luitgarde, quem Ludovicum suo nomine dixerat; Sed is puer Ratisbonæ ex fenestra prolapsus præmatura morte excefferat. Ita nullo hærede filio relicto, omnia ad Carolum Crassum Imperatorem, qui ex Ludovici pii filiis superstes erat, devoluta. Quocirca procures nihil sollicitius habuerunt, quam ut Carolum ex Italia in Germaniam evocarent. Vulgata Ludovici morte, duplici malo confectum; nam & exercitus qui adversus Nortmannos erat a Rege missus, diffluxit; & Nortmanni fugientium

vestigiiis inhærentes, & munitione sua ad Mosam effusi, Confluentiam usque populando progressi. Moguntini ne in prædam venirent, urbem suam muris instaurant. Ac Nortmanni Treviros versi urbem occupant, incolis partim interemptis, partim fugatis, & templa ædesque uno busto involvunt. Item Metis excidium intentabant, cum interea Carolus Crassus Imperator multis cum legionibus ex Italia advolat. Quo cognito, Nortmanni intra suam munitionem ad Mosam se recipiunt. At Imperator, ut gentem tam infestam ex Imperio ejiceret, Wormatiæ conventum procerum indixit; decretoque bello, copias ex Alemannia, Francia Orientali, Bojaria contrahit. Saxones nostri jussi duce Ottone Albim custodire; Thuringi duce Poppone in Sclavos, Bohemos & Sorabos excubare. Inde Imperator præmissis Arnulpho Principe, quem postea Germania Imperatorem sortita, cum Bojariis, & Heinrico cum Francis Orientalibus, jussit Nortmannos palantes intercipere; ipse cum robore exercitus consecutus, intra

Nortmanni Germaniæ infesti, a Carolo Crasso domantur.



intra munimentum Hassalam ad Mosam inclusit, quo Nortmannorum Reges Sigefridus & Godefridus cum prædatorio exercitu se receperant: ibi in xii diem sunt obsessi. Cum vero obsidentes & obsessi xii Calend. Augusti inaudita aeris tempestate, quæ, tonitru, fulmine, grandine & imbris e cælo effusis, castra & urbem disjecit, attoniti fractique concidissent, bellum pace conficitur; ac datis utrimque obfidibus, iussus Godefridus Rex venire in castra & jurare, nunquam se Carolo vivo regnum ejus hostiliter ingressurum. Atque is cum se christianam religionem suscepturum promitteret, si Frisia illi, & Gisle Lotharii filia in conjugem daretur, illis impetratis, fonte baptismatis abluitur, Imperatore partes susceptoris obeunte. Sigefrido & ceteris Nortmannis ingens auri argenticque summa data. Fœdum & indignum Germaniæ nomine pactum, auro redimere, quod ferro solvendum erat. Haud multum dissimilis labe, qua nostra memoria Sueci, Nortmannorum gens, post triennale bellum auro redempti ex Imperio. Post illa Carolus Confluentiam profectus, exautorato milite, singulos domum remisit. Confluentia Imperator Carolus Wormatiæ profectus, ad conventus Imperii agendos; ubi insigni diplomate Corbejensibus omnia jura & privilegia confirmat, locumque sacrum in tutelam Imperatorum suscipit; Diploma etiam ad veterem Imperatorum ac Regum formam sit compositum, hic tamen repræsentare placuit.


Jura Corbejensium a Carolo Imperatore confirmantur.

*In nomine sanctæ & Individuæ Trinitatis, Karolus divina favente Clementia Imperator Augustus. Cum petitionibus servorum Dei justis & rationabilibus divini cultus amore favemus, superni muneris donum largiri non diffidimus. Idcirco noverit omnium fidelium nostrorum tam præsentium, quam futurorum sagacitas, quia adiens Serenitatem culminis nostri vir reverendissimus Puppo Abba ex monasterio Corbeja, quod est super fluvium Wisera in villa regia in loco dudum nuncupante Huxeri dicatum in honorem S. Stephani protomartyris, suggestit mansuetudini nostræ, ut idem monasterium & monachos ibidem per tempora*

*degentes cum rebus & hominibus non solum sub nostra tuitione & defensione constitueremus, verum etiam & talem immunitatem fieri juberemus, qualem omnes Ecclesiæ in Francia habent: cujus petitionem dignam & perspicuam judicantes, hanc auctoritatem immunitatis erga prædictum monasterium Corbejæ ejusque Rectores fieri jussimus, per quam decernimus atque jubemus, ut nullus Judex publicus, vel quilibet ex judiciaria potestate in Ecclesias, aut loca, vel agros, seu reliquas possessiones memorati monasterii, quas præsentit tempore in quibuslibet pagis & territoriis habet, vel deinceps ibidem conlatæ fuerint, ad causas judiciario modo audiendas, vel freda exigenda, aut mansiones vel paratas faciendas, aut fidejussores tollendos, aut homines ipsius monasterii tam ingenuos quam & lutos distringendos, aut ullas redibitiones aut inclitas occasiones requirendas, ullo unquam tempore ingredi audeat, vel ea, quæ supra memorata sunt, penitus exigere præsumat; Sed liceat memorato Abbati suisque Successoribus res prædicti monasterii sub immunitatis nostræ defensione quieto ordine vivere ac reside-re, & quidquid exinde jus fisci exigere poterit, totum & ad integrum nos pro æterna retributione ad pauperes alendos, & luminaria eidem monasterio concinnanda concedimus, qualiter Monachi ibidem degentes pro Nobis, proleque nostra, atque stabilitate totius imperii Nobis ad regendum commissi Domini misericordiam attentius exorare delectet. Sed & hoc placuit nobis huic inferere auctoritati, ut licentiam habeant Rectores hujusce monasterii cum quibuslibet hominibus liberis res & mancipia legaliter commutare, videlicet, ut quidquid juste & rationabiliter pars alteri contulerit parti, per hanc nostram auctoritatem jure firmissimo teneant atque possideant, & quidquid exinde facere voluerint, libero in omnibus perfruantur arbitrio faciendi quidquid elegerint. Et ut hæc auctoritas immunitatis atque confirmationis nostræ per futura tempora inviolabilem obtineat firmitatem, manu propria subter firmavimus, & annuli nostri impressione signari jussimus.*

Signum

Signum Domini Karoli



Serenissimi Imperatoris Augusti.

Waldo Cancellarius ad vicem Luitwardi Archi Cancellarii recognovi & ff.  
Data VIII Id. Novemb. anno Incarnat. Domini DCCCLXXXII. Indict. XV.  
anno vero Imperii piissimi Imperatoris Karoli II. Actum Wormatia Civitate in Dei nomine feliciter amen.

Francorum  
Annales.

Inter hæc civile bellum inter Saxones & Thuringos exortum. Ejus concitatores Poppo & Eginio comites, Thuringiæ præfecti. Verum ut in auctores iniqui belli plerumque pœna recidit, Thuringi a Saxonibus magna clade

protriti sunt. Nec tamen per hæc aut Nortmanni Saxones, nec Sclavi Thuringos laceffere ausi; quod armati starent, Ottone cumprimis Duce per Saxoniam obvolitante.

## Annus Christi 883.

Marini Pont. I. Caroli Crassi Imper. 3. Luthardi Ep. Pad. 24

Regio.

Jam is per Saxoniam status erat, ut suis se auspiciis imperiisque regeret, deserta sensim a Regum suorum ac cæsarum procuratione. Nam & Carolus Crassus Imperator, præterquam quod Boicis, Alemannicis, & totius Imperii negotiis, in depellendis Nortmannis e

Belgio, arcendisque ex Germania distinebatur, hoc anno expeditionem in Italiam suscepit; quæ a Saracenis haud secus quam Gallia a Nortmannis vexabatur, Vidonis cumprimis Thusciz ducis conspiratione cum Saracenis ac rebellionem.

## Annus Christi 884.

Hadrian III. Pont. I. Caroli Crassi Imp. 4. Luthardi Ep. Pad. 25.

Byzantine,  
Sutherlandus,  
Nortmanni  
iniciu Gal-  
lia.

Vix dum hoc composita erant, cum Imperator ex Italia evocatus in Germaniam rediit, Wormatiæque conventu procerum habito, alium exercitum in Pannoniam, alium in Moraviam misit, & Ducum auspiciis rebelles comprefsit. At majus periculum imminerebat a Nortmannis, quod hi mortuis intra annum Ludovico & Carolomanno Francorum Regibus, irruptionem in Gallias minitarentur, nisi eadem, qua defuncti Reges, pecuniæ summa secum paciscerentur. His Galli angustiis circumventi Caroli Imperatoris opem implorant, regnumque offerunt, quod in quartum annum tenuit, Monarcha exinde totius regni Francici, per Italiam Gallias, & Germaniam. Carolus igitur pro auctoritate Nortmannos Gallia excedere jubet. Quibus illi offensi Lovanii in visceribus Belgii se præmuniunt castraque, ex quibus prædas agant. Qua ex sede belli, immisso licet

alio post alium exercitu, frustra eos Galli tentarunt expellere. Adeo frigide tum bella gerebantur.

Simul per id tempus aliæ Nortmannorum copię per ostium Rheni invectæ Duisburgum, (Regino Dinckburgum vocat) occupant, in eoque se oppido includunt, dissimulante Godefrido Rege, cui Frisiam datam diximus cum Gisla Lotharii filia. Fortissimus ea tempestate Ducum erat in castris Imperatoris Henricus Popponis frater. Is per hyemem ita pressit, ut oppido tandem relicto, oceanum repetere coacti sint Nortmanni. Spectabant hæc vicini Saxones; & quo minus ejusmodi in Saxonia molirentur Nortmanni, præstabat Ottonis, Saxoniz Ducis militaris virtus, armataque Saxonia. Sensim belli gloria a Francis ad Saxones transire visa. Celebris quoque ea tempestate per Westphaliam

Expelluntur  
e Duis-  
burgo, duce  
Henrico  
Saxone.

liam Reginbernus, Theodorico comite Ringelheimio & Oldenburgico natus, Widekindi M. abnepos, a quo variis praeliis obtriti Dani.

## Annus Christi 885.

Stephani VI. Pont. 1. Caroli Crassi Imp. 5. Luthardi Ep. Pad. 27.

*Regino.  
Sigebertus.  
Godefridus  
Rex Nort-  
manno-  
rum Ger-  
maniam  
turbaturus  
occiditur.*

Accesserat annus Christi 885 quo, licet Imperator totam Germaniam in quiete possideret, obturbare tamen hanc ausus Godefridus Nortmannorum Rex. Quod Frisia, qua donatus erat, minime contentus, missis ad Imperatorem legatis, peteret Confluentiam, Andernacum, aliaque ad Rhenum loca vini feracia, quod id Frisia non ferret. Specie hæc obtendebantur, quando re ipsa ab Hugone Lotharii filio sollicitatus ad rebellionem, promissa Lotharingæ parte, si cum Nortmannis irruptionem faceret. Quæ cum Imperatorem non laterent, legatos ejus benigne habitos remittit ad Regem cum responso brevi, ab Imperatore mittendos ad Regem Oratores, qui coram omnia pertractarent. Inde in consilium vocatus Henricus supremus militiæ præfectus, statuit Godefridum dolo tollendum, quando cum exercitu per Frisiæ paludes penetrare non liceret. Missi igitur ad Regem Wilibertus Colonienſis Archiepiſcopus, & Dux Henricus cum proceribus in Bataviam. Ibi cum Eberhardus comes suas possessiones, quas inique detinebat Godefridus, repeteret; orto inter Regem & Comitem litigio, comes eduſto enſe letalem plagam capiti Regis infligit, quem mox accurrentes Henrici Satellites confodiunt. Inde in Nortmannos verſi, omnes per Bataviam Inſulam contrucidant. Hugo ſubinde auctor rebellionis erutis oculis in cœnobium detrufus. Ad hunc modum Imperator præſenti periculo deſunctus Germaniam quietam habuit.

*Carolus  
Imp. liberam  
Clericis  
Paderb.  
facultatem  
dat eligendi  
Episcopos  
pam.*

Menſe vero Septembri inter ceteros legatos ab Imperatore auditus eſt benigne orator a Luitardo Paderbornenſi Epifcopo miſſus, qui Antiſtitis ſui nomine liberam Epifcopi ſui electionem petebat, Collegii cathedralis Sacerdotibus & Clericis, qui hic fratres vocantur. Imperator poſtulatſis egregio diplomate eligendi Epifcopi ſui poſteſtatem fecit. Id quia inter cetera Eccleſiæ hujus monumenta a Ferdinando Epifcopo primum e tabulariis noſtris eſt productum, hic adſcribo.

*In nomine ſanctæ & individue Trinitatis, Karolus divina favente Clementia Imperator Auguſtus. Noverit omnium fidelium noſtrorum præſentium ſcilicet & futurorum induſtria, qualiter quidem venerabilis vir Luthardus Paterbrunnenſis Eccleſiæ Epifcopus ſua miſſa legatione noſtræ ſuggeſſit Celſitudini, quatenus in eligendis Epifcopis prædictæ Eccleſiæ fratres inter ſe firma ſtabiliſque per futura tempora electione juxta priſtinum morem frui mererentur. Cujus petitioni aſſenſum præbentes ob remedium venerandæ memoriæ videlicet avi & Genitoris noſtri, ac noſtræ ſalutis proſperitatem, ratam firmamque ei perhenniter hujusmodi electionem conceſſimus, licet talem inter ſe moribus ſcientiaque probatum invenirent, qui eidem officio aptus dignusque, quantum humana ad hoc competit fragilitas, diſnoſcatur. Proinde hoc noſtræ auctoritatis præceptum ei conſcribi juſſimus, per quod decernimus atque jubemus, ut deinceps, ſicut ſupra diximus, ipſe Paterbrunnenſis Eccleſiæ clerus poſteſtatem habeat inter ſe eligendi Pontificem, donec inter ipſos talis inveniri poterit, qui ad illud officium dignus reperiatur. Et ut hæc noſtræ auctoritatis conceſſio apud poſteros obtineat vigorem, annulo noſtro ſubter juſſimus ſigillari.*

*Salomon Notarius ad vicem Luitwardi archicancellarii recognovit.*

*Data VI Idus Septemb. Anno Incarnationis Domini noſtri Jeſu Chriſti DCCCLXXXV. Indictione III, anno vero regni Domini Karoli piſſimi Regis VIII imperii ejus V. Actum in Franckenefurt in Dei nomine feliciter Amen.*

Utrumne vero Carolus Crassus primo hanc liberam potestatem eligendi Episcopum Paderbornensi Ecclesiæ dederit; an quod in electione Baduradi & Luthardi hæc jam ante obtenta, confirmarit, incertum habeo. Luthardus certe, quod jam aut senio gravis, aut invalidudine pressus ad extremum

num vitæ urgeretur, Ecclesiæ suæ consultum voluit. Hoc ipsum privilegium liberæ electionis confirmatum ab Ottone II. Ut in Folmaro Episcopo referemus. Neque id privilegium novum videri debet, quando jam ante Carolus M. aut certe Ludovicus pius Imperator, ut Sirmondo visum, lege in Capitularium libris sancita, Clero per Germaniam & Franciæ Regnum liberam & communem omnibus Collegiis eligendi Episcopi potestatem dedit,

idque antiquorum patrum, institutis & Ecclesiæ libertati; atque receptæ consuetudini consentaneum proficitur; Ut in hoc non tam privilegium, quam antiquum Ecclesiæ jus recognoscas. Etenim quod Imperatores ac Reges jus vendicent nominandi Episcopos, eam a Pontificis indulto potestatem habuere a Pipino & Carolo M. ceteri Francorum Reges & Imperatores; ita vero reddidere Ecclesiæ, quod ab Ecclesia acceperant.

defensis & Monasterii Corbejenfis

## Annus Christi 886.

Stephani VI. Pont. 2. Caroli Crassi Imp. 6. Luthardi Ep. Pad. ultim.

Quantum exinde Luthardus ab hoc anno superstes vixerit, nemo satis in tabulas retulit. Verum cum diploma hoc Cæsareum mense Septemb. hujus anni consignatum sit Luthardo, atque is vi Nonas Maji (quod in Heriensium necrologio annotatum est) obierit, consequens est anno 886 obiisse; nam Biso ejus Successor anno proximo 887 Episcopus introducit; quippe qui hoc anno, ut referemus, simile diploma a Carolo Crasso Imperatore obtinuit. Et si Luthardi initia Episcopatus ab anno 859 deducere liceat, jam annos xxvi Episcopatus, quos Auctor vitæ Meinweri adscribit, integros reperies. Quanquam Crantzius ex Annalibus Paderbornensibus annos xxiii illi consignet. Bruschius Luthardum innocentissimæ atque optimæ vitæ fuisse scribit. Neque dubium quin integerrimis & sanctissimis Saxoniarum Episcopis accenseretur; quales tum prima christianæ religionis per Saxoniam ætas ferebat; Ut vel inde Unwanus Episcopus, cum adhuc posthuma ac recens ejus fama odorque Sanctitatis spiraret, Luthardi ossa cum reliquis e tumulo levavit.

eo nomine sexti, quo privilegia ac jura Hildesienfis Ecclesiæ, & Corbejenfis ad Visurgim Monasterii, Apostolica auctoritate confirmat.

*Stephanus Episcopus Servus servorum Dei, Reverendissimo & sanctissimo Wicberto Episcopo sanctæ Ecclesiæ, quæ vocatur Hildesheim, patrocinio sanctæ Dei Genitricis semper Virginis Mariæ Domine nostræ dedicatæ, seu Bovoni Abbati venerabilis monasterii, quod vocatur nova Corbeja, ex dedicatione & nomine Beati Christi protomartyris sancti Stephani, ubi in sacris requiescit membris B. Christi Martyr Vitus in perpetuum. Convenit Apostolico moderamini pia religione succurrere polentibus pia compassione, & poscentium animis alacri devotione impartiri assensum. Ex hoc enim lucri potissimi præmium a Conditore omnium Domino promeremur, dum venerabilia loca oportune ordinata ad meliorem fuerint sine dubio statum perducta. Igitur omnes sanctæ Ecclesiæ Dei fideles atque devotos præsentis scilicet atque futuros scire volumus. Utrasque supra nominatas Ecclesias cum omnibus earum familiis seu plebibus, ac rebus immobilibus, juste ad eas ubique pertinentibus, quarum una sedes vocatur ex patrocinio sanctæ & superexaltatæ Dei Genitricis Mariæ Domine nostræ, altera vero Monachorum contuberniis instituta, & dedicatione B. protomartyris Stephani, ubi & B. Martyr Vitus corpore requiescit, sub B. Petri Apostolorum Principis tuitione & sedis Apostolicæ speciali defensione per hoc nostræ Apostolicæ confirmationis privilegium omnibus modis submissas perenni jure consistere. Hujus*

Luthardus Ep. verisimiliter hoc anno obiit. Crantzius libro 2. Mo. sup. c. 15. Brusch. in cat. Pader. Episc.

Et Wulfarius Ep. Mind. \* al. 15. Sept. Crantzius lib. 2. Mo. sup. c. 27. Chron. Mind.

Stephanus Papa confirmat privilegia Ecclesiæ Hil-

Haud multo post Luthardum, \* mense Julio, sublati sunt e numero mortalium Wulfarius, quartus Mindensium Episcopus; quem virum doctri-  
na, prudentia, & fervore religionis proferendæ haud dissimiliter commendant ejus Ecclesiæ fasti.

Hoc ipso mense Majo; quo Luthardus excessit, priusquam ad Bisognem transeamus, non intermittendum duximus diploma Stephani Pontificis

R 2

jus rei gratia decrevimus, & prærogativa atque auctoritate Dei omnipotentis, & ejusdem Apostolorum Principis, cui legandi atque solvendi in Cælo & in terra data est potestas, cujusque nos vice divino munere fungimur, injungimus, ut a nullo hominum aliqua vis aut oppressio, vel contrarietatis, seu occupationis molestia quocunque modo inferatur in rebus vel possessionibus Ecclesiarum earundem, neque illarum possessiones aut decimæ ipsis collatæ ubique Ecclesiis a quolibet usurpentur, aut more tyrannica diripiantur. Sed in arbitrio & jure Episcopi vel Abbatis utriusque Ecclesiæ cuncta consistant, sub diligentissima Canonica Institutionis censura. Potius autem eadem Ecclesiæ utriusque ordinis cum omnibus earum possessionibus per hujus Apostolici statuti privilegium indiminute ac illibate ab omnibus, qui christiano nomine censentur, sub defensione sanctæ sedis Apostolicæ habeantur & observentur, ad laudem Dei omnipotentis, & Sedis Apostolicæ reverentiam, & stabilem etiam vigorem, & statum augmentandum profuturum Ecclesiæ. Si quis autem, quod non optamus, temerario ausu contra hoc nostræ auctoritatis & Apostolicæ Confirmationis privilegium pie a nobis concessum ire agereque præsumpserit, & in toto vel ex parte transgredi conatus fuerit, & omnem reverentiam sanctæ Sedis Apostolicæ non observarit, sciat se a Deo patre omnipotente & filio & S. Spiritu excommunicatum, & nisi resipuerit, perpetua anathemate condemnatum. Qui vero custos & observator exstiterit, & benedictio-

nem & gratiam a Deo & Domino nostro consequi mereatur.

Scriptum per manum Gregorii Scrineatis Sanctæ Romanæ Ecclesiæ in mense Majo Indictione quinta, valete. Datum 3. Calend. Junii per manum Leonis Sacellani Sanctæ Sedis Apostolicæ Imper. Domino piissimo patre Carolo Augusto coronato magno Imper. anno sexto, & post consulatum ejus anno sexto, Indictione quinta.

Wigbertus, quem Pontifex tam honorificis titulis exornat Marquardi, qui in Ecbekesdorfiano prælio a Danis cæsus occubuit, Successor fuit, & quintus Hildefii Episcopus; uterque ex Corbejensibus Monachis ad eam dignitatem delectus. Ac miror cur Crantzius alique hunc vix annum in Episcopatu expleffe scribant; cum his literis in sextum annum superstes memoretur; & post etiam anno 888 in synodo Moguntina subscripserit decreto Episcoporum. Bovo similiter post Warinum quintus Corbejensium Abbas, vir doctrina, vitæ integritate & religione præstans. Et jam Corbejensis cænobii fama Romæ Pontificis aures animosque impleverat, non tam quod Hildefiensis Ecclesiæ tres ordine præstantes Episcopos, Alfridum, Marquardum & Wicbertum dederat; quam quod indies tot Apostolicos viros in Septentrionem mitteret, quorum opera ad barbaras gentes fidei christianæ lumen tanto cum fructu importabatur.



BISO



# BISO IV.

## EPISCOPUS PADERBORN.

Annus Christi 887.

Stephani VI. Pont. 3. Caroli Crassi ult. Arnulphi Reg. Germ. I.  
Bifonis Ep. Pad. I.



Post Luthardum quartus Paderbornensis Episcopus Biso, hoc ipso, vel fine præcedentis anni secundum Caroli Crassi privilegium a clero suo in locum Luthardi electus; vir cum vitæ integritate, doctrina & prudentia: tum religione & pietate egregius, magnæque apud Imperatores auctoritate. Quanquam ex qua familia sit ortus, & per quos gradus in clero subvectus, aut a quibus consecratus sit Episcopus, e vetustatis memoria, ut multa ejusmodi, nobis subtracta sunt. Episcopatus initia a cultu pietatis est auspicatus. Nam, ut in vita Menulphi refert auctor relatus, sepulchrum Baduradi Episcopi aperuit, anno ab obitu ejus xxvii (qui juxta calculum a nobis positum hic annus 887 est) seu ut ossa honoratiori loco collocaret, ob cœlestia beneficia ad ejus patrocinium impetrata; seu alia hujus rei causa fuerit. Sane postquam Baduradi corpus inspectum in tumultu fuit, reperiæ sunt vestes omnes, quibus corpus involutum jacebat, prorsus integræ, nulloque aut vetustatis aut putredinis vitio obnoxia. Quod uti Bifoni cleroque, qui aderat, argumentum fuit sanctitatis; ita omnes accipere hortamentum imitandæ virtutis.

Biso elevat  
ossa B. Baduradi.

Synodus  
provincia-  
lis Colonia-  
ensis.  
Bisius.

Mense Aprili hujus anni Coloniae Metropolis suarum Provincialium Episcoporum conventum habuit, ad quem & Saxoniae Episcopi convenere, Wulfelinus seu Wulthelinus Mimigarnefordensis, & Drogo Mimidonensis Episcopus. Ea in synodo legibus & pœnis actum in raptos bonorum Ecclesiasticorum,

At Biso inter hæc vix biennium vixit sub Carolo Crasso Imperatore. Is

quia superiori anno imploratus a Gallis erat, misit hoc anno Henricum Ducem, fortissimum ea tempestate Francici & Germanici sanguinis bellatorem, & Popponis Thuringiæ ducis fratrem, adversus Nortmannos; ea enim barbara gens, ex quo semel pedem fixit in Belgio; exercitu triginta millium selectorum virorum Parisios obsidere ausa, urbem fortiter propugnante Cossino Episcopo, & Odone Roberti Comitis filio, generis Saxonici. At postquam Henricus hostium castra exploraturus cum equo prolapsus est in fossam, atque ab ipsis Nortmannis in conspectu militum confossus interiit, exercitus sublato capite diffluxit. Quare Imperator cum reparato exercitu in Galliam festinavit; ac castra licet hostium castris opposuerit, hostem tamen ab obsidione dimovere non licuit; donec fœda pacatione Nortmannis regio Sequanæ permissa, quæ deinceps Nortmannica appellata est. Ita prædatricem gentem illam primo in visceribus Gallia, haud secus, quam Gothos olim, & ipsos Francos permittere necesse fuit. Hæsit inde hæc labes Imperatorio nomini & Gallia.

Nortmanni  
sedem in  
Gallia fi-  
gunt.

Domesticis inde malis conflictatus Imperator. Nam postquam ex Galliis in Germaniam rediit, Vercellensem Episcopum, quem Archicancellarium apud se habebat, virum sapientissimum, & moderatorem omnium rerum, ex aula abjecit, ex levi & inani suspitione consuetudinis cum Richarde Augusta. Et mox ipsi Augustæ libellum repudii misit, frustra de injuria contestanti, jurantique non modo decennio illo, quo Carolo in uxorem data, sed ab ipsis etiam incunabilis intactam se virginem permanfisse; paratamque su-  
pra

Richardis  
Augusta  
Carolo  
Imp. repu-  
diatur.

pra fidem & juramentum, candentis ferri examine pudicitiam suam confirmare. Quæ omnia frustra fuere. Tantum vel suspicio tenacius animo concepta, vel audacia delatorumque invidia & malevolentiam valuit. Richardis, ut hæc ipsa multo generosius contemneret, in monasterium a se conditum recessit, ubi sponsum magis sibi fidum invenit.

Biso Ep. a  
Carolo Imp  
obtinere con  
firmatione  
nem privi  
legiorum  
Ecclesiæ  
Paderb. &  
Collegii  
Herifienfis.

In hoc tamen aulae rerumque statu Biso Paderbornensis Episcopus Carolum Imperatorem adiit, benignum in se atque æquum Principem expertus. Nam cum ab ipso Imperatore confirmationem omnium privilegiorum bonorumque sacrorum sui Episcopatus, ac deinde idem pro Herifienfi Collegio Virginum suæ diocesis peteret, exhibitis in hanc rem, quæ a Carolo M. & Ludovico pio Imperatore Paderbornensis Ecclesiæ haberet, utrumque impetravit. Paderbornensis Ecclesiæ diploma ex ipsis originum literis adscriptum est ejusmodi.

*In nomine sanctæ & Individuæ Trinitatis, Karolus divina favente gratia Serenissimus Imperator Augustus. Si locis Deo dicatis nostræ imperialis potestatis benevolentiam impendamus, hoc nobis ad æternæ remunerationis præmia capeßenda profuturum fore liquido credimus. Quapropter omnium fidelium nostrorum præsentium scilicet & futurorum cognoscat industria, qualiter vir venerabilis nomine Biso, Episcopus scilicet Ecclesiæ constructæ in honore sanctæ Mariæ semper Virginis, & sancti Chilian, in loco, qui dicitur Paderbrunna, attulit in præsentiam nostram beatissimorum avorum nostrorum au-*

*gustorum, ipsique Genitoris nostri conscriptæ, in quibus continebatur, qualiter ipsi antecessores nostri jus præfatæ Ecclesiæ cum hominibus in ipsis rebus consistentibus sub illorum receperint mundeburdo, precatuque est mansuetudinem, ut hoc ipsum a nostræ imperialis potestatis consensu fieri non recusaremus. Nos autem ob amorem Domini, & ob remedium animæ pii Genitoris nostri, cæterorumque Antecessorum, nec non & pro nostræ mercedis augmento, paternos mores sequentes, & benignitati ejus consentientes ita fieri decrevimus. Præcipientes ergo jubemus, ut nullus Judex publicus, vel quislibet ex judiciaria potestate in Ecclesias, aut loca, vel agros, seu reliquas possessiones jam dictæ Ecclesiæ, quas nunc infra ditionem regni nostri legibus possidet, vel quæ deinceps in jura ipsius loci divina pietas voluerit augeri, ad causas judiciario modo audiendas, vel freda exigenda, mansiones vel paratas faciendas, aut fidejussores tollendos, aut homines ipsius Ecclesiæ contra rationem distringendos, nec ullas redibitiones, vel injustas occasiones requirendas ullo unquam tempore ingredi audeat, vel ea, quæ supra memorata sunt, penitus exigere præsumat. Hominibus quoque famulatuni ejusdem monasterii facientibus in burstemorarca, qui Saxonicæ malman dicuntur, prædicatum mundeburdum & tuitionem nostram constituimus, ut etiam coram nulla judiciaria potestate examinentur, nisi coram Episcopo, vel avvocato, quem ejusdem loci Episcopus elegerit. Quidquid vero fiscus exinde sperare potuerit, prædictæ Ecclesiæ ad stipendia pauperum & luminaria concedimus, & ipse Episcopus cum omnibus rebus suis nostro fideliter pareat imperio, & sub nostra consistat defensione, quatenus ipsum fratresque ejusdem loci pro nobis Dominum melius jugiterque exorare delectet. Et ut hæc nostræ consensionis auctoritas plenior in Dei nomine obtineat firmitatem, manu propria nostra subter eam confirmavimus, & annuli nostri impressione assignari jussimus.*

Signum Domini Karoli



Serenissimi Imperatoris  
Augusti.

*Amalbertus Cancellarius ad vicem Luitberti Archicapellani recognovi.*

*Data XI. Calend. Octobr. Anno Dominicæ Incarnationis DCCCLXXXVII. Indictione V. Anno vero regni Karoli Serenissimi Imperatoris Augusti in Italia VII. in Francia V. in Gallia III. Actum ad Justinaw curte Regali in Christi nomine feliciter amen.*

Satis hoc magnificum diploma ostendit, quæ privilegia juris ac bona Ecclesiæ Paderbornensis non modo a Ludovico Imperatore, sed & Carolo M.

consignata habeat, licet utriusque tabulæ modo desiderentur. Prorsus ad illam formam Carolinam, qua Osna-brugensis Ecclesiæ diploma superest,


&

& a Ferdinando Episcopo primum ex autographo integre productum est in monumeratis Paderbornensibus; ne quis iudex publicus, aut regius minister quidquam in bona & possessiones, vel subjectos homines potestatis habeat; sed tota jurisdictio publica sit penes Episcopum, uti principem Imperii, qui aut ipse per se, aut per advocatum vicariæ potestatis ea administret. In hunc denique modum, postquam singulæ diœceses suis terminis fuere circumscriptæ, ceteris quoque bona sua, privilegia, ac jura a Carolo M. esse data, nulli controversum esse debet. Alterum Herifense diploma, quod eodem die ac loco consignatum est ab Imperatore, pari hic fide sistimus.

In nomine sanctæ & Individuæ Trinitatis, Karolus divina favente gratia Serenissimus Imperator Augustus. Si loca divino cultui mancipata nostro levamus juvamine, hoc nobis ad æternæ remunerationis præmia capeßanda profuturum fore liquido credimus. Quapropter omnium fidelium nostrorum præsentium scilicet & futurorum cognoscat industria, qualiter Biso Venerabilis Paderbrunnensis Ecclesiæ Episcopus attulit nostræ Serenitati quoddam conscriptum, in quo continebatur, qualiter quoddam monasterium sacrum monialium in loco qui dicitur Herifi, una cum licentia piißimi Genitoris nostri a Liuthardo Episcopo, una cum decreto Liutherti Archiepiscopi, atque omnium Consynodaliu suorum Coepiscoporum, simulque omnium consecratorum & Clericorum a fundamentis fuerat constructum, ea videlicet ratione, quia ipse Liuthardus Episcopus & soror ejus nomine Waldburc in Sanctimoniali proposito permanens, tradiderunt suam proprietatem ad præfatam suam Ecclesiam Paderbrunnensem, quæ est constructa in honore sanctæ Dei Genitricis Mariæ, quatenus ejusdem res perpetualiter in ejusdem monasterii potestate consistant. Et deprecatus est nos idem venerabi-

lis Episcopus Biso, ut ipsum monasterium & res ad illud pertinentes sub nostræ immunitatis tuitione & defensione suscipereamus, & tales casas, sicut ipse in beneficium habuit, in villa Nadri, pro remedio animæ nostræ illuc ad Dei servitium ipsis monialibus concederemus. Nos vero ejus petitioni libenti animo satisfacientes ita fieri decrevimus. Concessimus igitur illuc in ipsa Villa Nadri bobas Xcum casu & curte, vel cum omnibus juste ad ipsas bobas pertinentibus, vel respicientibus; & jussimus eis fieri hoc nostræ auctoritatis præceptum, per quod decernimus atque jubemus, ut memorata Waldburc præfatum monasterium Herifi diebus vitæ suæ securiter per hoc nostræ auctoritatis præceptum habeat atque possideat. Post suum vero discessum licentiam ipsæ sorores habeant inter se eligendi Abbatissam una cum consensu illius Paderbrunnensis Ecclesiæ Præsulis. Et mundeburdum de eadem Ecclesia habeat præfatum monasterium Herifi, & per unumquemque annum IIII. solidos ad eandem Ecclesiam persolvant. Simulque mansa X in villa nuncupata bajonbus, quæ Liuthardus venerabilis Episcopus illuc perpetualiter permanenda concesserat, cum decimis villarum, quæ vocantur Herifi, Mabtun, Nortgardinum & Surbgardinum cum appenditiis sibi villulis in usibus ancillarum Dei tradita per hoc nostræ auctoritatis præceptum plenius in Dei nomine confirmatum, nullo inquietante, sed Deo auxiliante perpetuis temporibus consistent, absque alicujus contradicentis obstaculo. Volumus etiam atque præcipimus, ut sæpe jam dicti monasterii ancillarum Dei homines non alio modo a judiciariis personis constringantur, nisi sicut Paderbronnensis Ecclesiæ præceptis concessimus. Episcoporum quoque synodale decretum conscripto & signo subscriptionis roboratum super memoratum monasterium Dei, nomine herifi, nostræ quoque largitionis concessione firmatum permaneat. Et ut hæc auctoritas largitionis nostræ firmior babeatur, & per futura tempora a cunctis fidelibus nostris verius credatur, & diligentius conservetur, manu propria nostra subter eam confirmavimus, & sigillo nostro assignari jussimus.

Signum Domini Karoli



Serenissimi Imperatoris Augusti.

Amalbertus Cancellarius ad vicem Liutherti Archiepiscopi recognovi.

Data XI. Calend. Octobr. anno Dominicæ Incarnationis DCCCLXXXVII Indictione V. Anno vero regni Domni Karoli Serenissimi Imperatoris Augusti in Italia VII in Francia V. in Gallia III. Actum ad Lustinavua curte regali in Christi nomine feliciter Amen.

Ad

Ad Imperatoris diploma accedit Stephani vi Pontificis, Herifienſi Virginum monaſterio per hæc tempora datum, quod hodiedum Virgines ſervant in cortice ſeu ægyptiaca papyro Longobardorum literis conſcriptum; id quia ob implexos characterum ductus ex integro legere non licuit, ejus exemplar hic intermittimus. Ex adverſa diplomatis pagina adſcriptum, id diploma a Biſone Epifcopo impetratum eſſe; a quo præterea reliquæ S. Saturninæ Virginis, & caput S. Agathæ, & coſta S. Laurentii importata ſunt; ut jam ſatis conſtet, cujus beneficio hæc ſacra pignora Herifienſibus obvenerint.

*Regino in Chronico. Sigbertus Hermannus Contradus; Otto Friſingensis l. 6. c. 9.*

*Exauſtoratur Carolus Imp. Succedit Arnulfus R. Geria.*

Ceterum Carolus haud multum inde ſuperſtes Imperator; tanquam hæc ultima ejus munificentia dona fuerint, poſt quæ Imperator ipſo codro pauperior e fortunæ ſcena ſpectatus. Nam cum menſe Novembri Triburiz, aut, ut quidam, Francofurti, conventum procerum convocaret, omnes uno impetu concitati, Franci cum primis, Saxones & Thuringi, deſciſcunt. Tracti mox in ſocietatem Boji, Suevi, ceterique Germaniæ Optimates; quod palam cognoſcerent, Imperatorem viribus corporis & mente deſtitui, ac non niſi ſimulacrum Imperatoris agere. Quare conſpirantium ſententiis exauſtoratur, imperiumque Arnulpho deſertur. Erat is Carolomanni fratris filius, ex concubina genitus, juvenis præcellæ indolis & virtutis. Tanta vero animorum converſio fuit, ut e tanto aulicorum & procerum numero ne unus quidem perſtiterit, qui Carolo ad obſequium maneret: cunctis ad novum Imperatorem tranſeuntibus. Ita omnibus regnis & bonis exutus Imperator mittit ſupplex Bernardum filium ex pellice genitum, qui vitæ alimenta ab Arnulpho ſibi assignari peteret. Triduum Luitbertus Moguntinus Archiepiſcopus pauperis inſtar aluit; donec Arnulphus Rex Neudringam illi pagum, Sueviæ domicilium, & ex fiſco regio tenues cenſus attribueret, ex quibus vitam traheret. Trifte ſpectaculum ex fortunæ ludibrio videre Imperatorem, qui Ludovico gloriſſimo Germaniæ Rege natus, avum habuerat Ludovicum pium, proavum Carolum M. nec minor ipſe Monarcha fuerat, eo recidiſſe miſeriæ, ut regiam dignitatem

cum mendicitate conjungeret; uno tantummodo felix, quod & mente imminutus, & ſenio præmortuus calamitatem neſciret; qui tertio poſt menſe in Januario vitam clauſit, funere ad Augiæ cœnobium deducto. Ita vel ad extremum uſque Fortuna Principem deſtituit, quem certe Regino eorum temporum ſcriptor & ſpectator magnis laudibus extollit; utpote qui per omnem vitam regiis & chriſtianis virtutibus exornatus, nihil pro viribus ingenii impenſius habuit, quam Eccleſiam armis rueri, legibus firmare, aſſiduis precibus vacare, ſtare in choro Sacerdotum inter cantores, pauperes & religioſos omni liberalitate fovere. Quem admodum & tabulæ a nobis ex Saxonia adductæ hanc in rem teſtes venire poſſunt.

Quamquam & alius rerum humanarum caſus in Carolo Craſſo. Ultimus enim ille erat per Germaniam, poſt tot Reges & Principes ex ſtirpe Carolina, præter Arnulphum a Carolomanno ex concubina genitum; neque in Gallia alius ſuperſtes ex hac ſtirpe, præter Carolum cognomento ſimplicem, a quo tamen productior ſtirps per Ludovicum Transmarinum, Lotharium, & Carolum Reges; ſed nomina potius, quam Reges, in quibus eandem ſcenam deficientium Francorum ſpectare licuit, quam ultimæ iſtæ umbræ Merovingianæ ſtirpis Reges dederant.

Sapienter vereque Regino, Francorum, inquit, Regnum a Carolo M. ad faſtigium pervenit. *Post cujus deſceſſum, variante fortuna, rerum gloria, quæ ſupra vota fluxerat, eodem quo acceſſerat modo, cœpit paulatim diſfluere, donec deficientibus non modo regnis, ſed etiam ipſa regia ſtirpe, partim immatura ætate pereunte, partim ſterilitate conjugum marceſcente,* hi ſoli de tam numeroſa ſtirpe ſuperſtites eſſent. Et nondum hoc ſæculum exierat, ex quo Carolus M. exceſſerat. Tam cito Regum & Principum familiæ, tot armis & ſtudiis in immenſum auctæ, fatiſ ſuis occidunt.

At una ſpes per Germaniam in Arnulpho. Et hunc tanquam alterum Carolum Martellum ut quondam Francia, ita nunc Germania eſt ſortita, qui collapſa

*lib. 2 ad an. 880.*

Arnolphus  
R. confir-  
mat privi-  
legia Cor-  
bejenf. &  
Herivordi-  
enfiun.

collapsa restitueret, sustineretque Imperii molem; & quantum illi natalium sorte, tantum ingenio militari, procerum gratia, magnitudine animi ac prudentia prope similis. Imperium auspicatus est Arnulphus a pietate & religionis studio; ejus rei argumentum inter cetera liberalitas in Ecclesias & religiosorum hominum cœtus: satisque testabitur diploma, quo altero statim mense, postquam delectus Rex Germaniæ, Corbejenſe Monachorum, & Herivordienſe Sanctimonialium Virginum monasterium in tutelam suscepit, privilegia confirmavit, & Regni incolumitatem sacrorum hominum precibus ac meritis apud Deum commendavit.

In nomine sanctæ & Individuæ Trinitatis, Arnulphus divina favente gratia Rex. Si servorum Dei petitionibus, quas pro Ecclesiarum sibiſmet commiſſarum utilitatibus nobis ſuggerunt, clementer annuere ac pie proſpicere volumus, & ad præſentis vitæ curſum proſpere peragendum, & ad futuræ beatitudinis præmia promerenda id nobis profuturum liquido credimus. Unde omnibus sanctæ Dei Ecclesiæ noſtrisq; fidelibus notum eſſe volumus, quod fidelis noſter Bovo monaſterii, quod vocatur nova Corbeja, inſinuavit Celſitudini noſtræ, qualiter ipſum monachorum Cœnobium ſibi commiſſum, nec non & monaſterium puellarum conſtitutum in loco Heriſford nuncupato, cui præeſt Abbaſſiſſa nomine Hathuvic, a venerandæ memoriæ antecellore noſtro HLudovico pro æterna ipſius omniſque glorioliſſimi generis ſui memoria primum conſtructa, ac deinde tam illius quam filii ſui Sereniſſimi Regis HLudovici, & Succellorum ejus largitionibus illuſtrata, & deſenſione ac tuitione hætenus fuerint conſervata. Quamobrem noſtram imploravit Clementiam, ut eadem monaſteria ſub noſtra tuitione ſuſcipientes omnes donationes atque conſeſſiones a progenitoribus ac prædeceſſoribus noſtris eis collatas noſtræ auctoritatis præcepto firmare & ſtabilire vellemus. Cujus rationabili ac juſtæ petitioni aſſenſum præbentes, decernimus atque jubemus; Inprimis ut utrumque Cœnobium cum omnibus ad ea pertinentibus pleniffimæ immunitatis ſecuritate fruatur, ſicut ab Antecelloribus noſtris eis conſeſſum fuerat, & in eorum præceptis continetur,


neque publicis exactiõibus, vel quibuscunque modis illorum homines a qualibet judiciaria poteſtate diſtringantur; ſed nec præſatus Abbas ejusque ſucceſſores aliquando in hoſtem ire cogantur, ſed ſicut antea eis a prædeceſſoribus noſtris conſeſſum fuit, omnes ſuos Vaſallos Nobiles ſecum in patria ab expeditionibus vacantes habeant; inferioris vero conditionis, quantis opus habuerint ad legationem noſtram & ad monaſterii utilitatem, pro ut neceſſitas flagitat, peragendam. Deinde ſupradicta monaſteria cum univerſis rebus ſuis ita in noſtram tuitiõnem ac deſenſiõnem ſuſcipimus, ut eorum decimas vel poſſeſſiones ſive regia donatione, ſeu aliorum fidelium traditione attributas, vel proprio labore acquiſitas, nulla cujuſcunque ordinis aut dignitatis perſona quolibet modo eis auferre præſumat. Sed Epifcopi, qui Eccleſias ad ea pertinentes officiũ ſui cauſa debent adire, non exigant majores ſumptus ad ſua manſionatica, quam primum ſtatutum fuerat, & in capitulari libro ſcriptum habetur. Præterea, quod ab exordio conſtructionis eorundem monaſterium a noſtris antecelloribus conſtitutum eſt, nos quoque firmiter ſervari volumus, videlicet, ut ubicunque caſas vel cortes habuerint ex rebus, quas ibidem ſuis laboribus adquireunt, decimas dent ad portam monaſterii, nec alibi eas dare cogantur, quatenus in noſtram ac totius generis noſtri perennem mercedem ſupervenientibus peregrinis & hoſpitibus ſerviat, ſicut in regio Capitulari & in decreto ſynodali permiſſum eſt, Xenodochia & reliqua fidelium pauperumque conſtrui hoſpitalia, & mos fuit ſemper in ſacris concedi cœnobiis. Proinde utrique congregationi regularis electionis poteſtatem concedimus, ut & Monachis inter ſe Abbatem, & ſanctimonialibus Abbaſſiſſam ſimiliter, dum ita res exigit, eligere liceat. Ad extremum, quoniam ſuperius nominatus Cæſar HLudovicus gentem, quam pater Sereniſſimus Imperator Karolus ferro edomitam ad chriſtianitatis fidem convertit, ad memoriam paternæ virtutis & religionis monaſteriorum conſtructionibus illuſtrare diſponens, hæc duo ad perpetuam tam ipſius, quam univerſæ, ut ſupradictum eſt, glorioliſſimæ proſapiæ ſuæ eleemoſinam ſecundum antiquam monaſtica diſciplinæ rectitudinem conſtrui & ordinari præcepit; Idcirco nos



nos eam cunctorum fidelium nostrorum, præcipue Episcoporum, in quorum Parochiis vel eorum res sunt posita, tuitioni & benignitati commendamus, ut eis, ubi illorum ope indiguerint, providentiam & auxilium magis exhibeant, quam molestiam ingerant; nec in ipsorum Ecclesiis a suis presbyteris missarum celebrationes fieri interdican, sed si quid sui juris sibi inde negari putent, ad nostram præsentiam & synodalis examinis iudicium deferant; justum est enim, ut eis profit, quod semper sub Imperiali & Regia prædecessorum nostrorum tuitione fuerunt; & quod defensionem & confirmationem rerum suarum a potestate Petri per præcepta sedis Apostolicæ consequi meruerunt. Ut au-

tem omnibus innotescat, nos nihil ex his, quæ antecessores nostri ad eadem loca donaverant, velle minuire, etiam ex nostro addere aliquid decrevimus, concedentes ad subsidia fratrum in præfata nova Corbeja Domino servientium piscationem in methriki, & in vicinis locis, quæ ad nostrum jus pertinebant, atque universum beneficium, quod Norbertus provisor, una cum omnibus mansis & familiis, quæ ad ipsam piscationem providendam, & ad prædicti Nortberti beneficium pertinebant. Hæc vero auctoritatis nostræ concessio ut plenior in Dei nomine obtineat firmitatem manu propria subter eam confirmavimus & annulo nostro assignari iussimus.

Signum Domni Arnolphi



Gloriosissimi Regis.

Engilberc Notarius ad vicem Theotmari Archicapellani recognovi & ss.

Data III. Idus Decembr. anno Incarnationis Domini DCCCLXXXVII. anno primo regni Domni Arnolphi piissimi Regis, Actum in Forchheim palatio regio in Dei nomine feliciter Amen.

## Annus Christi 888.

Stephani VI. Pont. 4. Arnulphi Reg. Germ. 2.

Bifonis Ep. Pad. 2.

Concil. gener.  
ner.  
Biniitem. 3.  
Sirmondi.  
Labbei &  
Coffart.  
Moganti  
na nationa.  
lis Synodus  
bono Imperii  
celebrata.

Succedit nunc annus Christi 888, quo Germania novo & potentissimo Rege suo Arnulpho, viro acri & bellicoso exultabat. Nam teutonico suo regno, uti Otto Frisingensi scribit, complexus est Franciam Orientalem, Bojariam, Sueviam, Saxoniam, Thuringiam, Frisiam, Lotharingiam. Episcopi vero, penes quos summa post Regem auctoritas erat, ut hoc concessio rerum statu communi Imperii bono consulerent, celebrem Moguntia Synodum convocarunt; ad quam non modo Luitbertus Moguntinus, Wilibertus Colonienfis, Radbertus Trevirensis Archiepiscopi cum suis provincialibus Episcopis, sed & Thiatmarus Salisburgensis, & Joannes Rotomagensis, Adalgarius Bremensis Archiepiscopi convenerunt. Quemadmodum horum nomina hæcenus nec a Binio, nec

Sirmondo, nec a Labbeo & Coffartio in conciliorum generalium tomis prodita, nec a Serrario, aliisque reperta ex Corbejensium tabulis producimus. Neque dubium, quin Biso Episcopus noster, alique complures Saxoniae Episcopi, quorum nomina nondum integre comperimus, præsentibus fuerint. Celebris, si quæ ad eum diem synodus nationalis, ut conturbatus per Franciam & Germaniam status poscebat, in quo reponendo Episcopi semper præsidium & columnen Ecclesiae fuere.

Igitur patres congregati primo statim congressu calamitosum Imperii statum sibi ante oculos proponunt, multisque deplorant vastitatem a Nortmannis illatam: quis enim, inquiunt, sine lachrimis aspiciat mala gentis nostræ, & Sanctorum exusta tot templa, everfa  
tot

tot cœnobia & collegia sacrorum hominum, diruta tot altaria, direpta tot Ecclesiarum ornamenta, trucidatos tot Episcopos & Sacerdotes, tot homines nullo ætatis discrimine gladio peremptos, extremamque illam ruinam, quam Barbari per Gallias & Belgii provincias intulerunt, quæ adhuc in visceribus Imperii hæret? Hactenus cum Francorum Regum gloria prævaleret, Barbari armis nostris victi in servitutem venire Christianorum; nunc Christiani in servitutem Barbarorum venimus: nec alia horum malorum causa, quam languor Principum, dissidia, & quæ omnium origo, peccata cleri & populi, vindicem in nos irati numinis manum provocantia. His ut per salutaria remedia occurrerent Patres, primum ex munere Regi Arnulpho præscribere monita ac leges, quibus illi defensionem Ecclesiæ, justitiæ severitatem, pacis & concordie studia, causas pauperum, viduarum, orphanorum, & inique oppressorum commendant; ac leges hasce uti sancte præscriperant, ad Arnulphum deferri jusserunt. Inde ad disciplinam cleri populi que formandam universim XXVI decreta adversus flagitia & vitia, quæ in Ecclesiam irrepsisse compererant, sanxere, quemadmodum hæc acta concilii docent.

Hac in Synodo cum aliorum, tum duorum Saxoniorum Episcoporum, Osnabrugensis & Paderbornensis, querelæ sunt auditæ: Osnabrugensis querela erat, de subtractis Ecclesiæ suæ decimis, quas Cobbo ob debitum Goswini Episcopi averterat ad Corbeiensem, & Herivordiensem cœnobia, uti supra relatum est a nobis. Statuere quidem Patres Canone XIII, *ne Ecclesiæ antiquitus constitutæ decimis aut aliis possessionibus priventur, & novis oratoriis attribuantur*; ea tamen controversia etsi multum agitata, in hac synodo decisa non fuit. Stabat pro Osnabrugensi Episcopo Metropolitanus ejus Wilibertus Colonienfis Archiepiscopus; productæ in hanc rem literæ Caroli M. & Hadriani Pontificis, quibus prima ejus Ecclesiæ dos ac fundatio in decimis monstrabatur facta; additæ quatuor aliorum Pontificum tabulæ, quibus idem asserbatur confirmatum. Contra hanc Cobbonis abalienationem propugnabant Antistites horum monasteriorum,

multi dynastæ & Comites; quos inter Allo & Hermannus referuntur, filii, ut conjectura est, Cobbonis Teclenburgici Comititis. Hi cum acerrime se opponerent, res affecta magis, quam confecta fuit; donec tandem Arnulfus anno 895. in Wormatiensibus comitiis, abrupta lite, Osnabrugensibus decimas reddi juberet, Ita vero non omnia ex æquo bonoque in hac synodo statim decisa sunt, quod & Paderbornenses experiri necesse fuit.

Altera igitur controversia Bifonis Episcopi erat adversus eosdem Corbejenses & Herivordienfes ob jurisdictionem sacram, a qua Bovo Abbas ita hæc Monasteria exempta absoluta que contendebat, ut nihil relinqueret potestati Episcopali vel in ordinatione horum Monasteriorum, vel in Ecclesias Monasteriis subjectas, vel Sacerdotes ac Clericos earundem Ecclesiarum: tantum quæ potestatis sunt ordinis in consecrandis Sacerdotibus. templis & altaribus, in conficiendo chrismate, in sacramento confirmationis impertiendo, & quæ ex potestate ordinis inhaerent, sibi Episcopum Paderbornensem retinere vellet. Contra hæc eadem causa obtendebatur ab Episcopo Paderbornensi, quæ ab Osnabrugensi, quod hæc Ecclesiæ ac loca omnia cum Sacerdotibus ac Clericis jam ante a Carolo M. in descriptione singularum per Saxoniam Diocesum Episcopo Paderbornensi antiquitus essent subjectæ, priusquam hæc Monasteria a Ludovico pio conderentur, aut Ecclesias illas cum Sacerdotibus & Clericis sibi vindicare possent Monasteriorum Antistites. Unicum in hac causa obstare poterat, quo Patres hujus synodi subnixi videntur, indulgentia videlicet & libertas a Ludovico Pio Imperatore, & Ludovico Germaniæ Rege facta, qua ejusmodi Ecclesiæ paræciæque Monasteriis donatæ, Abbatumque & Abbatissarum imperio & jurisdictioni submissæ; quale privilegium Ludovici Germaniæ Regis supra adduximus, ad annum Christi 853. donantis Herivordienfis Abbatissæ potestatem in Ecclesia Rhemi ad Amalim constituendi Archipresbyterum, cui eadem potestas cum Episcoporum Archipresbyteris sit in ceteros presbyteros & Clericos, Non ego hoc inquiri, qua potestate politici Prin-

cipes juri Episcoporum id subtrahere potuerint; nisi forte Metropolitani & Legati Pontificis auctoritate id fecerint. Multa Episcopis ob potestatem regiam & merita in Ecclesiam dissimulanda fuerunt: quemadmodum & Monasteriensis Episcopus hæc tum forte, etsi ægre permisit; tum multa etiam Warino Abbati & Herivordienfi Antistiti, quod Regii sanguinis essent, indulta; quando ex jure patronatus etiam jurisdictionem in pastores & Sacerdotes sibi vindicare cœperunt. His igitur ac similibus Patres in Synodo Moguntina persuasi inductique ita in causa Episcopi Paderbornensis pronunciarunt.

Sententia  
Concilio  
pro Cor-  
beienf. &  
Herivordi-  
ensium im-  
munitate.

N. in Con-  
cilio Mogun-  
tino an.  
889. ut pu-  
tat Cleins-  
bergius ad  
hunc ano-  
num.

*Convenit Episcopali auctoritati pie sollicitæque semper cogitare, quatenus ita Ecclesiarum Dei sollicitudinem habeant, ut sacris locis, in quibus jugi Deus famulantium sedulitate placatur, opportuna conferre suffragia non detrectent. Unde ego Liudbertus licet indignus Mogontiæ Archiepiscopus omnibus sanctæ Dei Ecclesiæ suggero. Quia venerabilis frater noster Bovo Abbas Monasterii, quod vocatur nova Corbeia, attulit nobis quamplurima Chirographa gloriosissimorum Principum ad confirmationem privilegiorum ejusdem monasterii promulgata, inter quæ proxime ei collatum communiter, & ipsius & Herivordensis Monasterii statum confirmabat, datum scilicet a glorioso Rege Arnulfo his ipsis diebus noviter ad regnum provecto. Super hæc etiam cartas duas ostendit Romanorum Pontificum Adriani atque Stephani, in ipsis cartis concedentium ut in tuitione sanctæ sedis Apostolicæ præfatum novæ Corbeie monasterium perpetualiter haberetur, simulque Apostolica auctoritate decernentium, ut idem monasterium plenissimam habeat immunitatem ab omnibus, quoquo modo foris vel intus monasterium in res ad illud pertinentes sese præter voluntatem Abbatum loci ipsius permiscere cupientibus. His igitur omnibus apud nos relictis petit præfatus venerabilis Abbas, quo & ea, quæ sacris literis piissimorum Principum confirmata fuerant, nostra quoque auctoritate roboravimus, & his, quæ ab Apostolica sede decreta sunt, nostræ subscriptionis cartulam adjungeremus. Nos itaque considerantes religiosam ejus esse petitionem pastoralisque esse officii servorum Dei jugiter utilitati commodisque*

*prospicere, decernimus, ut præfata duo monasteria Corbeienf. videlicet Monachorum, atque Herivordienf. Sanctimonialium de omnibus rebus, quæ vel in communi supra memorati Principis Carta vel specialibus aliorum Principum præceptis confirmata eis esse noscuntur, nihilominus talem ex Ecclesiastica & Episcopali sanctione obtineant firmitatem, ut nihil habeant, unde se tueri possent, quicumque sibi promittunt, hæc aliquo modo se posse immutare vel infringere. Habeant igitur præfata Monasteria rerum suarum liberam in omnibus disponendi regulariter potestatem, ut quæcunque eisdem Monasteriis in auro vel argento, in agris & famulis, seu quibuslibet rebus fuerint oblata, sive in præfata die collata esse constant, in dispositione maneat eorum, qui eisdem locis prælati sunt; ut quidquid secundum Dei timorem regulariter & canonice disposuerint, ad Ecclesiæ ipsius utilitatem liberam in omnibus cum consilio fratrum sororumve faciendi habeant potestatem. Et ut plenius prosequamur, quod sanctos Apostolicos jam dictos intendisse sentimus, atque ante eos Beatum Gregorium, atque reverendæ memoriæ Nicolaum sanxisse de statibus Monasteriorum invenimus, Nos humiliter tantis auctoritatibus subscribendo confirmamus: Ut nullus Episcopus Paderbrunnensis aliquam ex eis vel accipiat vel exposcat portionem; neque vel in his, quæ regiminis locum tenent, vel in ipsis congregationibus, aut in ipsis Cœnobiis potestatem obtineat; neque ipsorum dominatione potiatur ulla, neque in Clericis, neque in famulis, & in omnibus, quæcunque ad Monasteria ipsa videntur habere possessionis respectum, sicut ab omnibus eis hæcenus servatum & consensus est Episcopis, in quorum parochiis res eorundem Monasteriorum conjacere videntur, nec ad ipsa monasteria vel cellas eorundem, vel ipse per se Episcopus vel æconomus ejus, vel Archipresbyter aut Archidiaconus illius, seu quælibet ex ejus agentibus persona potestatem habeat accedendi, nisi forte necessitatis causa vel dilectionis gratia vocatus advenerit, ne importunitate sui, ministrorumque suorum inquietudine sacris locis fiat molestia: neque in Ecclesiis præfatis Monasteriis subjectis, vel in presbyteris eisdem Ecclesiis ordinatis aliquam temptet facere perturbationem, novam constituendo.*

endo, & antiquam constitutionem violando; sed sicut regulariter & Canonice disposita sunt, & longo jam tempore manentia, ita quoque futuris temporibus maneant inconcussa. Ordinationes, quæ contrariæ fuerint ipsis Monasteriis, agere non differat. Altaris quoque, & Basilicarum benedictiones sive consecrationes prout necessitas postulaverit, vel in ipsis monasteriis, vel in agris eorum libenter concedat. Chrisma quoque, oleumque consecratum per singulos annos præbere non differat, & pro his omnibus nullum munus exigat, ne Spiritus S. gratiam vendere conatus Simonis, quod absit, damnationem incurrat. Hoc constitutum non solum Paderbrunnensem, verum etiam omnium locorum Episcopos, ubicunque præfata monasteria, vel Ecclesias, vel agros, vel familias habere noscuntur, observare sine cunctatione seu contradictione oportet, ut nullus potestatis jure rebus eorundem Monasteriorum abutatur; sed maneant omnia in potestate eis Prælatorum & regulari dispositione, quæcunque ut diximus vel in agris, vel in familiis, vel in decimis eis constant esse collata; sicut & Apostolica & Imperialia præcepta, partim simul, partim singillatim eis confirmaverunt. Abbatem vero, vel Abbatissam in his locis eligendi semper habeant potestatem, & eam personam eligant, quæ propositum conversationis in utrolibet Monasterio, & moribus, & habitu profiteatur; non Canonicum, aut Laicum, neque alterius monasterii monachum, in quo specialiter nos audire dignetur Regia dominatio, ut nullam eisdem monasteriis præponant personam, quæ non ab ipsis congregationibus fuerit regulariter electa; debent enim mundi Principes honorem præstare Deo, quem sibi volunt præstari a Deo, videlicet, ut quemadmodum cupiunt a Deo sibi collatum regni honorem conservari, sic Ecclesiæ Christi suam non dedignentur servare legem. Non enim decet neque justum videri poterit, ut sibi militantibus de Ecclesiæ Christi possessionibus mercedem restituant, & quod de Republica sua retribuere debent reddere velint de his, quæ collata sunt Deo. Quæ de re noverit Clementia vel nunc consistentium, vel successionis jure omnium futurorum Principum a Sede Apostolica sancitum, nostraque subscriptione roboratum, nec non & antecedentium Regum

præceptis cautum, ut prædictis monasteriis nullas præficient personas de quocunque ordine, nisi quæ per electionem probabilem sumatur. Quia vero multæ quærentur ab importunis hominibus malignitatis occasiones, & necesse est semper adversarii tela clypeo protectionis repellere, quod Apostolica decrevit auctoritas, nos quoque approbamus, ut qui ordinati fuerint ad regimen sæpe dictorum monasteriorum, nulla potestate prævalente dejiciantur, nisi criminis causa fuerint deprehensi, cujus merito Rectorum non debeant administrare officia. Infamiae vero maculis sive criminis aliqujus denotatione, si fuerint appetiti, non præter canonicam & regularem deponantur examinationem. Si quis ergo Apostolicæ Sedis decretum, cui nos hanc confirmationis Cartulam veneranter subscripsimus, contempserit, procul dubio damnationis censuram suscipiet, quam credimus divino Spiritu per Apostolicam linguam prolata. Nos igitur nostram subscriptionem annuli nostri impressione signantes obsecramus fratres & Coepiscopos nostros omnes, in quorum manus ista devenerint, ut sua etiam auctoritate & subscriptione hæc confirmare velint, ut quicunque hæc temerare præsumpserit, generalitatis nostræ sententiis, ita anathematis vinculo obligetur, ut neminem habeat, de cujus favore sibi blandiatur, aut se tueri posse putet a sententia damnationis. Cunctis autem ista servantibus sit pax Domini nostri Jesu Christi, quatenus & hic fructum bonæ actionis recipiant; & apud districtum Judicem præmia æternæ quietis inveniant. Et quia Apostolicæ auctoritati subscribentes ista edidimus, justum est, ut illam sacram sedem etiam in hoc honoremus, ut appellationes ad eam fieri liceat a prædictis locis cum necessitas fuerit, eo videlicet tenore, ut si hoc constitutum ab aliquo fuerit prævaricatum, Metropolitanus eorum Episcopus, quo Ego nunc licet indignus fungor officio, personam hujus sanctionis violatricem conveniat, & hujus nostri decreti testificationem innotescat; utque ab eo quod prave gessit, recedere non meretur, ex communi omnium Coepiscoporum auctoritate contestetur: At si ille contumaciter in sui facti perpetratione perstiterit, licentia eis sit Romanam Apostolicamque sedem adire, & necessitatis suæ causas ante Papam, qui tunc fuerit Urbis Romæ, deponere,

ponere, ut per eum agnita causa reus iusticie damnationis sententia mulctetur.

gens Ecclesie Episcopus consensi & subscripsi. Thiadulfus Curacensis Ecclesie Episcopus consensi & subscripsi.

Folco mune: e divino Metropolitanus Ecclesie Remensis Episcopus tenorem hujus sanctionis perlegens, & diligenter pertractans, in omnibus eam probandam & corroborandam esse judicavi, tam propter antiquum jus monasteriorum etiam his cœnobiis conservandum, quam ad præcavendas nihilominus molestias hic summam prohibitas, quæ modernis temporibus contra sacra monasteria per quosdam Episcopos recenter ordinatos, nec non etiam per quorundam Laicorum infestationem grassari cœperunt, ad quas inhibendas rationabilis ordo servatus est; ut & gloriosorum Principum hic concessionem, & Pontificum Romanorum privilegia, & Archiepiscopi ejusdem monasterii his omnibus astipulatio, & ut cæteri velint Episcopi assensum præbere, nequaquam spernenda hic contineatur petitio; Cujus gratia illectus simul, & præsentialiter ab eodem venerabili Archiepiscopo Luidberhto, nec non & a Bovone religioso ejusdem monasterii Abbate rogatus, hoc decretum Episcopali auctoritate ratum esse decernens, In nomine Patris & Filii & Spiritus Sancti confirmavi, & subscripsi.

Willibertus Agrippinensis Ecclesie Archiepiscopus huic decreto meæ mediocritati recitato, attestationem & assensum præbens, quod necessario ac rite promulgatum sit, sub attestatione Nominis Domini nostri illud confirmavi & subscripsi.

Thiadmarus Ecclesie Salzburgenfis Archiepiscopus huic decreto consensi & subscripsi. Redbodo Trevivensis Archiepiscopus approbavi & subscripsi. Joannes Rotomagensis Archiepiscopus consensi & subscripsi. Hildegimus Halberstadiensis Episcopus consensi & subscripsi. Adalgarius Ecclesie Hamburgensis Archiepiscopus consensi & subscripsi. Arn. Wirtzburgensis Ecclesie Episcopus consensi & subscripsi. Liawardus Vercellensis Ecclesie Episcopus consensi & subscripsi. Hrodberhtus Mettensis Ecclesie Episcopus consensi & subscripsi. Adalbelmus Wurmacensis Episcopus consensi & subscripsi. Godebancus Spirensis Episcopus consensi & subscripsi. Wichbertus Hildineshemensis Episcopus consensi & subscripsi. Derb. Vurdunensis Ecclesie Episcopus consensi & subscripsi. Dodo Cameracensis Ecclesie Episcopus consensi & subscripsi. Honoratus Belvacensis Ecclesie Episcopus consensi & subscripsi. Herdilo Noviomagensis Ecclesie Episcopus consensi & subscripsi. Baltbramnus Stratzburgensis Episcopus consensi & subscripsi. Waldo Frisingensis

Hæc illa synodalis constitutio, qua privilegia Corbejenfium & Herivordienfium, rogatu Bovonis Abbatis, ab Episcopis Moguntini hujus concilii confirmantur; & quia Ecclesie Paderbornensi & Episcopi jurisdictioni derogatum apparet, Biso Episcopus Paderbornensis non subscripsit: Nec obscure ob id a Folcone Archiepiscopo Remensi videtur notari inter Episcopos recens ordinatos, tanquam juris sacri non satis peritos. Ac forte hinc plures fuere Episcopi huic synodo præsentem, qui constitutionem illam ex integro nec probarunt, nec eidem subscripserunt; minus certe a Pontifice confirmata accepimus. Quanquam in quo Biso & Bovo se colliserint, aut quæ jura Episcopo derogata sint, non satis constitutio illa exprefferit, nisi quod videatur Episcopo nihil in Corbeienfium & Herivordienfium paræciarum Ecclesiis relinquere, ut diximus, præter ea, quæ potestatis sunt ordinis. Quæ sane ægre tolerare poterat Paderbornensis Episcopus, quando ne ipsum quidem locum, in quo Corbeia posita, sine impetrata Hathumari Episcopi facultate sibi arrogare sunt ausi; ut quod intra jurisdictionem Episcopi Paderbornensis agnosceretur, uti in Hathumaro commemoravimus. Post vero, ubi cum possessionibus bonorum & locorum late per diocesin Paderbornensem se diffudere, complexi tot provincias & Ecclesiarum pastores, ut nova quædam diocesis intra diocesin consurgere videretur, multum imminui jurisdictionem Episcopi & Archidiaconorum necesse fuit, si nihil in his præter ea, quæ ad potestatem ordinis spectant, retentum ab Episcopis: secus quam Carolus M. diocesin descripsit, & Apostolica auctoritate omnes intra eam Ecclesias & parochias Episcopo Paderbornensi subjecit. Quia in re integrius egit Colonienfis Metropolitanus pro Osnabrugensibus in hac synodo, quam Luitbertus pro Paderbornensi Ecclesia suæ Metropolis: quando & portiones, & Mansionaticum, ut dixere, seu annona, quæ obeunti Episcopo diocesin dabatur, abjudicata; secus quam Ludovicus Germaniæ Rex Monasterienfi Episcopo Herivordienfium



fium Ecclesias peragranti reliquit; uti id supra ex ejus diplomate assertum est. Demum eo progressi libertatis Corbeienſes, ut nec ea, quæ potestatis sunt ordinis, quæque hac constitutione imperantur, ab Episcopo Paderbornensi admittere voluerint. Vetus ab hac ſynodo lis inter Paderbornenſes & Corbeienſes, de qua ſæpius nobis memorandum erit. Suas quidem cauſas habuerit hæc Corbeienſium exemptio, quemadmodum & favorum Regis ſubinde ſupra Episcopos; at labente poſt diſciplina noxia magis quam utilis compta.

Inter Episcopos qui decreto huic ſubſcripſerunt, recitamus Adalgarium Bremenſem Archiepiſcopum D. Remberti ſucceſſorem; & cum tertio Idus Junii hoc ipſo anno exceſſerit e vita D. Rembertus, argumentum eſt ſynodum in Autumno habitam eſſe, ut Adalgarus Episcopi auctoritate intereſſe potuerit, quem jam ante D. Rembertus adiutorem ſibi monachum ex Corbeia, ut ſupra relatum, ex voluntate Adalgarii Abbatis adſciverat. At forte in hac ſynodo conſecratus eſt Episcopus a Luidberto Archiepiſcopo Mogutino, quem ab Adamo Bremenſi Lindioldum, ab aliis etiam Lindberthum & Lutholdum vocari legas. Illuſtre D. Rembertus Saxonie noſtræ ſidus; annos ille xxiii. Episcopatum adminiſtrarat, vitæ ſanctimonia & miraculorum gloria clarus, poſtquam multos Septentrionalium populos ad Chriſti fidem adduxerat; Ob quæ haud ſecus quam Anſcharius, quem a puero magiſtrum habuit, & cui in Apoſtolico munere ſucceſſerat, inter Divos relatus colitur. Felix Bremenſis Eccleſia, quæ D. Willehadum, Anſcharium, Rembertum ſanctiſſimos ſortita Episcopos, quos tota Eccleſia inter divos colit. Scripſit vitam Willehadi Anſcharius, Anſcharii Rembertus, Remberti Adalgarus, aut certe ejus ſtudio probatæ virtutis & doctrinæ ſacerdos. Singulas noſtra memoria ex vetuſtis Eccleſiæ Bremenſis & Hamburgienſis tabulariis integra fide in lucem dedit Philippus Cæſar, vir eruditus, & rerum ab his viris geſtarum lectione ab hæreſi ad catholicam religionem perductus. Et quam nunc diſpari & diſſona religione Brema? poſtquam aut ejeſtis aut ſuppreſſis catholi-

cis, pars Lutheri, pars Calvinii hæreſin profiteri cœpit, immemor ſanctiſſimorum Episcoporum ac præpoſitorum, a quibus primo verbum Dei veramque ab origine Chriſti legem edocta eſt.

At vero Arnulphus Rex poſt ſuſceptum ſuperiori anno imperium Germaniæ, hoc anno magnopere exſtimulatus Episcoporum & cohortationibus forti & conſtanti animo res aggreditur adverſus tyrannos, qui a morte Caroli Craſſi Imperium diſcerpſerant, quos inter Beringarius & Vido Italiam, Otto Ruperti Saxonis filius Galliam, Rudolphus Burgundiam, Ludovicus Boſonis filius Narbonenſem provinciam invaſerant; quos Arnulphus ex comitiis Francofurti indiſtis juffit Wormatiæ ſe ſiſtere, aut inter proſcriptos haberi. Inde contracto exercitu, tranſitoque Rheno, in Galliam movet; ad cujus adventum ſe Odo & Rudolphus ſupplices offerunt, ac Regis beneficio provincias tenere ſunt juffi. Præſtantiſſimus ea tempeſtate bellicoſorum virorum Odo erat in Gallia; qui Nortmannos iteratis cladibus preſſerat, dum Carolus ſimplex regii ſanguinis ſuperſtes inter pueriles annos verſaretur, ut id meritis ejus & Regni proceres & Arnulphus Rex darent. Adeo tum Gallia Saxonico & Weſtphalico heroe nitabatur, in cujus nepotes poſtea integre Regnum Gallie tranſiit. Mox Arnulphus in Italiam ſe vertit, cui & Beringarius occurrit, & Regnum precario ab Arnulpho obtinet.

Per id tempus Arnulphus Regis magis nomine, quam Imperatoris hæc egerat, donec a Pontifice Imperator coronaretur, ſenſim tamen fortuna Imperium ad Germanos inclinante. Multis interim beneficiis ac donis Arnulphus Rex religioſos viros per Saxoniam eorumque preces ſibi demeritus; e quorum numero ruruſum Corbeienſes noſtri ad Viſurgim, & Werthinenſes ad Ruram, Corbeienſibus Francofurti regio diplomate commutationem bonorum Bovonem inter & Oddonem impertiit hiſce tabulis.

In nomine ſanctæ & Individuæ Trinitatis, Arnulphus divina favente gratia Rex. Convenit Regiæ Excellentie, ut inter fideles ſuos

Regino.  
Sigebertus.  
Baronius.  
Herm.  
Contr.  
Marianus  
Scotus.  
Otto Fris  
ſingenſis.  
Wiacinus  
duſ monachus.  
Arnulphus  
Imperium  
contra ty  
rannos felici  
titer tuetur


Corbeienſibus  
dat tas  
cultatem  
commutan  
di quædam  
bona.

Remberti  
aliorumque  
Bremenſium  
Præſu  
lum ſancti  
mores.  
Baronius.  
Adamus  
Brem. lib. 1  
Biſp.  
Abb. Sand.  
Helmoldus  
Philip. Cæſar  
in Trias  
poſtulatus  
in noſtris.

suos mutuam utilitatem providere, & de singulorum rationabilibus commodis assensum præbere velit. Quapropter omnibus notum esse volumus, quoniam inter fideles nostros Bovonem Abbatem, & Oddonem Conitem pro mutua utilitate hanc commutationem fecimus, ut res proprietatis nostræ in Godeleveshem, & in pago, qui dicitur Nitherfi, Oddoni beneficiatas ad monasterium novæ Corheie, cui præfatus præest Abbas, in jus proprietatis traderemus, cum omnibus familiis, mancipiis, terris, pratis, filvis, aquis aquarumve decursibus, & omnibus omnino rebus, tam mobilibus quam immobilibus, quatenus ex hęc ad prædictum monasterium cum omni integritate mancipentur. Ediverſo autem res ejusdem monasterii in orientali parte ultra fluvium Ovaccram conjacentes in nostrum jus cum omnibus, quæ ad eas pertinent, receptas Oddoni in beneficium concessimus, id

est, in Delbem litos XIII. Colonom I. & sextam partem salinarum. In Odenhem litos XIII. Colonos II. In Kikthi litos duos In Levi litos... Colonom I mansos duos & dimidium. In Laubingi Colonom unum. In Scoderstet litos duos. In Mullumstedi litos III. In Sephingi mansos V. In Uridus (uredus) litos VII. mansos XII. In Rodinesleva litos XX. mansos LX. In Dallangibulli Colonos & mansos XV. In Beriwidi colonos & mansos XVI. In Sladvorde Colonos VII. & octavam partem totius marcæ. In beneficio advocati mansos VIII. In Ailmundesrotbe mansos XX. Utrique ergo per hoc parti consulimus, eo quod utrinque major commoditas in locorum situ habeatur, quam antea fuerit. Et ut firmiter ista omnibus in futurum temporibus constent, manu propria roborata annuli nostri impressione signari præcepimus.

Signum Domini Arnolphi



Serenissimi Regis.

Aspertus Cancellarius ad vicem Theotmari Archicapellani recognovi & ff. Data III Idus Junii. Anno Domin. Incarnat. DCCCLXXXVIII. Indict. VI. anno autem Domini Regis Arnolphi largissimi Regis primo. Actum Francbonofurt palatio Regio in Dei nomine feliciter Amen.

Confirmat  
privilegia  
Werthinensium.

Werthinenses ob venerationem D. Ludgeri, a quo cœnobium illud ex paternis bonis conditum proficitur, multo liberalius affecit ac sibi demeritus est religiosissimus Rex diplomate, quod in villa Geresheim 10. Septembr. obſignavit, nisi alibi forte aliud sit Geresheim. Ego locum in Montis ducatu egregio virginum monasterio celebrem dixerim; certe Arnulphus in Westphalia per id tempus versatus est. Diploma, quod a ceteris hætenus integre redditum non reperio, hic addere visum.


In nomine sanctæ & Individuæ Trinitatis, Arnulphus divina favente Clementia Rex. Si servorum Dei petitionibus, quas pro Ecclesiarum sibi met commissarum utilitatibus nobis ingesserunt, clementer annuerimus, id nobis ad perpetuæ beatitudinis præmia promerenda liquido profuturum esse credimus. Unde omnibus sanctæ Dei Ecclesiæ fidelibus præsentibus scilicet & futuris notum esse volumus, quod fidelis noster Hembil Abba monasterii, quod vocatur Werthina, insinuavit Celsitudini nostræ, qualiter ipsum Monachorum Cœnobium sibi commissum a Beatæ memoriæ sancto Liudgero Episcopo in

propria ejus hereditate fuerit constructum, monachisque contradicendum, & gloriosissimorum Regum Luthewici filii magni Regis Karoli, & successorum ejus, pro æterna ipsorum omnisque generosissimi generis, eorum memoria, defensione & tuitione hætenus fuerit conservatum. Quam ob rem nostram imploravit Clementiam, ut idem monasterium sub nostra tuitione suscipientes, omnes concessiones ab Antecessoribus nostris sibi collatas nostræ auctoritatis præcepto firmarcmus. Cujus rationabili & justæ petitioni assensum præbentes decernimus atque jubemus, in primis ut idem monasterium cum omnibus ad se pertinentibus plenissimæ immunitatis securitate perfruatur, neque publicis exactionibus, vel quibuscunque modis, illorum servi, liti vel liberi, a qualibet judiciaria potestate constringantur; coram advocato eorum, si quid inquirendum est, aut corrigendum inquiratur & corrigatur. Præfati monasterii fratres, hominesque ipsorum ab omni vectigalium inquisitione ac telonii securi consistant. Præterea quod aliis quoque monachorum Cœnobis concessum constat, ut ubicunque dominicatos mansos habuerint, in quocunque sint Episcopo, vel præfectura, vel etiam provincia, vel regione sibi in omni Regno a Deo nobis collato, Decimas, quas alias Episcopi tollunt, ad portam concedimus monasterii, nec a nemine penitus eas alibi dare cogantur, sed

sub nutu Abbatis ejusdem monasterii in perpetuum permansuræ consistent, quatenus inde pro nostra, & totius generis nostri perenni mercede supervenientibus peregrinis & hospitibus serviatur. Insuper etiam eidem fratrum Collegio ad eligendum Abbatem inter se potestatem concedimus. Abbas illius monasterii ad castra & in hostem ire non cogatur, nisi forte Regia liberalitate adjutus beneficii copiam quandoque accipiat illud faciendi. Illius etiam Regionis Episcopus, si synodalem ibidem conventum vel sermonem facere ad populum destinaverit, de Episcopo ei serviatur, nisi forte eodem die alia circumeundo visitare

loca voluerit, tunc benedictionem de Abbate non pro debito servitio, sed pro amore suscipiat, & quia nihil ad illum locum pertinet, nisi tantum hæreditas sancti Liudgeri, & propinquorum ejus, & Elemosinæ religiosorum hominum, ideo liceat Abbati illud monasterium cum rebus ad se pertinentibus libere ac plane possidere, quatenus eos melius deleat pro nostra & nostrorum fidelium salute ac totius Imperii nostri statu divinam jugiter implorare clementiam. Hæc auctoritatis nostræ concessio, ut firmiorem obtineat stabilitatem, manu propria eam firmavimus, & annuli nostri impressione sigillari præcepimus.

Signum Domini Arnolfi



invictissimi Regis.

Ernustus Notarius ad vicem Theotmari archicapellani recognovi. Data X Calend. Septemb. Anno Incarnationis Domini DCCCLXXXVIII. Indictione autem VI. Anno Regni Arnulfi Regis primo, actum Gerenesheim curte Regia in Dei nomine feliciter Amen.

## Annus Christi 889.

Stephani VI. Pont. 5. Arnulphi Germ. Reg. 3. Bifonis Ep. Pad. 3.

Motibus intra Imperium compositis, Arnulphus anno insequenti Forcheimii frequentem procerum conventum ad Rhenum habuit, in quo bellum adversus Slavos decretum, Thuringiam incursionibus divexantes. Id bellum alacri animo suscepit Arnulphus, regionesque Barbarorum cum numero exercitu ingressus, cum ad prælium non occurrerent, depopulationibus devastavit. Rex, ut Crantzius scribit, bello natus, & beneficus in omnes, cum primisque in religiosos viros, cujus munificentia hoc anno præfens testimonium adest ex diplomate, quo Corbeienfes dotavit.

In nomine sanctæ & Individuæ Trinitatis, Arnolfus divina favente gratia Rex. Notum sit omnibus sanctæ Dei Ecclesiæ fidelibus, nostrisque præsentibus scilicet & futuris, qualiter Bodo venerabilis Abba nostram precatus est Celsitudinem, quatenus nos quasdam res proprietatis nostræ, quas quidam nobilis vir Hobward nominatus prius in beneficium habuit, pro remedio animæ nostræ, parentumque nostrorum ad monasterium nova Corbeia nuncupatum,


cui idem Bodo & fratribus ibidem Domino famulantibus præesse dinoscitur, in proprium concederemus. Cujus petitioni pro æternæ felicitatis amore annuimus libenter, dedimusque ad idem monasterium, quidquid præfatus vir Hobwardus in pago Huverango, (Huweitago) in comitatibus Ecperti, & Reithardi, & Herimanni, & in locis Piringisa marca, Schidara, Adekenhusen, & Muchohusen nostri beneficii tenuit, cum consensu ejus in perpetuam proprietatem cum omnibus rebus illud juste respicientibus, Curtilibus, ædificiis, terris, cultis & incultis, agris, pratis, campis, pascuis, silvis, aquis aquarumque decursibus, viis, & inviiis, exitibus & veditibus, quæsitis & inquirendis mobilibus & immobilibus, omnibusque appendiciis & adjacentibus. Hæc vero omnia, hoc sunt Hoba XXV. de nostro jure in jus & dominationem prælibati monasterii in honore sancti Stephani protomartyris Christi dicati tradidimus atque contulimus, & jussimus inde hos præsentis regalitatis nostræ apices titulari per quos decernimus, atque jubemus, ut idem Bodo egregius Abba, sui que successores ab hodierna die ac deinceps potestatem

Crantzius lib. 3. Sax. c. 3.

Corbeienfium facultas auget.

statem habeant integerrimam easdem res ita ordinare atque disponere, prout usui fratrum inibi Domino militantium necesse esse conspexerit. Et ut hoc firmum

& stabile perpetualiter consistat, idem præceptum propria manu firmavimus, annuloque nostro sigillari iussimus.

Signum Domini Arnolphi  invictissimi Regis.

Aspertus Cancellarius ad vicem Theotmari Archicapellani recognovi & ff.

Data XIII. Calend. Septembr. anno Incarnationis Domini DCCCLXXXVIII. Indictione VII. anno II. regni Arnolphi piiissimi Regis, Actum ad curtem, quæ dicitur Portanah in Dei nomine feliciter amen.

Confirmat  
fundatio-  
nem Par-  
thenonis  
Metelenis.

Rex subinde Westphaliæ etiam ingressus, quod nemo veterum scriptorum prodidit, Corbeie novæ Metelenis Virginum Collegii fundationem regia auctoritate, regiisque tabulis, quas hic reddimus, confirmavit, & in tutelam suscepit.

In nomine sanctæ & Individuæ Trinitatis Arnulfus divina favente gratia Rex. Notum sit omnium fidelium nostrorum præsentium scilicet & futurorum industriæ, qualiter quædam religiosa femina Friduwi nomine nostram adiit serenitatem petens, ut ei liceret omnem sui juris hæreditatem nostræ potestati tradere, quatenus nostræ auctoritatis permissione daretur ei licentia construendi in eadem hæreditate puellaris monasterii, quod juxta morem aliorum cænobiorum sub nostra defensione actione susceptum ipsi diebus vitæ suæ habere liceret, & quamdiu quælibet ex ipsius prosapia in eodem monasterio aptæ ad hoc invenirentur personæ, ipsæ in ejus regimen sibi succedere permitteren-

tur. Cujus petitioni assensum præbentes, omnem ipsius hæreditatem in nostrum jus nostræque protectionis munimen suscepimus. Et ut majorem habeat quietem & securitatem ad construendum ibi monasterium, plenissimam ipsi ac hominibus ad se pertinentibus immunitatem concedimus, per quam decernimus atque jubemus, ut nullus iudex publicus, vel quilibet ex judiciaria potestate homines ipsius quibuslibet publicis actionibus distringere præsumat, sed liceat eis coram advocato ex nostra jussione constituto justitiam facere, ac omnino juxta concessionem, qua prædecessores nostri monasteriis in suam defensionem susceptis immunitatem dare consueverant, sic memoratæ sanctimoniali femina cum omnibus ad se pertinentibus pleniter firmiterque concedimus. Et ut hæc nostræ auctoritatis concessio firmitior habeatur, & per futura tempora melius credatur, manu propria subter eam firmavimus, & annuli nostri impressione signari iussimus.

Signum Domini Arnolphi  piiissimi Regis.

Aspertus Cancellarius ad vicem Diethmari Archicapellani recognovi.

Data X. Calend. Septembr. anno Incarnationis Domini DCCCLXXXIX. Indictione VII. Anno secundo Arnolphi piiissimi Regis, Actum novæ Corbeie in Dei nomine Amen.

Æmula

Æmula passim per hunc florem religionis nobilium pietas in condendis monasteriis; e quorum numero Friduwi seu Friduwigis matrona, quæ & prima ejus loci antistes fuit. Accessit & filia Wiburgis ad dotationem & cætum Virginum: utraque in templo, quod SS. Cornelio & Cypriano dicatum voluere, honorifico tumulo exornata. Auxere post dotationem primam duæ nobilissimæ virgines; quarum altera Oda, alterius nomen vetustate excidit, credunturque e Benthemensium Comitum familia ortæ; locus olim Matelia, nunc Metelena dicitur, illustris ad hunc diem nobilium virginum cætu, ex eoque, quo tum a prima origine hæc puellarum & sanctimonialium Virginum Collegia per Westphalam florebant, instituto, quas & Canonicas virgines appellatas diximus. Multas hujusmodi donationum literas ab Arnulpho Rege exhibet Germania, quas inter & Miræus producit Arnulphi tabulas Francofurti mense Augusto consignatas, quibus Gerolpho Frisiorum Comiti larga bonorum donatio ob fidem bello præstitam facta est. Ac verisimile habeas hunc eundem esse Gerolphum, quem Godefridus Danorum Rex legatum misit ad Carolum Crassum, qui deinde littori Frisico seu Hollandico præfectus primam Comi-

tum Hollandicorum dederit originem: sed longe illustrior per id tempus Otto Saxonie dux, cui ob fidem & præclara merita Arnulphus Rex filiam suam Lucardam in matrimonium dedit, ex qua deinde Henricus atque Ottones procreati, genus per hanc matrem ad Carolum M. referentes.

Arnulphus præterea, qua erat religione in Deum, hoc anno decimas aliaque bona, quæ Cobbo ab Osnabrugensi Ecclesia averterat ad Corbeienfem & Herivordienfem monasterium, post tot litium ambages & studia potentum æmulorum, Egilmaro Osnabrugensi Episcopo reddi imperavit. Alia præterea donatione alia adjecit prædia, quibus damnum Ecclesiæ compensaretur (ut hæc in publicis ejus tabulis III. Id. Decembris Forcheimii consignatis leguntur) suam simul tarditatem, quæ in justitia præstanda desiderari potuit, incusando. Optimorum hoc Regum est recta & honesta ceteris omnibus anteferre, & summis infimisque idem jus dicere. Nihil religiosissimo Regi magis curæ fuit, quam ne quid eorum, quæ a Carolo M. primis per Saxoniam Ecclesiis donata erant subtraheretur, aut ulla injustitiæ labe conscientiam, aut Regiam Majestatem contaminaret.

Arnulfus  
ablata Ec-  
clesiæ Os-  
nabrug. bo-  
na restituit  
Erwinus  
in chron.  
Cranz. l. 3.  
Meitrop. c. 7.  
Cleinjorg.  
ad hunc  
annum.

## Annus Christi 890.

Stephani VI. Pont. 6. Arnulphi Germ. Reg. 4. Bifonis Ep. Pad. 4.

His virtutum præfidiis Arnulphus omni bello felix; quippe anno proximo, qui Christi 890 numeratur, expeditione in Zondeboldum Sclavorum, Moravorum, & Bohemorum ducem suscepta, ad obsequium eundem compulit. Erat is beneficiis & pactis Germanorum Francorumque Regibus devinctus, tantaque inter eum & Arnulphum ex prioribus bellis familiaritas, ut passus sit filium suum ab Arnulpho e fonte baptismatis levare; post, ubi ducatu Bohemiarum dono Regis auctus, animum extulit, & perfidus rebellisque arma in Arnulphum vertit. Quo cognito, Arnulphus cum potente exercitu regiones ejus ingressus, ita extrema illas depopulatione pervastavit, ut pacem petere, obsides dare, & arma ponere necesse habuerit.

Inter hæc Arnulphus Rex cum in omnes beneficis prædicaretur, tum in fides belli Duces ac Comites largus semper compertus; quam in rem ex Corbeiensium tabulario duo hic diplomata sistimus, quorum altero Chobbonem Comitem remuneratur.

Beneficiis  
Chopponi  
Comiti sibi  
fido.

In nomine sanctæ & Individuæ Trinitatis, Arnolfus divina favente Clementia Rex. Cognoscant omnes fideles nostri præsentis atque futuri, qualiter nos ob mercedis nostræ augmentum, & pro merito bonæ fidelitatis & servitutis cuidam dilecto atque venerabili Comiti nostro Choppo vocato quasdam res proprietatis nostræ in proprium concessimus; Hoc est in comitatu suo in loco Pium dicto Hobas Regias XXX., & quidquid ad easdem Hobas jure legiti-

T 2

meque

Arnolfus  
Zondeboldum  
rebellem  
ad obsequium  
compellit.  
Regno.  
Sclavorum  
Berm. comit.  
Moravorum  
Berm.  
Otto Frising.  
Cranz.  
Ludprand.



neque pertinere videtur ; id est , cum omnibus domibus , aliisque ædificiis , cum mansis & mancipiis , terris cultis & incultis , campis , agris , pratis , pascuis , silvis , aquis aquarumque decursibus , molendinis , piscationibus , viis & inviiis , exitibus & redditibus , quæsitis & inquisitis & cum universis appendiciis & adjacentiis rebus , ad easdem hobas jure legitimeque pertinentibus. Et jussimus ei inde hoc nostræ auctoritatis

fieri præceptum , per quod volumus , firmissimeque jubemus , ut memoratus fidelis noster Choppo de his omnibus habeat potestatem tenendi , donandi , vendendi , commutandi , vel quidquid sibi placuerit faciendi. Et ut hæc auctoritas largitionis nostræ firmiorem in Christi nomine habeat stabilitatem , manu propria nostra firmavimus eam , & impressione annuli nostri insigniri jussimus.

Signum Domini Arnolfi



invictissimi Regis.

Aspertus Cancellarius ad vicem Theotmari Archicapellani recognovi & ff.  
Data XVIII. Calend. April. anno Incarnationis Domini DCCCXC. Indictione VIII. anno III. Regni Arnolfi Serenissimi Regis. Actum Reganespurg in Dei nomine feliciter Amen.


Et Adalgario Comiti.

Altero diplomate , ad preces Episcopi Sundrolt , Adalgario Comiti prædia & agros præcedenti anno dilargitus.

In nomine sanctæ & Individuæ Trinitatis , Arnolfus divina favente gratia Rex. Notum sit omnibus sanctæ Dei Ecclesiæ fidelibus nostrisque præsentibus scilicet & futuris , qualiter quidam venerabilis Episcopus nomine Sundrolt deprecatus est nostram Clementiam , ut cuidam Comiti nostro nomine Adalger , quasdam res proprietatis nostræ in proprium concederemus. Nos vero petitionibus ejus libenter annuentes decrevimus ita fieri. Dedimus namque illi in pago Hlisco in Comitatu ipsius in Villis Wolfenni ac Halafeld Hobas XXI. ac mansos IIII. , cum domibus aliisque æ-

dificiis , mancipiis , agris , pratis , pascuis , silvis , aquis aquarumque decursibus , molendinis , piscationibus , viis & inviiis , quæsitis & inquirendis , terris cultis & incultis , & cum omnibus juste ac legitime ad easdem hobas pertinentibus , & jussimus inde hoc nostræ auctoritatis fieri præceptum , per quod volumus atque jubemus , ut præscriptus Adalger de his omnibus , quæ ei in potestatem & dominationem condonavimus , nunc & deinceps omni tempore habeat potestatem habendi , donandi , vendendi , commodandi , vel quidquid sibi placuerit faciendi. Et ut hæc auctoritas nostra firmior habeatur , & per futura tempora a fidelibus nostris melius credatur , ac diligentius observetur , manu nostra eam firmavimus , annuloque nostro signari jussimus.

Signum Domini Arnolfi



piissimi Regis.

Aspertus Cancellarius ad vicem Thiotmari Archicapellani recognovi & ff.  
Data II. Nonas Julii anno Incarnationis Domini DCCCLXXXIX. Indictione VII. anno secundo Regni Arnolfi piissimi Regis , actum Franconfordt , in Dei nomine feliciter Amen.

Qui

Regino.  
Sigebertus.  
Serrarius.  
in Mogunt.  
hister.

Qui his literis Episcopus Sundrold vocatur, Metropolitanus nostræ Ecclesiæ est Sunzo Moguntinus Archiepiscopus, Luidberto Archiepiscopo ex Monacho Fuldensi, studio Popponis Thuringorum ducis & Arnulphi superiori anno subrogatus; qui a Lamberto Schafnaburgensi Sunderholt, & ab aliis Sunderoldus appellatur.

Archiepiscopus Colon.  
litem  
mover  
Archiepiscopo  
Bremen.  
si super ex-  
emptione  
a Subjectione  
Ecclesiæ  
Colonien-  
sis.

\* al. VL  
Luitprandus  
lib. 2. de  
vitiis Pontif.  
Adams  
Bremen. lib.  
1. c. 1.  
Flodoardus  
lib. 4. c. 1.  
Albertus  
Stadenfis  
ad an. 896.  
Benius tom.  
3. p. 3.  
Hermannus  
in Conc.  
Gen.  
Labbens.

Excessit etiam e vivis hoc anno, II. Septembris, Wilibertus Colonienfis Archiepiscopus, vir, ut Regino inquit, sanctissimus, & in divinis humanisque rebus prudentissimus; in cuius locum, Cleri & populi electione repositus est Hermannus cognomento pius. Is postquam Cathedram Episcopi conscendit, pro veteri Ecclesiæ Colonienfis jure asserendo litem movit Adalgario Bremensium Episcopo, quod se Archiepiscopum ferret & scriberet. Quam in rem Epistolam querimoniis plenam scribit ad Stephanum Pontificem eo nomine \*V., repetitque ex Caroli M. ordinatione, ut Bremensis Ecclesia Metropolitana Colonienfi submitatur. Adalgarius contra ad Nicolai Pontificis decretum appellat, quo Bremensis & Hamburgensis Ecclesia in unam contracta Archiepiscopi dignitate subvecta est. Pontifex ut literis componeret litem, Fulconi Remensi Archiepiscopo, quem ad id legatum Apostolicum dixerat, mandat, ut WORMATIÆ Episcoporum synodum convocet, eorumque judiciis controversia cognoscatur. Ea in synodo stitit se Adalgarius multum questus de injuria; ibi cum Colonienfis non adesset, decisio ad aliam synodum est rejecta, quam postea Francofurti habuit Moguntinus Archiepiscopus. Eo in conventu provinciales Colonienfis Metropolis Episcopi Franco Tungrentis, Voldebaldus Trajectensis, Wulfelinus Mimigardevordensis, Drogo Mindensis, Egilmarius Osnabrugensis pro suo Metropolitano pronunciarunt, testatique sunt nullum hactenus Bremensem Episcopum Colonienfis obedientiæ se subtraxisse. Nec tamen ea in synodo controversia decisa est, quemadmodum hæc ex diplomate Formosi Pontificis apud Crantizium constant. Pronum est existimare, utrique synodo tam WORMATIENSI, quam FRANCOFURTENSI, aut certe alterutri Bisconem cum aliis

Saxoniz Episcopis interfuisse, tum quod Pontifex non tantum ab Episcopis Colonienfis Metropolis, sed & ab aliis etiam Episcopis gravem hanc litem cognosci voluerit, quorum judicium a partium studio integrum esset; tum quod Biso hoc ipso anno Forcheimii Episcoporum synodo interfuerit, ut post referam.

Inter Episcopos provinciales ex diplomate Formosi memoratur Wulfelinus Mimigardevordensis, qui a Crantizio Wulfelinus, in fastis vero Monasteriensibus passim Wilhelmus appellatur, vir miri candoris & sanctitatis, ut in Monasteriensium annalibus refertur, quem ad hunc annum produxisse vitam, satis argues ex hoc Pontificis apud Crantizium diplomate, & ex Heristensis monasterii tabulis, quas mox producemus; secus quam Chronicorum Monasteriensium scriptores anno 889 obiisse perhibent; certe Cleinsorgius ex literis Werthinensibus adhuc anno 889 superstitem docet, nec uila in re fluxa magis Chronicorum istorum fides, quam in chronotopia; quæ tamen Chronica a temporum ratione inscribi volunt.

Hoc ipso præterea anno alia Episcoporum synodus est habita in Forcheim in palatio regio a Sunderholdo Moguntino & Hermannno Colonienfi Archiepiscopis; si non hæc illa synodus, quæ Francofurti est habita hoc anno; de qua licet apud veteres scriptores mentionem non reperiam, nec qua ex causâ indicta sit, exponere habeam; certus tamen & celebris Episcoporum & Abbatum conventus est, in quo Biso Episcopus noster confirmationem Heristensis monasterii a Luithardo Episcopo nostro conditi impetravit. Recito hic tabulas Episcoporum manu subscriptas consignatasque.

Quoniam omnibus, qui curæ Pontificalis funguntur officio, id maxime convenit, ut ad divinæ laudis augmentum monasteriorum conservationibus, & Deo ibidem famulantium utilitatibus provehitibusque prospiciant. Idcirco ego Sunderholdus humilis Moguntiacensis sedis Archiepiscopus, unacum venerabili Colonienfis Civitatis Archiepiscopo Herimanno, nec non & aliis Coepiscopis ac

Biso Ep. in  
Conventu  
Forchei-  
mensi im-  
petrat con-  
firmatio-  
nem Mo-  
nasterii  
Heristensis.

Crantizius  
lib. 2. Mo-  
trop. c. 20.  
p. 21.

Consacerdotibus nostris, qui nobiscum ad præsentem synodum convenere, petitionem fratris nostri Bisonis Paderbrunnensis Episcopi, qua nos statum herisien- sis Cænobii unanimi- tatis nostræ scriptis confirmare, & corroborare postulat, censeo gratanter accipiendam. Nam nobis ostendit Cartulam quandam continen- tem synodalis decreti consensum; quo venerandæ memoriæ decessor meus Liutbertus Archiepiscopus, & alii quamplu- res Episcopi una cum illo in synodo apud Wormatiam habita congregati, rogatu Liutbardi, tunc ejusdem Paderbrunnensis sedis Episcopi, qui prædictum puella- re cænobium simul cum sorore sua no- mine Walburg primum inchoaverat, ipsum cum omnibus rebus suis tam de- cimis ad usus ancillarum Dei ibidem deputatis, quam possessionibus mutuatis firmum ac stabile mansurum fore decre- verunt, eandemque cartulam subscrip- tionibus propriis corroboraverunt: Alte- ram quoque afferens cartam, quam sæ- pe jam dictæ Paderbrunnensis Ecclesiæ sacerdotes, & universus pariter clerus nuper fieri postulavit, suisque subscri- ptionibus confirmavit, de consensu vi- delicet suo super statu ejusdem monaste- rii primitus in illa parochia construendi, & de rebus omnibus, quas nunc habere videtur, illuc juste legitimeque collatis. Quapropter juxta petitionem præfati fratris & Coepiscopi nostri justum & utile satis esse credimus antecessorum no- strorum salubre decretum, quo Christi famulabus quietam & tranquillam in ejus servitio securitatem auctoritatis suæ unanimi sententia providere studuerunt, nostris quoque sanctionibus confirmare, ne quis futuris temporibus ex his, quæ vel hujus Episcopi Bisonis, vel anteces- soris sui diebus illuc collata noscuntur, sive in decimis a præfata generali synodo concessis, seu possessionibus undecunque mutuatis, aut quorumlibet fidelium lar- gitione traditis, aut deinceps tradendis, omnino aliquid auferre, vel dispositio- nem monasterii destruere præsumat, nisi sese velit vinclo perpetui anathematis condemnari. Ergo ut hoc nostræ unani-

mitatis decretum firmiorem in Dei gra- tia teneat stabilitatem, nostris id sub- scriptionibus corroborare curemus. Id ipsum Coepiscopos & suffraganeos no- stros, qui modo absentes sunt, cumpri- mum hæc in eorum manus scripta deve- nerit, facere postulantes, sicut eos in nullo penitus a nostræ unanimi- tatis consensu dissentire velle confidimus.

Actum Foracheim palacio Regio, Anno Incarnationis Dominicæ DCCCXC Regni vero piissimi Regis Arnulfi Anno III, Indictione VIII.

- ✠ Signum Sunderboldi Mogontiacensis Archiepiscopi
- ✠ Signum Hermannii Coloniensis Ar-chiepiscopi.
- ✠ Signum Arn. Episcopi.
- ✠ Signum Vuiberti Episcopi.
- ✠ Signum Hrodberhti Mediomatricæ sedis Episcopi.
- ✠ Signum Godetbanki Episcopi.
- ✠ Signum Egilmari Episcopi.
- ✠ Signum Erkanboldi Episcopi.
- ✠ Signum Adalgarii Episcopi.
- ✠ Signum Dadonis Episcopi.
- ✠ Signum Bisonis Episcopi.
- ✠ Signum Ailmari Episcopi.
- ✠ Signum Agiulfi Episcopi.
- ✠ Signum Drogonis Episcopi.
- ✠ Signum Vuitberti Episcopi.
- ✠ Signum Vuolfbelmi Episcopi.
- ✠ Signum Lihardi Abbatis.
- ✠ Signum Faraberhti Abbatis.
- ✠ Signum Haththonis Abbatis.
- ✠ Signum Gerhardi Abbatis.
- ✠ Signum Godescalci Abbatis.

Wirtz. b.  
Ferdens.  
Metens.  
Spirens.  
Osnab.  
Aichst.  
Bremen.  
Virdunens.  
Paderborn.  
Mindens.  
Hildesfens.  
Mimigard.

In hac tabulæ subscriptione legis Adalgarium inter Episcopos subscrip- tis; ut tanquam in superioribus synodis illi Archiepiscopi nomen & dignitas adjudicata sit. Nec Bovo Corbejen- sis Abbas summus Adalgarii propugnator præfens cognoscitur inter Abbates; seu ob contumeliam Bremen- si Archiepiscopo irrogatam se subtraxerit, seu intel- ligeret frustra se patrocinium Adalgarii suscipere. Biso contra omnium Epi- scoporum gratia auditus, & benignio- res, quam ante Archiepiscopos exper- tus.

Regino.  
Sigebertus.  
Herm. con-  
trast.

## Annus Christi 891.

Formosi Pont. 1. Arnulphi Regis Germ. 5. Bisonis Ep. Pad. 5.

Superiori synodo, cum in Palatio regio conventum sit, controversia inter Coloniensem Archiepiscopum &

Adalgarium forte coram Arnulpho Rege, aut ejus legatis pertractata est. Quam in rem uterque Episcopus Colo- niensis

nienſis & Bremenſis præſens fuerit. Ver-  
batur enim Rex ſapientiſſimus, ne  
controverſia hæc longius proſerpens  
internis diſſidiis turbaret Imperium, &  
Epiſcoporum conſilia auxiliaque aver-  
teret; quando hinc Sclavi, inde Nort-  
mani imminebant. Eo vero in Bava-  
riam contendit intentus in Zundebol-  
dum Sclavorum ducem. Is eſſi priori  
anno pacem fecerat, pro perfidia ta-  
men gentis rebellionem cœptabat. Qua-  
re Rex cum exercitu ad fines Bojariæ  
progreſſus, repellit inſolentis audaciam.  
At majus a Nortmannis pericu-  
lum urgebat: Hi licet binjs cladibus ab  
Odone Rege, Caroli ſimplicis tutore,  
Saxonici, ut diximus, generis bellico-  
ſo viro attriti; extremas tamen vires in  
unum contrahunt, bellumque tranſfe-  
runt in Lotharingiam, Arnulphi re-  
gnum, caſtris prope Lovanium præ-  
munitis, ad prædas undique agendas.  
Poſtquam de his Arnulphus certior fa-  
ctus, Sunderoldo Moguntino Archi-  
epiſcopo & Arnulpho Comitæ maadat,  
copias quamprimum contrahant, & ad  
Moſam caſtra collocent, ne quis hoſti  
transitus pateat. At Normanni prius-  
quam Germanæ copię ad trajectum  
convenirent, Lovanio digreſſi, Moſam  
ad Leodium tranſeunt. Inde Aquis-  
grani omnia circum prædis pervagan-  
tur. Quod ubi nunciatum Francis,  
quorum copię Feſto S. Joannis Bapti-  
ſtæ dum acceſſerunt, conſultatum mul-  
tis, Coloniamne movendum, an tran-  
ſito Moſa hoſtium claffis invadenda. Pla-  
cuit tertium, rectaque in hoſtem eun-  
dum decernunt. Poſtera ergo luce  
moventur caſtra trans Guliam amnem.  
Ibi in Nortmannorum exploratores in-  
cidunt. Chriſtiani ut quemcunque  
impetus rapuit, irruunt ſine ordine,  
duce & imperio: cedentibus ex com-  
poſito Nortmannis, dum ad locum, in  
quo hoſtium pedestres copię ſe con-  
globarant, traherentur. Ibi atrox &  
dubio eventu prælium habitum: pu-  
gnatum inter clamorem flagoremque,  
quo hoſtium equitatus excitus advo-  
lans, Chriſtianum exercitum uno im-  
petu fugat cæditque. Interemptus  
Sunderholdus Moguntinus Archiepi-  
ſcopus, Arnulphus Comes, magna  
pars nobilitatis, ceteri miſerandum in  
modum contrucidati. Clades hæc VI  
Calend. Julii accepta ad Guliam am-  
nem, qui infra Trajectum Moſæ in-

funditur. Barbari ſpoliatis caſtris &  
caſorum corporibus, ad claffem retro  
ſeſe cum ingenti præda retulere.

Procul aberat per id tempus Ar-  
nulphus Rex in finibus Bojariæ, Scla-  
vorum bellis occupatus; acceptoque  
iſtic cladis nuncio ingemuit. At mox  
ubi rei magnitudinem cum animo ver-  
ſare cœpit, accenſus ulciſcendi ira in  
Barbaros, quantum poteſt ex orienta-  
libus Francis Germanisque exercitum  
contrahit; quo Rhenum tranſgreſſus  
ad Moſam caſtra collocat. Quod ubi  
Nortmannis cognitum, in caſtra ſe re-  
cipiunt, quæ ad Diliam flumen præ-  
munivere, intra paludes utrumque la-  
tus claudentes: cetera aggeſta terra ac  
palis præſepiunt. Eo inſtructa acie  
procedit Arnulphus, & caſtra caſtris  
opponit. Barbarus & recenti victoria  
& ſitu loci conſiſus, Regi inſultat, &  
Guliam amnem ſœdumque cladis lo-  
cum inter cetera convitia monſtrat, ni  
recedat & Diliam amnem pari ſuorum  
ſtrage notatum velit. Quibus exacer-  
batus Arnulphus Rex ex equo ſe ſub-  
mittit. Idem omnes equites facere ju-  
bet; & cum pedite caſtra hoſtium ag-  
greſſus, eadem uno omnium impetu  
oppugnat & expugnat; tantaque bar-  
barorum ſtrages edita eſt a furente  
chriſtianorum milite, ut vix ex innu-  
merabili hoſtium numero relictus, qui  
cladis nuncium referret ad ſuos. Caſi  
cum ceteris Godefridus & Sigefridus  
Nortmannorum Reges. Cæleſtis, in-  
quit Helmoldus, hæc victoria parta ad  
Calend. Septemb. eoque Rex omnisque  
exercitus publica Supplicatione Deo  
gratias perſolverunt, & poſteri diem  
celebrem habuere. Rex inde exerci-  
tum ingenti hoſtium præda onuſtum  
Moguntiam reduxit, quocum per hi-  
berna in Alemannia permanſit.

Hoc ipſo anno inter flagrantia bella  
delatum eſt ex Gallia corpus Juſtini  
Martyris Corbejam, Godeſchalco Ab-  
bate: præterque S. Vitum Weſtphalia  
novo patrono decorata eſt. Multi eo  
nomine Martyres; at hic, de quo agi-  
mus, immani illa vexatione Diocletiani  
una cum Maxentio, Conſtantio, ac  
Crefcentio Senatoribus Treviri a Riſti-  
ovaro interemptis pro Chriſto ſangui-  
nem fudit. Hiſtoria translationis pue-  
rum vocat, ſecus quam Sigebertus

Inſignis vi-  
ſoria Ar-  
nulphi con-  
tra Nort-  
mannos.

Lippus in  
Lovanio  
Brouverus  
lib. 9. ann.

Translatio  
S. Juſtini  
Corbejam  
monum.  
Corbei.  
a Meibom.  
edit.

\* ad an.  
1071.

inter

inter senatores Trevirenses memorat. Corpus hoc Martyris Godeschalcus Bononis successor & quartus Corbejenfium Abbas impetravit a Radbodo, ut opinari fas erit, Trevirensium per id tempus Episcopo. Jam ante caput Martyris Antifiodorum translatum erat in Galliam. Inde post ab Ottone I. Imperatore inter cetera SS. pignora Magdenburgum transportatum. Id cum resciret Gerbernus decimus Corbejenfium Abbas supplex Imperatorem

adiit, & caput, quod corpori deerat, impetravit. Ita vero totus Justinus Martyr apud Corbejenfes conquirere voluit. Felicia tempora, cum Principes & Præsides unaque populus de SS. pignoribus & patrociniis apud Deum decertarent. Quantum inde remissum, tantum felicitatis postea Saxoniae subtractum; donec hæresis ingressa hæc in ludibrium ausa vertere, & illa cum Regno etiam vera religione exuta est.

## Annus Christi 892.

Formosi Pont. 2. Arnulphi Regis Germ. 6. Bifonis Ep. Pad. 6.

*Regino.  
Sigbertus.  
Herm. cont.  
Marianus  
Scotus.  
Nortmanni  
ad suas se  
tandem se-  
des recipi-  
unt.*

At nondum per hæc tempora quies a Nortmannis. Nam etsi Frisiam Saxoniamque intactam reliquerunt; ii tamen, qui a superioris anni clade superstites erant, collegere se rursus in prædatorium exercitum; quo Mosam transgressi populando Bonnam pervenire, omnia per Ripuariam spoliis, cædibus & terroribus complendo. At postquam didicere jussu Regis Arnulphi Christianorum exercitum in se tendere, noctu per continentes sylvas & montes summa velocitate se subduxere; donec Prumiam delati, cænobium illud spoliis & monachorum cædibus funestarent: cumque a tergo inhæreret christianorum exercitus, demum per Ardennam abruptaque locorum profugi ad classem se recepere, desperatisque rebus in Nortmanniam sunt reversi. Ita gens ferocissima, quæ per LXX annos Franciam & Belgium divexarat, facta superioris anni strage, intra Regnum suum se continuit; finemque accepit bellum Nortmannorum, cui Hungaricum mox haud minus crudele ac funestum successit; tanquam continuis barbarorum flagellis Christianorum vicia & delicta castiganda permiserit Deus.

*Hungari in  
auxilium  
vocantur  
ab Arnul-  
pho.*

Per id tempus dum hæc inter Rhenum & Mosam agebantur, Arnulphus Rex in Bavaria comitia procerum habuit, in quibus Zwentiboldus, Sclavorum Moravorum & Bohemorum Princeps, hostis Imperii nominatus; quem deinde triplici exercitu aggressus in fugam abiecit, ejusque regiones prædis & cædibus evastavit; &, quo toties perfidum ac rebellem contineret, Ungaros, ut vocant, imploravit. Gens hæc barbara ac ferox ante, quæ demum

e Scythia progressa, deserta a Pannoniis & Avaribus loca, cum domi ob multitudinem se in suis regnis non contineret, bellisque Barbarorum implicaret, effusarum locustarum instar occupavit (ut multis hæc describit Regino) nota primum claraque ab hoc bello, quo in Sclavos & Bohemos evocata ab Arnulpho perhibetur, barbaros per barbaros refrenando. Nam, ut Sigbertus scribit, Zwentiboldus horum armis victus, & ad tributum compulsus: gens dein capta dulcedine prædæ in christianos arma vertit, Germaniam, Galliam & Italiam depopulando pervasit, atque in Saxoniam & Westphalam penetravit, novum Imperii flagellum. Quare reperias scriptores, qui Arnulpho id vitio dederint, haud secus quam olim Constantino M. eo quod barbarorum arma permiscuerit Christianis, hostesque cum horum auxiliis traxerit intra viscera Imperii. Ac tametsi gente Scythæ passim essent, Hunni tamen & Ungari appellantur; neque dubium quin multi Hunnorum in societatem hujus belli prædatorii ex illa populorum colluvie ultro convolarint. Bello hoc Arno Herbipolensis Episcopus, hortatu Popponis Thuringiæ ducis castra secutus, cum ad altare sacrificium missæ offerret, a Barbaris trucidatus glorioso mortis genere; quo & Sunderboldus Moguntius Archiepiscopus desideratus; non enim ut milites, sed Castrenfium Sacerdotum præfules exercitui aderant.

*Disbmanus  
lib. 1.  
Regino.*

Fine anni Arnulphus Rex e Sclavico bello per Bojariam Francofurtum venit. Quod etsi Regino ad sequentem annum referat, præsentem tamen tabulæ nostræ




Privilegia  
Herivordi-  
ensis con-  
firmantur  
ab Arnul-  
pho.

stra exhibebunt; quando mense Novembri duo Episcopi Bisio noster & Wicbrecht ad palatium profecti Regem Francofurti convenere, ab eoque confirmationem omnium privilegiorum Herivordienfium Virginum Monasterio implorarunt, quam hisce tabulis adscribimus.

In nomine sanctæ & individuae Trinitatis, Arnolfus divina favente Clementia Rex. Si servorum & ancillarum Dei petitionibus, quas pro Ecclesiarum sibi commissarum utilitatibus nobis suggererint, clementer annuimus ac pie prospicimus, id nobis & ad presentis vitæ cursum salubriter transeundum, & ad perpetua beatitudinis præmia feliciter promerenda liquido profuturum esse confidimus. Quamobrem noverit omnium fidelium nostrorum presentium scilicet atque futurorum industria, qualiter Vuicpreht & Bisio venerabiles ac dilecti Episcopi nostri precati sunt una cum Choutrado fideli comite nostro Clementiam nostram, quatenus sororibus sanctimonialium in monasterio Herifordt nominato sub honore sanctæ Dei Genitricis Mariæ constructo atque dicato Domino famulantibus electionem suam inter se intrinsecus ab antecessoribus no-

stris eis prius per præceptales cartas concessum pro remedio animæ pii Genitoris nostri Karolomanni Regis, & deinde nostra cæterorumque parentum nostrorum simili modo concederemus, nostræque auctoritatis scripto eam corroboraremus. Quorum petitionibus & salubri consulti libenter assensum præbuimus, & præsens præceptum inde conscribi iussimus, quidquid boni antecessores nostri eidem cœnobio contulerunt, & omnia privilegia ab ipsis illuc concessa eidem concedentes, ac nostra auctoritate confirmantes, & juxta illorum monitionem iisdem sororibus securum per hoc præceptum concedimus arbitrium & potestatem inter se Abbatissas eligendi, quamdiu Deus aliquam inter illas eidem præsignaverit ab ipso docta, quæ famulas Dei inibi domino militantes gubernare ac regere possit, nullusque successorum nostrorum hanc nostræ auctoritatis certam potestatem habeat violare, ut ipsas ob hoc melius pro nobis & prælibato Genitore nostro, aliisque parentibus nostris exorare delectet. Et ut præsens auctoritatis nostræ præceptum nulla unquam mutabilitate violetur seu violari conetur, manu propria illud firmavimus, annulo nostro assignari præcepimus.

Signum Domini Arnolfi



invictissimi Regis.

Signum Domini HLudovici



Serenissimi Regis.

Ernstus Notarius ad vicem Theotmari archicapellani recognovi & ss. Data III nonarum Novembrium die, anno incarnationis Domini DCCCXCII Indictionum XI anno regni Arnolfi Regis V Actum Franchonofurdin Dei nomine feliciter amen.

Annum regni V hæc literæ præferunt, quem alii VI ab anno 887 deducunt. Indictio similiter hujus anni X est non XI; nisi sequentem a Septembri numerarint, aut certe scriptoris error in his intervenerit; quem vero Wicpret Episcopum cum Bisone conjungat, incertum habeo; nam duo Arnulpho Rege ejus nominis Wicberti Saxoniz Epi-

scopi fuere, alter Hildesienfis ex Corbejensi Monasterio, ut diximus, ductus, alter Verdenfis ex familia Widedkindi M. præclarus ea tempestate Episcopus; quemadmodum hic Crantzius retulit. Qua vero ex causa Bisio Episcopus noster ad palatium profectus sit, nec ex fastis nostris, nec ab aliis accepimus.

U

Annus

Crantzius  
lib. 2. Mo-  
trop. c. 30.

## Annus Christi 893.

Formosi Pont. 3. Arnulphi Germ. Reg. 7. Bifonis Ep. Pad. 7.

Regino.

Certe Arnulphus Rex, dum anno proximo trajecto Rheno civitates Germaniæ inferioris & Lotharingiæ lustraret, ingentibus donis ab Episcopis passim occurrentibus exornatus est. Utrumne in Saxoniam descenderit ad nobilem regni sui partem, in qua Otto Saxonie Dux filiam in matrimonio collocatam habebat in annalibus non reperio. Wormatiam inde profectus Rex ad comitia, quæ indixerat, totam sibi Germaniam applaudentem habuit, cujus bellica virtute omnes domi forisque hostes obtriti jacerent. Tantaque hujus Regis auctoritas erat ex felicitate rerum gestarum, ut Carolus Galliæ Rex recens inunctus a Falcone Remensium Archiepiscopo, supplex Wormatiam veniret, & Arnulphi ope Regnum Galliæ sibi ab Ottone reddi peteret. Interim Rex Arnulphus ubique delectus militum facere jussit, quo Germaniam Saxoniamque in omnem belli casum armatam haberet. Nec Episcopi per Saxoniam immunes facti; solum Corbejensibus secundum privilegia superiorum Imperatorum & Regum exemptio confirmata hisce tabulis; quas etiam si nullo certo anno & indictione consignatas reperiam, hic referre placuit.

Ab eodem  
eximuntur  
Corbejen-  
ses ab omni  
re alendi  
militibus.

*In nomine sanctæ & individue Trinitatis, Arnolfus divina providente Clementia Imperator Augustus, Episcopis, Abbatibus, Comitibus, Vicariis, omnibusque in sublimitate positis, & natu majoribus in Saxonie partibus constitutis in Christo Salvatore pacem & utriusque vitæ felicitatem cum salute perenni. Notum itaque generalitati vestræ fieri volumus, quia Serenitatis nostræ auribus innotuit, quod sint inter vos, qui militiam cœnobii, quod vocatur nova Corbeja, id est, vassallos ejusdem Abbatis plus justo in hostem ire compellant, cum auctoritate divorum antecessorum nostrorum ipsi loco suisque concessum atque indultum clara luce dinoscatur, quod & nos morem sequentes priorum, non minori devotionis solertia eidem sacro sancto loco, & Rectoribus*

*ejus cum omnibus regimini illorum subactis Domino propitiante finetenus confirmare studemus. Quapropter universitati vestræ expresse mandamus, & modis omnibus prorsus interdiciamus, ne quisquam ex vobis ipsos milites quoquomodo iniqua distractione, seu in expeditionem, aut ullam exactionem hujusmodi violenter reddere, aut facere coartari præsumat. Sed liceat præfati monasterii abbati secure cum omnibus curæ illius subjugatis degere, & sicut ab antecessoribus nostris sibi suisque interius exteriusque concessum, scripto roboratum constat, sine alicujus majoris minorisve ordinis personæ offendiculo frui perpetimque potiri, in gloriam & laudem Dei.*

*Data XI Calend. Julii ad Ingulenheim.*

Proferunt Letznerus & Meibomius duo hæretici scriptores, quibus tertius accedit Kemnitius, Litanias apud Corbejenses repertas, quibus Arnulpho Rege Deum & Divos precati Monachi illius loci, tam diverso cultu ritumque supplicandi, ut nullum in iis modum usumque invocandi sanctos esse velint: nam præterquam, quod hi tres scriptores hæretici non conveniant, & alias Letznerus, alias Meibomius, alias Kemnitius producat, ut ex hoc fallacia satis appareat; tum nos multo antiquiores Litanias inter monumenta ejus cœnobii reperimus Ludovico pio Imperatore usitatas, in quibus prorsus idem ritus motusque invocandi sanctos legitur, quem hodie catholica Ecclesia servat. Quapropter ad fallacias hæreticorum retegendas eas integre exscriptas ex authographo, quod etiamnum superest Corbejæ in Carolo M. Romano catholico dedimus, quo omnibus constaret, quam falsa fide agant in corruptis Litaniarum & antiquitatis monumentis, qui veram Christi fidem promittunt, sat gnari, nisi domum hæresis suæ mendaciorum fulcris substruerent, eandem per se collapsuram.



Annus

## Annus Christi 894.

Formosi Pont. 4. Arnulphi Regis Germ. 8. Bifonis Ep. Pad. 8.

Regino.  
Sigebertus.  
Erm. coms.  
Marianus.  
Scots.  
Otto Eris  
fug. lib. 6.  
Sigonius  
lib. 6. de  
Reg. Ital.  
Baronius.  
Arnulphi  
expeditio  
in Italiam.

Subinde Arnulphus, qui Regis Germaniæ nomine, præter Galliam & Italiam, totum Imperium in quiete tenebat, formidabilis omnibus Regibus a Beringario in Italiam evocatus adversus Vidonem, quem Formosus Pontifex ante biennium Imperatorem nominarat, cum maximis equestrium & pedestrium copiis per juga tridentina in Italiam penetravit, ipse, ut Sigonius perhibet, Italiæ & Imperatoris titulo potiundi. Quam in expeditionem Arnulphus Ottonem Saxoniam ducem generum suum cum Saxonis copiis sibi præsto esse voluit, virum fide & militari fortitudine egregium inter omnes Germaniæ duces. Capta primo incursum Pergamum urbs, & Ambrosius Comes urbisque præfectus ad portam urbis ex arbore suspensus. Territi hoc supplicio Mediolanenses, Papienses, Placentini ceterique per Italiam, Regi supplices se offerunt. Otto dux Saxoniam Mediolanum missus, urbem ad obsequium redigit. Ita Beringarius fugato Vidone restitutus Imperator;

tanquam Arnulphus Germaniæ Rex non modo Galliæ Regem, sed & Imperatorem sibi beneficiarium haberet, solo titulo fere Augustum; ut facile Arnulphum absolvas ab affectatione Imperii (quod a Sigonio illi imputatur) qua facile ei erat totam Italiam occupare: sed omissa Italia, Arnulphus arma vertit in Rudolphum Burgundiæ Regem, hominem, qui per vim & rebellium studia se regem fecerat; quo in latibula compulso, rediit Arnulphus in Germaniam ad comitia, quæ Wormatiæ indixerat.

Per hæc tempora Zundiboldus Sclavorum ac Moravorum Rex, vir, ut Regino scribit, inter suos prudentissimus, & ingenio callidissimus, postquam christianos multis bellis & malis afflixisset, excessit e vita, regno ad imbelles filios transmissio. Qua opportunitate Ungari Moraviam, Bohemiam, vicinasque Germaniæ provincias occupant; ex quibus deinde in Saxoniam progressi fatales clades intulerunt.

Obitus  
Zundiboldi  
di Slavorum  
ducis.

## Annus Christi 895.

Formosi Pont. 5. Arnulphi Germ. Regis 9.  
Bifonis Ep. Pad. 9.

Regino.  
Sigebertus  
Concil. General.  
apud  
Bisium  
Irmundum  
Labbens.  
Synodus  
Triburien-  
sis.

Celebris dehinc est annus insequens Christi 895 Triburiensi synodo ad Rhenum; ad quam mense Majo, hortante ac præsentē Rege Arnulpho, viginti duo Episcopi Germaniæ & Saxoniam, omnes pontificalibus ornamentis induti, convenere; quos inter Bifo Episcopus subscripsit. Regino xxvi Episcopos convenisse memorat, præter complures Abbates. Aderant congregati Episcopi a tribus Metropolitanis suis, Moguntino, Colonienfi ac Trevirensi. Eo in concilio post tridui jejuniū, post Litanias & publicas preces multa salubriter sunt præscripta digestaque in LVIII Canones, quibus cleri populique mores ad antiquorum Patrum & synodorum statuta egregie sancteque formantur. Quemadmodum hi Canones in conciliis generalibus digni posteritatis memoria leguntur. Regino concilium illud congregatum dicit adversus politicos homines, qui Episcoporum

auctoritatem imminuere tentabant. Quo illa spectant, quæ adversus comites decernuntur; subscribere Episcopi hoc ordine.

*Hatto Moguntiacensis Ecclesiæ Archiepiscopus.*

*Hermannus Colonienfis Ecclesiæ Archiepiscopus.*

*Rathodus, sive Rathbodus Trevirensis Ecclesiæ Archiepiscopus.*

*Waldo Frisingensis Episcopus.*

*Erckanbaldus Eichstadenfis*

*Turo Radasbonensis*

*Adalpero Augustensis*

*Salamon Constantiensis*

*Theodulphus Curienfis*

*Fringus Basiliensis*

*Baldramus Strasburgensis*

*Lotechaneus Spirensis*

*Theotelaus Wormatiensis*

*Adalgarius Bremensis*

*Dudo Virdunensis*

U 2

Wig-

Wigbertus Hildesheimensis  
 Rudolphus Wirtzburgensis  
 Sigismundus Halverstadiensis  
 Ruotbertus Metensis  
 Drogo Mimidensis  
 Biso Paderbornensis  
 Egilmarus Osnabrugensis Episcopus.

Præf.  
 Concil.

In synodo iterato acclamatum Arnulpho magno Regi vita & victoria: & Rex ad Patres: agite Pastores Ecclesiarum, clarissima mundi lumina, pro cura, quæ vobis imposita est, *habetis me omnibus Ecclesiæ Christi adversantibus, & vestro Sacerdotali ministerio renitentibus oppositum bellatorem.* Quam præclare per Germaniam agebatur, cum Reges & Episcopi una cura Ecclesiam & Rempublicam complexi, disciplinam cleri & populi quærebant, fontem omnis felicitatis?

In qua præter alia de eifum pro Colonienfi contra Archiep. Bremenfem.

Hac in synodo rursus controversia inter Hermannum Colonienfem Archiepiscopum, & Adalgarium Bremenfem agitata perhibetur ab Adamo Bremenfi, Alberto Stadenfi, Binio & Baronio. Ita enim Adamus historiæ Bremenfis scriptor. *Collecta apud Triburiam synodo, Hattone Moguntino præfidente, cassata sunt privilegia, & gloriosorum principum præcepta, consentientibus iniquis decretis Formoso Papa & Arnulpho Rege.* Addit utriusque Episcopi Oratores Adolinum & Widgeum in certamen venisse, alterum pro Colonienfi, alterum pro Bremenfi, tanta vehementia perorantem, ut Patrum oculos animosque in se converterint: at postquam causa adjudicata Colonienfi fuit, altero die Widgeum Bremenfium legatum exspirasse. His omnibus se opposuit Bollandus, asseritque Adamum Bremenfem ac ce-

teros, qui hæc tradunt, corrigendos, quod hæc controversia jam ante in concilio Francofurtenfi decisa fuerit; tanquam in hac synodo repeti non potuerit, in qua teste Adamo Bremenfi rerum peritissimo, Adalgarius Episcopus in causam synodi inter confidentes Episcopos dejectus; Uti id ordine Episcoporum relato conspicitur, quod ex Francofurtenfi concilio exhiberi non potest. Sane quod Formosus Pontifex pro Colonienfi pronunciarit, fecit Episcoporum iudicium, cui suum conformavit: nec conveniens duxerit Bremenfem Archiepiscopum ea dignitate exornari, qui nullos adhuc provinciales Episcopos sibi subiectos haberet. Quare dum illos nanciscatur, tantisper honore supersedendum censuit, & parendum Colonienfi ex prima Hadriani Pontificis & Caroli M. institutione, qui Bremenfem Ecclesiam Metropolitano Colonienfi subiecere. Multis hæc exponit Formosus Pontifex in literis ad Adalgarium.

Græciz l. 2. Metropol.

Synodo finita Arnulphus Wormatiam ad comitia procerum est profectus, quorum assensu tandem filium Zwentiboldum ex concubina genitum Lotharingæ Regem dixit. Accessere in hoc conventu Arnulphum Carolus & Otto Galliæ Reges, amicitiam altero præ altero ambiente. Subinde a Formoso Pontifice in Italiam est invitatus, ad Ecclesiam Romanam liberandam a vexatione Lamberti Imperatoris, quem a morte Vidonis Patris Itali factionis paternæ adversus Berengarium subrogare. Arnulphus re cum Episcopis deliberata, mense Septembri armatus Italiam ingreditur, & perlustratis subactisque multis Italiæ urbibus, \* Lucæ Natalitia Christi peregit.

Regino. Sigebertus Sigon. lib. 6 de Reg. Ital. Otto Fri. sing. lib. 6. c. 13.

Arnulphus invitatu Pontificis in Italiam proficiscitur.

\* al. Luca.

## Annus Christi 896.

Formosi Pont. 6. Arnulphi Reg. Germ. 10. Bifonis Ep. Pad. 10.

Capitulum Leporis beneficio Romæ Imperator a Pontifice inungitur.

Inde sub exordium consequentis anni Romam cum exercitu properavit, urbemque ex voluntate Formosi Pontificis cepit. Leporis id beneficio factum scribit Sigebertus, Sigonius, & alii. Enim vero, dum exercitus ad urbem confidet, excussus e cubili lepus; quem dum milites per lulum militarem ad urbem insequuntur, cives, qui excubabant, rati universis se ca-

strorum viribus peti, metuque percussi, stationes deserunt. Quare conspecta, Germani muros transcendunt, portisque ariete perfractis urbem intrant. Arnulphus urbe potitus Sergium Pontificem expellit, & in factionis Sergianæ cives gladio animadvertit; haud secus quam ante Carolus fecerat, Leonem Pontificem ab injuriis factionum civium vindicando. Hoc simili benefi-

beneficio provocatus Formosus Pontifex Arnulphum Imperatorem inungit. Haud nescio ab Italis scriptoribus vitio creatum scribi, eoque inter Imperatores ab his non censeri, quod & Otto Frisingensis suo ævo observavit: Verum Germani plerique scriptores (quos inter accessit Brunnerus) legitimis eum suis Imperatoribus adnumerant. Nec causæ huic derogat, quod Formosi acta rescissa a Stephano VII. successore, & corpus ejus e tumulo protractum in Tyberim sit projectum. Id civili furore actum, qualia ipsi Stephano post mortem pati necesse fuit. Certe postquam Formosi corpus a piscatoribus e Tyberi extractum delatumque in Vaticanam Basilicam, Sanctorum imagines venerabundæ salutasse visæ sunt; ne quid hic referam de elogiis, quibus scriptores Formosum exornarunt. Quibus factionum studiis Urbs & Pontifex, iisdem Italia laborabat, aliis Berengarium, aliis Vidonem & filium Reges sibi deposcentibus. Ferre duos Reges necesse fuit, cum unum Imperatorem Germanum detrectarent Itali. Fugato Lamberto Rege, Arnulphus Camerini Ageltrudam matrem Regis obsidet. Versuta scæmina, cum aliter se expedire non posset, per corruptum auro ministrum venenum Imperatori præbuit; quo poto in veterum prolapsus; multum amisso animi vigore, ac para-

lysi etiam contracta in Germaniam rediit; post cujus discessum tota Italia descivit ab Imperatore.

Hoc etiam anno Forchemii Imperator confirmavit foundationem monasterii Mollenbecani in Westphalia; id quod nobilis matrona Hildeborchia in dicecesi Mindensi e suis bonis condidit. Tabulas recitat Cleinsorgius germanico idiomate, male consulto nobis more; tantum ex latino autographo hæc reliquit. Signum Domini Arnulfi invictissimi Imperatoris. Ernstus Notarius ad vicem Theodmari Archicapellani recognovit. Datæ Idibus Augusti., Anno Incarnationis Dominicæ DCCCXVI. Indiēt. XIV. regni Domini Arnulfi IX. Imperii ejus I. Actum in Forcheim.

Confirmat  
Fundatio-  
nem Mos-  
nasterii,  
Mollenbe-  
cani in  
Dicecesi  
Mindensi

Produnt hæc satis, quam male quidam Imperatoris titulum abrogent Arnulpho, quem ipse sibi tribuit, quoque tota eum Germania decoravit. Theotmarus, qui hic Archicapellanus aulae notatur, Salisburgensis Episcopus est: hujusmodi enim sacrorum aulicorum præfules pro arbitrio sibi deligebant Imperatores ac Reges: quales modo Colonienſes, modo Moguntinos, modo Trevirenſes Archiepiscopos, modo etiam sapientia & virtute conspicuos Episcopos fuisse constat.

## Annus Christi 897.

Stephani VII. Pont. I. Arnulphi Germ. Regis I I. Imp. 2.  
Bifonis Ep. Pad. I I.

Arnulphus hinc viribus sensim receptis, mense Majo Wormatiam ad comitia procerum digressus. In his cum multa pro incolumitate Imperii constituta sint; tum vero Optimates sibi ac Ludovico filio, quem Successorem destinabat, novo sacramento obstrinxit; comitesque Regni Lotharingæ, quos Zwentiboldus bonis exuerat, cum filio in gratiam reduxit. Inde Fuldæ religionis causa ad sepulchrum D. Bonifacii profectus est; Fulda in Thuringiam discessit, ac Saltzæ in palatio regio Saraborum legatos audivit. Rebus istis compositis, Ratisbonam, quam urbem præ ceteris coluit, se contulit, ubi Bohemorum legati accessere Imperatorem, multum questi de injuriis Moravorum. Nec segnis Imperator bellum

impotenti genti indixit, & intulit. Saxonia interim Ottonis generi ac ducis fortitudine defensa stetit.

Deceſſerat sub exitum prioris anni Formosus Pontifex, cui subrogatus Stephanus VII. Pessimis is exemplo acta Formosi rescidit; interque cetera, ut Crantzius perhibet, judicium Formosi, quo controversiam inter Colonienſes & Bremenses Episcopos deciderat, retractatum; mandatumque ob id Fulconi Rhemensi Archiepiscopo, ut litem ex integro resumeret, & Francofurti utrumque audiret. Verum frustra hæc agebantur, cum omnia Colonienſis, fultus Imperatoris & Episcoporum sententia, dilueret. Quanquam & acta Stephani resciderit post Joannes IX Pontifex

Crantzius  
lib. 2. Mos-  
trop. c. 24.



tifex, adeo tum Romæ Sergiana facti-  
one omnia conturbata erant.

*Digressio  
de vita  
Menulphi.*

*Corpus S.  
Menulphi  
elevatur.*

Memorabilis hic annus Paderbor-  
nensibus, ex illustri miraculo, quo De-  
us D. Menulphi sepulchrum exornavit:  
siquidem hic annus est, quem a morte  
ejus quinquagesimum esse volunt, Ar-  
nulpho Romanorum Francorumque  
Rege, & Bifone Episcopo. Enim vero  
dum in Bodecensi Basilica solemni ritu  
sacrificium Missæ perageretur, ac Dia-  
conus Evangelium caneret, xv Calend.  
Februarii cippus, qui Sepulchro Me-  
nulphi impositus erat, magno sonitu in  
quatuor partes rumpitur, attonitis om-  
nibus, qui aderant: ac mox ubi ad sa-  
cræ hostiæ elevationem perventum est,  
ingenti rursus fragore idem lapis in  
minuta frustra sectus dissilit. Rei no-  
vitate obstupescit accedunt ad sepul-  
chrum, videntque terram, qua tumba  
intecta fuerat, secessisse in latera sepul-  
chri, ipsumque sarcophagum totum se  
in conspectum dedisse; simul tam sua-  
vis odor afflatus e sepulchro, tanquam  
his signis ostenderet Deus, elevatio-  
nem corporis faciendam. Quæ ubi ad  
Bifonem Episcopum relata sunt, atque  
ille inter incerta fidei hæc haberet, cen-  
suit sepulchrum sua humo & lapide  
rursus integendum; quo facto haud

multo post sepulchrum submoto cippo  
arcana vi disjicitur. Consultus denuo  
Episcopus, nec quicquam ratus divi-  
næ monitionis subesse, jubet denuo se-  
pulchrum componi. Inter hæc D. Me-  
nulphus presbytero Meinhardo in pro-  
xima Attelensi parochia se per somnum  
offert monetque, Episcopum adeat, &  
pro ostensis signis ossa honorificentiori  
loco collocet. Id cum presbyter quo-  
que iterato monitus negligeret, ratus  
se vana imagine deludi, tertium se of-  
fert Menulphus, cæcitatem comminan-  
do, a qua non prius liberandus, quam  
jussa explerit. Mane ubi diluxit, ocu-  
lis se captum advertit. Ita cæcus, ma-  
nuque ductus ad Episcopum, exponit,  
quid sibi evenierit, quid D. Menulphus  
feri velit. Tum tandem Biso Episco-  
pus intelligens, ac sibi etiam metuens  
Bodekam cum Sacerdotibus proficiscit-  
ur, & solemni ritu corpus D. Menul-  
phi e terra levat, ac publico cultu ve-  
nerandum exponit. Vix dum hæc præ-  
stita sunt, cum Meinhardo presbytero  
visus est redditus. Inde Menulphus  
affluente undique populi multitudine  
cœlestibus beneficiis longe illustrior;  
quorum multa miraque, ut supra dixi-  
mus, posterorum scriptis excepta te-  
nemus.

## Annus Christi 898.

Stephani VII. Pont. 2. Arnulphi Germ. Reg. 12. Imp. 3.

Bifonis Ep. Pad. 12.

*Regino.*

*Mirans in  
not. Belg.  
Breviarus  
lib 9 ann.  
Chaplev.  
lib. de Episc.  
Tung.*

Nihil per hæc tempora fortunatius,  
quam pax & otium, quo Saxonia frue-  
batur: non bella cum Barbaris, non  
intestina procerum dissidia; eo Episco-  
porum studio florentissima religio. Ac  
ne Sclavi Moravique Thuringiam &  
superiorem Saxoniam infestarent, Ar-  
nulphus Rex in Bavaria excubabat, im-  
misso etiam exercitu in Barbarorum re-  
giones, quos per duces suos multis cla-  
dibus attrivit. Turbatus Lotharingæ  
Regnum. Nam ex quo Zwentiboldus  
Rex Reginarium Comitem, virum belli  
pacisque artibus inclytum, insectatus, ce-  
teros ille Comites in partes traxit, rebel-  
lionem cœptando. Ejus rei gratiâ Zwen-  
tiboldus mense Majo Aquisgrani co-  
mitia habuit, in quibus reginarium  
malevolorum calumniis oppressum pro-  
scripsit, & gravi bello se implicuit, quo  
de regno periclitari cœpit. Nam Re-

ginarius ceterique offensi Comites Ca-  
rolum Regem, ad quem Odone Rege  
extincto, totum Franciæ Regnum  
transierat, imploravere. Is cum valido  
exercitu Germaniam intrarat. Jam-  
que Zwentiboldi & Caroli acies oppo-  
sitæ stabant, decertaturæ pro summa  
rei; cum opportune arbitri interve-  
nientes pace acies structas solvunt. In-  
terim Zwentiboldus Rex Aquisgrani,  
ut beneficis in religiosorum cœnobis a  
scriptoribus commendatur, inter cete-  
ras donationes Werthinensi cœnobio  
ob venerationem D. Ludgeri condito-  
ris privilegia confirmat, & a Rheni ve-  
ctigalibus immunitatem facit; diploma  
his subjiciam.

*Zventi-  
boldus  
Werthinens  
ses immu-  
nes reddit  
a vectigali-  
bus Rheni,  
&c.*

*In nomine sanctæ & individue Tri-  
nitatis; Zwentiboldus misericordia Dei  
Rex. Comperiat omnium fidelium no-  
stro-*

fratrum presentium & futurorum prudentia, qualiter fratres monasterii S. Ludgeri, quod dicitur Werdina, nostræ suggesterint Dominationi, quatenus se ipsos & quæ sua in nostro regno sunt, sub nostro patrocinio & tuitione susceperemus, & privilegia, quæ priores pro tuitione illi monasterio contulerunt, nostri dignaremur præcepti auctoritate firmare. Quorum suggestionibus ob amorem Dei, & interventu honorabilis Radbodi Trevirorum Episcopi, & Odonis fidelis nostri liberalissime annuentes, volumus, ut sub nostro mundiburdio res quascunque in nostro regno habent, secure possideant, donationem sive illius fisci, quod dicitur Frimersheim, sive aliarum quaruncunque possessionum, cum mancipiis & silvis, pratis & omni integritate ratam teneant, & inviolabiliter stabilitam. Item concedimus eis, ut in omnibus mercatibus, qui per Rhe-

num sunt, a teloniis sint liberi, nec aliquod exigatur, ubicunque ad suas utilitates indigent, emere aut vendere. Item præcipimus, ut nullus iudex publicus in eorum hominibus habeat ditionem, sed advocatus eorum super iis justitiam agat, nec ad publicum mallum quispiam succlamationem faciat, priusquam advocatus eorum appellaverit pro justitia facienda. Et ut hæc nostræ auctoritatis concessio firmior in Dei nomine perseveret, manu propria ea firmavimus.

Signum Domini Zwentiboldi gloriosissimi Regis, Waltgerus Notarius ad vicem Ratpoti Archiepiscopi summi-que Cancellarii recognovi. Data V Idus Maji, anno Incarnationis Domini DCCCXCVIII anno vero Regni piissimi Zwentiboldi III. Actum Aquisgrani palatii in Dei nomine feliciter Amen.

## Annus Christi 899.

Stephani VII. Pont. 3. Arnulphi ultimus.

Bifonis Ep. Pad. 13.

Brun. lib. 7.  
ann. Boic.  
Obitus Arnulphi Reg  
Germ.

Aderat nunc annus Christi 899 Imperio fatalis, quo Arnulphus Imperator, & Germaniæ Saxonique Rex, III Calend. Decemb excessit e vita, religione, virtute bellica, & rebus præclare gestis inter præstantissimos Reges numerandus. Celebrant Boici scriptores ejus munificentiam in Ecclesias suas; quam & nos liberalitatis ejus tabulis ex Saxonia testatam fecimus. Sigebertus phthirialis morbo confectum refert; de quo Regino aliique eorum temporum scriptores silent, memorantque Ottingæ in Bavaria ad patris tumulum compositum; quem tamen Ratisbonæ ad

S. Emmerannum Otto Frisingensis sepultum monstrat. Inde nunc ab excessu Arnulphi, quem ultimum Imperatorem, ætas illa ex Caroli M. stirpe vidit, progredimur ad decimum a Christo sæculum. Tam fluxa humanarum rerum spes, tam citus familiarum illustrium interitus: Imperium, quod Carolus M. anno primo hujus sæculi in familiam induxerat, id ultimo fere ejus sæculi clauditur in Arnulpho; tanquam intra fatalem hanc periodum fortuna circumscripsisset Carolinæ stirpis gloriam.

## Annus Christi 900.

Stephani VII. Pont. 4. Ludovici III. Reg. Germ. 1.

Bifonis Ep. Pad. 14.

Succedit in  
regno Lu-  
dovicus Ar-  
nulphi fili-  
us.  
Regno.

A cognita Arnulphi morte, proceres & Optimates Regni Forheimii congregati in comitiis Ludovicum filium, quem ex justo toro susceperat, unicumque hæredem reliquerat, intra primos annos Regem dicunt, regiisque ornamentis indutum in throno collocant. Et quia ætas immatura regno moderando, tutores dati Hatto Moguntinus Archiepiscopus, vir perspicacis ingenii: & Otto dux Saxonie,

quod Lucardam Ludovici sororem in matrimonio haberet, quique inter ceteros Germaniæ proceres auctoritate, prudentia, omnibusque belli ac pacis studiis longe eminens vigesimum in principatu annum agebat. Horum ergo moderatione Germaniæ Regnum administravit Ludovicus; assertumque honori ejus Regnum, quod in Germania ex Caroli M. stirpe unicus atque ultimus ea tempestate superesset heres.

Ab

A quo pri-  
vilegia Cor-  
bejenſium  
confirman-  
tur.

Ab huius Ludovici Regis munificentia Corbejenſes primo ſtatim anno privilegiorum ſuorum confirmationem impetrarunt. Id quia ultimum quoque ex Carolinæ ſtirpis Regibus diploma poſſidemus, Triburiæ ad Rhenum conſignatum, hic adſcribere placuit.

In nomine ſanctæ & individuæ Trinitatis HLudovicus divina favente gratia Rex. Si petitiones noſtrorum fidelium, quas pro utilitatibus Eccleſiarum Dei nobis ſuggeſſerint, ad effectum preducimus, ad æternæ retributionis augmentum id nobis profuturum liquido credimus. Unde noverit omnium fidelium noſtrorum præſentium & futurorum industria, qualiter per interventum venerabilis ac Dilecti Comitis noſtri Conradi monaſterium quoddam nova Corbeja nominatum, cui præeſt fidelis noſter Bovo Abbas, in noſtram tuitionem ac mundiburdium ſuſcepimus, & omnes conſeſſiones ſeu donationes antecſſorum noſtrorum eidem cænobio collatas noſtra auctoritate firmamus atque corroboramus. Videlicet ut & immunitatem habeant ab omnibus publicis ex-

actionibus & judiciariis poteſtatibus; Homines ejusdem Eccleſiæ liti & coloni, & Rectores ipſius monaſterii in expeditionem cum ſuis hominibus ire non cogantur, ſicut a noſtris progenitoribus olim eis conſeſſum fuiſſe conſtat, ſed & hoc pro noſtræ mercedis augmento ad eorum utilitates addere decrevimus, ut intra ipſam Abbatiam in villa Horoſum nuncupata, publicum eis liceat habere mercatum & monetam, & ibi poteſtatem habeant accipiendi telonium, quod ipſorum advocatus noſtro exigat banno ab his, qui illuc cauſa emendi veniunt, intra marcæ memoratæ villæ & montis Eresburg nuncupatæ. Præterea quod ab exordio conſtructionis ejusdem monaſterii a noſtris antecſſoribus conſeſſum in eorum præceptis cognoscitur. Nos quoque iterum conſirmamus, ut licentiam habeant fratres illius loci eligendi inter ſe Abbatem, dum ita res poſtulat, quamdiu ad hoc idoneam inter ſe perſonam potuerint invenire. Et ut hoc noſtræ auctoritatis præceptum plenior in Dei nomine obtineat firmitatem manu propria affirmavimus, & annuli noſtri impreſſione ſignari juſſimus.

Signum Domini HLudovici

POE  
LLE

Sereniſſimi Regis.

Erneſtus Cancellarius ad vicem Theotmari Archicapellani recognovi & ſſs.

Data IIII Iduum Octobrium die, anno Incarnationis Domini DCCCC. Indict. III. Anno Domini HLudovici I. Actum Triburias in Dei nomine feliciter Amen.

Zwentiboldo occiſo  
Lotharingæ Re-  
gnum ad  
Ludovicum devol-  
vitur.

Læta omnis Germania Ludovico Rege, in quo ſibi Arnulphi patris majorumque felicitatem pollicebatur. Diſpari animo procures in Zwentiboldum ferebantur, quem Regno gravem averſabantur. Eoque proceſſere exacerbatorum iræ, ut primum clam, deinde palam Ludovico obviam progreſſi ad Theonis villam Regnum illi Lotharingæ veteriſque Auſtraſiæ deferrent, quo totius in eo Germaniæ Monarcham attollerent; haud ſecus quam Franciæ Regnum uni Carolo addictum videbant. Sed eo magis Zwentiboldus affligere procures, exuere Comites honoribus, incolas vexare prædis: & hi in Regem ſuum inſurgere; dum prælio inter utroſque Idibus Auguſti commiſſo Rex occumberet. Vehementis quidem elat-

tique ingenii Zwentiboldus; qui tamen ſcriptores acerbiores naſtus videri poſteſt; quod ab aliis princeps æquus, pius, & in religioſos homines & Eccleſias Regni ſui liberaliter munificus memoretur. Sane Sigebertus refert, quotquot eo prælio vulnerati fuerunt, eos aut mortem non evaſiſſe, aut ſanari deinceps non potuiſſe. Corpus caſi Regis in Suſterenſi Virginum cænobio humo conditum, in quo tres filias Deo conſecratas habebat, religioſarum virtutum commendatione illuſtriores, quam regio ſanguinis decore. Unde barbarum ei Zwentiboldi nomen adhæſerit a familia Carolina alienum, haud aliunde ſuſpicari licet, niſi quod juvenis bello acer, multa felicia prælia commiſerit cum Zwentiboldo Moravorum ſclavorumq; Rege.

Annus

## Annus Christi 901.

Joannis IX. Pont. 1. Ludov. III. Reg. Germ. 2.

Bifonis Ep. Pad. 15.

Ludovico  
impubere,  
Imperium  
a proceri-  
bus & Hun-  
garis patis-  
sur.

Sublato Zwenteboldo Regnum Lotharingæ, quo vetus Austrasia continebatur, ad unum Ludovicum adactum, quem totius Germaniæ Monarcham ætas illa vidit, sed immaturæ ætatis moderatione penes tutores relicta; eo multa simul mala incurrere in Imperium. Nam & duces inolescere, & pro temporaneis Regum ministris hereditarios sensim se ferre: Comites assurgere supra sortem muneris; ceteri procerum cum his affligere Episcopos, omnes spolia & prædas sibi indulgere, & sensim firmare hereditarias possessiones; quod nec in tutoribus auctoritas esset refrenandi, nec in Rege maturitas puniendi. At malorum summa a Barbaris. Ungari enim (quos Hunnos verius dixeris, gentem ex Scythia egressam, effusamque deinde in Pannoniæ & Moraviæ fines) postquam di-

dicere Italiam Principum factionibus scissam, & Germaniam Arnulphi Imperatoris morte conturbatam, regique a Ludovico impubere adolescente, bipartito exercitu irruptionem faciunt; & altero quidem Longobardorum fines ingressi, rapinis, cædibus, & incendiis cuncta devastant. Objecere se quidem Longobardorum incolæ in unum agrum conglobati: at cæsi a Barbaris. Qua strage innumerabilis multitudo Christianorum Hunnorum sagittis, quibus valebant, confossa, multique Episcopi & comites trucidati sunt. Altero vero exercitu per Pannoniam in Carentorum, & Bojariæ regiones effusi pari crudelitate sæviunt in Christianos. Hæc belli Ungarici initia, quod in multos annos extractum, & in viscera deinde Saxonæ nostræ penetravit.

## Annus Christi 902. &amp;c.

Joannis IX. Pont. 2. &amp;c. Ludovici III. Germ. Regis 3. &amp;c.

Bifonis Ep. Pad. 16. &amp;c.

Germania  
intestinis  
aliisque bel-  
lis turbata.

In Germania quidem per id tempus adhuc quies a Nortmannis & Sclavis; sed omnia intestinis diffidiis & Comitum æmulatione pro Regis adolescentia plena. Quos inter Albertus Bambergensis Comes, Ottonis Saxonis ex filia nepos, castro, quod præmunitum habebat, confusus, prædatorum copias contrahit, adjunctis sibi Adalhardo & Henrico fratribus; quorum ope vicinos Episcopos, cum primisque Rudolphum Herbipolensem Episcopum, fratres Comites, vicinasque regiones spoliis evastat. Episcopus ut se ab infesto homine liberaret, armat utrumque fratrem Eberhardum & Gebhardum, a quibus Albertus profligatus; illorum tamen alter interemptus, alter captus. Hac necessitate Episcopi ob comitum insolentiam arma induere coacti. Nec tamen quievit Albertus Comes, collectisque rursus copiis Hassiæ extrema minuitur. Quo cognito, Conradus Hassiæ Comes, nepos Ottonis ducis ex filia, & Conradi Regis pater, una cum Gebhardo Comite equitum peditumque copias contrahit, ille ad Frislari-

am, attractis etiam Saxonum copiis; hic per Weteraviam. Albertus simulando se ire in Gebhardum, arma vertit in Conradum, quem desertum a suis, pugnantemque una cum superstitite turma, multis vulneribus confossum interemit, magno omnium dolore & indignatione. His exacerbatus Ludowicus Rex Triburiæ comitia indicit; ad quæ Albertus vocatus, cum se non sisteret, hostis pronunciatur; & mox etiam exercitu regio obsessus in castro Bambergenfi cum expugnari non posset, Hattonis Moguntini Archiepiscopi dolo extractus est, quod incolumitatem promitteret, fide sua interposita, tantum supplex se Regi sisteret. At postquam homo per septennium rebellis in manus Regis pervenit, V Idus Septembris damnatus capitali supplicio afficitur. Bona regio Fisco addicta, quibus postea Episcopatus Bambergensis dotatus. Factum Archiepiscopi multum disceptant scriptores, cum primisque Otto Frisingensis, si quidem verum, quod ventilatum a Serrario. Certe Regino, qui hac narratione finit

X

histo-

An. 903.  
Regino.  
Sigebertus  
Grazius.  
Dilichius.  
Hervorius.  
Urbigerus.  
Otto Frising.  
aliique  
An. 905.

historiam suam, ceteris integrior perhibet Albertum rebus desperatis e castro supplicem processisse, ultroque se in fidem Regis dedisse, nulla cujusquam doli mentione facta, quod equidem miror a Serrario in defensionem Archiepiscopi non proferri.

Per hæc dissidia Germanorum Ungari audaciores in Bojariam se effundunt, flammis & cædibus grassando: ad quam irruptionem Leopoldus Bojariæ dux exercitum contrahit, & infelici

prælio cum Ungaris ad Anassiburgum Austrasiæ oppidum congressus cæditur. Fatalis hæc toti Germaniæ clades fuit, qua dux ipse, quem Luitbaldum veteres appellant. telis confixus periit, Ducatu in Arnulphum filium transmissio, ex quo primam Baviariæ & palatinorum duces feruntur originem trahere. Ungari hac victoria elati non modo Bojariam, sed & Alemanniam, Franciam Orientalem, Thuringiam & Saxoniam percurrunt, quæ una omnium scriptorum comploratio est.

## Annus Christi 908.

Sergii III. Pont. I. Ludov. Reg. Germ. 9. Bifonis Ep. Pad. 22.

Bifonis Episcopatus ad hunc annum pro ductus, quo verisimiliter obiit.

Adams Brem. s. 48.

\* 908. 909. secundum Spandannum & Baron.

Ad hæc calamitosa Saxoniarum tempora, & ad hunc annum producimus cum Adalgario Bremensi Episcopo vitam quoque Bifonis Paderbornensis Episcopi nostri, qui Christi fuit 908 Sergii ejus nominis III primus. Nam hic novus Pontifex rescidit acta Formosi & Joannis IX Pontificum; ideoque inter cetera etiam Adalgarium Bremensem Archiepiscopum suo honori restitutum voluit. Is vero quod jam ob senium esset invalidus muneri, ut nec circuire diocesim, nec populum docere, nec consecrare sacerdotes amplius posset, adiutorem impetravit a Corbejensi Monasterio Hogerum monachum, virum eruditione & religione præstantem. Ac ne quid etiam ultro desiderari posset ad Episcopatus muneris supplementum auxiliumque, *dati sunt ei*, inquit Adamus Bremensis, *adjutores a Papa quinque circum vicini Episcopi, Sirmundus Halberstadiensis, Wigbertus Ferdensis, Biso Paderbornensis, Bernarii duo, Mindensis scilicet & Osnabrugensis, quorum ope senex fulciretur.* Ac ne fidem hic etiam ab Adamo requiras, *ad manum sunt*, inquit, *privilegia Sergii Papæ*, quibus hæc continentur Adami Bremensis testimonia. Repetit hæc iisdem verbis Albertus Stadenensis in suo chronico. Constat autem Sergium hisce eis \* annis Pontificatum gessisse; alteroque etiam ab hoc anno Adalgarium obiisse, ut Biso minime ad hunc annum superstes cognoscatur. Quem hunc annum Bifonis extremum statuiamus, tum quod nullam ejus ab hoc anno memoriam amplius inveniamus; tum quod Auctor vitæ Meinweri scribat Bifonem xxiii annos in Episcopatu ex-

gisse, per quos fere hætenus vitam ejus deduximus. Ex quibus erroris comperti Bruschi, Cleinsorgius, Kersebrochius, alique, qui anno 902 obiisse tradunt. Gravius etiam hallucinatus est Crantzius, qui ex anno 890 mortem assignat. Exploratus est obitus dies ex veteri necrologio Herifensi, in quo legis V. Idus Sept. Bifonem excessisse ad immortalem vitam. Præclarus sane per Saxoniam christianæ religionis flore Episcopus, præstans eruditione, sacrorumque monumentorum amans, cui ob id acta Liborii dedicavit auctor. Sapientiam commendant tot Episcoporum synodi, quibus pro disciplina cleri populique instaurando toties interfuit. Nec minori apud Reges auctoritate valuit, quod diplomata ac beneficia testantur. Sed longe dignior apud posteritatem memoria integritate vitæ & religionis proferendæ studio; quales tum omnes Saxoniarum Episcopi conspiciantur, cum publice dioceses obirent, & populum suum publice pro concione docerent, severamque in clero & religiosorum cœnobiis disciplinam exigerent ad prima omnium instituta; quod tot synodi ejus ætatis nos docere possunt. Auctor est Bruschi & Cleinsorgius, a Bifone conditum esse monasterium Virginum, quod Herivordiarum extra urbem in colle conspicitur; Sed id verius Meinwerum Episcopum Conditorum suum præfert, cum B. Virgo se illi offerret aspectabili visu; nisi exordia ad Bifonem referre placeat; nam hujusmodi multa antiquitas nobis subtrahit, quorum plura ex rebus a Bifone præclare gestis desideramus.

THEO.



# THEODORICUS V.

## EPISCOPUS PADERBORN.

Bifonis Successor Theodorici, ejus acta incomperat.

In Bifonis Episcopi locum subrogatus Theodoricus. Quanquam præter nudum Successoris nomen nihil aut in fastis, aut in omni annalium memoria de rebus ab eo gestis reperire licuerit; nec familia, ex qua ortus, nec vitæ genus ante Episcopatum, nec electio, nec ulla pars horum, quæ gessit, a scriptoribus prodita sit. Interim no-

vem annos Episcopatum gessisse perhibent fere omnes cum Auctore vitæ Meinweri; tanquam cum jejunis annis cetera ex hominum memoria expunxisse satis fuerit: seu quod ejusmodi calamitatum tempora inciderint, quibus & acta Episcopi & memoria simul obscurata jacent.

### Annus Christi 909.

Sergii III. Pont. 2. Ludovici III. Reg. Germ. 10.

Theodorici Ep. Pad. 2.

Widekindus l. 1. Annal. Disibodus lib. 2. \* Tentonius Dalemini, male Sigebertus & Urspergensis Dalemasenjet.

Slavi & Ungari omnia vastant.

Regino. Herm. contr. Lambertus Schaffa.

Adamus Bremenfis. lib. 1. c. 40. Gobel. anno 6. c. 47.

Per hæc fatalia tempora, cum Ungari grassarentur per Imperium, Sclavi quoque, \* Dalamincii, qui Misniæ partes incolebant, in Saxoniam prorupere, spoliis & cædibus infesti Christianis. Ad horum irruptiones reprimendas Henricus Dux Saxoniae, quem postea Saxonia primum ex sua gente Regem sortita est, ab Ottone Patre cum exercitu in Saxoniam mittitur; quos Henricus juvenis per prima belli Tirocinia multis cladibus attrivit. Sclavi cum suis se viribus non expedirent, Ungaros, quos Widekindus verius Avaros, Hunnorum reliquias vocat, implorant, tota jam Bojariae & magna Germaniae parte dominantes. Advolat barbara gens altero post alterum exercitu. Ac primo quidem a Saxonibus caeso, succedit alter; commissoque prælio Burchardus Thuringiae Landgravius occubuit, milite christiano in fugam acto. Auctus quidem Otto Dux Saxoniae principatu Thuringiae, dono Ludovici Regis, quod Burchardus sine prole excessisset; sed ea fuit Ungarorum multitudo & insolentia ex hac victoria, qui turbinis instar in utramque Saxoniam, Ostphaliam & Westphaliam se effunderent, rapinis, incendiis, & cædibus ac cadaveribus implendo omnia. Direpta oppida & vici, incensa templa & cœnobيا, trucidati incolæ & Sacerdotes, nullique ætati parvitum a Barbaris. Hac tempestate Ungari non modo Saxoniam nostram, sed & provincias trans Rhenum evastarunt. Ea

Barbarorum irruptione Gobelinus illustre Monasterium Herivordienfe spoliatum subversumque perhibet.

Multa ex hoc bello vestigia per Westphaliam, quod aliquot annos in ea hæsisse referantur. In Paderbornensi diœcesi ad Almam fluvium Hunnorum mons ostenditur, in quo castra locarunt; haud secus quam Wevelsburgum arcem aut ab Hunnis aut ab ipsis incolis præmunitam volunt: & in conspectu Brakelæ Oppidi mons castro munitus ab Hunnis servare nomen fertur. Uffingus Hertzfeldæ ad Lupiam ædem sacram D. Idæ ab Hunnis spoliata refert, & cum turri flammis admoverent, divinitus repulso esse. Inde ad Rhenum perlati Geresheimense cœnobium ignibus assumpserunt, eoque Virgines ab Hermanno Archiepiscopo Coloniam translatae, S. Ursulæ Parthenonem incoluere. Hæc illa vexatio secunda Saxoniae, quam Widekindus memorat, nulla tamen sui cœnobii Corbeiensis ruina memorata; tanquam incussa a vento tempestatis instar certa loca pervaserit. Quanquam & Scriptorem ex ea ætate desideres, a quo Hunnica illa in Saxoniam irruptio explicatius tradatur, quam ceteri verbo tantum delibarent. Neque Widekindi Corbeiensis monachi historiam haberemus, nisi eam nostra memoria viri antiquitatum amantes post Martinum Freherum hominem suævum e latebris produxissent. Et quam funesta hæc

hæc tempora Westphaliæ ex Hunnorum barbarie? causam non aliunde magis arcesso, quam ex longo otio, pace, & vitiis etiam per luxum irrepentibus,

quæ Deus Barbarorum irruptionibus castigare solet; unde & arma in bellicoso populo multum oblanguerant.

## Annus Christi 910. & 11.

Anastasi III. Pont. 1. 2. Ludov. III. Germ. Reg. 11 & 12.

Theodorici Ep. Pad. 3. 4.

*Regino.  
Ann. Boici.  
Aventin.  
lib. 4.  
Brunnus  
lib. 7.  
Lamb.  
Schaf.*

*Mors Ludovici III.  
Germ. Reg.*

Successit annus Christi nongentesimus decimus, Germaniæ superiori calamitosus. Quippe Hunnorum gens, quæ Bojariam invaserat, latè libereque grassabatur: ad quam refrenandam Ludovicus Rex, contraxit exercitum ex Bojis, Francis Orientalibus & Alemanis; congressusque ad Lycum fluvium in campis haud procul ab Augusta Vindelicorum urbe miserabilem cladem accepit: qua victoria elati Barbari totam prope Germaniam superiorem impune pervagantur. His malis Ludovicus Rex in tantas angustias conjectus, ut pacem auro, & quod fœdum germanico nomini, annuo tributo redimere debuerit. Affecit hic iste calamitatis aspectus tanto dolore Ludovici Regis animum, ut fatalem morbum contraxerit; quo invalescente sub exitum hujus anni, seu ut alii ineunte proximo

anno, Ratisbonæ exstinguitur, juvenis haud annum ætatis XVIII. egressus, quo cum Carolina stirps per Germaniam simul extincta est.

Quod si quibusdam hætenus in commemorandis simul Cæsarum ac Regum Germaniæ rebus gestis prolixiores visi sumus, quam particularis historiæ institutum ac brevitatis patiatur, meminerint illi nos primam originem Francorum ex Westphalia deduxisse, & cum iis res gestas genti nostræ debitas narrasse, atque ita prosecutos esse, ut nunc post Conradum primum a Germanis electum Regem, ad Henricum Saxoniciæ gentis Regem, & Ottonem filium ejus primum Imperatorem Regnum & Imperium a Francis in Saxoniam, eandemque gloriosam gentem reducturi simus.

## Annus Christi 912.

Joannis X. Pont. 1. Conradi Reg. Germ. 1.

Theodorici Ep. Pad. 5.

*Conradus  
Dux Francorum  
eligitur Rex  
Germanorum.*

Sublato Ludovico Rege, quod nulum hæredem filium reliquerat, convenere Germaniæ procures, quorum summa potestas erat penes Archiepiscopos, Duces & Comites: quos inter postquam multis consiliis agitatum de Rege eligendo, una omnium consensio fuit non alium, quam ex gente sua sumendum: tamen in Gallia superesset Carolus cognomento simplex ex Carolina stirpe, clarior natalibus, quam virtute bellica aut ingenio ad tantam rei molem capiendam. Tum vero, ut Widekindus scribit, *Omnis populus Francorum Orientalium & Saxonum querebat Ottoni Saxoniciæ Ducis diadema regni imponere; ipse vero, quasi jam gravior ætate ac senio recusabat imperii onus*; ejus tamen consilio Conradus quondam Francorum Dux ungitur in Regem. Tanta nimirum Ottonis clarissimi per Ostphaliam & Westphaliam Ducis apud Germaniæ procures æsti-

matio & gloria erat, quam contemptione Regni multo illustriorem fecit. Penes Ottonem interim, ut ait Widekindus, summum semper & ubique mansit imperium, atque ejus consilio cum summa quæque deferrent, liberis primum suffragationibus Procerum Conradus Germaniæ Rex delectus est; Regnumque, quod a Carolo M. in posteris hæreditarium fuerat, electione liberum fecerunt. Quantumvis Galliarum Rex Carolus cognomento simplex Ludovici Balbi filius, qui ex Carolo M. stirpe procreatus est, id sibi vendicare potuisset. Quanquam & Galli ipsi jam Germanis viam libertatis aperuerint in Odone Saxonico, quem vivo Carolo alterum Regem suum delegerant, Regem magis ex virtute, quam sanguine quærentes. Quod autem scriptores quidam hunc Conradum Regem Ludovici Regis nepotem velint, eo quod pater ejus Conradus Hassiæ

Comes,

*Brovum  
in ann.  
Trev.  
Regin. cont.  
Widekind.  
Ad. Brem.  
Herm. cont.*

Comes, quem ab Alberto occisem diximus, Arnulphi filius feratur, id ex priscis eorum temporum scriptoribus refellas, qui Arnulpho nullos filios præter Zwentiboldum & Ludovicum tribuunt, & in ipso Ludovico Carolinam stirpem defecisse scribunt. Et quo jure gentium Ottoni Saxonie Duci ante Conradum offerri Regnum potuit, si id Conrado hæreditario jure debebatur? aut quo jure Conradus Rex postea id

regnum Henrico Ottonis filio poterat offerre, neglecto fratre suo Eberhardo, cui idem jus hæreditatis erat? Quonam autem loco corona Regni decoratus sit, aut a quo Archiepiscopo inunctus, nondum reperi in annalium memoria. Pronum est opinari id ab Hattone Moguntino Archiepiscopo factum esse, perinde ut Henricus Regni Successor a Moguntino Episcopo inungi voluit.

## Annus Christi 913.

Joannis X. Pont. 2. Conradi Regis Germ. 2.

Theodorici Ep. Pad. 6.

Superior  
plures æ-  
mulos.  
Sicbertus  
Laisprand.  
lib. 2. c. 7.  
Widkind.  
Corbeiensis  
lib. 1.  
Cantzins  
lib. 2. Saxon.  
c. 11.  
Bovonius  
lib. 4. aut.  
Fuld.

Ceterum regni initia Conradus ardua, æmulumque invidia plena habuit; quos inter Arnulphus Bojariæ Dux Ludipoldo genitus, Burchardus Dux Sueviæ, Everhardus Comes potentissimus Franciæ Orientalis, Giselbertus Dux Lotharingiæ, Henricus Dux Saxonie, alique, qui surgentem Regem aspernabantur. Ac nullus potentior æmulus Carolo Galliarum Rege, a quo statim post mortem Ludovici Regis Lotharingiæ Regnum occupatum abstractumque a Germaniæ Regno. Eo arma, quæ in Ungaros & Barbaros vertenda erant, intestinum malum intervertit. Conradus interea ut Saxoniam pacaret, Fuldæ conventum procerum indixit; quo in loco mense Aprili Fuldenfibus Monachis regiæ liberalitatis diploma consignavit. Inde Cassellas digressus 12. Martii Monasterio Virgini Melschedensi, quod in oppido Ducatus Westphaliæ Rinhildis Franciæ Regina condidisse traditur, privilegia vetera confirmat. Tabulas hasce recitat Stangefolius in Westphalia sua.

Confirmat  
Privilegia  
Melschedensium  
vv.

*In nomine Sanctissimæ & individue Trinitatis, Chuonradus Rex. Noverit omnium fidelium nostrorum presentium & futurorum industria, qualiter nos divino admoniti instinctu pro æternæ remunerationis commercio cogitantes de Monasteriis ab Antecessoribus nostris constitutis, & ut etiam nostris temporibus justitia ab eis concessa fruamur. Quapropter Sanctimonialibus in Melschede nuncupato propter amorem Dei & Sanctorum ejus, sicut rogavit nos Heriman venerabilis Comes noster, immunitatem atque electionem, quam temporibus præcedentium Regum habue-*

*runt, concedimus, ut quandocunque necessitas evenerit, potestatem inter se Abbatissam eligendi habeant, sicut hactenus habuerunt. Jussimus quoque præceptum inde conscribi, per quod volumus firmiterque jubemus, quatenus hæc auctoritas firma stabilisque permaneret. Manu quoque nostra eam firmavimus, & annuli nostri impressione assignari jussimus.*

Signum Domini Chuonradi piissimi Regis.

C  
H  
A  
R—V—DS  
N

*Salamon Cancellarius ad vicem Piligrimi Archicapellani recognovit Data XII Id. Martii, Anno Incarnationis Domini DCCCCXIII Indictione I. Anno vero Regni Domini Chuonradi II. Actum Cassella feliciter in Dei nomine.*

Sed jam ante, hoc ipso anno. Conradus Rex ipsam Westphalam ingressus erat Corbejæ ad Visurgim versatus cum aula; quo in loco mense Febr. Bovoni ejus nominis II Abbati, totique Monasterio antiqua Cæsarum & Regum privilegia roboravit, uti id ex diplomate Regis, quod hic dabimus, satis constare poterit.

Et Corbejensium.

*In nomine sanctæ & Individuæ Trinitatis Chuonradus divina largiente Clementia Rex. Convenit nostræ regali Celsitudini, ut petitiones fidelium nostrorum, has præcipue, quas pro Ecclesiarum sibi commissarum utilitatibus suggerunt, ad effectum perducamus, quoniam hoc & ad præsentem vitam prospere peragendam, & ad futuram beatitudinem promerendam profuturum liquido*

quido credimus. Unde noverit omnium fidelium nostrorum tam presentis quam futuri temporis industria, quod venientes ad monasterium sanctorum Martyrum Stephani atque Viti, nova Corbeja nuncupatum, rogante ejusdem Cœnobii venerabili Abbate Buobone, una cum fratribus sibi commissis, omnes concessiones, quas priorum Regum temporibus habuerunt, firmiter eidem loco concessimus, præcipue ut potestatem habeant inter se, cum necessitas venerit, Abbatem eligendi, & a nullo Episcopo de dominicalibus mansis ejusdem monasterii decimæ exigantur, neque a Comite, vel ex qualibet judiciaria potestate Coloni eorum & liti ad justitiam faciendam aliquo banno constringantur, sed coram advocatis ejusdem loci justitiam facere cogantur, sicut anteriorum Francorum Regum temporibus præfato monasterio concessum fuisse cunctis fidelibus nostris liquido patet. Et ut hæc auctoritas nostræ largitionis firmiter habeatur, atque per futura tempora a fidelibus nostris verius credatur, nostra propria manu subter eam firmavimus, atque annuli nostri impressione signari iussimus.

C  
H  
A  
R—V—DS  
N

Signum Domni Choumradi  
Serenissimi Regis.

*Salamon Cancellarius ad vicem Piligrini Archiepiscopi recognovit, & ff. Data III. Non Februar. anno ab incarnatione Domini DCCCCXIII. Regni autem Domini Choumradi Serenissimi Regis anno II. Actum in ipso monasterio Corbeia in Dei nomine feliciter Amen.*

Haud dubium quin ex hac vicinitate Corbejæ Conradus Paderbornam adierit, atque inde etiam Herivordiam ad lustranda barbaræ vastationis vestigia deflexerit; quo facile etiam mihi persuadeo Ungaros jam ex his locis depulso fuisse; aut certe Conradum Regem sub initium anni ad depellendos Barbaros in Saxoniam venisse.

Moritur  
Otto Dux  
Saxoniz.

Fine hujus anni, ac pridie Calend. Decemb. uti Dithmarus consignavit, Otto Saxoniz & Westphaliz Dux senio prægravis rebus humanis excessit (quamvis alii ad consequentem, alii ad superiorem annum hæc referant) vir

quem ea tempestate belli pacisque artibus clarissimum omnes cum Ottone Frisingensi prædicant, quem ob id non modo tutorem Ludovici Regis, sed & Patrem Patriæ salutasse Saxones auctor est Widekindus Corbejenfis; perinde ut Luidprandus potentissimum Saxonum Ducem compellat. Quanto luctu Saxonia in ejus decessu completa, tantum erecta in filio, quem reliquit, Henricum Ducum, ac post Regum etiam maximum mundoque necessarium, ut Widekindus eum celebrant, qui primus libera potestate regnavit in Saxonia. Hactenus enim dum Cæsares & Reges ex Caroli M. stirpe Germaniæ imperitabant ex hæreditaria possessione, Duces omnes ac Comites temporaneo Cæsarium ac Regum beneficio; postquam vero cum Ludovico Rege Arnulphi filio extincta ea Caroli M. stirps, singuli prope Duces eas, quas tenebant provincias, sibi hæreditarias suprema Principum potestate vindicare cœperunt. Tanquam Germaniæ Regnum Imperiumque in spolium venisset; haud secus quam Alexandro M. extincto, Duces militiæ inter se Regna partiti sunt. Eo & Conradus Rex tanta ceterorum Ducum æmulatione petitus. Ducum exemplo etiam Comites se hæreditarios ferre cœperunt; quod idem postea Galliz factum, extincta istic Carolina stirpe, memorant eorum scriptores. Non hac partitione indigebant Episcopi, quos uti Carolus M. inter Principes Imperii ante Duces, Marchiones & Comites in omnibus Imperii comitiis ac synodorum conventibus, atque ipsa descriptione suarum diocesium dignitate honoris & bonorum hæreditate collocaverat; ita ceteri Imperatores ac Reges reliquerant, auxerantque honoribus ac bonis. Ideo Principum antiquissimi Episcopi, & honorificentissimi in omnibus conventibus, ex quo Christi religio in Saxoniam introducta. Quanquam qui postea consecrati sunt post Ottonem M. Imperatores, non omnibus Ducibus & Comitibus ea, quæ sibi ab excessu Ludovici Regis sumpserant, rata esse voluerunt, sed Imperatorum etiam beneficio capere principatus. Inde Imperatorum Vassalli haud secus quam alii mansere, vinculo fidei & obsequii semper ad majestatem Imperii adstricti. At Henrico Saxoniz Duci, qui primus libera potestate princi-

Duces ac  
Comites ex  
beneficiis  
hæreditarios se faciunt.

principatum Saxoniae sibi asseruit, alia prae ceteris libertatis causa; quod ex patre Ottone avoque Ludolpho se ad Widekindi hereditatem successorem referret, eoque in multis per Saxoniam Westphaliamque possessionibus se Principem ferret; quemadmodum Henricus de Herivordia, Ludolphum hunc Saxoniae principem Cappenbergae in arce paterna consedissee perhibet. Ne quid hic referam de aliis possessionibus, quas Widekindi nepotes amplo per Westphaliam dominatu tenuisse constat, ex quibus tot Collegia & Cœnobialia regia prope liberalitate condiderunt.

Igitur Conradus Rex, ut Widekindus perhibet, cum saepe expertus esset virtutem bellicam Henrici novi ducis, veritus est ei tradere omnem potestatem patris Ottonis; quo factum est, ut indignationem incurreret totius exercitus Saxonici; fiste tamen pro laude & gloria optimi Ducis plura locutus promisit se maiora ipsi daturum, & honore maiori subvekturum: quibus cum Saxones non fiderent, suadebant Duci suo, ut si honore paterno nollet eum sponte exornare, Rege invito ea, quae vellet obtineret, ultro illi suam opem & auxilium offerentes. At Conradus Rex, cum videret Saxonum animos a se averfos, nec posse publico bello Ducem tanta Saxonum potentia subnixum obterere, ad alia consilia versus, statuit dolo necem

inferre Henrico. Quam in rem adferunt Scriptores Conradum opera Hattonis Archiepiscopi usum, a quo torques aurea facta sit, qui Henrico ad epulum invitato, nescio, qua mala arte, vitam adimeret; fraude vero per artificem detecta, Henricum hostiliter descivisse a Rege. Id licet Widekindus, Dithmarus, Marianus Scotus post tempora Ottonis Imperatoris Scriptores referant, ex aliisque Otto Frisingensis, Luitprandus, & alii; fabulam potius ex vulgi fama quam historiam repures. Quemadmodum Hattonis dolum, quo Albertum e castro ad supplicium capitale pertraxisse voluit, inter eadem commenta populi, Reginonis testimonio, reposuimus, ex odio in Hattonem Archiepiscopum, penes quem tum post Regem summa rerum moderatio erat. Contra alii Scriptores Hattonem virum prudentem, strenuum ac præclarum Episcopum tradiderunt. Similia de mortis genere confinxere, alii enim mœore confectum, alii in prælio cæsum, alii fulmine ictum scribunt; quem tamen auctor, qui Reginonis chronicon continuat, Schafnaburgensis, & Hermannus Comes priori anno placide & communi morte defunctum memorant. Hæc paucis, quæ a Serrario fere intermissa, pro Metropolitano nostro interponere placuit.

Defenditur  
Hatto Ar-  
chiep. Mos-  
gunt a quo  
infidiz  
HenricoSa-  
xoniz Duci  
struata sunt

## Annus Christi 914.

Joannis X. Pont. 3. Conradi Reg. Germ. 3.  
Theodorici Ep. Pad. 7.

Inter hæc Conradus Rex ut potentissimum primo Regni sui æmulum sterneret, vi aggrediendum censuit, immissoque in Saxoniam exercitu Orientalium Francorum, Duce Everhardo fratre, per Hassiam Eresburgum expugnare consultum habuit, quoin castro & firmissimo Westphaliae monumento Henricus se continebat. Scio Eresburgum, de quo hic agitur, ab aliis Meriburgum in Misnia designari veteri eorum errore, qui hæc duo loco male confundunt, cum Eresburgum non aliter, quam ad fines Saxoniae & Hassiae in Dicecesi Paderbornensi requirendum sit. Aberat haud procul Eres-

burgo Eberhardus, confususque ingenti militum, quam trahebat, multitudine, voce superba dicere auditis: hoc unum se vereri, ne Saxones mœnibus inciusi se teneant, nec ad prælium exire audeant. Vix autem provocati erant Saxones, cum ad milliare armati obviam procedunt hosti, & tanta strage cædunt mactantque Orientales Saxones, ut joco militum post dictum sit, vix credere se, inferostam vastos esse, qui cæforum multitudinem caperent. Lætiori prælio per id tempus Arnulphus Bojariae dux Ungaros ad Oceanum ingenti clade prostravit, copiis Alemanorum adjutus.

Annus

Conradi  
copie ab  
Henrico  
ceduntur  
ad Eresbur-  
gum.  
Widekindus  
lib. 1.  
Eberhardus  
in chron.



## Annus Christi 915.

Joannis X. Pont. 4. Conradi Reg. Germ. 4.  
Theodorici Ep. Pad. 8.

*Widkindus*  
*lib. 1.*

*Meibomius*  
*in notis ad*  
*Widkind.*  
Conradus  
Henricum  
Gronz ob-  
sidet.

Solvitur  
militari  
attu obsi-  
dio.


At Conradus dolore & contumelia superioris cladis incensus, ut Henricum Ducem, qui inter primos ausus est se regiae potestati subtrahere, ad obsequium deduceret, cum longe validiore quam ante exercitu, ex Francis Orientalibus contracto, in Saxoniam descendit. Impar tantis viribus Regis Henricus munitioni Oppidi Gronæ se includit. Quod etsi alii Gronaviam ad Lenam fluvium in Hildesienfi diocesi: alii Groningiam in diocesi Halberstadiensi interpretentur; certius tamen ad Vifurgim in solo Westphalico Grona traditur, ubi modo arx Gronda conspicitur, quondam Episcoporum Hildesienfium possessio, nunc Brunswicensium. Urspergensis & Crantzius Gruonam, diplomata vetera Gruonaham vocant; locus olim celebris Imperatorum accessu. Ibi cum Henricus Saxorum auxiliis fretus se inclusisset, Rex obsidionem admovet; sed missis prius legatis Rex Henrici animum pertentat, ratus ad obsequium & amicitiam posse componi. Etiam Henricus legatorum oratione flexus ultro se Regi dedere cogitabat, cum Thiatmarus gente Saxo-Ostphalus penetrat in Oppidum, vir militari ingenio & calliditate expeditus, praesentibusque Regis legatis, desperatis intervenit consiliis; multaue per jactantiam & minas fictæ & insolenter interfatus, asserit se cum triginta legionibus venire Henrico in auxilium. Quæ cum Regis legati coram audirent crederentque, redire trepidi ad Regem. Ab his Rex persuasus obsidionem ante

lucis ortum solvit, exercitum per diocesisin Paderbornensem in Hassiam & Franconiam reducendo; ita unius caliditas & jactantia militaris totius exercitus vires supplevit.

Produximus in hunc Christi annum 915 Theodorici Episcopatum, eo quod Auctor vitæ Meinweri ceterique ab excessu Bisonis in nonum annum extraxisse tradant. Quanquam nec in necrologio ullo diem obitus, nec in ullo alio scriptore fastisve certum annum aditi & per mortem depositi Episcopatus uspiam adnotatum reperiamus. Incidit in tam turbulenta tempora, ut nec in diplomate ullo nec synodo ejus memoria supersit. Interim Bruschi, Crantzius, Kerssenbrochius eum novemannis Ecclesiam suam administrasse perhibent, defunctumque volunt Conrado Imperatore, anno Christi 911, quem licet nos ab obitu Bisonis ad hunc Christi annum 915. producamus, nihil tamen novennio Episcopatus ejus detrahimus. Quanquam existimem Theodoricum non nisi septennium aut octennium Episcopi sedem occupasse, utique propter Unwanum, quem postea in concilio Altheimensi medium inter Episcopos subscripsisse videbimus; hæc autem subscriptio, uti & sessio, ordine ætatis ex Episcopi consecratione, aut munere adito, servari solita; quemadmodum id Hincmarus docet; ut vel inde tam pauca ex brevi Episcopatus munere de Theodorico habeamus.

Theodorici  
Episcopus  
tus ad an-  
num 915.  
productus.

Gobelinus  
at. 6. c. 54  
Bruschi  
in catal.  
Episc.  
Crantzius  
lib. 2. Me-  
trop. c. 31  
Kerssenbro-  
chius in can-  
sal. Episc.  
Cleinberg.  
ad an. 911.



UNWA-

# UNWANUS VI.

## EPISCOPUS PADERBORN.

Annus Christi 916.

Joannis X. Pont. 5. Conradi Reg. Germ. 5.

Unwani Ep. Pad. 1.

Unwanus  
succedit  
Theodori-  
co, viæ  
ejus genus  
incertum.

**P**ost excessum Theodorici obtigit Ecclesiæ Paderbornensi Unwanus Episcopus (quem ab aliis Unewardum, ab aliis Honwardum vocari legas, Utrumne secundum privilegium Ecclesiæ electione cleri (quod verisimile habeas) an commendatione ac nominatione Conradi Regis, incertum reliquit verustas; ut & cetera haud minus sunt obscura; ex qua nimirum familia, aut quo vitæ instituto sit delectus; consecratum certe Episcopum per initia muneris accepimus ex necrologio Herisfensi & notis Bystorfianis ad Martyrologium Bedæ, in quibus viii Kalend. Februarii dies ordinationis ejus adscriptus legitur. Vixit sub Conrado & Henrico Regibus, vir religione & auctoritate inter Saxoniarum Episcopos eminens, carusque post Henrico Regi; Verum qui exordia Episcopatus admodum difficilia nactus est ob diffidia inter Conradum Regem & Henricum Saxoniarum Ducem. Quæ res valde anxios habuit Saxoniarum Episcopos, cui se parti permetterent. Accessit mox Ungarorum irruptio in Westphaliâ & Paderbornensem Diocesim, malum longe funestius.

At celebris hic primus Unwani Episcopi annus, qui Christi aderat 916, nationali Germanicorum & Saxoniorum Episcoporum synodo, quæ Altheimii in pago Rhetiarum a Moguntino Archiepiscopo, rogatu Conradi Regis 12 Calend. Octobris est celebrata, ex qua primam Unwani memoriam habemus. Ac priusquam de ipsa hac synodo agamus, ad aliorum errores retegendos, operæ pretium erit advertere, duplex Altheimense Episcoporum concilium a Burchardo Episcopo, qui hæc in libris decretorum sincere, scripsit, celebratum; quorum primum sub Herigero Moguntino Archiepiscopo convocatum habitumque, cui Joannes qui-

Duplex  
concilium  
Altheimen-  
se.

dam Apostolicæ sedis Vicarius præfedit: ad id citatus Richwinus Strazburgensis Episcopus, ob intentatum crimen per vim occupatæ Ecclesiæ; qui tamen eo in concilio se non stitit, ideo ab Apostolico legato ad proximam synodum idibus Maji Moguntiarum habendam evocatus, ut coram Archiepiscopo causa ejus cognoscatur; is tamen Episcopus alteri, de quo referam, concilio Altheimensi interfuit. Hujus concilii non nisi una mentio apud Burchardum, tantumque duo decreta in eo referuntur. Vocati quidem ad id concilium Saxoniarum Episcopi; verum nulli præsentibus fuere, nec per legatos quidem, qua ex causa incertum: nec quo anno sit habitum satis constat:

Alterum concilium Altheimense hoc ipso, de quo agimus, anno convocatum est ab Hildeberto Moguntino Archiepiscopo, præfeditque Petrus Hortensius Joannis X Pontificis legatus, cui & ipse Conradus Rex cum ceteris Episcopis, quos exhibemus, interfuit. Causa concilii convocati additur, ad exorta videlicet diabolica semina extirpanda, & nefandissimas quorundam machinationes eliminandas. Quam in rem 137 decreta facta, ex quibus undecim referuntur a Burchardo; inter quæ illud postremum, ut apparet, de hæreditate Episcoporum ceterorumque Ecclesiasticorum, cui Episcoporum subscriptiones subjunguntur. Recito proinde ipsum decretum ex Burchardo.

Burchardus  
lib. 1.  
c. 68.

*Sed & hoc ibidem inventum de Episcopis, presbyteris & clericis, si hæreditatem a Domino Rege, vel ab alio Principe, vel amico suo, seu per hæreditariam sortem sibi devenerit, vel acquisierint, donare eis liceat hanc, cui voluerint, dum vivunt, pro remedio animæ, ad Ecclesiam, quamcunque elegerint,*

Burchardus  
lib. 1.  
c. 227.

Y

vint, vel consanguineis suis vel amicis. Sin autem antea obierint, quam firmiter perfecerint: altari cui serviunt omnia perpetuo sanctificentur, & in jus tradantur. Similiter de presbyteris statutum est. Hildebertus Moguntinensis Archiepiscopus subscripsit. Robertus Trevirensis Archiepiscopus subscripsit. Unni Hamenburgeris Archiepiscopus subscripsit. Adalwardus Fardinenfis Episcopus subscripsit. Richwinus Argentinenfis Episcopus subscripsit. Notbingus Constantiensis Episcopus subscripsit. Unewanus Paderbrunnensis Episcopus subscripsit. Udalricus Augustensis Episcopus subscripsit. Bernardus Halvarstadiensis Episcopus subscripsit. Rummaldus Minulgardenowardenfis Episcopus subscripsit. Eberis Mindunensis Episcopus subscripsit. Nec non & Abbates cum ceteris sacri ordinis viris subscripserunt.

Adamus  
Bremenfis  
c. 45.  
Crantzius  
lib. 9.  
Metrop. c. 4.

At satis nunc hoc Burchardi testimonio convincuntur erroris, qui huic concilio nullum ex Saxoniae Episcopis, praeter Hogerum Bremensem Episcopum, interfuisse scribunt; neque tamen hunc ipsum Bremensem Episcopum recte attingunt; nam quomodo Hogerum anno 916. concilio praesentem facias? qui anno priori 915 obiit, eodemque anno successorem habuit Unni ex Corbejensi monasterio evocatum, qui posteriori Alheimii hoc anno habito concilio interfuit, uti Adamus Bremenfis est auctor. Ac licet veteris ejus Ecclesiae indices Reginwardum quendam, de quo nihil praeter nudum nomen relictum, Hogero subrogent. Recte tamen collegit Adamus, atque ex eo Crantzius, Reginwardum non sedisse annum integrum; atque nobiscum fatetur Adamus didicisse se ejus successorem Unni concilio apud Alheim interfuisse, quod anno Conradi quinto sit habitum. Erroris hic quidam insimulant Serrarium, quod Herigeri Episcopatum ab anno 912 protrahat in annum 924, eo quod Successor ejus Hildebertus hoc anno 916. subscripserit in concilio Alheimensi, sed dixerit quis potius erratum esse a Burchardo, qui pro Herigero subscribentem Hildegerum introducit; quando Herigerus etiam ab ipso Burchardo rursus introducitur subscripsisse in concilio Confluentino, quod anno Christi 922, Hen-

rico Rege, est habitum; de quo nos infra quoque referemus. Accedit quod Widekindus Corbejensis scribit ab Herigero delatum esse Henrico Regi diadema & unctionem regiam. Constat praeterea Herigerum concilio Bonnenfi interfuisse, ac demum anno Christi 926 obiisse; quod praeter Reginonem, Lambertum Schafnaburgensem, aliosque facti etiam Abbatum Corbejensium testantur.

Haud dissimili errori Trevirensium annales obnoxios volunt. Subscripsit enim huic Alheimensi concilio post Moguntinum Robertus Trevirensis Archiepiscopus, quem vulgares eorum facti ab anno 934 ad annum 956 praefuisse perhibent. Browerus hunc Robertum anno 930 Rutgero successisse conjicit. Sed quantum haec a Burchardo & hoc Alheimensi concilio abeunt, cui Robertus anno quinto Conradi Regis interfuit? Uti vero ceterorum Episcoporum, qui huic synodo subscripserunt, aetas tempusque Episcopatus conveniat, docebunt singulorum facti, siquidem recte compositi: aut ex his lux affundenda erit. Unwani certe Episcopatus initia haec concilii tempora assignant, quae & Adamus Bremenfis in suo Episcopo agnoscit. Est vero Alheim locus Regnum veterum venationibus celebris, donatus olim B. Solae, qui ex Fuldensi Monasterio eo traductus ad culturam sacram, & prisco jure accensus fuit Franconiae Orientali. Quare & Conradus Rex eo concessit, cum bellum gereret adversus Alemanniae Comites sibi rebelles, & Episcopos indigne tractantes. Quanquam alii velint id concilium Episcoporum adversus omnes Conradi Regis perduelles ex imperio Pontificis, ad pacandum Germaniae Regnum esse convocatum per Moguntinum Archiepiscopum; atque hanc obcausam Episcopi Saxoniae ex remotissimis hisce oris protectionem in Rhetiam suscipere necesse habuerunt; ferunturque Arnulphus Bojariae, & Burchardus dux Sueonum, simulque fratres ejus Erchingerus & Bertholdus sacris interdicti.

Browerus  
lib. 9. annal.  
ad ann. 930

Alheimensis.

Certe soluto Sacerdotum conventu, Conradus Rex cum exercitu infestus Bojariam ingreditur, fugatoque Arnulpho duce, Ratisbonae Procerum comitia

comitia indixit, quibus Boji Sacramentum fidei dicere iussi. Inde in Sueviam movit; quam ubi sui quoque juris fecit, Erchingerum & Bertholdum securi percuti iussit. Ita regia Maje-

state per severitatem firmata, ceteros primum docuit Reges accipere, quos Germaniæ procures e sua gente elegerunt.

## Annus Christi 917.

Joannis X Pont. 6. Conradi Reg. Germ. 6. Unwani Ep. Pad. 2.

Per hæc intestina Procerum dissidia rebellantium Conrado Regi, Ungari calamitosam fœdamque Germano nomini irruptionem fecere. Auctor concitorque barbaræ gentis Arnulphus Rex Bojariæ, a Conrado Rege depulsus, ad Ungaros profugerat: horum ope implorata (tanta etiam in christianis, & tam perfida est æmulatio.) Bojariam recepit, fugato Everhardo Regis fratre. Ea opportunitate gens barbara in Germaniam effusa, primum omnem Alemanniam ferro & igne vastavit; ac Fuldam usque progressa, omnia terrore, spoliis, & cædibus implevit. Inde per Hassiam in Westphalam, & per diocesin Paderbornensem, vicinasque regiones in Bremensem diocesin penetravit, ac barbarum in modum, uti ab Adamo Bremenensi diligenti historico aliisque id relatum est, incensa templa, trucidati Sacerdotes, vulgus promiscuum cum clero aut interemptum, aut captum, aut fuga dispersum: Urbs Brema occupata, crucis sacræ signa truncata, & in ludibrium circumlata: ornamenta templorum & altarium lacerata; nec tamen sine præsentis numinis vindicta: nam dum in hoc sacrilego opere versantur, ingens repente tempestas coorta est, quæ tegulas flammantium tectorum ita in capita & ora Barbarorum iniecit, ut dum fuga præsidium quærunt, aut in flumina, aut in manus civium acti perierint. Immanem hanc urbis & diocesinis suæ irruptionem describit Adamus, cujus vestigia suo adhuc ævo visa sunt.

Quam vero vastitatem diocesini Paderbornensi vicinisque locis intulerint Barbari, testatur Henricus Rex in suo diplomate, quo Herivordensem Ecclesiam ab Ethnicorum infestatione exultam, & sua liberalitate adjutam reparari jubet; satisque hanc Ungarorum devastationem deplorat Auctor vitæ Meinwercki.

Quare reperias, qui hac altera Ungarorum irruptione id factum velint,

cui se Bohemos conjunxisse scribit Adamus Bremenensis: ut verisimile habeas, ex diverso Barbarorum exercitu, illum, qui Alemanniam vastavit, per Thuringiam atque Hassiam penetrasse Bremam usque. Eadem tempestate Dani quoque ac Sclavi primo Nortalbingos, deinde Transalbanos Saxones depopulantes, magno Saxoniam terrore concussere; occupatoque Hamburgo, pari furore per Ecclesias & sacra Christianorum desavitum est; quod tum Wormius imperitarit Danis Regum crudelissimus, a quo Christiana religio proscripta, Sacerdotes e finibus Regni ejeti, ac plurimi etiam contrucidati sunt. Ita vero peccatis exigentibus, Saxoniæ, quæ hæcenus omnibus barbaris formidabilis erat, in barbarorum potestatem ac spoliū concessit.

Aberat nimirum per id tempus Henricus Dux Saxonie, metu Conradi Regis, ad Carolum Galliarum Regem fœderis ac patrocini causa profectus; interfuitque comitiis, quæ Rex Galliarum Aquisgrani indixerat, animo satis etiam minaci in Regem, ni postulatis suis satisfaceret; quemadmodum hæc Conradus Abbas a Pithæo editus multis denarrat. In hoc conventu Henricus dux regio genere inclutus omnibus Saxonibus donatus a Carolo Rege, & Gisilbertus in locum defuncti patris Dux Lotharingiæ nominatus; cui Henricus postea Gerbergam filiam in matrimonium dedit, quo se Caroli Regis patrocinio adversus Conradum Regem præmuniret, nescius altero ab hinc anno ultro sibi Regnum Germaniæ deferendum. Qua autem verbi fiducia Conradus Abbas Henricum Saxonie ducem regio genere oriundum scribat, haud satis prodit; nisi vel ad matrem ejus hæc referat, quæ Arnulphi Regis & Imperatoris filia a quibusdam traditur: aut certe ad Ludolphum Henrici avum respexerit, quem Widekindi M. abnepotem volunt.

Y 2

Annus

Helmoldus  
lib. I. chron.  
Sclav. c. 8.  
Cranzsius.

Henricus  
Dux Saxo-  
niæ fœdus  
cum Rege  
Galliarum  
init.  
Conradus  
Abbas in  
Frag. apud  
Pith.  
Widekindus

Albertus  
Stadenf.  
Reimericus  
in General.  
Widekindi  
ad Alb.  
Stad. &  
Dithm.

*Eurardus, Chonradus, Herimannus, Halo, Godesfredus, Otto, Herimannus. Cobbo, Magenbardus, Fridericus, Fal-*  
*dac.*

Clari ea tempestate notique Episcopi: sed mirum, qua historologia fasti Monasteriensium post Nithardum, sive Richardum hic recensitum, collocent in ordine Rumoldum, quem supra in concilio Altheimensi vidimus ante Richardum subscripsisse, vixisse-

que in Episcopatu illo. Qui Hunwardus hic scribitur Paderbornensis Episcopus, Unwanus est, deflexo pro gentis more vocabulo. His igitur Episcopis & Optimatibus tanquam arbitris & Sponsoribus, pax inter utrumque Regem convenit; quibus vero conditionibus, ex annalium memoria excidit. Certam vero partem Carolo relictam esse argumento est, quod Henricus non nisi ab anno 923 se totius Lotharingie Regem scripserit.

## Annus Christi 922.

Joannis X Pont. 11, Henrici I. Reg. Germ. 4.  
Unwani Ep. Pad. 7.

*Burchardus l. 7 c. 30  
Ivo Carnotensis c. 66.  
Conventus  
Confluentinus, ejusque  
acta.*

Altero ab hinc anno rursus Episcoporum conventus ad Rhenum, quem Burchardus & Ivo Carnotensis nobis tradidere; juvat ipsum Burchardum audire. *Anno Dominicæ Incarnationis DCCCXXII apud Confluentiam jussu venerabilium Principum Caroli videlicet, & Henrici Regum reverendissimorum congregati sunt Episcopi numero VIII Hermannus Agrippinensis Archiepiscopus, Herigerus Moguntinensis Archiepiscopus, Thiedo Wirtzburgensis Episcopus, Luitharius Mindanensis Episcopus, Dodo Osnabrugensis Episcopus, Richouwo Wormatiensis Episcopus, Richvinius Strazburgensis Episcopus, Unwanus Paderbornensis Episcopus, cum Abbatibus aliisque sacri ordinis hominibus quam plurimis.* Fallitur igitur Ivo, dum ad annum 912 hæc refert, quo simul errore Baronius & Binius abducti. Octo hujus synodi canones colliguntur ex Burchardo, & Ivone, a Cossartio in conciliorum tomis relati, ad disciplinam cleri populique accurandam; quos inter primo decretum, ob vaga incestaque matrimonia tum invalescentia, ne Christiano fas sit intra septimum gradum cognationis contrahere nuptias: ne laici fructus sacrarum donationum convertant in canes & Gynæcea alenda: ne Ecclesiæ Monachorum intra dioceses Episcoporum subtrahantur Episcoporum jurisdictioni, & quæ præterea salubriter statuta sunt, judicio duorum Archiepiscoporum ac præsulum ceterorum. Verisimile est & ipsos Reges Carolum & Henricum cum optimatibus convenisse simul Confluentiam, ad foedus & amicitiam firmandam; quod

per id tempus Giselfertus dux, homo inquietus & regnandi cupidus, multa turbaret ad Lotharingiam sibi asserendam; quam ut Reges, Episcoporum auctoritate, & pacis studio diviserant: Ita eorum quoque auctoritate, quod primi colerentur inter optimates Regni, firmatam volebant. Transactis cum Carolo rebus, Henricus Rex arma vertit in Sclavorum sævitiam refrenandam; eo multum intra Saxoniam versatur; quo & regni Germanici sedes, quæ hætenus Aquisgrani, vel Wormatiæ, vel Francofurti, vel Ratisbonæ, vel aliis in locis fuit, transferri cœpit cum Saxonie Regibus ac Imperatoribus. Quemadmodum hoc anno Quedlenburgi fuit, in loco, quem ipse Rex postea Oppido & Monasterio Virginum a se condito celebrem fecit, imposita Machtilde filia prima ejus cœtus Abbatisa. Ex hoc loco Henricus Rex Corbejenfibus nostris prædaro diplomate vetera privilegia confirmavit, quod hic inter munificentie ejus ac pietatis argumenta representamus.

Henricus privilegia Corbejenfium confirmat.

*In nomine sanctæ & individue Trinitatis, Henricus divina favente Clementia Rex. Convenit nostræ regali Celsitudini, ut petitiones fidelium nostrorum, has præcipue, quas pro Ecclesiarum sibi commissarum utilitatibus suggerunt, ad effectum perducamus, quoniam hoc & ad præsentem vitam prospere peragendam, & ad futuram beatitudinem promerendam profuturum liquido credimus. Unde noverit omnium fidelium nostrorum, tam præsentis, quam futuri temporis industria, quod rogatu conjugis nostræ Domnæ Reginæ Machtildis, una cum prole & æquivoco nostro,*



nostro, nec non Episcopi Adalwardi, qui legatus fuit ad nos missus ab abbate venerabili Folcmaro fratribusque christo in nova Corbeja militantibus, & SS. Martyribus nostris advocatis & intercessoribus Stephano atque Vito fideliter servantibus, omnes concessionem, quas priorum Regum temporibus habuerunt, firmiter eidem loco, id est, prædicto abbati & fratribus concessimus. Præcipue ut potestatem habeant inter se cum necessitas venerit, abbatem eligendi, & ut a nullo Episcopo de dominicalibus mansis ejusdem monasterii decimæ exigantur, neque a comite, vel ex qualibet judiciaria potestate Coloni eorum ac liti ad justitiam faciendam aliquo banno constriuantur, sed coram advocatis ejusdem loci justitiam facere cogantur, sicut anteriorum Francorum Regum temporibus præfato monasterio concessum fuisse cunctis fidelibus nostris liquido patet. Et ut hæc auctoritas nostræ largitionis firmiter habeatur, atque per futura tempora a fidelibus nostris verius credatur, & ne deinceps hinc aliqua dubietas fiat, nostra propria manu subter eam firmavimus, & annuli nostri impressione signari jussimus.

Signum Domni Henrici Serenissimi  
Regis.

Simon Notarius ad vicem Herigeri  
Archicapellani recognovi & jss.  
Data X Calend. Martii anno Incarnationis Domini DCCCCXXII Indictione X anno autem Regni gloriosissimi Regis Henrici III actum in villa, quæ dicitur Quitlingaburg in Dei nomine feliciter amen.

Machildis Regina (cujus rogatu Rex Corbejenfibus exinde ceterisque religiosis familiis tam large benefecit) & formæ pulchritudine, & morum elegantia, & nobilitate pietateque clarissima per id tempus matrona erat, quæ Theodorico patre comite Oldenburgico & Ringelheimio genita, tam in eo genus ad Widekindum M. referebat, quam Henricus per Ludolphum avum Saxoniam ducem, Conditoremque monasterii Gandersheimensis; sed pietate & religione multo illustrior, Conditrixque multorum cœnobiorum. Ea ex conjuge Henricus Rex suscepit Ottonem M. Imperatorem, Henricum Bavariam ducem, Brunonem Coloniensem Archiepiscopum & Lotharingiam ducem, magnos illos Saxoniam Germaniamque heroes, & tot inde Regum genitores; tanquam Deus tam piorum parentum munificentiam in Ecclesias & religiosorum familias tanta filiorum ac nepotum felicitate remunerarit.

Genus Machildis conjugis Henrici.  
Cranz. l. 3  
Sax. c. 11. &  
12.  
Widekind.  
lib. 1. Saxon.  
Otto Pri-  
sing. lib. 1.

## Annus Christi 923.

Joannis X. Pont. 12. Henrici I. Reg. Germ. 5.  
Unwani Ep. Pad. 8.

Hedwardus  
Regum. cont.  
Sigebertus  
Marianus  
Scotus.

Et clarior inde fortunatiorque Henricus, Regum ea tempestate potentissimus, eoque a Ruperto Galliarum Rege, quem pars procerum elegerant, ejus amicitia ambita; ad eamque firmandam ad Ruram amnem in Ripuaria convenere. Qua in Regni Galliarum perturbatione Carolus Galliarum Rex ab

Heriberto Comite captus, & in carcerem detrusus est, in quo & miseram vitam post sexennium clausit, Germanici regni potentia per hæc incrementa; siquidem Saxoniam Henricus haud multo post integrum Lotharingiam Regnum adjecit.

## Annus Christi 924.

Joannis X. Pont. 13. Henrici I. Reg. Germ. 6.  
Unwani Ep. Pad. 9.

Tertia Ungarorum  
in Saxoni-  
am irru-  
ptio.

Prospera hæc Regis Henrici consequitur annus Christi 924, tertia Ungarorum irruptione in Saxoniam calamitosus. Tertiam hanc numero irruptionem, quam confirmatam reperio ex Abbatum Corbejenfium fastis; quarum prima in iis memoratur anno Chri-

sti 906 Ludovico Rege, altera anno Christi 915 Conrado Rege, tertia huic Henrici anno adscripta; de qua etiam Widekindus Corbejenfis: cum jam civilia, inquit, bella cessarent, Ungari totam Saxoniam percurrentes, urbes & oppida incendio tradiderunt, & tantam cædem

## Annus Christi 918.

Joannis X Pont. 7. Conradi Reg. Germ. 7. & ult.  
Unwani Ep. Pad. 3.

Moritur  
Conradus  
Rex Ger-  
maniz.  
Widkindus  
lib. 1.  
Luitpran-  
dus lib. 2.  
Sigebertus.  
Otto Eri-  
sing.

Agebatur jam annus Christi 918, Conradi septimus, ex quo Regnum Germaniz, tam intestinis æmulum diffidiis, quam Barbarorum incurfionibus concussum administrarat; quibus malis depressus in morbum, cum ex eo se ad extremum vitæ urgeri sentiret, Regni optimates & Principes ad se in conventum vocavit; quibus gravi & digna tanto Rege oratione persuasit, ut Henricum Saxoniz ducem successorem sibi Regem deligerent; hunc enim esse, cui ob sapientiam & virtutem bellicam id ante omnes deferri debeat: satis quidem scire ipsos, quam infestum in Henrico æmulum haberet, sed hæc omnia condonare se communi bono. Postquam assensere proceres, vivus etiamnum, tanquam ultro se Regno exueret, per Everhardum fratrem

Bojariæ ducem iussit enssem, sceptrum, & omnia insignia Imperii cum lancea sacra ad Henricum mitti; ipse deinde Rex 10 Kalend. Januar. seu ut Brunnerus & Dithmarus 14 Kalend. Nov. excessit e vita; tum maxime Principatu dignus, cum deponeret, qui ulciscendi cupiditatem voluit summum esse beneficium adversarii. Dignum Germano Principe & christiano Rege factum. Princeps fuit æquitate fortitudine; & liberalitate in omnes insignis, fortuntius longiusque regnum meritis, amans Saxoniz gentis; quippe matre Saxonica, Ottonis Ducis filia, & Henrici Regis sorore natus. Quare & Soceri gratiæ memòr, a quo Regnum ei delatum erat, immemorque injuriæ ab Henrico affine acceptæ, regnum in familiam Saxonicam retulit.

## Annus Christi 919.

Joannis X. Pont. 8. Henrici I. Reg. Germ. 1.  
Unwani Ep. Pad. 4.

Regin. cons.  
Widkindus  
lib. 1.  
Otto Erising.  
lib. 6.  
Dithmarus  
lib. 1.  
Bruschius  
in Cat.  
Episc. Mog.  
Luitprandus  
lib. 2.  
Succedit  
Henricus I.  
dictus Aus-  
ceps.

Igitur post fata suprema Conradi, Francorum Orientalium, Alemannorum, Bavarorum, Thuringorum ac Saxonum proceres Henricum Regem eligunt, & in throno collocant mense Aprili, toto simul exercitu regem suum consalutante. Cumque deinde, ut Widekindus refert, ei offerretur unctio cum diademate a Moguntino Pontifice, qui eo tempore Herigerus erat, non sprexit, nec tamen suscepit; satis, inquit, mihi est, ut præ majoribus meis Rex dicar, & designer divina annuente gratia ac vestra pietate; penes meliores vero nobis unctio & diadema sit: tanto honore nos indignos arbitramur. Factum id etsi modestiæ plenum visi quidam improbare, ex quo

S. Udalrico duo per somnum gladii oblato, quorum cum alter sine capulo ostensus esset, iussus est Henrico dicere eo designari Regem, qui sine benedictione regnum capefferet: altero vero, qui capulo præclusus esset, Regem benedictione & sacra unctione præmunitum indicare. Primus hic, qui ex Westphaliæ Saxonizque ducibus, & Widekindi posteris, regiam dignitatem in familiam intulit, quæ deinde cum ingenti christiani orbis bono ultra centum annos imperitavit. Cognomento Auceps dictus fuit Henricus, quod aucupio delectaretur; seu quod repertus retia avium continere, dum regalia denunciarentur.

## Annus Christi 920.

Joannis X Pont. 9. Henrici I. Regis Germ. 2  
Unwani Ep. Pad. 5.

Qui Lotharingiam a Carolo Rege Gal. cepit recusat.

Regnum adiit Henricus non modo ab Hunnis & Barbaris laceratum, sed intestinis malis turbidum, & latrociniiis etiam, prædisque liberis defœdatum: Eo prima arma vertit in Burchardum

Sueviæ, & Arnulphum Bojariæ Duces, ostentatoque exercitu utrumque ad obsequium adegit. Qui dum bello occupatur, Carolus simplex Galliarum Rex in Lotharingiam irrumpit, obsequiaque

saque Wormatia regnum illud sibi vendicare aggressus est. In quem Henricus procerum cumprimis hortatu arma convertit; ejectoque Carolo Fran-

corum Rege, Lotharingiam pro veteri Regis jure Germanico regno asserit.

## Annus Christi 921.

Joannis X. Pont. 10. Henrici I. Regis Germ. 3.  
Unwani Ep. Pad. 6.

Carolus dolore amissæ Lotharingæ, aut contumelia cladis incensus, altero mox anno cum infesto exercitu Lotharingiam ingreditur, ulturus proceres, a quibus Henricus invitatus fuerat. Nec segnior Henricus cum exercitu advolat, in easque angustias conijcit Carolum, ut damnatis belli consiliis, legatos mitteret ad Henricum cum muneribus, manu videlicet D. Dyonsii auro gemmisque inclusa, fœdus & amicitiam orantes. Fassi tunc legati Caroli, id quod supra diximus, ex quo tempore S. Viti Martyris corpus Corbejam in Saxoniam deportatum omnem felicitatem simul ex Gallia in Saxoniam demigrasse, nec inde unquam regnum suum a bellis civilibus quietum fuisse. Munus id Henricus Rex flexo in terram poplite osculatus cum summa veneratione accepit. Inde statim induciæ inter utrumque Regem, dum ambo post Bonnæ conveniunt, fœdus & amicitiam paciscentes. Juvat in hanc rem ipsa acta conventaque recitare, quod his Henricus Rex Unwanum Episcopum, virum spectatæ prudentiæ & auctoritatis, inter Saxoniarum Episcopos interesse voluerit.

In nomine sanctæ & individue Trinitatis divina propitiante Clementia Anno Dominicæ Incarnationis DCCCCXXI. Anno vero regni Domini Caroli gloriosissimi Regis Francorum Occidentalium 29. redintegrante 24, largiore vero hereditate indepta 10, indictione 9, anno quoque regni Domini, & magnificentissimi Regis Francorum Orientalium Henrici tertio, inter ipsos præfatos Principes unanimis pactum, ac Societatis Amicitia quæsitæ repertaque, exordia sumpsit, prout visa sunt competentia. Convenerunt enim ambo illustres Reges, sicut inter se discurrentibus legatis convenerant, secundo Non. Novembr. feria prima. Dominus enim Carolus super Rhenum flumen ad Bonnæ castrum, & strenuus Henricus ex altera parte Rhe-

intuentes super ripas ejusdem fluminis buc & ultra, ut sui fideles fierent innoxii, Sacramento, quo hanc eorum conventionem fuerant polliciti. Verum feria quarta 7 Idus Novem. in medio Rheni fluminis sæpius dicti principes in navibus quisque suis, in tertiam ascenderunt, quæ anchorata in fluminis medio gratia eorum colloqui fixa erat; ibique in primo hanc sibi vicissim convenientiam ob statum pacis juramento sanxerunt ita: Ego Carolus divina propitiante clementia Rex Francorum Occidentalium amodo ero huic amico meo Regi orientali Henrico amicus, sicut amicus per rectum debet esse suo amico secundum meum scire ac posse, ea vero ratione, si ipse mihi juraverit ipsum eundemque sacramentum, & attenderet; quæ promiserit, sic me Deus adjuvet & istæ sanctæ reliquiæ. Econtra Rex Henricus eandem promissionem sacramento, & iisdem prosecutus est verbis subsequenter, ut hujus amicitie firmitas inviolabiliter observaretur.

Hæc sunt nomina Episcoporum, qui cum nobilibus ac fidelibus laicis firmitatem, quam præmemorati Reges inter se fecerunt, collaudando acceptaverunt, & manibus suis sacramentum firmaverunt, nunquam a se destruendam: Herimannus Archiepiscopus Agrippinæ, quæ modo est Colonia vocitata. Rodgerus Archiepiscopus Trevirorum. Stephanus præsul Cameracorum, Bovo Episcopus Catalaunensium, Baldricus Trajectensium Episcopus. Hæc nomina Comitum. Matfredus, Erkengerus, Hagano, Boso, Waltkerus, Isaac, Ragenberus, Theodricus, Adalardus, Adelelmus. Episcopi ex parte Regis inclyti Henrici, Herigerus Archiepiscopus Moguntiacorum, Nithardus Episcopus Mimogernesferdæ, Dodo Episcopus Osnabrogæ, Ricavudo Episcopus Vangionum, quæ nunc dicitur Wormatia, Honwardus Episcopus Paderbornensis, Hotingus Episcopus Constantiæ Alemanniæ. Hæc sunt nomina Comitum:

Eu-

*Ezardus, Chonradus, Herimannus, Halo, Godesfredus, Otto, Herimannus. Cobbo, Magenhardus, Fridericus, Fal-*  
*dac.*

Clari ea tempestate notique Episcopi: sed mirum, qua historiologia fasti Monasteriensium post Nithardum, sive Richardum hic recensitum, collocent in ordine Rumoldum, quem supra in concilio Alheimensi vidimus ante Richardum subscripsisse, vixisse-

que in Episcopatu illo. Qui Hunvardus hic scribitur Paderbornensis Episcopus, Unwanus est, deflexo pro gentis more vocabulo. His igitur Episcopis & Optimatibus tanquam arbitris & Sponsoribus, pax inter utrumque Regem convenit; quibus vero conditionibus, ex annalium memoria excidit. Certam vero partem Carolo relictam esse argumento est, quod Henricus non nisi ab anno 923 se totius Lotharingiae Regem scripserit.

## Annus Christi 922.

Joannis X Pont. II, Henrici I Reg. Germ. 4.  
Unwani Ep. Pad. 7.

*Burchardus l. 7 c. 30  
Ivo Carnotensis c. 66.  
Conventus  
Confluentinus, ejusque  
acta.*

Altero ab hinc anno rursus Episcoporum conventus ad Rhenum, quem Burchardus & Ivo Carnotensis nobis tradidere; juvat ipsum Burchardum audire. Anno Dominicae Incarnationis DCCCXXII apud Confluentiam jussu venerabilium Principum Caroli videlicet, & Henrici Regum reverentissimorum congregati sunt Episcopi numero VIII Hermannus Agrippinensis Archiepiscopus, Herigerus Moguntinensis Episcopus, Thiedo Wirtzburgensis Episcopus, Luitbarius Mindanensis Episcopus, Dodo Osnabrugensis Episcopus, Richouwo Wormatiensis Episcopus, Richvinus Strazburgensis Episcopus, Unwanus Paderbornensis Episcopus, cum Abbatibus aliisque sacri ordinis hominibus quam plurimis. Fallitur igitur Ivo, dum ad annum 912 hæc refert, quo simul errore Baronius & Binius abducti. Octo hujus synodi canones colliguntur ex Burchardo, & Ivone, a Cossartio in conciliorum tomis relati, ad disciplinam cleri populique accurandam; quos inter primo decretum, ob vaga incestaque matrimonia tum invalescentia, ne Christiano fas sit intra septimum gradum cognationis contrahere nuptias: ne laici fructus sacrarum donationum convertant in canes & Gynæcea alenda: ne Ecclesiae Monachorum intra dioceses Episcoporum subtrahantur Episcoporum jurisdictioni, & quæ præterea salubriter statuta sunt, judicio duorum Archiepiscoporum ac præfulum ceterorum. Verisimile est & ipsos Reges Carolum & Henricum cum optimatibus convenisse simul Confluentiam, ad foedus & amicitiam firmandam; quod

per id tempus Giselbertus dux, homo inquietus & regnandi cupidus, multa turbaret ad Lotharingiam sibi asserendam; quam ut Reges, Episcoporum auctoritate, & pacis studio diviserant: Ita eorum quoque auctoritate, quod primi colerentur inter optimates Regni, firmatam volebant. Transactis cum Carolo rebus, Henricus Rex arma venit in Sclavorum sævitiam refrenandam; eo multum intra Saxoniam versatur; quo & regni Germanici sedes, quæ hætenus Aquisgrani, vel Wormatiæ, vel Francofurti, vel Ratisbonæ, vel aliis in locis fuit, transferri coepit cum Saxoniarum Regibus ac Imperatoribus. Quemadmodum hoc anno Quedlenburgi fuit, in loco, quem ipse Rex postea Oppido & Monasterio Virginum a se condito celebrem fecit; imposita Machilde filia prima ejus cætus Abbatisa. Ex hoc loco Henricus Rex Corbejensibus nostris præclaro diplomate vetera privilegia confirmavit, quod hic inter munificentiae ejus ac pietatis argumenta repræsentamus.

Henricus privilegia Corbejensium confirmat.

*In nomine sanctæ & individuae Trinitatis, Henricus divina favente Clementia Rex. Convenit nostræ regali Celsitudini, ut petitiones fidelium nostrorum, has præcipue, quas pro Ecclesiarum sibi commissarum utilitatibus suggerunt, ad effectum perducamus, quoniam hoc & ad præsentem vitam prospere peragendam, & ad futuram beatitudinem promerendam profuturum liquido credimus. Unde noverit omnium fidelium nostrorum, tam præsentis, quam futuri temporis industria, quod rogatu conjugis nostræ Domnæ Reginæ Machildis, una cum prole & æquivoco nostro,*

nostro, nec non Episcopi Adahwardi, qui legatus fuit ad nos missus ab abbate venerabili Folcmaro fratribusque christo in nova Corbeja militantibus, & SS. Martyribus nostris advocatis & intercessoribus Stephano atque Vito fideliter servantibus, omnes concessiones, quas priorum Regum temporibus habuerunt, firmiter eidem loco, id est, prædicto abbati & fratribus concessimus. Præcipue ut potestatem habeant inter se cum necessitas venerit, abbatem eligendi, & ut a nullo Episcopo de dominicalibus mansis ejusdem monasterii decimæ exigantur, neque a comite, vel ex qualibet judiciaria potestate Coloni eorum ac liti ad justitiam faciendam aliquo banno constringantur, sed coram advocatis ejusdem loci justitiam facere cogantur, sicut anteriorum Francorum Regum temporibus præfato monasterio concessum fuisse cunctis fidelibus nostris liquido patet. Et ut hæc auctoritas nostræ largitionis firmiter habeatur, atque per futura tempora a fidelibus nostris verius credatur, & ne deinceps hinc aliqua dubietas fiat, nostra propria manu subter eam firmavimus, & annuli nostri impressione signari jussimus.

Signum Domni Henrici Serenissimi  
Regis.

Simon Notarius ad vicem Herigeri  
Archicapellani recognovi & ss.  
Data X Calend. Martii anno Incarnationis Domini DCCCCXXII Indictione X anno autem Regni gloriosissimi Regis Henrici III actum in villa, quæ dicitur Quitlingaburg in Dei nomine feliciter amen.

Machtildis Regina (cujus rogatu Rex Corbejenfibus exinde ceterisque religiosiis familiis tam large benefecit) & formæ pulchritudine, & morum elegantia, & nobilitate pietateque clarissima per id tempus matrona erat, quæ Theodorico patre comite Oldenburgico & Ringelheimio genita, tam in eo genus ad Widekindum M. referebat, quam Henricus per Ludolphum avum Saxoniz ducem, Conditoremque monasterii Gandersheimensis; sed pietate & religione multo illustrior, Condatrixque multorum cœnobiorum. Ea ex conjugē Henricus Rex suscepit Ottonem M. Imperatorem, Henricum Bavariz ducem, Brunonem Coloniensem Archiepiscopum & Lotharingiz ducem, magnos illos Saxoniz Germanizque heroes, & tot inde Regum genitores; tanquam Deus tam piorum parentum munificentiam in Ecclesias & religiosorum familias tanta filiorum ac nepotum felicitate remunerarit.

Genus Machtildis conjugis Henrici.  
Cranz. l. 3  
Sax. c. 11. &  
12.  
Widekind.  
lib. 1. Saxon.  
Otto Fri-  
sing. lib. 1.

## Annus Christi 923.

Joannis X. Pont. 12. Henrici I. Reg. Germ. 5.  
Unwani Ep. Pad. 8.

Et clarior inde fortunatioque Henricus, Regum ea tempestate potentissimus, eoque a Ruperto Galliarum Rege, quem pars procerum elegerant, ejus amicitia ambita; ad eamque firmandam ad Ruram amnem in Ripuaria convenere. Qua in Regni Galliz perturbatione Carolus Galliarum Rex ab

Heriberto Comite captus, & in carcerem detrusus est, in quo & miseram vitam post sexennium clausit, Germanici regni potentia per hæc incrementa; siquidem Saxoniz Henricus haud multo post integrum Lotharingiz Regnum adjecit.

## Annus Christi 924.

Joannis X. Pont. 13. Henrici I. Reg. Germ. 6.  
Unwani Ep. Pad. 9.

Prospera hæc Regis Henrici confectur annus Christi 924, tertia Ungarorum irruptione in Saxoniam calamitosus. Tertiam hanc numero irruptionem, quam confirmatam reperio ex Abbatum Corbejenfium fastis; quarum prima in iis memoratur anno Chri-

sti 906 Ludovico Rege, altera anno Christi 915 Conrado Rege, tertia huic Henrici anno adscripta; de qua etiam Widekindus Corbejenfis: cum jam civilia, inquit, bella cessarent, Ungari totam Saxoniam percurrentes, urbes & oppida incendio tradiderunt, & tantam cædem

Holardus  
Regin. cont.  
lychorus  
Marinus  
luna.

Tertia Un-  
garorum  
in Saxoni-  
am irrup-  
tio.



*cædem ubique fecerunt, ut depopulationem ultimam comminarentur. Rex autem erat in præsidio urbis Werlaon.*

*Meibomius  
in notis ad  
Widekind.*

*A quibus  
pacem obti-  
net Henri-  
cus Werlis  
sominans.*

*Henricus  
tempore pa-  
cis ad bel-  
lum se pas-  
sat.  
Widek. l. 1.  
Sigbertus  
Dirhm.  
Osse Frisj.*

At quæ hæc Werlaon Saxoniz urbs, ad quam Rex se recepit? haud sum nescius duas ejus nominis urbes controverti hic, monstrarique in Saxonia, quarum altera trans Albim ad Sclavorum fines; & cui verisimile Henricum istic se inter Sclavos commisisse, & barbaro hosti a tergo omnem Saxoniam deprædandam reliquisse? Altera igitur Werla est in Westphalia, inter Ruram & Luppiam ad veteres Paderbornensis diocesis fines, quo transito Visurgi Henricus Rex se recepit: seu ut Rheno propior esset, seu ut copias Westphalicæ gentis contraheret, sisteretque Barbarorum impetum; non tamen cum iis congregi est ausus, *quod rudi adhuc militi, & publico bello insueto contra tam sævam gentem non fideret. Quantam autem stragem fecerint, illis diebus Hungari, aut quot monasteria accenderint, melius judicamus filere, quam calamitates nostras verbis iterare.* Hæc Widekindus; atque ut idem auctor refert contigit per id tempus *quendam ex Principibus Ungarorum capi, vinctumque ad Regem perduc.* Quem cum Ungari magnopere diligenter æstimarentque, obtulerunt pro redimendo captivo multum auri argentique: Rex vero contempto auro pacem expostulat, quam ubi in novem annos impetravit, captivum cum muneribus remisit. Indecorum hoc fœdumque satis, bellicosam illam Saxoniz gentem tot hæcenus gentium debellatricem eo per otium superiorum annorum recidisse ignavia: ut pacem ab Hunnis petere necesse habuerint, atque annuo munere, si non tributo etiam redimere a barbaris.

At nullius animum hæc pacis necessitas gentisque probrum magis affecit, quam ipsius Henrici Regis. Quid igitur bellicosus Rex ad gentis contumeliam malumque avertendum? Accepta pace, quod Widekindus ceterique nostri scriptores celebrant, Rex intra novennium summo prudentia defudavit

in munienda Saxonia, exercendo milite, & disciplina militari restauranda. Quam in rem ex agrariis militibus novum quemque eligens, in urbes & præmunita oppida transtulit; ceteros agros colere jussit, fruges colligere, frumentum in urbes comportare, & in certis ad id annonæ horreis constructis recondere, concilia populique conventus & convivia in urbibus celebrare, tam cives quam agrestes homines arma sibi parare, iisque certis diebus decurrere, ut in pace discerent, quæ in necessitate contra hostes usus postularet? Non genus hominum præter sacros Deo viros, non ætas arma portandi apta his legibus exempta; at natum quemque maximum filiorum castra Regis sequi imperatum. Inde mos inolevit, ut is patris exuvias, inter quas arma primæ erant, jure tolleretur. Nulla Urbes munit. tum fere, aut certe vilia Urbis mœnia, prisco adhuc Germanorum ritu incolentium. Quare hoc Rege tanta Urbium & Oppidorum munitorum frequentia ac decor conspectus, ut ceteras per Imperium nationes non puderet Saxoniorum Regum & Cæsarum imperia accipere. Neque hæc instaurandæ disciplinæ militaris consilia tam humana; quam divinæ providentiæ plena. Quando & Deus ipse noluit omnes barbaras gentes per Josue debellari & extingui, ut postea Hebræorum filii *discerent certare cum hostibus & habere consuetudinem præliandi.* Sunt qui volunt hoc Henrici Regis instituto magnopere auctam esse nobilitatem Saxoniam. Nam qui virtute militari peritiaque tum visi eminere, ceteris per oppida, castra atque urbes præfecti. Inde militares, castrenses, Borchmannos, Armigeros, Scutiferos tanta multitudine ortos perhibent; quorum alii regiis obsequiis addicti, alii Episcoporum & Abbatum vices belli expleverunt. Nam Unwanum Episcopum nostrum post etiam Henrico Regi in bello suppetias misisse lego in vetustis quibusdam monumentis, quod idem ceteros fecisse haud ambigere licebit. Inter Urbes vero Saxoniz, quas Henricus Rex maxime excoluit & frequentavit, Goslaria celebratur.

*Urbes munit.*

*Lib. Jud. c. 1.*



Annus

## Annus Christi 925.

Joannis X. Pont. 14. Henrici I Reg. Germ. 7.  
Unwani Ep. Pad. 10.

Ungaris per inducias submotis, bellum intestinum cum Rudolpho Galliarum Rege exarsit. Lotharingiam ille cum exercitu ingressus occupare cepit, & jam multi procerum cum ipso Giselberto ad Gallos transferant. Quæ

ubi Henrico Regi comperta, Rhenum armatus transit, Tulpiacum Oppidum expugnat, Gallos Lotharingia ejicit, Giselbertum datis obsidibus in fidem recipit. Adeo non omnis Saxonia inermis.

## Annus Christi 926.

Joannis X. Pont. 15. Henrici I Reg. Germ. 8.  
Unwani Ep. Pad. 11.

Altero mox anno frequentem Wormatiæ conventum procerum indicit, in quo novum Lotharingiæ præfectum constituit, Everhardum, gente Saxonem, virum fidum, cujus sapientia &

justitia totum illud regnum in obsequium Regis se dedit. Tam præclare Henricus de Germania meritis, qui alterum illi & florentissimum Regnum adjecit.

## Annus Christi 927.

Joannis X. Pont. 16. Henrici Reg. Germ. 9.  
Unwani Ep. Pad. 12.

At Giselbertus cum Lotharingiæ præfecturam sibi a Saxone præripi videret, ira & ambitione accensus, altero mox anno rebellionem cepit, Lotharingiæ Regnum sibi per vim & dolum asserturus; nec multo post dolo captus a Lotharingo quodam Henrico Regi transmittitur. Sed quæ erat ingenii versutia, ita Regis animum occupavit, ut præfecturam totius Lotharingiæ redditam illi committeret, data etiam in matrimonium Gerberga filia, quod Sigebertus ad hunc annum retulit, secus quam Conradus Abbas supra relatus. Hoc interim anno Henricus Rex, rogatu Machtildis Reginae & Unwani Episcopi nostri (qui Regem adiit super vastatione Ungarorum) Herivordensi Virginum Collegio & privilegia & certa quædam prædia regiis tabulis confirmavit, quas hactenus reconditas repræsentamus, ut ex iis irruptio Ungarorum in Westphalia comprobetur.

*crevimus, nam nostris crebrescentibus peccatis multimodas paganorum castigationes, quibus Christicolæ affligerunt, sentimus. Inter quas etiam Machtildam dilectam conjugem nostram una cum Bodarbrunnensis Ecclesiæ Episcopo videlicet Unwano, seu & ceteris fidelibus nostris, de sanctis herivordensis monasterii monialibus interpellantem cognovimus, quatenus illarum præcepta regia, quæ ab ethnicorum infestatione exusta sunt renovari præciperemus. Quapropter noverit omnium fidelium nostrorum industria, quia miseratione earum repleti ob amorem Dei sanctorumque, petitionibus eorum assensum præbentes, prout ea ab antecessoribus nostris habere videbantur, nostræ auctoritatis renovatione prænotare jussimus, ea videlicet ratione, ut quidquid investitura supra dicti loci, sive de Regum vel cujuslibet personæ traditione appareat, nullo injuste contradictionis impedimento æternaliter ad ejusdem congregationis nutrimina perseveret, quatenus absque alicujus secularis vexationis conflictu, sub nostræ tuitionis munimine dignas ac Deo placitas persolvere student laudes nostrasque nostrorumque antecessorum, quam & successorum frequentent orationes. Quorundam autem locorum vocabula, quæ quidam falsi-*

*In nomine sanctæ & Individuæ Trinitatis, Henricus divina favente clementia Rex. Omnium namque fidelium nostrorum petitionibus Serenitatis nostræ aurem accomodare oportet, maxime tamen eorum, qui de sacris mentionem faciunt cænobiis, obtemperare de-*

falsitatis fraude abstrahere conantur, respicientibus firma stabiliq[ue] statione huic conscripto subnectere præcepimus. in jam dictæ familiæ potestate perenni Angeresgovue, Vineswalde, Overan-berh, Liudwinesdorp & Hunbech, secus fluvium Sigina. Hæc omnia cum reliquis cunctis possessionibus tam in agris cultis & incultis, quam & in omnibus appendiciis ad præfatum locum

tempore consistent. Et ut hoc nostræ confirmationis præceptum firmum stabileq[ue] permaneat, manu nostra subtus illud firmavimus, annuloq[ue] nostro sigillari jussimus.

Signum Domini Henrici



Serenissimi Regis.

Simon Notarius ad vicem Herigeri Archiepiscopi Capellani recognovi.

Data XV. Calend. April. anno Incarnationis Domini DCCCCXXVII. Indictionum XV. anno vero Regni gloriosissimi Henrici Regis VII. Actum Astnid in Dei nomine feliciter amen.

Blodardus  
in chron.  
Concil. gen.  
edis.  
Parif. re-  
sentioris.  
Synodus  
Duisbur-  
genfis, in  
qua Meten-  
ses excom-  
munican-  
tur, ob pri-  
varum ecu-  
lis Episco-  
pum suum.

Qui hic regni annus consignatus septimus, cum nonus sit, ducitur a regno Lotharingiæ adito, ut in aliis quoque tabulis hujus Regis observare licebit. Ceterum hoc anno Henrici Regis celebratum Episcoporum concilium Duisburgi ad Ruram amnem & Rhenum confluentes in Westphalia, quod verisimile Wilfridus Colonienfis Archiepiscopus jussu Romani Pontificis convocavit, ob Bennonem Metensem Episcopum. Egerat hic innocens præsul aliquamdiu vitam eremiticam in Alpi-  
bus, ex qua ob famam sanctitatis ex-

tractus, delectusque Metensium Episcopus, & jam biennium præclare munus illud egerat, cum a Metensibus oculis erutis abjiceretur. Ad quod immane sacrilegium vindicandum hæc synodus congregata est, auctoresque sceleris damnatos ejecit extra Ecclesiæ consortium. Nec dubitaveris plerosque Saxoniarum Episcopos, interque hos Unwanum quoque convenisse, quorum judicio, turbatis, per Lotharingiam rebus, id Pontifex, auctoritate etiam Henrici Regis, puniri voluerit.

## Annus Christi 928.

Leonis VI. Pont. I. Henrici I. Reg. Germ. 10.

Unwani Ep. Pad. 13.

Blodardus  
in chron.

At nondum Lotharingia quieta, rebellante Bisone Comite, ceterisque conspirationum factiosis capitibus. Quare Henricus Rex cum ingentibus Saxonum & Germanorum copiis Rhenum transgressus, expugnatoque Durofosto castro, rebelles obtrivit, rursusque Giselfertum conspirationis participem,

ac ceteros procures juramentum fidei dicere jussit. Sub quod tempus simul Regem adeunt Hugo Ruperti Regis filius, & Heribertus Veromanduorum Comes, gratiam & opem potentissimi Regis adversus Rudolphum Galliarum Regem implorantes.

## Annus Christi 929.

Stephani VIII. Pont. I. Henrici I. Regis Germ. 11.

Unwani Ep. Pad. 14.

Inde nunc continuis annis primo cum Bohemis & Sclavis, deinde cum Ungaris, ac demum cum Danis & Nortmannis Regi bellum, & memorabiles ad omnem posteritatem victoriæ; quæ cum a Widekindo, Dithmaro, ceterisque auctoribus describantur, nec ta-

men ad certum annum relata sint, hic ego ordine & in suos annos digesta hætenus nondum edita referam breviter.

Anno igitur Christi 929 cum jam Henricus Rex omnem Saxoniam militari disciplina armorumque exercitatione

Henricus  
Sclavos  
subjugat.

in-

instructam haberet, contracto exercitu in Sclavos, quos Hevellos dixere, ad Havelam Marchiæ annem incolentes movit; quos cum multis præliis fatigasset, ut Widekindus ait, *demum asperima hyeme castris super glaciem positus cepit urbem*, quæ Brenneburg dicitur, fame, frigore & ferro domitam. Urbe hac potitus & omni regione eorum, signa vertit in Dalamancos Sclavos, qui regionem, quæ post Misnia est vocata, incoluere. Juvenis olim hanc gentem sub Ottone patre oppugnavit; nunc majoribus viribus aggressus urbem eorum Gronam vigesima obsidionis die expugnavit, & militibus in prædam dedit; puberes omnes armatique interfecti: pueri vero ac puellæ, & omnis imbellis ætas in captivitatem abrepta: Victis Dalmancis tributum impositum.

Sub id tempus, ut Sigebertus perhibet, Henricus Rex misit ad Rudolphum Burgundionum Regem legatos, postulatum lanceam sacram, qua Christi latus transfossus, quam Constantini M. dono ad posteros venisse creditum fuit. Hanc cum ægre permetteret Burgundionum Rex, Henricus tandem qua precibus, qua minis, qua muneribus, oblata etiam in hanc rem parte Sueviæ, impetravit; & qua deinde erat pietate fiduciaque in Deum, lanceam hanc tanquam cœlestis auxilii tesferam in præliis præferri voluit. Ea post Ottoni M. & posteris inter insignia relicta: ut jam diversa, nec sacra illa sit hasta, quam Conradus Rex moriturus Henrico cum chlamyde & gladio inter Regni insignia transmisit, quod ex Widekindo retulimus.

Impetrat a Burgundionum Rege sacram Christi Lanceam.

## Annus Christi 930.

Stephani VIII. Pont. 2. Henrici I. Reg. Germ. 12.

Unwani Ep. Pad. 15.

Bohemiam Germaniæ adjicit. Widekindus lib. 1. Sigebertus in chron. Ad. Brem. lib. 2. Helmoldus lib. 1. & 2.

Tam prosperis successibus erectus Rex, cum omni exercitu Bohemiam ingressus, Pragam gentis Metropolim simulque Regem ipsorum Wenceslaum in deditionem accepit. Qua victoria totum illud Regnum Germaniæ Regno adjecit. At vero ea expeditione distento Rege, Sclavi Retharii; qui haud procul Sterino Rethram metropolim incolebant, facta in Saxoniam irruptione, Wallerslebiæ oppidum Luneburgicæ provinciæ (in quod Bruno & Tancquardus Regis patrui e Schydra Westphaliæ Sedem Episcopi transtulerant) armati obruunt expugnantque, incolis omnibus, quorum innumeralis multitudo Christianorum erat, Barbarum in modum contrucidatis. Hoc successu lætæ omnes circum Barbaræ nationes, Abotriti, Wilsii, Hevelli, Dalmanci, Bohemi conspirant in publicam rebellionem. Ad quorum ferociam reprimendam prævertit Henricus Rex; immissoque exercitu in eorum regiones, Bernardo & Thiatmaro ducibus (quorum alter legatus, alter collega erat) Lunkinum obsidere jubet. Evocatæ ad hoc bellum omnes Saxoniarum copiarum, etiam ab Episcopis submissæ. Jam in quintum diem producta erat obsidio, cum barbaros adventare nunciaretur. Ingens, sed di-

versus ad hæc animorum motus; aliis pugnam formidantibus, alijs expetentibus. Legatus ea nocte omnes in armis consistere jubet, & sacramentum fidei dicere. Orto sole in conspectum venere barbari, in quos Legatus exploratum provectus. Ubi verò innumerabilem Barbarorum multitudinem adesse conspexit, & peditem quidem superiorem, sed equitem imparem, ad exercitum regressus militem hortatur, datoque signo in hostem ducit. Scabat Barbarus denso & impenetrabili confertus agmine; eo a dextra lævaque simul impetum fieri jubet ad distrahendos cuneos hostiles. Anceps diu & cruenta pugna, dum Thiatmarus a legato monitus adesse laborantibus jubetur; quo hostium ordo cessit in fugam, & tota illa dies cædibus Barbarorum consumpta; viæ omnes campique cadaveribus repleti. Qui superstites erant, ad vicinam urbem fugam intenderunt, quibus cum transitum præverteret Thiatmarus, ad mare compulsi sunt; ubi omnes aut cæsi, aut in aquas detrusi, tanta strage, ut e peditem numero vix nuncius cladis rediret: equitum pauci fuga servati. Prælium illud ad Albim fluvium confertum memorant fasti Corbeiensis, eoque die supra cxx millia paganorum cecidisse,

Ad annum 929.

Insignis Christianorum victoria de Sclavis relata.

disse, captivos vero Dccc. venisse in Saxoniam. Augēt hanc stragem Widekindus, & ducenta Barbarorum millia periisse refert, captivosque altero die obtruncatos omnes. Pauci ex Saxonum exercitu desiderati; hos inter duo comites occubuerunt, de quibus præter Widekindum, Dithmarus Mersburgensis Episcopus, *ex nostris duo abavi mei Luitbarii, quorum alter pater, alter maternus erat proavus, ejusdem nominis signati, milites optimi, & genere clarissimi, decus & solamen patriæ ceciderunt.* Dies pugnae ab eodem Nonis Septembris, in fastis Corbejenfis II, seu pridie Nonas Septemb. feria VI consignatus. Ad hunc modum obtruncatis etiam captivis, pa-

rentatum cædi Christianorum in Walersleben: quo loco tum per Barbaros exusto eversoque, Episcopi sedem Henricus Rex transtulit in Frosam Oppidum, quam deinde Otto filius ac Rex Magdenburgum transportavit, veneratione summa in Carolum M. ne quis Episcopatus ab eo conditus per Saxoniam interiret; quos hæresis nostri sæculi, dispari certe religionis cultu, pene omnes extinxit in Ostphalia. A prælio rediit triumphans exercitus Saxonum ad Lunkini urbis obsidionem; quæ consternata suorum cæde, se regi dedit. Jussi omnes exire inermes; post quæ uxores, filii, servi, & omnes Barbarorum gazæ in potestatem Saxonum venere.

## Annus Christi 931.

Joannis XI. Pont. I. Henrici I. Reg. Germ. 13.

Unwani Ep. Pad. 16.

Parta tam insigni victoria læta omnis Saxonia; auxereque communem lætitiā regales nuptiæ. Nec enim multo post Henricus Rex Ottoni filio, quem Germania post Magnum Imperatorem habuit, in matrimonium dedit Editham filiam Ehmundi Anglorum Regis. Nuptiæ in Westphalia celebratæ a quibusdam referuntur Werthæ; certe inter Ruram & Luppiam hoc anno versatus Witgerum Abbatem Werthinensem magnifico diplomate honoravit, quo omnia ejus Cœnobii Ludgeriani privilegia rata confirmataque esse voluit.

Henricus  
Privilegia  
Werthinensis  
approbat.

*In nomine sanctæ & Individuæ Trinitatis, Henricus divina Clementia Rex. Si Servorum Dei petitionibus, quas pro Ecclesiarum sibi nec commissarum utilitatibus nobis suggererint, clementer annuerimus, id nobis ad perpetuæ beatitudinis præmia promerenda liquido profuturum esse credimus. Unde omnibus sanctæ Dei Ecclesiæ fidelibus præsentibus scilicet & futuris, notum esse volumus, quod fidelis noster Witger abbas monasterii, quod vocatur Werdina, insinuavit Celsitudini nostræ, qualiter ipsum monachorum Cœnobiū sibi commissum a Beatæ memoriæ Sancto Liudgero Episcopo in propria ejus hæreditate fuerit constructum, monachisque contraditum, & gloriosissimorum Regum Ludowici videlicet, filii Magni Regis*

*Karoli, & Successorum ejus pro æterna ipsorum, omnisque gloriosissimi generis eorum memoria, defensione & tuitione hæcenus fuerit conservatum. Quamobrem nostram imploravit Clementiam, ut idem monasterium sub nostra tuitione suscipientes omnes concessiones ab antecessoribus nostris sibi collatas nostræ auctoritatis præcepto firmaremus. Cujus rationabili, & justæ petitioni assensum præbentes decernimus atque jubemus, imprimis ut idem monasterium cum omnibus ad se pertinentibus plenissime immunitatis securitate perfruatur, neque publicis exacttionibus, vel quibuscunque modis, illorum servi, liti, vel liberi a qualibet judiciaria potestate constriquantur; coram advocato eorum, si quid ad inquirendum, vel ad corrigendum sit, inquiratur & corrigatur. Præfati monasterii homines ab omni vectigalium inquisitione vel telonii securi consistant; præterea quod aliis quoque monachorum Cœnobiis concessum constat, ut ubicunque dominicos mansos habuerint, in quocunque sint Episcopo, vel præfectura, seu etiam provincia, vel regione siti in omni regno a Deo nobis collato decimas, quas alii Episcopis solvunt, ad portam monasterii concedimus, & a nemine penitus eas alibi dare cogantur, quatenus inde pro nostra ac totius generis nostri perenni mercede supervenientibus peregrinis & hospitibus serviat. Insuper etiam eidem fratrum Collegio*  
ad



ad eligendum Abbatem inter se potestatem concedimus; abbas illius monasterii ad castra & in hostem ire non cogatur, nisi forte regia liberalitate adjutus copiam quandoque accipiat illud faciendi. Illius etiam Regionis Episcopus si synodalem ibidem conventum vel sermonem facere ad populum destinaverit, de Episcopo illi serviat, nisi forte eodem die alia circueundo visitare loca voluerit. Tunc benedictionem de Abbate non pro debito servitio, sed pro amore suscipiat. Et quia nihil ad illum locum pertinet,

nisi tantum hereditas Sancti Ludgeri & propinquorum ejus, ideo liceat abbati illud monasterium cum rebus ad se pertinentibus libere ac plane possidere, quatenus eos melius delectet pro nostra, & nostrorum fidelium salute, ac totius Imperii nostri statu divinam implorare Clementiam. Hanc auctoritatis nostrae concessio ut firmiorem in Dei nomine obtineat stabilitatem manu nostra eam firmavimus, & annuli nostri impressione sigillare præcepimus.

Signum Domini Henrici



invictissimi Regis.

Simon Notarius ad vicem Hiliberti Archicapellani recognovi. Data VII Calend. Martii anno Incarnationis Domini DCCCCXXI Indictione III anno regni primi Henrici Regis XIII actum in Werlaba Civitate Regia in Dei nomine feliciter amen.

Quam hic Werlam regiam civitatem Rex appellat, ea quoque palatini sedes fuisse perhibetur, post Susatum inter celebres Westphaliæ urbes. Quantum-

que Goslaria in Ostphalia, tantum Werla in Westphalia ab Henrico Rege culta ac frequentata fuit. *Widkindus lib. 1.*

## Annus Christi 932.

Joannis XI. Pont. 2. Henrici I. Reg. Germ. 14.  
Unwani Ep. Pad. 17.

Inter hæc tam prospere gesta induciæ cum Ungaris exspirare cœperunt, annusque præsens supererat. Rex qui jam Saxoniam non modo exercitam bellis, sed victoriis etiam adversus Barbaros animatam habebat, maturo quoque consilio ac providentia bellum Ungarorum tractare cœpit, sat gnarus, gentem superbam & ferocem, evoluta novennio, aut tributum exacturam, aut bellum illaturam; alterum foedum Saxonico nomini, alterum calamitosum fore, nisi arma opponant armis, & hanc gentem non secus ac Slavos a cervicibus depellant. Quam in rem hoc anno duplicem convenum habuit, alterum procerum & populi Saxonici; in quo Rex multis differuit de bello adversus Ungaros suscipiendi scire ipsos, qua Dei benignitate secundis præliis primum Slavi Dalmantici, tum Bohemi, post Retharii, ac demum omnes barbarorum gentes debellatæ & tributariæ factæ sint: super esse Avaros Hunnosque superbissimam & infestissimam christianæ religioni gentem, quæ

evolutis induciis tributum exactura. Quid hic agam? inquit, vosne ego ac filios filiasque vestras spoliabo, & ærario Barbaros implebo? id si fecero, ac nuda tantum corpora vobis relinquam, an Barbarorum horum cupiditas explebitur? & templa & aras spoliabo, & omnem sacræ Ecclesiæ thesaurum insumam, ut nostris opibus ditatus Barbarus nos eo cupidior & potentior expugnet, & in servitutem deprimat? Liberæ gentis nati sumus, quorum majores, cum barbari adhuc essent, tot annis pro libertate contra potentissimos Reges & nationes pugnarunt; Nos qui christiani jam sumus, libertatem christianæ religionis subiciemus Barbaris? Nos qui omnes circum barbaras gentes tributarias fecimus, barbaris Ungaris tributarii erimus? Deus supremus ille cæli terræque rector, qui de ceteris barbaris nobis triumphum dedit, ab horum quoque servitute liberabit, itaque victores faciet, ut cum auditum fuerit Ungaros a Saxonibus vinci posse, etiam Itali, Bavari, Alemanni

Henricus  
R. adversus  
Ungaros se  
suoque ar-  
me uni-  
magis.

manni, Franci Orientales, & Galli, quorum regiones aut libere percurrunt prædones, aut sub iugo premunt, etiam nostro exercitu discant vinci posse, & hanc tandem pestem ex visceribus Ecclesiæ ejici.

Multa cum in hanc rem prolocutus esset Rex, omnes Saxoniarum populus, inquit Widekindus Corbejenfis, primum voce, dein dextera in cælum sublata, Regi fidem & omnem opem adversus Ungaros juravit; tantummodo bellum Rex instruat, nihil sibi ex omnibus fortunis tam carum esse, quod non cum corpore & sanguine offerant.

Synodus  
Erfurtensis  
Henrici Regis  
cura celebrata.

Alter quem Rex petiit, Episcoporum conventus Erfurti fuit, cui & Unwanus Episcopus noster interfuit. Intelligebat nimirum sapientissimus Rex, quod in diplomate Herivordienfi supra professus est, has Barbarorum vastationes esse flagella Dei, quibus peccata cleri populi que castigantur. Igitur ad placandum numen voluit sacrorum Antistites convenire, eaque cognoscere & sanioribus legibus emendare, quibus ira numinis provocetur: ipse vero Rex promisit se sacrorum munerum nundinationes ex Simonis hæresi natas sublatum. Igitur ut ipsam synodi præfationem hic introducā: *Anno ab incarnatione Domini nostri Jesu Christi 932, Anno etiam Domini Henrici Regis Christianissimi decimo quarto, indiotione quinta, sub die Calendarum Juniarum congregato est apud Erpesfurd sancta & universalis synodus, ut Rex sapientissimus cum concilio primatum suorum decrevit, inspirante omni-*

*um salvatoris clementia, pro utilitate & statu sanctæ matris Ecclesiæ. Cujus Regis solertiam prudentissimi viri Hildiberti Archiepiscopi \* gubernabat. \* Deest sapientia, vel quid simile.* *Considentibus vero religiosissimis sacerdotibus, id est, Ruidgero sanctæ Treverensis Ecclesiæ Archiepiscopo, Unni sanctæ Hamburgensis Ecclesiæ Episcopo, Adaluardo Fardunensis Ecclesiæ Episcopo, Rino Argentinæ civitatis Episcopo, Nodingo Constantinæ Ecclesiæ Episcopo, Unwano Paderbornensis Ecclesiæ Episcopo, Bernardo Halberstadiensis Ecclesiæ Episcopo, Othilrico Augustodunensis Ecclesiæ Episcopo, Burchardo Wirtzeburgensis Ecclesiæ Episcopo, Duodone Osnabrugensis Ecclesiæ Episcopo, Rinaldo Mimigernesfurdensis Ecclesiæ Episcopo, Eburgiso Mimidonensis Ecclesiæ Episcopo: nec non & Abbatibus, aliisque sacri ordinis viris. Canones qui in actis conciliorum recitantur, pro christiani populi correctione sanciti sunt. Meminere quoque hujus synodi alii scriptores; a quibus tamen perperam ad annum 936 refertur. Falliturque auctor chronici Mindensis, qui Litharii Episcopatum prorogat in annum 936, quando in hac synodo Ebergisus successor præfatus sistitur. His rite constitutis, Rex totus fuit in apparatu belli Ungarici; quæ gens eo formidabilior erat, quod jam Bojaria, Alemannia, & Francia Orientali dominaretur, atque Ipsam Italiam & Galliam percurrere ausa esset; tanquam Gothica aliqua aut Wandolica inundatione possessionem sibi intra Imperium vendicaret, ex quo Saxonia sibi triburariam faceret.*

Herm. cons.  
in chron.  
Regin. cons.  
sinuat.  
Luidprand.

## Annus Christi 933.

Joannis XI Pont. 3. Henrici I. Reg. Germ. 15.  
Unwani Ep. Pad. 18.

Widekind.  
lib. 1.  
Flodoardus  
in chron.  
Luidprand.  
lib. 2.  
Fasti Corbejenfis.  
Sigebertus  
Otto Fris.  
Dithm. l. 1.  
Gobelinus  
in Henrico  
Reg.

Aderat nunc annus trigessimus tertius supra nongentesimum, idemque exitu induciarum Ungaros inter & Saxones confatalis. Ungari igitur missis ad Regem legatis, munera & tributa exposcunt, ausi per minas extremam vastitatem intentare. Quos magnanimus Rex spretos vacuosque remisit, satis hætenus, inquit, tributorum penitatum, Saxoniarum gentem esse liberam. Quibus exacerbati Ungari, contracto ex lectissimis quibusque suis exercitu

innumeræ multitudinis, per Misniam in Thuringiam irrumpunt. Ibi diviso exercitu, altero in Orientalem Saxoniam & Ostphalam tendunt, Oppidumque Mersburg obsident, eo expugnato, in Ostphalia ferro flammaque grassaturi; id cum Wido Thuringiæ præfectus fortissime tueretur, retardata ea irruptio. Altero exercitu in Occidentalem Saxoniam (Westphalam) procedunt; quibus primum occurrit Henricus Rex cum lectissimis Saxonum & Thu-

Albert. Bad.  
in chron.  
Cranzins  
l. 3. Saxo.  
Helmoldus  
lib. 1.  
Henricus  
R. czios  
Ungaros e  
Saxonia  
pellit.

& Thuringorum copiis, sub capitali poena evocatis ad castra; rectaque progressus hostem primo certaminis congressu sternit. Cæsis barbarorum du-  
cibus, cetera turba aut trucidata, aut capta, aut late per montes & agros dissipata miserabili sorte interiit. Hac victoria erectus Rex festinavit cum exercitu in Ostphaliam Mersburgum liberaturus. Barbari cognita suorum clade in Westphalia regisque adventu, obsidionem & castra deserunt; collectique in unum belli corpus, statuunt meliori fortuna experiri Regis adventantis arma.

Postquam uterque exercitus haud procul Mersburgo in conspectum venit, Henricus Rex etsi afflicta esset valetudine, hortatur singulos, simulque in mandatis dat, ordines servant, nemo alterum velociori cursu prævertat, primum sagittarum ictum objectis scutis excipiant, deinde uno impetu incurrant, priusquam alter sagittarum ictus incuti possit. Christianis tessera fuit *Rüge*: barbaris Hui, Hui, Dato signo irruunt Regii prælato vexillo prætorii, cui ab Angeli effigie Angeli nomen erat: Inter cruentam pugnam visus ipse Rex modo inter primos, modo inter postremos obvolitare. Ad quam Regis præsentiam, cum strenui militis & boni Imperatoris officium exequeretur, tantus Christianorum præliantium ardor consecutus, quo Barbarorum acies inclinata, & in fugam soluta est. Tum vero ingens & cruenta Barbarorum cædes consecuta, qua ad milliare

campi cadaveribus repleti. Capta castra prædis opulenta, redempti innumeri Christianorum captivi, cæsa ex prælio xxxvi Barbarorum millia, præter eos, qui aut flumine hausti, aut capti in Christianorum manus venere. Otto Frisingensis hanc incredibilem victoriam fuisse memorat, qua gloriam nominis per universam Europam sparserit Rex. Ita vero utroque prælio uterque Ungarorum exercitus ad inter-  
necionem deletus. Henricus Rex, quod cœlestis auxilii magis, quam humanæ virtutis victoriam agnosceret, publicas per Regnum gratias Deo persolvi petiit. tributumque, quod hostibus dabatur, in cultum Ecclesiarum & pauperum erogari iussit. Inde pater patriæ, decus Saxoniz, columen Germaniæ, & Imperator ab exercitu salutatur, fama potentiæ & bellicæ virtutis, gloriæque per omnes Europæ nationes longe lateque diffusa.

Et vero quod ad hoc celebre bellum præliumque, Moguntinus & Colonien-  
sis, Unwanus Paderbornensis, ceterique Saxoniz Episcopi suas copias submisere nescio, quos etiam Comites & nobiles per licentiam vetustatis introducant, nulla mentio apud scriptores horum temporum. Longius abeunt, qui militares ludos, quos torneamenta vocant, ab Henrico Rege institutos scribunt. Utrumque ad captandam cujusque familiæ antiquitatem faciunt. Nos his ad Episcoporum memoriam non indigemus, nec his commentis historiam inquinare volumus.

## Annus Christi 934 & 35.

Joannis XI. Pont. 4 5. Henrici I. Reg. Germ. 16 & 17.

Unwani Ep. Pad. 19. & 20.

*Adam. Briss.*  
*manf. c. 46.*  
*67.*  
*Helmoldus*  
*lib. 1 c. 8.*  
*Albert. Scad.*  
*in chron.*  
*Crantzius*  
*in Metrop.*  
*lib. 1. c. 6.*  
*Meibomius*  
*in diplom.*  
*Henricus R.*  
*Danos Im-*  
*perio infe-*  
*stos com-*  
*pescit.*

Continuatis inde victoriam trophæis, Henricus Rex altero ab hinc anno arma in Sclavos, qui Unerani dicebantur vertit; gentemque illam, quod Christianos hætenus infestasset, hostiliter aggressus, victam prælio, haud secus quam alias circum gentes, tributariam fecit. Nulla tum barbara gens restabat, quam victor non obtinuerat; præter Danos & Nortmannos, gentem hætenus toti Galliæ & Frisiæ ac Saxoniz Transalbianæ dominantem, & Christiano nomini infestissimam. Imperitabat tum Danis Wormius Rex su-

perbus ac sævus in Christianos, qui non modo Sacerdotes e finibus Regni e-  
cjecerat, sed & multos per tormenta in necem adegerat; unumque hoc agebat, ut Christianum nomen iis in regionibus exstingueret. Tanto id indignius tulit Henricus Rex, quanto magis se Deo ex tot cælestibus victo-  
rum beneficiis obligatum agnovit, ad Christi religionem vindicandam. Igitur postquam 8 Calend. Junii Di-  
sburgi, ubi Rura amnis Rheno se miscet, conventum procerum habuisset, in quo & Unnoni Hamburgensi Episcopo com-  
muta-

*Flodoardus*  
*in chron.*

mutationes bonorum consignavit, cum exercitu Albim transgressus, movit in Daniam, primoque incurſu ita Regem perterrituit, ut pacem ſupplex peteret, veritus Regis potentiam, ne Sclavorum & Ungarorum excidio Regnum ſuum involveret. Inde priſtinam Imperii amplitudinem & majeſtatem repetens, terminos Regni olim a Carolo M. deſcriptos, apud Egidoram fluvium & Sleswicam urbem eſſe voluit. Unde & Marchionem conſtituit, & Saxonum Coloniam Sleswicum reduxit, Chriſtique religionem per omnes illas tranſalbianas regiones liberam eſſe voluit. Quales tum Reges, aut quam diverſa a noſtris tempora? quibus cum ipſa Saxonia amiſſa, ex omnibus illis provinciis vera Chriſti religio proſcripta exulat. Hac Henrici Regis victoria bellorumque felicitate excitatus Unno Bremeniſis & Hamburgeniſis Epiſcopus, quem Henricus huius belli hortatorem habuit, ex quo Diuſburgi in conventu procerum convenerat Regem, circumire utriusque diocceſis parochias, ſacerdotes imponere, & ſparſum gregem colligere ad ſuas Eccleſias. Inde in ipſam Daniam profeſtus Gurmium Regem libere adiit; cujus induratum ſuperſtitione animum etſi flectere non licuerit, filium tamen ejus Haroldum opera matris, quæ chriſtiana atque Angliæ Regis filia erat, ita Chriſto adiunxit, ut Chriſtianam Religionem toto Regno liberam faceret; ideo ipſe deinde omnes Daniæ inſulas percurrrens verbum Dei palam Barbaros docuit, paſtoresque gregi cuique ſuo dedit, a quibus plenius in Chriſti fide exculti ſunt. Inde per mare Balthicum tranſvectus per veſtigia D. Anſcharii & Remberti Bircam pervenit, quod celebre tum Danorum & Sclavorum emporium erat; ipſam dein Sueciam docendo Chriſti legem penetravit. Ac poſtquam intrepido animo barbaros Reges adierat, ac ſemen Chriſtianæ Religionis in regno illo jecerat, Bircam reverſus non multo poſt inter Evangelii labores iſtic ſanctiſſime e vita exceſſit, Epiſcopus, quem Crantzius exemplar omnium vocat, ob Chriſtianam animi magnitudinem & fervorem proferendæ religionis, multosque exantlatos labores, vel eo inter Apoſtolicos viros a nobis memorandus, quod ex Corbejenſi apud nos monaſterio ad Bremen-

ſem Epiſcopatum evocatus, atque opera Corbejenſium monachorum Septentrionis provinciâs & regna excoluerit, Quo ſimul recognoſcent mecum Tranſalbiani Saxones, Dani ac Sueci, per quos viros primam Evangelii doctrinam acceperint, qui modo nec monachi nomen, nec catholici Epiſcopi, ſacra ferre amplius poſſunt.

At priuſquam Henricus Rex hanc expeditionem ſuſciperet in Daniam, Unwanus Epiſcopus Regem adiit, unaque cum Machtilde Regina Heriſienſium Virginum Collegio privilegiorum confirmationem impetravit, quam hic ex tabulario reddimus.

Heriſienſium privilegia confirmantur ab Henrico.

Adamus  
Brem. l. 1.  
Unonis  
Epiſcopi  
Hamburgeniſis præ  
clari laboris & obitus.

*In nomine ſanctæ & individue Trinitatis, Henricus divina ſavente Clementia Rex. Noverit induſtria fidelium noſtrorum tam præſentium quam etiam futurorum, qualiter nos per interventum dilectæ conjugis noſtræ Machtildis & Unwani Paderburnenſis Eccleſiæ Epiſcopi, conceſſimus ſororibus in loco, qui dicitur Heriſi, Deo ſervantibus, ut in eligendis Abbaſſiſſis inter ſe propria electione juxta priſtinum morem fruantur, ſi talem inter ſe moribus, ſcientiaque probatam invenerint, quæ eidem apta dignaque, quantum humana ad id competit fragilitas, diſcaſſetur. Eorundem igitur petitione auctoritatis præceptum eidem ſancto loco fieri decrevimus, quatenus ſub noſtra deſenſione cum omnibus ad ſe juſte ac legaliter pertinentibus permaneat. Præcipientes ergo jubemus, ut nullus Judex publicus, aut quilibet ex judiciaria poteſtate in Eccleſias, aut loca, vel agros, ſeu reliquas poſſeſſiones memoratæ Eccleſiæ, quas moderno tempore infra ditionem regni noſtri legibus poſſidet, vel quæ deinceps in jure ipſius loci voluerit divina pietas augeri, ad cauſas judiciario modo audiendas, vel ſreda exigenda aut fide juſſores tollendos, aut homines ipſius Eccleſiæ contra rationem diſtringendos, vel ullas ſeditiones, vel illicitas occaſiones requirendas, ullo unquam tempore ingredi audeat, vel ea omnia, quæ ſupra memorata ſunt, penitus exigere præſumat. Quidquid vero Fiſcus ſperare potuerit, totum nos pro æterna remuneratione prædictæ Eccleſiæ perpetually concedimus, quatenus melius delectet Dei ancillas in prædicto loco degentes,*

gentes, pro Nobis, Coniuge, Proleque nostra Dei misericordiam exorare. Hec quippe auctoritas ut plenior nec non firmiorem in Dei nomine obtineat vigorem, & ab omnibus fidelibus nostris verius credatur, & diligentius observetur, manu nostra propria subter notando firmavimus, & annuli nostri impressione adsignari iussimus. Datum V Idus Maji, Anno Dominicae Incarnationis DCCCCXXXV, Indictione VIII, Anno autem Henrici Regis XVI.

Satis ex his opinari fas erit, Unwanum magno apud Regem ac Reginam loco fuisse; quippe qui non Herivordensibus modo, ut supra relatum, sed & Herifiensibus per Reginam Machtildem tam insignem beneficentiam obtinuit. Nec dubium paria pro sua Ecclesia impetrasse, quæ temporum injuria interciderunt. Ceterum id Herifienſe diploma tanti a Virginibus æſtimatum, ut postea Othilia Furſtenbergica ejus loci Abbatissa Rudolpho Imperatori confirmandum obtulerit impenetraritque.

A quo etiam Hervordensibus confirmatur facultas eligendi Abbatissam

A reditu belli Danici Henricus Rex ad preces Machtildis Reginae Herivordensium Virginum collegio liberam facultatem eligendi Abbatissam, quam jam ante ab aliis quoque Germaniæ Regibus obtinuerat, hisce tabulis ratam confirmatamque sanxit.

In nomine sanctæ & individuae Trinitatis Henricus divina favente Clementia Rex. Si loca ad Dei servitium mancipata in aliquibus fulcibus beneficiis, hoc profecto ad augmentum æternæ speramus esse retributionis & remunerationis. Idcirco noverint omnes fideles nostri præſentes ſcilicet & futuri, qualiter nos interventu Machtildæ dilectæ conjugis nostræ ſanctimonialibus feminis in loco Herivurt nominato Deo famulantibus concessimus, ut in eligendis Abbatissis propria electione fruantur. Proinde hoc nostræ auctoritatis præceptum eis inde

conſcribi iussimus; per quod præcipimus, quatenus ita, ut prædiximus, permaneat. Et ut hoc verius credatur, manu nostra illud firmavimus, & annulo nostro sigillari iussimus. Data VI Id. Octob. anno dominicae Incarnationis DCCCCXXXV. Indict. VIII. anno Regni Henrici Regis XVI. actum in Alſteti, amen.

Nulla in his tabulis, ut in prioribus, Unwani mentio; nec inde in ullis monumentis antiquitatum hætenus reperimus. Quare cum hoc anno Episcopatum ejus vitamque finimus; eo certiores, quod auctor vitæ Meinweri ac ceteri xix. annos in Episcopatu egisse scribant, quos & nos ab exordio ejus, & ordine suo exhibuimus, producendo Episcopatum ejus in xx. annum, qui Christi est 935. Quapropter falluntur Gobelinus, Brutchius, Cleinsorgius, Kerſenbrochius, aliique, qui anno Christi 930 obiisse tradunt, non satis observantes initia Episcopatus ejus & exitum, cum hoc anno, de quo agimus 935, diploma Herifienſe supra allatum adhuc vixisse testetur. Dies mortis ex necrologio Herifienſi certior, in quo xiii. Calend. Augusti ex hac vita emigrasse consignatur. Scio equidem nec res ab Unwano gestas, neque elogia virtutum a præſcis ſcriptoribus ad nos perveniſſe; ſed jactura fere eorum temporum omnibus communis, ſeu ſcriptorum incuria, ſeu temporum injuriis. Interim Unwanum præſtantiſſimum fuiſſe Episcopum ſatis teſtantur, quæ ex ſynodis & diplomatibus, & Henrici Regis Reginaeque Malthildis benevolentia adduximus; tum vel maxime Ungarorum irruptio in Diceceſin, quæ viri religioſiſſimi patientiam & ſollicitudinem pro grege ſuo multum probavit. Aurea tum adhuc religionis ſæcula, cum cleri populique diſciplina tam frequentibus ſeverisque ſynodorum decretis contineretur, ut malis remiſſisque eſſe non licuerit.



Aa

ANNA-





# ANNALIUM PADERBORNENSIIUM

LIBER IV.

DUDO VII.  
VOLCMARUS VIII.  
RETHARIUS IX.  
EPISCOP. PADERBORN.

DUDO VII.  
EPISCOPUS PADERBORN.

Annus Christi 936.

Leonis VII. Pont. I. Ottonis Regis Germ. I.  
Dudonis Ep. Pad. I.



er hæc fortunata Saxo-  
niæ tempora, Unwa-  
no subrogatus Dudo  
Septimus Paderbor-  
nensis Episcopus; quem licet in xxv.  
annum Auctor vitæ Meinwerci, Go-  
belinus, Crantzius, ceterique Scripto-  
res Episcopatum gessisse memorent;

neque tamen hi ipsi, neque Superio-  
rum temporum Scriptores ea nobis de  
Dudone tradiderunt, quæ nos expli-  
catius ab iis desideramus. Quare nec  
origo familiæ, nec vitæ ratio ante Epi-  
scopatum, nec consecratio, nec cete-  
ra, quæ ab eo specialiter sunt gesta,  
suppetunt. Unde ea tantum quæ ex publi-

publicis synodis, quibus interfuit, aut quæ in diplomatis, Regumque donationibus & factis, per hanc diocesim memorabilia sunt, referemus.

Igitur primo anno, quo Episcopatum adiit, videlicet 936, Henricum Regem amisit. Statuerat Rex, debellatis circum gentibus & in tributum subactis, Romam proficisci, & Caroli M. exemplo tropæa victoriæ S. Petro offerre; cum paralyti correptus iter intermittere necesse habuit. Post ubi in mortem se urgeri sensit, convocato populo, Ottonem filium designavit Regem, &, quia natus maximus optimusque fratrum erat, Francorum imperio præfecit. Testamento deinde facto, & rebus omnibus, quibus animæ consulendum erat, compositis, vi Nonas Julii pie placideque excessit e vita Mimbliæ in confiniis Saxonie & Thuringie, magno omnium Episcoporum & populi luctu. Corpus Quidleburgum transvectum, conditumque in Basilica monasterii ad aram. Castrum, in quo obiit, Machtildis in cœnobium vertit; ipsa deinde mortuo Rege, piissimam vitam exegit, mater ac nutrix omnium religiosorum hominum & pauperum, eoque ob sanctimoniam vitæ in Divorum numerum relata, sepultaque Quidleburgi apud Regem in eodem monasterio sanctimonialium Virginum, ab ipsa & Rege condito; cui jam prima quoque Abbatisa Machtildis filia imposita erat, virgo sanctitatis fama matre non incelebrior. Adeo Regnum, quod primo tanquam alter Pipinus in familiam suam Henricus Rex intulit, donec Otto filius tanquam alter Carolus M. Imperatorum dignitatem adderet, a pietate & religione habuit fontem divinæ liberalitatis. Ne quid hic repetam de Ottone, de Ludolpho avo, religiosissimis Saxonie Ducibus: aut de ipso Widekindo M. ac familia ejus, ex qua Henricus Rex per Ludolphum, & Machtildis per Theodoricum patrem, ut supra etiam diximus, se refert. Tot ab illa monumenta pietatis, quot collegia, & cœnobio Saxonia Westphaliaque in hunc diem possidet. Non hic omiserim, quod de præclarissimo hoc Rege verus auctor scripsit. Henricus in factis armorum strenuus, religionis amator, opibus largissimus, inter cetera fundavit in Ale-

mannia ultra xx Ecclesias; quas & abundanter dotavit pro Dominabus secularibus, quæ Canonice nominantur, utentes habitu Canonorum regularium ordinis S. Augustini, nullam religionem professæ: nubunt in Domino, quando volunt; inventæ autem sunt pro sustentatione nobilium pro fide Christi ab infidelibus occisorum, ne talium filie cogerentur mendicare, sed in illis monasteriis sustentarentur, cum ad statum nobilium pertinerent: vitam eligerent, quam vellent: possent etiam ibidem profiteri & perpetuo manere; vel recedendo maritis jungi; quibus inter cetera Quidleburgum esse voluit, uti avus ejus Gandersheimum principale constituit.

Vulgata Henrici Regis morte, Proceres utriusque ordinis (quos inter primarii Hildebertus Moguntinus & Rubebertus Trevirensis Archiepiscopi) cum præfectis militiæ Aquisgrani convenere ad veterem majestatem Imperii, quam a Carolo M. acceperant, augustali loco Germaniæ asserendam; Ottonemque in solio Carolino collocatum, ut pater moriens designarat, Regem eligunt. Quem deinde Moguntinus Archiepiscopus, pontificali habitu indutus, cum universo sacerdotali ordine, Episcoporum, Abbatum ac cleri, progressus obviam ex palatio deducit ad Basilicam, læva Ottonis manum prehensens (nam dextera lituum tenebat) postquam mediam Basilicam ingressus substitit, ad populum, qui innumerabilis adfluxerat, conversus, En, inquit, adduco vobis a Deo electum, & ab Henrico patre designatum, nunc vero a cunctis Regni principibus creatum Regem Ottonem: vos si probatis, & fidem illi vestram addicitis, manus attollite. Ad quæ illico populus manus sustulit, & Regem incredibili plausu salutavit. Inde Pontifex cum Rege tunica stricta, more Francorum, induto profecit ad aram principem, super quam insignia regia, gladius cum baltheo, chlamys cum armillis, baculus cum sceptro ac diademate posita erant. Restabat consecratio atque unctio Regis; orta que est lis inter Archiepiscopos, a quo illa perageretur: obtendebat Trevirensis antiquitatis jus, quod Ecclesia sua a S. Petro fundata esset: Colonienfis consecrationem sibi vendicabat ex loco, quod

Eligitur Otto in Regem Germaniæ.

Et Aquisgrani inauguratur.

Aa 2

intra

intra suam diocesin esset: cessit uterque per insignem modestiam & pacis studium, Hildeberto Moguntino Archiepiscopo, qui jam inde a S. Bonifacii tempore primus Metropolitanorum Germaniæ censebatur. Mox cinctum diademate complexus Regem Hildebertus Moguntinus & Wigefridus Coloniensis Archiepiscopus chrismate una consecrarunt. Postquam inunctus Rex, ac ceteri ritus, quos explicare refert Widekindus, peracti, in alto inter duas columnas marmoreas folio collocant, unde ab omnibus videri, & ipse omnes videre poterat. Finito sacrificio, & divinis laudibus persolutis, Rex ad palatium reductus est a proceribus ad epulum regia magnificentia instructum; *consedit vero Rex cum Pontificibus*, inquit Widekindus: *Duces vero ministrabant. Lothariorum Dux Giselbertus, a quo omnia procurata erant: Everhardus mensæ præerat: Herimannus Franco Pincernis: Arnulfus equestri ordini, & eligendis locandisque castris: Sigefridus vero optimus Saxonum, & a Rege secundus, gener quondam Regis, tum vero affinitate conjunctus, eo tempore procurabat Saxoniam, ne qua hostium irruptio interveniret.* Ita vero in hac Regis inauguratione reperta monstrataque est imago quædam ac forma Electorum Imperii, quæ deinde longe magnificentius a singulorum munere introducta. Nam qui Ottoni Regi acumbenti ministrabant, summa erant in Regno Principum capita: Giselbertus Dux Lotharingiæ & præfectus prætorum: Eberhardus, qui mensæ præerat, dux Franconiæ, & Franciæ Orientalis: Herimannus dux Sueviæ: Arnulphus dux Bojariæ, supremus magister equitum: Sigefridus supremus militiæ præfectus per Saxoniam, omnes unius Regis clientes, in unius Regni Germanici incolumitatem cooptati administri. Nec enim Ducatus, Carolinorum & Ottonum imperio, erant hæreditarii, sed eos ex beneficio Regum ac Imperatorum, ut præfides ac legati administrabant. Inde necesse habebant Regibus & Imperatoribus provincias ingredientibus annonam præbere. Peractis omnibus, Rex unumquemque regali munere honoravit, populumque dimisit, non ob aliud magis lætum, quam quod successorem sortitus, in quo ex virtutum paternarum conspectu omnia fausta speraret.

*Maibomius  
in Notis ad  
lib. 2.  
Widekind.*

At quo die aut mense hæc Aquisgrani peracta sint, nemo satis prodidit. Conjungit Dithmarus Edithæ Reginæ coronationem, quam Rex fieri voluit. Eo nunc alii Regni Ottonis exordia ab hoc anno; alii, ut Baronius, a sequenti capiunt, uti & ipsa diplomata variant. Browerus diploma producit in Octobri hujus anni ab Ottone Magdenburgi datum; nos diploma hic sistimus, in quo Otto hunc primum quoque regni sui annum numerat; ut satis appareat inter Julium ac Novembrem menses hanc inaugurationem peractam esse. Nam hoc ipso anno post coronationem in Westphaliæ regressus Otto Rex, Werlæ in regia civitate diploma consignavit Volcmaro novo Corbejæ Abbati, quo privilegia priorum Cæsarum ac Regum confirmantur.

*Werlæ confirmat privilegia Corbejensium.*

*In nomine sanctæ & individue Trinitatis, Otto divina largiente clementia Rex. Convenit nostræ regali celsitudini, ut petitiones fidelium nostrorum, præcipue, quas pro Ecclesiarum sibi commissarum utilitatibus suggerunt, ad effectum perducamus. Quoniam hoc & ad præsentem vitam prospere peragendam, & ad futuram beatitudinem promerendam profuturum liquido credimus. Unde noverit omnium fidelium nostrorum industria, quia adiens excellentiam culminis nostri Folcmarus venerabilis Abbas novæ Corbejæ rogavit, ut eidem monasterio talem concederemus libertatem, qualem ab antecessoribus nostris Francorum Regibus accepisse dinoscitur. Cujus petitioni assensum præbentes interventu conjugis nostræ Reginæ Eadith, simulque filii nostri Ludulfi, in supra dicto monasterio fratribus Deo servantibus, ejusque martyribus Stephano atque Vito, omnes concessionem, quas anteriorum Regum temporibus habuerint, concessimus; Præcipue ut potestatem habeant inter se, cum necessitas venerit, abbatem eligendi: & ut a nullo Episcopo de dominicalibus mansis ejusdem monasterii decimæ exigantur, neque a Comite, vel ex qualibet judiciaria potestate Coloni eorum & Liti ad justitiam faciendam aliquo banno constringantur, sed coram advocatis ejusdem loci justitiam facere cogantur, sicut anteriorum Francorum Regum temporibus præfato monasterio concessum fuisse cunctis fidelibus nostris liquido patet.*

patet. Et ut hæc nostræ largitionis auctoritas firmiter habeatur, atque per futura tempora a fidelibus nostris verius credatur, manu propria nostra subter eam firmavimus, & annuli nostri impressione signari iussimus.

Signum Domini Ottonis



Serenissimi Regis.

Adalrat Notarius ad vicem Hildiberti Archicapellani recognovi & ff.  
Data XVI. Calend. Novemb. anno incarnationis Domini DCCCCXXXVI  
Indictione VIII. anno autem serenissimi Regis Ottonis I. actum apud Werla in Dei nomine feliciter amen.

Rata item  
habet pri-  
vilegia Wer-  
thunensium

Huic alterum accedit diploma huius anni quo Otto Wigero Werthinensi Abbati privilegia a patre donata confirmat.

In nomine sanctæ & individue Trinitatis. Otto divina favente clementia Rex. Si servorum Dei petitionibus clementer annuerimus, id nobis ad perpetuæ beatitudinis præmia promerenda liquido profuturum esse credimus. Unde omnibus sanctæ Dei Ecclesiæ fidelibus nostris, præsentibus etiam & futuris, notum esse volumus, quod fidelis noster Wigger abba monasterii, quod vocatur Werthina, insinuavit celsitudini nostræ, qualiter ipsum monachorum cœnobium sibi commissum a beatæ memoriæ sancto Luidgero Episcopo in propria ejus hereditate fuerit constructum, monachisque contraditum, & gloriosissimorum Regum Ludovici videlicet, filii magni Regis Karoli, & successorum ejus, pro æterna ipsorum omnisque gloriosissimi generis eorum memoria, defensione & tuitione hæcenus fuerit conservatum. Quamobrem nostram imploravit clementiam, ut idem monasterium sub nostra tuitione suscipientes, omnes concessionibus ab antecessoribus nostris sibi collatas nostræ auctoritatis præcepto firmaremus. Cujus rationabili & justæ petitioni assensum præbentes decernimus atque jubemus, inprimis ut idem monasterium cum omnibus ad se pertinentibus plenissime immunitatis securitate perfruatur, neque publicis exactionibus, vel quibuscunque modis illorum servi, liti vel liberi a qualibet judiciaria potestate constringantur. Coram advocato eorum, si quid ad inquirendum vel ad corrigendum sit, inquiratur & corri-

gatur. Præfati monasterii homines ab omni vectigalium inquisitione vel telonii securi consistant præterea, quod aliis quoque monachorum cœnobiis concessum constat, ut ubicunque dominicales mansus habuerint, in quocunque sint Episcopo vel præfectura, seu etiam provincia vel regione siti, in omni regno a Deo nobis collato decimas, quas alii Episcopis solvunt, ad portam monasterii concedimus, & a nemine penitus eas alibi dare cogantur; quatenus inde pro nostra ac totius generis nostri perenni mercede supervenientibus peregrinis & hospitibus serviatur. Insuper etiam eidem fratrum collegio ad eligendum abbatem inter se potestatem concedimus. Abbas illius monasterii ad castra & in hostem ire non cogatur, nisi forte regia liberalitate adjutus copiam quandoque accipiat illud faciendi. Illius etiam regionis Episcopus, si synodalem ibidem conventum vel sermonem facere ad populum destinaverit, de Episcopo illi serviatur; nisi forte eodem die alia circueundo visitare loca voluerit, tunc benedictionem de abbate non pro debito servitio, sed pro amore suscipiat. Et quia nihil ad illum locum pertinet, nisi tantum hæreditas sancti Luidgeri & propinquorum ejus, ideo liceat abbati illud monasterium cum rebus ad se pertinentibus libere ac plane possidere, quatenus eos melius delectet pro nostra & nostrorum fidelium salute ac totius imperii nostri statu divinam implorare clementiam. Hæc auctoritatis nostræ concessio ut firmiorem in Dei nomine obtineat stabilitatem manu nostra eam firmavimus & annuli nostri impressione sigillari præcepimus.

Signum Domini Ottonis



invictissimi Regis.

Poppo

Poppo Cancellarius ad vicem Hiltiberti recognovi. Data III. Calend. Januarii indictione IX. anno Incarnationis Domini DCCCCXXXVI. anno autem primi Ottonis Regis I. actum in Falchheim in Dei nomine amen.

## Annus Christi 937.

Leonis VII. Pont. 2. Ottonis Regis Germ. 2.

Dudonis Ep. Pad. 2.

Caduntur  
ab Ottone  
Ungari, in  
Saxoniam  
denuo ir-  
rumpentes  
Widekind.  
lib. 2.  
Marianus  
Scotus in  
chron. qui  
ad annum  
939 hac res  
fert.  
Meibomius  
in notis ad  
Widekind.  
dum lib. 2.

Multa ac continua exinde per omnem vitam bella, miraque pro Ecclesia & Imperio gessit; ob quæ cognomento Magnus, post Constantinum & Carolum, appellatus est Imperator. Ex his nos illa contingemus, quæ in Dicecesi hac, aut Westphalia, Dudone Episcopo, gesta sunt; insertis simul diplomatis, quibus tanti principis religio & liberalitas in sacros Deo homines cognoscetur. Primum Ottoni bellum altero statim regni anno cum Ungaris fuit. Quippe ferocissima gens, postquam per Franciam Orientalem & Alemanniam multas civitates flamma & ferro absumpserat, ultura cladem, quam ab Henrico Rege acceperat, se in utramque Saxoniam effudit; de qua irruptione Widekindus: *Antiqui, inquit, hostes Ungari venere virtutem probare novi Regis. Intrantes autem Franciam statuerunt, si possent, ab occidentali plaga invadere Saxoniam. Rex autem audiens, nihil moratus, cum exercitu valido occurrit illis fugavitque, & a terminis suis abegit.* Late ac longe in Orientalem quoque Saxoniam irrupisse hostes testantur fasti Mindenses; in quibus memorantur Visbeca & Overkercka cœnobîa Virginum vastata. Ac tantus is furor fuit, ut Overkerckanæ Sanctimoniales una cum clericis, & familiæ omnes contrucidatæ sint, cædesque ea centum & viginti hominum scribatur. Irruptionem in Westphalam, qua Tremoniam usque pervenere Ungari, ex priscis eorum locorum monumentis confirmant posteriores scriptores; perhibentque in agro Tremonienfi Ungaros ad internecionem

deletos esse ab Ottone Rege. Sane vero Ottonem Regem hoc anno in Westphalia versatum esse, testatur diploma Werlæ in civitate regia consignatum, quo ad preces Adalgarii Hamburgensis Archiepiscopi antiqua Cæsarum privilegia confirmat.

Sub Autumnum in Ostphalam profectus Rex, exercitu ad Albim ducto; ad Sclavos barbarasque gentes refrenandas. Quo simul tempore Magdenburgensem urbem cœpit præmunire. Nam castrum istuc antiquum fuisse a Caroli M. ævo ac bellis, quod in Capitularium libris Magadaburg appellatur, relatum est a nobis in Saxonia christiana. In hanc deinde urbem transtulit ex Frosa oppido Episcopatum, cujus prima fundamenta Carolus M. Schiræ in dicecesi Paderbornensi ad Ambram fluvium posuerat. Otto Rex inde hoc anno cum exercitu movit in Bohemiam adversus Boleslaum Regem, hominem ethnicæ superstitionis, qui & christianos dire afflixerat, & Wenceslaum fratrem, virum christianum ac religiosum, perfide interfecerat; quod indigne ferret, eum amicitiam cum Saxonibus christianis colere. Et jam Wenceslaus Henrico Regi conjunctissimus erat, cujus auctoritate brachium S. Viti e Corbeja dono acceperat, in ejusque Martyris honorem Pragæ nobilem ædem extruxerat. Oppugnatus primum frustra Boleslaus per Esiconem Ottonis ducem; tandem Rex ipse cum exercitu ingressus Bohemiam, victum Boleslaum subegit.

Subjugatur Bohemia

## Annus Christi 938.

Leonis VII. Pont. 3. Ottonis Regis Germ. 3.

Dudonis Ep. Pad. 3.

Widekind.  
lib. 2.

Ab exteris bellis Otto magno Reipublicæ malo ad civilia bella abstractus. Non facile Rex ex annalium memoria producet, qui plures regni æmulos

sit nactus; quos inter non modo ducem Germaniæ & Galliarum Rex, sed & fratres Tancmarus & Henricus. Eo illustrior Ottonis & Saxoniarum gloria, esse

Everhard.  
Dux Franciæ  
conia ad  
obsequium  
a rebellie



ne redoci-  
sur.

uisse per calcata rebellium capita. Bellum hoc civile præter chronicorum scriptores multis tradiderunt Widekindus, Luidprandus, Dithmarus, Otto Frisingensis, Gobelinus, alique eorum temporum auctores. Primus qui in Ottonem ausus insurgere, Eberhardus fuit Franconiae Dux, Conradi defuncti Regis frater. Is in Saxoniam irrupit, captaque Elmen ad Visurgim urbe, rebellionis initia dedit; quem postquam Otto armis obruit, centum talentis multavit. Principes militum iussi canes humeris portare ad regiam urbem Magdeburgum.\* Quod dedecoris militaris poenæque genus apud alios quoque Principes non infrequens. Otto, ut gliscens rebellionis malum extingueret, Stelæ in villa regia Westphaliae communem procerum populique conventum indicit. At post discessum Regis erupere rebellium consilia cum armis. Princeps conjurationis Tancmarus frater, quem Henricus pater susceperat ex Haduige conjuge, velata vidua, quam ob id dimittere coactus ducta post Machtilde in matrimonium. Hic ob hæreditatem sibi præreptam, cum Eberhardo Franconiae Duce conspirat, collectisque copiis Badelicum in Westphalia haud procul Rudena expugnat, fratremque Regis Henricum, qui in præsidio erat, cum ceteris captivis abducit. Inde majora ausus Eresburgum intra diocesin nostram occupat, ex eoque late per Westphaliæ prædas agit. Ut vero de Henrico fratre, præda videlicet opima, securus esset, Eberhardo Franconiae Duci transmittit; simul ut hunc sibi arctius alligaret. Quæ ubi Ottoni comperta, cum exercitu ex Bojaria in Westphaliæ advolat, castris ad Eresburgum positus. Cives Regis adventu territi portas aperiunt, militemque intromittunt. Tancmarus consilii inops, ac conscientia facinorum anxius, ad Ecclesiam, quæ loco illo celebris, & a Leone Pontifice, ut Widekindus refert, olim consecrata D. Petro, se tanquam asyllum recepit. Insecuti Regis milites, interque hos primum Henrici satellites, Domini injuriam ulturi; & quia Tancmarus templum clauserat, vi perfringunt. His angustiis circumventus Tancmarus, armis & torque aurea superaram positus, supplex juxta consistit, ad quem progressus Theodebaldus no-

thus Cobbonis Comitis, exprobat illi rebellionem in Regem fratrem, interque alterna jurgia vulnus infligit Tancmaro, vicissim Tancmarus Theodebaldus. Eo in tumultu duorumque lucta miles, cui nomen Maincia, foris enixus ad murum, per fenestram aræ obversam vibrat lanceam, quæ in tergum Tancmari perlata hominem extinxit. Haud multo post supervenit Rex, & casum fratris ingemuit; nec tamen in auctores animadvertere ausus est, quod in civili bello periculosum offendere eos, quos fidos habeas. Mox pauca prolocutus in laudem Tancmari, quibus dolorem suum testabatur, vindictam convertit in rebellionis auctores: quos inter Theodoricum cum tribus amicæ filiis strangulari iussit. Quantum nunc falluntur illi, qui hæc Mersburgi in Thuringia volunt acta, nominis ignoratione; locus enim manifeste Eresburgum a Widekindo signatur, castrum verus in Westphalia & diocesi Paderbornensi, a Carolo M. expugnatum, in quo Leo Pontifex primam ædem sacram dedicavit; quo Belica Tancmarus progressus, non vero in Thuringiam. Idem post Mons-Martis dictus, & patrio nomine Marsburg, diversus a Mersburg Thuringiæ urbe & Episcopali sede, quæ tanquam Eresburgi in castro fuit. Ceterum his percussus Everhardus Dux Franconiae, hostisque acerrimus Ottonis, Henrico Regis fratri, quem captivum, ut diximus, tenebat a Tancmaro missum, supplex advolvitur, sibi quæ in eum commiserit, ignosci petit; atque ita simul juvenis animum occupat, ut occulto secum federe adversus Ottonem Regem devinciat, sat gnarus, quo affectati Regni morbo laboraret Henricus; quod dicere solitus, sibi Regnum præ Ottone fratre deberi, quod Otto patre duce, ipse vero Rege patre natus esset, eoque & Machtildis, uti Otto Frisingensis scribit, in Henricum filium propensior. Interim Henricus dimissus ad Ottonem rediit, dissimulatis iis, quæ cum Eberhardo pactus erat; & perhumaniter ab Ottone exceptus, habitusque est. At non ideo Eberhardus crimen læsæ majestatis diluerat: in hunc cum Rex arma converteret, interveniente Friderico Moguntino, poena mortis in exilium commutata fuit, jussusque est Hildesii se continere: nec multo

Penas rebellionis dat Tancmarus, Eresburgi in templo occisus.

Everhardus denuo cum Henrico Ottomæ fratre conspirat.

Idem capus in exilium mittitur; sed brevi post Franconiae suæ restituitur.

\* De hac re copiam Otto Frising lib. 2. in Frid. Barb. Struvelius Tab. lib. 7 c. 2. Stela oppis dum in diocesi Abb. Effend. prope Effendiam. Et Tancmarus Ottonis frater

Belic. in Ducatu Westphal. intra Ruram & Lippam.

multo post, quæ Regis erat clementia; pristino honori restitutus, Ducatum Franconiæ recepit.

Felix Otto-  
niani exer-  
citus cum  
Hungaris  
conflictus.

Per hæc intestina bella provocati Hungari infestis agminibus & citatis itineribus in Saxoniam ausi provenire, flamma ferroque barbarum in modum

grassando; jamque Schidereburgum, quod Bodæ dicecesis Halberstadiensis adjacet, pervenerant; cum qua Oppidi expugnatione dum hærent, advolat Ottonis Regis exercitus, tantaque strage cædit Barbaros, ex qua intra triginta posthac annos non fuere ausi pedem inferre in Saxoniam.

## Annus Christi 939.

Leonis VII. Pont. 4 Ottonis Reg. Germ. 4

Dudonis Ep. Pad. 4

Rebelles  
cum Eber-  
hardo Hen-  
ricus Regis  
frater, &  
Giselbertus  
Dux Lotharingiæ  
Auctores  
citati.

Sequitur nunc annus 939 bellis civilibus turbulentissimus, quibus in caput Regis conspiratum. Auctor rebellionis Eberhardus Dux Henricum Regis fratrem, & Giselbertum Ducem Lotharingiæ in Ottonem concitat; ac dum Henrico Regnum parare simulant, singuli pro se affectant. Tam infida in scelere societas. Interim larva indutus Henricus, copias & suas & sociorum colligit. Institutum deinde celebre convivium, in quo magna pars nobilitatis attracta in societatem belli; ipse deinde Henricus firmatis per Thuringiam opportunis locis, cum fidis in Lotharingiam digreditur; in qua, Giselberto concitore, rebelles undique copias contrahunt. Quibus comperitis, haud segnior Otto Rex exercitum per Westphaliam cogit, quocum ad Rhenum properat. Ausa in hoc transitu Trevirorum urbs imperialis Regi suo portas claudere, confisa præsidio Hageri præfecti. At præsidarii veriti Regis præsentiam, Urbem ultro dedunt. Recta inde Rex ad Rhenum movit, nescius adversam Rheni ripam rebellium copiis plenam esse; qua ignorance decepti Ottoniani, pars ad Birtam, in opposita ripa vicinum flumen transit. Otto conspiciatus eminens trans

Rhenum tam instructas acies procedere ad prælium, nec suis se subsidio adesse posse navium inopia, quibus ceteras copias transmitteret, inops humani consilii lanceam sacram clavis sacris salutare defiguit in terram, ad quam cum exercitu supplex provolutus Deum cum lacrymis, & sublatis in cœlum manibus precatur, ne militem suum rebellium armis obteri sinat. Inter hæc pugnabant Ottoniani, pauci cum ingenti hostium multitudine, & prestante Rege victores, rebellium copias fundunt fugantque. Henricus brachio saucius cum novem suorum profugus in Thuringiam avolat, & Merseburgo se includit; quem Otto infecutus, duorum mensium obsidione capit, & in gratiam recipit. At ferox juvenis immemor beneficii & clementiæ, in Lotharingiam profugit, rursusque cum Giselberto copias instaurat. Infecutus e vestigio Rex Lotharingiam vastat, ac totam subigit, præter castrum capræ montis, in quod Giselbertus se receperat. His simul angustiis pressus Henricus ad Ludovicum Galliæ Regem profugit, ac spe Lotharingiæ occupandæ, cui jam dudum inhiabat Rex, totam Galliam ad arma concitat.

Bierza. Lau-  
idprandus.  
quod alii  
Boricam  
Wesalia op-  
positam,  
alii rectius  
Bireham  
pagum  
haud pro-  
cul Sandis  
statuunt.

Cæduntur  
ab Ottoni-  
anis orati-  
one potius  
Regis, &  
quam ar-  
mis.

Birta.  
Widukind.

## Annus Christi 940.

Stephani IX. Pont. 1. Ottonis Reg. Germ. 5.

Dudonis Ep. Pad. 5.

Otto Gal-  
los ex Alsas-  
tia profli-  
gat.  
Auctores  
citati.

Hinc proximo anno tota Gallia armata in Ottonem consurgit. Rex Galliarum in Alsatiæ prorumpit. Omnia primo impetu Gallis læta: Ottoniani aut sedibus ejecti, aut fugati trans Rhenum. At postquam Otto Rex cum selectis copiis e Saxonia occurrit, Galliarum Rex ad famam adventus se in Galliam retraxit. Liberata Alsatia Otto

consultum habuit Brisacum aliasque urbes expugnare, quæ Eberhardi Ducis prædiis tenebantur. Eo dum omne militiæ robur contrahitur, Eberhardus & Giselbertus nova per Lotharingiam rebellionem concitata, coactisque ingentibus copiis, in Saxoniam involant, magnoque dominatu obvia quæque rapiunt. Ad quæ tanta trepidatio consecuta

cuta in castris Ottonis ad Brisacum, ut cum Friderico Archiepiscopo Moguntino, & Ruthardo Argentoratensi Episcopo a Regis fide deficerent. At Rex interritus Hermannum ducem Sueviæ cum parte exercitus mittit in Saxoniam; qui indice sacerdote didicit magnam partem hostium transisse cum præda Rhenum, ipsos vero duces adhuc in Rheni ripa confidere, & securos ludere in spoliis miserorum hominum. Igitur Hermannus dux (quod alii Cunoni tribuunt) cum 2000 incurrit in castra epulantium ducum, primoque impetu obvios quosque sternit. Eberhardus Dux multis vulneribus confoditur: Giselbertus in navem profilit; in qua dum quique se ingerunt, navis onere prægravis cum Duce in medio Rheno mergitur. Tradit Flodoardus Giselbertum conscenso equo in Rhenum se præcipitem egisse, spe forte evolandi, quæ miserum destituit. Ita uno casu duo illa turbulenta capita sublata, quibus Henricus superstes, rebus in hunc modum desperatis, profugit in Galliam.

Otto hac cœlestis rursus beneficii victoria lætus, publicas per Germaniam Deo gratias agi voluit; expugnatoque Brisaco cum exercitu Lotharingiam ingressus, totum illud vetus Austrasiæ Regnum ex integro in potesta-

tem accepit. Proscripti Moguntinus & Argentoratensis Episcopi ob conspirationem cum Giselberto, alterque Fuldam, alter Corbejam in monasterium telegatus; quanquam haud multo post honoribus redditi. Inde Ludovicum Galliarum Regem ulturus, cum exercitu Galliam ingressus ad Sequanam usque flumen penetravit. Jam tota tremebat Gallia, cum intervenientibus legatis per inducias ad pacem res deducitur. Tum & Henricus frater in gratiam receptus, & Lotharingiæ etiam præfectura donatus: tum & Gerberga Ottonis foror, vidua Giselberti, Ludovico Galliarum Regi denupta.

Hoc præterea anno, quantumvis intestinis armis turbaretur Westphalia, conditum tamen in comitatu Ravensburgensi & diocesi Paderbornensi Sanctimonialium Virginum monasterium Schildeſe, haud procul Bilsfeldiæ oppido; quemadmodum id a Gobelino Bilsfeldienſi Decano, rerumque suarum perito relatum est; quamvis, quis fundator monasterii, nondum explorare licuerit. Id monasterium postea a S. Henrico datum esse Meinwerco Episcopo temporis referemus; modo cum catholicis quibusdam Lutheranæ virgines soluta veteri disciplina incolunt.

## Annus Christi 941.

Stephani IX Pont. 2. Ottonis Reg. Germ. 6.

Dudonis Ep. Pad. 6.

Jam Westphalia, extinctis duobus rebellium ducibus, Eberhardo & Giselberto, quæta credebatur; cum Henricus Regis frater in ipsis Saxoniarum visceribus novum belli incendium suscitavit. Lotharingiæ quidem ille ab Ottone impositus erat; verum cum impotentius ageret in præfectura, ab ipsis Lotharingis haud multo post exturbatur. Igitur ad novas turbas conversus sollicitat exercitum, quem Otto Rex ad fines Saxoniarum opposuerat Sclavorum genti continendæ, præfecto Gerone Comite. Hunc qua intellexit ob stipendia tardius persoluta ipsi Regi offensum, eoque pronum ad seditionem, Henricus clanculum sibi reconciliare cœpit. Attracti in conspirationem multi comites, Bucco, Hermannus, Reinwardus, Wirinus, duo Erics, quorum alter Wer-

lensis Comes, Lotharius avus paternus Dithmari Episcopi Mersburgensis, alii-que procerum; hos inter convenerat interimere Ottonem pascha Quidleburgi celebraturum, & Henrico diadema Regni imponere. At postquam conspiratio per fidos Comites detecta fuit, sumptum de singulis supplicium, ac capite omnes præter Lothariam plexi sunt. Ericus Comes Werlensis, ubi armatos in se venire didicit, a quibus caperetur, pugnando se objecit, dum lancea perfoſsus caderet. Henricus Regis frater conspirationis totius fax Ingelhemium in arctam custodiam abripitur; qui altero demum anno, dum Rex Francfurti Natalitia Christi ageret, elapsus e carcere, atraque veste indutus supplex Regi ad Ecclesiam procedenti advolvitur, & veniam a Re-

nus & Argentoratensis; ac brevi post sedibus suis restituri. Gallia ad pacem coacta: Henricus in gratiam receptus.

Schildeſe Monasterium conditur. Gobelinus Pers. ant. 6 c. 48. Cleinsorgeus ad ann. 942.

Henricus e carcere elapsus veniam petit & imperat.

gis clementia impetravit. Inde quietus tandem, & a Rege etiam Ducatu Bojariæ donatus; quem Henrici Imperatoris avum adeo exinde Germania fidum habuit, ut arma sua conjungeret Regi adversus Ungaros communesque hostes Regni.

Has inter bellorum turbas Dudo Episcopus Paderbornensis Regem adiit, rogatque ut Herifienſi Sanctimonialium Virginum Collegio omnia privilegia regi auctoritate comprobare velit, quæ raro simul Episcopi elogio tabulis inserto, impetrat; eo enim in diplomate vocat Dudonem præclarum & venerabilem suum Episcopum, cui pro æterna remuneratione id se debere proficitur, satisque ostendit spectatæ virtutis fuisse præfulem, ac de se optime meritum; ut non immerito cum maioribus queri liceat de tam præstantibus Episcopis nihil fere præter nudum nomen in fastis nobis relatum esse; ejus rei gratia ipsas Regis tabulas tanquam testes nobiscum loquentes recitare conveniens erit.

Approban-  
tur ab Or-  
tone privi-  
legia Virgi-  
num Heri-  
fensium.

In nomine sanctæ & individue Trinitatis. Otto divina favente gratia Rex. Noverint omnes fideles nostri, tam præsentibus quam etiam futuri, quod nos pro Dei amore, nostræque animæ remedio, regnique nostri statu, liberalitatis nostræ munere locum Herifi nuncupatum in Episcopio præclari Paderbrunnensis Antistitis, nomine Dudonis, constructum revelavimus, mundebrudum nostrum & immunitatem defensionemque & tuitionem nostram ei impendentes, juxta omnia, quæ eidem monasterio congregationique ibidem Deo famulanti pius genitor noster ceterique ante-

cessores contulere. Itaque pro æterna remuneratione venerabilis Episcopi nostri, videlicet prælibati Dudonis, flagrationibus obtemperantes, votisque aspirantes decrevimus antedictæ Sanctimonialibus Ecclesiæ præsens præceptum conscribi, in quo sancimus potestate regia easdem Sanctimonialiales licentiam habere cum consultu Episcopi sui eligendi abbatiſſam, qualem voluerint. Ceterum præcipimus etiam, ut nullus iudex publicus, vel quislibet ex judiciaria potestate in Ecclesias, aut loca, vel agros, seu reliquas possessiones jam dictæ Ecclesiæ, quas nunc infra ditionem regni nostri legibus possidet, ut quæ deinceps in jura ipsius divina pietas voluerit augeri, ad causas judiciario modo audientas, vel freda exigenda, mansiones vel paratas faciendas, aut fidejussores tollendos, aut homines ipsius Ecclesiæ contra rationem distringendos, nec ullas redhibitiones, vel inusitatas occasiones requirendas ullo unquam tempore ingredi audeat, vel ea, quæ supra memorata sunt, penitus exigere præsumat. Hominibus quoque ejusdem monasterii prædictum Mundebrudum, & tuitionem nostram constituimus, ut etiam eorum nulla judiciaria potestate examinentur nisi coram advocato; quem ejusdem loci elegerint Sanctimonialiales. De omnibus autem prædictæ Ecclesiæ rebus statuimus, ut eæ fungantur protectione nostra, uti antecessorum nostrorum temporibus eorum sanctæ sunt defensione. Et ut hæc nostræ concessionis auctoritas plenior in Dei nomine obtineat firmitatem, quatenus per succedentium temporum curricula fortius credatur, firmitusque observetur, manu propria nostra eam confirmavimus, & annuli nostri impressione corroborari præcepimus.

Signum Domini Ottonis



invictissimi Regis.

Bruno Cancellarius ad vicem Friderici Archicapellani recognovi. Data IV Idus Januarii, anno incarnationis Domini DCCCCXLI. indictione \* XIII. anno \* al. XV. vero regni Ottonis Serenissimi Regis VI. actum in castello regio quod vocatur Dalabem in Dei nomine feliciter amen.

## Annus Christi 942.

Stephani IX Pont. 3. Ottonis Regis 7. Dudonis Episc. Pad. 7.

Widekindus  
lib. 2.  
Regin. cons.  
Sigebertus.

Debellatis obtritisque civilium bellorum hostibus, non modo Lotharingam adjecit Germaniæ, sed & Bur-

gundiam ingressus Regem cum Regno, ut Widekindus est auctor, in suam potestatem redegit. Ita vero amplificato Regno

Otto Bur-  
gundiam  
subjugat.

Regno pacatoque, omne studium convertit sapientissimus Rex in Rempublicam ordinandam; nec alia cura erat, quam ut pacem bonis legibus Germania haberet florentissimam. Quam in rem, instituto optimorum Caesarum & Regum, Bonnæ Episcoporum synodum indixit, ad quam xxii Episcopi convenerunt, quos inter Dudonem Episcopum adfuisse verisimile habeas. Verum ut synodum hanc præclaram, auctor, qui Reginonis chronicon supplevit & Lambertus Schafnabürgensis verbo retulere; ita cetera desideramus. Præclaram fatentur synodum fuisse, nec tamen ullius præsentis Episcopi nomen, nec res in ea gestas communicare placuit, scriptoribus illis per compendia, posterorum tenebras festantibus.

Hoc interim anno Rex ad preces Brunonis Germani fratris Diaconi, quem postea Colonia Archiepiscopum sortita, insigni largitate Corbejenses ad Visürgim monachos locupletavit; tabulas Imileibæ datas hic exhibeo, quibus Bruno ipse Cancellarius loco Friderici Moguntini Archiepiscopi subscripsit.

In nomine sanctæ & individue Trinitatis, Otto divina favente clementia Rex. Noverit omnium fidelium nostrorum tam præsentium quam & futurorum industria, qualiter nos pro amore Dei precatui fratris nostri Brunonis Diaconi obtemperantes, pro salute nostra in elemosina ejusdem germani fratris nostri, usibus fratrum Corbejensis monasterii, in honore sanctissimorum Christi Martyrum Stephani atque Viti constructi, proprietatis nostræ centum XX jugera cum XLIII curtibus locis in pago Hesse nominato, in villa Rotmeresbusun dicta, in Osterbeun marca, in comitatu Allonis, hoc liberalitatis nostræ præcepto jure perenni in proprium donavimus, cum omnibus, quæ infra eandem proprietatem continentur, utilitatibus, mobilibus & immobilibus. Et ut hæc nostræ regalis munificentie concessio in Elemosina antedicti Germani fratris nostri in prælibato loco Deo servientibus inviolabilis perpetualiter perduret, manu nostra subtus illud firmavimus & annuli nostri impressione corroborari jussimus.

Signum Domini Ottonis



Serenissimi Regis.

Brun. Cancellarius ad vicem Friderici archicapellani recognovi & ss. Data X Calend Julii anno incarnationis Domini nostri Jesu Christi DCCCCXLII. \* al. xv. Indictione \* XIII. anno Domini Ottonis Serenissimi Regis \* VI. actum in Imileiba in Dei nomine amen. \* al. vii.

## Annus Christi 943 & 44.

Marini II Pont. 1. 2. Ottonis Reg. Germ. 8. 9.

Dudonis Ep. Pad. 8 9.

Totus exinde Rex in disponenda Germania, modo Aquisgrani versatus cum Brunone fratre, modo Diusburgi ad Ruræ ostia in Westphalia, ubi celebrem procerum Lotharingorum, Francorum & Saxonum conventum habuit; in quo Ruitbertus Trevirensis & Richarius Tungrensis Episcopi a Conrado Lotharingiæ Duce perfidiæ infimulati, absolutique cum se purgassent: modo rursus Aquisgranum profectus ad eorundem procerum comitia, dissidentem inter se Ludovicum Galliarum Regem, & Hugonem Princi-

pem affines suos composuit. Nam uterque Regis sororem in matrimonio habuit, Ludovicus Eresbergam, Hugo cognomento M. comes ac Princeps Galliarum potentissimus Haduigam, ex qua Hugo Capetus Rex Galliarum natus, traducto in nepotes Regno; ita non modo Galliarum Reges paterna stirpe, quæ ab Odone & Ruberto filio Saxonici generis comitibus ducitur, sed materno etiam genere ad Saxones originem referunt, quod omnes nobiscum Galliarum scriptores agnoscunt.

Dissidentes inter se Ludovicum Regem Galliarum, & Hugonem Principem Otto composuit.



## Annus Christi 945.

Marini II. Pont. 3 Ottonis Reg. Germ. 10.

Dudonis Ep. Pad. 10.


*Regin.  
chron.  
Sigebertus  
Jus moner-  
tæ & telo-  
nii datur  
Corbejenfi-  
bus.*

Altero ab hinc anno Rex in Saxo-  
niam regressus Castellis Hermannum  
Sueviæ, & Conradum Lotharingiæ  
Duces, viros per id tempus bellica for-  
titudine clarissimos, sibi reconciliavit,  
& Henricum fratrem, mortuo Ber-  
tholdo, Bojariæ Ducem imposuit. At  
nobis hic annus memorabilis ex diplo-  
mate Ottonis, quo ad ipsius Henrici  
fratris preces Bovoni Corbejenfium  
Abbati Meppiz in Oppido jus mone-  
tæ & telonii donat.

*In nomine sanctæ & individue Tri-  
nitatis, Otto divina favente clementia*

*Rex. Noverit omnium fidelium no-  
strorum tam præsentium quam & fu-  
tutorum industria, qualiter Nos per  
interventum dilecti fratris nostri Hein-  
rici & venerabilis Abbatis Bovonis ad  
monasterium SS. Martyrum Stephani  
atque Viti monetam atque telonium in  
loco, meppia nominato, sito inter aquas  
Emisa & Hasa dictas, in pago Agra-  
tingum, in comitatu Duringi Comititis,  
jure perenni in proprium donavimus.  
Jussimus quoque hoc præceptum inde  
conscribi, manu nostra subtus firma-  
tum, & annuli nostri impressione ro-  
boratum.*

Signum Domni Ottonis



Serenissimi Regis.

*Data IIII. Calend. Januarii, anno Incarnationis Domini DCCCCXLV. Indi-  
ctione \* II. Anno Domni Ottonis piissimi Regis decimo, actum in Dalabern in  
Dei nomine feliciter amen.*

## Annus Christi 946.

Agapeti II. Pont. 1. Ottonis Reg. Germ. 11.

Dudonis Ep. Pad. 11.

*Chron.  
Mindense.*

Vix dum annus se evolverat, cum  
hanc ipsam donationem, rogatu Bru-  
nonis Germani fratris, Bovoni Abbati  
nova beneficentia accumulatur, versatus-  
que tum in Saxonia Otto Rex Frosæ,  
quod oppidum est Notthuringiæ ac ce-  
lebre, ex quo Otto Rex Vallerslaam  
Schirenssem Episcopatum transtulit. In  
eo hoc diploma consignatum est.

*In nomine sanctæ & individue Tri-  
nitatis, Otto divina auxiliante clemen-  
tia Rex. Noverit omnium fidelium  
nostrorum sagacitas, tam præsentium  
quam & futurorum, qualiter nos per  
interventum dilecti germani nostri Bru-  
nonis, & venerabilis Abbatis Bovonis,  
ad monasterium SS. Martyrum Step-  
hani atque Viti, quod Corbeia nominatur,  
bannum super duas Villas Meppium no-*

*minatas, sitas juxta fluvium Emisa &  
Hasa, in pago Agrotingon, in Comitatu  
Thuringi Comititis, cum moneta & telo-  
neo jure perenni in proprium concessimus:  
jussimus quoque inde hoc præsens præce-  
ptum conscribi, per quod volumus, firmi-  
terque jubemus, ut nullus judex publicus  
in locis antedictis ullam insuper exerceat  
potestatem judiciariam, nisi præfati legi-  
timus advocatus Abbatis; mercatum ve-  
ro constituat publicum in illis ubicunque  
abbati placuerit locis, pacemque firmis-  
simam teneant aggredientes & regreden-  
tes & ibi manentes; eodem modo, sicuti  
ab antecessoribus nostris Regibus jam pri-  
dem aliis publicis mercatorum locis con-  
cessum erat. Et ut hæc auctoritas nostra  
firma & stabilis permaneat, manu nostra  
firmavimus & annulo nostro insigniri  
jussimus.*

Signum Domni Ottonis



invictissimi Regis.

Brun.

**Brun.** Cancellarius ad vicem Friderici Archicapellani recognovi & ff.

Data III. Calend. Junii, anno Dominicæ Incarnationis DCCCCXLVI, in-  
 dictione \* III. regnante pio Rege Ottone anno \* X. actum Frosæ in Dei no-  
 mine feliciter Amen. \* al. IV.  
\* al. XI.

Liberalitas  
 Otonis in  
 Monaste-  
 rium Gan-  
 dershei-  
 menle.

Sub initium Maji Otto Rex Werlis in Westphalia commoratus, egregio liberalitatis diplomate Gandersheimen- sibus benefecit, in eo, quia Ludolphi Conditoris & majorum pietas recen- setur, hic adjungere visum.

In nomine sanctæ & individue Tri- nitatis Amen. Otto divina favente cle- mentia Rex. Noverit omnium fidelium nostrorum præsentium scilicet & futu- rorum industria, qualiter nos remun- rationis æternæ gratia monasterium Gandersheim nuncupatum in honore S. Mariæ & omnium Sanctorum a nostris constructum progenitoribus, nostri im- munitate patrocinii donamus, sanctimo- nialibus ejusdem Cænobii electionis ar- bitrium concedentes, omniaque a Præ- decessoribus nostris Regibus illuc colloca- ta, Ludovico scilicet, prædia in Deng- stede & Erike & Blisterstede cum fami- liis cæterisque omnibus appendiciis in pago Suttburingia, in Comitatu, cui tunc Otto præfuit: & ab Arnolfo pro- prietates in villa Crucht & Calcheim no- minatis illo traditas: & a proavo nostro Ludolpho, qui prælibatum construxerat monasterium, quidquid in consinio vil- larum infra nominandarum, id est, Gan- desheim, Rundina, Doguste, Lanken- dorpe, proprietatis habuit, datum, & ab ejus conjuge Oda villam in Wansleva cum omnibus jure illuc pertinentibus: est ab avo nostro Ottone villa in Hollen- stede cum omnibus appendiciis suis tra- dita, hoc regalitatis nostræ curtis etiam in Hezebusen & Felberge cum omnibus ea pertinentibus, quas Dominus ac geni- tor noster Henricus Rex præfato dedit monasterio cum prædio illuc a Domina ac matre nostra Machtilda Regina in Fri- sia collato, præcepto confirmamus. Tra- dimus insuper earundem victui Sancti- monialium, quidquid proprietatis hæte- nus habuimus in villa Mundelingen, in pago Hartberi, in Comitatu Erenfridi. Jubemus quoque ut nullus Comes, vel alius quilibet exactor, judiciariam pote- statem, vel freda exigenda seu mansio- nes, seu paratas faciendas, in omnibus monasterii locis, nisi ex consensu Abba- tissæ monasterii ejusdem, habere præsu-

mat. Et homines illius Abbatissæ, seu liberi, seu servi, nulla judiciaria coerce- antur potestate, sed in præsentia ejusdem Abbatissæ Advocati eorum rectitudinem acquirant, & ceterorum perficiant. Et ut hæc auctoritas nostra firma perma- neat, & per futura tempora a fidelibus nostris melius observetur, manu propria subtus eam confirmavimus, & annuli nostri impressione sigillari jussimus. Da- tum 4 Nonas Maji, anno Dominicæ Incarnationis DCCCCXLVI. Indictio- ne \* II, anno Domini Otonis piissimi \* al. 4. Regis XI. Werlabon in divinitatis nomine

Exin Otto totus fuit in apparatu bel- li gallici; qua in expeditione Bovonem Abbatem Corbejensem una cum Fri- derico Moguntino & Rotberto Trevi- rensi Episcopis sibi adesse voluit, virum sapientem, & claritudine nominis emi- nentem, uti Widekindus eum celebrat. Jam a multis annis inter se decertarant Hugo Comes & Ludovicus Rex de principatu Galliæ; fractusque tandem æmuli potentia Ludovicus, ad extrema venerat; cum per Ge. uergam conju- gem Otonis implorat openi. Otto, etli uterque ex sorore affinis esset, cau- sam Ludovici ex æquo probavit, ve- nitque in auxilium cum exercitu trigin- ta duarum legionum. Quæ postquam Hugo cognovit, præmissis legatis, su- perbe Ottoni denunciari jussit, una se potione septem Saxonica tela absorbere posse; ad quæ Otto sibi tantam esse multitudinem pileorum sceninorum; quantam nec ipse, nec Pater ejus con- spexisset unquam; tantum moneret mi- lites suos, caveant eos, qui scenum in cornu gestarent. Omnes quippe Ot- toniani, præter Abbatem Corbejensem, pileos ex stramine contextos gerebant, qui tegmen illud pro galeis satis esse ra- ti adversus Gallos. Otto inde lustrato ad Cameracum exercitu, Galliam in- gressus Remos petit: mox in Hugonis terras effusus, Parisios usque vastat, urbemque obsidet; redditaque interim Ludovico urbe Remensi, Lauduno, aliisque castellis, hostiliter Rotomagum progressus Regni proceres Regi suo subegit. Ita victor in Saxoniam redijt, quem-

Otto adfi-  
 tit Ludovico Regi  
 Galliæ con-  
 tra Hugo-  
 nem comi-  
 tem.  
 Widekind,  
 lib. 2.  
 Regim.  
 sigever us.  
 Flodoardus.  
 Crantz. lib  
 3. Sax.

quemadmodum id scriptores nostri referunt.

Initia monasterii Vir-  
ginum Ge-  
seken-  
sium.

Referunt ad hunc annum initia Gesekensis monasterii Sanctimonialium Virginum. Olim locus ille intra diocesim

Paderbornensem, qui post commutatione Colonienſi ceſſit. Conditor Hoholtus in Weſtphalia Comes, cujus deinde comitatus dono Henrici Imperatoris Meinwerco Epifcopo noſtro datus.

## Annus Chriſti 947. & 48.

Agap. II. Pont. 2. 3. Ottonis Reg. Germ. 12. & 13.

Dudonis Ep. Pad. 12. & 13.

Flodoardus  
in chron.

Otto per hæc, cum pacatiſſimam teneret Germaniam, frequens in conventibus publicis celebrandis; quorum alterum Francofurti procerum habuit, in eoque Ludovicum Galliarum Regem, cognomento Transmarinum, magnifice excepit; alterum Epifcoporum Virduni, cui ex Epifcopis transrhenanis interfuit Hildebaldus Mimigarnefordenſis Epifcopus. At longe illuſtrior Epifcoporum ſynodus anno conſequenti Ingeheimii convocata, qui Chriſti fuit 948, ex eaque inter Saxoniarum Epifcopos præſentem hic ſiſtimus Dodonem Epifcopum noſtrum.

celebre concilium habitum Ingeheimii. Annal. Hirſaug. Trithemii, qui hæc refert ad an. 950.

De hac præter ea, quæ patres proloquuntur, ita, qui præſens quoque interfuit, Flodoardus; *congregata eſt ſynodus hæc ex præcepto Agapiti Papæ in Enguleneim palatio regali in Eccleſia B. Remigii honore dicata, ſeptimo Idus Junii, cauſa videlicet maximarum diſſenſionum, quæ agitabantur inter Regem Ludovicum & Hugonem Principem: inter Artaldum quoque Remenſem Epifcopum & Hugonem illicite ſubſtitutum eidem urbi præſulem. Quæ diſſenſiones omne perturbaverant regnum Francorum.* Præſedit Marinus Apoſtolice ſedis legatus, & Polimerienſis Eccleſiæ Epifcopus. Nihil quoque illa ſynodo celebrius a multis annis in Germania; ad quam præter Epifcopos quinque Archiepiſcopi conveniunt conſederintque, Robertus Trevirenſis, Artaldus Remenſis, Fridericus Moguntiacenſis, Wicfridus Colonienſis, Adaldagus Hamburgienſis, Archiepiſcopi, quos deſcripto ordine Flodoardus collocat; in ipſis vero concilii actis primo loco Colonienſis, poſt illum Moguntinus, Trevirenſis, Remenſis & Hamburgienſis ponitur; poſt illos Epifcopi conſedere, hoc ordine in actis conſignato: Richavo Vangionenſis Eccleſiæ Epifcopus, Geroldus

Juvavenſis Eccleſiæ Epifcopus, Udalricus Auguſtenſis, Bernardus Halberſtadienſis, Theodardus Hildneſhemienſis, Dudo Padebrunenſis, Conradus Conſtantiens, Starcandus Eiſtentenſis, Reginbaldus Nemetenſis, Poppo Wirceburgenſis, Adalbero Metenſis, Goſtinus Tullenſis, Berengerus Virdunenſis, Baldericus Trajeſtenſis, Wichardus Baſileenſis, Dodo Osnabrugienſis, Eboriſus Mimidonenſis, Hildebaldus Mimigardevurdenſis, Farabertus Tungrenſis, Fulbertus Cameracenſis, Rudolphus Lugdunenſis, Michael Ratisbonenſis, Adalbero Laureacenſis, Liopdagus Ripuenſis, Oredus Suevicenſis, Reginbrandus Aruſwenſis Epifcopi, cum cætu Abbatum, Canonicorum, & Monachorum; quos alio ordine recensuit Flodoardus. *Reſidentibus hiſ Epifcopis, inquit idem auctor, in Eccleſia prædicti loci, poſt præmiſſas preces ſecundum ordinem celebrandi concilii, & poſt lectiones ſacræ auctoritatis, ingreſſi glorioſi Reges Otto, & Ludovicus ſimul conſederunt.* At poſtquam Marinus Apoſtolice ſedis legatus peroravit, ſurrexit Ludovicus Rex, multa queſtus adverſus Hugonem de injuriis, quibus ab eo tractatus, ac regia prope auctoritate exutus ſit. Quare primum Patrum decretum fuit Hugonem anathemate feriendum, niſi Epifcoporum concilio ſe ſiſteret ad ſatiſfactionem. Tantum videlicet ipſi Reges Epifcoporum auctoritati & iudicio detulerunt, ut ab iis tanquam ſupremis Dei arbitris ſuam cauſam dijudicari vellent; quod & ſæpius diſſidentes Francorum Reges feciſſe conſtat ex Nithardo aliisque ſcriptoribus. Poſt illa Artaldi & Hugonis diſſidentium Epifcoporum cauſa cognita, & Hugo, quod nulla auctoritate Canonum Remenſem ſedem invaſiſſet, ac bis citatus ſuperioribus ſynodis ſe non ſtiſiſſet, anathemate damnatur. Quo in con-

concilio cum Artaldus protulisset Romani Pontificis literas, volvere Reges, Otto cumprimis, in theotiscam linguam sibi verti explanarique. Nam, ut de eo Widekindus, *post mortem Edithæ Reginae, quam hoc anno amisit, cum antea nescivit literas, in tantum didicit, ut pleniter libros legere, & intelligere noverit. Præterea Romana lingua Sclavonicaque loqui sciebat.* Sunt & alia salubriter decreta ad vitia quædam refecanda, & christianos mores formandos, quæ actis hujus concilii continentur. Soluta Episcoporum conventu, Otto Rex Marinum Apostolicæ sedis legatum secum in Saxoniam deduxit, ubi Fuldenis cœnobii Ecclesiam Ottone præsentē Calend, Novembris dedicavit.

ma libertas christianæ religionis. Non multo post Haraldus Rex cum conjugē & filio ad baptismum accessit; filium Otto Rex e fonte suscepit. Auctor est Dithmarus Regem grandi miraculo confirmatum in fide: nam cum Dani pertinaciter pro Diis suis contenderent, Poppo Sacerdos unum Deum assereret, nec disceptationis finis esset; Rex Poppo palam interpellando rogat, utrumne ignito ferro hanc christianorum fidem probare paratus sit; imo, inquit Poppo, ac ferrum candensprehendens tam diu tenuit manu illæsa, donec Rex juberet abjici. Tum Regnum illud in Christi legem transiit, & Dania Cismarina, quam Juttiam dicunt, in tres Episcopatus divisa, Sleswigi Haroldus, Ripæ Liatdagus, Arhusæ Reinbrandus Episcopi impositi; quibus & Ecclesiæ in Scandia & Sueonia commissæ. Missi exinde in has transmarinas provincias sacerdotes & Apostolici viri ex ciero Bremensi & Hamburgensi, quorum opera gentes illæ Christi fidem acceperunt. Ex his deinde sacerdotibus in Apostolico munere probatis exercitisque Episcopi electi ac creati sunt, consilio & provisu Adaldagi. Vir is erat Apostolici Spiritus, quem ab Adalwardo Verdensi Episcopo & consanguineo hauserat, quem miraculis clarum Evangelii causa ad barbaras gentes profectum perhissent. Ad ejus exemplum, postquam Hildefii in clerum cooptatus, ex eoque ad Bremensem Episcopatum commendatione Ottonis vocatus est, nihil impensius habuit, quam christianam religionem a majoribus erectam in Daniæ Regno restaurare. Ejus deinde incredibili fervore Nortmanniæ & Sueciæ Regna Christi fidem, Ottone Rege & Imperatore, magno incremento admiscere. Et per id tempus Episcopi per Saxoniam præstantissimi viri erant, & clerus religione florentissimus; certabantque tum Cathedralia collegia Bremæ, Hildefii, & Paderbornæ scholarum splendore, & virorum eruditorum multitudine.

ad fidem  
per insigne  
miraculum  
a Poppo  
editum.

Flodoardus  
Brevuor.  
lib. 4. c. 2.  
Aniq. Fuld

Illustris  
victoria ab  
Ottonē re-  
lata de Da-  
nis.  
Widekindus  
lib. 2.  
Ad. Brem.  
lib. 2. c. 1.  
Cantz. l. 3  
Sax. c. 25.  
Albersus  
Stadenus.  
Baronius.

Ab his pacis studiis, Otto multo illustrior bello victoriaque Danica. Ausa omnis gens illa per id tempus, rupto fœdere, quod cum Henrico Patre erat pactum, rebellare; ac postquam superiori anno Sleswicum Christianorum Saxonumque coloniam everterat; ipsum etiam Marchionem ab Ottone Rege impositum trucidavit; quo furore omnes prope christiani ejecti miserabilem sortem deploravere apud Adaldagum Archiepiscopum Bremensem suum; is vero cum frequens in aula Ottonis versaretur Regi percarus, hortator accessit; ulciscendæ injuriæ. Et Rex postquam barbarum gentis facinus audit, ex universa Saxonia exercitum contrahit, quo Daniam ingressus Sleswicum, ubi pater Saxoniarum terminos descriperat, pervenit. Inde in intimas Danorum regiones ad mare effusus, omnia ferro flammaque vastavit. Regredienti Ottoni occurrit Haraldus eo nomine sextus Danorum Rex ad Sleswicum cum exercitu navibus exposito collatisque signis Dani ingenti strage cæduntur, ceteris, qui superstites, ad naves profugientibus.

Conversio  
Danorum

Hac victoria subacti Dani certis conditionibus pacem & Regnum recipere necesse habuere, quas inter pri-

## Annus Christi 949.

Agapeti II. Pont. 4. Ottonis Reg. Germ. 14. Dudonis Ep. Pad. 14

Otto dehinc proximo anno Aquigranum profectus ad publica Regni negotia; tum maxime ad Ludovicum Galliarum Regem & Hugonem inter se com-

Otto comes  
tur com-  
ponere dif-  
fidentes  
inter se Lu-  
dovicum  
Regem &  
Hugonem  
Comitem.  
*Mirans in  
notis. Belg.  
c. 50.  
Chapauvill  
in Episc.  
Tung.  
Fassi Abb.  
Corb. MS.*

componendos; quam ob causam & Gerberga soror Reginaque Galliarum accesserat. Ibi dum pascha celebrat, convenere Italorum, Græcorum, Anglorum aliorumque populorum legati cum muneribus amicitiam petentes. Tanta ejus nominis per universam Europam celebritas erat; quippe qui jam regio nomine Imperatoriam majestatem gereret; haud secus quam Conradus Rex & Henricus Pater, quibus ad augustalem dignitatem nihil deerat, nisi quod a Pontifice Romano coronati non essent. Aquisgrano Rex in Saxoniam rediit; Ubi iv Nonas Julii Quidlenburgi Faraberto Leodiensi Episcopo tabulas donationis Monasterio Eicheni factas consignat. Inde Magdenbur-

gum profectus caput Justini Martyris ac Senatoris Trevirensis Corbejenfibus donat, quod magna celebritate deportatum ad Visurgim & corpori conjunctum; id enim, uti Treviris impetratum, eoque delatum sit, supra diximus. Verisimile habeo, id a Bovone Abbate ejus nominis tertio, impetratum, quem in aula & expeditione bellica Otto frequentem habuit comitem; ac licet is anno superiori excesserit succedente Gerberno; hujus tamen precibus vel alterius promissis ab Ottone concessum. Name ejusmodi Sanctorum pignora instar thesauri habuere omnes majores ipsius, faciliusque accipiebant, quam darent optimis etiam suis amicis.

Donat Cor-  
beienfibus  
Lipsana S.  
Justini M.  
Senatoris  
Trevirensis.

## Annus Christi 950.

Agapeti II. Pont. 5. Ottonis Regis Germ. 15.

Dudonis Ep. Pad. 15.

*Widukindus  
lib. 2.  
Bohemos  
sibi & Ec-  
clesiæ Otto  
subjugat.  
Adamus  
Brem. lib.  
2. c. 3.*

Aderat jam annus 950 a Christo nato, quo Boleslaus Rex Bohemiæ, confusus Sclavorum conspiratione, rebellare ausus, & Saxoniarum extrema intentare. Quibus compertis, Otto cum instructo exercitu Bohemiam intravit, famamque adventus celeritate prævertit. Boleslaus conspecta innumera Saxonum multitudine, se & Regnum Ottonis imperio submitit; nec alia con-

ditione accepit Otto, quam ut Christi religionem toto Regno sacerdotibus & incolis liberam faceret. Non id satis erat Ottoni, sed & in ipsos Sclavos arma convertit, atque ut auctor est Adamus Bremensis, Sclavos, quos pater ejus domuerat, tanta potentia constrinxit, ut, quæ pater imposuerat, Ottoni filio penderent, & Christi religionem permitterent.

## Annus Christi 951.

Agapeti II. Pont. 6. Ottonis Reg. Germ. 16.

Dudonis Ep. Pad. 16.

Ottonis pie-  
tatem Deus  
remunera-  
tur amplis-  
simis in hac  
vita præ-  
miis.

Quantum Rex Christi religionem inter barbaros, tantum simul Deus familiæ potentiam auxit; nam per id tempus Herimannus Sueviæ dux, unicam quam habebat hæredem filiam Liudol-

pho Ottonis filio in matrimonium obtulit, quacum totus Sueviæ Ducatus illi cessit. Jam Henricus frater Bojariam adierat, & Conrado generi Lotharingiæ ducatus obvenerat.

*Widuk. l. 3.  
Dithmarus  
lib. 2.  
Regin. cons.  
Ursberg.  
Regin. cons.*

## Annus Christi 952.

Agapeti II. Pont. 7. Ottonis Reg. Germ. 17.

Dudonis Ep. Pad. 17.

Berengario  
Italia jure  
fiduciario  
ab Ottone  
redditur.

Regnum dehinc Italiæ adjectum. Inclusa castro tenebatur a Berengario Rege Alheidis Lotharii Regis vidua, Rudolphi Burgundiæ Regis filia; ea cum Ottonis opem imploraret, cum exercitu Italiam ingreditur, Alheidem obsidione liberat, & sibi matrimonio jungit. Exinde Papiam regiam Longobardorum sedem obsidet; Berengarius vero altero anno sub vernum tem-

pus in Saxoniam secutus. Inde mense Augusto Rex Augustæ Vindelicorum conventum indixit, ad quem proceres Saxonum, Francorum, Bojariarum & Alemannorum convenere. Jussus in eo Berengarius se, regnumque Ottoni dedere, quod tamen supplici (postquam pater ac filius publice fidem jurassent) jure fiduciario, mox redditum est. At dum Magdenburgi versaretur cum



cum Alheide conjuge, ea in urbe monasterio D. Liudgeri, ac Werthinensibus in eo Monachis donationes fecit; tabulas hic ex ipsis originum literis exhibemus.

Otto beneficit Monasterio Helmonstaden.

*In nomine sanctæ & individuæ Trinitatis. Otto Dei gratia Rex. Noverint omnes fideles nostri, præsentis & futuri, qualiter nos pro remedio animæ nostræ, nec non & patris nostri, ac dilectæ matris nostræ, nec non & aliorum consanguineorum nostrorum, ad monasterium, quod vocatur Helmonsteden,*

*di, ad nutrimentum monachorum inibi Deo famulantium, omnem decimationem subtus nominatarum villarum cum consensu venerabilis Episcopi Bernhardi, qui nunc Halverstadeni Ecclesiæ præest, in perpetuum jus donavimus Helmonstedi, Bassalo, & duo Bassalle Setkorp, Wormstedi. Præterea vero quidquid decimationis pertinet ad curtes prædictorum monachorum in præfato Episcopo in propriam concessimus. Jussimus inde hoc præsens præceptum conscribi, manu nostra subtus signari, & annuli nostri impressione corroborari.*

Signum Domini Ottonis



Serenissimi Regis.

*Liudolf Cancellarius ad vicem Brunonis Archicappellani recognovi.*

*Data III Calend. Majas, anno incarnationis Domini DCCCCLII. Indictione \* V. \* al. X. anno Domini Ottonis Serenissimi Regis XVII. Actum Magathaburg feliciter amen.*

Errores in chron. de Drogone. Grauzius lib. 9. M. 15. Drogone. Ep. Oina brugenli darum jus monetæ & telonii.

Haud multo post ex Ostphalia in Westphalam profectus Rex, Wiedenbrugi ad Amasim fluvium, Idibus Junii, Drogoni Episcopo Osnabrugensi, ob præclara merita, monetæ & telonii jura donat, literis ea super re in hunc modum confectis.

*In nomine sanctæ & individuæ Trinitatis, Otto Dei gratia Rex. Noverit omnium fidelium nostrorum, præsentium & futurorum industria, qualiter nos pro interventu Venerabilis Episcopi Osnabrugensis Ecclesiæ Drugonis, monetam & mercatum publicum in loco Wyddenbrugge nuncupato fieri concessimus, quod pro remedio animæ nostræ eidem Ecclesiæ, quidquid Fiscus & pars regia inde obtinere poterit sub potestate Episcopi jam dicti, successorumque ejus ordinandum, vel in moneta, vel in telonio, aut in qualibet actione publica tradimus hujus auctoritatis nostræ præcepto, per quod volumus firmiterque jubemus, ut nullus iudex de præscriptis rebus habeat ullam potestatem inquietandi, vel quidquam molestiæ faciendi, sed ut præfata Ecclesiæ Episcopus successoresque ejus a nobis, nostrisque successoribus hoc inviolabiliter teneant, diligentiusque ab omnibus observetur, annuli nostri impressione sigillari jussimus, manu propria roborantes. Anno Dominicæ incarnationis DCCCCLII. Indi-*

*ctione \* IV. data Idus Junii. regnante Rege Ottone anno \* XVI.*

Menſe Octobri Rex in Walahaufen fundationem Gefekensis monasterii Sanctimonialium Virginum, quod ab Hoholto comite ante sexennium cœptum esse diximus, regali diplomate ratam habuit, quod hic pro veneratione antiquitatis, & majorum religione per Westphalam contestanda reddimus.

Gefekensium Canoniarum Viroginum Collegium ejus que fundatio ab Ottone confirmatur. Scanzfol. in cur. Westph. ad hunc ann. Litera ex tabulario Gefekensi.

*In nomine sanctæ & individuæ Trinitatis. Otto divina concedente clementia Rex. Noverit omnium fidelium nostrorum, præsentium scilicet & futurorum industria, qualiter Nos ob amorem Dei, omniumque Sanctorum, interventumque fidelium nostrorum, Hoholti scilicet fratrisque ejus Brunonis, & Friderici, sororisque eorum Wicpurgæ, quoddam monasterium in loco Giski in illorum prædio ab illis in honore Dei ejusque genitricis semper virginis Mariæ Sanctique Cyriaci Martyris noviter constructum, quia prædictus Hoholt locum simul cum monasterio, edificiisque præparatis, & omne, quod ejusdem civitatis interioris muri ambitu continetur solum, & omnem terram, quam antea presbyter illius in beneficium possedit, & insuper bobas decem possessas in nostrum mundiburgium accepimus. Brun videlicet frater Hoholti*

bobas

C c

hobas ad idem monasterium quatuor concessit possessas, Fridericus frater ejus hobam dedit unam possessam, Wicpurabc eorum soror sex secundum legem Saxoniam cum manu advocati sui Ekkiberti cum omni integritate ad illud antedictum monasterium tradidit. Loca sic vocata, Spurcka, Hortinghusen, Nublotra, Almanderaf, Thirlarun, & quidquid habuit in loco, qui dicitur Anavutto, cum curtibus, ædificiis, mancipiis, campis, pratis, silvis, aquis aquarumque decursibus, molendinis, piscationibus, viis & inviis, exitibus & redditibus, quæsitis & inquirendis, omnibusque ad prædicta loca jure legitimeque pertinentibus. Insuper etiam jam dicta Wicpurabc ad præscriptum monasterium hobas viginti in aliis locis dedit habitatas. Et ea scilicet ratione illi prænotatum de sua proprietate, sicut ante exaratum est, construxerunt monasterium, quatenus prædicta Wicpurabc illud Ecclesiastico consideret jure usque ad vitæ illius obitum. Postea quamdiu in eodem monasterio de ipsius antedicti Hoholt progenie aliqua hujusmodi honoris digna inveniatur, nequaquam alia eligatur, & si nulla, quod absit, per longa annorum curricula de

eadem genealogia in eodem monasterio ad præfatum honoris promoveatur gradum femina, tunc potestatem babeant de alia inter se nutritam stirpe eligendi Abbatisam. Et si iterum de prætitulati Hoholti radice aliqua revirescit mulier in antedicto monasterio nutrita, & si ad hoc digna, de suis parentibus constructum potestative possideat monasterium. Proinde sancimus monasterium, quod jam in nostram suscepimus tutelam, ut nullus judex publicus, nec aliquis ex judiciaria potestate illud ingredi, aliquid judiciariæ potestatis exercendi, in villis aut aliquibus locis præfatæ collatis Ecclesiæ habeat potestatem, vel in futuro conferendis, nisi ipse Hoholt, quem advocatum usque ad vitæ ejus recessum & post illius obitum ejus, si habeat filium, & sic dum seculum fiat, de illius germine fore disposuimus advocatum, & nec illo, nec aliquo homini potestativa constructione acquisitum nullum inde conficiatur servitium. Et ut hæc nostra auctoritas firmiter ab omnibus crederetur hanc chartam jussimus ascribi, annuloque nostro consignari, manuque propria decrevimus corroborari.

Signum Domini Ottonis



Serenissimi Regis.

Otpertus Cancellarius ad vicem Brunonis recognovi, & subscripsi. Data VII. Calend. Novemb. anno Incarnationis Domini nostri Jesu Christi DCCCCLII. Indictione X. anno Regni Ottonis Regis \* XVI. actum Walabausen feliciter amen. \* al. XVII.

Pia familia, quæ tota convenit in hanc congregationem ex paternis bonis tam large condendam, ex qua prima Abbatisa Wichburgis, seu soror Hoholti Comitis, seu filia, aut neptis ex fratre; Hoholti vero nomen proprium Comitis; quemadmodum comitatus ex nomine Comitum passim consignantur. Quanquam in his Ottonis literis comes non appelletur Hoholtus, ut diversus ab eo videri possit Haholtus, cujus comitatum S. Henricus Meinwerco Episcopo nostro donavit, quod & ratio temporum & loci exigere apparet. Interim Gefeka oppidum celebre, in quo nunc Virgines nobiles ca-

tholicæ Religionis idem Collegium incolunt, olim diocesis Paderbornensis fuit, donec commutatione pactisque ad Colonensem transierit; cæpitque hujus Collegii fundatio, Dudone Episcopo nostro. Sed longe clarior Dudonis memoria ex hoc anno Christi 952 in Mindensium fastis; evocatus enim Mindam ad dedicationem Basilicæ, quam Helmwardus ipse Mindensis Episcopus, Dudo Paderbornensis, & Drogo Osnabrugensis Episcopi in honorem Sanctorum Gorgonii, Laurentii, & Alexandri Martyrum solemniter ritu, & magno populorum concursu ac lætitia consecrarunt.

*Chronicon  
Mindense  
a Pistorio  
editum.  
Dudo cum  
aliis Episcopis  
consecra-  
rat Eccle-  
siam Min-  
densium.*



Annus

# Annus Christi 953.

Agapeti II. Pont. 8. Ottonis Reg. Germ. 18.

Dudonis Ep. pad. 18.

Turbida inde per biennium tempora, nec modo Westphaliæ, sed toti Germaniæ calamitosa. Nam quem habebat filium Otto Rex unicum Liudolphum, ex Editha Regina susceptum, conspirarat in patrem, juvenis præcella patris indole (quem jam Regni hæredem scripserat coram omnibus Regni proceribus) sed abductus pravorum consiliis; sponte etiam pronus, seu quod novercam non ferret, seu quod Henricum fratrem sibi præferendum suspicaretur. Inter conspirantes primum auctoresque malorum Conradus Ottonis gener & Dux Lotharingiæ; tum Fridericus Moguntinus Archiepiscopus; per hos alii attracti. Conspiratio postquam detecta Regi, dum Ingelheimii versatur, Moguntiam securitatis causa concessit. Ibi vero cum Fridericum Moguntinum Archiepiscopum conspirationis participem intelligeret, secundo Rheno Coloniam descendit, inde Aquisgranum profectus ad pascha celebrandum. Verum cum & istic tutus non esset, ob Lotharingos in ducem suum Conradum pronos, in Westphalam se contulit ad Saxones, fidam patriamque gentem; quos inter Tremonia pascha celebravit. Hic postquam e gentesua exercitum contraxit, filium & generum hostes declarat, nisi scelerum auctores prodant. Inde Frislaria comitia indicit, in quibus Moguntinus Archiepiscopus proscribitur Brisacum profugit. Liudolphus & Conradus Moguntiam occupant; eo cum exercitu Saxonum insequitur Rex, urbemque obsidet, quam dum premit, Liudolphus in Bavariam profugus, Arnulphi proditione, Ratisbona & Bavaria potitur, direptis Henrici Ducis thesauris, qui Ottoni fratri aderat. Quo comperto, in Bavariam properat Otto, & Ratisbonam cingit obsidione; ubi cum per hyemis incommoda miles disflueret, in Saxoniam ad instaurandum copias regressus est. Moritur subinde Wigfridus Colonienfis Archiepiscopus, fide in Regem, & religione in Deum celebris, in cujus locum, postulante clero ac populo, subrogatus Bruno Regis frater, sapientia, integritate vitæ, atque

omnium virtutum ornamentis præstantissimus Antistes.

Opportune hac tempestate belli a Deo obigit Regi Bruno. Nam ex auctorato Conrado genero ob rebellionem, Ducatus Lotharingiæ, datus Brunoni Archiepiscopo ab Ottone Rege. Tam Bruno pro auctoritate Archiepiscopi & Ducis Aquisgrani indicare procerum comitia, rempublicam totius Austrasiæ continere in fide, conjungere animos & arma populi pro salute Regis, & sapientissime utrumque munus Pontificis ac Ducis explere. Scio equidem ab heterodoxis nostrorum temporum reprehendi Ottonem Regem; quod hæc duo conjunxerit in fratre suo; & Brunogem perstringi, quod primus admiserit utramque dignitatem, Episcopi scilicet & politici Principis; secus quam institutio sacerdotis patiatur. Sed jam satis responderunt ad hæc inanes querimonias Widekindus & Rotgerus in rebus gestis Brunonis, alique veteres eorum temporum scriptores, qui Brunonem exemplo Samuelis principatum cum Sacerdotio gessisse docent; quod & Melchisedechum sacerdotem, & Moysen Pontificem, & Machabæorum duces ac reges fecisse constat, & jam ex omni legis statu hujusmodi exemplo suppetunt. Quemadmodum etiam ab exordio Regni Francici Episcopi consederunt cum Regibus in conventibus publicis Principes, Administri, Judices & Moderatores Reipublicæ. Quo instituto Carolus M. & ab eo ceteri Imperatores ac Reges eodem honore ac munere dignati ante Duces suos, Marchiones ac Comites in comitiis Imperii Episcopos collocarunt; eoque etiam Episcopi dioceces suas, subiectosque sibi homines, & bona Principis potestate administrarunt, antequam ulli in Saxonia aut Germania hæreditarii Principes conspicerentur. Hinc Episcopi a Carolo M. constituti ordinarii Missi ac Legati per provincias; hinc Judices civilium etiam causarum, & gravissimarum in Reges ac Regum filios controversiarum arbitri leguntur in annalibus.

Cui etiam confertur Ducatus Lotharingiæ. Episcoporum in Germaniæ dignitas bene conjuncta fuit cum potestate Principis.

Liudolph. in patrem suum Otto- nem con- spirat. Widekindus lib. 3. Regis. cons. Flodoardus. Rotgerus in vita Bruno- nis. Sieberrus Urspergens.

Moritur Wigfridus Archiep. Colonien- sis, cui suc- cedie Bruno Ottonis R. frater.

libus. Quare magnopere falluntur, qui primam a Brunone hanc politicam potestatem traducunt. Multo quidem melius Episcopis consultum fuisse opinentur, si intra Pontificalia munia sua relictis fuissent; sed ejusmodi tempora inciderunt, ut Principatum cum Sacerdotio pro communi Ecclesiae bono conjungere necesse fuerit. Sane Brunonem Sigebertus gloriosum virum ex utroque munere dilaudat: Ursbergensis magna religione & bono Imperii Episcopum & Ducem egisse testatur; quo & Otto Frisingensis alique accedunt, quod multo æquius ac longe melius scriptores illi censuerunt, quam hoc seculo (quò hæresis in Pontifices & Sacerdotes concitavit scriptores) hu-

jusmodi per invidiam evulgantur. Tot a Carolo M. Imperatores ac Reges sapientissimi ac religiosissimi hæc Episcopis derulerunt, & qui admiscere Episcopi, haud minus sapientes sanctique etiam viri fuerunt; quæ nunc sero tandem obtrectantur. Sane fatali nostra ætate, nisi Episcopum Principum auctoritate & potentia se objecissent deficientibus ceteris a religione per Saxoniam & Germaniam Principibus politicis, hæresis totam Germaniam absorbuisset; quod Bellarmini aliorumque sapientum virorum judicium est. Ut divina quadam providentia ex prospectis retro seculis hæc ordinata videri debeant. Sed hæc in Carolo M. planius a nobis asserta sunt.

## Annus Christi 954.

Agapeti II. Pont. 9. Ottonis Reg. Germ. 19.

Dudonis Ep. Pad. 19.

Otto rebel-  
les sibi sup-  
plices in  
gratiam re-  
cipit.  
Widkind.  
Regin. cons.  
Hedward.

Exacta inter Saxones hyeme, Otto sub exitum quadragesimæ cum instructo exercitu in Bavariam movit, quam totius Saxoniae viribus oppugnavit. Bojarum tot malis fatigati pacem petunt, & ad Regis obsequium redeunt. Inde Otto in Saxoniam reducit exercitum, ac Cinnæ prope Magdenburgum procerum comitia indicit, in quibus rebellionum duces, Ludolphum filium, Conradum generum, & Moguntinum Archiepiscopum sistere se jussit. Comparuere singuli; ac Moguntinus & Conradus poenitentia supplices in gratiam recepti; Conradus adeo Ducatu sponte se exiit, ut jurarit se avitis tantum prædiis contentum fore, dummodo vita frui liceret. At Ludolphus ceteris obfirmior e concilio se subtraxit; ac Ratisbonam profugus, rebellionis arma in ea urbe conspirantibus Bojarum proceribus & civibus instaurat. Insecutus e vestigio Otto Rex urbem obsidet, acerrime eam propugnante Ludolpho, ac sæpius etiam in castra patris prorumpente; dum postremum urbs fame & obsidionis ærumnis adacta in extremum periculum veniret: tum demum Ludolphus patri supplex veniam & gratiam rogat; quæ intervenientium Principum precibus ea lege data, ut Frislariæ se in conventu procerum sisteret, auditurus patris sententiam. Prævertit hæc juvenis, patrem in Saxoniam secutus. Forte

Rex venatione se oblectabat, cum Ludolphus nudis pedibus, & miserabili poenitentiae specie, se in terram abjicit ante patrem, clementiam & præteritorum veniam cum lacrymis implorando; quam & pater dedit, ea rursus lege, ut Arnstadii se in comitiis, quæ 16. Januarii sunt habita, se sisteret. In his Ludolpho vita condonata; sed Ducatu Sueviæ exutus est, qui Burchardo Henrici genero datus. Ludolphus post Italico bello præfectus; in quo post triennium a Beringario veneno extinctus est (ut creditum fuit) juvenis magnis naturæ dotibus spectatus. Filium reliquit ex suo nomine Ludolphum, ut Dithmarus perhibet, quem Episcopum Osnabrugensem fuisse opinatur, eo quod Otto II. eum consanguineum appellet in diplomate donationis. Adeo præclaram indolem procerum consilia & consortia sæpe corrumpunt. Sed & Deus Ottonem M. haud secus quam Davidem & Carolum M. & Ludovicum pium rebellium filiorum experiri mala voluit; ne mirentur optimi parentes, si degeneres etiam filios inter bonos sortiantur. At tanto felicius Otto mox in alio filio. Obiit enim hoc anno Fridericus Moguntinus Archiepiscopus, religione quidem præstans, sed pronus ac levis in conspirantium societatem. In hujus locum Arenstadii, cleri populique consensu, subrogatus Wilhelmus, ex Ethida Regina Ludolphi frater,

Wilhelmus  
Ottonis fi-  
lius fr. Ar-  
chiep. Mo-  
guntinus.  
Serrarius in  
Friderico.  
Bruschius  
Dithm. l. 2.

frater, juvenis quidem, sed matura probitate ac sapientia, & præclarissimus inde per omnem vitam Episcopus. Ita Otto Rex duos simul Archiepiscopos, fratrem ac filium, hunc Moguntinum; illum Coloniensem, fidos simul Regni adjuutores ac moderatores habuit. Uterque consecratus sacerdos & Episcopus.

Quam præclare tum agebatur cum religione Christiana per Germaniam, cum M. ille Rex & Imperator Otto fratrem & filium infulis decoratos stare ad aram, & Pontificali ritu sacrificium missæ offerre, regiamque familiam majestate regalis Sacerdotii exornari videret?

## Annus Christi 955.

Agapeti II. Pont. 10. Ottonis Regis Germ. 20.

Dudonis Ep. Pad. 20.

*Widukindus Otto Fris. Floardus. Rotgerus in vita Brunonis. Herm. Com. Ursberg. Sigebertus. Fasti Corb. MSS. Otto R. Vo-*  
*to conden-*  
*di Episco-*  
*patus Mers-*  
*burgensis*  
*concepto,*  
*insignem*  
*de Ungaris*  
*victoriam*  
*reliet.*

Annus insequens a partu virgineo 955. multo illustriorem vidit Ottonem. Nam qui superiori anno a Conrado Duce introducti erant ad Wormatiam per Rhenum Ungari, Lotharingiam penetrarant, omnia late depascendo; hoc anno prædæ dulcedine illecti tanta multitudo se in Bavariam effuderunt, ut nullis humanis viribus ejici posse viderentur, nisi aut terra eos absorberet, aut cælum obrueret. Jam toti Germaniæ extremum exitium imminere videbatur, Slavus præterea ad Albim incurrentibus. Otto Rex tam atroci fama commotus, exercitum Saxonicum bipartito divisit, alteramque partem Slavis opposuit, duce Gerone viro fortissimo, & multis victoriis Slavorum claro; cum altera parte in Bojariam profectus, Augustæ Vindelicorum castra posuit; ad quæ, ut edixerat, omnes Regni copię confluerunt: tres videlicet Bojarie legiones, quibus Henricus frater Dux Bojarie præerat; quarta legio Francorum Orientalium erat, Conrado Lotharingiæ Duce, qui vitam penitus devoverat pro salute Regni; quinta Legio, quæ omnium validissima erat Saxonum, qua Rex ipse stabat in media acie; sexta ac septima legio, quæ Suevorum erat, stabat sub Burchardo Sueviæ Duce; octava Bohemorum, quæ impedimentis servandis relicta. Rex priusquam in prælium iret, jejunium indixit, votumque concepit condendi Episcopatus Mersburgensis, honori D. Laurentii, quod eo die pugnandum. Inde arma instruxit, gladioque & clypeo sacraque lancea armatus, ac vexillo Angeli prælato, legiones ducit in barbarum ho-

stem, qui jam Lycum fluvium transierat. Stabat ex adverso barbarorum acies, immensa hominum multitudine coacta, quantam nemo oculis subjicere poterat. Pugnatum acerrime haud procul Augusta Vindelicorum, Ungaris a fronte & tergo incurrentibus. Strati ad ultimum obrutique Ungari tanta clade, ut vix septem barbarorum, quod posteris incredibile fore tradit Otto Frisingensis, superstites evaserint, quos vel acies aut Lycus flumen non absumpserit. Tres Ungarorum duces, quos alii Reges vocant, capti oblatique Ottoni Regi, quos e patibulo suspendi jussit, vultu in Ungariam adverso. Non alia pugna victoriaque ad eam diem magis ad posteritatem memorabilis, qua ita deleti Ungari, qui in quinquagesimum jam annum affligerant Germaniam, ut nec eos formidarent Germani amplius, nec Barbari illi in Germaniam pedem inferre sint ausi; quibus exinde satis fuit se paludibus, castris & urbibus præmunire, ne a Germanis infestarentur. Ex Ottonianis cecidit Conradus Dux Lotharingiæ, transfixus barbari sagitta, per guttur illata, dum præ æstu lorica solveret. Ita vero sanguine fuso expiavit, quæ hætenus in Regem machinatus fuerat. Otto inde Rex tota Europa celebris, pater Patriæ, & Imperator consalutatus ab omnibus Germanis; cui & hoc anno Otto filius natus ex Alheide Regina ejus nominis secundus, patris in Regno & Imperio successor, quem postea fratri Brunoni, Archiepiscopo Colonie, omni pietatis & religionis cultu erudiendum dedit.



Annus



## Annus Christi 956.

Joannis XII. Pont. I. Ottonis Regis Germ. 21.

Dudonis Ep. Pad. 21.

Widkindus  
Reginon.  
cont.  
Flodoard.  
Rotgerus in  
vita Bruno-  
nis.  
Expositio  
Ottonis in  
Sclavos.

Bello Ungarico confecto, Otto triumphans in Saxoniam rediit ad bellum Sclavicum; quod hactenus per Hermannum Belingum, & Geronem, fortissimos per id tempus duces; varia fortuna gestum est. Ac Rege quidem accedente cum victricibus copiis, fusi Barbari, caprique duo eorum Reges. Inde in quintum annum bellum protractum. Neque aliud magnanimi Regis consilium erat, quam totam gentem, quam tributariam jam habebat, christianæ quoque religioni victam subigere; quam in rem Magdenburgi Episcopi sedem Metropolim esse voluit, cui Episcopatus per Sclaviam condendos subjiceret. Et jam opus peregrif-

set, nisi civilibus bellis impeditus fuisset. Quod vacui deinde temporis fuit, in ordinanda Republica & pace firmanda posuit, obeundo Saxoniae Germaniaeque provincias. Eo hoc anno Ingelhemium profectus ad comitia procerum; in quibus Lotharingiae primores pacem jurare, & obsides dare iussit. Inde Coloniam & Aquisgranum profectus; cum Lotharingi ac veteres Austrasii, Belgæque Saxonum imperio se submitterent. Contra nihil Bruno Archiepiscopus, simulque Lotharingiae Dux, sollicitius agebat, quam ut regnum illud in fide Ottonis fratris contineret.

## Annus Christi 957. &amp; 58.

Joannis XII. Pont. 2. 3. Ottonis Reg. Germ. 22. &amp; 23.

Dudonis Ep. Pad. 22. &amp; 23.

Widkindus  
lib. 3.  
Regin cont.  
Flodoard.  
Sigebert.  
Domantur  
ab Ottone  
Sclavi.

At Otto Rex in Saxoniam reversus, ad bellum Sclavicum sopiendum, quod duo perfidi Saxones, Wigmannus Hermannii Belingi ex fratre nepos, & Comes Egbertus concitaverant. Sclavi cum Saxoniam magna trepidatione infestarent, Otto; ducto in eos exercitu, ingenti clade attrivit. Tum vero, ut exemplo severitatis refrenaret gentis audaciam, septuaginta Barbarorum, quos coeperat, capite plecti iussit. Subinde Raginarius Comes, homo ferox & turbulentus Lotharingiam rebellium armis divexabat. Quam ob rem Otto ex Saxonia ad Rhenum digressus, Ingelhemii pascha celebrat. Convocata per sacros dies XVI Episcoporum synodus, in qua Heroldus Salisburgensis Archiepiscopus jam ante ob conspirationem cum Ungaris proscriptus, Episcopatu est exutus, subrogatusque in ejus locum Fridericus Archiepiscopus. Dolendum ex tot scriptoribus, qui hanc Synodum tradiderunt, ne vel unum Episcoporum nomina, ac res præterea in ea gestas coram Ottone Rege consignasse. Ingelhemio rursus Rex hoc anno secundo Rheno Coloniam descendit ad comitia procerum. In-

de mense Junio in Westphaliam profectus, Paderbornam venit, urbemque hanc nostram præsentia sua & liberalitate illustravit; id quod diploma Gesekensium Virginum hic consignatum satis testabitur.

Novis censibus donantur Canonice Gesekenses.

*In nomine sanctæ & individuae Trinitatis, Otto divina favente gratia Rex. Noverit omnium fidelium nostrorum industria, præsentium scilicet & futurorum, qualiter nos ob remedium animæ nostræ, ad interventum dilectæ conjugis nostræ Adelheidæ, & amantissimi fratris nostri Brunonis Archiepiscopi, Sanctimonialibus, Deo, sanctæ quoque Mariæ semper Virgini, & S. Cyriaco devote servientibus, ad usum illarum in proprium donavimus, quidquid malburæ in Gifiki marca habuimus, in quibuscunque rebus nostræ regiae potestati subjaceret, prædictis Virginibus in loco Gifiki Deo devotissime servientibus in proprium tradidimus jure perpetuo tenendum. Et ut hujus chartæ corroboratio omni tempore firma stabilisque permaneat, iussimus eis hoc præsens præceptum conscribi, & annuli nostri impressione muniri, manuque propria signavimus.*

Signum Domini Ottonis



Serenissimi Regis.

Liudul-

*Liudolfus Cancellarius ad vicem Brunonis Archicancellarii recognovit. Data VII Cal. Julii Anno Dominicæ Incarnationis 658 Indictione I. regnante piissimo Rege Ottone anno 23. actum Paderbrunnen.*

Optandum scriptor aliquis tradidisset, quæ Rex in ordinando Westphaliæ statu egerit; sed ejusmodi multa antiquitas Rex Paderbornæ exceptus fuerit, aut ignorare voluit.

## Annus Christi 959.

Joannis XII Pont. 4. Ottonis Reg. Germ. 24. Dudonis Ep. Pad. 24.

Consequenti adhuc anno 959 Otto Rex transgressus Albim, bellum Sclavicum majoribus, quam unquam, viribus suscepit, ad gentem illam toties infestam Christianis ac rebellem perdomandam. Quo in bello dum victor Sclavorum regiones subigit, mittuntur ad Ottonem Regem Legati ab Helena Rugorum, seu ut Lambertus Schafnaburgensis, Russorum Regina, petitum Episcopum cum presbyteris sibi submitti, a quibus subjecti sibi populi Christi religionem doceantur; nam ea jam Constantinopoli ritu Christiano per baptismum abluta, Christi fidem suscepit. Otto lætus ea legatione Adalbertum monachum Ordinis D. Benedicti,

virum ea tempestate celebrem & ferventem, seu Treviri ex S. Maximini monasterio, ut Browerus; seu ex Corbeja nostra, ut alii opinantur, evocatum, in Russiam destinat. Magno ille labore & progressu rem aggressus; at dum barbara gens, dæmonum instinctu, virum sanctissimum ejiceret, atque ille per alias provincias Apostolicos labores continuaret, haud multo post ex Ottonis voluntate primus Magdemburgensium Archiepiscopus creatus est. Vir admirabilium virtutum, qui multis ærumnis, exercitus, ob vitæ sanctimoniam Divorum numero adscriptus colitur.

Russorum  
Reginæ  
mittitur  
Episcopus  
S. Adalbertus.

## Annus Christi 960.

Joannis XII Pont. 5. Ottonis R. Ger. 25. Dudonis Ep. Pad. 25. & ult.

Otto de hinc Rex bello extremis viribus Sclavis incumbens, totam gentem sub jugum misit; cumque illi se ad tributa ex more persolvenda offerrent, de cetero vero sibi imperium secundum prisce gentis suæ leges permittere peterent, non his contentus Otto Rex, liberam ubique inter eos voluit esse christianam religionem. Tum vero auctoritate Regis ingressi Episcopi & Sacerdotes; tum populus gentilium ingenti multitudine baptismi Sacramento ablutus: tum Ecclesiæ constructæ, Imperiique amplitudo rursus ad eos terminos propagata, quibus a Carolo M. olim circumscripta erat; ut jam vere Rex M. priusquam Imperator, debellatis tot intestinis civilium bellorum hostibus, & barbaris nationibus, diceretur.

Vixit ad hunc annum Dudo Paderbornensis Episcopus; quippe qui Episcopatum suum, quem cum Ottonis Regno auspicatus erat, in annum xxv protraxit; tot enim annos in Episcopatu Auctor vitæ Meinweri exegisse refert,

quem & numerum præfecturæ ejus Bruschi, Gobelinus, Kerfenbrochius sequuntur. Quanquam quo anno ingressus Episcopatum, & quo per mortem egressus sit, nullis certis documentis ex illa antiquitatis caligine adhuc deprehendere licuerit. Quapropter alii anno 955 excessisse e vita tradunt: quibus altius capienda initia; quæ tamen eos, ob Unwani excessum, fefellisse ostendimus. Nos interim hæc in medio relinquimus, dum certiora ex antiquitatum monumentis proferantur. Neque ulla in re magis, per antiqua Episcoporum Saxoniorum tempora, vacillant facti eorum, quam in annis aditi & depositi Episcopatus. Interea dies, quo excessit e vita Dudo, VII Calend. Augusti in Necrologio Herifensium notatur. Præful fuit spectatæ virtutis, quod ex Ottonis diplomate relatum est supra, eoque Regi & Clero & populo suo percarus, ac dignus, cujus res gestas pro hac Ecclesia nobis diligentius tradere poterant Episcoporum facti.

Adalbertus  
Brem.  
Helmold.  
lib. 1. c. 9.  
Albericus  
stad. in  
chron.  
Subjugantur  
Sclavi,  
& Christiana  
religio  
in illorum  
regionibus  
amplificatur  
Obitus  
Dudonis  
Ep. Pad.



VOLC-

# VOLCMARUS VIII.

## EPISCOPUS PADERBORN.

Annus Christi 960.

Joannis XII. Pont. 5. Ottonis Reg. Germ. 25.  
Volcmari Ep. Pad. 1.

Volcmarus  
ex Corbe-  
jensi mona-  
cho Episc.  
Paderb.

**S**equitur nunc octavus, post Dudo-  
nem, Paderbornensis Episcopus  
Volcmarus, quem xxvii annum præ-  
fuisse tradunt scriptores, Auctorem vi-  
tæ Meinweri secuti. Verum ex quo  
vitæ instituto, aut qua familia delectus,  
aut a quo consecratus sit Episcopus,  
hac super re, ut de superioribus, al-  
tum apud illos silentium: ego cum ve-  
teres Abbatum Corbejensium fastos in-  
spicerem, reperi ad annum Christi  
DCCCCLXXXIII adscriptum: *Folcmarus*  
*Monachus moritur Patbarbrunnensis*  
*Episcopus*. Ex quo in certam conjectu-  
ram veni, Volcmarum ex celebri Cor-  
bejensium monasterio, commendatione

Ottonis Regis, delectum esse a clero  
Episcopum; quando per id tempus fre-  
quens fuit Sacerdotes, dicendi docen-  
dique populum facundia eminentes,  
ex cœnobis ad Episcopatum evocare;  
quales sane quam plurimos ex hoc ipso  
cœnobio Corbejensi & Fuldensi pro-  
ferre licebit, etiam pari familiæ nobi-  
litate illustres. Nec anni, quibus præ-  
fuisse scribitur, multum ab hac fasto-  
rum chronotaxi discordant. Sed res  
ab eo gestæ in Episcopatu magis in ob-  
scuro jacent. Vixit Ottone I. & II. Im-  
peratoribus, feliciora etiam quam Du-  
do Episcopus, sortitus tempora.

Annus Christi 961.

Joannis XII. Pont. 5. Ottonis Reg. Germ. 25.  
Volcmari Ep. Pad. 2.

Otto suc-  
currit Italiam  
contra Be-  
rengarium  
Regem, cont.  
Otto Pri-  
sing.  
Rogerus in  
vita Bruno-  
nis. c. 40  
Sigon. lib 6.  
de Reg. Ital.  
Ottonis fi-  
lius Otto II  
eligitur in  
Regem  
Germaniæ,  
& Aquis-  
grani coro-  
natur.  
Dishm. l. 2.

Bellis adversus Sclavos confectis,  
subactisque Danis ac ceteris trans Al-  
bim populis, Otto Rex a Joanne Pon-  
tifice Romano ejus nominis XII, ac ce-  
teris Italiæ proceribus imploratur ad-  
versus Berengarii tyrannidem. Rex  
haud secus quam olim Carolus M. Pon-  
tifici Romano omne præsidium atque  
opem offert, alteroque post anno Chri-  
sti videlicet 961, ex magno belli appa-  
ratu expeditionem in Italiam suscepit:  
sed priusquam iter ingrederetur sapi-  
entissimus Rex, Wormatiæ celebrem  
Episcoporum & Optimatum conven-  
tum habuit, in quo Otto filius ac puer  
septennis, consensu omnium Franco-  
rum Orientalium, Suevorum, Saxo-  
num & Lotharingorum Rex Germaniæ  
delectus. Mox Aquisgranum est di-  
gressus; ubi ipso die Pentecostes Otto  
filius solemnī pompa ac ritu a tribus Ar-  
chiepiscopis, Brunone Colonienſi, Wil-  
helmo Moguntino & Henrico Trevi-  
renſi Rex inunctus & coronatus est. In-  
de Rex transito Rheno, in Saxoniam di-

gressus, ad utriusque provinciæ West-  
phaliæ & Ostphaliæ negotia ordinanda,  
circumspectis diligenter omnibus, Her-  
mannum Bellingum, virum ea tempe-  
state belli pacisque artibus egregium,  
totius Saxoniam gubernatorem renunciat;  
cui & omne militare imperium ad-  
versus Danos & Sclavos commissum,  
ne quid per absentiam suam Barbari  
molirentur. Additus est illi Gero Mar-  
chio, fortissimus miles, multisque Bar-  
barorum victoriis clarus, uterque in-  
signi simul religione in Deum & Eccle-  
siæ patrocinium. Filium subinde Ot-  
tonem Regem Wilhelmo filio Mogun-  
tino, & Brunoni fratri Colonienſi Ar-  
chiepiscopo committit, quos & vicari-  
os Imperii nominavit. Apparatis om-  
nibus ad expeditionem, ineunte Au-  
tumno, iter ingreditur. Adlecti in  
comitatum ex Saxoniam Episcopis Adal-  
garius Hamburgensis & Bremensis Ar-  
chiepiscopus, Drogo Osnabrugensis,  
Landwardus Mindensis, & Ottwinus  
Hildesensis Episcopus. Nam hi Epi-  
scopi

scopi cum ceteris Romæ subscribere diplomati Ottonis, quo patrimonium S. Petri & jura Ecclesiæ Romanæ confirmavit. Ac priusquam Otto Rex Germaniam egrederetur, Forchemii Landwardo Mindenſi Episcopo omnia Ecclesiæ suæ jura regalia egregio diplomate rata habuit, quod ejusmodi est cum præclara testificatione regis pietatis.

*In nomine sanctæ & individue Trinitatis. Otto divina propitiante clementia Rex. Omnium fidelium nostrorum, tam præsentium quam futurorum, cognoscat industria, qualiter vir venerabilis nomine Landwardus Episcopus scilicet Ecclesiæ constructa in honorem S. Petri Principis Apostolorum in loco, qui dicitur Mindin, attulit in nostram præsentiam piissimi genitoris nostri cæterorumque antecessorum nostrorum Regum scripta, in quibus continebatur, qualiter ipsi præfatæ Ecclesiæ res, cum omnibus in ipsis rebus consistentibus, sub illorum receperunt mundeburdo, precatusque est mansuetudinem nostram, ut hoc ipsum a nostræ imperialis potestatis consensu fieri non recusaremus. Nos autem ob amorem Dei, & remedium animæ nostræ, ac pii genitoris nostri, cæterorumque antecessorum nostrorum Regum, nec non & pro nostræ mercedis augmento, paternos mores sequentes, & benignitati ejus consentientes, ita fieri decrevimus. Præcipientes ergo jubemus, ut nullus judex publicus, vel quislibet ex judiciaria potestate, in Ecclesias, aut loca, vel agros, seu reliquas possessiones jam dictæ Ecclesiæ (quas nunc infra ditionem regni nostri legibus possideat, vel quæ deinceps in jura ejus divina pietas voluerit*

*augeri) ad causas judiciario more audiendas, vel freda exigenda, mansiones vel paratas faciendas, aut fidejussores tollendos, aut homines ipsius Ecclesiæ contra rationem distringendos, nec ullas redhibitiones vel inusitatas occasiones requirendas ullo unquam tempore ingredi audeat, vel ea, quæ supra memorata sunt, penitus exigere præsumat. Hominibus quoque famulatum ejusdem monasterii facientibus, qui saxonice Malmam dicuntur, prædictum mundeburdum & tuitionem nostram constituimus, ut etiam coram nulla judiciaria potestate examinentur, nisi coram Episcopo aut avvocato, quem ejusdem loci Episcopus elegerit. Quidquid vero Fiscus exinde sperare potuerit, pro æterna remuneratione dictæ Ecclesiæ ad stipendia pauperum & luminaria continuanda concessimus, & ipse Episcopus cum omnibus rebus suis nostro fideliter pareat imperio, & sub nostra consistat defensione, quatenus ipsum fratresque ejusdem loci pro nobis, conjuge, proleque nostra Dominum melius jugiterque exorare delectet. Fratribus autem ejusdem loci præfati dedimus licentiam eligendi pastorem inter se qualemcunque voluerint, ita tamen, si talis inter eos inveniat, qui vita & moribus probatus habeatur. Et ut hæc nostræ concessionis auctoritas plenior in Dei nomine obtineat firmitatem, jussimus prælibati loci Episcopo hoc præsens præceptum conscribi, manus nostræ inscriptione firmatum subtus, & annuli nostri impressione corroborari, pro Dei amore, & stabilitate imperii nostri, & incolumitate nostra, & æterno præmio præcepimus.*

Signum Domni Ottonis



invictissimi Regis.

Liutulfus Cancellarius ad vicem Brunonis Archicapellani recognovi & ffs.

Data VII. Idus. Anno Dominicæ Incarnationis DCCCCLXI. Indictione IV. Anno regni Serenissimi Regis Ottonis XXVI. actum Forchem in Christi nomine feliciter amen.

Postquam Hatto Fuldenſis Abbas Romam præmissus ad paranda hospitia, Rex cum florentissimo exercitu, ad Germanorum potentiam & majestatem Regni sui repræsentandam, per Bojariam & Tridentinas Alpes Italiam ingressus, obvios habuit Italiæ Episcopos ac Prin-

cipes cum effusa populorum multitudine, Regem incredibili plausu excepturos. Ab his Papiam deductus, urbem regiam, nullo obſistente, intravit. Inde Mediolanum est digressus; ubi Episcoporum convocato concilio, Berlingario Regnum Italiæ abrogatum, de-

latumque Ottoni; qui mox ab Archiepiscopo in æde D. Ambrosii sollempni cæremonia Rex inunctus, & ferrea corona condecoratus.

## Annus Christi 962. 963. 964.

Joannis XII. Pont. 7. 8. 9. Ottonis Imp. 1. 2. 3. Reg. 27. 28. 29.  
Volcmari Ep. Pad. 3. 4. 5.

Coronatur  
Imperator  
Romæ.  
Regin. cont.  
Luidprand.  
Sigonius l. 6  
de Reg. Ital.

Post solenne Christi natalitium Papiæ concelebratum, Rex cum lectissimo exercitu Romam pervenit, ad coronam Imperii, a Pontifice promissam, accipiendam. Et jam omnium Romanorum animos accenderat cupiditas videndi Regem, quem tot bellis & victoriis celebrem tota Europa mirabatur: simul antiqua temporis species objiciebatur, quo Carolus M. liberandi Romani Leonis Pontificis causa, Romam profectus, ingenti totius Romæ atque Italiæ lætitia, ex Rege Imperator salutandus, Romanum Imperium renovasset. Igitur admirando occursum spectaculo ingressus est urbem; quem Joannes Pontifex venientem in gradibus Basilicæ Vaticanæ excepit. Quo ubi pervenit Rex, ad pedes se Pontificis submisit; quem Pontifex amplexus, deduxit in templum, & sacris solemni cæremonia celebratis, inunxit, ac demum imperiali diademate insignivit, acclamante universo clero ac populo Imperatori felicitatem & victoriam. Quo facto, uterque ad aram S. Petri accessit, & solemni se Sacramento devinxit: Imperator, se semper in fide, & auctoritate Romanæ Ecclesiæ futurum, Pontifex, se nullo unquam tempore Berengarii ceterorumque hostium partibus adhæsurum. Felix & ad omnem posteritatem memorabilis annus, quo Imperium Romanum a Francis translatum ad Saxones. Idem post annos centum & sexaginta, dum rursus Imperatoris nomen & majestas collabi cœpta, ejusdem gentis heroes instaurarunt: ut non immerito scri-

pserit Sigonius, Regni Italici & Imperii restituti decus Germanorum beneficio deberi; apud quam exinde gentem in hunc diem Imperii majestas permanfit. Otto licet multis negotiis ac turbis Italiæ implicatus, multa interim diplomata regiæ liberalitatis dedit, inter quæ illud magnificum & imperatorium, quo patrimonium S. Petri & Romanæ Ecclesiæ jura, a Pipino Rege & Carolo M. concessa, confirmavit; quod diploma aureis literis exaratum, servatur in castello S. Angeli, quemadmodum & nos ex Baronio & conciliis in Carolo Romano Catholico retulimus. Nec immemor etiam liberalitatis suæ, tabulas Corbeiensibus obsignavit, quas ex ipso autographo hic exhibemus.

*In nomine sanctæ & individue Trinitatis, Otto divina favente clementia Rex. Notum esse volumus omnibus fidelibus nostris, quod rogatu caræ prolis nostræ Ottonis indulgimus incolis Villæ, quæ dicitur horobusun & adjacens est urbi, quæ dicitur Eresburg, eo jure vivere, & ipsa legitima habere per omnia, quæ Theotmannici habent; nec tamen ulli aliæ potestati subjacere cum suis juribus ac legitimis, nisi cui hæcenus paruit, rectoribus scilicet monasterii quod nova Corbeia vocatur, ad honorem ac servitium Beatorum Martyrum Stephani atque Viti. Et ut hoc firmum sit, & nulli post hæc prævaricari liceat, annuli nostri Sigillo jussimus signari atque firmari, manu nostra subtus signantes.*

Signum Domni Ottonis



Serenissimi Regis.

*Liudulfus Cancellarius ad vicem Brunonis Archicapellani recognovi & ffs.*

*Data V. Idus Junii. Anno Incarnationis Domini DCCCCLXII. Indictione V. Regni autem Serenissimi Ottonis Regis anno XXVII. Actum in Suofatz in Dei nomine feliciter amen.*

Otto Imp.  
Joannem  
Pontif. per

Manfit post hæc in quintum annum Otto Imperator in Italia, dum rebus omnibus compositis, Berengarium vi-

ctum captumque teneret. Una nomini macula aspersa; quod Joannem Pontificem, a quo inauguratus erat, tum

Episcopos  
e sede sua  
pellit, sub-  
stituto Leo-  
ne.  
ob Luidprand.



ob conspirationem cum Adelberto Berengarii filio (secus quam promiserat) tum ob enormia quædam crimina obiecta, apud Luitprandum (quæ tamen ab aliis incredibilia habentur) convocato ex tota Italia Episcoporum concilio, exauctoravit, ac Leonem Pontificem subrogaverit. Sed extincto haud multo post Joanne Pontifice, Romani Benedictum elegere Pontificem; at vero Imperator Leonem tutatus, Benedictum in Saxoniam deportari iussit, quem Adalgago Hamburgensi Archiepiscopo custodiendum tradidit, qui in ea exilii urbe obiit, & tumulum adhuc servat. Utrumque Joannem ac Benedictum, verum Pontificem agnoscit Baronius;

extra numerum habet Leonem, quod nulla legitima Imperatoris & Episcoporum auctoritate introductus. Otto Imperator artium militarium magis quam Canonum gnarus, limites suæ potestatis excessit; non hoc Carolo M. æquandus, legum sacrarum peritissimo; Princeps quippe qui a morte prioris conjugis latinas primum literas didicit; cetera Imperator religiosissimus, cui per ignorantiam hæc magis condonanda, quam Episcopis. Nec tamen poena abfuit, quæ Imperatoris exercitum pestifera lue magnam partem absumpsit; sed hæc uberius ab aliis scriptoribus relata sunt.

## Annus Christi 965.

Benedicti V. Pont. 1. Ottonis Imp. 4. Reg. 30.  
Volcmari Ep. Pad. 6.

Parto Italiæ Regno, & ad Imperium rursus adjecto, Imperator sub exitum anni 965 in Germaniam rediit. Venienti in confinia Sueviæ & Franciæ occurrere duo filii, Otto Rex, & Wilhelmus Moguntinus Archiepiscopus: Wormatiæ accessit Bruno frater, Coloniensis Archiepiscopus, quibuscum Ingelheimium perrexit, & pascha eo in palatio celebravit. Inde Coloniam petivit, ubi Machtildis mater, & soror Gerberga Galliæ Regina cum filio Lothario Rege venientem excepere; omnes hosce, perinde ut Senatores Regni Lotharingiæ, qui ad comitia simul convenerant, regio epulo tractavit Imperator; atque inde in Saxoniam prope-  
*Ad. Brem. Helmold. Alb. Stad. in chron. Meibom. in notis ad Widekind. Cramersius Rotgerus in vita Bruno ni.*

rum annum permanfit; sensimque ex temporariis hæreditarii duces emerfere, postquam ob merita parentum principatus permitti filiis. Virum hunc alii quidam ex obscuro loco & tenui fortuna evectum volunt, cujus originem Widekindus & Dithmarus e prima Saxonie nobilitate deducunt.

Subtractus hoc anno e numero mortalium Bruno Coloniensis Archiepiscopus, magno Imperatoris toriusque familiæ Augustæ luctu, vir omnium Scriptorum elogiis ex omni virtutum aspectu commendatus, qui sacram & politicam potestatem in Episcopo & duce, admirabili sapientia, & ingenti Imperii bono, famaue sanctitatis conjunxit. Successorem nactus est Folcmarum, Diaconum & œconomum suum, cujus rogatu postea Rotgerus Corbejensis monachus vitam Brunonis conscripsit.

Moritur Bruno Archiep. Col.

## Annus Christi 966 967.

Joannis XIII. Pont. 1. 2. Ottonis Imp. 5. 6. Reg. 31. 32.  
Volcmari Ep. Pad. 7. 8.

Otto Imperator ob funus fratris e Saxonia Coloniam profectus; exinde Aquisgranum, Trajectum, Neomagum adiit; rebusque istic compositis, in Saxoniam est reversus. Nec multo post Wormatiæ ad comitia procerum contendit, in quibus expeditio in Italiam decreta; ad ulciscendas Romano-

rum injurias, quibus Joannem XIII. ejus nominis Pontificem Romanum afecerant. Peragrata Italia, Romæ Christi natalitia celebravit, sumptoque ab auctoribus seditionum supplicio, reliquum anni sequentis tempus in ordinanda Italia consumpsit. Tum & Legati missi ad Nicephorum Græcorum Impe-

Dd 2

Imperatorem, qui filiam ejus privignam Ottoni filio sponsam postularent. Subinde & Otto filius a Patre & Joanne Pontifice invitatus Romam advenit, & a Pontifice in Christi natalitiis Imperator, jucundissimo populi Romani spectaculo, coronatus est. Si quid Otto Imperator deliquit in Leone Pontifice introducto, id in verum Pontificem studio & observantia compensatum est. Nec enim post Francorum Reges ulli Romanam sedem magis co-

luerunt, quam Saxonici Imperatores & Principes eorum temporum. Quem amorem ac reverentiam ut Otto parens filio altum imprimeret, Romæ inaugurari voluit, & spectare coram sanctitatem loci, in quo D. Petrus Successores suos in throno collocarat orbi Christiano venerandos. Unde jam a sequenti anno diplomata passim Ottonis II. imperium numerant, quod hic movere visum est.

## Annus Christi 968.

Joannis XIII. Pont. 3. Ottonis Imp. 7. Reg. 33.  
Volcmari Ep. Pad. 9.

Otto donat  
Ecclesie  
Magdebur-  
genſi Abba-  
tiam S. Dio-  
nyſii in An-  
garia.

Attinuit & insequens annus Ottonem cum filio Augusto in Italia; e qua mense Octobri hoc sequenti diplomate ratam habuit donationem Abbatie S. Dionysii in Angaria, factam Ecclesie Magdenburgensi.

*In nomine sancte & individue Trinitatis, Otto divina favente clementia Imperator Augustus. Noverit omnium fidelium nostrorum tam presentium quam futurorum industria, qualiter nos pro monitu Adelbeidis dilecte conjugis nostre Abbatiam, cui nomen est Angerm, quam beatæ memoriæ domina genitrix nostra Machtilt in honorem S. Dionysii Martyris Christi construxit ob remedium & absolutionem animarum Divi genitoris nostri Henrici Regis divinaeque genitricis nostre, pro statu quoque & incolumitate regni vel imperii nostri, filiique & Coimperatoris nostri Ottonis, Sancto Mauritio in Magde-*

*burch liberaliter offerimus, & Archiepiscopis illius Ecclesie perpetualiter tuendam concedimus, cum omnibus appendiciis & utilitatibus suis; tam ædificiis quam mancipiis utriusque sexus, terris cultis & incultis, pratis, pascuis, silvis, aquis aquarumve decursibus, molendinis mobilibus scilicet & immobilibus, exitibus & redditibus, quæsitis & inquirendis, ut Archiepiscopus illius Sanctæ Magdeburgensis Ecclesie suiique Successores teneant & possideant, & suis eam usibus sicuti res Ecclesiasticas juxta libitum adjungant.*

*Et ut hoc nostre munificentie munus eidem Ecclesie firmum & stabile per successura tempora permaneat, & a sanctæ Dei Ecclesie fidelibus nostrisque verius credatur, hanc cartam conscribi annulique nostri impressione signari jussimus, quam & manu propria subtus firmavimus.*

Signum Domni  
& invictissimi



Ottonis Magni  
Imperatoris Augusti.

*Luidgerus Cancellarius ad vicem Haddonis Archicapellani notavi.*

*Data VII. Non. Octobris, Anno Dominicæ Incarnationis DCCCCLXVIII. Indictione XI. Anno autem regni Domini Ottonis XXXIII. Imperii vero VII. Actum Ravennæ in Domino feliciter. Amen.*

Ante vero, initio hujus anni, cum Imperator versaretur in Campania, literas dederat ad Saxones nostros; quibus cum paternam plane sollicitudinem pro gente nostra ostendat, hic eas ex Widekindo recitare lubet.

*Otto divino nutu Imperator Augustus, Herimanno & Thiaderico du-  
cibus, ceterisque publicæ rei nostre præfectis, omnia amabilia.*

*Deo volente, salus omniaque prospera plane succedant. Cæterum nuncii*  
Con-

Solicitude  
Ottonis  
pro Saxo-  
nia.

Constantinopolitani Regis, dignitate satis insignes, nos adeunt, pacem, ut intelleximus, admodum quærentes. Quoquo tamen modo res agant, bello, Deo volente, nullo modo nos attentare audent. Apuliam & Calabriam provincias, quas hæcenus tenere, nisi conveniamus, dabunt. Si vero voluntati nostræ paruerint, ut præsentis æstate conjugem cum æquivoco nostro in Franciam dirigentes, per Fraxinetum ad destruendos Saracenos, Deo comite, iter arripiamus, & sic ad vos disponemus. Præterea volumus, ut si Redares, sicut audivimus, tantam stragem passi sunt (Scitis enim quam sæpe fidem fregerint, quas injurias attulerint) nullam vobiscum pacem habeant. Unde hæc cum Herimanno Duce ventilantes totis viribus instate, ut in destructione eorum finem operi imponatis. Ipsi, si necesse fuerit, ad eos ibimus. Filius noster in Nativitate Domini coronam a beato Apostolico in Imperii dignitatem suscepit. Scripta XV Calend. Februarii in Campania juxta Capuam.

Comitia Werlis celebrata.

His literis lectis, inquit Widekindus, in conventu populi, in loco, qui dicitur Werla, coram Principibus & frequentia populi, visum est pacem jam dictam Redariis servare; eo quod tum bellum adversus Danos vigeret, & copiarum minus ad duo pariter bella conficienda sufficerent. At quæ hic Werla? in qua celebris ille conventus est habitus. Utrumne Transalbiana in confinio Sclavorum? quæ tum Sclavorum armis circumstrepentibus minus tuta. Ego nostram in Westphalia intelligo, Urbem regiam & hæcenus toties celebratam, in qua illa Saxonum comitia Herimannus & Thiadericus ex Imperatoris voluntate convocavit.

Moritur Wilhelmus filius Ottonis, Archiepiscopus Moguntin.

Læta hæc Ottonis turbavit mors duplici funere: Primum Wilhelmi filii & Moguntini Archiepiscopi, 3. Febr. elati, præfulis magnæ sapientiæ; cui ob id Otto pater Parthenopolim exornandam erigendamque in Archiepiscopi sedem, & cetera Regni negotia committebat: & singularis vitæ integritatis;

cui & obitum Machtildis avia ante suum vaticinata. Ab excessu e vita, Wilhelmus Ludolpho Corbejensi Abbati se obtulit, ab eoque innocentis vitæ præfule fratribusque ejus cœnobii mortuorum subsidia petiit; quemadmodum hæc planius a Dithmaro Episcopo & Serrario relata sunt. Wilhelmum consecuta Machtildis, Imperatoris mater, miræ, ut Widekindus scribit, sanctitatis fœmina, quippe omnium christianarum virtutum in sexu illo splendore illustris; exemploque cum primis beneficentiæ in Ecclesias, in egenos & religiosi instituti homines, in quos omne patrimonium erogavit. Regia nimirum donatione, & diplomate consignato, acceperat a marito suo Quidlenburgum, Palithi, Nurthusen, Gronau & Duderstede cum Comitibus & prædiis; quæ bona magnam partem convertit in donationes cœnobiolorum. Nam præter Quidlenburgense monasterium, cui se incluserat, condidit tria alia Virginum sacrarum Collegia, Northusanum, Confungense, & Poldense. Nata erat ex Widekindæ familia, patre Theodorico Oldenburgensi Comite. Quæ una omnium nostratium scriptorum consensus est; falliturque Flodoardus, a quo Ludovici Germaniæ Regis, Arnulpho Imperatore genita, filia asseritur. Nec minus illustris in filio Imperatore, & tribus inde nepotibus, Ottone II, Ottone III, & S. Henrico Imperatoribus; quam tot laudibus præterea celebrarunt Dithmarus & Luitprandus Episcopi, ceterique omnium temporum scriptores. Sepulta est Quidlenburgi in æde S. Servatii, ad latus mariti Regis Henrici, ut viva rogarat: jam multo illustrior, quando Divorum numero adscripta colitur. Quo nunc fatalis ætas nostra per Saxoniam recidit? quæ ista quidem ex certa annalium memoria recolit, sed dispari religionis cultu. Omnia hæc invertit; tanquam magnæ illæ Imperatorum, Ducum, Principum, Matronarum & Virginum sacrarum animæ nusquam vero Evangelii luce perfusæ fuerint.

Et Machtildis Ottonis Mater.

Macternus in diplom. Saxon.

Dithmarus lib. 2. Luitprand. Flodoard. in chron.

## Annus Christi 969. 970. 971.

Joan. XIII. Pont. 4. 5. 6. Ottonis Imp. 8. 9. 10. Regis 34. 35. 36  
Volcmari Ep. Pad. 10. 11. 12.

Verfabatur inter hæc Imperator adhuc in Italia; ubi Græcorum perfidiam

pertæsus, acceptaque etiam clade suorum, bellum Græcis indicit, cui Ottonem

Breviarius in ann. Trevir. lib. 10. Dithmarus lib. 2.

Helmold.  
l. 1. c. 11.  
Erat. Eccl.  
Magdenb.  
apud Meib.  
ad Widek.  
Chron.  
Magdenb.  
Otto Fris.  
sing. l. 6.  
Gobelinus.  
aet. 6. c. 48  
Cramiz.  
Chron.  
Mindense.  
Magden-  
burgensem  
Archiepi-  
scopatum  
erigit Otto.

Primus ei  
Antistes da-  
tus S. Adal-  
bertus, Mo-  
nachus Be-  
nedictinus.

tonem filium ad tyrocinia armorum ca-  
pienda praecepit, adjuncto Gunthario  
& Sigefrido Ducibus; quorum mode-  
ratione Apulia & Calabria Græcis ere-  
pta, conjunctaque Imperio occidentali.  
His confectis animum adjecit ad Mag-  
denburgensem Episcopatum firman-  
dum, ac Metropolim omnium Sclavo-  
rum regionumque trans Albim consti-  
tuendam. Opportunum id ratus, dum  
in Italia esset, cum Pontifice conficere;  
maxime, quod adessent Hatto Mogun-  
tinus Archiepiscopus, & Hildewardus  
Halberstadiensis Episcopus, quorum  
maxime intererat, quod intra Episcopa-  
tum Halberstadiensem, intraque ter-  
minos a Carolo M. descriptos novus  
Magdenburgi Episcopatus constituen-  
dus, id quod a Bernardo superiori Hal-  
berstadenfi Episcopo nunquam Otto  
impetrare potuerat. Igitur commuta-  
tione locorum & bonorum facta trans-  
actum, consignataque tabulæ fundati-  
onis Ravennæ in conventu Episcopo-  
rum, subscribente Hattone Archiepi-  
scopo, cum Germaniæ & Italiæ, qui  
aderant, Episcopis. Quæ mox Ponti-  
fex Joannes XIII rata habuit: uti hæc  
præ ceteris accuratius narrat Browerus  
in annalibus Trevirensibus. Evocatus  
deinde post hæc Adalbertus Episcopus,  
de quo supra relatum, ex Wirtzenbur-  
genfi Abbatia, cui præsidebat, Ro-  
mam, & auctoritate Apostolica Archi-  
episcopus nominatus, pallioque dona-

tus festo S. Lucae hujus anni; &, quod  
ad dignitatem hujus sedis refertur, Pon-  
tifex Primatum omnium per Germa-  
niam Ecclesiarum & Archiepiscoporum  
habere voluit. Subjecti vero huic Me-  
tropoli Episcopatus Cizizensis, Misni-  
ensis, Merseburgensis, Brandenburg-  
ensis, Havelbergensis, & Poseniensis.  
Quibus rite peractis, Otto Imperator  
Adalbertum cum Imperatoriis literis  
ad Episcopos, Marchiones & Princi-  
pes Saxoniae datis, Magdenburgum  
præmisit; a quibus cum ingenti lætitia  
& populi acclamatione acceptus & in-  
auguratus est. Adalbertus subinde fe-  
stis natalitiis Christi in solemnibus Missæ  
sacrificio Bosonem Monachum Merse-  
burgensem, Burchardum Misniensem,  
Hugonem Cizicensem Episcopos con-  
secravit. Tundo vero sive Undo Ha-  
velburgensis, & Dudelinus Brand-  
enburgensis Episcopi, prius quidem Mo-  
guntino Archiepiscopo subjecti, sed  
agente id quoque Imperatore ad Me-  
tropolim Magdenburgensem transire  
jussi. Neque his Episcoporum sedibus  
contentus Imperator, majora versabat  
cum animo; atque ut Carolus M. to-  
tam Saxoniam a se subactam dividerat  
in Episcopatus, ita ille totam Sclavo-  
niam, regionesque trans Albim com-  
plexus, christianæ religioni submitte-  
re, & in Episcopatus distribuere con-  
stituerat.

## Annus Christi 972.

Domni Pont. I Ottonis Imp. II. Regni 37.

Volcmari Ep. Pad. 13.

Widekind.  
lib. 3.  
Lambert.  
in chron.  
Sigebert.  
Otto Fris.  
Sigonius.

Tandem relicto Burchardo Sueviæ  
duce cum militari negotio, post quin-  
tum denuo annum Imperator ex Italia  
digressus, cum ingenti, ut Widekindus  
scribit, gloria, capto Rege Longobardo-  
rum, superatis Græcis, victisque Sara-  
cenis, cum victricibus alis in Germani-  
am per autumnum venit. Patrem com-  
mitatus Otto filius cum Theophania  
sponsa, quæ Romæ quoque a Pontifice  
coronata, & titulo Augustæ condeco-  
rata erat. Berengarius Italiæ Rex cum  
uxore Willa Bambergam deportatur in

exilium, ubi & vitam clausit, iisdem  
fatis jactatus, quibus olim Desiderius  
Longobardorum Rex, a Carolo M.  
Leodium relegatus. Ut jam Ottonem  
M. non secus quam Carolum M. domi-  
torem Italiæ, & vindicem Aposto-  
licæ sedis videas. Postquam Otto In-  
gelhemium attingit, nihil illi antiquius  
fuit, quam Episcoporum synodum  
convocare; quam celebrem testatur fu-  
isse Auctor vitæ S. Udalrici: quanquam  
nomina Episcoporum actaque interci-  
derint.



Annus

# Annus Christi 973.

Benedicti VI. Pont. 1. Ottonis Imp. 12. regni 38. & ultimus.  
Volcmari Ep. Pad. 14.

Ab Rheno Imperator in Saxoniam properavit ad paternum solum, in quo hoc anno Christi 973 extremum vitæ diem habuit. Ac postquam peragrata dispositaque Saxonia, Quidlenburgi apud filiam Machtildem ejus loci Abbatissam pascha celebrasset, advenientibus undique diversarum gentium legatis, & procerum multitudine salutantium, Merseburgum perrexit; ubi festum ascensionis demum magna pietate peractum, auditque legati ex Africa præsentis. Tristis istic memoria Hermannii & Geronis, Ducum fortissimorum contra Barbaros, affecit Imperatorem, quos non ita pridem necessitate mortis amiserat. Et tanquam ipse iisdem fati urgeretur, Miminlebiæ ad Unstrutum fluvium secessit in locum & monasterium Henrici patris morte confatalem. Venerat eo feria tertia ante Pentecosten; proxima nocte (verbis Widekindi referam vitæ exitum) *juxta morem diluculo de lecto consurgens, nocturnis & matutinis laudibus intererat. Post hæc paululum requievit. Missarum deinde officiis celebratis, pauperibus juxta morem manus porrexit, paululum gustavit, iterumque in lecto requievit. Cum autem hora esset, processit letus & hilaris ad mensam. Peracto ministerio, vespertinis laudibus interfuit. Peracto cantico Evangelii, æstare, atque fatigari cœpit. Quod cum intedexissent Principes circumstantes, sedili eum imposuerunt. Inclinantem autem caput, quasi jam defecisset, refocillaverunt, expetitoque Sacramento divini corporis & sanguinis, & accepto, sine gemitu cum magna tranquillitate ultimum Spiritum cum divinis officiis pietatis creatori omnium tradidit. Addit Dichmarus: postquam nonis Maji divino viatico recreatus est, exanime corpus, prosequente Ottone filio, a Gerone Coloniensi, & Adalberto Magdenburgensi Archiepiscopis Magdenburgum transvectum est, atque istic in crypta ædis Mauritanæ ab Episcopis & Clero solemnibus Ecclesiæ ceremoniis demutatum est ad latus Edithæ Reginae. Magnus & gloriosus Imperator, quo post Carolum M. ut Dichmarus perhibet, nemo*

major Imperium gessit. Argenteas ille venas Goslariz primum reperit, quas tanto ævo & post Ottonem nemo scrutatus fuerat. Sed aureum magis sæculum, quod Ottone Imperatore disciplina cleri & populi florentissimum fuit, quod & domitis omnibus circum exteris intestinisque hostibus, filio reliquit pacatissimum: felicesque Episcopi, qui cum Volcmaro nostro vitam sub illo sortiti. Et quæ per Saxoniam Ecclesia Cathedralis? quod monasterium, in quo ejus beneficentiæ vestigia ex diplomatum monumentis non extant? dummodo ceteri perinde, ut Mindenses & Magdenburgenses, aut servassent, aut cum posteris communicassent.

Composito in terram patre, Otto filius imperium adiit, juvenis, qui vix dum xx ætatis annum attigerat, quique ante xii annos a Germanis Rex delectus, atque ante sexennium a Pontifice Imperator appellatus erat; a quibus etiam annis in diplomatis regni & Imperii ejus exordia numerari leges. Ut tamen majestatis decus impleret, haud multo post a funere patris Aquisgranum profectus ad comitia, in iisque omnium Principum consensione Imperator acceptus confirmatusque est. Mense Julio Aquisgrani fuisse, docent nos tabulæ Coloniensis Ecclesiæ, quas Gelenius recitat ab Ottone istic consignatas. Sed jam paulo ante Otto Imperator, primo statim auspici Imperii anno, Ludolpho Corbejensi Abbati omnia a majoribus concessa auctoritate sua renovarat,

*In nomine sanctæ & individue Trinitatis. Otto divina favente clementia semper Augustus. Convenit nostræ Imperiali Celsitudini, ut petitiones fidelium nostrorum, has præcipue, quas pro Ecclesiarum sibi commissarum utilitatibus suggerunt, ad effectum perducamus; quoniam hoc ad præsentem vitam prospere peragendam, & ad futuram beatitudinem promerendam profuturum liquido credimus. Unde noverit omnium fidelium nostrorum industria, quia adiens excellentiam nostri culminis Liudolfus Abbas venerabilis novæ Corbeia,*

roga-

Succedit patri in imperio Otto filius.

Gelen. 1. sacrar. syn. 7. Qui Corbeia prius privilegia approbat.

Widekind. lib. 3. Dithm. Otto Eris for.

Obitus & laus Ottonis M. Imp.



rogavit, ut eidem monasterio concederemus talem libertatem, qualem a Patre nostro & Imperatore augusto, cæterisque antecessoribus nostris Regibus vel Imperatoribus accepisse dinoscitur; cujus petitioni assensum præbentes, interven-  
tu matris nostræ Adalheidæ, in supra dicto monasterio fratribus DEO servi-  
entibus, ejusque Martyribus Stephano atque Vito omnes concessiones, quas anteriorum Regum vel Imperatorum tem-  
poribus habuerunt, concessimus, nostra-  
que auctoritate renovavimus; præcipue ut potestatem habeant inter se, cum ne-  
cessitas venerit, Abbatem eligendi, & ut a nullo Episcopo de dominicalibus man-

sis ejusdem monasterii decimæ exigantur, neque a Comitibus ex qualibet judi-  
ciaria potestate Coloni eorum & Liti ad justitiam faciendam aliquo banno con-  
stringantur, sed coram advocatis ejusdem monasterii justitiam facere cogantur; sicut anteriorum Regum vel Impe-  
ratorum præfato loco concessum fuisse cunctis fidelibus nostris liquido patet. Et ut hæc nostræ renovationis ac firmatio-  
nis auctoritas firmior stabiliorque a cun-  
ctis perpetim credatur, hanc chartam conscribi, manuque nostra propria sub-  
tus roboratam annuli nostri impressione jussimus insigniri.

Signum Domini Ottonis



invictissimi semper augusti.

Willigisus Cancellarius vice Roberthi Archicapellani recognovi.

Data V Calend. Junii, anno Incarnationis Domini DCCCCLXXIII. Indictione 1.  
anno regni Domini Ottonis XIII. Imperii autem VII, actum Alten in Dei  
nomine feliciter amen.

## Annus Christi 974.

Benedicti VI. Pont. 2. Ottonis II. Imp. 2. Volcmari Ep. Pad. 15

**Sigobertus.**  
**Lambertus.**  
**Schaf.**  
**Brunnensis.**  
At non ita præmunitus auctoritate Pontificis & Principum Otto, quin altero  
mox anno cum Regni æmulis luctan-  
dum esset; nam præter Raginarium Lo-  
tharingiæ turbatorem, quem bello op-  
pressit, Henricus patruelis Bojariæ dux,  
inito cum Haraldo Danorum Rege,  
Boleslao Polonorum Duce, atque aliis  
etiam Germaniæ Principibus fœdere,  
ausus est arma indicare, & Regnum  
Germaniæ affectare. Sed hunc æmu-  
lum, convocato procerum conventu,  
per legatos ad obsequium revocavit.  
Inde arma in Haraldum Daniæ Regem,  
fines Saxonie depopulantem convertit,  
victumque contudit.

Sub initium hujus anni Volcmarius  
Paderbornensis Episcopus Ottonem  
adiit, & privilegiorum confirmationem,  
quæ ceteri ante eum Cæsares ac Reges  
dederant, ac liberam cum primis ele-  
ctionem Episcopi, secundum Caroli  
Crassi concessionem, impetravit; ita  
enim auctor vitæ Meinwerchi. Otto e-  
jusdem nominis secundus, decimo quin-  
to Calendas Februarii, rogatu Folcmari  
ejusdem civitatis Episcopi, anno Domi-  
nicæ Incarnationis nongentesimo Septua-

gesimo quarto, electionis suæ decimo  
quarto, imperii primo, regni septimo,  
indictione quarta (quæ secunda scribi  
debut) Imperatoria auctoritate omnia  
privilegia comprobavit; quod tamen  
Ottonis diploma, vel incendio Ecclesiæ,  
vel alia temporum injuria intercidit.

Ceterum Otto Imperator, varia hoc  
eodem anno loca peragrans, varia  
diplomata dedit: aliud Neomagi 14.  
Calendas Martii apud Miræum: aliud  
5. Kal. Julii Wornatiæ apud Zilefium:  
aliud rogatu Theophaniæ conjugis Lu-  
dolphi Osnabrugensi Episcopo, quo  
Ludolphum consanguineum appellat,  
multisque prædiis donat. Duplex præ-  
terea Mindensi Ecclesiæ datum, alte-  
rum Aquisgrani 12 Calendas Augusti,  
alterum Neomagi 14. Calendas Martii,  
quo Lubekena donatur Ecclesiæ S. Pe-  
tri. Verum cum hæc extent, nos hic  
duo adjungemus diplomata, quorum  
neutrum hætenus publici juris factum.  
Altero Otto Imperator, pia majorum  
vestigia secutus, Herivordienfi Sancti-  
monialium Virginum Collegio benefe-  
cit. Id diploma, etsi in medio vitia-  
tum agnoscam, ob antiquitatis tamen  
memoriam referre licebit.

Mirans in  
notis Belg.  
c. 6.  
Zilefius in  
defens. Ma-  
xim.  
Erstwinus  
in chron.  
Pistorius in  
diplom.  
Mind.  
chron.  
Mindens.

Uti & Pa-  
derbornen-  
sis.

In

Beneficentia Ottonis II in Herfordensi Canonica rum Virginiū Collegium.

\* Theophania.

In nomine sanctæ & individue Trinitatis. Otto divina favente clementia Imperator Augustus. Noverit omnium fidelium nostrorum, præsentium scilicet ac futurorum industria, qualiter quædam venerabilis Abbatissa herifordensis monasterii nomine Imma nobis Luthwici Regis de quodam mercato cum omnibus inde exigendi usibus, id est, moneta, telones, vel quidquid ad publicum videtur pertinere mercatum, in loco adonbusa nominato, afferens, nostramque dilectam conjugem nomine \* Adelheida, hæc eadem scripta, nos nostri præcepto, ejus interventu, præfato monasterio renovari precabatur. Nos vero pro animæ nostræ remedio, & æterna remuneratione more antecessorum no-

strorum Regum vel Imperatorum facientes, ejusque intercessionem consentientes, memoratæ Ecclesiæ Herifordensi, ejusque abbatissæ Imma prædictæ per futura succedentium tempora in loco superius nominato, potestatem non solum mercationis locum constituendum, sed etiam ad jus ejusdem prælibatæ abbatissæ banno nostro imperiali exigendum, pacemque omnibus quærentibus mercatum ac redeuntibus faciendum concessimus. Et ut hoc nostræ auctoritatis præceptum cunctæ sanctæ Dei Ecclesiæ, filiis, nostrisque perpetuo verius credatur fidelibus, ac firmum stabileque permaneat, manu nostra subtus propria firmavimus, annulique nostri impressione consigillari jussimus.

Signum Domini Ottonis



Serenissimi Imperatoris Augusti.

Willigisus Cancellarius ad vicem Rotberti Archicapellani recognovit.

Data V. Idus April. anno Incarnationis Domini DCCCCLXXIII. Indictione II anno vero regni Domini Ottonis XIII Actum Walbech.

Jus telonii & monetæ Werthinensibus datur ab Otone.

Altero diplomate Folcmaro Werthinensi Abbati, & in ipsa Werthina, & Ludinghusii in diocesi Monasteriensi jura telonii ac monetæ, rogatu Theophaniæ conjugis donat.

In nomine sanctæ & individue Trinitatis. Otto Dei favente clementia Augustus. Si servorum Dei petitionibus, quas pro Ecclesiarum sibimet commissarum utilitatibus nobis suggererint, clementer annuerimus, id nobis procul dubio ad præmia æterna capeßenda liquido perducet. Unde notum esse volumus præsentibus scilicet & futuris, qualiter fidelis noster Folcmarus Werdinensis monasterii provisor, cum interventu

dilectæ conjugis nostræ Theeuphanu adiit Celsitudinem nostram postulans, ut in duobus suis locis, id est Werdina, Lidinghus, forum & monetam sibi liceret aptare & facere. Hujus rationabili, ac justæ petitioni assensum præbentes, libenter postulata concedimus, & quidquid in eodem foro, vel moneta publica ad jus nostrum pertinet, prædictæ ac dilectæ conjugis nostræ rogatu, prædicto monasterio firmiter donamus, & in perpetuum perdurare volumus. Et ut hæc traditio auctoritatis nostræ firma & inconcussa permaneat, manu propria eam firmavimus, & annuli nostri impressione sigillari jussimus.

Signum Domini Ottonis



Serenissimi Imperatoris Augusti.

Wilgysus Cancellarius ad vicem Rotberti Archicappellani recognovi. Data XIII Calendas Septembris, anno Incarnationis Domini DCCCCLXXIII. Indict. II. anno regni Ottonis XIII. Imperii autem VII, actum in Arviti.

Id vero diploma, cum in Arvite, quæ tunc curtis regalis erat, nunc Erwite est pagus inter Sufatum & Paderbornam in Ducatu Westphaliæ haud procul a Luppia, atque ad fines diocesis Paderbornensis, argumento est,

Ottonem sub Autumnum Westphaliæ lustrasse, atque Paderbornæ Volcmarum Episcopum invisisse; idcirco ad hunc annum referre placuit Ottonis donum, auream videlicet crucem Paderbornensi Ecclesiæ datam, pretio sexa-

Otto Imp. Paderb. Ecclesiæ donat crucem auream, pretio sexaginta millium aureorum.

sexaginta millium aureorum, quam ex collectis Longobardorum triennialibus tributis, ac puro auro confectam tradunt annalium nostrorum scriptores. Hinc illa vetus inscriptio. *Auri sexcentas hæc crux habet aurea libras.* Atque ut munificentia Imperatoris, populi simul pietas accenderetur, id pretiosum crucis signum ante chorum Basilicæ populo spectandum, venerandumque ex sublimi loco est expositum. Verum ea crux haud longo ævo superstes fuit ex suo signo cultuque; seu Basilicæ incendio liquefacta, seu conflata conversa in Basilicæ reparationem (quod Kerssenbrochius opinatur) seu alio casu interversa. Quare ne memoria tanti doni cultusque populo subtraheretur, crucis effigies laminis inauratis obducta, in prioris locum est substituta, quæ ex forma aspectuque veterem referret, quod nostra demum memoria cognitum. Nam cum hæresis bello sæpius urbs in periculo esset, veriti Canonici summæ ædis, ne opimi hujus spoliî causa invitarentur vicinæ hæreticorum harpyæ, visum fuit per aurifabros explorare crucem, deprehensaque est intus præstipata, atque

extime laminis tantummodo inauratis obducta. Post etiam Christianus Dux Brunswicensis, & hereticus Halberstadiensium Episcopus, cum Paderborna occupata D. Liborii argenteam tumbam, & quidquid sacri auri argenti-que repertum est, per sacrilega spolia rapuisset, in hanc quoque crucem, uti sagaces inter eos didicerant, inquiri jussit; quæ tamen rapacibus eorum manibus subtræcta est per Georgium Brenckium Scholasticum; quod & ipse persuasus, superesse in hac cruce Ottonicum illud ex auro donum. Nihil majorum ætate Cæsarum ac Regum pietas habebat frequentius, quam ejusmodi donis exornare templa & altaria; sicuti inter ceteros Serrarius Moguntinæ Basilicæ thesaurum exposuit, in quo similis crux monstrata ex eodem pretio, & ex relati versus inscriptione: Ottonem vero Cæsarem, ut hoc tam insigni dono Paderbornam exornaret, quid aliud commovit, quam loci hujus vetustas, religionisque sanctitas, & Volcmari Episcopi veneratio, quem pater ejus inter præclarissimos Saxoniarum Episcopos commendare solitus.

Serrarius lib. 1  
Mog. hist.  
c. 32.

## Annus Christi 975. 976. 977.

Benedicti VII Pont. 1. 2. 3. Ottonis II Imp. 3. 4. 5.  
Volcmari Ep. Pad. 16. 17. 18.

Lambertus  
Schaf.  
Herm. cont.  
Sigebertus  
Dichmarus  
lib. 3.  
Daniam  
Otto sub-  
jugat.

Posteaquam Imperator omnia per Imperium composuerat, anno regni tertio, exercitum, quem ex Saxonibus & Germanis collegerat fortissimum, in Daniam adversus Haraldum Regem traduxit; & Slesvicum progressus omnes Regis munitiones expugnat, ac veteres Saxoniarum terminos, & libertates christianæ religionis repetit. Ita victum Regem jussit se Wismariæ in conventu Principum sistere; ubi ad pedes Imperatoris prostratus, in gratiam est receptus, annuo tributo imperato. Inde eodem anno in Bohemiam cum victore exercitu digressus, omnia ferro flammaque vastando, Regem quoque, ad quem Henricus Bavarie Dux profugerat, cæsis ad Pilsnam Bois, ad obsequium redegit; submissusque Bohemis Episcopus Theodmarus, genere Saxo, vir sanctissimus. Quo in Regno per id tempus Adalbertus primum Pragensium Episcopus defudabat, Magnus ille Bohemorum &

Slavorum ex Apostolico numero doctor, & martyr; diversus ab Adelberto Magdenburgensium Archiepiscopo, viro Apostolici fervoris, qui per id tempus quoque inter Slavos Christi religionem, per conditos ab Ottone primo Episcopatus, quam latissime propagabat, quos hoc anno Sigebertus ab Ottone debellatos denuo refert. Ac quo minus Otto Barbarorum bellis insisteret, fecit Henrici patruelis ac Bojarie Ducis rebellio; sed brevis hæc ambitio; victum Otto subegit, spoliatumque principatu, Trajectum, seu ut Browerus, Treviros in exilium deportari jussit: ac ne denuo rebellaret, Ducatum Ottoni, Ludolphi Suevorum Ducis filio, alterique patrueli suo donat.

Sigebertus  
Lambertus  
Herm. cont.  
Brunnerus  
lib. 8. ann.  
Browerus  
lib. 10.

Intestinis hostibus suppressis, Otto rursum cum ingenti exercitu Bohemiam intrat, ac Boleslaum Ducem, ostentatione armorum, tributa, quæ pater impo-

Bohemiam  
vestigalem  
reddidit.  
Lambertus  
Schaf.  
Dich. l. 2.

imposuerat, pendere iussit. Tum vero per Saxones Imperatores revocata prisca a Carolo M. Imperii maiestas, cum Dani, Sclavi, Bohemi, ceterique

circum populi Imperio tributarii servirent; & Principes Imperii ad unius absolutissimi Monarchæ Imperium obedi- entes starent.

## Annus Christi 978. 79.

Benedicti VII Pont. 4. 5. Ottonis II Imp. 6. 7.  
Volcmari Ep. Pad. 19. 20.

A Lothario Galliarum Rege inopinato invaditur. Sigebertus Annalium lib. 5. p. 13.

Hac rerum felicitate Otto Imperator, pacis securus, Aquisgrani versabatur; cum Lotharius Galliarum Rex, immemor consanguinitatis & beneficiorum, ex improvise cum ingentibus copiis Metas ducit exercitum, Austrasiæque procures in fidem suam adigit; ac recta inde Aquisgranum Imperatorem cum conjugē intercepturus advocat. Pransurus Otto cum conjugē accumbebat mensæ, cum subito rumore percellitur, advehi hostem, & portis imminere. Vix Imperator præcipiti fuga cum conjugē & aula in tutum evaserat, cum Lotharius urbem & palatium ingreditur, mensamque instructam sine convivis reperit. Igitur hospes minime invitatus, postquam epulis pastus, palatium diripit, & cum præda in Franciam redit. At carum Gallo epulum; Otto hac fugæ contumelia & injuria percitus, exercitum contrahit; & tanquam ad pedis pulsum e terra proflirent milites, advolant Saxones & Germani, intraque breve tempus exercitus quinquaginta millium

(quem alii ducentorum etiam millium augent) constitit in campo; quocum e vestigio Lotharium insecutus, Parisios usque pervenit, incensoque suburbio, ab Octobri ad Decembrem mensem Gallias depopulatus, extremam vastationem intulit: sacris tantummodo locis exceptis, quibus paratum. Qua exitiali expeditione ita Galliarum Rex afflictus, ut altero anno ad Carum fluvium in Ducatu Luxemburgensi cum Imperatore pacisci & omne Austrasiæ Regnum abjurare necesse habuerit, quod Carolo fratri jure fiduciario datum; atque inde Germaniæ Imperio conjuncta mansit. Nec multo post Lotharius Regno exutus Hugonem Capetum, Saxonici generis Principem, subrogatum sibi Regem ferre debuit. Ita verò Saxonia Westphaliaque nostra, quæ tot primæ & secundæ stirpis Francorum Reges, & ab Hugone Capeta exinde ad nostra tempora tot rursus tertiæ stirpis Reges dedit, modo Regem nullum, præter Cæsarem & Principes, habet.

## Annus Christi 980.

Benedicti VII Pont. 6. Ottonis II Imp. 8.  
Volcmari Ep. Pad. 21.

Sigebertus Chron. quædam cum Corbejensi. l. 5. bona pecuniarum.

Otto Imperator, ut Dithmarus scribit, cum triumphali gloria in Germaniam & Saxoniam reversus, totus exinde fuit in apparatu expeditioneque Italiæ; interque cetera Imperii negotia multis prius Ecclesiis & religiosorum cætib; pro insita majorum pietate, benefecit. Quam in rem sistimus hic diploma Imperatoris, quo Ludolpho Corbejensium Abbati, viro integerrimæ vitæ, commutationem bonorum magno cœnobii commodo indulget.

*nem fide debita jure honorantibus, astantibus & futuris adhibiti scripti per subjectionem pateat, qualiter Nos, & fidelem nostrum, Liudolfum videlicet, Corbejensis Ecclesiæ abbatem condecuit, quoddam concambium de prædiis nostris ob locorum opportunitatem inter nos facere. Dedit igitur prædictus Liudolfus venerabilis abbas ex ratione suæ abbatiæ per manum advocati sui Liudolfi duas marcas, Meginrichesdorf & Mimilenu dictas, in pago Hasssegawe, in Comitatu Sigefridi Comititis sitas, cum omnibus rebus illuc rite pertinentibus, in mancipiis utriusque sexus, ædificiis, areis, agris, pratis, campis, pascuis, silvis, cunctisque aliis appendiciis, quæ dici possunt, nobis ob nostram petitionem*  
E c 2

*In nomine sanctæ & individue Trinitatis, Otto divina favente clementia Imperator Augustus. Omnibus fidei Christianæ Religionis Cultoribus, ac Regiæ Imperialis Excellentie magnitudi-*

nam firmiter in proprium, atque ad integrum a suo jure & Ecclesiæ suæ in nostrum, quod voto placeat nostro, inde agendum redegit. Econtra autem in recompensatione hujus traditionis Abbati prædicto & Ecclesiæ sibi commissæ de portione nostræ proprietatis per manum advocati nostri Liudgeri dedimus, quidquid visi sumus habere in Villis Budineveldon, Brungeringhuson, Lellibechi, Rehon, Corbechi, & in Halegehuson, dictis, in Pago Nibtherse, & in Comitatu Asichonis Comitatus sitis, cum omnibus utensilibus illuc jure aspicientibus, mancipiis utriusque sexus ædificiis, areis, agris, pratis, campis, pascuis, silvis, aquis, cunctisque aliis pertinentiis, quæ dici adhuc aliquo modo aut nominari possunt. Atque hoc a nostro jure in Ecclesiæ superius dictæ, & abbatis antefati

Liudolphi, Successorumque illius potestatem perpetualiter ibi standum omnino redegit, & Imperiali dominatione ad integrum tradidimus. Sed quia præscriptus Abbas nostræ votum petitionis sequendo, hanc mutuo inter nos factam commutationem comprobavit, propter suam dilectionem adjecimus, ut ipse sui-que Successores in præfatis deinceps locis quietem habeant, atque ut nullus Comes, vel judiciaria persona hanc tranquillitatem violare præsumat, hoc nostro imperii præcepto firmiter interdiciamus. Ut autem hujus concambii utrimque facti traditio per futura debinc tempora stabilior habeatur, hoc nostræ dominationis præceptum inde conscriptum sigilli nostri impressione signari jussimus, manuque propria, ut infra videtur corroboravimus.

Signum Domni Ottonis



invictissimi Imperatoris Augusti.

Hildiboldus Episcopus & Cancellarius ad vicem Willigisi Archicapellani recognovi.  
Data XII. Calend. Octobr. anno Dominicæ Incarnationis DCCCCLXXX. indictione VIII.  
anno vero regni secundi Ottonis XX. Imperii autem XIII. Actum Walabuson feliciter amen.

Dithmars  
lib. 3.

Inde nunc Imperator compositis omnibus per Saxoniam & Imperium sub autumnii exitum cum florentissimo exercitu in Italiam movet, evocatus tum intestinis Italarum dissidiis, tum ut Italiam a Saracenorum deprædatione & Græcorum irruptione liberaret: indignum reputans regnum, quod Pater

quæsierat a se destitui. Ducta simul Theophania Conjux, qua cum Romæ natalitia Christi peregit. Comitata quoque Imperatorem, præter Episcopos & Abbates, ingens Saxonum procerum ac militum multitudo a Dithmaro & Schafnaburgensi celebratur.

## Annus Christi 981.

Benedicti VII. Pont. 7. Ottonis II. Imp. 9.

Volcmari Ep. Pad. 22.

Otto in Re-  
belles Ita-  
los animad-  
vertit.  
Dithmars  
lib. 3.  
Sigebert.  
Lambertus  
Schaf.  
Sigonius l. 7  
de Regno  
Ital.  
Brunnensis

At priusquam copiarum omnes ex Germania advenire, magnifico convivio cum primis parato in Vaticano, Principes ac Legatos excepit. Inter epulas de seditiosis sumptum supplicium; ex quo Itali cum primis scriptores crudelitatis notam nomini ejus imprimunt, & sanguinarium compellant, secus quam Germani, qui ob iteratam Italarum rebellionem severitati quam sævitiae adscribere malunt. Junctis deinde Italicis copiis cum Germanis, grave cum Græcis, qui jam Saracenos in auxilium attraxerant, bellum iniit, ac multa prospere gessit. Quo simul anno Bene-

dictus eo nomine septimus Pontifex insigni privilegio Ludolphum Corbejensem Abbatem & celebre illud cœnobium exornavit.

Benedictus Episcopus Servus Servorum Dei Liudolpho religioso Abbati sanctæ Corbeiensis Ecclesiæ, nostroque dilectissimo filio, suisque Successoribus in perpetuum. Cum summæ Apostolicæ dignitatis apex in hoc divini profectus nitore dinoscitur præfulgere, cum in exercendis DEI laudibus sui impensius studuit laboris exhibere certamen, ob hoc debita nos ejusdem Apostolicæ pastoralis

Benedictus  
VII Pont.  
in signa  
Corbejen-  
sis Privi-  
legia com-  
manicat.

com-



compulit sollicitudinis cura, quidquid ad stabilitatem piorum pertinere dinoscitur locorum, ubertim promulgari, & Apostolicæ institutionis censura confirmari. Igitur quia postulasti a nobis, quatenus monasterium SS. Martyrum, Protomartyris Stephani, atque Viti Martyris, in loco qui dicitur Corbeia privilegiis sedis Apostolicæ, & infulis decoretur, ut sub jurisdictione sanctæ nostræ sedis, cui Deo autore deservimus Ecclesiæ, constitutum nullius alterius Ecclesiæ jurisdictionibus submittatur: pro qua re piis desideriis faventes, ac nostra auctoritate, id quod postulas, effectui mancipamus, & omnem cujuslibet Ecclesiæ Sacerdotem, in præfato monasterio ditionem quamlibet habere, & auctoritatem præter sedem Apostolicam prohibemus: ita ut, nisi ab Abbate monasterii fuerit invitatus, nec missarum ibidem solennia quisquam præsumat celebrare, omnimodo statuentes apostolica censura sub divini iudicii obtestatione, & validis atque atrocioribus anathematis interdictionibus, ut nullus unquam præsumat, quacunque dignitate sit præditus vel potestate, vel etiam quæcunque magna parvaque persona in eodem monasterio vel ejus causis incumbere, aut de rebus & possessionibus, vel quidquid ad illud monasterium pertinere videtur, quoquo modo auferre, vel alienare; promulgantes nempe, & hoc auctoritate beati Petri Apostolorum Principis, coram Deo, & terribili ejus futuro examine per hoc nostrum Apostolicum privilegium atque constitutum sancimus atque decernimus, ut loca quæ ab abbate quolibet in eodem monasterio commutata, vel etiam concessa sunt, nec non & aliæ Laicorum possessiones, quæ a Regibus vel Ducibus, & a ceteris Christianis ad eundem sanctum locum largitæ atque oblatæ sunt, aut imposterum illis concessæ fuerint, firma stabilitate prædicto monasterio exi-

stenda, atque in perpetuum statuimus permanenda. Concedimus etiam & confirmamus, Apostolica auctoritate, ut de alio monasterio Abbas ibi non constitutur, sed ipsi Servi Dei secundum regulam beati Benedicti viventes, etiam ex sua propria congregatione, potestatem eligendi Abbatem habeant. Insuper etiam concedimus, ut in præcipuis festivitibus, id est, in Natalis Domini, atque in Epiphania, & Purificatione sanctæ Mariæ, die Resurrectionis & Ascensionis, Pentecoste, & festivitate S. Joannis Baptistæ, in Natalitiis Apostolorum, in festivitibus S. Mariæ, & Sanctorum, quorum meritis jam dictum monasterium dedicatum est, abbas ipsius loci intra missarum solennia dalmatica & sandaliis utatur. Si quis autem, quod non optamus, nefario ausu præsumpserit his, quæ a nobis ad laudem Dei pro stabilitate jam dicti monasterii statuta sunt, refragari, aut in quoquam transgredi, sciat se Anathematis vinculo innodatum, & Diabolo, & ejus atrocissimis pompis, atque cum Juda traditore Domini nostri Jesu Christi æternis incendiis, & supplicio concremandum deputamus a Domino. Qui vero pio intuitu & in omnibus extiterit custoditor hujus nostri apostolici constituti, ad cultum Dei respicientis, benedictionis gratiam a misericordissimo Domino Deo multipliciter consequatur, & vitæ æternæ particeps effici mereatur. Scriptum per manum Joannis Notarii nostri, & sacrosanctæ Romanæ Ecclesiæ, nonis Aprilis, indictione IX. Datum per manum Stephani Episcopi & Bibliothecarii sanctæ sedis Apostolicæ, anno Domino propitio, Pontificatus Domini nostri Benedicti summi Pontificis & Universalis Ecclesiæ Papæ, in sacratissima sede B. Petri Apostoli septimo, Imperante Domino nostro Ottone coronato anno imperii ejus XII., quarto nonas Aprilis indictione IX.

## Annus Christi 982. 983.

Benedicti VII. Pont. 8. 9. Ottonis II. Imp. 10. & ult.

Volcmari Ep. Pad. 23. & ult.

Insequenti anno Otto Imperator Tarento digressus, ubi xvii Calend. Aprilis castra habebat, ad Oppidum Calabriae processit, nomine Busensellum; ibi ardentibus pugnandi cupiditate animis militum, Idibus Julii cum occurrentibus Græcis & Saracenis atrox

prælium est commissum. Romani ac Beneventani, ubi certamen de summa rerum imminere viderunt, statim a signis recesserunt, atque Ottonem valido præsidio non opinantem nudaverunt. Hac Itolorum perfidia perculsus exercitus, cum hostes instarent, facile non

Otto defer-  
tus ab Ita-  
lis infelici-  
ter pugnat.  
Dithmarus  
lib. 3.  
Ligibornus

Leo Ofian.  
lib. 2. c. 9  
Lambertus,  
Schaf.  
Marian.  
Scorus.  
Auser visa  
S. Udalrici  
Sigon. Baro-  
nius & alii


non solum fusus fugatusque, sed foeda etiam strage obtritum est. Cæsi in eodem prælio multi Episcopi, multique Saxoniarum, Alemanniarum & Bojariarum Comites, proceres ac milites, a Dithmaro deplorati. Otto ægre incolumis ad mare profugit, & in navem, quam forte in littore nactus, se iniecit; quam, cum Piratarum esse didicit, veritus, ne proderetur, in mare profilivit natando nifurus evadere (Dithmarus ex una navi in aliam transiisse perhibet, quod Sigebertus etiam scribit) agnitus vero a prædonibus, captusque fuit. Quæ postquam Theophania & Theodorico Metensi Episcopo relata sunt, large aurum pro captivo obtulere; quocirca dum negligentius custodiretur, Otto per hanc fugam opportunitatem in littus profiliit, & beneficio pernicious equi evasit. Capuam subinde delatus, reparato per Lombardiam exercitu, Beneventum ex improviseo capit diruitque, civium ultus perfidiam. Inde Veronæ mense Julio procerum comitia habuit, in quibus Ottonem filium Cæsarem & Collegam Imperii dixit, & Warino Coloniensi Archiepiscopo in tutelam dedit. Qua in urbe Imperator Ludolphum Corbeiensem Abbatem novo liberalitatis beneficio affecit. Quod hic ex diplomate referam.

Decimas  
amissas re-  
stituit Cor-  
beienfibus.

*In nomine sanctæ & individue Trinitatis. Otto divina favente clementia Imperator Augustus: Omnium fidelium nostrorum, præsentium scilicet & futurorum, piæ devotioni pateat, quomodo Liudolfus Corbeiensis Ecclesiæ Venerabilis Abbas, per fidelem suum legatum Aeilberhtum nomine, nobis conquestratus est, quod prædecessores sui, ejusdem Ecclesiæ videlicet abbates, per ne-*

*gligentiam perdidissent quandam præceptionem, quam HLudovicus quondam Rex præfato monasterio dedit, in qua continebatur, qualiter ipse HLudovicus Rex ad monasterium jam dictum in honore S. Stephani protomartyris consecratum tradidit quendam locum Ponteburg nominatum, & omnem decimationem in pago Ammeri, in Episcopatu Adaldagi Bremensis Ecclesiæ Archiepiscopi sitam, & sua præceptione traditionem ipsam confirmavit; pro rei tamen firmitate petiit nostram Celsitudinem, ut nos omnem rem, quam præfatus Rex præceptione sua prælibato monasterio tradidit, de novo eidem Ecclesiæ traderemus. Nos vero ob petitionem dilectæ Confectalis nostræ Theophanu, videlicet Consortis imperii nostri, & interventum fidelium nostrorum, willigisi, scilicet Moguntinæ sedis Archiepiscopi, & Gisilbarii Magadaburgensis venerabilis secundi Archiepiscopi, piam petitionem præfati abbatis Liudolfi benigne suscipientes nostræ dominationis & præceptionis auctoritate præscriptum locum Ponteburg vocatum, omnemque decimationem in prædicto pago Ammeri sitam, sicut præfatus Rex HLudovicus præcepto suo donavit, tradidit ac confirmavit, demuo ac noviter donamus, tradimus atque confirmamus; & omnibus Regia & Imperiali potentia, ne aliquam controversiam præfato Abbati, suisque successoribus in prædicto loco & decimatione faciant omnino interdiximus. Et ut hæc nostræ donationis traditio ac confirmatio per futura temporum curricula a cunctis fidelibus firmiter habeatur, hoc nostræ magnitudinis præceptum inde conscriptum sigilli nostri impressione signari jussimus, manuque nostra propria, ut infra videtur, corroboravimus.*

Signum Domini Ottonis



invictissimi Imperatoris.

*Hildebaldus Episcopus & Cancellarius Vice Willigisi Archicapellani recognovi:  
Data XV. Calend. Julii, anno Dominicæ Incarnationis DCCCCLXXXIII. indictione XI  
anno vero regni secundi Ottonis XXV. Imperii autem XV. actum Veronæ feliciter amen.*

Obitus Ot-  
tonis II.  
Imp.

Verona Imperator Ravennam, & Ravenna Romam reversus, ad Italiæ Imperiique negotia cum Pontifice tractanda. Qua in urbe cum matrem reliquisset Papiæ, seu tædio belli ac memoria cladis acceptæ: seu ventris pro-

fluvio, fatali morbo decumbere cæpit; ac postquam ad extrema vitæ se urgere sensit, testamentum condidit, pecuniamque in quatuor partes divisit, uti Dithmarus exponit; unam Ecclesiis, secundam pauperibus, tertiam dilectæ forori

forori Mechtildæ Quidlenburgi Abbatis-  
sæ, quartam tristibus suis ministris,  
ac militibus dedit; factaque cum inti-  
mo sensu doloris confessione coram  
Apostolico ceterisque Episcopis & pres-  
byteris, acceptaque ab eis remissione,  
ac ceteris sacri viatici præfidiis muni-  
tus, VII Idus Decembr. e mortali luce  
ad immortalem transiit, anno Imperii  
decimo. Corpus in vestibulo Basilicæ  
Vaticanæ sepultum; atque, ut Sigoni-  
us inquit, adhuc aspicitur. Magnus  
Imperator ex vestigiis paternæ gloriæ,  
major etiam futurus, nisi immatura  
mors in flore virilis ætatis, magno or-  
bis Christiani luctu, abripuisset. Præ-  
ter Ottonem filium Crantzius tres filias  
numerat, quarum Sophia, Ganders-  
heimensis, Alheidis Quidienburgensis  
Abbatissa, Juditha Ratisbonæ in Col-  
legio Virginum educata, raptaque in  
matrimonium ab Udalrico Bohemiæ  
Principe; quibus addunt quartam  
Mathildam Ezzoni Hermanni Comitis  
Palatini apud Ubios filio denuptam.  
Horum piissimorum conjugum libera-  
litate postea Browilerense cænobium  
haud procul Agrippina conditum.

Episcopi munus gereret. Quanquam  
ab illo nulla donationum diplomata,  
nec alia factorum merita teneamus; &  
a religiosa vita, quam ex cænobio at-  
tulit, disciplinaque in clero servata ma-  
gis; quam a publicis gestis commen-  
datus sit.

Ludolphus Corbejenfis Abbas, <sup>Clarior</sup>  
quem sanctitate vitæ posteritas celebrem <sup>Volmaro.</sup>  
habuit, eoque post Marquardus Ab- <sup>Ludolphi</sup>  
bas & Osnabrugensis postea Episcopus, <sup>Corbeienfis</sup>  
ossa Ludolphi & Thiatmari Abbatis, <sup>Abbatis</sup>  
quod post mortem etiam cœlestibus <sup>sanctitas ac</sup>  
beneficiis clari colerentur, ossa utrius- <sup>mors.</sup>  
que tumba honoratori inclusâ extulit,  
& ante aram S. Crucis columellis de-  
corata collocavit, quæ nostris tempo-  
ribus, cum Christophorus Bernardus  
Monasteriensis Episcopus, & postula-  
tus Abbas, Basilicam e fundamento no-  
vam erigeret, integra in deauratis lo-  
culis reperta sunt. Adeo vero jam <sup>Dithmarus</sup>  
ante Ludolphus famæ sanctitatis clare- <sup>lib. 1.</sup>  
bat, ut Wilhelmus Moguntinus Archi-  
episcopus, Ottonis M. filius, post mor-  
tem se ei obtulerit; & preces ab eo &  
monachis expetierit. Hæc Dithmarus, qui  
alterum addit de Gerone Archiepisco-  
po Colonienfi: is etiam, cum jam ex-  
cessisset e vita, se Ludolpho Abbati Cor-  
bejæ viva specie obtulit, hisce illum  
verbis allocutus: *Requiem æternam*  
*nobis cantate*, quæ cum dixerat, eva-  
nuit ex oculis. Viri non modo Apo-  
stolici, sed & in omni genere doctrinæ  
præstantes Corbejæ per id tempus flo-  
rebant; e quorum numero Widekin-  
dus Corbejenfis, historiæ Saxonice  
præclarus scriptor, quos suos ille li-  
bros Machtildæ Quidlenburgensi Ab-  
batissæ, Ottonis M. filix dedicavit:  
Algerus Scholæ Corbejenfis Modera-  
tor, a quo liber de Sacramento altaris  
erudite conscriptus: Arnoldus Mona-  
chus poeta, alique, quorum nomina  
simul & scripta interciderunt.

Crantz. L. 4  
62.

Et Volmaro.  
ri Ep. Pad.

Ceterum hoc anno, quo Otto Im-  
perator Romæ, Volmarus Episcopus  
noster Paderbornæ, & Ludolphus Cor-  
bejenfis Abbas Corbejæ obierunt; ita  
enim in Corbejenfium Abbatum fastis  
annotatum reperio. *Anno Christi*  
*DCCCCLXXXIII Folmarus monachus mo-*  
*ritur Patharbrumensis Episcopus, &*  
*Ludolphus Abbas*, quæ testimonio refel-  
luntur, qui anno 981 defunctum scri-  
bunt; minus certe iidem annos Episco-  
patus xxvii assignare poterunt, quod  
tamen faciunt cum Auctore vitæ Mein-  
werici; Crantzius, Gobelinus, Bru-  
schius & Kerssenbrochius. Hinc nos  
non nisi xxiii annos illi in Episcopatu  
attribuimus. Vir fuit Volmarus, qui  
ob modestiam & vitæ integritatem om-  
ni honore dignus, ut inquit Crantzius,



RETHA.

# RETHARIUS IX.

## EPISCOPUS PADERBORN.

Annus Christi 983.

Benedicti VI. Pont. 9. Retharii Ep. Pad. 1.

Retharius  
Spiræ con-  
secratur E-  
piscopus.  
*Auctor vitæ  
Meinwer-  
ci*  
*Dithm. l. 3.*  
*Gobelinus.*  
*Bruschius.*  
*Crantzius*  
*lib. 3.*  
*metrop. c. 40*  
*Kerfanbro-*  
*chius.*

**N**onus exinde post Volcmari obi-  
tum Paderbornensis Episcopus  
Retharius: ita eum scribunt Auctor vi-  
tæ Meinweri, Dithmarus & Gobeli-  
nus: Alii Rethardum, alii Redharium  
vocant. Nostrates fere ex patrio fer-  
mone Rotharium appellant, quem  
optime ac sapientissime per xxviii an-  
nos sacram præfecturam gessisse perhi-  
bet Bruschius. Copiosius encomium  
apud Auctorem vitæ Meinweri ex re-  
centi præfulis memoria. *Eo, inquit,*  
*tempore Retharius Paderbornensis Ec-*  
*clesiæ venerabilis Episcopus inter alios*  
*quam plures, qui scientia præditi, mo-*  
*ribus adornati, secundas regni partes*  
*strenue adjuvabant, enituit; qui nomen*  
*Episcopi officio tenuit, moribus imple-*  
*vit, quique per \* xxviii annos consilii*  
*sui excellentia dispersa collegit.* Inde  
Crantzius virum dilaudat, qui magno  
fructu Ecclesiæ suæ præfuerit. At  
quæ ejus familia fuerit, aut ex quo in-

stituto vitæ graduque Ecclesiastici or-  
dinis delectus sit, nemo horum scri-  
ptorum tradidit. Interim Spiræ a Wil-  
legiso Moguntino Archiepiscopo, &  
Erkenbaldo Argentinenfi Episcopo con-  
secratus est Paderbornensis Episcopus;  
quod a Jacobo Wimfelingo annotatum  
in fastis Episcoporum Argentinenfium.  
Annus hic ordinationis Retharii deci-  
mus nonus ab auctore vitæ Meinweri  
scribitur ante incendium urbis Pader-  
bornensis, quod anno millesimo, indi-  
ctione 13 accidisse referunt; verum  
apud Auctorem hunc error est, quan-  
do rectius hic annus ordinationis xviii  
non vero xix numeratur in manuscri-  
pto Bibliothecæ Vaticanæ. Atque ita  
Rotharius, qui Volcmaro successit an-  
no 983, eodem statim anno ordinatus  
est Episcopus, & cum anno fluente  
millesimo, quo incendium accidit, men-  
se Junio, ingressus simul annum ordi-  
nationis xviii.

Annus Christi 984.

Joannis XIV. Pont. 1. Ottonis III. Reg. 1.  
Retharii Ep. Pad. 2.

Ottonis III  
coronatio

Hinc nunc Retharius Episcopatum  
suum auspicatus cum imperio Ottonis  
III, & hunc annum secundum Episco-  
patus turbulentum nactus. Enim vero  
accepta Ottonis II Imperatoris morte,  
Moguntinus & Colonienfis Archiepi-  
scopi Ottonem filium duodennem ado-  
lescentem Aquisgranum deducunt, ubi  
in solemnem Episcoporum & procerum  
conventu, ipso natalis Christi die a Jo-  
anne Ravennate Archiepiscopo inun-  
ctus & coronatus est Rex; uti id auctor  
vitæ Meinweri nostri tradidit. Auctor  
vero vitæ S. Godehardi Willigiso Mo-  
guntino Archiepiscopo id tribuit; Dith-  
marus utrique. Opinari fas erit, tres  
Archiepiscopos convenisse, Ravenna-  
tem, Moguntinum, & Coloniensem,  
primasque partes Ravennatem egisse,

quod is a Patre in hanc rem ex Italia  
præmissus fuerit. Inaugurationem hanc  
alii ad superiorem, alii ad hunc annum  
referunt. Datus tunc omnium proce-  
rum consensu Ottoni puero instructor  
moderatorque S. Bernwardus, vir in  
clero eruditus, ex prisca Saxonum no-  
bilitate, a Dithmaro Regis Magister  
appellatus.

Late hæc procedebant, cum Hen-  
ricus Bavariz Dux, Ottonis I ex Hen-  
rico fratre nepos, cognomento asper,  
jam ante ab Ottone II Imperatore prin-  
cipatu exutus, & Trajectum ad Mo-  
sam deportatus in exilium, studio Pop-  
ponis Herbipolensis Episcopi, Comi-  
tisque Egberti, cum factioforum globo  
Coloniam advolat, Ottonemque ado-  
lescen-

Ottonem  
dolose ab-  
ducit Hen-  
ricus Dux  
Bavariz.

Iescentem a Warino Colonienſi Archiepiſcopo (cujus curæ & educationi commiſſus erat) ſeu dolo, ſeu minis extorquet. Specie quidem conſanguinei tutoris hæc agebat, re autem, ut Imperium regio adoleſcenti præriperet. Hac opima præda potitus, Corbeiam cum adoleſcente feſtinat ad Weſtphalorum animos ſollicitandos; quos cum ſidos Ottoni experiretur, Magdenburgum proceſſit, multosque procerum in ſuas partes attraxit, id omni conſiliorum niſu agendo, ut Rex ſalutaretur; quod cum Saxones ſine perfidia & gentis ſuæ labe facere nequirent, dicerentque ſe jam fidem Ottoni Patri dediffe, filiumque ejus acceptaſſe in Regem, Henricus voti irritus diſceſſit.

Nec multo poſt, auſpiciis Willigiſi Moguntini Archiepiſcopi, & Henrici Ducis Saxoniz, Werlis in Weſtphalia Episcoporum, procerum, Comitumque conventus habitus; in eoque fœdus contra Henricum juratum, bellumque indictum. Saxonibus ſe conjungere Franci Orientales. Quibus compertis, Henricus cauſæ ſuæ diffidere cœpit; & mox etiam tutelæ ſe abdicat, Ottonemque Alheidæ aviæ & Theophaniæ matri permittit; quæ illico ex Italia cum magno procerum comitatu accedentes, adoleſcentis curam ſuſcipiunt, & Willigiſo Moguntino Archiepiſcopo fido curatori tradunt; is teneros juvenis annos moderatus, ſimul Imperii procuratorem geſſit.

Sed paulo poſt Saxonia reſtituit.

Servarius in Willigiſo.

## Annus Chriſti 985.

Joannis XIV. Pont. 3. Ottonis III. Reg. 2. Retharii Ep. Pad. 3.

Dithmarus

Inde annō hoc proximo Francofurti comitia Imperii indicta celebrataque, in quibus Otto pro Imperatoria auctoritate Rempubicam capeſſit; ac nequid deinceps turbaret Henricus, conſilio procerum Bojariæ Ducatus illi redditus. Ita demum quietus Henricus, qui multa deinde contra irrumperentes pugnando præclare geſſit, multo etiam illuſtrior poſt factus D. Henrico filio, æterna digno memoria Imperatore. Otto ſubinde in Saxoniam reverſus, magno procerum comitatu Quidlenburgi Paſcha celebrat, etiam Imperatoria patris avique majeſtate. Nam conſpicuum epulum regio apparatu facit, in quo Henricus Dux Bojorum Dapiſeri, Conradus Dux Francorum Camerarii, Hezilo Palatinus Pincernæ, Bernardus Dux Saxonum præfecti ſtabuli munera obierunt. Conſtitutis per Saxoniam Orientalem nego-

tiis, Otto in Weſtphaliam profeſtus, Duisburgi 3. Calend. Maji conſignat Hildeboldo Wormalienſi Episcopo veteres privilegiorum tabulas, quibus præter cetera Episcopo idem jus in ſuam urbem confirmat, quod Moguntinus & Colonienſis in ſuas habet; videlicet ne quis comes aut judex ullam judiciariam poteſtatem in eam urbem Wormalienſem exerceat, præter ipſum Episcopum. Id tum omnibus fere Episcopis in ſuas urbes jus commune fuit. Varias deinde urbes peragravit Otto, uti ex diplomatis, diverſis locis conſignatis, conſtat; nam & Ingelheimii Meſrido Leodiienſi Episcopo Comitatum Hujenſem confirmat, & Coloniz 6 Idus Auguſti Wernebratho Werthinienſi Abbati omnia privilegia renovat, liberumque facit, ne caſtra ſequi neceſſe ſit.

In Maniſeſt. Henr. Maximil. edit. Chapen. in Episc. Tung. c. 26. Miraus in not. Belg. c. 72. Diplom. Werth.

Otto magnificum convivium inſtituit.

## Annus Chriſti 986.

Joannis XV. Pont. 1. Ottonis III. Reg. 3. Retharii Ep. Pad. 4.

Lambertus & Dithmarus

Anno exinde regni tertio, Rex poſtquam Lotharium Galliz Regem adegiſſet, Viridunum Auſtraziamque, ſecundum pacta cum parente inita, reddere, primum adverſus Bohemos ſuſcepit bellum. Magnis copiis, magnaque alacritate novum ſuum Regem ſecuti ſunt Saxonum proceres. Bellum id in alterum annum continuatum; nec deſtitum, dum Bohemiam omnem vi-

cinæque Polonorum regiones Imperio ſubjiceret. Tunc vero, quod Dithmarus ſcribit, ſeu fracti ſeu terriſti Boleslaus Bohemorum, & Miſico Polonorum Principes Ottonem convenere, fœdus & amicitiam petentes, obtulitque Miſico aſpectabili magnitudine Elephantem; ſed nullo munere lætior Rex, quam quod iis in regionibus Chriſti religionem libere lateq; diſſeminari videret.

Bohemiz Polonizq; regiones Ottonis Imperio & Chriſtianæ fidei ſubjiciuntur.

F f

Ex


Ex Bohemia reversus Otto Rex in Westphaliā descendit, versatusque Tremonia in Regia urbe cum aula & procerum cœtu, Gesekensium Sanctimonialium Virginum Collegio, interpellante pro iis Theophania matre & Henrico Bavariae duce, præclaras liberalitatis tabulas consignavit, quas hic ex ipsis originum literis exhibemus.

Otto Gesekensium Canoniarum Collegio plura privilegia indulget.

*In nomine sanctæ & individue Trinitatis. Otto divina favente clementia Rex. Notum sit omnibus fidelibus nostris, præsentibus scilicet & futuris, quomodo Nos dilectæ genitricis, Theophanu videlicet Imperatricis Augustæ, votum sequentes, nec non chari nepotis, ac fidelis nostri Henrici Bavariorum Ducis interventum adimplentes, Ecclesiæ Gesiki in honore S. Cyriaci martyris constructæ & consecratæ, cui etiam præsentis tempore Wigisvid venerabilis Abbatissa præsidet, pro Dei amore, & eleemosyna parentum nostrorum, ac pro statu regni nostri dedimus ac concessimus, ut nullus Dux vel Comes, aut aliqua ju-*

*diciaria persona, sive alia quælibet major, & minor potestas dehinc potestatem habeat ullo unquam tempore, quolibet ex causa, aut super locos, aut servos ipsius prælibatæ Ecclesiæ, ut eos in aliquibus distringant, vel eos ad placitum aliquod compellere præsumant, aut ad aliud opus vel negotium seu servitium cogant, nisi solus ille, quem præfata Abbatissa & sanctimoniales ibidem Deo servientes advocatum ad hoc constituent, nullique personæ Vadimonium aliquod nisi advocato solummodo tribuant. Ad hæc etiam superius jam dictæ Wigisvidæ Abbatissæ, & futuris, quæ ei succedent, ac Sanctimonialibus regulare electionis arbitrium concessimus, ut inter se, quando opus evenerit, quamdiu probabilis persona in illius Ecclesiæ filiabus reperiatur, nostro jussu & consensu eligant & constituent. Et ut hæc nostræ ingenuitatis concessa firma & stabilis in futura permaneat tempora, hanc chartam inde conscriptam, & sigilli nostri, impressione signatam, manu propria ut infra videbitur, roboravimus.*

Signum Domni Ottonis



Regis invictissimi.

*Hiliboldus Episcopus & Cancellarius vice Willigisi Archicapellani notavi. Data 6 Idus Decembr. anno Dominicæ Incarnationis DCCCCLXXXVI. indictione \* \* al. XIV. XV. Anno autem Tertii Ottonis regnantis III. Actum Trutmanie feliciter in Christo amen.*

## Annus Christi 987.

Joannis XV. Pont. 2. Ottonis III. Reg. 4.  
Retharii Ep. Pad. 5.

Multum per id tempus Otto Rex versatus in Saxonia apud fidam, patriæque suæ gentem; tametsi defuncti præter obscurum abruptumque Dithmarum scriptores, qui res ab Ottone apud nos gestas pro merito tradiderint; ut vel inde ex diplomatis historia lux petenda. Certe hoc anno Westphaliā lustrasse testabitur diploma, quo & Corbejæ fuisse constabit; & Thiatmaro Corbejensium Abbati, viro, ut diximus, post Ludolphum Abbatem sancto, donationem Ludovici pii Cœnobio factam, Patris Ottonis exemplo, renovavit, idque rogatu simul Theophaniæ matris, & Willigisi Moguntini Archiepiscopi obtentum.

Tabulæ confectæ ab Hildeboldo Wormatiensi Episcopo, & Regis Cancellario. Hi enim Episcopi, viri sapientissimi, ut ex aliis quamplurimis diplomatibus liquet, aulam spectati, juventutem Regis moderabantur. Nec dubium quin ex hoc itinere Otto Paderbornam accesserit, aut certe Retharius Episcopus noster Ottonem Regem pro obsequio suo convenerit. Diploma vero, hæcenus non editum, sic habet.

*In nomine sanctæ & individue Trinitatis. Otto divina favente clementia Rex. Omnium fidelium nostrorum, tam præsentium quam futurorum, piæ devotioni pateat, quomodo Vir venerabilis*



bilis Thiotmarus, Corbejenfis Ecclesiæ Abbas, nostris obtulibus præsentavit præceptum Domni Genitoris nostri beatæ memoriæ Ottonis Imperatoris Augusti, quo continebatur, qualiter ipse quendam locum, Ponteburg nominatum, a Rege HLudowico traditum ad prælibatam Ecclesiam in honore S. Stephani protomartyris consecratam, omnemque decimationem in pago Ammeri dicto, & in Episcopatu Adaldagi Bremensis Ecclesiæ Archiepiscopi sitam, ab eodem Rege illuc condonatum sua præceptione a novo concessit ac confirmavit; pro rei tamen firmitate petiit celsitudinem nostram, ut nos demuo traditionem ac Genitoris nostri confirmationem præceptione nostra confirmaremus. Cujus vero petitionem pro amore dilectæ Genitricis nostræ, Theophanu videlicet Imperatricis augustæ, & interventione fidelis nostri Willigisi Moguntinæ sedis Venerabilis Archiepiscopi benigne suscipientes, præscriptum locum Ponteburg vocatum, omnemque decimationem in prædicto

pago Ammeri sitam, sicut præfatus Rex Ludovicus antea præcepto suo donavit. tradidit ac confirmavit, ac postea superius jam dictus genitor noster, bonæ commemorationis Otto Imperator Augustus, noviter per suam præceptionem donavit ac corroboravit. Nos hac nostræ dominationis ac præceptionis moderna auctoritate ad prædictam Corbejensem Ecclesiam donamus, tradimus atque confirmamus. Unde & regia omnibus majoribus & minoribus firmiter interdici-mus potentia, ut prænominato Abbati Thietmaro fideli nostro, ac suis successoribus nullam in prædicto loco Ponteburg nuncupato, & decimatione supra scripta controversiam faciant, si nostræ pietatis regię commodo frui desiderent. Et ut hæc nostræ donationis traditio ac confirmatio per futura temporum curricula a nostris fidelibus firmiter habeatur, hoc nostræ magnitudinis præceptum inde conscriptum sigilli nostræ impressione signare jussimus, manuque propria, ut infra videtur, corroboravimus.

Signum Domini Ottonis



• Gloriosissimi Regis

Hilibaldi Episcopus & Cancellarius vice Willigisi Archiepiscopi recognovi.

Data VI. Kal. Julii, Anno Dominicæ Incarnationis DCCCCLXXXVII. Indictione XV. anno autem tertii Ottonis regnantis quarto. Actum Corbeia feliciter amen.

Anget Pri-  
vilegio cœ-  
nobii Wili-  
chensis.  
Ex biblio-  
theca Geis-  
sana P.  
Mauritii de  
Büren.

Sed jam ante, priusquam Westphalam intraret Otto Rex, mense Januario proximas Rheno provincias perlustravit; qua in peragatione monasterii Vilicensis, nunc Wilich inter Confluentes Rheni & Sigæ a Megingozo Comite ejusque conjugē conditi, & ab Ottone patre approbati, privilegia mirifice auxit; ut enim ex ipsis constat tabulis, eam libertatem impertitus est, quam Gandersheimense, Quidlenbur-

gense, & Assindienſe monasteria obtinent, exempta ab omni jurisdictione Episcoporum, Comitum & Judicum; idque præſente matre Theophania Imperatrice, Willigiso Moguntino Archiepiscopo, Gislario Magdemburgensi Archiepiscopo, Hildebaldo Wormatiensi, Notkero Leodiensi, & Alberone Vir-  
dunensi Episcopis impetratum; tabulæque Andernaci anno Christi 987. 15. Calendas Februarii confectæ.

## Annus Christi 988.

Joannis XV. Pont. 3. Ottonis III. Reg. 5. Rethari Ep. Pad. 6

Altero ab hinc anno, Christi videlicet 988, Otto Rex denuo Westphalam ingressus, aliquamdiu Wildeshufii confedit; quo in oppido nobile Canonorum Collegium fundavit ex paternis bonis Wigbertus Widekindi M. filius. Utrumque cum ex Crantzio constat, tum fidem meretur ex diplomati-

bus, quæ Otto Rex Wildeshufii Adaldago Bremensi Episcopo sanctissimo dedit, quorum altero 15 Calend. Aprilis dato, Collegium Clericorum Ripesholtanum a Wendila Frisæ matrona in comitatu Bernardi ducis conditum, & a patre approbatum confirmat; altero 15 Calend. Aprilis bona & possessiones  
F f 2 Ecele-

Adamus  
Brem.  
Albert. Stad.  
Cranz. in  
lib. 4. Sax.  
c. 23.

Mors Adal-  
dagi Archi-  
episcopi  
Bremen-  
sis, cui suc-  
ces-  
sit Liben-  
tius, rarè  
vir sancti-  
tatis.

Ecclesiæ Scliswicensis, Ripensis, & Arnensis regia auctoritate consolidat. Quod iis in locis Otto avus, & pater Episcopatus erexerant ad Christi fidem per Transalbianas & Daniæ regiones proferendam; quare nihil quoque impensius sibi commendatum habuit Otto Rex. Sane Crantzius de hoc Ottonis accessu ad hæc loca non incongrue. Otto III, inquit, priusquam in Italiam ascenderet, sedit aliquamdiu in Wildeshusen: ibique præcepta fecit, constituta edidit; ut intelligerent, qui in extremo essent Imperii limite, se quoque Imperatoribus suis curæ esse. Ac tributum id ait memoriæ, & venerationi primorum christianorum Principum Widekindi videlicet, Wigberti filii ac nepotum, qui per ea Westphaliæ extrema loca conditis Sacerdotum Collegiis Christi religionem primo firmarunt, & sepulchris suis honorarunt. Tantum piissimi Reges detulerunt venerandæ antiquitati, quæ vel eo nos quoque scribere & recollere non pigeat. Invitavit præterea Ottonem Adaldagi Archiepiscopi Bremensis & grandævifenis visendi desiderium, quod is Patris aulam sectatus, fidus illi semper Consiliarius in expeditionibus Italicis adhererat, & jam in LIV annum Episcopatum illum præclara sapientiæ & sanctitatis fama administrarat, Christique religionem per Daniæ & Sueciæ Regna quam latissime propagarat. Qui & eodem anno haud multo post discessum Regis IV Calend. Maji excessit e vita, successorem nactus Libentium (qui ex Italia quondam secutus erat Benedictum Pontificem) virum rarè doctrinæ, insignis castimonie, prisce vigoris & sanctitatis; quales plerique per id tempus Episcopi in Saxonia. Nec facile a Ca-

roli M. ævo beatior Saxonia, quam Ottonis temporibus. Audet interim Fabricius, libro de originibus Saxonum, criminari, Ottonis ævo Episcopos & Cathedrales Clericos degenerasse a priorum disciplina: Contra Browerus nullam hac ætate feraciorem integerrimorum Episcoporum & Clericorum fuisse memorat.

Browerus  
in notis ad  
vitam

Bernwardi.  
Lis præsu-  
les Mogun-  
tinum inter  
& Hildes-  
ensem ob  
consecra-  
tionem So-  
phie, Regis  
Sororis.

Subinde Otto Rex invitatus Gandersheimium ad celebritatem velandæ Sophiæ Sororis, aliarumque nobilium Virginum Deo consecrandarum. Convenire eo una cum Rege Theophania mater Imperatrix, Willigisus Moguntinus Archiepiscopus, Osdagus Hildesimensis, Retharius Paderbornensis, Milo Mindensis, Hildewaldus Wormatienses Episcopi, multique præterea Principes & Saxonie proceres. Sed sæda tunc istic lis orta super una Virgine velanda inter Moguntinum Archiepiscopum & Hildesimensem Episcopum: Moguntinus id munus sibi sumebat, obnitente Hildesimensi, quod is locus intra suam Diocesin esset, & jam a diversis annis Hildesimenses Episcopi virgines istic Deo consecrassent; eoque Retharius & ceteri Episcopi causam ejus probabant æquiorē, quantumvis Moguntinus eorum Metropolitanus esset. Sed fomes litis Sophia, fastu generis inflata; quæ cum Imperatoris filia esset, & Regis soror, a paligero Archiepiscopo sacro ritu sibi velum imponi volebat; id cum & ipse Willigisus importunius urgeret, cessit Hildesimensis, datumque est præsentī honori Regis & Imperatoriæ familiæ; ita Willigisus Sophiam, ceteras Osdagus velavit.

## Annus Christi 989.

Joannis XV. Pont. 4. Ottonis III. Reg. 6. Retharii Ep. Pad. 7.

Adamus  
Bremen-  
sis.  
Albertus  
Stad. in  
chron.  
Dithm. L. 4.  
Cranz. in  
lib. 4.  
Metrop.  
c. 25.  
Pontanus  
lib. 4. hist.  
Dan.

Ibant tranquilla hæc Ottonis tempora, cum repente tempestas ex Aquilone orta, ad quam tota Saxonia trepidare coepit. Enim vero Nortmanni ex Danis & Sueonibus conflati, sese supra viginti millia piratarum in unam prædandi societatem contraxere, Ascomanni tum dicti. Hi postquam vicina maris loca depopulati, classē prædatoriā in partes dividunt, quarum altera in ostium Albis invecit, Saxones, qui

ad Stadium occurrere, profligant. Capti tum præter alios viros illustres, Sigefridus Marchio & Theodericus Comes; at Sigefridus elapsus e piratarum custodia, Saxones ad vindictam repetendam contrahit, adjutus Bernardi ducis copiis, Barbaros insigni prælio vincit ceditque. Altera pars classis, quæ ostium Visurgis intrarat, & ad Lismonam usque processerat, pari clade inter paludes intercepta ad internecionem deletur. Ita Saxo-

Saxonia va-  
statur a  
Norman-  
nia.

Saxonia metu Barbarorum liberata felici-  
bus Ottonis auspiciis conquievit.

Ottonem vero sub initium hujus  
anni Westphalam intrasse, ut bello pro-  
prior esset, docet nos illustre diploma,  
quo Imperator ex consilio & judicio  
Willigisi Archiepiscopi Moguntini &  
Retharii Episcopi nostri in regali villa  
Erwite litem decidit, quæ de possessio-  
nibus Monasterii Burchorstienfis in dice-  
cesi Monasteriensi intervenerat. Id di-  
ploma, quod Joachimus Maderus vir  
antiquitatum peritus, & scriptis erudi-  
tis clarus, ex tabulario Ducum Brun-  
swicensium acceperat, & nobiscum  
communicavit, hic exhibere congru-  
um duximus.

*In nomine sanctæ & individuae Tri-  
nitatis, Otto divina favente clementia  
Rex. Omnibus fidelibus nostris, præ-  
sentibus scilicet atque futuris, notum  
esse volumus, quomodo quædam nobilis  
matrona, Berchta nominata, in quodam  
Cænobio Burbursth dicto, a fundamento  
concepit ædificare ecclesiam, in honore  
sancti Nicomedi martyris consecratam,  
& illic omnia prædia sua sibi juste in  
hæreditate cum consensu & approbatione  
coheredum suorum condonavit. Pro rei  
tamen firmitate præfatam Ecclesiam  
cum omnibus appendiciis suis, ne ab in-  
vidis avelli aliquid inde possit, in jus  
& tuitionem bonæ memoriæ avi nostri,  
Ottonis Imperatoris videlicet Augusti,  
tradidit, deprecans illius gratiam, ut  
dicta Ecclesia, & omnia illuc ab ea tra-  
dita, in mundiburdium sanctæ Magde-  
burgensis Ecclesiæ, per ejus præceptio-  
nem & privilegium donaretur. Ille au-  
tem ejus votum benigne suscipiens, ean-  
dem Ecclesiam cum omnibus illuc tradi-  
tis vel donandis, Magdeburgensi Eccle-  
siæ sui præcepti auctoritate subjugavit  
& confirmavit, ea scilicet ratione, ut  
sub ejus patrocinio perpetim consistat.  
Et Archiepiscopus Parthenopolitanus,  
quando opus venerit, Abbatissam & Ad-  
vocatum ibi constituat, atque a præfato  
monasterio census decem solidorum, si-  
cut eadem matrona statuit, ac fieri ro-  
gavit, propter subjectionem ad suam Ec-  
clesiam, quotannis persolvatur. Sed  
cum post mortem suprædictæ Berchtæ  
inter filiam ejus Berchtydam, & fide-  
lem nostrum Gisalbarium, prælibatæ  
urbis Parthenopolitane secundum Archi-*

*episcopum, altercatio quædam magna  
oboriretur de prædiis, quæ ipsa Ecclesiæ  
a se constructæ tradidit, eousque excre-  
vit eadem contentio, quod finire non  
potuit, nisi in nostra præsentia. Nos  
autem fidelium nostrorum, Willigisi  
videlicet Moguntini Archiepiscopi, &  
Retharii Paderbrunnensis Episcopi pium  
consilium, aliorumque quam plurimas  
rectas suasiones sequentes, ut lis oborta  
dissolveretur, & Dei servitium non de-  
ficeret in præfato monasterio, nostræ re-  
gia potestate fecimus inter eos reconcilia-  
tionem utrinque comprobata, ita ut  
Archiepiscopus jam dictus Gisallarius,  
ob nostrum votum & jussum comproba-  
ret, quod eadem Berchteyda a manu Ad-  
vocati ejus Wigmanni pro reconcilia-  
tione susciperet omnem hæreditatem sui  
Patris Luthberti in sua vestitura semper  
tenendam, & e contra, ut Sanctimoni-  
ales præscripti Monasterii ad Dei servi-  
tutem præbendas deinceps habeant per  
suam manum, ipsa filiis ejus Bernhardo  
& Thuringo consentientibus, pro nostro  
voto & jussu, in Ecclesiæ jus ad inte-  
grum dimitteret, ac redderet cunctam  
proprietary vitrici ejus Bernhardi, per-  
petualiter ibi tenendam, excepto uno lo-  
co, qui dicitur Curnii, quem ipsa, con-  
cedente Archiepiscopo & ejus Advocato,  
jam dicto Wigmanno, cum decem man-  
sis & familiis pro stabilitate reconcilia-  
tionis semper possidendam accepit. Hac  
itaque reconciliatione utrimque compro-  
bata, & facta, ipsius & filiorum ejus  
rogatu, atque prædictis fidelibus nostris  
Willigiso Archiepiscopo, & Rethario  
Episcopo, cæterisque per plurimos inter-  
cedentibus, quæ in Ecclesiæ jus pro re-  
conciliatione dereliquit, nos noviter no-  
stra auctoritate ad eandem Ecclesiam do-  
navimus. Et ne inde ab aliqua persona  
invida, quod a nobis illuc donatum est,  
seu ab aliis traditum sive donatum un-  
quam divelli possit, hac nostra præce-  
ptione confirmavimus, & insuper no-  
stro regio jussu omnino interdiximus,  
ut nullus Dux vel Comes, aut regius  
exactor, seu alia quælibet judiciaria  
persona, magna sive parva, in agendis  
rebus ipsius Ecclesiæ, aut prædiis illuc  
traditis, aliquam dehinc potestatem ex-  
erceat, nisi solummodo potestativus  
Advocatus, ab Archiepiscopo Magdebur-  
gensi super idem monasterium constitu-  
tus. Et ut hæc nostræ donationis tra-  
ditio & confirmatio præsentis, ac futuro  
tem-*

tempore firma stabilisque permaneat, nuque propria, ut infra videtur, corroboravimus. hoc præceptum inde conscriptum sigilli nostri impressione signari jussimus, ma-

Signum Domini Ottonis



Gloriosissimi Regis.

Hildibaldus Episcopus & Cancellarius vice Willigisi Archicappellani recognovi.  
Data V Idus Februarii anno Domini Incarnationis DCCCCLXXXVIII.  
Indictione II. Anno autem tertii Ottonis regnantis sexto, Actum Arvite feliciter Amen.

Amplis a  
Joanne XV  
Pont. pri-  
vilegiis do-  
nantur  
Corbejens.

Ceterum hoc anno Thiatmarus Corbejensis Abbas per Mutinensem Episcopum magnificum a Joanne XV Pontifice impetravit diploma, quo Cœnobii privilegia secundum aliorum Pontificum largitatem confirmat, ultra etiam, quam Rethario & Paderbornensibus Episcopis, ob veterem hætenus de jurisdictione controversiam, gratum videri poterat: id propterea inferre hic visum est.

Convenit Episcopali authoritati, maximeque summi præsulis, pie sollicitæque semper cogitare, quatenus ita Ecclesiarum sollicitudinem habeant, ut sacris locis, in quibus jugi famulantium sedulitate placatur, opportuna conferre suffragia non detrectent. Unde ego Servus Servorum Dei Joannes, Sacrosanctæ Apostolicæ sedis præsul, omnibus sanctæ Dei Ecclesiæ fidelibus suggero, quod venerabilis Abbas Thetmarus, monasterii, quod vocatur nova Corbeia, per interventum Hildibrandi Mutinensis Episcopi nostram efflagitavit clementiam, ut omnia præcepta gloriosissimorum Imperatorum seu Regum, sive quorumlibet Principum Chirographa, nec non etiam, quæ a nostris prædecessoribus Adriano atque Stephano collata vel conscripta sunt, nostra quoque auctoritate confirmaremus & voboraremus; & his, quæ ab Apostolica sede decreta sunt, nostræ subscriptionis cartulam adjungeremus. Nos itaque considerantes religiosam ejus petitionem, pastoralisque esse officii, Servorum Dei jugiter utilitati commodisque prospicere. Decrevimus ut duo monasteria Corbejense videlicet monachorum, atque Herifordense Sanctimonialium, de omnibus rebus, quæ vel in communi Principum charta, vel præceptis confirmata esse agnoscuntur, nihil ominis talem ex apostolica sanctione obtineant firmitatem, ut nihil habeant, unde se tueri possint, quicumque sibi promittunt hæc aliquando se posse immutare vel infringere. Habeant ergo præfata monasteria rerum suarum liberam in omnibus disponendi regulariter potestatem; & ut plenius prosequamur, quod Sanctos Apostolicos jam dictos intendisse sentimus, atque ante eos B. Gregorium, ac reverendæ memoriæ Nicolaum sanxisse de stati-

bus monasteriorum invenimus, Nos humiliter tantis auctoritatibus subscribendo confirmamus. Ut nullus Episcopus Patherbrunnensis aliquam ex eis vel accipiat vel exposcat portionem; neque vel in his, qui regiminis locum tenent, vel in ipsis congregationibus; aut in ipsis cœnobiis potestatem obtineant; neque ipsorum dominatione potiantur ulla, neque in Clericis, neque in famulis, aut in omnibus, quæcunque ad monasteria ipsa videntur habere possessionis respectum, sicut ab omnibus eis hætenus servatum & concessum est Episcopis, in quorum Parochiis res eorundem monasteriorum conjacere videntur. Nam ipsius præfati monasterii abbati, suisque Successoribus licentiam damus, juxta altare sedendi populoque infra tuum monasterium vel cellas secundum Deum prædicandi ac docendi, Ita ut nullus Episcopus per se ad ipsa monasteria vel cellas eorundem; vel æconomus ejus, vel archipresbyter, aut archidiaconus illius, seu quælibet ex ejus agentibus persona potestatem habeat accedendi, nisi forte necessitatis causa, vel dilectionis gratia vocatus advenerit, ne importunitate sui ministrorumque suorum inquietudine sacris locis fiat molestia. Neque in Ecclesiis præfatis monasteriis subjectis, vel in presbyteris eisdem Ecclesiis ordinatis aliquam tentet facere perturbationem, novam constituendo, antiquam constitutionem violando; sed sicut regulariter ac canonice disposuerint, ex longo jam tempore manentia, ita futuris temporibus maneant inconcussa.

Ordinationes, quæ necessariae fuerint; ipsis monasteriis, agere non differat; altaris quoque & Basilicarum benedictiones, sive consecrationes, pro ut necessitas postulaverit, vel in ipsis monasteriis, vel in agris eorum libenter concedat; chrisma quoque oleumque consecratum per singulos annos præbere non differat, & pro his omnibus nullum munus exigat, ne Spiritus S. gratiam vendere conatus, inde, quod absit, damnationem incurrat. Hoc constitutum non solum Paterbrunnensem, verum etiam omnium locorum Episcopos ubicunque præfata monasteria, vel Ecclesias, vel agros, vel familias habere noscuntur, observare sine cunctatione seu contradictione oportet, ut nullus potestatis jure rebus eorundem monasteriorum abutatur; sed maneant omnia in potestate eis & regulari dispositione, quæ-

quæcunque, ut diximus, vel in agris, vel in famulis, vel in decimis eis constant esse collata. Sicut & Apostolica & Imperialia præcepta partim simul partim singulatim eis confirmaverunt. Abbatein vero & Abbatissam in his locis semper eligendi habeant potestatem, ut eam eligant personam quæ propositum conversationis in utrolibet monasterio & moribus & habitu profiteatur, non Canonicum aut laicum, neque alterius monasterii monachum, in quo specialiter nos audire dignetur regia Dominatio, ut nullam eisdem monasteriis proponat personam, quæ non ab ipsis congregationibus fuerit regulariter electa. Qua de re noverit clementia, vel nunc existentium, vel successionis jure omnium futurorum Principum, a sede Apostolica sancitum, nostraque subscriptione roboratum, nec non antecedentium Regum præceptis cautum, ut prædictis monasteriis nullam præstent personam de quocunque ordine, nisi quæ per electionem probabilem sumatur. Quoniam vero multe quærentur ab importunis hominibus malignitatis occasiones, ac necesse semper adversa tela clypeo protectionis repellere, quod Apostolica decrevit auctoritas, nos quoque approbamus, ut qui ordinati fuerint, ad regimen sæpeditorum monasteriorum, nulla potestate prævalente dejiciantur, nisi criminis causa fuerint deprebensi, cujus merito Relectorem non debeant administrare officium. Infamiae vero maculis sive criminis alicujus denominatione si fuerint appetiti, non præter ca-

nonicam aut regularem deponantur examinationem. Si quis ergo Apostolicæ Sedis decretum contempserit, procul dubio damnationis censuram suscipiet, quam credimus divino spiritu per Apostolicam linguam probatam. Nos igitur nostram subscriptionem annuli nostri impressione sigillantes obsecramus. Coepiscopos nostros omnes, in quorum manus ista devenerint, ut sua etiam autoritate & descriptione hæc confirmare velint, ut quicumque hæc temerare præsumpserit, generalitatis nostræ sententiis ita anathematis vinculo obligetur, ut neminem habeat, de cujus favore blandiatur, aut se tueri putet a sententia damnationis. Ab Imperatoribus etiam, aut Regibus, sive Ducibus, aut a quacunque potestate, quæ pro tempore tunc ordinata fuerit, compovere cogantur mille libras auri optimi, medietatem prædictis monasteriis, ac medietatem Camerae eorum Principum. Cunctis autem ista servantibus sit pax Domini nostri Jesu Christi, quatenus & hic fructum bonæ actionis recipiant, & apud districtum Judicem præmia æternæ quietis inveniant. Scriptum per manus Stephani primi Scribæ Sanctæ Romanæ Ecclesiæ, in mense Junio, & indictione 2 Datum Calend Julii per manus Joannis Episcopi, & sanctæ Ephesiæ Ecclesiæ, & Bibliothecariæ sanctæ Sedis Apostolicæ. Anno Pontificatus Domini Joannis sanctissimi Quintidecimi Papæ IIII. Indictione secunda.

## Annus Christi 990.

Joannis XV Pont. 5. Ottonis III Reg. 7.

Retharii Ep. Pad. 8.

Agebatur jam annus ab ortu Christi 990 Saxonie Germaniæque ab Ottonis Regis sollicitudinem & peragrati-  
onem pacatus. Nam & hoc anno Francofurti versatus est in conventu procerum, uti id docet diploma Regis cœnobio Trevirensi ad D. Maximinum consignatum. Francofurto deinde Coloniam profectus ad exequias Theophaniæ matris, quæ 17 Calend. Julii Neomagi ad Vahalim excesserat e vita;

cujus corpus Coloniam jussu Regis filii transportatum, in D. Panthaleonis Ecclesia apud Brunonem Archiepiscopum ac Patrum suo mausoleo inclusum est. Hoc præterea anno Retharius Episcopus noster a Joanne Pontifice ejus nominis xv confirmationem omnium bonorum & privilegiorum impetravit; Diploma incendio Ecclesiæ, aut temporum injuria intercidit.

## Annus Christi 991.

Joannis XV Pont. 6. Ottonis III. Reg. 8.

Retharii Ep. Pad. 9.

Altero ab hinc anno Otto Rex, bello adversus Sclavos suscepto, Brandeburgum primariam Sclavorum urbem expugnat; quemadmodum in eadem quoque urbe liberales donationis tabulas Miloni Mindensium Episcopo obsignavit, quas Mindensium fastis adscriptas legimus. Multa præterea bella

Otto gessit cum Sclavis, quæ scriptorum injuria ad nos minus pervenere; verbo hæc indicat Dithmarus. Multis bellorum asperitatibus laceßere Sclavos Rex non destitit. Orientales ausos insurgere devicit, Occidentales vi & arte superare contendit; ac demum debellari Regi subduntur, renovatis juxta Albim

Ca-

Zalsus in  
defen.  
Maxim.  
Dithmarus  
lib. 4.  
Lamb.  
Schaf.  
Obitus  
Theophas  
niz Imper.  
Colonie  
sepulcr.

Dithm. l. 4.  
Tangm. in  
vita Bernh.  
wardi.

Castellis. Haud dissimilia de Ottonis fortitudine præliisque adversus Sclavos Tangmarus retulit inter res gestas Bernardi Hildesienfis Episcopi. Tantus quippe horum barbarorum inceserat metus, ut Bremam præmuniret Ar-

chiepiscopus, & Hildesum D. Bernardus, duoque castella impositis præfidiis erigeret; adeo sancti hi Episcopi non habuere alienum, urgente necessitate, bellica tractare.

## Annus Christi 992.

Joannis XV Pont. 7. Ottonis III Reg. 9.  
Retharii Ep. Pad. 10.

Halberstadiensis Basilicæ dedicatio. Dithm. l. 4. Crusius in ann. Sue. l. 9. p. 2. Chron. Mansf. Spang. Steng. in bist. Aug. ex vultu rufi auctore.

Victor dehinc Rex Saxoniam peragravit; ac sub exitum anni Halberstadium accessit, ad celeberrimam Basilicæ dedicationem; quam ex fundamentis construxerat Hildebaldus Episcopus, atque anno superiori ad fastigium perduxerat: eaque solemniritu xii Calend. Novemb. invitatis ex tota Saxonia Episcopis & Principibus, consecrata est. Aduit enim, ut Dithmarus perhibet, primum Otto Rex cum Adelheida avia sua, & Mechilde Abbatisa, Willegisus Moguntinus, Gisilerus Magdenburgensis, & Licwizo, seu Libentius Bremensis Archiepiscopus cum suis provincialibus Episcopis; interque hos Retharius Paderbornensis Episcopus noster, & Thiatmarus Corbejenfis Abbas a diversis scriptoribus præsentibus fuisse memorantur. Convenere præterea ad hanc celebritatem omnes Saxoniae

primates, inquit Dithmarus, innumeraque procerum hominumque multitudo, omnesque ab Episcopo, clero & civibus pro insigni christiana caritate excepti sunt. At nihil tum beatius, quam Saxoniam omnem in flore religionis, & pacis tranquillitate videre; cum ubique templa, Collegia clericorum & cœnobita consurgerent. Inter quæ hoc anno in dicecesi Mindensi ac monte Wedegonis monasterium Virginum accessit, id quod postea in urbem translatum est. Halberstadiensem Episcopum æmulatus Dudo Monasteriensis, qui sub idem tempus nobilem Basilicæ fabricam construxit, destructa veteri, quæ a D. Ludgero erecta humilior & angustior erat, quam ut populi multitudinem caperet. Ea tamen post ab aliis Episcopis post incendium multo magnificentius constructa.

## Annus Christi 993. & 994

Joannis XV. Pont. 8. 9. Ottonis Reg. 10 & 11.  
Retharii Ep. Pad. 11. & 12.

Rursum Otto Rex altero anno in Westphalia versatus, frequentem procerum conventum Tremoniae habuit, in quo decisa est controversia, dudum inter Dudonem Mimigardevordensem Episcopum, & monasterium Metelense agitata. Qua super re ejusmodi tabulæ asservantur in tabulario ejus loci.

Deciditur Controversia, quæ erat inter Episcopum Monast. & Monasterium Metelense.

*In nomine sanctæ & individue Trinitatis, Otto divina favente clementia Rex. Notum sit omnium fidelium nostrorum præsentium scilicet & futurorum industria, quomodo Sanctimonialis de loco Mattellia nominato ad nos venerunt, nostris obtutibus præmonstrantes præceptum prædecessoris nostri Arnulphi Regis, in quo continebatur, qualiter ipse rogatu Friduwi primæ ejusdem monasterii Abbatisæ, quæ hoc in honorem SS. Martyrum Cornelii & Cypri-*


*ani cum sua licentia a fundamento construxit, suæque hæreditate ditavit, præfatum monasterium cum omni prædio ab ipsa & aliis personis religiosis illuc tradito sub suæ immunitatis regiam tuitionem accepit, & Sanctimonialibus Domino illic servientibus, quando opus & usus exegerit, inter se eligendi abbatissam sua præceptione concessit, & advocatum super homines & loca ejusdem monasterii, quem ipsæ comprobaverint, a Regibus vel Imperatoribus constituendum simul condonavit. Sed quia contentio quædam inter eas & Dudonem Miniernevurdensem Episcopum, qui hoc suæ potestati usurpavit, de electione abbatissæ & advocati constitutione oborta est, rogaverunt nostram celsitudinem, ut huic dissidio nostra auctoritate finem faceremus. Quarum petitionibus ob interventum Evergeri Coloniensis Ecclesiæ*  
ven-



venerabilis Archiepiscopi aliorumque Bernardi Ducis & Egberti Comitis ceterorumque fidelium perplurium consulto obtemperantes, secundum electionem & comprobationem earum, communi consilio fidelium nostrorum Archiepiscoporum sapientumque Clericorum, abbatissam Godesdin nominatam eis dedimus; & advocatum juxta votum illarum Wigmannum nomine super homines & loca superius jam dicti monasterii regendum

constituimus. Hac nostra praeceptione electionem & omnia ab antecessoribus nostris Regibus vel Imperatoribus, aut ab aliis religiosis illuc tradita confirmamus, praecipientes firmiter regia potestate, ut nullus eas dehinc in aliquibus rebus inquietare praesumat. Et ut hoc verius credatur, hoc praeceptum inde conscriptum, manu nostra firmatum sigillo nostro signari jussimus.

Signum Domini Ottonis



Gloriosissimi Regis.

Hildibaldus Episcopus & Cancellarius Vice Willigisi Archiepiscopi recognovi.  
Data VIII. Calend. Februarii, Anno Dominicae Incarnationis DCCCCXCIII. Indict.  
VI. anno autem III. Ottonis regnantis X. actum Trotmanniae, feliciter amen.

## Annus Christi 995.

Joannis XV. Pont. 10. Ottonis III Regis. 12.

Retharii Ep. Pad. 13.

Post illa Gandersheimii diocesana synodus congregata, praesente D. Bernardo Hildesienfi Episcopo, intra locum suae diocesis. Interfuere una cum Rege Ottone Willigisus Moguntinus, Giselarius Magdenburgensis, & Ludolphus Trevirensis Archiepiscopi; praererea Milo Mindensis, Hildeboldus Wormatiensis, Hugo Citizensis Episcopi. Habita cum primis haec synodus ad asserendam Hildesienfis Episcopi jurisdictionem in Gandersheimense oppidum & coenobium: tum ad controversiam componendam, quae inter Willigisum Moguntinum Archiepiscopum, & Hildesienfes Episcopos haecenus intervenerat; cujus controversiae cognitor atque arbiter Retharius quoque Episcopus Paderbornensis imploratus; quanquam lis postea a Willigiso rescitata sit. Quo in congressu Episcoporum ac procerum Dithmarus Corbejenfis Abbas ab Ottone Rege omnium suorum privilegiorum confirmationem Gandersheimii impetravit, ut ex subiecto diplomate liquet.

cul dubio & ad praesentis nostri regni statum, & ad aeternae beatitudinis praemium nobis profuturum fore credimus. Unde omnium fidelium nostrorum, tam praesentium quam futurorum, noverit solers industria, quia adiens excellentiam nostri Culminis Dietmarus abbas venerabilis novae Corbeiae rogavit, ut eidem monasterio concederemus talem libertatem, qualem ab avo, genitoreque nostro, nec non & ceteris Coimperatoribus & Regibus nos praecedentibus, accepisse dinoscitur. Cujus petitioni assensum praebentes, interventu fidelium nostrorum Willigisi Moguntiacensis Ecclesiae Venerabilis Archiepiscopi, ac Hildibaldi Wormaciensis Ecclesiae Episcopi honorabilis, in supradicto monasterio fratribus Deo servientibus, ejusque Martyribus Stephano atque Vito omnes concessionem, quas anteriorum Regum vel Imperatorum temporibus habuerunt, concessimus, nostraque auctoritate renovavimus: praecipue, ut potestatem habeant, cum necessitas venerit abbatem eligendi, ac ut a nullo Episcopo de dominicalibus mansis ejusdem monasterii decimae exigantur, neque a Comite, vel ex qualibet judicaria potestate Coloni eorum & liti ad justitiam faciendam aliquo banno constringantur, sed coram advocato ejusdem monasterii justitiam facere cogantur, sicut anteriorum Regum vel Imperatorum

tem-

Gg

Approbatio  
nova privi-  
legiorum  
Corbeien-  
sum.

In nomine sanctae & individuae Trinitatis, Otto divina favente clementia Rex. Si piis petitionibus fidelium nostrorum, maxime quas pro Ecclesiis sibi commissis auribus nostris infuderint, benignum praebuerimus auditum, hoc pro-

temporibus præfato loco concessum fuisse cunctis fidelibus nostris liquido patet. Et ut hæc nostræ renovationis ac confirmationis auctoritas firmiter stabilior

que cunctis perpetim credatur, hanc cartam conscribi, manuque propria nostra subtus roboratam annuli nostri impressione jussimus insigniri.

Signum Domini Ottonis



Gloriosissimi Regis.

Hildibaldus Episcopus & Cancellarius vice Willigisi Archiepiscopi recognovi. Data III. Calend. Augusti anno Dominicæ Incarnationis DCCCCXCV. indictione VIII. Anno vero tertii Ottonis regnantis XII. Actum Gandersbenn feliciter amen.

Uti & Herivordien-  
sum.

Per hanc quoque in Saxonia præsentiam Otto, rogatu Machtildis amitæ & Sophiæ Sororis, Herivordenfi Virginum monasterio privilegia ac donationes Ludovici pii hoc regio diplomate confirmat.

In nomine sanctæ & individue Trinitatis, Otto divina favente clementia Rex. Si Ecclesias Dei nostra regali potentia sublimare conamur, hoc procul dubio & ad præsentis nostri regni statum, & ad æternæ beatitudinis præmi-um nobis profuturum fore credimus. Quapropter omnibus fidelibus nostris, præsentibus scilicet atque futuris, notum esse volumus, quomodo nos cum consilio Hildibaldi Wormatiensis Ecclesiæ honorandi præfulis, ac Bernhardi ducis, aliorumque fidelium nostrorum, vota & petitiones domnæ Immæ herivurtensis monasterii venerabilis abbatissæ, cunctæque congregationis sanctæ Mariæ sibi commissæ, sequentes, nostra regia auctoritate tres Ecclesias in pagis bursibant & Scopingon nominatis, in villis quoque reini Wadingas & Stoeheim con-

structas cum omnibus rebus & decimationibus suis a HLudovico Imperatore, ob remedium animæ suæ, ad præfatum herivurtense monasterium traditas, eidem monasterio more antecessorum nostrorum confirmamus. Eo tenore, ut jam dicta domna Imma abbatissa, omnesque in eodem honore sibi succedentes cum prædictis Ecclesiasticis rebus, aliisque omnibus a Regibus & Imperatoribus per præcepti paginam illuc traditis liberam dehinc potestatem habeant cum suis ministris ecclesiastico ordine disponere atque gubernare, remota omnium hominum contradictione; Insuper sub eadem corroboracione concludimus, quidquid a religiosis & Deum timentibus personis ad sæpe jam dictum monasterium herivurtense in præsentem traditum erit. Et ut hæc nostræ regie donationis corroboratio ab hac hora in antea firma & inconvulsa permaneat, hanc nostræ dominationis confirmationem inde conscriptam sigilli nostri impressione signare jussimus, manuque propria, ut infra videtur, corroboravimus.

Signum Domni Ottonis



Gloriosissimi Regis.

Hildibaldus Episcopus & Cancellarius vice Willigisi Archiepiscopi recognovi.

Data VI. Idus Julii anno Dominicæ Incarnationis DCCCCXCV. Indictione VIII. anno autem tertii Ottonis regnantis XII. actum Bodfeldon feliciter amen.

Otto R. do-  
nat Immæ  
V. Herivor-  
dienti præ-  
dium ad  
privatos  
usus.

Altero deinde diplomate hoc ipso anno Immæ ejusdem Collegii Sanctimoniali Virgini, ac filiæ Bernardi ducis, prædium donat, quod ipsa virgo in potestate habeat aut vendendi, aut commutandi, aut donandi cuilibet; ex quo constabit institutum harum Sanctimonialium Virginum diversum fuisse a Monialibus: id Ottonis diploma ejusmodi est.

In nomine sanctæ & individue Trinitatis. Otto divina favente clementia Rex. Omnibus fidelibus nostris, præsentibus scilicet & futuris, notum esse volumus, quomodo nos ob petitionem & interventum dilectæ amitæ nostræ Machtildis, sancti Quitilimburchensis monasterii venerabilis abbatissæ, nec non sororis nostræ Sophiæ Sanctimonialis, dedimus quoddam nostræ proprietatis prædium

dium, hedum dictum, in pago Hedergo dicto, & in comitatu Heiconis Comitissitum, Immae Sanctimoniali virgini, scilicet Bernardi Ducis filiae, atque id ipsum praedium cum omnibus pertinentiis suis, hoc est, Villis, areis, aedificiis, mancipiis utriusque sexus, nec non liberis, terris, cultis & incultis, agris, pratis, campis, pascuis, silvis, vocationibus, aquis aquarumve decursibus, piscationibus, molendinis, quaesitis & inquirendis, exitibus & redditibus, viis & inviis, cunctisque aliis appendiciis,

quae adhuc diu inveniri, aut nominari possunt, ei in proprium tradidimus, ea videlicet ratione, ut eadem jam dicta Imma Sanctimonialis liberam semper faciendi, quod velit, potestatem habeat, tradendi, commutandi, vendendi, seu magis sibi met retinendi, vel pro anima judicandi. Et ut haec nostra regalis traditio nunc & in futuro firma & inconvulsa permaneat, hoc praeceptum inde conscriptum sigilli nostri impressione signare jussimus, manuque propria, ut infra videtur, corroboravimus.

Signum Domni Ottonis



Gloriosissimi Regis.

Hildibaldus Episcopus & Cancellarius vice Willigisi Archiepiscopi. Data VII Calend. Novembris, anno Dominicae Incarnationis DCCCCXCV. Indictione VIII. anno autem tertii Ottonis regnantis XII. Actum Sciminge feliciter amen.

## Annus Christi 996.

Gregorii V. Pont. 1. Ottonis III. Imp. 1. Reg. 13.

Retharii Ep. Pad. 14.

Consequitur nunc annus Christi 996, quo Otto Rex primam in Italiam expeditionem suscepit: Sed priusquam iter ingrederetur, primo inter Sclavos & Saxones componit, ne quid per absentiam suam turbarent in Christianorum provinciis; toto enim Imperio quiescente ab intestinis armis, haec unica cura optimum sollicitabat Regem. Et barbaris perdomandis insistere malebat, nisi Pontificis Romanæque Ecclesiae periclitantis salus avocasset. Quippe Crescentius Urbis Romanæ Consul, homo superbus, tanquam per fasces urbis, simul imperii fasces accepisset, ausus est sibi polliceri, & civibus persuadere, se priscum Romani Imperii decus Urbi redditurum, indignum inquiens post Francos se demum iugo Saxonum submitti; nunc tempus esse, quo correptis armis se in libertatem vendicent, & Italiae imperium primo Urbs Romana capiat. Quod consilium cum Joanni XV ejus nominis Pontifici aperiret, & ille improbaret, nec se re-

bellionis participem esse vellet; Pontificem ejecit ex Urbe, dominatumque arripuit. Pontifex ex his ærumnis Ottonem Regem implorat. Otto haud secus quam Carolus M. olim pro Leone, quam avus ac pater alique Cæsares, causam restituendi Pontificis suscepit. Ac Moguntia digressus, cum ingenti Germanorum exercitu Alpes emensus, Papiæ Pascha celebrat. At dum aliquamdiu Ravennæ subsistit, mors Joannis XV Pontificis nunciatur, in cuius locum studio Ottonis Regis subrogatur Bruno Saxo ac Regis consanguineus; quod verisimilius Ottone duce genitus, qui patrem habuit Ludolphum Ottonis M. filium. Bruno ex Presbytero ad Pontificatum promotus Gregorii V. nomen sumpsit. Otto inde Romam ingressus, compressa Crescentii tyrannide & populi seditione, Gregorium in sede collocat; a quo consanguineo Pontifice Otto mox solemni ritu, magnaqué pompa cum Maria conjuge Imperator coronatus est.

Lambertus. Schaf. Sigebertus Dithmarus lib. 4. Brodovius in ann. Trev. Brunner. in hist. Bojo. Gelenius. Sigonius l. 7.

## Annus Christi 997.

Gregorii V. Pont. 2. Ottonis III. Imp. 2. Reg. 14. Retharii Ep. Pad. 15

Rebus per Italiam prospere compositis. Otto in Germaniam rediit, Imperatorque Aquisgranum profectus est ad Imperatoriam sedem, magno Episcopo-

G g 2

Eltenense  
monasteri-  
um in fi-  
dem suam  
recipit.

scoporum & procerum comitatu, magnoque populi applausu, ut diplomata istic consignata docent. Inde & Neomagus digressus ad palatium regium; ubi monasterium Eltenense Virginum, quod Wigmannus Comes anno 968 sub Ottone M. sub patrocinio D. Viti martyris condiderat, parentum exemplo in tutelam suscepit, paribusque, quibus Amdienfes, Gandersheimenses, Quidlenburgenfes Sanctimoniales, privilegis exornavit; ipsum vero diploma Ottonis interpono, quod in eo Adela Meinweri Episcopi mater prodatur, ac maternum ejus Wigmanno Comite, ac fundatore hujus Parthenonis genus asseratur.

In nomine sanctæ & individue Trinitatis amen. Otto divina favente clementia Roman. Imperator Augustus. Si loca vel monasteria a religiosis personis, & Deo dicatis constructa, nostra imperiali auctoritate corroborare conamur, hoc procul dubio & ad presentis regni nostri statum, & ad æternæ beatitudinis præmium profuturum nobis fore credimus. Quapropter omnibus in Christo fidelibus nostris scilicet presentibus & futuris notum esse volumus, quomodo temporibus avi nostri p. m. Domini Ottonis Imp. Aug. Wichmannus Comes pro animæ suæ remedio suorumque parentum in quodam loco Altenis dicto Monasterium & Sanctimonialium congregationem in honorem Domini nostri Jesu Christi & S. Viti Martyris amplissimæ benignitatis conamine construxit, nec non magnam certæ proprietatis suæ partem, cujus nomina infra tenentur, simul & beneficii idem dilectus avus noster primum ei concessit in beneficium, postea pro servitute sedula sibi donavit in proprium, & ad ipsum licenter contradidit monasterium, suamque ipsius filiam nomine Lutgardem cæteris monialibus præconstituit Abbatissam; succedente vero tempore, cum idem Wichmannus Comes semel ad vespertinam noctis inclinasset, penitusque naturæ concessisset, altera suæ procurationis filia nomine Adela quandam hæreditatis jam traditæ partem exposcens, dicens quod Pater ejus secundum Saxoniam legem absque ejus consensu & licentia nullam potuisset facere traditionem totam patris sui donationem produxit in errorem. Hujus itaque seditionis perturbatio usque ad tempora dilecti patris nostri perdurabat; Ipseque noster caritativus pater eandem contentionis cladem extinguere pro viribus insudabat, & hoc quoad ipse vitam finivit, minime ad unguem usque perduxit; exacto autem longo temporis intervallo, cum ejusdem monasterii Abbatissa prætitulati viri Wichmanni filia, universæ carnis viam tunc intraret, aliaque in ipsius locum Imperialis nostræ potestatis jure accederet, in palatio nostro, quod dicitur Noviomago, nostrum iussi-

mus fieri colloquium, ibique saltem hujusmodi seditionis fecimus finem; Baldericus enim prædictæ maritus Adela pro nostra voluntate, exhortatione simul & petitione, idipsum monasterium sua propria suæque conjugis manu in nostrum contradidit Mundiburdum, & sicut mos est Laicorum, cum festuca semel ab eodem exivit prædio, ea ratione, uti nos nostro regali Imperio ac descriptionis præcepto tale libertatis arbitrium eidem monasterio perpetualiter condonaremus, qualiter cæteras Monialium congregationes, scilicet Affindia, Quidenlingenberg, Gandersheim habere cognovimus. Insuper Baldericus omnia ejusdem monasterii prædia, quæ prior Abbatissa duntaxat in sua habuit potestate & investitura, ad reliquias S. Viti in præsentia nostri nostrorumque plurimorum fidelium concessit, radicatusque contradidit, quorum nomina hæc sunt inscripta. \* Kelnon, Furnon, Voritbusen, cum omnibus utilitatibus ad ea loca iuste ac rite pertinentibus: Embricæ media pars, æque divisa, in Hamme media pars, Arbnem media pars, Redingen media pars, Aspel, Tornicka media pars, Herveldt dimidia pars, Lyende dimidia pars, Tbule dimidia pars, Malme dimidia pars, Brummen dimidia pars, Oelberg media pars, Rathe dimidia pars, Huingen dimidia pars, Thelden dimidia pars, Tryengem media pars, Putte in loco constructur \* dimidia pars. Ad hæc quatuor foresta \* forte quæ in Steenwalt, in Offet, Wichmoet, & Subort. In his quatuor forestis cervum, vel cervam venandi nullus habeat licentiam, nisi verbo & consensu Abbatissæ, & si cervus vel cervæ effugiat de his forestis, eos in alias sylvas sequi sit licentia Abbatissæ nunc, & in foresto, in quo est Eltica constructa, singulis annis inter cervos, & cervas XII. feræ tribuantur Abbatissæ. Ut autem hujus donationis veritas firma & inconvulsa permaneat, posterior Abbatissa nomine Ludgarda prælibatæ Adela Maritatæ, quatuor curtes nomine Rynhave, Helchambeli, Luitbusen, Redo cum omnibus utensilibus & ad ea pertinentibus in proprium tradendo ad ea recompensavit, quatenus post hæc, sicut prædiximus, pacis amicitia pignus eo permaneat tenacius. Hanc igitur idem Baldericus in traditionis gratæ & in fronte recepit, nec non de fidelium nostrorum scilicet Willigisi Archiepiscopi, Hildebaldi Episcopi, & Heggeberti Marchionis, cæterorumque multorum fidelium consilio, sicut idem Baldericus donando postulavit, eidem monasterio potestative concessimus, ut amodo sicut cætera monasteria supradicta libere \* perenniter perfruantur arbitrio. Præter hæc quidquid prædii Divus Imperator semper Aug. Wichmanno in proprium donavit, præcipue quæ dicuntur in Nardinklant, Urck, Barbuorgt, Otwinen, prædia insuper in Frisonibus, quidquid Abbatissa in quatuor Comitatus videlicet Hunesca, Fualge, Merime, Micheta tributi a Magnificencia avi nostri recepisset, nos nostræ descriptionis præcepto ad utilitatem Abbatissæ & sororum ibidem

dem Deo & S. Vito famulantium largimur & concedimus in omnibus utilitatibus supra dictis, sicut & in ista proprietate areis, edificiis, terrisque cultis & incultis, agris, campis, pascuis, silvis, piscationibus, molendinis, Ecclesiis, viis & inviis, exitibus, quæstis & inquirendis, cunctisque appendiciis, quæ dici possunt, nec non fiscum & telonium de piscatione in pago Salon, & in flumine Isla, qui vulgari nomine Hachdol dicitur. Et quod dilectus genitor noster eidem monasterio concessit, eodem modo pro paterna remuneratione nos contradimus, & nos adhuc volumus, nostroque imperiali præcepto cunctis nostris in Christo fidelibus firmiter jubemus, ut in eodem monasterio, vel locis ad id pertinentibus, nullus Dux, Comes, vel vice Comes, nullus Marchio, vel quilibet Scholdatio, vel alia iudiciaria persona ullum habeat placitum nec parafredos nec pratas faciendas, nec aliquod exigatur servile servitium, prius quam ejusdem Abbatie servus, in cujuscunque comi-

tatu habitet, alterius Comitis non eat placitum, sed ad ejus solummodo, quemcunque Abbatissa sibi met eligere velit advocatum. Cæterum pro animæ nostræ expiaculo eidem largiti sumus monasterio, ut post hæc perpetualiter, cum ejusdem monasterii Abatissa morbo consumpta moriatur, Sanctimoniales inter se unam, quamcunque velint, simul cum consensu Trajectensis Episcopi, in cujus positæ sunt Diæcesi, absque mortalium omnium contradictione licenter eligant. Et hujus ut monasterii status ab adversariorum omnium incursum maneat intactus, sicut Wichmannus Comes instituit, de eodem monasterio ad limina S. Petri Principis Apostolorum Romani argenti tot annis libra deferetur. Postremo ipsa venerabilis Abbatissa cum omnibus rebus suis nostro semper pareat imperio, & sub nostro consistat Mundiburdio, quatenus ipsam sororesque ejus jugiter pro nobis exorare delectet. Et ut hæc nostræ concessionis auctoritas maneat firma &c.

Signum Domni Ottonis magni Imperatoris Augusti.

Hildebaldus Episcopus Cancellarius vice Willigisi Archiepiscopi resignavi.

Datum 15. Calend. Junii, anno Dominicæ Incarnationis 997. Indict. 10. anno autem III. Ottonis regnantis 14. imperii vero 1. Datum in palatio Noviomagi.

Donat Ecclesiæ Magdeburgensi prædium Schitrense.

Altero ab hoc diplomate dato mense, alias Otto Imperator tabulas consignavit, quibus ad petitionem Gisilarii Archiepiscopi Ecclesiæ Magdeburgensi donat prædium Schitrense, in pago Angeri Diæcesis nostræ situm: eæ tabulæ ex archetypo descriptæ sic habent.

In nomine Sanctæ & individue Trinitatis, Otto divina favente clementia Romanorum Imperator Augustus. Omnium fidelium nostrorum tam præsentium quam & futurorum noverit Sagacitatis industria, qualiter nos ob remedium animæ nostræ & parentum nostrorum, nec non ob petitionem Gisilarii Sanctæ Magidiburgensis Ecclesiæ venerabilis Archiepiscopi de quodam prædio Kitz ilnheim nuncupato, ad S. Mauritium pertinente, concambium fecimus, quandam nostræ proprietatis curtem Sigri dictam, ad eandem S. Mauritii donantes Ecclesiam, in pago Angri nominato, ac Comitatu Bernhardi ducis sitam.

Atque eandem curtem cum omnibus utensilibus suis, quæ patris nostri scilicet celebris memoriæ Ottonis Imperatoris augusti temporibus & nostris ad eundem locum pertinuerunt, hoc est, in censu quem liberi homines ad prædictum locum persolverunt, areis, edificiis, terris cultis & incultis, agris, pratis, campis, pascuis, silvis, venationibus, foresto, aquis aquarumque decursibus, molendinis, piscationibus, viis & inviis, exitibus & redditibus, quæstis & inquirendis, cunctisque aliis appendiciis, quæ adhuc dici, inveniri aut nominari possunt, eidem Ecclesiæ Sancti Mauritii tradidimus. Eo tenore, ut ejusdem loci Archiepiscopus de præfata proprietate ad usum Ecclesiæ liberam faciendi, quod velit, potestatem habeat. Et ut hæc nostræ auctoritatis traditio nunc & in futuro perseveret, hanc paginam manu propria corroborantes, sigillo nostro signare jussimus,

Signum Domni Ottonis



invictissimi Imperatoris Augusti.

Hildebaldus Episcopus & Cancellarius vice Willigisi Archiepiscopi novi.

Data Non. Junii, Anno Dominicæ Incarnationis DCCCCXCVII. Indict. X. Anno autem tertii Ottonis regnantis XIII. Imperii primo. Actum Armburg.

Inter

Gregorium  
V. Pont. e  
sede sua  
pulsam Ot-  
to Imp. re-  
stituit.

Inter hæc dum Otto Imperator totam Germaniam in quiete possidet, Crescentius Consul Romæ tumultuatur, urbeque in potestatem suam redacta, Gregorio Pontificatum abrogat, intruso in ejus locum Placentio Episcopo, quem Joannem XVI dixere. Fædum hoc schisma erat, & Gregorio simul Imperatorique probrosum facinus. Quamobrem Imperator a Pontifice imploratus, alteram in Italiam expeditio-

nem suscepit. Venienti ad Papiam occurrit Gregorius Pontifex; quocum Romam progressus, Joannem Pseudo-papam luminibus orbatum, & naso mutilatum exauctorat. Crescentius Consul, qui Castello se incluserat, expugnatur, captusque, cum duodecim fociis suspendio extinguitur; quod factum multis pœnitentiæ operibus expiasse fertur Imperator.

## Annus Christi 998.

Gregorii V. Pont. 3. Ottonis III. Imp. 3. Reg. 15.  
Retharii Ep. Pad. 16

Instituuntur  
Electores  
Imperii

Inter hæc tradunt plerique scriptores, in Concilio Romano, hujus Pontificis & Episcoporum auctoritate, cum Otto Imperator nullam prolem suscepisset, septem Imperii Electores institutos, penes quos jus eligendi Imperatorem exinde esset: iis legibus, ut posthac nullus Imperator hereditario jure succederet, quique eligeretur, gente Germanus esset; quod Ottoni M. a Leone VIII Pontifice ob merita liberatæ Romæ concessum erat, quoad heredes filios ipse & nepotes haberent, in quos coronam Imperii transferrent. Post ubi Otto III nepos ejus sine herede filio erat, videbatque multos superesse, qui vel consanguinitate, vel affinitate Principes se contingerent, & per æmulationem a suo excessu de Imperio decertaturi essent; eo sapientissimus Imperator, ut communi Imperii quieti & salutis consuleret, egit cum Romano Pontifice Gregorio V de electione Imperatoris constituenda; quæ deinde auctoritate Pontificis, convenientibus Italiæ & Germaniæ Episcopis, sancita est. Nam uti translatio Imperii a Græcis ad Francos, & a Francis ad Saxones Romani Pontificis auctoritate facta est; ita ab ejusdem auctoritate pendere facultatem modumque creandi Regem aut Imperatorem, præclare intelligebat; ne & ipse etiam, si per concordiam Sacrilegum aliquem, aut anathemate percussum, separatimque ab Ecclesia, aut hæreticum, aut paganum elegerent, Pontifex necesse haberet, eundem probare & inungere; quod Innocentius III Pontifex sapienter rescripsit ad Germaniæ Principes.

Utrumne vero potestas eligendi Imperatorem a Gregorio V per septem

viros constituta, an promiscue Imperii Principibus relicta sit, magnopere controvertitur inter scriptores. Bellarminus, Gretzerus, Serrarius, Browerus, Geroldus, atque omnium copiosissime Windeckius scripto hæc super commentario, a Gregorio V certum Electorum numerum, qui Septenario contineatur, designatum tradunt. (Contra Baronius, Sirmondus, alique, septem viros Electorum tandem in concilio Lugdunensi ab Innocentio IV Pontifice determinatos constitutosque esse contendunt; postquam inter ipsos Principes, quorum tantus erat numerus, tantaque sæpe partium studia factionesque, convenire non potuit. Hinc in hoc Lugdunensi concilio reperiuntur primum Electores Imperatorum consignati ex Ducibus & Archiepiscopis, de quo in Bernardo Episcopo nostro referendum est. Sane Henricus Rex, qui Ottoni III subrogatus est, communi Principum suffragatione delectus est. Qui modus quoque ad concilium Lugdunense facile ex historiis observari poterit: perinde ut Sirmondus eruditissimus Scriptor hæc multis commonstrat. Longius per errorem processit Onuphrius, qui Electorum institutionem ad Gregorium XPontificem retulit, non alio auctore subnixus, quam Aventino, fabuloso & hæresis scabie infecto. Quoquo nunc modo Imperatorem acceperis, sive a Gregorio V. facultatem eligendi ex concilio Romano, sive ab Innocentio IV ex concilio Lugdunensi, ad Pontificis institutionem & auctoritatem referenda est; quemadmodum ipsi Principes Electores in literis anno Christi 1279 ingenue fatentur, jam olim se ab Apostolica sede & Romani Pontificis aucto-



auſtoritate conſtitutos. Eo nunc ma-  
jor heterodoxorum magiſtrorum no-  
ſtro ſæculo infania, qui Pontificem An-  
tichriſtum ſuis perſuadent; quibus ſi-  
mul fateri neceſſe, translationem Im-  
perii à Græcis ad Francos ab his ad Sa-  
xones, ipſamque Imperatoris electio-  
nem ab Antichriſto ad Germanos per-  
veniffe. Sane quod ſummum benefi-  
cium fuit Romanorum Pontificum erga  
inclytam noſtram Germanam nationem  
Saxonesque, id illi, per extremam ma-  
ledicendi libidinem, tanto gentis noſtræ  
probro & infamia traducunt.

quam largiſſime conditum, dotatum-  
que ab Ekkihardo Comite ex heredita-  
riis bonis, in proprio patrioque fundo,  
qui tum Comitatu Dudiconis & pro-  
vincia Angariæ continebatur. Funda-  
tionem hanc cœnobii, quod Conditor  
Monachorum eſſe voluit Deo ſervien-  
tium, Otto III Imperator magnifico  
diplomate comprobavit; id quod Clein-  
ſorgius ſe legiſſe teſtatur, ex eoque hæc  
retulit, melius conſulturus poſteritati,  
ſi integre diploma retuliſſet; ex quo  
germanico idiomate argumentum tan-  
tummodo complexus eſt. Tabulæ ab  
Hildebaldo Epifcopo & Cancellario vi-  
ce Willigiſi Archiepiſcopi conſignatæ.  
Sed quod a Sylveſtro Pontifice hæc fun-  
datio ſimul comprobata refertur, ad  
proximos annos hæc tabulæ ſpectabant.  
ad cœnobium dehinc anno 1012 ac tem-  
plum Meinwercus Epifcopus noſter  
conſecravit Chriſto ſervatori, S. Petro  
Apoſtolorum Principi ac Divis omni-  
bus. Celebre exinde monaſterium e  
ſacra D. Benedicti familia, & Imperia-  
libus annumeratum, in quod & Tre-  
viris D. Auſtoris aliorumque Sancto-  
rum liſſana transportata, ceſſit nunc  
per hæreſis tempora in Haſſorum & He-  
terodoxorum poteſtatem. Quare nec  
præter rudera quidquam ex tanta loci  
veneratione aſpicitur.

cœnobium  
quod modo  
per hæreſes  
deſtructum

Auſtor vita  
Meinwerc  
Brouwers  
in noſis.

Admirabile referunt ad hanc quo-  
que expeditionem commorationemque  
in Italia illud juſtitie exemplum ab Ot-  
tone Imperatore editum Mutinæ in Au-  
guſtam conjugem Mariam, Aragonis  
Regis filiam. Forte Imperatrix, ut vo-  
lunt, non minus caſti quam formoſi  
Mutinenſis Comitis amore capta erat;  
ſed cum repulſa eſſet, hunc ipſum illi-  
us, quod designarat, tentati flagitii  
apud virum falſo detulit; qui in juve-  
nem extemplo capitalem ſententiam di-  
xit, & plecti juſſit. Comitis uxor,  
quam rei totius conſciam ulticemque  
fecerat, Imperatorem pro tribunali juſ  
dicentem adiens coram, & viri inno-  
centiam, & Imperatricis ſcelus aperuit,  
atque ad fidem utriusque faciendam  
candentem manu laminam (quod tum  
ſolemne probationis genus erat) con-  
trectavit. Quo indicio convicta Impe-  
ratoris uxor; quam Otto idcirco flam-  
mis addixit, & vivam in ignem conjici  
juſſit, quo impudentiæ ſimul & calum-  
niæ poenas daret. Celebre apud ſcri-  
ptores factum, quod non niſi unus Go-  
defridus Viterbienſis elegiaco carmine  
fero ex Conradi & Friderici Imperato-  
ris, quorum Notarius erat, ætate re-  
tulit. Nihil hac ſuper re Dithmarus,  
nihil ceteri noſtri Scriptores, a quibus  
Ottonum res geſtæ conſignatæ, tradi-  
dere. Sed his omiſſis ad domeſtica po-  
tius redeamus.

Per hæc quoque tempora Dodo  
Monafterienſis Epifcopus morte cum  
aliis Epifcopis ſubtractus, de quibus  
Dithmarus, poſt hæc, inquit, *Ecbertus  
Trevirenſis Archiepiſcopus, cui ſucceſ-  
ſor Luidulphus fuit, & Dodo Mirni-  
gendenſis, poſt quem Suidgerus ordina-  
tus eſt. Ero quoque Ferdenſis, cui Ber-  
nardus, tunc ibi præpoſitus, ſupponi-  
tur, obiere.* Præclara Dodonis memo-  
ria, non modo ex ſtatua in propylæo  
Bafilicæ, ſed & ex illuſtribus factorum  
monumentis; nam & ab eo Epifcopo  
corpus S. Idæ ſolemni ritu elevatum e  
tumulo, venerationique propoſitum;  
& Bafilica nova e fundamentis extructa,  
ac grandes turreſ cum navi templi, &  
alia, quæ per tot annos præclare geſſit,  
in ſactis eorum memorantur.

Dithmarus  
lib. 4.  
Chron. Mo-  
naſt.  
Moritur  
Dodo Epi-  
ſcopus Mo-  
naſterienſis

Hoc præterea anno inſigne mona-  
ſterium Helmershuſanum intra limites  
diœceſis Paderbornenſis ad fines Haſſiæ

Conditor  
Helmers-  
huſanum  
imperiale



## Annus Christi 999.

Silvestri II. Pont. 1. Ottonis III. Imp. 4. Reg. 16.

Retharii Ep. Pad. 17.

Gregorio V  
defuncto  
succedit Sil-  
vester II.

Perfistebat adhuc in tertium annum Otto Imperator in Italia, Romæ potissimum, Beneventi & Ravennæ versatus; quibus ex locis varia diplomata Traiectensi, Vercelleni aliisque Ecclesiis data ab Heriberto Cancellario conscripta; quem Sanctum virum hoc quoque anno Coloniensem Archiepiscopum dedit. Adeo aula Ottonis præclaris ac sanctis viris plena erat. Mortuo interim Gregorio V Pontifice, per Cardinalium consilia, & studia Ottonis Imperatoris, subrogatus est Gerbertus, qui Sylvestri II nomen sumpsit, vir ex Monacho Floriacensi ob doctrinæ eminentiam ab Hugone Galliarum Rege Roberti filii magister delectus, ab eoque ad Remensem; ab Ottone deinde Imperatore ad Ravennatem Archiepiscopatum, ac demum ad Pontificatum proventus. Is ob exquisitam rerum reconditarum, ac mathematicarum cumprimis scientiam magus falso est habitus; ex quo deinde immanis illa de ejus interitu fabula manavit, ab hæreticis nostrorum temporum tanto plausu excepta; quo tamen viro ipse Augustus magistro diu multumque usus scribitur. Quæ hic paucis indicare necesse

fuit ob diploma, quod Rethario Episcopo nostro & Ecclesiæ Paderbornensi dedit: quantumvis in hunc Pontificem acerbior Baronius; de quo tamen tam honorifice Aimoinus eorum temporum scriptor: Statim, inquit, post obitum Gregorii omnis populus Romanus sibi dari acclamavit Dominum Gerbertum. Eo Pontifice urgente reintegrata sunt ab Ottone III. Imperatore omnia Romanæ Ecclesiæ privilegia & donationes, quibus a Carolo M. Ludovico Pio, Ottone M. exornata erat; cui Henrici Imperatoris egregium accessit diploma, frustra reclamantibus nostrorum temporum hæreticis.

Milo ad hæc Mindensis Episcopus eodem quoque anno subtractus, fidus Episcoporum Saxoniorum, ut multis hunc celebrant fasti ejus Ecclesiæ. Successorem nactus est Ramwardum virum egregium, quem in lacuna sua cum duobus aliis præterijt Crantzius. In fastis Abbatum Corbeiensium per id tempus villam Hoxtari flammis absumptam reperio, quo adsitum Corbeienſe cœnobium in periculum venerit.

Obitus Milonis Episcopi Mindensis.

## Annus Christi 1000.

Silvestri II. Pont. 2 Ottonis III. Imp. 5. Reg. 17.

Retharii Ep. Pad. 18.

Sigebertus  
Auctor vi-  
tæ Mein-  
wercki.  
Dithmarus  
lib. 6.  
MS. Biblioth.  
Vaticana.  
Incendium  
Urbis Pa-  
derbornen-  
ſis.

Sequitur nunc annus humanæ salutis millesimus, multis prodigiis multisque e cœlo terroribus notatus; nam & terræ motus ingens concussit Regionēs, & cometa horrificus a Januario spectatus, & multæ e cœlo ignium facies; sed funestæ cumprimis Urbi Paderbornensi ex incendio, quo tota propemodum hoc anno deflagavit, sicuti Auctor vitæ Meinwercki retulit: *Quocunque, inquit, Dei judicio, sive malitia inhabitantium exigente, sive salutis mortalium Deo per id consulente, anno Dominicæ Incarnationis millesimo, ordinationis ipsius Retharii nono decimo, regni Ottonis III decimo septimo, imperii quarto, Indictione decima tertia, Civitas Paderbrunnensis primum incendio vastatur; nobileque principalis*

*Ecclesiæ monasterium, præcipui operis & decoris a Carolo M. fundatum, a beatæ vero memoriæ Badurado Episcopo consummatum, & XIV Calend. Novemb. dedicatum, cum libris, privilegiis, aliisque Ecclesiæ monumentis propemodum conflagravit.* Eadem urbis & Basilicæ deflagratio a Dithmaro aliisque memoratur: in Vaticanæ bibliothecæ libro etiam mensis Junius adscriptus, quo id accidit. Fallitur vero Browerus, qui ad annum superiorem hæc detorquet.

Browerus  
in notis ad  
vitam 3.  
Meinwercki

Imperator per hæc in Italia commorabatur, & per initia anni magno Cardinalium comitatu, quo nunquam illustrior visus, Roma in viam deductus, Ratisbonam venit. Inde per Bohemorum fines in Thuringiam & extremas

Poloniam  
Otto peragravit, Mar-  
tyremque  
S. Adalbertum vene-  
ratur.

tremas Saxoniae provincias digressus, perlustravit Cifnensem, Misnensem, ceterosque Episcopatus ab Ottone avo conditos. Rebus istis sapienter pro christiana religione firmanda dispositis, Poloniam intrat, deductus a Boleslao Principe, & Marchione suo Eccardo: tum ut sepulchrum Adelberti Martyris ante triennium pro fide occisi in Prussia, ejusque corpus, quod Gnesnae conditum erat, veneraretur: tum ut de statu Ecclesiarum & religionis dispo- neret. Postquam in conspectum urbis Gnesnae pervenit, nudis pedibus urbem intrat, ab Ungero Posnaniensi Episco- po introductus, veneratusque Marty- rem, brachium Divi dono accipit. Ibi convocata Episcoporum synodo, legati Pontificis auctoritate (cui Archidiao- nus Romanæ sedis a Dithmaro scribitur) Kadimum Alberti martyris fratrem Ar- chiepiscopum Gnesnensem constituit, eique Reinbernum Cholbergensis, Pop- ponem Cracoviensis, & Joannem Wra- tislaviensis Ecclesiae Episcopos submittit (Auctor vitæ Meinwerchi Gaudentium monachum S. Adelberti fratrem Pragæ Archiepiscopum ab Ottone impositum refert; sed Dithmaro hic potior fides habenda.)

Quibus rite per Poloniam & Saxo- niam dispositis, a Boleslao Principe Magdenburgum deductus, Gislerii Ar- chiepiscopi causam cognoscit; accusa- tus enim is Romæ erat, quod Mersen- burgensem Episcopatum Magdenbur- gensi conjunxerat, secus quam ab Ot- tione avo constitutum erat. Die Pal- marum peracto Magdenburgi, Quid- lenburgum perrexit, ad Pascha cum consanguineis Virginibus celebrandum, comitante magno optimatum cœtu: ubi feria II rursus Episcoporum synodus convocata, ad causam Gisilarii ab Epi- scopis cognoscendam. Is vero cum per invaletudinem se excusaret, quo minus adesse posset, Imperator per Westphalam ad Rhenum est profectus, lustratis omnium circum Episcopatibus; qua vero peragratione fervoreque ju- vandæ ubique religionis causa id fece- rit, Dithmarus inquit, haud satis me- morari posse; nimirum cum hoc post- remo accessu transituque Halberstadi- um, Hildesum, Paderbornam, Min- dam, Osnabrugum, Monasterium, ce- terasque Saxonæ diœceses perlustraret.

Coloniâ inde perlatus Aquisgranum perrexit ingenti procerum Saxonico- rum multitudine cinctus. Ubi rursus Episcoporum synodus indicta convenit ad Gislerii causam decidendam, postu- lante Romanæ sedis Archidiacono lega- toque Pontificis; ut denuo recognoscant heterodoxi nostrorum temporum, Re- ges & Imperatores in his controversis Ecclesiæ causis nihil egisse sine auctori- tate Romani Pontificis. At cum Gisle- rius ad generale concilium provocaret, quievire Episcopi. Interim Ottoni Im- peratori incessit cupido inspiciendi se- pulchrum Caroli M. quod Aquisgrani ex suo mausoleo monstrabatur, utrum- ne ossa superessent integra cum augu- stalibus ornamentis. Igitur rupto clam pavimento, ut Dithmarus scribit, ter- ram aperiri iussit, dum ad solium regi- um, in quo collocatus erat, perveni- retur; repertusque Carolus ex Ossium situ in throno, quo conditus erat. Ot- to tantummodo crucem auream, quæ e collo ejus suspensa pendebat, & par- tem purpureæ chlamydis sumpsit, ce- tera decenter & magna cum venerati- one reposuit; codicem videlicet Evan- geliorum, aureis characteribus exara- tum, & cœrulea membrana involutum, quem genu recumbens tenebat; en- sem, præterea coronam, paludamen- tum, pomum Imperii, sceptrum & acinacem. Quorum quædam in Basilica relicta, cōdex videlicet Evangeliorum, cujus contactu Cæsares jurare consue- verunt; tum ensis, quo equites crean- tur; quædam Nurenbergam transpor- tata feruntur. Otto postquam multas largitiones publicis tabulis consignatas Aquisgranensi Collegio Canonicorum fecisset, tertiam hoc ipso anno expe- ditionem in Italiam suscepit, evocatus Saracenorum irruptionibus in Campa- niam, tanta celeritate, ut famam ad- ventus præsentia ante venerit; sane ve- ro tum Aquilas Romani Imperii vidisses Cæsares, qui uno anno tot regna & provincias transvolarent.

Subinde Willigisus Moguntinus Archiepiscopus veterem resuscitavit li- tem cum Hildesensi Episcopo de juris- dictione Gandersheimensis monasterii. Faces rursus subjecit Sophia Sancti- monialis, Imperatoris soror, invitando Archiepiscopum ad dedicationem tem- pli, quod Gerberga Abbatisa Ottonis

Dithmarus lib. 4. Beckius in Aquisgrano

Caroli Mag Sepul- chrum ho- noris ergo aperit,

Tertia Otto- nis in Ita- liam expe- ditio. Tangmarus in vita D. Bernwardi.

Willigisus Archiep. Mogunt. cum S. Bernwardo Ep. Hildes. contendit de jurisdi- ctione Gan- dershei- mensi.

M. fo-

M. foror absolverat. Dies dedicationis primo indicta festo exaltationis S. crucis, quo die D. Bernwardus invitatus accessit; sed cum nullum apparatus reperisset, eo quod Willigisus Archiepiscopus in festum diem D. Matthiae commutasset, illusus D. Bernwardus Hildesium rediit; post ubi sacer D. Matthiae dies aderat, advenit Willigisus Archiepiscopus cum Rethario Paderbornensi, & Berengero Verdeni Episcopo, consecraturus templum. Accesserat & Bernardus Saxoniae Dux cum proceribus. Missi quoque erant, qui Bernwardum invitarent; sed quia eo inconsulto hæc agebantur in suæ diocesis loco, misit suo nomine Eckardum Sleswicensis Episcopum, qui tum a rebellibus Danis pulsus, exul versabatur apud D. Bernwardum. Is magna denuo constantia animi obstitit Moguntino, asserens jura Hildesienfi Episcopo, quæ Moguntinus contra Canones sacros violaret; effecitque ut dedicatio præsens templi intermitteretur. Retharius ceterique Episcopi, cum Moguntinum a pertinacia deducere non possent, auctores fuere Bernwardo Episcopo, ut ad Imperatorem & Pontificem appella-

ret. Quapropter D. Bernwardus hoc anno Romanum iter ingressus, adscito secum Tangmaro Decano, fido harum rerum scriptore, Imperatorem in Italia convenit. Incredibile vero, qua humanitate & amore Imperator veterem suum magistrum exceperit, ac secum in eodem hospitio Romæ versari voluerit, omnium consiliorum, rerumque a se gestarum moderatorem. Interim Eckardus Episcopus, ad possessionem juris firmandam nomine Bernwardi Episcopi ad festum S. Andreae synodum Gandershemii indicit. Venit eodem Moguntinus ad constitutum diem, ducens secum *venerabilem Episcopum Retharium* ut Tangmarus loquitur, multosque e Thuringia & Hassia, & cum sibi auctoritatem synodi peragendæ vendicaret, objecit se pari, qua antea magnitudine animi Eckardus Sleswicensis Episcopus, absentis Bernwardi vicarius, secumque Gandersheimenses, & qui e diocesi Hildesienfi convenerant, ad suam synodum pertraxit: Rethario cum primis, qui magnæ auctoritatis erat, partes utriusque conciliante, ne a diffidiis res ad publicas turbas veniret.

## Annus Christi 1001.

Silvestri II Pont. 3. Ottonis III Imp. 6. Reg. Germ. 18. ,  
Retharii Ep. Pad. 19.

Lambert.  
Schaf.

Triburtina  
ac Romana  
urbs ab Ot-  
tone expu-  
gnatur.

Inter hæc Otto Imperator Italiam ingressus, celebratisque Romæ natalitiis Christi, Ravennam petiit; Qua in urbe ad viii Calend Aprilis constitit ad contrahendum exercitum; quo in Saracenos movit, felicique successu primum Capuam ejus provinciae caput recepit, barbarosque e finibus depulit. Rogatu exinde Romanorum civium, Imperator Triburtinam civitatem arcta obsidione cingit; jamque machinae admotæ erant, & impressio magno civium periculo parabatur, cum Pontifex Sylvester, & Bernwardus Hildesienfis Episcopus, qui Imperatori in castris aderant, urbem pacis arbitri intrant, civesque pertinacissimos tanta animorum mutatione ad obsequium componunt, ut primarii eorum, altera gladios, altera manu virgas nudi gestantes, supplices Imperatori prociderent; quos & Imperator ad preces Episcoporum in gratiam recepit. Sed hac Imperatoris clementia offensus Romani, qui Ti-

burtinos exules malebant, rebellant Imperatori, portas venienti claudunt, ad arma convolant, & quos Imperatori fidos primus furor corripuit, trucidant. Igitur obsidio Tiburtina versa in Romanam: pugnatum utrimque acerrime ad moenia urbis, ipso D. Bernwardo non modo Ottonianos milites reficiente Sacramentis, sed animante, hastamque sacram lanceamque præferente. His territi fractique cives supplices se Imperatori sistunt, & fidem jurant. Ita Imperator, Pontifex, & Bernwardus, ceterique Episcopi & proceres læti urbem ingressi procellam illam discussere. Scribit Sigonius multa in Otone desiderari a Germanis Scriptoribus, quæ e suis petenda sint, nescius profecto multa a Tangmaro & Auctore vitæ Meinweri, aliisque scribi, quæ & Baronius ipse prætereat, qualia hic de Tiburtina & Romana obsidione referimus.

Agitata

Causam  
Gandershei-  
mensium  
vincit S.  
Bernward.

Willigisus  
in synodo  
Patriis  
nenti ab of-  
ficio suspen-  
ditur.

Interim con-  
venit E-  
piscopi  
Francofurti,  
ubi ta-  
men denuo  
nihil consi-  
derat.

Agitata per id tempus Romæ con-  
troverſia Gandersheimenſis, quæ inter  
Willigiſum, & Bernwardum Hildeſi-  
enſem Episcopum fervebat; nam hanc  
ob cauſam Bernwardus in Italiam pro-  
fectus erat, ut coram Pontifice & Im-  
peratore Eccleſiæ ſuæ jura aſſereret.  
Et Pontifex, rogatu quoque Impera-  
toris, celebrem Episcoporum ſynodum  
convocavit, cui Germanos etiam Epi-  
ſcopos, qui cum Imperatore venerant,  
interſeſſe voluit. Diſceptata in concilio  
cauſa, Pontifex acta Willigiſi reſcivit,  
& Bernwardum in integrum reſtituit.  
Ac ne quid in cognitione litis intermiſ-  
ſum queri poſſet Willigiſus, auctoritate  
Pontificis ac Romani concilii, alia in Sa-  
xonia ſynodus Episcoporum indiſta Pa-  
lithi congreganda; quam in rem niſi-  
ſus a Pontifice Fridericus Cardinalis  
presbyter Sanctæ Romanæ Eccleſiæ Le-  
gatus, quem poſtea Ravenna Archie-  
piſcopum ſortita, Saxo genere, vir  
morum gravitate & ſapientia ea tem-  
peſtate egregius. Is poſtquam in Sa-  
xoniam advenit, Synodum Episcoporum  
decimo Calend. Julii pro apoſto-  
lica auctoritate convocavit Palithi, qui  
locus eſt in Saxonia Orientali ad fines  
Thuringiæ. Convenere eo Willigiſus  
Moguntinus Archiepiſcopus, Licvezo,  
ſeu Libentius Bremenſis & Hambur-  
genſis Archiepiſcopus, Bernwardus ex  
Italia reverſus, ceterique Saxoniarum E-  
piſcopi, quos inter Retharius Paderbor-  
nenſis Episcopus reputatur. Verum  
cum Moguntini Archiepiſcopi obfir-  
matione omnia miſcerentur in tumultu,  
atque ipſe ſynodo excederet, nihil  
illo Episcoporum congreſſu confici po-  
tuit, niſi quod Moguntinus reus ſpre-  
tæ auctoritatis Pontificiæ, a Legato ab  
omni ſacerdotali officio ſuſpenſus fue-  
rit. Inde legatus Romam regreſſus Pon-  
tifici & Imperatori pertinaciam Mogun-  
tini actaque expoſuit, ad quæ illi haud  
leviter indignati, ſynodum Tuderti  
indicunt.

Interim Germaniarum Episcopi veriti,  
ne hæc controverſia, tanto animorum  
motu agitata, proſerperet in gravius  
Eccleſiæ diſſidium, convenere Franco-  
furti feſto aſſumptæ in cælum Virginis  
die in frequentem ſynodum, Willigi-  
ſus Moguntinus, Heribertus Colonien-  
ſis, & Ludolphus Trevirenſis Archie-  
piſcopi; Retharius Paderbornenſis, Ro-

bertus Spirenſis, Beringerus Verden-  
ſis, Ekkehardus Sclſwicensis Episcopi,  
& qui præterea ex provincialibus ſuo-  
rum metropolitanorum adfuere. Invi-  
tatus erat & Bernwardus; is quia in  
valetudine præpeditus erat, miſit Ek-  
kardum Sclſwicensem Episcopum no-  
mine ſuo, eique Tangmarum adjunxit  
Decanum, virum canæ ſapientiæ, ex-  
ercitumque in cauſa Eccleſiaſtica, a quo  
hæc omnia, quæ hætenus retulimus,  
diligenter perſcripta ſunt inter res ge-  
ſtas D. Bernwardi, uti ipſe coram egit  
& inſpexit. Nec tamen in hac ſynodo  
Episcoporum, quod Moguntinus ab-  
ſentiam Bernwardi obtenderet, quid-  
quam tranſactum. Quapropter res  
denuo ad Sylveſtri Pontificis judicium  
remiſſa, quæ deinde in Synodo Tu-  
dertina pertractata, convocatis Italiae  
Episcopis; ad quam & Germaniarum Epi-  
ſcopi Rotgerus Leodiensis, Sigefridus  
Auguſtanus, & Hugo Citizenſis acceſ-  
ſere; juſſi præterea ab Imperatore Va-  
ſalli Clientesque adeſſe, tanquam ad ex-  
peditionem militarem ſimul parati; evo-  
cati quoque e Germania Episcopi cum  
D. Heriberto Colonienſi Archiepiſco-  
po, ut ea referrent, quæ in concilio  
Francofurtenſi decreta erant. Sed cum  
& ille ſerius accederet Romam, neque  
in Tudertina ſynodo res tota confici  
potuit. Tantum una lis, imo una San-  
ctimonialis & inquieta ſcœmina, litis in-  
centrix altrixque, Pontificem, Impe-  
ratorem, & tot Episcoporum ſynodos  
fatigavit. Detrectabat Gandersheimen-  
ſe Collegium ſubmitti juridiſtioni Bern-  
wardi Hildeſienſis Episcopi, quem ex  
Comitum familia clariffimum & ſanctiſ-  
ſimum habebat Episcopum; & Willigi-  
ſo Moguntino Archiepiſcopo, qui  
patre Hamanurgo & rotarum fabro vi-  
liſque opifice natus erat, parere minime  
indecorum reputabat, adeo fulgor pal-  
ligeri perſtrinxerat oculos.

Auſus vi-  
ta Mein-  
verci.  
Diſtm, l. 6.

Ceterum cum anno ſuperiori, ut  
retulimus, Paderborna miſerabili incen-  
dio conflagraſſet, quo Baſilica cum Col-  
legio, & magna pars urbis in cineres  
conſedit, ingens tum bibliothecæ & ſa-  
cræ ſupelleſtilis jactura facta eſt; deplo-  
randa magis diplomatum, quorum mul-  
ta exuſta, multa flammis erepta, quæ-  
dam etiam contacta igne hodiedum  
monſtrantur; atque ut cetera recupe-  
rari poſſent, horum tamen amiſſio in  
H h 2 au-

Retharius  
inſtauratio-  
nem diplo-  
matum ex-  
uſtorum  
ab Ottone  
impetrat.

autographis irreparabilis. Eo Retharius Episcopus noster, cum primis sollicitus de privilegiis ac donationibus Christianorum Principum liberalitate factis, misit legatos cum literis ad Ottonem Imperatorem, qui eum sub exitum superioris anni consecuti sunt Romam, enixe deprecantes, ut Imperatoria auctoritate antiqua Cæsarum privilegia & donationum tabulas redintegrare dignaretur; quod jacturam tabularum exustarum, quibus privilegia & donationes Caroli M. Ludovici pii, aliorumque Regum & Cæsarum continebantur, supra alia incendii damna æstimeret. Legatos hosce benigne excepit Imperator, multumque condolens Rethario, quem inter integerrimos Saxoniarum Episcopos venerabatur, pro voto ejus omnia superiorum Cæsarum diplomata, donationum tabulas, privilegia, ac totum Ecclesiæ nostræ patrimonium insigni diplomate redintegravit, perinde ut auctor vitæ Meinweri singula ex eo diligenter retulit. Sed nos ipsum Ottonis diploma a Ferdinando Episcopo productum hic referamus, ex quo certius hæc omnia cognosci poterunt.

*In nomine sanctæ & individue Trinitatis. Otto superna favente clementia Romanorum Imperator Augustus. Si locum divino cultui mancipatum, igneque subitaneo cum ornatu & corroboracionum paginis concrematum restaurare, ornare, & iterum sublimare videbimur, scimus & certi sumus id non solum laude humana prædicandum, verum etiam divina mercede remunerandum. Cunctis igitur Ecclesiæ Dei fidelibus, nostrisque astantibus & succedentibus comperitum fore volumus, quod de incendio Pa-*

*terbrunnensis Ecclesiæ nimium condolentes, præcepta antecessorum nostrorum, & ea, quæ nos ibidem obtulimus, memoratæ sedi, hac præceptali pagina renovamus, iterumque confirmamus; de quibus unum est de Episcopatus statu; dehinc de tuitione & mundiburdio ejusdem Ecclesiæ, & de omni proprietate ad eandem Ecclesiam pertinenti, & de electione Episcoporum inter Clericos ejusdem Ecclesiæ, & de ejus hominibus tam liberis, quam & servis nulla judiciaria persona constringendis, nisi coram advocato, quem ipse Episcopus elegerit. Insuper renovamus & confirmamus jam habitæ sedi comitatus super pagos, Paterga, Aga, Treveresga, Auga, Soretfelt dictos, pro decimis novæ Corbeie ad monasterium pertinentibus, & de proprietate Clericorum, si quis sine hærede illorum obierit, ejusdem Ecclesiæ concessa, & de tribus mansis in Tuispurgo, & in Trutmannia, & de foresto, quod incipit de Dellina flumine, & tendit per Ardennam, & Sinede, usque in viam quæ ducit ad herisiam. Hæc igitur omnia, quæ supra scripta habentur, & quæ illa die tenere & possidere videbatur, quando combusta fuit, sæpe nominatæ sedi Paterbrunnensi in jus proprietarium donamus, & firmissima traditione restauramus; ea scilicet serie, ut Dominus Retharius memoratæ sedis venerabilis antistes, omnesque sui Successores universi, quæ ad Episcopum aliqua legali datione pertinent, securiter obtineant, nostra omniumque nostrorum Successorum, & omnium mortalium contradictione remota. Et ut hæc renovatio & confirmatio stabiliter cunctis permanent temporibus, hanc paginam manu propria corroboravimus, & sigilli nostri impressione insigniri præcepimus.*

Signum Domni Ottonis



Cæsaris invictissimi.

*Heribertus Cancellarius vice Willigisi Archiepiscopi recognovit. Data Calend. Jan. anno Dominicæ Incarnationis MI. indictione XIV. anno tertii Ottonis regnantis XVIII. Imperii VI. actum Romæ feliciter amen.*

Imperatoris diplomati conjunxit suum Sylvester Pontifex, quo eadem Ecclesiæ Paderbornensis privilegia, ac sacra patrimonii bona apostolica auctoritate confirmat, id quod Auctor vitæ Meinweri retulit: quanquam diploma

illud apostolicum injuria temporum interciderit. Quod vero Imperator testatur in suis tabulis, quinque comitatus Paderbornensi Ecclesiæ datos, id larga compensatione factum pro decimis, quæ a Carolo M. ex prima Saxoniarum de-



descriptione Episcopis attributæ fuerant, intra Corbeiensium terminos, ac postea Corbeiensibus aliorum Imperatorum ac Regum donatione cesserant; & has opinor decimas esse, quæ Dominicales vocantur, sæpe inter Paderbornenses & Corbeiensis controversas.

Addo alterum Ottonis diploma, quo D. Bernwardum Hildesensem Episcopum, ejusque Ecclesiam egregia liberalitate altero abhinc mense decoravit. Postulat id viri sancti memoria, de quo hæctenus toties relatum, tum vel maxime Ottonis Imperatoris grata in magistrum suum beneficentia, quod & eo gratius fore speramus, quod recens e tabulario Ecclesiæ Hildesensis productum acceperimus:

*In nomine sanctæ & individue Trinitatis. Otto tertius Romanus, Saxonicus & Italicus, Apostolorum Servus, domo Dei Romani orbis Imperator Augustus. Omnium sanctæ Dei Ecclesiæ, sive nostrorum fidelium tam præsentium quam & futurorum industria noverit, quomodo venerabilis vir sanctæ Hildenesbemensis Ecclesiæ præsul Bernwardus nomine, & nostræ imperiali clementiæ cordi homo compunctione veteris fermenti tactus, Apostolorum limina supplex adiit, oratione per innumerales martyrum confessiones peracta, ea quæ fidei erant Catholicæ apud Patrem nostrum Dominum Papam Gerbertum, sive Sylvestrum, nobismet ipsis, & carissimo nepoti nostro Heinricho Duci intervenientibus ad Ecclesiæ suæ semper stabiliendæ supplementum canonica impetravit. Tum etiam parentum nostrorum alumnus, nostrarumque cunabularum primus socius, nostri antiqui, & adhuc non cessantis laboris testis semper fidelis, nec non nostræ pueritiæ ac juventutis tam affabilis multimoda literationis informator; quia no-*

*stræ reipublicæ statum, nostrumque vivere, & imperare per longa terrarum spatia visitare non piguit. Nos e contra non solum eum receptui nostro imperiali condignum, verum etiam magno quodam amoris privilegio nostra hæreditaria parte eum ditandum duximus atque decrevimus. Sed quia ad perfectum nostræ voluntatis sine magnorum nostrorum consilio pervenire prohibiti sumus, partem nostræ hæreditatis sibi suæque Ecclesiæ, cui præsidet, & fratribus ibidem Domino militantibus ob recordationem carissimorum progenitorum nostrorum, & pro animæ nostræ remedio regia largitione in proprium tradidimus. Hoc est castellum Dalehem nominatum, situm autem infra ejusdem episcopatus terminos in pago Hassala, sive Ambergan in comitatu filiorum Ekbrathi Comititis, & nepotis nostri, cum villis & areis, Ecclesiis & ædificiis, mancipiis utriusque sexus, in silvis & campis, venationibus & piscationibus, aquis quarumque decursibus, molendinis. vineis, viis, inviis, terris quæsitis & inquirendis in omnibus utensilibus, quæ adhuc dici aut nominari possunt. Fiscum etiam, quem hucusque ad nostras manus de liberis hominibus per eundem pagum recepimus, pari sententia Episcopo & fratribus nostris in Domino carissimis perpetualiter largimur. Has autem traditiones nostræ benevolentiæ, qui postmodum frangere, aut malo ingenio dissolvere velit, aut conetur, Dei & Sanctorum omnium Spirituum judicio eum suspendimus, & laqueo, quo Judas detentus est per XXX denarios, stranguletur, nisi resipiscat. Et ut hæc omnia præjudicata magis credibilia per futura tempora testentur, diligentiusque observentur, hanc nostram conscriptionis cartam inde conscriptam, nostraque manu non solum literatam, sed etiam corroboratam sigillo proprio jussimus, ut cernitis, insigniri.*

Signum Domni Ottonis



Cæsaris invicti.

Heribertus Cancellarius vice Willigisi Archiepiscopi recognovit.

Data X. Calend. Februarii, anno Dominicæ Incarnationis MI. Indictione XIV. \* *al. XVII.* anno tertio Ottonis regnantis \* XVI. Imperii \* V. Actam Romæ feliciter. \* *al. VI.*

Annus

## Annus Christi 1002.

Silvestri II. Pont. 4. Ottonis ultimus. Henrici II. Regis I.  
Retharii Ep. Pad. 20.

Moritur  
Otto vene-  
no sublatu  
Tangmarus  
Dithmarus  
Sigebertus  
Sigonius.

His per Italiam rebus præclare ge-  
stis, Otto Imperator haud multum su-  
perstes, dolo mulieris in mortem præ-  
cipatus occubuit. Captus quippe amo-  
ribus Joannæ Crescentis Romani Con-  
sulis viduæ, quem Otto ob rebellio-  
nem, ut diximus, interfici jusserat,  
multum fallaci fœminæ ob egregiam  
pulchritudinem se familiarem fecerat;  
sive jam eam sibi toro junxerit, ab ea-  
que in cubiculo Imperator veneno in-  
fectus sit, quod auctor vitæ Meinwerci  
& Rupertus scribunt; sive promissis il-  
lecta, furensque ob subitum Augusti  
discessum ex urbe, venenatas chirothe-  
cas pro amatorio munere miserit; quod  
Sigebertus, Sigonius, alique tradunt.  
Certe D. Heribertus saepe Imperatorem  
monuit, caveret sibi ab insidiis fallacis  
fœminæ, quæ occisi mariti vindictam  
clam potentius alere, quam præsentis  
amores spirare crederetur. Imperator  
Roma ad Paternum oppidum delatus,  
sentit pestem in visceribus conceptam,  
quam mox Heriberto Colonienti Ar-  
chiepiscopo aperuit. Ubi in mortem  
se urgeri sensit, Heriberto multis cum  
lachrymis delicta confessus est, atque  
inde omnibus Sacramentis provivus,  
adstantibus Episcopis, ix Calend. Fe-  
bruarii Paterni, anno Christi 1002 ex-  
cessit e vita (alii xii Februarii diem  
consignant) Magno omnium luctu per  
Imperium mors accepta; quippe qui  
in flore ætatis annum trigessimum haud  
multum egressus extinctus est, quod  
majora promitteret, quam gloriose ges-  
serat. Ob egregias virtutes, cum pri-  
misque ob rerum multiplicium scientiam  
Vulgo Mirabilia mundi dictus. Si-  
gonius bellica quidem virtute Ottoni M.  
avoque multo superiore agnoscit, qui  
triumphos Ottonum clauferit. Cum  
Romualdo etiam, ut Sigonius perhi-  
bet, convenerat, posito imperiali dia-  
demate Monachi vitam amplecti, si  
fata permisissent vitam. Mirifica ejus  
in egenos & Ecclesiam largitas, in om-  
nes clementia & caritas, vitæque inte-  
gritas commendata; quippe qui sanctis-  
simos Episcopos semper secum in aula  
præsentis habuit, in quorum oculis  
vixerit, quorum consiliis Imperium

administrarit. Retharius Episcopus  
noster etiam aulam sectatus non sit, mul-  
tum tamen Imperator canæ ejus sapien-  
tiæ virtutisque detulit.

Priusquam e vita obiret Otto Im-  
perator, insignia Imperii apud Heriber-  
tum Colonensem Archiepiscopum ce-  
terosque, qui aderant, Episcopos de-  
posuit, dum electione Principum cer-  
tus esset Rex & Imperator subrogatus.  
Corpus, uti mandarant, Aquisgranum  
ad tumultum deportatum, deducen-  
tibus illud per Italiam Heriberto Ar-  
chiepiscopo, unaque cum Leodiensi, Au-  
gustano & Constantiensi Episcopis, ce-  
terisque Imperii proceribus. Postquam  
Bojaria intrata, occurrit Henricus Bo-  
jariæ Dux, humerosque funeri portan-  
do subjicit; & quod jure consanguini-  
tatis Ottoni sine proli defuncto proxi-  
mus esset, certa que spe Imperium præ-  
cerperet, insignia Imperii extorquet  
ab Episcopis; præter sacram lanceam,  
quam Heribertus tanquam palmare Im-  
perii decus avexerat, rite demum ele-  
cto tradendum. Non his contentus  
Henricus Bojariæ dux Herbertum in  
custodiam abripit, nec prius dimitten-  
dum denunciat, quam fratrem obsidem  
daret, & lanceam sibi reddendam pol-  
liceretur.

Sepelitur  
Aquisgrani

Ursperg.  
Marianus  
Scotus.  
Dithmarus.  
Tangmarus  
Sigonius  
Otto Erisf.

Subinde vulgata Ottonis morte,  
magno animorum motu magna que  
Principum æmulatione certatum pro  
Regno. In Italia Arduinus Eporædiæ  
Marchio Rex a multis salutatus. Ac  
metus erat ne Italiæ Regnum rursus  
ab Imperio avelleretur. In Germania  
Bruno Saxonie Princeps, Ekhardus  
Thuringiæ Marchio, & Hermannus  
Sueviæ Dux palam Imperii coronam  
affectabant; trahebant singuli pro se in  
factiones Episcoporum & procerum  
studia. Major interim pars saniorque  
prona magis in Henricum Bojariæ Du-  
cem; quod is Ottonis Magni ex fratre  
nepos, proxima consanguinitate Augu-  
stam familiam contingeret; Princeps  
præterea esset, ut Auctor vitæ Mein-  
werci perhibet, secundum sæculi digni-  
tatem locupletissimus, & literarum stu-  
diis

Imperium  
plures can-  
didari am-  
biunt.  
Aut. vita  
Meinw.  
Dithm. l. 4.

diis non leviter instructus, & quod his majus est, vir omni perfectione Ecclesiastica bellicaque virtute ceteris longe eminentior; quam tum maxime probavit, cum Ottoni Imperatori in extrema expeditione Italica adesset, Imperatoremque, ut Sigonius scribit, Romæ conjuratorum armis in prætorio obfessum corporis sui objectu liberavit. Multa præterea hujus viri decora erant ex lago togaque, quæ insigni postea castimonia vitæ & sanctitate illustriora fecit.

hæc, dum Werlis agitantur procerum consilia, advenit legatus Henrici Boarii Ducis, cujus opportuna oratione permoti omnes decernunt, non alium abs se, quam ipsum Boariæ Ducem creandum Regem & Imperatorem. Quo audito Ekhardus Werlis digressus, ad Hermannum Sueviæ Ducem iter instituit, Regni spem inflammaturus in æmulo, qua ipse exciderat; at miser, priusquam eo pervenerit, Poledæ ad fines Thuringiæ a Sigefrido Northheimii Comite pridie Cal. Maji hasta confoditur.

*Dithmarus  
Raderus in  
vita S. Hen-  
rici.*

Primi ad creandum novum Germaniæ Regem convenere Saxones Frosæ in oppido Nothuringiæ, Gislerus nimirum Episcopus Magdenburgensium, cum provincialibus suis Episcopis: tum Bernardus Saxonæ Dux, Lutharius, Ekhardus ac Gero Marchiones, cum Regni optimatibus. In hoc conventu summa ambitione causam suam egit Ekhardus Marchio, Ottonis primi ex Ludolpho filio pronepos, obnitente Luthario & palam exprobrante, an non sentiret currui suo quartam rotam deesse. Juratum deinde ab omnibus, nullum abs se Regem eligendum, priusquam in publica totius Saxonæ comitia Werlis in Westphalia conveniretur. Ibi igitur celebrior Episcoporum & Saxonorum procerum conventus est habitus, ad quam Bernardus Dux Saxonæ, Lotharius frater, ceterique Optimatum accessere. Adfuit etiam Sophia & Alheidis; utraque Ottonis III. soror & sanctimonialis; tanquam ad fœminas quoque Reip. cura spectaret. Ekhardus interim, ut rem suam ageret, Hildesium primum advolavit. Ibi a Bernwardo antistite honorifice exceptus, Paderbornam festinat, ut & hujus Episcopi animum occuparet; at postquam urbem ingredi voluit, reperit portas a Civibus occlusas. Retharius Episcopus noster cum nihil sibi ab homine metuendum censeret, Marchionem intravit, & post preces in Ecclesia factas, lauta etiam & hilari cœna excepit; in qua cum ambitu Regni consilia sua Rethario aperiret, nec ab Episcopo probari cognosceret, Werlas ad conventum discessit. Pertentavit & Bruno Saxonæ Dux Bernwardi animum; sed tam ille, quam Retharius summæ tum auctoritatis inter Saxonæ Episcopos pro Henrico stabant. Inter

Henricus per hæc Saxonum suffragiis certus, cum nobilissimo Bojorum & Francorum Orientalium comitatu ineunte mense Junio WORMATIAM usque progressus, ac transito istic Rheno Moguntiam incolumis pervenit; qua in urbe, quod omnia ad inaugurationem composita, VII Idus Junii læta omnium acclamatione a Willegiso Archiepiscopo Rex inungitur, præsentibus Archiepiscopo Salisburgensi, ac Brixienfi, Herbipolenfi, Ratisbonensi, Argentinenfi, Paraviensi, Frisingensi, Abbate Fuldenfi, aliisque præsulibus & Dynastis quamplurimis. Heribertus Colonienfis Archiepiscopus quo minus adesset, Ottonis funere adhuc præpediebatur; lanceam tamen ad cetera Imperii insignia transmiserat. Inde Henricus Rex omnium Principum; ac procerum Bojorum, Francorum Orientalium, ac Lotharingiorum auxiliis subnixus, bellum primum adversus Regni æmulos suscepit; ductisque in Hermannum Sueviæ Ducem copiis, armorum ostentatione compressit. Mox Ottonem Carantanorum Ducem, virum bello egregium, cum valido exercitu in Italiam misit, quo novus quidam Rex Arduinus aliquot præliis fractus, nondum tamen obteri potuit. Major primo Henricum Regem cura urgebat, firmandi se in Regno, & Saxonum animos sibi demerendi; eo in Thuringiam profectus, Merseburgi celebrem Episcoporum & procerum conventum habuit. Ad quem evocati sub exitum Julii convenere Libentius Bremensis & Gislerius Magdenburgensis Archiepiscopi: Retharius Paderbornensis, Bernwardus Hildesienfis, Arnulphus Halberstadiensis, Ramwardus Mindensis, Bernardus Verdenfis, Hugo Citizenfis, Wotolfus Osnabrugensis Episcopi; quibus accesserunt

*Quod Henricus Bavaræ Dux obtinet, Moguntiaque a Willegiso inungitur. AuRor vita S. Meinw. Raderus in Bava. Sano 8a.*

*Dithmarus lib. 4. Adelbold in vita S. Henrici.*

Henricus  
Paderborna  
nam invi-  
sit, ubi co-  
ronatur.  
Cunigunda  
ejus Uxor.  
Adelboldus  
in Vita S.  
Henr.  
Auctor vita  
S. Meinw.  
Tangmarus  
in Vita S.  
Bernwardi.  
Auctor vita  
S. Godehar.  
Gobelin. in  
Cosm. c. 52.  
Chron. Hild-  
des.

Ibidem ve-  
lamen de-  
num obtri-  
net a Wil-  
ligiso So-  
phia Moni-  
alis Ganders-  
heimensis.

accessere Bernardus Saxoniae, ac Boleslaus Poloniae Duces, una cum Luthario, & Gerone Marchione, ac Palatino Comite Friderico, & ingenti Comitum ac nobilium multitudine. Ibi una totius Saxoniae consensione & plausu Henricus Rex salutat, sublatisque in caelum dexteris fides Regi jurata, eo majori omnium laetitia, quod suae gentis Regem ex Augusta Saxonum familia recepissent. Merseburgo Rex ad Visurgim profectus, Gruonae, quae nunc Gronae vicus est, occurrentem sibi habuit Cunigundam conjugem, quam Rex Paderbornam deduxit, invitatus a Rethario Episcopo. Sequebantur Regem magno comitatu sacrorum Praefules, & Saxoniae Optimates, quod hanc urbem & loci amenitate, & cultu civium, & collegio Clericorum, ac religione praestantem florentemque delegisset, in qua Cunigunda, quam castam magis sororem, quam conjugem habebat, Regina inauguraretur; quae deinde magna celebritate a Willegiso Moguntino Archiepiscopo, in Corona Episcoporum, & procerum Saxoniae solemniter festo D. Laurentii coronata est, quod exinde Auctor vitae Meinweri non modo ad splendorem urbis, sed Ecclesiae augmentum evenisse tradit. Nam ex eo tempore Henricus Imperator mirifice affectus erga Paderbornensem Ecclesiam, multis eam regiae liberalitatis donationibus locupletavit, ut non immerito alter conditor Episcopatus, aut certe restaurator a Paderbornensibus colatur; quae ut Rethario Episcopo cœpta, ita mirifice a Meinwerco Retharii Successore sunt aucta. Multum in hanc rem contulit Cunigunda piissima Regina, multumque tum etiam Meinwercus, qui per id tempus adscitus a Rege inter aulae Sacerdotes damna incendii deplorabat. Accessit sub id tempus Paderbornam Sophia Gandersheimensis Sanctimonialis, soror Ottonis III: Hæc inflata virgo, quæ tot annis & synodis Episcoporum litem sui veli aluerat, cœpit ibi opportunitatem suae causae captare, ut cum Regina coronata in confortium honoris veniret. Et, qua valebat gratia apud Regem & Principes, obtinuit ut per Willegisum Moguntinum Archiepiscopum solemniter ritu velaretur; id quod Bernardus Hildesienfis Episcopo, qui ade-

rat, dissimulandum fuit, ne laetitiae celebritatem inturbaret. Cœca fastu nobilitatis virgo; tanquam in his sacris ritibus non magis rerum humanarum contemptio, quam generis splendor & spectantium plausus, quaerenda esset. Nec tamen hæc serena laetitiae celebritas sine nube & turbis peracta. Enim vero cum Bavari Regem ad hanc celebritatem consecuti, sibi eadem in aliena regione indulgerent, quæ in sua confuerant, ac libere fruges jam adultas circa urbem in pabula equorum demeterent, nec moniti desisterent; indignati cives atque incolæ locorum, vi pabulatores aggressi, plagis multatos fauciosque ex agris depellunt. His irritati Regii ad arma convolant: nec segnius se tuentur cives, factoque concursu res a jurgiis ad cruentam utrimque pugnam devenit, qua frater Filberti, seu Egilberti verius, Cancellarii, juvenis spectatae indolis ex aulicis Regis interemptus. Hujus casu exacerbati Regii ad arma multo furiosius se colligunt. Jam tota Urbs tumultu concito in publicas caedes miscebatur, cum Regia auctoritate interventum est, & compressa seditione, a civibus revulsi quiescere jussi. Actum deinde legibus in concitores, & castigati rei.

Pugna re-  
gios inter  
& cives Pa-  
derborn.

Rex Paderborna per Westphaliam digressus ad Rhenum properavit, & Duisburgum est perlatus; ubi conventu Lotharingicorum indicto, exceptus est a Leodiensi & Cameracensi Episcopo. Inde ab Heriberto Colonienfi Archiepiscopo Aquisgranum deductus, solemniter denuo ritu ab Archiepiscopo in natalitio virginis inunctus ac coronatus est; quod id loci Regisque majestas requirere visa, ut istuc in throno Caroli M. collocaretur: si non id etiam D. Heribertus pro suo munere exegerit. Nec bis inungi Reges, Pipini & Regum Heriborum exemplo, alienum est. Jam omnes Germaniae Principes se Henrico Regi submiserant, præter Hermannum Sueviae Ducem; qui tamen, postquam Aquisgranum supplex se ad pedes Regis abjecit, in gratiam receptus est. Rex inde lustratis Bruxellis Belgioque, in Bavariam iter repetiit: quem 18 Calend. Octobr. Retharius Paderbornensis Episcopus noster convenit in Bochbardon (locus, ut opinor, est ad Rhenum, qui Boppardia nunc dicitur)

Adelboldus  
in Vita S.  
Henrici.  
Henricus  
denuo A-  
quisgrani  
coronatur.  
Serrarius  
in hist.  
Mogunt.

tur) ibi Regi in memoriam revocavit calamitatem incendii, quam coram inspexerat, memoremque promissi reddens, non modo larga subsidia ad instauranda Ecclesiae suae damna, sed & omnium privilegiorum confirmationem impetravit, uti hæc ex regio diplomate, quod subijcimus, satis constabit.

*In nomine sanctæ & individue Trinitatis, Henricus divina favente clementia Rex. Notum sit omnibus fidelibus nostris, presentibus scilicet & futuris, qualiter nos incendio Paderbrunnensis Ecclesiae miserabili condolentes, petitionique nostri fidelis Retharii Venerabilis Episcopi, qui eidem sedi modo præesse vi-*

*detur, ut oportuit, annuentes, in supplementum jam dictæ Ecclesiae in jus concedimus, & per hoc regale præceptum corroboramus forestum, quod incipit de Luthera flumine, & tendet per Osning & Sinidi usque in viam, quæ ducit ad Horibusam; & de hominibus prædicti Episcopi tam liberis, quam & Servis nulla judiciaria potestate constringendis, nisi coram avvocato, quem ipse Episcopus elegerit, nostra omniumque nostrorum Successorum, & omnium mortalium contradictione remota. Et ut hæc confirmatio stabilior cunctis permaneat temporibus, hanc paginam manu propria corroboravimus, & sigilli nostri impressione insigniri præcepimus.*

*Signum Domini Henrici Regis invictissimi.*



*Egilbertus Cancellarius vice Willigisi Archicappellani recognovi. Data XVII. Calend. Octobr. anno Dominicæ Incarnationis MII. Indict.\* I. anno vero Domini Henrici Reg. I. actum Bochbardon.*

\* al. xv.

*Uti & Herivordensis* Jam ante Rex; dum Gronæ veraretur, Radboldo Werthinensi Abbati egregio diplomate privilegia redintegrarat, ductus, ut fatetur, cultu in D. Ludgerum ejus Cænobii conditorem; eodemque mense Augusto eandem liberalitatem explicuerat in Herivordense Collegium Virginum quorum privilegia simili diplomate renovantur.


*In nomine sanctæ & individue Trinitatis, Henricus divina favente clementia Rex. Si Ecclesias Christi Dei nostra regali potentia sublimare conamur, hoc procul dubio, & ad præsentis nostri regni statum, & ad æternæ beatitudinis præmium nobis profuturum fore credimus. Quapropter omnibus fidelibus nostris, presentibus scilicet atque futuris, notum esse volumus, quomodo nos per interventum dilectæ conjugis nostræ & Reginæ Cunigundæ, una cum consilio Willigisi Moguntiacensis Ecclesiae Archiepiscopi honorandi, ac Berenhardi ducis, aliorumque fidelium nostrorum, vota & petitiones domnæ Godesdhu berisfurdensis monasterii venerabilis Abbatissæ, cunctæque congregationis sanctæ Mariæ sibi commissæ sequentes, nostra regia auctoritate tres Ecclesias in pagis burfi-*

*bant & Scopingon nominatis, in villis quoque hreni wadingas & Stockheim constructas cum omnibus rebus & decimationibus suis a bludovico Imperatore ob remedium animæ suæ ad præfatum berisfurdense monasterium traditis, eidem monasterio more antecessorum nostrorum confirmamus, eo tenore, ut jam dicta domna Godesdhu abbatissa, omnesque in eodem honore sibi succedentes cum prædictis Ecclesiasticis rebus aliisque omnibus a Regibus & Imperatoribus per præcepti paginam illuc traditis, liberam dehinc potestatem habeant cum suis ministris ecclesiastico ordine disponere atque gubernare, remota omnium hominum contradictione. Insuper sub eadem corroboratione concludimus, quidquid a religiosis, & Deum timentibus personis ad sæpe jam dictum monasterium berisfurdense in præsentem traditum est, vel in futuro tradendum erit. Et ut hæc nostræ regie donationis corroboratio ab hac hora in antea firma & inconversa permaneat, hanc nostræ dominationis confirmationem inde conscriptam sigilli nostri impressione signari jussimus, manuque propria, ut infra videtur, corroboravimus.*

Ii

Signum

Signum Domni Heinrichi



Regis invictissimi.

Egilbertus Cancellarius vice Willigisi Archicappellani recognovit. Data II. Idus Aug. anno Dominicæ Incarnat. MII. Indictione XV. anno vero Domini Heinrichi Reg. I. actum Arundi.

Et Corbe-  
jensia.

Haud dissimili beneficentia Henricus Rex antiqua Corbeiensium jura, rogatu Hofat Abbatis, qui Thiatmaro superiori anno subrogatus erat, Neomagi redintegravit.

In nomine sanctæ & individue Trinitatis, Henricus divina favente clementia Rex. Notum sit omnibus fidelibus nostris, præsentibus scilicet & futuris, qualiter venerabilis Abbas Husat nostram adiit Excellentiam suppliciter orans, ut nostra magnifica magnificentia prospiceremus monasterio, cui præsidere videretur, quod est constructum super fluvium Wisera in loco, qui dicitur nova Corbeia, in honorem Dei, & sancti protomartyris Stephani, ubi & sancti Viti martyris pretiosa pignora servari noscuntur. Cujus petitioni rationabili, propter divinum amorem & venerationem beatorum martyrum, assensum præbentes, hos apices serenitatis nostræ circa ipsum monasterium fieri jussimus, per quod decernimus atque jubemus, ut nullus Judex publicus, vel quilibet ex judiciaria potestate, nisi solus illius loci provisor & advocatus prædicti monasterii, in Ecclesias, aut loca, vel agros, seu reliquas possessiones præfati monasterii, quas moderno tempore juste & rationabiliter possidere videtur, in quibuslibet Episcopis, pagis, vel territoriis, vel quidquid ibidem propter divinum amorem, & illius sancti

loci venerationem collatum fuerit, ad causas audiendas, vel freda exigenda, aut mansiones, aut paratas faciendas, aut fidejussores tollendos, aut ullas redibitiones, vel illicitas occasiones requirendas, aut homines ipsius monasterii, tam ingenuos, quam & servos, vel litos injuste distringendos ullo unquam tempore ingredi audeat, vel ea quæ supra memorata sunt, penitus exigere, aut exagitare præsumat, sed liceat ibidem Deo famulantibus sub nostræ immunitatis tuitione quieto ordine vivere, ac residere, quatenus melius illos delectet omni tempore pro nobis & Coniuge nostra, atque stabilitate totius regni a Deo nobis collati Domini misericordiam attentius exorare. Insuper etiam decimas, vel decimales Ecclesias in quibuslibet Episcopis ita teneant atque disponant, sicut ab antecessoribus nostris, Regibus videlicet & Imperatoribus, tenere per præcepta visi sunt atque disponere, Episcopis vero, quibus servitium & mansionatica debent tempore circuitus sui, secundum scripta sua singulis annis persolvant. Et ut hæc auctoritas concessionis atque confirmationis nostræ firmiter habeatur, & per futura tempora a cunctis fidelibus sanctæ Dei Ecclesiæ, nostrisque præsentibus & futuris melius credatur, atque diligentius conservetur, manu propria subter eam firmavimus, & sigilli nostri impressione assignari jussimus.

Signum Domini Heinrichi



Regis invictissimi.

Egilbertus Cancellarius vice Willigisi Archicappellani recognovit. Data IX Calend. Septembr anno Dominicæ Incarnat. M.II. Indict. XV. anno vero Domini Heinrichi Regis I. actum Noviomago.

Ac Osnab-  
rugensia.

Illustre quoque diploma est, quo Wotelolfo Osnabrugensi Episcopo, viro integerrimo, prisca ejus Ecclesiæ privilegia, & donationum tabulas renovavit, id quod Ferdinandus Episcopus

noster ex ipso Osnabrugensium tabulario communicatum accepit; quodque ab Ertmanno prætermisum, hic conjungere placuit; ex quo erroris compertus Ertmannus, qui hoc anno Wotelol-



telolfum III. Nonas Aprilis excessisse scribit, cum mense Julio hoc diploma Merseburgi impetrarit a Rege; quamquam hoc anno obiisse refert Auctor vitæ Meinwercci.

In nomine sanctæ & individuae Trinitatis. Henricus divina favente clementia Rex. Noverit omnium fidelium nostrorum industria, qualiter vir venerabilis Wodilulphus Osnabrugensis Ecclesiæ Episcopus, nosterque fidelis, serenitatis nostræ clementiam adiens postulavit, ut eideri Ecclesiæ suæ immunitatis & libertatis nostræ præceptum fieri mandarem, per quod res & potestatis, quæ suo Episcopo jure debentur, licentius, ac planius habere valuisset. Cujus petitioni ob amorem Domini nostri Jesu Christi assensum præbentes insuper decrevimus, & hoc præceptum pro voto ejus conscribi jussimus, per quod firmiter præcepimus, ut sicut sanctæ Ecclesiæ Clerici per totam Franciam & Saxoniam, & immunitatis tuitione, & antecessorum nostrorum Regum videlicet & imperatorum auctoritate confirmantur, ita præfati præsulis sedes sancta perpetuo per hoc præceptum nostrum Domino opitulante stabilita consistat, eo pacto, ut nullus Judex publicus, neque aliqua judiciaria potestas, aut Comites, vel vicecomites, vel missi dominici per tempora discurrentes, loca illius Episcopatus ad placita habenda, vel freda, vel parafreda exigenda, aut paratas faciendas, vel fidejussores tollendos, aut servos, vel liberos sive Liddones, & ceteros, & eos, qui casum persolvere debent, quod mandschad vocatur, ad pontem restaurandum aut corrigendum,

ullo unquam tempore astringendos ingredi valeant. Liceat etiam in eodem loco Osnabrugensi mercatum habere, & monetam publicam instituire, & teloneum seu vectigal inde accipere omni tempore, nemine contradicente. Sit quoque licentia præfato venerabili Episcopo, ejusque Successoribus, & suo advocato res prædictæ Ecclesiæ cum omnibus, quæ possidet, vel deinceps acquirat, quieto ordine possidere, suasque Ecclesias juste corrigere, & suas causas absque ulla contrarietate ordinare atque disponere. Insuper etiam ad ejusdem Ecclesiæ quoddam nemus vel forestum intra hæc loca situm Farwinckel, Brutaussen, Angarn, Osning, Seneto, Bergeshovet, Drenameri, & Wesfeld, Dumericum omni integritate in porcis videlicet silvaticis atque cervis, omnique venatione, quæ sub banno usuali more ad forestum deputatur, in perpetuum proprietatis usum donavimus, ea videlicet ratione, ut nullus contumacia deductus nemus prælibatum nostro scilicet banno munitum sine prædictæ sedis Episcopi aut pastoris licentia studio venandi, vel aliquod hujusmodi negotium peragendi, sicuti nostri patres & antecessores suis prædecessoribus sanxerant, præsumant intrare. Quod si quispiam parvipendens tentaverit, sciat se tam divinæ quam & nostræ ultionis vindictam incursum, nec non debitum pro delicto in regalem fiscum redditurum. Et ut hoc verius credatur, ac per futura tempora diligentius conservetur, hoc regie immunitatis insigne manu propria firmavimus, & sigillo nostro imprimi jussimus.

Signum Domini Henrici



Regis invictissimi.

Gilbertus Cancellarius vice Willigisi Archicappellani recognovit. Data V. Calend. Aug. anno Dominicæ Incarnationis M. II. Indict. XV. anno vero Domini Henrici Regis 1mo. actum Merseburg.

Wotelolfo Osnabrugensi Episcopo e vivis subtracto, subrogatus illi est Thetmarus, quem virum a probitate, liberalitate in pauperes, fortitudine & fervore religionis mirifice dilaudat Auctor

vitæ Meinwercci. Opus hujus Episcopi est Basilica & Collegium Canonorum S. Joannis baptistæ consecratum dotatumque.

## Annus Christi 1003.

Joannis XVIII. Pont. 1. Henrici II. Regis 2.  
Retharii Ep. Pad. 21.

Varia Hen-  
ricus Belgii  
loca visitat  
Adelboldus  
in vita  
Henr.  
Dithm. l. 9.  
Brevuermus  
Brunerus.  
Tangmarus  
in vita  
Bernwardi.  
Vita S. Hen-  
rici apud  
Gretzerum  
Sigefrid.  
Episc.

Auder vita  
Mainuv.

Retharius  
novam ab  
Henrico  
Privilegio-  
rum confir-  
mationem  
impetrat.

Aderat jam annus Christi millesimus tertius, regni Henrici secundus, quo Rex celebratis Francofurti natalitiis, Theonisvillam concessit ad comitia Lotharingorum procerum. Quibus prospere peractis, arma vertit in Hermannum & Theodoricum Duces; eversoque Molsbergio castro, Aquisgranum petit ad justa annuaque Ottonis III funebria persolvenda. Inde ad Belgii celebriora Episcoporum Collegia lustranda digressus, magno pietatis studio cultuque Divorum, Leodium, Trajectum, Neomagum invisit, magnis licet colicæ doloribus conflictatus. Nam hoc anno, ut Tangmarus est auctor, constituit Rex Episcopia, Abbantias & cœnobîa religiosorum hominum circuire, quo se Regnumque sibi divinitus collatum eorum precibus commendaret. Jam copias suas ab Arduino in Italia profligatas: jam Bohemiam a Boleslao, quem anno superi in exilium projecerat, occupatam: jam in superiori Germania Ernestum & Brunonem fratrem tumultuare intelligebat; invicta tamen animi constantia prius in Saxoniam profectus, sacra non destitit loca obire, ac religiosorum hominum preces tanto impensius apud Deum sollicitare, plus sacris religiosorum subsidiiis, quam militum armis confusus; quam in rem multam quoque stipem in pauperes, multa dona in religiosorum cœnobîa dilargitus est. Ea in Saxonie peragratione Hildesum quoque festo Palmarum die accessit, ut D. Bernwardum conveniret, & locum inviseret, in quo primum enutritus, & in scholis bonas literas pietatemque edoctus erat. Hildesio Quidlenburgum discessit ad Pascha celebrandum. Ibi dum in sacro Virginum cœtu pietati quietique vacat, Regem adiit Retharius Episcopus noster, lamentabilem de novo incendii casum, collegii urbisque ruinam deplorando, quam Rex non modo largo dono, sed novo etiam diplomatis beneficio exornavit.

In nomine sanctæ & individue Trinitatis, Henricus superna favente cle-

mentia Rex. Si locum divino cultui mancipatum, igneque subitaneo cum ornatu & corroboracionum paginis concrematum restaurare, ornare, & iterum sublimare videbimur, Scimus & certissimus, id non solum laude humana prædicandum, verum etiam divina mercede remunerandum. Cunctis igitur Ecclesiæ Dei fidelibus, nostrisque astantibus & succedentibus compertum fore volumus, quod de incendio Paterbrunnensis Ecclesiæ nimium condolentes, præcepta Antecessorum nostrorum, & oblationes fidelium memoratæ Sedi hac præceptali pagina renovamus, iterumque confirmamus. De quibus unum est de Episcopatus statu; dehinc de tuitione atque mundiburdio ejusdem Ecclesiæ, & de omni proprietate ad eandem Ecclesiam pertinenti, & de ejus hominibus, tam liberis, quam & servis, nulla judiciaria persona constringendis, nisi coram advocato, quem ipse Episcopus elegerit. Insuper renovamus & confirmamus jam habitæ sedi comitatus super pagos Paterga, Aga, Threveresga, Auga, Sorebtfeld dictos, pro decimis novæ Corbejæ ad monasterium pertinentibus; & de proprietate Clericorum, Si quis sine hærede illorum obierit, eidem Ecclesiæ concessa; & de tribus mansis in Tuisburg, & in Truermannia. Et de foresto, quod incipit de delbna flumine, & tendit per ardenam & sinedi usque in viam, quæ ducit ad herisi. Hæc igitur omnia, quæ supra scripta habentur, & quæ illa die tenere & possidere videbatur, quando combusta fuit, sæpe nominatæ Sedi paterbrunnensi in jus proprietarium donamus, & firmissima traditione restauramus, ea scilicet serie, ut domus Retharius memoratæ sedis venerabilis antistes, omnesque sui Successores universa, quæ ad Episcopium aliqua legali datione pertinent, securiter obtineant, nostra omniumque nostrorum successorum, & omnium mortalium contradictione remota. Et ut hæc renovatio & confirmatio stabilius cunctis permaneat temporibus hanc paginam manu propria roboravimus, & sigilli nostri impressione insigniri præcepimus.

Signum

Signum Domni Heinrici



Regis invictissimi.

*Egilbertus Cancellarius vice Willigisi Archicappellani recognovit.*

*Data IV. Nonas Aprilis anno Dominicæ incarnat. M. III. Indiēt. I. Anno II. Domni Heinrici Regis I. actum Quidilingabure.*

Henricus  
rebelles  
domat.

Henricus, postquam religioforum hominum precibus, & Divorum patrocinis se per hyemem præmunierat, solutis Quidlenburgi procerum comitiis, per vernum tempus exercitum ex Bojis, Francis Orientalibus, Lotharingis & Saxonibus educit ex hibernis in Franconiam, atque adversus Henricum, Hezilonem, Ernestum Theobaldi Marchionis filium, Brunonem fratrem, ceteraque rebellium capita movet. Comperto Regis adventu, hostes & sceleris conscientia, & Regis potentia obruti, in silvarum latebras se abdidere. Captus tamen Henricus, & ad Regem perductus. Hezilo & Bruno ad Boleslaum Bohemiæ invasorem profugere; quos tamen omnes postea Rex multatos bonorum possessionibus ac supplices (quæ insignis erat clementia) ad magnorum Præsulum preces, in gratiam recepit. Tempestate hac disjecta, Rex arma & consilia vertit in Sclavos, gentem perpetuo infestam. Id bellum, quia hoc anno cœprum Marianus Scotus, Hermannus Comes, Lambertus Schafnaburgensis, Conradus Abbas Ursbergensis, Albertus Stadenfis, aliique scriptores tradunt, alteroque abhinc anno, ut multis Dithmarus exposuit, continuatum, ac tertio demum anno confectum, hic paucis ex Adamo Bremensi, Helmoldo & vita Henrici Imperatoris referre juvat. Duplex vero Sclavorum, eorumque barbarorum genus; alii Occidentales, quibus Bernardus Dux Saxoniae, nepos Bellingi, moderandis præerat; alii Orientales, quibus continendis Theodoricus Thuringiæ Marchio præstitutus erat; uterque Sclavis deficiendi causam dedit per ministros, quorum avaritia & dominandi libidine vexati tributis post mortem Ottonis III, una omnium conspiratione rebellare cœperunt, & cum tributorum pensitatione simul christianam religionem exuere, sævi-  
reque in ipsos Christianos; ut multis

deplorat Dithmarus, Adamus Bremensis, Helmoldus presbyter, & Alberrus Stadenfis Abbas. Nam primo totam Nortalbingiam depopulati; deinde reliquam peragantes Sclavoniam, quantum ad Orientem Saxonibus prætexitur, omnes Ecclesias & cœnobias & sacras ædes injectis, flammis exusserunt, foloque adæquarunt. Sacerdotes ceterique Ecclesiæ ministri aut ejecti, aut diris cruciatibus interempti; tantoque furore & calamitate hæc agebantur, ut trans Albim nullum pene christianæ religionis vestigium relinqueretur. Haud procul Hamburgo multi ex clero & civibus in captivitatem abducti. Aldenburgenfis civitas, quæ Sclavis Stargardia dicta fuit, & numero incolarum populosa, & religione christiana florentissima, ex quo Otto M. in ea sedem Episcopi collocarat expugnata; trucidatis pecorum in modum civibus, sexaginta presbyteri capti, servatique in ludibrium & longum supplicium; nam cute capitis in modum crucis incisa, singulis ferro cerebrum apertum est; dein ligatis post tergum manibus per Sclavorum civitates raptati sunt, donec verberibus, & vario suppliciorum genere inter populi ludibria examinati conciderint. Ita vero Sclavi, qui intra Albim & Oderam ab Ottone M. victi, per 70 prope annos Christi religionem coluerant, ad sacrilegos Paganorum ritus redire; metusque erat ne Albim transgressi, totam Saxoniam perturbarent; quod a Bernardo Duce, & Theodorico Marchione parum subsidii affulgeret. Nam alter postquam spe Regni exciderat, Bernardum ceterosque Episcopos vexare aggressus est; alter ob eandem arrogantiam & avaritiam honoribus & bonis exutus, haud multo post misere interiit. Henricus Rex, ut hisce malis in præsentī occurreret, ad Albim profectus, comitia ad castra Werlina indixit, quo simul convenire Principes Rethariorum, Luitiorum,

Sclavi Saxoni-  
am  
devastant.

*Dithmarus  
lib. 5.  
Helmoldus  
lib. 1.*

*Auctor vita  
Meinwerchi.*

*Vita S. Henr.  
vict apud  
Grez.  
Survins ad  
14 Julii.  
Ceduntur  
ab Henrico  
prodigiosa  
elade.*

orum, Winitorum, Obotritorum, ceterorumque Sclavorum dulcedine & promissis ab Henrico Rege mitigati captique, in præsens pacem & amicitiam polliciti; quanquam perfidi non destiterint vexare Christianos, irritati cum primis Bernardi Ducis fastu & avaritia, a quo vectigalibus & oneribus Sclavorum gens premebatur. Sed longe majus periculum urgebat Regem, & Christi religionem ex Polonia & Bohemia, ob gentis utriusque Principes, quorum uterque Boleslaus nomine barbaros Sclavorum populos armabat adversus Imperium. Et Poionus a Bohemis imploratus, Bohemiam ingressus, Boleslaum orbatum oculis e principatu dejecit, occupataque Praga, utrumque principatum conjunxit, homo perfidus, & Christianis infestus, quo Principe Merseburgensis Ecclesia & diocesis, & omnis ea regio christiana a Sclavis funditus est eversa. Igitur Henricus Rex, conversis in hunc barbarum hostem armis, validum ex Saxonia, Francia Orientali, Bojaria & Lotharingia exercitum contrahit, quo in Bohemiam progreditur, coelestibus magis armis, quam militum robore

confusus. Eo dum Walbecam Saxoniae Oppidum transit, gladium D. Adriani martyris ex Ecclesia sumit, implorataque ope Divi hujus, & Laurentii, Merseburgensis Ecclesiae patroni, ac Georgii Martyrum, procedit in aciem; conspiciatus vero innumerabilem barbarorum multitudinem sibi occurrentem in armis, versus primum est ad milites cohortandos, deinde ad Deum Divosque in cælum; quorum ope implorata, aspectabili forma tres memorati Martyres ante exercitum se obtulere, Angelo duce; ad quorum aspectum ductumque signa intulit, & memorabilem illam victoriam a Sclavis reportavit. Qua deinde Polonia, Bohemia, & Moravia subacta, & tributaria Regi facta est, impositusque Bohemiae Jarimirus christianae religionis Princeps, quocum res sacrae in suum statum restitutae sunt. Et Rex praeterea ex voto nihil impensius habuit, quam ut Merseburgum ceterosque Episcopatus ab Ottone M. conditos, cum Collegiis Clericorum & cœnobiis instauraret, & Christi religionem longe lateque per Saxoniam & Sclavorum regiones firmaret.

*Nonnosus  
in vita S.  
Henrici.  
Raderns  
in Bavaria.*

## Annus Christi 1004.

Joannis XIX. Pont. 1. S. Henrici II Reg. 3.  
Retharii Ep. Pad. 22.

*Dithm. l. 6.*

Anno postero, qui Christi illuxerat supra millesimum quartus, Henricus Rex, compositis per Saxoniam, Germaniamque rebus sacris & profanis, Italicam expeditionem adversus Arduinum tumultuarium Italiae Regem suscepit. Enim vero ex Bohemia superiori anno in Saxoniam reversus, Episcopos & Regni primates convocavit Magdenburgi; ibi postquam Gisilero Magdenburgensi Archiepiscopo subrogasset ex Episcoporum consilio Tagmonem, virum sanctum; a D. Wolfango educatum, & Wigbertum aulae Sacerdotem, virum doctrina, facundia dicendi, eruditione, probitate egregium Merseburgensi Ecclesiae imposuisset; Merseburgo cum exercitu Saxonico per Thuringiam & Franciam Orientalem Ratisbonam movit ad conventum procerum; ubi Henricum Luxenburgicum Cuni Gundis Reginae fratrem 12 Aprilis Ducem Bojariae dixit. Tertia hæc principatus mutatio, ex quo exclusis Agilol-

fingis, primo ad Caroli M. stirpem, deinde ad Saxones pervenerat. Haud leves postea ea res motus concivit inter ambientes æmulos; sed his dispositis, Rex ascito in comitatum Heriberto Coloniensi Archiepiscopo, cum instructissimo exercitu in Italiam progressus, die Palmarum Tridentum pervenit. Inde superatis Alpium angustis, profligatisque Arduini copiis, Veronam ingreditur, occurrentibus passim Italiae Episcopis & Principibus. Ventum de novo Papiam ad Regiam Longobardorum sedem, ubi Mediolanensis Archiepiscopus exceptum Regem ad ædem D. Michaelis duxit, & solemniter in solio collocavit, Mediolani postea a se coronandum, qui id Arduino negarat, quod vitio creatum diceret. Læta ibant omnia inter præsulum & procerum applausus, cum Rex in præsentissimum vitæ periculum deducitur.

*Italiam  
Henricus  
petit adver-  
sus rebelles.*

Hærebant in urbe post Regem accessum multi ex factiosis Arduini Regis,

*Præfens vi-  
ta pericu-  
lum adit a  
rebellibus*

gis, occulte per hospitia dispersi; ii au-  
dax facinus trucidandi Regis aggressi,  
cives Papienses in partes & seditionem  
trahunt, obtendendo jam opportunum  
tempus sibi oblatum excutiendi impe-  
ria Germanorum; quod Rex cum pau-  
cis Satellitum in palatio versaretur, &  
miles in suburbiis, vicinisque circum  
locis sparsus pernoctaret. Igitur sub  
vesperum, intensis jam tenebris, ebrii  
& conglobati ad arma profiliunt, au-  
ctoque tumultu, aliis super alios accur-  
rentibus, ad regiam convolant. Præ-  
toriani qui rari excubabant, cum in  
Regis necem hæc fieri viderent, repen-  
te portas palatii occludunt. At tanto  
furiosius seditiosi incurrere, hastis &  
machinis arietando. Eo in tumultu  
ausus D. Heribertus Colon. Episcopus  
ex fenestra alloqui furentes, & velle  
turbam compescere; sed ille mox, in-  
cusso saxorum & missilium imbre, co-  
actus se subducere e conspectu. Ac-  
cedit Rex ipse, paratus in mediam tur-  
bam irrumpere, ratus sua præsentia &  
alloquio tumultuantes componi posse.  
Sed D. Heribertus retrahit, commo-  
nens non eodem periculo Regem &  
privatum hominem componi. Inter  
hæc milites, qui in urbe erant, advo-  
lant in subsidium, turbamque submo-  
vent; quidam etiam ad retrahendos ci-  
ves vicinis ædibus ignem injiciunt,  
quo tota pene civitas conflagrare cœ-  
pit. His demum excitati milites ex sub-  
urbiis & castris advolant, transcendis-  
que mœnibus pugnam cum civibus  
miserunt; quo in æstu armorum & ani-  
morum Gisbertus florentissimus ju-  
venis, Reginæ frater, intrepide dimi-  
cans interficitur. Ejus casu Germani  
exacerbati multo furiosius in civium ca-

pita grassantur; quos inter Wolframus  
miles cædem juvenis conspicatus, per  
medios cuneos perrumpit, & percus-  
sorem obtruncat. Ita cæde civium, &  
urbis conflagratione Rex liberatus, in  
auream D. Petri cellam extra muros se  
recepit. Cives supplices se ad pedes  
Regis abjiciunt, & quæ Regis erat  
clementia, veniam impetrant. Hac  
Papiensium strage ceteræ Italiæ urbes  
consternatæ certatim per legatos se ul-  
tro in fidem Regis dederunt, quam de-  
inde ad pontem longum tota Lombar-  
dia juravit. Lustrato Mediolano, D.  
Ambrosii colendi causa, & feriis Pen-  
tecostes Cremæ peractis in Germaniam  
reduxit exercitum, multasque Alfatæ  
& Alemanniæ urbes transiens, jus in  
singulis publice dixit, veteri Impera-  
torum more. Ac mira res, quæ pro-  
digii instar est habita: Argentiniæ pro  
tribunali confidente Rege, curia solu-  
tis compagibus corruit, nullo præter  
obscenæ vitæ sacerdotem oppresso.  
Exeunte Junio festum Apostolorum  
Moguntia celebrat. Inde peragrata  
Franconia in Saxoniam properavit;  
Nam hanc provinciam, dicere sæpe  
auditus est Henricus Rex, se tanquam  
securitatis portum, & genialem para-  
disi hortum ingredi, ut de eo perhibet  
Dithmarus Episcopus, non tam pro-  
pter natale majorum solum, fidamque  
popularium suorum gentem, quam  
religionis florē; siquidem per id tem-  
pus integerrimi plane & sanctissimi E-  
piscopi Saxonie erant, quos inter  
Tangmo Magdenburgensis Archiepi-  
scopus, Bernwardus Hildesienfis, Re-  
tharius Paderbornensis, & quos præ-  
terea in synodo Tremonienfi & Fran-  
cofurtensi mox recitabimus.

*Dithm. l. 6.*

## Annus Christi 1005.

Joannis XIX Pont 2. Henrici II Regis 4.

Retharii Ep. Pad. 23.

*Hist. l. 9.  
hist. Leod.  
Zalsus in  
defens. 3.  
Maximini.  
Lotharin-  
giam donat  
Godefrido  
Godefridi  
Barbati fi-  
lio.  
Sigebertus  
in chron.*

Hibernis inter Saxones peractis,  
Henricus Rex trans Rhenum profectus,  
res publicas per Lotharingiæ Regnum  
disposuit. Id tamen scriptores fileant,  
ex consignatis diplomatibus æstimare  
facile licebit. Nam & Aquisgrani No-  
nis Aprilis confirmat Ecclesiam S. Cru-  
cis Leodii, quam Notgerus Episcopus  
construxerat, multaque largitione do-  
tat: & cœnobium S. Maximini apud  
Treviros paribus munificentia tabulis

exornat. Et Regis præsentiam Lotha-  
ringia poscebat, quando eo anno Otto  
Dux Lotharingiæ, ultimus Carolinæ  
stirpis superstes, e vita subtractus est.  
Ducatum hujus inferioris Lotharingiæ  
Henricus Rex, convocato procerum  
consilio, donavit Godefrido, filio Go-  
defridi Barbati, Virdunensis Comitis  
filio, quem Sigebertus Ardennen-  
sem vocat. Ea Ducis mutatio; ma-  
gnos postea motus dedit æmulorum

*Lippus in  
Levanio l. 6.  
c. 10.  
Mirans in  
chron.  
B. v. v. v. v.  
l. 10. Ann.  
Trev.*

ar-  
ro-

arrogantia, qui se præteritos quærebantur.

Interest Synodo Tremonienſi.

Interim Henricus Rex, cum annum hunc 1005 a bellis vacuum nactus esset, animum adjecit cum Episcopis ad corruptos Cleri populique mores corrigendos. Quam in rem Tremonia in Westphalia, seu ut Dithmarus scribit, in loco qui Throtmanni dicitur, magna synodus congregata est, ubi Rex cum Episcopis præsentibusque cunctis questus est gravi oratione de corrupta in multis Ecclesiis disciplina, quæ communi eorum consilio emendanda, & optimo novæ institutionis decreto prohibenda sit, quo gravem peccatorum suorum sarcinam simul relevare possit.

Gobelinus in Cosmod. at. 6. 6. 52.

At quinam Episcopi ad magnam illam synodum convenerint, aut quæ in ea decreta sint, ipse non prodidit. Gobelinus noster aliquanto explicatius de hac synodo, Henricus, inquit, Imperator, vir magnæ devotionis, anno quarto regni sui in Tremonia habuit concilium cum Episcopis & Principibus regni: præsentibus vero istis fuerunt Colonienſis, Bremenſis, & Magdenburgensis Archiepiscopi: & Monasterienſis, Osnabrugensis, Paderbornensis, Metensis, Vormatiensis, Leodiensis, Trajectensis, Ferdensis, Hildesemensis, & Merseburgensis Episcopi. Igitur hi interfuerunt magnæ huic synodo Heribertus Colonienſis, Libentinus Bremenſis, Tagmo, five Daganus Magdenburgensis Archiepiscopi: Suederus Monasterienſis, Thiatmarus Osnabrugensis, Retharius Paderbornensis, Theodoricus Metensis, Burchardus Wormatiensis, Notgerus Leodiensis, Ansfridus Trajectensis, Bernarius Verdenſis, Wigbertus Merseburgensis, & si qui præterea a Gobelino prætermiſſi: nam Crantzius omnes Saxoniarum Episcopos interfuisse memorat, quemadmodum Cleinsorgius Halberstadiensem, & Mindensem Episcopum adjecit. Acta hujus præclaræ synodi non sine posterorum querimonia interciderunt; non tamen ea jactura, quin Gobelinus memorabili pietatis fœdus & fraternitatis societatem ex ea nobis retulerit, qua Rex, Episcopi & Principes se mutuo obligarunt pro cujusque defuncti levamento ad certa subsidia præstanda; ut vel inde hunc veterem Ecclesiæ ri-

tum recognoscas. Ita enim Gobelinus. In hoc concilio ordinatum fuit inter cætera, quod post obitum cujuslibet Principis, seu Episcopi ibidem existentis, quilibet Episcopus superstes per XXX dies qualibet die, nisi infirmitate impediretur, missam pro defuncto diceret, & trecentos pauperes pasceret, ac totidem denarios pauperibus erogaret, totidemque lumina accenderet. Rex autem & Regina mille quingentos pauperes pascere, & totidem denarios erogare, & duces similiter facere, quilibet secundum facultatem suam. Jam ante etiam ejusmodi fœdera pietatis in more fuerunt; quemadmodum id synodus Bavarica a Caroli M. ætate sub Tassilone habita commonstrat, qua convenit inter Episcopos & Abbates; ut unusquisque Episcoporum, Abbatumque superstes pro defuncto in domo Episcopali, vel cænobio C Missas speciales, & eodem numero Psalterium cantare faciat; ipse vero de propria persona sua XXX speciales Missas compleat, vel a religiosiſ ſibiſubjectis. Et quæ præterea in hanc rem istis conventa fuerint. Ceterum Tremonienſis hujus concilii meminere Crantzius, Trithemius, Cleinsorgius; Leopoldus Bambergensis, Stengelius, alique præter Baronium & Binium scriptores. Episcopi certe, qui in hanc synodum convenere, omnes prope sanctitatis fama fuere celebres, ut ex singulorum fastis, ac vita Heriberti, Bernwardi, aliorumque rebus gestis a Dithmaro & Adamo Bremenſi pervulgatum est; haud secus quam Rex jam nomine sanctitatis inclarescere cœpit: tanquam sub sancto Rege non nisi sanctos Episcopos Deus Saxoniarum dedisset. Haud ignoro a Fabricio, & aliis etiam heterodoxis per criminandi libidinem scribi, Ottonum Imperatorum temporibus, Episcopos & Cathedrales Clericos per Saxoniam degenerasse a prisco vitæ instituto; cum nulla prope ætas, aut innocentium in clero virorum, aut sanctorum Episcoporum feracior deprehendatur. Legant illi vitam D. Heriberti, D. Bernwardi & Godehardi Hildesimensis Episcopi: legant quæ Adamus Bremenſis de Libentio, ceterisque ante ipsum Bremenſibus Archiepiscopis consignavit: revolvant, quæ Dithmarus de Tangmone Magdenburgensi Archiepiscopo, Suedero Monasterienſi, ceteris-

In qua conventum de suffragiis, post mortem Episcopi vel Principis ibidem existentis.

Henricus Canisius ex synodo Tremonienſi edita.

Sanctimonia Episcoporum & Canonico-rum id temporis.



terisque Saxoniarum Episcopis; quæ Auctor vitæ Meinweri de Rethario & Meinwerco Episcopis nostris, ac Tetmaro Osnabrugensi Episcopo: quæ demum facti singulorum de suis Episcopis, ac ceteri passim auctores scribunt; ne quid dicam de Apostolicis viris & sanctis sacerdotibus, qui tanto numero per Daniam, Sueciam & Sclaviam a Barbaris interempti, vitam pro christiana religione obtulerunt; quorum martyria Adamus Bremenensis, Helmoldus, earumque regionum scriptores nobis tradidere. Plena quoque horum innocentium sanctorumque hominum cœnobîa & collegia utriusque sexus per Saxoniam, quæ ob id Ottones & Henricus Imperatores tanta munificentia & veneratione profecuti sunt, certe nullum adhuc Episcoporum Saxoniarum a Carolo M. ad hanc ætatem lego, cujus vita publica alicujus concubinæ labe notata sit. Quod primo observare decebit eos, qui Lutheri doctrinam professi, non ignorant hunc ex sacrilego Monialis toro novum suum Evangelium auspiciatum esse, in eoque omnem exinde vitam egisse. Si quorundam Episcoporum fastus, si opum cupiditas, si dissidia, & collapsa cleri disciplina referantur, non id ceteris præjudicare debet; quando nulla a suis exordiis prope gentis Ecclesia ab his immunis fuit. Vitia hæc erunt, dum homines erunt, quæ cum nascente religione christianam statim Ecclesiam, & ipsum etiam Apostolorum cœtum cum proditore ingressa sunt.

Henricus  
Polonos  
subigit.  
Dahm. l. 6.

Cleri populique disciplina per Tremoniensem synodum formata in melius, Henricus Rex, quod auctores prodidere, viam sibi stravit ad majorem victoriæ & gloriæ cumulum; nam ea finita exercitum contra Boleslaum in Poloniam traduxit, gentemque cum insolente eorum Duce multis præliis obtulit. Frisii etiam inter hæc, qui in conventu Tremonienfi accusati erant, quod navigationem & Commercium Saxonibus mercatoribus redderent infesta, Piratas in quos culpam rejecerant, comprehensos Saxonum arbitrio plectendos dederunt. Rex bello Polonico confecto in Saxoniam ad hiberna rediit; ex quo belli otio octavo Calend. Novemb. Corbeiam ad Visurgim accessit, loci veneratione, & religiosorum hominum

Auctor vitæ  
Meinweri

pietate captus. Quo cognito, Retharius Episcopus noster Regem Corbeiam adiit Ecclesiæ suæ egestatem questus; Basilicam enim, quæ exulta erat, cum collegio moliebatur ex incendii ruinis. Rex cum nihil in promptu haberet, quo Episcopi inopiam sublevaret, Meinwercus, qui jam tum Regis Capellanus erat ultro prædium suum, quod in villa Bochnevordi, & Comitatu Ludolphi Comitatus habebat, Regi obtulit, ut ex eo, haberet, quod Rethario donaret. Id continuo Rex Episcopo donavit; ea tamen lege, quam Meinwercus adjici voluit, ut Retharius Episcopus, dum viveret, in sua potestate ad Ecclesiæ necessitates possideret; post mortem vero Episcopi cederet in stipendia Clericorum, qui S. Liborio in Collegio deservirent. Nescius tum Meinwercus, se brevi Rethario in Episcopatu subrogandum, cum hac liberali donatione Paderbornensem Ecclesiam tanquam arrha aliqua sibi desponsaret, Deo haud multo post largius remunerante hanc Meinweri beneficentiam. Nec minus tum commodum accidit Henricum Regem accepisse testem indigentis Ecclesiæ Paderbornensis, cujus liberalitatem deinde Meinwercus tot donationum tabulis excussit, ut ex egena Ecclesia faceret locupletissimam. Hæc vero, quo testatius cognoscantur, recitamus hic ipsum donationis diploma ab Henrico Rege Rethario Episcopo nostro datum.

Meinwercus prædium suum donari Paderbornensi Ecclesiæ per Henricum curat.

*In nomine sanctæ & individue Trinitatis, Henricus divina favente clementia Rex. Omnium sanctæ Dei Ecclesiæ fidelium, præsentium scilicet & futurorum, noverit industria, qualiter nos pio admonitu venerabilis Episcopi Retharii, felicitis memoriæ patris nostri memoriam facientis, nec non & tam nostræ, quam etiam dilectissimæ consanguineæ nostræ Cunigundæ videlicet Reginæ animæ consulentes, ad monasterium in honore sancti Liborii Paderbornen deducimus; quoniam prætaxata amabilis conjunx nostra reginæ consecrationis inibi adinvenit dominium, tale prædium, quale nobis Meginwerc cappellanus noster dedit, in proprium donavimus, situm in villa Puochinesfurti dicta, & in comitatu Luitolfi Comitatus, cum omnibus eidem prædio justè & legaliter adhaerentibus, & appendiciis, mancipiis utriusque sexus, arvis, ædificiis, terris cultis & incultis,*

K k

viii

viis & in viis, exitibus & reditibus, silvis, venationibus, aquis, earumque decursibus, molendinis, piscationibus, seu omnibus, quæ dici, vel scribi possunt quolibet modo utilitatibus, ea videlicet ratione, ut prædictus Episcopus in sua habeat potestate atque servitute, quamdiu Deus sibi concedat dies sæcularis vitæ; finitis vero suis temporibus ad stipendia fratrum in præfato monasterio Deo sanctoque Liborio famulantium,

omni contradictione remota, determinamus, donamus, consecramus, atque omni jure proprietario confirmamus, ut habeant, teneant, firmiterque possideant, & quidquid sibi libeat inde ad communem usum omnibus modis faciendi agant, quod ut verius credatur, inconvulsiusque ab omnibus observetur, hanc cartam inde conscriptam manu propria roborantes sigillique nostri impressione insigniri jussimus.

Signum Domini Heinrichi



Regis invictissimi.

Eberhardus Cancellarius vice Willigisi Archicappellani recognovit. Data VIII. Calend. Novemb. indict. III. anno Domini. Incarnationis M. V. anno vero Domini Heinrichi secundi regnantis IV. actum Corpbeia.

Joannes Pontifex, facultates ecclesiasticas & electionem Episcopi Paderbornensi Collegio asserit.

Impetravit & hoc anno Retharius Episcopus noster diploma a Joanne XVIII. Pontifice Romano, quo Castella, arces, omnesque Episcopatus possessiones per Apostolicam auctoritatem confirmantur; & præterea, ne quis Episcopus Paderbornensi Ecclesiæ imponatur sine Collegii Cathedralis consensu. Magnopere de hoc veteri suo privilegio conservando solliciti fuere Episcopi & Canonici, ne quis aut ingratus, aut minus idoneus Principum favore imponeretur. Privilegium vero ejusmodi est.

Joannes Episcopus servus servorum Dei, dilecto filio Ratario Paterbrunnensi venerabili Episcopo, suisque Successoribus in perpetuum. Sacrosancta apostolica sedes, dum maternæ pietatis & regiminis universaliter in Ecclesiis Christi obtinet officium, corroboracionis, doctrinæ & auctoritatis impendere incessanter eisdem debet suffragium. Quocirca tuæ postulationi, Rever. fili, in concedendo tibi tuæque sedi apostolicæ auctoritatis privilegio, & libenti animo annuimus, & gratissima animi indulgentia concedimus. Ita enim caput gaudere poterit, si membra integra stabilito robore se habere senserit. Igitur ut ab antiquis sanctæ Paterbrunnensis Ecclesiæ sedes, cui Deo auctore præfides, fundata, ac rebus diversi generis dotata est, utque honorum virorum, ac fidelium Christi collatione hætenus copiis divitiarum possessionumque accrevisse visa est, ita eam perpetuo apostolici juris præcepto sibi tuisque Successoribus in perpe-

tuam manere decernimus: sintque a pravorum incurfione, dolo, & direptione tuta, quæcunque prædicta Ecclesia, immo sedes Episcopalis possedisse hætenus videtur; vel quæcunque acquirere fidelium Christi collatione poterit, id est, vicos, possessiones, curtes dioceses, diocesumque territoria sibi pertinentia. Item arces, castella, agros, vineta, flumina, lacus cum omnibus, quæ in eis sunt instrumentis, servos etiam & ancillas, itemque colonos, census seu redditus, aut etiam pensiones. Ista omnia, & sicut supra dictum est, quorumcunque possessionem prædicta Ecclesia habere visa est, aut videbitur, auctoritate apostolica eidem confirmamus, & corroboramus, & in perpetuum valere decernimus, ut nulla violentia aut ingenio ab ea subripiantur aut alienentur. Item decernimus beati Petri Apostoli auctoritate, ut nulla ordinatio ibi Episcopalis existat, id est, nullus consecratur Episcopus in prædicta Ecclesia, nisi electione filiorum ejusdem Ecclesiæ approbatus; si quis autem insanus aut præsumptor res ejusdem Ecclesiæ devastando, aut diripiendo, itemque minuendo contra hoc nostræ auctoritatis privilegium venire tentaverit, aut observare despexerit, nisi condigna emendatione resipuerit, excommunicationi subiaceat, anathematis vinculo innodetur, maledictione æterna damnatus sit, accum reprobis pœnis subiaceat æternis

Datum & scriptum per manus Petri abbatis & Cancellarii sacri palatii in mense Decemb. indict. \* IV. Anno al. XIX. Domino propicio Domini Joannis \* XVIII. Papæ tertio. Vide Spondanum.

BENE VALETE.

## Annus Christi 1006.

Joannis XIX. Pont. 3. Henrici II. Regis 5.  
Retharii Ep. Pad. 24.

*Dirhm. l. 6.  
Sylber. in  
Chron. ca-  
mar.  
Anselm. m.  
pud Chro-  
n. p. 1  
6. 53.  
Expedicio  
Henrici  
pro Gode-  
frido con-  
tinuatio  
re Lotha-  
ringie.*

Vix dum Rex conquieverat a bello Poloniæ, cum novum illi intestinumque bellum anno proximo obortum. Dederat anno superiori, ut diximus, Henricus Rex Ducatum Lotharingiæ Godefrido Virdunensis Comitis filio: ea res magnopere offendit Albertum Namurcensem, & Lambertum Lovaniensem Comitem, quorum ille Ermgardem, hic Gerbergam, utramque Ottonis Imperatoris sororem, in matrimonio habebat, eoque jure uxorio sibi Lotharingiæ principatum vendicabant; his se conjunxit Balduinus Flandriæ Comes, auxiliis Roberti Franciæ Regis, & Richardi Nortmanniæ Ducis subnixus, ac Godefrido bellum intulit. His provocatus Henricus Rex, Godefridi clientis partes suscepit, ductoque in Flandriam exercitu, Valentianas obsedit. Bellum id in alterum annum protractum, quo Gandaviensis arx expugnata, & multæ Flandro urbes ereptæ. His Balduinus supplex factus, ritu supplicis se ad pedes Regis abiecit; impetrataque venia iussus est fidem & obsequium jurare.

*De fundan-  
do Bambergensi  
Episcopatu cogit  
Henricus.*

Sed longe illustrius hoc anno Henricus Rex aggressus est opus: Bambergæ nimirum, ut jam a multis annis meditatus fuerat, novum Episcopatum ex hæreditariis bonis condere cœpit. Nam eam urbem cum circumjacentibus prædiis & locis donatam acceperat ab Ottone III. Imperatore, consanguineo suo, quam postea Cunigundæ conjugii dedit; & cum inter castos sanctosque convenisset conjuges, non alium hæredem, quam Christum scribere bonorum suorum, omnia consilia convertere in Episcopi sedem Bambergæ erigendam. Huic vero instituto obstabat acerrime Herbipolensis Episcopus Henricus, D. Heriberti frater, haud secus, quam olim Halberstadiensis Episcopus Ottoni M. in condendo Magdenburgensi Episcopatu, quod locus esset intra jurisdictionem suæ diocesis, multoque simul bonorum censu Successores Episcopi orbandi essent. Quam in rem componendam determinandamque, rogatu Regis, Francofurti Epi-

scoporum synodus congregata, ad quam omnes Cisalpini Episcopi conveniunt, ut multis exponit Dithmarus, Auctor vitæ Henrici apud Gretzerum, alique. Sed magna controversia inter Scriptores, quo anno hæc Francofurtensis Synodus sit habita: Marianus Scotus, Albertus Stadenensis, Tangmarus, Baronius, ac Binius ad hunc annum Christi MVI. revocant. Hermannus contractus, alique, qui Browero probatiores videntur anno sequenti habitam volunt, sed inde lis illa (id quod auctores hi aut non animadvertere, aut non distinguere satis potuerunt) quod in hac controversia de Episcopatu Bambergensi duplex synodus congregata sit Francofurti; uti id ex vita D. Henrici apud Gretzerum, actis utriusque synodi, & diversa Episcoporum præsentia constare poterit. Altera hoc anno MVI. est habita, ad quam postquam Henricus Rex commutationem bonorum & satisfactionem Herbipolensi Episcopo obtulit, convenere Willigisus Moguntinus Archiepiscopus, Burchardus Wormatiensis, Walbero Spirensis, Adalberto Basileensis, Lambertus Constantiensis, Udalricus Curienensis Episcopi: Ludolphus Trevirensis Archiepiscopus, Theodericus Metensis, Bercholdus Tullensis, & Heymo Virdunensis Episcopi: Heribertus Colonienensis Archiepiscopus, Notkerus Leodiensis, Eralwinus Cameracensis Episcopi: Tangmo, sive Daganus Magdenburgensis Archiepiscopus, Hildolfus Manticanus Episcopus. In hoc Episcoporum consensu, postquam Henricus gravi oratione exposuisset, quo piæ mentis suæ consilio percuperet Christum bonorum suorum hæredem scribere, ex iisque Bambergensem Episcopatum condere, ne queri posset Herbipolensis Episcopus ulla sui parte diocesin suam minuendam, offerre se pro arbitrio Patrum satisfactionem, quantam illi decernerent. Hæc cum flexis humi genibus peroraret, memorabili ad posteritatem modestiæ documento, non prius surrexit, quam Moguntini Archiepiscopi manibus erigeretur. Ad ea Berengarius Herbipolensis Episcopi legatus pro-

*Quam in  
rein Franks-  
cofurtensis  
synodus ce-  
lebratur.  
Marianus  
Scotus.  
Tangm. in  
vita Ber-  
nardi.  
Baron. ad  
hunc ann.*

*Henricus  
flexis genibus  
rogat  
Episcopos  
ut fundati-  
onem Bam-  
bergensem  
admirant.*

duxit Ecclesiæ suæ privilegia, obtestatus Patres, ne quidquam absente Episcopo suo statuerent, quo Ecclesiæ suæ juri derogaretur. Willigisus, qui consilio præerat, patres iussit ire in suffragia. Primus Tangmo Magdenburgensis Archiepiscopus, vir spectatæ sanctitatis pro Henrico Rege pronunciat, quem ceteri ordine suis suffragiis consecuti. Rex quoties advertit Episcopi suffragium in diversa abire, rursus in terram prostratus supplicis ritu orabat, tanquam rei causa ageretur, demirantibus cunctis Regis submissionem, qui tanta veneratione majestatem Regiam Episcoporum judicio subjiceret. Tandem Regis causa omnium prope sen-

tentiis probata, statutumque ad Pontificem esse referendam, ut is comprobaret. Missi legati cum actis synodi, & Pontifex Joannes XVIII, coacto Romæ Episcoporum consilio, acta primæ Francofurtensis synodi comprobavit, sancivitque Episcopatum Bambergensem Apostolica quoque auctoritate condi posse pro Regis arbitrio. Quam in rem magnificas literas dedit ad Henricum Regem & Germaniæ Episcopos, scriptas mense Junio indictione V. quajam annus Christi insequens MVII. designatur, uti diploma hoc Pontificis recitatur a Gretzero in vita S. Henrici, & conciliis.

Joannes  
Pontifex  
confirmat  
Bambergensis  
Episcopatus  
institutionem

## Annus Christi 1007.

Joannis XIX. Pont. 4. Henrici II. Regis 6.

Retharii Ep. Pad. 25.

*Auctor vita  
S. Henrici.  
Concil. Gen.  
edit. Par.  
Iterata Synodus  
Francofurtensis,  
in qua Pontificiam  
de erigendo  
Episcopatu  
Bamberg.  
indultum  
ab Episcopis  
recipitur.*

Igitur ad has Pontificis literas, ut auctor vitæ S. Henrici perhibet, *habitu est rursus generale concilium in Francofurt, cui præsedit Willigisus Moguntinus. Universi Archiepiscopi & Episcopi, qui interfuerunt, numero XXXVI, cum debita veneratione privilegium sedis Apostolicæ susceperunt.* Atque hæc est altera Francofurtensis synodus, quæ III Novembris a scriptoribus congregata memoratur, diversa a prima, in qua Episcopi Pontificiam sententiam Roma allatam in erigendo Bambergensi Episcopatu confirmaverunt. Interfuere autem, præter Henricum Regem jam omni metu absolutum, hi Archiepiscopi & Episcopi, quorum singuli diplomati Pontificis subscribere. Willigisus sanctæ Moguntinæ Ecclesiæ Archiepiscopus, Retherus, sive Retharius Paderbornensis Episcopus, Megingaudus Eichstatensis, Bernwardus Hildisheimensis, Lambertus Constantiensis, Arnolfus Halberstadiensis, Udalricus Curienensis, Burchardus Wormatiensis, Werinharius Argentinenensis, Walterus Spirensis, Bruno Augustensis Episcopi.

Liudolphus Trevirensis Archiepiscopus.

Berchtoldus Tullensis, Heimo Virdunensis Episcopi.

Harwigus Juvavensis seu Salisburgensis Archiepiscopus.

Christianus Pataviensis, Gebhardus

Ratisbonensis, Egilbertus Frisingensis, Adalbero Brixienensis Episcopi.

Heribertus Colonienensis Archiepiscopus.

Schwidgerus Mimigardevordensis, Ansfridus Trajectensis, Theodoricus Mindensis, Thietmarus Osnabrugensis Episcopi.

Dagino sive Dangmo Magdenburgensis Archiepiscopus.

Hildwardus Citizensis Episcopus.

Burchardus Laudunensis, seu verius Lugdensis Archiepiscopus.

Badolphus Tarentasiensis Archiepiscopus.

Anastasius Ungrorum Archiepiscopus.

Adalbero Basileensis, Hugo Genuensis, Henricus Laufonensis, Eckehardus Sclawicensis, Albericus Cumanus, Richolfus Tergestinensis Episcopi.

Hi nimirum octo Archiepiscopi cum suis provincialibus Episcopis, a quibus, præsentem rursus Rege Henrico, atque ipso Herbipolensi Episcopo, Bambergensis Episcopatus est confirmatus; quos inter Retharius Episcopus noster ordine consecrationis primo loco inter provinciales suos Episcopos consedissememoratur, quippe qui in senio, & ætate gravis, in xxv annum Episcopatum gerebat. Henricus voti compos primum Episcopum Bambergæ im-

Primus  
Bambergæ  
Episcopus  
Everhardus  
Cancellarius.

imposuit Eberhardum Cancellarium suum, quem & eodem die Willigisus Archiepiscopus consecravlt. Neque Rex quicquam impensius habuit, quam ut per commutationem possessionum Herbipolensi satisfaceret, & Bambergensem Ecclesiam S. Petro & Paulo. S. Kiliano & Gregorio M. patronis dedicatam una cum Cunigunda sanctissima conjuge prædiis ac bonis dotaret. Duo præterea in ea urbe Bambergensi monasteria ab eo condita, alterum Canonorum sub patrocínio S. Stephani,

alterum Monachorum D. Benedicti, quod sub tutela Michaelis Archangeli esse voluit. Hoc etiam anno Henricus Rex Francofurti Calend. Novembris Abbatiam Teckingensem donat Bambergensi Episcopo. Et jam ante, VI Idus Maji, Bambergæ Frisingensi Episcopo, & XVII Calend. Julii Neunburgenfi Virginum cœnobio Ratisbonæ donationum tabulas fecerat, quorum diplomata apud nos sunt, quæ hic præmittimus, quod Saxoniam non contingant.

## Annus Christi 1008.

Joannis XIX. Pont. 5. Henrici II. Reg. 7.

Retharii Ep. Pad. 26.

Dithm. l. 6.  
Trevirensis  
in Ann.  
Trev.  
Ep. Boj.  
Megingaudum  
Trevirensis  
Ecclesie præfuit  
Henricus,  
cumque  
contra A.  
adalbero-  
nem pro-  
pugnaret.

Annus insequens Christi supra millesimum octavus Henricum rursus intestino bello involuit. Excesserat e vis Liudolphus Trevirensis Archiepiscopus, in cujus locum elegere Trevirenses plerique Adalberonem Cunigundæ Reginae fratrem, favore magis Regis gratiæque captandæ causa, quam religionis bono; quod licet præpositus jam esset ad S. Paulinum, juvenis tamen & ætate immaturus ad tanti muneris dignitatem censeretur; eo Henricus Rex Megingaudum, Willigisi Archiepiscopi Camerarium, Ecclesiæ Moguntinæ Præpositum, virum nobilem ac gravem, multisque in Ecclesia muneribus probatum Trevirensibus dedit Antistitem. Quod tanto laudabilius fuit in optimo Rege, quo sincerius constantiusque præfules Ecclesiæ non a propinquitate familiæ & sanguinis, sed a virtutis æstimatione, bonoque Ecclesiæ deligendos censeret. Contra Adalbero qui jam omni ambitione Episcopatum illum præcerperat, palam rebellare, occupare palatium, pontem præmunire Castellis, armare Cives, atque omnes per Mosellam aditus intercludere, ne quis Megingaudum accessus pateret. Adjungere se Adalberoni fratres ejus, Henricus Dux Bojariæ a Rege impositus, & Theodericus Metensis Episcopus, Fridericus Comes Luxemburgi, compluresque Dynastæ, jam ante offensi, quod Rex dotem Cunigundæ averteret a familia in Episcopatum Bambergensem. Megingaudus tam potenti factioni impar Henricum Regem implorat. Ille haud cunctatus, celebrato Ratisbonæ Pascha-

te, cum exercitu ex Saxonia atque aliis provinciis contracto Coloniam advolat, ubi Megingaudum a Colonienfi, Moguntino, & Balderico præsulibus Episcopum consecrari jubet. Inde in Trevirorum fines progressus, urbem atque palatium in XVI hebdomadem obsidet; nec prius armis & machinis frangere licuit, quam fame pressi se ad arbitrium Regis dederent. Ita Regis beneficio Megingaudus Archiepiscopus impositus; quanquam is metu Adalberonis per octennium, quo belli omnis expertus vixit, Confluentiæ munere Pontificio perfunctus sit. Magno detrimento christianæ religionis is intestinus motus exarsit, quod per id tempus Boleslaus Poloniæ Princeps Saxoniam fines ingressus, populabundus Magdenburgum usque procurreret, Zerbestam, vicinasque Saxoniam urbes terroribus complendo; & Duces, quibus id bellum a Rege imperatum erat, neglectius per suam absentiam administrant.

Dithm. l. 6.

Sustulit hic annus e vita mortalium Notgerum Leodiensem & Ansfridum Ultrajectensem, duos præclaros Episcopos, quemadmodum id fasti singulorum docent.

Sed longe illustrior mors D. Brunonis Prussorum Apostoli. Is clarissimis in Saxonia Comitum natalibus ortus, & Dithmari Mersburgensis Episcopi consanguineus, ac cum illo in scholis enutritus, postquam a Tangmaro Archiepiscopo consecratus sacerdos, in clero sanctissimam vitam egisset,

Martyrium  
S. Bruno-  
nis Prussorum,  
& S. Bonifacii  
Borussorum  
Apostoli.

*Petrus Da-*  
*mianus in*  
*vita B. Ros-*  
*mundi.*

set, divino spiritu accensus, petiit a sede Apostolica potestatem docendi barbaras gentes; quo in sancto opere a Pruffis manibus & pedibus primum truncatus, ac deinde cum XVIII sociis XVI Calend. Martii capite plexus, glorioso martyrio vitam finiit; quemadmodum Dithmarus, Sigebertus, Marianus Scotus, Ursbergensis, alique scriptores hæc confirmant. Per id tempus D. Bonifacius quoque Ottonis Imperatoris consanguineus in Borussiam profectus Evangelii inter barbaros

diffeminandi causa; ac postquam sacerdotalibus ornamentis indutus, tanquam Missam celebraturus, per medias ignium flammæ transisset, Regi hoc testimonio Christi fidem asserendo, a fratre Regis, quem christianis jam legibus imbuerat, barbære interemptus est. Multa ejusmodi, Scriptorum incuria, desiderantur in nostris: ut recte dixerit non nemo apud Adamum Bremensem, tantam eorum Martyrum esse multitudinem, ut ægre numerus iniri possit.

## Annus Christi 1009.

Sergii IV. Pont. I. Henrici II. Reg. 8. Retharii Ep. Pad. ultimus.

\*al. XXVII  
Chron. Hildes-  
mens.  
Necrolog.  
Hersfeld.  
Chron. Ste-  
derburgense  
a Meibomio  
editum.  
Gobelinus.  
Mors Re-  
tharii Epis-  
copi.

Proximo dehinc anno, qui Christi erat M. VIII, pridie Nonas Martii excessit e vita Retharius Episcopus Paderbornensis, administrato per XXVIII annos Episcopatu, ut Auctor vitæ Meinweri consignat; quem hoc præterea elogio exornavit: *Eo tempore, inquit, Retharius inter quamplurimos, qui scientia præditi, moribus adornati, secundas regni partes strenue adjuvabant, enituit, qui nomen Episcopi officio tenuit, moribus implevit. Denique cura pervigili intendens commisso gregi, in collectione disperforum, & conservatione congregatorum, operam continuam dedit; & ab Ottone Rege, aliisque fidelibus donaria non modica diversis temporibus acquisivit.* Sicuti hæcenus res ab eo præclare gestas ad singulos prope annos commemoravimus. Hujus prima cura & sollicitudo versata in disciplina cleri populique formanda; tum ut bona & possessiones Ecclesiæ Paderbornensis, vel superiorum quorundam Episcoporum incuria, aut temporum iniquitate neglectas restitueret in integrum; quod auctor vitæ Meinweri satis indicare visus est. Accessit miserabile incendium, quo Basilica, Collegium Canoniorum, & magna pars urbis deflagavit. Veritus enim, ne se Episcopo exusta Canoniorum domo, communis vitæ societas, quod Treviris jam factum deplorant eorum annales, solveretur, Henrici Regis, aliorumque piorum hominum subsidia imploravit,

obtinuitque, quod Dithmarus scribit, *postquam Paderbornæ Monasterium, & omnis ejus apparatus flamma nostræ iniquitatis consumpsit, multorum fidelium corda sunt commota, quæ amor divinæ remunerationis ad hæc reparanda accendit.* Corpus Retharii in Basilica, quam toto nisu instaurabat, humatum est. Per id tempus Henricus 4 Idus Martii Tremonia egit, ut ex diplomate Theodorico Episcopo istic dato, quo universim omnia Ecclesiæ bona in tutelam Imperii suscipiuntur, constare poterit; utrumque a Gunthero Cancellario eodem die Tremonia conscriptum. Inde Goslarium profectus, ubi Cineralia celebravit. Pastore destitutus Clerus Paderbornensis istico legatos suos ad eum direxit, ut auctor vitæ Meinweri pergit referre, *qui & obitum Episcopi denunciarent, & clementiæ solatium de successore idoneo suppliciter implorarent; qua lugubri Rex audita legatione, talem tantumque virum condigno mœrore deflevit, & Missarum eleemosynarumque debita commemoratione animam ejus divinæ pietati commendavit.* Quo satis denuo constat, quanti hunc integerrimum Præsulem fecerit Rex, magnus Cleri & Præsulum æstimator. Consecutus præterea Retharius pro animæ solatio ceterorum Episcoporum ac Sacerdotum subsidia ex sacro fraternitatis fœdere, quod supra Tremonia inter Episcopos ac Principes convenisse memoravimus.

*Dithm. l. 1.*

*Goldast.  
tom. 3. com-  
sit. Imp.  
pag. 311.  
Pistorius in  
dipl. Min.  
densi.  
Auctor vitæ  
Meinweri.  
Deplorata  
ab Henrico  
Rege.*

Anna-





# ANNALIUM PADERBORNENSIIUM

LIBER V.

**B. MEINWERCUS X.**  
EPISCOPUS PADERBORN.

Annus Christi 1009.

Sergii IV. Pont. I. Henrici II. Reg. 8. Meinwerci Ep. Pad. I.



Meinwer-  
cus alter E-  
piscopus  
Paderbor-  
nensis fun-  
dator.

**Mors Retharii** Antistitis ex hoc eodem anno MIX nos ad Meinwercum Successorem, & fulgentissimum Ecclesiæ nostræ Episcopum deducit; quem non immerito instauratorem diœcesis, alterumque conditorem posteritas coluit. Quam enim Episcopus sedem, exusto templo & Collegio cum magna urbis parte, inopem & afflictam nactus erat, hanc ita opibus & operibus, supra omnes, qui antecesserunt, Episcopos auxit & exornavit, ut patrimonii opulencia ac splendore ceteris Saxoniae Episcopatibus adæquaret; idque primum ex hereditariis bonis, quibus pollebat: tum Henrici & Conradi II Imperatorum munificencia (quorum gratia non mi-

nus valebat) singularique ejus industria præstitum est. Urbem certe, quam mœnibus infirmam reperit, ita præmuniit, itaque Basilica, duobus Canonicorum Collegiis, Cœnobio Abdinghovienſi ordinis D. Benedicti, multisque sacris ædibus exornavit; ut, quod Browero dicere libuit, ex lateritia marmoream fecerit. Quæ nunc, præter virtutes ejus egregias, resque præclare ab eo gestas, eo nobis certius perscribere licebit, quo diligentius hæc omnia a fido auctore, qui vitam Meinwerci nobis reliquit, consignata sunt; præterque alia, suppetunt nobis hæcenus nondum edita plura donationum diplomata ab utroque Imperatore data, quibus hæc integra fide illustranda suscepimus. Igitur postquam per legatos cleri obitus Retharii Episcopi D. Hen-

Außer vñg  
Meinvv.

Ea lege Episcopatum adit, ut ex propriis bonis illum locupletet.

Henrico Regi Goslaræ, quo Tremonia concesserat, est denunciatus, continuo Rex, vocatis in concilium Episcopis & Principibus, de Successore in Episcopatum Paderbornensem subrogando deliberavit. Multi in hac consultatione propositi, de quorum moribus vitæque diligens perquisitio facta; interque hos Meinwercus regiæ aulæ sacerdos non postremus erat; quem cum ipse Rex præ ceteris cum a natalium claritate opumque præstantia, tum a virtutum ornatu probaret, assensere mox ejus electioni omnes. Igitur Meinwercus vocatus in concessum Episcoporum ac procerum; quo intrante, arrisit Meinwerco Rex, porrectaque chirotheca, accipe ait: at illo percunctante, quod signo illo donoque accepturus esset, Episcopatum, inquit Rex, Paderbornensis Ecclesiæ. Ad quæ Meinwercus, ut lepido promptoque erat ingenio: Quod mihi obsecro hic donum offertur in tenui Episcopatu, quo ego ex patrimonio meo paterno multo opulentiorē præstantiorēque condere possum? Atqui subdit Rex, tibi hunc Episcopatum committo, ut ex inope locupletem facias, & Christum bonorum tuorum heredem scribas. Bene, inquit Meinwercus, se habet hæc donatio; neque alia spe aut conditione admitto, quam ut & ego ex meis paternis bonis, & Rex sua simul liberalitate ex inope Episcopatu opulentum faciamus. Una hæc utriusque conventio & stipulatio erat. Multaque hujusmodi referentur in Meinwerco, quæ pro lepore ingenii, & familiaritate intima cum consanguineo Rege libere egit; tum maxime serius utilisque Ecclesiæ suæ, cum per jocum penetraret in sinum liberalitatis. Nec minor Meinwerci submissio, qui, cum splendidos Episcopatus cum amplissimis honoribus a Rege exspectare posset, hunc tenuem admiserit, ut ex egestate & incendii ruinis erigeret dotaretque. Quapropter gratulantibus illi ceteris præsentibus, cohortantibusque ad sacrum munus acriter suscipiendum, proxima statim Dominica, quæ secunda Quadragesimæ erat, XIII videlicet Martii, Goslaræ a Willigiso Moguntino Archiepiscopo, ac Metropolitano suo, ceterisque, qui aderant, Episcopis solemnī ritu coram Rege & Regina Episcopus inungitur.

Unum interim hic non immerito requiras, quare clero Paderbornensis, mortuo Rethario, successorem Episcopum a Rege expetierit, qui jam ante a Carolo Crasso Imperatore, atque aliis ante ipsum, ut in ejus diplomate assertum est, liberam potestatem eligendi Episcopum obtinuerit, quam deinde Pontifices, ac postremo Otto III Imperator, rogatu Retharii, confirmarat. Sed jam inoleverat vitiosa consuetudo, quod Browerus observavit, ut quoties Episcopus aliquis excessisset e vita, Ecclesia, cui præfuisset, pedum & annulum transmitteret ad Imperatorem, petendo ex ejus aula Episcopum. Ejus rei gratia multi Comitum & nobilium filii, qui jam in Clerum adscripti erant, aulas Imperatorum secuti, Capellano- rum officia obibant, spe alicujus Episcopatus obtinendi. Quanquam multi ex his, ut D. Heribertus, Bernwardus, Meinwercus, alique ultro id munus Imperatoribus obtulerunt, nihil minus, quam ejusmodi dignitates prestando; quos tamen ob egregias virtutes ad indigentis Ecclesiæ Episcopatus imperatores provexere. Tolerabile hoc erat, dum Imperatores boni & pii nil nisi bonum Ecclesiæ quærebant; Post, ubi degeneratum ab hac Imperatorum probitate, & Episcopatus per ambitionem & luxuriam & cæcam aulæ gratiam cum indignis simul ac dignis communicati, ac postremum etiam venales esse cœperunt, Pontifices hunc pravum investituræ morem haud secus quam exuvias Episcoporum, multaque alia saluberrime abrogarunt.

Procul ab his vitiis Meinwercus (etsi Ottonis & Henrici Imperatoris aulam affectatus) quem natalium splendor, & imperatorum consanguinitas, atque ipsa probitas adscivit, tanquam fidum præ ceteris & honoratum ministrum. Patrem hic habuit Imadum Comitem, matrem Adelam, Saxonici generis ac regii sanguinis: fratrem Theodoricum, qui post dolo Vitrici & matris sublatus: sorores Glismodam, seu Gislam Boici Principis conjugem, quam S. Henrici matrem volunt; deinde Azelam Sanctimoniam virginem in Eltenensi prope Embricam parthenone. Quorum omnium \* anniversaria memoria & dies obitus in necrologio Abdinghoviano adscripta; colitur

Penes Imperatores id temporis consuetudo designandi Episcopos, Browerus in not. ad vitam Meinwerchi.

Natales Meinwerchi

\* Immedi IV. Kalend. Febr.

Adela e.  
Idus Aug.  
Glimod.  
Non. Febr.  
Theodor.  
7. Idus As  
prilis.  
Adamus l.  
s. c. LX.  
Abertus  
Stadenf.  
Crantz. L4  
Sax. c. 29.  
Gelenius in  
adior. ad  
viam Ems  
gib. p. 358.  
Geldrum  
nonnulli  
volunt.

adior vita  
mon. 4.

Browerus  
in not. ad  
viam  
Meiw.

colitur hodieum, ob Meinweri Con-  
ditoris beneficia, a Monachis ejusdem  
coenobii. Tertiā sororem Emmā  
addit Adamus Bremenſis, & ex eo Al-  
bertus Stadenſis, ac Crantzius, *His*  
*temporibus*, inquit Adamus, *nobilissi-*  
*ma Senatrix Emma obiit, uxor quon-*  
*dā Liudgeri Comitis, & soror Megin-*  
*werchi Episcopi Paderbornensis, sed vi-*  
*dua jam per XL. annos. Quæ ingen-*  
*tem theſaurum, quem habuit, totum*  
*fere pauperibus & Ecclesiis diſperſit,*  
*cujus corpus in Bremenſi requieſcit Ec-*  
*clesia, anima vero gaudet in cæleſti re-*  
*quie. Quæ dum adhuc viveret, Bre-*  
*menſi Ecclesiæ cortem ſtipagla juxta*  
*Rhenum dedit. Liſmona vero, neſcio*  
*pro quo filiæ (matris fortassis de qua*  
*referemus) delicto, in partem ceſſit*  
*Imperatoris Conradi. Atque hæc ut*  
*certa ſcriptorum fidē habemus, ita ob-*  
*ſcura manſit paterna cumprimis Mein-*  
*weri ſtirps. Nam Imadum Meinweri*  
*patrem, qui ab aliis Imme vocatur,*  
*Gelenius cum aliis Geldrum fuiſſe tradit*  
*e Pontina ſtirpe; eo quod Adalam ejus*  
*matrem Wigmanni Gelriæ & Zutpha-*  
*niæ Comitis filiam cenſeat, cui amplæ*  
*poſſeſſiones fuerunt per diœceſin. Ul-*  
*trajectenſem, Velaviam & Teiſterban-*  
*diam; perinde ut a Wigmanno Eltenenſe*  
*Virginum Monasterium condi-*  
*tum diximus. Hinc Meinwerum ap-*  
*pellat Comitem Velaviæ & Teiſterban-*  
*diæ, quod id Auctōr vitæ S. Mein-*  
*weri non obſcure indicare viſus ſit,*  
*qui Imadum Meinweri patrem tradit*  
*per inferioris Germaniæ ad Rhenum*  
*provincias adminiſtraſſe Comitatum in*  
*Trajectenſi diœceſi, ubi majores nobi-*  
*lium virorum gloria & poſſeſſionibus*  
*celebres fuerint, e quibus etiam Mein-*  
*werus ampla poſtea bona ac prædia*  
*dedit Abdinghoviano Monasterio. Alii*  
*apud Browerum faciunt Meinwerum*  
*Wihingi Geldriæ Comitis filium, tan-*  
*quam ex ſtirpe Mengoſi, & aliorum*  
*Gelriæ Comitum genitus ſit. Sed hi*  
*ſcriptores nondum expediunt regiam*  
*Meinweri ſtirpem, quam Auctōr vi-*  
*tæ, proximus eorum temporum ſcri-*  
*ptor, diſerte memorat, quemque Ot-*  
*tonis III Imperatoris, Henrici junioris*  
*Bavariæ Ducis, atque inde Henrici*  
*ſancti Imperatoris conſanguineum*  
*facit. Accedit, quod vetuſtus ſcri-*  
*ptor in poemate Meinwerum non*  
*Geldrum, ſed Saxonem aſſerat. Ita*

enim candidus ejus verſus inter cetera  
habet.

*Saxo natus erat, bene religione cluebat,*  
*Unus primorum conſiſtens nobiliorum,*  
*Pollens magnarum dominatu divitiarum,*  
*Imadusque Comes pater ejus & Attyla*  
*mater.*

Poema ve-  
tus ex Ab-  
dinghovian  
no Monaste-  
rio.

Quapropter veriſimilius ſentire dixe-  
rim, qui paternum Meinweri genus  
ex Saxonica, eaque Widekindi M. fa-  
milia deducunt. Quippe Walberto,  
Widekindi M. nepote quatuor filii ge-  
niti, Theodoricus, Widekindus, Re-  
ginbertus, Immodus five Immadus;  
a quibus magna nobilitatis propago  
(ut paſſim ſcriptores noſtri tradunt)  
per Saxoniam diſſeminata eſt. Hos  
autem fratres diſerte Widekindus Cor-  
bejenſis Monachus ſcribit fuiſſe *ex ſtir-*  
*pe magni ducis Widekindi, qui bellum*  
*potens geſſit contra Carolum Magnum.*

Saxonem  
fuiſſe veri-  
ſimilius eſt.

Ac ceteris omiſſis, quorum longa po-  
ſteritatis ſeries per illuſtres Regum &  
Principum familias, Theodorico certe  
Immadi fratre, ac Comite Oldenbur-  
gico & Ringelsheimenſi in diœceſi Hil-  
deſienſi nata Mathildis Henrici Regis  
conjux, & M. Ottonis mater; ex  
quo primus conſanguinitatis nexus  
Meinwerco deduci poteſt cum Augu-  
ſta illa Principum, Regum, & Impe-  
ratorum familia. Sed propior rectior-  
que per Imadum Meinweri patrem  
cenſetur; ad quam ſtirpem nos rurfus  
Widekindus monachus tertio annalium  
ſuorum libro deducit. Nam eo bello,  
quod Otto M. contra Luthulphi Ar-  
chiepiſcopi Moguntini factionem geſſit,  
ait, revertiſſe in Saxoniam, amiſſis  
duobus principalibus viris, Immado  
& Meinwerco, quorum uterque ic-  
tu ſagittæ perierat, alter Moguntia, alter  
in expeditione Bavariæ. Immadum  
hunc Meibomius Meinweri avum tra-  
dit, quo alter Imadus genitus, Adela  
maritus, & Meinweri pater. Ade-  
lam vero Wigmanni Zutphanienſis Co-  
mitis filiam proferunt ex diplomate  
foundationis ſupra a nobis relato Par-  
thenonis Eltenenſis; cujus ſoror Lut-  
gardis prima Eltenenſium Virginum  
Abbatia. Inde nunc amplæ bonorum  
poſſeſſiones in diœceſi Trajectenſi, Ve-  
laviam, & Theiſterbandia Meinweri  
parentibus fuere, ſeu per connubium  
hoc Imadi cum Adela, ſeu per dona-  
tionem conſanguineorum Regum, ut

Widekind.  
Fabricius l.  
IV orig. Sax.  
Gobelinus.  
Crantz. lib  
3 Sax. c. 12  
Reuſnerus.

Meibom. in  
not. ad Wio-  
dekind. mon-  
achum.

Diploma  
Ottonis III  
ſuper fund.  
Elſen.

Browero visum, seu etiam a progenitoribus Imadi hæc hereditas traducta sit; cum satis constet Widekindi posteros non modo per Saxoniam inferiorem, sed & per Frisiam regia patrimonii bona possedisse. Ipsumque adeo Wigmannum non tam Geldrum, quam origine Saxonem fuisse opinari libet; quando per id tempus Gelria & Zutphania nondum in unam provinciam coaluerant: neque quod Meinwercki parentes bona possederint in Gelria, & Imadus Comitatum Richemensem administrarit, continuo inde Gelder conficitur Meinwercus. Ceterum Imadum & Immedingorum stirps clarior; ad quam se referunt Allobrogum & Sabaudia Ducum Comitumque propapia, censentque Sabaudi ad XIII Dynastas ab Immodis seu Imadis, qui literarum metathesi Amadei appellari voluerunt. Celebrat & Adamus Bremensis hanc Imadum familiam in Unwano Archiepiscopo suo, qui per id tempus ab Henrico Imperatore proventus ad Cathedram illam, *assumptusque est de choro*, ut inquit, *Paderbornensi, clarissimo genere Immedingorum oriundus. Dives præterea, & largus & omnibus hominibus acceptus.* Quo autem gradu consanguinitatis Meinwercum nostrum contigerit, haud satis compertum. Certior ex hac Imadum familia Imadus, alter post Meinwercum, ac XII Paderbornensis Episcopus, quem auctor vitæ Meinwercki Sororium Meinwercki appellat, quippe Emma sorore Meinwercki, ut Gelenius sensit, genitus. Idem vero Auctor, ut regium Meinwercki stemma & consanguinitatem cum Henrico Imperatore propius commonstret, sororem Meinwercki (quam Auctor ejus vitæ Glismodem vocat, Henrico Bavariae Principi denuptam) ipse Gisela vocat, asseritque D. Henrici Imperatoris matrem. Nec abs re Auctor vitæ Meinwercum nepotem Henrici Imperatoris vocat, nepotis nomine pro consanguineo quovis usurpato: quemadmodum Otto III Imperator ipsum Henricum, in diplomate anno Christi 985 consignato, Nepotem suum compellat. Nec Meinwercki nomen alienum a familia Imadum; quando Imadi frater Meinwercus, de quo supra relatum est, a quo Episcopus noster gentile illud nomen sortitus fuerit. De Immedingorum

Adam.  
Brem. lib. 2.  
c. 33.

Gelen. in  
auxilio ad  
Vit. & Em-  
gelbert.

familia agit etiam Ursbergensis, & ex eo Albertus Stadenensis, in Erbone & Boronæ Noricæ gentis Comitibus ad annum Christi 1104; quibus paternum stemma ab Erbone clarissimo ejus ævi bellatore, *maternum vero e Saxonica Immedingorum familia, quæ & Ottonum inclytæ stirpi traditur vicina.* Nam & ejusdem Immed his verbis meminit Saxonum historia. Erat, inquit, clara & nobilissima, & singularis prudentiæ regina Mathildis, Magni Ottonis mater, filia Theodorici, cujus fratres erant Witikint, Immid, & Reginbern. Reginbern autem ipse erat, qui pugnavit contra Danos, multo tempore Saxoniam vastantes, vicitque illos, liberans patriam ab illorum incursionibus usque in hodiernum diem. Et hi erant stirpis magni ducis Witikindi, qui bellum potens gessit contra Magnum Carolum per triginta ferme annos. Hæc de familia Meinwercki & nobilium natalium magnitudine comperta accepimus.

Posteaquam vero Theodoricus frater, paternorum bonorum heres, ad propagandam familiam a parentibus nominatus; Meinwercus Clero destinatus est, eoque a primis statim annis in duobus florentissimis Saxonie collegiis excultus est literis, primum Halberstadii, ubi elementorum rude tyrocinium posuit, & a parentibus oblatum est & in clerum cooptatus: Inde Hildesum ad præstantiorum artium & doctrinarum studia traductus, ingenii fructum decerpit. Quo in Gymnasio condiscipulum habuit S. Henricum Imperatorem, iisdem literis excultum; accessitque ad consanguinitatem illa scholis culta familiaritas; quibus tantum postea valuit apud Regem & Imperatorem in locupletanda Ecclesia sua. Satisque hæc ostendunt utrumque Saxonem fuisse, qui ad gentis suæ seminaria a parentibus traducti sint, ut sub Ottonum & consanguineorum aspectu curaque versarentur.

Nec minor pietatis quam literarum progressus in Meinwerco: adolescens enim procul ab ejus ætatis vitiis, innocentis vitæ cursum tenebat: Neque pravorum consortio obnoxius erat; ut qui intra septa collegii in clero excolebatur, ubi par disciplina, boni mores & studia tractabantur sub Magistrorum

Meinwer-  
cus studet  
Halbersta-  
dii & Hildes-  
desu.

Proficit in  
pietate &  
literis.

ocu-

oculis; ad quæ Meinwerci indoles cum primis nata erat. Absolutis in utroque Gymnasio studiis, Hildesio remissus est Halberstadtum; in quo collegio institutum Canonicæ vitæ profectus est, omnibus carus acceptusque: nam mira in eo ingenii facilitas cum lepore nativo, morum suavitas candorque animi, quæ a modestia & pietate majus ornamentum habebant. Ceteræ deinde virtutes, quibus in clero per gradus sacrorum ordinum ad sacerdotium pervenit, multo conspectiores. Felicitas tum adhuc tempora cum Canonici in eodem clauetro communem vitam pari religiosorum disciplina institutoque majorum colebant. Hinc tam egregii in Collegiis Canonorum, in cœnobiiis Monachorum viri, quos ab omni scientiarum & virtutum cultu commendatos Imperatores primum ad aulas evocabant, interque aulae capellanos & sacerdotes probatos, post experimenta (siquidem digni comperti) ad Episcopatus provehebant. Eorum in numero Meinwercus erat; qui primum ab Ottone III Imperatore ex Collegio Halberstadiensi inter aulae Capellanos adscitus, præclarum specimen sacerdotalium virtutum dedit; eoque tam carus fuit Ottoni Imperatori, ob fidam operam, ut regalibus etiam prædiis Imperatorio diplomate obsignatis donarit; uti hæc Auctor vitæ Meinwerci refert; at nos ipsum diploma, etsi in fine abruptum, destitutumque anno obsignationis, hic recitemus.

*In nomine sanctæ & individue Trinitatis. Otto Servus Apostolorum Romanorum, Imperator Augustus. Omnium fidelium nostrorum, tam præsentium quam & futurorum noverit universitas, quod nos interventu ac petitione Geppæ venerabilis abbatissæ, Meinwercio nostro amabili Cappellano dedimus duos mansos regales in villa Lutten, in pago Ventsga dicta, in Burgwardio quoque Dalchem, atque in Comitatu Herialdi Comititis sitos, quos scilicet cum omnibus eorum utilitatibus, arvis scilicet, ædificiis, terris cultis & incultis, agris, pratis, campis, silvis, venationibus, aquis aquarumque decursibus, molendinis, viis, inviis, exitibus, sive redditibus, tam quæsitis, quam inquirendis sibi in proprium tradidimus, eo tenore, ut idem Meinwercus,*

*qui nostram ut propriam diligit vitam, de eadem proprietate modis omnibus, quidquid voluerit, faciat, & secundum suum velle disponat. Et ut hæc traditio firmiter permaneat, hanc paginam manu roboratam, proprio, ut cernitur inferius, sigillo nostro insigniri præcepimus.*

Ottone Imperatore mortuo, ab Henrico Rege ac successore, ob consanguinitatem ac familiaritatem, quam a juventute contraxerant, postulatus est ad aulam atque ad idem Cappellani regii munus. Inde in octavum regni annum in omnibus illi expeditionibus fidus ac longe carissimus Comes adhæsit; tam in privatis quam in publicis Regni negotiis, inter intimæ etiam admisionis Consiliarios accensus; donec Rethario Paderbornensi Episcopo sublato e vivis, Meinwercus ei, uti jam diximus supra, a Rege subrogaretur.

Et Meinwercus, postquam Goslaræ consecratus Episcopus, nihil impensius habuit, quam dimissa aula Paderbornam properare ad Episcopi munus capeffendum. Venienti obviam progressus clerus, & omnis dignitatis ætatisque homines, cum incredibili lætitia & acclamatione introduxerunt in urbem, solemnique ritu in throno Episcopi collocarunt. Ille altero statim die perlustrata urbe, deformatam incendio ingemuit, comprimisque quod nobile illud Canonicorum Collegium a Carolo M. conditum, auctumque tot Imperatorum munificentia, inter combusta ædificiorum rudera conspiceret, dissoluta communis vitæ habitatione, & claustri disciplina. Sed primo ad Deum conversus, omnes, quas ex paterna hæreditate & donatione Regum, opes habebat amplissimas, inopi suæ Ecclesiæ obtulit: mox publicis cleri populi que precibus ac jejuniis indictis, majora aggredi cœpit. Nam, qua erat magnitudine animi, & fiducia in Deum, tertio statim die adventus in urbem, Basilicam, quam Retharius Episcopus angustis spatiis murorum, nec solido satis opere post urbis bustum ad fenestras usque erexerat, Meinwercus funditus dejici jussit, atque ea, qua nunc aspicitur amplitudine, & forma murorum, ac eleganti columnarum structura, totiusque fabricæ magnificentia, a fundamento novam construere

*Auctor vitæ  
num. 16.*

*Cathedralem Paderbornæ Ecclesiam a fundamentis exstruere.*

L l a

cœpit;

coepit; quam in rem suis impensis omnem tanti operis materiam conveyi imperavit. Tum peritissimis quibusque fabricæ magistris undique conquisitis evocatisque, singulis suas operum parvas demandare, sedulo urgere, atque omnia architecti ingenio moderari. Forte dum opus ferveret, adstante Episcopo, accessit peregrinus quidam faber lignarius, & salutato Episcopo, operam illi suam ad multa offert: Episcopus, ut artis experimentum caperet, jubet clavum faciat; quem cum ille expedite sciteque expediret, operis ceteris adjunxit. Nec illo fere quisquam artis ejus peritior diligentiorque exstitit; cujus industria ita delectatus Episcopus, ut cum haud multo post moreretur, honorifico in crypta sepulchro & monumento decoraret, cui trullam ac malleum ad posteritatis memoriam inscribi jussit; eo cum primis consilio ac studio, ut ceteros architectos sibi demereretur, excitaretque ad diligentiam cœpti operis. Nam & horum ingeniis gloriæ ad posteros scintillæ insident, quales ipsi operibus suis imprimunt.

Postquam fabricæ opus dispersitum commissumque præfectis, & in urbe omnia composita, Meinwercus eodem adhuc anno diœcesin omnem, quam late patet, circuire, lustrare parochias, inspicere Ecclesias, & collapsa reparare, hortari docereque plebem pro Episcopi munere, omniaque quam sapientissime ordinare; quæ tanta auctoritate ac suavitate ab eo agebantur, ut summis infimisque amoris simul ac timori esset. Nam & generis claritudo, & consanguinei Regis gratia, & vitæ integritas, seriusque agentis animus omnibus amabilem & aspectabilem reddebant.

Ita vero Ecclesiæ suæ dum intendit Meinwercus Episcopus noster, non minori cura Archiepiscopus Magadaburgensis diœcesi suæ prospicit, impetratis ab Henrico Rege tabulis, quibus & vetera illius Ecclesiæ privilegia confirmat, & nova quædam bona adjicit; quæ cum hanc patriam nostram concernant, ipsum diploma hic adjungere lubet.

*In nomine sanctæ & individue Trinitatis, Henricus divina favente clemen-*

*tia Rex. Rectori Regum gratulantes, & remedio animæ nostræ consulendo, fidelium nostrorum petitionibus aurem piam accommodantes, statum & ordinem omnium Ecclesiarum firmare atque roborare congruum & salubre dijudicavimus. Maxime autem ea loca sacrata, quæ ab antecessoribus regibus, parentibus scilicet nostris fundata, constructa & penitus edificata bus usque vigere noscuntur, nostri mundiburdii tutamine sigillare decrevimus. Quapropter caritativa nostræ comœtalis Chunigundæ admonitione circumventi, & fidelium nostrorum, venerabilis videlicet Heriberti Coloniensis Ecclesiæ & Bernhardi Ducis supplici postulatione instigati, Magadaburgensem Archiepiscopatum, quem Daginoni Archiepiscopo servitute devota nunquam devicto gubernandum commisimus, sicut antecessores nostri reges videlicet & imperatores ante fecerunt, iterum ei roborare omni devotione studemus. Idcirco omnibus fidelibus nostris notum esse volumus, quod omnia quæ pius parens noster magnus & pacificus OTTO Imperator Augustus sui-que successores vel cujuscunque dignitatis persona sancto & principi Apostolorum Petro sanctisque martyribus Mauricio atque Innocentio sociisque eorundem tradiderunt, vel nosmet ipsi tradidimus, sive jam in potestate supradictæ Ecclesiæ habeantur, sive ad nos, aut alium aliquem nostrorum fidelium aliquo modo respiciat, reiterata affirmatione Sancto & supradictis Sanctis tradimus & manus nostræ gratuito munere roboramus, Regalis præcepti pessulum apponentes, ne nunc aut in posterum alicujus dignitatis persona res ejusdem ecclesiæ cum aliqua temeritate infirmare, aut imminuere, vel aliqua inquietudine infirmare præsumat, sed cum tanta plenitudine sint ubicunque locorum sive provinciarum sub potestate Magadaburgensis Ecclesiæ Archiepiscopi Daginonis & Successorum ejus, sive Advocatorum, quos ipsi elegerint, sicut senior noster vel parens maximus Imperatorum OTTO eas possedit, tradidit, roboravit, ac deinde Successoribus suis & nobis pro remedio animarum nostrarum ad utilitatem supra memoratæ Ecclesiæ possidentes reliquit. Insuper quoque regia potestate præcipimus, ut liberas familias ad civitates Schideri & Angeri pertinentes, nullus Comes aut aliqua judicialis perso-*

na



Henricus  
familias, ad  
civitates  
Schider. &  
Angercus.  
spectantes,  
Ecclesie  
Magden-  
burgensi  
subjicit.

na inquietare, aut suæ servituti ullo modo subigere præsumat, sed cum tanta plenitudine numeri atque tributis serviant Episcopo Magadaburgensi prædicto successoribusque ejus: Et his advocatis obediunt, qui voluntaria electione eorum eis aliquo modo præponuntur, sicut fecerunt magno Imperatori pioque parenti nostro OTTONI & advocatis quos super eos ipse constituit. De forestis autem, theloneis, mancipiis, decimis, proprietatibus & terminis ubique locorum aut provinciarum sitis, ad præfatam Ecclesiam Magadaburgensem pertinentibus, jam firmam Sancto & supra nominatis Sanctis facimus roborationem, ut unusquisque fidelium hæc cum aliqua teme-

ritate invadere pertimescat. Et ut hæc nostræ roborationis auctoritas nunc & in posterum firma & inconvulsa permaneat, sigillo nostro hanc cartam fecimus sigillari, manus propriæ ut infra videtur notam addentes. Forestum quoque, quod ultra Albiam fluvium jacet, de quo superius specialiter non fecimus mentionem, his terminis aquarum silvarumque designatum, hoc est, in occidente cum Albia flumine, in Septentrione cum naetar hic & durn & vinar silvis, in oriente vero gebo flumine & Chabria montibus ad meridiem cum Nud flumine eodem sigillo nostro ad Magadburgensem Ecclesiam roboramus.

Signum Domni Henrici &



gloriosissimi Regis Secundi.

\* d. vii.

Guntbertus Cancellarius vice Wilgisi Archicappellani recognovi. Data Indictione \* VIII. anno Dominicæ Incarnat. millesimo VIII. Anno vero Domni Henrici Secundi Regis VIII. Actum Kirichbergh feliciter AMEN.

## Annus Christi 1010.

Sergii IV. Pont. 2. Henrici II Reg. 9.

Meinweri Ep. Pad. 2.

Dithm. l. 6.  
Bernardo  
Ducatum  
Paternum  
ab Henrico  
obtinuit.

Procedebat jam alter Episcopatus annus Meinverco, quo Bernardus Saxonix Dux, Hermannus Duce genitus, y Idus Februarii excessit e vita, vir religione & pietate cumprimis præstans. Angariam is simul & Westphalam administrasse a quibusdam scribitur; quamvis Dithmarus Luxenburgum horum Ducum sedem assignare visus. Et vero cum nondum Principatus pleno hæreditatis jure transirent ad filios, sed Regum atque Imperatorum beneficio obtinerentur, Bernardus ejus filius, ut patri succederet, Meinvercum convenit, ut, quem consanguinitate & gratia apud Henricum Regem plurimum valere sciebat, ejus patrocinio & favore Ducatum patris obtineret. Obsecutus Meinvercus hominis postulationi, Ducatum illi ab Henrico Rege impetravit; atque, ut arctius sibi devinceret, bona in feudum illi concessit, ratus hæc omnia Ducis affinisque benevolentia abunde compensari posse: sed ille immemor regii beneficii, in ipsum postea Regem ausus rebellium armis consurgere. Bernardum fratrem, mor-

te haud minus illustri, consecutus est iv Calend. Aprilis Ludgerus per Westphalam Comes, cui Emma soror Meinverci, ut supra relatum, denupta erat. Conjuges hi piissimi multis donationibus Bremensem Ecclesiam locupletarunt. At longe felicius hic annus matrimonio Giselæ, sororis D. Henrici Regis, cum Ungariæ Rege (quam alii ad alios annos hæc revocent) Toxo seu Waic, ut Dithmarus refert, huic Regi nomen prius erat, qui captus pulchritudine & insigni morum elegantia hujus Virginis, magno ardore ambiit; sed illa non prius in manus Regis convenire voluit, quam sacris christianis esset initiatus. Hunc deinde Regem, qui Stephanus postea dictus, ita Giselæ & Henricus Rex sibi devinxere, ut totum illud Regnum ad Christi religionem perduxerint, incredibili omnium Christianorum lætitia, & Ecclesiæ bono; nec minori Meinverci Episcopi nostri gaudio, cujus sorore Glismode, seu Giselæ hæc Regina genita erat, uti hæc Gelenius censuit. Fortunata præterea hæc Meinverci familia,

Sigbertus  
Dithmarus  
Per Gise-  
lam, S. Hen-  
rici soror-  
em, Hun-  
garix Regi  
nuptam,  
Regnum il-  
lud conversa-  
tur ad fide-  
dem.  
Martinus  
Polonus.  
Orto Fris.  
Conradus  
Ursberg.  
Sigbertus  
Nonnosius  
Andreas  
Ratisb.  
Raderus in  
Bavar.  
aliique.  
Gelenius in  
austario  
ad vitam  
Engel.

familia, ex qua B. Adelheidis quoque nata, Glismodis & Meinweri amicitia filia. Rex interim hoc anno mense Maio & Julio Ratisbonæ & Bambergæ versatus, pro infinita liberalitate, Monasterio Polliensi, Kiebachensi, & Lau-

risheimensi donationes fecit, quorum tabulæ apud nos servantur. Per hanc Regis absentiam Nortmanni in Frisiam irrupere, multisque Christianorum cæsis, Ultrajectum Oppidum flammis absumpsere.

## Annus Christi 1011.

Sergii IV. Pont. 3. Henrici R. Regis 10.

Meinweri Ep. Pad. 3.

Ad aulam  
revocatus  
Meinweri  
cus inter-  
gram ab  
Henrico Co-  
mitatum  
sue diocesi  
exerat.

Jam binos prope annos Meinwerus exegerat in Episcopatu suo, omnia quam sapientissime ordinando; cum rursus ab Henrico Rege evocatur ad aulam; quippe qui ob fidem & sapientiam constantiamque animi percarus erat Regi, eoque in publicis Regni negotiis pertractandis adhibebatur. Duplex vero hoc anno bellum erat Henrico Regi; alterum cum Adalberonis factione, conjuratisque Lotharingæ proceribus; ad quos motus componendos Henricus Rex ad Rhenum primo Confluentiæ post ferias D. Martini, deinde Moguntiæ principum conventus habuit. At Triburiæ cum consisteret mense Aprili, Meinwerus Episcopus, qui Regi aderat, captata occasione multis cœpit exponere urbis damna incendio illata, ac totius Episcopatus sui angustias, resque Ecclesiæ suæ temporum injuriis dissipatas; uti hæc omnia per biennium Episcopus diligenter explorarat. Quibus ita permovit Regis animum, ut nobilem illi Haholti Comitatum ex integro donaret, quem Haholtus Comes dum viveret, administravit, & morte sua vacuum reliquit. Eo dono nihil adhuc magnificentius largiusque ab ullo Cæsarum aut Regum patrimonio huic Ecclesiæ accesserat; quam in rem ipsas donationum tabulas hic producimus,

In nomine sanctæ & individue Trinitatis, Henricus divina ordinante providentia Rex. Divinæ pietatis clementia, quæ nos ad culmen regniæ majestatis perduxit, ad hoc voluit regnare, ut Ecclesiarum ordini firmando atque corroborando subveniamus, his autem maxime locis, quæ ab antecessoribus nostris, Regibus, Imperatoribus fundata,

sed jam peccatis exigentibus pene videbantur annullata. Quapropter omnium fidelium nostrorum, præsentium scilicet ac futurorum, industriæ notum esse volumus, qualiter nos divini amoris instinctu, pro remedio animæ nostræ, seu parentum nostrorum, nec non & tertii Ottonis bonæ memoriæ Imperatoris, dilectæque Conjugis nostræ Cunigundæ Reginæ interventu, atque Meginwerc sanctæ Padrebronnensis Ecclesiæ venerabilis Episcopi rogatu, sibi suæque sanctæ Ecclesiæ a Karolo M. Imperatore olim fundatæ; nostris vero temporibus incendium passæ, in honore etiam sanctæ Dei genitricis semperque Virginis Mariæ, & sancti Kiliani Martyris, Liboriique Confessoris dedicatæ, Comitatum, quem Hahold Comes, dum vixit, tenuit, situm scilicet in locis haverga, limga, Thiatmali, Aga, Patherga, Treveresga, Langaneka, Erpesfeldt, Silbiki, Matfeld, Nitherga, Sinatsfeld, Ballevan, prope Spriada, Gambiki, Gession, Sewardesbusen, cum omni legalitate in proprium concedimus atque largimur per hanc nostram regalem paginam, eo videlicet rationis tenore, ut præfatus Episcopus Meginwerc, sui que successores, præscriptæ Ecclesiæ præsidentes, debinc liberam habeant potestatem de eodem Comitatu ejusque utilitatibus, quidquid eis placuerit faciendi, ad eorum tamen utilitatem Ecclesiæ, omnium videlicet inquietudine remota. Et ut hæc nostræ traditionis seu confirmationis auctoritas stabilis & inconvulsa omni habeatur tempore, hoc præceptum inde conscriptum manu propria firmare curavimus, & sigillo nostro insigniri jussimus.

Aulus vita  
ann. 20.

Signum Domini Heinrici



Regis invictissimi.

*Guntharius Cancellarius ad vicem Erkambaldi Archicappellani recognovi. Datum III. Idus Aprilis. Indictione IX. Anno Dominicæ Incarnat. millesimo XI anno vero Domni secundi Regis Heinrichi regnantis IX. actum Tribura regia villa feliciter Amen.*

*Auctor vita  
Meinw.  
Lambert.  
Schaf.*

Tabulis hisce Erkenbaldus Archicappellanus regiis consignatur, idemque Moguntinus Archiepiscopus, & Metropolitanus noster, ex Abbate Fuldensi subrogatus Willigiso Archiepiscopo, quod is jam VII Calend. Martii e vivorum numero abierat. Hahaltorum quoque Comitum familia per id tempus in Westphalia celebris, a quibus nobile Gesekensum Sanctimonialium Virginum Collegium anno Christi 952 Ottone primo Imperatore, conditum diximus, Comitemque modo Hoholtum, modo Haholtum, modo Harioldum veteres tabulæ appellant, atque hunc, qui Meinwerco cessit, Comitatum ab ejus nomine compellari, Auctor vitæ perhibet; ut passim comitatus ejusmodi non ab Oppido Castrove, aut celebri ejus loco, sed ab ipsis Comitum nominibus designantur; quod clientum tum adhuc beneficio, aut temporaria potius administratione, quam hereditario jure ab Imperatoribus possiderentur. Ceterum etsi Paderbornensis Ecclesia jam ante aliorum Regum & Imperatorum donatione Patergan, Agam, Theveresgam, So-rehtfeld, aliosque eo in Comitatu pagos & prædia obtinuerit, uti Henricus ipse Rex in diplomate anno regni ejus primo proficitur; hac tamen largitione omnem illum Comitatum quam latissime diffusum Meinwerco donat, complexus in eo Dethmoldiam sedem Comitum Lippienfium, Lemgoviam, ac totum illum per montes Teutonicos tractum regionis, quem postea jure fiduciario Episcopi Paderbornenses dedere in feudum Comitibus Lippienfibus: ut tam incunabula, quam incrementa Comites illi debeant Paderbornensi Ecclesiæ. Nescii tum Episcopi totum illum Comitatum aliquando cum incolis ab his clientibus Episcoporum, & a Catholica religione primum ad Lutheri, post ad Calvini hæresin traducendum, extincta simul omni jurisdictione sacra Episcopi Paderbornensis. Tam prodige hæc a posteris tractata, quæ tam pia liberalitate ab Henrico sancto Imperatore Meinwerco Episcopo & Paderbornensi Ecclesiæ donata

sunt; quo in genere non tam jactura bonorum, quam religionis & tot per-euntium animarum deploranda.

Ab Rheno digressus Meinwercus a Rege, in Episcopatum suum rediit, optatissimum donati Comitatus Haholtini nuncium secum deferens, quo Collegium cathedrale omnesque ordines mirifice recreavit. Ac nihil antiquius habuit, quam possessionem comitatus auctoritate regia adire. Subinde post festos Pentecostes dies Paderbornæ celebratos, Helmwardeshufanum Monasterium, quod ab Ekhardo Comite haud procul Visurgi conditum, ac Meinwerco, Episcoporumque Paderbornensium potestati concessum diximus, Nonis Junii solemniter ritu dedicavit, sub patrocinio Christi Salvatoris Virginis matris, Petri & Pauli Apostolorum Principum. Florens ac celebre Monasterium instituti D. Benedicti, interque Imperialia annumeratum, versus orientem in finibus diocesis Paderbornensis, quod avorum demum memoria invalescente hæresi ab Hassis captivum teneri cœpit.

*Auctor vita  
Meinw.  
Meinwercus  
consecravit  
Monasterium  
Helmwardeshu-  
fanum.*

Mira sub id tempus Hervordix res oblata e conspectu monitisque D. Virginis Matris in iisdem Teutonicis montibus, ubi paulo ante Meinwerco Comitatus Haholtanus donatus obvenerat. Festus agebatur dies Divorum Gervasii & Protasii Hervordix celebris, quo die, uti & alias, egenis eo venientibus large stipem erogare moris erat Sanctimonialibus. Audierat hæc mendicus quidam e pastorum & rusticorum grege, cui ad oppidum & Monasterium appropinquanti se Deipara Virgo illustri ac decora specie obtulit, & vade, inquit, ac meo nomine monituque Antistiti (quæ tum Godesti erat) ceterisque Sanctimonialibus denuncia, ni mores & vitam in melius commutent, & vanitatis luxum corrigant, tantumque studii ponant in disciplina religiosa instauranda, quantum ab ipsis impenditur in structuris ædificiorum, multum divinæ offensionis, multumque mali accessurum loco; hæc vero

*Auctor vita  
Meinw.  
Vetus MS.  
B. Virgo  
Hervordix  
canonice  
monita  
sub in-  
terminatione  
gravium  
pœnarum,  
ut mores  
corrigant.*

vero si emendarint, sciant me pro veteri patrocinio Monasterium in tutela habituram, foreque in omnibus propugnatricem, qualem a primis exordiis expertæ sunt. Adhæc libere edicto, velle me hunc locum, in quo tibi me offero, ac tecum loquor, divino cultui consecrari, in eoque meo honori ædem sacram erigi, in qua supplicum preces prona semper ac propitia auditura sim. Hæsit ad ea attonitus diu mendicus, & quis ego tandem, inquit, sum pannosus, & mortalium abjectissimus, ut hæc denunciem? aut mihi fidem habeant, cui verbera pro fide erunt? ut tamen obsequar tuis dictis, quod signum hujus rei mihi dabis? Nihil metuas, inquit virgo, nec plagæ dolori erant, nec cicatricem ullam in corpore tuo relinquent, quod primum tibi signum erit. Præterea baculum, quem manu gestas, in formam crucis formabis, & eo in loco, in quo ego hic pedibus meis consisto defiges, futurumque est, ut in eo omnes me columbæ specie visuri sint, quod alterum tibi signum esse volo. His ille confusus omnia, ut a Virgine in mandatis acceperat, Antistiti & Sanctimonialibus exponit. Illæ novitate rei, & testantis constantia percussæ, Meinwercum Episcopum (quod is locus, uti Corbeja, jurisdictionis Paderbornensis esset) acersunt, vocatisque in consilium Monasteriorum præpositis ac Sacerdotibus, censuere pro voluntate divina certius exploranda, jejunia & publicas preces indicendas, atque hominem ejus prodigii primum indicem, aqua & candenti ferro probandum (quod tum explorandæ veritatis genus frequens erat, & in aliis etiam, ut refertur, Meinwerco usitatum) Igitur postquam accersitus homo, per quem Virgo hæc denunciari voluit, & manu illæsa candens ferrum gessit, & columba visa est propalam confidere in cruce super truncum defixa; omnium studia conversa sunt in locum Deo consecrandum, ædemque sacram exstruendam, quæ a cruce sacra nomen retinet. Hanc deinde Meinwercus post sexennium solemnibus cæremoniis dedicavit. Rei gestæ fidem ac monumenta exhibet vetus hæc inscriptio.

*Anno MXI, die SS. Gervasii & Protasii, hanc visionem gloriosa Virgo*

*Maria per quendam pauperculum devotissimæ memoriæ pastorem Abbatissæ Hervordienſi revelare & manifeste ostendere dignata est, tempore S. Meinwerſi Episcopi Paderbornenſis, qui & hanc visionem per varias examinationes probavit & approbavit, & hunc locum ad honorem ejusdem S. Dei Genitricis Mariæ consecravit.*

Illustratus deinde hic locus insigni basilica & Monasterio sacrarum Virginum, quod in colli ad Orientalem partem urbis Herivordienſis extra mœnia aspicitur, a Lutheranis Virginibus quibusdam inſeſſum; viſiturque adhuc truncus ad chori ingreſſum erectus ad viri prope altitudinem & craſſitiem, ubi Beatissima Virgo se ſpectandam dedit, & crucis ſigno, columbæque aſpectu notari voluit. Quemadmodum & mihi cum Ferdinando Episcopo noſtro hæc ipſa monumenta ab Incolis Lutheranis commonſtrata ſunt, quibus certior hujus miraculi memoria, quam priſcæ pietatis cultus erat.

Hæc poſtquam a Meinverco peracta ſunt, Herivordia Henricum Regem ſecutus eſt per Saxoniam ad Polonicam adverſus Boleslaum expeditionem. Atroci is mandato, ut Dithmarus ſcribit; Saxones ad hoc bellum evocarât. Et Regem Meinvercus cum ceteris Episcopis ad fines Poloniæ duxit; cum caſtris ad Jarinam locatis, Rex & Tangmo Magdenburgenſis Archiepiſcopus gravi morbo conſictari cœperunt. Quapropter procerum conſilio perſuaſum Regi, iter in Saxoniam cum quibusdam Episcopis relegeret. Nec tamen ob id expeditio intermiſſa; imperiumque militare Arnulpho Halberſtadienſi, & Meinverco Paderbornenſi Episcopis, viris ſago togæque præſtantibus, Jaromiro Bohemiæ Principi, Geroni & Hermann Marchionibus commiſſum eſt a Rege. His ducibus proceſſum eſt in conſpectum Glasgoviæ, ubi Boleslaus cunctando & tergiverſando bellum trahebat; & Jaromirus nutare cœpit: nec Glasgoviam expugnare permiſſum, quod machinæ deſſent Germanis, & crebra imbrium infuſione prohiberetur miles. Quare agrorum vaſtatione contenti exercitum ad Albim reduxere inco-

Meinwer-  
cus Regem  
ad expediti-  
onem Polo-  
nicam ſe-  
quitur.  
Dithmarus

incolumem, dimisso in Bohemiam Jaromiro, qui haud multo post principatu & gratia Regis excidit. Inter hæc Henricus Rex recuperata valetudine, lustratisque occidentalibus provinciis Poledæ, quæ Palithi passim vocatur,

Abbatia illustris, natalitia Christi peregit. Inde Merseburgum profectus, Boleslao quinquennales inducias dedit, Lebusiamque, veterem ex Romanorum vestigiis urbem, incolis & præsidio militari præmuniri iussit.

## Annus Christi 1012.

Benedicti VIII. Pont. I. Henrici II. Regis II.

Meinweri Ep. Pad. 4.

Bello Polonico sopito, Henricus Rex ex Saxonia Orientali ad Rhenum profectus, lustrataque Germania inferiori, Neomago Leodium concessit. Qua in urbe, postquam Pascha celebratum, & per Lotharingiam res compositæ, & Henrico Cunigundæ Reginae fratri Bojaria reddita, & consanguinei Reginae conciliati cum Rege, Rex Bambergam properavit ad dedicationem Basilicæ a se Regio opere constructæ. Eam pridie Nonas Maji Johannes Patriarcha Aquileiensis solemnibus Ecclesiæ cæremoniis consecravimus. Non ante in Germania magnificentior spectata dedicatio, ad quam Dithmarus xxx, Marianus XLVIII Episcopos cum innumera procerum hominumque multitudine convenisse scribunt. Interfuisse se quoque inter Episcopos refert Dithmarus; nec dubium, quin & Meinwercus Regis assiduus Comes præfens fuerit. Hic ipse quoque Regis natalis dies erat, ex quo jam in xxxv vitæ annum processerat; falliturque Auctor vitæ Meinweri, qui dedicationem hanc ad sequentem annum refert. His tam læte gestis, Rex cum exercitu in Poloniam movit adversus Boleslaum tumultuantem; quod is irruptione facta intra fines Imperii Lebusiam invaserat, præsidibusque una cum incolis barbarum in modum partim trucidatis, partim captis, urbi direptæ, flammam iniecerat, exusseratque. Conturbata ad hæc Regina, quam Merseburgi reliquerat, festinatis nuntiis Regi cladem significat. Quare Rex citatis per Saxoniam itineribus in Poloniam movit, ultusque Boleslai perfidiam, \* Misleslaum Boleslai filium 4 Nonas Augusti prælio vincit ad Oderam flumen, & late vastitatem cum infesto milite Boleslai provinciis infert. Affectatus hac expeditione Regem suum Meinwercus in Saxoniam Orientalem, ut ex iis, quæ post referam, liquere potest.

Inter hæc annus præfens morte subtrahit tres sanctissimos Saxonie Episcopos, quorum primus Libentius Bremensis Archiepiscopus Nonis Januarii excessit, quem magnis hisce laudibus ornatum reliquit Adamus Bremensis. *Vir literatissimus, qui ab Italia quondam Adalgagum Archiepiscopum secutus; cujus & vitam in omnibus æmulus erat, vir tantæ castitatis, ut raro se mulieribus videndum præbuerit; tantæ abstinentiæ, ut pallida jejuniis ora portaverit; tantæ humilitatis ac caritatis, ut in claustris sicut unus fratrum vixerit. Archiepiscopus etiam per se curam egerit hospitalis, fratribus & infirmis quotidiana ministrans obsequia.* Nihilo inter hæc remissior in Apostolico munere, quo minus Transalbianos populos adiret, & Danie Sueciæque regiones docendo ordinandoque statim temporibus percurreret. Cetera longum referre. Huic tanto viro subrogatus Unwanus, ex choro Paderbornensi, clarissimo Immedingorum genere oriundus (uti idem Adamus Bremensis, auctorque vitæ Meinweri perhibet) auctoritate Henrici Regis, & Meinweri commendatione, qui jam Unwani Consanguinei indolem intime perspectam habebat. Nec fefellit spem suam Unwanus: Nam quod Meinwercus in restituendo Paderbornensi, hoc ille in Bremensi Episcopatu præstitit, postquam parem genere & magnitudine animi sedem nactus; clero apprimè benevolus & percarus, cum jam ante Libentio Archiepiscopo prædium aliaque dona dedisset; eo per malevolos infimulatus, tanquam pretio sibi Episcopatum compararit; a qua etiam calumnia Crantzius Unwanum absolvit. Consecratus haud multo post jussu Regis a Gerone Magdenburgensi Archiepiscopo, Bremæ inauguratur. Ille, quo erat in clerum studio, congregationem principis Collegii, mixtam ex

Mors Sancti Libentii Archiepiscopi Bremensis. Adamus Bremensis lib. 2. c. 20.

Cui succedit Unwanus Canonicus Paderbornensis. Auctor vitæ Meinweri. n. 22. Adamus lib. 2. c. 38

Solemnem ritum in Bambergensi Ecclesia dedicatur. Dithmar. l. 6. Gobelius. ut. 6. c. 52.

Henricus in Poloniam iterato movet, eamque victor desinit.

\* al. Misleslaum. Dithmar. l. 6. Auctor vitæ Meinweri.

Monachis & Canonicis, ad Canonicam regulam traduxit, quo instituto Paderbornæ & aliis passim Collegiis Canonici vivebant. Nam ex quo primi Archiepiscopi ex Corbejenfibus Monachis delecti hanc sedem tenuerunt, multum Monastici moris & instituti permiscuerant. Ille omnes paganorum ritus ex diœcesi stirpitus sustulit, & Lucos convertit in culturam agrorum, & Ecclesias Christianorum, multaque templa & sacras ædes e fundamento erexit, dissipataque Ecclesiæ bona restituit in integrum: ille Bernardo Saxoniæ Duci se primum objecit, ex quo ausus erat insurgere in Episcopos, bona Ecclesiæ Bremensis & jura turbare, ac Henrico etiam Imperatori rebellare; hujus, inquam, insolentiam potentiamque, quæ erat magnitudine animi, Unwanus ita fregit, ut restituta Archiepiscoporum auctoritate, Ecclesiæ se submitteret. Inde, quod summæ laudi fuit Unwano, Henrici Imperatoris ope Slavos armis victos, tributo veteri & Christianæ religioni per Transalbianos regiones subjecit, ipsosque Aquilonis Reges hilaritate munerum suorum ad omnia, quæ voluit, benignos obsequentesque habuit. Ad hunc modum tum necesse erat ex illustrium familiis deligere Episcopos, postquam Episcopi armis tantum sacris instructi cœpere esse prædæ vicinorum Comitum ac Ducum, Ecclesiæ bonis inhiantium, quod iniquis oculis aspicerent Regum liberalitate ita Episcoporum & Ecclesiarum opes augeri.

Tagmo  
Magdebur-  
gentis præ-  
sul sanctam  
vitam passi-  
m claudit  
Walthe-  
rum succes-  
sorem cita-  
mors op-  
primit.

Alter, quem hoc anno mors v. Idus Julii sustulit, fuit Tagmo Magdenburgensis Archiepiscopus D. Wolfangi, ut diximus supra, olim discipulus, a quo vitæ normam & Spiritum hauserat (quem Dithmarus pari virtutis encomio posteritati commendavit) vir quippe, ut ille inquit, justus, largus, fidelis, castus, mitis, prudens, & caritate in omnes plenus, quo Saxonia per id tempus, fama admirandæ sanctitatis, illustriorem non habuerit. Nullus illi dies effluxit, quo non Missam & psalterium cantaret; sacris peractis, totus hilaris & suavis omnibus. In hujus locum subrogatus cleri electione Woltherus, qui per xxx annos Magdenburgi Præpositi munere egregia commendatione functus erat; sed ille non

ultra octo hebdomadas Archiepiscopus, fato brevi, ut divinitus acceperat, ac pia morte excessit. Hunc decumbentem Bernwardus Hildesienfis, Arnulphus Halberstadiensis, Meinwercus Paderbornensis, Hillebardus Citicensis, Eido Misnensis Episcopi adiere, ceterique qui Henricum Regem ad Polonos proficiscentem vel convenere, vel in Poloniam secuti sunt. Morientem sacro oleo inunxit Dithmarus Episcopus, quemadmodum hæc de se scribit. Singulorum morti magnopere indoluit Henricus Rex, cui unicum studium fuit in deligendis & colendis integerrimis Episcopis. Quare cum ad Tangmonis commendationem ageretur apud Regem de Dithmaro Episcopo Merseburgensi Ecclesiæ imponendo, subrisit Rex, & omnia sibi placere, inquit, quæ de eo viro adferrentur; verum quod semel observasset Dithmarum ante primæ horæ signum, quo ceteri ad chorum invitabantur, claustrum egredientem, dubitare se, an huic Episcopatum & cleri disciplinam committere posset. Tam accuratus censor morum erat D. Henricus, atque is vigor erat in frequentando choro apud Magdenburgenses, in quo Collegio tum Dithmarus Sigefridi Comitis filius communem vitam agebat.

Cura Hen-  
rici in deli-  
gendis Ide-  
neis Epis-  
copis.  
Vita Dith-  
mari libris  
eius annos  
xx.

Post horum Episcoporum funera Snidgeri accessit xiii Calend Decemb. tertium Suitgeri Mimigardevordenfis Episcopi; ejusque obitum ad hunc annum referas, quod 8. Calendas Maji jam illi Theodoricus, Dithmari consanguineus, successerit. Præclara apud Auctorem vitæ Meinwerci hujus sanctissimi viri memoria; quod genere Saxo a primis annis Halberstadii & Magdenburgi in clero educatus; uti & Meinwercus Halberstadii inter Canonicos vixit, virumque exinde conjunctissimum habuit, ex quo ab Ottone III. Imperatore e Collegio Magdenburgensi traductus fuit ad Episcopatum Mimigardevordensem; quem per annos xvi præclare gessit, afflicta plerumque valetudine, sed eo virtutibus & miraculis etiam clarior; quæ ab æqualibus eorum temporum scriptoribus accepimus. Inter ea refertur minister a cubiculis pileum furto subtraxisse; qui cum factum pernegaret, jussit Suidgerus cultrum, quem mensæ imposuerat, tollere; quo illico

Snidgeri  
Mors sano-  
cta & mira-  
cula.  
Dithm. l. 7.  
Auct. vitæ  
Meinwerc.  
Albericus  
Bocherus in  
vita, qui  
obitum ad  
seq. annum  
refert.



illico ita manum exussit, ut & cultrum abjicere, & factum coactus sit fateri. Trahebatur quidam ad Suidgerum maligno & turbulento Spiritu obsessus, multisque vinculis confectus, quem Episcopus mox solvi jussit, formatoque signo crucis e corpore ejecit; ejusmodi imperium in alios quoque dæmones exercuit. Alia in fastis monasteriensibus reperias. Accusatus aliquando ipse Suidgerus a suis, Imperatorem adiit sui purgandi causa; eoque pro tribunali in Vangionum campis sedente, turtures, qui forte prætervolabant, ad se accedere jussit, quos ille manu comprehendit, versusque ad Imperatorem inquit, quam avis illa sine felle est, tam insons ego sum eorum, quibus false infimulor. Ottonem hunc III. fuisse volunt, a quo postea magno in honore habitus

est: Præsul ob vitæ innocentiam posteris etiam fama sanctitatis commendatus. Successorem nactus est Theodoricum, ex clero Saxonico Comitis filium, ex Dithmari Merseburgensis Episcopi matertera genitum, virum, qui candidis moribus, innocentiae quoque nomen in Episcopatum inulit. Revolvant nunc hæc secum, qui Ottonum Imperatorum ætate Episcopos Saxoniae a prisca majorum pietate degenerasse falso criminantur; qui sub Henrico etiam & Conrado, aliisque dehinc Imperatoribus Saxoniam disciplina cleri florentissimam intelligent. Neque hætenus Henricus Rex ullibi frequentius jucundiusque versatus, quam in Saxonia, tanquam in natali majorum solo, & dilecta Regni sede, urgente cum primis bello Polonico.

## Annus Christi 1013.

Benedicti VIII. Pont. 2. Henrici II. Reg. 12.

Meinwerco Ep. Pad. 5.

Annus jam agebatur MXIII, cum Rex, dispositis per Saxoniam Orientalem negotiis, ad Occidentalem descendit; versatusque XVIII Calend. Februarii Mulenhufii, rogatu Cunigundæ Reginae, Everhardi Bamburgensis, & Egilberti Frisingensis Episcopi, liberali donatione nobile prædium Hoenstide Meinwerco dedit; id quod Unwanus Bremensis Archiepiscopus jam ante Regi cesserat; eoque pro indigenti Ecclesia sua impetravit. Et Rex in Meinwerco tam beneficus, quod inter ceteros Episcopos sibi cum primis fidus & percarus aulam sequeretur. Nunc ipsas tabulas recitemus.

Nobili in-  
rum præ-  
dio ab Hen-  
rico dona-  
tur Mein-  
werco.

Henricus Dei gratia Romanorum Rex Augustus. Necesse est, ut cum res bona agitur, prius ejus elatio in corde vincatur, ne si a radice miserae intentionis prodeat, amarus nequitiae fructus producat. Ea propter non surdi auditores evangelicæ Marthæ, cujus more Meinwerco Episcopus nobis frequenti ministerio satagit deservire, ob interventum Cunigundæ Imperatricis Augustæ, consuetudinis videlicet nostræ, nec non Everhardi sanctæ Babenbergensis sedis Episcopi, sed & Egilberti Frisingensis Ecclesiæ Pontificis, sacrosanctæ Paderbrunnensi Ecclesiæ in honore sanctæ Mariæ mundi Domine, sanctique Kiliani

martyris, atque Liborii Confessoris Domini consecratæ, curtem Honstede dictam cum omnibus pertinentiis, terris videlicet cultis & incultis, silvis, mancipiis utriusque sexus, molendinis, piscationibus, aquis aquarumque decursibus, quibus scilicet Archiepiscopus Unwan eam possedit, nobisque legaliter tradidit, in pago Rittiga, in Comitatu Brihardi Comitis, perpetuo jure possidendam tradimus. Et ut hæc nostræ imperialis traditionis auctoritas firma & inconcussa permaneat, sigilli nostri impressione hanc paginam manu propria corroborando subter bullari jussimus.

Guntharius Cancellarius vice Erkenbaldi Archicappellani notavit. Data XVIII. Calend. Februarii. Anno Dominicæ Incarn. MXIII. Indiæ. XI. Anno autem Domni Henrici secundi regnantis XII. actum Mulinhufun feliciter amen.

Mulenhufio Rex Werlas in Westphaliam contendit: quo in loco cum per Quadragesimam agit, magnis Colicæ doloribus affligitur; haud tamen absque plurimis solatiis, de cælo subinde affluentibus. Ad ultimum multis lacrymis, multorumque piorum hominum precibus ac sacrificiis levatus dolor. Recepta vero valetudine, Regem in hanc urbem affectatus est Meinwer-

Dithm. 1. 6.  
Henricus  
Werle de-  
cumbit, in-  
deque bene-  
facit Eccle-  
siae Paderb.

M m 2

cus,

cus, fidus semper a latere Comes. Quapropter & nova beneficentia exornatus a Rege; cujus argumentum sunt hæ prædiorum donationes.

In nomine sanctæ & individue Trinitatis, Heinricus divina ordinante providentia Rex. Si Ecclesiarum Dei sublimationibus omni studio inservimus, æternæ retributionis præmia nobis affutura esse speramus. Quapropter omnium fidelium Christi, præsentium scilicet & futurorum noverit universitas, qualiter Meinwercus sanctæ Paderbrunnensis Ecclesiæ venerabilis Episcopus omnia prædia, quæ hæreditario jure possederat, matri suæ Adalæ contradidit. Dehinc ipsa-cum manu mariti & advocati sui Balderici Comitis, cum consensu etiam hæredum, eadem prædia potestative nobis donavit. At nos perpetuæ beatitudinis spe, ac pia præfati Episcopi dilectique nepotis nostri, qui se omniaque sua divino servitio mancipare gaudet, prece & devotione commo- niti, prædia eadem legitime nobis tradita (inter quæ principales sortes sunt istæ, Widun, Rimi, Meribiki, Golt-

bike, Dodenbuson, cum appertinentiis, villis & mancipiis utriusque sexus, fil- vis, viis & inviis, exitibus & rediti- bus, molendinis, piscationibus, pascui- is, venationibus, quæsitis & inquiren- dis omnibusque utensilibus, quæ quoli- bet modo dici vel nominari possunt) sanctæ Paderbrunnensi Ecclesiæ, in ho- norem sanctæ Dei genitricis Mariæ, sanctique Kiliani martyris, ac beati Li- borii Confessoris constructæ, per hanc regalem paginam largimur, omnium hominum contradictione remota. Insu- per etiam regali auctoritate præcipimus, ut nulla major minorve persona aliqua judiciaria potestate in eisdem prædiis se intromittat, nisi advocatus, quem ejus- dem Ecclesiæ Episcopus sibi eligat. Si quis autem, quod absit, hoc nostræ do- nationis præceptum infringere ausus fu- erit, centum libras auri persolvat, L. eidem Ecclesiæ, & L. nostræ Camerae. Et ut hæc nostræ largitionis auctoritas firma & inconvulsa permaneat, hoc præ- ceptum inde conscriptum manu propria roborantes sigillo nostro jussimus insi- gniri;

Signum Domini Heinrichi



Secundi Regis invictissimi.

Guntherus Cancellarius vice Erchanbaldi Archicappellani recognovit. Data V. Non. Martii. Indiēt. XL. Anno Dominicæ Incarnat. MXIII. anno vero Domni Heinrichi secundi regnantis\* XL. actum Werlæ feliciter amen.

\* al. XII.

Henricus S.  
Bernwardo  
comitatum  
integrum  
donat.

Werlis quoque convenit Regem D. Bernwardus Hildesienfis Episcopus, quem pari, qua Meinwercum, ob vi- tæ sanctimoniam, largitate affecit, te- stes hæ tabulæ.

In nomine sanctæ & individue Tri- nitatis. Heinricus divina favente cle- mentia Rex. Omnium fidelium nostro- rum, præsentium videlicet ac futuro- rum, notitia sciat. Qualiter Bernwar- dus Hildeneshemensis ecclesiæ venerabi- lis antistes nostram regiam clementiam adiit, dicens sibi ab antecessore nostro, piæ memoriæ tertio Ottone Imperatore, jus speciale castellum ædificandi, quod mundburg vocatur, in ripa Aleræ flu- minis permissum fuisse, ad munimen- tum & tuitionem contra perfidorum in- cursionem & vastationem Sclavorum;

id ipsum vero castellum, quia magis ro- gatione, quam jussu domini Imperato- ris libenti animo ad defensionem totius regionis nostræ in illis partibus constru- xerat; Et quia Dominus Imperator eundem Episcopum pro suo intimo ac jugi famulatu omni pietatis benevolentia ac gratia excolebat, mercedis causa Co- mitatum circumjacentem illud castellum in pago Astvala, quod olim Thiedericus Palatinus Comes, postea quoque filius ejus Sirus habuerat, sibi in beneficiari- um jus concefferat. Nunc vero, quia nostram regalem clementiam ut id ipsum affirmaremus & corroboraremus preca- tus est. Et quia æqua gratia, parique devotione nobis postea servivit, eundem Comitatum scriptis regiis nostri præcepti illi in finem dierum præstitimus; Ita ut nullus judiciaria potestate, quod in

eo contra illius iussum, seu votum agere præsumat. Verum quicumque ipse velit, ut eundem comitatum nostra largitione habeat & regat, præcipientes iubemus, ut id ratum firmiterque consistat. Et ut hæc nostræ donationis seu

confirmationis auctoritas stabilis & inconvulsa omni permaneat tempore, hoc præceptum exinde conscriptum propria manu corroborantes, atque confirmantes sigilli nostri impressione insignire præcepimus.

Signum Domni Heinrichi



Regis invictissimi

Guntherus Cancellarius vice Erkanbaldi Cappellani recognovit. Data Indiæ. XI. anno Dominicæ Incarnat. millesimo XIII. anno vero domni Heinrichi secundi regnantis \* XI. actum Werlæ feliciter Amen.

\* al. XII.

Paderbornam invisi-

Destinaverat Rex Werlis profecti-  
onem in alia loca; verum ex vicina ur-  
be a Meinwerco invitatus Paderbornam  
cum Regina accessit, atque, ut Dith-  
marus scribit, *Paschale festum cum  
Meinwerco sibi admodum familiari in  
Paderbrun digna veneratione peregit*,  
non tam loci fontiumque amœnitate,  
quam antiquitate & sanctitate captus  
Rex, cum primisque Regina Cunigun-  
dis, ex quo Paderbornæ regia corona  
decorata fuerat. Et Meinwercus Episco-  
pus eo impensius Regem invitabat,  
quo effusæ caritatis obsequia, aspe-  
ctumque miserabilis incendii animum  
Regis ad liberalitatem, indigentiamque  
suz Ecclesiæ reparandam provocaret.  
Paderborna discessum a Rege Gronam  
ad Visurgim, ubi publica Regni comi-  
tia indixerat Rex, quæque viii Calend.  
Maji magno procerum Saxoniorum  
conventu celebrata sunt: quo & Mein-  
wercus cum ceteris Saxoniarum Episcopis  
accessit. Pertractatum in iis de publico  
Regni statu & incolumitate (quod jam  
iter Romam decreverat) ne quid per  
absentiam suam Respublica detrimenti  
caperet, vel a Nortmannis barbarisque  
Sclavis ad Septentrionem, vel a Polo-  
nis ad Orientem. Gronam hanc veri-  
us dixeris ad Visurgim, quam quæ in  
diocesi Hildesienfi ad Lenam fluvium  
sita; quod Grona ad Visurgim antiquis-  
simus locus, villa regia celebris, in qua  
Reges & Cæsares sæpe versati, in qua  
& Cunigundis Regem suum ante Pa-  
derbornensem coronationem convenit,  
quæque a celebritate veteri etiamnum  
Satrapiz nomine insignitur. Ibi igitur  
Meinwercus a Rege ad Italicam expe-  
ditionem invitatus, quam Regi negare  
non poterat, cœpit tenuitatem suæ Ec-

clesiæ, & sumptuum difficultatem ob-  
tendere, quos iter illud a se posceret.  
Rex ne quid Ecclesia Paderbornensis  
sui causâ pateretur, Meinwerco Ber-  
nehufum prædium in pago Lisga, &  
Comitatu Udonis dedit; impetratum-  
que precibus Cunigundæ Reginæ, He-  
riberti Colonienfis Archiepiscopi, A-  
thalbaldi Traiectensis, Thierici Mi-  
migardevordensis, aut ut in codice Ab-  
dinckhoviano, Monasteriensis, Wiceri  
Verdenfis, Thiederici Metensis, Bern-  
wardi Hildeneshemensis, Thietmari  
Osnabrugenfis, Herici Halverbergen-  
fis. Eodem anno eodemque die, ac  
loco Henricus Rex Gronæ Meinwerco  
Episcopo Villam Moringam in pago  
Moringano, & in comitatu Bernardi  
Comitis sitam donavit, quam Unwa-  
nus Archiepiscopus ante Regi quoque  
cesserat. Hoc denuo prædium rogatu  
Cunigundæ Reginæ, Erchanbaldi Mo-  
gunciacensis Archiepiscopi, Bernwardi  
Hildeneshemensis, Thiederici Mimi-  
gardevordensis, Arnaldi Halverstadi-  
ensis, Heinrichi Wirceburgensis, Hil-  
dewardi Citicensis Episcopi obtentum  
a Rege. Ex hac tot Episcoporum præ-  
sentia satis æstimare fas erit, quam ma-  
gnifica fuerint Gronensia hæc ad Visur-  
gim Comiticia, quæ a ceteris proceribus  
haud minori numero frequentata dixe-  
ris; quanquam quid præter publica  
Regni negotia actum sit in sacris, in-  
terciderit. Verisimile habeas in hoc  
conventu Episcoporum de collapsa in  
Fuldensi cœnobio disciplina instauranda  
tractatum. Nam Dithmarus his conti-  
nuo subjungit. *His diebus \* Bronhag,  
Abbas Fuldensis, deponitur, & succe-  
dente sibi Poppone converso, & tunc  
Lariffemensi pastore, hoc monasterium,*

Dithmarus  
lib. 6.  
\* al. Bron-  
cobus.

com-

Meinwerco,  
prædium  
novum dat  
in sumptus  
itineris etc.

*confratribus late discedentibus, a priori statu mutatur.* Haud dissimilis per id tempus in Corbejensi ad Visurgim disciplinæ prolapso, ut in eorum fastis reperio.

Comitis  
Mersebur-  
gi habita.

Transactis in Westphalia rebus, Henricus Rex in Orientalem Saxoniam digressus, Pentecostes festum Merseburgi celebrat, indictoque istic publico Episcoporum ac Principum conventu, & auditis legatis, jussit Boleslaum cum Misicone filio adesse. Atque is, postquam Sacramentum fidei dixit, receptus est a Rege in gratiam: nec indecorum habuit, ad divinum officium procedenti armigeri habitu præire; ubi vero indicta professione Italica jussus est Regem comitari, abnuit, multaque exinde perfida molitus est.

Auctor vita  
ann. 26.  
Meinwer-  
cus ante-  
quam in

Inter hæc Meinwercus digressus a Rege Paderbornam, domi prius omnia sapienter composuit, quam iter Romanum cum Rege ingrederetur. Nam

ut Auctor vitæ perhibet, sollicitus pro fabrica Basilicæ, quæ contento labore surgebat, idoneos operi magistros præfecit, quibus omnem materiæ formam & operarum impensas, & stipendia dispensavit, ne quid per absentiam suam intermitteretur.

Italiam di-  
scedar,  
omnia fa-  
bricæ ne-  
cessaria  
providet.

Rex adulto Septembri, comitante Regina, e Saxonia per Sueviam & Bojariam Romam iter est ingressus; quem in Autumno, Meinwercus, antequam Germania Rex excederet; est consecutus. Causa hujus magnificæ expeditionis Benedictus VIII Romanus Pontifex, cui licet rite electo, ausi tamen fuerant Romani per factionem subrogare Gregorium. Ob id Benedictus anno superiore ad Henricum Regem in Saxoniam confugerat. Idem Gregorius fecerat; sed hunc jussit Rex Pontificio munere abstinere, retenta apud se cruce Pontificia, donec se præsentente controversia omnis Romanæ Ecclesiæ judicio decerneretur.

## Annus Christi 1014.

Benedicti VIII Pont. 3. Henrici II Reg. 13. Imp. 1.  
Meinweri Ep. Pad. 6.

Dithm. l. 7.  
Glaber. l. 2.  
Auctor vita  
Meinw.  
Baronius.  
Sigonius.  
Sigebertus.  
Herm. con-  
tract.  
Marian.  
Scotus.  
Lambertus  
Schaf.

Igitur Caroli M. ac ceterorum Imperatorum sanctissimo exemplo, ad diffidia Romanæ Ecclesiæ componenda, atque ad Pontificis auctoritatem asserendam, Alpes Henricus transgressus cum exercitu & comitatu Episcoporum, Italiam pacate intravit, ut Dithmarus scribit; secus quam Sigonius, qui Ardoinum ad Veronæ confinia cum exercitu occurrisse, & ab Henrico profligatum perhibet. Inde illustrata Insubria, Legatos Ravenna misit ad Benedictum Pontificem, qui de suo ad urbem adventu, & ad Imperii insignia ab ipso capienda certiore facerent. Actis deinde Papiæ, veteri Regia sede, quam sine vi occuparat, Christi natalitiis, ad Vigesium quartum Februarii solemnibus pompa Romam est ingressus. Venienti Regi occurrit Pontifex, qui deinde honorificentissime a populo Romano est exceptus. Ubi dies inaugurationis illuxit, una cum Regina, & duodecim urbis senatoribus (quorum sex rasi barba, alii prolixa cum baculis incedebant) ad Principis Apostolorum Basilicam est deductus. Sed priusquam Basilicam ingre-

deretur, a Benedicto Pontifice, qui ante limen præstolabatur, compellatur, velitne se fidum Ecclesiæ Romanæ patronum & defensorem præstare, ac sibi Successoribusque omni ope & officio adesse? quo a Rege promisso, introductus ad infimam Ecclesiæ aram, inter Missarum solemnias, Henricus Imperator est inunctus, unaque cum Regina corona Imperiali decoratus, Regum eo nomine secundus, Imperatorum primus. Peractaque est hæc inauguratio 24 Februarii, die Matthiæ Apostolo sacra, quam Dithmarus in Dominicam incidisse refert. Priorem coronam Imperator super altare Principis Apostolorum suspendi jussit, quo testaretur se Deo honorem referre. Eodem die Pontifex Imperatorem in Laterano ad cœnam invitavit, magnificeque habuit. Inter insignia aureum polum, cui crux in vertice exquisitis gemmis ornata inhærebat, a Benedicto Pontifice oblatum Imperatori; quo accepto, Imperator recte, inquit, aurei pomi globum donas, quo moneor orbem & Imperium ex ferreo aureum formare; crucem imposuisti, quo intelli-

Imperator  
post jura-  
ram Eccle-  
siæ fidem  
creatur.

Insignium  
Imperii  
mysticus  
sensus ab  
Henrico  
declatur.

telligam multa mihi dura pro Christo ferenda; gemmas adjecisti, quibus regie mihi virtutes commendantur. Exinde vetera Romanæ Ecclesiæ privilegia a Pipino Rege, Carolo M. Ludovico pio, & Ottonibus concessa confirmavit, auxitque donationibus. Recitat Baronius in hanc rem diploma Henrici Imperatoris ex quatuor autographis collatum; idemque Binius, Sirmundus, & Parisienses inter concilia generalia proferunt, cui Erkenbaldus Moguntinus, Heribertus Colonienfis, & Poppo Trevirensis Archiepiscopi, prætereaque Metensis, Bambergensis, Wirceburgensis, Spirensis, Constantiensis, Curienfis, Basileensis, Virdunensis, Eistatensis Episcopi subscripserint. Verum cum nec Romæ consignatum addatur, nec Poppo Trevirensis ante annum 1016 creatus sit Archiepiscopus, nec Meinwercus noster, qui Imperatori aderat, inter consignatores reperiatur, verisimile censent alii id diploma a Benedicto Pontifice in Germania, cum Bambergæ Imperatorem conveniret, anno 1009 aut 1020 consignatum esse. Et quis omnes hosce Episcopos Imperatorem Romam allectatos dixerit? certe S. Heribertos Colonienfis Archiepiscopus per id tempus Sufati III Nonas Februarii approbavit foundationem Gesekenfi Monasterio a Comitibus Haholtanis factam, rogante id Hildegarde Abbatisa, primi conditoris ex Bernardo filio nepte.

Per hanc Imperatoris in urbe præsentiam & opportunitatem sibi datam Meinwercus, qui summæ apud Imperatorem & in aula erat auctoritatis, inita cum Pontifice familiaritate statum suæ Ecclesiæ exposuit, simulque aperuit mentem suam de construendo Monasterio, quod exinde magnificum in suburbio Paderbornæ est aggressus. Et quo urbem & Monasterium divorum patrociniis muniret, impetravit a Pontifice larga donatione Sanctorum reliquias, dimidium videlicet corpus septem fratrum & filiorum S. Felicitatis, Philippi, Juvenalis, & Felicis, qui Antonino Imperatore martyrio affecti: Cranium S. Blasii, qui Licinio imperante, anno Christi cccxii pro fide interfectus: Brachium S. Miniatis, quem Diocletiani furor viii Calend. Novemb. per cruciatus sustulit; mul-

taque præterea alia Divorum pignora, quibus Ecclesiam suam exornavit. Demum a Pontifice omnium privilegiorum & bonorum, quæ vel ab Imperatoribus, vel Regibus Paderbornensis sua Ecclesia possidebat, confirmationem Apostolicæ auctoritatis diplomate obtinuit. Quod Auctor quidem in Meinwerco producit, sed nos ex tabulario Abdinghoviano integrius hic reddimus.

*Benedictus Episcopus Servus Servorum Dei. Dilecto in Domino filio Meinwerco venerabili Episcopo Paderbornensis Ecclesiæ, suisque Successoribus in perpetuum. Desiderium, quod ad religiosum propositum, & Sanctorum locorum stabilitatem pertinere monstratur, sine aliqua nostra, Deo auctore, dilatione perficiendum, & quotiens in quibusdam ejus utilitatibus nostrum assensum, & solitæ Apostolicæ auctoritates exposcit præsidium, id nostræ benignitatis intuitu nos convenit subvenire, & rati pro integra securitate ex ratione solidare, ut ex hoc ipsis venerabilibus locis salus, & indemnitas profligetur, & nobis quoque lucri potissimum præmium a Conditor omnium Deo in sideris arcibus proscribatur. Igitur quia postulastis a nobis quatenus confirmaremus, & Apostolica auctoritate corroboraremus tuæ Ecclesiæ, tibi & Successoribus tuis, quæque pro redemptione animarum suarum ab Imperatoribus, sive Regibus, Ducibus, Comitibus, vel ab omnibus magnis parvisque personis oblata sunt, sive commutata, seu omnia, quæ tu ductus amore Dei de propriis tuis hæreditatibus eidem venerabili Sponsæ tuæ contulisti perpetualiter, inclinati precibus tuis, per hujus privilegii seriem confirmamus & corroboramus Ecclesiæ tuæ tuisque Successoribus in perpetuum omnia prædia culta vel inculta, nec non omnia, quæ ei pro redemptione animarum suarum ab Imperatoribus, maximeque a Christianissimo & Serenissimo filio nostro, dilectissimo ac Sanctissimo Imperatore Heinrico oblata sunt, sive in Comitibus, seu ubicunque fuerint, nec non omnia, quæ a Regibus, Ducibus, Comitibus, magnis parvisque personis jam dictæ Ecclesiæ oblata sunt. Similique modo confirmamus ea omnia loca, quæ tu ipse pro redemptione animæ tuæ,*

*& pa-*

Et parentum tuorum jam dictæ tuæ Sponsæ de propriis hæreditatibus contulisti; nec non ea, quæ ab aliquibus commutata sunt. Statuentes Apostolica censura sub anathematis interdictione, ut nulli unquam magnæ parvæque personæ liceat contra hoc nostrum Apostolicum præceptum insurgere vel contraire. Si quis autem, quod non optamus, temerario ausu contra hujus nostræ Apostolicæ præceptionis seriem pie a nobis promulgatam venire, ac agere temptaverit, sciat se Domini nostri Apostolorum Principis Petri anathematis vinculo inmodatum, Et cum diabolo Et ejus atrocissimis pompis, atque cum Juda proditore Domini nostri Jesu Christi æternum igne concremandum, simulque Et in voragine tartareoque chaos demersus cum impiis deficiat. Qui vero pio intuitu custodes Et observatores hujus nostræ salutiferæ præceptionis extiterint, benedictionis gratiam cælestisque retributionis, ac æterna gaudia ab ipso Judice Domino Deo nostro consequi mereantur.

*Scriptum per manus Benedicti Notarii Et Scriniarii sanctæ Romanæ Ecclesiæ in Mense Martio, Indictione XII.*

**BENE VALETE.**

Vovet D.  
Alexio Mo-  
nasterium.

Per id tempus cum exercitus Imperatoris hæreret in Italia, multique grassante passim lue absumerentur, quæ & Imperator, & Meinwercus infecti, suavit Romanus quidam, ut D. Alexio votum facerent, fore ut brevi lues remitteret; ad quæ Meinwercus, sublati in cælum manibus & oculis, vovit se Divi hujus honori Monasterium erecturum. Inde ædes illa sacra D. Alexio haud procul a Monasterio Abdinghoviano posita, quæ nostra etiam memoria ab Henrico Abbate, viro religiosissimo renovata.

Cluniacensis  
se Monasterium  
multis prædiis  
donat S.  
Henricus.

Imperator postquam multis regiis donis Romam exornasset, & Bambergensem Episcopatum a se conditum singulari patrocinio Romani Pontificis subjecisset, invitato etiam ipso Pontifice in Germaniam, Roma Papiam discessit. Eo ex itinere cum Meinwerco & paucis familiaribus Cluniacum, quod Monasterium D. Benedicti, flore instituti, celebre erat, religionis & pietatis causa invisit. Ibi tum Imperator aureum

illud pomum, quod in coronatione a Benedicto Pontifice acceperat, Odiloni Abbati dono obtulit, multaque prædia Monachis ob sanctitatem vitæ, quam coram probavit, in Alsatia dilargitus est, haud alio lucro, quam ut se Imperiumque eorum precibus commendaret. Horum Monachorum instituta & disciplina religiosæ vitæ ita captus Meinwercus, ut ab Abbate, & tota congregatione XIII Monachos sibi permitti peteret, quos in Saxoniam novi sui cænobii, quod Paderbornæ meditabatur, sacros Colonos traduceret. Magnopere hoc Meinwerci consilium probavit Imperator, eoque facile ab Odilone Abbate impetravit, qui ad Cluniacensis cænobii disciplinam formarent exordia ceterorum. Hi igitur Meinwercum comitati in Westphaliam, tulere secum Regulam D. Benedicti, librum ritalem, quo Antiphonæ & hymni ad cantum descripti erant, libram panis & potus, quæ pro mensura quotidiana tenuis victus esset. Cluniaco dehinc Imperator cum Meinwerco Papiam pervenit, qua in regia Longobardorum pascha celebrat: ac longe hic alius, ac benignior civium animus, quam primo adventu experiri necesse fuit. Multa illic Imperator, priusquam in Germaniam moveret, sapienter disposuit, ad Longobardici Regni urbes, & proceres in officio continendos. Nam præter famam castimonie & sanctitatis, omnium animos mirifice humanitate & beneficiis capiebat. Nulum per Italiam sacrum locum transiit, in quo non vestigia liberalitatis reliquerit, instituto etiam novo Bobiæ Episcopatu. Quin adeo, dum ad Richardum Viridunensem Abbatem diverteret, ita vitæ religiosæ desiderio incensus fuit, ut abdicata mortalium cura, exutaque purpura Monachi istic meditaretur vitam; id vero cum per literas ab Abbate peteret, pio ille astu consilium elusit, quod plus emolumenti ab ipso Imperatore, quam Monacho Ecclesia habitura esset. Religionem igitur, quam habitu non licuit, moribus professus est.

S. Meinwercus Cluniaco tredecim religiosos deducit Abdinghovienſe monasterium formatur.

Novum Bobiæ Episcopatum fundat S. Henricus.

Author viri Meinw. num. 30. Paderbornensis Ecclesiæ possessores confirmat.

At Meinwercus, dum Papiæ cum Imperatore versatur, Ecclesiæ rursus suæ causam egit, Imperatoremque cum amicis & Regni magnatibus adiens petiit, ut qua auctoritate Pontifex, eadem



eadem & ipse loca possessionesque Paderbornensis Ecclesiæ pro Imperiali potestate confirmaret. Annuit exemplo Imperator, atque æquum pronuntiavit, id Meinwerco pro itineris hujus molestiis & fido in omnibus servitio deberi: ac mox Imperiale diploma quod aureis literis distinctum, inauratoque sigillo decoratum hodie dum Paderbornensis Ecclesia exhibet, confici jussit; id vero in hunc modum habet.

*In nomine sanctæ & individue Trinitatis, Henricus divina favente clementia Romanorum Imperator Augustus. Quoniam divinæ dispositionis providentia nos ad regendam totius Reipublicæ monarchiam apostolica benedictione provexit, ante omnia autem hoc laborare debemus, ut qui coronam terreni imperii concessit, post emensum hujus vitæ spacium ea etiam coronari permittat, quæ non auferatur in æternum. Quod potissimum fieri posse decernimus. Si loca Ecclesiasticis obsequiis deputata nostra auctoritate corroborentur, ut omni exteriori inquietudine remota, in tranquillitate permaneant, quatenus eorum precibus adjuvemur, qui ibi diu noctuque orationibus in Dei servitio vacare debentur, & quod per nos, utpote conscientia trepidi, querere non præsumimus, sanctæ Dei Ecclesiæ Servientium pia intercessione impetremus. Quapropter universitati fidelium nostrorum patere volumus, qualiter Megenmercus Pater-*

*brunnensis Ecclesiæ venerabilis Episcopus pro Ecclesiastica utilitate arduum laborem aggressus nobiscum limina beatorum Apostolorum Petri & Pauli pia intentione quæsiuit, devote supplicaturus, ut Ecclesia, cui ipse pastoralis cura præsidet, inprimis Apostolica, deinde nostra imperiali auctoritate corroboraretur, pro eo maxime, quia quando Ecclesia fuit concremata, omnia ejusdem Ecclesiæ præcepta atque privilegia incendioperierunt. Cujus petitioni, quia rationalis videtur gratuito assentientes, quidquid eadem Ecclesia per justitiam obtinere debet, antecessorum nostrorum, vel nostra oblatione, ceterisque fidelibus ibi collatum in rebus, territoriis, vel in comitatibus, ac districtu, quibuscunque utensilibus, ac quidquid ipse Episcopus prædictus Megenmercus de sua hæreditate ibi contulit, vel aliunde per commutationem, aut precariam legaliter adquisivit, denuo stabili dono concedimus, & imperiali auctoritate confirmamus. Si quis autem nostræ confirmationis edictum ulterius aliqua præsumptione infringere temptaverit, centum librarum auri ad nostrum pondus compositione mulctetur, ut dimidium Camerae nostræ persolvat, reliquum vero eidem Ecclesiæ, quam temerarie inquietare præsumpsit. Et ut hæc confirmatio per successiones temporum stabilis & inconvulsa permaneat, hanc imperialis præcepti paginam inde conscribi, ac manu propria confirmantes sigillo nostro jussimus insigniri.*

Signum Domni Henrici



Serenissimi & Imperatoris  
invictissimi.

Guntherius Cancellarius vice Erkanbaldi Archicappellani recognovi. Data indictione XI.\* Anno Dominicæ Incarnat. MXIII anno vero Domni Henrici secundiregnantis \* XII. Imperii vero I. actum Papia feliciter amen.

\* al. XII.  
\* al. 13.

Diab. l. 7.  
Imperator  
ex Italia re-  
dux festive  
a Germa-  
nia excipio-  
tur.

Longiores exinde moras in Italia abripuit æstus cœli, & vulgata per exercitum lues; eo rursum regressus est cum Meinwerco (quem a latere sibi hærentem comitem adesse voluit) in Germaniam. Venientem omnes ordines, quem Regem deduxerant, Imperatorem cum ingenti lætitia exceperunt: ludis etiam omnis generis adornatis, interque hos homo nudus, melle oblitus, urfis parabatur objiciendus, nullo tamen la-

niandi periculo, quod feræ edoctæ essent mella tantummodo lingere. Aderat tum inter Spectatores Poppo Stabulensis Abbas, qui ratus rem ferio geri, Imperatorem monet, abstinere a tam cruento spectaculo, Christianis inconcesso, ni Deum gravissime offendi vellet. Paruit monentis simplicitati Imperator, & histriones e conspectu facessere jussit.

Anno vero  
Meinvv.

N n

At

Athela, S.  
Meinwerchi  
mater, fili-  
um natu  
majorem  
interficir.

At vere tragicum hoc anno facinus edidit Athela Meinwerchi nostri mater. Nupserat illa post obitum Imadi, primi mariti patrisque Meinwerchi, Balderico, homini diviti & potenti, quamquam genere impari: hujus amoribus ita perversa in odium filiorum prioris tori, ut Theodericum natu majorem, Meinwerchi fratrem, heredemque stirpis, 7 Idus Aprilis, cum adhuc in Lombardia ageret Imperator & Meinwerkus, perfide e medio tolleret, armatis ad id facinus servis, qui insontem Comitum in Oppido Uplage, munitissimo juxta Ellenam montem loco, per insidias interemirent. Quas deinde hujus parricidii vindictas Meinwerkus & consanguinei a matre poposcerint, & quo facto Medea illa jactata sit, tempori memorabo.

Imperator post iter Romanum in Germaniam reversus, nihil antiquius habuit, quam per æstatem, compositis per Lotharingiam turbis, quæ absente Imperatore exarserant, quidquid a bellis vacuum nactus est temporis, convertere ad jus publice dicendum, & amplificandas res sacras per Imperium. Jam & Meinwerkus a reditu ex Italia ab Imperatore discesserat in Episcopatum suum, ducens secum Paderbornam Monachos, quos e Cluniacensi cœnobio impetrarat, haud alio confilio, quam ut Monasterium, quod ex instituto Divi Benedicti meditabatur, conderet per Cluniacenses religiosos ad exactam ejus ordinis vivendi rationem,

Athor vita  
Meinw.

quam Cluniaci inspexerat, in Westphalia formandam.

Quare nihil impensius habuit, quam ædem sacram D. Benedicto erigere, & celeri opere ad Occidentalis urbis partem absolvere, quæ Cœnobitis tantisper deserviret ad sacrorum cultum, donec cœnobium, & magnificentius templum construeret. Verum ut in ejusmodi religiosorum exordiis evenire solet, non defuere obtrectatores atque æmuli, qui dicerent, Monachos, quod vel ipsorum nomen secum ferret, procul ab urbe & consortio hominum collocandos in solitudinis aliquo recessu; & quod in conspectu urbis Episcopus Monasterium condere vellet, ei consultius Monachas aut Clericos imponeret. Horum vero obtrectationi ita occurrit Meinwerkus, ut diceret Monachas ob fragilitatem sexus magis esse obnoxias periculis, si cum offensione collocentur intra frequentes hominum cœtus; Monachos vero consulto clericis conjungi, ut alteri alteros exemplo pietatis, & virtutum æmulatione provocent: recte Episcopis Laicos venire in servitium, Clericos in consilium & subsidium; Monachos vero tanquam in abdito colere sanctimoniam vitæ, & quotidianis suis apud Deum precibus fulcire Ecclesiam. His aliisque prudentes in assensum & cœpti operis commendationem traxit. Nec minus urgebat Meinwerkus Basilicæ opus, quod jam intra sexennium Episcopatus ejus ad fastigium absolutionemque surgebat.

Monachi  
Abdinck  
hoffenses  
obtrectato  
res initio  
experiantur,  
a Meinwerco  
prudentes  
compositos.

## Annus Christi 1015.

Benedicti VIII. Pont. 4. Henrici II. Reg. 14. Imp. 2.  
Meinwerchi Ep. Pad. 7.

Dithm. l. 7.

Accesserat inter hæc annus MXV, sub cujus initium Imperator comitia egit Merseburgi; in quibus ad congregatos Imperii ordines causa Boleslai toties perfidi relata est. Antequam vero bellum inferret, placuit primum Hermannum Misniæ Marchionem, Boleslai generum, mittere Legatum: Sed hic, ut Dithmarus loquitur, semper mentiri solitus, longe alia, quam in mandatis acceperat, apud Socerum egit. Qua deinde perfidia Legatus Boleslai elusit Imperatorem. Et quam non perfidus inter hæc ipse Boleslaus? qui misso filio Misicone ad Othelricum Bohemiæ

Pacem  
cum Boles-  
lao Henri-  
cus nequic-  
quam am-  
bit.

Principem, clam eum ad bellum contra Imperatorem sollicitabat. Sed fidus Imperatori Othelricus, Misiconem filium captivum tenuit; Imperator vero, quo Boleslaus sibi demereretur, captivum filium a Bohemo impetrat, & patri remittit liberum; sed nec filius, nec pater eo beneficio delinitus, ingratae efferæque belluæ instar, rebellionis arma cœptant. Hæc dum aguntur, Imperator ex Ostphalia in Hassiam descendit, & proximos rogationum dies, ut hæc verbis Dithmari referam, in Capungum fuit, quo ipse curtem suam de Civitate, Cassulan dicta, transtulit, & ibi

Et ibi cum consilio Archipræsulis sui Heriberti prædictam Hetbenrico curam commendavit. Fuit autem Caufunga celebre olim Monasterium Virginum, haud procul Cassellis, in quod sub obitum Imperatoris Cunigundis secessit: modo vix rudera aspicias ab hæresi relicta. Pergit Dithmarus. Transactis ibidem rebus necessariis, Imperator in vigilia Pentecostes ad Immalesbusen venit, illic cum antistite Meinwerco hanc sanctam festive ducens solemnitatem. Illic \* Val corbeiensis Abbas pius a cura suspensus deponitur, & unus ex Larifsemensi Monasterio Druchtmer sine fratrum consensu prædictorum assignatur. Quo ad sedem suam in hac venienti hebdomada, omnis congregatio, exceptis VIII, flens abiit, ut Liudolphus Abbas prædixit, & locum hunc pene vacuum non sponte reliquit. Dilucidius aliquanto hanc reparationem Corbeiensis cœnobii chronicon Francofaxonicum exsequitur. Ad eundem, inquit, annum MXV. Henricus Imperator Monachorum Corbeiensium privilegia & consuetudines aliquas priorum, quas CCXXX & IX annis, Ludovico Pio dante, habuerant, potestative mutavit, amoto Monasterii patre; ignotum, & fortasse bonum illis præfecit, qui quasi doctior ægrata corrigeret, & devios sanctæ regule transtem cautius doceret: ex hoc illi nimium mærentes vitam suam, quæ cunctis pene Monachis exemplo claruerat, vilescere ingemiscunt, seque mutuo hortantes potius discedere, quam tantæ injuriæ subiacere, sicque factum est, ut cum sedecim rebelles custodiæ traderentur, pauci admodum superesse viderentur, cæteris sæculo mirabiliter occupatis: sed postea Dei gratia decenter conversi, divinis se rursus mancipavere obsequiis. Auctor hujus restaurationis apud Corbeiensis Meinwercus Episcopus; nam ut scriptor vitæ ejus refert, cum deliciae rigorem disciplinæ dissolvissent, Meinwercus Episcopus factus ad Cœnobium accessit, ut secundum canonicam auctoritatem corrigeret, quod corruptum animadverterat: sed expulsi cum grandi sua suorumque injuria Henricum Regem adiit, impetravitque ut Walone Abbate submoto, Druthmarus subrogaretur, qui prolapsam disciplinam formaret in melius; quod ut bonis Monachis gratum, ita dissolutis invisum erat; adeo sane,

ut dum Meinwercus templum ingrederetur divina peracturus, Boso Monachus atque ejus Ecclesiæ custos, stomachando apparatus sacrorum ex altari projiceret, diceretque palam, absque sua permissione fas non fore Episcopo sacrificium Missæ in sua Ecclesia celebrare. Quo magnopere offensus Episcopus cœnobium intravit, convocatisque Monachis, & gravi oratione questus de injuria sibi irrogata, multis exposuit quam venerationem suis Præpositis deberent; se Episcopum esse, intra cujus diocesis Corbeia posita sit, nec alio consilio adesse, quam ut enormia quædam Abbatis delicta, & quæ publice omnium oculos offenderent, pro officii munere corrigeret. Ad quæ cum Monachi segniores & inviti essent, Meinwercus cathedram conscendit, & pauca pro re & tempore ad populum prolocutus, omnia, quæ facta erant, exposuit, cumprimisque Bosonem, a quo injuria sibi irrogata erat, ad satisfactionem postulavit; atque is cum iterum iterumque ac tertium vocatus non compareret, ad tribunal Dei provocavit, ea contestatione, ut qua die ipse e corpore exiret, Boso se supremo quoque judici sisteret. Quo dicto, discessit; quem Abbas cum Monachis Paderbornam insecutus, supplex offensæ condonationem petiit & impetravit; idem vero cum pro Bosone rogaret, respondit: provocationem ad tribunal Dei semel factam esse, quæ immutari non possit. Quam infelici vero fato Boso vitam clausit, eodemque momento, quo Meinwercus, ad iudicium evocatus sit, ad Meinwercei excessum memorabitur.

His cum Corbeiensibus transactis, Imperator Goslariam primum, deinde Magdenburgum concessit, ad belli Polonici expeditionem ordinandam. Ceterum per hujus anni æstatem VIII Calend. Augusti subtrahitur e vita mortalium Bernardus Verdensis Episcopus fidus, ut inquit Dithmarus, Saxoniarum Episcoporum, ex quo xxiii annos haud vulgari sanctimonie fama, magnoque Ecclesiæ suæ bono Episcopatum gesserat, quo intellecto, Imperator, ut filius absentiam patris, sic flevit ille mortem tanti præsulis. In hujus locum repositus Imperatoris studio Vredzierus, seu ut passim vocatur, Wig-

Bernardo sancto Episcopo Verdensi mortuo sufficitur Wiggerus.

Wiggerus, Coloniensis Ecclesie antehac Præpositus. Et quam invitus ille multumque renitens Episcopatum admisit, tam præclarus postea Episcopus compertus (ut sacra cumprimis infula sunt digni, qui maxime refugiunt) eo-que statim ab Erkenbaldo Moguntino Archiepiscopo consecratus inunctusque ad sedem suam transmittitur.

B. Mein-  
wercus Mo-  
nasterio Ab-  
dinckhot-  
fenti abso-  
luto pri-  
mum abba-  
tem præfi-  
cit Sigewar-  
dum.

Inter hæc Meinwercus ædem sacram D. Benedicto & Monachorum sacris destinatam festinato opere complevit, quam XVI Calend. Martii consecravit, dato in dotem prædio cum decimis. *Ipse autem dedicationis die Episcopus per salutarem confessionis pœnitentiam generalem, ut Auctor scribit, absolutionis indulgentiam populo tribuit.* Positis jam cœnobii quoque fundamentis ordinatisque structuras illas pari solertia maturabat; quod jam Monachi in plenam congregationem coaluerant; quibus Sigehardum ex illis, quos Cluniaco adduxerat, Abbatem præfecit; cui multi etiam Ministerialium & civium filii se in disciplinam religiosæ vitæ & tyrocinium dabant: quo magnopere delectatus est Meinwercus.

B. Amonis  
Monachi  
Abdinck-  
holfensis in  
detinuit  
pietas me-  
morabili  
facto appro-  
batur.  
L. v. v. v.  
jus M. S.  
Cœnob. Ab-  
dinckhoff.  
Henricus  
Abbas in  
Monum.  
se D. Alexii

Memorable, quod ad initia hujus cœnobii referas. Cum religiosi isti Sacerdotes e Cluniacensi monasterio traducti viverent, fuit inter eos monachus, cui nomen Amo erat, qui pietatis causa proximum D. Alexii Sacellum, a Meinwerco constructum, frequentare, in eoque sacrificium Missæ peragere solebat; & quia per cœmeterium, quod inter ædem domesticam & D. Alexii Sacellum interjacebat, transeundem erat, nunquam per id aut ibat, aut redibat, quin defunctos sepultosque eo in loco Sacrificii sui participes faceret, & æternam in transitu etiam cum cœlitibus requiem precaretur. Id cum pro pio receptoque Ecclesie more jam sæpius fecisset, audivit aliquando in reditu ex Sacello magnam animarum multitudinem una sibi respondentem, Amen, Amen. Territus quidem ille & obstupefactus hæsit ad insolitas illas circum se voces, quod ex tanta respondentium turba nullum aspiceret; satis tamen intellexit, quo solatio mortuorum fructuque preces suæ acciperentur. Et ille multo impensius per omnem vitam continu-

are sacrificium, precesque pro defunctis. Quemadmodum D. Augustinus inter ceteros patres scripsit. *Orationibus sanctæ Ecclesiæ, & sacrificio salutari, & eleemosynis, quæ pro eorum spiritibus erogantur, non est dubitandum mortuos adjuvari, ut cum eis misericordius agatur a Domino, quam eorum peccata meruerunt. Hoc enim a patribus traditum universa observat Ecclesia.*

Dedicatio  
Ecclesiæ Ca-  
thedralis  
Paderbornen-  
sis a B. Meinwer-  
co peracta.

Sed ad Meinwercum nos referamus. Nihil ille id temporis impensius habuit, quam ut Basilicæ fabricam perficeret; quam imposito tecto hoc anno, invitatisque, ut mos est, vicinis Episcopis, XVII. Calend. Octobris solemnibus Ecclesiæ ritibus dedicavit, affluente innumera hominum multitudine utriusque sexus, ætatis atque ordinis. Eo celebri die & congregatione, Meinwercus diploma Apostolicum Benedicti VIII, quo privilegia & bona Paderbornensis Ecclesiæ confirmata diximus, publice recitari iussit; quæ omnium animis imprimeret venerationem hujus sanctæ Ecclesiæ: ipse ut alios suo exemplo ad liberalitatem provocaret e bonis paternis, quæ in Saxonia possidebat, dedit Cathedrali Ecclesiæ suæ in dotem Oppidum Plessæ cum M. & C. mansis, aliisque præterea possessionibus, quæ matri, dum viveret, ad fructum relictæ erant. Hac liberalitate mirum dictu, quantum accensæ sint aliorum piorum hominum mentes, quantumque in prædiis & agris, in auro & argento obtulerint; quarum donationum tabulas Auctor vitæ Meinweri, etsi nondum edicas, recenset, & tædio sim, si hic referre velim. Hæc nunc illa magnifica Basilica, uti hodieum conspicitur; ac tametsi postea tectum incendio absumptum, ipsum tamen Meinweri opus ex fabrica veteri, columnis, muris formaque perstat.

Auctor vitæ  
Meinweri.

Invitarat quoque ad hanc dedicationem Basilicæ Henricum Imperatorem, quod certam sibi spem fecerat, Imperatorem, si præsens foret, regium Ervete prædium vicumque Paderbornensi Ecclesiæ daturum in dotem. Sed ille per id tempus expeditionem adversus Boleslaum susceperat, valido cum exercitu Poloniam ingressus. Cujus

Auctor vitæ  
Meinweri.  
num. xxxi  
Dihm. I. 7.  
Poloni ab  
Henrico  
Imp. ces-  
duntur.

ius prosper belli exitus fuit. Nam postquam Magdenburgi imploratum D. Mauricii militis, ejus loci patroni auxilium, certam sibi victoriam polliceri est ausus. Quare in tres partes divisus exercitus; alioque ipse Imperator progressus in Boleslaum, alio Henricus Orientalium Saxonum Marchio cum Bavaris adversus Misiconem Boleslai filium, alio Othelricus Bohemorum Princeps. Ac casus quidem ab Imperatore magna clade Polonorum Princeps; gentem tamen debellare non licuit: seu quod disjunctus exercitus sese conjungere non poterat; seu quod Boleslaus ad interiora Poloniæ refugeret. Quapropter populatione contentus Imperator, in Saxoniam reduxit co-

pias. Multis hanc expeditionem refert Dithmarus, haud secus quam auctor vitæ Meinwerco, ut vel inde series annorum, rerumque gestarum, quam prosequimur, constare possit.

Imperator igitur dispositis per Orientalem Saxoniam negotiis in Occidentalem descendit, & natalem Domini-cum, ut Dithmarus scribit, in Patherbrunn festivis peregit gaudiis cum Meinwerco Episcopo. Quem uti Imperator per omnem vitam sibi habuit familiarissimum; ita consiliorum quoque intimorum participem hortatoremque admisit sacrorum operum, quibus religiosissimum Imperatoris nomen per tot illustria facta inclaruit.

Henricus natalicia Christi Paderbornæ peragit. Dithm. l. 7.

## Annus Christi 1016.

Benedicti VIII. Pont. 5. Henrici II. Regis 15. Imp. 3.  
Meinwerco Ep. Pad. 8.

Hinc anno consequenti post natalicia Christi Paderborna Imperator Tremoniam profectus cum Meinwerco, ubi sub initium Januarii Episcoporum ac Procerum conventum indixerat; qui & celeberrimus fuit, uti cum ceteris unus Auctor vitæ Meinwerco nobistradit, & tabulæ, quas recitabimus, restabuntur. Convenere igitur IV Idus Januarii Erkenbaldus Moguntinus, Heribertus Colonienfis, Meingozus Trevirensis, Unwanus Bremensis Archiepiscopi. Præterea Episcopi Henricus Wirceburgensis, Bernwardus Hildesienfis, Arnulphus Halberstadiensis, Wiggerus Verdensis, Theodericus Mimigardevordensis, Athabaldus Trajectensis, Thiatmarus Osnabrugensis, Hildewardus Citicensis, & Meinwercus Paderbornensis Episcopus. Adfuere quoque ex Romanis Gregorius atque Azzo, utrumne Legatorum nomine, auctor non retulit. Ex Ducum numero accessit Bernardus Dux Saxoniz, Liudolphus, Thiedericus, Wicmannus Comites, aliique quam plures Episcopi ac proceres. Multa in his comitiis præsentem Imperatorem pertractata, quibus Saxoniz tam in rebus sacris, quam profanis consultum (quæ nunc frustra, quod temporum injuriis interciderint, requirimus) præter ea, quæ Auctor vitæ Meinwerco, unicus horum comitiorum scriptor, de Athela Meinwerco matre, & Balderico vi-

trico ejus retulit. Nam cum fama patratæ superiori anno parricidii, quo Theodoricum Meinwerco fratrem occisum diximus, totam inferiorem Germaniam impleisset, uterque Baldericus & Athela Tremoniam postulati in judicium: Baldericus, quæ erat facundia, expedit se, ut insons pronunciaretur. Omnis ergo accusatio versa in Athelam, matrem Meinwerco Episcopi: quæ convicta, cum scelus negare non posset, ream se fassa est. Tum vero Judices magnopere perplexi, quid in tam clari sanguinis sceminam statuerent. Meinwercus parricidii ream morte tollendam urgebat. Durum hoc aliis & inhumanum, matrem a filio mortis supplicio adjudicari, a quo vitam accepisset, ideoque haud leviter perstrictus est; ad quæ Meinwercus, tanta flagitia exuto omni sanguinis affectu non nisi ex lege & justitia punienda esse, respondit, præstareque ut mortali poena satisfaceret, quam immortales damnata ad inferos subiret. Tandem mitigatus aliorum sententiis, Imperatorem adiit, integrum ei in matrem judicium committendo, quod pro Imperii honore & matris salute congruum censeret. Imperator auditis ceterorum judiciis, bonis paternis multandam decrevit; & quia Athela multa in Saxonia possidebat prædia, quæ Meinwercus illi ex paterna hereditate ad vitæ fructum cesserat, omnia hæc

Ideoq. Bonis multatur.

Comitia Tremonienfis.

Athela Parricidii convincitur.

Qua S. Hen-  
ricus Eccle-  
siae Paderb.  
donat.

hac Imperator, consentiente etiam Balderico Vitrico, Paderbornensi Ecclesiae, tabulis etiam hac super re confectis, & ab Imperatore consignatis, donavit. Tabulae vero, quibus novem praedia Athelae matris Paderbornensi Ecclesiae transcribuntur ab Imperatore, hujusmodi sunt.

Heinricus Dei gratia Romanorum Imperator augustus. Si Ecclesiarum Dei sublimitatibus inservimus omni studio, aeternae retributionis praemia nobis speramus esse affutura. Quapropter omnium fidelium Christi, praesentium scilicet & futurorum, noverit universitas, qualiter Meinwercus sanctae Paderburnensis Ecclesiae venerabilis Episcopus omnia praedia sua, quae hereditario jure possederat, matri suae Adeleae contradidit. Dehinc ipsa cum manu mariti & advocati sui Balderici Comitis, cum consensu etiam haeredum eadem praedia potestative nobis donavit: At nos perpetuae beatitudinis spe, ac pia praefati Episcopi, dilectique nepotis nostri, qui se suaeque omnia divino mancipare gaudet servitio, prece & devotione commoniti, praedia eadem legitime nobis tradita (inter quae principales cortes sunt istae: Immedesbusen, Walmonthem, Haverlov, Hukilbern, Mandelbiki, Golthbiki, Doddobusen, Hokinesleve, Wackeresleve) cum appertinentibus villis, & mancipiis utriusque sexus, silvis, viis & inviis, exitibus & redditibus, molendinis, piscationibus, pascuis, venationibus, quaesitis & inquirendis, omnibus utensilibus, quae quolibet modo dici vel nominari possunt, Sanctae Paderburnensis Ecclesiae, in honorem sanctae Dei genitricis Mariae, sanctique Kiliani martyris ac beati Liborii Confessoris constructae, per hanc imperialem paginam largimur, omnium hominum contradictione remota, Insuper etiam imperiali auctoritate praecipimus, ut nulla major minorve persona aliqua judiciaria potestate in eisdem praediis se intromittat, nisi advocatus, quem ejusdem Ecclesiae Episcopus sibi eligat. Si quis autem, quod absit, hoc nostrae donationis praecipuum infringere ausus fuerit, centum libras auri persolvat, L. eidem Ecclesiae, & L. nostrae Camerae. Et ut haec nostrae largitionis auctoritas firma & inconvulsa permaneat, hoc praecipuum inde conscriptum manu pro-

pria corroborantes sigillo nostro jussimus insigui. Guntherius Cancellarius vice Erkenbaldi Archicappellani recognovit. \* al. XIV. Data IV Idus Januarii Indiēt. \* XIII Anno Dominicae Incarnationis MXVI, anno vero Domini Heinrichi Secundi regnantis \* XIV. Imperii autem \* II Drod- \* al. 15. mannia feliciter amen. \* al. 3.

Nunc alteras addimus tabulas Heinrichi Imperatoris ex eodem loco & anno, quibus villa Moronga confirmatur Meinwerco.

Henricus  
Imp. Eccle-  
siae Paderb.  
donat vil-  
lam Mo-  
rongam.

In nomine sanctae & individuae Trinitatis, Heinrichus divina favente clementia Romanorum Imperator Augustus. Ecclesias Christi ampliare, servorumque ejus necessitatibus pie ac clementer subvenire imperialis promotionis ordo deposcit: proinde fidelium Christi noverit industria, qualiter divino instinctu admoniti, & interventu dilectissimae conjugis nostrae Cunigundae Imperatricis augustae, in idipsum fraterna caritate collaborantibus Heriberto Colonienfi Archiepiscopo, Theoderico Mimegardevurdenfi, Adebaldo Trajectensi, Theoderico Metensi, Wiggero Verdenfi, Thietmaro Offenbrugenfi, Erico Havelbergenfi; sanctae Patherbrunensi Ecclesiae in honorem sanctae Dei genitricis Mariae, sanctique Kiliani martyris, & sancti Liborii Confessoris constructae, cui etiam Meinwercus venerabilis Episcopus praefidet, quandam nostram cortem, Moronge dictam, in pago Morongano, in comitatu Bennonis Comitis sitam, quam nobis Unwanus Bremiensis Archiepiscopus cum manu advocati sui Udonis tradidit, omnium hominum contradictione remota, pro remedio animae senioris nostri tertii Ottonis, divinae scilicet memoriae Imperatoris augusti, & incolumitate vitae nostrae praesentis, ac spe futurae, per hanc imperialem paginam concedimus atque largimur, cum omnibus appendiciis areis, villis, pascuis, aquis aquarumque decursibus, piscationibus, molendinis, silvis, venationibus, cunctisque, qualicunque modo nominari possint, utensilibus, ea videlicet ratione, ut praedictus Meinwercus Episcopus eandem cortem, quamdiu vivat, in usus proprios potestative possideat; post finem vero vitae suae ad vestitum Canonorum in eadem Deo, sanctaeque genitrici ejus Mariae, nec non beatis Kiliano ac Libo-

rio



vio servientium annuatim meliorandum pertineat. Si quis vero hanc nostram donationem infringere præsumpserit, centum libras auri persolvat, L. eidem Ecclesiæ. L. vero nostræ Cameræ. Et ut hæc nostræ liberalitatis auctoritas stabilis & inconvulsa permaneat, hanc cartam inde conscriptam manu propria roborantes Sigillo nostro jussimus insigniri.

Gumtherius Cancellarius vice Erchanbaldi Archicappellani recognovit.

Data IV. Idus Januarii indict. \* XIII.

anno Dominicæ Incarnat. M. XVI.

anno vero Domini Heinrici secundi

regnantis \* XIV. imperii autem \* II actum Drodmannia feliciter amen.

acquisitis & inquirendis, ea ratione, ut prænotatus Episcopus ejusque Successores liberam potestatem in ejusdem Ecclesiæ utilitatem vertendi habeant. Si quis autem in posterum, quod absit, præfatam Ecclesiam inquietare contendat de eisdem prædiis perpetuo anathemate condemnatur. Insuper C. libras auri optimi componat, dimidietatem regie Cameræ, & reliquam partem eidem Ecclesiæ, quam inquietare præsumpsit. Et ut hæc nostræ traditionis auctoritas stabilis & inconvulsa permaneat, hanc cartam inde conscriptam manu propria roborantes sigillo nostro jussimus insigniri.

Gumtherius Cancellarius vice Erchanbaldi Archicappellani recognovit.

Data XIX. Calend. februarii. Indict. \* XIII. \* al. XIV.

anno Dominicæ Incarnationis MXVI.

anno vero Domini Heinrici secundi \* al. XV.

regnantis \* XIV. Imperii autem \* al. III.

secundo. actum Drodmannia.

Subjungimus tertias Henrici Imperatoris tabulas, quibus nobile prædium Bernehufen Tremonie donat Meinwerco.

Heinricus divina favente clementia Romanorum Imperator Augustus. Tribunal animæ dilatamus, Si Ecclesias Christi cum sibi subiectis ampliamus; qua de re fidelium Dei universitati pateat, quod hac intentione, interventu dilectissimæ cunctalis nostræ Cunigunde Imperatricis Augustæ, nec non & Heriberti Archiepiscopi Coloniensis, Adalbaldi Trajectensis, Theoderici Miegardervuraensis, Theodori Metensis, Wiggeri Verdensis, Thietmari Osenburgensis, Erixi Havelbergensis, sanctæ Paderbrunnensis Ecclesiæ in honore sanctæ Dei genitricis Mariæ, sanctique Kiliani martyris & sancti Liborii consecratæ, cui etiam Meinwercus venerandus Episcopus præsidet, quandam curtem nostræ proprietatis Berneshusen dictam, in pago Lissa, in comitatu Udonis sitam, quam ab Umwano Bremensi Archiepiscopo donante, & per advocatum suum Ugonem legitima traditione accepimus, pro remedio animarum divæ memoriæ, Ottonis Imperatoris tertii, senioris scilicet nostri, & incolumitate vitæ nostræ utriusque, præsentis videlicet ac futuræ, conjugisque nostræ dilectissimæ, nec minus pro stabilitate regni proprietario jure concedimus cum omnibus appertinentiis, rebus, territoriis, villis, mancipiis utriusque sexus, silvis, venationibus, aquis aquarumque decursibus, molendinis, piscationibus, viis & inviis, exitibus & redditibus, pratis, & pascuis, & cum omnibus

Subservient hæc tabulæ ceteris quoque Episcoporum fastis illustrandis; quando ex his præsentiam suorum Episcoporum intelligent, quam ex nullo alio facile quam scriptore vitæ Meinwerco, & ex his diplomatis recognoscant. Quanquam uti modo Auctor noster Mengozum Trevirensis Archiepiscopus in his comitiis præsentem sistat, haud video; cum eum Dithmarus in pervigilio Natalis Christi obiisse scribat, subrogato in ejus locum Popponem ex clara Marchionum Austriæ familia; nisi ad comitia evocatum velit, quem mors prævenit. Quare & nulla hisce in tabulis ejus memoria inter alios Episcopos proditur; falliturque idem auctor noster, dum Mengozum sive Mengaudum anno MXVIII obiisse scribit.

Dehinc Imperator, postquam illustrata Westphalia omnia rite disposuerat, Confluentiam profectus est, Popponem Archiepiscopi firmandi causa; verebatur enim ne Adalbero, sede jam ante depulsus, spe Episcopatus, illius vacuam sedem per novas turbas invaderet. Quamobrem festinato itinere Trevirim advolat, & quem secum ducebat Popponem, egregium Præsulem, sedi illi imposuit, acclamante universo clero ac populo. Præclara Imperatoris, & omnibus Imperatoribus ad exemplum proposita constantia ac religio, qui

Breviarium  
l. II Annal.  
Trevir.  
Popponem  
Trevir. a S.  
Henrico  
cathedræ  
imponitur.

Dithm. l. 7.

qui Adalberonem, Cunigundæ conjugis fratrem, ab hac dignitate repulit, exutoque omni sanguinis affectu, semper digniores, quos reperire potuit, provexit ad Episcopatus. Conversis inde curis ad Orientales Francos, festum Palmarum Wircenburgi cum Henrico ejus loci venerabili Episcopo egit. Heriboli mox Bambergam discessit, ubi cœnam Domini, Christi patientis ferias, & Pascha peregit. Invitatus erat Bambergam Rudolphus Burgundionum Rex, Imperatoris avunculus; is cum se excusaret, Imperator Argentoratum est profectus, ubi Rex cum conjugē Imperatorem convenit. Consilium erat Rudolphi Regis, ni prole donaretur, Burgundiæ Regnum ad Germaniam adjungere; sed Burgundiæ proceribus ac Gallis obnitentibus id minus successit. Quapropter Imperator transita Basilea ad Rhenum reflexit iter, & in Saxoniā maturavit ad Polonicum bellum.

Athela alienare bona nonnulla conatur. Außer vista Meinwer.

Per id tempus Athela Meinwerco mater, quam Herodiadem vocat Dithmarus, furere cœpit; ut enim a judicio Tremonienſi iram vindictamque expleret in Meinwerco, statuit omne patrimonium avertere a filio in alios; idque mulier specie pietatis aggressa, decem manſos, quos habebat in monte Lare juxta Heimberg, (locus est in inferiori Germania) Monasterio S. Viti, quod in Eltenſi monte memoravimus, per fraudem donavit. Plura ejusmodi machinabatur, quæ tamen, metu Imperatoris & Meinwerco, nemo acceptare ausus. Id ubi compertum a Meinwerco, in eas partes se contulit, matremque, quæ cognito ejus adventu ad Emme aquas in fugam se dederat, affecutus capit; & cum multis injuriam exprobraret, illa longe protervior, hæc justa a se donatione facta esse contendit, quod ipsum incolæ quidam Athelæ servitio obnoxii asserebant. Ad quæ Meinwercus se nihili præter id, quod æquum est, expetere; & cum testes illi ad juramentum se offerrent, in eamque rem reliquias D. Cuneræ ex Ecclesia Rene deferri curassent, non abnuvit juramentum Meinwercus, sed iis reliquiis, quas illi attulerant, improbatis abjectisque, produxit ex hie-rotheca sua lipsana SS. Apostolorum Petri & Pauli, adhæc D. Blasii, provocando ad juramentum, si causæ suæ

fiderent. Jurant igitur septem ex his viri, & quia perfide jurant, quatuor oculis capti, tribus manus obriguerunt, immedicabili per omnem vitam malo. <sup>Pejeraures divinitus puniti.</sup> Opportune ex hac vindicta Meinwercus matrem aggressus, hortabatur, resipisceret tandem; quibus impia mulier multo obfirmator facta. Meinwercus deinde in Radincheim divertit, quæ Balderici vitrici sedes erat, nunc autem pagus est haud procul Atnheimio, vulgo Bencum sive Redenchem. Ea in arce conspicatus in cubiculo matris tapetem, quem ipse olim istic suspenderat, Draconis insigni notatum, revelli jussit, & Paderbornam ad cœnobium Abdinghovianum secum deportari, reposito in ejus locum pallio suo. Vix Meinwercus iis ex partibus recesserat, cum Athela mater prædia cum Ecclesiis partim Heriberto Coloniensi Archiepiscopo vendere, partim donare Tutienſi cœnobio, quod Baldericus vitricus militari Sacramento eidem Archiepiscopo obstrictus erat; donare præterea Cathedrali Ecclesiæ Coloniensi emporium Reſe, haud alio donationis lucro, quam ut ea in Basilica ab obitu tumultum haberet. Hanc donationem, qua Oppidum Reſe ad Rhenum Coloniensi Ecclesiæ cessit, Meinwercus pacis & pietatis causa ratam habuit.

At longe graviora flagitia accunulavit Athela, conspirante Balderico, quem tori & scelerum consortem habuit. Interceſſerant quippe acres ſimultates inter Baldericum & Wigmannum Comitem, virum pacis bellicque artibus clarum; pugnatumque crebris dimicationibus inter utrumque; quas ad pacem tandem venire paſſus est Wigmannus, tanta etiam fiducia erga Baldericum & Athelam conjugem, ut ad convivium invitatus venerit. Ibi inter hilaritatem Athela, scelerata mulier, clam poculum veneno mixtum Wigmanno præbuit; quo ille epoto, illico sensit dolum, & e domo se proripuit; quem tamen Athela præveniens, per ſervum trucidari jussit, inspectante Balderico marito. Vulgata patratæ necis fama, accessit inter primos Thiedericus, Mimingardevurdenſis Ecclesiæ Episcopus, inquit Dithmarus, matertera ipsius genitus, & corpus multo cum mœrore ad Frechem civitatem (quam Vredenam dixeris) deportari jussit,

Dithm. l. 7.

Athela crudelitas & homicidia.

jussit, & a suis honorifice sepeliri. Sed utrum hoc facinus jam ante, an post accusationem Tremoniensem sit perpetratum, incertum faciunt Auctores. Additur certo alterum facinus haud minus detestabile, si non idem. Memorat enim Auctor vitæ Meinweri duos nobiles ab Imperatore viros missos, quos Baldericus & Athela per insidias interemere, qui ob id publicis legibus damnati ac proscripti; & Bernardus Dux, ulturus Wigmanni consanguinei necem, Uplagen, urbem Balderici munitissimam obsedit, atque ad deditionem compulit; quam deinde Imperator sub exitum anni in has partes, confecto bello Polonico, descen-

dens, funditus everti jussit. Baldericus, tanquam alter Cain terræ odium, vagus ac profugus panem oberrando emendicare visus; quanquam Dithmarus reconciliatum indicare videatur. Athela Coloniam se recepit, miseramque exinde vitam traxit ex collatitia stipendii, quæ e manu Heriberti Archiepiscopi & Tutienſi cœnobio quotidie dabatur ad victum. Mortua deinde ad fores Basilicæ est sepulta; post cujus funus tanta tempestas exorta, ut urbis excidium timeretur, quare cadaver effossum, atque ad cœli iram mitigandam in Rhenum est projectum; ni tamen Auctor vitæ Meinweri hæc nimium exaggerate tradat.

Ejusdem, uti & martiri ejus, miser exitus.

## Annus Christi 1017.

Benedicti VIII. Pont. 6. Henrici II Reg. 16. Imper 4.  
Meinweri Ep. Pad. 9.

Dum hoc anno Imperator Burgundicis distinetur, quievit Boleslaus; nec aliud fere egit, quam ut urbes suas præmuniret, & a superioris anni clade respiraret, palam testatus; si Imperator exercitum in Poloniam revexisset; aut in servitutem transeundum fuisset, aut pace sibi transigendum, quod unice expetebat Imperator, ut tandem Saxoniam Orientalem pacatam obtineret; quod & hoc anno per Legatos tentatum; ideoque in Saxonia commoratus Imperator, Palichi natalitia Christi celebravit. Quo ex loco in Alstedæ, Thuringiæ oppidum profectus, Epiphaniam Domini celebravit; conventuque istuc Episcoporum & Principum indicto, multa procerum diffidia, Imperatore judice, composita sunt; quos inter Theodoricus Monasteriensis Episcopus, & Hermannus Comes in concordiam venere. Inde Merseburgum concessit, rursusque Episcoporum & Principum conventu habito, Erkenbaldus Moguntinus & Gero Magdenburgensis Archiepiscopi, Arnulphus Halberstadiensis Episcopus cum Sigefrido & Bernardo Comite, ceterisque Legatis missi, qui Boleslaum ad Albim atque ad Colloquium invitarent; quos cum ille perfidus homo delusisset, bellum in illum decretum est, imperatusque fuit per totam Saxoniam armorum apparatus. Accessit ad hæc concilia quoque evocatus ab Imperatore Meinwercus Episcopus no-

ster, qui deinde cum Imperatore Magdenburgum concessit. Multa istuc in conventu procerum tractata, multæque controversiæ diremptæ; quos inter Dithmarus ipse Mersburgensis Episcopus de se inquit, cum Imperator sederet pro tribunali, & præsentibus Episcopi adessent Gero, Meinwercus, Wigo, Ericus & Eilbardus, surrexi, & lamentationem meam feci. Quam præclare tum agebatur in Imperio, cum Cæsares ipsi sago togaque inclyti, & bella ex castris præsentibus gererent, & provincias obirent, jus summis infimisque ex tempore dicendo, litesque decidendo, quæ nunc in tribunalium carceribus hærent? Magdenburgo Imperator Halberstadium demigravit; inde Quidlenburgo visitato Goslariam movit cum Gerone Magdenburgensi Archiepiscopo, Meinwerco, ceterisque Episcopis. Multas Goslariæ hebdomadas permansit, tum ob bellum Polonicum, quod istuc denuo decretum, tum ob controversa litium definienda. Villa appellatur Goslaria a Dithmaro, quam Imperator multum excoluit, majorum, ut diximus, ac Cæsarum ante ipsum exemplo. Ibi dum Imperator substitit, novum ad Visurgim Monasterium Virginum Kemnada intra sacros dioecesis Paderbornensis fines conditum, magnifico diplomate approbavit Imperator, & in tutelam suscepit, quod tabulæ, quas his exhibebimus, testabuntur.


Et lites ipse dirimit.

Confirmatur fundatio monasterii Kemnadenſis.

In nomine sanctæ & individue Trinitatis, Henricus Dei donante clementia Romanorum Imperator Augustus. Omnium sanctæ Dei Ecclesiæ, nostrorumque fidelium præsentium ac futurorum comperiat universitas, qualiter Domna Frederuna venerabilis Abbatisa, ejusque soror Imma Comitissa, Gernoe Comite adjuvante, construxerunt quoddam monasterium in villa Keminata dicta, in pago Tilitbi, in Comitatu Bernhardi ducis situm, in honore sanctæ Dei genitricis, & perpetuæ Virginis Mariæ dedicatum, ad quod omnem hæreditatem suam, Curtes scilicet ac villas infra nominatas, Kaminata, Hegen, Hogen, Barigi, Tundivium, Othere, Warstan, Rothe, Bardewic, Hotmanessun, Wittthorp, Britlingi, Biangi, Budiburg, Aldenestorp, Hattribike, Bodenbusen, Sutherburg, Claniki, Wigmannetburstal, Benedestorp, Widila, Walderfidi, Kokerbiki, Holana, Aunserila, Hepstidi, Sinigas, gratissima voluntate tradiderunt: unde nostram majestatem aggressæ, supplices rogaverunt,

ut ipsum monasterium in nostro munituribus susciperemus: quod nos, petitione Cunigundis dilectæ conjugis nostræ Imperatricis videlicet, ac honorabilis interventu Theoderici Mindonensis Episcopi, fecisse cognoscat universitas fidelium. Adhæc statuimus, ut prædicti monasterii Abbatisæ talis libertatis lege ac proprietatis fruerentur, quales ceteræ Sanctæmoniales in regno nostro sub regula S. Benedicti juste viventes utuntur. Insuper concedimus eidem Abbatisæ, ut nullus Marchio, nullus Comes, nullaque nostri imperii magna parvaque persona in ea placitum facere, vel publicam fruitionem \* exire, nisi advocatus, quem Abbatisa, quæ tunc temporis fuerit cum Sanctimonialium consensu voluerit. In obitu vero Abbatisæ ejusdem monasterii liberum habeant arbitrium aliam eligendi juxta regulam S. Benedicti. Et ut hujus nostræ auctoritatis privilegium perseveret, hanc paginam manu propria roborantes sigillo nostro jussimus insigniri. \* forte exire possit.

Signum Domni Heinrici



Romanorum Imperatoris  
Augusti.

Guntherus Cancellarius vice Erchanbaldi Archiepiscopi recognovi. anno Dominicæ incarnationis MXVI. indictione XV. anno vero Domni Heinrici Imperatoris Augusti XV regnantis. Imperii IIII. actum Goslar. data VII Kalend. Aprilis.

Id diploma ad hunc annum refero, in quo anno pro Christi MXVI, corrigendus annus MXVII, & pro regio anno xv substituendus annus XVI, ita probe cum Indictione xv, & imperii anno IIII conveniet; tum quod hoc anno Imperator Goslariæ, non priori, præfens fuerit.

Vetus ac nobile illud Monasterium Virginum, labente disciplina, versum est in Præposituram Corbejensium; & cum nostra demum memoria Præpositus ejus loci ad hæresin Lutheranam descisceret, ut cum concubina & liberis tutus esset, Ducum Brunswicensium patrocinio & potestati eandem submitit, tanquam desertor Monachus donare posset bona sui cœnobii: aut illa retineri jure valeant, quæ ab anno xv hujus sæculi occupata, lege Imperii, restitutionem flagitant. Sed, ut hæc

Corbejenses disceptant & repetunt, ita nobis Monasterii hujus originem, D. Henrici Imperatoris tutelam & auctoritatem indicasse sat est. Quæ si modo valeret, quot bona Ecclesiæ reddenda essent? Et ubi nunc Gandershemium. Quidelenburgum & tot regalia Monasteria, sacrorum Principum, Regum ac Cæsarum liberalitate condita?

Goslaria Imperator, ubi hæc acta sunt, Moguntiam digressus, Festum Palmarum celebravit cum Erckenbaldo Archiepiscopo, Pascha vero Ingelhemii, vicino ad Rhenum loco. Urgebatur istic Imperator publici Imperii rebus pertractandis; sed cum pietati primum vacare consultum haberet, comitia Aquisgrani indixit, quo haud multo post est profectus. Subinde Cunigunda Imperatrix, quod gravi morbo tentaretur, Francofurto ab Imperatore

Quod jam alienatum, per Præpositum Lutheri doctrinam amplexum.

Disbm. 27.

S. Cunigunda duplici amissa

voto sanitas  
tem amif-  
sam recuo-  
perat.

peratore ad Cassungense Monasterium Virginum discessit, voto duplici primum concepto, de alio abs se Monasterio condendo, alioque ad sepulchrum D. Ludgeri facto, pro valetudine recuperanda. Igitur postquam Aquisgrani in publico Principum conventu Henricus Dux Bavariae, & Theodericus Metensis Episcopus, Cunigundae fratres, Imperatori reconciliati, Imperii negotia sunt pertractata. Imperator cum jam Cunigundam Imperatricem a morbo recreatam didicisset, Werthinam contendit, grates Deo, ac D. Ludgero peracturus; ita enim Dithmarus: *Imperator audiens Contestalem suam levius habere, & votum fecisse Domino, grates Christo persolvit ex animo, & Pentecosten in Werthuni, quam primo sanctus Domini Sacerdos Luidigerus suis construxit impensis, venerabiliter celebravit, Abbate Heithenrico sibi pleniter ibidem serviente.* Utrumne ex hac professione Monasterium, D. Ludgeri primam Episcopalem sedem, inviserit D. Henricus, etsi verisimile habeam, auctores non prodidere. Praeclarus tum in loco Episcopus Theodericus, e nobili Comitum Orientalis Saxoniae prosapia, & jam ante etiam Magdenburgensis Episcopus suorum suffragiis designatus, sed ab Henrico Imperatore Monasterium tractus Episcopus, vir candidae indolis, & praeclarae virtutis.

& Cunigundis Paderbornae S. Henricum convenit.

Perlustrata deinde in transitu Westphalia ab Rura Caesar, ut Dithmarus scribit, ad Orientem tendens, Imperatricem ad se in loco, qui Pathebrunum dicitur, venire iussit. Substitit illa haecenus invaletudinis causa Cassungae in Monasterio Virginum prope Castellam, eo ex Hasslae loco Paderbornam sibi occurrere voluit. Grati denovo hospites apud Meinwercum, quibus Meinwercus magnificae Basilicae, instaurati ex incendio Collegii, & surgentis novi Monasterii Abdinghoviani opera ad amenos Paderae fontes spectanda obtulit, quo simul expertum Imperatoris liberalitatis fontem sinum-

que excuteret: nec tam amoenitate ingenii & lepore, quo valebat, quam aspectu religionis oblectabat Imperatorem & Imperatricem, ostendendo Cleri disciplinam, & florem novorum coenobitarum, aedesque praeterea sacras, quas exstruxerat. Qua vero liberalitate Imperator hospitii gratiam compensarit, testes esse poterunt novae donationum tabulae, quibus in mense Junio versatus Paderbornae commonstratur.

Ejusque rogatu varia praedia Paderbornensi Ecclesiae donat S. Henricus.

*In nomine sanctae & individuae Trinitatis. Henricus Dei gratia Romanorum Imperator Augustus. Omnium Christi fidelium industria noverit, qualiter nos divini amoris respectu, & dilectissimae conjugis nostrae, qui duo sumus in carne una, Cunigundae videlicet Imperatricis augustae rogatu & instinctu, sanctae Patherbrunnensi Ecclesiae in honore sanctae Dei Genitricis Mariae, & sancti Kiliani Martyris, sanctique Liborii ter beati Confessoris dedicata, tale praedium proprietavimus, quale nobis, omnium hominum contradictione remota, tradidit Henricus in Comitatu Herimanni Comitum, in Dulmine mansum I, in Nienbern mansum I, in Serimne mansum I, Halostrom mansum I, in Bertalostrom mansum I, in Lebembekke mansum I, in Horlon mansum I, in Comitatu Ottonis Comitum in Elnepo mansum I, in Ricoldinghuson mansum I cum L mancipiis utriusque sexus, areis, villis, pascuis, aquis aquarumque decursibus, piscationibus, molendinis, silvis, venationibus, & omnibus appendiciis, cunctisque, qualicunque modo nominari possint, utensilibus; ea scilicet ratione, ut uterque nostrum tam vestitum, quam victum stipendialem amodo ab Episcopo sedis subscriptae, nunc vero a Domino Meginwerco Praefule, & post a Successoribus ipsius, communi Canonico consensu, cum perpetua orationum participatione plenarie inibi, sicut unus fratrum accipiat, & potestative possideat. Et ut haec traditio nostrae liberalitatis stabilis & inconvulsa permaneat, hanc cartam inde conscriptam manu propria roborantes sigillo nostro subterbullari iussimus*

Signum Domni Henrici



Romanorum invictissimi  
Imperatoris Augusti.

Guntherus Cancellarius vice Archidiaconi Archicappellani recognovit. Data IV. Idus Junii. Indictione XV. Anno Dominicae Incarnat. MXVII anno vero Domni Henrici secundum regnantis XVI. Imperii IV. actum Patherbrunnen.

Inde nunc (Paderborna) ut scribit Dithmarus, ambo Imperator cum conjugē, usque ad Magdenburg profecti, a Gerone Archiepiscopo honorifice suscepti sunt. Post Imperator cum conjugē & exercitu Albim transiens ad Liesca, curtem quondam Ugonis Episcopi, venit, ubi per duas noctes in castris sedens tardantem turbam expectavit. Auctor noster, qui res gestas ejus conscripsit, celebrem hoc anno Episcoporum ac Principum conventum tradit in loco, quem ipse, & tabulæ donationum Liezgo, Browerus Laergo vocat, opinaturque in diocesi Bremensi quærendum; quanquam certius ex Dithmari vestigiis locus hic atque conventus transalbam quærendus, quo Meinwercus ac ceteri Episcopi Imperatorem secuti duxerunt. Episcopi igitur, qui convenire, in hoc diplomate memorantur, quo Imperator ex eorum approbatione & judicio, Abbatiam Helmerdeshusen, hæredibus Ekkihardi Comitis abjudicatam, & Imperio assertam, (quod nec opibus, nec Ministerialium servitio multum utilis) Meinwerco Episcopo & Successoribus attribuit regendam: ita enim Imperator.

In nomine sanctæ & individue Trinitatis, Henricus Dei gratia Romanorum Impe-

rator Augustus. Canonum statuta, non ore hominum, sed spiritu Dei condita, præcipiunt, Ut Episcopi frequenter claustra Monachorum visitent, & si quæ extra regulam illic invenerint, abscidant & corrigant. Hæc vigilanter interius contemplantes, & in hujus vitæ itinere onera nostra Episcopis imponendo levigantes, caritatis causa, sine qua dives pauper est, cum interventu amantissimæ conjugis nostræ, Cunigundæ videlicet Imperatricis Augustæ, cum Archiepiscoporum Erchanbaldi Moguntini, Popponis Treverens. Geronis Magdenburgensis, Unwani Bremensis: & Episcoporum Arnoldi Halverstad. Epponis Babenberg. Theoderici Meten. Heinrichi Wirceburg. Theoderici Mimigardevurd. Henrici Parmen. Theoderici Minden Thiemonis Mersburg. Erixi Havelberg. Laicorum quoque Bernbardi ducis, Sigefridi atque Erriconis Comitum, Abbatiam nomine Helwardeshusen cum omnibus suis appendiciis, mobilibus & immobilibus sedi Paderbornensi in honore sanctæ Mariæ, sanctorumque Kyliani atque Liborii constructæ, cui insignis acquisitionis Præsul Meywercbus in præsentiarum præest, in proprium dedimus, nostroque jure & dominio in jus & dominium ipsius amodo potestative, & juxta regulam sancti Benedicti episcopaliter disponendam, atque possidendam tradidimus. Et ut hæc nostræ traditionis pagina firma & inconvulsa permaneat, manu propria corroborantes atque confirmantes, sigilli nostri impressione subtus eam sigillari jussimus.

Signum Domni Heinrichi



invictissimi Romanorum Imperatoris Augusti.

Guntherus Cancellarius vice Erchanbaldi Archicappellani recognovit. Data V. Idus Julii. Indict. XV. anno Dominicæ Incarnat. M. XVII. anno vero Domni Heinrichi secundi regnantis XVI. Imperii IV.

Villa Niderana a S. Henrico donatur cæ nobio Abdinghofensi.

In eodem Episcoporum conventu Imperator prædium Nedere Meinwerco præsentī donat, ad novum, quod Paderbornæ Monasterium Abdinghonianum erigebat, dotandum. Tabulæ priori die datæ, sunt ejusmodi.

In nomine sanctæ & individue Trinitatis. Henricus Dei gratia Romanorum Imperator Augustus. Generalis Christi fidelium novit industria, aliud in homine esse, quod regere valeat tanquam vir, aliud tanquam fœmina, quod regatur. Hac contemplatione interius vigilantes, & exterius quasi obdormiscentes, divini amoris respectu, & dilectissimæ fœminæ, sive Conjugis nostræ, Cunigundæ scilicet Imperatricis Augustæ interventu, Ecclesiæ novæ, quam in honore sanctæ Mariæ omniumque Sanctorum venera-

bilis Episcopus Meginwercus in occidentali parte Paderbrunnensis suburbii dedicatione consumando, construxit, prædium tale proprietavimus, quale legaliter & capitulariter nomine Redialdus ad nostras manus imperiales hæreditavit in pago Hesse Saxonico, in comitatu Herimanni Comitis, in villa Nedere nominata, cum mancipiis utriusque sexus, arvis, villis, pascuis, aquis aquarumque decursibus, piscationibus, molendinis, silvis, venationibus, & omnibus appenditiis, cunctisque, qualicunque modo nominari possunt, utensilibus; eodemque tenore, ut fratres ejusdem monasterii choro, concordia caritatis, sub regula sancti Benedicti Domino famulantes, proprietario jure potestative illud habeant atque possideant Et ut hæc traditio nostræ liberalitatis stabilis & inconvulsa permaneat, banc cartam inde conscriptam manu propria roborantes sigillo nostro subterbullari jussimus.

Signum



Signum Domni Henrici



invictissimi Romanorum Imperatoris Augusti.

*Guntherus Cancellarius vice Erchanbaldi Archicappellani notavit. Actum Lietzgo. Dat. VI. Idus Julii. Indict. XV. anno Dominice Incarnat. M. XVII. Anno vero Domni Heinrici secundi regnantis XVI. Imperii IV.*

Boleslaus Polonum ad pacem petendam S. Henricus compellit.

Urgente jam tempore armorum progressum, Imperatrix regressa cum aliis quamplurimis, inquit Dithmarus; e quibus pars Episcoporum rediit in Saxoniam, pars Imperatorem secuta in Poloniam. Ac bellum illud per reliquam ætatem, postquam Boleslaus Glocovia depulsus in fugam, obsidione urbium, vastatione regionum, ac tantis per Silesiam, Moraviam, ceterasque Poloniæ provincias gestum est cladibus, ut Boleslaus fatigatus depressusque pacem per Legatos petere necesse habuerit: quo anno demum bellum illud grave & diuturnum finitum est. Auctor noster hoc bello Bohemiam & Moraviam subactam perhibet. Sane postquam mense Junio Thieddegus Pragensis Archiepiscopus, ante ex Corbeja ad Visurgim ad hanc sedem traductus, excefferat e vita, Imperator Merseburgum in Octobri reversus, Ekkihardum novæ civitatis Abbatem subrogavit, Bohemiam haud secus, quam Saxoniam sibi vendicando. Ex Saxonia Imperator digressus Bambergam, Henricum Imperatricis fra-

trem in Decembri post octenne exilium reposuit in Ducatum Baviariæ. *Festum exinde omnium Sanctorum Imperator in Alstidi digna veneratione celebravit.* Hoc ipso anno Meinwercus Basilicam S. crucis in vicino ad Hervordiam colle solemni ritu consecravat. Opus hoc Meinwercus, ac piorum hominum liberalitas, venerationi salutaris crucis, ac virgini, ex quo illa se istic spectabili forma, ut diximus, obtulerat, magno studio accelerarunt. Sub id quoque tempus Dithmarus Osnabrugensis Episcopus oculorum usu orbatus, vitam exinde in contemplatione rerum divinarum exegit; vir & conditi a se Collegii, & rebus præclare gestis, & fama sanctitatis clarus, postquam ex Collegio Magdenburgensi primum Præpositus Aquisgranensis delectus, ac deinde ab Henrico Imperatore ad Osnabrugensem cathedram traductus erat. Nullus facile post D. Henricum Cæsar, qui Saxoniam Imperiumque Sanctorum Episcoporum multitudine illustrius habuerit.

Consecratio templi S. Crucis Hervordensis. Dithmarus Ep. Osnab. vir sanctus visu privatus.

## Annus Christi 1018.

Benedicti VIII Pont. 7. Henrici II Reg. 17. Imp. 5.  
Meinwerci Ep. Pad. 10.

Dithmarus lib. ult.

Subit nunc annus Christi MXVIII, quo Imperator, postquam Bamberga Herbipolim discefferat, Francofurtum petiit; qua in urbe Christi natalitia, Circumcisionis Domini, & Epiphaniam celebravit. Ex quo falli dixeris chronicon Hildesienſe, quo refertur, Henricum natalitia Christi Paderbornæ peregiſſe. Subinde ob assiduas Boleslai postulationes ac legationes in urbe Budessina per legatos Imperatoris, Geronem Archiepiscopum Magdenburgensem, Arnoldum Halverstadiensem, & tres Comites Hermannum, Thiedericum & Fridericum pax tandem cum Boleslao III Kalend. Februarii firmata

jurataque: verum, ut Dithmarus scribit, *non ut decuit, sed ut fieri oportebat*, Gloriosius interim alii scriptores Bohemiam, Moraviam, & Poloniam ab Henrico Imperatore subactam, & tributariam factam perhibent; ita diuturni hujus belli finis tandem impositus, & quæta Saxonia Orientalis est reddita. Quare & Henricus Imperator Episcopatum Magdenburgensem ceterosque ita bonis & privilegiis auxit, ut alter eorum post Ottonem M. conditor habitus sit. Atque ut Saxoniæ, quam unice sibi excolendam sumpserat; opportunius consularet, Goslarium est profectus; qua in urbe per

Synodus Provin. in- lie Goslaris Auctor vita Mein. 2. 54

Qua-

Quadragesimam Bernwardus Hildes-  
ensis Episcopus praesente Imperatore  
celebrem habuit synodum, ad quam  
& Meinwercus, vicinique Episcopi  
convenere. Et cum multa in ea salu-  
briter acta sunt, ad cleri populique di-  
sciplinam sarcendam; tum Godeschal-  
tus, Ekkihardi Comitis filius, & Ger-  
trudis Eckiberti Comitis filia matrimo-  
nio, quod vitio contractum erat, Epi-  
scoporum judicio se juncti sunt. Post  
illa Imperator una cum Imperatrice Pa-  
derbornam invisit, quemadmodum id  
a Browero relatum; quam in rem pro-  
ducit donationem, rogatu Cunigundæ  
Imperatricis, hoc anno Paderbornæ  
factam, qua Imperator Popponi Tre-  
virensi Archiepiscopo Confluentiam ex  
integro dilargitus est; ut qui locus ha-  
tenus curtis regiae nomen adhuc reti-  
nebat, exinde totus in Archiepiscopi  
jus ac potestatem cederet. Addita Ar-  
chiepiscopo ex eadem munificentia Im-  
peratoris Abbatia S. Servatii.

Breviarus  
lib. II.  
antig. Trev.

Dislm. lib.  
alt.  
Auctor vita  
Meinwerc.

Siburgehu-  
sanum Prae-  
dium Hen-  
ricus donat  
Paderbor-  
nensi Eccle-  
siae.

Sed haud multum commoratus Pa-  
derbornæ Imperator, iter Neomagum  
ad inferioris Germaniæ partes accelera-  
vit; quem Meinwercus Episcopus,  
celebrato prius Paschate in Ecclesia sua,  
quod octavo Idus Aprilis agebatur,  
consecutus est, adfuitque Imperatori  
Idibus Aprilis, ipsa nimirum Dominica  
in Albis. Magna Neomagi Episcoporum  
& procerum multitudo apud Im-  
peratorem, uti ex tabulis donationum  
Meinwerco scriptis, cum ceteris hac  
super re aestimare licebit. Nam ut ille  
in omnem occasionem intentus locu-  
pletandi Episcopatum suum, ita in hoc  
conventu Principum ab Imperatore im-

petravit praedium Siburgehusen; di-  
ploma sic habet.

*In nomine sanctæ & individuae Tri-  
nitatis, Henricus divina favente clemen-  
tia Romanorum Imperator Augustus.  
Noverit omnium Dei fidelium nostro-  
rumque tam praesentium quam & futu-  
rorum industria, qualiter nos interven-  
tu dilectæ conjugis nostræ, Cunigundæ  
videlicet Imperatricis augustæ, fide-  
liumque nostrorum Popponis Trevirensis  
Archiepiscopi, Erchanbaldi Moguntini  
Archiepiscopi, Adelbaldi Traiectensis  
Episcopi: item Popponis abbatis Vulten-  
sis, Godefridi ducis, Bernhardi ducis,  
Becelini Comitis, Ecclesie Paterbrun-  
nensi, cui venerandus Episcopus Mein-  
wercus, nostræ videlicet servitutis para-  
tissimus, sub honore agiæ Dei genitricis  
Mariæ, sancti martyris Kiliani, nec  
non & beatissimi Confessoris S. Liborii  
Episcopi constructæ atque dedicatæ, tale  
praedium, quale Willa per manum no-  
bis dedit, & consensum Conjugis, &  
advocati sui Ottonis in loco Siburgobu-  
sun nominato, in Comitatu Udonis Co-  
mitis, in pago Hemmerveldun, cum  
omnibus pertinentiis suis, possessioni-  
bus, mancipiis utriusque sexus, agris  
& ædificiis, terris, cultis & incultis,  
aquis aquarumque decursibus, pratis,  
pascuis sive compascuis, molendinis, pi-  
scationibus, silvis, viis & inviis, cun-  
ctisque quæsitis & inquirendis in pro-  
prium jure perenni tradidimus. Et ut  
hæc traditio præcepti nostri firma &  
inconvulsa permaneat, hanc paginam  
inde conscriptam manu propria roboran-  
tes sigilli nostri impressione subterbullari  
jussimus.*

Signum Domni Henrici



Romanorum invictissimi Imperato-  
ris Augusti.

Guntberus Cancellarius vice Erchanbaldi Archicappellani recognovit. Data Idibus Apri-  
lis, Indiæ. I. anno Dominicæ Incarnat. M. XVIII. anno vero Domni Heinrichi secundi  
regnantis\* XVI. Imperii autem V. actum Tristile noviomago.

\* al. XVII.

S. Henricus  
bellum de-  
cernit ad-  
versus The-  
odoricum  
Hollandiæ  
comitem.

Multos dies Imperator Neomagi  
substitit, in ordinanda Republica & re-  
bus Frisiæ componendis; quando hoc  
anno auditis Frisonum querelis ab Im-  
peratore mandatum est bellum Gode-  
frido Lotharingiæ Duci adversus The-  
odoricum Hollandiæ Comitem, Frisios

ob necem patris sui ferro & igne va-  
stantem: Godefrido junxere copias  
Baldericus Leodiensis, Atheboldus  
Traiectensis Episcopi, multique Lo-  
tharingiæ proceres, infelici belli exitu  
cæsi: quippe 4 Augusti haud procul  
Dordraeo captus Dux Godefridus, &

in

Dislm. I. ult.  
Sigobertus  
Anselmus  
Leod. apud  
Chap.  
Chron. Cam.  
Bachelius  
in nos. ad  
Heid.

*Crant. l. 4* in carcerem abreptus. Ceterum in hoc  
*Metrop. c. 4* Episcoporum conventu multa salubri-  
*Gobelin. in* ter sunt statuta, ad omnia religionis  
*Comm. d.* membra, ut Crantzius scribit, in in-  
*uas. 6. c. 52* tegrum reponenda; atque, ut Gobe-  
linus noster retulit, decretum, ut  
quod ex antiquis rituum libris rece-  
ptum erat, in sacrificio Missæ corpus  
Domini ad sinistram, calix ad dexte-  
ram collocaretur. Soluta Principum  
conventu, Imperator dies rogationum  
Aquisgrani, Pentecosten Ingelhemii  
pereggit. Recta inde vicinam Mogun-  
tiam petiit, ubi Imperatrix discessit  
Confungam ad Sanctimonialium con-  
gregationem, disciplinam istic mona-  
chicam, ut Dithmarus scribit, ordina-  
tura, quod in eo post obitum Conju-  
gis vitam suam consecrare meditaretur.  
Ceterum Moguntiae Rudolphus Bur-  
gundiae Rex una cum conjugē & pri-  
vignis occurrit Cæsari, eique Burgun-  
diam subjecit, offensus suorum insol-  
entia. Eo Cæsar Basileam cum exercitu  
profectus, fregit Burgundionum ani-  
mos, quos altero mox anno Wernhe-  
rus Argentoratensis Episcopus facta  
expeditione duobus præliis victos ad  
petendum pacem coegit, effecitque  
postea Conradus Imperator, ut Ger-  
manico Imperio Burgundia adjiceretur.  
At Cæsar e Burgundia in Sueviam con-  
tendit, actisque de Republica conciliis,  
Godefridum Lotharingiae Ducem capti-  
vitate exsolvit.

Sub exitum anni Cæsar in Thu-  
ringiam reflexit iter, ac mense Decem-  
bri, urgentibus Saxoniæ turbis, Mul-  
husii conventum Principum habuit;  
quo & Meinwercus cum Gerone Mag-  
denburgensi Archiepiscopo, ceteris-  
que Episcopis accessit, & pro oblata  
rursus oportunitate ex Cunigundæ  
Imperatricis præsentia, singularique in  
Ecclesiam Paderbornensem beneficia,  
nemus quoddam inter Fuldam &

Visurgim amnes, in Comitatu Dodico-  
nis ab Imperatore impetravit. Nec  
enim Cæsar liberalitatem Meinwerci  
servitiis, nec Meinwercus servitia libe-  
ralitate vinci passus, quod hæc literæ  
fatis superque indicant.

Nemus  
quoddam  
donat Eccle-  
siæ Paderb.

*In nomine sanctæ & individue Tri-  
nitatis, Henricus divina favente cle-  
mentia Romanorum Imperator Augu-  
stus. Ubique sancta Dei loca bonis  
nobis a Deo donatis extollimus, non so-  
lum vitæ nostræ longanimitatem, ve-  
rum etiam regni nos prosperitatem au-  
gere speramus. Quapropter noverit om-  
nium Christi, omniumque fidelium uni-  
versitas, qualiter nos pro remedio ani-  
mæ nostræ, antecessorum nostrorum, nec  
non pro salute dilectissimæ conjugis no-  
stræ Cunigundæ Imperatricis videlicet  
augustæ, atque per interventum Geronis  
Magdeburgensis Archiepiscopi, Dutho-  
nisque Comititis, quandam nostræ proprie-  
tatis forestam, in comitatu ejusdem Da-  
tichonis sitam, quæ terminum juxta flu-  
vium Fulda nominatum sumens prope  
Reginbersbuson, & Utenbuson, atque  
Biberbach & Ratbrehtesbuson in quod-  
dam flumen Wisera vocatum usque pro-  
tenditur, inde sursum directâ quandam  
villam nomine gimundin attingit, abin-  
de circulum prosecuta iterum in Fuldâ,  
& sic sursum usque jam prædictam vil-  
lam scilicet reginhereshuson pergitur,  
sanctæ Paderbrunnensi Ecclesiæ, cui ve-  
nerabilis & nobis dilectus præsul Mein-  
wercus præesse videtur, ad altare &  
reliquias sanctæ Dei genitricis Mariæ,  
sanctique martyris & Episcopi Kiliani,  
& sancti Liborii Confessoris cum omni  
utilitate, quæ ab eo provenire ullatenus  
possit, firmiter & perpetuo habendam  
tradimus atque concedimus. Et ut hæc  
nostra auctoritas stabilis & inconvulsa  
permaneant, eam manu propria roboran-  
tes sigilli nostri impressione jussimus in-  
signiri.*

Signum Domini Heinrichi



Romanorum Imperatoris Augusti.

Guntberus Cancellarius vice Erchembaldi Archicappellani recognovit. Anno Dominice in-  
carnationis M XVIII. indictione II. anno vero Domni Heinrichi Romanorum Impe-  
ratoris secundæ regnantis XVIII. imperii autem VI, actum XVIII. Calend Janua-  
rii Mulanbuson feliciter Amen.

Annus

## Annus Christi 1019.

Benedicti VIII. Pont. 8. Henrici II. Reg. 18. Imper. 6.  
Meinweri Ep. Pad. 11.

Bernardum rebel-  
lem in gra-  
tiam reci-  
pit.  
*Autor vita  
Meinw.  
Adamus  
Brem. lib. 2.  
c. 33.  
Cranzins  
lib. 4.  
Saxon. c. 30.*

Annus MXIX agebatur, quo infe-  
rior Saxonia rebellionis motu concuti  
coepit. Ausus enim Bernardus Saxo-  
niæ Dux armis insurgere in Imperato-  
rem, immemor paternæ originis & be-  
neficiorum, quibus Otto M. Herman-  
num Belingum avum in nobili quidem,  
sed paucorum prædiorum familia ad  
Ducatum evexerat. Sed ille & parens  
Benno virtute id meriti, a quibus Ber-  
nardus degener non modo Episcopos,  
cumprimisque Bremenses & Pader-  
bornenses vexare, bonisque exuere;  
Sed Winulos Sclavosque adeo tributis  
& crudelitate in servitutem deprimere  
coepit, ut a Christi religione ad Idolo-  
rum cultum redirent. Demum, quod  
& supra relatum, concitatis ad rebel-  
lionem Saxoniam proceribus arma con-  
tra Imperatorem sumere ausus est, ut  
hæc multis deplorat Adamus Bremen-  
sis. Adversus hujus superbiam con-  
tundendam, Imperator ineunte hoc  
anno cum exercitu movit in Saxoniam.  
Et jam Duci extrema imminabant, nisi  
Meinwercus Episcopus una cum Un-  
wano Bremensi Archiepiscopo inter-  
venisset, qui Ducem ad petendam gra-  
tiam; Imperatorem vero ad indulgen-  
tiam permovit. Quare Dux supplex  
ad Castellum Schalkenburgum venit,  
Imperatorique in eo reconciliatus est;  
adeoque Meinweri cohortatione ani-  
mus Ducis immutatus est, ut qui ante  
totus ab Unwano Bremensi Archiepi-  
scopo diffidebat, una exinde animo-  
rum conspiratione & collapsam Ham-  
burgensem Ecclesiam, & Christi reli-  
gionem per Septentrionem redinte-  
grandam susciperet. Versa dehinc ar-  
ma in Sclavos, qui ad tributorum pen-  
sitationem, christianæque religionis li-  
bertatem cuique permittendam com-  
pulsæ sunt. Ac mirum sane quanto  
progressu & libertate per id tempus  
Christi religio per Daniam, Norwegi-  
am, & Sueciam, Regum istic Chri-  
stianorum patrocínio, disseminata sit  
per Episcopos & Apostolicos viros,  
quos aut e clero suo Unwanus, Mein-  
weri consanguineus, & Apostolici  
Spiritus præsul submisit: aut ex Anglia  
evocati ultro in has regiones penetra-

runt, quemadmodum hæc multis enar-  
rat Adamus Bremensis.

Discussa hac Saxoniam procella, Cæ-  
sar mense Martio Goslariam profectus  
est ad concilium Episcoporum ac pro-  
cerum. Præsto istic fuerunt Gero  
Magdenburgensis, Unwanus Bremen-  
sis Archiepiscopi: præterea Theoderi-  
cus Mimigardevurdensis, Arnoldus  
Halberstadiensis, Hildewardus Citizen-  
sis, Ericus, ceterique Episcopi; præ-  
ter Meinwercum nostrum, quem Im-  
perialis excellentiæ dilectissimum Epi-  
scopum vocat Cæsar in literis mox pro-  
ducendis. Semper S. Imperator cho-  
rum Episcoporum secum trahere vi-  
sus, tanquam Regni primarios Consi-  
liarios, & consiliorum moderatores.  
Ex Ducibus Saxoniam non nisi unus  
Bernardus, ceteri Marchiones & Co-  
mites; nec dum enim illa Principum  
& Ducum multitudo per Saxoniam  
Henrico imperante. Acta hujus con-  
cilii licet interciderint, duo tamen ex  
eo memorantur; quorum alterum est  
donatio cœnobii Leisbornensis, Theo-  
dorico Mimigardevordensi Episcopo  
ejusque Successoribus facta. Vetus  
illud erat Sanctimonialium Virginum  
Collegium a Carolo M. ævo; quemad-  
modum omnes Abbatissæ ad hanc diem  
a Wittio recensentur; verum cum pro-  
lapsa disciplina parum frugis essent Vir-  
gines, Imperator & sua & Episcopo-  
rum auctoritate Theodorico transcri-  
psit, a quo Monachi deinde ex insti-  
tuto D. Benedicti introducti. Adeo  
nihil novi cænobia ab uno ordine trans-  
ferri in alium: literæ Imperatoris hu-  
jusmodi proferuntur.

*Autor vita  
Meinw.  
Leisbornen-  
sis Parthe-  
nen ad Be-  
nedictinos  
transfertur  
Wittius in  
chron. Leis-  
bornensi.*

*Henricus divina favente clementia  
Romanorum Imperator Augustus. Si  
Ecclesiarum venerabilium loca a nostris  
prædecessoribus nobiliter adaucta, ut in  
suo vigore persistant, sancimus, ab Om-  
nipotenti Deo, quem in suis sanctis bo-  
noramus, æternæ retributionis præmi-  
um recipere fideliter & veraciter spera-  
mus. Quocirca sanctæ Dei Ecclesiæ  
omniumque fidelium nostrorum præsen-  
tium videlicet & futurorum universitati  
volu-*

volumus innotescat, qualiter Thiedericus Mimigardesfordensis Ecclesie venerabilis Episcopus nostrae celsitudinis adiit clementiam, petens, ut suae Ecclesiae per nostri praecepti paginam concederemus & confirmaremus unam Abbatiam Lisborn nominatam, quam antea Mimigardesfordensis Ecclesia videbatur habere, etsi sine scripta, sitam in pago Dreni, in Comitatu Herimanni Comititis; cujus petitionibus, ut justum est, annuentes, interventu etiam ac petitione Cunigundae Imperatricis Augustae nostraeque Contetalis dilectissimae, aliorumque fidelium nostrorum, qui ibi praesentes fuerunt, Everhardi Bavenbergensis, Meinwerchi Paderbrunnensis, Adelbaldi Trajectensis Episcoporum, Ducisque Godefridi per hanc nostri praecepti paginam praelibatae fedi Episcopali sibi suisque Successoribus in perpetuum confirmamus & corroboramus, ut in praescripto loco Lisborn dicto nostro imperiali auctoritate dehinc liberam habeat facultatem servitium Dei ordinandi &c. actum Goslariae 17. Cal. Aprilis. Anno Dominicae Incar. MXIX

nec non suae Ecclesiae Paderbrunnensi, suisque Successoribus omni concedimus jure deinceps possidendam. Ut vero haec praecepti pagina stabilis & inconvulsa futuris & praesentibus temporibus permanere valeat, propriae manus cautione, & sigilli nostri impressione ratam ducentes signari jussimus.

Guntherus Cancellarius recognovit. Datum anno Dominicae incarnationis MXIX. Indict. II. anno Domini Heinrici regnantis XVIII Imperii vero ejus VI. XIII Calend. Aprilis. actum Goslariae.

Celebre exinde hoc Virginum ad vicum Schilse haud procul Bilsfeldia, olim quinque templis nunc uno parochiali instructum, infectumque Lutherana tabe.

Agebantur haec per Quadragesimae exitum, cum Imperator Bambergam evocatur ad dedicationem Basilicae, & Benedictum eo nomine VIII. Pontificem Romanum excipiendum. Imperatorem Bambergam comitatus est Meinwercus cum Saxoniae Episcopis & flore nobilitatis Saxonicae. Nihil post Leonem Pontificem a Carolo M. Paderbornae exceptum Germania vidit ad fulgorem Romanae religionis illustrius latiusque. Duo fuere, quae Pontificem in Germaniam traxere; & primum quidem, quod ab Imperatore post coronationem ab eodem Pontifice factam invitatus esset in Germaniam, quod & Pontifex tum coram addixit; alterum vero ut Imperator Graecos, qui pleraque Calabriae & Apuliae loca invaserant, atque ipsi Romae excidium minitabantur, coerceret. Nec minus gratum erat Imperatori Ecclesiam Bambergensem a se conditam Pontifici coram in tutelam dari. Postquam superatis Alpibus Pontifex Bambergae appropinquare cognitus, Imperator & Episcopi & frequentes Principes processere obviam cum clero & innumera hominum multitudine. Erant quaterni psallentium chori dispositi ad Vicarium Christi excipiendum; primus trans flumen, secundus in citeriore ripa, tertius ad ingressum civitatis, quartus ad gradus Principis Ecclesiae, in quam ipse Imperator Pontificem manu prehensum introduxit, & in throno magnifice collocavit. Agebatur per haec feria quinta sanctioris hebdomadae, qua Pontifex solemniter sacris operatus est in corona

Vita S. Henrici apud Greiz. & Surium 14. Jul. AuRor vita Meinw. Siebert. in chron. Lamb. Schafn. Mariannus Scotus. AuRor comp. chron. Bar. alique. Benedictus Pontifex Bambergae honorifice a Caesare & Principibus excipitur.

Cœnobium Scheldecon se jurisdictioni Episcopi Paderbornensis submittitur.

Alterum ex hoc Episcoporum concilio est donatio haud dissimilis, qua cœnobium in Scheldece Meinwerchi Episcopi jurisdictioni submittitur, ejus gratia tabulas ipsas hic proferemus.

Henricus Dei gratia Romanorum Imperator Augustus. Quomodo praedecessores nostros Reges vel Imperatores operatos esse in summo capite, quod est Christus, non ignoramus, quos scimus in eis membris per fidem operatos haberi, augmentando Ecclesias Deo vel Sanctis sacratas, & pro ea ipsa re aeternae recompensationis praemia adeptos fore, non secus, si sanctam Dei Ecclesiam ad honorem sanctorum suorum crescere & multiplicare domus vel augmentis studuerimus, perpetuae remunerationis exultationem nos nancisci speramus. Quapropter universali Ecclesiae, praesenti videlicet & futurae, manifestum esse optando desideramus, qualiter Meinwercus Paderbrunnensis, Episcopus nostrae Imperiali excellentiae dilectissimus, sublimitatem nostram convenit, postulans Ecclesiae unam Abbatiam Sceldice vocatam dari. Cujus continuis petitionibus non immerito faventes, interventu Cunigundae Imperatricis nostrae videlicet dilectissimae conjugis, Episcoporum quoque Geronis, Unwani, Arnoldi, Dietrici, Hiltwardi, & Erixi: optimatumque nostri regni Bernhardi ducis, Sigefridi Comititis, Hermannis & Eggihardi consilii ventilatione supradictam Abbatiam sitam in pago Wessaga, & in Comitatu Friderici Comititis, sibi

Divina oblat in Hebdomada sancta & Paschate.

Dedant  
Bamber-  
gentem Ba-  
tilicam in  
72 Episco-  
porum co-  
rona.

na duodecim assistentium Episcoporum. Pari celebritate consequentes dies peractæ. In Paschate dum matutinum officium ageretur, lectionem primam recitavit Aquilejensis Patriarcha, secundam Ravennæ Archiepiscopus Imperatoris frater, tertiam summus Pontifex, qui absoluta Supplicantium processione Basilicam dedicavit. Secuta est octavo Calend. Maji consecratio Ecclesiæ D. Stephani pari celebritate; & quod ad omnem posteritatem memorabile est, numerati sunt LXXII Episcopi, qui sacrali habitu Pontifici inter Missarum solemnias assisterent. Sub ipso Sacrificio Pontifex Episcopatum Bambergensium liberum renunciavit, probavitque omnia privilegia hætenus Pontificum indulgentia concessa. Interim Henricus Imperator Episcopatum Bambergensium Pontifici vectigalem fecit, iussitque tributum nomine quotannis equum candidum phaleris ornatum, ac centum argenti marcas pendere Pontifici, quod argentum a Leone IX. Pontifice postea remissum, accepta in vicem Beneventana civitate. Inter hæc præstitæ de publico epulæ omnibus, & quod in tanta hominum multitudine miraculi instar erat, nec tumultus, nec vox audita. Adeo omnium animos veneratio sacrorum & Pontificis occuparat. Recolant ex majorum religione Saxones nostri heterodoxi, qui ab ævo D. Gregorii M. Pontificem in folio Antichristi fedisse adhuc dum criminari non desistunt, quem a S. Imperatore, & tot Episcopis in throno Ecclesiæ collocatum tantis honoribus a tota Germania condecoratum legunt. Et hic ille præclarus & magnanimus Pontifex, qui a superiori anno Saracenos classe navali victos ex Italia eiecit, fugato Rege, & capta Regina: ad quæ cum furens Rex saccum castaneis plenum misisset ad Pontificem, minitendo tot se armatis brevi rediturum, Pontifex his interritus peram illi milii granis plenam remisit, simulque renunciari iussit, tot se fortissimos viros objecturum Saracenis castaneis. In hoc congressu Pontificum & Episcoporum non defuit sibi Meinwercus Episcopus noster; & quia Romæ in coronatione Imperatoris familiaritatem contraxerat cum Pontifice, multaque, ut diximus, Pontificis gratia consecutus erat, causam quoque Ecclesiæ suæ hic naviter egit, primum mirifice

extollendo Imperatoris liberalitatem erga suam Ecclesiam, tum rogando, ut Pontificis commendatione eam uberius experiri liceat. Fecit id Pontifex, atque ejus primum, tum Cunigundæ Imperatricis, Erchanbaldi Archiepiscopi, Everhardi Bambergensis, Engelberti Frisingensis Episcoporum rogatu, lautissimum quoddam prædium Hammonstedi, quod centum præterea mansorum familiis constabat, novo Imperatoris dono impetravit, hisce tabulis in hanc rem consignatis.

Ejus inter-  
ventu Pa-  
derbornen-  
si Ecclesiæ  
prædium  
Hammon-  
stadiense  
donat S.  
Henricus.

*In nomine sanctæ & individuae Trinitatis. Henricus divina favente clementia Romanorum Imperator Augustus. Saluberrimis sacri eloquii institutionibus erudimur, exemplisque religiosorum excellentissimis admonemur, ut temporalia & æterna pro Dei amore donantes, commoda æterna, & sine fine manentia studeamus adipisci bona. Quapropter noverint omnes Christi fideles, præsentis scilicet atque futuri, qualiter nos per interventum Spiritualis patris nostri domini videlicet Papæ Benedicti, dilectissimæque conjugis Cunigundæ, nec non venerabilis Mogontiensis Ecclesiæ Archiepiscopi Erchanbaldi, dilectissimique nostri Babenbergensis Episcopi Eberhardi, Frisingensis quoque Episcopi Egilberti, maximeque ob jure & indefessum servitium venerandi Meginmerchi Episcopi, ut ille nullius æmuli opprobriis subjaceat, quin plus omnibus nobis serviens præmia honoresque plures a nobis accipiat, exemplisque nostri emolumenti alios ad nostrum fidele provocet servitium, ad Paderburnensem Ecclesiam in honore sanctæ Dei genitricis Mariæ, sanctique Kiliani martyris, nec non sancti Liborii constructam, cui prædictus venerabilis Meginmerchus Episcopus præesse dinoscitur, quandam nostri juris cortem, Hammonstedi dictam, in pago Rittega, & in Comitatu Utonis Comitatus sitam, una cum omnibus ejus pertinentiis, sive adherentiis, in quocunque pago vel Comitatu sita sint, videlicet cum vicis, villis, Ecclesiis, servis & ancillis, areis, ædificiis, terris cultis & incultis, viis, invius, exitibus & reditibus, quæsitis & inquirendis, silvis, forestibus, venationibus, aquis, piscationibus, molis, molendinis, rebus mobilibus & immobilibus, ac cæteris omnibus, quæ rite scribi, vel quolibet*



libet modo dici possunt utilitatibus hac nostræ auctoritatis imperialis pagina donamus, ac omnium contradictione remota proprietamus, præcipientes, ut in Deo dilectus nobis sæpe dictus Meinwerchus Episcopus liberam dehinc habeat potestatem sui que Successores eandem curtem Hammostedi cum omnibus ap-

pendiciis suis tenendi, possidendi, seu quidquid sibi inde libeat in usum Episcopatus faciendi. Et ut hæc traditio nostra ab omnibus incorrupta permaneat; hanc cartam inde conscriptam manu propria confirmantes sigilli nostri impressione insigniri iussimus.

Signum Domni Heinrichi



Romanorum Imperatoris Augusti.

Gunterius Cancellarius vice Erkanbaldi Archicappellani recognovit. Data IX Calend. Maji in festivitate S. Georgii martyris. indict. II. Anno Dominice incarnat. MXIX. Anno vero Domni Heinrichi secundi regnantis XLIX. Imperii autem VI. actum Babenberc.

Tam præclarum hoc donum, quam testimonium de Meinwerco, quo Imperator Meinwercum sibi præ omnibus fidum fatetur.

Soluto Bambergensi congressu, Imperator Pontificem non minus honorifice dimisit, quam exceperat: quo minus tamen expeditionem Italicam, quod sollicitarat Pontifex, hoc anno susciperet, impedire gliscentis per Alemanniam & Flandriam belli flammæ.

Sub id tempus, quarto videlicet Cal. Julii in Hassia S. Heimeradus Presbyter ad immortalem vitam evocatus, clara ac celebris, inquit Trithemius, bisce temporibus per Germaniam & Gallias erat memoria S. Sebaldi in Nuremberg, & S. Heimeradi in Hassungen, magnoque populorum concursu quotidie frequentabantur propter opitulaciones, quæ divinitus istis languentibus conferebantur. Quorum ultimus, videlicet Heimeradus presbyter, fuit sanctissimæ vitæ, qui obiit anno MXIX. IV Calend. Julii. Viri hujus sanctimoniam testatur vita ejus, conscripta ab Egberto Hersfeldiensi Monacho. Gente Suevus fuit Heimeradus, ac genere nobilis, qui relicta patria & consanguineis, Romam, deinde in Palæstinam suscepit peregrinationem, ex qua re-dux solitariam vitam aliquamdiu egit apud Hersfeldiense cœnobium. Aliquot dehinc annis Dettmoldiæ apud nos versatus, ad vetustam ædiculam a se reparatam, in qua sacris operabatur se inclusit. Sed mirus in ærumnis & injuriis ferendis, cujus experimentum

apud Meinwercum dedit; nam cum Paderbornam abjecto habitu vestium, squalidus Vultu, ac corpore deformis, in conspectum Meinwerci veniret, unde, inquit, hic iste diabolus nobis venit? ad quæ modeste Heimeradus, se hominem esse, respondit, & sacris initiatum. Quærente ergo Meinwerco, an presbyter esset; id cum affirmaret, ac simul adstantes dicerent, eum publice divina peregisse, iussit sibi libros proferre, e quibus cantasset, & sacra peregisset; quos ubi obsoletos sordidosque conspexit Meinwercus, jubet in ignem projici, & mox etiam inson-tem hominem, præcipitante ira, verberibus cœdi. Magna hæc patientia tulit Heimeradus, nihil quæstus de acerbitate agendi. Haud multo post Dodicho Comes Warburgensis Episcopum ad cœnam invitavit, & hunc ipsum Heimeradum presbyterum invitatum Meinwerco in mensa opponit; tum vero indignari Meinwercus hominem vagabundum, delirum & Apostatam, ut vocabat, pari secum honore inter convivas tractari, ipsumque Comitem accusare, tanquam hæc in contemptum sui fecisset. At Comes, ut Episcopum mitigaret, cœpit Heimeradum commendare a sanctitate vitæ sibi nota, quæ non a corporis habitu, sed virtutis aspectu æstimanda sit. Bene, inquit Meinwercus, ego hæc experiar: crastina die in solemni Missæ sacrificio Alleluja cantabit, aut denuo plagis mulcabitur. Deprecatur id Comes, & magis Heimeradus: insistit Meinwercus; & cum neuter quicquam ab obfirmato Episcopo impetraret, consilio Comitis Heimeradus postridie

Sanctitas  
tem ejus  
propalat, &  
ructur ad  
versus  
Meinwer-  
cum Comes  
Warburg  
gensis.

Meinwerc,  
ab Heime-  
rado sup-  
plex petie-  
veniam in-  
juriarum.

P p 2

cantat,

S. Heimeradus solitari-  
am Deth-  
moldiæ,  
in cœnaq;  
vitam egit.  
Ab eo vita  
Meinwer-  
ci. Trithemius  
in chron.  
Hirsau. ad  
annum  
M. LXXXIII.  
Egbertus in  
vita MS. S.  
Heimeradi  
Patientiam  
insignem  
in contum-  
eliam &  
verberibus  
stendit.

*Auſtor vita*  
*Meinw.*  
*num. 61.*  
*Sarrarius.*  
*in Aribons.*  
*Auſtor vita*  
*Meinw.*  
*num. 70.*  
*Thomius*  
*in chron.*  
*Herſang.*  
*Brövern.*  
*in Not. ad*  
*vita. Meinw.*  
*Gelenius 1.3*  
*Sac. Syntag.*  
*Clainſorg.*  
*in chron.*

cantat, & tam dulci vocis artisque ſono, quo omnium aures mentesque in ſtuporem raptæ. Finito ſacrificio, Episcopuſ Heimeradum ad ſe vocat, & ad pedes ejus procumbens, ſibi ea, quæ egerit, ignoſci petit; exindeque Heimeradum in amore & honore habuit. Quapropter audita morte ejus, multis ſacrificiis multisque largitionibus in pauperes factis, animæ e corpore exitum proſecutus eſt. Aribo exinde Moguntinuſ Archiepiſcopuſ ultro veneratuſ ſepulchri locum, cænobio

inſtituti D. Benediſti exornavit, quod Sigefriduſ Archiepiſcopuſ poſtea abſolvit, ob frequentes ſupplicium acceſſuſ, & cœleſtia beneficia, quæ Deuſ ad hujus ſancti preſbyteri patrociniuſ mortalibus præſtitit. At longe illuſtriuſ Monasteriuſ Tuitienſe, quod a D. Heriberto Colonienuſ Archiepiſcopo anno MII. cœptuſ, hoc anno ab eodem ſanctiſſimo præſule perfectuſ dedicatuſque eſt: teſtes ad poſteritatem præclaræ tabulæ ab Heriberto conſignatæ.

## Annus Chriſti 1020.

Benediſti VIII. Pont. 9. Henrici II. Reg. 19. Imp. 7.

Meinwerſci Ep. Pad. 12.

*Ottoneſ*  
*Episcopuſ*  
*inſeſtuſ*  
*bello perfe-*  
*quitur*  
*Henricuſ.*  
*Auſtor vita*  
*Meinw.*  
*Rupertuſ*  
*in vita He-*  
*riberti.*  
*Heribertuſ*  
*valerudiſ*  
*nem cau-*  
*ſanti gravi-*  
*ter irateſci-*  
*tur.*

*Cæliuſ*  
*monetur,*  
*ne S. Heri-*  
*berto moſ*

Annus inde milleſimuſ ſequitur poſt Chriſti natalem vigefimuſ, quo Henricuſ Imperator Ottonem Comitē bello aggreſſuſ. Iſ quia, ob matrimoniuſ adverſantibuſ Eccleſiæ legibuſ inituſ, ab Erckenbaldo Moguntino Archiepiſcopo in publica Synodo damnatuſ erat, iram & arma convertit in Moguntinuſ, vicinoſque Episcopuſ: ac totam Rheni ripam ſpoliis & cædibuſ inſeſtam tenebat. Belli prædaruſque receptacuſ erat Hermenſteiniana arx, Rheno incumbenſ. Ad hanc hominiſ inſolentiam injuriāque ulciſcendam arcem Henricuſ obſidet, & annonæ inopia ad deditionem compellit. Evocatuſ ad hanc expeditionem inter ceteroſ Heribertuſ Colonienuſ Archiepiſcopuſ cum copiis ſuiſ; veruſ quod iſ moleſta cum febrī conſiſtaretur, excuſavit ſe: Quod Cæſar ſiniſtre accepiſt, ratuſ morbuſ obtendi ad detrectanduſ obſequiuſ; nondum enim a prima offeſſione, ex qua Heribertuſ Regni inſignia ſubduxerat, ex integro reconciliatuſ erat Archiepiſcopo. Ac neſcio, ut in ſanctiſ viriſ ſæpe animadverſuſ, quid averſi ſemper animi inter utruſque Sanctuſ viruſ per ſcintillaſ veteres remanſerat; qua in re multuſ laboravit Meinwerſcuſ Episcopuſ, ut Imperatoreſ Heriberto intime conjungeret, nec tamen obtinere potuit. Acceſſere ad præſentem ſuſpicionem Cæſariſ, qui multo maligniuſ Heriberti excuſationem exaggerarent. Quare Cæſar ſe paſſuſ abduci Coloniā, ut coram de valerudine Archiepiſcopi cognoceret. Et jam aulæ quidam procereſ credebant grande ma-

lum imminere Heriberto, cum Imperatori noctu dormienti Angeluſ adſtitit, monuitque ſevere, ne quid acerbuſ ageret in Heribertuſ omniſ culpæ innoxiuſ. Quare Imperator ad conſpectuſ Heriberti lacrymanſ irruiſt in amplexuſ, *ignoſce*, inquiens, *aliuſ te mihi hominuſ ſermoſ, aliuſ Deuſ oſtendit*. Plura in hanc ſententiā proloquentem inhibuit haud minus lacrymiſ perſuſuſ Heribertuſ. Ita mirantibuſ cunctiſ, qui aderant, intime conjuncti. Nec tamen iſ Cæſar ſibi ſatiſfecit: nocte, quæ diem illuſ ſecuta eſt, ante præceſ matutinaſ conclave Heriberti, uno duntaxat e clero comitante, ingreditur; quem cum iſtic non reperiſſet, pergit in ſacrariuſ, ubi cœleſti meditationi inhaerentem invenit; ruſſuſque ad pedes abjectuſ, iterato omniuſ offeſſionuſ veniam ex animo orat: nec ante ſurgere voluit, quam Heribertuſ condonationem repetiſſet. Tum vero Heribertuſ prædixit hunc ultimuſ fore utriuſque congreſſuſ. Quo dicto cum obituſ ſuū brevi imminentem denuntiaret, eo ægriuſ ſe Imperator a ſancto viro avelli paſſuſ eſt. Præceſſit dehinc anno proximo ad ſuperoſ Heribertuſ, certuſ fati ſui vateſ, nec gnaruſ etiam mortis Imperatoriſ conſecuturæ, quam & Geremanno Comiti fratri ſuo aperuit.

*leſtiū ſa-*  
*ceſſat.*  
*Veniam*  
*precatur a*  
*S. Heriberto.*

*qui mor-*  
*tem attri-*  
*que prædi-*  
*cit.*

In diſceſſu omnia dolore & amore mixta: ac nemo lætior Meinwerco, quod vidiffet coram utriuſque ſancti conjunctionem, tot votis expetitā. Et Meinwercuſ, cum hæc Coloniæ

*Meinwer-*  
*cuſ Tribu-*  
*rienſem*  
*villam ab*  
*Henrico*  
*obtinere*  
*Ab-*  
*dinehoſ*  
*ſenſit.*

age-

agerentur, præsentem fuisse, testes esse poterunt hæ novæ largitionis literæ, quibus ab Imperatore villam Triburi in pago Saxonico Westphaliæ, agris & proventibus uberem, pro novis suis intra suburbium Cœnobitis impetravit.

In nomine sanctæ & individue Trinitatis, Henricus divina favente clementia Romanorum Imperator Augustus. Si æterna & semper manentia accipere desideramus, temporalia & transitoria pro Dei amore benigne ac devote erogare debemus. Quapropter noverint omnes Christi fideles, præsentis scilicet atque futuri, qualiter Nos pro redemptione animæ nostræ, ac dilectissimæ Conjugis nostræ Chunigundæ, & per interventum ac indefessum servitium venerabilis Episcopi Meginwarci, quandam nostri juris curtem, Triburi nominatam, in pago Saxonico Wesfala

fitam, in Comitatu Herimanni Comitibus, cum omnibus appendiciis, servis & ancillis, liberis quoque cum tali servitio & censu, qualem nobis solvebant & agebant, molendinis, piscationibus, venationibus, silvis, pascuis, pratis, & omnibus utensilibus ad eundem locum pertinentibus, ad Abbatiam in Patherbrunnon a prædicto Episcopo Meginwarco ineboatam & stabilitam, ad Ecclesiam ab eodem in honore Domini Salvatoris & omnium Sanctorum dedicatam donavimus; ea scilicet ratione, ut Monachi sub regula sancti Benedicti inibi Deo servientes, deinceps liberam de eadem curte habeant potestatem utendi, mutandi, & ad communem usum illorum, quidquid exinde libuerit, tractandi. Et ut hæc nostra auctoritas stabilis & inconvulsa omni permaneat ævo, hoc præceptum inde conscriptum impressione sigilli nostri iussimus insigniri, propriaque manu confirmavimus.

Signum Domni Henrici



invictissimi Romanorum  
Imperatoris Augusti.

Gunterus Cancellarius ad vicem Erchenbaldi Archiepiscopi recognovit. Data XII Calend. Martii. indictione III Anno Dominicæ Incarnat. Millesimo XX Anno vero Domini Henrici secundi regnantis XVIII, Imperii VII actum Coloniæ feliciter Am.

Post hæc, inquit auctor noster, Calendis Junii Episcopus noster cum Imperatore Confungam venit, ubi interventu Geronis Magdenburgensis Archiepiscopi, Dodiconisque Comitibus de Wartberge, quandam regiæ potestatis forestam in Comitatu ejusdem comitis Dodiconis fitam obtinuit. Diversum hoc nemus a priori, ac vulgo Reinckerhusanum seu Reinerswoltium appellatum, quod nova beneficentia Imperatoris Confungæ, in Monasterio Virginum, intra limites sacre jurisdictionis, donatum Meinwerco Episcopo. Quare hic ipsas donationum tabulas exhibemus.

In nomine sanctæ & individue Trinitatis. Henricus divina favente clementia Romanorum Imperator Augustus. Si sanctarum Dei Ecclesiarum loca bonis nobis a Deo donatis ditando extollimus, non solum vitæ nostræ longanimitatem, verum etiam regni nos prosperitatem augere speramus. Quapropter noverit omnium sanctæ Dei Ec-

clesiæ fidelium nostrorum, præsentium scilicet ac futurorum, universitas, qualiter nos pro animæ nostræ remedio nostrorumque antecessorum, nec non pro salute dilectæ Conjugis nostræ Cunigundæ Imperatricis videlicet augustæ, atque per interventum Geronis Magdenburgensis Archiepiscopi, Dutichonisque Comitibus, quandam nostræ proprietatis forestam, in comitatu ejusdem Dutichonis fitam, quæ initium sumit de Rothalmingabuson, rectoque tramite protenditur in Wisaram fluvium, sicque ascensum ducit in fluvium, qui vocatur Fulda, inde vero continuatim servat ascensus tenorem juxta eundem fluvium Fuldæ, usque in rivum, qui dicitur Crummelbichi, nec non ad Oppidum, quod holtbusun vocatur, viam tendit, simul graditur inter Othilanham, & Reinbereshusen, atque ad Rothiereshusen, mox pergit Kikilabuson atque ad Biverbike, sicque protenditur in viam, quæ tendit ad Vulfredeskurken, itemque in alteram viam, quæ extenditur ad Gunnesburin,

&

Nemus  
Reinkers-  
busanum  
Paderanæ  
Ecclesiæ  
donat S.  
Henricus.

Et ad viam Monnesbusen, sicque girando circuit quandam viam, quæ pervenit usque ad prædictum Oppidum Rothalmingabusen, sanctæ Paderbrunnensi Ecclesiæ, cui venerabilis nobisque dilectus præsul Meinwercus præesse videtur, ad altare, et reliquias sanctæ Dei genitricis Mariæ, sanctique martyris et Episcopi Kyliani, ac sancti Liborii Confessoris, cum omni utilitate, quæ ab eadem ullatenus provenire possit, firmiter et perpetuo habendam tradimus at-

que concedimus, ac de nostro jure, et dominio in ejusdem sanctæ Paderbrunnensis Ecclesiæ jus et dominium transfundimus et delegamus, eo videlicet ordine, ut nullus Episcopus jam dictæ Ecclesiæ ejusque Successores de prædicta foresti disvestire, vel inquietare præsumat. Et ut hæc nostræ auctoritatis panna stabilis et inconvulsa permaneat, eam manu propria roborantes sigilli nostri impressione insigniri jussimus.

Signum Domni Heinrici



Serenissimi et invictissimi Romanorum Imperatoris Augusti.

Gumherius Cancellarius vice Erchanbaldi Episcopi Archiepiscopi recognovit. Anno Domini incarnationis MXX indictione III. Anno vero Domni Heinrici secundi regnantis XIX imperii autem VII. actum XI Calendas Junii. Confunga feliciter Am.

## Annus Christi 1021.

Benedicti VIII. Pont. 10. Henrici II. Regis 20. Imp. 8.  
Meinwerce Ep. Pad. 13.

Insequens annus supra, quam alii quietior fuit Imperatori; quanquam cum Dithmari historia hic nos destituere incipiat, a ceteris nil nisi lacinias ex publicis persequentes aliquot annos accepimus. Fortunatissimus interim hic annus Meinwerco Episcopo, quo Imperatorum rursus post Natales Christi dies Paderbornam invitavit, hospitemque cum Imperatrice gratissimum per mensem Februarium habuit. Tum vero cum Meinwercus Imperatori exponeret clarissimam hujus Episcopatus originem a Carolo Magno Conditor, et quibus temporum injuriis ceteris Carolinis Episcopatibus multo imminutio factus esset, ac postremum etiam fatale incendium objiceret oculis, quo urbs cum Collegio in summam ruinam venisset; ita animum piissimi Imperatoris commovit, ut post Haholtinum Comitatum, alterum Dodiconis, ac tertium etiam Immedeshusanam regia prorsus liberalitate adjecerit. Jam ante ipso Dodico Comes Wartbergen-

que privata inter Meinwercum et Dodiconem piissimum Comitem facta, ac testibus comprobata est.

In nomine Patris et Filii et Spiritus sancti. Dodico Comes peccaminum suorum, atque humane fragilitatis memor, ac divina ammonitione conpunctus, pro remedio et commemoratione anime sue, ad altare et ad servitium sanctæ Dei Genitricis Mariæ, et sancti Kyliani martyris, et sancti Liborii Confessoris cum consensu matris sue, videlicet Hildigundæ heredis sue primitivæ, fratrisque sui Sigobodonis assensu et astipulatione, suum prædium tradidit in proprium in his locis, quorum nomina subsequuntur: Wartbergi, Rainleffsun, Erungun, Radi, Radi in superiori wurmlabun, Rothem, Garamelti, Rodwardesbusun, Illandebusun, Silibem, cum agris cultis et incultis, silvis, aquis aquarumque discursibus, pratis, pascuis, nec non cum utriusque sexus mancipiis, et cum omnibus ad hæc loca pertinentibus appendiciis, videlicet octo molendinis, cæterisque quæ adhuc nominari queunt, vel nequeant, et tamen in eis sunt, vel fieri possunt utilitatibus, exceptis ministerialibus ejus hominibus Eilbeht, Randwigh, Acilin, Gela, Doda, Hoikalsi, Ainza, Tamma, Hizule cæterisque mulieribus jam ad genicium ejus assumptis, non ulterius assumendis; Ea ratione atque pactione interposita, ut dum Deo jubente monasterium Paderbrunnense maneret incolume, pro eodem Dodicone Sacerdoti, atque Diacono, et Subdiacono cotidie publicam Missam celebrantibus stipendiis

Wartbur-  
gensem co-  
mitatum  
Dodico im-  
prolis do-  
nat Eccle-  
siaz Pader-  
bornensi.

lis refocillatio, quæ convenit uni ejusdem Ecclesiæ fratri constipendiali dari, daretur: Sin autem ab Episcopo vel præposito publica Missa celebraretur, eadem ejus stipendialis refocillatio pro animæ ejus remedio inter duodecim egenos divideretur. Cum vero idem Comes Dodico divina sic disponente providentia hujus vitæ terminum transiret, in omnigena re commemorationem, quam pro ejusdem Monasterii Episcopo agere consuetudo est, pro eodem Comite Dodicone celebrari debere, videlicet in missarum & psalmorum celebrationibus, luminorumque incendiis, evlogiarumque donationibus, centenorumque pauperum refocillationibus, & in omnibus, quæ in Episcopi ejusdem loci annuali depositionis die convenit facere. Hac traditione & pactione peracta ante altare sanctæ Dei genitricis Mariæ Dominus Episcopus Meinwercus cum suo advocato Amulungo pro eodem prædio in precarium eidem Dodiconi præstitit, quidquid in Desburg, Astnederi, Westnederi, Dalpanbuson, Duewion, Vflabun, Rasbiki, Silehem, Wepplitz ad Ecclesiam Paderbrunnensem proprietatis pertinebat, atque eandem traditionem, quam idem Comes Dodico ad altare sanctæ Mariæ tradidit, ut utrumque, dum ipse viveret, traditionis atque precariæ usu fructus uteretur: illo autem mortem obeunte in integrum precaria & traditio ad supra dictam Paderbrunnensem Ecclesiam restitueretur similiter, exceptis tribus ministerialibus viris Tiazone, Bennone, Mainzone, ac duabus familiis in Wepplitz habitantibus, & ad Heristelle pertinentibus, quas ei in precariam non concessit. Hæc autem traditio tali tenore atque interdictione facta est, ut si isdem Episcopus vel aliquis ejus Successor de precaria, vel pactione eidem Dodicone vivente infringere voluerit, isdem Dodico supradictum prædium recipiendi licentiam habeat; hujus rei testes sunt Sibodo, Immed, Siberht, Thiatmar, Bernhard, Amulung, Bernhard, Erp, Alibrat, Volepold, Kono, Rodward, Haika, Hagerword, Helmuvve, Alfric, Mainberi, Ratberi, Wiking, Adalbart, Imuka, Asman, Folcmar, Hiddin, Becilin, Wal, Witber, Aisfa, Bunald, Thiadmar, Hiriman, Fritburic, Rainbald, Hiriman, Redald, Hildivvard, Asdag, Accabacca, Vnaca, Aica, Isic, Redig, Imuca, Mainbald, Duda, Tamma, Thiadmar, Isger, Barzed, Mainwerc, Hiriman, Ova, Hamaca, Heilvvard, Fritburic, Godescac, Vulvered, Waldbard.

Comite vero Dodicone anno iv. Calendas Septembris mortuo, Meinwercus nihil sibi negligendum ratus, per opportunitatem invitati præsentisque Cæsaris plenam ejus donationem

ac confirmationem auctoritate Imperatoria impetrat. Quam in rem hæc tabulæ coram in urbe Paderbornensi confectæ consignatæque sunt.

In nomine sanctæ & individue Trinitatis, Henricus divina gratia Romanorum Imperator Augustus. Divina pietatis clementia, quæ nos ad culmen Imperatoriæ Majestatis perduxit, ac voluit imperare, ut Ecclesiarum ordini firmando atque corroborando subveniamus, his autem maxime locis, quæ ab antecessoribus nostris Regibus & Imperatoribus fundata, sed jam peccatis exigentibus pene videbantur annullata. Quapropter omnium fidelium nostrorum, præsentium scilicet ac futurorum, industriæ notum esse volumus; qualiter nos divini amoris instinctu pro remedio animæ nostræ, seu parentum nostrorum, nec non & tertii Ottonis, bonæ memoriæ Imperatoris, dilectæque Conjugis nostræ Chunigundæ augustæ interventu, atque Meinwerc sanctæ Paderbrunnensis Ecclesiæ venerabilis Episcopi rogatu, sibi sanctæque suæ Ecclesiæ venerabilis Episcopi rogatu, sibi sanctæque suæ Ecclesiæ a Karolo Magno Imperatore olim fundatæ, nostris vero temporibus incendium passæ, in honore sanctæ Dei genitricis Mariæ semper Virginis, & sancti Kyliani martyris, Liboriique Confessoris dedicatæ, Comitatum, quem Dodico Comes, dum vixit, tenuit, situm videlicet in locis Heffiga, Netga, Nitherga cum omni legalitate in proprium concedimus atque largimur per hanc nostram imperialem paginam; eo videlicet tenore rationis, ut præfatus Episcopus Meinwerc, suiique Successores præscriptæ Ecclesiæ præsidentes, dehinc liberam habeant potestatem de eodem Comitatu ejusque utilitatibus; quidquid eis placuerit faciendi, ad eorum tamen utilitatem Ecclesiæ, omni videlicet inquietudine remota. Et ut hæc nostræ traditionis, seu confirmationis auctoritas stabilis, & inconvulsa omni habeatur tempore, hoc præceptum inde conscriptum manu propria firmavimus, & nostro sigillo percussu insigniri jussimus.

Signum Domni Henrici



victoriosissimi Imperatoris  
Augusti

*Guntberius Cancellarius ad vicem Hercumbaldi Moguntini Archiepiscopi & Archiepiscopi-  
ni recognovit. Data XIV. Calend. Martii. Indictione IV. Anno Dominicæ Incarnat.  
millesimo vicesimo primo, anno vero Domni Henrici secundi regnantis XX, Imperii  
autem VIII. actum Paderbrun feliciter Amen.*

Nobilis & opportunus Comitatus intra sacros diocesis terminos, manet-  
que etiamnum in Episcoporum pote-  
state; nisi quantum vicini Hassi & Co-  
mites Waldecenses subtraxere. Non  
alia fere pars diocesis agrorum fertili-  
tate præstantior. Celebris etiam urbs  
Warburgensis ad Dimolam flumen,  
quæ nomen ex eo Comitatu a vetusta  
Comitis Dodiconis fede arceque retinet.

Immedes-  
husanum  
comitatum  
donat S.  
Henricus  
Ecclesiæ  
Paderbor-  
nensi.

Alter Comitatus Immedeshufanus  
huic contiguus, in eadem frumentaria  
regione Sintveldiæ, Caroli M. prælio  
adversus Saxones celebri, haud minus  
illustris, dono Liudolphi Comitis &  
Imperatoris Henrici accessit ad diocesi-  
fin. Ejus vero donationistabulæ, quia  
nobis interciderunt, juvat ea referre,  
quæ Auctor vitæ Meinwerco scribit.  
*Die quoque Kalendarum Martiarum  
proximarum, alium quendam Comita-  
tum in Immedeshusen, interventu Be-  
nedicti Papæ, Cunigundæ Imperatricis  
Augustæ, Everhardi Bavenbergensis Ec-  
clesiæ Episcopi, Piligrini ejusdem Ec-  
clesiæ Præpositi, regiique Cancellarii  
obtinet, quem situm in locis Sorad-  
veldt, Sinutveldt, Armunga, Treve-  
resga, Burclau Liudolphus Comes,  
dum vixit, tenuit; ea ratione, ut nec  
ipse Meinmercus Episcopus, nec aliquis  
Successorum suorum, ullam potestatem  
haberet alicui suo militi, vel extraneo  
eundem Comitatum in beneficium dan-  
di, sed ministerialis ipsius Ecclesiæ, qui  
pro tempore fuit, præsit prædicto Co-  
mitatui; ac de ejus utilitatibus provi-  
deat, ad restaurationem constructionis  
ipsius Ecclesiæ, ut inde muri releven-  
tur, tecta reparentur, & quidquid op-  
portunum fuerit ad corporalem formam  
ipsius domus Domini, ibi inde admini-  
stretur.* Cessit ergo totus ille Comita-  
tus ad fabricam Ecclesiæ, & quod fa-  
tali incendio illatum est damnum, Deus  
tanta largitate Imperatoris & piorum  
hominum compensavit; alias forte non  
tam illustris Basilica, nec tantæ opes  
accessuræ, adeo providentiæ divinæ est  
ex malis redintegrare uberius bona.

At Meinwerco non continuo Co-  
mitatum Warburgensem adire concessit.

sum; suos enim invidos & æmulos pas-  
sus. *Quidam enim propinquorum Do-  
diconis Comitis, ut hæc quoque verbis  
auctoris nostri memorem, Bern nomi-  
ne, traditionem, quam idem Comes,  
& Sigehodus Ecclesiæ Paderbornensi fe-  
cerant, infirmare judicio sæculari atten-  
tavit, & multis conciliis habitis, ad  
ultimum in natali S. Damasi Papæ, in  
Ermenneswerethe, in præsentia Henrici  
Imperatoris, Aribonis Moguntini Ar-  
chiepiscopi, & Episcoporum Wizelini  
Strazeburgensis, Adalbaldi Trajecten-  
sis, Udonis, Herimanni Comitum, &  
aliorum multorum, omni querela post-  
posita, plenaria reconciliatione pacatus  
cessavit, & octoginta tres libras ab Epi-  
scopo accepit; in Gandersheim xx unci-  
as auri; XLVI libras argenti; unum  
pallium pro IV libris; & xxx equas;  
astantibus Wizelino Episcopo prædicto,  
Reinwardo, qui advocatus fuit, Udone,  
Sigefrido, Ezzikone, Liudulfo, Be-  
celmo de Suevan comitibus, Conone fi-  
lio Ducis Ottonis, ejusque milite Zei-  
zulfo, aliisque multis. Frequens hic  
coram Henrico Imperatore congressus  
fuit, quo controversia omnis decisa,  
& Comitatus Warburgensis Meinwerco  
cessit.*

Controver-  
sia de War-  
burgensi  
comitatu a  
propinquis  
mota com-  
ponitur.  
Auctor vitæ  
Meinw.

Nec minus celebris conventus, de  
quo historici Trajectenses, cum pri-  
misque Gerbrandus de Leida. Me-  
morant illi anno 1021 Tulpiaci, 4 no-  
nas Januarii, coram Imperatore con-  
venisse Adelboldum Ultrajectensem  
Episcopum cum Ecclesiæ suæ ministe-  
rialibus (ex quibus Dux Brabantiae Da-  
piferum Episcopi, Comes Hollandiæ  
Marescallum, Comes Gelriæ venato-  
rem, Comes Cliviæ Camerarium, Co-  
mes de Benthem Janitorem, Comes  
de Cuke Pincernam, Comes de Chore  
Signiferum, egerit) omnesque Adel-  
boldo Episcopo juramentum fidei di-  
xisse. Ea tum Episcoporum dignitas  
erat ac potentia, cum illi primi post  
Cæsarem essent Imperii Principes, &  
rari adhuc per Germaniam Duces, ac  
sæculares Principes. Sed quid nunc  
ille nobilis Episcopatus, & seminari-  
um christianæ religionis per Frisiam  
& Sa-



& Saxoniam nostram? nisi quod Severus Imperator dixit. *Omnia fui, & nihil sum præter umbram.* Sed nostra repetamus.

Henricus  
ad preces  
Meinwerco  
benefacit  
Monasterio  
Ganders-  
heimensi.

Non satis erat Meinwerco Ecclesiæ suæ necessitatibus prospicere; etiam aliis ut benefaceret sedulo adlaborabat; testes esse possunt sequentes tabulæ, quibus ad illius intercessionem integer Comitatus Monasterio Gandersheimensi ab Henrico donatus.

*In Nomine Individuæ Trinitatis.*  
Heinricus divina favente clementia Rom. Imp. Augustus. Si fidelium nostrorum votis probabilibus præbere assensum, iusta illorum desideria in humanis, maiorem autem in Ecclesiasticis utilitatibus clementiam audivimus atque proficimus; id profecto ante omnia nostræ salutis atque regni stabilitati proficere certissime confidimus. Proinde noverit omnium Christi nostrorumque fidelium universitas, qualiter nos per instinctum dilectæ conjugis nostræ Cunigundæ videl. Imperatr. Augustæ, nec non fidelissimi nostri Piligrini venerabilis Coloniensis Archie-

piscopi, imo familiaris nostri Meinwerco Paderbornensis Ecclesiæ Pontif. pro amore atque petitione nomine tenus sororis respectivæ ac consanguineæ nostræ, Domnæ Sophiæ Gandersheim Monasterii matris atque domnæ, nec non pro recordatione atque requie patris nostri Henrici Bavariæ Ducis animæ, cujus ossa requiescunt in eodem monasterio; talem Comitatum qualem Otto Comes ex imperiali nostro munere infra hos quippe pagos Gandersheimigawi, Grenigabi, Fretenigabi, Flentigabi, Auganagawi, Vierzigawawi, Erigawawi, & insuper quicquid his duobus pagis Eilwerigawi, & Ammerigawi visus est habere, ad Altare Sanctorum Confessorum pariterque Pontif. B. scil. Anastasii atque Innocentii, in quorum honorem prædictum Gandersheimense monasterium constructum atque consecratum est, prout iuste ac legaliter possumus, per hanc imperialem paginam donamus atque largimur in proprium. Et ut hæc nostræ traditionis auctoritas stabilis permaneat, eam manu propria roborantes, sigilli nostri impressione iussimus signari.

Locus Sigilli.

Signum Domni Henrici



Romanorum invictissimi  
semper Augusti.

Guntberus Cancellarius vice Erchembaldi Archiepiscopi recognovi. Data anno ab incarnatione Domini nostri Jesu Christi MXXI. indict. IV. anno vero Domni Henrici Imperatoris regnantis XX. Imperantis VIII. Actum X. Kalend. Augusti Noviomago feliciter amen.

Illustrationem  
Episcoporum  
et obitus  
Auctoris vite  
Meinwerco.

Annus hic præclaros Episcopos sustulit. Primo Erkenbaldum Moguntinum Archiepiscopum & Metropolitanum nostrum, Meinwerco intimum, cui Aribio Imperatoris Capellanus aulæque Sacerdos subrogatus; falliturque Schafnaburgensis, qui anno superiori obiisse tradit; nam sub initium hujus anni adhuc vixisse testantur tabulæ a nobis productæ, in quibus Guntherius ejus vice adhuc subscripsit; sub exitum vero hujus anni, ut mox retulimus, Aribio inter Episcopos arbitros refertur, ut recte Marianus Scotus ad hunc annum mortem ejus adscripserit: nutante hac super re Serrario, eo quod Schafnaburgensis Erkenbaldi obitum ad

superiorem annum retulerit. Duodecimo dehinc Calendas Novembris transiit ad superos D. Bernwardus Hildesimensis Episcopus, gesto per 30 annos sacro præfulis munere. Vir admirandæ sanctitatis, multisque miraculis clarus, Successorem nactus D. Godehardum, paris sanctimoniam virum. Tertius conjungitur D. Heribertus Coloniensis Archiepiscopus, quem alii hoc anno xvi Martii obiisse volunt, quos inter Bollandus id contendit ex Lamberto Tuitiensi, & sepulchri inscriptione: aliis contra in sequentem annum mortem rejicientibus. Successor Heriberto datus ab Imperatore Piligrinus, Bambergensis Ecclesiæ Præpositus, ac regius

Vita Bernw.  
apud Bro-  
uwer. in so-  
deribus.  
Sigebertus  
Marianus  
Scotus.  
Herman.  
contr.  
Bolland. in  
comment. ad  
vitam Hae-  
riberti.  
Auctor vite  
Meinwerco.  
Appendix  
ad vitam  
S. Bern-  
wardi.  
Broguerus  
in notis ad  
eandem.

Qq

S. Bernwardus Piligrinus, no mendicanti Coloniensem Archiepiscopus parum prædicat.

regius Cancellarius, ut eum auctor supra noster relatus appellat, quo in munere XIII Calend. Martii adhuc versatus ab eodem proditur. Mirum de hoc Piligrino vaticinium D. Bernwardi traditur; nam cum adolescens Hildefii in scholis versaretur, & pro more studiorum puerorum accederet ad fores aulae Episcopalis stipem rogando, idque audiret Bernwardus, vade, inquit ad famulum, & Episcopum Coloniensem introducito: advolat ille ad januam, & renunciat neminem foris adesse præter scholarem pauperem: age, inquit Bernwardus, & adolescentem huc introducito; hic enim aliquando Episcopus erit. Ac mox honorifice exceptum in capite mensæ supra convivas collocat, tractatque ceteris etiam lautius. Soluta mensa, dum puer rubore perfusus gratias agit Episcopo, non aliud mihi, inquit Bernwardus, rependes, quam ut Episcopus Coloniensis aliquando futurus, primum Missæ sacrificium, quod Coloniae facturus es, pro Bernwardo decantes. Memor ejus Piligrinus primum, quod Coloniae obtulit sacrificium, Cantores præveniens repente, pro defunctis orsus est, stupentibus qui aderant; cumque prima parte sa-

crificii Bernwardi memoriam inter vivos ageret, post inter salutaris victimæ consecrationem de morte ejus edoctus, juxta precum formam, memoriam Bernwardi inter mortuos fecit. Boici Scriptores hæc inter narrationis fabulas reponunt, quod Piligrinum gente Bojæ ac nobilem fuisse tradant, de quo verisimile non sit stipem collegisse inter pauperes: tanquam Henricus Imperator, dum Hildefii versaretur in scholis, non etiam parce in clero sit habitus, aut indecorum sit Boico nomini, nobilem inter Saxones procul a suis quære vitæ subsidium: aut moris nunquam fuerit in Saxonia ingenuos etiam adolescentes repentino cantu obire domos, festis cum primis D. Martini & Nicolai, aliisque per annum celebrioribus. Quamquam uti hæc auctor refert, multum in chronologia vacillent, dum id anno demum XXIII accidisse tradit. Sed fuerit id primum sacrificium, quod pontificali apparatu Coloniae peregit, cum primisque in eorum sententia, qui Heribertum mense Martio anno 1022. obiisse scribunt; utcunque se habeant, quæ de obitus die cognito, & sacrificio ipsa hora excessus oblato referuntur.

Brunnensis lib. 9. rrr. Bava. Hist. Bav. var. p. 1. lib. 16.

## Annus Christi 1022.

Benedicti VIII. Pont. 11. Henrici II. Reg. 21. Imper. 9.  
\* Meinweri Ep. Pad. 14.

Annus dehinc proximus, Christi M. XXII, memoratur a cœli inclementia fatalis; nam tanta siccitate laboratum, ut æstu prægravante mortales passim deficerent, & armentorum greges ob aquarum inopiam siti intolerabili contabescerent. Mirum etiam, columnas & pavimenta tanto sudore maduisse, ut aquis perfusa crederentur. Fatalis quoque hic annus duorum Episcoporum Saxoniorum excessu, Theodorici primum Mimigardensis Episcopi. Magna is laude, magnoque honore per x annos Ecclesiam suam administravit; multumque a Dithmaro commendatur a natalium splendore, egregia indole, & virtutum aspectu; de quibus supra etiam relatum est. Eoque nobis etiam non prætereundus, quod Auctor vitæ Meinweri, quocum amicissime vixit, inter illustres horum temporum Episcopos claruisse memoret. Quod vero chronicorum Monasterien-

sium Scriptores referunt, cum pontificia auctoritate Sacerdotes & clericos Cathedralis Ecclesiæ, qui sub fratrum nomine ad ejus tempora secundum institutum D. Benedicti vixerant, detracto habitu & ritu, ad Canonicam vitam reduxisse, id inter fabulas imperitorum istorum Scriptorum referas; cum a D. Ludgero ea in Ecclesia canonicum institutum viguerit, uti ab eo ceptum est, & a Gerfrido, Alfrido, ceterisque Episcopis Successoribus servatum: Monachos illi in Werthinense cœnobium a se conditum introducere, non in Ecclesiam Monasteriensem; neque tres illi primi Episcopi Monachi fuere, sed clerici. Unwanum ex Bremensi Ecclesia proscripsisse Monachicos ritus haud mirum, quando Ansgarius, alique ejus loci primi Archiepiscopi ex Corbeienfi cœnobio sumpti eos introduxerant. Successorem tamen habuit Theodoricus Sigefridum, Abbatem Monasterii S. Joan-

Cathedralis Monasterii collegium non constituitur primo ex monachis, sed Canonicis.

Sigebertus in chron.

Theodorici Episcopi Monasteriensis obitus. Auctor vitæ Meinweri, Crantzius lib. 3. Me. vop. c. 46.

S. Joannis, quod prope Magdenburgum erat, virum illustrium natalium ortu, patre nimirum Sigefrido Comite Walbecano orientalis Saxoniae natum, eoque ab Henrico Imperatore ad sedem illam translatum. Neque ille clerum ad Monachorum institutum traduxit; quemadmodum neque tot Moguntini Archiepiscopi ex Abbatibus Fuldensibus, neque alii Episcopi alibi ex Monachis impositi fecere; quod & vetustius, & longe eminentius sit cleri institutum, ad regendam Ecclesiam ordinatum, quam Monachorum. Alter Saxonicus Episcopus hoc anno morte subactus, Theodericus Mindensis antistes, saepe etiam a nobis ex tabulis, & conventibus Episcoporum relatus. Vir ea aetate egregius, ac gesto in XVI annum magistratu spectabilis. Subrogatus illi Sigebertus.

Meibem. in  
chron. Wal-  
becano.

Mors The-  
oderici Epi-  
scopi Min-  
denis.  
Auctor vita  
Meinw.  
Chron.  
Mund.

Militaris in  
Italiam ex-  
peditio  
Popponis &  
Pilgrini  
ducibus ad-  
ornatur.

Meinwer-  
cus S. Hen-  
ricum Pa-  
derbornam  
invitat.

Memorabilis hoc anno expeditio Italica, urgente Benedicto Romano Pontifice per legatos. Quam in rem synodum Aquisgranensem ab Imperatore convocatam tradunt ex Sigeberto, convenientibus ex tota Germania Episcopis. Sed ea expeditio non nisi sub exitum anni suscepta, magno armorum apparatu. - Auctor est Leo Ostiensis Popponem Trevirensis Archiepiscopum cum undecim armatorum millibus praemissum in Italiam, quem Pilgrinus Colonienfis Archiepiscopus cum viginti millibus selectorum militum subsecutus est, ad Graecos ex Apulia depellendos. Productum id bellum in aetatem sequentis anni. Imperator interim 3. Nonas Novemb. Gronae ad Visurgim versatus, Abbatiam S. Michaelis a D. Bernwardo Hildefii conditam dotatamque confirmavit, ut tabulae pervetustae ejus coenobii docent. Deinde a Meinwerco invitatus Paderbornam, laxandi animi causa, cum familiari suo Episcopo egit, uti acta & donationum tabulae, quas referemus satis restabuntur; id quod a ceteris Scriptoris non satis observatum est. Meinwerco enim cum extructum a se Monasterium Monachorum acceleratis operibus ad fastigium prope perduxisset, chori etiam fornice suspensio, ratus Imperatoris praesentia & liberalitate donum aliquod accessurum, Henricum Paderbornam ad natalitia festa invitavit. Imperator accepta invitatione se tem-

pore adfuturum renunciat, simul commonens, ut quae sint ad hospitium tractationem, atque ad Imperatorem digne accipiendum necessaria, sedulo procuraret. Meinwerco ut regio aliquo domino occuparet animum Imperatoris, pallium, fieri curavit ex agnorum vellerebus suffultum; cujus limbos pellibus obduci intexique voluit, quam in rem omnes foetas oves mactari jussit, agnosque ex utero detrahi, quorum molissima adhuc vellera erant. Id postquam ab aulae proceribus exploratum, delatumque est Caesari, cur, inquit ille ad Episcopum, majestatis regiae amorisque nostri oblitus, tam vile indumentum mihi offerre non pudet? ad quae Meinwerco, nihil ego indecorum offero, quod mercatorum judicio probatum non habeo. Tu interim vide Imperator, uti pauperi meae Ecclesiae satisfacias, quam ego tui causa necesse habui spoliare tot agnis per villas occisis. Risit ad ea Imperator, & si quem, inquit, ego defraudavi, reddam in quadruplum, ac mox praedium steini, agris, pascuis, silvis, & venatione opulentum dari praecipit. Qua super re proximo dehinc anno publicae donationum tabulae confecta.

Pallium  
velleribus  
ovinis suf-  
fultum of-  
fert S. Hen-  
rico.

Et ab eo-  
dem vicis-  
sim dona-  
tur Steini  
menti pra-  
dio.

Argentum  
S. Henrici  
scyphum  
in Calicem  
verit.

Aderat pervigilium Natalis Domini, in quo, decantatis vespertinis laudibus, Imperator argenteum scyphum mirifici operis, optimoque liquore plenum Meinwerco misit; datumque famulo in mandatis, scyphum referret ad aulam. Hunc vero cum famulus repeteret, & Meinwerco sibi cum vino donatum obtenderet, haud levis altercatio orta est inter utrumque, nec prius finem habuit, quam Meinwerco fores praeccluderet. Mox aurifex advocatus, jussusque ipsa natalis die nocte scyphum formare in calicem, quem repente Meinwerco in primo noctis sacro, quod in monasterio novo praesente Imperatore peragebatur, consecravit, ministrisque tradidit ad usum divinorum mysteriorum. Id cum Imperatoris Sacellanus, Diaconi munere functus, ex inscriptione advertisset, calicem etiam subduxit, retulitque ad Imperatorem. Ille vero vestigio Episcopum adiens, furti incusat, ac mirari se, inquit, uti rapinam in holocausto Deo gratam facere possit. Ad quae Meinwerco, non

ego rapinam feci, sed ea, quæ ad luxum tibi sunt verti in cultum divinum: tu si audes repetere, & retine. Ego, inquit Imperator, quæ semel Deo consecrata sunt, absit ut tollam, sed quæ mea sunt Deo rite offeram. Igitur postquam ad oblationem sacrificii perventum, calicem altari impositum obtulit, cui multa precatus prospere Episcopus, gratias pro insigni dono habuit.

Ervetenſe prædium a S. Henrico per altum exprimit.

Succedebat alterum Missæ sacrificium, quod ad auroram in natali Christi agitur; & cum pro more Imperator cum Imperatrice ad oblationem procederent; sacris Meinwerco operante, Imperatricis donum admisit, Imperatoris rejecit palam, Ervete prædium regale, quod hætenus sollicitarat, sibi dari offerrique poscens. Quid hic ageret Imperator, circumventus inter sacra importunis Meinwercki, & opportunis simul Cunigundæ precibus? advocat Notarios, & clam tabulas donationis confici jubet; inde ad tertium ac solemne Missæ sacrificium cum Imperatrice & procerum turba progressus est, diu dissimulando apud Meinwercum, quid actum esset. Post ubi ad oblationem perventum, tabulas altari imponit, quibus professus se prædium Ervete Virgini genitrici, Kiliano & Liborio donare. Latus adhæc Meinwerkus exclamat, Deus tibi Imperator multo largius hoc donum Ecclesiæ meæ rependat. Tum vero Imperator, averſo vultu *submurmurando*, tanquam indignabundus, & tibi, inquit, ignoscat Deus, qui me concessis Regni bonis spoliare non cessas; serione an joco, incertum habeas. Nam multa hujusmodi Auctor noster denarrat, quæ inter Henricum Imperatorem & Episcopum sibi familiarissimum acta sunt. Aulam aliquando Imperatoris ingressus Meinwerkus, vidit pallium augustale mirifici operis & decoris suspensum hære, quod Episcopus, Imperatore aliis occupato, clam sustulit, & in ornatum sacrorum convertit. Tanta inter utrumque erat amoris fiducia, ut nec Imperator aliter offensus sit, quam quod diceret eum furti hujus aliquando pœnas daturum: nec Meinwerkus aliter excusare necesse habuerit, quam quod responderet, hæc dignius in sacrorum usum, quam vanitatis ornatum impendi.

Ejusdem Pallium in ornatum altaris permutat.

Nec minus Imperator ausus per jocum experiri Meinwercki amicitiam. Quippe cum sciret eum multis curis, ac negotiis distrahi, ac sæpe etiam linguæ latinæ leges negligere, Imperator cum Sacellano suo in collecta prece pro defunctis e nominibus famulis & famulabus primas syllabas erasit; igitur ubi rogatus ab Imperatore dicere sacrum funebre, inconsiderate legit pro mulis & mulabus; quanquam, errore mox doloque animadverso, se correxerit Meinwerkus. Finito sacrificio Imperator Meinwercum vocat ad se. Et quid, inquit Meinwerce, ego pro patre & matre petii sacrum funebre legi, non pro mulis & mulabus. Sensit illico, Meinwerkus, quo hæc interrogatio ex auctore doli spectaret; nec leviter indignatus in sacris se delusum, etsi cum Imperatore dissimularit, Sacellanium tamen verberibus castigari jussit, castigatumque novis vestibibus donatum, indutumque ad Imperatorem remisit, nunciatum quæ sibi facta essent.

Ludificans tem se in sacro funebri Sacellanium Regium castigat.

Liberaliori etiam joco Meinwercum aliquando delusit Imperator. Schedulas diversas per Notarios aureis literis notatas confici jussit, quibus inscriptum, *Meinwerce Episcope dispone domui tuæ, morieris enim quinta die*. Harum una dum in hyemali domo ad mensam federet, e superiori habiraculo demissa ante Episcopum; aliæ aliis in locis, per quæ transeundum erat, sparsæ; lectoque in his mortis suæ argumento primum haud leviter percussus cohorrui; mox animo ad mortem composito, Deo gratias egit; vocatoque ad se Vicedomino, cujus munus erat œconomiam Episcopi procurare, omnia, quæ vel in ære, vel annona, vel in vestiario habebat, in Ecclesiæ & pauperum dona erogari jussit, retentis tantummodo vilibus indumentis, & quæ ad sepulturam honestam facerent. Inde quod reliquum erat temporis, jejuniis, precibus, vigiliis, Missæ sacrificiis dies noctesque insumptum. Transacta jam quinta die cum in crypta prostratus jaceret ad medium noctis; nec ullo morbi mortisve indicio tentaretur, cœpit, quod sani est hominis, esurire & Imperatorem habere suspectum, qui hanc fictæ mortis scenam sibi parasset; regressusque ad cubiculum cœpit corpus inedia fatigatum reficere.

Pronuntiata sibi fictæ mortis auctorem Henricum excommunicat.

ficere. Mane postquam diluxerat, accessit Imperator magno procerum comitatu, & Meinwerco haud aliter gratulatur, quam qui cum Lazaro e sepulchro ad vitam rediisset: multosque simul vitæ annos precantur singuli. At non hunc jocum sibi esse voluit Meinwerco: quippe ante Missarum solemnium pulpiti conscendens, cum pauca pro tempore dixisset ad populum de Sacerdotali honore & dignitate, postremum quæ sibi illusio facta esset exposuit, ideoque palam omnes facti huius auctores pro Episcopali auctoritate Sacris & consortio Ecclesiæ interdixit; nec prius ad reconciliationem admisit, quam Imperator & Imperatrix inter publice poenitentes ad ostium Ecclesiæ absoluti ad se introducerentur. Hæc auctor noster, a quo fidem exigas: nec aliena prorsus reputaverit quispiam, aut inofficiosa, qui Henrici Imperatoris & Meinwerco conjunctionem vitæ, morum, & sanguinis expenderit. Fuit præterea, præter fida aulae servitia, multis lepos, jocique genus urbanum nec illiberale in Meinwerco, quo magnopere delectatus Imperator; & prætica tum pietas candorque sæculi vige-  
bat, procul a nostrorum temporum politia & fastu; itaque in Consanguinei Principis penetrarat animum Meinwerco auctoritate & gratia, ut nulla res fere clausa fuerit, quam non integritas Episcopi, aut insita Cæsaris benignitas aperiret. Sed ut his pauci offenduntur, quando inter sanctos viros sæpe joci non illaudati bonique; ita nihil magis reprehendunt in Meinwerco heterodoxi Scriptores, quam immodicum ejus in accumulandis bonis Ecclesiæ studium; hinc passim cupiditatis & ava-

ritiæ insimulatur, qui Cæsarem bonis Imperii spoliavit. Quod vitium ceteris quoque Episcopis maligne affricant, quorquot opes suas Cæsarium largitate ad tantam potentiam evexere. Sed ubi nunc urbes, Oppida, Castella, arces, ac cetera prædia bonaque, præter ea, quæ Episcopis cessere? Innumera fuere per Saxoniam & Germaniam, quæ Cæsaribus prærepta modo in Principum, Marchionum, & Comitum hereditarias possessiones transiere, quibus tamen nemo heterodoxorum spoliatos esse Cæsares queritur; imo quid nunc ipsa prædia ac bona per Saxoniam, quæ a Carolo M. ceteri Imperatores Episcopis, Collegiis, & cœnobiis dedere, nisi spolia hæresis? In hæc illos primum animadvertere oculos & animum oportebat, qui donationibus sacris Imperium imminutum contendunt; nec illi recognoscunt Episcopos semper Cæsaribus fidissimos astitisse inter Imperii Principes, & regale Christi Sacerdotium humerum fuisse Christianæ religionis, quo Ecclesiæ & Imperii onera ferebantur. Ac nisi Episcopi nostra ætate sustinuissem labentem religionem Catholicam, ne provinciam quidem Saxonia, aut Germania possideret integram, quam non hæresis locustarum instar cum ceteris depasta fuisset: quod cum Bellarmini aliorumque sapientum sit judicium, tum res ipsa demonstrat, ut jam longo divinæ ordinationis provisu, Episcopi per Saxoniam a Cæsaribus in eas opes & diocesium amplitudinem inter Principes provecti censerī debeant; nec querela in Meinwerco nostrum intendi possit. Cujus Episcopatus in hunc diem catholica religione est servatus.

## Annus Christi 1023.

Benedicti VIII. Pont. 12. Henrici II. Reg. 22. Imper. 10.

Meinwerco Ep. Pad. 15.

Hic ego, ut anni hujus gesta publica tantisper transeam, & ad præsentia me referam, quæ Paderbornæ inter Episcopum & Imperatorem acta sunt, quæque Meinwerco ab Imperatore per id tempus pro Ecclesia sua impetravit, necesse habeo aliquot donationum tabulas exhibere; quas & ipse Auctor vitæ Meinwerco indicat. Ac licet donatio prædii Erviani interciderit, aliæ tamen suppetunt ex hoc Pa-

derbörnenſi congressu, quarum prima est villa Steini, ex qua opinari fas erit celebre dehinc Oppidum **Steinheim** cultu Incolarum emerſiſſe, tabulæ ſic habent.

Tabulæ  
Prædii Stei-  
nemenſis  
donati a  
S. Henrico.

*In nomine sanctæ & individue Trinitatis. Henricus divina favente clementia Romanorum Imperator Augustus. Si venerabilia Ecclesiarum Dei loca ditare ac sublimare studuerimus, nobis*

nobis id animæque nostro remedio, parentumque nostrorum, nec non regni nostri statui profuturum esse minime dubitamus. Quapropter noverit omnium Christi fidelium nostrorumque universitas, qualiter nos inspicientes interventum dilectissimæ conjugis nostræ Cuningundæ Imperatricis augustæ, assidue monentis atque incessabiliter nobis in memoriam reducentis, quod Meinwercus Paderbornensis Ecclesiæ venerabilis Episcopus, plus ceteris fidelibus nostris in servitute nostra jugi devotione sudavit, eidem Paderbrunnensi Ecclesiæ, in honorem sanctæ Dei genitricis Mariæ, sanctique Kiliani martyris, nec non preciosi Confessoris Liborii dedicatæ, cui idem nobis dilectus Antistes præesse videtur, quoddam prædium nostrum Steini dictum, situm in pago Westfalon, in Comitatu vero Bernhardi Comititis, cum omnibus ejusdem prædii pertinentiis, terris videlicet cultis & incultis, curtificiis, areis, ædificiis, mancipiis

utriusque sexus, pratis, pascuis, silvis, venationibus, aquis aquarumque decursibus, piscationibus, molendinis, viis & inviiis, exitibus & redivis, quæsitis vel inquirendis, ceterisque omnibus, quæ quomodocunque dici, sive scribi, aut nominari possunt, utilitatibus ad ipsum prædium pertinentibus, per hanc nostram imperialem paginam concedimus atque largimur, & de nostro jure ac dominio in ejus jus ac dominium omnino transfundimus; ea videlicet ratione, ut prædictus Meinwercus Episcopus sibi que Succedentes liberam habeant de eodem prædio ejusque pertinentiis potestatem, quidquid eis placuerit ad usum Ecclesiæ faciendi, omnium hominum regni nostri contradictione remota. Et ut hæc nostræ ingenuitatis auctoritas stabilis & inconvulsa omni posthinc permaneat tempore, hoc imperiale præceptum inde conscriptum manu propria confirmantes, sigilli nostri impressione jussimus insigniri.

Signum Domini Henrici



Romanorum invictissimi Imperatoris Augusti.

Gumtherius Cancellarius vice Aribonis Archicappellani recognovit. Data XIX Calend. Februarii. Indict. VI. anno Dominicæ Incarnat. M XXIII. anno vero Domini Henrici secundi regnantis XXI. Imperii autem IX. actum Paderbrunnon feliciter Amen:

Aliz donati  
ab eodem  
Hohunseli  
ni Prædii  
Tabula.

Altera Imperatoris donatio, eodem die consignata, est prædii Hohunseli in hanc formam.

In nomine sanctæ & individue Trinitatis. Henricus divina favente clementia Romanorum Imperator Augustus. Si venerabilia Ecclesiarum Dei loca ditare ac sublimare studuerimus, nobis id animæque nostræ remedio ac parentum nostrorum, nec non regni nostri statui profuturum esse minime dubitamus. Quapropter noverit omnium Christi fidelium nostrorumque universitas, qualiter nos inspicientes interventum dilectissimæ conjugis nostræ Cuningundæ Imperatricis Augustæ, assidue monentis atque incessabiliter nobis in memoriam reducentis, quod Meginwercus Paderbrunnensis Ecclesiæ venerabilis Episcopus plus ceteris fidelibus nostris in servitute nostra jugi devotione sudavit, eidem Paderbrunnensi Ecclesiæ in honorem sanctæ Dei genitricis Mariæ, san-

ctique Kiliani martyris, nec non preciosi Confessoris Liborii dedicatæ, cui idem dilectus nobis Antistes præesse videtur, quoddam nostrum prædium Hohunseli dictum, situm in pago Westfalon, in Comitatu vero Bernhardi Comititis, cum omnibus ejusdem prædii pertinentiis, terris videlicet cultis & incultis, curtificiis, ædificiis, mancipiis utriusque sexus, pratis, pascuis, silvis, venationibus, aquis aquarumque decursibus, piscationibus, molendinis, viis & inviiis, exitibus & redivis, quæsitis & inquirendis, ceterisque omnibus, quæ quomodocunque dici, sive scribi, aut nominari possunt, utilitatibus ad ipsum prædium pertinentibus, per hanc nostram imperialem paginam concedimus atque largimur, & de nostro jure & dominio in ejus jus & dominium omnino transfundimus; Ea videlicet ratione, ut prædictus Meinwercus Episcopus sibi que posthinc Succedentes liberam habeant potestatem de eodem prædio,



dio, ejusque pertinentiis, quidquid eis placuerit, ad usum Ecclesiæ faciendi, omnium hominum regni nostri contradictione remota. Et ut hæc nostræ ingenuitatis auctoritas stabilis & inconvul-

sa omni post hinc permaneat tempore, hoc imperiale præceptum inde conscriptum manu propria confirmantes sigilli nostri impressione jussimus insigniri.

Signum Domni Henrici



Romanorum invictissimi Imperatoris Augusti.

Guntherus Cancellarius vice Aribonis Archicappellani recognovit. Data XVIII. Calend. Februarii. Indictione VI. anno Dominicæ Incarnationis M. XXIII. Anno vero Domni Henrici secundi regnantis XXI. Imperii autem ejus VIII. Actum Paderbrunnon feliciter Amen.

Hardinghusanum prædium a S. Henrico donatum Confungenf per theonui.

Accessit ex eodem liberalitatis sinu tertia donatio Confungenf Monasterio Sanctimonialium facta Paderbornæ, eodem die obfignata in hæc diplomatis verba.

In nomine sanctæ & individue Trinitatis. Henricus divina favente clementia Romanorum Imperator Augustus. Si venerabilia Ecclesiarum Dei loca ditare ac sublimare studuerimus, nobis id regni nostri statui profuturum esse minime dubitamus. Quapropter noverit omnium Christi fidelium, nostrorumque universitas, qualiter nos pro remedio animæ nostræ, dilectissimæque Cunigundæ videlicet Imperatricis augustæ, atque parentum nostrorum, nec non pro animabus fidelium nostrorum, quorum ibi corpora requiescunt, Erphonis scilicet Comitis atque Cononis, monasterio nostro Confunga nominato, in honorem Domini Salvatoris, sanctæque ejus genitricis, nec non victoriosissimæ crucis, atque beati Petri Apostolorum principis constructo, ad usum Sanctimonialium ibidem Deo servientium, quoddam nostri juris prædium Hardinghuson dictum, situm in pago - - - - - in Comi-

tatu vero - - - - - Comitis cum omnibus ejusdem prædii pertinentiis, terris videlicet cultis & incultis, curtificiis, areis, ædificiis, mancipiis utriusque sexus, pratis, pascuis, silvis, venationibus, aquis aquarumque decursibus, piscationibus, molendinis, viis & inviis, exitibus & redditibus, quæstis vel inquirendis, cæterisque omnibus, quæ quomodocunque dici sive scribi possunt, utilitatibus ad ipsum prædium pertinentibus, per hanc nostram imperialem paginam concedimus atque largimur, & de nostro jure ac dominio in ejus jus & dominium transfundimus; Ea videlicet ratione, ut - - - - - Ecclesiæ venerabilis Abbatisa Ota, sibi que post hinc Succedentes liberam habeant de eadem proprietate, ejusque pertinentiis, quidquid eis placuerit ad - - - - - potestatem, omnium hominum regni nostri contradictione remota. Et ut hæc nostræ ingenuitatis auctoritas stabilis & inconvulsa omni posthinc permaneat tempore, hoc imperiale præceptum inde conscriptum manu propria confirmantes, sigilli nostri impressione jussimus insigniri.

Signum Domni Henrici



Romanorum invictissimi Imperatoris Augusti.

Guntherus Cancellarius vice Aribonis Archicappellani recognovit. Datum IX. Calend. Februarii. Indiæ. VI. anno Dominicæ Incarnat M. XXIII. anno vero Domni Henrici secundi regnantis XXI. Imperii autem ejus IX. Actum Paderbrunnon feliciter Amen.

Dithmar: Anßer vira Meiruv. am. 86. Trubemius.

Nobile hoc Collegium Sanctimonialium Virginum, supra etiam a nobis aliquoties memoratum (quod a Dithmaro Capunga, & ab aliis etiam Gauf-

funga scribitur) a Cunigunda Augusta delectum; in quod post obitum Henrici Conjugis secessit, Deo vitam reliquam consecrando: & in quo hanc ipsam

Neglectam Confunga discipula nam Cuno

gunda alapa  
Abbatif  
se inflicta  
vindicat.

ipsam Otam seu Ulam sororis filiam habuit Abbatissam; a qua cum disciplinam solvi intelligeret, atque ipsa frequentius in conviviis quam choro deprehenderetur, Cunigundis aliquando Otæ alapam impressit, cuius plagæ vestigia, dum vixit, inhæserunt. Et quantum ex Auctore vitæ Meinwerco & his tabulis agnoscas, ejus inspectio Meinwerco commissa, & jurisdictio Episcopis Paderbornensibus asserta fuit, quod a Browero observatum; modo præter insignis ædificii rudera nihil hæresis prope reliquit. Adeo etiam tam sanctæ Imperatricis domicilium ac Virginis memoriam cum avita majorum religione abolere furor fuit. Et quanto satius ex hoc diplomate Imperatorio discerent novatores nostri priscam majorum pietatem curamque pro defunctis parentibus & fundatoribus sanctorum locorum.

S. Henricus  
confirmat  
privilegia  
& bona Ab-  
dineckhof-  
sensia.

At non prius post hæc etiam Paderborna discessit Imperator Henricus, quam illustriori diplomate ipsum Abdinghovianum Monasterium D. Benedicti, in quo tantopere laborabat Meinwerco, imperatoria auctoritate & privilegiis confirmaret, quod hæc literæ testantur.

*In nomine sanctæ & individue Trinitatis.* Henricus divina favente clementia Romanorum Imperator Augustus. Quoniam divinæ dignationis clementia ad regendum totius reipublicæ statum nos provexit, suæ immensæ pietatis magnificentia ante omnia ad hoc laborare debemus, ut qui corona terreni imperii gloriamur, illa inestimabilis gaudii gloria non privemur. Quod certissime posse fieri creditur, si loca Ecclesiasticis obsequiis a Christianis viris deputata, nostra auctoritate confirmantur & corroborantur, ut omni exteriori inquietudine remota, divinis laudibus in eis mancipati, in pace & quiete Domino servire delectentur, & qui curis & negotiis secularibus gravamur, eorum, qui in lege ejus die ac nocte meditantur, precibus a peccatorum nostrorum nexibus liberemur. Quapropter omnium fidelium Christi nostrorumque noverit universitas, qualiter dilectus nobis venerabilis Meginwercus Paderbrunnensis Ecclesiæ Antistes celsitudinem nostram adiit suppliciter exorans, ut monasteri-

um in Occidentali parte Paderbrunnensis Suburbii ab eo in honore sanctæ Dei genitricis & perpetuæ Virginis Mariæ, omniumque Sanctorum fundatum, nostra imperiali auctoritate confirmaretur, quatenus fratres ipsius monasterii in divino servitio jugiter permansuri, ab omni seculari violentia & molestia remoti & moniti tanto expeditius viam mandatorum Dei currerent, quanto eis terrenæ incommoditatis impedimenta nulla obstarent. Cujus laudabilis studii intentione congaudentes, & per interventum dilectissimæ Conjugis nostræ videlicet Imperatricis augustæ, aliorumque fidelium nostrorum justis petitionibus gratuito assentientes, imperiali auctoritate decrevimus, ut omnia a nobis, vel ab ipso venerabili Episcopo de sua hæreditate, vel aliunde per commutationem, aut precariam, vel ab aliis Dei cultoribus eidem monasterio collata, videlicet in territoriis, villis, areis; curtibus, ædificiis, mancipiis utriusque sexus, terris cultis & incultis, pratis, campis, pascuis, aquis aquarumque decursibus, molis, molendinis, piscationibus, silvis, venationibus, exitibus & redditibus, viis & inviis, quæsitis & inquirendis, cum omni utilitate & integritate, quæ ullo modo ex eis provenire poterit, ipsius monasterii Abbas cum suis fratribus proprietario jure potestative habeat atque possideat, & cum Episcopi licentia, quidquid illi placuerit, ad communem usum Ecclesiæ faciat. Insuper etiam firmum & stabile perpetuo jure sancimus, ut nullus Dux aut Comes, aut aliqua persona parva vel magna quomodolibet abbatem ipsius monasterii cum suis fratribus super eisdem bonis inquietare, molestare aut divestire, aut aliqua judiciaria potestate se intromittere præsumat, nisi advocatus Ecclesiæ ab abbate & fratribus in defensorem electus, & ab Episcopo constitutus, eo videlicet tenore & jure contentus Ecclesiæ cum præcepto & consilio Abbatis omnia faciat atque disponat. Si quis autem hoc nostræ imperialis confirmationis edictum aliqua præsumptione infringere tentaverit, centum librarum examinati auri ad nostrum pondus compositione mulctetur, ut quinquaginta nostræ Cameræ persolvat, quinquaginta eidem Ecclesiæ, quam ausu temerario inquietare præsumpsit. Et ut hæc confirmatio verius credatur, stabilisque & inconvulsa omni tempore

tempore habeatur, hanc imperialis edicti paginam inde conscribi, & manu propria confirmantes sigillo nostro insigniri iussimus.

Actum Paderbrunnon. datum XIX. Calend. Februarii, Indiēt. VI. anno Dominicæ Incarnationis MXXIII.

Inter hæc Nonis Januarii Meinwercus Episcopus præfente Imperatore Cryptam Monasterii Abdinghoviani solemnî ritu consecravît, in quo sepulchri locum sibi delegit, primumque, antequam in chorum transferretur, annos multos conditus quievit. Altari Cryptæ, quod honori S. Stephani consecravît, lapidem quendam, ut inquit auctor, spectabilis magnitudinis a B. Leone Papa consecratum, & de Ecclesia Thietmelle sive Detmoldiæ allatum imposuit, cui reliquias D. Stephani, aliorumque Sanctorum inclusit, præclaro simul antiquitatis monumento; quo satis constat Leonem Pontificem, dum Paderbornæ Carolum M. conveniret, multas eo anno Ecclesias & altaria per Saxoniam consecrasse. Qua antiquitatis memoria delectatus incensusque D. Henricus Imperator iter Romanum ingressus in Italiam pervenit (utrumne Meinwercum Comitem habuerit, non reperio annotatum) Ex itinere D. Romualdum Abbatem fama sanctitatis celebrem adiit, sciscitaturus ab eo belli eventum, quem a Sancto viro prosperum fore didicit. Inde salutato Romæ Pontifice, ad exercitum perrexit. Poppo & Piligrinus Archiepiscopi, ut iussi erant, moverant adversus Athenulphum Cassinatæm Abbatem & fratrem ejus Pandulphum, qui læsæ majestatis rei comperti erant ob conspirationem cum Græcis, & diram mortem Datto clarissimo Duci illatam; quippe quem culeo insutum projecerant in mare. Athenulphus Abbas cum desperatam causam suam agnosceret, conscensâ navi, qua Constantinopolim profugere voluit, submersus; Pandulphus captus damnatusque capitis; cui tamen, deprecante Piligrino Archiepiscopo, vita condonata. Cæsar per Beneventi fines progressus, omnes urbes, quas Græci Imperio detraxerant, aut deletas, aut expugnatas recepit. Restabat Troja recens, a Græcis operibus & firmo præsidio munita, quam tanquam alteram Trojam non nisi decenni obsidione

expugnandam se objecisse jactabant: ausi etiam dicere brevi Henricum Imperatorem Constantinopoli ad pedes sui Imperatoris trahendum; verum ubi Henricus Imperator machinas bellicas & vim Germanæ militiæ admoveere cœpit, extremamque internecionem omnis ætatis & sexus minitari, tum vero Græci timere Trojæ suæ excidium, atque ad Cæsaris iram placandam emitte- re ex urbe pueros puellasque atque omnem innocentem ætatem, supplicum ritu ac duce anachoreta; quorum miserabili aspectu fletuque Imperator illacrymari visus est. Facta igitur urbis deditione post quartum obsidionis mensem, vita Græcis donata, & Apulia subacta. Inde Cæsar Cassinum revisit, salutatoque Romæ Pontifice in Germaniam maturata profectione vi Calendas Julii rediit, quod Cæli Italici inclementia & fœda lue exercitus prope absumptus, & in eam raritatem adactus esset, ut ex Germania centurias obviam mittere necesse fuerit, quibus honorifice reduceretur.

Per id anni tempus Aribio Moguntinus Archiepiscopus Selingstadii in Dicecesi sua synodum indixit; ad quam convenere Burchardus Wormaliensis, Werenharius Argentinus, Bruno Augustanus, Eberhardus Bambergensis, Meginhardus Wirceburgensis Episcopi, nullo interim ex Saxonici Episcopis præfente. Ejus acta Burchardus ipse, vir eo sæculo eruditione & sanctitate clarus, complexus in appendice, Decretorum. Tractatum multis de Ecclesiastica disciplina in concordem formam redigenda, quæ Patres in viginti Canonum leges digessere: quam non omnes receptæ, cum primis quæ de jejuniis XL dierum ante Natiuitatem Christi, & S. Joannis Baptistæ festum sancita sunt; uti & hæc Micrologus ejus sæculi scriptor erudite disceptat.

Exinde Cæsar se ad Colloquium cum Roberto Francorum Rege contulit: congressi super Carum annum ad Ivodium vicum, seu ut Glaber ad Mosam, pacis & concordie firmandæ causa. Ibi cum aulæ utriusque proceres pro ambitione certamen facerent, dicerentque in medio fluminis congressum faciendum, ne si alter Principum in alteram

Synodus Selingstadiana. Burchardus in Appendice Decretorum. Auctor vita Meinw. Tomi Conciliorum Colon. & Parisiens. Baronius.

Sigebertus Glaber. S. Henricus cum Roberto Francorum Rege congruitur.

Auctor vita Meinw. num. 80.

S. Henricus Italiam perit, & Græcos expugnat.

alteram ripam prius ad alterum transiret, jactura honoris fieret, Henricus Imperator occupato transitu diluculo cum Cunigunda Imperatrice in complexum Roberti venit. Tum, ut ambo religiosissimi erant Principes, audito sacrificio Missæ, de statu Regni & Ecclesiæ pertractarunt. Quibus amice peractis, certatum est muneribus primo die ab Rege, altero ab Imperatore, postquam Rex transito vicissim flumine Imperatorem adiit. Sane Imperator, ut Sigebertus est auctor, & Reginam, & aulæ proceres, qui ad demirandam Imperatoriam majestatem convenerant, tanta liberalitate donavit, ut opibus regum Persarum atque Arabum posset comparari Imperatoris munificentia. Omnium pulcherrimum hujus congressus opus, quo inter utrumque Principem convenit ad Benedictum Pontificem proficisci, & quæ sapienter constituta

erant, ejus arbitrio submittere; verum id consilium & mors Pontificis, atque ipsius Cæsaris, quæ proximo anno consecuta est, intercepit.

Interim hoc anno ex Saxonis Episcopis 17 Calend. Maji morte substractus Diechmarus XIV Osnabrugensis Episcopus (quem auctor noster inter eminentissimos horum temporum Episcopos, haud secus quam Dithmarus perceret) *vir integerrimæ vitæ, dulcis in alloquio efficax in factis, qui pari semper studio disciplinam cleri & Ecclesiæ suæ augmentum complexus: assiduus in precibus & lectione sacrarum librorum, postremis vitæ annis, quibus oculorum omnem usum amiserat, non nisi cælestium meditatione Deo conjunctissimus:* Ejus monumentum pietatis est celebre Collegium Canonorum in urbe Osnabrugensi, quod D. Joanni consecravit.

Dietmar  
Osnabru-  
gensis Præ-  
sulis in-  
tegrimi  
obitus  
Auctor vita  
Meinw.  
Dithmarus,  
Ertmannus  
in chron.  
Osnabru-  
gensis.

## Annus Christi 1024.

Joannis XX. Pont. I. Henrici II. Reg. 23. Imper. I I.

Conradi II. Regis I. Meinweri Ep. Pad. 16.

At longe majore luctu Imperii annus insequens Christi, nimirum Mxxiv, Henricum Imperatorem sustulit. Hic postquam omnia per Imperium composuisset, incessit eum cupido invadendi Hungariam, ac cum Stephano sanctissimo Rege haud secus quam cum Roberto Galliarum Rege fecerat, tractandi de Ecclesiæ, & Imperii tranquillitate. Sub exitum anni *Bambergam* concessit; quo in loco *Natalem Domini* peregit, ut auctor in Hodeporico Cæsaris scripsit: fallique cognoscas, qui Paderbornæ hoc anno *Natalitia Christi* celebrasse perhibent. Pergit idem scriptor: *Cæsar diversis doloribus vexatus, eodem loco diuturnas moras pertraxit, resumptisque demum viribus, citato cursu Parthenopolim ire proposuit. Tandem post longam deliberationem laboriosi itineris, diem Palmarum in loco, qui dicitur Alstide festivo celebravit: die vero reconciliationis exigente infirmitatis gravedine, remota a se, quæ convenerat, multitudo, paucis comitantibus Merseburgi cœnam Domini peregit. In sancto vero Sabbato, contracto totius senatus conventu, comitante Imperatrice Cunigunde Parthenopolim venit, ubi cum grandi honore susceptus est, Dominicæ quoque Resurrectionis gaudia celebri ho-*

S. Henricus  
Gronæ mo-  
ritur.

Chron. Sax.  
vetus.  
Brouwerus.  
in notis ad  
vitam  
Meinw.

nore transegit, Deinde ab Antistite ejusdem loci Hunfrido videlicet, qui Geroni jam successerat, sericis ornamentis auro intextis donatus, Halberstadtum adiit. Inde nihilominus Goslarum profectus est, ubi diebus decem peractis ad locum quendam Grona dictum properat, ibique gravi ægritudine depressus vitalem spiritum emisit. Ita paucis scriptor exitum vitæ complexus est; locumque mortis, pari brevitate auctor noster: Henricus Imperator *pro laboribus hujus vitæ cælesti bravio donandus, Gronæ decumbens cum incredibili totius Christianitatis mœrore, anno vitæ suæ LII. Regni xxvi, imperii xi, Dominicæ Incarnationis cxxxiv est defunctus; dies mortis 14 dies Julii consignatus. Urgente periculo mortis, ut Sigebertus est auctor, quod ex Cunigunda nullam prolem tulerat, consultus a proceribus, qui aderant, de Successore, Conradum Franconiæ Ducem, virum illustrem natalium splendore atque armis præstantem nominavit: præclaro ad posteros documento, quod huic viro, quem, dum viveret, præceteris sibi adversarium habuerat, ante omnes Imperii coronam deferri voluerit. Dein cum supremam sibi diem adesse videret, convocatis Cunigundæ*

Auctor vita  
Meinw.  
Vita Henrici  
apud Grato-  
rum &  
Surium.  
Wippo  
presbyt.  
Sigebertus  
Successor  
rem defi-  
gnat Conra-  
dum Fran-  
conum Duo-  
cem.  
Otto Pri-  
sing. in  
Conrado.

Con-

Virginis  
tem matri-  
monio raro  
exemplo  
sociat.

Confanguineis, recipite, inquit, quam mihi Conjugem dedistis, intactam a me Virginem. Quo præterea pietatis sensu per extrema monentium subsidia, aut quibus Episcopis aut Sacerdotibus præsentibus exceßerit, Scriptores non tradidere: morte certo occupatus apparet, antequam Meinwercus ex vicinia accederet. Nam, ut auctor noster refert, audito ejus obitu per totam civitatem Paderbornensem omnemque Episcopatum sacrificia & preces indixit, multisque pecuniæ & vestium largitionibus in egenos effusis, animam Deo commendatam voluit. Gronam certe, quæ apud nos est, ad Visurgis ceteriorem ripam & dicecesis fines, exitu etiam vitæ multo celebriorem fecit; qui locus sæpe ob amoenitatem, situmque ab Henrico Rege, ut diximus, frequentatus, illustrior etiam olim arce & opido & majorum possessionibus, in quo & Henricus Dux Saxonie se aliquando inclusit, a Conrado Rege impetratus. Et modo Paderbornam visus Imperator properare, ut apud Meinwercum familiarissimum suum hospitium extrema ageret; sed morte præventus, inter Saxones tamen mortuus in natali majorum solo, quos inter maximam & dulcissimam vitæ partem habuit. Funus cum summo omnium luctu Grona Bambergam traductum conditumque, ut vivus jufferat, in Basilica Principis Apostolorum. Post obitum etiam miraculis clarior, ab Eugenio Pontifice in Cœlitum numerum est relatus, unus inter tot Germaniæ Imperatores. Perhibent quidem nonnulli, cum anima Henrici ad judicium Dei perlata periclitaretur de salute, D. Laurentium in lance appendisse calicem: verum hæc alii inter fabulas reponere malunt; haud secus quam & virginitatem Cunigundæ ignitis carbonibus probatam (quod alii Paderbornæ, alii Bambergæ accidisse volunt) cum & Auctor noster, & Dithmarus, & æquales eorum temporum Scriptores hac super re fileant, & sero tandem post centum & triginta annos a Nonnosio Monacho hæc scripta deprehendantur. Verius cognomento Claudus est dictus, quod in venatione a fera sauciatus nervum pedis contractum gesserit. Sed quoquo tandem hæc alii referant, certiora prorsus sunt, innumeris Scriptorum & tabularum monumentis proba-

Vna Henrici  
Wippræsch.

Vnus Liber  
Cassiniensis  
an annal.

Nonnosius  
Vna Cunig.

ta, quæ de Imperatoris hujus præclaris virtutibus, ac singulari ejus in Ecclesiam, quam heredem scripserat, liberalitate accepimus. Quæ sane cum in omnes per Germaniam Episcopatus, & Collegia, cœnobique se quam latissime effudit, quod innumerae donationum tabulæ commonstrant; tum de nulla Ecclesia magis meritis quam Bambergensi, Merseburgensi, & Paderbornensi. Bambergensem Episcopatum regia prorsus munificentia condidit; Merseburgensem & Paderbornensem ita in integrum restituit, ut alter utriusque conditor sit habitus. Quam in rem Paderbornenses Carolum M. & Henricum Imperatorem fundatores & Patronos suæ Ecclesiæ grata in hunc diem memoria cultuque venerantur.

Cunigunda Imperatrix, cujus benevolentia & precibus apud Imperatorem Meinwercus pleraque bona impetravit, ab excessu Conjugis Confungam ad Sanctimonialium Virginum Collegium, haud procul Cassellis ad Fuldam amnem florens, secessit, in eoque, quod reliquum habuit vitæ, Deo consecravit. Altero etiam a morte Imperatoris anno, eodemque die, quo Imperator obierat, evocatis Archiepiscopis & Episcopis ad dedicationem Confungenfis Ecclesiæ, sacro ritu purpura se ornamentisque augustalibus exiit; indutaque tunica & veste religiosa, quam laxiorem ipsa sibi pararat, ad altare processit; novaque Christo sponsa futura, inter Missarum solemnias, resectis etiam crinibus, sacro ritu ab Episcopis velata est, cooprataque in cœtum Virginum. Per quindecim deinde annos superstes, sanctissimam inter Virgines exegit vitam; ac tertio demum Martii die jejuniis, assiduis precibus, vigiliis, ac religiosæ vitæ exercitiis confecta, virgineam Cœlo animam transmisit, Sanctimonialis etiam quam Imperatrix omni virtutum ornatu illustrior. Corpus, ut viva petierat, Bambergam celebri procerum ac populi comitatu transportatum, conditumque prope Henricum Imperatorem. Junctis sepulchris exinde Virgines Conjuges raro Principum exemplo posteritas coluit. Nec leve Meinwerci Episcopi solatium, vidisse Imperatricem Confungæ in Collegio Virginum suæ dicecesis tot annis secum superstitem, quam

Fuldensis  
Ecclesiæ vet.  
Membran.  
S. Henrici  
in Ecclesiæ  
beneficentia.

S. Cunigundis  
Confungen-  
tium Sancti-  
monialis  
um albo ad-  
scribitur.  
Auctor vna  
Cunig.  
qui Nonno-  
sius credidit  
apud Grot-  
zerum &  
surium 3.  
Martii.

Bambergæ  
prope S.  
Henricum  
sepelitur.

pro meritis & tot regiis donationibus Sanctimonialem non minus quam Imperatricem omni obsequio & veneratione prosecutus est. Perstitit celebre illud Collegium Virginum Confungenſe ſeu Kauffungenſe, quod ad Ludovici Pii Imperatoris tempora originem ſuam refert, ad annum M. D. XXXI, quo a Philippo Landgravio Haſſiæ abſolutum, & Paderbornenſis Epifcopi iuriſdictioni ſubtractum eſt. Et quando tandem reditura ſæcula? ut Haſſia Saxoniaque illa ſanctorum Principum exempla videat, quorum ne ipſa quidem monumenta ex avitæ pietatis aſpectu, everſis tot collegiis Virginum amplius ferre poteſt.

Haud leviter conturbatus eſt Meinwercus Epifcopus morte Henrici Imperatoris, veritus cum primis, ne quæ tanta Imperatoris atque Imperatricis gratia ac liberalitate acquiſita erant Eccleſiæ ſuæ, ea recrudefcente malevolorum invidia amitteret; quod magnas miniſtrorum animorumque commutationes tanquam per aulæ ſcenas videas conſequi, & difficile ſit gratiam in Succefſore retinere, quam in alio obtinueras. Sed Meinwercus, qua erat claritudine generis inter Optimatos, auctoritate inter Epifcopos, qua deinde ingenii amænitate candoreque apud omnes, ita ſtatim penetravit in animum Succefſoris, ut amiſſum Henricum in Conrado prope eundem expertus ſit. Et commodum fuit Meinwerco, beneficio ac merito poſſe occupare animum novi Regis. Nam poſtquam Imperatoris mors vulgata, primi, qui ad novi Regis electionem convenere, fuere Saxones. Ii ſibi congreſſum indixerant in Caſtello quodam, quod Werla dicitur, inquit auctor noſter, in quo de novi Regis electione & publicis Regni negotiis pertractarunt. Locus & vetuſtate Imperialis Oppidi, & planitie fertilium agrorum, ſituque & frequentia Comitiorum Saxoniorum in Weſtphalia celebris, interque Ruram & Luppiam amnes, & Suſatum ac Tremoniam urbes; Ubi Saxones quoque Ottonem III Regem, & Henricum elegerant. Igitur inter Epifcopos & proceres Saxoniæ, qui Werlas convenere, Meinwercus inter primos adfuit; & quia ab Henrico Imperatore, priuſquam abiret e vita, Conradum ſibi in Imperio Succefſorem nominatum ſciebat, partes

Conradi in conventu Werlenſi (quo beneficio ſibi animum Conradi demeruit) conſtanter egit.

In hoc quoque Optimatum congreſſu Meinwercus cauſam Eccleſiæ ſuæ egit; nam quæ controverſia interceſſerat inter ipſum & Thietmarum Bernardi Saxoniæ Ducis fratrem de Abbatia Helmwardeshuſana, ceteriſque privatis offenſionibus, ea omnia intervenientibus Sigefrido avunculo ejus, Hermanno de Weſtſalon, Bennone, Amelungo Comitibus, aliisque præſentibus compoſita ſunt: reconciliatique ex integro Meinwercus & Thietmarus, bonam amicitiam coluerunt. Multum ab hoc Thietmaro vexatus Meinwercus Epifcopus, haud ſecus quam a Bernardo Duce ac fratre ejus ceteri per Saxoniæ Epifcopi. Nam, ut auctor eſt Dithmarus Merſeburgenſis Epifcopus, *Meinwercus Præſul a Thietmaro nepote meo, Bernardi Ducis fratre, diſpoliatus eſt.* Quas injurias exactius retulit Auctor vitæ Meinwercki in autographo.

*Thietmarus, inquit, Senior frater Bernbardi Ducis Saxoniæ vir in hoc mundo valde idoneus fuit, ſed tantum viciis plenus, quantum rebus, ſuperbia tumidus, in acquirendis rebus avaritiæ facibus accenſus. Denique contra juſ & fas ubique fidelium reſinvadens & diripiens, inter cetera tyrannidis ſuæ opera quodam tempore iter ſuum ad Monasterium Herivordiae direxit, faciensque ibi magnam munitatem, Sanctorum ibidem requieſcentium, & ſuæ ſororis Abbatiffæ nomine Godeſtæ, & congregationis ſanctæ Mariæ theſaurum confregit, & inde plus juſto pecuniæ detraxit. Poſtea ad ſynodum ſecundum Canonicam conſtitutionem ab Epifcopo Meinwerco vocatus ad corrigendum commiſſa eſt ammonitus. Quo ſalubriter compuncto & utiliter correcto, conſtitutum eſt, eum Epifcopo dare xxx tal. denariorum. Illo autem pecuniæ pondus tantum non habente, omne prædium quod habuit in Bruninctorpe cum omnibus appendiciis, cum conſenſu & voluntate ſui hæredis Bernbardi Ducis atque fratris ſui, ad dominium Patherb. Eccleſiæ pro reconciliatione illius pecuniæ in proprium dedit. Hanc traditionem Epifcopus banni ſui munimine firmavit; Udone, Herimanno, Bernbardo, Liudero Comitibus, & aliis multis aſſiſtentibus.*

Transactum præterea in hoc conventu Werlenſi cum Adela Domina Hodezonis Comitſ conjuge ſuper bonis Hammonſtedianis, arbitris hujus cauſæ Sigefrido, Udone & Bennone Comitibus;

Werlenſibus Comitibus intereſt Meinwercus, & Conrado ſtudet Auctor vitæ Meinwerco. n. 91.

Transfigit cum Thietmaro Duce ſibi ceteris que Eccleſiis inſeſto.

Et cum Adela ſuper bonis Hammonſtedianis.



tibus; itaque res composita, ut Adela quatuor prædia cum LXXX familiis, dum viveret, retineret, quæ tamen morte ejus cederent Paderbornensi Ecclesiæ; ea vicissim conditione, qua Collegii Cathedralis Canonici anniversaria mortis die solennem Adela memoriam psalmis, Missæ sacrificiis, & largitionibus in egenos persolverent. Ac satis ex his etiam liquet Adela hanc diversam esse a Meinwerchi matre; qua super re quidam dubium nobis fecit in scriptis, tanquam ad hunc diem vitam prorogasset.

A conventu interim Werlensi per octo hebdomadas solum Regni vacuum. Ac magna per Germaniam Principes sollicitudo incessit, quem Henrico Imperatori subrogarent. Cum Aribio Moguntinus Archiepiscopus per initium Septembris publica Imperii comitia ad Rhenum, loco inter Moguntiam & Wormatiam, quem Herimannus contractus Cambam vocat, indixit. Convenieruntque Archiepiscopi Piligrinus Colonienfis, Poppo Trevirensis, Guntherus Salisburgenfis: Episcopi Theodericus Metensis, Werinharus Argentoratensis, Marcellinus Herbipolensis, Eberhardus Bambergensis, Heimo Constantiensis, Bruno Augustensis, Gebhardus Ratisbonensis, Albertus Frisingensis. Aderant & Saxonici Episcopi, quos Wippo presbyter se præterire dicit, quod eorum cum aliis encomia sibi incognita essent. Penes illos, ut idem auctor scribit, prima Imperii cura & potestas eligendi Regem; pro veteri Francorum more, erat. Accessit reliquis Principibus Benno seu Bernardus Dux Saxonie, Adelbero Dux Histrie, Hezilo Dux Bojarie, Ernestus Dux Alemannie, Fridericus Dux Lotharingie, Gozelo Dux Ripuariorum, Cuno Wormatiensis Dux Francorum, Udalricus Dux Bohemie, alique Imperii proceres. Adeo tum nondum certus Electorum numerus, quem institutioni Ottonis III. tribuere volunt, receptus erat. Hi postquam ad Chambam convenere, Saxones, Boji, Francones, Norici, Alemanni, citeriorem Rheni ripam castris prætexuerunt; ulteriorem Mosellam Lotharingi ac Transrhenani flos Imperii. De multis delecti primum pauci: ex paucis demum duo Conradi patrueles, alter natu major, patre Henrico Duce Wormatiensi, & matre A-

delhaide: alter natu minor Conrado Duce Carentinorum progenitus. Pro minore faciebant Piligrinus Colonienfis Archiepiscopus, & Lotharingi; at majorem prætulit Aribio Moguntinus Archiepiscopus: cujus judicium traxit ceteros. Ac suffragiis ita pendentibus, quod licet Conradum Wormatiensem ob virtutes imperatorias præferrent, alterius tamen formidarent potentiam; impetratum tamen ab utroque, ut spes suas Principum arbitrio permitterent; raro sane concordie ac modestie exemplo, quando alter alteri ultro etiam suffragium & honores deferre visus est. Ita omnium demum consensu delectus Conradus major cognomento Salicus; cujus originem Brunnerus & Miræus trahunt ex Ludolpho Ottonis M. filio; alii verisimilius a Conrado Sapiente Werneri filio, Ottonis M. genero, qui prælio adversus Ungaros anno 955 occubuit; quemadmodum id tradit Otto Frisingensis, auctorque vitæ Burchardi Wormatiensis Episcopi. Haud aliter Wippo presbyter Ottonem Conradi avum memorat inter Franconie Duces clarissimum; eoque ceteri passim scriptores Conradum nominant Francum, Ostrofrancum, Wormatiensem, ac Salicum. Quanquam magna lis inter scriptores, unde cognomento Salicus sit appellatus; mihi opinari fas est, quando per id tempus duo Franconie Duces eodem Conradi, ut diximus, nomine, & magna gentis nostræ Reipublicæque gloria fuere, huic Salici nomen adhæsisse, quod per Thuringiam ad Salam gesserit ducatum, ubi celebris illa Imperatorum ac Regum Salica, quam Saltz dixerunt. Igitur extincto Henrico Imperatore, postquam Regnum Germanie Imperiumque stererat supra centum annos, incredibili Ecclesiæ bono, in Widikindæ ac Saxonica familia, transit ad Francicam, cujus initia in Conrado & Henrico III. filio læta & prospera, in ceteris nepotibus turbida & funesta.

Jam vero postquam magna omnium concordia delectus est Conradus major, accessit & Cunigunda Imperatrix, protulitque augustalia insignia, quæ Henricus Imperator apud eam servanda deposuerat; Conradumque Aribio Moguntinus Archiepiscopus vi Idus Septembris, ipso natali Virginis die, sollemniter

Conveni-  
un. E. A. O.  
res in defi-  
guando  
Conrado  
Majore,

Salicus is  
unde dis-  
ctus?

Comitia ab  
Archiepis-  
copo Mo-  
guntino in-  
dicta pro  
eligendo  
novo Rege.

bat, excefferat e vita, oculis artibus egit apud Conradum, & Comitatum Warburgensem a Dodicone donatum Paderbornensi Ecclesiæ, confirmatumque ab Henrico Imperatore, avertit; quem, rerum imperialium adhuc rudis, eoque facile se ab Aribone circumveniri passus Conradus, Moguntinæ Ecclesiæ dedit. Nihil acerbius evenire poterat Meinwerco, quod & jure, multisque impensis, ut diximus, Comitatum hunc egenti suæ Ecclesiæ acquisivisset: sed id Meinwerco tolerandum aliquando fuit, donec Regem de iniquitate rei edoceret, ac fidis servitiis sibi demereretur, quibus tandem Comitatum recepit, Ecclesiæ suæ redditum.

Corbeja  
Hildefium  
ac Goslari-  
am conce-  
dit Conra-  
dus.  
Coccinus in  
Dagoberto  
c. 8.  
Vita S. Go-  
dehardi.  
c. 8.  
Hedepor.  
Casar.  
Brevuervus  
in notis ad  
Meinwv.  
Corbejenſia  
privilegia  
& bona  
confirmat.

Per hosce dies dum Conradus Rex Paderbornæ versatur, 3 Non. Januarii egregiam donationem fecit Tuitiensis ad Rhenum cœnobio, impetrante eam Gisela Regina & Pilegrino Archiepiscopo, quem in Comitatu sibi præsentem habuit. Recitat hanc donationem Geleinius. Paderborna Rex Corbejam discessit, ut constat ex rescripto apud Coccium in Dagoberto. Inde Hildefium profectus S. Godehardum Episcopum invisit; sed & illi ab Aribone Moguntino lis vetus de Gandershemensis Monasterii jurisdictione mota; cujus tamen machinationes Rex Optimatum consilio diremit. Proximam dehinc urbem imperialem Goslariam petiit Rex, ubi xi Calend. Februarii Diethmaro Abbati Corbejenſi prisca cœnobii privilegia confirmavit, hisce videlicet auctoritatis regię tabulis.

In nomine sanctæ & individue Trinitatis, Chounradus divina favente clementia Rex. Notum sit omnibus Christi nostrisque fidelibus, præsentibus scilicet atque futuris, qualiter venerabilis Abbas nomine Truchtmarus nostram adiit excellentiam, suppliciter orans, ut nostra magnifica munificentia prospiceremus monasterio, cui præesse videtur,

quod est constructum super fluvium Wisera, in loco, qui dicitur nova Corbeia, in honorem Dei & S. Stephani protomartyris, ubi & beati Viti martyris pretiosa pignora servari noscuntur. Cujus petitioni rationabili propter divinum amorem & venerationem beatorum martyrum assensum præbentes, hos apices serenitatis nostræ circa ipsum monasterium fieri jussimus, per quos decernimus atque jubemus, præcipue, ut potestatem Monachi, si necessitas venerit, habeant Abbatem eligendi de fratribus suis, & ut nullus Episcopus, aut Judex publicus, vel quilibet ex judiciaria potestate, nisi solus illius loci provisor & advocatus prædicti monasterii; in Ecclesias, aut loca, vel agros seu reliquas possessiones præfati monasterii, quas moderno tempore juste & rationabiliter possidere videtur, ad causas audendas, vel freda exigenda, aut mansiones vel paratas faciendas, aut fidejussores tollendos, aut ullas redibitiones, vel illicitas occasiones requirendas, aut homines ipsius monasterii tam ingenuos, quam & servos vel litos injuste distringendos ullo unquam tempore audeat ingredi, vel ea quæ supra memorata sunt penitus exigere, aut actitare præsumat: sed & de dominicatis mansis, vel nunc habitis, vel post acquirendis, a reddendis decimis plenam idem monasterium habeat immunitatem; & sicut hætenus fuit, ut dentur ad portam in susceptione hospitum, & peregrinorum in quibuslibet Episcopis, pagis, vel territoriis, vel omnibus, quæ ibidem propter divinum amorem & illius sancti loci venerationem collata fuerint, ut liceat ibidem Deo famulantibus sub nostra immunitatis tuitione quieto ordine vivere ac residere, & melius illos delectet omni tempore pro nobis, & conjuge nostra, atque stabilitate regni a Deo nobis collati Domini misericordiam attentius exorare. Insuper etiam decimas, vel Decimales Ecclesias in quibuscunque Episcopis ita teneant, atque disponant, sicut ab antecessoribus nostris Regibus videlicet & Imperatoribus tenere per præcepta visi sunt atque disponere. Episcopis vero quibus servitium & mansionatica debent tempore circuitus sui, secundum scripta sua singulis annis persolvant. Et ut hæc auctoritas concessionis nostræ atque confirmationis firma habeatur, & per futura tempora a cunctis fidelibus sanctæ Dei Ecclesiæ nostrisque præsentibus & futuris melius credatur, diligentiusque observetur, manu propria subter eam firmavimus, & sigilli nostri impressione assignari jussimus.

Signum Domni Chounradi



Regis invictissimi.

Udalricus Cancellarius vice Aribonis Archicappellani recognovi. Data XI Calend. Februarii, Indictione VIII. Dominicæ Incarnationis MXXV. anno vero Domini Chounradi secundi regnantis I. actum Goslare.

Lustrata

*Auctor vita  
& Godeh. c. 8*

Lustrata Westphalia & Saxonia (quod priscorum Regum & Imperatorum erat) Conradus Rex in Thuringiam & ad fines Sclavorum Polonorumque promovit iter; quo regionibus illis adversus barbarorum incurfiones confuleret, totamque Saxoniam & Thuringiam ex regia potestate recens adita in possessionem acciperet. Ac dum Merseburgi versatur, rogatu Giselaë conjugis & Sigeberti Mindensis Episcopi vi Idus Februarii Monasterium Virginum Keminatam, seu Cemnade ad Visurgim in Ducatu Brunswicensi (quod postea in Præposituram Corbejenfium commutatum, uti supra relatum est) in tutelam suscepit: qua super re hæ regiaz tabulæ consignata.

*Keminas  
tensem Par  
thenonem  
in suam ru  
telam reci  
pit.*

In nomine sanctæ & individue Trinitatis. Chunradus divina donante clementia Rex. Omnium sanctæ Dei Ecclesiæ nostrorumque fidelium præsentium ac futurorum comperiat universitas. Qualiter Domna Frideruna venerabilis abbatissa, ejusque soror Imma Comitissa, Gerone Comite adjuvante, construxerunt quoddam monasterium in villa Keminata, in pago Tilithi, in Comitatu Bernhardi Ducis situm, in honorem Dei genitricis sanctæ Mariæ Virginis dedicatum, ad quod omnem hereditatem suam, curtes scilicet ac villas infra nominatas Keminata, Heigen, Hogen, Barigi, Tundirium, Othere, Varstan, Ro-

the, Bardewic, Hotmanessun, Wittorp, Britlingi, Biangibudiburg, Addunesthorp, Haterbiki, Bodanhuson, Suthenburg, Claniki, Wigmannesburgstal, Benedesthorp, Widila, Wolderfidi, Kokerbiki, Holana, Aun, Setila, Hepstidi, Sinigas, gratissima voluntate traderunt. Unde nostram majestatem regalem aggressæ supplices rogaverunt, ut ipsum monasterium in nostro mundi-burdio suscipereamus; quod nos petitione Gislæ scilicet Reginaë dilectissimæ conjugis nostræ; sed & interventu Sigebrahdi Mindonensis Episcopi, fecisse cognoscat universitas fidelium. Ad hæc statuimus, ut prædicti monasterii abbatissæ talis libertatis, legis ac regulæ primatu fruerentur, quali cæteræ Sanctimoniales in regno nostro sub regula S. Benedicti juste viventes utuntur. Insuper concedimus eidem Abbatissæ, ut nullus Marchio, nullus Comes, nullaque nostri imperii magna vel parva persona in ea placitum facere, vel publicam functionem exire, nisi advocatus, quem abbatissa, quæ tunc temporis fuerit, cum Sanctimonialium consensu eligere voluerit. In obitu vero Abbatissæ ejusdem monasterii, habeant arbitrium aliam eligendi juxta regulam S. Benedicti. Et ut hujus nostræ auctoritatis privilegium perseveret, hanc paginam manu propria roborantes sigillo nostro jussimus insigniri.

Signum Domni Chounradi



Regis invictissimi

*\* al. MXXV  
\* al. VIII.*

Udalricus Cancellarius vice Aribonis Archicappellani recognovi. Anno Dominicæ Incarnationis \* MXXIII. \* Indictione VII. VI Idus februarii. Data est in Merseburg anno autem Domni Chounradi secundi regnantis I.

*Auctor ultra  
Godehardi  
c. 8  
Prædium  
Kemniense  
donat Ec  
clesiæ Min  
densi.*

Ordinata per Thuringiam Republica, Conradus in Franciam Orientalem & Bojariam, rigente adhuc hyeme, per Quadragesimam discessit, ac Pascha Ratisbonæ celebravit, magno Archiepiscoporum, Episcoporum, Principumque comitatu ac præsentia; quod satis perhibet diploma donationis Mindensi Ecclesiæ consignatum, eoque etiam hoc loco non prætermittendum.

In nomine sanctæ & individue Trinitatis, Conradus divina favente clemen-

tia Rex. Omnium fidelium nostrorum tam præsentium quam & futurorum perpenderit universitas, Qualiter Sigebertus sanctæ Mindensis Ecclesiæ præsul venerandus nostram regalem supereminentiam humiliter adiit, atque interventu nostrorum fidelium, inprimis dilectissimæ contectalis nostræ Giselaë Dei gratia Reginaë, nec non Aribonis Moguntiacensis Archiepiscopi, Piligrimi Coloniensis Archipræfulis, Hunfridi, Parthenopolitanæ sedis Archiepiscopi, Unwani Bremensis Ecclesiæ Archiepiscopi,

scopi, Brunonis Augustensis Episcopi, Wiggeri Fardensis Episcopi, Bernardi ducis, Sigefridi & Hermannii Comitum, prædium quoddam Kemnium nuncupatum donari sibi atque mancipari rogavit. Quorum in commune jam coadjuvante voce petitioni ob amorem Dei, nostræque remedium animæ, ac statum regni libenti animo assensum præbentes, prædium jam dictum Kemnium in pago Valim collocatum, & in comitatu Dancinari Comitum, cum omnibus suis pertinentiis, mancipiis, agris, pratis, pascuis, silvis, molendinis, aquis aquarumque decursibus, exitibus & redditibus, cultis & incultis, acquisitis & acquirendis sæpe jam dictæ Mindensi Ecclesiæ, suisque per successus temporum

provisoribus per id temporis inibi commorantes ante altare S. Petri Apostolorum Principis, sanctique Gorgonii martyris, manu ad manum donavimus, ac perpetuo possidendum in proprium tradidimus. Quapropter sæpe jam dictum prædium cum omnibus illuc rite pertinentibus sub nostrum mundiburdium ac defensionem accipimus, ut etiam coram nulla judiciaria potestate examinentur, nisi coram Mindensium Episcopo, & advocatis eis, quos ille elegerit. Et ut hæc nostræ donationis ac mundiburdii præceptum firmiter magisque inconculsum cunctis credatur, hanc chartam inscribi jussimus, sigilloque nostro signatam manu propria subtus firmavimus,

Signum Domni Conradi



gloriosissimi Regis.

Odalricus Cancellarius vice Aribonis Archicappellani recognovit. Data V. Non. Maji, Indictione VIII. anno Domini Incarnationis MXXXV. Anno vero Domni Conradi secundi regnantis I. Actum Ratisbonæ.

Wippo presbyter.  
Auctor vitæ  
S. Godeh. c. 8  
Perlustrat  
fines imperii.  
Arnoldus in  
vitæ S. Godehardi, l. 2  
Egenis in  
magna annotatione caritate subvenit Meinwercus.  
Auctor vitæ  
n. 44.

Festo Pentecostes Constantiæ celebrato, auditisque Italicorum Legatis, per ætatem deinde Rex Sueviam, & Carentinorum regiones adiit; & cum jam totum prope Imperium perlustrasset pro veteri Regum & Imperatorum more, omnibusque provinciis & Regni populis se in conspectum dedisset, sub Autumni exitum in Lotharingiæ Regnum est reversus, natalemque Christi Leodii festum habuit, mansisque iis in locis ad Purificationem B. Mariæ Virginis; quemadmodum id Arnoldus S. Godehardi discipulus in ejus vita tradit; quanquam is festus dies ab Auctore vitæ Burchardi Augustæ celebratus referatur. Ceterum annus hic, quod in factis Corbejenfibus lego, sterilitate fru-

gum, fame, & pestilentia Germaniæ fatalis fuit, quibus malis innumeri mortales absumpti. Quo facile reculerim illam insignem Meinweri nostri caritatem erga suos, de qua Auctor vitæ. Facta in diebus ejus fame valida, missis nunciis frumentum comparari fecit in Colonia, & duas naves onustas ad inferiorem terram deferri. Commissa frumenti dispensatio villicis per Velaviam & Theisterbandiam, eo præscripto, ut pars ipsorum familiis alendis; pars egenis, pars semini cederet; in quo cum fraudem villici postea deprehendisset, sanxit ne quis in quartam usque progeniem ex ejus posteris ad villam admitteretur.

## Annus Christi 1026.

Joannis XX Pont. 3. Conradi II Reg. 3.  
Meinweri Ep. Pad. 18.

Neol. Zilef.  
in defenf.  
Maximin.  
Sigebert.  
Herm. cons.  
Marianus  
Scarus.

Succedit Annus Christi Mxxvi, celebratus ab auctoribus profectione Conradi Regis in Italiam, & Meinweri Episcopi comitatu. Quippe Rex postquam per Lotharingiæ Regnum omnia composuisset ad tranquillitatem publicam, Leodio Treviros petiit; ubi rogatu Gi-

selæ conjugis, Aribonis Moguntini & Piligrimi Coloniensis Archiepiscopi, rescripsit pro S. Maximini celeberrimo Monasterio. Dehinc Wormatiam & Triburiam contendit. Inde Augustam Vindelicorum digressus, ex consilio consensuque Principum Henricum

Henricum  
filium def.  
gnat successorem Com-  
radus.  
Wippo  
presbyter.

oſten-

octennem filium Regni Successorem nominavit, cui datus est moderator ac tutor Bruno Augustanus Episcopus, Henrici Imperatoris frater. Hunc Regem dicere postulabat Regni incolumitas, quando Ernestus Dux Alemanniæ, Chuno Dux Franciæ, & Fridericus Dux Lotharingiæ, tractis simul aliis in conspirationem, multa per ambitionem machinari deprehenſi sunt. At Rex comparato ingenti exercitu; quo omnibus hostibus formidabilis esset, iter Romanum intrepide suscepit; interque Episcopos & Regni Principes, hujus expeditionis comitem sibi delegit expetiitque Meinwercum Paderbornensem Episcopum, virum ætate gravem, generis claritudine non minus quam auctoritate & sapientia eminentem; qui jam iter illud Romanum primo cum Ottone III, deinde cum Henrico Imperatore susceperat, Romanæque Ecclesiæ morem ac jura cognita habebat. Venientem ad se Meinwercum Episcopum Rex benigne & honorifice excepit, quocum inchoato verni temporis jejuniio iter ingressus, transcensisque Alpibus, Vercellis inter Mediolanum & Papiam Pascha celebravit; ac primum Modochæ, revocato prisco Longobardorum more, deinde Mediolani coronari voluit: inde ad domandos Italos conversus, Papiam subegit. Quippe cives per interregnum vetus Regum Longobardorum ac Cæsarum palatium e fundamento subverterant: id quia, ut per legatos jussi erant, nondum restaurarant, vastatis circum rebellium castris & agris, non prius discessit, quam restaurato palatio imperata facerent.

Italiam comite Meinwercum petiit.

Papiam ad fidem & obsequium redigit. Wippo presb.

Author vita Meinw.

Ibi dum Rex moratur in Longobardia, Wolfgangus Aquileiensis Patriarcha Regi obviam venit, prosperaque omnia precatur, interque Palatinos Regis primo salutatur Meinwercum Episcopum Consanguineum suum. Adeo tum ætas illa ex hac illustri familia conspexit Meinwercum Episcopum, Unwanum Bremensem Archiepiscopum,

& Wolfgangum Aquileiensem Patriarcham. Lætus Meinwercus consanguinei Patriarchæ congressu non aliud ab illo petiit, quam Divorum pignora, quibus Ravenna abundabat, pro Ecclesiæ suæ Paderbornensi, & Monasterio Abdinghoviano, quod moliebatur. Annuat postulat Patriarcha, ac postea transmissit Meinwerco corpus integrum S. Felicis martyris, quem auctor noster Diocletiano Imperatore una cum Largo & Dionysio martyrium subiisse perhibet. Verum cum plures eo nomine martyres reperiantur apud Baronium in Martyrologio diversis in locis, & duo etiam Aquileiæ, quorum alter cum Fortunato II Julii Diocletiano Imperatore, alter Numeriano Principe Diocletiani antecessore, & Beronio præside una cum Largo & Dionysio 16 Martii per equulei tormenta martyrio affectus est, postremi hujus corpus Meinwerco donatum accepimus, quod hodie in Monasterio Abdinghoviano apud nos servatur coliturque.

Meinwercus impetrat corpus S. Felicis Martyris.

Romam dehinc euntem Conradum Regem Ravennates lubenter in civitatem acceperunt. Verum ut Italicorum ingenia tum fluxa erant, excitato tumultu, Regis militem urbe ejicere aggressi sunt. Mox pugna inter cives & regiones exorta; qua Germani superiores magna cæde grassabantur, extremum urbi exitium illaturi, nisi Conradus Rex e cubiculo excitus, consensuque equo advolans furentem militem composuisset. Eo in conflictu Teutonico militi pes super talum abscissus; quo comperto petiit Rex militis ocreas ad se deferri, quas nummis impletas super faucii militis lectum ad solatium vulneris deponi jussit. Inde Rex ob calores ad montana concessit, & sub Autumnum compressis ceteris rebellibus, Longobardiam, & inferiorem Italiam est ingressus, celebratoque Iporeæ Natali Christi, Romam propius movit, quam sacra hebdomada intravit, lætis animis & studiis exceptus a Romanis.

Wippo presbys. Ravennam subit Conradus & pacat.

## Annus Christi 1027.

Joannis XX. Pont. 4. Conradi II. Reg. 4 Imper. 1.

Meinwerci Ep. Pad. 19.

Conradum exinde Joannes XX Pontif. Max. defuncti Benedicti frater &

Successor, ipso Resurgenti Christi die, majorum more Imperatorem creavit: simul

Imp. & Gislela conjugis

Coronatio Conradi

SS 2

simul & Gisela Imperatrix coronata, præsentibus Rudolpho Burgundiæ & Cnutone Anglorum Rege, Henrico filio, multisque Italiæ & Germaniæ Principibus.

Aderat & in his omnibus Imperatori Meinwercus fidus obsequiis, & promptus consiliis; itaque sibi ob hæc devinxit Conradum Imperatorem, ut Romæ villam Ervete, quam vicum potius dixeris, quamque jam ante, ut supra relatum est, ab Henrico Imperatore ad aram oblatam acceperat, novi hujus diplomatis auctoritate confirmaret.

Confirma-  
tur a Con-  
rado dona-  
tio villæ Er-  
vitenf.

Cunradus divina gratia Romanorum Imperator Augustus. Perpendimus atque consideravimus animas nostras peccatorum maculis obfuscatas hoc multum posse juvare, nos ad divini honoris & gloriæ maiestatem Ecclesias Christi sublimare, ædificare, & de nostris rebus ditare; pariterque novimus ad nostræ imperialis potentiæ dignitatem pertinere eis, qui nobis domi, vel militiæ beneservierint, condignam servitutis remunerationem exhibere. Proinde noverint Christi nostrique fideles universi, qualiter nos per interventum dilectissimæ Conjugis nostræ Gisle, nec non filii nostri Heinrichi Regis, & Brunonis Augustensis Episcopi, & Hermannii Marchionis & Eggilbardi fratris sui ad divinam gratiam & gloriam, pro remedio nostræ animæ, Paderbrunnensi Ecclesiæ in honorem sanctæ Mariæ Dei Genitricis, & sancti Kyliani martyris, & sancti Liborii Confessoris consecratæ, ejusque provisorii Meinwerco, qui nobis sæpe & multum, frequenter & fideliter servivit, quandam curtem nomine Ervitte ad nostrum imperiale jus pertinentem in pago Engere, in Comitatu autem Marcwardi sitam, perpetualiter habendam tradidimus, cum mancipiis utriusque sexus omnibus ad hanc jure pertinentibus, cum ceteris quoque universis appendiciis, scilicet arvis, ædificiis, terris cultis & incultis, pratis, pascuis, silvis, venationibus, viis & inviis, exitibus & reditibus, aquis aquarumque decursibus, piscationibus, molendinis, quæsitis & inquirendis, cum banno & mercatu etiam, quod apud eandem curtem solet haberi, & cum omni utilitate, quæ inde poterit provenire. Et ut hæc nostræ traditionis auctoritas firma omni permaneat ævo, hanc paginam inde conscriptam manu propria roborantes jussimus insigniri sigillo.

Odalricus Cancellarius recognovit. Data VII Idus Aprilis, indict. X. anno Dominicæ Incarnat. MXXVII. anno autem Domni Cunradi secundi regnantis III. Imperii vero I. actum Romæ.

Imperator exinde, postquam Apuliam ingressus Beneventum, Capuam, ac ceteras urbes, alias deditione, alias armis subegit, iter suum comitante Meinwerco Paderbornensi & Brunone Augustano Episcopo in Germaniam relegit; quam per absentiam, conspiratione quorundam Principum, turbatam reperit, in quos primo convertit arma; & exinde ad obsequium rebelles redegit. Hos inter Ernettus fuit Dux Alemanniæ Principatu exutus, & in Saxoniam deportatus, castroque Gibichenstenio inclusus: Conradus Dux Franciæ Orientalis, Imperatoris patrueilis, in custodiam abreptus: Adelbero Dux Carentinorum cum filiis in exilium projectus. Idem Friderico Lotharingiæ Duci manebat, nisi mors subtraxisset; quibus Welfo Sueviæ Comes, ceterique terrii se submisere. His peractis Rhenum transiit. Ita Conradus cum Imperatorio statim nomine Imperatoriam maiestatem, protritit simul potentissimis rebellium hostibus, asseruit. Qua etiam auctoritate Burgundiæ Regnum, in quo Henricus Imperator toties laborarat, Imperio adjunxit (Rudolpho Burgundiæ Rege idudum agitante) nihil Conradum Galliarum Regem ceterosque moratus. His in superiori Germania peractis, Rhenum transiit, Francofurtum aditurus: qua in urbe Aribio Moguntinus Archiepiscopus, præsentem Imperatorem, celebrem xxiii Episcoporum Synodum habuit, quam nobis chronicon Hildesienſe, Auctorque vitæ Meinwerco; at nemo explicatius, quam Arnoldus in rebus gestis D. Godehardi, viri hujus sancti discipulus, tradit. Pulcher erat ibi, inquit ille, & ordinatus tam regalis quam Episcopalis confessus. Nam in Orientali parte ante altare Archiepiscopus Aribio cum suis Suffraganeis Wernero Argentinensi, Brunone Augustensi, Meginwerco Paderbornensi, Everhardo Bavenbergensi, Meginhardo Wirceburgensi, Godehardo Hildeneshemensi, Branthoo Halverſtadensi, Wiggero Verdenſi, Hazecone Wormatiensi consedit. In Occidentali vero parte Imperator consedit, & a dexteris ejus Piligrinus Coloniensis Archiepiscopus cum sibi subditis, Sigeberto Mindensi, Sigefrido Mimigardensi, Bennone Trajeſtensi. A Sinistris Hunfridus Parthenopolitanus Archiepiscopus cum suis, Hildewardus Citizenſi, Brunone

Rebelles  
Germaniæ  
Principes  
domarCon-  
radus.

Wippo presb

Celebrem  
Francofur-  
ti synodum  
frequenter.  
Chron. Hil-  
desf.  
Auctor vitæ  
Meinwv.  
num 98.  
Vita Gode-  
hardi c 9.  
Conſil. Pa-  
riſienſ. ediz.  
recent. tom.  
9.



none Mersburgensi, Lauzone Havelbergensi, Thiedericio Misnensi. In australi autem plaga Episcopi Rambrechtus Wircennensis, Rodolphus Sleswicensis, Hiltothphus Mantuanus, Reginoldus Aldenburgensis assederunt. In Aquilonari etiam Abbates, Richardus Fuldensis, Reginoldus Loresheimensis, Arnolphus Hetveldensis, Gerbertus Moguntinus, cum aliis etiam ejusdem ordinis sex adfuerunt. Magnifica Episcoporum synodus sub novo Imperatore, quamvis acta interciderint. Nec dubium, quin de Cleri & Monachorum disciplina formanda conservandaque, quam Sigbertus per id tempus florentissimam fuisse memorat, factum ab Episcopis; multæque controversiæ sint compositæ; quemadmodum Auctor vitæ Godehardi causam Gandershemensis Monasterii, quam Aribo resuscitavit, in hac synodo septem Episcoporum testimoniis (quos

inter Meinwercus noster) adjudicatam Episcopo Hildesienfi perhibet. In ea quoque Synodo, Episcoporum judicio Sophia suas Sanctimoniales Virgines ab Archiepiscopo recepit: & Gerhardus Juvenis, Imperatoris frater, positis armis, animo licet alienori, in clericum est attonsus: Quam hujus rei causam Imperator habuerit, incertum. Sane per id tempus, cum Henricus Bojariæ Dux, Cunigundis frater, in Septembri excefferat e vita, Conradus Imperator, Henricum filium ei subrogavit, adolescentem decem annorum, tanquam veritus, ne quid frater machinaretur conspiratione aliorum in filium. Quod vero Auctoris nostri exemplar referat, Imperatorem Werlis festum S. Joannis diem celebrasse, is compertus est error ex autographo, in quo legitur Imbupoli id factum, quam alii Herbipolim verius designant.

Auctor vita  
Meinw.  
Lamb.  
Schaf.

Qua in Synodo Gandersheimensis constituta.

## Annus Christi 1028.

Joannis XX. Pont. 5. Conradi II. Reg. 5. Imper. 2  
Meinwerci Ep. Pad. 20.

Annus jam præsens in sequentem Mxxviii profluxerat, cum Imperator Leodii peractis Christi Natalitiis Aquisgranum discessit; qua in urbe denuo in frequenti Episcoporum ac procerum conventu Pascha celebravit. Ipso vero sacratissimo die Henricus Imperatoris filius undecim annorum, adolescens egregiæ indolis, ut Wippo presbyter cum magnifice dilaudat, Romanorum Rex a Piligrimo Coloniensi Archiepiscopo est inunctus, collatusque in regali folio, acclamante ingenti, qui convenerant, hominum multitudine; sapienter id Imperator, consulturus Imperii tranquillitati, Episcoporum ac Principum, quos invitarat, consensu fieri expetiit. Inde transito Rheno in Westphalam est digressus. Nam Paderbornæ hoc anno versatum testatur diploma Osnabrugense, quo Gosmaro Osnabrugensi Episcopo nemus ex possessione superiorum Episcoporum, ac bona ejus Ecclesiæ, Conradus Imperator ad fontes Paderæ confirmat: Successerat hic Gosmarus Monchero Episcopo (quem Crantzius præterit) hoc ipso anno defuncto, postquam annos duntaxat quatuor ab excessu Thiatmari Ecclesiam illam gubernarat. Dispositis per Westphalam negotiis, in Ost-

phalam ad Albim usque profectus Imperator; quem ea protectione Meinwercus Episcopus noster Magdenburgum est comitatus; quod satis docerent tabulæ Corbeienfes, mense Julio consignatæ, quibus Conradus Imperator Druthmaro Abbati prædium inique ablatum restituit, quas vel hic recitare juvat, ob testium Episcoporum præsentiam (inter quos Meinwercus) quos hic primum in literis Imperatoriis produco.

*In nomine sanctæ & individue Trinitatis, Chounradus divina favente clementia Romanorum Imperator Augustus. Si piis petitionibus fidelium nostrorum, maxime quas pro Ecclesiis sibi commissis auribus nostris infuderint, benignum præbuerimus auditum, hoc procul dubio & ad præsentis imperii nostri statum, & ad æternæ beatitudinis præmium profuturum credimus. Unde omnium fidelium nostrorum, tam præsentium quam & futurorum, noverit solers industria, quia adiens excellentiam nostri culminis Druthmarus venerabilis novæ Corbeie Abbas curtem quandam Godolevesheim nuncupatam, anteriori tempore eidem monasterio questus est injuste fore sublatam. Detulit præterea secum*

Prædium  
Godelevesheimense  
restituitur  
Corbeienfibus per Conradum Imp

Auctor vita  
Godehardi  
Wippo presb  
Coronatio  
Henrici filii  
Conradi Imper.

Erwinus in chron.  
Osn.

secum Arnolfi divi progenitoris nostri imperiale decretum, cui ejusdem curtis inerat Concambium inter eundem Imperatorem & Bovonem prædicti monasterii patrem peractam: Cujus suggestioni fidem accommodantes matronam quandam Alvered vocatam, quæ ipsam curtem velut hæreditario jure tunc temporis possedit, ad palacium nostrum evocari præcepimus: quæ dum prolata refellere nequivisset, præfatam curtem cum omnibus appendiciis, adnitentibus sibi filio Osdago, patronoque suo Comite Fritbericho, prædicto venerabili Abbati absque ulla controversia reddidit, atque hanc Hiddi monasterii advocatus jussu nostro

recepit; post vero abbas clementia nostra provocatus eidem matronæ sæpe fatam curtem, alteramque Gimundiam vocatam, ac familias quasdam in villa Brumerinchtorp ea conditione beneficavit, ut si quid post obitum matronæ ejusdem possessionibus reperiatur, Abbatis arbitrio disponatur: Filio vero ejus curtem nomine Iminghuson eo pacto concessit, quatenus dum vivat hanc teneat, nisi hunc munificentia nostra alicubi prius promoveri contingat, post vero in jus monasterii redeat. Et ut hujus restitutionis auctoritas firmior perpetim credatur, manu propria subtus roboratum sigilli nostri impressione jussimus insigniri.

Signum Domni Chounradi



invictissimi Romanorum Imperatoris Augusti.

Odalricus Cancellarius vice Aribonis Archicancellarii recognovit. Data Calend. Julii, Indiæ. XI. anno Dominica Incarnationis MXXXVIII. anno autem Chounradi secundi regnantis \* IV. Imperii vero \* I. actum Magdenburch. feliciter Amen.

\* al. 7.  
\* al. 2.

Testes Hunfridus Archiepiscopus, Meinwercus Episcopus, Godehardus Episcopus, Sigifridus Episcopus, Odalricus Cancellarius, Asculfus, Sigibertus, Bernardus Dux, Adalbero Dux, Ernestus Dux, Liudolfus Comes & privignus Imperatoris, Hiddi, Amelungus Comes & frater ejus Ecbertus, Wigger, Gerlo, Uffo, Tiammo, Poppo, Bern, Thiathard, Brun, Gerlac.

Meinwercus cum Conrado in Thuringiam concessit.

In Thuringiam inde concessisse Imperatorem Comite Meinwerco, fido in omnibus adiutore, iterum testatur magnificum Conradi Imperatoris diploma, quo xiii Calend. Septembris in Walahufon Oppido, omnia privilegia, Abbacias, Comitatus, nemora, telonia, jura monetæ & mercatus, præ-

dia, bonaque omnia, rogatu Gisela Imperatricis, & Henrici filii Regis Meinwerco Imperatoria auctoritate stabilivit: id licet diploma temporum injuria interciderit, testimonio tamen auctoris, qui res gestas Meinwerco conscripsit, atque hæc ipsa ex eo retulit, certum habemus.

## Annus Christi 1029.

Joannis XX. Pont. 6. Conradi II. Reg. 6. Imper. 3.

Meinwerco Ep. Pad. 21.

Wippo presb. Herm. Contr. Außer vitz Godesb. c. 10

Vertente anno Imperator in Bojariam iter instituit, ac Paschate Ratisbonæ celebrato, Palithi seu Poledæ synodo Episcoporum, quam Aribio Moguntinus Archiepiscopus congregarat, interfuit. Eo in conventu Aribio veterem controversiam S. Godehardo de Gandershemensium jurisdictione movit, quam Episcoporum consilio tandem intermittere persuasus est; quæque proximo anno Merseburgi coram Imperatore sopita est; finemque habuit tam molesta lis, quam una Sanctimo-

nialis incenderat. Mense Octobri rursum alius conventus Episcoporum, ac procerum habitus in Hirsfeldt. Utrumne eo loco auctor vitæ Meinwerco designet nobilem Abbatiam in Hassia, an Hertzfeldiam vicum ad Luppiam in Westphalia, monumento S. Idæ celebrem, incertum habeas. In hoc conventu, uti Imperatores tum publicos causarum ac litium judices agebant, Comes Bruncum neptæ Ida Meinwerco, qui aderat, possessionem trium prædiorum controversare cœpit; at cum Mein-

Außer vitz Meinw. num. 107. Controversiam trium prædiorum vincit Meinwercus.

wercus

werCUS jure se tueretur, causa cecidit Comes, quemadmodum hæ veteres hac super re tabulæ nos docent.

balt, Tiamma Comes, & frater ejus Efic; Iringe, Ova, Ecilin, Tiedric, Meinhard, Tiedric.

Quidam Dominus nomine Brun cum nepte sua Ida vocitata ad Dominum sanctæ Deigenitricis Mariæ, & sancti Kiliiani martyris Liboriique Confessoris, sua prædia in Sindershurch, & Betanum, Wallarstedi, cum omnibus illuc pertinentibus in proprium tradidit. Interea post quinquennium obitu Imperatoris secundi Henrici adveniente prædicta Ida cum viro suo Brunone has omnes traditiones injuste renuere volebat; Episcopus vero Meinwercus tanta prædia, quasi sapiens, nolens perdere, Domnæ Idæ usque ad exitum vitæ suæ LXXX aratra ad reconciliationem tribuit, ea videlicet ratione, si ipse, aut aliquis Successorum ei subtrahere voluerit præsignata aratra, quatenus hæc prædia eidem penitus restituat, xviii Calend. Octobris actum in Hirutveldun. Hujus reconciliationis sunt testes Bernhardus Dux, Heriman Comes & filii ejus Henric, Conrad, Adalbracht, Bernhard, Ekkica Comes de Aslan, Bernhard Comes, Erp Comes, Tiedric Comes, Fresonic, Widukin Comes, Amelonge Comes, & frater ejus Ekbracht, Ekkica Comes, Geba & filii ejus, Henric, Cona, Volcherd, Benna & frater ejus, Godica, Uffa, Beva, Eppa, Ricdach, Engiza, Viza, Hildilin, Tamma, Rothard, Ebkica, Tiedric miles Ekkiconis, Bennaca & frater ejus, Tiaza, Reimald, Godikin, Wizuca, Gela, Droga, Thiap-

Hoc ipso anno alius quidam Cæsaris & optimatum conventus collectus in Laem (locum Browerus Laene vocat) eo in congressu accepit Meinwercus a Berthilde matrona prædium Lemmonehusen a Cæsare vindicatum e manibus Hathaldi viri illustris, qui idem extorserat ab Hathumaro Berthildis filio, donaveratque pellici suæ ex Bernardo Comite genitæ, testes inter alios memorantur Hermannus, Udo, & Ekkihardus Comites, aliique complures e nobilitate Westphalica viri.

Subtraxit hic annus sub initium vi Calend. Februarii Unwanum Archiepiscopum Bremensem, Meinwerce Episcopi nostri consanguineum, de quo supra memoratum est. Sidus ille erat Episcoporum per inferiorem Saxoniam, & columen christianæ religionis per Septentrionis partes. Vir qui & auctoritate apud externos Reges pollebat, & missis per Daniam, Sueciam, Norwegiam Sclavorum regiones Apostolicis viris Evangelium Christi propagavit; quam in rem & ipse sæpius legationem pro Christo suscepit ad barbaras illas gentes. Corpus Bremæ ad sepulchrum primorum Episcoporum conditum. Successorem nactus est Libentium II virum pari religionis zelo commendatum.

*Aus der vita Meinw. n. 103. Lemmonehusen prædium recuperat.*

*Adams Bremensis. in Unwano. Unwani Bremensis Antistitis mors.*

## Annus Christi 1030.

Joannis XX. Pont. 7. Conradi II. Reg. 7. Imp. 4. Meinwerce Ep. Pad. 22.

Annus trigessimus supra millesimum accesserat, quo Imperator, paschate Ingelhemii celebrato, habitaque Triburiæ Episcoporum synodo, in Saxoniam Orientalem movit. Imperatorem eo consecutus est Meinwercus Episcopus, assiduus, ut auctor vitæ refert, ac fidus Comes, & servitiis indefessus: tantoque in amore apud Conradum & Gisela, quanto ante apud Henricum & Cunigundam Imperatricem. Neque minus Conradus obsequium Episcopi remuneratus; quippe dum Merseburgi Calend. Junii cum Imperatore agit ante Ungaricam expeditionem, prædium

Patberg Bernhardi Comititis, uti id tum vici instar erat, cum circumjacentibus agris regia auctoritate Meinwerco donat; quam in rem ipsas donationis tabulas hic producimus.

Cunradus divina favente clementia Romanorum Imperator augustus. Notum sit omnibus Christi fidelibus, presentibus scilicet atque futuris, qualiter nos ob interventum ac petitionem nostræ dilectæ Conjugis Gislæ, Imperatricis videlicet augustæ, & amantissimæ prolis nostræ Henrici Regis, nec non Meinwerce Paderburnensis Ecclesiæ Episcopi, quod-

*Uppo presb. libertus. Prædium Patbergense Meinwercus a Conrado obtinet.*

quoddam Bernhardi Comititis prædium, Patberch dictum, cum mansis decem circa eundem montem adjacentibus, in pago Nichtergera, & in Comitatu Haboldi Comititis situm, quod ideo hæreditario jure in nostram potestatem successit, quia idem ipse B. Comes spurcius erat, quod vulgo Wanburtich dicunt, ad Paderbrun præscripti Episcopi Monasterium, in honore sanctæ Mariæ, & S. Kiliani martyris, sanctique Liborii Confessoris consecratum, tradidimus cum mancipiis utriusque sexus, villis, areis, ædificiis, agris, terris cultis & incultis, viis & invois, pratis, pascuis, silvis, venationibus, aquis aquarumque decursibus, piscationibus, molendinis, exitibus & redditibus, quæsitis & inquirendis; nec non cum omnibus appendiciis ad idem prædium jure pertinentibus, ea videlicet ratione, ut in præscripti monasterii potestatem perpetualiter existat. Et ut hæc nostra traditio stabilis & inconvulsa omni permaneat ævo, hanc paginam inde conscriptam propriaque manu roboratam sigilli nostri impressione jussimus insigniri.

*Odalricus Cancellarius vice Aribonis Archicappellani recognovit. Data Calend. Junii anno Dominicæ Incarnat. MXXX. Indict. XIII. Anno Domni Conradī regnantis \* VI. imperii vero IIII. actum Mersburg.*

\* AL VII.

Nobilis hic ac celebris intra diœceſin locus, in adſito monte, in quo primum Patbergengeſes nobiles, ac deinde Comites, poſtquam prædium ab Epiſcopis in feudum accepere, caſtrum ac ſedem familiæ ſuæ condidere, multumque Epiſcopis infeſti fuerunt: quemadmodum clientes ejusmodi, veterum beneficiorum immemores, obſequium in injurias vertere comperti ſunt. Ceſſit demum Patberga Colonienſi Archiepiſcopo, avulſa a diœceſi. Hæc illa Patberga, quæ Jordano Teutonico primo D. Dominici familiæ ſupremo Magiſtro ac præpoſito, viro ſanctiſſimo, natale ſolum dedit; tametſi quidam Batbergæ in Epiſcopatu Osnabrugenſi; alii Bortgenricæ, ex vicino diœceſis noſtræ loco, natalium origines monſtrare velint. Leander certe, qui res ejus ſcripſit, Botergæ in provincia Saxoniz natum perhibet, & Cantipratanus Weſtphalum nominat.

Imperator dehinc Saxonia evocatus  
ad bellum Ungaricum; qua in expedi-

tione Meinwercum sibi denuo Comitem adesse voluit inter fidos ministros & Consiliarios. Non detrectavit obsequium Meinwercus, ut Imperatorem sibi ad alia beneficia & largitiones demereretur. Igitur longum iter ingressus est cum Imperatore & exercitu ad fines Germaniæ. Causa belli hæc traditur. Postquam anno superiore excesserat e vita Bruno Augustanus Episcopus, Henrici Imperatoris frater, Stephanus Ungariæ Rex, cui Gisela, Brunonis & Henrici Imperatoris soror, in matrimonium data erat, Bojariam sibi pro filio Emerico, quem ex Gisela susceperat, jure hereditario vindicare cœpit, quam Conradus jam filio suo Henrico dederat; ita Imperator & Rex, optimi Principes, collisi armis; quibus Imperator longe superior erat: quippe cum ingenti Germanorum exercitu Ungariam ingressus, vastatione terrorem intulit. Ac licet paludibus ac sylvis impeditus esset, quo minus in interiorem Ungariæ partem penetraret; Stephanum tamen Regem ad petendum pacem adegit, quam legatione ad Henricum Imperatoris filium impetravit. Hic tanti belli intra hunc annum brevis finis; Bojariaque Henrico Regi, Conradi filio, relicta est. Pacis salutaris auctores Egilbertus Frisingensis Episcopus (qui Henrici adolescentiam post Brunonem Augustanum Episcopum moderabatur) Meinwercus, ceterique Episcopi sunt habiti.

Inde Meinwercus ex Ungaria cum Imperatore in Saxoniam rediit, Imperatoremque cum tota aula invitatum traxit ad Paderæ fontes, ubi Imperator Christi natalitia cum Meinwerco celebravit. Adeo hoc præfule delectatus Conradus Imperator. Paderbornam Imperatorem secutus Aribo Moguntinus Archiepiscopus, qui ipso sacratissimo die consensa cathedra ad populum peroravit; ita enim veteri chronico memoratur: *Aribo Moguntinus Archiepiscopus, celebrante Cæsare festum Natalis Domini in Patherbrunna, sancto die inter Missarum solemniam publico sermone habito, licentiam ab Imperatore & fratribus Romam pergendi rogavit, simul a clero & populo indulgentiam sibi a Deo impetrari postulans; qui deinde iter post purificationem Beatiſsimæ Dei genitricis ingressus, Romam adiit, nec multum post a reditu superstes fuit.*

**Meinwer-**  
cus Conra-  
dum Imp.  
ad expedi-  
tionem  
Hungari-  
cam sequi-  
tur.  
*Wippo*  
*presbyt.*

*Wippo.*

Paderbor-  
nam invi-  
tat, ac per-  
ducit Im-  
peratorem.  
*Auctor vita*  
*Meinw.*  
*Chron. us-*  
*tus apud*  
*Brerw. in*  
*notis.*  
*Arnolins in*  
*vita S. Co-*  
*deh. 6. 10.*

Meinver-  
cus Contra-  
dum Imp.  
ad expedi-  
tionem  
Hungari-  
cam sequi-  
tur.  
Wippo-  
res bys.

*Pippo.*  
Paderbor-  
nam invi-  
tat, ac perso-  
nucit Im-  
peratorum.  
Auctor vita  
Meinuv.  
Chron. vob  
us apud  
Brouu. in  
notis.  
Arnoldus in  
vita 2. Co-  
lab. c. 10.

Parberg na-  
tale solum  
Jordani,  
Generalis  
prædicato-  
rum.  
Fasti Epi-  
scop. Osnab-  
æ Francisc.  
Wilhelmo  
editi in sy-  
nod.  
Holland, in-  
vita Fors-  
dan, ad 13  
Februar.  
Surius ad  
13 Februar.  
außer vita  
Meinw.

**Annus .**

# Annus Christi 1031.

Joannis XX Pont. 8. Conradi Regis 8. Imper. 4.  
Meinwerchi Ep. Pad. 23.

Imperator per annum sequentem, sæviante licet hyeme, in Orientalem Saxoniam & Thuringiam profectus est, ad res earum provinciarum ordinandas, quod jam Misiconem Polonorum Ducem infecta machinari didicisset, quæ haud multo post a discessu Imperatoris erupere. Imperatorem ad Saxoniam & Thuringiam fines comitatus Meinwercus, Alstedi prædium, in pago Paterga, & Comitatu Amelungi, 13 Calend. Febr. impetrat, qua super re hæc literæ extant.

In nomine sanctæ & individue Trinitatis, Chounradus divina disponente gratia Romanorum Imperator augustus. Omnium Dei nostrique fidelium universitati notum esse volumus, qualiter nos propter amorem cælestis patriæ, atque ob interventum ac petitionem dilectæ Conjugis nostræ Gisela Imperatricis augustæ, nec non cari filii nostri Heinrici Regis, & propter jure devotumque nobis servitium Meginwerchi, sanctæ Paderbornensis Sedis Episcopi, Ecclesiæ, cui ipse Deo donante præsidet, in honore sanctæ Dei genitricis Mariæ, beatique

Kiliani martyris, nec non Confessoris Christi Liborii constructæ, illa prædia, quæ habuerunt Bernhart & soror ejus Hazecha, in locis Alflaan & Etlinum sita, in pago Paderga, in Comitatu Amelungi, cum aliis omnibus illuc pertinentibus, & cum omni utilitate quæ vel scribi aut nominari ullo modo valet, cum mancipiis utriusque sexus, cum areis, ædificiis, agris, campis, terris cultis & incultis, pratis, pascuis, silvis, venationibus, aquis aquarumque decursibus, piscationibus, molis molendinis, viis & inviiis, exitibus & rebus, quæ sitis & inquirendis perpetualiter habenda donavimus; ea ratione, ut præfatus Episcopus sui que Successores de eisdem prædiis, nobis imperiali jure hæreditatis, liberam dehinc habeant potestatem, quidquid sibi placuerit faciendi, ad utilitatem tamen Ecclesiæ suæ, omnium contradictione remota. Et ut hæc nostræ traditionis auctoritas stabilis & inconvulsa omni permaneat ævo, hanc paginam inde conscriptam manu propria roborantes sigillo nostro insigniri jussimus.

Signum Domni Chounradi



inviçtissimi Romanorum  
Imperatoris augusti.

Odalricus Cancellarius vice Arivonis Archicappellani recognovit. Data XIII. Calend. Februarii. Indict. XIV. anno Dominicæ Incarnat. MXXXI. anno vero Domni Chounradi secundi regnantis VII. Imperii autem IV. actum Alstete.

Et adhuc; Goslariam exinde comitatus Imperatorem Meinwercus Episcopus, novo liberalitatis dono, tria rursum prædia XI Calend. Martii consecutus est, ejus donationis tabulas hic denuo exhibemus.

In nomine sanctæ & individue Trinitatis. Chuonradus Dei ordinante providentia Romanorum Imperator Augustus. Omnium Dei nostrique fidelium universitati notum esse volumus, qualiter nos ob divinæ mercedis intuitum, nec non per interventum dilectissimæ comitæ nostræ Gisela Imperatricis augustæ, simul etiam dilecti filii nostri

Regis Heinrici, & jure servitium Meynwerchi Patherbrunnensis Ecclesiæ Episcopi sæpissime nobis fideliter impensum, eidem Ecclesiæ, in honore sanctæ Dei genitricis Mariæ, ac sancti Kiliani martyris, & sancti Liborii Episcopi & Confessoris constructæ, prædium Bennanhusen, valabroch, dadanbroch, situm in pagis Wetiga & Tilithi, in Comitatu Widukindi, cum omnibus ad ipsum prædium jure ac legaliter pertinentibus, cum mancipiis utriusque sexus, cum areis, ædificiis, agris, campis, terris cultis & incultis, pratis, pascuis, silvis, venationibus, aquis aquarumque decursibus, piscationibus.

Tt

tionibus, molis, molendinis, viis & in-  
viis, exitibus & redditibus, quæsitis, &  
inquirendis, seu cum omni utilitate, quæ  
vel scribi aut nominari ullo modo potest,  
in proprietatem donavimus, & de nostro  
jure ac dominio in ejusdem jus ac domi-  
nium omnino transfundimus; ea videli-  
cet ratione, ut prænominatus Episcopus  
ejusque Successores de eodem prædio li-

beram posthac potestatem habeant tenendi,  
commutandi, vel quidquid sibi utilitatis  
Ecclesiæ placuerit faciendi, omnium bo-  
minum contradictione remota. Et ut hæc  
nostræ traditionis auctoritas stabilis  
& inconvulsa per antiqua sæculorum  
curricula permaneat, hanc paginam inde  
conscriptam manu propria roborantes si-  
gilli nostri impressione jussimus sigillari.

Signum Domni Chounradi



invictissimi Romanorum  
Imperatoris Augusti.

Odalricus Cancellarius vice Aribonis Archicappellani recognovit. Data XI. Calend. Mar-  
tii. Indictione XIV. Anno Dominice Incarnat. MXXXI. anno vero Domni Chounradi  
secundi regnantis VII. Imperii IV. Actum Goslare.

Mirus in versando Imperatoris animo  
Meinwercus; simul ad preces Giselæ  
Imperatricis & Henrici Regis filii, per  
id tempus Goslarie octo simul prædia,  
munificentia religiosissimi Imperatoris,  
impetravit, eoque has tabulas rursum  
fistimus.

nu propria roborantes sigilli nostri impressio-  
ne jussimus sigillari.

Odalricus Cancellarius vice Aribonis Ar-  
chicappellani recognovit Data XI. Calend.  
Martii, indictione XIV. anno Dominice  
incarnat. MXXXI. anno vero Domni  
Cunradi secundi regnantis VII. Imperii  
autem IV. actum Goslare.

Una cum 8  
aliis Gosla-  
rie impe-  
tratis.

Conradus Dei ordinante clementia Roma-  
norum Imperator Augustus. Omnium Dei  
nostrique fidelium universitati notum esse vo-  
lumus, qualiter nos ob interventum & peti-  
tionem dilectissime consuetudinis nostræ Giselæ  
Imperatricis augustæ, nec non & Henrici  
Regis dilecti nostri filii, & jure servitium  
Meinwerchi Patheburn, Ecclesiæ Episcopi  
sepissime nobis fideliter impensum, eidem Ec-  
clesiæ, in honore sanctæ Dei Genitricis Ma-  
riæ, sancti Kiliani martyris, & sancti Libo-  
rii Confessoris constructæ, prædium Heinbu-  
sen, Winiden, Windelmuderod, Aldendorp,  
Rudbertessen, Sunderessen, Nisa, Hameres-  
sen, situm in pago Auga, in Comitatu Cun-  
radi, cum omnibus ad idem prædium jure ac  
legaliter pertinentibus, Hathonem & Richal-  
dum cum suis omnibus, cum marciis utrius-  
que sexus, cum arvis, ædificiis, agris, cam-  
pis, terris cultis & incultis, pratis, pascuis,  
silvis, venationibus, aquis aquarumque de-  
curfibus, piscationibus, molis, molendinis,  
viis & inviis, exitibus & redditibus, quæsi-  
tis & inquirendis, seu cum omni utilitate,  
quæ scribi, aut nominari ullo modo potest, in  
proprietatem donavimus, & de nostro jure ac  
dominio in ejusdem Ecclesiæ jus, & dominium  
omnino transfundimus; ea videlicet ratione,  
ut idem Episcopus ejusque Successores de eo-  
dem prædio liberam posthac potestatem habeant  
tenendi, commutandi, aut quidquid sibi uti-  
litatis Ecclesiæ placuerit faciendi, omnium  
hominum contradictione remota. Et ut hæc  
nostræ traditionis auctoritas stabilis & incon-  
vulsa per antiqua sæculorum curricula per-  
maneant, hanc paginam inde conscriptam ma-

Nondum fons ille exhaustus; quan-  
doquidem haud multo post mense Au-  
gusto opimum Sannanabiki regale præ-  
dium cum circumjacentibus villis, quas  
Wicilo in manu Regis reddiderat, Mein-  
werco donatum consignatumque est.  
Servat hodie locus nomen Sanne-  
beck, indeque in amplum pagum &  
parochiam excrevit. Tabulæ hæc vel  
eo nobis recitandæ sunt; quod in iis  
fateatur Imperator nullum ex omnibus  
Episcopis sibi magis affiduum & fidum  
adesse in omni aulæ servitio, quam  
Meinwercum: igitur in hunc modum  
Imperator.

Ac plura  
alia, inter  
quæ Sannes-  
becka.

Cunradus divina favente clementia  
Romanorum Imperator augustus. Si  
ulli ex nostris Pontificibus, sui fidelis  
servitii non immemores, aliquid ex his,  
quæ nostri juris deputantur, benigno  
animo impendimus, eum postea in no-  
stro oramine & servitio perniciosem  
& multo studiosiorem existere procul du-  
bio credimus. Quapropter omnibus  
Christi nostrique amatoribus, præsen-  
tibus scilicet ac futuris, perspicuum esse  
volumus, qualiter Wicilo nostram adiit  
Serenitatem, humiliter rogans, ut præ-  
dium Sannanabiki, dictum in istis villis  
Hornan, Frodinitorp, Vinesbiki, Raf-  
sen,



fen, Knechtabusen, Buckinbusen, Ben-  
nanbusen, Scum, Berchem, Homan,  
Holtbusen situm, Sua Uxorisque suæ  
Odæ filiaque suæ Cæcilie, nec non Ger-  
burch, filiique ejus Hodonis petitione ac  
collaudatione, ad nostram imperialem  
manum recipere curaremus prædium Zu-  
rici, quod nostræ fuit proprietatis, illo-  
rum econtra subjugantes ditioni. Ho-  
rum igitur desiderio primatum nostro-  
rum satisfaciētes consilio, id quod illo-  
rum erat ad manum nostram recepimus  
& in illorum jus, quod nostri erat juris  
amabiliter remisimus. Transactis au-  
tem ita his omnibus prædictum prædi-  
um Sannanabiki, quod tunc nostræ ju-  
dicabatur esse proprietatis, in Comitatu  
Widukiri, in pago Wetiga situm, cum  
omnibus utilitatibus ad idem pertinenti-  
bus, areis, ædificiis, agris, terris cul-  
tis & incultis, pratis, pascuis, campis,  
silvis, venationibus, aquis aquarumque  
decurfibus, piscationibus, molis, mo-  
lendinis, viis & inviis, exitibus & re-  
ditibus, quæsitis & inquirendis ob ama-  
bilem Conjugis nostræ Gislæ Imperatri-  
cis augustæ interventum, & ob minime  
denegandam dilectissimæ prolis nostræ  
Heinrici Regis petitionem, nec non Her-  
manni Marchionis, Meinwerco venera-  
bilis vitæ Episcopo, suæque Ecclesiæ, in  
sanctissimæ Dei genitricis Mariæ, &  
pretiosissimi martyris Kiliani, & glo-  
riosissimi Confessoris Liborii honorem  
constructæ, eo tenore in proprium tra-  
didimus, ut ipse sui que Successores de  
eodem liberam deinceps habeant potesta-  
tem tenendi, tradendi, vendendi, com-  
mutandi, vel quidquid placuerit, sibi  
faciendi ad utilitatem tamen prædicto-  
rum Sanctorum Ecclesiæ; recordati su-  
mus namque non in hoc tantum, sed in  
aliis sibi adhuc Deo volente a nobis tra-  
dendis prædiis, quod suum assiduum ser-  
vitium devotius, & cæteris nostris Pon-  
tificibus frequentius non quasi uno, sed  
fere in omni tempore anni habuimus.  
Et ut hæc nostræ traditionis auctoritas  
stabilis & inconvulsa per labentia tem-  
porum curricula observetur, hoc præce-  
ptum inde conscriptum subtus manu pro-  
pria confirmavimus & corroboravimus,  
ac sigilli nostri impressione diligentius in-  
signiri præcepimus.

Odalricus Cancellarius recognovit. Data  
III Non. Augusti, indictione XIII.  
anno Dominicæ incarnat. MXXXI.

anno autem Domni Conradii secundi  
regnantis VII. imperii vero V. actum  
Immetesbusen.

Tractabat per hæc bellum Poloni-  
cum magnis curis, magnoque appa-  
tu Imperator, ad Polonorum injurias  
ulciscendas. Quippe Miseco, qui Bo-  
leslao patri jam successerat, ausus non  
modo regium nomen, citra Imperato-  
ris & Imperii voluntatem sibi sumere,  
sed &, comperto Thietmari Marchio-  
nis obitu, collecto ingenti Paganorum  
exercitu, in Christianorum provincias  
irrupere, inter Albim, & Salam cen-  
tum villas incendiis cædibusque vasta-  
rat, novemque millia & sexaginta quin-  
que virorum ac mulierum e Christianis  
in captivitatem magna comploratione  
abduxerat, inter quos Liuzo Branden-  
burgensis Episcopus captus, & vilis  
instar mancipii barbarum in modum  
tractatus. Expugnatis arcibus, matro-  
næ nobiles per vim abreptæ, prostitu-  
tæque militum libidini; denique non  
templis, non altaribus, non sacris par-  
citurum. Non tulit hanc injuriam Impe-  
rator; comparatoque exercitu, expe-  
ditionem suscepit in Poloniam, in qua  
& Meinwercum Episcopum sibi adesse  
voluit; quod & jam gnarus locorum  
ac gentis, Henrico Imperatore, castra  
in Poloniam secutus, & militiæ aliquan-  
do moderandæ impositus fuisset. Non  
poterat id detrectare Meinwercus, quem  
Imperator tanta sibi beneficentia obstri-  
ctum habebat. Igitur expeditione in  
Poloniam facta, castra secutus, Impe-  
ratori obsequio sacro & consiliis adstitit.  
Felix ejus belli expeditio fuit, qua Im-  
perator Martii fulminis instar Poloniam  
pervasis, & vastatione cædibusque ad  
obsequium tributumque compulit, &  
sui juris fecit; quantumvis Cromerus,  
studio gentis, & gloriæ Polonorum  
præreptus, hæc controvertere velit.  
Sed certi nobis auctores Hepidannus,  
Wippo, veteres chronici, & vitæ Mein-  
werki Scriptor. Quare, & Miseco,  
detracto regio nomine, ejectus Polo-  
nia, ad Udalricum Bohemiæ Ducem  
confugere necesse habuit. Ibi cum Mi-  
sico exul apud Udalricum ageret, qui  
& ipse gratia Imperatoris exciderat,  
Udalricus, ut sibi Imperatoris animum  
demereretur, obtulit Misiconem se Im-  
peratori traditurum in manus. Ad  
quæ Imperator: Nolle se emere inimi-  
cum

Wippo  
presbyt.  
in vita  
Conradi.  
vetus chron.  
apud Brow.  
in notis ad  
vitam  
Meinw.  
Auctor vita  
Meinw.  
n. 105.  
Herm. cont.

Meinwer-  
cus Conra-  
di Comes  
in expedi-  
tione Polo-  
nica.  
Cromerus  
lib. 2. de re-  
bus Polon.  
sub finem.

Quam Con-  
radus Imp.  
subjugat.

*cum ab inimico.* Tandem Gisela Imperatricis & ceterorum Principum rogatu pacatus Imperator, Poloniam Tetrarchiam fecit, & tertiam Polonorum partem, accepto fidei juramento, Misiconi dedit. Ceteris Poloniae provinciis Marchiones & Praefecti impositi. Inde quietus tandem Misico, transmissio Principatu in Casimirum filium Imperio magis fidum. Ea tum erat felicitas, armorum, ea Imperii majestas ex fortitudine bellica Imperatoris.

Dedicatio  
Ecclesiae  
Abdinck,  
holfensis.

Meinwercus etsi per hanc belli initia Imperatorem affecutus sit in Poloniam, post tamen, ubi absoluta Monasterii Abdinckhoviani templique fabrica, eorum sacrorum operum dedicatio revocabat, impetrata redeundi venia, iter in dioecesin relegit, invitato etiam Imperatore ad celebritatem, siquidem expediti belli cura fineret. Igitur v Nonas Octobris Paderbornam ingressus, magnaue cleri populique laetitia exceptus. Et jam corpus D. Felicis martyris a Wolfango Aquilejensi Patriarcha donatum advenerat, quod novo Monasterio pignus destinaret. Atque ut in Divorum reliquiis admittendis cautus erat, ne quid dolo obtrusum interversumque ex itinere, publice colendum proponeret, rogum parari iussit, & in atrio (qui tum receptus explorandimos) majori in Deum fiducia, quam Ecclesia postea probavit, ossa martyris ter in ignem iniecit, & ter ab igne intacta recepit, haud parum, qui aderant, obstupescuntibus ad miraculi spectaculum. Subinde omni cura versus in dedicationem magnifici templi, vicinos pro more Episcopos ad celebritatem invitavit. Ex quibus convenere Paderbornam Hunfridus Magdenburgensis Archiepiscopus, Godehardus Hildesienfis, Sigebertus Mindensis, & Sigefridus Monasteriensis Episcopus, alique quatuor, quorum nomina ab auctore praeterita. Igitur his quatuor Episcopis praesentibus, cum & innumera hominum multitudo omnis ordinis, aetatis ac sexus confluxisset, solemnem Monasterii templique consecrationem peregit. Dedicatumque templum cum Monasterio Beatissimae Virginis Mariae, Principibus Apostolorum Petro & Paulo, omnibusque Sanctis, quorum tum Octava agebatur. Consecratione peracta, munificam dotem

praediorum, decimarum, aliorumque bonorum publicis tabulis consignatam ad altare obtulit, quibus maximam donationis partem complexus est, addita Ejusdem  
fundationis  
tabulae. severa in violatores execratione, quemadmodum haec ex ipsis Meinwerci fundationis libris, quos hic reddimus, planius cognoscuntur.

*In nomine sanctae & individuae Trinitatis. Rerum omnium creatorem Deum summum & incommutabile esse bonum, omnium constat ratione fidelium: Cujus omnipotentiam aliquo indigere, superfluum est aestimare vel credere. Quomodo vero in libro Salomonis scriptum invenimus, Divitiae hominis redemptio animae illius; & ab ipso auctore mundi praeceptum legimus: Date eleemosynam, & omnia munda sunt vobis, restat ut ex beneficiis ab eo nobis collatis, ob redemptionem animarum nostrarum, qualiacunque possumus, in ejus servitio expendamus, pauperibusque ejus membris succurrendo, de mammona iniquitatis faciamus amicos, qui nos recipiant in habitacula aeternae beatitudinis. Hac igitur ratione ammonitus Ego Meginwercus, utinam Episcopus! consilio & auxilio beatae memoriae Henrici Imperatoris, pro remedio animae meae & parentum meorum in suburbio Episcopii mei monasterium construxi, & in honore omnium Sanctorum devotissime consecravi, ejusdemque in dotem Ecclesiae ex hereditate parentum meorum, sive acquisitione propria, praedia subtilus nominata cum omnibus suis pertinentiis solemmniter tradidi, delegavi, & concessi; Ubydun cum Ecclesia Gbellendorp, Rumbek, Merebek cum Ecclesia Dotenbusen, Waltmanningbuson, Rime, Driburi, Goltbek, Havergo, Nedere, Balbornon cum decima, Lesserbe cum decima, Wambek, Hoenfele, Radengheim cum Ecclesia & decima, Putten cum Ecclesia & decima, & Ecclesiam in Vorthusen, Tetterhand cum Ecclesiis, Bulten, Hastbi, Gamberen, Hellewe, Nyweke cum decimis eorum, Burchnon cum decima, & de Episcopatu meo, item Burchnon cum decima, Andepon cum decima, bonis meis centies restituta & redempta. Hac igitur omnia praefato Monasterio a me collata cum omnibus suis pertinentiis, terris videlicet cultis & incultis, mancipiis utriusque sexus, villis, pascuis, pratis, silvis, venationibus, aquis aquarumque decursibus, piscationibus, molendinis, viis & inviiis, exitibus & reditibus, quaestis & inquirendis, ceterisque omnibus, quae quomodocunque donari possunt, utilitatibus in mundiburdium & tuitionem omnipotentis Dei, Sanctorumque omnium committo: admonens, & contestans sub nomine Domini nostri Jesu Christi, ut nullus Successor meus, sive aliqua persona magna, sive parva, contra Ecclesiam Dei se viens, foris & intus eadem Monasterio rebusque concessis seu concedendis aliquam violentiam, seu rapinam ulla temeritate inferre praesumat. Si quis autem de praefato*

fato Monasterio aliqua auferre, vel minuire de thesauris vel prædiis injuste temptaverit, vel Monachis ibidem constitutis vim aliquam sive molestiam intulerit, omnipotentis Dei Sanctorumque ejus iram atque offensam incurrat; & in die judicii, si non emendaverit, dominico maledicto subiaceat, Ite maledicti in ignem æternum, qui pręparatus est diabolo & angelis ejus. Constituiamus autem & volumus, non census vel debiti, sed inviolabilis causa dilectionis ut Abbas præfati Monasterii omni anno in dedicatione Ecclesię suę Episcopum, si præsens est, Canonicosque suos ad convivium invitet, nihilque aliud præter quod caritas distaverit, aliquando persolvere cogatur. Defuncto vero Abbate habeant Monachi potestatem secundum timorem Dei eligendi Abbatem, nec quisquam eis per violentiam aliquam, seu per malignum consilium in hac re obfistat, Hoc autem votum meum Domine Jesu Christe peto, ut clementer suscipias tribuasque, ut quicumque hanc traditionem nostram atque licentiam liberalem infringere vel permutare quolibet ingenio temptaverit, maledictioni & ultioni, quam invasoribus Ecclesiarum tuarum præparasti, incurrat. Actum in die consecrationis ejusdem Monasterii, anno ab Incarnat Domini M. trigesimo primo, indictione quarta decima, quarto Non Novembris, præsentibus & adjuvantibus autoritate sua Episcopis, Domno Hunfrido Parthenopolitano, Godebardo Hildenesemensi, Sieberto Mindensi. Hanc autem traditionem Amelungus Comes, summus majoris Ecclesię advocatus manu sua suscepit & regię potestatis banno in Comitatu suo stabilivit. Super his præsentium atque futurorum orationem bonis prodesse obsecramus, ut ipse mihi in die judicii mercedem restituat, pro cuius amore hæc incepti atque perfecti.

Nihil sanctis viris sollicitius, quam ut ea, quæ Deo donaverant & consecraverant, apud posteros integra intactaque manerent: hinc illæ frequentes imprecationes execrationesque, quibus ad divinum judicem ac vendicem provocant, tanquam præfii, quæ rapaces ac sacrilegæ manus aliquando accessuræ in spoliū Ecclesię. Neque satis habuit Meinwercus ea, quæ his tabulis consignarat, palam recitare; sed singulos Episcopos ordine suggestum conscendere, ut ipse fecerat, & diras hæce ultrices in capita Sacrilegorum repetito carmine evocare voluit. Et quia templum Monasterii in formam crucis constructum erat, Hierosolymitani in modum, Meinwercus in omnibus Monasterii ejus prædiis ad fores & vestigia

ædium triumphale crucis signum præfigi iussit.

Invitatus fuerat ad hanc celebritatem Bardo quoque, Moguntinus Archiepiscopus ac Metropolitanus Ecclesię, sed nescio quibus impeditus sese excusavit; jam enim Bardo Ariboni Archiepiscopo VIII. Idus Aprilis defuncto in itinere Romano, Imperatricis favore successerat, primum ex nobili Weteravię Monachus Fuldenfis, ex eoque cœnobio Abbas Werthinensis apud nos ad Ruram postulatus. Inde rursum Abbas Hertzfeldiensis delectus. Vir ob argenteam vocem & facundiam dicendi ejus sæculi Chrysostomus appellatus: quas naturę dotes cum multis virtutibus exornatas haberet, ad fastigium Archiepiscopatus est provectus, vitamque exinde pari sanctitate conspicuam exegit, ut multis eum commendant Scriptores.

Antequam ad sequentem progrediamur, juvat hunc annum claudere insigni Monasterii Abdinckhoffensis encomio, quod in veteri MS. sic legitur.

Monasterium SS. Petri & Pauli boniori sacrum, longe celeberrimum Cœnobiū intra muros Paderbornenses, Monasticę disciplinę vigore & virorum eruditorum copia locuples, fundatum fuit a B. Meinwercō Episcopo Paderbornensi S. Henrici Imperatoris Cognato, Comite Teisterbandiæ in Geldria, Anno Christi 1015 & anno 1031 absolutum, illato S. Felicis Martyris sacro corpore insigniter dotatum, inque præsentia Hunfridi Archiepiscopi Magdeburgensis, & Episcoporum S. Godebardi Hildesimensis, Siberti Mindensis, Sifridi Monasteriensis 4to nonas Novembr. dedicatum a Fundatore; maximis deinceps privilegiis a Romanis Pontificibus a Cæsaribus & Episcopis exornatum, ea semper disciplinę Regularis laude floruit, ut inde undique exemplaria Virtutum, ad diversa Cœnobia Abbates ac integræ Monachorum Colonia expeterentur, a nonnemine seminarium Abbatum appellatum. Et quæ plura in laudem illius hic proferuntur, nosque deinceps suis locis prosecuturi sumus.

*Autor vita  
Meinw. v.  
Marianus  
Secus,  
Serrarius in  
Mogunt.  
hisor.  
Bardo Archiep.  
Moguntinus,  
ejus laus.*



Annus

## Annus Christi 1032.

Joannis XX. Pont. 9. Conradi II. Reg. 9. Imp. 6.

Meinwerco Ep. Pad. 24.

*Außer vita Meinw.* Bello Polonico prospere confecto, Imperator ex regressu in Saxoniam, a Meinwerco Episcopo Paderbornam invitatus accessit cum Gisela Imperatrice, Henrico Rege, Egilberto Frisingensi Episcopo Regis moderatore, totaque aula, & rursus Natalem Christi diem, ut priori anno fecerat, cum Meinwerco ad Paderæ fontes celebravit. Tum vero postquam Imperatorem introduxisset in Monasterium Abdinghovianum a se magnifice constructum dotatumque, ac præclaram cleri populique disciplinam objecisset Imperatoris oculis; Imperator omnia Monasterii Abdinghoviani privilegia, jura ac prædiorum bona ab Henrico Imperatore & Meinwerco Episcopo donata, præclaro, quod hic reddimus, diplomate rata habuit.

Confirmatur fundatio Abdinghoviana a Conrado Imp.

*In nomine sanctæ & individue Trinitatis, Conradus divina favente clementia Romanorum Imperator augustus. Si loca Ecclesiasticis obsequiis deputata nostra imperiali auctoritate stabilire & confirmare studuerimus, id nobis regnique nostri statui profuturum fideliter & veraciter credimus. Quapropter omnium Dei nostrique fidelium universitati notum esse volumus, qualiter nos ob interventum ac petitionem dilectissimæ Conjugis nostræ Gisellæ Imperatricis augustæ, & amantissimæ nostræ prolis Henrici Regis, & Egilberti Frisingensis Episcopi, nec non devotum servitium Meinwerco venerabilis Paderburnensis Ecclesiæ Episcopi domi forisque nobis frequenter & fideliter impensum, talia bona, qualia tam ab eo, quam a bonæ memoriæ prædecessore nostro Heinrico Imperatore secundo, seu aliis fidelibus sollemniter delegata sunt Monasterio, quod ipse in occidentali parte civitatis Episcopii sui, in honore sanctæ Mariæ perpetuæ Virginis, Sanctorumque Apostolorum Petri & Pauli, omniumque Sanctorum dedicando consummavit, in Ecclesiis, decimis, Villis, mancipiis, prædiis majoribus & minoribus, cum universis ad hæc legaliter aspicientibus, curtificiis, ædificiis, areis, terris cultis & incultis, campis, pratis, pascuis, silvis, venationibus, aquis aquarumque decursibus, piscationibus,*

*molis, molendinis, viis & inviis, exitibus & redditibus, quasitis & inquirendis, cæterisque omnibus, quæ quomocunque dici sive scribi aut nominari possunt, utilitatibus, quæ in eis sunt, vel deinceps fieri legitime possunt, per hoc nostrum imperiale præceptum stabiliennes confirmamus & corroboramus, eo videlicet tenore, ut hæc sub plenissimæ immunitatis tuitione consistant, & sub nostra imperialis auctoritatis defensione præfata Ecclesiæ fratres sub B. Benedicti regula Domino famulantes ea possideant: Ita ut nullus Judex publicus, vel quilibet aliqua judiciaria potestate prædicta loca, vel possessiones eidem Ecclesiæ concessas, vel concedendas ad causas judicario more audiendas, vel freda, tributa exigenda, mansiones vel paratas faciendas, aut fidejussores tollendos, aut homines ipsorum tam litos quam ingenuos super terram eorum commanentes contra rationem distringendos ullo unquam tempore ingredi audeat, vel ulla publicas functiones aut redibitiones vel illicitas occasiones requirere vel exigere ullo modo præsumat, sed prænominatæ Ecclesiæ Abbas cum suo advocato, quem communicato fratrum suorum consilio in defensorem elegerit, causas rerum agendarum sagaciter prævidens, & sapienter disponens suis suorumque fratrum utilitatibus in omnibus fideliter & utiliter prospiciat. Hominibus quoque eidem Ecclesiæ collatis, qui vulgo Malmam dicuntur, prædictæ regie auctoritatis tuitionem nostram constituimus, & quidquid Fiscus regius de eis consequi debuit, totum nos pro æterna remuneratione, & nostra nostræque Conjugis, & prolis commemoratione prædictæ Ecclesiæ ad stipendia pauperum, & lumina continenda concedimus. Et ut hæc nostræ liberalis confirmationis auctoritas stabilis & inconvulsa omni posthinc permaneat tempore, hoc Imperiale præceptum inde conscriptum manu propria confirmantes sigilli nostri impressione jussimus insigniri. Data XVII. Calend. Februarii indict. XV. anno Dominic. Incarnat. MXXXII anno vero Domni Conradi secundi regnantis VIII. Imperii autem 5. actum Paderbrun in Dei nomine feliciter Amen.*

Per-

Perstitit Imperator in Januarium cum Imperatrice & filio Paderbornæ apud Meinwercum; per quod tempus donatio areæ & quadraginta iugerum in pago Nitherga ac villa Holthusana, ab Hidelino nobili viro atque Oda ejus Coniuge antehac facta, Episcoporum & Comitum testimoniis corroborata est. Hasce literas, quia aliorum Paderbornæ præsentium Episcoporum ac procerum nomina exhibent, hic interjungimus.

Notum sit omnibus fidelibus, præsentibus scilicet ac futuris, quod quidam fidelis nomine Hidelin, per consensum suæ coniectalis Ode, & justissimi hæredis Arnaldi, unam aream & XL iugera cum omnibus appendiciis in pago Nitherga, in villa quæ dicitur Holthusen, & Arnaldus scilicet cum consensu suæ matris ejusdem Ode, & prædicti Hidelini unum litum in pago Almunga, in villa quæ vocatur Barghusun cum sua uxore & filio, & cum omnibus ejusdem prædii appendiciis, ad dominium sanctæ Dei genitricis Mariæ, & sancti Kiliani martyris sanctique Liborii Confessoris atque Pontificis, pro decimatione super villam Eniggarothun acquirenda in proprium tradidit, Quod vero Meinwercus Episcopus pie perpendens prædicto Hidelino & suæ coniectali, & Arnaldo omnibusque posteris ejus eandem decimationem super villam, quæ vocatur Eniggarothun, pro prædicto prædio per suum advocatum Amelung in proprium dedit, Hæc itaque traditio III nonas Novembris primum facta, IIII Nonas Januarii in Paderbrun iterata atque confirmata est, consedentibus ibidem Archiepiscopo Hunfritho, & Episcopo Sibertho, & Hildwardo, atque Liuzone Episcopis, & adstantibus Fritherico, Gerberto, Thiaderico Comitibus, Brun, Godebald, Erp, Rathuboda, Ecbert, Wilzin, Thiaderic, Haold, Offa, Haold, Godescalc, Bennaka, Folchard.

Festis nascentis anni diebus Paderbornæ transactis, Conradus Imperator, adscito itineris Comite Meinwerco, Hildewardeshufense Virginum cœnobi-um invisit. Diversum hoc Monasterium ab Helwardeshufano, de quo supra relatum est in Ottone III imperatore, ad Dimolam fluvium ab Ekkardo Comite donatum. Inter illustria Imp-

rii Monasteria hoc virorum; illud vero, de quo hic agimus, Virginum fuit prope Mundam Brunswicense Oppidum ad Confluentes Werræ & Fuldæ, ac celebre quondam ac imperiale cœnobi-um; etsi origines nobis nondum compertæ. Fueritne Moguntini, an Hildesien- sis jurisdictionis, incertum habemas, quando Tangmarus de Bernwardo Episcopo suo, Abbatiam, inquit, Hildewardeshufensis Ecclesiæ, sibi ab Imperatore traditam, in qua matertera ejus præerat, solemn- itate dedicare voluit; quo in opere turbatus est ab Archiepiscopi Moguntini ministris, ejectusque non sine cæde suorum. Statua quondam in eo cœnobio fuit B. Virginis, miraculis clara, quæ ab Henrico Brunswicensi Duce catholico Foro Julium translata, magnoque cultu in templo Societatis reposita. Multis quoque fuit reliquiis Sanctorum donatum, quas inter caput Elisabethæ matris Joannis Baptistæ, ab Erico filio Collegio Fuldensi donatum, antequam hæresis cœnobi-um in spoli- um traheret; nam ut Helwardeshufanum Monasterium cessit Hassis, ita Hildewardense Brunswicensibus. Longe sane dispar religionis cultus, cum Conradus Imperator Virginum eo in cœnobio florentium pietate invitatus cum Imperatrice, filio Rege, & Meinwerco eo diverteret. Ubi dum hospes, ageret Imperator, opima rursum villa cum aliis minoribus prædiis donavit Meinwercum nostrum.

In nomine sanctæ & individue Trinitatis, Conradus divina favente clementia Romanorum Imperator augustus. Noverit omnium Dei nostri- que fidelium præsentium scilicet ac futurorum, industria, qualiter nos fide- li nostro Meynwerco Paderbrunensis Episcopo & Ecclesiæ, cui ipse Deo donante præsidet, ob interventum & petitionem dilectæ Conjugis nostræ Gisle Imperatricis Augustæ, & amantissimæ nostræ prolis Heinrichi Regis, & Egilberti Frisingensis Ecclesiæ venerabilis Episcopi, nec non ob suum frequens & devotum servitium, quandam nostræ proprietatis curtem Gardenebiki nominatam, sitam in pago Laeni, in comitatu Hermannii Comit- is, cum omni sua integritate, vel quidquid prædii habuimus in villis Huvinadal, Molduggavel, Ludol- veshusen situm in eodem pago, & in comitatu prænomi- nati

Compluri-  
bus prædiis  
Conradus  
Meinwer-  
cum donat.

Jogerum  
40 donatio  
rata habetur.

Autem vita  
Mein. u. 13.  
Conradus  
cum Mein-  
werco Hil-  
dewardeshu-  
fensem  
Paderbornæ  
comitatu

nati H. cum omnibus ad idem pertinentibus, cum arcis, ædificiis, mancipiis utriusque sexus inibi habitantibus, agris, terris cultis & incultis, pratis, pascuis, campis, silvis, venationibus, aquis aquarumque decursibus, piscationibus, molis, molendinis, viis & inviis, exitibus & redditibus, quæsitis & inquirendis, seu cum omni utilitate, quæ aut scribi, aut nominari potest, in proprium tradidimus, & de nostro jure ac dominio in suum jus atque dominium omnino transfundimus, eo quoque tenore, ut prædictus fidelis noster M. Episcopus sive lon-

ge sive prope sit, nos, suæ servitutis non immemores esse recognoscat, & ut ipse sui que Successores, de supra nominatis prædiis liberam deinceps potestatem habeant tenendi, tradendi, commutandi, vel quidquid placuerit, faciendi, ad usum tamen prænominatæ Ecclesiæ, in honore S. Liborii constructæ & consecratæ. Et ut hæc nostræ traditionis auctoritas stabilis & inconvulsa omni tempore perseveret, hoc præceptum inde conscriptum subtusque manu propria roboratum sigilli nostri impressione insigniri jussimus.

Signum Domni Chounradi



invictissimi Romanorum  
Imperatoris augusti.

Odalricus Cancellarius ad vicem Baydonis Archiepiscopi recognovit. Data XV. Calend. Febr. Indiæ. XV. anno Dominicæ Incarnationis MXXXII. anno autem Domni Chounradi secundi regnantis VIII. Imperii vero V. actum Hiltwardeshusen feliciter amen.

*Auctor vita  
Meinw.*  
n. 118.  
Integrum  
comitatum  
largitur  
Conradus  
Meinwer-  
co.

Post illa Conradus Imperator in Weteraviam digressus, Frislariam adiit, locum a D. Bonifacii, & primæ Christianæ religionis cultura celebrem, Affectatus hac protectione Cæsarem Meinwercus Episcopus, tam grato Cæsari obsequio, tantæque gratia, qua comitatum Hermannii Comitis, situm in tribus pagis Auga, Netege, & Heffiga, ut Auctor vitæ retulit, a Conrado Imperatore donatum accepit. Tabulas hujus munificæ donationis temporum injuria subtraxit. Sensim Conradus Henrici Imperatoris liberalitatem in Ecclesiam Paderbornam exæquare visus, ita utriusque Imperatoris animum sibi demeritus est Meinwercus, & mirifice supra omnes superiores Episcopos auxit bona Ecclesiæ suæ.

*Auctor vita  
Meinw.*

Sub autumni tempus Imperator Saxoniam ingressus, atque ad Albim, Meinwerco Comite, delatus, Magdenburgi ad preces Gisela Imperatricis & Henrici Regis filii sex mancipia, quorum hæc nomina sunt Thiermar, Liuzza, Heregrini, Ethilier, Athalward, Wieburg cum omnibus eorum bonis XII. Calend. Septembris novo liberalitatis munere Meinwerco donavit: His atque aliis opibus Meinwercus, quæ partim donatione Cæsarum, partim aliorum privatorum hominum liberalitate ultro in manus ei oblatæ venerant

(uti hac super re complures apud nos extant tabulæ) cœpit alia pro Dei honore & cleri augmento versare cum animo, ac novum Canoniorum Collegium Buxtorfianum, novamque Collegii Basilicam moliri. Ad quod opus primum Imperatoris voluntatem expetiit; qua impetrata, quia ad formam templi Hierosolymitani, ac sepulchri Christi Basilicam meditabatur, misit in Palæstinam Winonem Abbatem, quem e Monachis Paderbornensibus præfecerat Helmwardeshufano Monasterio, ad ideam ejus templi inspiciendam deferendamque ad se in Saxoniam.

Meinwer-  
cus, ad Hierosolymitam templi Ecrypon ferendum Winonem ablegat in Palæstinam.

Inter hæc exemit hic annus e numero mortalium Sigefridum XIII. Episcopum Mimigardevordensem, virum ea ætate non minus religione & omnium virtutum Episcopalinum, quam generis nobilitate illustrem, quocum Meinwerco magna necessitudo, ac familiaritas intercessit. Multa ille per decennium sacri, sui muneris gessit in augendis Ecclesiæ bonis, in dotando Collegio Canoniorum, in exornanda Ecclesiæ suppellectili, quæ fasti eorum memorant. Inter ejus monumenta ostenditur hodie dum Xenodochium inter pontes fluvii ejus liberalitate donatum. Eo Antistite Netmorda nobilis & opulenta matrona, ac filia ejus Frederenna magnam partem patrimonii dede-

Sigefridi Monasteriensis Episcopi mors & eunomium.



dedere Ecclesiæ, ex quo ædes sacræ in Bentlagen ad Amisin haud procul Reinæ Oppido, in Varloe, Appenhulsen, Hiltorpe, & Corde constructæ, & Sacerdotes eorum locorum dotati. Sin-

gulas hasce Ecclesias Sigefridus consecra- vit, Successorem nactus Hermannum ejus nominis primum Episcopum, Con- radi Imperatoris, quod opinari fas erit, studio impositum.

## Annus Christi 1033.

Joannis XX. Pont. 10. Conradi II. Reg. 10. Imper. 7.  
Meinwerici Ep. Pad. 25.

Burgundia  
Imperio ac-  
cedit.  
Wippo presb  
Brevier.  
lib. II. ann  
277.

Fine anni Conradus Imperator cum Henrico filio Argentinæ Natalem Christi celebravit. Nam in superiorem Germaniam profectus est; quod hoc anno Rudolphus Burgundiæ Rex, Gisele Imperatricis avunculus, priusquam sine prole e vita abiret, transmisit Henrico filio Imperatoris diadema Regni una cum Lancea Domini. Igitur ad Regni ejus possessionem adeundam cum exercitu, sæva licet hyeme, Burgundiam intravit, & Regnum filio Imperioque afferuit: expulso Odone Franciæ Comite, qui, quod Sorore Rudolphi Regis genitus esset, Regnum illud hæreditario sibi jure vendicabat. Id Regnum, quia Arelatense censebatur, non modo ejus insignia Imperator sibi sumpsit, sed titulum etiam Arelatensis Cancellarii ad Trevirenses Archiepiscopos pervenisse opinantur. Ita vero Burgundia in provinciæ formam redacta, postquam per annos plusquam centenos triginta gentis suæ Reges habuisset, Germanico Imperio adjungitur; quemadmodum Friderico Mosellano Duce sine prole extincto, subrogatus Gothelo inferioris Lotharingiæ Dux totam Lotharingiam vicario munere administravit. Ea hujus Imperatoris erat magnitudo animi, & Imperii majestas.

filii impetravit; id hisce literis a Conrado impertitum.

*In nomine sanctæ & individue Trinitatis. Conradus divina favente clementia Romanorum Imperator augustus. Omnibus Christi nostrique fidelibus notum esse volumus, qualiter nos ob interventum ac petitionem caræ Conjugis Gisele videlicet Imperatricis augustæ, nec non & dilecti filii nostri Henrici Regis, & Meinwerici Paterbrunnensis Ecclesiæ Episcopi fidele servitium, nobis secundum nostrum votum frequentissime impensum, quoddam nostri juris prædium in Marsvelde, in pago Rietega, & in comitatu Udonis comitis situm, cum mancipiis utriusque sexus, quorum hæc sunt nomina, Wiga & uxor ejus, Olike & filius ejus, Albern & soror ejus Atbelbilt, Volclach & filius ejus Buna & soror ejus Gele, & cum omni lege ad idem prædium jure pertinente, arvis, ædificiis, agris, pratis, terris cultis & incultis, pascuis, silvis, venationibus, exitibus & redditibus, viis & inviis, aquis, piscationibus, aquarumque decursibus, molendinis, quæstis & inquirendis, omnique utilitate, quæ scribi aut nominari potest, ad Monasterium sanctæ Mariæ & sancti Kiliani sanctique Liborii tradidimus in proprium perpetualiterque ibi existendum; eo videlicet tenore, ut ejusdem sacræ Sedis Episcopus sui que Successores liberam inde habeant potestatem tenendi, tradendi, vendendi, commutandi, vel quidquid sibi placuerit, faciendi, ad usum tamen ejusdem Ecclesiæ. Adhæc sub eadem præcepti auctoritate tria mancipia, quorum hæc sunt nomina, Emma, Sicca, Weribubrecht ad prædictum monasterium in proprium tradidimus. Et ut hæc nostræ traditionis auctoritas stabilis & inconvulsa per omnium curricula annorum permaneat, hoc præceptum inde conscriptum, subitusque propria manu nostra confirmatum sigilli nostri impressione jussimus insigniri.*

Marsvel-  
dense Præ-  
dium cum  
nonnullis  
mancipiis  
Meinwerco  
datur a Con-  
rado.

Pascha dehinc Imperator Neomagi celebre habuit, quo in loco ac palatio regio, cum res Frisiæ earumque regionum ordinaret, Imperatorem affecutus Meinwericus, alio dono regale prædium Marsvelt cum mancipiis ad preces Gisele Imperatricis & Henrici Regis

Signum Domni Conradi



Romanorum Imperatoris Augusti.

Burchardus Cancellarius vice Bardonis recognovit. Data III. Idus Maji, anno Dominicæ Incarnat. MXXXIII. indictione prima. anno autem Domni Choutradi secundi regnantis IX. Imperii VI. actum Noviomago feliciter Amen.

Uu

Eadem

A quo &  
confirman-  
tur privi-  
legia Wer-  
thinenſia.

Eadem in urbe, eodemque prorſus die III Calend. Maji Geroldus Werthinenſis ad Ruram Abbas omnia priorum Cæſarum privilegia Monasterio D. Ludgeri data, imperatoria non modo auctoritate confirmata, ſed nova liberalitate a Conrado aucta conſecutus eſt; quod diploma ob D. Ludgeri ac loci venerationem hic juvat referre.

In nomine S. & individue Trinitatis. Conradus divina favente clementia Rex Imperator Auguſtus. Omnium Chriſti noſtrorumque fidelium univerſitatem ſcire jubemus, quod fidelis noſter Geroldus abba monaſterii, quod vocatur Werdina, inſinuavit celfitudini noſtræ, qualiter monachorum cœnobium ſibi conſeſſum a beatæ memoriæ Sancto Liudgero Epifcopo in propria ejus hæreditate fuerit conſtructum, monachisque contraditum, ac glorioſiſſimorum Regum HLudewici filii Regis Magni Karoli ac Suceſſorum ejus, videlicet Henrici, trium Ottonum, nec non ſecundi Henrici Imperatoris invictiſſimi, pro æterna ipſorum omnisque generis memoria, deſenſione, ac tuitione hætenus fuerit conſervatum. Quamobrem noſtram imploravit Clementiam, ut idem monaſterium ſub nova tuitione ſuſcipientes, omnes conſeſſiones ab antecęſſoribus noſtris ſibi collatas noſtræ præcepto auctoritatis firmaremus. Cujus rationabili ac juſtæ petitioni aſſenſum præbentes, decernimus atque jubemus, ut idem monaſterium imprimis cum omnibus ad ſe pertinentibus pleniffimæ immunitatis ſecuritate perfruatur, neque publicis exactio- nibus eidem monaſterio ſubjacentes, liberi vel ſervi, ſive a qualibet culpa rei ab ulla poteſtate judiciaria conſtringan-

tur, ſed advocatus eorum, ſi quid inquirendum eſt corrigendum inquireat aut corrigat. Præterea quod aliis quoque monachorum cœnobiis conſeſſum eſt, ut ubicunque dominicatos manſos habuerint, in quocunque ſint Epifcopio, ſeu præſectura, vel in omni regno a Deo nobis collato, decimas dent ad portam monaſterii, nec ab ullo penitus alibi dare cogantur; ſed ab eiſdem pro noſtra beatitudine perpetua ſupervenientibus peregrinis ac hoſpitibus ſerviatur: inſuper etiam eidem abbati & populis ad prædictum monaſterium ſervientibus regali noſtra potentia viam navigii conſeſſimus de illo loco ubi Rura fluviuſ inſluit Rennum; eo rationis tenore, ut omne per ævum, clauſulis, nec ulla impediẽte cauſa liberam habeant poteſtatem navigandi, ſurſum contra Ruræ fluvii decurſum uſque ad Werthina monaſterium. Ad hæc quoque eidem fratrum collegio ad eligendum inter ſe abbatem regularis electionis poteſtatem concedimus. Abbas illius monaſterii ad caſtra, nec in hoſtem ire cogatur. Inſuper homines fratrum ipſorum ab omni vectigalium & thelonii inquisitioni ſecuri conſiſtant. Et quia nihil ad illum locum pertinet, niſi tantum hæreditas Sancti Liudgeri, ac propinquorum ejus, & eleemoſynæ religioſorum hominum, ideo liceat abbati illud monaſterium cum rebus ad ſe pertinentibus libere poſſidere, quatenus cum fratribus ibi famulantibus melius delectet pro noſtra ac totius Eccleſiæ ſalute divinam jugiter implorare Clementiam. Et ut hæc noſtra auctoritas ſtabilis permaneat, eam manu propria roborantes ſigilli noſtri impreſſione juſſimus inſigniri.

Signum Domni Conradi



Romanorum Imperatoris  
invictiſſimi.

Burchardus Cancellarius vice Bardonis Archicancellarii recognovit. Data IV. Kal. Maji. Anno incarnationis Domini milleſimo XXXIII. Indiẽt. prima, anno autem Domini Conradi ſecundi regni IX. Imperii vero VI. actum Huimago. feliciter amen.

Ab inferiori Rheno Imperator in Saxoniam diſceſſit: quippe aquilæ inſtar transvolabant Imperatores provincias Imperii, ubique præſentiam & majestatem circumferendo, quos poſtea ex abdito tanquam Reges Perſarum ve-

nerari neceſſe fuit. In hac profectione Imperator XII Calendas Julii Northufæ Winoni, Helmwardeshuſani Monaſterii Abbati, quem in Palæſtinam a Meinwerco deſtinatum dixi, juſ dedit mercatus, cudendæ monetæ, & telonii, rogatu

Mercatus  
ac telonii  
jus Conra-  
dus conces-  
dit Helm-  
wardeshu-  
busano Ab-  
bati ad pre-  
ces Mein-  
weri.

rogatu Imperatricis, Henrici filii Regis, ac Meinweri Episcopi; quo denuo cognoscas Meinwercum adhuc Imperatori in obsequiis aulae Comitem hæsisse: nec pro se tantum, sed & pro cœnobii suis multum valuisse apud Imperatorem. Tabulas hic referam, etsi imperiale illud Monasterium in potestatem hæresis & Hassorum cesserit.

*In nomine sanctæ & individue Trinitatis, Chuonradus divina favente clementia Romanorum Imperator Augustus, Omnium nostri Christianique fidelium tam præsens quam & futura comperiat turba, qualiter nos ob interventum ac petitionem dilectæ Conjugis nostræ Gisele Imperatricis videlicet augustæ, & nostræ dilectissimæ prolis Henrici Regis, nec non & fidelis nostri Meinweri Episcopi, maxime vero ob amorem Dei, Winoni sanctæ Helmwardeshusensis Ecclesiæ venerabili Abbati concessimus, largiti sumus, ac firmiter de-*

*dimus fas, licentiam atque potestatem in eodem loco Helmwardeshusano dicto, in Comitatu Bennonis Comitum, & in pago Angera sito, faciendi, habendi, ac construendi mercatum, monetam constituendi, telonium accipiendi, ibique totius publicæ functionis negotium decrevimus colendum. Unde imperiali jubeamus potentia, ut omnes negotiatores, cæterique ibidem mercatum excolentes, commorantes, euntes & redeuntes talem pacem talemque justitiam obtineant, qualem illi detinent, qui Moguntia, Colonia, & Trutmannia negotium exercent, talemque bannum persolvant, qui idem mercatum inquietare aut infringere præsumant: idem mercatum cum jam dicta functione, moneta, banno, & telonio in proprium tradimus memorato cœnobio suisque rectoribus in perpetuum. Et ut hæc traditio firmior omni permaneat ævo, hanc cartam inde conscriptam, propriaque manu corroboratam, sigilli nostri impressione jussimus insigniri.*

Signum Domni Chounradi



Romanorum Imperatoris invictissimi.

*Burhardus Cancellarius vice Bardonis Archicappellani recognovit. Data XII. Calend. Julii, anno D. Incarnat. MXXXIII indictione I. anno autem Domni Chounradi secundi regnantis IX. Imperantis vero VI. actum Northuse feliciter Amen.*

Pistorius ad  
Chron.  
Mindens.

Haud multo post Imperator Merseburgi commoratus in Thuringia videlicet Idus Julii Sigefrido Mindensi Episcopo amplum nemus Imperatoria liberalitate donavit, quod cum a Pistorio inter Mindensia diplomata publici juris sit actum, hic prætermitto; ubique enim hujus Imperatoris non secus quam D. Henrici vestigia liberalitatis in Ecclesiasprehendas.

Autor vita  
Meinw.  
n. 121.  
Recuperat  
comitatum  
Warburgensem  
Meinweri.

Sed longe illustrius hujus Imperatoris beneficium, quo Comitatum Dodiconis, seu Warburgensem Meinwerc & Ecclesiæ Paderbornensi per id tempus Imperatoria auctoritate reddidit. Interverterat hunc Aribon Moguntinus Archiepiscopus, ut supra relatum est, gratia Imperatoris infirmoque jure a Paderbornensi Ecclesia, abstractum, transcripserat in suam diocesin, Imperatore ab Archiepiscopo, quod per initia Regni non satis exploratam haberet causæ æquitatem, facile circumvento. Laboravit in septimum annum

Meinwercus pro recipiendo Comitatu apud Imperatorem Conradum, nec viro Aribone Archiepiscopo quidquam obtinere licuit, quod Aribone ex prima Electione obligatus esset Imperator. Eo mortuo, continuis precibus. & expositis justæ causæ argumentis, Imperatorem tandem reflexit in aliam mentem, comitatumque nobilem Ecclesiæ suæ restitutum impetravit. Ac ne Bardoni Moguntino sanctiori Episcopo, qui Ariboni successerat, querelæ novæque discordiæ locus relinqueretur, alium illi imperialis juris Comitatum reposuit. Ejus rei gratia ipsum Conradi Imperatoris diploma, quo mirifice Meinweri obsequia ac merita commendantur, hic juvabit recitare.

*In nomine sanctæ & individue Trinitatis, Chounradus divina favente clementia Romanorum Imperator augustus. Notum sit omnibus Christi nostrique fidelibus, præsentibus ac futuris, qualiter antecessor noster beatæ memoriæ Heinrichus*

U u a

cus

cus Imperator, cujus semper animus in Dei Ecclesiis meliorandis & amplificandis invigilavit, Paderbrunnensis paupertatem miseratus Ecclesie, multa ei bona, tam in prædiis, quam in aliis facultatibus, larga manu pro Dei amore, dilectique sibi præfulis Meginmerchi asiduo & devotissimo obsequio contulit, inter quæ etiam comitatum Duodiconis quondam Comitatus eidem Ecclesie imperiali munificentia legitime donavit, tradidit, delegavit: illo autem antecessore nostro defuncto, nos, qui loco illius in regnum successimus, per suggestionem Magontini præfulis eundem Comitatum a præfata Ecclesia tulimus, & in jus Moguntinæ Ecclesie, rudes adhuc in regno, injusto persuasi consilio, irrationaliter transtulimus & transmuvimus: imperiali autem nostra potestate Dei gratia magis magisque in regno confirmata & corroborata, Meginmercus præful Imperatorum devotissimus servitor & amator, marthæ sedulis satagens obsequiis, non cessavit, nec quieuit, supplicando, serviendo, quoad usque nos omnipotentis Dei, in cujus manu corda sunt regum, commoniti, instinctu dilectæ conjugis nostræ Gisele, nec non Heinrichi

fili nostri magnifici Regis interventu, Ecclesie suæ, scilicet Paderbrunnensi, totum Beynhardi Comitatus quondam Comitatum, qui situs est in locis Hesse, Nitergo, Nege, Bobterefgo, legitima traditione reddidimus, restituvimus, redonavimus. Præcaventes autem nos, & præcogitantes, ne aliqua postmodum inter ipsas Ecclesias de hac re controversia fieret & discordia, Moguntinæ Ecclesie Comitatum, qui situs est in Cluinga propter pacis confirmationem, imperiali nostro jure concessimus, & hoc nostra parte ita est compactum, sicque definitum, ut neutra Ecclesiarum illarum aliquod de prædictis rebus sibi inquisitis aliquo modo patiatetur detrimentum. Si quis autem diabolica suasionem seductus hanc nostram traditionem in aliquo infringeret, sciat se odium Dei Sanctorumque ejus habiturum, & M. libras auri puri compositurum, medietatem Camere nostræ, & medietatem prædictæ Paderbrunnensis Ecclesie rectori, quod ut verius credatur, & diligentissime ab omnibus in perpetuum servetur, præceptum inde conscriptum manu propria subtus firmavimus, & sigillo nostro insigniri jussimus.

Signum Domni Chounradi



invictissimi Romanorum  
Imperatoris augusti.

Burchardus Cancellarius ad vicem Bardonis Archicappellani recognovit. Datum IV. Non. Augusti. Indict. I. anno Dominicæ Incarnat. MXXXIII. anno autem Domni Chounradi secundi regnantis IX. Imperantis VII. actum Liutburg feliciter amen.

Lambert.  
Schafr.  
Brouv. lib.  
11. ann. Tre.  
vir.  
Chron. Hil.  
des.

Æquus Imperator, & justitiæ amantissimus; sed non minus religione & pietate, quam armis præstans, qui per id tempus gentilitium intra Nemetes & Vangiones Limburgenfè castrum convertit in Monasterium Monachorum.

Sub exitum hujus anni Meinwercus denuo Imperatorem cum Imperatrice, & Henrico Rege filio, totaque aula Paderbornam traxit, quocum Natalicia Christi festivis gaudiis celebravit.

Chron. v.  
tus apud  
Brouv. in  
notis.

## Annus Christi 1034.

Benedicti IX. Pont. I. Conradi II. Reg. II. Imp. 8.  
Meinwerci Ep. Pad. 26.

Wippo presb.  
Herman.  
Cont.  
Sigebertus

Annus dehinc trigessimus quartus supra millesimum accedit, triplici bello, Burgundico videlicet, Bohemico, & Slavico celebris. Burgundicum ipse Cæsar suscepit, eoque Ratisbonam profectus, peractoque istic Paschatis festo movit in Burgundiam cum Teutonico exercitu, cui Italicum occurrere jussit;

junctisque viribus Odonem Comitem ex occupatis castris & provinciis ejecit, acceptisque obsidibus, & Regno in potestatem redacto, rediit per Alsatiam ad Imperatricem, quæ Argentorati reditum præstolabatur Imperatoris. Quo tempore Methilda Cæsaris filia, egregiæ pulchritudinis & virtutis virgo, eoque

Conradus  
Imp. Bur-  
gundiam  
domat.

Et per fili-  
um Bohe-  
miam.

eoque jam Henrico Gallorum Regi desponsata, moritur. Bellum inter hæc Bohemicum gessit patris imperio Henricus Rex, & Udalicum Bohemorum Ducem, & cum eo conspirantes Sclavos, Polonosque Patri rebelles subegit. His per tyrocinia belli ac prima auspicia feliciter gestis, patri occurrit, duplicique victoria Pater & filius Imperium recrearunt. Inde conjunctis armis, attractisque Saxoniciis copiis, tertium inchoatum est bellum adversus Lutizios, Sclavos, qui & Wilfi, & Velatabi dicuntur apud Helmoldum & alios, interque Albim & Oderam incolere. Nota gens, cui cum Redariis quibusdam longa bella fuerunt: olim, ut Wippo presbyter scribit, Semichristiani, post ad Idololatriam relapsi, paganis ritibus vivebant, eoque per id tempus multa inter Saxones & paganos dissidia, prædæ, incursiones. Jam postquam Imperator ad Albim pervenit cum exercitu, coepit quærere Utri pacem primo violassent. Saxones ruptæ pacis culpam in Sclavos rejecere: contra Sclavi in Saxones; cumque litigando neutra pars alteri cederet, Sclavi duello rem decidi postulant a Casare: nec id detrectant Saxones. Igitur duo pugiles in medium profiliunt, alter Sclavus conscientiae veritatis innixus, alter Saxo confusus christiana sua religione. Verum quod malam causam sub patrocínio bonæ religionis susciperet, in congressu multis vulneribus confossus cecidit. *Bona, inquit Wippo presbyter, in Christiano fides, sed quæ bonis operibus destituta erat.* His in tantam audaciam inflammati Slavi, ut mox ad arma provolarent, obtruncaturi Saxones; sed cohibuit furentes Imperatoris auctoritas. Ita diremptis partibus Imperator Werbinam castrum præmuniri jussit, impositoque præsidio militari, omnes Saxoniarum Principes Sacramento ob-

Sclavos in-  
ter & Saxo-  
nes pacem  
firmat.

Helmold,  
l. 1. c. 2.  
Bangertus  
in notis.

strinxit ad Sclavorum incursiones prohibendas, limitesque custodiendos. Inde Imperator per Saxoniam in Franciam rediit, visurus, quid parte illa barbari molituri. Quippe æquissimus Imperator, cum ruptæ pacis culpam penes Saxones esse intelligeret, pacta inter ipsos integrâ manere voluit, dum alia injuria belli daretur: præclaro ad posteros documento, fidem etiam Barbaris, quod juris gentium est, servandam esse. Hunc in modum Helmoldus quoque, quod & supra retulimus, *Helmoldus lib. 1. c. 19.* magnam culpæ partem rejecit in ipsos Saxones: *Quippe eo tempore, inquit, ex quo Conradus Imperator Henrici Successor Winithos præliis attrivit, pax firma aliquamdiu fuit in Sclavia. Veruntatem christiana religio, & cultus domus Dei, parvum recepit incrementum, præpediente avaritia Ducis & Saxonum, qui omnia corridentes, nec Ecclesiis, nec Sacerdotibus quidquam passi sunt esse residui.*

Inter hæc Meinwercus hoc anno omnia ad fabricam novæ Basilicæ, Collegiique Buxtorffiani comparavit; eoque impensius, quod senio ad extrema vitæ se urgeri animadverteret. Et vero quia per id tempus Wino Helmwardeshusanus Abbas, a Meinwerco in Palæstinam missus, redierat Hierosolymis, secumque templi Hierosolymitani descriptionem cum reliquiis retulerat, Meinwercus ad id exemplar Basilicam D. Virgini Genitrici, Apostolisque Petro & Andrea extra urbis mœnia in Orientali parte construere coepit; additumque Collegium Canonicorum, quos & magno delectu status congregavit. Opus illud intra biennium contento operum labore ad fastigium assurrexit; quemadmodum illud ex solido lapide, & firma structura hodieum aspicitur, intra urbis muros postea conclusum.

Meinwer-  
cus Buxtorff-  
ianum Col-  
legium  
perficit.

## Annus Christi 1035.

Benedicti IX. Pont. 2. Conradi II. Reg. 12. Imper. 9.  
Meinwerici Ep. Pad. 27.

Chron.  
Hildesf.  
Vetus chron.  
apud Brew,  
in notis.

Hyeme jam prope exacta, Conradus Imperator Pascha cum Meinwerco Episcopo Paderbornæ celebravit, nihil S. Henrico Imperatori concessurus vel in Paderborna frequentanda, vel in Meinwerco exornando; quem virum ex omnibus Saxoniarum Germaniarumque Epi-

scopis ita sibi familiarem habuit, ut nec Meinwercus ab Imperatore, nec Imperator a Meinwerco avelli posset, veneratus in eo præter generis claritudinem, & canam sapientiam, cum primis religionis vitæque sanctimoniam. Festum exinde Ascensionis Domini Selingensdii,

Wippo  
presbyter.

Conradus  
denno Scla-  
vos impe-  
tit, ac sub-  
jugat.

dii, & Pentecosten Bambergæ coluit. Post illa Imperator in Saxoniam profectus adversus Sclavos; quod jam Barbari castrum Werbinam dolo interceperant, trucidatoque magnam partem militari præsidio, quod Imperator imposuerat, spoliis & cædibus grassarentur in Christianorum capita & templa. Quibus injuriis exacerbatus Imperator contraxit exercitum, castraque ad Albim posuit. Objecere se Barbari ex adversa ripa, transitum prohibentes. Ubi dum eminus certatur pro flumine, Imperator reperto vado, partem exercitus latenter traduxit in alteram ripam, hostesque inopinatos aggressus, in fugam abjecit. Inde immensis vastationibus ac cædibus regionem pervagatus victor, castra & arces, quibus se incluserant, expugnat. His cladibus subacti Sclavi, præter libertatem christianæ religionis, tributum etiam solito auctius pendere jussi sunt. Crebris ejusmodi pugnis Conradus cum Sclavis decertavit, quod Wippo aulae Imperatoris Sacerdos a poetis etiam celebratum, & in annalium memoriam, quæ post excidit, relatum perhibet. Subinde Imperator pro magnitudine animi visus ad femora usque paludibus immersus decertare, militemque in prælia hortari. Sed illud ad posteritatem longe memorabilius. Ligneam Christi e cruce pendentis effigiem detraxerant Sclavi e templo Christianorum: hanc postquam sputo scædarent, colaphis ceciderant, atque omni genere ludibriorum impie tractarant, postremum confossis oculis, manibus pedibusque truncatam, per summam Christi Servatoris contumeliam, abjecerant in sordes. Quæ ubi comperta religiosissimo Imperatori, zelo injuriæ ulciscendæ accensus e multitudine paganorum,

Ulciscitur  
injuriam  
Crucifixi  
illatam.

quos captivos trahebat, magnam partem manus! pedesque truncari jussit: tam acerbo supplicio, quam salutari documento, ne Barbari eadem in Christi contumeliam auderent in posterum. Quis hæc hæresis ætate nobis Conradum Imperatorem in Iconoclastas vindicem reddat? quando & atrociora perperrantur in Christi imagines, & Christiani etiam & Catholici Principes horum tutelam non suscipiunt. Conradus certe ob hanc egregiam vindictam alter Titus ac Vespasianus a Christianis appellatus; tanquam quod ille in judæos Christum vendentes, hic in Sacrilegos paganos, ut poeta eorum temporum cecinit, iusta pœna executus sit.

Inter bella hæc cum Sclavorum gente Conradus Cæsar mense Septembri Magdenburgi cum Imperatrice & Henrico filio Rege versatus. Nam istic Becellino Bremensi Archiepiscopo, qui ex choro Colonienfi evocatus, Hermannus subrogatus erat, jus mercatus publici obsignavit. Is deinde Hamburgi consecratus Episcopus a provincialibus, & septem Saxoniarum Episcopis. Vir pro merito magnarum virtutum magnis laudibus exornatus ab Adamo Bremensi. Eo Archiepiscopo per Sueciam, Nortmanniam, & Sclaviam, opera Apostolicorum virorum & Concionatorum, Christi Evangelium mirifice propagatum est. Fine anni Imperator Goslariam profectus est; quo in loco Christi Natalitia celebrare placuit, & animum tantisper a publicis curis relaxare. Culta jam Goslaria erat, ex quo ab Henrico Aucepe ex Molendino & tugurio venatorum, sedes Imperatoria esse cœperat, & venationis oblectamentum.

Adamus  
Bremens.

## Annus Christi 1036.

Benedicti IX. Pont. 3. Conradi II. Reg. 13. Imp. 10.  
Meinweri Ep. Pad. 28. & ultimus.

Wippo  
presby.  
Stengelius  
in histor.  
August.

Ingredimur post hæc annum trigesimum sextum supra millesimum, quo Imperator per hyemem in superiorem Germaniam profectus, festum Purificationis B. Virginis Augustæ Vindelicorum peregit: habitoque istic procerum conventu, Adalberonem Carantanorum Ducem, publicæ quietis turbatorem, in exilium depulit, subrogato Conra-

do patruale. Inde peracto Argentinarum festo Annunciationis B. Virginis, Pascha 18 Aprilis celebratum Ingelhemii. Ab Rheno in Westphaliam profectus Imperator 27 Maji festum Ascensionis Domini Paderbornæ cum Meinwerco Episcopo nostro egit. Tam sibi carum habuit Imperator Meinwercum, ut nullus pene annus transierit, quo

Chron. Hill  
Crucius in  
Ann. Saxon.  
cis l. 6. p. 2  
6, 2.

non



non Paderbornam inviserit, & loci amoenitate venerationeque invitatus, & Præfulis familiaritate delectatus; quam hic postremus utriusque congressus fuerit; tanquam & cœlitus hæc mens Imperatori injecta, ut hac professione extremum saluaret Meinwercum.

Paderborna dehinc Imperator ad inferiores Rheni provincias festinatis itineribus profectus, Pentecosten Neomagi ad Vaholim celebravit; ubi in Natali Apostolorum Petri & Pauli, & frequenti Principum congressu, Cunihildis (quam Wippo Chunelindam vocat) Canuthi Danorum & Anglorum Regis filia, solemnibus nuptiis Henrico Regi Cæsaris filio conjuncta est. Post hæc omnia ab Imperatore ad Italicam expeditionem sunt apparata, quam in Autumno suscepit.

Inter hæc Meinwercus Episcopus noster totus erat in fabrica Bustorfiani templi & collegii, quam a biennio cœperat, absolvenda, tanquam a superis monitus, ne quid mors, quæ imminabat, in hoc salutari opere interturbaret. Igitur cum jam Canonicis in Collegium congregatis abunde de annona & honesta cleri vita prospexisset, templum pontificali ritu viii Calend. Junii consecravit, evocatis ad eam dedicationem Bardone Moguntino, & Hermann Colonienfi Archiepiscopis, & Brunone Wirceburgensi Episcopo, quorum consilio & voluntate opus illud cumprimis inchoarat. Consecratione peracta, post solemne Missæ sacrificium & concionem ad populum, tabulas dotationis verbis, ut ipse conceperat, prælectas, præsentibus Episcopis ac testibus publice Canonicis in manus tradidit, quas hic ad Meinwercei perpetuum decus & posteritatis memoriam ex autographo exhibere juvat.

In honore sanctæ Trinitatis, & individue Unitatis. Notum sit regie potestati, omnique Pontificali dignitati, cunctoque Ecclesiastico ordini, universoque populo christianæ fidei signato, quod Ego Meinwercus peccator, anno ab incarnatione Domini Millesimo tricesimo sexto, licentia serenissimi Imperatoris Conradi, ac consensu Moguntini Archiepiscopi Bardonis, Colonienfis Archiepiscopi Hermannii, Wirceburgensis Epi-

scopi Brunonis, cæpi construere Ecclesiam extra Paderburnen civitatem in Orientali parte positam, ad similitudinem sanctæ jerosolomitane Ecclesiæ, & ob honorem sanctæ Dei genitricis & perpetuæ virginis Mariæ, & beatorum Apostolorum Petri & Andreæ pro illa obtinenda cœlesti jerusalem. In hac autem Ecclesia Canonicos Deo servientes congregavi, quibus victum & vestitum de propriis bonis ministravi. In die autem sanctificationis Ecclesiæ, benedictione peracta, ante missarum solemnium sermone ad populum finito, more aliarum Ecclesiarum Deo consecratarum, dotavi eam, dans curtem unam in Theilden, quam ex hæreditate paterna possedi, duas precarie acquisitas, unam in Wellethe, alteram in Esbike, & unum Vorwerc in Essike, unam curtem in valle. Quia vero de prædio in confinio tantum non habebam, ut sufficere posset ad usus Ecclesiæ Deo servientium in ea, consilio fidelium nostrorum accepto, decimas subterscriptas de dominicalibus curtibus ad me pertinentibus eidem Ecclesiæ dedi, quarum prima est Enenbus & tredecim Vorwerc ad eam pertinentes Stidenen, Benedeslo, Colstide, Dedinchusen, Hedinghusen, Dale, Henkeldere, Hylamare, Suaveren, Barckhusen, Brochusen, Balkhornen, Patherburna: Suchem, & tres Vorwerc ad eam pertinentes Kercthorp, Holthem, Synnardissen: Nyenbus, & quatuor Vorwerc ad eam pertinentes Elesen, Ascha, Burch, Tune: Bekena & quatuor Vorwerc ad eam pertinentes, Ormehusen, Meginchusen, Burchusen, Hepim, Ykamannincthorp, Bekefeten & tres Vorwerc ad eam pertinentes Hyffe, Unrikissen, Ekama: Helingenkerken, & duo Vorwerc ad eam pertinentes, Aldenthorp, Baranncthorp: Lutgethe, & duo Vorwerc ad eam pertinentes Dodenbroke, Breka: Hegenhusen & quatuor Vorwerc ad eam pertinentes, Rothbagtissen, Berga, Holtyminne: duo Ogenhusen & sex Vorwerc ad eam pertinentes Sandekebeke, Homa, Sastinthorp, Stenhem, Hardincthorp: Loysem & quatuor Vorwerc ad eam pertinentes Malride, Leverincthorp, Pumesen, Baddenhusen; Herstelle, & quinque Vorwerc ad eam pertinentes, Wergis, Thesle, Bretal, Henriadassen, Buffesen: Dasburch, & duo Vorwerc ad eam pertinentes, unam in ipsa villa West-

Ultimas  
Conradi  
cum Mein-  
wercu con-  
gressus.

Dedicatio  
templi Bu-  
storfiani.

Tabula  
fundationis  
Bustorfia-  
ne.

Westnedere, Ostilagesen: Culete, & tres Vorwerck ad eam pertinentes Asle, Bylmchusen, Teninchusen: Curbike; & quatuor Vorwerck ad eam pertinentes Dalwicensche, item ensche, Lenkevelde: Vilese, & unum Vorwerck ad eam pertinentem, vernethe, Ebike, quæ est juxta Horste. Ipsi autem villicis, qui domos hasce prædictas inhabitant, vel his qui post eas ponendi sunt, nihil omnino prætermittentes, nisi quindecim jugera pro vestitu, alia vero, quæ laboraverint in agro, vel nutrierint in domibus tam propria sua, quæ habent, aut postea Deo annuente possessuri sunt, quam ad nostram potestatem pertinentes, quadrupedia, sive pennata, more solito, absque ulla contradictione addecimarent. Ut ergo nulla ex his prætermitterem, quæ mihi a Deo data erant, dedi etiam, decimam in Synata super armenta mea, & super examina apum fideliter Deo & Domino Jesu Christo Sanctoque Spiritui offerens vota mea. Si quis autem eorum, qui videntur his omnibus præesse, præsumptuose hanc nostram traditionem pro mala voluntate, aut propter nequitiam cordis sui irritaverit, & secundum nostram dispositionem decimam non dederit, dicens se non juste daturum, & hoc a procuratore fratrum, vel ab ipso Præposito loci, vel quod majus est, a communi fratrum querimonia proclamatum fuerit, si ministerialis noster hujus rei rector est, juramento se in reliquiis nostris purgabit: si lito, judicio ferri igniti synodali sententia se liberabit. Ne vero alicui Successorum meorum non bonæ voluntatis viro, neque amorem Dei in corde suo retinens mensæ suæ stipendia diminuisse videar, sciat has decimas me & de hæreditariis & de acquisitis bonis centies restituisse. Ponebam etiam terminum, ut unaquæque solet habere Ecclesia, audiente clero meo cunctoque populo congregato, nullo contradicente, sed magis voluntati meæ in omnibus consentiente, confitente universo clero hæc omnia sine ulla contradictione posse fieri, imprimis villam hanc, quæ dicitur Aspethera, aliam quæ vocatur Hildemehusen, tertiam, quæ vocatur Haxsuitehusen, quartam Hohenfile, quæ vulgari verbo dicitur Queden, quintam Esbegtinchusen, super hæc omnia cum non possent habere utilitatem ullam salva potestate Episcopali, dedi eis in Benedeslo & in Marthys

Thornetorn, Rentinthusen, Hildelinchusen, Aspetharoz, in unaquaque bebdonada pondera sex plaustrorum. Dedi etiam ad honorem & utilitatem Ecclesiæ partem fundere mea in orientali plaga viæ, quæ vadit ab urbe ista usque in Esbegtinchusen; sciat namque fidelis in Domino frater nostri ordinis locum nostrum possessurus omnisque Ecclesia catholica hys literis literis A, &, cTo, a me privilegium hoc signatum propriis manibus meis sigillatum, peractaque benedictione sepulcri & altaris ante positi octavo Calend. Junii missa celebrata filiis Ecclesiæ traditum; ea videlicet ratione ut si quando tribulationem seu contradictionem harum rerum prænominarum ab aliquo patiantur, scripturarum testimonio veritas approbetur. Traditionem autem hanc si quis Successorum meorum aut consanguineorum seu posterorum eorum, a quibus precario partem quandam acquisieram, infringere voluerit, Beatorum Apostolorum Petri, & Andrea, & Episcoporum Bardonis, Hermanni Brunonis, quorum testimonium priori introduximus loco, nostroque banno, & omnium animarum Deo consecratarum, in secundo cum venerit Dominus unicuique operum suorum præmia redditurus, cum Juda traditore anathemate feriat perpetuus: qui autem post instinctum Dei Patris omnipotentis ex nostris interfuerit, quorum consilio auxilioque hæc omnia perfecimus, paucis notabo nominibus. Sigehardus abbas Patherburnen. Wino abbas Helmwardishusen, qui mensuras Ecclesiæ, & sepulchri de Jerusalem apportavit, Hofadus Præpositus matris Ecclesiæ, & frater ejus Uffo, Dodico Decanus, Bovo Præpositus loci istius, Beteilinus Camerarius, Eppo Dapiser, Cizo, Geilo fratres, & Pincernæ, Eve & filii ejus, Landico, & Eve, Dudo, Tydman de Enenbus, Aldericus de Nyenbus.

Hæ tabulæ cum nobis viii Calendas Julii præsentem sistant Hermannum II cognomento Pium Coloniensem Archiepiscopum, Piligrimi Successorem, falluntur ii, qui Piligrimum mense demum Augusto cum Gelenio obiisse scribunt, tamen hoc anno excessisse e vita plurimorum scriptorum sit consensus. Præclarus uterque Archiepiscopus, & in Colonienfium fastis mirifice

mirifice commendatus, quales aurea illa Episcoporum ætas tulit; haud secus, quam Bardo Moguntinus Archiepiscopus inter Divos a Scriptoribus accensetur.

*tua Simila a morte communi non liberavit? Ex ego, inquit, quamdiu superstes fuero, de albo pane non gustabo; id quod biennio, quod dehinc vixit, ex dicto præstitit.*

Et jam Meinwercus, cum extra urbis muros in suburbanis locis Cœnobium Monachorum ad Occidentem, & Bustorfianum Collegium Canonico-  
Meinwercus hinc adhuc asce-  
ria medi-  
tans occu-  
patur a fa-  
tali morbo.  
 rum ad Orientem condidisset, medita-  
 batur versus Aquilonem extra mœnia  
 cœnobium Virginum, aliamque ad Au-  
 sterum Ecclesiam, eo consilio, ut in  
 formam crucis Paderbornam religio-  
 forum congregationibus tanquam cœ-  
 lestibus vigiliis custoditam præmuniret:  
 Sed hæc pia consilia mors haud multo  
 post abrupit. Nam dedicatione per-  
 acta, celebratoque festo die Christi in  
 cœlum ascendentis, cœpit postridie ad-  
 versa valetudine tentari. Et cum fata-  
 lem hunc morbum haud obscuris indi-  
 ciis præsentiret, haud aliud egit; quam  
In in ege-  
gas parti-  
tur.  
 ut afflictus precibus & meditationibus  
 se ad mortem componeret. Et qui per  
 omnem vitam largus fuerat in egenos,  
 tum postremos hisce diebus omnia, quæ  
 in ære supererant, effuse distribuit in-  
 ter inopes. Quæ deinde annona in  
 domo Episcopi reperta admodum co-  
 piofa, ea post obitum ejus per septem  
 noctes erogata est. Urgente ad supre-  
 ma morbo, Nonis Junii, in pervigilio  
 Pentecostes, hora diei prima, de-  
 ferri se iussit in ædem sacram, aulae  
 Episcopali contiguam, ac Divis marty-  
 ribus Primo & Feliciano sacram, in-  
 nixamque quatuor columnis ad Cathe-  
 dralem basilicam: ea in æde ad altare  
 se collocari voluit; ac postquam Sacra-  
 mento corporis Christi refectus fuit,  
 sublatis in cœlum manibus, inter gemitus  
 & preces animam Deo, a quo ac-  
 ceperat, placida morte reddidit. Ea-  
 dem prorsus hora, quæ tertia diei erat,  
 S. Godehardus Hildesienfis Episcopus  
 divinitus de morte S. Meinwerco edo-  
S. Godehardus  
do revela-  
tur eadem  
hora, mors  
Meinwerco  
 ctus, iussit quidem prandium sibi pa-  
 rari, sed non prius se accubiturum edi-  
 xit, quam nuncio quodam accepto:  
 quo adveniente & Meinwerco mortem  
 nunciante, processit ad aram, & sacri-  
 ficiū pro Meinwerco obtulit. Post  
 ubi ad prandium accessit paratum, ar-  
 repta utraque manu simila, quæ forte  
 posita erat in mensa, O Beate Mein-  
 werce Episcopo, inquit, quomodo te lata

Eodem momento, quo Meinwer-  
 cus excessit e vita, Boso quoque Cor-  
 bejenfis Monachus, quem, ut supra  
 diximus, ob injuriam sibi Corbeie in  
 templo factam, ante viginti annos ad  
 iudicium Dei citaverat, vivere desiit.  
 Nam cum Corbeie in claustro sanus &  
 incolumis raderetur sub tonsoris manu,  
 & præsentis intueretur alloqueretur-  
 que, repentina morte extinctus concidit.  
 At tamen hic Monachus facti pœ-  
 nitens, & Meinwercum Paderbornam  
 consecutus delicti veniam expetierit,  
 impetravitque, ut tamen Meinwercus  
 provocationem ad divinum tribunal re-  
 vocaret, adduci non potuit, asserens  
 Dei decretum, ad quod semel appel-  
 larat, esse immutabile: quocirca ita vi-  
 tam institueret, ut se eodem simul mo-  
 mento coram iudice sistere posset: quæ  
 res postquam vulgata, formidabili  
 exemplo mentes aliorum affecit.

Boso in  
 Meinwerco  
 cum olim  
 injurius eo-  
 dem, quo  
 ille momen-  
 to extinctus  
 fuit, iudicio.

Vixit Meinwercus in Episcopatu  
 annos xxvii, menses duos, dies xxiv.  
 corpus dehinc, ut mandarat, deporta-  
 tum est ad Ecclesiam Abdinghioviani  
 cœnobii a se conditi, atque istuc in cry-  
 pta sub principe choro ante aram hu-  
 mo repositum; quemadmodum hæc omnia  
 vivus præscripserat. Eo in tumulto,  
 cum per annos cccxl quievisset, Con-  
 radus Allenhusanus Abbas xxii, anno  
 Christi MCCCLXXVI, die S. Marco  
 sacra, in superiorem chorum transtulit,  
 & honorifice erecto super pavimentum  
 tumulto inclusit; ut hodie dum aspicitur  
 coliturque ejus cœnobii conditor: &  
 prodigii tum loco habitum fuit, vestem  
 sacrificalem, qua tot sæculis corpus ejus  
 involutum jacuerat, nec vermis conta-  
 ctu, nec ullo putredinis vitio læsam  
 fuisse. Quapropter excepta e tumulto  
 atque inter sacræ suppellectilis ornamen-  
 ta reposita est, adeo hodie dum integra  
 & tenax ævi, ut in anniversaria obitus  
 Meinwerco die Abbas eo amictu sacri-  
 ficiū peragat. Tela ejus serica albi  
 coloris, formaque pallii instar oblongi  
 latique, ex omni latere clausi, quales  
 ejus ævi erant sacrificales hæ vestes,  
 quas vulgo nunc casulas dicimus: Nihil  
 X x jam

Vestis sacri-  
 ficis cada-  
 veri cir-  
 cumdata  
 hodie dum  
 integra.

Virtutes  
eximia  
Meinwerco

Brev. in  
præf. ad  
Theod. Episc.

Auct. vita  
n. 44.

Porcum vi-  
duæ flenti  
reddi jubet  
Meinwer-  
cus.

jam attinet ad laudes tanti Præfulis ad-  
dere, quæ ex his, quæ de rebus ab eo  
præclare pro Ecclesia sua gestis dixi-  
mus, satis æstimari possunt. Vir sane,  
dum vixit, omnibus fuit Episcopi vir-  
tutibus inclytus; ob quas a tribus Im-  
peratoribus, Ottone III. Henrico san-  
cto, & Conrado Salico tanto in hono-  
re & amore fuit: religione in Deum,  
caritate in suos, liberalitate in Ecclesias  
ac religiosorum familias, fortitudine  
adversus Ecclesiæ suæ hostes, patien-  
tia in adversis, auctoritate apud Prin-  
cipes, castimonia vitæ, fervore in di-  
sciplina cleri & religiosorum conser-  
vanda, virtutum æstimatione, Germa-  
no candore animi, & nativo lepore in-  
genii magnus & fulgidus eo sæculo E-  
piscopus, qui claritudinem familiæ &  
virtutum ornamenta conjunxit, quod  
cum Deo conjunctissimus viveret. Quem  
ob hæc non ignobilis Scriptor Phæni-  
cem Paderbornensium Antistitem ap-  
pellavit. Sane alter conditor Episco-  
patus hujus posteritatis judicio est ha-  
bitus, quem, uti Conradus Imperator  
supra laudatus fatetur, ex paupere di-  
vitem fecit; primum omne patrimo-  
nium, quod ex paternis bonis habuit  
amplissimum, in eum convertendo:  
Tum deinde gratia apud Cæsares, in-  
dustria & parsimonia tantum accumu-  
lando, quantum nemo unquam Comes  
ac Princeps pro familia sua locupletan-  
do augendaque visus est laborare. In  
quo Dei honorem, & Ecclesiæ bonum,  
& animarum salutem unice sibi propo-  
sitam habebat; ut mirum sit, repertos  
esse postea degeneres Episcopos in Ec-  
clesia nostra, qui hæc magnam par-  
tem prodige in feuda consanguineorum  
Comitum convertere, quibuscum om-  
nia simul nostro ævo ad hæresin tran-  
sierunt. Illustria hæc in Meinwerco;  
sed non minus misericordiæ erga pau-  
peres & infimæ sortis homines veri E-  
piscopi exemplum fuit; quam in rem  
multa produxit Auctor; e quibus illud  
etiã præclarum ad posteros documen-  
tum. Per id tempus, quo villici sub  
exitum anni decimas & census pende-  
bant, stabat Meinwerco in vestibulo  
domus, viditque puerum fune trahere  
porcum, quem mater multum amare-  
que flendo sequebatur: his commotus  
Meinwerco mulierem accessit, & cum  
causam fletus interrogaret, respondit  
illa, viduam se esse, quæ amissio viro

hunc porcum cum filio, pane & fru-  
mento ab aliis emendicato, aluisset,  
quem villicus per vim sibi abstractum  
jussisset duci ad domum Episcopi. Quo  
audito ingemuit Meinwerco, ac manu  
pectus tundens, obortis lacrymis, ex-  
clamavit: *Vae tibi Meinwerce Episcopa,*  
*cujus animam miserabilium hominum*  
*lacrymæ ad tartara demergent: illis cibis*  
*& victus subtrahitur, qui nobis abundat.*  
Quare vocato ad se villico, non modo  
porcum viduæ reddi jussit, sed & ab  
omni servitio cum filio absolvit, addens  
mansum agri, quo libere deinceps suo  
dono viveret. At ubi nunc illa sacro-  
rum Antistitem & Principum commi-  
seratio? Hunc in modum cum villas,  
in quo diligens erat, obeundo perlu-  
strasset, notaretque duram servitutem  
litorum, qua in messe laborarent, nul-  
lo cibo potu a villicis suis submini-  
strato, horum ille sortem miseratus  
jussit victum illis operariorum in-  
ductorum dari. Ex quo <sup>id</sup> si-  
mul cognoscas, quod tan- <sup>ere</sup> quæ-  
ritur inter Scriptores: quale nimirum  
hominum genus <sup>est</sup>, Liddi, & Lito-  
nes toties in vetustis literis nominati,  
homines videlicet hos esse in minoribus  
casis circum villas incolentes, & certo  
obsequii nexu adstrictos Dominis; quo  
servitio etiamnum obnoxii vivunt ejus-  
modi homines per Westphaliã. Oe-  
conomus præterea, quod Episcopi  
munus est, ut domui suæ bene præsit,  
diligentissimus fuit accuratissimusque:  
quam in rem, ut administratorum Vil-  
licorumque fidem exploraret, visus  
subinde sumpto mercatoris habitu vil-  
las in diocesi incognitus obire, & mi-  
nuta etiam in villis emendare. Sed  
idem largissimus in pauperes. Nam  
ut Auctor vitæ retulit, in domo regia  
quotidie per omnem vitam convocatis  
egenis stipem cibosque erogari jussit,  
quæ domus ob id, cum post urbs to-  
ta anno MLVIII. conflagraret, sola cum  
domo forensi intacta mansit. Magnum  
per id tempus studium & certamen in-  
ter Episcopos in fovendis pauperibus,  
quemadmodum D. Bernwardus Mein-  
werco æqualis centum quotidie paupe-  
res in mensa habuit. Et tamen Fabri-  
cius & hæretici ex hoc sæculo nobis  
degeneres Episcopos falso obtrudere  
audent, ac scribere, nullam egeno-  
rum, nullam hospitem fuisse curam,  
sed cupidine bonorum omnes repletos  
vixisse.

Uti & ser-  
vitia præ-  
stantibus  
dari cibum.

Incognitus  
obire ac per-  
lustrat auz  
cesin.  
Pauperes  
quot diebus  
reficit.

vixisse. Legant illi Adamum Bremen-  
sem & Helmoldum; legant fastos  
resque gestas singulorum Episcopo-  
rum, & longe aliud deprehendent  
ex tot Xenodochiis Episcoporum li-  
beralitate conditis.

Accedunt ad has Meinweri vir-  
tutes prælara pietatis opera, & po-  
steritatis monumenta. Nam post-  
quam Episcopi opes tot bonis & pos-  
sessionibus, clerum, quem exiguo  
censu dotatum reperit, tot prædiis  
auxisset, Urbem quoque Paderbor-  
nensem, quam incendio deformatam  
ingressus est, veluti ex lateritia mar-  
moream fecit. Nam primo Basilicam  
e fundamento novam, opere prorsus  
magnifico, extruxit, & Collegium  
Canonicorum Cathedrale reparavit:  
deinde Cænobium Abdinghovianum  
introducitis primum religiosis viris e  
familia D. Benedicti, post Collegium  
Canonicorum Buxtorfianum condidit,  
utrumque ex hæreditariis & conqui-  
sitis bonis largissime dotatum. Binæ  
præterea ædes sacræ D. Alexii ac  
Bartholomæi opere Græcanico ab eo  
erectæ dotatæque annuo Sacerdotum  
censu; adhæc domum Episcopi, quia  
male materiata invenit, novam ex-  
struxit; demum ipsam urbem cum  
male munitam reperisset, novo per  
circuitum muro munivit, quod &  
Brenæ, Hamburgi, Hildesii, Min-  
dæ, atque aliis civitatibus per id tem-  
pus factum; ut vel inde ex annalium  
memoria recognoscas, hujusmodi Ur-  
bes & Metropoles in Episcoporum  
jurisdictione & potestate a primis suis  
initis & incrementis fuisse. Urbem  
deinde, quam civibus & mercimo-  
niis florentem habuit, optimis legibus  
firmavit, & si quos inter cives atque  
incolas indigentia laborare comperit,  
hos ultro liberalitate occupatos ju-  
vit.

Pari cultu studioque per dice-  
sin exornatæ parochiæ templis, & sa-  
cris ædibus a Meinwerco extructis,  
quas inter memoratur Ecclesia ad me-  
ridiem laud procul ab urbe in Sud-  
borgnen, quæ Meinweri simul im-  
pensis e solido lapide constructa; ne  
incolæ forenses in urbe Ecclesiam  
frequentare necesse haberent, quam  
Successor in honorem D. Galli con-

fecravit; At longe illustriora sunt or-  
namenta sacrorum ac dona, quibus  
cathedralem Ecclesiam, Cænobium  
Abdinghovianum, & Collegium Ca-  
nonicorum Buxtorfianum locupletavit;  
Si nimirum Divorum corpora & re-  
liquiæ, si calices aurei & argentei,  
si vestes sacrificales, pallia, crucis si-  
gna, candelabra argentea, & omnis  
sacra supellex ab eo congesta, & ab  
auctore vitæ consignata percenseatur.  
Non ante eum Episcopus, neque ex  
Successoribus, qui majorem thesau-  
rum Ecclesiæ suæ intulerit, aut bi-  
bliothecam principis Collegii libro-  
rum copia magnificentius extruxerit;  
nam Scholas, quas Paderbornæ flo-  
rentes excepit, eas omni studiorum  
genere & magistrorum præstantia ce-  
lebriores reddidit, tantaque doctrina-  
rum eo Episcopo fama sparsa erat,  
ut nobilissimi quique per Saxoniam  
viri, Comites & Marchiones filios suos  
Meinwerco, & Scholarum magistris  
in disciplinam darent. Ex horum  
numero S. Anno Colonienfis Archi-  
episcopus, Fridericus XVI. Monaste-  
riensis Episcopus Marchionis Misniæ  
filius, Imadus Meinweri ex sorore  
nepos, & post Rothom Meinwer-  
ci in Episcopatu Paderbornensi Suc-  
cessor. Hos tam arcta cum clericis  
in disciplina habuit Meinwerco, ut  
nunquam ex clauistro exire ad paren-  
tes invisendos, aut eos alloqui per-  
miserit, asserens pueros a primis an-  
nis intra rigorem disciplinæ continen-  
dos esse, ne parentum ac consangui-  
neorum blandimentis emollirentur,  
qui ad virtutem & contemptum  
rerum humanarum educandi essent.  
His rebus præclare sancteque in Epi-  
scopatu gestis Meinwerco immortal-  
em apud posteros famam reliquit, ut  
non immerito inter sanctissimos hujus  
Ecclesiæ Præsules numerandus sit. At  
tamen D. Godehardus a morte statim,  
quam divinitus acceperat, Beatum  
pronunciarit, & Crantzius eum vi-  
rum sanctum vocet, ac Surius etiam  
vitam ejus inter Divorum res gestas  
retulerit; nullis tamen publice decre-  
tis Divorum honoribus exornatum  
reperio. Quanquam Meinweri Suc-  
cessor Rotho Episcopus perpetuum  
lampadis lumen ad sepulchrum, ex  
certa donatione ad id facta, ardere  
voluerit; tanquam inter Divos vene-  
ratus,

Monumen-  
ta Magni-  
ficentia sa-  
cræ a S.  
Meinwer-  
co relicta.

Scholas Pa-  
derbornen-  
ses floren-  
tissimas  
reddidit.

Auctoritate  
Meinweri.

Rigor S.  
Meinweri  
in scholas  
res.

Crantzius  
lib. 4. Me.  
trop. c. 4.  
Surius in  
junio.

Chr. Mind.  
Erru. in  
fastis Of-  
nabr.

Sacra dona  
templis il-  
lata a B.  
Meinwer.

Obitus Si-  
geberti E-  
piscopi  
Mindensis.

ratus, Divorum quoque honoribus exornandum duxerit. Quemadmodum crypta; in qua corpus ejus primum quievit, supplicum accessu olim frequentata, ac multi etiam cœlesti ejus ope adjuti ferantur. Haud multo post per Autumnum excessit e vita Sigebertus Mindensium Episcopus, vir & Meinwerco familiaris, & Conrado Imperatori ob virtutum æstimationem percarus, præclareque de sua diœcesi meritus. Obiit festo D. Geronis Martyris, in Ecclesiâ S. Martini Episcopi a se condita humatus.

Successor ei datus Bruno. ex Collegio Canonorum Magdenburgensi evocatus, Conradi Imperatoris commendatione. Ad hæc etiam tempora referunt Comitum Schavenburgensium origines ab Adolpho Santerslevio, qui Sigeberti Episcopi beneficio primum emerferit, firmiterque ejus Comitatus hæreditariam sedem. Fatalis quoque hic annus Corbeiensibus, quo & villa Huxtaria tota cœlesti igne, & Cœnobium pestifera lue prope absumptum est.



ANNA-





# ANNALIUM PADERBORNENSIIUM

LIBER VI.

B. ROTHO XI.

B. IMADUS XII.

POPPO XIII.

EPISCOP. PADERBORN.

B. ROTHO XI.

EPISCOPUS PADERBORN.

Annus Christi 1036.

Benedicti IX. Pont. 3. Conradi II Reg. 13. Imper. 10.  
Rothonis Ep. Pad. 1.



Meinwerici in Episcopatu  
Successor Rotho ;  
quem ab aliis Rothar-  
dum, ab aliis Rudol-  
phum, a quibusdam

etiam Ruodonem appellatum accepi-  
mus, Primum is Monachi vitam pro-  
fessus in Stabulensi Cœnobio, quod per  
id tempus sub D. Poppone Abbate di-  
sciplina religiosa & præstantibus viris  
celebre

Rotho ex  
Stabulensi  
Monacho  
Abbas Herz-  
feldensis, ac

deinde Epi-  
scopus Pa-  
derbornen-  
sis.

Auctor vita

D. Heyme-  
radi.

Everhelmus

in vita B.

Poppon. c. 9.

Bollandus

ad 25. Jan.

celebre fuit. Nam istic Monachum egisse, atque ex Monasterio traductum Hersfeldiam, eidemque Cœnobio, quod in vicina apud nos Hassia est, Abbatem fuisse impositum, tradit Auctor vitæ D. Heymeradi: *Rerum*, inquit ille, *tunc temporis potiebatur Conradus Henrici secundi Imperatoris Pater*: & quia discordia gliscebatur inter Arnoldum Abbatem Hersfeldensem & fratres ejus, actum est, ut *Arnoldum deponerent*, & *piæ memoriæ Rudolphum de Monasterio, quod dicitur Stabulaus, postea Paderbornensem Episcopum, loco ejus subrogarent*. Ex hoc munere Rudolphus seu Rotho præclarum mox specimen prudentiæ & caritatis dedit; nam & Monachos in concordiam reduxit, & restituta disciplina, omnibus se amabilem præstitit: neque hi aliter exinde Rothonem, quod idem Auctor retulit, quam religiosissimum Patrem suum venerati sunt. Eadem fere de Rothone memorat Everhelmus Abbas in vita B. Popponis Stabulensis Abbatis. Etenim ex quo Conradus Imperator Popponi moderationem omnium regalium Abbatiarum per Imperium commiserat, multos ille diversis Monasteriis Præsides imposuit, interque hos *apud Hersfeldiam Ruodonem, Patherlabornensem postea Episcopum, præfecit Abbatem*; & postquam Meinwercus excessit e vita, ejusdem Popponis consilio & studio, Conradus Imperator Rothonem mox ad præfecturam Paderbornensis Ecclesiæ provexit: ut tum frequens erat ex Abbatibus maturæ ætatis & probatæ virtutis deligere Episcopos. Atque ut hæc certa habemus, ita natalium origines haud parum controversantur in Rothone. Vetus obscurusque scriptor in libello de institutione Hersfeldensis Ecclesiæ. *Quo tempore inquit, Conradus successerat Henrico Imperatori, Arnoldus Abbas accusatus deponitur, in cujus locum Rudolphus Abbas instituitur, Italus genere, mitis pater & benevolus, in Dei servitio vigilantissimus: sed paulo post ab eodem Conrado in Episcopum Paderbornensem instituitur*. Congruenter hæc quidem aliis; sed quod Rothonem gente Italum scribat, cui verisimile? Alii Geldrum fuisse perhibent, ortumque e vetusta familia Burana; quos inter Bruschius & Kerfenbrochius. Addunt hanc in rem Oppidum Buram, quod est in Ba-

Apud Ma-  
derum in-  
ter vetera  
scripta.

tavia familiæ hujus illustris sedes. Hunc etiam in modum Burani hujus diocesis antiqui Barones Rothonem suæ familiæ asserunt, sed quæ Geldrica familia sit vetustior: ea quippe stirps, ex qua Geldrica propago in Bataviam propagata sit. Sane genealogia Buranorum ab erudito & religiosissimo viro Mauritio Burano, stirpis hujus postremo, edita Rothonem Episcopum inter illustres & sanctos suæ familiæ viros collocat. Quæ res multo testatior est ex Rothonis sepulchro, quod in choro Cathedralis Ecclesiæ hodie dum spectatur; in hujus enim inscriptione legitur Rotho e familia Burana ortus, quemadmodum & gentilitium familiæ hujus signum commonstrat, lapidi insculptum. Sed hæc planius ex vetusto Epitaphio, quod in funere Rothonis dabimus cognoscuntur. Quid verisimilius, quam Conradum Imperatorem e nobilitate Saxonica & clarissima hac Burana familia Paderbornensibus dedisse Episcopum popularibus gratum; uti Carolus cum Hachumarum & Baduradum, ac postremum etiam D. Henricus Meinwercum e Saxonici generis nobilitate Episcopum imposuerat.

Bruschius  
in Epist. Pa-  
derb.

Kerfenbroch. in  
Epist. Pad.  
Buranorum  
stirpe edita.

Igitur Rotho haud multo post obitum Meinwerci, eodem anno Mxxxvi, subrogatus; falliturque Lambertus Schaffnaburgensis, qui anno Mxxxv successisse perhibet, quo Meinwercum adhuc vixisse constat; & Rotho hoc ipso anno Mxxxvi ante festum Virginis in cœlum assumptæ Moguntia Conrado Imperatori, & Bardoni Moguntino Archiepiscopo adfuit; ubi verisimile est Episcopum consecratum fuisse a Metropolitano suo. Ibi dum ageret cum Imperatore, accessit Moguntiam Bruno Herbipolensis Episcopus, & Conradum Imperatorem, Bardonem Moguntinum Archiepiscopum, & Rothardum cum ceteris Regni Principibus invitavit Herbipolim ad celebritatem Virginis in cœlum assumptæ secum peragendam: datum hoc precibus Brunonis Episcopi, ut invitati venirent. Quippe Bruno Episcopus, quod patre Conrado Carinthiæ Duce, matre vero Saxonici e veteri Querfurdiorum familia genitus esset, curiam amplamque habebat bonorum possessionem ex paterna hereditate intra diocesin Paderbornensem, in Sonnenoh haud procul ad Oppido Bor-

Littera Bru-  
nonis  
Epist. Episcopi.

Bruschius  
in Epist. Herbipol.  
Consecratur Moguntia Episcopus.

Herbipoli  
interest do-  
nationi bo-  
norum su-

Et a lro.  
none his  
scopis  
Eccles.

Borchianich (nunc Borgentrich.) Quæ ut Cæsaris auctoritate Ecclesiæ suæ Heribipolensi transcriberet, testes Bardonem Archiepiscopum, & Rothardum Episcopum nostrum expetiit, quibus præsentibus, & donationem probantibus, confectæ sunt tabulæ, quas hoc loco ob memoriam antiquitatis conjungere visum fuit.

Bruno annuente divina gratia Wirzeburgensis Episcopus. Notum esse volumus nunc & semper potestati regiæ, omnique Pontificali dignitati, pariterque illustribus viris, Ducibus, Marchionibus, Comitibus, omnibusque Christianis fidelibus, maxime autem Successoribus nostris, quod curiam quandam in Paderbornensi Episcopatu sitam ex re nomen habentem Sunrike, id est, regnum singulare, quam ex paterna possedimus hereditate, ob æternæ remunerationis spem obtulimus Deo, sanctoque martyri ejus Kyliano cum omnibus appendiciis suis, videlicet ministerialibus, litonibus, mancipiis, agris cultis & incultis, pratis, pascuis, aquis aquarumque decursibus, piscationibus, molendinis, silvis, viis & invius, exitibus & redditibus, quasitis & inquirendis usque in sæcula sæculorum. Hac vero ex sincera devotione oblatio, & justa traditio nostra, quo ordine & tempore facta sit, quia non minus patere volumus, scriptis approbamus, quod in die natiuitatis sancti Johannis Baptistæ, in Ecclesia, completo sermone ad populum, audiente clero & populo, a prædicta curia propositum deteximus, sed effectui mancipare usque in diem assumptionis sanctæ Mariæ Virginis induciavimus, ut si forte quis per compositas rationes voluntati & deliberationi nostræ contradicere vellet, se tum præsentiae nostræ exhiberet: super qua re accepto consilio ex prudentia fidelium nostrorum decrevimus annuatim, dum viveremus, confratribus nostris in festo beati patroni nostri martyris Kyliani, sex Salmones, & in festo S. Andree apostoli ad vestituram eorum quinquaginta marcas argenti procurare ex suprascriptis prædictæ curiæ utilitatibus, & de cæteris nondum expositis, nec in hac pagina exponendis, quia in duabus tabulis æreis concatenatis in capella Sunrike, locatis literis legibilibus insculptis semper quantitas reperitur. De exitibus & redditibus, de

cultis & incultis, & de singulis supra nominatis, quæ Sacerdoti, qui eidem præsit capello Deo suisque serviendo, quæve nobis justitia, seu summo villico nostro debeatur, reperiuntur. Et attinentes proprietati nostræ ministerialium jure in iisdem tabulis suis nominibus, ne illorum posteritas a suo jure possit alienari. Illi quoque suis nominibus de utroque sexu, qui duos fundos ceræ quolibet anno persolvant, & de cetero ab omni exactiōe tam privata quam communi liberi quamdiu vivant existant. Item litonum justitia, prout exigit utilitas & necessitas de singulis singula, ut sint in memoria a generatione in generationem. Præterea talem obtinere justitiam Litones non uxoratos statuimus, ut uno anno duobus solidis levis monetæ servitium suum redimant vel serviant, & altero anno non serviant nec servitium redimant, sed indigentiae & utilitati suæ consulant; femineo autem sexui redemptionem XII levium numorum statuimus. Ministerialibus vero nostris hoc officium injungimus, ut singulis annis tantum III ex eis in tempore messis ad prædictam curiam veniant, & villico consulant, ut una cum illo de redditibus universis debitum exquirant & suscipiant. Quorum unum nomine Richboldum præ ceteris nobis familiarem transtulimus in consortium & jus ministerialium Ecclesiæ nostræ. Cui cum femina quædam libera, & liberis orta parentibus, nomine Richere legitime nupsisset, mansos duos in Natesingan cum omnibus attinentibus utrisque in beneficium concessimus. Insuper quod & illa arbitrata fuit, ut libertate sua & eodem beneficio cum posteritate sua potiretur. His itaque præordinatis, circa quæ plurimum regni cælestis desiderium studiosos nos reddidit & sollicitos, statuimus, ut post exitum vitæ nostræ fidelis in Domino frater Episcopalis dignitatis in Ecclesia Wirzeburgensi Successor quolibet anno in festo S. Michaelis cum duobus canonicis suis & X militibus Sunrich veniat, ibique tribus septimanis, & ultra ad placitum quæque pertractando permaneat, & villicus ei cum subditis villicis de omnibus Vorwerken cum multa copia serviat, convocatisque ministerialibus, & tota familia in die S. Michaelis eos convivio participare faciat, & adductis secum canonicis II poledros dari jubeat, sicque quoli-

quolibet anno incipiens a summis & prioribus Ecclesie sue usque ad infimos eandem gratiam impendat. Ministerialibus autem, qui tempore messis cum villico exploratores totius redditus & debiti extiterint, similiter II poledros dari jubeat. In prænemoratis quoque tabulis æreis legendo jura & instituta nostra prævideat, & de CCCVIII mansis, & de quam plurimis rebus eidem curiæ attinentibus uniuersum debitum eodem tempore persolvendum exquirat, cujus summa CCIII marcæ sunt. Inde VI Salmones magnos satis, & quinquaginta marcas prænotato tempore dominis & fratribus persolvat. Inde quoque XII pauperibus gratia & misericordia indigentibus quoquo anno in XLA & qualibet die cuique illorum pro remedio animæ nostræ panem unum similaceum sufficientem magnitudine, tres batarios valentis cerevisia, tria allecia, & in parasceve V ulnas linei panni, cingulum ex coreo cervino, cultellum & vaginam, calceos II ex coreo hircino procurabit, amplius duas marcas argenti, quas venerabili fratri nostro Rodbardo Episcopo, & omnibus ex divina gratia præfuturis Paderburnensis Ecclesie Episcopis dandas, aut æquum tantum valentem disposuimus, eo videlicet tenore, ut omnia bona Ecclesie nostræ, quæ longe nimis a tuitione nostra remota, eis vero commode sita sunt, tueantur. Postquam autem hæc omnia ex attentissimi cordis nostri præmeditatione fuerant contexta, communicato concanonicorum Ecclesie nostræ tam juniorum, quam seniorum consilio, quia indictus a nobis terminus, dies videlicet assumptionis sanctæ Mariæ Virginis jam instabat, Dominum nostrum serenissimum Imperatorem Conradum, Archiepiscopum Bardonem confratrem nostrum, Rodbardum Paderburn. in Moguntina Ecclesia convenimus, & eos multa supplicatione ad hoc induximus, quod ad celebranda predictæ diei solennia venturos se Wirceburg promiserunt, quod & adimpletum est. Ipsa vero die assumptionis sanctæ Mariæ nobis missam celebrantibus, finito sermone ad populum, sub testimonio & præsentia Christi & predictorum Principum, scilicet Imperatoris Cunradi, Bardonis Archiepiscopi, & totius Ecclesie vota nostra Deo sanctoque Kyliano in oblatione sæpius denominata nulla hominum contradictione

persolvimus, & beatorum Petri & Pauli Apostolorum, & jam dictarum Episcoporum, nostroque banno, & omnium animarum Deo consecratarum confirmavimus, Ita ut quicumque cujuscunque conditionis, & potestatis homo curiam Sunrinke, quæ oblatio nostra est, ab usu Ecclesie alienare vel presumpserit, vel jura & instituta nostra, qualia continet præsens pagina & tabulæ æræ aliquo modo immutaverit, perpetui anathematis vinculo obligatus, æternæ damnationi cum Juda traditore subjaceat. Quare fratribus nostris tam præsentibus quam futuris per virtutem obedientie injungimus, ut si quis tam temerarie, tam irrationabiliter agere presumpserit, ut oblationem nostram a domo Dei alienet, in illum datam excommunicationem auctoritati apostolicæ significant, & ut auctoritate apostolica rursum anathemate feriatur, elaborent. Volentes hujus itaque irreprehensibilis ordinationis nostræ firmitatem invulsam semper permanere, quid qualiter actum sit tabulis æreis jam sæpe dictis annotavimus, præsentis chirographi paginæ seriatim inscripsimus, & sigillo nostro per præsentem attestationi plumbeam impressionem confirmavimus, ut sit memoriale a generatione in generationem. Confratrem etiam nostrum R. Paderbrunnensem Episcopum, virum per omnia probabilem, huic actioni nostræ in præsentem paginam subscriptionis sue attestatione, & sigilli sui impressione testimonium perhibere rogamus, ut ejus quoque sanctitatis confirmet auctoritas, quod sue & nostræ Ecclesie contulimus. Ego Rodbardus Dei gratia Paderburn. Episcopus præsentis paginæ actioni per omnia rationabiliter stabilitæ tam subscriptionis attestatione, quam sigilli nostri impressione testimonium fidele perhibeo, banno Episcopalis auctoritatis, qua fungor, confirmo, ne hæc firmitas ab aliquo temere violetur, nisi ejus transgressio anathemate puniatur. Acta sunt autem hæc anno Dominicæ Incarnationis MXXXVI, Indict. IV. Die vero sanctæ assumptionis Virginis Mariæ.

Celebris olim locus in fertili & frumentario solo; verum ob temporum injurias nihil præter rudera & vestigia templi aspicias, incolis ad vicinum Opidum Borgentrichium demigrantibus:

omnia

omnia dehinc, qua transactione aut commutatione incertum, Episcopis Paderbornensibus cessere. Adeo vetustate cuncta abolentur, ut nec in tabulis æneis, ad quas Bruno Episcopus appellat, monumentum posteritatis supersit amplius.

Nondum Germania exierat Imperator, cum Heithanricus, Werthinensis ad Ruram Abbas, in Monasterio D. Ludgeri, graves querelas detulit ad

Imperatorem adversus Advocatum suum Hermannum Comitem, virum inter Westphalos potentem, quod is multis injuriis tam se quam familiam Monasterii sui divexarat; jam enim infestum hoc hominum genus sacris bonis inhiare, & deprædari cæpit. Adversus hunc Imperator VI. Idus Octobris acre rescriptum dedit in Tuilide, certoque agrorum stipendio Advocatum jussit esse contentum.

## Annus Christi 1037.

Benedicti IX. Pont. 4. Conradi II. Reg. 14. Imperii 11.  
Rothonis Ep. Pad. 2.

Inde pacata Germania, ceterisque ad Italicam expeditionem comparatis, sub exitum anni, comitante Brunone Herbipolensi Episcopo, iter ingressus, Veronæ Natalem Christi celebrat. Jam enim tota Lombardia fervili bello ardebat, plebe adversus Dominos rebellante, querenteque, nec leges, nec jura, nec ministrorum æquitatem per absentiam Imperatoris valere amplius. Quibus compertis respondet Imperator: Bene habet, *Italia leges esurit, quam Deo favente legibus satiabo.* Quare singulas Lombardiæ urbes obeundo ingressus, habitisque severissimis in factiones quæstionibus, Papiæ totius gentis comitia indixit; ex quibus animadversum in reos; quos inter Heribertus Mediolanensis Archiepiscopus, & tres Episcopi, Vercellensis, Cremonensis ac Placentinus damnati proscriptique. Quod factum, teste Wippone, nec Henricus filius Rex, nec multi alii probare in Cæsare, supremum sibi iudicium vendicante in Episcopos, Mediolanum cum obsideret Cæsar, &

Brūno Herbipolensis Episcopus Sacrificium missæ perageret, obtulit se illi S. Ambrosius, stricto gladio Cæsari & Germanis exitium minitendo. Mox horrenda tonitrua & fulmina e cælo missa exanimavere castra. Quibus teritus Cæsar obsidionem solvit, & Parmam in hiberna concessit, non sine præsentis vitæ periculo, quod ex civium tumultu per Natalitia festa adiit. Et quis Imperator Italiam seditionibus unquam vacuam tuto ingressus? quod Italarum ingenia tam prona ad rebellionem, quam ægre Germanorum imperia acceperere.

Eo anno ex Saxonice Episcopis Obitus mors v Idus Aprilis subtraxit Gosmarum xvi Osnabrugensem præfulem, virum Cæsari carum, dignum eæ tate Episcopi munere. Successor ei datus Elvericus, quem Mersæus refert Cæsarem in Italiam consecutum, forte ut a clero electus, se Imperatori sisteret confirmandum.

## Annus Christi 1038.

Benedicti IX. Pont. 5. Conradi Regis 15. Imper. 12.  
Rothonis Ep. Pad. 3.

Hærebat per hæc Imperator in Italia cum Imperatrice, Henrico filio Rege, & exercitu; castigatisque Lombardiæ rebellibus, per Apenninum in Apuliam movit, Imperatrice Roma interea pietatis causa digrediente. Ac postquam Troja, Beneventum, Capua, ceteræque urbes lustratæ, optimis singulas firmavit legibus; & cum per anni calores grassantemque luem exerci-

tus absumeretur (quo malo quoque Henrico filio Chunechundis Regina, Henrici Regis conjunx extincta) Imperator reditum in Germaniam maturavit. Refecto in Bojaria exercitu, sub Autumnum Burgundiam ingressus, Regnum illud ex comitiis Henrico filio transcripsit, proceresque dicto Sacramento in fidem adiegit. Subinde 4 Idus Decembris in Neresheim, rogatu Gisela Imperatricis, & Y y Henrici

Henrici filii Burgundionum Regis, Be-  
celino Hamburgensi Archiepiscopo,  
quem in omnibus sibi fidum dilaudat  
Imperator, jus mercatus & telonii in  
pago Elangoa, & Stadæ, consignatis  
tabulis dedit; idque ob venerationem  
S. Viti martyris, cui Ecclesiam, & San-  
ctimonialium Virginum Collegium con-  
secratum refert.

Godehardi  
Hildesimensis  
Episcopi  
sanctitas &  
mora.

Illustris hic annus excessu D. Gode-  
hardi Hildeshemensis Episcopi IV No-  
nas Maji emigrantis ad coelum nume-  
rum, quem Meinwercus sibi per om-  
nem ejus vitam familiarissimum habuit,  
eoque mors Meinwerci, ut supra dixi-  
mus, illi cœlitus denunciata est. Mein-  
wercum Godehardus a transitu mox  
Beatum pronunciavit. Godehardum  
vero, quod in vita & a morte multis  
miraculis clarum, ac fidus Saxonie de-  
derit Deus, Pontifex dehinc Innocen-  
tius II in Rhemeni synodo solemniter  
anno MCXXXI in Divorum numerum  
retulit. Ita vero Hildesimensis Eccle-  
sia per id tempus Bernwardum & Go-  
dehardum in Episcopatu sibi succeden-  
tes sanctissimos Episcopos habuit; quan-  
do & D. Bernwardum Cœlestinus Pon-  
tifex sanctitate vitæ & miraculis non  
minus clarum anno MCXCIV. Divorum  
fastis adscripsit. Vita utriusque S. Epi-  
scopi, præter ea, quæ annalibus nostris  
inspersimus, diligenter conscripta est a  
suis auctoribus, & a Christophoro  
Browero illustrata commentariis, inter-  
que sidera illustrium & sanctorum vi-  
rorum una cum Meinwerci Episcopi  
nostri vita, magno Saxonie & Chri-  
stianæ Reipublicæ bono, vulgata legitur.

Sub initium hujus anni, quem hic  
narrando sequimur, Rotho Episcopus  
noster pro sollicitudine eorum, quæ  
Meinwercus Episcopus constituerat,  
Abdinghoviani quoque Cœnobii jura,  
& bona pontificali auctoritate stabili-  
vit; quam in rem hic ipsas Rothonis  
litteras sistimus.

*In nomine sanctæ, & individue  
Trinitatis. Rotho Dei gratia Pader-  
brunnensis Ecclesiæ Episcopus. Pasto-  
ralis officii cura nos ammonet de subje-  
ctorum quiete & salute sollicitè cogitare,  
& Ecclesiarum commissarum profectui,  
augmento honestatis, prospectu utilitatis  
sollertes invigilare, Unde omnium fide-*

*lium nostrorum, tam præsentium quàm  
& futurorum, noverit universitas, qua-  
liter Dominus Meinwercus, venerabilis  
hujus sanctæ Sedis Episcopus, prædeces-  
sor meus, se suaque omnia divino servi-  
tio pro æternitatis amore mancipare gau-  
dens, inter multimoda piæ devotionis  
& intentionis opera auctoritate, consi-  
lio, auxilio gloriosissimi Imperatoris  
Henrici secundi, monasterium in sub-  
urbio civitatis hujus construxit, quod  
in honore beatæ Mariæ perpetuæ Virgi-  
nis, sanctorumque Apostolorum Petri  
& Pauli, & omnium Sanctorum con-  
secrans, & fratres sub beati Benedicti  
regula Domino famulantes in eo coadu-  
nans, in dotem & mundiburdium ipsius  
bona, quæ hæreditario jure possederat,  
vel aliunde sua instantia legitime obti-  
nuerat, solemniter tradidit, delegavit,  
concessit. Cujus laudabile studium ut  
numero & merito omni tempore habeat  
augmentum, & Ecclesiasticæ defensionis  
firmamentum, omnia eidem Mona-  
sterio canonice collata & firmata in the-  
sauro, ornatu, Ecclesiis, bannis, deci-  
mis, curtis, mansis, areis, ædificiis,  
mancipiis utriusque sexus, cum omni-  
bus adhuc legaliter pertinentibus, mo-  
bilibus & immobilibus, licentiam quo-  
que liberam secundum Dei timorem eli-  
gendi Abbatem tam regulari quàm Epi-  
scopali auctoritate ipsius Monasterii fra-  
tribus concessam, animarumque curam,  
& sepulturam in hominibus duntaxat  
ad ipsum monasterium pertinentibus,  
sive etiam in possessione ejus degentibus  
nostra pontificali auctoritate & banno  
confirmamus & corroboramus, quate-  
nus fratres inibi sub regulari norma Do-  
mino servientes, omnium hominum ex-  
actione & invasione remota, communi  
hæc usui & honori profutura possideant,  
& nostri nostrorumque Successorum in  
orationibus suis memores existant. Cu-  
juscunque ergo conditionis vel religionis  
persona, quolibet modo & ingenio hæc  
violare vel annullare præsumpserit, ana-  
thema sit & cum suis fautoribus, aucto-  
ribus, sequacibus a liminibus sanctæ Ec-  
clesiæ tanquam Sacrilegus invasor & de-  
structor segregatus, omnipotentis Dei  
Patris scilicet & filii & Spiritus sancti  
iram & offensam contra se sentiat, &  
beatæ Mariæ perpetuæ Virginis, sancto-  
rumque Apostolorum Petri & Pauli,  
& omnium Sanctorum, quorum præ-  
sumit confundere Ecclesiam, in hac vita  
&*



Et in futura, si non velociter resipuerit, furorem reperiatur. Omnes autem decreti hujus fautores, et praefati Monasterii defensores et tutores Omnipotens Dominus sua gratia benedicat, et meritis omnium Sanctorum, et peccatorum vinculis absolutos ad aeterna gaudia perducatur. Cunctis etiam in eodem loco pro aeternae beatitudinis desiderio militantibus veniat a Deo patre salus et protectio, et laborum suorum aeterna remuneratio. Hujus confirmationis testes sunt Hosatus Praepositus, Dodico Decanus, Uffo, Bezelin, Heriman, Werinza, Tamna et ceteri fratres omnes tam Canonici quam Monachi no-

strae sedis. Laici vero Heimrici, Erp. Comites, Heriman tribunus, Bernard, Hunold, Heriman, Sibrath, Hiddi, Guntheri, Thiathard, Ekkibard, Ezelim, Atalbrath, Hoika, Hemaka, Azobo, Bennic, Wicil, Harbaltere, Wudier, Tadeka, Horka, Ecelin, Hillin, Georad, Eila, Dudi, Eppo, Thiederic, Haald et frater ejus Gerald, Weimaa et alii plures. Data Patherbrun VIII Idus Januarii, in sancta Die Epiphaniae Domini, Anno ab Incarnatione ejus MXXXVIII. Indictione \* VIII. \* al. VI. regnante Conrado Romanorum Imperatore regni ejus XV, Imperii vero XII, Episcopatus autem nostri III.

## Annus Christi 1039.

Benedicti IX. Pont. 6. Conradi II Reg. 16. Imper. 13 & ult.

Henrici III. Reg. I. Rothonis Ep. Pad. 4.

Wippo presbyt. Sigebertus, Lambertus, Schaf. Hermannus contraß. Otto Frising. Beka in Ep. Ultras. Chron. M. Belgii. Conradi morbus & mora.

Posthac Conradus Imperator ultimum imperii vitaeque annum ingressus Basilea in Franconiam Orientalem descendit; atque inde in Saxoniam profectus, statum utriusque Reipublicae optimis legibus judiciisque composuit. Paschate apud Saxones celebrato, ex Westphalia per vernalis anni tempus discessit in Frisiam, ut Wippo presbyter refert (nam Hollandiae nomen scriptoribus ejus saeculi nondum usitatum reperio) ubi dum festum Pentecostes cum Imperatrice et filio Rege perageret, et coronatus ad mensam procederet, cepit invaletudinis dolore affligi; quo in praesens dissimulato, cum altero die morbus ingravesceret, jussit Imperatricem filiumque Regem e cubiculo exire, vocatisque Episcopis, petiit Eucharistiae Sacramento refici. Id postquam cum crucis effigie et Sanctorum reliquiis est illatum cubiculo, facta peccatorum confessione multis cum lacrymis, acceptoque corpore Christi, ad suprema se composuit; nec multum inde superstes, post salutaria monita ad Imperatricem et Regem filium, inter preces et gemitus pridie Nonas Julii excessit e vita. Viscera Ultrajecti ante aram principem condita: Corpus Imperatorio cultu compositum, primum Coloniam, deinde Moguntiam et Wormatiam, ac demum Spiram est deportatum ad tumulum. Funus per omnes vias deduxit Henricus filius Rex: et quoties ex itinere illatum in Ecclesiam aliquam, humeros feretro por-

tando supposuit, insigni in patrem pietate. Nec minori totius Imperii luctu desideratus Conradus, quod post Carolum et Ottonem M. non facile Imperator, qui tranquillius et fecilius Imperium, debellatis circum hostibus, pietate, religione, et bellica fortitudine administravit ampliavitque. Lessus Eius laus. ejus cum magno praconio vulgatus, in quo inter cetera haec legas.

*Regum sanguine genitus, omnes praecessit penitus:*

*Gloriosus in persona, pulcher fuit sua sub corona:*

*Sceptrum, regnum, imperium, nulli erat plus congruum.*

*Postquam replevit Franciam per pacis abundantiam,*

*Mitigavit Alemannos, et omnes regni Tyrannos,*

*Saxonibus et Noricis imposuit frena legis,*

*Vidit sua magnalia probabilis Italia, Bellum intulit Paganis, ne nocerent Christianis.*

*Non defendit eos palus, nulla fuit in aquis salus.*

*Bene coercebat Sclavos, barbaros, et omnes pravos.*

Vel eo etiam hoc loco a nobis commemorandus, quod post Carolum M. et S. Henricum nullus Regum et Imperatorum Ecclesiam Paderbornensem majori liberalitate dotatam auxerit, quam Conradus Salicus Imperator. Ut non

Y y 2

non

non immerito tertius hujus Episcopatus conditor haberi possit: quemadmodum hæc ex iis, quæ in Meinwerco diximus, satis constare poterunt.

Henricus  
III privile-  
gia Ecclesie  
Minden-  
sis confirmat.

In hoc itinere, cum funus secundum Rheni ripam duceretur Moguntiam, Henricus Rex præclaro diplomate Brunoni Mindenſi Episcopo Andernaci omnia jura & privilegia confirmavit. Id quia posteritatis memoria dignum, vel ob id etiam, quod in eo incolas diœcesis Mindenſis Francos liberos legas, hic adjungimus.

In nomine sanctæ & individue Trinitatis, Henricus divina favente clementia Rex. Omnium fidelium nostrorum tam præsentium quam futurorum cognoscat industria, qualiter Bruno Episcopus sanctæ Minden. Ecclesie in honore sancti Petri principis Apostolorum, & sancti Gorgonii constructæ, in nostram attulit præsentiam piissimorum antecessorum nostrorum Regum vel Imperatorum scripta, in quibus continebantur, qualiter ipsius præfatæ Ecclesie res cum omnibus in ipsis rebus consistentibus sub illorum receperunt Mundiburdio ac defensione, precatusque est Serenitatem nostram, ut hoc ipsum a nostræ regalis potestatis consensu fieri non recusaremus. Nos autem ob amorem Dei nostræque animæ remedium, nec non pro regnorum stabilitate, prædecessorum nostrorum mores sequentes, & ejus benignitati assentientes, ita fieri decrevimus. Præcipientes ergo ut nullus judex publicus, vel quislibet ex judiciaria potestate, in Ecclesias, aut loca, vel agros, seu reliquas possessiones jam dictæ Ecclesie, quas nunc infra ditionem regni nostri legibus possidet, vel quæ dein-

ceps in jura ejus divina pietas voluerit augeri, ad causas audiendas vel freda exigenda, mansiones vel paratas faciendas, aut fidejussores tollendos, aut homines ipsius Ecclesie, francos liberos & Ecclesiasticos litones, maalmann vel servos cujuslibet conditionis, seu colonos contra rationem distringendos, nec ulla redibitiones vel illicitas occasiones requiringdas ullo unquam tempore ingredi audeat, aut bannum, sive heribannum, seu ea, quæ supra memorata sunt, ab illis penitus exigere præsumat; hominibus quoque famulatum ejusdem Ecclesie facientibus prædictum Mundiburdium constituimus, ut etiam coram nulla judiciaria potestate examinentur, nisi coram Episcopo & advocatis ejus, quos ejusdem loci Episcopus elegerit, Insuper etiam bannum nostrum, & monetam teloniumque sive macellum publicum ibi construi licere, & quidquid ad nostram potestatem pertinere videbatur, eidem Ecclesie donavimus. Quidquid vero fusius exinde sperare potuerit, pro æterna remuneratione dictæ Ecclesie ad stipendia pauperum & luminaria continuanda concessimus. Et per se Episcopus cum omnibus rebus suis nostro fideliter pareat imperio, & sub nostra constet defensione, uti cæteræ regnorum nostrorum Ecclesie, & Episcopi, quatenus ipsum fratresque ejusdem loci pro nobis dominum melius & jugiter orare delectet. Concessimus quoque eisdem fratribus licentiam eligendi inter se pastorem dignum & idoneum, salvo tamen Regis sive Imperatoris consensu. Et ut hoc nostri Mundiburdii & concessionis præceptum firmiter magisque inconvulsum cunctis credatur, hanc chartam inscribi jussimus, sigilloque nostro signatam manu propria subtus firmavimus.



Signum Domni Henrici tertii Regis invictissimi.

Theodoricus Cancellarius vice Bardonis Archicappellani recognovit. Data X Calend Julii Anno Dominicæ Incarnat. MXXXIX. Indiēt. VII. Anno autem Domni Henrici tertii ordinationis XI, regnantis autem primo. actum Auternacho feliciter amen.

Succedit  
patri in  
Imperio.  
Sigebertus,  
Ursberg.  
Nerman,  
contract.

Conrado Patri successit in Imperio Henricus filius, jam ante Rex appellatus, & Principum suffragiis Imperator acceptus, cognomento Niger, Regum eo nomine III, Imperatorum II, religione, moderatione Imperii, re-

rum gestarum gloria, ut Otto Frisingensis tradit, Patris virtutes supergressus: major etiam futurus, si, ut pater, scriptorem nactus fuisset. Hoc Imperatore gloriantur prisca scriptores Imperium ad Caroli M. stirpem redi-

Marian.  
Scot.  
Lambertus  
Schaf.  
Otto Pri-  
sing. lib. 6.  
c. 32.

rediisse, quod Gisela Imperatrice sit natus; in quam rem hi versus circumlati olim.

*Quando post decimam memoratur linea quarta,*

*De Carolo Magno processit Gisela prudens.*

Iustis parenti persolutis, Spiræ Henricus Imperator Regnum pacatum, nemine obtinente, adiit. Lustrataque superiore Germania, in Saxoniam discessit, more Patris & superiorum Cæsarium, quod apud eam gentem magna Imperii majestas, metusque non levis esset, ne Saxones per affectationem Imperii, quod Conradus Pater primum a Saxonica familia in Franconiam transtulerat, sub Principe filio publica turbarent. Hæc ut Henricus anteverteret, in Saxoniam maturavit, & per Autumnum Goslarie Episcoporum ac procerum Conventum habuit; ad quem inter Abbates accessit Truchmarus Corbejensium Abbas & duo ab Henrico Rege magnifica diplomata obtinuit, quorum primo Corbejensibus firmat omnia jura ac privilegia, quæ a Ludovico Pio ceterisque Imperatoribus data sunt, cumprimisque Ecclesiam in Eresburg, & Abbatiolam in Meppia ad Amasis flumen.

Confirmat  
privilegia  
Corbejensium

In nomine sanctæ & individue Trinitatis, Henricus divina favente clementia Rex. Si petitiones Servorum Dei iustas & rationabiles ad effectum perduxerimus, & ad hanc vitam felicius transigendam & ad perpetuam felicius promerendam procul dubio nobis profuturum speramus. Quapropter notum esse volumus, quoniam venerabilis Abbas Truchmarus adiit Excellentiam nostram suppliciter orans, ut nostra munificentia prospiceremus monasteriis sibi commissis, quorum unum est nova Corbeja nuncupatum, ubi & ille regulari constitutione abbas extitit, & alterum est Sanctimonialium Herifordt dictum, & propriæ Abbatis, cujus nomen Godesdru, subiectum; sed juxta consuetudinem, qua ancillarum Dei congregationibus procurari solent, præpositi ex Ecclesiastico ordine, jam dicto Abbati commendavimus, ut tam in disciplina Abbatis loci juvetur, quam in cunctis negotiis, quæ famulæ Christi pro sexu & professione sua exequi non

possent, ipsarum provisor & patronus existeret. Is ergo petiit Celsitudinem nostram recordari, quod piæ memoriæ antecessor noster HLudovicus Imperator ambo hæc monasteria construi jussit; ad normam videlicet præcipuorum in regno Monasteriorum, novam Corbejam in Saxonia ad similitudinem antiquæ Corbejæ, Herivordense vero Cænobium ad exemplum Monasterii Sanctimonialium in Sueffionensi civitate constructum; & ut in eleemosynam suam, ac totius generis sui institutionem earumdeni perfectio compleretur, Abbatiam juris sui, quæ vocatur Meppia, cum decimis & possessionibus suis, aliisque ad ea pertinentibus: & Ecclesiam Eresburg, quam Karolus Imperator construens in Saxonia decimis ditavit circumquaque habitantium per duas Saxonicas ristas, præfatus HLudovicus ad novam tradidit Corbejam. Ad Herifurtensis autem monasterii adjumentum dedit in Episcopatu Osnabrugensi Buginitum cum subiectis sibi Ecclesiis; in Parochia vero Mimigernafordensi Ecclesiam Hreni cum his, quæ ad eam pertinent Ecclesiis, ita sane ut decimarum aliorumque reddituum proventus omnes præfatis cederent Monasteriis, & ab his vicissim procurarentur subiectæ plebes in baptismo, in Eucharistia, in sepultura, in confessione peccatorum audienda, & presbyteri, qui principales ex his Ecclesias tenerent, Archipresbyterorum officio fungerentur ad omnia facienda, quæ solent fieri ab Archipresbyteris Episcoporum. Cum autem ipsi Episcopi cirationes suas ibi agere deberent, ad eorum mansionatica daretur, quod in capitulis Antecessorum nostrorum præscriptum habetur. Ille igitur rata esse volens cætera omnia, tantum expensas ad ministerium Episcopi propter ægritudinem & senectutem ejus, qui tunc fuit, Gauzberti augere debuit. Quod juxta petitionem primi ejusdem loci Abbatis Warini ita moderari placuit, ut descripto, quantum satis sit ad servitium Episcopi, hoc nullo modo subtrahatur, & Episcopus vicissim ampliora non querat, nec cum pluribus veniat, quam ut eis sufficere possint. In quibus satis esse consensit Episcopus coram antecessore nostro HLudowico, & Archiepiscopo HRabano, cæterisque cum eo in synodo agentibus, id est, ut dentur ad singulas Ecclesias porci IIII valentes singuli denarios

rios

rios XII, aut VIII: arietes tantundem valentes: porcelli quatuor, aucæ III, pulli VIII, situlæ XX de medone, de mellita cervisia XX. de non mellita LX. panes CXX. de avena modii C. manipuli DC. sitque in potestate Episcopi, utrum hæc per singulas Ecclesias ad unum mansionaticum, an ad duo velit habere. Ne autem in summa debiti his plus minus compleretur, hoc auctoritatis suæ decre-

vit atque iussit. His etiam adjungere placuit libera utrique loco concessione eligendæ de propria congregatione in regimen sui per futura semper tempora congruæ personæ. Quod & nos confirmamus & corroboramus. Et ut omnis hinc dubietas tollatur, manu propria subtus roborantes sigilli nostri impressione ea signari iussimus.



Signum Domni Heinrichi tertii Regis invictissimi.

Theodericus Cancellarius vice Bardonis Archicappellani recognovit: Data III Nonas Septemb. Indictione VII. anno Dominicæ Incarnationis MXXXVIII. anno autem Domni Heinrichi tertii ordinationis XII regni vero primo. Actum Goslare feliciter Amen.

Iisdem con-  
firmat jus  
eligendi Ab-  
batem.

Altero diplomate, quod eodem die & loco consignatum est Goslaræ, impetrat confirmationem eligendi Abbatem, & immunitatem subditorum hominum, & bonorum, quod hoc tenore verborum concessum.

In nomine sanctæ & individue Trinitatis, Heinrichus divina favente clementia Rex. Notum sit omnibus Christi nostrisque fidelibus, præsentibus scilicet atque futuris, qualiter venerabilis Abbas nomine Truthmarus nostram adiit excellentiam; suppliciter orans, ut nostra magnifica munificentia prospiceremus monasterio, cui præesse videtur, quod est constructum super fluvium Wisera in loco, qui dicitur nova Corbeja, in honorem Dei & sancti Stephani protomartyris, ubi & beati Viti Martyris pretiosa pignora servari noscuntur, Cujus petitioni rationabili propter divinum amorem, & venerationem beatorum Martyrum. assensum præbentes, hos apices serenitatis nostræ circa ipsum monasterium fieri iussimus, per quos decernimus atque iubemus præcipue, ut potestatem Monachi, si necessitas venerit, habeant Abbatem eligendi de fratribus suis. Et ut nullus Episcopus, aut Iudex publicus, vel quilibet ex judiciaria potestate, nisi solus illius loci provisor & advocatus prædicti Monasterii in Ecclesias, aut loca, vel agros, seu reliquas possessiones præfati monasterii, quas moderno tempore iuste & rationabiliter possidere videtur, ad causas audiendas, vel freda exigenda, aut

mansiones, vel paratas faciendas, aut fideiussores tollendos, aut ulla redibitiones, vel illicitas occasiones requirendas, aut homines ipsius monasterii tam ingenuos, quam & servos, vel litos injuste distringendos ullo unquam tempore audeat ingredi, vel ea, quæ supra memorata sunt, penitus exigere, aut actitare præsumat. Sed & de dominicatis mansis vel nunc habitis, vel post acquirendis, a reddendis decimis plenam idem monasterium habeat immunitatem. Et sicut hætenus fuit, ut dentur ad portam in susceptione hospitum & peregrinorum in quibuslibet Episcopiis, pagis, vel territoriis, vel omnibus, quæ ibidem propter divinum amorem & illius sancti loci venerationem collata fuerint, ut liceat ibidem Deo famulantibus sub nostræ immunitatis tuitione quieto ordine vivere & residere, ut melius illos delectet omni tempore pro vitæ animæque nostræ perpetua felicitate, & pro remedio piæ memoriæ genitoris nostri Chuonradi, Romanorum videlicet Imperatoris augusti, atque pro stabilitate regni a Deo nobis collati Domini misericordiam attentius exorare. Insuper etiam decimas, vel decimales Ecclesias, in quibuscunque Episcopiis, ita teneant atque disponant, sicut ab Antecessoribus nostris, Regibus videlicet & Imperatoribus, tenere per præcepta visi sunt, atque disponere. Episcopis vero, quibus servitium ei mansionatica debent tempore circuitus sui, secundum scripta sua singulis annis persolvant. Et ut hæc auctoritas concessionis nostræ atque confir-

firmationis firmitas habeatur, & per futura tempora a cunctis fidelibus sanctæ Dei Ecclesiæ nostrisque præsentibus & futuris melius credatur, diligenti-  
gentiusque observetur, manu propria subter eam firmavimus, & sigilli nostri impressione assignari iussimus.



Signum Domni Heinrici tertii Regis invictissimi.

Theodoricus Cancellarius vice Bardonis Archicappellani recognovit. Data III. Non. Septembris. Indictione VII anno Dominicæ Incarnationis MXXXIX. Anno autem Domini Heinrici tertii ordinationis XII. regni vero primo. actum Goslare feliciter amen.

Kemnade-  
sis Parthe-  
nonis fun-  
dationem  
stabilit.

Tertium Goslariæ diploma impetravit Abbatissa in Kemnade, quo Monasterii illius ad Visurgim conditi privilegia & bona Henricus Rex rata confirmataque habet.

In nomine sanctæ & individue Trinitatis, Henricus divina favente clementia Rex. Omnium sanctæ Dei nostrorumque fidelium, præsentium ac futurorum universitas noverit, qualiter Domna Frideruna venerabilis Abbatissa, ejusque soror Innma Comitissa, Gerone Comite adjuvante, construxerunt quoddam monasterium in villa Keminata, in pago Tilithi, in comitatu Bernhardi Ducis situm, in honorem Dei genitricis sanctæ Mariæ Virginis dedicatum, ad quod omnem hereditatem suam, curtes scilicet ac villas infra nominatas, Keminata, Heigen, Hogen, Barigi, Tundirun, Othere, Varstan, Rothe, Bardewic, Hotmanessun, Witthorp, Britlingi, Biangiburdiburg, Addunestorp, Hatherbiki, Bodanhuson, Suotherburg, Claniki, Wigmannesburgstal, Benedestorp, Vuidila, Walderfisi, Kokerbiki, Holam, Aun, Setila, Hepstidi, Sinigas gratissima volun-

tate tradiderunt. Unde Abbatissa Juditha nominata, quæ nostris temporibus eidem monasterio præfuit, nostram regalem excellentiam adiens suppliciter exoravit, ut præfatum Cœnobium more Antecessorum nostrorum in nostro mundiburdio susciperemus. Quod nos interventu Brunonis Mindonensis Episcopi fecisse cognoscat universitas fidelium. Ad hæc statuimus, ut ejusdem Monasterii Abbatissæ talis libertatis, legis ac regulæ primatu fruerentur, quali ceteræ Sanctimonialiales in regno nostro sub regula S. Benedicti juste viventes utuntur. Insuper concedimus eidem Abbatiæ, ut nullus Marchio, nullus Comes, nullaque nostri regni magna vel parva persona in ea placitum facere, vel publicam functionem exigere præsumat, nisi advocatus, quem Abbatissa, quæ tunc temporis fuerit, cum Sanctimonialium consensu eligere voluerit. In obitu vero Abbatissæ ejusdem Monasterii liberum habeant arbitrium aliam eligendi juxta regulam S. Benedicti. Et ut hujus nostræ auctoritatis privilegium perseveret, manu propria roborantes sigillo nostro iussimus insigniri



Signum Domni Heinrici tertii Regis invictissimi.

Theodoricus Cancellarius Vice Bardonis Archicappellani recognovit. Data III. Non. Septemb. Indictione VII. Anno Dominicæ Incarnationis MXXXIX. Anno autem Domini Heinrici tertii Ordinat. XII. regni vero I. Actum Goslare feliciter Amen.

Mirum tot Cæsarum ac Regum diplomatis tanquam adamantinis vinculis voluisse sacrorum præfules jura bonaque sua præmunire, quæ hæresis nostro ævo tam libere rumpit, quam impune ipsa sacrorum bona rapit.

Ceterum Henricus Rex, compositis per Saxoniam rebus publicis, sub exitum

anni in Bohemiam cum exercitu movit adversus Bretislaum Ducem, qui Udalrico successerat, dominatu inflatus. Quippe tributum regio fisco debitum, centum & viginti boum & quingentarum Marcarum solvere recusabat: At Bretislao satisfactionem spondente, Henricus Rex Ratisbonam ad Hiberna concessit.

Bohemis  
ad pendens  
dum foli-  
tum tribus  
ruinab  
Henrico  
adigitur.

## Annus Christi 1040.

Benedicti IX. Pont. 7. Henrici III. Reg. 2.

Rothonis Ep. Pad. 5.

Per initia hujus anni Henricus Rex Augustæ Vindelicorum versatus, mense Februario, Geroldo Abbati Werthinensi omnia Cœnobii D. Ludgeri privilegia, interque ea navigationem liberam in Rura fluvio, eo, quo Conradus pater ad annum hujus sæculi xxxiii. concesserat, tenore approbavit.

Episcopus sine certa sede Episcopali; at Rothonem Episcopum, quod idem Rudolphus, ut supra diximus, vocetur facile intelligas, quippe qui ex Stabulensi monasterio per ipsum Popponem ad Abbatis & Episcopi dignitatem erat provectus, cui hunc ex invitatione honorem præstiterit.

Dedicatio  
Basilicæ  
Stabulensis  
cui cum  
Henrico R.  
interest  
Rotho.  
*Vita Popponis apud Savarium & Bolandum tom. 2. Jan. Mirans in Notis. Belg.*

Tum fallente, quam dederat, fidem Bohemo, resumptum ab Henrico bellum, quod præcedenti anno intermissum diximus, Bretislao Bohemorum Duce ac quæsitam satisfactionem Regi se offerente. Inde postquam Rex Ingelhemii pascha, & per paschatis ejus ferias procerum conventum celebravit, Nonis Junii Stabuletum a Poppone Abbate invitatus, ad dedicationem Basilicæ magno procerum Comitatu accessit. Celebris quoque ea dedicatio fuit Episcoporum conventu. Nam præter Hermannum Coloniensem Archiepiscopum, intra cujus Diocesis Stabuletum accensetur, interfuerunt Bezellinus Hamburgensis Archiepiscopus, Nithardus Leodiensis, Benno Trajectensis, Hermannus Mimigardovondensis, Richardus Virdunensis, Gerardus Cameracensis, Theodoricus Merensis Episcopi, ceterique, quorum præsentiam ex diplomate, quod Henricus Rex Nivellesi Virginum Collegio in ea dedicatione dedit, cognoscere licebit: additurque in eo Rudolphus

Mense demum Augusto, Henricus Rex triplici exercitu in Bohemos movit, quorum alter Saxonum Duce Ocardo jussus procedere in Bohemorum fines; alterum, quem ex Germania contraxerat, Rex ipse ex Bojaria duxit. At Bohemi, postquam de periculo suo edocti, stratis late arboribus, transitus omnes viarum intercludere; ad quos cum tecti præmunitique se objicerent, Rex ut per fauces montium penetraret, signa peditum inferre jussit: sed agmen illud mox magna clade rejectum, & circumfusum haud minori strage acceptum, occumbente inter primos Wernero Duce, ac Rege cum fugientibus ægre discrimen evadente. Occardus Saxonum Dux, comperta regionum clade, Bretislao suavit, ut Regis clementiæ se permitteret: id cum a victore non impetraret, copias suas incolumes in Saxoniam reduxit, lingua quam manu promptior. Rursum hoc anno, ut in fastis Corbeiensium reperio, villa Huxteri deflagavit, paucis in vico ædibus servatis.

*Sigebertus  
Marianus  
Lambertus.  
Schaf.  
Herman.  
conr.  
Cosm. Prag.  
Nauclerus  
Cronzins  
Dabrov.  
Mutius.  
Fast. Corb.  
Intelix Henrici cum  
Bohemis  
congressus.*

## Annus Christi 1041.

Benedicti IX. Pont. 8. Henrici III. Reg. 3.

Rothonis Ep. Pad. 6.

*Mirans in  
not. Belg.  
Bohemia  
ab Henrico  
subigitur.*

Anno dehinc proximo Henricus Rex, ad ulciscendam a Bohemis cladem acceptam, contundendamque Ducis superbiam, verno primum tempore Selingenstadii, deinde Aquisgrani Nonis Julii frequentem Episcoporum ac Principum senatum habuit, ubi rursum Nivellesi Collegio Virginum liberalitatis diploma consignat. Post illa, collectis Episcoporum & sanctorum hominum precibus, adscitisque Episcopis & Sacerdotibus, penes quos in castris esset divinorum procuratio,

cum instructo exercitu perrupit in Bohemiam, caesoque, quem Bretislau objecerat, milite, totam regionem vastando urendoque libere pervagatur. Hoc calamitatis aspectu Bretislau, cum & a suis proceribus esset desertus, auctore Pragensium Episcopo, clementiam Regis impetrat, offerendo obfides, tributa, & fidum clientis obsequium. His placatus Rex jussit Ducem sese Ratisbonam sequi, ubi nudus pede, capite aperto, in frequenti Principum senatu prostratus ad pedes



pedes Regis in Sella confidentis, receptus in gratiam ipso die festo Michaelis Archangeli. Fasti nostri Corbeien-  
ses rem his verbis sunt complexi. *Henricus Rex Bohemos nobili victoria debellavit, Deique dono totam provinciam in occidentali parte Histri subegit.* Per id tempus Petrus Ungariæ Rex ab Ovone Tyranno pulsus accessit Ratisbonam, Henrici opem implorando; quem Rex in tutelam suscepit, pollicitus restitutionem.

*Chron. Monast. Trans-  
quensis*  
In præsens vero invitatus ab Hermannō Mimigardevordensium Episcopo proficiscitur in Westphaliā. Nam qua temporum felicitate Henricus & Conradus Cæsares Imperium habuere, magnum (quod a Scriptoribus observatum est) certamen erat inter Episcopos in construendis Basilicis, condendisque Collegiis, ac cœnobiis religiosorum hominum. Quare & Hermannus præclarus & magnificus XIV Monasteriensis Episcopus, cum opibus abundaret & operis, Monasterii trans aquas, ut vocant, in antiquissima urbis parochia ad Alpham fluvium condidit Virginum sacrarum Collegium cum magnifica Basilica; quam cum hoc anno absolvisset, invitavit ad ejus dedicationem Henricum Regem, & vicinos simul Episcopos. Quocirca Henricus Rex magno procerum comitatu venit Monasterium, & Natalitia Christi ea in urbe celebravit. Atque, ut vetus Saxonum chronicon refert, Suiderus, istic qui Everhardo Bambergenſi Episcopo hoc anno defuncto successerat, a Bardone Moguntino Archiepiscopo, ipso natalis Christi die, Monasterii consecratus est Episcopus.

At nihil ea dedicatione, quæ IV Calend. Januarii peracta est, per totam Saxoniam spectatu magnificentius; ad quam præter Henricum Regem Archiepiscopi quatuor cum suis provincialibus Episcopis convenere. Ac postquam Basilica illa D. Virginis solemniter primum ritu consecrata est, aram principem consecravit Hermannus Colonienſis Archiepiscopus, adjuvante Becelino Alebrando Bremensium Archiepiscopo, & Brunone Mindensium Episcopo in honorem S. Crucis, & B. Virginis; Australis ara ad descensum chori initiata a Bardone Mogunti-

no Archiepiscopo, Suitgero Bambergenſi, & Dithmaro Hildesimensi Episcopis in honorem S. Joannis Baptistæ omniumque cœlitum. Aquilonare altare consecratum S. Joanni Evangelistæ ab Hunfrido Magdenburgensi Archiepiscopo, adſistentibus Cathelo, seu ut alii, Cedalo, Citizenſi, & Avalrico Osnabrugensi Episcopis. Ara demum Occidentalis ab ipſo Hermannō Mimigardevordensium, Nithardo Leodiensium, & Rudolpho Sleswicenſi Episcopis in honorem S. Petri & Pauli dicata. Nam hunc Rudolphum Sleswicenſem tunc fuiſſe Episcopum conſtat ex Alberto Stadensium, quo cum Becelinus, & Thiatmarus Hildesimensis Episcopus anno Christi M.XLII adiere Magnum Regem Daniæ, ut huic celebritati Rothonem, seu Rudolphum Paderbornenſem Episcopum præſentem ſiſtere non liceat; quamvis ut pronum ſit ſuſpicari ex vicinitate loci, & congreſſu tot Episcoporum. Ceterum Hermannus Mimigardevordensium Episcopus Collegio Virginum Sanctimonialium, quod condiderat, ſororem ſuam primam Abbatiffam impoſuit, quales exinde ex Comitum familia delectæ. Ex qua vero ipſe ac ſoror familia, tam præclari Collegij conditores fuerint, ex annalium memoria excidit. Templi vero hujus Transaquenſis non ipſe Hermannus primus eſt Conditor; quando tempore D. Ludgeri iſtic Eccleſia B. Virgini consecrata ſtetit, in qua corpus D. Ludgeri a morte depositum: hanc, quod vel anguſta, vel collapſa, dejecit Hermannus, & ex fundamento novam Basilicam conſtruxit, addito Virginum Collegio, ideoque ſub patrocinio B. Virginis reliquit. Id quod aſſitum conſpicitur Sacellum D. Ludgeri, veteris Eccleſiæ turris fuit. Illud vero grande admirandumque turris opus inter Saxoniarum monumenta cum primis ſpectabile Hermannō quoque Episcopo adſcribitur conditori; quanquam Basilica hæc & Collegium Virginum anno 1071 menſe Aprili conflagravit. Ac poſtquam intra annos 14 ab Erpone Episcopo inſtauratum eſt opus, rurſum anno 1121, injeſtis a Theodorico Wirtzenburgico in urbem ignibus, abſumptum eſt. Ex his ruinis a Burchardo Episcopo reſtaurari eſt cœptum, in quo perficiendo Succeſſores laborant. Quod vero ab hoc Monasterio

Z z

Vir-

Virginum urbi & diœcesi Monasteri-  
enſi nomen adhæſiſſe nonnulli cum  
Crantzio opinentur, falli eos dixerim;  
quando a Collegio Cathedrali eam no-  
minis originem alii certius deducunt;  
quod ejusmodi Collegia Clericorum  
paſſim Monasteria dicerentur. Sane  
ex quo a Carolo M. Collegium illud  
primum eſt conditum, non modo nu-  
mero & diſciplina clericorum floren-  
tiſſimum fuit, ſed ab eo urbs ipſa pa-

rochiis, & civium frequentia ampli-  
ficata in hanc demum magnitudinem  
excrevit, quibuſcum nomen Monaste-  
rienſe uſu invaluit. Quare poſt tem-  
pora Hermannii Epifcopi, ſub quo urbs  
mirifice exulta eſt, modo adhuc Mi-  
migardevordenſes, modo vero Mona-  
ſterienſes Epifcopi appellati leguntur.  
Sed hæc ad illorum annalium conqui-  
ſitionem ſpectant.

*Tympius in  
caſal. Epifc.  
Monaf.  
Browerus  
in noſ. ad  
vitaſam &  
Ludgeri.*

## Annus Chriſti 1042.

Bedediſti IX Pont. 9. Henrici III. Reg. 4.  
Rothoniſ Ep. Pad. 7.

Ceterum Henricus Rex non prius  
Monasterio diſceſſit quam inſigni præ-  
dio Virginum Tranſaquenſium Colle-  
gium dotaſſet, & magnis etiam privi-  
legiis, Herivordenſium aliorumque no-  
bilitum Virginum Collegiorum inſtar,  
exornaſſet, & publicum etiam tribunal  
(quod Magiſtratuſi poſt ceſſit) Abba-  
tiſſæ dediſſet. Sub hæc rigente hyeme  
in Burgundiam proſectus, tumultuan-  
tium motus, compreſſit: acceptaque  
procerum fide Baſileæ Henricum Lu-  
xenburgicum D. Cunigundæ fratrem  
ex Henrico fratre nepotem Bojariz  
Ducem dixit. Inde ſecundo Rheno  
provectus 11 Aprilis Paſchatis celebri-  
tatem Coloniae habuit, quo & Germa-  
niæ Saxoniæque proceribus evocatis,  
agitatum de bello Ungarico; omnium-  
que mox ſuffragiis Petrus Rex exul in  
ſolium reponendus decernitur. Quare  
ſub Autumnum ſuſcepta expeditio,  
Germanorum Saxonumque viribus:  
ac primo ſtatim in Ungariæ ingreſſu  
captæ aliquot populofæ urbes. Ac li-  
cet adverſis præliis fractus Otto Ty-  
rannus, bellum tamen redintegrare eſt  
auſus. Et jam vergente in exitum an-  
no, ex affecto magis bello quam con-  
fecto Rex in Saxoniam ad hiberna con-  
ceſſerat.

Inter hæc 21 Julii Hermannus Mi-  
migardevordenſis præclariffimus Epi-  
ſcopus exceſſit e vita; anno geſti Epi-  
ſcopatus decimo. Tumulus ei datus  
ante aram principem in Baſilica, quam

priori anno dedicaverat, cujus tamen  
modo nulla veſtigia ſuperſunt. Tam  
ingrata, atque immemor beneficiorum  
ætas in poſteris. Inter cetera hæc illi  
laus data, habuiſſe clerum non minus  
quam Scholas florentiſſimas. Succes-  
ſor ei in Epifcopatu datus Rudbertus,  
quem faſti Robertum vocant, uti hæc  
Lambertus Schafnaburgenſis conſigna-  
vit. Mortua quoque hoc anno Emma  
Meinwerſi Epifcopi noſtri ſoror, Lud-  
gero Comiti denupta, poſtquam per  
XL annos vidua omnes theſauros in Ec-  
cleſiam Bremenſem & pauperes ero-  
gaſſet; præclara ſanctitatis fama apud  
poſteros relicta. Sed hoc ipſo anno,  
uti Adamus Bremenſis ſcribit. *Domus  
Eccleſiaque S. Petri Bremæ conflagra-  
vit, cujus incendii flamma, clauſtrum  
cum officiis, urbem cum ædificiis to-  
tam conſumpſit, veteriſque habitaculi  
nullum remanſit veſtigium. Ibi ſacræ  
Eccleſiæ theſaurus, ibi libri & veſtes,  
ibi omnia ornamenta ſunt conſumpta.*  
Quæ damna magna quidem reputat  
auctor; ſed majora, quæ ex ſoluta di-  
ſciplina conſecuta ſunt; quando ex eo  
tempore Canonici, qui intra clauſtrum  
vixerant, vagari, & regulam SS.  
Patrum, quam per CCLXX annos in  
communis vitæ ſocietate conſerva-  
rant, primum negligentius habere, ac  
deinde pravo aliorum Collegiorum ca-  
thedralium exemplo abjicere cœpe-  
runt; quanquam id Browerus jam ante  
complures annos Treviris factum ob-  
ſervavit.

*Mors Em-  
mæ ſororis  
Meinwerſi*

*Bremenſis  
Eccleſiæ  
conflagra-  
tio & diſci-  
plinæ re-  
laxatio  
hinc conſe-  
cuta.*



Annus

## Annus Christi 1043.

Benedicti IX. Pont. 10. Henrici III. Reg. 5.

Rothonis Ep. Pad. 8.

Lambertus.  
Schaf.  
Hermannus  
conrad.  
Marianus.  
Scots.  
Urborg.  
Aunt. l. 5.  
Boico.  
Chinberg.  
in ibem.  
Paderborn  
adit  
Henricum.  
& Ungaro-  
rum Legas  
tas audir.

At Henricus Regum gloriosissimus, apud Saxones hyemando, Goslariæ Natalicia Christi celebrat. Ibi dum comitia Saxoniorum procerum agitantur, accessit Bohemiæ Dux, honorifice a Rege exceptus, & benigne dimissus: ibi legati Russorum auditi, & tristes dimissi, quod Regis sui filiam, quam Henrico nuptui obtulerant, aspernatam audirent. Goslaria Rex ad Leodienses profectus, celebratoque apud eos Paschate, cum Rege Francorum colloquitur. Inde postquam Aquisgranum adiisset, reflexo per Rhenum itinere, in Westphaliæ digressus est; & magna procerum frequentia deductus, festum Pentecostes Paderbornæ cum Rothone Episcopo egit; patris cumprimis & Henrici sancti exemplo invitatus, quos Imperatores hic locus non tam amœnitate fontium & veneratione sacræ antiquitatis, quam cleri & religiosorum hominum pietate oblectavit. Atque hic dum per complures dies versatur Rex, advenere ii Calend. Junii Ungarorum legati ab Ovone Tyranno missi, violatæ fidei veniam precantes; & quo fœdus & amicitiam impetrent, ultro etiam captivos se reddituros, aut certum pro iis pretium soluturos sese pollicentur. At Rex, quoniam Bojos injuriis læserant, Ratisbonam rejecit; ibique præsentibus Bojis causam se cogniturum edixit. Postquam Ratisbonam perventum, Ungari eadem, quæ ante, promittunt: verum cum Henrico Regi fidem dare, & in præscripta pacta legesque jurare detrectarent, Boicis finibus excedere jussi sunt. Quos Rex cum exercitu secutus; expugnatoque ad Rabonem fluvium castello, Ungari supplices imperata se facturos spondent, Petrumque in Regni partem admissuros. Sed fluxa, ut post compertum, fides, eoque bellum resumere necesse fuit. Rex inde in Sueviam reducto exercitu, Ulmæ conventum procerum, & Constantiæ Episcoporum synodum habuit, in qua memorabili ad posteros exemplo, ut Hermannus scribit, Patrem multis sæculis inauditam per editum confirmat, ultro veniam omnium

Aspi Corb.  
Sigebertus  
Herm.  
Conrad.  
Lambert.  
Otto Brising

noxarum, quotquot unquam in regiam majestatem deliquissent, impertiendo. Post illa in Burgundiam perrexit, ad sponsam Wilhelmi Pictaviensis Ducis filiam excipiendam, quam Moguntiam deduxit, & magna celebritate Ingelhemii sibi matrimonio junxit. Ad eas nuptias cum magna histrionum multitudo conflueret, jussit eos Rex, præclaro ad posteros modestiæ ac pietatis exemplo, ejici, eorumque in locum egenos introduci, quibus cibi & largitiones præbitæ.

Pictaviensis Ducis filiam ducit uxorem.

E Saxoniarum Episcopis hoc anno ad superos transit Becellinus Alebrandus Bremensis Archiepiscopus, insigni religione & spectabili virtute præsul. Postquam divino monitu extremum vitæ diem sibi imminere sensit, nudis pedibus Bremam ingressus est, & ad mortem se composuit. Subrogatus ab Henrico Rege Adalbertus cognomento Magnus, filius Friderici Comitis Palatini Saxonici. Primum is Canonicus Bremensis fuerat, deinde Halberstadtensis Præpositus, vir qui egregias naturæ dotes ac virtutes multis vitiis, magno cumprimis fastu & arrogantia obscuravit, corruptor postea Henrici IV. Regis, & Schismaticorum antesignanus, multumque a sanctissimorum Episcoporum modestia ea in sede primum degenerasse compertus; uti sæcula sensim post Henricum III. cum depravatis Imperatoribus in vitia transierunt.

Adalbertus Bremensis. Albert. Stad.

Rotho per hæc Episcopus noster in restaurandis consecrandisque Parochiarum Ecclesiis occupatus; quas inter vi. Calend. Augusti dedicavit Ecclesiam Horhusanam, quæ Eresburgi ad pedem montis Martis constructa est, quam in rem vetus monumentum consecrationis & donationis extat.

Rotho Horhusanam & Sudberg hoviensem Ecclesiam consecrat.

In nomine sanctæ & individue Trinitatis, regnante Henrico Imperatore, venerabilis Paderbornensis Episcopus Rotho, penitente Druthmaro Abbate, dedicavit hoc templum vi. Calend. Augusti, basce sacrosanctas hic recondidit reliquias: de corporali S. Patri Apostoli, de cruce, de scutella ejus, de vestimenta.

Z z 2

vestimentis B. Pauli Apostoli, de lapide, quo lapidatus est Beatus Stephanus, de membris SS Magni, Tiburtii, Valeriani, Clementis, Pancratii, Chrysogoni, Georgii, Joannis & Pauli, Stephani, & Viti, Dionisii: item de vestimento Innocentii martyris, Gregorii Liborii, Benedicti, Adelberti, Petri Diaconi Confessorum: Agathæ, Cæcilie, Afræ, Eugenie, Aldegundis Virginum. Statuit autem ad terminum istius Ecclesiæ has pertinere villas: Horrebusen, Albertinghusen, Albrachsinghusen, Osneti, Twesini, Siltzinghusen, Helmeringhusen. Dotata est autem decimis barum villarum: Widerdinghusen, Hufside, Herchinghusen. Quæ ne quis

infringere, aut detrabere præsumat, prædictus Episcopus Rotho terribili anathemate prohibuit.

Decimo septimo dehinc Calend. Novembris Rotho Episcopus consecravit Ecclesiam Paroeciæ Sudberghoviae in honorem S. Galli, quam Wolfangus secundus Abbas Abdinghovianus ex solido lapide in fundo sui Cænobii construxerat, ex quo Meinwercus Paroeciam illam ab urbica sejunxerat, propriique juris fecerat.

Außer vita  
Meinw.  
n. 48.

## Annus Christi 1044.

Gregorii VI. Pont. 1. Henrici III. Reg. 6.

Rothonis Ep. Pad. 9.

Lambert.  
Schaf.  
Brevu.  
lib. xi. Ann.  
Trevir.  
Adam.  
Brem. lib. 3  
in Adal.  
Consecra-  
tio Adalber-  
ti Archie-  
piscopi  
Bremenfis  
Albert.  
Stad.  
Sigebertus

Henricus Rex postquam Treviris Christi Natalitia peregerat, uti Lambertus scribit, ibique promulgata rursum lege, quam Constantiæ in synodo sanxerat, omnes, qui in regiam majestatem deliquerant, omni prorsus crimine absolverat, Aquisgranum perrexit ad conventum Principum. Quam in urbe Adalbertus Bremensis Archiepiscopus coram Rege & procerum multitudine consecratus est, astantibus XII Episcopis, & singulis ordine manum imponentibus: quo facto homo vanus ita gloriari solitus est adversus maledicos, ut diceret nihil sibi omnium imprecationes nocere posse, cui tot Episcopi bene precando manum imposuissent.

num Ungarosque ad internecionem delat. Tum vero Petrus in regnum restitutus. Ovo ex prælio elapsus, in tugurium se abdidit, ex quo a Petro extractus ad supplicia, dignas sceleribus pœnas dedit. Henricus Rex Ratisbonam reversus, nihil sollicitius habuit, quam ut pro victoria cœlesti beneficio parta grates Deo persolveret. Quare laneum sagum indutus exalceatusque, supplicum ritu, omnia templa, omniumque Divorum aras obivit, prostratusque ante Christi in cruce pendentis effigiem soli Christo triumphum detulit.

Hungari  
ab Henrico  
debellantur

Aventin.  
lib. 5.  
Brevu. l. 10.  
Herm.  
Contra.  
Lamb. Ann.  
Alth. Histo.  
Boic. p. 1. lib.  
17.

Aquisgrano Rex Neomagum se contulit ad inferiores Rheni provincias lustrandas; celebratoque apud Frisones Paschate, ab extremis Germaniæ finibus cum exercitu in Ungariam transvolat; ac tertia expeditione in Ovonem facta, viribus licet multum impar, conferto ad Arabonem fluvium, quem nunc Rabam vocant, prælio, Tyrannus

Sustulit hic annus Thiatmarum Hildesinensem Episcopum, virum qui nobilitatem generis pari virtutum splendore conjunxit, eoque apud Henricum Regem & Principes magnæ auctoritatis fuit. Successit Thiatmaro Azelinus. Per hæc pacatissima tempora laboratum sterilitate frugum, peste, & fame per Germaniam & Galliam (quod ab omnibus Scriptoribus notatum reperio) quibus calamitatum malis magnopere exercita Episcoporum caritas.

Lambert.  
Schaf.  
Herm. contra.  
Lambertus.  
Sigebertus  
Ann. Alth.  
Avent. h. 5.  
Histo. Boic.  
cap. 1. l. 17.

## Annus Christi 1045.

Gregorii VI. Pont. 2 Henrici III. Reg. 7.

Rothonis Ep. Pad. 10.

Accessit inter hæc annus quadragessimus quintus supra millesimum, quo Henricus Rex cum exercitu in inferiorem Germaniam discessit, & Godefridum Lotharingiæ Ducem anno superiori rebellantem compressit. Is postquam hortatu religiosorum hominum

supplex se ad pedes Regis abiecit, ita condonationem impetravit, ut tamen in custodiam abripi jussus sit. Inde Rex transito Rheno in Saxoniam profectus, Goslariæ Paschatis solennitatem celebrat. Advenerant per id tempus oratores Petri Ungarorum Regis, qui

Hen-

Henricum Regem in Ungariam invitaverant. Quare Rex itinere in Bojariam arrepto celebratoque Passavii festo Ascensionis Domini, secundo Danubio in Ungariam descendit, & in regia Albæ regalis urbe festum Pentecostes cum Petro Rege agit, tamque amice ibi inter utrumque Regem actum est, ut Rex Ungariæ se clientem Henrico Regi Regnumque submiserit. Ex Ungaria ad comitia Triburiensia, quæ indixerat, maturatum.

tarent: at supra omnium spem sibi restitutus in Saxoniam properat adversus Slavos Luitios; quæ gens, ut Hermannus Contractus retulit, aucta per absentiam Regis, Saxonum fines populando ingredi; id licet Bernardus Saxoniarum Dux, homo ignavus, dissimularet; Rex tamen non ferendum ratus, contractisque Saxonum copiis, Albim transgressus, Slavos primo incurfu obtrevit, tributumque, quod ante eum Conradus Pater & Ottones Cæsares imposuerant, pendere iussit. Eo bello confecto, Goslariam ad hiberna concessit: qua in urbe Christi nascentis incunabula læta festaque habuit.

rum ab  
Henrico  
adiguntur

Slavi ad  
pendens  
dum tribu-

Francofurtum ubi pervenit, tam gravi morbo repente depressus jacuit, ut Principes de Successore consilia agi-

## Annus Christi 1046.

Gregorii VI. Pont. 3. Henrici III. Reg. 8.

Rothonis Ep. Pad. I I.

Sub initium dehinc anni proximi, mense Februario, Rex Corbejam venit, ut fasti nos Corbeiensis docent. Et vero, quia Druthmarus Abbas, vir religiosissimus, a Meinwerco Episcopo nostro ad disciplinam formandam evocatus, xv Calend. Martii excesserat e vita, statim vii Calend. Martii, præsentem Rege, omniumque fratrum concordibus suffragiis, Ruthardus Abbas eligitur. Is deinde sequenti Dominica vi Nonas Martii Regem Tremoniam secutus, pro regia auctoritate confirmatur. Nec multo post vii Idus Martii Corbejam reductus est, solemniter a Rothone Paderbornensi Episcopo, qui legatus tum Regis memoratur, collocatus in sede. Quanquam Ruthardus, ob quæ nescio delicta & diffidia biennio abhinc amotus a munere, & in ordinem redactus. Subinde Rex, perlustrata Westphalia, transgressus in Frisiam, celebratoque Paschate Ultrajecti, navalem expeditionem fecit adversus Theodoricum Phlardingæ Marchionem Cæsarique rebellantem & Episcopos vexantem compescuit. Dehinc Aquisgranum movit, ubi inter festa Paschalia Godefridum Ducem in publico procerum conventu supplicem, prostratumque ad pedes suos, rogatu Principum, in partem Lotharingæ recepit: in alteram Lotharingæ partem Fridericus Luxenburgicus admissus frater Henrici Ducis Bojorum, seu filius, ut quibusdam placuit. Tanta tum Regum eti-

am Germanorum potestas erat in amovendis, reponendisque Ducibus, antequam hereditaria se possessione firmassent. At Godefridus haud multo post ad ingenium rediit, bellumque ex integro resumpsit tanta audacia, qua Neomagi palatium regium & Verdunensem Ecclesiam injectis ignibus absumpsit; sed ultro mox facti poenitens se flagellis verberandum obtulit, interque camentarios mancipii instar lapides in restaurationem fabricæ comportavit. Aquisgrani dum versatur Henricus Rex in congressu Episcoporum & Abbatum, ut ex sequentibus literis cognoscitur, Wolfango Abdinghoviano Abbati & cœnobio ejus donat curtem & vineam: qua super donatione has tabulas prisca pietate plenas produci-

Abdingk.  
hoffensibus  
donat curtem  
ac vineam  
neta Pope  
partensia.

*In nomine sanctæ & individue Trinitatis. Heinricus divina favente clementia Rex. Nos qui antiquorum insignia Regum Deo jubente gestamus, egregia eorum merita ex scriptis in Ecclesia Christi frequenter audimus. Ea quippe a venerabilibus viris Episcopis vel Abbatibus ejusdem causa negotii in nostram collata præsentiam imitari decet, quibus divina inspirante gratia id animi sedet, ut Ecclesias Christi infra nostri contiguum regni constitutas de nostri abundantia copia, ubi ex toto non possumus, ex parte augmentemus. Quapropter notum esse volumus sanctæ universitati Ecclesiæ, qualiter nos pro remedio*

Fasti Corb.  
Lambert.  
Ruthardus  
dam Cor-  
beiensem  
Abbatem  
confirmat.  
Herm. com-  
traß.  
Lamb.  
Schaf.  
Histo. Ul-  
traßeß.  
Buchel. in  
not.  
Sigebertus  
Godefri-  
dum Duo-  
cem Lotha-  
ringiæ in  
gratiam re-  
cipit.

medio animæ nostræ, Agnetisque Regi-  
næ dilectissimæ conteſtalis nostræ, nec  
non pro æterna parentum noſtrorum  
requie, ſanctæ Eccleſiæ ſub honore ſan-  
cti Petri omniumque Sanctorum Bodar-  
brunno conſtructæ & conſecratæ, ejus-  
demque Eccleſiæ Abbati Wolfango  
unum curtile cum omni integritate, &  
vinetis tres Karradas ferentibus, in vil-  
la Pobarto, ſitum in Comitatu Bertoldi  
Comitis, & in pago Trechira, in pro-  
prium tradidimus, ea videlicet ratione,  
ut prædictus Abbas omnesque Succeſſo-

res ejus de præſato curtili & vinetis libe-  
ram dehinc poteſtatem habeant obtinen-  
di, commutandi, precariandi, & quid-  
quid ſibi placuerit, ad uſum Eccleſiæ  
fratrumque inibi Deo ſervientium inde  
faciendi. Et ut hæc regiæ noſtræ tra-  
ditionis liberalis auctoritas ſtabilis & in-  
convulſa omni tempore permaneat, hanc  
cartam inde conſcriptam, manu propria  
roborantes, ut infra poterit videri, ſi-  
gilli noſtri impreſſione juſſimus inſi-  
gniri.



Signum Domni Heinrichi Regis invictiſſimi.

Theodericus Cancellarius vice Bardonis Archicappellani recognovit: Data VII. Calend. Jun.  
anno Domin. Incarnat. MXLVI Indiſt. XIII. anno autem Domni Heinrichi tertii ordi-  
nat. ejus XVIII. regni vero VIII Actum Aquisgrani palatio in Dei nomine feliciter  
Amen.

Lambertus.  
Schaf.  
Hermannus  
Conr.  
Sigobertus  
Ursberg.  
Ottoſtrifung.  
Leo Oſienſis  
Baronius.  
Suidgerus  
Bambergen-  
ſis Episco-  
pus creatur  
Pontifex.

His trans Rhenum peractis, Hen-  
ricus Rex Merſeburgum in Saxoniam  
proceſſit ad alia Episcoporum & pro-  
cerum comitia. Magna hæc Principum  
celebritate & Regis majeſtate con-  
ſpecta, in quibus VIII Calend. Julii Bo-  
hemorum, Polonorum, & Pomeranorum  
Legati adfuere, tributum &  
munera Regi deferentes. Et quia ex-  
peditio in Italiam certa erat, Rex in  
Bavariam proſectus Auguſtam adiit,  
ubi cum ingens exercitus ex Saxonia  
& Germania, ac flos nobilitatis ad ini-  
tium Septembris conveniſſet, Rex ma-  
joribus, quam ante quiſquam Cæſa-  
rum, copiis iter Romanum eſt ingreſ-  
ſus, interque Episcopos Adalbertus  
Bremenſium Archiepiſcopus Regem  
eſt affectatus, ad fædum, quod tribus  
ſimul Pontificibus electis intervenerat  
ſchiſma, tollendum. Ad ingreſſum  
Italiæ ſubſtitit primum Veronæ dies

aliquot, mox Papiam progreſſus ſyno-  
dum Episcoporum convocavit: Inde  
Sutriæ haud procul ab urbe alia Syno-  
dus coacta, in qua Pontificum cauſa,  
qui per errores delecti fuerant, eſt  
cognita; exauſtoratisque Benedicto,  
Sylveſtro, & Gregorio, Suidgerus  
Bambergenſis Episcopus, gente Saxo,  
quem ante Monasterii Episcopum con-  
ſecratum diximus, tam Romanorum,  
quam Episcoporum conſenſu, Roma-  
nus Pontifex deligitur; multumque li-  
cet reluſtans, ipſo Natali Chriſti die,  
in throno collocatur, Clemens II Ap-  
pellatus. Is in ipſis Chriſti Natalitiis  
Henricum Regem & Agnetem ſolemni  
ritu Auguſtos coronavit. Peractis Miſ-  
ſarum deinde ſolemniis Pontifex & Im-  
perator una cum Imperatrice Agnete  
ad Lateranenſe palatium, applaudente  
populo Romano, proceſſere.

Et Henri-  
cum coro-  
nat.

## Annus Chriſti 1047.

Clementis II. Pont. I. Heinrichi III Reg. 9. Imp. I.  
Rothonis Ep. Pad. 12.

Lambert.  
Sigobertus  
Herman.  
Contraſſ.  
Ad morus  
Germaniæ  
componen-  
dos prope-  
rat Henri-  
cus.

Imperator dehinc rebus Italicis  
compoſitis, in Germaniam maturabat,  
urgentibus publicis rebus. Nam &  
Rex Gallorum Heinrichus per Imperato-  
ris abſentiam in Germaniam molitus  
erat irruptionem, & Ungari excæcato  
Petro Rege Andream ſublegerant, &  
Lotharingia inferiorque Germania mo-

tibus inteſtinis agitabatur. Quare  
Mantuzæ Paſchate, & Auguſtæ feſto  
Aſcenſionis peracto, Spiram acceſſit  
ad Pentecoſtes celebritatem. Ubi Epi-  
ſcoporum & Procerum comitiis ha-  
bitis, copias ſecundo Rheno in Friſi-  
am deduxit adverſus Godefridum Lo-  
tharingiæ Ducem, & Theodoricum  
Friſiæ



Frissæ occidentalis & Hollandiæ Comitum; captoque Renesburgo & Ulaendingo munitissimis oppidis, prohibitus est aquis & paludibus victoriæ insilire. Quocirca per Autumnum in Westphaliâ digressus Susatum venit, occurrentibus eo Episcopis & Saxoniarum proceribus. Qua in urbe Imperator Ecclesiæ Paderbornensi lautum in pago Hessi prædium Everschutte dedit; quam donationem novi Imperatoris largitatemque in Ecclesiam nostram hic ex consignatis tabulis exhibere placuit.

In nomine sanctæ & individue Trinitatis. Henricus divina favente clementia Romanorum Imperator Augustus. Noverint omnes fideles nostri, tam futuri quam præsentis, qualiter nos ob divinum amorem, & ob remedium animæ nostræ, ac fidelis nostri Adalhardi ad Ecclesiam sanctæ Dei genitricis Mariæ semperque Virginis, & sancti Kiliani martyris, sanctique Liborii Confessoris, & sanctæ Brigidæ virginis in eleemosina fratrum inibi Deo sub canonica regula servientium tale prædium, quale nos habuimus in Ever-

schutte dicto, situm in pago Hessi, in comitatu Bennonis Comitum, cum omnibus ad idem pertinentibus scilicet areis, mancipiis utriusque sexus, ædificiis, agris, terris cultis & incultis, pascuis, campis, silvis, venationibus, aquis aquarumque decursibus, piscationibus, molis, molendinis, viis & inviis, exitibus & redditibus, quæsitis & inquirendis, seu cum omni utilitate, quæ ullo modo inde provenire poterit, per hoc nostrum imperiale præceptum in proprium concessimus atque condonavimus, & illud perpetualiter existendum tradidimus, eo quoque tenore, ut nullus Rex, Dux, Comes, vel ulla alia magna parvaque persona idipsum inde alienare, aut auferre præsumat. Si quis autem hujus nostræ Kartæ temerarius violator extiterit, divinæ sententiæ periculum incurrere, & in die iudicii inde reddere rationem se sciat. Et ut hæc nostræ traditionis auctoritas stabilis & inconvulsa omni tempore permaneat, hanc Kartam inde conscriptam, subtusque manu propria corroboratam sigilli nostri impressione jussimus insigniri.



Signum Domni Henrici invictissimi Romanorum Imperatoris Augusti.

Data IV. Non Sept. Anno Dominicæ Incarnat. MXLVII Indict. 15. anno autem Domni Henrici tertii Ordinationis ejus XVIII. Regnantis IX Imperantis primo. Actum in Sosaet feliciter Amen.

Hartwicus Cancellarius vice Bardonis Archiepiscopi & Archicancellarii recognovi.

## Annus Christi 1048.

Damasi II. Pont. I. Henrici III. Reg. 10. Imp. 2.  
Rothonis Ep. Pad. 13.

E Westphalia Imperator in Thuringiam profectus, Poledæ Christi Natalitia celebravit: sub quod tempus accessere Legati Roma missi, Imperatori obitum Suidgeri Romani Pontificis denunciantes; is quippe in Octobri excesserat e vita, & Bambergam ad sepulchrum deferri voluerat. Tum vero quia Successorem petierant Romani ab Imperatore, oblatum est Poppo, natione Bojus, Brixienfis Episcopus. Qui postquam a Romanis est delectus ac Damasus II appellatus, non ultra vigesimum diem cathedram tenuit. Post quæ consultus denuo Imperator, Bru-

nonem Tullensem Episcopum, ex consilio Episcoporum, quos Wormatiæ convenire jusserat, designavit Romanum Pontificem. Gente is quoque Germanus erat, ex nobilissima Dagsburgicorum Comitum inter Alsatos familia; quæ deinde cum honestissimo trium Episcoporum comitatu deductus in Italiam, & pontificali ornatu indutus, consilio Hildebrandi Cluniacensis Prioris, viri sapientissimi, se clero Romano eligendum obtulit, eoque comite & hortatore subrogatus est Romanus Pontifex, & Leo IX appellatus, vir magnarum virtutum, & miraculis clarus;

Lambert.  
Herman.  
Contra B.  
Sign. de  
regno Ital.  
Bruno.  
Histo. Bav.  
pag. 1. l. 13.  
Otto Frising.  
lib. 6. c. 23.  
Mortuo  
Suidgero  
Pontifice  
sufficitur  
ab Impera-  
tore Poppo,  
ac deinde  
Bruno.

clarus; quemadmodum hæc Desiderius Abbas Cassinensis, & Leo Ostiensis, & Wigebertus Scriptores testantur.

• *Herms.  
Contrad.  
Brunner.  
Aventin.*

Mindensis  
Ecclesie  
privilegia  
confirmantur  
ab Henrico.

Agebantur hæc anno, qui Christi numerabatur quadragesimus octavus supra millesimum; quo Imperator abruptis in Saxoniam hybernaculis, in Bojariam secessit. Ac postquam Ulmæ Otto Dux Sueviæ impositus, & Pascha Ratisbonæ, festum Ascensionis Turingi, Pentecostes vero Soliduri celebratum ab Imperatore, per Franciam in Saxoniam Orientalem remeavit, ipsamque inferiorem Westphaliam ingressus, Mindæ Brunonem Episcopum invisit, virum quem Henricus per omnem vitam carum habuit, eoque novo & egregio diplomate Ecclesiam Mindensem exornavit: id quia mense Augusto Mindæ est consignatum, & illustre ad Episcoporum privilegia commemoranda, juvat hoc loco intexere.

In nomine sanctæ & individue Trinitatis. Henricus divina favente clementia Romanorum Imperator Augustus, Omnium fidelium nostrorum, tam præsentium quam & futurorum, cognoscat industria, qualiter Bruno Episcopus sanctæ Mindensis Ecclesiæ, in honore sancti Petri Apostolorum principis constructæ, in nostram attulit præsentiam piissimi nostri genitoris Chonradi Imperatoris Augusti, cæterorumque Antecessorum nostrorum Regum vel Imperatorum scripta, in quibus continebantur, qualiter ipsius præfatæ Ecclesiæ res cum omnibus in ipsis rebus consistentibus sub illorum receperunt Mundiburdio ac defensione, precatusque est serenitatem nostram, ut hoc ipsum a nostræ Imperialis potestatis consensu fieri non recusaremus: Nos autem ob amorem Dei, nostræque animæ remedium, nec non pro regnorum stabilitate, prædecessorum nostrorum & paternos mores sequentes, & ejus benignitati assentientes, ita fieri decrevimus.

Præcipientes ergo, ut nullus iudex publicus, vel quilibet ex judiciaria potestate in Ecclesias, aut loca, vel agros, seu reliquas possessiones jam dictæ Ecclesiæ, quas nunc infra ditionem Regni nostri legibus possidet, vel quæ deinceps in jura ejus divina pietas voluerit augeri, ad causas audiendas vel freda exigenda, mansiones vel paratas faciendas aut fidejussores tollendos aut homines ipsius Ecclesiæ francos liberos & Ecclesiasticos Litones maalmann, vel servos cujuslibet conditionis seu colonos contra rationem distringendos, nec non ullas redibitiones, vel illicitas occasiones requirendas ullo unquam tempore ingredi audeat, aut hannum seu beribannum, seu ea, quæ supra memorata sunt, ab illis penitus exigere præsumat. Homini-  
bus quoque famulatum ejusdem Ecclesiæ facientibus prædictum Mundiburdium constituimus, ut etiam coram nulla judiciaria potestate examinentur, nisi coram Episcopo, & advocatis ejus, quos ejusdem loci Episcopus elegerit; insuper & hannum nostrum & monetam teloneumque sive macellum publicum ibi construi licere, & quidquid ad nostram potestatem pertinere videbatur, eidem Ecclesiæ donavimus: quidquid vero Fiscus exinde sperare potuerit, pro æterna remuneratione dictæ Ecclesiæ ad stipendia pauperum & luminaria continuanda concessimus. Et per se Episcopus cum omnibus rebus suis nostro fideliter pareat Imperio & sub nostra constet defensione, ut cæteræ Regnorum nostrorum Ecclesiæ & Episcopi, quatenus ipsum fratresque ejusdem loci pro nobis Dominum melius, & jugiter orare delectet. Concessimus quoque eisdem fratribus licentiam eligendi inter se pastorem dignum, & idoneum, salvo tamen Regis sive Imperatoris consensu. Et ut hoc nostri Mundiburdii & concessionis præceptum firmitus magisque incorrulum cunctis credatur, hanc cartam inscribi jussimus, sigilloque nostro signatam manu propria subtus firmavimus.



Signum Domni Henrici Regis invictissimi secundi Romanorum Imperatoris Augusti.

\* al.  
MXLVIII.

Wintberius Cancellarius vice Bardonis Archicancellarii recognovit. Data XIII. Calend. Augusti Anno D. Incarnat. \* MXLIX indictione I. Anno autem Domni Henrici tertii Regis secundi Imperatoris, ordinationis ejus XX, regnantis quidem X. Imperantis autem II. in nomine Domini, actum Mindo feliciter Amen.

Memorat

Memorat Adamus Bremensis Henricum Imperatorem ab Alberto Bremensi Archiepiscopo invitatum Bremam; quem & regio apparatu venientem excepit Archiepiscopus; nec minus liberalis Imperator, Archiepiscopo comitatum Frisiæ donavit. Inde Lissimonam perveniens Imperator per insidias Dithmari Comitis, quem Lambertus fratrem Bernardi Saxonie Ducis scribit, prope circumventus fuit: ob quod facinus cum postularetur reus, militi, qui id detulerat, ad singulare certamen se obtulit, in quo Dithmarus Comes occubuit, visusque est iustas læsæ majestatis pœnas dedisse. Utrumne Cæsar ex hoc itinere Paderbornam adierit (quod etsi verisimile habeam, nullo tamen certo Scriptore comperitum est) Rotho certe Episcopus noster magnæ per id tempus existimationis ob vitæ integritatem apud Cæsarem erat, vir qui in disciplinam cleri intentus, Ecclesiam, uti a Meinwerco acceperat, florentem habebat. Et quia pari religionis cultu numeroque Monachorum vigeat sub Wolfango Abbate Cœnobium Abdinghovianum, ipse Meinwerco vestigiis inhærens, hoc anno territorium cum salinis, quod æro suo coemerat, Cœnobitis donavit, atque ex hac dote perpetuum lampadis lumen ad sepulchrum Meinwerco ardere voluit, tanquam Divorum cultu veneratus Meinwerco, Divorum quoque honoribus exornandum duceret; nam Cryptam, in qua conditus jacuit, supplicum accessu frequentatam ex tradita majorum fide accepimus. Hujus donationis literas, quæ Episcopi pietatem spirant, hic reddimus.

*In nomine sanctæ & individue Trinitatis. Rotho Dei gratia Paderbornensis Ecclesiæ Episcopus. Quia Salvatore nostro attestante, qui recipit Prophetam in nomine Prophetæ, seu justum in nomine justî, mercedem Prophetæ vel justî accipiet, expedit omnibus fidelibus obtemperare monitis Salvatoris, rebusque transitoriis acquirere sibi requiem celestis mansionis. Unde noverint omnes fideles Christi, tam præsentibus quam futuri, qualiter nos divini amoris instinctu pro remedio animæ nostræ, prædecessorisque nostri venerabilis Domni Meinwerco Episcopi, Monasterio ab ipso in suburbio hujus nostræ Sedis in honore*

*sanctæ Dei Genitricis Mariæ perpetuæ Virginis, sanctorumque Apostolorum Petri & Pauli constructo, cui Wolfango venerabilis Abbas præest, territorium quoddam in Folcbettinghusen ad amminiculum præbendæ fratrum contulimus, quod cum omnibus suis appendiciis viginti marcis a quodam homine libero Bernhardo nomine suisque hæredibus legaliter proprietario jure acquisivimus. Dedimus præter hoc locum Salis in Uflon, vas argenteum de decimis Episcopi nostri in Wilgadesun, triginta solidos singulis in posterum annis, de quibus continuum lumen ad sepulchrum prædicti Domni Meinwerco Episcopi provideatur, & in anniversario depositionis ejus & nostro, fratribus in refectorio caritas in nostræ commemorationis memoriam amministretur. Hæc Deo sanctisque ejus tali tenore, ut prædictum est, devota mente oblata banni nostri auctoritate confirmavimus per terribile nomen, quia judicaturus est vivos & mortuos, & seculum per ignem: contestantes ut nulla persona magna vel parva, domestica vel extranea contra hujus rei seriem venire, agereve præsumat, præfati Monasterii fratribus quamlibet injuriam vel molestiam inferat. Quod si quis præsumptuose attemptaverit, damnationem & ultionem invasoribus Ecclesiarum prædestinatum a Deo incurrat, & cum diabolo & angelis ejus sempiternæ maledictioni, nisi resipuerit, subiaceat. Ut ergo tam prædictarum rerum oblatio, quam nostri Episcopalis banni confirmatio veraciter credatur, stabilisque & inconvulsa omni tempore habeatur, paginam hanc in testimonium veritatis conscribi jussimus, & eam impressione sigilli nostri signavimus. Hujus rei testes sunt tam Canonici, quam Monachi nostræ civitatis; Laici vero Erp Comes, Escli, Heinric Comes, Eppa, Echilhard, Tyederic, Engilmar, Athalbold, Heriman, Goditra, Hunald, Godefridt, Warmon, Iba, Ethelric, Erilin, Unumer, Tiaza, Wicman, Wicher, Azaka, Fiaza, Eiza, Hifa, Luiza, Eika, Gela, Sicca, Tumma, Erika, Unecka, Ennika, Bennika, Emmika, Araka: item Azaka, Willica. Alatrant, Gerald, Becelin, Ebbika, Esic, Giezelin, Helmer, Bernheri, Wirnbruch, Gezelin. Data Paderborn V Idus Aprilis, Anno ab Incarnatione Domini MXLVIII. Indiçt. I. regnante Rege Henrico tertio.*

A a a

Annus

Ab eodem donatur Comitatus Frisiæ Archiepiscopo Bremensi.

Et territorium Folcbettinghusen Abdinghofensis a Rothone.

## Annus Christi 1049.

Leonis IX. Pont. 1. Henrici III. Reg. 11. Imper. 3.  
Rothonis Ep. Pad. 14.

*Herm. Consrad. Lambert. Adam. Brem. lib. 3. c. 30. Wibert. in vita Leonis lib. 2. c. 2. Concil. Reg. tom. 9. Chapeauville 10. 2. c. 1. Baronius. Brocverus. in ann. Trevir. Hist. Boica p. 1. lib. 17. Goslariam Henricus exornat. Adalberti Bremensis Archiep. consilia de Patriarchatu condendo.*

Cæsar postquam per Autumnum Saxoniam omnem perlustrasset, transito Rheno, Metas proficiscitur; collocutusque cum Henrico Galliarum Rege, fidem pactorum juramento magni principes sanxere. Post illa Argentoratum atque Ulmam perrexit: celebratisque Frisingæ Christi Natalitiis, ac festo Purificationis B. Virginis Ratisbonæ peracto, per Quadragesimæ tempus in Saxoniam reversus, Goslariam contendit; quam urbem Henricus Cæsar, ingentibus ea tempestate divitiis abundans, uti Adamus Bremensis scripsit, e molendino & tugurio venatorio olim cultam, civium frequentia mirifice auxit, interque nobilissimas totius Saxoniae urbes regio palatio, & duobus Canonicorum collegiis in ea conditis exornavit. Aderat tum simul Imperatori magnificus ille Bremensis Archiepiscopus Albertus, summæ apud Cæsarem auctoritatis ac potentiae; quippe cujus consilio & prudentia Cæsar Imperium moderabatur, carus non minus Leoni Pontifici, a quo majora sibi pollicebatur. Is quemadmodum magna sperabat, ita inter Abbatis Laurissam & Corbeiam affectabat, præterque Plisnam, Groningam, Dispargum, & Lismonam, ceterasque a Cæsare donatas possessiones, etiam Comitatus Bernardi aliorumque bona ad se traxerat, augendæ Ecclesiæ causâ, quo studio incomparabilis erat Præsul. Et quia sub id tempus per Regnum Daniae Christi religio libere lateque increverat, meditabatur Archiepiscopatum suum augere in XII Episcopatus, præterque Episcopatus Daniae adjicere XII Episcopatus, quorum primus esset in Palmis, secundus in Heiligenstat, tertius Razinburgi, quartus Aldinburgi, quintus Mechlenburgi, sextus Stade, septimus in Lismonia, octavus in Wildeshusen, nonus Bremæ, decimus Verdæ, undecimus Ramsbölly, duodecimus in Frisia: ac si hæc procederent, consilium erat Hamburgi Patriarchatum, Metropolim omnium horum Episcopatum instituire, ex quo se totius occidentis Patriarcham ferret. Sed magnis illis consiliis (quibus &

Corbejam complexus in spem Episcopatus) supra fortunam se erigens excidit. Ceterum Goslaria Cæsar Coloniam profectus, ubi magnifice ab Hermannō Archiepiscopo est exceptus.

Accessit per id tempus ex Italia Coloniam Leo IX Pontifex (uti Wibertus inter res ejus gestas memorat) ad pacem inter Galliarum Regem & Imperatorem firmandam, ac cleri disciplinam restaurandam. Is pari magnificentia ab Archiepiscopo & Imperatore exceptus. Ac postquam inter se collocuti Pontifices, Cæsar Aquisgranum est profectus ad Godefridum Lotharingiæ Ducem, & Balduinum Flandriæ Comitem, turbatores Reipublicæ subigendos. Pontifex vero postquam officium Cancellarii S. Romani Sedis, & Ecclesiam S. Joannis ad portam Latinam Archiepiscopo Colonienfi, ejusque Successoribus dedisset, Leodium, Trevirim, Tullos, ac postremo Rhemos est profectus; qua in urbe convocatis Galliae Episcopis celebrem synodum habuit. Jam annus in Autumnum processerat, cum Leo Pontifex & Imperator Moguntiam accessere ad synodum, quam Pontifex indixerat. Celeberrima hæc synodus fuit, in qua præsidente Domino Apostolico, & præsentē Imperatore, ut Adamus Bremensis scribit, convenere Bardo Moguntinus, Everhardus Trevirensis, Hermannus Colonienfis, Adalbertus Hamburgensis, Engelhardus Magdenburgensis Archiepiscopi cum suis provincialibus Episcopis & Sacerdotibus, memoranturque universim XI Episcopi consedisse, quos inter Rothonem quoque Episcopum nostrum numeraveris. Multa in hac synodo celeberrima ad disciplinam cleri & populi faciendam sunt decreta: ac nihil contentius actum, quam ad Simoniae malum, & nefanda Sacerdotum conjugia extirpanda. Quemadmodum ferventissimus Pontifex hanc in rem jam ante in Italia duo, & alterum Rhemis concilium convocarat. Quare & Adalbertus Bremensis Archiepiscopus, qui sapientia & virtutum merito fere omnes præ-

Leo Pontifex in Germaniam concedit.

Celebrem Moguntiae synodum habet.

præcellerat, Clericorum pellices extra urbem eiecit. Eadem cura idemque ceterorum Episcoporum studium fuit. Synodum hanc, ut nonnulli in sequentem annum rejiciant, probatiores tamen

scriptores in hunc annum conferunt, quod & rerum gestarum series poscit, certique id temporum eorum scriptores tradunt Hermannus Comes, Sigebertus Ursbergensis aliique.

## Annus Christi 1050.

Leonis IX Pont. 2. Henrici III. Reg. 12. Imper. 4.

Rothonis Ep. Pad. 15.

*Hermannus  
Contractus.  
Lambertus.  
Sigebertus*

Soluta Moguntina synodo, Pontifex per Bojariam & Sueviam iter in Italiam repetiit, multos secum trahens Teutonicæ gentis nobiles & bellicosos viros, quorum ope Nortmannos in Apulia, Ecclesiæ Romanæ bona diripientes, oppugnare consultum habuit. Cæsar vero in Saxoniam regressus, exactaque hyeme apud Saxones, Rhenum tranfuit, ad fumantis belli reliquias per inferiorem Germaniam extinguendas; Nam & Balduinus Flandriæ Dux datis obsidibus in fidem receptus: & postquam Theodericus Hollandiæ Marchio: junctis trium Episcoporum armis, Leodiensis & Metensis & Trajectensis, victus occubuerat, Hollandia pacata fuit. Trajecti dehinc Paschate celebrato Cæsar in superiorem Germaniam movit; habitoque Noremburgæ Principum conventu, Imperator filio Henrico do-

*Belli Germanici reliquias extinguivit Henricus.*  
*Domniza, in vita Mar. Child. lib. 2. Baronius.*

natus est, quem Agnes Augusta III. Idus Novembris in lucem edidit, patri avoque longe dissimilimum; id quod mater præfagiit; nam falsa in somno sibi Draconem oblatum, quem pareret; quanquam ortum hujus Regis pueri Hermannus ad hunc annum, Lambertus ad sequentem referat. Uterque tradit puero a Principibus fidem juratam, rogante Patre, & alter Poledæ, alter Goslariæ id factum perhibet. Auctor est Hermannus Contractus hoc anno rursus Leonem Pontificem ex Italia in Galliam & Germaniam venisse, quem Baronius ab Imperatore in Saxonia exceptum refert: quemadmodum in Goslariensium tabulariis annotatum traditur, Leonem Pontificem Goslariæ templum Simonis & Judæ Apostolorum consecrasse.

*Filium mali omnis consequitur.*

## Annus Christi 1051.

Leonis IX. Pont. 3. Henrici III. Reg. 13. Imp. 5.

Rothonis Ep. Pad. 16.

*Herm. Contractus.  
Lambertus.  
Domniza in vita Mar. Child. lib. 2. apud Baron. Hildeb. Archid. in vita Hugon. Abb. Serrarius ad 29 Aprilis.*

Sub initium anni Sequentis, qui Christi fuit MLI, Cæsar e Saxonia in Bojariam contendit, & Augustæ solemnia Purificatæ Virginis cum Pontifice celebravit; ac Pontifice Romam repetente, Cæsar Spiram, atque inde Coloniæ profectus, ibi filium quatuor mensium festo Paschatis Hermanno Coloniensi Archiepiscopo Baptismi undis abluendum obtulit; sponfor, susceptorque e sacro fonte Hugo Cluniacensis Abbas, vir sanctitatis fama, & miraculis vivus etiam tum apud omnes clarus, quem ob id in Saxoniam evocarat Cæsar.

*Dedicatio Basilicæ Goslariensis.*

His Coloniæ peractis, Cæsar in Saxoniam rediit ad dedicationem Basilicæ, quam Goslariæ Genitrici Virgini construxerat, quam Hermannus Coloniensis Archiepiscopus præsentem Imperatorem, Bardone Moguntino, ceterisque Episcopis ac Principibus solemniter consecravimus.

Goslaria deinde Paderbornam contendit Imperator cum Episcopis ad conventum Principum, & festum Pentecostes cum Rothone Episcopo peragendum. Nam ita Lambertus, qui hæc tradit. *Imperator Pentecosten celebravit Padelbrunnæ, ubi Bardo Archiepiscopus, ad Missam habito sermone, obitum suum instare prædicens, orationibus fidelium se commendavit. Qui eodem mense decessit.* Præsul, ut jam supra diximus, ob dicendi facundiam Chrysostomus appellatus; sed longe majori Sanctimonia vitæ, quam vel ipso vaticinio Paderbornæ comprobavit. Testes præterea ejus sanctitatis Marianus Scotus, Arnoldus in vita Godehardi, Trithemius, S. Anno Coloniensis Archiepiscopus, Serrarius, aliique Scriptores. Vitæ imitorem habuit Rothonem Episcopum nostrum; quocum egisse Cæsarem hoc anno, &

*Paderbornam accendit Henricus.*

*Bardo Moguntinus Archiepiscopus mortem suam prædicit.*

*Marianus Scotus Arnoldus in vita Godehardi. Trithemius in chron. Serrarius in hist. Mog.*

A a a 2

Pader-

*Gelenius in Paderbornæ conventum Principum habuisse satis testantur literæ apud Gelenium, quibus possessiones, ab Eren-*  
*Vindic. R. chaza.* frido Palatino donatæ Monasterio Bro-wilerensi, juxta Imperii leges, Principum sententia, abjudicatæ sunt.

## Annus Christi 1052.

Leonis IX. Pont. 4. Henrici III Reg. 14. Imper. 6.  
 Rothonis Ep. Pad. ult.

*Lambert.*

*Moritur Rotho.*

*Burana  
ejus stirps  
ex epitaphio attestatur.*

Nec multum ab hoc congressu Cæsaris in urbe Paderbornensi superstes Rotho Episcopus; altero mox anno Bardonem Metropolitanum suum consecutus est, felici ad superos transitu. Nam ita Lambertus ad hunc annum, *Rudolphus Podelbrunnensis Episcopus obiit, cui Immed successit.* Dies vero obitus in necrologio Buxtorfiano, Abdinghoviano, Herisfensi & Paderbornensi notatus est viii Idus Novembris. Primus inter Episcopos, qui in Basilica Cathedrali a Meinwerco Episcopo constructa sepultus est, conditusque in navi templi, ex qua corpus postea ob præclaram sanctitatis famam translatus est ad chorum, collocatumque ad dextrum muri latus, ubi hodiedum monumentum aspicitur illustratum inscriptione, quam Henricus Buranus, Præpositus Cathedralis Ecclesiæ, ex eadem vetustissima Burana Rothonis familia, circa annum Mcccc sepulchro adjecit: eo ex inculto literarum ævo his versibus legitur.

Est hic translatus signis primo templo locatus,  
 De Buren natus Præsul qui Rotho vocatus,  
 Non annis rexit ter quinis, bene protexit.  
 MLI decessit, quem Meinwerce sancte præcessit.

Fallit inscriptio in mortis anno qui MLI esse debebat. Accedunt Icones Divorum, quos inter media B. Virgo a Carolo M. Patrona data, amplectitur ceteros Patronos & Conditores: horum hæc inscriptio.

S. Leo hujus Ecclesiæ Consecrator.  
 S. Liborius hujus Ecclesiæ patronus.  
 S. Maria Patrona.

S. Kilianus Patronus.

B. Meinwerkus Reparator.

S. Karolus Fundator hujus Ecclesiæ.

Apposita est Statua B. Virginis, ad cujus dexterum latus procumbit parens, adjecto insigni gentilitio: ad sinistrum mater, in cujus scuto insculpta est rosa: circum caput Rothonis pulvillo incumbentis depicti radii, quales in Divorum passim imaginibus cernuntur. Sane Rotho ex posterorum memoria inter sanctissimos hujus Ecclesiæ præfules est cultus; quanquam cetera virtutum decora, resque ab eo præclare gestas ipsa vetustas longe subtraxerit. Monstratur hodiedum fons ad descensum Basilicæ, quem Rothonem benedicens multos morbis salutarem fecisse, majorum traditione accepimus; eo Rothonis nomen adhuc retinet. Præsul certe fuit sanctissimus, qui vitæ genus, quod Monachus atque Abbas coluit, in clero continuavit, publicis haud multum se miscens; sed quia disciplinæ cleri, choro, precibus, ac caritatis operibus intentus, priscam Episcoporum modestiam intra claustra & Episcopalem domum continuit. Vir præterea doctus, carusque Cæsari, a quo præclara cum laude Episcopatus tranquille in decimum sextum annum est administratus. Sed multo illustrius hujus Episcopi elogium est cum præclara sanctitatis fama conjunctum a Bernardo IV. hujus Ecclesiæ Episcopo, quod is ad tumbras Rothonis hujus Episcopi, & Imadi Successoris ejus cereum in anniversario ejus mortis die ardentem fundarit; ac tam Rothonem, quam Imadum sancti nomine exornet, quorum ossa e sepulchro levata publice exposita fuere. Hujus rei tabulas in Imado Episcopo producemus.



*Fontem benedictione sua salutarem reddit. A publicis abstinet suo intentus officio.*

*Sanctitatis ejus fama apud posteror.*



B. IMA-



# B. IMADUS XII.

## EPISCOPUS PADERBORN.

Annus Christi 1052.

Leonis IX. Pont. 4. Henrici III Reg. 14. Imper. 6.  
Imadi Ep. Pad. 1.

**P**ost Rothonis excessum subrogatus, Henrici Imperatoris nominatione, Imadus; idque haud multo post, eodem adhuc anno, factum esse constabit ex diplomate Imadi, quod mense Decembri Abbati Cœnobii Abdinghoviani consignavit. Inde Imadus sub exitum hujus anni adhuc inunctus Episcopus, quemadmodum Lambertus Schafnaburgensis, certus eorum temporum scriptor, ad annum Christi MLIII, *Imperator*, inquit, *Natalem Domini Goslarie celebravit, ubi & Immed consecratus est a Luitpoldo Archiepiscopo Moguntino ac Metropolitano suo.* Ac Cæsarem tum Goslarie Natalitia Christi egisse in conventu nonnullorum Episcoporum ac Principum, testis est quoque Hermannus Comes. Ubi quosdam simul hæreticos, ut auctor ille perhibet, inter alia prava erroris dogmata ex Manichæa secta omnesum animalis execrantes, consensu cunctorum, ne hæretica illa scabies latius serpens plures inficeret, ex patibulis suspendi iussit. Igitur Imadus in celebri illo conventu Episcoporum ac Principum, præsentem Imperatorem consecratus, inauguratusque est Paderbornensium Episcopus; tanto etiam majori splendore ac plausu ceterorum, quod & ipse ex Principum ac Comitum Saxoniorum sanguine genitus, claritudinem familiæ ex virtutum merito junxerit cum Episcopi dignitate. Nam avus ei paternus fuit Imadus Comes, maternus vero Hermannus Saxonie Dux. Patrem habuit Ludgerum Comitem, Bennonis Saxonie Ducis fratrem, Matrem Emmam, Senatricem illam Saxonie, ac benefactricem Bremensis Ecclesie, fami-

nam sanctissimam, Meinweri Episcopi nostri sororem. Quemadmodum etiam in literis Abdinghovianis, quas mox referam, Imadus ipse Meinwerco vocat avunculum suum, a quo Paderbornæ a puero in scholis & clero enutritus, tam arcta in claustro disciplina est habitus, ut, sicut Auctor vitæ Meinweri refert, *nunquam patrem suum videre extra conventum specialiter, vel ei colloqui fuerit permixsus*, quod Meinwerco Episcopus diceret, *pueros & adolescentes cum districtione erudiendos esse, minime vero nocivis illis blandimentis deliniendos.* Excultum cum Imado in eadem claustris disciplina Anno Colonienfis, & Fridericus Monasterienfis Episcopi, multique Nobilium ac Comitum filii, præclari post Ecclesie præfules, & operarii in Christi vinea. Et Imadus omnibus artium disciplinis celebre uti Paderbornense Gymnasium a Meinwerco acceperat, ita omnium scientiarum genere florentissimum habuit. Nam ut Auctor vitæ Meinweri memorat. Floruere Imado Episcopo Grammaticæ, Poeseos, Rhethoricæ, Dialecticæ, Physicæ, Matheseos, Astronomiæ, Geometriæ, Musicæ, & quod tum unice spectabatur, sacrarum literarum, ac juris canonici studia, sub delectis magistris ac doctoribus. Confluxere ad eam celebritatem scholarum Paderbornam ingenui ac nobiles adolescentes ex universa Westphalia ac Saxonia: horum omnium decus atque invitamentum erat ipse Imadus Episcopus, vir a juventute literis excultus, omniumque doctrinarum artibus præstantissimus; & quod doctis viris, eruditisque Ecclesie præsulibus commune est, eadem

A Meinwerco avunculo rigide educator in Gymnasio Paderborn.

Auctor vita Meinw. in 51. Panag. Paderb. l. 2. c. 4. Celebritas Gymnasii Paderborn. id temporis

Imadus Goslarie consecratur Episcopus Paderborn.

Maffres Imadi natus.

eadem doctrinarum studia amabat promotebatque in aliis. Hac Imadi celebritate provocatus Theodoricus Paderbornensis Canonicus, ac B. Landfranci discipulus, eruditum suum scriptum in orationem Dominicam, quod Romæ in Bibliotheca Palatina extat, Imado Paderbornensi Episcopo dedicavit, fateaturque se ob memoriam & honorem Imadi venerabilis ac celebris ea ætate Episcopi, edidisse in lucem. Quemadmodum hæc Ferdinandus Episcopus noster Romæ inter cetera collegit atque ad annalium nostrorum memoriam retulit.

Ita vero Imadus & avunculi sui Meinweri meritis, & doctrinarum virtutumque suarum fama commendatus, delectusque ex clero Paderbornensi, Episcopatum suum est ingressus; & sub initium statim muneris, Meinweri vestigiis inhærens, prædium, quod Wolfgangus Abdinghoviani Cœnobii Abbas coemerat, Pontificali auctoritate ratum habuit.

Confirmatur ab Imado emptio prædii Sturebro-censis.

*In nomine sanctæ & individue Trinitatis, Immadus Dei gratia Paderbrunnensis Ecclesiæ humilis minister. Officii nostri est & desiderii, paci Ecclesiarum nobis commissarum invigilare, & earum utilitatibus in futurum, Dei cooperante adiutorio, paterna sollicitudine providere. Unde noverint omnes fideles Christi, tam præsentis quam futuri, qualiter Dominus Wolfgangus venerabilis nostræ civitatis Abbas jugi vigilantia subditorum profectibus prospiciens, ut internorum curam in exteriorum occupatione non minuat, exteriorumque providentia interiorum sollicitudinem non relinquat, fraternæ unitatis consensu & concilio, prædium quoddam in Sturibroh a quodam viro,*

*Richerto nomine, suisque legitimis hæredibus in Comitatu Erponis Comitatus legali jure triginta marcis acquisivit, quod pro ipse salutis suæ & incolumitatis, pro augmento communis utilitatis, rebus Monasterii, cui hætenus laudabiliter præfuit, utiliter adjecit; cujus suorumque fratrum supplici rogatu, tam etiam dilecti nobis avunculi nostri Domni Meinweri venerabilis Episcopi ipsius Ecclesiæ fundatoris intuitu, ipsum prædium cum omnibus appendiciis, hoc est utriusque sexus mancipiis, terris cultis & incultis, pratis, pascuis, silvis, viis & inviis, ceterisque rebus, quæ in eo sunt, vel fieri possunt, nostra pontificali auctoritate confirmavimus, & omnem hominem, qui contra hujus rei tenorem venire agereve temptaverit, anathematis innodari vinculo, quoadusque resipiscat, censuimus. Ut autem hæc nostræ Pontificalis informationis auctoritas stabilis & inconvulsa a generatione in generationem jugiter permaneat, hanc paginam conscribi, & sigilli nostri impressione signari, & testes, qui affuerunt, fecimus assignari: Sunt autem hi Erp Comes, Herimannus Tribunus, Godica, Tiamma, Azala, Gella, Eiza, Meinza, Eica, Araka, Thi-aza, Poppo, Waza, Afric, Esic, Waldric, Godesfrid, Hunald, Ezelin, Voldkerd, Unumer, Godeschal. Eza, Ebbika, Wicman, Sibal, Wigand, German, Hager, Becelin, Luidric, Thiethard, Helmdach, Hunald junior, Waldric. Actum Paderborn. III Non. Decembris. Anno ab Incarnatione Domini MLII. Indictione V. Anno autem Domni Heynrici tertii Regis, Imperatoris autem secundi, ordinationis ejus vigesimo quarto, regni quidem XIII, Imperii vero \* V. Episcopatus autem nostri primo.*

\* al. XV.  
\* al. VI.

## Annus Christi 1053.

Leonis IX. Pont. 5. Henrici III Reg. 15. Imper. 7.

Imadi Ep. Pad. 2.

Hyemem illam a consecratione Imadi Episcopi & conventu Episcoporum Henricus Imperator Goslarie transegit, mirifice delectatus & loci opportunitate, & amœnitate regionis, inter medios Saxones, apud quos tanquam aspectabilem maxime & formidabilem gentem, constructo Palatio,

frequentissimam quoque Imperii sui sedem elegit. Et Martio adhuc mense substituisse Goslarie docebunt nos piissimi Imperatoris tabulæ, quibus Cœnobio Abdinghoviano prædia eidem a Meinwerco donata, ob memoriam amoremque tanti præsulis, quem sibi in vita carissimum habuerat, cæsarea auctoritate confirmat.

Uti & alia prædia Abdinghovien-  
sensibus do-  
nata ab Henrico Imp.

In nomine sanctæ & individue Trinitatis, Heinricus divina favente clementia Romanorum Imperator augustus. Si res Ecclesiasticas divino cultui condonatas pro amore Dei conservare; eas vero, quæ apud humanas leges aliquorum contradictione infirmæ videntur & instabiles, nostra imperiali auctoritate confirmare & corroborare studuerimus, & ad præsentis vitæ felicitatem, & ad æternæ beatitudinis interminabile gaudium nobis profuturum fore non diffidimus. Unde omnium Christi nostri-que fidelium, tam futurorum quam præsentium, solers industria noverit, qualiter nos ob spem divinæ retributionis quædam prædia Goltpeche Totenbusen, Waltmanninbusen, Widen, Mercheche, Reme in Comitatu Ducis Berenhardi sita, & Ratincheim, Testerbant in Comitatu Gerhardi Comitis a Meginwercho venerabili Bodrabrurnensis Ecclesiæ præfule ad Monasterium tradita, quod ipse in honorem Beati Petri Apostolorum Principis, & omnium Sanctorum devotissime a fundamento construxit, hæredibus illius Luitboldo & Adalberto primum quidem multum contradicentibus, & quod eadem bona hæreditario ad se jure devenirent juxta sæculare iudicium, affirmare conantibus, ad ultimum ob nostræ voluntatis, & benigne adhortationis excellentiam

collaudantibus, eidem Monasterio, & Abbati Egilberto suisque Successoribus, & Monachis inibi Deo famulantibus auctoriali nostra astipulatione confirmamus & corroboramus cum omnibus suis appendiciis; hoc est, utriusque sexus mancipiis, areis, ædificiis, terris cultis & incultis, pratis, pascuis, aquis aquarumque decursibus, molis, moleninis, piscationibus, silvis, venationibus, exitibus & redditibus, viis & inviiis, quæsitis & inquirendis, cum omni utilitate, quæ ullo modo poterit inde provenire; ea videlicet ratione, ut prædictus Abbas sui-que Successores de præfatis prædiis liberam dehinc potestatem habeant obtinendi, commutandi, precariandi, vel quidquid illis ad usum ejusdem Monasterii placuerit inde faciendi, cum consensu Episcopi. Insuper etiam firmum & stabile perpetuo jure sancimus, ut nullus Dux, aut Comes, aut aliqua persona parva vel magna præfatum Abbatem ejusque Successores super ejusdem bonis inquietare, molestare, aut divestire præsumat. Et ut hæc nostræ imperialis confirmationis auctoritas stabilis & inconvulsa per succedentium temporum monumenta permaneat, hanc cartam inde conscriptam manu propria, ut infra videtur, corroborantes, sigilli nostri impressione jussimus insigniri.



Signum Domni Heinrici tertii Regis, secundi Romanorum Imperatoris invictissimi.

Wintberius Cancellarius vice Luitbaldi Archicancellarii recognovi. Acta X Calend Aprilis, Anno Dominicæ Incarnat. MLIII. Indict. VI. Anno autem Domni Heinrici tertii Regis, Imperatoris autem secundi, ordinationis ejus XXIII, regni quidem \* XIII, \* al. XV. Imperii vero \* VI. Actum Goslar in Dei nomine feliciter amen.

\* al. VII.

Herman.  
Comes.  
Adamus  
Brem. lib. 3  
c. 17.  
Alb. Scad.  
Progressus  
Evangelii  
in Dania &  
Suecia.

Goslaria Cæsar Merseburgum discessit, qua in urbe cum Rege Danorum Pascha celebravit. Salutaris his communi paci, & Catholicæ religioni Principum congressus, quando per id tempus Sueno Danorum & Sueonum Rex, cognomento Magnus, præclare de Ecclesiâ meritis, ubique per vasta Septentrionis regna Christi religionem proferebat, submittente Evangelii doctores Adalberto Bremensi Archiepiscopo: quos inter Adalwardus ex Decano Bremensi Sueonum Episcopus, doctrina & miraculis clarus, Wirnila-

norum & Scritifingorum gentes ad Christi fidem perduxit. Sub hæc Cæsar celebre Principum concilium Triburiæ convocat, in quo Henricus filius Rex salutatus: & in locum Conradi Dux Bojariæ repositus; ejus rei gratia in Bojariam ad hiberna concessit, celebratis Oringæ Natalitiis Christi. Merseburgi præterea Conradus Bojariæ Dux postulatus in iudicium, & ob delicta Ducatu dejectus; tamen & Saxonum querelæ adversus ipsam Cæsarem auditæ, quod justitiam remissius tractaret.

Annus

## Annus Christi 1054.

Leonis IX. Pont. 6. Henrici III. Reg. 16. Imper. 8.  
Imadi Ep. Pad. 3.

*Hermanus  
Contr.  
Lambert.  
Henricus  
Gebhardus  
Eicstaden-  
sem E.  
pisc. Rom.  
Pontificem  
offert.  
Curat fili-  
um suum  
Coronari  
Regem.*

Anno dehinc proximo Cæsar habito Ratisbonæ colloquio Principum, per Alemanniam prædonum receptacula exuri iussit: inchoatoque Turegi in castro Quadragesimæ jejunio, per affinitas Rheno urbes Moguntiam properavit, ad festum Paschatis diem celebrandum. Ubi in Leonis IX Pontificis defuncti, & in superum factos relati locum, ex Episcoporum & Principum consilio, Gebhardum Eicstadensem Episcopum Romanis obtulit Pontificem. Is anno insequenti Romæ admisus, consecratusque, Victoris II, nomen sumpsit. Post illa Cæsar Aquisgranum contendit, qua in Augustali urbe, indicto Episcoporum ac Principum comitio, filium, puerumque vix dum quartum ætatis annum ingressum, Regem inaugurandum obtulit, non sine controversia duorum Archiepiscoporum; quod Moguntinus ob primatum Sedis id sibi vendicaret, Coloniensis vero ex loco dicecesis, ut Lambertus perhibet, id pro antiquo jure sibi assereret. Cæsar demum impetrata Luipoldi Moguntini Archiepiscopi voluntate consecrationem Hermanno Coloniensi Archiepiscopo ob generis claritatem obtulit.

*Imadas Ab-  
dinckhof-  
ensem fun-  
dationem  
approbat.*

Imadus per hæc Paderbornensis Episcopus noster totus in lustranda ordinandaque dicecesi fuit, atque sollicitus, quod Meinwercus Episcopus Cœnobium condiderat, atque optima religioforum disciplina florebat, ne hominum injuriam pateretur. Quare hoc diplomate omnia ejus Cœnobii privilegia ac bona præmunivit,

*In deitate patris proli sit honor generalis. In nutu nati-decus ac sapientia Patri. In vi Paraclisis virtus sit utrique perhennis. Cum totius bonitatis dator hilarissimus, humanam ita condiderit creationem, ut æternaliter ipsi possidendam paradisi disponderet mansionem, in unius conditionis natura hominem creavit, quem in sapientia sua uniuscujusque creaturæ materia innovavit. Sed postquam primi plasmatism transgressio suæ posteritatis filios in hujus mundi de-*

*putavit exilio, cernens Deus, quid esset in homine, cautelam scilicet discretionis boni & mali, sciens in homine fecit, ut qualitatis differentia seu conversationis merito inter hominem & hominem habitudinis haberetur discretio: hinc mos inolevit, ut homo homini præesset, alter alteri subjaceret, servi & liberi haberentur, subditi Dominis famularentur, Inolevit adhæc consuetudo, ut augmentaretur ubique religio, scilicet in Ecclesia Sacerdotes ovili præessent dominico, Regum sublimitas decor ac terror esset in populo, legum jura Principes discernere, dignitatem conditionemque Comitum sic statuerent, quo Prælati a subditis honorarentur, & cum timore & sollicitudine Dominis famulantes congruo solatu beneficii patrocinio clementer & sollerter tuerentur. Quocirca ego Immadus divina suffragante gratia Paderbrunnensis Ecclesiæ Episcopus curam & diligentiam debitam impendere cupiens commissis ovibus, Ecclesiam Beatorum Apostolorum Petri & Pauli, quam in Suburbio hujus nostræ Sedis Dominus Meinwercus venerabilis Episcopus avunculus meus, licentia & adiutorio Serenissimi Imperatoris Henrici secundi, devotissime construxit, cui vir vitæ venerabilis Dominus Eilbertus Abbas digne præest, præsentis scripti auctoritate stabiliri & communiri, & de rebus tam Ecclesiasticis, quam secularibus juste sibi concessis vel concedendis, canonicam possessionem & dispositionem Abbatisque regularem electionem banno Beatorum Apostolorum Petri & Pauli, omniumque Sanctorum, ac nostro, ipsius Ecclesiæ filiis confirmari & corroborari, ut & præsentis in Christo optatæ defensionis patrocinio foveantur, & posterius nostræ dilectionis & sollicitudinis suffragium quietis, & pacis suæ præsidio experiantur. Si qua ergo Ecclesiastica secularisque persona contra hujus nostræ constitutionis paginam venire agereve temptaverit, secundo ac tertio ammonetur, & si posthæc reatum suum congrua satisfactione non correxerit, ab Ecclesia sancta segregatus tanquam sacrilegus anathemate feriatur. Cunctis autem eidem, & in eodem loco sua*

*sua jura servantes gratia cælestis ab omni contagione peccati mundet, & muniat, quatenus & hic in fructu bonæ actionis permaneant, & in futuro gaudia æterna percipiant. Ut ergo hæc apud posteros nostros nota, rata, & inconversa jugiter permaneant, hanc paginam inde scribi mandavimus, & eam impressione sigilli nostri in testimonium veritatis signavimus. Hujus confirmationis testes sunt Winbertus nostræ principalis Ecclesiæ Præpositus, Hermannus Decanus, & ceteri omnes tam Canonici, quam Monachi hujus civitatis. Laici vero Bernhardus Comes advocatus Ecclesiæ nostræ, Erp, Ekkibertus Comites, Escelin, Heriman, Godeka, Ecbrach, Gothart, Gela & frater ejus Eiza, Esic, Araka, Waza, Sibrach, Cono, Azo, Reimar, Reimwald, Tamna, Oddo, Hunald, Unumar, Godescalc, Becelin, Hunald junior, Helmdag, Brumbard, Fritheric, Heio, Wicman, Waldric, Hamaka, Horko & alii multi. Data Paderbrunnon IV. Idus Maji, in sancto die ascensionis Domini. anno ab Incar-*

*natione ipsius MLIV. Indict. VII. regnante invictissimo Romanorum Imperatore Heinricho tertio. Imperatore autem secundo, regni ejus anno\* XV. Imperii vero\* VII. Episcopatus autem nostri tertio.*

\* al. XVI.  
\* al. VIII  
Lambert.  
Chron.

Subtraxit hic annus e Saxonici Episcopis Azelinum Hildesiensem Episcopum, quem ante decennium Henricus Imperator ex aula Sacellano imposuerat. Hoc demum Episcopo, ut in fastis eorum notatur, soluta est communis Canonici vita, & claustrum disciplina, singulisque privatae habitationes permixtae sunt. Causa hujus mutationis arrepta est ex incendio, quo sub priore Episcopo Dithmaro Basilica & Collegium conflagravit. Magna quidem mole Azelinus novæ Basilicæ fabricam cepit, qui tamen labor omnis frustra fuit, opere inter manus identidem procidente, tanquam Deus prius posceret claustrum Societatis vitæ institutum. Azelino subrogatus Hezelo, e Goslarienti Præposito a Cæsare provectus.

Hild.  
Dissolvitur  
communis  
vita & ha-  
bitatio Ca-  
nonicorum  
Hildes.

## Annus Christi 1055.

Victoris II. Pont. 1. Henrici III Reg. 17. Imp. 9.  
Imadi Ep. Pad. 4.

Et Cæsar sub exitium hujus anni, ut Lambertus scribit, Natalem Domini Goslarie celebravit, statimque exactis solemnibus feriis, in Italiam perrexit vocatus eo legatione Romanorum, denunciantium, nimium in Italia excrescere opes & potentiam Godefridi Lotharingæ Ducis, quem exulem Leo Pontifex secum traxerat adversus Nortmannos debellandos; ac nisi turbatis rebus mature consuleretur, ipsum

quoque Regnum ab eo dissimulato pudore occupandum. Sed ubi Cæsar Italiam ingressus, occurrit Godefridus, & cum se in fontem purgasset, absolutus est a crimine rebellionis. Beatricem interim conjugem ejus sceminam potentissimam, quod se inscio nupsisset, secum in Germaniam duxit; transitaque Bojaria, Turegi in castro, Christi nascentis solemnia peregit.

Herm.  
Contr. com-  
tin.

## Annus Christi 1056.

Victoris II. Pont. 2. Henrici III. Reg. 18. Imp. 10 & ult.  
Henrici IV. Reg. 1. Imadi Ep. Pad. 5.

Annum dehinc Christi MLVI, Henrico Imperatori fatalem atque ultimum ingredimur, qui tamen prius IV Idus Februarii sustulit Hermannum Colonensem Archiepiscopum, subrogato in ejus locum D. Annone, magno, ut Baronius inquit, totius Germaniæ bono, qui, ut Browerus scripsit, Germaniam & Italiam rerum gestarum magnitudine implevit. Haud leve ex eo viro sibi Paderbornensis schola decus

vendicat, in qua a B. Meinwerco intra claustrum disciplinam receptus, unaque cum Imado & Friderico Monasteriensi Episcopo, ceterisque ut diximus, ad maturam ætatem excultus vixit inter Canonicos. Inde Bambergam evocatus ob doctrinam & sapientiam, Gymnasio ejus Collegii moderando præficitur; ex quo munere cum se longe clariorem faceret, adscitus ab Imperatore ad aulam, & Præpositura Goslarienti-

Lambert.  
Anno, apud  
sur. 4. De  
comb.  
S. Anno Ar-  
chiep. Cos  
lon. in  
gymnasio  
Paderborn.  
educatus.

B b b

larien-

Cranz. l. 5  
Metrop. c. 2.  
Chron. Col.

lariensi est donatus, interque varias legationes postremum missus ab Imperatore Coloniam. Sub id tempus Hermannum Archiepiscopum cum morte luctantem convenit, eoque mortuo ab Imperatore Colonienſi Eccleſiæ datus est Episcopus. Alii gente Suevum, alii Saxonem ex Dalhufia Comitum profapia volunt, virtute magis, quam generis nobilitate provectum ad Episcopi dignitatem, quem ob hæc Imperator ipse sibi conscientiae arbitrum elegerat.

Paderbornæ  
Pascha  
celebrat  
Henricus.

Regem Gal-  
liarum ad  
duellum  
provocat.  
Lambert.  
Herm.  
Contr. con-  
tin.  
Marian.  
Scot.  
Ursberg.

Victorem  
Pontificem  
magnifice  
excipit  
Goslariæ.

Imperator ex Italia reversus postquam hyemem in superiori Germania, ac per Rheni urbes exegisset, in Saxoniam maturavit, atque ut Lambertus scribit, *Sanctum Pascha Podolbrunnæ celebravit*, læte non minus, quam magnifice ab Imado Episcopo exceptus. Et Cæsarum adhuc nemo ullam Westphaliæ urbem frequentius invisit, quam Paderbornam, seu amænitate & veneratione loci, seu opportunitate ad procerum comitia invitatus. Henricus certe, a quo Imadus ob sua & Meinweri merita impositus erat Episcopus, Conradi parentis erga hunc locum pietatem secutus, Deum sibi Paderbornæ festis solemnibus propitium quæſivit. Paderborna subinde Goslarium profectus, paucisque ibi diebus consumptis, transmissoque Rheno, Ivodium properavit ad congressum cum Rege Francorum. Is cum multa Imperatori contumeliose objecisset, quod Lotharingiam magnamque Regni partem dolo abstractam teneret, Imperator excandescens se Regi ad singulare certamen obtulit, ad quæ Rex proxima nocte fuga elapsus in Franciam rediit. Imperator post illa, lustrata Treviri & Wormatia, reditum in Saxoniam acceleravit, certus Pontificem, de cujus adventu edoctus erat, excipere. Nec multo post descendit in Saxoniam Victor II Romanus Pontifex Max. quem Natali festo B. Virginis Goslariæ magnifico apparatu excepit, & in palatium introduxit, collectis, ut Lambertus scribit, *ad ornandam tantæ diei solemnitatem cunctis Regni opibus & Principibus*. Nondum tum Romanus Pontifex Saxonibus persuasus erat Antichristus, quem tanta magnificentia & lætitia excepere Saxones. Sed haud multum superstes Imperator, qui præ-

sente Romano Pontifice excessit e vita. Lambertum eo tempore fidum & disertum scriptorem hæc narrantem audire juvat. *Imperator*, inquit ille, *post hæc profectus Botfeld, cum ibi aliquamdiu venationi deditus moraretur, comperit Wilhelmum Marchionem Misnie, & Diodericum Comitem cum infinita multitudine Saxonici exercitus, quos contra Luticios miserat, male gestis rebus, occubuisse. Nec multo post ipse corporis molestia correptus, cum septem aut eo amplius diebus lecto decubisset, diem clausit extremum. Præſentes erant, quasi ad officium tanti funeris ex industria evocati, Romanus Pontifex, Aquilegiensis Patriarcha, Patruus Imperatoris Ratisbonensis Episcopus: item aliæ innumerabiles tam Lai- ci, quam Ecclesiastici ordinis dignitates. Notatumque est, nulla retro majorum memoria, sine publica indictione, tot illustres personas in unum confluisse. Felix religiosissimi Imperatoris excessus cui divino munere inter manus Pontificis & tot Episcoporum & Sacerdotum præſentium animam Deo conditori reddere concessum. Nec minus pie sese in mortem composuerat; nam postquam immatura filii ætas commissa Agneti Matri, Annoni Coloniaensi, atque Everhardo Trevirenti Archiepiscopo, rara Principum modestia, veniam poposcit ab omnibus, si quos aliquando durius habuisset; eo compluribus bona in fiscum redacta restitui, multasque in egenos largitiones fieri iussit. Securius ita omnibus sacris christiano ritu proviſus anno ætatis xxxix, regni xviii, Imperii x. iii. Nonas Octobris mortalitatem implevit. Alii cladis, quam a Sclavis accepit; mœrore mortem acceleratam perhibent. Dodichinus immodico cervini jecoris esu extinctum tradit, a quo & locus Botfeld consignatus. Pater ejus (ita enim ille) *Henrici videlicet IV, apud Botfeld cum ægrotaret, rogando impetravit, ut filio suo jurarent Successionem in imperio; quod fecerunt Principes, cum octo esset annorum, ac nondum baptizatus. Altero hoc Imperatoris post Henricum excessu nobilitata Paderbornensis diocesis, quod Botfeldiam locum in Saxonia notatum a Scriptoribus, ex vetustis Corbeiensium literis, doceamur esse in diocesi Paderbornensi; ita enim illæ habent. Ecclesia Corbeiensis Anno MCCXC,**

Moritur  
Henricus  
Imp. Bu-  
dentfeldiz  
in Diocesi  
Paderborn

Marian.  
Scotus.  
Chron. Bilo-  
des. cæsum  
tom. 3.  
Franc.  
Script.

Dodich. ad  
an. Christi  
1106.



MCCXC, auctoritate Gerhardi de Eppen-  
stein Archiepiscopi Moguntini, acquisi-  
vit jus patronatus Ecclesiae in Boden-  
feld diocesis Paderbornensis, reddito ju-  
re patronatus Ecclesiae in Dransfeldt,  
diocesis Moguntini, monasterio San-  
ctimonialium in Lippoldesberg; perin-  
de ut Botfeldia reperitur intra Archi-  
diaconi Helmeswardeshufani nostri li-  
mites in priscis literis descripta. Sita  
vero Botfeldia inter Heristallum &  
Mundam ex altera Visurgis ripa ad So-  
linganum saltum: haud procul inde  
Lippolderberga, & Sanctimonialium,  
ubi jurisdictione sacra fines Moguntini  
& Paderbornensis Episcopi se junxere.  
Haec illa Botfeldia olim villa regia, in  
qua Ottonem III. Imperatorem Heri-  
vordense diploma dedisse diximus. Et  
quia hic locus ab aliis Budenfeld scri-  
bitur, verisimiliter idem est, in quo  
D. Ludgerus Hassiae fines transiens,  
Budonem christianum hominem, quem  
Widekindus ob furtum equorum lapi-  
dibus necari jusserat, in vitam revo-  
cavit. Posita ob miraculi hujus cele-  
britatem lapidea ab incolis crux eo in  
loco, & campus inde posteris Buden-  
feldt appellatus. Funus Imperatoris  
28 Octobris deductum Spiram, com-  
positumque eodem die, quo natus erat,  
ad Patris & matris ossa, in aede D. Vir-  
ginis a se constructa, praesente Roma-  
no Pontifice. Tumuli haec brevis in-  
scriptio legitur. *Anno Dominicae In-  
carnationis, MLVI. Henricus III Niger,  
III Nonas, Octobris obiit.*

Regni Successorem reliquit Caesar  
Henricum IV. puerum sexennem, quem  
ante biennium Aquisgrani inunctum  
diximus; tutela pueri, & Imperii ad-  
ministratio penes Agnetem matrem a  
Principibus relicta est. Puero Rege,  
ut primum erat, Imperium in Princi-  
pum discordias, procerumque factiones  
& turbas, quae vivo patre exarse-

rant, ire cepit. Tum vero longa illa  
felicitatis, pacisque tempora in civilia  
bella, & turbulentissimum Imperii sta-  
tum conversa sunt, magno religionis  
per Sclaviam & barbaras gentes pro-  
ferendae detrimento.

Imadi per hanc beneficentiam me-  
moriisque ex hoc anno testantur lite-  
rae, quibus Eilberto tertio Abdingho-  
viano Abbati praedium pontificali au-  
thoritate confirmat.

*In nomine sanctae & individuae Trinita-  
tis, Imadus Dei gratia Paderbornensis Eccle-  
siae Episcopus Quotiescunque religiosorum vi-  
rorum in suis oportunitatibus preces exaudi-  
entes quieti & utilitati eorum paterno affectu  
providemus, ab omnipotente Deo, quem in suis  
membris honoramus, praemium laboris nos  
recepturos, fideliter & veraciter speramus.  
Unde omnium Christi fidelium, praesentium  
& futurorum noverit devotio, qualiter Do-  
minus Eilbertus venerabilis Abbas Ecclesiae  
Beatorum Apostolorum Petri & Pauli, quam  
in occidentali parte suburbii civitatis nostrae  
Dominus Meinwercus digne & laudabiliter  
memorandus Episcopus, avunculus noster de-  
votissime construxit, nos suppliciter adiit, ut  
praedium quoddam in Comitatu Bernhardi  
ducis, in villa, quae Hallo dicitur, quod a  
quodam viro, Tancinaro nomine, suisque  
haeredibus viginti marcis comparavit, Episco-  
palis auctoritatis confirmatione corroborave-  
mus, humiliter petiit. Cujus justis precibus  
gratuito annuentes, ipsum praedium cum uni-  
versis adhuc legaliter pertinentibus, suis suo-  
rumque fratrum praesentium atque futurorum  
usibus banni nostri munimine confirmavimus,  
& praesentis Scripti paginam in monumentum  
& munimentum perpetuum sigilli nostri im-  
pressione insigniri mandavimus. Hujus rei  
testes sunt Adelbertus Comes, Friberch, Od-  
do, Cono, Erp, Hoico, Azo, Leiko, Hoci-  
ko, Heio, Tammo, Hamaca, Uneca, Reyn-  
mar: item Rejinmar, Meingrim, Thierhard,  
Adelbrand, Astolf, Alvold, Sibrach, Ric-  
wald, Ecbrach, Helmdag, Reynold, Ekki-  
brach, Brunhard, Becelin, Wediko, Liefdag,  
Vulfheri, Thantmar. Acta haec sunt Pa-  
derborn. Calend. Augusti, Anno ab Incarna-  
tione Domini MLVI. Indictione \* VIII,*

\* al. IX.

regnante Heinrico Rege IV.

## Annus Christi 1057.

Victoris II. Pont. 3. Henrici IV. Reg. 2.

Imadi Ep. Pad. 6.

Consequens hic annus Victoris II.  
Pontificis funus conjunxit, in cujus  
locum Fridericus, Godefridi Lotha-  
ringi, Thusciae Ducis frater extractus  
e Caenobio Cassinensi, in quod religio-  
sam vitam amplexus secesserat, delectus

Romanus Pontifex. Ita vero tres or-  
dine praestantissimi e Germana gente  
Romani Pontifices. Sed ille ultra an-  
num superstes non fuit, Successorem  
nactus Nicolaum. Hoc ipso anno, ut  
auctor est Ursbergensis Abbas, Saxones  
B b b 2 egregie

Henrico Pa-  
tri in regno  
succedit  
Henricus  
filius, puer  
sexennis.

Mors Victo-  
ris Pont.

Lambert.  
Schaff.  
Ursberg.  
in chron.  
Victoria Sas-  
xonum  
contra Scla-  
vos.

Rebellio a  
Saxonibus  
mota con-  
tra Henri-  
cum Reg.

egregie ulti cladis ignominiam, quam a Sclavis eos accepisse diximus: congregato enim exercitu sub Bernardo duce, efferam Luiticiorum gentem invaserunt, diversisque malis per spolia & cædes affligendo rursus imperio, subiecere acceptisque obsidibus ac tributis trans Albim Saxoniam ingressi sunt. Nec multo post Saxones, tanquam rebus a se præclare gestis inflati, tumultuari cœperunt; jam enim crebris conventiculis agitarant inter se ulcisci injurias, quas ab Henrico III Patre moderni acceperant, Imperiumque revocare ad principem aliquem suæ gentis hominem familiamque. Ac nihil ad hanc rem opportunius, quam infirma pueri ætas visa. Quæ dum agitantur, accessit e Bohemia, in qua a puero exularat, Otho Wilhelmi Marchionis

frater, vir ingenio & manu promptus, qui benigne a proceribus Saxoniae exceptus, erectusque in spem Regni. Hoc periculo integriores in Republica percussi, consultum habuere Henricum Regem quantumvis puerum in Saxoniam evocare. Advolat Imperatrix cum filio puero Eresburgum, ubi intra diocesin nostram festo Apostolorum Petri & Pauli conventus Principum indictus; ad quem dum ex tota Saxoniam confluunt, accidit Regis patruelles, Brunonem & Egbertum, cum armata militum manu incurrere in armatum Othonem. Pugnatum utrimque pertinaciter, primoque congressu Bruno, & Otho mutuis vulneribus cecidere. Ac postquam Otho factionis dux sublatus est, tota illa rebellio consopita quievit.

## Annus Christi 1058.

Stephani X. Pont. 1. Henrici IV. Reg. 3.  
Imadi Ep. Pad. 7

Ad hosce Saxonum motus continendos Imperatrix cum Rege filio sequenti anno in Saxoniam regressa; ac festum Natalis Domini, uti Lambertus perhibet, Merseburgi prius celebravit; aderatque Regi Hildebrandus Pontificis legatus (quem Roma post celeberrimum Pontificem sortita) vir eo sæculo religionis studio, eloquentia, & doctrina sacrarum literarum facile præstantissimus. Verum si annales Episcoporum Eyfstadensium consulas, Poledæ festa hæc Natalitia peracta sunt in conventu trium Archiepiscoporum, multorumque Episcoporum, & Procerum Saxoniae, præsentem etiam Imado Episcopo nostro, in quo Gundekarus Eyfstadensis Episcopus consecratus. Juvat hæc ex ipso Gundekari relicto memoria scripto apud Gretzerum referre. Anno 1058, in die S. Joannis Apostoli, plus ceteris Deo dilecti, in loco, qui dicitur Poleda, ad summum gradum provectus est Sacerdotii Gundekarus hoc nomine secundus Eyfstadensis Ecclesiae Episcopus. Interfuit, etiam suæ consecrationi Dominus ejus quartus Henricus Rex, cujus mater dilecta Agnes Imperatrix ejus Augusta, cuncta ad ejus ordinationem necessaria disponens pro Capellano, quasi deberet pro filio. Interfuit etiam eidem consecrationi Dominus Hildebrandus sacrae & Romanae & A-

postolicæ Sedis Cardinalis Subdiacomus, tunc temporis in has partes ad Regem Henricum Apostolica legatione functus. Insuper etiam adfuere jam præfati Episcopi Confratres, fraternum & benignum in ordinando præbentes auxilium, Luitpoldus Moguntinus Archiepiscopus, Engelhardus Magdenburgensis Archiepiscopus, Adalbertus Bremensis Archiepiscopus, Rumaldus Constantiensis Episcopus, Cbuonradus Spirensis, Guntherus Babenbergensis, Hecil Hildenesbemensis, Immedo Podelbrunnensis, Sizo Verdunensis, (qui Lamberto est Sitto Verdenensis, altero ab hinc anno mortuus) Bruno Misenensis, Wulffo Merseburgensis, Anselmus Lucensis, Ermenfridus Situnensis, & unus de regione, quæ dicitur Bolani. Est autem Poleda sæpe memoratus locus ex Cæsarum hospitio in Eyxfeldia ad fines Thuringiæ inter Goslariam & Mulhusium, arce regia & cœnobio Monachorum ordinis D. Benedicti celebris, olim nomen a præterfluente amne Pulio sortitus.

Ad hunc ergo Regis ex Saxoniam accessum, ex Procerum consiliis, uti Sigebertus est auctor, Saxonum armis aliquot Frisiæ castella expugnata, impositaque militum præsidia, quibus Frisonum insolentia rebellionem cœp-

tan-

Gretzer. in  
Catal.  
Epif. Eyfstad  
Consecra-  
tio Gunde-  
kari in con-  
vенту Po-  
ledensi.

Diploma  
Regis ex  
archi. Ful-  
densi.  
Aventinus,  
Lambertus

tantum est refrenata. Nam Mindam hoc anno Imperatricem cum filio descendisse, & Visurgis regiones perlustrasse constat ex rescripto Regis ex ea urbe v Martii consignato. Pascha deinde Merseburgi celebratum a Rege: inde in Bojariam profectio instituta, & festum Pentecostes Augustæ peractum. Longius post hæc iter suscepit ad fines Ungariæ, quo Sophia Regis soror deducta, ac Salamoni Andreæ Ungariæ Regis filio in matrimonium data: altera Regis soror Juditha Polono Principi denupta. Ita vicinorum Principum connubiis familiam præmunire visum.

Cathedralis  
& Abding-  
hoffsensis  
Ecclesiæ &  
Monasteria  
cum urbe  
igni absumantur.

Ceterum hic annus Imado funestissimus fuit, quo & urbs ipsa, & duo celeberrima Monasteria Cathedrale videlicet Collegium Canonorum, & Cœnobium Abdinghovianum cum Basilicis feria VI ante festum Palmarum miserabili incendio conflagnarunt. Ita vero opus illud pulcherrimum ac magnificum Basilicæ & Collegii, quod Meinwercus Episcopus ex prioribus incendiis ruinis tantis impensis construxerat, Imado Consanguineo Episcopo, rursum consedit in cineres, nec ultra quinquaginta annos stetit incolume. Ingens & calamitosum incendium, quod fama commiserationis totam implevit Germaniam, eoque a Sigeberto Gemblacensi, Mariano Scoto, Petro Damiano, Antonino, Trithemio ac tot Scriptoribus memoratum. Hoc eodem fatali incendio, quod iidem auctores inter memoranda referunt, consumptus est Paternus Monachus, gente Scotus, diuque reclusus apud Abdinghovianos sui ordinis cœnobitas; grassante enim flamma per omnes cœnobii ruinas cum rogaretur, ut e cella, quam aperuerant, exiret, per voluntariam mortem communi incendio involui maluit. Testis hujus rei Marianus, & ipse gente Scotus, reclususque Fuldæ ac Moguntia Monachus, qui haud multo post Paderbornam adiens, omnia coram inspexit: nam sic ille ad hunc annum, rudi quidem, sed candida narratione, quam ex codice bibliothecæ Palatinæ & Vaticanæ integrius, quam passim Marianus, hic damus, Padelbrunna, inquit, Civitas cum duobus Monasteriis, id est, Episcopatus & Monachorum, feria VI. ante Palmas igne consumitur: in

Monasterio autem Monachorum erat, Paternus nomine, Monachus Scotus, multisque annis inclusus, qui etiam combustionem præmuniabat; ambiens martyrium pro nullo foris exivit, sed in sua clausula combustus, per ignem transiit in refrigerium, de cujus etiam sepulchro quædam bona narrantur; ipsis vero statim diebus feria II post octavas Paschæ exiens de Colonia causa claudendi cum Abbate Fuldensi ad Fuldam, super mattam in clausula ipsius, ubi supra eandem mattam combustus, & passus est, ego oravi. Auctor est Petrus Damiani Paternum jam ante divina monitione edoctum, nisi populus syncera sese poenitentia Deo reconciliaret, fore ut intra xxx dies urbs incendio absumeretur. Quamobrem Paterni consilio omnis sacra suppellex Cœnobii Abdinghoviani exportata in tutum. Postquam vero hæc monita paterni cassa fuere, ignis repente ex septem urbis regionibus prorumpens, totam urbem miserabili strage depastus est. Cumque vorax flamma ad cellam Paterni serpendo pervenisset, rogatus a fratribus suis, ut egressu vitam servaret, renuit pedem efferre, quod diceret se divino judicio vitam suam permittere, quam voto cellæ consecrasset. Factum, quod in sancto viro magis admireris, quam perscruteris, aut imitandum persuaseris; nec inter Scriptores reperi, qui non magis inter arcana rerum admirari, quam damnari visi sint. Quemadmodum paternus etiam inter memorabiles atque illustres sui ordinis viros in vetusta Cœnobii Abdinghoviani tabula depictus hodie dum conspicitur, qui tanquam vivam se hostiam absumi passus sit. Incendii hujus tempus non facile accuratius legas, quam in scripto codice Vaticanæ Bibliothecæ, ex quo Ferdinandus Episcopus noster hæc omnia Romæ conscripsit: Anno nimirum Dominicæ Incarnationis MLVIII. Indict. XI. regni autem quarti Henrici.... Ordinationis vero Imadi Episcopi VII, Paderborna conflagravit Idibus Aprilis.

Qui frustra  
illud Pa-  
derbornen-  
sibus præ-  
dixerat.

Sigebert. in  
chron.  
Marian.  
Scot. in  
chron.  
Petrus Da-  
mian.  
Anton. p. 2.  
Chron.  
Magn.  
Bolg.  
Eodem in-  
cendio Pa-  
ternus in-  
clusus ex-  
tinguitur.

Non his incendiis malis abjectus Imadus Episcopus, Basilicæ & Collegii instaurationem (quod muri ex firma Meinwerki structura prope adhuc integri constiterant) ingentibus animis est aggressus, intraque decennium

Utrumque  
opus restan-  
rare aggre-  
ditur Imadus.

nium, ut tempore referemus, dedicationem renovati operis celebrare visus: tanquam alter Meinwercus obtigerit, qui ex incendii ruinis repararet omnia multo etiam magnificentius. Tantumque privatis abundavit opibus, ut hoc ipso anno liberali prædii donatione auxerit Cœnobium Abdinghovanum, quam hic dare visum.

A quo &  
Abdinck-  
hoffenses  
donantur  
prædio  
Tuiſtano.

In nomine Sanctæ & individue Trinitatis, Imadus Dei gratia Paderbornensis Ecclesiæ Episcopus. Quod ab Auctore mundi præceptum legitur, date elemosynam, & omnia munda sunt vobis: & in libro sapientiæ scriptum invenitur, divitiæ hominis redemptio animæ ejus, expedit omni christianæ animæ de rebus sibi temporaliter collatis pauperes Christi sustentare, & hujusmodi rebus amicos sibi facere, qui se, cum defecerint, in æterna tabernacula recipiant. Quapropter fidelium Christi noverit universitas, qualiter nos ob spem divinæ retributionis quoddam prædium in Tuiſta, & vivarium piscium in Helsen propria instantia elaboratum, Cœnobio in Suburbio civitatis nostræ a venerabili Meynwerco Episcopo avunculo meo constructo, cui Eylbertus venerabilis Abbas præest, legitima oblatione contulimus, ut sustentationi fratrum inibi Deo regulariter servientium in

amminiculo ..... Molendinum etiam juxta ipsum vivarium positum eidem cœnobio concessimus, pro molendino eorum meo rogatu in Balborn destructo, a prædicto venerabili Meynwerco Episcopo eis cum curia collato. Hæc quælibet nostræ dilectionis & devotionis indicia cum utilitate, quæ ullo modo inde provenire poterit, nostra Pontificali auctoritate eidem cœnobio confirmamus, & omnem hominem, qui præfatum abbatem cum suis fratribus eorumque Successores quolibet modo vel ingenio inquietare, molestare aut divestire præsumpserit, perpetui anathematis vinculo innodamus. Ut ergo hæc per succedentium temporum curricula rata & inconvulsa permaneant, paginam hanc inde conscriptam sigilli nostri impressione roboramus, Hujus rei testes sunt Tammo Abbas de Halmwardeshusen, Herimannus Decanus, Ecgico Præpositus Jerosolimitanus, & Decanus Pulveres, Bernhardus advocatus, Reinwercus, Witheraldus de Ittora, Everhard, Reinbold, Luippalin, Cono, Tammo, Gherhard, Ascelin Dapifer, Gelo pincerna, Eizo frater ejus, & alii multi. Acta sunt hæc Paderburn V. Nonas Octobris. anno incarnationis Dominicæ MLVIII. Indictione XI. regni Henrici Regis IV. III.

## Annus Christi 1059.

Nicolai II. Pont. I. Henrici IV. Reg. 4.

Imadi Ep. Pad. 8.

Mirans in  
notis c. 89.  
Golen. 4.

Henricus Rex cum Augusta matre in Germaniam reversus, mense Februario Aquisgranum adiit; quod ipsum docent tabulæ a Myræo relatæ, quibus de prædiis Ecclesiæ Nivellenſis disponit. Aquisgrano Trajectum descendit ad inferiores Rheni provincias lustrandas; quo in loco, rogatu Agnetis Augustæ matris, mense Aprili, donationem patris Tuitienſi Cœnobio factam comprobant tabulæ a Godehar-do Cancellario consignatæ. At multo liberalius Rex ad Augustæ matris preces Imadum Episcopum nostrum Trajecti exornavit, qui per id tempus inter Episcopos aulam Regis & Imperatricis affectatus, id merito & obsequio suo impetrasse refertur. Nam & Reineri silvam, vulgo Reinerswalt, in Hassia, quam Henricus pater permu-

tatione prædii a Rothone seu Rudolpho Episcopo nostro obtinuerat, non modo gratis reddidit Paderbornensi Ecclesiæ, sed & prædia quædam in pago Westphalum large donavit, tanquam his donis incendii damna sublevaturus.

Silva Re-  
inerswaldia  
donatur Ec-  
clesiæ Pad.

In nomine sanctæ & individue Trinitatis, Henricus divina favente clementia Rex. Noverint omnes Christi nostrique fideles, tam futuri quam præsentis, qualiter Antecessor noster, & amabilis pater, dignissimæ memoriæ Heinricus tertius Rex, & secundus Imperator Augustus, prædium quoddam dedit in concambium sanctæ Paderbrunnensis Ecclesiæ venerabili Episcopo Rudolfo pro uno foreſto Reginheresbuson dicto eidem Ecclesiæ pertinenti, & hoc concambium, quamdiu uterque vixit, tamdiu ratam permansit; sed post Patris nostri lamentandum obitum, nos pro animæ illius æterna requie, & per interventum dilectissimæ matris nostræ Agnetis Imperatri-

cis

cis augustæ, nec non ob devotum ac fidele servitium Immedi præfatæ Ecclesiæ post Rudolphum digni præsulis forestum reddidimus, atque ad altare Mariæ matris Domini, & S. Kiliani martyris sanctique Liborii Confessoris hoc ipsum prædium, scilicet curtim unam dominicalem, Puningum dictam, cum tribus minoribus, Sumersedi, Bortendorff, Calmbichi, quæ vulgo dicuntur Vorawerch, cum viginti septem mansis ad easdem curtes pertinentes in pagis Westphalum & Treine situm, & in Comitatus Bernhardi Ducis, & Rotgeri atque Bernhardi Comitum, cum omnibus suis appendiciis, hoc est, utriusque sexus mancipiis, arvis, ædificiis, terris cultis & incultis, agris, pratis; pascuis, campis, silvis, venationibus, aquis aquarumque decur-

sibus, piscationibus, molis, molendinis, exitibus & redditibus, viis & inviis, quæsitis & inquirendis, & cum omni jure & utilitate, quæ ullo modo inde poterit provenire, in proprium dedimus atque tradidimus, ea scilicet ratione, ut jam dictus Immedi Paterbrunnensis sedis venerabilis Antistes, sui que Successores de prænominate prædio liberam deinceps potestatem habeant tenendi, commutandi, præcariandi, vel quidquid sibi met tantum in usum Ecclesiæ placuerit, inde faciendi. Et ut hæc nostra regalis traditio stabilis & inconvulsa omni permaneat ævo, hanc cartam inde conscriptam manu propria corroborantes sigilli nostri impressione, ut subius cernitur, jussimus insigniri.

Signum Domni Heinrichi quarti Regis.



Gedebardus Cancellarius vice Luitpoldi Archicappellani recognovi. Data est .II. Idus Aprilis. anno Dominicæ Incarnat. MLIX. Indictione XII. anno autem ordinat Domni Heinrichi IV. Regis V. regni vero III. actum apud Trajectum in Dei nomine feliciter Amen.

Mors Luitpoldi Archiepiscopi Moguntini.

Finis hujus anni, sexto videlicet Idus Decemb. mors subtraxit Luitdolphum Moguntinum Archiepiscopum ac Metropolitanum nostrum, in cujus locum Regis ac Imperatricis procura-

tione, repositus Sigefridus Fuldenfis Abbas, & in Abbatis locum successit Wideradus ejusdem Cœnobii Monachus, eademque, qua Sigebertus, familia oriundus.

## Annus Christi 1060.

Nicolai II. Pont. 2. Henrici IV. Reg. 5.  
Imadi Ep. Pad. 9.

Lambert. Moritur Sisto Episc. Verdenf. Crantzii lib. 5. Metrop. 28.

Rex deinde Natalem Domini Wormatiæ celebravit, & hoc anno MLX (quem Lambertus, alii que passim a Natalitiis Christi consignant) Episcoporum synodum in eadem urbe indixit. Verum Episcopis, quod pestifera per Galliam & Germaniam lues grassaretur, sese excusantibus, conventus ille intermissus est. Obiitque hoc anno e Saxoniæ præsulibus Sisto Verdenfis Episcopus, succedente Rucberto (Crantius Ricertum vocat) viro ex illustri Comi-

tum familia, sedi illi ad multa commodato; quanquam nulli Episcopi magis in obscuro jaceant, quam diœcesis hujus, quæ nec Chronicon nec Scriptorem exhibet. Nec tum alii fere Episcopi per Germaniam & Saxoniam impositi, quam ex Regis nominatione, quod bono quidem Ecclesiarum factum, dum Reges boni erant: postquam vero Reges aulæque Regum corruptæ, quanto id Ecclesiarum malo continuatum, docebunt hujus Regis facta.

## Annus Christi 1061.

Alexandri II Pont. 1. Henrici IV. Reg. 6.  
Imadi Ep. Pad. 10.

Boninus Leo Offici. Schisma in electione summi Pontificis.

Et jam res eo invaluerat per diffidia, ut Pontificum etiam nominationem sibi Reges Germaniæ sumerent. Quemadmodum anno insequenti, cum mortuo Nicolao Pontifice 6 Calend. Augusti Cardinales eligerent Anselmum Lu-

censem Episcopum, factiosi quidam Romani Cadaloum Parmensem Episcopum, qui Honorium II se dixit, obtrudere, missa ad Henricum Regem legatione, qua coronam auream, & titulum patritatus Regi offerunt. Quæ in-

insignia Henricus Rex Basileæ in conventu Procerum admisit, actumque per Imperatricem & Guibertum Cancellarium, ut Cadalov Pontificatus confirmaretur fœdo Ecclesiæ Schismate. Haftenus prospera omnia Henrico Regi cessere: aut postquam in Romanæ sedis libertatem ac jura manus regias iniecit, quæ non malorum initia aulam Regemque consecuta? id eo indignius, quod in concilio Romano, jam ante biennium a Nicolao Pontifice habito, adversus prolapsam Sacerdotum castitatem, jus simul creandi Romanum

Pontificem ad Cardinalium suffragia revocatum feratur.

Rex subinde Ratisbonam concessit, ubi Agnes Imperatrix, abdicata Bojariæ gubernatione, Ottonem Gottinensem, e clarissima Saxonum familia ortum, Bojis Principem dedit, virum civili prudentia, & disciplina militari inclytum. Id eo consilio potissimum factum, quod regiis negotiis opportunus, fidusque ante omnes fore crederetur. E Bojaria Rex Moguntiam atque ad inferiores Germaniæ provincias descendens, Stabulensē Monasterium invisit.

Otto Dux  
Bois datur.  
Lambert.

## Annus Christi 1062.

Alexandrii II. Pont. 2. Henrici IV. Reg. 7.

Imadi Ep. Pad. II.

Urbs Minda  
densis con-  
flagrat.  
Lerbeckius.  
Continuat.  
Herm.  
Contra  
Chron.  
Mind.  
Cleinorg.

Silva Hilde-  
fienfis ab  
Imper. do-  
natur He-  
ziloni Epis-  
copo Hild.

Annus insequens, Christi MLXII, terræ motu, tonitruis, fulminum ietibus, mortalibus gravis; quo etiam urbs Minda ad Visurgim cum Basilica deflagravit; omnisque sacra supellex a Caroli M. ævo collecta, Henrico Rege præsentē ac spectante, ipso die Vincentii M. ignibus simul absumpta periit. Mense Martio Rex Goslariæ versatus in congressu Episcoporum & procerum; quos inter Imadus Episcopus noster, una cum Egilberto Mindensi, & Hezilone Hildesienfi Episcopis, aulam regiam affectatis. Ac Imadum magnæ apud Regem & Imperatricem fuisse auctoritatis, docebit donatio, ejus inter ceteras rogatu, Heziloni Episcopo facta, quam idcirco subijcimus.

*In nomine sanctæ & individue Trinitatis, Henricus divina favente clementia Rex. Quotiens ex sumptibus, donis, & honoribus divinitus nobis collatis, commodum & honorem præstamus Ecclesiis Dei, & Sanctis ab eo honoratis, scimus & indubitanter credimus longam & stabilem præsentium bonorum tranquillitatem benigno studio & devoto animo assequi nos & comparare, & mansura atque æterna labentibus & deficientibus hujus sæculi rebus congregare & thesaurizare. Proinde omnibus Christi nostrisque fidelibus, tam futuris quam præsentibus, notum esse volumus, qualiter rogatu & ammonitione dilectissimæ genitricis nostræ Agnetis Imperatricis Augustæ, nec non continuo ac fideli servitio Hezilonis Hil-*

*deneshemensis Episcopi excitati, ad promerenda beatissimæ genitricis Dei & perpetuæ Virginis Mariæ beata suffragia, corde & animo exurgentes, tum consensu & favore Egilberti Mindensis Episcopi, & dilectæ sororis nostræ Adalheidæ Gandersheimensis Abbatissæ, nec non & Immitonis Podelbrunnensis Episcopi, & Sarachonis Corbeiensis abbatis, consentiente & consavente Ottone Bawariorum Duce, cæterisque omnibus, quorum prædia & possessiones sitæ erant intra eos terminos, quos scribi jubemus, quoddam forestum & bannum eidem Ecclesiæ Hildenesheimensi, & prædicto Episcopo, suisque Successoribus in reliquum habendum, & perpetualiter possidendum concessimus; & nostra regali potestate condonavimus, inter istos terminos situm a ponte fluvii Loine, qui porrigitur per medium amnem, ad villam Laide, per viam rectam, quæ tendit Choppenbrukke, de Choppenbrukke via recta usque Batfingebusen, de Batfingebusen via recta usque Aschereshusen, de Aschereshusen via recta ad Goltpecchi, de Goltpecchi via recta ad Pretensteina, de Pretensteina via recta ad Makkenhusen, de Makkenhusen via recta ad Luithartessen, de Luithartessen via recta ad Winethusen, de Winethusen via recta ad pontem Grene, rursum de ponte illo & medio alveo eundem fluvium Loinam deorsum usque ad pontem Laide. Jubentes igitur statuimus, & statuentes jubemus, ut infra præscriptor terminos nulla nostri regni major minorve persona venandi jus & potestatem sibi vendicare absque consensu*



consensu & licentia prædicti Episcopi & Successorum ejus, sive eorumque provi-  
sore ejusdem foresti ab eis constituti  
fuerint, præsumat. Quod si aliquis hu-  
jus præcepti nostri temerarius transgres-  
sor exstiterit, velut regalis contemptor  
decreti justæ sententiæ judicii subjacebit,  
& debita pro corrupto banno nostro pec-  
unia scilicet sexaginta solidos de singulis  
feris persolvat. Et ut hæc nostræ rega-  
lis successionis, donationis, confirmatio-  
nis auctoritas per tempora successura sta-  
bilis & inconvulsa permaneat, hanc  
paginam nostræ voluntatis & facti in-  
dicem inde conscribi, & sigilli nostri  
impressionem jussimus insigniri.

Signum Domni Heinrici quarti Re-  
gis invictissimi.

Fridericus Cancellarius vice Sigefridi Archi-  
cancellarii recognovi. Data VII Idus Mar-  
tii, anno Domini Incarnat MLXII. Indiæ.  
XV. anno autem ordinationis Domni Hein-  
rici quarti Regis VIII. regni vero VI vitæ  
XII. actum Goslarie in Dei nomine feli-  
citer Amen.

E Saxonia Rex inferioris Rheni pro-  
vincias ingressus, apud Trajectum Fri-  
siæ urbem diem Paschæ cum matre Im-  
peratrice egit. uti hæc Auctor refert,  
qui Hermanni chronicon supplet. Tra-  
jecto Rex cum Augusta matre ad Insu-  
lam D. Suiberti, quæ post Cæsaris In-  
sula appellata est, appulit, ubi Anno  
Coloniensis regium puerum dolo in-  
terceptum abstractumque a matre per-  
duxit Coloniam. Hactenus Augusta  
mater Rempublicam sua auctoritate  
pro impubere filio administrabat, con-  
silio atque opera cumprimis Henrici  
Augustani Episcopi, quod jam ante  
apud Henricum patrem atque Impera-  
torem Cancellarii munere perfunctus,  
Imperii res intime cognitæ haberet.  
Atque is cum fere unus apud Augu-  
stam grâtiâ atque potentia valere cre-  
deretur, invidia atque æmulatione alio-  
rum venit in suspicionem inconcessi a-  
moris, vulgi etiam fama augente, fa-  
miliaritatem non esse citra flagitium.  
Rem, quæ in multas turbas conjecit  
Germaniam, cum Sigebertus, Her-  
manni Comitæ continuator, Ursbergen-  
sis, alique eorum temporum scripto-  
res, tum Lambertus Schafnaburgen-  
sis enarrat. Itaque Principes, inquit,  
indignitatem rei non ferentes, crebra

conventicula facere, circa publicas fun-  
ctiones remissius agere, adversus Im-  
peratricem popularium animos sollicita-  
re, postremo omnibus modis niti, ut a  
matre puerum distraberent, & regni  
administrationem in se transferrent. Ad  
ultimum Coloniensis Episcopus, com-  
municatis cum Egberto Comite, qui  
Saxo erat, & Regis patruelis, & cum  
Ottone Duce Bavarorum consiliis, na-  
vigio per Rhenum ad locum, qui dicitur  
S. Suiberti insula, venit. Ibi tum  
erat Rex. Qui dum quadam die post  
solennes epulas factus fuisset hilarior,  
hortari eum Episcopus cœpit, ut navim  
quandam suam, quam ad hoc miro ope-  
re instruxerat, spectatum procederet.  
Facile hoc persuasit puero simplici, &  
nihil minus quam insidias suspicanti.  
Cumque navim ingressus fuisset, stipan-  
tibus eum his, quos Episcopus factionis  
sue socios ac ministros paraverat, re-  
pente remiges insurgunt, remis incum-  
bunt, navim dicto citius in medium  
fluminis impellunt, Rex nova rerum  
facie confusus, incertusque animi, nec  
aliud quam vim & necem sibi paratam  
arbitratus, in flumen se præcipitem de-  
dit. Citiusque eum aqua violentior sus-  
focasset, nisi Egbertus Comes, dato post  
eum saltu, periclitantem, ipse quoque  
non minimum periclitatus, vix &  
ægre morti eriperet, & navi restitueret.  
Exin blanditiis, quibus poterant delini-  
tum, Coloniam perducunt. Cætera  
multitudo per terram subsequitur, cri-  
minantibus multis, quod regia maje-  
stas violata, sui que impos facta foret.  
Episcopus, ut invidiam facti mitigaret,  
ne videlicet privatae gloriæ potius, quam  
communis commodi ratione hæc admi-  
nisse videretur, statuit, ut Episcopus  
quilibet, in cujus diocesi Rex tum tem-  
poris moraretur, ne quid detrimenti  
pateretur Respub. provideret: & causis,  
quæ ad Regem delatæ fuissent, potissi-  
mum responderet. Imperatrix nec fili-  
um sequi, nec injurias jure gentium  
expostulare voluit: sed in propria rece-  
dens, privatam deinceps ætatem agere  
proposuit. Nec multo post tædium pas-  
sa ærumnarum seculi, domesticis quo-  
que erudita calamitatibus, cogitavit sæ-  
culo renunciare. Ac paulo post, hor-  
tatu Petri Damiani, posita purpura,  
Fruteriam in Monasterium secessit.  
Postremo Romam ad limina Apostolo-  
rum profecta, vitam ea in urbe clausit,  
condita

Et navi igne  
positum  
abducit.

Henricus  
Rex vitæ  
discrimen  
adit.

Imperatrix  
privatam  
vitam eli-  
git.  
Sigebert.  
Chron.  
Herm. Com-  
tin.  
Otto Frising  
lib. 6. c. 34.

C c c

condita

condita in æde D. Petronellæ, marmoreoque sepulchro inclusa.

S. Anno  
Regis tutor  
Adam.  
Brem.  
Albert.  
Stad.

Non defuere post Adamum Bremensem Scriptores, qui Annonis factum incusarint: sed ille post in comitiis Episcoporum ac procerum ita rei a se gestæ rationem dedit, ut cunctorum assensu dilaudatus, dignusque sit habitus, cui Regis educatio, & Regni administratio committeretur. Quapropter & Petrus Damiani Annonem alterum Joadem Hebræorum Pontificem compellat, a quo regius puer servatus

fit. Atque ipse Anno per filium in Augustæ matris gratiam rediit: quam & pudicissimam fœminam meliores scribunt, & ab omni intentata culpa absolvunt; præterquam quod per ceteros ministros Respublica male administrata in dissidia & periculum venerit. Amisit hoc anno Saxonia Bernardum Ducem, virum bello egregium, a quo per XL annos Saxonia adversus Sclavos & Nortalbianos propugnata. Hereditatem partiti sunt Ordulphus & Hermannus filii, Ecclesiæ Bremensi infestis.

Bernardus  
Dux Saxo-  
niæ obiit.

## Annus Christi 1063.

Alexandri II. Pont. 3. Henrici IV. Reg. 8.  
Imadi Ep. Pad. 14.

Lambert.  
Adam.  
Brem. l. 3.

Abjecto Augustæ imperio, & Regis educatio, & rerum publicarum procuratio penes Episcopos erat; eminebatque inter eos, ut Lambertus scribit, Moguntini & Colonienfis Archiepiscoporum auctoritas, quibuscum in partem consilii Adalbertus Bremensis Archiepiscopus assumptus, tum propter generis claritudinem, tum propter ætatis & Archiepiscopatus dignitatem. Igitur hi duo Episcopi, uti Adamus Bremensis scribit, consules Reipublicæ, Eberhardo Trevi-  
rum Archiepiscopo se intra quietem continente. Donec per absentiam Annonis nactus opportunitatem Adalbertus occupandi & depravandi totum animum juvenis, ceterisque Episcopis posthabitis, Monarchiam in regno usurpare visus est. Adscitus in hanc rem Wernherus Comes, juvenis tam ingenio, quam ætate ferox. His instructus prædiis, nihil pensi habebat Episcopatus veluti hastæ venales subjicere, Monasteria optima distrahere, Ecclesiæ honores ad quæstum exponere: non meritorum, non virtutis rationem habere. Ac potentiores quidem Episcopi, metu factionis, mollius habiti; Sed eo majori insolentia cum minus validis actum, qui mancipiorum instar tractati sunt, Rege ad omnia, quæ jussus erat, puerili facilitate annuente. Itaque Bremensis ille dictator, duas opulentas occupat Abbatis; Corbeiensem & Laurisheimensem; utque publicum hujus rapinæ odium a se averteret, atque æmulis obstrueret os, Regi persuasit, ut Colonienfi Ar-

Adalbertus  
Bremensis  
Archiep.  
Regem depravat.  
Episcopus & Ab-  
batias distrahit.

chiepiscopo donaret Malmundariense atque Endanum Cœnobium, Moguntino Solingenstadianum, Rudolpho Suevorum Duci Campidonense, Wernero Comiti Kirchbergenfes possessiones, Othoni Bojorum Duci Althahenses. At quo minus Corbejenfis Abbatia in spoliū veniret, obstitit Otto Dux Bojariorum, multisque conatibus ægre tandem effecit, ut tam Abbati, quam Cœnobio Corbejenfi priscus suus honor & libertas servaretur. Laurisheimensis quidem Abbas regio edicto ejectus; sed is armis se tuitus est, dum procella illa disjiceretur. Ita vero per hanc mutationem gubernationis, dum charybdim evitare consultum habuerunt, incidere in scyllam longe voraciorem.

Et quæ non legum dissolutio? quæ non Principum licentia, Rege puero, consecuta est? satis id certamen hujus anni inter Hildesiensem Episcopum & Fuldensen Abbatem docet; quod inter ceteros Lambertus disertissimus horum temporum scriptor denarrat. Rex, inquit, *Natalem Domini Goslarie celebravit, ubi ipsa die, dum ad vesperam sellæ Episcoporum locarentur, inter Camerarios Hecilonis Hildenesheimensis Episcopi, & Camerarios Wideradi Fuldensis Abbatis, gravis concertatio oborta est: & primo jurgiis, dein pugnis res gesta est: citoque ad gladios prorupissent, nisi Ottonis Bojariorum Ducis, qui causam Abbatis tuebatur, auctoritas intercessisset. Causa vero talis erat. Consuetudo erat in regno per multos re-*

Concertatio  
Episcoporum  
obsequium.

tro

tro majores observata, ut semper in conventu Episcoporum, Abbas Fuldensis Archiepiscopo Moguntino proximus assideret. Sed Episcopus causabatur neminem sibi intra diocesin suam post Archiepiscopum debere præferri: animatus ad hoc & opum gloria, qua antecessores suos longe supergrediebatur, & temporis opportunitate. Quia Rege adhuc in puerilibus annis constituto, singuli, quod sibi animus suggessisset, facere impune poterant.

Abbas & Episcopi conflictus in sacra arde

Successit mox alterum certamen inter utrumque præfulem multo truculentius, quod ex eodem Lamberto referre juvat. Rex enim dum hoc ipso anno Goslariæ Pentecosten celebraret, atque ad vespertinam synaxin Rex & Episcopi convenissent, rursus de positione Sellarum Episcopaliū tumultus exoritur, non fortuita, ut prius, conversione; sed præmeditata diu machinatione. Nam Episcopus Hildesheimensis acceptæ prius contumeliæ memor, Egbertum Comitem cum expeditis militibus retro altare occuluerat; hi audito tumultuantium Camerariorum strepitu, ocyus advolant, Fuldensium alios pugnīs, alios fustibus cadunt, prosterunt, & de sacrario Ecclesiæ, inopinato periculo attonitos, facile proturbant. Quibus illico ad arma conclamantibus, Fuldenses, quibus arma in promptu erant, facto grege Ecclesiam irrumpunt, in medio chori psallentiumque fratrum manus conferunt, rem jam non fustibus, sed gladiis gerunt. Pugna atrox committitur, atque per totam Ecclesiam pro bymnis & canticis spiritualibus vociferatio adhortantium, & ululatus morientium exauditur. Super altaria Dei tristes jugulantur hostiæ, passimque per Ecclesiam sanguinis currunt flumina, non legali, ut quondam religione, sed hostili crudelitate profusa. Episcopus Hildenesheimensis capto editiori loco, tanquam militari quodam classico suos, ut fortiter præliarentur, hortabatur, & ne loci religione ab armis terrentur, suæ auctoritatis & promissionis titulum obtendebat. Multi utrimque vulnerati, multi occisi sunt. Inter quos præcipui erant Regenbodo signifer Fuldensis, & Bero Ecberto Comiti carissimus miles. Rex inter hæc vociferans, & sub obtentu regiæ majestatis populum adjurans, surdis fabulam nar-

rare videbatur. Tandem monitus a suis, ut vitæ propriæ, pugna excedens, consuleret. Vixque inter constipatam arctius multitudinem eluctatus in palatium se recepit. Hildenesheimenses, qui instructi, præmeditatique ad pugnam venerant, superiores efficiuntur. Fuldenses, utpote quos inermes inopinatosque subito exortæ seditionis procella contraxerat, fusi fugatique, atque de Ecclesia expulsi sunt. Fores illico obserantur. Fuldenses, qui primo tumultu ad arma tollenda paulo longius discurrerant, frequentes armatique adfunt, atrium Ecclesiæ occupant, aciem instruunt, ut de Ecclesia progressos statim adoriantur. Sed nox concertationem diremit. Postero die severissime habita quæstione, Ecbertus Comes facile crimen removit, non tantum juris & legum patrocinio, quantum favore & indulgentia Regis, cujus patruelis erat. Totum accusationis pondus in Abbatem versum est. Quæ exinde Monachorum conturbatio, & in Abbatem suum rebellio secuta sit, & quam fortunæ ejus cænobii, quod Cælo se prope exæquarat, accisæ sint, multis deporat Lambertus, qui Lipsii judicio, inter ejus ætatis scriptores facile præstantissimus est.

Lipsius in not. ad 1 lib. Polit.

Hæsit fere per omnem illam æstatem Rex Goslariæ in congressu Episcoporum ac procerum; id quod satis commonstrat diploma xvi Calend. Augusti a Friderico Cancellario consignatum, quo Egilberto Mindensi Episcopo prædium Lashaggeri ad instaurandas incendiū, de quo diximus, ruinas donat, præsentibus Annone Colonienſi, Alberto Hamburgensi, & Engelhardo Magdenburgensi Archiepiscopis: & Burchardo Halberstadiensi, ceterisque Episcopis. Quid vero Imadus Episcopus noster, qui per id tempus totus quoque erat in reparandis incendiū damnis, obtinuerit, ex annalium nostrorum memoria excidit. Diploma illud recitatum legas inter Mindensia privilegia a Pistorio edita.

Sub exitum hujus anni sublatus est e numero Episcoporum Saxonico-  
rum Robertus XV Monasteriensium Antistes, gesti Episcopatus in summa tranquillitate & modestiæ fama per annos xxi. Multa ab hoc præfule ornamenta

Robertus Episcopi Monasteriensis mortuus.

menta Ecclesiæ, quæ facti eorum memorant; interque bona comparata, Comitatus Grevoniensis ab eo adjectus. Sed nihil ab Episcopo commendatius apud posteros, quam optima cleri & Canonicorum inter claustrum disciplina, quæ tam florens eo præfule & numero Canonicorum, & opum copia, arctoque prisca instituti vigore fuit, ut quæ antea Mimigardia urbs, sub eo

Monasterium appellari cœperit, nomine Monasterii a celebritate Collegii Monasterii in urbem & diocesim transfuso; quanquam ex qua familia, aut instituto vitæ Robertus ad Episcopatum pervenerit, & quid per tot annos præclare gesserit, parum sit in eorum factis, aut ab aliis Scriptoribus notatum. Successor ei datus Fridericus, in Schola Paderbornensi excultus.

## Annus Christi 1064.

Alexandri II. Pont. 4. Henrici IV. Reg. 9.  
Imadi Ep. Pad. 13.

*Appendix*  
*Herm. cont.*  
*Ablata res*  
*stituantur*  
*Trajectensi*  
*Ecclesiæ.*  
*Mirans in*  
*Notit. Belg.*  
*c. 93.*  
*Heida in*  
*hist. Ultra-*  
*jæ. in Wil-*  
*helmo Ep.*

Rex anno postero Colonia Nat-  
lita Christi peragit, & post Comitum  
Triburiz habita, Leodii Pascha cele-  
brat. Inde Werdam ad Insulam D.  
Suiberti rediit; ubi mense Majo aucto-  
ritate Regis, & Annonis Colonien-  
sis, Sigefridi Moguntini, & Eberhardi Tre-  
virensis, Adalberti Bremensis Archie-  
piscoporum, ac Burchardi Halbersta-  
diensis Episcopi, possessiones a Comi-  
tibus Hollandiæ ablatæ Trajectensi Ec-  
clesiæ redditæ. Duplex in hanc rem  
diploma recitat Heida in Historia Ul-  
trajectensi. Atque hi Episcopi, uti Re-  
gem circumducebant, ita omnis penes  
illos administrandi Regni potestas erat.

*Appendix*  
*Herm. cont.*  
*Crantzins*  
*lib. 5. Mos-*  
*top. c. 8.*  
*Chron.*  
*Magd.*  
*vita Annon.*  
*Friderici*  
*Episcopi*  
*Monast.*  
*electi laus.*

Per id tempus, horum quoque E-  
piscoporum auctoritate apud Regem,  
in locum Engelhardi Magdenburgensis  
Archiepiscopi, qui anno priori in Sep-  
tembri excefferat, subrogatus est Wes-  
filo, quem alii Wessilum vocant, An-  
nonis Colonien-  
sis Archiepiscopi frater.  
Liberis quidem Canonicorum suffra-  
giis delectus erat Fridericus Magden-  
burgensis Præpositus, quem a puero  
in Gymnasio Paderbornensi cum Imado  
educatum diximus; Sed cum jus  
Regis obtenderetur in designandis im-  
ponendisque Episcopis, & Annonis  
apud Regem gratia accederet, Friderico  
cedendum fuit. Ne tamen præter-  
itus omnino, exclususque esset ab E-  
piscopatu, in locum Roberti Monaste-  
riensium Episcopi, creantur Episco-  
pum; cumprimis quod Monasterien-  
ses, in quorum Collegio, captus amo-  
re florentis disciplinæ, vixerat Canoni-  
cus, suis eum suffragiis expeterent. Vir  
ingenii mitis, vitæque integerrimæ, &  
magnis naturæ dotibus præter generis  
nobilitatem cumulatus. Nam pater ej,

Theodoricus II. Landspergensis Mar-  
chio, Welini Comes, e Widekindæ  
stirpe: mater Mathildis, filia ac hæres  
Eccardi Misniæ Marchionis. Quem  
natu majorem habuit fratrem Timo-  
nem, Misniæ titulum, & matris hære-  
ditatem est fortitus; a quo Conradus I.  
genitus, & a Lothario Imperatore Mar-  
chio Misniæ anno 1126 constitutus. Ab  
hoc Conrado Electores Saxoniz ducun-  
tur. Soror Friderici traditur Gertrudis,  
Ortholpho Saxoniz Duci denupta.

Interpellatus hoc anno Rex a Ro-  
manis adversus Cadaloum, obtrusum  
& schismaticum Pontificem, multa in-  
dies molientem turbantemque. Qua-  
propter rogatus Rex, ut Alexandro II.  
rite electo, & laboranti Ecclesiæ sub-  
veniret. Quam in rem ex consilio Re-  
gis & Episcoporum Germaniæ missus  
est Romam Anno Colonien-  
sis Archie-  
piscopus, a quo in concilio Episco-  
porum Italorum & Transalpinorum Man-  
tuæ congregato Alexander firmatus in  
sede, & Cadalous damnatus. Tum  
vero per absentiam Annonis Adalber-  
tus Bremensis Archiepiscopus totum  
juvenis Regis animum occupatum, ut  
diximus, depravare, omnemque re-  
giam administrationem ad se cum Wer-  
nero Comite trahere, & proregem se  
ferre omnibus intolerabilem; ac ne Rex  
se publicis misceret, omnia vitæ ejus  
studia, ocio, venatione, & voluptatum  
illecebris occupavit; idque eo securius  
facere licuit, quod sub exitum hujus  
anni Sigefridus Moguntinus Archiepi-  
scopus celebrem illam professionem  
Hierosolymitanam ingressus: in quam  
Wilhelmus Trajectensis Episcopus,  
Guntherus Bambergensis, Otto Ratis-  
bonensis, multique præfules, Sacerdo-  
tes,

*Petrus Da-*  
*mian. 70.*  
*piß.*  
*Baronius.*  
*Sigonius.*  
*Lambert.*  
*Vetus an-*  
*thor. chron.*  
*Saxon.*  
*Append.*  
*Herm. cont.*  
*Sigebert.*  
*Corrumpi-*  
*tur Henricus*  
*Rex per*  
*Adalbertum*  
*Archiep.*  
*Brem.*

*Profectio*  
*in terram*  
*sanctam.*  
*Lambert.*  
*Append.*  
*Herm. cont.*  
*Ur. berg.*  
*Sigebert.*

Marian.  
Hrots.  
Tribem. in  
chron. Hirs-  
aug.  
Vita Al-  
manni.  
Hundius in  
Metrop. l. 6.  
Berthold.  
Constant.  
Appendix  
Herm.  
Lamb.  
Brevor. in  
not. ad vi-  
tam Mein-  
h. 12.  
Morsius in  
Ep. Colon.  
D. Altmann  
ni egregie  
doctus.

tes, clerici, & ex omni hominum or-  
dine viri ad septem millia convenere.  
Quibus vero prædonum incursionibus,  
spoliis, & ærumnis iter illud peregre-  
runt, præter alios, multis describit  
Lamberus. Tantæ illa peregrinatio  
calamitatis fuit, quæ ex septem milli-  
bus altero abhinc anno non nisi duo  
millia reduxit in Germaniam. In horum  
peregrinantium numero fuit D. Alt-  
mannus, ad illustriora Ecclesiæ munia  
servatus, vir qui a puero Paderbornæ  
in scholis fuit excultus, ac deinde Ca-  
nonicus, & scholarum Paderbornen-  
sium præfectus; ex quo munere ob  
celebritatem doctrinæ ac virtutum me-  
rita ab Henrico III. Imperatore Aquis-  
granensi Ecclesiæ Præpositus est datus:  
Unde ab Imperatrice post Cæsaris obi-  
tum evocatus ad aulam, inter aulæ Sa-  
cerdotes & Consiliarios, ob sapientiam  
& vitæ integritatem est habitus; quem  
absentem etiam, dum nondum ex Hie-  
rosolymitano itinere revertisset in Ger-  
maniam, in locum demortui Eilberti  
Pataviensium Episcopum, ut Lamber-  
tus est auctor, designavit. Columnen-  
sis exinde is hac tempestate perturbata per  
Germaniam Ecclesiæ, eoque Apostoli-  
cus legatus a Pontifice post in concilio  
Triburiensi est constitutus. Vir, ut  
idem Lambertus perhibet, *Apostolica  
conversatio, & magnarum in Christo  
virtutum.* Ita enim is cum Imado E-  
piscopo nostro, Friderico Monasteri-  
ensi, ceterisque præstantibus viris in  
scholis & Collegio Paderbornensi ex-  
cultus, in magnum Ecclesiæ bonum  
adolevit. Nec vanum hujus rei præ-  
sagium. Nam cum adhuc literis ope-  
ram daret, supraque marginem fontis  
consideret cum Gebhardo & Adalbe-  
rone condiscipulis, ac pauperem hi tres

mensam familiari inter se colloquio con-  
dirent, Gebhardus exorsus, ego, in-  
quit, Salisburgensis aliquando Episco-  
pus sum futurus: excepit Adalbero,  
& ego Wirceburgensis Ecclesiæ præ-  
sul ero: post quæ Altmannus & ego  
Pataviensem Ecclesiam gubernandam  
accipiam. Præsagium probavit even-  
tus. Enim vero hi tres ordine pro-  
vecti ad eos, uti prædixere, Episcopa-  
tus; exortoque inter regnum & sacer-  
dotium schismate, communi inter se ope  
& constantia connixi Ecclesiam Ger-  
maniæ, partim præsulum ignavia, par-  
tim metu Regis prope perditam, &  
collabentem adversus Schismaticos su-  
stentare, acerrimi defensores avitæ  
pietatis, ac sacerdotalis continentiæ.  
Sed utrum hoc præsagium acceperint  
Paderbornæ, aut Herbipoli, quod eo  
in loco Altmannus studia literarum per-  
fecisse narretur a Joanne Lambacen-  
si Abbate, qui vitam Altmanni conscrip-  
sit, ambiguum feceris. Adalbero &  
Altmannus hoc fere tempore Episco-  
patus suos adiere. Omnes ex illustri  
Germanorum genere nati: Gebhardus  
e familia Helfensteiniorum Comitum in  
Suevia, Adalbero e Comitum Laym-  
bacensium stirpe in Bojaria, Altmannus  
e primaria Westphaliæ nobilitate, quem  
Hundius Saxonem ac Westphalum me-  
morat, ortum e Comitum Putinensi-  
um genere: Meibomius ex Comitibus  
Wertinensibus etiam longius produxit:  
Westphalum certo Joannes Lambacen-  
sis Abbas testatur, quem Gebhardus  
Episcopus consecravit. Quo deinde  
odio Henrici Regis, & quibus male-  
volorum injuriis jactatus, dum Apo-  
stolicæ sedi constantissimus adhæret,  
tempori memorandum.

Hundius in  
Metrop. in  
Archiep.  
Sal.  
Gebhard.

Joannes  
Lamb. Ab-  
bas.  
Meibomius  
in not. ad  
Gebelin.

## Annus Christi 1065.

Alexandri II. Pont. 5. Henrici IV. Reg. 10.

Imadi Ep. Pad. 14

Henricus  
Rex pri-  
mum armis  
accingitur.  
Lambertus.  
Apud.  
Herman.  
Vita Annon  
lib. 4. c. 84.

Hibernis apud Saxones transactis,  
Rex Wormatiam ad Christi resurgentis  
festa celebranda tetendit. Ibi demum  
4. Aprilis annum ætatis ingressus deci-  
mum quartum, seu ut alii memorant,  
decimum quintum, ense accingitur,  
Adelberti Archiepiscopi Bremensis con-  
silio & arbitrio, penes quem tanquam  
Imperii consulem summa rerum mo-  
deratio erat. Ac vix arma induerat

Rex, cum in Annonem Archiepisco-  
pum adolescentiæ suæ moderatorem  
insurgit, ferro incursum, ni Augusta  
mater obstitisset; adeo tum igniculi au-  
daciæ & improbitatis emicare visum,  
quibus postea Imperium conturbavit.  
Verum ut varius juvenis animus age-  
batur, Annonem modo inter amicissi-  
mos, modo inter infestissimos habuit,  
recrudescente memoria raptus e mater-

no

*Silefius in  
defens. S.  
Maximini.  
Miræ Adal-  
berti Ar-  
chiepisc.  
Bremenf.  
machina-  
tio.*

no confortio. WORMATIA dehinc Tre-  
viros abiit, ubi rogatu Adalberti, An-  
nonis & Eberhardi Archiepiscoporum  
Cænobio S. Maximini privilegia con-  
firmat. Post quæ ab Adalberto Ar-  
chiepiscopo in Saxoniam est retractus,  
qui per id tempus ex potenti dominatu  
mira machinabatur; statuerat enim om-  
nes intra Bremensem Archiepiscopatum  
Comitatus aut pretio, aut Regis dona-  
tione in potestatem ac possessionem suæ  
Ecclesiæ redigere, paremque sese Her-  
bipolensi Episcopo attollere, qui in E-  
piscopatu suo neminem Comitum con-  
sortem haberet, Episcopatu in for-  
mam Ducatus redacto. Quam in rem  
auri argentique vasa, omnemque Ec-  
clesiæ thesaurum conflavit, pollicitus  
se omnia in duplum restitutum Eccle-  
siæ suæ. Qua spe, quantum homo va-  
nus sit delusus, ostendit egestas, &  
omnium odia, in quæ miser incurrit.  
Hoc præterea anno helluo ille bonorum  
sacrorum impetravit donationem Cor-  
bejenfis Cænobii. Ejus rei gratia ip-  
sas donationis tabulas hic referam, ut  
posteritati constet planius de nundina-  
tione sacrorum bonorum, qua Rex &  
Albertus ex certo illo dominatu se om-  
nibus exosos fecere.

*In nomine sanctæ & individue Tri-  
nitatis. Heinricus divina favente cle-  
mentia Rex. Cum regie dignitatis sit,  
jus cuiquam servare suum; præcipue  
tamen Ecclesiastica jura nobis observan-  
da videntur, quia si peccandum, tole-  
rabilius in hominem quam Deum; si  
non peccandum, reverentius tamen Deo  
quam hominibus obsequendum. Nos  
quidem patrum præcedentium vestigia  
imitari optantes, augere bona Ecclesia-  
stica, aucta retinere; nostroque in quan-  
tum possumus patrocínio tueri debemus  
quatenus nostra tenera ætas ad virile ro-  
bur anhelans, promoveri, si promove-  
rit, sperans, & dandi in Deo gloriam  
assequatur, & data inter homines con-  
firmandi gratiam non amittat. Unde  
omnibus Christi nostrique fidelibus, tam  
futuris quam præsentibus, notum esse  
volumus, qualiter bene erga nos prome-  
rentem, Adalbertum Hamburgensem  
Archiepiscopum, digne remunerantes,  
ad archiepiscopalem Ecclesiam scilicet  
Hammaburch, in honore Domini &  
Salvatoris nostri, ejusque intemeratæ  
genitricis Mariæ, & Beati Jacobi Apo-*

*stoli, sancti quoque Viti martyris con-  
structam abbatiam, Chorbega dictam,  
in pago Angera, in Ducatu Ottonis Du-  
cis sitam, cum omnibus appendiciis,  
hoc est, utriusque sexus mancipiis, præ-  
posituris, Ecclesiis, decimis, villis, vi-  
neis, agris, pratis, campis, pascuis,  
silvis, forestis, venationibus, terris  
cultis & incultis, aquis aquarumque de-  
cursibus, molis, molendinis, piscationi-  
bus, exitibus, vel redditibus, viis &  
inviis, quæsitis & inquirendis, omni-  
que utilitate, quæ vel scribi, vel dici,  
vel ullo modo inde potest acquiri in pro-  
prium dedimus atque tradidimus: nec  
non omni jure ac libertate, qua nos eam  
habuimus, sibi habendam concessimus,  
perpetualiter tenendam confirmavimus.  
Ea videlicet ratione, ut prædictus Adal-  
bertus, ejusdem sedis Archiepiscopus,  
suique Successores, eandem, quam de  
cæteris Ecclesiæ suæ bonis legaliter ad-  
quisitis, liberam & de hac Abbatia po-  
testatem habeant tenendi, constituendi,  
vel quidquid ad communem utriusque  
Ecclesiæ utilitatem voluerint, faciendi.  
Et ut hæc nostra legalis traditio stabilis  
& inconvulsa omni permaneat tempore,  
hanc cartam inde conscribi, manuque  
propria corroborantes, sigilli nostri im-  
pressione jussimus insigniri.*

*Signum Domini Heinrici quarti  
Regis.*

*Sigebardus Cancellarius vice Sigefridi Archi-  
cancellarii recognovi. Data XIV Calend.  
Novembris: Anno Domini Incarnat.  
MLXV. Indict. III. Anno autem in-  
carnationis Domini Heinrici quarti Regis  
XI. regni vero \* IX. Actum Goslarie \* al. 2  
in Dei nomine feliciter Amen.*

Simili diplomate Abbatiam Lau-  
resheimensem Alberto donat, quod a  
Madero probatum legas. Colonienfis  
interim Archiepiscopus ad Ecclesiam  
suam reversus, Basilicæ & Collegio S.  
Mariæ ad gradus ultimam manum im-  
posuit, itaque hoc Collegium ditavit,  
ut xxx Canonici in eo alerentur. Quam  
in rem hoc anno Collegium Canonico-  
rum, quod Tremonia erat, Coloni-  
am cum omnibus decimis & bonis  
transtulit: translatisque Tremoniam D.  
Reinoldi reliquit, Collegii Ecclesiam  
in Parochiam mutavit, quæ etiamnum  
Reinoldi appellatur.

**ANNO**



## Annus Christi 1066.

Alexandri II. Pont. 6. Henrici IV Reg. 11.

Imadi Ep. Pad. 15.

RexPrinci  
pibus Im.  
perii invio  
sus.  
Lambertus.  
Adams  
Bremensis.  
Albericus  
Baderus.  
Helmoldus

Trahebat Rex post Natalitia Goslariae celebrata hyemem in Saxonia, omnibus Saxoniae principibus invisus, ob superbum rapacemque Adalberti Bremensis dominatum, qui Regem simulacri instar ostentabat; nec patiebatur Saxonia exire, ne alii Imperii Principes in Consilium & consortium regni venirent. Quibus illi offensi exacerbatique, primum conventicula cogunt; deinde, adulta jam conspiratione, Triburiae conveniunt, Regique ex comitiis, quorum capita Moguntinus & Colonienfis, denunciant, aut regno cederet, aut Bremensem Archiepiscopum exauktoraret. Quo consternatus Rex cum Wernero Comite Ingelheimium advolat, quem istic a saltatrice muliere clava percussus amisit. Rex concilium Episcoporum & Principum ingressus, torvo omnium vultu excipitur, jubeturque Bremensem Archiepiscopum regni turbatorem dimittere. Quo audito Bremensis suavitati Regi, ut clam nocte cum Imperii insignibus profugeret in Saxoniam, dum procella haec deferveret. Fecit id Rex; sed fuga mature detecta, in proxima villa reprehensus, custoditusque est, dum mane Principes accelerarent. Ac parum absuit, quin in ipsum Archiepiscopum involarent, ni Rex se objecisset. Ita e villa cum perfidis aulae ministris ejectus, profugusque Bremam rediit, ubi odiis & vexationibus Comitum jactatus, Ecclesiae suae magnum detrimentum intulit. Per id tempus, postquam Godeschalcus Princeps, qui hactenus columen christianae religionis fuerat, interemptus, Sclavia rebellare coepit, & Joanne Episcopo per dira tormenta cum Sacerdotibus sublato,

a Christi religione ad Idolorum cultum relabi; casisque christianis Hamburgensibus, Barbari dicecesin ferro & igne depopulantur. Quae omnia in vindictam Archiepiscopi Deum permisisse perhibent, ex quo dissoluta in claustro vita, Canonici in libertatem, ac depravatos mores transiere. Exturbato ex aula Adalberto Archiepiscopo, Reipublicae administratio rursus ad Episcopos reducta, ea qua ante potestate, ut quisque jus publicum in suis provinciis diceret. Rex dehinc Aquisgranum tetendit, atque inde Trajecti inter Frisios Pascha celebravit. Quo tempore dirum Cometæ sidus per quatuordecim noctes & 20 dies spectatum, fatale indicium, ut Scriptores memorant, schismatis inter Regnum & Sacerdotium, bellorumque, quae consecuta sunt. Trajecto Rex Frislarium digressus; ubi faedo morbo correptus est. Inde collectis viribus Pentecosten Herveldiae egit. Nec multo post Triburiae nuptias regio apparatu celebravit, ducta in matrimonium Bertha, Itali Marchionis filia. Mortuo Eberhardo Trevirensi Archiepiscopo, integerrimo praefule, Regis patrocínio subrogatus Conradus, Praepositus Colonienfis. Id cum clerus & populus indigne ferret, urbem ingressuro occurrit Theodoricus Comes, juvenis ætate & ingenio ferox, captivumque Episcopum per carnifices ex altissima rupe dejecit in mortem. Ea tum insolentia & perturbatio erat in Imperio. Anno interim Colonienfis Archiepiscopus Sigebergense Monasterium, & Basilicam a se conditam consecravit; cui post Salveldiense, & Graffschafanum in Westphalia adjecit.

Lambert.  
Ursberg.  
Barthold.  
Presbyt.  
Annal.  
Trev.  
Brev.  
Conradus  
Archiep.  
Trev.  
occiditur.

## Annus Christi 1067.

Alexandri II. Pont. 7. Henrici IV. Reg. 12.

Imadi Ep. Pad. 16.

Lambertus.  
Brunfug. in  
chron.  
Brunf.  
Sclavorum  
irruptio

Rex anno postero cum nupta Regina in Saxoniam regressus ad paternum palatium, Goslariaeque, quae Imperii sedes erat, festo D. Martini peracto, in morbum relapsus, toto fere anno decubuit. Nihil ex eo memorabile,

nisi quod Ottoni Thuringiae Marchioni sine liberis excedenti subrogatus Egbertus Saxoniae Marchio & Brunswici Dominus. Subtraxit & mors Ordulfum Saxoniae Ducem, succedente Magno filio, a quo bellum adversus Scla-

in regiones  
Transalbia  
anas.

Moritur  
Benno E.  
pisc. Osnabrug.  
cui succedit  
Benno II.  
Lambert.  
Erccvvin. in  
chron. Osn.  
Wissius in  
chron.  
Cranzsius  
lib. 4.  
Metrop. c. 38

vos sub exordia principatus susceptum, sed exitu improspere. Sclavi quippe armis superiores, omnes prope Transalbianas regiones ad tributum & servitia rede gere, qua calamitate plusquam de familia ex Holfatia ad Hercinios montes transmigravere. Uti per dissidia regni Barbari semper in vindictam Christianorum invaluerunt. Inter Episcopos Saxoniae excessit Benno XVIII Osnabrugensis Episcopus (quem alii Werinherum vocant) multum vexatus a Godeschalco & Ottone filio, quos Comites Tedenburgenses fuisse volunt. Subiectus illi Benno eo nomine secundus, vir egregius, ac gente Suevus, ex ingenua familia, impetratusque e sterili matrimonio, parentum voto, ideoque etiam divino cultui consecratus, & Goslarium Hildesumque transmissus; quibus in Gymnasiis ita semper eminuit, ut Hecilo Hildesii Episcopus eum primo Hildesensium scho-

lis moderandis praefecerit, ac totius deinde Episcopatus administrum delegerit. Ex quo munere ab Henrico Imperatore, dum Goslariae hibernaret, die S. Clementis Osnabrugensium Episcopus est renunciatus; ob cuius divi memoriam cultumque, Iburgi postea Coenobium ordinis D. Benedicti condidit ac sancto Clementi Patrono dedicavit. Accepto Episcopatus onere, Coloniae adiit, ubi proximo anno Calend. Januarii ab Annone Archiepiscopo ac metropolitano suo, Friderico Monasteriensis, atque Eilberto Mindensi Episcopis & ipse Episcopus consecratus est. Sed & D. Benno per id tempus e Saxonico Comite oriundus e Goslariensi Collegio, quod tum viris praestantibus florentissimum erat, Henrici patrocinio ad Misnensem Cathedram productus. Praeful quem ob vitae sanctimoniam Saxonia coluit.

## Annus Christi 1068.

Alexandri II. Pont. 8. Henrici IV. Reg. 13.  
Imadi Ep. Pad. 17.

Lambertus.  
Ursberg.  
Barthold.  
presbyt.  
Adam. Bremen.  
Albertus  
Badens.  
Corrupti  
Regis Henrici  
mores.

Annus dehinc MLXVIII cum turbulento Rege tanquam incrementibus tempestatum undis subit infestus. Nam, sicuti Ursbergensis memorat, Saxoniam Rex ex omni Romano Imperio sibi delegit, ac Regni sedem, quam Goslariae fixit, ubi & natalitia Christi peregit, & hyemem traduxit. Tum vero laxato omni juventutis freno, despiciere Principes, opprimere nobiles, infimae fortis homines attollere honoribus, ocio, venationi, lusu, atque omnium voluptatum illecebris se permittere, filias illustrium hominum abiectionis sordidisque collocare in matrimonium, neglecta Republica dare se ocio, venationi, ludicris spectaculis, & in omnia corruptae vitae vitia ire.

Adhuc nova Castella diversis in locis erigere, ac vetera praefidiis firmare, quibus etsi Saxones intelligerent servitutem sibi intendi, eoque frequentes convenerint in coetu; haec tamen dissimulanda duxere, quod cum maturiore Regis aetate corrigenda confiderent. At nihil perniciosius a Rege, quam quod sacerdotia vel ad gratiam, vel ad quaestum in aula venalia haberentur, ac juvenes indignique ad Episco-

patus proveherentur, Quos inter Henricus ex Goslariensi Canonico, ob juventutis consortium, Spirensis Episcopus, & Adalbero Wormatiensis obtrusus, Rudolphi Ducis frater ac Monachus S. Galli, uno pede claudus, & per omnia, ut Lambertus ait, dignus spectaculo; quippe homo edacitatis lupinae, staturae grandis, crassitudinis tantae, quae aspicientibus horrorem incuteret; nec ita centimanus Gigas, aut aliud antiquitatis monstrum, si ab inferis emergeret, stupentis populi oculos in se atque ora converteret. Magna horum omnium causa Adalbertus Bremensis Archiepiscopus creditur, qui post triennium ejectionis suae irrepperat in aulam; ne tamen in priorem scopulum incurreret, Principes regni humanius tractare, interque hos Colonensem Archiepiscopum cum primis sibi reconciliare studuit. Haec tamen ab Henrico I. Saxone praclari & religiosissimi Reges ac Imperatores: nunc Henricus IV primus inter hos Germaniae labes numerandus. Quapropter ob merita in Ecclesiam, & integerrimam fidem illis nominandi imponendique Episcopos facultas permessa, quos illi non nisi e clero delectus, ob virtutem dignissimos

A quo indigni Episcopi praefecti.

mos obtulere, qui ab hoc Rege primum, & corrupta ejus aula pessum iere.

Gobelin. as  
tar. Pl. c. 55

Dedicatio  
Basilicæ Pa-  
derbornæ.

Et elevatio  
corporum  
primorum  
Episc. Pad.  
ab Imado  
facta.  
Ferdinand  
ex veteri  
codice.

Inter hæc turbamenta Saxonæ Imadus Episcopus noster, summæ apud omnes Principes & Episcopos auctoritatis, magna tranquillitate, & constantia virtutis Episcopatum suum administrabat, nihilque impensius habebat, quam ut ex incendii ruinis Basilicam instauraret, eoque perduxit, ut hoc anno fastigium operi imponeret; quam deinde mense Junio cum Sigefrido Moguntino Archiepiscopo solemniter consecravimus; ita enim Gobelinus noster. *Anno MLXVIII. Henrici regni XII. dedicata seu reconciliata est Ecclesia Paderbornensis anno undecimo post civitatis incendium, & hæc dedicatio servatur adhuc, videlicet XXII. die mensis Junii.* Quanquam decimus magis, quam undecimus ab incendio hic annus reputatus. Septimo deinde Idus Septembris Imadus primorum Episcoporum Paderbornensium corpora, quæ jam duplici incendio Ecclesiæ aut obruta, aut disjecta erant, insigni religione cultuque Antecessorum suorum diligenter investigavit, repertaque in vetustis sepulchris collegit, & in crypta, quæ choro Basilicæ substructa est, honorificentissime ante aram D. Stephani a Leone Pontifice consecratam condidit, ubi a posteris in magna veneratione fuerunt habitata, quemadmodum hoc Ferdinandus Episcopus noster ex veteri codice Palatini manuscripto Bibliothecæ Vaticanæ produxit. Ipse deinde Ferdinandus Episcopus noster, cum disiecto lapide, & neglecto veteris pietatis cultu, memoria prope omnis sepulta jaceret, pristino decori cultuique, Imadi exemplo & pietate provocatus reddidit. Inscriptionem & monumentum hujus translationis in Hathumaro Episcopo dedimus. Quæ omnia ad hanc diem ignorata mantissent, nisi Ferdinandus Episcopus noster hæc ex Romana Bibliotheca protulisset in lucem. Solennis hæc translatio in cryptam hoc anno MLXVIII facta ex Indictione VI, & Henrici IV Regis anno XIII, Imadi vero Episcopi ordinationis anno XVI. adscripto satis constare potest, licet forte alius alibi annus consigneretur. Ex eodem Vaticano codice adscripta accepimus ornamenta & largitionem, quam Imadus Ecclesiæ suæ fecit, quæ sic habet.

*Ad imaginem sanctæ Mariæ Marca & dimid.*

*In aureo scrinio S. Liborii XXIV. Marc. auri.*

*In plenario aureo V. Marc. auri.*

*Item in plenario VI. Marc. & quadrantem.*

*In altari aureo XVII Marc. auri.*

*In cruce minori V. Marc. & dimid.*

*In majori cruce XIV & una Marca ad decurandum.*

*Summa autem LXXI & dimid.*

Hæc tanquam ex naufragio antiquitatis de præstanti Episcopo servata. Sed longe illustrius Imadi Episcopi factum, qui ob incendium Monasterii majoris, Collegii videlicet Cathedralis, non est passus disciplinam communis vitæ inter clericos dissolvere; tametsi id jam Treviri, Bremæ, Hildesii, aliisque in locis indultum esset. Quare reparato simul Collegio in formam claustrum, uti a Meinwerco & majoribus acceperat, intra societatis vitæ instituta Canonicos ac clericos retinuit.

Qui non est  
passus disciplinam  
vitæ communis  
inter Canonicos  
dissolvere.  
Cleinfor.

Ceterum hoc ipso anno dum Rex Goslaræ versatur, regia donatione, Friderici & Conradi comitatum Heciloni Hildesimensi Episcopo dedit. Id liberalitatis diploma, quia hactenus lucem non aspexit, hic interungere placuit.

Novo Comitatu ab  
Henrico donatur  
Hecilo Episcopo  
Hildes.

*In nomine sanctæ & individue Trinitatis. Henricus divina favente clementia Rex. Si loca divinis cultibus mancipata ex nostra regali auctoritate ditare & sublimare studuerimus, id ad prosperitatem vitæ nostræ, regnique nostri stabilitatem esse profuturum minime dubitamus. Quapropter omnibus Christi nostrisque fidelibus, tam futuris quam presentibus, notum esse volumus, qualiter nos ob nostram, felicitisque memoriæ Patris nostri Heinrici Imperatoris perpetuam beatitudinem, & interventum conestalis nostræ Berchtæ, nec non ob fidele servitium Hecilonis Hildesheimensis Episcopi, Comitatum, quem Fridericus, ejusque filius Conradus Comites ex regali potestate in beneficium habuerunt, in illis pagis Valedungon, Aringe, Guttingon, & in his publicis Ecclesiarum parochiis, Alicga, Redun, Fredenon, Walehuson situm, ad altare dilectissimæ Dei genitricis perpetuæ Virginis*

Ddd

ginis Mariæ in Hildenesheim consecratum, ex nostra regali potestate cum omni jure & utilitate, quæ ullo modo inde provenire poterit, dedimus, atque in proprium perpetuo jure possidendum tradidimus. Ea videlicet ratione, ut Hezilo prænominatus Episcopus, sui que Successores eundem Comitatum, contradictione omnium remota, libera deinceps potestate habeant, possideant, & in perpetuum quiete fruantur. Et ut hæc nostræ donationis auctoritas firma & inconvulsa in omnia volventis mundi permaneat tempora, hanc cartam inde conscriptam manu propria, ut infra videtur, corroborantes, sigilli nostri impressione jussimus insigniri.

*Signum Domni Henrici quarti Regis invictissimi.*

*Bibo Cancellarius vice Sigefridi recognovi. Data Non. Augusti. Anno Dominicæ Incarn. millesimo sexagesimo octavo. Indict. sexta. Anno autem ordinationis domni Henrici quarti Regis, regni\* 11. actum Goslarie \* al. 13. in Dei nomine feliciter Amen.*

Haud dissimiliter Anno Colonienfis Archiepiscopus magno comitatu Werthinense ad Ruram Monasterium invicens, præclaris tabulis Geroni Abbati & Monachis, ad venerationem D. Ludgeri, privilegia confirmat. Interque testes memoratur Adolphus advocatus de monte; habeturque is Comes de monte, Everhardi & Adolphi pater, a quibus post Aldenberga commutata in Monasterium Cisteriense.

## Annus Christi 1069.

Alexandri II Pont. 9. Henrici IV. Reg. 14.

Imadi Ep. Pad. 18.

Henricus  
Rex querit  
divortium  
a conjuge.  
Lambertus.  
Sigebertus.  
Barthold.  
Adamus  
Bremenf.  
Albertus  
Stadenf.  
Ursbergensf.

Hæsit in sequentem annum Rex inter Saxones, celebratisque Goslarie natalitiis Christi, tandem aliquid martium est ausus; transito enim Albi per astrictas glacie paludes, Sclavorum provinciam ingressus, Luititios ex priori victoria insolentes magna clade attrivit, terramque eorum depopulatus, victor cum exercitu in Saxoniam rediit. Paschate dehinc Quidlenburgi peracto, Colonie pentecosten celebrat. Post Wormariam proficiscitur ad congressum Principum. Ubi in secretum colloquium vocato Sigeberto Moguntino Archiepiscopo, decimas illi totius Thuringie, quas ante promiserat, se præstiturum, addicit, modo conjugium, quod cum Bertha Marchionis Itali filia contraxerat, ejus opera dissolvi possit. Homo ex uno vitio præceps in aliud, obtendebat se nullum cum ea rei maritalis usum habuisse; re autem inter vagos amores fastidiens uxorem, pessimo Lotharii exemplo, conturbabat fœdabatque Ecclesiam. Moguntinus spe decimarum illectus in hanc rem synodum post festum Michaelis indixit Moguntie. At Thuringi postquam didicere novum decimarum onus sibi intendi, tumultuari cœperunt. Quare Rex cum infesto agmine Thuringiam ingressus, expugnatisque duobus castellis, ad deditiorem eam compulit. Dedo Marchio

ex Widekindi M. ut creditur, stirps Thuringorum Dux, in custodiam abreptus, multatusque possessionibus, haud multo post libertati redditur. Non tamen his extinctum odium in Moguntinorum. Rex deinde cum ad Moguntinam synodum tenderet, comperit ex Italia advenisse Petrum Damiani legatum Apostolicum, virum ea ætate doctrina & vitæ innocentia apud omnes celebrem. Nec alia de causa adesse, quam ut divortium impediat. Ejus metu Rex Francofurtum secessit, quo & Legatus cum Episcopis & Principibus secutus, Regem gravi oratione a meditato scelere deterruit. Quapropter Rex quadraginta tantum militum comitatu stipatus citatis itineribus in Saxoniam est regressus, quem Regina secuta. Sed mox refrigerante amore, ad ingenium rediit. Hoc interim anno rursus Hecilonem Hildesimensis Episcopum, quem in comitatu habuit, Triburie Kalend. Septembris novo diplomate decoravit, quo eundem, de quo supra retulimus, Comitatum confirmat Ecclesie Hildesimensi.

Confirmatur donatio Comitatus Heziloni Ep. Hildes. facta.

*In nomine sanctæ & individue Trinitatis, Henricus divina favente clementia Rex. Si loca Deo sanctisque ejus mancipata ex nostra regali auctoritate augere & sublimare, nostroque quantum possumus, patrocinio tueri studue.*

studuerimus, id vitæ nostræ prosperitatem, regnique nostri stabilitatem esse minime dubitamus. Quapropter omnibus Christi nostrisque fidelibus, tam futuris quam præsentibus, notum esse volumus, qualiter nos pro remedio patris nostri Heinrichi secundi Romanorum Imperatoris Augusti, & ob interventum dilectæ nostræ confectionis Berthæ, nec non pro dilectione, & fidei servitio Hezilonis Hildenesheimensis Ecclesiæ Episcopi, Comitatus, quos Friderich ejusque filius Chonradus Comites juxta fluvios Loyna & Alera ex imperiali donatione in beneficium habuerunt, in pagis Valedungon, Aeringon, Guttingon, quemadmodum illi prænominati Comites scilicet Friderich & Chonradus habuerunt, eodem jure eidem Ecclesiæ, quæ est in honore intemeratæ Dei genitricis perpetuæque Virginis Mariæ consecrata, ex nostra regali auctoritate cum omni utilitate, quæ ullo modo inde potest provenire, perpetuo possidendum, omnium præsentium vel succedentium contradictione remota, in proprium tradidimus atque donavimus. Confirmamus igitur munificentia regia eidem Ecclesiæ libertatem per omnia retinendam, & bona omnia, quæ a prædecessoribus nostris Romanorum siquidem Imperato-

ribus, vel Francorum Regibus, usque ad tempora nostra prænominatæ Ecclesiæ concessa sunt. Et nos ei habendum omni tempore, atque jure perpetuo possidendum per nostri præcepti paginam concedimus, omni nostra ac nostrorum successorum, cunctorumque mortalium minorum vel majorum inquietatione remota. Monasteria, Parochias, Ecclesias, Decimas, terras cultas & incultas, Comitatus, mercatos, monetas, thelonea, foras, cum omni utilitate, quæ describi, vel quoquo modo inde provenire poterit; insuper etiam bona, quæ a Christi fidelibus præfata Ecclesiæ largita sunt vel largiuntur, auctoritate regia confirmamus. Et ut hæc nostra regalis traditio stabilis & inconvulsa omni ævo permaneat, hanc cartam inde conscriptam, manu propria, ut infra videtur, corroborantes sigilli impressione jussimus insigniri.

Signum Domni Heinrichi quarti Regis.

Bibo Cancellarius vice Sigefridi Archicancellarii recognovi. Data XV. III. Calend. Septembris. Anno Dominicæ Incarnationis MLXIX. Indictione VII. Anno autem Ordinatus Domni Heinrichi IV. Regis XV. regni vero XIII. actum Triburis in Dei nomine feliciter Amen.

## Annus Christi 1070.

Alexandri II. Pont. 10. Henrici IV. Reg. 15.

Imadi Ep. Pad. 19.

Rex postquam Natalem Christi Fringæ peregerat, e superiori Germania in Saxoniam se retulit, & Pascha Hildesii cum Hecilone Episcopo, quem inter familiarissimos & aulæ Comites habuit, festis Ecclesiæ gaudiis peregit. Quidlenburgi posthæc Ascensio Domini peracta. Sub quod tempus augmentum illud templum, opus tot Saxoniarum Ducum, flammis absumptum. Pentecoste Merseburgi peracta, iter ad Rhenum reflectit, aditoque Aquisgrano, Moguntiam properat ad conventum Principum, in quo Otto Dux Bojarie ex compositæ invidiæ scena postulatus reus. Hic ut diximus, vir amplissimæ nobilitatis, multisque Saxoniarum proceribus consanguinitate junctus: bellicis præterea artibus, rebusque gestis tantæ apud omnes Principes erat auctoritatis, ut si Rex invisus deiceretur, ipse solio proximus destina-

retur. Id cum Regem non lateret, æmulumque hunc remotum vellet, inter aulæ assentatores repertus est Egino quidam, homo obscuræ originis ac perfidus, quique Ottoni Regisque vitæ insidiatus, crimen læsæ majestatis intendere est ausus. Ejus criminis diluendi causa Otto ad singulare certamen se obtulit. Dissensere amici, indignum asserentes Ducem cum latrone congregari. Itaque absens, atque innocens, æmulumque etiam quorundam Principum invidia, a Rege damnatus, exutusque Ducatu Bojarie. Tum vero alii gratificandi Regis causa, alii spoliis cupidine, possessiones ejus, uxorisque, quas in natali Saxoniarum solo habebat amplissimas, diripere, igne in prædia grassari. Quibus ut Rex extremam manum adderet, collecto exercitu, primo castellum ejus Hamersteinium, deinde Tessenbergam (quod

Et Bojarie Ducatu exuitur.

D d d 2

Defen-

Lambert.  
Urborg.

Otto Boja-  
rie Dux  
reus Maj-  
estatis  
damnatur.

Desenbergum diocesis nostræ reputatur, uti in monumentis Ferdinandi exhibetur) difficili obsidione tandem expugnat. His Otto exacerbatus, collectis selectorum militum copiis, in Thuringiam irrupit, villas regias diripiendo exurendoque. Nec multo post Thuringos ac regiones occurrentes ad Hofchenowege, quod nunc Hassiæ est oppidum, ad internecionem prope delet. Qua clade ita territus est Rex, ut Goslariam se receperit, sollicitus ne, quod Otto minitabatur, regni sedem & domicilium voluptatis in cineres quoque verteret. Otto vagus incertusque per superiorem Saxoniam proceres & Principes in societatem belli trahit, quos inter Magni Ottonis Saxoniae Ducis filium, juvenem æqui bonique servantissimum, sibi junxit. Hæc civilium & funestorum

bellorum initia, quibus tot annis postea Germania conflavit.

Inter has turbas Fridericus Monasteriensis Episcopus, religione & pacis studio egregius, hoc ipso anno Collegium Canonorum extra urbis mœnia conditum ex largissimis patrimonii bonis, quæ illi ex hæreditate Marchionis patris obvenerant, dotavit, attributis in hoc pium opus plusquam xx prædiis. Patronum Ecclesiæ illius esse voluit S. Mauritium (unde hodieum Collegii Mauritanii nomen obtinet) quod ex Collegio Magdenburgensi, S. Mauritio dicato, traductus esset ad Episcopatum. Cippo quidem veteri annus 1050 inscriptus; sed cum illo anno nondum Episcopus fuerit, ad hunc, de quo agimus, exordia revocantur.

Friderici Episc. Monasteriensis liberata in Collegio Mauritanum. Borchers. in vita D. Erponu.

## Annus Christi 1071.

Alexandri II. Pont. 11. Henrici IV. Reg. 16.

Imadi Ep. Pad. 20.

Lambertus.  
Ursberg.  
Adamus.

Incrementibus Saxoniae motibus, Henricus Rex Goslariæ se continuit, ubi dum Christi natalitia ageret, consilio Rudolphi Suevorum Ducis, & Adalberti Bremensis Archiepiscopi, Welfo Azzonis Marchionis Itali filio Bojariæ Ducatum dedit. Is vero cum Ottonis exauctorati jam Ducis filiam in matrimonio haberet, focerumque proscriptum, ac Regis hostem intelligeret, rupto tori consortio, filiam patri remisit, Ducatusque dignitatem ante fidem amoremque conjugis habuit. Novus hic belli stimulus Ottoni fuit; quare montem Hasengunum præmuniit, in eoque se cum militibus inclusit, late circum prædas agendo. Quo comperito, Rex contractis ex Saxonia, Thuringia, & Hassia copiis, Ottonem expugnandum sumpsit. Interveniit hic Everhardus Comes, Ottonique persuasit, ut Regis se clementiæ permetteret. Quare fide utrimque accepta, factisque induciis, iussus est Otto se Coloniae circa Pascha sistere in conventu Principum. Rex autem in Bojariam profectus, quæ Ottonis Ducis sui desiderio in tumultus itura timebatur. Ea pacata, dum secundo Rheno Coloniam descendit, ex itinere castrum Hamersteinianum a D. Henrico Imperatore dirutum instaurari iussit. Paschate Co-

Otto Dux  
Regi se  
subdit.

loniæ peracto, prorogatisque Ottoni induciis, Leodium advolat. Ac mox festinatis itineribus in Saxoniam regressus, Pentecosten Halberstadii celebrat. Ibi Ottonem Ducem, ceterosque ingenuos, qui cum eo arma contra Republicanam sumpsisse arguebantur, in deditionem suscepit, & Principibus regni custodiendos dedit, ea tamen lege, ut statuto die sibi redderentur.

Mense Augusto allabente, Rex Moguntiam ad synodum Episcoporum contendit, quam Alexander II. Pontifex ob Carolum Constantiensem Episcopum convocari jusserat. Erat is a Rege e Collegio Magdenburgensi proventus ad hunc Episcopatum; ac multa illi crimini data a clero Constantiensi, interque cetera, quod simoniaca labe infectus, prælio ad Episcopatum pervenisset, quod plerosque Ecclesiæ thesauros furtim subduxisset, quodque pro juvenilis ætatis insolentia omnia depravate ageret. Quæ crimina postquam a Clero ad Apostolicam sedem delata sunt, mandatum dedit Pontifex Sigefrido Moguntino Archiepiscopo convocandi synodum, cognoscendique causam Caroli: simulque vetitum, ne priusquam se purgasset, consecraretur Episcopus. Convenere igitur ad hanc

Lambert.  
Tennagelius  
qui ad hunc  
dedit.  
Binus in  
concil.  
Baronius  
Tom. 9. com  
cil. Paris.  
recent edit.  
Synodus  
Moguntina,  
in qua  
Carolus  
Constanti  
ensis Epi  
scopus des  
positus.



hanc synodum Gebhardus Juvaniensis, & Udo Trevirensis Archiepiscopi, quibuscum confedere Adalbero Wirtzeburgensis - Gundeharus Eystadensis, Embricho Augustensis, Herimannus Bambergensis, Wernherus Argentinensis, Henricus Spirensis, Benno Onabrugenensis, Ermenfridus Sedunensis, Heribertus Mutinensis Episcopi, cum Abbatibus, & omnium ordinum Sacerdotibus, Imadus Paderbornensis Episcopus, ceterique legatos suo nomine miserunt, quod aut in valetudine, aut aliis publicis negotiis se impeditos dicerent. Synodo, praesente Rege, praesedit Moguntinus Episcopus, sedis Apostolicae legatus; nihilque sollicitius agebat, quam ut crimina Carolo obiecta dilueret; sed cum accusatores e clero Constantiensi crimina probando intenderint, Episcoporum iudicio damnatus est Carolus. Et cum Rex virgam Episcopalem recepisset, multis promissis

dolorem ejus solatus est. Episcopatum Ottoni Constantiensi Canonico dedit, ac mox Episcopum consecrari voluit, ne eodem quo alter impedimento traheretur in moras. Seminarium Episcoporum per id tempus Goslarie Collegium, ex quo Conradus & Henricus pater Imperatores dignos, ipse vero, quos gratos habuit, produxit Episcopos. Moguntiae dum Regina adesset Regi, filium e partu sustulit, qui tamen mox a fonte baptismatis extinctus est, delatusque Harterburgum in Saxonia castellum, quem Saxoniae postea furor e sepulchro ejecit.

Anno Coloniensis Archiepiscopus alterum per id tempus coenobium D. Benedicto donat dotaque Salefeldiae ad fines Thuringorum & Sclavorum, ejectis inde Canonicis, quos prius imposuerat. Evocati ab eo Monachi e Coenobio Sigebergeni & Pantaleonis.

Monachi D. Benedicti Salefeldiae a D. Anno non impo-  
nuntur.

## Annus Christi 1072.

Alexandri II. Pont. 12. Henrici IV Reg. 17.

Imadi Ep. Pad. 21.

Adhuc bellum Saxonicum hoc anno proximo tanquam fulmen inter tonitrua nubibus inclusum agitabatur. Et Rex, postquam Natalem Domini Wormatiae celebrasset, Goslariam rediit, interque Saxones verni jejunii tempus exegit. Sub quod tempus, ut Lambertus scribit, Albertus Bremensis Archiepiscopus, qui triumphatis aemulis, a quibus ante aliquot annos e palatio erat expulsus, solus tunc Rege fruebatur, receptus non modo in gratiam & familiaritatem; sed pene in regni consortium, & omnium, quae publice & private agebantur, societatem ac moderationem; ita enim Regem callidis artibus suum fecerat. Sed is morbo & aetate exhaustus, cum diu per exquisitissimas medicorum operas morti oblectatus fuisset, quasi naturam arte illudere posset, in Quadragesima, XVI Calend. Aprilis, debitum conditori persolvit, & pertinacibus hominum odiis, quod nunquam poterat vivendo, tandem aliquando satisfecit moriendo. Vir plane admirandae compunctionis, & potissimum, dum salutarem hostiam immolaret, totus in lacrymas effluebat: virginitatis deinde, ut ferebatur, a primis innocentiae an-

nis in mortem constantissimae, multisque aliis praeclaris virtutibus conspicuus erat, quas una jactantiae levitas & arrogantia obfuscabat. Singula de hoc viro, si quis accuratius nosse velit, adeat Adamum Bremensem, quem ille & familiarem sibi habuit, & diligentem omnium scriptorem. Inter haec publica negotia publicum tamen docendi munus concionandique non intermisit: interque multas lacrymas, & poenitentiae opera excessit e vita, magnus futurus, si ab aula & ambitu procul esse potuisset, & intra Episcopi munus se continere. Et cum hoc aulae servitio ingentia quaereret pro Episcopatu suo ditando, & ampliando, haud aliud consecutus est, quam ut divites faceret ministros, se vero & Ecclesiam inopem & funditus exhaustam relinqueret. Corpus Goslaria Bremam delatum est ad ad sepulchrum.

Rex hoc caro ministro orbatus ad Rhenum discessit, consilium cum Annone Archiepiscopo collaturus. Palmarumque festo Coloniae habito, Pascha Trajecti inter Frisones exegit. Aquisgrano exin inspecto, acceptisque aliquot Divorum reliquiis, quas Har-

tes.

Lambert.  
Ursberg.  
Barthold.  
presbyt.  
Adam. Bre-  
menf.  
Albert.  
Stadenf.  
Vita S. An-  
nonis.  
Historia  
Brem.  
Albertus  
Archiepi-  
scopus Bre-  
menf. reci-  
pitur in  
gratiam.

Ejus mors,  
virtutes, &  
vicia.

resburgum ad castellum deportari iussit, ipse in Saxoniam rediit; festumque Ascensionis Goslarie, & Pentecosten Magdenburgi exegit; ubi Liemarum Archiepiscopum Bremensem, gente Bojum, virum eruditum & prudentem Adalberto subrogavit.

*Querela  
Traiectensium  
contra Henricum  
Regem. Anno  
administrationem  
Imperii denuo  
suscipere  
cogitur.*

At dum Traiecti ageret Rex, ingens populi tumultus est exortus, vociferantis de injuriis & calamitatibus regni. Palam objectatum Regi, Monasteria & Ecclesias impune diripi, non pupillis, non viduis, nec oppressis iustitiæ manum porrigi amplius. Quorum vocibus permotus Rex, Annonem Coloniensem Archiepiscopum exoravit, ut rerum publicarum administrationem susciperet. Diu ille restitit petenti, partim veterum injuriarum memoria, partim quia divinis, quam profanis occupari malebat. Tandem & Regis & Principum flexus precibus, munus pristinum suscepit. Tum primum Respublica in pristinum statum dignitatemque restitui coepit: tum latronum & prædonum licentia coercita, castella eorum & receptacula everfa: tum causæ oppressorum audita: tum seve-

ritate animadversum in sceleratos; quos inter Eginus, qui Ottonem Ducem falsis accusationibus oppresserat, catenis oneratus, & ad spectaculum circumductus: rursus Otto in gratiam Regis receptus. Eginoni etsi vita condonata, is tamen post inter latrones deprehensus, effossis oculis pœnas dedit, visusque est per omnem vitam panem ostiatim mendicare: Giso Comes, structor calumniarum in Ottonem cum quatuor filiis interemptus, vindicem quoque Dei manum est expertus.

Interim Sigefridus Moguntinus Archiepiscopus ac Metropolitanus noster, seu tædio malorum, seu salutis causa, clam in Cluniacense Monasterium secessit, Deo istic reliquum vitæ consecraturus; sed brevi is cleri & populi precibus victus retractusque Moguntiam ad pristinum Episcopi munus. Anno per hæc tertium ordinis D. Benedicti Cœnobium in Westphalia, quod Grafschaffense est, condidit; id quod hodieum ex primo Monachorum instituto catholicæ religionis servatur intra Colonienfis Archiepiscopi limites sacros ac civiles.

*Sigefridus  
Archiep.  
ad Mona-  
sterium Clu-  
niacense se-  
cedit. Mona-  
sterii Grafschaf-  
fensis initio  
Cleinberg in  
litteris fun-  
das. Tabula in  
chore su-  
spensa.*

## Annus Christi 1073.

Gregorii VII. Pont. 1. Henrici IV. Reg. 18.

Imadi Ep. Pad. 22.

*Novæ in  
Imperio  
turbæ post  
abdicatio-  
nem D. An-  
tonia.  
Lambertus.  
Ursberg.  
Marian.  
Scotus.  
Bruno de  
bello Saxo-  
niæ. An-  
ton. in vita  
Henr. IV.  
Barthold.  
presbyt.  
Otto Erising  
Albert.  
Scad.  
Chron. An-  
gust.*

Accedit nunc annus MLXXIII, quo bellum Saxonicum plenis flammis erupit. Vix dum anno Colonienfis Archiepiscopus impleverat annum moderationis apud Regem, cum aulam pertæsus Bambergæ, ubi cum Rege Natalitia Christi agebat, vacationem petiit. & facile a Rege impetravit, quod tantum Rex frenum illud ætatis suæ fastidiret in Annone, quantum Anno Regis manus, & corruptam juventutem averfaretur in Rege, in quo corrigendo frustra desudaret. Igitur Pædagogus hoc amoto, Rex præceps ire in omnia flagitiorum genera, omnes Thuringiæ & Saxonie colles & montes præmunire Castellis, Saxones mancipiorum instar cogere ad operas, Castella firmare præfidiis militum; quibus cum stipendia dare non posset, libera permittere spolia, omniaque hostis instar perturbare deprædationibus. Atque ut speciem religionis obtenderet, Archiepiscopum Moguntinum impulit,

ut renovata priore lite, decimas a Thuringis expoleret, se, si negarent, armis oppressurum; ea tamen lege, ut pars Regi cederet, pars Archiepiscopo. Quibus ille plectus Erfurti vi Idus Martii synodum Episcoporum indicit. Accessere præter Regem & Archiepiscopum Hermannus Bambergensis, Hecilo Hildesimensis, Eppo Citizenis, Benno Osnabrugensis Episcopi. Horum iudiciis in gratiam Regis Thuringis decimarum pensatio imposita, frustra Thuringis, Abbate Fuldensi & Hersfeldensi obnitentibus, frustra Thuringiæ populis toties Regis clementiam per querelas interpellantibus; quod Rex armatus immineret, vertaretque etiam capitali pœna, ne ad Pontificem provocarent. His pro voto exactis, in Bojariam contendit, & Rudolphum Suevorum Ducem, ceterasque turbas machinantes in gratiam recepit, Ac Paschatis festo Ratisbonæ, & Pentecostes Augustæ celebrato, in Saxoni-

am

Henricus  
Saxones  
extinguere  
cogitat.

Saxonum  
conjuratio  
contra Re-  
gem.

am accelerat, occultumque foedus cum Regē Danorum & Luitis Sclavis contrahit, ad Saxones & Thuringos in servitutem deprimendos. Consilium erat non modo bona eorum fisco regio addicere, sed & omnem Saxoniae gentem delere, & Suevos, quos adamabat, in eorum sedes reducere. Quam in rem contrahit exercitum, specie quidem expeditionis in Polonos, re autem ut Saxones opprimeret incautos. Quæ postquam Saxonibus comperta sunt, consulere in medium Principes, dictoque inter se Sacramento, convenit extrema prius subire, quam acceptam a maioribus libertatem per dedecus amittere. Auctores hujus conspirationis Bucco Halberstadiensis Episcopus, vir eximia sanctitate, & boni publici amantissimus, Otto præterea, de quo diximus, exauctoratus Baviaræ Dux, suis injuriis exstimulatus, Hermannus frater Ottonis Ducis Saxoniae, uti Lambertus appellat, quem Adamus Ordulphi fratrem dicit, quod uterque Hermannii frater esset. Exacerbatus is erat, quod Rex Magnus, Saxoniae Ducem, nepotem suum, Ordulpho fratre genitum jam triennium in vinculis attineret, & Luneburgum arcem paternam Suevo militi insidendam tradidisset. Accessere postea in conspirationem Wézilo Magdenburgensis Archiepiscopus, Annonis Colonienſis Archiepiscopi frater, Wernerus Merseburgensis, Imadus Paderbornensis Episcopus noster, Hezilo Hildefimensis, Eilbertus Mindensis, Fridericus Mimigardevordensis, Benno Misnienſis Episcopi. Adhæc Uto, & Dedi Marchio, ejusque uxor Adela omni viro animosior, Egbertus Thuringorum Marchio, Fridericus Comes Palatinus, Diedericus, Adelbertus, Otto, Conradus & Henricus Comites: tum præter nobiles vulgus promiscuum supra LX millia armatorum, qui ad libertatem, tanquam ex oblata divinitus sibi opportunitate asserendam promptis lætisq; animis convolabant. Dux Saxoniae a morte Bernardi nondum certus constitutus erat, quod & Ottone paulo ante extincto, filius ejus Magnus Hartesburgi in carcere attineretur, & Rex bonis ejus inhiaret, Ducatumque alteri pro arbitrio destinaret. Inter Episcopos Regis partes secuti Liemarum Bremensis Archiepiscopus,

Eppo Citicensis, & Benno Osnabrugensis. Hi metu aliorum e Saxonia profugi, ad Regem se contulere, cui & per omne bellum hæſere Comites. Anno Colonienſis Archiepiscopus, etsi palam neutri se parti addiceret; ceteris tamen Saxoniae Episcopis, inter quos Magdenburgensem habebat fratrem, & Bucconem Halberstadiensem Confobrinum, magis favisse scribitur a Lamberto & Ursbergenſi, justamque horum causam probasse.

Eorundem  
ad Henricum  
cum lega-  
tio.

Igitur adulta jam & roborata conjuratione, Saxones sub ipsas Calendas Augusti misere ad Regem Goslariæ versantem legatos, postulatam ut intermissa Polonica expeditione, arma vertat in Luititios Sclavos, gentem Christianis per Saxoniam infestissimam, se fidos illi belli socios primosque in acie futuros, si modo Castella, quæ in singulis prope montibus ad servitutis terrorem structa erant, diruat: si bona Saxonibus erepta secundum patriæ jura reddas: si relicta Saxonia, in qua a puero per ocium & inertiam marcescat, etiam ad alias Regni provincias, majorum instituto, sedem transferat, ne solis Saxonibus alendo Regi sit oneri: si vilissimos ac perditos homines aula ejiciat, Regnumque Principum consiliis administret: si greges concubinarum, quarum consuetudine & regium nomen defœdet, & oculos animosque Christianorum illudat, ex aula exturbet, Reginamque in tori consortium admittat. Tandem flagitia, quibus ab adolescentia insueverat, eum matura ætate corrigat, ne Deum justum omnium scelerum vindicem; tam se quam Regem experiri necesse sit: scire se civibus pacem, Regno justitiam; Regi obedientiam debere, sed ante omnia petere, libertatem, quam a maioribus acceperint, sibi integram relinquere. Postremum per Deum se rogare, ut justis hisce postulatis annuat; id si præstet, promptis se animis omnia imperia ejus accepturos; sed memorem simul esse velle, ut tanquam ingenuos non servilem in modum, quo hætenus habiti, se tractet; sin minus, sciret & Saxonibus quoque arma in manu esse, quibus ex illa servitute se tandem in libertatem asserant, quibus pro religione Christiana adversus Regem tanquam barbarum hostem depugna-

Henricus  
ad pacem  
pronus a  
quibusdam  
interverti-  
tur.

Saxonum  
expeditio  
contra Re-  
gem.

Rex princi-  
pibus sit  
supplex.

pugnaturi sint. Vehementer permo-  
vit hæc legatio Regem, ut de pace  
cum Saxonibus ineunda cogitaret. Sed  
ea meditantem intervertere, qui Regi  
aderant, Eppo Citicensis, & Benno  
Osnabrugensis Episcopi, ceterique  
Consiliarii; quod dicerent hunc impe-  
tum esse ex ingenio Saxonum, qui si  
aliquamdiu sustineri possit, aut eludi,  
sponte casurum. Quare legati & con-  
temptim habiti, & ambiguo responso  
sunt remissi. At tanta majori concita-  
tione Saxones bellum ex senatu mi-  
litari decernunt, armatique Goslariam  
movent, castris in vicina villa colloca-  
tis. Ac primo incurfu urbs & Rex  
in potestatem Saxonum venire poterat,  
nisi Bucco Halberstadiensis Episcopus  
impetum ceterorum inhibuisset. Per  
hanc cunctationem Rex in vicinum  
Harteburgense castrum cum insignibus  
Imperii & thesauris se subduxit. Saxo-  
nes comperta fuga & vestigio inse-  
quuntur, & circumposito milite,  
locum natura & arte munitum incin-  
gunt, rati Regem tanquam feram in  
cavea inclusam teneri. Aderat per id  
tempus Regi Bertholdus Carentorum  
Dux, ut se purgaret. Hunc, quod  
virum sagacem & facundum sciret,  
mittit Rex legatum in castra Saxonum,  
omnem pacem & reconciliationem  
ostentando. Quare dum Saxones ne-  
gligentius excubant, Rex per inobserva-  
tum tramitem elabatur, unaque Epi-  
scopi duo cum thesauris & insignibus  
Imperii. Triduum per vastissimam  
sylvam castro inhærentem ductu ve-  
natoris a jejunis itum, dum quarto die  
Eschenewegam pervenerunt. Ibi refe-  
cti paululum Herveldiam concitatis  
itineribus tendunt, ubi Adalberus  
Wirceburgensis, & Hermannus Bam-  
bergensis, atque alii quidam Principes  
occurrunt Regi, ab exercitu ad Polo-  
nicam expeditionem Moguntiam ad Rhe-  
num collecto præmissi, quorum præ-  
sentia recreatus, jubet Rudolphum  
Suevorum Ducem, ceterosque Rheni  
Episcopos cum exercitu ad se prope-  
rare. Qui postquam advenere, ad  
pedes eorum provolutus, per Deum  
& omnes superos orat, ne se deserant,  
nec regiam majestatem tanto probro  
Germanicæ nationis proteri sinant. Sed  
immemor, quali ipse probro primus,  
post tot præclaros & religiosissimos  
Germanicæ nationis Reges & Impera-

tores, flagitiosa sua vita sacram illam  
majestatem Imperii contaminasset. His  
tamen illi suis lacrymis milites, qui  
aderant, ad lacrymas commovit. Inter-  
im Episcopi & Principes, qui con-  
venerant, alii, ommissa expeditione Po-  
lonica, statim in Saxones eundum,  
vindicandamque Regis injuriam: alii  
non præcipitanter agendum censebant,  
quod Saxones dicerent esse gentem  
bello acerrimam, & exasperatam, quo-  
rum causæ bellorum primum audien-  
dæ & cognoscendæ essent; ideoque  
ad Rhenum prius redeundum; ut cor-  
roboratis viribus tutius peterentur ar-  
mis. Quorum sententia cum prævale-  
ret ad Rhenum castra sunt reducta.  
Rex Triburiam concessit. Ceteri cum  
milite per Rheni provincias sunt disper-  
si: dum a Rege revocarentur in Saxo-  
niam.

Inter hæc Saxones expugnare Ca-  
stella, & diruere frena servitutis suæ.  
Hermannus Saxoniam Dux, expugnato  
Lunenburgo, minatus Regi, omnes  
se Suevos neci daturum, nisi Magnum,  
Saxoniam Ducem, libertati redderet;  
quod hisce minis impetratum. In hunc  
modum ceteræ Saxonum copię ceteris  
Castellis admotæ; inter quæ præcipu-  
um Hartesburgum, Heimenburgum,  
Moseburgum, Saffesteinium, Witgan-  
steinium, Asenberga. Sollicitus Rex,  
ne omnia simul perderet, rogat Mo-  
guntinum & Coloniensem, ut rebus  
turbatis remedium adferrent. Hi etsi  
causam Regis minime probarent, re-  
tamen dissimulata, ad 9. Calend. Se-  
ptembris procures Corbejam evocant.  
Ubi cum Moguntinus coram, & Co-  
loniensis per legatos frustra Saxonum  
animos componere tentassent, alium  
conventum 13. Calend. Novembris in  
villa Gerstengum ad fines Hassiæ &  
Thuringiæ indixere. Adfunt Saxones  
ad constitutum diem, 4000 armato-  
rum comitatu; adfunt & a Rege (qui  
Herbipoli eventum præstolabatur)  
missi, Moguntinus, Colonienfis, Me-  
tensis, Bambergensis Episcopi: Gode-  
fridus Lotharingorum, Rudolphus  
Suevorum, & Bartholdus Carentino-  
rum Duces. Regiis legatis Saxones  
advoluti supplices rogant cum primis  
demisse, uti intenti cognitores, &  
æqui judices esse velint; tum singuli  
Regis injuriam & flagitia commemora-  
re,

Saxones  
omnia un-  
dique vo-  
stant.

Conventus  
Principum  
in vill. Ger-  
stengum,  
ubi consilia  
de alio Re-  
ge eligendo  
agunt.

re, obstupescantibus legatis mirantibusque, quæ cum propria uxore, quæ cum sorore Abbatissa Quidlenbergenſi, quæ cum præstitutis passim matronis perpetrasset, qua patientia hæcenus ista ferre potuerint, quin citius ad arma convolarint. Quare commune omnium consilium fuit, laboranti Reipublicæ alio Rege eligendo subveniendum esse. Id consilium, ut tegetur, palam decernunt, Saxones pro admissa temeritate Colonia Regi in Natali Christi satisfacerent; Rex vero admissorum impunitatem, & injuriarum posthæc securitatem jurejurando certam redderet. Lætus hoc Senatus consulto Rex, Heriboli Ratisbonam proficiscitur. At ubi comperit pro alio Rege eligendo consilia agitari, æstare rursus cœpit, Moguntinumque & Colonienſem appellare, obnixè rogando, ut Saxones a Castellorum oppugnationibus abducant, ac breves saltem inducias impetrent. Hi etsi scirent parum se effecturos, ne tamen a Rege toti averſi apparerent, proxima post Epiphaniam hebdomada rursus conventum Principum ac procerum Corbeie indicunt.

Subrogatus illi Hildebrandus, omnium Cardinalium & Episcoporum consensu, ac Gregorius VII appellatus, *Vir sacris literis, ut Lambertus scribit, eruditissimus, & per omnem Ecclesiam jam ante virtutum fama celeberrimus.* Is Alexandri exemplo inhærens, duo cum primis mala, Simoniam & concubinatum Sacerdotum (quæ vitia, pravo Regis exemplo, per Germaniam invaluerant) extirpanda suscepit; ideo & cum Rege collisus, & multorum etiam Scriptorum Schismaticorum iniquis scriptis traductus. Quæ tanto plausu excipiuntur ab hæreticis nostrorum temporum, quanto illi hæreditario suæ hæresis odio in Romanum Pontificem flagrant; cum tamen Pontifex hic aliorum Scriptorum judicio, quos apud Baronium & Gretzerum legas, divino munere sit datus, qui constantia animi & religionis ardentissimo fervore, collapsam Ecclesiæ disciplinam, & Apostolicæ Sedis auctoritatem asseruerit. Ejus vel inde nobis memoria prætermittenda non fuit, quod in epistola ad Annonem Archiepiscopum scribat, se in Ecclesia Colonienſi fuisse enutritum, commenderque illi castitatem cleri, & in alia etiam epistola, compositionem controversiæ; quæ ob decimas inter Osnabrugensem Episcopum & Corbejenſem Abbatem, atque Abbatissam quandam (Herivordienſem dixeris) dudum agitata, nondum decisa erat.

Mortuo Alexandro II. p. m. subrogatur Gregorius VII.

Ob sua etiam flagitia Henricus Rex postulatus est Romam ad dicendam causam ab Alexandro II. Pontifice, quem maxime offenderat, quod Abbatias & Episcopatus in aula venales haberet; sed hæc morte ipsius Pontificis abrupta, qui hoc anno 10 Calend. Maji excessit.

## Annus Christi 1074.

Gregorii VII. Pont. 2. Henrici IV. Reg. 19.

Imadi Ep. Pad. 23.

Conventus Corbeienſis in quo actum de pace.

Jam dies anti inſequentis aderat, quo Corbeie quoque conventus Episcoporum ac Principum constitutus erat. Convenere post Epiphaniam Moguntinus & Colonienſis Archiepiscopi, hortatique magnopere sunt Saxonum oratores, ut ab oppugnatione Castellorum exercitum deducerent. Indignati adhæc Saxones, negant se facturòs, objurando vehementer Archiepiscopos; quod quæſitis deliberationibus & induciis sibi opportunitatem rei bene gerendæ subtraherent, ut Regis artem & audaciam alerent; ne qua tamen pertinacia viderentur pacem deſcedare, pari omnium consensu, alius Frislarie ad initium Februarii ſtatutus est, in quo

Rex præſens objecta crimina purgaret; id ſi non præſtaret, omnium Principum ſententia ad electionem novi procederetur. Rex qui Wormatiæ Natalem Christi agebat, & modico aulae victu trahebat vitam, his Saxonum reſponſis offeſus, omnium per Imperium vires, & arma implorat. Abnuunt illi, (Moguntinus, Colonienſis, Wormatiensis, Argentinenſis Episcopi: Dux præterea Lotharingiæ, Bojariæ, Sueviæ & Carentinorum) omnem opem, palam asserendo, ſas ſibi non eſſe pugnare contra innocentes, qui extrema neceſſitate adacti, arma induiſſent. Rex nihilominus collectis, quas licuit, copiis, 6. Calend. Februarii, frigidissimo Ee cœlo,

Quæ tan-  
dem certis  
conditioni-  
bus positis  
coalauit.

cœlo, Wormatiam egressus, per rivos & constricta glacie flumina Herveldiam progressus est; cui obviam prodire 40000, castra metati in ripa Werræ amnis. Rex tanta armatorum multitudine territus, primo Abbatem Herveldiensem in castra Saxonum præmisit, sciscitatum de pace; ad quam cum non alienos se ostenderent Saxones, haud multo post quatuor misit Episcopos; & hi retulerunt, non alia lege Saxones pacem velle, quam ut castella dirui juberet: Ottoni Bojariæ Ducatum redderet: Moguntino, Colonienfi, Rudolpho Duci, omnibusque, a quibus hac dissensione offensus sit, impunitatem & libertatem daret. Dura hæc Regi visa, multumque obluetabatur; tandem persuasus a suis xv Episcopos (quos inter Imadum Paderbornensem numeres) convenire permisit, consulturos de pacis conditionibus; quas cum omnes in congressu publico, ut Saxones proposuerant, æquas probassent, Rex quoque etsi ægre in eas consensit. Tum vero Saxones Regem in Goslariensem urbem introducere & omnia fidei obsequia offerre. Sed lubricus ac fallax Rex cum rursus pacta violare tentaret, parum abfuit, quin Saxones armati in urbem incurrerent. At obstitere Liemarum Bremensis, Eppo Citicensis, & Benno Osnabrugensis Episcopi, assidui apud Regem Consiliarii, & jam ante sedibus suis exuti; qui ut sua retinerent, Regem intra pacta continuere. Inde igitur pacata Saxonia, Rex Wormatiam repetiit, & Paschate Bambergæ exacto, Nurimbergæ legatis Pontificis occurrit. Aderant illi, ut secundum decreta Romanæ synodi impias sacerdotiorum nundinationes & Sacerdotum conjugia rescinderent, collapsamque Ecclesiæ disciplinam in integrum restituerent, quarum legationem Rex illudit, irritamque fecit.

Saxones in  
demolien-  
dis castellis  
modum ex-  
cedunt.

Saxones a Regis discessu exultantes, uno omnes nisu & conspiratione castella cervicibus suis imposita evertunt, interque hæc Hartesburgum duobus miliaribus Goslaria distitum aggressi, modum excessere. Nam cum ex pacto muris tantum nudandum esset, vulgus & agricolæ ex circumpositis locis, aspectu prioris calamitatis exacerbati, conglobatique ferarum instar

non modo, quod reliquum erat, muros dejiciunt, munimentum solo æquant: sed & in sacra debacchati, fractis altaribus, direptis thesauris, disjectis Divorum reliquiis, templum elegans, quod Canonicorum congregationi paratum erat, injectis ignibus exurunt, isque furor erat, ut Regis filii, quem istuc humatum diximus, & regii fratris ossa tumulo extracta disjectaque. Adeo nihil moderatum apud plebem, laxatis semel justitiæ frenis. Magnopere hoc facinus populi perculit ipsos Saxonæ Principes; quod & se inconsultis & insciis perpetratum esset, ne ex illo violatæ pacis Rex captaret vindictam publicam. Quare legatos misere ad Regem, qui excusarent, seseque purgarent, pacem pollicendo se sancte servaturos, & castigaturos reos. At Rex efferatus, omnia maligne interpretari, minitarique ultionem: & postremum Pontifici scribere hanc violationem, qua suam simul causam adversus Saxones ostentaret æquam. Auctor est Bruno, plerosque Saxones per id tempus aut ad Regem descivisse, aut inter partes medios se quietosque gefisse, præter Magdenburgensem, Halberstadiensem, Merseburgensem, & Paderbornensem, qui Imadus fuit, Episcopos, eoque non nisi tertiam Saxonæ partem sustentasse bellum, quod Westphali cumprimis, & qui circa Misniam incoluere, auro corrupti in Regis partes secesserint. Exaggerat id factum Crantzius in Westphalis, quod Saxonum nomen perosi, inter Saxones censerì noluerint; sed quo errore, aut quanta potius injuria gentis nostræ id scripserit Crantzius, vel ex eo manifestum est, quod Westphali antiquissimi Saxonum censeantur: neque unquam nomen illud indecorum habuerint, ex quo primam gentis sibi gloriam vendicarunt. Ad pacem certe cum Rege plerosque proniores fuisse satis æstimes ex epistola Friderici Monasteriensis Episcopi ad Magdenburgensem Archiepiscopum, qui eum commonefacit, ut quocunque modo fas sit, pacem cum Rege componat.

Unde ite-  
rum exacer-  
batus Rex.

Bruno de  
bello Saxo-  
nico.

Crantzii  
l. 5. metrop.  
c. 8.

At fœda hoc anno Coloniae seditio civium, & rebellio in Annonem Archiepiscopum suum, quæ ex factione Regis & pravo Wormatiensium exemplo, qui Episcopum suum ex urbe eje-  
cerant,

Tamulus  
Coloniae  
contra Ar-  
chiepisco-  
pum.



cerant, credita est audaciam sumpſiſſe. Prolixè eam eleganterque deſcribit Lambertus. Aderat Archiepiſcopo Fridericus Mimigardevordeniſis Epifcopus ad celebritatem Paſchatis pro familiari- tate evocatus. Feſtis peractis, jubet Archiepiſcopus per miniſtros navim parari ad evectionem Epifcopi: illi dum obviam in littore prædivitis mercatoris navim arripiunt, & transportatis ex ea mercibus expediunt, oblu- tantur nautæ famulique, & rem ad mercatorem deferunt. Erat mercatori filius juvenis, audax, & magna apud cives gratia: is ad navim provolat, Archiepiſcopi miniſtros per vim extur- bat; tantoque mox tumultu urbem implevit, quo in ipſam primus Archiepiſcopi cum Mimigardevordeniſi Epifcopo cœnantis domum factus eſt im- petus. Tela furioſe contorquent, ſaxa jaciunt, fores perfringunt, caſis- que obviis omnia diripiunt. Inter hæc Epifcopi clam elapſi in vicinam D. Pe- tri Baſilicam, fores vectibus, & ma- gnis molibus obfirmant: inſequuntur conglobati cives, Baſilicam obſident, telis ſaxisque oppugnant. Ibi cum Archiepiſcopi miniſtri fortiter obſiſterent, & Baſilicam caſtelli inſtar defenderent, producta eſt in ſeram veſperam oppu- gnatio; dum beneficio noctis Archiepiſcopus per anguſtum exitum elapſus, penetraret in ædes Canonici muro Ci- vitatis inhærentes; repertoque iſtic oſtio, quo per muros deſcenſus pate- bat, noctu Novesium incolumis per- venit; quem Monasterienſis Epifcopus eadem via per tenebras ſubſecutus eſt. Cives poſtquam inter ſpolia omnes Ba- ſilicæ angulos ſcrutati, didicere Archiepiſcopum elapſum eſſe, Regem citatis nunciis invitant ad urbem. Sed prius- quam ille adeſſe poſſet, omnes per

provinciam incolæ, audita tanti ſui præſulis injuria, ultro accurrunt; quartoque poſt die Archiepiſcopus ſte- tit ad urbem cum exercitu. Quo con- ſpecto, cives ſe ad arbitrium Archiepiſcopi permiſere; quos ille expiato per publicam pœnitentiam ſeelere, in gratiam recepit. Sexcenti mercatores, conſcientia perpetrati facti, ad Henri- cum Regem profugerunt. Urbs exin- de, tanquam & Deus ſe vindicem hu- jus injuriæ in ſanctiſſimum Epifcopum ferret, in ſolitudinem prope redacta eſt.

Producunt Colonienſium ſcripto- res præclaras tabulas ab Annone Ar- chiepiſcopo menſe Octobri conſignatas, quibus de controverſis inter Coloni- enſes & Novieſenſes Eccleſiæ bonis tranſactum. Teſtes hujus compoſitio- nis inter ceteros conſignantur Aufridus Trajeſtenſis & Meginhardus Pader- bornenſis Epifcopus; cum tamen ex omni Epifcoporum noſtrorum nume- ro nullus inter hos Meginhardus; Meinwercus, opinor dicere voluerunt; ſed nec ille, nec Aufridus hæc tempo- ra attigit; obiit enim Aufridus anno Chriſti 1008, ut faſti Trevirenſium Epifcoporum docent, quocum Mein- wercus etiam Ottone Imperatore vixit, ut in his Annonis literis error obrepſe- rit, cum non alius hoc anno Paderbor- nenſis Epifcopus, quàm Imadus no- ſter, qui teſtis eſſe potuit. Quare ve- riſimile habeas, bis in cauſa hac con- ventum fuiſſe, ſemel ſub Heriberto Archiepiſcopo circa annum 1008, cui tractationi Meinwercus interfuerit; ite- rum ſub Annone Archiepiſcopo, in quo congreſſu hæc controverſia tandem deciſa eſt.

Gelenius in  
auſar. ad  
vitem S.  
Engelberti.

## Annus Chriſti 1075.

Gregorii VII. Pont. 3. Henrici IV. Reg. 20.

Imadi Ep. Pad. 24.

Conſequitur nunc annus MLXXV, Saxoniz funeſtiſſimus, mitior Weſt- phaliæ, quod & Epifcopus noſter, & Fridericus Monasterienſis, ceterique Epifcopi ac Comites per Weſtphaliam conjuratione Saxonum jam ſeſe ſub- duxerint: neque Henricus, Rex tam Weſtphalis, quam Oſtphalis & Thu- ringis jugum ſervitutis intenderit. Rex

ſuperioris anni vaſtatione, qua Hartes- burgum everterant Saxones, efferatus, per ſuperiorem Germaniam Principes & populos ad bellum ſollicitat; cele- bratiſque Argentorati Natalitiis Chriſti, Moguntiam deſcendit. Inde Worma- tiam digreſſus, ibidem Paſcha peregit, convocatis in concilium Principibus Re- gni, quos ad VI Junii Herveldiæ cum

Regis in Sa-  
xones, &  
horum in  
Regem nos  
va conſpi-  
ratio.  
Auſar. ano-  
nym de bello  
in Saxon.  
Poeta de  
bello Saxon.  
Marian.  
Scot. Urſb.

E e c 2

inſtru-

Lambertus  
Bruno de  
bello Saxo-  
nico.

instructis copiis adesse iussit, in Saxoniam ducendis. Horum alios precibus, alios promissis, quosdam minis attraxerat ad arma. Saxones & Thuringi, cum crebris legationibus nihil ab obfirmato Rege, neque a ceteris Principibus obtinerent, sæpeque etiam eorum legati cum probro rejecti essent, denuo conjurant. Quos inter Principes Wicelus Magdenburgensis Archiepiscopus, Bucco Halberstadiensis, Otto exauكتورatus Dux Bojariæ, Hermannus & Magnus Duces Saxoniae: præterea Marchiones ac Comites, ac tota nobilitas cum conjuratis populis; offerebantque Luititii Sclavi Polonique, si quid interea Dani molituri essent pro Rege, Saxonibus suam operam: his recreati brevi ingentem contraxere exercitum.

Expeditio  
Regis in  
Saxones.

Pentecoste WORMATIÆ celebrata indixit Rex professionem. Convenere Rudolphus Dux cum Suevorum, Welfus Dux & Ernestus Marchio cum Bavavorum, Bartholdus cum Carentinorum, Godefridus cum Lotharingorum, Theodoricus cum Mosellanorum exercitu. Evocati & Episcopi cum suis copiis, quos inter Colonienſis se excusavit, quod impium diceret bellum a se expeti contra fratrem Magdenburgensem, & Consobrinum Halberstadiensem Episcopum. Jussi & Abbates adesse cum milite subsidario, adeoque Wideradus Fuldenſis Abbas, etsi alteropede claudus, & paralyſi dissolutus jaceret, ad castra vehiculo raptus. Aderat & Dux Bohemorum, tanto agmine militum stipatus, ut se solum bello huic Saxónico gerendo jactitaret parem. Utrumne Westphali copias suas submiserint, non reperio auctorem, præter Poetam, qui hoc bellum carmine descripsit, a quo Ripuarii, Belgæ, Westphali, & Frisii memorantur accessisse. Tantus per hæc confluit & Teutonicorum exercitus (ut Lambertus refert) quantus a nullis retro sæculis est numeratus. Quo impius primum Rex per civilia bella ferrum contorsit in viscera Saxoniae, quod in Barbaros circum hostes, majorum exemplo, distringendum erat.

Varia Regis cum Saxonibus conflictus.

Pervenerat jam Rex cum exercitu ad fines Thuringiæ, missisque exploratoribus didicit, Saxones numero

haud impares esse; verum ita suis fretus erat, ut diceret, nec a ferrea, nec adamantina acie robur suæ multitudinis perfringi posse. Consistebant Saxones prope Neustadium ad Unstrutum flumen: bidui itinere aberant regia castra. Ibi cum intelligeret Rex inter epulas & procula Saxones belli curas tractare, præcipit iter, famamque adventus prævertens, constitit ante castra Saxonum; quæ omnia consilio Rudolphi Suevorum Ducis agebantur; Saxones inopinata re primum consternati, mox resumptis animis, non expectato signo, e castris prorumpunt, unoque in hostes impetu feruntur. Aliud eodie, quæ quinta Julii erat, confertum est prælium, qui Saxonum erat furor; ac primum Suevi, post Bojarii averſi in fugam. Jam tota acies Regis inclinabat, cum a Rege submissi Lotharingi, Bohemi, ceterique Germani multitudine Saxones obruunt, & in fugam compellunt, frustra oblucente Ottone Duce, Saxonum Hectore, Decertatum a meridie in vesperam, magna utrimque strage; Victi quidem Saxones, & trans flumen Unstrutum compulsi; sed magna pars e nobilitate Regis desiderata. Quare & biduum Rex in sepeliendis militibus consumpsit. E Saxonibus occubuit fortissime pugnando Gebhardus pater Lotharii Imperatoris, quem ante paucos dies in lucem susceperat. Sævit a pugna Rex in Saxones; nec tamen ultra Halberstadium progressus, cum Saxones & Thuringi haud multo post Magdenburgi rursus in acie consisterent. Hinc reducto e Saxonia exercitu, iussit ad ii Calend. Novembris ad expeditionem convenire in Gestengen. Inter hæc Saxones Hecilonem Hildesensem Episcopum cum legatis mittunt ad Regem, atque ad omnia æqua se offerunt. Rex ad ea obfirmatus rursus in Saxoniam movet, Rudolpho licet Suevorum, Welfo Bojariorum, & Bartholdo Carentinorum ducibus, bellum detrectantibus, quod implacabile Regis ingenium aversarentur, & fundi Saxonum sanguinem, non æqua satis causa probare possent. Rex interim collectis ceterorum populorum copiis, cum exercitu progressus Gestringam, quod nunc oppidum est ad confinia Hassiæ & Thuringæ. Occurrere armati Saxones & Thuringi ad Northusium, & numero Regi pares,

Marianus  
Scotus.

res, & animis od pugnam alacriores, uti Bruno perhibet; sed ne per ipsos civili sanguine misceretur Regnum, rursus Archiepiscopum Bremensem Liemarum, Hecilonem Episcopum Hildesensem, & Udonem Marchionem legatos mittunt ad Regem, obnixè postulatam, ut in castra ad se mitat, qui de pace transigant, quod pronos se paratosque ad omnia offerrent, quæ æqua peti possent. Triduum ea Regis cunctatio tenuit; tandem missi a Rege Moguntinus & Salisburgensis Archiepiscopi, Augustanus & Herbipolensis Episcopi cum Godefrido Lotharingæ Duce, a quibus per preces inducti, ut Regi se dederent, sancte ex clementia Regis promittentes, quod a victoria sperare possent. Tandem post longam disceptationem Regi se dedunt; productique in castra regia venere Wicelo Magdenburgensis Archiepiscopus, & Bucco Halberstadiensis Episcopus, Otto Gottingensis exautoratus Dux Bojariæ, Magnus Dux Saxonie, Hermannus Comes patruus Magni, Fridericus Palatinus Saxonie, Theodoricus Comes de Cadalenburg, Adalbertus Comes Thuringie, alique Dynastæ, & viri e prima nobilitate Saxonica, cum ingenuis, quos virtus bello claros fecerat. Hos Rex distributos inter Principes suos in custodiam abripuit; nec multo post violatam buam dederat, fide, in extremas Regni partes, vel extra Germaniam in exilium deportari iussit. In hunc modum fallendo magis artibus, quam prælio victor, Castella reparari mandat; peractoque Wormatiæ D. Martini festo die, in Saxoniam rediit, & Christi Natalitia Goslariæ celebravit, tam invisus omnibus, quam perfidus in subditos. Hic exitus belli Saxonici, de quo eorum temporum Scriptores pro partium studio diversa tradidere, aliis Regis, aliis Saxonum causam attollendo, quos inter nemo mihi Lamberto vel æquior vel certior visus.

Cœnobii Monachus diligenter perscripsit, quem uterque in vita & post obitum multis miraculis clarum exhibet, Sidus certe Germaniæ & columnen religionis per hæc conturbata tempora; quem & Fridericus Monasteriensis, & Imadus Paderbornensis, ceterique integriores Saxonie Episcopi ex intima familiaritate, ut sapientissimum magistrum, Archiepiscopum, ac patrem suum coluerunt; quando, ut Auctor vitæ Meinwerchi memorat, hi tres Episcopi Anno, Fridericus, & Imadus inter tyrones cœlestis militiæ Paderbornæ in claustrum religionis disciplinæ sub Meinwerco & literis & sanctis moribus exculti simul adolevere, & singuli postea lumina Ecclesiarum suarum proluxere in clero & populo; quibus nihil unquam cum corrupta Regis aula, cum pessimis Regis consiliis bellisque commune fuit. Et Imadus, qui totus erat in ordinanda Ecclesia sua ac disciplina cleri conservanda, hoc anno prædium Morongam, quod Meinwerkus a D. Henrico Imperatore donatum, destinatumque ad Clericorum sui Collegii alimenta acceperat, quodque Rotho Episcopus secundum donantis mentem Clericis attribuerat, ipse vero, ut Meinwerkus ante fecerat, ad Episcopi bona retraxerat, nunc cognito damnatoque tandem errore suo, Collegio fratrum ita reddidit, ut perpetua sanctione firmum maneret. Quam in rem ipsas Imadi literas, quas in crypta ad primorum Episcoporum sepulchrum consignavit, hic exhibemus.

Auctor vitæ  
Meinw.  
n. 52.

Imadus re-  
stituit Ca-  
nonicis suis  
prædium  
Moronga-  
num.

*Notum sit omnibus tam futuris quam præsentibus, qualiter Imadus Paderbrunnensis Ecclesiæ Episcopus, memor humanæ fragilitatis, & æternæ in Christo retributionis, pro animæ suæ suorumque prædecessorum, Meinwerchi scilicet & Ruodonis Episcoporum remedio, nec non & pro divæ memoriæ Heinrici Regis, & primi Imperatoris, piæ recordationis, affectu curtem Moronga, in pago Moronga situm, & ab ipso Heinricho Imperatore eidem Paderbrunnensi Ecclesiæ ad vestitum fratrum jam traditam, a Meinwerco Episcopo retentam, a Ruodone vero Episcopo ejusdem Successore postea fratrius redditam, ab ipso autem hac usque injuste possessam, patris & filii & spiritus sancti tactus miseratione, & fraterna am-*  
*monitus*

Annum præterea hunc, ut idem Scriptor perhibet, multis calamitatibus insignem, potissimum lugubrem fecit obitus Annonis Colonienfis Archiepiscopi, quem secundo Nonas Decembris mors subtraxit. Res ejus præclare gestas sanctissimamque vitam cum idem Lambertus, tum Sigebergensis

Mors S. An-  
nonis Ar-  
chiep. Col.  
Lambertus.  
Sigebergensis  
Monachus.  
Scribit in  
Decemb.

monitus caritate, salubri pœnitentia ductus, fratribus suis ipsius Ecclesiæ Canonicis ad vestitus sui supplementum absque omni contradictione reddidit. Ea videlicet ratione, ut unus fratrum præter Episcopum & Præpositum eligatur, cui cum fraterna electione, & Episcopali consensu, hujus obedientiæ cura ingeratur: qui fideli dispensatione fratrum commoditati provideat, & bene administrando æternæ retributionis præmia acquirat. Quod ut inconvulsam & stabile jugiter permaneat, bannis episcopalibus confirmavit, & manu propria subscripsit, ut si quis unquam hanc ratam confirmationem voluerit infringere, perpetuo cum Jûda proditore feriatur anathemate. Ego Imadus divina favente clementia Episcopus manu propria subscripsi. Actum Dominicæ Incarnationis Anno MLXXV. Indict. XIII. Regni autem Heinrici IV. XIX Episcopatus vero Imadi XXIV. XV Calend. Septembris in crypta Paderbrun. Ecclesiæ, juxta sepulchrum Episcopo-

rum, coram omni cleri & populi conventu & præsentia feliciter Amen.

Satis hæc literæ insignem Episcopi, satis cleri sui disciplinam, quem in claustrò adhuc, & in communi vitæ societate continebat, testari poterunt. Quemadmodum D. Annonis, Friderici Monasteriensis, ceterorumque integerrimorum per Saxoniam Episcoporum cura ac studium in hoc eminebat. Nec multum hac dispositione, donationeque Clericis suis ad sepulchrum primorum Episcoporum facta, superstes fuit Imadus; tanquam ad id monitum in cryptam ad ossa primorum Episcoporum, quæ ipse in unum tumulum collegerat, Clericos suos convocasset, ut mortem quoque suam brevi imminere, prælagò monitu, indicaret: aut tanquam sancti illi Episcopi, quorum ossa composuerat, e turbulentis hisce temporibus ad suum in cœlis consortium invitassent.

## Annus Christi 1076.

Gregorii VII Pont. 4. Henrici IV. Reg. 21.

Imadi Ep. Pad. 25. & ult.

Imadi obitus.  
Lambert.  
Gobelin.  
asat. 6. e. 55

Ejus virtutes.

Qui consequitur annus MLXXVI, sub initium III Nonas Februarii, ut in necrologio Abdinghoviano, Bustorfiano, & Herisienfi notatum est, Imadum ex hac mortali vita ad immortalem sustulit. Annum hunc obitus præterea consignavit Lambertus Schafnaburgensis, & Gobelinus, satisque ex Successore Poppone, de quo post referemus, constabit. Quapropter fallitur Bruschius & Kerfenbrochius, qui mortem ejus ad sequentem annum referunt Præstantissimus certe, ut Crantzius eum commendat, Episcopus per viginti quatuor annos, quibus Paderbornensem Ecclesiam administravit, quemadmodum hæc, quæ de illo hætenus perscripsimus, commonstrare poterunt. Nam & Clerum suum primum intra claustrum communis vitæ, ut a Meinwerco Episcopo consanguineo suo, primisque Episcopis acceperat, pro veteri instituto continuit, & scholas Gymnasiumque omni scientiarum, & virorum doctissimorum numero habuit florentissimum, supra, quam omnes fere superiores Episcopi; quod & ipse præsul per id tempus omni li-

terarum genere esset eruditissimus, amantissimusque studiorum; uti hæc supra ex auctore vitæ Meinwercki relata sunt. Quæ singula illustrabat perpetuæ castimoniæ decus, religionis conservandæ proferendæque fervor, vitæque per omnia virtutum ornamenta integritas, qua constantia animi ad senium pervenit; nec promissis, nec minis adduci unquam potuit, ut ad Henrici impii Regis partes transiret, aulamve sectaretur, qui a Meinwerco educatus in clero, sub aliis religiosissimis Imperatoribus ac Regibus ætatem traduxerat: nec ulla vitiorum monstra conspexerat, quæ hoc Rege primum Ecclesiam ingredi cœperunt. Multas quidem hujus Regis donationes Ecclesiæ Trajectensi, Hildesimensi, aliique, quarum Episcopos Rex ille sibi familiares habuit, factas lego, nullam tamen Paderbornensis Ecclesiæ ab Henrici liberalitate reperio; tanquam Regem hunc Episcopus semper averfatus, nec muneribus ejus capi voluerit, ne in societatem depravatæ aulæ Regisque veniret. Ac mihi percentsenti omnem Imadi vitam dignus is videtur, quem

inter


Inter fan-  
ctos Saxo-  
niae Episco-  
pos merito  
cenfendus  
Imadus.

inter primos sanctissimosque Saxoniae Episcopos numerem; quo prisca cleri disciplina, & vitae sanctioris vigor servatus sit, quem suomet exemplo ipse prius omnibus impresserit. Eo nunc cum antiquitate querimur, tam rara de tam egregio Episcopo ad nos pervenisse, ut nec sepulchri locus amplius monstrari possit. Id tantum reperimus, in necrologio Cathedralis Ecclesiae statutum, consuetumque fuisse, in annuo mortis die sacrificium funebre ad aram sub turri constructam peragere, tanquam in proximo aliquo, & inferiori Basilicae loco, aut ad limina turris humatum corpus fuerit. Lege veteri forsitan adhuc obtinente, ne templa mortuorum cadaveribus foedarentur, dum sensim mos sepeliendi in interiora, atque ipsos etiam choros penetraret. Qua religione ipse Imadus ossa primorum Episcoporum collegit, & in crypta, choro substructa, condidit; ac Meinwercus etiam in crypta Abdinghovianae Basilicae humari voluit. Interim tanta Imadi, apud posteros existimatio virtutum, fama-que sanctitatis relicta fuit, ut Bernardus Episcopus noster, eo nomine IV, perpetuum cereum in anniversaria mortis die ad tumbas Rothonis & Imadi Episcoporum accendi ardereque voluerit. Quam in rem ipsas Bernardi Episcopi tabulas producimus.

In nomine sanctae & individuae Trinitatis, Bernardus IV Dei gratia Pa-

therbornensis Episcopus. Universis Christi fidelibus hujus paginae inspecto-ribus in perpetuum. Ne ea, quae rationabiliter acta sunt, processu temporis evanescant, praesentibus ac futuris Christi fidelibus notum esse cupimus, quod ad frequentem instantiam Abbatis & conventus de campo S. Mariae, & maxime propter Deum, & etiam propter temporale subsidium benigne annuimus & licentiamus, quod sylva sterilis & inutilis pertinens praedio curiae in Stapelbagen, quae dicitur Elmenebroke, ad usum praedicti conventus extirpetur, hac conditione, quod pro decima, quae inde provenire posset, quatuor librae cereae annuatim in festo S. Galli Custodi majoris Ecclesiae praesententur, de quibus libris cereus de libra & media in anniversario sancti Rothonis, & alius cereus aequi ponderis in anniversario sancti Imadi Episcoporum ponentur ad eorum tumbas. Ne quis igitur factum nostrum per aliquam calumniam possit in irritum revocare; praesentem paginam, hujus rei seriem continentem, sigillo nostro in memoriale sempiternum fecimus communiri. Hujus rei testes sunt Hermannus Camerarius, Volbrat de Elsen, Conrad Custos, Magister Joannes, Johan de Elsen, Albertus presbyter, Bertholt Vicarius, Johan Notarius, & alii quamplures. Actum hoc anno Dom. MCCXXXVII. Indictione X. Anno Pontificatus nostri nono. Idus Januarii.

Forma



Sigilli.

Præclarum hoc Bernadi Episcopi testimonium de Rothone & Imado. Nam dum tumbam utriusque Episcopi, ad quam anniversarius ille cereus est positus; dum præterea sancto nomine utrumque decorari legimus, proum est in eam cogitationem venire, jam altero ab obitu saeculo utriusque ossa humo levata ac publico etiam honori & cultui proposita fuisse; quales ætas illa ex

viva adhuc cœlestium beneficiorum memoria, ex publica veneratione, consensuque populi, & Episcoporum judicio inter Divos coluit. Verum ut seignius posteriusque ævum nobis primorum Episcoporum res gestas; ita hunc pietatis quoque cultum obscuravit: neque hæc ipsa constarent nisi ex hisce antiquitatum tabulis Ferdinandi Episcopi nostri beneficio in lucem venissent.



# P O P P O XIII.

## EPISCOPUS PADERBORN.

Annus Christi 1076.

Gregorii VII. Pont. 4. Henrici IV. Reg. 21.  
 Popponis Ep. Pad. 1.

**S**ublato Imado Episcopo, sedes per aliquot menses vacua sine Episcopo est relicta, per turbulenta, quæ intervenerant, Regis tempora: quod subtracta clero libertate eligendi Episcopum, ipse sibi, per Germaniam & Saxoniam cūprimis, vendicaret potestatem imponendi Episcopos, quos ad sua studia & consiliorum machinationes obnoxios haberet.

Henricus  
 Rex pergit  
 vexare Saxones.  
 Lambert.  
 Bruno.  
 Ursberg.  
 Marian.  
 Scot.  
 Sigebert.  
 Barthold.  
 Dominico  
 presbyt.  
 in vita Mas-  
 zildis.  
 Auctor vita  
 Anselmi  
 Lucensis  
 Episcopi.

Rex vero a Natali Christi Goslariæ hyemem hoc anno 1076 agebat, solum intentus ad vexandos Saxones, quos jam sub jugo servitutis tenebat, Ducibus eorum apud diversos suæ factionis Episcopos & proceres in castellis & captivitate detentis; nec illorum solum vitæ insidiatus, sed Rudolphum Suevorum, Bertholdum Carentinorum, ceterosque, quos hætenus fidos habuerat, per insidias obtruncare molitus est. Uti hæc Bruno scribit; memoratque idem Auctor, Henricum Regem, dum quadam die cum scurris & mimis versaretur in cubiculo, & Episcopi ceterique primates excubarent in vestibulo, dixisse ad assentatores suos. *Ecce isti sunt, qui regni mei divitias habent, & me meosque in paupertate reliquerunt; quod si illi de medio essent ablati, ego cunctique mei familiares, quantis opibus abundaremus? Quare si viri estis, & divitias petitis, istos nunc Episcopos fortiter invadite, & omnia quæ possident, accipite.* Dictum hoc magno plausu arripiunt hæretici nostri, haud secus quam Bennonis & ceterorum Schismaticorum scripta attolluntur ab aliis, qui impii Regis patrocinium suscepe-

runt. Sed immemor Rex hæc bona a Carolo M. Ludowico Pio, ceterisque religiosis Imperatoribus ac Regibus donata esse Episcopis, clero, & Abbatibus; ac nunquam bello paceque Imperatores ac Reges ante ipsum feliciores fuisse, quam cum Episcoporum opera & precibus pugnarent. Palam olim fassus Carolus M. plus se eorum patrocinio apud Deum, quam omni militari manu adjutum in bellis. Sat potens futurus erat Rex, si scurras & mimos, si concubinas ac perfidos ministros, si bella civilia intermisset. Verum in quas nunc turbas & calamitares mox est conjectus? Goslariam quidem ille omnes Regni Principes convocarat ad comitia, ut consuleret, quid de deditorum Saxonum capitibus faciendum esset; sed præter Bohemiæ Ducem pauci convenire, jam Regis perfidiam & crudelitatem averfati; id tamen a præsentibus obtinuit, ut filium, quem habebat admodum puerum, Regem acceptarent. Ibi ex deditis Saxoniarum Principibus Otto Gottingensis receptus in gratiam, quod hunc virum plus ceteris ob bellicam virtutem & prudentiam vereretur. Sed Otto quam gratus exinde Regi, tam invisus ceteris Saxoniarum Principibus. Aderant per id tempus Goslariæ Colonienfium legati, a clero & populo missi, sollicitantesque in locum Annonis Archiepiscopi successorem. Quibus Rex Hildolphum quendam Goslariensem Canonicum obtulit, hominem statura parvum, vultu deformem, genere obscurum, omnibusque scientiæ & virtutum præditiis destitutum, quibus tanti sacerdotii munus sustineret; quem cum legati abnue-

In conven-  
 tu Goslari-  
 enti filius  
 ejus Rex  
 acceptatus.

Hildol-  
 phum Hen-  
 ricus Colo-  
 nienfibus  
 offert Epi-  
 scopum.



abnuerent, re infecta, rediere Coloni-  
 am. Sed ejusmodi Episcopos qua-  
 rebat Rex, quibus factionem suam  
 prae muniret. Interque hos lascivos eti-  
 am juvenes Bambergensi, & Spirensi,  
 aliisque Ecclesiis obtruserat, monstra  
 potius Episcoporum quam Episcopos;  
 quod inter cetera quoque ejus crimina,  
 quibus Ecclesiae per Germaniam &  
 Saxoniam defcedabantur, damnabat  
 Romanus Pontifex, secus quam parens  
 & avus ceterique religiosissimi Impe-  
 ratores fecerant, a quibus probati ma-  
 turique in clero viri, aut praestantes  
 Cœnobiorum Antistites, ob virtutem  
 & sapientiam delecti Episcopi. Sed  
 mox Goslariam accessere ipsi Romani  
 Pontificis Gregorii VII legati, qui Re-  
 gem postulavere Romam, ut de cri-  
 minibus ipsi objectis causam diceret in  
 Episcoporum synodo; id nisi faceret,  
 fore ut publico Apostolicae sedis judi-  
 cio ab Ecclesiae corpore abscinderetur.  
 Hæc legatio vehementer perculit Re-  
 gem; statimque abjectis cum gravi  
 contumelia legatis Romanis, Worma-  
 tiæ synodum Episcoporum indixit,  
 jussitque Dominica septuagesimæ præ-  
 sentes esse; haud alio pravorum suo-  
 rum ministrorum consilio, quam ut in  
 ea Gregorio VII. Pontificatum abroga-  
 ret; tanquam cum regno supremum  
 sacerdotium consecutus esset. Conve-  
 nere præter Abbates in hanc synodum  
 xxiv Episcopi Germaniæ, quos inter  
 Ursbergensis, & Albertus Staden-  
 sis nullum Saxoniae Episcopum interfuisse  
 scribit. Quanquam ex his Liemar-  
 us Bremensis, & Benno Osnabrugensis  
 praesentes fuere, perpetui a latere Re-  
 gis comites, aulaeque ministri. Quod  
 vero Stumphius in historia Heliatica  
 Imadum Paderbornensem Episcopum  
 nostrum huic synodo praesentem sistat,  
 magnopere hic scriptor fallitur, cum  
 jam ante Imadus III Nonas Februarii,  
 ut diximus, excesserit e vita, & Gre-  
 gorii VII. Pontificis & Apostolicae Se-  
 dis studiosissimus fuerit. Igitur cum  
 in eo conventu, praesente Rege, com-  
 plures essent Episcopi, quibus exosa  
 esset Pontificis auctoritas, severitasque  
 in castigando cleri concubinato, & Si-  
 moniae malo (ob quæ vitia tot Episto-  
 las scripserat ad Moguntinum, Colo-  
 niensem, & Salisburgensem, ceteros  
 que Archiepiscopos, & Episcopos)  
 facile Rex eos in suas partes attraxit.

Et cui jam mirum, Deo vindice, tot  
 calamitatibus Germaniam involutam,  
 quam tot fœda libidinis & Simoniae  
 mala, corrupta Ecclesiae disciplina, vi-  
 tiarant? Accessit per id tempus Hugo  
 Blancus Cardinalis, a Pontifice ob pra-  
 vos mores ejectus, Wormatiam, &  
 congregatis Episcopis obtulit libellum;  
 falsis in Pontificem accusationibus ple-  
 num. Episcopi, qui factionis erant  
 Regiæ, pronunciarunt, Gregorium vi-  
 deri indignum, qui Pontificatum gere-  
 ret, & cui ceteri per Germaniam Epi-  
 scopi obedirent. Auctor horum Wil-  
 helmus Ultrajectensis Episcopus, homo  
 fictus factusque ad Regis ingenium;  
 quantumvis id Scriptores ejus Ecclesiae  
 dissimulare velint. Obstitere his acriter  
 alii Episcopi, Gebehardus cumprimis  
 Salisburgensis Archiepiscopus; Adal-  
 bero Wirceburgensis, Hermannus Me-  
 tensis, Adalbertus Wormatiensis, Alt-  
 mannus Pataviensis, Ellenhardus Fri-  
 singensis, Cibo Tullensis Episcopi,  
 asserentes iniquum esse Episcopum ali-  
 quem nullis adductis testibus, nullis  
 probatis criminibus condemnare: ne-  
 dum Romanum Pontificem, sacrosan-  
 ctum Episcoporum caput, adversus  
 quem, legibus & more malorum, ne-  
 que Episcopi, neque Archiepiscopi re-  
 ciperetur delatio. Quorum judicio,  
 pressus Wilhelmus Ultrajectensis, non  
 a se, inquit, exauctorari Pontificem,  
 sed id agi, ut se ultro abdicaret. Sto-  
 lida synodi sententia, primam sedem,  
 quæ a nullo judicatur, paucorum in  
 Germania Episcoporum judicio posse  
 damnari. Interim ex hoc nefario de-  
 creto in gratiam Regis missi legati Ro-  
 mam, qui hæc Pontifici denunciarent:  
 missæque per Imperium literæ, quibus  
 vetitum ullam Pontifici obedientiam  
 obsequiumque præstare. Ita vero fœ-  
 dum illud & funestum schisma inter sa-  
 cerdotium & regnum exortum,  
 quod tot annis afflixit Germaniam.

Rex e conventu Wormatiensi Gos-  
 lariam rediit; ac veluti jam omnium  
 securus, in Saxones favire cœpit: de-  
 ditos Principes in ultimas provincias  
 relegare: bona eorum aut Fisco addi-  
 cere, aut diripere; in ceterorum pos-  
 sessiones spoliis atque igne grassari. Ca-  
 stella alia super alia exstruere. Sed  
 priusquam Goslaria discederet, pridie  
 Nonas Martii Colonensem Archiepi-  
 scopum

Beka.  
 Heida.  
 Bucherius

Hildolfum  
 per Traje-  
 ctensem  
 Episc. conse-  
 crari curat.

scopatum Hildeboldo, de quo ante relatum est, dedit, frustra obtridente clero Colonienſi. Ac ne quæ populi ſeditio interveniret, ipſe Coloniam eſt profeſtus; & Wilhelmo Ultrajectenſi Epifcopo Hildeboldum conſecrandum obtulit; quem ut ad id promptum haberet, Conſobрино ipſius Epifcopatum Paderbornenſem, jam Imadi morte vacuum, promiſit. Verum an is Conſobrinus Poppo fuerit, Imadi Succellor, Lambertus, qui id ſcripſit, non plane dixit; tamenſi verifimile habeas, Fuit enim Wilhelmus, ut Heida ſcribit, frater Comitſ Gelriæ, ſeu Wichardi Præfecti, quem Vernacula lingua Vochtetum dicimus, filius Widekindi præfecti.

Heida in  
Episcop.  
Ultraject.  
Chron. Gel-  
ria.  
Scrivenerus.  
Bucherius  
in notis.  
Poppo ex  
familia Dy-  
nastarum  
de Holte.  
Kerſenbro-  
chius.  
Bruschius.  
Northov.  
in chron.  
Marcano.  
Meibom.  
in not.  
Erſman. in  
chron. Oſna-  
brug.  
Galenius.

Præpoſitus  
Bambergensis,  
magui  
Zeli.

Poppo vero Epifcopus noſter, cujus magiſtratum ſacrum hoc anno ordimur, ex familia Dynaſtarum de Holte traditur a ſcriptoribus noſtris. Clara hæc per id tempus in diœceſi Oſnabrugeniſi, multique ex ea viri ſago togaque præſtantes. Arx horum Dynaſtarum quinto ab urbe Oſnabrugeniſi lapide olim ſita, præmunitaque, ex qua multum moleſti Oſnabrugeniſibus viciniſque Epifcopis fuere. Philippus Oſnabrugeniſium Epifcopus, adjutus ope Comitſ Ravensbergenſis, arcem ſeptenni obſidione fatigatam expugnavit, fregitque potentiam familiæ, ex qua poſtea Eccleſia Colonienſis Wicboldum LXXVII. Archiepiſcopum circa annum Chriſti 1297. ſortita eſt. Sed Poppo noſter hanc prius Epifcopi dignitate illuſtravit. Erat is a primis annis in Clerum cooptatus, ac poſtremum Bambergeniſis Præpoſitus factus. Vir inter ſuos magnæ auctoritatis; zeliſque pro clero conſervando. Nam cum Hermannus Bambergeniſis Epifcopus, homo illiteratus, multisque a juventute vitiis coopertus, ac poſtremum etiam ſimonix labe infectus, Abbatis venderet, omniaque Eccleſiæ illius Collegia Canonicoꝝ in cœnobia Monachorum, ad ſcelera ſua pallianda, expulſis ubique Clericis, converteret, cum reliquo clero indigne hæc ferens Poppo Bambergeniſis Præpoſitus, miſſa ad Gregorium VII legatione (qua omnia Epifcopi flagitia exponebantur) auctor ætorque primarius fuit, ut Hermannus ſententia Pontificis Epifcopatu ſuo dejiceretur; quemadmodum hæc copioſe ſcripta ſunt a Lamberto Schaf-

naburgeniſi, diſerto ac præſtantis fidei ſcriptore. Ita Poppo cleri Bambergeniſis fulcrum, a prudentia ſe apud Henricum Regem in aula commendatum reddidit. Igitur in locum Hermannii Epifcopi, Regis auctoritate, anno ſuperiori ſubrogatus Rupertus Goſlarienſis Præpoſitus, vir peſſimæ exiſtimationis in populo; quod Regi familiariffimus, omnium, quæ per has regni turbas agebantur, incentor haberetur. Et quo Popponem Rex abſtraheret ab Eccleſia Bambergeniſi (ne eadem adverſus Rupertum agitare, iisdem quibus Hermannus vitiis obnoxium) Paderbornenſem illi Epifcopatum, morte Imadi vacuum obtulit. Interea Rex Trajectum profeſtus, Paſcha cum Wilhelmo Epifcopo, omnium facinorum ſuorum Conſiliario & patrono celebravit. Atque is cum inter Miſſarum ſolemnia, rabido, ut inquit Lambertus, ore contra Gregorium Romanum Pontificem declamaret, haud multo poſt diſceſſum Regis gravi morbo correptus, inter acerrimos cruciatus, & deſperationis voces, quibus ſe juſto Dei judicio inferorum ſuppliciis adjudicatum vociferabatur, animam ſine ſacra communione & pœnitentia eiecit. Qua vindicta Godefridus quoque Lotharingiæ Dux fax belli adverſus Saxones, Antwerpia intorto per viſcera ferro, dum alvum ſolveret, conſoſſus; qua vindictis Dei pœna multi alii, quos Bruno percenteret, impii Regis Conſiliarii interiire. Rex ad ſuperiores Rheni partes digreſſus Conradum Moguntini Archiepiſcopi Camerarium Trajectenſi Eccleſiæ præfecit, & per id tempus Popponem etiam Paderbornenſi Eccleſiæ impoſuit Epifcopum, uti Lambertus perhibet, Regis, & Moguntini, alioꝝque conſilio, quo utrumque Epifcopum Conradum & Popponem in ſuas partes traherent; quod tamen Regem in Poppone Epifcopo noſtro ſefellit. Quo exinde tempore, aut a quibus? utrumne a Sigefrido Metropolitano ſuo Moguntia, quo paulo poſt Rex acceſſit, Poppo ſit conſecratus Epifcopus? in annalium memoria non reperio.

Sane in conturbatiſſima Imperii tempora Epifcopatus ejus incidit. Enimvero poſtquam legati ab Rege miſſi Romam venire; ac ſynodi literas Pontifici tradidere,

Designatur  
ab Henrico  
Epifcopus  
Paderbor-  
nenſis.

Excommu-  
nicantur a  
Pontifice  
plures Ger-  
maniæ Epi-  
ſcopi.

didere, verbis etiam contumeliosis denunciantes, ut se Pontificatu abdicaret; Pontifex atrocitate nuncii permotus, postera die synodum cleri congregat, lectisque palam literis, Regem primo, deinde Sigefridum Moguntinum Archiepiscopum, Wilhelmum Traiectensem, Rupertum Bambergensem Episcopos, ceterosque anathemate percutit (jam ante Ottoni Ratisbonensi, & quibusdam aliis Pontifex sacris interdixerat) Quæ postquam in Germaniam delata, Rudolphus Dux Suevorum; Welfus Bojariorum, Bertholdus Carentinorum; Adalbero Wirceburgensis, Hermannus Metensis Episcopi, ac plerique Principes, qui jam ante convenerant, animosiores conjurant in Regis caput, ut quos deditos habebat Saxones, ultro liberos dimitteret; Saxones, qui merore exulum suorum Principum contabuerant, læti arma repetunt, Castellaque Regis oppugnant, frustra Ottone Gottinensi, quem in partes Regis transisse diximus, obnitente; quem eo etiam adegere Saxones, ut abducto ex Hartesburgo, alteroque monte præsidio militari, ad socialem cum Saxonibus vitam rediret.

Rex comperta Saxoniarum & ceterorum Principum defectione, in extremas angustias conjectus, quo se verteret? primo Wormatiæ festo Pentecostes conventum Principum indicit, consulturus, quid factu opus. Eo cum rari accederent, Moguntiam festo Apostolorum Petri & Pauli supplex convenire rogat. Sed ab eo etiam congressu se subduxere Principes, palamque Uto Trevirensis Archiepiscopus, Roma regressus, detrectavit cum Moguntino, Colonienfi, ceterisque Episcopis anathemate percussis communicare. Igitur cum ab omnibus se deferi conspiceret Rex, nec pro ferocia ingenii armis quoque perfringere posset, per meliora consilia omnes Saxoniarum Principes, qui cum Magdenburgensi, Merseburgensi, Misnienfi Episcopis adhuc in custodia fervabantur, libertati reddi jubet. Bucco sive Burchardus Halberstadiensis Episcopus, quem in Ungariam deportari jusserat, & Salomoni affini Regi custodiendum tradiderat, cum secundo Danubio veheretur in exilium, mira solertia elapsus e navi,

incolumis ad suos Halberstadium rediit. Et quam incredibili ille omnium gaudio exceptus, tam invisus erat ante omnes Principes Regi; sæpeque Regis insidiis ad mortem est petitus. Vir qui heroica fortitudine hætenus pro libertate Saxoniarum, & religionis integritate decertavit. Inter illa dum Rex in Bohemiam profectus, sollicitatum Bohemorum auxilia: & Salefeldiam ad Thuringorum fines evocavit Ottonem Gottinensem, collocuturus de Saxonia compescenda; Episcopi ac Principes regni primum Ulmæ, deinde Triburiæ 17 Calend. Novembris conveniunt; quo jam accesserat Sigehardus Patriarcha Aquileiensis, & Altmannus Patavienfis Episcopus, Pontificis legati, Rege se intra Oppenheim villam continente. Ex eo conventu denunciatum Regi, ut cum Pontifice & Ecclesia se reconciliaret, in ejusque arbitrio jus Regni relinqueret; vitam interea privatam Spiræ agendo, pessimos Regni Consiliarios, cum primisque Episcopos a corpore Ecclesiæ præcisos, abs se dimitteret. Dura hæc Regi erant; sed quod desertus ab omnibus, in eam necessitatem venisset, Coloniensem, Bambergensem, Argentoratensem, Basileensem, Spirensensem, Losannensem, Citicensem, & Osnabrugensem Episcopos, ceterosque pravorum consiliorum architectos aula egredi jussit. Veritus deinde ne Augustæ, quo Pontifex maximus a Germaniarum & Saxoniarum proceribus invitatus erat, coram infestissimis accusatoribus judicium subiret, prius ipse Italiam petere, & Pontifici se sistere decrevit, iterque illud mense Decembri ingressus est. Recognoscent, ex his, opinor, Saxones nostri Germanique, quam auctoritatem agnoverint majores ipsorum in Romano Pontifice, appellando toties ad Apostolicam sedem, quo impii & crudelis Regis dominatu, qui se lupum potius Saxoniarum, quam Pastorem ferebat, liberari tandem possent, aliumque ex suprema ejus in Ecclesiam potestate subrogare.

Turbato in hunc modum Imperio, non modo Episcopi ceterique Principes, sed & Abbates ac Monachi in factiones abierunt, aliis pro Rege, aliis pro Gregorio Pontifice decertantibus; quos inter Corbeienfes nostri ad Visurgim;

Cum Ecclesia & Pontifice se reconciliare statuit.

Alii Pontifici, alii Regi adhaerent Lesnerus in chron. Corb. Kleinfor. in chron. MS.

Baron. ad  
hunc an-  
num Christi  
1076.

gim; ex quorum numero etiam Bernardus Monachus, vir eruditus, & Scholarum in illo Cœnobio moderator, prolixam accuratamque adversus schismaticum Regem, omnemque illam Regis factionem apologiam conscripsit, quam Hartwico postea Magdenburgensi Archiepiscopo dedicatam, publici juris fecit. Hoc studio Monachus quidam Hirsaugiensis, aliique Pontificis defensionem susceperunt. Contra alii regiae factionis schismaticique multa calumniose ac perfide scripsere in Gregorium Pontificem; quos inter scriptor Apologiae pro Henrico Rege, quem ex Fuldensi bibliotheca male protulit Ulrichus Hultenus, transfuga ex eodem Cœnobio ad Lutheranos Monachus. Accedit Benno Cardinalis (quem Ursbergensis perperam Brunonem vocat) Schismaticorum patronus

& antesignanus, a quo vita Gregorii VII Pontificis per mendacia & calumnias conscripta, ex eoque ab hæreticis nostris ita convicia Ursbergensi chronico inserta leguntur; tum quidquid istiusmodi Schismaticorum fuit. Ita vero alii gladio, alii calamo per id tempus depugnarunt, ut quemque vel pro impio Rege, vel pro optimo Pontifice studium inflammaret; vidissetque in hoc fœdo schismate hæresis nostræ præludia; tantumque deerat Lutherus aliquis, vel Calvinus, qui ex concubinato Clericorum, Simonia præsulum, spoliis bonorum Ecclesiasticorum, & vitiis Monachorum ac populi, turbam hæresis inflaret, omniaque hæc libera esse doceret, quæ contra divina & humana jura tum agebantur.

## Annus Christi 1077.

Gregorii VII. Pont. 5. Henrici IV. Reg. 22.

Popponis Ep. Pad. 2.

Henricus  
in Italiam  
profectus  
pœnitentiam  
agit.  
Lambert.  
Bruno.  
Berthold.  
Demnizo  
in vita Ma-  
thildis.  
Sigonius.

Et jam Rex xxv Januarii ex Burgundia, sæva hyeme; per Alpes in Italiam pervenerat, ut intra constitutum anni tempus anathematis vinculo solutus, Ecclesiæ & Pontifici reconciliaretur, nec jus Regni amitteret. Protinus igitur ad Canusium, ubi tum Pontifex intra Castellum triplici muro cinctum morabatur, venit vulgari habitu, nudis pedibus, supplex veniam petiturus. Atque ad portam Oppidi intra primi muri septa, sub dio, perfrigidaque tempestate, jejunos expectavit ad vesperum, quod cum iterum, ac tertio fecisset, quarto tandem die, Mathilde potentissima Italiæ femina, Azzone Marchione, atque Hugone Cluniacensi Abbate, a quo Coloniae e fonte baptismatis susceptus erat, pro Rege deprecantibus, ad Pontificem est admissus; & postquam jurejurando fidem dederat, se in Pontificis potestate futurum, atque in Augustano concilio objecta crimina deleturum, absolutus est sub ea conditione, ut, nisi promissa fecisset, jure Regni excideret. Non facile illustrior pœnitentiæ species in Rege, quam advolutus ad pedes Pontificis fecit. Sed illa mox perfidia violata; nam ut primum a Pontifice discessit, in ipsa Italia a Guiberto Ravennate Archiepiscopo, ceterisque Ita-

licæ factionis Episcopis in transversum actus, ad ingenium & priorem pertinaciam rediit, multa adversus Pontificem, multa adversus alios molitus. Quam in rem Liemarum Bremensem, Bennonem Osnabrugensem, Epponem Citicensem, & duos Burchardos Episcopos Lausanensem & Basileensem, ceterosque factionis suæ proceres in Oppenheim ad aulam revocavit. Quibus cognitis, & Pontifici etiam significatis, Moguntinus, Wirceburgensis, & Metensis Episcopi: Rudolfus Suevorum, Welfus Bojariorum, & Bertholdus Carentinorum Duces 3 Idus Martii, Forchemii Comitibus indictis, Henrico imperium abrogant, & Rudolphum Suevorum Ducem, virum armis, pietate, & virtute præstantem, Regem creant, quem 7 Calendas Aprilis Sigefridus Moguntinus Archiepiscopus in congressu Episcoporum ac Principum Moguntinæ Regem consecravit; ea lege, ne Sacerdotia venderet, nec coronam sibi hereditariam vendicaret. Rex novus haud multo post apud Augustam Paschate celebrato, & Principum conventu ad Ezzelingam habito, in Saxoniam digressus, convolantibusque ad signa ejus Saxonibus, cum exercitu Herbipolim petit, urbemque Henrico fidam unius mensis obsidione expugnat.

Henrico  
deposito,  
in Regem  
eligitur Rudolphus  
Suevorum  
Dux.

Sed mox  
ad ingenium  
redit.

gnat. Ibi dum in castris oppugnatione retardatur, mense Augusto lento gradu accedit Henricus Rex, resumpta Ulmæ corona, cum ingenti Bohemorum & Bojariorum multitudine. His Rudolphus Rex, motis castris, ad Nicrum flumen occurrit, hoste in latera ripa confidente, nec auso prælium inire; ita tanquam per inducias discessit ab armis Henricus in Bojariam, Rudolphus in Saxoniam reduxit ad hiberna copias.

Hoc anno Henricus Rex Bennoni Osnabrugensi Episcopo, quem cum Liemaro ex Saxoniarum Episcopis sibi conjunctissimum habuit, decimas a Corbeiensibus & Hervordiensibus olim ablatas, publico diplomate Ratisbonæ consignato, reddi mandavit. Dignæ antiquitatis tabulæ, a Cleinsorgio relatæ; sed quia vernacula lingua hasce, uti ceteras, magno posteritatis damno exhibet: neque ipsum ex latina lingua exemplar pro prisca fide suppetit, rem paucis expediamus. Multis jam annis hæc controversia agitata, ex quo ob Goswini tertii Episcopi conspirati-

onem contra Ludovicum Pium Imperatorem pleræque decimæ ejus Ecclesiæ Corbejensi Abbati, & Herivordienfi Abbatissæ intra nostram diocesin attributæ. Igitur ut consequentes Episcopi, ita Benno, cum gratia apud Regem multum valeret, eas repetiit, annoque superiori in synodo Wormatiensi 20 Episcoporum & 10 Abbatum jus suum exposuit, omniumque consensu Decimæ Bennoni adjudicatæ sunt. Quam in rem produxit Hadriani, Leonis, aliorumque Pontificum literas, Wihoni primo Osnabrugensi Episcopo haud secus, quam ceteris per Saxoniam Episcopis, a Carolo M. omnes suæ diocesis decimas esse donatas; neque adversus hæc Abbas Corbeiensis aliud proferre potuit, quam Meppiam Cellam sibi a Ludowico Pio, & Herivordienfi Abbatissæ Bimidi Ecclesiam esse datam. Adhæc Benno protulit Ludovici Pii, Henrici I, trium Ottonum, aliorumque Imperatorum tabulas; quibus ab Episcopis & clero synodi lectis approbatisque, Henricus Rex Ecclesiæ Osnabrugensi decimas ex integro tandem reddi imperavit.

## Annus Christi 1078.

Gregorii VII. Pont. 6. Henrici IV Reg. 23.

Popponis Ep. Pad. 3.

At Rex ab æmulo suo per id tempus arduis magis obvolutus; cum jam Germania duos Reges haberet, & scissa inter se civilibus armis diffideret, aliis Episcoporum ac Principum pro Rudolpho Rege, aliis pro ipso decertantibus. Eoque Henricus Rex, qui in superiori Germania partes suas firmabat, furore abripietur, ut Episcopos e tota Bojaria ac Suevia exturbaret, eo quos aut Romano Pontifici adherere, aut sibi adversari comperiebat, & in eorum locum suæ factionis Episcopos & Schismaticos præfules obtunderet Ecclesiis. Quos inter Altmannus Pataviensis Episcopus exul, ut referemus, Paderbornam profugit, in quo etiam odio præcipatus in fugam. Nam cum Altmannus Episcopus, pro egregia in Romanum Pontificem, & disciplinam cleri formandam religionē, Pontificis literas e pulpito pro concione recitasset, quibus concubinæ interdicebantur, Engelbertus Præpositus & scholæ magister, tanto furore de-

bachatus est in Altmannum Episcopum, concitando clerum & auditores, ut, si Deus singulari beneficio extraxisset periculo Episcopum, ex templo a Clericis discerptus periisset; ita Henrici Regis patrocinio & exemplo, hæc vitia passim libera erant, quæ sub aliis religiosissimis Imperatoribus ac Regibus per Episcopos severissimis pœnis castigabantur. Nullique tum magis invisi erant, quam boni syncerique Episcopi, qui disciplinam cleri, & impios Regis mores corrigendos susceperant.

Verum Rex, quo Rudolphum Regni æmulum, Saxonesque debellaret, quam potuit validum contraxit exercitum, quocum in Saxoniam movit. Nec segnior Rudolphus, conspirantibus Saxoniarum Episcopis & Principibus, in aciem prodiit. At quo minus Suevi se jungerent Saxonibus, concursum prælio 7 Idus Augusti in loco, quem alii Molrichstheim in Franconia ad Strowam seu Stowim amnem, alii Stronawiam

Cum Rudolpho electo Rege confli- git. Bruno. Marian. Scot. Ursberg.

wiam in Hassiæ finibus designant. Tef-  
fera militaris Saxonibus erat Sancti Pe-  
tri; Eo alterum cornu Rudolphus,  
Wizelo Magdenburgensis, Sigefridus  
Moguntinus Archiepiscopi, Wernerus  
Merseburgensis, Adalbertus Worma-  
tensis Episcopi cum legato Pontificis:  
Alterum Otto Gottingensis exauctora-  
tus Baviaræ Dux, qui jam ad Saxonum  
partes redierat, & Fridericus Palatinus  
ducebant. Coorta pugna, Episcopi,  
in quos vis incumbere, in fugam ab-  
jecti; quod ad aram magis edocti stare,  
quam in acie. Magdenburgensis in  
prælio cæsus, Moguntinus, Worma-  
tensis, ac legatus Pontificis ægre se sub-  
duxere, quo minus in hostium pote-  
statem venirent. Rudolphus tot legio-  
nibus nudatus acie excessit paulisper.  
Sed tanto acrius pugnatum in altero  
cornu, Ottone & Friderico fortissimis  
Ducibus, quibus profugi ex altera ala  
sefe conjungere Saxones, certi conju-  
ratique per gloriosam mortem potius  
occumbere, quam turpi fuga ferveri.  
Protractum pertinacibus animis præli-  
um, editaque immanis strages per Ru-  
dolphi legiones; quas cum sustinere  
non posset Henricus, ipse totum agmen  
secum in fugam abstraxit, nec prius  
fugiendi finem fecit, quam tredecim  
leucarum spatium emenius, Herbipoli  
intra incenia consisteret. Moguntinus  
Archiepiscopus ex hostium manibus  
magno Saxonum gaudio retractus,  
Fridericus Palatinus cum victore milite  
ad castra diripienda se vertit: Otto fu-  
gientes continuata cæde infecutus.  
Subinde Henricus Rex collecto Ratis-  
bonæ exercitu iteratam in Saxoniam  
expeditionem parat. Post ubi edoctus  
Saxones 60000 armatorum multitudine  
stare in campo, in Sueviam deflexit,

in eaque per mensem Novembris miles  
omnia sacra profanaque depopulatus  
est.

S. Altmannus Episc.  
Patav. Paderbornæ  
exulat.

Inter hæc Altmannus Pataviensis  
ab Henrico & clero suo ejectus, exilii  
locum quæsit Paderbornæ, ubi in  
clero enutritus erat, & scholarum mo-  
deratorem egerat; receptusque est be-  
nigne a Poppone Episcopo, & optimis  
in clero amicis suis. Tanto vero istic  
sanctissimo Episcopo jucundior vita  
erat, quanto clerum Paderbornæ in-  
tegritatem, quam Passavii inveniebat  
(stabat namque adhuc Paderbornæ in-  
tra claustrum vetus Cleri disciplina,  
qualem Meinwercus, Rotho, & Im-  
adus formarant) Hi deinde duo Episco-  
pi, Poppo & Altmannus, Ecclesiam  
Apostolorum Petri & Pauli, quam ab  
incendio Monasterii Abdinghoviani  
Imadi & Popponis liberalitas instaura-  
rat, solemni ritu consecrarunt, uti hæc  
Gobelinus, Crantæus & alii retulerunt,  
Satis opinor Altmanni exulantis apud  
Paderbornenses hospitium, & consue-  
tudo cum Poppone Episcopo ostendit,  
tam Popponem, quam Paderbornen-  
ses stetit in communione cum Gre-  
gorio VII Pontifice, cujus legatum  
Altmannum tam libere humaniterque  
exceperunt: neque per has turbas se  
schismati Henrici Regis miscuisse; haud  
secus quam universæ passim Saxoniar  
Westphaliæque cum Episcopis suis Ec-  
clesiæ fecerunt; præter Liemarum  
Bremensem, & Bennonem Osnabru-  
gensis Episcopos, quos ob id factum  
Saxones passi non sunt intra suas dice-  
ceses consistere, eoque necesse habuere  
aulam & castra Regis exulum in mo-  
dum sequi.

Gobelinus  
atq. 6. c. 55  
Crantzins  
lib. 5. Mo-  
trop. c. 14.  
Aulæ vici  
Altmanni.

## Annus Christi 1079.

Gregorii VII. Pont. 7. Henrici IV. Reg. 24.  
Popponis Ep. Pad. 4.

Bruno.  
Berthold.

Proximo abhinc anno Henricus  
Rex debilitatus clade superioris anni  
quievit; neque Rudolphus Rex, pacis  
amantissimus, arma intulit. Uterque  
interim Rex legatos suos Romam misit,  
quisque causam Pontifici probaturus.  
Ab Henrico missi Benno Osnabrugens-  
is, & Verdunensis Episcopus. Pon-  
tifex coacto concilio, etsi Saxonum le-  
gati multa adversus Henricum Regem

quererentur, nihil tamen statuere vo-  
luit, priusquam in comitiis Germaniæ  
coram legatis suis Henrici causa cog-  
nita, & facinora probata essent. Quod  
quam ægre tulerint Saxones, constat  
ex epistolis eorum ad Pontificem mis-  
sis, & a Brunone relatis. Excessit hoc  
anno Hildolphus Colonienfis Archi-  
episcopus, factionis Henrici tenax,  
homo parum frugi, & non nisi ad  
herbas

Defuncto  
Hildolpho  
Archiep.  
Colon.  
Subrogatur  
Sigewinus.



herbas domesticas datus, eoque, ut Conradus Monachus scribit, Deo vindice subtractus e vita; qualis plerorumque Schismaticorum Episcoporum infelix exitus fuit. Subrogatus Sigewinus Archiepiscopus, Præsul innocentis vitæ, una tantum labe notatus, quod ad Henrici partes se incautius abduci passus.

Poppo  
consecrat  
Ecclesiam  
S. Michaelis.  
Conradus  
Monachus  
in vita Wol-  
pold Abbatis  
revol.

Per hæc pacis intervalla Poppo Episcopus Basilicam S. Michaelis, rogatu Warini Corbeiensis Abbatis, quam ipse Abbas construxerat dotaratque, in monte haud procul ab Oppido Huxtariensi solemnibus Ecclesiæ caremoniis dedicavit. In qua celebritate Episcopus noster, præsentem Ottone Duce & bellatore Saxonum, præclaram ad populum orationem habuit, in quam rem hasce antiquitatis tabulas proferre libuit.

Warinus Abbas Corbeiensis, Monasterii SS. Martyrum Stephani atque Viti, petitioni filii sui Humberti Mo-

nachi pie assentiens, Basilicam in monte quodam e regione nostræ civitatis in laudem Dei & venerationem S. Michaelis Archangeli construxit, quam venerabilis Ecclesiæ Patherbrunnensis Episcopus Poppo dedicavit. Assignavit autem Abbas eidem Ecclesiæ pro sustentatione prædicti Humberti presbyteri, & Simonis conversi, cui Abbas piæ conversationis habitum tradidit, aliorumque ibidem Deo servitutorum cum consensu & consilio congregationis & familiæ sibi creditæ, de silva in qua Ecclesia sita est, ad XC. jugera, & villulam Valabuson, & unum mansum in Averedessun, alterum in Aladenthorp, tertium in Werethon. Advocato Abbatis Ottone Duce assentiens, & traditionem hanc confirmante, ut & Episcopo Poppo in Dominica adventus sermonem ibi in conspectu totius cleri & populi habente, & prædicta banno suo semel iterumque & tertio confirmante sub sigillo Episcopi & Abbatis 1079. ind. 2.

## Annus Christi 1080.

Gregorii VII. Pont. 8. Henrici IV. Reg. 25.

Popponis Ep. Pad. 5.

Bruno.  
Berthold.  
Ursberg.  
Marinus  
scimus.  
Henricus  
Rudolpho  
celius.

Annus post hæc insequens supra millesimum octuagesimus Saxones nostros e pace in cruentum bellum revolvit. Quippe Henricus Rex, non expectato bellandi tempore, sub exitum Januarii cum asperrima sæviret hyems, cum exercitu irruit in Saxoniam; constititque in acie apud Fladeheim (Bruno Fladeheim vocat) loco, ut alii, ad ad flumen Unstrutum, quo & Rudolphus Rex cum Saxonibus movit. Ekkebertus Marchio cum legione sua neutri Regi accedens, ex propinquo exitum belli expectaturus confedit. Instruatas acies rivus medius angusto quidem, sed profundo alveo dirimebat. Rudolphus Saxones in declivi montis jugo collocarat, quo in supinos hostes arma primum opportunus verteret; primumque istuc incursum Ottonem cum lectissimo milite excipere jubet. Id ubi Henricus inspecta hostium facie advertit, circumductis alis pugnae formam immutat, Saxonum exercitum a tergo aggressus. Difficile erat momento temporis obvertere phalanges; id tamen tanta celeritate præstitum, tantaque pugnandi alacritate,

ut Henrici acies ingenti cum strage in fugam averfa fuerit. Profugi deinde ad arcem Wartberg collecti a Rege; ubi dum corpora curant, a Saxonibus ex arce erumpentibus oppressi denuo caduntur. Ita Bruno & Bertholdus presbyter eorum temporum Scriptores; secus quam Urspergensis Schismaticus, qui Henrico victoriam adscribit, a quo Stadenensis in errorem abreptus; edita est hæc pugna vi Calend. Februarii.

Interea Pontifex nonis Martii contestatus Petrum & Paulum Rudolpho Regnum confirmat, missa corona, cui inscriptum erat:

A Pontifice  
regia digni-  
tate exuitur

Petra dedit Petro, Petrus diadema  
Rudolpho.

Henricum vero Regem regia dignitate exutum pronunciavit, omnesque subiectos juramento fidei absolvit. Quibus efferatus Henricus, ipsis Pentecostes feriis cogit novendecim Episcoporum conventiculum, in quo Gregorio VII per insaniam Pontificatus abrogatus, & Guibertus Ravennatium Antistes, nondum anathematis vinculo solutus, Pontifex

Gregorio  
denuo Pon-  
tificatus ab-  
rogatur.

antifex Clementis III nomine renunciatus. Is ille Pseudopontifex, qui supra xx annos, & ipsum Gregorium, & Successores dirum in modum vexavit. Ita vero teterrimum illud schisma inter Regnum & Sacerdotium recrudit. At Henricus Rex non contentus illo pravorum Episcoporum judicio, per quos Gregorium VII Pontificem exautoratum volebat, aliam synodum Brixiae in Tirolis, indicit, ad quam 7 Calend. Julii triginta ejusdem impiae factionis Schismatici Episcopi ex Germania, & Italia convenere; atque ut in Moguntino conventiculo fecerant, Gregorio VII denuo Pontificatum abrogarunt. Ad hanc pseudosynodum cum e Saxoniae Episcopis etiam accessisset Benno Osnabrugensis Episcopus, perpetuus a latere Regis Comes, nec metu Regis auderet ceteris palam reclamare, sacro quodam horrore percussus, ut Norbertus in ejus vita scripsit, cum suffragia ceterorum expeterentur, retro altare latitans se abscondit, ne damnationis sententiam adversus verum Pontificem cogeretur pronunciare. Non destitit exinde Benno, conscientiae stimulis agitatus, per saniora aliorum consilia inquirere modum, quo se Pontifici reconciliaret.

Benno Ep.  
Osnabrug.  
resipiscit.  
Norbertus.  
Iburg. in vis  
in Bennois

Henrici furor in Episcopos.

Ejusdem  
expeditio  
in Saxones.

At Henricus tanto Episcoporum ad partes suas accessu, eorumque adversus Romanum Pontificem sententia accensus, literas furore resperfas dedit ad Pontificem. Ejecti Episcopi & Abbates, qui Pontifici adhærebant, e sedibus; quorum alios ad gratiam, alios accepta pecunia reposuit; nec alios fere, quam vanos & indignos tanto munere homines: interque hos Hermannus quidam Lupoldi Ducis filius in locum Altmanni, Paderbornæ apud nos exultantis, obtrusus. Fœda Ecclesiarum ubique per Germaniam perturbatio: nec ulla pars Imperii integrior mansit quam Saxonia, cujus Episcopi non minus; quam Duces pro Pontifice, religione & libertate gentis suæ conjurati, stabant. Adversus hanc igitur expugnandam hoc ipso anno Henricus validum denuo exercitum collegit; traxitque secum xiv Episcopos: horum Principes Colonienfis ac Trevirensis, quibuscum in Saxoniam est regressus. Nec segnior Rudolphus Rex cum ingenti Saxonum multitudine occurrit,

Quo per exploratores renunciato, cum Henricus Rex se numero imparem didicisset, ad callidas artes versus, partem æquitatus immisit in agrum Goslariensem, qui obvia flammis absumeret eoque distraheret Saxones; ipse cum robore militiæ Erfurtum perrexit, incensaque post spolia urbe, in superiorem Saxoniam movit: seu quod jam bis fusus a Saxonibus, prælii aleam subterfugeret: seu quod istic Bohemorum auxilia speraret. Objecit se ad Naumburgum Rudolphus, ratus cum Episcopis urbem peti in spoliis. Quo cognito Henricus ad Elstram amnem deflexit, castris in ripa positis; ac postero die, decimo videlicet quinto Octobris, explorata Saxonici equitatus raritate, mane aciem instrui jussit. Idem facit Rudolphus, & cum peditatus, qui nondum accesserat, debilior esset, partem equitum peditem agere jubet; inde lento gradu progressus est in hostem, Episcopis psalmum octuagesimum secundum decantantibus. Inter hæc perventum ad Gronam paludem, cujus interventu acies utraque dirempta, dum Saxones corpora curarent. Instauratis viribus Saxones ad caput paludis circumgressi, pugnandi copiam offerunt, quo dum hostis occurrit, acre prælium est confertum, Primoque impetu ala, in qua Henricus pugnabat, averfa est in fugam, Rege inter primos prælio excedente; sed tanto majus periculum urgebat in altera Saxonum ala; quam postquam Otto Dux integre restauravit, fulminis instar in hostes est investus. Tectus deinde Henrici exercitus est obtritus, ac pars e vestigio cæsi, pars pecudum ritu in Elstrad flumen acti. Tum vero in castra diripienda versi sunt victores, in quibus omnis sacra suppellex, multaque præterea vasa aurea xiv Episcoporum reperta, multaque in spoliis congesta. Prospera hæc obscuravit casus Rudolphi, qui e prælio exportatus erat in castra, dextera manu amputatus. Is ubi victoriam didicit, cessitque suis, tanquam alter Epaminondas: Nunc lætus, inquit, patiar & moriar. Triduum superfuit, ex quo sacris omnibus rite provisus decessit. Corpus magno omnium luctu Merseburgi humatum.

Rudolphi  
post victo-  
riam ampu-  
tatus.

Mors Egilberti Episcopi  
Mindensis.

Post illa xii Novembris excessit e vita Egilbertus xvii Mindensium Episcopus,

scopus, qui jam per annos xxv Ecclesiam suam præclara laude administrat; quemadmodum Auctor vitæ D. Annonis eum decus sui sæculi appellat, & Henricus de Hervordia virum Pontificalis modestiæ, gravitatis, & innocentie celebrat. Corpus in Ecclesia D. Martini, quam a Sigeberto constru-

etiam ipse dotarat, humatum est, subrogatusque haud multo post Reinwardus ab Ottone Hostienſi Episcopo, legato Apostolico Gregorii Pontificis per Saxoniam, clero populoque acclamante; sed tanto post acerbius tractatus est ab Henrico Rege monarchiam Episcoporum per Germaniam affectante.

## Annus Christi 1081.

Gregorii VII Pont. 9. Henrici IV. Reg. 26.

Popponis Ep. Pad. 6.

Clade superioris anni, & Rudolphi Regis morte, in diversa actus Henricus Rex, expeditionem Italicam apparare cepit, seu ut Pontificem sibi placaret, seu ut eundem a sede deiceret, reposito Guiberto falso Pontifice, quem ad omnia facinora obsequentem haberet. Sed eam expeditionem improbarunt amici, qua Saxoniam victoria insolentem relicturus esset. Quapropter misit legatos ad Saxonum Principes congregatos, per quos petiit filium suum deligi Regem Saxonie, eumque ad gentis ingenium educarent; quod si facerent, nunquam se Saxoniam intraturum. Hos legatos Otto Dux facile cum hoc responso dimisit. Ex feroci, inquit, bove non nisi ferocem vitulum expectari posse, ideo non alio se filii, quam patris desiderio teneri. Quæ consilia cum non procederent, misit Rex in Saxoniam, qui locum colloqui & tractandæ pacis peterent. Id etſi Saxones fraudulenter satis agi intelligerent, non tamen abnuerunt, condixeruntque sylvam Capuanam ad Virurgim. Eo sub initium Februarii ad constitutum diem ab Henrico missi convenere quinque Episcopi, Colonienſis, Trevirensis, Bambergensis, Spirensis, & Traiectensis. Totidem ex parte Saxonum aderant, interque hos tres Archiepiscopi, Moguntinus, Salisburgensis, & Magdeburgensis, duo præterea Episcopi Poppo noster Paderbornensis Episcopus, & Udo Hildesimensis, atque ingens Saxoniorum Procerum numerus; cumque legati hi Regis rem secreto prius inter Principes tractari peterent, reclamarunt libera voce Saxones, eaque quæ pertractanda haberent, palam omnibus audientibus exponere voluerunt. Postquam confedere, diu silentium fuit, neutris proloquentibus; quod Saxones intente expectarent,

quænam a Rege postularentur: nec se congressum hunc, sed Regem petiisse cogitarent. Tandem longas silentii moras abruptit Gebhardus Salisburgensis Archiepiscopus gravi, & digna ad posteritatem oratione, quam hic ex Brunone refere libet.

*Episcopi venerabiles, ceterique, quos videtis adesse, Principes Saxonici, hanc operam mihi dignati sunt imponere, quatenus animos omnium mei sermonis officio debeam vobis exponere. Unde vos omnes sacerdotes sancti, ceterique primates eximii, rogatos esse volo, ut me dignemini patienter audire, & causæ communi, quam sum jussus agere, animum tranquillum, quo verum examinare possitis, adhibere; quod non plus nostra, quam vestra (si vultis) interest, quæ sum dicturus, agnoscere. Vestro ipsorum testimonio fidenter indemitur, quod vos, quanquam a nostra societate discessistis, a veritatis amore non discedere confidimus: vestro (inquam) testimonio probare volumus, quantis injuriis, quantis contumeliis sumus affecti, dum toto animo, tota voluntate (sicut decebat) Regis eramus servitio subjecti. Vos ipsi scitis, quoties sigillatim vel communiter vestrum petivimus auxilium, quo pro benevola servitute nostra, vel hoc ex intercessione vestra redderet nobis præmium, ut a multarum, quæ nos importabiles premebant, levaret fasce calamitatum. Hoc quod sæpe postulavimus, optime scitis: & quid postulando profecimus, similiter optime scitis. Inde vos non incusamus, quod vos pro nostra causa, quamvis parum nobis prodesset, sæpe laborasse cognovimus. Quale vero præmium nostræ devotioni dederit ultimum, quid opus est dicere: cum manifestum est, oculis omnium, quod hoc, quod habuit*  
Ggg  
maxi-

Salisburgensis Archiep. oratio ad congregatos Episcopos & Principes.

Agitur de pace in conventu Capuanoad Virurgim. & videntur C. o. Sigebert. Trevir. Conradus Traiect. Rupert. Hamb. Herman. Spirenſ. Sigefridus Mogunt. Gebhard. Salisb. Hardew. Magdeb. Poppo Pad. Udo Hildesim.

maximum, nobis rependit extremum. Sacerdotes namque non solum de nullo crimine convictos, sed nec legaliter accusatos, aut in vincula (sicut latrones) coniecit, aut a sedibus suis, quos capere non poterant, omnium rerum suarum nudos effugavit. Ecclesiarum bona, quibus Episcopi vel ipsi vivere, vel pauperes Dei sustentare deberent, scelerum suorum fautoribus dissipanda concessit. Terram nostram multis jam vicibus igne ferroque vastavit, cognatos sive milites nostros in nostris finibus innocentes occidit, cum nulla fuisset ei causa bellorum, nisi quod servos habere volebat filios hominum liberorum. Sæpe ipsum, sæpe vos singulos & universos suppliciter oravimus, ut gladio deposito causam nobiscum iudiciis ageret, & nos vestrum per omnia iudicium secuturos animo libenti spopondimus. Quid his omnibus profecerimus, vos ipsos in testimonium vocamus. Ergo nos, qui nunc adsumus, cum omnibus, quos tenet Saxonica tellus, vobis o sanctissimi Christi sacerdotes, & vobis o nobilissimi Principes, & fortissimi milites humiliter supplicamus, ut memores omnipotentis Dei, vestrique officii, vos quod estis animarum pastores, non perditores vocati, vos vero, quod gladium ad defensionem, non ad internecionem accepistis innocentum, cogitetis, & nos vestros fratres in Christo, vestros cognatos in carne, ferro & flamma amplius persequi ne velitis. Quod hætenus molestiarum a vobis perpassi sumus, vobis donantes peccatis nostris imputabimus, & correptionem divinæ pietatis appellabimus: dum posthac injuriarum de vobis securi esse possimus. Gladium & ignem deponite, & (sicut decet homines Christianos cum Christianis) causam rationibus, non cædibus agite, & quod ante cruoris effusionem postulavimus, nunc saltem vel cruore nostro satiati præstate. Multas quidem nobis ærumnas Dominus vester Henricus crudeliter intulit, multis calamitatibus nos ultra modum fatigavit, & tamen ecce parati sumus, eum nobis Regem, sicut olim fuit, accipere: ecce parati sumus ei fidelitatem & subjectionem jurare, & juratam, fideliter & libenter servare. Tantum vos hoc veris assertionibus astruite, ut nos, salvo nostro ordine, & laici possint facere hoc sine fidei sacræ detrimento; nec nos ab isto campo recede-

mus, donec omnia, quæ dixi, complerimus. Si vero nostras sententias dignati fueritis attendere, veris, & manifestis, & ex scripturarum testimonio firmis rationibus ostendemus, quod Dominum Henricum nec clerici nec laici Regem habere possumus cum animarum nostrarum salute. Nunc ergo vel vos nobis, quod iuste possit regnare, probabiliter ostendite, & nos sub ejus regnum socios fideles accipite; vel nobis, quod Rex ille esse non possit veraciter probare permittite, & nos contra rationem ut hostes persequi desinite. Quod si objicitis, sacramento, quod ei jurastis, vos esse constrictos, simili modo confirmabimus, nullo sacramento jure vos ad nostram persecutionem posse compelli. Hæc igitur est summa nostræ petitionis, ut Dominum Henricum, vel vos jure posse regnare nobis probabiliter ostendatis, vel nos nobis eum non posse veraciter ostendere sinatis, & cum res alterutra fuerit demonstrata, nos igne ferroque persequi cessetis.

Dicta Salisburgensis Archiepiscopi omnium Saxonum Episcoporum ac Principum consensu, magnoque plausu sunt excepta. Ad ea Henrici legati responderunt, non se ad decidendam hanc causam venisse, neque eam potestatem habere, quæ ab Rege & cunctis Regni Principibus requirenda sit; eoque petere se inducias in mensem Junium, quo interea Principum Imperii convocatio fieri posset. At satis intelligebant Saxones, has inducias ex compositis ipsorum dolis quæri, tantumque hoc agi, ut quiescente Saxonia, Henricus per hæc in Italia res suas firmaret; dejectoque e sede Apostolica Gregorio VII, Clementem adulterinum Pontificem subrogaret; Eo magis exacerbati Saxones, fidi Apostolicæ sedis defensores. Hinc palam Otto Dux ad legatos Regis. Itane, inquit, nos stolidos reputatis, ut non intelligamus, quod vestræ calliditatis sit consilium? securitatem a nobis petitis, ut securi Apostolicam sedem turbetis, eumque, qui nostrum & totius christiani orbis est caput, pro libidine vestra tractetis. Et quænam illa pax, velle corpori parcere & sævire in caput? si pacem, ut medici sanitatem, sincere vultis in corpore, integram date, quæ capiti & membris sit communis, aut nullam a nobis impetrabitis.

Pergite

Legatorum  
Henrici  
astutia &  
reversatio.

*Pergite nunc, quod cœpistis, iter tene-  
te, nos brevi sequemur, & ingrati vo-  
bis hospites stabimus in finibus vestris:  
nec ab reditu ex Italia res vestras male  
custoditas reponetis; certe tribus jam  
præliis victores Henricum fudimus, ade-  
rit ad alia prælia Deus. Quia scire vos  
volumus, nos per absentiam vestram  
Rectorem Regemque habituros, qui nos  
ab injuriis vestris sit vindicaturus. Ita  
proloquentem Ottonem miles & vul-  
gus acclamando excepit.*

His nihil commotus Henricus, men-  
se Martio iter in Italiam ingressus est;  
quem nullus præter Liemarum Bre-  
mensensem Archiepiscopum ex Saxonibus  
comitatus, cujus potissimum consiliis  
omnia Rex agebat. Paschate Veronæ  
celebrato, Italiam haud secus quam  
Germaniam divexat; expugnatisque  
vicinis locis, Romam accedit, & Leo-  
ninam urbem, opere casto obsidet. In-  
ter hæc Pontifex diversis literis coh-  
ortatus est Episcopos & Principes ad con-  
cordiam; quibus & Saxones animati,  
missis ad Germaniæ Principes literis,  
hortantur singulos ad alium Regem in  
locum Rudolphi communibus suffra-  
giis eligendum. Mense Junio Franci-  
am Orientalem ingressi vastant. Inde  
junctis Suevis, fidis semper bellorum  
suorum sociis, in conventu Archiepi-  
scoporum, Episcoporum, Ducum,  
Marchionum, & Comitum Herman-  
num Lutzenburgicum Regem deligunt,  
quem alii Giselferti, alii Conradi Co-  
mitis filium volunt, Comitem Salmen-  
sem, virum, ut Marianus appellat, Lo-  
tharingum, sapientem, modestum, &  
bellica fortitudine insignem, cui opi-  
bus & armorum gloria per id tempus,  
Ursbergenfis judicio, nemo par erat.  
Hunc pridie D. Laurentii regio titulo  
exornarunt. Is altero die cum exiguo  
suorum numero ad fines Bojariæ &  
Franciæ Orientalis, lætis Regni auspi-  
ciis, Fridericum Staufensem, quem Hen-  
ricus Vicarium Regni reliquerat, fudit.  
Subinde Saxones domum regrediun-  
tur, certi de Rege suo retinendo. At  
cum adversæ partis Principes electionem  
ægre ferrent, timerentque Hermannii  
probatam virtutem, qui Conrado fra-  
tre pro Henrico pugnante, ipse caput  
suum pro Orthodoxis adversus Schif-  
maticos opposuerat, per Ottonem Du-  
cem omnia turbare aggressi sunt. Et

ille jam pollicitationibus illectus, vacil-  
lare cœperat; cum in plano campo e-  
quo excussus crus fregit; quò casu se  
Deo monitum credidit, ne Saxonum  
causam defereret. Igitur Hermannus  
in Saxoniam invitatus incredibili omni-  
um gaudio ante Natalem Christi exci-  
pitur Goslariæ, festoque D. Stephani  
die a Sigefrido Moguntino Archiepi-  
scopo in corona Episcoporum ac Saxo-  
nicorum Principum Rex inungitur.

In hac rerum mutatione Benno Os-  
nabrugensis Episcopus civilia bella per-  
tæsus; statuit desertis Schismaticis se  
cum Pontifice & Ecclesia reconciliare,  
ac tandem ad quietem redire, modo  
Regis rescriptum de recuperatis decimis  
integrum maneret. Qua super re Pon-  
tifex certior factus monuit per literas  
Altmannum Passaviensem Episcopum,  
Paderbornæ exulantem, legatum suum,  
uti eum benigne cum ceteris recipiat.  
Quam in rem ipsas Pontificis literas re-  
citamus.

*Quia vicem nostram in Teutonicis  
partibus prudentiæ tuæ commisimus,  
discretionem tuam diligenter monemus,  
sicut jam aliis literis ad te destinatis (si  
pervenerint) fecimus, ut consilio fra-  
tris nostri Saltzburgensis Archiepiscopi,  
& aliorum confratrum nostrorum Epi-  
scoporum, eos, quos adhærendo H. a pro-  
posito veritatis errasse cognoscitis, stu-  
diose revocetis, & qui redire voluerint,  
fraterne suscipiatis, & maxime Osna-  
brugensem Episcopum, quem nobis velle  
fideliter adhærere audivimus, benigne  
suscipiatis, & fraterno auxilio contra  
quamlibet injuriam inferendam ei oc-  
currere, ubi opportunum fuerit, non  
hæsitetis; & litem, quam de decimatio-  
ne Ecclesiæ suæ habet cum Corbegenſe  
Abbate, vel juste ante vos terminate,  
aut absque lesione suæ Ecclesiæ certum  
tempus ipsius ante nos terminandæ ex  
utraque parte statuite. Vale.*

Ad hanc Pontificis commendatio-  
nem per Altmannum obtentam, hoc  
anno Benno Episcopus in suam dicece-  
sim, a qua multos annos exularat, re-  
ductus est, multa exinde præclara pro  
Ecclesiæ suæ ornamento molitus. Au-  
ctor est Wittius, postquam Herman-  
nus Rex intellexit, Bennonem Henri-  
cianæ factionis Episcopum rediisse ad  
Ggg 2 Eccle-

Henrici  
profectio  
in Italiam.  
Benno.  
Berthold.  
presbyt.  
Sigbert.  
Alters.  
Siadusf.

Saxones  
novum Re-  
gem eli-  
gant Her-  
mannum  
Lutzenbur-  
gicum.

Norrberr.  
Abbas.  
Iburg in via  
ta Benno.  
Benno Ep.  
Osnabrug.  
in gratiam  
eum Ponti-  
fice redit.  
Tom. X. cone-  
cil. Paris. an-  
dis. recent.  
lib. 9 ep. 8.  
Gregor.

Ecclesiam suam, haud multo post & ipsum Regem cum milite intrasse dice-  
cesin, ac Osnabrugum, cui Episcopum  
incluserat, obsedisse: quem Eg-  
gebertus Marchio Saxoniae & Udo Hil-

desimensis Episcopus ab urbis oppugna-  
tione avertere; quod jam a Pontifice  
in gratiam receptus, Henrici partes  
ejurasse compertus esset.

## Annus Christi 1082.

Gregorii VII. Pont. 10. Henrici IV. Reg. 27.

Popponis Ep. Pad. 7.

Henricus  
Italiam  
vastat.  
Berthold.  
presbyt.  
Bibliothecae  
carinus.

Ottonis Du-  
cis mors.

Hærebat per hæc Henricus Rex  
in alterum annum in Italia; regressus-  
que per quadragesimam ad urbis obsi-  
dionem, tanto furore impietatis, ut  
cum vi expugnare non posset, submit-  
teret sacrilegos auro conductos, qui  
Basilicam S. Petri incenderent, civesque  
a muris ad flammam restringendam  
avocarent; at Gregorius Pontifex, fa-  
cto signo crucis, momento totum  
incendium restinxit. Igitur cum  
hæc non procederent, exercitum ob  
æstivos calores reduxit in Longobar-  
diam, relicto in agro Romano Guiber-  
to Antipapa, qui urbem infestaret.  
Quæ postquam in Germaniam sunt per-  
lata ad Hermannum Regem, nihil fol-  
licitius habuit, quam laboranti Pontifi-  
ci subvenire. Et jam collectis ex Sa-  
xonia & Imperio copiis, in Italiam  
intendebat iter; cum mors Ottonis,  
Ducis prudentissimi, renunciatur.  
Hunc quia totius Saxoniae vicario mu-  
nere præfectum constituerat, veritus,  
ne quid ejus excessu turbaretur in Sa-  
xonia, intermissa Italica expeditione,  
in Saxoniam properavit; quam & pa-  
catam, & in omnibus sibi fidam repe-  
rit. Ottonis corpus Northemium ma-  
gno omnium Saxonum luctu deporta-  
tum ad tumulum; quapropter &  
Northemensis non minus, quam Got-  
tingensis Dux appellatus est, quod in  
utroque loco amplas, & hereditarias  
bonorum possessiones haberet: vir, ut  
Bertholdus in ejus obitu ad hunc an-  
num scribit, prudentissimus, decus &  
columen Saxoniae; quod & ea, quæ  
retulimus; satis commonstrant: Filii  
Ottonis tres numerantur, Henricus  
cognomento Crassus, Landgravius ac  
pater Rikecæ conjugis Lotharii Impe-  
ratoris, qui bello Frisico occubuit: al-  
ter Cuno Comes de Bichiling, tertius  
Sigefridus Comes Bomeneburgensis.  
Quatuor præterea filias habuit Otto  
recensitas ab Alberto Stadeni, quarum  
prima denupta est Thiemoni Marchio-

ni Withinensi. Tres aliæ potentissimis  
in Westphalia Comitibus datæ in ma-  
trimonium: harum una Friderico Co-  
miti Arnsbergensi, alia Ottoni Comiti  
de Cappenberg, alia Hermannno de  
Cavele Comiti Ravensbergensi, ultima,  
quam ex his quintam designare visus  
Stadeni, a famulo abducta. Ad hunc  
modum Otto Dux per connubia filia-  
rum sibi Westphalorum proceres in  
societatem belli conjunxit. Clarissimi  
hujus Ducis stirpem, qui inquirunt,  
alii ex Henrico Ottonis M. fratre, alii  
ex Ludolpho Ottonis M. filio ac Sue-  
vorum Duce trahunt: omnes origine  
Saxonem statuunt, ex Ottonum Impe-  
ratorum familia.

Granzins  
lib. 5. Sax.  
c. 15.  
Meibemius.

Per hunc in Saxoniam reditum  
Hermannus Rex Goslariam ad palatium  
regium divertit, magno Episcoporum  
& procerum comitatu exoratus. Quo  
in congressu Marquardus Corbeiensium  
Abbas omnium sui Cœnobii, & Heri-  
vordensium privilegiorum, & decima-  
rum possessionem a novo Rege con-  
firmari petiit, ut adversus Bennonem  
Osnabrugensem Episcopum decimas  
ex Henrici Regis decreto repetentem  
se præmuniret. Et Rex Hermannus  
secundum postulationem Abbatis tam  
Corbeiensibus, quam Herivordiensibus  
omnia liberaliter rata habuit, quam in  
rem ipsum diploma reddimus.

Ab Her-  
manno Re-  
ge privile-  
gia Corbe-  
iensia con-  
firmantur.

*In nomine sanctæ & individue Tri-  
nitatis, Herimannus divina favente  
clementia Rex. Noverint omnes san-  
ctæ Dei Ecclesiæ, atque fideles regni,  
tam præsentēs quam futuri, quod ve-  
nerabilis Abbas Corbeiensis Marcw-  
ardus exoravit clementiam nostram, ut  
cyrographa prædecessorum nostrorum  
duobus Cœnobiis sibi commissis olim  
collata, nostra quoque auctoritate fir-  
maremus, nostræque illis confirmatio-  
nis cartulam adjungeremus. Cujus  
rationabili & justæ petitioni coram Epi-  
scopis,*



scopis, ceterisque Principibus nostris assentientes, sicut in Apostolicis & Imperialibus assignatis scriptis concessum eis, & confirmatum est, decernimus atque jubemus, ut utrumque Cœnobium Corbeienſe videlicet Monachorum, atque Herivordenſe Sanctimonialium, cum omnibus ad ea pertinentibus, sub Apostolica, & Imperiali tuitione nostra plenissimæ libertatis jure fruatur. Volumus enim ipso donante, quo favente regni gubernacula suscepimus, omnium Ecclesiarum jura infra regna nostra firmiter stabilire, concessiones antecessorum nostrorum singulis Ecclesiis suas confirmare, omnibusque Deo famulantibus maxime Monachis ad divinum cultum debita solatia clementer impendere. Habent igitur præfata Monasteria eandem, quam hætenus, & deinceps libertatem, ut nullus Successorum nostrorum ipsa, vel res eorum aut in beneficia dare, aut alio injuste vertere præsumat; sed liceat prælatis res suas intus vel foris cum consilio fratrum, suorumve, regulariter & canonice disponere, & sine cujuslibet contrarietate, vel contradictione liberaliter possidere, Decimas, vel Deci-

males Ecclesias, immo universas possessiones suas in quibuslibet Episcopis, præcipue in Bremensi, Osnabrugensi, & Paderburnensi, ubi plurimas habent: Et res aut Decimas ita integerrimè teneant atque possideant, sicut ab antecessoribus nostris, Regibus videlicet & Imperatoribus, hætenus habuerunt atque possederunt. Aliter enim in Dei servitio persistere non poterunt, cum præbenda eorum ex majori parte de decimis constituta sit; Episcopis vero, quibus servitia & mansionatica debent tempore circuitus sui, secundum scripta sua singulis annis persolvant. Proinde utrique congregationi regularis electionis potestatem concedimus, & qui ordinati fuerint, si forte, quod absit, in aliquo deliquerint, non præter canonicam & regularem deponantur examinationem. Et ut hæc auctoritas concessionis atque confirmationis nostræ firmiter habeatur, & per futura tempora a cunctis fidelibus sanctæ Dei Ecclesiæ, nostrisque præsentibus & futuris melius credatur, diligentiusque observetur, manu propria subter eam firmavimus, & sigilli nostri impressione assignari jussimus.

Signum Domni Herimanni Regis invictissimi.



Bruno Cancellarius vice Sigefridi Archicancellarii recognovi. Data 3 Non. Augusti Anno Dominicæ Incarnat. MLXXXII. Domni Herimanni Regis I. Indict. V. Actum coram multis Principibus in palatio regio Goslare in Dei nomine feliciter Amen.

## Annus Christi 1083.

Gregorii VII. Pont. 11. Henrici IV Reg. 28.  
Popponis Ep. Pad. 8.

Henricus  
urbem Leoninam cepit, & Gregorium Pont. pellit Bertholdus.  
Marianus  
Leo Ostiensis lib. 3. c. 49.  
Sigonius l. 9. Regum Ital.  
Annus inter hæc elapsus MLXXXIII, quo per absentiam Henrici Regis in Italia, Hermannus Rex magno Principum Catholicorum populique studio ac quiete imperabat; sed tanto funestius Henricus Rex tumultuabatur in Italia. Nam ut Bertholdus presbyter memorat præsens temporum inspector, Rex contracto ex hibernis exercitu, sub initium veris, majori quam unquam conatu Leoninam urbem ante Pentecosten aggressus per civium concordiam cepit; quo belli impetu Basilica SS. Petri & Pauli direpta, & ma-

gna pars destructa. Paulo ante Pontifex cum Cardinali in Adrianam molem se receperat, habebatque in potestate Tiberinos montes, & loca urbis munitiora, hærebatque Pontifici fida nobilitas. Tum vero Henricus Rex Guibertum Pseudopontificem in Romana sede per vim collocavit; viditque Roma, quod nunquam viderat, monstrum in Cathedra Petri, vivo adhuc & undecim annis regnante Gregorio VII Pontifice. Et cum bestiam illam, ut Blondus vocat, nullus orthodoxorum Episcoporum initiare vellet, evocati

\* *al. Ari-*  
*minensis.*

Liemaro  
Bremens.  
Archiep.  
donat Ab-  
batiam El-  
tenensem.

cati Mutinensis & \* Aretinus Pseudo-  
episcopi, a quibus consecratus est;  
quamvis alii id ad sequentem annum  
referant, addantque Bononiensem, &  
Cremonensem schismaticos Episcopos.  
Unde & Rex sibi sacrosanctum illud  
orbis christiani imperium sumpsit in  
exturbandis per Italiam & Germaniam  
Catholicis Episcopis, quotquot Gre-  
gorio vero Pontifici, & Catholicorum  
Sacerdoti hærere deprehensi sunt.  
Hinc ut Bartholdus scribit, in Teuto-  
nicorum Regno Episcopi, clerici, &  
nobiles certatim latibula in Monacho-  
rum cellis quæivere; visque Marchio-  
nes, Comites, nobiles magno numero  
Monachi vitam amplexi, vilissima in-  
ter Laicos munia obire. Interim Ro-  
ma nihil sub barbaris, nihil sub Regi-  
bus & Imperatoribus conturbatius vi-  
derat; neque fœdus Germania a Chri-  
stiano Rege; sed in hac procella tem-  
porum Saxonia adhuc interrita, & in  
fide Pontificis immota stabat, suosque  
Episcopos, Collegia, & Cœnobîa ar-  
morum dominatu tuebatur. Unus  
tantummodo Liemarus Bremensis &  
Hamburgensis Archiepiscopus, gente  
Bavarus, ex Saxonici Episcopis Hen-  
rico adhuc a latere hærebat inter Schis-  
maticos Episcopos; is quia invisus Re-  
gem in Italiam comitatus erat, interque  
horum pravorum consiliorum artifices  
habebatur, neque Saxones illum passi  
consistere apud se, nec ex bonis, Epi-  
scopatus quicquam subministrari per-  
miserunt. Hujus ergo tenuitate ut  
subveniret Rex, Eltenensem illi Abba-  
tiam Sanctimonialium Virginum, quæ  
haud procul Embrica ad Rhenum ex  
hereditate Meinweri Episcopi, ejus-  
que sororis & consanguineorum opu-  
lenta erat, Liemaro donavit, perpe-  
tuæ jure possidendam. Quam in rem  
extant Henrici Regis tabulæ hoc anno  
Romæ consignatæ; Et cum in iis Saxo-  
num fides erga Romanum Pontificem,  
quam impius Rex perfidiam vocat, ex-  
tollatur, jubet hic adscribere.

*In nomine sanctæ & individue Tri-  
nitatis, Henricus Henrici filius Im-  
peratoris secundi divina favente clemen-  
tia Rex. Exemplum justitiæ & bone-  
statis a patribus nostris divæ memoriæ  
Augustis accipientes, tum ex proprio  
sensu per nos ipsos, quæ sint justa ac  
Deo placita intelligentes, regiam no-*

*stram Majestatem decere perspeximus;  
ut fideles nostros, fidem ac justitiam  
ad nos servantes, dignis retributionibus  
muneremur. Quamobrem Liemarum  
sanctæ Hammaburgensis Ecclesiæ vene-  
rabilem Archiepiscopum nominis nostri  
præcipuum amatorem, atque optime  
de nobis merentem, dignum duximus,  
ut pro sua in nos fide egregia ac perpe-  
tua devotione magno munere donare-  
mus. Cum enim gens Saxonum ob su-  
perbiam temeraria a nobis rebellionem re-  
cederet, & bellum adversum nos toto  
de --- eo amplius sumeret, ille fidem  
semel nobis juratam pure & quam san-  
ctæ conservans, suos ac sua, certe divi-  
tias magnas reliquit, separatus ab illis,  
atque ad nos veniens, lateri nostro fidus,  
& irremotus comes toto illo tempore  
adfuit: nisi forte nostræ jussiones ac  
publicæ actiones aliquo ablegassent, aut  
propriæ ipsius utilitates & rationes ad  
horum hoc exposulassent, ut abesset,  
non illum tenuitas rei familiaris, non  
laborum fatigationes, non vitæ discrimi-  
na aliqua dimovere. Eodem bello  
Saxonico duabus pugnis gravissimis  
maximo periculo nobis adfuit, sed &  
apud sedem Apostolicam, contra Hilde-  
brandum perturbatorem orbis ---  
magnis difficultatibus & anxietatibus  
legatione nostra functus est, tribus vici-  
bus ad expugnandam urbem Romam  
& capiendam nobiscum venerat. Huic  
ob fidem in nos tantam & voluntatem  
quam optimam, spontanea consideratio-  
ne benefacere volentes, Abbatiam Alte-  
ne in honore sancti Viti martyris con-  
structam juxta Rhenum fluvium in pa-  
go Hamaland, Gerardi Comitatu sitam,  
sanctæ Hammaburgensi Ecclesiæ in ve-  
nerationem Salvatoris, atque ejus geni-  
tricis perpetuæ virginis Mariæ, nec  
non etiam supradicti S. Viti, pretiosissi-  
mi martyris consecratæ perpetuo jure  
possidendam tradidimus, eidemque Lie-  
maro præfatæ Ecclesiæ provisorii & pa-  
stori dignissimo, ac suis deinde successo-  
ribus in omne ævum perfruendam con-  
cessimus, quo tali libertatis nostræ  
exemplo facilius ceteros ad similem de-  
votionem, & nostrum servitium attra-  
heremus. Nos tamen a multis retro  
diebus Hammaburgensem Ecclesiam præ  
omnibus fere diligentes, temporibus  
Adalberti ejusdem sedis venerabilis Ar-  
chiepiscopi, viri eruditissimi atque egre-  
gie fidelis curtem illi nostram Liesmundi  
dictam,*

dictam, complura alia prædia comitatus, & donaria multa atque ornamenta contulimus, quo ipsius Domini nostri Salvatoris petitionem, qua in re summa salus & vita est, atque ejusdem genitricis intemeratæ virginis opitulationem habere possemus. Dedimus autem eo more, quo Reges & Imperatores solent, cum omnibus appendiciis, ministerialibus, mancipiis utriusque sexus, mundinis, theloneis, monetis, mercatis, areis, ædificiis, terris cultis & incultis, pratis, pascuis, viis & inviis, exitibus & redditibus, forestis, venationibus, aquis aquarum decursibus, molis, molendinis, piscationibus, quæsitis & in-

quirendis, Ecclesiis, Capellis, decimis, & cum omni jure, quod ad hæc tempore habuit, & utilitate, quæ in futurum inde justè provenire poterit. Et ut hæc nostræ traditionis auctoritate omni tempore rata, & stabilis & inconvulsa permaneat, hanc cartam facti nostri significatricem ac testem super ea re conscribi & sigilli nostri impressione signari jussimus. Data X Calend. Julii, Anno Dominicæ Incarnationis MLXXXIII Indiæ. VI. Anno autem ordinationis Domini Henrici IV Regis XXIX regni XXVII actum Romæ post urbem captam feliciter Amen.

## Annus Christi 1084.

Gregorii VII. Pont. 12. Henrici IV. Reg. 29. Imp. 1.

Popponis Ep. Pad. 9. & ult.

Hærebat adhuc in quartum eumque sequentem annum Henricus Rex in Italia, nec quietus, dum sanctissimum Pontificem ex urbe & throno depelleret. Opportuna ad id fuit ingens vis pecuniæ, quam a Constantinopolitano Imperatore acceperat Henricus Rex, ad comprimendum Viscardum Apuliæ Ducem; hanc Rex perfide avertit ad corrumpendos civium Romanorum animos. Igitur postquam ab his Rex invitatus, urbe integra potitur, eamque II Calendas Aprilis ante sacrum palmarum diem cum suo Guiberto Pseudopontifice ingreditur; a quo Henricus festo Paschatis Imperatorem se inungi jussit, & cum Coniuge sua Bertha in Vaticano de more coronari. Tam vana coronatio, quam profanus Pontifex. Quibus rebus peractis, Roma discessit Rex, relicto in ea Pseudopontifice cum præsidio militari. Haud multo post Robertus Viscardus Nortmannus, Apuliæ Dux, a Pontifice imploratus urbem armatus ingreditur, & Pontificem incensa urbe educit in Cassinum Cœnobium, atque inde Salernum, ubi in quiete sanctissimam vitam egit; ob quæ Rex simul, quod totum fere exercitum lues absumpserat, fugienti similis mense julio in Germaniam properat longe gravioribus defectionibus concussam.

Nam Hermannus Rex majorem anni partem versatus in Saxonia, Christi Natalem & Pascha in ea celebravit;

convocatisque Episcopis & Principibus primum Saxones, deinde ceteros per Germaniam Catholicos Principes sibi fœdere illigavit adversus Henricum Regem ex Italia redeuntem. Stabatque non minus armata Suevia, quam Saxonia, gens arcto hætenus vinculo sociata. Et Henricus Rex, postquam Germaniam ingressus, reperit Suevorum exercitum sibi objectum ad Lyncum fluvium, nec ausus congredi, Ratisbonam deflexit. Unde Moguntiam petiit ob excessum Sigefridi Archiepiscopi. Hunc quia ex Orthodoxis sibi adversantem habuerat, sollicitus erat de alio suæ factionis Archiepiscopo reponendo; in ejusque locum, congregata Schismaticorum Episcoporum multitudine, subrogavit Wecilonem Clericum Halberstadiensis Episcopi fugitivum, non ob alia merita, quam quod sibi in omni pertinacia adversus Gregorium Pontificem, & sedem Apostolicam fidum adiutorem habuisset, qui idcirco jam dudum ob hæc facinora a Pontifice anathemate percussus erat; ita reliqua pars anni ab utroque Rege in attrahendis Episcopis & Principibus bellicque provisu occupata.

Hoc anno Poppo Paderbornensis Episcopus noster Metropolitanum secutus, felici morte excessit e numero mortalium, gesto in nonum annum præclara cum laude Episcopatus munere. Cujus hoc elogium inter cetera, quod licet ab Henrico Rege ad Episcopatum

Mortuo Sigefrido Archiep. Mogunt. substituit Wecilonem.

Obitus Popponis Ep. Paderb. Gobelinus atq. 6. c. 55 Crantzius lib. 5. Metropol. 6. 23.

patum provectus fuerit, nunquam tamen ejus consilia factaque probavit. Quare Saxonico foedere junctus constanter semper Orthodoxorum partes tenuit; Divumque Altmannum Pataviensem Episcopum Apostolicæ sedis legatum diu apud se Paderbornæ exulem magna caritate excepit, nihilque veritus Henrici Regis odia & minas, multis beneficiis coluit; a quo sanctissimo hospite quid aliud, quam veterem in clero disciplinam a Meinwerco, Rothone & Imado traditam, ac Romanæ sedis observantiam discere poterat? Gobelinus & Crantzius licet ad hunc annum retulerint Popponis obitum, falluntur tamen, dum VII tantum annos præfuisse dicunt, qui novem in Episcopatu explevit, uti chronologia a nobis servata commonstrat. Mortis dies in necrologio Abdinghoviano notatur IV Calend. Decembris. Cetera de hoc Episcopo memoranda incuria Scriptorum, aut temporum injuria subduxit, a quibus nec sepulchri locum accepimus. Feliciter interea cum Poppone Episcopo actum, quem Deus ex turbulentissimis, quæ per Saxoniam inciderunt, temporibus ad quietiorem in cœlis vitam transtulit.

Est Friderici  
Episc. Mo-  
nasteriensis

Tertius, quem ex Catholicorum Episcoporum numero mors sustulit, est Fridericus Monasteriensis Episcopus. Nam proximo anno ex concilio Moguntino Erponem illi subrogatum commonstrabimus; quanquam an hoc anno, an sub initium proximi anni, aut ante etiam obierit, fasti Monasteriensium non satis docent. Fuit autem Fridericus ex illustri Marchionum Werthinsium familia, patre Theoderico II, ac matre Mathilde Marchionis Mifnensis filia ortus. Censusque est inter sanctissimos Saxoniae Episcopos Anno ni per omnem ejus vitam conjunctissimus, multaque præclare gessit pro re-

ligione in sua Ecclesia. Cujus pietatis ac liberalitatis monumentum est celebre illud Mauritianum Collegium Canoniorum extra muros urbis Monasteriensis ab ipso conditum & dotatum, in quo & sepulchrum ejus ad ingressum chori magnifice a Martino Schenckingo Decano erectum conspicitur; & cum ab eo anno 1576 sarcophagus aperiretur, repertus est integra ossium junctura in Episcopi habitu. Ad caput procumbentis appositus erat calix cum patena, cui Episcopus pontificali ornatu insculptus erat; inventus & annulus aureus sinaragdis distinctus, signa desponsæ Ecclesiæ suæ, quam bonis non minus hæreditariis, quam virtutibus exornavit, ut hæc in fastis eorum multis commendantur; quippe totum patrimonium suum, quod habebat amplissimum in Ecclesiam suam locupletandam convertit. Friderico in Monasteriensi cathedra subrogatus Erpo e Collegio Canoniorum Goslariensium (quod per id tempus seminarium erat Episcoporum) sed studio ac fervore Henrici Regis, eoque Sahismatici labe notatus. Erat is ex sorore Friderici nepos, ex illustri quoque Saxonum familia ac post Canonicus Rhemensis, in eoque Collegio Scholarum moderator.

Ceterum inter has Germaniæ turbas D. Bruno Teutonicus, civis Coloniensis filius, hoc anno abdicatis rerum humanarum curis in vastam eremum secessit, & sanctissimum Carthusianorum ordinem instituit, qui exin brevi se per Franciam, Germaniam, & totam Europam diffudit; id licet Baronius biennio post factum velit, Sigbertus tamen, atque ejus familiæ scriptores ad hunc annum certius referunt, diemque assignant natalem Joannis Baptistæ, quocum Eremitarum Patriarcha ac patrono Deus hanc admirabilis vitæ familiam nasci in Ecclesia voluit.

Exordium  
ordinis Car-  
thusiani a  
D. Bruno  
ne institui



ANNA-



# ANNALIUM PADERBORNENSIIUM

LIBER VII.

HENRICUS I.  
COMES DE ASLO  
XIV.

HENRICUS II.  
COMES WERLENSIS  
XV.

EPISCOP. PADERBORN.

HENRICUS I.  
COMES DE ASLO XIV.  
EPISCOPUS PADERBORN.

Annus Christi 1084.

Gregorii VII. Pont. 12. Henrici IV. Reg. 29. Imp. I.  
Henrici I Ep. Pad. 1.

Conturba-  
tio Germa-  
nie facta  
propter di-  
versum schis-  
mam.



Quem a morte Popponis profe-  
quimur annum Christi  
MLXXXIV, is nos cum se-  
quentibus duobus Episcopis deducit

ad conturbata religionis tempora. Nam  
postquam Henricus, Rex impius, au-  
sus est Gregorium VII, verum & Or-  
thodoxum Pontificem, e Cathedra  
Petri,

H h h

Petri, per vim armorum deturbare, & in ejus locum clementem Pseudopontificem, ingemiscere toto orbe Christiano, obtrudere, ortum est fœdum illud & hætenus inauditum schisma inter Sacerdotium & regnum: vulnere nimirum per contagionem mali a Sede Apostolica, tanquam a capite per cetera Ecclesiæ membra manante. Nam passim per Italiam & Germaniam Saxoniamque nostram alibi Catholici Episcopi, alibi Schismatici conspecti sunt. Nec & Episcopi solum cum Episcopis, sed & Abbates cum Abbatibus, Clerus cum Clero, & Monachi cum Monachis collisi sunt; quod alii vero suo Pontifici, alii Pseudopontifici, & schismatico Regi per studia partium & dissidia hærent. Ad hæc, quod multo detestabilius erat, in eadem Episcopi sede simul Catholicus a Clero electus, & Pontificis auctoritate confirmatus: simul Schismaticus, a schismatico Rege obtrusus spectabatur. Ejus fœdæ rei exemplum in nostra quoque Paderbornensi Ecclesia. Nam post obitum Popponis Episcopi nostri, Hermannii Catholici Regis nominatione, Cleri consensu, & Legati Pontificis auctoritate, quem Gregorius VII Ottonem Ostiensem in Germaniam miserat, subrogatus est Henricus Comes de Aslo, vir in clero probatus, multisque virtutibus conspicuus; ob quas etiam post Magdenburgensis Archiepiscopus est delectus; nec enim ultra Episcopatum quiete gerere licuit, quam Hermannii Regis per Saxoniam res florent. At postquam Henricus Rex didicit Henricum Aslonem Paderbornensi Sedi impositum, ipse Henricum Comitem Werlensem obtrusit Episcopum, gravem Asloni æmulum, quocum luctandum fuit. Uterque illustris per Saxoniam familiæ erat. Nam Asloensium Comitum in Ostphalia & Hildesienfi diocesi clara, eademque cum Wincenburgicorum; quemadmodum in Chronico Bremensi Hermannus Wincenburgicus & Henricus de Aslo Comites nominantur fratres. Verustior etiam illustriorque Comitum Werlen-

sium in Westphalia stirps, claraque ab Imperiali Werlensi urbe, cujus toties supra meminimus. Quamquam Kersebrochius hunc ex Comitum Waldecensium familia ortum velit, quod Henrici hujus postremi insignia, quæ Paderbornæ in secretiori Cathedralis Ecclesiæ conclavi conspiciuntur, Waldecensium sint. Sed quoquo modo se habeant in utroque origines familiarum, causa Henrici Asloensis melior fuit; quod is cum Orthodoxis Episcopis Apostolicæ Sedi, & Ottoni Episcopo Ostiensi, quem Pontifex Legatum misit in Germaniam, conjunctius hæserit. Inde inter utrumque hunc Episcopum Paderbornensem Catholicum & Schismaticum, grave ad aliquot annos, cum magno Ecclesiæ Paderbornensis detrimento, ut Gobelinus noster scribit, certamen fuit. Et quantum ex illa temporum perturbatione & caligine rerum æstimare fas est, primis annis dum sub Hermanno Rege res Saxonum prævalerent, Henricus Asloensis in possessione Episcopatus mansit, donec per vim ab Henrico Rege dejiceretur. Interim Henricus Werlensis Schismaticus, ut aliorum Schismaticorum exemplo se in Episcopatu præmuniret, consecrationem maturavit, & hoc ipso statim anno est inunctus. Nam in literis, quas anno 1000 Cœnobio Helmwardeshusano consignatas proferemus, annum XVI ordinationis suæ scribit; quemadmodum & ab hoc anno 1084 ad annum 1127, quo obiit, Gobelinus noster XLIV annos ejus Episcopatus numerat, quibus eum huic Ecclesiæ præfuisse perhibet, primum omnino qui hanc Ecclesiam schismatis labe infecit. (Quo autem anno cum Pontifice Ecclesia reconciliata sit, tempore memorabitur) Contra Henricus Asloensis, quod minus certus esset, utrumne se contra Henrici Regis atque æmuli potentiam tueri posset in Episcopatu, consecrationem distulit: nec prius Episcopus est consecratus, quam cum Magdenburgensis Archiepiscopus deligeretur, uti ad annum 1102 memorabitur.

Henricus I  
Comes de  
Aslo eligi-  
tur Episc.  
Pad..  
Cui ab  
Henrico  
Imp. oppo-  
nitur Hen-  
ricus II Co-  
mes Wer-  
lensis.  
Gobelin.  
an. 6. c. 55  
Crantzins  
lib. 5. Me-  
trop. c. 23.  
Borrichold  
ad annum  
1084.



Annus



# Annus Christi 1085.

Gregorii VII. Pont. 13. Henrici IV. Reg. 30. Imp. 2.

Henrici I Ep. Pad. 1.

Berthold.  
Ursberg.  
Auber  
Apolog.  
Henriciana  
Siebert.  
Gebhardus  
Salisbur-  
genfis Ar-  
chiep. par-  
tes Ortho-  
doxorum,  
Wecilo Mo-  
gunt Schif-  
maticorum  
necur.

Advenerat nunc annus MLXXXV, quo, postquam Hermannus Rex Na-  
talem Christi Goslariæ celebravit, ac-  
cessit Otto Ostiensis Episcopus, Apo-  
stolicæ Sedis Legatus, post Epiphani-  
am in Saxoniam. Is convocatis Saxo-  
niæ Principibus in colloquium, denun-  
ciavit in proxima Synodo Romana  
rursum a Pontifice anathema pronun-  
ciatum in Henricum Regem. Quod  
judicium Sedis Apostolicæ ita proba-  
vere Saxones, ut omnem Pontifici  
obedientiam obtulerint. Inde XIII Cal-  
end Februarii Gestrungæ in Thuringia  
convenire utriusque factionis Epi-  
scopi ac proceres, tam a Rege Henrico  
quam Hermannō missi. Actum in  
congressu de concordia; & Catholicorum  
nomine prolocutus Gebhardus  
Salisburgenfis Archiepiscopus, vir can-  
næ sapientiæ, exposuit causas ob quas  
Henricus a Sede Apostolica proscri-  
ptus sit; ideoque nec Regem suum  
agnosci posse, nec cum eo communi-  
cari votum, qui extra societatem fide-  
lium sit positus. Contra Henrici cau-  
sam egere Wecilo Moguntinus Archi-  
episcopus, & Conradus Trajectensis  
Episcopus. Schismaticorum pars utrim-  
que acerrime per multas disceptationes  
altercationesque agitata; ventumque  
ad pugnam etiam, qua duo Theodo-  
rici consanguinei Comites perire; ac  
nisi Udo Hildesienfis Episcopus, fra-  
terque ejus Conradus fuga sese subduxif-  
sent, nihil propius erat, quam ut Saxo-  
num quoque gladiis confoderentur;  
quod communem religionis gentisque  
suar causam deferere comperti essent.  
Quapropter & Udo haud multo post  
tum quibusdam Saxonibus ad Henrici  
& Schismaticorum partes transiit; eo-  
que ad Pontificis Legato omnibus illi  
sacris est interdictum.

Synodus  
Quidelenbur-  
genfis, quæ  
in ea acta.

Orthodoxi igitur, ut extra adver-  
sariorum congressum se firmarent,  
Quidelenburgi communem omnium  
Episcoporum synodum indixere, ad  
quam Hermannus Rex tum Legatio Apo-  
stolica, & proceribus ipsis feriis Pas-  
chalibus accessit. Interfuere huic ce-  
lebris Catholicorum Synodo Gebhardus

Salisburgenfis Archiepiscopus, Hart-  
wigus Magdenburgensis Archiepiscopus,  
Adalbero Wirceburgensis, Alt-  
mannus Passaviensis, Adalbertus Wor-  
matiensis, Burchardus Halberstadien-  
sis, Wernherus Merseburgensis, Gun-  
therus Citicensis, Benno Misnensis,  
Hartwicus Verdenfis, Hermannus Me-  
tenfis, Reginhardus Mindensis, Wi-  
goldus Augustanus, Gebhardus Con-  
stantiensis, Henricus Paderbornensis,  
Episcopi. Hi postquam confedere,  
prolata sunt in medium decreta conci-  
liorum, & SS. Patrum de Primatu  
Sedis Apostolicæ. Quibus prælectis  
auditisque, pronunciatum est ab omni-  
bus libera voce pro Gregorio VII Pon-  
tifice: probataque sunt omnia ejus acta;  
& damnatus Clemens Pseudopontifex,  
Wecilo Moguntinus Archiepiscopus,  
ceterique schismatici Episcopi, qui ab  
Henrico Rege obtrusi erant adversus  
orthodoxos Episcopos; qualis in Au-  
gustana Cathedra Sigefridus, in Min-  
denfi Folcmarus Canonicus Hildesien-  
sis, in Paderbornensi Henricus Wer-  
lensis, alibi alii Pseudoepiscopi. Mul-  
ta præterea in hac synodo salubriter pro  
disciplina Cleri ac populi statuta. Præ-  
scripta presbyteris, Diaconis & Subdia-  
conis perpetua continentia: decretum  
ne Laici pallas & sacra vasa contingant:  
ne iidem decimas sibi vendicent jure  
proprietas: ne caseus & ova in Qua-  
dragesima comedantur: utque vernum  
jejunium a prima hebdomada Quadra-  
gesimæ, æstivum in Pentecoste serve-  
tur. Demum anathema pronunciatum,  
accensis cereis, in Guibertum Pseudo-  
pontificem, Liemarum Bremensem  
Archiepiscopum, Udonem Hildesien-  
sem, Ottonem Constantensem, Bur-  
chardum Basileensem, Hermannum  
Spirensensem, Nortbertum Curiensem,  
ceterosque per Germaniam & Italiam  
Schismaticos, & obtrusos ab Henrico  
Rege, & Pseudopontifices Episcopos.  
Tantus in eo conventu Orthodoxorum  
Episcoporum fervor erat, ut facile in-  
telligeres divino numine hanc synodum  
regi. Synodo subscribere iidem Epi-  
scopi, qui supra relati; fallitque ap-  
pendix Conciliorum regiorum, in qua  
Hhh 2 loco

Tom. X.  
Concil. Par.  
recent. edit.  
fol. 404.

In append.  
fol. 1831.  
Binini in  
not.

Conciliabu-  
lum Mo-  
guntinum,  
acta in eo.

loco Henrici Paderbornensis Episcopi ponitur Henricus Bambergensis Episcopus, qui eo tempore Rubertus erat, mox ex Conciliabulo Moguntino inter Schismaticos nominandus. Subscribere præterea Eckbertus Marchio, Henricus Crassus Ottonis Ducis filius, Conradus Comes Beuchlingensis. Ea quoque in synodo damnata Henriciana hæresis, qua asserbatur Imperatoribus & Regibus esse supremam potestatem non modo in res profanas, sed & in sacras. Damnata quoque Wecilana hæresis, quæ, auctore Wecilone Moguntino Archiepiscopo; contendebat Principem rebus suis spoliatum divinis legibus non teneri; ita a schismate in hæreses itum. Sed ea postquam ab Henrico Rege cognita sunt, vix tres hebdomadæ effluxere, cum & ille Moguntia ad S. Albanum pseudosynodum schismaticorum suorum Episcoporum congregavit, cui ipse cum Legatis Pseudopontificis interfuit. Accessere ad hanc synodum Wecilo Moguntinensis, Eilbertus Trevirensis, Sigewinus Coloniensis Archiepiscopi, & Liemarum Bremensis per Legatum; adhuc Conradus Traiectensis, Henricus Leodiensis, Udalricus Eichstadenensis, Meginwardus Frisingensis, Otto Ratisbonensis, Rubertus Bambergensis, Hermannus Spirensis, Otto Constantiensis, Sigefridus Augustanus, Gebhardus Pragensis, Udo Hildesimensis, Henricus Paderbornensis, Erpo Monasteriensis, (adeo jam nomen illud pro Mimigardevordeni receptum erat) Folcmarus Mindensis Episcopi: tres præterea Bibo Tullensis, Burchardus Basileensis, Otto Stratzburgensis Episcopi Legatos suos misere. Multi ex his metu Regis potius, quam voluntate sua adfuere, qui manu quidem & ore, ut Sigebertus retulit, Guiberto addicti, corde tamen Gregorio adhærere, ideoque a Synodo se deinceps subtraxerunt. Interim schismatici, qui convenerant Episcopi, præside Wecilone Moguntino Archiepiscopo, adversus Gregorium Pontificem pronuntiaverunt; tanquam paria relaturi synodo Catholicorum Episcoporum, ne horum iudicium quicquam derogaret Henrico Regi suo. Quapropter umbratilem hanc synodum appellavit Bertholdus presbyter. Nihil armis violentius hoc anno tentatum a Rege, quod Saxones quidam turpius ab Hermanno Rege

suo defecerint ad Henricum Regem. At postquam Henricus recepta potestate pro ingenio suo favire cepit in Saxones, illi mox ad Hermannum Regem fidum Apostolicæ Sedi reversi, Henrici ministros ac milites e Saxoniæ finibus eiecere.

At multum hæc Saxonum & Catholicorum Episcoporum consilia conatusque obturbavit mors Gregorii VII Pontificis, quem hoc anno VIII Calend. Junii Deus solatus ad immortalem quietem evocavit, postquam difficillimis ac turbulentissimis temporibus pontificatum gessisset annos duodecim, mensem unum, dies tres. Mortis præcius dixit. *Dilexi justitiam & odi iniquitatem, propterea morior in exilio*; quemadmodum hæc Otto Frisingensis, & Anselmus Lucensis scripsere. Inter magnos & sanctissimos Pontifices merito numerandus, qui pro libertate Ecclesiæ se murum hostibus objecit. Ab eo Episcoporum institutio erepta e manibus impii Regis & Principum, assertaque Clero; cum illi Episcopatus venales haberent, & indignissimos imponerent Ecclesiis. Ejus constantia & fervore restaurata disciplina Cleri per Italiam & Germaniam; eoque bonis amori, impiis odio fuit. Ac nulla magis vitia, quam simoniam & Cleri concubinas insectatus est, ut divino munere corrupto Cleri sæculo datus censeretur debeat. Vir qui miraculis in vita & post obitum claruit (uti ab his eum etiam commendat Lambertus Schafnaburgensis, præter Anselmum Lucensem, aliosque eorum temporum Scriptores) & cujus corpus Salerni post quingentos annos compertum incorruptum. Nullus fere Pontifex ex omni numero Pontificum, quem magis criminantur hæretici nostrorum temporum; quem ex detorto nomine Hildebrandi vernacula nostra lingua Titionem inferni appellant. Sed hæc non magis nos movere debent, quam ea, quæ Schismatici eorum temporum, Benno Cardinalis Apologiæ Henrici auctor, alique Henricianæ factionis pari calumniandi libidine de sanctissimo Pontifice scripsere. Quo in genere nullum mihi certius veritatis argumentum est, quam quod omnes Episcopi, qui cum Gregorio Pontifice, & Sede Apostolica sterere adversus Henricum Regem,

Gregorii  
VII. Pont.  
mors &  
sanctitas  
Berthold.  
Lambert.  
Anselm.  
Lucen.  
Baronius  
ad hunc an-  
nam.

Regem, viri sanctissimi fuerint, multique etiam ex his vivi; & mortui miraculis clari illuxerint: qualis D. Anno Colonienſis, Gebhardus Salisburgenſis Archiepiſcopi: Benno Miſnenſis, Altmannus Paſſaviienſis, Albero Wirceburgenſis, Hermannus Metenſis, Imadus Paderbornenſis, Egilbertus Mindenſis, Fridericus Monafterienſis, aliiſque Epifcopi Orthodoxi. Contra qui Henrico Regi & Clementi Pſeudopontifici hæſerunt, aut vani, aut impii, aut ſuis criminibus notati; quorum plerique infelici morte vitam clauſere, ut eos Lambertus, Bertholdus, ceterique Scriptores percerent.

Rogatus ante obitum Gregorius Pontifex, quem Succefforem vellet, nominavit Deſiderium Caſſinenſem Abbatem, virum integerrimum; ſed cum is obluſtaretur, electio Pontificis in ſequentem annum prorogata eſt. Interea Clemens eo fallacius liberiusque ferre cœpit ſe Pontificem, & de Epifcopis diſponere. Quæ res multos etiam incautos in errorem abduxit, ut Clementem III. verum Pontificem colerent; quos inter Erponem Monafterienſem Epifcopum numeres. Quanquam poſt obitum Gregorii Pontificis, ut a Bertholdo relatum eſt, Catholici Clementem Roma eiecerint, & Ravennam redire compulerint. At nemo inſolentior ob mortem Gregorii, quam Henricus Rex cum ſuis Schiſmaticis Epifcopis in turbanda Eccleſia; quando alios ex Epifcopatu dejecit in exilium, aliis, quos pellere non licuit in Saxonia, alios Schiſmaticos Epifcopos tanquam adulteros ſubrogavit; quemadmodum Paderbornæ, Mindæ, aliſque, ut diximus, in locis factitavit. Et unde hoc fœdum Schiſma ortum, ſuſtentatumque, niſi ex fœdis ejus vitiis, quibus per omnem vitæ licentiam inſueverat? quemadmodum hæc Stephanus ſive Herrandus Halberſtadienſis Epifcopus, apud Dodechinum & Scriptores Chronici Moguntini in epiſtola ad Valtrammum Naumburgenſem Schiſmaticum Epifcopum perceret, interque cetera proſtitutam ab eo propriam uxorem, & ſacrorum nundinationes Epifcopatum & Abbatiarum expoſtulat. *E*nimvero, inquit, *Epifcopatum Conſtantiienſem, Babenbergienſem, Moguntinenſem, & plures alias dignitates pro pe-*

*cunia; Ratisbonenſem, Auguſtenſem, Strasburgenſem pro gladio; Abbatiam Fuldenſem pro adulterio; Monafterienſem Epifcopatum (quod dicere & audire nefas eſt) pro ſodomitica immunditia vendidit. Quæ ſi impudenter negare volueris, teſte cælo, teſte terra, omnes etiam a furno redeuntes, Scioli concludent, Ergo Dominus Henricus hæreticus eſt. Pro quibus nefandis malis ab Apoſtolica Sede excommunicatus, nec regnum, nec poteſtatem aliquam ſuper nos, qui Catholici ſumus, poterit obtinere.* Hic, ut ego nihil de ceteris Schiſmaticis Epifcopis; magnopere laborant Monafterienſes, uti Erponem Epifcopum ſuum ab hoc crimine abſolvant; quem tamen inter piſſimos & integerrimos Epifcopos poſteritas coluit, tumulo etiam ad ingreſſum templi elevato. Bochorſtius, ut id diluat, ait de Burchardo ejus Succeffore hæc ſcripta eſſe. Sed oſtat Epifcopi Halberſtadienſis epiſtola, quæ ad hæc potius tempora hæc Regis flagitia refert; Burchardus vero & Theodoricus (quorum alter Schiſmaticus, alter Orthodoxus) non niſi circa annum Chriſti 1097 Erponi ſubrogatus ſit; quamvis Dodechinus hanc epiſtolam ad annum Chriſti 1090 recitet. Veriſimilius dixerim (ſi tamen vera narret epiſtola) id flagitium vel ab inimicis confictum fuiſſe, vel certe alii hujus flagitii comperto Epifcopatum ab Henrico Rege oblatum eſſe, qui tamen nunquam ad Epifcopatum illum pervenerit. Quomodo ſe iſta habeant, a labe Schiſmatis Erpo ægre excuſari poterit, quem jam ſupra in pſeudofynodo Schiſmaticum coram Moguntino præſentem audivimus; infraque cum Clemente Romæ communicaffe referemus. Qualia demum illa delicta reputaveris, longe certius eſt, ea ſeria pœnitentia ab Erpone Epifcopo, profectione cumpromis in Paleſtinam, expiata eſſe.

Illud interim non omiſerim in Henrico Rege, qui, pro conſueta ſua nundinatione rerum ſacrarum, hoc anno Liemaro, Bremenſi Archiepiſcopo, pravoque omnium conſiliorum machinatori, Abbatiam Vredenſem Sanctimonialium Virginum in diœceſi Monafterienſi donavit. Jam ante Eltenenſem impetrarat a Rege, non immerito alter bonorum ſacrorum poſt Albertum

Erpo Ep. Monatt. a vitio ſchiſmatis, quod pœnitentia diluit, vix poteſt abſolvi.

Abbatia Fredenſis ab Henrico Rege donatur Liemaro Archiep. Bremenſi.

Schiſma ex Henrici Regis vitiis ortum.

bertum in sede illa helluo nominandus. Impiæ hujus donationis testes sunt hæ tabulæ, etsi velo pietatis prætextæ.

*In nomine sanctæ & individue Trinitatis, Henricus divina favente clementia Romanorum Imperator Augustus. Notum esse volumus & præsentibus & omnium seculorum populis, qualiter fidelis noster Liemarum sanctæ Hammaburgensis Ecclesiæ venerabilis Archiepiscopus, petitionem faciens nostræ Celsitudinis Serenitatem adiit. Habebat is ex nostra munificentia, qua utebatur, Abbatiam quandam, quam ei in rebellionem Saxonum fidem nobis servanti, ac suis omnibus relictis arma nostra sequenti, in sustentationem indulimus. Abbatia Fredena nuncupata, ad honorem sanctissimæ ac pretiosissimæ martyris Felicitatis, matris VII filiorum, sub Principe Christo constructa, ac canonicis monialibus commissa, in pago Westfala dicto; in comitatu Gerhardi Comitis sita est. Quam cum præfatus venerabilis Archiepiscopus Liemarum Ecclesiæ suæ in honorem sancti Salvatoris, ejusque Genitricis perpetuæ Virginis Mariæ, aliorumque Sanctorum Jacobi Apostoli, & Viti Martyris constructa, concedi & perpetuo jure contradi submissis precibus postularet: Cui etiam Romæ ante biennium, capta urbe Leoniana, Abbatiam aliam Eltene dictam, in pago Hamaland juxta Rhenum sub honore sancti Viti sitam, ac temporibus fidelis nostri sanctæ memoriæ Adalberti Archiepiscopi prædia multa nostris ex redditibus contulimus, nunc in hac petitione fidelissimos nostros Welclonen Moguntinum, Egilbertum Trevirensium Archiepiscopos, Conradum*

*Trajectensem, Robertum Babenburgensem, Meynhardum Wirceburgensem Episcopos, Fridericum Ducem Suevorum adjutores sibi adhibuit. Nos ergo adjutorum dignitatem, fidem, devotionem considerantes, simul etiam ipsius Archiepiscopi Liemari jure servitium, & perpetuos pro nobis labores retractantes, voluntati eorum pro pietate nostra ac liberalitate deesse nolimus. Igitur decernentes eorum petitionibus acquiescere, eandem Abbatiam Fredena nominatam, sanctæ Hammaburgensi Ecclesiæ Imperatoria manu concessimus, ac in proprium tradidimus, ut eam jure perpetuo teneat, possideat, ordinet, & utatur, sperantes hoc factum in salutem, & vitæ subsidium nobis futurum. Dedimus autem, sicut mos est dare Regibus & Imperatoribus, cum ministerialibus, cum mancipiis utriusque sexus, cum Clericis, Ecclesiis, Ecclesiarum dotibus, decimis, terris cultis & incultis, quæsitis & inquirendis, sylvis, forestis, venationibus, pratis, aquis, aquarumque decursibus, piscationibus, viis & inviiis, molis, molendinis, pascuis, mercatis, theloneis, monetis adhæc cum omni utilitate, quæ exire eisdem ex bonis juste poterit. Sic autem illam tradentes, hanc cartam in testimonium posteritati conscribi, & sigilli nostri impressione signari jussimus, ne qua deinceps potestas hanc nostram traditionem temerare & convellere in perpetuum audeat. Data est autem V. Calend. Januarii, Anno ab Incarnatione Domini MLXXXV. Indictione VIII. Domini Henrici Anno Regni XXXII. Imperii II. Actum Wormatiæ feliciter Amen.*

## Annus Christi 1086.

Victoris III. Pont. 1. Henrici IV Reg. 31. Imp. 3.

Henrici I. Ep. Pad. 2.

Berthold.  
presbyt.  
Dodechinus  
Ursberg.  
Chron. Aug.  
gust.  
Sigebert.

At Henricus Rex confusus schismaticorum suorum Episcoporum numero, & Principum quorundam auxiliis rursus altero anno tumultuari cepit, sed suis cladibus infelix. Nam Boji, qui a Welfone discesserant ad Regem, Duci suo reconciliati, junctique Suevis, Ratisbonam, qua se incluserat Rex, incingere aggressi sunt. Rege profugo, urbs expugnatur; captusque Otto Schismaticus Episcopus. Castris inde

in superiores regiones promotis, Gebhardus exul, Archiepiscopus Salisburgi, restituitur, quem Altmannus Pafsaviensis & Meginwardus Frisingensis Episcopus complexi, cum incredibili Cleri populique gaudio introduxerunt. His feliciter actis erecti Saxones cum Suevis & Bojis haud procul Herbipoli in colloquium veniunt, junctoque armorum fœdere urbem obsident, quam Wecilo Moguntinus Archiepiscopus,

Henrici

Victoria Saxo-  
rum di-  
vinitus con-  
tra Henri-  
cum Reg.  
ad Herbipo-  
lim relata.

Henrici Regis urbisque propugnator, tenebat. Rex, quo suis tempestive subveniret, cum exercitu viginti milium advolat. Nec segnior Hermannus Rex cum Saxonum copiis se Bojis & Suevis conjungit; Regisque Hermannii, Welfonis Bojorum, & Bertholdi Suevorum Ducis auspiciis Orthodoxorum exercitus hosti obviam procedit, non tam armis, quam patrocinio Numinis confisus. Quam in rem magnam altamque crucis effigiem plastro imponunt, praelatoque rubro vexillo, ad locum praelii læti properant; ac priusquam acie committantur, omnes prostrati in terram tam equites quam pedites submissi Deum exorant, publicas preces Magdenburgensi Archiepiscopo inter lacrymas ordiente. Post quæ tantus pugnandi ardor incessit Orthodoxos, ut ad primum statim congressum acies Henrici Regis turbata eversaue, Rege inter primos fugiente. Ingens hostium strages facta, quam Sigebertus quatuor millium scribit. Ex Orthodoxis non nisi quindecim desiderati, & triginta faucii memorantur. Inter spolia castrorum reperta ingens Episcoporum supellex sacra. Auctor Apologiæ Henricianæ cladis acceptæ culpam refert in Colonienfis & Trajectensis Episcopi milites, quod hi primi ex acie profugerint. In hunc modum jam quintum turpiter praelio cæsus Henricus Schismaticus Rex. Victori mox etiam Herbiopolis cedit, restitutusque Adalbero Episcopus, a Rege ejectus. Nam ob hanc causam hæc arma a fœderatis contra Regem suscepta erant, ut Episcopos ab Henrico Rege depulsos reponerent. Redditus tum etiam sedi suæ Altmannus, ad cujus conspectum Timo Schismaticus Passavii Episcopus miseranda morte inter desperationis voces animam e corpore eiecit.

Sed tanto contentius laborabat Henricus Rex, ut Schismaticos Episcopos in sua factione retineret; ejus quoque rei gratia Udonem Hildesimensis Episcopum, qui ex Saxonibus ad se transfugerat, regali prædio donavit, quod ex hisce tabulis cognosci poterit.

*In nomine sanctæ & individue Trinitatis, Henricus divina favente clementia tertius Romanorum Imperator Au-*

*gustus. Omnibus Dei nostrisque fidelibus tam futuris quam præsentibus notum esse volumus, qualiter nos Ecclesiæ Hildenesheimensi mediante fidei nostro Udone ejusdem Sedis Episcopo curtem nostram nomine Werla & villas eodem pertinentes, nomine Immenrothe & Jekthere, cum omnibus appendiciis, id est, mancipiis, pratis, pascuis, aquis aquarumque decursibus, molis & molendinis, campis, silvis & piscationibus, exitibus & redditibus, quæsitis & inquirendis, seu cum omni utilitate, quæ ullo modo inde poterit provenire, in proprium dedimus, excipientes de hac ipsa donatione clientes nostros cum bonis eorum, & silvam, quæ dicitur Harz, cum forestali jure, & Goslariam cum bonis fratrum Goslariensis Ecclesiæ. Illa autem supradicta bona pro mansis ducentis dedimus; ea videlicet ratione, ut si quid ibidem ultra ducentos mansos inveniret, nobis retineremus. Si quid minus, id supradictæ Ecclesiæ aliunde suppleremus. Et ut nostræ hujusmodi donationis auctoritas omni ævo stabilis & inconversa permaneat, hanc cartam inde conscribi & sigilli nostri impressione jussimus insigui.*

*Signum Domni Heinrichi tertii Romanorum Imperatoris Augusti.*

*Herimannus Cancellarius vice Wicelonis Archicancellarii recognovit. Data Calend. Januarii ab Incarnatione Domini MLXXXVI. Indictione \*  
VIII. anno autem Domni Heinrichi Imperatoris regni quidem XXXI imperii autem II. actum Wormatiæ feliciter Amen.*

Erpo interim Monasteriensis Episcopus, magno religionis studio sacra sibi sumpsit instauranda in sua diocesi. Quam in rem Collegio Sanctimonialium Virginum Freckenhorstensis certa jura & privilegia donavit. Extant hac super re tabulæ apud Bochorstium. Subscribere tabulis magno numero primum Clerici; deinde Milites, postremum Ministri ejus Ecclesiæ, quas ipse hoc primo ordinationis suæ anno Mimigardevordix consignavit. Ac tamen Mimigardevordensem Episcopum se scribat iis in literis, nomen tamen Monasteriensis Episcopi per id tempus invaluerat, uti ex auctore Apologiæ supra relato constat, a quo Monasteriensis

Erponis Ep.  
Monast. studium in  
monasterio  
suz diocesis.

Henricus  
regali prædio donat  
Udonem  
Ep. Hildes.

riensis Episcopus nominatur. Has autem Sanctimoniales Virgines ex instituto Canoniarum fuisse liquebit ex literis Erponis, quibus præter Abbatissam etiam Præpositam, Decanam, aliasque ex gradibus munerum nominat, cuiusmodi pleraque fuere Monasteria Virginum per Saxoniam.

Erpo præterea magna liberalitate Monasterium Virginum Transaquen-

sium, quod ejusdem instituti in urbe Monasterienfi celebre erat, quodque anno 1071 totum cum templo deflagrat, & in rudera prope confederat, instaurandum sumpsit, altariaque ignibus deformata, chorumque Virginum iterato consecravit; templum vero a se instauratum altero mox anno solemniter dedicatum est.

## Annus Christi 1087.

Victoris III Pont. 2. Henrici IV Reg. 32. Imp. 4.  
Henrici I Ep. Pad. 3.

*Berthold.  
Dodechinus  
Nova clade  
obteritur  
Henricus,  
novisque  
Pontificam  
sententiis  
damatur.*

Fractum superioris anni clade Victores Henricum Regem Oppenheimium ad colloquium ex concilio invitant, acturi de concordia. Id cum eluderet Rex, denuo Calend. Augusti haud procul Spira ad conventum sollicitant, omne rursus obsequium offerendo, modo cum Ecclesia in gratiam redeat; quod dicerent religionem se prohiberi communicare cum Rege, qui anathematis vinculo teneatur. At nihil ab obfirmato Rege impetratum. Quapropter novo foedere conspiratum in Regem, in quod & Ladislaus Ungariæ Rex se ultro dedit, obtulitque xx millia Orthodoxis in auxilium. His pactis, constituere octavum diem S. Michaelis, quo prælio secum decerneret. At Rex postquam Bohemos sibi junxerat, omisissis Bojis & Suevis, in Saxoniam cum exercitu irruit; cui Hermannus Rex, qui hunc annum inter Saxones agebat, cum ingenti multitudine armatorum Saxonum occurrit, primoque incurfu obtritum in fugam abiecit. Et haud dubie Henricus captivus in potestatem Saxonum venisset, nisi Egbertus Saxonum Marchio æmulatione Hermanni Regis per fraudem elabi permisisset. Sexta hæc Henrici

clades a Saxonibus accepta. Jam in xx prope annum ab hoc Rege omnibus viribus oppugnata Saxonia; at semper ille victus, quia ex flagitiosa vita Schismaticus, proscriptusque trium Pontificum judiciis, quibuscum Deus pugnavit pro Saxonibus. Quippe Desiderius Pontifex, qui Victoris III nomine subrogatus, statim ab electione, ut Bertholdus refert, pronunciavit anathematis sententiam in Henricum Regem ejusque consortes. Is vero, cum Pontificatu se exueret, ad Cassinum regressus, nec ullis precibus & lacrymis flecti posset, ut resumeret, delectus est altero anno Otto Episcopus Ostiensis, Legatus Sedis Apostolicæ per Saxoniam, assumpto Urbani II nomine, vir religione & doctrina eo sæculo facile præstantissimus; & is missis ad omnes Orthodoxos literis Henricum ejusque fautores proscriptis. Inde nondum cladum malorumque finis, quæ Regem ultrius poena sunt consecuta. Memorat Gobelinus noster, quo veteri auctore incertum, hoc anno Conradum Henrici Regis filium a Sigewino Coloniensi Archiepiscopo Aquisgrani Regem inunctum.

*Berthold.  
l. eo Ostiens.  
lib. 3. c. 65  
Baronius.*

## Annus Christi 1088.

Urbani II. Pont. 1. Henrici IV. Reg. 33. Imp. 5.  
Henrici I. Ep. Pad. 4.

*Hermannus  
Rex re  
gnose abdi-  
cat, & paulo  
post obit.  
Berthold.  
Dodechin.  
Ursberg.  
Sigebert.*

Versabatur adhuc in septimum annum, Christi MLXXXVIII, Hermannus Rex in Saxonia, bellica virtute victoribusque clarus; cum æmulatione Eckberti Marchionis, quod & ipse regnum affectaret, agitari in aliorum invidiam cœpit; compertique Saxones nonnulli animis sensum alieniores suæ gentis Re-

gem quam exterum malle. Quæ postquam animosus Rex didicit,posito ultro Regis titulo, in Lotharingiam rediit ad privatum vitæ genus; nec multum superstes, in Oppidi alicujus oppugnatione, dum muros propius subit, grandi in caput saxo projecto occubuit; quod in ludrica aggressione alii factum volunt,

*Albert.  
Strad.  
Auctor vita  
Henrici.*



volunt, mulieremque fuisse, qui molarem lapidem in caput ejus devolverit. Nemo ea abdicatione regni latior, quam Henricus Rex, quem submoto æmulo Saxones quidam proni receperant; quos inter Henricus Marhio de Schaden, At cum Rex cum imperio ferocem pro ingenio dominatum intenderet, & tot Episcopi in periculum schismatis venirent, pœnituit mox Saxones; hortatique sunt Eckbertum Marchionem, gentis fidem non deferret, neque communione schismatici Imperatoris gloriam fœdaret. Ille igitur spe regni pellectus Reipublicæ curam suscipit, militemque contrahit, & convolantibus Orthodoxis, Henricum e Castello quodam, quod obsederat cum clade depellit. Quæ ut Rex pudoris iræque plenus ulcisceretur, cum instaurato exercitu in Saxoniam redit, uxore ac sorore cum gynæceo Goslariæ relictis, ipse ad castrum Gliche, quod Eckberti Marchionis erat haud procul Erfurto, expugnandum digressus. Obsidio a pervigilio Assumptæ Virginis ad Natalem Christi producta; cum Eckbertus Marchio, collecto Saxonum exercitu, advolat. Rex, adventu Marchionis per exploratores cognito, tumultuariam aciem componit, quam Eckbertus, homo audacissimus, ipse signifer & Dux aggressus, post dimicationem fugat cæditque. Pugna in noctem continuata. Captuseo prælio Liemarum Bremensis Archiepiscopus a Ludero sive Lothario Comite, quem postea Germania Imperatorem sortita est; Burchardus vero Lofannæ Episcopus, qui regalem lanceam ferebat, interemptus. Innumera præterea cæsorum, fauciorum & captivorum multitudo fuit. Rex, amisso diademate & Regni insignibus, profugus non longe a Merseburgo cum reliquis copiis se in collem recepit, in quo, corona omni ex parte facta, incingitur, ne elabi possit; nec prius exire permissus est, quam sancte juraret, se cum Pontifice in gratiam rediturum, schismati reanciaturum, & pacem Ecclesiæ Germaniæque redditurum; quæ in toties fœdifrago Rege verba & doli fuerunt. Ubi primum evasit, haud secus quam fera a plagis dimissa ad ferociam rediit; quo constaret lupum, quem auribus tenuerant, pilum quidem non genium mutasse. Bertholdus Regem fuga Bam-

bergam dilapsum perhibet. Septima hæc infelicitis Regis clades notatur.

Has inter turbas excessit e vita sex-  
to Calend. Augusti Benno, xviii post  
D. Wihonem Osnabrugensis Episcopus,  
qui, postquam per Altmannum Apostolicæ Sedis Legatum ab anathemate ante septennium solutus Schismaticos deseruit, contemptaque Henrici aula, in qua magna Regis gratia eminebat, Catholicis hæsit, vitam exinde omnem in sacrorum administratione, in formanda Cleri & religiosorum disciplina, in pietatis operibus quam religiosissime insumpsit, tanquam prioris schismatis noxas cumulate expiaturus. Duo ab illo Monasteria condita dotataque sunt; alterum Iburgense D. Benedicti familiæ, in quod primum Monachos e Colonia & Panthaleone introduxit; quos cum adverteret inter ædificii strepitus laxius vivere, Minda rigidioris instituti accersit. Montem Iburgum, in quo a Caroli M. ætate castrum perhibetur fuisse, divisit in Episcopi Sedem & Monachorum Cœnobium, Monachosque amplis bonis dotavit, quibuscum religiosam vitam duxit (præterquam quod dominicis & festis diebus Osnabrugum profectus, in sua metropoli post solemne sacrificium ad populum perorarit) quo etiam in Monasterio honoratiore tumula quiescit. Alterum Cœnobium in monte S. Gertrudis & urbis conspectu Virginibus instituti D. Benedicti condere cœpit. Id, quia morte præreptus, Successoribus absolvendum reliquit. Adeo pietatis & sanctitatis fama celebris, ut Embserus aliique Divorum numero adscribendum duxerint; quemadmodum res ab eo gestas Nortbertus secundus Iburgi Abbas pluribus conscripsit. Bennoni facti Osnabrugenses substitunt Marquardum Corbeiensis Abbatem delectum Episcopum, qui tamen proximo ab hinc anno Corbeiz Abbas refertur in eorum fastis: nam cum dubitatio esset injecta, utrumne corpus S. Viti Corbeiz possideretur, Marquardus reliquias cum senioribus inspexit, integras reperit. Interim ab excessu Bennonis Osnabrugenses Marquardum sibi inter Orthodoxos suum Episcopum vendicant, sicuti Cœnobium illud semper in fide Apostolicæ Sedis perstitit.

Nortbertus  
Iburg. Ab-  
bas in vita  
Bennonis.  
Bennonis  
Ep. Osnab.  
mors &  
sanctitas.

## Annus Christi 1089.

Urbani II. Pont. 2. Henrici IV. Reg. 34. Imp. 6.

Henrici I. Ep. Pad. 5

*Berthold.**Chron.**Brem.**Albert.**Stad.**Fasli Covi**bei.**Bertholdus.*

Henricus  
Rex frustra  
invitatur,  
ut cum Ec-  
clesia in  
gratiam re-  
deat.

Post cladem ad Glicham castrum acceptam, proximo statim anno, Henricus Rex instaurato exercitu Saxoniam ingressus est. Magna ejus expeditionis spes erat, magnisque Schismaticorum animis & armis Saxonia opprimenda sumebatur; verum, ut Bertholdus scribit, spe omnium delusus Rex rejectusque, retro, unde venerat, sine honore redire compulsus est. Tanto nimirum terrore Saxones adhuc arma ex tot cladibus Regi illatis circumferebant. Principes tum Orthodoxorum Eckbertus Marchio & Lotharius Comes: hic Liemarum Episcopum Bremensem Schismaticorum antesignanum detinebat captivum; nec prius dimisit, quam advocatiam urbis Bremensis & trecentas marcas argenti sibi daret. Ille Udonem Hildesimensis Episcopum, qui ad Henricum transierat, in vinculis tenebat, nec ante etiam liberum facere voluit, quam urbem Hildesimensis, quam per multos dies oppugnaverat, sibi traderet. Ac dati quidem obsides ab Udone, non tamen urbs dedita, tametsi Marchio unum ex obsidum numero capite plecti jusserit. Ita vero inter ipsos Saxones pugnatum, dum alii Orthodoxorum, alii Schismaticorum cum Henrico Rege partes sectarentur. Quemadmodum ex hoc Saxonum dissidio ac seditione anno superiori Burchardus Halberstadiensis Episcopus Goslarie occisus est, vir sago togaque clarus, qui magna animi constantia Catholicorum partes adversus Schismaticum Regem defenderat. Hac rerum conturbatione Saxones, ceterique Catholicarum partium, pertæsi laborum, se ad concordiam & pacis studia Henrico Regi obtulerunt. Et res ad colloquium rursus devenit, in quo cum iterato ab Rege peterent, ut si cum Pontifice & Ecclesia in gratiam rediret, Guiberto Pseudopontifice dimisso, pronos se ad omne Regis obsequium redituros, non multum abnuere visus est Rex; verum Schismatici Episcopi ac proceres mox Regis mentem in diversa

prorsus consilia abripuerunt, quod per id tempus magnopere increvisset Schismaticorum Episcoporum numerus & potentia. Nam, ut Bertholdus presbyter est auctor, in Germania non nisi quinque Orthodoxi Episcopi censebantur, Wirceburgensis, Pataviensis, Wormatiensis, Metensis, & Constantiensis; eoque debiliior pars eorum erat, quod Gebhardus Salisburgensis Archiepiscopus Catholicæ partis acerrimus propugnator superiori anno abierat e vita; in cujus locum Apostolicæ Sedis Legatus a Pontifice Urbano nominatus est Gebhardus Constantiensis Episcopus; ausi tamen Catholici in ejus locum Salisburgensis subrogare alium Catholicum, qui mox, jubente Pontifice, ab Herbipolensi & Frisingensi Episcopo consecratus est. Sed extra hanc paucitatem Orthodoxorum Episcoporum supererant Orthodoxi per Saxoniam Episcopi, quorum magnus adhuc numerus; interque hos Hartwicus Magdenburgensis Archiepiscopus, Wernherus Merseburgensis, aliique in ea Metropoli: in Westphalia Henricus Paderbornensis, Marquardus Osnaburgensis, Hartwicus Verdensis, ac ceteri per Saxoniam inferiorem & Transalbianas regiones Episcopi. Quanquam, morientibus Orthodoxis Episcopis, sensim ab Henrico Rege obtruderentur Schismatici. Quemadmodum hoc anno post obitum Reinwardi, Mindensium Episcopi, acerrimique Catholicarum partium propugnatoris, ab Henrico Rege Mindensi Ecclesiæ vi armorum impositus est Volcmarus Hildesimensis Canonicus, qui jam ante a pseudosynodo Moguntina, vivo adhuc Reinwardo, intrudi cœperat.

Obiit hoc quoque anno Sigewinus Coloniensis Archiepiscopus, in cujus vacuam sedem repositus Hermannus III, cognomento dives, potentis, sed incertæ familiæ; hæsit is quoque ut Sigewinus Henrico Regi, aucto Schismaticorum numero.

Annus

# Annus Christi 1090.

Urbani II. Pont. 3. Henrici IV. Reg. 35. Imp. 7.  
Henrici I Ep. Pad. 6.

Bertholdus.  
Andor visa  
Henrici.  
Sigebert.

Eckberto  
mortuo Saxo-  
nia ultro  
se Henrico  
subiicit.

Conturbatus rerum status per Saxoniam, quem conturbatiorem fecit anno proximo Eckberti Marchionis interitus. Is cum ex itinere ad molen-  
dinum Eifenbentelenſe quoddam quie-  
tis cauſa deſlecteret; dolo Abbatiffæ  
Quidenleburgenſis, quæ ſoror erat  
Henrici Regis, circumventus per Sa-  
tellites obtruncatur. Magna ille hæte-  
nus auctoritate & ingentibus animis  
juvenis bella geſſerat; regium etiam  
nomen non ſecus quam Eckbertus pa-  
ter, Henrico Imperatore, affectare au-  
ſus, quod ex veteri Saxonum Regum  
& Imperatorum familia originem tra-  
heret; ſed ut pater, ita & ille popu-  
larium ſtudia adverſa habuit. Capite  
& propugnatore ſublato, Saxonia Hen-  
rico Regi ſine armis ceſſit; nec prius  
victa eſt, quam diſſidiis diviſa, ſpo-  
liataque Duce armorum, ultro ſe ſub-  
mitteret Regi, compoſitaque pace, uti

Sigebertus ſcribit, ab omni bellorum  
motu quieſceret. Quibus deinde pa-  
ctis & legibus conventum ſit, quo ve  
dominatu Saxoniam occuparit, aut cui  
adminiſtrandum reliquerit, a Scripto-  
ribus eorum temporum deſideratur.

Hac tempeſtate & mutatione re-  
rum, cum jam Schiſmaticorum po-  
tentia prævaleret, Henricus Aſloenſis,  
Paderbornenſis hætenus Episcopus no-  
ſter, ejeſtus Magdenburgum conceſ-  
ſit; ubi ab Hartwigo Archiepiſcopo,  
Orthodoxorum inſigni patrono, beni-  
gne exceptus, & in Collegium Cleri-  
corum admiſſus, privatam Canonici  
vitam egit, dum obſpectabilem virtu-  
tem & conſtantiam religionis, decen-  
nio abhinc, poſt obitum Hartwigi,  
Magdenburgenſium Archiepiſcopus e-  
ligeretur.

Pellitur a  
ſua ſede  
Henricus  
Aſloenſis  
Ep. Pad.





# HENRICUS II.

## COMES WERLENSIS.

### XV.

## EPISCOPUS PADERBORN.

Annus Christi 1090.

Urbani II Pont. 3. Henrici IV Reg. 35. Imper. 7.  
Henrici II Ep. Pad. 1.

**P**ost depulsum ab Episcopatu Henricum Asloensem, Paderbornensi Sedi impositus est Henricus Werlensis, Comitis Werlensis filius, is qui jam ante quinquennium ex Collegio Canonorum Goslariensium ab Henrico Rege huic Ecclesiae inter Schismaticos, ut diximus, obtrusus erat. Quod ad haec tempora referimus, eo quod Henricus Rex hoc anno Saxoniam cum pleno dominatu ingressus, libere de sacris ac civilibus disposuerit: & quemadmodum Gobelinus noster scripsit, ordiendo Episcopatum a prima dissidii coronatione, per XLIV annos Paderbornensem Henricus Ecclesiam gubernavit. Eo vero sensim res deducta erat per Germaniam & Saxoniam, ut Episcopi, qui Schismatici ferebantur, ab Rege impositi, nulla conscientiae religione tacti, Episcopatus adirent, quod Episcoporum institutionem, pro recepto usu, Regum & Imperatorum crederent, & Pontificis abrogantis auctoritatem negligerent, incertique haerent, quem certum Pontificem colerent, Guiberto adhuc Pseudopontifice omnia sibi Apostolicae Sedis jura vendicante. Accedebat Wecilonis Moguntinensis, Sigewini, & post eum Hermannii hoc anno subrogati Colonienfis, Liemari Bremensis Archiepiscoporum, ceterorumque Schismaticorum Episcoporum multitudo, quae longe major quotannis invalescebat, quam Orthodoxorum erat; ut jam tota Imperii potestas penes Schismaticos Episcopos &

Henricum Regem esset. Foeda dissidii tempora, quibus impius & Schismaticus Rex Episcopos cum Episcopis, Clerum cum Clero, Abbates cum Abbatibus, Monachos cum Monachis, Scriptores Catholicos cum Scriptoribus Schismaticis commisit; fuitque e Catholicorum numero Bernardus Constantiae Scholarum Magister, vir egregiae eruditionis, multisque scriptis clarus, qui Schismaticorum Sacramenta irrita deceret, eoque ordinatos ab illis denuo consecrandos judicaret. Quam tamen sententiam reliqui Catholicorum improbaverunt, uti hoc Bertholdus presbyter retulit. Summus error crimenque Schismaticorum, quod pro vero Pontifice Guibertum Pseudopontificem colerent, & Ecclesiam scinderent.

At Regi hoc anno non plura in Saxonia turbare concessum, quod in Italiam, urgente majore periculo avocatus, mense Martio susceperit expeditionem, eo deinde in regno per VII annos versatus. Graves istic motus erant; quippe Mathildis Godefridi Ducis vidua, & potentissima Bonifacii Marchionis filia, suasu Urbani Pontificis cum Welfone juniore, Welfonis Bojariae Ducis filio, nuptias contraxerat; & ut Gregorium VII Victoremque Pontifices tutata fuerat, ita Urbani patrocinium suscipiebat. Veritus igitur Henricus Rex, ne cum novo marito, & bellicosi Ducis filio, totius Italiae Regnum ad se traheret, Lombardiam armatus ingreditur, certus armis ejicere

Gobelinus  
stat. 6. c. 55

Henricus  
Italiam in-  
gressus pra-  
lio a Welfo-  
ne supera-  
tur.  
Domino  
in vita Ma-  
thild.  
Berthold.  
presbyt.

ejicere ex Italia Welfonem. Nec se-  
gnior Welfo Regi occurrit cum exer-  
citu in campis Sobariæ, collatisque si-  
gnis Henricum Regem superat. Adeo  
ubique Rex præliis infelix; qui tamen  
instauratis copiis, adjutusque Italorum  
accessione bellum ulterius trahere au-  
sus est.

Hæc Regis absentia quietam fecit  
Saxoniæ, in qua Erpo Monasterien-  
sis Episcopus iv Nonas Novembris so-  
lemni ritu cum Hermanno Colonienfi  
Archiepiscopo, & Henrico Leodienfi

Episcopo majorem Ecclesiam dedica-  
vit, confluentem innumera cleri & po-  
puli multitudine; quemadmodum ipse  
Erpo in publicis hac super re literis  
profitetur, quibus se indignum Mo-  
nasteriensis Ecclesiæ Opilionem vocat.  
Extant quoque vetustæ præclaræque  
Erponis tabulæ, hoc anno, qui pri-  
mus ejus ordinationis fuit, consignatæ,  
quibus disciplinam Freckenhorsten-  
sis Collegii Sanctimonialium Virginum  
a se instauratam, victumque earum te-  
nuem liberalitate sua auctum testatur.

Erpo Ep.  
Monasteri-  
ensem ina-  
jorem Ec-  
clesiam  
consecrat.

Albericus  
Bocherff.  
ad vicinam  
Erpon.

## Annus Christi 1091.

Urbani II. Pont. 4. Henrici IV. Reg. 36. Imp. 8.

Henrici II Ep. Pad. 2.

Cæterum Henricus Rex bello Ita-  
lico inhærebat; captaque Mantua, un-  
decimo obsidionis mense, Romanos  
compulit Guibertum Pseudopontificem  
in urbem recipere. Nihilo dejectior  
Urbanus Pontifex Beneventi synodum  
Episcoporum collegit, pronunciata in  
Pseudopontificem & quotquot illi per-  
fida factione inhærebant, anathematis  
sententia. Ad hasce Italiæ turbas com-  
ponendas Welfo Dux Bojariæ in Italiam  
secutus est filium; at cum nihil a per-  
tinace Rege obtineret, rediit in Ger-  
maniam, multosque Principes sibi in  
foci, atem fœderis junxit; agitataque  
sunt consilia inter Orthodoxos de alio  
Rege deligendo; quæ tamen ob poten-  
tiam Schismaticorum intermissa.

Inter has turbas, quod mireris,  
innumera non modo Clericorum, sed  
& Cœlibum, & conjugatorum, tam  
in urbibus quam agris rusticanorum  
juvenum puellarumque multitudo ul-  
tro in certas vivendi leges communem-  
que bonorum usum convenit, quale  
vitæ genus in ipsis nascentis Ecclesiæ  
primordiis floruerat. Quam vivendi  
rationem Urbanus Pontifex luculento  
diplomate confirmavit.

Subtractus hoc anno 7 Idus Sextilis  
e vita mortalium Altmannus Passavien-

sis Episcopus, vel eo nobis commemo-  
randus, quod inter Saxones apud nos  
natus, Paderbornæ, ut diximus, literis  
& disciplina Cleri excultus, interque  
Canonicos hujus Ecclesiæ adscitus,  
scholarum moderator ob insignem do-  
ctrinam sit delectus. Unde ob virtu-  
tum commendationem Præpositus A-  
quisgranensis, ex eoque munere ad  
Pataviensem Episcopatum evocatus est;  
quem septem & viginti annos admira-  
bili sanctitate, & fervore religionis  
gessit. Vir qui continentiam Cleri,  
Pontificis auctoritatem, & Catholicas  
partes insigni constantia propugnavit,  
eoque a Pontifice Legatus Apostolicæ  
Sedis per Germaniam constitutus, qui  
Cleri populique mores suo exemplo  
formaret. Hinc tot odiis Schismatico-  
rum, tot Henrici Regis injuriis, tot  
exilii ærumnis agiturus est; donec po-  
stremis annis ad Episcopatum Catholi-  
corum studiis revocatus in pace quie-  
sceret, decus Episcoporum, & colu-  
men laborantis Ecclesiæ. Duo ab eo  
Monasteria condita, D. Nicolai Passa-  
viense, & Gotwicense. Miracula qui-  
bus Altmannum in vita & post obitum  
Deus illustravit, conscripsit auctor a  
Tennagelio in lucem datus. His om-  
nibus tantam apud posteros sanctitatis  
famam reliquit, ut Divorum numero  
adscribi meritus sit.

Obitus &  
laus L. Al-  
manni Ep.  
Passav. Pa-  
derb. Ec-  
clesiæ quon-  
dam Causo-  
nici.

Bertholdus.  
Henrici  
Reg. turbæ  
in Italia.

Vita com-  
munis in  
Germania  
apud Lai-  
cos.



Annus

## Annus Christi 1092.

Urbani II. Pont. 5. Henrici IV Reg. 37. Imp. 9.

Henrici II. Ep. Pad. 3.

Alemannie  
Principes  
conventum  
habent ad-  
versus Schif-  
maticos.  
Berthold.  
Ursberg.  
Sigebert.

Tumultuante jam in tertium an-  
num Rege per Italiam, quo & vires  
omnes adversus Welfonem & Mathil-  
dem conjugem contraxerat, Aleman-  
niæ Orthodoxi Principes conventum  
habuere adversus Schismaticos; auspi-  
ciisque Gebhardi Constantiensis Epi-  
scopi Bertholdum totius Sueviæ Ducem  
sibi delegere. Invitati ad hunc con-  
ventum Saxonie Principes. Verum  
tanta fames Saxoniam consumpserat,  
ut plerique procerum in alias provin-  
cias concesserint. Hujus calamitatis

jam anno superiori prodigia antecessere. Nam visum cœlum alibi sanguine  
stillare, & bufones piscesque cum plu-  
via decidere; alibi locustarum agmina  
fruges depasci, ac per aliquot millia  
passuum volitando, explicata nube sua  
solis lumen obtegere. Accedebat lues,  
qua innumeri homines extincti. Ita fa-  
me & peste Saxonia exhauriebatur;  
qua schismatis pœna cum plurimi se ca-  
stigare intelligerent, ad Catholicorum  
societatem rediere.

## Annus Christi 1093.

Urbani II. Pont. 6. Henrici IV. Reg. 38. Imp. 10.

Henrici II. Ep. Pad. 4.

Berthold.  
Dedechin.  
Albers.  
Sead.

Subinde Henricus Rex per Italiam  
publicis & domesticis malis tanquam  
furiis agitari cœpit. Nam Adelheidem  
conjugem, quam ante quadriennium  
priori amissa, Colonie duxerat, Otto-  
nis Russorum Marchionis honestissimam  
filiam, averfatus, publice aulae proce-  
ribus prostituendam obtulit, etiam Con-  
rado filio; ad quod flagitium cum ille  
cohorresceret, diceretque se filium ejus  
esse, hanc verò novercam suam, illu-  
sit hæc Rex, negavitque eum filium  
suum esse. Interim Regina, quæ in cu-  
stodia tenebatur, elapsa ad Mathildem  
& Urbanum Pontificem; a quibus be-  
nigne excepta est; quæ deinde tam  
impium maritum detestata in Mona-  
sterium secessit. Hoc eodem flagitio  
Patris averfatus Conradus filius ad Pon-  
tificis & Welfonis ducis partes transit;  
nec multo post, probante Welfone ac  
Pontifice, a Mediolanensi Archiepisco-  
po Italiae Rex creatus, & cum Welfo-  
ne Duce in Lombardiam digressus, pa-  
trem oppugnavit. Id vero tanto do-  
lore acceptum a patre, ut per despera-  
tionis consilia mortem sibi consciscere  
cogitaret. Quæ postquam in Germa-  
niam perlata, nova adversus impium  
Regem conspiratio exarsit inter Bojos,  
Suevos, & Teutoniae populos, quo-  
rum capita Welfo Bojariæ & Berthol-  
dus Sueviæ Duces. Saxones nostri  
per hæc in Barbaros vertere arma; nam  
cum Sclavi per hæc civilia nostrorum

diffidia rebellassent, Magnus, Dux Sa-  
xonum, eos popularium viribus ag-  
gressus, prælio commisso fudit, ere-  
ctisque quatuordecim urbibus ad ob-  
sequium redegit; uti hæc priscus eo-  
rum temporum scriptor in Chronico  
Hildesienfi retulit. Qua interim ex cau-  
sa incertum, Marquardus ex Abbate  
Corbeienfi ante quadriennium Osnab-  
rugensium Episcopus delectus, e sede  
illa ejectus ad suum Monasterium, vi-  
tamque quietiorem rediit. Subrogatus  
Wido xx ejus loci Episcopus, haud du-  
bie schismaticæ factionis homo. Hæc  
nimirum illa calamitas, de qua Ber-  
tholdus presbyter questus, post subla-  
tum anno superiori Wernherum Mer-  
seburgensem Episcopum, vix ullum  
in tota Saxonia repertum esse Catholi-  
cæ communionis Episcopum, Ac vix  
reperio, præter Hartwigum Magden-  
burgensem Archiepiscopum, qui con-  
stanter in Apostolicæ sedis conjunctio-  
ne perstiterit. Ceteri plerique in Hen-  
rici Regis partes transierant, quod non  
illud, quod res poscebat, per simpli-  
citatem & ignorantiam discrimen fa-  
cerent, Urbanumne an Clementem  
Pontificem sequerentur; & jam Urbanus  
Pontifex multa mitigarat in anathe-  
matum pœnis a Gregorio decretis, ut  
Bertholdus scribit. Inde libere omnia  
Episcopi munia nullo violatæ religio-  
nis metu peragebant. Quos inter Hen-  
ricus Episcopus donationem Gumber-

Marquar-  
dus abdica-  
to Episcop.  
Osnab. ad  
Monasteri-  
um redit.

Conradus  
contra Hen-  
ricum pa-  
trem insur-  
git.

Chron. Hil.  
des. c. 11.  
som. 3.  
Franc. Hist.

to



Henricus  
Ep. Paderb.  
bona quorundam  
Monasterii Ab-  
dinghovianensis  
confirmat.

to Abdinghoviano Abbati hoc anno factam publica auctoritate Episcopi ratam habuit. Ea sic habet.

In nomine sanctæ & individue Trinitatis, Henricus Dei gratia Paderbornensis Ecclesiæ Episcopus. Notum esse volumus universitati fidelium, quod tribus fratribus secundum carnem nobilibus dividendum hereditatem, uni provenit in parte sua territorium Colstide, alteri superius Holthufon, tertio nomine Imiconi inferius Holthufon, quorum unus dedit partem suam scilicet Colstide S. Liborio ad principalem Ecclesiam in Paderb. alter suam partem videlicet superius Holthufon tradidit S. Luitgero in Werthen, quam traditionem ut ille tertius nomine Imico consentiendo laudaret, ei de sua parte lapidem agistersteyn in vicino nemore, & totum a cacumine ipsius lapidis usque in campos inferioris Holthufon, & usque ad campos vicini pagi Hornon in proprietatem dederunt, sicque idem Imico usque ad finem vite sue cum territorio Holthufon eundem lapidem usque ad prædictos fines singulariter possedit. Prædictus vero Imico moriens suum filium nomine Erphonem heredem reliquit, qui & prædictam patris hereditatem absque contradictione tenuit. Ipse autem immatura morte præventus matri suæ Idæ suam omnia hereditavit, a quo videlicet Idæ cum consensu filie sue nomine Witsuit, & generi sui nomine Everhardi de Veltbeim, & aliorum heredum dominus Gumbertus venerabilis nostræ civitatis Abbas datis XIV. libris argenti cum aliis Xeniis Monasterio, cui præfuit, in honore sanctorum Apostolorum Petri & Pauli constructo, idem territorium cum lapide jam dicto, & cum vicino nemore pleniter, ut prædictus Imico, & sui heredes tenuere acquisivit, & VI solidos gravioris monete, qui inde omni anno solvuntur fratribus suis Monachis in refectorio ad caritatem servire constituit in anniversario Ottonis Comitis & item in anniversario ejusdem laici nomine Bosiconis fratris ipsorum quorum uterque quinque marcas ad coemptionem ipsius territorii, impendit pro hac ipsa causa scilicet pro commemorando anniversario eorum. Hujus rei testes sunt Gerhard, Wolfhard, Walraf, Embrico, Meinger, Godescald, Sibertus, Trithemar, & alii multi. Hanc autem car-

tam istam traditionem scriptam tenentem Ego Henricus Dei gratia Paderb. Sedis Episcopus rogatu præfati Abbatis & fratrum suorum sigillo nostro insigniri feci, anathematis sententia feriens omnem personam, quæ hæc bona prædicto Monasterio auferre temptaverit absque justa & utili commutatione. Acta sunt hæc anno Incarnationis Dominicæ MLXXXIII. Indictione \* II. \* <sup>al. I.</sup> regnante Heinricho Rege IV.

Quæ hic trium nobilium fratrum donatio, quarum una Cathedrali Ecclesiæ, altera Cœnobio Werthinensi D. Ludgeri ad Ruram amnem, tertia Monasterio Abdinghoviano facta memoratur, earum una continet rupem picarum, quæ patrio etiamnum vocabulo Egisterstein seu Exsterstein appellatur, rarum atque admirabile naturæ opus ad angustum per montes Teutonicos transitum, haud procul Horna Oppido & loco varianæ cladis, in quo Drusus etiam a Visurgi redux prope ad cædem a Sigambriis inclusus creditur; eoque petra hæc a Ferdinando Episcopo in æs incisa intraque monumenta diœcesis nostræ relata est. Quippe rupes altissima & quadruplici vertice abrupta grandium turrium instar in plano montis educa confurgit. Inde postquam hic locus in possessionem Abbatis Werthinensis venit (ut literæ præterea Bernardi Abbatis Werthinensis docent, quas exhibere possumus) ædes sacra primum Holthufen structa; deinde etiam in supremo rupis fastigio, quæ publicæ viæ imminet, Sacellum cum altari intra nativam lapidis structuram apparatus; olim etiam ex Monachis Sacerdos istic sacris operabatur, eratque Abbati Werthinensi Helmstadium proficiscenti statio & hospitium in adlita Villa Holthufana. Totus hic locus hisce donationum literis consignatus intra Comitatum Aholtinum ab Henrico Imperatore Meinwerco Episcopo nostro donatum situs, quo Dethmoldia, Lemgovia, Horna, totusque ille Teutonicorum montium ac nemorum tractus continetur. Posteaquam vero Comitatus hic fiduciario jure ad Comites Lippienses pervenit, Clientes Episcoporum Paderbornensium, omnia simul hæc sacra bona hæresi cessere.

Frequens hoc præterea anno Episcoporum, Comitum ac procerum con-

Ruthardus  
Archiep.  
Mogunt.  
confirmat  
fundatio-  
nem Cæno-  
bii Bursfel-  
densis.

conventus Helingenstadii convocatus, ad quem a Metropolitano suo evocati accessere tres quoque provinciales ejus per Saxoniam Episcopi, Paderbornensis, Hildesimensis, & Verdensis. Eo in congressu præter cetera, quæ salubriter pertractata sunt, Ruothardus Archiepiscopus, foundationem dotationemque Cænobii Bursfeldiensis publicis tabulis ratam habuit, quas hoc loco, tam ob præclaram vetustatis memoriam liberalitatemque majorum, quam ob venerationem celeberrimi ejus Cænobii, ex quo Bursfeldiensis post congregatio originem traxit, proferre consultum habuimus; idque eo etiam magis a nobis requiretur, quod Bursfeldiense Cænobium hisce tabulis afferratur Colonia florentissimi Corbeiensis Cænobii nostri.

*In nomine sanctæ & individue Trinitatis. Ruothardus Dei gratia sanctæ Moguntinensis Ecclesiæ Archiepiscopus. Cum condignum nobis & salubre pro officii nostri dignitate videatur, rebus ecclesiasticis quaslibet commoditates impendere, religiosis institutis devota mente consentire proposuimus, ut quicquid ad honorem Dei & laudem sancitum, & ratum teneamus, & privilegii nostri auctoritate corroboremus. Omnium itaque fidelium tam præsentium quam futurorum pateat industriæ, qualiter gloriosus Comes Henricus filius Ottonis Ducis, ejusque inclita conjunx Gertrudis filia Ekkeberti Marchionis, pro animæ suæ remedio, hæredum suorum consensu, fundaverunt Monasterium in ripa Wirre fluminis in villa, quæ Mimente vocatur, in prædio videlicet, quod ipse Henricus adquisierat, a quodam nobili viro, qui agnominabatur Albertus de Insula. Facto itaque fundamento, ac congregatis ibi in servitium DEI Corbeiensis Ordinis fratribus, prædictus Henricus cum conjuge dotavit ipsum Monasterium cum omni prædio, quod adquisierat ab Alberto cum omni jure & proficuo, quo idem Albertus ejusque progenitores illud sine omni contradictione per multas ætates possederant, & usi fuèrant, in villis, agris, silvis, campis, pascuis, cultis & incultis, exitibus & redditibus, aquis aquarumque decursibus, molendinis, mancipiis. Quamvis autem Comes hæc rite & legitime videretur facere, tamen*

*quidam Magedeburgensis Canonicus, nomine Ludolfus, præfati Alberti Germanus, haud mediocriter Comitem exigendo hæreditatem fratris coartavit, & tam diu conconsultores legis, ac provinciarum rectores adversus Comitum in omni concilio interpellavit, donec jure gentis, & judicio legis omnem fraternam hæreditatem ipsi Ludolfo coactus remisit. Ludolfus itaque sub occasione recipiendæ hæreditatis invitatus a Comite venit in prædium, ubi prædictum fundabatur Monasterium, quem Comes per internuntios multifariam temptabat flectere, ut quod ipse causa animæ inchoasset, Ludolfus quoque pro æterna remuneratione ratum sineret esse ac stabile. Sed Canonicus ne quasi coacta sua videretur oblatio, nil conditionabiliter permittere voluit, sed omnem prorsus fratris hæreditatem jussu exegit fame, & cum cyrotheca de manu Comitum tandem recepit, ac tenuit libere. Sequenti vero die Ludolfus divino quodam nutu impulsus, sed & Episcopi Hartwigi, qui gratia consecrandi altaris nostra voluntate invitatus advenerat, fratrumque Sifridi & Cunonis Comitum oratione permotus, statuit voluntarius pro salute firmaque requie Comitum votum propria oblatione confirmare. Principalis igitur altaris consecratione rite peracta, Ludolfus processit, & utrumnam profiteretur fratris hæreditatem se libere recepisse, ac quod vellet inde fieri, libertatem habere, Comites perquisivit; Omnibus itaque annuentibus, ad altare processit, & primum domum post consecrationem his terminatis verbis cum cyrotheca obtulit, dicens. En ego Ludolfus offero Deo & Sanctis ejus Thomæ & Nicolao specialiter in usum fratribus hic Deo servientibus hæreditatem meam, quam jure hæreditario mihi a parentibus cessit, prædium scilicet in Mimente ex utroque fluminis littore cum ejus utilitate, allodium in Dransfelde cum ejus proficuo, bonum in Bertolderode cum ejus appendiciis, curtim in Heristede cum ejus juribus, villulam in Berge cum ejus usibus, curtim in Friderichsbusen, curtim in Wittenburnen, curtim in Werithen, novem mansus Winitbusen. Hanc oblationem solenniter factam Episcopus Hartwigus banno confirmare tam a Ludolfo, quam a Comitibus Henrico, Sifrido, Cunone rogatus est. Qui ex more, si quis huic oblationi contradiceret,*

diceret, percunctatus, quum nullus contradiceret, imo omnes laudarent. Tunc in nomine Domini ex Apostolica & nostra omniumque Catholicorum ac sui ipsius interminatus est auctoritate, ne quis tam justæ donationi aliqua violentia, fraude, vel arte conaretur obviare, & qui aliter præsumeret, sententia Christi damnandus sub perpetuo jaceret, nisi resipisceret, anathemate. Quo dicto ab Episcopo Ludolfus quoque suam oblationem propriis confirmans verbis Comitem Heinricum terribilius contestatus est Sacramentis, ne cuiquam hominum libero vel servo de prænominatis bonis aliquod unquam præstaretur beneficium, nec aliquid inde vendicare, nisi advocatiam sibi suæque stirpi præsumeret. Quæ contestatio hanniue interminatio a Comitibus Heinrico, Sifrido, Cunone cæterisque omnibus audita, comprobata, laudata est, ac scriptis tradita. Etiam Henricus Comes, & ejus conjunx Gerdrudis Deo & Sanctis ejus Thomæ & Nicolao in dotem Ecclesiæ ad usus fratrum ibi Deo famulantium, hæc quæ subscripta sunt: Curtim in Wichlo cum suis appendiciis, curtim in Inre minori cum suis appendiciis, X mansos in Reynwardeshusen, curtim in Bischoppeshusen cum suis appendiciis & Ecclesiæ, curtim in Gardelbic, villam Bischopeshusen, Aliquantulas etiam possessiones in his villis, Haltmarthen, Vereldehusen, Wyrchin, Immesin, Burdala, Ammenhusen, Valeberge, Hukelbem, Adenhem, Kemeftide, Belkeroth, Busteleve, Wertere, Steynbrucge, Suintbusen, Odenleve, Ascolfess, Wynethe, Dopstide, Berchge, Dalheim, vineam in Walkeroht, in Sothen tres salinas, in Hildegereshusen V solidos, in Honethen tres mansos, in Reynnethe IX mansos, in Keltera Ecclesiæ, & tredecim mansos & molendinum, in Nora XXII mansos, in Honetha unum mansum, in Hatzenroth quatuor mansos, in Wepbleta quinque mansos, in Holbic unum talentum, villam Wilingeburin, possessiones in Holzraten, Comes Sifridus obtulit X mansos in Asla. Adhæc nobilis ille vir Henricus fundator hujus Cænobii, quæcunque pia & justa sunt, & loco utilia, assensu & consilio nostro statuit, & statutum ab ipso Imperatore Henrico confirmari obtinuit, scilicet ut nemo hæredum suorum aliquid in Abbacia sibi usurpet præter Advocatiam,

nulli Advocatia in beneficium præstetur, sed ad nutum Abbatis in absolutionem peccatorum commendetur, Advocatus in Abbacia absque permisso vel rogatu Abbatis nullam potestatem exerceat in aliquo. Ibi etiam publicum forum & percussura adinstar Goslariensis monetæ cum omni forensi jure pro Abbatis disponatur arbitrio, ut sit ibi Abbatis libera & canonica secundum regulam beati Benedicti electio. Si aliquis liber homo in quocunque degens comitatu se vel bona sua Ecclesiæ præfatæ tradere voluerit, liberam potestatem habeat, sine cuiuslibet Comitis, Rectoris, Judicis, provincie contradictione. Facta sunt hæc anno Incarnationis Dominicæ millesimo nonagesimo tertio, Indictione I. II. Idus Junii, imperante Henrico IV. Nobis autem eodem anno Idus Julii cum amicis nostris in Heiligenstat tenentibus conventum, cuncta hæc in nostri præsentia multis audientibus Clericis & Laicis sunt recitata, comprobata & laudata. Nos etiam pietatis affectu ejusdem loci fratribus concessimus, & nostræ sedis auctoritate, Ecclesiastici juris legibus, ut libere videlicet infantes baptizare, infirmos visere, & omnes, qui se illi devoverint, & sepulturæ locum inibi elegerint, suscipere, & sine alicujus contradictione sepelire, & quidquid fideles Christiani pro animarum suarum salute obtulerint, seu tradiderint, liceat eis in suos usus, prout libuerit vendicare & disponere. Concessimus quoque ipsis per forestem nostram ubivis circa se libenter uti pascuis & piscationibus. Tandem rogatu Comitum Henrici, Sigifridi, Cunonis omnia data vel statuta vel imposterum danda, vel statuenda ipsi loco profutura in verbo Domini ex Apostolica auctoritate banno nostro confirmavimus, atque ut rata & firma stabiliaque cunctis sanctæ Dei Ecclesiæ fidelibus perpetim credantur, ac diligentius observentur, hanc cartam scribi jussimus, & sigilli nostri impressione corroboravimus. Testes sunt Episcopi Henricus Patelburnensis, Odo Hildenesheimensis, Hartwigus Virdunensis: Abbates Marcwardus Corbeiensis, Tiethmarus Helmwardeshusensis, Gunterus Pathelburnensis: Præpositi Ludolfus Magedeburgensis, Betto de Luipp, Ordo Heiligenstadensis, Embrico Thorlensis: Comites Henricus, Sigifridus, Cunne, Erpf, Erwine: liberi homines Ludolfus,

Kkk

dolfus, Godefridus, Geroldus, Wiboldus, Dede, Bertoldus, Unico, Helmericus: Ministeriales Rudolfus, Ludolfus, Sanctolfus, Hunoldus, Eskerich, Eppo & alii quam plures Clerici & Laici. Data in Heilgenstat Idus Julii per manum Etelgeri Præpositi Nortunensis.

Ann. Franc.  
apud Rem.  
berum.  
Incerti au.  
Bor. ex Bibl.  
Pithæi.  
Annal.  
Fuldens.  
a Frebero  
editi Adel.  
mns.

Multum inter cetera antiquitatum monumenta disquiritur, ubi *Nimia* locus sit ad Visurgis ripas in annalibus Francorum toties memoratus; quem cum nuspiam ex certis nominum vestigiis deprehenderint, alii *Niemium* Oppidum in Diœcesi Paderbornensi, alii *Mindam*, alii *Remam* ad Confluentes *Wernæ* & *Visurgis* designant. Sed hæc tabulæ multo verisimilius nobis mon-

strant in ipso fundo hujus Cœnobii Bursfeldensis, quod in villa *Miminde* conditum asseritur; Quippe locus, qui *Nimia*, *Nimida*, & *Nimide* consignatur in Francorum annalibus, is postea a nostris *Mimende*, *Mimede*, & *Mimida* appellatus fuerit. Regia olim istic villa fuit, in qua *Ludovicus* Germaniæ Rex conventum populi habuit & jus dixit; uti nos supra ad annum Christi DCCCLII memoravimus, in eoque nunc sub *Henrico* Rege & *Ruothardo* Archiepiscopo celebre hoc Bursfeldiense Cœnobium intra *Wernæ*, & *Fuldæ* Confluentes confurgit ad confinia *Corbeiensium* & *Paderbornensis* diœcesis, quæ istic terminos jurisdictionis Archiepiscopi *Moguntini* claudunt.

## Annus Christi 1094.

Urbani II. Pont. 7. Henrici IV. Reg. 39. Imp. 11.

Henrici II. Ep. Pad. 5.

Berthol.  
Ursberg.  
Dedecius.

Post anni superioris prodigia malique, aliæ calamitates; nam & luporum ferarumque incurfus, ventorum turbines, continui imbres, fœdæque pluviae, aquarum inundationes, tempestates horridæ, crebri fulminum ictus; præterque hæc pestilentia, ac pestilentes morbi, quibus urbes, oppida, pagi, villæque exhaustæ. Agnoscebant passim homines his ultricibus Numinis pœnis Schismatis malum castigari; quare per expiationes mature factas parati ibant in mortem: innumerique etiam Schismatici cum Ecclesia reconciliati sunt. Sed infelix exitus *Volmari Mindensis* Episcopi. Is quia sedem Episcopalem Schismaticus invaserat, repentina & lugubri morte periit. Nam ut in fastis eorum (si quidem vera est narratio) memoratur; *S. Gorgonius* Ecclesiæ *Mindensis* patronus Episcopum hunc media nocte cubantem stricto gladio confodit, & sub primam lucem monuit custodes Ecclesiæ, signum æris pro mortuo Episcopo darent. Ad quæ cum illi dubii hærent, ostendit *D. Gorgonius* pallam altaris sanguinolentam, in qua gladium absterferat. Palla hæc in multos annos monumentum hujus rei aservata fuit in *Mindensi* Ecclesia. Re-

Infelix obitus *Volmari Mindensis* Episcopi

fert eadem *Crantius*, quamvis narratio hæc suspectæ fidei ipsi visa sit, quæ vulgo persuasa fuerit. Verum si quis aliorum Schismaticorum Episcoporum miserales ex hac vita excessus recolat, haud incredibile, *Volmarum* quoque aliquo miserabili mortis genere obiisse, sed quoquo se ista modo habeant, fallit certe nos *Mindense* hoc chronicon, quod cum hoc anno mortuum tradit; cum literis a nobis producerendis anno 1097 adhuc superstes subscripserit, ac *Wedilo* anno sequenti Episcopus memoretur. Quare *Odalricus* & *Godeschascus*, qui *Volmari* Successores memorantur, aut expungendi ex numero eorum Episcoporum, ut *Crantzius* facit; aut intra annum extincti fuerint.

Chron.  
Mind.  
Crant. l. 5.  
Metrop. c.  
35.

*Henrico* Regi hoc anno omnia adversa incurrebant per *Italiam*; hærebaturque *Veronæ* cum suo *Pseudopontifice* *Guiberto*, omni prope regno *Italiæ* exutus; quantumque *Urbanum* Pontificem deprimere nitebatur, tantum ad *Urbanum* omnia Principum populi que studia vertebantur; quem constat hoc anno etiam *Natalitia* Christi celebrasse *Romæ*, & sedem in *Apostolica* urbe repetiisse.

Infesta pleraque *Henrico* Reg. in Italia accidunt.



Annus

## Annus Christi 1095.

Urbani II Pont. 8. Henrici IV Reg. 40. Imp. 12.  
Henrici II Ep. Pad. 6.

Berthold.  
Dodecb.  
Ursberg.  
Sigonius.  
Laron.  
Concil.  
Parif.  
Indiculus  
expeditio  
in terram  
sanctam.

Accedit annus MLXXXV apparatu belli sacri clarus, quo Germanorum Saxonumque animi a civibus diffidiis versi in salubriora armorum consilia. Memorabilis hujus belli auctor tubaque Urbanus magnanimus Pontifex; ex quo enim Petrus, vita instituto eremi incola, ex Palästina reversus cum literis Patriarchæ Hierosolymitani exposuit afflictissimæ Orientalis Ecclesiæ statum, & Saracenorum in Christianos tyrannidem, Pontifex in Quadagesima primam Placentiæ synodum celebravit; ad quam præter Episcopos quatuor fere millia Clericorum, & plus quam triginta millia hieorum convenere; actumque in ea potissimum de bello adversus Saracenos. Urbanum

Cremonam accedentem Conradus Rex stratoris munere functus excepit, fidemque Romanæ Ecclesiæ juratus spondit. Post illa Urbanus maritimo itinere in Galliam profectus, 18 Novembris Claromontanum in Alvernia concilium indixit, ad quod ipso præfide Archiepiscopi XII, Episcopi CXXV Abbates XC convenere, præter Cardinales & diversarum regionum Clericos & religiosos; in eaque multa, ut in Placentina, decreta. Sed nihil perorante Pontifice ferventius pertractatum, quam bellum sacrum; quo Palästina e manibus Barbarorum extraheretur. Quam in rem signum crucis sumptum in scapula dextra ab iis, qui nomen huic militiæ dederunt.

## Annus Christi 1096.

Urbani II. Pont. 9. Henrici IV. Reg. 41. Imp. 13.  
Henrici II Ep. Pad. 7.

Patribus deinde ex consilio Claremontano sequenti anno reversis in provinciam, & ad signum crucis expeditionemque pro terra sancta recuperanda invitantibus, ex omnibus passim per Italiam, Galliam, Germaniam, Lotharingiam, Belgium, Saxoniam ingens se hominum multitudo obtulit; quorum supra trecenta millia fuisse memorantur. Designataque Constantinopolis, aut Nicæa in Bithynia quo delectu habito convenirent; eo variis itineribus & collectis militum agminibus itum. Primum agmen XV. millium duxit Petrus Eremita per Germaniam & Bojariz regiones in Ungariam. Alterum agmen XII millium ex Saxonia & Frisia collectum per Bohemiam traxit Volcmarus quidam presbyter. His aliud agmen junxit Godeschalcus presbyter, via per Franciam Orientalem instituta, quos Emico Comes infecutus cum XX millibus peditum, & tribus equitum millibus ex Rheni acolis congregatis. Hi priusquam e Germania excederent, Moguntiz, Wormatiz, & Spiræ, aliisque in locis favire in Judæos, trucidando, quotquot primo se furori obtulere, tanquam his victimis litaturi Christo; ac specie qui-

dem religionis & stipendiorum hæc agebantur, cum per avaritiam bona eorum raperent in spoliū. Sed scdum non minus malum, miscuisse se hisce tumultuariis copiis vagos Sacerdotes, profugos Monachos, & ingentem mulierum turbam, virili habitu libidinem regentium. Igitur cum post rapinas & flagitia sparsis cohortibus in Pannoniam penetrassent, ab Ungaris & Bulgaris ingenti clade accepta rediere. Ceteri quidem Duce Petro Eremita & Godeschalco presbytero se in Bohemia conjungere, sed quod nullius certo imperio se Regi finerent, variis ærumnis attriti dissipatique sunt. Tandem composito in militarem ordinem ac disciplinam exercitu, Godefridus Bullionius, Lotharingiæ inferioris Dux, cum duobus fratribus Eustachio & Balduino subsecutus est, cui se Robertus Flandriæ Comes, & lectissimi Franciæ & Belgii procures junxerant; transitaque feliciter Pannonia, Bulgaria, & Mæsia 23 Decembris Constantinopolim pervenere. Accessere Hugo Magnus, Philippi Franciæ Regis frater, Robertus Normanniæ Dux, idemque frater Regis Angliæ: ex Italia Boamundus Apuliæ Comes cum Tancredo fororis filio

Post varia  
passim pa-  
trata flagi-  
tia plurimi  
militum  
dissipantur.

Godefridus  
Bullionius  
cum aliis  
in Orientem  
pergit.

Expeditio  
in Orientem.

Savitur in  
Judeos in  
Germania.

filio, & Anselmus Mediolanensis Episcopus. Consecuti postremum Frisii, Saxones & Nortmanni classibus suis per mare vecti ad castra Godefridi Ducis. His auspiciis cœptum est bellum sacrum, Henrico Rege in Italia tumultuante & luctante cum Conrado filio, ad cujus partes tota prope Italia & Lombardia accessit.

Redditur  
ab Henrico  
Rege Eccle-  
siaz Bremen-  
si Comita-  
tus Emes-  
gowe.

E Saxoniz Episcopis nondum quisquam in id bellum processit; neque Erpo Monasteriensis Episcopus, non nisi altero anno id iter ingressus. Nam hoc anno adhuc in Italia versatus cum Liemaro Bremensi Archiepiscopo inter Schismaticos Episcopos Henrico Regi Veronæ adhæsit, ut ægre hunc præstantissimum Episcopum a Schismatis labe absolveris. Quam in rem sistimus Henrici Regis & Imperatoris diploma quo Comitatum Emesgowe ad Amasim flumen in Westphalia situm Liemaro & Bremensi Ecclesiæ reddidit.

In nomine sanctæ & individue Trinitatis, Henricus Dei gratia Romanorum Imperator Augustus. Notum esse volumus universitati Christi nostri-que fidelium, qualiter Dominus Adalbertus venerabilis Archiepiscopus serenitatem nostram adiit, petens & postulans, quod Ecclesiæ Hammaburgensi, cui ipse pastor & rector præerat, donare vellemus Comitatum, quem in Emesgowa & Westfale situm, Bernhardus Comes vir nobilis & nobis genere propinquus, regendum utendumque suscepit. Habuit secum adiutores in petendo complures: ex Principibus Sigefridum Moguntinum, Annonem Colonensem, Archiepiscopos; aliquos etiam ex Ducibus, & Marchionibus, numeravit, suos pro nobis domi forisque labores, ostendit perpetuam ejus in nos voluntatem. Et quia ipsius Bernardi Comitis ad hanc rem quærendus erat assensus, ipsum vir sapiens pretio & precibus adduxit, ut præsens laudator & assensor existeret. Tunc nos ipsi Archiepiscopo Adalberto ob merita sua benevolenter ad hoc petitionibus fidelium nostrorum adquiescentes, maxime etiam cum remunerationem nobis speramus a Domino Salvatore & sanctissima ejus genitrice Maria, & sancto Vito martyre glorioso, a quibus locus ille evi-

denter incolitur, Comitatum eundem, ipso Bernardi Comite laudante & assensum præbeate, Ecclesiæ Hammaburgensi donavimus & tradidimus. Adidimus etiam ei, sicut mos est, nostræ auctoritatis scriptum, sigillum ei imprimentes, quod hoc in longum fieret posteritatis testimonium. Verum deinde procedente tempore, cum novæ in regno perturbationes surgerent, dolis & invidia quorundam factum est, ut Ecclesia supramemorata eodem comitatu ad aliquod tempus privaretur. Veniens autem successor ejusdem Domini Adalberti venerabilis Archiepiscopus Liemarus, qui non minus in nostro servitio laboravit, rem nobis in memoriam reduxit, preces adjungens, judicium postulavit; aque id sæpe faciendo tandem effecit, ut in Purificatione inter ipsa solemniamissarum eundem Comitatum Deo Salvatore & sanctæ Mariæ offerentes recognosceremus, ac in perpetuum redderemus. Factum est in Italia Veronæ in monasterio S. Zenonis, videntibus & cognoscentibus Erpone Monasteriensi Episcopo, atque aliis Episcopis, & Principibus compluribus, auxiliante etiam Domino Papa Clemente, quanquam tunc præsens corpore non adesset. Itaque hoc facto jussimus hujus recognitionis & redditionis cartam fieri & signari, ut esset in omne tempus firmum & ratum, atque omnibus notum. Humbertus Cancellarius vice Archiepiscopi Moguntini Routhardi, atque Archicancellarii recognovit, Anno Domini Incarnationis MLXXXVI. Indictione IV. Henrico anno \* XLIII regnante, Imperante vero XIII. Data est Patavii præsepte & laudante, ac confirmante Domino Papa Clemente. Recognoscebant ex Principibus, Episcopus Monasteriensis Erpo, Episcopus Veronensis Wolstrigel, Vincentius Episcopus Ecelo, Tarvisianus Episcopus Eampoldus, Episcopus Veltrensis Aribio, Episcopus Faventinus Routpret; Marchiones Azo, Burchardus; Comites, McGinfridus, Wido, Houc, & alii complures.

In hoc diplomate Erponem ceterosque Episcopos haud secus, quam in eo, quod mox adjungemus Imperii Principes appellat Henricus Imperator; tantum abest ut Friderico Barbarossa Imp. id Monasterienses requirant.

Annus

\* N. Hi anni regni ducuntur ab inunctione ejus, quæ biennio ante facta est, quam Patri suo succederet.



# Annus Christi 1097.

Urbani II. Pont. 10. Henrici IV. Reg. 42. Imp. 14.

Henrici II Ep. Pad. 8.

Desperatis in Italia rebus, Henricus Rex post hæc ex Lombardia armis depulsus, septimo postquam abfuerat anno cum paucis rediit in Germaniam, tam contemptibilis inter Italos, quam inter Germanos fuerat. Ratisbona Moguntiam descendit, ubi 6. Idus Maji Ottoni Werthinenſi Abbati omnia ſui Monasterii privilegia conſignavit, ſubſcribente Humberto Cancellario vice Ruthardi Archicancellarii, & Moguntinæ ſedis Archiepiſcopi. Magnam deinde æſtatis partem privati inſtar Spiræ exegit; ac prima illi cura fuit de ſecuritate Judæis reſtituenda, quos Emicho Comes ſpoliarat. Subinde in Weſtphaliā ad Viſurgim digreſſus, Gronæ in caſtro regio prædium Thietmaro Helmeſwardehuſano Abbati diœceſis Paderbornenſis, quod nobilis matrona donarat, regia auctoritate ratum habuit, cum Regi tres Epiſcopi, quos Principes Regni vocat; Udo Hildeſimēſis, Henricus Paderbornenſis & Volcmarus Mindenſis, aſſent, omnes Schiſmatici. Eorum memoriæ cauſa hæſce publicas tabulas exhibere placuit.

In nomine ſanctæ & individue Trinitatis, Henricus divina ſacra clementia quintus Romanorum Rex. Quoniam nos Rex Regum, & Dominus dominantium honoribus Romanæ imperii ſublimavit, & deſenſorem Eccleſiæ ſua diſpenſatione conſtituit, fructuoſum noſtræ ſaluti non dubitamus, ſi donationem fidelium, mobilium rerum vel immobilium, quæ Eccleſiis Dei offerunt, noſtræ auctoritatis privilegiis roborare ſtuduerimus. Quapropter noverint omnes Chriſtianiæ fidei cultores tam futuri, quam præſentes, quod quædam nobilis matrona Cunihildis nomine cum conſenſu hæredis, ſcilicet filii ſui Reinoldi contulit Eccleſiæ beati Petri, quæ eſt in Helmwordesbuſon, prædium ſuum in villa, quæ vocatur Suthmeſbere pro remedio tam ſuæ animæ quam omnium progenitorum ſuorum & ſuccedentium cognatorum, IX videlicet manſos, & I molendinum cum tribus mancipiis Gyſone, Hagrid, Thietlevo colonis ipſius prædii. Teſtatus eſt autem

memoratus R. XXXVI. marcas ab eadem Eccleſia ſe accepisse pro ipſo prædio ad proſectionem jeroſolymorum, quæ facta eſt in diebus noſtris duce quodam Godefrido. Et ut hæc traditio firma ſit & rata, & a nullo ſuccedentium poſſit infringi, precibus Abbatis prædicti Monasterii Thietmari ſæpe dicti Reinold hanc paginam manu propria roborante conſcribi fecimus, & impreſſione noſtri ſigilli inſigniri juſſimus, præſentibus Principibus regni Udone Hild. Epiſcopo, Heinricho Patherbrun. Epiſcopo, Volcmaro Mindenſi Epiſcopo, Thiederico Com. de Catelenburg, Heinricho Com. de Reinebuſon, Cunrado de biun, Volcoldo de Malesburg, Helmoldo de Hukilheim, & aliis quam multis coram aſtantiſibus.

E Saxonia Rex Moguntiam reſuſus eſt ad comitia, quæ Calendis Decembris indixerat, in quibus de pace Imperioque pacando pertractaretur; cum in ipſo limine pacis Ruthardum Moguntinum Archiepiſcopum & Metropolitanum noſtrum e ſede ejicit in exilium, virum inſignem, qui ex Abbate ad S. Petrum Erfurti ad illam dignitatem petitus erat. Proſcriptioni obſenta calumnia, quaſi cœdi Judæorum cauſam dediſſet, veniſſetque in partem ſpoliorum, re autem, quod Sedi Apoſtolicæ, veroque Pontifici inter Orthodoxos conjunctiſſimus hæret. Octo exinde annos in Thuringia caſtroque Hartesburgenſi exul permanſit; per quod tempus Henricus Rex omnia Archiepiſcopatus bona redditusque fiſco regio addixit, ut ſuam ex iis egeſtatem ſuſtineret, regnumque illud Schiſmaticorum Epiſcoporum firmaret, idcirco etiam Adelbertus Regis Cancellarius Ruthardo ſubrogatus.

Proſperis ſubinde initiis procedebant Chriſtianorum arma & expeditio adverſus Saracenos. Nam poſtquam claſſes acceſſere, cum Italarum auxiliis promota ſunt caſtra in Aſiam duce Godefrido Bullionio, capta poſt 52 obſidionis diem Nicæa 20 Junii, fuſoque Turcam

Dodechin. Otto Epiſ. ſing. lib. 1. c. 9. Trithem. in chron. ſerrarius in Ruthardo. Ruthardus Archiep. Mogunt. e ſede ſua pellitur ab Henrico Reg.

Capta Nicæa Antiochia obſidetur.

Turcam 200000 exercitu, variæ provinciae peragratae subactaque. Inde 13 Octobris Antiochia obsideri coepta.

*Diploma  
Erponis a-  
pad Bochorf  
ad ejus vi-  
tam.  
Erpo Mo-  
nast. Ep.  
proficisci-  
tur in ter-  
ram sano-  
ctam.  
Celotius lib.  
3. c. 23.*

Ex Episcopis Saxoniae hoc anno insecutus Erpo Monasteriensis Antistes; ac priusquam iter Hierosolymitanum ingrederetur, hæc de se memorat in diplomate: *III. Idus Februarii, cum in majori Ecclesia Monasteriensi altare in honorem S. Joannis Baptistæ consecrarem; quo etiam die pœnitentes in Ecclesiam introduxi & reconciliationem, & indulgentiam totis votis, totisque animi viribus, quoad poteram, facere institui, utpote sequenti die Hierosolymam iturus.* Publicus hic pœnitentiæ ritus erat ævo illo adhuc usitatus, de quo Celotius in Hierarchia. Ex quo facile mihi persuaserim Erponem se suosque cum Ecclesia reconciliaffe, abjurata Schismaticorum societate, iterque illud pœnitentiæ causa suscepisse. Expeditis demum omnibus, iter ingressus est cum Ludolpho Comite Præposito ad S. Mauritium, multisque e nobilitate Westphalica, qui ultro se in comitatum obtulere. At quo exitu illa peregrinatio facta sit, perquam obscurum, quando nec ipsi Monasterienses id certo ex suis monumentis docere possunt. Sunt qui cum Crantzio Er-

ponem ex Palæstina rediisse velint, & aliquot abhinc annos superstitem vixisse Episcopum; qui mihi errare videntur, quod anno sequenti Successor ejus in diplomate memorabitur; nisi renunciato Episcopatu, quem non bona fama adierat, privatam vitam egisse dixeris. Sed verius reputo, quod vetustus liber Collegii Mauritanii indicat, eum in Palæstina obiisse, ossaque ejus in diocesin revecta esse. Honorifico certe tumulo elatoque e terra in æde Mauritaniana exornatus est, & Divum etiam honore ob beneficia ope cœlesti præstita cultus, uti sepulchro ejus inscriptum erat, Sanctus Erpo. Multis largitionibus in egenos, in religiosas Virgines, & Ecclesiam effusus multisque virtutibus dum vixit clarus.

Ab excessu Erponis conturbata Ecclesia illa duorum Episcoporum subrogatione (haud secus quam in Paderbornensi, aliisque per Germaniam Ecclesiis acciderat) quorum alter Catholicus e Clero electus Theodoricus Winzenburgicus Comes, alter Schismaticus Burchardus de Holte ab Henrico Rege obtrusus. Multis ab his certatum pro adeundo retinendoque Episcopatu, nunc Burchardo nunc Theodoro prævalente.

## Annus Christi 1098.

Urbani II Pont. 11. Henrici IV Reg. 43. Imper. 15.

Henrici II Ep. Pad. 9.

*Berthold.*

Anno insequenti cum Urbano Pontifice res Catholicorum per Italiam in integrum prope restitutæ. Celebrato enim in urbe Natali Christi & Paschatis festo, pacem cum urbe & finitimis provinciis composuit, Guiberto Pseudopontifice, qui apud omnes in contemptum venerat, Ravennam rejecto, inclusoque; Sed tanto per Germaniam validiores Schismatici Henrici Regis patrocinio, qui jam omnibus prope sedibus Schismaticos Episcopos obtruserat, interque urbes Leodium, Coloniæ, & Aquisgranum etiam ad se attraxerat. Quare dum in iis partibus moratur, Aquisgranensi Ecclesiæ nobile prædium cum tribus advocatiis donavit rogatu Henrici filii, & Schismaticorum Episcoporum suorum. Quam in rem hoc Miræus diploma produxit.

*Henricus  
Imp. Eccle-  
siæ Aquis-  
gran. donat  
prædium  
Harve.  
Miræus in  
notis Belg.  
6. 121.*

*Henricus divina favente clementia tertius Romanorum Imperator. Notum sit omnibus, qualiter ob interventum filii nostri Henrici Regis, Oberti Leodiensis, Witelonis Mindensis, Burchardi Monasteriensis Episcoporum, Burchardi, Werinneri Marchionum, ob servitium quoque Capellani nostri Godeschalci Aquisgranensis Ecclesiæ Præpositi, quoddam prædium nomine Harve, situm in pago Harduennæ, in comitatu Gietbaldi, cum omnibus appendiciis Dominicæ matri & perpetuæ Virgini Mariæ in proprietatem tradidimus. Dedimus quoque Dominicæ nostræ Mariæ tres Advocatias. Data IV. Idus Februarii Anno Dominicæ Incarnationis millesimo nonagesimo octavo. Indictione sexta. Anno Henrici III. Romanorum Imperatoris regni XLII. Imperii XIV. Actum Aquisgrani.*

Satis

Satis ex hoc diplomate constat id quod supra indicavimus, & Burchardum Monasterii, & Wetilonem Mindæ Episcopos fuisse, interque Schismaticos numerandos. Refert quoque Cleinsorgius alias a se visas literas donationis, in quibus Burchardus annum Christi M<sup>c</sup>x dicit annum suæ ordinationis XII.

scopum iisdem parentibus Henrico Craffo, & Gertrude natum, de quo tamen ceteri Scriptores silent.

Prospera subinde ex Oriente relata; nam & Antiochia Syriæ urbs longa & difficili 9 mensium obsidione tandem 3 Junii expugnata, & felici non minus progressu 28 Junii innumerabilis Turcarum Persarumque multitudo profligata, cæsis 100000 Barbarorum, Læta hæc permiscuit fortuna adversis, quod rursum Antiochia obsessa a barbaro hoste, Christianis cum fame & peste luctandum fuerit, quibus malis 50000 Christianorum absumpta, præterque hos 4000 diversis congressibus desiderata; donec reperta lancea sacra qua Christi corpus perforatum erat, animati Christiani recreatique ad Hierosolymam expugnandam progressi. Constantinopolitanus Imperator christianus Alexius, qui ab Urbano Pontifice enixe petierat subsidia, ubi prosperum hunc successum conspexit, ex amico hostis apparuit; nam urbes; quas nostri Barbaris eripuerant, ipse aut evertit, aut Barbaris reddidit, & eos, qui ex occidentis imperio subsidio venire vellent, inhibuit, viasque intercepit. Hoc illud vetus invidiæ & æmulationis malum, quo Oriens tandem amissus, & nunc religio ex diffidiis inter regnatrices domos in Occidente lenta tabe consumitur.

Prosperos in Oriente successus turbat Alexii Imp. æmulatio.

Ordinis Cisterciensis initia.

Cæpit hoc anno Ordo Cisterciensium auctore Roberto Molismensis Cœnobii Abbate, cum viginti & uno Monachis ejusdem Cœnobii, quod familiæ D. Benedicti erat in Lingonienfi provincia, rigidioris vitæ amore egresus Cistercium devenit, incultamque illam solitudinem vertit in Abbatiam; quamvis reposcentibus eum prioris Cœnobii Monachis, jussu Pontificis ad eodem redire necesse habuerit, relicto Cisterciensibus Alberico viro religioso, quem sibi Abbatem delegere; qua super re pluribus Sigebertus, aliique ejus familiæ Scriptores.

Et Cœnobii Bursfeldensis.

Per id quoque tempus celebre in Saxonia Bursfeldiense Cœnobium conditum ab Hencico Craffo Northemii Comite, uxoreque ejus Gertrude filia Eckberti Marchionis; ex quo conjugio Richeza Lothario Imperatoris conjux, materque Henrici Leonis. Crantzius qui hæc cum aliis scribit, addit Hermannum Colonienfem Archiepi-

## Annus Christi 1099.

Urbani II. Pont. 12. Henrici IV. Reg. 44. Imp. 16.

Henrici II Ep. Pad. 10

Adversus Henrici. Sigebert. Ursberg. Agente Henrico Imp. filius ejus Henricus eligitur regni successor, Conradus filio Regis repudiato.

Ineunte anno proximo Henricus Rex Colonia Aquisgranum discessit ad comitia Principum, quæ indixerat haud alio consilio, quam ut Henricum filium in locum Conradi filii Successorem Regni dicerent Principes; quam in rem multis accusationibus invecus est in Conradum: Hunc nimirum esse filium suum, qui naturæ oblitus insurrexerit in patrem, qui rebellis accesserit hostibus, qui regnum Italiæ expulso patre invaserit, & vitæ suæ insidiatus sit; ideo illum a se proscriptum ab omni hæreditate; rogare igitur, si Republicam salvam velint, Henricum filium natu minorem regni Successorem dicant. Ad quæ in diversas sententias itum, aliis Conradi indolem comper-

tamque virtutem anteferebant Henrico; uti certe erat juvenis forma decora corporis, morum suavitate, pietate, religione in Apostolicam Sedem, & omnibus Christiani Principis virtutibus bellica etiam fortitudine egregius. Ut his Conradum proavum aut Henricum avum Imperatores polliceri posset; quemadmodum ab his eum etiam Ursbergensis schismaticus Scriptor commendare necesse habuit. Et tota Italia Conradum amplectebatur, amabilem Regem ac Principem suum. Contra alii, quod plerique Schismatici essent, ac Regis assentatores. Henricum æqua postulare dicebant. Horum igitur sententia prævaluit, abdicatusque Conradus, quem tamen prius

coro-

*Ursberg.  
Gobelin. a.  
tat. 6 c. 55.*

*Dodechinus  
Ursberg.  
Trithem. in  
Chron.*

*Beka in  
Chron.  
Heida in  
hist. Ultra-  
jea. Epist.*

*Hierosoly-  
ma capta  
in potesta-  
tem Chri-  
stianorum  
redit.  
Sigebertus*

coronaverant, & Henricus junior patris hæres & Imperii Successor pronuntiatus. Sed priusquam ad coronam admitteret Pater juramentum exegit, quo sancte sponderet nunquam se vivente Patre regnum sumpturum, nisi forte id ipse juberet; quod tamen perfidus filius non præstitit, ipsumque haud multo post Patrem regno exiit. Igitur filius hic Henricus V. festo Epiphaniæ solemniter inauguratur Rex. A quo verò Archiepiscopo inunctus sit, nemo veterum Scriptorum satis prodidit. Ruthardo Moguntino Archiepiscopo in exilium projecto, verisimile est, id ab Hermanno Colonienfi Archiepiscopo factum; quamvis ex hoc schismatis notam Hermanno suo aspergi ægre patientur Colonienfes, quem cognomento Pium quidam scripsere. Nec multum ab hac celebritate superstes Hermannus, obiit II. Calend. Decembris, Successorem nactus Fridericum, favore magis Henrici Regis, quam Cleri electione. Præpositum ante fuisse Bambergensem colligas ex epistola apud Gretzerum recitata: familia, ex qua ortus, incerta. Henricus Rex peracta filii coronatione perrexit in Saxoniam, forte ut Monasterii Burchardum Episcopum imponeret, firmaretque. Inde Ratisbonam petiit; qua in urbe festum Paschatis exegit. Sub id tempus feria quinta Paschatis Conradus Ultrajectensis Episcopus Schismaticorum hætenus Signifer a Frisio negotiatore domi suæ confossus interiit.

Inter hæc læti bellorum successus continuati in Oriente obfessa Hierosolyma, & trigesimo obsidionis die, Idibus Julii, expugnata, feria sexta circa horam nonam, in potestatem Christianorum rediit; insigni virtute bellica Godefridi Bullionii, qui primus inter primos visus muros scandere, & in urbem penetrare. Tanta Barbarorum in ea strages edita, ut per cœforum sanguinem equi trahendi fuerint. Octavo post die omnium suffragiis Godefridus Hierosolymorum Rex salutatus est. Verum ille neque regium nomen, neque insignia sumere voluit, quod diceret conveniens non esse ea in urbe

auream coronam sumere, in qua Christus spineam gestasset. Post hæc itum Ascalonem adversus Saracenos cum exercitu centum millium equitum & quadringentorum millium peditum occurrentes. Godefridus etsi non nisi quinque millia equitum, & quindecim peditum numeraret; ausus tamen, implorata ope divina, prælatoque signo crucis, cum hoste congregari; quem primo impetu in fugam abiecit, cæsis centum Saracenorum millibus. Interque fugientes ad ipsas Ascalonis portas duo millia obtrita, præter eos, quos aut saltus, aut mare absumpsit. Quemadmodum hæc Ursbergensis expeditionis comes, & Archiepiscopus Pisanus Legatus Urbani Pontificis atque ipse Godefridus Bullionius epistola apud Dodechinum conscripsere. Hac insigni victoria potiti regnum suum firmant Christiani, multis exinde domum revertentibus, & palmas signum victoriæ secum in Germaniam & Galliam reportantibus. Tam læta in Oriente rerum facies, quam tristis in Occidente, Henrico Schismatico Rege Ecclesiam & Imperium conturbante. Godefridus altero post anno magno Christianæ Reipublicæ luctu obiit; cui subrogatus Balduinus frater II Hierosolymorum Rex.

Jam & Italia pacata erat Urbani Pontificis auctoritate, ad quem Episcopi & Italiæ Principes cum Conrado Rege accesserant. Quare & Urbanus post Pascha synodum centum & quinquaginta Episcoporum convocarat, in qua sententia anathematis in Guibertum Pseudopontificem ejusque fautores, in Henricum Regem & Schismaticos repetita. Hoc eodem vinculo anathematis Episcopi nostri per Germaniam & Saxoniam arctius illigati proscripique. Ipse deinde Urbanus Pontifex, postquam per xi annos Ecclesiam præclara constantiæ omniumque Pontificalium virtutum laude inter multiplices ærumnas administrasset IV Calend. Augusti excessit e vita; cui Paschalis gente Thuscus successit, egregius per omnia virtutum ornamenta commendatus Pontifex.

Annus

# Annus Christi 1100.

Paschalis II. Pont. I. Henrici IV. Reg. 45. Imp. 17.

Henrici II Ep. Pad. 11.

Berthold.  
Ursberg.  
Dodechin.  
Hilarm. de  
scrip. Eccl.  
Spandanus  
in Not. ad  
Baron.

Morte Gui-  
berti Pseu-  
dopontifi-  
cis cognita,  
multi Schis-  
matici Epis-  
copi ad u-  
nionem  
aspirant.

Dodechin.

Ecclesia  
Thelesensis  
ab Henrico  
Ep. Pad. do-  
nata Cœno-  
bio Helms-  
wardeshu-  
sano.

Paschalis eo nomine II Pontifex, ut primum electus, Italiam ab omni Schismaticorum labe purgare cœpit; ad quod opus opportune mors Guiberti Pseudopontificis consecuta est. Auctor est Ursbergensis dixisse Guibertum ante obitum, dolere se, quod unquam Apostolici nomen tanto cum Ecclesiæ turbamento suscepisset; id quod ex ore ejus se audisse testatur is, qui Chronici Ursbergensis partem ante Ursbergensem scripsit; quando Ursbergensis anno 1198 adolescens fuit, & anno demum 1201 Sacerdos consecratus, ac paulo post Monachus Præmonstratensis sit factus. Morte Guiberti per Germaniam & Saxoniam cognita, multi religione & conscientia perculsi Episcopi aspirare cœperunt ad reconciliationem, quod Paschalem Pontificem populi Romani desiderio, unoque Cleri consensu electum, a tota Europa coli viderent. Sed obtitit denuo Henricus Rex Schismaticus, & tres ordine Pseudopontifices Albertum, Theodoricum & Maginulphum obtrusit; qui tamen mox tanquam abscissi a vite palmites sponte exaruerunt. Tantum huius impii Regis odium erat in Apostolicam Sedem; quod Schismaticis semper cum hæreticis commune fuit. Ac Rex postquam Moguntia Natali Christi egerat, consilia pacis habuit ad Rempublicam componendam, prædonesque opprimendos. Quæ omnia frustra agebantur, cum vulnus Schismatis eadem pertinacia refricaret; neque se, neque Episcopos, ac Principes cum Ecclesia reconciliari patetur. Saxones interim nostri Duce Udone Marchione rebellantes, populatesque, Slavos, quos Luiticios dixere, aggressi, insignique victoria potiti, cum præda & triumpho rediere in Saxoniam.

Per id tempus Henricus Paderbornensis Episcopus noster, libera donatione sua ac Cleri, dedit Cœnobio Helmwardeshusano nostræ diocesis Ecclesiam in thesle cum omnibus prædiis & bonis; id vero pœnitentia delictorum suorum se fecisse confitetur, tan-

quam jam Schismatis quoque eum pœniteret, & reconciliationem quæreret, cui haud multo post renunciavit. Et quia in his tabulis annum suæ ordinationis XVI non a prima adita possessione, sed Regis Henrici nominatione consignavit, juvat hic adscribere.

*In nomine sanctæ & individua Trinitatis, Henricus ipsa propiciante sanctæ Paderburnensis Ecclesiæ Episcopus. Notum esse volumus tam futuris quam presentibus cunctis Ecclesiæ Christi que fidelibus, nos pœnitentia peccatorum nostrorum, & spe futura retributionis ductos esse, quæ in Helwardeshuson est Ecclesiæ, in honore Domini Salvatoris, nec non & beatissimi Apostolorum Principis Petri constructæ, Ecclesiam, quæ est in villa thesle nuncupata, rogatu atque consensu Cleri sanctæ Paderburnensis Ecclesiæ contulisse, & jure perpetuo cum omnibus appendiciis, id est, decimis, agris cultis & incultis, prætis, pascuis, aquis, aquarumque decursibus, piscationibus, silvis & cunctis redditibus in proprietatem ad usum Deo illic servientium tradidisse, legasse, concessisse. Decimationem quoque in villa quæ Mulben dicitur, eodem modo in possessionem perpetuam contulisse, pro salute corporis & animæ nostræ, & ob memoriam Popponis Episcopi antecessoris nostri, qui eidem Ecclesiæ bannum capelle in villa ipsius Monasterii cum septem adjacentibus Ecclesiis contulit, ut tali donatione restaurum piscationis faceret in Herstelle, quam ab ipso Monasterio petens acceperat, simulque ob recordationem felicitis memoriæ Imadi Episcopi, & omnium prædecessorum nostrorum. Restituimus autem per hanc eandem traditionem eidem Ecclesiæ crucem auream, quam inde cum consensu Thetmari Abbatis, aliorumque fratrum accepimus, atque ad ornatum & decorem nostræ, quæ in Paderburne est, matri Ecclesiæ transtulimus, nec non & scrinium quod nostro sumptu frater ejusdem Ecclesiæ Rogerus satis expolito opere in honorem sancti Kyliani atque Laborii fabricaverat. Crucis vero atque scrinii banni ac piscationis ideo fecimus mentionem, ut nol-*

verint

verint Succedentes nobis Deo traditum, quod accepimus, nec destruendum quod statuimus. Ut igitur hæc statuta perpetua firma nobis, nostræ illique Ecclesiæ defunctis, & jam prænotatis permaneant, hæc describi iussimus, & sigilli nostri impressione signavimus. Banno quoque Domini nostri Jesu Christi, & beatissimi Apostolorum Principis Petri, nostraque quam accepimus, ligandi atque solvendi auctoritate firmavimus, & firmamus. Si quis autem hæc infringere, vel destruere præsumpserit, sese cum omnibus sibi cooperantibus anathemate perpetuo, ab eo quem offendit beato Petro damnatum noverit. Data XVIII Calend. Septembris, anno Dominicæ Incarnationis Millesimo centesimo, Indictione VIII. Ordinationis vero Heinrici Episcopi anno XVI.

Accessit aliud ab hoc Episcopo nostro monumentum liberalitatis erga Cœnobium Abdinghovianum, quod hisce tabulis testatum reliquit.

In nomine Domini. Notum sit omnibus fidelibus tam præsentibus quam futuris, quod temporibus Regis Henrici quarti Dominus Gumpertus venerabilis Abbas Patherburn. Cœnobii prædium quoddam cum universis, quæ in eo erant, mancipiis, jumentis, & utensilibus in pago Offentorp in advocatia Heinrici Comitis de Rietbeke a quodam Boddicone XX marcis comparavit, expendens ad coemptionem illius calicem argenteum de sua Ecclesia cum communi fratrum consilio certe satis utili, & fructuosa commutatione. Quæ coemptio postea apud Thurneresberg in placito Erphonis præsidis regali banno confirmata est. Ego vero Henricus Dei gratia Patherburn. Sedis Episcopus decimationem de eodem prædio illi Monasterio perpetualiter delegavi, tam pro remedio animæ nostræ, quam interventu præfati Boddiconis,

qui eam in beneficium eatenus possederat, sicque rogatu prædicti Abbatis, & fratrum ejus jam dictam coemptionem, & hujus decimationis traditionem nostra pontificali auctoritate & banno stabilire, firmare, & roborare curavi, & ipsam cartam hanc constitutionem scriptam continentem sigilli nostri impressione insigniri feci, æterna feriens maledictione omnes, qui hanc constitutionem ullo modo infringere præsumpserint. Hujus traditionis & confirmationis Testes sunt tam Canonici quam Monachi hujus nostræ principalis sedis. Laici vero Elver, Gerbard, Egbrab, Hugo, Uffo, Ludolf, Eizo, Effiko, Herebold, & alii multi. Acta Patherburn XI. Calend. Septembris anno ab Incarnatione Domini MC. Indictione VIII.

Tradunt fasti Corbeienfes corpora Ludolphi & Druchmari Abbatum suorum, quod multis palam miraculis inclaruerant, humo levata, ac publicæ venerationi exposita fuisse. Fidum adhuc stabat Cœnobium illud cum Marquardo Abbate suo in Pontificis & Catholicorum societate; ausique Monachi sub Schismatico Imperatore per multos supplices libellos repetere decimas a Widone Schismatico Osnabrugensium Episcopo, quas Benno, ut diximus, traxerat ad suam Ecclesiam. Sed Widonem longe funestius malum hoc anno perculit. Quippe Basilica Cathedralis & urbs Osnabrugum miserabili incendio conflagravit. Extractæ tamen ex circumlabentibus flammis Sanctorum reliquiæ, quibus Ecclesia illa a Carolo M. large donata erat; ex vero cum inter concursantium tumultus disjectæ abditæque essent, nec diu reperiri possent, divinitus rursus patefactæ sunt, & pristino cultui redditæ. Inde magnus in hunc diem adhuc sacrorum pignorum thesaurus servatur in prima illa Saxonie Ecclesia Carolina.

Fasti Corbeienf. MS. Cloisf. Erwinus. in chron. Osnab. Crantz. l. 5. Metrop. c. 32. Urbs & Basilica Osnabrug. conflagra.

## Annus Christi 1101.

Paschalis II. Pont. 2. Henrici IV. Reg. 46. Imp. 18.  
Henrici II Ep. Pad. 12.

Imperator post illa Natalem Christi Moguntiae celebravit. Qua in urbe multorum Principum conventus celebratus, & Imperatori suavis est, Legatos Romam pro concordia inter regnum & sacerdotium tandem ineunda

mitteret; sed agitarum consilio simul Schismaticorum, ne alius Pontifex reciperetur, ac quem omnium Romanorum, aliarumque Ecclesiarum consensu probatum, in locum Paschalis obtendere fas esset. Interim postquam

expeditio suscipitur.

Chron. Bild. Dodechin. Ursberg. Sigebert. Altera in Orientem

ex



ex Oriente prosper belli sacri successus est perlatus in Occidentales provincias, & Paschalis Pontifex haud secus quam Urbanus omnes Reges, Principes, ac populos cohortari auditus est ad nova belli subsidia, altera expeditio, quæ priori etiam multitudine hominum ex Italia, Gallia, & Germania confluentium haud impar, in Palæstinam sumpta est. Ejus indicium fuisse volunt papilionum per tres continuos dies e Saxonia in Bavariam volitantium nubes; sed maxima pars hujus expeditionis fraudata est perfidia Alexii Constantinopolitani Imperatoris, qui cum Christianis simulando amicitiam, clam cum Turcis faciebat, proditor simul & hostis Christianorum. Multis hanc expeditionem, & felices Balduini Regis progressus descripsit Ursbergenfis. Quinam vero ex Saxonum gente nube illa papilionum notati venerint in numerum hujus expeditionis in annalium memoria non reperio.

Imperator Moguntia Spiram concessit, atque inde Leodium; qua in urbe celebrato Paschate, Aquisgranum petiit, ubi præsentibus Friderico Colonienfi Archiepiscopo, Oberto Leodiensi, Alberone Metensi, Cunone Wormatiensi, & Burchardo Monasterienfi, Episcopis, ceterisque aulæ proceribus, Virginibus Andennensibus restituta est villa Andenna ab Alberto Namurcensi Comite, tabulas scribente Huberto Cancellario vice Rothardi Archicancellarii, Archiepiscopi videlicet Moguntini exulis. Actaque hæc sunt XVIII Calend. Junii, anno Henrici III. Imp. ordinationis XLVIII, regni XLVI, Imperii XVII. Postridie in obsidione castri Limburgensis confirmata ab Henrico Rege privilegia Abbatiae Laubienfis, rogantibus Henrico filio Rege, Friderico Colonienfi Archiepiscopo, Burchardo Monasterienfi, Conone Wormatiensi, Adalberone Metensi, Walchero Cameracensi, Episcopis, ceterisque Regni proceribus. Ex quibus æstimes Burchardum e Saxonice Episcopis aulam Schismatici Imperatoris affectatum esse, interque Consiliarios Regi adhæsisse.

Præclarum hoc tempore patrocini-  
um Abdinghoviani Monasterii suscepit Henricus Episcopus noster in con-

ventu cleri, Comitum ac nobilium Paderbornæ præsentium, quod hisce tabulis posteritati testatum fecit.

*In nomine sanctæ & individue Trinitatis, Henricus Dei gratia Patherburn Ecclesiæ Episcopus. Quotiens a nobis sub-  
jecti ea postulant, quæ sic eorum profectui conveniunt, ut rationi per omnia competant, non solum quæ sita ultro offerre, sed & quæ proficua sunt eis pater-  
na nos dilectione decet exhibere. Unde omnium fidelium Christi tam præsentium quam futurorum cognoscat industria, qualiter Dominus Gumpertus venerabilis Abbas hujus civitatis cum suis fratribus nos adiit, & Ecclesiæ commissa calamitates super incensis ejus ædificiis, distractis prædiis, advocatorum exacti-  
one, violentorum invasione conquærens, quarundem rerum a nobis in præsentiarum canonicam correctionem & Ecclesiasticæ defensionis in futurum tuitionem rationabiliter & suppliciter expetiit. Nos autem ob honorem & amorem Dei, quo Ecclesiam ejus tuendam gubernandamque suscepimus, & licet multo labore optata pacis & quietis in litore collocavimus, rationabili petitioni benignum assensum præbuimus, & primitus, quæ milites & homines nostri juri suo & beneficio vendicaverant, plenarie restituentes hæc cum aliis hominibus, quæ eadem Ecclesia eatenus possederat, vel deinceps possessura est confirmantes, & corroborantes, præsentis scripti auctoritate & banno stabilivimus & communivimus, sub anathematis interminatione statuentes, ut nulla persona parva vel magna, domestica vel extranea contra Dei Ecclesias sæviens quemlibet Abbatem & fratres præfatæ Ecclesiæ super bonis concessis vel concedendis, mobilibus & immobilibus inquietare, molestare, aut divestire præsumat. Quod si ausu temerario attemptaverit, & quicquam ipsius Ecclesiæ juris aut honoris, sive in Abbatis regulari electione seu in quacunque Ecclesiasticæ dignitatis & utilitatis provisione & dispositione imminuere vel infringere præsumpserit, anathematis vinculo nisi velociter cum condigna satisfactione resipuerit, innodetur, honorisque ac dignitatis suæ periculum patiat-  
ur. Observantes autem eidem, & in eodem loco, quæ sua sunt misericordia divina custodiat, & post hanc vitam*

Literæ Henrici Ep. Paderbornæ de confirmatione Monasterii Abdinghoviani.

ad æternam feliciter pervenire concedat. Testes hujus confirmationis sunt Thietmarus Abbas de Helmwardesbusen, Rotgerus Præpositus, Reinboldus Decanus, Conradus Præpositus, Bernhardus Cellerarius, Heinric, Godescalcus, Hizel, Volbrach, & ceteri omnes Canonici. Laici vero Karolus filius Regis Danorum, Erpho Comes, Luippold Comes, Conrad, Burghardus, Tiemmo, Gumprecht, Wolo, Heinric, Bernhard, Thietmar, liberi homines. Ministeriales autem Elver, Ecbertus, Athelword, Eizo, item Eizo, Manegold, Hildebold, Herebold, Coffo, Hugo, Adelbraht, Godika, Sibrech, Godescalc, Radolf, Brun, Herimar, & alii multi. Data Patherbrunnen Calend. Novembris Anno Dominicæ Incarnationis MCL. Indictione IX, regnante Heinricho Rege IV.

Flectorpi-  
ensis cœno-  
bii initia.  
Cleinorg.  
Stangefol.  
Litera tabu-  
larii Pader-  
born.

Ratam quoque hoc anno habuit donationem Helmwardesbusano Cœnobio factam Albertus Moguntinus schismaticus Archiepiscopus; qua super re tabulæ apud nos suppetunt. Sed illustriora, quæ ex Flectorpiensi Cœnobio primum hoc anno apud nos inchoato, ac deinde alibi absoluto ex certis monumentis accepimus. Conditor ejus Erpo Padbergensis Comes, quem memorabili ad omnem posteritatem miraculo Deus ad hujus Monasterii fundationem pertraxit, quam in rem fundationis tabulas ab ipso Comite consignatas, quibus hæc exponuntur, referre juvat.

in nomine Domini. Erpo dictus Comes in Patberg. Ad notitiam omnium fidelium pervenire desideramus, quod nos ad honorem Domini nostri Jesu Christi, & sanctæ Genitricis Virginis Mariæ, & super reverenda ossa beati Landolini Confessoris, quæ sanctæ memoriæ Paturadus Episcopus Paderbornensis de diocesi Cameracensi transtulit, & in loco, qui dicitur Boka, integraliter deportavit, novellam plantationem religionis S. Benedicti construximus, super fluvium, qui dicitur Lippia, quod opus structuræ meæ consilio & adiutorio Domini Henrici Episcopi Paderbornensis inceptum Comites de Nyteke minis & terroribus, ne perficeretur, impederunt, asserentes, se veros hæredes loci illius esse post mortem Domine Beatricis conjugis nostræ.

Unde inito consilio prædicti Domini Episcopi transmigravimus Abbatem & fratres ejus, qui cum ipso erant, in villam nostram, quæ vocatur Fletorp, & ibi incepimus structuram nostram consummare, Anno Gratia Millesimo centesimo primo, ad honorem piæ matris: & ut ardentius instarem benignissimus Deus flagello suo me torpentem excitavit hoc modo. Quodam tempore opidanis in Herbusen forte injuste in tantum offensus, ut incendio Oppidum ipsorum totaliter destruere, & consumere vellem, & jam ignem immittenti quidam de ipsis Opidanis ad Ecclesiam S. Magni gloriosi Martyris fugientes imaginem crucifixi Domini rapuerunt, & eam ferentes obviam mihi jam furenti processerunt. At ego præ furore rationem non capiens ad portitores crucis evaginato gladio ut stultus miser irrupi, & quod crucifixo pro corona capiti impositum est, percussi, & partem in terra dejeci. Nec sine mora ultio divina defuit, nam digiti mei, quibus ferrum ad contumeliam SS. reliquiarum strinxeram, & manus in volam contracti, præsentiam interni judicis ibi adesse & iram perscrutati. Tunc igitur ejus flagello desperatus, & tamen de eo, quod scriptum est, flagellat omnem filium, quem recipit, fiduciam sumens, præsumebam a misericordia Dei me diligi, qui meretur affligi, præfatæ Ecclesiæ beati Magni de meis possessionibus mansum unum, & Monasterio meo Fletorpeni omnia mea, & me ipsum, ministeriales meos cum beneficiis, & possessiones, servos omnes mihi bene in hoc consentientes Domine meæ perpetuæ Virgini Mariæ contradidi. Constituo, & præsentis scripto sigillo nostro roborato jubeo, ut post mortem meam aliam personam Ecclesiasticam Abbas, & qui cum eo sunt fratres eligant, & ei proprietatem Monasterii mei tradant, & ejus consilio advocatum unius ad anni tempus, vel duorum si opus sit eligant, finito vero advocatiæ suæ termino, iterum si necesse sit, non de progenio prioris, sed alium, ut caveatur, ne aliquis in advocatia hæreditario jure succedere possit. Ministeriales mei, qui modo sunt Ministeriales Monasterii in quacunque Parochia moriantur, sepulturam in prædicto meo Monasterio eligant, & habeant, & optimum equum, quem quis habeat, ad arma ibidem offerat.

Jura

*Jura vero in accipiendis vel dandis hæreditatibus sedem jura Ministerialium, ubi se tradiderint, habeant.*

Veteris memoriæ Comitatus Paderberga, quem jam ante Conradus Imperator anno 1030 Meinwerco Episcopo dederat; uti supra a nobis relatum est; situsque ad Dimolam fluvium intra Montem Martis & Brielam Ducatus Westphaliæ oppidum, ad confinia Waldecensis Comitatus, sedes Comitum in monte edito, bona Comitatus a Meinwerco ætate Badbergenfes fiduciario jure ab Episcopis sortiti. Inde per temporum injurias partim Archiepiscopo Colonienfi, partim Comitibus Waldecensibus per spoliū cessere. Certe Erpo primus Cænobii Conditor intra Episcopi Paderbornensis jurisdictionem locum suo adhuc ævo agnoscit. Decessit is sine prole anno 1113, in hoc a se condito Cænobio sepultus. Frater illi fuit Thietmarus, qui cum sine liberis quoque esset, fertur Comitatum tradidisse in manus Archiepiscopi Colonienfis. Inde ex alia stirpe, ab Archiepiscopis Clientes Comites impositi, qui multis exinde injuriis & bellis affligere Paderbornensem dicecesin, Episcopis nostris, pro veteri jure & donatione Conradi Imperatoris, Comitatus bona reposcentibus. Fundatoris tabulis conjungo Henrici Episcopi nostri, quibus Cænobium intra suam dicecesin confirmat.

*In nomine sanctæ & individue Trinitatis. Henricus Dei gratia S. Patherbrunnensis Ecclesiæ Episcopus. Et divinæ legis executio, & regiminis nostri exigit administratio, bonorum laboribus pro viribus assistere, juris æquitatem contra injustitiam defendere, ut cuique sua illibata conserventur, atque sibi cohæreat in compage unitatis ordinatio universitatis. Hujus intuitu rationis notificamus tam præsentibus quam futuris Ecclesiæ filiis, qualiter fidelium nostrorum præcipuus Erpho Comes in Dicecesi nostra Cænobium in honorem S. Dei Genitricis in fundo, qui Boka nuncupatur, super Lippiam fluvium sito, qui Conjugi ejus Domnæ Beatrici hæreditaria successione compete-  
bat, instituit, & prædia, quæ vel habebat, vel industria conquirebat, Monachis inibi Christo servituri delegavit,*

*de nominato autem prædio novellæ institutionis Ecclesiæ rogatu ipsius Domnæ initiari, fundari, dotari decrevit, & hæc sunt reliquæ possessiones, quas ipse Comes de proprio in usus fratrum separavit. In Flietorp Ecclesiæ cum dote, & duo prædia cum mansis. In Langevorde Ecclesiæ cum dote & prædium cum mansis. In Veerhol Ecclesiæ cum dote & prædium cum mansis. In Mulenbus Ecclesiæ cum dote & unum prædium Hassapa, Hoite, Loithar, Berdinghus, Mebkus, Winemarinchus, Gembike, Hulikissen, Holthus. Huic piæ inchoationi nos per omnia congruentes, & in futurum rebus consulentes supra dictum prædium Boka cum Ecclesiæ & dote & cuncta superius memorata cum omnibus appendiciis suis, terris videlicet cultis & incultis, pratis, pascuis, silvis, venationibus, aquis aquarumque decursibus, molendinis, piscationibus, & omnium commoditatum generibus præsentis privilegii testamento eidem Monasterio perpetuo jure confirmamus, & ne aliqua persona Ecclesiastica, sive secularis infra terminos ipsius Parochiæ aliquid statuendi, vel commutandi habeat potestatem, quod commodis Monachorum officiat, aut quietem perturbet, vel utilitates impediat, sub anathemate interdicimus, sed ea quæ primum tradita sunt integritate libera & inconvulsa manere decernimus. Si quis autem temerario ausu aliquid de interdictis violare præsumpserit, auctoritate Domini Paschalis PP. & nostræ animadversionis sententia, nisi resipuerit excommunicationis vinculo insolubiliter innodetur. Actum in ipsa Ecclesiæ, Anno singularis Nativitatis Millesimo centesimo primo, Indictione decima, Imperante Henrico IV. Testes fuerunt Abbas Eckenbertus Corbeyensis Abbas, Gumpertus Patherbrunnensis, Thietmarus Helmwardicensis. Nobiles Thietmarus Fr. Comitum, Wyd-kindus, Volckmarus, Thietmarus, Bernhardus, Henricus Ministeriales Adelwardus, Godefridus, Godescalcus, Ermingerus, Gerhardus, Retherus, Thiedolfus, Berhardus, Rathwardus, Reynhardus, & alii multi.*

Perstitit Cænobium illud a primis initiis ad hæresis tempora. Primus loci Abbas Fridericus, ab eo ordine consequentes Rothardus, Wicbertus, Hartwicus,

Situs Comitatus Paderberg.

Confirmatur ab Henrico Ep. Paderbornensi ab Erpone Comite fundatum

wicus, Hermannus, Wigbertus, Ufo, Godefridus, Siffridus, Albertus, Rotgerus de Schaden, ceterique ad Balthasarem, qui exuto habitu Cœnobitico, ductaque uxore ad hæresin transiit, & miseram in ditione Corbejensi vitam clausit. Cranium D. Landolini Conradus Luderus, Archiepiscopi Colonienſis per eas partes moderator rerum sacrarum, clam ex Flechtorpiensi Cœnobio tranſtulit ex hæreticorum manibus in Cœnobium Odaccium, inſcio Theodoro Paderbornensium Episcopo. Inde metu belli Christiani Halberſtadienſis a Sanctimonialibus in Hirtzberge translatus, ac demum a Francisco Wilhelmo Osnabrugensi Episcopo incertum quo deportatus, frustra Paderbornensibus & Benedictinis reposcentibus.

Insignium  
multorum  
virosum  
obitus.  
Ursberg.  
Chron. Hils  
des.  
Fassi Corb.

Ceterum hic annus multos illustres viros sustulit. Conradum Henrici Imperatoris filium, ac Regem Italiæ, cum incredibili omnium Orthodoxorum luctu. VI quoque Octobris clausit extremum diem D. Bruno in Calabria suæ eremo, vir sanctissimus, & Conditor familiæ sacræ Carthusianorum. E Saxoniam Principibus occubuit Henricus cognomento Crassus, Comes Northemii, Ottonis Bojarie Ducis,

& Saxoniam propugnatoris filius; redierat is jam in gratiam cum Henrico Imperatore, a quo & Frisonum Marchio impositus est; quam gentem cum oneribus durius premeret, adversum se concitavit, tandemque uxore Gertrude, quæ soror erat Eckberti Marchionis Saxoniam vix e periculo elabente, ipse prælio cum Frisiis congressus, magna victus ignominia cecidit. Periere & multi alii Saxonum hac Frisonum rebellione. Biennio post Cuno five Conradus frater Bichlingæ Comes, vir omnibus naturæ donis ad miraculum ornatus, popularium quoque conspiratione interemptus. Ita fortuna in clarissima Ottonum familia extinguenda sævire visa est. Duo præterea schismatici Archiepiscopi morte subtrahiti, Egilbertus Trevirensis & Liemarum Bremensis, tuba schismatis, & Henrici incentor; qui tamen posteris annis, ex quo a Lothario captus, aulae & Schismaticorum consortio sese subtrahit. Egilberto Successor datus Bruno, Liemaro Humbertus, uterque schismatis labe infectus. Nihil Imperator sollicitius agebat, quam ut schismaticis subrogaret schismaticos Episcopos; quantumque Regnum suum his artibus firmabat, tantum turbabat Ecclesiam.

## Annus Christi 1102.

Paschalis II. Pont. 3. Henrici IV Reg. 47. Imp. 19.  
Henrici II. Ep. Pad. 13.

Ursberg.  
Baron.  
Concil.  
Rom. in  
causa Hen-  
rici Imp.

Non latebant hæc Paschalem Pontificem, vigilantissimum & cordatissimum Ecclesiæ rectorem; quare per Quadragesimam Romæ synodum indixit, ad quam omnes Italiæ Episcopi, multique etiam ex transmontanis convenire. Ea in synodo, quod, uti Bertholdus etiam scribit, priorum Pontificum anathemata in Schismaticos sensim in contemptum abirent, Pontifex congregatis in synodo Episcopis sententiam anathematis in Henricum Imperatorem & Schismaticos per Saxoniam & Germaniam Episcopos renovavit, ipsumque ejus schisma, ob contemptum Apostolicæ Sedis inter præcipuas hæreses annumerandum pronuntiavit. Imperator, etsi sub initium anni, cum Moguntiam rursus Natalem Christi celebraret, in conventu Episcoporum ac Principum promiserit,

se Romam profecturum, & cum Pontifice tractaturum de concordia inter regnum & Sacerdotium, nihil tamen homo fallax præstitit. Post ubi intellexit, se rursus, omnesque schismaticos Episcopos, a Romano Pontifice in synodo proscriptos damnatosque esse, iram furoremque vertere cepit in Catholicos Episcopos vexandos.

Ex horum Catholicorum Episcoporum numero, posteaquam hoc anno mortuus est Hartwigus Magdenburgensis Archiepiscopus, qui solus prope ex Saxonibus Episcopis ea tempestate in fide Apostolicæ Sedis perstiterat, Henricus Comes de Aslo, quem primo Paderbornensem Episcopum delectum diximus, Cleri populique suffragatione subrogatus est. Præsul non minus a pietate quam constantia in

Dodechia.  
Gobelin.  
Crantz. l. 5  
Metrop.  
c. 27.  
Henricus  
de Aslo eli-  
gitur Ar-  
chiep. Mag-  
deburg.  
quem Im-  
perator  
persequitur

in defensione Catholicæ religionis commendatus a Scriptoribus. Quæ postquam Henrico Imperatori cognita, quod sibi Episcoporum imponendorum potestatem vendicaret, Henricum infectatus est, omnique id opera egit, ut Schismaticum Episcopum Sedi illi obtruderet. Quapropter Henricus ab Episcopi munere ad annum 1105 rejectus est, nullo tamen alio in ejus locum subrogato (quemadmodum in locum Trevirensis obtrusit Brunonem Archiepiscopum) Saxonum, ut creditur, metu, iis in locis prævalentium.

grum Marquardus, religiosissimus Abbas, & Catholicarum partium studiosissimus; uti ob hanc rem ante ab Episcopatu Osnabrugensi a Schismatico Imperatore dejectus redierat ad Monasterium suum.

Henricus Episcopus noster, etsi schismatis adhuc malo implicatus hæreret, neque ob dominatum Imperatoris se expedire posset, sedulo tamen procuracionem Ecclesiæ suæ gessit, & tam Clero quam Cœnobiis utiliter consuluit; quod inter cetera hæc literæ Abdinghoviæ Monasterii ex hujus anni beneficio testabuntur; in quibus etiam ejus ætatis Cathedralis Ecclesiæ illustres viros, & antiquissimam Brenckiorum familiam, hodie dum inter nobiles claram, recognoscere licebit.

Henrici Ep. cura pro clero & cœnobiis.

Exarsit hoc anno bellum inter Fridericum Arensbergæ Comitem, cognomento Bellicosum, & Fridericum Coloniensem Archiepiscopum. Causa belli in obscuro relicta, nisi quod per id tempus Robertus Flandriæ Comes Orthodoxus a Paschali Pontifice animatus bellum intulerit Leodiensi & Cameracensi Episcopis Schismaticis, qualis & Fridericus Colonienfis erat; incitabatque Arensbergensem Comitem ex sorore Henrici Crassi ortum vetus in Henricum Imperatorem odium. At Fridericus Archiepiscopus, collecto exercitu, Westphaliæ ingressus Arensbergam castrum obsedit, & ad deditionem compulit. Qua clade nihilo fractior Arensbergensis Coloniensem Episcopatum ferro & igne vastat. Quibus ad Cæsarem perlatis, citatur ad Cæsaris tribunal; at vadimonium deferit, eoque rebellis proscribitur. Sed ille confusus consanguineorum auxiliis Godefridi Cappenbergensis, & Hermannii Ravensbergici Comitum, qui Ottonis quoque Saxonie & Boarie Ducis filias duxerant, Henrici Crassi sorores, bellum redintegrat. Simul per id tempus a cliente nobili duo Cappenbergensium Comites, Godefridi fratres, ex insidiis occisi sunt. Ita Westphalia intestinis simul bellis flagrare cœpit.

Qua tempestate turbata est congregatio Corbeienfis Cœnobii, expulso Marquardo Abbate per Guntherum Heresfeldensem Abbatem, qui per fraudem circumvenerat Corbeienfes. Tam fœdum Schisma, quod & Monachos collisit. Guntherum altero mox anno divina ultio consecuta sustulit e medio, restitutusque est in inte-

*In nomine sanctæ & individue Trinitatis, Henricus Dei gratia Paderbornensis Ecclesiæ Episcopus. Quod ad multorum notitiam pervenire congruum duximus, literarum monumentis mandare provida deliberatione curavimus. Præsens ergo ætas omnisque secutura noverit posteritas, qualiter duæ sorores secundum carnem liberæ Bertha & Walburch nomine cum consensu tutoris sui Friteboldi suorumque hæredum Bernhardi & Frederici duos mansos in villa Swinsfelde, quos hæreditario jure possederant, ad Paderbornense Cœnobium in honore SS. Apostolorum Petri & Pauli constructum tradiderunt, ut non solum beneficium necessariæ consolationis, sed etiam auxilium oportunæ experirentur defensionis. Hæc traditio prima facta est in placito Walonis præsidis, loco, qui dicitur Burc coram multitudine, quæ ad tribunal ejus convenerat; quam ipse regali banno confirmavit & roboravit. Secundo coram principali altari SS. Apostolorum Petri & Pauli præsentem Domino Gumberto Abbate cum omni congregatione Laicorumque multitudine, ubi & Henricus nostræ Ecclesiæ advocatus prædictam traditionem de altari suscepit, regieque potestatis banno postmodum in placito advocatiæ suæ stabilivit. Postea prænominatæ sorores ab amicis suis ammonitæ se ipsas in proprietatem prædictæ Ecclesiæ dederunt, & præfatos mansos cum uno, qui erat Ecclesiæ in eadem villa, usibus suis quamdiu viverent profuturos in beneficium*

Gpelin. at. 6. c. 55 Bellum inter comitem Arensberg. & Archiep. Coloniensem.

Chron. Tramon. MS.

Vesti Corbei. MS. Marquardus Abbas Corbeien. per Schismaticos expellitur.

cium acceperunt. Hanc traditionem tam legitime factam hancque nostri auctoritate firmatam, si quis, quod absit, infringere temptaverit, vel aliquam lationem seu injuriam præfati Cœnobii fratribus inferre præsumpserit, iram & offensam Dei Sanctorumque ejus incurrat, de libro viventium memoria ejus pereat, æternæ maledictioni cum diabolo & angelis ejus subiaceat; quæ ne forte attemptare quis audeat, & ut memoriale in generationem generationum permaneat, paginam hanc inde scribi jussimus, & eam impressione sigilli nostri subter consignatis idoneis te-

stibus signavimus. Quorum nomina hæc sunt Robertus Præpositus, Reynboldus Decanus, Conradus Præpositus, Godescalcus, Reinbertus, Foltbertus Canonici. Luippoldus Comes, qui ad placitum Walonis præsidis præsens erat, Worad vicedominus, Cizo, Ecbrath, Monegold, item Cizo, Rado de Brenken, Bernhardus Causidicus, Frittbold, Menigoz, Siffridus, Adalbero ac plures alii studio brevitatis omissi. Hæc traditio & confirmatio facta est anno Incarnationis Dominicæ Millesimo CII. Indictione X regnante Rege Henrico quarto.

## Annus Christi 1103.

Paschalis II. Pont. 4 Henrici IV Reg. 48. Imp. 20.

Henrici II. Ep. Pad. 14.

Henricus  
Imp. trans-  
lato in fili-  
um Impe-  
rio, Palæ-  
stinam pe-  
rere cogitat

\* al. Mogis-  
nardum.  
Mirans in  
not. Belg.  
c. 129.

Sigebert. in  
chron.

Sub anni sequentis initium Imperator, postquam Moguntia Christi Nates peregerat, conventum Episcoporum ac Principum habuit, in quo palam edixit, se, translato in Henricum filium regno, profecturum in Palæstinam, & sepulchrum Christi adoraturum, id quod per \* Emehardum Herbipolensem Episcopum publice pro concione denunciari jussit. Quæ postquam vulgata, mirum, quantum sibi Cleri populique favorem collegerit. Læti omnes spe pacis, qua civilibus diffidiis positis, arma tandem in recuperationem terræ sanctæ convertenda sint. Quapropter multi sacrorum antistites, nobiles, ac milites ad crucis vexillum convolarunt. Sed fallax homo ex intercalari pietate mox rediit ad ingenium & schisma confirmandum. Post illa cum schismaticis Episcopis Friderico Colonienfi, Brunone Trevirensi, & Burchardo Monasterienfi Episcopis, Spiram profectus est, quemadmodum id docent tabulæ Laurisheimensi Monasterio datæ, quas iidem Episcopi cum Friderico & Sigefrido Palatinis consignarunt. Spira Leodium concessit; ubi in Principum conventu Robertus Flandriæ Comes supplex in gratiam receptus. Hinc transito Rheno in Westphaliā digressus Imperator cum schismaticis Episcopis (inter quos aulæ consul Burchardus Monasteriensis Episcopus) ad Saxoniam motus, ut Sigebertus scribit, componendos. At quales hi fuerint, auctor non prodidit, nisi quod constet Fridericum Magden-

burgensem cum Friderico Colonienfi Archiepiscopo gravi bello implicatum fuisse, & Henricum de Schaden Marchionem, Saxoniam potentissimum ea tempestate Principem, obiisse. Pace in quadriennium transacta, rediit Henricus cum filio ad hiberna in Bojariam.

Synodum interim celebravit Fridericus Colonienfis Archiepiscopus, in qua ea sancita sunt, quæ cum Ottone Werthinensi Abbate controversa interveniant, uti tabulæ ejus Cœnobii id exhibent. Haud minus indiligens Henricus Episcopus noster in Quadragesima proximis ante Pascha diebus synodum Vernam Cleri habuit; in qua publicis literis testibusque donationes Gumbertho Abbati, & Monasterio Abdinghoviano factas comprobavit, quas hic adscribimus.

In nomine sanctæ & individue Trinitatis. Henricus Dei gratia Paderbornensis Ecclesiæ Episcopus. Quia juxta veridicam magistrorum gentium vocem unusquisque propriam mercedem accipiet secundum suum laborem, cum solatium denarii diurni laboris lato caritatis mandato etiam extraneis & inimicis impendere debeamus, maxime domesticis fidei & sub umbra alarum nostrarum habitantibus id impertiri debemus. Unde universæ posterorum nostrorum fidelitati notum esse volumus, qualiter nos pro divini servitii augmento nostro nostrorumque successorum piæ recordationis monimento fratribus Ecclesiæ beatorum

Apo-

Urbis.

Ex Archiv.  
Werth.  
Henricus  
Ep. dona-  
tiones Abs-  
dingho-  
ventibus  
factas in sy-  
nodo com-  
probat.



Apostolorum Petri & Pauli in suburbio nostræ civitatis degentibus, quibus Dominus Gumbertus venerabilis Abbas præest, ad altare eorundem Sanctorum Apostolorum diversis temporibus devota mente hæc contulimus, unum mansum in curbike in consecratione principalis crucis in eorum Ecclesia, quæ facta est V Novembris anno Dominicæ Incarnationis M. nonagesimo, Indictione XIII, præsentibus fere omnibus in hac civitate commorantibus, quandam decimam in Liesmari, mancipium unum Meinhardum nomine cujus uxor nomine Gesike filia Joannis Rother ad nos pertinentes postea commutati sunt ad eandem Ecclesiam datis \* procis, muliere nomine Gesike; & filio ejus Bernhardo, vivarium piscium juxta hanc civitatem in loco, qui dicitur Rimbike, mansum unum hic in civitate cum area inventu cujusdem Cizonii nostri ministerialis ipsum mansum eatenus in beneficio possidentis, tum autem secularibus negotiis renunciantis, & emendationis vitæ gratia Monachorum in præfato Monasterio cohabitationem expetentis, filiis ejus præsentibus, nostrisque ministerialibus pluribus in testimonium assistentibus. Item mansum unum in villa, quæ dicitur Balhornon, inventu Hugonis de Gladebach ministerialis nostri, qui eum a nobis eatenus in beneficio habuerat. Itidem mansum unum in Hatbeberninchusen, tali tenore, ut quamdiu in hac vita Deo disponente subsistimus in die ordinationis nostræ, post mortem vero nostram in die anniversarii nostri fratribus in refectorio in memoriam nostri caritas prompta exhibitione amministretur. Duo quoque prædia, quæ sunt in Bedinthorp & in Erpintthorp eidem Mo-

nasterio tradidimus pro calice argenteo triginta marcarum, quem annuentibus fratribus in usus nostros sumpsimus & expendimus. Hæc omnia ob animarum remedium collocata usibus Deo servientium banni nostri auctoritate firmavimus, & omnes, qui prædictæ Ecclesiæ fratres super eisdem bonis inquietare, molestare, aut divestire præsumpserint, æternæ damnationis & maledictionis cum diabolo & angelis ejus perpetuis gehennæ ignibus cruciandos, nisi velociter resipuerint, tradentes, paginam hanc in testimonium horum conscriptam sigilli nostri impressione insigniri jussimus. Testes confirmationis traditionum istarum sunt Rotherus Præpositus, Reinboldus Decanus, Conradus Præpositus: Bernhardus, Folcbertus, Reinbertus, Godescalc, Hezelimus Canonici. Liberi homines Conrad de Wartberghc, Tiemmo, Burghard, Gumbracht, Conrad de Everschutte. Ministeriales Ecclesiæ Elver Comes, Uffo, Hugo, Egbrech, Hildebold, Luidolt, Henric, Manegold. Ministeriales Ecclesiæ beatorum Petri & Pauli Sibrech, Tritheimar, Brun, Godescalc, Rotholf, Heriman, Liefdag. Ministeriales Præpositi Rother, Folchbrach, Altman, Adalbrach, Albern, Everhard, Friddo. Ministeriales de Budecon, Altmar, Anselm, Meinger, Heribold, Becelin. Ministeriales in Herefe, Witman, Conrad, Udo, Cono, Witherold, Bernhard. Cives Brun, Rother. Thancmar, Heribold, Thiederic, Welrico & alii quamplures, qui ad synodum convenerant, anno Dominicæ Incarnationis MCIII, Indictione XI, regnante Henrico Rege quarto. Actum Paderb. in cæna Domini VII Calend. Aprilis.

## Annus Christi 1104.

Paschalis II Pont. 5. Henrici IV Reg. 49. Imper. 21.  
Henrici II Ep. Pad. 15.

Aurora  
Henrici.  
Obit Boto  
Comes ex  
Immidino  
gorum Saxo-  
num familia.

Cæsar ex quo superiori anno in Saxoniam descenderat, gentem Saxonum multo quam ante non solum mitius, sed & honorificentius in aula habere cœpit, ad invidiam Bojariæ gentis. Qua super re, dum Ratisbonæ post Natalem Christi celebratum versatur, palam querelæ & seditionis voces auditæ. Incentor horum Sigebertus Comes Borchusianus, in quem ob

id aulicorum conspiratio coorta, quique deinde Ratisbonæ in hospitio ab hora tertia ad nonam obsessus, fractisque tandem foribus captus (postquam tamen prius sacramento corporis Christi se munisset) obtruncatus est. Quo tempore Boto, Erbonis Comitis frater, vir grandi corporis statura, & militari fortitudine adversus Pannones clarus, excessit e vita; cujus maternum genus

M m m

Ursber-

Ursberg.  
Dedachin.  
Interimio  
tur Sige-  
bertus Co-  
mes.

Deseritur  
Henricus a  
filio.

Ursbergensis deducit ex Immidingorum Saxonum stirpe, quæ & Meinweri Imadique Episcoporum nostrorum fuit, & a Widekindo M. descendit, Imperatoriæ per Mathildem Ottonis Magni matrem familiæ agnata. Ratisbona Cæsar Moguntiam petiit, celebratoque Paschate, cum Henrico filio Rege in Saxoniam progressus est ad motus, quos Orthodoxi in spem libertatis erecti concitarant, componendos. At ea expeditio mox irrita recidit, quod Henricus filius saniori mente imbutus, patrem aversatus, noctu clam e castris in Sueviam profugus, se a patris consortio subduceret, quem trium Pontificum sententiis proscriptum, intelligebat indies pertinacior. Filium pater per Legatos nunc blanditiis, nunc minis revocare conatus est; sed frustra hæc agebantur, quod is jam aliorum procerum consiliis in partes Catholicorum transisset. Quare Pater, ommissa expeditione Saxonica, iter Moguntiam relegit ad Christi Natalicia ea in urbe celebranda. Tan-

dem fera numinis poena Regem, qui per 40 annos Rempubicam & religionem turbaverat, consecuta, æmulum in filio objecit, a quo regno mox exutus est.

Has inter turbas Henricus Episcopus noster VI Calend. Martii, rogatu Erckenberti Abbatis, Cœnobio religiosorum virorum, quibuscum bonam amicitiam colebat, omnes decimas, quas Hoxtariz vicinisque locis, & per totam diocesin controversas habere poterant, liberaliter confirmat; idque se pro instituto Antecessorum suorum, ac pro animæ suæ bono facere profitetur. Qua super re apud nos tabulæ extant anno 1104 consignatæ; quojam, mortuo Marquardo Abbate, Erckenbertus successerat; nisi eo vivo adhuc subrogatus, quod Marquardi mortem fasti eorum referant ad annum 1106. Sane Henricus Præsul conscientiz integerrimæ, nisi quod uno schismatis malo adhuc obvolutus hæreret.

## Annus Christi 1105.

Paschalis II. Pont. 6. Henrici IV. Reg. 50. Imp. 22.

Henrici II Ep. Pad. 16.

Ursberg.  
Dodechin.  
Auctor vita  
Henrici.  
Sigbert.  
Otto Frising.  
Albort.  
Stad.  
Henrici  
Imp. filius  
Saxoniam  
ad obediens  
tiam Rom.  
Pontificis  
reducit.

Sed nunc annus sequitur MCV Germaniæ quidem turbulentissimus, sed quo primum afflicta Catholicorum causa respirare coepit. Henricus enim Rex filius Cæsaris, qui in Sueviam discesserat, mense Januario, a Gebhardo Constantiensis Episcopo, Apostolicæ Sedis Legato, abjurato Schismate, Ecclesiæ communioni restituitur. Mox in Bojariam conscendit; ad quem magno numero Norici, Suevi, & Franciæ Orientalis proceres ultro confluxere; cum his in Saxoniam properat, certus se ob veteres Henrici patris inimicitias non alienos Saxonum animos habiturum. Neque spes irrita fuit; ab his cum ingenti honore & incredibili lætitia exceptus, Pascha magno nobilium concursu Quidlenburgi peragit. Ubi Ruthardum exulem Moguntinum Archiepiscopum consilii auctorem adiutoremque nactus est; cujus auctoritate totam prope Saxoniam, exactis Schismaticis Episcopis, ad obedientiam Romani Pontificis adduxit.

Concilium inde IV Calend. Junii apud Northusium regiam villam advo-

cat, confluentibus ex tota Saxonia Episcopis, Abbatibus, & ingenti Clericorum & Monachorum multitudine. Eo in concilio, cui præfuere. Ruthardus Moguntinus Archiepiscopus & Gebhardus Constantiensis Episcopus Apostolicus Legatus, proscripta Simoniz hæresis, damnatus Clericorum concubinatus, multæque salutes Ecclesiæ leges sancitæ sunt. Decretum etiam ut a Schismaticis Episcopis consecrati per Catholicam manuum impositionem reconciliarentur cum Ecclesia. Intererat huic synodo Henricus Rex juvenis; nec prius accessit, quam ab Episcopis vocatus, habitu vultuque ad modestiam composito. Inde e loco consurgens, allocutusque præsentem senatum palam edixit, omnia se Pontificum & Principum decreta approbare: nulla regnandi cupiditate Rempubicam capeßere; nec alio consilio discessisse a patre, quam ut omnes jungeret cum Apostolica Sede, & Orthodoxorum societate; quod si pater S. Petro, & Successoribus satisfaceret, & cum Ecclesia in gratiam rediret, ex-

Concilium  
Northusa-  
num.

Quæ in eo  
egerit Hen-  
ricus V.

temple

templo se in omnibus patri cessurum, & famuli in modum servitutum: scire se, quid naturæ, quid sanguini, quid carissimo parenti & regiæ majestati deberet. Plura proloquente obortæ sunt lacrymæ, quæ tanto Saxonum motu accepta sunt, ut complures cum regio juvene in fletum solverentur. Acclamatum ab omnibus, votaue & preces conceptæ pro salute utriusque Regis.

Tum vero Udo Hildesimensis, Henricus Paderbornensis Episcopus noster, & Fridericus Halberstadiensis, Schismatici Episcopi, ad pedes Ruthardi Moguntini Archiepiscopi ac Metropolitanæ, simulque Regis provoluti, erroris sui veniam precantur, & coram universo sacræ synodi senatu Paschali Romano Pontifici & Apostolicæ Sedi fidem jurant, recepti tum in gratiam & communionem Catholicam; verum ea lege, ut tantisper se a munere Pontificali continerent, donec Paschalis Pontifex eorum causam cognosceret probaretque. His rite peractis, solutoque concilio, novus Rex Merseburgum processit cum Episcopis ac Principibus Saxonie ad festum Pentecostes celebrandum. Ea ex urbe missi legati Romam, qui Paschalem Pontificem in Germaniam invitarent, ad præsentem Imperii & Ecclesiæ statum pro Apostolica auctoritate componendum. Ibi Henricus Asloensis, Paderbornensium Episcopus noster, quem ab Henrico Rege Schismatico ejectum diximus delectumque Magdenburgensium Archiepiscopum, auctoritate Ruthardi Moguntini Archiepiscopi, & Gebhardi Constantiensis Episcopi, Apostolici Legati, sacerdos & Episcopus consecratur, atque ex Regis simul voluntate Sedi Magdenburgensi imponitur. Quid reliquis per Saxoniam schismaticis Episcopis, & ab Henrico Rege obtrusis, Witeloni Mindenfi, Joanni Osnabrugensi, ceterisque factum sit, neque scriptores eorum temporum, neque fasti singulorum meminere. Verisimile habeas eos similiter & sacrorum muniis prohibitos esse, dum se cum Ecclesia & Apostolica Sede reconciliarent.

Quæ postquam in Saxonia quiete peracta sunt, Rex contractis militaribus copiis, Moguntiam movit, ut Ruthar-

dum Archiepiscopum jam octavum annum exulem, moderatoremque horum salubrium consiliorum, in sedem suam reponeret. Erat in eadem urbe Henricus pater colligendo militi intentus. Eo cum armatus filius procederet, Rheni transitu prohibetur. Quare Herbipolim deflectit, depulsoque illic Erlungo Schismatico Episcopo, Rupertum Orthodoxum, & a Clero electum, auctoritate Moguntini Archiepiscopi, & Apostolici Legati, imponit. Herbipoli Rex dimissis, quos secum adduxerat, Saxonibus, Norimbergense castrum duorum mensium obsidione expugnat, captivis Ratisbonam secum abductis. Eo pater jam milite auctior, infecutus filium, receptusque in urbem, factione civium, filium conjecit in fugam, interemptoque per Sicarios Gebhardo Antistite, Ulricum adolescentem subrogat.

In hac rerum perturbatione uterque copias auget, & castra castris ad Reginum amnem magnis partium iris opponuntur. Jamque parricidialis pugnae dies aderat; cum Cæsar nusquam non infelix de suorum prodicione, qua in prælio deferendus esset, clam admonitus, noctu cum paucis profugit ad confluentes Rheni & Mosellæ; ad cujus fugam dilapsus & milles. Quo postridie cognito, Henricus filius Ratisbonæ castra admovet, urbem recipit, dejectoque Ulrico, Hartwicum Catholicum præfulem reponit. Inde Herbipolim progressus Erlungum Schismaticum Episcopum proturbat, restituto Ruperto. Eodem fortunæ processu Spiræ potitus, Gebhardum Hirsaugiensem Abbatem præfecit Episcopum. Hinc Moguntiam digressus, Ruthardum introduxit Archiepiscopum, magno Cleri populique gaudio post octennii exilium receptum. Ita omne certamen inter patrem & filium pro Episcopis, quod in horum patrocinio maximum Regni monumentum versaretur; quantumque pater pro Schismaticis Episcopis introducendis, tantum filius pro Orthodoxis laborabat.

Cum jam in eas angustias conjectus esset Henricus Cæsar, a filio, & prævalentibus Catholicis ægre se sustineret, filius Moguntiam descendens, patrem

Con-

Antistes Mogunt. & Herbip. sedibus suis restituantur.

Henricus Imp. a filio in fugam actus.

Reducuntur ad Ecclesias suas ab Henrico filio Episcopi Catholici, ab Henrico patre & Imp. puls.

Otto Trising lib. 7. c. 10.

M m m 2

Concilium  
Moguntia-  
num indi-  
ctum ob  
Henricum  
Imp.

Confluentia Bingam invitat ad colloqui-  
um; atque ibi per omnia pietatis no-  
mina cum flectu eundem rogat, velit  
tandem cum Deo & Romano Pontifice  
redire in gratiam, nec turbare tot ca-  
lamitatibus Ecclesiam; id si faceret, &  
se & totum Imperium rediturum ad  
omne ejus obsequium. Ad quæ pater,  
id nonnisi in publico Principum con-  
ventu fieri posse respondit. Igitur fa-  
ctis induciis, communi consensu indi-  
cuntur comitia Moguntia per dies Na-  
tales Christi agenda: ad quæ sub exi-  
tum hujus anni ingens Episcoporum  
& Principum multitudo confluit; nam  
præter Albanum Episcopum Legatum  
Apostolicum, quinquaginta duo Prin-  
cipes convenere. Ducturus erat &  
filius Patrem ad comitia; verum post-  
quam ex urbe Moguntina relatum est  
filio hærenti apud patrem, recusare  
Episcopos colloquium communionem-  
que cum patre, priusquam Ecclesiæ  
& Apostolicæ Sedi reconciliatus esset,  
suasit patri filius, ne se Moguntiam  
daret turbidis rebus, sed Ingelhemii  
consisteret; quod & fecit. Additi in-  
terim patri custodes præsidii causa.

Henricus  
Imp. augus-  
talibus or-  
namentis  
& imperio  
exuitur.

Interea placuit Patribus concilii  
mitti qui cultum omnem Imperatorium,  
& insignia Imperii repescerent. Missi  
in hanc rem Archiepiscopi Ruthardus  
Moguntinus, & Fridericus Colonien-  
sis, cum Episcopo Spirensi; eosque  
cum filio secutus est Legatus Pontificis,  
& alii proceres, qui cum Ingelheimii  
eum adiissent, pavidum atque omnis  
consilii inopem invenerunt. Quare  
miscendo blanditiis minas, facile in eam  
mentem impulere, ut augustalia orna-  
menta, coronam, sceptrum, crucem,  
lanceam, & gladium, licet ægre ad-  
modum, permitteret ad filium trans-  
ferri. Hisce impetratis, adigunt spon-  
te renunciare imperio: loca munita,  
quæ præsidio teneret, restituere: pu-  
blice detestari schisma: scelera in Ec-  
clesiam commissa fateri, & Sedi Apo-  
stolicæ satisfactionem polliceri. Quæ  
cum metu adactus fecisset, recedente  
Moguntiam filio, clam a suis est mo-  
nitus, Ingelheimio se subduceret in

tutiorum locum; uti mox horum con-  
siliis obsecutus, secundo Rheno Colo-  
niam profugit. Miserabile, inquit  
Otto Frisingensis, relinquens homini-  
bus exemplum ac spectaculum, cum  
ex tanto fastigio dejiceretur, exuere-  
turque omnibus augustalibus ornamen-  
tis; quod tragicum in modum factum  
scribit Helmoldus, Stadenfis, alique  
tanquam per vim Episcopi coronam  
detraxerint e capite, & de sede pro-  
tractum vestimentis augustalibus spo-  
liarint; & cum extremam inopiam cir-  
cumspiceret, rogarit a Spirensi Episco-  
po, ut Clerici portionem sibi daret,  
quo vitam aleret, quod vulgi fabula  
aspersum dixeris.

Helmoldus  
lib. i. c. 33.

Id vero ex his constat Brunonem  
Trevirensensem, & Fridericum Coloni-  
ensem Archiepiscopos a Schismaticis ad  
orthodoxos reduisse, quod hosce Ar-  
chiepiscopos sibi adversos habuerit in  
Concilio Moguntino. Jam & pleri-  
que Saxoniarum Germaniarum Episcopi,  
mutato rerum statu a schismate reces-  
serant; quo tamen in numero Bur-  
chardum Monasteriensensem Episcopum  
non facile comprehendas, quod is com-  
pertus sit Imperatori pertinaciter ad  
mortem ejus hæsisse, consiliorum om-  
nium arbiter, & tanquam alter aliquis  
Albertus, aut Liemar, aulae mode-  
rator. Quare, ut Gobelinus noster  
refert, sententia proscriptionis in Bur-  
chardum ab Albano, Episcopo & Le-  
gato Apostolico renovata; & conspi-  
rantibus in eum ministerialibus Eccle-  
siæ, ope Friderici Arensbergensis,  
ejectus e sede sua, captusque ad Hen-  
ricum Regem, patris tum æmulum,  
deductus, a quo & in vinculis habi-  
tus sit. Tum vero Theodoricum Win-  
ceburgicum Orthodoxum, & a Clero  
electum Episcopum restitutum volunt.  
Quod vero Gobelinus scribat, hoc ip-  
so statim anno Burchardum ab Impe-  
ratore in Westphalam descendente re-  
positum esse, nulli verisimile videri po-  
terit, qui secum reputaverit, in quas  
angustias conjectus ipse Imperator  
fluctuarit.

Ceteris Sa-  
xoniarum Epi-  
scopis ad  
unionem  
reversis,  
Burchardus Monast-  
er. Episc. in  
Schismate  
permanet.



Annus

# Annus Christi 1106.

Paschalis II Pont. 7. Henrici V Reg. 1.

Henrici II Ep. Pad. 17.

Ursberg.  
Otto Frising  
Henricus V  
Germaniæ  
Rex inau-  
guratur.

Enim vero anno proximo post abdicatum a Patre imperium, Henricus filius, eo nomine Regum quintus, in celeberrimo, de quo diximus, Episcoporum ac Principum conventu Moguntiz iterum Rex Germaniæ inauguratus est, anno post primam inaugurationem Aquisgrani factam septimo. Confirmato post fidem juratam Rege novo, Episcopi ac Principes de constituenda repub. quæ tot annis misere fluctuaret, hætenus solliciti, consultum habuere, mittere legatos ad Paschalem Romanum Pontificem, ut ejus auctoritate firmaretur concordia Imperii, & si vacaret, ipse Pontifex ad fulciendas Ecclesiæ res in Cisalpinas provincias veniret. Delecti ad hanc legationem præstantissimi ex synodo Episcopi, qui & prudentia, & splendore natalium, & honore tum temporis eminebant. Missi igitur a Lotharingis Bruno Trevirensis Archiepiscopus: a Saxonibus Henricus de Aslo, ante Paderbornensis, nunc vero Magdenburgensis Archiepiscopus: a Franconibus Otho Babenbergenesis, a Bois Everhardus Eistadensis, ab Alemannis seu Suevis Gebhardus Constantiensis, a Burgundis Curienfis Episcopus. Intercepit hanc legationem Adelbertus, ferox ac perfidus juvenis Tridenti, Legatosque in castrum abduxit captivos, uno tantum Gebhardo Constantiensis Episcopo Romanam penetrante; sed quarto post die a Welfo Bojariæ Duce liberati, in provincias quique suas rediere. Henricus de Aslo Magdenburgensis ad Regem se retulit, magnoque & in aula, & in castris loco fuit apud Henricum Regem, cujus consilio ob canam sapientiam, & religionem postea in legationibus ad patrem, & constituenda Republica multum usus est, uti id Ursbergensis referre visus.

Henricus  
Imp. exau-  
ctoratus  
plures Prin-  
cipes & ci-  
vitates ad  
commiserationem uno  
vet.

Interim Henricus exauctoratus Imperator, postquam Ingelhemio Coloniæ fidam sibi urbem intrarat, non exulis in modum, sed regio apparatu exceptus est a civibus. Paucis ibi diebus commoratus, Leodium abiit; ex qua urbe scripsit ad Regem Galliarum,

variosque Principes; & miseriam suam deplorando, opem sollicitat; reperitque Henricum Lotharingiæ Ducem, & Henricum Leodiensem Episcopum, qui auxilia polliciti in spem pristinae fortunæ erigerent. Accessere Colonia, Leodium, Bonna, Juliacum, vicinaque urbes, miseratione, ut præferabant, ad partes exauctorati Cæsaris. Insequitur patrem filius; verum ubi ad pontem ad ulciscendam cladem accessit, retrogressus est Bonnam: mox cum exercitu 20000 redit, & Coloniæ castro labore in quartam hebdomadam obsidet. Urbis capiendæ spe dejectus, Mosam versus movet; cum nuncii adferuntur Cæsarem 7 Augusti die Leodii extinctum esse. Cadaver filii jussu Spiram transvectum, & lapideo sarcophago inclusum per quinquennium jacuit extra templi limina (quod Imp. vivus nunquam Ecclesiæ reconciliatus erat) tandem Pontificis indulgentia, majorum mausolæo illatum est. Morte Cæsaris, qui supra quadraginta annos auctor schismatis ac turba Ecclesiæ fuerat, repente omnis rerum scena mutata est, positisque concitatoris armis Imperium in Henrico filio conquievit; & ille nihil antiquius habuit, quam ut Episcopos per Germaniam & Saxoniam schismatis dominatu ejectos reponeret in sedes suas.

Moritur  
Leodii, eo  
jusque ca-  
daver sacra-  
diu sepul-  
tura caret.

Excessit hoc anno ex humanis Magnus, Dux Saxoniz, Westphaliæ, & Angariæ, ultimus Bilinganæ stirpis, bellicosus per omnem vitam Princeps, multisque adversus Slavos victoriis clarus; non alia prole relicta, quam binis filiabus: quarum altera Eilica Ottoni Comiti Ballenstedii & Anhaltii, altera Walfildis Henrico Nigro Duci Bojariæ denupta. Ex priori conjugio natus Albertus, cognomento Ursus, Marchio Brandeburgicus: ex posteriori Henricus superbus seu Catulus, Pater Henrici Leonis, potentissimi per Bojariam & Saxoniam Principis. At vero Ducatus Saxoniz & Westphaliæ Angariæque ab Henrico Rege datus Lothario Comiti. Natus is erat Gebhardo, Supplenburgensi prope Helmen-

Obitus Ma-  
gni, Ducis  
Saxoniz.

menstadium Comite; dataque jam erat Lothario in matrimonium Rikesa, filia Henrici Craffi, & Gertrudis Brunswici dominæ. Quare ex matrimonii bonis, & Ducatus possessione ingens illi opum & potentiae accessio facta est; viro, qui religione & bellica virtute omnia meritis, & gradu facto ex Duce post Henricum V Imperator delectus.

*Chron. Pegavien.  
Et Marquardi, Abbatis Corbeiensis*

Obiit & hoc anno Marquardus Corbeiensium Abbas, ut fasti eorum tradunt, vir religione, pietate, ac constantia adversus Schismaticos ea tempestate conspicuus, Præclarum ejus elogium præter ea, quæ diximus, est in Chronico Pegavienſi; nam cum anno Mc, Wigbertus Saxoniae Marchio Pegaviense Cœnobium in dicecesi Merseburgensi conderet, Marquardum Corbeiae adiit, *quod eo tempore regularis disciplina, ut auctor refert, præ ceteris Saxoniae Cœnobiis apud Corbeiam vigeret, cui tum Marquardus Abbas, vir veneratione & memoria dignus præsidebat: petiitque ab eo religiosos viros, quibus Cœnobium suum inchoaret &*

*formaret; datus ei vero Windolphus venerabilis Monachus ad hoc opus perficiendum. Nec immerito; is enim ob vitæ continentiam, & religionis observantiam tunc cellæ cuidam præstitutus erat, antea etiam scholarum magister apud suos Corbeiae in Cœnobio, scientia clarus. Vir præterea, qui dimissa inter Canonicos Præpositi Hilgenstadiensis dignitate, amore sanctioris vitæ, Monachi institutum inter Corbeiensēs amplexus, quem Marquardus D. Viti, aliorumque Sanctorum reliquiis, ac sacra etiam supellectile donatum Wigberto transmisit. Cui Luidgerus ceterique Monachi ad novam hanc Coloniam inchoandam additi. Inde Windolphus primus ejus loci Abbas brevi Cœnobium illud quadraginta religiosis viris impletum, formatumque vidit. Adeo inter hæc turbulenta schismatis tempora religio sua incrementa habuit. Marquardo successit in Abbatis dignitate Erckenbertus; vir ob præclara virtutum ornamenta a nobis sæpius memorandus.*

## Annus Christi 1107.

Paschalis II. Pont. 8. Henrici V. Reg. 2.

Henrici II Ep. Pad. 18.

*Ursberg.  
Dodechin.  
Albertus  
Stadenf.  
Gobelin.  
Brorvernus  
lib. 13.*

A patris excessu Henricus Rex liberam Imperii administrationem adeptus. Ratisbonæ Christi Natalitia peregit, præsentibus Apostolicæ Sedis Legatis. Constitutis per superiorem Germaniam publicis rebus, Moguntiam descendit, eaque in urbe cum Ruthardo Archiepiscopo Pascha celebravit. Post illa in Saxoniam profectus, Goslarie conventum Episcoporum & Saxoniorum Principum habuit, in quo de Saxonie tranquillitate disposuit. At mira ibi res evenit Regi; dum enim noctu quiescit in aula, horrida tempestas fulmen excussit in cubiculum Regis, quo ensis Regius tactus, & mucro cum baltheo absumptus, simul clypeus contractus in rugas: nec intactum Regis corpus; nam digitus grandior pedis vulnere perstrictus, quod nulla deinde medicorum ope sanari potuit. Tanquam his monitis doceretur parentis casus formidare. Eo simul in conventu Abbati & Monasterio Helmwardeshusano, quod tum in dicecesi Paderbornensi nostra, religiosa discipli-

na, numeroque Monachorum florebat, majorum suorum privilegia hoc ipso, quod hic sistimus, diplomate confirmavit.

*In nomine sanctæ & individue Trinitatis. Henricus divina favente clementia quintus Romanorum Rex. Notum fieri volumus omnibus Christi nostrique fidelibus, tam futuris quam presentibus, qualiter nos causa Dei, & pro felici stabilitate regni nostri, & ob æternum remedium animæ nostræ, nostrorumque parentum, immo & pro dilectione clavigeri regni cælorum, & etiam digno interventu, & humili petitione nostrorum dilectorum Principum Othonis videlicet Babenbergensis Episcopi, Burchardi Monasteriensis Episcopi, Udonis venerabilis Hildenesheimensis Ecclesiæ Pontificis, Liudigeri Ducis, Herimanni Comitis, & aliorum multorum nostrorum fidelium, Ecclesiæ Dei in honore beati Petri principis Apostolorum constructæ, in loco, qui dicitur Helmwardeshuson, omnia bona*

*Henricus V  
Rex confirmat Privilegia Helmwardeshusana.*



bona tam prædia, quam cætera adquisita nostrorum antecessorum Regum vel Imperatorum temporibus, nostrique tempore, Successorumque nostrorum, quamdiu durabit sæculum, acquirenda sibi, sive per precariam, sive per emptionem, sive per oblationem, vel quolibet alio rationabili modo per hanc præceptalem paginam concessimus, ac jure perpetuo possidenda regia maturitate firmavimus. Dedimus quoque præceptum stabiliter regio more, ut nulla deinceps persona, magna vel parva, cu-

juscunque sit ordinis vel officii, audeat dictam Ecclesiam aliqua arte molestare, vel inquietare, vel tributum inde, vel aliquod regale servitium exigere, sed per omnia & in omnibus ex regali concessione utatur perpetua libertate. Ut autem hujus nostræ pietatis concessio ab omnibus credatur, & stabilis & invulnera omni ævo permaneat, hanc inde cartam conscriptam, & manu propria corroboratam impressione nostri sigilli insigniri jussimus.

Signum Domni Heinrici quinti Regis Romanorum invictissimi.



Albertus Cancellarius vice Moguntini Archiepiscopi Rothardi Archicancellarii recognovi. Data VII Calend. Augusti \* Indictione XIV. anno ab Incarnatione Domini MCVII. regnante Henrico V Rege, Romanorum anno II. ordinationis ejus IX. Actum est Goslarie feliciter in Christo Amen.

\* Ind. XV.

Goslaria Rex propius dicecesin nostram ingressus, Corbeiam adiit; iustitiam antiquissimo ac celeberrimo Monachorum per Saxoniam Cœnobio, in quo tot Cæsarium quot antecessorum suorum pietatis monumenta admiratus, Erckenberto Abbati decimas ab Ezolino invasore quodam in eversas magno religionis zelo in integrum restituit; id quod hisce regiis tabulis testatum reddimus.

In nomine sanctæ & individuae Trinitatis, Henricus divina favente clementia quintus Romanorum Rex. Auctoritate SS. scripturarum, & maxime ex diversis verbis in Evangelio didicimus, quod domum Dei, quæ ipso testante domus orationis vocatur, nunc hilariter dando, nunc vota persolvendo, nunc iustitiam faciendo debemus honorare, atque sublimare, ut hoc modo Deum Creatorem nostrum hic & in futuro propitium habere mereamur, cui servire vere regnare est. Cujus rei consideratione nostram pensantes salutem, & Successorum nostrorum, Ecclesiæ Corbeienſi subvenire in his, quæ necessario postulavit, decrevimus. Quapropter omnibus Christi nostrisque fidelibus nunc & semper notum fieri volumus, qualiter nos causa Dei & beatorum Martyrum Stephani, Viti, &

Justini, & aliorum Sanctorum ob salutem nostram nostrorumque parentum, digno interventu Fritherei Colonienſis Archiepiscopi, Burchardi Mimigardfordenſis Episcopi, Everhardi Eistadenſis Episcopi, Benedicti Mutinenſis Episcopi, Herimanni Comititis, Godefridi Comititis, Sigefridi advocati, Ludowici Comititis, Wicherti, & aliorum nostrorum fidelium, Et præcipue digna petitione venerabilis Erkenberti Abbatis, officium, quod quidam Ezelinus sibi pro hæreditario beneficio vendicabat, iudicio contubernalium suorum ei ablatum, congregationi remisimus, & nisi prædictus Abbas cum fratribus suis intercessisset, digna ipsum ultione pro iniuria ei illata punivissemus. Quam abominabili enim iniustitia hoc non dico beneficium sed maleficium sibi vendicaverit, ipsius rei argumento probatur, omnem quippe annonam fratrum extra canonice addecimatam suscipiens, adhuc decimabat, & quod scelestius est, etiam septimabat, & hoc suum beneficium nefarie affirmabat, Omnibus ergo nostris fidelibus idem iniustum & sacrilegum acclamantibus & probantibus, ipsum ex toto officium congregationi remisimus, & confirmavimus, ut præpositus loci jussu & consensu Abbatis, qui pro tempore fuerit, provisorum annonæ fratrum, quem cautiorem judicaverit, habeat,

Ratituit  
Corbeienſis  
bus deci-  
mis, ab Ez-  
lino inter-  
vitas.

beat, nec ipsi Abbati, vel cuiquam Successorum ejus, seu alicui potestati magnæ vel parvæ eidem commutare liceat. Qui vero hæc temeraverit, pro contemptu regie majestatis Fisco nostro

CCC talenta persolvat. Ut autem hæc nostræ pietatis concessio omni ævo inconcussa permaneat, hanc cartam inde conscriptam impressione nostri sigilli jussimus insigniri.

Signum Domni Heinrici quinti  
Regis invictissimi.



Adelbertus Cancellarius vice Rotbardi Moguntini Archiepiscopi & Archicancellarii recognovi. Data II Calend. Octobris, Indictione XV. Anno Dominicæ Incarnationis MCVII. regnante Heinrico V Rege Romanorum, anno II. ordinationis ejus\* VIII. Actum est Corbeie in Christo feliciter Amen.

\* IX.

Ex utrisque hisce tabulis non incongrue confeceris Burchardum Monasterientem Episcopum, quod & facti eorum docent, penetrasse in aulam & gratiam Henrici filii, quemadmodum id a parente sub extremum vitæ rogatum volunt.

Henricus  
peragrat  
Saxonie  
provinciis  
in Gallias  
se confert.

Restituitur  
in synodo  
Trecensi  
libera Epif.  
electio Cle-  
ro, quod  
ægre fert  
Henricus.

Peragrat Saxonie provinciis, quod Ursbergensis refert, aditaque Paderborna, aliisque Westphalie locis, Rex trans Rhenum ad superiores Germanie provincias se retulit, quo propius cognosceret ea, quæ a Pontifice acta essent (nam is superiori anno a Patribus concilii Moguntini invitatus erat in transalpinas regiones) sed veritus fluctuantibus adhuc Germanie rebus se miscere, in Gallias deflexit; ubi ab omnibus quod Ursbergensis scribit, tanquam angelus e cælo lapsus exceptus est. Indicta subinde Trecis synodus, ad quam Germanie Episcopi invitati. Multa in ea salubriter decreta, interque alia repetitum, quod jam ante statutum, ut electio Episcoporum libera esset apud Clerum, nec institutiones Episcoporum, quas investituras dixere, admitterentur a Laico Principe; quo cum se læsum diceret Rex, eo quod id privilegium a Carolo M. ceteri Reges ac Cæsares sibi vendicassent, cui ipse renunciare non posset, provocavit ad concilium, quo se anno proximo accessurum promisit. Sed nescius Rex, quot Caroli M. Ludovici Pii, aliorumque Cæsarum diplomata possideantur per Germaniam & Saxoniam de libera electione Episcopi Clero facta. His igitur omisiss, proceribus expeditionem indixit adversus Robertum Flandrie Comitem, quæ in Octobri susce-

pta, qua Flandria vastata, Comes ad proximum conventum postulatus.

Donata hoc anno illustrataque Paderbornensis diocesis ingenti sanctorum pignorum thesauro, quæ in hunc modum describit Browerus in annalibus Trevirensibus. Anquente Brunone Archiepiscopo, & Clero Trevirensi, sanctissimi Modoaldi corpus per Thietmarum Abbatem ad Monasterium Helmwardeshusen, quod Episcopo Paderbornensi paruit, honesto pompæ spectaculo translatum est, atque ibi in oratorio B. Petri Apostoli, cum duobus e Thebæa legione corporibus honorifice collocatum. At multo distinctius largiusque hæc retulit Heribertus Rosweidus Societatis nostræ presbyter. vir sacrarum antiquitatum solertissimus indagator. Nam indictione XII, id est biennio abhinc, missum narrat a Thietmaro Abbate Cœnobitum, qui a Brunone corpus S. Leontii deposceret; quod cum ille renneret, pridie Idus Maji obtinuisse cum aliis reliquiis brachium S. Auctoris, qui celebris fuit inter Episcopos Trevirorum; at indictione XV. IV Idus Maji eum inter corpus S. Modoaldi, lingua modo, corde & carne demptis, & duo Thebæorum pignora impetrasse: post hæc vero, actuarii loco accepisse mandibulam S. Aprunculi, & brachium S. Bonosi Episcopi.

Browerus  
ad hunc an-  
num in an-  
nal Trevi-  
ren.  
In not. ad  
visam S.  
Majm. v.  
Plures SS.  
reliquis  
Treviris  
deferuntur  
in diocesi  
Paderborn.

Nec satis adhuc munificus Bruno Archiepiscopus eadem indictione duo dedit membra S. Auctoris, addiditque testam superioris capitis, ita ut modica tantum S. Auctoris portio remaneret Treviris. Dentem præterea adjecit; denique

denique & costam S. Beati Confessoris. Diu hæc postulata repulit Bruno Archiepiscopus, antequam has D. Auctoris reliquias permitteret, multum licet Paderbornensi Episcopo rogante, quod Clerus obliteret, ne in Saxoniam, aut alio transportarentur. Tum ipse præterea Bruno religionis metu perculsus hærebat, propterea, quod ante complures annos D. Auctoris ossa se loco moveri passa non essent, exemploque Hermannii Metensis Episcopi terrebat, qui vitæ discrimen adierat, quod S. Clementis ossa, primi illius Sedis Episcopi, transferri sivisset; nihilo tamen minus Bruno Archiepiscopus totum hunc thesaurum transportari permisit, quem in Saxonia magno gratulantium occursum, & psallentium ægminibus, sub vexillis & crucibus, accensis luminibus & thymiamatum odoribus, Clerus, Monachi & omnis sexus ætas excepere, multisque simul Deus miraculis illustravit.

Postquam igitur Thietmarus noster, sextus Helmwardeshufani Cœnobii Abbas, hunc præclarum thesaurum impetrasset, & in oratorio B. Petri Apostoli, quod in Cœnobio illo constructum erat, publicæ venerationi exposuisset, multique ad corpus supplices cœlestibus beneficiis juvantur; misit Thietmarus religiosum ordinis sui Sacerdotem Treviros, & ad vicinas provincias, qui Modoaldi originem, vitam, & res ab eo gestas perquireret, & colligeret. Venit is postremo Leodium ad Stephanum Abbatem Cœnobii D. Jacobi præpositum, virum ea ætate religiosissimum, & sacrarum antiquitatum peritissimum; qui cognita Thietmari petitione, vitam illi S. Modoaldi, qualis apud Surium refertur, accurate a se prolixèque tribus libris descriptam, ipsique Thietmaro dedicatam transmisit; uti hæc ex Stephani ad Thietmarum præfatione constant. Vicissim illi Thietmarus *ἀντίδωκεν* loco remisit translationem Modoaldi a se conscriptam; quemadmodum hæc in epistola Thietmari ad Stephanum Abbatem apud Surium mirafane narratione exponuntur. Quare uterque Abbas a Possævino & Vossio inter Scriptores latinos relatus, tanquam præclara ea ætate eruditorum virorum lumina; opinaturque Possævi-

nus vitam & miracula S. Remacii a Thietmaro Abbate nostro conscriptam esse; fallitur autem Possævino, dum ætatem Stephani Abbatis refert ad annum Dccxl, quem liquet Thietmaro nostro æqualem vixisse, sub Henrico IV. & V. Regibus; quemadmodum hæc translatio D. Modoaldi a Thietmaro nostro consignatur anno MCVII facta.

Jam vero quam munificus fuit Tre-  
virensis Ecclesia in Thietmarum, & Saxones: tam largus quoque fuit Thietmarus in Cœnobium Abdinghovianum, & Ecclesiam Paderbornensem, magnamque sacrorum pignorum partem Gumberto Abdinghoviano Abbati donatam transmisit. Hoc nimirum illud ex Abdinghoviano tabulario scriptum docet. *Thietmarus Helmwardeshufanus Abbas cum unanimi fratrum suorum consensu concessit Abbati Gumberto, suisque fratribus, & universæ Paderbornensium Ecclesiæ ex sacrario B. Petri Apostoli pretiosissimas Sanctorum reliquias, quæ sibi divina dispositione & ordinatione collatæ sunt ab Ecclesia Trevirensi, atque Coloniensi, auctoritate, præcepto, atque licentia Archiepiscoporum atque Abbatum, cæterorumque Priorum utriusque Metropolis, ad laudem & gloriam Omnipotentis Dei, & augendum atque dilatandum honorem & venerationem ac servitium eorundem Sanctorum omni cultu solemni. Integrum corpus unius Sanctarum Virginum. De corpore S. Probi Episcopi & Martyris, qui fuit ductor earum. De corpore S. Modoaldi Trevirorum Archiepiscopi. De corpore S. Auctoris Archiepiscopi, Bonosii, atque Abrunculi Archiepiscoporum. De stola & pallio S. Maximini Archiepiscopi, brachium cum capite & costa unius Sanctorum Thebeorum. De corpore S. Pamphili Episcopi & Martyris, costa unius Sanctorum Maurorum, S. Kyliani Martyris.*

Demum omnis ille sacrorum thesaurus, postquam fatali Lutheri ætate postremus Helmwardeshufanus Abbas cum Monachis, ducta uxore; transit ad hæresin, Erii Episcopi Paderbornensis industria substractus servatusque cessit Paderbornensi Ecclesiæ, ut tempore memorabitur. Ipsum vero celeberrime

Abbas  
Helmwardeshuf. plu-  
res SS. reli-  
quias donat  
Abdinghoviano Ab-  
bati & Cœ-  
nobio.

Omnis ille  
SS. reliqui-  
arum the-  
saurus des-  
cendit  
Paderb.  
Ecclesiæ.

lebre Cœnobium jacet nunc inter ruderâ ab Hæssis disiectum, ex quo primum Lutherana, post Calviniana hæresis omnia turbare cœpit.

Auctor est Gobelinus noster Friderico Coloniensi Archiepiscopo una cum suis provincialibus a Pontifice interdicta fuisse munia Episcopi; eo quod Trecas ad concilium non venerit: eademque pœna Ruthardum Moguntinum Archiepiscopum, & Constantiensem Episcopum multatum, eo quod nonnullos Episcopos contra Canonum statuta instituisent; at Serrarius ex fastis suis refert absentem Ruthardum ex eadem, qua Coloniensem causâ fuisse ab officio prohibitum; is tamen, postquam se purgavit Pontifici, restitutus est muneri suo. Adhæc Gobelinus perhibet, Mindensem & Halberstadiensem ab Episcopatu remotos, Paderbornensem vero Episcopum Henricum Romam profectum, & Cleri rogatu ac commendatione a Pontifice Ecclesiæ suæ restitutum fuisse. Nam etsi in conventu Northemenfi ante biennium reconciliati Episcopi cum Ecclesia per Ruthardum Moguntinum Archiepiscopum & Legatum Apostolicum; ea tamen reconciliatio hac lege facta erat, ut Pontifici satisfacerent. Ac Pontifex licet Orthodoxos Episcopos a Clero electos, ejectosque per Schismaticum Cæsarem, reponi probaret, non perinde tamen

probari poterat Schismaticos Episcopos confirmari in sedibus suis; seu quod ab Henrico IV Rege per vim obtrusi essent, seu quod indigni ac inutiles censerentur, ac malis aribus intrassent in ovile Christi.

Extulit hic annus e vita mortalium Henricum de Aslo Magdenburgensem Archiepiscopum, sicuti fasti Monasterii Bergensis, & Magdenburgensium notârunt, 15 Aprilis, secundo die Paschatis, dum pro more expectaretur venturus ad Cœnobium, mortuus ad idem exportatus. Crantzius quatuor annis Sedi illi præfuisse tradit, alii septem; at cum Dodechinus anno 1102 Hardwico subrogatum scribat, non multum supra quinquennium Pontificatus ejus prorogari poterit. Integerimus ea ætate præsul, in Apostolicæ Sedis fidē inter Orthodoxos Episcopos constantissimus, pietate, liberalitate ingenos, gubernandi prudentia egregius, qui per 23 annos multis ærumnis afflictus, multisque injuriis agitatus a Schismaticis. Ex quo primum Paderbornensis Episcopus a Clero electus, ac deinde ab Henrico Cæsare in exilium projectus est, Magdenburgi, unde transumptus erat, ad primam Canonici vitam rediit, donec ipse virtutum aspectus rursus ad Archiepiscopi munus ac dignitatem proveheret.

Henrici de Aslo Archiep. Magdenburg. obitus & laus.

## Annus Christi 1108.

Paschalis II. Pont. 9. Henrici V Reg. 3.

Henrici II. Ep. Pad. 19.

Ursberg.  
Dodechin.  
Otto Frising  
lib. 7. c. 13.  
Chape. tom.  
2. Episcopi  
Leodiens.

Tranquille adhuc ibant res per Germaniam Saxoniamque cum Henrico V Rege, postquam Schismatici Episcopi aut reconciliati cum Ecclesia, aut depulsi e sedibus suis, & jam ubique Orthodoxos receperant dioceses. Natalem Christi a Rege Moguntia celebratum refert Ursbergenfis, Aquisgrani Dodechinus; certo Calendas Januarii Leodii versatus est, ubi Cleri Leodiensis privilegia confirmavit, auctoritate Friderici Coloniensis Archiepiscopi, Herbipolensis & Spirensis Episcoporum. Inde in superiorem Germaniam movens Spiræ Conventum Principum egit. Affectati Regem Fridericus Coloniensis, Bruno Trevirensis Archiepiscopi: Cuno Argentora-

tensis, Burchardus Monasteriensis, Wito Curienfis Episcopi: Fridericus Dux Sueviæ, ceterique Comites, quos in diplomate xiv Calend. Aprilis consignato producit Guillimannus. Tam nunc perpetuus aulae Comes Burchardus Monasteriensis Episcopus in aula filii quam Patris, intimorumque conciliorum arbiter, vir expediti inter Saxonicos Episcopos ingenii, multisque naturæ dotibus exornatus, ex familia Holtiorum, quæ in diocesi Monasteriensis clara erat. Subinde magno apparatu bellum Ungaricum susceptum adversus Colomannum Principem, a quo Alinus frater ejectus, & Christiani, qui in Palæstinam tetenderant, multis injuriis affecti erant. Regem in hanc

Bellum Ungaricum nullo fructu ab Henrico susceptum.

expe-

expeditionem comitatus Erckenbertus Corbeiensium ad Visurgim Abbas. V-  
rum, sicuti Ursbergenſis eſt auctor,  
nulla memorabili re perpetrata, id bel-  
lum Rex geſſit, quod ex irrita obſidio-  
ne Poſonii lacerum exercitum reduce-  
re in Germaniam coactus ſit.

Feliciori curſu procedebant bella  
Orientis, Balduino Rege, a quo pleno  
jure Hieroſolymitanus Patriarcha im-  
poſitus; ab eoque piſſimo Rege, quod  
faſti Corbeienſes noſtri memorant,  
transmiſſæ advenere Corbejam reliquæ  
de S. cruce, de ſepulchro Domini,  
multaque alia præclara SS. pignora.

Jam & Henricus Episcopus noſter  
Roma reverſus Paderbornam, confir-  
matus Paſchalis Pontificis auctoritate in  
Episcopatu, animum multo ferventius  
adjecit ad Eccleſiam ſuam excolendam;  
multisque largitionibus, in pauperes  
& religioſorum Cœnobita factis, De-  
um ſibi propitium quæſivit, palam te-  
ſtatur ſe pro expiatione delictorum hæc  
donare. Hujus pietatis indices vel hæc  
tabulæ, quibus exemplo Popponis,  
Imadi, aliorumque Episcoporum Pa-  
derbornenſium Monasterio Helmwar-  
deſhufano tum diſciplina & cœtu Mo-  
nachorum florentiſſimo benefecit.

In nomine ſanctæ & individue Tri-  
nitatis, Henricus ipſa propitiante ſan-  
ctæ Patherbrunnensis Eccleſiæ Episco-  
pus. Notum eſſe volumus tam futuris  
quam præſentibus cunctis Eccleſiæ Chri-  
ſtiſque fidelibus nos pœnitentia peccato-  
rum noſtrorum, nec non & ſpe future  
retributionis ductos, ſanctæ quæ in

Helmwardeshuſon eſt Eccleſiæ, in ho-  
nore Domini Salvatoris, nec non &  
beatiffimi Apoſtolorum Principis Petri  
conſtructæ, nobis commiſſæ, quicquid  
proprietas Eccleſia noſtra poſſederat  
in villa, Wilmerellen nuncupata, ro-  
gatu præcipue Ottonis Comitum, qui di-  
cebatur debilis, atque conſenſu Cleri  
ſanctæ Patherbrunnensis Eccleſiæ con-  
tuliffe, & jure perpetuo cum omnibus  
appendiciis, id eſt, agris cultis & in-  
cultis, pratis, paſcuis, aquis, aqua-  
rumque decurſibus, piſcationibus, ſil-  
vis, & cunctis redditibus in proprietate  
aduſum Deo illic ſervientium tradidiſſe;  
legaſſe, conceſſiſſe, pro ſalute corporis  
& animæ noſtræ, & memoria anteceſ-  
ſoris noſtri Popponis Episcopi, atque  
felicis memoriæ Immadi Episcopi, &  
omnium prædeceſſorum noſtrorum. Hu-  
jus rei teſtes Erpo Comes, Alverus,  
Manegoldus, Hildibold, Rebbertus,  
Hugo, Luipold, Waltberg, & alii  
quamplures. Ut igitur hæc firma illi  
Eccleſiæ, deſunctisque prænotatis per-  
maneant, hæc deſcribi juſſimus, & ſi-  
gilli noſtri impreſſione ſignavimus, ban-  
no quoque Domini noſtri Jeſu Chriſti,  
& beatiffimi Apoſtolorum Principis Pe-  
tri, noſtræque qaam a Deo accepimus  
ligandi atque ſolvendi auctoritate firma-  
vimus & firmamus. Si quis au-  
tem hæc infringere, vel deſtruere  
præſumpſerit, ſeſe cum omnibus ſibi  
cooperantibus anathemate perpetuo ab  
eo quem offendit, beato Petro damna-  
tum noverit. Data XV. Calend. Octo-  
bris, Anno Dominicæ Incarnationis  
Milleſ. cent. VIII. Indiſt. I ordinatione  
vero Henrici Episcopi anno XXIV.

## Annus Chriſti 1109.

Paſchalis II. Pont. 10. Henrici V. Reg. 4.  
Henrici II Ep. Pad. 20.

Inter hæc pacata adhuc Germaniæ  
tempora Henricus Rex, poſtquam Mo-  
guntia Natalitia Chriſti peregerat Fran-  
cofurtum aſcendit. Ubi in publicis  
Imperii comitiis Sigefridus Comes Pa-  
latinus in cuſtodiam abreptus, quod  
in Regis caput conſpiſſe ab Henrico  
Limburgo delatus eſſet. Ibi & Gode-  
fridus Fuldenſium Abbas ejeſtus e mu-  
nere, ſubrogato in ejus locum Wol-  
felmo ejusdem Cœnobii Monacho,  
haud alia ex cauſa, quam quod ſchis-

matum malum recrudeſceret, & Regis  
gratia excidiſſet. Abbas Coloniam in  
exilium abiit; quam & urbem Rex in-  
greſſus, prioremque patris offeſſio-  
nem bello ulciſcens præda & incendio  
exhauſit. Poſthæc in Polonos expedi-  
tio ſuſcepta ab Rege, quod tributa ne-  
gaſſent, & ſuperiori bello Ungaris  
ſuppetias miſiſſent. Facta etiam in Bo-  
hemiam irruption; ſed improſpero  
rurſum ſucceſſu. Nam amiſſa ad Glo-  
goviam (quam caſſa obſidione aggreſ-  
ſus)

Varia Regis  
Henrici ex-  
peditiones.  
Cromerus  
lib. 5.

Ursberg.  
Dedekind.  
Brevier. in  
Pald. An-  
tig.

fus) magna parte Bojorum, Bohemorum, & Saxonum, majoribus inde clavibus ad Uratislaviam attritus, in Germaniam rediit. Tributariam interim reliquisse Poloniam tradit Ursbergensis.

*\*Dodechin.  
Ursberg.  
Trichem. in  
Chron.  
Serrav.  
Chron. Mogunt.  
Mortuo  
Ruthardo  
Mogunt.  
Archiep.*

\*Naturæ hoc anno concessit, 6 Nonas Maji, Ruthardus Moguntinus Archiepiscopus, ac Metropolitanus noster, vir, qui magna constantia, & religione ardore res Catholicorum per

Saxoniam & Germaniam erexit. In ejus locum subrogavit Rex Albertum Cancellarium suum, gente Lotharingum, seu Sarapontanum magis, quem hactenus primum atque intimum consiliorum suorum moderatorem habuisse scribit Otto Frisingensis Episcopus; ubi tamen postea contra Paschalem Pontificem, & libertatem Ecclesiæ res agcepta hunc eundem Rex acrem adversarium expertus est.

*substituitur  
Alber-  
tus Henrici  
Reg. Can-  
cellarius.*

## Annus Christi 1110.

Paschalis II. Pont. 11. Henrici V. Reg. 5.

Henrici II Ep. Pad. 21.

*Ursberg.  
Dodechin.  
Otto Frising.  
Henricus  
Rex profec-  
tionem in  
Italiam in-  
dicit, ad  
quam mul-  
ti Principes  
& Comites  
se offerunt.*

Anno dehinc proximo Rex, celebratis Bambergæ Christi Natalitiis, Ratisbonæ per Epiphaniæ ferias celebratissima Episcoporum ceterorumque Principum comitia habuit. In his Rex palam edixit, sibi constitutum esse in Italiam proficisci; nec aliud hujus expeditionis esse consilium, quam ut pro veteri more corona Imperii donaretur a Pontifice, Italiam in societatem Germanici regni componeret, & quæ pro defensione Ecclesiasticæ libertatis poscerentur, ad voluntatem ac nutum Romani Pontificis acciperet. Quam hæc speciose ac magnifice exponebantur, tam pronis omnes Imperii Principes animis assensere; totumque Germaniæ robur cum nobilitate confluit ad signa. Læta hæc omnia obturbavit feralis cometæ aspectus, a 6 Julii in Austrum protensus, triste, ut quidam opinati, scismatis signum.

*Chron.  
Hild.  
Gobelin.*

Paschalis Pontifex, ubi per Legatos certior factus de expeditione Regis, veritus, ne sub larva hac, ut res aperuit, alia fraudis scena lateret, Italiæ Principes, clientesque Apostolicæ Sedis monuit, rogavitque, ut si res posceret, præsto essent. Inde ab Rege per Autumnum expeditio cœpta; ad quam præter reliquam militiæ servorumque turbam convenere triginta millia selectorum equitum, tanto castrorum ambitu, quem oculis nemo metiri poterat. Inter Episcopos Germaniæ, qui Regem comitati, Fridericus Colonienfis, Bruno Trevirensis,

& Conradus Salisburgensis, Archiepiscopi: Burchardus Monasteriensis, ceterique in Germania Episcopi, quibus Corbeienses facti adjungunt Erckenbertum Abbatem suum. Ingens præterea Principum ac Comitum procerumque multitudo ex tota Germania convolvit. E Saxoniciis etiam Hermannus Winceburgicus Comes, & Henricus frater Comitis Friderici Arnsbergensis memorantur. Ceteri nostrates Scriptorum silentio ignorantur. Evocavit Rex quoque in comitatum Davidem, gente Scotum, virum eruditione præstantem, qui pro historici munere omnia hujus expeditionis acta consignaret facili & populari stylo; id quod tribus libris, qui intercideret, præstitit. Hac multitudine per Alpes Cottias, & fauces Tridentinas penetravit Rex in Lombardiam, expugnatisque castellis aliquot & Oppidis, Florentiæ Christi natales celebravit.

Sclavi hoc anno irruptionem fecere in Transalbinas Christianorum regiones, prædis & cædibus grassando. Quod ubi Lothario Duci renunciatum, Saxonum ille militiam contraxit, Sclavorumque provincias hostiliter ingressus, late omnia spoliis & cædibus vastavit; expugnatique novem Sclavorum opulentioribus urbibus, accipisque ad tributum pensitationem obsidibus, victor in Saxoniam rediit. Fortis, felixque Dux Lotharius, qui omnem belli gloriam & fortunam e religionis & pietatis cultu habuit.



Annus



# Annus Christi IIII.

Paschalis II. Pont. 12. Henrici V Reg. 6. Imp. 1.

Henrici II. Ep. Pad. 22.

Otto Frising  
lib. 7.  
Petrus Dia-  
conus.  
Dominica.  
Baronius.  
Abbas Pa-  
schalis.

At Rex anno Christi M<sup>o</sup>xi ineunte propius Romam movit. Sed priusquam in urbem admitteretur, actum per Legatos utrimque; convenitque in certa pacta, sancte jurata, & datis etiam obsidibus firmata; sicuti hæc multis recenset Petrus Diaconus, Dodechinus, alique. Ex his Otto Frisingensis, id quod tum maxime agitabatur, refert; convenisse nimirum, ut Rex institutioni Episcoporum, seu investituræ renunciaret, Pontifex autem regalia Episcoporum permetteret Regi. Quæ pacta cum uno tantum Alberto Cancellario sciente convenissent, ceteris tum Germaniæ Episcopis ignorantibus, mox ingentes motus dederunt. His interim constitutis, Rex \* III Idus Februarii solemnī pompa Romam est ingressus, receptusque extra urbem a populo, in porta a Clero, ad superiores vero gradus S. Petri ab ipso Paschali Pontifice, Episcopis & Cardinalibus. Cum vero ad ingressum Basilicæ rogaretur a Pontifice, an quod pollicitus erat, abjuraret institutionem Episcoporum, Rex attonito similis hæsit. Mox dolos suos retegens, non modo institutionem Episcoporum negavit, sed & eundem Pontificem (quod, nisi pactis stare Rex vellet, recusaret coronationem) cum Cardinalibus ac magno Clericorum numero in custodiam abripi jussit. Ob id sacrilegum Regis facinus Romani in furorem versi, Germanos, quotquot in urbe occurrere, trucidarunt; & mox impetu etiam in exercitum Regis facto, ipsum Regem ex equo dejectum, fauciumque in facie, ab urbe repulere.

At non minus ipsi Germani Episcopi offensi, obnunciarunt pacto, postquam didicere jura eorum regalia cessasse. Nam quantum Rex provocabat, pro investitura & institutione Episcoporum, ad Carolum M. ceterosque Imperatores: tantum Episcopi contendebant jus regalium a Francorum Regibus, eodemque Carolo M. ceterisque Imperatoribus donatum, confirmatumque ipsorum Pontificum auctoritate. Itane, inquebant, dein-

ceps in potestate Imperatoris & Regis erit, ut comitatus, præfecturas, prædia, tributa, telonia, ac bona Episcoporum omnia, a Regibus & piis hominibus donata, aut Rex ad se trahat, aut pro arbitrio profanis hominibus donet? ita vero Episcopos Marchionum, Comitum, nobilium, & suorum etiam clientum servos faciet? quo hæc demum cessura? nisi ut Episcopi omnibus privilegiis & honoribus exuti, ne jus quidem retineant veniendi ad comitia Imperii; qui tamen semper primi in Imperio, ante Duces & Comites confederunt, ipsosque Reges a se electos in throno collocarunt. Quæ non odia in Regem, quæ turbæ in Imperio consecuturæ? si hæc ad aures ceterorum per Saxoniam & Germaniam Episcoporum perveniant. Incertum erat, majori ne exacerbatione in Pontificem hæc indulgentem, an Regem hæc sollicitantem acceptantemque ferrentur.

Interim Paschalis, pontificalibus vestibus exutus, ad castrum quoddam abductus cum Episcopis & Cardinalibus, per sexaginta & unum dies in arcta custodia hæsit. At cum Regis animum in nullam partem inflectere posset, ac Rex barbarum in modum omnia circa urbem vastaret, victus suorum ærumnis ac lacrymis. Henrico jus investituræ indulget. Rex vicissim Pontifici juramento securitatem facit, omnia se Apostolicæ Sedis jura & bona intacta relicturum. Quam in rem suam fidem dedere Fridericus Colonienfis, Burchardus Monasterienfis, Tritentinus, & Spirensis Episcopi: Albertus Cancellarius, & Hermannus Comes. Ita demum Pontifex liber remissus ad urbem; quem Rex, tanquam sceleris conscientia & poenitentia agitatus, multis muneribus sibi conciliare studuit. Idem in civium animis placandis fecit, dum Idibus Aprilis a Pontifice solemnī ritu Imperator coronaretur. Unus ex omnibus Germaniæ Episcopis Conradus Salisburgensis Archiepiscopus, cum videret Pontificem in custodiam abripi, sacrilegum facinus

Pontifex  
liber dimis-  
sus Henricus  
cum Reg.  
Imperato-  
ria Corona  
donat.

Otto Frising

\* al. prius  
Henricus  
Rex Ur-  
ben solen-  
niter ingre-  
ditur.

Paschalem  
Pont.  
captivum  
detinet.  
Motus ob  
hoc exci-  
tati.

facinus palam improbavit, Regem objurgando; & cum ob id Regius minister educto gladio mortem Archiepiscopo intentaret, stetit immotus, & utinam, inquit, mihi ex tam justæ causæ patrocínio mori obtingeret. Omnium horum, quæ in Pontificem acta sunt, auctor Albertus Cancellarius, gente Lotharingus, post Moguntinus Archiepiscopus, quem haud multo post Rex captivum in carcerem conjecit, & diversis tormentis & incredibili fame afflixit. Capitales exinde ad mortem hostes Rex & Archiepiscopus; quæ justæ, & vindice Deo, omnes fieri testabantur. Sed & Henrico eodem nomine quinto Regum, Imperatorum quarto, ab hoc perfido & sacrilego in Pontificem facta omnia adversa incurrere. Et quia patre violentior, regnum & Ecclesiam turbare cœpit; omnia etiam odia, rebelliones, & iras patris in suum caput traxit: ut recte olim dixerit Otto Northeimensis, Baviaræ Dux, cum de ejus subrogatione in regnum sollicitaretur a Patre, scire se ex malo bove non nisi malum vitulum nasci.

Corpus Henrici IV. Regis haecenus inhumatum sepelitur. Zilesius in defun. S. Maximini

Imperator postquam corona potitus, reditum in Germaniam acceleravit; convocatisque mense Augusto Episcopis & Abbatibus, patrem, qui jam a quinquennio inhumatus steterat, majorum sepulchro quam honorificentissime intulit; id enim a Pontifice si-

mul impetrarat, ut soluto anathematis vinculo justa illi funebria deferrentur. Magnam Episcoporum in his exequiis præsentiam exhibet diploma, quo Henricus Imperator vi Idus Augusti Cœnobio D. Maximini apud Treviros privilegia confirmat. Memorantur in eo testes Bruno Trevirensis, Fridericus Colonienfis, Bruno Spirensis, Burchardus Monasteriensis, Othbertus Leodiensis, Burchardus Trajectensis, Atlongus Wirceburgensis, Otto Bambergensis, Eberhardus Eichstadenfis, Hermannus Augustanus, Odalricus Constantiensis, Rudolphus Basileensis, Cuno Strasburgensis, Vido Curienfis, Richardus Viridunensis Episcopi: adeo ex Saxonis nullus, præter Monasteriensem perpetuum aulae Comitem, præsens fuit.

Spira Imp. Moguntiam profectus est: ubi in celebri Episcoporum ac Principum congressu Albertum, Cancellarium suum, Archiepiscopum sedi illi ab Ruchardi obitu vacanti imponit; sed brevis illa amicitiae scena. Sub exitum deinde anni Imperator in Saxoniam digressus, Goslariae Christi Natalitia egit. Rediit & tunc ex Italia Erckenbertus Corbeiensis Abbas ad suum Monasterium, retulitque secum magnificum Paschalis Pontificis diploma, quo omnia Cœnobii illius privilegia confirmata sunt.

## Annus Christi 1112.

Paschalis II. Pont. 13. Henrici V Reg. 7. Imp. 2.  
Henrici II. Ep. Pad. 23.

Ursberg. Baron. Sigon. Chron. Hild. Fasti Corbei. Petrus Diacon. Concilium Roman. in causa Henrici Imp.

At vix dum Imperator in Germaniam redierat, cum Romani, cumprimisque Cardinales, qui abfuerant, acta Imperatoris cum Pontifice detestati, omnia improbarunt; & Pontifex, ut vulnere mederetur, Episcoporum concilium Romæ in Basilica Lateranensi mense Martio indixit; ad quod præsentente Pontifice convenere Archiepiscopi duodecim, Episcopi centum & quatuordecim, Cardinales presbyteri quindecim, Cardinales Diaconi octo, Abbates complures, & innumera Clericorum, diversorumque ordinum multitudo. Eo in concilio graves dictæ sunt sententiæ in Henricum Imperatorem, quibus privilegium investituræ, quod Imperator extorserat, ab

omnibus una consensionis voce damnatum est, actumque ut Pontifex Imperatorem anathemate feriret; id vero detrectavit Pontifex, quod non censeret illico damnare, quæ ante probasset. Perfidia alioqui reus traducendus apud Germanos Principes. Exulcerati interim mansere omnium Orthodoxorum per Galliam animi adversus Imperatorem; quos inter Guido Archiepiscopus Viennensis, Legatus Sedis Apostolicæ, qui Paschalis Successor Calixtus est appellatus, convocata Viennæ Episcoporum synodo, e communi Patrum sententia privilegium investituræ a Pontifice extortum damnavit, ipsumque Imperatorem e communione Catholicorum proscripsit. Ea re permotus

tus percussusque Adelbertus Moguntinus Archiepiscopus a Rege tanquam diris devoto secessit, factionique Saxonum se adjunxit.

Conspira-  
tio Saxo-  
num in Im-  
perat.  
Ursberg.  
Chron.  
Hildesf.  
Fasti Corbei.

Nam, Vindice Deo, coepit hoc anno conspiratio Saxonum in Imperatorem. Udalrico nimirum Saxonum Principe ex humanis excedente, Sigefridus sanguine propinquior, dum justam debitamque sibi hæreditatem adire parat, intervenit Imperator, & luculentas opes in Fiscum, & jus regni attrahit. Exacerbatus Sigefridus to-

tam Saxoniam querimoniis implevit. Eæ tanto pronius acceptæ, quo altius hærebat inveteratum patris odium. Et quia rei iniquitas patebat, qua Saxonie libertas lædebatur, accessere in partes Lotharius Dux Saxonie, Rudolphus Marchio, Fridericus Palatinus, Wigbertus & Ludowicus Comites, Ludowicus Thuringus: ex Episcopis Rheinardus Halberstadiensis, & cum his Gertrudis Princeps scemina, & opibus potens, compluresque alii, qui per quæstores Imperatoris querebantur possessiones suas accidi rapique pro libidine.

## Annus Christi 1113.

Paschalis II. Pont. 14. Henrici V. Reg. 8. Imp. 3.

Henrici II Ep. Pad. 24.

Imperator  
Saxoniam  
vastat.

Adulta nondum conspiratione, imperator præveniendum ratus, Erfurtum accedit, interque festa Natalitia Christi Principum, quem indixerat, conventum celebrat; quo cum Saxonie Principes non accederent, indignatione commotus, jubet per ipsas sacras ferias bona eorum diripi, prædia incendiis vastari, possessiones distrahi. Haud multo post contracto exercitu Saxoniam armatus ingreditur, Halberstadtium absente Episcopo accedit, urbeque relicta, Horneburgum arcem intra dicecesin Halberstadiensem præmunitam obsidione cingit, deditamque evertit. Jam & copias suas contraxerant conjurati Reinhardus Halberstadiensis Episcopus, Sigefridus Comes Palatinus, Wigbertus, & Ludowicus Comes pugnaturi cum Cæsare; castris haud procul positis a Cæsareis. At postquam deditio urbis facta est, & Epi-

scopo dies dicta, quo se purgaret, bellicus ille furor non nihil quievit; maxime quod Cæsar ad Rhenum evocaretur ad Burgundie tumultus componendos, quos Reginoldus Comes Cæsaris consanguineus concitaret. Dum hæc aguntur, capitur per insidias Wigbertus, Sifridus Palatinus occiditur, Ludowicus ad deditionem compellitur. Quibus Cæsar lætus; tanquam, conjuratorum capitibus oppressis, bellum omne confectum esset. Pacata deinde Burgundia, Wormatiam digressus est ad celebrandum Pascha; quo & Moguntinum Archiepiscopum ad se deduci jussit, rursusque in arctam custodiam retrusit, in qua jam biennio cum fame, & squalore conflictabatur. Inde in Saxoniam profectus, Goslarie confedit, ut Saxonum consilia motusque propius inspiceret.

Chron.  
Hild.

## Annus Christi 1114.

Paschalis II. Pont. 15. Henrici V Reg. 9. Imp. 4.

Henrici II. Ep. Pad. 25.

Ursberg.  
Dodechin.  
Chron.  
Hild.  
Fasti Corb.  
Otto Frising  
lib. 7. c. 15.  
Lotharius  
Dux Sax-  
on. Hens-  
rico sup-  
plex in gra-  
tiam recipi-  
tur.

Quiescente vero Saxonia, Cæsar Bambergam concessit, celebratisque istis Natalitiis Christi, post Epiphaniam Moguntiam properavit ad conventum Principum, quem omnium procerum præsentia voluit esse celeberrimum. Enimvero, quam ante biennium sibi desponderat Mathildem Regis Angliæ filiam, hanc sibi solemnibus nuptiarum ritu conjunxit. Publicam illam hilaritatem obscuravit Lotharii Ducis Saxonie accessus. Is quia con-

filia & arma conjuratis Saxonibus anno superiori junxerat, Cæsarem adiit supplex, nec prius in gratiam est receptus, quam assumpto reorum cultu, nudis pedibus, & vili sago tectus humi fusus ad Henrici Cæsaris pedes se abjiceret, & perduellionis veniam spectante procerum corona exoraret. Hac demissione Lotharius ferocem Cæsaris animum mitigavit, ne quid acerbius in eum statueretur. Sed divina ille ordinatione ad Imperii fasces, & magnum Reipub.

Œdus a  
Saxonie  
Principi-  
bus initum  
contra Im-  
perat.

Reipub. Ecclesiæque bonum servatus est; & quo severitatis spectaculo, in Lotharium Ducem statuto, Cæsar terrorem nominis sui quærebat, id summam illi omnium Principum offensio- nem peperit. Nam in eo opportuno & frequentissimo congressu Fridericus Archiepiscopus Colonienſis, Godefridus Lovaniensis Dux Lotharingæ, Gerhardus Juliaci Comes, Fridericus Arensbergensis Comes, multique cum- primis Westphaliæ Saxonieque proce- res clam inter se Œdus iniere adversus Henricum Cæsarem pro tuenda liber- tate, quam ubique a Cæsare opprimi videbant; qui tam exosus sensim ob- fastum dominandi, ut omnes Imperii Principes, præter Conradum & Fri- dericum Suevos ex sorore genitos, præterque Godefridum Palatinum, ab eo desciscientes arma induerent. Ac- cendit Œderatorum animos, quod Cæ- sare in Gallia ab Orthodoxis Episco- pis anathematis poena proscriptum, & Romanis invisum intelligerent. Præ- clare hujus Œderis causas scribit Fri- dericus Colonienſis Archiepiscopus ad Ottonem Bambergensem Episcopum, virum ea ætate sanctissimum, qui ob id Cæsari aliquamdiu suspectus fuit, quod ex aula ejus se subduceret. Ea in epistola exponit, quæ Cleri, quæ Ecclesiarum, quæ libertatis oppressio se ad id Œdus traxerit: memoratque Henricum Cæsarem, Burchardum Epi- scopum Monasteriensem, & Herbipo- lensensem a Cunone Prænestino Episco- po, ac Sedis Apostolicæ Legato, in concilio Beiluacensi, iterumque in con- cilio Rhemenſi, Dominica, quæ Lata- re insignitur, publice diris devotum. Auxit exacerbationem Ludovici Comi- tis captivitas, quem contra datam fidem Cæsar in vincula abripuit. Quinam ex Saxonie Episcopis in id Œdus præ- ter Colonienſem transierint non repe- rio; Theodoricus certe Monasterien- ſis Episcopus, qui a Burchardo hæte- nus exclusus creditur, Lothario Duci ceterisque pro sede sua occupanda ac- cessit.

Chron.  
Hild.

Ursberg.  
Gobelin.  
Imperator,  
Colonie  
frustra op-  
pugnata,  
omnia late  
devastat.

Id Œdus Saxoniorum Principum tum demum se aperuit, cum Henri- cus Cæsar bellum Frisiis illaturus secun- do Rheno descenderet; ubi enim Co- loniam delatus, reperit urbem rebel- lem, & Westphalos conspirationi civi-

um illigatos; quorum Dux Fridericus Arensbergensis Comes. Omissa idcir- co expeditione Frisica, arma convertit in urbem Colonienſem. Ac magnis animis irisque cæpta obsidio; sed om- nes hosce conatus eludere cives fortitu- dine & munimentorum fiducia. Quare soluta obsidione Cæsar exercitum dif- fundit in populationem agrorum, cun- ctæque circum spoliis & incendio per- vastat. Direpta Oppida, everſa ca- stella, Juliacum in favillas redactum, Comes abductus captivus. Exhaustis omnibus, in superiorem Germaniam reducit exercitum, instaurandum no- vis viribus fidorum sibi adhuc Princi- pum. Interea Fridericus Colonienſis Archiepiscopus cis Rhenum Anderna- cum ceteraque castella & Oppida, quæ Cæsaris præsidio tenebantur, expugnat, & munitiones, quæ Cæsarei juris & fisci erant, solo æquatas diruit.

Nec minus segnes trans Rhenum Saxones ac Westphali, Duce Lothario conjuratorum Principe, & Friderico Arensbergensi bellicoso ea tempestate viro, Tremoniam Imperatoriam ur- bem ardentè expugnant, arce, quam Cæsar ibi construxerat, munieratque everſa. Inde ad urbem Monasterien- sem convertuntur, quam Burchardus schismaticus Episcopus in partes Cæsa- ris traxerat. & novis mœnibus præ- munierat; eam obsidione incingunt, adiguntque Œderi Saxonico subscribere, jussi quoque Monasterienses, eju- rato Burchardo, Theodoricum Win- ceburgicum, Orthodoxum Episco- pum, admittere; ut jam ab hoc anno demum Theodorici Episcopatus nu- merandus appareat; tamenſi Burchar- dus solo deinceps Episcopi titulo fortu- nam suam solatus sit.

Conjurati,  
Tremonia  
expugnata,  
urbem Mo-  
naster. ob-  
sident.

Redit tandem Imperator mense Octobri cum instructo exercitu in West- phaliam, omnem simul vim & iram profundendo in Fridericum Arensber- genſem Comitem, evastatoque ejus comitatu, Susato, quæ Colonienſis Archiepiscopi urbs erat, ingentem pec- uniæ summam extorquet; & disjectis hostibus, in medio regionis Westpha- liæ, inquit Ursbergensis, firmum ca- strum exstruit, quod milite, armis, stipendiis implevit, gentis frenum fu- turum. Id vero ubi constiterit, au-  
tor

Cæsar Co-  
mitatam  
Arensberg.  
vicinæque  
loca perpe-  
pulator.

Gobelin.  
Crantz.  
Monumens  
ia Pader-  
born. p. 226.

Etor non prodidit. Sunt qui Wefelsburgum velint intra diocesin Paderbornensem, ducti forte conjectura, quod hanc arcem a Friderico Arensbergensi ante obitum ejus circa annum 1123 instauratam legerint; quemadmodum hæc Ferdinandus Episcopus in Monumento ejus loci explicatius tradidit.

Chron.  
Hildesf.

Sane Cæsar, postquam Arensbergensem Comitatum vastasset, ex his provinciis Visurgim est transgressus, circumlatoque terrore, regiones trans

Visurgim depopulatus. Urgente hyeme militem paululum ad hyberna per vicina loca recreatum dimisit: ipse Goslariæ confedit, sequentem annum magna clade exorsurus. Has inter turbas e Saxonibus Episcopis Udo Hildesimensis morte subtractus est; in cujus locum subrogatus Cleri electione Bruningius, Decanus Goslariensis, a Crantzio omissus, vir egregia pietate & doctrina, qui quadriennio post posito Episcopatu ad privatam vitam secessit.

Moritur  
Udo Ep.  
Hildesf. cui  
subrogat.  
Bruningius  
Decanus  
Goslar.

## Annus Christi 1115.

Paschalis II. Pont. 16. Henrici V. Reg. 10. Imp. 5.

Henrici II. Ep. Pad. 26.

Ursberg.  
Dedecim.  
Chron.  
Hildesf.  
Crantz. l. 5  
Saxon. c. 30  
Gobelin.  
Albert.  
Stad.  
Trithem. in  
Chron. Hirs-  
sug.

Hærebat Cæsar, ut diximus, in Saxonia, Goslariæ in palatio majorum, tanquam ex eo patris exemplo dominatum in Saxones firmaturus. Per festa Natalitia, quæ Goslariæ agebat, conventum Principum indixit; ac licet non defuerint ex Saxonibus, qui facta popularium secessione, ad signa Cæsaris transfirent: Lotharius tamen Saxoniæ Dux, Reinhardus Halberstadiensis Episcopus, Fridericus Palatinus Comes, Rudolphus Marchio ceterique foederati, veriti Cæsaris ferociam, ad conventum non accessere: & quia de periculo suo agi videbant, circa Walbecam castrum copias suas contraxere, palmam per Legatos denunciantes, non se oppugnandi animo convenisse, nec prælium inituros, nisi provocatos necessitas urgeret. Cæsar interim rigente hyeme Brunswicum occupat, Halberstadium vastat. Orlagemundum obsidione incingit, propiusque ad foederatorum castra movet. Jam & Lotharius dux copiis Westphalorum auctus erat; quibuscum accesserat Fridericus Comes Arensbergensis cognomento bellicosus, Hermannus frater ejus & Rheinardus, Mechtildis sororis filius, primusque arcis Furstenbergicæ in Westphalia conditor, familiarumque propagator, Hermannus de Cavela, Ravensbergensis videlicet Comes, quos Lotharius Dux sibi aut consanguinitate aut affinitate conjunctos fidosque habebat. Nam Arensbergensis & Ravensbergensis Comites, haud secus quam Cappenbergensis Comes, Ottonis Northheimensis & Bojarie Ducis fi-

lias in matrimonio, ut diximus, habebant; ipse vero Richesam Ottonis ex Henrico Crasso filio neptem duxerat conjugem. Accessere Henricus Limburchus, & maxima Westphaliæ nobilitas, roburque militiæ Lotharii. Jam castra castris opposita erant, detrectantibus pugnam foederatis; cum Hogerus Mansfeldiæ Comes, cui Ducatus Saxonie a Cæsare promissus erat, moræ impatiens selectam militiæ Cæsareæ juventutem educit in aciem, qua in Saxones invehit cruenti prælii initium facit: certatum utrimque ferocibus animis, cum in ipso ardore pugnae Hogerus inter primos confossus occumbit. Ad ejus casum turbati Cæsarei, & in fugam inclinati. Saxones incumbunt, & miserabili cæde grassantur in fugitivos, Lothario inter acies obvolante. Hoc illud miserabile prælium ad Catulanam seu Welfonis sylvam III Februarii editum, celebratumque tanto Saxonum triumpho a Scriptoribus; perinde ut hisce verbis etiam consecrata prælii memoria.

Saxonum  
contra Im-  
perat. præ-  
lium & vi-  
ctoria.

*Anno milleno centeno, ter quoque quinto.*

*Ad Catuli saltum belli cruor exit in altum.*

Eo in conflictu occidit Hogerus Comes Mansfeldicus Sigefridi Palatini interfector. Monstratur vero sylvæ Welfonis in Comitatu Mansfeldico prope Gerbstede, quo in loco hodie dum visitur Sacellum prælii hujus monumentum. Cæsar hac clade consternatus cum laceris copiis ad Rhenum properavit, interque fugæ comites non prius

Crantz. lib.  
5. Saxon.  
lib. 36.  
Onomasta  
Pym.  
Reimsc. in  
not. ad Sta-  
dens.  
Lindebroch  
in Chron.  
Caroli Ab.

prius constitit, quam Moguntiam attigisset, fatis iisdem quibus pater adversus cum Saxonibus pugnando jactatus. Saxones in loco praelii rei gestæ monumentum erexere, columnam videlicet in modum trophæi, cui armati viri statuam imposuere, dextera cæstum, sinistra clypeum gestantis. Vulgus Jodut dixit; & quia per superstitionem agrestes homines colere cœperant, Wernerus Merseburgensis Episcopus dejecit. Captus hoc bello Erkenbertus Corbeiensis Abbas a Burchardo milite, jussusque ducentas marcas in redemptionem pendere, odio Cæsaris, quem hætenus sectatus fuerat.

Lotharii  
Ducis studium pro  
orthodoxa  
religione  
conservanda.  
*Helmold.  
lib. 1.  
Chron.  
Mild.*

Victor Lotharius mox alium felicitatis nuncium accipit, videlicet ex clade duorum millium Sclavorum, quos Otto Ballenstedius, gener Magni Ducis, in subsidium Cæsaris properantes ad internecionem delevit; qua victoria Saxonia simul a Barbarorum incursionibus metuque liberata est. Lotharius deinde Theodoricum Romanæ Ecclesiæ Cardinalem & Apostolicæ Sedis Legatum invitavit in Saxoniam, quem frequenti Saxonum Principum comitatu festo Natalis Virginis Goslarum introduxit. Multa cum eo de Catholica religione adversus Schismaticos & disciplina Cleri pertractata. Paucis post diebus Goslarum est deductus, ubi de statu regni in conventu Principum transactum. Quippe Saxones omnium per Germaniam gentium Romanæ Sedis, & Orthodoxæ religionis studiosissimi obstruxere schismati, quod Henricus Cæsar pravo exemplo patris jam tum moliebatur, nacti ad hanc rem Lotharium religione non minus, quam fortitudine bellica egregium Ducem, qui per Legatum Apostolicum id sollicitè agebat, ut Episco-

pos in fœdere Catholicorum & Apostolicæ Sedis fide contineret.

Cæsar interim Moguntia hærebat, ubi inglorius, & ab omnibus prope desertus tristem dolore cladis ætatem agebat; auctusque dolor, postquam Theodoricus Legatus auctoritate Romani concilii anathema in Henrici caput repetiit. Primus inter Saxoniarum præfules Magdenburgensis Archiepiscopus, qui hanc in Cæsarem sententiam proclamare ausus, cui ceteri Episcopi accessere. Quibus auditis, perculsus Cæsar, Moguntia Principum conventum indixit, pollicitus se omnium factorum rationem daturum singulis. Sed pauci præter Brunonem Trevirensis Archiepiscopum dignati sunt accedere. In quam contempcionem cum notaretur venisse Cæsar, ausi sunt Moguntini cives facta seditione insurgere in Cæsarem, palatium armata manu obsidere, irrumpere dissono clamore in atrium, reposcere Archiepiscopum suum Albertum, quem Cæsar in carcere tenebat, liberum sibi reddi. Cæsar, ne furentis populi minas in caput suum traheret, jubet extemplo Archiepiscopum vinculis solutum reduci in sedem suam, quem civēs & Clerus fame confectum, umbræque hominis, quam homini similiorem incredibili cum lætitia exceperunt. Is deinde Coloniam, vetante licet Cæsare, ex voluntate Theodorici Legati Apostolici profectus, ab Ottonē Bambergensi Episcopo festis Christi Natalitiis Episcopus consecratur. Hunc deinde Archiepiscopum, olim Cancellarium suum, ex intima amicitia natus est perpetuum exinde adversarium, defensoremque Orthodoxorum; quo ostenderet hic alium oportere se Episcopum in Ecclesia Dei, quam Cancellarium agere in aula Cæsaris.

Henricus  
Imp. anathemate de-  
nuo tertius

Seditio Ci-  
vium Mo-  
guntin. ob  
Archiep.  
suum,  
quem resti-  
tui in libera-  
tatem vo-  
lunt.

## Annus Christi 1116.

Paschalis II. Pont. 17. Henrici V. Reg. 11. Imp. 6.

Henrici II Ep. Pad. 27.

Ursberg.  
Dodechin.  
Chron.  
Mild.

Sub id tempus, quo hæc agebantur, simul Colonia Episcopi ac Principes convenerant, tractatum cum Theodorico Cardinale, Apostolico Legato; cum hic in itinere extinguitur. Funus Coloniam delatum, & a xiv Episcopis, ut auctor Chronici Hildesien-  
Tra-

scribit, deductum ad tumulum. Ex quo magnam Episcoporum præsentiam æstimes; licet a ceteris tantum memorentur Fridericus Colonien-  
Conventus  
Episcop. &  
Principum  
Colonien-  
sium, ad-  
versus Hen-  
ricum Imp.



Nefaria  
Tanchelin  
hæresis hoc  
tempore  
exorta.

Traverhonarii cum Saxonibus in idem fœdus Orthodoxorum pro Apostolica Sede adversus Cæsarem convenere, Moguntino totam prope Germaniam concitante. Quæ cum Cæsar Spiræ intelligeret, misit Erlongum Herbipolensem Episcopum, seu ut consilia de alio Rege eligendo turbaret, seu ut anathema in se pronunciandum impediret. Verum Erlongus non prius admissus in congressum ceterorum, quam se ab anathemate, quod in Cæsarem & ejus fautores pronunciatum erat, absolvi pateretur. Hinc ad Cæsarem reversus cum Cæsare communicare detrectavit, coactus interim morte intentata sacrificium Missæ circa Cæsarem peragere. Cæsar ubi didicit Erlongum in Orthodoxorum partes transiisse, ducatu eum Orientalis Franciæ, qui a Regum Francorum memoria Episcopatu conjunctus fuerat, per vim exiit, transtulitque in Conradum Suevum ex sorore sua genitum. Erlongo Coloniam ad Fridericum Archiepiscopum in exilium abeunte. Nihilominus in hoc Episcoporum, & Principum conventu anathematis sententia in Henricum Cæsarem ob pertinaciam pronunciata est, firmatumque Catholicorum fœdus, schismate jam novo per Imperium invalescente.

Cæsar tædio adversantium sibi rerum victus cum Mathilde Imperatrice in Italiam profectionem instituit, quem, præter Constantiensem, Tridentinum, & Virdunensem antistites, affectatus Burchardus Monasteriensis Schismaticus Episcopus; & ob id jam ante sede sua depulsus. Acceleravit iter Mathildis præpotentis in Italia Principis mors, quæ Lombardiam, & Thusciam D. Petro Romanæque Ecclesiæ ultimis tabulis legaverat, id quod S. Petri patrimonium hodie appellatur. Ad hæreditatem adeundam, quod propinquitate contingeret, invitatus erat ab Italis nonnullis, a quibus simul spes adjecta erat reconciliandi Paschalem Pontificem, sensitque Cæsar ingens sibi malum imminere, nisi cum Apostolica Sede in gratiam rediret. Jam enim ob fœdum facinus, abrepti in captivitatem Pontificis, non modo ab Episcopis Italiæ, Galliæ, Ungariæ, & Germaniæ, quod Ursbergensis scribit; sed ab Ecclesia Hierosolymitana anathematis sententia proscriptus erat.

Accessit ad schisma nefanda hæresis, quæ Belgium, Trajectensem, Colonensem, vicinasque provincias fœdare cœperat. Auctor Tanchelmus, quem alii Tanchelinum vocant, qui licet hoc anno impiam evomuerit animam, ut Bucherus scribit, multos tamen reliquit discipulos hæresin illam disseminantes, quorum aliquot a Friderico Colonienfi Archiepiscopo in carcerem conjecti sunt. Quemadmodum id præclara illa epistola Trajectensis Ecclesiæ ad Fridericum Metropolitanum suum scripta, atque ex Cæsarea bibliotheca a Tennagelio edita præter auctorem vitæ D. Nortberti aliosque commonstrat. Impia hujus hæresiarchiæ dogmata erant, Pontificem, Episcopos, presbyteros, & Clericos Larvas Ecclesiæ esse sine ulla potestate munerum suorum: Sacramenta quæ ab illis administrantur, vana esse atque irrita, quibus homines contaminantur: augustissimum Christi corpus in Eucharistia, quod Sacerdotum consecratione, & ministerio præbetur, commentum esse: ceteras Ecclesias, præter suam Ecclesiam, quam solum veram dicebat, Lupanariæ reputandas esse. Multis ejusmodi insaniis, mendaciis, dolisque rudem plebem adeo dementarat, ut aquam balnei, qua se lavarat, loco sacratæ in Ecclesia aquæ populo potandam daret. Ac ut se a Deo missum persuaderet populo, nescio quam divinitatem sibi tribuerat. Homo præterea sceleratissimus, qui trium millium armatorum hominum caterva stipatus, prælato vexillo & gladio, prodibat in campos, congregando cætus hominum; ad quos tanto verborum lenocinio perorabat, tantaque cupiditate audiebatur; ut angelus e cælo submissus crederetur a seductis; cum ipse interim flagitiosissimam vitam quotidie in consuetudine meretricum ageret, & filias in conspectu parentum constupraret, urinamque suam inter Divorum reliquias suis offerret; ut jam Adalbertus Gallus, & Clemens Scotus, spurcissimi illi per Germaniam tempore D. Bonifacii hæresiarchæ, ab inferis rediisse videri potuerint. Et quæ unquam hæresis, quæ non evangelium suum ex nefandis libidinum sceleribus per omnem vitæ libertatem exorta sit?

Cæsaris in  
Italiam  
profectio.

Cui Deus  
D. Nort-  
bertum ob-  
jecit.

Vita Nort-  
berti apud  
Snurium.  
Robert. de  
monst.

Hæresi huic, quam in conventu Colonienſi ab Episcopis damnatam reputo, objecit per hæc tempora Deus D. Nortbertum. Gente is erat Teutonicus, ut auctor vitæ præ ceteris verisimilius scribit, ex municipio Xantenſi ad Rhenum in Clivia, in cujus Oppidi celebre Collegium cooptatus Canonicus erat. Juvenem ex illustri apud suos nobilium familia ortum, egregia morum indole, formaque corporis, dicendi facundia & literis ornatum, Fridericus primus Colonienſis Archiepiſcopus adſcivit in aulam; ex qua ad Henricum V. Cæſarem traductus, ita ſe probavit, ut Cæſar illi Cameracenſem Episcopatum deferret. Quo ſpreto, cum anno ætatis trigeſimo, uno famulo ſtipatus, Vredenam verſus per diœceſin Monaſterienſem iter ageret, fulmine dejectus ab equo, & D. Pauli exemplo illustratus aulicam vitam mutavit in Apoſtolicam; abjectoque

omni vanitatis cultu, humili & punicea toga indutus a Friderico Colonienſi Episcopo ſacerdos conſecratur. Inde admirabili vitæ rigore ac ſpiritu circumeundo oppida, pagos & provincias palam docere, populumque ad poenitentiam perducere, longe diverſo, quam Tanchelmus, ſpiritu. Et qua erat canora voce dicendi, ſacundia ſanctitatisque exemplo, innumerabilem hominum multitudinem ad melioris vitæ formam, & Clericos, religioſosque viros ad ſui imitationem attraxit: oraculum per id tempus ſapientiæ, in quem Episcopi & Principes, Clerus & populus tanquam in Apoſtolicum vitæ exemplar oculos convertebant, audiebantque tanquam e cælo ſubmiſſum Doctorem. Ita brevi hæreſis illa Tanchelini extincta, & clariffimus ille Præmonſtratenſium ordo, Nortberto auctore, in ſubſidium Eccleſiæ inſtitutus eſt.

## Annus Chriſti 1117.

Pafchalis II. Pont. 18. Henrici V. Reg. 12. Imp. 7.

Henrici II Ep. Pad. 28.

Ursberg.  
Dodechin.  
Petrus Eſa-  
conus.  
Baronius.  
Petrus Bio-  
bliothec. in  
Vita Pont.

Henrico  
Romæ ite-  
rum coro-  
nari peten-  
ti magnis  
animis ob-  
ſiſtunt Cæſ-  
dinales.

Non deſtitit interim turbare Ec- cleſiam & Rempublicam Henricus Cæſar. Is cum anno ſuperiori Italiam intraſſet cum Burchardo Monaſterienſi, ac ceteris Schismaticis Episcopis, armaque perduellium Italorum ſibi ſoci- aſſet, Romam movit, & Pafchalis Pontificis clientibus bellum indixit. Pontifex de adventu certior factus, ne ſibi cum fallaci homine denuo negotium eſſet, ex urbe Beneventum ſeceſſit. Cæſar exinde magno apparatu Romam ingreſſus, petiit a Cardinalibus iterato coronari. Id cum abſente Pontifice ſas non eſſe reſponderent, multisque ſimul exproarent, quæ in Apoſtolicam ſedem patraſſet; Cæſar indignatus, Mauritium Burdinum Bracarenſem Archiepiſcopum evocat, a quo coronam ſuſcepit, qui jam ante a Pafchali vero Pontifice auguſtalibus Imperii inſignibus decoratus erat. Petit deinde a Pafchali in Chriſtianorum cœtum recipi. Reſpondit Pontifex, ſibi integrum non eſſe, reſtituere communioni, qui in tot conciliis, & a tot Episcopis anathemate percuſus eſſet; alia ad id opus eſſe Cardinalium & Episcoporum convocazione. Ita irritus Cæſar reſceſſit.

Inter hæc in ipſa Germania multo turbulentius agebatur. Quippe Fridericus & Conradus Sueviæ Duces, quos Henricus vicario munere reliquerat Imperii procuratores, omnia Baſileam inter & Moguntiam ſeditionibus, ſpoliis, & vaſtatione agrorum miſcere; flamma etiam, & cædibus graſſari per provincias eorum, qui a Cæſare diſceſſerant. Contra per inferioris Rheni provincias Godefridus Palatinus, Albertus Moguntinus, Fridericus Colonienſis Archiepiſcopi, ceterique in eam ſocietatem attracti, infeſtis armis inſurgere in Cæſareanos, urbes eorum, munitiones, caſtella expugnare & ſubvertere. Per has Principum factiones & arma civilia, non Cœnobiis, non Collegiis parçitum; florentiſſimum Fuldenſe Cœnobium ad extremam inopiam redactum; & barbarum in modum, ut inquit Ursbergensis, a Chriſtianis in Chriſtianos lævitum. Felicior Saxonia, quæ Lotharii Ducis & Saxonum potentia ſe intactam ſervabat. Inter has procellas temporum Erckenbertus Corbeienſis Abbas, multique Saxorum, ut e conſpectu malorum abirent, in Palæſtinam proſecti, Hieroſolymam adiere.

Calanito-  
ſus Germa-  
niæ itatus.

Enſi Corbei

Tantæ

Varia prodigia, ex-  
tremam ca-  
lamitatem  
minantia.  
Ursberg.  
Chron.  
Hild.  
Dedeck.  
Robert. de  
monte.  
Egisi Corb.

Tantæ calamitatis tristitia non minus prodigia intervenire; cum superum ira terra horribili motu per Italiam & Germaniam concussa, quo. & montes collisi, urbes & Oppida multorum mortalium nece quassata: Unstroti fluminis aqua terræ hiatu absorpta, alveo ad longum spatium & tempus desiccato: insoliti ventorum turbines, tempestates, cum sæva grandine incussa: tremenda ubique tonitrua, crebri eliforum fulminum ictus. Leodii pridie Ascensionis, cum vespertinæ horæ ca-

nerentur, tres Clerici igne cœlesti percussi in templo. Tantus denique terror homines invaserat, ut mente promodum attoniti novissimam mundi noctem circumspicerent. Quod idem D. Nortbertus denunciaſſe ferebatur, nisi scelera Cleri & populi corrigerentur. Apud Cremonam infans in cunis, & pannis involutus palam loqui, & edicere auditus, sibi Virginem Mariam oblatam, quæ apud filium supplex intervenerit, ne ob peccata mortalium genus exstingueret.

## Annus Christi 1118.

Gelasii II Pont. 1. Henrici V Reg. 13. Imp. 8.

Henrici II Ep. Pad. 29.

Ursberg.  
Pandulphus.  
Baronius.

At his prodigiis, nec Henricus Cæsar, neque Germani schismatici, velut omni calamitatis sensu amisso respicere visi; nam cum post mortem Paschalis Pontificis Gelasius eo nomine secundus e Cardinalium numero subrogaretur, qui jam per multos annos Cancellarii munere functus erat apud Pontificem Paschalem, vir magnarum virtutum, & senio conspicuus; ausus est Cencius Frangipanius armatorum globo stipatus, effractis Basilicæ foribus, Pontificem e solio detractum, calcatumque pedibus, abripere in carceres; donec Optimatum ac populi Romani facto in capitolium impetu, Pontifex e Frangipanii manibus eriperetur. Iisdem injuriis tractati Cardinales aliquot. Cæsar comperta Paschalis morte, & Gelasii Successoris electione, Romam advolat. Quæ res Gelasium movit ex Patrum consilio, ut ex urbe secundo Tybure profugeret, insectantibus Germanis (ute tuga reprehenderent) frustra e ripa fluminis tela in navim jactantibus. Barbarum hoc erat, si repetantur ea, quæ Francorum Reges, quæ Carolus M. quæ ceteri Christiani Imperatores pro veneratione ac defensione Apostolicæ Sedis fecerunt. At postquam Cæsar didicit elapsum Pontificem, salvumque Cajetam advenisse, Burdinum, gente Hispanum, Pseudopontificem, a quo coronatus erat Apostolicæ Sedi obtrusit, paternaque impietate schisma in Ecclesia renovavit. At vero ubi Gelasius comperit. Burdinum Pseudopontificem in sedem suam a Cæsare intrusum, literas, quas circulares vo-

cant, ad Galliæ Germaniæque Episcopos dedit, vitandi schismatis causa; Regisque Francorum, aliorumque Principum auxilia imploravit, interque legatos suos misit Cunonem Prænestinum Episcopum in Germaniam. Ipse Pontifex cum ex consilio Cardinalium, fidorumque amicorum didicisset, sibi nec Romæ, nec in Italia tutum esse commorari, mense Septembri in Franciam profectus est; ubi pro veteri Francorum in Apostolicam Sedem fide & observantia, honorificentissime a Ludowico Rege & Episcopis exceptus est.

\* Et Cuno Legatus postquam in Germaniam penetravit, Brunonem Trevirensis Archiepiscopum, qui Cæsari in Italia haud vulgarem operam navarat, aliosque Principes ad saniores mentem revocavit. Extant hac super re præclaræ Cunonis literæ ad Brunonem, jam ex Italia a suis Archidiaconis revocatum ob fœdus; quod illi cum Colonienſi & Moguntino Archiepiscopis, quodque cum Lothario Duce Saxonibusque pepigerant, uti & jam Bruno coram Imperatori exprobrarat turbas, quas in Italia adversus Pontificem concitavit.

Igitur Cuno cum horum trium Archiepiscoporum Principumque studia in Pontificem accensa haberet, Colonizæ festis Rogationum diebus celebrem Episcoporum synodum convocavit; ad quam præter alios accessere Adelgotus Magdenburgensis Archiepiscopus, Henricus Paderbornensis,

Hal-

\* Plures  
Episcopi &  
Principes  
ab Imperatore abstrahuntur  
opera Cunonis Legati Apostolici.  
Brower.  
l. 12. antiq.  
Trevir.

Studio ejusdem Cuno-  
nis conven-  
tus Episco-  
porum in-  
dictus Co-  
lonizæ.  
Ursberg.  
Gobelin.  
Brower. l. 12  
annal. Trev.

Gelasio  
Pontif. rite  
electo ali-  
um Imperator  
Pseudopontificem subro-  
gat.

Halberstadiensis, ceterique Saxonie Episcopi. Ea in synodo Imperator communi Episcoporum sententia proscriptus e cœtu Orthodoxorum. Colonia Cuno Legatus Apostolicus in Saxoniam profectus alteram synodum Frislarie indixit, (quanquam, ut ex Epistola Archidiaconorum Trevirensium ad Brunonem colligas, Corbeie etiam per id tempus conventus Principum indictus erat.)

Et Frislarie  
ubi rursus  
Henricus  
excommu-  
nicatus.

D. North-  
bertus utriusque  
synodo  
præfens  
munus præ-  
dicandi ob-  
tinet.

Frislariam igitur convenere ad synodum Albertus Moguntinus, & Fridericus Colonienſis Archiepiſcopi: Traiectenſis, Monasterienſis, Osnabrugensis, Citizenſis; Merſeburgensis, Spirenſis, Episcopi, quos Gobelinus recensuit, ceterique. Ac Monasterienſis haud alius, quam Winceburgicus eſſe potuit, quod Burchardus Schismaticus eorum Episcopus Constantinopolim legatus miſſus abierrat. Hac rursus in synodo ſententia anathematis in Henricum Imperatorem, & Idolum ejus Burdinum Pseudopontificem repetita eſt, decretaque totius Germanie comitia Herbipolim convocanda, in quibus Cæſar præſens cauſam diceret; ſin minus, regno exueretur. Utrique huic ſynodo Northbertus interfuit, munus ſuum docendi Legato Apoſtolicò & Episcopis probaturus; quod ſatis intelligeret, neminem eo rite perſungi poſſe, niſi cum legitima poteſtate miſſus eſſet. Verum quod vitia cleri non minus quam populi vehementius perſtrinxerat, habituque novo incederet, pleroſque Episcopos adverſos habuit; donec tandem viri ſinceritate & ſanctimonia perſpecta, tuba Evangelii, ut S. Bernardus eum vocat, Pontificis & Episcoporum voluntate totam Germaniam perſonaret. Quod animadvertere velim hæreticos noſtros, quorum auctores haud ſecus quam Tanchelmus hæreſiarcha nulla publica Eccleſie auctoritate miſſi ſe populo ad turbandam Eccleſiam obtruſere. Ursbergenſis hæc ad ſequentem annum geſta refert, cum tamen hoc anno Northbertus ex his ſynodis, media hyeme ac nudis pedibus in Gallias ad Gelafium Pontificem profectus ſit, & publicam docendi poteſtatem ab eodem Pontifice impetrarit.

Inter hæc, ut Gobelinus noſter tradit, Burchardus Monasterienſis Epi-

ſcopus, quem Imperator Constantinopolim direxerat, in via mortuus eſt. Ac tertio anno poſt, quod & nos referemus, Monasterium Lothario Duce expugnatum exuſtumque eſt. Mortem Burchardi in legatione Conſtantinopolitana per id tempus tradidit ante Gobelinum Ursbergenſis. Oriundus erat Burchardus ex veteri Holtiorum nobilium familia inter Oſnabrugenſes, vir præſtantis ingenii, & multis naturæ dotibus ornatus, quibus in aula Henrici IV. & V. Imperatorum claruerat; eo in multis publicis conventibus & legationibus ejus opera uſi Cæſares: quorum favore ac præſidio multa pro Eccleſia ſua utiliter præſtitit. Nam & aream Baſilicæ Paulinæ, quam Campum dominicum ex circumpoſitis Canonico-  
rum domiciliis vocant, novo firmoque muro primum incluſit. Urbs quoque ab eo ampliata, præmunitaque adverſus Comites Arensbergenſes & Teclenburgenſes, nobileſque Meinholdianos Monasterienſibus hætenus inſeſtos; locis deinde novos patronos dedit, Michaelem Archangelum & D. Georgium, quorum in ipſo murorum ambitu ſupraque portam aditus adhuc ſacella memoriæ operis ſervant. Inde nomine Mimigardevordie, abolito Monasterium appellari cœpit; eoque in omnibus diplomatis & Scriptorum monumentis legitur Burchardus Monasterienſis Episcopus: tamenſi jam a celebri Canonico-  
rum Baſilica & Collegio id nomen ante invaluerat. Dulmaniam ipſe quoque primum ita præmuniit, ut ei natales ſuos Oppidum & caſtrum debeat. Multis præterea poſſeſſionibus auxit veterem D. Pauli Canonico-  
rum Eccleſiam, & Collegium, ex quo a Dudone Episcopo Canonici in novam Baſilicam & Collegium Cathedrale translati erant, veteri prope Collegio obſcurato & attenuato, Mauritanum Collegium Canonico-  
rum extra muros ita porticu, ſacello, & bonis locupletavit, ut poſt Fridericum & Erponem alter conditor ſit habitus. Hæc atque alia in Burchardo præclara, quæ una ſchiſmatis labes, in quo ad obitum hæſiſſe creditur, multum contaminavit. Cadaver peregre extinctum fertur Monasterium deportatum, & in S. Mauricii Eccleſia conditum, cujus tamen rei nulla veſtigia ſuperſunt. Inde jam Theodoricus Winceburgicus, quem

Gobelinus, a-  
sar. 6. c. 18  
Annal.  
Monast.  
Cramtzius  
lib. 5. Mo-  
trop. c. 33.  
Erstwinus  
in Chron.  
Osnabrug.  
Kerſenbr.  
in catal.  
Episc. Mon.  
Burchardi  
Ep. Monast.  
obitus &  
geſta.

errore

errore nominis Ursbergensis Henricum vocat, pleno certoque jure post sublatum æmulum Episcopatum adiit.

Ecclesia; quod ille Monachos beneficiis & largitionibus sibi demeruerat.

Henricus Episc. conventum quorundam Comitum Paderbornæ instituit.

Mors Godeschalci Ep. Otina-brug.

Mense Decembri post Burchardum ex Saxonie Episcopis hoc anno obiit Godeschalcus xxii Episcopus Osnabrugensis. Præful hic e nobili Diepholiorum familia, & e Præposito Mindensi delectus erat, octoque annos gesserat Episcopatum præclara cum laude; eoque etiam commendatur, quod Orthodoxorum partes secutus, Frislarienti, ut diximus, synodo interfuerit. Tumulum delegit Iburgi in Cœnobii

Per id tempus Henricus quoque Episcopus noster e Comitum Werlensium familia, quatuor Comitum & duorum Tribunorum congressum habuit Paderbornæ, in quo simul donationem, Hamakoni Abdinghoviano Abbati ejusque Cœnobio factam, Episcopi auctoritate ratam habuit, præfente Friderico, Widekindo, Theodorico, Elpone Comitibus, multisque nobilibus, quos in concilium evocarat, & Lothario Duci in fidem collegerat adversus Imperatoriam factionem.

## Annus Christi 1119.

Callisti II. Pont. I. Henrici V. Reg. 14. Imp. 9.

Henrici II Ep. Pad. 30.

Ordines Templariorum, Hospitalarium & Teutonicorum instituantur.

Referunt ad hunc annum mortem Balduini Hierosolymitani Regis, in cuius locum subiectus Balduinus alter prioris affinis. Tres præterea religionum ordines in Palæstina exorti. Templariorum equitum, auctore Hugone & Godefrido, qui nomen inde sortiti, quod in palatio regio ad templum Hierosolymitanum excubarent, ad peregrinos tuto deducendos propugnandosque. Hospitaliorum D. Joannis, quorum institutum erat peregrinos hospitio suscipere. Teutonicorum a Germanis institutus ordo, qui utrumque munus mixto vitæ genere complexi ad excipiendos peregrinos, tuendosque Christianos. Late hi ordines per Galliam, Germaniam, & Saxoniam nostram postea propagati, magno Ecclesie bono floruerunt.

Principum acta erant; repente in Germaniam advolat, & omnes late provincias direptionibus, cædibus, & incendiis fœde miscet. Quibus cum maiorum vulnera recrudescerent magis, quam sanarentur, ad mitiora consilia a suis deductus Cæsar, obtulit Triburiae conventum, in quo de Republica & concordia ageretur. Eo accessit Imperator, multique Principes Germanie festo Apostolorum Petri & Pauli. Aderant & Legati Apostolici a Calisto missi. Henricus ut animos Principum sibi conciliaret, iussit per totum regnum bona, & possessiones hisce bellis interverfas suis dominis restitui: Legatis Pontificum spopondit se Rhemos ad concilium venturum, in quo ex Episcoporum & Principum iudicio Ecclesie reconciliaretur. Spem etiam fecit se investituras, scopulum omnium discordiarum, remissurum; sed fallacia hæc tantum verba comperta sunt, cum in conventu Mosomienfi promissorum fides posceretur ab Imperatore.

Ursberg. Robertus de monte. Dodechin. Pandolphus Baronijs Tom. X concil. Paris. recens. edit. Binus in not. Hesso Schol. a Tennage-lie editus.

Gelasio Pont. mortuo sublitur Calistus II, quod male habet Imperatorem.

Nondum per hæc Germania elutari poterat ex civilium bellorum fluctibus. Enimvero Gelasio sub initium anni hujus Mxcix in Galliis mortuo, electus est Guido Viennensis Archiepiscopus, regii sanguinis & S. R. E. Cardinalis, ob præclara in Ecclesiam merita, qui Callistus eo nomine II. appellatus; ac Gregorio VII ceterorumque inde Pontificum instituto, jura Romanæ Ecclesie adversus Imperatorem tutanda suscepit. At postquam Imperatori hæc renunciata sunt in Italia degenti, nullamque Idoli sui Burdiri habitam rationem: simulque didicit, quæ per Cunonem Legatum Coloniae & Frislarie in conventu Episcoporum ac

Quare Pontifex Rhemos ad concilium processit; ad quod Archiepiscopi XV, & plus quam CC Episcopi, præter Cardinales, Abbates, ducentosque præfules accessere ex Italia, Gallia, Germania, Hispania, Britania. E Germania Moguntinus quingentorum militum globo stipatus, VII secum Episcopos adduxit, Interfuit & Ludovicus Galliarum Rex. Magna celebritate hæc synodus peracta; in eaque damnata simoniaca hæresis: proscriptæ in-

Concilium Rhemense, in quo Henricus In p. & Burdinus, seupont. excommunicari. Hesso Scholasticus. Sugerius in Ludovic. Regerius in Annal. Angl.

vesti-

*Genebrar-  
dus in  
Chron. Tri-  
them. in  
Chron. Hirs-  
saug.  
Platina in  
Callisto.*

vestituræ per Laicos factæ: renovatæ decretæ pœnæ in concubinatus Clericorum, multaque alia salubriter constituta sunt. Ibi cum Albertus Moguntinus, Fridericus Colonienfis, & Conradus Salisburgensis Archiepiscopi gravissimis querelis inveciti essent in Cæsarem, Pontifex accensis extinctisque totidem cereis, quot Patres eo in confesso præsentis erant, in Henricum Cæsarem, & Burdinum Pseudopontificem anathematis sententiam pronuntiavit.

Accessit ad hanc Rhemensem synodum Nortbertus, omniumque Episcoporum oculos in se convertit, postquam jam Apostolicus ejus spiritus, mirifici laboris fructus, & vitæ sanctimonia cognita erant; plenaque docendi potestate a Callisto etiam Pontifice accepta, commendatus est Laudunensi Episcopo, in cujus diœcesi locus ille desertus, quem Præmonstratum dixeret, datus est ad culturam, in quo prima ordinis & nominis fundamenta jecit.

*Variz in  
Ecclesiis  
Germ. tur-  
bz ab Hen-  
rico Imp.  
excitata.*

At postquam Cæsar didicit, quæ in Rhemenfi synodo adversus se pronunciata essent, iram in Pontificem, arma in Episcopos vertit; cœpitque fœdum patris schisma recrudescente; succedere & civilium dissidiorum mala, Episcoporum proscriptiones, priorum exilia, sacrorum violatio, seditiones, ac populationes agrorum; Coionienfes, quod Henricum Imperatorem omni honoris gente exceperant, a Friderico Archiepiscopo sacris interdicti. Turbata Leodiensis Ecclesia, in qua post Oberti mortem Cæsar, reluctantante Cathedrali Collegio, obtruserat Alexandrum Gerhardi Juliæ Comitis filium, quem Godefridus Lotharingiæ Dux a fœderatis ad Henricum desciscens per vim induxerat. Alexander cum Coloniam ad synodum sæpius vocatus se non sisteret, facta est Clero potestas eligendi alium, a quo Fridericus Godefridi Namurci Comitis filius cooptatus in Episcopum.

Eadem conturbatio in Ecclesia Osnabrugensi suborta post Godeschalci, ut diximus, obitum. Electus est a Clero pro veteri jure Dithmarus; quo ejecto, Henricus Imperator intrusit Conradum Hildesheimensem Præpositum, cujus patrocinium, intentatis armis, suscepit Fridericus Arensbergensis Comes, qui a fœdere Saxonum ad Cæsaris partes transierat, qua ex causâ incertum. At Clerus & Ministeriales, & Oppidorum incolæ pro Dithmaro arma sumpserunt, suumque præfulem Coloniam deduxere ad Fridericum Archiepiscopum, a quo Dominica Palmarum (anno reor proximo) consecratus Episcopus. Tum vero Arensbergensis barbarum in modum grassari, spoliis & incendiis per Osnabrugensem diœcesin. Haud segnior Dithmarus, arma suorum clientum vicinorumque Saxonum collegit; quibus instructus, Arensbergensem aggressus justo prælio vicit, quo & Godeschalcus Diepholtus inter Arensbergenses milites occubuit. Bellum id in quinquennium extractum est, ac morte demum Arensbergensis abruptum. Inde Dithmaro quieta Episcopatus possessio fuit, Conrado nudum tantummodo nomen Episcopi relictum.

*Dithmarus  
Ep. Osnab-  
rite electus  
non paris  
tur a sede  
sua se de-  
pelli.*

Mors hoc anno e Saxonibus Episcopis subtraxit Adelgotum Magdenburgensem Archiepiscopum, virum magna liberalitate in pauperes, & religione in Deum, decus Saxonie, ob constantiam erga Sedem Apostolicam, qui fidus semper Catholicorum fœderi adhæsit. Genere hunc Comitem de Loe tradunt: ut ex ejusmodi illustribus familiis plerique Saxonie Episcopi per id tempus delecti adversus insolentiam potentiorum. Subrogatus illi electione Cleri Rutgerus e nobili Veltheimorum familia, pari constantia præsul, qui neglecto Imperatore, institutionem a Legato Apostolico adeptus est.

*Moritur  
Adelgotus  
Archiep.  
Magdenb.  
cui succed-  
it Rutger-  
us.  
Dodechim  
Ursberg.  
Chron.  
Magdenb.*

## Annus Christi 1120.

Callisti II. Pont. 2. Henrici V Reg. 15. Imp. 10.  
Henrici II. Ep. Pad. 31.

*Ursberg.  
Chron.  
Hild.*

Enimvero, quod ad insequentis hujus anni narrationem refert Ursbergensis, Imperator postquam Natalem

Christi Wormatiæ celebrasset, invitatus a Friderico Arensbergensi Comite Saxoniam ingreditur. Verum Episcopi ac

*Littera Al-  
dingh.*



pi ac Principes Saxoniae, qua erant religione erga Sedem Apostolicam, omnem cum Caesare, extra societatem piorum proscripto, congressum subterfugere: nullus illi honor, nulla aulae obsequia delata; neq̃ ausus est gentem lacessere, quam ipse & pater toties cladibus infestam experti erant: in qua per id tempus Lotharius regiam potentiam obtinebat, omnesque Episcopos ac proceres uno secum foedere conjunctos trahebat. Quare abjectus & inglorius per Rhenum in Lotharingiam rediit, ubi nonnullis quidem acceptus, plerisque tamen invisus erat. Et Saxones Rempublicam inter se componentes frequentes conventus habuere, in quibus sublati dexteris fides jurata, lites ac dissensiones compositae, foedus adversus quoslibet hostes firmatum, praedae & latrocinia punita: tanquam ad veterem aristocratiae formam Saxonia rediisset. Postremum ipsos Caesareanos, qui Thuringiam vastabant, in castellum Wassenburgum compulso, & inopia rerum afflictos deditosque ejecere. Confirmati praeterea literis Pontificis sacram non minus Rempub. ordinabant, imponendo vacuis Episcoporum sedibus, qui a Clero electi erant, exturbando, quos Imperator Schismaticos obtruserat. Quam in rem Alberto Moguntino Archiepiscopo, qui apud Saxones ab Imperatore ejectus exulabat, datum Legati Apostolici munus, a quo Episcopi introducti & consecrati sunt. Nulla in his publicis negotiis Imperatoris auctoritas memorata. Hunc in modum Ursbergensis. Verum auctor Chronici Hildesimensis ad hunc annum: Dux Luitgerus, inquit, Fridericus Palatinus, Comes Rudolphus; & plures alii Imperatori reconciliantur Goslariae; quod haud aliter factum fuerit, quam ut ipse Caesar prius se cum Pontifice & Ecclesia reconciliaret; eo quod majori religionis vinculo Apostolicae Sedi, quam proscripto ab eo Caesari haerere se profiterentur.

lae ostendent, quibus vetus simul Malsburgiorum nobiliorum familia, hodie dum ex hac stirpe propagata, commonstratur.

*In nomine sanctae & individuae Trinitatis, Henricus Dei gratia Patherbrunnensis Ecclesiae Episcopus. Noverit omnium fidelium Christi tam praesentium quam futurorum universitas, qualiter Ecclesia, quae est in Atton, venerit in proprietatem Patherbrunnensis Cœnobii. Antiquiores nostri dixerunt ibidem quondam fuisse congregationem in honorem sanctae Dei genitricis Mariae coadunatam, in cujus honore eadem basilica est dedicata; nunc vero peccatis hominum, ut putatur, exigentibus vix parva quaedam vestigia dinosci possunt. Unde Dominus Hamako venerabilis Patherbrunnensis Cœnobii Abbas temporalibus rebus pro subditorum necessitatibus explendis sedulo deditus beatæ Dei Genitricis & Virginis Mariae amore provocatus, & fratrum & fidelium suorum consilio & auxilio animatus, Bernhardum Comitem fratrem Volcaldi de Malesburg, cui propria fuit Ecclesia, cum amicis suis adiit, & conventionem cum eo faciens sedecim ei marcas sponondit, qui veniens cum hærede suo unico scilicet filio nomine Amulungo tradidit Ecclesiae Beatorum Petri & Pauli in Patherbrunnon ipsam Ecclesiam cum agris & mancipiis, pascuis & pratis, & cum omnibus attinentiis, Widikindo advocato Ecclesiae astante, & cum Abbate & fratribus suscipiente, Abbate autem memoratum argentum persolvente rursus venit prædictus Comes Bernhardus in placitum memorati Widikindi advocati, & hanc traditionem laudavit, stabilivit & firmavit legitimo hærede suo unico filio astante, laudante, atque una tradente, Unde nos supernae remunerationis intuitu, ac præfati Abbatis & fratrum suorum rogatu ipsam Ecclesiam cum omnibus suis appenditiis, acquisitis seu acquirendis nostra pontificali auctoritate Ecclesiae Beatorum Apostolorum Petri & Pauli in Patherbrunnon confirmamus & corroboramus æterna ferientes maledictione omnem hominem, qui quemlibet Abbatem & fratres ipsius Monasterii super hac inquietare, molestare, aut divestire præsumpserit. Ut autem hæc confirmationis nostrae auctoritas stabilis*

PPP

Grata praeterea ex hoc anno memoria Henrici Episcopi nostri, qui pro augmento pietatis collapsam B. Virginis Ecclesiam in Atton dedit Hamakoni Abbati Abdinghoviano reparandam; quo in loco ampla post parochia populi que coetus collectus, uti hæc tabu-

Saxonum  
cura pro  
Repub. &  
Ecclesiis be-  
ne ordinan-  
dis.

Henricus  
Ep. Pad.  
juber Ecc-  
lesiam in  
Atton ab  
Hamakoni  
Abbate re-  
parari.

stabilis & inconvulsa permaneat, paginam hanc inde conscriptam sigillo nostro insigniri fecimus. Hujus traditionis & confirmationis testes sunt tam Canonici, quam Monachi, Laici vero Thiederic de Vorde, Erpo, Wezelus, Uffo, Hugo, Heinric, Liudold, Athelbero, Altman, Folbrath, Altmar, Fri-

themar, Welciko, Sigebodo, Sibrath, Warmund, Sibrath, Reinzo, Filbrath, Gerlac, Godescalc, Conrad. L.S. Acta sunt hæc in Balbornon XIV Kal. Decemb. Anno ab Incarn. Dom. MCXX. Indiët. II. regnante vero Henrico Imperatore.

## Annus Christi 1121.

Callisti II. Pont. 3. Henrici V Reg. 16. Imp. 11

Henrici II. Ep. Pad. 32.

Ursberg.  
Chron. Hil-  
desf.  
Robert. de  
monte.  
Gobelin.  
Stadenfis.  
Burdinus  
Pseudopon-  
tiffex captus  
ad perpetuos  
carceres damna-  
tus.

Volvebatur adhuc inter fluctus suos totum Imperium ex schismate Cæsaris, sed ubique prævalentibus Orthodoxis, quorum potentia Cæsar ubique oppressus jacebat. Romæ & per Italiam Callistus Pontifex, postquam incredibili gaudio, & omnium Principum studio, in Petri solio collocatus erat, Burdinum Pseudopontificem urbe depulsum, ac Sutrii hærentem, obsidione cingit, expugnatoque Oppido, in potestatem accipit. Captum milites vervecina pelle intectum, versaque in caudam fronte, camelo impositum Romam infami spectaculo deduxere. Ægre Pontifex inter populi ludibria & maledicta a nece servavit, dum in Campaniam ad perpetuum carcerem, attonsus in Monachum, traheretur. Hac ipsa Idoli sui infamia haud leviter notatus Cæsar in maiorem apud Germanos contemptionem venit. Et jam Albertus Moguntinus & Fridericus Coloniensis Archiepiscopi, juncto cum Saxonibus fœdere, universam inferioris Germaniæ gentem Romanæ Ecclesiæ conciliarant, armarantque in schismaticum Cæsarem.

Urbis Monasteriensis excidium, ob schisma & injurias suo Episcopo illatas.  
Auctor vita Godefridi Cappenberg

Per hunc Saxonum dominatum Lotharius eorum Dux ultus est Monasteriensium injurias, a quibus Theodoricus Episcopus superiori anno ejectus erat. Ausi id facinus cives, & Ministeriales, conspiratione cum schismatico Imperatore & Friderico Arensbergensi Comite, homine ferocis ingenii, cui ludus erat, ut quidam scribit, insultare Ecclesiasticis viris; hærebatque Burchardus schismaticus Episcopus ex longo Imperio & magna conjunctione in animis civium. At Lotharius Dux eo incitator ad urbis castigationem, quod ante annum in fidem Saxonum metu armorum adducti, eam

rursus violassent; quodque Theodoricus ex Winceburgicorum Comitum familia sibi consanguineum haberet, fratremque Hermannum Comitem Winceburgicum tot annis secum militantem adversus Cæsarem, agereturque communis in hoc Saxonum ex fœdere causa, quo convenerat, expulsis schismaticis Episcopis, Orthodoxos & a Clero electos sedibus suis per universam Saxoniam imponere. Quare pronis omnium Saxonum animis & viribus obsidionem aggressus est, quæ hoc anno urbi in sui prope excidio fatalis fuit. Tres eorum temporum Scriptores hanc commemorant, quos inter Robertus de monte. Major, inquit, Ecclesia Monasteriensis, eo quod Episcopum repudiasset, ab ipso Episcopo & Duce Saxonie cum tota civitate exurit. Auctor Chronici Hildesimensis, qui sub hæc tempora scripsit. Dux Luitgerus, & Comes Hermannus de Winceburg cum numerosa, & forti manu vadunt pro restituendo Theodorico Episcopo, in qua restitutione incaute templum S. Pauli nobiliter constructum incendio conflagravit cum omni pene urbis loco. Prædictus Dux fere omnes urbis defensores; tam nobiles quam ministeriales captos abducit. His actis Dulmina Urbem munitam in deditionem accepit. At ceteris explicatius Ursbergensis Abbas. Anno Domini 1121 Henricus Episcopus (Theodoricum dicere debebat) qui Burchardo Rufo dudum in legatione Henrici Imperatoris apud Constantinopolim defuncto per electionem Ecclesiasticam in Cathedram Monasteriensem successerat, a suis indigne tractatus, Saxonibus Principibus querimoniam suam injuriarum detulit. Et quia vir illustris natus, & virtutibus famosus extitit, per Lotharium Ducem congregato exercitu, sedem

dem suam etiam contra Regis voluntatem repetit. Contigit autem occulto Dei judicio, dum inimicas acies videndo cives terrentur, ac pro imminente periculo singuli sua molirentur, casus aliquot incaute succendi, paulatimque dominante flamma etiam basilicam majorem, quæ sedes erat illius Ecclesiæ, funditus comburi. Sic quoque miserrabili potiti victoria, Pontificem pulsum restituerunt, multam autem pecuniam ad restorationem Ecclesiæ conferunt: interpretantes nonnulli causam tanti excidii non esse, nisi quod defuncti præsulis Burchardi, qui multa illic ex iniquitate comportasset, oblatio manifestaretur Deo non placuisse. Multis quoque hoc urbis excidium, quod vi Maji, festo D. Joannis ante portam latinam, accidisse voluit, descripsit Crantzius; quemadmodum & fasti eorum cum Wittio, aliisque Scriptoribus; quamquam urbs tum nondum in eam, qua conspicitur, amplitudinem excreverat; præter eam partem, quæ trans Alpham fluvium veteri & ampla parochia celebrique illo Virginum Monasterio continetur, in qua annales eorum tradunt templum D. Ludgeri servatum ab incendio, ædes nimirum sacra, quæ grandi turri adjacet, & ipsa ex turri veteri formata, in qua guttæ, quæ ex naribus D. Ludgeri post obitum stillarunt, adhuc servantur. Cetera omnia templa cum urbe in unum bustum convoluta confedere. Quam vindicis Dei pœnam verisimilius referas in schismatis pertinaciam, qua ausi cives nobiles & ministeriales Episcopum suum & orthodoxum pastorem, virum tot virtutibus spectabilem, & rite Apostolici Legati auctoritate introductum rursus ex urbe ejicere, quem jam ante tot annorum injuriis male tractarant. Lotharius Dux, qua insigni erat religione in Deum, palam contestatus est dolorem ex incendii ruina, quæ nullo suo dolo malove mentis acciderat. Quapropter omnem pecuniam, ex captivorum nobilium & ministerialium redemptione collectam, in templorum & urbis instaurationem ultro convertit; ut quorum culpa acciderant, eorum pretio compensarentur. Exinde majori etiam caritate Theodoricus Episcopus omnes in gratiam recepit: omniumque injuriarum immemor, nihil impensius habuit,

quam ut ædes sacras urbemque pristino splendori, & quieti restitueret. Lotharius Dux postquam expugnata etiam Dulmania omnem diocelin in obsequium composuisset, in Saxoniam regreditur, animumque & militem ad graviores Reipublicæ curas convertit. Enimvero Henricus Cæsar exacerbatus adversus Moguntinos eorumque Archiepiscopum Albertum, validum quem in Alsatia & superiori Germania contraxerat exercitum, Moguntiam sub exitum Junii admoveere cœpit. Ea postquam Alberto Moguntinorum Archiepiscopo, qui apud Saxones Apostolici Legati munere exulungebatur, renunciata sunt, nihil ille sollicitius habuit, quam Saxonum opem implorare. Et prompti ex fœdere ad auxilium Saxones; cum primisque Lotharius Dux exercitum, quo urbem Monasteriensem subegerat, Westphalorum ceterorumque Saxonum copiis auctum, ad superiorem Rheni ripam adversus Cæsarem producit in campum. Accendebat Episcoporum ac Principum per Saxoniam animos, quod Spirensis, Wormatiensis, aliique præfules a Cæsare sedibus suis ejecti, extorres desertique omni mortalium ope oberrarent; metusque erat, si hæc Cæsari procederent, ne totam Saxoniam, patris exemplo, schismaticis Episcopis turbaret. Quam in rem per totam Saxoniam indictæ publicæ preces ab Episcopis, jejunia, supplicationes, litanie. Jam Cæsaris & Saxonum exercitus in mutuum conspectum ad Moguntiam venerant, stabantque castra castris opposita, ex quibus utrimque itum in præliantium acies. Ibi cum legiones classicum pugnae operirentur, intercessere nonnulli principes viri, progressique in medium, per colloquia iras mitigarunt; quod dicerent per civilia bella & arma sat sanguinis jam fusu; nec belli causam hic aliam esse, quæ non prius consiliis quam armis transigi debeat. Quibus & Cæsar permotus, belli pacisque arbitrium permisit duodecim viris, consensu delectis. Indicta eam in rem ad III Calend. Octobris Herbipoli comitia, ad quæ Henricus Cæsar cum numeroso comitatu venit. Nec minore apparatu accessere Lotharius Dux, & Albertus Moguntinus cum aliis Episcopis & Regni Principibus. Castris ad Wernam

Henricus  
Imp. bello  
Archiep.  
Mogunt.  
ejusque  
diocelin  
aggregatur.

Pax Imperatorem inter & Saxones cernis conditionibus coalescit.

itinere unius diei ab urbe positis, dataque fide publica, post triduum a Cæsare extra urbem & populi concurrentis multitudinem sunt excepti admissique ad tractandum. Tum vero intra unam hebdomadam, qua continuis diebus est consultatum, omnis illa controversia inter regnum & sacerdotium composita, conventumque in has pacis leges. Omnes capitis periculo pacem colant. Quæ regalia & Fisci sunt, regno salva maneant. Ecclesiis sua jura & bona servantur integra; quæ adempta sunt, reddantur. Prædia spoliatis, & hæreditates hæredibus restituantur. Prædones, raptores, &

turbatores coerceantur poenis. Causæ omnes publicæ privatæque discordiarum jure finiantur. Una anathematis causa, quo Cæsar tenebatur, Pontifici integra servata est. His transactis, decreta in urbem legatio, qua Spirensis Episcopus Bruno, & Fuldensis Abbas Ehrloffus defuncti sunt: missique præterea Otto Bambergensis Episcopus, & Henricus Comes Beringensis, qui hæc conventa Noricis, ceterisque superioris Germaniæ Principibus, Ratisbonæ congregatis, denunciarent, ut & illi in communem pacis societatem transirent.

## Annus Christi 1122.

Callisti II. Pont. 4. Henrici V. Reg. 17. Imp. 12.

Henrici II Ep. Pad. 33.

Ursberg.  
Dedachin.  
Robert de  
mont.  
Chron. Hild  
Otto Frising  
lib. 7 c. 6.  
Albert.  
stad.  
Concilium  
Romanum  
in quo labo-  
ratum pro  
pace Eccle-  
siæ.

Annus tandem Mcxxii post diuturnum schisma, ac civile bellum, jucundissima pace affulsit. Callistus Pontifex, postquam ex Legatis didicit, quæ Herbipoli feliciter transacta essent, ad propitiandum numen Romæ in laterano trecentorum Episcoporum concilium celebravit; in quo multa salubriter pro restituenda pietate ac disciplina sunt decreta; & post auditos a Patribus Germaniæ legatos missi in Germaniam tres Cardinales Legati Lambertus Ostiensis Episcopus, Saxo S. Stephani, & Gregorius S. Angeli. Hi postquam ad Cæsarem deducti sunt, invenere pacis negotium novo dissidio prope turbatum; quod post Erlongi Herbipolensis Episcopi obitum Cæsar Gebhardum adolescentem, vix dum e Scholis mancipatum, nominasset Successorem; cum jam Clerus delegisset Ruggerum, virum in suo Collegio enutritum, probatumque. Hæc dissensio partium studio tantum exarserat, ut metus esset, ne totum pacis negotium ad pristinum scopulum dissolveretur. Inter hæc etiam Albertus Moguntinus Archiepiscopus Aschaffenburgum munierat, magna Cæsaris indignatione. Sed hæc duo Pontificis Legati singulari industria ac prudentia composuere: actumque ut Ruggerus a Clero electus Episcopus reciperetur. Hac dissensione, quæ inter duos illos Episcopos intervenit, offensi Fridericus & Conradus Sueviæ Duces, fratresque ex sorore Cæsaris geniti, ab ipso Cæsare a-

vunculo suo discesserunt; quos Saxones in colloquio ad Visurgim ad commune pacis studium attraxerant.

Inde igitur, quod Herbipoli omnia turbida essent, Principum conventus Wormatiam traductus est. Atque hic postquam multis diebus inter Principes de concordia regni disceptatum est, Imperator demum ad omnia insperata descendens, omnia, quæ pacem distinere possent, ultro se remissurum affirmat; itaque cor Regis immutavit Deus, ut totum se in potestate Pontificis futurum promitteret; quæ oratio dici non potest, quantum exhilararit animos Legatorum Romanorum, ac Principum. Quare nono Calend. Octob. Imperator cum tota Schismaticorum multitudine anathematis vinculo exsolutus, & in communionem Ecclesiæ receptus est: simulque jus instituendorum Episcoporum & Abbatum, pro quo hætenus tot dissidiis & armis decertatum erat, in manus Lambertii, Ostiensis Episcopi, & Apostolici Legati dimisit; ea tamen lege, quod Otto Frisingensis scribit, ut electi, tam Cisalpini, quam Transalpini, non prius ordinentur Episcopi, quam regalia de manu Imperatoris per sceptrum suscipiant. Scriptis ex omnium ordinum Imperii sententia tabulis, Imperator tale Sacramentum, quod ab Ursbergensi relatum, dixit.

Henricus  
Imp. im-  
mutatus,  
ad pacem  
& concilia-  
tionem  
cum Eccle-  
sia se offert.

Ego Henricus Dei gratia Romanorum Imperator Augustus, pro amore Dei

Dei & S. Romanæ Ecclesiæ, & Domini Papæ Callisti, & pro remedio animæ meæ dimitto Deo, & Sanctis ejus Apostolis Petro & Paulo, & sanctæ Catholicæ Ecclesiæ omnem investituram per anulum, & baculum, & concedo in omnibus Ecclesiis fieri electionem, & liberam consecrationem. Possessiones, & Regalia B. Petri, quæ a principio hujus discordiæ usque ad hodiernam diem, sive tempore patris mei, sive etiam meo ablata sunt, quæ habeo, eidem sanctæ Romanæ Ecclesiæ restituo; quæ autem non habeo, ut restituantur, fideliter juro. Possessiones etiam aliarum Ecclesiarum, & Principum, & aliorum tam Clericorum quam Laicorum, concilio Principum, & justitia, quæ habeo, ut reddantur fideliter juro.

Pontifex vero per Legatos suos in hæc verba pactus fidem invicem ap-  
promisit.

Ego Callistus Servus servorum Dei dilecto filio suo Henrico Dei gratia Romanorum Imperatori Augusto concedo electionis Episcoporum, & Abbatum Teutonici regni, quæ ad regnum pertinent, in præsentia tua fieri absque simonia, & aliqua violentia: ut si, qua inter partes discordia emergerit: Metropolitanis, & provincialium consilio vel judicio, saniori parti assensum & auxilium præbens. Electus autem regalia per sceptrum a te recipiat, exceptis omnibus, quæ ad Ecclesiam Romanam pertinere noscuntur; & quæ ex his jure tibi debet, faciat. Ex aliis vero partibus Imperii consecratus inter sex menses regalia per sceptrum a te recipiat. De quibus vero querimoniam mihi feceris, secundum officii mei debitum, auxilium meum præstabo. Do tibi veram pacem, & omnibus, qui in parte tua sunt, vel fuerunt tempore hujus discordiæ, Data anno millesimo centesimo vigesimo secundo, nono Calend. Octobr.

Imperatoris tabulis, quemadmodum Baronius scribit ex vaticano codice, subscribere Adalbertus Moguntinus Archiepiscopus, Fridericus Coloniensis Archiepiscopus, idemque Cancellarii nomine. Otto Bambergensis, Spirensis, Augustanus, Trajectensis, Constantiensis Episcopi. Abbas Fulden-  
sis, Fridericus Dux Sueviæ, cete-

rique Principes, Marchiones, & Comites, quibus Hartwicus Ratisbonensis Episcopus additur. Ex Saxonibus nulum reperio præsentem.

Expositæ hæc tabulæ fuerunt in plano ad Rhenum campo, quod multitudinem excluderent urbis angustia. Secundum hæc Lambertus Cardinalis, quem post Callistum Roma Pontificem Honorii nomine habuit, solemne Missæ sacrificium peregit, Imperatoremque post donatum pacis osculum, sacramento Eucharistiæ refecit. Quibus tam feliciter actis, effuso populi gaudio, discessum est. Neque a multis retro annis lætior Germaniæ Saxonique lux illuxit; quando post annum quinquagesimum, & tot schismatis mala cladesque civilis belli, pax tandem intra regnum & Sacerdotium est firmata. Missi etiam ad Pontificem oratores, qui Apostolici sedis Cæsaris obsequia deferrent. Tum redditus est splendor Ecclesiis, reducta in Imperium tranquillitas, revocati ad sedes suas Episcopi alias proscripti; quos inter Conradus Salisburgensis Archiepiscopus, quem Baronius sanctum virum appellat, a septennii exilio reductus est.

At quæ tum omnium sapientum virorum judicio laudabilia fuere, omniumque scriptorum consensu probata sunt; nunc heterodoxis nostris tam detestabilia sunt, ut scribere audeant, institutionem Episcoporum Cæsari per tyrannidem Pontificis extortam esse; e quorum numero Reineccius, aliique ex adversa religione. Quasi idem privilegium instituendi Episcopos & Abbates, quod Cæsares a Pontificibus acceperunt, cum res & necessitas Ecclesiæ posceret, Pontifices pro suprema in Ecclesiam auctoritate revocare non possent. Permisit hæc sedes Apostolica ob merita Regum & Imperatorum: post ubi Henricus IV, & hic filius ejus Henricus V. sacerdotia vel auro vel ad gratiam venalia habere coeperunt, & per summa etiam flagitia obtrudere juvenes, indoctosque, & nec gradu quidem Cleri dignos, tanta cum jactura disciplinæ Ecclesiasticæ, & perturbatione omnium sacrorum; Pontificis fuit pro vicario Christi munere hæc mala tollere: haud secus quam pastoris est, lupos ob ovili gregis arcere.

Non

Pax Imperio reddita

Callisti Pont. concessio pacta Imperatori

Baron. ad annum 1122.

Non unquam a Caroli M. ævo Ecclesia per Germaniam & Saxoniam nostram tot Cleri vitiis, cumprimisque concubinato, fœdata, quam horum duorum Cæsarum imperio. Nec alia hujus mali causa, quam quod ex corrupta Cæsarum aula corrupti & indigni Episcopi, plerique juvenes vafrique homines obtruderentur, sub quibus passim disciplina Cleri soluta jacebat. Cui malo, ut Gregorius VII Pontifex occurreret, & tanquam a radice reveleret, cœpit admirabili constantia & magnitudine animi institutionem Episcoporum ad Cleri electionem revocare. Nec id insolens videri poterat; cum is antiquus Ecclesiæ mos sit, & jam ante tot Imperatores Episcoporum electionem liberam fecissent; uti id diversorum Episcopatum diplomata commonstrare possunt; quemadmodum etiam anno DCCCLXXXV Carolus Crassus Imperator Paderbornensis Ecclesiæ Clero jus eligendi Episcopum juxta pristinum morem permittit. Longum per ceteros Saxonie Episcopatus ire; quando Caroli M. etiam ac Ludovici Pii decretum extat, quo electio Episcopi secundum antiquum Ecclesiæ morem Clero populoque asseritur. Et quid mirum hæc traduci ab heterodoxis nostris, qui translationem Imperii a Græcis ad Francos & Saxones, qui electionem ipsam Imperatoris Germanis concessam criminantur; quorum tamen utrumque singulare Pontificum Romanorum beneficium est erga nationem nostram. Sed his omissis ex hujus anni narratione, Westphaliā potius contingamus.

*Auctor vita  
D. Nortberti.  
Surius in  
vita Godefridi  
ad 13 Jan.  
Nicolaus  
Serrav. in  
vita Godefridi.  
Bolland.  
rom. 1. ff. ad  
13 Jan.  
Garnanfus  
in not.  
Martin.  
Merzig.  
Chron.  
Monaß.*

Illustrata enim hoc anno Westphalia novo Præmonstratensium ordine introducto, miraque Godefridi Cappenbergenensis Comititis ad sanctiorem vitam conversione. Jam D. Nortbertus, ut supra relatum, tuba Apostolicæ doctrinæ, & forma disciplinæ religiosæ, fama quoque sanctimoniarum suarum totum Belgium Germaniamque impleverat; atque is postquam anno superiori Coloniam intraverat, magnoque hominum concursu pro concione ad populum dicendo audiebatur; accessit etiam Godefridus Comes Cappenbergenensis, vir sanctissimus, cum Divorum reliquias divinitus sibi ad S. Gereonem monstratas colligeret. Ibi Comes ex

congressu colloquioque cum D. Nortberto tanto divini ignis ardore ac spiritu afflatus est, ut ad Divi hujus exemplum constituerit, se atque castrum suum cum omnibus possessionibus Deo consecrare. Quare domum reversus nihil impensius habuit, quam ut Ottomem fratrem, ac conjugem suam Juditham, Friderici Arensbergenensis Comititis filiam in eam secum mentem vitæque institutum pertraheret: quam in rem D. Nortbertum Cappenbergam invitat. At postquam Godefridus salutare hoc animi sui consilium aperire cœpit, incredibile, quantum obnixi Otto frater, conjux, ministeriales omnes, & cumprimis Fridericus Comes Arensbergenensis, Godefridi focer, & homo ferox, osorque Cleri & omnium Religiosorum. Evocatus & Theodoricus Winceburgicus Monasteriensis in consilium Episcopus: is, licet vir cetera pius, ac religionis augendæ amantissimus, non tamen probavit tam vetus ac nobile castrum commutare in religiosæ vitæ domicilium; locum, aiebat, natura munitum, celebremque tanta majorum gloria, dicecesi potius relinquendum propugnaculum: alium se illi multo opportuniorē condendo Cœnobio daturum pollicebatur. Versabatur in omnem partem Godefridi animus, amicorum consiliis, fratris precibus, uxoris lacrymis, soceri minis; nec tamen a proposito se abduci passus est. Tanta erat viri constantia, qui tum annum agebat XXVIII ex flore ætatis & primis connubii amoribus; sed jam ante præclarus pietate, & indole, magnisque virtutibus paratus, quibus hæc omnia vinceret: tam per omnem vitam modestus, deditusque operibus piis, ut pauperibus a lepra infectis affideret, cibos potumque ministraret, & quæ hujusmodi inter res ab eo sancte gestas memorantur. Post hanc cum suis luctam, accessit Cappenbergam D. Nortbertus. Ejus tandem sacris exhortationibus, & sanctitatis aspectu, immutati adversantium animi; quos inter Otto Comes & frater Godefridi idem vitæ institutum amplexus, socium se adiutoremque dedit. Juditha conjux, ipse omni vanitate, obtulit se ad sacrum inter Sanctimoniales ordinem suscipiendum, & ut, quod maritus religiosorum virorum, hoc illa

*B. Godefridus Comes Cappenberg ordinem Præmonstrat. ingredi stultit. Quod ejus propositum varie oppugnatur.*

*D. tandem Nortberti interventu reiectis remoris, ipse ordinem ingreditur.*

Vir-



Virginum Cœnobium conderet. Quæ postquam 31 Maji transacta convenire coram D. Nortberto; celebre illud Cappenbergenſe caſtrum (tot Comitum antiquorum ſedes) converſum eſt in religioſorum hominum clauſtrum: quod deinde ſeſto Virginis in cœlum aſſumptæ, ſeu, ut aliis placuit, oſtavo Calend. Octob. ſolemni ritu a Theodorico Monaſterienſi Episcopo dedicatum eſt. Conſecrata ad id ſacra ſimul ædes B. Virginis, quæ divinis tantisper ſubſervivit. Nam Theodoricus Episcopus, ut hæc ſimul probaret, permotus eſt auctoritate Friderici Colonienſis Archiepiscopi, qui pro inſigni religionis ſtudio patrocinium D. Nortberti & Godefridi Comitum ſuſcepit: nec ſine magno Monaſterienſis Eccleſiæ emolumento ac lucro id fecit Theodoricus; quippe Godefridus Comes centum ac quinque Miniſteriales, quos ſibi hæreditario jure obnoxios habebat, cum uxoribus, liberis, ſervis ac bonis dedit Eccleſiæ D. Pauli, quod & teſtantur hi antiqui verſus.

*Centum quinque viros tibi Paule dedere miniſtros*

*Munere perpetuo Comites Godefridus & Otto*

Ceteræ Comitum hæreditates ceſſere Præmonſtratenſibus, quemadmodum id ex Wernerii Episcopi literis, anno 1131 conſignatis, conſtare poteſt. Tantæ vero horum Comitum poſſeſſiones, tum in Monaſterienſi diœceſi, tum in aliis provinciis fuere, ut ex iis ſeptem, qua virorum, qua Virginum Monaſteria conſtructa ac dotata ſint. Ex iis celebriora Cappenbergenſe, Valarienſe, & Ilmſtadenſe in diœceſi Moguntina. Quanquam Valarienſe haud procul Coeſfeldia Ottonis potius donum ſit; iſenim primus ejus loci Præpoſitus prædium hoc pretio a nobili matrona emptum ordini ſuo adjecit. Cui eo in munere ſucceſſit Henricus Coeſfeldiæ Comes, alter loci Præpoſitus prædium hoc pretio a nobili matroea emptum ordini ſuo adjecit. Cui eo in munere ſucceſſit Henricus Coeſfeldiæ Comes, alter loci Præpoſitus, a quo fundis & prædiis Colonorum ex Patrimonio munifice auctum.

Hanc rerum mutationem ubi Fridericus Arensbergenſis Comes didicit,

viditque ſacros illos inquilinos inſidere vetus nobilitatis caſtrum; tum vero homo bellicoſus ac ferox queri cum nobilitate de circumventa filia, & dote interverſa, indignari, advolare cum armatis Cappenbergam, extremaque minitari, ac ni caſtrum in priſtinum ſtatum reſtitueretur, ſeſe Nortbertum cum ſuo aſino, quo vehebatur, ex infelici arbore ſuſpenſurum, Intervenere hiſ furiis Episcopi ac Principes, hortati, ne ira ſe præcipitem daret in grande malum; & cum ille furere non deſiſteret, religioſi in caſtro viri Nortbertum implorarunt. Atque iſ, cognito ſuorum periculo, Rhenum tranſiit, aſinoque veſtus, inermis prorſus ac interritus non dubitavit Comitatum Arensbergenſem ingredi, Deo ferocis hominis animum ad mitiora ſeclente; donec tandem ipſe Cæſar imploratus patrocinium Nortberti & Godefridi ſuſciperet, & caſtri commutationem in religioſorum congregationem, omnemque donationem in ſenatu Episcoporum, & Principum, hoc quod a ceteris intermiſſum eſt, diplomate ratam haberet.

*Henricus divina favente clementia IV Romanorum Imperator Auguſtus. Notum fieri cupimus tam præſentibus quam futuris Chriſti fidelibus, quod Godefridus Comes & frater ejus Otto caſtrum Cappenberg, quod jure allodiali poſſidebant cum adjacentibus quatuor curiis Nette, Werle, Heyle, Alſtede Deo patri omnipotenti, & B. Dei genitrici Mariæ, & B.B. Apoſtoliſ Petro & Paulo, ſanctis omnibus ſpe futurae retributionis animati obtulerunt, tradentes hoc venerabili fratri Nortberto, ſuiſque fratribus ſibi ſubjectis; eorumque Succeſſoribus in Canonica profeſſione ſecundum Apoſtolica inſtituta ibidem degentibus. Nos ipſis fratribus ad imperiale patrocinium conſugientibus traditionem hanc ratam & inconvulſam permanere ſtatuiſmus. Decernimus etiam & firmanus ex rogatu eorundem fratrum, quod nullus Episcopus, vel ejus Eccleſiæ futurus prælatuſ, poteſtatem habeat regulam, profeſſionem, inſtitutionem aſſumptam immutare, vel indulgentia laxioris licentiae corrumpere. Advocatuſ ibi nulluſ ſit, niſi quem fratres ipſi unanimiter elegerint, qui ſi incommoduſ, vel inu-*

Comite Arensberg. fruſtra obſiſtente, commutatio Cappenberg in monaſteriuſ ab Imperat. com. probatur.

Et caſtrum Cappenbergenſe in monaſteriuſ com. mutatur.

Ex bonis Comitum 4 Cappenb. ſeptem monaſteria conſtructa.

tilis sit, si semel, secundo, vel tertio correptus non emendaverit, alium eligendi liberam habeant facultatem. Hoc & fideles Dei scire volumus, quod eadem Godefrido, ejusque fratri pro redemptione animæ meæ supradicto sacerdote pro eis intercedente regiam offensam condonamus, obsides earum manumittimus, & quidquid causæ vel exactionis in ipsos habuimus, vel habere possemus, æternaliter postponimus. Ad hanc vero nostram traditionem testes idoneos adhibuimus Adalbertum Moguntinum Archiepiscopum, Fridericum Archiepiscopum Coloniensem, Hartwicum Ratisponensem, Ottonem Bavenbergensem, Brunonem Spirensensem, Hermannum Augustensem, Gebhardum Herbipolensem Episcopum. Alii quoque Principes Henricus Dux Bavariorum, Fridericus Dux, Simon Dux, Bertolfus Dux, & frater ejus Conradus, Marchio Lupoldus, Engelbertus Marchio, Berengarius Comes. Ut autem hæc nostræ traditionis auctoritas stabilis & inviolata omni permaneat ævo; hanc inde cartam conscribi, & sigilli nostri impressione jussimus insigniri. Præterea quæcunque possessiones, quæcunque bona in terris, vineis, mancipiis, censibus, decimis, molendinis, aquis aquarumque decursibus, pratis, pascuis, nemoribus, campestribus, montibus, collibus, vallibus, aut quibilibet aliis rebus, prædicta Cappenbergensis Ecclesia in præsentiarum possidet, aut in futurum concessione Pontificum, largitione Regum vel Principum, oblatione fidelium, seu aliis justis modis poterit adipisci; omnia ei Imperatoria auctoritate confirmamus, in quibus propriis vocabulis duximus exprimenda Mengede, Curede, Sorbecke, Wifese, Wesheim, cum mansis & mansionibus, & universis usibus ac justitiis suis. Si qua igitur Ecclesiastica secularisve persona hanc nostræ constitutionis paginam sciens contra eam venire tentaverit, indignationis nostræ penam sentiet. Signum Henrici IV Romano-Rum Imperatoris. Philippus Cancellarius vice Archicancellarii recognovi. Data Anno Dominicæ Incarnationis MCXXIII, Indiæ. \* XIII, apud Lobmissen, quando Dominus Imperator anulum & baculum remisit durante adhuc eo anno.

\* al. I.

Haud obscure hæ Cæsaris tabulæ

indicant, Godefridum & Ottonem fuisse in foedere Saxonico, de quo supra diximus, adversus Henricum Cæsarem, obsidesque etiam ab iis imperatos fuisse. Qui deinde Fridericus Dux Sueviæ his tabulis nominatus, ei ab his fratribus duo castra in Suevia cessere, quæ Beatrix eorum mater, Ducis Sueviæ filia, Godefrido parenti in dotem attulerat. Per id tempus, cum Nortbertus ac Præmonstratenses adhuc incerti hærerent, quam vivendi formam deligerent, obtulit se D. Augustinus Nortberto, aureum libellum e dextero latere porrigens, & quem hic vides, subjungens, Hipponensis olim Episcopus sum Augustinus: Hujus instituti leges si filiis tuis præscripseris, & illi servarint, recta in cælum via ibunt. Hic D. Augustini conspectus, etsi Præmonstrati oblatus indicetur, in codice tamen scripto Cappenberga locus memoratur. Certe repertæ sunt literæ D. Bernardi, sub id tempus ad Nortbertum Cappenbergæ versantem scriptæ. Simul enim duo illa fidera Apostolicæ vitæ per Germaniam Bernardus & Nortbertus conspecta, ille Cisterciensium propagator, hic Præmonstratensium auctor. Quemadmodum Deus laboranti Ecclesiæ ejusmodi novorum ordinum conditores, novasque religionum virorum familias adversus hæreses, & labentem Cleri populique disciplinam submittere semper visus est. Fuit autem Cappenbergæ illustrissima sub exordia Præmonstratensium congregatio, multorumque Cœnobiorum seminarium; ex ea enim per Westphaliæ Claholtanum, Scheidanum & Wedinghusanum Cœnobia tanquam coloniæ novæ deductæ. Mirum deinde in modum hic sanctissimus ordo propagatus per Belgium, Germaniam, Galliam, & Angliam; qui intra 80 annos ab suo ortu 34 provincias, mille Abbatis, trecentas Præposituras numeravit. Cetera quæ ad D. Godefridi Cappenbergensis fundatoris res gestas hic desiderari possent. nihil attinet referre; quando tam præclari hujus sæculi Scriptores Laurentius Surius, Nicolaus Serrarius, & Joannes Bollandus eas in lucem dedere; & Bollandus una cum Gamansio erudito Commentario illustravit, quibus nos diploma Imperatoris ab iis prætermisum adjecimus.

Cappenberga seminarium plurimum monasteriorum.

Annus

# Annus Christi 1123.

Callisti II Pont. 5. Henrici V Reg. 18. Imp. 13.

Henrici II Ep. Pad. 34.

Subit nunc annus Christi MCXXIII Henrico Cæsari totique Imperio, post conditam pacem, longe quietior. Atque ut Regnum tot tempestatibus jactatum ad pristinam serenitatem rediret, pulcherrimum Cæsaris & Principum negotium fuit in prædonibus coercendis puniendisque. Quam in rem Imperator Trajectum concessit, celebratisque istic Natalitiis Christi, conventum Principum indixit: quo & Fridericus Arensbergensis Comes postularus ad dicendam causam; quod multis querimoniis fatigatus Imperator, ob prædas & injurias, quas Episcopis & Godefrido Cappenbergenfi intulerat. Acres illic in Arensbergensem Principem accusationes auditæ; quas inter Sueviæ quidam Dux vehementer invectus in Arensbergensem; nihilquæ acerbius crimini datum, quam quod Godefridum Cappenbergensem indigne tractasset. Nam adeo Nortbertum & Godefridum afflixerat, ut apertis castri portis, tanquam oves ad lanienam se cum religiosis viris offerrent. At Cæsaris & Principum objurgationibus ita mitigatus est, ut postquam Arensbergam reversus, Godefridum invitarit, & amice exceptum circumduxerit per arcem, multaque supra vota pollicitus sit; at cum Godefridus vinctos, quos tenebat, relaxari primum peteret, elusit postulata: post ubi ad prandium accessit, & lautæ accubuit mensæ, rupto ventris thorace crepuit, & cum visceribus simul effudit animam. Hæc iusta vindicis Dei poena consecuta hominem, qui tot spoliis sacrorum non poterat explere avaritiam. Gobellini nostri hoc de illo testimonium est. *Fridericus Comes Westphaliæ de Arensberg, homo ferocissimus, hoc anno moritur, qui castrum Wevelsburg antiquitus ab Hunnis constructum, ac vetustate collapsum uno ante obitum anno restauravit, ex quo totam viciniam incursionibus & prædis vexare non destitit: Id castrum cum intra diœcesin Paderbornensem sit, prope Bodecense Cœnobium a D. Menolpho conditum, gravis quoque Henrico Episcopo & diœcesi Paderbornensi in-*

cubuit. Auctor est Gelenius Nortbertum haud ita pridem captum a Friderico Arensbergenfi Comite in hoc castro Wevelsburgensi inclusum fuisse; quod priori anno factum fuisse oportuit. Filias ex conjugē, quam Otone Northemenfi Bojariæ Duce genitam diximus, reliquit Arensbergensis duas Juditham Godefridi, ut diximus conjugem: & Sophiam, quæ denupta fertur Bernardo Comiti Lippiensi. Filium præterea unicum Conradum, a quo familia propagata ad Godefridum, postremum stirpis hæredem. Is ille est, qui anno 1368. Comitatum Arensbergensem vendidit Cunoni Colonienfi Administratori; cessitque tota hæreditas in patrimonium Colonienfis Ecclesiæ; quemadmodum Wevelsburgum transit a Buranis Dynastis ad Paderbornenses Episcopos.

Gelen. in  
Engelb. lib.  
3. c. 42.

Haud leve interim periculum Imperator Trajecti subiit. Quippe levi ex causa lis orta inter Cæsaris aulicos & Godebaldi Episcopi Ministeriales utrosque pugnis & armis collisit; intraque Monasterium Episcopi alii capti, alii trucidati. Cæco, ut fit, incrementum tumultu, tota civitas convolvit ad arma; interque cohortium pugnas Episcopus captus, & in custodiam abreptus. Quanquam seditonis auctor post cognitus, Giselbertus quidam, Episcopo infestus, capitalis pœnæ sententiam subierit. Ursbergensis qui Episcopum reum facit, refert Friderici Colonienfis Episcopi patrocinio Godebaldum libertati redditum.

Seditio  
Trajecti  
exorta.

Visa per id tempus in agro Wor-  
matienfi equitum militumque spectra  
pleno die spectabili omnibus forma ire  
& redire velut ad conventum publicum celebrandum, inde sub vesperum omnes intra montem abscondi. Quæ cum totam viciniam attonitam haberent, ausus est quidam e colonis fronte signo crucis armatus unum ex equitibus e cœtu ceterorum abeuntem percunctari, quid sibi velint hi frequentes umbrarum congressus velut ad comitia euntium. Ad quæ ille, non phasmata

Frequentia  
circa Wor-  
matiam  
spectra.

phasmata nos sumus, sed militum nuper interfectorum manes; arma, habius, & equi, qui nobis fuere instru-

menta peccandi, modo sunt tormenta pœnarum; totique nunc urimur, etsi oculos vestros hæc fugiant.

## Annus Christi 1124.

Callisti II. Pont. 6. Henrici V. Reg. 19. Imp. 14.

Henrici II Ep. Pad. 35.

*Ursberg.*

*Chron. Tyri-  
jad. Huidæ.*

*Comitia  
Principum  
Bambergæ  
celebrata.*

Rediit altero mox anno post celebrata Aquisgrani Natalitia Christi Trajectum Imperator, expeditionemque in Hollandiam suscepit, quam Metronella, soror Lotharii Ducis Saxonie, virilis animi mulier pro Theodorico filio administrabat, Hollandos adversus Imperatorem armare ausa: multumque Imperatori negotii fuit, priusquam gentem inter amnes & paludes ad obsequium revocaret. Inde per quadragesimam Wormatiam petiit, indictisque Bambergæ Principum comitiis, Nonis Maji eodem concessit; specie quidem, ut bello Lotharium Ducem aggrediretur, quem res novas ad vindicandam sororis injuriam moliri obtendebat; re tamen apparatus non aliud spectabat, quam bellum adversus Ludovicum Crassum, Galliarum Regem. Ab hoc enim cum Rex Angliæ Nortmanniam repeteret, socero suppetias ferre maturabat; at ubi didicit Regem totamque Franciam in armis stare, & Germanorum adventum operiri, dissimulato consilio retro flexit, aggressusque Wormatiam, quod Buggonem Episcopum in sedem receperat, difficili eam obsidione pressam ad gravem multam compulit.

*Ursberg.*

*Andreas  
Abbas in  
visa Ottonem.  
apud Su-  
rum.  
Caus. rom.  
2. antiq.  
Lib. 7.  
Pomerania  
per D. Ot-  
tonem ad  
fidem Chri-  
stianam  
adducitur*

Celebris hic annus Pomeraniæ ad Christi fidem accessione. Gentem hanc jam ante bellis subegerat Boleslaus Poloniæ Dux, religione non minus, quam fortitudine bellica egregius; eaque lege admiserat ad pacis fœdera, ut Christi religionem libere pateretur doceri. At cum non invenirentur, qui barbaram gentem adire vellent, expetitur per literas a Duce Otto Bambergensis Episcopus, quod jam ante in Patris aula Sacerdotem egerat, & per id tempus nemo facile per Germaniam Episcopus fervore propagandæ religionis & Apostolico spiritu præstantior inclaruerat. Nam & multis legationibus functus erat, & quindecim Monasteria suis prope sumptibus diversis Germaniæ in locis crexerat. Vir ob

rerum humanarum contemptionem Principibus gratus, ac Cæsari etiam formidabilis. Is lætus se a Poloniæ Duce invitari ad Apostolicum munus, primum ab Honorio, seu ut verius scribit Baronius, a Callisto Pontifice petiit facultatem docendi barbaras Pomeraniæ gentes. Qua impetrata, per Bohemiam ad ipsum Poloniæ Ducem se contulit; a quo benigne exceptus, instructusque ritualium libris, omni-que sacra suppellectile, cum adjunctis Sacerdotibus & Clericis, Pomeraniam ingreditur: primoque accessu intra vices dies in Pirissa civitate septem milia hominum ad fontem baptismatis adduxit. Inde Caminam profectus intra quadraginta dies longe etiam majorem Evangelii fructum fecit; tantaque se obtulit multitudo ad baptismum, ut iis abluendis manus & vires fatigarentur. His tam prospere succedentibus Julinam, Stetinam aliasque urbes docendo, sacrificando, fana Idolaque subvertendo peragravit; & quæ Apostolicorum virorum experimenta esse solent, multis etiam plagis, contumeliis, & injuriis non sine præsentis vitæ periculo tractatus est; donec auxilio & auctoritate Ducis libera & firma Christianæ religionis sedes in Pomerania figeretur, atque Otto primam Christianæ Ecclesiæ formam introduceret, qui ob id Pomeranorum Apostolus est appellatus: quemadmodum res ab eo præclare sancteque gestas Andreas Bambergensis Abbas quatuor libris conscripsit.

Sub finem quoque hujus anni fe-  
bri extinctus Callistus Pontifex præ-  
clare de Saxonia Germaniæque meritis,  
subrogato Lamberto Cardinale & E-  
piscopo Ostiensi, quem Callistus, ut  
diximus, in Germaniam Legatum mi-  
serat, dictusque Honorius eo nomine  
secundus. Quo cognito, Nortbertus  
iter Romam instituit, ab eoque Ponti-  
fice facile Ordinis confirmationem al-  
tero abhinc anno impetravit, qui in-  
time

*Obit Calli-  
stus Pont.  
Succedit  
Lambertus  
Episcopus  
Ostiensis,  
Honorius  
II dictus.*

tunc Nortbertum sibi familiarem ex publica sanctitatis fama commendatum habebat. Eo in itinere divinitus cognovit se Magdenburgensem Archiepiscopum a Deo destinari. Auxit no-

vo miraculo Deus viri famam. Nam dum ex reditu Herbipoli sacrificium publice celebrat, cæca mulier post celebrata mysteria oris ejus afflatu repente oculorum lumen recepit,

## Annus Christi 1125.

Honorii II. Pont. 1. Henrici V. Reg. ultimus.

Lotharii II Reg. 1. Henrici II Ep. Pad. 35.

Subinde Imperator fatalem extremumque vitæ annum ingressus est, qui & multis mortalibus confatalis fuit. Quippe post varia ostenta, passim per Germaniam edita, tertia fere pars hominum absumpta, alique fame, alii pestifera lue, alii aliis malis interire. Imperator postquam Leodii Pascha celebravit, Aquisgrani dracunculi morbo, qui a primis annis illi adhæserat, vehementius excruciat, post aliquot dies Neomagum, mox Traiectum ad Pentecosten celebrandam transiit. Paucis post diebus aggravata invaletudine, imperium cum vita posuit, nulla virili stirpe relicta. Ingentem quidem auri argentique vim congefserat, tanquam majora patraturus; sed nec pacis, nec bello, neque rebus pro Ecclesia gestis clarus fuit, qui, pravo patris exemplo, scædo schismate ad extremos vitæ annos laceravit Ecclesiam, hoc uno laudabilis, quod turbulenti impiique regni suum quæsierit honestum & pium. Nam ad extremum deductus, vocata Mathilde conjuge, & proceribus, de statu Reip. disposuit, insigniaque Imperii in arcem Hammersteinianam custodienda misit, dum ordines in delectum a se Regem convenirent. Subinde sollicitus de anima, Eucharistiæ Sacramento refectus, X Calend. Junii excessit. Corpus more regio curatum, & ut jusserrat, Spiram ad majorum sepulchra delatum, qui hoc versu notati singulis conspiciuntur.

*Filius hic, Pater hic, Avus hic, Proavus jacet istic.*

Abrupta cum hoc Cæsare Salicorum seu Wormatiensium Ducum stirps, postquam centum annos imperium gesserat. Quam boni proavus & avus, Conradus & Henricus III; tam pravi pater & filius, quartus videlicet & quintus eo nomine Henrici Cæsares. Adeo fortuitum nasci bonos Principes: electio optimum quemque extra hære-

ditaria jura invenit. Longe illustrior Saxonum gens in suis Regibus, & Cæsaribus, Henrico Aucupe, Ottonibus Magnis, & Henrico Imperatore, quibus nunc accedit Lotharius, Imperatorum religiosissimus.

Quippe post excessum Henrici Imperatoris, Episcopi ceterique Imperii Principes convenere Moguntia ad Comiticia regni. Multi istic candidati, Fridericus cum primis Sueviæ, & Conradus Franconiæ Duces, penes quos insignia Imperii erant; & quod Henrici Cæsaris consobrini essent, rati sunt jure hæreditario sibi deberi sceptrum. Præter hos Leopoldus Austræ Marchio, & Carolus Flandriæ Comes oblatus. At Principes Germaniæ, studio cum primis Alberti Moguntini Archiepiscopi, & Legatorum Pontificis, qui aderant, Romani, mense Augusto una omnium consensione elegere Lotharium Ducem Saxonie, virum, ut inquit Robertus, sapientem, industrium, Ecclesiastici juris amantem, præpotentem divitiis, & multis victoriis clarum. Nec dum facile repertus, aliorum etiam Scriptorum judicio, qui pietate, religione, & fortitudine bellica Lotharium anteierit. Quare mense Septembri a Legatis Pontificis, Moguntino & Colonienſi Archiepiscopis, octo Episcopis, multisque Abbatibus, & Principibus deductus Aquisgranum, Idibus Septembris a Friderico Colonienſi Archiepiscopo solemniter ritu ac pompa Rex inungitur, acclamante Clero ac populo.

Subtraxere sese inaugurationi Sueviæ & Franconiæ proceres cum suis Ducibus, quod sibimet præ Saxonibus imperium desponderant. Quare, ut ceteris Imperatoribus evenit cum Sueviæ Ducibus regni æmulis, primo per civilia aliquot bella oblectandum fuit; & hoc ipsos, quod Otho Frisingensis notat, variis postea malis, justo Dei

Q q q 2

judi-

Cui electione Principum Germaniæ, succedit Lotharius Dux Saxonie. Otto Frising lib. 7 c. 17. Ursberg. Dodechin. Robert. de monte. Chron. Hild.

judicio; afflixit: ut quæ stirps tot calamitatibus affecerat Ecclesiam, lueret progenitorum delicta. Nec tamen impeditum, quin Conradus Sueviæ Dux post Lotharium subrogatus sit Imperator, & Friderico Duce genitus Ænobardus ad imperium quoque pervenerit, pari, quo hi progenitores, odio Romano Pontifici infestus.

Auspicata  
Imperii Lo-  
tharii initia

Lotharius, mox ut inauguratus fuit, Ratisbonam se contulit ad conventum Principum, quem indixerat, regnum exorsus a justitiæ legibus for-

mandis. Interque cetera decerni voluit, proscriptorum bona utrumne in fiscum regium, an ærarium cujuscunque provinciæ redigenda essent; probavitque sententiam Principum, *quæ cujusque regionum ærario potius cederent, quam Regis proprietati*, ut Dodechinus retulit, interea Legatos misit Romam, ut quod Principes de se statuerant electione in Regem, id Pontifex ratum esse vellet. Adeo etiam a veneratione Pontificis, ejusque auctoritate regni exordia capeßenda censuit.

## Annus Christi 1126.

Honorii II. Pont. 2. Lotharii II. Reg. 2.

Henrici II. Ep. Pad. 37.

Dodechin.  
Robert. de  
monte.  
Ursberg.  
Chron. Hild.  
Chron.  
Mont.  
Sereni.  
Dobravicius  
lib. II. Hys-  
tor. Bohem.  
Alb. Stad.  
Meibomius  
Lotharius  
in Bohem-  
ia movet  
& infauste  
cum iis  
confligit.

Proximum deinde annum, qui Lothario regni secundus erat, bello Bohemico auspicatus est; celebratis enim Argentiniæ Christi Natalitiis, in Saxoniam rediit; magnoque popularium studio & lætitia exceptus, media hyeme in Bohemiam movit adversus Sobeslaum eorum Ducem, quem Bohemi post obitum Uladislai citra Regis voluntatem Ducem sibi imposuerant: consiliumque erat Othonem Moraviæ Ducem submoto Sobeslao introducere, quod is inique se inclusum quereretur, & magnis se promissis militum aurique offerret Lothario. Quare raptis ex Saxonia, ac non nisi trium millium copiis, adversus hostem xx millibus instructum mense Februario processit, audacia supra vires sumpta. Submisit ad hanc expeditionem Hildesimensis ceterique Episcopi suos milites. Præmissi trecenti milites, qui sylvarum angusta quibus Saxonia & Bohemia dirimitur, occuparent; cum ex abdito nemorum recessu Sobeslaus improvisus prorumpit. Saxones ex insidiis circumventi, impeditique altis nivibus, & sylvarum angustiis, quo minus justa pugna congregi liceret, post acrem primi agminis conflictum in fugam vertuntur. Harlungus Adolphi Schawenburgenfis & Holfatiæ Ducis filius, Arnoldus Merseburgenfis Episcopus, multique nobiles desiderati. Captus Albertus Marchio Brandeburgenfis, cognomento Ursus. Nec levis hostium jactura fuit, uti hæc præter Chronicon Montis Sereni, & Hildesienfem memorant alii. Passim hanc cla-

dem xviii Februarii acceptam exaggerant Scriptores ad probum Lotharii, cum tamen Robertus de monte non ultra quinquaginta milites occubuisse scribat. At Sobeslaus, etsi victor, veritus tamen, ne Lotharius hanc cladem totis Imperii viribus ulcisceretur, per Henricum Saxonie Marchionem ex sorore nepotem ea lege pacem impetrat, ut ad pedes Regis prostratus clientis sacramentum diceret.

Lotharius ut a clade reficeret vires, in Saxoniam rediit, celebratisque Magdenburgi festis Paschalibus, Spiram contendit cum proceribus Saxonie, ad comitia Principum. Quæ in iis sancita sunt, etsi Scriptorum incuria desideremus; haud tamen dubium est, quin in iis actum sit de tranquillitate Imperii, quam Fridericus & Conradus Sueviæ Duces, regni potentes æmuli, conturbabant. Accessit ad hæc quoque comitia D. Nortbertus privatus ob causas, cum Magdenburgensium Legati advenirent, petendum dari sibi Archiepiscopum, qui in locum demortui Rutgeri subrogaretur. Aderant cum Lothario Rege Legati Pontificis, multique Episcopi ac Principes. Ac in consultationem accepta, tres oblatis Legatis, e quibus quem vellent, deligerent; cum ecce hæsitantibus illis, accedit Adalbero primicerius Metensis, post Trevirensis Archiepiscopus, & Nortbertum digito ostendit; quem illi nihil opinantem reluctantemque vi arripiunt, ac Regi offerunt. Gratum id erat Regi, Legato Pontifi-

Vita S. Nortberti apud Suringium.  
D. Nortbertus fit Archiep. Magdenburg.



Pontificis, ceterisque Episcopis. Quapropter Magdenburgum abductus Nortbertus 20 Calend. Augusti, nudis pedibus, Archiepiscopi palatium vili amictus pallio ingreditur, atque ipso D. Jacobi festo die ab Udone Citicensi solemniter consecratur.

Felix Saxonia tam sancto præsule & doctore, a quo tum Belgium, Gallia, & Germania Apostolicæ vitæ exemplo, cœlesti doctrina, & miraculis illustrata erat. Nec aliud ille lumen fructumque in Saxoniam intulit, Cleri populique mores ad avitæ religionis formam redigendo, ut multis exponit auctor rerum ab eo gestarum.

Celebres per hæc tempora Scholæ Paderbornenses sub Henrico Episcopo nostro; ex quibus Vicelinum alium Apostolicum virum, & ab ipso D. Nortberto consecratum, Sacerdotesque producimus. Natus Vicelinus honestis parentibus Quernhamaliæ ad Visurgim in Mindensi diœcesi. Prima literarum rudimenta edoctus a Canonicis ejus loci, cum jam matura ætate esset, cumque in castello Eversteinianorum Comitum aleretur impensis Dominæ, rogareturque a Sacerdote arcis, quos in scholis libros prælegi didicisset, Statii, inquit, Achilleides libros; quærente autem Sacerdote, quod librorum istorum argumentum esset, respondit ignorare se; id cum omnium risu exceptum esset, pudor juveni stimulos addidit, ut Paderbornam se conferret, quod ibi studia literarum præ ceteris locis, cum primis nobili Magistro Harthmanno, florere audiret. Et ille juvenis indole ingenioque captus ita intra paucos annos in eodem secum contubernio excoluit, ut in docenda regendaque juventute adiutorem sibisumeret; nam præter studia, quæ dies ac noctes diligentissime cum periculo valetudinis procul ab omni vanitatis consortio tractabat, deditus cum primis erat pietati ac precibus, interque Divos Nicolaum impense colebat; cumque ad ejus cultum festumque diem socios invitaret, auditæ sunt aliquando Angelorum vocello. D. Brigittæ alternis vicibus decantantium. His aliisque sanctimoniarum indicibus Paderbornæ cognitus Vicelinus; qui deinde ob doctrinæ famam

Bremam evocatus ad Scholarum præfecturam; ubi cum juventutem solutioris vitæ nactus esset, prima illi cura fuit ad Christianæ disciplinæ vigorem adstringere, quod pietatem ante literas a Christiano exigi diceret.

Qua severitate licet multos offenderet, gratus tamen erat Friderico Archiepiscopo, ac primariis in Collegio viris; quod Gymnasium eo moderatore discipulorum numero, pietatis cultura ad formam Paderbornensium Scholarum efflorescere conspicerent. Eo in munere dum Bremæ versatur Vicelinus, captus prisca pietate, quam Paderbornæ hauserat, petiit ab Hamukone Abbate Abdinghoviano admitti in congregationem, quæ fraternitatis nomine tum celebris erat Paderbornæ apud Abdinghovianos, in quam & receptus est. Tam id grato animo accepit Vicelinus, ut ex consensu Friderici Archiepiscopi sui dono transmiserit Abdinghovianis reliquias D. Willehadi, Anscharii, & Remberti, unaque librum, quo Divorum istorum res gestæ conscriptæ erant. At Vicefino longe altior mens injecta a Deo ad Apostolicum munus, quam ut intra scholasticos parietes se contineret; quam in rem cum Dithmaro discipulo in Franciam profectus est ad altiora sacrarum literarum studia comprehendenda. At postquam triennio Rudolphum & Anshelmum summos per id tempus Theologos audisset, Bremam cum Dithmaro redit; recusataque Canonici dignitate in cathedra & Collegio, Magdenburgum se ad Nortbertum Archiepiscopum contulit fama sanctitatis celebrem, ab eoque confirmatus in Apostolicæ vitæ proposito Sacerdos consecratur. Inde Bremam regressus est ad Adalberonem Archiepiscopum, qui jam anno Mccxiii Friderico successerat. Ejus consilio Vicelinus cum Rudolpho Hildesimensi & Ludolpho Verdensi Canonicis ad Henricum Sclavorum Principem christianum mittitur, quod is jam domitis barbaris operarios in horrida illa vinea expetere cognitus esset. Horum Sacerdotum adventu Principi nihil gratius accidere potuit, a quo Lubecæ excepti, & Ecclesia ea in urbe donati sunt ad excolendos populos. At cum haud multo post morte Henrici Principis omnia turbarentur,

ab

Helmold.  
lib. 1. c. 42.  
43. 44. 45.  
Alb. Stad.  
ad ann.  
Christi 1133.  
Grantz. lib.  
6. Metrop.  
c. 14. & lib.  
5. Sax. c. 29.  
H. m. Leeb.  
beck in Chr.  
Henricus de  
Hervordia  
Hiflor. Ars.  
chiep. Bros.  
monf. in As.  
dalberone.  
Chron.  
Sclavor. c.  
16 & seq.  
Vicelinus in  
scholis Pa-  
derborn.  
instructi  
vita & res  
gestæ.

ab Adalberone Archiepiscopo Falderæ ad confinia Sclavorum collocatus est. Ibi peragrando regiones, docendo per vicos & Oppida, brevi totam viciniam ad Christi fidem & baptismatis Sacramenta adduxit. Ad hanc famam Vicelini & prosperos labores accessere Ludolphus, Eppo, Luthmundus, Volckardus, alique complures e Clero Sacerdotes, ultro se in Apostolici muneris partem offerendo. Per quos viros ostium Evangelii, quod supra 80 annos clausum fuerat, Sclavis aut ad Idololatriam relapsis, aut armis prævalentibus, late per Sclaviam rursus apertum est: aggregatique innumeri Barbarorum ad Ecclesiam Christi;

quorum rector ductorque Vicelinus, inter hæc multis laboribus multisque periculis perfunctus cum sociis, multis Barbarorum injuriis vexatus, sæpius loco pulsus, & ad mortem quasi-tus, demum post 30 annorum labores Aldenburgeris Ecclesiæ Episcopus creatus; quo in munere post quinquennium anno Christi 1154 sanctissime excessit, vivus & post obitum miraculis clarus; quemadmodum res ab eo gestas accurate profecutus est Hel-moldus presbyter, alique Scriptores. Uti vero per Lotharium Imperatorem, cui peracceptus fuit Vicelinus, christiana religio per Sclaviam restituta fuerit, tempori memorandum erit.

## Annus Christi 1127.

Honorii II. Pont. 3. Lotharii II. Reg. 3.  
Henrici II Ep. Pad. 38. & ultimus.

*Dodechin.  
Chron. Hild.  
Annal.  
Suevia.  
Chron. mon.  
sis Saroni.  
Lotharius  
Nurenber-  
gam obli-  
det.*

Adhuc dum Lotharius bellis intestine involutus, anno sequenti, post celebrata Coloniae Natalitia Christi, Nurembergam obsidione incinxit; quod urbs illa Friderico & Conrado, Sueviæ Ducibus, regnique æmulis, fidem jurasset. Tracta est ad bimestre hæc obsidio opere casso. Quippe cognito civium periculo, Sueviæ Duces cum exercitu in subsidium venere: nec ausus est Lotharius pugnam aleæ committere, fidem nimirum fallente Bohemo; qui cum copiis suis promiserat se Lothario accessurum. Quare Her-bipolim regressus est insequentibus Suevis; ubi sub ipsis mœnibus cum regio milite concursum ad modum singularis certaminis; ex quo militares illas equestrium congressiones, quas posteri Torneamenta dixere, originem traxisse volunt.

*Filiam su-  
am Gertru-  
dem Mers-  
seburgi in  
matrimo-  
nium dat  
Henrico  
Duci Bava-  
riæ.*

Paschatis festum Rex Goslariæ, & Pentecostes Merseburgi peregit: ubi festo Pentecostes Lotharius, quod ad hunc annum retulit Dodechinus, unicam quam habebat filiam Gertrudem Henrico Bojariæ Duci in matrimonium dedit; obtulitque in dotem Ducatum Saxoniam, & amplissimas, quas habebat opes ac possessiones in Saxonia & Westphalia, quarum magna pars, ut supra retulimus, dote quoque Richesæ conjugis ad eum pervenerat. Erat Henricus Welfi postremi ejus nominis frater, cognomento Carulus, quod

patria lingua Welfum quoque notat, ab aliis etiam superbus appellatus, pater Henrici Leonis celeberrimi ac potentissimi per Germaniam Ducis, ex quo utrumque Ducatum Bojariæ & Saxoniam in hac patris hæreditate adiit; licet indigne post tulerint alii Imperatores ac Principes quidam, utrumque Ducatum præter receptum Imperii morem in uno Principe conjungi. Nuptiæ magna Principum frequentia magna-que celebritate inter Fridbergam & Meungum in campo genialibus epulis peractæ sunt.

Annus hic confatalis fuit multis Germaniæ Episcopis; morte enim sub-tracti Udalricus Constantiensis, Ebhardus Argentinensis, Peroldebertus, seu Petrapontius Leodiensis, Godescalcus Trajectensis, Theodoricus Monasteriensis Episcopus; sicut hos ordine recenset Dodechinus; quanquam Leodiensium annales sui Episcopi mortem ad annum 1129 rejiciunt.

*Plures hoc  
anno Epi-  
scopi des-  
functi.*

Ac Theodoricus quidem Monasteriensis Episcopus, Comes Winceburgicus ac Lotharii consanguineus, de quo & supra relatum est; vir a pietate, modestia, & mansuetudine magnopere commendatus in fastis Monasteriensium. Quæ omnia mirifice exornavit constantia ejus adversus Schismaticos; quippe qui multorum annorum ærumnis & injuriis exagitatus a Bur-chardo,

*Theodoricus  
Ep. Monast-  
laus.*

chardo, exclususque ab Episcopatu ferventissime Catholicorum partes est tuitus. Ac licet ex hoc dissidio æmuli urbs expugnata exustaque conflagrarit; has tamen ruinas ita ex patrimonio, piorum oblationibus, & bonis Ecclesiæ suæ brevi in integrum restituit; ut, quod Crantzius scribit, vix ullum Ecclesia detrimentum senserit. Primus deinde fuit, qui Præmonstratensium ordinem magno religionis bono in diocesin introduxit.

Crantzius, Tympius, Kerfenbrochius, Bochorstius, aliique Monasteriensium Scriptores Theodorico subrogant Burchardum, a quo urbem templis & ædificiis reparatam volunt; sed magnopere hos falli dixeris, quod Burchardus jam dudum in legatione Constantinopolitana mortuus asseratur ab Ursbergensi. Successor ejus Egbertus 20 Episcopus ex Decano Coloniensis Ecclesiæ delectus, qui Valariensem fundationem anno mox MCXXXIX publicis; quas Bollandus recitat, tabulis confirmavit.

Accedit ad hunc numerum, quos mors hoc anno subtraxit, Henricus Episcopus Paderbornensis, pridie Idus Octob. defunctus. Diem hujus mortis consignat Necrologia, Heriense, Abdinghovianum, & Buxtorfianum: annum scriptor Chronici Hildefimensis, Gobelinus, Crantzius, & Trithemius; isque trigessimus octavus est, post aditam possessionem ab Episcopatu. Perhibet quidem Gobelinus Henricum per XLIV annos administrasse Paderbornensem Ecclesiam; sed is a primo schismatis anno & ab ipsa consecratione eos numerat, quibus subtrahendi sunt anni Henrici de Aslo Orthodoxi Episcopi, quem annos quinque ante hunc Ecclesiam Paderbornensem ab obitu Popponis gubernasse diximus. Ac licet Henricus hic Werlensis principio schismati adhæserit; haud multo post tamen ad Catholicorum partes transit, animo inter omnes ærumnas & procellas constanti. Nec satis habuit per Legatum Pontificis reconciliari, nisi & ipse Romam adiret, ultroque se Pontifici ad omnia obsequentem offerret, erroremque schismatis deinde multis lar-

gitionibus in pauperes, & religiosos viros, cumprimis Abdinghovianos Monachos expiaret. Vir indole humanus, modestus, pius, qui cum Clericis chorum magis, quam Regis aulam amavit; eoque & Cleri disciplina adhuc intra claustrum vixit, & Scholæ juventutis florere, & diocesis, bono religionis cultu ac tranquillitatis statu, conservata est. Cetera rerum ab eo gestarum vetustas subtrahit, quæ & locum sepulchri posteris abscondidit.

At memorabili cumprimis excessu illustravit hunc annum D. Godefridus Cappenbergensis, quem Idibus Januarii Deus ad immortalem vitam evocavit, primum, ex quo a D. Nortberto Præmonstratensium familiæ adscriptus, Cappenbergensium Canonorum Præpositus. Is postquam sub exitum anni 1125 cum Ottone fratre Præmonstratum abiisset, sacrisque istic ordinibus initiatus esset; altero post anno, quo 18. Julii Nortbertum Archiepiscopum introductum diximus, Magdenburgum quoque a D. Nortberto evocatus. Paruit sanctissimi magistri sui postulato; sed brevi aulæ splendorem ac strepitum pertæsus, petiit remitti Cappenbergam ad quietioris vitæ institutum. Accepto redeundi potestate, in itinere, quo Ilmstadium descebat ad Cœnobium a se in Weteravia conditum coepit lento morbo confici; ubi cum mira quadam dulcedine & desiderio cœlestis vitæ animum perfundi sentiret, convocatis fratribus petiit sibi ignosci, si quem unquam e suis offendisset. Post omnibus sacris rite provisus placidissima morte innocentis vitæ animam cœlo transmissit. Nec cœlestia signa defuere sanctitatem viri testantia; quippe sub idem tempus nivei splendoris corona ornatus, multaque luce circumfusus, obtulit se Gerbergæ, sanctimonialium Virginum in Transaquensi Collegio apud Monasterienses Abbatisiæ, quæ Ottonis patrui filia erat, ac vivo etiam Godefrido vitæ mutationem prædixerat. Inde Ilmstadii in medio choro sepultus, tumulo supra terram erecto, hodiedum aspicitur; quanquam magna pars sacrorum ossium multis illustrata miraculis

Sancti Godefridi Cappenbergensis mors, cœlestibus etiam signis condecorata.

Cap-

Plures per  
hoc tempus  
Comites &  
Nobiles  
Godefridi  
exemplum  
secuti, reli-  
gioſæ vitæ  
ſe manci-  
pant.

Cappenbergam poſt translata, gemino nunc maſoleo honoretur. Vaſtatum a Barbaris ac poſtremo a Suecis ſepulchrum, tamen ab omni hoſtili manu, ut mihi coram aliquando intueri licuit, intactum. Godefridus, quamvis ſolemni apotheoſi, quod Moguntinus Archiepiſcopus ſollicitarat aliquando; non ſit in Divorum numerum relatus, Faſti interim & Scriptores cum Baronis & Serrario Sancti appellatione exornant; multisque etiam in locis, cumprimisque in Hiſpania, a ſui ordinis cœtibus feſtus ejus dies ſolemni ritu eſt habitus. Mirum quot illuſtrium per Weſtphaliæ familia- rum Comites ac nobiles ex utroque ſexu mox ad Godefridi exemplum per contemtionem rerum humanarum ſe ſuæque bona Deo conſecrarint; quos

inter poſt Ottonem fratrem, & Juditham conjugem, Beatrix Godefridi ſoror, Adelheidis Oldenburgenſis Comitſ filia ac Godefridi conſanguinea, Henricus Arenſbergæ Comes, Hermannus Comes de Are, materque ejus Hildagundis, & ſoror Hedwigis, Ludowicus Arnſteinius Comes, unaque Cuda conjux. Longum ceteros eodem religionis ſpiritu per id tempus afflatoſ referre. Juditha Godefridi conjux primum ad pedem Cappenbergenſis montis, conſtructo Virginum domicilio, cum Beatrice Godefridi ſore, Adelheide Oldenburgica, aliisque Virginibus incluſa vixit, ſub moderatice Hedwige ſanctiſſima Virgine, multisque ut fertur, cœleſtibus prodigiis illuſtrata.





# ANNALIUM PADERBORNENSIIUM

LIBER VIII.

## BERNARDUS I.

E FAMILIA DYNASTARUM

DE OSEDE

### XVI.

EPISCOP. PADERBORN.

Annus Christi 1128.

Honorii II. Pont. 4. Lotharii II Reg. 4.

Bernardi I Ep. Pad. 1.



*Dodechinus  
Gobelinus,  
Bruschius.  
Auctor vita  
e Monachis  
Hardehusa-  
nis.  
Bernardus  
e nobili  
familia*

**A**b excessu Henrici Antisti-  
tis libera cleri electione  
subrogatus est Bernar-  
dus, eo nomine pri-  
mus hujus Ecclesiæ Episcopus. Ortus  
is erat ex illustri Dynastarum in Osse-  
di familia, quæ Osnabrugum inter &  
Iburgum claram prisce nobilitatis se-  
dem habebat. Hanc ipsam Ludol-  
phus de Osede haud multo post, anno  
videlicet 1174, cum liberos non susce-

pisset convertit in Monasterium virgi-  
num, quale hodieum aspicitur, coli-  
turque: in quod tum a Philippo Osnab-  
rugensi Episcopo introductæ sunt  
Virgines. Fallitur proinde Bruschius,  
aliique, qui Bernardum e familia no-  
bilibium de Disede deducunt; cum Au-  
ctor vitæ ejus e Monachis Hardehusa-  
nis ex familia nobilium de Osede ortum  
scribat. Igitur Bernardus vir, qui,  
præter familiæ splendorem, omnia  
virtu-

*de Osede  
eligitur a  
Clero Ep.  
Paderb.*

virtutum ornamenta ad Episcopi munus attulit; quippe a primis annis traductus ad scholas, & cooptatus in clerum Paderbornensem, multos jam annos sese doctrina, pietate, fervore religionis, vitæque integritate commendarat. Hinc postquam ex aula & manu Imperatoris electio Episcopi ad clerum est traducta, virum hunc in Collegio probatum ac dignissimum elegerunt Canonici, ostenderuntque, optimum quemque sinceris suffragationibus inveniri. Quod res ab eo laudabiliter per xxxii annos pro Ecclesia sua gestæ docebunt, quarum hoc ipso anno primo Episcopatus sui præclarum initium dedit.

Cum Widekindo Comite Swalenbergensi fundat & dōrat Cœnobium Marienmünster.

Nam cum per id tempus Widekindus Comes Swalenbergensis, Bernardi Episcopi consanguineus, & conjux ejus Luthrudis, ex hæreditariis bonis & hæredum consensu cœpissent condere Monasterium ordinis D. Benedicti, sub patrocinio S. Mariæ, quod inde patrio vocabulo Marienmünster appellatum est; Bernardus Episcopus, qui ejus sacri operis hortator semper fuerat apud consanguineum Comitem, idem etiam in partem foundationis pari liberalitatis dono venit, itaque decimis, aliisque bonorum largitionibus auxit, alter ut Monasterii conditor sit cultus: quod ut foundationis tabulæ, ita religiosi ejus loci viri ex diversis donationum literis profitentur. Sed nunc ipsas foundationis tabulas, quæ insignem Bernardi Episcopi religionem pietatemque spirant, & hæc ipsa planius exponunt, hic proferamus.

*In nomine sanctæ & individue Trinitatis, Bernardus divina favente clementia paderbornensis Episcopus. Quoniam ex divina misericordia temporalibus bonis fide recta, & pia spe, & sancta charitate Deo oblata æterna bona comparantur; noverit tam futurorum quam præsentium fidelium Christi universitas, qualiter Comes Widekindus, vir nobilis & catholicus, nobis propinqua consanguinitate conjunctus, & uxor ejus Luthrudis nobilis femina Deo devota, tam necessaria exhortatione ipsorum salutem desiderante, quam spontanea ipsorum voluntate ad cælestem patriam suspirantes cum consensu hæ-*

*redum suorum ceperunt in propria sua hæreditate fundare Ecclesiam in honorem Dei ac sanctæ genitricis ipsius Mariæ Virginis, insuper & claustrum, officinas quoque, & omnia claustralia spiritualibus viris, & monasticæ vitæ ac conversationis aptissima: Et quia piis semper adiutor est Deus, honeste incepta perfectâ constructione consummarunt, collectisque in ea consilio Ecclesiæ nostræ Christi pauperibus monasticæ vitæ personis, quos non solum summæ perfectionis fama Deo & hominibus, sed & ipsa religionis res & opera commendant: Abbatiam in eodem Cœnobio liberam, & ab omni secularis obsequii jure absolutam auxiliante Deo instituerunt, imponentes ei vocabulum sanctæ Mariæ Monasterium. Igitur præbendam fratrum ex propria hæreditate disponentes de libera & Deo digna Abbatis electione hoc decretum auctoritate Ecclesiastica firmaverunt: ut si inter rosas hujus novellæ plantationis oliva fructifera excreverit, inter humiles paupertatis martyrio florentes persona idonea reperta fuerit, summa cum libertate assumatur sua obedientia cæteris pater præficiendus. & omnino careat ministerialibus, careat beneficiatis hominibus, nulla propinquorum dilectione ductus res Ecclesiæ dilapidet, nihil nisi hospitalitatis & charitatis causa dispertiat; quod si inutiliter res dissipaverit, anathema sit. Si autem Abbas alius quæri convenerit, ejusdem ordinis pater eligatur: qui si venire contradixerit, consiliis & auxiliis nostræ obtineatur Ecclesiæ. Secundum quem religionis tenorem Dominus Gerardus primus hujus Ecclesiæ Abbas electus & consecratus est. Nos igitur circa Dei cultum studium nostris quoque consiliis & auxiliis promovere cupientes, partemque aliquam in æterna remuneratione habere desiderantes, quia exhortatio nostra usque adeo processerat, hanc eandem pauperum Christi congregationem decrevimus hoc ordine adjuvari; ut si quis fidelium nostrorum sive liberorum hominum, sive ministerialium Ecclesiæ nostræ, tactus spiritus sancti inspiratione & visitatione intrinsecus, sive beneficia, sive hæreditatem pro æterna remuneratione minuire sibi, & sanctæ Mariæ in prædicta Ecclesia conferre voluerit, liberam ex nostra concessione & auctoritate hoc perficiendi*



ficiendi habeat potestatem. Quod ut nullius æmuli molimine retractetur, quin omnibus diligentibus Deum omnia cooperantur in bonum, magis gratum efficiatur, exemploque nostri emolumentum Successores nostri ad similia provocentur, præsertim, quia plurimum decoris Ecclesiæ nostræ inde provenire prævidemus, quædam beneficia nobis libera facta in pago Bredenborne sita cum decima ei adhærente prædictæ Ecclesiæ contulimus cum omnibus pertinentiis sive adhærentiis, videlicet servis & ancillis, areis, ædificiis, terris cultis & incultis, viis & inviiis, exitibus & redditibus, quæsitis & inquirendis, silvis, pratis, pascuis, aquis, piscationibus, molendinis, & omnibus rebus mobilibus & immobilibus, ac cæteris, quæ & quoquo modo nominari possunt utilitatibus, & hac nostræ auctoritatis Episcopalis pagina communi consilio, & unanimi totius Ecclesiæ nostræ consensu, pro salute nostra & omnium Fratrum nostrorum Canonikorum & Antecessorum, Successorumque nostrorum æterna beatitudine propriavimus. Insuper carratam vini ad sacrificium Domini singulis annis largiti sumus, ita ut quicumque in eadem Ecclesia fuerit Abbas canonice electus, liberam habeat potestatem tenendi, possidendi, & ad honorem Dei & sanctæ Ecclesiæ, sicut placuerit disponendi. Pro hujus benevolentiae gratia & simili per Successores nostros Episcopos, adjuvante Deo, eidem Ecclesiæ imposterum exhibenda nostræ petitionis interventu a prædicto Comite Widekindo, quod multi etiam Episcopi & Abbates petebant, obtinuimus, ut videlicet eadem Abbatia, sicut dictum est, libera, & ab omni secularis obsequii aliena, Ecclesiæ nostræ fraterna charitate devincta in spiritualibus negotiis sit subiecta. Abbas obedientiam Paderbornensi Episcopo faciat. Consecrationem suam & Fratrum suorum ad sacros ordines promovendorum ab Ecclesia nostra expectet: ad synodum, & alios spirituales conventus invitante Episcopo familiariter veniat, & per impensam Episcopi ei familiariter exhibitam cum decore procedens conventui deserviat. Iudicia approbata una cum Ecclesia nostra admittat, reprobanda contemnat; denique consolationes & consilia in suis causis inveniat. Postremo omnia spiri-

tualia tam ipse, quam Fratres ipsius tanquam filii piæ matris ubera sugentes petant & accipiant; ut & nos orationum & eleemosynarum ipsorum, & ipsi nostrarum in Christo jugiter sint participes. Ad hunc Fraternitatis in Christo amorem confirmandum statuimus, ut si quando visitationis seu exhortationis gratia ad locum advenit Episcopus, portio præbendæ, quæ uni ex Eratribus provenire poterit, ei proponatur, ut ex hac devotione in Domino gaudens Episcopus de sua abundantia inspirante Deo Fratrum si quando possit, vel quomodo possit, supplere cogitet inopiam. De electione autem advocati, qui in rebus Ecclesiæ quæsitis & quærendis sive defendendis seculari lege sollicitus sit, hoc statuimus: ut si in cognatione Widekindi Comitis idoneam & sibi placentem personam invenerint, ipsam eligant in Advocatum, donantes ei beneficium, honorem videlicet, quo major esse non potest, fraternitatem suam in Christo, & orationes, & si digne administraverit officium suum, æternam remunerationem. Si vero rapax & negligens exstiterit, sine dilatione amotus careat & officio in honore concesso, aliumque sibi Ecclesia ubi voluerit, & quem voluerit provideat, qui petitione & patrocinio Paderbornensis Episcopi regali bono investatur, & secundum justitiæ tenorem utilitati fratrum defensionis vires non subtrahat, & æternam remunerationem, qua nihil est felicius, accipiat. Et ut hæc traditio, & Widekindi Comitis, & hæredum suorum rata atque inconvulsa permaneat in perpetuum, hanc auctoritatis nostræ paginam inde conscribi, manique nostra propria confirmantes sigilli nostri impressione jussimus insigniri. Hujus autem rei facti interfuit Simardus Mindensis Episcopus, Sichardus Ofsenburgenfis Episcopus, & Dominus Erckenbertus Corbeiensis Abbas, Hammuco Paderbornensis Abbas, Gerardus primus Abbas hujus loci, Wino præpositus, Esic præpositus: Widekindus Comes, Bernardus, Hermannus, & alii quamplures. Actum anno Incarnationis Dominicæ MCXXVIII. XVIII. Calendas Septembris.

In hoc Episcoporum & Comitum congressu introductus primus Abbas Gerhardus, Monasteriumque, illud, R r r 2 quod

*Chron. mon-  
sis sereni.  
Obitus Er-  
ckenberti,  
in signis Cor-  
beiens. Ab-  
batis.*

quod adhuc flore religionis, ac magno Episcopatus ornamento bonoque conspicitur, Deo ac B. Virgini consecratum est. Quantum vero ex præsentia Erckenberti Corbeiensis, & Hamuconis Abdinghoviani Abbatum æstimare fas erit, Monasterium hoc utriusque aut alterius Colonia apparet. Sed nec multum ab hoc congressu Episcoporum superstes Erckenbertus (quem Abbas factorum montis sereni scriptor hoc ipso anno obiisse tradit) Præsul magnæ auctoritatis apud Reges & Principes, qui & Cœnobium religiosa disciplina florentissimum habuit, & quod superum largitione consequi solet, multis possessionibus auxit: quas inter Castrum Itere cum omnibus prædiis amplisque bonis adjecit; fautoremque egregium habuit, sub hæc ipsa initia Episcopatus, Bernardum Episcopum nostrum, a quo pontificali auctoritate omnia hæc secundum legem Angariorum, ut tabulæ habent, Erckenberto Cœnobioque confirmata sunt. Testes adscripti Reinboldus Comes, Conradus Comes de Eberstein, ac Poppo Comes. Successorem nactus est Erckenbertus Volckmarum Abbatem, quem Bernardus Episcopus pari benevolentia amoreque complexus est.

Celebriseo tempore per Marquardum & Erckenbertum, religiosissimos Corbeiensium Abbates, est instituta congregatio Fraternitatis, eaque sub patrocínio D. Viti martyris longe lateque per Saxoniam & Aquilonares provincias diffusa: in quam ex omni hominum ordine certatim quique sua nomina dedere; eo cumprimis fine, ut morientium securitati solatioque post obitum consuleretur; quemadmodum hoc in Corbeiensium monumentis reperio. Leges, in quas conventum, hæc fuere. Admissus solidum unum pendat, & in festo D. Viti Corbeie, aut etiam quocunque alio in loco hæc congregatio instituta fuerit, sacra frequentet. Quidquid libere oblatum fuerit, in pauperes erogetur, qui eo die pascentur. Obitus dies renunciatur, mittanturque III solidi, ex quibus per xxx dies erogatio in pauperes fiat. Sacerdotes ac Monachi tenebuntur ex hoc pro fœdere sacrificium offerre pro defuncti anima, ceteri divinis interesse, & preces pro defuncto persolvere. Demum nomina defunctorum in certas tabulas referentur, ut eorum memoria repetatur.

*Meibomius in Chron. Corbeien. Fraternitas, bono defunctorum, a Corbeiensibus instituta congregatio.*

## Annus Christi 1129.

Honorii II. Pont. 5. Lotharii II. Reg. 5.

Bernardi I. Ep. Pad. 2.

*Ursberg.  
Chron. Hild  
Dodechin.  
Trishem.  
Hisor. Bav.  
Chron. mon-  
sis sereni.  
Brevier. in  
Ann. Trev.  
Ottobrisg.  
lib. 7.  
Conradus  
Dux Suevie  
Imperium  
turbat.*

Valuere hæc maxime per Saxoniam, Lothario Imperatore, quocumque prisca Imperatorum pietas & religio, post turbulenta utriusque Henrici Imperatoris tempora tanquam ex exilio redire visa est; seu ut quidam Saxonum scriptor memorat, *veritas de terra orta, & justitia de cælo prospexit.* Sed bono quoque Regi adhuc cum Friderico & Conrado æmulis luctandum erat. Ausus est interim Conrado Ducatum Franconie, quem Henricus Imperator illi dederat, eripere, & Heribipolensi Episcopo suo reddere. Inde Spiram denuo aggressus est ex prioris anni obsidione; quod Friderico & Conrado hostibus suis hæreret, & post datos obsides fidem violasset. Iam præterea Lotharii accendit, quod Conradus, relicto Friderico fratre ad extrahendum in Germaniam bellum, ipse in Italiam ad turbandas istic res tran-

scenderat, & \* Modochæ sumpta Regni corona, plerasque Lombardie civitates in suam factionem traxisset, novo Imperii turbamento. Qua super re questus Lotharius cum Episcopis & Principibus Imperii, commovit Moguntinum, Trevirenses, & Magdemburgensem Archiepiscopos, ut in Conradum, turbatorem Imperii, anathematis sententiam pronunciarent, Quam in rem Rex sub initium Junii frequentissima Principum comitia Goslarie habuit; quibus & Bernardus Episcopus noster interfuit. Ut vero ceterorum præsentia hætenus nondum patefacta cognoscatur, operæ pretium erit Lotharii tabulas, Friderico Palatino eo in conventu datas, proferre, quas recens Ferdinando Episcopo nostro submisit Joachimus Maderus, vir antiquitatum studiosissimus.

*\* Madoxi.*

In

In nomine sanctæ & individue Trinitatis. Lotharius tertius, divina favente clementia Romanorum Rex. Notum facimus omnibus, quod Fridericus Palatinus de Putelendorf, cum consensu Agnetæ uxoris suæ, & Friderici filii sui, vendidit Gevehardo de Lochtenem hæreditatem suam, videlicet totam eurtam Abbenrod dictam, in pago Hartingo, sitam in Ducatu Ducis Henrici, cum omnibus attinentiis, agris, silvis, pratis, pascuis, aquis aquarumque decursibus, viis, inviis, exitibus & reditibus, adhuc quæsitis, & futuris temporibus inquirendis, cum omni utilitate exinde quovis modo percipienda: hac interposita ratione, ut prædictus Gevehardus in posterum liberam & plenam de bonis istis statuendi, vendendi, commutandi, donandi, vel successoribus suis relinquendi, & quidquid ipsis placuerit, de iis faciendi, habeant facultatem. Postquam igitur præterlapso tempore prædictus Fridericus Palatinus defunctus est, Agnes uxor sua, & Fridericus filius suus in nostra præsentia hanc emtionem & cessionem prædicto Gevehardo recognoverunt, & eam cum consensu Ludovici de Wippere, sub cuius munituburdio erant constituti, confirmarunt. Nos vero, exigente illud iustitia, nostraque benevolentia, propter fidele servitium ejus, & multorum intercessionem fidelium nostrorum, illud auctoritate regia nostra stabilivimus & confirma-

vimus. Ut igitur nemo in posterum & sempiternis temporibus factum illud immutare audeat, siue præsumat convellere, hanc literam conscribi, & sigillo nostro confirmari iussimus. Hujus rei testes sunt Archiepiscopi, Moguntinus Adelbertus, Adelbertus Bremensis, Nortbertus Magdeburgensis, Conradus Saltzburgensis: Episcopi, Bertoldus Hildenesheimensis, Sigewardus Mindensis, Ecbertus Monasteriensis, Bernbardus Paderbornensis, Udo Citicensis, Meingotus Mierseburgensis. De Laicis, Fridericus Palatinus, Comes de Somerischenberg, Hermandt Landgravius, Conradus Marchio, Adelbertus Marchio, Comes Sifridus de Homburg, Udo, Ludewicus, Conradus de Plötzke, Burcardus de Lucca, Burcardus de Werdere, Albertus de Wernigerod, Ludolfus de Valckenstide, Henricus Wiperti, Widekindus de Sualenberg, Burcardus de Cunradesberge, Wernerus de Veltheim, Marquardus de Ordio, Conradus de Eikstede, Gero de Stockhunske, Ekehardus de Wegenleve, Wernerus de Quenstede, Hermannus & Otto Milonis. De ministerialibus & servis Ludolfus de Dalem, Willerus, Odalricus, Ludericus, Volwardus, Theodoricus ambo de Tingelstede, Arnoldus de Anderbik, Theodericus de Hessenem, & Gerhardus, & alii plures, qui hoc audierunt, & viderunt.

Signum Domni Lotharii tertii Dei gratia Romanorum Regis invictissimi.



Ego Thiemarüs Regis Notarius ad vicem Adelberti Archicancellarii recognovi. Datum Id. Junii, anno Incarnationis Dominicæ 1129. Indictione VII. anno II regni Lotharii III Romanorum Regis IV. Actum Goslarie in Dei nomine Amen.

Spira subinde longa obsidione, quæ ab Idibus Julii in hyemem trahebatur, fameque & desperatione subsidii ad extrema malorum deducta, Regis clementiam implorat, & Moguntini Archiepiscopi precibus perduellionis veniam impetrat. Quare Calendis Januarii Rex victor urbem ingressus, cives denuo Sacramentum dicere iussit, & Sigefridum Episcopum recipere. Spirensium exemplo Nurenberga, ceteræque urbes se Lothario Regi submiserunt.

Inter hæc Episcopi libere per Saxoniam collapsæ religionis jura ac disciplinam restaurarant; quod cum Lothario Rege aurea Caroli M. & Ottonum tempora redire visa. Et Bernardus Episcopus noster, postquam, lustrata diœcesi, omnia rite composuisset, vernalem, sub exitum quadragesimæ, synodum cleri pro recepto more habuit; sub quod tempus Hamuconi Abbati, & Cœnobio Abdinghoviano omnia jura & privilegia ac bona Paderbornæ, magno religionis fervore con-

Bernardus Ep. jura & privilegia Abdinghov confirmat.

Spira Lothario se dedidit.

confirmat : quam in rem hic tabulas proferre libuit.

*In nomine sanctæ & individue Trinitatis. Bernhardus Dei gratia Patherbrunnensis Ecclesiæ humilis minister. Quia abundante iniquitate multorum caritas refrigescit, & Ecclesiarum jura disturbantium & bona diripientium malitia & insolentia ubique invalescit, Episcopalis auctoritatis & defensionis subjectis conferre subsidium, credite, dispensationis nos ammonet officium. Unde omnium fidelium Christi tam præsentium quam futurorum noverit universitas, qualiter nos divini amoris instinctu, venerabilisque Abbatis Hamukonis Ecclesiæ beatorum Apostolorum Petri & Pauli, quæ in prænominata civitate sita est, & fratrum suorum, aliorumque fidelium nostrorum interventu talia bona, qualia eidem Ecclesiæ liberalitate Regum, largitione Principum, concessione Pontificum, oblatione fidelium delegata sunt in Ecclesiis, bannis, decimis, curtis, mansis, areis, ædificiis, mancipiis, novalibus, aliisque rebus majoribus & minoribus, mobilibus & immobilibus, & quæ diversi Abbates ipsius Ecclesiæ diversis temporibus sua suorumque fratrum instantia & industria, precariando, comparando, commutando legitime acquisierunt, nostra pontificali auctoritate & banno stabilimus & confirmamus; ea videlicet ratione, ut prænominatus Abbas cum suis fratribus, eorumque Successores ea cum omnibus suis appendiciis, acquisitis, seu acquirendis libere & quiete possideant, & quæ communi consilio de eis rationabiliter disposuerint, ad utilitatem & dignitatem Ecclesiæ suæ cum consilio, & testimonio Episcopi legaliter faciant, fratribus autem licentiam eligendi Abbatem vita & moribus idoneum concessam, animarumque curam, & sepulturam tam de Ecclesiæ ipsius indigenis, quam cum eis habitantibus advenis salva Ecclesiæ nostræ auctoritate, ei parochiani presbyteri canonica justitia firmam & ratam nihilominus permanere decernimus, & ab omni hominum invasione, direptione, exactione ipsis eorumque rebus possessis, seu possidendis, Ecclesiasticæ pacis tranquillitatem, & nostræ pontificalis tuitionis securitatem impendimus. Quicunque ergo hæc fraudulenter violare vel violenter an-*

*nullare præsumpserit, anathemate feriat, & si non velociter resipuerit cum diabolo & atrocissimis pompis ejus gehennæ ignibus damnandus a sanctæ Ecclesiæ gremio omniumque fidelium consortio expellatur. Cunctis autem in eodem monasterio per iter disciplinæ regularis gradientibus gratiam cælestis perseverandi instantiam, & perfectionis usque ad finem victoriam conferat, quæ ipsorum intercessionibus quietis & utilitatis suæ auctores & provisores fructu laborum suorum in æterna gloria participari concedat. Testes bujus rei sunt Wino præpositus, Bernhardus Decanus, Conradus præpositus, Reinbertus, Elicus, Gernand, & reliqui omnes Canonici: layci vero liberi homines, Widekindus de Sualenberg, Bernhardus de Lippia, & frater ejus Herimannus, Othelric, Thietmar, Volkmar, Bernhard, Heinric, Luidold, Manegold, Heinric, fratres, Ecbrath, Altman, Adelbrath, Ansbalm, Bernhard, Sibrath, Winand, Godescalc, Siegebodo. Welzico, Wizo, Rother, Thancmar, Thiederic, & alii multi. Data Paderbrunnen III Idus Aprilis in cæna Domini, anno Incarnationis ejus MCXXIX Indictione VII. regnante Lothario Rege regni ejus anno V Episcopatus nostri secundo.*

Pari religionis studio Egbertus Monasteriensis Episcopis publicis literis ratam habuit Valariensem fundationem, ab Ottone D. Godefrido factam; probatque ut pio instituto D. Augustini Canonici istic ex familia Præmonstratensium religiosam perpetuo vitam agant sub Præposito, quem Episcopus sua etiam auctoritate introducat. Literæ multorum Canoniceorum, Comitum, & Ministerialium consignatæ leguntur apud Bollandum in vita D. Godefridi: & quod adhuc usu valuit, Egbertus se Mimigardevordensem Episcopum inscribit. Et quantum non

*Bollandus in vita S. Godefridi.*

*D. Nortbertus a pervertis Clericis & civibus peritur. Chron. mon. 115 Jerni.*

ricos

ricos sibi hostes: dum polluta templa & altaria repurgat, cives expertus rebelles; a quibus cum Misnensi, & Havelbergenſi Episcopo, & Præposito Cathedralis Ecclesiæ in suo Monasterio est obsessus: quem mira Dei providentia ex sævientium civium manibus extraxit. Nec impune fecere id cives,

cenſuris Ecclesiæ a Nortberto perſtricti, & Lotharii auctoritate ad obsequium deducti. Acerrimus quippe juris Ecclesiastici & libertatis vindex Lotharius, qui hoc ipso anno Gisbertum Trajectensem capite plecti iussit, quod Trajectensem Ecclesiam spoliis & injuriis vexasset.

*Chron. Hild.  
Chron.  
Gozacen.  
Dodechin.*

## Annus Christi 1130.

Innocentii II. Pont. I. Lotharii II. Reg. 6.

Bernardi I. Ep. Pad. 3.

At nunc sequitur annus MCXXX; quo Ecclesia in ipso capite sauciata, & schismate divelli cœpit. Mortuo enim Honorio Pontifice, XVI Calendas Martii, major meliorque pars Cardinalium & Episcoporum eodem die elegit Innocentium II, patria Romanum. Huic ab alia factione pravorum Cardinalium objectus Petrus Leonis, dictusque Anacletus II, potentissimi civis Romani filius, homo maculosus, quem D. Bernardus indignum scribit, cui ne unius quidem vici cura committi debeat; quique adversus Catholicum a Catholicis Canonicè electum ausus sit locum sanctum armis & pecunia invadere; nullo unquam vitæ virtutumque merito commendatus. Alius longe Innocentius, in quo omnia virtutum Pontificalium ornamenta concurrebant. Innocentii causam suscipere Lotharius Germaniæ, Ludovicus Franciæ, & Henricus Angliæ, Reges. Tuba hujus patrocini D. Bernardus. Pro Petro Leonis steterè factiosi Romani & Rogerius Dux Apuliæ; quorum sententia oppressus Innocentius in Galliam abiit. Sed eo major tranquillitas in Imperio exorta. Nam, ut Abbas Ursbergensis memorat; per id tempus Bambergæ in conventu Principum D. Bernardus, cujus tum summa erat ob sanctimoniam vitæ auctoritas apud Reges & Principes, Fridericum & Conradum Sueviæ Duces hætenus infestos Regni æmulos Lothario Imperatori reconciliavit. Quam in rem multum contulit Henrici Bavariæ Ducis ac generi Regis studium ac potentia, qui per Bavariam superioremque Germaniam prævalentibus armis dominabatur. Tum & Fridericus Colonienſis Archiepiscopus, qui triennium cum Lothario Rege inimicitias gesserat, in gratiam rediit. Ita

bellis civilibus compressis, omnia Lothario Regi ad votum & potentiam accessere.

Nec aliud fuit Episcoporum per Saxoniam studium, quam ubique religionem, præclaris institutis & exemplis firmare: e quorum numero Egbertus Monasteriensis Episcopus, clarus ea tempestate præsul, ac D. Bernardo familiaris carusque, Leisbornense Monasterium in meliorem formam deduxit. Vetus quidem illud Sanctimonialium Virginum Collegium, a Carolo M. in fundo Botonis præstantissimi & potentissimi viri conditum, cui & Caroli M. Rotſchwindam sororem, aut certe consanguineam primam Abbatissam impositam voluit; at postquam cum labentibus annis simul prolapsa disciplina Virginum conspecta, & quæ paucæ supererant Virgines dissolutæ viverent, Egbertus Episcopus, impetrata ad id Apostolica potestate, convertit in Cœnobium religiosorum virorum, introductis Monachis e D. Benedicti familia. Primum eis Abbatem præfecit Balduinum, virum religione & doctrina præstantem, quem & 12 Calend. April. in templo Virginum Frœckenhorstensium consecravit. Tanto id bono diœcesis factum est, quam præclari postea viri ex illo Cœnobio prodire, & in hæc usque tempora florem religiosæ vitæ deduxere.

*Bernard.  
Wittius in  
chron. Lette-  
born.  
Leisbornen-  
sium Sancti-  
monialis  
lium mona-  
sterium ab  
Egberto Ep  
Monast.  
traditur vi-  
ris religio-  
sis e D. Be-  
nedicti fa-  
milia.*

Haud dissimili religionis proferenda studio Adelbertus, Moguntinus Archiepiscopus ac Metropolitanus Ecclesiæ nostræ, rogatu Bernardi Episcopi nostri, Cœnobii Mariæ Virginis, quod anno superiori conditum diximus, jura ac privilegia pontificali auctoritate roboravit: testes hæc tabulæ.

*Confirman-  
tur ab Ar-  
chiep. Mo-  
gunt. jura  
Cœnobii  
Mariæ-  
munsteren-  
sis.*

In

*Ursberg.  
OrtoFrising.  
Dodechin.  
Robertus de  
monte.  
Baronius.  
aliquæ.  
Schisma in  
Ecclesia  
post mor-  
tem Hono-  
rii.*

*Pax in Im-  
perio, ho-  
stibus sibi  
opera D.  
Bernardi  
conciliatis.  
Ursberg. de  
Lothario.  
Trithem. in  
chron. Hirs-  
saurg.*

In nomine sanctæ & individuæ Trinitatis. Ego Adelbertus Dei gratia Moguntinus Archiepiscopus & Apostolicæ sedis legatus. Notum facio omnibus tam futuri quam præsentis temporis Christi fidelibus, qualiter annuente & concedente venerabili fratre nostro Paderburnensi Episcopo Bernbardo, Widekindus Comes fundavit Ecclesiam in sua propria hæreditate in honorem Dei & sanctæ genitricis Mariæ. Itemque propria hæreditate dotavit eam collectis in ea fratribus monasticæ professionis ad serviendum Deo & sanctæ Mariæ, pro salutæ animæ suæ & antecessorum suorum, & pro universa Ecclesia Catholica. Item liberam fecit eandem Ecclesiam suam, ita ut sit ab omni subjectione absoluta, nisi quod in spiritualibus tantum quærendis, accipiendis, & disponendis Paderburnensi Episcopo & Ecclesiæ suæ sit subiecta. Item liberam habeat electionem in eligendo spirituali patre, in eligendo advocato, qui eis sit necessarius, & non gravis. Hanc etiam concessionem habeat ab Episcopo Paderburnensi cum consensu totius Ecclesiæ suæ, ut si quis vel liberorum hominum, vel Ministerialium Paderburnensis Ecclesiæ de rebus suis, sive de beneficio suo æternæ retributionis amore sibi minuere, vel illi quippiam conferre voluerit ad ampliandam rem fratrum, hoc licitum sit & ratum, & perpetuo maneat inconvulsum. Et nos igitur præfati patris nostri piam concessionem testamenti

auctoritate ab ipso stabilitam, & sigillo ejus communitam approbantes, bonæque voluntatis ac meriti ipsius participes fore desiderantes, præsentis pagine seriem conscribi, & sigilli nostri impressione præcepimus consignari, sub perpetuo anathemate Omnipotentis Dei Patris & Filii & Spiritus sancti, & Beatorum Apostolorum Petri, & Pauli, & Domini Papæ Honorii, & nostro interdicens, ne quis eam dolo vel ullo ingenio impetere, aut infringere audeat, sed dum vitæ hujus tempus voluitur, rata & inconvulsa permaneat. Testes fuere Præpositus de Frideslaria, Godeboldus Præpositus de Jecheburch, Heinrichus Præpositus de Heilegestat, Godescalcus Comes, Ernestus, & frater ejus Lambertus, & alii quam plures, qui viderunt, & audiverunt. Acta sunt hæc anno Dominicæ Incarnationis MCXXX, Indictione octava, regnante Lothario secundo anno regni ejus \* septimo. Datum Frideslariæ, <sup>\* annus</sup> <sup>saxons est.</sup> XII Calendas Julii feliciter Amen.

Ad hunc quoque modum Bernardus Episcopus noster totus fuit in aliis religionum virorum Cœnobiis fovendis augendisque, quod & literæ testantur, quibus hoc anno Abdinghovianis Cœnobitis extra muros civitatis nova largitione bona in Nethelungen & Atlon adjecit, brevi cum Egberto Monasteriensi Episcopo a privatis ad publicas regni curas a Lothario Rege avocandus.

## Annus Christi 1131.

Innocentii II Pont. 2. Lotharii II Reg. 7.

Bernardi I Ep. Pad. 4.

• Otto Frising  
lib. 7. c. 18.  
Dodechin.  
Chron. Hild  
Chron. mon  
ris fereni.  
Trithem.  
Lotharius  
Rex Leodii  
ab Inno-  
centio co-  
ronatur.

Postquam anno superiori Innocentius Pontifex in Gallias pervenerat, Claromonti, quod prærer ceteros Otto etiam Frisingensis tradit, concilium Episcoporum indixit, ad turbatæ Ecclesiæ & schismatis vulnus persanandum; ad quod Lotharius haud secus, quam Henricus Angliæ Rex suos legatos præmisit, Conradum Saltzburgensem atque Egbertum Monasteriensem, Episcopos, per quos Innocentium in Germaniam invitavit, nihil honoris auxiliique prætermisurus erga Pontificem, quod a Rege Galliæ & Angliæ deferebatur. Inde celebrato Gandershemii Natali Christi, per ini-

tia hujus anni Mcxxx1 e Saxonia ad Rhenum transit; & cum didicisset Pontificem ad se venire, ipse cum omnibus Regni Principibus, Archiepiscopis, Episcopis, Ducibus, Marchionibus, Palatinis, & flore nobilitatis Germaniæ Leodium obviam progressus, xi Calend. Aprilis honorificentissime excepit. Rursumque Pontifex in corona xxxii Episcoporum, liii Abbatum & magna procerum multitudine Regi & Richezæ Reginæ diadema impoluit. Peracta est hæc celebritas in Basilica Cathedrali D. Lamberti, quæ per id tempus, & numero, & dignitate Canonorum adeo floruisse perhibetur,



betur, ut IX Regum, XIV Ducum, XXIX Comitum, ac VII Baronum, aliorumque nobilium filios censuerit. Eo igitur in conventu Episcoporum Germaniæ Saxonique, qui in Quadragesima præsentem Lothario Rege agebatur, damnata sunt acta Petri Leonis, atque ipse pseudopontifex anathemate percussus. Post quæ Lotharius Rex Pontifici omne subsidium & operam promissit adversus pseudopontificem. At cum investituras ausus est repetere Rex a Pontifice, haud leviter conturbati sunt Romani. Verum eam petitionem D. Bernardus, qui magna auctoritate pollebat, facile discussit, persuasitque ne veterem litem tanto labore compositam novo Ecclesiæ turbamento resuscitaret. Duos enim sanctissimos viros istuc præsentem habuit Lotharius Rex, D. Bernardum & Nortbertum, quos in arduis rebus sibi arbitros esse voluit, quorum judiciis conscientiam suam permisit. Delecti præterea præstantissimi Episcopi, aulae Consilarii; quos inter & Bernardus Paderbornensis Episcopus noster, præclare tum etiam de Innocentio Pontifice meritis, cujus rei gratia postea Romæ, ut referemus, Rationalis usu donatus.

Accessit ad hunc quoque conventum Bernardus Hildesimensis Episcopus, vir per id tempus inter Saxonie Episcopos præstans. Is cum D. Nortberto Innocentium adiit, oblatoque libello, quo vita D. Godehardi, & illustria miracula sanctitatem ejus testantia exposita erant, publico illum Pontificis & Episcoporum judicio in Divorum numerum referri petiit. Quæ causa ex hoc conventu in synodum Rhemensis rejecta est, in quo apotheseos illa mense Octobri decreta est; ut multis hæc auctor ad vitam D. Godehardi retulit: fallique compertum, qui Rhemensis synodum ante Leodiensem collocant, quod & a Browero observatum est.

Soluto Leodiensi conventu, in quo & in clericos concubinis fœdatis severis pœnis animadversum est, D. Bernardus Innocentium Pontificem Clarevallem deduxit, spectandamque obtulit Monasterii, sive sanctissimæ vitæ disciplinam, & modestiam Monachorum.

Pontifex subinde cum Bernardo ad Rhemensis synodum 14. Novembris indictam profectus; ad quam ex diversis nationibus convenere Episcopi; interque hos Nortbertus & Bernardus Hildesimensis Episcopus cum Ecclesiæ suæ Sacerdotibus, apotheosin D. Godehardi sollicitando. Ac postquam in senatu Patrum acta omnia, quibus apotheosis D. Godehardi petebatur, diligentissime sunt expensa, una omnium Episcoporum sententia coelitus numero est adscriptus; id quod Innocentii diplomate mox confirmatum. Quare magno totius Saxonie triumpho magnoque populi concursu in Westphalia ossa humo levata, & publicæ venerationi exposita: miraculis deinde ad Divi cultum tota Germania illustrata.

Lotharius Rex a conventu Leodiensi cum Matthæo Albanensi Legato, & magna procerum Regni pompa Trevirim discessit, ut solemniter istuc lætissimum Paschatis diem coleret. Transitum inde cum eodem Apostolico Legato Moguntiam fecit; ubi provincialem synodum convocavit Adelbertus Archiepiscopus, eique præsedit Matthæus Albanensis Episcopus Apostolicæ sedis Legatus cum ipso Archiepiscopo, præsentem Lothario Rege, Otone Bambergensi, Buggone Wormatiensi, Sifrido Spirensi, Embrichone Herbipolensi, Augustano, Eystadensi; Hildesimensi, pluribusque aliis Episcopis, ut vetus auctor scribit, quibus & Bernardum Episcopum Paderbornensem tanquam provincialem ejus metropolis comprehenderis. Ea in synodo Bruno Argentinenis a clero & populo accusatus, quod per vim sibi obtrusus esset; quare Episcopatu se abdicare coactus. Haud dissimile justitiæ exemplum in Hermannum Wirceburchensem Comitem ipsius Lotharii consanguineum editum. Occiderat is Burchardum Locheimium, fidum Regis Consiliarium, fraude circumventum. Ob id facinus ad judicium postulatus, a Rege proscribitus, exurusque Comitatu; castrum, quod in abrupto dicecisis Hildesimensis monte conspicitur, expugnatum funditusque eversum; Comitatus ejus Ludowico Comiti Regine consanguineo donatus. Bellum deinde Lotharius, vindex justitiæ, ab Rheno in Saxoniam regressus, adversus

Danos

Dodechin.  
Chron. Hild.  
Chron. G.  
Chron. mon.  
tis Saxon.  
Trithem.

Helmold.  
L. 1. c. 50.  
Albert. Stad.  
Chron.  
Scluv. c. 17.  
Lotharii  
expeditio  
adversus  
Sclavos.

Danos collecto exercitu suscepit, ob Kanuti Sclavorum Regis necem. Hunc enim Erici Daniæ Regis filium, ob egregias virtutes, Lotharius, post interemptos Henrici Sclavorum Christiani Principis degeneres filios, Werpoldum & Kanutum, Obotritorum & Sclavorum Regem dixerat. Et is opera Vicelini, quocum illi magnafamiliaritas fuerat, subsidioque aliorum Sacerdotum, quos Vicelinus introduxerat, Christi religionem per-Nortalingiam ceterasque Sclaviæ regiones prope restituerat; cum ante non nisi uno in Lubecensi Comitatu Christi religio coleretur. Inter hos felices progressus Kanutus optimus Rex a patru Nicolai Regis Danorum filio Magno, perfide interficitur. Quam necem adeo acerbè sensit Lotharius Rex, ut concita tota Saxonia in Danos moveret, cui Bardewici occurrit Vicelinus, salutatoque Rege & Regina Richesa, opem pro libertate christianæ religionis implorat; consiliumque dedit castrum in monte Sigeberg construendi, cujus præsidio Christiani adversus Barbaros tuti essent. Inde Lotharius Schleswicum progressus ad Danorum fines. Dani ad conspectum Teutonici exercitus territi, cum prælio non auderent congregari, auro in pœnam dato, & fœdere cum Lothario transigere. Lotharius ut Christianorum securitati prospiceret, castrum Sigeberg in Waginorum terra construit, & præsidio firmat: templo ad pedem montis condito, cui sex oppida, & amplas possessiones adjecit. Nova hæc congregatio Sacerdotum, structuraque Vicelino commissa a Rege. Idem Lubecæ fecit Rex, severeque Pribislavo, ceterisque Sclavorum Principibus mandat, liberam ut relinquant Sacerdotibus & populo christianam religionem; secus si fecerint, se ferro, & igne ulturum

perfidiam. Nec, eo Imperatore, se deinceps commovere ausi Sclavi. Vicelino præterea Apostolico viro totius Sclaviæ gentis cura a Rege commendata; quam ille magno deinde Evangelii fructu inter multas ærumnas ad Christi sacra perduxit, ut multis narrant Septentrionalium rerum Scriptores, a quibus etiam ob res inter Barbaros præclare gestas magnus earum regionum Pontifex appellatur. Vel eo hæc a nobis commemoranda, quod Vicelinus e scholis & clero Paderbornensi a Deo ad hoc Apostolicum munus evocatus. His salubriter constitutis Lotharius in Saxoniam reduxit exercitum ad hiberna.

E Saxoniae Episcopis hic annus morte subtrahit Egbertum Monasteriensem Episcopum, virum Lothario Regi a prudentia & pietate percarum, a D. Bernardo inter sanctissimos ejus temporis Episcopos commendatus. Præter ea, quæ in publicis ab eo gesta retulimus, majorem Basilicam sub Theodorico exustam, plumbo textit: multaue ex ruinis illius incendii ab eo reparata sunt, quibus pristinus templi nitor, clero vitæ integritas, Cœnobiis disciplina restituta est. Ille ut Leisbornense Cœnobium ad meliorem formam reduxit, ita vagas post incendium virgines Sanctimoniales ex Monasterio in urbe trans aquas hærentes apud consanguineos anathematis pœna retraxit ad claustrum. Gesto per quinque annos Episcopatu, Coloniae circa festa Natalitia obiit. Corpus Monasterium transvectum, conditumque in Basilica. Successor ei cleri electione datus Wernherus Halberstadiensis Canonicus, consanguineus S. Annonis Archiepiscopi, ut auctor chronici Montis sereni scribit.

Moritur  
Egbertus  
Ep. Monast.  
Trithemius  
in chron.  
Miræu.  
Witsius  
Cleinjorg.  
Cranz. lib.  
o Metrop.  
c. 32.  
D. Bernar-  
di ep. 126.

## Annus Christi 1132.

Innocentii II. Pont. 3. Lotharii II Reg. 8.

Bernardi I Ep. Pad. 5.

Jam ante Egbertum 8 Calend. Novemb. seu ut alii 25 Augusti, ipse Coloniensium Archiepiscopus Fridericus eodem anno excefferat, præclare per xxxi annos de Ecclesia sua meritis. Successoris electionem inter dissidias reliquit, alijs Godefridum Præpositum

Sanctensem; alijs Brunonem Præpositum S. Gereonis deposcentibus. Vix institutio Episcoporum e manibus Imperatorum tanto molimine extorta erat, cum ipse clerus & populus fœde dissidere cœpit. Imperator, ut tumultuantem urbem componeret, Coloni-

Bruno, a  
gente Lo-  
thario R. sic  
Archiep.  
Colon.

Dodechin.  
Trithem. in  
chron. Mir-  
sæu.  
Gelenius in  
sacr. lib. 1  
l. vii. c. 6.

niam se transtulit; celebratisque apud Ubios Natalitiis Christi egit; ut Bruno, licet invitus, Archiepiscopus acceptaretur, patre Adolpho Comite Altenacio & Montenfi natus. Consuluerat Bruno D. Bernardum de Episcopatu suscipiendo: Bernardus, cum multis vertisset in omnem partem consilii sui rationem dubius, tandem rescribit, horrere sese Episcopi onus alicui suadere; quare ad D. Nortberti consilium remittit, & suis se precibus rem a Deo postulaturum pollicetur. Tanta columnæ sub onere trepidant; & quo nunc ambitio prensatur? & cum unus Episcopatus impetratus, mox alter, tertiusque pari ambitione quaeritur. Bruno posthac Colonienfis, & Albero Trevirensis, Archiepiscopi a Wilhelmo Cardinali simul consecrantur,

Lotharius Colonia, quo redierat, Aquisgranum digressus ad comitia Principum; id quod ex tabulis Leodiensi Ecclesiæ istic consignatis constare poterit, quibus Wilhelmus Prænестinus Episcopus Cardinalis, Matthæus Albanensis Episcopus Cardinalis, Johannes de Crema presbyter Cardinalis, Wido Diaconus Cardinalis, Albero Trevirensis Archiepiscopus, alique Episcopi, ac Principes subscribere. Aderant haud dubie hi Legati Apostolici Lothario Regi, ut expeditionem in Italiam ad collocandum in sede Innocentium sollicitarent. Quapropter Lotharius Paschate Aquisgrani celebrato, compositisque iis, quæ ad Im-

perii tranquillitatem petebantur, in Saxoniam est regressus; lustrataque Paderborna, ceterisque Episcoporum sedibus, Mulhusii conventum Principum indixit, in quo de expeditione in Italiam maturandi consilia agitata. Consignata etiam Mulhusii regiae tabulæ, quibus Walckenrodenfis Cœnobii foundationem ratam habuit. Inde profectionem Romanam ad festum Virginis in cœlum assumptæ edicit, ad quam magno numero se Saxonici Principes ac nobiles obulere: rogatuque Cæsaris ex Saxoniz Episcopis accessere D. Nortbertus Magdenburgensis Archiepiscopus, Bernardus Paderbornensis Episcopus, ceterique Episcopi, & Abbates Germaniæ, quos ex epistola Lotharii mox recitabimus, quibus se D. Bernardus adjunxit, alterum per id tempus cum D. Nortberto oraculum Germaniæ. Inde Lotharius 18 Calend. Septembris cum exercitu Augustam Vindelicorum movit, qua in urbe pacifice agentem bello laceffunt cives. Nec impune; Cæsaris quippe milite prævalente, urbs incensa, multique civium captivi abducti. At postquam Conradus Italici regni invasor, de Lotharii expeditione certior factus; per viarum ambages in Germaniam recurrit. Eo Lotharius partem exercitus in Germania relinquere coactus, ad conatus ejus reprimendos, servandosque amicos; cum altera parte exercitus; quæ paucarum legionum erat per Tridentinas valles in Italiam penetravit, Innocentio Pontifice alia via ex Galliis occurrente.

Otto Frising  
Dodechin  
Robertus de  
monte.  
Chron.  
montis se-  
reni.  
Sigonius  
l. 11 de res  
gno Ital.  
Auctor ad-  
dit ad  
Lamb.  
Petrus  
Clun. 1. &  
3. epist.  
Bernard. in  
epist. 139.  
Vita D.  
Nortb.  
Baron.

## Annus Christi 1133.

Innocentii II. Pont. 4. Lotharii Reg. 9. Imp. 1.  
Bernardi I Ep. Pad. 6.

Postquam Lotharius apud villam, quam medicinam dixere, Natalem Christi celebrarat, ac pleraque per Italiam loca munita occupasset, tandem II Calend. Martii urbem ingressus est, castris ad portam S. Agnetis positus; tum, quia Genueses & Pisanos latium simul littus occupari jussit; tanta trepidatio incessit Petrum Leonis, ut in Basilicam S. Petri, & vaticanum munimentum se cum suis reciperet, alii etiam ad turres refugerent; ita Pontifex una cum Lothario pacato agmine Romam ingressus, secessit in

Lateranum, Lotharius vero Aventinum montem insedit. Tum vero primo tractatum est consiliis cum pseudopontifice; quæ cum ille fautoresque ejus eluderent, institutum judicium Episcoporum a Lothario, damnatusque Petrus Leonis, sententia cumprimis Episcoporum Germaniæ & Saxoniz, id quod ex epistola ipsius Lotharii, quam recens produxit Lucas Dacherius, cognoscere licebit; eoque hic gravior, opinor, erit, quod in ea Bernardus Episcopus noster, ac ceteri Saxoniz Episcopi memorentur Romæ

§ § § 2

judices

Lotharius  
Romam in-  
gressus  
Pont. In-  
nocentium  
restitu.

Mirans in  
Not. Belg.  
t. 143.

Lotharius  
expeditio-  
nem in Ita-  
liam decer-  
nit.

Baluzius.

judices ac defensores Apostolicæ sedis, quorum nomina hæcenus ignorata fuere; id quod potissimum Stephano Baluzio viro in Galliis eruditissimo debemus, qui eam Lotharii epistolam a se illustratam cum Ferdinando Episcopo nostro communicavit; ita igitur Rex ac mox Imperator nominandus.

*Lotharius Dei gratia Romanorum Rex, Regibus, Archiepiscopis, Episcopis, Principibus, & universis Dei fidelibus, ad quos hæc literæ pervenerint salutem.*

Majestatis divinæ dispensationi, & consilio placuit, nos patronum, & defensorem sanctæ Romanæ Ecclesiæ statuere, ideoque necesse habuimus pro ipsius liberatione propensius laborare. Cum igitur adscitis nobis Archiepiscopis, Episcopis & Abbatibus, Principibus, Ducibus, Comitibus & Marchionibus regni nostri, Episcopos etiam, Comites & alios Barones Italiæ nobiscum ducentes, bellico apparatu stipati, ad urbem proficisceremur, nuncios Schismatici illius Petri Leonis frequenter habuimus, qui nimirum ex parte illius justitiam prætendentis, ipsi in jus ire parato non debere audientiam denegari, nec hostilibus impugnationibus molestari, publicis clamoribus assecebant. Diutinis ergo eorum interpellationibus provocati, id ipsum Episcopis & Cardinalibus, qui cum Domino Papa Innocentio erant, significare coacti sumus; ipsi vero tanquam Canonicarum sanctionum, & constitutionum Ecclesiasticarum non ignari, universam Dei Ecclesiam jam super hoc pronuntiassent sententiam, Petrum Leonis, ac complices suos damnaſſe asserentes, quod erat universalis, non debere privatam fieri responderunt.

Nos autem id ipsum cum patientia supportantes, & Patrem nostrum Papam Innocentium ad urbem cum gloria duximus, & Lateranensi Ecclesiæ restituimus, atque in monte Aventino castra metati fuimus, ibique Petrus Leonis aures nostras, & Principum nostrorum per Petrum olim Portuensem Episcopum, & per alios fautores suos prætendendo justitiam sollicitare non destitit. Qui etiam munitiones & obſides se nobis daturus ad sufficientiam pro servando iudicio & viva voce, &

literis promiserunt. Pacem ergo sine effusione sanguinis reformare in Ecclesia Dei cupientes, quæ nobis illi dixerant, fratribus, qui cum Domino Papa Innocentio erant, per nos ipsos significavimus. Cæterum ipsi, utpote pacis amatores, de justitia confidentes, tam personas suas, quam Leonis, & filiorum suorum, nec non Cent. Per. Fracaganis, & Petri Latronis, & munitiones in manu nostra libere obtulerunt. Adversa vero pars dies redimere cupiens, sub velamine fraudulentarum promissionum, nos aliquanto tempore a nostra intentione retraxit. Tandem quia ipsi commoniti implere, quod promiserant, noluerunt, tanquam fallaces & perfidi, & tam divinæ quam regiæ majestatis rei, cum Petro Leonis ejusque complicitibus damnati, & hostes a Principibus nostræ curiæ judicati, videlicet Nortberto Magdenburgensi Cancellario nostro, & A. Bremensi Archiepiscopis, & D. Oſſemburgensi, B. Padelbronnenſi, An. Brandneburgensi, & B. Parmensi, R. Albenſi, O Aſtenſi, O Cremonensi, G. Yporiensi Episcopis, & Abbatibus, Henrico Fuldenſi, Alberone Noemburgensi, & Lunenburgensi: proceribus Alberone, & Henrico Marchionibus, Othone, Sigifredo vexillifero, Herimanno, Wilhelmo de Lomello, Gothone de Marchwingo, Hildebrando, & Tancredo de Prato Comitibus, & Alberto de Caſſello.

Qui his Lotharii literis consignatur Bremensis Archiepiscopus, Adalbero fuit, seu Thiethardus, ut mox constabit ex literis Claholpanis; Paderbornensis, Bernardus Episcopus noster; ceteri Saxonici Episcopi & Abbates ex singulorum fastis petendi sunt; quemadmodum de Fuldenſi Abbate consulendus Browerus in Fuldenſium antiquitatibus.

Postquam igitur horum Episcoporum & Cardinalium iudicio condemnatus est Schismaticus Pontifex, ut eum Lotharius Rex appellat, atque Innocentius verus est Pontifex renunciatus, collocatusque in sede Petri, ut Otto Frisingensis ceterique scribunt, Lotharius in Ecclesia sancti Salvatoris, quæ Constantiniana dicitur, est introductus, atque in ea ab Innocentio Pontifice

Historia  
Brem.  
Browerus in  
antiquitat.  
Fuld. lib. 4.

Dedeſchin.  
Otto Frising  
lib. 7. c. 12.  
Chron.  
Bremſ.  
Viſa Norſi  
berr.  
Sigen. lib. 12  
de bello Ital.  
Baronius.  
aliiq.

Lotharius  
Imperator  
coronatur.

tifice solenni ritu Imperator coronatus, festaque populi acclamatione Augustus appellatus. Ea celebritas in Lateranensi Basilica peracta, quod Ecclesiam D. Petri, ubi mos erat coronare Imperatores, Petrus Leonis eo tempore occupaverat. Sexto post die Pontifex beneficiarias ditiones, quas a Mathilde dono Apostolica sedes acceperat, Cæsari concessit; ea tamen lege, ut ad Successores non transmitteret, & pro clientis officio quotannis centum auri libras penderet. Ita Cæsar vasallus Pontificis, quod & hi versus in memoriam actæ rei docent, inscripti tabulis æneis.

*Rex venit ante fores jurans prius  
urbis honores,*

*Post homo fit Papæ, sumit quo dante  
coronam.*

Quantum id perstringit oculos heretodoxorum nostrorum, qui omne Petri & Pontificum patrimonium Cæsari asserunt? Nec Pontifex modo gratus in Cæsarem, sed & in alios, quorum beneficio restitutus. Nortberto datus tum a Pontifice Primatus, aut certe confirmatus; perinde, ut omnia Ecclesiæ suæ privilegia, quæ exesa a tinea neglectaque querebatur, corroborata sunt. Bertholdo Fuldensi Abbati concessum jus mitræ, baculi, annuli, Pontificis ritu. Bernardus Episcopus Paderbornensis promeritus a sede Apostolica, sibi ac Successoribus suis usum Rationalis in celebrationibus Missarum statutis temporibus, in consecrationibus Ecclesiarum, & in ordinationibus Ecclesiasticorum graduum, quanquam in proprio tantum Episcopatu. Quemadmodum hæc scriptor vitæ ejus, auctor chronici Hildesienfis, certus eorum temporum scriptor, Gobelinus & Crantzius retulerunt. Sed nihil horum testimoniis hic opus, cum ipsum adsit Innocentii Pontificis diploma, quo mirifice laudat singulare Bernardi Episcopi studium pro sede Apostolica, cujus ipse meritis provocatus, singulari quoque hoc Rationalis honore præ ceteris etiam tum Saxonie Episcopis illum exornavit. Quare sic Pontifex.

*Innocentius Episcopus Servus Ser-  
vorum Dei venerabili fratri Bernardo  
Padelburgensi Episcopo ejusque Successo-*

*ribus canonice promovendis. Sicut omne  
datum optimum & omne donum per-  
fectum de sursum est, & a patre lumi-  
num descendere scripturæ sacræ autho-  
ritas protestatur. Ita procul dubio no-  
stram gloriam atque letitiam fore cre-  
dimus, Si Fratres nostri digni honore  
inveniuntur, & pro sua probitate atque  
scientia de magnis honoribus ecclesiasti-  
cis ac dignitatibus ad altiora provehi  
promerentur. Hoc profecto intuitu,  
quoniam multa de tuæ devotionis erga  
Beatum Petrum studio venerabilis fra-  
ter Bernarde Episcopo nostri, sunt au-  
ribus nuntitia, & hoc ipsum certis  
indiciis comprobavimus æquum est, ut  
pro impenso obsequio a sede Apostolica  
amplius honoreris, & ut de cætero fra-  
ternitatem tuam nobis magis obnoxiam  
statuimus, tam temporaliter quam spi-  
ritualiter gratum emolumentum Domi-  
no cooperante recipias. Et quoniam  
tanquam Aaron ad pontificalis dignita-  
tis fastigium divina providentia te cre-  
dimus evocatum, & loco Moyse ad re-  
gimen es, & principatum Christiani  
populi constitutus, eorumque quoque  
dignitatis te Principem constituimus,  
& usum Rationalis tibi tuisque Succes-  
soribus ex Apostolicæ sedis benignitate  
concedimus. Hoc videlicet sancientes  
ut eodem his diebus per parrochiam tu-  
am infra Ecclesiam duntaxat utamini,  
qui in præsentis scripti pagina perscri-  
buntur. Id est Cæna Domini, Pascha,  
Ascensione Pentecoste, Natali beati Jo-  
hannis baptistæ, festivitatis beatorum  
Apostolorum Petri & Pauli, sollemni-  
tatibus beatæ Mariæ, & omnium San-  
ctorum, natali Domini, & epiphania.  
In consecrationibus quoque Ecclesiarum  
infra tuam parrochiam, nec non etiam  
ordinationibus Clericorum, in anni-  
versario dedicationis Padelburgensis Ec-  
clesiæ, & in festivitate Sancti Liborii.  
Tua itaque frater dilectissime interest,  
ut quod in facie geris Ecclesiæ operum  
tuorum commendet effectus, & tua di-  
lectio hac semper gratia valeat dignior  
inveniri.*

*Ego Innocentius Catholicæ Ecclesiæ  
Episcopus. Signum manus meæ  
adjuva nos Deus Salutaris noster.*

*Datum Laterani per manus Armerici  
sanctæ Romanæ Ecclesiæ diaconi  
Card. & Cancellarii Non. Junii,  
Indict-*

Vita Nort-  
berti c. 50.  
Brewer. l. 4.  
Antiq. Fuld.  
Bernardus  
Ep. Pad.  
sibi suisque  
Successoris  
bus impe-  
trat usum  
Rationali-  
tis.  
Chr. Hild.  
Rebel. asat.  
c. c. 59.  
Crantz. l. 6  
Metrop. c. 10

*Indict. XI. Anno Dominice Incarnat. MCXXXIII, Pontificatus vero Domini Innocentii II anno IV.*

*Risen in biff.  
Leod. lib. 10.  
Exod. 28.  
Joseph l. 5.  
c. 15.  
Onuph. de  
voc. Eccl.  
Innocent.  
III in lib. 1.  
Myster.  
Miss. c. 10.  
63.  
Serrav. l. 3.  
Misto Mo-  
gunt.  
Risen lib. 10  
in Albero.*

Rarum atque præclarum Episcoporum egregie meritum ornamentum; quo idem Innocentius, Pontifex haud multo post etiam decoravit Alberonem Leodiensem Episcopum, simili prope forma diplomatis. Inter Saxoniam Episcopos reperio Mindensem, & inter Germaniam Episcopos Eystadensem Rationalem, a Pontificibus decoratos. Id sacrum ornamentum, ex indumentis Pontificum veteris Ecclesiae tractatum; quæ fuere Tiara, Tunica hyacinthina, Ephod, seu Epomis, & superhumeralis, quod a Josepho stola hieratica dicitur, præter hæc, Rationale, quod græca voce *λογιον*, latina pectorale dixerunt: Rationale ab Innocentio datum, opus ex auro, serico, & gemmis, elegantique contextu formæ quadrangularis, quod insertum collo humeros & pectus tegit, dependentibus a tergo & pectore quatuor fasciis limbisque, haud multum Epomidi diffimile; unde & superhumeralis aliis dicere placuit. Non tamen Pontificale fuit, quod Patriarchis, Primatibus, Archiepiscopis proprium est; licet id in Italia cum Lucensi & Ostiensi, & in Germania cum Richardo Leodiensi, ac teste Sigeberto, Bambergeni Episcopis communicatum fuerit. Sane ut politici Principis est impertiri insignia, quibus ordines discernantur, & ob merita exornentur, ita Pontificis est, pro summa in Ecclesiam potestate, huiusmodi sacrorum ornamenta dilargiri, cum id vel Ecclesiae dignitas, vel egregia Episcoporum merita ob remunerationem decoremque exigunt.

*Ejusdem  
Rationalis  
usus confir-  
matur &  
ampliatur  
ab Alexan-  
dro VII.*

Hunc solemnem deinde Rationalis usum, ab Innocentio II Pontifice Bernardo Episcopo nostro & Successoribus datum, confirmavit, ampliavitque Alexander VII Pontifex Ferdinando Episcopo Paderbornensi, cum præclara virtutum ac meritum testificatione. Quocirca huius Pontificis diploma ad Innocentii conjungere visum, quo confirmatione fide illustre hoc Paderbornensis Ecclesiae privilegium ad posteros perveniat. Duo autem in hanc rem sunt Alexandri VII diplomata, alterum breve, alterum quo antiqui privilegii confirmationem complectitur

ALEXANDER PP. VII.

*Venerabilis frater salutem & Apostolicam benedictionem. Ea plane sunt vel Ecclesiae Paderbornensis in hanc sanctam sedem antiquæ fidelitatis obsequia, vel etiam fraternitatis tuæ domestico ac diuturno usu spectatarum nobis virtutum promerita, ut Apostolicæ benignitatis indulgentia nedum vetera ornamenta retinere, sed novis quoque decoribus augeri jure debeatis. Quod a nobis in præsens omissum non fuisse hisce literis adjunctum diploma declarabit. Perge porro venerabilis frater, quæ vigiliis pastoralibus super gregem istum accurate custodiendis, quæ perpetuo erga Romanam Ecclesiam observantiæ cultu, & Catholice religionis incenso studio has laudes jam proprias tuas tibi magis indies asserere. Nos paternæ caritatis illustriora documenta quæque fraternitati tuæ pro re ac tempore semper exhibituri benedictionem Apostolicam interim peramanter impertimur. Datum Romæ apud sanctam Mariam Majorem sub annulo Piscatoris, Die XIII Februarii, MDCLXVI, Pontificatus nostri anno undecimo. Venerabili fratri Ferdinando Episcopo Paderbornensi.*

ALEXANDER PP. VII.

*Ad perpetuam rei memoriam. In Apostolicæ dignitatis fastigio divina dispositione constituti, illa quæ ex circumspecta Romanorum Pontificum prædecessorum nostrorum beneficentia ad augendum Antistitem in partem Apostolicæ sollicitudinis vocatorum decorem provide emanasse dicuntur, ut firmiora semper atque stabiliora permaneant, Apostolici muniminis præsidio libenter roboramus, eaque etiam ampliamus, sicut personarum meritis convenire in Domino arbitramur. Exponi siquidem nuper nobis fecit venerabilis frater Ferdinandus Episcopus Paderbornensis, quod dudum fel. rec. Innocentius PP. II. prædecessor noster bonæ memoriæ Bernardo, dum vixit, Episcopo Paderbornensi, ejusque Successoribus canonice promovendis in perpetuum usum Rationalis concessit, hoc videlicet sanciens, ut eodem per eorum paræciam infra Ecclesiam duntaxat uterentur his diebus: nempe cæna Domini, Paschatis, Ascensionis, Pentecostes, Natalis beati Joannis Baptistæ, festivitatis Beatorum Apostolorum Petri & Pauli, sollemnitatibus*



tibus Beatæ Mariæ, & omnium Sanctorum, Natalis Domini, & Epiphaniæ. In consecrationibus quoque Ecclesiarum infra eorum paræciam, nec non etiam ordinationibus Clericorum, in anniversario Dedicationis Paderbornensis Ecclesiæ, & in festivitate Sancti Liborii, & alias prout in ejusdem Innocentii prædecessoris literis desuper anno Incarnationis Dominicæ MCXXXIII. Nomis Junii expeditis uberius dicitur contineri. Cum autem sicut eadem expositio subjungebat, memoratus Ferdinandus Episcopus concessionem hujusmodi, quo firmitus subsistat, Apostolicæ confirmationis nostræ patrocínio comminiri, ac ad aliquod alias festivitates extendi plurimum desideret. Nos ad eximia fidei & devotionis erga Nos & Sedem Apostolicam, aliaque multiplicia virtutum merita, quibus eundem Ferdinandum Episcopum ab omnium bonorum largitore exornatum esse novimus, paternæ dirigentes considerationis intuitum, eumque specialis favore gratiæ prosequi volentes, & a quibusvis excommunicationis, suspensionis, & interdicti aliisque Ecclesiasticis censuris & pœnis a jure vel ab homine quavis occasione vel causa latis, si quibus quomodolibet innodatus existit, ad effectum præsentium duntaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, concessionem usus Rationalis Bernardo Episcopo ejusque Successoribus in perpetuum a memorato Innocentio prædecessore factam, ut prædicitur, emanatasque desuper ipsius Innocentii prædecessoris literas prædictas auctoritate Apostolica tenore præsentium perpetuo confirmamus, & approbamus, illisque inviolabilis Apostolicæ firmitatis robur adjicimus, ac omnes & singulos juris, & facti defectus, si qui desuper quomodolibet intervenerint, supplemus. Præterea eandem concessionem ad festivitates corporis Christi, Circumcisionis Domini, & inventæ atque exaltatæ crucis, ita ut his quoque festivitibus dictus Ferdinandus ejusque Successores Episcopi Paderbornensis canonice promovendi in perpetuum eodem Rationali pariformiter uti libere & licite possint & valeant, auctoritate & tenore prædictis extendimus & ampliamus. Decernentes easdem præsentis literas semper fir-

mas & validas & efficaces existere, & fore, suosque plenarios & integros effectus sortiri & obtinere, ac Ferdinando ejusque Successoribus Episcopis prædictis in omnibus & per omnia plenissime suffragari, sicque in præmissis per quoscunque judices ordinarios & delegatos, & causarum Palatii Apostolici Auditores, ac S. R. E. Cardinales, etiam de latere legatos, & Sedis Apostolicæ Nuncios, sublata eis & eorum cuilibet quavis aliter judicandi & interpretandi facultate & auctoritate, judicari & definiri debere, ac irritum & insane, si secus super his a quoquam quavis auctoritate scienter & ignoranter contigerit attentari. Non obstantibus Apostolicis, ac in universalibus provincialibusque consiliis editis generalibus & specialibus constitutionibus, & ordinationibus, cæterisque contrariis quibuscunque. Datum Romæ apud S. Mariam Majorem sub annulo Piscatoris, die tertia Martii MDCLXVI. Pontificatus nostri anno undecimo.

Ab his nunc ad institutam narrationem redeamus. Cum post restitutum Innocentium Pontificem Locharius in urbe versaretur, arduumque reputaret cum exiguo milite, quem duorum tantummodo, aut trium millium habebat, Schismaticum Pontificem ex munitionibus atque urbe ejicere, reditum ex consilio Episcoporum & procerum in Lombardiam ac Germaniam decernit, certus cum validiori brevi redire ad omnes Italiæ hostes debellandos. Jam & legiones, inclementia cœli & annonæ penuria, multum absumptæ erant: & Rogerius Apuliæ Dux cum instructo exercitu imminabat pseudopontifici & factioni ejus in subsidium. Imperatorem deduxere D. Bernardus & Nortbertus ceterique Episcopi in Germaniam, Innocentius Pontifex Germanorum ope destitutus, etsi constituerat in urbe permanere, veritustamen, ne præsentia sua adversariorum animos accenderet, Pisas, urbem fidam & validam, adiit. Mirifice ob hanc fidem erga Apostolicam sedem laudati Pisani cives a D. Bernardo.

Rediit & Bernardus Episcopus noster incolumis cum ceteris Episcopis in Germaniam. Sed nondum in Episcopa-

Tertium  
urbis Pad.  
incendium.

*Chron. Hild  
Gobelin. 4.  
ant. 6. c. 59.*

scopatum pedem retulerat, cum tristi nuncio perculsus, intellexit Basilicam cum magna parte urbis III Calend. Julii conflagrasse. Quo eodem die duo circuli, alter altero major, solis globum obire visi, quorum major urbis ambitum, minor Basilicam complexus. Quæ cum hora tertia post meridiem spectarentur, mox sub horam nonam ejus diei visa est flamma ex civium ædibus & Basilicæ tecto, incertum quo casu, erumpere; nec prius ignem extinguere licuit, quam major pars urbis, & templum in bustum concideret. Tertium hoc & funestum urbis Paderbornensis incendium sub præstantissimis Episcopis, quorum primum, Rothario; alterum, Imado Episcopo, antecesserat. Sed Bernardus non minus quam ceteri Episcopi magnis animis reparationem Basilicæ & urbis aggressus, intra decennium Basilicam multo elegantior e busto eduxit. Urbs quoque Bernardi industria & liberalitate adjuta brevi ex ruinis veteri suo splendori est reddita.

*Iterata Lo-  
tharii in Da-  
nos expe-  
ditio.*

*Lotharius  
confirmat  
bona quæ-  
dam & pri-  
vilegia Cor-  
beiens.*

At Imperator ab reditu in Italiam expeditionem adversus Danorum Regem suscepit, quod ad hunc annum scribit auctor Chronici Hildesimensis. Iterata hæc expeditio adversus Danos ob Regis favitiam in Teutonicos, quos mutilando, & per varia tormenta excruciendo in mortem adegerat. Eventum etsi auctor non retulerit, hunc tamen annus sequens exponet; satisque constabit hoc anno armis Lotharii Danos subactos fuisse. Certe Bardewicum accessisse docent Lotharii tabulæ, quibus Volckmaro Corbeienfi Abbati certa quædam privilegia bonaque confirmavit: eas, quod Imperatoris pietatem & liberalitatem erga religiosos viros simul referant, hic interponere visum fuit.

*In nomine Domini Dei nostri ac Salvatoris Jesu Christi, Lotharius ordinante divina clementia Romanorum Imperator Augustus. Considerantes Regalis esse munificentia, & nobis salutare, dum tempus habemus bonum operari in omnibus, maxime autem in Ecclesiis Dei. Ideo statuentes decernimus loca Deo oblata, & dicata sublimare, possessionibus ampliare, collata defensare, & in suo statu conservare, si*

*aliqua etiam temere fuerint alienata, vel injuste avulsa, ad antiquam dignitatem & pristinam traditionem suffragante divina clementia revocare, bisque beneficiis proposuimus insudare, ut ipse, qui nos in terris gloria & honore coronavit, in cælis indulgeat coronam vitæ, quam repromisit diligentibus se, cum nos deduxerit de laborioso hujus sæculi certamine. Noverit itaque tam præsentium quam futurorum provida discretio, quod nos respectu divini timoris & amoris Monasterio, quod appellatur nova Corbeia, quod situm est super fluvium Wisera, rogatu ipsius loci venerabilis Abbatis Volcmari nomine piscationem, quæ vocatur Houcwar, quam totam Ludovicus Imperator eidem Monasterio contulerat, hanc postmodum Dux Henricus Bavarie cum quadam Comitissa Elica & filio suo Adelberto injuste se possedisse recognoscentes, cum digna pœnitentia, divinitus inspirata, sancto Vito cum omni utilitate remiserrunt. Et nos regali auctoritate ipsam remissionem confirmavimus, statuentes hoc, ut qui hanc nostræ auctoritatis concessionem infringere præsumperit, fisco nostro centum auri talenta persolvere debeat. Regali etiam auctoritate confirmamus villas cum hominibus ad eandem piscationem pertinentes cum cæteris appendiciis, pratis videlicet, areis, pascuis, cultis sive incultis, mobilibus & immobilibus, ut in omnibus his nullus fratres in supra dicto Monasterio Canonice degentes inquietare, vexare, vel molestare præsumat. Nec advocatum in eadem piscatione habeant, nisi quem Abbas Dominus loci consilio fratrum statuerit. Et ut hæc omnia rata & invulsa omnino permaneant, impressione sigilli nostri signari præcepimus.*

*Signum Domni Lotharii.*

*Ekkehardus Præpositus vice Cancellarii recognovi. Anno ab Incarnatione Domini MCXXXIII. Indict. XI. Actum Bardewich in Dei nomine feliciter Amen.*

Plura per  
Westphali-  
am Monas-  
teria con-  
dita.  
Multa præterea hoc anno Monasteria condita per Westphalam & Saxoniam: Altenbergense in Marchia, liberalitate Adolphi & Eberhardi Comitum de Altena; in quo haud multo post

*Henricus de Heruord, Bruschiensis Cent. 1. Monast. Cleinberg.* post Everhardus Comes ordinem Cisteriensem professus: Amelinsburgum ad Visurgim: Hilmelrodanum: Waltassium in Narciscis, opera Gerwici Monachi Sigeburgensis, ex veteri

Westphaliæ nobilitate viri, oriundique ex castro Wolmunsteinio ad Ruram, cujus res gestas Cænobiique exordia multis describit Bruschiensis.

## Annus Christi 1134.

Innocentii II. Pont. 5. Lotharii II. Reg. 10. Imp. 2.

Bernardi I. Ep. Pad. 7.

*Pontanus lib. 6. Histor. Galria.*

Lotharius victor ex Dania regressus, hiberna inter Saxones suos habuit Goslariæ in palatio: ubi & 4 Idus Aprilis, præfente Albero Moguntino & D. Nortberto Magdenburg. Archiepiscopis, ac decem aliis Episcopis, multisque Marchionibus & proceribus Saxoniarum, Eltenense Sanctimonialium Virginum Collegium, ex patrimonio Meinwerici Episcopi nostri conditum, augeat donatione duorum talentorum ex Duisburgensi censu traductorum.

*Chron. Hild Chron. monast. sereni. Magnus, jussu Lotharii, Rex Danie coronatur, sed paulo post interimitur.*

Pascha, quod xv Aprilis hoc anno agebatur, Halberstadii celebravit in conventu Episcoporum ac Principum. Veterem ibi magnorum Imperatorum majestatem asseruit Lotharius. Nam Magnum Nicolai Danorum Regis filium prioribus annis debellatum se sistere jussit, ac in publicis Imperii comitiis juramentum fidei dicere; quo Successores quoque Danorum Reges obligatos voluit, ne Regnum deinceps Daniæ quisquam sumeret sine Imperatoris, & consequentium Romanorum Imperatorum consensu & auctoritate. Quod secundo die Paschatis, pulchro & inaudito a multis retro sæculis spectaculo, factum referunt scriptores nostri. Præstito hoc juramento, Lotharius Regem Danorum coronari jussit: inde ad venerandam Imperatoriam majestatem gladium sibi præferre voluit. Ita in gratiam receptus, redire permixsus est in Daniam; quod & præter nostros Scriptores Otto Frisingensis retulit, Daciæque Regem appellat; quem Daniæ dicere debebat. Quæ vero de Polonorum Duce ac ceteris hic conjungit, ad sequentes annos pertinent. Sed haud multum superstes ab hoc honore Daniæ Rex, Deo ulciscente infantis Kanuti Regis necem. Nam cum ingratus favere non desisteret in Ericum Kanuti Regis fratrem, ac patrum suum, obsideretque in Lundina urbe cum xx millibus arma-

torum, erupit David Erii sororis filius cum selecto ccc militum agmine, fugatoque Magni exercitu, ipsum Regem in terram prostratum obruncavit. Nicolaus Rex senior ac pater Magni Regis, etsi fuga substractus, haud multo tamen post per insidias a suis occisus est. Eo irruptionis prælio v Episcopi, & lxxv Clerici simul interempti memorantur, seu casu, seu parricidii Kanuti Regis participes.

Lotharius rebus in Saxonia compositis; arma vertit in Conradum & Fridericum Sueviæ Duces; nam toto Imperio ad ejus nutum obsequente, exterisque domitis, hi duo Imperii hostes adhuc obvolitabant turbulentis animis. Quare Imperator Sueviam cum exercitu ingressus, Ulmæ admovit copias, tantaque clade per Sueviam grassatus est Imperator, juvante cumpri-  
*Lotharius Conradum & Fridericum Sueviæ Duces, via Ducat.*

Hoc interim anno Cænobium Claholtanum ordinis Præmonstratensium, quod ante biennium in dicecesi Osnabrugensi conditum erat, Lotharii Imperatoris auctoritate probatur. Tabulæ ab ipso D. Nortberto Archiepiscopo Magdeburgensi, & Archicancellario Imperii consignatæ: quibus memoratur, Rudolphum a Steinvort Westphaliæ nobilitatis præpotentem virum, cum consensu fratrum hæredumque Ludolphi & Udonis, ad ea contulisse bona sua. Testes qui subscribere notantur Wernerus Monasteriensis, Siwardus Mindensis, Thietardus Osnabrugensis, Gerhardus Cardinalis, & Anselmus Babenbergensis Episcopus: ex Comitum ordine Albertus

bertus a Ballensted, Fridericus Palatinus a Summerisburg, Hermannus a Calvenlage, Adolphus de Monte, Gerhardus ab Hontad: e nobilitate Wigboldus ab Holte, Hermannus a Boselage uterque cum filiis, Hermannus præterea de Lippia, Wigboldus ab Holte cum Bernardo filio, Ludolphus a Steinvorde una cum Rudolpho fratre, Franco a Deipenheim, ac fratres ejus Luithardus, Wernerus, Anselmus. Tertio ordine ponuntur Ministeriales, Thiemarus a Dulmen, Hermannus a Lair, Wernerus a Bueren.

*Vita D. Nortberti. Ursberg. Chron. mon. sis sereni. Mors D. Nortberti. Henricus Strevesdorf in Archiep. Magd.*

Hac Claholtani Cœnobii fundatione haud multum superstes D. Nortbertus, VIII Idus Junii obiit. Sidus Germaniæ, & columnen religionis, mirifice a D. Bernardo, cui familiaris vixit, commendatus; nec aliorum elogiis hic opus, cujus viri labores, & sanctimoniam miracula & res gestæ loquuntur. Corpus Magdenburgi in Ecclesia B. Virginis, in qua sui ordinis religiosos viros introduxerat, ante aram principem est humatum. Haud multo post excessum Nortberti Imperator Magdenburgum accessit, & festum Apostolorum Petri & Pauli istic celebravit; quo præsentem, una totius cleri consensione, Conradus Comes Querfordensis, idemque Canonicus Magdenburgensis Collegii, delectus Episcopus, approbante Imperatore, jam

ante Nortbertum designatus. Ceterum Nortbertus anno dehinc Christi 1582 a Gregorio XIII. Pontifice in Divorum tabulas relatus. Ossa sanctissimi viri, nostra demum memoria, anno 1628 a Joanne Questenbergio Abbate Præmonstratensi reperta in sarculo ad chori gradus, una cum aurea crucis effigie, annulo, aliisque sacris ornamentis; ea cum inter heterodoxos neglecta jacerent, actum cum magistratu Magdenburgensi, a quo ægro tandem per Altringerum impetrata: inde Pragam transvecta, magnoque Coelitem honore condita sunt in Abbatia Strohoviensi. Familiare Nortberti dictum fuit: Vixi in aula, vixi in Monasterio, vixi in dignitatibus, nihil stabile usquam reperi, quam vivere in Christo, & nihil, præter Deum, amare. Intima cum hoc Apostolico præfule familiaritas fuit Bernardo Episcopo nostro, quocum in Italiam iter suscepit, & in multis publicis privatisque congressibus versatus est. Haud minor ejus felicitas venisse cum D. Bernardo in familiaritatem; ut ab his duobus sanctissimis viris illi pietas, amorque in religiosos homines inhæsit, quibus tria per suam diœcesin Monasteria post condidit, quorum postremum Hardchufanum fuit ordinis Cisterciensium ex ipso D. Bernardi instituto, de quo suo loco memorandum.

*Cujus SS. ossa transferuntur Pragam anno 1648.*

## Annus Christi 1135.

Innocentii II Pont. 6. Lotharii II Reg. 11. Imp. 3.  
Bernardi I Ep. Pad. 8.

*Principum Bambergæ, conventus, in quo Ducez Sueviæ, opera D. Bernardi, Lothario se submiserunt. Chron. Bild Otto Frising l. 7. c. 19. Chron. Abbat. Mont. Sereni. Chron. Bos 348.*

Lotharius Imperator postquam Spiræ, ut Dodechinus tradit, Natalem Christi celebrasset, anno insequenti Bambergam accessit ad conventum Principum, qui Dominica ante Quadragesimam, XVI Calend. Aprilis, omnium regni ordinum accessu istic frequens fuit. Actum ea die de reconciliatione Friderici & Conradi cum Imperatore; & vero cum per id tempus D. Bernardus magnæ auctoritatis esset apud Imperatores & Principes, & oraculi instar audiretur ab omnibus, Fridericus & Conradus eo patrono usi Cæsaris clementiam impetrarunt: & ille postquam Principum animos ad concordiam permovisset, facile etiam æmulis regni veniam ab Imperatore

impetravit. Inde ad pacem domi forisque firmandam Magdenburgi rursus festo Pentecostes comitia regni indicta: ad quæ Udalricus Dux Bohemorum, & Legati Boleslai Ducis Polonorum, & Godefridi Ducis Lovaniensis: legati præterea Regis Ungariæ, terrore perculsi, cum Danorum & Sclavorum accessere, quibuscum de ordine transactum ex judicio Imperatoris & Principum. Aderat & a Græcis Legatus Dux & Episcopus, cum oratoribus Ducis Venetorum, questi adversus Rogerium Siciliæ Comitem, quod Græcis Africam Paganorum subsidiis eripuisset, Venetias spoliasset, Apuliam & Calabriam Imperio Romano subtraxisset: tanta Lotharii

*Alter Principum conventus Magdenburgi celebratus.*

tharii nominis celebritas erat. Ac licet Polonorum Legati cum multis muneribus obviam processerint Imperatori, non prius tamen in conspectum admissi sunt, quam tributum XII annorum, quod D. librarum auri poscebatur, ad singulos annos persolverent, ac iuramentum dicerent, Pomeraniam & Rugiam se beneficio Cæsaris tenere, Imperiique clientes sese ad omnia Cæsaris obsequia & obedientiam profiterentur. His præstitis, iussus est Boleslaus Poloniae Dux Imperatori procedenti in publicum præferre gladium; id quod superiori anno fecerat Danorum Rex. At ubi nunc illa majestas Imperii, quæ Lothario Imperatore Carolum M. & Ottonem M. ceterosque magnanimos & gloriosos Cæsares representabat? Tertius dein Imperii conventus Mulhusii festo D. Michaelis die celebratus; ad quem Fridericus & Conradus Duces postulati accessere, non prius in gratiam recepti, quam Conradus Regis titulum poneret, & ambo provoluti ad pedes Imperatoris veniam deprecarentur, & fidem jurerent. Tum demum a Conrado Magdenburgensi Archiepiscopo anathematis vinculo absoluti, & in societatem

Ecclesiæ admissi. Hæc, quæ ab Ottonem Frisingensi, ac ceteris, qui cum hætenus secuti sunt, perturbate traduntur, secundum ordinem temporum & conventuum referre placuit; nec aliena a nostro instituto, quando his comitiis Bernardus Episcopus noster inter Episcopos Saxoniae, & Principes regni consedit; qui & hoc anno beneficus in Hamukonem Abdinghovichianum Abbatem, controversas cum Widekindo Swalenbergenfi Comite ac nepote suo decimas, remisso, quod Comes habebat, jure, impetravit, aliaque dona, consignatis tabulis, sua liberalitate adjecit.

*Littera Abdinghov.*

Lotharius vero Imperator sub id tempus congregationem Canoniarum Virginum; quam Luteram dixere, Apostolica auctoritate in melioris artiorisque vitæ Cœnobium commutavit, introductis ex familia D. Benedicti religiosi viris, quos ex Cœnobio S. Joannis Magdenburgi cum Everhardo Abbate evocavit; eoque simul in loco haud procul Brunswigo tanquam brevis vitæ admonitus sepulchrum delegit. Inde a funere ejus Regalis Luteram appellatur.

## Annus Christi 1136.

Innocentii II. Pont. 7. Lotharii II Reg. 12. Imp. 4.  
Bernardi I Ep. Pad. 9.

Postquam omnes domi forisque hostes, aut felicitate armorum, aut terrore majestatis compresserat Lotharius; annum proximum a Christo nato MCXXXVI, Imperiumque in summa tranquillitate habuit: præterquam, quod Sclavi in Saxoniam irrumpere ausi; quos tamen Adelbertus Marchio jussu Imperatoris statim cum clade rejecit, terramque eorum ingressus, rebelles spoliis & ferro ad obsequium reduxit. Ipse Imperator, quocum aureum sæculum renasci visum, omnes curas in firmandam pacem, justitiæ leges; & religionem exornandam convertit. Quam in rem Aquisgranum conventum Principum, ad Lotharingæ, Belgicæ, Frisiæque provincias ordinandas adiit; quod Episcopi, Principes, & Marchiones, Comitesque testantur, qui Nivellensis Ecclesiæ tabulas per id tempus consignarunt. Reflexo dehinc per Rhenum itinere, Sa-

xoniam repetiit; ac tanquam suprema vitæ sibi brevi imminere, injecto cœlitus lumine, intelligeret, Ducatum Saxoniae, Westphaliæ, & Angariæ Henrico genero, Duci Bavariæ, in manus tradidit. Amplum tot provinciarum patrimonium. Et Henrico hoc anno filius ac hæres natus, Henricus cognomento Leo, qui festo Pentecostes baptismatis undis ablatus est, sæpe nobis memorandus.

Mense Augusto Lotharius Corbeiae apud nos ad Visurgim, antequam iter Romanum ingrederetur, versatus, Bernardum Episcopum nostrum sibi præsentem habuit, invitaturus ad alteram in Italiam profectionem, nisi ruinis Basilicæ & urbis instaurandis occupatum vidisset; ad cujus tamen & Widekindi fundatorum preces præclaro quoque diplomate Cœnobium Mariæ recens cœptum confirmavit, quod hic

*Lotharius confirmat fundationem Cœnobii S. Mariæ.*

T t t 2

vel

*Et tertius Mulhusii, in quo Duces Sueviæ in gratiam recepti, anathematis vinculo absoluti sunt.*

*Otto Frising Chron. Bild*

*Mirans in Not. Belg. c. 147 Helmold. l. 1. c. 54. Abb. Sand.*

vel ad memoriam tanti Imperatoris,  
ac præclari præfulis reddere intererit.

*In nomine sanctæ & individue Trinitatis. Lotharius divina favente clementia tertius Romanorum Imperator Augustus. Cum omnium studia pro institutione religionis & servitii Dei inchoata amplecti & promovere debemus, & ipsorum devota studia juvare & imperiali assensu corroborare. Proinde tam futurorum quam præsentium noverit industria, qualiter fidelis noster Widekindus Abbatiam in loco, qui vocatur Monasterium sanctæ Mariæ, in sua fundavit proprietate, instituens ibi vitam Monachorum secundum regulam S. Benedicti, ipsam Ecclesiam cum omnibus oblatiis seu adhuc offerendis Deo & Matri ipsius delegando. Cujus studium Bernhardus Paderbornensis Episcopus venerabilis pari amplectens affectu hujus institutionis offerendo non minus sua studiosus cooperator extitit. Utriusque itaque devotionem imperiali auctoritate nostra confirmando approbantes præcipiendo jubemus, ut nullus Archiepiscopus, Episcopus, Dux, Marchio, Comes, Vicecomes. Nulla denique magna parvaque persona in his concessis præfatam Ecclesiam devestire, inquietare, aut molestare præsumat; Si quis vero contra hæc, quod non credimus, præsumpserit, centum libras auri, medietatem Cameræ nostræ, & medietatem eidem componat, Ecclesiæ. Quod ut verius credatur, & ab omnibus diligentius custodiatur, præsentis decreti paginam sigilli nostri impressione insigniri jussimus. Datum anno Incarnationis Dominicæ M<sup>c</sup>xxxvi, Indictione XIV, pridie Non. Augusti Anno vero regni Regis Lotharii undecimo, Imperii quarto. Actum Corbee in Christi nomine feliciter Amen.*

Initia Monasterii  
Iburgensis,  
Gerdensis  
postea conjuncti.

Post illustre hoc Monachorum Cœnobium constitutum, Bernardus Episcopus alterum adjecit sacrarum Virginum, secundum idem D. Benedicti institutum, idque in monte Iburg molitus est: sive id jam primitus, ut Bernardus in literis suis scribit, sit inchoatum (de quo tamen nulla nobis monumenta suppetunt) sive, quod verisimilius reputo ex posterioribus literis, ad annum Christi 1142 recitandis, ab ipso Bernardo cœptum sit in monte

Iburg, quando & fundus ex consensu Beatricis Herifensis Abbatissæ, quæ Lothario Imperatore, & Conrado Rege vixit, comparatus asseritur. Nunc cœpti hujus Cœnobii exordia, quod postea Gerdensi conjunctum est, ex ipsis Bernardi Episcopi literis recitemus.

*In nomine sanctæ & individue Trinitatis. Bernardus Dei gratia Paderbornensis Episcopus. Quoniam tempora, quæ sanctus Apostolus ventura prædixit, jam venisse timemus, cum dixit, erunt homines se ipsos amantes. Unde sæpius accidit, quod hi, qui inquietæ mentis Deo serviunt, ab importunis hominibus injuste turbantur, officii nostri cura nos admonet, cunctis Deum diligentibus sollicitudinem pastoris impendere, his tamen præcipue, qui nostro regimini specialiter commissi sunt, non solum de præsentibus, sed & de futuris, quæ provenire possunt, in commoditatibus, auctore Deo removendis diligentia circumspectiori invigilare. Eapropter notum esse volumus tam præsentis quam futuri temporis Christi fidelibus, qualiter pusillus adhuc ancillarum Dei grex, qui primitus in monte Iburg congregatus fuerat, & ab Ecclesia in Hersse locum & bona Ecclesiæ in monte Christo ibi famulantibus profutura perceperat. Postea autem saniori consilio in locum, Gerdinensem transmigravit, ac juste privilegium possessionis loci prioris obtinuit, quamvis habitationem dictante necessitatis ratione mutaverit. Nos itaque securitati jam dicti ancillarum Dei Collegii providentes pro remedio animæ nostræ & parentum nostrorum, & pro cavendo, quod succedere posset, injusto gravamine curam Ecclesiæ in prædicto monte ab omni potestate cujuslibet Archidiaconi, consilio & conventu totius Ecclesiæ Paderbornensis absolvimus. Et ut Deo in Gerdinensi Monasterio servientibus molestiæ occasio tolleretur, Prælato Cœnobii illius exclusa Clericorum vel Laicorum potestate eam assignavimus. Ut igitur hæc nostra ordinatio in omnia post futura tempora rata & inconvulsa permaneat, auctoritate Patris, & Filii, & Spiritus sancti, & sanctorum Apostolorum Petri & Pauli eam confirmamus, & præsentem paginam banni nostri, & sigilli nostri*



nostri impressione munitam eorum etiam, qui infra nominati sunt testimonio conscribi fecimus. Testes Weno Præpositus majoris Ecclesiæ, Rembertus Præpositus Sancti Andreae, Almarus Decanus, Ekbertus, Lentfridus, Bernhardus, Evergisus Meinricus Canonici majoris Ecclesiæ. Hameko Abbas sancti Pauli, Lambertus, Monachus. Laici Widikindus de Swalenberg, Hermannus de Lippia, Thetmarus de Buren, Wernerus de Brack, Henricus Comes, Adalbertus de Rikeswigh, Luidoldus de Osdagesheim, Conradus Stapel, Uffo, Anshelmus, Eilbertus, Coto Burgenses, Cono dives. Acta sunt hæc anno Domini Millesimo centesimo tricesimo sexto, regnante Lothario Romanorum Imperatore, anno regni ipsius XII. Imperii autem IV. Datum Paderbornis duodecimo Calend. Aprilis.

dicitur, seu quod locus postea communitus, & triplici munimento inclusus fuerit; ut quod prisca Iburg, posteriori Driburg dixerint: seu id vulgi appellatione invaluerit. Habent & Osnabrugenses vetus castrum Iburg, a Caroli, ut volunt ævo, & celebre etiam Episcopi sede; sed nostrum ex antiquioribus monumentis Scriptorum id nomen sibi vendicat. Quemadmodum hæ Bernardi Episcopi tabulæ, & quas ad annum 1142 proferemus; tum aliæ complures ejusdem Episcopi literæ, anno cumprimis 1138, anno 1153, aliisque temporibus datæ, commonstrant, quibus celebrem hunc antiquitatis locum Iburgum vocat, nomine haud dubio a Caroli M. temporibus constanter servato; præterquam, quod turre, fossæ, valla, & validi munimenti vestigia apud nos etiamnum aspiciantur, secus quam Osnabrugenses monstrare possunt. Accedunt Gobelinus, Crantzius, Cleinsorgius, alique Saxoniarum Scriptores, qui Iburgum vetus e Caroli M. ævo monstrant in diocesi nostra Paderbornensi, & hoc ipso, quo diximus loco, atque ex ipsa Caroli donatione Hathumaro facta. Bernardus Episcopus, cum, Lothario Imperatore, tanquam altero Caroli, Christi religio floreret, hunc locum in quo Christi religio primum triumphavit, Collegio Virginum, cultuque pietatis exornare voluit. Nec Lothario quicquam jucundius, quam Paderbornæ, vicinisque locis prisca Caroli monumenta lustrare, per cujus vestigia religionis, felicitatisque irreviviscit.

Castrum Iburgense in diocesi Paderb. Ca. soli M. expugnatio, ne celebra.

Castrum Iburg, ad quod Virginum hoc Cœnobium antiquitus constructum coepit, in jugo montium Teutonorum situm, unum inter vetustissimæ Saxorum castra a Carolo M. expugnatum, quod barbaræ gentes in abrupto & præcipiti montis vertice construxerant, ad quod unus tantum accessus ex plano montis patet; ideo latus hoc barbari muro prægrandi, cum duplici fossa, altoque vallo præmunierant, satis hodie id rudera commonstrant. Carolus everfo castro locum, quantus circum explicatur per nemora & agros, Hathumaro primo Episcopo nostro dedit. Quemadmodum hæc Ferdinandus Episcopus erudite in monumentis nostris retulit. Piori nomine mutato, nunc Driburg

## Annus Christi 1137.

Innocentii II. Pont. 8. Lotharii II. Reg. 13. Imp. 5.  
Bernardi I Ep. Pad. 10.

Lotharius cum anno superiori in omnibus Imperii conventibus de secunda in Italiam expeditione constanter egisset, implorassetque omnium Sacerdotum & religiosorum hominum per Cœobia preces; sub exitum Augusti cum instructissimo exercitu, ex Saxonia & Germania collecto, movit; quod magnopere sollicitaret ejus opem Innocentius Pontifex adversus Petrum Leonis schismaticum Pontificem, ac Rogerium Siciliæ Tyrannum. Impe-

ratores comitati tres Archiepiscopi, Bruno Colonienfis, Albero Trevirensis: & Conradus Magdenburgensis. His se junxere Episcopi, Albero Leodiensis, Andreas Trajectensis, Anselmus Halberstadiensis, Henricus Tullensis, Henricus Ratisbonensis. Magna præterea procerum Principumque multitudo affectata Imperatorem; supremus ex his militiæ præfectus Henricus superbus Bavariæ Dux, Lotharii gener, & Conradus Sueviæ Dux ex æmulo

Altera Lotharii in Italiam expeditionis, qua Innocentii Pont. hostes subacti. Otto Frising Ursberg. Chr. Hildes. Chron. Be. nevent. Genius.

**æmulo regni Lotharii amicus.** Lu-  
 strato exercitu, per alpes Tridentinas  
 factum iter. Magnus inde per Italiam  
 terror ex fama tanti apparatus, & fe-  
 licissimi belli procursus, quem multis  
 Sigonius atque Itali Scriptores tradunt.  
 Nos paucis ex Ottone Frisingensi, &  
 Ursbergensi, ac nostris complectamur.  
 Ad primum ingressum castrum Gar-  
 diæ expugnatum; quo in deditionem  
 accepto, Imperator ad Padum pro-  
 gressus, Caristallum cœpit. Ibi Me-  
 diolanenses ac Cremonenses diuturno  
 bello inter se digladiantes obvios ha-  
 buit; auditisque singulis, Cremonen-  
 ses damnati, interque hostes Italiæ  
 proscripti sunt; quos Imperator con-  
 secutus, Castella & Oppida eorum  
 evertit. Inde Papiam progressus, ci-  
 ves pactione pecuniæ in gratiam susce-  
 pit. Bononienses & Æmilienses, qui  
 in priori expeditione Casarem despe-  
 xerant, supplices admisit, ignovitque  
 ad generi preces, ita Taurinum usque  
 procedens omnes civitates, & castra  
 in deditionem accepit. Tum vero  
 post comitia Principum Roncaliis acta  
 jus prisco more dictum, itumque Ra-  
 vernam ad hiberna, consultatumque  
 per hyemem de bello per Apuliam &  
 interiorem Italiam adversus Pseudo-  
 pontificis factionem & Rogerium Ty-  
 rannum proferendo. Sub initium ve-  
 ris exercitus ex hibernis evocatus, di-  
 visusque in partes: cum altero Impe-  
 rator in Apuliam, cum altero Henri-  
 cus gener in Campaniam & Tusciam  
 progressus, Beneventum urbem, in  
 quam Rogerius Tyrannus viginti millia  
 militum infuderat, commisso prælio  
 expugnat, & Innocentio Pontifici resti-  
 tuit, quocum ad Lotharium Impera-  
 torem in Apuliam est digressus, Bari  
 tum oppugnationi insistentem. Quæ  
 urbs paulo post capta cum arce, &  
 quingenti prædones saraceni ex præ-  
 sidiariis in furcam acti. Inde junctis  
 viribus Trojam, Garganum, Sipon-  
 tum, Barulum ceteraque Oppida &  
 munimenta expugnant; ejectoque ex  
 rota Apulia Rogerio, provinciam Pon-  
 tifici afferunt. Apuliæ impositus est  
 Radulphus, homo Germanus; Capua  
 Roberto reddita. Bellum id cum pri-  
 mis pro Apostolica sede susceptum;  
 quod in eas beneficiarias provincias  
 Rogerius Tyrannus a Pseudopontifice  
 imploratus immissusque esset, Pontifi-

catus sui stabiliendi causa. Tanta id Lotharii gloria est gestum, ut Otto Frisingensis libere scribat, post Carolum M. nullum Francorum Regem tam præclara pro Apostolica sede perperasse. Consilium erat Lothario Siciliam invadere, ex eaque Rogerium depellere; sed milite reditum in Germaniam orante, ipse cum Pontifice Romam ingressus est. Ac postquam urbem pacatam Pontifici tradiderat, per Hetruriam & Lombardiam iter quoque in Germaniam intendit; delatus vero in vallem Tridentinam, repente adversa valetudine corripitur. Inde postquam ad sylvam, quæ Lycum ab Æno dividit, perventum est, inter Sacerdotum manus ac preces apud castrum Ducis Bojariorum, in villa Breina, seu ut alii, in vilissima casa, excessit e vita anno regni XIII, imperii V, tertio die Decembris; ut in Epitaphio regalis Lutræ notatur, quem etiam diem Chronicon montis sereni notat; falliturque Dodechinus, qui III Calend. Decembris obiisse scribit. Insignia Imperii Henricus gener Dux Bavarie tulit servanda. Corpus per Augustam urbem ac Franciam Orientalem in Saxoniam deportatum, conditumque in Cœnobio Lutere regalis, quod est inter Helmstadium & Brunswicum, quodque ipse Imperator, ut supra relatum est, introductis religiosi viris, sepulture locum delegerat, auxeratque regia liberalitate. Res ab eo gesta ad posterorum memoriam, quod Otto Frisingensis scribit, in plumbeis laminis sunt descriptæ, & sepulchro inclusæ. Nec fallit hic auctor, quando nostra memoria, anno videlicet MDCXVIII, Mausolæum apertum, inventaque sunt ossa panno serico rubri coloris involuta, tabulaque plumbea appositâ cum hac inscriptione.

LOTHARIUS DEI GRATIA RO-  
MANORUM IMPERATOR AU-  
GUSTUS REGNAVIT ANNOS  
XII, MENSES III, DIES XII,  
OBIIT AUTEM II NONAS De-  
CEMBRIS. VIR IN CHRISTO FI-  
DELISSIMUS, VERAX, CON-  
STANS, PACIFICUS, MILES IM-  
PERTERRITUS, REDIENS AB  
APULIA SARACENIS OCCISIS  
ET EJECTIS.

## Sane

Lotharii  
virtutes.

Sane vero magnus Imperator, a pietate & armorum gloria ab omnibus Scriptoribus commendatus. Quo vivo, uti apud Ursbergensem Scriptor quidam, & cum eo ipse Ursbergensis. *Imperium nunquam vacillare potuit, Erat enim vir ille strenuus belli ductor, præcipuus in armis, providus in consilio, terribilis inimicis Dei & sanctæ Ecclesiæ, veritatis amicus, justitiæ acerrimus defensor, injustitiæ vindex, cujus probitas per totam Saxoniam spectata.* Eo auctore jus civile, quod Wernerius, rogatu Mathildæ, secundum Justiniani præscripta digesserat, in Italiæ Gymnasiis, maxime vero Bononiæ renovari cæptum: & in Lombardia Italiæ populos secundum jus civile Romanum tractari voluit; cum antea iudices alii Longobardicis, alii Salicis, alii aliis legibus uterentur. Hoc Imperatoris studio excitatus Gratianus, jus Canonicum ex decretis Pontificum & SS. Patrum sententiis digessit. Quare sago non minus, quam toga clarus Imperator. At sacras ejus virtutes illustrius commendat Petrus Diaconus, æqualis eorum temporum Scriptor, *quod sub imperii chlamyde cælesti militaret Regi, Sacerdotes honoraret, ut Patres, pauperes foveret ut filios, viduas ut matres, itaque singulis emineret virtutibus, ut omnes perfecte haberet.* Pius illi mos erat, etiam in omni expeditione bellica, tribus quotidie sacrificiis Missæ interesse; quorum primum diluculo pro defunctis, alterum pro salute exercitus, tertium pro se & familia offerri voluit, eique ante prandium cum solemni liturgia intererat: visusque est inter orandum sæpe uberes lacrymas fundere, pauperum lavare pedes, abstergente Richeza Imperatrice, iis cibum & potum suis manibus præbere, viduarum, pupillorum & oppressorum & Ecclesiæ causas ante omnes sollicitas regni curas habere. Cum Cassinense Cœnobium una cum Richeza conjuge inviseret, uterque pedes montem conscendit, ac nudis ipse Imperator pedibus Ecclesiæ altaria, & loca sacra ob venerationem D. Benedicti obire conspectus. Quæ Imperator & Imperatrix hoc accessu munera ad altare obtulerint, multis exponit Petrus Diaconus, qui se hæc omnia coram observasse memorat. Nec D. Henrici modo, sed omnium

Saxonum Regum ac Imperatorum pietatem erga D. Benedictum locique sanctitatem spirare visus; quod ex eo cœnobio frequentissimum ordinem per Italiam, Galliam, Germaniam, Saxoniam; & disciplinam formamque religiosæ vitæ, tanto religionis bono, & innumerabili Sanctorum virorum multitudine, propagatam intelligeret. Quare Lotharius, ut idem auctor refert, nunquam a consortio Episcoporum & Abbatum avelli voluit. Paucis Helmodus presbyter principatus encomium complexus, cum Lothario, inquit, novam Imperio lucem obortam fuisse, rediisseque tranquillitatem temporum, abundantiam omnium rerum, pacem inter regnum & Sacerdotes, florem christianæ religionis. Neque facile post Carolum M. & Ottonem Imperator religione, virtute, & belli fortitudine major; longe etiam major futurus, nisi mors, uti Otto Frisingensis perhibet, florentissimum Imperii cursum abruptisset. Omnem hanc felicitatem consecutus est, quod Apostolicæ sedis defensionem, Caroli M. aliorumque gloriosissimorum Imperatorum exemplo, tam sincero animo & veneratione suscepit. Quare inter quatuor e Saxonica gente Imperatores, tres videlicet Ottones & Henricum sanctum, ipse quintus, nulli post Ottonem M. secundus: omnes Apostolicæ sedis, & Romani Pontificis fidelissimi defensores, qui sibi post Francorum Reges primam jure gloriam deposcunt.

Eggenius L.  
2. in Lothario.

Uno tantum Imperator infelix, quod tantarum virtutum, tantarumque possessionum parens, nullum hæredem filium reliquerit. Unde ab excessu ejus statim perniciofa lis orta inter Henricum superbum generum, & Albertum Ballenstedium, cognomine Ursum de Saxoniz Ducatu; ambo licet a duabus Sororibus & Magni ultimi Saxoniz Ducis filiis geniti fuerint. Majori tamen luctu Saxoniam Germaniamque implevit mortis ejus nuncius, quod fontem tranquillitatis & felicitatis Saxoniz una cum Imperatoris vita claudi timerent.

Sustulit & hic annus duos Archiepiscopos, Brunonem Colonensem ad obsidionem Barii in Apulia, & Adel-

Dodechin.  
Chr. Hild.  
Mogunt.  
ann. & his

Adelbertum Moguntinum, virum excelsi animi, & præclare de Lothario, Imperio, & de religione meritum, post cujus obitum urbs Moguntina cum Basilica Cathedrali conflagravit.

Ex Archiv.  
Flehtorp.

Inter hæc Bernardus Episcopus noster in reparandis incendii ruinis, & exornandis religiosorum Cœnobiis occupatus, hoc anno, quem decimum Episcopatus sui scribit, publicis literis commutationem bonorum inter Volmarum Corbeensem & Hartwigum Flehtorpiensem Abbates factam pontificali auctoritate Nonis Julii ratam habet. Multis eæ literæ testibus ex clero, nobilium & ministerialium numero, consignatæ. Sed longe illustriori beneficio Bernardus Episcopus noster complexus Monasterium S. Mariæ, cui ab Innocentio II pro ea, qua apud Pontificem valebat gratia ex superiorum annorum meritis, honorificam confirmationem impetravit. Ad quod Pontifex eo pronior fuit, quod Bernardum una cum Comite Swalenbergensi ejus Cœnobii conditorem acceperat. Literæ Apostolicæ sic habent.

Bernardus  
Ep. ab In-  
nocentio  
Pont. con-  
firmatio-  
nem Monas-  
terii S. Ma-  
riæ impe-  
trat.

Innocentius Episcopus Servus servorum Dei, dilectis filiis Monachis Monasterii Sualenbergensis tam præsentibus quam futuris in perpetuum. Sacrosancta Romana Ecclesia, quæ per Beatum Petrum Apostolorum principem Ecclesiarum omnium primatum obtinuit, omnibus ejus suffragio indigentibus subvenire misericorditer consuevit. Dignum est enim, ut qui ad animarum regimen assumpti sumus, eas & a pravorum nequitia tueamur, & Beati Petri patrocinio muniamus. Quocirca dilecti in Domino filii vestris desideriis impartimur assensum, & Sualenbergense Monasterium a nobili viro Widekindo in honore Beatæ Dei genitricis fundatum, atque consilio & assensu gloriosi filii nostri Lotharii Romanorum Imperatoris Augusti, nec non bonæ memoriæ Fratris nostri Adelberti Moguntini Archiepiscopi regimini Paderbornensis Ecclesiæ ab eo pro sua devotione oblatum, præsentis scripti pagina communitimus. Statuentes, ut quascunque possessiones, quæcunque bona ex dono Fratris nostri Bernardi Paderbornensis Episcopi, vel ejusdem Widekindi, idem locus in præsentiarum canonice possidet,

quæcunque etiam concessiones Pontificum, largitione Imperatorum, vel Principum, seu quorumlibet oblatione fidelium eidem venerabili loco rationabiliter offerri contigerit, firma vobis in perpetuum & illibata permaneant. Obveniente vero ejusdem loci Abbate nullus ibi qualibet surreptionis astutia vel violentia præponatur, nisi quem Fratres ipsius Monasterii communi assensu, seu Fratrum pars consilii sanioris, secundum Dei timorem, & Beati Benedicti regulam providerint eligendum. Advocatumque nisi per electionem, atque providentiam Abbatis & Fratrum ibidem constitui omnimodis prohibemus. Decernimus ergo, ut nulli omnino liceat vestrum Monasterium temere perturbare, aut ejus possessiones auferre, vel ablatas retinere, minuire, seu quibuslibet molestiis fatigare, sed omnia integra conserventur vestris usibus profutura. Si vero, quod absit, Advocatus, qui in vestro Monasterio pro tempore fuerit, inutilis apparuerit, liceat vobis loco ejus alium idoneum substituere ad honorem & utilitatem loci vestri. Quod si Episcopus in cujus diœcesi vestrum Monasterium situm est, temere vos in aliquo gravare voluerit, facultatem liberam habeatis ad auxilium Matris vestræ Ecclesiæ Romanæ confugere, utpote, qui sub ejus speciali protectione consistitis. Si quis igitur imposterum hujus nostræ constitutionis paginam sciens contra eam temere venire tentaverit, secundo tertioque commonitus, si non præsumptionem suam congrua satisfactione correxerit, potestatis honorisque sui periculum patiat, & a sacratissimo corpore & sanguine Dei & Domini Redemptoris nostri Jesu Christi alienus fiat, atque in extremo examine districtæ ultioni subjaceat. Conservantes autem eidem loco, quæ sua sunt, Omnipotentis Dei & Beatorum Apostolorum Petri & Pauli gratiam consequantur. Amen. Amen. Ego Innocentius Catholica Ecclesiæ Episcopus. Ego Drogo Ostiensis Episcopus. Ego Guido Diaconus Cardinalis Sancti Adriani. Ego Anselmus presbyter Cardinalis. Ego Gerhardus presbyter Cardinalis sanctæ Crucis in Jerusalem. Ego Grisogonus Diaconus Cardinalis Sanctæ Mariæ in porticu. Ego Lucas presbyter Cardinalis Sanctorum Joannis & Pauli. Ego Martinus presbyter Cardinalis Sancti Stephani.

Stephani. Datum in territorio Romano per manum Innocentii sanctæ Romanæ Ecclesiæ Diaconi, Cardinalis & Cancellarii, sexto Nonas Octobris, Incarnationis Dominicæ anno MCXXXVII Indictione 1. Pontificatus vero Domini Innocentii Papæ secundi anno octavo.

Quibus vero commutatio bonorum Cœnobii Flechtorpiensis comprobatur, literæ Bernardi Episcopi nostri hæ sunt.

In nomine sanctæ & individue Trinitatis, Bernhardus divina favente clementia Patherburnensis Episcopus. Divinarum scripturarum auctoritate frequenter moniti, paupertati fidelium Christi consiliis & auxiliis infatigabiliter adesse decrevimus, scientes ratum nostræ salutis emolumentum fore, res ipsorum labore contractas per nostræ humilitatis auctoritate roborari. Notum igitur facimus caritati omnium tam futurorum quam præsentium Christi fidelium communi consilio, & unanimes totius Ecclesiæ nostræ consensu, factam esse inter D. Volmarum Corbeiensis Ecclesiæ Abbatem & D. Abbatem Hartwigum in Flietorp commutationem vid. in decima, quæ est super omnes ejusdem villæ mansos, & in uno Vorwerch sito in villa, quæ vulgari appellatione vocatur Nieterengambeke, addito uno mancipio & sexaginta jugeribus cum area. Hujus autem curiæ redditus æstimantur ad duo talenta, & solidos quinque, quo superbundantius prædictæ decimæ pretium solidorum restitueretur. Hujus autem concambii summa ea est, ne fratres inibi Deo monachica quiete famu-

lantes ab exactionibus & gravaminibus decimæ, vel commutatione pretii, vel qualibet alia fatigatione turbarentur. Providentes etiam ne quis Successorum nostrorum aliquid pro recognitionis gratia ab Ecclesia in Flietorp pro decima sic conquistata sibi exigat exhiberi, statui-mus eundem haberi respectum in prædicto Vorwerch, quem in decima ante factam commutationem Ecclesia nostra semper habere consueverat. Et ut hæc commutatio præmemorati Vorwerch pro decima rata & inconvulsa maneat in perpetuum, eandem decimam Ecclesiæ in Flietorp omni pace & tranquillitate in usum fratrum possideat, hanc nostræ auctoritatis paginam conscribi, & sigilli nostri impressione insigniri jussimus; data in publico sententia, ut quicumque hoc infringere præsumpserit, perpetuo cum Juda traditore anathemate moriatur. Hujus autem commutationis legaliter factæ testes sunt Wino Præpositus, Esicfius præpositus, Reimberius Decanus, Gernandus, Odelricus, Ranawigus, Cuno, Reimboldus Canonicus. Sifridus Comes, Volcwinus Advocatus, Hermannus & Bernhardus, Thietmarus & Bernhardus, Conradus & Rotbertus, Thietmarus. Ministeriales Cono, Uffo, Adalbrath, Henrich, Hildebold, Landold, Conrad, Berenward, Ecbertus, Henrich, Eiko, Manegold, Johannes, Bertram, Hugo, & alii multi. Data Nonis Julii. Anno ab Incarnatione Domini millesimo centesimo trigésimo septimo, Indictione 15. anno autem Domini Bernardi Paderburnensis Episcopi decimo.

## Annus Christi 1138.

Innocentii II. Pont. 9. Conradi III Reg. I.

Bernardi I Ep. Pad. 11.

Succedit nunc annus Christi MCXXXVIII, quo ab excessu Lotharii Imperatoris a Principibus Germaniæ agitatum de novo Rege in solium producendo. At duo potentissimi regni æmuli controversantes, Conradus Sueviæ Dux, & Henricus superbus Bojariæ & Saxoniam Dux, Lotharii gener, qui ob hanc flagrantissimam spem Imperii insignia apud se tenebat. Ardua fuit electio, ex qua post pacem rursus in civilia bella itum, haud levi Saxoniam Germaniamque calamitate. In-

dicta igitur Confluentiam ad Cathedram S. Petri xxii Februarii comitia studio Adalberonis Trevirensis Archiepiscopi; ad quæ præter Adalberonem convenere Theoduinus Cardinalis Apostolicæ sedis Legatus, Arnoldus Coloniensis Archiepiscopus tum Brunoni suffectus, Buggo Vangionum præsul, Fridericus Sueviæ Dux, aliique Episcopi, ac Principes, a quibus Conradus Dux Rex salutatus. Vel eo ad id proniores fuere, quod Legatus Apostolicus Apostolicæ sedis assensum promitte-

Conradus Sueviæ Dux. eligitur in Regem Roin. Alii electio nem Conradum de relictis in annum seq.

mitteret, multique cum Adalberone Trevirensi Archiepiscopo averfarentur Henrici superbi elatos animos, quod ne eligentium quidem gratiam sollicitare dignatus; tanquam aut merito, aut rebus præclare gestis, aut terrore potentiae fasces ultro in manus venturi essent; eoque etiam insolentior erat, quod jam Principes aliquot regium illi nomen obtulissent. Quare Confluentiam festinatum; ubi in medio Quadagesimæ a Legato Apostolico inunctus est Conradus. Nam Colonienfis, cui id debebatur, quia nondum pallio decoratus erat, ut Otto Frisingensis scribit, cessit Legato munus. Quinam vero ex Saxoniae Episcopis interfuerint, non reperio; certe Saxones principio huic electioni obstitere, quod pro Henrico suo duce facerent.

*Heida in his  
flor. Ultra-  
jea.  
Mirans in  
Not.  
Belg. c. 149  
Pontanus l.  
6. Gelria.  
Melanius.*

Pascha deinde Rex Coloniae celebravit, magna Episcoporum & Principum frequentia. Nam cum novo istic Rege fuere Theodwinus Legatus Apostolicus, Arnoldus Colonienfis, Albero Trevirensis Archiepiscopi: Embrico Herbipolensis, Albero Leodienfis, Wernerus Monasterienfis, Udo Osnabrugensis, Stephanus Metensis, Nicolaus Cameracensis, Andreas Ultrajectensis, Rudolphus Halberstadiensis Episcopi. Horum enim nomina constant ex tabulis Ultrajectensis & Aquisgranensis Ecclesiae, quas illic consignarunt: quarum alteris Conradus Rex comitatus Frisiae, Ostergoam & Westergoam, Andreae Trajectensi Episcopo restituit; alteris praedium Aquisgranensibus confirmat. Tabulas Trajectensi Ecclesiae conscripsit Arnoldus Colonienfis Archiepiscopus Vicecancellarius. Fratrem is habuit Hartwigum Flechtorpiensis apud nos Cœnobii Abbatem, credunturque Henrico Gelriae & Zutphaniae Comite geniti.

*Ordo Frising.  
Dedechin.*

Colonia Rex Moguntiam digressus, Adalbertum prioris Adalberti ex fratre nepotem electione cleri & populi constituit Archiepiscopum, quo beneficio & hunc sibi devinxit. Ingentes interim iras versabat Henricus Superbus, qui nec ad conventum ullum hactenus venire dignatus, & palam electionem vitio factam aspernabatur. Quare Bambergam festo Pentecostes Rex ad comitia magno splendore, magnoque Prin-

cipum comitatu perrexit; quo & Saxones cum Richeza Imperatrice vidua magnam partem accessere, novo Regi obsequium & fidem professi. Solus ibi ex Principum numero desideratus Henricus Dux; & quia insignia Imperii in potestate habebat, quæ expectabantur tradenda, festo Apostolorum Petri & Pauli Ratisbonæ illi dictus dies. Tandem Dux, veritus ne collecta in se omnium Principum ira hostis renunciaretur, Ratisbonam accessit, signaque Imperii Regi tradidit, in cuius tamen conspectum venire aspernatus est. Quæ cum Rex adverteret trahi a præpotente viro in grande malum, Augustameum evocat; quo & Dux armatus venit, castris ad Lycum positis. Ita per simulates ad arma perventum. Conradus veritus congregi Herbipolim accelerat, ubi in senatu quorundam Principum iudicio Henricus majestatis reus proscribitur. Inde Goslaræ per festa Natalis Christi Principum conventus indictus, in quo Henricus utroque Ducatu exutus; Saxoniaeque datus ab Rege Alberto Urso Henrici consobrino, Bavariae Ducatus Leopoldo Marchioni Austriae, Conradi Regis uterino. Mira, inquit Otto Frisingensis, elati Ducis depressio, qui Bavariae Ducatum hæreditarium acceperat a patre, Saxoniae a Lothario focero cum amplissimis bonis, Tusciam & Mathildis hæreditatem Pontificis beneficio; eaque potentia imminerebat, ut gloriari solitus, se ab Oceano Germanico ad mare usque Adriaticum porrigere Imperium; hic repente omnibus exutus vix reperit, ubi tutus consisteret. Sed hæ rerum humanarum vicissitudines. Quantum Lotharius depressit Suevorum Ducum potentiam, tantum Suevi decessere in Lotharii genero Henrici familiam. Sed jam ante permulti Principes indigne ferebant præter Imperii morem duos ducatus congeri in unum Principem, verebanturque surgentem regiam potentiam, quæ in Henrico Superbo Tarquinium aliquando datura, & Reipublicæ libertatem oppressura esset. Hoc concitato rerum statu per Saxoniam, Wernerus Monasterienfis Episcopus, qui Conrado Regi perpetuus fere hærebat comes, magnifico diplomate exornavit Cappenbergenfem Cœnobium, gratus pro beneficio, quo centum & amplius

*Henricus  
utroque Sa-  
xonie &  
Bavariae  
Ducatu in  
conventu  
Goslarien-  
fi exiit.*

*Dollander  
in viza Go-  
desfridi § 9.  
Wernerus  
Ep. Monst.  
benefici  
Cappenh.*

Ministe-



ctores, evocarent in subsidium & exemplum continentis vitæ. Nec minus florentis disciplinæ erat Corbeienſe Cœnobium; in quo cum exceſſiſſet e vita hoc anno Volcmarus Abbas, vir præſtantis pietatis & doctrinæ, ſubſectus eſt Abbas Henricus, frater Henrici Ducis. Vivebatque per id tempus Corbeiz Monachus Ludovicus Alberti Urfi Saxoniz Ducis patruus. Quippe imperante Lothario, novis ubique conſtructis Cœnobiis, familia Benediſtinarum, Ciſtertienſium, & Præmonſtratenſium florentiſſima erat. Dithardum quoque Oſnabrugenſem Epiſcopum, poſtquam Eccleſiam magna conſtantia & emolumenti laude per XVIII annos adminiſtraſſet, hoc anno obiſſe, ſatis liquet ex Udone Succellore, quem ſupra produximus.

**Moritur  
Volmarus  
Abbas Cor-  
beiensis.**

Et Ditharo  
 dus Episc.  
 Osnabr.  
*Erdvinus*  
*in Chron.*  
 Osnabr. MS.

Innocentii II. Pont. 10.    Conradi III Reg. 2.  
Bernardi I. Ep. Pad. 12.

fopiendum Conradus Rex cum exercitu progressus est in Saxoniam, tracto in societatem armorum Bohemiæ Duce. Interritus ad hæc Henricus Dux, tanta ferocia Conrado Regi ad Hamburgum occurrit, ut non ausus prælio congredi, maluerit pacto cum Henrico foedere, quam armis transigere; terrebant nimirum Regem pristinae Cæsarum clades a Saxonibus acceptæ. Hoc rerum successu & Saxonum fide elatus Dux tendebat in Bojariam, quam Leopoldus desciscientibus ad se magnam partem Bois occupabat; cum Quidelenburgi repentino morbo correptus, 13 Calend. Octob. extinguatur, præbito, ut plerique scribunt, veneno. Corpus ad Cœnobium regalis Luteræ deportatum, conditumque apud Lotharium Imperatorem locum suum. Filium reliquit Henricum cognomento Leonem, ætate quadriennem puerum. Hunc quia vocatis ad fatalem lectum Saxoniae proceribus commendarat, illi in fidem susceperere, & gentis suæ principem, deserto Rege, crearunt. Tutela pueri data Welfo Henrici Ducis fratri; is cum de Saxonum fide esset securus, arma adversus Leopoldum Marchionem, Bavariae impositum, vertit, multumque conatus est hunc Ducatum servare Hen-

Obitus Henrici ducis, cui filius, Henricus cognomen- to Leo, succedit.  
Chr. Mont.  
Serani  
Alb. Sand.

Uuu 2. rico

**Obitus Hen-**  
**rici ducis,**  
**cui filius,**  
**Henricus**  
**cognomen-**  
**to Leo, suc-**  
**cedit.**  
*Chr. Mont.*  
*Sereni*  
*Alb. Stad.*

Vita Ludo-  
vici apud  
Brevier.  
in Sider. il-  
lustr.  
Ludovicus  
Comes A-  
renstenius  
religiosam  
cum conju-  
ge vitam  
amplecti-  
tur.

rico Leoni nepoti suo. Nec destitit inter varios Bojariæ casus, donec a Conrado Rege proscriptus, totius Imperii armis oppugnaretur. Saxones interim, quorum ductores Rudolphus Comes, Fridericus Palatinus, pro tutela pueri concordēs, Bardewicum ceterasque civitates & castra, ejectis Alberti præfectis ex Transalbinia, Adolphum Holfatiæ Comitem reponunt; nec ausus est Conradus Rex bello laceßere Saxones; tamen hæc per rebellionem, ut Otto Frisingensis vocat, contra Regis auctoritatem agerentur, Westphalia inter hæc quieta mansit, in qua Ludovicus Arnstenius Comes, permotus Godefridi Cappenbergensis consanguinei exemplo, castrum, quod ad Lonam fluvium incolebat, in Cœnobium ordinis Præmonstratensium convertit, seque una cum Guda conjugē Deo consecravit. Illa prope Cœnobium, ac templum sponte includi petiit angusto in domicilio, ex quo per unam fenestram prospectus pateret: inde sumpto habitu inter Præmonstratenses sanctissime vitam clausit.

At Bernardus Episcopus noster, cum ubique per totam Westphaliā & Saxoniam florescentes religiosorum familias aspiceret, nihil impensius habuit, quam in perlustranda diœcesi Clericorum mores & religiosorum hominum Cœobia ad primum instituti vigorem revocare; cumque Herifienſe Sanctimonialium & Canonicarum Virginum Collegium ad arctiorem vitæ disciplinam deducere cogitaret (ut tum multa ejusmodi Collegia Virginum formabantur ad institutum D. Benedicti, aut Cisterciensium, aut Præmonstratensium) Beatrix Abbatiſſa, & virginēs, quarum pleræque ex prima nobilitate erant, ab Innocentio II. Pontifice omnium privilegiorum confirmationem impetrarunt; id quod hoc diplomate Pontificis constat.

Innocentius Episcopus Servus servorum Dei. Dilectæ in Christo filiæ Beatrici Abbatiſſæ Heriensis Monasterii, & virginibus sibi in eodem regimine regulariter \* successivis in perpetuum. Piæ voluntatis postulatio debet effectum per sequentem compleri, quatenus devotionis sinceritas laudabiliter emiteſcat, & utilitas postulata vires indubitanter assumat. Quapropter dilectissima in Domino filia Beatrix Abbatiſſa tuas rationabiles postulationes clementius at-

tendentes Monasterium Herifienſe, cui auctore Deo præſides, sub Apostolica sedis protectione suscipimus, & præſenti privilegio communimus. Statuimus enim, ut quascunque possessiones, quæcunque bona iocem monasterium in decimis & in aliis juste & legitime possidet, aut in futurum concessione Pontificum, liberalitate Regum vel Principum, oblatione fidelium, seu aliis justis modis auxiliante Deo poterit adipisci, tibi & sororibus, & presbyteris, qui inſequenti tempore in eodem loco Domino famulantur, quam etiam posteris vestris in perpetuum confirmamus. Obeunte vero de ejusdem loci Abbatiſſa, vel earum quælibet, quæ tibi in eodem successerit regimine, nulla inibi qualibet surreptione, astutia vel violentia præponatur, nisi quam sorores communi consensu vel pars janioris \* - - \* forte consilii. secundum disponentis Dei timorem elegerint. Insuper Apostolica auctoritate præcipimus, ut vester locus advocatum suscipere non cogatur, sed illum habeat, quem ejusdem loci Abbatiſſa & sorores communi consilio providerint eligendum, qui etiam si inutilis apparuerit, eo remoto, earundem omnium sicut bonus ex dispositione alius idoneus substituitur. Decernimus ergo, ut nulli Archiepiscopo, nulli Episcopo, nulli Regum vel Principum, nulli omnino Ecclesiasticæ sæcularique personæ liceat eandem Ecclesiam temere perturbare, aut ejus possessiones auferre, vel ablatas retinere, imminuere, aut aliquibus exactiōibus fatigare, sed omnia integre conserventur vestris & pauperum usibus profutura, salva nimirum Diœcesani Episcopi Canonica reverentia. Si qua igitur in posterum Ecclesiastica sæcularisve persona hanc nostræ constitutionis paginam sciens contra eam temere venire temptaverit, secundo tertioque commonita, si non congrue satisfecerit, potestatis honorisque sui dignitate careat, reamque se divino iudicio existere de perpetrata iniquitate cognoscat, & a sacratissimo corpore & sanguine Domini Redemptoris nostri Jesu Christi aliena fiat, usque in extremo examine districtæ ultioni subiaceat - - - autem eodem loco sua vita servantibus sit pax Domini nostri Jesu Christi, quatenus & hic fructum bonæ actionis percipiant & apud districtum Judicem præmia æternæ pacis inveniant. Amen Datum Anno Domini M. CXXXIX.

Abbatiſſa  
Herifienſis  
confirmat  
tionem suo-  
rum privi-  
legiorum  
impetrat ab  
Innocentio  
Pont.

\* an success.  
saris.

# Annus Christi 1140.

Innocentii II Pont. 11. Conradi III Reg. 3.

Bernardi I Ep. Pad. 13.

Chr. Bigau.  
Mirans in  
Nat. Belg.  
Ursberg.  
Dedebin.  
Hist. Bavariae  
Chr. Minz.  
Alb. Scad.  
Helmold.

Inter hæc, cum invalesceret, ut diximus, bellorum motus per Saxoniam & Bojariam, Conradus Rex V Idus Februarii celebrem WORMATIÆ Principum conventum habuit; quem etsi ceteri Scriptores prætereant, eum tamen scribit auctor Chronici Bigaviensis, satisque indicat Miræus ex tabulis Monasterii Strabulensis per id tempus WORMATIÆ consignatis; sistuntur enim ex congregato Principum numero præter Legatum Apostolicæ Sedis hi testes: Albertus Moguntinus Archiepiscopus, Albero Trevirensis Archiepiscopus, Albero Leodiensis, Stephanus Metensis, Sigefridus Spirensis, Bucco WORMATIENSIS, Embricho Wirceburgensis, Bernardus Paderbornensis, Udo Osnabrugensis, Episcopi: FRIDERICUS Suevorum Dux & Alsatia, Adelbertus Dux Saxonie, Godefridus Dux Lovaniensis, Wilhelmus Comes Palatinus, Hermannus Marchio, Thibaldus Marchio de Norborch, Geverardus Comes de Sulecbach, Henricus Comes Namurcensis. Eas tabulas conscripsit Arnoldus Cancellarius vice Adelberti Moguntini Archiepiscopi & Archicancellarii, sive is jam fuerit Colonienfis Archiepiscopus, sive alius eo nomine Arnoldus Cancellarius. Certe WORMATIÆ V. Idus Februarii consignatæ sunt. Ac primus hic conventus, in quo Bernardum Episcopum nostrum cum Conrado Rege in Collegium & familiaritatem venisse reperio, quem exinde sibi benignum faventemque habuit.

Ex tabul.  
Cæsaris in  
sul.  
Conventus  
Principum  
Francofurt.  
in quo bel-  
lum adver-  
sus Welfo-  
nem decre-  
tum.

Alium mox Principum conventum iv Calend. Maji Francofurti indixit Rex, ad quem denuo Bernardus Episcopus Regem secutus. Nam illo in comitio Conradus Rex Insulam D. Suiberti in tutelam suscepit, tabulis hac super re confectis, quibus subscripsere Adalbertus Moguntinus Archiepiscopus, Adalbero Trevirensis, Bucco WORMATIENSIS, Embricho Wirceburgensis, Sigefridus Spirensis, Bernardus Paderbornensis, Regembertus Pataviensis, Otto Frisingensis Episcopi. In utroque hoc conventu, cui Saxonici

Principes se subtraxere, bellum adversus Welfum Henrici fratrem decretum, quod is Leopoldum Bojariæ impositum Ducem infestis armis premeret, Rex subinde Paschate Herbipoli celebrato totus fuit in apparando bello adversus Welfum. Is jam magna clade ad Phateiam, iu Norico castrum, Leopoldum affecerat. At Conradus Rex ut victoria elatum comprimeret, cum instructo exercitu advolat, & Welfum ad castrum Winsbergam 21 Decembris prælio in fugam compellit, castrumque Winsbergam ad extrema pressum ea conditione sibi dedi poscit, ut quidquid matronarum humeris exportari possit, id bona paceret; eaque conditio memorabile fidei amorisque conjugalis ad posteros exemplum dedit. Nam cum uxores de virorum suorum capite agi viderent, singulæ viros suos humeris gestantes loco sarcinarum exportarunt. Quod spectaculum cum Regem Conradum ad lacrymas, ceteros ad commiserationem moveret; solus Fridericus Regis frater indignatus, dolumque incusans, exportatos viros ad supplicium poscebat; at Conradus non decet, inquit, mi frater, Regem ullo in casu fidem fallere. At Welfus licet ea clade debilitatus, non tamen destitit, Saxonum viribus confusus bellum redintegrare, Bojariamque pro pupillo Henrici fratris filio repetere. Aufi & Saxones Groningam, Anhaltum, Goblentham, Wilbecam, aliasque munitiones Alberto expulso evertere. Marchia ejus Rudolpho Comiti data. Adjunxit se in hanc societatem Adolphus Holfatiæ Comes, qui hoc anno ingentem hominum multitudinem ex Hollandia, Frisia & Westphalia collectam in Transalbianas regiones, a Sclavis exhaustas, traduxit, urbemque Lubeckam & Christi religionem novis hisce colonis restaurare cepit.

Trishem.

Ad hunc quoque annum referenda sunt a nobis exordia Cœnobii Hardehusani. Nam ita auctor, qui ex Monachis ejus Cœnobii scripsit pauciores gestas Bernardi Episcopi nostri. *Posthæc anno verbi incarnati M. CXL fratres*

Primordia  
Cœnobii  
Hardehu-  
sani.

*fratres Cisterciensis ordinis ab eo vocati sunt.* Quamquam non nisi quinto ab hinc anno locum ingressi colere & inhabitare cœperint. Idem enim auctor dum scribit Bernardum Episcopum obiisse anno M. CLXV. ait. Hunc annum esse xx ingressionis, ex quo primum e Cœnobio Campensi Monachi per novam sacramque Coloniam in hanc diocesim introducti sunt. Magnus & religiosus Episcopus vix dum ante biennium absolverat Monasterium S. Mariæ a Comite Swalenbergenfi, & a se conditum ordinis D. Benedicti; cum hoc tertium, post Gerdense, inter belli turbas, Ordinis Cisterciensium fundare dotareque aggreditur: hortante nimirum D. Bernardo Abbate, quem sibi e conspectu sanctitatis, multisque congressibus familiarem habebat. Monachi vero, procurante Sigefrido Abbate, evocati ex Campensi apud Ubios Cœnobio, quod tum celebre erat religiosi viris, atque optima disciplina. Et jam ex eodem Cœnobio Campensi anno 1130 in Saxoniam evo-

cati erant ad Amelinsburgum Cœnobium, quod Sigefridus Comes Romineburgius trans Visurgim in nemore Sollingenfi condiderat; & post anno 1136 a Friderico Palatino Saxonie Someseburgio ex eodem Campensi, accersiti ad Cœnobium, quod prope Helmstadium in diocesi Halberstadiensi fundarat. Vidit vero Monasterium Hardehusanum vivus S. Bernardus, intra centum & sexaginta Cœnobio a se condita.

Locus autem hujus Cœnobii delatus ab Episcopo nostro haud procul a Dimola fluvio, & Warburgo Oppido in fundo, & prædio diocesis suæ, quem Hervitehusen dixere; incultus tum quidem, sed opportunus quieti, solitudini, & culturæ intra Teutonicorum montium silvas: quem ita postea auxit donationibus, ut florentissimum istic Cœnobium brevi surrexerit; quæ cognoscantur ex foundationis literis, quas ad annum Christi MCLV recitabimus.

## Annus Christi 1141.

Innocentii II. Pont. 12. Conradi III Reg. 4.  
Bernardi I Ep. Pad. 14.

Comitia  
Ratisbo-  
nensia.  
Mors Ri-  
cheza Im-  
peratricis  
& Leopoldi  
Ducis.

Ceterum Conradus Rex magnopere perplexus ob Saxonum motus, cum gentem bello aggredi formidaret, anno proximo Ratisbonæ, Festo Pentecostes, comitia Principum indicit. Accessere magna frequentia ceteri trans Rhenum proceres, Saxonum pauci admodum; ab iis tamen ita Saxonum causa est acta, ut Adalbertus Moguntinus Archiepiscopus in eorum conspiracy transiret; ac nisi hunc mors hoc anno subtraxisset, civile bellum, quod ardebat, plenis flammis erupisset. Nec enim probabant complures trans Rhenum Principes, a Conrado Rege opprimi Henrici Ducis Saxonie pupillum filium, quo clarissimæ illius familie extinctio quæri videbatur; cum primisque quod Richeza pupilli avia, & Lo-

tharii Imperatoris conjux, hoc simul anno e vivis excesserat, in qua magnum apud Saxones patrocinium erat. Corpus piissimæ Imperatricis, & dignæ Lothario Imperatore, conditum apud conjugem, magno pauperum & Saxonum luctu. Interea Leopoldus Marchio Austrius in Bojaria fatigabat Welfum pupilli tutorem, Bois aut minis aut vi armorum in partem tractis. At postquam Leopoldus hoc anno excessit e vita, Conradus Rex Ducem Bojarie in conventu Principum appellat Henricum Leopoldi fratrem, quem & ipse uterinum habebat; at novo hoc Duce novum vulnus Welfo & Saxonum animis impressum, indigne ferentium, Ducatum hunc Henrico Leonis filio pupillo rursus præcipi.

## Annus Christi 1142.

Innocentii II. Pont. 13. Conradi III. Reg. 5.  
Bernardi I Ep. Pad. 15.

Pax Regem  
inter &  
Principes  
coalescit.

Rex ut Saxones placaret, quos armis aggredi verebatur, anno sequenti, qui jam cum Christo ortus erat MCXLII

celebrato Herbipoli Paschate, haud multo post III. Idus Maji Francofurti comitia indicit, quæ Principum congressu

Oro Prising.  
Dedecim.  
Chr. Mont.  
Saxoni.

Chr. Bigau.  
Alb. Stad.  
Cranz.  
Andr. An-  
gelus in  
Chron.  
Brandeb.

gressu bella civilia detestantium frequen-  
tissima fuere, præsentibus etiam duo-  
bus Cardinalibus, Apostolicæ Sedis  
Legatis, Gregorio & Dicwino. In  
iis pax inter Saxones & Regem ea le-  
ge convenit, ut Henrico Leoni Su-  
perbi filio Saxonia relinqueretur, ab-  
judicata Bojaria: Alberto Urso, cui  
Rex ante ducatum Saxoniam attribuerat,  
Marchia Brandeburgensis data; seu jam  
illam hoc anno adierit, seu promissa  
tantum fuerit, incertum faciunt Scri-  
ptores. Ortus is erat Ascaniæ & Bal-  
lenstedii Ottone Comite, quem anno  
1108 Henricus V. crearat Marchionem  
Solwedilensem; posteri certe Alberti  
ad annum 1322 Marchiam tenere,  
extincti in Joanne IV.; ex qua interim  
stirpe Saxones Lawenburgici, & An-  
haltini Principes se ferunt. Ceterum  
Conradus Rex, ut Henricum Austrium  
in Ducatu Baviaræ firmaret, Gertru-  
dem Henrici Superbi viduam, & Hen-  
rici Leonis pupilli matrem ei in ma-  
trimonium dedit. Atque illa, ut cer-  
tis etiam pactis erat circumventa, jus,  
quod habebat in Ducatum Baviaræ,  
traxit in virum. Adeo instabiles fœ-  
minæ, amores novi mariti ante filio-  
rum habent; sed haud multum super-  
stes Gertrudis altero anno excessit. Sa-  
xones etsi pacis studio hæc admiserint;  
indigne tamen tulit Welfus, Henrici  
Leonis tutor, avitam hæreditatem di-  
verti in alienam Conradi Regis fami-  
liam. Sed ut Regum atque Impera-  
torum, ita familiarum incrementa sur-  
gunt, & occidunt. His Francofurti  
transactis, Conradus Rex in Bohemi-  
am cum exercitu movit; actoque Pra-  
gæ Pentecostes festo, Ladislaum ad se  
profugum, ac supplicem, quem Con-  
radus Comes exturbarat, in ducatum  
reponit. Ex his summa tandem tran-  
quillitas per Imperium.

Præter Ottonem Halberstadiensem  
Episcopum, obiit hoc anno etiam 2.  
Maji Conradus Magdenburgensis, &  
Marcolphus Moguntinus Archiepisco-  
pus, vix anno expleto in ea præectura.  
Illi Fridericus Præpositus, & Co-  
mes Werthinensis: huic vero Henri-  
cus Præpositus subrogatus; uterque  
cleri electione; omnes præstantes &  
conspicui in Ecclesia præsules.

Quos inter Bernardus Episcopus

noster, hoc anno, novo Gerdensium  
Virginum Cœnobio diœcesin & D. Be-  
nedicti familiam exornavit. Nam cum  
per id tempus magnopere sollicitus  
esset de cœnobio ante octennium a se  
in monte Iburg inchoato, Virgines-  
que sacrae istic collectæ in magna rerum  
inopia vitam traherent; quod nec ste-  
rilitas loci culturam ferret, nec aliun-  
de subsidia accederent: atque ipse  
præterea locus, inter nemora & vasta  
montium juga, ab omni hominum  
confortio, horridus, teneras ac pavi-  
das sexus illius mentes affligeret, Epi-  
scopus sæpius consilia versabat de op-  
portuniore cœpti Cœnobii loco. Anxiis  
hiscæ cogitationibus intervenit prædives  
& nobilitate Diœceses vir, Henricus  
de Gerdenen, offerendo domum,  
fundum, & amplam quam habebat,  
bonorum possessionem, in structuram  
& dotem novi Cœnobii, in quod ex  
instituto D. Benedicti Virgines introdu-  
cerentur. Cœnobiumque sub patro-  
cinio B. Virginis & Apostoli Petri esse  
voluit. Mirifice hoc consilium appro-  
bavit Episcopus Bernardus, eaque op-  
portunitate usus, transtulit Virgines  
ex monte Iburg in Gerdensi Cœnobi-  
um, collectoque ex aliis Cœnobiis Vir-  
ginum cœtu; uno simul omnes clau-  
stro inclusit. Quod planius hæ Ber-  
nardi Episcopi tabulæ; plenæ pietatis  
sensu, docebunt.

Monasteri-  
um Virgi-  
num ex I-  
burg in  
Gerden  
transfertur

*In nomine sanctæ & individua Tri-  
nitatis Bernhardus Dei gratia sanctæ  
Patherburnensis Ecclesiæ Episcopus.  
Quanti apud Deum meriti sint, qui-  
busque bonæ vitæ documentis, vel ope-  
ribus claruerint, quos Dominus populi  
sui pastores esse voluit, eorum instituta  
sancta declarant, & ipsorum auctori-  
tate roborata in sua stabilitate Christi  
monstrat Ecclesia. Quorum dum ego  
Successor, licet minus idoneus, gratia  
tamen Dei præventus, Pontificalis cul-  
minis arcem ascendissem, omni studio  
vestigis eorum inhærendo pro voto sem-  
per habui Ecclesias Dei ampliare, eas-  
que oportunis locis fundatas nostra solli-  
citudine firmare, atque incautius posi-  
tas saniori consilio transponere pia pro-  
visione elaboravi. His animo pro pa-  
storalis curæ debito intentus, ancilla-  
rum Dei, quas in monte Iburgh ad Deo  
serviendum consensu Beatricis Abba-  
tissæ de Herffen collegimus, laborem co-  
gitare*

gitare cepti, quem ob loci difficultatem, & adjacentis terræ sterilitatem, silvarumque vel solitudinis vastitatem patiebantur. In hac igitur me proximorum compassione occupato, pius Dominus pauperum suorum miseratus angustias, igne amoris sui accensum nobilem virum quendam Henricum de Gerdenen ad hujus calamitatis terminum consolatorem nobis donavit. Nam ipse conditori suo gratias agens pro spe vitæ æternæ, eum & beatam ipsius genitricem Mariam & beatum Petrum omnium bonorum suorum heredem elegit, atque in fundo domatis suæ, videlicet Gerdenen, Cœnobium construxit, quia ipse locus aptus sanctæ conversationis videbatur. Cujus etiam loci defensionem sub meo & Successorum meorum patrocinio sanctæ Patherburnensis Ecclesiæ pro perpetua ipsius libertate devotus commisit heredibus suis Megerarde sorore sua, & filiis ejus Wernone Godfrido & Basilio hoc postmodum bona voluntate collaudantibus, & ut omni stabilitate divinæ & humanæ legis sub regali & Episcopali banno confirmaretur assentientibus. Ego igitur ut ipsorum devotionis apud Deum particeps existerem, pro majori quiete & pace Deo ibi servientium, Ecclesiam ipsius villæ a Samuele Sacerdote cui commissa erat, mihi resignatam cum omni dote sua & quinque mansis in Gerdenen, & quatuor in Dallesheim communicato Ecclesiæ meæ consilio ab omni jurisdictione & subjectione Ecclesiasticæ secularisve personæ exceptam sub manu Episcopi, vel Abbatis & prioris regendam ipsi Cœnobio concessimus, & libera possessione firmam esse statuimus. His ita pro voto nostro cum multorum fidelium Christi gaudio dispositis, prædictas Dei famulas de loco calamitatis & miseriæ in Gerdenen transduximus, ibique eas uti vere Christi sponsas pro omni Eccle-

sia ac totius christianissimi conservatione semper orantes inclusimus: Ut igitur hæc firma & inconvulsa omni impostero ævo permaneant, auctoritate Patris & Filii & Spiritus sancti, & beatorum Apostolorum Petri & Pauli, & Domini Papæ ac nostræ humilitatis banno firmantes sancimus, ne qua Ecclesiastica secularisve persona contra hæc agere præsumat. Quod si præsumpserit, fiat & sicut Dathan & Abiron, & cum Juda proditore perpetuo anathemate, nisi resipuerit, feriatur, eaque præsentis paginæ scripto & sigilli nostri impressione roboramus. Acta sunt hæc me mediante, multis etiam Christi fidelibus tam Ecclesiasticis, quam secularibus, quorum nomina subscripta sunt astantibus, & gratias Deo agentibus. Anno Domini Millesimo Centesimo quadagesimo secundo, regni vero Domini Conradi quarto, Pontificatus vero mei anno XV. Indictione quinta. Testes Weno majoris Ecclesiæ Præpositus, Odelricus Decanus, Conradus Abbas de sancto Paulo, Conradus Abbas de Helmwardesbusen, Boldewinus Abbas de Lesborne, Daniel Abbas de Harfethchusen, Rembertus Præpositus, Almarus, Thietmarus, Lenthfridus, Ecbertus, Heribertus, Sifridus, Godescalcus, Hugo: Laici nobiles Volquinus de Swalenbergh, Otto Comes de Ravensbergh, Thietmarus de Buiren, Lindolphus de Besethe, Bertholdus de Everschut. Ministeriales Henricus Adelbertus de Ricketswic, Conradus, Luidolphus, Bertholdus, Andreas, Eilbertus, Nanno, Heredagus.

Hoc nunc illud præstans Cœnobi-um Gerdense, haud procul a Neta amne, sub Abbatissæ imperio, quod ita Bernardus Episcopus simul auxilio decimarum & bonorum donationibus, ut alter conditor sibi habitus cultusque.

## Annus Christi 1143.

Cælestini II. Pont. I. Conradi III. Reg. 6.

Bernardi I. Ep. Pad. 16.

Gobelinus  
asat. 6. c. 59  
Cranz. l. 6  
Metrop. c. 10  
Cleinorg.  
in Chron.  
Brusch. in  
Bernardo.

Successit tandem annus MCXLIII, toti Germaniæ Saxonique tranquillissimus, quem nullo intestini belli motu cum exteris turbatum reperio; adeo Principes omnes cum Conrado Rege suo in pacem conspirarant. Rara temporum felicitas, si annalium me-

moriæ repetamus. Decimus simul hic annus erat ab incendio urbis Paderbornensis & Basilicæ. Intra hoc decennii spatium Bernardus Episcopus Basilicam ex ruinis incendiî multo firmitus ac magnificentius, quam unquam sub prioribus Episcopis conspecta fue-

rat,

Bernardus  
Ep. Cathedralem Ba-  
silicam a se  
restituit  
tam conse-  
crat.



rat, construxit; quam & hoc ipso anno solemniter ritu in magna praesentia procerum & frequentia populi sub patrocinio B. Virginis & divorum Kiliani & Liborii Deo consecravit; quanquam anniversarium diem dedicationis, quo ab Imado Episcopo post alterum incendium consecrata fuerat, immutatum reliquerit. Igitur cum dies sollemnis dedicationis Basilicæ servetur in Cathedrali Ecclesia xv Julii; ea ad tempora Imadi referenda erit. Quo vero die hæc a Bernardo facta sit, in annalium nostrorum memoria non invenio.

At quanto pacatior Germania, tanto turbulentius Romæ agi cœptum. Nam, cum bello, quod inter Tiburtinos & Romanos exarserat, victis Tiburtinis, Romani sollicitarent Innocentium Pontificem, ut post acceptos obsides, & juratam fidem urbs Tiburtina nudaretur muris, & cives in exilium projicerentur, recusavit Pontifex tam dura statuere in Tiburtinos; quibus offensi Romani convenire in Capitolio, antiquam urbis dignitatem, ut hæc Otto Frisingensis scribit, renovando, ordinemque Senatorum, qui jam per multa sæcula exoleverat, suam auctoritatem instituunt, bellumque cum Tiburtinis redintegrant. Verum sapientissimus Pontifex, cum prospiceret, ne Ecclesia Dei, quæ per multos annos sæcularem urbis honorem a Constantino

M. sibi traditum potentissime habuit, hac occasione quandoque perderet, multis modis, tam minis quam muneribus, ne res procederet, impedire conatus est. Quæ animadvertere velim heterodoxos nostros, qui Pontificis jus politicum in urbem Romanam abrogant; quod ut ceteri Scriptores a nobis in Carolo M. Romano-Catholico producti asserunt, ita Otto Frisingensis Episcopus, vir Parisiis in omni scientiarum genere excultus, & per id tempus antiquitatum peritissimus, scriptorque celeberrimus agnoscit. Audi etiam Romani omnia jura regalia tam in urbe, quam extra eam per Italiam Pontifici velle abrogare, & ad Patricium, quem adjecerant ordinem, adjicere, quod dicerent Pontifici more Hebræorum Sacerdotum tantum ex decimis esse vivendum; quæ politicorum istorum hæresis fuit. Inter has turbas rebellantis populi Innocentius II. hoc anno merore consumptus, post multas ærumnas Pontificatus obiit; qui tamen cœlesti voce ac monitu ex hac vita ad immortalem evocatus perhibetur, vel eo etiam nobis commemorandus, quod Bernardus Episcopus noster mortem ejus tam acerbo doloris sensu acceperit, quam sibi ex meritis conjunctissimum habuerat. Subrogatus ei in Pontificatu Cælestinus II. sed eo inter quinque menses extincto, sublektus est Lucius II.

Moritur Innocentius II Pont.

## Annus Christi 1144.

Lucii II. Pont. I. Conradi III Reg. 7.  
Bernardi I. Ep. Pad. 17.

Dictus Pontifex, cum anno hoc sequenti, qui eodem tranquillitatis cursu fluebat, Conradi Regis opem adversus rebellantes Romanos submisit imploraret, nihil obtinuit, præterquam quod in comitiis Imperii, quæ Spiræ & Argentinae habuit, jura Ecclesiæ Romanæ, etiam Principum consensione, renovavit, Rogerio interim Siciliae Rege omnes provincias, ex quibus per Lotharium ejectus erat, libere occupante. Tam dispar Conradus Suevus a Lothario Saxone in patrocinio Apostolicæ Sedis. \* Ac Germania licet publica quiete frueretur; ausus tamen Conradus Arensbergensis Comes, pro turbulenta patris indole,

grassare spoliis, depopulando vicinos Episcopatus; & cum nulli crebrius infestiusque incumberet quam Paderbornensi diocesi, Bernardus Episcopus noster toga militare etiam sagum coactus sumpsit; collectoque clientum, ministerialium & incolarum agmine, Comitem aggreditur, commissoque prælio cædit, in quo & ipse Comes interemptus occubuit. Ita demum inquietus homo, qui supra viginti annos divexarat vicinos, finem fecit. Filii ab eo superstites fuere Godefridus & Henricus Comites. Posterior indole a patre & avo diversus, in inferiore colle oppidi Arensbergensis, loco ad Ruram amœnissimo, Cœnobium Wedinghu-

Gobelinus  
atq. 6 c. 59  
Bruschius  
in Catal. Ep.  
Gobelinus in  
vita S. Eng.  
gel. l. 3.  
Codex MS.  
Hardebus.  
Cujus filius  
Henricus  
Cœnobium  
Wedinghu.  
fundat.  
in eoque  
religiosam  
vitam pro-  
fitetur.

Otto Frising

\* Prælium inter Bernardum Ep. Paderb. & Comitem Arensberg. in quo Comes occubuit. Auctor vita Bernardi Ep. nostri.

dinghusanum ordinis Præmonstratensium ex paternis bonis condidit, & multo etiam salubriori consilio sese Deo atque ordini consecravit. Vixit religiosus per omnia virtutum exempla inter suos annum 1157. quanquam alii verius ex tabulis ejus Cœnobii vitam

ejus ad annum 1169 extrahant, honorifico Fundatoris sepulchro exornatus. Fine anni, quod Dodechinus & Chronicon montis Sereni scribunt, Conradus Rex Magdenburgi Natalitia Christi celebravit.

## Annus Christi 1145.

Eugenii III Pont. I. Conradi III Reg. 8.

Bernardi I Ep. Pad. 18.

Dodechin.  
Auctarium  
Gemblac.  
Brevier in  
hist. Trevir.  
Bucherius.

At læta adhuc per Germaniam pacis tempora: ad quæ firmanda Conradus Rex more Imperatorum, provincias peragrat, convocando Principum conventus, & jus dicendo; compositisque per superiorem Germaniam publicis rebus, Herbipoli Pascha celebrat. Inde Andernacum profectus, Pentecosten ad Rhenum inferiorem egit; quanquam alii Epternacum venisse velint ad refrenandum Namurcensem Comitem, Trevirensis Archiepiscopi vexatorem. Post hæc Aquisgranum petiisse docet Gelenius ex tabulis istis a Conrado obsignatis, quibus subscribere Arnoldus Colonienfis Archiepiscopus, Albero Leodiensis Episcopus, Henricus Namurci, Otto Reinecæ, Adolphus Sassenbergæ, Albertus Burenæ, Wilhelmus Juliaci, Godefridus Arensbergæ, Henricus Limburgi, Rupertus Luxenburgi Comites, Arnoldus Cancellarius, Per Autumnum Rex Trajectum transgressus est, ad Frisiæ provincias lustrandas. Ubi in conventu Principum magnifico diplomate, Hardberto, & Collegio Canonorum jus priscum eligendi Episcopi, ceteraque privilegia confirmat; interque alia loci istius decora, & merita refert. *Antecessores suos Reges & Imperatores in Ecclesia Trajectensi a prima ejus fundatione inter Canonicos primum locum obtinere, eamque præbendam per duos in eadem Ecclesia Sacerdotes obire, pro salute Regis & regni tranquillitate ac pace Deum orando.* Adeo Reges non pudit in cleri numerum venire. Quam tamen Ecclesiam, tam nobilem & vetustam, a Wilibrordo & Bonifacio conditam, nostra memoria vidimus, per deploranda Principum dissidia, ultro redditam in manus hæreticorum. Diplomati huic subscribere Ancelinus Havelbergensis, Ibero Leodiensis, Wernerus Monaste-

riensis, Nicolaus Cameracensis, Udo Osnabrugenfis, Episcopi: Walramus Dux, multique præterea Comites, & illustres e clero viri; quos inter refertur Conradus Regis Conradi frater ac Præpositus, quem postea Pataviensis, ac demum Salisburgensis Ecclesia sortita est Archiepiscopum. Tabulæ hæ regię anno M.CXLV Indiēt. VIII. XV. Calend. Novemb. ab Arnolde Cancellario consignatæ. Trajecto Rex in Westphaliā transgressus, ad privata bella, & controversias Corbeiensium componendas; nam ut ex Corbeiensium monumentis constat, Henricus quidam Dynasta, filia Friderici Arensbergensis Comitis genitus, homo inquietus, incolas Eresburgi in suam factionem traxerat. Jamque convenerat inter ipsum & cives, imponere Scardenbergenses, Calebergenses, aliosque militares viros ad infestandum Henricum Corbeiensē Abbatē, & Volcwinum Swalenbergensem Dynastam. Id ubi ab his cognitum, & ipsi milites contrahunt, junctisque viribus vicinum montem conscendunt, ac dein per diem & noctem consultant de occupando Oppido. Milites Volcwini, ipso ductore, sub auroram, dormiente adhuc Abbate, Eresburgum astu militari intercipiunt, & injecta flamma Oppidum exurunt. Digna rebellium civium pœna. Tertium hoc Eresburgi seu Montis Martis excidium memoratur. Primum quod Caroli M. armis, alterum quod rogatu Erckenberti Abbatis per Fridericum Arensbergensem Comitem illatum est. Ob hæc tumultuaria Comitum & Dynastarum bella, quali & anno superiori Bernardus Episcopus noster afflictus, Conradus Rex in Saxoniam maturavit; lustratoque Monasterio, & Paderborna, ceterisque harum provinciarum locis, Corbeiam ad Visurgim perrexit: ubi de-

Conradus Westphaliā ingressus, ad controversias Corbeiensium componendas.

Hida in  
hister. Ul.  
traject.  
Diploma  
Eccles. Ul.  
traject.  
Bucherius  
in notis.  
Jus priscum  
eligendi  
Episcopi  
aliaque a  
Conrado  
Rege Eccle.  
siæ Traje-  
ctensi con-  
firmantur.

nuo

nuo publico Episcoporum & Procerum congressu Henrico Corbeienſi Abbati controverſum piſcationis juſ reſtituit, & publicis tabulis ratum habuit, Regem etiam affectante Bernardo Epſcopo noſtro; uti hunc Epſcoporum & Principum conventum tabulæ, quas hic nunquam ante in lucem datas, reddimus, teſtatiuſ exhibebunt.

*In nomine ſanctæ & individue Trinitatis. Cunraduſ divina favente clementia Romanorum Rex Illuſ. Equitaſ juſtiſiæ & regni auctoritaſ noſ admonet Eccleſiarum paci clementer providere. Eapropter omnibuſ Chriſti noſtriſque fidelibuſ, tam futuris quam præſentibuſ, notum eſſe volumuſ, qualiter Elicha Marchioniſſa piſcationem quandam apud Houcwar ab Anteceſſore noſtro Imperatore Ludowico Cœnobio Corbeienſi collatam, ſed per inſolentiam temporis ab eadem Eccleſia alienatam aſſenſu filii ſui Adelberti Marchioniſ, vivente prædeceſſore noſtro Imperatore Lothario, prædictæ Corbeienſi Eccleſiæ remiſit, & reſignavit. Quam remiſſionem ſive reſignationem nobiſ apud Corbeiam ſolemneſ curiam celebrantibuſ præſatuſ præſatuſ Adelbertuſ Marchio interventu & petitione Henrici venerabilis Corbeienſiſ Abbatuſ, nec non Heinrici Præpoſiti Corbeienſiſ Eccleſiæ confirmavit, ut eandem piſcationem aſſentiente filio ſuo Ottone Marchio coram nobiſ omnino exfeſtucavit. Noſ itaque ob regni noſtri firmam ſtabilitatem, & animæ noſtræ noſtrorumque*

*æternam ſalutem præſatam piſcationem & omneſ poſſeſſioneſ præſatæ Corbeienſiſ Eccleſiæ pertinenteſ ſub noſtra regali deſenſione ſuſcipimuſ, auctoritate regia præcipienteſ, ne aliquiſ Archiepiſcopuſ, Epſcopuſ, Dux, Marchio, Comeſ vel Vicecomeſ, aut alia quælibet perſona magna ſive parva prædictam Corbeienſem Eccleſiam vel reſ ad ipſam pertinenteſ aliquo modo infeſtare præſumat, ſed ea, quæ ſui juſiſ ſunt, tam in familia, quam in poſſeſſionibuſ omni deincepſ tempore libere & pacifice poſſideat. Si quiſ autem, quod abſit, hujuſ præcepti noſtri ſtatutum infringere tentaverit, centum libraſ auri componat, quarum partem dimidiam Cameræ noſtræ, reliquam vero prædictæ Eccleſiæ perſolvat. Et ut hæc ab omnibuſ credantur & inviolata conſerventur, hanc inde cartam ſcribi & ſigilli noſtri impreſſione inſigniri juſſimuſ, manuque propria roboranteſ, qui præſenteſ aderant teſteſ, ſubter notari fecimuſ, quorum nomina hæc ſunt, Theodominuſ S. Rufinæ Epſcopuſ Apoſtolice Sedis legatuſ, Thomuſ S. Romanæ Eccleſiæ Cardinaliſ, Bernarduſ Paderbornenſiſ Epſcopuſ, Rodolphuſ Halberſtadenſiſ, & Bernarduſ Hildeneſheimenſiſ, Philippuſ Oſnabrugenſiſ, Henricuſ Mindenſiſ, & præcipue Fridericuſ Magadaburgenſiſ, Thietmaruſ Ferdenſiſ, Anſelmuſ Havelbergenſiſ, Heinricuſ Olomucenſiſ, Wilbalduſ Abbaſ, Henricuſ Dux Saxonie, Adelbertuſ Marchio, Fridericuſ Comeſ Palatinuſ, Comeſ Hermannuſ, Comeſ de Wincenburg, & frater ejuſ Heinricuſ.*

*Signum Domni Cunrardi Romanorum Regiſ ſecundi.*



*Ego Arnolduſ Cancellariuſ vice Heinrici Moguntini Archicancellarii recognovi. Anno Dominicæ Incarnationiſ MCXLV. Indictione VIII. regnante Cuonrado Romanorum Rege II. anno vero regni ejuſ VIII. data apud Corbeiam feliciter Amen.*

Cum alia, tum faſtoſ Oſnabrugeneſeſ illuſtrant hæc tabulæ. Nam Udo eorum Epſcopuſ, qui in prioribuſ tabuliſ Ultrajectenſibuſ adhuc vivuſ ſiſtitur, in hiſ Philippum Succellorem habet. Quare hic Corbeienſiſ conventuſ poſt Trajectinum ſub finem anni habituſ fuit. Ertwinuſ quidem hoſ memorat ordine ſuo, ſed nulla temporum ratione habita: Falliturque præterea, quod Udonem quatuor tantum

annoſ præſuiſſe velit, cum Epſcopatuſ ejuſ in octavum annuſ prorogandus ſit. Henricuſ Dux Saxonie, qui hic inter Principes præſentiuſ memoratur, haud aliuſ, quam Henricuſ Leo adoleſcens a tutoribuſ & proceribuſ Saxonie in conſpectuſ Regiſ adductuſ; quod in magnam ſpem hæreditatiſ, & præſidiuſ Saxonie fiduſ populorum animiſ & ſtudiuſ aleretur.

Lucio Pont  
defuncto  
Romæ suc-  
cedit Euge-  
nius III.

Romæ interim mense Martio Lucius Pontifex discessit; in cuius locum Cardinales extra suum numerum legere Bernardum Monasterii S. Anastasii apud Romanos Abbatem, D. Bernardi discipulum, patria Pisanum, ac virum ea tempestate sapientia, religione, & omni virtutum aspectu præstantissimum, quem Eugenium III. dixere.

Is licet ob Romanorum civium rebellionem urbe excesserit, haud multo tamen post a Tiburtinis restitutus, Patriatus ordinem, a Romanis per vim obtrusum abrogavit, impositoque urbi præfecto, Pontificiam auctoritatem in pristinum statum collocavit, multum D. Bernardi magistri sui opera apud Reges & Principes adjutus.

## Annus Christi 1146.

Eugenii III. Pont. 2. Conradus III. Reg. 9.

Bernardi I. Ep. Pad. 19.

Mirans in  
not. Belg. c.  
155.  
Osso Frising  
Conventus  
Aquisgran.  
in quo ac-  
tum de  
tranquilli-  
tate Imperi-  
i.

Sub exitum præcedentis anni Conradus Rex celebrem Aquisgrani conventum habuit, ad quem magna frequentia Principes & proceres accessere, ut ex tabulis a Miræo recitatis, quas Cameracensi Ecclesiæ consignavit Rex, constare poterit; quos inter recensentur Arnoldus Colonienfis Archiepiscopus, Henricus Leodiensis, Wernerus Monasteriensis, Philippus Osnabrugensis, Albero Verdunensis, Anselmus Havelbergensis, Episcopi, Webaldus Stabulensis, Godefridus Prumiensis, Lambertus Werdinensis, Anno Andensis Abbat. Actum his conciliis de tranquillitate Imperii, quam inquietorum ingenia turbabant, ut nunquam tam sanum est magnum Reipublicæ corpus, quin aliquo vicio laboret. Accessit magna prædonum ac furum insolentia per Saxoniam in unum agmen convolantium. Ii postquam Fuldensi Ecclesiæ spoliassent, secundo Visurgi Corbeiam descendere; jamque pomarium noctu ingressi, templo & sacrario prædatrices manus inferre parabant, cum ecce militares circum Basilicam excubitores in armis conspiciunt, a quibus omnes templi aditus obvallati erant non sine præsentis coelorum ope; quo nocturno spectaculo territi prædones, id quod ipsi postea facti sunt, sacrilegum facinus intermiserunt.

Corbeiam/  
MS.

Conradus  
Abbas Ab-  
dinghov.  
privilegio  
rum bono-  
rumque  
confirma-  
tionem ob-  
tinet ab Eu-  
genio Pont


Conradus Abdinghovianus apud nos Abbas, quo se potentius adversus raptorem sacrorum bonorum tueretur, Eugenii Pontificis operam & auctoritatem implorat; a quo hoc anno insigni diplomate Cœnobio illi omnis bonorum possessio, & privilegia sunt instaurata, quod hic ad memoriam præclari Pontificis & florentis Cœnobii referre visum fuit.

Eugenius Servus servorum Dei, dilectis filiis Conrado Abbati Monasterii Beatorum Apostolorum Petri & Pauli, quod in Paderbornensi civitate situm est, ejusque fratribus, tam præsentibus quam futuris, regularem vitam professis. In M. Apostolici moderaminis clementiæ convenit, religiosos diligere, & eorum loca pia protectione munire. Dignum namque, & honestati conveniens esse cognoscitur, ut qui ad Ecclesiarum regimen assumpti sumus, eas & a pravorum hominum nequitia tueamur, & Apostolicæ Sedis patrocinio foveamus. Eapropter dilecti in Domino filii vestris justis postulationibus clementer annuimus, & præfatum Monasterium, in quo divino mancipati estis obsequio, sub beati Petri & nostra protectione suscipimus, & præsentis scripti privilegio communimus. Statuentes ut quasunque possessiones, quasunque bona in præsentiarum juste & canonice possideris, aut in futurum concessione Pontificum, liberalitate Regum, largitione Principum, oblatione fidelium, seu aliis justis modis præstante Domino poteritis adipisci, firma vobis vestrisque Successoribus ----- In quibus hæc propriis duximus exprimenda vocabulis. Widun cum Ecclesia, Merbeke cum Ecclesia, Gellendorp, Rumbek, Fuclo, Dotenbusen, Waltmannenghuson, Halle, Thenfin, Rime, Debeim, Bekebuson, Harbergo, Edekebuson, Nederc, Offendorp, Curbike, Messere, Bullenghuson, Menne, Andepo cum Ecclesia. Item in inferiori Andepo & Olpethenbuson, Fornbolte, Ecclesiam in Haltenghuson cum banno Episcopali, & tribus capellis, Bellede, decimam in Wilbodeffun, Berhengdorp, Hese, Sturenbrug, Swinveld, Weplede, Burgnon cum Ecclesia, & decima super curtem, Butenen, Unnenscare cum decima, Northburgnon cum decima, Alfzon, Mestete, Hiedmere, Hengeldere, Atlon, cum Ecclesia & decima super curtem, Butenen, Balborn, Rurale, quod Sundra fuit, cum decima, Helsen, & molendinum cum vivario, Lessethe, Scarbeim, Wambeke, Ermsescenbuson, Cersblere, Hobensele, Rederbruggon, Radengheim cum capella, & decima super dimidiam villam Puttben, curtem & Ecclesiam cum dimidia decima & capellam in Fortbuson ad Ecclesiam eandem pertinentem, Appelē,

pele, Websle in Thesterbrant, curtem cum tota familia, Ecclesiam in Duilon cum quatuor capellis videlicet Nizelen, Hellue, Hasten, & Gamberem cum dimidia decima. Obeunte autem te nunc loci ejusdem Abbate vel tuorum quilibet Successorum, nullus ibidem qualibet surreptionis astutia seu violentia proponatur, nisi quem fratres communi consensu, vel fratrum pars consilii sanioris secundum Dei timorem vel beati Benedicti regulam de eodem clauistro, vel si necesse fuerit de alio providerint eligendum. Liceat etiam vobis in Parochialibus Ecclesiis, quas tenetis, Sacerdotes eligere, & diocesano Episcopo præsentrare, quibus, si idonei fuerint, Episcopus animarum curam committat, ut de plebis quidem cura Episcopo respondeant, vobis vero pro rebus temporalibus debitam subjectionem exhibeant. Decernimus ergo, ut nulli omnino hominum liceat præfatum Monasterium temere perturbare, aut ejus possessiones auferre, vel ablatas retinere, minuire, seu quibuslibet vexa-

tionibus fatigare. sed omnia integra conserventur, eorum, pro quorum gubernatione & sustentatione concessa sunt, usibus omnimodis profutura salva Sedis Apostolicæ auctoritate, & diocesani Episcopi canonica justitia. Si qua igitur in futurum Ecclesiastica secularisve persona huius nostræ constitutionis paginam sciens contra eam temere venire tentaverit, secundo tertiove commonita, si non reatum suum congrua satisfactione correxerit, potestatis honorisque sui dignitate careat, reamque se divino iudicio existere de perpetua iniquitate cognoscat, & a sacratissimo corpore ac sanguine Dei ac Domini nostri Redemptoris nostri Jesu Christi aliena fiat, atque in extremo examine districtæ ultioni subjaceat. Cunctis autem eidem loco sua jura servantibus sit pax Domini nostri Jesu Christi, & hic fructum bonæ actionis percipiant, & apud districtum judicem præmia æternæ pacis inveniant. Amen.

Ego Eugenius Catholicæ Ecclesiæ Episcopus.



- ✠ Ego Albericus Hostiensis Episcopus.
- ✠ Ego Otto Diac. Card. S. Gregorii ad velum aureum.
- ✠ Ego Rainerius Cardinalis.
- ✠ Ego Aribertus Presbyter Cardinalis.
- ✠ Ego Ubalduſ Presbyter Card. it. S. Crucis in Jerusalem.
- ✠ Ego Octavianus Diac Card Sancti Nicolai in Carcere Tulliano.
- ✠ Ego Jordanus Presbyter Card. it. S. Susannæ.
- ✠ Ego Petrus Diac Card. Sanctæ Mariæ in via lata.

Data Sutrii per manum Roberti S. Romanæ Ecclesiæ Presb. Cardinalis & Cancellarii, Non, Maji, Indictione IX. Incarnationis Dominicæ anno MCXLVI. Pontificatus vero Domini Eugenii III Papæ anno secundo.

Henrico Corbei. Abbate depi. li to, Bernardi Episcopi opera sufficitur Wicboldus, on. ita Abbas Staoutensis & Cassinensis.

Præclare per id tempus Bernardus Episcopus noster meritis de Corbeiensibus, quorum Abbas Henricus Sigifridi Marchionis frater, cum, soluta disciplina, per lites cum suis Cænobitis, & bonorum dissipatione, male administrasset Cænobium, auctor adjutorque fuit Cænobitis submovendi Abbatem Henricum. Atque is postquam jam a Cardinali Thoma Legato Apostolico postulatus in iudicium, reusque compertus, munere suo abire

jussus erat, suasor rursus Corbeiensibus fuit, deligerent in ejus locum Wicboldum Abbatem Stabulensem, virum ea tempestate celeberrimum, qui ob religionem & sapientiam ex Abbate Stabulensi delectus fuerat Abbas Cassinensis in Italia, sed a Rogerio Tyranno ejectus Stabuletum se retulerat. Gratum id erat quoque Conrado Regi, a quo jam ante in suis negotiis Romam missus fuerat Legatus, magnæ apud omnes Principes auctoritatis

ritatis & gratiæ. Quare Bernardi Episcopi nostri iudicium erat, per nullam, quam hunc virum consultius & opportunius Corbeienſe Cœnobium in priſtinum religionis ſtatum ac florem reſtitui poſſe. Facta igitur tam præſtantis viri electione, miſſi ſunt ad Regem, qui Abbatem hunc ſibi permitteret: at quantum Rex illud Wicholdo ſuadebat, tantum ille obluſtatur, obtendendo feſſam per legationes, & XVI annorum labores in Abbatis præſectura ætatem. Tandem Regis precibus victus, Abbatiam admittit; ac 12 Decembris in villa Wincheim conſecratur, eodemque menſe Corbeiam deductus, honorifice exceptus introducit. Rex præterea, quo benevolentiam in Wicholdum oſtenderet, duo illic Monasteria Virginum Kemnade & Viſbeca, quod in his corrupta diſciplina, magna aliorum offenſione viverent, commutanda in Præpoſituras donavit. His a Rege impetratis Corbeienſes ad Eugenium Pontificem ſcribunt, & Wicholdum mirifice ſibi probatum Apoſtolica auctoritate aſſeri petunt. Literas haſce, quia præclarum ſimul Bernardi Episcopi ſtadium ſalutaris huius operis, & Wicholdi elogium exhibent, hic reddere placuit.

*Reverendiſſimo in Chriſto Patri ſuo Domino Eugenio divina gratia ſummo & univerſali Pontifici, W. Licet indignus Corbeienſis Eccleſiæ prior, & cæteri fratres univerſi, qui in Corbeienſi Monasterio Deo militant, devotam obedientiam, & exiguas orationes in Domino. Sanctitati veſtræ ſuggerimus, quod poſt depositionem Henrici quondam Abbatis noſtri, qui a venerabili Legato veſtro ſcilicet Magiſtro Thoma pro manifeſtis culpis ſuis, & confeſſis canonice, ad totius Monasterii ſalutem, quod ipſe multis modis vaſtabat, deſtitutus eſt. Convenimus in perſonam cuiusdam fratris noſtri, qui officium præpoſituræ adminiſtrabat, & elegimus eum quibusdam ex fratribus noſtris non aſſentientibus, & multis ex laico ordine reclamantibus, qui partibus depoſiti illius pertinacius faverant, qui poſt ſuam promotionem paucis menſibus vivens vita diſceſſit, & nos plenos mœnore & ſollicitudine non ſine aliqua diſcordia reliquit. Et quoniam per Ab-*

*batum noſtrorum negligentiam per annos fere quinquaginta res monasterii noſtri, & dignitas tam intus quam foris ultra quam credi poſſit, imminutæ ſunt, & nos penitus concordēs non eramus; Nulla tum in Eccleſia noſtra perſona inveniri potuit, quæ ſufficere poſſet ad alligandas attritiones noſtras, & ut filii Dei, & Eccleſiæ noſtræ, qui diſperſi erant, aggregarentur in unum. His neceſſitatibus coacti invocata Spiritus S. gratia, & adhibito religioſorum & ſapientium virorum conſilio, communi omnium deſiderio, ſine ullius perſonæ magnæ vel parvæ contradicitione immo favorabili omnium aſſenſu, præſente & conſulente nobis in idipſum venerabili filio veſtro B. Patherbrunnenſi Episcopo, elegimus nobis in Capitulo noſtro Corbeienſi in patrem & paſtorem animarum noſtrarum, in Abbatem ſcilicet & Dominum noſtrum, Stabulenſem Abbatem Dominum Wicholdum, cuius religione & prudentia Corbeienſe Monasterium ad priſtinum ſuæ dignitatis ſtatum reformari poſſit. Quod cum ſacere & electioni noſtræ multis diebus aſſentire renuiſſet, & per noſtros Legatos abſtrahi ad conſulendum nobis a Monasterio ſuo nequaquam valeret, tandem auctoritate regia ad curiam eſt evocatus, & cogente ipſum Domino noſtro Conrado Romanorum Rege, fratres noſtros & Laicos noſtros, qui illuc frequentes convenerant, ſequi, & ad nos venire compulſus eſt. Et gratias Deo Omnipotenti referimus, quia non ſumus fraudati a deſiderio noſtro, & a ſpe, quam de ipſo patre noſtro conceperamus, quoniam mirabili induſtria omnes diſſenſiones noſtras ad pacem & concordiam renovavit, & poſſeſſiones non parvas, quas depoſitus ille alienaverat, magna cum prudentia, & efficacia ad uſum Monasterii recollegit. Præterea ſunt in vicinia noſtra duo Monasteria ſcœminarum, quæ ſuæ enormitatis pertinacia noſtros, & omnium reiigioſorum oculos, & aures ſepiſſime offenderunt, ad quod malum eliminandum cum quidam ex noſtris Abbatibus labore cœpiſſet, quatenus & poſſeſſio Eccleſiæ conferretur, & divina inibi religio reformaretur, obtinere non potuerunt, ſed Dominus Abbas noſter Wicholdus multis ſuis obſequiis inclinatum habens animum Principis a Domino noſtro Rege Conrado impetravit eadem loca cum omni-*



omnibus suis appendiciis Monasterio nostro conferri, & per auctoritatis Regiæ privilegium legitimam traditionem confirmari. Dilectam itaque nobis misericordiam flexis ad vos genibus cordis humiliter imploramus, ut quoniam jam sæpe dictus pater noster quinque talenta, quæ acceperat, sollicitè duplicavit, Christum imitantes verum & bonum patrem familias super X. civitates eum constituatis, juxta illud: omni habenti dabitur, & cum vestra benedictione Apostolica munitum, ut nobis & præesse & prodesse valeat, ad nos cum gaudio remittatis, & donationem, quam Dominus noster Rex de prædictis duabus Cellis Monasterio vestri privilegii pagina confirmare dignemini.

Pontifex haud multo post ad literas Corbeiensium Wicboldi electionem suis etiam probavit; eæ licet ad nos non pervenerint, satis tamen æstimes ex Lucii III Pontificis literis anno 1184 datis, quibus se proficitur ad Eugenii exemplum Corbeienſe Monasterium in tutelam suscepisse, & Kemnadæ Cœnobii commutationem donationemque ratam habere.

At multo illustrior hic annus Eugenio Pontifice, & bello sacro, quod eo auctore tertium fuit pro terra sancta. Nam postquam Edessa Mesopotamiæ urbs a Saracenis capta, eodemque simul nuncio allatum fuit, periculum totius Hierosolymitani Regni amittendi, Pontifex scriptis ad omnes Europæ Principes literis bellum sacrum

sollicitavit. Tuba hujus belli, rogatu Pontificis, D. Bernardus, miraculorum gloria clarus. Is primum Ludovicum Galliarum Regem, totamque Galliam in comitiis Vercelliensis Oppidi ad expeditionem sacram traxit, a quo certatim cum Rege proceres signum crucis sumpſere.

Inter hæc Rudolphus Monachus, ex eremo progressus, ingentem hominum multitudinem in agro Colonienſi, Moguntino, Wormatienſi, Argentinensi, & toto Rheni limite contractam ad sumendum signum crucis inflammavit; quibuscum primum omnes per Germaniam Judæos mactare parabat, quod doceret, juratos illos Christiani nominis hostes immolandos: & cæde jam cœpta, Norimberga aliæque urbes profugis hebræis replebantur. Subinde D. Bernardus Germaniam ingressus Conradum Regem adiit, & sacrum illi bellum persuasit. Quam in rem Conradus festo Natalis Christi Spiræ comitia indixit, ad quæ & D. Bernardus accessit, Regemque cum Friderico, Sueviæ Duce, post Imperatore, multosque illustres viros habuit, qui accepto signo crucis expeditionem sacram profiterentur. Inde Moguntiam descendit D. Bernardus, ubique signis & miraculorum gloria illustris. Rudolphum istic Monachum reperit magno populi favore circumfusum, quem accersitum objurgavit, quod sine publica dicendi auctoritate ad bellum sacrum homines traheret, damnataque laniena jussit ad eremum redire.

## Annus Christi 1147.

Eugenii III. Pont. 3. Conradi III. Reg. 10.  
Bernardi I Ep. Pad. 20.

Annus jam agebatur MCXLVII, cum Rex Francofurti publica Principum comitia indicit, ad maturandam expeditionem sacram. Sed ipse primum Ratisbonam profectus, alium istic conventum Principum habuit in Februario, in quo tres Episcopi Otto Frisingensis, Henricus Ratisbonensis, Reginbertus Pataviensis, Henricus Dux Noricorum, multique Comites, accepto crucis signo, nomen sacræ militiæ dedere. Eo & Saxonum proceres accessere. Verum quod dicerent sibi aliam militiam adversus barbaros

Sclavos magis esse necessariam, auditi probatique sunt a Rege, ideoque & signo crucis decorati; quanquam diversa id nota adfuturum vestibus. His Ratisbonæ peractis, Conradus Rex Francofurtum acceleravit ad comitia, quæ & Episcoporum & procerum accessu celebria fuere; uti horum nomina hætenus incomperta ex diplomate Corbeienſi proferemus. Accessit & D. Bernardus Francofurtum ad comitia, belli sacri tubam inflans, ubique miraculis, quo per Oppida & vicos incederet, multo admirabilior, alibi cæcos,

cæcos, alibi claudos, alibi alio morborum genere affectos perſanando; tanquam miracula ſtipis inſtar largiendæ pro arbitrio in poteſtate haberet. Tranſactis inter Principes, quæ ad ſacram expeditionem poſcebantur, ne Imperium ſine rectore vacuum relinqueret, Henricum filium Imperatorem regni collegam dixit, & Aquisgrani ſacris ceremoniis inaugurandum curavit.

Accellit ad hunc quoque conventum Henricus Leo dux Saxoniz, magno Saxoniorum procerum comitatu; auſusque florentiſſimus juvenis a Cæſare Bojariæ Ducatum repoſcere quem hæreditario ſibi jure debere contendebat; & ſi quid a parente ſit delictum, non tamen in filium id transfundi poſſe, ut contra jus ſasque ſpoliari poſſit. Quare Cæſarem & Imperii ordines tanta animi conſtantia conteſtatus eſt, ut ſatis oſtenderet, niſi Cæſaris voluntate redderetur Ducatus, armis ſe repetiturum. Importuna hæc poſtulationo haud parum conturbavit Regem, veritum ne arma, quæ Saxones in Sclavos parabant, in ſe verterent: quare juvenem benigne allocutus ſolatusque, promiſit, ſe a reditu ex ſacro bello poſtulationis ejus ſatiſfacturum: ageret modo ſecum in tantilla comperendinatione communis Eccleſiæ laborantis & Reipublicæ cauſam, & barbaros interea Sclavos, quemadmodum ipſe Saracenos, ſumeret debellandos. His acquievere Saxones. Inter cæteros Saxoniz præſules, qui Conrado Regi, Francofurti in comitiis aderant, fuit. Wicboldus Corbeienſis Abbas, Regi ante omnes Saxoniz præſules percarus; quod ex multis in Italia legationibus ac meritis ſibi devinctum inter intimæ admiſſionis Conſiliarios haberet. Quapropter a Rege ac miniſtris Regis ſollicitatus, ut ſe aulamque ſectaretur, cum ſe ex ſuſcepto recens Corbeienſis Cœnobii onere excuſaret, duo munifica a Rege diplomata impetravit, quorum altero Monaſteria Keminadæ & Viſbecæ, de quibus ſupra relatum eſt, donata regia, ac Principum in eo conventu præſentium, auctoriſtate confirmantur.

Donatio  
Monaſterio-  
rum Kemi-  
nadæ & Viſ-  
becæ Cor-  
beienſibus  
facta com-  
probatur a  
Conrado  
Rege.

In nomine ſanctæ & individue Tri-  
nitatis, Conradus divina favente cle-

mentia Romanorum Rex ſecundus. Principaliſ dignitatis munificentiam de-  
cet, bene de Republica merentibus præ-  
mia rependere, & per congruos hono-  
rum gradus provectos cæteris in exem-  
plum, & tanquam bonæ ſpei ſignum  
proponere, ut tam hi ſui laboris emolu-  
menta ſine fine manſura percipiant,  
quam illi a ſimili mercedis gratia ſeſe  
non fraudandos intelligant. Quocirca  
noverit omnium fidelium noſtrorum  
tam futuri quam præſentis temporis in-  
duſtria, quod nos propitia ſerenitate,  
fidem, labores, & conſtantiam fidelif-  
ſimi noſtri nobisque cariffimi Wiboldi  
Corbeienſis Abbatis intuentes, tradidi-  
mus in perpetuum Corbeienſi Monaſte-  
rio, & eidem qui nunc divina vocatione  
& communi atque concordia fratrum  
electione præeſt, Abbati ſcilicet Wiboldo,  
nec non cunctis Succeſſoribus ipſius au-  
ctoritate in æternum valitura, duo ſæ-  
minarum Monaſteria Keminada videlicet  
atque Viſbeke, & de noſtro atque regni  
jure, per manum Herimanni palatini Co-  
mitis de Rhenno, quem ad hoc rite pera-  
gendum aſſumpſeramus advocatum,  
tranſegimus, & firmavimus ſuper re-  
liquias corporis S. Viti Martyris per au-  
reum donationis noſtræ annulum in po-  
teſtatem & jus atque dominationem Cor-  
beienſis Monaſterii in manum prædicti  
Abbatis Wiboldi, & Adelberti Marchi-  
onis de Brandenburch, qui vice Heri-  
manni Comitſ de Winzenburch, Cor-  
beienſis Monaſterii advocati eandem do-  
nationem noſtram ſeu tranſactionem  
ſuſcipiebat, ita videlicet, ut Corbeienſe  
Monaſterium duo prænomina Mona-  
ſteria Keminade ſcilicet & Viſbike cum  
omnibus prædiis, ſilvis, & aquis, tam  
foris quam intus ad ipſa loca pertinen-  
tibus habeat, poſſideat, ordinet, uta-  
tur & ſervet, ſicut tenet ſub ſuo regi-  
mine, jure videlicet proprietario tres  
abbatiolas, quas fundator ejusdem no-  
væ Corbejæ Luthewicus pius magni Ka-  
roli filius ad eandem Corbejam contulit,  
ſcilicet Eresburch nobile quondam Saxo-  
num caſtrum, nec non Meppiam &  
Viſbike, ſane ad præſata duo loca neque  
militia neque ullum ſervitium nobis  
aut regno debebatur. Et quoniam Cor-  
beienſi Monaſterio tam in militia quam  
in ſervitio ad honorem regni & defen-  
ſionem ſanctæ Eccleſiæ dignitas collata  
eſt, nos judicio Principum ad coronæ  
noſtræ augmentum, ſicut præſcriptum  
eſt,

est, manere decernimus. Primam judicii sententiam dedit Burchardus Argentinenſis Episcopus, quam secutus est Adelbero Trevirensis Archiepiscopus, Anshelmus Havelbergensis Episcopus, Heinricus Leodiensis Episcopus, Sifridus Wirzebergensis electus, Frithericus Dux Sueviae & Alsatie, Herimannus palatinus Comes de Rheno, Cunradus Dux de Ceringa, Cunradus Marchio de Witin, Adelbertus Marchio de Brandenburg, Otto filius ipsius æque Marchio, Herimannus filius ejusdem Adelberti Marchionis, Luthewicus Comes patriæ de Thuringia, Herimannus Marchio de Bada, Wernerus Comes de Batben. Uthelricus Comes de Lenzenburch, Uthelricus Comes de Orninga, Heinricus Comes de Cazzenelenboge, Marquardus, Sibodo, Theodericus Comes de Montbeliart, & alii plures, qui tunc affuere. Hoc quoque notum esse volumus, quod venerabilis Pater noster Eugenius sanctæ Romanæ Ecclesiæ summus Pontifex frequenti nos admonitione tam per suos quam per nostros legatos hortatus est, ut Monasteria fœminarum, quæ nostræ ditioni, & ordinationi in regno nostro specialiter pertinent, in quibus divina religio penitus dilapsa est, regulare & reformare digna-

remur. Et quoniam sæpe nominata Monasteria Kemnada & Visbike non tam Monasteria, sed omnibus prætereuntibus viam in peccatis communia, corrigi post multos labores non potuerunt, & Corbeienſi Monasterio vicina sunt, tam ad correctionem quam in proprietatem inibi contradidimus, nullo reclamante, nisi sanctæ regulæ inimicus, & pudicitia hostis fuerit inventus. Auctoritate vero nostra regia præfatis duabus cellis Kemnade & Visbike damus, ac decreto in perpetuum valituro confirmamus eandem libertatem, quam habet Corbeienſe Monasterium, scilicet præfecturam urbis, quæ vulgo dicitur burgban, ea videlicet privilegii ratione, ut nullus Dux, nullus Marchio, nullus Comes, nullus Advocatus potestatem habeat excercendi judicium in atrio prædictarum Ecclesiarum, sed quidquid præter jus & æquum a famulis, qui tam Abbati, quam congregationi, obsequio quotidiano deserviunt, commissum fuerit, ab Abbate, vel ab eo, cui ipse mandaverit, corrigatur. Et ut hæc omnia rata & inconvulsa in perpetuum habeantur, Præceptum hoc conscribi, & imaginis nostræ impressione insigniri jussimus.

Signum Domni Conrardi Romanorum Regis \* secundi.



\* al. III.

Ego Arnoldus Cancellarius vice Heinrici Moguntini Archiepiscopi & Archicancellarii recognovi. Actum anno Dominicæ Incarnationis MCXLVII, Indictione X, anno vero Domni Conrardi secundi Regis invictissimi IX. data Frankenevord in Christo feliciter Amen.

Hujus deinde Cœnobii Kemnadæ Advocatiam Henricus Leo Brunswici, quæ tum Ducis hæreditaria sedes erat, Conrado Regi cedit, & mox ab Abbate feudi nomine recipit; qua super re hæc literæ.

In nomine sanctæ & individua Trinitatis. Henricus Dei gratia Dux Saxoniæ. Notum esse volumus universis Christi nostrisque fidelibus, quod beneficium nostrum, videlicet advocatiam de Monasterio Kaminata, & de aliis bonis ad illud Monasterium pertinentibus, in manum Domni nostri Conrardi Romanorum Regis secundi spontanea vo-

luntate resignavimus, ut eandem advocatiam Monasterio Corbeienſi in perpetuam possessionem contraderet, hac videlicet conditionis ratione, ut prædictam advocatiam de manu venerabilis Abbatis Wiboldi in legitimum beneficium reciperemus, quod etiam eodem ordine, quo prædictum est, tam a Domino Rege quam Abbate completum est, & a nobis observatum. Hoc autem de beneficio nostro facere propter humilem petitionem Domni nostri Regis non abnuimus, ea maxime de causa, quod prædictus venerabilis Abbas nobisque carissimus Wiboldus gloriosissimo avo nostro Imperatori Lothario diu multumque

Yyy

ac fide-

Advocatia Cœnobii Kemnadæ, denſ. ab Henrico Leone transcribitur Conrado Regi. & feudi nomine redditur Henrico ab Abbate Corbej.

ac fideliter servivit, & in administratione Romani imperii singulari constantia usque ad mortem adhæsit, dignumque est, ut sicut possessionum heredes eidem Imperatori successimus, ita retributionis circa gratos ac fideles ipsius non degeneres successores existamus. Actum Brunswich anno Dominicæ Incarnationis MCXLVII, Indictione X, anno vero Domini Cuonradi Romanorum Regis secundi X. Testes vero, qui affuerunt, hi sunt Bruno Præpositus, Luitbardus, Bernhardus, Anno, Bertoldus, Rikece, Baldewinus, Gerhardus, Erembertus, & de Corbeiensi Monasterio Adelbertus Præpositus, Conradus Præpositus Kaminatensis, Heinricus Capell. Heinricus Clericus, Karolus, Bernhardus, Reinherus, Rederus, Godelfridus, Johannes, Adelhardus, Elvericus Ministeriales.

Conradus  
R. approbat  
privilegia  
Corbeiens.  
& Herivordens.

Altero vero diplomate Conradus Rex antiqua Corbeiensium & Herivordensium privilegia instaurat, ad eum prorsus modum & munificentiam, qua illa a Ludovico Pio ceterisque Regibus illustria hæc Cœnobia impetrarunt; quod antiquitatis memoria & Regis hujus singularis beneficentia hic ex latebris tot sæculorum proferre exigit.

In nomine sanctæ & individue Trinitatis, Conradus divina favente clementia Romanorum Rex secundus. Ad regie dignitatis munificentiam pertinet, bene de republica merentibus virtutum præmia tribuere, ut & ipsi pro suæ fidei constantia laboris, sui emolumenta percipiant, & ceteri ad exequenda imperii munia bonæ spei pleni & alacres fiant. Quocirca noverit omnium fidelium nostrorum tam futurorum, quam præsentis ætatis industria, quod noster fidelis & carissimus Monasterii, quod nova Corbeia dicitur, venerabilis Abbas Wiboldus nostram clementiam adiit, petens, ut privilegia Corbeiensis Ecclesiæ, cui nunc idem venerabilis Abbas præesse cognoscitur, innovare & confirmare dignaremur. Cujus religiosæ petitioni, ob insignem ipsius circa nos & regnum nobis a Deo concessum fidem, pietatis aurem inclinantes, per præsentis pagine seriem sub regie majestatis tuitionem ipsum locum, novam videlicet Corbeiam,

cum omnibus sibi tam intus quam foris pertinentibus assumimus, eumque perpetua libertate donantes, nostra & omnium Principum auctoritate, lege in perpetuum mansura firmamus, ne præfatum Monasterium, nova Corbeia, in potestatem, vel ditionem, sive subjectionem alicujus personæ seu Ecclesiasticæ, seu secularis dignitatis per aliquam donationem, seu commutationem cedat. Sed semper sub ordinatione & defensione Regum vel Imperatorum consistat, & libertate, quam hætenus obtinuit, in perpetuum potiatur. Et quoniam ab Imperatore Luthewico duo Monasteria constructa sunt, & a nostris prædecessoribus honore & divitiis aucta, unum videlicet Monachorum, quod nova Corbeia dicitur, ad normam scilicet veteris Corbeie, Herevordense vero Sanctimonialium ad similitudinem Sueffionis Monasterii, decretumque est ab eis, ut Corbeiensis Abbas, quicumque pro tempore fuerit, procuracionem agat Herivordensis Ecclesiæ, ita videlicet, ut juxta consuetudinem qua ancillarum Dei congregationi procurari solent, præpositi ex ordine Ecclesiastico tam in disciplina quam in cunctis negociis, quæ famulæ Christi pro sexu & professione sua exequi non possent, ipsarum provisor & patronus existeret. Nos quoque prædecessorum nostrorum vestigia sequentes confirmamus, & decreto in æternum mansuro statuimus, ut omnes per successionem Corbeiensis Cœnobii Abbates præscripta procuracione & patrocinio absque ullius contradictione utantur, & servata dignitate Abbatissæ, in quibus oportuum fuerit, Herevordensi congregationi assistant. Confirmamus etiam, quæ prædecessor noster Imperator Luthewicus supradietis Monasteriis pro elemosina generis sui tradidit, Cellam videlicet, quæ vocatur Meppia cum decimis & possessionibus undique ad eam pertinentibus. Et Ecclesiam Eresburg circumque per duas Saxonicas rastas ad novam Corbeiam, ad Herevordense vero Monasterium in Episcopatu Osnebrugensi Ecclesiam Buinid cum subjectis sibi Ecclesiis, in parochia minniervordensi Ecclesiam Reni cum his, quæ ad eam pertinent Ecclesiis, ita sane; ut decimarum aliorumque reddituum proventus omnes præfatis cederent Monasteriis, & ab ipsis vicissim procu-

procurarentur subjectæ plebes in baptis-  
mate, in Eucharistia, in sepulturis,  
in confessione peccatorum audienda, &  
presbyteri, qui principales Ecclesias te-  
nerent, Archipresbyterorum officio  
fungerentur, ad agenda omnia, quæ  
solent fieri ab Archipresbyteris Episcopo-  
rum, & cum Episcopi circationes suas  
ibi agere deberent, ad eorum mansio-  
natica daretur, ut in capitularibus an-  
tecessorum nostrorum præscriptum ha-  
beretur, videlicet quantum satis sit eis  
dari, & Episcopi non plus quærant, nec  
cum pluribus veniant quam, ut eis suf-  
ficere possint. Ne autem in summa de-  
biti Episcoporum servitii plus exigere-  
tur, quam opus sit, statuerunt prædi-  
ctarum Ecclesiarum Episcopi cum con-  
sensu synodali coram antecessore nostro  
Ottone Imperatore ab Archiepiscopo Ra-  
bano, cæterisque cum eo in synodo  
agentibus, ut dentur ad singulas Ec-  
clesias porci III valentes singuli dena-  
rios XXII aut arietes VIII tantundem  
valentes, porcelli III, aucæ III, pullæ  
VIII situlæ XX. de medone, de mellita  
cervisa XX, de non mellita LX, Pa-  
nes CXX de avena modios C. manipuli

DC. essetque in potestate Episcoporum,  
utrum hæc per singulas Ecclesias ad  
unum mansionaticum, an ad duo vel-  
lent habere. Statuimus etiam atque  
concedimus juxta decreta prædecessorum  
nostrorum liberam utrique loco potesta-  
tem eligendæ de propria congregatione  
in regimen sui per futura semper tem-  
pora congruæ personæ. Et ut nullus  
iudex publicus licentiam in homines  
ad præfatum Monasterium pertinentes  
ullam judicariam habeat exercere po-  
testatem, sed omnis eorum res coram  
advocato ipsorum diffiniatur. Et ut  
justitiam quæ appellatur Burchban ne-  
mo sibi usurpare in eodem loco præsu-  
mat, nisi cui potestas ab ejusdem Cæ-  
nobii Abbate concessa fuerit. Et ut li-  
beri homines licentiam habeant prædia  
sua eidem Monasterio conferre, nec qui-  
vis iudex, aut regia potestas solitum  
debitum, aut publicum vectigal ab eis  
deinceps extorqueat, sed se ipsos in pro-  
prietatem ipsius Ecclesiæ ad jus, mini-  
sterialium tradere liceat, & de infimo  
ordine, videlicet de litis, aut de censua-  
riis facere ministeriales Abbas potesta-  
tem habeat.

Signum Domni Cunradi Romanorum Regis secundi.



Ego Arnoldus Cancellarius vice Henrici Moguntini Archicancellarii recognovi:  
Anno Dominicæ Incarnationis MCXLVII Indictione X. regnante Cunra-  
do Romanorum Rege II, anno vero regni ejus X, datum apud Franckene-  
vorde feliciter Amen.

Posteaquam a comitiis Francofur-  
tensibus omnia per hyemem apparata  
fuere per totam Germaniam ad sacram  
expeditionem, & D. Bernardus interea  
Coloniz, & vicinis ad Rhenum &  
Mosellam oppidis, continua miraculo-  
rum gloria excitavit mortalium animos;  
florente vere duplex exercitus produ-  
ctus est, alter terrestris, alter navalis:  
nam de tertio qui Saxonum fuit ad-  
versus Sclavos, post referam.

Cæsar celebrato Bambergæ Pascha-  
te, primum Francofurtum, post No-  
ringenbergam progressus, inde dedu-  
cente Cardinale Portuensi, Eugenii  
Pontificis Legato, Ratisbonam perrexit;  
Eaque ex urbe secundo Danubio pro-  
vectus est in Austriam, magno Prin-

cipum procerumque comitatu, belli  
sacri signo decoratorum; quos inter  
& Welfus, Henrici Leonis patruus  
ac tutor, citatus accessit. Castra Rex  
ad Burgum Acheim festo Ascensionis  
collocavit, ubi ex omnibus Germaniæ  
provinciis innumerabilis exercitus se  
collegit, qualis ab hominum memoria,  
uti Scriptor Chronici Richenbergii,  
non venit in conspectum. *Tantus*,  
inquit Otto Frisingensis, qui comes &  
spectator fuit, *ut nec flumina ad navi-  
gandum, nec camporum latitudo ad in-  
cedendum visa sint suffectura*. Tyrius  
70000 cataphractorum equitum recen-  
set, peditum verò innumeram multi-  
tudinem, quam, ut Nicetas Græcus  
scriptor refert, nemo oculis complecti  
potuit. Hunc Germanorum exerci-  
tum

Expedi-  
tio pro Terra  
S. recupe-  
randa,  
prorsus in-  
fructuosa & cas-  
sa.

Y y 2

tum Ludovicus VII Galliarum Rex cum innumeris copiis e Francia subsecutus est, exceptis Lotharingicis, quæ duce Wademonio sequebantur. Tantæ potentiae nihil inexpugnabile videbatur, quin totus Oriens victus in potestatem rediret. Verum omnia, quod orbis obstupuit, cassâ fuere. Ac non nisi funera a peregrino solo suscepta. Prospera utcunque fuerunt itineris initia per Bulgariam & Thraciam, donec haud procul Constantinopoli, explicarentur castra in amœnissima planitie, quam Melas amnis interfuit; cum hic intempesta nocte, 7. Calendas Septembris, inter ventorum turbines, incus-

sis pluviis, refluxuque maris, totam prope exercitum hausit. Quæ ut insperata, ita fatalis & miseranda clades erat. Inde Conradus Rex trajecto in Asiaticum litus milite, salutatoque Constantinopoli Manuele Imperatore, per Bithyniam aliasque provincias progressus, exercitum fame, siti, Græcorum prodicione, barbarorumque incursionibus, aliisque itinerum malis attritum amisit, vix ut decima pars Palæstinam intraret. Ludovicus Francorum Rex, præterquam quod tempestate jactatus, iisdem prope itinerum malis confectum habebat exercitum.

## Annus Christi 1148.

Eugenii III. Pont. 4. Conradi III Reg. 11.

Bernardi I Ep. Pad. 21.

Conradus  
& Ludovicus  
Reges  
re infecta,  
ad suas pro-  
vincias re-  
vertuntur.

Annus interim MCXLVIII vertebatur, cum uterque Rex circa Pascha Hierosolymam convenere, & a Balduino Rege, Fulcherio Patriarcha, univ ersoque Christianorum populo incredibili cum læticia sunt excepti. Haud multo post tres hi Reges, & singuli cum attrito exercitu procedunt ad Damasci in Syria obsidionem. Vix ea cœpta, cum prius diffidiis, quam cum hoste pugnatum; ut fit cum pari imperio res a pluribus agitur, nec uni obtemperatur. Et quod fœdum fuit ad omnem posteritatem, obsidio post triduum soluta, frementibus fortissimis viris, tam operosam expeditionem, ac tantam belli molem, ad quam tota Europa suspensâ hærebat, ad nihilum recidisse. Inde uterque Rex alter in Germaniam, alter in Franciam progressus. D. Bernardus, qui tot miraculis conspicuus, non nisi divino instinctu id bellum suasisse credebatur, ut dolorem ipse suum leniret, ad arcana Dei iudicia hæc retulit, quæ homini investigare fas non sit: palam interim fassus, *Deum provocatum peccatis ante tempus iudicasse orbem terræ, cecidisse populos propter iniquitatem; nec tamen eorum casus fuisse adversus promissa Dei, quæ iustitiæ ejus præjudicare non possunt, qui terribilis est super filios hominum.* Moysen quoque tot signis & portentis eduxisse hebræos ex Ægypto, quorum tamen pauci admodum secundum promissa Dei terram sanctam ingressi sunt, ceteris ob delicta extinctis.

Alter exercitus, qui navalis erat, paulo feliciori eventu expeditionem fecit; quemadmodum hæc Dodechinus, qui interfuit, Comes Robertus de monte, Marianus, alique tradidere. Classis hæc v. Calendas Maji per octavam Paschæ Coloniz aliisque ad Rhenum viribus collecta, secundo Rheno movit. Ea primum conjuncta Saxonum & Frisonum navibus, quæ ex ostio Visurgis solverant; inde Danis, Belgicis, Lotharingicis navibus aucta, 14. Junii in portum Angliæ delata est, ubi Comes Areschottanus cum ducentis fere Britanniz & Flandriæ navibus se conjunxit. Valida jam & formidabilis classis erat, qua provecti in altum, & post gravem in pervigilio Ascensionis tempestatem, Gazim Hispaniz portum cum 50 navibus ingressi sunt. Demum ante Pentecosten in Dorii fluminis ostium delati, ab Alfonso Lusitaniz Rege multis præmiis invitati sunt. Germani, Angli, & Belgæ, totaque classis, adversus Mauros, qui Ulyssiponem tenebant Regni metropolim, magna in Christianos exercita tyrannide. Et quia barbari non minus erant Mauri quam Saraceni, in quos movebat classis, rogatu Regis Ulyssiponem in pervigilio Apostolorum Petri & Pauli obsidere aggressi sunt. Multis ibi præliis primam, ac postea difficili, quinque mensium oppugnatione certatum, donec tandem muro 200 pedum rupto, aditus in urbem patefactus, & cc millium quingentorumque barbarorum

Dodechin.  
Robertus de  
monte.  
Helmoldus.  
Albert.  
Scadenf. in  
Chron.  
Marian.  
in hister.  
Hipp. l. 10.  
Auctor vet.  
chron.  
Saxon.  
Chron.  
Mort. leven.  
Brown. v.  
in annal.  
Trever.  
Ulyssippo  
a Germanis  
&c obli-  
tur & cap-  
tur.



rorum cæde, ceteris ex classe & mari prementibus, triumphatum est, & præda omni opinione major militibus cessit. Ita urbs nobilis & Christianorum Colonia facta, & Regnum a Barbaris liberatum; quod, ut Helmoldus scribit, omnium ex hoc sacro bello operum fuit pulcherrimum. Capta urbe 8 Calend. Novembr. classis in Hispania hibernavit; neque Palæstinam petere consultum habuit, postquam infelicem regni utriusque successum didicit.

Tertius exercitus, haud minus quam priores, sacro bello adnumerandus, Saxonum fuit adversus Obotritos, Luticios ceterosque Sclavos, a quibus Christiani in Dania & Transalbiana regione barbarum in modum vexabantur. Hæc expeditio duplici rursus exercitu Saxonum sumpta, in quam omnes Episcopi Saxoniae, ut Helmoldus scribit, convenere. In altero Saxonum exercitu Principes fuere Fridericus Magdeburgensis Archiepiscopus, Rudolphus Halberstadiensis, Wernerus Monasteriensis, Bernardus Meseburgensis, Wikerus Brandeburgensis, Anselmus Havelbergensis, Henricus Moraviensis Episcopi; Wiboldus Corbejensis Abbas: Duces Conradus, & Albertus Marchio, Fridericus & Herimannus Comites palatini, alique procerum; horum exercitus XL millium perhibetur. Alter Saxonum exercitus ductus ab Alberone Bremensi Archiepiscopo, Dithmaro Verdensi Episcopo, Henrico Leone juvene & Saxoniae Duce, Conrado Duce Burgundiae, Hartwico Principe, ceterisque Saxoniae proceribus, quibus Helmoldus addit Conradum Withinensem Comitem; is exercitus scribitur XL millium capitum fuisse. His accessit Rex Daniae cum centum millibus provincialium; quemadmodum hæc auctor Montis Sereni in chronico scribit. Hi omnes, ut alius vetus scriptor memorat apud Browerum, *assumpto signo vivificæ crucis cum maximo apparatu, & miraculi devotione in diversis partibus terram Paganorum ingressi sunt; ut eos aut Christianæ religioni subderent, aut Deo auxiliante omnia deleverent. Et tota terra contremuit a facie eorum: & fere per tres menses peragrande omnia vastarunt, civitates & oppida igni succen-*

*derunt, sanum etiam cum Idolis, quod erat ante civitatem Malchon cum ipsa civitate concremarunt.* Accenderat Saxonum & Westphalorum iram Niclotus Sclavorum Princeps; is enim ubi pro certo comperit: hanc expeditionem totius Saxoniae in se suamque gentem verti, comparata classe cum valido exercitu trajecit post ostium Travenæ fluminis, primoque impetu Lubecam interceptit: ac mox incensis mercatorum navibus, direptis mercibus, cæsisque supra trecentos civibus, urbem incendit. Rudolphus, cum ex urbe ad castrum profugeret, interceptus, & mille vulneribus confossus perimitur. Inde in vicinos circum pagos effusus, Hollandos, Frisios, Westphalos, quorum Colonias supra diximus ab Adolpho Holsatiae Comite istuc introductas, exilio, spoliis, ac cædibus vastat, Magna in hac calamitate temporum conspecta est caritas Vicelini nostri, a quo profugi Sacerdotes collecti receptique: & ceteri Christiani multis subsidiis adjuti, animatique ad constantiam, ipse sæpe ita afflictus, ut sub fago in silva tentorium construxerit, ad servandam vitam. Castrum, in quod Frisii se receperant, vim barbarorum repressit. Id trium millium agmine aggressi sunt Sclavi; & jam obsessi de vita pacti deditionem parabant, cum Gerlavus Sacerdos ad arma revocat; ipse deinde cum uno alterove viro se ad portæ claustrum objicit, fortiterque pugnando impetum sustinet; ac licet alter illi oculus telo jam excussus esset, non destitit tamen objectu corporis vim repellere. Qua conspecta viri fortitudine, barbari accessere. Inde late grassati per regionem Christianorum, domos & vicos pervastant: quo furore expleto, cum spoliis & captivis Niclotus exercitum reduxit per Travennam flumen in interiorem Sclaviam. Acceleravit hac injuria utrumque Saxonum exercitum. Consilium erat, gentem toties perfidam aut funditus extinguere, aut ita victam christianis legibus submittere, quemadmodum Carolus Saxoniam perdomuerat. Et res prospero belli eventu eo deducta erat, nisi Principum nostrorum discordia intervenisset, quod Helmoldus & Otto Frisingensis queruntur. Multum interim hoc bello sacro actum. Nam Sclavi ita debellati victi-

*Historia  
Archiep.  
Bremenf. in  
Hartvuv.*

viētiq̃ue, ut baptismum recipere, & Christi religionem in suis provinciis liberam permittere coacti sint. Quapropter Hartwicus Archiepiscopus Bremensis, Rudolphi Marchionis filius, qui hoc anno ex Præposito ejus Ecclesiæ subrogatus Alberoni, cœpit Ecclesias, Barbarorum furore disiectas, reparare, & Episcopales per Sclaviam sedes, e quibus per LXXX annos exularant Antistites, implere pastoribus.

*Otto Frising  
Robert. in  
append.  
Wibol.  
Nenbrigen.  
Baronius.  
Concil. Par.  
recent. edit.  
tom. 10.  
Brouwer. in  
Annal. Trev.  
Concilium  
Rhemenf.  
in quo Eu-  
donus & Gil-  
berti dog-  
mata dam-  
nata.*

Inter hæc Eugenius Pontifex descendit ad Eudonis seductoris hæresin comprimendam, & Gilberti Porretani Episcopi suspecta dogmata cognoscenda. Quam in rem celebre Rhemensis Episcoporum consilium in Quadragesima convocatum: postulatique etiam ad hanc synodum Moguntinus, Coloniensis, alique Germaniæ Episcopi. Quemadmodum hæc ab eorum temporum scriptoribus referuntur, Coloniensi Archiepiscopo, quod ad consilium evocatus non adfuerit, sacris postea interdictum. Accessit e Saxoniae præsulibus ad hanc synodum Conradus Helmeswardeshusanus Abbas nostræ diocesis; rogatuque Henrici Moguntini, Bernardi Hildesimensis, & Bernardi Paderbornensis Episcoporum tum & Wiboldi Corbejenfis Abbatis ab Eugenio Pontifice omnium privilegiorum confirmationem impetravit.

*Privilegia  
Cœnobii  
Helmsward.  
deshusani  
confirmantur  
ab Eugenio.*

Eugenius Episcopus Servus servorum Dei, dilectis dilectoribus, veræ fidei benedictionem & misericordiam a Deo salutari suo. Sicut dignum & justum est, nos pro statu temporalium & spe futurorum universitati fidelium apostolica auctoritate prospicere, sic etiam per amplius & perfectius est, æquum & salutare, votis humilium & precibus mansuetorum aures benignitatis nostræ accomodare. Eapropter significamus, tam præsentī Ecclesiæ quam generationi venturæ, quod præsentibus nobis in generali Rhemenfī consilio, & quæ ad pacem sunt Ecclesiarum disponentibus, Abbatem venerabilem Helmswardensis Cœnobii Conradum nomine ad nos reverenda cum devotione accessisse, ac de statu, jure, seu libertate suæ Ecclesiæ pauca pro tempore nobis intimasse, utque super his prædecessorum nostrorum decretis privilegii nostri auctoritate subscriberemus, pia importunitate postu-

lasse. Qua de re habita deliberatione, tum sedis apostolicæ conventi larga liberalitate, tum etiam Episcoporum nostrorum provocati benigna interventione, Henrici scilicet Moguntinensis, Thehardi Aremensis, Bernardi Hildesimensis, item Bernardi Paderb. & Wibaldi Stabulensis Monasterii Prælati justis postulationibus clementer annuimus, & præfatam Ecclesiam sub beati Petri ac nostræ protectione ex hoc nunc & usque in sæculum suscipimus. Statuentes igitur decernimus, ut nulli omnino hominum cujuscunque ordinis sit, seu dignitatis, liceat jam dictam Ecclesiam temere perturbare, possessiones auferre, vel ablatas retinere, seu aliquibus vexationibus fatigare, sed quascunque possessiones, bona, tam in honoribus, quam in redditibus, seu aliis in præsentiarum juste & canonice possidet, vel in futurum concessione Pontificum, largitione Regum; oblatione filium potuerit Deo propitio, & illibata Deo inibi militantibus, ac regulariter viventibus permaneant. Habeant etiam fratres liberam facultatem eligendi advocatum utilem rebus ----- Idem etiam Monasterium secundum statutum Pontificum Romanæ libertatis ----- scilicet, ac Benedicti ab omni dictione Episcopi in cujus parochia ----- sacros ordines duntaxat, vel consecrationes benigne ----- Si qua igitur Ecclesiastica sæcularisve potentia contra ---- paginam venire tentaverit, ream se divino judicio existere, ----- culpa recognoscat, & nisi satisfactione resipiscat, vinculo anathematis districtæ ultioni subiaceat. Qui vero hujus nostri privilegii custos & observator extiterit, a secunda morte non laedetur, sed perpetua benedictione & gratiarum actione cum Deo & agno in Jherusalem superna perfruetur Amen.

Data Remis per manus Guidonis sanctæ Romanæ Ecclesiæ Diaconi Cardinalis Cancellarii, III Calend. April. Indictione XI.

Abbatem hunc cum literis commendatitiis iisse Rhemos ad Pontificem, ac legati forte Episcoporum munere, verisimile habeas; nam Bernardum certe Episcopum nostrum ceterosque synodo interfuisse non reperio. Haud minus

minus obscurum, quis ille Thetardus Bremensis Episcopus hoc diplomate nominatus, & ipso autographo, quod apud nos servatur, scriptus; cum per id tempus Albero Bremensis Archiepi-

scopus adhuc viveret, nactus Successorem Hartwicum. An medius aliquis Episcopus inter Alberonem & Hartwicum, an error scriptoris intervenerit, doceant nos alii.

## Annus Christi 1149.

Eugenii III. Pont. 5. Conradi III Reg. 12.

Bernardi I. Ep. Pad. 22.

Subit nunc annus Christi MCXLIX, quo Conradus Rex, præmisso in Germaniam Friderico Sueviæ Duce, & Arnolde Cancellario, e Palæstina rediens per Illyricum mare Polam Istriæ urbem appulit, atque inde equestri itinere per Aquilejam vectus Salisburgum pervenit; acto istic Pentecostes die Ratisbonæ comitia habuit, majori frequentia, quam gloria, postamissum florentissimum inteliciori expeditione exercitum. Regem ob id Eugenius Pontifex literis humanissimis solatus est. Et cum D. Bernardus, auctor hujus expeditionis, variis vulgi sermonibus ad invidiam & læsam nominis famam traduceretur, apologiam edidit; & mox etiam, cum cæco puero lumen oculorum reddidit, miraculi aspectu innocentiam suam testatorem fecit.

Saxonia per id tempus, a proxima expeditione in Sclaviam, Henrici Leonis animosi juvenis ac ducis sui imperio læta quiescebat. Et ille supra ætatem animos gerens, Sclaviam sibi, tanquam partem Saxonix ducatusque sui, armis Saxonis domitam vendicabat; quocum Adolphus Holfatiæ Comes, præpotens tum in Transalbanis regionibus Princeps, conspirabat, in omnibus Ducis consilia & amicitiam sectando. Horum dominatu martiaque manu, quoties Sclavi se commovere, retusi sunt. Verum, quod Helmoldus queritur, ab his tributa magis & pecunia exacta quam religio; ejus enim proferendæ studium per Sclavorum regiones in postremis fuit; quod palam Idolorum cultus ab iis permis-

apud Principes eminens. Tres per Sclaviam Episcopatus, Aldenburgensem seu Lubecensem, Mecleburgensem, qui haud multo post Suerinentis fuit, ac deinde Raceburgensem restituit, Aldenburgenfi Vicelinum Episcopum imposuit, virum, qui per xxx annos in Holfatia & Wagria Sclavorum ex Apostolico munere verlatus, id laboris constantia, fructuque Evangelii, ante omnes promeruerat. Meckelenburgenfi sedi præstitutus Suehardus, quem Helmoldus Emmerhardum, Crantzius Everhardum vocat: utrumque simul Episcopum consecrari iussit; missique sunt per hæc pacis tempora, uti Helmoldus scribit, in terram egestatis & famis, ubi sedes erat Satanæ, & habitatio omnis immundi Spiritus. Quemadmodum deinde Vicelinus noster Lubecæ, aliisque suæ diœcesis locis templa, altaria, & cætus Christianorum restituerit ex Episcopi munere; quantoque fructu regiones docendo, & barbaros ad fidem adducendo peragravit, quibuscum ærumnis & periculis illi obluctandum fuerit, multis Helmoldus & Scriptores Septentrionalium rerum exponunt.

Hoc præterea anno Bernardus Episcopus noster, cujus mirificum vitæ studium fuit in exercenda religione, Wilbacense Cænobium Virginum ad Netam fluvium in Oppido Wilbacensi (id quod quartum fuit Cænobium a se conditum, ac tertium familiæ D. Benedicti) in sua diœcesi, erexit; adiutoremque in multis habuit Ludolphum fratrem, cui amplæ quoque & hæreditariæ bonorum possessiones fuere in hac diœcesi. Quam in rem ipsæ foundationis tabulæ, quibus hæc planius exponuntur proferendæ sunt.

In nomine sanctæ & individue Trinitatis. Notum sit omnibus tam futuris quam præsentibus, qualiter ego Bern-

Helmold. lib. 1. c. 69. Histor. Archiep. Brem. Albert. Stad. Crantz. lib. 4. Wand. Chron. Lubec. Bangert. in notis ad Helmold.

Wilbacense a Bernardo Episcopo Monasterium erigitur.

Hartwici studio religio Christiana per Sclaviam propagata.

At tanto impensius hanc curam sibi hoc anno sumpsit Hartwicus Bremensis Archiepiscopus, qui Alberoni jam plena potestate successerat, vir claritudine generis & fervore proferendæ christianæ religionis, auctoritateque

Bernhardus gratia Dei Paderbornensis Ecclesie Episcopus primum locavi in Ecclesiola Wilbodeffensi Sanctimonialium & regulam beati Benedicti profitentes, dedique eis ipsum locum ad habitandum, & dotem Ecclesie cum omnibus pertinentiis suis ad possidendum. Feci autem hoc cum consilio & consensu Canonorum, Ministerialium quoque nostrorum, intuitu quam maxime divine retributionis, tum etiam precatu Lutoldi fidelis nostri Ministerialis, qui & ipse sex inibi habens filias contulit eidem Ecclesie ipsum Vorwerk, quod illic habetur & quod precio, & justo concambio adquisivit, partim erga Manegoldum, partim erga Heinfridum. Manegoldus siquidem habuit ibi domunculam una cum Sundra & aliquod mansis, quinque vix solidos solventibus, habens autem eos a fratre meo Lutolfo, & ille a me, resignavit eos sibi, & ipse mihi, ego vero tradidi eos Ecclesie Wilbodeffensi, Lutoldus econtra reddidit mihi de beneficiis a me habitis valens annuatim sedecim solidos, quæ, protinus ego præstiti fratri meo, & ipse subinde præstitit Manegoldo ipso ita valente, & nemine contradicente. Porro Heinfridus ibidem nihilominus habuit quiddam proprii, quiddam quoque beneficii, quod cum haberet a Folgwino advocato, id quod ibi habebat proprium sibi delegavit, beneficium reddidit, ille vero cum aliis bonis suis ad integrum sibi recompensavit, tradiditque Wilbodeffin eadem bona, quæ jam receperat a Heinfrido, laudantibus id ipsum, & simul agentibus matre sua Lutrude & fratre suo Widekindo, pro quo facto prædictus Lutoldus persolvit Folgwino viginti marcas argenti, Insuper mihi resignavit de beneficiis suis decimam in Abusin, quam ego itidem præstiti Folgwino pro restitutione suorum bonorum & ejusdem rogatu Lutoldi. Actum est apud Swalenberg in Monasterio sanctæ Mariæ multis præsentibus. Præterea idem Lutoldus delegavit adhuc præfatæ Wilbodeffensi Ecclesie de propriis suis domum unam in Oßendorp & unam in Roredehusen, unamque in Odeheim, & unam in Volkersin, mansum in Sidegodesin, domum in Wellede, & quatuor mansos in Rikersin. Quædam etiam de beneficiis, quæ a nobis habuit, nobis reddidit, scilicet decimam in Sutheim, & mansum unum

ibidem, quem erga Hugonem & fratres ejus adquisivit, domum unam in Dedigbusin, & nos eadem mox Wilbodeffensi donavimus Ecclesie. Quidquid autem horum fecit idem Lutoldus, sive per se ipsum sive per manum nostram, fecit hoc cum consensu & collaudatione suorum hæredum, conjugis videlicet suæ Immæ ac filiorum suorum Contradi, Eggeberti, & Hermanni. Hermannus quoque de Helmere, habens in eadem Ecclesia duas filias, tradidit eidem domum unam cum attinentiis suis in Adelbechtesin. Sed & Folswid socrus ejus tum pro Deo tum pro earundem filiarum amore delegavit jam dictæ Ecclesie prædiolum in Alchgrimmisin, collaudantibus hoc marito suo Wezelino, & filiis suis Hudone, atque Geroldo. Fratres etiam illi de Watervelde, Adelbertus, Rudolfus & Johannes de beneficiis suis, quæ a nobis habuerunt, reddiderunt, & nos ea ipsorum rogatu sæpe jam dictæ tradidimus Ecclesie, curtem unam in Drevera, & mansum unum ibidem, partem decimæ in Vinnethe, mansum in Lochbusin, partem decimæ in Etheßin, & in Limego super duas domos, & duos mansos in Eschereshusin. Quidam etiam Ernestus Ministerialis noster habens a nobis duos mansos in Nordin nobis resignavit, hos etiam eidem tradidimus Ecclesie Bertholdus quoque de Culede mansum unum in Wellede, & alterum in Weterere nobis reddidit, hos nihilominus memoratæ delegavimus Ecclesie, Hæc omnia ita legitime & juste constat esse facta, ut nullus inde conqueri debeat hæredum, nec ulli ea convellere liceat judicium. Propter quod & præsens privilegium conscribi, & nostro sigillo fecimus roborari, commonentes, & contestantes omnem hominem pusillum & magnum, ut nullus unquam id, quod a nobis, seu per nos ad honorem & gloriam Dei rationabiliter factum est, evacuare, vel bona jam nunc eidem Ecclesie collata, vel postmodum juste duntaxat conferenda auferre quolibet modo præsumat, alioquin si fecerit, & juste commonitus se non emendaverit, æterni ignis incendio, qui paratus est diabolo, & angelis ejus sese mancipandum, seque jam a nobis insolubili anathematis vinculo certissime noverit inmodatum. Qui vero ipsum locum ejusque habitatores diligere, & protegere studuerint,

fit

fit illis peccatorum remissio, cœleste gaudium, & aeternæ vitæ remuneratio. Advocatus eorum quemadmodum a nobis ita quoque a Successoribus nostris hujus Patherburnensis Ecclesiæ Episcopis investiat, qui & nihil exigat inde servitii, sed solam expectet retributionem Dei. Abbatem qui eis præsit ac profit, regulariter infra duntaxat Episcopatum eligant, extra non nisi cum Episcopi & Ecclesiæ ipsius voluntate id faciant, ipsique Episcopo dignam cum devotione obedientiam juxta ritum ac debitum aliorum, quæ in ejus diœcesi sunt, Monasteriorum exhibeant. Summa hujus privilegii recitata est a supra-

dicto Bernbardo venerabili Episcopo, quinta feria, quæ dicta erat cœna Domini, stante ipso in gradibus, & concionante ad populum, qui tum multipliciter ibidem fuerat collectus, firmatumque est ab eo hânno Episcopali, datumque Ecclesiæ Wilbodeßensi ad perpetuum stabilimentum, per manum videlicet Conradi Abbatis, qui tunc eidem præfuit Ecclesiæ, & præsens condidit instrumentum. Actum est anno ab incarnatione Domini MCXLVIII. Indictione XII. regnante Conrado secundo regni ejus anno XII. Episcopatus autem sæpe memorandi Bernbardi anno XXII.

## Annus Christi 1150.

Eugenii III. Pont. 6. Conradi III. Reg. 13.

Bernardi I. Ep. Pad. 23.

Nondum absterferat Conradus Rex mœrorem improspere expeditionis, cum anno postero novum doloris vulnus accessit, ex Henrici filii, quem ante triennium Regem dixerat, funere perquam immaturo. Unicus supererat illi filiulus Fridericus; sed & ipse post præreptus fatis; adeo Regum spes, quibus coronam familiæ destinant, incertæ fluxæque. Ipse interim provincias more Cæsarum obire, & jus dicere visus est. Nam modo in comitiis Ratisbonæ bellum adversus Ottonis Wittesbachii filios sumit, motusque in Bojaria componit: modo Spiræ versatus, Wiboldum Corbejensem Abbatem, virum ob merita sibi percarum, & ob virtutes ea tempestate per Imperium spectabilem, regia auctoritate adversus Ministerialium insolentiam tutatus est. Et quia pluribus Episcopis, Abbatibus & Principibus ea causa querelaque cum Wiboldo communis fuisse apparet, ceteri etiam cum suis Ministerialibus jussi sunt esse præsentis, ut ex publico Regis & Principum judicio Ministeriales muneris sui leges acciperent. Et vero cum Ministerialium genus hominum in omnibus tabulis utilitatis sit, quam notius, hoc ipsum Conradi diploma, ex quo multum lucis obscuritati hujus nominis affunditur, hic referre non incongruum erit.

mentia Romanorum Rex secundus. Si paci & tranquillitati Ecclesiarum Dei pia & benigna sollicitudine prospicimus, hanc vicissitudinem nos a pio Creatore nostro accepturos speramus, ut & regni nobis a Deo commissi gubernacula in hoc tempore cum pace & tranquillitate possidere valeamus, ac post regnum hujus temporis in regno aeternæ beatitudinis requiem apud justum judicem Deum inveniamus. Notum igitur esse volumus universis regni nostri fidelibus, tam præsentis quam futuræ ætatis hominibus, qualiter dilectus & fidelis noster Wiboldus Corbeiensis Monasterii Abbas multimoda necessitate ipsius Monasterii compulsus, exposuit in auribus clementiæ nostræ incommoditates & injurias, quas a Dapiferis & Pincernis suis quidam prædecessores ejus sustinuerunt, & ipse a die prælationis suæ in eodem Monasterio passus fuit. Siquidem Dapiferi & Pincernæ, & reliqui, qui ministerii locum in domo Corbeiensis Abbatis tenent, quam dignitatem vulgari nomine officia appellant, quasdam abusiones in eisdem officiis sibi usurpaverunt, ut videlicet omnia victualia, & universam substantiam domus Domini sui sub custodia sua teneant, & cui placuerit, eis inconsulto Domino suo eadem bona servanda, & passim distribuenda conferant, tantamque potestatem in istis officiis sibi asserere conantur, ut Dominis suis palam, & quasi de jure suo prohibeant, ne claves & custodiam rerum suarum alicui committ-

Conradus  
Abbatiam  
Corbejen-  
sem contra  
Ministeria-  
lium insolentiam  
tuetur.

In nomine sanctæ & individue Trinitatis, Conradus divina favente cle-

ZZZ

mit-



mittant. Solent etenim de rebus Dominorum suorum proprias familias alere, ac milites suos pascere in tantum, ut in propriis domibus plerumque aut tanta aut etiam plura, quam Domini sui de facultatibus eorum, quas debuerant servare, expendant, & in dissipandis bonis eorum modum omnino nullum teneant. Huiusmodi ergo superfluas, & damnosas rerum suarum dissipationes cum prænominatus fidelis & dilectus noster Wiboldus Corbeiensis Abbas de eadem domo eliminare, ac domum suam secundum honorem Dei, ac propriam utilitatem ordinare temptasset, quidam de Ministerialibus ejus Rabano, qui tunc officium Dapiferi administrabat, cum fratre suo Liudolfo, & paucis consanguineis suis multum ordinationi ejus refragatus est, atque cum multa comminatione asserebat, quod potestatem officii sui, quam hactenus in domo illa excercuerat, nunquam dum viveret, relicturus esset, ita ut sub imperio suo essent universa victualia Domini sui, ac potestatem haberet de eis tribuendi, cui vellet, ne dati, aut accepti aliquam rationem Domino suo redderet, ne claves rerum suarum servare alicui liceret, nisi quem ipse ordinasset. Hac itaque contradictio inter Ministeriales Corbeiensis Ecclesiae a praefato Abbate Domino suo ventilata est, & per judicium eorum, tam eidem Rabanoni, quam omnibus, qui huiusmodi dominationem sibi de bonis Domini sui usurparent, omnis potestas de committendis clavibus, & de custodia rerum Domini sui abjudicata est, hancque potestatem Abbati Corbeiensi praescripti ab eo sententiam judicii unanimiter adjudicaverunt, ut claves, & custodiam rerum suarum liceret ei committere, absque consilio Dapiferi & Pincernae, cuicumque voluisset. Dapifero autem & Pincernae tale judicium adinvenerunt, ut in victualibus Domini nullam potestatem dandi absque voluntate ipsius prorsus habeant, sed cum Domino suo secundum debitum officii sui ad mensam servierint, hanc dignitatem de officio suo consequatur, ut refecto Domino ad mensam ejus cum cæteris ministris de bonis Domini sui reficiantur, & praeter hanc nullam aliam potestatem de rebus ipsius exerceant. Huic comparium suorum judicio cum idem Rabano acquiescere noluisse, praedictus

fidelis noster Corbeiensis Abbas apud clementiam nostram impetravit, quod in plena curia nostra, quam Spiræ celebravimus, judicium super eodem verbo a Ministerialibus regni sciscitati sumus, qui etiam in conspectu nostro & Principum regni idem judicium, quod Corbeienses invenerunt, pari consensu asseruerunt. Aliam praeterea molestiam idem Rabano fratribus, qui Deo serviunt in Corbeiensi Monasterio irrogare praesumpsit, quod videlicet muros & intra ambitum Coemeterii ejusdem Ecclesiae haereditariam mansionem sibi vendicavit, super qua mansionem cum satis fuisset commonitus, tum a Domino suo, tum a fratribus Monachis, tum a Comparibus suis, quatenus ab ea desisteret, noluit eorum salutaribus monitis obtemperare. Unde Ministeriales Corbeiensis Ecclesiae judicii sententiam interrogati, abjudicaverunt tam ei, quam omnibus saecularibus beneficium in atrio Ecclesiae, & quod aliquis Abbatum tale beneficium potuerit praestare. Cum vero adhuc reluctaretur, nos interrogati a fidei nostro praedicto Corbeiensi Abbate, cum interrogassemus Ministeriales nostros super eodem judicio, abjudicaverunt ei in conspectu nostro & Principum infra atrium Ecclesiae omnem haereditariam mansionem & omnibus Abbatibus & Monachis talis beneficii concessionem. Orta est nihilominus & alia temeritas ab eodem Rabanone, quod intra muros Corbeiensis Monasterii quandam similitudinem dignitatis sibi haereditario jure vendicabat, quam praefecturam appellabat, & se Burckgravium appellari faciebat, cum omnes Abbates ejusdem Monasterii hanc potestatem semper sub se habuerint, ut quidquid a suis infra muros delinqueretur, aut ipse corrigeret, aut Camerario, vel Dapifero suo, seu alicui de familia sua corrigendum absque ulla potestate in perpetuum mansura committeret. Hac autem potestate praefatus Rabano in tantum abusus fuit, ut eam vulgari nomine Burgban, & secundum morem alicujus magnae potestatis saepe infra muros placitaret, & huiusmodi placita Burgdinck appellabat. Ad haec placita famuli fratrum Monachorum de coquina, aut de pistrino, seu de quolibet eorum servitio cogeantur venire, qui etiam si propter impedimenta servitii fratrum occurrere non



non poterant, violenter & contumeliose a famulis illius pertraherentur & panem & escam fratrum imperfectam relinquare compellebantur. Hujusmodi ergo temeritatem de hac praefectura circa Corbeienſe Monasterium ex iudicio Principum regni prorsus interdiciamus, & hanc potestatem in manu Abbatis esse, sicut antiquitus fuit, decernimus. Nam in veteribus Regum & Imperatorum praecipis continetur, ut nullus Dux, nullus Comes, nulla secularis potestas aliquam potestatem infra muros ejusdem Ecclesiae excercendi iudicium habeat, sed per Abbatem & personas temporaliter a se ordinatas quicquid a famulis Monasterii contra juris & aequi rationem admissum fuerit, iudicari oporteat. Et si Principibus contra privilegium imperiale non licet, multo minus Ministerialibus licere constat. Hanc ergo praefecturam & supradictam infra muros Laicorum habitationem, atque Dapiferi & Pincernae de commitendis clavibus potestatem ab aliquo usurpare, & hereditario jure vendicari in supradicto Monasterio nullatenus permittimus. Sed has tres praedictas usurpationes secundum iudicia Ministerialium nostrorum, atque sententiam Principum regni omnibus Laicis decreto in perpetuo valituro interdiciamus, & eorum omnium potestatem Abbati attribuimus. Iudicium de clavibus invenit Conradus Ministerialis noster de

Haga, de habitatione intra muros, & de praefectura iudicium dedit. Item Ministerialis noster Conradus de Walleshuson Camerarius noster a thesauris. Principes autem cum Ministerialibus suis hi interfuerunt: Ortlevus Basileensis Episcopus & sui Ministeriales. Heremannus Constantiensis Episcopus & sui Ministeriales. Guntherus Spirensis Episcopus, & sui Ministeriales. Eilulfus Murbacensis Abbas, & sui Ministeriales. Waltherus Selenſis Abbas, & sui Ministeriales. Campidonensis Abbas, & sui Ministeriales. Wizzemburgensis Abbas, & sui Ministeriales. Clerus, & populus vurmatisensis Ecclesiae, quae tunc vacabat. Clerus, & populus Fuldensis Monasterii, quod tunc vacabat. Clerus, & populus Laurishamensis Monasterii, quod tunc vacabat. Frithericus Dux Sueviae & Alsatie, & sui Ministeriales. Otto Palatinus Comes de Witthelispach, & sui Ministeriales. Herimannus Marchio de Batzen, & sui Ministeriales. Wernberus Comes de Havelkbespereich. Othelricus Comes de Lenzemburg. Wilhelmus Comes de Glizperch. Comes Wilhelmus de Juliaco. Comes Imikho de Liningen. Comes vulframms de Wertheim. Marquardus de Grunbach. Arnoldus de Rotenburch Dapifer. Heinricus Mareſcalcus. Reingerus Pincerna. Thiepertus de Winsperch Camerarius.

Signum Domni Conradi Romanorum Regis secundi invictissimi.



Datum anno Dominicæ Incarnationis MCL, Indictione XIII, anno vero Domini Conradi secundi Regis invictissimi XII, anno autem Wiboldi Corbeienſis Abbatis III. Actum Spiræ in Christo feliciter Amen.

Conradus R. Abbat. Corbeienſ. permittit auri & argenti fodinas in monte Eresburg

Addit & aliud perbreve diploma Conradus Rex Herbipoli consignatum, quo Wiboldo Abbati in monte Eresburg venas argenti metallorumque permittit liberes.

Conradus Dei gratia Romanorum Rex secundus Wiboldo Corbeienſi Abbati suisque Successoribus regulariter ordinatis in perpetuum venas metalli, videlicet auri, argenti, cupri, plumbi, & stanni, & omnem pecuniam, sive rudem, sive formatam, quæ intra

montem Eresberg, qui Corbeienſi Ecclesiae jure proprietario pertinere noſcitur, latet, tibi & per te Corbeienſi Ecclesiae concedimus, damus, & presenti scripto confirmamus, ut liceat tibi, & Successoribus tuis, absque ullius personae contradictione, in eodem monte fodere, omne metallum, quod inventum fuerit, eruere, & constare, tuisque & fratrum tuorum usibus licenter aptare, ut tanto melius possit Corbeienſis Ecclesia tam divinis quam regni rebus subſervire. Data est hæc monumenti cartula

zzz

*tula apud Wizzzburg anno Dominicae Incarnationis MCL. Indictione XIII. propter servitium fidele suprascripti Abbat.*

*Helmold. l. 1. c. 78.  
Chr. Slav.  
Alb. Scad.  
Chron.  
Liber.  
Joann. Ruff.*

Rebus per superiorem Germaniam compositis, Saxonia bello conturbata cœpta. Duxerat Henricus Leo juvenis paucis ante annis Clementiam filiam Conradi Ducis Zeringensis. Quam cum imperio inter Saxones relicta, ipse in Sueviam profectus, bellum Henrico vitrico, Duci Austriæ, intendebat; ille vero cum imploraret opem Conradi Regis, & Rex adverteret Bojariam a Leone ostentata vi armorum repeti, obstitit, conatusque ejus elusit. Inter hæc Albertus Marchio, æmulus Leonis, per absentiam ejus concitare Saxoniam, & Conrado Regi persuadere, se auxilio venire: tempus esse opportunum, omni dominatu Saxonie exuendi Leonem. His Conradus Rex illectus in Saxoniam properat, contractisque Goslarie copiis, Brunswico castra admoveret. Quæ, postquam renunciata sunt Leoni, sumpto plebejo

habitu, triumque fidelium comitatu, intra quinque dies e Suevia in Saxoniam advolat, ac noctis beneficio inobservatus per hostium castra Brunswicum intrat, incredibili civium & Saxonum gaudio receptus. Quo cognito Conradus Rex, omissa obsidione, Goslariam reducit militem, & per hyberna dividit. At Saxones cum de Duce suo ac libertate agi viderent, Leoni se potentius jungunt. Nec ausus est Conradus Rex Saxoniam bello laceßere, veritus superiorum Cæsarum clades. Hoc interim anno Bernardus Lippie Comes cœpit Lipstadium in loco Overwalt ad Luppiz amnem construere & præmunire, Oppidum in visceribus Westphaliæ, tanto Episcoporum malo, quanto post nocumento. Otto vero Comes de Ravensberg Frisiam ingressus, prostrataque ingenti Frisiorum multitudine, victor in Westphalam rediit. Paucis hæc Gobelinus noster retulit, nulla belli hujus causa reddita, ut mos est eorum scriptorum, per abrupta tradere res gestas.

*Lipstadium a Bernardo Com. Lippienfi constructum.*

## Annus Christi 1151.

Eugenii II. Pont. 7. Conradi III Reg. 14.

Bernardi I. Ep. Pad. 24.

*Otto Frising.  
Austriar.  
Lamb.*

Conradus Rex exinde intactam relinquens Saxoniam, sese in Thuringiam contulit; lustratoque Erfurto, Nurimberga ac Spira, Ratisbonæ comitia Principum habuit; compressoque Ottone Wittelsbachio Bavariam turbante, secundo Rheno in inferiorem Germaniam descendit, comite Ottone Frisingensi Episcopo, a quo hæc scribuntur, & Alberto Misnensi Episcopo. Postquam Boppardiam perventum ad regalem villam, obvios habuit legatos, a quibus intelligit Arnoldum Cancellarium suum delectum esse Archiepiscopum Coloniensem in locum Arnoldi, *hominis*, ut Otto Frisingensis scribit, *qui ad omnia Ecclesiastica, & secularia negotia inutilis erat*. Igitur Coloniam ingressus, & magna populi lætitia exceptus, Cancellarium introduxit, regalibusque decoravit, virum ingenio, judicio, & conciliis celebrem, quem alii ex Comitum Wedanorum, alii Altenensium in Marchia genere ortum volunt.

At graviores causæ Trajectum, quo mox descendit, evocabant. Mortuo superiori anno, IV Idus Novembris, Heriberto Ultrajectensi Episcopo fœdo schismate conturbata erat Ecclesia. Quippe nobilitas delegerat Hermannum Hornensem Comitem, Coloniae Præpositum ad S. Gereonem, cuius partes suscipere Theodoricus Hollandiæ, Henricus Gelriæ, & Theodoricus Clivæ Comites, & Clientes Episcopatus: contra Metropolis Trajectum, Daventria, ceteræque civitates Fridericum Havelleum poscebant, clero prope omni libertate eligendi prærepta; ausique cives etiam Hermannum urbe ejicere, & Regem non nisi certis secum conditionibus pactum admittere in urbem. Laborabat Rex ut cives componeret; sed cum illi ad Pontificem se appellasse dicerent, Rex discessu manus subtraxit. Uterque postea Leodium evocatus ad iudicium Apostolici Legati. Cessit Episcopatus Hermannus, homini licet ignavo; quemadmodum per diffidia illa inter nobilitatem

*Turbæ in Ecclesia Trajectensi ob schisma duorum Episcop. & lectorum. Gobelinus. Mirans. Grumbach. Beka in christ. Histor. Ultraject.*

pacem & urbes, adempta cleri libertate, inutiles plerumque Episcopi obtrusi sunt.

Sustulit præterea hic annus Wernerum Monasteriensem Episcopum, postquam per xx annos administrasset magistratum illum sacrum. Vir, ut Crantzius inquit, omni virtute conspicuus, & præclare de Ecclesia sua meritis. Cappenbergensibus religiosis ita conjunctus vixit, ut domesticus eorum haberetur. Ejus consilio B. Goddefridi reliquæ magnam partem Ilmstadio Cappenbergam, ante-biennium translata, ab eoque honorifice condita sunt. Quapropter fallitur Wittius, qui anno 1140, & Kerfenbrochius, qui anno 1139 obiisse dicunt. Wernero subrogatus cleri libertate, & populi concordia, Fridericus, illustris quoque præsul: Ejus subrogationem licet, præter fastos Monasterienses, Otto Frisingensis, Chronicon Montis Sereni, & Pegaviense tradant; nemo

tamen horum illius familiam, aut gradum Ecclesiastici ordinis prodidit. Et cum Wernero Episcopo multa sint monumenta religionis; tum postremo hoc anno conditum est in dicecesi Monasteriensi Collegium Virginum Asbecense a Wicero nobili in Weltringen viro. Id quia Sanctimonialium & Canoniarum ab origine Virginum fuit, Hermannus Episcopus, literis anno 1174 datis, sæculare appellat. Advocatus ejus Collegii fuit Conradus a Weltringen, qui Wiceri filius creditur; a quo post anno 1203 Langenhorstense Collegium Virginum in eadem dicecesi haud procul a Weltringen est fundatum dotatumque. Tristiora ex hoc anno memorat Gobelinus noster. *Claustrum enim, SS. Petri & Pauli Paderbornæ exustum est.* Nobile, videlicet illud Cœnobium Abdinghoviaum a Meinwerco conditum, & tot tabulis donationum a Bernardo Episcopo nostro ceterisque exornatum.

Cœnobium Abdingh. exustum.

## Annus Christi 1152.

Eugenii III. Pont. 8. Conradi III Reg. 15. Friderici I. Imp. 1.  
Bernardi I Ep. Pad. 25.

Exinde Conradus Rex, postquam omnia per Imperium ad summam tranquillitatem composuisset, resumptis armis, expeditionem in Italiam apparabat, ad Imperii insignia ab Eugenio Pontifice capeffenda; quam in rem comitia Imperii Bambergæ indixerat. At eo cum venisset, letali morbo oppressus, xv Calend. Martii extinguitur, non sine præbiti veneni suspicione, quod fraude Rogerii Sicilia Tyranni per Italos, quos habebat medicos, datum credebatur. Princeps armis bonus, ad pericula interritus, justitiæ amans, & religionis religiosorumque hominum studiosissimus; quod vel inter cetera tabulæ a nobis productæ restabuntur. Augustalia Imperii insignia ante mortem deposuit apud Fridericum Sueviæ Ducem, ex fratre Friderico nepotem, quem fidum in bello & expeditione Palæstina comitem habuerat, & Successorem in Imperio designarat; cuique filiolum, quem habebat unicum Fridericum, ob immaturam ætatem non deligendum Regem, commendavit, rogavitque ut Sueviæ Ducem diceret. Funus domesticorum

cura ad Laurisheimense Cœnobium deductum, & juxta Patrem humatum, frustra obnitentibus Bambergensibus, qui tanti Principis exuvias juxta D. Henrici Imperatoris tumulum, nuper ab Eugenio inter Divos relati, collocaturos sese pollicitabantur.

Ab excessu Conradi non nisi per novendecim dies interregnum fuit. Nam 4- Nonas Martii omnes Germanici Regni ordines cum nonnullis Italiæ proceribus Francofurti congressi, summa omnium concordia Fridericum Ahenobardum, quem Barbarossam vulgo dixere, Regem legerunt. Quamquam Amandus, qui Friderico ab epistolis fuit, scribat, Francofurti non plures quam sex, aut octo consedisse Principes, qui rogatione facta, sibi deligendi jus vendicarint, Regemque crearint; quorum deinde electionem ceteri comprobarint; tanquam Electorum forma tum aut repetita, aut sensim introducta. Consensionem hanc refert Otto Frisingensis in pacis studium; quod, cum duræ regnatrices Gibellinorum & Guelforum familiæ Imperium hæte-

Cui in Imperio succedit Fridericus Ahenobardus. Amand. lib. de primis actis Friderici. Geroldus. lib. de sacro Imp. sep. vir.

Otto Frising in Frid. c. 26 Moritur Conradus Rex.

hactenus regnandi æmulatione conturbant, consultum habuerunt Fridericum deligere, qui paterno sanguine a Gibellinis, materno a Guelfisortum se ferebat.

Una Fridericus Rex & Fridericus Ep. Mo. naster. Aquisgrani inaugurantur.

Mirans in not. Belg. 6. 158.

Facta augustali electione, Rex plebsque Principes, accepto juramento fidei, domum remisit, ipse cum ceteris paucis Aquisgranum profectus; ubi media magni jejunii dominica ab Arnoldo Colonienfi Archiepiscopo solemnibus cæemoniis Rex inunctus est, ac Caroli M. in sede collocatus. Eodem die Fridericus Monasteriensis Episcopus ab iisdem Episcopis consecratus, inunctusque est. Ita vero, ut Frisingensis inquit, *summus Rex, & Sacerdos præsentem celebrationem decoravit; viditque una dies ex una Ecclesia duarum personarum unctionem, quæ solæ novi & veteris instrumenti institutione arcano ritu cinguntur, & Christi regni, ac Sacerdotis nomen gerunt.* Inter Episcopos, præter Colonensem & Monasteriensem, præsentem fuere Hilinus Trevirensis, Henricus Leodiensis, Otto Frisingensis, Ortlerus Basileensis, Henricus Constantiensis; quod tabulæ apud Miræum Stabulensi Ecclesiæ consignatæ docent: inter Principes Henricus Leo Dux Saxonie, Albertus Marchio. *Peracta coronatione, inquit Otto Frisingensis, missi Romam Hilinus Trevirensis, & Eberhardus Bambergensis, Episcopi, viri prudentes & literati. Dehinc Trajectensium contumaciam in Conradum Regem patrum ulturus, inferiores Rheni partes obiit; iisque pecuniaria pœna mulctatis, ac Herimanno Episcopo confirmato, ad superiora remeando Colonie Agrippinæ Pascha celebravit. Inde per Westphaliam transiens, Saxoniam intravit.*

Mirans in not. Belg. c. 158 & lib. 2. donat. Belg. c. 51.

Hac profectioe haud dubium, quin Monasterium Westphaliæ adierit Rex, introducto, qui secum inunctus erat, Friderico Episcopo, Paderbornam certo accessisse, iustasseque loci antiquitatem, & florentem cleri disciplinam, docent tabulæ apud nos Marsnensis Ecclesiæ a Friderico Rege consignatæ. *Hujus enim rei testes apud Miræum producuntur Arnoldus Colonienfis Archiepiscopus, Bernardus Paderbornensis Episcopus, Arnoldus Cancellarius, Henricus Notarius, Dux*

*Welfo, Marchio Albertus, Comes Ulricus de Lucenburg, Marquardus. Acta sunt hæc anno millesimo, centesimo quinquagesimo secundo. Indictione XIV Anno Domini Friderici primo, data Paderbornæ per manus Arnoldi Cancellarii.* Quas exinde Episcoporum sedes perlustravit Rex, memoriæ proditum non reperio. Corbejam certe invitatus a Wiboldo Abbate accessit, quem virum in honore habuit Lotharius Imperator, & Conradus Rex patruus multumque veneratus est ob sapientiam, & peculiaria erga se merita. Nam ut in diplomate mox recitandofatetur Rex, magnopere laboravit Wiboldus Abbas Francofurti in comitiis Principum, quo sibi regnum præ ceteris deferretur. Quare confectis per Westphaliæ publicis regni negotiis, transito Visurgi, in interiorem Saxoniam est progressus Merseburgum ad conventum Principum, quem eo in loco indixerat. Regemque cum ceteris regni Principibus comitati sunt Bernardus Episcopus noster, & Wiboldus Corbejensis Abbas. Iis in comitiis, quæ Episcoporum, & ceterorum Principum accessu celebria fuere, actum est de componenda controversia cum Henrico Leone & Alberto Marchione. Nam cum anno superiori Hermannus Comes de Winzburg in castro suo interemptus esset, uterque Principis Winzburgensis hæreditatem sibi vendicabat, collectisque armis Saxoniam spoliis & incendiis vastabant. At nihil propter utriusque pertinaciam in præsens confici potuit. Uti vero castrum Winzburgicum postea ad Hildesienfes Episcopos pervenerit, ex eorum tabulis requirendum est.

Comitis Merseburgi celebrantur, quæ in iis acta. Otto Pri. sing. lib. 2. in Frider. c. 5. Helmold. l. 1. c. 73. Chr. Mon. Saxon. Chr. Pogov

Postulati quoque ad hæc comitia Danorum Regum filii ac juvenes, Sueno, Kanutus, Waldemar de regno inter se gladiantes. Ex his Kanutus, patrocinio Henrici Ducis Sueviæ, & Hartwici Bremensis Archiepiscopi subnixus, accessit. Duxerat etiam secum Archiepiscopus Vicelinum Episcopum Apostolicum virum, cum multo Clericorum numero. Post multam deliberationem regnum adjudicatum Suenoni, qui & Petrus appellatur ab Otone. Kanutus, qui Guvoto appellatur ab Helmoldo, jussus est abdicare regni nomen, & provinciis certis contentus

tentus esse. Waldemaro Ducatus Daniæ attributus. Inde Suein a Friderico Rege cinctus est diademate, iussusque ad maiestatem Romani Imperii, haud secus quam sub Lothario Imperatore; aliisque factum erat, Friderico Regi in publicum cum corona procedenti gladium anteferre. At quo nunc illa recidere.

Fridericus  
jura & pri-  
vilegia Cor-  
beienf. in-  
staurat.

In hoc conventu Principum, cui magna cum auctoritate intererat Wiboldus Corbeiensis Abbas, Fridericus Rex egregio diplomate, quod aureis etiam literis conscriptum est, instauravit jura & privilegia Corbeiensium. Id hoc loco, ad testificandum Regis venerationem erga Abbatem, ad cognoscenda præsentium Episcoporum & procerum nomina, recitare congruum duximus.

In nomine sanctæ & individuae Trinitatis. Frithericus divina favente clementia Romanorum Rex. Ad regiae dignitatis munificentiam pertinet bene de republica merentibus virtutum præmia tribuere, ut & ipsi pro suæ fidei constantia laboris sui emolumenta percipiant, & cæteri ad exequenda Imperii munia bonæ spei plenæ & alacres fiant. Noverit igitur omnium fidelium nostrorum tam præsentium quam & futurorum industria, quod noster fidelis & karissimus Monasterii, quod nova Corbeia dicitur, venerabilis Abbas Wiboldus nostram clementiam interpellavit, ut privilegia Corbeiensis Ecclesiæ, cui nunc idem venerabilis Abbas præesse cognoscitur, innovare & confirmare dignaremur. Cujus religiosæ petitioni ob insignem ipsius fidem circa Dominum & Patrum nostrum, beatæ scilicet recordationis antecessorem nostrum inclytum Regem Conradum, nec non & circa promotionem nostram in regnum, cujus gubernacula Deo auctore post mortem ejus suscepimus, aurem pietatis inclinantes, per præsentis paginae seriem sub regiae maiestatis tuitionem locum ipsum, novam videlicet Corbeiam, cum omnibus sibi tam intus quam foris pertinentibus assumimus, eumque perpetua libertate donantes, quemadmodum piæ memoriæ prædecessorum nostrum ejusque progenitores Reges & Imperatores ante eum fecisse cognoscimus, nostra & omnium Princi-

pum auctoritate lege in perpetuum valitura firmamus. Ne præfatum Monasterium nova Corbeia in potestatem, vel ditionem, sive subjectionem alicujus personæ, seu Ecclesiasticæ, seu sæcularis dignitatis, per aliquam donationem seu commutationem cedat, sed semper sub ordinatione & defensione Regum vel Imperatorum consistat, & libertate, quam hætenus obtinuit, in perpetuum potiat. Et quoniam ab Imperatore Lutewico duo Monasteria constructa sunt, & a nostris prædecessoribus honore & divitiis aucta, unum videlicet Monachorum, quod nova Corbeia dicitur, ad normann: scilicet veteris Corbeia, Herivordense vero Sanctimonialium ad similitudinem Sueffionensis Monasterii, decretum est ab eis, ut Corbeiensis Abbas, quicumque pro tempore fuerit, procurationem agat Herivordensis Ecclesiæ, ita videlicet, ut juxta consuetudinem, qua ancillarum Dei congregationibus procurari solent præpositi ex ordine Ecclesiastico, tam in disciplina quam in cunctis negotiis, quæ famulæ Christi pro sexu & professione sua exequi non possent, ipsarum provisor & patronus existeret. Nos ergo prædecessorum nostrorum vestigia sequentes confirmamus, & decreto in æternum valituro statuimus, ut omnes per successionem Corbeiensis Cænobii Abbates præscripta procuratione & patrocinio absque ullius contradictione utantur, & servata dignitate Abbatissæ, in quibus opportunum fuerit, Herivordensi congregationi assistant. Confirmamus etiam eidem, qui nunc divina vocatione, & communi atque concordi fratrum electione Corbeiensis Monasterio præest, Abbati scilicet Wiboldo, nec non cunctis Successoribus ipsius, auctoritate in æternum valitura, Monasterium quoddam, quod vocatur Keminada, quod piissimus prædecessor, & patruus noster beatæ memoriæ Conradus Rex pro fidelitate & petitione prænominati fidelis & karissimi nostri Wiboldi Abbatis tradidit super reliquias corporis S. Viti martyris per aureum donationis suæ annulum in potestatem & jus atque dominationem Corbeiensis Monasterii, ita videlicet, ut Corbeienſe Monasterium prænominatum Monasterium, scilicet Keminada, quemadmodum & a Reverendo Patre nostro Papa Eugenio per auctoritatis suæ privilegium eidem Corbeienſi Mona-

Monasterio confirmatum esse dinoscitur, cum omnibus prædiis suis, silvis, & aquis tam foris quam intus ad ipsum locum pertinentibus habeat, possideat, ordinet, utatur, & servet, sicut tenet sub suo regimine, jure videlicet proprietario, tres Abbatiolas, quas fundator ejusdem novæ Corbeie Luthewicus pius magni Karoli filius ad eandem Corbeiam contulit, scilicet Eresburch, nobile quondam Saxonum castrum, cum decimis circumquaque per duas Saxonicas rastas adjacentibus, nec non Meppiam atque Wisbicke, cum decimis & possessionibus undique ad eas pertinentibus. Ad Herivordense vero Monasterium in Episcopatu Osnebruggensi Ecclesiam Buimidi cum subjectis sibi Ecclesiis, in parochia Mimiernivordensi Ecclesiam Reni cum his, quæ ad eam pertinent Ecclesiis; præterea, quod ab exordio eorundem Monasteriorum, Corbeie scilicet, & Herivord a nostris antecessoribus constitutum est. Nos quoque firmiter servari volumus, videlicet, ut ubique vel ipsa Monasteria vel Cellæ eorum, casas aut curtes habuerint, ex rebus, quas ibidem laboribus suis adquirunt, decimas dent ad portam Monasterii, nec alibi eas dare cogantur, quatenus inde in nostram ac totius generis perennem mercedem supervenientibus peregrinis & hospitibus serviat, sicut in regia capitulari, & in decreto synodali permissum est. Xenodochia, & reliqua fidelium pauperumque construere hospitalia, & mos fuit semper in sacris concedi Cænobiis. Statuimus quoque, ne Episcopi aut eorum Archiepresbyteri, in ipsorum Ecclesiis a suis presbyteris missarum celebrationes fieri interdican, sed si quid sui juris sibi inde negari putant, ad nostram præsentiam, & synodalis examinis judicium deferant. Sed & hoc decernimus, ut decimas vel decimales Ecclesias, imo universas possessiones suas in quibuslibet Episcopis, præcipue in Bremensi, Osnebruggensi, Patherburnensi, ubi plurimas habent, & res & decimas ita integerrime teneant atque possideant, sicut ab antecessoribus nostris, Regibus videlicet & Imperatoribus hæcenus tenuerunt atque possederunt. Concedimus etiam juxta decreta prædecessorum nostrorum liberam utrique loco potestatem eligendæ de propria congregatione in regimen sui congruæ personæ. Et statuimus, ut

nullus iudex publicus in homines ad Monasterium Corbeienſe, vel ad prænomi-  
natas Cellas ipsius pertinentes ullam  
judiciariam habeat exercere potestatem,  
sed omnis eorum res coram advocato  
ipsorum diffiniatur. Et ut justitiam,  
quæ appellatur Burchban, nemo sibi  
usurpare præsumat, nisi cui potestas ab  
eodem Cænobii Abbate concessa fuerit,  
& ut liberi homines licentiam habeant,  
tam se ipsos, quam prædia sua eidem  
Monasterio conferre, nec quivis iudex,  
aut regia potestas solitum debitum, aut  
publicum vectigal ab eis deinceps extor-  
queat. Sane quod piissimum præde-  
cessorem nostrum, inclytum & glorio-  
sum Principem, felicitis memoriæ Domi-  
num ac Patrum Regem Conradum,  
ex iudicio Principum ac Ministerialium  
regni, in plena curia statuissse cognosci-  
mus. Nos quoque ejus vestigia sequen-  
tes decreto in æternum valituro firma-  
mus atque statuimus, ut nullus Laico-  
rum habitationem infra muros prædi-  
cti Corbeienſis Monasterii sibi aliquan-  
do usurpare audeat, hæreditario jure,  
sed cæmeterium, quemadmodum con-  
gruum est, religiosorum habitationibus  
liberum & expeditum omni tempore  
pateat. Hoc quoque simili firmitate  
præcepto nostro roboramus, ut Dapiferi  
atque Pincernæ Corbeienſis Abbatis  
nullam omnino potestatem de commit-  
tendis clavibus rerum Domini sui ha-  
beant, sed in dandis clavibus, & ordi-  
nandis rebus domus suæ liberam potesta-  
tem, quemadmodum a prædecessore no-  
stro per iudicii sententiam determina-  
tum esse novimus, Abbas in perpetuum  
obtineat. Ut autem hæc omnia rata &  
inconvulsa in perpetuum habeantur,  
chartam hanc conscribi & sigilli nostri  
impressionem signari præcepimus. Testes  
vero hi affuerunt, Sueno Rex Dano-  
rum, qui ibidem regnum suscepit de  
manu Domni Regis. Knut alter Da-  
nus, qui ibidem regnum in manum  
Domni Regis refutavit. Hartwigus  
Bremensis Archiepiscopus, Othelricus  
Halberſtadenſis Episcopus, Burchardus  
Argentinenſis Episcopus, Wicmannus  
Citicensis Episcopus, Daniel Pragenſis  
Episcopus, Bernhardus Patherbornensis  
Episcopus, Heinrichus Mindenſis Episco-  
pus, Heremānus Ferdensis, Anselmus  
Havelbergenſis, Emehardus Me-  
chelemborgenſis, Wikkerus Brandene-  
burgenſis. Marquardus Fuldenſis Ab-  
bas,



bas, Henricus Heresfeldensis Abbas, avunculus ejus, Conradus Marchio de Arnoldus Niemburgensis Abbas. Henricus Dux Saxonie, Dominus Welfphus, & filii ejus,

Signum Domni Friderici Romanorum Regis invictissimi.



Ego Arnoldus Cancellarius vice Henrici Moguntini Archicancellarii recognovi. Data in curia Mersburch, anno Incarnationis Domini MCLII. Indictione XV. anno Domni Friderici Romanorum Regis I. actum in Christo feliciter Amen. 18 Kal Junii

Magna quoque Bernardo Episcopo nostro familiaritas cum Bernardo Hildesimensi Episcopo per multos annos, queis æquales temporum vivere duo illi præstantissimi Antistites. Et Hildesimensis, cum post conditum a se Cænobium S. Godehardi multa præclare per xxii annos egisset, senio demum & caligine oculorum per aliquot annos laborare cæpit. Quamobrem cum post mortem Loicardis Abbatissæ Gandersheimensis subrogata esset Alheidis, ipseque Episcopus invalidus esset, Bernardum Episcopum nostrum invitavit, a quo Alheidis pro vicario munere consueto Virginum ritu initiata est. Interim Hildesimensis, licet cæcus, eo deportari voluit; ac ne quid prisco juri, de quo toties certatum

erat, derogaretur, jussit sibi obedientiam spondere. Nec multum ad his superstes Hildesimensis, altero anno vitam clausit, humatusque est in Cænobio D. Godehardi, a se condito. Nondum Rex e Saxonia discesserat, cum morte Friderici Magdenburgensis Archiepiscopi nova lis oborta, aliis Præpositum, aliis Decanum Ecclesiæ suæ eligentibus; quo in dissidio Rex suavit, eligerent Wicmannum Neuburgensem, seu Citicensem Episcopum, Comitem Seeburgensem. Quem delectum Rex introduxit, & regalibus decoravit. Quo haud leviter offensus Eugenius Pontifex; eo quod Rex sine Apostolicæ sedis auctoritate Episcopum ex una Ecclesia traduxisset in aliam.

## Annus Christi 1153.

Eugenii III Pont. 9. Friderici I Reg. 2.

Bernardi I Ep. Pad. 26.

Transactis iis, quæ ad tranquillitatem Saxonie poscebantur, cunctisque Principibus, uti Frisingensis scribit, ad nutum ejus inclinantibus, Fridericus Rex Boariam ingreditur; ac Ratisbonæ Norici ducatus Metropoli, in Monasterio S. Emmerammi, quod Basilica exusta esset, coronationem repeti voluit. Bellum in hoc conventu urisit adversus Ungaros; quod cum Principes detrectarent, omittere necesse habuit. Omnem deinde operam in omnibus conventibus Principum convertit Rex in conciliando Henrico Austriæ Marchione, & Henrico Leone Saxonie Duce. Uterque consanguineus erat, Austrius Regis patruus,

Saxo avunculus. Controversia omnis de Boariæ Ducatu exarserat, quem ab Austrio repetebat Saxo, patris hæreditatem. Agitata res in comitiis, quæ primum Bambergæ fuere in Paschate; deinde Wormatiæ festo Pentecostes; tum Ratisbonæ in Septembri; denique in Decembri Spiræ. Nihil in omnibus congressibus confici potuit, Vadimonium deferente Austrio; tanquam aspernaretur sistere se Principum judicio.

At facilius est dejectus Henricus Moguntinus Archiepiscopus ac Metropolitani noster, reus an innocens, non convenit inter Scriptores, vir cetera

Amoti ab Episcopatu Henricus Moguntinus, & Henricus Min-

denfis Ep.  
Dodechin.  
Serrarius.  
Baronius.  
Chr. Mind.  
Tribem.

tera bonus, & simplicior, quam pollicorum calliditas terret, cuius ob id patrociniū suscepit D. Bernardus. Sed cleri, quem formare aggressus, odio & accusationibus prævalentibus, Embecam in Brunswicensi ducatu digressus, exul hoc anno obiit, ubi & humatus quiescit; Dictum ejus familiare erat: *Fui dives Canonicus, pauper Præpositus, & mendicus Episcopus.* Hunc prope in modum Henricus Mindensis Episcopus, postquam annos duodecim præclare administrasset Ecclesiam, ad eodem Apostolicæ sedis Legatos, Gregorium & Bernardum Cardinales, a quibus Moguntinus & Eistadensis amoti erant, delatus, quod clericum oculis orbari passus esset; qui factum cum excusare aut noller, aut non posset, ultro Episcopatu abiens, rediit ad Bursfeldente Cœnobiū, in quo & quietum tumultum reperit. Eo interea Episcopo diocesis Mindensis duobus Cœnobiis trans Visurgim exornata, Schinna & Lucka, quorum alterum ordinis Benedictini, alterum Cisterciensis fuit: alterum Comitum Hallermontiorum, alterum Comitum Oldenburgicorum & Hallermontiorum

Bernardus  
Ep. prædi-  
am quod-  
dam Ger-  
denfis ab  
Henrico  
Leone im-  
petrat.

Inter hæc Bernardus Episcopus noster continuū adhibebat studium in Cœnobiis, quæ instituerat, firmandis locupletandisque. Et qua valebat gratia apud Henricum Leonem, Saxonie Ducem, prædium ab eo impetravit Gerdenfi Virginum Cœnobio, quod in gratam Ducis nostri memoriam referre par erit.

In nomine sanctæ & individue Trinitatis, Henricus Dei gratia Dux Bavarie & Saxonie. Notum sit cunctis fidelibus præsentibus & futuris, quod Hermannus Comes, qui hæreditatem Sigefridi Comitis a legitimis hæredibus emptam possedit, villam quandam Hampenbusen de eadem hæreditate, quæ fuit beneficium cujusdam Henrici de Gerdene, Ecclesiæ beati Petri, quam isdem Henricus in proprio allodio fundavit, ad usus pauperum Christi tradidit; quod tamen, ut obtineret, ipse Henricus aliud beneficium Thinkelbroch Comiti reddidit. Nos autem tam pio operi congaudentes, ad nos enim occiso Hermannō Comite eadem hæreditas Deo disponente pervenit, prædictam traditionem conscriptam nostra auctoritate firmavimus, & sigilli impressione signavimus, testesque idoneos annotari fecimus. Dominus Bernhardus Paderbornensis Episcopus, Bernhardus majoris Ecclesiæ Præpositus, Reimberrus Præpositus.

Liberi Volquinus Advocatus Paderbornensis, Adolphus de Nienkerchen, Liudolphus de Dassele. Ministeriales Henricus de Wida, Liutardus, Anno, Liupoldus, alique multi. Acta sunt hæc anno Dominicæ Incarnationis MCLIII, Indictione prima, regnante gloriosissimo Romanorum Rege Friderico semper Augusto anno regni ejus secundo.

Aliis donationum tabulis ipse Bernardus Episcopus Hardehusano jam surgenti Cœnobio benefecit, quas e tabulario nostro hic proferimus.

Et benefa-  
cit Mona-  
sterio Har-  
dehusano.

In nomine sanctæ & individue Trinitatis. Ego Bernhardus Dei misericordia Paderbornensis Ecclesiæ Episcopus, notum facio universitati fidelium tam futurorum quam præsentium, quod cum essem sollicitus Christi pauperibus in Hersuitbehusen pro regno Dei laborantibus præsentis vitæ necessaria juste & rationabiliter providere, inveni prope silvam quæ dicitur Osnuinc, prædium quoddam Kyveninbusen nominatum, quod a Præposito Rukero fratribus majoris Ecclesiæ in Paderborn olim traditum fuerat sub eo pacto, ut eo defuncto singulis annis in Anniversario ipsius unicuique fratri albus panis, & caseus, atque emina cervisie inde daretur. Sed id ipsum prædium plus quam XXX annis desertum, & arbutis in eo abortis horridum cultore caruerat, nec ullus usus inde fratribus proveniebat. Hoc itaque ego cum consensu & collaudatione omnium fratrum concambio justo & ipsis placito obtinui, quod videlicet in Synethe omnem decimam de duabus domibus in Lundbake, de una in Brethine, & de una in Gokestertesbusen, iterum de una in Godeslo, & de una in Ebbekenbusen provenientem, pro ipso eis concessi, ita tamen ut frugum decima IV. solidis redimatur, altitium vero uno eorum animalium, quæ domi aluntur, juste requiratur, & fideliter solvatur. Et cum obtinuisssem prædictis Christi pauperibus ad præsentis vitæ subsidium tradidi perpetualiter possidendum. Hanc autem commutationem & traditionem scripto præsentis pagine & sigilli mei impressione atque Episcopalis banni auctoritate confirmavi, ita ut si quis malevolus unquam infringere voluerit, gratia Dei privetur, & perpetuo cum Juda fure & proditore anathemate feriatur. Testes autem qui adfuerunt, hi sunt, Bernardus Præpositus, Alemarus Decanus, Lanfridus, Ecbertus, Reinbertus, Evergisus, Heremannus, Uffo, Conradus, Herebertus, Sifridus, Godejcalcus, Bernardus, Manegoldus, Altmanus, Hugo, Volbertus, Meinricus, Burchardus, Bezelinus, Lotbewicus, Conradus. Liberi Volquinus Advocatus, Widekindus frater ejus, Thietmarus de Buren, Liudolfus de Ostbe, Givehardus & frater ejus Dudo. Ministeriales Liudolfus, Henricus, Manegoldus, Eixo, Hermannus de Halmere, Conradus de Culite, & frater ejus Bertholdus, Conradus Stapel, Hugo de Hegkeldere & frater ejus Richar-

*Richardus, Conradus Camerarius, & alii quam plures. Acta sunt hæc autem Anno ab Incarnatione Domini MCLIII. Indictione I. Friderici Regis anno primo. Episcopatus nostri \* XXV.*

\* al. XXVI.

Excessit hoc anno VIII Idus Julii Eugenius Pontifex, quem Otto Frisingensis virum justum, & religiosum dilaudat. Successor ei datus Anastasius eo nomine IV.

## Annus Christi 1154.

Anastasio IV. Pont. 1. Friderici I. Reg. 3.  
Bernardi I Ep. Pad. 27.

Proximo dehinc anno, Christi videlicet MCLIV, Fridericus Rex in Saxoniam regressus, Goslarie conventum Principum indicit, ad decidendam controversiam, quæ jam a biennio inter Henricum Leonem, & Henricum Marchionem Austrie & Bojarie ducatu agitata erat. Nam cum Rex expeditionem in Italiam urgeret, ad capiendam Imperii coronam, & majestatem Imperatoris, causam hanc prius, ne quid se absente per æmulos turbaretur in Imperio, decidi componique voluit. Stetitque se Henricus Leo in hoc conventu; abfuit Austrius, quare Regis & Principum sententia, Bavarie Ducatus Leoni adjudicatur, titulo tantum penes Austrium relicto. Sed nec Leo prius, quam post reditum Friderici ex Italia Ducatum adiit. Rex Goslaria Magdenburgum perrexit, festumque Paschatis præsentem Godehardo Cardinale & legato, ab Anastasio ad Regem missis, magna procerum frequentia egit. Multo hunc benignius tractavit Rex, quam anno superiori Eugenii legatum; missisque vicissim suis ad Anastasium Pontificem legatis, non modo facti fui rationem, quod Wicmannum Episcopum sine Apostolica auctoritate introduxisset in Magdenburgensem sedem, reddidit, sed & pallium pro eo petere est ausus. Id licet Otto Frisingensis commendat in Rege, tanquam post damnatas investituras prisca Cæsarum jura repetente, non tamen sine multorum in Romana Ecclesia offensione ea Regis importunitas, & Pontificis facilitas est accepta.

Otto Frising.  
lib. 2. c. 11  
12. 13. &  
14.  
Chr. Paganus  
Ducatus Ba-  
varie Hen-  
rico Leoni  
adjudicatur

Imperii Henricus Dux Saxonie, Welfus patruus Henrici, Otto Wittelsbachius Bojarie Comes, Bertholphus Dux Burgundionum; Henricus Comes Teclenburgicus numerati. Ex Episcoporum numero memorantur comites Arnoldus Colonienfis Archiepiscopus, Henricus Leodiensis, Eberhardus Bambergensis, & Wiboldus Corbejenfis Abbas noster, vir, ut diximus, multis legationibus sub Lothario Imperatore & Conrado Rege Romæ perfunctus, & cana sapientia religioneque aspectabilis, carusque ob hæc Friderico Regi; qui in omnibus consiliorum suorum arbitrum eum esse voluit. Mense Novembri Rex in campo Roncalie ad Padi fluminis ripam haud procul Placentia castra posuit: istic (ut moris erat, singulos Romanorum Regum clientes beneficia profiteri, & accipere a Rege) ex prælongo hastili scutum suspendit, & præconis voce Vassallos evocat: præsentibus feuda concessa, absentibus adempta, atque ita tum quidam Episcopi censi, in quibus Hartwicus Bremensis, & Ulricus Halberstadiensis, salvo tamen Ecclesiarum jure.

Moritur per hæc Anastasius IV Nonas Decembris, haud multum supra annum Pontifex; in cujus locum tertio post die lectus Hadrianus IV, natione Anglus: quem Eugenius Pontifex Episcopum Albanensem crearat, legatumque in Norwegiam miserat, a quo barbara & rudis gens illa diligenter in Rege christiana instructa, disciplina cleri, & quies regni restaurata erat.

In locum Anastasio Pont. demortui succedit Hadrianus IV.

Disposita Saxonia, Rex in Boariam properavit, ad expeditionem Italianam maturandam; lustratoque in Octobri ad urbem augustam exercitu florentissimo, per vallem Tridentinam in Italiam iter instituit. Inter Principes

Fridericus in Italiam proficiscitur, ad suscipiendum Imperii coronam.

Sub idem tempus 2 Idus Decembris transiit ad immortalem vitam Vincelinus Aldenburgerfis Episcopus, & magnus Sclavorum Apostolus, post

Obitus Vincelini Sclavorum Apostoli.

xxxv.

Saxon.  
Helmold. l.  
1. c. 78.  
Chron.  
Sclavon.  
6. 24.  
Histo. Ar.  
chiep.  
Brem.

xxxv annorum ærumnas, & labores inter barbaras illas gentes exandatos: Hameliæ ad Visurgim oriundus, & Paderbornæ apud nos literis, & religiosa disciplina primum excultus. Vir dum viveret, & post obitum miraculis cla-

rus. Corpus Falderæ conditum, ossaque Divum honore culta servataque a posteris. Res ejus gestas copiose descripsit Helmoldus, celebranturque ab omnibus Saxoniarum Scriptoribus.

## Annus Christi 1155.

Hadriani IV Pont. 1. Friderici I. Reg. 4. Imp. 1.

Bernardi I. Ep. Pad. 28.

Annus jam MCLV procefferat, cum Fridericus Rex, postquam Lombardiam intrasset, obsessam ab Idibus Februarii Derthonam, ad fauces Apennini montis, tandem Idibus Aprilis expugnat. Unde Papiam triumphans ingressus, Rex Longobardorum coronatur. Triduum ibi commoratus, Bononiam progressus est; celebratoque ad eam urbem Pentecostes festo, Romam movet: præmissis Arnaldo Coloniensi & Anselmo Ravennate, Archiepiscopis, qui cum Pontifice de coronatione pertractarent. Hi elusis in itinere superbis Romanorum civium postulatis, obvios habent Pontificis legatos, anxios de adventu Regis, quod ignorarent, hostisne an patronus accederet. At data a Rege fide de tutela Romanæ Ecclesiæ, fidei actum utrimque animis; postulatusque Arnoldus Hæresiarcha, qui in caltris regis versabatur resti, addicitur, & igne consumitur. Sutrium dehinc perrexit Rex, ubi Adrianus illi Pontifex occurrit: nec prius admisit ad pacis osculum, quam pro veteri more equum conscensuro stapedes teneret. Inde permissu Pontificis urbem Leoninam ingressus, ab Hadriano Pontifice 14 Kalend. Junii in Apostolorum Principis Basilica Imperator coronatur, senatu populoque Romano neque consulto, neque ad celebritatem invitato; tantum abest, quod hæterodoxi contendunt, ut a Senatu populoque Romano potestas dicendi Cæsarem requirenda sit. Quamquam ubi id rescitum in urbe, populus in furorem actus, in Germanos impetum fecerit. Et pugnatum ab hora diei decima in noctem: capti e Romanis ducenti: fauciati complures, & demersi in Tiberim. E Germanis, quod mirum dictu, unus tantummodo cæsus, unusque captus a Romanis, Cæ-

des futura fuisset major, ni Pontifex iram mitigasset Imperatoris, & Henrici Ducis nostri, fortissime inter ceteros depugnantis; quem admiratus Pontifex, multis post præmiis exornavit.

Sed nec minus beneficus Adrianus Pontifex, gratusque erga Wiboldum Corbejensem Abbatem nostrum, ob egregiam operam in hoc amico accessu congressuque Imperatoris, egregio diplomate omnia jura privilegiaque Corbejenfis Cœnobii Apostolica auctoritate instituit, Abbatemque & illustrem Saxoniarum locum sacrum in peculiarem tutelam suscepit.

Hadrianus  
Pont. jura  
Cœnobii  
Corbeienfis  
instituit.

*Adrianus Episcopus Servus servorum Dei. Dilectis filiis Guicholdo Corbejensi Abbati, ejusque fratribus tam presentibus, quam futuris regularem vitam professis in perpetuum. Officii nostri nos ammonet & invitat auctoritas pro Ecclesiarum statu satagere, & earum quieti & tranquillitati salubriter auxiliante Deo providere; dignum namque & honestum & conveniens esse dinoscitur, ut qui ad Ecclesiarum regimen Domino disponente assumpti sumus, eas & a pravorum hominum nequitia tueamur, & B. Petri atque Sedis Apostolicæ patrocínio muniamus, & suis jura & collatas dignitates benignitate debita conservemus. Eapropter, Dilecte in Christo Fili Guicholde Corbejensis Abbas, devotionem, quam erga Apostolicam Sedem geris, diligentius attendentes, prædecessoris nostri sanctæ memoriæ Papæ Eugenii vestigiis inhaerendo, dignitatem prædecessoribus tuis per nostrorum prædecessorum Romanorum Pontificum privilegia tradita, nos quoque præstante Domino inconvulsam volumus conservari. Quocirca presentis decreti auctoritate concedimus, te in præ-*

Fridericus  
a Pontifice  
Imperator  
coronatur.


præcipuis solemnitatibus sandaliis & Dalmatica uti, juxta altare sedere, populum infra commissum Monasterium vel Cellas, quæ attinent ad animæ tuæ salutem, docere, sicut prædecessoribus tuis a nostris prædecessoribus Romanis Pontificibus est concessum. Ipsum præterea Corbejense Monasterium, cui Domino auctore, præesse dignosceris, sub B. Petri & nostra protectione suscipimus, & præsentis scripti privilegio communimus. Statuentes ut quascunque possessiones, quæcunque bona idem Monasterium in præsentiarum juste & canonice possidet, aut in futurum concessione Pontificum, largitione Regum vel Principum, oblatione fidelium, seu aliis justis modis præstante Deo poterit adipisci, firma vobis vestrisque Successoribus, & illibata permaneant, in quibus hæc propriis duximus exprimenda vocabulis. Decimam videlicet de curia Luithardessen, decimam de curia Beverungen, Decimam de curia Dabburg, decimam de curia Mullenhusen, Decimam de curia Buthelstorp, Decimam de curia Munden, Decimam de curia Bodwicke, Decimam de curia Munchusen, Decimam de curia Beldernichusen, Decimam de curia Buzwelage, Decimam de curia Hombursteide, Decimam de curia Mienstede, Decimam de curia Volckmareßen, Decimam de curia Luitmareßen, Decimam de curia Luthereßen, Decimam de curia Erclen, Decimam de curia Brumelindtorp, Decimam de curia Leziaci, Decimam de curia Castinaci, Decimam de curia Hottepe, Decimam de curia Nutblon, Decimam de curia Kesslike, Decimam de curia Nen, Decimam de curia Croppenstede, Decimam de curia Hermmenorp, Decimam de curia Holthusen, Decimam de curia Groninge, in Frisia quandam possessionem, quæ vocatur Merten, & in eodem loco Ecclesiam de Linguerd. Insulam Rugianam, piscationem Hocwar. San-  
cimus quoque ut ipsum Monasterium nulli omnino personæ in beneficium cuiuslibet occasionibus aliquando concedatur, sed semper sub protectione Romanorum Pontificum, atque Imperatorum, vel Regum defensione permaneat. Adjicientes, quod Monasterium Heresburg cum Decimis circa montem per duas ristas Saxonicas, sicut a beatæ me-

moræ Domino Leone Papa ex petitione Caroli magni Imperatoris, qui ipsum montem expugnaverat, collatæ noscuntur. Monasterium quoque in Groninga, & Monasterium in Kennade, nunquam ab eodem Corbeiensi alienetur Cænobio, sed per ipsius loci Abbatem semper regantur, & salubriter sub Monasticæ disciplinæ regula ordinentur, nec alicui facultas sit quicquam de bonis eorundem trium Monasteriorum ad usus & præbendam Domino ibidem famulantium pertinentibus commutare, in beneficium concedere, vel alienare sine assensu fratrum in iisdem Cænobiis manentium favore Corbejensis Capituli. Volumus etiam ut Præposituræ Clericorum Ecclesiæ S. Pauli, quæ vocatur nova Ecclesia sub ejusdem Corbeiensis Abbatis ordinatione sicut hætenus semper consistat, nec Abbati vel Præposito liceat Canonorum præbendas absque Clericorum conniventia in beneficium conferre, seu commutare atque distrahere. Præterea constituimus ut infra ambitum muri memorati Monasterii Corbeiensis nemo Clericorum vel Laicorum jure proprietatis vel beneficii mansionem aliquam ullo tempore habeat, sed totus ipsius loci ambitus Abbatis, Monachorum, & aliarum religiosarum personarum usibus & habitationibus pateat. Prohibemus autem ut in eodem Monasterio nullus Episcoporum præter Romanum Pontificem liceat quamlibet jurisdictionem habere, ita, ut nisi ab Abbate istius Monasterii fuerit invitatus, nec missarum solemnia ibidem celebrare præsumat. Ut igitur hæc omnia, quæ supra diximus, plenum in posterum robur obtineant, sicut in authenticis prædecessorum nostrorum privilegiis continentur, tam tibi, quam Successoribus tuis ea favoris nostri auctoritate confirmamus. Decernimus ergo ut nulli omnino hominum liceat præfatum Monasterium temere perturbare, aut ejus possessiones auferre, vel ablatas retinere, minuere, seu quibuslibet vexationibus fatigare, sed illibata omnia & integra conserventur, eorum, pro quorum gubernatione & sustentatione concessa sunt, usibus omnimodis profutura, salva Sedis Apostolicæ auctoritate. Si qua igitur in futurum Ecclesiastica secularisve persona hanc nostræ constitutionis paginam sciens contra eam temere

temere venire tentaverit, secundo tertiove commonita, nisi præsumptionem suam digna satisfactione correxerit, potestatis honorisque sui dignitate careat, reamque se divino judicio existere de perpetrata iniquitate cognoscat, & a sacratissimo corpore & sanguine Dei & Domini Redemptoris nostri JESU

Christi aliena fiat, atque in extremo examine districtæ ultioni subjaceat. Cunctis autem eidem loco sua jura servantibus sit pax Domini nostri JESU Christi, quatenus & hic fructum bonæ actionis percipiant, & apud districtum Judicem præmia æternæ pacis percipiant. Amen.

R  
S  
A



✠ Ego Adrianus Catholicæ Ecclesiæ Episcopus.

✠ Ego Imarus Tusculanus Episcopus subscripsi.

B  
E  
F

✠ Ego Guido Presbyter Cardinalis tt. S. Grisogoni subscripsi.

- ✠ Ego Ubaldus Presbyter Cardinalis tt. S. Praxedis subscripsi.
- ✠ Ego Manfredus Presbyter Cardinalis tt. S. Savinæ ff.
- ✠ Ego Ubald Presbyter Cardinalis S. Crucis ff.
- ✠ Ego Astaldus Presbyter Cardinalis tt. S. Priscæ ff.
- ✠ Ego Guido Diaconus Cardinalis S. Mariæ in porticu ff.
- ✠ Ego Gerardus Diaconus Cardinalis S. Mariæ in Via lata ff.

Datum Romæ apud S. Petrum per manum Rolandi S. Romanæ Ecclesiæ Presbyteri Cardinalis & Cancellarii, V. Calend. Martii, Indictione - - - Anno Dominicæ Incarnationis MCLIV Pontificatus vero D. Adriani PP. IIII Anno primo.

Uti & privilegia Collegii Herivordenſis.

Qui in hoc diplomate Pontificis annus MCLIII, primus Hadriani scribitur, is ab anno ordinationis ac successionis deducitur ab anno superiori in Decembri factæ; tamen passim annus ejus primus ab anno MCLV apud Baronium & scriptores numeretur, quod & pro sequenti Adriani Pontificis diplomate monendum censui. Fuitque Wiboldus cum Arnolfo Coloniensi Archiepiscopo præmissus ad Pontificem, ut hæc Romæ mense Martio impetrare potuerit. Abbas erat Wiboldus; & Adrianus, antequam ab Eugenio Episcopus & Cardinalis crearetur, Abbas ejusdem instituti Benedictini fuerat. Quare ejus conciliis & opera multum usus est apud Fridericum Imperatorem: aliudque vicissim Wiboldus diploma impetravit Herivordenſi Ecclesiæ ac Virginum Collegio, quo jura & privilegia ejus Ecclesiæ renovantur, id priori hic conjungere visum fuit.

Adrianus Episcopus Servus servorum Dei, dilectis in Christi filiabus Judithæ Abbatisse Herivordenſis Monasterii ejusque Sororibus tam præsentibus quam futuris Canonicam vitam professis in perpetuum. Piæ postulatio voluntatis effectu debet prosequente compleri, quatenus & devotionis sinceritas laudabiliter enitescat, & utilitas postulata vires indubitanter assumat. Eapropter dilecta in Christo filia Judith Abbatisſa, devotionem, quam erga Sedem Apostolicam geris diligentius attendentes, dignitatem antecessoribus tuis per nostrorum prædecessorum Romanorum Pontificum privilegia traditam. Nos quoque præstante Deo inconvulsam volumus conservari, & præfatum Monasterium, in quo divino mancipatæ estis obsequio, sub beati Petri & nostra protectione suscipimus, & præſenti scriptis privilegio communimus. Statuentes ut quascunque possessiones, quæcunque bona idem Monasterium in præſentia-

rum



rum iuste & canonice possidet oblatione fidelium, seu aliis iustis modis Deo propitio poterit adipisci, firma vobis & his, quæ post vos successerint, & illabata permaneant. Sancimus quoque ut ipsum Monasterium nulli omnino personæ in beneficium quibuscumque occasionibus aliquando concedatur, sed semper sub protectione Romanorum Pontificum atque Imperatorum vel Regum defensione permaneat. Præterea constituimus ut infra ambitum muri memorati Hervordensis Monasterii nemo Clericorum vel Laicorum jure proprietatis vel beneficii mansionem aliquam ullo tempore habeat, sed totus ipsius loci ambitus Abbatissæ, Sororum, & aliarum religionarum personarum usibus & habitationibus pateat. Prohibemus autem ut in eodem Monasterio nulli Episcoporum præter Romanum Pontificem liceat quamlibet jurisdictionem habere, ita ut nisi ab Abbatissa ejusdem Monasterii fuerit invitatus, nec missarum solemnia ibidem celebrare præsumat. Ut igitur hæc omnia, quæ supra diximus plenum in posterum robur obtineant, sicut in authenticis prædecessorum nostrorum privilegiis continentur, tam vobis quam his, quæ post vos successerint, ea favoris nostri auctoritate firmamus. Decernimus ergo, ut nulli omnino hominum liceat præfatum Monasterium temere perturbare, aut ejus possessiones auferre, vel ablatas retinere, minuere, aut aliquibus vexationibus fatigare, sed omnia integra conserventur, earum pro quarum gubernatione & sustentatione concessa sunt omnimodis usibus profutura, salva Sedis Apostolicæ auctoritate, & diocesani Episcopi canonica iustitia. Si qua igitur in futurum Ecclesiastica secularisve persona hanc nostræ constitutionis paginam sciens contra eam temere venire temptaverit, secundo tertiove commonita, si non satisfactione congrua emendaverit, potestatis honorisve sui dignitate careat, reamque se divino iudicio existere de perpetrata iniquitate cognoscat, & a sacratissimo corpore & sanguine Dei & Domini nostri JESU Christi aliena fiat, atque in extremo examine districtæ ultionis subjaceat. Cunctis autem eidem loco justa servantibus sit pax Domini nostri JESU Christi, quatenus & hic fructum bonæ actionis percipiant, & apud districtum iudicem præmia æternæ pacis inveniant. Amen.

Ego Adrianus Catholicæ Ecclesiæ Episcopus subscripsi.

Ego Hubaldus Presbyter Cardinalis tt. S. Praxedis subscripsi.

Ego Manfredus Presbyter Cardinalis tt. S. Savinæ subscripsi.

Ego Julius Presbyter Cardinalis tt. S. Marcelli subscripsi.

Ego Ottavianus Presbyter Cardinalis tt. S. Cecilie subscripsi.

Ego Johannes Presbyter Cardinalis tt. SS. Silvestri & Martini ss.

Ego Guido Diaconus Cardinalis S. Mariæ in porticu subscripsi.

Ego Johannes Diaconus Cardinalis SS. Sergii & Bachi subscripsi.

Ego Gerhardus Diaconus Cardinalis S. Mariæ in via lata.

Ego Odo Diaconus Cardinalis S. Nicholai in carcere tulliano.

Data Sutrii per manum Rolandi sanctæ Romanæ Ecclesiæ Presbyteri Cardinalis & Cancellarii, XVI Calend. Junii Indictione III Incarnationis Dominicæ anno MCLIV Pontificatus vero Domini Adriani PP. III anno primo.

Idem deinde Pontifex duobus aliis diplomatibus, in Tusculano territorio v. Idus Julii consignatis, Wiboldum Abbatem, ob egregia in sedem Apostolicam merita, exornat; quorum altero Collegii Hervordensis administrationem illi pro veteri jure ac more confirmat; altero Monasterium Werle, juris itidem S. Petri, sed multum in sacris & profanis imminutum, ejus gubernationi instaurationique tradit; quæ hoc loco, ne lectori tædia sumus, intermitteremus.

Henricum Leonem hac expeditione secutus Geroldus presbyter; quem cum dux in locum Vicelini Episcopum Aldenburghensem institueret, invito licet Hartwico Bremensi Archiepiscopo, qui id suo juri vendicabat; ob merita tamen Ducis Adrianus Pontifex eum Episcopum consecravit. Is ex Rectore Scholarum Brunswicensium, ob insignem castitatem doctrinamque sacrarum literarum, ad id munus est electus; magnoque fructu Christi religionem Lubecæ & per Slaviam, Apostolico videlicet exemplo, ipse & Berono, post Suerinensis etiam Episcopus, propagarunt.

Cete-

Helmold. l. I. c. 86. & 87. In locum Vicelini Ep. Aldenb. sufficitur Geroldus.

Wiboldus  
Corbejeni  
sis Abbas  
mittitur Le-  
gatus ad  
Imper. Con-  
stantinop.

Ceterum Fridericus Imperator ob æstivos calores morbosque, quibus miles absumi cœpit, iter in Germaniam repetit. Ex transitu Spolerum urbs ob civium injurias capta deletaque. Inde dum ad littora Adriatici maris procedit exercitus, ex confiniis occurrunt Palæologi Constantinopolitani Imperatoris Legati, munera Friderico Imperatori deferentes. *Quibus auditis, inquit Otto Frisingensis, causaque viæ cognita, per aliquot dies secum detinuit. Dehinc, accepto Principum, qui cum eo erant, consilio, Guibaldum Corbeiensem simul & Stabulensem Abbatem regalem, virum prudentem & in curia magnum, in Græciam legatione ipsius ad regie urbis Principem functum destinavit.* Prima hæc atque honorifica Wiboldo nostro legatio fuit ad Constantinopolitanum Imperatorem, postquam alteram etiam rogatu Friderici Imperatoris suscepit.

At Imperator postquam eadem per vallem Tridentinam via redierat in Bojariam, abdicato Henrico Austrio, Henricum Leonem, ob egregiam in Italia præstitam operam, in Ducatum Bojarie Idibus Octobris introduxit: iussique Bojarie proceres juramentum fidei dicere. Ita ille duos Germaniæ paternos Ducatus Saxonie, & Bojarie simul continuit; multumque intererat hunc potentissimum Germaniæ Principem sibi habere conjunctum, ne totam Saxoniam adversus se commoveret.

Antiqua  
Francorum  
lege ani-  
madverti-  
tur in tur-  
batores Im-  
perii.

Ratisbona Wormatiam discessit Imperator ad indicta Principum comitia, ac jus publicum dicendum. Quo in conventu, qui per Natalitia Christi festa agebatur, postulati ad iudicium Arnoldus Moguntinus Archiepiscopus, & Hermannus Palatinus. Ii, quia ob privatas inimicitias comperti sunt Rheini confinia per absentiam Imperatoris in Italia miscuisse prædiis, incendiis, & cædibus; voluit Imperator veterem Francorum & Suevorum legem reduci in usum, qua illustri generis homines capitis rei, antequam poenas darent, ad augendam ignominiam, jubebantur canem ad aliquot millia passuum humero deportare, Ministeriales Sellam, rusticus aratri rotam. Qua lege in reos hosce renovata, iussi sunt Hermannus Palatinus, Emicho de Lin-

nigen, Godefridus de Spanheim, Henricus de Catzenelenbogen, Conradus de Kirchbergen, Henricus de Dirsiden Comites cum hac infami Sarcina prodire in publicum: in Moguntino ob reverentiam senii & sacerdotii mitigata severitas, iussique ejus loco gestare canes Ludovicus Comes de Lochim, & Guilielmus Comes de Glisberg, alique criminis participes.

Saxonia per hæc inter bona pacis otia quiescente, Bernardus Episcopus noster Hardehusanum Cœnobium perfecerat, postquam jam quindecim annos in eo opere construendo dotandoque laborarat. Quare hoc anno festo Christi in cœlum ascendentis die, convocatis Ecclesiæ suæ præsulibus, Canonicis, ceterisque e nobilitate viris ac Ministerialibus, publicas foundationis & donationum tabulas condidit. Quæ cum integerrimi Episcopi pietatem, & sincerum religionis studium spirent, hic annalium nostrorum memoriæ interest referre.

Bernardus  
Ep. tabula  
fundatio-  
nis Harde-  
husanæ  
condit.

*In nomine sanctæ & individue Trinitatis, Bernardus Dei gratia Paderbornensis Episcopus. Notum facimus universitati fidelium, præcipue autem dilectis in Domino Paderbornensis Ecclesiæ filiis præsentibus & futuris. Nos divino instinctu pro laude Domini amplianda, & religione Ecclesiastica in Episcopatu nostro dilatanda, Cœnobii cujusdam, quod Hersuitbehusen dicitur, fundamenta jecisse & inibi conservationem & ordinem Cisterciensium Monachorum, quos de campo maximi muneris loco accipere meruimus, fideliter instituisse. Ipsum ergo locum de nostri juris impendiis quasi decimatum Domino dicavimus, eumque in spem veniæ & retributionis æternæ, nobis nostrisque Successoribus in Domini donaria separavimus. Quare autem eidem novellæ plantationi Domini, ut speramus, dextre inchoatæ contulimus, & officii nostri auctoritate firmavimus omni in posterum occasione justæ contradictionis amputata, hæc sunt, locus ipse, ut prædiximus, Hersuitbehusen cum suis attinentiis, videlicet agris, campis, cultis & incultis, pratis, pascuis, silvis, rivis piscinis & piscationibus, communibus & privatis, in villa Scherve sex mansus cum attinentiis, arvis & molendino de mensa.*

*mensa nostra, pro quibus mensæ Episcopali amplius recompensavimus, videlicet curtem in Offenthorp, quam a David quodam Ministeriali nostro XX duobus talentis comparavimus. Duo mansus indecimales, quos a quodam Gernando duobus aliis in Nedere concambivimus. Tres mansus itidem indecimales Hugonis de Wullenhusen, pro quibus dedimus prædictæ Ecclesiæ decimas in Thietlekeffen, & de tribus curiis Halckedessen, Wichardenhusen, Luburgehusen, & mansum unum in Engere, & duos solidos de curte nostra Nedere. Mansus unus, quem dedit Ludolfus de Oldageffen, uxore sua & filiis suis assentientibus. Agri, quos ibi habuit Reinardus de Maseubem, pro quibus mansum nostrum in ea eadem villa sua recepit. Agri Ersbergensium, quotquot erant in Frenkenhusen, qui pecunia nostra comparati sunt. Triginta quinque jugera cum area, quæ cum fratre suo Conradus de Frenkenhusen sæpèdictæ Ecclesiæ gratis obtulit. Viginti jugera algoti pecunia comparata. Tres mansus Alradi, quos a Bernero quodam emit, pro quibus dedimus prædium quoddam in Theffen, quod Gerardo mortuo filio ejus in beneficio dederamus, & post ab eodem filio annice redemimus. Decem jugera, quæ dedit idem Alradus pro anima filii sui. Septem jugera, quæ dedit Osbrandus & frater ejus. Quadraginta jugera Wernardi de Papenheim, pro quibus dedimus hæreditatem nostram in Menne. Sex jugera, quæ emimus ab Hagenne. Pastorem etiam in Scherve Episcopus alium non constituat, nisi quem Hersuitebusensis Abbas ordinari petierit. Duo mansus in Hodageffen, quos concambivimus, propria nostra hæreditate in Buvehusen a Monachis de Sualenberg. Item in Hodageffen prædium quoddam ex hæreditate Domini Heinrici Ducis, pro quo ei duos mansus in Rosbeke, XX solidos persolventes restituimus. Quinque mansus in Ruthehusen de manu Ducis accepimus, quos Cunradus de Amelunkessen ab ipso in beneficio tenuerat, & XIV librarum pretio inductus resignaverat. Tres mansus & X jugera in Rimbeke, quos Lucia a nobis in beneficio tenuerat & resignaverat. Unum Vorwerck in Riveninhusen, pro quo Canonicis majoris Ecclesiæ in Patherborn IV solidos annuo persolvendos dedimus. Pro decima-*

*tione etiam, quam ex fundo loci ipsius reddere debebant Præposito Ecclesiæ B. Petri. Decem Hurmalder de curia in Selmenchusen persolvi constituimus, ut ipsa fundi decimatio quieta eis & absque ulla contradictione rata permaneat. Itemque aliam decimam ex attinentiis loci ipsius, quem uxor Wernerij ejusque filii Wernerus, Hermannus proremedio animarum ipsarum omnium in manus nostras tradiderunt, ipsis fratribus nostris in Hersuitebusen contulimus. Ex omnibus his quæcunque potestati advocatiæ subjacebunt, ab omni ejus jure liberavimus, & pro eis alia videlicet Curbeke, Offenthorp, Dasburg, curiam in Wartberch, quæ media vocatur, ei subjecimus. Istis determinatis, & omnibus, quæ dilectissimi fratres nostri in posterum justitia comite poterunt conquirere, pacem statuimus, eamque Dei Omnipotentis, & nostra auctoritate confirmamus. Fiant igitur in verbo Domini sicut Dathan & Abiron, & sicut Anania & Saphira omnes, qui locum illum, vel omnia, quæ ad ipsum pertinent, aliqua temerare præsumpserint injuria. Et ut inibi Domino servientes secure possint vacare, & videre quomodo suavis est Dominus, & nulla vicinorum injuria eorum perturbetur animus, eapropter prohibemus ab Christi fidelibus novalium suorum decimas quencquam exigere. Interdicimus insuper in omnibus locis, quæ ad ipsos pertinent, vexationes ferarum, insectationes volucrum, & generaliter omnia, quæ ipsis & quieti eorum possunt esse contraria. Permittimus quoque ejusdem loci Abbati, securam libertatem ordinis sui, ut nulla a Successoribus nostris fiat exactio suo ordini contrariæ institutionis. Ista ergo novellæ plantationis nostræ instituta undique sic decuit Episcopali auctoritate firmari, sigilli quoque nostri impressione signamus, & banno beati Petri Apostolorum Principis omniumque post ipsum Sedis Apostolicæ Præsulum, & nostro sub anathematis periculo communimus. Facta est autem traditio hæc in Capitolio Patherburnensi die Ascensionis Domini, anno ab Incarnatione Domini MCLV. Fritherici Regis IV. ordinationis nostræ\* XXVII. Nomina testium, quorum præsentia & auctoritate hæc firmata sunt subternotavimus. Bernardus Præpositus majoris Ecclesiæ, Almarus Decanus, Thitmarus, Ebertus,*

\* al. XXVIII

tus Præpositus beati Petri, Evergisus, Uffo, Cunradus, Herbordus, Sifridus, Godescalcus, Bernhardus, Becelinus, Luthewicus, Cunradus, Reinerus. De domo B. Petri & Andreae, Thegenbardus Decanus, Bernardus, Rutbeerus, Heinricus, Volcmundus, Reimboldus, Hermicus, Hebertus, Hermannus, Walterus, Hartwicus, Albertus. Liberi isti, Volcwinus advocatus, Widekindus frater ejus. Thietmarus de Buren, Werno de Sturmethe. De Ministerialibus Ludolfus de Osdagessen, Cunradus Stapel, Eilbertus Villicus, Helmwicus, Hugo, Hermannus, Heinricus. Hoc quoque annotare placuit, quod communicato consilio Canonorum utriusque congregationis societas & fraternitas cum fratribus in Hersuithebusen eodem loco & tempore hoc modo mutuo firmata est, ut tam pro vivis eorum quam pro defunctis secundum consuetudinem uniuscujusque claustrum propriis fratribus debitam fideliter in Domino persolvatur orationis officium.

Quod exinde reliquum vitæ habuit Episcopus, totum in hoc atque aliis Cœnobiis dotandis & exornandis collocavit, tam prospero rerum successu, ut suam ipse felicitatem suspectam haberet. Nam reclusum aliquando in Borgentrich apud nos Sacerdotem, quem conscientia suæ arbitrum, ob vitæ sanctimoniam, consulere in more habebat, ob hanc sollicitudinem adiit: *Beilum*, inquit, *contra potentem Comitum de Arnsberg, qui Ecclesiam meam infestabat, multis impensis gessi: nihilominus ex quo Cœnobium Hardehusanum condere cœpi, tam affluenter mihi omnia proveniunt, ut magnopere verear, ne hæc merces mihi hujus vitæ a Deo tantummodo compensata sit, & defraudandus sim in altera post obitum vita.* Ad quæ Sacerdos: *absit in illas angustas cogitationes venire: Dei liberalitas est, bene de se meritis in utraque vita remunerare.* Quin ideo tam largus in te est, ut liberalior in alios esse possis. His dictis ita recreatus est, ut exinde multo liberalius omnia sua in pauperes & religiosos converteret: tantumque adamavit religiosos hujus Cœnobii, & locum, ut in eo humari voverit.

Accessit hoc anno Adriani quoque Pontificis, & Friderici Imperatoris di-

ploma, quo uterque rogatu Bernardi Episcopi Hardehusanum Cœnobium confirmat & in tutelam suscipit.

Adrianus  
Pont. &  
Fridericus  
Imp. Cœ-  
nobium  
Hardehusa-  
num confir-  
mant.

Adrianus Episcopus Servus servorum Dei, dilectis filiis Volberto Abbati Hersuithebusensis Monasterii, ejusque fratribus, tam presentibus quam futuris, regularem vitam professis, in perpetuum. Quotiens illud a nobis petitur, quod religioni & honestati convenire dinoscitur, animo nos decet libenti concedere, & petentium desideriis congruum impertiri suffragium. Eapropter dilecti in Domino filii venerabilis fratris nostri Bernardi Patherburnensis Episcopi, qui Ecclesiam vestram sumptibus suis construxit, precibus inclinati, eandem Ecclesiam sub B. Petri & nostra protectione suscipimus, & presentis scripti privilegio communimus, statuentes, ut quas-cunque possessiones, quæcunque bona eadem Ecclesia in presentiarum justè & canonice possidet, aut in futurum concessione Pontificum, largitione Regum vel Principum, oblatione fidelium, seu aliis justis modis Deo propitio poterit adipisci, firma vobis vestrisque Successoribus & illabata permaneant. Sane novarum vestrorum, quæ propriis manibus aut sumptibus colitis, aut de nutrimentis vestrorum animalium, nullus omnino a vobis decimas exigere præsumat. Decernimus ergo ut nulli omnino hominum liceat præfatam Ecclesiam temere perturbare, aut ejus possessiones auferre, vel ablatas retinere, minuire, aut aliquibus vexationibus fatigare, sed omnia integra conserventur eorum, pro quorum gubernatione & sustentatione concessa sunt, usibus omnimodis profutura, salva Sedis Apostolicæ auctoritate. Si qua igitur in futurum Ecclesiastica secularisve persona hanc nostræ constitutionis paginam sciens contra eam temere venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino judicio existere, de perpetrata iniquitate cognoscat, & a sacratissimo corpore & sanguine Domini nostri JESU Christi aliena fiat, atque in extremo examine districtæ ultioni subjaceat. Cunctis autem eidem loco justa servantibus sit pax Domini nostri JESU Christi, quatenus & hic fructum bonæ actionis percipiant, & apud districtum judicem præ-

præmia æternæ pacis inveniunt. Datum apud civitatem Castelle per rianum Rolandi sanctæ Romanæ Ecclesiæ presbyteri Cardinalis & Cancellarii, III idus Junii. Indictione III anno incarnationis Dominicæ MCLV, Pontificatus vero Domini Adriani Papæ III anno primo. Ego Imarus Tusculanus Episcopus. Ego Guido Diaconus Cardinalis S. Mariæ in porticu. Ego Johannes Diaconus Cardinalis Sergii & Bacchi. Ego Gerardus Diaconus Cardinalis S. Mariæ in via lata. Ego Odo Diaconus Cardinalis S. Nicolai in carcere Tulliano. Ego Guido Presbyter Cardinalis. Ego Hubaldus Presbyter Cardinalis S. Prædix. Ego Manfridus Presbyter Cardinalis S. Savinæ. Ego Julius Presbyter Cardinalis S. Marcelli. Ego Bernhardus Presbyter Cardinalis S. Clementis.

Diploma Imperatoris Friderici haud minus illustre; quo non obscure simul dilaudat Episcopi nostri pietatem, & religionis studium, tanquam qui omnia sua bona per industriam in Episcopatu conquesta erogat in egenos & religiosos homines alendos dotandosque.

In nomine sanctæ & individue Trinitatis. Notum sit universitati fidelium tam præsentium quam futurorum, quod ego Fridericus Dei gratia Roma-

norum Imperator Augustus, velocem & momentaneum rerum temporalium transitum intuens, solos eos prudenter transitoria dispensare judico, qui in thesauros cælestes per manus pauperum ea reponentes omnino transire non permittunt. Venerabilis igitur & dilecti nobis Bernhardi Patherburnensis Episcopi studium & devotionem, quam in pauperes Christi habet, commendo & magnifico, certus, quia eadem, qua mensus fuerit, immo superhabundanti, & & superfluenti mensura recipiet, quidquid in usus pauperum in æterna tabernacula se recipientium erogaverit. Ecclesiæ igitur, quam in Hersindehusen initiavit, & divina cooperante voluntate ad consumationem usque perducet, quæcunque vel ipse, vel aliorum quilibet fidelium ad sustentationem pro Christo pauperum ibidem Deo famulantium delegavit atque contradidit, rata & inviolata permanere volumus, & firma regali censura & auctoritate stabilimus & confirmamus. Si quis autem quicquam eorum, quæ prænominata Ecclesiæ possidet, ausu temerario auferre tentaverit, ut reus regie etiam majestatis, tanquam sanctionum regaliū contemptor & violator appareat, sigilli nostri impressione cartam auctoritatis nostræ insigniri fecimus. Anno Dominicæ Incarnationis MCLV. Indictione III. anno regni nostri V. imperii vero primo.

## Annus Christi 1156.

Hadriani IV. Pont. 2. Friderici I. Reg. 5. Imp. 2.

Bernardi I. Ep. Pad. 29.

Imperator exinde per sequentis anni initia ad inferioris Rheni partes descendit, transgressusque in Westphali- am, Monasterii Pascha cum Friderico ejus loci Episcopo, magno procerum comitatu, celebravit. Hunc siquidem Episcopum; quocum Aquisgrani lætis simul auspiciis inunctus erat, magno semper in amore habuit. Perlustrata Westphalia in Ostphaliā transiit ad conventum Principum, quem Halberstadii Cal. Maji indixerat. Inde, qui transvolantium per Imperii provincias Cæsarum adhuc mos erat, in Bojari- am transiit; celebratoque festo Pentecostes Kelheimii in castro Ottonis Witelbachii, Herbipolim concessit; qua in urbe, dimissa jam priori conjuge,

Beatricem Reinaldi Burgundionum Comitissæ filiam matrimonio sibi jungit. Tandem Ratisbonæ in publicis Imperii comitiis, quæ mense Septembri agitantur, ex integro omnis controversia inter Henricum Leonem Saxonie nostræ Ducem, & Henricum Austriæ Marchionem est composita: cessitque libere Austriæ Leoni omne jus, quod obtendebat in Bojariæ Ducatum; vicissim Austriæ Ducatus titulus relictus, quem ne inanem haberet, Imperator ex Principum consensione Austriæ Marchionatum convertit in Ducatum, comitatibus etiam quibusdam adjunctis. Hactenus enim Marchionatus Austriæ, Stirie, atque Istrie antiqua Bojorum Ducum jurisdictione continebatur, nec

Gravolus.  
Canisius  
tom. 1. an-  
tiq. loc.  
Andreas  
Ratisb.  
Presbye.

Bbbb a

a co-

Ab. Stad.  
Cranz. lib.  
6. Saxon.  
c. 18.  
Chr. Mon.  
Seroni.  
Otto Frising.  
l. 2. de gestis  
Friderici I.  
Imp.



a comitiis Bojariz abesse fas erat, quoties a Duce vocarentur ordines. Magnificum hac super re diploma descriptum superest. Liber inde & hæreditarius Ducatus Austriæ, qui postea tot Cæsares dedit Imperio Romano.

Otto Frising.  
lib. 2 c. 32.  
Trithem.  
Merfius in  
Epi. Colon.  
Cleinorg.

Inter hæc moritur XIV Maji Arnoldus Coloniensis Episcopus, magno omnium luctu, quem virum acuti ingenii, pacis & justitiæ amantissimum, bellicis publicisque rebus expertissimum commendant Scriptores; quippe qui jam ante Conrado Imperatore Cancellarii munere, multisque legationibus defunctus erat. A morte Arnoldi

hand leve schisma ortum, eo quod Præpositi & Abbates Gerhardum Bonensem Præpositum; Canonici vero Fridericum Adolphi Altenæ & Montium Comitis filium delegissent. Sed hoc malum prævertit Fridericus Imperator, utramque partem diffidentem Ratisbonam ad comitia postulando. Ibi postquam ab Episcopis & Principibus Friderici electio meliore Canonico- rum suffragatione probata, Imperator primo regalibus donatum ad Pontificem Romam misit consecrandum. Hætenus Otto Frisingensis, quem Radevicus narrando excipit.

Arnoldo  
Arch. Co.  
lon. defun-  
cto succedit  
Fridericus  
Comes Al-  
ten.

## Annus Christi 1157.

Hadriani IV. Pont. 3. Friderici I Reg. 6. Imp. 3.  
Bernardi I Ep. Pad. 30.

Radevicus.  
Chron.  
Mont. Seren.  
Chr. Pegav.  
Brouv. l. 14  
annal. Trev.  
Dezechin.  
Bellum Po-  
lonicum  
feliciter ab  
Imperatore  
susceptum.

Summa tum per Imperium, ut Radevicus refert, tranquillitas erat. Tanta nimirum Æhenobardi Imperatoris erat majestas terrorque, ut ne commovere quidem se auderent inquieta Reipublicæ capita: tanquam mutati homines, terra alia, cælum ipsum minus molliusque videretur. Ne tamen inter pacis, ut fit, otia, torperet, bellum Polonicum agitabat cum animo. Igitur postquam sub initium anni Treviros adiisset, Pascha WORMATIÆ celebravit: ubi in conventu Principum bellum Polonicum decretum. Urgebat id Imperator, ut Ladislaum profugum Regem restitueret, & Polonos ad tributum & obsequium Imperii, quod Conradus Rex ausus non erat, vi armorum compelleret. Moto per angustum montem exercitu Poloniam iteriorem ingressus, Boleslaum Principem cum Ruthenorum, Borufforum & Pomeranorum exercitu in fugam abjecit; vastataque ad extremum Polonia, compulit supplicem venire, prostratumque ad pedes Imperatoris duo marcarum millia Imperatori, Principibus mille, Imperatrici xx auri marcas, curiæ cc marcas argenti pendere, sistereque se Magdenburgi per festa Natalitia in conventu Principum ad fidem jurandam. Victor e Polonia reversus Herbipoli Manuelis Græcorum Imperatoris Legatos audivit. Munera hi simul ferebant ab Irene Imperatrice,

Conradi Regis sorore, ad Fridericum Conradi filium adolescentem, Sueviæque Ducem. Verum quod insolenti verborum morumque fastu Græcorum tumorem ostentarent, statuit non admittere in conspectum. Post ipsorum Legatorum aliorumque precibus flexus audit, remisitque Constantinopolim. Nec multo post, aut certe anno proximo suos quoque legatos misit Fridericus ad Græcorum Imperatorem; quos inter Wiboldus Corbeiensis Abbas alteram hanc legationem rogatus ab Imperatore suscepit; ex qua altero demum anno rediens in Græcia moritur (uti in auctore Chronici Pegaviensis annotatum lego) nec sine veneni suspicionem. Quam ob causam legati Græcorum Imperatoris, qui anno 1159 ad Fridericum Imperatorem missi aderant, refugerunt comitia nostrorum Principum intrare, nisi publica primum fide Principum data securi essent; quod ob tanti viri acceleratam veneno mortem aut suspecti, aut invisi haberentur ab Imperatore & Imperii Principibus. Tanto tum in pretio & amore erat Wiboldus Abbas, ob sapientiam, & operam tot legationibus pro Imperio sub tribus Germaniæ Imperatoribus præstitam; uti hæc Radevicus scribit. Quapropter Guntherus Ligurinus poeta de Wiboldo nostro.

Wiboldus  
Abbas Cor-  
beiens. in  
Græcia mo-  
ritur.  
Chr. Pegav.  
Radevicus  
l. 2. c. 28.

*Insignis meritis, & clara stirpe creatus.*



Annus



# Annus Christi 1158.

Hadriani IV Pont. 4. Friderici I Reg. 7. Imp. 4.  
Bernardi I Ep. Pad. 31.

Imperator post celebrata Vefontione in Burgundia Principum comitia, in quibus ob legatos Pontificis acerbis tractatos cum Adriano Pontifice collisus est, in Saxoniam properavit ad conventum Principum, quem fine anni per Christi Natalicia Magdenburgi celebrem habuit. Eo cum ad constitutum diem non venisset Boleslaus ac Poloni ad jurandam fidem, iter in Bojariam reflexit, & Ratisbonæ in comitiis Ladislao Bohemorum Duci regiam coronam imposuit. Inde transito Francofurto, ad inferiores Rheni partes transiit, & Pascha in Cæsaris Insula ad sepulchrum D. Suiberti celebravit; ubi præclaro diplomate Hartwico Bremensium Archiepiscopo omnia bona & privilegia Ecclesiæ Bremensis a Carolo M. & ceteris Imperatoribus data instauravit. Testes, qui Imperatori adfuere, Fridericus Colonienfis, Gotfridus Traiectensis, Fridericus Monasteriensis, Philippus Osnabrugensis Episcopi, Albertus Aquensis, Gerhardus Magdenburgensis, Thibaldus Sanctensis, Arnoldus S. Andreæ, Bruno item S. Georgii Coloniz, Otto Bremensis, Hartwicus Hammaburgensis, Udo Ramaslenfis Præpositi. Henricus Dux Saxoniz, Conradus Comes Palatinus de Rheno, Ludovicus Comes de Are, Theodoricus Comes de Cleve, Hermannus Comes de Kuke, Adolphus Comes de Monte, Simon Comes de Tekeneburg, Otto Comes de Ravensberga. Tabulæ hæ a Reinoldo Cancellario Moguntino Archiepiscopo & Archicancellario recognitz, datæque in Verda S. Suiberti, x Calend. Maji. Indictione 6. Anno Incarnationis MCLVIII.

Hoc comitatu, indefesso labore, Imperator peragrabat provincias; atque, ut Radevicus scribit, omnem sibi diem perire fatebatur, quo non aliquid de Imperii commodis, aut de jure redintegrando, & justitia conservanda disposuisset.

Constituta ad Rhenum inferiorem, ac per Frisiam Westphalamque Repu-

blica, WORMATIAM reflexit iter, ad secundam expeditionem in Italiam, quam ad insolentiam Mediolanensium refrenandam suscepit: collectoque ad Augustam Vindelicorum exercitu ex omni Germania (quem Radevicus centum millium armatorum, Dodechinus quinquaginta millium censet) post Pentecosten iter est ingressus. Inter Episcopos accessere Arnoldus Moguntinus, Fridericus Colonienfis, Hillinus Trevirensis, Archiepiscopi: Conradus Eystadensis, Damicho Pragenfis, Hermannus Verdensis, Godehardus Herbipolensis, Episcopi. Inter Principes Ladislaus Rex Bohemiæ, Henricus Leo Dux Saxoniz & Bavariæ, Fridericus Dux Sueviæ, Henricus Dux Austriæ, præter ingentem Abbatum, Marchionum, & Comitum multitudinem. Postquam in Lombardiam perventum, incensis omnium animis cæpta est urbs 8 Calend. Augusti obsideri; eoque fame, peste, ferro, & pertinaci oppugnatione deducta est, ut 6. Idus Septembris supplex sese clementiæ Cæsaris permiserit. Statuerat Cæsar severiori exemplo animadvertere in cives; sed Principum & Episcoporum precibus mitigatus, recepit illos in gratiam. Post hæc totius Italiæ comitia indixit, in quibus de statu Italiæ transactum; fessusque exercitus in hiberna dimissus est.

Per hos posteriores annos vitæ suæ Bernardus Episcopus noster jam senio gravis, nec ad conventus Principum, nec ad Cæsaris aulam inter Episcopos multum accessit; maxima vero ejus occupatio & studium fuit in conservanda cleri disciplina, & lustrandis dotandisque Cænobiis quatuor, a se conditis: nec aliud his donationibus quaesitum, quam ut religiosorum hominum precibus securum sibi ex hac vita exitum a Deo impetraret; Id quod sincero pietatis affectu in omnibus ejus literis legitur. Quare modo Wilbacensi, modo Gerdensi Virginum Cænobiis: modo Hardehusanis, modo Helmwardeshusanis donationum tabulas, quæ apud nos extant, consignavit.

Nec

Friderici  
Imp. expe-  
ditio altera  
in Italiam  
contra Me-  
diolanens-  
es.

Bernardi  
Ep. studi-  
um divini  
cultus pro-  
movendi.

Nec præter Meinwerctum adhuc ullum reperio Episcopum nostrum, qui majori largitate omnia sua in Ecclesias & Cœnobia expendit. Ex variis literis juvat unas proferre, anno superiori Helmwardeshufanis datas, ex quibus, ut in ceteris, de religiosissimi Episcopi pietate, modestia, constanti divinitus propagandi studio æstimare licebit.

*Bernardus Dei gratia Patherbrunnensis Episcopus. Omnibus fidelibus Christi tam præsentibus quam futuris. Quoniam benignus Dominus, qui abundantia pietatis suæ & merita supplicum excedere novit & vota, de pulvere humilitatis nos suscitare dignatus est & erigere, ut collocaret cum principibus populi sui super solium pontificalis gloriæ, dignum est nos de beneficiorum ejus per omnia non iminequiores existere. Sed quia gratuita largitati ejus ex æquo respondere non possumus, conveniens est, quo sanctis ejus aliquod nostræ devotionis obsequium offeramus, & quia reverentia & honor ipsis impensus in eum propter quem impenditur recurrit, eorum patrocinio veniam excessuum nostrorum impetremus, quam nostris meritis obtinere diffidimus. Placuit ergo nobis Ecclesiæ Bea-*

*te Dei genitricis Mariæ, sanctique Petri Apostolorum Principis in Helvvardesbuson mansum unum & dimidium in villa Haldigen dicta cum duabus arcibus & omnibus utilitatibus ad eas pertinentibus ad usus fratrum in præfata Ecclesia Deo servientium cum consilio fidelium nostrorum tradere, consentiente pariter & rogante Johanne, qui eas in beneficio a nobis acceperat. Voluimus autem & in verbo Dei decernimus idem prædium cum absolutum fuerit, a Johanne in præbendam fratrum pro remedio animæ nostræ permanere. Præterea tradimus eidem Ecclesiæ decimas novalium, quæcunque Patres ejusdem loci poterunt elaborare; ut autem hæc traditio nostra, quæ sine alicujus personæ reclamatione facta est, rata permaneat, impressione sigilli nostri & banni nostri obtestatione roboramus, ut cum dæmonibus portio ejus sit. Si quis eam forte, quod absit, temerare vel infringere præsumperit. Hujus traditionis testes sunt Canonici majoris Ecclesiæ Bernbardus Præpositus, Almarus Decanus, Thietmarus, Ecbertus, Reinbertus Præpositus, Sigifridus, & alii quam plures. Laici vero Boimundus, Luidoldus, Heinricus, Helmuvicus, & alii multi. Data V. Cal Aprilis, anno Dominicæ Incarnationis MCLVII Indictione V.*

## Annus Christi 1159.

Hadriani IV. Pont. 5. Friderici I. Reg. 8. Imp. 5.

Bernardi I Ep. Pad. 32.

*Radevicius.  
Ursberg.  
Wilhelm.  
Neuberg.  
Baronius.  
Gobelin.  
anat. 6. c. 60  
Schisma in  
Ecclesia,  
quod fovet  
Fridericus  
Imp.*

Alter nunc annus procedit, quo Imperator Italiam ingressus, cum Mediolanensibus mox ad rebellionem rebellentibus decertat, producta in tertium annum operosa & cruenta obsidione. Sed hoc ipso anno cum excederet e vita Calend. Septembris Adrianus Pontifex, teterrimum rursus schisma conturbavit Ecclesiam. Nam ab Adriani excessu viginti tres e Collegio Cardinalium elegere Rolandum Cardinalem, Apostolicæ Sedis Cancellarium, virum doctrina & omni virtutum genere ornatissimum, assentiente clero, & populo Romano, & Alexandrum eo nomine III dixere; cui D. Bernardus id jam diu ante præfagierat. Contra duo tantum Cardinales Joannes S. Martini, & Guido S. Calixti protrudere Octavianum S. Cecilie Cardinalem, quem Victo-

rem IV appellarunt, hominem adeo ambitiosum, ut cum Alexandrum videret in Pontificali habitu, epomidem ipsi detraxerit, sibi que sumpserit. Is quia Romanos quosdam tam e clero, quam populo in factionem suam pertraxerat, ausus est se ferre Pontificem, & Fridericum Imperatorem implorare patronum. Imperator, qui jam ex aliis diffidiis adversus Apostolicam Sedem exacerbatus, sibi eam potestatem sumpsit, ut judicium de Pontifice vero iustoque commiserit Episcopis illius Conciliabuli Ticinensis; ex quo fœdum hoc schisma, quod in xx annum protractum, defensione Victoris Pseudopontificis, magno nominis sui apud posteros dedecore, suscepit, omnemque gloriam hoc turpi facinore obscuravit.

## Annus Christi 1160.

Alexandri III Pont. 1. Friderici I. Reg. 9. Imper 6.

Bernardi I Ep. Pad. 33.

*Radevicius.  
Ursberg.  
Sigonius.*

Anno dehinc proximo, qui Christi erat MCLX, secundo Februarii die, coactum auctoritate Imperatoris pro

Pseudopontifice Victore stabiliendo Conciliabulum Papiense, cui ex Germania interfuisse memorantur Arnoldus

*Bernardus  
Serrarius  
in Arnoldo*

ngentes in  
eclesia  
urbæ, ex  
schismate  
profectæ.

us Moguntinus, Hartwicus Bremen-  
sis, Hillinus Trevirensis, Reinaldus  
Colonienſis, qui jam Friderico in Ita-  
lia mortuo, Cæſaris gratia, ex Cancellario  
subrogatus erat, Wickmannus  
Magdenburgenſis, tum alii cum Ver-  
denſi Episcopo. Quanquam multi ad  
Conciliabulum hoc evocati, se cum  
Eberhardo Salisburgenſi, Alberto Fri-  
ſingenſi, Hartwico Ratisbonenſi, aliis-  
que subtraxerint: neque ipse etiam  
Hillinus Trevirensis Archiepiscopus  
interfuerit, ut falsa sit gloriatio Eber-  
hardi Bambergensis Episcopi in epistola.  
*Solus Trevirensis de regno nostro su-  
perest in parte illa Archiepiscoporum,  
qui non conſenſerunt; ſallatque index,  
qui nomina Episcoporum ejus Concilia-  
buli exhibet.* Post impium illud Papi-  
enſe Conciliabulum Victor Pseudopon-  
tifeſ Alexandrum, contra Alexander  
Victorem diris devovet, ſcriptis ſimul  
ad omnes orbis Chriſtiani Reges &  
Principes literis, quibus Cæſar ut ob-  
truderet Victorem, Reinoldum Coloni-  
enſem Archiepiscopum, ortum ex Comitum  
de Daſſel genere, mittit ad Reges  
Franciae & Angliae cum Adolpho Scha-  
wenburgenſi Comite: Viridunensem  
Episcopum in Hispaniam: Pragenſem  
Episcopum in Ungariam, alios alio.  
Inde dimiſſis in Germaniam Principi-  
bus, ipse cum ceteris, quas retinuit,  
copiis Mediolanum vario belli eventu  
oppugnat. Inter Principes, qui in  
Germaniam rediere, fuit Henricus  
Leo Dux Saxoniae. Is ob Sclavorum  
rebellionem evocatus, Saxones colle-  
git; ingreſſusque cum Marchione The-  
odorico Sclavorum regiones, ferro &  
populatione omnia vaſtat; occiſoque  
ex inſidiis Nicloto gentis regulo, Scla-  
vos ad accipiendam Chriſti religionem  
permovet, & pro victoris arbitrio  
Episcopatus inſtituit. Tunc Gerol-  
dum Aldenburgenſem, Evormodum  
Raceburgenſem & Bernonem poſt  
multas ærumnas a barbaris perpeſſas  
Suerinenſem Episcopum, poteſtate a  
Friderico Imperatore impetrata, impo-  
ſuit. Ab his Episcopis fidem cliente-  
laris obſequii exegit; quod utrumque  
contra jus ſacrum fecit, cum Pontifi-  
cis & Metropolitanſi ſit, Episcopos im-  
ponere; eoque tot querelis a Bremenſi  
Archiepiscopo actum. Sed ut Impe-  
rator, ita & ille per hæc convulſa Ec-  
cleſiae tempora manus inſecit in ſacra.

Rediit & Arnoldus Moguntinus Archi-  
episcopus, magna cum Reinoldo Colo-  
nienſi Archiepiscopo hujus ſchiſmatis  
bellique tuba ad Trevirenſe Concilia-  
bulum; ſed male exceptus a ſuis, ipſo  
die S. Joanni Baptiſtæ naſcenti ſacro, in-  
ter miſſarum ſolemnia trucidatur a fu-  
rentibus Moguntinis civibus. Hæc vin-  
dicis numinis pœna hunc auctorem  
ſchiſmatis conſecuta; quemadmodum  
ceteræ legationes Cæſaris inſelices fue-  
re. Nam ut Helmoldus præter ceteros  
eorum temporum ſcriptores, Ec-  
cleſia Hieroſolymitana & Antiochena,  
omnesque in Oriente; omnis præter-  
ea Francia, Anglia, Hiſpania, Da-  
nia, & omnia, quæ toto orbe Chri-  
ſtiano ſunt, Alexandrum Pontificem  
ſuſcepere. Inter religioſorum ordi-  
nes nemo Alexandri Pontificis deſenſi-  
onem ferventius conſtantiusque ſuſce-  
pit, quam Ciſtertienſium ordo; cen-  
ſebatque is Archiepiscopos, Episcopos  
& Abbates, plus quam ſeptingentos  
quos idem Imperator e Germania pro-  
ſcripſit. Hujus præterea Cæſaris edi-  
cto imperatum, ut Episcopſ, qui Vi-  
ctorem Pontificem non recipere, ſe-  
dibus ſuis pellerentur. Tanta Cæſa-  
ris vecordia erat: tantumque erat in-  
cidiffe in Conſiliarios & miniſtros, qui  
inflammati odio in Pontificem Impe-  
ratoris mentem accenderent, quam re-  
ſtinguere debebant. Impia Henricia-  
ni ſchiſmatis tempora redierant. Vi-  
ſusque Albertus & Liemarſ in Ar-  
noldo Moguntino, & Reinoldo Colo-  
nienſi reſuſcitatis. Hinc alii per Ger-  
maniam & Saxoniam Episcopſ Victori  
Pseudopontifici: alii Alexandro vero  
Pontifici hærebant: alii incerti fluctua-  
bant utri ſe jungerent. Stumſius qui-  
dam Suevus ſcriptor, Bernardum Epi-  
ſcopum noſtrum inter ſchiſmaticos  
computat, forte ab Ursbergenſi abdu-  
ctus, quod ſcribat Moguntinum Ar-  
chiepiscopum cum ſuis ſuffraganeis  
Episcopſ conſenſiſſe in electionem:  
aut quod Radevicus referat Arnoldum  
Moguntinum Archiepiscopum cum  
xiv ſuffraganeis interfuiſſe, & conſen-  
ſiſſe; quemadmodum id ceteri etiam  
Archiepiscopſ fatentur in illo indice,  
ſe cum ſuis ſuffraganeis interfuiſſe, ac  
conſenſiſſe; cum tamen hi ſuffraganei  
Episcopſ nec recenſeantur, nec non  
niſi paucos admodum interfuiſſe, aut  
per literas poſt conſenſiſſe veriſimile  
ſit;

*Radevicus*  
lib. 2. c. 70.  
Indulgen-  
tiæ Ecclesiæ  
Paderb. ab  
Alexandro  
Pont. datæ.

fit; quando in epistola ad Salisburgensem Archiepiscopum apud Radevicum refertur, Moguntinum, Coloniensem, Magdeburgensem & Brementensem Archiepiscopos cum nonnullis suffraganeis interfuisse; Archiepiscopos vero pro suis suffraganeis consensisse. Nec aliquem præter Hermannum Verdensem Episcopum ex Saxoniciis reperio interfuisse. Certe Bernardus Episcopus noster cum Frederico Imperatore nunquam Italiam intravit; senio enim jam confectus erat: nec per literas etiam consensisse obtendi potest, quando ipsum Alexandrum verum Pontificem coluit. Argumento sunt indulgentiæ, quas primo anno ejus Pontificatus, qui a Septembri superioris anni deducitur, ab Alexandro impetravit; ita enim Gobelinus noster. *Idem Papa Alexander III. concessit visitantibus Ecclesiam Paderbornensem in die anniversariæ Dedicationis ejusdem XL dies, Nonis Octobris, Pontificatus sui anno primo. Deinde eodem anno IV Idus Octobris concessit visitantibus eandem Ecclesiam Paderfontanam in die Annuntiationis B. Mariæ Virginis XL dies indulgentiarum.* Satis hæc esse possunt, ut Bernardum Episcopum nostrum a nota schismatis absolvamus. Vixisse autem ad hunc, in quo versamur, annum Bernardum Episcopum, testes sunt hæc supremæ, quas reperio, donationum tabulæ, Hardehusano Cœnobio scriptæ.

*In nomine sanctæ & individue Trinitatis. Provide & rationabiliter Ecclesiæ Dei Sanctorum Patrum providit autoritas, ut ea quæ Ecclesiarum sunt, eis in suo jure pro privilegiorum auctoritate conserventur, & quoniam dies mali sunt, omnis malignandi facultas canonica severitate amputetur. Noverit ergo omnium Christi fidelium universitas, quod ego Bernardus Paderbornensis Ecclesiæ humilis minister Ecclesiæ in Herwildeheffen quam in honore beatissimæ Dei genitricis Mariæ pro remedio animæ meæ & omnium meorum, qui Ecclesiæ Paderbornensi ante me præfuerunt, & mihi in ea successuri sunt, construxi unam domum ad manendum & tres ad sal coquendum in Salttoten tradidi, & unam domum in Paderborn juxta viam, quæ de foro*

*ducitur ad urbem eidem Ecclesiæ dedi, partem quoque campi qui dicitur Druc, quasitum est a via, quæ de Apenbusen ducit per Colstedum versus Austrum Deo ibidem servientibus ad pascua gregum suorum, & ad omnem utilitatem confirmavi, nec non & tertiam partem indomitæ equarum mearum pro abolitione omnium peccatorum meorum insuper contradidi. Hæc autem recte & rationabiliter acta Episcopali banno auctoritate confirmavimus & sigilli nostri impressione roboravimus. Testes hujus rei sunt Sifridus Præpositus, & Manuoldus. Laici Ludolphus frater ipsius Episcopi, Rodolfus, Rocherus. Acta sunt hæc anno Dominicæ Incarnationis MCLX.*

At non multum ab his superstes Bernardus Episcopus noster; quem Deus ex hoc turbulento Imperii statu, jam laboribus fractum, & senio fatigentem, hoc ipso anno, xvii Calend. Augusti, ad immortalem vitam evocavit. In hunc mensis diem conveniunt omnia necrologia Cœnobiorum hujus Diœcesis, Abdinckhoviani, Hardehusani, Mariæ-Monasterjensis, Gerdensis, Herisienis, Wilbacensis; in quibus anniversaria hæc dies, in sacris ex grata donationum & beneficiorum memoria præscripta peractaque est. Accedit necrologium Cathedralis Ecclesiæ & Buxtorffiani Collegii in Notis ad Martyrologium Bedæ, in quibus idem dies anniversaria ejus memoriæ consecratur cum stipendio sacro Sacerdotum. Annus mortis hic idem est MCLX consignatus ab Auctore vitæ, qui triginta tres annos Episcopatum gessisse scribit; quemadmodum & nos res ab eo gestas per hos annos ordine deduximus. Totidem annos præfuisse memorat Chronicon Stederbergense, in quo diserte refertur anno 1160 obiisse. Quapropter errare dixeris Bruschium & Kerschenbrochium, qui anno MCLIX obiisse tradunt. Gobelinus postquam narrasset ea, quæ anno MCLX gesta sunt, subjungit: *Eodem anno Bernardus Episcopus Paderbornensis obiit, & successit Evergisus.* Pergit deinde narrare, quæ anno MCLXI gesta sunt; quanquam erret quod Conciliabulum Papiense ad hunc ipsum annum referat, quod anno superiori, Indictione 8. mense Februario habitum diximus. Ab excessu  
e vita

Obiit Bernardus Episcopus in Cœnobio Hardehusano sepultus.

e vita corpus omnium luctu, ut juss-  
rat, deportatum est ad Hardehusanum  
Cœnobium ordinis Cisterciensium, hu-  
matumque grata in Fundatorem suum  
memoria, in medio Basilicæ choro,  
tumulo honorifico e terra altius erecto,  
mausolei in modum, ante aram Prin-  
cipem; quemadmodum hodiedum in-  
tra omnes bellorum turbas intactum  
aspicitur, Sepulchro hi versus in-  
scripti.

*Subjicitur lapidi, lapidem qui jecit  
in isto*

*Fundo, Fundator præsul Bernar-  
dus, inardens*

*Perpetuo zelo patriæ, quem jungere  
vivo*

*Digneris lapidi, lapis unice, qui  
duo jungis.*

Præsul certe omni posteritatis me-  
moriam dignus, qui per triginta tres an-  
nos Episcopatum præclare gessit; &  
magnitudinem animi cum religione ita

conjunxit, ut nec in sago felicitas, nec  
in toga pietas unquam desiderata. Bel-  
lum quod contra Arnsbergensem Co-  
mitem gessit, necessitas diocesis extor-  
sit: quo semel domito, quietam ha-  
buit diocesin. Opes, quas collegit,  
cum patrimonio effudit vel in Ecclesi-  
as exornandas, vel in Cœnobio reli-  
giosorum hominum; quorum quatuor,  
ut diximus, e fundamento erexit do-  
tavitque. Castimonia, atque omnium  
virtutum Episcopaliū ornamentis per  
omnem vitam conspicuus, eoque apud  
Lotharium & Fridericum Cæsares ma-  
gnæ auctoritatis, carusque Innocen-  
tio & Eugenio Pontificibus. Extat  
præclarum ejus encomium apud aucto-  
rem Chronici Stederbergenensis ex re-  
bus, quas hætenus descripsimus, cum  
laude gestis. Quorum omnium instar  
erit testimonium Evergisi Successoris,  
a quo in diplomate recitando appella-  
tur *inclytæ memoriæ Episcopus*, decus  
videlicet Episcoporum ea tempestate  
per Saxoniam.





# ANNALIUM PADERBORNENSIIUM

LIBER IX.

## EVERGISUS

XVII.

## SIFRIDUS

XVIII.

## BERNARDUS II.

XIX.

EPISCOP. PADERBORN.

## EVERGISUS XVII.

EPISCOPUS PADERBORN.

Annus Christi 1160.

Alexandri III Pont. 1. Friderici I. Reg. 9. Imp. 6.

Evergisi Ep. Pad. 1.



osteaquam per absen-  
tiam Imperatoris in  
Italia sublatus est men-  
se Septembri Bernar-  
dus Episcopus, Præfules & Canonici  
una consensione elegere mox Evergi-  
sum e gremio Collegii sui, virum  
ætate & moribus gravem, multumque  
inter



In locum  
Bernardi  
Episc. de-  
functi, Cle-  
ri electio  
ne suffici-  
tur Evergi-  
sus.

inter suos probatum ab usu omnium rerum, & virtutum conspectu. Nam supra viginti annos jam tum, cum legeretur Episcopus, Canonicum egisse in Cathedrali Collegio Paderbornensi, testantur tabulæ Gerdenſi Cœnobio anno M<sup>cxxx</sup> a Bernardo Episcopo consignatæ, quibus Evergisus inter Canonicos testis subscripsit. Anno deinde M<sup>cxxxvi</sup> eidem Cœnobio datæ literæ, annoque post M<sup>clv</sup> a Bernardo Episcopo Monasterio S. Mariæ tabulæ foundationis scriptæ, in utrisque rursus inter primarios Canonicos Evergisus testis introductus; ut verisimile habeas, Evergisum, ob probatam tot annis in clero vitam, ab ipso Bernardo Episcopo sibi Successorem esse commendatum. Ex qua vero familia sit ortus, nec in annalium nostrorum memoria, nec ab aliis notatum reperio. Quamquam primum sit asserere, ex veteri aliqua nobilitate genitum: quales tum plerique in Collegio Cathedrali censebantur, qualesque tum passim per Saxoniam ob potentiorum studia legebantur Ecclesiarum præfules.

Qui primo  
statim Epi-  
scopatus  
sui anno  
fundatio-  
nem Harde-  
husani Cœ-  
nobii con-  
firmat.

Sacrum Episcopi munus, quod per XVIII annos gessit, auspicatus est a religionis studio, conservanda cleri disciplina, fovendisque religiosorum Cœnobiis; quemadmodum hæc ab antecessore & majoribus acceperat. Quapropter hoc ipso statim anno sui Episcopatus grata & honorifica erga Bernardum memoria, Cœnobii Hardehusani fundationem bonæque omnia ab ipso donata Episcopali auctoritate præmuniri voluit.

*In nomine sanctæ & individue Trinitatis. Evergisus Dei gratia Paderbornensis Ecclesiæ electus. Provide & rationabiliter Ecclesiæ Dei sanctorum Patrum providit auctoritas, ut possessiones Ecclesiarum in suo jure per privilegiorum auctoritatem eis conserventur; & quoniam mundus in maligno positus est, omnis malignandi facultas canonica severitate amputetur. No-*

*verit igitur omnium Christi fidelium universitas, quod quæcunque venerabilis antecessor noster inclitæ recordationis Dominus Bernhardus Episcopus Ecclesiæ Herfethusenſi juste contulerat, quam pro remedio animæ suæ & omnium antecessorum suorum in honore beatissimæ Dei genitricis & semper Virginis Mariæ construxerat, prompto animo & bona voluntate approbamus, & Episcopalis auctoritatis munimine confirmamus. Sunt autem hæc ipsæ: curia in Herfethusen cum omnibus suis appendiciis, curia in Scherve cum Ecclesiâ, prædium in Rimbeke, Rocenbusen, Scievelinhusen, Hadageffen, Sledale. Hæc omnia cum suis appendiciis. Insuper in Saltcoten unam domum ad manendum, tres ad sal coquendum, unam domum in Patherburnen juxta viam, quæ de foro ducit in urbem, partem quoque campi qui dicitur Thruheim, quantum est a via, quæ de Ogenhusen ducit per Colstide, versus Austrum per pascua gregum. Tertiam quoque partem agrestium equorum, quod leges equicium vocant. Acta sunt hæc anno Dominicæ Incarnationis M<sup>clx</sup>. coram testibus subscriptis, quorum nomina sunt hæc, Sifridus Præpositus, Alcmarus Decanus, Thietmarus, Uffo, Manegoldus, Altmannus, Thietmarus de Buren, Joban, Herman, Hartman, & alii quam plures.*

Hisce tabulis dum se electum scribit Paderbornensis Ecclesiæ antistitem, satis simul indicat initia Episcopatus ante confirmationem & consecrationem, quæ aut hoc ipso anno, aut proximo consecuta est; tametsi ut multa alia de Evergiso, ita ob negligentiam Scriptorum desideramus, quo tempore & a quibus post consecratus sit Episcopus. Incidit Episcopatus ejus in conturbata schismatis tempora, Imperatore hærente in Lombardia; in qua expugnata excisaque Cremona post educta xx milia hominum, urbs Lauda præmunita, ex eoque Mediolanum vario belli eventu oblectum.

## Annus Christi 1161.

Alexandri III Pont. 2. Friderici I Reg. 10. Imp. 7.

Evergisi Ep. Pad. 2.

Anno autem proximo, postquam Imperator copiis ex Germania est au-

ctus, vere ineunte, urbem arctius obfidere cœpit; ingens enim armatorum  
Cccc 2 multi-

Ursberg.  
Oise a. 2.  
Blaspo.

multitudo, a proceribus priori anno remissis, est adducta: præterque Daniëlem Pragensē Archiepiscopum, Fridericum Sueviæ Ducem, Henricum Ducem Saxoniz, Adolphum Comitem Holsatiæ, ceterosque Principes, memorantur in diplomate Cæsaris (quod Burchardo Argentinensi Episcopo Laudæ in comitiis v Calend. Junii dedit) Reinoldus Colonienſis, Fridericus Monasterienſis, & Wernerus Mindenſis, Episcopi, cum copiis suis accessisse. Mindenſis etiam in eorum factis memoratur consanguineus Imperatoris; quo sanguinis nexu Fridericus Monasterienſis Episcopus verisimiliter Imperatorem secutus fuerit; ut hi Episcopi a schismatis labe immunes non fuerint.

Palam Gero Halberſtadienſis Episcopus, qui, submoto Ulrico, vero pioque Episcopo, obtrusus erat, schismaticum se professus, eoque a Victore Pseudopontifice pallii usu donatus est. Ita contagio schismatis per Saxoniam serpere cæpit. Nihil his commotus Evergiſus Episcopus noster, in fide Alexandri veri Pontificis stetit, Bernardi antecessoris vestigiis inhærendo; quanquam plerique jam per Saxoniam Episcopi, ad gratiam Imperatoris & suorum Archiepiscoporum, Victorem Pseudopontificem coluerint; inter quos & Hermannus Verdenſis Episcopus Legatus Romam pro Pseudopontifice ab Imperatore & Archiepiscopis missus.

Chron.  
Mon. Seru  
Albert.  
Sax. d. m.  
Christi  
1161.  
Chr. Legat.  
Sigen.  
Rader. l. 1.  
c. 54.

## Annus Christi 1162.

Alexandri III Pont. 3. Friderici I Reg. 11. Imp. 8.  
Evergiſi Ep. Pad. 3.

Miserabile  
urbis Me-  
diolanenſis  
excidium.  
Otto a S.  
Blasio.  
Sigenius.  
Robertus  
de monte.  
Urbigenſ.  
Baronius.  
Raderici  
appendix.

Tandem consequenti anno Mediolanenses extrema fame, quæ ad canes etiam comedendos adegerat, preſſi, impositis jugulo gladiis, supplices urbem, se, suæque omnia ad Cæsaris arbitrium quarto Martii dedunt. Tercio post die promiscua civium multitudo, flebili agmine, prælata D. Ambrosii effigie, ac singulis crucem manu gestantibus, prostrati ad pedes Imperatoris non aliud obtinent, quam ut jussi sint obsides dare: portas, mœnia, turres suis manibus destruere: fossas æquare solo: urbe emigrare. Ac ne spes redeundi superesset, ædificia, præter paucas basilicas, e fundamentis everſa sunt. Ita nobilis illa urbs D. Ambrosii, & tot sanctorum Episcoporum sedes vasta jacuit, & per quatuor mundi plagas aratro proſciſſa. Miserabile hoc excidium, quod hostibus lacrymas extorsit, Barbarossa, ad omnia inexorabilis, spectare potuit, non sine crudelitatis ad posteros fama. Principis quippe est severitatem ita temperare, ut poena perveniat ad paucos, exemplum ad multos. Hoc Cremonæ & Mediolani funesto spectaculo ceteræ urbes, ac tota Lombardia in obsequium & fidem ultro venere.

Germaniæ thesaurus, a Reinoldo Archiepiscopo Coloniam transportata. Aliis Episcopis alia Divorum pignora in sacram prædam venere, quibus Germania Saxoniaque exornata est.

Coloniæ  
transporta-  
tur.

Evergiſus Episcopus noster, cui nihil cum bello illo commune, domi permansit apud suam Ecclesiam; eoque impensius Alexandrum Pontificem coluit, quo certius intellexit Alexandrum sub initium anni in Gallias profectum esse, & in conventu Burgundico, quo ipse Cæsar concesserat, Galliæ, Daniæ, & Angliæ, ceterosque orthodoxos Reges, Principes, & populos in Alexandri veri justique Pontificis fide decreviſſe perſiſtere, frustra licet obnitente Friderico Imperatore cum suis schismaticis Episcopis, a quo Franciæ Rex sollicitatus ad schisma. Et suscepit quidem in illo conventu Walderamus, Kanuti Martyris filius, Regnum Daniæ & Norwegiæ a Friderico Imperatore, valida adhuc Imperii majestate, quæ Reges illos diceret; schisma tamen perſus Apostolicam sedem coluit. Atque ut de Evergiſi obsequio in Pontificem, & Pontificis in Evergiſum constet, Alexander hoc anno Evergiſo, haud secus quam Bernardo fecerat, novas indulgentias impertitus est; ita enim Gobelinus noster. Idem Alexander Pontificatus sui anno tertio, V. Calendas Junii, concessit visitantibus eandem

Evergiſus  
Ep. Pad.  
adhuc  
Alexandro  
vero Pontifi-  
ci, a quo  
indulgenti-  
as pro  
Ecclesiâ ob-  
tinet.  
SaxoGram.  
l. 14.  
SaxoGram.  
hiſt. Tru.  
l. 14.

Corpora  
SS. trium  
Regum Me-  
diolano

Inter militum spolia cessere Episcopis Divorum corpora & reliquiæ, quibus urbs illa plena erat. Ex his corpora trium Regum, magnus ille

Gabel.  
6. 6. 6.

eandem Ecclesiam Paderbornensem in eodem festo die Annunciationis, & octo diebus præcedentibus, & octo diebus sequentibus ejusdem festi diem pro qualibet die, unum annum, & XL dies indulgentiarum. In hunc modum dum alii pro Pseudopontifice laborant, armaque versant, Evergisus sacris intentus est cum Alexandro Pontifice, plus confusus literis ejus, ad se aliosque Episcopos datis, quibus suam electionem probat; quam ut se Schismaticorum persuasionibus, militiæve permitteret.

Evergisus  
Ep. donas  
tionem bo  
norum, a  
viro nobili  
Monaste  
rio Abding  
hov. is  
ctam con  
firmat.

Et hoc ipso anno Evergisus, dum multo sapientius domi sacra procurat, offert se illi pius e nobilitate vir cum conjuge ad statum vitæ religiosæ amplectendum; quorum donationem, Cœnobio Abdinghoviano factam, præclaro simul modestiæ suæ ac pietatis documento ratam habet, eoque hic referre intererit.

In nomine sanctæ & individuae Trinitatis. Evergisus Dei gratia Paderbornensis Ecclesiæ humilis minister.

Si denarium diurni laboris cum laborantibus in vinea Domini percipere volumus, pondus diei & æstus portantibus vigilantia pastoralis sollicitudinis assistere haud segniter debemus. Unde omnium fidelium Christi, tam præsentium quam futurorum, universitati notum esse volumus, qualiter quidam homo nobilis, Erpo nomine, cum uxore sua Gertrude, æque nobili, regularis vitæ propositum & consortium in Ecclesia beatorum Apostolorum Petri & Pauli, quæ in suburbio nostræ Sedis sita est, expetens, contulit usui & honori ejus Ecclesiæ multa hæreditaria, quæ in his tabulis recensentur bona. Hanc donationem, Abbati Conrado factam, auctoritate pontificali, & severa comminatione ultionis divinæ firmat. Testes Siffridus Præpositus, Almarus Decanus, Reimbertus Præpositus, Uffo Cellerarius, Heribertus, Bernardus, Meingoldus, Altmannus, Reinerus Canonici, ceterique Ministeriales. Acta sunt hæc Anno ab Incarnatione Domini MCLXII, Indiæ. X, imperii VIII, Episcopatus nostri tertio.

## Annus Christi 1163.

Alexandri III Pont. 4. Friderici I Reg. 12. Imper. 9.

Evergisi Ep. Pad. 4.

Dodechim.  
Otto a. d.  
Blasio.  
Chr. Mcent.  
Serin.  
Sigonius.  
Serrav. in  
Mog. hist.  
Imperator  
Archiep. &  
cives Mo.  
guntinos  
persequitur

Imperator postquam in Burgundiæ conventu frustratus est suis conatibus adversus Alexandrum Pontificem, Wormatiæ concessit ad Paschatis celebritatem peragendam. Inde Moguntiam acceleravit ad conventum Principum, in quo dira sententia adversus Moguntinos cives pronunciata, ob necem Arnoldi Archiepiscopi ante biennium perpetrata. Quippe jussu Imperatoris urbis mœnia dejecta: cives pauci, qui remanserant, partim ad mulctam, partim ad capitale supplicium postulati: urbs in solitudinem versa. Cremonæ & Mediolani prope excidium spectabatur in Moguntia, quod ceteri civium cum uxoribus & liberis profugerant; mansitque florentissima urbs per xxvii annos mœnibus & incolis nudata: nec multo post Conradus Moguntinorum Archiepiscopus, ac Metropolitanus noster, præful egregius, quod ad Alexandri veri Pontificis partes transisset, dejectus e sede sua, in ejusque locum repositus est, Cæsa-

ris auctoritate, Christianus ejus Cancellarius, vir quidem magnis naturæ dotibus clarus (quippe qui Latina, Græca, Italica, Gallica, & Belgica lingua, ut materna, loquebatur, manu etiam militari promptus) sed schismatis labe defœdatus. Conradus exinde ad Alexandrum Pontificem se contulit, a quo ob fidei constantiam in Cardinalium numerum est coopatus, factusque Sabinensis Episcopus; neque unquam post tributum & jus Moguntinæ Sedis remittere voluit; donec post obitum Christiani in Moguntinam Sedem receptus rediret. Misera interim Moguntina diœcesis, quod in ea Episcopus non esset, qui clericos ordinaret, chrisma consecraret, pœnitentes admitteret, sacras virgines velaret, Ecclesias dedicaret, Christiano Archiepiscopo Imperatorem & aulam sectante. Hujus Metropolitanæ sui exemplo Evergisus quoque Episcopus noster confirmatus, Alexandro Pontifici adhæsit multo constantius.

Im-

Imperator post hæc mense Octob. cum conjugē in Italiam proficiscitur, uti Christianus Cancellarius & Moguntinus Archiepiscopus illi cum Reinoldo Colonienſi Archiepiscopo aderat. Omnis horum labor in tuendo Victore Pseudopontifice, qui Laudæ Imperatorem convenit; & Reinoldus Archiepiscopus, dum Lombardiam, Marchiam & Thusciam perlustrat, omnes quotquot reperit Episcopos Victori adversos concitat; ut vere quidam vetus apud Baronium Scriptor Reinoldum omnium schismaticorum antesignanum dixerit.

*Trithem. in Chron. Hirſav. Caſarius l. 5. c. 19. Godſfridus. Oanthal. Bravourus. Coloniz plures ex Tanchelini ſecta hæretici comburantur.*

At vero qui lupi per hanc varii vagique paſtoris abſentiam a ſuis ovibus intrarint ovile Colonienſis Eccleſiæ, tradidere Trithemius & Caſarius. Nam per id tempus ex Belgio & Flandria potiffimum venere Coloniam hæretici, flagitioſi homines, ex Tanchelini ſecta nondum extincta, qui ſe Catharos, hoc eſt, mundos, dixere, cum doctrina & moribus mortalium eſſent ſœdiſſimi; præterquam enim quod mixta vagaque libidine viverent viri ac ſceminæ, Anabaptiſtarum primorum inſtar palam docebant, Sacerdotes, Clericos, & Monachos eſſe orbis impoſtores, & diaboli laqueos: Sacramenta Eccleſiæ vana eſſe ludibria: in Euchariſtia nec Corpus Chriſti nec ſanguinem ulla poteſtate Sacerdotis poſſe dari; & quæ præterea hujus impiæ ſectæ nefanda dogmata erant, jam latius etiam per Bohemiam, Thuringiam & Alſatiam ſparſa. Colonia primū detecta, cum in horreo quodam conventicula agerent; horum magiſtri, & capita ſectæ, Arnoldus Marſilius & Theodoricus quidam: hi poſtquam deprehenſi, vocantur ad judicium & certamen, & cum in congreſſu doctorum virorum, victi rationibus, perſiſterent pertinares, igni adjudicantur. Duſti igitur Nonis Auguſti octo ex his viri & duæ ſceminæ ad rogam, Arnoldo etiam ſemiuſtos ad conſtantiam hortante. Dum flammis abſumerentur, aderat inter eos puella quædam elegantis formæ, cui ob ætatem parvum erat, ſi reſpiſceret; at illa ex præſentibus ſciſcitata, ubi eſſet Arnoldi cadaver; quo monſtrato, vultum veſte obtegens, inſiliit in medias flammās, ultroque orci viſtina acceſſit. Tanta hæreſis obſtina-

tio; quæ diaboli fraude ſuos etiam martyres habet; uti & noſtra hæreſis ætate compertum eſt. Non enim ſupplacium facit martyres, ſed cauſa; & martyr eſſe non poteſt, qui in Eccleſia non eſt. Quare ejusmodi mors non eſt corona fidei, ſed pœna perfidiæ; quemadmodum id Cyprianus jam dudum docuit.

*lib. de depl. marty.*

Hoc præterea anno Henricus Leo Dux Saxoniz noſtræ, frequentem Episcoporum conventum procerumque congreſſum Hannoveræ habuit; ſeu id ante expeditionem Sclavicam factum ſit, ſeu poſt eam. Hujus quippe conventus teſtimonia ſunt tabulæ Ducis, quibus Cænobio Flechtorpienſi noſtræ Diceceſis decimas villæ Flechtorpienſis, & privilegia a Bernardo Episcopo data, ſua auctoritate rata habet. *Hujus rei teſtes ſunt vjri, qui curiæ iſtic interfuerunt: Evergiſus Paderbornenſis, & Wernerus Mindenſis Episcopi. Conradus Abbas Corbeienſis, & Conradus Abbas Paderbornenſis in Abdinghoff. Comes Otto & frater ejus, Henricus de Ravensberg, Comes Henricus & frater ejus, Henricus de Arneſberg, Comes Volcmarus & frater ejus, Widekindus de Sualenberg, Comes Adalbertus de Everſtein.*

Salubri hujus anni conſilio Henricus Leo Dux Saxoniz, contracto ex Saxonia exercitu, occidentalem Sclaviam ingreſſus; occiſoque Nicloto Sclavorum Principe, caſtra, quæ ille incenderat everteratque, reparare cœpit. Diviſaque inter milites terra, caſtris impoſiti ſunt præfecti, Cuſcinenſi Adolphus Brunſwicenſis advocatus, Suerinenſi Guncelinus, Meckelenburgenſi Henricus nobilis de Scaten, aliis alii. Inſtituti ad religionem firmandam tres Episcopatus, Aldenburgenſis, Raceburgenſis, & Meckelenburgenſis, impetrata ad id Imperatoris facultate; quanquam Aldenburgenſis jam ab Otone M. inſtitutus floruerat in Metropli illa Obotritorum. Hi novis decimis & fundis, ſed levibus admodum, dotati; evocatique ob id ad Leonem Geroldus Aldenburgenſis, Evermodus Raceburgenſis, & Berno Meckelenburgenſis, Episcopi, ad clientelarem fidem dicendam Duci; id licet ob regalia Imperatorii juris eſſet, Dux tamen poſtu-

*In utraque Sclavia, dio Henrici Leonis, & Alberti reliquit ſtians noſticator. Helm. lib. 1. Cur. Mai. Seren. Alb. Stad. Chron. Sclav. uorup. Hiſt. Arch. Piſc. Brim. Craniz. Saxonia.*

postulare ausus; eoque Episcopi non nisi inviti præstiterē, ne surgentem Ecclesiam turbarent in limine religionis. Haud multo post Aldenburgenſis Episcopi ſedes, rogatu Geroldi, Lube- cam translata, ad florentem civibus ur- bem, in eaque duodecim Clericorum Collegium a Duce conditum. Acceſſe- re per id tempus Rugiani populi, & ſe in fidem Ducis dedere, quos Wal- demarus Daniæ Rex Chriſti religione imbuendos ſuſcepit; quod ſalutare ta- men opus inopia Sacerdotum illi inter- mittendum fuit. Pulcherrimum hoc Henrici Leonis operum fuit. Verum quod institutionem horum Episcopatu- rum cum introductis Episcopis, ea- que, quæ Pontificis Romani ac Metro- politani Hamburgensis erant, ſibi ſum- pſerit, haud leviter jura ſacra læſit, quæ in hac temporum, & ſchiſmatis perturbacione diſſimulanda fuere.

Pari rerum ſucceſſu Albertus Mar- chio, cognomento Urfus, Orientalem Sclaviam cum exercitu ingreſſus, om-

nem illam regionem perdomuit, & ad Chriſti religionem reduxit. Inſtaura- tus Brandeburgenſis & Havelbergenſis Episcopatus; & quia regio illa incolis prope vacua erat, traduſti Coloni ex Hollandia, Selandia, Flandria, aliis- que Chriſtianorum provinciis. Quem- admodum & Henricus de Scaten, quod Helmoldus ſcribit præſens eorum tem- porum inſpector, ex Flandria adduxit Colonias in Sclaviam Occidentalem, ut mixti inter Chriſtianos barbari Chriſti religionem diſcerent; quo conſilio, ut ſupra relatum eſt, ex Friſia & Weſt- phalia magna incolarum multitudo in hæſce provincias traduſta. Mirifice poſt hæc utraque Sclavia pace, reli- gionis cultu, hominum multitudine, & omni rerum abundantia florere cœ- pit; haud ſecus, quam Waldemarus, Danorum Regum optimus, ex quo poſt Sueonem ſævum & Kanutum mar- tyrem in conventu Burgundico a Fri- derico Imperatore ſubrogatus erat, la- tiſſime Chriſti religionem per Daniam, Sueciam & Norwegiam propagavit.

## Annus Chriſti 1164.

Alexandri III. Pont. 5. Friderici I. Reg. 13. Imp. 10.

Evergiſi Ep. Pad. 5.

Quæ dum proſpere aguntur in utraque Sclavia, obturbatur Eccleſia novo ſchiſmatis incendio. Cum iv Calend. Maji extinctus erat Viſtor Pſeu- dopontifex, Romana Schismaticorum ſecta elegit Guidonem Cremonenſem, alterum e Cardinalibus Schismaticum, qui Viſtorem obtruſerant, dictusque eſt ab his Paſchalis III. Poterat exitiale ſchiſma conſopiri, niſi Fridericus Im- perator hujus denuo Pſeudopontificis patrocinium, eadem, qua Viſtoris, pertinacia ſuſcepiffet. Hærebat hoc anno Imperator in Italia; cumque mul- tæ civitates Lombardiæ præſectorum a Cæſare impositorum injuriis exagita- rentur, rebellionemque denuo moliri cœpiſſent, menſe Octobri in Germa- niam rediit ad inſtaurandum exerci- tum.

um, ut auctor vetus habet, Archiepi- ſcopus ſcriptis ex Italia literis per D. Philippum Heinsbergium Decanum præmuniri juſſiſſet. Et objecto muni- mento, ut Panthaleon refert, ita ex- acerbatus eſt Palatinus, ut collecto exer- citu prælii locum indixerit Anderna- cenſem campum. At quæ induſtria & gratia erat Coloniensium præſulum & Canoniorum apud vicinos popula- res ac Weſtphalos, brevi ingens con- fluxit exercitus, quo non modo cam- pus, ſed & Rhenus navibus confertus ſtetit; cenſaque feruntur cxx millia ar- matorum. Cum hoc exercitu proceſ- ſum eſt Andernacum, Duce Philippo Heinsbergio, expectatusque per xii dies Palatini adventus; ſed is, qui tan- tas minas ſpirarat, ne eminus quidem ſe oſtendere auſus, belli finem ex ti- more habuit; maluitque ignaviæ no- tam, quam aleam prælii ſubire; nec Imperator ex Italia reverſus aliud pro fratre auſus, quam ut Reinoldum Ar- chiepiscopum verbis objurgaret.

Sed

Per hanc Cæſaris abſentiam Rheni limites infeſtavit Conradus, Rheni Pa- latinus, Imperatoris frater, collisus cum Reinoldo Coloniensium Archiepiſco- po; ſeu quod Coloniensium potentiam non ferret, ſeu quod caſtrum Rinecci-

Sigonius.  
Baronius.  
Godefr.  
Pantaleon.

Conradi Pa-  
latini ad-  
verſus Ar-  
chiep. Colo-  
niens. mo-  
tus facile  
repreſſi.

Bellum  
Principum  
Westphaliae  
eorum contra  
Comitem  
Arensbergensem.  
*Gobel. anat.*  
6. c. 60.  
*Crantz. in*  
*Metrop. lib.*  
8. c. 46.  
*Glainfarg.*

Sed & aliud absente Imperatore bellum in Westphalia exarserat. Henricus Arensbergius Comes Henricum fratrem, qua ex causa incertum, coniecerat in carcerem, in quo haud multo post extinctus scribitur a Gobelino; idque a reditu Hannoverani conventus recens factum esse constat ex literis supra allatis. Quæ facinoris atrocitas excitavit vicinos Principes in arma Reinoldum Coloniensem, Fridericum Monasteriensem, Wernerum Mindensem, Evergisum Paderbornensem, Episcopos: hi junctis copiis suis cum Henrico Leone Westphaliæ & Angariæ Du-

ce, quem Polemarchum habuere, Arensbergam obsidione incingunt, expugnataque munitissima arce, Comitem captivum abstrahunt (quem jam ante etiam Imperator proscripserat.) At Comes, postquam Imperatoris clementiam appellavit, Reinoldo Archiepiscopo omnia sua in manus obtulit: Reinoldo quoque apud Imperatorem interveniente, restitutus est. Neque tum Comitatus Arensbergensis, neque post obitum Comitis Colonienſi Ecclesiæ cessit, quod Crantzius visus est dicere, sed hæc ad posteriora tempora, aliamque conventionem referenda sunt.

## Annus Christi 1165.

Alexandri III. Pont. 6. Friderici I. Reg. 14. Imp. 11.  
Evergisi Ep. Pad. 6.

*Otto a 2.*  
*Blasio.*  
*Godefr.*  
*Pant.*  
*Baron. ad*  
*ann. 1166.*  
*Sigonius.*  
*Friderici*  
*Imp. odi-*  
*um & acta*  
*contra Alex-*  
*xandrum*  
*verum Pon-*  
*tificem.*

Turbidus nunc sequitur annus ex pertinaci atrociq; Friderici Imperatoris odio in Romanum verumque Pontificem. Nam postquam didicit Alexandrum Pontificem repetitum a Romanis, & flagrantissimis omnium animis, magnæque populi gratulatione repositum esse in sedem S. Petri, abjurato Paschali Pseudopontifice; Imperator peracta apud Saxones Quadragesima, ac Fuldæ sacra Palmarum die, Herbiopolim maturavit ad conventum Episcoporum ac Principum, per festa Pentecostes indicatum; in quo tanquam furiis agitatus Imperator causam Pseudopontificis egit. Actum igitur in Conciliabulo illo, quod Imperator XL Episcoporum gloriatur, primum de pace inter Imperatorem & Pontificem; idque consilio Reinoldi etiam Colonienſis Archiepiscopi tentatum, quod diceret Salisburgensem & Moguntinum Archiepiscopos totamque Alemanniam Alexandro Pontifici hædere. Sed his spretis Imperator voluit; ut omnes, qui aderant Episcopi, Paschali Pseudopontifici jurarent fidem. Quam in rem postulatus primum Wicmannus Magdeburgensis Archiepiscopus, qui recens ex Palestinæ peregrinatione redierat, totus a Pseudopontifice aversus. At cum ille detrectaret juramentum, nisi prius Reinoldus Colonienſis Archiepiscopus se consecratum Episcopum sisteret, ac jurejurando præiret: tum vero Imperator stomachari adversus Coloniensem, prodicionis eum ac perfidiæ insimulare pa-

lam; quod qui sibi primum schismatis auctor fuisset, modo resiliaret, pronus in Alexandrum. Ac Colonienſis non prius jurare voluit, quam ipse Imperator juramentum diceret. Ad quæ Imperator, omnibus, inquit, Episcopis juranda est Paschali Pontifici fides. Ita Colonienſis, ira & minis Imperatoris victus, Pseudopontifici juravit. Postquam ventum ad ceteros Episcopos, reclamant omnes, excepto Verdensi, palam, malle se omnibus regalibus spoliari, quam juramentum dicere. Sed tanto minacius urget Imperator. Multumque restitit Magdeburgensis, in omnem partem se vertendo; at tandem certis quibusdam legibus cum Bambergensi inter obortas lacrymas fidem Paschali addidit. Post illos Verdensis, & Gero Halberstadiensis, quorum uterque obtrusus erat Episcopus, libere jurant. At Virdunensis & Frisingensis Episcopi palam detrectando juramentum recessere. Ad hunc modum alii vel subduxere sese, vel inviti, diversæque mente sponſionem fecere. Hillinus Trevirensis Archiepiscopus, ne in hunc scopulum incurreret, non accessit. Aſt nemo constantior Conrado Salisburgensi Archiepiscopo; is licet Caesaris esset consanguineus, palam detestans schisma, Alexandrum Pontificem veneratus est. Quæmadmodum & Conradus Moguntinus Archiepiscopus ultro, ut diximus, in exilium ire maluit, deserto Archiepiscopatu, quam Pseudopontifici se jungere; & qui Christianus Archie-



chiepiscopus in ejus locum obtrusus, is Schismaticus erat, antichristi potius, quam Christiani nomine dignus, uti Sarisberiensis scribit. Nec Colonien- sis Archiepiscopus ultra duos provin- ciales Episcopos suos habuit, qui ju- rarint; ut ægre reperias, quinam illi XL Episcopi fuerint, quos epistola Im- peratoris jactat jurate recepisse Pseu- dopontificem, vana potius quam vera voce scribentis hanc epistolam. Inte- rim Imperator publico edicto jubet om- nes Præsules, Abbates, Clericos, Mo- nachos, milites, abjurato Alexandro, Paschalem recipere; id si detrectent, omni honore, beneficio, & privile- giis excidant. Hac pertinacia mentis & infania totam Germaniam conturba- vit Imperator, schismate in Principes & proceres diffuso, quorum alii Ale- xandrum, alii Paschalem Pseudoponti- ficem coluere.

hoviano funestum fuit; quando, ut alii perhibent, etiam Cœnobium cum Ec- clesia SS. Petri & Pauli in cineres con- fedit. Quare Evergissus, pro insigni ceterorum Episcoporum caritate, Ec- clesiam & Cœnobium sibi instauran- dum sumpsit. Subinde ad fines dice- cesis profectus Evergissus opus Cœno- bii Hardehusani, quod ab antecessore suo prope perfectum erat, ipse omni, qua hætenus cœperat, diligentia & li- beralitate absolvit; ac lætus eo omnem fabricam deductam esse, 18. Calend. Decembris Basilicam ac Cœnobium so- lemni ritu dedicavit; quibus sacris cæ- remoniis simul princeps ara B. Virgi- nis, & duo, quæ ad latera erecta erant, altaria, alterum honori Aposto- lorum, alterum S. Martino, inclusis Sanctorum lipsanis, consecrata; sicuti hæc ab auctore vitæ prioris Episcopi inter monumenta ejus Cœnobii anno- tata accepimus.

Evergissus  
Ep. Eccle-  
siam & Cœo-  
nobium  
Hardehusa-  
num conse-  
crat.

Evergissus  
Ep. Pad.  
non adhæ-  
sit Pseudo-  
pontifici.

Utrumne Evergissus Episcopus no- ster Conciliabulo huic interfuerit, non reperio in annalium nostrorum me- moria. Haud aliud mihi de illo sta- tuere fas est, quam quod Alexandro vero justoque Pontifici, ut cœpisse di- ximus, constanter cum suo Metropo- litano inhæserit. Vir publicis sese non multum miscens, nec aulam sectatus; sed intra dicecesin suam se continens, sacris operam dando. Adhæc dome- stico malo afflictus, retentusque; nam hoc anno, quod Gobelinus noster scri- bit: *Civitas Paderbornensis a parte oc- cidentali ultra forum cum Ecclesia fo- rensi, & Ecclesia S. Petri & Pauli miserabiliter igne consumpta est.* Quar- tum hoc incendium est urbis, quod cum civibus, tum Cœnobio Abding-

Gobel. anst.  
6. c. 60.  
Kerjenbroch  
in Evergiss.  
Bruschius  
in Evergiss.  
Quartum  
urbis Pad.  
incendium.

Imperator vero soluto Herbipolen- si conventu, cum suo Pseudopontifice Paschali ad inferiores Rheni partes pro- fectus, Coloniam pervenit. Qua in urbe Reinoldus Colonienfis Metropo- litanus, postquam in Quadragesima Sacerdos erat inunctus a Philippo Of- nabrugensi Episcopo, præsentem Impe- ratore & Imperatrice, tandem Episco- pus consecratur. His peractis Neo- magum descendit ad Frisiæ regiones; ubi dum Imperator dissidentes inter se Godefridum Ultrajectensem Episco- pum & Florentium Hollandiæ Comi- tem pace devinxit, Imperatrix in vete- ri Regum Francorum ac Cæsarum pa- latio Henricum filium parit.

Heida in  
Godefr.  
Godefr.  
Pansh.

## Annus Christi 1166.

Alexandri III. Pont. 7. Friderici I. Reg. 15. Imp. 12.

Evergissi Ep. Pad. 7.

Fine præcedentis anni Fridericus Imperator Aquisgranum ad comitia Principum digressus. Magna in his celebritate Caroli M. ossa iv Calend. Januarii e mausoleo, quod in medio Basilicæ erectum conspicitur, educta, & in argenteo feretro per Reinoldum Coloniensem, & Alexandrum Leodi- ensem Episcopum solemni ritu ad ve- nationem reposita sunt, sollicitante id cumprimis Friderico Imperatore;

seu curiositate ductus id fecerit, seu ut ad publicum cultum extolleret Caro- lum. Nam ab hoc elevatorum ossium honore, quam translationem etiam vo- cant, in multis Belgii & Germaniæ & Franciæ Ecclesiis publice Carolus Divum honoribus coli cœpit; cui mul- tum derogatur, quod id auctoritate Paschalis Pseudopontificis, & duorum schismaticorum Episcoporum opera fa- ctum sit, falliturque auctor Chronici D d d d Belgii,

Agente Fri-  
derico Imp.  
Carolus M.  
Divorum  
honoribus  
afficitur.

Gobelinus,  
Henr. de  
Haruord.  
Alb. Scad.  
Mersens.  
Clainfarg.

Belgii, qui id Alexandro tum vero Pontifici adscribit. Verum cum ceteri exinde Pontifices & Episcopi non improbarent, ut in aliis, cultus invaluit. Omnia hæc Imperator magnifico diplomate, quod passim extat apud Scriptores, exposuit, sanxitque. Multis in hoc diplomate recenset Fridericus gloriosa Caroli M. bella & res mirifice gestas pro religione christiana inter barbaras Westphaliæ gentes proferenda & firmanda, quibus verus etiam Apostolus Saxoniae, Frisiæ & Westphaliæ appellatus sit; eo sibi hunc Imperatorem unice imitandum proposuisse: adductumque, ut auctoritate Paschalis Pontificis, & consilio Principum tam Ecclesiasticorum quam politicorum in Divorum numerum referri procurarit. Tabulæ hæc Aquisgrani Anno Dominicæ Incarnationis MCLXVI, Indictione XIV, regni ejus XIV, imperii vero XI, VI Idus Januarii consignatæ sunt. Hinc alii cum Bucherio & Molano Apothecofin hanc ad annum MCLVI, alii ad exitum superioris anni referunt. A Molano etiam ad 27 Julii prorogatur; quæ alia erit, cum Imperator per festa natalitia Christi se hæc egisse fateatur in diplomate. Multa tum Imperator & Augusta Beatrix munera obtulit: Offaque Caroli argentea exinde tumba inclusa, publicoque honori proposita sunt. Jam vero, quod Fridericus Imperator profiteatur se Carolum M. sibi proposuisse, inter omnes maxime religiosissimos Cæsares ad imitationem, multum fefellit speciosa promissa; quando immortalis Carolo M. apud posteros gloria fuit Apostolicam Sedem defendisse, quam nullus Christianorum Regum ac Cæsarum acerbius divexavit, quam ipse Ahenobardus, tribus Pseudopontificibus contra verum Pontificem introductis propugnatisque.

Otto a S.  
Blasio.  
Ursberg.  
Godofrid.  
Sigonius.

Quam in rem hoc anno, peracta celebritate, Aquisgrano Ulmam discessit; compositisque inter se Hugone ac Welfone Duce, reliquum anni tempus in apparatu belli posuit, ad quartam in Italiam expeditionem faciendam. Cujus haud alia causa fuit, quam ut, dejecto Alexandro, Paschalem Pseudopontificem Sedi Petri imponeret, exurgentesque Græcorum & rebellium in Italia motus comprimeret. Quare cum ingentibus copiis præmissi in Ita-

liam Reinoldus Colonienfis, & Christianus Moguntinus, Archiepiscopi, belli adversum Pontificem tubæ. Ipse Mense Novembri cum exercitu consecutus est, & per sacros adventus dies Papiæ consedit, in veteri Longobardorum Regum palatio; tanquam ex eo Caroli M. bella auspicaturus, quæ longe diversis in sedem Apostolicam studiis sumebantur.

Inter hæc Saxonia intestinis bellis concussa, erupitque gravis Saxonum in Henricum Leonem conspiratio, is enim, quod immensis divitiis locuples, victoriis clarus, geminoque Ducatu Bavariae & Saxoniae potens, regio se dominatu ferebat, inter populares invidiam, quam fortuna pepererat, accendit fastus. Nam præter Hermannii Winceburgici, Sigeberti Hammaburgensis, Ottonis Aslensis, aliorumque amplas possessiones aditas; præterque Lubecam & Stadam in comitatu Bremensi Archiepiscopo præterquam, inhiabat bonis Ecclesiasticis, perosus Episcoporum opes; nullique erat gravior, quam Bremensi Archiepiscopo, cui & bona & jura Ecclesiæ præripuerat, libere, ut diximus, de Episcopatibus disponendo. Quare tam Principum, quam Episcoporum odia in se traxit: convenereque in hanc conspiracyonem Wicmannus Magdenburgensis, Hermannus Hildesimensis, Episcopi: Ludovicus Comes Principalis Thuringiæ, Albertus Marchio Brandenburgensis ac filii ejus, Otto Marchio Camburgensis ac fratres ejus, Albertus Palatinus, Comes Someresburgensis, Otto Comes de Asle, Christianus Comes Aldeburgensis, Widekindus de Dasenberg, multique præterea proceres cum magno nobilitatis numero. Inflammat conjuratorum animos & consilia Reinoldus Colonienfis Archiepiscopus, scriptis clam ad fœderatos literis, veritus ne potentiam suam aut Leo in se verteret, aut gratiæ suæ apud Cæsarem obstrueret. Igitur postquam Cæsar jam in Italiam concesserat, prorumpunt conjurati Principes Orientalis Saxoniae, Duce Ludovico Thuringorum Lantgravio: Adeslebiæ Leonis munimentum aggressi, machinis ad motis oppugnant. At dum pro Leone castrum acerrime propugnat Bernardus de Lippia, Bernardi primi fili-

Helmold.  
lib. 2. c. 6.  
Alb. Stad.  
Cranz, lib.  
6 Saxon.  
c. 22. & 21.  
Chr. Mon.  
Sereni.  
Henricus  
Leo fastu  
suo reli-  
quos adver-  
sum se Prin-  
cipes concitat.

us,

us, fatigati in adventu Leonis obsidentes. Christianus vero Oldenburgensis Comes, adjutus Frisonum auxiliis, Bremam occupat: subactaque simul omnia in occidentali regione. Leo his utrimque hostibus circumventus, summa celeritate exercitum contrahit, ac Magdeburgum progressus, omnia circum ferro flammaque devastat. Nec Thuringiam ullibi tutam consistere passus, mox reflexo in Occidentem exercitu, Bremam invadit, civibus cum Christiano Oldenburgico Comite ad Frisæ paludes refugientibus. Urbs militum direptioni permissa. Hartwicus Bremensis Archiepiscopus, quod Leoni non fideret, ad Magdenburgensem Archiepiscopum se contulit. Cæsar ne bellum serperet, jussit Saxones ab armis discedere. Fervebat interim

conspiratio, ut Helmoldus est auctor, per omnem Saxoniam adversus Leonem; quanquam quinam sese ex Westphalia miscuerint, non reperiam. Certe Episcopus noster indole sua ab omni bello & conspiratione alienus, non nisi sacrorum procuracionem sibi sumpsit; omneque studium convertit in Cœnobium Abdinghovianum, & urbem ex incendii ruinis instaurandam. Consultius etiam per has turbas Saxoniæ Otto apud nos Comes de Ravensberg, ejusque conjux Ida, prædium suum Flersheim commutavere in Cœnobium Sanctimonialium Virginum, quod Vlarisheimense postea appellatum. Probavitque salutare consilium Evergisus Episcopus noster, quod & publicis tabulis ratum habuit Reinoldus Coloniensis Archiepiscopus.

Cœnobium Flarisheimense ab Ottone Comite Ravensberg. constructum

## Annus Christi 1167.

Alexandri III Pont. 8. Friderici I Reg. 16. Imp. 13.  
Evergisi Ep. Pad. 8.

Cæsar, qui in Lombardiam cum florentissimo exercitu venerat, Alexandrum e sede ejecturus, abruptis hiernis, recta in urbem movit; sed obstitit Anconæ obsidio. Quare præmissa Reinoldo Colonienfi Archiepiscopo, Tusculum Romæ vicinum Germano milite implet, præmunitque. Quo comperto Romani, qui pro Alexandro Pontifice quadraginta millia in armis habebant, Tusculum obsident. Reinoldus & Raimo Tusculi Domini impares, auxilia petunt ab Imperatore. Missi igitur cum auxiliaribus copiis Christianus Moguntinus Archiepiscopus, & Philippus Reinsbergius Decanus Colonienfis, is qui mox Reinoldo subrogatus. His confirmati Germani, Duce Reinoldo Archiepiscopo, erumpunt, & fœda clade, quam Cannensi similem Romanos profligant. Hanc ita exaggerat Godofridus, ut 4000 Romanorum caesa, 5000 capta velit, augente etiam Helmoldo cœlorum numerum ad 12 millia; cum tamen Sigonius non nisi duo millia occubuisse, & trecentos captos scribat. Hac victoria lætus Cæsar, deserta Anconæ obsidione, Romam advolat, urbemque consternatam strage suorum intrat. Profugo dein Alexandro Pontifice, quod omnibus in urbe patratiss sceleribus fæstius erat, Paschalem Pseudopontifi-

cem tertia abhinc die, Calend. Augusti, in Sede Petri collocat, a quo Beatricem Augustam coronari voluit. At mox, iusta numinis vindicta, ea immedicabilis lues consecuta, qua & maxima pars militum & procerum depasta est. Nam præter Fridericum Ducem Sueviæ, Conradi Regis filium, Welfonem juniorem, Fridericum Rotenburgicum, Henricum Tubingensem, ceterosque, peste absumpti sunt Episcopi Spirensis, Ratisbonensis, Pragensis, Leodienfis, & ex Saxonis Verdenfis, & Citizenfis. Jam ante inter hos schismaticos præfules festo Virginis in cœlum assumptæ extinctus erat Reinoldus Colonienfis Archiepiscopus, vir quidem magnis naturæ dotibus excellens, multisque comparatis bonis de Ecclesia sua bene meritus; quæ tamen schismatis hujus incentor, & Schismaticorum antesignanus uno hoc crimine fœde maculavit. Horum omnium malorum ipse sibi aliquando vates extitit, ut auctor chronici Montis Sereni scribit. Quippe dum Hildesii puer literis operam daret, cubaretque post meridiem inter condiscipulos, dormiens repente emisit vocem, *Ego sum*. Id cum sæpius repeteret, magister, qui aderat, percontatus: *Quis ergo tu es*: Tum ille, *Ego sum ruina mundi*. Hæsit exinde nomen illi,

Multi Ducum & militum German. peste intereunt, quos inter Reinoldus Archiep. Colon.

Godofr. Pantib. Ursberg. Append. Radev. Helmold. ARA Alex. xandri. Sigonius. Baron. Gobelinus. anst. 6. c. 60

Ingens Romanorum clades, a Germanis illata.

illi, ut per jocum a condiscipulis, *ruina mundi* diceretur. Quanquam non desint Scriptores cum Godefrido, qui eum schisma ante obitum abjurasse, & bono per accepta sacramenta exitu vitam clausisse velint; quod patrocinio B. Virginis tribuunt, quam per omnem vitam studiose coluerit.

Seditio  
contra Hen-  
ricum Leo-  
nem exorta  
adhuc fer-  
vet.

Haud minus adhuc in Saxonia, quam in Italia, fervebat seditionis tempestas, ut Helmoldus ait, adversus Henricum Leonem. Nec Principes modo, sed & urbes in conspirationem foederatorum venere, cum primisque Goslaria, quam urbem idcirco Dux arte inclusit, ne quid frumenti importaretur; & cum armis subigere non posset, fame pressit. Ita annus hic mutuis Saxonum incursionibus, agrorum spoliis, domorum incendiis & oppidorum everfionibus transactus. Dux interim Brunswigum, in quo principatus sedem habebat, æmulam Goslariæ urbem, fossis, muris, portisque præmunivit, in eamque, qua nunc aspicitur, amplitudinem, extendit; præterque sacras ædes constructas erexit columnam, posita super ejus Leonis effigie; tanquam ex ea hæreditaria urbe dominatum, & sedem regni ceteris intenderet. Mansit inde Leo Ducum Brunswicensium insigne, avitumque nomen Principatus. Tanto adhuc Westphalia securior, quod flammæ dominatus primum vicina comprehendant.

Albert.  
Sax.  
Cronica. l. 6  
Saxon. c. 23  
Lerbeck in  
Chron.  
Scharwenb  
Meibomius  
in notis.

Helmoldus  
lib. 2. c. 18.  
13. 14.  
Saxo  
Gram. l. 14.  
Pontanus  
lib. 6.

Per hæc intestina Saxoniae bella Waldemarus religiosissimus Danorum Rex (cui filiam suam, ex Clementia susceptam, Henricus Leo dedit) uti cum Henrico convenerat, tandem Insulam Rugiam, a Corbeiensibus olim nostris excultam, invasit, subactosque fecilibus armis Rugianos (qui & Rani passim vocantur, superstitem, infestamque Sclavorum gentem, Christianæ religioni adjunxit, opera Absalonis Roschildensis, & Bernonis Mega-

politani Episcopi, quos cum aliis Sacerdotibus in Insulam secum introduxerat. Tum sana barbaræ gentis everfa, proscripti sacrificuli, comminutum simulacrum Idolumque Suanvite, quod tota gens Sclavorum, præ ceteris Diis, annuo tributo multisque donis venerabatur: ex quo S. Vitus genti illi olim a Corbeiensibus nostris patronus datus, cæca post superstitione pro Deo coli cœperat. In locum delubrorum duodecim Christianorum Ecclesiæ erectæ; impositisque Sacerdotibus, barbarus ille populus ad Christi sacra perductus est. Magno ad id adjumento fuit Jaremarus gentis Princeps; is postquam Catholicam religionem edoctus ab Episcopis, & fonte baptismatis ablatus est, suo exemplo ceteros traxit: tantoque fervore rem christianam promovit, ut doctor magis, quam Princeps gentis aspiceretur. Omnibus rite constitutis, Waldemarus Rex acceptis obsidibus, impositoque tributo cum classe in Daniam est reductus. Quæ ubi Henricus Leo didicit, rem saluberrimam, quam juvare debebat, turbare cœpit; iraque & avaritia stimulatus, misit Legatos ad Regem, poscendo partem obsidum & tributorum. Quæ cum Rex dissimulanter haberet, incitavit Dux ad rebellionem Rugianos, a quibus magna clades illata est Danis. Verus & fœdum inter Christianos Principes malum, quibus cupiditas pecuniæ est ante salutem animarum, & dominandi libido ante religionem. At Rex, ne res tam prospere pro religione cœptæ turbarentur, Ducem ad colloquium invitavit, dataque parte petitorum obsidum & tributorum, Insulam deinde populis & agro feracem Christo asseruit. Cessit exinde Insula Rugia, quam a Lothario Imperatore Corbeiensibus nostris datam diximus, in potestatem Regis ac Ducis; eoque forte Corbeiensis nostri in partem laboris evocati non fuerint, ne antiqua Cæsarum jura repperent.

Felices  
Christianæ  
religionis  
in Rugia  
progressus  
Henricus  
Leo turba-  
re nititur.

## Annus Christi 1168.

Alexandri III. Pont. 9. Friderici I Reg. 17. Imp. 14.  
Evergisi Ep. Pad. 9.

Tandem anno fubeunte Fridericus Imperator, & strage exercitus peste absumpti, & totius Lombardiæ re-

bellione exterritus, rebus tumultuante in urbe compositis, iter in Germaniam repetit; mortalitate ubique commicante

mitante exercitum, e quo jam supra viginti millia diversis cladibus amiserat. Ipse cum paucis mense Martio per Burgundiam rediit ad Rhenum. Pridie deinde Calend. Junii Francofurti conventus Principum indictus, ad Saxo-  
*Reimold. lib. 2. c. 18.*  
 num motus comprimendos; objurgatique Saxoniz Principes a Cæsare, tanquam tumultuantibus armis suis dedissent, opportunitatem rebellandi; eo pronior in Henricum Leonem, omnia ad ejus voluntatem composuit; Episcopis tamen cleroque, quam Principibus benignior. Quare revocatus Bremam Hartwicus Archiepiscopus; tametsi Comitatus Staden-  
 sis a Cæsare attributus Duci: & Conradus Lubecensis Episcopus reconciliatus Duci, diocesi suæ, a qua profugerat, restitutus est.

Francofurto Imperator discessit Herbipolim, ubi in conventu Principum Conrado Herbipolensium Episcopo Ducatum Franciæ Orientalis novis tabulis instaurat; quanquam id Bruschius ad annum 1166 revocare velit. Invaluerat per hæc bella pravus mos inter Episcopos differendi consecrationem suam, quod bellis magis, quam sacris vacarent; Imperator, quod Caroli M. imitatione religionem Christianam se complecti ferret, jussit omnes ex Italia regressos maturare consecrationem. Quapropter Philippus Coloniensis Archiepiscopus, ut Godefridus perhibet, festo die Michaeli Archangelo sacro, Coloniæ a Godefrido Traiectensi Episcopo in corona octo præsentium Episcoporum solemniter inunctus. Is vero auctor cum non prodiderit, quinam hi octo Episcopi fuerint, producendæ a nobis literæ donationum, Flechtropiensis Cænobio a Philippo Archiepiscopo factæ, ac Calend. Octobris consignatæ; ex quibus præsentia horum Episcoporum cognita est. Testes enim subscripsere Christianus Moguntinus Archiepiscopus, Philippus Osnabrugensis Episcopus, Fridericus Monasteriensis, Evergisus Paderbornensis, Wernerus Mindensis, Gottefridus Traiectensis, Ni-

colaus Siburgensis Abbas, Sifridus Graßchapensis Abbas, Arnoldus Præpositus S. Andreæ, Sifridus Præpositus Sanctensis, Bruno Præpositus S. Georgii, Comes Everhardus de Alten, Comes Hermannus de Saphinberg, Henricus de Wolmenstein. Datæ consignantur Anno 1168. Friderici Imperatoris 16. Imperii 14, Indict. 1. Calend. Octobris. Celebris proinde hic præfulum conventus fuit, ex quo & Evergisum Episcopum nostrum præsentem sistimus.

Ex horum Episcoporum numero haud multo post, ut a Cleinsorgio refertur, excessit e vita Fridericus Monasteriensis Episcopus, vir cetera egregius, & præclare de Ecclesia sua meritus, nisi quod ægre a schismatis labe excusari possit, si quæ cum Friderico Imperatore ab eo acta diximus, reputentur. Ejus Episcopi anno 1152 surrexit Cænobium Widmershe conditum ab Hugone, nobili de Bueren ac Monacho familiæ D. Benedicti, qui incultum hunc locum in Comitatu Bentheimensi a Vidua Comitissæ impetratum excoluit. Cænobium publicis deinde tabulis Fridericus Episcopus probavit; testesque fuere Otto Cappenbergensis Præpositus, Bernardus de Horstmaria & Wigboldus filius. Successorem nactus est Fridericus Ludovicum, quem alii Ludolphum appellant, Comite Teclenburgico natum; atque is cum triennio tantum præfuisse tradatur, & in Chronico Pegaviensi anno 1172, in Chronico vero Montis Sereni anno 1173 obiisse scribatur, mors Friderici ad hunc vel proximum annum referenda erit. Quo simul anno Hartwicus Bremensis Archiepiscopus humanis excessit, vir, qui per omnem industriam Schismaticorum factioni se subduxerat cum Conrado Lubecensi Episcopo. Eo mortuo, cum per dissidium eligeretur Sifridus & Olbertus, obtrusus est Balduinus, vir senex, & in schismate consecratur; is, ut Leonem sibi devinceret, omnia Ecclesiæ bona illi permisit.

Moritur Fridericus Ep. Monast. sub quo anno 1152 ab Hugone nobili de Bueren conditum Monasterium Widmershe.

Fridericus Imp. maturare Episcopos jubet consecrationem, quam hi diutius æquo differant.

Littera Ples. Corp. nostri tabularii Cleinsorg.



Annus

## Annus Christi 1169.

Alexandri III. Pont. 10. Friderici I. Reg. 18. Imp. 15.  
Evergisi Ep. Pad. 10.

*Dedechinus  
Sigonius.  
Baronius.  
Spondanus.*

*In comitiis  
Bamber-  
gensibus  
Henricus  
Friderici fi-  
lius Rex  
eligitur, &  
deinde A-  
quisgrani  
inungitur.*

Moritur per hæc Paschalis Pseudo-  
pontifex, & Imperialis, ut inquit Si-  
gonius. In ejus locum, hominem Un-  
garum, Joannem Abbatem Strumien-  
sem, quem Paschalis Episcopum Tu-  
sculanum effecerat, suffecere, eique  
Calixto tertio nomen imposuere, quem  
factio illa adversus Alexandrum tueri  
& colere institit; probavitque hujus  
subrogationem Fridericus Imperator.  
Ac tertius ille fuit Pseudopontifex,  
quem adversus Alexandrum obtrusit;  
post tamen, ubi vidit totam Italiam  
Alexandro constantius hære, arma-  
rique adversum se, condita etiam no-  
va urbe, quam Alexandriam ab Ale-  
xandro Pontifice dixere, cœpit tædio  
schismatis, & metu majorum malo-  
rum de concordia Ecclesiæ consilia age-  
re. Quare ex comitiis Bambergensi-  
bus, quæ 8. Idus Aprilis celeberrima  
habuit, mittit in Italiam Legatos Epi-  
scopum Bambergensem, & quos in  
hanc rem ex Gallia evocarat, Cister-  
tensem & Clarevallensem, Abbates.  
Quanquam Principum ad hæc comitia  
convocatorum & prima Imperatoris  
cura, ut filium Henricum, puerum  
licet quinquennem, regni Successorem  
dicerent; quod cum proloquente Chri-  
stiano Moguntino Archiepiscopo im-  
petravit, Aquisgranum eum misit: ubi  
& 15 Augusti a Philippo Colonien-  
si Archiepiscopo per solennes cæremonias

inunctus & Rex appellatus est. Quod  
reliquum anni tempus fuit Imperator  
in ordinanda Rep. & pace inter Saxo-  
nes firmanda posuit. Quippe inter  
Saxones, quos Henrico Leoni recon-  
ciliatos diximus, unus restabat Wide-  
kindus Dasenburgicus. Is ab adole-  
scentia rapinis infuetus, eoque a Leo-  
ne aliquando coniectus in vincula; at  
libertati redditus, redierat ad ingeni-  
um, confususque castri Dasenburgici  
munitioni, quod in prærupta montis  
petra præmunitum erat, se objicere  
ausus fuit. Neque Leoni admotis ma-  
chinis quicquam perfringere licuit,  
donec metallorum fossores evocaren-  
tur, qui viscera montis perscrutantes,  
reperire possent, unde obsessis aqua  
suppetebat. Qua subducta, deditio-  
nem fecerunt, Præfidiariis facta abe-  
undi libertas: Widekindus ad Ducis ar-  
bitrium retentus. Summa exinde per  
utramque Saxoniam quies, opportuna  
Evergiso Episcopo nostro ad res sacras  
per Episcopatum procurandas, & Cœ-  
nobias, quæ a Bernardo Episcopo no-  
stro instituta erant exornanda; hujus  
enim inclytæ memoriæ viri opera sibi  
cumprimis perficienda sumpsit; nihil-  
que impensius habuit, quam ut cle-  
rum & religiosorum hominum cœtus,  
uti a majoribus acceperat, florentissi-  
mos conservaret.

*Widekin-  
dus Dasen-  
burgicus ad  
obsequium  
reducitur.*

## Annus Christi 1170.

Alexandri III. Pont. 11. Friderici I. Reg. 19. Imp. 16.  
Evergisi Ep. Pad. 11.

*Godofrid.  
Robertus  
de Monto.  
Arnoldus  
Luier.  
Albert.  
Srad.  
Fridericus  
tertium,  
contra Ale-  
xandrum,  
Pseudopon-  
tificem Cal-  
listum ob-  
trudit &  
bovet.*

Cæsar licet pacatissimam haberet  
Germaniam, non tamen quietus erat  
in Romano Pontifice exagitando, tam  
flagrans odium infederat pertinacem  
Cæsaris animum. Nam postquam O-  
ratores ejus ex urbe cum obscuro re-  
sponso redirent, ira percitus, Calli-  
stum tertium Pseudopontificem profi-  
teri & tueri cœpit, hominem obscu-  
rum, vagum, voracem. Nec puduit  
tale monstrum obtrudere contra Ale-  
xandrum verum Pontificem, qui toto  
orbe Christiano contra Pseudopontifi-  
ces celebrabatur. Fœda hæc gentis

Germaniæ macula, sed Suevicæ; nam  
qua veneratione ac patrocinio Saxones  
nostri Cæsares ac Reges, Otto M. D.  
Henricus, & Lotharius Apostolicam  
Sedem coluerint, satis ex superiorum  
annalium memoria constat. Igitur ut  
hunc Pseudopontificem Germanis ob-  
truderet, minacibus ad ordines literis  
recipi jubet: & quia Cistercienses præ  
ceteris constantius stabant pro Alexan-  
dro Pontifice, jussi sunt e tota Germa-  
nia extulare; quorum alii per vim ex-  
acti, alii sponte in Gallias & alia regna  
concessere. Imperator subinde Saxo-  
niam



niam ingressus, Goslarix Principum conventum habuit, ad fumantes adhuc Saxonum motus comprimendos, qui ab Henrico Leone se læsos querebantur. Ipse Leo interim post repudiatam Clementiam celebres nuptias habuit Brunswici, ducta in uxorem Mathilde Regis Anglorum filia; quam mirifice commendat Arnoldus Lubecensis a pietate & liberalitate in pauperes: ex qua Dux post suscepit filiam Richefam, filiosque Henricum, Luderum, Ottonem & Wilhelmum. Nec tum erat inter Germanix Principes Leone quisquam opibus & potentia & splendore nominis fortunatior ac formidabilior; quippe qui præter Ducatum Bavarix & utriusque Saxonix, Orientalis & Occidentalis, Sclaviam quoque a se domitam conjunxerat; eoque jam magnis se Regibus æquatum ferebat, ducta regia in matrimonium filia; e quo felicitatis fastigio uti fortuna eum excusserit, tempori memorandum.

Ceterum hoc anno conditum est a Philippo Colonienſi Archiepiſcopo in

Ducatu Westphaliæ Cœnobium Brede-  
lariense Præmonſtratenſium Virginum, haud procul Patberga & Monte Martis, intra veteres diceceſis Paderbornenſis terminos, eoque Evergiſus Epicoſopus noſter poſtulatus a Philippo. Tabulæ vero foundationis conſignatæ extant, quibus Evergiſus Epicoſopus Paderbornenſis, Henricus Comes Arnsbergenſis, Otto Comes Ravensbergenſis, & Hermannus filius ejus, Everhardus Comes de Altena, & Arnoldus filius ejus, Comes Henricus de Frotzberg, Bernardus de Lippia, multique præterea Præpoſiti & Canonici Colonienſes, Proceres ac nobiles Westphaliæ, quos Archiepiſcopus convocavit, teſtes ſubſcripſerunt. Verum quod hæ tabulæ Calliſto Pontifice ſcribantur conſectæ, dandum id fuit Friderici Imperatoris literis, ne quis alius, quam Calliſtus ille reciperetur Pontifex; ut hic labes quædam ſchiſmatis notetur, qua Archiepiſcopus ac ceteri aſperſi videri poſſunt.

Gelen. in  
ad. nar. 3.  
Engelb. p.  
308.  
Initia Cœ-  
nobii Bre-  
delarienſis.

## Annus Christi 1171.

Alexandri III. Pont. 12. Friderici I. Reg. 20. Imp. 17.  
Evergiſi Ep. Pad. 12.

Imperator dehinc anno conſequen-  
ti in ordinanda Republ. occupatus, Co-  
loniam acceſſit; acceptaque a Coloni-  
enſibus non modica argenti ſumma,  
cives in gratiam recepit. Ita quidem  
Godefridus ſcribit, nulla tamen cauſa  
offenſionis memorata. Veriſimile ha-  
beas cives Alexandro Pontifici propen-  
ſius hæſiſſe, quam Imperatoris exacer-  
batio ferre potuerit. Advenere per id  
tempus Coloniam Legati Manuelis  
Græcorum Imperatoris, expetentes fi-  
liam Friderici Imperatoris filio ſuo in  
matrimonium. Inde Cæſar Aquisgra-  
num tranſiit, qua in urbe magnam an-  
ni partem exegit.

Albertus Urſus, Wigmannus Archie-  
piſcopus Magdenburgenſis, Ulricus  
Epicoſopus Halberſtadienſis, multique  
per Saxoniam Principes diverſis annis  
ſuſceperant, inſigni majorum in loca  
ſancta & Chriſti Servatoris monumen-  
ta religione ac pietate. Igitur Leo, re-  
lictæ Brunswici conjuge gravida, & to-  
tius Saxonix apud Wigmannum Mag-  
denburgenſem moderatione, cum Con-  
rado Lubecenſi Epicoſopo, Henrico  
Abbate Brunswicenſi, Bertholdo Ab-  
bate Lunenburgenſi, Prebizlao Obo-  
tritorum regulo, Guncelino Comite  
Suerinenſi, multisque Saxonix proce-  
ribus, ac præcipua nobilitate, Idibus  
Januarii iter ingreſſus: e miniſtris non  
niſi Ecbertus Wolfenbutelenſis, &  
Henricus Lunenburgicus, quibus fa-  
milix adminiſtratio data, domi manſe-  
re. Tantus omnium majorum no-  
ſtrorum fervor erat, perluſtrandi loca  
& veſtigia Servatoris noſtri. Acceſſe-  
re e Bavaria locupletes ex omni ordine  
procerum & nobilitatis. Multis via-  
rum difficultatibus, multisque pericu-  
lis pervenerant in Palæſtinam; ubi ab  
Unga-

Chron. Ano  
guſt.  
Bangert. in  
not. ad  
Helm. &  
Arnold.  
Henricus  
Leo, Dux  
Saxonix in  
terram Sano-  
ctam proſi-  
ciſcitur.

Per id tempus Henricus Leo Dux  
noſter, pacatis in Saxoniam rebus, voti  
quod fecerat perſolvendi cauſa, pere-  
grinationem in Palæſtinam ſuſcepit. Id  
licet Albertus Stadenſis & Crantzius  
ad annum ſequentem, & Godefridus  
Gobelinus & Robertus de Monte ad  
1173 referant; certius tamen huic an-  
no 1171 adſcribitur a pluribus. Cele-  
bris illa peregrinatio fuit, quam ante

Alb. Stad.  
Chron.  
Crantz. lib.  
6. Sax. c. 29.  
Chron. Sæ-  
derb.  
Chron. Læ-  
brecenſi  
Anſtor  
Synch. 10  
Tyrin. lib.  
11. c. 4.

Ungariæ Rege, & Manuele Græcorum Imperatore benigne & honorifice exceptus Dux; etiam ab ipso Soldano Turcarum Principe, a quo Dux frater salutatus, quod se Russorum Regis filia, ac Germana matre genitum diceret; eoque multis donis regiis exornatus fuit. In hoc familiari congressu multis libere Henricus Leo persuadere ausus est Soldano Christi religionem. Ad quæ Soldanus: *Non quidem arduum creditur esse Deum ex Virgine nasci potuisse, siquidem ita libuerit, qui hominem e terra virgine formavit; sed sibi persuasum esse, Deum ab omnibus non uno cultu velle honorari.* Hacille politicorum nostrorum voce elusit, quæ dicebantur: Leo perlustrato Christi sepulchro, ceterisque per omnem Pa-

læstinam sacris, incolumis altero anno rediit Brunswicum in Saxoniam, magno secum sacrorum pignorum exportato thesauro. Amissi interim Conradus Lubecensis Episcopus, & Bertholdus Lunenburgensis Abbas.

Per Henrici absentiam Fridericus <sup>Göbel, 112. 6. c. 60.</sup> Imperator Saxoniam ingressus, potentiores quosdam Saxonie proceres præfectosque, quibus Dux urbes commiserat, alios minis, alios promissis circumvenit; ut si quis casus humanus Ducem tolleret, urbes sibi traderent. Ea res postquam Duci redeunti comperta est, inter utrosque dissensionis causam dedit; altumque hæsit in mente Ducis hæc suspecta Cæsaris machinatio.

## Annus Christi 1172.

Alexandri III Pont. 13. Friderici I Reg. 21. Imper. 18.  
Evergisi Ep. Pad. 13.

Godefrid.

Interim in altâ pace conquiescebat Germania; annoque postero Imperator medio Quadragesimæ celebrem Wormatiæ Principum conventum habuit, in quo vehementer conquestus est cum Principibus adversus Alexandrum Pontificem, atque Italos; quod consilia inter eos agitentur de corona Imperii Romani ad Manuelem Græcorum Imperatorem transferenda. Ea cum a malevolis persuasa essent Imperatori, aut ab ipso Imperatore conficta in odium Pontificis; impetravit novam in Italiam expeditionem, quæ post biennium susciperetur.

Hac temporum felicitate, quæ uno tantum schismate fœdebatur, cum omnes Episcopi in exornandis passim per Saxoniam Ecclesiis & Cœnobiis studia sua converterent, Evergisi quoque Episcopus noster Hardehusanum Cœnobium invisit; atque inde in vicinum Oppidum Wartberg digressus, convocatis præsulibus & Canonicis suæ Ecclesiæ, decimas quasdam, a Ministerialibus suis de Wullenhusen æqua pecunia redemptas, Richardo Abbati Cœnobioque consignavit. Litteras hoc pietatis sensu clausit. *Nos igitur sperantes orationibus ibidem Deo servientium jugiter nos adjuvari, præmemoratæ Ecclesiæ decimam hanc perpetuo jure possidendam contulimus.*

*Acta sunt hæc anno Incarnationis MCLXXII, Indict. V. Testes autem sunt hi Canonici Paderbornensis Ecclesiæ, Sifridus Præpositus, Almar Decanus, Ecbracht, Uffo, Herebracht, Bernhart, Altman, Wolbracht, Burchart, Meinric, Bezelin, Reinher, Lothomich, Conradt, Alexander, ac cæteri: tum alii nobiles, ac ingenui, longa serie nominati. Tam cautus & religiosus Episcopus, ne res minimas etiam sine consensu Cathedralis Ecclesiæ averteret. Et mirum, si quis ab origine primorum Episcoporum donationes revolvat, quot Cœnobia vel ex solis Episcoporum decimis dotata sint; ut vel hinc constare possit, quas opes Carolus M. in plena dicecesium institutione Episcopis dederit in decimas, quas alii post Episcopi etiam in clientum & Ministerialium servitia convertere.*

Sustulit hic annus xxiii Februarii B. Ottonem D. Godefridi fratrem, tertium Cappenbergenium Præpositum, a quo cum fratre Averstorpiente Cœnobium Virginum haud procul Wesalia conditum erat. Sublectus Ottoni B. Hermannus Comes Arensis, & Merensis Cœnobii una cum matre & sorore conditor. Tam illustribus ubique viris per Westphaliâ & Saxoniam Cœnobia inclaruere, quos passim omnium

Gamaſu  
in vita Godefridi.  
Obitus B. Ottonis B. Godefridi Cappenbergenii fratris. Et Wernerii Ep. Mindenensis. Annal. Mindenſis

omnium annales suppeditant. Ad hunc etiam annum revoces obitum Werneri xxv Mindensis Episcopi, festo D. Martini exinde extincti, sæpe is supra inter Schismaticos a nobis memoratus. Errant certe, qui anno 1167 obiisse vo-

lunt, cum anno 1168 adhuc superstes sit productus a nobis. Subrogatus illi Hanno ex Comitum Blanckenborigensium familia, ut proinde apud Leerbekium ejus ex hoc anno memoria prodatur: facti eorum hic obscuri sunt.

## Annus Christi 1173.

Alexandri III Pont. 14. Friderici I Reg. 22. Imp. 19.

Evergisi Ep. Pad. 14.

Godefr.  
Paschal.  
Chr. Pegau  
Hist. Bavar  
lib. 21.  
Friderici  
Imp. expectatio in Bohemiam.

Cæsar post hæc anno proximo MCLXXIII WORMATIÆ in celebri Principum conventu Pascha celebravit, bellumque Bohemicum, quod a Godefrido Polonicum vocatur, ex Principum consensu suscepit. Causam obscure tradunt historiæ. Godefridus pro consanguineo scribit susceptam. Igitur contracto ex Suevis, Bojis, Francis Orientalibus, & Saxonibus exercitu, Bohemiam ingressus, Ladislaum regno exuit, reposito Sobeslao patruele, quem Principis titulo contentum esse jussit. Tanta tum Imperatorum majestas erat, ut exteros pro arbitrio, vel Reges, vel Principes dicerent. Victor in Saxoniam digressus, omnes sibi Principes occurrentes habuit, præter Alberti Ursi Marchionis Brandenburgici filios, hæreditatem a Bernardo Comite Episcopo Halberstadiensi repetentes; quibus dum bellum intentat, retentus est Principum precibus. Quare ad pacandam Saxoniam Natalitia Christi Aldenburgi inter Saxones egit.

Inter hæc mense Augusto Henricus Leo Dux Saxonie nostræ non incelebrem Paderbornæ præsulum & procerum habuit conventum cum Evergiso Episcopo nostro. Acta licet antiquitas supprefferit; extant tamen apud nos publicæ Evergisi tabulæ, hujus congressus indicium, quibus præsentem Duce præclaram Wernonis de Brach donationem, Gerdensi Virginum Cœnobio factam, ratam habuit. Tanto hæc illustrior fuit, quod Werno homo pius ac prædives non modo omnia sua hæreditaria bona, sed & se ipsum cum Beatrice conjugæ Deo in servitium divinum, raro pietatis exemplo, consecratum obtulerit; id cum Dux ipse & tot præsentis Abbates, Canonici, proceres commendant: tum hæc potissimum Episcopi nostri literæ docebunt.

In nomine sanctæ & individue Trinitatis, Evergissus Paderbrunnensis Ecclesiæ Episcopus. Divinis & humanis legibus sancitum est, ut privilegiis Ecclesiarum, quæ contra jus non sunt usurpata, tanta perpetuæ observationis debeat reverentia, ut nulla hæc malignantium retractare possit diligentia. In his enim non solum malignandi facultas subtrahitur, verum etiam series rerum gestarum ad memoriam posteritatis salubri consilio reducitur. Inde est quod ea, quæ juste & rationabiliter agimus, literarum monumentis mancipanda esse censemus, ne processu temporis in oblivionem veniant, & memoriæ meæ negligentia crimen impingatur. Ad notitiam itaque tam præsentium quam futurorum præsentis scripto deducimus, quod quidam Werno de Brach, sicut honestis, sic etiam religiosis parentibus ortus, omne patrimonium suum, omnemque possessionem suam cum omni usufructuario, omnia denique, quæ in rebus mobilibus aut immobilibus habebat, videlicet in servis & ancillis, areis, domibus, villis, terris cultis & incultis, viis & inviis, silvis, pratis, pascuis, aquis aquarumque decursibus, piscationibus, molendinis, exitibus & redditibus, & in reliquis quocunque modo possunt provenire, utilitatibus, Ecclesiæ Dei, & beatissimæ ejus Genitricis Mariæ, & beati Petri Apostoli in Gerdine consensu legitimorum hæredum suorum in nostra præsentia, & in communi conventu populi, sub banno Regis libera traditione ad communes usus Deo inibi servientium donavit. Nomina villarum & domorum hæc sunt. Bernichusen, Rinxstinchusen, Thenesheim, Brachmunitionem cum omnibus pertinentiis suis, Bist, Luitwardessen, Walderinchtorp, Hestene, Wiminmitorp, Wernessem. Considerans autem non satis sibi integrum fore, si sua Deo offerret, se ipsum vero subtraheret, juxta illud, si Ecce recte

Werno de Brach se sueque omnia Gerdensi Cœnobio offert, quod Evergissus Ep. comprobatur.

recte offeras, recte autem non divides, peccasti, paucis postmodum diebus interpositis se ipsum una cum consorte sua Beatrice tam genere, quam moribus egregia in eodem Cœnobio vivum holocaustum Deo obtulit, & ut his omnibus supremam manum imponeremus humillime postulavit. Nos vero fidelis viri piam devotionem benigno favore prosequentes, & pro qualitate meritorum spem æternæ retributionis apud divinam misericordiam expectantes, prætaxata illa prædia cum mancipiis suis omnibusque appendiciis suis in tuitionem & protectionem nostram recipimus, & pro debito officii nostri Ecclesiastica defensione defendimus, tuemur & conservamus, auctoritate Dei, & beati Petri, & banno Episcopali securitatem & pacem præfato Cœnobio in his prædiis lege in perpetuum valitura confirmamus, perpetuo anathemate innodantes eos, qui hæc dona fidelium, redemptiones animarum, quovis malo ingenio, temerario ausu alienare, aut irritum revocare præsumpserint. Præterea collata sunt quædam ab aliis prædictæ Ecclesiæ: una domus in Nedere, una in Luiboldeffen, una in Willehusen, una in Burch, una in Pikilissen; quædam pecunia Ecclesiæ sunt comparata, una domus in Northen, una in Willenhusen, una in Hekeldefsen, ibidem decima super novem mansos, una domus in Radoloesbem. Hæc itaque bona præmissa & cætera omnia a prima fundatione conquistata, vel impofterum conquirenda, cum omnibus suis privilegiis, huic actioni nostræ includimus, & Ecclesiæ Dei in Gerdine sub divini examinis comminatione in perpetuum confirmamus. Hujus autem rei veritas, ut rata & inconvulsa omni tempore permaneat, hanc cartam inde conscribi & sigilli nostri impressione firmari, & testes subternotari præcepimus, quorum nomina sunt hæc. Cunradus Corbejenfis Abbas, Heinricus Dux Bavarix & Saxonix. Canonici de domo Sifridus major Præpositus, Bernhardus, Herebertus, Altmannus, Folcbertus, Meinricus, Reinherus, Heinricus Patherbornensis Abbas, Franco Liesbornensis Abbas. Liberi, Folcwinus & frater ejus, Widekindus de Swalenberg, Athelbertus Comes de Everstein, Bernhardus de Lippia, Craph & Iffeith de Groven. Ministeriales Cunradus Stapel, filii ejus, Manegoldus, Hereman, Rudolf, Wide-

rolt, Andreas, & Conradus frater ejus, Hugo, & Hugo, Lombart, Cunrad, & frater ejus, Bertholt, & alii complures. Acta sunt hæc anno Dominicæ Incarnationis MCLXXIII, Indictione sexta, regnante Friderico Imperatore & semper Augusto, in solemnibus conventu Principum & multorum nobilium decimo nono Calend. Septembris apud Patherburne feliciter Amen.

Nondum querelæ nostrorum temporum invaluerant, quibus increscentes religiosorum opes insectantur politici; quando Evergisus etiam Buxtorfianum Collegium Canonorum sua liberalitate complexus, hoc anno largam ei donationem fecit; eo quod a Meinwerco quidem id conditum, & a Bernardo, aliisque Episcopis auctum, sed pro Sacerdotum Deo quotidie servientium numero tenue adhuc fuerit. Literarum quæ hoc anno MCLXXIII ab Evergiso Episcopo datæ sunt, testes ascribuntur Sifridus Præpositus, Almar Decanus, Echbertus, Rembertus Præpositus, Uffo, Herbertus; Godescalcus Præpositus, Bernardus, Altmannus, Folbertus, Meinricus, Burchardus, Bezelinus, Ludovicus, Conradus, Reinherus magister, Conradus, Titmarus Præpositus, Godefridus, Alexander, Erpo, Henricus, Lambertus, Canonici, alique. Tam conspiciuum cum fuit Cathedrale Collegium, Sacerdotibus intra communem claustrum disciplinam viventibus.

Subtraxit mors hoc anno ex Episcopis Saxonix Ludovicum xxiii Monasteriensium antistitem, genere Comitum Teclenburgensem; id quod, præter Chronicon Montis Sereni & Pegaviense, consignavit Godefridus Monachus. Hoc enim, inquit hic, anno pestis omne Teutonicum regnum, Galliasque pervasit, quæ Ludovicum Monasteriensem Episcopum cum aliis sustulit, cui Imperator fratrem Hermannum Comitem de Kazinelenbogen substituit. Auctor Chronici Montis Sereni eum ex choro Herbipolensi ductum refert. Quare magnopere falluntur omnes Monasteriensium codices fastique, qui Godescalcum gente Saxonem interponunt. Ludovicum, etsi per quinquennium tantum præfuerit a morte Friderici, haud leviter commendat

Evergisus  
Ep. rector  
Buxtorfiani  
Collegii  
auct.

Obit Ludovicus Ep.  
Monaster.  
Godefrid.  
Chr. Mont.  
Sereni.  
Chr. Peg.

mendat Crantzius aliique a magnanimitate; quippe qui Advocatiam, quæ penes Comites Teclenburgicos erat, ac tot annis. Episcopis molesta fuerat, certa pecunia redemit a consanguineis comitibus: ita quod Fridericus certis pactionibus jam ante transegerat, Ludovicus perfecit, impetrando a Friderico

Cæsare egregium diploma, quo hæc lis tandem dirempta, assertaque ab hoc anno libertas Episcopis. Tabulæ hoc anno datæ, & a Godefrido Cancellario recognitæ sunt. Præclarus Episcopus qui bonum Ecclesiæ habuit ante familiæ.

## Annus Christi 1174.

Alexandri III Pont. 15. Friderici I Reg. 23. Imper. 20.

Evergisi Ep. Pad. 15.

Sequitur nunc annus MCLXXIV, Ænobardi Cæsaris expeditione in Italiam celebris. Hanc in rem Cæsar varios per Germaniam Principum conventus habuit: primum Aquisgrani pridie Calend. Aprilis; deinde Neomagi, ubi inferioris Rheni Principes & nobiles juramentum expeditionis Italicæ dicere iussit. Inde ad Mosellam regressus Cochemii festum Pentecostes egit, celebratoque Wivelinburchi Principum conventu, Ratisbonam festo Joannis Baptistæ venit. Extrema Imperatoris cura erat cum instructissimo quam unquam exercitu Italiam perdomare: ne bellum hoc, quod tanta gloria ab Ottonibus, D. Henrico, Lothario, ceterisque Imperatoribus gestum, ipse, qui Carolum M. sibi exæquandum sumpserat, affectum magis quam confectum relinqueret. Jam enim totius Lombardiæ & Italiæ urbes prope conspiraverant, armatæque stabant adversus Imperatorem. Mandatum con-

trahendi Saxonicum exercitum, educendique, Henrico Leoni datum.

Igitur exeunte Junio, postquam Ratisbonæ exercitus ex omnibus Imperii provinciis convenerat, processum in Longobardiam; transcensisque Alpibus, civitates quædam in deditionem acceptæ, castraque Alexandriæ admotæ; ad quem tota fere hyeme hæsit Imperator, donec ingenti clade suorum obsidionem solvere, & transmissio Pado, Papiam confugere coactus est. Is vero cum undique inclusus obsessio similis teneretur, destinatis in urbem legatis, reconciliationem cum Pontifice se petere ostendit. Missi in hanc rem tres Cardinales, viri sapientissimi, Ostiensis, Portuensis, & D. Petri ad vincula. Actum de pace, sed incassum; quod Cæsar ea exigeret, quæ nulli hætenus concessa erant: satisque apparebat hæc simulate agi, dum auxilia ex Germania accederent.

## Annus Christi 1175.

Alexandri III Pont. 16. Friderici I Reg. 24. Imp. 21.

Evergisi Ep. Pad. 16.

Multum per hæc, quemadmodum Ursbergensis & ceteri scribunt, obturbavit Imperatorem Henricus Leo Dux Saxoniz nostræ; postulatus enim ab Imperatore in societatem belli, non accessit, quod obtenderet ætatem laboribus fractam; aurum interim argentumque ad belli expensas large obtulit. Alii præterea religione deterritum verius tradunt detrectasse cum Imperatore, diris a Pontifice devoto, impium bellum gerere. Quare cum infimis precibus adduci non posset, ipse Imperator Ducem adiit, multis exponendo sanguinis propinquitatem, fidam hætenus operam sibi præstitam in om-

ni bello, beneficia, quibus a se exornatus esset, plura etiam pollicendo, & nunc minis, nunc obsecrationibus versando animum Ducis; quibus cum nihil impetraret, ad pedes supplicis ritu procumbit, belli hujus extremi operam rogando. His Dux commotus, Imperatorem manu e terra levat, quod Arnoldus Lubecensis Abbas Ducis in aula fidus minister refert; quanquam id alii ab Imperatrice factum velint, dixisseque: surge, sed memor esto hujus casus. Dux interim immota mente belli operam detulit, & regressus in Bavariam, Monachium præmunire cepit. Hæc prima offensio, & im-

E e e e 2

pla-

*Bangert. in  
not. ad ar.  
notu. Lubec.  
lib. 3. c. 15.  
Hujior.  
Thuring.  
Chr. Lub.  
Alb. Stad.  
Hist. Bavar*

placabilis Ænobardi ira, quæ Ducem post omni fortuna exuit, inflammante Philippo Colonienſi Archiepiſcopo iratum animum, quod cum Duce veteres inimicitias gereret. Atque hæc ad Lacum Cumanum acta eſſe in Italia ſcribunt plerique, ſecus quam Crantzius & Butingus, qui in Germaniæ comitiis id factum opinantur. Leo certe cum Imperatore & copiis ſuis Saxonis in Italiam progreſſus.

*Christianus  
Archiep.  
Mogunt.  
Cæſaris caſtra  
ſecutus  
melior milites  
quam  
Episcopos.*

Cæſar deſtitutus ope Leonis, remiſſius agere neceſſe habuit. Interim ſuprema belli adminiſtratio penes duos Archiepiſcopos fuit, Chriſtianum Moguntinum, gente Thuringum, & Philippum Colonienſem Heinsbergæ Comitem; uterque ex ſago militari magis Principem, quam ex toga Episcopum egit, pravo ejus ætatis exemplo; ſed quos ideo Fridericus Imperator Archiepiſcopos fecerat, ut pro ingenio ſuo armis indueret, longe Carolo M. ceterisque piis Imperatoribus diſſimilis; qui Episcopos tantum ad ſacrorum miniſteria caſtra ſequi voluere. Et Moguntinus per id tempus armis per Italiam graſſatus, Medicinæ caſtrum, aliaque loca, caſis Bononiensibus, expugnavit. Fertur is Archiepiſcopus, diſſoluta militiæ & cleri diſciplina, habuiſſe ccc milites eodemque Monachos & Apoſtatas Sacerdotes, ac totidem fere Moniales; à quibus, parva contra Bononiensē victoria, ſacrificium Miſſæ, alternis cantantium choris, inchoatum in honorem Thebæorum Martyrum. Ipſe præterea ferro thorace & galea indutus, trinodemque clavam manu geſtans, viſus eſt hoſtibus obviis excuſſiſſe dentes, & in terram proſtraviſſe; ſiquidem hæc vera ſunt, quemadmodum ab Arnolſto Lubecenſi & Alberto Stadenſi,

ex unius Notarii narratione, qui hæc coram inſpectarit, referuntur.

Hoc anno Cœnobium Virginum Ozede in diœceſi Osnabrugenſi, quod Ludolphus, nobilis prædives in Ozede, Bernardi ſuperioris Episcopī noſtri aut frater; aut nepos, ac poſtremus ſtirpis ſuæ, condiderat, a Philippo Osnabrugenſi Episcopō ſtabilitum, auctumque bonis. Quæ ſuper re tabulæ proferuntur, Nonis Februarii conſignatæ, approbatæque a Landfrido Præpoſito, Arnaldo Decano, ac ceteris ejus Collegii Canonicis; impetratumque a Simone Teclenburgenſi Comite, ut caſtrum Ozede, quod clientelare erat, converteret in domicilium ſacrarum Virginum. Mox & Alheidis, Comitiss filia, ſe Deo inter ſacras Virgines conſecrandam obtulit. Nec multum ab his ſuperſtes Philippus Episcopus per hæc tempora obuiſſe traditur, Comite Catzenelenbogico natus, clara Episcopos familia, e qua Hermannus quoque Monasterienſem ſuperiori anno delectum diximus. Geſſit Philippus Episcopatum per 30 annos præclara cum laude, a quo & Cœnobium Quernheimenſe Virginum dotatum inſtitutumque, & caſtrum Holtiorum nobilium, diœceſin prædis inſeſtantium, poſt ſeptennalem obſidionem everſum. Nec tamen ea familia Holtiorum extincta, ex qua poſtea prodire præſules inſula Monasterienſis & Colonienſis Eccleſiæ clari. Succceſſit Philippo Arnolſus ex Canonico Colonienſi provectus ad Decani illius Eccleſiæ dignitatem. Cæſarem is poſtea in Italiam ſecutus; nam in hiſtoria Ravenatenniſi a Rubeo teſtis introducitur literarum: Idibus Maji altero abhinc anno conſignatarum.

*Moritur  
Philippus  
Ep. Oſnabrugenſis,  
qui  
Cœnobium  
Ozede, a  
Ludolpho  
nobili in  
Ozede conſtitutum,  
ſtabilit,  
Ervvinnus.*

## Annus Chriſti 1176.

Alexandri III. Pont. 17. Friderici I. Reg. 25. Imp. 22.

Evergiſi Ep. Pad. 17.

*Godfr.  
Monach.  
Brevu. lib.  
14. Abſ.  
Alexandri.  
Imperator  
in Lombar  
dia cæditur*

Philippus Colonienſis Archiepiſcopus hoc anno, quem ingredimur MCLXXVI, novas copias ex Weſtphalia adduxit in Italiam, quocum & Arnolſus Trevirenſium Archiepiſcopus, Hermannus Monasterienſis Episcopos, alique Principes acceſſere. Exercitus hic omnibus rebus inſtructiſſimus,

menſe Majo Alpes ſuperavit, ac Cumis ſubſtitit. Quo cognito, Imperator Papiam advolat, copiasque ſuas Colonienſi Archiepiſcopo jungit. Nec Mediolanenſes, Bononiensē, ceterique Longobardi ſegniores, cum exercitu procedunt obviam, aut vincere, aut mori certi. Quæ cum per exploratores



res nunciarentur, suam Imperatori, cederet ad tempus furenti multitudini; ille cum indignum diceret Imperatoris maiestate hosti terga dare, processit in hostem. Pugnatum 3 Calend. Junii ab hora diei tertia ad nonam. Inclinata tandem Germanorum acies, dum Imperator militis magis, quam Ducis partes perfunctus, suffosso equo effunditur in terram. Mox quia sparsa fama, Imperatorem occubuisse, totus exercitus in fugam solutus, & fœda strage cœsus est. Imperator inter cœtorum cadavera quæsitus, & quadri-duum ab Imperatrice lugubri veste deploratus incolumis tandem Papiam advolat. Hæc illa clades, quæ diuturni tandem belli finem attulit. Rebus in hunc modum prope desperatis, evocatur Moguntinus Archiepiscopus e

Bononiensi bello ad consilia. Aderant simul Philippus Colonienfis, & Wigmannus Magdenburgensis Archiepiscopus, supremi bellorum, & consiliorum arbitri. Hi cum viderent robur militiæ obtritum, ærarium exhaustum, dubiam ceterorum fidem, atque omnia adversa incurrere ex bello, quod execrati gererent contra Apostolicam Sedem, Cæsaris tandem animum ad reconciliationem cum Pontifice pacemque Italiæ inflexere. Missi igitur Moguntinus & Magdenburgensis Archiepiscopi Anagninam ad Alexandrum Pontificem; ac postquam Legatis data est securitas ultro citroque commendi, Ferrariæ primo conventum est: ubi plenus constituendæ pacis locus delectæ sunt Venetiæ. Ita ad inducias, & quietem armorum primo deventum est.

## Annus Christi 1177.

Alexandri III. Pont. 18. Friderici I. Reg. 26. Imp. 23.  
Evergisi Ep. Pad. 18.

Anno igitur proximo MCLXXVII, ad tam expectatæ pacis negotium conficiendum, ipse Alexander Pontifex, & Fridericus Imperator Venetiis convenire, ille classe tredecim Sicularum navium vectus, hic Ravenna digressus Clodiam. Ac postquam pax certis legibus, ut a Sigonio aliisque refertur, constituta est; Cæsar 10 Calend. Sextil. Venetias ingressus, postridie, abjurato schismate, promissaque Alexandro obedientia, per submissos Cardinales Ecclesiæ est reconciliatus. Exinde progressus ad Basilicam D. Marci, ubi ante fores præstolabatur venientem Pontifex, deposita chlamide, humi fixus, deosculatus est pedes Pontificis: tum apprehensa dextera deductus in chorum, precanti ad aram Pontifici caput submisit. Rursum 8 Calendas Sextiles adfuit Pontifici, solemne sacrificium missæ peragenti, pedesque deosculatus, aurum consueto ritu obtulit. Sacris peractis, Pontificem deduxit, & equum ascensuro stapedem tenuit, deducturus ad mare, ni Pontifex inhibuisset. Quemadmodum hæc Romulus, Salernitanus Archiepiscopus, & auctor rerum ab Alexandro gestarum, alique, qui præsentis fuere, testantur.

Quapropter nostrorum heterodoxorum commentum est, Imperatorem

Barbarossam, dum Pontificis pedes exoscularetur, dixisse: *Non tibi, sed Petro.* Ad quæ Pontifex responderit: *Et mihi & Petro; atque inde, proculcato collo Imperatoris, dixisse, super aspidem & Basilicum ambulabis, & conculcabis Leonem & Draconem.* Nihil hac super re tot Sscriptores eorum temporum, neque ex Germanis & Schismaticis quisquam id prodidit, qui tamen Episcoporum nostrorum vitam non siluerunt. Sane auctor Chronici Montis Sereni, cum Pontifex moram faceret in sublevando Imperatore, ad pedes Pontificis prostrato, Theodoricus Marchio Orientalis Saxoniz, imperialis, inquit, dignitas se eo dimittit; quo intellecto per interpretem, Pontifex mox Imperatorem erexit ad osculum. Nihil ille ultra; non taciturus alioquin tam grandem in proculcato Cæsare fastum. Serro tandem tempore Lutheri hæc fabula in odium Pontificis conficta; fatisque eam exploserunt Baronius, Gretzerus, alique Sscriptores.

Ipsis deinde Calend. Augusti jurare pacem Christianus Moguntinus & Philippus Colonienfis, Archiepiscopi; quos ordine consecuti sunt Trevirensis, Magdenburgensis, Petavienfis, Wormatiensis, ceterique antistites. Mogun-

Imperator cum Pontifice reconciliatus, a Schismate recedit.

Baronius ad hunc annum. Gretzerus Comment. de donatione Imperii tom. 3. de Cruce.

guntinus & Colonienfis, quod consecrati essent a Catholicis Episcopis, permitti suo muneri: ceteri, qui vel a Pseudopontificibus, vel a Schismaticis consecrati fuerant, iussi sunt abstinere; Palliis interim novis, veteribusque donati ab Alexandro Moguntinus & Colonienfis. Ad hunc modum schisma, quod per XVIII annos fœde lacerarat Ecclesiam, incredibili totius Germaniæ & Europæ lætitia, sublatum est. Cæsar Venetiis reversus, Natalem Domini transegit Papiæ in regia Longobardorum urbe.

Turbæ in Saxonia.  
Arnold.  
Lubec. lib.  
2. c. 17.  
Otto de S.  
Blasio.

Verum extincto bello publico Ecclesiæ incruduit hoc anno bellum civile in utraque Saxonia. In Orientali belli initium fecit Ulricus Halberstadiensis Episcopus; is cum Henrici Leonis studio superioribus annis ab Episcopatu depulsus esset, obtruso Gerone schismatico Episcopo; ut cognovit se ex pacis decreto, & Apostolica auctoritate restitutum esse, hortatore Wigmanno Magdenburgensi Archiepiscopo, arma corripit. Junxere se illi plerique Orientales Principes, Leoni jam ante offensi, quorum viribus adjutus, Geronem e Sede & urbe eiecit; omnibusque, qui a Gerone Schismatico Episcopo consecrati erant, sacris muneribus interdixit: castrum præterea Horneburg præmuire cœpit. Quo cognito Leo post extortam deditionem ex Sclavia advolat; bella, inquiens ad suos, video, bella mihi parantur; & per celeritatem munitionis opus revelit. Id cum Ulricus reficeret, redit cum exercitu; sed ab Episcopo & Principibus cum ingenti suorum clade in fugam compulsus est; amisso etiam Henrico Holfatiæ tutore, militum fortissimo.

Et in Westphalia.

Westphalia per hæc in duas factiones scissa. Harum altera Duce Fridrico Altenano, & Hermannocomite Ravensbergico, pro Colonienfi Archiepiscopo in Italia adhuc hærente, arma induerat: altera sub auspiciis Bernardi Comitiss de Lippia, & Adolphi Comitiss Schawenburgici, pro Henrico Leone conspiraverat adversus Colonienfis factionem. Hermannus Monasterienfis Episcopus, ex Italia reversus, reperit diœcesin suam spoliis & incurfionibus vastatam. Quare & ipse cum

Simone Teclenburgensi Comite, ex Italia reduce, se armavit; utri vero parti accesserint, Gobelinus, qui hæc narrat siluit. Satis tamen constat eum Colonienfi ac Metropolitano suo hæsisse. Interim Bernardus de Lippia montem haud procul Bilsfeldia, quem a Leonis signo turri imposito Lewenburgum dixere, præmunit, ex eoque castro totam Westphaliâ infestat. Monasterienfis Ahusium & Diepenam castra subvertit; forte quod in his arcibus reperiret nobiles e factione Leonis.

Evergissus per hæc Episcopus noster, extra omnes belli & conspirationis fluctus se domi continebat in quiete, & sacrorum procreatione. Senio præterea se ad extrema vitæ urgeri sensit; quare multo salubriori consilio, quidquid collegerat, in res sacras & religiosorum donationes expendit; ut eorum precibus adjutus, felicem vitæ sibi exitum pararet. Quam in rem e ceteris has supremas ejus donationum tabulas sacris Gerdensibus Virginibus factas proferimus.

Evergissus Ep. decimis quibusdam terris Coenobio Gerdensi beneficiis.

*In nomine sanctæ & individue Trinitatis. Evergissus Dei gratia Patherburnensis Ecclesiæ Episcopus. Gratium Deo & acceptum munus offerri scimus elemosinam, quæ Christiano cuilibet indigenti voluntate larga tribuitur; sed multo majoris meriti & retributionis illam credimus, quæ impenditur his, qui voluntarie se propter Deum abdicaverunt paupertati, & Domino diu notuque servituros mancipaverunt. Hæc attendentes sanctarum Virginum paupertati, quæ in Gerdine Deo deserviunt, consolationis alicujus remedio subvenire decrevimus. Decimas itaque tres Ecclesiæ prænominati loci, consecratae in honore sanctæ Dei Genitricis, beatique Petri Apostolorum Principis, contulimus, quarum prima in Valbusen, Wernerus de Brach in beneficio tenuit a Domino Volquino & fratre ejus Widekind de Swalenberg, & ipsis eam resignavit, ipsi vero etiam mihi resignaverunt, & in recompensationem a prædictâ Ecclesiâ provisorio Basilio duodecim marcas examinati argenti acceperunt. Item tres fratres Hugo, Geroldus & Gerhardus acceptis a jam dicto Basilio decem & octo marcis decimam in Osterhusen mihi resignaverunt, &*

ego

ago prædictæ jam Ecclesiæ contuli. Item Domino Andrea & fratri ipsius Conrado de rebus Ecclesiæ datæ sunt quinque marcæ, ut decimam in Hekeldeffen Domino Bernardo de Lippia resignarent, quo factò ipse mihi eam resignavit, & ego eam Ecclesiæ sæpèdictæ contuli. Anno itaque Incarnationis Domini MCLXXVII, Indictione decima, paginam hanc, quæ prædicta sunt, continentem conscribi, & sigilli nostri impressione muniri fecimus, tam clero quam laicis consentientibus, & comprobantibus quæ facta fuerant, quorum nomina sunt hæc. Canonici Pader-

burnenses Sifridus Præpositus, Godescalcus, Bernhardus Præpositus, Altmannus, Volbertus, Meinricus, Reinherus, Henricus, Lambertus, Hugo. Homines liberi Widekindus de Swalenberg senior, & Widekindus junior, Bernhardus de Lippia, Gerlagus de Ittere, Thietmarus de Bueren. Ministeriales Hartmannus de Ilesen, Conradus Staplo, & filii ejus Conradus & Thietmo, Andreas de Ethelen, Conradus frater ejus, Hermannus de Brach, Albertus de Rikerswich, Helmricus de Helmere & Lentfridus frater ejus, aliique quam plures,

## Annus Christi 1178.

Alexandri III. Pont. 19. Friderici I Reg. 27. Imp. 24.  
Evergisi Ep. Pad. 19.

Inter hos Saxonie motus Cæsar non ante Augustum mensem in Germaniam rediit, ex una tempestate fluctuum relictus in aliam. Ardebat enim tota Saxonia intestinis diffidiis & bellis adversus Leonem. Acerrimus ex his Leonis hostibus Philippus Colonien-  
Philipus Archiep. Colon. Westphali- am Saxoni- amque bel- lo perse- quitur. Godefridus. Otto a S. Blasio. Robertus de Monte. Arnold. Lubec. Chron. Mont. Ser. Gabel, as. c. 60.

sis Archiepiscopus; is, ut prioris anni vastationes, Bernardo Comiti Lippien-  
sibus ceterisque ejus factionis illatas, ulcisceretur (ut Arnoldus Lubecensis scribit) egressus de finibus suis, pervagatusque terram, omnia spoliis & incendiis vastavit: & postquam Quernhameliam ad Visurgim delatus, constitit, neque ultra progressus est. Gobelinus noster & Crantzius ea incursione Huxtariam exussisse perhibent, atque inde secundum Visurgis ripam Hameliam descendisse, nec Visurgim transisse. Auget hæc Godefridus, & transito Visurgi, refert castella quædam, Duce nullo obistente, expugnata esse. Huxtariæ incendium, quod postea sarcit Colonien-  
sis immunitate telonii, quod novessii habebat (ut constabit ex Corbeien-  
sibus literis ad annum MCLXXX recitandis, nullo suo imperio, sed militum insolentia accidisse doluit; ut hæc nimium exaggerarit Buntingus in historia sua, calumniando, lupi & prædonis vocibus Coloniensem persecutus; quemadmodum pronum est hæreticis Scriptoribus criminari Episcopos. Falliturque, quod hoc anno Leonem secundo prælio se ultum scribat. Leo enim, cum

non ignoraret qualem in Cæsare hostem habiturus esset, ab armis sibi adhuc temperabat. At Cæsar postquam xv Augusti Vespertione in Burgundia senatum procerum habuerat, jusque populo dixerat, Spiram perrexit: ubi Henricus Leo occurrit Cæsari, quaestus de acceptis a Colonien-  
si injuriis. Audiit quidem has querelas Cæsar; sed fronte adeo nubila, ut facile intel-  
ligeret, qualem pro se judicem compellasset. Dissimulata vero in præsens ira, Cæsar utrique diem dixit Wormatiæ, ad quam in conventu Principum Idibus Januarii convenirent, & causam dicerent; nam præter superbum dominatum ex patris nomine & indole hæreditarium inexplebilemque cupiditatem bonorum, multæ adversus Leonem publicæ querelæ, & accusationes Principum intendebantur: violari ab eo jura Principum & Episcoporum: rapi aliorum possessiones: alios ab eo Episcopos exturbari sedibus suis, alios cogi ad fidem jurandam: bona hæreditaria Comitis Wincenburgici, & Ottonis Asloensis consanguinei per vim attrahi: anno superiori Westphali-  
am per Bernardum de Lippia, Ducem militiæ suæ, turbatam prædatoriis incursionibus, vexatam spoliis, laceratam factione procerum & nobilium. His ac similibus, quæ invidia multum accenderat, inculcatur, tanquam regium dominatum, ipsi etiam Cæsari metuentum, affectaret.

Henricus Leo a Cæ- sare ad causam dicen- dam postulat.

Hac

Obitus  
Evergifi  
Ep. Pad. &  
Evermodi  
Ep. Raceb.  
Gobel. asus.  
6. c. 60.

Hac perturbatione Saxoniae moritur Evergifi Episcopus noster, iv Calend. Octobris, qui dies notatus est in necrologio Gerdenfi, Willebacensi, Herisienti, & Bustorfiano, ob largas donationes, & beneficia Cænobiis illis præstita. Quare & annua grataque in sacrificiis publicis ac precibus memoria apud sacras Virgines illas fuit. Annus præterea mortis hic MCLXXVIII consignatus a Gobelino nostro; fallunturque Bruschiu & Kerfenbrochius, qui anno superiori obiisse volunt. Præsul fuit ob modestiam, religionis studium, conservatam cleri intra claustrum disci-

plinam, & vitæ integritatem, priscis atque optimis Episcopis accensendus; quem ob id Deus ex his turbulentis temporibus ad cælestis vitæ quietem evocasse videri potest.

Quo simul anno obiit Evermodus, sanctissimus Raceburgensis Episcopus, in vita & post obitum miraculis clarus; quemadmodum res ab eo præclare gestas in Sclavia descripsit Arnoldus Lubecensis Abbas. Dispari fama excessit Balduinus Bremensis Archiepiscopus, homo Schismaticus, & parum utilis Ecclesiae suæ.

Arnoldus  
Lubecenf.  
Historia  
Brem.





# S I F R I D U S

## XVIII.

EPISCOP. PADERBORN.

Evergiso  
Ep. succedit  
Sifridus Ec-  
clesiæ Pa-  
derb. Præ-  
positus.

**A**b excessu Evergisi haud multum vacua Paderbornensis Episcopi sedes. Huic enim, maturantibus Canonicis electionem, *successit Sifridus*, inquit Gobelinus, *majoris Ecclesiæ Præpositus. Et præfuit Ecclesiæ Paderfontanæ annis novem, mensibus IV.* qui tamen non nisi septem fuere, ut ceteri fatentur, & nos ordine exponemus. Virum hunc ætate maturum, moribus gravem, & multos annos versatum, probatumque in clero hu-

jus Cathedralis Ecclesiæ, testantur tot literæ Bernardi Episcopi, in quibus inter Canonicos testis; & Evergisi Episcopi, quibus majoris Ecclesiæ Præpositus memoratur, cum Almaro Decano. Familia interim, ex qua ortus, incerta, nec in annalium memoria prodita; nisi quod tres rosas, quæ Arensborgiorum, aliorumque Comitum, ac nobilium fuere insignia, Kersfenbrochius ex scuto ejus gentilitio producat.

Annus Christi 1179.

Alexandri III. Pont. 20. Friderici I Reg. 28. Imp. 25.  
Sifridi Ep. Pad. 1.

Godsfrid.  
Arnold.  
Lubeck.  
Chron.  
Mont. Sever.  
Gobelin.  
Chron. Co-  
lon.  
Chron. M.  
Belg.  
Henricus  
Leo, cum  
sepius cita-  
tus non  
comparat,  
ut hostis  
Imperii  
condemna-  
tur.

Incidit Episcopatus ejus in difficilima & conturbata Saxoniarum tempora, quæ Episcopos Saxoniarum ex diffidio belloque adversus Henricum Leonem implicuere. Imperator postquam Heriboli Natalitia Christi peregerat, Wormatiam concessit ad conventum Principum, qui per octavam Epiphaniæ indictus erat, ad dissidentes inter se Coloniensem Archiepiscopum & Henricum Leonem componendos. Et cum omnes Principes Imperatorem sollicitarent, ut jus diceret, multique accusationibus adversus Leonem implerent aures Imperatoris; Leo non minus Imperatori, quam causæ suæ diffusus, vadium deservit. Quo haud leviter offensi Principes; quod Cæsaris & Comitiorum auctoritatem spretam dicerent. Cæsar ne quid præcipitaret, Magdenburgi comitia indicit, ad quæ Leo postulatus; cum nec istuc se sisteret, omnium Principum iras in se accendit; adeo ut Theodoricus Lusatiae Marchio duellum illi offerret, tam certus accusationis suæ, a Leone Slavos

in Lusatiam excitos; at cum Leo indecorum sibi reputaret, cum impari congregari, petiit per amicos copiam Cæsaris privatim conveniendi; qua impetrata, Cæsar Haldeslebiæ eam fecit; quo in congressu tam exquisitè reddita factorum suorum ratione detinuit Cæsarem, ut quinque marcarum millibus contentus esset; eam si fisco inferret multam, absolvendum; id cum negaret, obtenderetque graviores esse, quam ut solvendo sit, re infecta discessit; nescius tempori cedere, & modica jactura magna rerum momenta lucrari. Rursus igitur prorogato judicio jussus est tertium se Goslaræ sistere in conventu Principum, ad dicendam causam, & cum illuc quoque aspernaretur accedere, judicio Principum proscriptus est, decretaque in eum tanquam contumacem, & publicum Reipublicæ hostem expeditio, quam prius sumpsit Philippus Colonienfis Archiepiscopus.

Is omnes Ecclesiæ suæ clientes, vicinos Duces ac Comites excivit ad ar-

Movet in  
illum Phi-  
lippus Ar-  
chiep. Co-  
lon.

ma

Episcopus  
Halberstad.  
Ducem a  
communio-  
ne fidelium  
segregat.  
Archiep.  
Magdenb.  
Ducis ter-  
ras hostili-  
ter invadit.

Comes Lip-  
piensis con-  
figit cum  
Teclenbur-  
gico, cete-  
risque West-  
phalis, eos-  
que devin-  
cit.

ma. Accessere Godefridus Dux Brabantiae, Philippus Flandriae, Otto Gelriae, Theodoricus Cliviae, Wilhelmus Juliae, Gerhardus Arae, Henricus Seinae, Engelbertus Montium, Everhardus Altenae, Simon Teclenburgi Comites; quorum alii submissis copiis, alii sui militis ductores affectati Archiepiscopum, proscripti Ducis terram intravere, praedis, incendiis, & caedibus infesti. Multa etiam sacrilege perpetrata refert Arnoldus Lubecensis, exustas Ecclesias, everfa Coenobia, raptas ad libidinem Sanctimoniales. Haec dum per Westphalam agerentur, Udalricus Halberstadiensis Episcopus per omnes Ducis regiones sacrorum usum interdicat, Ducemque anathematis sententia percutit; at ille, qua erat religione in Deum, ad Episcopi pedes provolutus, reddita factorum suorum ratione, a vinculo anathematis absolvitur. Interim Wigmannus Magdenburgensis Archiepiscopus, haud secus quam Colonienfis, ope Principum Orientalis Saxoniae Ducis castra oppugnat. Ipse Dux conversis in Hassiam armis Ludovicum Hassiae Landgravium, Bernardum Ducem, & Hermannum Palatinum, Widekindum Waldecensem Comites praelio superat, captosque cum 400 millibus abducit: Bernardus Dux fuga elapsus: direptum Northusium & Mulhusium, ceteraque circum oppida. Cognita vero irruptione in Westphalam facta, mittit Dux bellicosos Comites, Adolphum Schawenburgicum, Guncelinum Suerinensem, Bernardum Raceburgicum, Bernardum Welpensem, Ludolphum & Wilbrandum Halremundios fratres, Widekindum Dynastam de Rhede ad Amasin, copiis validis instructos. Horum Dux a Leone praestitutus erat Bernardus de Lippia, militum fortissimus. Jam Colonienfis Archiepiscopus, accepto fidei Sacramento, a Westphalia Ducatu recesserat ad Rhenum, relicto Simone Teclenburgico Comite, Hermannos Ravensbergico, Widekindo Sualenbergico cum Henrico Comitis Arensbergensis filio, ad tutelam Westphalam adversus Ducis conatum. At postquam Bernardus de Lippia, ceterique Ducis praefecti didicere Archiepiscopum, Westphaliae securum, cum parte exercitus recessisse; movere in Simonem Teclenburgicum, ceterosque ab eo

ad tutelam Westphaliae relictos. Nec segnius illi copias contrahunt; concursumque ab utroque exercitu ad Haresfeldiam haud procul Osnabrugo. Pugnatum acerrime: victi ad extremum Westphali: captus Teclenburgicus, & catenis vinctus, ad Leonem protractus. Is quia post in fidem Ducis se dedit, desertis turpiter sociorum armis, mox vinculis absolutus est; contra Schawenburgicus, quod capti a se milites reposcerentur, a Duce defecit, eoque tota Transalbiana regione ejectus est. Lippiensis hac victoria insolens, omnia circa Susatum vastat, ac festo Apostolorum Simonis ac Judae Medebecam Oppidum in cineres vertit, plura illaturus damna, nisi a Leone cum Widekindo Rhedano in Orientalem Saxoniam evocatus fuisset.

Jam cui ea par malorum facies ex conspiratione Principum adversus Leonem? quam magnopere deplorat Lubecensis Abbas, ab Episcopis ceptam inflammataque. Dux horum Wigmannus Magdenburgensis Archiepiscopus, cujus auctoritati subnixi Principes ceteri. Et quia Udalricus Halberstadiensis, licet paulo ante reconciliatus duci, arma resumpserat; aususque rursus erat Halberstadio & Horneburgo infesto milite excurrere, provincias Ducis villasque exurere, captivos abducere; Ducis praefecti copiis Halberstadium intercipiunt, & clausa urbe cives & Episcopum cum praesidiario milite in potestatem accipiunt. Cives ex ira Ducis veriti incendium, in omnibus aedibus extinxere ignem; quem dum miles quidam occultatum reperit, casae injicit; quo tamen longius serpente, tota urbs deflagavit. Fatali hoc incendio Basilica D. Stephani, ac templa omnia cum Coenobiis in vivum bustum confedere. Flammis simul absumpti tres Canonici Cathedralis Collegii Sacerdotes, ac studiosi literarum complures, cives ac foeminae plus quam mille. Episcopus aegre flammis ereptus, cum multis civibus captivus abducitur, redditusque libertati haud multo post senex extinguitur. Per haec tamen arcta obsidione premebat Haldeslebam, Ducis Oppidum, medias inter paludes natura loci triplicique vallo ac muro praemunitum. Admotae omnis generis machinae artesque

Halberstadium cap-  
tum & ex-  
astam.

Haldesleba  
obsidetur.



que militum, qui adstrictis ad calceos tamen in cassum erant, castrum acerrime propugnante Bernardo Comite nostro Lippiensi.

## Annus Christi 1180.

Alexandri III Pont. 21. Friderici I Reg. 29. Imper. 26.

Sifridi Ep. Pad. 2.

Verterat interim annus MCLXXX, quo Imperator post celebratum Herbipoli Natalem Christi Diem, conventum Principum festo Epiphaniæ agebat; sub quod tempus accessere duo Cardinales ab Alexandro Pontifice missi ad Imperatorem rogatum, vellet mitius agere cum Henrico Duce Saxoniae. Eadem Angliæ & Franciæ Regum Legati postulabant; quibus responsum ab Imperatore, ducem toties postulatam eadem semper pertinacia aspernari judicium Principum ac Cæsaris, ferociusque in præsens agere, quam imperii majestas ferre possit; ne tamen querelæ cuiusque locus esset, indicturum se Geilhusii Principum comitia. Ea medio Quadragesimæ frequentia Episcoporum ceterorumque Principum celeberrima fuere. Tum vero, quia postulatus Dux rursus pervicax comitia aspernatur, extrema sententia a Cæsare & Principibus pronunciata, & laceratio provinciarum facta est; cessitque Philippo Colonienfi Westphalia & Angaria, dono simul & pretio, quod in vetustis chartis repertum numerasse Philippum Colonensem Archiepiscopum 50000 marcarum puri argenti. Ducatus Saxoniae Bernardo Anhaltino, Bavariæ Ottoni Wittelsbachio, ob egregia in Imperatorem merita, datus. Inde nunc ab Ottone Wittelsbachio conditore nova stirps Borjorum Ducum deducta ad hunc diem; uti a Bernardo Lawenburgicorum Ducum: & quia cum eo simul titulus Ducis Westphaliæ & Angariæ communicatus a Friderico Imperatore, posterius ejus stirpis hunc etiamnum præferunt, Sigefrido Bremensi Archiepiscopo, Bernardi Anhaltini Ducis fratri, Stada & comitatus Stadenfis redditus. Ad hunc modum omnia, quæ dux clientelari beneficio Cæsaris tenebat, impertita aliis; quod equi Westphalici ab Imperatore dilacerati schemate repræsentant passim nostrates, fide magis vulgari quam certa.

Nos modo certiora proferamus ex imperatorio diplomate, quo Ducatus Westphaliæ & Angariæ Colonienfi datus, aureoque sigillo consignatus fuit; ex eo enim cum præsentibus Episcopis ac Principibus in hoc conventu, & delicta ducis, ob quæ Provinciis exutus est, & ampla Episcopi Paderbornensis jurisdictio sacra, ceteraque plenius cognoscantur, juvat hoc loco producere.

Ducatus Westphaliæ & Angariæ cedit Archiep. Colon.

*In nomine sanctæ & individue Trinitatis. Fridericus divina favente clementia Romanorum Imperator Augustus. Quoniam humana labilis est memoria, & turbæ rerum non sufficit, prædecessorum ætatis nostræ Divorum Imperatorum & Regum decrevit auctoritas literis annotare, quæ fluentium temporum antiquitas a notitia hominum consuevit alienare. Proinde tam præsentium quam & futurorum imperii fidelium noverit universitas, qualiter Henricus quondam Dux Bavariæ & Westphaliæ, eo quod Ecclesiarum Dei & nobilium imperii libertatem possessiones eorum occupando, & jura eorum imminuendo graviter oppresserit, ex instanti Principum querimonia & nobilium plurimorum, quia citatione vocatus majestati nostræ præsentari contempserit, & pro hac contumacia Principum, & suæ conditionis Suevorum proscriptionis nostræ inciderit sententiam, deinde quoniam in Ecclesias Dei & Principum, & nobilium jure & libertate grassari non destiterit, tam pro illorum injuria, quam pro multiplici contemptu nobis exhibito, ac præcipue pro evidenti reatu majestatis sub feudali jure legitimo trino edicto ad nostram citatus audientiam, eo quod se absentasset, nec aliquem pro se misisset Responsalem, contumax judicatus est, ac proinde tam Ducatus Bavariæ, quam Westphaliæ, & Angariæ quam etiam universa, quæ ab imperio tenuerit beneficia, per unanimum Principum sententiam in solemnibus curia Wirzburg celebrata, & abjudicata sunt, nostroque juri addicta & potestati.*

FFFF 2

Godefr. Arnold. Lubec. Chr. Mon. Seren. Brouwer. lib. 4. Antiq. Fuld. Granz.

Henrico Leoni pers. tinaci provinciarum ablata dantur alia.

testati. Nos itaque habita cum Principibus deliberatione, communi ipsorum consilio ducatum, qui dicitur Westphaliae & Angariae in duo divisimus, & consideratione meritorum, quibus dilectus Princeps noster Philippus Coloniensis Archiepiscopus ob honorem Imperialis coronae promovendae & manutenendae, nec rerum dispendia, nec personae formidans pericula, gratiae imperialis promeruit privilegium, unam partem, eam videlicet, quae in Episcopatum Coloniensem, & per totum Episcopatum Patherburnensem praetendebatur, cum omni jure & jurisdictione, videlicet cum comitatibus, cum Advocatiis, cum conductibus, cum mansis, cum curtibus, cum beneficiis, cum ministerialibus, cum mancipiis, & cum omnibus ad eundem Ducatum pertinentibus Ecclesiae Coloniensi legitimo donationis titulo imperialia liberalitate contulimus, & requisita a Principibus sententia, an id fieri liceret, adjudicata & communi Principum & totius curiae assensu approbata, accedente quoque publico consensu dilecti consanguinei nostri Ducis Bernardi, cui reliquam partem ducatus concessimus, praememoratum Archiepiscopum Philippum portione illa Ducatus suae collata Ecclesiae vexillo imperiali solemniter investimus. Hanc igitur legitimam nostrae majestatis donationem, & investituram Coloniensi Ecclesiae, & saepedicto Principi nostro Philippo Archiepiscopo, omnibusque suis Successoribus confirmamus, & in omne posteritatis aevum eis ratam permanere volentes, ne quis eam ausu temerario infringere, vel quolibet modo violare attemptaverit, imperiali edicto inhibemus, & hanc nostram constitutionem praesenti privilegio aurea excellentiae nostrae bulla insignito corroboramus, authentice testibus annotatis, qui huic facto interfuerunt; Sunt autem hi Arnoldus Trevirensis Archiepiscopus, Wigmannus Magdenburgensis Archiepiscopus, Sifridus Bremensis Electus, Conradus Wormatiensis Episcopus, Rudolphus Leodiensis Episcopus, Bertramus Metensis Episcopus, Arnoldus Osnabrugensis Episcopus, Conradus Abbas Fuldensis, Adolphus Abbas Hersfeldensis, Lotharius Praepositus Bunnensis, Ludovicus Palatinus Saxoniae & Landgravius Thuringiae, Bernardus Dux Westphaliae & Angariae, Godefridus Dux

Lotharingiae, Fridericus Dux Sueviae, Otto Marchio de Brandenburg, Theodoricus Marchio de Lusitz, Dedo Comes de Greix, Sifridus Comes de Orlamunde, Robertus Comes de Nassow, Emicho Comes de Lunningen, Engelbertus Comes de Monte, Theodoricus Comes de Hostaden, Gerardus Comes de Nurbec, Henricus Comes de Arinsken, Hermannus Comes de Ravensberg, Henricus Comes de Kucz, Wernerus Comes de Wittinistein, Widekindus de Waldeck, Fridericus de Anfurde (Steinfurde) Hartmannus de Buttingen, Wernerus de Bulande, Conradus Pincerna, Henricus Marefcalcus de Pappenheim, Sibodo de Greix, Camerarius & alii quam plures.

Signum Domini Friderici Romanorum Imperatoris invictissimi

Ego Godefridus Imperialis aulae Cancellarius recognovi. Acta sunt haec Anno Dominicae Incarnationis 1180. Indictione 13. regnante Domino Friderico Romanorum Imperatore invictissimo, anno ejus regni 29. imperii vero 26 feliciter Amen.

Tandem igitur post comitiorum tonitrua adversus Leonem, duplici superiori anno victoria exultantem, hoc ipso anno fulmen belli confectum, quo Dux ex omnibus suis per Saxoniam provinciis dejectus est. Quam in rem Fridericus Imperator ex omni Germania eduxit instructissimum exercitum mense Julio in Saxoniam, insigni multorum Episcoporum, Principum, Marchionum & procerum comitatu: quorum adventu cognito, Saxonia pene omnis exterrita, ab Henrico Duce defecit ad Caesarem; multi que etiam clientes castrorumque praefecti, Henricus de Witho, Lupoldus de Hertzburg, Ludolphus de Peina, ceterique a puero cum ipso enutriti a Duce descivere: ultroque in potestatem Caesaris venire castra Hertzburgum, Levenburgum, Blanckenburgum, Ragensteinium, aliaque primi imperus spolia; unicum cum obsisteret Lienthenbergium, intra paucos dies expugnatum est. Tum vero Hartzburgum in monte castrum haud procul Goslaria, Henrici IV. Imperatoris perfugio, & tot Saxonum expugnationibus celebre, a Friderico Imperatore instauratum praemunitumque.

Accessit per id tempus ad castra Cæsaris Philippus Colonienſis Archiepiſcopus cum exercitu ad Rhenum per Weſtphaliā contracto, multique cum eo Epiſcopi; quos inter & Siſfridus Epiſcopus noſter Paderbornenſis fuit. At Cæſar cum jam, profugo Leone in Tranſalbianas regiones, Bernardum Ducem Saxoniz Orientali impoſuiſſet, abrupto tantisper victoriæ curſu, in Bavariā properavit, rediturus ad feſtum S. Martini; quo delatus Ottonem Wittelesbachium ſolemni ritu Ratiſbonæ inauguratum Boiſ Ducem præfecit. Fatalis Leoni annus, quo triplici Ducatu ſpoliatus, vidit tres alios in poſſeſſionem ſuarum provinciarum venire.

Inter hæc Philippus Colonienſis Archiepiſcopus, a Cæſare in Saxonia relictus, Brunſwicum, hæreditariam Ducis ſedem, urbemque muniſſimam, ſuſcepit expugnandam. Qua in obſidione cum ad eum accederet Corbejenſis Abbas, queſtus de damnis ſuperiori, ut diximus, anno illatis Corbejenſibus, Archiepiſcopus, libera per telonium ſuum tranſvectione large illa compenſavit; id quod hæ tabulæ in caſtris ad Brunſwicum datæ teſtantur, quas operæ pretium habuimus hic interponere, ut ex his intelligatur, quoniam ſimul Epiſcopi, & Principes Imperii ad hanc expeditionem Saxoniam convenerint.

In nomine ſanctæ & individuz Trinitatis, Philippus ſanctæ Colonienſis Eccleſiæ Archiepiſcopus, univerſis Chriſti fidelibus tam futuris quam præſentibus in perpetuum. Quoniam ex Werra Saxonica, quam nos pro multa neceſſitate Colonienſi Eccleſiæ contra ſcervitiā Domini Henrici de Brunſwich aggreſſi ſumus, Eccleſia Corbejenſis ab exercitu noſtro multa in ſtipendiis fratrum incommoda, & non modicam rerum ſuarum pertulit deſtationem, placuit nobis & ſalutare viſum eſt, aliquam eidem Eccleſiæ damnorum ſuorum conferre reſtaurationem. Noverit itaque univerſitas Chriſti fidelium tam futurorum quam præſentium, quod præſatæ Eccleſiæ fratribus theloneum Nuffienſe in perpetuum condonavimus, ita ut ipſi annuatim in vino ſuo deducendo

immunes ſint ab hoc theloneo. Cum ergo vita hominum brevis, memoria labilis ſit, ne quis tam pium & rationabile factum demoliri poſſit in poſterum, præſentem inde paginam conſcribi, & ſigilli noſtri impreſſione communiſſi juiſſimus, ſub horrendi anathematis interminatione diſtrictè præcipientes, ne aliquis hoc apud nos piæ devotionis intuitu actum in irritum reducat, vel huius rei violator exiſtat. Teſtes huius rei ſunt Arnoldus Trevirenſis Archiepiſcopus, Atbelogus Hildeſienſis Epiſcopus, Siſfridus Paderbornenſis Epiſcopus, Herimannus Monafterienſis Epiſcopus, Arnoldus Oſnabrugenſis Epiſcopus, Anno Mindenſis Epiſcopus, Lotharius Buſmenſis Præpoſitus, Volricus Reſſen Præpoſitus, Bernardus Suſcaciens Præpoſitus, Theodoricus Comes de Hoſtadin, Otto frater ejus, Hermannus Comes de Ravensberg, Albertus Comes de Everſtein, Widekindus de Waldekke, Fratres de Hallermunt, Ludolfus & Wilbrandus, Fratres de Daſle, Ludolfus & Adolfus, Henricus de Lippia, Conradus de Sconinberg, Reinerus de Froizprecht, Henricus de Vore, Rodolfus de Steinvorde, Fratres de Voldeſteine, Henricus & Gerardus: Godeſcalcus de Padberg, Hermannus Scultetus Suſaciens, Gozwinus de Altina, & alii quamplures. Acta ſunt hæc Domini Incarnationis Anno MCLXXX. Indictione \* - - -, regnante Frithrico glorioſiſſimo Romanorum Imperatore Auguſto. Data in expeditione Saxonica prope Brunſwich IV. Idus Auguſti.

Ex hiſce literis, nunquam hætenus prolatis in lucem, ſimul refellas Scriptores, qui paſſim hanc expeditionem adverſus Henricum Leonem in ſequentem annum rejiciunt. Rectius nobiſcum ſentiunt Scriptores Chronici Montis Sereni, & Pegaviens. Ceterum cum Archiepiſcopus omnibus viribus oppugnationi inſiſteret, Brunſwicum poſt duorum menſium obſidionem circa Calend. Septembris deditum, in poteſtatem ac fidem Cæsaris accipit. Leo interim cum Saxoniam amiſſam deſperatamque videret, Lubecam, Stadam, ceteraque caſtra præmunit, tanquam in iis Saxoniam Tranſalbianam deſenſurus.

Annus

Philippus Archiep. Colon. in obſidione Brunſwici illata Corbejenſi damna telonii Nuffienſis conceſſione compenſat.

\* 13.

## Annus Christi 1181.

Alexandri III. Pont. 22. Friderici I Reg. 30. Imp. 27.  
Sifridi Ep. Pad. 3.

Arnold.  
Lubecenf.  
lib. 2. c. 34.  
Chr. Mens.  
Sereni.  
Chr. Pegau.

*At vero Imperator*, quod Arnoldus Lubecensis Abbas scribit, *proxima æstate totis rursus viribus infusus in Saxoniam*; quæ altera in Leonem expeditio fuit, & trans Albim sumpta. Ac ne a tergo relinqueret hostes, ex insidiis incurfuros; Philippum Coloniensem Archiepiscopum cum ceterorum Episcoporum copiis iussit servare Brunswicum urbem, castris circa urbem positis, ad quæ hoc anno Episcopi cum suis copiis redire; quantum id ex Gerhardi Stederbergensis Præpositi historia colligas. Cæsar inde Bernardum Ducem, ac fratrem ejus Ottonem, Marchionem Brandenburgensem, cum aliis Orientalis Saxonie Principibus Bardewici consistere voluit, & Luneburgum castrum, quod Ducis conjugii relictum ab Imperatore, circumpositis militum stationibus claudere; ipse autem cum robore exercitus Suevorum & Bavarorum ad Albim movit, trahens secum in comitatu Wichmannum Magdenburgensem Archiepiscopum, Bambergensem Episcopum, Abbatem Fuldensensem, Corbejensem, & Hersveldensem. Sub idem tempus Leo Dux Lubecam se receperat; quam urbem postquam turribus, fossis, muro, atque omni machinarum genere præmunierat, Raceburgum concesserat, cetera per ejus regionem castra firmaturus. Ibi dum per advolantes nuncios intelligit Cæsarem appropinquare, correpta navi indignabundus secundo Albis cursu Stadam se recipit. Cæsar, transmissis per Albim exercitu, castra Lubecæ expugnandæ admovet, nihil territus munito, in quo Simon Comes Teclenburgicus, Hermannus Comes Aldenburgicus, & Hermannus Comes Welpus bellaces viri cum selecto Holfatorum militum præsidio relictæ erant. Nec minor civium multitudo novum illud emporium mari assitum impleverat, quorum armis maxime confiderat Dux. At Cæsar, ut mari simul premeret, evocarat Waldemarum Danie Regem, qui classe in ostium Trabenæ invectus, constitit ad urbem: ipse terra aggressus brevi in eas angustias con-

Cæsar Lubecam obsidet & ad deditionem cogit.

jecit cives, ut missis Henrico Episcopo suo, viro sanctissimo, ad Imperatorem, denunciarent, hanc urbem a se recens adversus barbaros Sclavos cultam præmunitamque esse Ducis beneficio, in cujus fide ideo persisteret; is vero si cives suos servare non posset, aut Imperatori urbem tradi vellet, paratos se ad deditionem esse. Quam in rem permissus Guncelinus Comes voluntatem Ducis exquirere; qua impetrata, non prius tamen cives se dedere, quam sibi Imperator prima urbis privilegia, & libertatem secundum jura Susatæ permitteret; quod nomen alii secundum jura Sufatenium in Westphalia, alii verisimilius Holfatorum accipiunt. Dedita in hunc modum urbe, Imperator cives privilegiis auxit, liberamque Imperii urbem renunciavit, quo constantius in fide Imperatoris & christianæ religionis persisteret. Sed ea urbs quantum olim præsidium christianæ religionis adversus barbaros Sclavos, tantum nunc hæresis patrocinium, ejectis præcæ religionis Sacerdotibus ex Ecclesiis & Cœnobiis, immemor quam religionem Wicelinus noster, quam tot sancti Episcopi, Sacerdotes ac Monachi in Sclaviam illam Occidentalem introduxerunt, servaruntque ad Lutheri tempora. Sane Fridericus Imperator Henricum Lubecensem Episcopum, qui post Geroldum & Conradum tertius eorum Episcopus subrogatus erat, ob famam sanctitatis, & miraculorum adeo veneratus est, ut medicum illi suum, dum febri affligeretur, submisserit: ea videlicet sollicitudine qua Carolus M. Sturnium olim Abbatem Eresburgi laborantem complexus, medicum illi suum adesse voluit.

Expugnata Lubeca, Cæsar totam Transalbianam regionem Holfatiamque in fidem accepit: Adolphum Holfatæ Comitem multis privilegiis bonisque cumulavit: nihilque simul impensius habuit, quam ut Episcoporum, Collegiorum, Canonicorum & Cœnobiolorum jura & possessiones firmaret, augeretque. Dux interim Stadæ se con-

continebat, in extremo Saxoniae angulo, Oppidoque Episcopatus Bremensis, ut munierat, firmissimo; & si casus obsidionis urgeret, certus erat conscensa navi se per mare subtrahere in Angliam.

Henricus  
Leo, Imperator  
supplex, in gratiam  
& quasdam  
provincias  
restitui ro-  
gat.

At Cæsar reducto per Albim exercitu, castra sua circa Lunenburgum metatus confedit. Quo comperto, Henricus Dux, cum se omnibus provinciis & munitionibus nudatum circumspiceret, posito tandem fastu, per amicos liberum ad Imperatorem accessum petiit; eoque impetrato, Lunenburgum venit; atque ut Imperatoris animum mitigaret, Ludovicum Landgravium, & Hermannum fratrem Palatinum, quos captivos tenebat, liberos ad Imperatorem præmisit, coramque in gratiam recipi oravit. Imperator vero cum diceret id in sua potestate non esse, jussus est Quidlenburgi in conventu Principum se sistere: eo quoque accessit Dux; verum cum istic, lite inter ipsum & Bernardum Ducem coorta, per seditionem omnia miscerentur, jussus est Erfordiae in comitio Principum causam dicere. Inter hæc Philippus Colonienfis Archiepiscopus imploratus a Sifrido Bremenfi Archiepiscopo, cum exercitu Westphalico Stadam pro voluntate Imperatoris expugnat, reddiditque cum toto comitatu tandem Bremenfi Archiepiscopo, acceptis trecentis argenti marcis, quæ ex pacto expensarum bellicarum convenerant. Ea expeditione Colonienfis cetera quoque castra Adolpho Holfatiæ Comiti, & Bernardo Comiti restituta sunt. Jam Duci nihil ex omnibus inferioris Saxoniae urbibus & castris supererat præter Lunenburgum, quod honori conjugis, obtendentis ex eo hæreditatem & vitæ subsidium, Cæsaris gratia relictum erat.

Ad hæc extrema Dux miser compulsum, Erfurtum ad præscripta Principum comitia venit, provolutusque ad pedes Cæsaris clementiam appellat; quem Cæsar obortis lacrymis, misertus casum e terra levat: & cum restitui in pristinam aliquam fortunæ partem supplex peteret, Cæsar bene sperare jussit; in præsens vero sententiam Principum inmutabilem esse oportere. Quare cederet tantisper iræ Principum,

& triennium exul in Angliam iret; Brunswicum interim & Lunenburgum cum hæreditariis possessionibus illi, ubique terrarum foret, mansura integra. Ad hunc modum fortunatissimus ac potentissimus Germaniæ Dux, memorabile humanarum rerum spectaculum, cum uxore & tribus liberis, Henrico, Lothario, & Ottone in Angliam ad Regem generum suum exul abiit; ubi quartum illi filium Wilhelmum, tot exinde clarissimorum Brunswicensium & Lunenburgensium Ducum genitorem, Mathildis conjux peperit.

Quæ dum agerentur hoc anno, adhuc Hadeslebia Oppidum in Orientali Saxonia manebat in fide Leonis; constantia nimirum Bernardi Lippiensis Comitis, quem Dux præfectum imposuerat, virum ea tempestate bellicosissimum. Cœperat anno superiori oppugnare Wichmannus Magdenburgensis Archiepiscopus, labenteque Ducis fortuna, resumpta hoc anno obsidio, datumque opus Ottoni Misenfium Marchioni. Ejus machinamenta cum eluderet Lippiensis, implorata auxilia Philippi Colonienfis Archiepiscopi. Accessit is cum quatuor loricarum millibus, tanquam momento rem confecturus; sed & hujus omnes conatus cassi fuere. Jam de solvenda rursus obsidione contilia agitabantur, eo quod locus inter paludes & circumfusas undique aquas inexpugnabilis se objiceret; duo quippe fluvii, Ora & Bivera Oppidum utrimque complexi, superfusis late paludibus, ab omni circum accessu prohibebant: frustra etiam navibus milite impletis, omnibusque machinis, quæ ingenio militari reperiri poterant, admotis. Sed hæc ipsa res, quæ hactenus præsidio fuerat, perniciem tandem attulit; observatum enim binos hosce fluvios intra circumposita collium iuga confluere, & his si agger objiceretur, restagnante circum aqua Oppidum immergi posse. Id opus intra tres menses & duas hebdomadas peractum; objectaque aggeris aqua supra valla & muros efferrè vasa. Quo nunciato, redire Archiepiscopi ad eventum rei spectandum. Et jam aquæ totum Oppidum impleverant, ascenderantque supra contabulationes ædium, cum Lippiensis Comes miserati-

Hadeslebia  
diu oppu-  
gnata tan-  
dem se des-  
dit.

one

one civium permotus de Oppidi dedicatione pacisci tandem coepit; impetrataque libera abeundi securitate, Oppidum Archiepiscopo tradit, quod ille funditus evertit.

Comes Lippien-  
sis bonis suis  
exiit.

Verum Lippienfis post eadem, qua Dux, calamitate involutus, omnibus feudis ac bonis, quæ aut parens ejus Lotharii Cæsaris donatione, aut ipse Leonis & Episcoporum beneficio acceperat, Friderici Imperatoris sententia exutus. Cessit Annoni Mindenfi, Arnolfo Osnabrugensi; Episcopis, Hermannoque Ravensburgii Comiti, quidquid in vicino Angariæ Ducatu dederat Leo; indeque ipsa Angariæ arx, vetus Widekindi patrimonium, creditur obvenisse Ravensbergico. Hermannus Monasteriensis Episcopus Sassenbergam castrum & Satrapiam repetiit. Quidquid ultra Luppiani fluvium possederat, aut intra Ambram continetur, divisum inter Coloniensem & Paderbornensem, Episcopos. Qua deinde rerum conversione Bernardus, Westphaliæ nostræ decus, ad fortunas pristinas redierit; deinde per contemtionem rerum humanarum Monachi Cisterciensis habitum induerit in Monasterio Mariæfeldensis diocesis Monasteriensis; ac demum in Livoniam Apostolico Spiritu profectus Sacerdos, ac Leahalhensis Episcopus sit consecratus, tempori memorandum erit.

Hæc scena fortunæ in Leone & Bernardo; quæ eo admirabilior in Leone, quo ex altiori rerum humanarum fastigio deturbatus fuit, projectusque extra Saxoniam in alienum regnum. Causas supra deduxi, satisque ipse Cæsar in diplomate Colonienfi patefecit. Nam præter contumaciam contemptumque Cæsaris, qua toties postulatus ad dicendam causam asper-

natus est Principum & Cæsaris auctoritatem, odium in Episcopos; quos Leo bonis, quibus a Carolo M. ceterisque Imperatoribus ac Regibus Christianis dotati erant, spoliatos, meditabatur ad pristinam inopiam redigere. Instituerat ille quidem tres Episcopatus in Sclavia; sed eos tam tenuibus proventibus dotarat, ut, cum a Conrado Lubecensi Episcopo juramentum fidei posceret, libera hic voce responderit, stipem illam non mereri juramentum. Interim a prioribus Episcopis per Sclaviam, tanquam magnus conditor & Imperator, juramentum fidei exegerat; ausus aliquando scribere ad Coloniensem Archiepiscopum, ne se lacefferet, cujus ab Oceano ad Rhenum usque tanta provinciarum amplitudo & potentia esset, ut sagittam per Rhenum in ipsius diocesim projicere liceat. Sed hanc sagittam reflexit Colonienfis in Ducem, primumque ruinæ impetum dedit; exutusque ille ab Episcopis est tot provinciis & bonis, cui omne consilium erat Episcopos bonis privare: salubri etiam ad Reges & Principes exemplo, metuque, ne Deus aut fortunas evertat, aut familias eorum extinguat, qui tot per Saxoniam Episcopatus a Carolo M. & tot Divis Imperatoribus conditos dotatosque extinxere.

Clausit hunc annum morte sua 12 Kal. Oct. Alexander III Pontifex, vir acer & constans, qui haud secus quam Gregorius VII adversus Henricum IV Imperatorem schismaticum, per xxii prope annos columna fuit Ecclesiæ adversus Fridericum Imperatorem & tres ejus Pseudopontifices a Friderico Imp. oberusos. Subrogatus Alexandro Lucius Pontifex, vir ætate ac sapientia gravis:

Obit Alexander Pontifex, cui subrogatur Lucius III. Baron. Sigon.

## Annus Christi 1182.

Lucii III. Pont. 1. Friderici I. Reg. 31. Imp. 28.

Sifridi Ep. Pad. 4

Godofrid.

Ejecto extra provincias suas Henrico Duce, post sexennii bellum quievit Saxonia & Germania; præclarumque Imperatoris negotium fuit, pacem in Imperio firmare. Quam in rem per festos Pentecostes dies solemnem Moguntiz Principum conven-

tum habuit; ad quem præter alios convenere Philippus Colonienfis Archiepiscopus, Hermannus Monasteriensis, Ulricus Spirensis, Conradus Abbas Fuldensis, Fridericus Dux Sueviæ, Conradus Comes Palatinus Rheni, ceterique Episcopi ac Principes, quod

Zilesius in diplom. S. Maximini Monaster.

in



in Friderici Imperatoris diplomate, quo Monasterio S. Maximini in suburbio Trevirensi omnia Imperatoria privilegia bonaque hoc anno Moguntiae rata habet, proditum est. Aduere & Legati Regis Angliae, pro Henrico

Leone genero atque exule orantes hereditariae possessionis redditus ad decorem Principis vitam exornandam; & promissi quidem illi, sed exilium Principum sententia repetitum.

## Annus Christi 1183.

Lucii III Pont. 2. Friderici I. Reg. 32. Imp. 29.  
Sifridi Ep. Pad. 5.

Lucius  
Pont. bona  
& privilegia  
Monasterii  
Wilbaccensis  
confirmat.

Lucius Pontifex eo nomine III, qua erat beneficentia in clerum, & omnes religiosorum ordines, inter alia hoc anno rogatu Henrici Mariae Monasterii apud nos Abbatis, Wilbaccensi Cenobio diocesis nostrae omnia privilegia ac bona Apostolica auctoritate communita in hunc modum renovando, bene de nostra Diocesi mereri studuit.

Lucius Episcopus Servus servorum Dei, dilecto filio Henrico Abbati & Sanctimonialibus Monasterii Wilbodeffen, tam praesentibus quam futuris monasticam vitam professis in perpetuum. Effectum iuxta postulantibus indulgere, & rigor aequitatis, & ordo exigit rationis, praesertim cum petentium voluntas & pietas adjuvat, & veritas non relinquit. Eapropter Dilecte in Domino filiae vestris postulationibus clementer annuimus, & Monasterium vestrum, in quo divino mancipata estis obsequio sub Beati Petri & nostra protectione suscipimus, & praesentis scripti privilegio communimus. Inprimis siquidem statuentes, ut ordo monasticus, qui secundum Deum & beati Benedicti regulam in eodem Monasterio constitutus esse dinoscitur, perpetuis ibi temporibus inviolabiliter observetur. Praeterea quascunque possessiones, quaecunque bona ibidem Monasterium in posterum iuste & canonice possidet, aut in futurum concessione Pontificum, largitione Regum vel Principum, oblatione fidelium, seu aliis iustis modis praestante Domino poterit adipisci, firma vobis vestrisque Successoribus & illibata permaneant; in quibus haec propriis duximus exprimenda vocabulis, Wilbodeffen, Watervelde, Trevere, Alride, Ossenthorp, Hemelhusen, Rocethehusen, Northen, Wellethe, Ilrenhusen, item Northen, Histinche, Wetere, Hatesbattessen, Volmarsen,


Gunterfen, Adenen, Otthehem, Honrothem, Overethe, curtem in Suthem, & decimam super eandem villam, Esnethe, Gheveburche, Limgo, Winnethe, decimam in Eddeffen, decimam in Hathburgusen, decimam in Richersen, decimam in Harderenssen, Sundram in Hornen, domum infra muros civitatis Patherburn, & quinque areas, & iuxta civitatem tres mansos, & dimidium Sidechodeffen, Haren. Item in Alriden duos mansos, decimam omnium novallium nostrorum, & omnes decimas in terminis decimarum vestrarum. Cum autem generale interdictum fuit, liceat vobis clausis januis, exclusis excommunicatis & interdictis, non pulsatis campanis, suppressa voce, divina officia celebrare. Sepulturam quoque loci istius liberam esse concedimus, ut eorum devotioni & extremae voluntati, qui se illic sepeliri deliberaverint, nisi excommunicati sint vel interdicti, nullus obstat, salva tamen iustitia illarum Ecclesiarum, a quibus mortuorum corpora assumuntur. Obeunte vero te nunc ejusdem loci Abbate, vel tuorum quolibet Successorum nullus ibi qualibet subjectionis astutia seu violentia praepo- natur, nisi quem Sorores communi consensu, vel pars consilii junioris secundum Dei timorem & D. Benedicti regulam providerint eligendum. Decernimus ergo ut nulli omnino hominum liceat praefatam Ecclesiam perturbare, aut ejus possessiones auferre, vel ablatas retinere, minuire, seu quibuslibet vexationibus fatigare, sed omnia integra conserventur, eorum, pro quorum sustentatione ac gubernatione concessa sunt usibus omnimodis profutura, salva sedis Apostolicae auctoritate, & diocesani Episcopi canonica iustitia. Si qua igitur in futurum Ecclesiastica secularisve persona hanc nostrae constitutionis paginam sciens contra eam temere venire tentaverit, & secundo tertiove commo-  
nita,

G g g g

nita, nisi præsumptionem suam digna satisfactione correxerit, potestatis honorisque sui dignitate careat, reamque se divino iudicio existere de perpetrata iniquitate cognoscat, & a sacratissimo corpore ac sanguine Dei Redemptoris nostri JESU Christi aliena fiat, atque in ex-

tremo examine districtæ ultioni subja-  
ceat. Cunctis autem eidem loco sua ju-  
ra servantibus sit pax Domini nostri  
JESU Christi, quatenus & hic fru-  
ctum bonæ actionis percipiant, & apud  
districtum judicem præmia æternæ pa-  
cis invenient. Amen.

Ego Lucius Catholicæ Ecclesiæ Episcopus.



✠ Ego Theodinus Portuensis & S. Ruffinæ Sedis Episcopus.

✠ Ego Henricus Albanensis Episcopus.

✠ Ego Gratianus SS. Cosmæ & Damiani Diaconus Cardinalis subscripsi.

✠ Ego Vivianus S. Stephani in celio Monte Presbyter Cardinalis.

✠ Ego Laborans Presbyter Cardinalis S. Mariæ trans tibur subsc.

✠ Ego Ranerius Presbyter Cardinalis SS. Johannis & Pauli tt. Pagnacii.

Datum Velletri per manum Alberti S. Romanæ Ecclesiæ Presbyteri Cardinalis & Cancellarii, III Calend. Martii Indictione I, Incarnationis Dominicæ anno MCLXXXIII, Pontificatus vero Domini Lucii Papæ III, anno secundo.

Uti & bona Collegii Bn storfiani, maxime ab Episc. Meinwerco col-  
lata.

Eadem beneficentia complexus Collegium Canonicorum Bustorfianum, donationes cum primis a Meinwerco Episcopo ac fundatore factas instaurat, tabulis in hæc verba communicatis.

Lucius Episcopus Servus servorum Dei. Dilectis filiis Præposito & Canonicis Ecclesiæ SS. Apostolorum Petri, & Andreæ in Paderburna salutem & Apostolicam benedictionem. Piæ postulatio voluntatis effectu debet prosequente compleri, quatenus & devotionis sinceritas laudabiliter enitescat, & utilitas postulata vires indubitanter assumat. Eapropter Dilecti in Domino filii vestris justis postulationibus clementer annuimus statuentes, ut quascunque possessiones, quæcunque bona eadem Ecclesia in præsentiarum juste & canonice possidet, aut in futurum concessione Pontificum, largitione Regum vel Principum, oblatione fidelium, seu aliis justis modis præstante Domino poterit adipisci, firma vobis vestrisque Successoribus & illibata permaneant. Specialiter autem possessiones honorum quæ bonæ memoriæ M. Episcopus fundator ipsius Ecclesiæ rationabiliter contulit eidem & suis literis confirmavit, tam in decimis quam in curtibus, in areis, in manci-

piis, in parrochia, quæ est super quinque villas, quarum nomina sunt hæc Aspethera, Hildelinchusen, Hassurchen, Hobensili, Asbechtinchusen, apostolica auctoritate vobis & per vos Ecclesiæ vestræ confirmamus, & præsentis scripti patrocinio communimus. Decernimus ergo, ut nulli omnino hominum liceat hanc paginam confirmationis nostræ infringere, vel ei ausu temerario contraire. Si quis autem hoc attemptare præsumpserit, indignationem Omnipotentis Dei, & Beatorum Petri & Pauli Apostolorum ejus se noverit incursurum. Datum Vellet III Calend. Junii.

Fine anni hujus Christianus Moguntinus Archiepiscopus & Metropolitanus noster, XII Calend. Decembris haud procul Roma in Italia extinguitur; quem ubi morbo depressum intellexit Lucius Pontifex, Velitris profectus, & immemor omnium injuriarum, quas Romanæ Ecclesiæ ab eo factas diximus, in schismate luctantem cum morte adiit, itaque ad extremum vitæ exitum composuit, ut Pontifici omnium suorum peccatorum confessionem faceret: postquam Pontifex ei manu sua Sacramentum corporis Christi

Bruchin.  
Cbron.  
Mogunt.  
Serrav. in  
h. 8. Mo.  
quæ anno  
1180 obiit  
consensit.  
Christianus  
Archiep.  
Mogunt.  
penitens  
in Italia  
obit; redit  
ad Ecclesi-  
am suam  
Conradus.

si porrexit, ceterisque morientium præfidiis communiit. Magna Archiepiscopi felicitas, si reputentur, quæ bello Italico vane licenterque egit, militis magis, quam Episcopi munere occupatus. Non jam quisquam requireret, cur belli adversus Leonem nulla ejus mentio, quippe qui adhuc diem pro vicario Cæsaris imperio in Italia relictus, postremumque ab equitatu Græcorum Imperatoris captus, nec multo post dimissus liber, tam felicem vitæ exitum sortitus est. Morte ejus cognita, Conradus ante annos aliquot Archiepiscopatu ab Imperatore dejectus, dimisso Episcopatu Salinensi ad veterem suam sedem rediit, & tanquam Angelus, ut fasti Moguntini scribunt, a civibus est exceptus (quocum postea magna familiaritas fuit Sifrido Episcopo nostro) vir integerrimæ vitæ, qui magna constantia inter omnes schismatis fluctus Apostolicæ sedi adhæsit.

Et hoc ipso anno Sifridus Episcopus noster, item, quæ inter Canonicos Buxtorfiani Collegii, & Theodoricum Pastorem urbicum intervenerat, majores civium motus datura, maturo Canonicorum consilio composuit. Extant hac super re literæ Sifridi, quibus se humilem Ecclesiæ Paderbornensis Ministrum vocat.

Ceterum Imperator, cum Saxoniæ Germaniamque in summa tranquillitate possideret, Constantiam profectus, evocatisque ad se urbium Lon-

gobardicarum legatis, pacem quoque cum Italis vi Calend. Junii fecit; legibus, quas multis refert Sigonius, utrimque feliciter conventis; in quibus ante omnia ab Italiæ urbibus cautum, ne Imperator Apostolicam Sedem turbaret, atque omnium, quæ hæcenus tantis utrimque cladibus acta fuere, perpetua oblivio esset. Vulgo a Germaniæ loco pax Constantiæ appellata.

At Conrado Moguntino vix dum in Archiepiscopatum regresso haud levis controversia oborta cum Ludovico Thuringiæ Landgravio; quam ut componeret, Erfurdiam proficiscitur, magno procerum comitatu: ac mirabili casu in præsens vitæ periculum venit; nam cum 7 Calend. Augusti frequens senatus procerum in vasta, sed ruinosa, urbis aula haberetur, lacunar impar sustinendæ multitudini, trabibus situ & vetustate cariosis, subito solutum, in subjectam latrinam supra centum secum homines traxit. Periere in sordibus Henricus Swartzenburgicus, Fridericus Comes Avebergenis, Henricus Comes Thuringiæ, Gosmarus Comes Sigenhogius, Fridericus Comes Kirchbergius, Burchardus Wartbergius, alique complures e proceribus. Cæsar & Moguntinus Archiepiscopus, antevertendo ruinam, ad fenestræ cancellos refugere, atque ex iis penduli, admotis scalis, servati sunt, Thuringiæ Landgravius cum aliis quibusdam se expedit. Auctores etsi concordēs in casu; alii interim ad hunc annum, alii ad sequentem referunt.

Cæsar cum Italis pacem Constantiæ fecit.

Chr. Montis Sereni. Auctor Append. ad Lamb. Godefridus Mon. Chr. Erfm d

## Annus Christi 1184.

Lucii III. Pont. 3. Friderici I. Reg. 33. Imp. 30.  
Sifridi Ep. Pad. 6.

Anno vertente Imperator v Idus Martii primum Norimbergæ senatum Principum congregavit, ad quem ex Italia quoque Alexandrinæ civitatis evocati oratores accedentes, certis quoque conditionibus cum Imperatore transigere; urbem tamen non Alexandriam, quod honori Alexandri Pontificis condita esset, sed mutato nomine Cæsaream appellari voluit. Quem admodum & hoc anno Insula S. Sui- berti communita, & grande illud turris arcisque opus perfectum ad navigantium securitatem, pacemque firman-

dam, inde Cæsaris Insula appellari cepit.

Celeberrima deinde per festos Pentecostes dies comitia Moguntinæ habuit, ad quæ præter magnam Archiepiscoporum, Episcoporum ac Principum frequentiam supra quadraginta hominum millia confluxere; & cum ingentem procerum multitudinem urbs non caperet, in suburbano agro magnificum palatium, tentoria, ac subitariæ ædes fuere constructæ. Nihil ad eam diem a Friderico Imperatore magnificus

Celeberrima Moguntinæ Comitia tempestas disturbat.

Gggg 2

centius

Sigonius lib 14. de rebus Italia.

Godefrid. Otto a. 8. Blesio. Auctor in append. ad Lamberts. Chr. Mont. Sereni. Chr. Paganus Serrarius in histor. Mogunt. Brouwer. lib. 1. antiq. Fuld. c. 16. Ursberg.

centius fuit apparatus; quod iis in comitiis, præsente Imperatrice, Henricum & Fridericum filios, pro veteri more, ense accinxerit; & Henricum filium, jam ante Aquisgrani inunctum, publice Romani Imperii Regem renunciarit, epulo munificentissimo principibus præbito, in quo non nisi Reges, Duces ac Marchiones Dapiferi, Pincernæ, & Camerarii ministeria habuerunt. Sed eam pompam pridie Pentecostes insoluita turbavit ventorum tempestas, ab Occidente coorta, quæ non modo subitaria hæc opera ac domicilia uno evertit momento, multis etiam mortalium, aut obrutis, aut læsis; sed & novam Basilicam fabricam a Conrado Archiepiscopo structam tanta vehementia disjecit, ut trabes aliæ in Rhenum, aliæ ultra Rhenum per milliare ad villam Hocheimiam projectæ sint; tanquam Deus ostenderit, se & in condito fastu comitiorum, & cleri populique peccatis, quod veteres Moguntini annales produnt, offensum esse.

Archiep.  
Colon. &  
Abbas Ful-  
denis in  
hæc comi-  
tis diffidi-  
tum.

Quamquam & in his comitiis alia intervenerit offensio Numinis, ex ambitione duorum sacrorum præsulum, quam nobis Arnoldus Lubecensis Abbas, æqualis ac certus eorum temporum scriptor, & ex eo Albertus Stadenensis ac Crantzius tradidere. Nam in solemnem hoc concessu dum Conradus Moguntinus Archiepiscopus dexterum Imperatoris latus, & sinistrum Philippus Colonienfis Archiepiscopus posita sella occuparent, accessit Conradus Fuldenfis, Imperatorem libera voce allocutus, & mea inquit, hæc injuria est, cui post Moguntinum sinistra ab Imperatore sedes ante Coloniensem præsepio debetur, quoties Moguntia comitia aguntur. Hanc prærogativam cum multis obtenderet Abbas, Imperator in Abbatem inclinavit. Quo animadverso, indignatus Colonienfis: *Cedo, inquit, Abbati Archiepiscopus, Monacho Princeps Elector: sed bona, Imperator, venia vestra cæterum hunc dimitto.* Abeuntem Archiepiscopum secuti sunt Philippus Palatinus Rheni, Comes de Assowe, qui Crantzio Nafovius est: Dux præterea Brabantia, alique procerum. Jamque lis infeditionem ibat, cum primum Henricus Rex adolescens complexus Archiepi-

scopum, ac mox Imperator deprecatus errorem, retraxere placatum; iussusque Abbas cedere Archiepiscopo. Et prope erat, ut pari seditionis cruorisque scena ageretur, qua Wideradus Abbas Fuldenfis, & Hezilo Hildesienfis Episcopus, anno 1063 Goslaria congressi; quod Agrippinensis Præsul Fuldenfis arrogantiam præsentens supra quatuor millia armatorum in comitia adduxerat. Acta quidam hæc anno MCLXXXII traduntur a Lubecensi; sed error scriptoris intervenit in numeris, cum ceteri omnes hunc annum designent, & ipse auctor mox scribat, Augustam obiisse, & Imperatorem in Italiam profectum esse, quæ anno 1185 accidisse constat.

Solutis comitiis, Imperator pridie Calend. Sexiles in Italiam transgressus est, acturus cum Lucio Pontifice de utriusque Imperii Occidentalis & Orientalis, in quo res christiana periclitabatur, salute. Inde convocato concilio, cui raro exemplo Pontifex & Imperator intererant actum de Republica christiana, cum primisque de submitendis in Palæstinam auxiliis, quibus laborantibus christianis adversus Saracenos subveniretur. Lucio interim postulante, ut Imperator Mathildis hæreditatem Romanæ Ecclesiæ restitueret, abnuvit Imperator; & cum hic peteret, ut filius Henricus Augustalibus insignibus ornaretur, diserte id a Lucio denegatum est; interque cetera scribit Godefridus Pontificem dixisse, conveniens non esse Imperio simul duos Imperatores pari auctoritate præstitui. Ita exulceratis utrimque animis concilium est dimissum.

Eo in congressu Veronensi summorum Ecclesiæ capitum Lucius Pontifex Conrado Corbejensium Abbati, quod is forte Imperatorem in Italiam affectatus, omnia illustis ejus Cænobii privilegia Apostolica auctoritate juxta aliorum Pontificum tabulas instaurat. Quocirca, in diplomate inquit, *te fili, Conrade Abbas, in præcipuis solemnitatibus, sandaliis, Dalmatica, mitra, & annulo uti, juxta altare sedere; populum infra commissum tibi Monasterium, vel prioratus conventuales, quæ pertinent ad animæ salu-*

Significat  
lib. 19. de  
regno Italia

Dignita-  
tem Abbat.  
Corbejens.  
confirmat  
Lucius  
Pont.

salutem, docere, tam tibi quam tuis gemus. Consignata subscriptaque ta-  
successoribus Dei & Apostolica Sedis bulæ in hunc modum.  
clementia perpetuis temporibus indul-

Ego Lucius Catholicæ Sedis Episcopus.

**P**  
**E**  
**T**

- ✠ Ego Joannes presbyter titulo S. Marci Cardinalis subscripsi.
- ✠ Ego Laborans presbyter Cardinalis S. Marci trans tiberim S. Calixti subscripsi.
- ✠ Ego Subd. Cardinalis titulo S. Laurentii in Damaso subscripsi.
- ✠ Ego Pod. presbyter Cardinalis titulo Basilicæ XII. Apostolorum subscripsi.
- ✠ Ego Conradus Sabinensis, & Moguntinæ Sedis Archiepiscopus subscripsi.
- ✠ Ego Theodorus Portuensis, & S. Rufinæ Sedis Episcopus subscripsi.
- ✠ Ego Henricus Albanensis Episcopus subscripsi.
- ✠ Ego Theobaldus Hostiensis & Velitrensis Episcopus subscripsi.
- ✠ Ego Ardito Diaconus Cardinalis S. Theodori subscripsi.
- ✠ Ego Gratianus SS. Cosmæ & Damiani Diaconus Cardinalis subscripsi.
- ✠ Ego Suffredus S. Mariæ in via lata Diaconus subscripsi.
- ✠ Ego Albinus S. Mariæ novæ Diaconus Cardinalis subscripsi.

Data Veronæ per manum Hugonis S. Romanæ Ecclesiæ Notarii, 3. Calend. Novembris  
indictione 3. Incarnationis Dominicæ MCLXXXIII Pontificatus Lucii PP. III.  
Anno IV.

Conradus  
Arch. Mog.  
Paderbor-  
næ dirimit  
litem, inter  
Abbatissam  
Heri sen-  
sem & Ger-  
densen a-  
gitatam.

Hoc præterea anno Conradus Mo-  
guntinus Archiepiscopus ac Cardinalis  
Paderbornam accessit, & in congressu  
Hermannii Monasteriensis & Sifridi  
Paderbornensis Episcopi, aliorumque  
præfulum ac procerum decidit litem,  
quæ inter Abbatissam Herisensem &  
Gerdensem agitabatur de certis qu-  
busdam agris, quibus Ecclesia in mon-  
te Iburg ex annuo censu restauranda  
erat. Tabulæ sic habent.

In nomine sanctæ & individue Tri-  
nitatis. Conradus Dei gratia Mogunti-  
næ Sedis Archiepiscopus, omnibus fide-  
libus Christi salutem universali memo-  
riæ, tam præsentium quam futurorum  
innotescere volumus, factum quoddam  
rationabile sub nostri præsentia & alio-  
rum Prælatorum probabiliū, & reli-  
giosorum virorum peractum, quod dum  
post varios labores, quos pro statu & in-  
tegritate S. Ecclesiæ pertulimus, in Se-  
dem nostram Moguntinam ordinatione  
divina restituti, in Patherburn, Ecclesia  
eodem nostræ restitutionis anno quadam  
vice fuissimus, Domina Abbatissa de  
Herffen querimoniam nobis contra Soro-  
res in Gerden, quarum provisor Dominus  
Abbas de Liesberne habebatur, hoc mo-  
do proposuit, ostendens sane, quod Do-  
mina Beatrix pridem in Abbatia sibi  
præcedens, consilio Domini Paderbor-  
nensis Episcopi, & aliorum, qui adhuc  
sibi expediebant, quindecim mansos, duo-  
decim in silva Osnæ, & duos in Echu-

sen, unum in Wegrumsbhem cum omni-  
bus utilitatibus suis Ecclesiæ de Gertin,  
& sororibus ibidem secundum regu-  
lam S. Benedicti degentibus contradi-  
dit, hoc adjungens, videlicet, ut qui-  
cunque præfatis sororibus pro temporis  
successione prior succederet, eosdem man-  
sos sine exactione de manu Domine  
Abbatissæ de Herffen reciperet, & Eccle-  
siam B. Petri, in monte, qui vocatur  
Iburch, si quando dilapsa foret, restau-  
raret, & ei in divinis provideret. Quod  
dum Abbas de Lisberne prædictatum  
de Gerdine sororum responsalis contra-  
diceret, & eosdem mansos a Domino  
Paderburnensi Episcopo possideri diceret,  
privilegium etiam quoddam, quod nos  
infregimus, ostenderet, tandem, ut res  
ipsa idonee & juste terminaretur, con-  
silio eorum, qui ibi præsentés erant,  
Domini Hermannii Monasteriensis Epi-  
scopi, & Sifridi Paderbornensis Epi-  
scopi hic mediari dignum duximus, sci-  
licet quod Domina Abbatissa Altman-  
num Præpositum S. Petri, Magistrum  
Henricum tunc Scholasticum in Pather-  
born, Wernerum de Brak, Bertholdum  
de Espinginn assumpsit, Dominus vero  
Abbas Henricum Abbatem S. Pauli,  
Præpositum Gotscalcum de Nortin, Co-  
mitem Albertum de Eversteyn, & Ber-  
nardum de Lippia, Wedekindum de Rie-  
de Consiliarios assumpsit, quorum solli-  
cita deliberatione sub nostri præsentia &  
Domini Monasteriensis prædicti & Pa-  
therbornensis Episcopi hoc fine termina-  
tum

tum est, scilicet, ut Domina Abbatisse jus proprietatis recognosceretur, & sicut dictum est, quaecunque præfatis sororibus pro temporis successione prior succederet, præfatos mansos a manu Dominae Abbatisse sine exactione reciperet, & exinde ædificia & divina provideret Ecclesiæ jam dictæ. Domina etiam Abbatisa si quando vellet in monte sine gravamine sororum morari posset. Præterea quicumque in Hersin jure fungatur advocatiæ, super his etiam bonis advocatiam obtineat. Hæc autem, quia sub nostri & ipsorum prædictorum præsentia rationabiliter peracta sunt, nostri ea sigilli impressione stabiliter munimus, & deinceps rata haberi volumus. Quod si quis postmodum infringere vel irritum facere tentaverit, sicut per sententiam publicam nobis adjudicatum est, nostræ excommunicationis vinculum & Dei Omnipotentis offensam promeruisse se cognoscat. Hujus autem rei testes sunt prædictus Monasteriensis & Patherborn. Winere Abbas de Liesborne: Ex Prælati Moguntinensis Ecclesiæ, Burchardus S. Petri Præpositus, Wernherus S. Stephani Præpositus in Moguntia, Altmannus Patherbornensis Præpositus & ejusdem Ecclesiæ Decanus Volbertus, Gotscalcus Præpositus de Nortine, Bernhardus Præpositus S. Petri, Dominus Otto Comes Palatinus de Witilinisbach, Dominus Otto Landgravius de Stevinigin, Comes Albertus de Everstein, Witikindus de Swalenberg, fr. Basilius, Wernherus de Brackel, alii etiam multi. Acta sunt hæc anno Domin. Incarnationis MCLXXXIII, Indict. secunda, regnante Imperatore Friderico feliciter.

Inter arbitros hic Bernardus de Lippia, Widekindus de Riede memorantur, duo videlicet illi pro Leone bellatores, jam libertati redditi; multique adhæc præfules & Canonici, ut celebris prorsus hic Paderbornensis conventus ad Metropolitanum nostri accessum reputandus; ex quo post varios labores, quos pro statu & integritate sanctæ Ecclesiæ se pertulisse testa-

tur; concessum est invisere Paderbornensem Ecclesiam, quæ cum Evergiso & Sifrido Episcopis tempestate schismatis fida permanerat Apostolicæ Sedi. Satisque ex his etiam literis constat montem Iburg, Caroli M. expugnatione & donatione celebrem, apud nos requirendum esse. Transactionem hanc inter duas Abbatisas Sifridus Episcopus noster alius quoque tabulis ratam habuit.

At longe commendatior Sifridi Episcopi nostri beneficentia, qua superiori, & hoc ipso anno Cœnobium Hardehusanum affecit. Extant hanc in rem hujusmodi tabulæ cum elogio duorum antecedentium Episcoporum.

Sifridus Dei gratia Paderbornensis Episcopus, Cœnobio in Hersviteshusen in perpetuum salus. Noverit omnium fidelium Christi universitas, quod quaecunque inclitæ recordationis D. Bernardus Episcopus, & venerabilis antecessor noster D. Evergissus Cœnobio Hersvithehusensi contulerunt, prompta & bona voluntate approbamus, & episcopalis auctoritatis minimine confirmamus. Dein post recensita prædiorum decimarumque bona, & jus sylvestrium equorum, quod leges equitum vocant, subjungit, quæ ejus largitate accesserint, ut tertius non immerito ejus Cœnobii conditor censeretur; quemadmodum jam sepulture locum, quem post apud eosdem religiosos viros nactus, sibi ex meritis delegerat. Data hæc memorantur in capitulo Paderbornensi, anno verbi Incarnati MCLXXXIII, Indict. \* III. Hæc \* u. vero testium nomina sunt: Altmannus major Præpositus, Volbertus Decanus cum Canonicis majoris Ecclesiæ subscriptis, Godeschalco, qui & Northemensis Præpositus, Bernardo, qui & Præpositus S. Petri, Meinrico, Ludovico, Godefrido, Erpone, Conrado; Alexandro, Henrico, Theodorico, Wulframo, Bernardo, Conrado, Herimanno, ceterisque cum præfati Cœnobii fratribus.

Sifridus beneficus in Cœnobium Hardehusanum.

Annus



# Annus Christi 1185.

Lucii III Pont. 4. Friderici I Reg. 34. Imp. 31.  
Sifridi Ep. Pad. 7.

Hærebat per hæc in sequentem annum Imperator in Italia, Imperii administrandi potestate penes Henricum filium Regem relicta. Atque ut pater cum Lucio Pontifice, ita filius cum Episcopis collisus. Advenere interim in Italiam Legati Regis Angliæ, reditum Henrici Leonis ab Imperatore orantes. Quo impetrato, Dux per mare in Saxoniam reiectus, vixit Brunswigi intra limites paterni patrimonii, quod in Principatu Brunswicensi & Lunenburgensi habebat.

Multa subinde diffidia, quibus publica quies turbari cœpit: primum ex Trevirensi Archiepiscopatu coortum; nam a morte Arnoldi Archiepiscopi duo electi, Volmarus & Rudolphus; Volmarus a saniori parte, Rudolphus ab infirmiori; illius patrocinium suscepit Lucius Pontifex appellatus, hujus Imperator & filius Rex, tanto fœdus, quanto iniquiorem causam agebant. Mox & Colonienfis commissus cum Henrico juvene Rege, quod mercatores, qui Duisburgum transvecti consueta vectigalia non pensitarant, spoliari jusserat; eo semel iterumque postulatus a Rege, detrectavit venire; ausus etiam dicere, neminem duobus Dominis servire posse. Quare tertio intentatis minis postulatus Moguntiam, consilio amicorum se stitit, deprecatus errorem. Altum interim hæsit Regis imperium, quo jussus satisfacere mercatoribus. Sed longe gravius enatum diffidium ob exuvias Episcoporum & Abbatum; quas a morte singulorum poscebant Imperator & Rex. Causa relata est ad Lucium Pontificem; sed illum mors 7 Calend. Dec. his diffidiis subtraxit; subrogato Urbano illo, quo Pontifice, resumpta lis adversus Imperatorem & filium, factaque est communis omnibus Episcopis & Abbatibus Germaniæ & Saxoniae. Vindices libertatis Ecclesiasticæ se dedere Philippus Colonienfis, Conradus Moguntinus, Bertholdus Metensis, alique permulti. Ac tanto hæc magis fœdabant Imperatorium nomen, quod involaret in opes sacrarum Virginum, ac loco mo-

veret Abbatissas; nec aliam obtendebat hujus facti causam, quam depravatos earum mores: tanquam Imperatori fas esset præripere Episcoporum jura, & sacras pro arbitrio leges figere.

Non destitere interim Episcopi pii- que per Saxoniam proceres, virtute in contrarium ebnixi, pristina religiosorum Cœnobio augere dotibus, ac nova condere; inter quæ ad hunc annum referuntur celeberrima in Westphalia, ac diœcesi Monasteriensi, exordia Cœnobii Campi Mariæ, vulgo Marienfeldensis, instituti Cisterciensium. Auctor primus conditorque Hermannus Monasteriensis Episcopus, vir ea tempestate decus Episcoporum per Saxoniam. Is incultum locum, & quieti religiosorum ad fines suæ diœcesis accommodum, Wadenhorst dictum, conspicatus, in quo sacellum a Wernero Monasteriensi Episcopo constructum fuerat, attributumque Leisbornensi Abbati, in eo Cœnobium hoc condere cœpit. Positoque primo lapide, in dotem contulit CL. Marcas, vicinosque agros & prata, adjecta Ecclesia cum propinqua Parochia Iselhorst, ad meliorem incolarum culturam, vitæque subsidium. Quæ cum, evocatis ex Cœnobio Hardehusano diœcesis nostræ religiosis Sacerdotibus, magno fructu procederent; accessere mox vicini circum Dynastæ ac Comites, Widekindus de Rheda, ejusque mater Lutridis, Bernardus de Lippia, Ludgerus Comes de Waldeck, Widekindus Comes de Swalenberg, ejusque fratres Hermannus, Volcquinus, Henricus; quibus additur alius, videlicet Comes de Aldenberg ex diœcesi itidem Paderbornensi. Hi una simul animorum consensione convenere in dotandum fundandumque Cœnobium; amplamque singuli patrimonii partem contulere. Ac Bernardus de Lippia ad hanc rem recepit omnia feuda, quæ priori bello amiserat, ab Henrico Arensbergensi Comite, idque per Philippum Coloniensem Archiepiscopum impetratum; id quod ex vetustis tabulis docet Cleinsorgius. Quanquam post

Her-

Sedfrid.  
Arnold.  
Lube. lib. 3.

Redit ab  
exilio Hen-  
ricus Leo.

Diffidia in  
Ecclesia Tre-  
virensi, in-  
terque Ar-  
chiep. Co-  
lon. & Re-  
gem, &c.  
Arnold.  
Lube. lib. 3.  
c. 11.  
Chr. Pagan.

Initia Cœ-  
nobii Campi  
Mariæ  
vulgo Ma-  
riensfeld.

Hermannum Episcopum nemo largius de condendo hoc Cœnobio meritis, quam Widekindus Dynasta in Rheda, opulentus Monasterii Leisbornensis, Hertzebrochenensis, & Freckenhorstensis Advocatus; is postquam haud multo post cum Friderico Imperatore profectus in Palæstinam, advocatias trium Cœnobiorum, quas ab Hermanno Episcopo acceperat, ultro renunciavit Episcopo; possessiones vero ceteras ac Ministeriales Cœnobio Mariæ Campi transcripsit: voto simul edito, si incolumis rediret, religiosum se habitum in eodem Cœnobio sumpturum. Sed cum ea in expeditione occumberet, ossa per fidum militem reportata in Westphaliā, conditaque sunt in Basilica Campi Mariæ. Igitur ex testamenti tabulis, ante protectionem scriptis, cessere Cœnobio sexaginta prædia, & pagus Hauswinckel. Ministeriales vero, consentiente Abbate, transire ad Bernardum Comitem de Lippia; eum, qui in locum Rhedani post anno 1192 monasticam in eodem Cœnobio vitam est amplexus. Ita duo illi celebres per id tempus Westphaliæ heroes, per contemptionem rerum humanarum vitam Deo consecrarunt. Primus Marienfeldensis Cœnobi Abbas Eggehardus rogatu fundatorum impositus, transmissusque a Nicolao Herswitehusano seu Hardehusano Abbate, a quo inter religiosos sui Cœnobia ad omnis virtutis formam excultus erat; ut jam illustre illud Marienfeldense Cœnobium e Paderbornensi dicecesi traducta sit Colonia. Quippe cum Hermannus Episcopus, Paderbornæ congressus cum Sifrido Episcopo nostro, didicisset florentem disciplinam pietatemque religiosorum hominum in Hardehusano Cœnobio, & ipse & ceteri Comites incensi sunt ardore geminum Hardehusanum Cœnobium condendi.

Inde hoc anno introducti primum solemniter Monachi ex Cœnobio nostro Hardehusano, ut vetus habet versus in Marienfeldensium annalibus.

*Ferte Dei zelum, si scribitur e sine ZeLUM:*

*Grege iit hinc dexter, si subdideris tamen XXXter.*

Sed planius hæc cognoscentur ex fundationis tabulis, quas hoc anno Her-

mannus Episcopus, Lucio tertio adhuc vivente Pontifice, & Friderico Imperatore consignavit.

*In nomine sanctæ & individue Trinitatis. Hermannus Dei gratia Monasteriensis Episcopus secundus. Quotiens ex devotione fidelium, vel oblatione Principum Ecclesia Dei rationabilibus proficit incrementis, oportet nos, quos non æstimator meriti, sed gratiæ largitor Dominus tanquam speculatores in eminenti constituit, piis eorum studiis grātiter occurrere, bonam voluntatem adhortando promovere, acta commendando approbare, & ne opus in fundamento vacillet, quid & qualiter sit actum, posteritatis notitiæ scripto transmittere, quatenus & bonis imitatoribus exemplum pietatis inde præberi, & de sinistro aliquid machinantibus tam rationis quam auctoritatis titulo possit obviari. Universis itaque præsentis & future ætatis fidelibus innotescere volumus, quod quidam nobilis de nostra dicecesi Widekindus Advocatus, & mater ejus Lutthrudis, spiritu consilii salubriter instructi, & aliquem ex se fructum in tempore suo Domino provenire desiderantes, fundum quendam & quatuor mansos in Hundingen, cum decimis adjacentibus ab Ecclesia Vrekenhorst commutaverint, restituentes in concambio fundi quosdam agros prædii sui, sub curti, quæ Belen dicitur, adjacentes, & in concambio mansorum domum unam in Gerboldinxborp, aliam in Bersen, tertiam in Owenwide, adhuc in mentis Secretario retinentes quid inde proponerent. Quorum bonæ intentionis, odore attracti duo alii nobiles Bernhardus de Lippia & Ludgerus de Waldenberg, duas partes de totius æstimationis sortis a prædicto Advocato & matre ejus ementes cambitiæ possessionis se cohæredes addiderunt. Illud quoque necessario recapitulandum duximus, quod & fundi & mansorum cambitio sub jurisdictione Ratbardi Comitis, in loco Mattenbern sententia & consensu Scabiorum annuente sub regio banno est stabilita, & ibidem Bernardus & Ludgerus emptionem suam ab Advocato & matre ejus confirmaverunt, Ratbardo regium bannum exequente. Deinde præfati tres nobiles, edificandi Monasterii in sæpedito fundo licentiam a nostra benignitate petierunt. Qua ob-*  
*ta in*

ta in loco per manum nostram primitus benedicto, in honorem Dei & gloriosissimæ Genitricis ejus **MARIÆ** Monasterii fundamenta cum sancta jocunditate posuerunt, & ad ejus dotationem jam dictum fundum & mansos obtulerunt, & ad majorem suæ devotionis expressionem, ipsum locum beatæ Mariæ campum appellarunt. Præterea jam dictus Widekindus Ecclesiam Hoswincla, in qua ipse hæreditaria devolutione jus patronatus habuit cum curti sua ibidem sita, & duos mansos in Rebe, suæ novellæ Ecclesiæ cum universis attinentiis integre donavit. Nos quoque debita hilaritate illorum devotionem excipientes supradictæ Ecclesiæ videlicet Hoswincla bannum integraliter jam dicto Monasterio in solatium & augmentum benigne contulimus, quem nos ab Ecclesia beati Mauricii sufficienti commutatione & indemni cambivimus. Insuper quinque solidos in curti Hoswincla Episcopales redditus pertinentes, ibidem obtulimus & Episcopali mensæ aliam decimam sex solidorum de duabus domibus juxta Walbike, & de aliis in Delestorpe, quæ tunc vacabat, in recompensationem restituimus. Sed & Bernardus de Lippia eidem Ecclesiæ consensu hæredum suorum contradidit unam domum prædii sui in Seleborst, & alteram quæ dicitur Provenstinchoff, quam a Bernardo Monasteriensis Ecclesiæ majori Præposito nostro & totius capituli consensu cambivit, restituens Ecclesiæ nostræ duos mansos prædii sui in Leverdinctorp, & duos in Adenbothmen, & agrum curti Rucampe attinentem. Cujus concambii restitutio sub jurisdictione Ruthardi in Hornen sub regio banno sententialiter est confirmata. Widekindus de Schwalenberg cum fratribus suis Herimanno, Volquino, & Henrico cum aliis adhuc non haberent hæredes, & pro ætatis integritate libero fruerentur dispositionis arbitrio, jam dicto clauastro Ecclesiam Stapellagen & curtim ibidem sitam cum omnibus attinentiis suis pari voto & unanimi assensu assignaverunt. Nec hoc prætereundum, quod Widekindus Advocatus sexaginta marcas, quas in bonis illis nomine pignoris habuit, præfato beatæ **MARIÆ** campo inservit. Et hæc donatio prædictorum fratrum sub regio banno in loco Bracwide coram Thancberno Comite stabilita est. Quod ideo factum est in loco illo, quia bannus in

quo bona illa sita sunt, certum tempore illo non habuit provisorum. Hujus donationis testes sunt Bernardus & Widekindus, Florin de Ribelmund, Gumbertus de Ertburch, Fridericus de Spenga, Amelungus Comes de Parburnen, & frater ejus Crachto, Henricus de Lippia, Gerardus de Wilpintorp. Ejusdem etiam cœnobii provisorum a Gerardo Præposito & fratribus ejus unam domum in Silchorst, & mansum unum in Bulten integraliter emerunt, cujus emptionis stabilitio coram Rathardo in loco Matthenhem, debito est ordine terminata. Idem etiam provisorum a quodam libero homine Lieveken domum unam cum omnibus attinentiis emerunt, & in eodem loco coram sæpe dicto Rathardo emptionis suæ stabilitatem obtinuerunt, præsentibus & collaudantibus Arnolodo Comite de Altena, & Widekindo de Ofeda. His omnibus ea quæ dictum est stabilitate ordinatis, præfati fundatores novellam plantationem suam beato Paulo & nobis nostrisque Successoribus coram totius capituli audientia perpetua donatione gratis & libere obtulerunt, ea tantum pactione intercedente, ut idem locus sicut ad Monasteriensem Ecclesiam obedientiæ & proprietatis haberet respectum, ita ab eadem speraret perpetuum defensionis patrocinium. Quem nos etiam ab omni exactione nostra, vel successorum nostrorum omnino liberum & absolutum esse concessimus. Post hæc quidam Ministerialis beati Pauli nomine Gerwinus de Bukenevorde, animæ suæ miserando talentum decimæ positum in Theten, uxore & filio collaudantibus nobis resignavit. Similiter & quidam Lutfrius Swethero de Vlethe, Suetherus Bernardo de Lippia, Bernardus vero nobis decimam super duas domus in Honlo exstucavit. Nos vero hanc & prædictam decimam a Gerwino resignatam dicto Monasterio donavimus. Insuper Widekindus Advocatus domum quandam in Pelechem, quam a nobis feudali jure tenuit, libere resignans eidem Monasterio in proprietatem donari a nobis efficaciter impetravit. Igitur ut tantorum munerum semina in vitam æternam proficiant, venerabilium Cisterciensis generalis capituli Patrum benigno freti assensu in loco memorato congregationem, de filiis eorundem in honorem Dei omnipotentis, & venerationem beatissimæ semper Virginis **MARIÆ**

Hhhh

RIÆ

**RIÆ** constituimus, & potestatem a Deo habentes ipsis ipsorumque successoribus Ordinis sui consuetudines illis servare libertate perpetua libentissime concedimus. Quoniam autem universitas Ecclesiarum Advocatorum insolentia laborat & fere succumbit, nos id pro posse nostro diligenti sollicitudine præcaventes eisdem fratribus liberam in quemcunque voluerint Advocatum electionem, & ejusdem si minus utilis fuerit, sine contradictione depositionem indulgemus, ita duntaxat, ut quemcunque elegerint, a nobis donum accipiat. Et ne Advocatus plus in illo loco juris, quam oportet sibi vendicando usurpat, certos ei terminos assignamus, ut videlicet non in pluribus quam in duobus equis ad claustrum si vocatus fuerit accedat, & si pro hæreditatibus obtinendis, vel commutationibus exequendis jure suo operam impenderit, tantum sex denariis sit contentus, non emolumentum quantitatem attendens, sed illius potius quem apud Deum patrem Advocatum habemus Jesu Christi retributionem feliciter expectans. Adjiciendum quoque est, quod nos unum mansum in Rebe cum aliis in Groppenlob ab Ecclesia Sancti Mauricii cambivimus, & ita nos, & Advocatus domum duorum mansorum in Rebe prædicto Monasterio dedimus, Sed & mansum alium in Clefphem a Conrado de Ostberge ministeriali beati Pauli, & octo litones nobis resignatos eisdem loco contulimus. Insuper supradictus Advocatus unum mansum in loco qui vocatur Gest, alium in Bukei, & Bernardus de Lippia unum in Grunhorst sæpe dicto cœnobio obtulerunt. Ut igitur hæc ordinatio tam diligenti circumspeditione pertractata, perpetua stabilitate consistat, præsentem paginam sigilli nostri annexione roboratam adscribi jussimus, auctoritate Dei & nostra terribiliter excommunicantes, qui beata **MARIE** campum in modo oblati vel in futurum offerendis inquietare, vel contra præscriptam ejus libertatem aliquid præsumpserit ordinare. Acta sunt hæc anno ab Incarnatione Domini millesimo centesimo octuagesimo quinto, Indictione tertia, Præsidente Romanæ Sedis Lucio Papa tertio, Regnante Friderico Romanorum Imperatore Augusto, præsentibus Clericis & Laicis, quorum hæc nomina sunt. Bernardus major Præpositus, Bernhardus major Decanus, Herimannus Abbas in Cappenberch, Winizo

Abbas in Lisbern, Werenbaldus Abbas in Varlar, Udo S. Pauli Præpositus, Herimannus Sancti Mauricii Præpositus, Franco Sancti Pauli Decanus, Fridericus Sancti Lugerii Præpositus, Fridericus Sancti Ludgeri Decanus & totius capituli nostri conventus, Herimannus Comes de Ravensberg, Symon de Tekeneburch, Otto Comes de Benethem, Rodolfus de Stenvorht, & filius ejus Ludolfus, Johannes de Abus, Godscalcus de Lon, Burchardus de Aschenberge, Henricus de Dulmen, Henricus de Rechetbe, Ludolfus de Beverne, Godefridus de Scoebike, Herimannus de Monasterio, Godscalcus de Saprothe, Rutgerus de Bilrebeke, & alii quamplures.

Multis dehinc donationibus Herimannus Episcopus accumulavit hoc Monasterium, quæ ex tabulario ejus loci proferri poterunt; donec postremum se ipsum daret, & abdicatis Episcopi curis, ac sumpto, ut volunt, habitu, istuc ad quietiorem sanctioremque vitam secederet.

Herman-  
nus Ep. Mo-  
nast. post  
plura in  
Cœnobium  
Mariense  
densetola-  
ta beneficia  
tandem es-  
dem se mo-  
nasterio  
transcrip-  
sit.

Ceterum hoc ipso anno Sifridus Episcopus noster, pro singulari familiaritate, quam per omnem vitam coluerat cum Conrado Corbeiensium Abbate, omnes donationes, quas superiores Episcopi Cœnobio fecerant, pontificali auctoritate instaurat. Has tabulas, quia singularem Sifridi Episcopi pietatem, ac liberalitatem erga omnes religiosos homines, simulque Cœnobii illius florentem disciplinam testantur, hic exhibere intererit.

Sifridus Dei gratia Paderbornensis Episcopus Monasterio Corbeiensium in perpetuum. Cum ex injuncto nobis Præfulatus officio utilitatibus omnium Ecclesiarum sive Monasteriorum nostræ diœcesis diligenti nos studio invigilare deceat, quatenus ita in disciplinis spiritualibus proficiant, & tale in temporalibus sentiant incrementum, ut non vituperetur ministerium nostrum &c. Hujus rei gratia dilectis fratribus & amicis nostris Monachis Corbeiensibus, qui propter honestatem suæ conversationis magnum & spirituale nostræ dilectionis meruerunt favorem, Decimationes novarum suorum in Grithebule, in Bilenberg, in Rosinberg, Habdenberg, Rulinge, Humbatissen, Levin-  
gessen,

Sifridus Ep-  
Pad confir-  
mat Deces-  
sorum suorum  
donationes Cor-  
beiensium Mo-  
nasterio in-  
sta.

geffen, quæ jure communi & generali Cathedralium Ecclesiarum privilegio Paderbornensi Ecclesiæ pertinebant, a prædecessoribus nostris inclytæ recordationis Episcopis Henrico, Bernardo, Evergiso ipsis donatas recolimus, & donationes ratas habemus, & ratas habendo nostra auctoritate confirmamus. Insuper etiam decimas in duabus marchis Albachdissen & Bodekissen perpetuo tradimus, accepto pro his predio in commutatione sito in Oßendorp, ab omni jurisdictione advocati absoluto. Sed cum in his diebus malis filii Adæ, ut sibi Lucium venentur, aliis damnum facere non verentur, & nihil adeo firme est statutum, ad quod non laboret, calumnia dissolvendi, ne hæc res tam celeriter & salubriter gesta ex celeri & occulto temporum lapsu oblivionis sentiret dispendium, famam hujus facti præsentis scripto perpetuare, & sigilli nostri impressione, ac testium subscriptione roborare decrevimus. Acta sunt hæc anno Dominicæ Incarnationis MCLXXXV. Indictione III. Testes Henricus Abbas Apostolorum Petri & Pauli in Paderburn, Altmannus major Præpositus, Volbertus Decanus, Godescalcus Northusensis Præpositus, Bernardus SS. Apostolorum Petri & Andree Præpositus, Meinricus, Ludovicus, Conradus, Conradus, Godefridus, Alexander, Erpo, Henricus Scholasticus, Lambertus Cellerarius, Hugo, Theodoricus, Conradus, Bernardus, Vulferammus, Heremannus, Volquinus. Laici Amelingus, Florin, Henric de Spenge, aliique.

Vicissim Conradus Abbas, ne quid inter ipsos vinculum concordie & christianæ caritatis convelleret, hisce honorariis compensationis literis exornavit Episcopum & Collegium Canonicorum.

Ego Conradus Dei gratia Corbeiensis Abbas, & universum capitulum, Patherburn. Ecclesiæ in perpetuum amen. Cum doctrina Apostolica, & Beati Benedicti regula, secundum quam vivimus, & vivere debemus, nos aliena non appetere, & quod ex nobis est, pacem cum omnibus habere præcipiat, maxime tamen cum illis, qui ex suæ bonitatis dignatione, per multa sinceræ caritatis argumenta nostræ in se devotionis provocant affectum. Hac de re

mota nobis quæstione a venerabili Domino Siffrido Patherburnensi Episcopo super decimis novalium nostrorum in Frithebutle, Bilenberch, Rosenberch, Haddenberch, Kulinge, Humbathissen, Levingessen, quas prædecessores ejus, Episcopi gloriosæ recordationis, Henricus, Bernbardus, Evergissus, nobis dederant, quamvis ipsorum donatio canonica, quamvis præscriptio longa, & apostolicorum Adriani & Alexandri III privilegia, religiosis domibus de non præstandis decimis indulta ei silentium indicerent, tamen ne nobis remaneret occasio litigandi cum Patherburnensi Ecclesiâ, quam pro sui honestate semper diligere, & pro Cathedrali, quæ præeminet honore, semper revereri volumus, indemnitati ejus pro modulo facultatum nostrarum providere cupientes, pro decimis præscriptorum novalium in duabus marchis Albachtissen, Bodikessen, quas præfatus Dominus Siffridus nobis contulit, prædium quoddam in Oßendorp ei dedimus in proprium ab omni jurisdictione advocati absolutum, & ab omni petitione cujuslibet quovis unquam tempore super eodem prædio quæstionem moturi absolvendum. Sed quoniam in his diebus malis filii Adæ, ut sibi lucrum venentur, aliis damnum facere non verentur, & nihil adeo firme est statutum, ad quod non laboret calumnia dissolvendum, ne hæc res tam celeriter, quam salubriter gesta ex celeri & occulto lapsu temporum oblivionis sentiret dispendium, famam hujus facti præsentis scripto perpetuare, & sigilli nostri impressione, ac testium subscriptione roborare decrevimus. Actum anno Dominicæ Incarnationis MCLXXXV, Indict. III. Testes hujus rei sunt Fridericus prior, Meinhardus Præpositus, Wezel, Albrabt, Lambrabt, Odelric, Thideric, Rotholf, Unarg, Hartman, Robrabt, Reinbere, Widekind, Regenbart, & fratres omnes, quorum omnium præsentia & consensu sigilli ipsorum testatur impressio. Laici quoque interfuerunt Albertus Comes de Eversten, Bernhardus de Lippia, Widekindus de Rethe, Bodo & Bertholdus de Homberch, Fretberic, Hugo, Bodo de Huxere, Cunrat, Wasmut, Karolus, Johan, Wernbere, Henric, Gerebrabt, Henric, Erenbrecht, Arnolt, Reinber, Volquin, Werenbolt.

Hhhh 2

Ita



Obitus An-  
nonis Ep.  
Mindenſis.

Ita Ecclesiarum suarum commodis dum student Sifridus Episcopus noster & Conradus Abbas, felici ad Visurgim morte 15 Febr. subtrahitur Anno Blanckenburgius, xxvi Mindenſium Antistes, ob præclara facinora non le-

vi sanctitatis fama apud posteros relicta. Subiectus huic successit Dithmarus, xxvii Mindenſis Ecclesiæ Episcopus, pari sanctitatis laude commendatus; uti hæc pluribus in eorundem fastis referuntur.

## Annus Christi 1186.

Urbani III Pont. 1. Friderici I Reg. 35. Imp. 32. Sifridi Ep. Pad. 8. & ult.

Sifridi Ep.  
componit  
litem Ger-  
denſibus  
motam.

Aderat nunc annus Christi MCLXXXVI supremus Sifrido Episcopo nostro. Et is, tanquam divino monitu se ad extremam vitæ lineam deductum intellexeret, nihil impensius habuit, quam ut inter cetera pietatis opera, concordiam, quam ipse cum omnibus per omnem vitam studiose coluerat, etiam inter alios sanciret. Quare cum Gerdenses Vicgines, quas mirifice commendat a cultu religionis & pietatis, videret jam per multos annos affligi ab insolenti diocesis suæ viro, ex controversa quadam hæreditate, convocavit præfules, Canonicos, vicinos Comites ad consilium, delectisque arbitris litem ex æquo bonoque decideret, tabulasque publicas, quibus hæc firma essent, anno Incarnationis MCLXXXVI confecit. Testes, ut his optimi præfulis sollicitudo cognoscatur, fuere Altmannus Ecclesiæ majoris Præpositus, Volbertus Decanus, Godeschalæus Northeimensis Præpositus, Bernardus Præpositus Apostolorum Petri & Andreæ, Meinricus Cappellanus, Ludovicus, duo Conradi, Godefrius, Erpo, Alexander, Henricus Scholasticus, Lambertus Cellerarius, Theodoricus custos, Theodoricus, Conradus, Bernhardus Subdiaconus, Henricus Apostolorum Petri & Pauli Abbas in Paderburn, Nicolaus Hersvithusensis seu Hardehusanus Abbas, Widekindus Advocatus, Conradus de Sconenberg, Bernardus de Lippia, Widekindus de Rhede, Albertus de Everſten, Widekindus de Ofede, Amelungus Comes civitatis nostræ. Acta hæc referuntur anno Incarnationis MCLXXXVI, Indiæ. IV, præſidente Ecclesiæ Romanæ Urbano Papa III. regnante Domino Friderico Augustorum Serenissimo. Tam solliciti tum erant integerrimi Episcopi in convocandis tot arbitris, ne cuiquam injuriam irrogarent, aut lites partium traherentur per jurgia, & vexationes religiosorum hominum Deo servientium.

Nec mulum ab his superſtes Sifri-

duſ iv Idus Februarii moritur, magno sui desiderio relicto; quem obitus diem annumque in necrologio Monasterii Mariæ notatum reperimus; falliturque Gobelinus, Crantzius, Kerſenbrochius & Bruſchius, qui novem illi annos in præfectura sacra assignant; quando & tabulæ Successoris ex hoc anno consignatæ extant, quas paulo post producemus; ut jam melius nobis ratio temporum constet, qui cum Cleinsorgio in octavum annum ejus Episcopatum extrahimus, deducendo ab Autumno anni 1178, ad præſentem anni 1186 mensem Februar. Quod & Bruſchio cum Kerſenbrochio fateri necesse est; quando hoc ipſo anno obiisse scribunt. Unde & Crantzii error compertus, qui ſequenti anno 1187 mortuum tradit. Corpus defuncti Episcopi, ut vivus constituerat, deportatum est ad Cœnobium Hardehusanum: voluitque quiescere inter religiosorum virorum confortia, quos per omnem vitam dilexerat, & multis adeo donationibus auxerat, ut alter conditor haberi posset; eoque in Aquilonari templi latere ad altare Apostolorum Petri & Pauli, quod in altera est abside, erecto altius ſepulchro honorifice conditus: ejus hæc inſcriptio.

*Forma pudicitiae, flos Cleri, norma Sapiæ,  
Præſul Sifridus, fidei venerabile Sidus,  
De cujus dono domus iſta viget duce dono.  
Fontali radio radiet nunc lumine Dio.*

Paucos quidem annos Episcopus, ſed qui per annos longe plures Præpositus majoris Ecclesiæ, & præclare de Episcopatu meritus, ex ſenio & longa rerum experientia Episcopatum feliciter adminiſtravit. Quem admodum ob modestiam, vitæ integritatem, & canam ſapientiam magnæ apud Principes & vicinos Comites auctoritatis carusque omnibus erat: Quippe priſcæ religionis Episcopus, qui florentem clerum intra clauſtri diſciplinam, communemque vitam continuit, uti a Meinwerco, Imado, Bernardo, ab Hathumaro & Badurado Episcopis acceperat; ejus rei gratia in donationum tabulis tot præſtantes Cathedralis hujus Collegii Sacerdotes inter teſtes ſubinde proferre viſum fuit; quando haud magno adhuc diſcrimine, Canonici & Monachi procul a luxu deterioris ſæculi vivebant,

Sifridi Ep.  
Paderb.  
mors &  
lana.  
Gobelinus  
atq. 6. c. 80  
Crantzius  
1. 7. Metrop.  
c. 8.  
Bruſchius  
in Ep. Pad.  
Kerſenbro-  
chius in  
Cat. Ep. Pad.  
Cleinsorg.  
in Chron.





# BERNARDUS II.

eo nomine XIX.

EPISCOPUS PADERBORN.

Annus Christi 1186.

Bernardi II Ep. Pad. I.

**S**uccessor Sifridi in Episcopatu Paderbornensi hoc anno Bernardus eo nomine II; id quod Gobelinus, Kerfenbrochius, Bruschi, Crantzius, & omnia literarum nostrarum monumenta docent. Horum quoque opinione Bernardus ex Dissedorum familia ortus traditur, quæ inter Osnabrugenses e Westphalia Dynastæ clara per id tempus fuit. Sed ea qualis tandem fuerit; certe Bernardus in literis donationum Wilbacensis Cœnobii Bernardum Comitem de Lippia consanguineum suum appellat. Quamquam & in vetustis Gerdensis Cœnobii literis reperiam, ab eo Bernardum de Ofede, ex qua familia Bernardus eo nomine primus, & tertius Episcopus noster fuit, scribi consanguineum suum. Letznerus heterodoxus scriptor ex Monacho Corbeienſi delectum scribit Episcopum. Nihil hac super re Gobelinus, Crantzius, ceterique nostratum auctores. Libere & per conjecturam multa Letznerus. Verisimilius e clero delectum cenſeo, ac Ludolphi filium fuisse Bernardum, qui inter Canonicos toties testis publicis tabulis introducit. Ejus subrogatio proximis statim diebus facta est; nam Kalendis Aprilis, postquam in Februario decesserat Sifridus, Episcopatum exorsus est a beneficiis in religiosos homines: publicis hoc anno tabulis consignatis, quibus Cœnobio Mariæ omnia bona, omnesque decimas a Bernardo consanguineo suo Episcopo datas roboravit. Eæ sic habent.

*lunus universitati Christi fidelium, tam futurorum quam præsentium, quod Bernardus prædecessor noster felicitis recordationis de consensu totius Capituli, ob spem æternæ remunerationis, & salutis animæ suæ, quædam bona; tam in decimis, quam aliis redditibus ac mancipiis, juxta ac legaliter acquisita, obtulit Deo, ejusque Genitrici B. Mariæ perpetuæ Virgini, in loco constructo a Widekindo Comite, qui vocatur Sancta Mariæ Munſter. Ordine inde omnia bona percenset, & sua auctoritate rata habet. Præſentes autem erant huic factò Abbas Henricus de curia Præpositus, Altman Decanus, Wilbertus Scholaſticus, Henricus de Burbenne, Conradus Stapel & Wernerus fratres, Wolbertus & Henricus de Hilſe fratres. Datum Paderbornæ Anno gratiæ Millesimo centesimo octogesimo sexto, Calend. Aprilis.*

His tabulis satis constat Bernardum hoc ipſo anno subrogatum Sifrido, ne quid ab Imperatore turbaretur. Nam is gravi rursus diffidio cum Pontifice & Germaniæ Episcopis commissus, ob exuvias Episcoporum. Quam in rem postquam Mediolani Henrico filio Regi Constantiam, Regis Siciliæ filiam, magna nuptiarum celebritate junxiſſet, vii Idus Februarii irarum plenus in Germaniam rediit, obtruſoque in Trevirensē Sedem Rudolpho, Folmarum a Pontifice approbatum depellit, & Bertramum Metensem Episcopum, quod Folmarum recepisset, sede quoque sua exturbat. Exinde indiſtis Gelhuſii Episcoporum & Principum comitiis, graviter queſtus adverſus Ur-

Diffidium  
Friderici  
Imperat.  
inter &  
Pontificem  
Germaniæ  
que Epi-  
scopos.

Bona a Bern-  
nardo I Cœ-  
nobio Ma-  
rien Mun-  
ſter donata  
comprobat

*Bernardus Dei gratia Paderbornenſis Eccleſiæ Episcopus. Notum eſſe vo-*

Urbanum Pontificem, quod patrimonium Mathildis repeteret: exuvias Episcoporum interdicere: indigneque ferret Abbatisas ob vitæ licentiam moveri loco, & bona earum trahi ad fiscum Imperii.

Accesserat querela de advocatis Episcoporum & Abbatum, quod infestum hominum genus, & per spolia grave, abrogandum petierant Episcopi. Ausi hi decimas repetere a Caroli M. Episcopis per totam Saxoniam in patrimonium Ecclesiæ datas. Quæ cum Imperator in comitiis vehementi oratione exponeret Episcopis, & in his verus jus ostenderet; obstiteret Philippus Colonienfis, Conradus Moguntinus & Folmarus Trevirensis, Archiepiscopi; quibus duodecim Episcopi accedere, pro libertate Ecclesiæ, & Pontificis auctoritate asserenda, quem Deus Rectorem Ecclesiæ in omnibus audiendum colendumque dederit. Igitur multis agitis inter Imperatorem & Episcopos, planius tandem per literas omnia ad iudicium Pontificis delata. Quæ postquam magis ad voluntatem Imperatoris scripta erant, quam ante sollicitarant Episcopi, obstupuit Pontifex ad commutatas mentes; & jam prope erat, ut Imperatorem anathematis sententia feriret; nisi Veronenses cives, ne id apud se fieret, deprecati fuissent, & mors Pontificis haud multo post consecuta impediisset. Ægre nimirum ferebat Ænobardus investituras institutionesque Episcoporum Imperatoribus præreptas. Quapropter in his comitiis Geilhusanis palam edixit, nunquam se permissurum, has scintillas juris sui, quas in exuviis Episcoporum haberet, extinguere; quantumvis Episcopi quererentur, Successores suos non nisi pauperem & omni supellectile spoliata domum ingredi; eaque ab harpyis aulae rapi, quæ Deo sint consecrata bona. Hinc Imperator tanquam præter exuvias repeteret investituras, Rudolphum obtrusit Trevirensibus, & Bertholdum ab Episcopatu Bremensi rejectum per Pontificem, inter aulicos sibi a latere adscivit, donec in Metensi Episcopatu per vim collocaret. Atque huius facti sui speciosam obtendebat causam, quod diceret meliores ac sanctiores olim Episcopos Ecclesiis impositos esse ab Im-

peratoribus, quam modo per electionem Canonorum subrogarentur; præterquam quod tot ubique diffidiis & schismatum turbis a Canonicis electio Episcoporum fieret. Cui malo nunquam melius obveniri posset, quam si institutio Episcoporum ad unam supremi Imperatoris potestatem rediret. Quæ cum Paderbornenses suæ etiam libertatis periculo agitari viderent, concordii suffragatione electionem sui Episcopi maturarunt.

Exordia Episcopatus Bernardo haud secus, quam ceteris, satis ardua fuere ob vicinos & potentes circum Comites, a quibus per id tempus multa tumultuariis bellis & prædis miscabantur. Quare primo transactum cum Bernardo Comite de Lippia, ejusque filio Hermannio, de monte Falkenbergio, quem Bernardus II præsidio militari firmare aggressus, multaque sibi contra jura Episcopi vindicare cœperat; quæ controversia in hunc, quem Bernardi Episcopi literæ docent, modum composita est.

Bernardus Ep. transigit cum Comite Lippiaensi de castro & monte Falkenberg.

*Bernardus II Dei gratia Paderbornensis Episcopus Paderburn. Ecclesiæ in perpetuum. Sollicite & intente considerantes, quod pastores Ecclesiarum non solum præsentem, sed futurum respicere, nec solum præsentia, si prospere agantur, intueri, verum etiam mala, etsi nunquam eveniant, amministratio suscepta, præcavere compellit. Nobili viro & honorato Bernardo de Lippia, dum præsidium in monte Falkenberg construere disposuit, totis viribus ei resistendum duximus, ipsum ab ædificatione inchoata prohibere. Verum quia ipsa prohibitio damna & pericula, quæ in rebus bellicis evitari impossibile est, minabatur, litem & dissensionem Priores nobiles & ministeriales Patherbrunnensis Ecclesiæ, maximeque prædictus Bertholdus, qui ex quadam speciali & hæreditaria fidelitate Ecclesiam familiariter dilexit, sua mediatione, eo ordine quem subscriptus hujus instrumenti textus continet, deciderunt. Prædictus Nobilis vir D. Bertholdus, & Hermannus filius ejus libere & absolute proprietatem montis Valkenberg in foresta Ecclesiæ Patherbrunnensis positi recognoverunt Episcopo, & Ecclesiæ Patherbrunnensi, Mونس divi-*

divisus fuit a summo usque ad ymum, mediam partem edificabit, & inhabitabit Episcopus, & Ecclesia Patherbrunnensis, reliquam mediam partem Dominus Bertholdus & Hermannus filius ejus edificabunt, & jure feudali Episcopi auctoritate possidebunt, tali conditione interposita, ut omnia, quæ extra fossatum in vicinia montis sita sunt, in aquis, pascuis, & silvis, utrique parti sint communia. Primo loco erat in pactis, quod in occidentali parte nemoris versus Patherbrun dicti Bertholdus & Hermannus impetitione, vel hospitii nec etiam in straminibus afferendis, unde rustici plurimum damnicantur, usum aliquem haberent. Secundo loco erat in pactis, quod ex alia parte nemoris quidquid emergeret per petitionem in provincia adjacente media pars cederet Episcopo, reliquam dicti Bertholdus & Hermannus perciperent. Tertio loco fuit adjectum, quod salva majestate Imperatoris absolute fidelitatem Ecclesie Patherbrunnensis conservarent. Consequenter fuit in pactis, quod si Dominus Hermannus patri suo succedens necessitate cogente contra hostes suos auxilium ab Episcopo postularet, Episcopus ad bonum pacis se interponeret. Si vero compositio amica intervenire non posset, ipse cum bona voluntate Episcopi ab hostibus suis de castro Valckenberh se defenderet, si autem pro motu animi sui bellum movere vellet, tempore belli factururus incendia sive demnationes, non inde procederet nec illuc rediret, sed castellani sui, ad fidem castri custodiam pacifici remaneret, ne occasione sui Ecclesia damna pateretur. Statutum est & hoc, quod quotiens Episcopus sit in castro claves portæ in sua sint potestate, & in absentia Episcopi, si D. Hermannus ibi est, claves coram eo ponentur, si neuter eorum præsens est, uni Castellani, cujus fidei & honestati castrum merito posset credi, ex consensu partium committantur, & ille speciale juramentum præstabit. Ordinatum quoque est, quod si D. Hermannus vel directe ab eo descendens filium non haberet heredem, sed plures filias, una filiarum, cui pater assignarit in possessionem castri, jure succederet feudali, pacta, quæ in hoc instrumento expressa sunt, fideliter observatura. Hoc quoque adjectum est, & patet insertum, quod D. Episcopus nul-

lum D. Hermannus parem vel eo majorem in parte sua debeat recipere, vel ad inhabitandum collocare. Omnes Castellani juramenta præstabunt utrique parti ad conservationem castri. Pro voluntate & consensu utriusque partis locandi sunt Castellani. Inter cetera præcipue hoc fideliter promissum est, & speciali cautione firmatum, quod in prædicto castro nulla specialis munitio sive turris absque consensu partium extrueretur. Supra scripta omnia sæpediti Bertholdus & Hermannus se firmiter observaturos fide interposita & Sacramentis præstitis sub pœna amissionis bonorum suorum in jure feudali promiserunt. Ne autem aliquis de his omnibus quicquam valeat infringere vel immutare, Episcopo & Ecclesie dati sunt Obsides cum uxoribus & pueris & prædiis & feudis suis, quæ tenent de manu Dominorum de Lippia, de quorum mandato obsides fidelitatem Episcopo & Ecclesie Patherbrunnensi juraverunt, & sub religione juramenti promiserunt, quod si Domini eorum contra prædicta pacta venirent, ipsi cum uxoribus & pueris & bonis suis Ecclesie Patherbornensi perpetuo jure ministerialium pertinerent. Nomina obsidum sunt hæc, Hermannus Rufus, Albero de Hufse, Hyfret de Lothere, Folmunt de Werimichen, Hereboldus de Dinctorp, Udo de Dissiden, Godescalcus de Eldinckhusen, Bruno de Sutlage, Sifridus de Hufse, Widekindus de Asche, Hermannus magnus, Hermannus Bokko, cum bonis, quæ tenent de manu prædictorum nobilium. Præterea sæpediti nobiles Bertholdus & Hermannus in jure feudali hoc elegerunt, quod si ipsi contra hæc pacta venire aliquo modo temptarent, Episcopus per Priores & nobiles fideles Ecclesie sive ministeriales & Canonicos Patherborn. suam probaret assertionem. Verum quia hoc negotium rationabiliter & prudenter ordinatum, sæpeditis nobilibus & suis hæredibus cum Patherborn. Ecclesia, cui ipsi speciali fidelitate devincti, commune est, placuit potius præsens instrumentum sigillo Ecclesie quam nostro communiri, ut & ipsi eo, si necesse fuerit, contra quemlibet succedentium Episcoporum uti possint, & testimonio Ecclesie juris & causæ suæ veritatem declarare.

Mons hic est Valckenbergius situs inter Dethmoldiam & Hornam, celebri

bri cum primis loco, ad quem Varus cladem accepit ab Arminio, & Carolus M. memorabili praelio cecidit Saxones. Is deinde locus cum comitatu Haholtino dono D. Henrici Imperatoris cessit Meinwerco, & Episcopis Paderbornensibus, ut supra a nobis in Meinwerco Episcopo relatum est. Post a Meinwerco ætate, cum Episcopi vicinorum auxiliis, & defensione laborarent, multa ex nobili illo comitatu

distracta obvenere in feudum potenti- oribus; quos inter Bernardus I Lippiensis, ac parens hujus Bernardi II, celebris Lothario Imperatore miles, montem hunc primus occupasse, & præmunisse creditur. Exinde castrum montis a Bernardo III & Simone I firmatum, Comitumque firmissimum propugnaculum fuit, in quo Bernardus V. Ducem Lunenburgicum captivum tenuit.

Pader. p. 2.  
in Chron.  
Lippiens.

## Annus Christi 1187.

Urbani III. Pont. 2. Gregorii VIII. Friderici I. Reg. 36.

Imp. 33. Bernardi II. Ep. Pad. 2.

Godefrid.  
Arnoldus  
Lub.  
Osse de S.  
Blasco.  
Rogerus.  
Chr. Mont.  
Serani.  
Jacobus de  
Vetriaco.  
Baronius.  
Saladinus  
terram san-  
ctam inva-  
dit.

Consequitur nunc annus MCLXXXVII cum funesto ex Oriente nuncio, quo Palæstina prope Christianis erepta nunciabatur. Enim vero Saladinus Syriæ ac Ægypti Tyrannus, Damasco cum innumera barbarorum multitudine Hierosolymitanum regnum ingressus; cui Wido Hierosolymorum Rex, & Reinaldus Princeps cum Episcopis, Templariis & hospitalariis, atque omni milite obviam progressus; spe summa, in salutari crucis ligno reposita, quod secum in castra deportarant. At quæ arcana Numinis judicia, conferto inter octavam Apostolorum Petri & Pauli praelio, profligati sunt. Rex captus: Episcopi contrucidati: Crux in potestatem Saladini venit: ceteri aut cæsi, aut in fugam acti. Ea victoria Saladinus insolens, omnia fere regni castella atque urbes, præter Tyrum, Sidonem, Tripolim, & Antiochiam, torrentis instar invasit, interceptaque Acone, nobili Christianorum portu, ipsam Hierosolymam urbem expugnavit; omnibusque barbarum in modum sacrorum locis profanatis, sacratissimum templum in stabulum equorum convertit. Unicum Christi sepulchrum duntaxat sub custodia religiosorum hominum intactum reliquit Tyrannus. Quod etsi annui tributi questusque causa, qui ex peregrinorum accessu proveniebat, fecisse memoretur; alia tamen hic providentia divina ex vaticinio intervenit, quo sepulchrum ejus ad posteros orbis Christiani gloriosum fore accepimus. Cladis hujus mœrore Urbanus Pontifex consumptus. Subrogatus mox Gregorius VIII; qui licet non ultra mensem multum superstes fuerit, literis tamen ad omnes Chri-

stianos Principes datis, ad placandum numen expeditionemque in terram sanctam vehementer commovit. Quamquam ipsa fama, dolorque miserandæ cladis jam ante omnium Christianorum animos accenderat; ne urbs terraque sancta tanto labore & sanguine ante annos octoginta octo recuperata a Godefrido Duce, suorum inertia ac dedecore rursus barbaris cederet.

Sed adhuc in Imperio intestina dissidia motusque, quibus consilia hæc expeditionis sacræ retardata. Quam etiam indigne ferebant Episcopi quidam Folmarum Trevirensis Archiepiscopus depulsum tam infestus Imperator Archiepiscopo, quem nullibi tuto consistere sinebat, donec exul in Angliam secederet. Majus negotium Imperatori erat cum Philippo Colonienfi Archiepiscopo, Apostolico Legato. Is quia pro libertate Ecclesiæ tuenda cum Pontifice fecerat, palamque ob id ex conventu Geilhusano secesserat, suspectus fuit Imperatori; & accensa offensio, quod Archiepiscopus urbem Coloniensem muris fossisque præmuniret, læta civium opera; ac cetera præterea castella, oppidaque præfidiis firmaret. Quam in rem Imperator Rhenum claudi imperat, ne quid frumenti annonæque in urbem importaretur. Conventum deinde Imperii festo Virginis in Cœlum assumptæ indixit Wormatiæ, in quo vehementer questus adversus Archiepiscopum. At magnanimus Archiepiscopus, causæ suæ æquitate fretus, parum commoveri visus est.

Dissident  
adhuc inter  
se Impera-  
tor & Epi-  
scopi.

Inter

Inter hæc Bernardus Episcopus noster intrepido quoque animo suscepit veteres Ecclesiæ possessiones adversus vicinos hostes defendendas. Nam magna per id tempus licentia Comitum ac nobilium, tumultuariis per Westphaliæ armis grassantium; quod Godefridus, & Gobelinus nosse haud obscure tradiderunt. Quare & armis se præmunire, & aulam Principis magnificentia instructam habere necesse fuit, in qua Camerarii, Dapiferi, Pincernæ, & Marschalli Ministerialium primi censebantur; quemadmodum id tabulæ Bernardi Episcopi Hardehusano Cœnobio consignatæ docebunt.

Heinricus Scolasticus, Lambertus Cellarius, & reliquus conventus S. Liborii in Patherburnen. Ministeriales Conradus Camerarius, Johannes Dapifer, Witheroldus Pincerna, Hermannus Marschallus, Ludolfus frater ejus, Widedindas ac Osede. Facta sunt autem hæc anno Dominicæ Incarnationis MCLXXXVII, Indictione \* VI. Se-

Indic. v.

Magnum ex his literis lucem accipit Ministerialium nomen, quo cum nihil frequentius in omnibus antiquorum monumentis tum nihil obscurius esse volunt; videasque ex nomine & munere primum designari aulæ ministros; eoque pari clientum beneficio obstricti erant Episcopis; quibus aut possessiones, aut prædia, aut decimæ in obsequium Episcopi, & defensionem Episcopatus donatæ erant. Nam quanta primorum Episcoporum industria erat in augendis bonis Ecclesiarum suarum, cum piorum adhuc Imperatorum liberalitas flueret; tanta posterioribus Episcopis necessitas fuit tuendi ea, quæ liberalitate Regum & Cæsarium donatæ acceperant. Quem vero hic annum primum Episcopatus consignat literæ, is consecrationis erit. At quomodo hæc literæ, anno MCLXXXVII datæ, proferunt Clementis III Pontificatum? cum is Pontifex anno domum sequenti octavo Idus Januarii sit delectus, quod ex Rogerio Baronius tradit. Quare verius nobiscum Otto de S. Blasio Clementis Pontificatum etiam ad hunc annum revocare visus; ita enim ille. Eodem anno videlicet MCLXXXVII, mortuo Urbano successit Gregorius, quo intra decem quasi dies defuncto, substituitur Clemens, eo nomine III.

Ministeriales quales fuerint.

In nomine sanctæ & individue Trinitatis. Ego Bernardus secundus Dei gratia Patherbrunnensis Episcopus omnibus Christi fidelibus in perpetuum amen. Lex humanæ constitutionis, & ratio dictavit justitiæ, ut pia sollicitudine priorum discretio satagat, providere suorum posteritati. Unde notum esse volumus, quod venerabilis Dominus Nicolaus Abbas, & fratres Cœnobii Hersvitbehen prædium sex mansorum in Bunesen comparaverunt LX marcis a duobus fratribus, Ottone videlicet & Adolpho de Widenbruke, eisdem tempore, quo hæc facta sunt, matrimonio nondum obligatis. Qui etiam ipsum prædium uti hæreditario jure possederant, libere & absolute nostræ tradiderunt ditioni, consensu & conventia cohæredum suorum, Theodorici scilicet Patherbrunnensis Ecclesiæ Canonici & Burchardi fratrum de Herken-dorpe in præsentia Cleri & fidelium Ministerialium nostrorum. Nos quoque eadem bona in ipso instanti præfato Cœnobio contulimus, quam etiam traditionem banni auctoritate, & sigilli nostri impressione, omique cautione qua oportuit firmavimus. Testes hujus rei sunt Altmanus major Præpositus, Volbertus Decanus, Theodericus custos,

Bernardus Ep. prædium quoddam in Bunesen Cœnobio Hardehusano donat.

## Annus Christi 1188.

Clementis III Pont. 1. Friderici I. Reg. 37. Imp. 34.  
Bernardi II Ep. Pad. 3.

Hic deinde Pontifex anno proximo, quod Gregorius coeperat, Legatos suos Cardinales, Episcopos, & presbyteros misit ad omnes Ecclesiæ Principes; e quibus Henricus Cardina-

lis Albanensis Episcopus venit in Germaniam, invitavitque ad signum crucis suscipiendum. Ac mirum, quam pronos invenerit Germanos. Imperator postquam incunte Februario con-

expeditionem in terram Sanctam suscepit.

ven-

Imperator cum pluribus Episcopis & Principibus.

Godofrid.  
Otto de 2.  
Blasio.  
Auctor ex.  
ped. Afias.  
apud Cami.  
Arnold.  
Lubec. lib.  
3. c. 28.

ventum Principum Norimbergæ habuerat, 6 Calend. Aprilis in Quadragesima Moguntiae comitia indixit, quæ pro expeditione terræ sanctæ celeberrima fuerunt: in quibus ipse cum Friderico filio, & Duce Sueviæ, a Godofrido Herbipolensi Episcopo cruce signatus. Ad tam illustre exemplum nomen suum dedere Episcopi complures, Conradus Moguntinus, Patavienfis, Ratisbonensis, Herbipolensis, Vefontienfis, Basileensis, Tullensis: ex Saxoniae Episcopis Hermannus Monasteriensis Episcopus, Osnabrugensis, Misnensis; Accessitque magnus Principum & Marchionum numerus ex tota Germania; inter quos ex Saxoniae proceribus fuere Robertus Comes Nassoviæ, Comes Holfatiæ, Theodericus Comes Cliviæ, Gerhardus Comes Juliae, Engelbertus Comes Montensis, Widekindus Comes Swalenburgus, duo Henrici Dynastæ Dietzii: Haud minor procerum e superiori Germania numerus, quos ex suis illi annalibus producant. Imperator, quam ferventi animo hanc expeditionem suscepit, tam liberam esse voluit ab omni impedimento, ne quid se absente turbaretur in Imperio. Quapropter in his Moguntinis comitiis ex integro cum Pontifice & Ecclesia in gratiam rediit. Composita Trevirensis Ecclesiae controversia: reconciliati certis conditionibus Colonienfes eorumque Archiepiscopus cum Imperatore: sopita bella inter Balduinum Traiectensem Episcopum & Ottonem Gelriæ Comitem, permissaque Velavia Gelro. Inde Palschate Geilenhufii celebrato, descendit in Saxoniam, & ad Visurgim Castella & munitiones, e quibus aut prædæ agebantur, aut iniqua navium tributa poscebantur, evertit. Ac ne quid ab Henrico Leone pro ingenio turbaretur, Goslariae conventum Saxoniorum Principum habuit; vocatusque Leo ad

Henricus  
Leo exulare  
potius,  
quam profici  
scisci in ter  
ram S. eli  
git.

congressum Principum, iussus est cum Bernardo Duce, a quo diffidebat, redire in gratiam. Post quæ trium illi optio facta, aut pati dignitatis immutationem, aut in Palæstinam cum Cæsare invitatum ire, postea plenarie restituendum, aut per triennium exulare e patrio solo. Postremum cum eligeret, in Angliam sponte remeavit, relicta Brunswigi Mathilde conjugē, quæ haud multo post in pervigilio Apostolorum Petri & Pauli extincta est, humataque Brunswigi in æde D. Blasii. Quod reliquum deinde hyemis tempus fuit, id totum in apparatu belli sacri, & sancendis legibus insumptum est. Ac tantæ auctoritatis per Westphaliā fuit Bernardus Episcopus noster, teste Crantzio, ut vicini nobiles, ac quotquot iter sacrum ingressuri erant, ejus fidei & tutelæ sacras præfecturas & bona committerent; cui & Imperator juris dicendi, coercendique turbatores, potestatem dedit, utili sane consilio. Fuere enim inter prædones, qui Westphaliā hoc anno vexarunt, Widekindus & Hermannus, Waldecenses Comites fratresque, qui Paderbornensem diocesin vastavere. Non id æque tulit Bernardus Episcopus noster, collectisque ministerialium copiis, & clientum auxiliis, processit armatus in campum, exactosque Comitum milites compulit se in munitionem Brobeke recipere, quam mox fortiter aggressus expugnavit evertitque. Castrum vero Brobeke in Ducatu Westphaliæ, ut mox constabit, inter Briloniam & Winterbergam nemorumque recessus positum erat: & hi Comites Waldecenses Advocati erant Paderbornensis Ecclesiae, quibus tutela luporum in modum commissā; ut non sine causa Pontifex & Episcopi in conventu Geilhusano Fridericum Imperatorem sollicitarint de abrogando hoc infesto hominum genere

Arnold.  
Lub. lib. 3.  
c. 28.  
Gerhard.  
Præp.  
Seoderb. in  
hister. Lero.  
Profecturi  
in Palæsti  
nam res sa  
cras Ber  
nardo Ep.  
nostro com  
mittunt.  
Gebel. 1200.  
6. c. 60  
Crantz. lib.  
6. Metrop.  
c. 26.

## Annus Christi 1189.

Clementis III Pont. 2. Friderici I Reg. 38. Imp. 35.  
Bernardi II. Ep. Pad. 4.

At Widekindus Comes Waldecensis facti sui injuriæque, Episcopo irrogatæ, poenitens, omne damnum per prædas Ecclesiae Paderbornensi illatas liberaliter compensavit. Quippe inter ceteros Westphaliæ proceres nomen

militiæ sacrae professus, priusquam iter ingrederetur cum Imperatore, acceptis ab Episcopo Bernardo trecentis marcis, non modo advocatiam, sed & cetera bona, juraque, quæ clientelari titulo a Paderbornensibus tenebat, in modum pignoris,

Comes Wal  
decensis Ad  
vocatiam  
Ecclesiae Pa  
derb. in me  
nus Episco  
pi resignat.



pignoris, deposuit in manum Episcopi, ita ut si in expeditione mori contingeret, ipsa Advocatia cum omnibus prædiis ac bonis cederet Episcopo, liberumque ei esset Advocatum ex Cathedralis Collegii consensu deligere, quem vellet; nec in feudum dare necesse haberet, ne quid fratres, aut consanguinei obtendere possent in successionem hujus tutelæ. Nunc ipsas tabulas, quibus in hæc pacta post solemnem Præfulum & cleri Synodum convenire, exhibeamus.

*In nomine sanctæ & individue Trinitatis. Notum sit universis fidelibus futuris & præsentibus, quomodo Widekindus de Waldekke anno Dominicæ Incarnationis MCLXXXIX Iherosolymam proficiscens impigneravit Ecclesiæ B. Liborii in Patherburne, quidquid habuit in bonis ejusdem Ecclesiæ, & Ecclesiæ Apostolorum Petri & Andreae, & Apostolorum Petri & Pauli, cum decima Atlen, & servitiis Advocatiæ pertinentibus, & cum omnibus emergentibus pro trecentis marcis examinati argenti, ratum habiturus, si tempore absentiae suæ prædia & mancipia in casibus licitis alienarentur. Et juravit in sacrosanctis reliquiis B. Liborii, quod nunquam de Advocatia, & aliis impigneratis ipse vel aliquis suo nomine emolumentum percipiet, quousque ipse reversus, trecentas marcas examinati argenti Ecclesiæ B. Liborii restitueret. Et quomodo Arnoldus de Hobrattessen & uxor ejus & filii se decimam in Atlen & servitiis Advocatiæ jure feudali possidere dicebant, Deo & nobis & Ecclesiæ fideliter promissi, quod ipse si reverteretur, fratribus omnem defectum suppleret, quem Ecclesia in servitiis advocatiæ, sive in decima Atlen per Arnoldum & uxorem ejus ac filios, vel propter eos ex aliorum invasione sentiret, ad persolvendum argentum sibi creditum tempore absentiae suæ fidelibus suis Ludovico de Waldekke, Conrado Walige de Ense, Henrico Hildensemensi, Alexandro Dapifero, Rothardo Coco assignavit duas decimas, Godelovessen, Ymminchusen, & tres curias, Dalpenbusen, Witmare, Meshere, & pedagium sive Ducatum Paderburne, ut ipsi omnem proventum annuatim in Ecclesia reponerent, quatenus summa pecuniæ inde collecta sibi revertenti computaretur in sortem. No-*

*lens itaque liberationem hujus pignoris ad fratres suos, seu quemlibet alium transmittere, hoc constituit & ordinavit, quod si ipse non reverteretur, Advocatia cum decimis & servitiis Domino Episcopo & Ecclesiæ vacaret, vel Dominus Episcopus de bonis suis eligeret advocatum, quem vellet, Præpositus & fratres sibi eligerent utilem, cui electo & præsentato a Præposito & fratribus Dominus Episcopus advocatiam commendaret, non in feudum daret. Præterea cum multa devotione hoc expressit, quod eo non revertente pecunia de duabus decimis, & tribus curiis, & Ducatu collecta, non fratribus, non quibuslibet hæredibus restitueretur, non in restitutionem ornatus Ecclesiæ impenderetur, sed emeretur inde prædium, de quo fratres annuam consolationem percipientes piam & perpetuam sui & patris sui Volquini & avi sui Widekindi, in anniversariis depositionum diebus haberent memoriam. Hoc quoque inseruit, quod si comparato prædio, unde fratres majoris Ecclesiæ honestam annuatim haberent refectorem, tantum remaneret vel cresceret, Ecclesiæ B. Pauli decem marcae, Ecclesiæ B. Andreae decem marcae darentur. Resignavit etiam Dominus Widekindus curiam suam Dalpenbusen, & servitium Episcopale Herevorde in manu Domini Episcopi, & Dominus Episcopus omnia beneficia Widekindi præter Advocatiam cum suis pertinentiis, & præter curiam Dalpenbusen, & præter servitium Herevordense concessit fratribus ejus Heremanno & Henrico, ita tamen, quod si Widekindus rediret, ipse bona sua eo jure reciperet, & teneretur, quo ante resignationem Heremannus & Henricus receptis beneficiis juraverunt, fidelitatem Domino Episcopo & præsentibus prioribus & fratribus Ecclesiæ seu etiam aliis Clericis & inbeneficiatis & Ministerialibus Ecclesiæ contestati sunt, se in advocatia nil juris habere, nec unquam habuisse, & datis dextris promiserunt sub juramento publicæ & veræ fidei, & sub pœna amissionis omnium beneficiorum, quæ receperant. Juraverunt etiam in reliquiis B. Liborii, quod absente Widekindo fratre suo nunquam ipsi, vel alius eorum nomine sive auctoritate in advocatia Ecclesiæ pignorata aliquo ingenio quicquam incommodi facerent per violentiam seu aliquam exactiorem, & quod*

si Widekindus non reverteretur, nunquam aliquid sibi juris in advocatia & in ejus pertinentiis addicerent, & eam nullo jure nullo unquam ingenio seu subtilitate repeterent, & in nullo unquam possessionem ejusdem advocatiæ vacantis turbarent, & sententiatum a fidelibus Ecclesiæ. Quod si Widekindus, Herimannus & Henricus factum illud postmodum vellent inficiari, non eorum juramentum admitteretur, sed potius nobis probatio incumberet, & eorum testimonio, sub quorum præsentia hæc acta sunt, fides haberetur. Et quomodo hæc ante Quadragesimam gesta sunt, ne reverentia temporis hanc ordinationem infirmaret, sententiatum est præcedente & antecedente eorum arbitrio & consensu, omnia tamen tam rata habenda, ac si in diebus juridicis essent contractata & consummata. Facta hæc sunt anno Domini MCLXXXIX, Indictione VII. Non Aprilis, feria II. post palmas Paderborn, in domo Episcopali, præsentibus Clero, præsentibus inbeneficiatis & Ministerialibus Ecclesiæ. Nomina inbeneficiatorum, qui interfuerunt, hæc sunt. Everhart de Brokhusen, Amelungus Comes, Godeschalc de Patberch, Henricus Longus de Erclen, Henricus Spirinc, Suetherus de Wever. Hæc quoque in proxima feria IV præsentibus nobilibus Bernhardo de Lippia, Heremanno de Ittere, Florino de Spenge, & præsentibus Henrico Abbate Civitatis Paderburnensis & Wilhelmo Abbate de Helmwardeshusen & Nicolao Abbate de Hersetheshusen, & Sifrido Abbate de Flechtorp, & præsentibus Sacerdotibus & Scabinis, qui eo die ad synodum generalem convenierant, in Capitulo majori recitata sunt, & confessione ac permissione Heremanni & Henrici confirmata. Præterea tota hæc actio hoc ordine conscripta proxima feria II, qua cantatur; Introduxit nos Dominus, Waldekke recitata est in audientia Domini Arnoldi Osenbrucensis Episcopi, Lentfridi Oseimb. Præpositi, Rodolphi de Stenvorde, & multorum Clericorum ac militum, qui ibi simul cum Widekindo iter peregrinationis arripuerunt. Aderant quoque Bernardus Præpositus Monasteriensis, & frater ejus Ludolfus de Stenvorde, & Castellani de Waldekke, & multi nobiles ac Ministeriales, qui Widekindo valedicturi illuc convenerant. Et sine omni hæsitatione Heremannus & Henricus se sic fe-

cisse, promississe & jurasse, & omnia se rata velle habere confessi sunt.

Multa ex his simul literis recognoscuntur; cleri videlicet primarii communis in claustro vita: majorum pietas in Quadragesimæ cultu: stirps Waldecensium Comitum, in qua multum cespitat Dilichius: Advocatia in modum feudi ab Episcopis olim data, cum certis bonis ad servitium Episcopi: Comitum expeditiones in Palæstinam; quos inter Arnoldus Osnabrugensis Episcopus numeratur, hætenus ex nomine a nullo proditus: falliturque Cleinsorgius, & alii, qui Arnoldum hunc Episcopum anno 1186 obiisse scribunt, succedente Gerhardo, Bernardi Lippiensis fratre: Ministerialium & clientum munia. Uti vero hæc Advocatia, mortuo Widekindo, post quadriennium ab Henrico VI. Imperatore pleno & confirmato jure asserta sit Episcopis nostris, infra memorabitur.

Hoc præterea anno, sicuti Gobel. *ant. 6. c. 60.* Bernardus Episcopus noster montem Iburg suæ diocesis, quem nunc Driburg appellant imposito militari præsidio occupavit, cœpitque adversus prædonum incursiones præmunire. Verum consilio Canoniorum ac ministrorum suorum ab incepto destitit. Vetus castrum a Caroli M. ætate, & natura loci in abrupto montis vertice præmunitum, expugnatumque a Carolo M. sive jam inde neglectum, sive posterioribus sæculis eversum; turrim certe, ac cetera murorum rudera monstrat, facile reparanda in munimentum. Quem locum Bernardus, magnanimi patris sui exemplo, munitione antevertere moliebatur; quod satius reputaret; terrorem armorum ex defensionis muro aliis ostendere, quam periculum subire ab hostibus. Nam in illa tunc tempora devenit, quibus ea Episcopis per Saxoniam sago tuenda erant, quæ in toga Cæsarum liberalitate acquisiverant; nec hostes majores erant, quam advocati & vicini Comites, quorum oculos perstringebant Episcoporum opes & potentia.

Et jam præsens annus processerat in Aprilem, cum Fridericus Cæsar Ratisbonæ festo Georgii Martyris ex omnibus

*Gobel. ant. 6. c. 60.*  
Bernardus  
Ep. castrum  
Driburgense  
occupavit  
& præmu-  
nit.

*Godofrid. Arnold. Lubec.*

nibus Germaniæ provinciis colligebat militiæ sacræ profectos milites; quos Godefridus innumera multitudine, instar arenæ, a Rheno adfluxisse memorat. Sed cum peregrinorum magis ex omni natione, quam militum ea multitudo esset, hæsit aliquantulum expeditionis proferendæ incertus. Ac postquam delectus habitus, recensita sunt xxx millia armatorum; ad quos Marchio Misniensis cum Saxonibus ceterisque ex Westphalia, sub auspiciis Engelberti Comitis de monte, Widekindi Comitis Waldecensis, aliorumque procerum accessere. Iter ingressus est cum Principibus & Episcopis, Imperii administratione relicta penes Henricum filium Regem, cui Philippus Colonien- sis Archiepiscopus additus adjutor. Transita Austria, Imperator in Ungariam est progressus, præmissis ad Regem Conrado Moguntino Archiepiscopo, a quo benigne exceptus traductusque ad Savum fluvium. Quinquaginta, tum millia militum, & centum millia armatorum recensuit in exercitu. Bulgariam inde ingressus, e Nicæa urbe præmisit Hermannum Monasteriensem Episcopum, Robertum Comitem de Nassawia, & Marquardum Camerarium, cum quingentis militibus Constantinopolim ad Græcorum Imperatorem, transitum per Græciam postulatam; quos Imperator primum benigne excepit, & per septem dies liberaliter habuit: post ubi fraude Ducis Bulgariæ aliorumque persuasus, bello hoc Teutonicorum agi, ut e solio suo deiciatur, Legatos Friderici Imperatoris in carcerem abstraxit, multisque injuriis contra jus gentium tractavit. Inter hæc Imperator per multas ærumnas & infestationes iter emensus, Bulgariam, Macedoniam, Græciam, Imperatoris provinciam intravit; indignatusque Legatos suos non remitti, militi suo omnia prædæ fecit. Pervenit deinde in Thraciam, & Philippopoli ac Hadrianopoli hiberna delegit, Græcis ex omni loco infestis. Quibus Imperator ter- ritus: Legatos cum honore remittit, & omnia quæ pro expeditione in Palæstinam poscebantur, subministratum se pollicetur. At postquam Monasteriensis Episcopus, vir græci sermonis non ignarus, ad Imperatorem rediit, & primo seriem omnium injuriarum enarravit, multasque Græco-

rum fraudes detexit: foedus nimirum Isaacii Imperatoris cum Saladino, & Patriarchæ perfidiam, a quo Græcis persuasum erat omnes necare; id si facerent, ab omnibus noxis apud Deum immunes fore; & quæ præterea Græcorum machinationes erant in exitium Teutonici exercitus. His Imperator cautiorem montem in conspectu Constantinopolis, quem regium castrum dixe- re, insedit; itaque assiduo cladibus afflixit Græcos, ut pacem petere, obsides dare, & naves ad transitum maris suppeditare necesse habuerint.

Quieta per hæc Germania Saxonia- que, quod Imperator severis legibus interdixerat, ne quis per suam absen- tiam belli sacri quicquam turbaret. In- tentus in hanc pacem excubabat Hen- ricus Rex cum Philippo Colonien- si Archiepiscopo. Repertæ per id tem- pus venæ fodinæque argenti in diocesi Mindensi, qua per Teutonicos montes se explicat ad fines Osnabrugensis & Pa- derbornensis Episcopi; quæ cum Hen- ricus Rex juris imperii assereret, scrip- sit in hunc modum ad Episcopos.

*Henricus Dei gratia Romanorum Rex & semper Augustus fidelibus suis Episcopis Mindensi, Paderbornensi, Os- naburgensi, Comitibus quoque & No- bilibus, & universis hominibus in eis- dem Episcopatibus constitutis gratiam suam & omne bonum. Cum omnis argentifodina ad jura pertineat imperii, & inter regalia nostra sit computata, nulli venit in dubium, quin ea quæ nuper in Episcopatu Mindensi dicitur inventa ad nostram totaliter spectet di- stributionem, unde in ea nulli homi- num quicquam juris recognoscimus, nisi hoc a nostra liberalitate valeat spe- cialiter impetrare. Mandamus igitur vobis & singulis sub obtentu gratiæ no- stræ præcipientes, ut nullus vestrum se de prædicta argentifodina intromittat, nec aliquid juris sine nostra licentia sibi in ea usurpet. Quod si quis temerario ausu forte attemptaverit, indignatio- nem nostram se noverit incursum. Præterea autem latorem fidelem nun- tium nostrum ad partes illas transmisi- mus, ut de eadem argentifodina ordinet & disponat, prout vobis videtur expe- dire. Mandamus itaque dilectioni ve- stræ attente rogantes, ut ei consilio & auxilio*

Argentifodina in Diocesi Mindensi re-  
perta.  
Chron.  
Mindense  
in Diplom.  
& Historio-  
edis.

Arnoldus  
Lib. lib. 3.  
Tegen.

Nicias.

Andr. ex-  
ped. Afar.  
apud Canis-  
sum.

*auxilio fideliter assistatis grates affectuosas a Serenitate nostra recepturi. Datum apud Nonnensteine XII Calend. Aprilis.*

Hasce mox fodinas aliis tabulis, eodem die & loco consignatis, donat

## Annus Christi 1190.

Clementis III Pont. 3. Friderici I Imp. ultimus. Henrici VI.

Reg. I. Bernardi II Ep. Pad. 5

*Godefrid.  
Arnold. Lub.  
Otto de S.  
Blasio.  
Hulb. ex.  
ped. Afiat.  
Tugeno.  
Nictus.  
Tyrius.*

Protrahebat interea Imperator hiberna in Tracia, quod præter pedestrem hunc exercitum, quem ex Germania, Bohemia & Ungaria contraxerat, duplex, ejusdem Cæsaris auspiciis, navalis exercitus, alter ex Italia, alter ex Belgio expectaretur. Belgico exercitui submisere Colonienfes quatuor naves 1500 armatis militibus, & annona in triennium instructas. Sub medium verni jejunii tempus classis Belgica cum 60 navibus solvit, censebatque supra 100000 bellatorum hominum; ea licet ærumnis ac morbis multum imminuta, sub exitum Junii Brundisium appulit. Hanc secuta est post classis Francica & Anglica, ipsis Regibus Philippo & Richardo eam deducen-  
tibus.

At Imperator, peracto Paschate, ex Thracia movet ad brachium S. Georgii, acceptisque ccc navibus ab Imperatore Græcorum, inter Pontum Euxinum & Ægeum mare, quo ante Godefridus Dux & Conradus Imperator trajecerant, copias suas intra septem dies transmittit: octavo die Imperator navi regia trajicit; nec prius, quam omnes peregrinos simul transyectos viderat. Inde instructo divisoque exercitu, quo infirmos medium complexos, fortissimos quosque in fronte, Friderico filio Duce, & in extremo agmine collocarat, Armeniam & Turcarum terras ingressus, Iconium pervenit, multis ærumnis & præliis a latere & a tergo incurfantium, barbarorum oppugnatus; quibus tamen continuo victores Cæsarei Soldanum ad pacem petendum adegere. Expugnatione Iconio, liber per Armeniam transitus permissus, donec in Cicilia ad fluvium Serram, quem alii Saleph, alii Farfarem, alii Cydnum appellant, perventum est; quem dum magnani-

Dethmaro Mindenfi Episcopo, viro sanctissimo & miraculis claro, ejusque Successoribus, tantum parte sibi reservata; sed tamen forte spes major, quam vena, quæ Regem tam cito immutata mente liberalem fecit.

mus Imperator, jam ætate gravis, seu refrigerandi, seu per æstivos calores trajiciendi gratia, inventus equo ingreditur, rapacitate fluminis, seu equi etiam ruina oppressus, inter cæcos vortices IV Idus Junii, anno ætatis septuagesimo exanimatur. Incredibile, quo planctu ac consternatione mors Imperatoris exercitum perculerit. Egregia sane indole animoque Imperator, qui virtute gloriaque Germanos Augustos omnes facile superasset, si Ottones potius in tuenda, quam Henricos in oppugnanda Apostolica sede fuisset æmulatus; quæ delicta hac sacra & ærumnosa expeditione expiassè videri potest.

*Fridericus  
Imp. flumi-  
ne merfus  
extinguitur*

Sublato Cæsare imperium exercitus delatum Friderico filio, Duci Sueviæ; lætique omnes fortissimi juvenis auspiciis. Is igitur cum exercitu patris Antiochiam progressus, convectorque corpore patris, justa istic funebria persolvit; quanquam elevato corpore ossa post in Germaniam transportata, Spiræ ad majorum tumulos sint composita. Circum Antiochiam cum exercitus reficeretur, multi ibi proceres ac nobiles, magnaque pars exercitus fatali lue absumi cæpit. Dux Fridericus, relicto Antiochiæ præsidio, Aconam, quam veteres Ptolemaidem dixere, cum parte exercitus movit, expugnationem celeberrimi portus atque urbis, quam Wido Rex obsidebat, adjuturus. Sed vix tridui istic bello cum hoste congressus, morbo corripitur & extinguitur. Præclarus castusque juvenis; cui cum medici usum veneris suaderent, quem certam morbi curandi medelam promittebant, respondit, malle se mori, quam in sancta hac peregrinatione corpus per libidinem defœdare. Postquam filium tristi non minus, quam patrem fato mors subtraxerat, ceteri, qui supererant,

*In eodem  
expeditio-  
ne terræ S.  
obit Fride-  
ricus Im-  
peratoris  
Friderici  
filius.*

rant, a signis dilapsi sunt, & quacunque quæsitæ repertaque opportunitate, sparsim in suas provincias redire. Ita celebris illa & operosa expeditio tam florentis exercitus cassâ fuit, Godefrido, Arnolde Lubecensi, ceterisque, qui hæc scripsere, abdita Dei judicia demirantibus.

Sed nunc in Saxoniam cum peregrinis nostris redeamus. Henricus Rex, qui per absentiam patris Imperium curabat, celebrato Paschate, Conradum Moguntinum Archiepiscopum, & Diethmarum Cancellarium in Italiam mittit, exploratum Apulizæ statum; nam & ipse iter Romanum meditabatur. Inde Francofurtum digressus, viii Calend. Maji publicis tabulis sancit, ne in Colonienſi Archiepiscopatu alia moneta recipiatur, quam quæ Duisburgi & Tremoniz procusa imperiali auctoritate valuerit. Iisdem tamen tabulis, Colonienſium & Novesienſium bona absolvit ab omni tributo, ad Werdam Insulam pensitando. Testes inter alios producuntur, Conradus Moguntinus, Wigmannus Magdenburgenſis, Archiepiscopi: Otto Bambergensis, Territius Halberſtadienſis, Episcopi: Bruno Præpositus ad Gradus in Colonia, Bernardus Monasterienſis Præpositus, Conradus Comes Palatinus Rheni, alique. Hac quoque libertate telonii donat Abbatem Corbeienſem, qui tum Widekindus erat. Quam in rem hæc literæ extant apud Corbeienſes.

*Henricus Dei gratia Romanorum Rex & semper Augustus. Universis presentem paginam intuentibus notum fieri volumus, quod nos Corbeienſem Ecclesiam a theloneo nostro, quod apud Werdam colligi solet, liberam dimittimus & exemptam. Omnibus itaque nunciis nostris, qui pro tempore procurationem Werdæ habituri sunt, districte volumus esse præceptum, ut a nunciis Corbeienſis Abbatis & Ecclesiæ nullum requirant theloneum, sed liberum eis dent transitum sine gravamine & impedimento. Ad cujus rei notitiam presentem cartam inde conscriptam sigillo nostro jussimus communiri. Hujus rei testes sunt Sisfridus Hersveldenſis Abbas, Henricus Imperialis aula Prothonotharius, Conradus de Halla Cap-*

*pellanus noster, Hartmannus de Bodingen, Cono de Nincemberc, Henricus Camerarius de Lucina, & alii quam plures. Datum Frankenevort, anno Dominicæ Incarnationis MCXC, Indictione VIII; VIII Calend. Maji.*

Pentecosten post hæc Rex celebravit Norimbergæ, ubi in conventu Principum magnopere sibi studuit animum Colonienſis Archiepiscopi demereri, eo quod virum strenuum, & multis bellis victoriisque clarum veneretur: & multum per id tempus intererat, tres illos Archiepiscopos, Conradum Moguntinum, Philippum Colonienſem, & Wigmannum Magdenburgenſem, ætate canos, potentia validos & auctoritate graves habere sibi devinctos. Interea Henricus Leo, cognita Mathildis conjugis morte, & Friderici Imperatoris protectione in Orientem, contra juramenti religionem, ex Anglia præmissis Henrico filio, in Saxoniam rediit, benigne ab Hartwico Bremensi Archiepiscopo circa festum S. Michaelis exceptus; qui eum per Ducem cetera bona recepturum, se sperabat, Stadam eum introduxit. Qua urbe potitus, brevi copias collegit, quibus per absentiam Adolphi Comitis in Orientali expeditione Hamburgum, Plonam, Itzehoam, ac totam prope Holsatiam subegit. Inde veteris injuriæ memor, Bardewicum expugnavit, subjectisque flammis evertit; novem tamen templis ex vastatione relictis. Transportato rursus per Albim exercitu, Lubecam deditione cepit, Lawenburgum etiam nova Bernardi Ducis sede positus. Repentino hoc terrore circumlato, credebatur in spem pristinz fortunæ resurgere; nullisque in perturbanda Saxonia magis metuendus quam Episcopis, quorum adversis studiis antea principalibus suis exutus erat. Auctus timor ex vulgata Friderici Imperatoris morte, ne tam potente æmulo suo sublato, majora quam ante auderet Leo sub juvene Rege. Quare Rex Henricus excito Bernardo Saxoniz Duce, adjunctoque sibi Conrado Moguntino Archiepiscopo, & Hildesienſi Episcopo, ceterisque Principibus & proceribus Saxoniam cum exercitu ingressus, Brunswicum obsidione incinxit. Sed jam Leo filium suum Henricum urbi defen-

Gerhard. sed. Præpos. in hist. Henrici Leon. Arnold. Lubec. lib. 4. c. 1.

Henricus Leo ex Anglia redux, plurimam Saxoniz loca armis recuperat.

Henricus Corbeienſis immunes facit a telonio Werdensi.

Henricus Rex frustra Brunswicum &c. obsidet.



defensorem imposuerat, juvenem patris indole bellicosum; a quo urbs anonæ, militari præsidio, & civium constantia præmunita, facile omnes machinationes Regis elusit. Multa hostiliter tentata sed vano terrore magis ac prædis, quam oppugnationis audacia. Igitur cum & hyemis asperitas & fames castra Regis vexaret; soluta obsidione Hannoveram obruunt, subjectisque flammis exurunt. Post quæ Orlamundam & Limbergam castra casto rursus conatu aggressi. Ne tamen omnis expeditio inanis haberetur, Hartwicum Bremensem Archiepiscopum, quem auctorem hujus belli incusabant, exturbatum eiecit in Angliam, ubi per annum exul vixit. Rex inde Goslariam regressus, cum bello hoc iter suum in Italiam retardandum intelligeret, facile se a Moguntino & Colo-

Pacem cum Leone certis conditionibus iniit.

nienfi Archiepiscopis ad inopandam pacem adduci passus est: quæ Fuldæ post iis legibus convenit, ut Brunswicum quatuor in locis nudaretur mœnibus: arx Lawenburgica æquaretur solo: Lubeca inter Leonem & Adolphum Comitem divideretur: Leo filium suum Lotharium obsidem daret Regi, qui haud multo post Augustæ Vindelicorum extinctus est; Henricum vero filium cum turma quinquaginta militum comitem daret expeditionis in Italiam. At Leo postquam Rex Saxonia excefferat, nihil horum præstitit, nec enim Brunswicum muris nudavit, nec Lawenburgum evertit, nec reducem ex Oriente Adolphum Comitem in partitionem Lubecæ admisit; contra etiam ausus Hardwicum ex Anglia revocare, & in tutelam suscipere.

## Annus Christi 1191.

Cœlestini III. Pont. 1. Henrici VI. Reg. 2. Imp. 1.

Bernardi II. Ep. Pad. 6.

Godfrid. Monach. Otto de S. Blasio. Chr. Mon. Sereni. Sigon. lib. 15. de reg. Ital. Præpos. Sec. derb. in hist. Leonis. Arnold. Lub. lib. 3. c. 30. Felices Christianorum in Oriente progressus.

Anno per hæc nonagesimo primo supra centesimum & millesimum circumactis; moritur 10 Aprilis Clemens III, subrogato Cœlestino III Pontifice. In Oriente interim post mortem Friderici Imperatoris & Friderici filii bellum adversus Saracenos in obsidione Acconæ gestum a Philippo Galliarum & Richardo Angliæ Rege, & Leopoldo Austriæ Duce; nihilque remissum, donec nobilis illa urbs ac portus terra marique clausus, hærente circum Saladino, expugnaretur. Aderant in classe quinquaginta Teutonicorum naves a Coloniensibus, Bremensibus, Lubecensibus, aliisque emporiis submissæ. Urbs ad extrema tandem deducta, dedit se v Idus Julii: & cum inter pacta jussi essent Saraceni lignum crucis reddere, idque a Saladino suo impetrare non possent, trucidati sunt quatuor millia Saracenorum in conspectu Saladini. Inde licet Rex Franciæ remigraret in regnum, non tamen destitit Richardus Rex Angliæ bello fatigare Saladinum, Cyprum recipere, Saladini exercitum ad internecionem prope delere, & ad pacis condiciones adigere. Res tamen præclare gestas multum fœdavit turbavitque discordia. Quippe Rex Angliæ vexillum Austriæ, quod vel in muris, vel ad hospitia fixe-

rat, tanquam prima sibi gloria deberetur, revulsam projecit in cœnum; quo offensus Austrius Regem postea ex naufragio reducem interceptit, captumque stitit Imperatori, dum utrique immensam vim pecuniæ penderet. Quæ dum in Palæstina aguntur, Henricus Rex, pace per Saxoniam & Thuringiam composita, iter Romanum magno Principum & procerum comitatu ingressus est; quos inter Philippum Coloniensem Archiepiscopum, virum ætate & sapientia gravem, sibi omnium consiliorum arbitrum adesse voluit. Postquam cum formidabili exercitu urbem propius accessit, Romanorum civium apud Pontificem studio, in quorum gratiam Tusculum Romanis infestum dirui permiserat, a Cœlestino Pontifice xviii Calend. Maji solemniter Christi resurgentis die una cum Constantia conjuge Augustus coronatur. Post illa profectus est in Apuliam, subacturus præreptas a Tancredo provincias, quas ex dote conjugis, Wilhelmi Siculi filiz, sibi pro jure vendicabat; at dum expugnatis aliquot castellis, ad montem Cassinum digressus, veneraturus D. Benedictum, Henricus Leonis filius clam se subtraxit, nec salutato Imperatore in Saxoniam discessit, & Brunswicum incolomis pervenit,

Henricus Rex Augustus cum conjuge a Pontifice coronatur.



nit, creditusque cum Tancredo confilia conspirationis miscuisse. Imperator dissimulata injuria, Neapolim, quæ Tancredi studio ipsi portas clauderat, obsipiune incingit; at mox fœda lues castra pervasit, quæ & Philippum Colonensem Archiepiscopum, magnamque procerum & exercitus partem absumpsit: ipsum Cæsarem adeo afflixit, ut desperatum a medicis fama, quæ omnia auget, mortuum in Germania vulgarit. Unde in factiones irreceptum, aliis alium, quibusdam Henricum Leonem designantibus. Quapropter Imperator soluta obsidione festinavit in Germaniam, capta Imperatrice a Richardo Comite hostium manibus relicta; nihilque sollicitius habuit, quam dissensiones motusque in Germania discutere. Opportune ad hanc rem ex Asia reversus Adolphus Holfatiæ Comes, Stadam recipit: Lubecam cogit ad deditionem; & quæ Leo trans Albim invaserat, excepto Lawenburgo, expugnat. Imperator præterea, licet pater factum filii per Legatos excusaret, Halberstadiensi & Hildesienfi Episcopis, Abbatiq[ue] Corbeienfi in mandatis dedit, infestis copiis Leonis terras invadere, tracto sensim bello in Westphaliā; id licet illi non impigre susciperent, positis etiam ad Ocrā castris in conspectu Brunswicensium, nihil tamen præter populationes agrorum (ut ejusmodi sacrorum præsulū arma improsp̄ra esse solent) ab his actum est.

Saniori consilio Bernardus Episcopus noster studia omnia convertit in res sacras, procul ab his publicis armorum conspirationibus. Ac nulla illi potior cura, quam domi pacem & cleri disciplinam servare integram, ac deinde religiosorum pietatem fovēre donationibus. Quam in rem duæ ex hoc anno supersunt tabulæ, quarum alteris veteri Sanctimonialium Bodecensium Virginum Monasterio muniticam largitionem fecit: alteris curiam Lare, a nobili & Ministeriali suo emptam, Henrico Abbati & Cœnobio Abdinghoviano ratam habet; ultro decimas ejus curiæ, quæ Episcopi erant, largiendo; ea lege, ut annuam Monachi sui memoriam habeant in sacrificiis & precibus. *Testes hujus donationis Altmannus majoris Ecclesiæ Præpositus, Folbertus Decanus, Godeschalcus Northheimensis Præpositus, Bernardus Apostolorum Petri & Pauli Præpositus, Meinricus, Ludewicus, Godefridus, Alexander, Henricus Scholasticus, Lambertus Cellerarius, Hugo, Theodericus Custos, Theodericus, Conradus, Wulfranus, duo Hermannii, Joannes, Volquinus, Canonici ac Sacerdotes. Laici liberi, Widekindus de Ofede, alii-que cum Amelungo Comite, & Ministerialibus. Acta sunt hæc anno Incarnationis Domini MCLXXXI, Indictione VIII, anno Ordinationis IV.*

Bernardus Ep. Bodecensibus & Abdinghovianis benefecit.

## Annus Christi 1192.

Cœlestini III. Pont. 2. Henrici VI. Reg. 3. Imp. 2.  
Bernardi II. Ep. Pad. 7.

Novus Imperator Henricus eo nomine V. Regum sextus, postquam inter Suevos & Alfatas Haganoæ Christi Natalitia peregisset, per octavam Epiphaniæ Wormatiā ad conventum Principum accessit, ibique Brunonem, Adolphi Montium & Altenæ Comitum filium, quem Clerus Colonensem Archiepiscopum elegerat, utroque Ducatu Westphaliæ, & regalibus donat; Lotharium vero Bonnensem Præpositum, quem nobilitas & populus designarat, acceptis ab eo tribus millibus marcarum, Leodienfi Ecclesiæ præfecit; rejecto utroque Alberto, qui per dissidia electi erant. Fœdum & fre-

quens Ecclesiæ malum ex his electio- num dissidiis, postquam per ambitum quæsitā, quæ ante virtuti & meritis dabantur. Vix dum electio Episcoporum e manibus Imperatorum extorta erat, cum per dissidia cleri aperta via Imperatoribus eandem repetendi. Maturabat per hæc consecrationem suam Bruno. Ad hanc quia Joannes Trevirensis Archiepiscopus, & Virdunensis Præsul evocati, recusarunt interesse Hermannus Monasteriensis, & Baldvinus Ultrajectensis Episcopi, quod pro jure sibi consecrationem vendicarent. Jam enim, ut ex Godefridi narratione, & Godehardi Epternacensis Abbatis

restit-

Qui deside-  
rati in pere-  
grinatione  
Secra.

restitutione apud Browerum constat, Hermannus Monasteriensis Episcopus cum aliis redierat in provinciam suam. Desiderati vero ex peregrinatione sacra Engelbertus Comes Montium, Widekindus Swalenbergæ, & Waldecæ Comes, Widekindus Rhedæ Dynasta, cujus ossa Marienfeldiam ad Cœnobium transportata, & honorifico, ut donatione ejus loci ante alios meruerat, tumulo sunt inclusa. Quod vero idem Godefridus ad hunc annum adscribat: *Bellum grave in Westphalia inter Comites terræ illius exarsisse*, id ego, quale fuerit, in nullis annalium monumentis reperio, nisi id de prioris anni bellis dixeris, quæ inter Henricum Leonem & Episcopos, Abbatemque Corbeiensem, ac ceteros forte Comites ab Imperatore excitos fuere.

Cœlestinus  
Pont. præ-  
dium  
Helingel-  
dere, ele-  
ctionem-  
que Præ-  
positi &  
Episcopi  
Bustorfia-  
nis confir-  
mat.

At Cœlestinus Pontifex, qua erat beneficentia erga Clerum, hoc anno Collegium Canonicorum, quod apud nos est Bustorfianum a Meinwerco conditum, insigni diplomate exornavit, quo Canonicis controversum prædium adjudicavit, facultatemque dedit non modo eligendi Præpositum, sed & cum primario etiam clero conveniendi ad electionem Episcopi, quod ejusmodi est.

*Cœlestinus Episcopus Servus servo-  
rum Dei. Dilectis filiis, B. Præposito  
& Canonicis minoris in Patherburn Ec-  
clesiæ salutem & Apostolicam benedicti-  
onem. Pius filiorum votis condescen-  
dere, & faciliem assensum præbere nos  
condecet, ut tanto sint nobis & Ecclesiæ  
Romanæ devotiores quanto se noverint  
plenius exauditos. Eapropter dilecti  
filii Canonici minoris Ecclesiæ in Pather-  
burn postulationibus vestris aures faciles  
accomodantes, vobis & Successoribus  
vestris in perpetuum confirmamus præ-  
dium videlicet in Hemgeldere, quod B.  
pius Ecclesiæ vestræ Præpositus expedi-  
tum a manibus Laicorum assignavit in  
communes usus fratrum, nec non &  
institutionem, quam idem Præpositus  
ex consensu fratrum inter nos instituit,  
videlicet, ut quilibet inter vos decedens  
frater a die decessionis suæ usque ad an-  
num stipendium suum habeat; ad ex-  
pendendum aliquid causa pietatis, vel  
ad excipiendum se, si forte obligatus sit  
debitis. Similiter & Præpositi vestri,*

*quam habuistis usque ad hæc tempora  
liberam electionem, nec non & electio-  
nem Episcopi vestri, quam cum Cano-  
nicis majoris apud vos Ecclesiæ celebrare  
consuevistis. Præterea simul & annu-  
as quas cum eisdem Canonicis a retroa-  
ctis temporibus habetis refectioes fir-  
miter vobis confirmantes apostolica au-  
ctoritate inviolabiter observari præcipi-  
mus. Si quis quid contra hanc nostram  
confirmationis paginam ausu temerario  
venire temptaverit sciat se Dei omni-  
potentis indignationem & Apostolorum  
ejus Petri & Pauli indubitanter incur-  
rere. Datum Romæ apud sanctum Pe-  
trum III Calend. Junii Pontificatus no-  
stri anno secundo.*

Sed multo illustrius Pontifex hic de Germanis meritis, hoc anno ordinem Teutonicum apostolica auctoritate comprobavit. Cœperat is jam anno 1160 ad Hospitalarios & Templarios additus. Quippe Germani qui Hierosolymis commorabantur, cum viderent, qua caritate Itali & Franci suos peregrinos foverent tuerenturque adversus Saracenos, cœpere & ipsi hospitii domum, ædemque sacram S. Mariæ dicatam ædificare, ad peregrinos suæ nationis excipiendos; aucta inde congregatio floruit cum primis Alexandro III Pontifice, ac postremum in obfidione Acconæ seu Ptolemaidis, ad quam supra quinquaginta naves Teutonicorum accesserant. Quare rogatu Henrici V Imperatoris a Cœlestino Pontifice ordo mense Februario confirmatus. Movebatque Pontificem, quod intelligeret, viros ad hanc familiam aggregatos ad privatam pietatem, haud secus quam Hospitalarios & Templarios milites, pugnando adversus Saracenos, bellicam gloriam conjungere. Et cum pari religionis & bellicæ laudis fama apud suos inclarescerent, eo factum, ut tot domiciliis & opibus per Germaniam, Saxoniam & Westphalam piorum hominum liberalitate se funderent. Institutum eorum Templariis accomodatum, & secundum regulam S. Augustini præscriptum sub patrocinio Deiparæ Virginis, cruce nigra in candida chlamide tanquam ressera ordinis signatis. Præstitutus fertur primus Magister Henricus Walporus; quæ familia etiam nunc clata inter Julianenses.

Ordo Teu-  
tonicus a  
Cœlestino  
Pont. ap-  
probatur.  
Azor tom. 1  
lib. 13. c. 6.  
de Milit.  
Ordin.  
Arnoldus  
Lubec. l. 3.  
Jacobus de  
Verraco l. 1  
lib. c. 64.  
Sigonius. l.  
15. de regno  
Italia.  
Mireus de  
orig. Eques.

Ea

Ea deinde sacra Teutonicorum virorum militia, cum res in Oriente languerent, & Syria in potestatem Saracenorum venisset translata est in Livoniam Friderico II Imperatore, Saxonum cum primis & Westphalorum nobilium virtute clara, ubi optatus tandem destinatusque hujus militiæ fru-

ctus fuit; Deo per hos milites religionem Christianam, quæ in Oriente fatali ruina procumbebat; inter barbaras in Occidente gentes propagante; Quemadmodum Livoniam & Prussiam bellicarum virtute Christo partam referemus.

## Annus Christi 1193.

Cœlestini III. Pont. 3. Henrici VI. Reg. 4. Imp. 3.

Bernardi II Ep. Pad. 8.

Pacis serenitatem, quam priori anno dederat Cæsar, proximo in turbas coniecit. Ejecerat ille e Leodiensi Episcopatu Albertum Ducis Lovanien-  
sis inferiorisque Lotharingiæ fratrem, justis suffragiis delectum. Is deinde a Pontifice & Colonienſi Archiepiscopo probatus, atque a Wilhelmo Cardinali consecratus Episcopus, crudelem in modum interficitur. Percussores quia ex aula Cæsaris submissi credebantur, ex veteri odio, quod inter Cæsarem & Alberti fratrem intercesserat, iidemque postea sub patrocinio Cæsaris in aula delituere, Cæsar in suspicionem conscii & patrati sceleris venit. Igitur ad atrox hoc & sacrilegum facinus vindicandum, inito Coloniae fœdere, conspirare in ipsum Cæsarem Henricus Dux Alberti Episcopi frater, Henricus Dux Arduennæ Limburgique, Bruno Colonienſis Archiepiscopus, multique præterea Principes cognatione juncti: alii palam, alii per Legatos (quos inter Conradus Moguntinus Archiepiscopus) incensi omnes, postquam innocentis Episcopi vestes sanguine conspersæ in conspectum productæ, quæ res non leviter commovit ceterorum Episcoporum animos. Cæsar ubi totum Imperium in se concitari didicit, colloquium Principum ad Mosellæ & Rheni confluentes indixit: eo in conventu nihil sollicitius habuit, quam primo se purgare, Principes muneribus & honoribus delinire, & quas leges pacis dictarent, ad eas ultro se offerre; quanquam quæ leges illæ fuerint, nemo satis prodidit. Constat tamen Cæsarem esse jussu animadvertere in auctores necis suppliciis & proſcriptione, Cleroque Leodiensi facere liberam potestatem eligendi alium, quem vellet Episcopum. Ita Lotharius Hochstedenſis & Bonnenſis Præpo-

ſitus, quem obtruserant Episcopum, deturbatus e sede; sed & Hochstedenſis toparchia ferro flammaque vastata fuit.

Haud multo post Bruno Colonienſis Archiepiscopus, ut se hisce fluctibus subduceret, abdicato Archiepiscopatu, indutoque Monachi habitu in Monasterium veteris Montis, quod tum recens conditum florebat virorum nobilium & religiosorum multitudine tanquam in portum secessit. In ejus locum subrogatus Archiepiscopus Adolphus Brunonis ex Everhardo fratre, Altenæ & Montium Comite, nepos. Is deinde Sacerdos & mox Episcopus ab Hermanno Monasterienſi Episcopo, assistantibus Conrado Moguntino Archiepiscopo, & Titmaro Mindenſi Episcopo consecratus est. Præclarus ea tempestate Archiepiscopus Adolphus, quocum intimam familiaritatem coluit Bernardus Episcopus noster.

Cæsar exinde in ordinanda Repub. & Principum Episcoporumque animis demerendis occupatus, priusquam Italicam expeditionem susciperet, mense Decembri Francofurti conventum Principum habuit, in quo Bernardo Episcopo nostro & Paderbornenſi Ecclesiæ Advocatiam, quam supra diximus a Widekindo Waldecenſi Comite ante profectionem in Palæstinam certis pactis renunciata, Imperatoria auctoritate adjudicat; quam in rem hoc diploma cum elogio dilecti & fidelis Episcopi proferimus.

*Heinricus sextus divina favente clementia Romanorum Imperator & semper Augustus. Æquitatis ratio persuadet, & juris ordo deposcit, ut si a fidelibus imperii majestati nostræ discor-*  
K k k k 2  
diæ

Bruno, abdicato Archiepiscopatu Colonienſi, vitam proficitur.

Imperator Advocatiam a Comite Waldecenſi renunciatam Ecclesiæ Paderbornenſi adjudicat.

Mirans in Notit. c. 184 Godefrid. Chron. Colon. Bræuv. lib. 15. Pisan. lib. 11. in Episc. Leodiens. Albertus Ep. Leodiensis interficitur, unde novæ in Imperio turbæ.

diæ proponuntur, eas aures attenta percipientes, rigore justitiæ vel amabili compositione decidere intendamus, & quod in præsentia sublimitatis nostræ rationabiliter decisum fuerit, vel amabili transactione compositum, ne processu temporum ob malorum proterviā immutari debeat, vel aliquo casu possit rescindi, sacris apicis munimine ab imperiali maiestate dignum ducimus roborari. Quapropter notum facimus universis imperii nostri fidelibus, præsentibus & futuris, quod accedens ad præsentiam nostram dilectus ac fidelis noster Bernhardus Paderburnensis Episcopus una cum Heremanno de Waldekke simul nobis significaverunt, quod ipse Heremannus jam alia vice non coactus sed volens advocatiam Paderburn in Ecclesiis, curtibus, mansis, mancipiis & omnibus ad advocatiam pertinentibus, decimam in Alten, curiam Dalpenhusen, & servitium Episcopale in Hervorde abjuravit apud Paderburn, in domo Episcopi in iure feudali, promisitque in manus fidelium Paderburn. Ecclesiæ sub damno amissionis omnium bonorum suorum, se nullo unquam ingenio eandem advocatiam cum prænomiatis bonis repetiturum, vel aliquo modo invasurum, & quod nullis suis consanguineis, vel extraneis assistet, qui advocatiam invadant & nominata bona, sed cum Episcopo ea fideliter defendet. Elegit etiam idem Hermannus, quod si hanc transactionem, vel aliquot ejus capitulum inficiari aliquando vellet, non crederetur juramento, quo negativam probare vellet, sed convinceretur per Clericos & Ministeriales æque sicut per nobiles. In præsentia itaque Maiestatis renunciavit omni iuri, quod in prædicta advocatia ac præscriptis bonis habere videbatur, & expresse coram nobis abjuravit totam advocatiam, quam Widekindus frater suus vacantem habuit, quando eam resignavit, dum iturus esset in expeditionem transmarinam. Præterea abjuravit decimam Alten, curiam Dalpenhusen, & servitium Episcopale in Hervorde. Hoc itaque factum prædicto Paderburnensi Episcopo, suisque Successoribus, & Ecclesiæ Paderburnensi, ut in perpetuum ratum permaneat, & a nullo unquam imposterum infringatur, præsentis pagina imperiali auctoritate confirmamus. Ad cuius rei certam in perpetuum evi-

dentiam præsentem cartam inde conscribi iussimus, & maiestatis nostræ sigillo communiri. Hujus rei testes sunt Waltherus Trojanus Episcopus, Rudolfus Remetensis Episcopus, Sifridus Abbas Horsveldensis, Conradus Abbas de Lorfe, Albertus Dux de Tecke. Comes Hartmannus de Kircher, Comes Godfridus de Ubingen, Comes Poppo de Worthheim, Rutbertus de Durne, Cuno de Mincenberg, Henricus Pincerna, & alii quam plures. Acta sunt hæc anno Dominicæ Incarnationis MCXCIII, Indictione XI, Datum apud Franckenfurt. II Idus Decembris.

Per id tempus (quanquam alii ad initia sequentis anni hic referant) certe nova lux, inquit Lubecensis, in Saxonia exorta est, ac pacis jucunditas, ex nuptiis, quas Henricus Leonis filius contraxit cum Agnete Conradi Comitum Palatini unica & hærede filia. Fortunatum & illustre matrimonium, quo ad dignitatem Ducis vidit redire Leo familiam; erat enim Conradus Palatinus Dux Sueviæ, Friderici Barbarossæ Imperatoris frater, cujus filio Friderico data est Richeza Henrici Leonis filia; Friderico vero in Italia extincto, supererat unica filia Agnes, ea vicissim promissa Henrico Leonis filio, dum adhuc Leonis res florent; post ubi Leo in suas calamitates prolapsus, tam Henricus VI quam pater Barbarossæ matrimonium impedire, communi in domum Leonis odio. Id cum Philippus Francorum Rex non ignoraret, missis ad Imperatorem Legatis, filiam hanc sibi petiit in matrimonium; a quo tamen puella abhorrebat, quod matri diceret Regem hunc abjecisse toro Regis Daniæ filiam, quam secundis sibi nuptiis conjunxerat, & hoc inconstantis Regis exemplo se terreri, nec affici posse, ut ex his repudii vestigiis ad simile matrimonium ducatur. Quæ cum mater puellæ probaret, rogaretque quem igitur sponsum mallet: hunc, inquit, qui mihi dudum promissus est, Henricum Leonis filium. Tum vero mater illico missis nunciis evocat Henricum, juvenem ætate florentem, omnibusque corporis & animi dotibus exornatum; ac primo statim vespere, quo accessit, postulato Sacerdote ad consuetos ritus, collocavit in thalamo. Aberat Palatinus pater cum hæc agerentur, neque conficius

Arnold.  
Lubec. L. 4.  
c. 20.  
Præf.  
Stedeb. in  
hissor. Hen-  
rici Leonis.  
Cranz. l. 9  
M. 179.  
c. 24.  
Naubrigen.  
lib. 4. c. 31.  
Rerum Au-  
glic.  
Roger. ab  
Hervorden.  
Scriptor.  
Anglicus.  
Pax Saxo-  
niæ concilio  
ata per nu-  
ptias Hen-  
rici, Leonis  
filii, cum  
Agnete fi-  
lia Palatini

scius erat, quæ mater & filia pertractabant; altero tamen is die vocatus, ingressusque castrum, probavit factum matris & filiae. Inde mox ad Imperatorem regressus excusavit omnia absente se & incio facta esse; at dum generi gratiam rogat, indignatus Imperator, Vade, inquit, & nebulone illo expulso; rescinde quod factum est. Ad quæ Palatinus; frustra hæc aguntur; res jam eo processit, ut nec sine probro filiae meæ ac totius familiae, nec sine religionis injuria matrimonium solvi possit. Quæ cum multis exponeret, referetque etiam hoc matrimonium inter Mathildem sponsi matrem & conjugem suam convenisse, placatus Imperator quievit, generumque cum filia in gratiam recepit. Quam ut firmaret Palatinus, proficiscitur Brunswicum ad Henricum Leonem senem filii patrem, rogatque ut & ipse supplex Imperatorem Salveldiæ adeat. certo pollicitus fore, ut positis omnibus offensionibus, & ipse & filius ex integro in gratiam recipiatur. Quo dum Leo tendit, ex itinere prope Bothvelde (locus est diocesis Paderbornensis haud procul a Visurgi, celebris Henrici III Imperatoris excessu) cum equo prolapsus, graviter crus attrivit, prohibitusque est dolore vulneris iter proseguere. Quare cum ad constitutum diem & locum non adesset Leo, Imperator suspicatus hanc fictam, pro veteri fastu & obstinatione, obtendi causam, post vero ubi certior factus de gravi lapsu Ducis, obviam processit Duci; ac postquam in mutuos amplexus & colloquium venere, Imperator patrem haud secus quam filium in gratiam recepit. Factaque est omnium offensionum oblivio, filius etiam Palatini honoribus palam decoratus, hæresque foci appellatus. Ejus beneficii loco petiit Imperator, permetteret filium secum in Italiam & Apuliam ire. Ægre quidem faciebat id Leo, quod jam aliis duobus filiis Ottone & Wilhelmo orbatus esset, quorum alter ab Imperatore, alter a Leopoldo Austriae Duce obses tenebatur, Richardi Regis Angliæ & avunculi rogatu. Is enim postquam ex naufragio captivus in manus Austrii venerat, jussus est ingentem pecuniam, 50 videlicet millia marcarum sibi, & 100 millia marcarum Imperatori pendere; quam inhuma-

nam lytri summam, cum ex vinculis in Germania repræsentare non posset, obsides hosce Leonis filios consensu patris dedit.

His cum Imperatore transactis, Leo Brunswigum rediit. Inde igitur ex fortunatis hisce nuptiis, quod Lubecensis scribit, per utramque Saxoniam terra marique alta pax & lætitia, cessantibus bellis, deprædationibus, furtis, latrociniiis, & multis partium incurvationibus; tum negotiationes, agricultura, & commercia in pristinum tandem statum ac florem rediere. Nec inde multum etiam superstes Leo (altero enim anno cessit e vivis) quod reliquum habuit vitæ, pacis & pietatis studiis impendere: templa & Monasteria, quæ Brunswigi a fundamentis extruxerat, novis operis, imaginibus, crucis signis, exquisitis elaboratis vestibibus sacris exornare: multum vacare operibus piis, & larga manu pauperes fovere. Inter hæc licet corporis vires ex senio sensim deficerent, animo tamen excelso privata non minus quam publica administrabat. Ac ne quid temporis per otium sibi elabi fineret, antiqua Chronicorum scripta colligi & conscribi, & coram sibi recitare præcepit. Qua in occupatione totam sæpe noctem duxit insomnem; uti hæc pluribus scribit Præpositus Stederbergensis, quem sibi in legationibus & aula adesse voluit. Demum cum urgente senio & morte ad extremum se deduci sensit, evocato ad se Isfrido Raceburgensi Episcopo delictorum confessionem multis cum lacrymis quarto Nonas Augusti fecit: ac postquam sacro Eucharistiæ viatico pastus, oleoque sacro secundum Ecclesiæ consuetudinem inunctus fuit, quatrinduo post non aliud magis ingeminans, quam illud Evangelii: *Deus propitius esto mihi peccatori*, excessit e vita, anno ætatis LXVI. Corpus deportatum in Monasterium S. Blasii, quod Canonicorum erat Collegium, templumque a se constructum, humatumque ad latus Mathildis conjugis, Anglorum Regis filiae. Ad hunc modum ex turbulenta vita placitam piamque mortem sortitus. Passim hoc Scriptorum de hoc celebri Duce nostro judicium reperio: *Multa mala & bona fecisse; tanquam qui vitam inter virtutum & vici-*

Henricus  
Leo bono-  
rum exerci-  
tio operum  
insistens ad  
felicem vi-  
tæ exitum  
se compa-  
rat.

vitiorum confinia duxerit. Quo tamen in genere exitum vitæ, prævalentibus virtutum operibus, habuit felicissimum; dummodo Ducibus nostris Brunswicensibus, qui ex Wilhelmo ejus filio antiquissimam & constantissimam stirpis originem trahunt, reco-

lere libeat, ex qua majorum religione per Episcopos & veros Sacerdotes Catholicæ Ecclesiæ Sacramenta sibi morienti rite præberi voluerit: aut quos Leo Episcopatus, Canonicorum Collegia, ac Monasteria per Sclaviam & Saxoniam condiderit dotaritque.

## Annus Christi 1194.

Cælestini III Pont. 4. Henrici VI Reg. 5. Imp. 4.  
Bernardi II Ep. Pad. 9.

Rogerius.  
Baronius.

Sigonius  
15.  
Godefrid.  
Otto a.  
Blasio.

Imperator priusquam iter Romanum proximo hoc anno ingrederetur, accepta ingenti ex Anglia pecuniæ summa, ad quam totius etiam Angliæ clerus tributa collegit, Richardum Regem libertati tandem restituit, tradiditque duobus Archiepiscopis Moguntino & Colonienfi deducendum; & Adolphus Colonienfis adeo lætus Regis liberatione, ut pridie Nonas Februarii sacrificium Missæ de vinculis S. Petri celebrari jussit; multique procerum ex Westphalia ad salutandum spectandumque Regem convolarint. Imperator post illa in Italiam transcendit ad possessiones Apuliæ & Siciliæ adeundas; quod jam Tancredum morte sublatum didicerat. Hæsit a latere Imperatoris Henricus Leonis filius, in omnibus comes cum Saxoniarum militia. Mense Junio cum Genuam attigisset, v Idus Augusti classe provectus, Cæteram appulit; qua in deditionem accepta, Neapolim iv Calend. Septembris obsidere cepit: ea cum haud multum reluctata se dederet, ceteras urbes suo exemplo traxit in potestatem Imperatoris. Inde in Siciliam classe delatus, brevi tempore totam subegit. Quare & mense Decembri una cum Constantia uxore (quam falso quidam Monialem fuisse ferunt) Rex Siciliæ coronatur.

Arnold.  
Lubec. l. 4.  
c. 23.  
Auctor  
Transla.  
apud Bro-  
uer. in  
Sideribus.  
Brouer. in  
Not. ad vit.  
Bernard.

Læta non minus hujus anni a Cælestino Pontifice, a quo Bernwardus Hildesimensis Episcopus Divorum fastis adscriptus est. Nam is, postquam a Cardinale Cintio (qui in Daniam missus erat Legatus, diverteratque ad Monasterium S. Michaelis hospes) & a Conrado Moguntino Archiepiscopo, Bernone Hildesimensi, ceterisque Saxoniarum Episcopis edoctus esset de Bernwardi sanctorum, & crebris ad sepulchrum miraculis perpetratis, con-

vocato Cardinalium senatu, examinationisque singulis, quæ per Theodoricum Abbatem allata erant, solemniter in Divorum numerum retulit, dato insigni ad Episcopum & Clerum Hildesensem diplomate. Quo accepto, Berno Episcopus ossa hoc anno festo Virginis in Cælum assumptæ e sepulchro extulit, publicæque Bernwardum populo; qui ex omnibus Saxoniarum & Westphaliæ locis affluerat, colendum proposuit. Ac mirum quibus miraculis Deus a facta translatione, supra etiam, quam ante edita erant, hunc Divum illustravit. Nullus prope Saxoniarum locus, in quo non variis morbis afflicti mortales, ejus implorata ope, divinitus persanati sunt; ut jam tota Saxonia personaret Divi hujus celesti patrocinio. Nec Paderbornensis diocesis vacua hujus Divi beneficio. Captus ferreisque vinculis adstrictus tenebatur Odalricus miles de Paderborna in castris Ravensberg; is cum extremo vitæ discrimine multa per famam acciperet de Bernwardi miraculis, implorata Divi ope, sensit noctu catenas, qua parte manum stringebant, cerei instar diffuere. Ita facile iis se expediit; sed nullus adhuc effugii locus patebat. Inter portarum claustra & custodias igitur, majora ausus, & Divi fiducia fretus, ab alto muro desiluit in subjacentem ex petris profundamque fossam, ac nulla corporis sui parte læsus evadit; vinculisque solutus nihil sollicitius habuit, quam ut vota, quæ fecerat, exsolveret. Quam in rem recta Hildesum properando, compedes, quas manu ferebat, testes beneficii & miraculi, ad sepulchrum ejus suspendit. Innumera hæc prope erant, quæ tum Divi hujus implorati beneficio patrabantur, ex quibus hoc, quod nostrum est, referre congruum duximus.

Bernwardus Hildes.  
Episc. Div.  
ascribitur  
& pluribus  
miraculis  
inlaretur.

Sub



Adolphus  
Colon. Ar-  
chiep. pas-  
cem &  
tranquilli-  
tatem Du-  
catui West-  
phaliæ re-  
stituit.

Sub id tempus Adolphus Coloniensis Archiepiscopus Westphaliæ Angariæque Ducatum suum ingressus, haud alia ut ipse profitetur, de causa, quam ut oppressis bello per has turbas incolis suæ provinciæ jus diceret, & ab injuriis liberaret. Quippe Comites Westphaliæ, ut Godefridus retulit, diffidiis armisque inter se commissi, incursando prædandoque, sacra juxta & profana turbarent; quanquam, quoniam illi Comites fuerint, præter Waldecenses, a nullo scriptore satis sit proditum. Igitur postquam Saxonia reconciliato Leone respirare cœpit, publicum omnium ordinum indixit conventum; ad quem Florentius quoque Marienfeldensis Abbas accessit, questus de Waldecensibus Comitibus, qui ab obitu Widekindi fratris, & Widekindi Rhedani Dynastæ, ac fundatoris sui, Ecclesiam & prædium Stapellagium, aliaque bona rapuerant, quæ ipsi Cœnobio ante professionem in Palæstinam donarant. Coloniensis non contentus hæc decidisse in suo Ducatu, Paderbornam ultro proficiscitur, collaturus cum Bernardo Episcopo de statu Westphaliæ. Ibi alio Abbatum comitio, ac nobilium conventu indicto, non modo causa Florentii Abbatis, sed & ceteræ lites turbæque intestinæ compositi sunt. Extant hac super re publicæ literæ in tabulario Marienfeldensi, quibus acta hæc memorantur. *Paderbornæ Nonis Julii, Anno Domini Incarnationis MCLXXXIII, Indictione XII, præsidente Romanæ Sedis Cælestino Papa III. regnante Henrico Romanorum Imperatore Augusto, Episcopatus nostri anno I. præsentibus viris nominatissimis, Clericis & Laicis, quorum hæc sunt nomina, Widekindus Corbeiensis Abbas, Henricus Abbas Paderbornensis, Hermannus Præpositus Susatiensis, Simon Comes de Tekenburg, Arnoldus Comes de Altena, Fredericus Comes frater ejus, Albertus Comes de Everstein, Adolphus filius Comitum Engelberti de Berge, Bernardus de Lippia, & filius ejus de Waldeck unus ex quatuor fratribus, Godefridus de Peremunt, Herimannus de Ruthenberg, Adolphus de Dassele, Amelungus Comes de Patherburna, alique nobiles ac Ministeriales. Celebris præsulum & Comitum conventus, in quo auctoritate Adolphi Coloniensis & Bernardi*

Paderbornensis Episcopi nostri, hæc pars Westphaliæ, positis infestationibus, publicæ tranquillitati restituta est.

Memorable etiam apud nos Bernardi Comitum de Lippia factum, quem Westphalia ex celeberrimo milite, & militiæ præfecto, Monachi habitum in Cœnobio Marienfeldensi induere vidit. Id quidem Pideritius ad annum Christi 1192 refert, eo quod in chronico Lauterbergensi, seu Montis Sereni, sit consignatum; Verum Lauterbergense Chronicon tantum ad annum Christi 1219 sero post denarrat Bernardum ex Monacho Abbatem & Episcopum factum esse. Id Chronicon cum non inspexerit Heisterus, Veldius, alique, a Pideritio in errorem abducti sunt. Mihi autem id probari non potest, quod ad hunc usque annum reperiam illum tabulis publicis inter Comites & proceres subscripsisse. Quemadmodum in his Adolphi Coloniensis Archiepiscopi literis, paulo ante productis, cum Hermanno filio testis subscripsit. Verisimile autem habeo eum aut hoc anno, aut post obitum Henrici Leonis, aut proximo quoque anno Monasticam vitam amplexum esse; nec enim ab hoc tempore aut in publicis tabulis, aut ullo in conventu nomen ejus aut præsentiam reperio. Multa & præclara de hoc Westphaliæ heroe passim Scriptores nostri memorant, sed in quibus nihil magis quam Chronologiam desideres. Conscripsit & Justinus presbyter res a Bernardo gestas rudi ejus sæculi versu, a quo & ratio temporis prætermissa est.

Bernardus  
C. de Lippia monasticam in Cœnobio Marienfeldensi vitam amplectitur.  
Justinus presbyter in Lippia floruit.  
Albertus Stadenfis.  
Chron.  
Montis Sereni.  
Granzius.  
Heister in suffrag. Colon.

Igitur mira in hoc Comite rerum vitæque conversio. Adolescens a parente Hildesum transmissus ad celebre ejus loci Gymnasium, ex quo literis excultus & in Hildesensem clerum cooprat, aliquantum vixit inter Canonicos Principis ædis; dum fratre natu majore extincto, a parentibus revocaretur ad familiæ propagationem, cujus ille unica stirps supererat, ex clarissimis majoribus, Patre cumprimis Bernardo, quem Lotharii Imperatoris arma celebrem fecere militiæ præfectum. Cum & ipse martios animos ferret, ad militiam se transtulit, clarusque vel maximis bellis Henrici Leonis, ut supra a nobis relatum est, inter

Cetera Bernardi gesta.

ter

ter præstantissimosejus tempestatis Duces numerabatur; tantaque in eo spectata fortitudo, ut cum pedibus male affectus, totoque corpore debilis esset, lectica tamen se ad prælium deportari jussit. Publicis deinde privatisque bellis per Saxoniam quiescentibus, Lipstadii (quam urbem ipse primo ad Luppianam condidisse fertur) in palatio consedit. Interim paralyti nervorumque contractione ita debilitatus, ut ad omnia munia inutilis ægram animam traheret; tum vero cum desperata omnium medicorum arte rationes superioris vitæ inspiceret, votum concepit Deo, & B. Virgini factum, si pristinis sibi viribus redderetur, abjectis omnibus familiæ curis, Deo se militaturum: si jam illud votum fuerit militandi in Livonia adversus barbaros Christianæ religionis hostes, ut quidam volunt: si institutum religiosæ vitæ amplectendæ. Certo concepto voto, mox integram corporis sanitatem cœlesti beneficio recepit, admiratus ipse secum, qui tam repentina ex desperato corpore valetudo rediret. At rem arduam, quam meditabatur, multum præpeditabant uxor, liberi, & adhuc fluctuans inter bellorum jacturas familia. Primum igitur conjugii, quam Petronellam habebat Comitissæ Arensbergensis filiam, consilium animi sui aperit; ea licet multum obsisteret, victa tandem precibus cessit in consensum. Mox translata in Hermannum filium omni bonorum hæreditate (nam ceteri quatuor filii in clerum adscripti erant; ex quibus Otto Ultrajectensis, Gerhardus Bremensis, Bernardus Paderbornensis Episcopi, Theodorus Daventriensis Præpositus electi) vergente jam in senium ætate, in Cœnobium Marienfeldense secessit, quod ipse jam inter fundatores amplis prædiis & bonis dotare cœperat: cunctis admirantibus, qui virum posito militari sago attonsum in Monachum, vilique habitu contextum videre. Auctor Chronici Montis Sereni de eo hæc retulit. *Bernardus Comes de Lippia, vir sæculi actibus deditus, post multa bella, inter quæ rapinis & incendiis multis*

*injuriosus extiterat, Deo inspirante, animo habituque mutatus, in quadam Ecclesia novella, quæ primum Hosiwinckell dicebatur, primum Cisterciensis ordinis Monachus, demum ejusdem loci Abbas, ac deinde cuidam Livoniensi provinciæ Episcopus est electus, & a filio Episcopo de Utrecht consecratus. Eadem fere refert Albertus Stadenis; fallitur vero uterque quod ejusdem loci Abbatem factum scribant.*

Sane postquam religiosam vitam inter Monachos amplexus, ita brevi omnibus virtutibus excultus fuit, ut quantum miles inter milites, tantum Monachus inter Monachos emereret. Paucisque post annis, ducta religiosorum virorum Colonia secum ex Westphalia, in Livoniam est transgressus ad barbaros homines excolendos; ubi jam anno MCCI, ut ex tabulis ab eo Cœnobio Marienfeldensi consignatis constat, Abbas Dunemundæ fuit. Quo ex munere, ut Stadenis scribit, Selonienensis Episcopus electus, egregiam in docendis barbaris operam magno cum fructu posuit. Acquamvis subinde Lealensis Episcopus vocetur ab arce Leale, ad quam cum ceteris Episcopis refugium habuit; Selonienensis tamen illi proprius fuit. Ad quod sacrum munus cum admoveretur, rediit in Westphalam. Ac *mira res*, inquit Albertus Stadenis, *Trajectensis Episcopus Bernardum patrem suum consecravit Episcopum in Aldenfele, & postea pater cum eodem filio suo Gerbardum alium filium Bremensem Archiepiscopum consecravit, idemque Gerbardus alium fratrem suum Paderbornensem consecravit Episcopum.* Magnum per id tempus totius Westphaliæ decus Lippiensium Comitum familia, quæ tot præclaros simul Episcopos cum tam Apostolico parente dedit; stetitque illustis progenies in hac majorum religione, dum nostra ætate primum ad Lutheri, post ad Calvinii hæresin descisceret. Sed hæc pauca de Bernardo Comite, cetera tempori referenda.

Bernardus in Livoniam transit, & Episcopus Selonienensis consecratur.



Annus

# Annus Christi 1195.

Cœlestini III Pont. 5. Henrici VI Reg. 6. Imp. 5.  
Bernardi II Ep. Pad. 10.

Quinta in Palæstinam expeditio urgetur. Godefridus Otto de 8. Blesio. Ursberg. Arnoldus Lubec. l. 5. Grexerus de Cruce. lib. 2. c. 27.

Nunc ad annum primum trans-  
eamus, Christi videlicet MCLXXXV,  
quo Imperator rebus in Sicilia consti-  
tutis, in Apuliam transit, ac Barii  
Christi resurgentis solennia egit. Sed  
priusquam e Sicilia solveret, literas de-  
dit in Germaniam a Godefrido recita-  
tas, quibus omnes Archiepiscopos,  
Episcopos, & sacrorum præfules hor-  
tatur, ut populum ad militiam sacram,  
quam Cœlestinus Pontifex urgebat,  
sollicite excitent. Ipse deinde Impera-  
tor, rebus in Italia ordinatis, in Ger-  
maniam regressus, duplicem hanc in-  
rem conventum Principum convoca-  
vit, alterum Wormatiæ, alterum Ar-  
gentinæ. Quinta hæc expeditio sacra  
fuit, in qua Principes, Episcopi, &  
supra viginti proceres cruce signati,  
atque ingens hominum multitudo con-  
venit, quæ ad sexaginta millia pugna-  
torum nomen suum sacræ militiæ dedit.  
Inter sacros præfules numerati Conra-  
dus Moguntinus, Hartwicus Bremen-  
sis Archiepiscopi, Conradus Hildesien-  
sis, idemque Cancellarius Imperatoris,  
Rudolphus Verdensis, Halberstadien-  
sis, Citzensis, Pataviensis, Ratisbo-  
nensis, alique quam plures, teste Lu-  
becensi. E Principum numero Dux  
Lotharingiæ, & Henricus Leonis fili-  
us, qui ex hoc anno Conrado focero  
mortuo hæreditatem Palatinatus Rheni  
adiit. Accessere Dux Austriæ, Her-  
mannus Thuringiæ Landgravius, Co-  
mes de Limburg, Adolphus Comes  
Swalenbergicus. E Westphalis proce-  
ribus memoratur Bernardus de Horst-  
maria, militum ea tempestate pugna-  
cissimus. Hi per hyemem toti in ap-  
paratu fuere; quibus Rex Daniæ, Lu-  
becenses, Bremenenses ceterique naves  
milite instructas addidere. Inter has  
publicas curas Henricus Imperator,  
sollicitatus a Bernardo Episcopo nostro,  
castrum Plesse illi liberali diplomate ex  
decisa lite asserit.

Et omne bonum. Universitati vestre  
duximus imitandum. Quod nos ad in-  
structionem fidelis nostri Bernhardi Pa-  
derburnensis Episcopi cognoscentes Eccle-  
siam Paderburnensem damnum & gra-  
vamen sustinere ex concambio, quod  
idem Episcopus de castro Plesse, & ejus  
pertinentiis ex parte Ecclesiæ suæ nobis-  
cum fecerat pro dilectione ipsius Episco-  
pi idem concambium auctoritate impe-  
riali dissolvimus & omnimode cassa-  
mus. Mandamus igitur & districte  
præcipimus, quatinus jam dictus Epi-  
scopus, & Ecclesia Paderbornensis ca-  
strum Plesse & universa ejus pertinen-  
tia cum omni jure & plenitudine sicut  
prius habuerant, deinceps teneant, &  
in pace possideant, & a nullo unquam  
in eisdem bonis & castro molestantur,  
volentes ut prædium Comitis Sifridi in  
Episcopatu Paderbornensi situm, quod  
ipsi Episcopo & Ecclesiæ suæ in concam-  
bium dederamus, nostræ deinceps vacet  
potestati. Datum apud Latam Anno  
Domini MCXCV, Indict. XIII, II Cal.  
Augusti.

Transegit deinde Episcopus noster  
cum Bertholdo & Thetmaro Dynastis  
Buranis; quibus & potestatem dedit  
condendi muniendique Oppidum Bu-  
ranum, & certis illos legibus in clien-  
tes suscepit: quo simul tempore ædem  
sacram in oppido constructam dedicavit;  
uti hæc uberius ex his transactionum  
literis cognoscuntur.

Bernardus  
Ep. Dynas-  
tis Buranis  
in cliente-  
lam susce-  
ptis dat fa-  
cultatem  
condendi  
oppidi Bu-  
rani &c.

Bernardus secundus Dei gratia Epi-  
scopus Paderbornensis. Cum pleraque  
mortalium negotia vetustate temporum  
deleri soleant, nisi sint literarum mo-  
numentis commendata. Idcirco cau-  
tum est & usitato more frequentatum,  
actus hominum, præsertim contractus,  
quorum perpetua utilis est memoria,  
scriptis authenticis commendare, ut si  
quid ex eis aliquando veniat in dubium,  
per instrumenta publica facilius expe-  
diatur. Qua nos usi cautela præsentibus  
significamus & futuris, quod duo  
fratres nobiles B. & T. totum prædi-  
um suum, quod Buren proprietario ju-  
re habebant, consensu & collaudatione  
legi-

Henricus  
Imp. cas-  
trum Ples-  
se Bernar-  
do Ep. ad  
judicat.

Henricus Dei gratia Romanorum  
Imperator, & semper Augustus, &  
Rex Sicilia fidelibus suis, Clero, ho-  
minibus, & aniverfis Ministerialibus  
Paderbrunnensis Ecclesiæ gratiam suam

LIII

legitimorum cohæredum suorum Ecclesiæ nostræ rite contulerunt in proprium cum omnibus ad ipsum pertinentibus, videlicet agris cultis & incultis, silvis, pratis, pascuis, molendinis, aquis aquarumque decursibus, & omni jure earundem possessionum, mansum unum Ecclesiæ nostræ ante hanc collationem Ecclesiæ nostræ pertinentem pro alio commutaverunt, & eundem commutatum Ecclesiæ nostræ dederunt. Idem fratres civitatem nostram auctoritate & consensu ædificaverunt, quam cum moneta sua & theloneo & minuta decima scilicet illius ambitus, & de nutrimentis animalium ipsis in feudum concessimus. Hæc etiam civitas ad mandatum & servitium Patherburn. Episcopi erit in perpetuum, sicut Wartberc & Paterburn. Prænominati fratres, & eorum Successores ab omni homine liberi, & absoluti servient Patherburnensi Episcopo, quicumque pro tempore fuerit contra quemlibet præter Romanum imperium. Si Patherburnensis Episcopus guerram cum Comite de Arnesberg habet, intrabit civitatem Buren quotiens & quamdiu voluerit cum numero armatorum pro suo arbitrio, & de ipsa guerrabit, & alter frater, si voluerit erit Arnesberg, ita tamen ut nullatenus lædat Ecclesiam. Si contingat uno tantum superstite contra præfatum Comitem guerram moveri, illæ nostræ serviet Ecclesiæ, vel renunciabit bonis, nisi gratia Episcopi ei hanc necessitudinem remittat. Si sine legitimis filiis vel filiabus sæpediti fratres decesserint, proximi hæredes, qui succedent in patrimonium prædicto modo Ecclesiæ collatum, succedent in idem feudum in præscripta lege ac onere servitii. Capellam in eodem loco dedicavimus constructam, eique proprium pastorem perpetuo deputavimus, cujus parochia intra fossatum civitatis limitata est, ita quod extra munitiorem non extendatur. Archidiaconus tribus vicibus in anno synodalem & Episcopalem jurisdictionem exercebit in eadem capella, & qualibet vice XVIII denarios gravis monete pro sua procuracione accipiet. Insuper quotiens voluerit pro consuetudine Archidiaconorum ibidem synodabit: sed quæ præscripta est procuracionis erit annua summa. Decimas Villarum Buren, Holtbusen, Sydinbusen, Barchusen, Hodinch juræ perpetuæ pensionis percipient, de

quibus in octava Pentecostes solvent Celerario Patherburn. IIII marcas & dimidiam Sostatiensis monete, quæ si casu temporis levior facta fuerit, Patherborn. monete nummi solventur. Quas si non solverint usque ad vigiliam S. Jacobi sine omni contradictione carebunt decimis in perpetuum. Reditus V marcarum eisdem fratribus concedimus, si tempore vitæ nostræ vacare contigerit, sin autem a Successoribus nostris hujus rei eventum expectabunt ita tamen, quod nullius Ministerialis bona conferantur eis. Promiserunt idem fratres sub Sacramento fidelitatis, quam nobis debent & Ecclesiæ, quod petitiones & exactiones, hospitalitates, sive quascunque concussiones non facerent in bonis & hominibus Ecclesiæ nostræ. Quod si fecerint, & familiariter a nobis, vel a Successoribus nostris conventi non correxerint infra VII hebdomadas absque districto jure feudali ad jus finale citati occurrent, culpam composituri cum restitutione damnorum illatorum. Si vero clericum sive ministerialem Ecclesiæ suæ mancipium captivaverint, statim cum conventi a nobis vel nostris Successoribus fuerint non lege feudali sed ad XIII dies finali jure pro his excessibus citati respondeant. LX marcas pro compensatione prædii præscripto modo collati ipsis dedimus. Insuper XXX marcas ad impensas muniendum civitat., ne aliqua occasione villas, seu quæcunque gravamina exactionum aliquo ingenio in personis in possessionibus ipsi aut hæredes ipsorum facere præsumant in perpetuum.

Vicissim in hæc pacta conventaque fidem suam obligavit Bertholdus dynasta Buranus. Quam in rem publicæ ejus tabulæ suppetunt, multis Canonorum & nobilium testibus in celebri conventu signatæ. Quæ cum hæc planius explanent, juraque Buranæ familiæ dilucidius asserant, operæ pretium erit hic simul ad posteritatis memoriam conjungere.

Quoniam quæ sunt sub tempore, pariter elabuntur cum tempore, Nos Bertholdus & Tethmarus fratres Nobiles viri de Buren ad perpetuam notitiam in hac chartula expressimus contractum familiaritatis & amicitiae, qui convenit inter Dominum Bernhardum Episcopo-

scopum & Ecclesiam Paderbornensem ex una parte, & nos & omnes cohæredes nostros ex altera. Cum enim in ipso contractu fuisset expressum, ut formam ipsius contractus præfati Episcopus & Ecclesia sub suis sigillis conscriptam nobis assignarent, & versa vice sub nostro signaculo conscriptam acciperent, ex quo ipsi a nobis sæpius commoniti & rogati hoc implere voluerunt, ejusdem contractus ordinem & formam plene & verissime sub attestazione gratiæ Dei & nostræ christianitatis religionis, & pœna ultimi judicii nos hic fecimus exarari, mandantes cujuslibet posteris nostris utriusque sexus, quatenus si opus fuerit, ipsi securissime in animas suas & nostras, ita ut subscriptum est, juramento confirmant, factum esse. Castrum itaque nostrum Buren villaque eadem, quæ ab antecessoribus nostris jure hæreditario habuimus, & tantum triginta mansos ejusdem proprietatis in vicino adjacentes in agris & sylvis in manus prædicti Domini Bernardi Episcopi in proprietatem contulimus Beato Liborio & Ecclesiæ Paderbornensi, commutato manso qui pertinuit eidem Ecclesiæ cum altero manso nostro in ipsa donatione, & præstitimus fidele homagium Episcopo ad serviendum ei & Ecclesiæ in necessitatibus suis ad propellendas injurias & castrum & villam nostram eorum auxilio accommodanda contra omnem hominem, præterquam contra Imperium. Expressum est etiam, ut homines & bona ejusdem Ecclesiæ nos ipsi & homines nostri benigne & pacifice pertractemus, & si forte contigerit vel nos, vel homines nostros in his aliquatenus offendere, ad componendas offensas spatio sex hebdomadarum commoneamus amice, & si inventi fuerimus parati componere amice vel juste, judicialiter contra nos procedere non debeat Episcopus. Si autem contigerit Episcopum vel Ecclesiam Paderbornensem guerrare cum Comite ad Arensberg, cujus nos vasalli sumus, optionem habet unus nostrum ad Comitum se transferre, altero vero cum castro Buren in obsequio Ecclesiæ persistente. Supradicta igitur donatione a nobis completa, idem Episcopus de pleno consensu Ecclesiæ Paderbornensis jure perpetuo concessit nobis, & per nos liberis nostris promiscui sexus, & post ipsos hæredibus eorum, & nostris item promiscui sexus, proximis in perpetu-

um castrum Buren, villam & proprietates prædictas, dans nobis auctoritatem monetam faciendi, thelonio utendi, & ne nos vel hæredes nostri de eisdem bonis ad servitia transalpina teneamur. Idem Episcopus capellam a nobis exstructam ibidem dedicavit, & nobis & loco eidem proprium Pastorem perpetuo per nos inveniendum consensit, cujus Parochia intra fossatum ejusdem oppidi limitata est, Archidiaconus etiam, qui pro tempore fuerit, tribus vicibus in anno Episcopalem, vel synodalem jurisdictionem exercebit in eadem Ecclesia, cui Plebanus serviet qualibet vice decem & octo denarios in sua procuracione. Ad mutuae autem dilectionis affectum exprimendum accepimus a prædicto Episcopo & Ecclesia sexaginta marcas in donatione, & item triginta ad impensas muniendi oppidi nostri prædicti. Et insuper contulerunt nobis jure perpetuæ pensionis ad summam quatuor marcarum & dimidiæ communis monetæ decimas quinque locorum videlicet Holthusen, Sidinckhusen, Hodinckhusen, Buren, ita ut præfata pecunia tota solvatur majori Præposito vel Cellerario Paderbornensi ab Ascensione Domini usque in diem B. Jacobi Apostoli. Reditus etiam quinque marcarum ipse Episcopus nobis in feudum concessit, expectandas ab eo, vel a Successore suo, cum eos vacare contigerit, ita tamen, quod a nobis ministerialium redditus ipsos non consequamur, Promiserunt etiam Episcopus & Ecclesia Paderbornensis, ut nobis promptum & efficax auxilium cum suis hominibus & expensis adhibeant in justis causis nostris, & in quibus volumus juri parere, & ut ad defensionem nostram nobis assistant Episcopus, & conventus Paderbornensis, & civitas Paderbornensis, & aliæ munitiones Ecclesiæ ejusdem, tanquam castrum nostrum Buren. Adjectum est etiam, ut si præfati Episcopus & Ecclesia in bonis nobis ab ipsis datis vel collatis graves vel injuriosi existant, manentibus nobis his, quæ ab eis consecuti sumus, bona nostra ad nos in pristinam redeant libertatis proprietatem. Præsentibus erant Godeschalcus de Schwalenberg major Præpositus, Volpertus Decanus, Bernhardus Præpositus BB. Apostolorum Petri & Andreae, Lambertus Cellerarius, Henricus de Burbonne Scholasticus, Titericus de Ertelen Custos, Meinricus,

L 111 2

Con-

Conradus parvus Præpositus, Joannes de Padbere, Volcquinus de Schwalenberg, Hermannus de Buren, & alii Paderbornenses Canonici; & Henricus Abbas Paderbornensis. Laici nobiles Comes de Arenspersg, Godefridus, Henricus de Arenspersg, Everhardus de Artheia, & Jonathas frater ejus, Henricus de Gevore, Everhardus de Godenburg, Amelungus Comes. Ministeriales Wernerus de Brakele, Henricus Spirino, Wernerus Stapel, & Theimo frater ejus, Macharius, & Helmwicus, Grubo de Paderborne, Sweterus de Wevere, Conradus Camerarius, Hildeboldus de Egnenbus, Hermannus de Hosdageffen, & Ludolphus frater ejus, Sweterus de Elfen, & Henricus frater ejus, Godehardus de Ettelen, Aselmus de Attelen, Hermannus Pincerna, Hildeboldus de Reilendicken, Joannes Clenode, Joannes de Bocke, Rudolphus de Erwetete, Rudolphus de Burbenne, Horat. de Brencken, & Rabodo Lodewicus de Didevikesbusen, Henricus de Steinenbusen, Robertus de Anrochte, Antonius de Barckbusen & Hartmodus frater ejus, Arnoldus, & Andreas de Sidinckbusen, Bernhardus de Holtbusen, Eglfridus de Silbeke, & alii quam plures. Actum apud Silikensoth Anno Incarnationis Domini millesimo centesimo nonagesimo quinto.

Widekindus Abbas  
Corbeiensis  
benefacit  
Cœnobio  
Scakenfi.

Florentis per id tempus disciplinæ religiosæ erat Cœnobium Virginum Scakense ex instituto D. Benedicti intra Fredbergam & Corbacum in comitatu Waldacensi, submissumque jurisdictione sacræ Episcopo Paderbornensi, ut ex Petri Cardinalis Apostolici Legati literis anno MCCLIV datis, & Alexandri VI Pontificis, aliisque monumentis literarum constat. Quanquam quo tempore cœperit, aut quis primus ejus sit fundator, nondum explorare licuit. Verum quia antiquiora de origine hujus Cœnobii monumenta ex hæresis spolio non suppetunt, Widekindi Corbeiensis Abbatis donationum tabulas juvat ex hoc anno proferre.

*Widekindus Dei gratia Corbeiensis Ecclesiæ Abbas cunctis Successoribus suis*

*in perpetuum. Cum ex debito commissi nobis regiminis Ecclesiarum semper teneamur incrementis prospicere. Notam esse volumus cunctis Successoribus nostris, quod dum novellam apud Godelovessen in Christo locassemus familiam, nos raritatem prædiorum loci illius considerantes duo talenta in eadem villa ad cameram fratrum Corbeiensium pertinentia, & ad indumenta Abbatibus deputata prædicto Cœnobio, ut Deo ibi servientes eo ampliora possent habere subsidia, contulimus. Quæ nimirum collatio, ut tanto esset jirmior Præpositus loci illius duo talenta in Helmenstethen a Heinricho de Suiste, & hæredis fratris sui Cononis, quæ ab Ecclesia Corbeiensis in beneficio tenuerunt, redemit, & ipsi ea nobis resignaverunt, quæ nos in recompensationem prædictorum talentorum camerario fratrum assignavimus. Quod nimirum ne indubiæ contentionis scrupulum possit relabi, præsentis paginæ tenorem jussimus conscribi; & testibus, in quorum præsentia hæc acta sunt, subter annotatis sigilli nostri impressione ea jussimus communiri. Sunt autem hi Conradus major Præpositus, Frithericus Prior, Reinherus Camerarius, Olricus hospitarius, Ropertus Camerarius, Joannes Cappellanus. Ministeriales, Wasmodus Marscalcus, Erenbertus Camerarius, Ludolphus uterque Dapifer, Helmwicus, Reinherus, & Arnoldus fratres de Porta, Thidericus rufus, Herboldus de Nubike, Johannes de Berinchus, Albertus Virpo, Heinthenricus de Windinchus, Fredericus de Groninga, & alii quam plures, Acta sunt hæc Anno Incarnationis MCXCV, Indictione XIII.*

Multis exinde Pontificum diplomatibus exornatum Monasterium hoc viguit per multos annos sub præstantibus Abbatissis religiosæ vitæ disciplina; donec posterioribus annis primum in liberum Virginum Collegium, ac postremum etiam in domicilium Lutheranarum Virginum converteretur, id quod nunc totum est in potestate hæresis.



Annus



# Annus Christi 1196.

Cœlestini III. Pont. 6. Henrici VI. Reg. 7. Imp. 6.  
Bernardi II. Ep. Pad. 11.

Postquam ex apparatu belli hys se evolverat in sequentem annum, Imperator primum Geilhusii Principum conventum mense Martio habuit, præsentibus Ludolpho Magdenburgensi, & Hartwico Bremensi Archiepiscopis, Conrado Hildesimensi, eodemque Vice Cancellario, ceterisque Episcopis & proceribus; actumque ab Imperatore apud Imperii Principes pro Filio Friderico, quem vix triennem habebat, in Regem Regnique Successorem deligendo: cui ceteri præter Adolphum Colonensem Archiepiscopum fidem jurarunt; quamvis is postea Bopardiæ ad Rhenum alio in conventu coram Friderico, Sueviæ & Thufciæ Duce fratreque Imperatoris, dicto juramento ceteris accesserit. Sub vernum tempus tertiam in Italiam Imperator profectionem ingressus: quem pars sacræ sacræ militiæ comitata, pars subsecuta; constitutum enim erat, majoris securitatis & compendii causa, exercitum ex Sicilia & Italia per mare in Palæstinam traducere; ne si terrestri procederent itinere, quod hætenus tenuerant, Græcorum perfidiæ & Turcarum incurfionibus rursus objicerentur. Exercitui in Palæstinam traducendo cum suprema potestate præfecti Henricus Dux Lotharingæ, & Henricus Leonis filius Rheni palatinus. Decreverat Imperator expeditioni sacræ interesse, ducemque se patris exemplo dare; sed Principum consilio retentus; ne quid per ejus absentiam turbaretur in Imperio, aut patris casum subiret; quanquam Siciliam & Apuliam ita turbatam reperiret, ut istuc non minus quam in Asia ejus præsentia desiderata fuerit. Interea classis ex Dania, Frisia, & Visurgis Albisque ostiis cum Hartwico Bremensi Archiepiscopo & Septentrionalibus populis mare circumvecta Siciliam quoque appulit, ceterisque se in expeditionem conjunxit. Inde felici navigatione sub ineuntem Septembrem deflexit Conradus Cancellarius, post Hildesimensis Episcopus, cum altera parte classis ad Cyprum Insulam, ac Cæsaris

nomine diadema, quod acceperat, Cypri Regi imposuit, Imperioque Romano conjunxit; multumque exinde sacri belli consilia retardavit mors Henrici Hierosolymitani Regis, quem notu e sublimi domo prolapsum accepere.

Dum foris pugnatur, domi per Germaniam parta sua quies mansit. Reperio vero per hanc opportunitatem Episcopos passim in formando clero & religiosorum Cœnobiis occupatos; quos inter hoc anno Adolphus Colonensis Archiepiscopus, & Bernardus Episcopus noster convenere, unaque consensione Monasterium Bredelar, quod in diœcesi Paderbornensi condiderat Philippus Archiepiscopus, introductis Virginibus ex instituto D. Augustini, ob depravatos Virginum mores, convertere in Cœnobium religiosorum Monachorum ordinis Cisterciensis. Qua super re extant apud Jongelinum publicæ utriusque Episcopi tabulæ: harum alteræ, quæ Archiepiscopi sunt, hoc anno confectæ, testesque adduntur *Bernardus Paderbornensis Episcopus, Hermannus choralis Episcopus in Colonia, Pilegrinus Decanus Susatiensis, Wernerus Canonicus, Ludolphus Canonicus, Rudolphus Canonicus. Nobiles, Comes Wilhelmus Juliacensis, Comes Simon de Teckenburg, Comes Wernerus de Wedingenstein, Hermannus de Waldeck, & frater ejus Henricus, Hermannus de Patberg.* Alteræ, quæ Episcopi nostri sunt, anno MCCII memorabuntur. Nec tamen hic annus vacuus liberalitate Bernardi Episcopi nostri, quem primo Bustorfiano Collegio, deinde Hardehusano Cœnobio diversis donationum tabulis, quæ apud nos extant, benefecisse constat. Testes posterioris donationis producuntur Volbertus Decanus, Henricus Scholasticus, Lambertus Cellerarius, e Laicis Conradus Camerarius, Henricus Dapifer, Hermannus Pincerna, Ludolphus Marefchallus, Ministerialium primi in aula Episcopi,

*Jongelinus lib. 2. de Cœnob. sac. ord. in Westph. Cœnobium Virginum in Bredelar convertitur in Monasterium Virorum ordinis Cisterciensis.*

*Derinetura Principibus, ne in Palæstinam pergat*

Annus

## Annus Christi 1197.

Cœlestini III. Pont. 7. Henrici VI. Reg. 8. Imp. 7.  
Bernardi II. Ep. Pad. 12.

Godfrid.  
Arnold.  
Lub. 9. c. 3.  
Otto a 8.  
Blaso.  
Fausti Chri-  
stianorum  
militum in  
Palæstina  
progressus.

Magnani-  
mitas Adol-  
phi Com.  
Schawen-  
burgici, &  
Hermann  
Horstmar-  
iensis, nobi-  
lis West-  
phali.

Felices in  
Oriente  
succellus  
turbat nun-  
ciata mors  
Imperato-  
ris.

Annus per hæc MCLXXXVII intra-  
tus, quo Christianorum exercitus, fe-  
licibus auspiciis Henrici ducis Lotha-  
ringiæ, & Henrici Palatini Leonis filii,  
in Palæstina a Saracenis deserta castra  
Oppidaque invadit. Facta quippe ad  
Tyrum excensione, lustratoque exer-  
citu, Saphatinum cum copiis Babylo-  
niæ & Damasci se ostentantem profligant;  
vastataque Sidone & Sarepta,  
Berytum se vertunt, urbem maritimam  
terra aggressuri. Quo conspecto incolæ  
omnes ex urbe profugiant, Saraceni  
se in aditum castrum recipientibus.  
Ibi Saracenorum Princeps cum globo  
militum per campos insultat, & minax  
etiam in pugnam laceffit: territis incer-  
tisque ad provocationes tam insolentis  
barbari ceteris Christianis, ne incauti  
traherentur in latentes insidias, ausus  
est Adolphus Comes Schawenburgicus  
cum Hermanno Horstmarienti, nobili  
Westphaliæ viro, ante alios progredi  
in medium; explorataque opportuni-  
tate in barbarum invehit; primo il-  
lum impetu cum equo in terram pro-  
sternit. Barbarus cum ex lapsu iterum ite-  
rumque se erigeret, multumque circum-  
volutus obluetaretur, Schawenburgicus  
tandem arrepta lancea barbarum  
per ilia transfodit. Interea Horstma-  
rienti res erat cum ceteris barbaris, quos  
ille pari fortitudine alium post alium  
prostravit. Uterque spectante exerci-  
tu victor cum magno triumpho rece-  
ptus. Celebre tum primum Horstma-  
rientis nomen, multis exinde præliis  
memorandum. Hac suorum clade  
consternati Saraceni, & ipsi e castro  
profugiant. Vastata inde late regio,  
Saracenis nusquam signa conferre ausis.  
Et jam spes certa se dabat recuperan-  
dæ Hierosolymæ, cum Henrici Cæsaris  
renunciata mors omnem prope ex-  
peditionem rursus cassam fecit. Quem-  
admodum hæc multis Arnoldus Lube-  
censis, & scripta ex castris epistola ad  
Adolphum Colonensem Archiepiscopum  
exponit. Ceteris fere Principibus  
in Germaniam remeantibus, per-  
stitit Conradus Moguntinus Archiepi-  
scopus Metropolitani noster, ac Ru-  
dolphus Verdenensis Episcopus cum par-

te exercitus in Syria. Ac magnanimus  
Archiepiscopus Regem etiam Armeniæ  
Imperatorio nomine coronavit, & post-  
quam eum cum Antiochiæ Principe  
christiano reconciliasset, rediit & ipse  
in Germaniam.

Cæsar interea cum Apuliam Sicili-  
amque nova in se conspiratione turba-  
tam reperisset, acerbissimis suppliciis  
egit in reos. Jordanus Siculus, cujus  
amore constantia Imperatrix capta fe-  
rebatur, ignito solio impositus, & can-  
denti diademate coronatus exurit: Richardus  
Comes equi caudæ alligatus, raptatusque  
per compita, pedibus suspenditur: alius  
vividus igne decoctus, & in canistro  
missus ad amicos: aliis cutis a capite  
ad pedes detracta: alii vecte perfossi,  
humoque ad lentam mortem impressi:  
quidam ad stipites ligati, & circumposita  
pyra enecti: alii dirum in modum tormentis  
excruciat; ob quæ Cæsar non modo Italiam  
invisus, sed ceteris etiam nationibus,  
suisque formidabilis esse cœpit; passimque  
ab Italiam Scriptoribus patre atrocior, ac  
Tyranni etiam nomine notatus. Ad  
extremum tamen, convocato Panormi  
populo, in concione omnibus condon-  
ationem fecit; contractoque dehinc  
morbo ex medicata, ut suspicio fuit,  
potione, eaque ab uxore præbita, festo  
D. Michaelis die apud Messanam  
civitatem exstinguitur. Successor ex  
testamento nominatus erat Fridericus  
filius, ætate quadriennis, Pontificique  
commendatus. Tutor ei datus a Cæsare  
Philippus frater, Dux Sueviæ Thusc-  
ciæque, apud quem & insignia Imperii  
relinqui voluit.

Henrici  
Imp. in su-  
mendis  
suppliciiis  
crudelitas.

Ejusdem  
obitus.

Ac nostra ut ex hoc anno contin-  
gamus, adfunt binæ Bernardi Episcopi  
donationum tabulæ, quarum alteris  
rursus Hardehusano ordinis Cister-  
tensium Cœnobio magna cum testifica-  
tione pietatis in hunc modum subvenit,

Bernardus  
Ep. bene-  
cit Harde-  
husanus.

Ego Bernardus secundus Dei gratia  
Paderbornensis Episcopus omnibus  
Christi fidelibus in perpetuum. Esi  
profectibus Ecclesiarum omnium &  
Mo-

*Monasteriorum nostræ diœcesis, tam pietatis affectu, quam injunctæ nobis prælationis officio debeamus intendere, ferventiore tamen studio necessitatibus illorum subvenire tenemur, qui fame & siti tabescere malunt, quam superstitiosis hujus mundi saginari deliciis, quatenus ex arido paupertatis ramo facilius ad montem se valeant sublevare virtutum.* Sequitur inde larga feudi donatio, ex consensu cleri Nicolao Abbati ac religiosis Monachis facta. *Testes hujus rei sunt Godeschalcus major Præpositus, Volbertus Decanus, Theodoricus custos, Henricus Scholasticus, Lambertus Cellerarius, Bernardus Præpositus, & reliquis conventus S. Liborii in Patherbrunnen. Nobiles Widekindus de Osede, Bertholdus & Thietmarus de Buren, Amelungus Comes. Ministeriales Wernherus æe Brackele, Conradus Camerarius, Henricus Dapifer, Hermannus Pincerna, Ludolphus Marschallus, Bernardus de Norden, & plures alii. Acta sunt hæc anno Dominicæ Incarnat. MCXCVII Indiët. XV, sedente Domino Cælestino, imperante Domino Henrico, sub Domino Conrado Moguntinæ Sedis Archiepiscopo, Episcopatus nostri X. mense Januario in domo nostra Episcopali. Qui his literis conventus Sancti Liborii nominatur, primarium est Collegium Canonico- rum, quod in aliis monumentis Monasterium majus appellatur. Satisque ex his constat ævo hujus Bernardi Epi-*

scopi adhuc Canonicos intra claustrum unam habitationis & mensæ societatem coluisse.

Alteris literis Bernardus Episcopus ratam habet donationem a quibusdam fratribus cruce signatis Cœnobio Ger- densi factam. Hi priusquam in Palæ- stinam cum ceteris hujus diœcesis no- bilibus & militibus protectionem susci- perent, certis quibusdam conditioni- bus bona sua feudalia transcripsere Vir- ginibus sacris, quæ & Episcopus ex consensu cleri sui probavit. *Testes hu- jus rei Volbertus Decanus, Henricus Scholasticus, Lambertus Cellerarius, Bernardus Præpositus, Joannes de Pa- dra, Henricus de Hamelen. Nobiles Hermannus de Waldeck, Tietmarus de Buren, Hermannus, Amelungus Comes. Ministeriales Wernerus de Brackele, Wernerus de Stapel, Henri- cus Comes, Anselmus de Atlen. Acta sunt hæc anno Dominicæ Incarnationis Millesimocentesimo nonagesimo septimo, Indictione quinta decima, sedente Do- mino Papa Cælestino, regnante Domi- no Henrico Imperatore, sub Domino Conrado Moguntinæ Sedis Archiepisco- po, Anno Episcopatus nostri X. Ve- rum qui decimus Episcopatus annus, uti & in superioribus literis consigna- tur, ordinationis annus reputandus est, quando electionis annum jam XII ingres- sus erat Episcopus.*

Et ratam habet do- nationem a Cruciferis quibusdam factam Ger- densibus.

## Annus Christi 1198.

Innocentii III Pont. I. Ottonis IV. & Philippi Reg. I.  
Bernardi II Ep. Pad. 13.

Haftenus quæta omnia per Saxo- niam fuere: at nunc post excessum Henrici VI Imperatoris sequitur annus turbulentissimus, & fœdum de corona schisma inter Philippum & Ottonem Duces, quod Principes non minus quam Episcopos distraxit in partes, Bernardumque etiam Episcopum no- strum involvit. Bellum inde in XII annum protractum. Enim vero Phi- lippus Dux Sueviæ ut motus omnes præverteret, festinatis itineribus ex Ita- lia regressus in Germaniam, Hagenoæ per Natalitia Christi primum cum Principibus consilia agitavit, vellent Im- peratoris filium, cui jam vivo patre fidem jurant, Regem & Successorem

patris dicere; quod cum illi probarent, indictus est Mulhusii in Thuringia con- ventus Principum: ubi studio Princi- pum, quos sibi muneribus conciliarat, Tutoris nomine Regnum ei defertur; quod tamen Philippus sibi magis, quam pupillo affectare visus, regnandique cu- pido ante sanguinis propinquitatem fuit.

Quod affe- cit Philip- pus Fride- rici tutor.

At inferioris Rheni Principes ac Westphaliæ averfati Philippum, & Su- evorum imperia, Andernaci denuo co- mitia indicunt; quo cum Adolphus Colonienfis Archiepiscopus caput hu- jus factionis, Joannes Trevirenfis Ar- chiepiscopus, Argentoratenfis Episco- pus, multique præterea Optimates con-

ve-

Schisma in Imperio de corona Re- gni. Godesfridus Ursberg. Otto a S. Blaso. Arnoldus Lub. 466.5.

Et conse-  
quitur in  
comitiis Er-  
furtensibus

At Colonia  
congregati  
Principes  
Regem sa-  
lutant Ber-  
tholdum  
Zaringiae  
Ducem.  
Qui cum  
perfide ad  
Philippum  
descisceret.

Idem Prin-  
cipes regem  
sibi deli-  
gunt Otto-  
nem Leonis  
filium.

venissent, accessere quoque Philippi legati postulatum, ne quid contra juratam ante triennium Friderico Imperatoris filio fidem decernerent. Quare Principes religione ducti nihil Andernaci constituunt. Post ubi Philippi fraus detecta, qua legatos Pontificis circumvenerat, & ipse regnum ambire compertus, medio Quadragesimæ Coloniz frequentiora comitia celebrant. Huc quoque Philippus suos misit legatos, qui intercederent. Ipse interim Erfurti comitia indixerat, in quibus favore Magdenburgensis Archiepiscopi, & Bernardi Ducis Saxoniz, octavo Martii Rex salutatur. Fidem mox dedere Boji, Suevi, Francones, & magna pars Orientalium Saxonum. Ad hunc conventum Erfurtensem miserant inferioris Rheni & Saxoniz Principes Coloniz congregati Hermannum Monasteriensem Episcopum, virum ea tempestate in Imperio spectabilem cum ceteris legatis rogatum, ne se absentibus in suffragia eligendi Regis irent, priusquam alio, quem vellent, in loco omnes convenirent; æquum enim esse, ut qui omnibus imperaturus, esset, ab omnibus pro veteri more, jureque eligeretur, ita pacem Imperii servandam. Sed antequam Monasteriensem Episcopus Erfurtum perveniret, jam illi Philippum Regem dixerant. Quo per Monasteriensem renunciato, indignati Principes, qui Coloniz conveniant, nullam sui rationem habitam, contemptosque adhuc, tanquam ad Imperium non spectarent, Bertholdum Zaringiz Ducem, quem spe regni Coloniam invitabant, Regem pronunciant, simulque juramento obstringunt, ut ocius ad provinciam redeat, collectisque illic copiis armatum se ad Rhenum referat, tum junctis se viribus Philippum ab Imperio dejecturos. Pronus ad hæc Bertholdus, binos filios Coloniz relinquit obsides. Inde in superiorem Germaniam profectus. Verum homo avarus & mutabilis, immemorque juramenti & filiorum obsidum, acceptis a Philippo Rege undecim milibus marcarum, oblatoque Ducatu Sueviz, electioni suæ renunciat, maleque prodita suorum causa, transit in partes Philippi. Quæ cum Philippo succederent, Colonensem quoque Archiepiscopum aggressus est ingenti pecuniæ summa oppugnare; sed ille spre-

to auro Principes rursus in concilium advocat; unaque omnium consensione Regem sibi deligunt Ottonem Henrici Leonis filium. Is quia absens erat, versabaturque Pietavis in comitatu suo cum Richardo Rege Angliz avunculo suo, missi sunt Legati, qui Coloniam evocarent; quo cum advenisset, quotquot aderant Principes & proceres, juramentum fidei dixerunt. Idem cives Colonenses fecerunt. Inter sacros Præfules memorantur Adolphus Colonienfis, & Joannes Trevirensis Archiepiscopi, Hermannus Monasteriensis, Thietmarus Mindensis, Theodoricus Trajectensis, ceterique provinciales Metropolitani Colonienfis Episcopi: præterea Bernardus Paderbornensis, Conradus Argentinensis. Addit auctor vitæ Innocentii Hildesensem & Bremensem Episcopos, quos simul altera pars sibi vendicat. Ex Abbatum numero fuere Widekindus Corbeienfis Abbas, Heribertus Werthinensis, Gerhardus Tuitienfis. E Clero Colonienfi Ludovicus Præpositus major, Udo Decanus major, Bruno Præpositus Bonnenfis, ac Comes Seinenfis, Theodoricus S. Gereonis, Gerhardus Sanctensis, Theodoricus SS. Apostolorum, Engelbertus S. Georgii Præpositus, Hermannus Chori Episcopus, Rudolphus major Scholasticus. Ceteri ex laicis Henricus Palatinus Ottonis frater, ex Palæstina jam reversus, Henricus Dux Limburgi, Balduinus Flandriz, Arnoldus Cliviz, Otto Gelriz, Gerhardus Juliz, Henricus Seinz, Simon Teclenburgi, Arnoldus Altenz, Albertus Everstenii, Adolphus Montium, Henricus Swalenbergæ, Hermannus Waldecæ Comites. His ingens procerum Dynastarum multitudo accessit. Ita verodum Philippus superiorem Germaniam in suas partes traxit, Ottoni se adjungere Colonenses, Mosellani, ac totius prope inferioris Rheni ac Saxoniz proceres a Cameraco ad Daniz fines, qui Regem suæ gentis, resuscitata veteri inter Saxones & Suevos æmulatione, poscebant. Aberat tum adhuc Conradus Moguntinus Archiepiscopus ac Metropolitani noster, nondum ex Palæstina reversus, cujus vices, uti Arnoldus Lubecensis refert, Colonienfis agebat. Adjutus per hæc Otto a Richardo Angliz Rege avunculo suo patro-

patrocinio, pecunia & milite. Interea Philippus postquam Erfurti & Mulhufii delectus erat, primum callide egit, ut a Sutрино Episcopo Pontificis legato absolveretur a nexu anathematis, indignante post Innocentio Pontifice, quod ad id nulla illi potestas data esset. Deinde frustra tentata Aquisgrani coronatione, Moguntiae a Tarantasiensi Archiepiscopo iisdem artibus circumacto Rex inunctus est; quod factum similiter Pontifex improbavit, nec minus indigne tulere Colonienfis ac Moguntinus & Trevirensis id munus sibi ab altero praeberi. Duobus jam in Imperio Regibus, per civiles discordias delectis, supererat cura & contentio de Rege Aquisgrani pro more intungendo. Philippus, ut urbem Regni sedem prior occuparet, Walramo Lutzenburgensi negotium dedit; a quo urbs industria & armis praecepta. Nec segnior Otto, contractis copiis, urbem cingit, obfidiōe premit, & Walramum intra sex hebdomadas ad deditionem compellit. Igitur Otto cum Archiepiscopo Colonienfi & Trevirensi, ceterisque Episcopis, Abbatibus, & Principibus ingressus, quarto Nonas Julii in Basilica Genitricis Virginis ab Adolpho Colonienfi Archiepiscopo, adjuvante, ut Otto Sanblasianus scribit, Trevirensi Archiepiscopo, solemni ritu Rex inungitur, collocaturque in folio Carolino, & lata populi acclamatione Rex salutatur. Inde Otto pro regia auctoritate, & grata in suos largitate, Archiepiscopo Colonienfi Ducatum Westphaliae & Angariae confirmat, palamque exuviis Episcoporum renunciat. Extant hac super re duplices Ottonis tabulae apud Gelenium, quarum alteris Bernardus Episcopus noster inter testes subscripsit, quas ad hunc annum qui a Gelenio praetermissus est, referre visum est; quod qui inter testes subscripsere, huic celebrationi coronationis interfuisse deprehendam, eas in hunc modum recitat Gelenius.

*In nomine sanctissimae & individuae Trinitatis. Otto divina favente clementia Rex semper Augustus. Ratio suadet, aequitas requirit, nostramque decet Celsitudinem, omnium Ecclesiarum nostra indemnitate providere, & eas in sui honoris ac juris conservatione pie & clementer conservare, inter quas specialis*

*gratiae benevolentia Coloniensem diligentes Ecclesiam, universa bona, quibus a nostris antecessoribus minus decenter privata est, restituenda duximus ac liberanda, nec non ab indebitis oppressionibus minorum, quibus quondam aggravata est, ad haec quidem per fidelissimum Principem nostrum Adolphum venerabilem Archiepiscopum invitati, Inde est: quod omnibus Christi fidelibus per scriptum praesens cupimus clarescere, quod nos attendentes devotionis ac fidelitatis constantiam jam dicti Principis nostri nobis saepius exhibitam Colon. Ecclesiae, ei, ejusque successoribus allodium in Salevela cum omni integritate & usufructu attinentium plene restituimus, & in perpetuum confirmamus ----- Et Ducatus allodia, feuda, sive ministeriales, quos nunc Colonienfis Ecclesia, vel alii ejus nomine possident, cum bona voluntate Nostra & fratrum nostrorum Henrici Palatini Rheni, & Wilhelmi de Brunswicks, & haeredum nostrorum, sine calumnia saepe nominatus Archiepiscopus, & ejus Successores in perpetuum possidebunt. Mindensis etiam Ecclesia ea, quae a Colonienfi Ecclesia de bonis tenet eisdem, quiete sine aliqua contradictione possidebit. Praeterea consuetudinem minus decentem, quam Fridericus Imperator contra justitiam induxerat, scilicet quod decedentibus Principibus, Ecclesiasticis videlicet personis, quemadmodum Archiepiscopis, Episcopis, Abbatibus, Abbatissis & Praepositis, eorum suppellectilem sibi violenter usurpavit, penitus aboleamus, nec a Nobis, nec a Nostris successoribus retractandam. Adhaec bona fide praememoratum adjuvabimus Archiepiscopum, ut bona, quae Colonienfis Ecclesia a Mossella superius tenet, & a quorum possessione ipse violenter destitutus est, recuperet. Ut igitur hoc regalis nostrae munificentiae factum pium, ac commendabile, nullius in posterum calumnia perturbari possit, sed ratum permaneat, etiam in perpetuum perseveret, praesentem istam paginam conscribi, & Majestatis nostrae sigillo jussimus insigniri. Cujus rei testes sunt -----*

*Argentinenfis Episcopus, Diemarum Mindensis Episcopus, Tirricus Trajectensis Episcopus, Bernardus Paderbornensis Episcopus ----- Xantenfis Bonnenfis Praepositus Bruno, Mechtildis Ducissa Brabantiae, Baldwinus Comes Flandriae, Henricus Dux de Limburg, Otto Comes Geldriensis, Arnoldus Comes ae Cleve,*

*M m m m Tirri-*

Philippus Moguntiae a Tarantasiensi Arch.

Otto Aquisgrani coronatur ab Archiep. Colon.

Gelenius in hystor. D. Engalb. lib. 1. c. 3.

Privilegia ab Ottone Rege Ecclesiae Colon. data.

Tirricus Comes Hollandiæ, Henricus de Kuick, Henricus Comes Seyn, Simon Comes de Teclenburg, Arnoldus Comes de Altena, Wilhelmus Comes Julii, Gerhardus Comes de Are, Henricus Comes de Hockeswagen, Henricus Comes de Cessele, Rutgerus de Merheim, Conradus

de Dicka, Giselbertus & Rutgerus de Brempt, Otto de Wikerothe, Henricus & Gerhardus de Wolmünstein, Hermannus advocatus Coloniensis, Hermannus de Alvetre Marefcalcus, Otto Camerarius, Reymarus de Rothe, Giselbertus de Cerreke & alii quam plures viri honorati



Signum Domini Ottonis quarti Romanorum Regis invictissimi.

Hoc ipso quoque coronationis die fœdus iktum inter Adolphum Coloniensem Archiepiscopum, & Widekindum Corbeiensem Abbatem, tum magnæ potentia & auctoritatis inter Westphaliæ præfules. Id quia hæcenus latuit ex confectis tabulis ad illustrandam historiam proferre libuit.

Fœdas Adolphi Archiep. Coloniensis, cum Widekindo Corbejenli.

In nomine sanctæ & individua Trinitatis. Adolphus divina favente Clementia sanctæ Coloniensis Ecclesiæ Archiepiscopus. Licet naturalis legis æquitas generaliter deposcat, ut omnes Ecclesiæ mutus gaudeant consolationibus: tamen quia plus solet obligare, quod specialiter pollicetur, quam quod generali sponfione concluditur; Notum facimus tam futuris quam presentibus, quod temporibus Widekindi Corbejenfis Abbatis inter nostram & ipsius Ecclesiam consentientibus & cooperantibus nostris fidelibus huiusmodi observationis fœdus adhibitis necessariis solemnitatibus contraximus, ut prædicta in quolibet necessitatis articulo nostro fulciatur præsidio, & versa vice nostra Ecclesia a Corbejenfi opportunum auxilii experiatur commodum. Ne ergo pactum tam solerti industria firmatum nobis & prædicto Abbate decedentibus aliqua Successorum levitate solvatur, non solum circa personas præsentium, quæ mutari possunt, sed circa prænomينات Ecclesias perpetua stabilitate inviolabiliter statuimus observandum. Huius ergo facti seriem præsentii instrumento commendatam sigilli nostri & Ecclesiæ Beati Petri impressione firmamus, & testium subscriptione roboramus. Testes sunt hi, Theodoricus Traiectensis Episcopus, Tietmarus Mindensis Episcopus, Heribertus Abbas de Werthen, Ludewicus major Præpositus, Udo major Decanus, Bruno Bunnensis Præpositus, Theodericus Præpositus SS. Apostolorum, Engelbertus Præpositus S. Georgii, Herimannus Chori Episcopus, Rodolfus major Scholasticus, Henricus Dux de Limburg, Henricus Comes de Seyna, Simon Comes de Teckeneborg, Arnoldus Comes de Altena, Albertus Comes de Everstein, Adolfus Comes de Monte, Henricus Comes de Kessele, Henricus Comes de Hukeswege, Herimannus de Waldeke, Henricus de Sma-

lenberg, Henricus & Gerardus fratres de Wolmundeſtein, Herimannus Coloniensis advocatus Herimannus Scultetus de Susatia, & Herimannus filius ejus, Otto Camerarius, Henricus Dapifer, Henricus Marefcalcus, Adam Pincerna, & alii quam plures. Acta sunt anno Dominica Incarnationis MCXCVIII Indict I Datum apud Aquisgr. IV. Nonas Julii. per manus Godefridi Capellarii in die scilicet Coronationis Domini Ottonis quarti Romanorum Regis feliciter Amen.

Peracta inauguratione Regis Ottonis, Episcopi ac Principes ceteri ad Innocentium III Pontificem; qui hoc anno mense Januario Cœlestino successerat, literas mittunt, quibus submisſe contentequæ rogant, velit Ottoni a se factam electionem pro Apostolica auctoritate comprobare. Id quibus de causis rerumque momentis se fecisse testentur, & quid a Pontifice fieri velint, literæ exponunt; quas hic, uti Ferdinandus Episcopus noster ex autographo Romano multo integrius, quam vel Miræus, vel Baronius, vel alii dederunt, referre interest.

Episcopi & Principes Saxonie & pud Innocentium Pont. sollicitant confirmationem electionis Ottonis Regis.

Sanctissimo Patri ac Domino Innocentio S. Romanæ Sedis summo Pontifici Principes & Barones Alemanniæ, Clerici & Laici debitam in Christo reverentiam & sinceritatem obsequii. Cum placuisset ei, qui aufert spiritum Principum, & magnus & terribilis est super Reges terræ, Dominum Henricum Imperatorem de medio auferre, necessarium nobis visum fuit de substituendo Rege tractatum & colloquium habere. Convenimus ergo sæpius & miseras & oppressiones, quas hæcenus sustinueramus, recensentes per universos Principes regni animos nostros ereximus, & quid honori Ecclesiæ Dei, & paci ac quieti subiectorum potissimum expediret deliberantes, nunc unum nunc ali-

um



um quasi finaliter eligere putabamus. Verum quia non est prudentia, non est potentia non est consilium nisi per Deum, placuit ei, qui Abrabæ filium immolare volenti victimam providit, & David fratribus juniorem de post fratres accepit, atque Matthiam ex Discipulorum numero ad sortem Apostolatus elegit, Serenissimum Dominum Ottonem, quondam Henrici Ducis Saxonie filium, ad regimen Romani imperii de terra peregrinationis sue ex inopinato offerre nobis. Invocata itaque sancti Spiritus gratia, prædictum Dominum Ottonem Christianæ fidei cultorem devotissimum, atque S. Romanæ Ecclesiæ Advocatum & defensorem fidelissimum, & iudicariæ potestatis observatorem justissimum, de longa & antiqua Regum pro sapia ex utraque linea spectabiliter editum, ad Romani regni fastigium juste ac rationabiliter elegimus, & sicut debuimus, ipsius electioni consensimus, ipsumque in Augustorum sede a Karolo M. apud Aquisgranum deputata huic dignitati locavimus, & corona & regni diademate per manum Domini Adolphi Coloniensis Archiepiscopi, ea qua decuit, solemnitate, feliciter decoravimus. Nos autem Principes, qui jam dictum Dominum Ottonem in Regem elegimus, feuda nostra, quæ ab imperio tenemus, a manu ipsius recipientes, hominum sibi fecimus, & fidelitatem juravimus. Tantæ igitur dignitatis munus excellentissimus Princeps divinæ potius gratiæ quam suis meritis adscribens, primitias hujus honoris offerens Domino propria voluntate juramentoque firmavit, inprimis sacrosanctæ Romanæ Ecclesiæ, deinde omnium Ecclesiarum jura bona fide servare ac manutenere, & subiectos imperii exheredatos maxime & a suis possessionibus violenter ejectos in sua justitia pro posse juvare & conservare, Pravam insuper illam consuetudinem, quam Imperatores antecessores sui in occupandis rebus nobilibus vel sese moventibus decedentium Episcoporum vel Abbatum Principum hucusque servaverant, penitus extirpans, nos Ecclesiasticos Principes ab hac indebita vexatione regali benevolentia liberos dimisit, & decedentium bona suis successoribus servanda liberaliter statuit. Paternitati ergo Vestræ dignum supplicare duximus, quatenus fidem & devotionem Domini nostri Regis attendentes, merita quoque

illustrissimi patris sui H. Ducis Saxonie, qui ab obsequio S. Romanæ Ecclesiæ nunquam recessit, memoriter tenentes, paci & quieti vestræ & nostræ, intuitu Dei ac nostri obsequii providentes, ipsius electionem & consecrationem auctoritate vestra confirmare & Imperiali coronationi annuere paterna pietate dignemini. Sanctitatem insuper vestram obnixè rogamus, quatenus Principes ac Barones a tam rationabili electione discordantes Ecclesiastica censura ad concordiam revocetis, & ab illicita fidelitate partis adversæ clave Petri resolutos ad præstandam Domino nostro Regi fidelitatem & subjectionem auctoritate Vestra compellatis. Ut autem a Domino Rege nostro jura Romanæ Ecclesiæ ut prædictum est integra & illibata serventur, Nos in bona fide spondemus & pro Domino Rege nostro fide jubemus.

- ✠ Ego Adolphus Coloniensis Archiepiscopus elegi & subscripsi.
- ✠ Ego Gerardus Inden. Abbas elegi & subscripsi.
- ✠ Ego Heribertus Werdin. Abbas elegi & subscripsi.
- ✠ Ego Henricus Dux Lotharingie, qui & Brabantie, Marchio Romani imperii elegi & subscripsi.
- ✠ Ego Henricus Comes de Kuke consensit & subscripsi.
- ✠ Ego Bernhardus Paderburnensis Episcopus elegi & subscripsi.
- Ego Thietmarus Mindensis Episcopus elegi & consecrationi cooperatus fui.
- ✠ Ego Widekindus Corbeiensis Abbas elegi & subscripsi.

Scripsit & Coloniensis Archiepiscopus moderator hujus electionis ad Innocentium III Pontificem literas haud dissimili, quo ceteri Principes, argumento; quas hic, uti Ferdinandus Episcopus noster ex Romano tabulario attulit in Germaniam, prioribus conjungimus.

Sanctissimo Patri ac Domino Innocentio S. Romanæ Ecclesiæ summo Pontifici. Adolphus Dei gratia sanctæ Coloniensis Ecclesiæ minister humilis devotum obsequium & orationes in Domino. Post obitum Henrici Imperatoris nos una cum aliis Principibus de substituendo Rege sæpius tractantes quid S. R. E. expediret subditisque imperii, qualiter quoque priorum Imperatorum oppressiones evitare possemus, sollicitè deliberavimus.

mus. Protendimus igitur animos nostros ad diversos imperii Principes, & sicut Domino placuit, Serenissimum Dominum Ottonem Henrici Ducis Saxonie filium in Romanum Regem rationabiliter elegimus. Postmodum vero in Augustorum Sede Aquisgrani locavimus, & sicut debuimus, ea qua decuit solemnitate consecravimus ac coronavimus. Ipse vero D. Rex in timore Dei & reverentia S. Ecclesie omnia jura Romanæ Ecclesie aliarumque Ecclesiarum bona fide conservare & manutenere juravit. Nobis etiam aliis Episcopis pravam illam consuetudinem aliorum Imperatorum qui decentibus Episcopis & Abbatibus, Principibus in mobilibus rebus seseque moventibus succedebant, liberaliter remisit. Paternitatem igitur Vestram attente rogamus, quatenus rationabile factum nostrum aliorumque Principum, qui de jure eligere debent, attendentes, merita quoque Domini nostri Regis Patris ac fratris sui Palatini, Regis quoque Angliæ avunculi sui, qui a servitio & unitate Ecclesie nunquam separati fuerunt, considerantes, injurias quoque Ducis Sueviæ Patris ac fratris ejus non dissimulantes magnos & honorabiles viros, quos ipse ac Principes de communi consilio ad pedes S. S. transmittunt, benigne recipiatis ac benignius remittatis, & rationabilem ipsius electionem, consecrationem ac coronationem confirmetis, & ad imperii consecrationem vocetis, nostros quoque adversarios & Ecclesie a fidelitate Duci Sueviæ præstita absolvatis, & nostro Regi obedire Ecclesiastica censura compellatis. Nos etiam pro patrimonio Ecclesie Romanæ dimittendo ac conservando pro ipso Domino Rege spondemus atque fidejubeamus.

Reliqui  
Germani  
apud Se-  
dem Apo-  
stolicam la-  
borant pro  
confirmatio-  
ne Philip-  
po.

Omitto nunc Regis Angliæ, atque ipsius Ottonis, aliorumque Ducum ad Innocentium literas, quibus pro Otone sollicitatum apud Sedem Apostolicam. Verum cum ex altera factione non minus laboratum pro Philippo scriptumque ad Pontificem, juvabit & horum literas ab Oderico in historia Ecclesiastica intermissas hic conjungere; ut ex iis, quinam Episcopi, quinam Principes in hoc Imperii schismate pro Philippo fecerint, cognoscatur: ex vero, quemadmodum Ferdinandus Episcopus noster ex tabulario Romano produxit, sic habent.

Reverendo in Christo Patri Domino Innocentio S. R. E. summo Pontifici Germanorum Principes & Magnates, in Christo filii, Magdenburgensis Archiepiscopus, Trevirensis Archiepiscopus, Bisuntinae Sedis Archiepiscopus, Ratisbonensis Episcopus, Frisingensis Episcopus, Augustensis Episcopus, Constantiensis Episcopus, Eistedensis Episcopus, Wormatiensis Episcopus, Spirensis Episcopus, Brixienis Electus, Ildesheimensis Episcopus, Imperialis aulae Cancellarius, Abbas Fuldensis, Abbas Hersveldensis, Abbas de Tegernse, Abbas Elwacensis. Item Rex Boemiarum, Dux Saxonie, Dux Bavarie, Dux Austriae, Dux Meravie, Dux Lotbaringie, Marchio Missenensis, Marchio Brandeburgensis, Marchio Moravie, Marchio de Rumesberc, alique totius Alemannie Nobiles debitum & paratum cum omni devotione & obsequio famulatum. Apostolicæ\* Bdnis eminentia, quæ piis supplicantium desideriis & affectibus gratam semper consuevit impertiri benevolentiam & assensum, firmam universitati nostræ certitudinem administrat, quod in iis, quæ a Ste V. justissime postulamus, benignitatem apostolicam debeamus, & in exaudiendo persentire facilem, & in exequendo, quod petimus, fructuosam. Quocirca magnitudini Vtræ duximus declarandum, quod mortuo inclyto Domino nostro Henrico Romano Imperatore Augusto, collecta multitudine Principum, ubi nobilium & ministerialium imperii numerus aderat copiosus, Illustrum Dominum nostrum Philippum in Imperatorem Romani solii rite & solemniter elegimus, quo nec ingenuitate sublimiorem, nec honorum luce magis conspicuum, neque ad sceptrum & regiminis imperii gubernanda, nec ad Ecclesiam Dei, sicut dignum est & expedit, defensandam potius potuimus invenire. Verum quoniam propter paucos Principes justitiæ resistentes ad negotia imperii utiliter pertractanda ad hæc usque tempora non convenimus, nec deliberatione habita cum prædicto Domino nostro Rege Philippo apud Nurenberg solemnem curiam celebravimus unanimiter, ita Domino nostro disponente altissimo contra turbatores suos adiutorium præstituri, quod nullus in imperio & in terris, quas Serenissimus frater suus habuit, ipsius audebit Dominum

\* Beatissimus  
dixit.

recu-

recusare. Quocirca dignitatis Apostolicae clementiam omni studio & attentione rogamus, ut precum nostrarum interventu, qui Romanae Ecclesiae statum optimum semper dileximus, ad iura imperii manum cum injuria nullatenus extendatis, diligentius attendentes, quod non sustinemus ius Ecclesiae ab aliquo diminui, aut infringi. Igitur favorem Vestrum & benevolentiam Domino nostro fructuosius impendatis & ejus honores ac comoda ita ubi potestis erigere dignemini cum affectu, ut iustitiae non dominetur iniquitas, sed subdetur semper falsitas veritati. Monemus insuper & precamur, ut dilecto amico nostro devoto & fideli Domini nostri Regis Philippi M. Marchioni Anthon. Duci Ravenn. Procuratori regni Siciliae, Imperialis aulae Senescalco in negotiis Domini nostri Apostolicam praestetis benevolentiam & favorem, nec resistentibus ei praebatis adjutoria, sicut de Vestra confidimus Sanctitate certissime scientes, quod omnibus viribus, quibus possumus Romam in brevi cum ipso Domino nostro divinitate propitia veniemus pro Imperatoriae coronationis dignitate ipsi sublimiter obtinenda. Hac omnia vobis tam ex nostra, qui praesentes existimus, quam ex parte aliorum Principum scripsimus, quorum nuncios & literas habuimus, qui etiam Domino nostro fidelitatem fecerunt & hominium, quorum nomina sunt haec Patriarcha Aquileigen. Archiepiscopus Bremens., Verdens., Halverstadens. Merseburgens. Episcopi. Nymenburgens. Monasteriens., Osnabrugens., Babeburgens. Episcopi. Battaviens., Curiens. Tridentinus Episcopi. Metens., Tollens., Verdunens., Leodiens., Episcopi. Comes Palatinus, Burgundiae, Dux Caringiae, Dux Carinthiae, Dux de Bites, Marchio de Lannespperc, Marchio de Voheberc, Comes Palatinus de Tuing, Comes Palatinus de Wittelinesbach, & alii quam plures Comites & Nobiles, quorum hic nomina recitemus. Datum Spirae V Calend. Junii.

At Philippus tantis Episcoporum & Principum studiis firmatus, ut invalescentem Ottonis factionem opprimeret, Ottocarum Bohemiae Ducem sibi conciliat; quem ut arctius sibi devinci- at, regia etiam corona Boppardiae exornat. Inde post Virginis Natalitia cum

ingenti exercitu secundo Rheno ad Mosellam descendit. Haud segnius occurrit Otto & Adolphus Colonien- sis Archiepiscopus cum instructo exercitu ex adversa Mosellae ripa: diu certatum pro transitu fluminis, dum nox dissolveret pugnam. Ottoniani cum multitudine. se obrutos conspicerent, altera die Andernacum retrocedunt, ex opportuno loco ad praelium se offerrentes. At Philippus superato flumine, relictisque Ottonianis in Ubiorum provinciam se effundit, duce Walramo Limburgico. Quo comperto, Ottoniani Coloniam se recipiunt, castris circa urbem positis. Consilium erat Philippo aut Coloniam, aut Aquisgranum intercipere; at cum Aquisgranum valido Ottonianorum praesidio, & Coloniam objectu castrorum praemunitam reperit, exercitum in vastationem pagorum & agrorum vertit, incensoque Regiomago & Bonna cum circa- jacentibus, Andernaco in superiorem Germaniam se reflexit, subactaque Argentina Alsatiam in fide habuit. Otto ab infesto hoste liber urbes & Dynastas inferioris Saxoniae, quotquot Philippo studebant, armis divexat. Inde transito Visurgi, in Orientalem Saxoni- am digressus; tum ad vires augendas, tum ad Goslariam ceterasque urbes expugnandas, quae Philippo haere- re visa sunt. Otto ut Brunswicum sibi arctius in fidem obligaret, mense Januario civium privilegia renovat augetque. Testes subscribere Herber- tus Hildesien- sis Episcopus, Widekin- dus Corbeien- sis & Heribertus Werthinen- sis Abbas, Henricus Palatinus & Wilhelmus Regis fratres, Henricus junior de Limburg, Conradus de Rode, Joannes de Ahus, Ludolphus de Steinfurt, Ludgerus de Walderberg, Ludolphus de Asbeke, ac filius ejus Bal- duinus, ceterique proceres.

Hosce inter bellicos motus Otto Rex Widekindo Abbati Corbeien- si, ob fidam in omnibus & sibi praestitam operam, Saltum Solinganum ex ad- versa Visurgis ripa Corbeien- si Coeno- bio adjacentem, ac late protensum, feudi titulo donat: simulque iisdem tabulis, quas hic primum in publicum proferimus, vetera omnia Corbeien- sium privilegia Aquisgrani mense Augu- sto confirmat.

Otto R. :  
Abbati  
Corbeien-  
si donat Sal-  
tum Solin-  
ganum.

Infestis in-  
vicem ar-  
mis se pe-  
runt Otto  
& Philip-  
pus Reg.

In nomine sanctæ & individue Trinitatis. Otto divina favente clementia Romanorum Rex & semper Augustus. Universis regni fidelibus in perpetuum. Cum divina clementia nos ad Romani regni fastigium provehere dignata sit, merito subditorum nostrorum patrociniis intendere, & maxime locorum venerabilium jura manutenere & augmentare debemus, & si quæ per alicujus potentiam Ecclesiis Dei fuerunt subtracta, ea ad pristinum statum ex regali benevolentia revocare volumus. Quapropter universis tam futuris quam presentibus regni nostri fidelibus notum esse volumus, quod fidei nostro Widekindo Corbeiensi Abbati & Ecclesiæ sibi commissæ feudum furesti, quod Soligo dicitur, in præsentia Principum imperii recognovimus & tradidimus, ea tenore, ut in eo usum venandi habeat, & jus, quod vulgariter Wiltban appellatur, sine qualibet contradictione exerceat. Bona quoque Corbeiensis Ecclesiæ antiqua, vel de novo acquisita, vacantia, vel locata, & jurisdictiones, videlicet advocatias & comitatus, & regales bannos, quos ipsi de nostra Serenitate indulimus, privilegiis confirmamus. Ut ergo inviolabiliter observetur, quod legaliter ordinavimus, hujus facti periem præsentis instrumento comen-

datam sigilli nostri impressione, & testimonio subscriptione roboramus, adjicientes, ut si quis hoc factum nostræ auctoritatis munimine consolidatum qualibet occasione solvere attemptaverit, veluti læsa majestatis reus nostræ severitatis sentiat indignationem, & pro tam temerario excessu exsolvat centum talenta puri auri, nostræ Majestati quinquaginta, aliam partem Ecclesiæ, quam ledere præsumpsit. Hujus rei testes sunt Adolphus Colonienfis Archiepiscopus, Conradus Argentinensis Episcopus, Theodericus Trajectensis Episcopus, Thidmarus Mindensis Episcopus, Heribertus Abbas de Werden, Bruno Præpositus Aquen. Henricus Dux de Lenborg, Henricus Comes de Seyna, Simon Comes de Tekkeneborg, Arnoldus Comes de Althena, Albertus Comes de Everstein, Adolphus Comes de Monte, Henricus Comes de Kessele, Henricus Comes de Huckswege, Herimannus de Waltecke, Henricus de Swalenberch, Walterus & Kuno de Rulant, Albertus de Hurde, Warnerus & Reimarus de Reimbach, Henricus de Synzeche, & alii quam plures. Acta sunt hæc Anno Dominicæ Incarnationis MCXCVIII Indictione prima, anno regni nostri I. IX die mensis Augusti.

Signum Domini Ottonis quarti Romanorum Regis  
invictissimi.



Data per manum Morandi Regalis aulæ Prothonotarii, Aquisgrani feliciter Anr-

Haud dissimili liberalitate Otto Rex complexus Heribertum Werthinensem ad Ruram Abbatem, ob egregia merita, annuam viginti quinque marcarum exactionem a Friderico & Henrico Imperatoribus inique impositam remisit: simulque iisdem tabulis jus monetæ, quod Werthinæ & Ludinghusii priores Cæsares Cænobio Ludgeriano dederant, ex integro reddidit.

Testes fere iidem Episcopi, Principes & proceres, quos in Corbeiensibus literis produximus, quas & Morandus regalis aulæ Protonotarius, vice Conradi Moguntini Archiepiscopi & Archicancellarii, consignavit. Unicum hoc Ottonis studium erat liberalitate sibi demereri eorum animos, quorum consiliis in folio collocatus erat.

## Annus Christi 1199.

Innocentii III. Pont. 2. Ottonis IV & Philippi Reg. 2.  
Bernardi II. Ep. Pad. 14.

Postquam uterque Regum Natalitia Christi, Philippus in superiori Germania, Otto in inferiori celebrarat,

resumpta civilia arma. Atque Otto, ut se vicinorum auxiliis firmaret, Henrici Ducis Brabantiae filiam sibi despondet

Godfrid.  
Annal.  
Trevir.

Ursberg.  
Ann. Lubec.

166.1 & 2

det in matrimonium; quo connubiali vinculo Belgarum animos & arma sibi adjunxit: contra Philippus Trevirensis Archiepiscopus ab Ottone in suas partes abstraxit, ejusque patrocinio fretus, iterum reducto per Mosellam exercitu, in Coloniensem diocesim irrupit, fatigaturus Adolphum Archiepiscopus, quod hunc remissius agere reperisset. Et prope erat, ut Coloniam praesidio nudatam interciperet, siquidem momentum victoriz in celeritate habuisset; at dum cunctatur, advolant cum exercitu Brabantini, & vicini e Westphalia Comites cum selectis copiis; quorum adventu territus Philippus pedem retulit, ac supra Rhenum transgressus per Weteraviam atque Hassiam in Saxoniam movit, ad opprimendum Ottonem.

Redierat per id tempus ex Oriente & Italia Conradus Moguntinus Archiepiscopus cum Marchione Montis de Ferrato, vir ea tempestate ob res praclare gestas, & canam sapientiam summam apud omnes auctoritatis & partium adhuc intactus; quippe qui nec Philippo nec Ottoni fidem addixerat, quamvis in Ottonem magis propendere visus. Is hoc unice agebat, ut omnia ad pacem revocaret. Quam in rem Moguntia Boppardiam descendit; convocatoque Principum concilio, quinquennii inducias urgebat inter Ottonem & Philippum, agebaturque ut alteruter regno cederet; quod cum probro sibi reputaret Otto, quod jam Rex inunctus esset, Boppardiam evocatus non accessit, nec quicquam illo conventu actum. Non tamen spem pacis abiecit Moguntinus. Quare Coloniam profectus ad consilia cum Adolpho Colonienfi Archiepiscopo, po, ceterisque Episcopis & Principibus conferenda; quo & Hermannum Monasteriensis, Gerhardum Osna-brugensem, Rudolphum Verdensis, ceterosque Episcopos ac Principes accessisse, verisimile habeas, quos ob id Philippus in sua ad Pontificem epistola suae factioni adscripserat; qui tamen non nisi medias in hoc colloquio inter utrumque Regem partes agebant. Sed nec illo congressu quicquam ob partium pertinaciam est transactum.

Interim Philippus per aetatem cum ingenti exercitu, in quo XII Principes numerati, Saxoniam irruperat, omnia late pervastando. Interque cetera Oppida Helmstadium disjectis moenibus spoliatum; ac nobile illud D. Ludgeri Monasterium, odio Heriberti Abbatis, qui Ottonis castra sequebatur, miserranda calamitate evastatum, multos exinde annos jacuit in ruina, donec anno demum 1237 a Gerharo Werthinensi Abbate resuscitari coepit.

Hunc in modum cum totam prope Orientalem Saxoniam depopulatus esset Philippus, Brunswico expugnando exercitum admovent. Reliquerat in urbe Otto Henricum fratrem praefectum cum praesidio militari, virum bellicis artibus & fortitudine egregium. Fidi fortesque non minus cives quam milites oppugnationem constanter sustinent, foris Ottone hostis exercitum incurstante, & annonam, ne quis castris importaretur, undique intercipiente. Trahitur interim difficilis obsidio, cum obsessi ad coelestem opem conversi, corpus D. Auctoris Trevirensis sanctissimi Episcopi, quod cum quorundam pignoribus Gertrudis Ecberti Marchionis conjux olim invenerat, circum urbis moenia ritu supplicum, litanias, & hymnos decantantes, deportant. Adfuit ad supplicum preces D. Auctor, & minaci vultu se Joanni Trevirensi Archiepiscopo, qui tum cum Conrado Cancellario agebat in castris, spectandum obtulit; monuitque, ni obsidionem urbis, quae in sua tutela esset, solveret, & ipsi, & toti exercitui ingentem cladem, iramque Dei imminere. Quae cum ille Philippo Regi referret, Rex obsidionem solvit: haesit interim Philippus in sequentem hyemem in Saxonia. Nam mense Januario Hartwico Bremensi Archiepiscopo Stadum Oppidum, totumque comitatum, ac cetera bona consignatis publice tabulis reddidit. *Testes hujus rei Gardolfus Halberstadiensis Episcopus, Gerhardus Osnabrugensis Episcopus, Bernardus Dux Saxoniae, Didericus Marchio Misnensis, Comes Hermannus de Ravensberg, Comes Fridericus de Zolern, Comes Adolphus de Schouwenborg, Comes Burchardus de Mansfelt, Comes*

Helmstadium & D. Ludgeri Monasterium a Philippo evastatum.

Brunswic obsidio. Auctoris implorata, solvitur. Arnold. lib. 6. Grauz. l. 7. Sax. c. 16. Breuvins lib. 15. Annal. Trevir.

Philippus reddidit Hartwico Archiepiscopo Bremensi Stadum. Privilegia Ecclesiae. Hamburg.



de Hartisbure, Comes Adolphus de Dassel, Bernardus de Hurstimar, Henricus Dapifer de Walpurg, & alii quam plures. Acta sunt hæc anno ab Incarnatione Domini MCXCIX Indiæ. III. regnante Domino Philippo Romanorum Rege glorioso, anno regni ejus secundo. Datum apud Hildesheim XIV Calend. Februarij. Ego Conradus Hildesimensis Episcopus Wirtzburgensis electus imperialis aulae Cancellarius recognovi.

Satis etiam hæc literæ produnt, quoniam e Saxonibus ad Philippi partes transferint. Otto per hæc cum suis copiis ad Regem Daniæ se contulit, Regis copias cum suis juncturus, ut ipse in epistola ad Pontificem indicare visus. Nec multo post etiam Ottocarus Bohemæ Rex a Philippo ad Ottonem transiit. Idem Hermannus Thuringiæ Landgravius fecit, quocum Philippo gravius exinde bellum fuit.

Subinde Innocentius Pontifex ad litteras, quas anno superiori miserant Germaniæ inferioris ac Saxonæ Principes, in hanc sententiam respondet Coloniaensi Archiepiscopo.

Pontificis  
ad superio-  
res Principes  
pium literas  
responsio.

*Gratum gerimus & acceptum, quod tu & alii multi Principes Alemanniæ dilectos filios G. Abbatem Indensis, B. Bunnensem Præpositum, H. Priorem de Werdt, H. S. Gereonis Scholasticum, M. de Villa civem Mediolanensem, & H. Cappellanum quondam inclytæ recordationis R. Regis Anglorum, G. Canonicum S. Mariæ ad gradus in Colonia & Magistrum P. viros providos & fideles ad Sedem Apostolicam destinastis, per eos & literas vestras & electionis modum & coronationis processum Karissimi in Christo filii nostri Ottonis, quem eligitis in Regem plenius intimantes, & petentes, ut quod a vobis factum fuerat, ratum habentes & firmum auctoritate vellemus Apostolica confirmare ac ipsum Ottonem ad suscipiendam coronam Imperii vocaremus. Nos autem nuncios ipsos propter honorem imperii & tam ipsius Ottonis quam tuam & aliorum Principum, a quibus missi fuerant, devotionem, honestatem etiam & probitatem ipsorum benigne recepimus, & sicut ipsi referre poterant curavimus benigne pertractare. Id autem per hæc Apostolica Scripta tam*

*tibi quam ipsis duximus respondendum, quod ad honorem & profectum ipsius libenter & efficaciter, quantum cum Deo poterimus, intendemus, sperantes quod ipse sicut Catholicus Princeps in devotione, quam progenitores ipsius circa Romanam Ecclesiam habuerunt, non solum sistere, sed perficere, cum honoris augmento curabit. Datum Laterani XIII Calendas Junii Pont. nostri anno secundo.*

In eandem verborum formam scriptum a Pontifice ad Mindensem, Paderbornensem; ceterosque Episcopos, ad Bremensem Archiepiscopum, ejusque provinciales Episcopos, ad Ducem Lotharingiæ & Brabantia, Comitem Palatinum Rheni, Comitem Flandriæ, Comitem de Dasburg, atque alios Principes ac proceres Alemanniæ inferioris. Sane quod his literis promisit Pontifex, id fideliter constanterque præstitit, Ottonis electionem probando tuendoque. Nam quibus causis Principes nostri averfati Philippum, Ottoni detulere regnum, iisdem & Pontifex Philippum postea rejecit. Alto nimirum vulnere hærebat in animo Pontificis & Romanorum, quibus injuriis Philippi majores ex familia Suevica Henricus IV, Henricus V, Fridericus Barbarossa, & Henricus VI Imperatores tot annis Apostolicam Sedem tractaverant: quam tædo inter Regnum & Sacerdotium schismate Ecclesiam dilacerarant: quibus spoliis patrimonium Petri Ecclesiæ diripuerant: quibus Episcoporum & religiosorum inter se collisorum dissidiis disciplinam Ecclesiæ dissolverant; uti hæc satis ex superiorum temporum narratione repeti possunt. Contra ex Saxonum gente offerebantur Ottones M. D. Henricus, Lotharius, & ipsius Ottonis parentes, Apostolicæ Sedis observantissimi. Et quam scdum iniquumque ea bona, quæ post Carolum M. & Ludovicum Pium Saxonica gentis Imperatores Romanæ Ecclesiæ dederant, abripi ab ipsis Suevica gentis Imperatoribus? & quid a Philippo sibi polliceri poterat Pontifex? qui Thusciam, ceteraque patrimonii Petri possessione tenebat, ob quæ a Cælestino Pontifice anathematis vinculo innox erat. Hæc & similia haud immerito avertabant a Philippo animum Pontificis, qui hisce difficillimis temporibus

Quas ob causas Pontifex Ottonis potius quam Philippi electionem comprobaret.



bus haud secus, quam Gregorius aliquis VII, aut Alexander III. a Deo datus videri poterat columna concussæ Ecclesiæ.

Hoc præterea anno Innocentius Pontifex literas dedit ad Bernardum Episcopum nostrum, & Decanum Paderbornensis Ecclesiæ, Abbatemque Helmwardeshusianum, quibus mandat, ut Apostolicæ Sedis nomine Hildesien- sis diocesis nobilibus & ministerialibus denuncient anathematis pœnas, omnemque sacrorum usum interdican- ti; nisi Heribertum electum Hildesiensem Episcopum desistant vexare, & impe- dire a quietâ possessione Episcopatus. Causa litis & discordiæ a Conrado Epi- scopo data. Is illustri Franconum O- rientalium genere, aut Saxonum verius ortus, ex aula Friderici Imperatoris primum Lubecensis Episcopus consti- tutus; sed ea Ecclesia, incertum qua ex causâ, post paucos annos deserta, rediit ad aulam Barbarossæ, & ob in- genii præstantiam solertiamque agendi, publicis Imperii negotiis tractandis ab Imperatore admovetur. Inter quæ etiam expeditionem in Palæstinam an- nona instruxit; non tamen ejus profe- ctionis comes fuit, quo falli dixeris Crantzium & Bruschium. Mortuo Barbarossâ, Henrico VI Imperatori non minus carus, quod apud Patrem obti- nuerat, Cancellarii munus gessit; ab eoque Imperatore expeditioni sacræ præfectus, in Syriam proficiscitur, in qua & Cypri Regem coronavit, & multa præclare gessit vicario Imperato- ris munere. Mortuo subinde Berno- ne Hildesienfi Episcopo, Henrici Im- peratoris commendatione, anno 1196 Bernonis Successor fuit; gestoque in tertium annum Episcopatu, postulatur Canonorum suffragiis, & Philippi Regis favore, Herbipolensis Episcopus. Quem Episcopatum cum ille sine Pon- tificis auctoritate susciperet, Pontifex Conradum utroque Episcopatu spolia- vit, deditque Hildesienfibus potesta- tem eligendi alium Episcopum; a qui- bus Heribertus sive Haribertus sum- mæ ædis Præpositus est delectus. Con- radus quamdiu inter spem alterutrius Episcopatus recuperandi hærebat, mo- do se Hildesiensem, modo Herbipo- lenssem Episcopum scribebat; sed quia idem Cancellarius erat Philippi Regis,

ejus patrocínio subnixus, Herbipolen- sem Episcopatum flaganter ambibat; quod & consilia Philippi spectabant, ut potentem ex Ducatu Franconiæ E- piscopum suis partibus adjungeret. Sed eo minus gratus erat Pontifici, qui fa- ctionem Philippi oppressam volebat. Extant de hac controversia Innocentii Epistolæ tam ad Episcopum nostrum Bernardum & Clerum Hildesiensem, quam ad ipsum Conradum, quibus temeritatem facti contra Canonum in- stituta illi exprobat, ac damnat. Exem- plar harum literarum hoc loco super- vacaneum reddere, cum inter editas In- nocentii Epistolas legi possit. Persti- tit tandem Conradus in Herbipolensi Episcopatu, postquam Pontificis aucto- ritate nova electio impetrata; nec ta- men ultra triennium superstes; quip- pe qui anno 1203, dum in domo Epi- scopali ad Basilicam procederet per in- fidias a duobus gentis nobilibus, qui se ab eo læsos ferebant, interimitur, vir capacis ad omnia ingenii, clarusque in utriusque Imperatoris & Philippi Regis aula Cancellarius; sed qui politi- cis rebus magis quam sacris præclaras naturæ dotes, vitamque impenderat. Memorabile tamen ad viri commenda- tionem, quod occisi corpus cum cilicio repertum sit, singulisque hebdomadi- bus auri vertonem (pretium est 24 Im- perialium Joachimicorum) in pauperes erogarit.

Subventum hoc anno Livoniæ ad propagandam Christi religionem inter barbaras gentes. Cœpta hæc quidem hætenus felici progressu; at cum vi- cinæ Paganorum gentes Christianorum Sacerdotum operas continuo infesta- rent, Bertholdus Meinhardi Successor, ac secundus Livoniæ Episcopus, ex Lu- censis ordinis Cisterciensis Cœnobii Ab- bate delectus, Romam se ad Innocen- tium Pontificem contulit, expositaque ingenti spe messis Evangelicæ, quæ in- ter Livones haud secus, quam inter Sclavos jam Christo partas haberi pos- set, impetravit a Pontifice apostolicas literas ad Saxoniam & Westphaliæ Prin- cipes populosque; quibus ampla noxa- rum indulgentia facta, quotquot cruce signati in sacram hanc militiam transi- rent. Iis Pontificis literis vulgatis, multi Westphaliæ & Saxoniam nobiles ac milites incensi, inter hæc civilia bel-

Arn. Lub.  
Crantz.

Justinus  
presbyt. in  
Lippes.  
Oderic. in  
hist. Eccles.  
Brevius in  
hist. Eccl.  
Ruffon. in  
Chr. Livon.  
Heister. in  
Suffr.

Fides chris-  
tiana in Li-  
vonia pro-  
pagatur.

ANNN

la

la multo salubriori consilio in Livoniam transgressi, christianam religionem adversus barbaros propugnare.

Opera maxime Bertholdi Ep. & Bernardi de Lipia. Casarius lib. 9. c. 37. Dialog.

Magno in hanc rem adjumento hortamentoque fuit Bernardus de Lipia, qui per id tempus cum Bertholdo Episcopo Romam profectus, aut certe in Westphaliā transgressus. Ipse & Bertholdus ejusdem Cisterciensis Ordinis Abbas novas secum religiosorum virorum ac Sacerdotum Colonias

ex Westphalia & Saxonia in Livoniam traduxere, quorum ipse Bernardus moderator fuit: ut ob id a Casario Abbas Livoniæ appellatus sit. Tantus nunc christianæ religionis propugnator, palam docendo ordinandoque res sacras, quantus ante sub signis Henrici Leonis bellator militando conspectus, quo suo exemplo mirifice excitavit nobilium per Westphaliā animos ad sacram militiam transeundi.

## Annus Christi 1200.

Innocentii III Pont. 3. Ottonis IV. & Philippi Reg. 3.

Bernardi II Ep. Pad. 15.

Godfr. Innocent. in Regist. Odericus in histor. Eccles. Ferdinand. Episc. ex reg. Vas. Biblioth.

Duodecimum dehinc sæculum cum anno millesimo ducentesimo claudimus, civilibus adhuc discordiis turbidum. Quippe Conradus Moguntinus Archiepiscopus, cum pacem anno superiori Boppardiæ ac Coloniae frustra tentaverat, id negotium hoc anno resumpsit, indicto inter Andernacum & Confluentiam Principum conventu, de quo Godfridus, atque ipse Otto Rex in literis ad Pontificem inter cetera scribit. *Nolumus ignorare sanctitatem vestram Moguntinum Archiepiscopum feria sexta post festum S. Jacobi Apostoli indixisse colloquium inter Andernacum & Confluentiam, in quo ex parte nostra interfuerunt Coloniensis Archiepiscopus, Monasteriensis Episcopus, Leodiensis Electus Trajectensis Episcopus, Paderbornensis Episcopus, Abbas Corbejensis, Dux Brabantiae, & Comes Flandriae. Ex parte vero Ducis Sueviae Salisburgensis Archiepiscopus, Frisingensis Episcopus, Argentiniensis Episcopus, Basiliensis Episcopus, Trevirensis Archiepiscopus, Dux Meraniae, Marchio Conradus de Landassen, B. Dux Ceringiae, & ipse Moguntinus tanquam mediator, qui huic rei hactenus sollicitudinem, quam potuit impendit.* Sollicite autem Otto Pontificem monet, ne quid in sui præjudicium decidi patiatur. Verum ut superiori, ita & hoc colloquio altercantium partium studia cassa fuerunt.

ro maturo consilio adductus ad luctuosum Imperii dissidium tollendum, quibusve rationibus & causis in utramque partem pro utroque Rege diligentissime expensis, id fecerit Pontifex, satis ex illius epistola XXI ad universos Germaniæ Principes data, tum ex epistola XXIX de tribus electis Regibus constare poterit; e quibus ille Ottonem, præter merita majorum ceteraque etiam maxime Imperio idoneum censuit, quod licet Philippi electio a pluribus, Ottonis tamen ab iis sit facta, quibus principaliter jus eligendi fuit: nempe ab Adolpho Coloniensi & Joanne Trevirensi Archiepiscopis; a quibus etiam Otto Aquisgrani in Augustali & Carolina Imperii Sede inunctus ac consecratus: Philippus vero præter jura & privilegia Germaniæ nationis Moguntia a Tarantasiensi Archiepiscopo, alienæ gentis homine, sine Pontificis auctoritate inungi voluerit. Jam vero in ejusmodi dissidiis supremam penes Romanum Pontificem esse auctoritatem, præclare ostendit Innocentius in erudita epistola ad Philippi Legatos, deducitque ab Apostolica Sede, quæ in persona Caroli M. a Græcis ad Germanos transtulit Imperium, quæque eligendi ac coronandi potestatem Romani Regis communicavit cum Germaniæ Archiepiscopis, quos inter Coloniensis sibi primas partes vendicet.

Pontifex, re mature discussa, tandem pro Ottone pronunciat

Tandem Pontifex, post biennii de liberationem & consultationem, in Cardinalium senatu pronunciat; rejectoque Philippo, Ottonem ab omnibus Imperii Principibus Germaniæ Regem acceptari, colique mandat. Quam ve-

His Romæ in senatu Cardinalium decretis, misit Pontifex Guidonem ex Abbate Cisterciensi Cardinalem ac Prænestinum Episcopum, qui sequenti demum anno in Germaniam venit. Festo deinde Simonis ac Judæ Conradus Mogunti-

Servat. in histor. Mogunt. Chron. Mogunt. Godfr. Arn. Lubec. lib. 6. c. 3.

Moritur  
Conradus  
Archiep.  
Mogunt.  
a cujus obi-  
tu schisma  
in Ecclesia  
Mogunt.  
exurgit.

guntinus Archiepiscopus Metropolita-  
nus noster, postquam discordantes in-  
ter se fratres Ungariæ Reges pacis vin-  
culo composuisset, ex itinere in Passa-  
viensi diœcesi moritur. Funus ejus  
Wolferus Episcopus honorifice Mo-  
guntiam deduxit. Celebris ea tempe-  
state præsul; quippe rebus præclare  
gestis, & vitæ integritate, decus Epi-  
scoporum, ac columnen Ecclesiæ; quo-  
cum & Bernardo Episcopo nostro, ut  
supra diximus, magna animorum con-  
junctio fuit. Ejus morte scissa Mogun-  
tina Sedes, aliis, qui ex factione Phi-  
lippi erant, Lupoldum Wormatiensem

Episcopum, aliis Sifridum Præpositum  
Bingæ ob tumultus in urbe concitados  
deligentibus. Quo cognito, Lupoldus  
cum Philippi copiis Bingam advolat.  
Inde Sifridus se ad Ottonem contulit;  
a quo benigne susceptus, & mox re-  
galibus donatus est, & copiis adjutus  
Lupoldum Binga ejecit. Adeo non  
tam certamen inter duos Episcopos,  
quam inter ipsos Reges erat, uter sibi  
Moguntinum adjungeret; at Pontificis  
auctoritate post Sifridus in Sede firma-  
tus, quo Ottonis simul partes multum  
constabilitæ sunt.

## Annus Christi 1201.

Innocentii III. Pont. 4. Ottonis IV. & Philippi Regum 4.  
Bernardi II. Ep. Pad. 16.

Godefrid.  
Gelas. in  
Engelb.  
lib. 1. notat  
ad c. 3.  
Quinam  
Ottoni in  
expeditio-  
adversus  
Philippum  
adjuvant.

Otto deinde postquam se primus  
novi sæculi annus aperuit, contracto  
exercitu, in superiorem Germaniam  
adversus Philippum expeditionem su-  
cepit, progressus cum Adolpho Colo-  
nienfi, & Sifrido Moguntino Archie-  
piscopis, & Henrico Palatino fratre,  
eorumque subsidiariis copiis Herbipo-  
lim usque pervenit, late per eas regio-  
nes terrore armorum circumlato. At  
quos præterea in exercitu Episcopos ac  
proceres sibi conjunctos habuerit, do-  
cebit nos Ottonis Regis diploma, Her-  
bipoli ea in expeditione consignatum,  
quo rursus Adolpho Colonienfi Archi-  
episcopo, ob fidam bello civili præsti-  
tam operam, iteratis tabulis Ducatum  
Westphaliæ & Angariæ confirmat: in-  
ductis etiam fratribus Henrico Palatino  
& Wilhelmo, ut quidquid juris aut ip-  
se, aut hæredes obtendere possent,  
perpetuum renunciarent. *Testes hu-  
jus rei fuere Adolphus Colonienf. Ar-  
chiepiscopus, Henricus Palatinus Regis  
frater, Sifridus Moguntinus electus,  
Hermannus Monasteriens. Episcopus, Im-  
perialis aulæ Cancellarius, Bruno Bon-  
nens. Præpositus, Henricus Comes Sei-  
nens. Simon Comes de Teclenburg, Ger-  
hardus Comes de Are, Henricus comes  
de Cessele, Godefridus comes Arensber-  
gens. Adolphus comes de Monte, Ber-  
nardus de Wilepa, Burchardus de Al-  
denberg, Hermannus de Lippia, Gode-  
schalcus de Pirremunt, Godefridus de  
Eppenstein, Wulframus Comes Rheni,  
Rutgerus de Merheim, Rutgerus de  
Brempta, Wernerus de Bolant, & fra-*

*ter suus Philippus, Hermannus advoca-  
tus Colonienf. Hermannus de Alvetre  
Mareschallus, Otto de Schonenberg, Re-  
jimarus de Rothe, Conradus de Wilre,  
Simon Aquens. & alii quam plures.  
Acta sunt hæc anno Dominicæ Incarnat.  
millesimo ducentesimo. Datum apud  
Wirtzburg, tertio Nonas Februarii per  
manum Hermannii venerabilis Monaste-  
riens. Episcopi. Tabulas hasce Gele-  
nius produxit in D. Engelberto supe-  
riori anno adscriptas; quas tamen ad  
initium hujus anni referre libuit, quod  
per id tempus Otto Rex Herbipolim  
accessisse referatur a Godefrido. Istic  
vero cum se nulla hostili manu offerret  
Philippus, exercitum reduxit ad infe-  
rioris Rheni partes.*

Et jam Guido Cardinalis, Pontifi-  
cis legatus, in Galliam advenerat, ex  
eaque in Germaniam properabat, præ-  
misso Philippo Notario, qui fidem ab  
Ottone exigeret; quam Rex Novesii  
vi Idus Junii in celebri Præfulum ac  
procerum corona juravit: fore nimirum  
se defensorem Apostolicæ Sedis: con-  
servaturum omnia privilegia Romanæ  
Ecclesiæ: possessiones, quæ ablata, re-  
stituturum; quæ recuperata, suis ex in-  
tegro permissurum. Quemadmodum  
juramentum hoc recitatur inter episto-  
las Innocentii Pontificis. Post illa Gui-  
do Cardinalis Leodio Aquisgranum ho-  
norifice accessit, occurrente Ottone Re-  
ge, a quo Coloniam deductus; ur-  
bemque intravit, ut Godefridus etiam  
refert, circa festum Apostolorum Pe-  
Nnnn 2 tri

Juramento  
tam Otto-  
nis Aposto-  
licæ Sedi  
Novesii  
præstitum.  
Innocentius  
Epist. 75  
Oderic.  
Rainald.  
in histor.  
Eccles.  
Epistola  
Guidonis  
Legati ad  
Pontif.  
Godefrid.  
Tribem. in  
Chron.  
Hirav.

tri & Pauli; evocatisque vicinis Episcopis ac proceribus Regni, in Ecclesia D. Petri primum Principes omnes, qui Friderico puero fidem dixerant, iuramenti religione absolvit; inde Philippum Pontificis nomine Regno nequaquam idoneum pronunciat; simulque ad ceteros Principes mandata dat cum anathematis comminatione, a Philippo desciscere, atque ipsum Ottonem de cetero Germaniæ Regem amplecti.

Consuetudo pulsandi ad elevationem S. hostiæ, & cum ea defertur ad ægros, introducit.

Per id tempus, dum Wido Legatus Coloniae versatur, pium morem ritumque introduxit, ut dum in Sacrificio Missæ Hostia elevatur, nolæ tinnitu signum daretur. Idemque fieri iussit, quoties ad moribundos S. Eucharistiæ Sacramentum deferretur, excitandæ adorationis & pietatis causa. Demum in hoc congressu, rejecto Lupo, Sifridus verus Moguntinus Episcopus renunciatur; qui ab ipso Legato primum Sacerdos, deinde Episcopus Coloniae consecratur. At quinam ex Saxoniarum Episcopis præter Adolphum Coloniensem Archiepiscopum huic celebritati interfuerint in annalium memoria non reperio; quanquam de Bernardo Episcopo nulla fere dubitatio inferri possit.

Guido in epist. ad Innocentium-Odericus ad hunc ann. v. 13. in novo Corbeia habito conventu Otto rex declaratur, & Philippus rejicitur. Ibid. Heribertus Hildesimensis Ep. consecratur a Bernardo Ep. Paderb.

Colonia Guido Legatus Corbejam profectus; ubi pro Apostolica auctoritate alium Episcoporum ac procerum conventum indixit; palamque in literis ad Pontificem professus, si modo Episcopi Germaniæ in fidem Ottonis adduci possint, causam Ottonis securam fore. Tanta nimirum tum Episcoporum auctoritas & potestas erat in Imperio. Igitur ad hunc Corbeiensem conventum iterum tertiumque evocati sunt Episcopi totius Saxoniarum, in eoque, ut Coloniae factum erat, Philippus rejectus, & Otto renunciatus Rex; in absentes vero Episcopos actum est anathematis comminatione. Ac tamen si annotatum non sit in annalibus, quinam Episcopi se subtraxerint, aut quinam præsentibus fuerint, certum tamen, Bernardum Episcopum nostrum, & Heribertum Hildesensem Episcopum accessisse; quod jussu Apostolici Legati eo in conventu Heribertus Hildesimensis electus, a Bernardo antistite nostro consecratus sit Episcopus. Qua super re extat ejusmodi Guidonis Le-

gati testimonium inter monumenta Corbeiensia. *Guido Dei miseratione Prænestinus Episcopus, Apostolicæ Sedis Legatus, omnes ad quos literæ præsentis pervenerint in Domino salutem. Notum fieri volumus, quod consecratio venerabilis fratris nostri Hildesimensis, quæ in Corbeienfi Monasterio facta est a dilecto fratre nostro Episcopo Paderbornensi, nostra est facta auctoritate & jussione. Unde nolumus, ut inde temporibus futuris aliquod præjudicium prædicto Monasterio generetur.* Exinde Pontifex Conradum Hildesimensem Episcopum, quod a Cœlestino Pontifice ob merita belli sacri illi facta esset promissio ad altiore Ecclesiæ gradum ascendendi, in gratiam recepit. Ac postquam se Apostolicæ Sedi submiserat, poenitentiamque commissi facti egisset, ad Herbipolensem Episcopatum admisit; ea tamen lege, si nova Canonico- rum electione facta deligeretur.

Per id tempus Innocentius Pontifex literas ad Bernardum Episcopum Paderbornensem dedit, plenas laudis, & sui erga illum amoris; quibus cum primis gratias agit, quod causam Ottonis constanter egerit. Eas, quod ab Oderico in historia Ecclesiastica prætermisissæ sint, hic referre nostra interest.

Pontifex scriptis ad Bernardum Ep. literis gratias agit pro constantie ejus in Ottonem fidelitate.

*Gratum gerimus & acceptum & tuæ devotionis constantiam in Domino commendamus, quod carissimo in Christo filio nostro Illustri Regi Ottoni in Romanum Imperatorem electo, quem nos recepimus jam in Regem & ad coronam imperii congruo tempore disposuimus evocare, fideliter & constanter adhæres, & ei auxilium tribuis & favorem. Super hoc ergo devotionem tuam prosequentes actionibus gratiarum fraternitatem tuam monemus & exhortamur attentius, & p. a. f. s. m. quatenus eidem Regi non obstante juramento, Si quod Duci Sueviæ ratione regni forsitan præstitisti, cum nos illud eo reprobato decreverimus non servandum, viriliter & potenter assistas, & universos consanguineos & amicos tuos ad ejus fidelitatem inducas, ita quod ex hoc gratiam nostram plenius merearis, sciturus, quod sicuti prius quam ipsum acceperimus in Regem, gratum reputavimus & acceptum, non dimitemus inultum si quis se ipsi duceret opponendum,*

*dum, non autem te moveant maledicta quorundam.*

In hunc modum scriptum a Pontifice ad Coloniensem Archiepiscopum, Episcopum Osnabrugensem, Monasteriensem, Traiectensem, Hildesimensem, Mindensem: ad Abbatem Werdinensem, Abbatem S. Cornelii, aliosque: Præpositum Bonnensem, Ducem Limburgensem, ad Comitem Flandriæ, cui & Paderbornensis commendatur, ut de eo bene mereri non desistat, ad Namurcensem, Loensem, Wassenbergensem, Hochstadensem, Ariensem, Seinensem, Eppersteinensem, Tickenburcensem, Cesselensem,

Lippianensem, Hollandiæ, Borenssem, Lofensem, Teclenburgensem, Montanum, Vianensem, Arnsbergensem, ceterosque Comites, qui Ottonis partes cum Pontifice susceperunt. Mirum quot literis Innocentius Pontifex sollicitavit Germaniæ Episcopos, Proceres, Reges & Principes; quantumque laboravit pro Ottone Rege adversus Philippum, ut palam fateri necesse fuerit Ottoni, scriptis ad Innocentium Pontificem literis, se post Deum ei Regnum debere. Quorum omnium tamen post Otto immemor in Pontificem insurrexit, bonaque Romanæ Ecclesiæ haud secus quam Suevicæ gentis Imperatores invasit.

*Innocent. Epist. 80. Odericus ad annum 1202.*

## Annus Christi 1202.

Innocentii III Pont. 5. Ottonis IV & Philippi Reg. 5.  
Bernardi II Ep. Pad. 17.

Non destitit interim Pontifex per Guidonem Legatum firmare anno proximo Ottonem in Regno. Quam in rem Magdeburgensem & Bremensem Archiepiscopos, ceterosque factionis Philippianæ Episcopos, anathematis comminatione percellit. Eadem constantia Trevirensis Archiepiscopus aggressus, loco movendum denunciat Legato, quod jam partem bonorum & jurisdictionis Trevirensis Ecclesiæ transcripserat Colonienfi; sed quia idem Colonienfis in fide Ottonis nutare cœpit, vehementer eum objurgat, ostenditque quam fœdum factum sit, eum desciscere a Rege, quem ipse coronaverat; cum Colonienfis Archiepiscopi solummodo sit Reges in Imperatores electos coronare ex antiqua ejus Ecclesiæ dignitate. Tanta rerum in summis capitibus perturbatio erat. Qua haud parum perculsi ceteri provinciales Episcopi. Quo factum opinor, ut Hermannus Monasteriensis Episcopus, vir hætenus constantissimus ac celeberrimus inter Imperii Principes, in Marienfeldenſe Monasterium secesserit, tanquam ex his Imperii fluctibus sese in portum subtracturus.

Contra Otto, ut res suas firmaret, cum Adolpho Colonienſi Archiepiscopo, conventum habuit Traiecti ad Mosam, in quo Dux Brabantiae & Gelriæ Comes reconciliati sunt. Sed mox inter ipsum Ottonem & Adolphum Colonienſem Archiepiscopum obortalis detestionis, monetis, & iniquis vectigalium exactionibus, quæ inter ipsos a Guidone Legato composita est, ne ex intestinis hisce diffidiis Philippi Regis causa invalesceret. Nec leve Philippo vulnus fuit hoc anno Conradum Herbipolensem Episcopum, quem hætenus Cancellarium in omni consiliorum moderatione habuerat, a Sicariis, dum ad templum procederet, interfici; quamquam id alii ad initium sequentis anni referant. Sed de hoc Episcopo supra a nobis relatum est. Ut varia de eo fuere judicia, ita Epitaphium hoc scripto proditur.

*Arnold. Lib. 7. c. 2. Godofrid. Trithem. in Chron. Odericus in hist. Eccles. ad an. 1202. Chron. Montis Sereni.*

*Hic procumbo solo scelere dum parcere nolo,  
Vulnera facta dolo dent habitare polo.*

Bernardus Episcopus noster, cujus hic penultimus vitæ annus fuit, ex senio ad vitæ exitum provectus, quantum a publicis otiiis nactus fuit, totum impendit in res sacras, & dotanda sacram Virginitatis Cœnobia, ut earum precibus sibi Deum propitium dederetur. Quam in rem ternæ sunt tabulæ, quibus Wilbacensi Virginitatis Monasterio liberaliter benefecit. Harum primis

*Bernardus Ep. totus est in dotandis & exornandis cœnob. &c.*

*Arnold. Lib. 7. c. 6. Godof. id.*

Philippus Rex quo minus in ista animorum inclinatione res suas proferret, obstitit defectio Regis Bohemiæ, & Hermannus Thuringiæ & Hassiæ Landgravius ad Ottonem, in quos arma parabat, quæ proximo anno erupere.

primis aliquot prædia donat: alteris decimas; quas vel a Bernardo Comite de Lippia consanguineo suo, vel ab aliis redemerat, transcribit, tertiis advocati onere liberat. Omnes hæc literæ testibus consignatæ, & anno Episcopatus xvi memorantur scriptæ, qui ut supra monuimus annus ordinationis censi debet, cum hic ab electione ejus xvii procurrat. Aliis præterea tabulis Gerdensi Virginum Cœnobio consulit, bonaque sibi transcripta Virginibus donat. Testes adscribuntur prope iidem, qui in superioribus literis, *Henricus Decanus, Lambertus Præpositus, Meinricus & Alexander Priores, Conradus Custos, Theodoricus Scholaisticus. Ex Ecclesiæ fidelibus Hermannus de Lippia, Bertholdus de Schonenberg, Bertholdus & Thietmarus fratres de Buxen, Amelungus vice Comes. Ex Ministerialibus Wernerus de Brakele, Conradus Camerarius, aliique quam plures.* Et tanquam calamitosa simul tempora deplo-

raret, omnes has literas tempore diffusionis inter Ottonem & Philippum confectas refert. Subinde III Nonas Septembris Bernardus ad Bredelarienſe suæ diœcesis Cœnobium profectus, cœmeterium ejus loci consecrat, convocatoque populo Sacramentum confirmationis impertit. Id quia in Bredelariorum monumentis annotatum reperimus, haud dubium, quin religiosissimus Episcopus quotannis diœcesin suam perlustrando ceteris quoque incolis diligentissime idem administraverit; quod multa ejusmodi ob incuriam Scriptorum, & temporum injuriam de horum temporum Episcopis desideremus, quæ per obscura quædam vestigia investiganda remanent. Quemadmodum ex Gerdensi Cœnobii literis hoc anno datis scribit Bernardus, se pro more in cœna Domini Synodum celebrasse cum Clero & religiosis viris, ad disciplinam Ecclesiæ servandam.

*Litteræ Bredelariensis. Jongelinus in Notit. Ordinis Cisterciensis.*

## Annus Christi 1203.

Innocentii III. Pont. 6. Ottonis IV & Philippi Reg. 6.  
Bernardi II. Ep. Pad. 18.

*Spandanus in Annal. Odoricus in hist. Eccl. Innocentii Epistola. Arnold. Lub. 1. 7. Godefrid. Ursberg. Albert. Stad. Ghren. Mont. Ser. Nova in Palatini expeditio, qua Constanti-nopolis capta. Novæ in Imperio ex schismate curba.*

Accesserat per hæc annus hujus sæculi tertius, nova expeditione in Palæstinam celebris; quo certatim Itali, Germani, Galli, Ungari, Belgæ, Angli, hortatu Innocentii Pontificis, ad crucis signa convolarunt, tanto apparatu classis, cum primis Venetæ, tantaque expectatione, ut totum regnum Hierosolymitanum redituum in manus Christianorum crederetur. Hac expeditione primum Constantinopolis mari & terra simul a Balduino Flandriæ Comite ac Bonifacio Marchione Montisferrati intra octiduum expugnata, reditaque Isaacio Angelo, cujus filiam Philippus habebat in matrimonio. Ea in expeditione e Saxonie præsulibus memoratur Conradus Halberstadenſis Episcopus, qui multis sacrorum ornamentis Constantinopoli allatis suam locupletavit Ecclesiam.

At in Imperio omnia ex schismate turbida. Pontifex ut Magdenburgensem, Bremensem & Salisburgensem Archiepiscopos a Philippo ad Ottonis partes traheret, extrema minatur: Trevirensis frustra sollicitatur: Coloniensis ægre adhuc retentus in fide Ot-

tonis. Quo se verterent Episcopi? cum omnes prope Germaniæ Archiepiscopi, præter Moguntinum, Philippo hærent. Interim Philippus armis infelix. Nam cum in Hermannum Thuringiæ & Hassiæ Landgravi-um, qui ad regnum quoque aspiraverat, quod sorore Friderici Imperatoris genitus esset, arma converteret, regionesque late devastaret; Landgravius subsidio Ottocari Bohemiæ Regis, & Henrici Palatini Philippum fugat, compellitque intra Erfurtum se recipere. Ibi in nonum diem obsessus Rex noctu elabitur ad Theodorum Misniæ Marchionem, viresque instaurat. Insequitur Rex Bohemus, & Palatinus, quibus haud multo post Otto Rex cum novo se jungit exercitu, ex Saxonia & Westphalia contracto; indictisque Mersburgi comitiis, Bohemum iterum festo Bartholomæi Regem coronat, quo cum simul Landgravius fidem Ottoni jurat.

Otto quo Goslariensēs Philippo Regi juratos affligeret, castrum Herlingsbergam, in edito prope Widelagam monte construxit, præmuniitque; & quia



quia alterum ex Occidentali parte castrum Lichtenbergam infidebat Otto, ita ex utroque infestabat cives ut multi urbe excesserint.

Divisio patrimonii hæreditatis inter Otto nem R. & fratres facta Paderbornæ.  
Per id tempus anni convenere tres fratres, Otto Rex, Henricus Palatinus & Wilhelmus, Paderbornæ, stipati Episcoporum & procerum multitudine. Ac ne qua ipsos dissensio armorum, animorumque commutatio disjungeret, partiti sunt inter se paternam hæreditatem. Ea vero divisio, uti præsentem Bernardo Episcopo nostro, qui primus inter arbitros memoratur, facta sit, quantum Ottoni Regi cum Brunswicensi urbe cesserit, hæc tabula Henrici Palatini indicabit.

In nomine sanctæ & individue Trinitatis, Henricus Dei gratia Dux Saxoniæ, & palatinus Comes Rheni &c. Quoniam omnia quæ aguntur in tempore quadam mutabilitatis lege tendunt ad interitum, cautum est litteralis adminiculi fulcimine facta roborari, quæ semper tanquam præsentia futurorum sunt memoriæ commendanda. Notum sit ergo tam futuri quam præsentis ævi fidelibus, quod nos una cum dilectis fratribus nostris Serenissimo Domino nostro Ottoni Romanorum Rege & semper augusti, & Wilhelmo, patrimonii nostri divisione fraterne & unanimi consensu apud Padelburnam celebrata portionem jam dicto fratri Domino nostro Ottoni Romanorum Regi a nostris segregatam & sibi convenientem istis terminorum interstitiis certissimis distinximus. Incipit itaque in hoc loco. Brunswic suum est & omnia ibi attinentia, & terra usque Northburg sua est, a Northburg usque Daulo, a Daulo usque Hunckeshotte, a Hunckeshotte usque Schwibecke, a Schwibecke usque Varesvelde, & Varesvelde suum est, & hoc loco terra est sua usque Wadenberge, a Wadenberge usque ad navigium Wagerseve, a Wagerseve usque in montem, qui dicitur Hart ad Villam Remibecke, & ab illo loco totus mons Hart suus est, castrum Somerschenburg, & omnia attinentia sua sunt, quidquid in quam est in circuitu illo usque Brunswic, quod Patris nostri Henrici Ducis piæ recordationis fuit in prædiis, cessit in partem fratris, & Domini nostri Ottonis Romanorum Regis, in alio latere a Brunswic usque Flotwede terra sua est, &

ipsum Flotwede, dimidium a Flotwede usque Hannovere terra sua est, a Hannovere fluvius Leina superius usque Northheim, & juxta Northheim usque ad montem Plesse suum est, a monte Plesse usque Gottinge, a Gottinge usque Hanestein, a Hanestein regia strata usque Moguntiam. Quidquid est infra terminum istum versus Brunswic tam in ministerialibus quam in prædiis & castris totum suum est &c. & totum patrimonium in Thuringia quod erat patris nostri suæ cessit parti. Hujus rei testes sunt Bernardus venerabilis Padelburnens. Episcopus, Hartbertus Hildesheimens. Episcopus, Widekinus Corbeiens. Abbas, Heribertus Werdinens. Abbas. Laici nobiles Simon Comes de Stumpenbusen, Conradus de Dikka & Constantinus filius ejus, Hermannus de Lippia, Henricus de Danne. Ministeriales, Conradus de Wilre, Simon Aquensis Camerarius, Ludolphus de Aßbeke & Boldewinus frater ejus, Fridericus de Volckmarade, Basilius de Osterode, Elardus de Itoberge, Ludolphus de Bortfelde, Otravenus de Rotdorp, Hartwig de Utesseim, & alii quam plures. Acta sunt hæc anno Dominicæ Incarnationis MCCIII, Indiæ. quinta, præsentem sanctæ Romanæ Ecclesiæ Papa Innocentio hujus nominis tertio, regnante Serenissimo Domino nostro Ottoni quarto Romanorum Rege, & semper augusti, anno regni ejus quarto. Ut autem hæc divisio nec a nobis, nec ab aliquo Successorum seu hæredum, nostrorum in posterum unquam retractari valeat, præsens scriptum hinc inde conscribi, & nostri impressione sigilli ac fratris nostri Wilhelmi præcepimus communiri.

Ad proximum hunc Bernardi congressum accedunt ex hoc postremo vitæ ejus anno binæ donationis literæ, Gerdensi Virginum Cœnobio datæ; in quibus, tanquam mortis imminentis præsciis, fatetur sui esse muneris, eis amorem & liberalitatem impendere, qui laudabile & sanctum religionis institutum amplexi sunt, ut eorum precibus apud Deum adjutus mortalitatis viam feliciter decurrat. Quare Virginitas istis, inter quas innocentia custodiam & districtam propositi, religionisque observantiam compererit, se cum primis obligatum agnoscit. Donumque ejus postremum fuere decimæ, & domus suo ære comparata donata-

Bernardi  
Ep. Paderb.  
mors &  
commen-  
datio.

nataque. Utræque hæc literæ anno MCCIII consignatæ leguntur, ut jam trinis literis constet Bernardum in hunc etiam annum prorogasse vitam suam, fallique Bruschi-um, qui anno MCCII obiisse scribit. Sed nec hic multum superstes, ix Cal. Maji excessit e vita, quemadmodum id in ne-crologio Herifensi, aliorumque Mona-steriorum annotatum accepimus. Go-belinus, Bruschi, Kerfenbrochius XVI annis præfuisse scribunt. Sed ii uti exor-dia Episcopatus male capiunt (quemad-modum supra ostendimus in obitu Sifri-di Episcopi) ita falluntur in anno mor-tis, quem 1202 esse volunt, cum in hunc 1203 protrahendus sit. Quapropter ge-sti Episcopatus tempora certius publicis tabulis in XVIII annum produximus. Præ-sul certe, quantum ex tot donationum literis æstimare fas est, quæ apud nos ex omnibus prope Cœnobiorum & Colle-giorum tabulis collectæ servantur, quantumque ex rebus ab eo gestis col-ligas, religiosissimus, & vitæ integerrimæ, cui primæ semper curæ fuit, cleri & religiosorum disciplinam conservare secundum majorum instituta, fovere pauperes & jus omnibus dicere, pacem colere cum vicinis Episcopis, nec publi-cis se miscere, nisi quantum necessitas posceret. Ottonis partes constanter te-nuit, quod Apostolicæ Sedi omnem ve-nerationem & obsequium deferret, eo-que apud Innocentium Pontificem & Guidonem Legatum in magna æstimati-one fuit. Gessit Episcopatum turbatis temporibus, quorum postrema hæc dif-ficillima fuere ex dissensione Regni inter Ottonem & Philippum, quod toties in postremis suis etiam literis deplorat, ut visus sit Deum hoc anno tandem ad qui-etorem cœlitum vitam evocare.

Obit &  
Herman-  
nus Mona-  
ster. egres-  
suz virru-  
tis præsul.

Hoc ipso quoque anno, ut Godefridus scribit, mortuus est Hermannus Monasterien-sis Episcopus, & facta est dissensio pro electione. Quare & hunc Episcopum, religione in De-um, morum sanctitate, & rerum gestarum gloria in paucis celebrem, post XXVIII an-norum labores Deus ex hisce Imperii turbis ad immortalem vitam transfudit. Nam quan-ta apud Fridericum & Henricum VI Impe-ratores in auctoritate fuerit, quæque in ex-peditione sacra, & in variis legationibus, ac Principum conventibus egerit, quantumque ex Cancellarii munere apud Ottonem pro pace Imperii laborarit, supra diximus. Nec minus de suo Episcopatu laudabiliter meri-tus, quem cognomento Pium ejus ævi Pa-trem Patriæ dixere Monasterienses. Hujus

Episcopi præclara monumenta sunt Basilica Cathedralis, Urbs Monasteriensis cum portis & mœnibus ex incendii ruinis instaurata. Ejus liberalitate duo Canonorum in urbe Collegia D. Ludgeri & Martini condita. Duo præterea ab eo castra e fundamentis erecta, Nienburgum ad Dimolam fluvium, & Lan-deggium in Embslandia. Illud nobilium ino-pum ac Ministerialium domicilium, hoc ve-ro munimentum adversus Comites Teclen-burgenses & Twentios esse voluit, quod in ea tempora inciderat, quibus sago non minus quam toga opus erat ad defensionem Episco-patus. Quare sumptis etiam adversus Her-mannum Ravensburgicum Comitem armis, qui ex Philippi Regis factione diocœsin inestabat, Bilsfeldiam obsedit, expugnatoque Oppido, imperatum civibus urbis suæ mœ-nia demoliri; utque ad posteros etiam victo-riæ signum transiret, jussi sunt præterea cives omnium quercuum, quæ in vicino nemore erant, capita amputare, quarum exinde trunci sine cacuminibus, & ramis ad multos annos instar tropæi conspecti steterunt. Sed omnium operum ejus pulcherrimum fuit Cœnobium Marienfeldenfense, quod eo aucto-re adiutoreque conditum fuit, & mox reli-giosis viris, opibusque totius Westphaliæ florentissimum extitit; in quod postremum ipse Episcopus turbarum bellorumque per-tæsus secessit, vitamque inter Cœnobitas am-plexus est. Tradunt præterea Marienfelden-ses, religiosum etiam apud se Monachi habi-tum abdicato Episcopatu induisse, quod hæc sepulchri inscriptione constare volunt.

*Nobilis hic Præsul a Sede sua jacet exul  
Propter te, Christe, pro te, sua qui dedit & se.  
Hic primum templi lapidem jaciens jacet isti  
Subjectus lapidi, templi lapis ipse superni  
Vivus, & electus sit sacris ædibus aptus  
Et sibi jungat eum lapis, utraque qui facit  
unum.*

Sed hi verius nondum satis nos expediunt, utrumne abdicato Episcopatu religiosam vi-tam sit professus, eo quod habitu Episcopi cum mitra & omnibus Pontificis indumentis Cippo insculptus conspiciatur, & ab obitu Hermanni, ut Godefridus memorat, pri-mum contentio de Episcopatu exorta sit; præterquam, quod nullus Scriptorum de exilio hujus Episcopi, aut de Episcopatu ab-dicato, sumptoque Monachi habitu memi-nerit. Sed quoquo modo se ista habeant, haud ultra annum hic quietis vitæque priva-tæ locus Hermannus esse potuit, quod supe-riori adhuc anno, ut diximus, in aula Otto-nis Regis & Cancellarii munere versatus sit. Mortem Hermanni Monasteriensis & Ber-nardi Paderbornensis Episcopi in eundem annum contulimus, quorum hic mense Aprili, ille Junio excessit; ita prope se con-secuti, nimirum ut quos integerrima semper vita animis, consiliis, & laboribus pro Eccle-sia susceptis inter se devinxerat, hos pro me-ritis suis exitus & vita cœlo simul conjunge-ret.

ANNA-



# ANNALIUM PADERBORNENSIIUM

LIBER X.

## BERNARDUS III.

IN ORDINE XX.

## OLIVERUS XXI.

## WILLEBRANDUS

XXII.

EPISCOP. PADERBORN.

BERNARDUS eo nomine III. ac XX.

EPISCOPUS PADERBORN.

Annus Christi 1203.

Innocentii III Pont. 6. Ottonis IV & Philippi Reg. 6.

Bernardi III. Ep. Pad. I. inchoatus.



*Göbelin.  
aet. 6. 6. 63  
Bruchius  
in cat. Episc.  
Cranz.  
Kerfener.*

Annus Christi Mccm, qui nobis Bernardum II. Episcopum sustulit, idem mox nobis Successorem dedit Bernardum III, ex eadem illustrium Osedorum Dynastiarum familia, ex qua Bernardum I. jam

ante Paderbornensis Ecclesia sortita erat. Hanc vero Osedorum familiam, quia Bernardus II. sibi consanguineam scribit in tabulis Gerdenfis Cœnobii, satis jam constat, tres consanguineos Episcopos ejusdem nominis intra unum sæculum Paderbornensi Ecclesiæ obtingisse;  
Q o o o

Bernardus  
III ex nobili  
Ose-  
dorum fami-  
lia xx Ep.  
Paderb.

gisse; qui præclara omnes cum laude bonoque Episcopatum administravere. Habuit & Bernardus III sororem Abbatissam Monasterii Bodecensis, quod tum celebre nobilium Virginum Collegium erat: nec aliæ tum præerant, quam ex primaria nobilitate delectæ, qualis hæc Ose-  
dorum erat. Sed grata non minus apud Canonicos manebat memoria Bernardi primi, præstantissimi, & præclare de Paderbornensi Ecclesia meriti Episcopi. Quo factum, ut cum egregiæ quoque Episcopi doctes virtutesque conspicerentur in Bernardo III, hunc illi ex Collegio suo concordiam omnium suffragatione delegerint Episcopum. Is deinde a Sigefrido Moguntino Archiepiscopo ac Metropolitano suo consecratus Episcopus; jura vero regalia ab Ottone Rege donata accepit, cui & fidem juravit. Utrumque constabit ex epistola Innocentii ad annum 1205 recitanda, qua Bernardo levitatem exprobrat, quod his beneficiis ab utroque affectus, postea cum Adolpho Colonienſi & Joanne Trevirenſi Archiepiscopis desciverit ad partes Philippi Regis.

Godefrid. in  
Annal.  
Monast. Ep.  
Otto post  
dissensio-  
nem eligen-  
tium, stu-  
dio Ottonis  
R. delectus  
Casarius  
lib. I vita 8  
Engelb. c. 2.

Non ea concordia successit electio Monasteriensis Episcopi. Quippe Hermannus mortuo, *Priores & Ministeriales, ut Godefridus refert, elegerunt Ottonem majoris Ecclesiæ Præpositum; Comites autem & liberi ipsius Altinensem Abbatem de Clabolt. Unde continuo Episcopatus diversis calamitatibus pessundari cæpit.* At quod hic a Godefrido prætermisſum est, scribit Cæſarius, Engelbertum videlicet Altenæ Comitem, qui tum Colonienſis Ecclesiæ Præpositus erat, eligentium suffragiis expetitum, designatumque esse Monasteriensem Episcopum in locum Hermanni; id vero sublime in Ecclesia munus cum ipse Engelbertus recusaret, obtenderetque adolescentiam, quod vigesimum secundum ætatis annum nondum egressus esset, acquievere Monasterienses; suffragiis in alios conversi. Quanquam Engelbertus altiori in Ecclesia dignitati a Deo designatus, delectusque post Colonienſium Archiepiscopus, Divorum numerum auxerit. Monasteriensium dissidia haud multo post composuit Otto Rex, qui per id tempus Tremonia verſabatur; exclusisque nobilibus & Ministeriali-

bus, liberam penes Canonicos electionem esse jussit. Id quod hæcenus tanto Pontificum labore ab Henrico V. & Friderico Imperatore expugnatum, veterique juri assertum erat; ut magnopere fallantur Monasteriensium factorum Scriptores, qui liberam sui Episcopi electionem primam Ottoni IV. Regi adscribunt. Igitur Canonicorum concordibus suffragiis delectus Otto Bremensis Præpositus, ex illustri Comitum Hollandorum & Bentheimensium familia: quam Beka in fastis Ultrajectensibus a Florentio Hollandiæ Comite ad Theodoricum, ab illo rursus ad Florentium II & Ottonem fratrem, eumque Bentheimensem Comitem ac Præfectum Twentia, a Balduino fratre & Trajectensi Episcopo impositum, deducit. Hujus Ottonis Comitis filius hic Otto delectus Monasteriensis Episcopus creditur, magnis tum familiæ viribus innixus; eoque in locum Hermanni, & in tutelam nobilis hujus Episcopatus expetit: ita hi duo Regis studio Episcopatum ingressi.

Inter primas vero Principatus sui curas habuit Bernardus Episcopus noſter, pacem atque amicitiam firmare cum vicinis; e quorum numero Widekindus Corbejenſis Abbas, questus multa sibi e castro Defenberg damna illata esse a superiori Episcopo. Hæc controversia in hunc modum per arbitros composita.

Bernardi  
Ep. concor-  
dia cum Wi-  
dekindo  
Abbat. Cor-  
bej. inita fu-  
per castro  
Defenberg.

*Bernardus tertius Dei gratia Paderbornensis Episcopus. Sciatis præſens ætas & cognoscat universa posteritas, quod bene primo tempore Pontificatus nostri Dominus Widekindus Corbejenſis Abbas quæſtionem nobis movit super castro Defenberch, & super quibusdam damnis, quæ se a nobis, & maxime prædecessore nostro sustinuisse dicebat. Fideles itaque & Ministeriales & suæ & nostræ Ecclesiæ partes suas ad bonum pacis fideliter interponentes persuaſerunt nobis, quod compromissimus in arbitros & tactis Evangeliiis juravimus, quod per omnia staremus ipsorum ordinationi. Statuerunt igitur quod castrum Defenberch pari labore & paribus expensis destrueremus, & quod de cetero montem illum nulli hominum conferremus, neque odii neque dilectionis contuitu, qui præsidium vel aliquam munitionem in eo exstrue-*

exstrueret, sed terram faceremus arabilem, & omne emolumentum de novellationibus, decimationibus, & quibuscunque proventibus similiter habere-  
mus. Si vero gravamen aliquod vel damnum hujus rei causa emergeret, quod bono zelo & totis viribus nos vicissim juvaremus. Ipsi quoque arbitri interposito juramento certos nos reddiderunt si necessitas exigeret, quod fideliter & efficaciter nobis assisterent. Statuerunt præterea, si nos aliquid in novalibus, molendinis, vel in aquis indebite occupasse videremur, & Dominus Abbas ostenderet hoc sibi jure competere, quod amice dimitteremus, vel in beneplacito ipsius retineremus, & quod ipse idem faceret nobis, si forte aliqua injuria a se vel a suis nobis esset illata. Statuerunt etiam, quod nec nos homines suos, vel ipse nostros ad aliqua cogat obsequia, & si aliquo casu factum fuerit, quod infra VI septimanas emendetur. Ad hæc statuerunt, quod decimæ illi super LX mansos, quorum XXVIII sunt in Meinberge, & X in Hestene, & VIII in Kune-  
clo, & Helgerssen, & VIII in Heiligerberche, & IV in Balderborch ab antecessore nostro collata, adjiceremus decimam super XL mansos exstirpandos in bonis Corbeiensis Ecclesiæ redditibus Domini Abbatis, & fratrum præbendam specialiter pertinentibus nulli alii prius conferendam, nisi horum XL mansorum cum prædictis LX numerus adimpleatur, & annonam, quam prædecessor noster in commutationem illius decimæ de jam dictis LX mansis acceperat, & Comiti Amelungo de Parburnen postmodum feudali jure concessit, assignavimus XX moldra ejusdem mensuræ, & annonæ in curia Winethe, donec ea a Comite possimus absolvere & in proprietatem Corbejensi Ecclesiæ reducere valeamus. Volentes igitur venerabili & dilecto amico nostro, & Ecclesiæ suæ, quantum in nobis est, providere, Successores nostros cum consensu Capituli nostri in eadem pacta obligavimus, & quia facta hominum cum hominibus transeunt, nec constitutio nostra post diem vocationis nostræ oblivioni contingat nube fuscari, præsentem paginam sigillo nostro, & sigillo Ecclesiæ nostræ communiter posteris nostris in argumentum veritatis transmittimus, auctoritate Dei & Sanctorum omnium, & nostra districtione mandantes, ne quis ullo ingenio contra hæc ordina-

tionis pacta venire præsumat. Acta sunt hæc anno Incarnationis Domini MCCIII Indictione VI. Pontificatus nostri Anno I. Testes hujus rei sunt Lambertus Præpositus, Tidericus Decanus, Henricus Præpositus sancti Petri, Tidericus Scholasticus, Conradus Custos, Joannes Cellarius, Vulframmus, Hermannus novæ Ecclesiæ Præpositus, Hermannus, Tetmarus, Cratto, Everhardus, Volcquinus, Conradus, Hermannus, Volcbertus, Freibericus, Adolfus. Laici: Bernbardus Bercule, Hermannus de Scardenberch, Bernardus de Northe, Hermannus Comes de Wartberch, Henricus Dapifer de Parborne, Hermannus Pincerna, Gerbardus Scultetus, & iidem hi fuerunt arbitri Domini Episcopi de prædicta ordinatione. Fuerunt autem hi arbitri Domini Abbatis: Bodo de Hoenborh, Hermannus Bercule, Conradus de Amelungeffen, Raveno de Ortherche, Ludolfus dictus Burgravias, Arnoldus de Porta, Henricus de Lutmersen.

Ac licet tunc in everfionem Dassenbergæ convenerit inter Episcopum & Abbatem; non tamen vetus illud castrum, quod tam celebre hæctenus fuit a prima Caroli M. expugnatione, ita eversum, quin posterioribus sæculis reparatum fuerit; ut multis exponit Ferdinandus Episcopus noster in monumentis Paderbornensibus. Et vero quia magnæ per id tempus auctoritatis erat Widekindus Abbas inter præsules, qui Ottonis partes tuebantur, Innocentius Pontifex brevi quoque diplomatis scripto omnia jura Corbejensium, & privilegia a majoribus data, ad preces Widekindi, Apostolica auctoritate præmuniit.

Innocentius Episcopus Servus Servorum Dei Dilecto filio Widekindo Abbati Corbejensi salutem & Apostolicam benedictionem. Solet annuere Sedes Apostolica piis votis, & honestis petitionum precibus favorem benevolum impertiri. Eapropter Dilecte in Domino Fili tuus justis postulationibus grato concurrentes assensu, libertates, immunitates, & dignitates Monasterio Corbejensi per prædecessores nostros indultas, & eorum privilegiis confirmatas, exemptiones etiam secularium exactio-  
num per Principes sæculares concessas eidem auctoritate Apostolica confirmamus, & præ-

Confirmatur ab Innocentio Pontifice immunitates Cænobii Corbej.

*præsenti scripti patrocinio communi-  
mus. Nulli ergo omnino hominum li-  
ceat hanc paginam nostræ confirmatio-  
nis infringere, vel ei ausu temerario  
contraire. Si quis autem hoc attempta-*

*re præsumpserit, indignationem Omni-  
potentis Dei, & B. B. Petri & Pauli  
Apostolorum ejus se noverit incursum.  
Datum Anagninæ 2 Idus Decembris.  
Pontificatus nostri anno sexto.*

## Annus Christi 1204.

Innocentii III Pont. 7. Ottonis IV & Philippi Reg. 7

Bernardi III Ep. Pad. 1.

*Godofrid.  
Arnold.  
Lub. lib. 7.  
Ursberg.  
Trisheim.  
Naucler.*

*Res Philip-  
pi R. descen-  
dentibus  
ad eum plu-  
ribus Prin-  
cipibus &  
Episcopis,  
eriguntur.*

Turbulentissimus dehinc sequitur annus, quo Philippus Rex primum cum exercitu intravit Saxoniam, disjuncturus Hartingenbergum castrum, ex quo Goslarienses, ut diximus, ad extrema prope infestabantur. At postquam Ottonem Regem cum Saxonum exercitu sibi occurrentem didicit, convocatis in consilium belli præfectis, satius habuit in præsens recedere, quam prælium cum periculo cladis subire. Haud multo post, mense Julio, cum validiorem contraxerat exercitum, Thuringiam ingreditur, ad Landgravium Ottonicarum partium debellandum. Ille cum molem belli in se trahi videret, evocato in auxilium Bohemo, ausus est rem prælio velle committere; at Bohemi, gens levis, territi Germanorum armis, noctu e castris profugunt. Quorum ope destitutus Landgravius, cum & a Bohemis, & Regiis provincias suas extremum vastari videret, Philippo supplex reconciliatur. Hoc successu Philippus Rex lætus, Andernacum movet; ac per Joannem Trevirensis Archiepiscopum, per Spirensis, atque Constantiensis Episcopos, Adolphum Coloniensem Archiepiscopum sollicitat. Valuit ad id cum primis Wilhelmi Julii Comitis opera, viri callidi, qui cum jam ante comperisset Coloniensem in fide Ottonis nutantem, & nummorum corruptioni obnoxium; Philippo auctor est, offerat Colonienfi 900 marcarum munus, Salveldiæ possessiones, aliaque Ecclesiæ suæ bona, quæ subtraxerat, reddenda. Quibus Archiepiscopus delinitus, turpi pactione inita, ab Ottone ad Philippi partes transit, immemor famæ, juramenti, Pontificis gratiæ, & beneficiorum ab Ottone acceptorum. Laboratum deinde in Henrico Brabantie Duce traducendo ad Philippi partes, ad quod Colonienfis omne studium obtulit; nec res successu caruit. Quippe haud multo post, festo D. Martini,

Confluentiæ alius conventus indictus, in quo Colonienfis & Brabantinus palam Sacramentum fidei dixerat Philippo; & quo nihil Philippo gratius accidere potuit, ultro respondit Colonienfis, se Philippum Aquisgranum primo, quo vellet, die inuncturum Regem; quod proximo dehinc anno factum est. Tum vero res Ottonis procidere, & Philippi potentia assurgere visa. Jam & Henricus Palatinus ab Ottone fratre ac Rege discesserat ad Philippum, metu Philippi Regis, qui Palatinatum Rheni se illi adepturum minabatur. Qua repentina mutatione rerum Archiepiscopus Trevirensis, & Abbas Corbeiensis, & Bernardus Episcopus noster ad Philippi partes transiere, haud levi nominis aspersa macula. De ceteris Saxonie præsulibus nihil compertum habeo. Bernardus interim hoc anno controversiam, quæ inter sororem ejus Gertrudem, Abbatissam Bodecensis Collegii Canoniarum Virginum, ac Dapiferum ejus intervenerat, hoc anno per arbitros composuit. Quam in rem tabulæ hæ publicæ apud nos asservantur.

*Controver-  
sia, quæ-  
rat inter  
Abbatissam  
Bodecens.  
& Dapife-  
rum ejus,  
a Bernardo  
Ep. compo-  
nitur.*

*In nomine sanctæ & individue Tri-  
nitatis. Ego Bernardus Dei gratia Pa-  
derbornensis Ecclesiæ Electus omnibus  
fidelibus, ad quos pagina ista pervene-  
rit, perpetuam in Domino salutem. Ve-  
nerabilis soror nostra Domina Gertru-  
dis Budecensis Abbatissa accessit aliquan-  
do ad præsentiam nostram, & coram  
nobis conquerendo proposuit, quod Con-  
radus miles Dapifer ejus occasione officii  
sui in multis eam vexaret indebite, &  
quod sub specie ministrandi multa in  
præjudicium ipsis faceret, quæ nunquam  
ab aliquo antecessore fuissent attentata - -  
Causa igitur pari consensu partium &  
nostra permissione a judicio translata  
fuit ad arbitros, & per eos decisa - - -  
Acta sunt hæc anno Dominicæ Incarna-  
tionis MCCIII, Indictione VII, sedente  
Domino Innocentio, regnante Domino  
Ottone.*



Ottone. Testes hujus rei sunt Lamber-  
tus Præpositus, Henricus Decanus, Con-  
radus Custos, Thidericus Scholasticus,  
Johannes Cellerarius. Laici Amelungus  
Comes, Henricus Dapifer, Gerardus,  
Anselmus, Hildeboldus, Helimicus,  
Hinricus, Bertoldus. Et Budecensis Ec-  
clesiæ Ermendrudis Præposita, Gysla  
Decana, Justina, Margareta, Clerici  
Henricus, Theodoricus, Hermannus,  
Bertoldus. Layci Thietmarus advocatus,  
Heremannus, Herebordus, Henricus,  
Basilus, Ludolfus, Rotgherus, Luitfri-  
dus, & alii plures.

Hisce tabulis, quia inter Virgines  
ejus collegii Præposita & Decana no-  
tatur, satis simul proditur, institutum  
Canonicarum Virginum eo quoque  
tempore, uti Bodecæ a D. Meinolpho  
introducendum erat, viguisse; quemad-  
modum id in Herivordensi, Herisfensi,  
aliisque per Saxoniam ejusmodi Virgi-  
num Collegiis antiquis monumentis  
commonstravimus. Producentur, &  
aliæ literæ hoc anno datæ ex tabulario  
Colonienfi, quibus Otto Rex, in con-  
ventu Episcoporum & procerum,  
Adolpho Colonienfi Archiepiscopo Sal-  
veldienfes possessiones aliaque prædia  
ac bona Ecclesiæ Colonienfi reddit. Te-  
stes hujus rei Dithmarus Mindensis, &  
Bernardus Paderbornensis Episcopus,  
Præpositus Sanctensis, Præpositus Bon-  
nensis Bruno, Mechtildis Ducissa Bra-  
bantiae, Balduinus Comes Flandriæ,  
Otto Gelriensis, Arnoldus Comes de  
Clive, Henricus Comes Seimens., Simon  
Comes de Teclenburg, Arnoldus Comes  
de Altena, Wilhelmus Comes Juliacens.,  
Gerhardus Comes de Are, Conradus de  
Dicke, Gisbertus & Rutgerus de Brem-  
pte, Otto de Wickerode, Henricus &  
Gerlacus de Welmeſtein, Hermannus  
Advocatus Colonienfis, Hermannus de  
Altere Mareſchallus, Otto Camerarius,  
Reinerus de Recke, Albertus de Torcke,  
& alii plures honorati viri. Tabulas  
hasce etsi sinceram agnoscam, superiori  
tamen aliquo potius, quam hoc anno  
conſignatas dicere libet, quod in his  
Balduinus Flandriæ Comes testis ſiſta-  
tur, qui per id tempus in Græciam  
profectus, hoc anno Constantinopolim  
cum Dandalo Venetorum Duce expu-  
gnavit, & a Teutonicis Constantinopo-  
litanus Imperator appellatus est, quod  
vel ex ejus literis, ad Adolphum Co-

lonienſem Archiepiſcopum ſuper hac  
felici expeditione datis, conſtare pore-  
rit; ut Bernardum potius ſecundum,  
quam tertium hic teſtem produci cen-  
ſeam.

Quæ dum in Imperio ſiunt, res  
Chriſtiana multo laudabilius per Weſt-  
phalos & Saxones in Livonia agitur.  
Nam ex quo a Cœleſtino Pontifice ha-  
rum gentium converſio excitata adju-  
taque eſt, ut Arnoldus Lubecenſis ſcri-  
bit, extota Weſtphalia, Saxonia & Fri-  
ſia Prælatorum, Clericorum, militum,  
negociatorum, pauperum & divitum  
conventus fuit, qui Lubecæ comparatis  
navibus, armis, & annona in Livoni-  
am pervenerunt. Quos inter multi  
ſublimis ac nobiles ſigno crucis inſigniti  
arma ſuſceperunt ad barbaras gentes  
perdomandas, & cultum Chriſti pro-  
pagandum. His auxiliis inflammatus  
Bertholdus, qui ſecundus poſt Meinar-  
dum Livoniæ Episcopus fuit, & Bre-  
mæ ab Hartwico II Archiepiſcopo con-  
ſecratus, mirifice religionem chriſtian-  
nam per Livoniam propagavit firma-  
vitque. Is vero hoc anno, cum exer-  
citus cruce ſignatus deduceret ad-  
verſus Eſtios, Livones, Barbarosque  
Chriſtianis infeſtos, incidit cum duo-  
bus ſociis in manus hoſtium, a quibus  
interemptus eſt. Ceterum corporibus  
aliorum æſtatis calore putrefactis, Epi-  
ſcopi corpus poſtea intactum incor-  
ruptumque repertum eſt. Bertholdo  
ſubrogatus Albertus Bremeniſis Cano-  
nicus, ætate quidem juvenis, ſed mo-  
rum gravitate, e prima Saxoniæ nobi-  
litate, zelo religionis, & magnis ad res  
gerendas animis plenus, Innocentium  
Pontificem appellavit, miſſo, ut quidam  
volunt, Bernardo Lippienſi Abbate &  
Theodorico Romam pro ſubſidiis ſol-  
licitandis. Pontifex, ut rem tanti mo-  
menti promoveret, Sacerdotes, Cleri-  
cos, & quotquot e nobilitate & popu-  
lo Saxónico cruce ſignati ad proſectio-  
nem in Palæſtinam venerant, cohorta-  
tur ad Livoniæ expeditionem: ob id  
vota eorum, quæ fecerant, in hujus  
proſectionis accelerationem commuta-  
vit. Qua ſuper re extat Innocentii  
epiſtola ad Henricum Bremeniſem Ar-  
chiepiſcopum, ceterosque provinciales  
ejus & Saxoniæ Episcopos. Nova in-  
de Saxonum & Weſtphalorum expe-  
ditio ſuſcepta in Livoniam. His Alber-  
tus

Arnold. Lub.  
lib. 7. c. 9.  
Balthazar.  
Ruſſon.  
in Chron.  
Livon.  
Hiſtor.  
Bremeniſ.  
Archiep.  
Gelenius in  
ſuffrag.  
Dugloſſus  
ſeu Joannes  
Longinus  
hiſtor. Poo-  
lon. lib. 6.  
Chytrius in  
Livonia.

Bertholdus  
Livonum  
II. Episc.  
occiditur.

Albertus il-  
li ſubroga-  
tus ſubſidia  
contra Li-  
vones a Pon-  
tifici effla-  
gitat.  
Odericus in  
hiſt. Eccleſ.  
Innocent.  
epiſt. 139

Otto Rex  
Eccleſiæ  
Colonienſi  
reſtituit  
poſſeſſiones  
Salveldien-  
ſes.

Arn. Lub.  
Godeſrid.

Et primus  
Livoniæ Ar-  
chiepiscopus  
constitutus  
reth christi-  
anam valde  
promovet.

tus Episcopus confirmatus, majoraque aggressus, Rigam urbem primum condidit; in qua & primus Livoniæ Archiepiscopus confedit; postquam auctoritate Pontificis impetrata, novos Episcopatus, Uggenensem, & Dorpatensem, seu, ut alii volunt, Seloniensem atque Estiensem instituit. Selonensium primus postea Episcopus Bernardus de Lippia, Estiensium vero Theodoricus Alberti consanguineus. Inde Albertus alios atque alios Episcopatus erexit. Ac mirum, quam feliciter Christi religionem, Pontificis auctoritate & studio recreatus, provexerit: quos Clericos & Monachos; quos nobiles & milites in sacram militiam adscriptos, ex Westphalia & Saxonia in vineam illam attraxerit. Auctor est Duglossus, per id tempus ordinem fratrum, qui de militia Christi nuncupa-

tus, insigne gladii super integumentum insuti gessit, ab hoc ipso Alberto Episcopo formatum, objectumque barbaris; eoque & tertiam partem bonorum Ecclesiæ Rigenfis in dotem assignatam adeptum. Quem ordinem Gregorius nonus deinde Teutonico ordini conjunxit, & Archiepiscopi Rigenfis aliorumque præfulum jurisdictioni subjecit. Quapropter Arnoldus Lubecensis de Alberto, non facile dixeris, *quantam invenerit gratiam apud Reges & Magnates, qui ei pecuniis, armis, & navibus subvenerunt; inter quos Dominus Andreas Archiepiscopus Lundensis, Bernardus Patbelbrunnensis, Iso Verdensis Episcopi, qui manus pro illo opere consecrarunt.* At quæ Bernardus Episcopus noster præstiterit, tempori memorabo.

## Annus Christi 1205.

Innocentii III. Pont. 8. Ottonis IV. & Philippi Reg. 8.

Bernardi III. Ep. Pad. 2.

Godfrid.  
Ursberg.  
Arnoldus  
Lub. lib. 7.  
Trithem.  
Cranz. lib.  
7. Sax. c. 23  
Odericus in  
hist. Eccles.  
Philippus  
R. a Colo-  
nienfi Ar-  
chiep. co-  
ronatur.

Vix dum præcedens annus exierat, cum Philippus Rex Adolphi Colonienfis & Ducis Brabantiae, ceterorumque ad suas partes accessione confirmatus, cum florente exercitu, magnoque Principum & procerum comitatu, Aquisgranum properat. Nec mora, vidus Januarii, atque ipso festo Epiphaniæ, ab Adolpho Colonienfi Archiepiscopo inunctus Carolino solio imponitur: simul Irene conjux Isaaci Angeli Constantinopolitani Imperatoris filia, diademate regio decorata ab Adolpho; frustra Sifrido Moguntino & Joanne Cameracensi Episcopis, qui ob id Coloniam accesserant, Pontificis nomine, minas, anathemata, & dejectionem a gradu Episcopalis muneris intentantibus. Versabatur & Otto Rex per id tempus Coloniam in fida sibi urbe, animo & corpore æger, consternatusque ad tantam rerum mutationem; quod non nisi paucos in Saxonia Episcopos & Principes in fide retineret. Ausus interim Moguntinus & Cameracensis, Pontificis ad hanc rem Legati, Coloniensem publice in Basilica S. Petri & per omnes urbis Colonienfis Ecclesias anathematis pœna proscribere, ac nisi intra mensem Romæ Pontifici satisfacere, Archiepiscopatu exuendum denunciare. Idem Pontifex, scriptis ad

Clerum & populum Coloniensem literis, per omnes Colonienfis diocesis Ecclesias vicinosque Episcopatus vulgari jussit. Quem in modum ad ipsum quoque Coloniensem Archiepiscopum scribit Pontifex, exprobratoque perjurii facto, hortatur ut ad Ottonis partes redeat. Haud minus acerbas literas dedit Pontifex hoc anno ad Trevirensis Archiepiscopum, Bernardum Paderbornensem Episcopum, & Widekindum Corbeiensem Abbatem, quod deserto Ottone Rege, ad Philippum transierint. Literas ad Episcopum nostrum, quæ sic habent, hic referre juvat.

*Quam detestabile sit crimen perjurii, veteris testamenti lectio manifestat; nam cum præcepisset Dominus Israëlitis, ut universos habitantes terræ, quam eis promiserat, de ipsa delerent, propter fœdus, quod Josue cum Gabaonitis inivit circumventus, & juramentum quod Principes multitudinis præstiterant eisdem incaute, Gabaonitæ mortis periculum evitarunt, licet interrogati, si in terra, quæ filiis Israel sorte debebatur, forsitan habitarent, qui de terra longinqua venerant respondissent. Præterea, quæ pœna mendacibus debeatur, Ananiæ & Saphiræ mors subita profitetur, qui quoniam mentiti fuerunt*

Improban-  
te Pontifice

In registro  
Innocentii  
epist. 122.  
Odericus in  
hist. Eccles.  
Qui de-  
jectionem ab  
Ottone R.  
cum ceteris  
rum Ber-  
nardo Ep.  
nostro ex-  
probra.

fuerant Spiritui sancto, a conspectu Apostolorum Principis, cujus sumus licet immeriti Successores, mortui sunt educti. Cum ergo vel nulla vel modica distantia sit inter perjurium & mendacium Sacerdotis, dicente scriptura, quod verba Sacerdotis, aut vera sunt, aut sacrilega, debent Ecclesiastici viri, & præsertim qui Prælationum obtinent dignitates, reatum perjurii & crimen mendacii penitus evitare, & sic fugere inconstantia levitatem, ne vae sit eis, si terram duabus viis ingredi convincantur, & si culpam meruerint, non effugiant disciplinam. Miramur igitur non modicum & movemur, quod cum Karissimo in Christo filio nostro Illustri Regi Ottoni in Rom Imp. electo fidelitatis præsteris juramentum, & ab eo de regalibus fueris investitus, postquam per ven. f. n. \* S. Moguntinum Archiepiscopum consecrationis beneficium suscepisti, tepuisti quasi penitus circa eum, & ipsi tuæ devotionis obsequium subtraxisti. Ne igitur subditis tuis occasio fias similis levitatis, qui eis fortitudinis & constantia debes exempla præstare fraternitatem tuam monemus, & exhortamur attentius, & per apostolica tibi scripta præcipiendo mandamus, quatenus sic de cætero in ejus fidelitate persistas, & sic ei patenter adhæreas & potenter, quod præterita negligentia per subsequentem diligentiam expietur, nec tam cito incurrisse notam perjurii videaris, quia id non possemus æquanimiter tolerare. Datum Romæ apud S. Petrum, III. Id. Martii, Pontificatus nostri anno octavo.

In eandem prope objurgationis formam scriptum a Pontifice ad Corbeiensem Abbatem; quanquam longe acerbiores literæ ad Trevirensis Archiepiscopum ob eandem causam a Pontifice sint perscriptæ, quæ in historia Trevirensi prætermittæ recitantur inter Innocentii epistolæ. At quantum laboravit Pontifex scriptis superiori anno ad Bremensem & Magdenburgensem Archiepiscopos, & hoc anno datis ad universos Germaniæ Principes, ad Moguntinum & Hildesimensem Epi-

scopos, ad Landgravium Thuringiæ, Henricum Palatinum Ottonis fratrem, ceterosque literis; tantum Philippus Rex occupatus fuit in devinciendis sibi ceterorum Episcoporum ac Principum animis. Ac de nullo magis retinendo in fide sollicitus fuit, quam de Adolpho Colonienfi Archiepiscopo; cui novis donationum tabulis sub initium hujus anni Westphaliæ & Angariæ Telonia, jura monetæ, ceteraque bona & privilegia Aquisgrani intauravit. Testes hujus rei Diethelmus Constantiensis, Conradus Spirensis, Henricus Wirtzburgensis, Henricus Argentiniensis Episcopi. Ludovicus Dux Bavarie, Henricus Dux Lovaniæ, Simon Dux Lotharingiæ, Bernardus Dux Saxonie, Henricus Comes Palatinus, Otto Gelriensis, Wilhelmus Juliacensis, ceterique Comites & procures Regni. Horum potentia & studio subnixus Adolphus Colonienfis Archiepiscopus, pertinacissime Philippo inhæsit. Quare ex mandato Pontificis per Sifridum Moguntinum & Joannem Cameracensem Episcopos ab Archiepiscopatu dejectus; factaque Clero potestate eligendi alium Archiepiscopum, subrogatus est Bruno Bonnensis Præpositus, & Comes Seinenfis. Inde omnia per diœcesin Coloniensem turbis, spoliis, & armis partium permixta. Accessit post Natalem Virginis Philippus Rex cum prævalido exercitu, transitoque Mosella, festo D. Michaelis Coloniam obsidione aggressus est; sed oppugnata in quintum diem urbe, cum Ottoniani ac cives pari alacritate resisterent; Philippus rebus desperatis, Novesium traduxit exercitum. Urbs hæc postquam acriter oppugnata viribus suis diffideret, Regi se permisit; quam ille mox Adolpho subactam tradidit.

Exemit hic annus e numero mortalium Ludolphum Magdenburgensem Archiepiscopum, & Rudolphum Verdensis Episcopum: Magdenburgensi subrogatus Albertus Præpositus; Virdensi Ifo, vir magnæ pietatis, & Bernardo Episcopo nostro conjunctissimus.

Gelen. lib. 2  
de Engelb.  
not. ad c. 3  
Philippus  
R. novis be-  
neficiis Ar-  
chiep. Col.  
sibi devin-  
ctum reti-  
net.

Adolphus  
Archiep.  
Colon. ab  
Episcopatu  
dejectus.



## Annus Christi 1206.

Innocentii III Pont. 9. Ottonis IV. & Philippi Reg. 9.  
Bernardi III Ep. Pad. 3.

Godofrid.  
Pantal.  
Casarius  
lib. 7.  
Arnold.  
Lub. lib. 7.  
Robert. de  
Monte.

Anno proximo eadem belli tempestas rursus incussa in Colonienfes. Quippe Philippus Rex cum exercitu ad inferiorem Rhenum cum Adolpho Archiepiscopo regressus, nihil impensius habuit, quam exauكتورatum Archiepiscopum in integrum restituere. Quare in dicecesin effusus omnia spoliis, flammis, & terroribus per militum licentiam complet. Spectabat hæc Otto Rex, qui Colonia versabatur, & Bruno Archiepiscopus recens a Sifrido Moguntino Archiepiscopo consecratus. Et impares licet viribus, ausi tamen sunt cum quadringentis equitibus, & duobus millibus peditum paulatim hosti occurrere, adjuncto sibi Limburgo urbis præfecto. Sed is quod ex composito cum Philippinis dolo ageret, copias in palustria insidiarum loca deduxit, & primus profugit. Restitere aliquamdiu fortiter Ottoniani, ad ultimum profligati. Otto Rex & Archiepiscopus, quo saluti consulere, in vicinum castrum Wassenbergum se recepere. Insecutus Philippus castrum incinxit. Ibi

Bruno Adolpho factus a Philippo R. captivus detinetur.

Colonienfes Philippo se subiciunt, a quo & Adolph. sedi suæ restituitur.

in extremum uterque discrimen pervenit, quod locus infirmior esset, quam ut defendi posset. Quare Rex Otto, capto ex arena consilio, cum tribus sociis noctu profugit, & per medios hostes elapsus, incolumis Coloniam pervenit. Expugnatum postmodum castrum, captusque Bruno Archiepiscopus ad Philippum Regem protrahitur; ejusque mox jussu, ferreis compedibus constrictus, Herbipolim abripitur in carcerem, in quo per annum in vinculis jacuit. Colonienfes ubi conspexere omnem belli Imperiique molem in se verti, consilio Ducis Brabantiae ac nobilium, per Legatos Philippum Regem Boppardiae adeunt, seseque submitunt; a quo mox Spirensis Episcopus missus Coloniam, cui cives juramentum fidei dixere. Hoc successu etiam Adolphus Colonienfis Archiepiscopus est reductus in sedem; nec tamen ullam sacrorum partem ausus contingere, quod anathematis adhuc vinculis illigatus teneretur. Non destitit interim Pontifex literis suis animare Brunonem Archiepiscopum subrogatum, omnem-

que in eo operam ponere, ut Monasteriensem & Osnabrugensem provinciales suos Episcopos, postulato etiam juramento, Ottoni conjungeret, at ferro hæc agebantur. Rebus enim in hunc modum repente conversis, Otto Rex Colonia Brunswicum discessit; ac ne inclinantem fortunam bellumque secum traheret in Saxoniam, per mare in Angliam transiit, patris jactatus fati; ubi & a Joanne Rege avunculo suo, & nobilitate honorifice susceptus, liberaliterque est habitus.

Innocent. epist. 137.

Tum & Sifridus Moguntinus Archiepiscopus, qui eadem periculi nave vehebatur, clam se Colonia subtraxit, ac Romam profectus, benigniusque ab Innocentio Pontifice exceptus, ab eodem ob constantiam fidemque Apostolicæ Sedi præstitam, haud secus quam ante ipsum Conradus Archiepiscopus, in Cardinalium numerum est cooptatus: mansitque biennium Romæ, dum mors Philippi reditum illi ad Archiepiscopatum aperiret.

Innocentius præterea, qui tam benignus erat in omnes, hoc etiam anno, ob quam nescio malevolorum insolentiam a Canonicis Buxtorfianis interpellatus, florenti illi Collegio omnia privilegia bonaque a Meinwerco conditore donata, Apostolica auctoritate præmunuit.

Pontifex Buxtorfianis privilegia sua confirmat.

*Innocentius Episcopus Servus servorum Dei. Dilectis filiis Canonicis Ecclesiæ SS. Apostolorum Petri & Andreæ Paderburn. salutem & Apostolicam benedictionem. Commissæ nobis administrationis officium exigit, & integritas rationis exposcit, viros Ecclesiasticos sincera caritate diligere, & ne indebitis graventur molestiis, Apostolicæ protectionis clipeo confovere. Eapropter Dilecti in Domino filii, vestris justis postulationibus grato concurrentes assensu, Ecclesiam vestram cum omnibus, quæ in præsentiarum legitime possidet, aut in futurum justis modis Deo propitio poterit adipisci, sub beati Petri & nostra protectione suscipimus.*

Quid-

\* *Meinwer* Quidquid autem bonæ memoriæ M. \*  
quondam Patherburn. Episcopus eidem  
Ecclesiæ vestræ tam in decimis quam in  
curtibus, in areis & parochia, quæ con-  
sistit in quinque villis, videlicet Aspete-  
ra, Hildelighusen, Haselbehusen, Hohen-  
sili, Albetinghusen rationabiliter contu-  
lit, sicut ea omnia iuste & pacifice pos-  
sidentis, eidem Ecclesiæ vestræ auctoritate  
Apostolica confirmamus, & præsentis  
scripti patrocinio communimus, statu-  
entes ut nulli omnino hominum liceat  
hanc paginam nostræ protectionis & con-  
firmationis infringere, vel ei ausu te-  
merario contraire. Si quis autem hoc at-  
temptare præsumpserit, indignationem  
Omnipotentis Dei, & BB. Petri & Pauli  
Apostolorum ejus se noverit incursurum.  
Datum Lateran. XIII Calend. Decembr.  
Pontificatus nostri anno nono.

E Saxonis Episcopis amisit hoc  
anno Minda Dithmarum, virum om-  
nium virtutum ornamentis conspicuum.  
Gubernavit is Ecclesiam suam per 20  
annos inter turbulenta Saxonie tem-  
pora, ea in Deum religione, tempe-  
rantia cibi potusque, ut vitæ exitum  
Deus insigni miraculo illustravit. Nam  
cum pro more per sacratissimos Qua-  
dragesimæ dies solo pane & aqua victi-  
taret, ac viribus deficeret, Deus aquam  
e puteo haustam convertit in vinum;  
ille, cum se a famulo delusum putaret,  
aliam adferri iussit; at hausta iterum ite-  
rumve aqua in vini liquorem com-  
mutata est. Successor illi fuit Henricus,  
a Crantzio prætermisus, eo for-  
te, quod triennio tantum Episcopus  
vixerit.

Moritur  
Dithmarus  
Ep. Mind.  
vir insignis  
pietatis &  
temperan-  
tiæ.  
Chron.  
Mindens.

## Annus Christi 1207.

Innocentii III Pont. 10. Ottonis IV & Philippi Reg. 10.  
Bernardi III Ep. Pad. 4.

Godofr.  
Arn. Lubec.  
lib. 7.  
Ursberg.  
Otto a S.  
Blasio.  
Principes  
Imperii de  
pace concia-  
lianda agi-  
tant.

Tandem in his calamitatum flucti-  
bus, cum omnia ad unum Philippum  
fortuna devolveret, Principes diutur-  
ni belli pertassi, cœpere consilia con-  
cordiæ inter Philippum & Ottonem agi-  
tare. Ejus rei spes oblata ex colloquio  
Sinzichii ad Rhenum habito, in quo  
Principes sensere Philippum ad pacem  
præparatum; eoque secundo Rheno Agrip-  
pinam deductus, in pervigilio Paschæ  
urbem ingreditur. Quem Clerus po-  
pulusque obviam effusus ingenti cum  
lætitia excepit. Per aliquot istic dies  
commoratus, publice pro Germano-  
rum Regum instituto jus dixit; ejusque  
decreto status Reipubl. compositus,  
iniquæ vectigalium exactiones sublata,  
adulterina moneta proscripta, & quæ  
pacis justitiæque fuere, ad veteres leges  
reducta sunt. Quibus ita se omnibus  
commendavit Imperii Principibus, ut  
Legatos mitterent ad Pontificem, Wolf-  
gerum Patriarcham Aquileiensem, &  
Goboardum Burgravium Magdenbur-  
gensium, aliosque honoratos viros, ro-  
gatum, vellet calamitatum Germaniæ  
misereri, & pacis, quod cœperint, ne-  
gotio animum & consilia impendere.  
Ad quæ Principum postulata Pontifex  
misit Hugonem Ostiensem Episcopum,  
& Leonem S. Crucis presbyterum, Car-  
dinales in Germaniam Legatos; quibus  
etiam potestas data sit Philippum absol-

vendi a vinculo anathematis, pacem  
tamen ab ipsis ea lege confici voluit, ut  
Brunonem Coloniensem Archiepisco-  
pum vicissim laxaret Philippus, & A-  
dolphus exauctoratus Colonienfis Ar-  
chiepiscopus Romæ se sisteret ad satis-  
factionem. Igitur pax primum Spiræ  
in publico conventu Principum tracta-  
ta, deinde Augustæ festo D. Andreæ  
conclusa: ubi cum Philippus Rex Bru-  
nonem Archiepiscopum vinculis capti-  
vitatæ exsolveret, Legati Pontificis  
Adolphum sacris vinculis laxatum Ec-  
clesiæ reconciliarunt. At nondum in-  
ter ipsos Reges transactum erat; exspe-  
ctabatur enim Otto ex Angliā: qui cum  
interea, ingenti pecunia adjutus ab An-  
gliæ Rege, rediisset in Saxoniam, alius  
Northusii ad Christi Natalem comitio-  
rum dies inductus; quo cum Legatis  
Pontificis convenire uterque Regum,  
& frequens Episcoporum, ceterorum-  
que Principum multitudo. Postquam  
multa agitata, tandem concordie co-  
pulandæ causa, per Legatos Pontificis  
oblata Ottoni Beatrix filia Philippi Regis  
in matrimonium cum Alemanniæ du-  
catu, ea lege, ut regnum & Regis ti-  
tulum relinqueret Philippo, dum vi-  
veret, eo vero mortuo, succederet in  
regnum. Otto licet his multum oblu-  
taretur, majoraque offerret Philippo;  
quia tamen res suas accisas videbat,  
P p p p omnia-

Quæ certis  
demum  
conditioni-  
bus coe-  
lescit.

omniaque Principum studia vergere in Philippum, pacis leges vel invitus admittere necesse habuit; id quod Quidlenburgi in postremo conventu pertractatum tradit Ursbergensis. Ita demum post decennale bellum, quo Regnum non minus, quam Sacerdotium foede laceratum fuerat, pax Germaniæ reddita est.

Annum, quo hæc agebantur, quartum fuisse Bernardi Episcopi nostri, contestatum habemus binis ejus tabulis, quarum alteris Gerdensi Virginum Cœnobio præclaram donationem fecit: alteris duo prædia commutavit cum Gerdensibus Virginibus, recepto illo, quod Episcopi castro Iburg commodius adjacebat. Quod argumento est

celebre illud castrum Iburgense, ex quo a Carolo M. expugnatum, donatumque fuit Paderbornensi Ecclesiæ perpetua inde possessione retentum fuisse. Acta hæc referuntur anno *Dominicæ Incarnationis MCCVII, Indictione decima, Pontificatus Bernardi anno quarto, coram testibus subscriptis, Lamberto Præposito Majori, Friderico Decano, Henrico B. Petri Præposito, Tiderico Scholastico, Conrado Custode, Joanne Cellerario, Henrico Camerario, Magistro Joanne fratre, & subdiacono nostro, Amelungo Comite, Henrico Dapifero, cæterisque Ministerialibus Ecclesiæ nostræ.* Grata quoque in his literis memoria Bernardi antecessoris ejus, quem sanctæ recordationis Episcopum compellat.

## Annus Christi 1208.

Innocentii III Pont. 11. Ottonis IV. Reg. 11.

Bernardi III Ep. Pad. 5.

*Godofrid.  
Ann. Lub.  
lib. 7. c. 14.*

Pacē inter Reges apud Saxones composita, expectabantur anno proximo legati, quos ad Pontificem miserant Principes. Ac postquam omnia a Pontifice Romæ in senatu Cardinalium, ut in Saxonia convenerat, probata erant, remissi sunt Legati in Germaniam cum mandato omnia quam accuratissime perficienda. Auditus etiam Romæ coram Adolpho Colonienfis exauctoratus Archiepiscopus, receptusque in gratiam Pontificis; ea tamen lege, ut apud Brunonem a Clero electum & a se subrogatum, confirmatumque maneret Archiepiscopi dignitas. Ita Adolphus, qui pecunia & muneribus se corrumpendum dederat, omnibus simul excidit, rediitque ad privatam vitam, annuo tantum stipendio 400 marcarum ex Episcopi bonis assignato.

*Philippi casus ab Ottone Wittelsbachio illata.*

At vix superatis alpihus in Germaniam redierant Legati, cum Philippum Regem ab Ottone Wittelsbachio Palatino Bambergæ interemptum intelligunt. Causa cædis non una traditur. Petierat Otto Palatinus alteram filiam Philippi Regis in matrimonium, eamque Rex addixerat; post ubi ferocis hominis ingenium magis cognitum ex cæde Welponis Boji haberet, Rex sponsonem retractavit; hinc prima Palatini offensio in Regem; qua tamen dissimulata, petit post nuptias cum fi-

lia Poloniæ Regis per Philippi Regis commendationem ac patrocinium; ad quas cum Philippus Rex verbis prolixè operam suam promitteret, literis vero ad Poloniæ Principem datis longe aliud suaderet; Wittelsbachius ex litura literarum inspecta in suspicionem fraudis venit, literasque resignari jubet, & quia rudis literarum erat, eisdem per amanuensem lectis, audit a Rege nihil iis aliud quam matrimonium hoc improbari. Hic Wittelsbachius, ut impotentis erat iræ, Philippo necem jurare, & ad Regem festinare, quem Bambergæ reperit, post sectam valetudinis causâ venam, colloquio cum Spirenfi Episcopo (quem alii Herbipolensem fuisse volunt) sese recreare: nec difficilis ad palatium illi aditus fuit, quod palatii præfecturam gereret inter Palatinos. Igitur ad Regem in conclavi intromissus, exprobratoque Regi dolo, strictum ferrum, quod ludendo vibrabat, in cervicem Regis immittit; unoque hic lethali ictu vix perfoßus concidit. Spirensis Episcopus tam atrocifacinoze consternatus in latebras se abdit. Ceteros, qui parricidam retinere conati sunt, eodem ferro fauciatos depulit; nec impediri potuit, quo minus rebus ad fugam ante compositis evaderet. Haud leviter funestus Regis casus perculit omnes; quippe vir erat æquus, literatus, atque omnibus affabilis; multumque



tumque a pietate commendatus; qui more antiquorum Regum in choro inter scholares pueros modestus stare, & sacros hymnos canere visus. Sed abdita Dei judicia; quando jam ante a religioso viro in Raceburgensi Ecclesia civilia hæc bella deplorante hæc vox audita. *Anno MCCVIII erit consummatio.* Sane Philippo occiso, Imperii decus, per tot bella & populorum cædes quæsitum, momento concidit, & cum fruendi spes ex pace se primum offerret, abruptum est morte. Tam fallaces mortalium curæ, & fascium ambitus; quanquam primus Regum Germanorum, qui a parricida gentis suæ interemptus: rarum si reputes tot Romanorum Imperatores, & tot aliarum gentium Reges ferro parricidarum interemptos. Sed nec percussor Otto Wittelsbachius gente Bojus inultus, ferro haud multo post Henrici Kalinthini cecidit, Corpus Regis postquam decimo Calend. Junii expirarat, Spiram delatum ad majorum tumulos.

Otto Rex comperta æmuli sui morte, transrhenanos proceres primum Halberstadium advocat; & quia successio jam illi decreta erat, in frequentissimo populi conventu, Saxones & Thuringi Regnum illi deferunt. Post Francofurtum accessit, ubi in frequentissimo Principum cætu festo D. Martini primum illi insignia Imperii a Conrado Spirensi Episcopo tradita: regnumque a Bojis, Suevis, & Franconibus firmatum est, jurataque pax ab omnibus Principibus secundum Caroli M. præscriptas leges. Tum adducta quoque a Conrado Spirensi Episcopo Beatrix Philippi Regis filia, sponsaque oblata est Ottoni Regi; a quo mox illa vindictam in parricidam Wittelsbachium petiit, omniumque sententia proscriptus ac damnatus est Wittelsbachius. Nihil illo die lætius, quam ferenitatem pacis, quæ ob mortem Philippi obscurata erat, tam cito rediisse cum successore Ottone. Nihil quoque Innocentio Pontifici jucundius accidere potuit, quem per tot annos civiles discordiæ divexarant, quam ultro nunc Ottoni deferri Regnum; quod ille hætenus tanto labore & studio pro Ottone contenderat.

Et jam Bernardum quoque Episcopum nostrum non modo receptum

in gratiam Innocentii Pontificis, sed magna etiam, tam apud Legatos Pontificis, quam ipsum Pontificem, in æstimatione fuisse, secus quam ante quadriennium Pontificis literæ sonabant, satis docebunt Innocentii literæ hoc anno ad Corbejenses datæ, quibus Bernardo Episcopo nostro Legati Apostolici munus committit, jubetque cognoscere causam Helmershusani Abbatis, qui sine auctoritate Pontificis transierat ad Corbejensis Abbatis munus; id quod explanatum hoc Pontificis diploma docebit.

Pontifex  
Bernardo  
Ep. ut Le-  
gato Aposto-  
lico causam  
Abbatis  
Helmwars-  
deshusani  
cognosceret,  
dam committit.

*Innocentius Servus Servorum Dei, Dilectis filiis, conventus Corbejensis Monasterii salutem & Apostolicam Benedictionem. Cum venerabilis frater noster H. Episcopus Ostiensis, & dilectus filius Leo sanctæ crucis presbyter Cardinalis olim in partibus Alemanniæ legationis officio fungerentur, invenerunt dilectum filium Abbatem de Monasterio Helmwardesbusen, quod ad Romanam Ecclesiam nullo mediante noscitur pertinere, ad Monasterium Corbejense, quod etiam est Romanæ Ecclesiæ speciale, propria temeritate migrasse, licentia illud deferendi, vel confirmatione a nobis vel ab ipsis etiam, qui vices nostras in illis partibus tunc gerebant, nec habita nec petita. Cumque Northusium advenisset regalia recepturus, iidem existentes ibidem, ut contemptus ejus manifestior appareret, ad eos accedere non curavit, se mandatorum ipsorum exhibens modis omnibus contemptorem, propter quod dicti Legati venerabili fratri nostro Paderbornensi Episcopo dederunt in mandatis, ut eundem ad suam præsentiam evocaret, & prædictis omnibus diligentius expositis coram eo ipsum ab omni officio & beneficio suspendere non diffideret, donec nostro vel illorum se conspectui præsentaret, de contemptu veniam petiturus. Ceterum cum suum nuntium ad eorundem præsentiam direxisset se super prædictis omnibus per eundem excusans, illius terræ allegavit consuetudinem generalem, asserens quod pro confirmatione electionis, vel obtinenda etiam benedictione vel licentia de uno ad aliud Monasterium transeundi summus Pontifex vel ejus Legati non erant aliquatenus requirendi, cum illis partibus consuetudo talis hætenus sit servata. Iidem vero Legati præ-*

Pppp a

cibus

Otto Philippi R. successit, & pax Imperio redditur.

cibus multorum inducti tam Ecclesiasticorum quam secularium Principum, qui eosdem pro ipso constantissime rogaverunt, prædicto Episcopo Paderbornensi mandantes, ut memorato Abbati iungere non differret, ut usque ad Dominicam, qua cantatur, Lætare Jerusalem, proxime præteritam nuntios suos ad Sedem Apostolicam destinaret, mandatum nostrum tam super hoc quam aliis iisdem mediis nuntiis recepturus. Quod si istud forte negligeret, & tunc ipsum in pristinam sententiam reducere non differret, & eam faceret firmiter observari. Postmodum autem cum suos ad Sedem Apostolicam nuntios destinasset, iidem volentes eum multipliciter excusare, ad defensionem ipsius prædictam consuetudinem allegarunt. Cum igitur hæc non tam consuetudo quam corruptela merito sit censenda, quæ profecto sacris est Canonibus inimica, ipsam de cætero servari nolentes, eisdem Legatis dedimus in mandatis, ut a prædictis nuntiis Hen. videlicet Præposito, & C. Canonico Ecclesiæ novæ, qui plenam tam Abbatis quam Corbejensis conventus procuratorem habebant, sicut nobis constat per publicum instrumentum, vice nostra obedientiam reciperent manuum, facta renuntiatione, quam in obedientia exhibenda nostrum adimplentes mandatum literas super hoc suis signatas sigillis apud nos dimittere procurarent. Quocirca discretionis vestræ per Apostolica scripta mandamus, quatenus,

quod factum est, per nuntios ante dictos ratam habentes, de cætero huiusmodi pravam consuetudinem nullatenus observetis. Datum Lateran. V. Non. Maji Pontificatus nostri anno undecimo.

Hunc in modum cum hoc anno <sup>Hist. Brem. Archiep.</sup> Hartwicus Bremensis Archiepiscopus, vir præclare de Ecclesia meritis, obiisset, Canonorum electione postulatæ est in ejus locum Woldemarus Schleswicensis Episcopus. Verum cum is sine Pontificis auctoritate a sua Ecclesia transisset ad Bremensem, Pontifex postea utroque Episcopatu exiit, provexitque ad Bremensem Ecclesiam Gerhardum Osnabrugensem Episcopum, Bernardi de Lippia fratrem, virum acri, ut Crantzius ait, ingenio. Atque is licet cum Bernardo Episcopo nostro transierat ad partes Philippi Regis, post tamen non modo reconciliatus Pontifici, sed ob præclaras Episcopi dotes ac merita magno apud Pontificem ac Bremenses in honore fuit. Haud necius sum Gerhardum hunc in Osnabrugensi chronico perstringi a suis, tanquam qui exigua cum laude Episcopatum administravit; sed hæc Ministerialium ejus iniqua querela fuit, quibus cum ille per constantiam, & defensionem juris Ecclesiastici multa negasset, quæ illi injuste petierant, odium malorum, ut fit, ex virtute contraxit, dataque sunt vitio, quæ laudis plena erat.

## Annus Christi 1209.

Innocentii III. Pont. 12. Ottonis IV Reg. 12. Imp. 1.

Bernardi III. Ep. Pad. 6.

Godofrid.  
Otto a S.  
Blasio.  
Ursberg.  
Arnold. Lub.  
lib. 7.  
Brunoni  
Archiep.  
Colon. mor-  
tuo subro-  
gatur The-  
odorica.

Fine anni Otto Rex Francofurti Coloniam descendit ad amicam urbem, in eaque Christi Natalitia magna civium læticia peregit. Mortuo per hæc, festo omnium SS. Brunone Archiepiscopo, magnoque omnium luctu in Basilica S. Petri sepulto, Regis consilio eligitur Theodoricus, Collegii SS. Apostolorum Præpositus, neglecto Adolpho; quem exauctoratum reliquere in privata vita. Theodoricus mox ab Ultrajectensi Episcopo Sacerdos, nec multo post a Leodiensi Antistite, præsentibus provincialibus Episcopis, consecratur. Vir indolis bonæ; sed ita mutati cum honoribus mores, ut longe alius apparuerit, quam sperabatur;

quippe qui seposito sacro præfulis munere, totus fuit in colligendis pecuniis, in minuendis Clericorum, Monachorumque privilegiis, & in castris muniendis; inter quæ dum ædem sacram D. Michaelis in monte Godesberga haud procul Bonna cultu & miraculis tum celebrem evertit, visus est primo die Archangelus Michael expansis alis ex eo loco transvolare in vicinum & oppositum montem, quem Stromberg vocant, S. Petri Principis Apostolorum memoriæ sacrum, inque eo conquiescere. Per id tempus Legati Apostolici Hugo Ostiensis Episcopus; & Leo presbyter Cardinalis Saxoniam lustrarunt, peragrandoque civitates jus sa-  
crum

Godofrid.

*Sigonius*.  
Otto Rex  
in Italiam  
proficisci-  
tur, ad Im-  
perii coro-  
nam accipi-  
endam.  
*Godefrid*,  
*Arnold*,  
*Lub. Urb.*  
*Alb. SSad.*  
*Robert. de*  
*Monte*.  
*Sigonius*  
*lib. 16.*  
*Richardus*  
*Odericus in*  
*hyst. Eccles.*

erum dixere; quanquam id maxime ad disciplinam Ecclesiasticam inspiciendam formandamque a Pontifice Legatis imperatum sit. Tam sollicito animo Pontifex Saxoniam complexus est. Legati hi circa Pascha Coloniam venere: a quibus pro Apostolica auctoritate connubium inter Ottonem & Philippi Regis filiam probatum, laxato vinculo, quod ex consanguinitate impediabat. Otto Rex interea Germaniæ provincias peragrans Norimbergæ, Hagenoæ, Herbipoli, Spira Principum conventus habuit; compositisque iis, quæ ad publicam pacem poscebantur, simul de protectione in Italiam cum Principibus pertractavit; celebratisque postremo Augustæ comitiis, cum instructo exercitu, & xiv præsulum, magnoque procerum comitatu iter est ingressus, transmissisque Alpibus ante Virginis in coelum assumptæ ferias castra ad Lacum Benacum decima quarta Septembris posuit. Mediolani dein ferrea corona a Ruberto Archiepiscopo exornatus est: ac postquam magnis honoribus a ceteris Italiæ urbibus exceptus. Viterbii Innocentium Pontificem habuit obvium. Eo in congressu actum inter Pontificem & Regem de Augustali coronatione, quæ Romæ v Idus Octobris in Basilica Principis Apostolorum magna celebritate est peracta. Uti id præter complures scriptores accurate tradit auctor Chronici fossæ novæ. Otto urbe egressus, exercitum traduxit in Hettruriam & Marchiam, contraque iuramenta nuncupata plurimas Pontificis civitates occupavit, & Friderico Sici-liæ Regi bellum intulit.

*Episcopi*  
*Westphaliæ*  
*Cleri Reli-*  
*gioforum*  
*que disci-*  
*plinam re-*  
*fo mandam*  
*suscipiunt.*

Summa interim quies in Germania & Saxonia: unaque Præsulum sacrorum cura fuit, post depulsas civilium bellorum turbas, collapsam Cleri & religiosorum disciplinam (uti id Apostolici Legati monuerant) restituere in integrum. Quos inter Gerhardus Osnabrugensis antea Episcopus, traductam sororem Beatricem e Cœnobio Bersenbrugenfi Abbatissam Hersenbrocensem constituit, ejusque opera totum illud Cœnobium ad arctiorem D. Benedicti disciplinam primum traduxit. Quo religionis etiam studio Bernardus Episcopus noster omnia suæ diocesis Cœnobio diligenter inspexit. Et quia florentissimam apud Abdinghovianos sub Al-

berto Abbate disciplinam reperit, nobile prædium, quod ex feudo ad ipsum reciderat, Cœnobitis Abdinghovianis ultro ex consensu Canonorum donavit. Acta sunt hæc anno Dominicæ Incarnationis MCCVIII. Hujus rei Testes Lambertus major Præpositus, Thigdericus Decanus, Wolframus Cellarius, Joannes Scholasticus, & alii majoris Ecclesiæ Canonici, Laici Amelungus Comes, Henricus Dapifer, & alii Ministeriales.

At multo utiliori opere hoc anno Bernardus Episcopus Gerdense Monasterium Virginum liberavit ab infesto Advocato Henrico Comite de Swalenberg, a quo & multa damna illata, & multæ decimæ bonaque interversa erant; ut genus illud hominum loco patrocini non nisi spolia Ecclesiarum & Cœnobiorum quærebat. Hanc igitur in rem Bernardus celebrem omnium ordinum cœtum convocavit, in eoque Swalenbergensem convictum injuriarum adegit, ut coram muneri renuntiaret. Acta autem hæc sunt anno ab Incarnatione Dominica MCCIX, Indictione X, & Pontificatus nostri anno VI, coram testibus annotatis, Eberto Abbate S. Pauli, Lamberto majori Præposito, Thigderico Decano, Henrico Ecclesiæ B. Petri Præposito, Theodorico Scholastico, Conrado Custode, Wolfram Prioribus; item Hermann de Menkenrike Præposito, Volcwino, Crabone, Olivero Coloniensi Scholastico, Henrico de Hamamel Præposito, Gerardo, Conrado, Henrico, Hermann, Friderico, Magistro, Joanne, aliisque majoris Ecclesiæ Canonicis. Item Henrico Decano, Henrico, Cesario, Rudolpho Prioribus Ludolpho, Thietmaro Scholastico, & aliis Canonicis Ecclesiæ B. Petri. Item Thietmaro de Buren, Florino de Sprenge, Amelungo Comite de Patherbrun, Theodorico Comite Horchusen, Hermann de Wevere, aliisque quam pluribus Ecclesiæ nostræ fidelibus & ministerialibus, quorum nomina minus utile, quam longum esset enumerare. Inter hosce testes Oliverius Coloniensis Scholasticus, producit, quem postea Bernardus in Episcopatu successorem habuit, virum ea tempestate egregium, quem exinde sæpius celebravimus. Crantzius dum in hujusmodi nostris tabulis legit Priores, atque

Bernardus  
Ep. Monas-  
terium Ger-  
dense ab in-  
juriis Ad-  
vocati libe-  
rat.

atque alibi etiam conventus nomina, suspicionem movet, tanquam Monachi non Clerici in Collegiis istis vixerint, nescius Priorum nomine, designari primores ac seniores in Collegiis Canoniorum, quæ subinde, cum in eodem clauistro communem adhuc vitam cole-

rent, conventus haud secus, quam Monasteria appellari constat.

Obiit hoc anno post triennii præfecturam sacram Henricus Mindenſis Episcopus, quem Stadenſis per errorem Thidmarum vocat. Subrogatus illi Conradus ex Comitum Diepholdiorum familia.

## Annus Christi 1210.

Innocentii III. Pont. 13. Ottonis IV. Reg. 13. Imper. 2.

Bernardi III. Ep. Pad. 7.

Godefrid.  
Ursberg.

Otto Imp.  
Ecclesiæ  
Rom. bona  
infestat.

Otto Imperator interea, uti priori anno cœperat, non destitit Pontificis urbes, ac totam Thusciam, patrimoniumque Romanæ Ecclesiæ, quod a Mathilde donatum fuerat, occupare: ad hæc Apuliam, quæ Friderici Siciliæ Regis erat, armis subigere. Quas injurias cum post iteratas monitiones aliter Pontifex impedire non posset, Imperatorem anathemate percutit. Ingratus homo, & labes Saxonici nominis! tot ille beneficiis ab Innocentio affectus erat, ut literis toties ad Pontificem scriptis ultro fateri necesse fuerit, se post Deum omne regnum fortunamque Romani Pontificis studio & gratiæ debere. Ac satis testantur ea, quæ Pontifex tot annis, bello civili in causa Ottonis contra Philippum Regem suscepto, tot Principum ac Regum odio, fecerat: ratus Ottonem aliquem M. aut Henricum aut Lotharium Saxonum Imperatorem, Apostolicæ Sedis patronum, post longas Suevorum Imperatorum injurias & vexationes obventurum. Quam spem laboremque turpissime fefellit Otto. Id vero ut posteritati explicatius constet, juvabit hoc loco juramentum fidei, quod superiori anno Pontifici fecit, hic recitare.

*In nomine sanctæ & individuæ Trinitatis, Otto quartus divina favente clementia Romanorum Rex & semper Augustus. Recognoscentes ab eo nostræ promotionis donum misericorditer processisse, a quo est omne datum optimum & omne donum perfectum, ipsum ejusque Vicarium & sponsam ejus sanctam Ecclesiam disposuimus & decrevimus magnifice honorare, ut qui nobis in præsentem temporale contulit regnum, in futuro quoque tribuat sempiternum. Proinde vobis Reverendissime Pater & Domine summe Pontifex Innocenti, quos*

*pro multis beneficiis nobis impensis sincerissimo veneramus affectu, vestrisque Catholicis Successoribus, & Ecclesiæ Romanæ omnem obedientiam, honorificentiam & reverentiam semper humili corde ac devoto spiritu impendimus, quam Prædecessores nostri Reges & Imperatores Catholici vestris antecessoribus impendisse noscuntur, nihil ex iis volentes diminui, sed magis augeri, ut nostra devotio clarius enitescat. Illum igitur abolere volentes abusum, quem interdum quidam Prædecessorum nostrorum exercuisse dicuntur in electionibus Prælatorum, concedimus & sancimus, ut electiones Prælatorum libere ac canonicè fiant, quatenus ille præficiatur Ecclesiæ viduata, quem totum Capitulum, vel major & sanior pars ipsius duxerit eligendum, dummodo nihil ei obstat de Canonicis institutis. Appellationes autem in negotiis & causis Ecclesiasticis ad Apostolicam Sedem libere fiant, eorumque prosecutionem sive processum nullus impedire præsumat. Illum quoque dimittimus & refutamus abusum, quem in occupandis bonis decedentium Prælatorum aut etiam Ecclesiarum vacantium nostri consueverunt Antecessores committere pro motu propriæ voluntatis. Omnia vero spiritualia vobis & aliis Ecclesiarum Prælatiſ relinquimus libere disponenda, ut quæ sunt Cæsaris Cæsari, & quæ sunt Dei, Deo recta distributione reddantur. Super eradicando autem hæreticæ pravitate errore auxilium dabimus & operam efficacem. Possessiones etiam, quas Ecclesia Romana recuperavit ab Antecessoribus nostris, seu quibuslibet aliis ante detentas, liberas & quietas sibi dimittimus, & ipsam ad eas retinendas bona fide promittimus adjuvare. Quas vero nondum recuperavit ad recuperandum pro viribus erimus adiutores, & quæcunque ad*  
manus

manus nostras devenerint sine difficultate ei restituere satagemus. Ad has pertinet tota terra, quæ est a Radicofano usque Ceperanum, Marchia Anconitana, Ducatus Spoletanus, terra Comitissæ Mathildis, comitatus Britenno-rii, Exarchatus Ravennæ, Pentapolis cum aliis adjacentibus terris expressis in multis privilegiis Imperatorum, & Regum a tempore Ludovici, ut eas habeat Romana Ecclesia in perpetuum cum omni jurisdictione, districtu, & honore suo. Verum tamen cum ad recipiendam coronam Imperii vel pro necessitatibus Ecclesiæ ab Apostolica Sede vocati venerimus, de mandato summi Pontificis

recipiemus procuraciones. Adjutores etiam erimus ad retinendum & defendendum Ecclesiæ Romanæ regnum Siciliae ac cetera jura, quæ ad eam pertinere noscuntur, tanquam devotus filius & Catholicus Princeps. Ut autem hæc omnia memorato sanctissimo Patri nostro Innocentio sacrosanctæ Romanæ Ecclesiæ summo Pontifici ejusque Successoribus per nos & nostros Successores Romanos Imperatores & Reges observentur, firmæque & inconvulsa semper permanent, præsens privilegium conscriptum Majestatis nostræ aurea bulla jussimus communiri.

Signum Domini Ottonis quarti Romanorum Regis invictissimi.



Ottoni ex-  
communi-  
cato, regno  
que exuto  
Pontifex  
subrogat  
Fridericum  
Siciliæ Re-  
gem.

Hæc Otto. Sed quantum ille desci- vit a fide, tantum ex eo tempore Ot- tonis fortuna recidere in pejus visa est. Quippe missis in Germaniam literis mandavit Pontifex Sifrido Moguntino Archiepiscopo publice Ottonem a Sede Apostolica diris devotum, Imperio exutum, omnesque illi subjectos Prin- cipes ac populos a fide exsolutos esse. Emulum deinde illi objecit in regno Fridericum Siciliæ Regem, Henrici VI Imperatoris filium. Jam ex decimo septimo ætatis anno Regno maturum, quem pronunciavit Germaniæ Regem, cuique vivo patre Principes juramen- tum fidei dixerant. Inde nova civilium diffidiorum bellorumque flamma.

demigrare ex corpore in corpus, nec quicquam ex patris flagitiis contrahe- re maculæ docebat. Ea hæresis, cum nullis Theologorum disputationibus, nullisque argumentis se ab infania re- trahi sineret, armis postremum sup- pressa est. Multum ex ea palæstra in- claruit D. Dominicus, ordinis sui ful- gentissimus auctor, hæresisque hujus contulæ malleus. Multumque exinde celebrari cœpit Oliverius, Coloniensis Scholasticus, idemque Canonicus Pa- derbornensis, quem postea Ecclesia nostra multo fulgentiorem fortita est Episcopum, eo etiam feliciorem, quod cum D. Dominico familiaritatem inire licuerit.

Ad hæresin  
Albigensiu  
um suppri  
mendat  
plures con-  
spirant,  
quos inter  
Oliverius  
postea Episc  
Paderb.  
Casarius lib  
7.6. 24.

Ac per id tempus, cum Albigen- sium hæresis in Gallia Narbonensi & Tolosana provincia impune proserpe- ret; armisque etiam crudeliter sæviret, Innocentius Pontifex, multis antea fru- stra tentatis, ad sacram crucis militiam invitavit Christianos; conflueruntque multi non modo ex Francia & Anglia, sed Germania & Rheni inferioris pro- vinciiis, postquam Joannes Sanctensis Scholasticus, & Oliverius Coloniensis Scholasticus ac Magister, viri ferven- tissimi, sese hujus militiæ præcones co- hortatoresque ultro ad Pontificis volun- tatem obtulere. Impia & scelerata hæ- resis, quæ Christum, ex Manichæo- rum hæresi, nec passum, nec mortu- um, nec resurrexisse profitebatur: ani- mas præterea ex prisca metempsychosi

Ex domesticis nostris hujus anni non aliud suppetit, quam quod Ber- nardus Episcopus noster cum nobili- bus viris de Ninovere amice in con- cordiam venerit, ob nemus Echwor- danum, atque agros a jure Episcopi interverfos. Qua super re in tabulario nostro publicæ conversionis literæ ex- tant tabulis consignatæ. Decimo dein- de Calend. Septembris lis, quæ ob prædium ex Episcopi bonis abaliena- tum intervenerat inter Collegii Cathe- dralis Canonicos & Episcopum com- posita est; sancitumque pro veteri jure fas non esse Episcopo Paderbornensi sine Collegiarum consensu bona Ecclesiæ abalienare, quæ res multorum testium approbatione, inter quos Oliverus Co- loniensis Scholasticus sistitur, transacta.

Annus



## Annus Christi 1211.

Innocentii III Pont. 14. Ottonis IV Reg. 14 Imp. 3.  
Bernardi III Ep. Pad. 8.

Godofrid.  
Prægm. hist.  
Alberto &  
Argens.  
præfix.  
Grisberg.  
Nauclerus  
Trishem, in  
Chr. Hist. ser.

Principes  
Imperii in  
diversas  
partes ab-  
eunt.

Extrahebat per hæc in alterum annum, sæculi hujus undecimum, Imperator in Italia felices bellorum successus, Apuliam subigendo. Invitatus etiam Otto a Saracenis ad occupandam Siciliam. Quæ vel eo acerbius accepit Pontifex, quod jam Friderici Regis patrocinium suscepisset. Conati quidem multi religiosi, ac sapientes viri, Ottonem cum Pontifice reconciliare; hæc tamen frustra agebantur ob pertinaciam Imperatoris. Interim Sifridus Moguntinus Archiepiscopus, a Pontifice Legatus Apostolicus per Germaniam nominatus, qui Imperatorem anathemate percussum etiam imperio exutum denunciat. Ausi etiam plures agere de Friderico Siciliæ Rege Ottoni subrogando. Quam in rem Bambergæ conventu Principum indicto, accessere ad Moguntinum Joannes Trevirensis Archiepiscopus, Ludovicus Dux Bojariæ, Leopoldus Dux Austriæ, Hermannus Thuringiæ Landgravius, Ottocarus Bohemiæ Rex, Otto Princeps Moraviæ, Conradus Spirensis Episcopus Imperii Cancellarius, alique complures, prout ex voluntate Pontificis suscipere Fridericum Siciliæ Regem Ottoni subrogandum; sed cum ceterorum Principum assensus nondum accederet, nihil quoque eo conventu, nec aliis statutum est. Stabant etiam pro Ottone Theodoricus Colonienfis Archiepiscopus, Henricus Palatinus Rheni Ottonis frater, Dux Brabantiae, ac tota fere Lotharingiæ nobilitas cum inferiori Saxonia. Et Palatinus cum absenti fratri Imperatori tantum dedecus & vulnus infligi cerneret, vindictam vertit in Moguntinum; contritisque copiis, Moguntinam diœcesin ingressus, fœda populatione agros, viros & Oppida devastat, non Ecclesiis, non Cœnobiis, non sacris parcendo. Quibus Moguntinus adactus, conservatis arcibus aliquot & urbibus, ad Landgravium Thuringiæ profugere. Interim Fridericus Siciliæ Rex in Germaniam evocatus; Ecbertoque Bambergensi Episcopo, quem Otto cædis Philippi incusatum proscripserat, facta libertas redeundi ab exilio ad sedem suam.

Nihil adhuc in Saxonia inferiori turbatum, quæ, præter Ottonem Monasteriensis Episcopum, in fide Ottonis manebat; multumque ad id valuit Wilhelmi Ducis Lunenburgensis auctoritas, quem Otto Imperator alterum habebat fratrem inter Saxones adhuc superstitem, & viribus armorum prævalidum. Advenere per id tempus Innocentii Pontificis literæ Roma, quibus Gerhardum Bremensem Archiepiscopum, quem Osnabrugo translatum diximus, in sede illa confirmat: acciditque Gerardo opportuna mors Bernardi Saxoniae Ducis, a quo hætenus Waldemarum æmulus ejus defensus fuerat. Cessit Alberto juniore filio ducatus; Henrico, qui major natu erat, comitatus paternus & Principatus Anhaltinus; ab altero Duces Lawenburgenses; ab altero Anhaltini Principes, veteri claraque ad hunc diem stirpe, propagati.

Bernardo Episcopo nostro, qui extra factionem se continebat, non aliud negotium fuit, quam sacrorum curæ, & religiosorum beneficiis se impendere, cujus rei argumentum inter cetera sunt tabulæ, quibus agros bonaque, quæ ex feudo nobilis viri ad se reciderant, Gerdensi Virginum Cœnobia donat; id enim Cœnobium ob florentem disciplinam, ac pietatem singulari liberalitate complexus est. *Præsentibus autem testes, ut literæ habent, fuere Lambertus major Præpositus, Tiodericus Decanus, Tiodericus Scholasticus, Conradus Custos, Joannes Cellerarius, Henricus Præpositus ad Orientem, Præpositus Hermannus novæ Ecclesiæ, Wolframus, Volcwinnus, Gerhardus Canonici majoris Ecclesiæ. Laici etiam Comes Hermannus de Schowenburg, Henricus Dapifer, Conradus Camerarius, Hermannus de Osdagen, Hermannus Mareſchallus, Hermannus Comes, alique nobiles viri. Acta sunt hæc in cœnaculo nostro Wartberge, anno Domini Incarnationis MCCXI, Indictione XIII, præſidente Ottone imperii ejus secundo, Episcopatus nostri anno septimo, qui tamen ab inchoato Episcopatu*

Albert. Stud.  
Cransz. lib.  
7. Sax. c. 33.  
Saxonis inferior pacata manet.

Bernardus  
Ep. beneficiat Gerdensibus.

in



in octavum annum se porrigit; idque in aliis etiam literis observandum est; eo quod in his literis a mense inchoati Episcopatus ad sequentis anni mensem primus Episcopatus annus capiatur.

Paderbornensis Ecclesie Canonicum composita est; quanquam jam antea- dem res transigenda a Pontifice com- missa erat Præposito, Scholastico, & Magistro Joanni Paderbornensis Eccle- siæ. Confectis hac super re tabulis, testes fuere Bertholdus Decanus, idem- que Canonicus majoris Ecclesie Pader- bornensis, Magister Wilhelmus Cano- nicus ad S. Andream Colonie, Elias Canonicus Aquensis, alique ex clero viri; quos inter Oliverius se denuo of- fert Paderbornensium postea Episcopus & Germanie decus.

Hoc præterea anno controversia inter Aquensem Ecclesiam & Corbe- jenses, quæ ex decimis Liciati prædii diu agitata erat, per arbitros, Gerhar- dum majoris Ecclesie Colonienfis De- canum & Archidiaconum, Herman- num Decanum Collegii ad S. Cuniber- tum, & Oliverium majoris Ecclesie Colonienfis Scholasticum, eundemque

## Annus Christi 1212.

Innocentii III Pont. 15. Ottonis IV. Reg. 15. Imp. 4.

Bernardi III. Ep. Pad. 9.

Postquam vero Otto Imperator crebris nuntiis factus certior, quæ Im- perii Principes adversus se machinaren- tur, expectarique ex Sicilia Frideri- cum Regem; festinatis ex Italia itineri- bus sub verni jejunii tempus in Ger- maniam advolavit, convocatoque No- rimbergæ Principum conventu per sa- cras Pentecostes ferias causas disidii sui cum Pontifice composuit: nec aliud a se quæsitum obtendit, quam ut Impe- rii bono & auctoritati consulere; tan- quam Imperii Principes probare pos- sent, patrimonium Petri ab Imperato- re spoliari, quod tot pii sanctique Im- peratores tot tabulis & donationibus post Constantinum & Carolum M. au- xerant: aut tam egenum haberent Im- peratorem, qui spoliis bonorum sacro- rum indigeret, quorum ipse, pro ju- ramento Pontifici facto, defensor vin- dexque adversus raptos esse deberet. Nec tamen desuere assentatores, qui iusta cum obtendere probarent. Mox vindicta armisque versis in Odoacrum Bohemie Regem, a regno illum remo- vit, subrogato in ejus locum filio. In- de Hermannum Comitem Palatinum ulturus in Thuringiam movet. At dum Northusii prius nuptias celebrat cum Beatrice Philippi Regis filia (quæ quar- to post die morte erepta est) intelligit Fridericum Sicilie Regem ex Italia evo- catum intrasse Sueviam, multorumque Principum studiis benigne exceptum. Hinc omissa Thuringia, cum exercitu in superiorem Germaniam festinat. At postquam eo perventum est, reperit

omnia in Fridericum prona, urbesque & Principes in se armatos; ac dum fru- stra copias suas ad Uberlingam oppo- nit, nec ullibi se ad Rhenum tuto con- sistere vidit, trepidus despectusque re- fugit in Saxoniam.

Tum vero libere certatimque su- perioris Germanie Principes confluere ad Fridericum; quem Moguntiam de- ductum in celebri conventu Sifridus Moguntinus, Joannes Trevirensis, Herbipolensis, Argentinenfis, Const- antiensis, Basileensis Episcopi: Rex Bo- hemie, Thuringie Comes Provincia- lis, alique procures pridie Calend. De- cembri salutavere Regem suum. Per- stitit in fide Ottonis Theodoricus Co- lonienfis Archiepiscopus; tametsi a Pon- tifice anathemate percussus, & a Sifri- do Moguntino Archiepiscopo e sede sua ejectus esset. Fida etiam inferior Saxonia manebat Ottoni; e qua tamen magna Imperatoris jactura, hoc anno mors sustulit Wilhelmum fratrem ejus, Ducem Lunenburgensem, relicto Ot- tone filio, quem ex conjugis Regis Da- norum filia susceperat hæredem. Ab hoc deinde antiquissima inter Saxones Lunenburgensium & Brunswicensium Ducum familia propagata; quando nec ab Ottone Imperatore, nec ab Henrico Palatino ulla proles relicta. Tam illu- stris hæc Ducum familia inter posteros, quam clara ab Henrico Leone inter majores; nec facile in Germania Prin- cipum familia superstes, quæ antiqui- tate, & perpetua ad hunc diem pro- pagatione certet.

Qqqq

Cete-

Qui Fride- ricus a plu- ribus Im- perii Prin- cipibus Rex salutatur. Chron. Mogunt. apud Serran Alb. Stad. Craniz. lib. 7. Sax. Arn. Lub.

Controver- sia inter A- quenses & Corbejen- ses nostros ra- tione deci- marum ex- orta con- ponitur.

Godofrid. Ursberg. Hist. Bav. lib. 23. Breuvier. in Hist. Trev. Trishem.

Otto Imp. Fridericum Sicilie Regem fugit.

Ceterum hoc anno, ut Godefridus narrat, *ingens populi rursum multitudo ex omni Saxonia, Westphalia, & Frisia aliisque provinciis* confluit ad signum crucis; quorum alii ab Adolpho Montensi Comite, alii a Wilhelmo Juliacenti Comite, alii a Leopoldo Austriae Duce traducti adversus Albigen-  
Albigenses & Saraceni, ope Saxo- num, sup- primuntur Godefrid. S. Antonii nus 3 p. tit. 19. c. 3. Fragn. hist. incerti an- tis ad Albert. Argent. Albert. Stadenf. in Chron. Breuvier. lib. 15. An- nal. Trev. Cantipr. lib. 2. c. 3. Expeditio puerorum in Palesti- nam irrita conatu fu- cepta.  
 ses hæreticos in Gallias. Ad quorum adventum consternati hæretici, pars se in fugam dedit, pars ad sanio- rem mentem est reducta, & per Cardinalem Roma missum reconciliata Ecclesiae. Eoque bello confecto, multi cum Leopoldo Austriae Duce transgressi in Hispaniam, Saracenos juncti Hispaniae Regis armis profligarunt. In tam remotis regnis tum bella sacra ultro adversus Saracenos & hæreses suscepta, quas ævo nostro infelicio- r Saxonia in visceribus aluit. Sed & alia expeditione hic annus memorabilis. Quippe ingens puerorum & imbellium adolescentum multitudo e Germania & Francia, præstigiis duorum Clericorum, fictisque eorum miraculis contracta, ad militare crucis signum convolvit, frustra parentibus, consanguineis, & viris religiosis obnitentibus; quod his persuasum esset Hierosolymam ac Palaestinam non nisi ab imbelli & infonte æta-

te barbaris eripiendam, reddendamque Christianis. Qua specie religionis ob-  
 jecta, multi expeditionem hanc proba-  
 runt, obtulereque proficiscentibus an-  
 nonam & pecuniam. Visæ etiam pu-  
 ellæ & fœminæ sublato pudore sese co-  
 mites conjungere. Agmen hoc cum  
 cantu & tripudio eductum e finibus  
 Germaniæ; parsque in Gallias Mar-  
 siliam versus, pars Genuam in Ligurum  
 provinciam contendit, pars maxima,  
 quæ ex Germania coaluerat, Brundu-  
 sium pervenit. At Brundisius Epi-  
 scopus cum didicisset, pueros hosce  
 dolo præstigiatorum eductos, ut Sara-  
 cenis venderentur, mare ingredi pro-  
 hibuit. Ac licet multos servavit; ma-  
 gna tamen pars excepta navibus, aut  
 Saracenis vendita fuit, aut in mare ab-  
 jecta misere periit: ceteri laceri, di-  
 sperisque domum redire. Browerus  
 doli hujus auctorem seductoremque  
 Nicolaum quendam Coloniae Agrippi-  
 næ natum nominat. Ex his impostori-  
 bus alius post Coloniae in furcam actus.  
 Adeo nihil tam sanctum geritur, quod  
 non dæmonum fraudibus obnoxium sit.  
 Fabulam hanc dicerem, nisi a S. Anto-  
 nino, Cantiprano, Godefrido, Alber-  
 to Stadenf, aliisque auctoribus tradi vi-  
 derem.

## Annus Christi 1213.

Innocentii III. Pont. 16. Ottonis IV. Reg. 16. Imp. 5.

Friderici II. Reg. 1. Bernardi III. Ep. Pad. 10.

Accesserat inter fluctuantis Germa-  
 niæ tumultus annus Christi decimus  
 tertius supra millesimum, ducentesi-  
 mum, quo Otto Imperator Alberto  
 Magdenburgensi Archiepiscopo bel-  
 lum intulit, haud aliam ob causam,  
 quam quod Pontifici in omnibus obse-  
 quens, Friderici Regis partes tueretur.  
 Hildesimensi contra & Halberstadiensi,  
 ceterisque fere Saxoniae Episcopis Ot-  
 toni Imperatori adhærentibus; adeo ex  
 regni schismate ortum est schisma sa-  
 cerdotii, ut quo se verterent Episcopi,  
 plerique incerti fluctuarent. Hinc enim  
 Pontificis proscriptione, illinc stringe-  
 bantur armis. Et quia Magdenbur-  
 gensis Archiepiscopus opprimere Ot-  
 tonis intererat, dicecesin ejus arma-  
 tus ingreditur, caesisque Archiepiscopi  
 copiis, longius ab urbe per insidias pro-  
 tractis, totum Archiepiscopatum spoli-  
 is, ferro, flammaque evastat. Qua

suorum calamitate conspecta, ingemuit.  
 Archiepiscopus, palamque cum pro-  
 bro Imperatoris dicere auditus est: *Ar-  
 chiepiscopatum Magdenburgensem ab  
 Ottone I. Imperatore & Alberto primo  
 Archiepiscopo conditum, nunc ab Otto-  
 ne IV. Imperatore sub Alberto Archi-  
 episcopo pessundari.* Otto interim hoc  
 anno non aliud impensius egit, quam  
 ut accisas vires in Saxonia repararet,  
 Episcoporumque ac Principum animos  
 sibi adjungeret, insectando ceteros  
 quotquot Friderico studere cœperant.  
 Quare cum per solemnes Paschatis dies  
 Otto Monasteriensis Episcopus Coloni-  
 am intrasset, ab his, qui in factione  
 Imperatoris erant, per vim abreptus,  
 injectisque vinculis captivus Werde-  
 nam ad Cæsaris Insulam deportatur, &  
 quo securiori custodia teneretur, in ca-  
 strum traducitur. Tantus partium fu-  
 ror erat, nullo religionis & sacrorum  
 metu

Godefrid.  
 Ursberg.  
 Chron.  
 Mons. Ser.  
 Innocent.  
 Epist. 13.

Otto Imp.  
 Archiep.  
 Magdenb.  
 devastat.

Otto Ep.  
 Monast.  
 captivus  
 Colonia  
 Werdinam  
 abripitur.

metu a sacrilegio retentus. Nec aliud optimi Episcopi delictum erat, quam quod ex Pontificis voluntate in Sifridi Moguntini & Friderici Regis partes transiisse haberetur. At mox Sifridus Moguntinus Archiepiscopus Apostolicæ Sedis Legatus tam indignum facinus Ecclesiastica pœna ultus, urbem interdicto subiecit, cessavitque supra annum publicus sacrorum usus.

do ad commendatitias Innocentii Pontificis literas Estiensem Episcopum omni caritatis ope & subsidiis exceperunt, sed & se ipsos ad provectionem in Livoniam & Apostolicos labores obtulerunt, parati Evangelium & Christi legem docere incultum Livoniæ populum; quod sane quam gratum fuerit Innocentio Pontifici, docebunt hæ Pontificis literæ ad Bernardum Episcopum nostrum.

*Innocentii  
epist. 124.  
Odoricus in  
hist. Eccles.  
Bernardus  
Ep. Paderb  
cum aliis  
Pontifici  
se offert ad  
Christile-  
gem in Li-  
voniam do-  
cendum.*

*Theodori-  
cus Estien-  
sis in Livo-  
nia Antistes  
nova pro  
gentis con-  
versione  
subsidia  
flagitat.*

Verfabatur per id tempus Colonia Theodoricus, primum montis S. Nicolai Abbas, post Estiensis in Livonia Episcopus, sollicitando ad Rhenum & per Westphalam non modo subsidia adversus barbaros; sed & Sacerdotes & Apostolicos viros conquirendo, qui rudem Livoniæ populum docerent. Nam ad Rhenum fuisse docet hæc vetus inscriptio. Anno MCCXIII 8 Cal. Septembris consecratum est altare novi Chori Sanctensis ab Episcopo Estiensi in honorem B. M. Virginis; apparetque tum Pontificalia munera expleffe per Coloniensem diœcesin loco Theodorici Archiepiscopi, quos is a Pontifice anathemate percussus, Romam pro reconciliatione provectus esset. Atque hic Livoniæ præsul, & gentium doctor, cum in Saxoniam veniret, contulit se primum ad Paderbornensem & Verdensẽ, ceterosque Episcopos, quorum consilio & commendatione apud Pontificem facta hoc ipso anno prius Episcopus consecratus est, quod hæ Pontificis literæ commonstrant.

*Idem con-  
secratur  
Episcopus.*

Commissi nobis officii sollicitudo deponcit, ut iis, quæ ad divini cultus ampliationem pertinere noscuntur, favorem studeamus benevolum impartiri. Cum ergo venerabiles fratres nostri Paderburnen. Verden. \* Ralkeburgen. & Rigen. Episcopi te in Episcopum Estien. provinciæ duxerint ordinandum, sicut ex litteris accepimus eorundem; nos quod super hoc ab ipsis provide, atque canonice factum est, ratum habentes & gratum, præsentium tibi auctoritate concedimus, ut in ea libere officium exerceas pastorale. Datum Lateran. II Calend. Novembris. Pont. nostri Anno XVI,

*\* al. Racco-  
burgen.*

Sed longe illustrius fuit opus trium Saxoniorum Episcoporum, Ottonis Monasteriensis, Bernardi Paderbornensis & Isonis Verdensis, qui non mo-

*Ab eo qui neminem vult perire, sed ut omnes ad agnitionem perveniant veritatis, tibi audivimus & credimus esse inspiratum, ut venerabili fratri nostro Estiens. Episcopo, qui sicut servus fidelis & prudens in Domini vinea fideliter operatur, cooperator accedens cum eo portare proposueris coram gentibus & Regibus nomen Dei, & dare salutis scientiam plebi suæ. Nos igitur tuum pium propositum dignis in Domino laudibus commendantes, fraternitatem tuam monemus attentius & hortamur, quatenus accensus zelo fidei christianæ, ac sperans, quod, qui affectum tibi dedit, adjiciet & effectum, Evangelistæ aggregariis opus & officium confidenter, ut cum illis, qui euntes ibant & flebant mittentes semina sua, exultationis manipulos valeas reportare. Ut autem prædicationis officium valeas liberius exercere, statuimus, ut te hujusmodi pietatis operi mancipato, Ecclesia & persona tua cum omnibus bonis suis sub Apostolicæ Sedis protectione consistant. Tu denique frater Episcopo super te ipso &c. Datum Laterani III. Calend. Novemb. Pontificatus nostri Anno XVI.*

Quem in modum Pontifex scripsit ad Monasteriensem & Verdensẽ Episcopum, eorumque similiter dilaudat fervorem religionis, cohortaturque ad Apostolicum munus suscipiendum; ut nomen Dei coram Regibus & gentibus inter barbaras nationes circumferant. Quo nihil in Episcopi munere gloriosius esse possit; uti hæ literæ extant inter monumenta Innocentii Pontificis. Satisque ex his constat tres illos Episcopos inter doctissimos ac ferventissimos Saxonie antistites claruisse, ac per id tempus munus publice docendi populum pro concione expleffe (secus quam heterodoxi obtrectare solent) qui explicato religionis suæ fer-

*Odoricus in  
hist. Eccles.  
Innocent.  
lib. 16. epist.  
124.*

Q999 2

vore

vore ad munus illud docendi Evangelii Apostolico sese ritu & Spiritu obtrudere. Atque istic etiam inter barbaras gentes operam suam impendere maluerunt, quam civilibus hisce bellis inter Ottonem & Fridericum collidi, jactaque cum aliis Episcopis inter turbulenta factionum studia.

At quo minus Otto Monasteriensis Episcopus in Livoniam transierit, fecit captivitas, & hic ipse, quem subterfugere voluit scopulus. Quid vero Bernardum nostrum impedierit, sive cleri populique sui preces, ne se hac tempestate desereret; sive quæ alia illa remora fuerit, in annalium nostrorum memoria non reperio; certo in Livoniam abiisse, etsi id flaganter desiderarit, & Pontificis etiam voluntatem impetrarit, verisimile non habeo; quando hoc anno binas adhuc literas in dicecesi datas invenio, quarum alteris largam prædiorum donationem ab Anselmo Paderbornensi milite Cœnobio Virginum Wilbacensium factam, alteris vero decimas Brakelenſi Ecclesiæ donatas, consignari jussit.

*Lib. 4 Reges  
I. Innocent.  
Pontifex  
præsules  
Saxoniz, &  
milites Teu-  
tonicos hor-  
ratur, ut  
Estiensis Ep.  
in conver-  
sione Livo-  
num adſi-  
stant.*

Pontifex præterea, ut hoc salutare opus promoveret, aliis hoc anno literis ad Præsules, & Abbates Saxoniz datis, impense hortatur, ut omni ope & consilio, submissisque auxiliariis copiis, Episcopo Estiensi adſistant: aliis vero literis ad milites Teutonicos in Livonia ii Calend. Novembris Laterani scriptis multo sollicitius Theodoricum Estiensem Episcopum ad ipsos in Livonia remissum commendat; quippe qui ob plurimas gentes ab ipso ad Christi religionem perductas; Paderbornensis,

Verdenſis & Raceburgensis Episcopi testimonio ac judicio dignus sit habitus, qui Episcopus consecraretur. Iisdem simul literis haud leviter Teutonicorum militum avaritiam perstringit, quod Episcopo huic auxilia negarent, & certam sibi prius in ea provincia terræ partem possessionemque agrorum dari peterent; tanquam ex lucro animarum Christi militibus lucrum pecuniarum primo quærendum sit.

Utrumne vero Bernardus Episcopus anno proximo, ex quo nullam ejus in dicecesi præsentis memoriam reperio, in Livoniam transierit; affirmare non habeo; certe auctor est Crantzius, per id tempus singulis annis institutas profectiones in Livoniam, & continuata per triginta annos navigatione importatos duces, Comites, Episcopos, Sacerdotes, milites, cives, mercatores, qui zelo pietatis accensi non prius fatigari, quam tota Livonia Christi legibus subiceretur; fateturque Pontifex in his ad Teutonicos milites literis, jam maximam ejus partem ad Christi religionem esse traductam. Nam ut superiores Germani Borussia ab Alberto primo Pragensium Archiepiscopo; ita Saxones & Westphali Livoniam sibi a D. Meinardo, Bertholdo, & Alberto primis ejus gentis Episcopis excolendam subigendamque sumpſere; & quia Saxonum Sclavorumque instar gens dura, & quotannis rebellis erat, arma sacre militiæ ad tutelam conjungenda fuerent Episcoporum & Sacerdotum laboribus; habuitque Livonia e Saxonibus haud secus, quam Borussia ex Alemannis supremum suæ militiæ præfectum, quem Magistrum ordinis dixerent.

*Crantz. lib.  
7 Sax. c. 37*

## Annus Christi 1214.

Innocentii III. Pont. 17. Ottonis IV. Reg. 17. Imper. 6.  
Friderici II. Reg. 2. Bernardi III. Ep. Pad. 11.

*Godfrid.  
Matth.  
Paris.  
Histo. Angl.  
Guillerm.  
Armor. l. 1.  
Anton. 3. p.  
Chron.  
Ursberg.  
Chr. mont.  
Seren.  
Alb. Stad.*

Agebantur hæc pro Livonia, cum Germania adhuc inter Ottonem & Fridericum civilium bellorum diffidio turbaretur. Et proximo ab his anno Otto Imperator ab omnibus prope Germaniæ Principibus desertus, Belgii sibi proceres demereri laborabat. Quam in rem Mariam Henrici Brabantiz Ducis filiam mense Majo sibi matrimonio jungit. Nixus deinde avunculi sui Joannis Angliæ Regis ope bellum Philip-

po Franciæ Regi intulit. Attractus in belli societatem Ferdinandus Flandriæ Comes, quem Rex Franciæ premebat armis. Igitur omisso æmulo, alienam causam ingressus novum sibi conscivit hostem, qui nec uni quidem Friderico par erat; & causa belli quæſita magis ex veteri in Regem Franciæ odio, quam justa probatave a scriptoribus causa. Sed mirum quam ingentem exercitum contraxerit Otto Imperator ex Saxoni-

*Otto Imp.  
bellum Res  
gi Galliz  
inferit, Saxo-  
num West-  
phalorum,  
que armis  
adjurus.*

bus

bus & Westphalis, quem Francici annales quinquaginta millia selectorum militum fuisse perhibent, postquam sociorum copiae accesserant; junxere enim se Imperatori Henricus Brabantiae Dux Ottonis socer, Henricus Limburgi Dux, Ferdinandus Flandriae, Henricus Lovaniensis, Wilhelmus Hollandiae, Philippus Namurci Comites, multique Juliae proceres cum Gerardo de Randerode. Ex Westphalis accessere Conradus Tremoniae, & Otto Teclenburgi Comites, interque hos Bernardus de Horstmaria Dynasta, celebris ea tempestate miles; quemadmodum a Guillermo Britone ante ceteros ejus belli scriptores celebratur fulmen armorum.

*Et quo Teutonicos inter praestantior  
alter  
Non fuit, aut major membris, aut  
corde Gerardus,  
Hostimalis contra Francos emissus ab  
oris,  
Qui tantae famae, qui tanti nomi-  
nis heros,  
Ut vix Ottonem Saxonia praeferat  
illi.*

Quem Gallus hic Poeta Gerardum scriplit, Bernardum dicere debebat; haud secus quam Tinqueturnitem, & Ottonem de Tinquenaburg corrupta voce appellat, cum is Teclenburgensis sit Comes.

Otto Imp.  
cum Rege  
Galliae con-  
fligit, &  
praelio vin-  
citur.

Ad famam adventumque potentis hostis evocavit Philippus Rex Franciae florem juventutis bellicae, virosque quam maxime bellicosos; delectuque habito processit obviam, haud parum fluctuans animo ob ingentem hostium multitudinem, pugnandum, an cedendum esset, ne summam rei in discrimen daret. Consilio proinde Ducum advocato cum deliberaret, nunciatur Ottonem in propinquo stare accinctum; & jam misceri certamina, quae revelli non possint: nec alia hic consilia esse, quam quae necessitas imperaret. Illico igitur galeam & thoracem poscens vicinam D. Petri aedem supplex intrat, atque ibi Dei & Virginis Matris ope implorata, acies producit in hostem, tanto etiam confidentius, quod adversus Imperatorem diris a Pontifice devorum sibi pugnandum.

Inde canentibus utrimque signis 7. Calend. Augusti concursum ad Bovinas (pagus est inter Tornacum & Insulas.) Atrox praelium, quo vix alias majoribus odiis, & truculenta magis strage decertatum. Diu anceps pugna, in qua Francorum Rex suffosso equo prostratus, ac prope obtritus jacuit. Imperator vero diu inter hostilia signa jactatus demum pectore graviter saucius praelio excessit, ac desperata victoria suos secum in fugam traxit. Memorabile ex clade Imperatoris praelium, quo caesis Germanis, xxx majorum ordinum ductores capti; quos inter Henricus Palatinus Rheni, Ferdinandus Flandriae, Reginaldus Boloniae, Conradus Tremoniensis, Otto Teclenburgicus Comites, Bernardus Horstmariensis, & Gerardus Roderodinus Dynastae fortissimique militum. Ea clade res Ottonis vehementer fuerunt attritae, multumque Germanorum nomen apud Francos coepit in contemptum venire; quanquam victoria non tam humana, quam caelesti ope sit parta Francorum Regi. Otto Imperator primum ad socerum in Brabantia confugit, inde Coloniā se recepit, fidam sibi haecenus urbem.

Fraeto Ottoni incubuit Fridericus; traductoque Trajecti per Mosam exercitu, Brabantiae fines ingreditur. Quo tam inopinato adventu percussus Henricus Dux Brabantiae, Friderico se supplicem sistit, & veniam impetrat, ea lege, ut filium obsidem relinquat, & fidem impostero sanctius colat; quae etiam conditione Limburgicus in gratiam receptus. Inde reflexo ad Trajectum exercitu, Hugonis Leodiensis Episcopi copias sibi jungit, expugnatoque Falkenburgo, Juliacum viii Septembris obsidione cingit & late circum provinciam vastat. Quibus malis adactus Wilhelmus Juliae Comes, ejurato Ottone, Friderico se submittit. Supererat Colonia Ottonis praesidium & ad Rheni inferioris limites obstaculum, ne in Westphaliā irrumperet. Perstabat enim urbs in fide Ottonis constans, nihil mota Ottonis clade, & Friderici circum insultantis potentia. Sed & Caesaris insula, quae Ottoniano praesidio tenebatur, retardabat Fridericum. Ea munitissima loca cum arduum esset expugnare, vastato circum

Godofrid.  
Ægidius.  
Reinertus  
Monach.  
Leod. apud  
Chap. t. 2.  
p. 238.  
Brevier.  
lib. 15 ann

agro

agro Colonienſi exercitum ad hiberna deduxit. Imperator interim ſeſe cum conjugē intra Coloniam per hyemem continebat, cui ceteris amiſſis una ſpes erat in Weſtphalorum & Saxonum fide.

## Annus Chriſti 1215.

Innocentii III Pont. 18. Ottonis IV. Reg. 18. Imperat. 7.

Friderici II. Reg. 3. Bernardi III Ep. Pad. 12.

*Godfrid.*  
Colonienſes ad partes Friderici R. tranſeunt.

*Fridericus*  
Rex Aquisgrani inungitur.  
*Auent. l. 7.*  
*Groz. lib. 2.*  
contra *Gol.*  
*daſum.*  
*Brewer. l.*  
*25. annal.*  
*270.*

Exacta hyeme, Fridericus Rex Andernaci ad Rhenum Calendis Maji Conventum Principum indicit; ad quem cum magna procerum e ſuperiori Germania & Belgio multitudo confluiſſet, actum de ſubigenda urbe Colonienſi, & Friderico Rege coronando. Colonienſes ubi omnia Principum conſilia, omnemque belli molem in ſe converti didicere, haberentque Archiepiſcopum Theodoricum a Pontifice proſcriptum, quod Ottonianarum partium eſſet, ſibi vero omnem ſacrorum uſum jam in alterum annum interdictum; quorum malorum cauſa cum ab Ottone eſſet, Pontifici & Principibus in viſo, rogare Ottonem ut urbe excederet, nec ſe impendentibus calamitatibus involveret; id ſi faceret ſoluturos ſe omnia debita in urbe contracta, & 600 marcas in ſubſidium collaturos. Otto cum nec e re ſua futurum conſpexit nutantibus civibus in urbe remanere, in Saxoniam poſt feſta Paſchalia diſceſſit; quem haud multo poſt conjux ſumpto viri habitu conſecuta eſt. Tum vero libere cœptum tractari de reconciliatio- ne & pace cum Friderico Rege. Et ille jam urbis ſecurus cum Episcopis & ſplendido procerum nobilitatiſque Belgicæ comitatu Aquisgranum ingreſſus, teſto D. Jacobi a Sifrido Moguntino Archiepiſcopo ſolemni ritu Rex inungitur. Quod eſſi nonnulli anno priori, aut ante biennium factum velint, certior tamen eſt fides Godfridi, qui id cum auctore Chronici Montis Sereni aliſque ad hunc annum refert. Eo in congreſſu Principum Henricus Palatinus Rheni Ottonis frater a Friderico Rege Palatinatu exutus, dataque eſt dignitas hæc Ludowico Baviariæ Duci. Simul Otto Ludovici filius duxit filiam Henrici Palatini in matrimonium iſdem artibus ſe firmaturus in Palatinatu, quo ſocer adierat. Altera Henrici filia denupta Limburgico Duci. Stadenſis hoc anno Palatinum obiiſſe perhibet; ejus tamen vita ad annum 122 prorogatur ab aliis.

Sub id tempus pridie videlicet quam Fridericus coronaretur, Otto Monaſterienſis Episcopus e captivitate liberatus. Hæſerat ille jam per biennium Werda in Cæſaris inſula captivus, conjeſtus in grandem, qui illic eſt turris, carcerem. Ac multum ſollicitatus Otto Imperator, dum Coloniam per hyemem verſaretur, Episcopum e vinculis laxaret, quem non alio crimine obnoxium haberet, quam quod ex Pontificis voluntate ſeſe in partes Moguntini Archiepiſcopi & Friderici Regis inclinaveſſet, nullis tamen unquam armis contra Imperatorem ſumptis; ſed nihil ab Imperatore ad Rhenum præſente impetrari potuit. Eo demum in Saxoniam demigrante, multi Weſtphaliæ proceres miſerati integerrimi præſulis, e tam clara Comitum Benthemensium & Hollandorum familia orti, armis liberandum ſuſcepere; horum Dux Adolphus Montium Comes, vir bello contra Albigenſes clarus, collectis e Weſtphalia bellicoſorum nobilium virorumque multorum copiis, Werdenſe Oppidum vi aggreditur. Et oppugnatum hoc acriter per multos dies; verum cum & loci munitio, & præſidiariorum fortitudo omnes inſultus conatusque eluderet, nihil his fractus Adolphus Comes, oppugnationem ad militares artes convertit, cœpitque ſuffoſſionibus agere; quemadmodum ingenii viribus plerumque potentius quam corporis pugnatur. Cuniculis igitur ad ima turris fundamenta perductis, quibus tota moles in ruinæ periculum venit, propugnatores exterriti, inopesque conſilii, caſtrum una cum Episcopopo dedidere. Ex Episcopopus in hunc modum aſſertus in libertatem, recta ſe Aquisgranum ad Fridericum Regem contulit, magnoque Episcoporum omnium & Principum gaudio eſt exceptus.

Sed nec minus memorabile, quod in hoc Aquisgrani Episcoporum & Principum congreſſu actum refert Godfridus.

*Otto Ep.*  
*Monaſt.*  
e captivitate liberatur.  
*Godfrid.*  
*Alb. Stad.*  
*Truhem. in*  
*Chr. Girſe.*

*Godfrid.*  
*Cæſar. lib. 3.*  
*6.*



*Lib. 4. c. 10*  
*Lib. 10. c. 22*  
*Lib. 12. c. 23*  
*Epistola ad*  
*Engel. apud*  
*Gelen p. 338*  
*Plures e*  
*Germania*  
*in Palæsti-*  
*nam abeunt*  
*terram san-*  
*ctam recu-*  
*peraturi.*

fridus. Invitarat anno superiori Innocentius Pontifex christianos Principes ad novam in Palæstinam expeditionem adversus Saracenos; id opus cum per Legatos Apostolicæ Sedis, oratores sacros in provinciis, ac tubas hujus belli ubique strenue susciperetur, innumeralis multitudo, ut Godefridus retulit, crucis tessera insignita ad liberandam terram sanctam confluit. Cœpta quidem hæc expeditio Andernaci in superioribus Principum comitiis agitari, ubi & inter primos Germaniæ Principes Ludovicus Baviaræ Dux nomen sacræ militiæ professus est: at postquam Oliverius Scholasticus Colonienfis idemque Paderbornensis noster Canonicus, & Joannes Sanctensis Ecclesiæ Scholasticus, auctoritate Innocentii Pontificis, Aquisgrani in celeberrimo hoc Principum conventu tubam sacram inflare, & ad crucis signum pro concione invitare cœperunt; illico Fridericus Rex, Sifridus Moguntinus Archiepiscopus, Leodiensis, Bambergensis, Patavienfis, Argentinensis Episcopi, Dux Moraviæ, Dux Brabantiae, Dux Limburgensis, Palatinus Comes Thuringiæ, Marchio Badensis, Wilhelmus Juliaci Comes, Henricus Comes Seinenfis, Comes de Monte, & magna nobilium equestrium multitudo cruce signata nomen sacræ militiæ dederunt. Accessere post magno numero Episcopi & proceres ex Westphalia & Saxonia, sequentibus annis memorandi; quanquam his Livonia tum sacri belli campus erat, in quem magna nobilitatis pars traducebatur. Inde Joannes Sanctensis & Olivarius Principes hujus belli Oratores, partiti provincias, adscitisque ex clero Sacerdotibus in auxilium, Coloniensem diocesim, Juliam, Brabantiam, Flandriam, Westphalam, Frisiam, vicinasque regiones palam docendo, vocandoque ad sacram militiam peragrarunt. Et Olivarius dum Westphalam & Frisiam circuit, multa e cœlo prodigia data; visa enim in diœcesi Monasteriensi, in Frisia, & Ultrajectensi provincia varia ac mirifica in aëte crucis signa, quæ multis recensentur a Cæsario, Cantipratano, aliisque Scriptoribus, quibusque mortalium mentes vehementer accensæ sunt; ne quid referam de miraculis per Olivarium patratis, quæ Cæsarius quoque æqualis eorum temporum scriptor re-

Ceterum Principes Aquisgrani congregati, ut, profugo in Saxoniam Ottone, omnia ad Fridericum Regem adigerent, misere Coloniam Theodoricum Trevirensis Archiepiscopum, & Henricum Brabantiae ducem, quorum auctoritate & industria urbs Agrippinensis ab Ottone abstracta in Friderici partes concessit. Quapropter Fridericus pridie Nonas Augusti regio comitatu Agrippinam ingressus, insigni cum honore a clero populoque est exceptus. Inde ad Basilicam itum, ubi Trevirensis Archiepiscopus, post sacrum Missæ sacrificium solemniter decantatum, universum cum Clero populum a pœnis Ecclesiasticis absolvit, reddita sacrorum libertate, qua per annum & quinque menses prohibiti erant. Rex nonnisi per septem dies in urbe commoratus, in publicis istis Principum comitiis publicam Germaniæ pacem sanxit, vectigaliaque & telonia, quæ per bella contra fas in vecta erant, sustulit. Salutaribus præterea legibus consultum Reipublicæ, in qua & Principes juravere.

Excesserat ante triennium Theodoricus Ultrajectensis Episcopus; in cuius locum, patrocínio Ottonis Monasteriensi Episcopi, Adolphi Colonienfis Archiepiscopi, & Gerhardi Osna-brugensis Episcopi, ac paulo post Bremensis Archiepiscopi, subrogatus erat Otto Gelriæ Comes ac Præpositus Sanctensis, præclaris naturæ dotibus exornatus; sed quod juvenis esset XVIII annorum, ætate prohibebatur ab Episcopi munere; eo Romam profectus, Northusii in itinere anno 1213 moritur. Quapropter in ejus locum Canonico-rum suffragiis sublectus Otto Lippien-sis Comes, Ultrajectensis Præpositus. Is Regem hoc anno Francofurtum comitatus, ea in urbe Episcopus consecratur, & regalibus a Friderico Imperatore exornatur. Hic Otto celeberrimus inter Westphalos, Bernardi Lippiensis Comitis filius, qui per id tempus ex Monacho Campi Mariæ Livoniae Abbas inter Apostolicos viros numerabatur, quem haud multo post Otto Aldensalæ Lealensem Episcopum consecravit, filius patrem; tamen Bernardus per id tempus alterum haberet filium Gerhardum ex Episcopo Osna-brugensi transvectum ad Bremensem Archie-

Theodori-  
co in Epi-  
scopatu Ul-  
trajectensi  
succedit Ot-  
to Comes  
Gelriæ deim  
Otto Co-  
mes Lippi-  
ensis.

*Cæsar. lib.*  
*10. c. 7.*  
*Cantipr.*  
*lib. 2. c. 3.*  
*Jacob Bosius*

Archiepiscopatum; cui tertius accedit filius Bernardus, ex Præposito Embriensi delectus Paderbornensis Episcopus: quartus filius Theodoricus Præpositus Daventriensis. Rara profecto familiæ felicitas, quæ patrem Episcopum, & tot filios simul Episcopos ac præsules Ecclesiæ conspexit.

Has inter concussæ Germaniæ Saxonique turbas Bernardus Episcopus noster, quod alias Saxonie Episcopi fecere, partium se intactum securumque servavit; quod hinc Friderici Regis minis, istinc Ottonis Imperatoris per Saxoniam adhuc dominantis potentia stringeretur. Quantumque Bernardus Episcopus se a publicis continebat, tantum se in dorandis Ecclesiis & Cœnobiis impendebat, quod ex sequentibus liquebit. Sicuti & hoc anno insigni beneficentia meritis de Giselferto, Campi Mariæ Abbate, totoque Cœnobio illo. Quam in rem publicæ tabulæ extant apud nos, multis e clero & nobilitate ac Monachis Campi Mariæ testibus consignatæ. Acta hæc memorantur anno Dominicæ Incarnationis MCCXV. Indict. III. Pontificatus nostri anno XI.

Godefr.  
Abbas.  
Ursberg.  
Alb. Stad.  
Auct. Chr.  
Mont. Seren.  
Richard.  
a German.  
Chron. fossa  
nova.  
Mansb.  
Parif.  
Odericus in  
hist. Eccles.  
Concilium  
Lateranen-  
se sub Ino-  
centio  
III.

Annum hunc clausit Innocentius Pontifex, omnium operum, quæ gefcit pulcherrimo, convocando Lateranense concilium, quod mense Novembri Romæ celebratum est, ipso Pontifice præside & perorante: argumento sermonis ducto ab illo Christi dicto. *Desiderio desideravi hoc Pascha manducare vobiscum antequam patiar*, quod & ille de suo vitæ exitu vaticinatus videri poterat, quippe qui altero post anno excessit e vita. Invitati totius orbis Christiani Episcopi, literis ad omnes Metropolitanos & Archiepiscopos missis; inter quas prima in concilio præmittitur Epistola ad Moguntinum Archiepiscopum ac Metropolitanum nostrum, in qua de expeditione recuperandæ Palæstinæ pertractat; hæc enim una ex urgentibus hujus concilii causis erat. Hæc deinde argumento scriptum ad Coloniensem, Trevirenssem, Magdenburgensem, Salisburgensem, ceterosque Episcopos, ac Reges. Convenere Episcopi quadringenti & duodecim; quos inter Patriarcha Constantinopolitanus & Hierosolymitanus præ-

sentes fuere; Antiochenus vero & Alexandrinus Patriarchæ, quod alter morbo, alter Saracenorum metu impeditus, misere Legatos. Primates deinde infra hos ac Metropolitanos septuaginta & unus. Ceterorum vero Antistitem, Abbatum, aliorumque præsulum ob multitudinem haud unitus est numerus. Universim bis mille ducenti & duodecim Patres convenere, quod passim Scriptores cum Binio tradunt. Primores Cœnobiis numerant octingentos. His accessere omnium ferme gentium exterarum, ac Regum, Principumque Legati. Magnificum sane & œcumenicum, de quo nemo sapiens controvertet, concilium, in quo explicata catholica fides adversus Albigenses, ceterasque obortas hæreses: tum collapsa cleri populique disciplina formata; postremo actum pro recuperatione terræ sanctæ. Quam in rem septuaginta de hæreticis decreta Canonum a Patribus præscripta sunt, celeberrimo Ecclesiæ instituto bonoque. Et quam præclaro statim canone Patres? *Una est fidelium universalis Ecclesiæ, extra quam nullus omnino salvatur; in qua idem ipse Sacerdos & Sacrificium JESUS Christus, cujus corpus & sanguis in Sacramento altaris sub speciebus panis & vini veraciter continentur, transubstantiatis pane in corpus, & vino in sanguinem, potestate divina. Et hoc utique Sacramentum nemo potest conficere nisi Sacerdos, qui fuerit rite ordinatus secundum claves Ecclesiæ, quas ipse concessit Apostolis & ipsorum Successoribus Jesus Christus.* Quod & a nostrorum temporum hæreticis, & hæreticorum magistris diligenter animadverti velim; qui cum rite ab Episcopo ordinati non sint, necesse est horum aliorumque Sacramentorum jactura defraudare populum. Statutum præterea de hæreticis damnandis puniendisque: de Sacramentis Eucharistiæ & Pœnitentiæ quotannis in Paschate frequentandis: de chrismate, & Eucharistia sub fideli custodia clavium servanda: de viatico infirmorum præbendo: de vitiis Clericorum emendandis & castigandis, & quæ ejusmodi sunt complura. Conjugia quoque, quæ ad sextum usque consanguinitatis & affinitatis gradum permixta erant, intra quartum restricta sunt. Canone etiam xi præscribuntur Collegiis Cathedralibus

bus & Metropolitanis Magistri Scholarum, qui Clericos ejus Ecclesiæ & pauperes studiosos doceant Grammaticam & humaniores literas, eoque Sacerdotio lautior donentur Magistri illi; præter quos in singulis hisce Collegiis sit Theologus, qui Clericis sacram scripturam & superiores scientias tradat. Quo nunc satis intelligimus discrimen inter Scholasticum, Theologum & Magistrum, quales toties etiam produximus ex tabulis Episcoporum nostrorum. Hi deinde Canones ex utraque lingua cum Ecclesia latina & græca communicati sunt. Multæ præterea controversiæ judicio Patrum decisiæ compositæque sunt. Accessit ad hoc concilium S. Dominicus instituti approbationes sollicitando. Ac Pontifex licet a novis ordinibus recipiendis alienior esset, uti id paulo ante canone XIII sanxerat; postquam tamen in somno illi

objecta Lateranensis Ecclesia, fabrica in ruinam inclinante, quam D. Dominicus humeris suis sustentaret, jussit Dominicum ad suos redire; communicatoque deinde cum iis consilio, instituti sui vitæque leges referre a se probandas. Divum quoque Franciscum advenisse, rogatum sui ordinis approbationem, auctores multi a Wadingo & Cossartio producti asserunt. Et hunc cum Innocentius Pontifex ad se accedentem rejecisset; post tamen, ubi in somnio illi oblatus est Franciscus labentem quoque Basilicam Lateranensem humeris suis sustentare, conquisitum ad se revocavit, benigneque excepto, omnem ejus institutionum rationem confirmavit. Verum celebrem utriusque hujus ordinis confirmationem sibi vendicat Honorius Pontifex Innocentii Successor.

Tom. Concil. Paris.  
recens. edit.  
Mathaus  
Paris. Abb.  
Ursberg.  
Marianus

## Annus Christi 1216.

Innocentii III Pont. 19. Ottonis IV Reg. 19 Imp. 8.

Friderici II. Reg. 4. Bernardi III Ep. Pad. 13.

Adulto jam vere, Fridericus Rex Calend. Maji Norimbergæ Principum comitia egit, præsentem Petro Sasso Cardinale Apostolicæ Sedis Legato. Indixerat illa Rex ad vacillantem Germaniæ statum confirmandum, quo & jura per provincias dicerentur æquius, & liberior de pace tractaretur. Miserat quidem superiori anno tam Otto, quam Fridericus suos Oratores ad Lateranensem concilium; alter ut obtenta venia imperium, a quo dejectus erat, reciperet; alter ut sibi assereret. Sed a Patribus pro Friderico pronunciatum est; movitque Patres Marchio Montisferrati, Ottonis perfidiam adversus Apostolicam Sedem, violata Sacramenta, spolia Romanæ Ecclesiæ, multaque præterea ejus crimina exaggerando, Quibus Fridericus Rex confirmatus, liberum sibi per Germaniam imperium sumpsit. Dejectusque Otto intra Saxoniam se continuit, tanquam Saxonum tantum se Imperatorem ferret; e quibus tamen Magdenburgensem, & Bremensem Archiepiscopos, Marchionem Thuringiæ, aliosque procures sibi adversantes habuit. Ceteri metu magis quam animo Ottoniani.

Accessit Friderico Engelbertus Coloniensis Archiepiscopus hoc anno de-

lectus. Nam postquam Clerus primarius miserat ad Innocentium Pontificem Legatos sciscitatum, quid de Adolpho & Theodorico Archiepiscopo, quorum uterque a Pontifice exauctoratus erat, fieri vellent, ne Ecclesia certo hætenus rectore destituta fluctuaret amplius; Innocentius Pontifex utrumque avversatus, novi Archiepiscopi eligendi potestatem clero fecit, omniumque suffragiis delectus est Engelbertus majoris Ecclesiæ, & S. Georgii Præpositus, natus Engelberto patre Comite Montium & Altenæ, & a puero in clero nutritus. Vir præter generis nobilitatem & eximiam corporis pulchritudinem, præclaris naturæ dotibus, & Episcopi virtutibus exornatus, ob quæ decora jam ante juvenis octodecim annorum Monasteriensis, ut diximus, Episcopus expetitus erat; vel eo carus Innocentio Pontifici & Friderico Regi, quod cum fratre Adolpho partes Friderici ad Pontificis voluntatem hætenus suscepisset, nihil Coloniensis Urbis, ceterorumque Ottonianorum factionem veritus. Sed & cives Agrippinenses non minus quam Clerus ejus electione læti, pacem sibi & tranquillitatem reddendam pollicebantur; quod ex conspectu virtutum ejusmodi Archiepiscopum

S. Engelbertus eligitur in Archiep. Colon.

Oder. in hist. Eccles.  
in vita S. Domin.  
sur. tom. 4.  
S. Dominicus ordinis sui confirmationem petit.  
Oder. in hist. Eccles.

Godofrid. Ursberg.  
Richard. de S. Ger.  
Oder. Reginal. in hist. Eccles.  
Cossart. in not. ad concil. post edit.  
Friderico regnum de novo in concilio Lateran. confirmatur.

pum fortiti essent, quocum in certam spem venirent concordiae & tranquillitatis, post tot bellorum tempestates & mala recuperandae. Ac postquam ad Legatum Apostolicum, qui Norimbergae Friderico Regi aderat, relata est electio, Apostolica eam auctoritate probavit; cui & a Friderico Rege mox regalia donata. Missi exinde Oratores Romam, qui pallium Archiepiscopi insigni impetrarent, Innocentium XVI Calend. Augusti magno christiani orbis luctu mortuum invenere. Pontifex hic clarissimae memoriae, magni inter adversa animi, insignis sapientiae doctrinaeque, quot tot monumenta librorum & volumina literarum testantur. Successorem habuit Honorium III in Apostolica Sede, virum, qui Innocentii vestigiis inharens, bellum sacrum scriptis ad Christianos Principes literis, pari, qua Innocentius sollicitudine, & magnitudine animi promovendum suscepit.

Innocentius III obiit, cui succedit Honorius III.

Oliverius Westphalos & Frisones ad expeditionem sacram inflammavit. Bernardus Ep. variis Cœnobiis & Ecclesiis benefacit.

Non destitit interim Oliverius percurfare Westphaliā & Frisiā, inflammando populorum animos ad sacram expeditionem. Juvere e cœlo prodigia, quae frequentia visa, & ab ipso Oliverio, ut Casarius refert, mirifice deprædicata. Quemadmodum postea teste Ursbergenſi conspecta est stella ex Austro in Occidentem vergens, quae in magnitudinem trabis augeſcere, & sensim prolapsu suo deficere observata.

Magno post hæc Westphaliæ bono Engelbertus Archiepiscopatū Coloniensem administrare coepit, fida semper amicitia junctus cum Westphaliæ Episcopis; quos inter & Bernardum Episcopum nostrum complexus est, virum ea tempeſtate pacis amantem, magnæ auctoritatis & venerationis apud Westphaliæ proceres. Quippe qui profanis, publicisque negotiis abjectis, totus erat in religionis cultu exornando, fovendisque religiosorum hominum cœtibus. Quemadmodum hanc in rem extant apud nos publicæ literæ, quibus Alberto Abbati & Cœnobio Monachorum Abdinghoviano decimas villæ in Upspringen de manu Bernardi de Ofede, hominis, ut inquit, Laici redemptas donavit; tametsi is ex eadem familia Ofedorum erat, ex qua ipsum Episcopum produximus. Acta sunt

hæc anno Dominicæ Incarnationis MCC sexto decimo, VIII Idus Augusti. Testes hujus rei sunt Lambertus Præpositus, Joannes Decanus, Wulfrannus Cellerarius, Volcquinus de Swalenberg, Gerhardus de Lippia, Widekindus majoris Ecclesiæ Canonicus, Conradus Plebanus. Ministeriales Amelungus Comes, Henricus Dapifer, & Lippoldus frater ejus, Hermannus de Brakele, Conradus Camerarius, Andreas de Durslo, Swetherus de Elſen, Hermannus de Wettere, Joannes Stapel, Georgius, Macharius, Eilbertus, Albertus, Everhardus de Erveth, Albero de Aspere, Hermannus de Oriente, & alii quam plures. Alias deinde decimas, quæ ex feudo ad ipsum reciderant, Cœnobio religiosarum Virginum Wilbacenſi donavit, quæ eodem anno acta perhibent, publicæ ejus Cœnobiæ literæ. Testes adduntur Lambertus major Præpositus, & omnes Canonici majoris Ecclesiæ, Amelungus Comes, & Ministeriales. Hoc ipso anno Bernardus Episcopus cum magno Canonorum & Ministerialium comitatu Arensbergam profectus ad Godefridum Comitem; ac dum Ecclesiæ suæ negotium, ob quod venerat, cum Comite pertractat, simul Wilbacenſi Cœnobio Virginum ampla prædii Bulcheim bona a Comite impetravit, quæ Comes fatetur se rogatu venerabilis Episcopi Paderbornenſis donare, nec aliud reſpondere, quam ut piæ Virgines Deum pro suis & majorum delictis sibi propitium implerent; factaque est hæc donatio præſente & volente conjuge ejus Agnete, filiis Godefrido & Joanne, ac filia Aleithé. Publicas hac ſuper re tabulas confecit Godefridus, quas a Bernardo Episcopo conſignari voluit, ac testes a latere Episcopi memorantur. Volcquinus de Swalenberg, Cratho, Gerhardus de Lippia, Widekindus Canonicus, Ministeriales vero Episcopi Everhardus de Erveth, Henricus Dapifer, Hermannus Mareſchallus, Bernardus de Vesperthe, Nobilis vir Adolphus de Dassele. Ex Comitibus parte Rotgerus de Berbenne, Wilhelmus de Ole, Bermundus & Godeſcalcus de Erveth, Gerhardus de Ruthen, & Ministeriales. Acta sunt hæc anno Dominicæ Incarnationis MCCXVI, Indictione III, Domino Innocentio tertio Pontifice universalem Ecclesiam gubernante. Hos inter Testes uri & in superioribus Abdinghovian-

hovianis sistitur Gerhardus de Lippia Comes, is qui post Bremensium Archiepiscopus in locum Gerhardi senioris delectus est. Quemadmodum per id tempus Collegium Paderbornensis Ec-

clesiæ Comitum filiis illustre erat; quo in numero etiam Volcquinus Comes Swalenbergensis supra relatus produci-  
tur Episcopus Mindensis.

## Annus Christi 1217.

Honorii III Pont. 1. Ottonis IV Reg. 20. Imperat. 9.  
Friderici II Reg. 5. Bernardi III Ep. Pad. 14.

Quievit anno ab hinc consequenti

arma Ottonis exauctorati Imperatoris, & Friderici Regis, quantum ex silentio scriptorum colligere fas est; seu quod Pontifex per quadriennium cessationem armorum in concilio Lateranensi indixisset, ne quid sacram expeditionem in terram sanctam impediret; seu Reges, quique sua parte contenti, Otto Saxonia, Fridericus ceteris Germaniæ provinciis, a iudicio novi Pontificis suspensi hærent. Eo nunc liberius bellum sacrum processit, sollicitante Reges & Principes Honorio Pontifice per literas & Oratores; quos cum per omnia regna & Germaniæ provincias haberet, tum ad Rhenum & per Westphaliam præter Joannem Sanctensem & Oliverium accessere Hermannus Decanus Bonnensis, Joannes Nivellensis Canonicus, Arnoldus Monasteriensis Presbyter, alique per Westphaliam & Frisiam viri, quorum nomina vetustas abolevit. Horum munus a Pontifice præscriptum fuit non solum concionibus populum excitare ad sacrum bellum, sed & ad largitiones invitare, & pecuniam a piis hominibus oblatam colligere, quæ in sumptus expeditionis sacræ expenderetur. Quam in rem excavatus in singulis Ecclesiis truncus, ab Innocentio Pontifice præscriptus, tribus feris clauderetur, quarum una penes probatum presbyterum, altera penes Laicum fidum, tertia penes religiosum virum esset. Multa deinde privilegia ab utroque Pontifice impetrata iis, quotquot vel expeditionem susceperet, vel opem contulere, & multa ubique sacrificia ac publicæ preces indictæ, quæ cum magno fervore procederent, præter eos Episcopos & proceres, quos ante biennium commemoravimus, sacræ se militiæ addixere Engelbertus Colonienfis, Otto Monasteriensis, Otto Traiectensis. E Clero Monasteriensi Conradus Præpositus, ex Osnabrugensi Gualterus. Ar-

noldus Cliviæ, Wilhelmus Hollandiæ, Georgius Werdæ Comites, Bentheimus præterea Comes, alique, quorum nomina cum ceteris Westphaliæ & Frisiæ nobilibus vetustate conscripta sunt. Rebus omnibus ad expeditionem sacram comparatis, duplici hoc anno exercitu itum est ad terram sanctam recuperandam. Quorum alter terrestri itinere processit, auspicio Andreae Ungariæ Regis & Leopoldi Austriæ Ducis; ad quem cum ceteris Episcopis etiam transiit Otto Monasteriensis, & Otto Traiectensis Episcopus, quorum ille ex Comitum Bentheimensium, hic ex Lippiensium familia erat. Alter navalis erat, ad quem se collegere ex Rheno, Amasi, & Visurgi Colonienfes, Westphali, & Saxones; deinde Frisii, Brabantini, Flandri, ex suis quique portubus. Inter horum Duces clari Wilhelmus Hollandiæ, & Georgius Werdæ Comites, quibus a Gelenio conjungitur Adolphus Montium Comes D. Engelberti frater. Classi huic Oliverius se junxit totius hujus expeditionis auctor, ac tuba sacra hujus belli; cujus labores Pontifex Episcopatu Paderbornensi remuneravit. Ejus hoc elogium est apud Albertum Stadensem: *in horum comitatu erat Magister Oliverus, postea Paderbornensis electus, & tandem S. Sabinæ presbyter Cardinalis;* ut vel eo nobis hæc expeditio commemoranda sit. Naves igitur, quæ fere trecentæ erant in ostio Mosæ ad Uterdingam convenere. Inde promptis lætisque omnium animis 4. Calend. Junii solvit classis, ipsis Calend. Julii Dertmondiam in Anglia portum delata, ex quo per mare Britannicum in Lusitaniam profecta 7. Idus Julii Ulyssipponam attigit. Ibi dum complures ex Belgio naves expectantur, rogantur ab Episcopis ac ceteris Lusitani, velint per hanc moram sibi adversus Saracenos haud minus Lusitaniæ quam Palæstinæ juratos hostes belli operam accommo-  
dare;

Duplici tel-  
lere in ter-  
ram Sario-  
tam mo-  
vatur.

Innocent.  
in epist.  
ad omnes  
fidel. in  
concilio  
Later.  
Casarius in  
vita Eng-  
gelb.  
Fassi Mo-  
nast.  
Chr. Ultra-  
Trishem.

R r r r 2



Insigni vi-  
storia ad-  
versus Sara-  
cenos Chri-  
stiani poti-  
us agitur.

dare; quod cum Frisii improbarent, dicerentque sibi Orientalem profectio- nem esse præpositam, cum octaginta navibus discessere, navigatione in Palæstinam arrepta. Perstitit reliqua clas- sis duce Wilhelmo Hollandiæ, & Ge- orgio Werdano Comite, castrumque Alcazarium obsidione cingunt. Quo cognito, quatuor Saracenorum Reges, ex Hispania congregati, cum exercitu centum armatorum millium advolant; quorum adventu haud parum territi peregrini nostri; sed cum Lusitani, & qui apud eos erant, Templarii & Ho- spitalarii milites subsidio venirent, aui- junctis viribus Christiani ad signum crucis, quod in acie fulgens se obtulit, prælium inire. Pugnatum 7. Calend. Octobris, cæsique in acie supra XIII millia Saracenorum, uti Godefridus denarrat. Victoriâ hanc, quæ cœ- lesti magis, quam humana ope est par- ta, auget Marianus clade sexaginta mil- lium Maurorum, captis duobus Sara- cenorum Regibus. Fassi postea Sara- ceni se cum prælium ineundum esset, conspexisse alium longe formidabilio- rem exercitum cruce insignitum. Post festum omnium Sanctorum rediit vi- ctor peregrinorum nostrorum exerci- tus, hyematumque est in portu Uly- sipponensi.

Cæsari. lib.  
9. c. 13.

Memorable, quod ex hac naviga- tione Hermannus Decanus ad S. Ge- reonem retulit. Vetitum erat, ne in ulla navium Eucharistia servaretur. Ejus legis seu inscius, seu contemptor Sacerdos, in unam Frisonum navim

secum Eucharistiam intulit; quæ cum postea naufragium fecisset, arcula, qua corpus Dominicum custodiebatur, visa pelago innatare, ac veluti remis im- pulsa celeri præ reliquis cursu ad littus properare; & quod conspectus in mi- raculo erat, nulla gutta operculo etiam patulo influxerat. Sane tum una spe- cies Eucharistiæ apud Frisones in usu; quemadmodum in concilio Lateranensi Eucharistia mandatur servari, & dili- genter recludi, quæ in firmis & mori- turis viaticum detur.

Alter Germanorum exercitus post- quam incolumis in Palæstinam delatus, obviam habuit Patriarcham Hierosoly- mitanum cum mirifico crucis signo; ad ejus conspectum Rex Ungariæ & Dux Austriæ cum toto exercitu proni in terram procubuere. Inde tres Reges Hierosolymæ, Ungariæ, & Cypri in hostem progressi; ad quorum adven- tum Soldanus cum Coradino fratre in fugam se dedit, oppidis & castris cir- cum in spoliis Christianorum relictis. At postquam Rex Ungariæ, ac Cypri cum ingenti peregrinorum multitudine recessere, frustra precante Patriarcha, Leopoldus Dux Austriæ rem fortissime gessit. Is duos sibi constantes fidosque habebat Episcopos, Ottonem Monaste- riensem, & Ottonem Trajectensem cum auxiliaribus ex Westphalia & Tra- jectensi diocesi copiis; quorum ope & industria Cæsareense in Palæstina ca- strum instauratum est; id quod ingens postea momentum attulit ad Cæsareæ urbis expugnationem.

Alter Ger-  
manorum  
exercitus  
fortiter &  
feliciter  
rem gerit  
in Palæsti-  
na.

## Annus Christi 1218.

Honorii III. Pont. 2. Ottonis IV Reg. & Imp. ultimus.

Friderici II Reg. 6. Bernardi III. Ep. Pad. 15.

Godefrid.  
in Ann.  
Ursberg.  
Albertus  
stadens.  
Cantiprat.  
lib. 2. c. 53  
Cranzsius  
in Metrop.  
lib. 7. c. 35.  
& in Sax.  
lib. 7. c. 37.

Fatalis subinde annus adfuit Ottoni Imperatori, quem hoc anno consensu Scriptorum mors ventris profluvio su- stulit. Juvabit id a Godefrido certo eorum temporum auctore accipere. Otto Imperator jam per annos octo vin- culo excommunicationis a duobus Apo- stolicis innodatus, cum septem honoratos viros pro impetranda venia Romam mitteret, sed tamen stare eorum man- dato recusaret, post Pascha febris corri- pitur; deinde ingravescente morbo, ubi sibi diem mortis imminere cognovit, Epi- scopum Hildesensem, Sifridum videli-

cet, & alios religiosos & sapientes viros, scilicet Abbates, & Sacerdotes convo- cat, & cum gemitu & lacrymis, quid sibi agendum foret, vel qualiter a nodo excommunicationis absolvi posset, consu- lit; ad quorum consilium cum mandato Apostolico stare jurasset, ab Episcopo ab- solvitur. Deinde ordinato testamento suo, factaque confessione cum perceptio- ne sanctæ communionis & sacræ uncti- onis, cum magna contritione cordis in castro, quod dicitur Hartzburg, Idibus Maji moritur. Corpus Brunswicum translatus, & Imperialibus indumen- tis

Egidius  
Antea vobis  
Monach.  
Annal.  
Fland.  
Chron.  
Sclavie.  
incursi  
aus.  
Specul. his-  
tor.  
Otto Imp.  
pie ad mor-  
tem dispo-  
situs obit.



ris juxta patrem suum, & matrem in Ecclesia S. Blasii sepelitur. Auctor est Albertus Stadenfis tanto eum dolore exarsisse in expiationem peccatorum, ut famulis & domesticis e culina servis cervicem pedibus calcandam, dorsumque Sacerdotibus flagellis cædendum obrulerit, patris Henrici Leonis exemplo, qui per ejusmodi pœnitentiæ opera se ad placandum numen mortemque composuit. Visaque est non tam eripi vita, quam pia mors donari; nec tamen sine piacularibus flammis fuit, siquidem Cantipratanus vera narrat. Nam post obitum materteræ, quam in Monasterio castissimam habebat virginem, se ad valvas mane pulsando obtulit, petiitque per religiosorum Cœnobia pro se sacrificia & preces fieri. Quibus rite persolutis, rursus se clarissima luce circumfusus materteræ stetit, gratias egit, ac sibi jam a pœnis omnibus libero cœli aditum patere asseruit. Ceterum ab excessu Ottonis diadema, lanceam, ceteraque Imperii ornamenta Henricus Palatinus frater ad se traxerat, quæ Honorius Pontifex demum minis & censuris Ecclesiasticis extorsit, Friderico Regi tradenda. Morte Ottonis æmuli omnia ad unum Fridericum Regem devolvuntur. Et ille, ut ex communi Principum, cumprimisque Saxonum, sententia se in folio firmaret, in Saxoniam hoc anno profectus, Hervordiam accessit, ad Westphalorum animos sibi demerendos, quemadmodum id Albertus Stadenfis scribit; ex qua vicinitate urbis intra nostram dicecesin haud dubie Bernardus noster Regem salutarit.

Felicibus adhuc armis Germanorum procedebant res in Palæstina. Nam quæ Ulyssipone relictæ classis pars hyemarat, post varios tempestatis casus Acconem tandem appulit; congregatisque omnibus peregrinorum navibus, consultum habuere Patriarcha, & Joannes Hierosolymorum Rex, Episcopi, Duces, Hospitalarii & Templarii, ceterique cruce insigniti descendere in Ægyptum, & Saracenis ingressum in Syriam intercludere; ex quo enim Ægyptus Damasceno Regi paruit, ille Syriam regno suo conjungere cœpit, & cum innumera barbarorum multitudine quotannis in terram sanctam effundere, quo res Christiana semper in

pejus prolabi visa: & si Damiatæ urbs, claustrum utriusque regni ad Nili ostium, interciperetur, frenum Saracenis injectum fore, portumque istuc occupari, ex quo ingentes opes Ægyptiorum Regi, & belli nervus subtraheretur. Igitur festo Ascensionis, congregatis omnibus Christianorum navibus, classis solvit; ac prospero cursu intra triduum in Nili ostium delata, constitit ante Damiatam; factaque excensione a Colonienfibus primum & Frisiiis (quorum hic prima laus fortitudinis se exseruit) castra firmare cœperunt Christiani, Urbis oppugnationi obstabat vasta turris, Phari nimirum illius in medio Nilo moles, militis præsidio firmata, ex qua catena ad muros urbis ducta erat, ne quis navium transitus per fluvios, accessusque ad urbem esse posset. In hanc omnis vis primum conversa; sed tanta cum clade iterato repulsa est, ut consilia expugnandæ turris inter Duces vacillarent. Tum vero Oliverius noster erigere nutantium animos, & suis pecuniarum impensis, quas ex sacra stipe collegerat, fabricare firmam & prægrandem machinam navibus impositam, e qua scalæ pontesque admoti, ascensusque in turrim magna alacritate militum factus, frustra Saracenis superne lapides, tela, & ignes injicientibus. Expugnata primo insultu turris, & barbari vel trucidati, vel in flumen præcipientes acti. Hoc successu Damiatæ urbs Ægypti munatissima, ac tribus per circuitum muris, amplis fossis, innumerisque turribus firmata, terra marique obsideri cœpta. Arduum opus, quod oppositis castris infestus affideret Soldanus; sed quia salus Palæstinæ, & totius expeditionis monumentum in ea versabatur, obsidio incredibili Christianorum labore & fortitudine protracta est insequentem annum.

Desideratus in hac ærumnosa obsidione Adolphus Montium & Altenæ Comes, D. Engelberti frater, Colonienfium, Westphalorum & Bremensium Dux. Otto præterea Monasteriensis Episcopus ad Cæsaream extinctus, uti Oliverus noster scribit libro nondum edito de Damiatæ expugnatione, quod & fasti Monasterienses hoc inscripto elogio testantur:

Vir.

Damiatæ  
obsideri a  
Christianis  
cœpta.

Animos sua  
addentes  
Oliverio

Qua in ob-  
sidione des-  
iderati A-  
dolphus  
Comes  
Mont. &  
Otto Ep.  
Monast.

*Virtutum fidus Otto super omnia  
fidus*

*Morte peregrina levipendo pericla ma-  
rina.*

Gubernarat annos xv, multis Ottonianarum partium injuriis agitatus. præclara cum laude Ecclesiam suam, vir Apostolicæ Sedis studiosissimus, & zelo religionis flagrantissimus; quod satis etiam hac expeditione in terram sanctam professus est. Comes licet Bentheimius, humilem tamen in literis se Ecclesiæ ministrum appellare solitus. Res ejus præclare gestas virtutesque conscripsit Hermannus quidam Monachus Campi Mariæ, quem librum invida nobis ætas subtraxit. Ottoni subrogatus festo Mariæ Magdalenzæ Theodoricus III Arnoldi Isenburgici filius, ædisque Metropolitanæ Colonienfis Præpositus; idque patrocínio Engelberti Colonienfis Archiepiscopi & consanguinei, cujuscum magna per Westphalam auctoritas erat, impetratum. Quemadmodum ejus quoque studio post Engelbertus Theodorici frater ad Episcopatum Osnabrugensem promotus, qui male a Crantzio Bruno appellatur; sed qua familiæ mercede id factum docebit ipsius Engelberti Archiepiscopi funesta cædes.

Bernardus Episcopus noster quominus in numerum cruce signatorum veniret, impediabatur senio. Laboresque illos peregrinationis domestica vigilantia, & studio religionis procurandæ compensavit, arctam non modo religiosorum Cœnobiorum, sed & Cleri Cathedralis intra claustrum socialis vitæ disciplinam conservando, quam & Honorius Pontifex hoc anno suis literis decoravit. Nam cum e nobilitate Conradus de Boffesem Huxtariz Xenodochium ad institutum Xenodochii S. Spiritus, quod Romæ Saxonum est, condere meditaretur, Pontificem Romæ adiit; is pium hoc opus, quod locum intra jurisdictionem Paderbornensis Episcopi notaret, scriptis ad Bernardum Episcopum literis in hunc modum commendat.

*Honorius III. PP. Paderbornensi  
Episcopo. Veniens ad præsentiam nq-*

*stram dilectus filius Conradus de Boffesem nobis humiliter supplicavit, ut, cum ad honorem Dei & solatium infirmorum & pauperum in loco, qui Huxaria dicitur, velit hospitale construere, ipsumque hospitali sancti Spiritus in Saxia facere censuale, illud ædificandi, & construendi capellam in eo, ac habendi cimiterium, & proprium Capellannum ad opus infirmorum & pauperum, licentiam concedere dignaremur. Nos ergo pium ejus propositum in Domino commendantes, ac fraternitati tuæ nihilominus deferentes, per Apostolica tibi scripta mandamus, quatenus cum loci diocesanus existas, eidem postulata concedas, sine juris præjudicio alieni. Datum Laterani Non. Aprilis Pontificatus nostri Anno secundo.*

Nota ex multis Corbejensium tabulis nobilium Boffesemiorum familia; servatque nomen pagus trans Visurgim Boffesemius ad radicem Solingani saltus. Superest quoque Xenodochium S. Spiritus cum æde sacra Hoxtariz ac silva ejus nominis a fundatore donata, quæ nunc omnia in manibus sunt hæreticorum. Sed longe illustrior memoria ex saxea ab Caroli M. ævo, celebri illo Saxonum seminario Romæ, quod in Xenodochium post transit. Forte illo Conradus conditor hospitio benigne exceptus, cum rediret ex itinere Palæstinæ inter cruce insignitos.

Memorabilis hic annus Frisonum clade. Pugnant illi peregre omnium prope nationum fortissimi ad Damiatam, cum domi affliguntur populares. Quippe mare supra limites longe lateque effusum plusquam decem millia hominum aquis immerfos hausit. Iram Numinis creditus est provocasse ebrius Friso, qui Sacerdoti Eucharistiam ad ægrum deferenti pixidem e manibus excussit, sacra in terram Eucharistia effusa. Haud multo post ad placandum Numen Theodoricus Monasteriensis Episcopus, cujus jurisdictioni sacra pars magna Frisiz asserta erat, missis literis solemnem incolis pœnitentiam indixit.

*Strages Frisonum a-  
quis haustorum.*

*Honorius  
Pont. con-  
cedit Con-  
rado de Bof-  
fesem facul-  
tatem con-  
dendi Xe-  
nodochii  
Huxtariz.*



Annus

# Annus Christi 1219.

Honorii III Pont. 3. Friderici II. Reg. 7.

Bernardi III Ep. Pad. 16.

Plura a Fri-  
derico Re-  
ge comitia  
celebran-  
tur.

Trahebatur in alterum hunc an-  
num, Christi videlicet Millesimum du-  
centesimum decimum nonum, Dami-  
atæ obsidio, magna cum Soldani con-  
sternatione. Is enim tanquam de reci-  
nenda Palæstina desperaret, Hieroso-  
lymam caput regni per Coradinum fra-  
trem munimentis omnibus denudari  
iussit, muris & turribus in acervum  
lapidum congestis, ceterisque sacro-  
rum ædibus subversis; parcitum tan-  
tummodo templi Domini, turri Davi-  
dis, & sepulchro Christi, quæ ob loci  
reverentiam intacta mansere. Conje-  
ctusque post in eas angustias fuit Solda-  
nus, ut si Damiatam sibi relinquerent  
Christiani, pacta offerret, quibus to-  
tum Hierosolymitanum regnum cede-  
bat Christianis, sumptusque etiam ad  
Hierosolymæ instaurationem promitte-  
bat. Respuere illa Legatus Apostoli-  
cus, Patriarcha, Episcopi, & Tem-  
plarii. Inde alternis præliis decerta-  
tum. Ac licet Calend. Septemb. Chri-  
stiani ingentem cladem acceperint a Sol-  
dano, perstiterunt tamen invictis animis;  
nec aliorum magis celebrata fortitudo  
ab Oliverio nostro, quam Templario-  
rum, Teutonicorum, & Frisonum,  
& Colonienfium: continuata in Au-  
tumni exitum obsidio, qua supra tri-  
ginta millia Saracenorum ferro, fame,  
peste in urbe absumpti sunt; eaque  
fuit debilitas hostium, ut raro pro  
stationibus excubarent. Quo comper-  
to, muros conscendunt, & in urbem  
victores Nonis Novembris prorumpunt,  
cæsis, qui superstites erant, Saracenis.  
Ingens in eo emporio auri, argenti,  
& mercium præda cessit mili-  
tibus. Cum alii permulti, tum copiosius  
ac ceteris etiam accuratius hanc obsidi-  
onem descripsit Oliverius, epistola ad  
Engelbertum Coloniensem Archiepi-  
scopum, cujus autographum, ne  
quam fidem hic desideret quispiam, est  
apud Ferdinandum Episcopum no-  
strum; quæ epistola cum a Gelenio sit  
edita, nobis hic brevitati studere vi-  
sum est.

Multos hoc anno Principum con-  
ventus habuit Fridericus Rex: primum

Magdenburgi per Quadragesimam;  
deinde Goslarie in visceribus Saxonie.  
Ibi Henricus Dux Saxonie exauctora-  
tus, iussusque auctoritate Pontificis in-  
signia Imperii Friderico tradere; id ni-  
faceret, imperatum erat Halberstadi-  
ensi & Hildesimensi Episcopis, Henri-  
cum Ducem urbemque Brunswicum  
pœnis Ecclesie subicere: vicissim ro-  
garunt, Pontifex Henricum Ducem in  
gratiam reciperet. Nihil officii inter-  
misit Pontifex, ut Fridericum Regem  
quod jam dudum voverat, pertrahe-  
ret ad expeditionem in Palæstinam:  
ejus etiam rei gratia Romam invitavit  
ad insignia capeffenda; sed hæc omnia  
illusit Rex. Tertius Principum con-  
ventus Francofurti est habitus, in quo  
Henrici filium decennem puerum Re-  
gem Germanie ex Principum consensu  
instituit.

Ad hæc Imperii comitia evocatus  
Gerhardus Bremensis Archiepiscopus.  
Multæ huic præfuit bella fuerunt cum  
Woldemaro Episcopo Sleswicensi per  
factiones contra Pontificis auctoritatem;  
& quia Woldemari partes susceperant  
Rex Danie, Otto Imperator, Henri-  
cus Palatinus, alique adversarii cum  
magnis illi æmulis luctandum fuit; do-  
nec a Bremensibus Ministerialibus eje-  
cto Woldemaro introduceretur in ur-  
bem. Tam indigne id tulit Otto Im-  
perator, ut ferro flammaque totam  
dioccesin evastaret. Bellum id fumabat  
adhuc, alebaturque ab Henrico Palati-  
no Ottonis fratre, aliisque Gerhardi  
hostibus. Quare a Friderico Rege  
Francofurtum evocate diffidentium  
partes. Eo dum Gerhardus accedit,  
Francofurti moritur. Vir egregie de  
Ecclesia sua meritis. Ac tam grata hu-  
jus memoria erat, ut in ejus locum  
Canonici eligerent Gerhardum Pader-  
bornensis Ecclesie Præpositum, Ger-  
hardi hujus Senioris Archiepiscopi ex  
fratre nepotem; Quippe, qui Bernar-  
do Comite Lippienfi Monacho, Ab-  
bate, & Episcopo in Livonia genitus  
erat, fratremque habebat Ottonem Ul-  
trajectensem Episcopum, & Bernar-  
dum Præpositum Embricensem, eum,

Gerardi Bre-  
mensis Ar-  
chiep. obit-  
us, stirps  
& commen-  
datio.

qui

qui post Paderbornensis Episcopus est delectus; quibus accedit quartus e cle-  
ro frater Theodoricus Præpositus Da-  
ventriensis. Quæ & auctor Chronici  
Montis Serei eorum temporum scri-  
ptor ad hæc tempora refert; ita enim  
hic: *Bernardus Comes de Lippia post  
multa bella, quæ gessit, Deo inspirante,  
animo habituque mutato, in quadam  
Ecclesia novella, quæ primitus Hasewin-  
ckele dicebatur; primum Cisterciensis  
ordinis Monachus factus, ac deinde cui-  
dam provincie Livoniensi Episcopus ele-  
ctus, & a filio suo Episcopo de Utrecht  
consecratus est. Cum quo etiam sequenti  
anno, Christi videlicet 1220, alium  
filium suum Bremensem Archiepisco-  
pum consecravit.* Atque hic ille Ger-

hardus eo nomine II Bremensium Ar-  
chiepiscopus, quem Bernardus Pater,  
& Otto frater Ultrajectensis, Episcopi,  
raro antiquitatis & posteritatis exemplo,  
consecrarunt Episcopum. Et Gerhar-  
dus exinde Patris, avunculi, fratrisque  
Ottonis gloriam æmulatus, præclara  
ex toga sagoque gessit pro Ecclesia Bre-  
menti, ob quæ cognomento victorio-  
sus est dictus. Omnes hi Comites Lip-  
pienses & sacrorum præsules, origo  
& decus Paderbornensis diocesis. Uni-  
cus ex his filiis familie stirps relictus  
Hermannus Comes, Lippienfium exin-  
de Comitum propagator, qui pro fra-  
tris in Palæstina absentia Ultrajectensem  
provinciam sapienter administrabat.

## Annus Christi 1220.

Honorii III. Pont. 4. Friderici II. Reg. 8. Imper. 1.

Bernardi III. Ep. Pad. 17.

*Godfrid.  
Hisor. Ul-  
tra.  
Hida in  
Oren.  
Comitia  
Francofur-  
rensis, in  
quibus pri-  
mo decer-  
nitar pro-  
fectio in  
Italiam.  
Brewer in  
annal. Trev*

Alterum dehinc anno proximo  
Francofurti conventum indixit Frideri-  
cus Rex, habuitque accessum Princi-  
pum frequentissimum. Quemadmo-  
dum id constat ex Diplomate Friderici,  
Ottoni Ecclesie Ultrajectensis Episcopo  
xiii Calend. Maji consignato. Testes  
quippe hujus diplomatis producuntur  
Sifridus Moguntinus, Engelbertus Co-  
loniensis, Theodoricus Trevirensis,  
Albertus Magdenburgensis Archiepi-  
scopi: Hugo Leodienfis, Otto Traje-  
ctensis, Engelbertus Bambergensis,  
Conradus Ratisbonensis, Hartwicus  
Eyftedenfis, Theodoricus Monasteri-  
ensis, Henricus Wormatiensis, Engel-  
hardus Nuwenburgensis, Henricus Ba-  
fileensis, Episcopi, & alii quam plu-  
res; ut verisimiliter inter eos censeam  
Bernardum Episcopum nostrum; nec  
enim in hujusmodi tabulis omnium in  
Comitiis præsentium nomina scribun-  
tur. Comites adscribuntur Otto Teclen-  
burgicus, Hermannus de Lippia,  
Wernerus de Boland, Imperialis aulae  
Dapifer. Eo in conventu Principum  
actum de protectione in Italiam ad Im-  
perii insignia capeffenda a Romano Pon-  
tifice, quæ & Principum assensu com-  
probata sunt. Imperii interim cura  
penes Henricum filium relictæ, cujus  
impuerem ætatem Wernero Bolandiz  
Comiti ac Dapifero suo primum regen-  
dam dedit; sed eo post in Palæstinam  
digressæ, Engelberto Colonienfi Archi-

episcopo filii & Imperii cura est com-  
missa.

In his comitiis, ut se gratum bene-  
ficumque ostenderet Fridericus Rex,  
insigni privilegio Episcopos Germaniæ  
decoravit. Ejus hæc capita sunt: Bo-  
na Ecclesiastici Principis a morte relictæ  
cedant Successori, si intestatus excesserit,  
aut ei quem hæredem scripserit;  
nihil ex his fiscus, nihil Laicus ex illis  
sibi vendicat. Nova telonia intra ejus  
jurisdictionem non introducantur: ve-  
tera maneat. Fugitivi Episcoporum  
servi intra civitates aliorum non reci-  
pantur. Advocati nullum damnum  
Ecclesiis inferant; illatum restituant.  
Rex jura bonaque Episcoporum tuebi-  
tur. Excommunicatos ab Episcopis,  
postquam rite denunciati fuerint, non  
recipiet, nec locus eis dabitur confi-  
stendi in judicio, priusquam intra sex  
septimanas se absolvi curent. In fundis  
Episcoporum non ædificia, non castra,  
non civitates construantur; constructa  
diruantur. Nulli ex Cæsareis, ac Ma-  
gistratibus Ministrisve liceat unquam  
in civitate Episcopali jus dicere, vecti-  
galia teloniave imperare, nisi ipso solo  
octiduo post & ante conventum in ejus-  
modi urbe jussu Cæsaris indictum;  
quod si alio, quam curiæ nomine, Cæ-  
sar ad Urbes illas veniat, nihil jurisdi-  
ctionis attingat. Testes hi sunt, Sifri-  
dus Moguntinensis Archiepiscopus,  
Engel.

*Godfr. in  
Engelb. vita  
Deinde va-  
riis Germa-  
niæ Episco-  
pi privile-  
giis a Rege  
exornantur*

Engelbertus Colonienſis Archiepiſcopus, Albertus Magdenburgenſis Archiepiſcopus, Hugo Leodiſenſis Epico-  
ſcopus, Otto Trajeſtenſis Epicoſcopus, Engelbertus Bambergeniſis Epicoſcopus, Conradus Ratiſbonenſis Epicoſcopus, Hartwicus Eyſtedienſis, Theodoricus Monafterienſis Epicoſcopus, Henricus Wormenſis Epicoſcopus, Engelhardus Newenbun-  
genſis Epicoſcopus, Henricus Baſileenſis Epicoſcopus, & alii quam plures. Signum Domini Friderici ſe-  
cundi Romanorum Regis inviſiſſimi, & Regis Siciliae. Ego Conradus Me-  
tenſis & Spirenſis Epicoſcopus Imperia-  
lis aulae Cancellarius vice Domini Sifridi Moguntinenſis Sedis Archiepiſcopi  
ac totius Germaniae Archicancellarii re-  
cognovi. Acta fuerunt haec Anno Do-  
minicae Incarnationis Mccxx, Indi-  
ctione nona, regnante Domino Friderico  
ſecundo Romanorum Rege & Siciliae  
glorioſiſſimo, anno Regni ejus in Ger-  
mania VIII. Sicilia vero XXIV. Datum  
apud Francfort 6 Calend. Maji.

Conſtituta Republica, in Autumno  
Fridericus Rex, florentiſſimo praefulum  
ſacrorum ac Principum comitatu, iter  
Romanum ingreſſus, poſtquam tran-  
ſcenſis Alpibus Veronam attingit, ſcri-  
ptis ad Honorium Pontificem literis ad-  
ventum ſuum ſignificat. Inde Romam  
invitatus ſolemni ritu in Baſilica Prin-  
cipis Apoſtolorum feſto D. Caeciliae ab  
Honorio Pontifice auguſtalibus orna-  
mentis indutus, Imperator coronatur:  
ſimul conſtantia conjux iſdem honori-  
bus decorata. Pompa peracta, admo-  
nitus Imperator voti exſolvendi, quo  
bellum ſacrum profeſſus fuerat, ab Oſi-  
enſi Epicoſcopo crucem accipit, rurſum-  
que, ut Aquisgrani fecerat, ad ſacram  
ſe militiam vovet. Roma in Apuliam  
digreſſus multa cum finitimis Saracenis,  
ut Trithemius ſcribit bella geſſit; nihil-  
que impenſius habuit, quam ut Apu-  
liam & Calabriam ſibi ex paterna haere-  
ditate affereret ſubjectas.

Imperii interim adminiſtratio En-  
gelberto Colonienſi Archiepiſcopo da-  
ta. Is enim tanquam alter Anno ali-  
quis, qua erat auctoritate & ſapientia  
apud Principes, Germaniam ſub auſpi-  
ciis Henrici filii decennisque pueri ma-  
gna tranquillitate bonoque gubernabat:  
interque praecleara ejus opera memoran-

tur exacti praedones, compoſitae lites,  
dotata inſtitutaque religioſorum Ceno-  
bia, reſtituta pax & diſciplina cleri.  
Felix etiam Colonia & dioceſis Coloni-  
enſis duorum religioſorum Florentiſſi-  
morumque ordinum, Dominicanorum  
& Franciſcanorum accellu, qui exinde  
late per Weſtphaliam & Saxoniam pro-  
pagati. Ac Dominicani primi Ducto-  
resque aliorum fuerunt Henricus  
Theutonicus, & Jordanus Saxo, viri  
doctrina, religione, atque vitae ſancti-  
monia ea tempeſtate celebres; qui quo  
Pariſiis in literarum ſtudia convenerant,  
eo ſimul Spiritu divino afflati, in Do-  
minicanorum familiam a Reginaldo,  
quem S. P. Dominicus Pariſios miſerat,  
cooptati erant. Utrumque miris lau-  
dibus exornat Cantipratanus, aequalis  
temporum ſcriptor, & Henrico Theu-  
tonico familiaris; ab eoque uterque Sa-  
xo appellatur, ut & alii, qui originem  
utriusque viri accuratius inveſtigant,  
gente Weſtphalos, & in dioceſi Pader-  
bornenſi natos tradunt. Sane Henri-  
cus Theutonicus patrum habuit mili-  
tem, ut Cantipratanus reſert, in par-  
tibus Theutonicis atque Oppido Mon-  
tis Martis, a quo Pariſios juvenis ſit  
miſſus ad ſublimiora ſtudia capeſſenda.  
Is autem locus, qui nunc Stadberga  
vulgo dicitur, a Caroli M. aevo intra  
jurisdictionem Epicoſpi Paderbornen-  
ſis cenſetur; quemadmodum & mons  
ille Corbejenſibus noſtris attributus  
eſt a Carolo M. De Jordano, qui poſt  
D. Dominicum ſupremus ordinis magi-  
ſter Reſtorque delectus eſt, certior eti-  
am fides. Nam Jordano, quem Le-  
ander, Albertus Bonnenſis, & Theo-  
doricus Saxonem vocant, hunc Canti-  
pratanus ſcribit natale Oppidum habu-  
iſſe Botergam. Quae autem illa Boter-  
ga ſit inter Saxones Weſtphalosve, mul-  
tum requirunt Scriptores. Faſti Oſna-  
brugenſes a Franciſco Wilhelmo eorum  
Epicoſpo editi, Badbergam ejus dio-  
ceſis pagum in Satrapia Furſtenavenſi  
ad Haſam fluvium interpretantur, ſuae-  
que dioceſis indigenam ſtatuunt Jorda-  
num. At dum annales Dominicanorum  
Jordano natalem locum in Mo-  
guntina dioceſi fuiſſe ſcribunt, nec  
Badberga Oſnabrugenſis Oppidum hu-  
jus dioceſis ſit, alibi natalis locus qua-  
rendus eſt. Quapropter Gelenius, Ma-  
linckrotius, atque ex eorum ſententia  
Bollandus & Henſchenius Bortgentrica,  
S s s s

Sub quo  
Franciſcani  
& Dominici  
cani intro-  
ducti in Di-  
oceſin,  
Colom.

Dominica-  
norum Do-  
ctores Hen-  
ricus &  
Jordanus,  
Saxones &  
Weſtphali  
e dioceſi  
Paderborn.

Leander, in  
vita Jord.  
apud Sur-  
ſom. 7.  
11. Feb.  
Theodor. in  
vita S. Do-  
minici.  
Cantiprad.  
lib. 2. c. 57

Op-

Fridericus  
Imperator  
Romae co-  
ronatur.  
Godfrid.  
Urbisberg.  
Richard. de  
S. Germ.  
Albert.  
Stat. in  
Chron.  
Secro in  
annal. apud  
Camif.  
Chron.  
Mons. Ser.  
Trithem.  
qui male ad  
annum pro-  
cedentem  
hac reſert  
Chron.  
Colm.  
Auſtrale  
Kyalgenſe.

Imperii in-  
terim ad-  
miniſtratio  
penes En-  
gelbertum  
Colon.  
Archiep.

Oppido diœcesis Paderbornensis, oriundum volunt. Alii Padberga natum censent quæ arx per id tempus celebris erat in edito monte cum subiecto Oppido, ac sedes Dynastarum Padbergenfium, haud procul a monte Martis; ut verisimile habeas Henricum Theutonicum & Jordanum ex vicinis Oppidis populares fuisse, qui simul post humaniora studia domi exulta Parisios profecti sunt. Sive jam Borgentricam, sive Padbergam prope montem Martis natale Jordano solum statuas, utrumque locum Paderbornensis diœcesis sibi vendicat, quæ una est Moguntinæ metropolis: & Padbergam, quidem donatione S. Henrici cessisse Meinwerco Episcopo, supra docuimus; tamen si castrum Padbergenfense anno 1217 ab Engelberto Colonienfi Archiepiscopo Godeschalco Patibergenfi feudi titulo donatum reperiam. Adeo per id tempus Padberga etiamnum colebatur. Nec defunt, qui Jordanum ex Padbergenfium Dynastarum familia ortum volunt. Tam illustribus denique viris nobilitata Paderborna, quorum res pro Ecclesia gestas hic supervacaneum commemorare, quæ in annalibus copiose narrantur.

Bolland. in  
notis ad vis  
tam Jordan  
ni.

Jordanus vis  
ta a Leans  
dro conscrip

Ex Franciscanorum quoque ordine hoc anno advenisse Coloniam primum Sacerdotes, docet vetus templi apud Fratres Minores Colonix inscriptio. Id quanto Engelberti Archiepiscopi studio factum est, tanta caritate amplexi sunt illos cives, a quibus mox primus Patribus locus construendi Cœnobii ac templi in medietate urbis attributus est. Ex his duobus Colonienfibus Seminariis Dominicanorum & Franciscanorum late per Westphalam & Saxoniam familia propagari cœpta, ac brevi Franciscani provinciam xlvii Cœnobiis florentem habuere.

Sed non eo veteris instituti Monasteria Virginum neglecta, quæ uti Bernardus Episcopus noster hætenus multis donationibus auxit, & religiosa disciplina excoluit; ita Honorius Pontifex ad Episcopi commendationem Wilbacensium Virginum Cœnobio omnia privilegia ac bonorum possessiones Apostolica auctoritate corroboravit.

*Honorius Episcopus Servus servorum Dei, dilectis in Christo filiabus Mo-*

*nialibus Ecclesiæ de Wilbodeffen Paderburnen diœcesis salutem & Apostolicam benedictionem. Justis petentium desideriis dignum est nos facilem præbere consensum, & vota, quæ a rationis tramite non discordant, effectu prosequente complere. Eapropter dilectæ in Christo filiæ vestris justis precibus inclinati personas vestras cum omnibus bonis, quæ in præsentiarum rationabiliter possidetis, aut in futurum justis modis præstante Dno poteris adipisci, sub beati Petri & nostra protectione suscipimus. Specialiter autem possessiones de Waturvelde, & de Clemenberga, ac alia bona vestra, sicut ea omnia juste ac pacifice possidetis, vobis & per vos ipsæ Ecclesiæ vestræ auctoritate Apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ protectionis & confirmationis infringere vel ausu temerario contraire. Si quis autem hoc attemptare præsumpserit indignationem Omnipotentis Dei, & beatorum Petri & Pauli Apostolorum ejus se noverit incursum. Datum Viterbii, III Non. Martii, Pontificatus nostri anno quarto.*

Litteræ Honorii Pontificis quibus privilegia Cœnobiis Wilbacensibus confirmat.

Et vero quia per id tempus magnæ auctoritatis erat apud Cæsarem & Principes Imperii Engelbertus Colonienfis Archiepiscopus, multisque turbis Saxonia concuti cœperat, Abbas Helmwardehusanus mediam Oppidi sui Helmwardehusani partem Engelberto Archiepiscopo defensionis causa cessit; neque ingratum id erat Archiepiscopis illis, quo limites ducatus Westphaliæ, potentiamque ad ipsas simul Visurgis ripas proferrent. Quamquam & Monasterium illud & Oppidum dono D. Henrici Imperatoris Meinwerco & Paderbornensi Ecclesiæ datum fuerit, ex indeque etiam cum Abbates & Oppidum se jurisdictioni Paderbornensis Episcopi subtraherent, multis Episcoporum nostrorum bellis, ut ex monumentis nostris compertum habemus, oppugnati expugnatique sint. Sed nunc ipsas tabulas hætenus nondum editas, quibus inter Abbatem & Archiepiscopum conventum est, proferamus.

*In nomine sanctæ & individue Trinitatis, Engelbertus divina favente clementia*



Abbas  
Helmwar.  
desbusanus  
dimidieta.  
tem oppidi  
tradit Ar.  
chiep. Col.

mentia sanctæ Coloniensis Ecclesiæ Archiepiscopus universis Christi fidelibus hanc paginam inspecturis in perpetuum. Quoniam ea, quæ aguntur in tempore, ne ex temporis diuturnitate ab humana labantur memoria, plerumque solent indicio scripturæ æternari; Eapropter testimonio præsentium notum facimus universis, quod Abbas in Helmwarzhusen, consilio & voluntate sui conventus, pro spe pacis ipsorum & defensionis, Nobis & Ecclesiæ Coloniensi donavit & recognovit medietatem Oppidi memorati, prout in præsentiarum inhabitatur, & in futurum ampliabitur cum moneta, theloneo, jurisdictione, censibus, & omnibus proventibus perpetuo possidendam, sub ea forma, quod jurisdictionis prædicti Oppidi per manum suam, consilio tamen & ordinatione Marschalci nostri, seu alterius nuntii nostri, in homines, qui sunt de familia Monasterii locabuntur. Quia vero Monasterium prædictum Advocatum ante non habuit, jus sibi Advocatiæ reservavit. Emolumentum autem totius exinde derivantis dimidium, sicut præscriptum est, ad nos spectabit, præterquam gladii exempti. Judex autem jurabit, quod questum omnem sepefati Oppidi fideliter tam nobis quam Abbati partietur. Adjectum quoque est quod jus patronatus adhuc ibidem construendæ ad Præpositum pertinebit, & ipsius Ecclesiæ redditus utilitati fratrum provenient ad stipendiorum suorum supplementum. Ab hac autem donatione excipiuntur Allodium Monasterii memorati,

duo molendina eidem ab antiquo pertinentia, duæ aræ piscatorum, & una aræ fabri, Abbati specialiter deservienti. Quæ omnia sicut & nunc integraliter ad Monasterium spectabunt prænotatum. Si processu vero temporis aliquis successorum nostrorum de bonis prælibati Monasterii plus sibi quam ordinatum & conscriptum est, usurpare attemptaverit, omnia quæ Ecclesiæ Coloniensi donata sunt, ad ipsum Monasterium redibunt. Ut autem hæc omnia rata & inconvulsa, futuris observentur temporibus, sigilli nostri ac majoris Ecclesiæ Coloniensis Karaktere præsentem paginam fecimus insigniri. Hujus rei testes sunt Conradus majoris Ecclesiæ Coloniensis Præpositus & Archidiaconus, Gozwinus major Decanus & Archidiaconus, Hermannus S. Gereonis Decanus, Gerhardus Decanus S. Severini, Vortlivus Decanus S. Georgii, Henricus Præpositus Carpenfis, Pylegrinus & Godefridus Notarii, Joannes Præpositus Heldewardenfis, Gerungus Decanus, Bertoldus Custos, Conradus Camerarius, Joannes Plebanus & Præpositus, Adolphus Comes de Marchia, Hermanus de Lippia, Hermanus Advocatus Coloniensis, Hermannus Marschalcus, Bruno Pincerna, Riquinus Marschalcus Westphaliæ, Hermanus Scultetus Susatiensis, & alii quam plures. Acta hæc sunt Anno Domini Incarnationis M ducentesimo vigesimo, decimo septimo Calend. Augusti, Indictione octava.

## Annus Christi 1221.

Honorii III. Pont. 5. Friderici II. Reg. 9. Imp. 2.

Bernardi III. Ep. Pad. 18.

Odericus in  
hist. Eccles.  
Honor. epist.  
351.  
Godefrid.  
Ursberg.  
Paris. ex li-  
bris Albo-  
rici.  
Petrus de  
Monte acut  
Pontifex  
bellum sa-  
crum pro-  
mover.

Inter hæc Pontifex hoc anno nihil sollicitius egit scriptis ad Reges & Germaniæ Principes literis, quam ut aliæ atque aliæ suppetiæ in Palæstinam mitterentur. Hanc in rem in Germaniam miserat Conradum Moguntinum Scholasticum ac pœnitentiarium suum, qui populos ad sacrum bellum inflammaret. Fecit id ille constanter. Ac licet interea Hildesienfis Episcopus esset delectus, eamque electionem ratam habuisset Pontifex; non destitit tamen Pontifex cœpti muneris admonere rogareque, ut per ceteros Concionatores eadem opera sumeretur. Ob id

scriptæ etiam ad Saxoniam Ducem literæ, quibus idem efflagitat Pontifex. Et capta quidem magno triumpho Damiana tenebatur a Christianis; sed ea pericula imminebant a Saracenis, & recessu Christianorum ex militia & castris, ut nisi alia subsidia advenirent, omnis hæctenus parta victoria cum probro Christiani nominis refluxura nunciaretur ex Syria. Quare ad Pontificis sollicitationes tantus ex Germania, Italia, Francia, Anglia, ceterisque regnis fluxit cruce signatorum exercitus, ut septuaginta armatorum millia (Godefridus ad ducenta millia auget) numerarentur,

Ssss 2

InfelixChri-  
stianorum  
cum Sara-  
cenis con-  
gressus.

rarentur, qui Damiata egressi secundum Nilum, pars terra, pars flumine, Cairum versus ingentibus animis iter instituere; tanquam Cairo expugnato totam Ægyptum inter se divisuri. Jam ad quatuordecim milliaria processerant, cum Saraceni, ubi Nilus se in duo scindit divortia, se objecere cum innumeris copiis, Castello etiam munitissimo excitato, in ulteriori ripa, ex quo transitus Christianis præclusus, ne qua annonæ subvehi posset. Ibi cum inter fluctuantia consilia hæerent Christiani, decem millia ab exercitu recessere; sed eo animosiores, qui in terrestri exercitu erant, Saracenos cum magna clade repellunt; quibus exacerbati barbari verso in Christianos furore septingentas & quinquaginta Christianorum naves injecto igne græco exurunt: interclusisque terra & flumine viis, exercitum Christianorum retro paludes compellunt. Tum vero solutis Nili cataractis, infusisque, quas inter colles collegerant aquis, tanquam rete inclusum piscem tenuere. His angustiis circumventi, ut vitam redimerent, coacti sunt sese Soldano in natali Virginis dedere; interque cetera pacta Damiatam restituere convenit. Triginta millia captivorum erant; quos tamen benigne & sine maleficio abire permisit. Mirarum catastrophe ex abditis Dei iudiciis ingemiscente orbe Christiano, ex tanto belli apparatu tantisque laboribus non nisi miserandam cladem nunciari, omniaque refluerere ad Saracenos, dum summa felicitas non capitur.

Hoc malorum conspectu Oliverus noster, quem ad id tempus adhuc in Palæstina substituisse dixerim, magnopere afflictus cum suis Colonienfibus in Germaniam rediit; salutatoque ex itinere Romæ Honorio Pontifice, omnem rei eventum exposuit: quem ille virum ob fervorem religionis, sapientiam, fidos sacri belli labores tanti fecit, ut biennio abhinc Paderbornensi Episcopatu decorarit.

Hærebat per hæc in Italia Fridericus Imperator, jus per Thusciam & Lombardiam dicendo; cum Engelbertus Colonienfis Archiepiscopus jam plena potestate donatus Imperii restitutorio munere præclare administrabat, filiumque Imperatoris Henricum domi

apud se egregiis Principum moribus & institutis formabat. Monitus is erat hoc anno ternis a Pontifice Honorio literis, Advocatorum insolentiam & injurias censuris ac pœnis Ecclesiasticis coerceret. Nam id genus hominum magno passim per id tempus Ecclesiarum & Cœnobiorum malo per Germaniam invalescebat; quod sub velamine malitiæ, ut Pontifex scribit, libertatem in bonis Ecclesiasticis ex jure Advocacionis obtenderent: nec solum prodigaliter debaccharentur, sed & prædonum in modum bona Ecclesiæ diriperent. E quorum numero tum compertus, accusatusque apud Pontificem Fridericus Isenburgicus Comes ad Ruram, qui Essendienfis Collegii Virgines, quas Pater vexaverat, ipse spoliis ad inopiam prope exhauriebat; nihil vero intermittebat Engelbertus, quo consanguineum Comitem ad sanio rem mentem reduceret. Quibus Comes magis efferatus cœpit spoliare Virgines, & Archiepiscopi monita contemnere, donec res in tragicum Engelberti exitum post quadriennium erumperet.

Haud dissimili insolentia divexabat Marienfelsen Cœnobium Volcquinus Swalenbergensis Comes, nobile prædium Stapellagium cum æde sacra per vim rapiendo; quod cum Winricus Abbas doceret a Widekindo Rhedenfi Dynasta & Waldecensibus Comitibus olim rite Cœnobio donatum, Engelbertus cum per Westphaliæ jus diceret, in publico multorum præsulum ac procerum conventu, cui Bernardum Paderbornensem Episcopum nostrum adesse voluit, Volcquinum Comitem ad restitutionem compulit: ac ne deinceps turbaret religiosos viros, tabulas comminatione anathematis intentata confecit. *Testes hujus rei sunt Dominus Bernardus Paderbornensis Episcopus, Conradus majoris Ecclesiæ in Colonia Præpositus, Henricus Abbas Helmswordisbusanus, Albertus Abbas Paderbornensis, Godefridus Comes Arnsbergensis, Adolphus Comes de Dassel, Adolphus Comes de Marka, Otto Comes de Eversteine, Hermannus Comes de Lippia, & Bernardus filius ejus, Bernardus de Osedhem, Bertholdus de Buren, Godeschalcus de Patberg, Wernerus de Brakele, Hermannus de Rudenberg & Conradus filius ejus, Rotgerus de Burbunne,*

*Sinus p. 2. tom. 3. concil. Gelen. in vi. p. 85. 86. 87. Engelbertus a Pontifice admonetur, ut Advocatorum insolentias coerceret.*

*Idem Marienfelsen. ses tuetur adversus injurias Comitum Swalenbergens. Littera Cam. pi Maria.*

ne, Schultetus Sufatienfis, Henricus Mareſchallus, Everhardus de Everthe, Widekindus de Nurenberg, Hollebertus de Manen, Bertholdus de Hildeshem, & alii quam plures. Acta ſunt hæc anno Dominicæ Incarnationis MCCXXI. Indiſt. IX. Pontificatus noſtri anno IV. Rurſum Bernardus Epiſcopus noſter

hoc anno, quem XVII Pontificatus ſui inſcribit, Wilbacenſi Virginum Cœnobio decimas novalium Amelungi Comitſ e-largitur. Præſul, qui continuis donati-onibus, & pietatis officiis ( qua ſuper re tabulæ apud nos extant teſtibus confi-gnatæ ) ſe ad felicem vitæ exitum ex ſenio paraſſe viſus eſt.

## Annus Chriſti 1222.

Honorii III Pont. 6. Friderici II Reg. 10. Imperat. 3.

Bernardi III Ep. Pad. 19.

Pacatiſſima per id tempus Germa-nia quam Fridericus Imperator Henri-co filio & D. Engelberto adolescentis moderatori, viro ſapientiſſimo, regen-dam dederat. Atque is poſtquam ex Italia ab Imperatore literas accepit de inaugurando filio, legatque ejus rei gratia ab Imperatore acceſſere in Ger-maniam, Engelbertus Aquisgrani con-ventum Principum indiſt. IX. in quo ma-gna celebritate Henricum eo nomine VII, Germanorum Regem, ex Maria Aragonia ſuſceptum, VIII. Idus Maji, Dominica quæ aſcenſionem Chriſti an-tecedit, coronavit. Id cum ab Engel-berto Colonienſi Archiepiſcopo factum ſcribat Godefridus, Cæſarius, alique, falli dixeris ſcriptorem, qui ab Ottone Herbipolenſi Epiſcopo inunctum tra-dit. Interfuere coronationi Epiſcopi ac Principes viri permulti, quorum magna pars ex diplomate, quod Mi-ræus recitat, Aquisgrani conſignato conſtare poteſt: Siſfridus nimirum Mo-guntinus, & Theodoricus Treviren-ſis Archiepiſcopi, Conradus Metenſis & Spirenſis Imperialis aulæ Cancellarius, Hugo Leodiſenſis, Herbipolenſis, & Auguſtanus Epiſcopi. Godefridus Comes de Dyſt, Comes Palatinus Rhe-ni, Comes Ludowicus de Wertenberg, Adolphus Comes de Marke, Frideri-cus Comes de Altena, Theodoricus de Hinsberg, Lotharius Comes de Hochſteden, Comes de Caſſele, Hen-ricus Dapifer de Wadburg, Pincerna Wernerus Bolandt, Gerhardus de Se-neka alique. Quibus tamen non ex-cluduntur reliqui Epiſcopi, quos inter Bernardum Epiſcopum noſtrum ex ea celebritate numeraveris.

Annus hic licet Imperio quietiſſi-mus, horribili tamen terræ motu 3. I-dus Januarii concuſſa Germania, quo

multa ædificia in ruinam data.. In Sa-xonia ingens nubes tempeſtate cœli ru-pta Oppidum Iſſere cum Monasterio D. Benediſti Winendeburg intra duos montes ſitum obruit, hominibus peco-ribusque extinctis. Alibi in Saxonia 20 homines in theatro fulmine ſimul percuſſi interiſſe. Multis ejusmodi prodigiis annus fatalis fuit. Fine anni, pridie videlicet Nonas Novembris, ce-leberrima in Weſtphalia Monasterii Ci-ſtertienſium quod Mariæ campus dicitur Baſilica dedicata eſt. Magna cele-britate hæc conſecratio peracta eſt; ad quam Epiſcopi convenere Theodori-cus Monasterienſis, Adolphus Oſna-brugenſis, Conradus Mindenſis, & Bernardus de Lippia Selonienſis, ſeu ut alii vocant, Lealenſis in Livonia E-piſcopus; aramque principem conſecra-vit Theodoricus Monasterienſis Epiſco-pus; ea quæ ad ſiniſtram chori par-tem ſunt altaria conſecravit Mindenſis, quæ ad dextram Oſnabrugenſis, cetera Bernardus Lealenſis Epiſcopus. Ma-gnifica in hunc diem Baſilica, & ſolidi operis ſtructura, in qua tot annis labo-ratum. Sed non minus inter Epiſco-pos ſpectabilis Bernardus Lippienſis, ante complures annos ex Comite ac belli Duce in eodem Cœnobio Mona-chus, vir ſenio venerabilis & Spiritu Apoſtolico plenus, a quo per id tem-pus Lipſtadii in Oppido, quæ prima & hæreditaria Lippienſium Comitum Sedes fuit, tum Schawenburgii, aliis-que in locis complures ædes ſacræ al-tariaque conſecrata ſunt.

At quæ cauſa virum hunc ex Li- vonia in Weſtphaliā evocarit, com-monſtrat afflictuſ Livoniæ ſtatus; quod per id tempus Livones Eſtlenſes a Ca-tholica religione ad Idolorum cultum relapſi, fœdus cum barbaris & Ruthe-nis

Cæſarius  
l. 10 c. 50.  
c. 51 & 41

Chron.  
Marienſ.  
Juſtin. in  
Lippif.  
Heiſter. in  
ſuffrag.  
Conſecra-  
tio templi  
Marienfel-  
denſis.

Henricus  
VII. Germa-  
norum Rex  
ab Engel-  
berto coro-  
natur.  
Godefrid.  
Cæſar. l. 1.  
c. 5 in viſa  
Engel.

Miræus in  
not. Belg.  
l. 196.

Turbatus  
Livoniæ  
ſtatus, cui  
cauſam de-  
dere Tem-  
plarii.

Alb. Stad.  
Honor. epist.  
218 & 221  
lib. 6.

nis inierint. Qua gentis rebellionē ante biennium Theodoricus Eſtienſis Episcopus, quem a Bernardo Episcopo nostro Pontifici commendatum & in Saxonia consecratum Episcopum diximus, interemptus martyrii lauream cum Bertholdo antecessore suo Episcopo conjunxit; quemadmodum hæc Albertus Stadenſis scribit. Magnam hujus rebellionis causam dedere Templarii, recens ad Christi fidem deductos Livones iniquis modis vexando, & candentis etiam ferri judicio insolentius tractando; quo factum est, ut Ruthenis accedere maluerint Livones, & ab iis Græcorum ritus suscipere. Ob quæ crimina Templarii ab Honorio Pontifice serio admoniti, & graviter perſtriſti sunt. Et Honorius Pontifex licet hoc anno totus eſſet in excitandis Christianis Principibus ad prioris cladis ignominiam quam a Saracenis acceperant vindicandam; non tamen omiſit epiſtola ad omnes Saxoniarum Principes data inflammare simul Saxonum animos ad cœptum Livoniarum bellum adverſus barbaros, rebellesque ejus provinciarum populos. Ac Livoniam quidem & Lealenſem provinciam hoc anno Daniæ Rex cum Alberto Comite ingreſſus, fugatisque christiani nominis hostibus urbem in ea condidit; quæ tamen haud multo poſt a paganis everſa eſt. Hæc igitur Livoniarum & Eccleſiæ ſuæ neceſſitas excivit Bernardum Episcopum in Weſtphaliā ad nobiliū ceterorumque quos in Livoniam ſecum traduceret, animos ſecundum Pontificis voluntatem, excitandos. Ac divino munere ad id opus obtiſſe videri poterat Bernardus Episcopus, qui ex familiæ inter Weſtphalos claritudine & conſanguinitate novum ruſum agmen tam militum quam Sacerdotum ſecum duxit in Livoniam; totaque hæc expeditio Saxonici exercitus tam felix fuit, teſte Stadenſi, ut & vindicta ſumpta a rebellibus, & Christi religio inter barbaros ſit firmata. Cœpit poſt illa ſeminarium illud nobilitatis Weſtphaliæ in Livonia quotannis concuſſu inclareſcere, familiis in hunc diem clariſ. Perſtitit ab hoc ſucceſſu Bernardus in Livonia, & Solonenſi ſuo Episcopatu, magnus ad extremum vitæ chriſtianæ religionis inter barbaros propugnator. Illuſtrior ex ſacra toga Christi miles, quam ante ex ſago militari conſpectus. Quanquam ad

quem exinde annum vita illius extracta ſit, nondum ex certis monumentis compertum habeam. Nam qui ex ſcripto quodam Hermannii filii, quod anno 1244 obſignaffe traditur, ſuperſtites annos vitæ æſtimant, longius mihi procedere videntur, quam ætas ferre poſſit. Mortuus eſt in Oſilia Inſula; Ac cum Dunemundæ Abbas in continentem corpus transferret, coorta tempeſtas Abbatem & vectores in mare excuſſit demerſitque: altera die Abbatibus & Episcoporum corpora ad littus delata uno ſimul tumulo integuntur; tanquam morte conjungi voluerit Deus, quos vita ſemper conjunctiſſimos habuerat.

Vidit & hoc anno Weſtphalia Jordanum ſuum in locum D. Dominici, quem ſuperior annus 8. Idus Auguſti cœlo intulerat, ſupremum ordinis magiſtrum ſubrogari. Vix ille triennium ordinem religioſæ vitæ expleverat, cum Pariſiis in comitiis Patrum ſupremæ illi præſecturæ communi ſuffragio admoveatur. Tantæ in viro naturæ dotes & doctrinæ, tam matura prudentia vitæque ſanctimonia conſpecta. Surgentem florentiſſimum ordinem in XV annum præclara cum laude rexit, quem latiſſime per Saxoniam noſtram & univerſam prope Europam incredibili Eccleſiæ fruſtu propagavit. Memorant ſupra mille religioſos ſuo conſilio vitæque exemplo traxiſſe ad ordinem ſuum; quos inter Albertus M. & Joannes gente etiam Weſtphalus ac quartus ordinis ſupremus Rector. Supervacaneum referre cetera, cum ea Leander Bononiensis in vita Jordani luculenter conſcripſerit. Sub id tempus, cum Engelbertus Coloniensis Archiepiſcopus Attendoriam in Ducatu ſuo Weſtphaliæ præmuniret; & jure civitatis donaret, aliam quandam munitionem Oppidumque haud procul a Cœnobio Helmwardeshuſano ad fines Haſſiæ conſtruxit, exornandi firmandique Ducatus ſui cauſa; id quia juri Abbatis Helmwardeshuſani derogabat, in controverſiam venit; quæ tamen haud multo poſt inter duos hoſce præſules amice compoſita eſt, & ab Honorio Pontifice interpellato hiſce literis compoſita.

Jordanus  
ſecundus  
ordinis præ  
dicatorum  
Generalis.

Controverſia  
inter Archiep.  
Col. & Abbatem  
Helmwardeshuſ.  
opus Honorii  
P.P. componitur.

*Honorius Episcopus Servus servorum Dei. Dilectis filiis Abbati & conventui Monasterii de Helmwardeshusen salu-*

salutem, & Apostolicam benedictionem. Cum a nobis petitur, quod justum & honestum est, tam vigor æquitatis, quam ordo exigit rationis, ut id per sollicitudinem officii nostri ad debitum perducatur effectum. Eapropter Dilecti in Domino filii vestris justis postulationibus grato concurrentes assensu, compositionem, quæ inter vos ex parte una & venerabilem fratrem nostrum Coloniensem Archiepiscopum ex altera super munitio-  
ne quadam & Oppido juxta Monasterium vestrum constructis, & rebus aliis amicitabiliter intercessit, sicut sine pravitate provide facta est, & ab utraque parte sponte recepta, & hæcenus observata, & in ejusdem Archiepiscopi literis exinde confectis plenius continetur, auctoritate Apostolica confirmamus, & præsentis scripti patrocinio communi-  
mus. Nulli ergo omnino hominum liceat hanc paginam nostræ confirmationis infringere, vel ei ausu temerario contra-  
ire. Si quis autem hoc attemptare præsumpserit, indignationem Omnipotentis Dei, & beatorum Petri & Pauli Apostolorum ejus se noverit incursum. Da-

tum Lateran. VII Calend. Februarii Pontificatus nostri anno septimo.

Haud minus laudabili opere Bernardus Episcopus noster liberalitatem suam expendit in dotandis Cœnobiis suæ diœcesis, demerendisque sibi religiosorum precibus apud Deum: ejus rei gratia hoc anno prædium Burch a Meinwerco Ministeriali suo, quod feudi dono tenebat, certa pecuniæ summa a se redemptum Virginibus, Gerdensis Cœnobii pia liberalitate contulit, certa spe, ut in tabulis addit, confusus. Ecclesiam Paderbornensem nullo Laicorum ministerio tantum juvari posse, quantum indefessis Virginum Christi orationibus defendi; tanquam incolumitates suæ diœcesis inter civilia bella magis adscriberet religiosorum suorum precibus, quam castrorum munimentis. Acta sunt hæc anno gratiæ MCCXXII. Testes Joannes Scholasticus Ecclesiæ majoris, Conradus Custos, Wernherus de Arnheim Mindensis Canonicus, Cappellarii nostri Magister Bernbardus & Godeschalcus, Laici Bernardus de Ofede, & Ministeriales nostri aliique, quam-  
plures.

Bernardus Ep. Gerdensis Cœnobio donat prædium Burch dictam.

## Annus Christi 1223.

Honorii III. Pont. 7. Friderici II. Reg. II. Imper. 4.

Bernardi III. Ep. Pad. 20. & ultim.

Odor. in  
hyst. Eccl.  
Honor. l. 7.  
epist. 141  
& 176. ad  
Philip.  
Branc. Reg.  
Pontifex  
pro expedi-  
tione in Pa-  
lestinam  
denuo sus-  
cipienda  
concilium  
militare ce-  
lebrat.

Inde postremum vitæ annum ingressus Bernardus Episcopus noster, Christi videlicet vigesimum tertium supra millesimum ducentessimum, quo Honorius Pontifex militare concilium in Campania habuit: ad quod accessere Fridericus Imperator, Joannes Hierosolymitanus Rex, ac tres supremi militarium ordinum magistri, Hospitalarium, Templariorum, & Teutonicorum, aliique rei militaris experientissimi duces ac proceres. Actum eo in concilio de subsidii belli sacri adversus Saracenos ex prioris victoria Palæstinæ incumbentes. Magnum hujus rei momentum attulit Fridericus Imperator, expeditionem in Syriam professus; quam in rem ipsi filia Hierosolymitani Regis desponsata (nam priorem conjugem superiori anno amiserat) quæ tum Regina appellata, eoque consilio Imperatori data, ut dotatus regni sacri titulo bellum sacrum majori animo cape-

Honor. epist.  
179. lib. 7.

feret. Hinc Siciliæ Rex, qui tum Fridericus erat, Hierosolymitani regni ti-

tulum habuit. Pontifex cum ad omnes Europæ Reges, tum scriptis etiam ad Thuringiæ Landgravium ac Saxones literis, ad sacrum illos bellum invitavit. Ad has Pontificis literas Concionatores, ut Godefridus scribit, populum incenderunt, personuitque tuba belli sacri per totam Germaniam & Saxoniam. Ac ne ex Dania belli hujus subsidia impedirentur, scripsit Pontifex ad Engelbertum Coloniensem Archiepiscopum, ageret de Waldemaro Rege Daniæ liberando, quem una cum filio Henricus Comes Suerinensis per astum militarem noctu interceptum captivumque arce Danneburgensi ad Albim incluserat. Idem negotium liberandi Regis Lubecensi, Verdeni, ceterisque Saxoniarum Episcopis a Pontifice commendatum. Quam in rem Engelbertus Colonien-  
sis Archiepiscopus, Imperii Vicarius, Northusii conventum Principum indixit; quo tamen Regis liberatio nondum impetrata a Suerinensi Comite, uti Godefridus est auctor. Invisus enim

Honor. lib. 8  
epist. 82.  
Godefrid.  
in annal.  
Alb. Stad.  
in Chron.  
Hystor. Bra-  
menj. Arch.  
Crantz. l. 7.  
Saxo. c. 38.



enim erat Rex Waldemar, qui non modo Archiepiscopi Bremensis, sed & aliis Comitibus urbes castraque intra Imperii fines eriperet; Regum nimirum actus ambitione & cupiditate, flammæ instar vicina corripiente.

Civitas Brakelensis cum castro Hindenburg dono Canoniarum virginum Herisfensium accedit Ecclesie Paderbornensi.

Aucta est Ecclesia Paderbornensis hoc anno civitate Brakelensi, & castro Hindenburgensi, quod in edito adituque urbis monte conspicitur, & nunc Hinneburg appellatur, sedes nobilium Assenburgicorum. Hæc enim duo loca donatione Abbatissæ Herisfensium Virginum Canonicarum ultro Bernardo Episcopo oblata, & tradita sunt: sive id liberali dono gratoque Virginum animo sit factum, sive insolentia civium & fiduciariorum nobilium, inermes Virgines divexantium, quod verisimilius reputes. Hinc illæ ad tutelam ceterorum bonorum Paderbornensi Episcopo ejusque Successoribus donare, quam in profanorum manibus relinquere maluerint, quæ ipsæ Cæsarum ac Regum liberalitate largius acceperant, quam posteriorum temporum iniquitas perferre sineret. Digna certe Bernardi Episcopi compensatio; qui cum ipse suas opes in Cænobia religionis erogarat, hoc postremo vitæ suæ anno tam nobili dono remuneraretur; quo constaret sæpe Episcopis in disciplinam Cleri intentis, pieque ac modeste viventibus ampliora bona obvenire a Deo, quam armis aut politicis artibus quærantur. Poscit nunc res nostra ipsas donationis tabulas proferre.

Sophia Dei gratia Abbatissa secularis Ecclesiæ Herisfensis salutem omnibus in perpetuum. Temporales actus mortalium delet oblivio, nisi fideli scripturarum testimonio posteris innotescat. Quapropter notum facimus universis tam præsentibus quam futuris, quod nos cum conventu nostro plures tractatus publicos & solennes habuimus, & observatis omnibus, quæ de juris vigore servari debuerunt, tandem de pleno consensu, & cum bona voluntate ipsius conventus nostri, & omnium illorum, quorum in hoc fuerat consensus merito requirendus, donavimus & donamus venerabili Domino nostro Bernardo Episcopo, capitulo Ecclesiæ Paderbornensis, donatione vera, plena, & perfecta, atque ex nunc in perpetuum valitura,

proprietas, ac verum & directum dominium castri Hyndeneborch, & civitatis Brakele, prout murorum, & fossarum ambitu includuntur, & proprietatem septem mansorum ante ipsum castrum sitorum, quos mansos Wernherus & Johannes fratres de Hyndeneborch una cum castro Paderbornensi Ecclesiæ vendere decreverunt; prout illi mansi in toto seu in parte a nobis & Ecclesia nostra descendebant. Tradimus etiam & assignamus eidem Domino Episcopo & Ecclesiæ suæ tenutam & corporalem possessionem proprietatis prædictæ, & statuimus, ut hi, qui prædictum castrum Hyndeneborch, & Civitatem Brakele, ac dictos septem mansos a nobis hæcenus in pseudotenuerunt, & de jure tenere & recipere debuerunt, in feudationem hujusmodi a Domino Episcopo, & Ecclesia Paderbornensi petere, requirere, & recipere, ac tenere amodo teneantur, hac donatione in suo robore stabiliter in perpetuum duratura, omne jus antiquum in civitate Brakele, & quidquid utilitatis, honoris, & commodi nos & Ecclesia Herisfensis & Ecclesiæ personæ atque homines nobis & Ecclesiæ Herisfensi pertinentes olim habuimus, excepta sola proprietate feudi dictæ civitatis Brakele nobis reservamus, & specialiter nobis in perpetuum retinemus; & ut in donatione prædictæ Ecclesiæ Paderbornensi plenius caveamus, ubicunque opportunum fuerit, faciemus Ecclesiæ eidem de proprietate prædicta per nos liberaliter donata plenam recognitionem, & veram Warrantiam tam verbis quam scriptis Domini Episcopi Paderbornensis, qui pro tempore fuerit, & sui capituli, & Ecclesiæ in hoc articulo suffragio accedente. Ut autem hæc, quæ per nos liberaliter pro utilitate Paderbornensis Ecclesiæ acta sunt in perpetuum observentur, & in oblivionem non deducantur, præsentem litteram desuper confectam sigillorum nostrorum scilicet Abbatissæ & conventus Herisfensis appensione duximus roborandam. Nos vero Præposita, Decana, & conventus Ecclesiæ Herisfensis supradicta omnia recognoscimus esse vera, & pro testimonio nostræ ratificationis, approbationis, voluntatis & consensus sigillum nostrum apposuvimus huic scripto. Testes hujus rei sunt Ludolphus Decanus Ecclesiæ beatorum Petri & Andreæ Paderborn. Liborius Canonicus



nicus Ecclesiæ Bileveldensis, & Notarius Reverendi Domini Episcopi Paderbornensis, Bertholdus & Henricus presbyteri Ebdomedarii Ecclesiæ Herisensis, Henricus Capellanus Dominae Abbatisse Ecclesiæ prædictæ, Rabeno de Driborch, Hermannus de Herse milites, Henricus Bulemast, Everhardus de Zeldinckdorp Officialis Domini Episcopi prædicti, famuli, & alii quam plures fide digni. Datum die Dominica, qua cantatur misericordia Domini, Anno Domini Millesimo ducentesimo vicesimo tertio.

mortalium numerum implevit, ut immortalibus accenseretur apud superos. Hunc obitus diem consignant necrologia Bustorfianum, Wilbacense, ac Mariæ Monasterii, eundemque hunc mortis annum nobiscum tradit Gobelinus Persona. Decessit gesto per xx fere annos Episcopatu; falliturque Crantzius, Bruschi, & Kerfenbrochius, qui anno 1221 obiisse scribunt, quos ipsa narratio rerum ab eo gestarum, tabulæque per singulos annos a nobis introductæ revincunt. Vir fuit ea tempestate inter Saxoniarum Episcopos conspicuus, & ob pietatem, modestiam, vitæque integritatem magnæ apud Principes auctoritatis. Publicis modice se immiscuit, quod omne vitæ studium converterit in dotanda religiosorum Cœnobiorum, & domesticam Cleri, sacrorumque ordinum disciplinam excolendam; eo & Canonicos majoris Ecclesiæ, Clerumque pro majorum instituto intra Claustrum in communi vitæ societate religiosorum instar hominum conservavit; habuitque Collegium non modo Comitum & nobilium filiis, sed & viris in omni genere literarum eruditissimum; tametsi jam Bremæ, Hildesii, Trevirensis, Monasterii, ac passim in omnibus Cathedralibus Ecclesiis prisca illa disciplina vitæque socialis ratio laxata esset. Quo vero loco in tumulum compositus sit, vetustas ipsa simul, ut alia multa hujus Præfulis facta, sepeliit.

Bernardi Ep. obitus & laus.


Gobelin. in cosmod. atar 6. c. 64. Crantzius Bruschi in Catal. Episcop. Paderb. Kerfenbr. in Catal. Episc. Pad.

Bernardus Ep. Pad. Præposito Bustorfiano confert Archidiaconatum Ecclesiæ Esbicensis.

Demum quod ex memoria hujus Episcopi superest ex transactione quadam cum Collegio Bustorfiano, Henricum ejus Collegii Præpositum, Successoresque ejus Esbicensis Parochiæ vicorumque duorum adjacentium Archidiaconos fecit. Atque hic ille Præpositus, qui mox post mortem Bernardi Episcopi cum Oliverio in electionem contentionemque de Episcopatu venit. Quæ cum Acta referantur hoc anno Mccxxiii, tum multis testibus illa dignitatis collatio consignata est; quos inter reperias Bernardum Præpositum Embricensem, Comitem videlicet de Lippia, Canonicum hujus Ecclesiæ, quem post Oliverum & Willibrandum Paderbornensis Ecclesia sortita est Episcopum.

Nec multum hinc superstes Bernardus Episcopus, v Calend. Aprilis





# OLIVERUS XXI.

## EPISCOPUS PADERBORN.

Oliverus  
gente Saxo  
ex Canoni-  
co Paderb.  
& Schola-  
stico Colon  
Episcopus  
Paderborn

**S**uccessorem in Episcopatu Bernardus habuit Oliverum, virum immortalis memoriae, ac fidus ea tempestate sacrorum praesulum; sive res ab eo praeclare gestas, relatasque a nobis ex sacro bello repetere: sive Scriptorum, a quibus celebratur testimonia consulere lubeat. Hunc alii Olivarium & Olivarium, alii communius Oliverum & Oliverium scribunt. Gente Saxonem fuisse scribit Ciacconius, aliique; & verisimile dixeris ex Ducatu aut Westphaliae provincia ortum. Quippe a prima aetate in Clerum Paderbornensem adscitus, diu apud nos vixit inter Canonicos majoris Ecclesiae; quemadmodum in variis supra relatis tabulis testis inter Canonicos Cathedralis Ecclesiae nostrae subscripsit. Inde ad Colonensem Ecclesiam Metropolitanam translatus, & ob egregiam doctrinam eminentemque sacrarum literarum scientiam ejus Ecclesiae Scholaasticus est expetitus; quales tum in majoribus Ecclesiis erant viri, qui Theologiam & sacras literas publice profitebantur docebantque Clerum; uti id supra monuimus ex concilio Lateranensi, atque ex recepta a majoribus consuetudine & commendatione. Hinc Oliverus modo Magister, modo Scholaasticus a Pontifice & Scriptoribus appellatur. Ejus insignem doctrinam testantur literae, quas ad Engelbertum Colonensem Archiepiscopum & clerum ejus Ecclesiae ex obsidione Damiatæ, quasque deinde ad Frisones aliosque perscripsit. Eo in Scholaistici Colonensis munere etsi ad majorem Cathedram sit evocatus, semper tamen locum in Clero Paderbornensi tenuit. Hinc Scholaasticus adhuc inter Collegas Paderbornensis Ecclesiae testis subscripsit, & in publicis conventibus ut membrum Paderbornensis Ecclesiae causas Paderbornensium simul egit uti tabulae a nobis supra re-

latae docent. Nec aliter postea Paderbornensis Ecclesiae Episcopus, quam ex gremio suae Ecclesiae Oliverus est delectus; quemadmodum & ipse Honorius Pontifex ex Canonico Paderbornensi subrogatum scribit.

Familiam Oliveri si requiras, eam vetustas nos ignorate voluit. Pronum interim asserere, fuisse ex veteri nobilitate Westphaliae; quando plerique Canonici majoris Ecclesiae per id tempus ex ea censebantur; nec alii quam ex nobilitate legebantur Episcopi; & supra a nobis familia Ole ex comitatu Arensbergeni est adducta, magna nominis affinitate. Ciacconius & Gelenus Oliveri gentilitium familiae insignie producant, duo equina crura decussata rursusque erecta, quorum ungulae ferrea solea obarmatae. Sed haec levia sunt; nec illa familiae decora ab ipsis tum praeiis, ita ut nunc; aestimata in Clero. Hinc in donationum tabulis a nobis & ab aliis passim productis Canonorum majoris Ecclesiae nomina sine familiae additamento, etsi inter hos Comitum & Dynastarum filii fuerint, scripta legimus. Summum tunc in Clero decus doctrina & virtus. Haec duo praeter nobilitatem in Olivero summa admirandaque fuere; quod cum praecleara ejus facta, tum Scriptorum elogia testantur. Passim enim a Caesario, Crantzio, Bruschio facundissimus, & ferventissimus ejus saeculi orator laudatur. Deinde bello sacro adversus Saracenos pro terra sancta recuperanda in Westphalam, Frisiam, Brabantiam, Flandriam, dioecesi Trajectensem peragrans, convocandoque homines ad signum crucis militiamque sacram inflammavit. Quare ab Alberto Stadeni Oliverus famosissimus Praedicator appellatur; quemadmodum & a Bosio, Bzovio, & Oderico celebratus est. At-

Ex qua Oliverus  
verus familia  
fuerit.  
Gelen. in vi  
ta Engelb.  
l. 1. p. 74

Caesar. lib. 3  
c. 6.  
Crantz. l. 7  
c. 39.  
Brusch. in  
causal. Ep-  
Caesar. l. 10  
c. 37.  
lib. 3. c. 6.  
lib. 4. c. 10.  
lib. 10 c. 23  
Alb. Sand.  
in chron.

que

*Josephus lib. 3  
histo. sacra  
milit. lib.  
rosolym.  
Brevius  
l. 2. c. 3. n. 9.  
Qui in ex-  
peditione  
in terram  
Sanctam se  
gesserit.*

que ex hoc Apostolico munere, quod ipsi Pontificis auctoritate commissum erat, simul innumeros mortales ad poenitentiam, vitæque melioris rationem traduxit; quorum etiam liberalitate adjunctus magnam vim pecuniæ collegit, quam in expeditionem sacram, & Damiatæ expugnationem, & ubi ægrorum etiam & inopum necessitas poscebat, expendit. Ipse deinde militiæ sacræ naves conscendit cum iis, qui ex Rheni, Amasis & Mosæ ostiis provecti, primo Ulyssipponam, deinde Marsiliam appulere; multisque tempestatibus maris jactatus in Palæstinam pervenit. Duplici semper munere in ea expeditione ferventissime perfunctus, bellici nimirum directoris & religiosissimi Sacerdotis; qui militi laboranti nunc pecuniæ stipendio, nunc hortamento ad belli opera, nunc sacrorum ministerio noctes diesque sedulo aderat. Summam exinde sacræ militiæ laudem consecutus ad Damiatam; quippe ejus machina & fortitudine Pharos munitissima turris in medio Nilo urbi objecta, ut supra diximus, expugnata est. Hæsitque post illa per annum in obsidionibus castris Colonienfium, Frisonum, Saxonum & Westphalorum supremus sacrorum præses, & belli moderator; donec ipsa urbs, Ægypti claustrum, in potestatem Christianorum veniret. Quo exinde anno ex Palæstinaregressus fit, an post amissam rursus Damiatam secundo ab hinc anno, an citius, exploratum non habeo. Certe Frisones non nisi post cladem in Ægypto acceptam rediisse apparet ex Epistola Hierosolymitani Patriarchæ, qua commendata eorum egregia fortitudine, remigrandi in Patriam facultatem permittit. Horum omnium operum virtutumque in Olivero pulcherrimum ornamentum vitæ castissimæ integritas & modestia; tantæque erga omnes fuit demissionis, ut non aliter se quam peccatorem & servum fronti literarum inscribere solitus sit. Ita in epistolis ad Frisios, ita in epistolis ad Engelbertum Colonienfem Archiepiscopum, & præfules ejus Ecclesiæ legas. Quo deinde Spiritu Dei, quo fervore religionis inflammatus fuerit, satis ea ad Clerum Colonienfem epistola commonstrat.

Attamen talis tantusque vir non sine æmulo & multorum invidia ad

Episcopatum Paderbornensem pervenit. Quippe superiori Episcopo mortuo, Paderbornenses in factiones abiire; eo scdiori malo, quod hætenus nunquam ejusmodi schisma in electione Episcopi Paderbornensis intervenerat. Abbas Cœnobii Abdinghoviani cum suis Monachis, & Canonici Bustorfiani Collegii elegerunt Henricum, Bustorfiani Collegii Præpositum. Quibus præ ceteris accessere Wernerus, Bernardus, & Hermannus fratres Præpositi, milites Brakelenses. Ceteri Cathedralis Ecclesiæ Præfules & Canonici e Clero primario, quorum longe major saniorque pars erat, suis suffragiis convenere in Oliverum. Res in magnum diffidium & turbas vergebat, cum & nobiles, & Ministeriales, & cives Paderbornenses traherentur in partes; ut genus illud passim primum erat sacris se immiscere: & res ipsa non tam nova, quam temeraria, scdæque erat, audire Monachos & Clerum Secundarium, quod inauditum erat in Ecclesia Paderbornensi, sibi electionem Episcopi vindicare adversus majoris Ecclesiæ Canonicos: totamque dicecesin intestina seditione conturbare. Quapropter a Collegio Cathedrali per justas querelas appellatum ad Honorium Pontificem, supremum hujus controversiæ Judicem. Pontifex consulte primam causæ diffidiique cognitionem, ut de electione ad se referrent, commisit Abbati Vallis S. Petri, Cœnobii videlicet Heisterbacensis, Præposito, & Decano Colonienfis Ecclesiæ. Quod hæ Pontificis literæ docebunt.

*Dissentio  
in electione  
Episcopi.*

*Pontifex  
causam elec-  
tionis ali-  
is cognos-  
cendam  
committit.*

*Honorius Episcopus Servus servorum Dei. Dilectis filiis Abbati Vallis S. Petri Cisterciensis. Ordinis Colonienfis diocesis, Decano & Præposito Colonien. salutem & Apostolicam benedictionem. Ad audientiam nostram, dilectis filiis Præposito, & Decano, ac quibusdam Canonicis Paderburnen. Ecclesiæ significantibus, noveritis pervenisse, quod Abbas, & Decanus, & Canonici S. Petri Paderburnen. Wernerus. B. & H. fratres ejus milites de Bracle, & quidam alii Paderburnen. Civitatis & diocesis in eorum Ecclesiam temere irruentes, ac molientes ipsius Episcopatum Henrico ejusdem Ecclesiæ Canonico sua conferre potentia, ipsum de facto in Episcopum eligere præsumpserunt. Quare peti-*

petierunt humiliter, ut cum occasione huiusmodi gravia damna incurrerint, eos ad satisfaciendum de tantæ præsumptionis injuria, & damnis, quæ incurrerunt occasione prædicta cogere dignareremur. Quia vero nobis non constitit de præmissis, discretionem vestræ per Apostolica scripta mandamus, quatenus vocatis, qui fuerint evocandi, & auditis hinc inde propositis, quod Canonicum fuerit, appellatione postposita statuatis, facientes quod decreveritis per censuram Ecclesiasticam firmiter observari. Testes autem, qui fuerint nominati, si se gratia, odio, vel timore subtraxerint, per censuram eandem, appellatione cessante, cogatis veritati testimonium perhibere. Quod si non omnes his exequendis potueritis interesse, duo vestrum ea nihilominus exequantur. Datum Signie IIII Calend. Augusti Pontificatus nostri anno octavo.

Idem Monasterium Schaken in suam protectionem suscepit.

Igitur priusquam Pontifex instrueretur, atque ex consilio Cardinalium de controversa electione pronunciaret, pars anni transiit, mansitque Paderbornensis Ecclesia sine certo pastore; ausus interim Henricus Præpositus obtrususque, studio popularium suorum, bona quædam Ecclesiæ invadere, ac sibi tanquam Episcopo vendicare, falsis ad Pontificem literis perscriptis, quibus electionem suam firmare voluit. Tanta simul hominem ambitio invaserat. Subinde Pontifex VII Idus Augusti Monasterio Schakeni, quod in comitatu Waldecensi, ut supra a nobis relatum est ad annum MCXCV, jurisdictione Episcopi Paderbornensis comprehenditur, parocinii diploma, dedit.

Honorius Episcopus Servus Servorum Dei Dilectis filiis Præposito & conventui Monasterii Scaken salutem & Apostolicam benedictionem. Sacrosancta Romana Ecclesia devotos & humiles filios ex assueto pietatis officio propensius diligere consuevit, & ne pravorum hominum molestiis agitentur, eos tan-

quam pia mater suæ protectionis munimine confovet. Eapropter dilecti in Domino filii vestris justis postulationibus grato concurrentes assensu personas vestras, & locum in quo divino estis obsequio mancipati, cum omnibus bonis, quæ in præsentiarum rationabiliter possidet, aut in futurum justis modis præstante Domino poterit adipisci, sub beati Petri & nostram protectionem suscipimus; specialiter autem de Imminichus, & de Godesleim Ecclesias cum omnibus pertinentibus suis, sicut eas juste, canonice, & pacifice possidetis, vobis & per vos Monasterio vestro auctoritate Apostolica confirmamus, & præsentis scripti patrocinio communimus. Nulli vero omnino hominum liceat hanc paginam nostræ protectionis & confirmationis infringere, vel ei ausu temerario contraire. Si quis autem hoc attemptare præsumpserit indignationem Omnipotentis Dei & beatorum Petri & Pauli Apostolorum ejus se noverit incursurum. Datum Sygnie VII Idus Augusti Pontificatus nostri anno octavo.

Sed longe gravioribus curis hoc anno Pontifex distentus, iterum sacri belli classicum per Europam canebat; quo post amissam Damiatam laborantibus in Oriente Christianis subveniret. Iterumque per omnes provincias destinati missique præcones sacri, qui ad vexillum crucis milites invitarent. Tandem etiam Fridericus Imperator se belli sacri ducem professus, quem Oliverus in epistola ad Colonienſes unice desideratum scribit. Ad hoc opus maturandum missus est in Galliam & Germaniam Conradus Portuensis Episcopus S. Rufinæ Cardinalis Furstenbergius, gente Germanus, Eginonis Comitis filius, ex Monacho, Abbate, & supremo ordinis Cisterciensium moderatore a Pontifice in Cardinalium munerum cooptatus; qui tamen postremo demum anno in Germaniam venit, & Oliveri Episcopi nostri causam ex Pontificis mandato impense suscepit.

Iterumque bellum sacrum promovet.

## Annus Christi 1224.

Honorii III Pont. 8. Friderici II. Reg. 12. Imp. 5.  
Oliveri Ep. Pad. 1.

Godefrid. Alb. Scad. Craniz. l. 7. Sax. c. 28.

Anno igitur consequente, qui Christi numeratur vigesimus quartus supra millesimum ducentessimum, Engelber-

tus Colonienſis Archiepiscopus, Imperii moderator, cum Henrico Rege Imperatoris filio, mense Majo, Francofurti

6. 39. Hist. Brem. Epist. in Gerardo.

Agitur de  
Waldema-  
ro Daniæ  
Rege e car-  
cere libe-  
rando.

cofurti Imperii ordines convocavit. Quo in conventu consultum de colligendis subsidiis, in Palæstinam ducendis. Nec multo post accessit Coloniam Conradus Portuensis Episcopus Pontificis Legatus, post Pentecostes dies magnifice ab Engelberto & Colonienſi Magistratu exceptus. Ac postquam multa sunt tractata de expeditione sacra, Henricus Rex cum Archiepiscopo Engelberto & Legato Apostolico in Saxoniam profectus, Barduvici conventum habuit, in quo de liberando Waldemaro Daniæ Rege tractatum, qui jam biennium in carcere hærebat. Præmissus ad Albim Herimannus Hospitalis Saxonici supremus magister, qui ex Italia a Friderico Imperatore in Germaniam missus componendæ hujus rei causâ, Regem & Zwerinensem Comitem in Dannenburgensi castro convenit. Eo internuncio atque arbitro Rex Daniæ eò deductus, ut offerret in lytrum centum marcarum millia, promitteretque se omnia, quæ Imperio detraxerat restitutum, coronamque non ab alio, quam ab Imperatore recepturum. Quas condiciones cum Albertus Orlemundanus Comes Regis ex sorore nepos, ac ceteri, qui aderant, Daniæ procures, genti suæ ac Regi probro ducerent, abrupta pace in liberandi Regis tractatione, indignabundi in Daniam reiecti sunt; nec multo post Albertus Comes cum valido exercitu, Transalbianas regiones vastando, regressus est, ferro Regem extracturus e carcere. Ad hunc communem hostem depellendum conspiravere Gerhardus Bremensis Archiepiscopus, Lippiensis ut diximus, Comes, Adolphus Schowenburgensis, Henricus Zwerinensis, & Henricus Werlensis Comes, ceterique Holsatiæ populi. Hi collatis signis cæſos Danos in fugam egere; captusque Albertus Orlemundanus Comes, belli Dux, a Zwerinensi Comite, & in eundem cum avunculo Rege carcerem detrusus; Ultro tamen post mortem Engelberti Archiepiscopi a Zwerinensi Comite, accepta ingenti pecuniæ summa, ne alii in partitionem venirent, laxati sunt, ceteris per Saxoniam armis quiescentibus.

Inter hæc Honorius Pontifex, discussa diligenter Romæ in concilio Cardinalium electione Paderbornensis Epi-

scopi, pro Olivero pronunciavit; quod & pluribus eligentium suffragiis, & sanioribus delectum cognoverat; reiectoque Henrico Præposito, scribit primo ad Conradum Portuensem Episcopum Apostolicæ Sedis Legatum, & Engelbertum Colonienſem Archiepiscopum, ut a se confirmatum Oliverum in quietâ possessione collocent, tueanturque.

Pontifex  
examinata  
diligenter  
electionis  
Oliverio  
pronunciat

*Honorius Episcopus Servus servorum Dei Portuensi Episcopo Apostolicæ Sedis Legato, & Archiepiscopo Colonienſi. Auditis & intellectis, quæ super electionibus de dilecto filio Magistro Olivero Canonico Paderbornensis Ecclesiæ, ac Henrico quondam Præposito Ecclesiæ SS. Apostolorum Petri & Andrea a Canonicis Paderbornensibus celebratis fuisse proposita coram nobis, de fratrum nostrorum consilio electionem de prædicto Henrico præsumptam, & quidquid ex ea secutum est vel ob ipsam irritum judicavimus, electionem de Magistro Olivero celebratam a majori parte Capituli confirmantes. Quocirca fraternitatibus vestris mandamus quatenus quod super hoc a nobis factum est, faciatis, sublato cujuscunque contradictionis & appellationis objectu, inviolabiliter observare, compellendo præfatum Henricum ad integram restitutionem quorumcunque bonorum Paderbornensis Episcopatus, quæ prætextu electionis suæ hætenus tenuit occupata.*

In hanc deinde formam, repetita prima literarum parte, Honorius Pontifex ad ipsum Oliverum electum Paderbornensem Episcopum scribit, additque: *Illud autem, quod super usu sal-*

Cui Ecclesi-  
an Pader-  
bornensem  
continen-  
dat.

Tertias deinde literas Pontifex dedit ad Nobiles & Ministeriales Paderbornensis Ecclesiæ, servata priorum literarum forma. Postremo ad ipsos Nobiles & Ministeriales converso stylo. Quia vero, inquit, quo est carne Spiritus, & anima corpore dignior, eo debet Spiritualis Pater carnali amplius honorari, per Apostolica vobis scripta mandamus, quatenus eidem electo tanquam Patri & Pastori animarum vestrarum plene & humiliter intendatis, & sicut tenemini, exhibeatis juramenta fidelitatis & in Ecclesiæ suæ negotiis fideliter assistentes plene insuper eidem de juribus ipsi Ecclesiæ a vobis debitis responsuri, alioquin sententiam, quam ipse rite tulerit, subituri. Datum Laterani VII Idus Aprilis.

Eandem O-  
liveri electi  
onem com-  
probant co-  
gnitores &  
judices a  
Pontifice  
constituti.

Succedit ad has Pontificis literas hoc anno sententia Abbatis Vallis S. Petri, Conradi Præpositi majoris Ecclesiæ Colonienfis, & Goswini ejusdem Colonienfis Ecclesiæ Decani, quos Pontifex anno superiori cognitores & Judices constituerat; ab his in hæc verba, pro commissa & communicata a Sede Apostolica potestate, pronunciatum decretumque est contra Abbatem Abdinghovianum, & Canonicos Bistorfianos. Comparentibus itaque Procuratoribus partium coram nobis cum literis procurationis, prout moris est & juris, solemniter destinatis ex confessione Conradi Diaconi procuratoris Abbatis, & Capituli Beatorum Apostolorum Petri & Andreæ Paderbornensium, nobis constitit evidenter, prædictum Abbatem & Capitulum beatorum Apostolorum Petri & Andreæ Paderbornenses nunquam fuisse in possessione, vel quasi possessione juris eligendi Episcopum Paderbornensem, & eosdem nihil juris habere vel unquam habuisse in Episcopi Paderburn. electione. Idem etiam procurator asserbat Abbatem & Capitulum præfatos nunquam alicujus Episcopi electioni interfuisse, & quod circa Præpositum Henricum fecerunt, eligendo ipsum in Episcopum, operati sunt de facto potius quam de jure, malis persuasionibus quorundam circumventi. Recepimus etiam prædicti Abbatis literas Ecclesiæ suæ & suo sigillis signatas cum literis Capituli sui. Similiter & literas Capituli Ecclesiæ beatorum Petri & Andreæ cum sigillo ejusdem Eccle-

siæ signatas omnium prædictorum expressam continentes confessionem. Nos igitur æquitate pensata, procuratoribus partium petentibus & consentientibus, de consilio etiam assessorum nostrorum Domini Conradi de Kenninberg & Magistri Hermannii de Engero Canonicorum majoris Ecclesiæ in Col. promulgavimus in scriptis contra Capitulum beatorum Apostolorum Petri & Andreæ sententiam sub hac forma. Quia nobis Abbati Vallis S. Petri Præposito & Decano Colon. Judicibus a Sede Apostolica delegatis ex confessione Conradi Diaconi Procuratoris Capituli beatorum Apostolorum Petri & Andreæ Paderburn. ut ex literis Capituli ejusdem Ecclesiæ suæ sigillo signatis constat evidenter, idem Capitulum nunquam fuisse in possessione vel quasi possessione juris eligendi Episcopum Paderburn. ipsiisque Capitulum in electione Episcopi nihil juris habere vel unquam habuisse, prædicto capitulo jus possessionis vel quasi possessionis auctoritate nobis a summo Pontifice delegata penitus abjudicamus. Et quia Episcoporum electio ad Canonicos Cathedralis Ecclesiæ de jure communi noscitur duntaxat pertinere, super jure eligendi Episcopum Paderburn. sæpedito Capitulo perpetuum Silentium imponimus eadem auctoritate, sub hæc etiam forma secuti confessionem prænotati Abbatis & Ecclesiæ suæ contra ipsum de dictorum assessorum consilio sententiam promulgavimus in scriptis. Quia nobis Abbati Vallis S. Petri, Præposito, & Decano Colon. judicibus a Sede Apostolica delegatis ex confessione Conradi Diaconi procuratoris Abbatis Paderburn. & ex literis confessionis ejusdem Abbatis Ecclesiæ suæ & suo proprio sigillis signatis constat evidenter, memoratum Abbatem nunquam fuisse in possessione vel quasi possessione juris eligendi Episcopum Paderburn. & eundem Abbatem in ea electione nihil juris habere, vel unquam habuisse, Abbati eidem jus possessionis vel quasi possessionis auctoritate nobis a summo Pontifice delegata penitus abjudicamus. Et quia Episcoporum electio ad Canonicos Cathedralis Ecclesiæ de jure communi noscitur duntaxat pertinere, super jure eligendi Episcopum Paderburn. sæpedito Abbati perpetuum silentium imponimus eadem auctoritate. Et quoniam occasione hujusmodi præsumptionum damna irre recuperabilia solent.



lent multoties provenire Ecclesiis viduat-  
tis, tam Abbati quam Capitulo beato-  
rum Apostolorum Petri & Andreæ præ-  
notatis, auctoritate apostolica, & sub pæ-  
na excommunicationis firmiter præci-  
piendo mandamus, quatenus electioni Pa-  
terburnen. Episcopi se ingerere nunquam  
præsumant, vel alii loco ipsorum. Ut  
autem præscripta inconvulsa permane-  
ant, & ad notitiam universorum per-  
petuo perveniant, conscribi fecimus præ-  
sentem paginam nostri & prædictorum  
assessorum nostrorum C& A. qui nobis-  
cum omnibus præmissis interfuerunt Si-  
gillis communitam. Acta sunt hæc Co-  
loniæ in claustris majoris Ecclesiæ. An-  
no Incarnationis Dominicæ Mccxxiii,  
III. Idus Maji. Indictione XII.

Quibus cum accederet Conradi  
Sedis Apostolicæ Legati, & Engelber-  
ti Colonienfis Archiepiscopi auctoritas,  
ac Pontificis confirmatio, Oliverus in  
Paderbornensem Ecclesiam solemniter  
est introductus, & summa omnium  
gratulatione & plausu acceptus Episco-  
pus. Atque is, ut erat facundissimus  
totius Germaniæ Orator, & celeberrimus  
ejus ætatis Theologus, non modo  
populum pro concione docuit, traxit-  
que in sui amorem; sed & synodo Cle-  
ri congregata, superiorum Synodorum  
decreta, & laudabiles consuetudines  
sacrorum ac temporum in unum codi-  
cem collegit, ut in omnium manibus  
essent, & facile memoria comprehen-  
derentur. Quemadmodum hæc Ei-  
fengreinius & Gobelius tradunt; quan-  
quam hæc per temporum injurias non-  
dum ad manus nostras pervenerint.

Eifengreis  
nius in cas  
pal. testis  
verit. Go-  
belius. atq.  
6. c. 64.

Adolphi E-  
piscopi Os-  
nabrugens.  
felicis obitus  
& vitæ  
sanctitas.  
Erruvinius  
in chron.  
Osnabrug.  
Cranz. in  
Metrop.  
l. 7. c. 19.  
Casar. lib. I  
Dialog. 222  
Hist. Brem.  
Archiep.

Cœlitum numerum ex Saxonis  
auxit hoc anno Adolphus Osnabru-  
gensis Episcopus, II Februarii mortuus.  
Is nobili genere natus, & a primis an-  
nis in Clerum Colonensem adscriptus,  
cum Cœnobium Cisterciense veteris  
Campi aliquando inviseret, videretque  
in eo florentissimam disciplinam, &  
cœlestem quandam Monachorum vi-  
tam, captus ejus instituti amore, Mo-  
nachi habitum sumpsit; vixitque inter  
religiosos viros per multos annos om-  
nium virtutum specimen; dum harum  
celebritate famaue ad Episcopatum  
Osnabrugensem, in locum Gerhardi  
Episcopi ad Bremensem Archiepisco-  
patum translatus, circa annum Christi

Mccviii evocaretur: quo in munere  
illustrior ex omni virtutum conspectu,  
Ecclesiam suam possessionibus & cultu  
religiosorum mirifice auxit; uti hæc in  
fastis eorum & a Cæsario narrantur.  
Vir pius, modestus, beneficus, qui  
mira caritate omnes complexus, ege-  
nos cumprimis & morbis afflictos,  
quorum servitio famuli instar se im-  
pendit. Quæ caritatis ejus officia De-  
us miraculo non semel comprobavit,  
interque cetera illud proditum. Jace-  
bat in vili tuguriolo ad vicum Mersen,  
homo lepra infectus, totusque squalidus  
& abjectus; hunc ille quoties Osnab-  
rugis Furstenaviam tenderet, invisere,  
stipe donare, & familiari pioque col-  
loquio pascere; id cum longius semper  
traheret Episcopus, quam comitanti-  
um ministrorum patientia ferret, le-  
prosum subduxere in alium locum, ne  
itineris moram ob vilem sordidumque  
hominem facere necesse haberent: re-  
dit de quo Episcopus, subit pro more  
tugurium, & leprosum, qui interim  
e vita excefferat, reperit eo quo ante  
conspectu vilique lacerna contactum;  
& cum solito colloquio miserum sola-  
retur, ille repente miro fulgore cir-  
cumfusus gratias agit Episcopo, & se  
jam immortalis & longe feliciore vita  
donatum profertur: quo dicto, ex  
oculis evanuit. Tum Comites, in quo-  
rum conspectu hæc fiebant, pudore  
suffusi supplicesque ad pedes Episcopi  
veniam sui delicti precantur. Multa  
hujusmodi observata in Adolpho, ob  
quæ & vivus sanctitatis fama inclauit,  
& mortuus in tanta veneratione fuit,  
ut sepulchrum ejus, quod in transitu  
templi obvium erat, pedibus calcare  
religioni duxerint posteris. Ob quæ  
ossa ejus anno 1651 Franciscus Wilhel-  
mus Episcopus in sacrario reponi jussit;  
interque Divos suæ Ecclesiæ coli per-  
misit. Adeo nulla a Carolo M. ætas,  
ex qua Saxonia suos sanctissimos Epi-  
scopos non proferat: quo in numero  
non immerito Oliverum nostrum re-  
putes, Adolpho æqualem ac familiarem.  
Retulit ad hunc annum Adolphi obi-  
tum, quod successor ejus Engelbertus  
Isenburgici Comitis filius in Episcopatu  
Osnabrugensi Engelberti Colonienfis  
Archiepiscopi ac consanguinei patroci-  
nio a Cæsario subrogatus scribatur; id  
quod aut hoc anno aut sequenti fieri  
necesse fuit, quo ipse Engelbertus Ar-  
chiepi-

chiepiscopus trucidatus vivere desit. Quare falli dixeris, qui Adolpho subrogant Teclenburgensem Comitem; quanquam cum Engelbertus hic a cæde

Engelberti Colonienfis Archiepiscopi, confirmatione nondum obtenta, exau-  
toratus sit, nulla forte ejus ratio in fa-  
stis Episcoporum est habita.

## Annus Christi 1225.

Honorii III. Pont. 9. Friderici II Reg. 13. Imp. 6.

Oliveri Ep. Pad. 2.

Oliverus  
cum S. En-  
gelberto  
Romam  
profectus.  
Gelen. ad  
viam En-  
gelb. l. 3. m. 1.  
ad c. 8.  
Strangef.

At nos ad Oliverum redeamus. Is postquam in suo Episcopatu Paderbornensi omnia divina profanaque sapienter ordinasset, altero anno, forte in Comitatu Engelberti Colonienfis Archiepiscopi, Romam profectus est. Nam uterque hoc anno in Italia, mense Julio Friderico Imperatori adfuit; ut constat ex diplomate Friderici Imperatoris, quo Engelberto Colonienfi Archiepiscopo prædium Rickterichium donat, ac confirmat. *Testes* hujus donationis adscribuntur *Joannes Rex Hierosolymitanus, Ecbertus Babebergensis, Conradus Ratisbonensis, Oliverus Paderbornensis, Ekehardus Mersburgensis Episcopi, Hermannus Magister Hospitalis S. Mariæ Teutonicorum in Jerusalem, Ludolphus Dux Austriæ, Bernardus Dux Carinthiæ, Reinaldus Dux Spoleti, Henricus Marchio de Andisle, Henricus Marchio de Burgowe, Hermannus Comes de Uroberg, Otto Comes de Orlenburg, Bernardus de Horstmare, Henricus Comes de Everstein, & alii quam plures. Acta sunt hæc Anno Dominicæ Incarnationis Millesimo ducentesimo vigesimo quinto, mense Julio, Indictione XIII apud S. Germanum, quod Oppidum est ad radices montis Casini.* Ad quem Episcoporum & procerum cum Friderico Imperatore congressum misit Honorius Pontifex duos Cardinales Legatos, Petrum Albanensem Episcopum, & alium tituli S. Martini presbyterum; actumque per eos de expeditione in Palæstinam maturanda. Eoque adductus Imperator ut elata in cælum manu juraret se intra biennium iter armatum ingressurum. Magnum in hanc rem momentum atulere Engelbertus Colonienfis Archiepiscopus, & Oliverus Paderbornensis Episcopus. Recitat Ughellus Italicus Scriptor aliud Ecclesiæ Aretinæ diploma, sub idem tempus ex eodem loco a Friderico Imperatore datum, in quo testes producuntur Episcopi Colonienfis, Merseburgensis, & Pader-

burgensis; qui postremus aut Bambergensis, aut Paderbornensis fuerit, cum uterque tum Imperatori adfuerit. Engelbertus Archiepiscopus post illa in Germaniam ad suam diocesin rediit, in qua, ut mox referemus, martyrio decoratus est. Oliverus vero ob famam virtutum, & claritatem nominis, qua in Germania & Palæstina inclaruerat, Romam evocatus; ubi ab ipso Honorio III Pontifice Episcopus est consecratus; quod ex Honorii epistola ad Capitulum interius recitanda non obscurum est; idque hoc anno factum esse verisimilius censeo, ne quid confirmationi superiori deesset in munere, & honore Episcopali. Utrumne vero cum Engelberto Archiepiscopo ad suam diocesin in Germaniam reversus; an vero, quod certius opinari libet, Romæ manserit a Pontifice detentus, ex nullis monumentis affirmare habeo; altero certe anno Romæ Cardinalem creatum proferemus.

Odoricus  
Raynal. in  
hystor. Eccl.

Anni hujus exitus cæde D. Engelberti Colonienfis Archiepiscopi tam funestus, quam atroci & immani facinore VII Idus Novembris a Friderico Henburgico, Comite & consanguineo Archiepiscopi, trucidatus memoratur. Jam a multis annis Comes ab Engelberto monitus erat, desisteret a vexando Essendienfi Collegio Virginum (cujus Advocatus erat) & inique rapta redderet; verum cum nec monitis, nec intentatis Ecclesiæ censuris, nec minis quicquam ab offirmato homine impetraret, ineunte Novembri Susati conventum publicum indixit, quo & Fridericum Comitem evocavit, extremum per consanguineorum & procerum consilia tentaturus. Accessere præter Conradum Mindensem Episcopum, Theodoricus Monasteriensis & Engelbertus Osnabrugensis Episcopi, Comis fratres, alique cognati, amici, & Westphaliæ proceres. Hoc in congressu cum Engelbertus constanter cau-  
sam

Cesar. in  
vita D.  
Engelb.  
Godefrid. in  
Annal.  
Gelen. in  
not. ad vis.  
Engelb.  
Alb. Stad.  
Levold. in  
Chron.  
Marcana.  
D. Engel-  
berti cædes  
& causæ  
eius.

Ughellus  
tom. 1.

fam Essendensium Virginum ex Pontificis mandato ageret, Comitemque ad saniora consilia & restitutionem urgeret; ille queri de Archiepiscopi acerbitate in se, communicare consilia cum Comite Arnsbergensi, Teclenburgensi, ceterisque, quos Archiepiscopo offensos sciebat; quorum voluntate non aliena a suis machinationibus explorata, confususque deinde Luxenburgi & Limburgi, ceterorumque agnatorum patrocínio, conjurationis consilia in necem Engelberti agitare cepit. Quam in rem Susati etiam nefarios homines in societatem meditati sceleris attraxit. Monitus per literas fidi amici Engelbertus hæc in caput ejus proculdi, quas cum Conrado Mindensi Episcopo legendas dedisset, pedibus proculcatas abjecit in ignem; quod ex his, ut aiebat, novus inter ipsum, & Fridericum Comitem dissidii fomes esset. Accersitis subinde Theodorico & Engelberto Episcopis Comitis fratribus, quæ de conjuratione Friderici in suam necem ad se delata essent, aperuit. Illi sine metu Engelbertum esse jubent; nec enim sibi se persuadere, tantum flagitium in mentem fratris venire posse: vanos hos confictosque esse a malevolis rumores, quibus nulli prudenti fides esse debeat. Interim monitus a Conrado Mindensi Episcopo, viro egregio pioque e Comitum Diepholdiorum familia, aliisque sincerioribus amicis, caveret sibi, vitæque consuleret. Quæ cum illi ex certis conjurationis indicibus exponerent; Engelbertus in omnem partem anxius, vocato in sacrarium templi Mindensi Episcopo confessionem illi omnium delictorum ab omni retroacta vita facit, tanto doloris sensu, ut identidem inter verba lacrymæ fluerent. Peracta confessione lætus, jam, inquit, quod supremo numini visum fuerit, de me fiat: alteroque die soluto Susati conventu, in quo nihil ob pertinaciam Friderici Comitis confici poterat, se in viam dedit, Swelmensem in Marchia suæ diocesis Ecclesiam consecraturus. Abeuntem cum aulæ comitatu deducit Comes, & quo conceptum animo scelus fallacis tegetet, blande aliquamdiu colloquio affatus comitatur; pollicitus etiam, se Archiepiscopum Nurembergam ad Imperii comitia secuturum, ut omnis hic controversia inter ipsum &

Archiepiscopum Principum judicio finiretur. Inde discedendi facultate petita explorataque via, quam Swelmiam versus ingrediebatur, mox cum xxv Sicariis, quos conjuratos habebat, redit, & nunc benigno, nunc feroci Vultu spectandum se offert, tanto metu incusso, ut pars aulici comitatus sensim diffugeret. Constantior Conradus Comes Tremoniensis monebat iter acceleraret per infesta montium loca; donec in angustias, locumque insidiarum perventum: hic signo Sicariis dato, uno omnes impetu & stricto ferro, involant, perfossoque mox latere alius super alium ictus ingeminat. Numeratæ supra 40 letales plagæ inflicte; quibus adeo corpus laceratum, vix ut locus vulneri amplius superesset.

In hunc modum D. Engelbertus Colonienſis Ecclesiæ, haud secus, quam Thomas Cantuariensis, Archiepiscopus pro libertate Ecclesiæ martyrio decoratus occubuit; quantumque hic Angliam, tantum ille Westphaliæ illustravit; quippe clarissima Comitum Altenæ & Montium familia ortus, ex qua jam ante Engelbertum Colonienſis Ecclesia tres Archiepiscopos habuerat; Corpus cæsi Archiepiscopi primo ad Monasterium veteris montis, deinde Coloniam translatum, magno omnium piorum lætu; Multis exinde miraculis illustrior Engelbertus Divorum cultu decoratus est.

Ad tantam sceleris immanitatem vindicandam accelerata Cleri comitia, moderante Theodorico Trevirensi Archiepiscopo; delectusque xv Novembris Henricus Mollenarckius Bonnenſis Præpositus ex nobili Thombergorum & Mollenarckiorum Dynastarum familia, vir acri ingenio, & excelso Principis animo. Vix ille thronum Episcopi conscenderat, cum ad voces Colonienſium vindictam poscentium se ultorem juravit. Colonia igitur, ut Cæsius memorat, *Francfurtum ascendens ad colloquium Regis, corpus Martyris duobus Abbatibus ordinis Cisterciensis deferendum commisit, Godfrido videlicet Abbati Montensi, & Henrico Abbati Vallis S. Petri; cumque præsentatum esset corpus Regi & Principibus. & cum 40 mortis insignia, interula, diplois, & pileis, iis, qui corpus*

D. Engelbertus in Archiepiscopatu succedit Henricus Mollenarckius.

Uuuu

pus

Poem sumitur de  
reia necis S.  
Engelberti.

pus præcedebant districtis gladiis, ut habent legum jura, contra Fridericum latronem vociferantibus, turbatus est Rex puer, qui perinde, ut lugere solet filius patrem & puer tutorem suam, extinctum planxit Episcopum, proscriptionem vero Friderici in celebri conventu Nurembergensi factam renovavit: damnati Comitis bona hæreditaria ad fiscum redacta, feuda Dominis sunt adjudicata. Cæteri qui facinoris participes inculabantur, Theodoricus Comes Clivæ, Godefridus & Wilhelmus Friderici parricidæ fratres, Otto Comes Teclenburgicus, Hermannus Comes Lippensis, Comes Swalenburgensis, aliique complures, ad tribunal Imperii postulati, Theodorici vero Monasteriensis, & Engelberti Osnabrugensis Episcopi causa, quod ejusdem criminis rei inculabantur, ad Conradi Apostolici Legati, & Honorii Pontificis judicium est remissa.

Ac postquam Mollenarckius Archiepiscopus Francofurti regalibus exornatus fuit, cum corpore Martyris Moguntiam descendit; ubi Conradus Apostolicæ Sedis Legatus, Episcoporum & Abbatum synodo congregata, Engelbertum Martyrem pronunciavit; Fridericum vero Comitem, & quotquot in societatem parricidii venerant, anathemate perculit; quam sententiam per Moguntiam, Colonensem, Trevirensensem, Bremensem & Magdenburgensem Metropoles, earumque dioceses promulgari jussit, cereis per omnes Ecclesias in detestationem sceleris singulis dominicis diebus extinctis; id quod Cæsius Moguntiz, Godefridus Coloniz, post Natalem Christi factum perhibet. Ea in synodo recitata tum palam literæ Theodorici Monasteriensis & Engelberti Osnabrugensis Episcopi, quibus se uterque innoxium excusat, queriturque cum infamia nominis sui inique se traduci; & si audiantur, paratos esse juxta canones sacros se purgare: Engelbertus etiam fiducia innocentiz ausus consecrationem petere. Ad quæ Legatus benigne respondit, proniorem se ad clementiam, quam severitatem. Quare ad proximam synodum sub initium sequentis anni Leodii celebrandam adesse jussit; ibi si objecta accusationis capita diluant, innocentes abs se pro-

nunciandos; ea vero in synodo cum non satis diluerent, quæ a Colonien-sibus crimini dabantur, a Legato ex consensu Episcoporum ad Pontificis tribunal remissi sunt. Igitur Romam profecti, cum nec apud Pontificem se purgarent, uterque anno proximo Episcopatu exutus est; & Theodoricus Monasteriensis Episcopus haud multo post in itinere Romano morore consumptus excessit e vita, & in peregrino solo, incertum quo loco, humatus est. Præsul extra hanc labem, seu veri seu ficti criminis, egregius, qui hoc ipso anno præter cetera præclara opera novæ Basilicæ Monasteriensis fabricam jacto primo lapide aggressus est. Quippe ab ea Basilica, quam D. Ludgerus Caroli M. ætate struxerat, Dodo X. Monasteriensis Episcopus longe augustiorem erexerat. Stetit illa supra centum annos, cum incendio deformata. Aliam reposuere consequentes Episcopi, sed opere minus firmo & angusto. Tandem Theodoricus Isenburgicus augustam hanc fabricam, dejecta priori, ea qua nunc aspicitur amplitudine erigere cœpit; in qua magnifica structura per annos xxxvi laboratum, donec a Gerardo Episcopo absolveretur, & festo Mariæ Magdalenzæ dedicaretur; quo die Theodoricus opus cœperat, & ipse per hæc tempora e vita abiit. Tanquam hanc patronam sibi delegerit, cujus festum etiam diem in Ecclesia Monasteriensi celebrem sanxerat. In Episcopatu Successorem habuit Ludolphum ex nobili Holtiorum inter Westphalos familia; anno certe 1227, notatum in tabulis Episcoporum reperio. Quis vero in Episcopatu Osnabrugensi Successor fuerit, mirum quam variant auctores; Ertwinus, Crantzius, Merseus, & Cleinsorgius, Adolpho, nulla habita ratione Engelberti Isenburgici, substituunt Engelbertum Teclenburgensem Comitem: Gelenius Engelberto Isenburgico subrogat Conradum, ex inscriptione Ecclesiæ Heisterbacensis, cujus dedicationi anno 1227 interfuisse legitur Conradus Osnabrugensis Episcopus. Idem Gelenius haud incongruenter asserit Engelbertum Isenburgicum postliminio redditum esse Ecclesiæ Osnabrugensi; nam tabulas fœderis cum Conrado de Hochsteden Archiepiscopo Colonien-si initi producit anno Mccxlviii ab Engelberto Osnabru-

Episcopi  
Osnab. &  
Monast. s.  
purgatur  
Romam pe-  
runt. Quo  
in itinere  
Theodori-  
cus Ep. Mo-  
nast. mori-  
tur.

nabrugensi Episcopo apud Susatum consignatas, in quibus inter testes sititur Bruno frater Engelberti Episcopi, Præpositus Osnabrugensis; quem forte Scriptores illi pro Engelberto Of-

nabrugensem Episcopum nobis obtrudere. Sed prætermisiss hisce falebris, planiora de Olivero nostro prosequamur.

## Annus Christi 1226.

Honorii III. Pont. 10. Friderici II. Reg. 14. Imp. 7.

Oliveri Ep. Pad. 3. Cardinalis I.

Oliverus  
ab Honori-  
o in Cardi-  
natum nu-  
merum co-  
optatur.

Annus vigesimus sextus supra ducentiesimum & millesimum adfluxerat, quo Oliverus ab Honorio Pontifice Romæ in Cardinalium numerum adscitus; præclaro sane ejus cum elogio & testificatione virtutum. Nam postquam ex prima admissione congressuque didicisset Pontifex, quæ Oliverus hæcenus bello sacro tam præclare egerat, inspexissetque coram, quæ tanta famæ ejus celebritate acceperat, ipse Oliverum Romæ Paderbornensem Episcopum consecravit; itaque virum ex aspectu virtutum æstimavit, ut in urbe sibi inter intimæ admissionis Consiliarios retinuerit, dignumque censuerit, quem in eminenti purpuratorum Patrum theatro collocaret, opera exinde ejus per Germaniam & totius Ecclesiæ administratione usus. Quemadmodum mox etiam cum Tusculano Episcopo & Cardinale Oliverum Lepatum ad Fridericum Imperatorem misit. Quare scriptis hoc anno ad Cathedrale Paderbornensis Ecclesiæ Collegium literis potestatem Canonicis fecit eligendi alium in locum Oliveri Episcopum: eas hic recitare necesse habemus, ex quibus singula quæ diximus explicatius certiusque cognoscantur.

Cum Apostolica Sedes, Ecclesiarum omnium gerens sollicitudinem generalem, singularem utilitatibus pro loco ac tempore studiose providere desideret, prout sibi Dominus administrat, ne si pro aliis adeo intenta sollicitudine versaretur, quod sui quasi negligenter oblita necessitati suæ consulere prætermitteret, merito posset de minus ordinata redargui caritate, viros claros, quos ad cooperandum sibi cognoscit idoneos, frequenter ad se advocat & assumit, sic illos honorans, ut nihil omnis utiliter provideat Ecclesiæ generali. Sane cum M. Oliverius tunc electus vester ad nostram præsentiam accessisset, nos ipsum,

quem fama laudabilis nobis multipliciter commendarat, recipientes hilariter ac benigne, munere sibi consecrationis gratanter impenso, ipsum post aliquamdiu apud Sedem Apostolicam commorantem, merita virtutum ejus, quæ prius intellexeramus probabilibus argumentis, evidenter experti, in consortium nostrum admisimus, & transtulimus in Episcopum Sabinensem; qui ut speramus in Domino, ita serviet Ecclesiæ generali, ut vestra tanquam prioris sponsæ dilectionis, servet gratiam specialem. Ceterum ne, quod absit, Ecclesia vestra pro defectu Pastoris, alicui subiaceat detrimento, universitatem vestram monemus & hortamur, per Apostolica vobis scripta mandantes, quatenus convenientes in unum, Spiritus Sancti gratia invocata, provideatis vobis de persona idonea per electionem Canonicam in pastore, qui tanto congruat oneri & honori. Verum ne obrepenti dolosis vel violentis locus pateat irrumpendi, dil. f --- de Hejethbehusen, & de Bredelare abbatibus Paderb. diocesis nostris dedimus literis in mandatis, ut vos ad electionem Canonicam celebrandam moneant propensius & inducant. Quare vobis injungimus, ut in electione taliter procedatis, quod Ecclesia nullo diffidio laceretur, nec vos exinde præter damnum conscientie poenam officii vel beneficii sentiat, sed potius mereamini apud Dominum & homines de zelo, & scientia commendari. Datum Reatæ V. Calend. Octobris, anno X.

Igitur Oliverus, quem fata tantum ad magnum emolumentum & felicitatem Paderbornensis Ecclesiæ ostendisse videri poterant, gesto per triennium Episcopatu, abripitur ad purpuram, futurus ex Paderbornensi Episcopo Sabinenensis; magno quidem nominis sui decore. Sed non minori Paderbornensium dolore. Primus qui ex Episcopis Uuuu 2 Pader-

Gobel. anst.  
6. c. 67.

Paderbornensibus cooptatus in Cardinalium numerum; tam raro ejus ætatis exemplo, quam ingentia ipsius in Ecclesiam merita erant; & conspecta inter ceteros Germaniæ Episcopos, probataque a Pontifice virtus. Refert Gobelinus noster ab Honorio Pontifice omnibus Ecclesiam Paderbornensem die dedicationis pie frequentantibus XI dierum relaxationem a noxis indultam, anno Pontificatus ejus XI, idque a Bernardo ejus nominis IV Episcopo impetratum; quo multum fallitur Gobelinus, cum id Olivero adscribendum, ut temporum ratio docet; quando Honorius Pontifex, antequam Bernardus Episcopatum adiit, naturæ concesserit.

Oliveri obi-  
tus, & præ-  
clara inge-  
nii monu-  
menta.  
Ciaccon. de  
Cardin.  
Ughell.  
Odericus ad  
annum  
1228.

At non multum Oliverus in suprema illa dignitate Ecclesiæ Cardinalis superstes vixisse apparet; alteroque etiam ab hinc anno cum Honorio Pontifice obiisse verisimilius dixeris, eo quod inter XX Cardinales, qui Honorio Pontifice XV Calend. Aprilis extincto Gregorium IX subrogarunt, non reperitur Sabinensis Episcopus & Cardinalis a Ciacconio recensitus. Quemadmodum & Ughellus etiam in literis anno 1227 datis Oliverum *bonæ memoriæ* virum compellat, & in literis ad annum 1228 ab Odorico productis Episcopus Sabinensis, qui per id tempus Oliverus erat, eodem mortuorum titulo notetur; sed erit, qui certiora nobis de his aliquando referat. Nec magnopere ex morte & sepulchri loco ejus memoria requirenda, qui Scriptorum testimoniis longe clariora posteritatis monumenta, ac rebus præclare gestis famam nominis immortalitati consecram possidet. Ac ne hæc ab alienis requiramus, ipse Oliverus etiam præclara ingenii doctrinæque suæ monumenta reliquit; Duos enim egregios in Palæstina conscripsit libros, quorum primus ab eo inscriptus, *Historia Regum terræ sanctæ, quam Magister Oliverus Coloniensis Scholasticus in obsidione Damiatæ apud Ægyptum contexuit*, ducta narratione ab anno MLXXXV, ac prima expeditione Godefridi Bullionis Ducis, Regisque Hierosolymitani, quam deinde ad Friderici Barbarossæ expeditionem ac sua tempora pertexuit. Alter Oliveri liber inscriptus, *Historia Damiatana*, quo Damiatæ expugnationem, cui & ipse, ut diximus, inter-

fuit, accurata descriptione complexus est. Ex eo libro transumpta est Epistola ad Engelbertum Coloniensem Archiepiscopum suum, & præfules Coloniensis Ecclesiæ, cujus supra meminimus. Pia & erudita Oliveri monumenta, quæ manuscripta servantur in Bibliotheca Ferdinandi Episcopi nostri, dignaque, quæ ex prælis in publicam lucem proferantur.

Hæc de Olivero clarissimo Germaniæ lumine, & sanctissimo Paderbornensi Episcopo; cui inter omnes mortalium casus acerbissimus fuit funesta D. Engelberti cædes; quem ille Archiepiscopum suum uti Coloniensis Scholasticus intime semper dilexerat colueratque, ita postquam Paderbornensis Episcopus delectus fuit, optimum semper patronum fidumque in omnibus adiutorem nactus est. At hoc ipso anno, qui alter erat a cæde Engelberti, Deo vindice, auctores & Sicarios, uti D. Engelbertus prædixerat, pœna consecuta est.

Enim vero Henricus Mollenarckius Archiepiscopus, quod in throno collocatus jurarat Coloniensibus, acerrimum se vindicem tulit nefariorum hominum. Quam in rem maximum copiarum delectum instituit, evocatis ad arma quotquot aut fœdere, aut jure clientelari Agrippinensi Ecclesiæ obnoxii erant. Convenere in hæc ultrocia arma Henricus Dux Brabantiae, Gerhardus Geldriæ, Theodoricus Cliviæ, Gerhardus Juliæ, Adolphus Marchiæ Comites, ac totius fere Imperii proceres, tanquam ad sacrum quoddam bellum, adversus Ecclesiæ hostes & perduelles sumptum. Ac postquam instructus exercitus se ad Rhenum collegerat, itum primo ad Friderici parricidæ castra expugnanda; quorum alterum erat Isenburgicum ad Ruram, in alto montis vertice infra Hattingam Oppidum, ac Sedes Isenburgicorum Comitum, quod ob loci situm inexpugnabile habebatur; id tamen ubi obsideri, expugnarique cœpit, præsidarii metu perculsi Archiepiscopo dedunt: uxor Friderici cum liberis abire permissa, arx funditus eversa, & solo æquata. Mox processum ad alterum castrum Lippiæ assitum, quod Nienburgum, seu pontem novum, dixere, idque

Cesar. in vlt  
ra Engelb.  
c. 17.  
Gelen. in  
not.  
Godefrid.  
in Annal.  
Chron. M.  
Henricus  
Archiep.  
Colon. ad  
ulciscens  
dam D. En-  
gelberti nec-  
em se pœ-  
rat.



idque primo accessu expugnatum, & e fundamentis disiectum; quanquam e vestigiis ejus Hammona post Oppidum ab Adolpho Marcano Comite istic repositum.

Crantz. l. 7  
Metrop. c.  
43.  
Wittius  
Chron. Mos.  
nast.  
Oppu-  
gnantur  
Comites  
Teclenbur-  
genfis &  
Swaleno-  
berg.

Inde exercitus, quod præter Crantzium annales tradunt, traductus in Westphaliam adversus Ottonem Comitem Teclenburgensem; Comitem Swalenburgensem, & Hermannum Comitem Lippiensem; quem tamen alii omni culpa absolvunt. Cetera Oppida, pagi, Villæ, ferro flammaque evastata sunt: arces Teclenburgum & Swalenberga, perlato in diocesin Paderbornensem bello, incinctæ, aliquamdiu obsidionem toleravere. Dum Comes uterque ad extrema pressus Archiepiscopi clementiæ, & arbitrio se permetteret; petitoque colloquio descendere in castra, fœdus quidem cum Friderico Isenburgico confessi, sed nec se cædis fuisse conscios, nec consilio opeve adstitisse; adeoque confisi innocentia id dixere, ut si convinci possent ultro se ad omnes parricidarum pœnas offerrent. Quare haud alia pœna mulctati, quam feudorum, quæ a Coloniensi Ecclesia tenebant, jactura. Jussus interim uterque Comes Monasterium condere, in quo pœnitentiam agerent. Obsidionem Teclenburgenfis arcis in alterum annum protractam fuisse, testes esse possunt literæ fœderis inter Henricum Archiepiscopum & Osnabrugensem Episcopum anno proximo consignatæ.

Diversis Si-  
carii sup-  
pliciiis affi-  
ciuntur.

Sed longe atrocius processum in ipsos Sicarios: ex his duo capti; quorum alter in Insula Rheni in conspectu Coloniensium actus in rotam; alter pedibus equo alligatus, raptatusque per urbis plateas, simili supplicio excrutatus. Ceteri aut profugi, aut iisdem tormentis periere. Accessit postremum Fridericus Comes, memorabile posteris spectaculum. Is postquam vagus proscriptusque, Romam se contulerat cum fratribus, purgaturus causam in Romano tribunali, nec quicquam illic patrocinii reperisset, Leodium venit; ubi a Balduino nobili quodam agnitus, invitatusque ad hospitium, intra Leodium & Hujum capitur; protractusque in navem secundo

Casarius  
Leveld, in  
Chron.  
Marcano,  
Godefrid.  
in annal.  
2100 mar-  
tis scribit.

Mosa Visetum deducitur, venditur, que Gelro Comiti marcis bis mille; quod pretium in caput ejus statutum erat a Mollenarckio Archiepiscopo; quo a Mollenarckio recepto, traditur in manus Archiepiscopi, ac festo D. Martini captivus Coloniæ introduci-

Fridericus  
Isenburgi-  
cus capti-  
vus Coloni-  
am deduci-  
tur.

tur. Triduo in palatio detentus, omnes sceleris socios, interque hos etiam Theodoricum fratrem meditatæ necis conscium, prodidisse fertur. Sed longe salubriori confessione delictorum aliquoties Sacerdoti facta, ultro se ad supplicium pro expiando scelere obtulit. Igitur 18 Calend. Decembris extra urbem vinctus educitur. Locus supplicii erat in colle ante portam D. Severini, in quo columna circumposito infami theatro erecta stabat; quo cum perventum fuit, dejicitur a Carnificibus in terram Comes, quibus singula membra securi frangenda obtulit; brachiaque, crura, & dorsum sedecim ictibus contusa. Quæ tam constanti patientique animo pertulit, ut nec gemitu, nec voce doloris signa edere auditus fuerit. Laceratum deinde corpus attractum funibus in feralem rotam; in eaque ad matutinas usque preces vivus hæsit, haud aliud a circumfusi populi multitudine rogando, quam ut supremum Deum suis precibus sibi propitium redderet; quæ ingenti omnium commiseratione excepta sunt. Præclaro simul documento, neminem quemlibet magnorum scelerum reum, si pœniteat, repelli a misericordia Dei; & pro magnitudine delicti suscitari sæpe uberiores gratiæ fontem. Quod D. Engelberti patrocínio, cum moriens pro inimicis suis oraret Deum, adscribendum censuit. Ferunt & matrem sub rota stetisse, vota que pro filio concepisse eundi ad limina Apostolorum, construendique Monasterium; in quo vitam exegerit, placando Deum pro filii delicto. Uxor Comitissæ ex clero Limburgicorum Ducum sanguine haud multo post subita morte extincta. Repertumque cor ex continuo doloris pulsû ita attenuatum, ut fabæ vix magnitudinem excederet. Qui supplicii acerbicatem expendere, scribunt supra christianam pietatem & mitatem sævitum in Comitissæ supplicio. Auctor est Trithemius ab hoc supplicio Comitissæ miracula, quæ ad sepulchrum Engelberti

Et contra-  
ctis mem-  
bris, rotæ  
impositus,  
pie & pœ-  
nitens mo-  
ritur.

Henricus  
Mollenar-  
ckius Ar-  
chiep. Co-  
lon. con-  
secratur.

gelberti frequentia patrabantur, cessasse. Sed rariora illa fuerint; quando inter hæc in pervigilio D. Matthæi Henricus Mollenarckius Coloniensis electus Archiepiscopus a Theodorico Trevirorum Archiepiscopo, præsentibus omnibus ejus Metropolis Episcopis solemnî ritu consecratus, uti id a Gode-

frido relatum est; qui si provinciales illos Episcopos numerasset, certius nobis constaret, quis Engelberto exautorato in Osnabrugensi Sede subrogatus esset. Sed eo nobis in Episcopatu Paderbornensi ex hoc anno ad Successorem expeditior certiorque transitus est.



WILLE-



# WILLEBRANDUS

## XXII.

### EPISCOPUS PADERBORN.

**I**gitur Oliverus, ut diximus, in numerum Cardinalium, & Episcopum Sabinensem provectus, quando duos simul Episcopatus retinere fas non erat. renunciavit Paderbornensi. Quod ipsum cum & ille perscriberet ad Canonicos majoris Ecclesiae, & Honorius Pontifex literis supra relatis potestatem faceret alium in ejus locum subrogandi Episcopum, Canonici Cathedralis Ecclesiae una suffragiorum consensione delegere Willebrandum, virum ea tempestate ex illustrium Comitum Oldenburgicorum familia celebrem. Quippe qui a Parentibus, uti Henricus Pantaleon scribit de viris illustribus Germaniae, a prima aetate ad studia literarum ductus, ob ingenii felicitatem in omni scientiarum genere & virtutum cultu mirifice inter aequales semper excelluit; eoque primum inter Canonicos Paderbornensis Ecclesiae cooptatus, praeclarum pietatis, ac religionis specimen dedit. Deinde, ut Heida ex aliis quibusdam refert, Zutphanensis, & a magna Capituli parte Trajectensis Praepositus delectus. Postremum, quod extra controversiam, Hildesienfis Praepositus factus est; ad quos tamen dignitatum gradus non nisi ab anno Mccxi est provectus, quod hoc anno adhuc Paderbornensis ut Panthaleon refert, seu Hildesienfis Canonicus fuerit (ut ex ipsius Willebrandi literis certum) protectionemque in terram sanctam, seu voti seu pietatis causa suscepit. Quam ille peregrinationem, cum Canonicus adhuc in comitatu Ducis Austriae & Hermannide Salza Magistri Alemannorum suscep-

pisset, totum illud iter perlustratae Palaeatinae eleganti, ut tum ferebant tempora, narratione complexus est; uti haec in Bibliotheca Brunensis Monasterii apud Sueffionem reperta, & a Luca Holsteinio descripta, communicataque cum Leone Allatio; quod scriptum vir ille doctissimus tanti fecit, ut typis Colonienfium in publicam lucem protulerit, perpetuum Willebrandi Episcopi nostri monumentum. Seu nunc Willebrandi doctrinam ex erudita hac lucubratione, quam brevitatis studio hic omittimus: seu magis religionem pietatemque aestimare libet; illustre sane virtutis doctrinaeque specimen ex privata Canonici vita dedit. Ob quae decora haud immerito postea ad Praepositi dignitatem in Ecclesia Hildesienfi expetitus est; itaque in illo munere se probavit, ut publicis etiam Imperii negotiis admotus inclarescere coeperit. Quapropter mortuo Olivero a Canonicis nostris ex aliena Ecclesia Episcopus delectus, ante exitum hujus anni Episcopatum adiit; quod hisce Willebrandi tabulis, quibus cum Collegio Cathedrali Hildesienfi liberaliter transegit, certum facimus.

*Bona in Willeb.*

*Willebrandus Dei gratia Paderbornensis Episcopus, universis, ad quos praesens scriptum pervenerit, salutem. Praesenti scripto potestatur, quod cum Conradus major Praepositus, & Capitulum Hildesimense damnis, injuriis, actionibus, quae sibi contra nos occasione administrationis nostrae in Praepositura Hildesimensi competere dicebant, sponte renuntiassent; Nos memores*

Willebrandus ex familia Comitum Oldenburg. & Praeposito Hildesienfi deligitur Episcopus Paderborn.

Abbas  
S. S. S.

mores beneficiorum multiplicium, quibus Ecclesia Hildesheimensis nos a primis temporibus nostris honoraverat, liberaliter eis in recompensationem damnorum, si quæ ex parte nostra sustinuerant, quinquaginta libras contulimus, easdem in manus Dominorum C. Hildesheimensis Episcopi, & F. quondam ejusdem loci Episcopi, promittentes XX libras in die Purificationis beatæ Virginis, X libras infra festum Pentecostes, & XX libras in die beati Michaelis persolvendas; ut sic omnis rancor & actio conquiescat, & familiaritatis & amicitie consuetæ serenitas inter nos conservetur. Acta sunt hæc anno Domini MCCXXVI, III Calend. Novemb.

Willebrandi electio-  
nem pro-  
moveret  
Conradus Ep.  
Hildes.  
Odoricus in  
hist. Eccles.

Multum, ut opinari fas est, commendavit Willebrandi electionem Oliverus, qui per id tempus Romæ agebat, sollicitusque erat de optimo Successore in Ecclesia Paderbornensi constituendo. Multum præterea egerit Conradus Hildesheimensis Episcopus pro suo Præposito substituendo, vir, qui postquam Parisiis in omni scientiarum genere excultus fuerat, primum præco crucis bellicque adversus Albigenes in Gallia multa præclare egerat; deinde orator belli sacri per Germaniam populares suos ad signa in Palæstinam evocarat, & Honorio Pontifice, ut supra monuimus, peragrando regiones, eademque, quo Oliverus, merito sacrorum laborum & virtutum ad Episcopatum Hildesheimensem provectus erat; tum vero clarus in aula Pontificis & Friderici Imperatoris publicis pro christiana Republica legationibus operam dabat, ultro citroque inter Pontificem & Imperatorem commens magno inprimis apud Fridericum Imperatorem loco, uti testantur diversa Ecclesiæ Hildesheimensis diplomata; quorum alio Imperator Parmæ confirmat emptum Dapiferi munus ejusdem Ecclesiæ: alio litem, quæ intercesserat inter Goslariensem Præpositum, atque ipsum Conradum Hildesheimensem Episcopum, decidit: alio exuvias defuncti Hildesheimensis Episcopi relinquit Ecclesiæ Hildesheimensi. Igitur hic Conradus, qui Præpositi sui virtutes optime cognitās habebat, pro Willebrandio Oliverio subrogando impense laboravit.

Accessit ad cetera Willebrandi ornamenta claritudo generis; quippe qui ex veteri & illustri Comitum Oldenburgicorum familia ortus erat; quod cum nostrorum fastorum auctoribus tradunt Beka, Heida, Buchelius, ceterique Trajectensis Ecclesiæ (ad quam postea translatus est Episcopus) Scriptores: habuitque ex ea familia Oldenburgicorum Bremensis Ecclesiæ duos præstantes Archiepiscopos Hildebol- dum & Ottonem; fallunturque qui Ottonem Willebrandi patrum faciunt, cum is anno MCCCXLIV demum Archiepiscopus delectus sit.

Braschius.  
Kersembr.  
Beka in  
Chr. Traject.  
Heida in  
Chron.  
Buchel.  
Hist. Brem.  
Archiep.  
Hammel in  
Chron.  
Old.  
Gelenius.

Ceterum Willebrandus Episcopus noster post electionem, cui Paderbornæ præfens interfuisse refertur ab Heida, magna omnium gratulatione collocatus in solio, sacramque præfecturam auspicatus, sedulus fuit in perlustranda dicecesi & Cleri disciplina, in demerendis Canonicorum & Ministerialium animis, in componendis domesticorum & vicinorum controversiis. Quare cum per id tempus graviter inter se dissiderent de paternis bonis Ludovicus & Otto fratres, Ravensbergæ Comites; Willebrandus Episcopus noster, & Hermannus Comes de Lippia, ac filius ejus Bernardus utrumque in certas pacis leges reconciliarunt: quibus Ludovico Ravensberga & Bilsfeldiæ Oppidum, Ottoni vero Vlora & Vochta, & quæ singulis circumposita sunt hæreditaria bona cederent; quibus fratres acquievere. Hunc in modum lis, quæ inter Volcquinum Swalenbergensem Comitem, & Abbatem Cœnobiumque Abdinghovianum super prædio Eskerdorpiano intervenerat, auctoritate & judicio Willebrandi composita est. Extant hac super re Willebrandi Episcopi tabulæ. Actaque hæc referuntur anno verbi Incarnati MCCXXVI, Indictione XIV. Testes adscribuntur Volradus Præpositus, Volcquinus de Swalenberg, Amelungus, Hermannus majoris Ecclesiæ Paderbornensis Canonici, tam Laici quam Ministeriales alique quamplures.

Willebrandus Ep. di-  
versas lites  
& contro-  
versias com-  
ponit.

Extant & aliæ ex hoc anno Willebrandi Episcopi literæ, quibus præclare meritis de Alberto Abbate, ejusque Cœnobio Abdinghoviano, villam partim

Et benefa-  
cit Abding-  
hovianis.

partim emptam, partim a se donatam tradit Cœnobitis. Facta est hæc donatio, ut loquitur Episcopus, curia nostra, Anno Dominicæ Incarnationis Mccxxvi. Indictione xiv. Pontificatus nostri anno I. Hujus rei testes sunt Volradus Præpositus, Amelungus Decanus, Volbertus Cellerarius, Her-

mannus Custos, Hartmannus Sacerdos, Albertus Diaconus de Ecclesia BB. Petri & Pauli, Lippoldus Comes & fratres ejus, præterea milites & Ministeriales nostri, & alii quam plures. Cetera quæ a Willebrando primo ejus gesta sunt vetustas subduxit.

## Annus Christi 1227.

Gregorii IX. Pont. I. Friderici II. Reg. 15. Imper. 8.

Willebrandi Ep. Pad. 2

Consequitur nunc annus Christi Mccxxvii, quo Honorius Pontifex 15 Aprilis excessit e vita, subrogato mox in ejus locum Gregorio IX. Nihil per extremos vitæ annos sollicitius egerat Honorius, quam ut Christianos Principes ad expeditionem sacram permoveret. Et jam Ludovicus Thuringiæ & Hassiæ Landgravius, D. Elisabethæ conjux, Princeps religiosissimus ingentem ex his regionibus contraxerat exercitum, quo in Italiâ progressus, expectabat Brundusii Fridericum Imperatorem, supremum hujus expeditionis Ducem. Sed illo, ut jam multos annos fecerat, tergiversante, & per fallacias eludente omnium expectationem, moritur interim in Apulia incredibili omnium luctu Landgravius; deinde florentissimus ille exercitus, ad quem ex Gallia, Anglia, ceterisque provinciis confluerant supra quadraginta millia selectissimorum militum, aut dilapsus, aut caloribus italicis extinctus est, multique iis quibus venerant navibus recessere. Et quia omnis mali auctor Fridericus Imperator, a Gregorio Pontifice extra communionem sacrorum piorumque ejectus est. Non tamen defuere a Germanis, qui cum Henrico Duce Limburgico in Palæstinam penetrarint. His licet Imperator invisus; eo tamen jubente; Henricus Rex filius, cui in locum D. Engelberti tutor erat datus Ludovicus Baviaræ Dux, Aquisgrani frequentissimum habuit Principum conventum; ad quem accedere Colonienfis, Moguntinus, Trevirensis Archiepiscopi, multique cum his Episcopi, Duces Austriæ, Baviaræ, Carinthiæ, Lotharingiæ, Comes Flandriæ, atque ingens procerum multitudo. Eo in congressu Agnes Leopoldi Ducis Austriæ fi-

lia, Henrici Regis conjux, ab Henrico Mollenarckio Colonienfi Archiepiscopo coronata est. Subinde Henricus Palatinus Ottonis IV. Imperatoris frater defunctus est, nullo masculo hærede superstitē, quippe quem mors ante xii annos rapuerat; filia tamen duæ illi fuere, quarum natu major Friderico Imperatori Brunswicum venderat: altera natu minor Agnes Ottoni Ludovici Baviaræ Ducis filio denupta erat, quacum Palatinatus Rheni in dotem venit a Saxonibus ad Bavaros cum Leonum insignibus translatus. Morte igitur Henrici Ducis vicinum nobis bellum exardere cœpit, Henrico Rege Brunswicum, quod pater emerat, poscente. Sed his prævertit Otto Wilhelmi Ducis Lunenburgici filius, unicus ex familia Henrici Leonis masculus hæres: urbeque intercepta, Brunswici non minus quam Luneburgi se possessorem asseruit; quanquam infelici Principatus auspicio. Quippe hoc anno grave bellum exortum inter Waldemarum Regem Daniæ, & Nortalbiniæ Dominos, Gerhardum Archiepiscopum Bremensem, Albertum Ducem Saxoniz, Henricum Zwerinensem & Adolphum Schawenburgi Comites. Commissoque acri ac memorabili prælio ad Burnhovedam, Rex quidem fuga elapsus; sed Otto Dux Lunenburgicus, a Zwerinensi Comite captus in vincula abripitur; quibus exolutus, anno 1235 a Friderico Imperatore Moguntiz Lunenburgi & Brunswici Dux solemnī ritu pronuntiatur, fundatissimæ hujus familiæ in suos etiam horum temporum nepotes propagator. Hac victoria postquam Otto Dux Lunenburgi captus, & Henricus Palatinus obierat, Gerhardus Bremensium Archiepiscopus, decus Comitum

Xxxx

Lip-

Wilefrid.  
in Annal.  
Ursberg.  
Richard.  
Alb. Brad.  
Odoricus in  
hist. Eccles.

Alb. Brad.  
Cronica lib.  
7. Saxo c.  
40.  
Hist. Brem.  
Archiep.

Fridericus  
Imp. expe-  
ditionem  
in Palæsti-  
nam retar-  
dat.

Bellum in-  
ter Regem  
Daniæ, plu-  
resque Sa-  
xoniz &  
Septentrio-  
nales Prin-  
cipes.

Lippiensium nostrorum, postliminio Stadum & Comitatum Stadensem ab Henrici Leonis familia repetitum Ecclesiae suae reddidit. Quippe post excessum Henrici Leonis ex partitione bonorum inter ejus filios facta, Ottoni Imperatori cessit Brunswicum, Wilhelmo Lunenburgum, Henrico Palatino ea bona, quae trans Albim in Nortalbingia acquisierat Leo. Omnia haec demum ad unum Ottonem Wilhelmi filium recidere.

Archiepi-  
scopo Colo-  
nienſi Co-  
mitem Te-  
clenburgen-  
ſem bello  
aggreſſo  
adjuvit E-  
piſcopus  
Oſnabrug.  
Comitis ira-  
ter.  
Cui propo-  
terea, ejus  
que Eccle-  
ſiae Oſnabr.  
Archiepi-  
ſcopus Col.  
donat bo-  
na Teclen-  
burg. Co-  
mite ex feu-  
do poſſeſſa.

At propius nobis bellum trahebatur in obſidione arcis Teclenburgicae, quae hoc anno, ut diximus, a Coloniensi Archiepiscopo ultore necis D. Engelberti expugnata. Belli hujus, quod mirere, adiutorem habuit Engelbertum Osnabrugensem Episcopum, Ottonis Teclenburgenſis Comitis fratrem, quem Otto invitum e Cœnobio Iburgensi Ordinis D. Benedicti Monachum provexerat ad Episcopatum, ratus, quae Advocatus ejus Ecclesiae per spolia egerat, multo sibi liberiora fore favore Episcopi fratris; sed vindicem ille nullum acerbiorum expertus; eoque Ottonem fratrem redegit partim censuris Ecclesiasticis, partim minis armisque, ut Advocatiae renunciare, castra bonaque, quae rapuerat, Ecclesiae reddere coactus sit. Praestantior etiam Episcopus quam Monachus, qui exuto sanguinis affectu patrimonium Christi ante familiae habuit. Hunc virum ut sibi arctius devinceret Mollenarckius Archiepiscopus, possessiones, quas Otto Comes frater ante ex feudo Coloniensis Ecclesiae tenebat, ipsi & Osnabrugensi Ecclesiae dedit. Quod hisce tabulis, quibus res per Westphaliam hisce temporibus gestae illustrantur, commonstrare haud incongruum erit.

Henricus Dei gratia sanctae Coloniensis Ecclesiae Archiepiscopus, ceterique Ecclesiae Coloniensis Priores, omnibus praesens scriptum intuentibus salutem in vero salutari. Licet Coloniensis Ecclesia Osnabrugensi ratione Metropolis ad necessitatum sublevationem quodam modo teneatur: tamen quia specialem servitiorum exhibitionem, & fidelitatem mater in filia adinvenit, specialiter se sibi secundum formam infra scriptam obligare decrevit. Quamobrem tam praesentibus quam futuris notum esse

voluimus, consensu communi, utriusque Ecclesiae praedictae, tam Cleri quam Laicorum sic esse firmatum, ut quaelibet illarum ad mutuam vicissitudinem consilii & auxilii alteri perpetuo sit astricta, unaquaeque injurias alterius ad invicem propulsando, violentiis pro posse & viribus cum effectu resistendo.

Castrum vero Teclenburg cum quatuor curtibus, videlicet: Liden, Brutterbecke, Linge, Millinghusen, quae Otto Comes Teclenburgenſis propter conspirationem necis facinorosae D. Engelberti pia memoriae Coloniensis Archiepiscopi demeruit, Coloniensis Ecclesia tanquam feuda sibi de jure vacantia, cum aliis feudis suis resumit, sed quatuor mansiones ad quatuor Castellanos instituendos in eodem castro, Osnabrugensi Ecclesiae titulo donationis relinquit: Proprietates hereditarias & omnes ministeriales quondam Comiti Teclenburgenſi attinentes, praefatae Ecclesiae aequaliter inter se dividunt, unaquaeque alteri in sua portione obtinenda auxilium, & consilium ad invicem praestando. Si de Villa Linge civitas fuerit constructa, medietas omnium proventuum, sive in Thelonio, sive moneta, sive in judicio consistat, Osnabrugensi Ecclesiae cedit. Si vero in statu, in quo est, perstiterit, nihilominus medietas cum omnibus proventibus, ut supra dictum est, cedit, exceptis his, quae curiae Linge pertinere noscuntur, quae cum ipsa curia specialiter ad Coloniensem referuntur Ecclesiam, divisione autem Ministerialium facta, si quis ex his ab una parte ministerialem alterius partis traduxerit in uxorem, ad vinculum initi foederis & amicitiae inter praefatas Ecclesias fortius consolidandum, uxor sine aliqua commutatione libere virum sequatur, Ministeriales praedicti conditione, qua sub Ottone quondam Domino eorum gaudebant, si ipsam conditionibus Ecclesiarum praelegerint, gaudebunt, sin autem conditionibus Ecclesiarum gaudebunt. Ex parte utriusque Ecclesiae sex Ministeriales praeficientur, qui inter utriusque Ecclesiae Ministeriales decident, si quid inter ipsos emerſerit quaestio- nis. Si autem per ipsos decidi non poterit, ad ipsorum superiores scilicet Archiepiscopum & Episcopum quaestio deferatur decidenda. Expugnatione ca-  
stri



stri Teckelenborg facta, infra spatium sex septimanarum prædicti Archiepiscopi & Episcopi ad divisionem hereditariæ proprietatis & Ministerialium, de quibus supra dictum est, proportionandam consedebunt, & divisione distincta inter eorum præligat, forte dirimetur. Osnabrugensis Ecclesia feuda quæ Comes Otto quondam ab ipso tenuit, tanquam de jure vacantia resumat, atque ut hæc superscripta confœderatio perpetuo valitura, rata & inconvulsa permaneat, Sigillorum nostrorum appendiciis ipsam duximus roborandam. Præsentis confœderationi interfuerunt Conradus major Præpositus & Archidiaconus, Henricus Præpositus S. Severini, Bruno Præpositus S. Cuniberti, Gerardus Præpositus sanctorum Apostolorum Henricus Præpositus S. Georgii, Arnoldus Decanus ibidem, Decanus Sanctorum Apostolorum, Lupertus S. Mariæ ad gradus, Albertus Subdecamus majoris Ecclesiæ, Abbas S. Pantaleonis. Interfuerunt etiam Laici Hermannus de Mullenarcke, Theodoricus de Roisowe, Hermannus de Alvetere Marschalcus, Theodoricus Dapifer de Moninckbusen, Franco Pincerna Gerbardus filius Advocati Coloniensis, Godfriedus de Bacheim Camerarius, Wilhelmus Sildenck, Goswinus filius Marschalci, Richwinus Marschalcus, & alii quam plures tam Clerici quam Laici. Acta sunt hæc anno 1227. Mense Augusto.

Henrico Coloniensi Archiepiscopo, & Ludolpho Monasteriensi Episcopo copiarum, quarum Dux Bernardus de Horstmaria, veteranus miles, eaque tempestate facile celeberrimus. Lustrato ad Arnhemium exercitu, processum in Tubantiam adversus Rudolphum. Is ad hostis adventum soluta Groningensi obsidione haud procul Covordix ad vastam paludem se objicit; in quam dum Episcopi exercitus ductore Domino de Gohre vexillifero præcipitanti quam cautius movet, defertur in loca crebris paludibus impedita, & stagnis foeda, in quibus, nec pedem figere, nec agmina jungere, nec aciem explicare licuit; magisque oblectandum erat cum paludibus quam hostibus. Trentones locorum gnari, postquam agmina hostium paludibus immerfa, avulsaque a mutua ope conspexere, aliud post aliud aggressi, miserandum in modum contrucidarunt. Ingens & deploranda illa strages fuit festo Pantaleonis die. Alii telis clavisque confixi, alii aquis hausti, alii ab ignavis & mulieribus etiam interempti: fugitivos Rudolphus edita ubique cæde in seram noctem est insecutus. Capti in potestatem hostium venere Gerhardus Gelrix Comes, Balduinus Benthemii Comes, Gisbertus Amsterlandix toporcha, Theodoricus Comes de Lippia, Episcopi frater, Præpositus Daventriensis; & quod omnium calamitosissimum fuit, ipse Episcopus Otto interceptus & barbarum in modum tractatus memoratur. Nam verticis suprema cutis, quantum etiam Sacerdotali corona venerabilis, detracta & cum carne ad cranium cultris gladiisque derafa; multis inde probris illusum & vulneribus saucium, proculcatumque pedibus, ipsis Calendis Augusti abjecere in cœnum. Tantum furor etiam christianæ plebis in sacratissimos præfules ausus. Corpus demum integerrimi Episcopi cruore tabidum clam fidi homines extraxere, quod exinde Trajectum deportatum, & magno omnium luctu in Basilica honorifice conditum. Obiit administrato in xiii annum præclara cum laude Episcopatu, vir insigni religione, qui cum Friderico Imperatore, ut supra retulimus, in Palæstinam profectus, & Patrem, quem habuit Bernardum Comitem Lippiensem, post Monachum

Xxxx a

chum

Godfrid. in  
Annal.  
Beka in  
Chron. Ul-  
traject.  
Hida in  
Chron.  
Ultras.  
Alb. Stad.  
M. Chron.  
Belgii.  
Ubbo Em-  
mius.  
Otto Epi-  
scopus Ul-  
traject. oc-  
cumbit in  
bello, quod  
gessit con-  
tra Twen-  
tios.

Quam felix hic annus Gerardo Bremensium Archiepiscopo, tam infautus fuit Ottoni Ultrajectensi Episcopo, Gerhardi Archiepiscopi fratri, bello quod contra Rudolphum Covordix Præfectum & Twentones gessit. Origo causæ hæc erat: dissidebant capitali odio inter se Egbertus Groningæ, & Rudolphus Covordix Præfectus, Ottonis Episcopi ministri. Rudolphus concitatis ad rebellionem Trentonibus, quos nunc Twentios dicimus, ausus Groningam obsidere, & premere ad deditionem. Episcopus hanc sui clientis Egberti injuriam, & Rudolphi audaciam ulturus, imploratis vicinorum auxiliis, arma induit. Accessere in belli societatem Gerardus Gelrix, Florentius Hollandiæ, Theodoricus Clivix, & Balduinus Benthemii Comes. Submissæ præterea ab

sum & Abbatem, consecravit Lealensem Episcopum.

In quo & casus Bernardus Horstmarie dynasta, celeberrimus hoc tempore dux.

Occubuit & inter ceteros bellicosos hujus cladis viros Bernardus Horstmarie dynasta, heros ea tempestate longe celeberrimus; qualem ex Palæstinæ bello contra Saracenos, & ex prælio ad Bovinas, aliisque certaminibus produximus. Nec inultus postremum concidit; nec quisquam illo gloriosior ad Covordiam decertavit; quippe qui ceteris circum se aut prolapsis, aut profugis, stabat immotus, & cum lubricus paludis locus subsideret, quo minus firmum satis pedem figere posset, clypeum subjecit pedibus; cui ad extremum insistens, pugnabat acerrime: stabatque tanquam ferox & Martius leo inter strata circum se cadavera hostium, quos confederat; donec irruentium multitudine pressus, detruderetur in imam paludis voraginem, ubi telis & aquis obrutus occubuit. Corpus haud multo post e paludibus extractum, Horstmariamque delatum, paterno sepulchro conditum; ubi hodie in choro templi Horstmarien-sis vetus inscriptio hanc cæsi herois memoriam servat.

*Annis bis denis septenis mille du-*  
*centis,*

*Ad vada vaccina patuit miseranda*  
*ruina*

*Bernard Tyronis in festo Pantaleo-*  
*nis.*

Patrio quoque versu hæc adscripta:

**Dit waß de beste in sinen Dagen,**

**Dat horet man von Heiden und**

**Christen sagen,**

**Ich will ein nennen up den**

**Port**

**Vor Lovort ward er ermord.**

Aliud vetus epitaphium viri sic habet:

*Albeidis multa jacet hic virtute se-*  
*pulta,*

*Cujus erat natus Bernardus prole*  
*beatus,*

*Magnanimus turbis, præfectus no-*  
*bilis urbis;*

*Horstmarie Dominus cujus pars ut-*  
*tima linus.*

Vir fuit procero corpore, robustis membris, vultu martem spirante, animo militari, & ad omnes belli casus intrepido, qui per 40 annos omnibus fere bellis interfuit, ea militis ac ducis laude, ut a Scriptoribus omnium Teutonorum famosissimus, & Westphaliæ Achilles appelletur. Filium hæredem reliquit Ottonem Horstmarie Dynastam; fuereque ex ea familia ad Valarense prælium superstitēs, quo postremi occubuisse creduntur, quos in Valarenfi Præmonstratensium templo sepultos cyppus exhibet. Horstmaria demum totaque Toparchia Episcopis Monasteriensibus cessit.

At Trajectenses non tam clade suorum (quam alii quadringentorum militum, alii quingentorum censuere) perculsi, quam crudeli & barbara Episcopi nece exacerbati, consilia habere de vindicta & Successore Episcopo, qui se ultorem ferret. Accensi omnium animi, postquam Florentius Hollandiæ Comes cum Ecclesiæ illius clientibus Trajectum advenit. Is quaerat auctoritate & gratia apud omnes, egit pro consanguineo suo Willebrando Paderbornensi Episcopo ad Ultrajectinam Sedem postulando; quod Comite Oldenburgico natus, multos Comitum procerumque ad societatem belli attracturus esset. Accessere per id tempus, quo hæc in deliberationem venerant, ex captivis Comes Gelriæ, & Amsterlandiæ Dynasta, ad certos dies relaxati pro curandis vulneribus. Hi postquam culcitris deportati in concilium Canonicorum, liberationem sui & vindictam oravere, ingens omnium dolor, motusque animorum renovatus est, ad ulciscendam Episcopi sui necem. Itum deinde a Canonicis in concilium electionis, circumspēctisque omnibus, convenere suffragiis in Willebrandum Paderbornentem Episcopum: Hunc rati virum, ut Scriptores commendant, syncerum, constantem, strenuum, qui pro excelso animo illatam a rebellibus cladem ulturus esset.

Willebrandus Episcopus postulat ad regendam Ecclesiam Ultrajectinam.

Verum

Verum cum hæc agerentur, Willebrandus absens erat, versabaturque in Italia apud Fridericum Imperatorem publicis Imperii negotiis impeditus, uti Beca & Heida scribunt. Hinc missi sunt in Italiam viri probati ex Clero, qui & Willebrando denunciarent electionem, & siquidem ipse ratam haberet, a Gregorio IX Pontifice peterent translationem a Paderbornensi Ecclesia ad Ultrajectensem.

Ante tamen quam in Italiam proficisceretur Willebrandus, majorem partem hujus anni transegit Paderbornæ in Ecclesia sua. Nam publicas ejus tabulas possidemus ex tabulario Abdinghoviano in hunc modum inscriptas. *Willebrandus Dei gratia Paderbornensis Episcopus, Wolradus major Præpositus, Conradus Thesaurarius, & Hermannus Canonicus, judices a Sede Apostolica delegati, omnibus presentem paginam inspecturis salutem.* Lis vero, quam a Gregorio IX Pontifice cognoscendam & judicandam accepit, erat inter Albertum Abbatem Cœnobii Abdinghoviani, & Theodoricum ac Ludgerum Comites de Insula, vexatores Cœnobii; quos Willebrandus Episcopus inter se composuit. Quæ acta referuntur Anno ab Incarnatione MCCXXVII. Aliis rursus tabulis liberalem decimarum donationem fecit Cœnobio Mariensfeldensis, *Hujus rei testes Volquinus de Swalenberg, Hermannus Bolico, Joannes Scholaisticus, Volbertus Cellerarius, Hugo, Ludolphus, Widekindus Camerarius, Conradus Thesaurarius, Rubodo, Gerungus, Everhardus, Joannes nostri Canonici, Jodocus de Wecen S. Petri Canonicus Moguntinus, Thetmarus, Lambertus, Godeschacus, Bertholdus Vicarii, Lippoldus Comes, Conradus frater ejus, Henricus Camer. Joannes Stapel, Hermannus, & Henricus fratres de Oriente, Amelungus filius Henrici Dapiferi.* Aliæ præterea literæ adfunt ex Gerdensium Virginum tabulario, quibus Albertus Paderbornensis, & Gerdensis Abbas, ut se inscribit, donationem Gerhardi Sacerdotis ratam habet, quam anno gratiæ MCCXXVII, Indictione XV, Pontificatus vero Willebrandi secundo consignatam asserit. Quæ publicarum literarum testimonia proferre necesse

habemus adversus eos, qui scribunt Willebrandum toto illo biennio sui Episcopatus abfuisse ab Ecclesia sua. Quod vero Ultrajectenses Scriptores referant Willebrandum, cum eorum Episcopus legeretur, fuisse in Italia, etsi non abnuerim id postremi hujus parte anni fieri potuisse; iidem tamen cum scribant Willebrandum intra biennium, quo Paderbornensis Episcopus fuit, bis Legatum a Friderico Imperatore in Palæstinam fuisse missum, parum probabile habeo, opinorque multa hic confundi a Scriptoribus illis. Nam etsi de prima ejus profectione in Palæstinam, quam Hildefiensis Canonicus fecit, satis constet, ut supra relatum est; de secunda tamen certum annum proferre non licet, etsi conjecturæ valere possint. Multo verisimilius habeo, Willebrandum, cum Hildefimensis Præpositus esset, a Conrado suo Episcopo, qui per id tempus Romæ in aula Pontificis & Imperatoris versabatur, in Italiam evocatum esse: cujus deinde opera Imperator, ob generis claritudinem, & Palæstinæ peritiam, virique prudentiam in legationibus usus sit. Sane si ob famam rerum præclare in Episcopatu Paderbornensi gestarum ab Ultrajectensibus sit expetitus Episcopus, ut ipsi Scriptores Ultrajectenses fatentur; necesse est Willebrandum maximam biennii partem exegisse in Paderbornensi Episcopatu; multaque desiderari ab eo laudabiliter gesta, quæ temporum injuria subtraxit. Dignum interim memoria, quod de Willebrando refert Panthaleon. Cum omnes Canonici Paderbornenses majoris Ecclesiæ jam opibus & bonis abundantes peterent, dissoluta claustris & regularis vitæ disciplina, factaque bonorum partitione, in privatas ædes & separatæ habitationes secedere (quemadmodum jam passim in allis Cathedralibus Collegiis receptum erat) obstitit constanti animo Willebrandus, negavitque fas sibi esse communis vitæ institutum, quod a tot ante se sanctissimis Episcopis acceperat, primum laxare. Quod tamen paulo post a Successore, ut dicemus, impetratum est.

Willebrandus obstitit dissolutioni claustris & communis vitæ, quam Canonici Cathedralis postulabant.

Postquam igitur Willebrandus auctoritate Gregorii IX Pontificis ad Ultrajectensem Ecclesiam translatus est,

pro

copi necem  
ulturus, fe-  
liciter in  
Twentios  
movet.

pro Tribunali, in concessu omnium procerum suæ Ecclesiæ & Vassallorum, Comitem Gelriæ liberum pronuntiavit a reditu ad captivitatem. Deinde Rudolphum Covordiensem Præfectum rebellionis necisque Ottonis Episcopi reum proscripsit; in quem mox collecto ex Trajectensi diocesi & tota Frisia exercitu movit. Inde partito in sex agmina milite, ad prælium processit. Objecere se Trentones in sex cuneos divisi, quos Willebrandus ex omni parte circumventos ad prælium stitit, confertaque pugna obtulit, fugientes in seram noctem prosequendo. Qua clade consternati Covordienfes & Trentones datis obsidibus supplices ad arbitrium Episcopi se submisere. Willebrandus, qua erat clementia, nullo in Rudolphum supplicio statuto, iis tantum conditionibus recepit in gratiam. Castella Covordiæ & Lare sibi traderet: jurisdictionem totius Twentiæ Ecclesiæ S. Martini redderet: tria marcarum millia pro illatis damnis persolveret: centum armigeros in Livoniam mitteret: Monasterium instituti D. Benedicti conderet, quo xxv Virgines alerentur. His transactis, Covordiam imposito milite recepit, ac Lare Castro funditus everso, victor magno omnium ordinum plausu Trajectum ingressus est.

Rebellan-  
tem Rudol-  
phum, Co-  
vordiam præ-  
fectum.

Haud multo post, altero nimirum Episcopatus anno, cum ægre ferret Rudolphus Covordiæ ac totius Twentiæ præfectura se spoliatum, homo perfidus ad dolos conversus, unum ex Castrensibus corripuit; a quo dum ceteri in suburbium invitantur, ipse ex insidiis prorumpens, Covordiam denuo occupat, castrisque custodibus, milite suo complet. Quo cognito, Willebrandus Episcopus Hardenbergam properat; contractoque istic milite, quod omnes circum paludes gelu induratae consisterent, solerter composuerat, transitis per glaciem fossis Covordiam oppugnare; & consilium processisset, nisi ea nocte levi vento glacies dissoluta fuisset. Quare res ad apertum bellum rediit; exataque hyeme Willebrandus cum instructo exercitu, quem ex Frisiis & Trajectensibus convocarat, circum Hardenbergam castra posuit. Rudolphus conscientia perfidiæ anxius, cum

extrema sibi metueret, per tres Frisiæ Abbates xv dierum inducias petit ab Episcopo, quibus de pace tractetur; interim ille uno comite stipatus Hardenbergam intrat, obstupente Episcopo, audere hominem in conspectum suum venire, nullis adhuc pacis conditionibus de capite securum. Quem ubi Castrenses conspexerunt, e cubiculo ad iudicium trahunt, damnatumque in rotam agunt. Heida capite prius plexum referre visus; sed utrum consensu Episcopi id factum, an furore Castrensi, non satis liquet. Digna certe poena multatus; visique Trajectenses eodem, quo Colonienfes, supplicio Episcopi sui necem vindicasse. Sed ea poenæ acerbitas rursus Twentios ad rebellionem concitavit; ausque Groningam obsidere, & ultionem Rudolphi sui Egberto Groningensium præfecto intente: a quo licet cum clade repulsi sint: non destitere tamen arma reparare: adscriptisque in societatem belli Monasteriensibus, Trentones Covordiam astu militari clam intrant, præsidioque adversus Willebrandum Episcopum præmuniunt. Hac insolentia Trentinorum rursus provocatus Willebrandus, classicum cani iussit, convolantibus ad arma Frisiis & Trajectensibus, quorum copiis in unum agmen contractis Covordiam procedit; ubi cum reperit Trentones cum innumera multitudine inter paludum angustias consistere ad prælium paratos, veritus ne per superioris Episcopi vestigia militem novæ cladi exponeret, retro cum copiis abiit, relictaque in potestate Trentonum Covordia, bellum affectum Successori Episcopo Ottoni tertio Comiti Hollandiæ transmisit. Et Willebrandus cum videret Rudolphi supplicio multorum etiam nobilium animos a se averfos, satisque judicaret urbes & castra sua præsidiis firmare, quod reliquum vitæ fuit, sacrorum procuratori & disciplinæ cleri formandæ insumpsit. Præclarum hujus Willebrandi elogium relictum in Oldenburgicorum Chronico. Quippe moriturus dexteram e fatali lecto tanta fiducia extulit, ut diceret. *Hæc manus est, quæ nullis unquam muneribus se corrumpi passa est, nec ulli injuriam intulit.* Digna tanto Episcopo vox, quæ monumentis

Uti &  
Twentios;  
sed irrita  
successu.

Moritur  
Willebrandus  
Zwold.  
lis anno  
1233.

id.

inscribatur. Anno dehinc Mccxxxiii vi Calend. Augusti, gesto in viii annum præclara cum laude Episcopatu, Zwollis excessit e vita, deportatusque Trajectum in templo S. Servatii, quod cum adjuncto Virginum Ordinis Cisterciensis Cœnobio e fundamentis exstruxerat, magnifico etiam tumultu decoratus est. Incusantur nostra passim ætate a malevolis Scriptoribus Episcopi haud alio magis, ut præferunt, offensi, quam quod posita sacra toga, militare sagum, armaque induerint. At quid ex Episcoporum bonis & donationibus priorum Cæsarum retenturi fuissent? cum non modo vicini circum Comites ac nobiles, sed eorum præfecti rebellare, castraque & jurisdictionem & possessiones per spolia rapere ab Ecclesia visi sunt. Inciderunt jam dudum illa tempora, quæ belli necessitatem impo-

fuere, & Comitum Ducumque filios deligere Episcopos suadebant, quorum auctoritate, & potentia familiæ adjuti patrimonia Ecclesiarum conservarent, & rebellium populorum injurias continerent. Eo & Willebrandi Successor delectus Otto tertius Florentii III Hollandiæ Comitis filius, Florentii IV Comitis frater, Wilhelmi Imperatoris patruus ac tutor, gubernatorque tertius Hollandiæ. Hujus Episcopi fortitudine debellati Trentones subactaque Covordia, ad obsequium populi redacti, ac tota Twentia ex rebellium spolio Ecclesiæ Trajectensi reddita est. Hactenus Willebrandum Episcopum nostrum per Trajectensem Episcopatum prosecuti sumus, nunc ordo temporum ad res patrias revocat, quas subsequentibus deinde libris latius prosequemur.

Cui succedit in Episcopatu Trajectensi Otto III. Hollandiæ Comes. *Bek in Otzone III. Episcopo. Hida in Ostons III.*



## INDEX





# INDEX

## RERUM MEMORABILIUM

### HAC PRIMA

### ANNALIUM PADERBORNENSIIUM

### PARTE CONTENTARUM.

#### A

*Abdinghoffensis Monasterii* fundatio confirmatur a Conrado II Rege, pag. 314. a B. Imado Episcopo Paderb. p. 376. Et ab Henrico II. Episc. Pad. 4. 9. Monasterium exurit pag. 549.

*Abdinghoffensis Ecclesia* consecratur a B. Meinwerco Episc. Pad. p. 332.

*Abdinghoffenses* initio obtrectatores patiuntur, p. 282. Interventu B. Meinweri Episcopi obtinent a S. Henrico Imp. villam Nideranam, p. 292. Curtem & Vineta Poppartenia ab Henrico III Rege, p. 365. Territorium Folcbettinghusanum a B. Rothone Ep. Pad. p. 369. Prædium Tuistanum a B. Imado Ep. Pad. p. 382. Aliud prædium ab Henrico II Ep. Pad. p. 450. Ecclesiam in Atlon ab eodem, p. 481. Decimas in Upsprungen a Bernardo III. Episc. Pad. p. 682. *Confirmationem bonorum, jurium, & privilegiorum impetrant* ab Eugenio III Pont. p. 532. a S. Henrico Imp. p. 312. ab Henrico III. Rege, pag. 374. a Friderico I Rege, p. 351 a B. Imado Ep. Pad. p. 379. a Bernardo I. Ep. Pad. p. 501. ab Evergiso Ep. Pad. p. 573.

*Abotriti* rebellant & compescuntur a Ludovico Pio Imp. p. 41.

S. *Adalbertus* ad Russos mittitur, p. 207. primus deinde Archiepiscopus Magdenburgensis sanctitate claret, ibid. Romæ Archiepiscopus nominatur, & pallio donatur a Pont. p. 214.

*Adalbertus Archiepiscopus Bremensis*, p. 363. Consecratur Aquisgrani præsentibus XII. Episcopis, p. 364. Agitat consilia de Patriarchatu Occidentis condendo, p. 370. Submittit præcones Evangelii in varia Septentrionis loca, p. 375. Henricum IV. Reg. depravat, Episcopatus & Abbatis distrahit, p. 386. Mira pro Ecclesia sua machinatur, p. 390. Ab aliis Episcopis ex aula Regis abjicitur, p. 391. In gratiam recipitur, p. 397. Ejus mors, virtutes & vitia, ibid.

*Adaldagus Archiepiscopus Bremensis* strenue laborat in convertendis Danis, p. 199. moritur 228

*Adalgarius Abbas Corbeiensis* Ecclesiam S. Pauli condit, p. 105. Turrium fundamenta jacit, eaque a Luthardo Ep. Pad. consecrari curat, p. 116. Interest consecrationi majoris Ecclesiæ Hildesienfis, p. 117.

*Adalgarius* alter, prioris frater, ut religiosæ vitæ doctor additur D. Remberto, p. 107. Eidem in Episcopatu Bremensi succedit, p. 143.

*Adalwardus* ex Decano Bremensi Sueonum Episcopus, doctrina & miraculis clarus, gentes Septentrionis convertit, p. 375.

*Adela* B. Meinweri Ep. Pad. mater, p. 264. Filium natu majorem interfici curat, p. 282. Multatur bonis, quæ S. Henricus Imp. donat Ecclesiæ Paderb. p. 285. Niritur ex his bonis quædam abalienare, p. 288. Alia ejus homicidia, crudelitas & miser exitus, p. 289.

S. *Adelardus* falso conspiracy in Ludovicum

Pium delatus, p. 42. Ab exilio revocatur, p. 45 pergit in Saxoniam Monasterium Corbejense inchoatus, p. 46. Warenium in administratione novæ Corbejæ sibi substituit, p. 48.

*Adolphus Altenanus Archiepiscopus Colon.* pacem & tranquillitatem Westphaliæ restituit, p. 631. Fœdus cum Abbate Corbejensi init, p. 642. Desciscit ab Ottone Rege ad Philippum, p. 660. Eundem Philippum Regem Aquisgrani coronat, p. 662. A Pontifice e sede sua dejicitur, p. 663. A Philippo Rege restituitur, p. 664.

S. *Adolphus Episcopus Osnabrug.* pie obit p. 703. Elevatur a Francisco Wilhelmo Ep. Osnabr. ibid.

*Albertus Cancellarius Henrici V. Regis* fit Archiepiscopus Moguntinus, p. 470. Ab Imperatore recedit, p. 471. Arctæ custodiæ traditur, ibid. Liber dimittitur & Colon. Ep. consecratur, p. 474.

*Albertus Episcopus Livoniæ III.* urbem Rigem condit, pluribusque fundatis Episcopatibus fit Archiepiscopus, & præclare pro re Christiana laborat, p. 662.

*Albertus Episcopus Leodiensis* interficitur, unde novæ in imperio turbæ exoriuntur, p. 627.

*Albigensium hæresis* exoritur, p. 671. Et supprimitur, p. 674.

S. *Albricus Episcopus Cenomannensis* corpus S. Liborii Paderbornenlibus concedit, p. 70.

*Albricus Episcopus Ultrajectinus* moritur, p. 81.

*Altfrius* consanguineus D. Ludgeri & III. Monasteriensium Episcopus obit, p. 91.

*Altfrius Episcopus Hildesienfis* legatus mittitur a Ludovico Germaniæ Rege ad Carolum R. Franciæ, p. 113. Ecclesiam B. Virginis Hidesii consecrat, p. 117. Interest Concilio Colonienfi, in eoque confirmationem foundationis Collegii Essendienfis impetrat, ibid. Moritur & laudatur, p. 124.

S. *Altmannus* Canonicus & Scholasticus Paderborn. fit Episcopus Passaviensis, p. 389. Exul Paderbornam profugit, p. 413. Sedi suæ restituitur, p. 431. Sancte moritur & Divorum numero adscribitur, p. 437.

B. *Anno* Monachus Abdinghoffensis mire in defunctos propensus est, p. 284.

*Angaria & Westphaliæ Ducatus* cedit Philippo Archiepiscopo Colonienfi, p. 595.

S. *Anno* Paderbornæ studet, p. 373. Fit Archiepiscopus Colonienfis, p. 377. Henricum IV. puerum a tutela matris abstrahit, p. 385. Romam mittitur ad schisma tollendum, p. 388. Fundat Collegium Canonicorum S. Mariæ ad gradus Coloniam, p. 390. Consecrat Monasterium Sigebergense, p. 391. Salefeldiæ Monasterium pro Benedictinis dotat, p. 397. Imperii administrationem resumit, p. 398. Tertium Monasterium Graßschaffense condit, ibid. Administrationem Imperii deponit, ibid. Sancte moritur, p. 405.

#### A

Anno

*Anno Episcopus Mindensis cum fama Sanctitatis obit, p. 612.*

*S. Anscharius Monachus Corbeiensis in Daniam proficiscitur fidem Christianam disseminaturus, p. 53 deinde in Sueciam, p. 54. Designatur Episcopus Hamburgensis & Wormaliæ consecratur, p. 59. Constituitur a Gregorio IV. Archiepiscopus & Legatus populorum Septentrionalium, p. 64. Ecclesia Bremensis Hamburgensi unita ei committitur, p. 90. Interest synodo Moguntinæ, p. 91. Ad Superos abit, p. 107.*

*Argentifodina in diocesi Mindenli reperta donatur Dithmaro loci Episcopo, p. 621.*

*Aribo Archiepiscopus Moguntinus comitatum Warburgensem ab Ecclesia Paderbornensi avertit, p. 319. Paderbornæ in Nataliis Christi concionatur, p. 318.*

*Arno Episcopus Herbipolensis ad altare a barbaris trucidatur, p. 152.*

*Arnsberga expugnatur, p. 576.*

*Arnulphus ex concubina Carolomanni genitus fit Rex Germaniæ, p. 136. Confirmat privilegia Corbeiensium & Herifensium, p. 137. Imperium contra tyrannos feliciter tuetur, p. 143. Auger facultates Corbeiensium, p. 145. Ablata Ecclesiæ Osnabrugensi bona restituit, p. 147. Zundeboldum rebellem ad obsequium compellit, ibid. Cædit Nortmannos ad amnem Diliam, p. 151. Evocat Hungaros ad domandos Bohemos, p. 152. Corbeiensis eximit ab onere alendi milites, p. 154. In Italiam proficiscitur & Vidoneum Imperatorem compescit, p. 155. Iterata ejus expeditio in Italiam p. 156. Romam beneficio leporis capit, ibid. Imperator inungitur a Formoso Pontifice, ibid. Venenolæsus Italia excedit, p. 157. Confirmat fundationem Monasterii Mollenbecani, ibid. moritur 159.*

*Asbence Monasterium in Diocesi Monasteriensi conditur, p. 549.*

*S. Auctor Treviris transfertur Helmwardeshusium, p. 464.*

*Autbertus Monachus Corbeiensis Socius S. Ansharii in expeditione Danica moritur Corbejæ, p. 45.*

*Azelinus Episcopus Hildesienfis patitur dissolvi communem Cleri disciplinam, p. 377.*

## B.

*B. Baduradus nobilis Saxo e Clerico Herbipolensi secundus Paderbornensium Episcopus, p. 37. Ob præclaras virtutes acceptus Ludovico Pio Imper. p. 38. Parochias & gymnasium Paderbornæ instituit ibid. Obit & ordinat Diocesin suam, ibid. Cathedralem Ecclesiam absolvit & consecrat, ibid. Consecrat locum, in quo conditur Monasterium Corbenfæ, p. 46. Missus Dominicus mittitur ad defendendos Corbeiensis, p. 51. Egregie defendit Ludovicum Pium in conspiratione a filiis commota, p. 58. Frustra tentat filios Ludovico patri conciliare, p. 61. Reliquis filiis in gratiam patris receptis, agit ut tandem etiam Lotharius patri reconcilietur, p. 66. Corpus S. Liborii ex Galliis pro sua Ecclesia impetrat, p. 69. Item corpus S. Landelini p. 73. Interest comitiis Neomagensibus, p. 75. Item Concilio Moguntino, p. 91. Privilegiorum Ecclesiæ suæ confirmationem a Ludovico Germaniæ Rege in Conventu Francofurtensi impetrat, p. 99. Moritur, p. 100. Ejus laudes, p. 101.*

*Baldwinus, Godefridi Bullionii frater, secundus Jerosolymorum Rex, p. 448. obit, p. 479.*

*Bambergensis Episcopatus fundatur a S. Henrico Imp. p. 259. Primus eidem Episcopus datur Everhardus S. Henrici Cancellarius, p. 261. Ecclesia Cathedralis solennissimo ritu consecratur, p. 273.*

*B. Bardo Archiepiscopus Moguntinus, vir magnarum virtutum, p. 333. Paderbornæ mortem suam inter concionandum prædicit, p. 371.*

*S. Bartholomæi capella Paderbornæ a B. Meinwero exstruitur, p. 22.*

*S. Beatus Treviris Helmwardeshusium transfertur, p. 465.*

*Becellinus Archiepiscopus Bremensis obit p. 363.*

*Benedictus VIII Pont. honorifice a S. Henrico Imp. Bambergæ excipitur, p. 297. Ibidem Divina obit in hebdomada sancta, & Ecclesiam deinde consecrat, p. 298.*

*Benno I Episcopus Osnabrug. moritur, p. 392.*

*Benno II succedit Bennoni I & Coloniae consecratur, p. 392. Recuperat decimas Ecclesiæ Osnabrugensi olim ablatas, p. 413. A schismate Henriciano resipiscit, p. 416. In gratiam cum Pontifice redit p. 419. Iburgensæ & Gertrudianum Cænobium condit, p. 433. Sancte moritur, ibid.*

*Berengarius Italiæ Rex ab Ottone M. captivus in Germaniam abducitur, p. 214.*

*Bernardus Italiæ Rex rebellis a Ludovico Pio in custodiam abripitur, p. 42. Oculis oritur & obit, ibid.*

*S. Bernardus Abbas pacem Imperio conciliat, p. 503. Conrado Regi bellum sacrum persuadet, p. 535.*

*Bernardus Abbas a Carolo M. Ecclesiæ Monasteriensi ante S. Ludgerum præficitur, p. 14.*

*B. Bernardus de Lippia condit Lippstadium, p. 548. Pro Henrico Leone egregie decettr p. 578. Montem Lewenburgum prope Bilsfeldiam præmunit, p. 590. Medebacum exurit, & omnia circa Sufatum devastat, p. 594. Omnibus suis bonis exuitur, p. 600. Fit Monachus in Marienfeld, p. 631. Abbas Dunemundensis in Livonia & Episcopus Selonensis, p. 632. Interest consecrationi templi Marienfeldensis, p. 693. Moritur in Osilia insula p. 694.*

*Bernardus Episcopus Verdensis, vir sanctus, obit, p. 283.*

*Bernardus I ex nobili familia de Osede, Cleri suffragiis deligitur Episcopus Paderborn, p. 497. Cum Swalenbergenli Comite fundat Cænobium Marienmünster p. 498. Jura & privilegia Abdinghoviana confirmat, p. 501. Deligitur Consiliarius aulæ Cæsareæ, p. 505. Lotharium Cæsarem in Italiam sequitur, p. 507. Usum Rationalis ab Innocentio II impetrat, p. 509. Condit Cænobium Iburgensæ postea Gerdensi junctum, p. 516. Confirmationem Cænobii Marienmünster ab Innocentio Pont. impetrat p. 520. Cænobium Hardehusanum condere incipit, p. 525. Ecclesiam suam Cathedralem consecrat, p. 528. Conradum Comitem Arnsbergensem Diocesi infestum prælio vincit, p. 529. Wilbacense Monasterium condit, p. 543. Alheydem Abbatissam Gandersheimensem pro Bernardo Episcopo Hildesienfi consecrat, p. 553. Prædium ab Henrico Leone Gerdensibus impetrat, p. 554. Benefacit Monasterio Har-*

**Hardehusano.** *ibid.* Tabulas Monasterii Hardehusani condit. p. 560. Moritur, & in condito a se Hardehusano Cœnobio sepelitur. p. 568. & seq.

**Bernardus II** ex familia de Osede fit Episcopus Paderborn. p. 613. Bona Cœnobio Marienmunster donata confirmat. *ibid.* Transigit cum Lippensi Comite de Castro & monte Falckenberg, 614. Cœnobio Hardehusano donat prædium in Bunesen, p. 617. Plurium bonorum administrationem accipit a Dominis ad bellum sacrum profecturis. p. 618. Castrum Driburgense occupat & præmunir. p. 620. Bodecensibus & Abdinckhovianis benefacit, p. 625. Dynastis Buranis dat facultatem condendi oppidi Burani, eosque in clientes accipit, p. 633. Benefacit Hardehusanis, p. 638. Et Gerdensibus, *ibid.* Item Wilbacensibus & Gerdensibus, p. 653. Cœnobium Bredelariense consecrat, & Sacramentum confirmationis ibidem confert, p. 654. pie obit. p. 656.

**Bernardus III** ex Osedorum familia fit Episcopus. Pad. & a Sifrido Mogunt. consecratur, p. 658. Componit cum Abbate Corbej. de castro Dasenberg, *ib.* Controversiam inter Abbatissam Bodecensem & Dapiferum ejus componit, p. 660. Deficit ab Ottonem ad Reg Philippum, *ib.* Ob id objurgatur a Pont. p. 662. Jussu Pontificis causam Abbatis Helmwardeshusani cognoscit. p. 667. Monasterium Gerdense ab injuriis Advocati liberat. p. 669. Offert se Pontifici ad fidem in Livonia prædicandam, p. 675. Abdinckhoffianis donat decimas in Upsprungen, p. 682. & alia bona Cœnobio Wilbacensi, *ibid.* Gerdensi Cœnobio donat prædium Burch. p. 695. Moritur. p. 697.

**Bernardus de Horstmaria** in Palæstinam proficiscitur, p. 633. Ejus magnanimitas patet in Oriente; p. 638. Ottonem Imp. ad bellum Gallicum sequitur, p. 677. Generose certat & occumbit in prælio contra Twentios, p. 716.

**S. Bernwardus** instructor datur Ottoni III. p. 224. Contendit cum Willegiso Archiepiscopo Moguntino de jurisdictione in Gandersheim, p. 241. Romam idcirco proficiscitur, *ibid.* Vincit causam. p. 243. Ottoni III adest in expugnatione Tiburtinæ & Romanæ urbis, p. 242. Plura bona ab Ottonem III pro Ecclesia sua impetrat. p. 245. Interest Synodo Francofurtensi. p. 260. Integrum Comitatum ab Henrico Rege Werlis obtinet, p. 276. Sancte moritur. p. 305. Mirum ejus de Pilgrino Archiepiscopo Colon. varicinium. p. 306. Sanctis adscribitur a Cœlestino III Pont. p. 630.

**Bernwulfus** est administrator Episcopatus Paderborn. p. 17.

**Bertboldus 2dus Livoniæ Episcopus** a Barbaris occiditur, p. 661.

**Bertboldus Dux Zaringiæ**, Rex Germaniæ deligitur; at accepto auro juri suo renunciat, p. 640.

**Biso IV.** Episcopus Pad. elevat ossa B. Baduradi p. 133. Confirmationem privilegiorum pro Ecclesia sua & Collegio Herisliensi impetrat a Carolo Crasso Imp. p. 134 & 135. Confirmationem fundationis pro Collegio Herisliensi obtinet in Concilio Forcheimienfi, p. 149. Corpus S. Meinulphi elevat, p. 158. moritur, p. 162.

**S. Blasii** cranium obtinet B. Meinwercus, p. 279.

**S. Bonifacius**, Ottonis Imperatoris consanguineus; in Prussia ob fidem interimitur, p. 261.

**Boso** Monachus Corbeienfis injurius in B. Meinwercum, ab hoc ad judicium divinum provocatur. p. 283. Eodem tempore moritur, quo B. Meinwercus, p. 345.

**Boto Comes** ex Immedingorum familia obit 457. **Brakelensis civitas** Ecclesiæ Paderb. donatur ab Abbatissa Herilienti, p. 696.

**Bredelariense Monasterium** conditur, p. 583. Ex Virginum mutatur in Cœnobium Virorum Ordinis Cisterciensis, p. 637.

**Bremensis & Hamburgensis Episcopatus** auctoritate Pontificis conjunguntur, p. 99.

**Bruno Saxo** fit Pontifex, p. 235. V. Gregorius V. **S Bruno Prussorum Apostolus** Martyr occumbit, p. 261.

**S Bruno Dux** clade Ebbeckesdorffiana cum pluribus aliis Comitibus &c. occumbit. p. 125.

**S. Bruno** Colonienfis Fundator Carthusianorum, p. 424. Sanctissime moritur. p. 454.

**Bruno Ottonis M frater** fit Archiepiscopus Colonienfis, p. 203. Ducatum Lotharingiæ a fratre obtinet. *ibid.* Moritur cum fama sanctitatis p. 211.

**Bruno Episcopus Tullenfis** fit Pontifex, vid. Leo IX.

**Bruno Altenanus** consecratur Archiepiscopus Colonienfis. p. 625. Abdicato Episcopatu fit religiosus in Aldenberg. p. 67.

**Bruno Archiep.** Colonienfis captivus a Philippo Rege detinetur. p. 664. Liber dimittitur. p. 665. Moritur. p. 668.

**Brunswicum** ope S. Auctoris ab obsidione liberatur p. 647.

**S. Burchardus** an Vicario Episcopi munere præfectus fuerit Paderbornensi Ecclesiæ. p. 15.

**Burgundia** Imperio accedit. p. 335.

**Bursfeldense Monasterium** confirmatur a Ruthardo Archiepiscopo Moguntino, p. 440.

**Bustorffianum Collegium** a B. Meinwerco Ep. Paderb. conditur. p. 341. Et consecratur, p. 343. Augetur bonis ab Evergiso Ep. Pad. p. 586. Confirmationem jurium & privilegiorum obtinet a Lucio III. p. 602, & ab Innocentio III Pont. 664. Electionem præpositi a Cœlestino III. p. 626.

## C.

**Canes** jubentur portare Principes Ottoni M. rebbelles. p. 19.

**Canonicorum & Canonicarum** vivendi ratio ordinatur in synodo Aquisgranensi. p. 40.

**Cappenberg** castrum commutatur in Monasterium Præmonstratensium, p. 487. Fit plurimum Cœnobia Seminarium, p. 488. Hic regulam suam a S. Augustino accipit S. Nortbertus. *ibid.*

**Carolomannus** filius Ludovici Regis Germaniæ pugnat contra Zwentiboldum, p. 113.

**Carolus M.** primus Episcopatum per Saxoniam conditor, p. 2. Bellum Saxonicum plus ceteris urget, ut gentem ad christianam religionem perducatur *ibid.* Bellum Saxonicum inchoat auctore præcipuo S. Sturmione. p. 3. Eresburgum expugnat, p. 4. Item Heristallum primam Episcopi Paderbornensis sedem. *ibid.* Plures in Westphalia Sacerdotes constituit fidem Christi propagaturos. *ibid.* Comitria Paderbornæ celebrat. p. 6. Ecclesiam ibidem erigit honori S. Salvatoris dicatam. *ib.* Bellum Hispanicum adversus Saracenos suscipit, p. 7. Redit in Westphalam recipitque eos, qui rebbellabant, p. 8. Romæ cum Pontifice agit de Episcopatibus a se erigendis, p. 9. Conventum Paderbornæ habet, ubi Danorum Hunnorumque legatos audit, *ibid.* Francorum a Saxonibus passam cladem multorum rebbellum supplicio ulciscitur, p. 10. Widekindum ad Derhmoldiam cædit, *ibid.*

Exer.

**Exercitum Paderbornæ reficit**, p. 11. Iterum ad **Hafam Widekindum** cædit, & pacem Westphaliæ adfert, ibid. **Saxoniam** intrat, filiumque **Carolus Westphaliæ** præficit, p. 12. **Hibernat** in Westphalia, ibid. **Saxoniam** in Diœceses & provincias distinguit, p. 14. **Pascha Romæ** cum **Hadriano Pontifice** celebrat, p. 18. **Wormatiæ Comitia** Principum habet, ibid. **Rebellantes Westphalos** in campo **Sindfeld** domat, p. 19. **Synodo Moguntiae** habita in **Saxoniam** redit & Diœceses ordinat. ibid. **Heristalli** in Diœcesi **Paderb.** hibernat, variorumque **Regum** legatos audit p. 24. **Minda** in **Transalbianos** mover, eosque domat. p. 25. **Aquisgranum** discedit; ibidemque legatos **Irenes Imperatricis** audit, & **Natalem Christi** ac **pascha** celebrat. p. 26. **Leonem III Pontificem Paderbornæ** honorifice extipit. ibid. **Castrum Iburg** seu **Driburg Ecclesiæ Paderbornensi** donat. p. 29. **Imperator Romæ** a **Leone III** coronatur. p. 31. **Moritur Aquisgrani** p. 33.

**Carolus Calvus** Franciæ, **Rex Lotharingiæ** **Metis** coronatur. p. 113. **Regnum Lotharingiæ** cum **Ludovico Rege Germaniæ** partitur. ibid. **Fit Imperator.** p. 121. **Moritur.** p. 123.

**Carolus Crassus** fit **Imperator.** p. 125. **A Pontifice** coronatur. p. 126. **Ex Italia** in **Germaniam** venit, ac **Normannos** infestos ad pacem adigit. p. 127. **Expeditionem** in **Italiam** contra **Saracenos** suscipit. p. 129. **Clero Paderbornensi** dat liberam facultatem eligendi **Episcopum**, p. 130. **Richardem** conjugem suam repudiat, p. 138. **Exauctoratus** ad extremam paupertatem redigitur, p. 136.

**Carolus, Caroli M. filius** **Westphalos** sternit, p. 12.

**Carolus, filius Ludovici** **Regis Germaniæ** a patre mittitur contra **Rasticen** **Slavorum** tyrannum, p. 113.

**Carolus Episcopus Constantiensis** in **Moguntina Synodo** deponitur, p. 396.

**Cellæ Religiosorum** quales olim dictæ, p. 44.

**Cervus** **Crucifixi** effigiem inter cornua sustinens **D. Menulpho** spectandum se offert, & locum pro ædificando **Monasterio Bodecensi** monstrat, p. 75. **Cisterciensis Ordo** conditur, p. 447.

**Claholtani canobii** fundatio confirmatur a **Lothario Imp.** p. 513.

**Cobbo** primus, ut volunt, **Tecklenburgensi** **Comitum** conditor, p. 88.

**Colonienses** cives adversus **S. Annonem Archiepiscopum** suum tumultuantur. p. 402.

**Cometa** visus **Ludovicum Pium Imp.** terret. p. 78.

**Conjuratio** facta a filiis in **Ludovicum Pium** patrem ope **Germanorum** tollitur, p. 57.

**Conradus Dux Francorum** eligitur **Rex Germaniæ**, p. 164. **Plures regni æmulos** experitur, p. 165. **Confirmat privilegia Cœnobii Melschedensis**, ibid. **Huius copiæ** ad **Eresburgum** cæduntur ab **Henrico Duce Saxonie**, p. 167. **Henricum Gronæ** obsidet. p. 168. **Regnum Henrico æmulo suo** deferri vult, & moritur, p. 172.

**Conradus II**, dictus **Salicus**, deligitur **Rex Germaniæ**, p. 317. **Aquisgrani** iungitur, p. 318. **Paderbornæ B. Meinwercum** convenit, p. 319. **Henricum** filium successorem regni dicit. p. 322. **Iter Italicum** suscipit. p. 323. **Coronatur Romæ Imperator** a **Joanne XX.** ibid. **Rebelles Germaniæ** principes ad obsequium cogit. p. 324. **Ungariam** domat, p. 328, & **Poloniam**, p. 331. **Paderbornæ** **Natalitia Christi** celebrat, & confirmat **Cœnobii Abdinghoffensis** fundationem, p. 334. **Burgundiam, Bohemiam & Slavos** domat. p. 340. **Ulci-**

**scitur injuriam Crucifixo** illatam, p. 342. **A. S. Ambrosio** absterretur ab obsidione **Mediolanensi**, p. 353. **Burgundiam Henrico** filio suo resignat, ib. **Moritur.** p. 355.

**Conradus III Dux Sueviæ** turbat **Imperium.** p. 500. **Eligitur** in **Regem Germaniæ**, p. 521. **Celebrem Principum conventum** habet **Wormatiæ & Francofurti.** p. 525. **pacem** cum **Imperii Principibus** init. p. 526. **Ex Palæstina** re infecta regreditur. p. 540. **Abbatiam Corbeiensem** contra **Ministerialium insolentiam** tueretur. p. 545. **Abbati Corbeienfi** permittit **argenti & auri fodinas** in monte **Eresburg**, p. 547. **moritur.** p. 549.

**Conradus Henrici IV Imp. filius**, creatur **Rex Italiæ**, & arma contra patrem pro orthodoxis capit. p. 438. **Repudiatur** a schismaticis Principibus. p. 447. **moritur.** p. 454.

**Conradus Archiepiscopus Trevirensis** occiditur. p. 391.

**Conradus Archiepiscopus Moguntinus** **Paderbornæ** dirimit **litern** obortam inter **Abbatissam Heriensiensem & Gerdensem.** p. 605.

**Conradus de Boffesem** **Huxariæ** **Xenodochium** condit. p. 686.

**Corbeiensis** ad **Visurgim** **Monasterii** initia, p. 34 & 45. **Ejusdem** laus. 50.

**Corbeiensis** accipiunt **jus piscandi** in **Visurgi** a **Ludovico Pio Imp.** p. 59. **jus publici mercatus & monetæ** ab eodem. p. 60. item **Salinæ fontes.** p. 61. & villas aliquot. p. 63. & 77. **Rugiam Insulam** a **Lothario Imp.** p. 85. **Huxariæ** confirmationem & liberam eligendi **Abbatess** facultatem impetrant a **Ludovico Germaniæ Rege.** p. 88. **Alia item prædia & agros** ab eodem. p. 90. **Villam** item **Lizzicham** ab eodem, p. 120. **Inligge prædium** obtinent ab **Ottone M. Imp.** p. 195. **Item jus monetæ & telonii** in oppido **Meppia**, p. 196. **Telonium Nuffense** obtinent a **Philippo Archiepiscopo Coloniensi.** p. 597. **Saltum Solinganum** ab **Ottone IV Rege,** p. 645. **Eximuntur a Decanis** **Episcopo** dandis, p. 119. **Facultatem** commutandi quædam bona accipiunt ab **Arnulfo Rege,** p. 143 & ab **Ottone II.** p. 219. **Amillas decimas** recuperant ab **Ottone II.** p. 221. **Insignia privilegia** impetrant a **Benedicto VII Pont.** p. 220. **Confirmationem dignitatis Abbatialis** a **Lucio III. Pont.** p. 604. **Privilegiarum, jurium & bonorum confirmationem** obtinent ab **Hadriano II Pont.** p. 115. a **Joanne XV Pont.** p. 230. ab **Hadriano IV,** p. 556. a **Ludovico Rege Germaniæ,** p. 95, & p. 97. a **Carolo Crasso Imp.** p. 128. a **Ludovico Arnulfi R. filio,** 160. a **Conrado R. pag.** 165. ab **Henrico Aucupe.** p. 174. ab **Ottone M. Imp.** p. 188. ab **Ottone II.** p. 215, ab **Ottone III.** p. 233. ab **Henrico Bavar.** p. 250. a **Conrado Salico,** p. 320. ab **Henrico III.** p. 357. ab **Hermannno Lutzenburgico,** p. 420. a **Lothario II.** p. 512. a **Conrado III.** p. 538. a **Sifrido Episcopo Paderb.** p. 610. **Sententiam quandam** pro se impetrant in **Concilio Moguntino** contra **Episcopum Paderb.** ratione jurisdictionis, p. 140.

**Crescentius** **Consul Romanus** **Imperium** sibi arrogat, & domatur ab **Ottone III. Imp.** p. 235. **Pellit Gregorium V. Pont.** p. 238. **Ab Ottone III. capitur,** & **suspensio** necatur, ibid.

**Crux aurea** sexaginta millium aureorum pretio donatur ab **Ottone II. Imp.** **Ecclesiæ Pad.** p. 217.

**S. Crucis Templum** prope **Hervordiam** consecratur a **B. Meinwero Ep. Pad.** 293.

S. Cunigunda

*S. Cunigunda* conjux *S. Henrici* Imp. coronatur Regina Paderbornæ, p. 248. & Imperatrix Romæ p. 278. Duplici concepto voto sanitatem amissam recuperat, p. 291. Paderbornæ *S. Henricum* conjugem convenit, ibid. Confungæ disciplinam monasticam instaurat, p. 295. ibidem fit Sanctimonialis, p. 315. Reliquus vitæ ejus cursus & obitus, ibid.

## D

*Damiata* Aegypti urbs a Christianis obsidetur, p. 68. Expugnatur, p. 687. Saracenis restituitur, p. 692.

*Dani* ab *Ottone* M. vincuntur, p. 199. Convertuntur ad fidem, ibid.

*Dithardus* Episcopus *Osnabrug* obit, p. 523.

*Dithmarus* Episcopus *Osnabrug*. vir sanctus, visu privatur, p. 293. moritur p. 314.

*Dithmarus* Episcopus *Mindensis* sanctitate clarus obit, p. 665.

*Dodico* Comes *Warburgensis* Comitatum suum donat Ecclesiæ Pad. p. 302.

*Dodo* Episcopus *Monasteriensis* moritur, p. 239. Ejus monumenta, ibid.

*S. Dominicus* contra Albigenes insurgit, p. 671. Ordinis sui confirmationem petit in Concilio Lateranensi, p. 681.

*Driburg* olim *Iburg* castrum a *Carolo* M. Ecclesiæ Paderb. donatur, p. 29.

*Drogo* Episcopus *Osnabrugensis* jus monete & telonii impetrat ab *Ottone* M. p. 201.

*Druthmarus* Abbas *Corbeiensis* obit, p. 365.

Duces & Comites ex beneficiariis faciunt se hæreditarios, p. 166.

*Dudo VII.* Episcopus *Paderb.* succedit *Unwano*, p. 186. Confirmationem privilegiorum pro *Herisensibus* ab *Ottone* M. impetrat, p. 194. Interest Concilio *Ingelheimensi*, p. 198. Consecrat cum aliis Basilicam *Mindensem*, p. 202. Finit Episcopatum suum, p. 207.

## E

*Ebbeckesdorffiana* clades a *Nortmannis*, illata, p. 125.

*Ebbo*, gente Saxo, *Rhemorum* Archiepiscopus in *Dania* fidem Christianam propagat, p. 48. Ob conspiracy in Imperatorem Archiepiscopatu dejicitur, d. 67. Sedi suæ restituitur, p. 80. Eam rursus deserit, ibid. Ut Episcopus *Hildesienfis* interest Concilio *Moguntino*, p. 91.

Ecclesia Cathedralis *Paderborn.* exstruitur, p. 21. Absolvitur & consecratur a *B. Badurado* Ep. Pad. p. 38. Conflagrat, p. 240. Exstruitur rursus a *B. Meinwerco* Ep. Pad. p. 267. Absolvitur & consecratur ab eodem, p. 284. Rursus post aliam conflagrationem & restorationem consecratur a *B. Imado* Ep. Pad. p. 393.

*Eckardus* *Sleswicensis* Episcopus exul vicesagit *D. Bernwardi* *Hildesii*, p. 242.

*Egbertus* *Monasteriensis* Episcopus confirmat foundationem *Valarentem*, p. 502. Reformat monasterium *Leisbornense*, p. 503. moritur *Coloniae* p. 506.

*Eggehardus* fit primus Abbas *Marienfeld.* p. 608.

*Egilbertus* Episcopus *Mindensis* obit, p. 416.

Electio Episcopi in Concilio *Aquisgranensi* sub *Ludovico* Pio permittitur Clero & populo, p. 40.

Electores Imperii quando instituti? p. 238.

*Eltenense* Monasterium ab *Ottone* III. in tutelam suscipitur, p. 236.

*Emma* soror *B. Meinwerco* obit, p. 362.

*S. Engelbertus* Comes *de Altena* designatur Episcopus *Monasteriensis*, p. 658. fit Archiepiscopus *Coloniensis*, p. 681. Imperium pro *Friderico* II. administrat, p. 689. Jubetur a Pontifice Advocatorum insolentias compescere, p. 692. *Marienfeldense* Cœnobium ruetur contra injurias Comitris *Swalenbergensis*, ibid. Ob libertatem Ecclesiasticam defensionem trucidatur a *Friderico* *Isenburgico* consanguineo suo, p. 704. Martyr pronunciat p. 705. Ejusdem cædem ulciscitur *Henricus* *Molenaarckius* *Engelberti* successor, p. 708.

*Engelbertus* Episcopus *Osnabrug.* contra fratrem suum *Ottonem* *Tecklenburgicum* adistit Archiepiscopo *Colon* p. 714.

Episcopatus *Saxoniae* a *Carolo* M. conditi, & *Mogunt.* ac *Colon.* Archiep. subjecti, p. 2. iidem amplis juribus ac bonis ab eodem *Carolo* dotati, ibid. Numero fuerunt octo, ibid. Primi singulorum Antistites, p. 3. Omnes doctrina & sanctitate eximii, ibid. Ex Episcopatibus a *Carolo* M. in *Saxonia* conditi duo tantum Catholicis supersunt, ibid.

*Erckenbaldus* Archiep. *Mogunt.* obit, p. 305.

*Erckenbertus* fit Abbas *Corbeiensis*, p. 462. Regem sequitur ad bellum *Ungaricum*, p. 466. & *Romam*, p. 468. Capitur in prælio ad *Catulanam* sylvam, p. 474. In *Palæstinam* proficiscitur, p. 476. Obit, p. 500.

*Eresburgi* donatio a *Carolo* M. facta religiosis *D. Benedicti* a *Leone* III. confirmatur, p. 30. Idem a *Ludovico* Pio donatur *Corbeiensibus*, p. 55.

*Erpo* Episcopus *Monasteriensis* a labe schismatis vix potest excusari, p. 429. Studet restaurandis monasteriis, p. 431. Monasterii majorem Ecclesiam consecrat, & *Freckenhorstense* Collegium reformat, p. 437. proficiscitur in terram sanctam, p. 446. ut Sanctus habetur, ibid.

*Erpo* Comes *Padbergensis* condit Cœnobium *Flechtorpense*, p. 452.

*Ervete* a *S. Henrico* donatur Ecclesiæ *Paderb.* p. 308. Donatio confirmatur a *Conrado* II. p. 324.

*Essendiensis* *Parthenon.* fundatur a *B. Altfride* Episcopo *Hildesienfi*, p. 118.

*Everardus* Dux *Franconiae* rebellis *Ottoni* R. mulctatur, p. 190. Contra *Ottonem* conspirat, in exilium mittitur, ac brevi post honori suo restituitur, p. 191. Rursus conspirat contra Regem, p. 192. Tandem in prælio confoditur, p. 193.

*Evergisus* e Canonico Cathedrali deligitur Ep. *Paderb.* p. 571. Confirmat foundationem Cœnobii *Hardehusani*, ibid. Indulgentias pro sua Ecclesia impetrat ab *Alexandro* III. p. 572. Ecclesiam *Hardehusanam* consecrat, p. 577. *Bustorfianis* benefacit, p. 568. certas decimas cœnobio *Gerdensi* attribuit, p. 590. Obit, p. 591.

*S. Evermodus* *Raceburgens.* Episc. moritur, p. 592.

*Exsterstein* rupes donatur *Werthinensibus*, p. 439. Ejus descriptio, ibid.

## F

*S. Felicis*, filii *S. Felicitatis* medium corpus obinet *B. Meinwerco*, p. 279.

*S. Felicis* M. Reliquiæ adveniunt *Paderbornam* & a *B. Meinwerco* igne probantur, p. 332.

*Ferdinandus* *Furstenbergius* Ep. Pad. materiam pro historia *Westphalica* Romæ & alibi colligit, p. 1. Ossa primorum Episcoporum Pad. elevat, p. 36. Ampliationem usus *Rationalis* ab *Alexandro* VII. impetrat, p. 510.

B



*Flehtorpiense Canobium* ab Erpone Comite Padbergenſi conditur, p. 452. Ab Henrico II. Ep. Pad. confirmatur, p. 453.

*Fons Rotbonis* Paderbornæ ſalutaris, p. 372.

*Fraternitas S. Viti* Corbeie inſtituitur, p. 500.

*Freckenborſenſe Monasterium* fundatur, p. 103.

*Fridericus I.* dictus Barbaroſſa, fit Rex Germaniæ, & Aquisgrani inungitur, p. 550. Iterum coronatur Ratiſbonæ, p. 553. In Italiam proficiſcitur ad ſuſcipiendam coronam, p. 555. Rex Longobardorum coronatur, p. 556. A Pontifice coronatur Imperator, ibid. Iter, in Italiam relegit contra Mediolanenſes, p. 565. Schiſma in Eccleſia fovet, p. 566. Mediolanum capit. & vaſtat, p. 572. Cives Moguntinos perſequitur, p. 573. Ofſa Caroli M. elevari curat, p. 578. Romanos cædit, p. 579. Vult ut Epifcopi maturent conſecrationem ſuam, p. 581. Terrium Pſeudopontificem fovet, p. 582. Expeditionem in Bohemiam ſuſcipit, p. 585. Etia Italiam p. 587. In qua exercitus ejus cæditur, p. 588. Cum Pontifice in gratiam redit, & ſchiſma deſerit, p. 589. Lubecam expugnat, p. 598. Celeberrima Moguntia Comitia habet, p. 603. Iterum diſſidet a Pontifice & Epifcopis, p. 613. & 616. Cum pluribus Epifcopis & Principibus expeditionem in terram ſanctam ſuſcipit, p. 617. Flumine merſus interit, p. 622.

*Fridericus II, Siciliae Rex* Henrici VI filius æmulus Ottoni IV objicitur, p. 671. In Germaniam deſcendit, p. 673. Salutaris Moguntia Rex a Principibus, ibid. Aquisgrani a Siſrido Moguntino inungitur, p. 678. In concilio Lateranenſi confirmatur, p. 681. Romæ Imperator coronatur, p. 689. Expeditionem in Palæſtinam retardat, p. 713. A Gregorio IX excommunicatur, ibid.

*Fridericus I Epifcopus Monaſterienſis* magnus ſtirpe & virtute, p. 388. Fundat Collegium Canonicorum, Mauritium dictum, prope Monaſterium, p. 396. Moritur, p. 424. Recenſentur præclara ejus opera, ibid.

*Fridericus II Epifcopus Monaſterienſis* Aquisgrani cum Friderico Barbaroſſa inungitur, p. 550. moritur, p. 581.

*Fridericus Comes Arnsbergensis* obſtat B. Godefrido Cappenbergenſi in religioſo propoſito, p. 487. In conventu Trajeſtenſi graviter accuſatur, p. 489. Menſæ accumbens ſubitaneam morte extinguitur, ibid.

*Fridericus Comes Iſenburgicus* S. Engelbertum Archiep. Colonienſem conſanguineum ſuum occidit, p. 704. poenæ luit in rotam actus, p. 709. pie obit, ibid.

*Fuldensis Abbas* in Comitibus Moguntinis contendit de primatu cum Archiepiſcopo Colonienſi, p. 604.

## G.

*Gandersheimenſe gynæceum* fundatur a Ludolpho, avo Henrici Germaniæ Regis, p. 87. Villas aliquot obrinet a Ludovico II Germ. R. p. 124. Liberalitatem Ottonis M. experitur, p. 197.

*Gaudbertus*, Socius S. Anſcharii in Dania & Suecia, fit Epifcopus & Simon dicitur, p. 59.

*Gebhardus Archiepiſcopus Salisburgensis* partes Orthodoxorum contra Schismaticos egregie tue-  
tur, p. 427.

*Gerardus de Lippia* ex Oſnabrugeniſi Epifcopo fit Archiepiſcopus Bremenſis, p. 668. moritur Francofurti, p. 687.

*Gerardus junior Comes de Lippia* ex Præpoſito Eccleſiæ Paderbornenſis fit Archiepiſcopus Bremenſis, p. 687.

*Gerdenſe Canobium* conditur, p. 527.

*Gerfridus* Nepos S. Ludgeri, II Epifcopus Monaſterienſis fama ſanctitatis & miraculis clarus obit, p. 79.

*Geroldina aedes* a Geroldo Caroli M. conſanguineo Paderbornæ exſtruitur, p. 22.

*Geroldi* Comitigenus, virtus, obitus, p. 22.

*Geroldus* ex prima Franciæ nobilitate fit monachus Corbeie ad Viſurgim, p. 65.

*Geroldus* prebyter, ſuſſicitur in locum S. Vicelini Epifcopi Aldenburgenſis, p. 559.

*Gerrsheimenſis Partbenonis* initia, p. 119.

*Gerſmunda* conſtituitur prima Abbaſſa Eſſendienſis, p. 119.

*Geſekenſis Partbenonis* initia, p. 198. Fundatio confirmatur ab Ottone M. p. 201. a quo & bona quædam obtinet, dum is Paderbornæ verſatur, p. 205. plura privilegia conſequitur ab Ottone II. pag. 226.

*Giſela* S. Henrici Imp. ſoror nubit S. Stephano Hungariæ Regi, pag. 269.

*Giſela* Conradi Salici conjux coronatur Aquisgrani, p. 318. & Romæ, p. 323.

*Giſelbertus Dux Lotharingiæ* cum aliis conſpirat in Ottonem Germ. R. p. 192. In Rheno ſubmergitur, p. 193.

*Giſlemarus* Monachus Corbeienſis, ſocius S. Anſgarii eſt in expeditione Danica, p. 54.

*Godefridus Rex Nortmannorum* Germaniæ alias inſeſtus pacem init, & fit Chriſtianus, p. 127. Dum iterum Germaniam turbare conatur, occiditur, p. 129.

*Godefridus Bullionius* expeditionem pro recuperanda terra ſancta ſuſcipit, p. 443. Hieroſolymam capit & Rex dicitur, p. 448. Obit, ibid.

*Godefridus, filius Godefridi Barbatii* Ducatu Lotharingiæ donatur ab Henrico II, Rege Germ. p. 255.

*B. Godefridus Comes Cappenbergenſis* fit Præmonſtratenſis Canonicus, p. 486. Plura ex ſuis bonis monaſteria fundat, p. 487. Sancte moritur Iſtadai, p. 495. Ejus exemplo permoti plures comites & nobiles fiunt religioſi, p. 496.

*S. Godehardus Epifc. Hildeſienſis* moritur, p. 354. In concilio Rhemenſi Sanctis adſcribitur, p. 505.

*Godeſchalvus* hæreticus in Concilio Moguntino damnatur, p. 93.

*Godeſchalvus Epifcop. Oſnabrug.* obit, p. 479.

*Goslaria civitas* magnifice exornatur ab Henrico III, p. 370. Baſilica ejusdem ſolemniter conſecratur, p. 371.

*Gosmarus Epifcop. Oſnabrug.* obit, p. 353.

*Gregorius V. Pont.* Romæ Ottonem III Imperatorem coronat, p. 235. Pellitur a Crescentio Conſule Rom. & reſtituitur ab Ottone III Imp. p. 238. diſquiritur an ſub eo inſtituti ſint Electores Imperii, ibid. Obit ſucceſſorem naſtus Sylveſtrum II. pag. 240.

*Gregorius VII.* alias Hildebrandus dictus, fit Pontifex, p. 401. Henricum IV deponit, p. 415. Ab eo e ſede ſua pellitur, p. 421. In Caſſinenſe monaſterium deducitur, p. 423. Ejus obitus & ſanctitas, p. 428.

*Grona* ad Viſurgim comitia habet S. Henricus Imp. p. 277.

*Gundekarus* Poledæ conſecratur Epifcopus Eſtadenſis, p. 380.



## H.

*S. Hadwigis* Abbatissa Hervordienfis Reliquias *S. Pulinnæ* impetrat, p. 103. Eandem imitatur, & ut sancta post obitum colitur, p. 104.

*Haboltus Comes* Paderbornensi Ecclesiæ Comitatum suum donat, p. 270. Gefekensem Parthenonem fundat, p. 271.

*Halberstadium* exurit, p. 194.

*Haldelebia* obsiderur, p. 194, & p. 199. Dedu-  
tur a Comite Lippiensi. ibid.

*Hamburgensis Episcopatus* auctoritate Pontificis Bremensi unitur, p. 99.

*Haraldus*, al. Herioldus, Rex e Dania Paderbornam fugit ad Ludovicum Pium, p. 31. Cum uxore & magna Danorum multitudine Moguntia baptizatur, ibid. & 53. Pellitur e Dania ob religionem, p. 56.

*Hardebusanum Cœnobium* conditur, p. 525. Fundatio confirmatur ab Hadriano IV Pont. & Friderico Imp. p. 562. Item ab Evergiso Episcopo Paderb. p. 571. Obtinet prædium in Bunessen a Bernardo II Episcopo Paderb. p. 617.

*Hatwardus II* Episcopus Mindensis obit. p. 82 & 96.

*B. Hatbumarus* primus Paderbornæ Episcopus, p. 20. gente Saxo, nobili familia oriundus, & virtute insignis, p. 21. utiliter in Diœcesi sua laborat, ibid. Collegium Canonicorum Paderbornæ condit, p. 23. Consecratur Episcopus, p. 32. moritur, pag. 35. Elevatur, & Divorum honoribus afficitur, p. 36.

*Hatbunoda* filia Ludolphi, prima fuit Abbatissa Cãndersheimensis, p. 87.

*Hatto Archiepiscopus Moguntinus* datur tutor Ludovico Arnulphi K filio, p. 159.

*Haymo Episc. Halberstadiensis* moritur, p. 96.

*S. Heimeradus* presbyter Dethinoldia solitariam vitam agit, contemnitur a Meinwerco Episcopo, & defenditur a Dodichone Comite Warburgensi, p. 299. Ejus vitæ sanctitas & miracula, ibid.

*Helena* Russorum Regina baptizata sacerdotes petit, qui populos sibi subiectos fidem Christianam doceant. p. 207.

*Helmstadium* evertitur, p. 647.

*Helmwardesbusum Cœnobium* fundatur, p. 239. Subjicitur Episcopo Paderborn p. 292. privilegia ejus confirmantur ab Eugenio III. p. 142. Abbas dimidiam partem oppidi donat Archiepiscopo Colon. p. 691.

*Henricus Dux Saxoniae* Slavos & Hungaros domat, p. 163. Fœdus init cum Rege Galliarum, p. 171. Fit Rex Germaniæ, p. 172. Dictus est Au-  
ceps, ibid. Lotharingiam Germaniæ regno asserit, p. 173. Carolum Gallia Regem ad petendam pacem cogit, quæ Bonnæ coalescit ibid. Pacem ab Hungaris petit, p. 176. Tempore pacis ad bellum se parat, ibid. Gallos Lotharingia ejicit, p. 177. Slavos subjugat, p. 178. Lanceam sacram accipit a Rege Burgundionum. p. 179. Bohemiam Germaniæ adjicit, & insignem victoriam refert a Slavis, ibid. Suos adversus Hungaros armat animatque, p. 181. Cæsos memorabili victoria Hungaros e Saxonia pellit, p. 182. Danos Imperio & Christianæ Religioni infestos compescit, p. 183. Moritur & laudatur, p. 187.

*S. Henricus Bavarus Werlis & Merseburgi Rex* Germaniæ dicitur, p. 246. & seq. Paderbornam invisit, p. 248. Aquisgrania S. Heriberto Archiep. Colon. inungitur, ibid. Varia Belgii loca visitat,

pag. 252. Prodigiosa clade vincit Slavos, p. 252. Italiam petit ad comprimendos rebelles, ibid. Præfens vitæ periculum ab iisdem adit. p. 255. Polonos subjugat, p. 257. Expeditionem in Lotharingiam suscipit pro tuendo Duce Godefrido, p. 259. Episcopatum Bambergensem condit, ibid. Polonicam expeditionem suscipit, sed æger in Saxoniam revertitur, p. 272. Iterato eam suscipit, & victor Poloniam vastat, p. 273. Werlis decumbit, & Paderbornensi Ecclesiæ benefacit, p. 275. & Hildesienfi, p. 276. Paderbornæ Pascha cuncti conjugate celebrat, p. 277. Gronæ Comitata celebrat, ibid. & Merseburgi, p. 278. Romæ Imperator coronatur, ibid. Cluniacense monasterium invisit, eique multa prædia dilargitur, 280. Bobiæ Episcopatum fundat, ibid. Possessiones Ecclesiæ Pad. confirmat, p. 281. Pacem cum Bohemo quaerit, & non accipit, p. 282. Urget reformationem disciplinæ in Cœnobio Corbeienfi, p. 283. Cædit Polonos, p. 284. Natalitia Christi Paderbornæ peragit, p. 285. Donat Ecclesiæ Pad. villam Morongam, p. 286. & prædium Bernehusen, p. 287. Popponem sedi Trevirensi imponit, ibid. Paderbornæ commorans varia eidem Ecclesiæ prædia donat, p. 291. Abbatiam Helmwardeshusanam Episcopo Pad. subjicit, p. 292. Boleslaum Polonum ad pacem petendam compellit, p. 293. Paderbornam invisit, p. 294. Eidem prædium Siburgehusanum donat, ibid. & nemus quoddam ad fluvium Fuldæ, p. 295. Burgundiam sibi subjicit ibid. Bernardum Saxoniae ducem rebellem in gratiam recipit, p. 296. Benedictum VIII Pont. honorifice Bambergæ excipit, p. 297. Donat Ecclesiæ Pad. prædium Hammonstadiense, p. 298. Ottonem Comitem Episcopis infestum bello persequitur, p. 300. Reconciliatur S. Heriberto Archiep. Colon. ibid. Donat B. Meinwerco Villam Triburiensem pro Abdinchoffenfis, p. 301. & Nemus Reinkerswald pro Ecclesia sua, ibid. Paderbornæ commoratur, & ratam habet donationem Dodiconis Ecclesiæ Pad. factam, p. 303. Eidem Ecclesiæ donat Comitatum Immedeshusanum p. 304. Prædium Steini Ecclesiæ Pad. donat, p. 307 & 309. Privilegia Abdinchoffenfis confirmat p. 312. Italiam petit, & Græcos expugnat, p. 313. Moritur Gronæ, p. 314. Successorem antea designat Conradum Franconiæ Ducem, ibid. Bambergam deferretur, & miraculis illustris inter Divos refertur, p. 315.

*Henricus III* Conradi II filius Aquisgrani Rex Germaniæ inungitur, p. 325. Bohemos domat, p. 341. Privilegia Ecclesiæ Mindensis confirmat, p. 346. & Corbeienfis, p. 357. Kemnadenfis Cœnobii fundationem stabilit, p. 359. Bohemiam ad pendendum tributum adigit, ibid. eosdem rebellantes subigit, p. 360. Interest consecrationi templi Monasteriensis transaquas, p. 361. Paderbornæ legatos Hungarorum audit, p. 362. Hungaros debellat, p. 364. Ruthardum Abbatem Corbeiensem confirmat, Godefridum Ducem Lotharingiæ in gratiam recipit, & Abdinchoffenfis donat curtem & vineta Poppartenfis, p. 365. Romæ Imperator coronatur, p. 366. In Germaniam redit ad componendos motus in ea subortos, ibid. Prædium Evershuttense Ecclesiæ Pad. donat, p. 367. Mindensis Ecclesiæ privilegia confirmat, p. 368. Archiepiscopo Bremensi donat Comitatum Frisiæ, p. 369. Belli Germanici reliquias extinguit p. 371. Paderbornæ festum Pentecostes celebrat, ibid. Gebhardum Romanis Pontificem offert,

offert, p. 376. Pascha Paderbornæ celebrat, pag. 378. Regem Galliae ad duellum provocat, ibid. Victorem II. Pont. Goslariæ magnifice excipit, ibid. Moritur in Botfeld. Diœc. Pad. ibid.

*Henricus IV* nascitur, p. 371. Baptizatur, ibid. Triburiæ Rex salutatur, p. 375. Quatuor annorum puer Aquisgrani coronatur, p. 379. Sexennis patri succedit, ibid. Abstrahitur a tutela matris per Annonem Archiepiscopum Colon. p. 385. Corruptur per Adalbertum Archiep. Bremensem, p. 388. Principibus Imperii invisus est, p. 391. Triburiæ ducit Bertham Itali Marchionis filiam, ib. Indignos Episcopatus præficit, p. 392. Quærit divortium a conjuge, p. 394. Saxones cogitat extinguere, p. 399. Principibus supplex rogat eos, ut sibi adsistant contra Saxones, p. 400. Deponendus ob flagitia a Principibus etiam Romam postulatur, ibid. & p. 401. pacem cum Saxonibus init, p. 401. rursus in eos movet, p. 404. & pacem init, p. 405. Iterum Saxones persequitur, p. 408. postulatur Romam, p. 409. Gregor. VII pontificatum abrogat, ibid. Excommunicatur cum pluribus aliis Episcopis, p. 410. Captivos principes libertati restituit, p. 411. Cum Ecclesia & Pontifice statuit se reconciliare, ib. In Italiam profectus poenitentiam agit, p. 412, sed mox ad ingenium redit, ibid. deponitur, ibid. Episcopos Pontifici adhaerentes pellit, p. 413. Cum Rudolpho electo Rege confiligit & fugatur, p. 414. Iterum a Rudolpho cæditur, p. 414. Regia dignitate a Pontifice exuitur, ibid. Verum deponit, & Pseudopontificem subrogat, ibid. Rursus profligatur ab Henrico Rege, ibid. Pacem quærit in conventu ad Visurgim habito, p. 417. In Italiam proficiscitur, p. 419. Eandem devastat, p. 420. Leoninam civitatem capit & Pontificem pellit, p. 421. Romæ a Pseudopontifice Guiberto coronatur Imperator, p. 423. In Germaniam redit, ibid. Fœde quintum cæditur a Saxonibus, p. 430. Regale prædium donat Udoni Episcopo Hildesienfi, p. 431. Sextum cæditur a Saxonibus, p. 432. proscibitur a Pontifice, ibid. Septimam a Saxonibus cladem patitur, p. 433. Frustra invitatur, ut in gratiam cum Ecclesia redeat, p. 434. Italiam ingressus prælio superatur a Welfone, p. 436. Comitatum Emesgoe reddit Liemaro Archiep. Bremensi, p. 444. In Germaniam redit p. 445. Catholicos Episcopos exagitat, p. 454. Translato in filium imperio Palæstinam cogitat, at fallit, p. 456. Deseritur a filio, p. 458. Augustalibus ornamentis & imperio exuitur, pag. 460. Moritur Leodii, ejusque cadaver diu sepultura caret, p. 461. Sepelitur, p. 470.

*Henricus V.* Rex dicitur, p. 408. Aquisgrani coronatur, p. 448. Saxoniam ad obedientiam Pontificis adducit, p. 458. Ejus modestia in concilio Northusano, ibid. In fugam a patre abjicitur, p. 459. Victor redit, & orthodoxos Episcopos suis sedibus restituit, ibid. Moguntiae iterum coronatur, p. 461. Confirmat privilegia Helmwardeshusana, p. 462. Decimas Corbeiensibus restituit, pag. 463. Peragrata Saxonia in Galliam se confert, p. 464. Bellum Hungaricum nullo fructu suscipit, p. 466. Protectionem in Italiam indicit, p. 468. Romam solenniter ingreditur, p. 469. Pontificem in custodiam abripit, ibid. Ab eodem paulo

post Imperator coronatur, ibid. Saxoniam devastat, pag. 471. Colonia frustra oppugnata agros vastat, p. 472. Uri & Comitatum Arnbergensem, ibid. Excommunicatur, pag. 474 & 475. In Italiam discedit, ibid. petit denuo coronari, negante Pontifice, p. 476. Obtrudit Pseudopontificem, & schisma renovat, pag. 477. Excommunicatur denuo, p. 478. Pontifici se subdit, & absolvitur, p. 484. Pie moritur, p. 491.

*Henricus VI, Friderici Barbarossæ filius* puer quinquennis Rex Germaniæ inungitur, p. 582. Frustra Brunswicum obsidet, p. 623, pacem cum Henrico Leone certis conditionibus init, p. 624. Romæ a Pontifice Imperator coronatur cum Constantia conjuge, ibid. Redit in Germaniam, p. 625. Advocatiam a Comite Waldecensi renunciatam adjudicat Ecclesiæ Paderb. p. 627. Expeditionem in Italiam suscipit, & Rex Siciliae coronatur, p. 630. Castrum Plesse Bernardo 11<sup>o</sup> Episcopo Paderborn. adjudicat, p. 633. Agit de Friderico filio in successorem deligendo, p. 637. Tertiam in Italiam expeditionem suscipit, ibid. Ejus crudelitas in Italos, & obitus, p. 638.

*Henricus VII, Friderici II filius*, Aquisgrani a S. Engelberto Archiepiscopo Coloniae coronatur, p. 693.

*Henricus Conradi III filius* Regni collega dicitur, p. 536. moritur, p. 545.

*Henricus Ottonis IV frater* Palatinatu privatur, p. 678.

*Henricus Superbus Bavariæ Dux*, supremus militiae præfectus, Lotharium II in Italiam sequitur, p. 517. Imperium ambit, p. 521. Majestatis reus proscibitur, & utroque Ducatu Bavariæ & Saxoniae exuitur, p. 522. Obis Quidlenburgi, p. 523.

*Henricus Dux Bavariæ* Ottonem III e tutela Archiep. Colon. abripit, p. 224.

*Henricus Leo* nascitur, p. 515. Succedit patri, p. 523. Ducatum Bojariae reposcit, p. 536. Eundem recuperat, p. 555. Slavos domat, & religionem Christianam promover. p. 567, & p. 574. Obstatum reliquos contra se principes concitat, p. 578. Goslariam premit, p. 580. Felices fidei progressus in Rugia turbare nititur, ibid. In Palæstinam religionis causa proficiscitur, p. 583. Conventum Paderbornæ celebrat, p. 585. Hostis Imperii declaratur, p. 593. Excommunicatur ab Episcopo H. I. berstad. & supplex absolvitur, p. 594. provinciae ejus abstrahuntur, & inter certos dividuntur p. 595. Imperatori fit supplex, & rogat in quasdam provincias restitui, p. 599. Exul in Angliam abit, ibid. Redit ab exilio & Brunswici commoratur, p. 607. Exilium denuo præeligit expeditioni in terram sanctam, p. 618. Redux ex Anglia plura Saxoniae loca recuperat, p. 623. pie obit, p. 629.

*Henricus Archiep. Mogunt.* ab Episcopatu amoveretur, p. 553.

*Henricus Mollenarckius Archiep. Colon.* Engelberto Ep. Osnabrug. donat possessiones, quas Otto Tecklenburgicus feudi nomine tenuerat, p. 714.

*Henricus J. Comes de Aslo* Orthodoxus Ecclesiæ Paderbornensi præficitur, p. 416. pellitur, & Magdenburgum concedit, p. 435. Deligitur

tur Archiepiscopus Magdenburgensis, p. 454. Consecratur Sacerdos & Episcopus, p. 459. deditur legatus ad Pontificem, p. 461. moritur & laudatur, p. 466.

*Henricus II Comes Werlensis* Schismaticus ab Henrico IV Rege Sedi Paderborn. imponitur, p. 426. Bona quaedam Abdinckhoffensibus confirmat, p. 439. Ecclesiam Thesensem donat Cœnobio Helmwardeshufano, p. 449. & prædium quoddam Abdinckhovianis p. 450. Abdinckhoviani Cœnobii patrocinium suscipit, p. 451. Confirmat foundationem Cœnobii Flechtropiensis, p. 453. Synodum vernam habet, & donationes Abdinckhovianis factas comprobat, p. 456. A schismate recedit, p. 459. Monasterio Helmwardeshufano donat villam Wilmeressen, p. 467. Conventum quorundam Comitum Paderbornæ instituit, p. 479. Ecclesiam in Atton dat Hamakoni Abb. ti Abdinckhoviano, p. 481. moritur p. 495.

*Henricus Episcopus Mindensis* ultro Episcopatum deserit, p. 554.

*Henricus Abbas Corbeiensis* deponitur, p. 533.

*Henricus Præpositus Buxtorffianus* æmulum se Olivero electo Episcopo Paderbornensi objicit, p. 699.

*Henricus Comes Arnsbergensis* condit Cœnobium Wedinghusanum, in eoque fit religiosus, p. 529.

*S. Heribertus Archiepisc. Colon.* S. Henrico reconciliatur, & prædicat utriusque mortem, p. 300. moritur, p. 305.

*Herioldus v. Haraldus.*

*Heriense Collegium Virginum* fundat B. Luthardus Ep. Paderb. p. 110. Ejus privilegia confirmantur ab Innocentio II Pont. p. 524. Ab Henrico I Rege Germaniæ, p. 184. & ab Ottone M. Imp. p. 194.

*Heristallum* ad Visurgim prima Episcopi Paderbornensis sedes, p. 9. & 24. describitur, p. 25.

*Herivordense Canoniarum Virginum Collegium* conditur, p. 52. Plura bona a Ludovico Pio Imperatore impetrat, p. 76. Bonorum & privilegiorum confirmationem obtinet ab Innocentio II. Pont. p. 524. ab Hadriano IV Pont. p. 558. a Ludovico Germaniæ Rege, p. 95. 106. 108. & 109, ab Arnulfo Rege, p. 153, ab Henrico Aucupe, pag. 177. ab Ottone III, p. 234. ab Henrico Bavaro. p. 249. & Conrado III p. 538. Facultatem eligendi Abbatissam accipit ab Henrico I. Rege. p. 185. Experitur insignem beneficentiam Ottonis II, p. 217. monetur a B. Virgine ut mores corrigat, p. 271.

*Hermannus Lutzenburgicus* eligitur in Regem Germaniæ, & ab Archiep. Moguntino Goslariæ inungitur, p. 419. Corbeiensia privilegia confirmat, p. 420. Insignem victoriam de Henrico refert, p. 430. Abdicat se regno, & moritur, p. 432.

*Hermannus, cognomento Pius, Archiep. Colon.* item movet Archiep. Bremensi super exemptione & subjectione. p. 149. Litem vincit in Concilio Triburiensi. p. 156.

*Hermannus Episcopus Monaster.* valde magnifice consecrati curat templum Monasteriense transaquas. p. 361. moritur. p. 362.

*Hermannus II. Episc. Monaster.* condit cum aliis Cœnobium Marienfeldense. p. 607. Eidem post multa præstita beneficia se transcribit. p. 610. Ejus obitus & præclara opera. p. 656.

*Herfenbrocense Monasterium* fundatur. p. 103.

*Hethi vel Hechi* primus religiosorum Corbeiensium locus in sylva Sollingana, p. 35.

*Hierosolyma* a Christianis capitur, p. 448.

*Hildeboldus* agente Henrico IV fit Archiepiscopus Colon. p. 409. moritur. p. 414.

*Hildeboldus Ep. Halberstadiensis* magna solennitate dedicationem majoris Ecclesiæ celebrat, pag. 232.

*Hildegimus*, frater S. Ludgeri, primus Halberstadii Episcopus, moritur, p. 56.

*Hildefenses* excommunicantur ob vexatum Episcopum suum, p. 649.

*Hinneburg* castrum donatur Ecclesiæ Paderborn. p. 696.

*Honorius III Pont.* Innocentio succedit, p. 682. privilegia Wilbacensis Cœnobii confirmat, p. 690. Bellum sacrum promover, p. 691. Controversiam inter Abbatem Helmwardeshufanum & Archiep. Colon. componit, p. 694. Ad bellum sacrum refumendum populum Christianum exstimulat, pag. 695. Electionem Oliveri Episcopi Paderb. examinat, p. 699. Schakense monasterium in protectionem suscipit, p. 700. Rursus ad bellum sacrum adhortatur, ibid. Pro Olivero pronunciat, eique Paderbornensem Ecclesiam commendat, p. 701. Dat Canonicis Paderbornensibus facultatem eligendi alium Episcopum in locum Oliveri, p. 707. moritur. p. 713.

*Hospitalarii* exoriuntur, p. 479.

*Hungarici belli* initia, p. 161.

*Hungari* in Boariam reliquamque Germaniam irrumpunt. p. 162. Saxoniam Westphaliæque devastant, ubi & multa hodieum vestigia ab illis relicta visuntur. p. 163. & seq. Iterum infestant Germaniam & Westphaliæ, p. 171. Tertia eorum irruptio in Saxoniam. p. 175. Cæduntur ab Henrico Aucupe, p. 182. Irrumpunt in Saxoniam & cæduntur ab Ottone Rege, p. 190. Cæduntur ab exercitu Ottoniano, p. 192. Denique ad internecionem delentur prope Augustam, p. 205. debellantur ab Henrico III. p. 364.

*Huxeri*, nunc *Huxaria*, villa Regia ad Visurgim a Ludovico Pio donatur Corbeiensibus, p. 48. Conflagrat, p. 240. 348. & 360.

## I.

*Imadus*, B. Meinweri pater, ex qua familia fuerit? p. 264.

*B. Imadus Episcopus Paderborn.* Goslariæ ab Archiep. Moguntino consecratur. p. 373. Illustres cenet natales, ibid. Paderbornæ scholas frequentat, ibid. Confirmat Abdinckhoffensibus emptionem prædii Sturebrocensis. p. 374. Abdinckhoffensem foundationem approbat, p. 376. & emptionem prædii Hallensis, p. 379. Poledæ interest consecrationi Gundekari Eylltadensis Episcopi, p. 380. Donat Abdinckhoffensibus prædium Tuistanum, p. 382. Obtinet Silvam Reinerswaldiam ab Henrico IV. ibid. Basilicam Paderbornensem dedicat, & corpora primorum Episcoporum Paderb. elevat, p. 393. Prædium Moronganum Canonicis suis reddit, p. 405. Obitus ejus, p. 406. Veneratio Sepulchri, p. 407.

*Inna* Sanctimonialis Hervordenis, filia Bernardi Ducis, prædium ad privatos usus obtinet ab Ottone III. p. 234.

*Immedesbusanus Comitatus* cedit Ecclesiæ Paderborn. p. 304.

C

Inno-

*Innocentius III Pontifex* sollicitatur a quibusdam Principibus Germaniæ, ut Ottonem IV a se delectum confirmet, p. 642. ab aliis ut Philippi R. electionem approbet, p. 644. Respondet principibus, p. 648. Ottonem Philippo præfert, ibid. Hildesienses excommunicat, p. 649. Pro Ottone electio pronunciat, p. 650. Literas plenas laudis dat ad Bernardum II Ep. Paderb. p. 652. Confirmat immunitates Corbeienses, p. 659. Allaborat ut Livonia convertatur, p. 662. Hortatur principes, ut ad partes Ottonis transeant, ibid. Exprobrat Bernardo III Ep. Pad. defectionem ab Ottone, ibid. Bustorfiana privilegia confirmat, pag. 664. Bernardo III Ep. Pad. committit causam Abbatis Helmwardeshusani cognoscendam, pag. 667. Ottonem IV Romæ Imperatorem coronat, p. 669. Eundem excommunicat, p. 670. Regno exuit & Fridericum Regem substituit, p. 671. Dilaudat Bernardi Ep. Paderb. studium prædicandæ in Livonia fidei, p. 675. Concilium Lateranense celebrat, p. 680. moritur, p. 682.

*Joannes Scholasticus Sanctensis* Albigenium hæresi objicitur, p. 671. Hortatur populum ad bellum sacrum, p. 679.

*Jordanus*, gente Westphalus, II Magister PP. Prædicatorum, p. 689. Fit II eorum Generalis, p. 694.

*Jymensuel* columna invenitur, p. 46.

*Jrmingardis* Ludovici Pii conjux obit p. 42.

*Juditha Imperatrix* in monasterium a privignis detruditur, p. 57. Revocatur a conjuge Ludovico pio, p. 58. Iterum a conjuge avulsa in Italiam abripitur, p. 61.

*S. Juvenalis*, filii S. Felicitatis medium corpus obtinet B. Meinwercus Ep. Pad. p. 279.

## K

*Kemnade Monasterium* confirmatur, p. 289. A Conrado Salico in tutelam recipitur, p. 321. Fundatio illius stabilitur ab Henrico III R. p. 359.

## L

*S. Landelini* Reliquiæ transferuntur Bokam ad Lupiam, p. 73.

*Lateranense Concilium* celebratur ab Innocentio III. p. 680.

*Leisbornensis Partbenon* transfertur ad Benedictinos, p. 296. Reformatur ab Egberto Ep. Monast. p. 503.

*Leo III Pontifex* profugus Roma a Carolo M. Paderbornæ honorifice excipitur, p. 26. Episcopatum Paderbornensem confirmat, p. 28. Altare S. Stephani Paderbornæ consecrat, ib. Dethmoldiam cum Carolo M. invisit, ibidemque altare consecrat, p. 30, uti & duas ædes sacras Mindæ & Remæ, ibid. Item Hameliæ, & Sidinghusii in Dynastia Burana, ibid. Eresburgum a Carolo M. religiosus D. Benedicti donatum comprobat. ibid. Carolum M. Imperatorem Romæ coronat, p. 31.

*S. Leo IX*, dictus antea Bruno, Episcopus Tullenis, gente Germanus, fit Pontifex, p. 367. Celebrem Moguntia synodum habet, pag. 370. moritur & Sanctis adscribitur, p. 376.

*S. Leontius* Treviris transfertur Helmwardeshusum, p. 464.

*Libentius*, vir sanctus, Adaldago succedit in

Archiepiscopatu Bremenfi, p. 228. Sancte moritur, p. 273.

*S. Liborii* Episcopi Cenomanensis in Gallia Reliquiæ transferuntur Paderbornam, p. 69. Ejus vitæ compendium, p. 71.

*Liemar* Archiepiscopus Bremenfis Schismaticus Henrico Imp. adhærens, donatur Abbatia Eltenensi. p. 422.

*Lipstadium* a Bernardo Comite Lippienfis conditur. p. 548.

*Lotharius filius Ludovici Pii* Imperatorii confors a patre adsciscitur. p. 41. Patrem cum aliis fratribus imperio privat & captivum detinet, p. 61. Agente Badurado Ep. Paderb. patri reconciliatur, p. 66. Varia post mortem patris molitur in fratres, p. 80. Memorabili ad Fontiniacum prælio vincitur a Ludovico fratre, p. 81. Saxones in fratres cunctat, promissa iis religionis, seu superstitionis veteris libertate, p. 83. pacem admittit p. 84. Fit monachus in monasterio Prumiensi. p. 97. Lotharingia ab eo dicta, p. 84.

*Lotharius Dux Saxonie* Henrico V. fit supplex, p. 471. Egregiam victoriam obrinet de Henrico; p. 473. Studet orthodoxæ religioni promovendæ, p. 474. Ulciscitur injurias a Monasteriensibus Episcopo suo illatas, p. 482. Deligitur & inungitur Rex Germaniæ, p. 491. Infeliciter cum Bohemis confliat, p. 492. Leodii ab Innocentio II. coronatur, p. 504. Ejus expeditio in Slavos, pag. 505. Expeditionem in Italiam decernit, p. 507. Innocentium II. Sedi suæ restituit, ibid. A Pontifice Imperator coronatur, p. 509. Danos invadit, p. 512. Conradum & Fridericum Sueviæ Duces domat, p. 513. qui agente S. Bernardo Lothario se submitunt, p. 514. Cœnobium S. Mariæ confirmat, p. 515. Italiam subigit & Pontifici asserit, p. 517. In Germaniam redux obit, & sepelitur in Cœnobio Luterae regalis, p. 518. Ejus virtutes, p. 519.

*Lotharius, Lotharii I. Imp. filius*, repudiata Theutberga ducit Waldradam, eæque nuptiæ a Pontifice damnantur, p. 105. Pontifici se submittit, & Waldradam pellit, ibid. Rursum ei adhæret, p. 107. moritur post indignam communionem, p. 112.

*Lotharius Gallia Rex* Ottonem II. Imp. Aquisgrani obruit, p. 219. Regno suo exuitur, ibid.

*Ludolphus*, Henrici Germaniæ Regis avus, clarus Ludovici R. bellis, p. 86. Fundat Cœnobium Gandersheimense, p. 87.

*Ludolphus Abbas Corbeiensis* fama sanctitatis clarus moritur, & postmodum elevatur, p. 223.

*Ludovicus Pius*, Caroli M. filius, patri in Imperio succedit, p. 33. Generalem Paderbornæ conventum habet, ibid. ibidemque Herioldum Daniæ Regem profugum excipit, & fidem Daniæ inferre nititur, ibid. Ejus conatus promovendi rem Christianam, p. 39. & amor in Saxones, ib. Conventum Aquisgrani habet, in quo Canonicorum & Canonicarum vivendi ratio ordinata, ibid. & electio Episcoporum permessa clero & populo, p. 40. Aquisgrani hybernat, & diversarum gentium legatos audit, p. 41. Periculum vitæ incurrit, ib. Lotharium filium consortem Imperii adlegat, ibid. contra deficientes Abotritos movet, ibid. & contra Bernardum Regem in Italia rebellantem, ibid. Aquisgranum redit, & supplicium sumit de Bernardo, aliisque conspirationis reis, p. 42. Imperio se abdicare cogitat, ibid. Matrimonium init cum Juditha,

Juditha, *ibid.* Slaomirum Abotritorum Regem subigit & in exilium mittit, *ibid.* Justitiam eximie colit, 49. Bellum suscipit adversus Lindevitum Pannoniae Principem, *ibid.* Religiosos Benedictinos in Westphalia laborantes in suam protectionem suscipit, p. 44. Publicam in conventu Attiniacensi poenitentiam agit, p. 45. Privilegia Ecclesiae Paderb. confirmat & auget, p. 46. Villam regiam Huxeri donat Corbeiensibus, p. 48. Seditio nem ingentem patitur a filiis, p. 57. D. Anscharium Episcopum Hamburgensem designat, p. 59. Iterum agitur a filiis, p. 60. Imperio ejusque insignibus ab iisdem exuitur, p. 62. Restituitur, agente maxime Ludovico Germaniae Rege, *ibid.* Iter in Italiam apparat pro defensione Ecclesiae, p. 68. Frisios contra Nortmannos defendit, *ibid.* Imperium inter filios partitur, p. 77. pie ad mortem se comparat, & obit, p. 79.

*Ludovicus II. Lotharii filius* patri in Imperio succedit, p. 97. moritur, & Germania turbatur, p. 121.

*Ludovicus Balbus* fit Imperator, p. 123. moritur, p. 125.

*Ludovicus, Ludovici Pii filius*, Dux Boariae, p. 77. Fugatur a patre, dum regnum Germaniae affectat, p. 78. Cum Carolo fratre feliciter movet in Lotharium, p. 82. Approbantibus Episcopis, Aquisgrani regnum cum fratribus dividit, *ibid.* Inigni victoria Abotritos sternit, p. 84. Stabilem cum fratribus pacem init, & Rex Germaniae dicitur, *ibid.* Comitum Paderbornae celebrat, p. 87. & Moguntiae, p. 93. Cladem suorum patitur a Bohemis, *ibid.* Rursum Comitum Moguntiae habet, & bono regni sui consulit, p. 94. Dalmatas & Bohemos domat, p. 99. & seq. Westphalam visitat, p. 109. Ager Ratisbonae decumbit, p. 113. Lotharingiae regnum cum Carolo Rege Franciae partitur, *ibid.* Reconciliatur filiis alias in patrem concitatis, p. 114. partito in filios regno adversus hostes feliciter movet, p. 115. moritur, p. 122.

*Ludovicus II, filius Ludovici Germaniae Regis*, contra Sorabos & Bohemos feliciter pugnat, p. 119. Carolum Calvum praelio ad Andernacum profligat, p. 122. Slavos sibi subijcit, p. 123. Incipit decumbere. p. 126. Moritur Francofurti, p. 127.

*Ludovicus Arnulphi Regis filius*, fit Rex Germaniae, p. 159. & Lotharingiae, p. 160. Extinguitur mœrore, concepto ex clade ab Hunnis accepta, p. 164.

*Luibertus Archiep. Moguntinus*, consecrat S. Rembertum, p. 107. A Ludovico Rege Germaniae legatus mittitur ad Carolum R. Franciae, p. 119.

*Luidolphus Ottonis M filius* conspirat in patrem, p. 203. supplex patri in gratiam recipitur, p. 204.

*Luidolphus Archiep. Moguntinus* obit, p. 393.

*B. Luthardus*, nobilis Westphalus, & Ill. Pad. Episcopus, p. 102. Consecrat Ecclesiam S. Pauli prope Huxariam, p. 105. Adfistit consecrationi S. Remberti, p. 107. In concilio Wormatiensi obtinet facultatem condendi Parthenonis Herisifensis p. 110. Impetrat confirmationem ejusdem foundationis a Ludovico Germaniae Rege, p. 114. Interest consecrationi Ecclesiae B. V. Hildesienfis, p. 117. & concilio Coloniensi, *ibid.* Impetrat a Carolo Crasso liberam facultatem eligendi Episcopum, p. 130. Moritur & elevatur, p. 131.

## M.

*Magnus Dux Saxoniae, Westphaliae & Angariae*, obit, p. 461.

*Magnus*, jussu Lotharii II. Imper. Rex Daniae coronatur, p. 513.

*S. MARIA*, Cathedralis Ecclesiae Paderb. Patrona, p. 22.

*Mariensfeld*, al. Campus S. Mariae, fundatur, p. 607. Confirmatur ab Hermanno Ep. Monast. p. 608. Basilica ejus solenniter consecratur, p. 693.

*Mariemmunster*, al. Monasterium S. Mariae fundatur, p. 498. Confirmatur ab Adelberto Archiep. Mogunt. p. 503. ab Innocentio II Pont. 520. a Lothario II. Imp. p. 515. Bona illi donata confirmantur a Bernardo II Ep. Pad. p. 613.

*S. Marquardus Episcopus Hildesf.* in clade Ebberkesdorffiana occumbit, p. 125.

*Marquardus* ex Abbate Corbeienfi Episcopus Otnabrugensis, posita dignitate, ad monasterium redit, p. 438. pellitur a Gunthero Hertzfeldensi Abbate scismatico, p. 455. moritur, p. 462.

*B. Mathildis conjux Henrici Aucupis*, p. 175. Castrum, in quo conjux obierat, in Cœnobium vertit, p. 187. Sancte vivit, *ibid.* & moritur, p. 213. Sepelitur Quidlenburgi, *ibid.*

*Mediolanum* capitur & valetur, p. 572.

*Meinhardus* pastor Attelensis incredulus divinis monitis fit cæcus, & visum patrocínio D. Meinolphi recipit, p. 158.

*S. Meinolphi* vitæ initia, p. 11. Baptismus, p. 12. Mittitur in Galliam ad deportandas inde reliquias D. Liborii, p. 69. Eas ut impetret vovet monasterii fundationem. *ibid.* Condit monasterium Bodecense, p. 74. binis ad id miraculis incitatur, p. 75. Moritur, & multis post obitum miraculis illustratur, p. 92. Elevatur a Bisone Episcopo Paderb. p. 158.

*B. Meinwercus*, alter Episcopatus Paderb. fundator, p. 263. a S. Henrico Imp. Episcopatu praeficitur, ut ex paupere faciat locupletem, p. 264. Ortus ex clara Immedingorum familia, *ibid.* Studet Halberstadii & Hildesii, p. 266. proficit in virtute & literis, *ibid.* Fit Canonicus Halberstadiensis, p. 267. Ottoni III. & Henrico S. ut Sacellanus interservit, *ibid.* Goslariae consecratus Episcopus ad diocesin suam se confert, *ibid.* Ecclesiam Cathedralē a fundamentis extruit, *ibid.* Diocesin visitat, p. 268. A Rege revocatur ad aulam, & impetrat Comitatum Haholtri, pag. 270. Consecrat Monasterium Helmwardeshulanum, p. 271. Sequitur Regem Henricum ad expeditionem Polonicam, p. 272. Prædium Hoenstede ab Henrico obtinet, p. 274. & Bernehusum, p. 277. & villam Moringam, *ibid.* Henricum in Italiam sequitur, p. 278. Plura SS. Lipsana, & privilegiorum confirmationem a Pontifice Romae obtinet, p. 279. Voverit D. Alexio Cœnobium, p. 280. Cœniaco 13 monachos secum Paderbornam adducit, *ibid.* Confirmationem bonorum pro Ecclesia sua ab Henrico consequitur, *ibid.* Cœnobium Corbeienfe reformat, p. 283. Bosonem monachum ibidem ad judicium divinum provocat, *ib.* Abdmckhoffensi monasterio primum Abbatem Sigewardum praeficit, p. 284. Ecclesiam Cathedralē Paderb. absolvit & consecrat, *ibid.* uti & templum S. Cruceis prope Hervordiam, p. 293. Bambergae interest consecrationi templi, & interventu Pontificis a S. Henrico impetrat prædium Hammonstadiense, p. 298. Impetrat pro Ecclesia sua Comitatum Warburgensem, p. 302. & Comitatum Immedeshulanum, p. 304. Obtinet a S. Henrico integrum Comitatum pro Cœnobio



nobio Gandersheimensi. p. 305. Donat S. Henrico pallium velleribus ovinis suffultum, p. 307. Argenteum ejus scyphum in calicem vertit, ib. Ervetense pradium a S. Henrico perastum exprimit, & pallium ejus in ornatum altaris permutat, p. 308. Henricum Imp. excommunicat, *ibid.* Cryptam monasterii Abdinckhoviani, præsente Cæsare Henrico, dedicat, p. 313. Egenis in magna annonæ caritate egregie subvenit, p. 322. Comitatur Conradum R. in Italiam, p. 323. Impetrat corpus S. Felicis, *ibid.* Interest synodo Francofurtensi, p. 324. Controversiam trium prædiorum vincit, p. 326. Recuperat pradium Lemmonehusen, p. 327. Obtinet a Conrado R. pradium Patbergense, *ibid.* Conradum R. sequitur ad expeditionem Hungaricam, p. 329. Impetrat ab Imperatore pradium Alstedt, *ibid.* & alia plura pradia, *ibid.* & seq. Imperatorem in Poloniam sequitur, p. 331. Dedicat Cænobium Abdinghoffense, p. 332. Integrum Comitatum a Conrado Imperat. impetrat, p. 336. Meditatur Collegium Bultorffianum, *ibid.* Recuperat Comitatum Warburgensem, p. 339. Bultorffianum Collegium perficit, p. 341, & consecrat, p. 343. Alia adhuc monasteria meditando morte prævenitur, p. 345. Ejus obitus D. Godehardo revelatur, *ibid.* Virtutes ejusd. p. 346. Ad sepulchrum illius perpetuum lumen fundatur a B. Rothone Episcopo Pad. p. 369.

*Meppena* cella a Ludovico Pio datur Corbeien-  
sibus, p. 64.

*Metelensis Parthenonis* fundatio confirmatur ab Arnulpho R. p. 146. Litem decisam accipiunt ab Ottone III contra Ep. Monast. p. 232.

*Michaël Bulgarorum Rex* baptizatur, & religiosum habitum suscipit, p. 109.

*Milo Ep. Mindensis* obit, p. 240.

*Mindensis* Ecclesiæ privilegia confirmantur ab Henrico III. p. 368. Urbs conflatur, p. 384.

*S. Miniatis* brachium obtinet B. Meinwercus, p. 279.

*Ministeriales* quales fuerint, p. 617.

*Miracula* patrata in translatione S. Libori p. 69. & S. Viti p. 72.

*Missi Domini* qui olim fuerint, p. 51.

*S. Modoaldi* Reliquiæ Treviris transferuntur Helmwardeshusium, p. 464.

*Mollenbecanum Monasterium* fundatur, p. 157.

*Monasteria*, seu Collegia Canonicorum, olim non fuerunt monasteria monachorum, p. 23.

*Mons S. Adjutorii* ex Caroli M. contra Widekindum victoria celebris in Comitatu Lippensi, p. 10.

*Monasteria*, & Collegia virorum & foeminarum conduntur.

Altenbergense, p. 512.

Amelinsburgense, p. 513.

Asbecense, p. 549.

Bodecense, p. 74.

Brederalense, p. 583.

Bursfeldense, p. 440 & 417.

Cappenbergense, p. 487.

Claholtanum, p. 513.

Corbeienense, p. 34.

Eltenense, p. 236.

Essendienne, p. 118.

Flechtorpense, p. 452.

Freckenhorstense, p. 103.

Gandersheimense, p. 87.

Gerdense, p. 527.

Gerresheimense, p. 119.

Gertrudianum, p. 433.

Gesekeense, p. 198.

Hardehusanum, p. 525.

Herisense, p. 110.

Helmwardeshusanum, p. 239.

Hersenbrocense, p. 103.

Iburgense, p. 433.

Kemnadense, p. 289.

Leisbornense, p. 296.

Luckense, p. 554.

Mariensfeldense, p. 607.

Marienmunsterense, p. 498.

Meschedense, p. 165.

Metelense, p. 146.

Mollenbecanum, p. 157.

Osedense, p. 588.

Quernheimense, p. 588.

Schinnenense, p. 554.

Silschedense, p. 193.

Tremonienense, p. 103.

Vlarisheimense, p. 579.

Wedinghusanum, p. 529.

Widmerschenense, p. 581.

Wilbacense, p. 543.

## N.

*Nithardus* Gaudberti Episcopi nepos fit primus Sueciæ martyr, p. 59.

*S. Norbertus* hæresi Tanchelini objicitur, p. 476. Frislarienti & Herbipolensi Synodo interest, p. 478. & Rhemenfi, p. 479. Præmonstratum obtinet, & prima Ordinis sui fundamenta jactat, pag. 480. Cappenbergam venit, & castrum in monasterium commutat, p. 487. Romæ obtinet confirmationem sui Ordinis, p. 490. Fit Archiep. Magdenburg. p. 492. A clericis & civibus suis patitur, p. 502. Sancte moritur, p. 514. Ossa ejus Pragam transferuntur, *ibid.*

*Nortmanni* rem Christianam Hamburgi alibi-  
que turbant, p. 81. In Galliam usque prorumpunt, p. 86. A Ludovico Germaniæ R. cæduntur, *ibid.* Rursus Galliam infestant, p. 95. Saxoni-  
am devastant, p. 125. iterumque Belgium & Galliam, p. 127. pacem cum Carolo Crasso Imp. incunt, *ibid.* Denuo infestant Galliam, p. 129. Parisios obsident, & sedem in Gallia figunt, p. 133. Cædunt Christianos ad amnem Guliam, p. 151. Cæduntur ab Arnulpho R. ad amnem Diliam, *ibid.* Tandem ad suas se sedes recipiunt, p. 152.

## O.

*Oliverus* Canonicus Paderborn & Scholasticus Colon. Albigenium hæresi objicitur, p. 671. Ad bellum sacrum adhortatur, p. 679. & 682. In terram Sanctam proficiscitur, p. 683. Animos militibus addit in obsidione Damiatæ urbis, p. 685. Fit Episcopus Paderbornensis, p. 698. Æmulum habet Henricum Præpositum Bultorffianum, p. 699. Confirmatur a Pontifice, p. 700. Inauguratur, p. 701. Romam proficiscitur, p. 704. Consecratur Episcopus ab Honorio III. *ibid.* Fit Cardinalis & Episcopus Sabinensis, p. 707. Ejus obitus & præclara facinora, p. 708.

*Orto M.* nuptias celebrat cum Editha Anglorum Regis filia, p. 180. Succedit patri in Imperio



rio & Aquisgrani coronatur, p. 187. Cædit Hungaros in Westphalia, p. 190. Subjugat Bohemos, *ibid.* Victoriam obrinet ad Rhenum contra rebelles oratione potius quam armis, p. 192. Gallos ex Alſatia pellit, *ibid.* pacem cum iis init, p. 193. Conſpirantes in ſe Comites Germanos capit, & capite plecti imperat, *ibid.* Burgundiam ſubjugat p. 194. Diſſidentes inter ſe Gallie Regem & Hugonem principem componit, p. 195. Caſtellis Hermannum Suevie & Conradum Lotharingie Ducem ſibi conciliat, p. 196. Ludovico Gallie Regi adſiſtit contra Hugonem Comitem, p. 197. Danos cædit, p. 199. Bohemos ſibi & Eccleſie ſubjicit, p. 200. Regnum Italie in feudum dat Berengario *ibid.* Rebelles in gratiam recipit, p. 204. Vorum concipit condendit, piſcopatum Merſeburgentem & Hungaros ad internecionem delet, p. 205. Expeditionem ſuſcipit in Slavos, p. 206. Paderbornæ commorans bona quædam donat Parthenoni Geſekenſi, *ibid.* Iter in Italiam ſuſcipit, p. 208. Mediolani Rex Italie inungitur, & ferrea de more corona decoratur, p. 209. Imperator Romæ coronatur, p. 210. Joannem Pontificem e ſede ſua pellit, *ibid.* Redit in Germaniam, p. 211. Donat Eccleſie Magdenburgenſi Abbatiam S. Dionyſii, p. 212. Archiepiſcopatum Magdenburg. erigit, p. 214. Redux ex Italia in German. moritur, p. 215.

*Otto II, Ottonis M. filius* naſcitur, p. 205. Eligitur Wormatie Rex Germanie & Aquisgrani dein coronatur p. 208. Imperator Romæ coronatur a Joanne XIII. p. 211. Præſcitur a patre bello contra Græcos, p. 213. Roma in Germaniam redit cum Theophania ſponſa ſua, p. 214. Succedit patri in Imperio, p. 215. Patitur æmulos, p. 216. Donat Eccleſie Pad. crucem auream preſeo ſexaginta millium aureorum, p. 217. Danos & Bohemos ſubjugat, p. 218. A Lothario Gallie R. in fugam agitur, p. 219. eundem rurfus fugat, & vaſtatem Gallie inter, *ibid.* In Italiam movet, p. 220. In rebelles Italos ſevere animadvertit, *ibid.* Deſertus ab Italis infelicitè pugnat contra Græcos & Saracenos, p. 221. Caprus, feliciter tamen evadit, p. 222. Moritur Romæ, *ibid.*

*Otto III, Ottonis II. filius*, Veronæ a patre Cæſar & collega Imperii dicitur, p. 222. Aquisgrani coronatur, p. 224. Ab Henrico Duce Bavarie abripitur, ſed mox Saxoniae reſtituitur, *ibid.* Varias Germanie regiones peragrat, p. 225. Bohemie & Poloniae regiones ſibi & Chriſtianæ religioni ſubjicit, *ibid.* Brandeburgum expugnat, & Slavos domat, p. 231. Halberſtadii intereſt conſecrationi Baſilicæ, p. 232. Tremonie decidit controverſiam dudum agitatam inter Ep. Monast. & monaſterium Metelenſe, *ibid.* Compreſſa Romæ tyrannide Creſcentii, a Gregorio V. Imperator coronatur, p. 235. Eccleſie Magdenburgenſi donat prædium Schitrenſe, p. 237. Gregorium V. pulſum ſedi ſuæ reſtituit, p. 238. Conjugem ſuam adulterii & calumnie ream flammiſ addicit, p. 239. Poloniam intrat & S. Adalbertum martyrem veneratur, p. 240. Saxoniæ Westphaliaeque perluſtrat, p. 241. Caroli M. ſepulchrum aperit, *ibid.* Tiburtinam ac Romanam urbem expugnat, p. 242. Moſitur Paterni in Italia, veneno ſublatus, p. 246. Sepelitur Aquisgrani, *ibid.*

*Otto IV. Henrici Leonis filius*, Rex Germanie dicitur, p. 640. Aquisgrani coronatur, p. 641. Ducatum Angarie & Westphalie Archiep. Colon. confirmat, *ibid.* Saltum Solinganum dat Abbati

Corbeienſi, p. 645. Juramentum præſtat Eccleſie p. 651. Bona paterna cum fratribus Paderbornæ dividit, p. 655. Pacem invitus cum Philippo æmulo Rege init, p. 665. Interempto Philippo regnum ſecurus capellit, p. 667. Coronatur Romæ Imperator ab Innocentio III. p. 669. Bona Eccleſie infeſtat, ideoque excommunicatur, p. 670. Regno a Pontifice exiit, p. 671. Fridericum ſibi obſectum fugit, p. 673. Diœceſin Magdenburgentem vaſtat, p. 674. Bellum Regi Gallie infer, p. 676. Cæditur ab eo, p. 977. Colonia in Saxoniæ diſcedit, p. 678. pie obit, p. 684.

*Otto Dux Bojarie* reus læſæ Majeltatis damnatur & Ducatu privatur, p. 395. Clementie Regis ſe ſubdit, p. 396.

*Otto Dux Saxoniae* ulciſcitur cladem a Nortmannis illatam, p. 126. Ducit Lucardam Arnulphi R. filiam, p. 147. Datur tutor Ludovico Arnulphi R. filio, p. 159. Principatu Thuringie augetur, p. 163. Moritur & laudatur, p. 164.

*S Otto Episcopus Bambergensis* Pomeraniam ad fidem Chriſtianam adducit, p. 490.

*Otto, Bremensis Præpoſitus*, ex illuſtri Hollandorum & Bentheimium Comitum familia, eligitur Episcopus Monast. p. 658. Coloniae abripitur in cuſtodiam, p. 674. Liberatur e carcere ope Adolphi Montium Comitit, p. 678. In terram ſanctam proficiſcitur, p. 685. Ad Cæſaream obit, *ibid.*

*Otto Comes Lippienſis* fit Episcopus Ultrajectinus, p. 679. Conſecrat Episcopum Lealentiſem Bernardum patrem ſuum, *ibid.* Expeditionem in terram ſanctam ſuſcipit, p. 683. Miſere trucidatur in bello, quod geſſit contra Twentios, p. 715.

*B. Otto, Præpoſitus Cappenbergenſis* obit, p. 584.

## P.

*Padberg Comitatus* deſcribitur, p. 453.

*Paderborna* conflagrat, p. 240. 381. 511. & 577

*Paderbornæ* a Carolo M. prima in Westphalia Eccleſia erigitur, p. 6. Cunigunda Regina coronatur, p. 248. Natalitia Chriſti celebrat S. Henricus Imp. p. 285. & Conradus Salicus, p. 328. 334. & 340. Paſcha Conradus Salicus, p. 341. & Henricus III. Imp. p. 378. Pentecoſten, Henricus III. Imp. p. 371. Epiphaniæ Domini Conradus Salicus, p. 319. Aſcenſionem Domini, *idem*, p. 342. Legatos Danorum Hunnorumque audit Carolus M. p. 9. Ungarorum Henricus III. p. 363. Varia Eccleſie prædia donat S. Henricus Imp. p. 291. 294. & 307. Varia Comitit & Synodos habet Carolus M. p. 6. 8. 9. & 13. Item Ludovicus pius pag. 33.

*Paderbornensis Eccleſie* cura committitur Episcopo Herbipolenſi, p. 14.

*Paſebalis II Pontifex* Henricum IV. & omnes ſchiſmaticos Germanie Episcopos excommunicat p. 454. Abripitur in cuſtodiam ab Henrico V. p. 469. Dimiſſus Henricum Imp. coronat, *ibid.*

*B. Paternus* incluſus Paderbornæ communi urbis incendio extinguitur. p. 381.

*Pejerantes* divinitus puniuntur, p. 288.

*S. Philippi filii S. Felicitatis* medium corpus obrinet B. Meinwercus. p. 279.

*Philidpus Dux Suevie* regnum ambit, p. 639. Rex ſalutatur Erfurti, p. 640. Moguntie coronatur ab Archiepiſcopo Tarantaſienſi, p. 641. Deficiunt ad eum plures Episcopi Ottonianarum antea partium, p. 660. Aquisgrani ab Archiep. Colon.

Colon. coronatur, p. 662. Pacem cum Ottone æmulo init, p. 665. Interimitur ab Ottone Witelzbachio, p. 666.

*Philippus Episcopus Osnabrug.* obit. p. 788.

*Pipinus Caroli M filius* obviam mittitur Leoni III Pontifici Paderbornam adventanti. p. 27.

*Pipinus, Ludovici pii filius*, in patrem seditionis, p. 57. in custodiam datur, at inde elapsus omnia turbat. p. 59.

*Poppo, nobilis dynasta de Holte*, ex Præposito Bambergensi ab Henrico IV præficitur Episcopatui Paderbornensi, p. 410. Consecrat Ecclesiam S. Michaelis prope Huxariam. p. 415. moritur. p. 423.

*Poppo Comes Nortmannos* cædit p. 126.

*Pseudopropheta* in concilio Moguntino damnatur & flagris corripitur, p. 91.

*S. Pusinna* ex Gallis Herivordiam in Westphaliam transfertur, p. 103. Ejus vitæ ratio ac sanctitas, p. 104.

## R.

*B. Rabanus* ex Abbate Fuldensi Archiepiscopus Moguntinus celebrem Moguntiae synodum habet, p. 91. obit, p. 98.

SS 3. *Regum corpora* Mediolano Coloniam deferuntur, p. 572.

*Reinkerswald* nemusa S. Henrico Imp. donatur Ecclesiae Paderborn. p. 301. item ab Henrico IV, p. 382.

*Religio Christiana* in Saxonia floret. p. 92.

*S. Rembertus* succedit S. Anshario, p. 107. Consecratur Archiepiscopus Bremensis ab Archiep. Moguntino. *ibid.* Habitum monasticum induit in monasterio Corbeienfi. *ibid.* Ejus obitus & laus. p. 143.

*Renoldus Archiep. Colon.* Mediolano Coloniam transfert corpora SS. 3. Regum, p. 572. moritur. p. 579.

*Retharius IX. Episcopus Paderb.* Spiræ a Wilegifo Archiep. Moguntino consecratur, p. 224. Gandersheimii adest consecrationi Sophiæ sororis Ottonis Imp. p. 228. Privilegiorum Ecclesiæ suæ confirmationem impetrata Joanne XV p. 231. Halberstadii interest consecrationi Basilicæ, p. 232 uti & Gandersheimii futuræ dedicationi, p. 241. institutionem exultorum diplomatum ab Ottone III. impetrat. p. 243. Merseburgi una cum aliis Henricum II Regem dicit, p. 247. Impetrat confirmationem privilegiorum ab Henrico Bavaro Rege, p. 249, & 252. Interest Synodo Tremonensi, p. 256. Prædium quoddam a Meinwerco Imperatoris Sacellano obtinet, p. 257. & confirmationem privilegiorum Ecclesiæ suæ a Joanne XVIII Pont. p. 258. Interest synodo Francofurtensi, p. 260. moritur, & deploratur ab Henrico S. p. 262.

*Robertus XV. Monast. Episcopus* obit, p. 387.

*B. Rotbo*, ex monacho Strabulensi, & Abbate Hertzfeldensi fit Episcopus Paderborn, p. 349. Fuit ex familia Burana, p. 350. Consecratur Moguntiae, *ibid.* jura cœnobii Abdinckhoviani confirmat, p. 354. Dedicationi Basilicæ Strabulensis cum Henrico Rege aliisque Episcopis interest, p. 360. Consecrat Ecclesiam Horhufanum, p. 363 Territorium Folckbettinghusanum donat Abdinghoffensibus, p. 369. Fundat perpetuum lumen ad sepulchrum B. Meinweri, *ibid.* moritur,

& ob sanctitatis famam elevatur, p. 372. Fons ad descensum Basilicæ ejus benedictione salutaris hodie dum superest, *ibid.*

*Rudolphus Suevorum Dux* eligitur & inungitur Rex Germaniæ. p. 412. Cum Henrico IV Rege configit & vincit, p. 413. Henricum secundo cædit, p. 415. Victoriose tertio contra Henricum pugnat, & paulo post moritur. p. 416.

*Rugia* Insula Corbeienlibus datur a Lothario Imp. p. 85. Convertitur ad fidem a Waldemaro Daniæ R. p. 580.

*Ruthardus Archiep. Moguntinus* e sede sua ab Henrico IV pellitur, p. 445. moritur, p. 468.

*Ruthardus* monasticam vitam præfert Episcopatui Halberstadiensi. p. 97

*Ruthardus* fit Abbas Corbeienfis, p. 365.

## S.

*Saladinus*, Syriæ & Ægypti tyrannus, terram Sanctam invadit, p. 616.

*Saxonia* vastatur a Nortmannis, & liberatur, p. 228.

*Saxones* rebelles, Basilicam D. Bonifacii Frisiarum incensuri divinitus avertuntur, p. 4. a Carolo M. ad fidem & obsequium reducuntur. *ibid.* Iterum rebellantes, iterumque domiri, in gratiam recipiuntur, & ad Baptismum se offerunt, p. 5. Auctore Widekindo denuo rebelles templa aliaque loca devastant, p. 7. Cæduntur a Francis ad flumen Adranam. p. 8. item a Danis, p. 56. Conjurant in Henricum IV Regem, p. 399. Legatos ad eum mittunt & illuduntur, p. 400. In Regem movent, *ibid.* Late omnia vastant, *ibid.* Pacem cum Rege ineunt, p. 401. Modum in demolendis castellis excedunt, p. 402. Rursus contra Regem conspirant, p. 403. Cum eo configunt, p. 404 & pacem ineunt, p. 405. Iterum conjurant in Regem, p. 411. Hermannum Lurzenburgicum in Regem eligunt, p. 419. Insignem victoriam obtinent contra Henricum R. p. 430. & 433. Se Henrico R. subdunt, p. 435. Conspirant in Henricum V. Imp. p. 471. Insignem victoriam de eodem referunt, p. 473.

*Schildesense Monasterium* conditur, p. 193. Subjicitur Ep. Paderborn. p. 297.

*Sifridus* ex Præposito majoris Ecclesiæ deligitur Episcopus Paderborn. p. 593. Litem Canonicos Bustorfianos inter & pastorem urbicum obmotam componit, p. 603. Benefacit cœnobio Hardehusano, p. 606. Confirmat prædecessorum suorum donationes Corbeienfi cœnobio factas, pag. 610. Componit litem Gerdensibus motam, pag. 612. Moritur, & sepelitur in monasterio Hardehusano, *ibid.*

*Sigebertus Episcopus Mindensis* obit. p. 348.

*Sigebertus Comes* interimitur. p. 457.

*Sigefridus Archiep. Moguntinus* ad monasterium Cluniacense secedit, sed inde a subditis extrahitur, p. 398. moritur, p. 423.

*Sigefridi Episcopi Monasteriensis* obitus & laus. p. 336.

*Sigewardus I. Abbas Abdinghoffensis* constituitur p. 284.

*Sitto Ep. Verdensis* obit, p. 383.

*Slaomirus Abotritorum Rex* a Ludovico Pio subjugatur, & in exilium pellitur, p. 42. Revocatur, at moritur, baptismo prius initiatus, p. 45.

*Sicut*

*Slavi Saxoniae reique Christianae infesti ab Henrico Bavaro domantur*, p. 253. & a Conrado II R. p. 342. Ad pendendum tributum adiguntur ab Henrico III p. 365. Debellantur a Saxonibus. p. 380. Iterum rebellant, & vastant Ecclesiam Hamburgensem, p. 391. Irrumpunt in regiones Transalbianas, ibid Prosteruntur a Lothario Duce, p. 468. Irrumpunt in Saxoniam & repelluntur, p. 515.

*S. Sturmio*, auctor est Carolo M. belli Saxonibus inferendi. p. 3. Saxones in fide instruit. p. 7. Corpus D. Bonifacii Fuldae Hameleburgum transfert, ibid. Post felices labores sancte moritur. p. 8.

*Suidgerus Bambergensis Episcopus* creatur Pontifex, Clemens II dictus, p. 366. Henricum III Imperatorem coronat. ibid

*Suidgerus Episcopus Monaster.* sanctitate & miraculis clarus obit. p. 274.

*Sueno M. Danorum* Rex per Septentrionem Christi religionem promovet. p. 375,

*Synodi* variae in Germania habitae.

Alstedensis sub Henrico S. p. 289.

Altheimensis sub Conrado I. R. p. 167.

Aquisgranensis sub Ludovico pio. p. 39. & 67.

Bonnensis sub Ottone M. p. 195.

Colonienfis sub Ludovico R. Germ. p. 117.

Confluentina, sub Henrico I. R. p. 174.

Duisburgensis sub Henrico I. R. p. 178.

Erfurtenfis sub Henrico I. R. p. 182.

Francofurtensis sub Henrico S. p. 259. & Conrado II. p. 324.

Frislariensis sub Henrico V. p. 478.

Gandersheimensis sub Ottone III. p. 233.

Goslarientis, p. 295.

Ingelheimensis p. 80. & 198.

Merseburgensis sub Henrico S. p. 289.

Moguntina, sub Carolo M. p. 32.

a Rabano Arch. p. 91. 93. & 94.

a Carolo Arch. p. 99.

sub Arnulpho R. p. 138.

sub Henrico III. p. 370.

sub Henrico IV. p. 396.

sub Henrico V. p. 460.

sub Lothario II. p. 505.

Northufana sub Henrico V. p. 458.

Paderbornensis sub Carolo M. p. 8, 13.

sub Ludovico Pio, p. 33.

Quidleburgensis sub Hermannno Lutzenburgico, p. 427.

Rhemensis, in qua excommunicatur Henricus V. p. 479.

Rhemensis II in qua canonizatur D. Godehardus, p. 505.

Romana in causa Henrici V. p. 470.

Selingstadenfis, p. 313.

Trecensis sub Henrico V. in qua electio Episcoporum Clero restituta, p. 464.

Trenonienfis sub Henrico S. p. 256, & p. 285.

Triburiensis sub Arnulpho R. p. 155.

Wormatiensis sub Ludovico Pio p. 67.

& sub Ludovico R. Germ. p. 110.

## T.

*Tagmo Archiepif. Magdenburg.* vir sanctus moritur. p. 274.

*Tanchelini* haeresis exoritur, p. 475. Ex ea multi Coloniae comburuntur, p. 574.

*Tancmarus* Ottonis M. frater rebellis Eresburgi in templo occiditur. p. 191.

*Teclenburgum* expugnatur. p. 714.

*Templarii* exoriuntur. p. 479. &

*Teutonici*, ibid. quorum Ordo confirmatur a Coelestino III. p. 626.

*Theodoricus Ep. Paderborn.* V. succedit Bifoni. p. 163. Episcopatus ejus extractus ad annum 915. pag. 168.

*Theodoricus Episcopus Monast.* obit p. 306.

*Theodoricus Winceburgicus* Ep. Monast. Sedis suae restituitur. p. 460. Moritur & laudatur, p. 494.

*Theodoricus Hsenburgicus* Episc. Monaster. in itinere Romano moritur, p. 706. Ejus praecleara opera, ibid.

*Theodoricus Episcopus Mindensis* adstuit consecrationi D. Remberti. p. 107. Occumbit in clade Ebbeckesdorffiana, p. 125.

*Theodoricus* alius Ep Mindensis obit. p. 307.

*Theodoricus Estiensis* in Livonia Antistes consecratur, p. 675.

*Theophania* Imperatrix moritur, & Coloniae sepelitur, p. 231.

*Thiatgrimus* succedit B. Hildegtrimo in Episcopatu Halberstadiensi, p. 56. moritur. p. 80.

*Thiatmarus Episcopus Hildesienfis* obit. p. 364.

*Thiatmarus Abbas Corbeienfis* ampla a Joanne XV Pontifice privilegia obtinet. p. 230.

*Translatio* S. Liborii Ep. Cenomannis Paderbornam, p. 69. S. Viti M. ex Galliis Corbeiam Saxoniam, p. 71. S. Pusinnae V. ex Galliis Herivordiam, p. 103. S. Lutrudis Corbeiam, p. 105. SS. Saturninae & Fortunatae Herisiam, p. 112. S. Justini M. Corbeiam, p. 151. & capitis ejusdem Corbeiam, p. 200. SS. Philippi, Juvenalis, Felicis, filiorum S. Felicitatis, S. Blasii, & S. Miniatis ex Italia Paderbornam, p. 279. SS. Modoaldi, Leonitii, Auctoris, Beati, Trevis Helmwardeshusium, p. 464. SS. 3. Regum Mediolano Coloniam. p. 572. BB. Ludolphi & Druthmari Abbatum Corbeienfium Corbeiae, p. 450.

*Tremoniense* monasterium fundatur, p. 103.

*Turboltia* cella a Ludovico Pio donatur S. Anshario, p. 64.

## V.

*S. Vicelinus* scholas Paderborn. frequentat, p. 493. Evocatur Bremam ad praefecturam Scholarum, ibid. In Galliam proficiscitur ad altiora studia condiscenda, ibid. A D. Nortberto Sacerdos consecratur, ibid. Slaviam apostolicis laboribus excolit, p. 494. Aldenburgerfis Episcopus consecratur, ibid. Totius gentis Slavicae cura a Lothario Imper. ei commendatur. p. 506. Sancte obit. p. 555.

*S. Viras M.* ex Gallia transfertur Corbeiam Saxoniam, p. 71 post ejus translationem res Gallorum minui, & Saxonum augeri coeperunt. p. 73.

*Unnonis* Breinenfis & Hamburg. Antistitis praecleari labores & obitus. p. 184.

*Unwanus* e Canonico Paderborn. fit Archiepiscopus Bremenfis & praecclare laborat p. 273. moritur. p. 327.

*Unwanus Episcopus Paderb.* VI p. 169. Interest concilio Altheimensi, ibid. Adest Bonnae compositioni pacis factae inter Henricum Germaniae & Carolum Galliae Regem, p. 173. Interest Synodo Erfurtenfi, p. 182. Finit Episcopat. anno 935. p. 185

*Volcmarus*

*Volmarus* ex Corbeienſi monacho Episcopus Paderborn p. 208. Confirmationem privilegiorum pro Ecclesia sua obtinet ab Ottone II. p. 216. moritur. p. 223.

*Volmarus Episcopus Mindensis* Schismaticus misere obit. p. 442.

*Volmarus Abbas Corbeienſis* obit. p. 523.

*Urbanus II Pont.* bellum sacrum indicit, p. 443. Schismaticos excommunicat, p. 448. moritur. ib.

## W.

*Walburga* soror Luthardi Ep. Paderb. sanctitate illustris, prima fuit Abbatiſſa Heriſienſis, p. 112.

*Waldecenſis Comes* Advocatiam Ecclesiae Paderb. Episcopo resignat. p. 618.

*Waldemar Rex Daniae* Insulam Rugiam convertit. p. 580.

*S. Waltgerus Comes Herivordienſis* fundat Collegium Canoniarum Hervordiae, p. 52.

*Warburgenſis Comitatus* cedit Ecclesiae Paderborn. p. 302. Ab ea abſtrahitur per Aribonem Archiep. Moguntinum. p. 319. Eidem redditur per Conradum Imp. p. 339.

*Warenus* nobilis Saxo ſuccedit S. Adelhardo in adminiſtratione Monasterii Corbeienſis ad Viſurgim. p. 48. Suorum & Herivordenſium Sanctimonialium bonorum confirmationem obtinet a Ludovico Germaniae R. p. 95. moritur & commendatur. p. 98.

*Wecilo* homo ſchiſmaticus ab Henrico IV ſedi Moguntinae imponitur, p. 423. partes ſchiſmaticorum ruetur. p. 427.

*Werkis* Principes conveniunt, & Henricum Bavarum Regem Germaniae dicunt, p. 247. rurſumque pro ſucceſſore Henrici deligendo. p. 316.

*Wernerus Episcopus Monaster.* obit. p. 549.

*Werthinenſes* iurium & privilegiorum ſuorum confirmationem obtinent, a Ludovico II. Germaniae R. p. 123. Ab Arnulpho R. p. 144. Ab Henrico I. R. p. 180. Ab Ottone M. p. 189. A Conrado Salico, p. 318. Ab Henrico III. p. 360. Impetrant immunitatem a vectigalibus a Zwentiboldo R. Lotharingiae p. 158. Jus telonii & monetæ ab Ottone II. p. 217. Immunitatem a telonio ab Henrico VI. p. 623.

*Westphaliae & Angariae Ducatus* cedit Philippo Archiepiscopo Colon. p. 595.

*Wicholdus* ex Abbate Stabulensi & Caſſinenſi fit Abbas Corbeienſis, p. 533. Monasteria Kemnade & Viſbec pro Corbeienſibus impetrat, p. 536. Mittitur legatus a Friderico Imp. ad Imp. Conſtantinopol. p. 560. Moritur in Graecia. p. 564.

*B. Widekindus*, abſente Carolo M. Saxones ad

rebellandum ſollicitat. p. 7. In Chriſtianos ſaviens memorabili victoria a Carolo M. deprimitur. p. 10. Fit Chriſtianus, p. 13. Magno adjuvamento eſt Chriſtianae religioni in Weſtphalia. p. 18 moritur & colitur ut Sanctus. p. 32.

*Widekindus Comes Swalenbergenſis* fundat Cœnobium Marienmunſter. p. 498.

*Widekindus dynaſta de Rbedu* ſingularis benefactor Cœnobii Marienfeldenſis, obit in expeditione Palaſtina. p. 608.

*Wiggerus* invitus ab Henrico S. praeficitur Ecclesiae Verdenſi. p. 287.

*Willbacenſe monaſterium* conditur, p. 543. Multa bona conſequitur a Bernardo III Episcopo Paderborn. p. 682, & privilegia ab Honorio III. Pont. p. 690. Confirmationem iurium ſuorum obtinet a Lucio III. Pont. p. 601.

*Wilhelmus, Ottonis M. filius* fit Archiepiscopus Moguntinus, p. 204. moritur & ſuffragia poſt obitum petit a Ludolpho Abbate Corbeienſi, p. 213.

*Willebrandus*, ex familia Comitum Oldenburgicorum, & Praepoſito Hildeſienſis Ecclesiae deligitur Episcopus Paderbornenſis, p. 711. Tranſigit cum Capitulo Hildeſienſi, p. 712. Diverſas lites & controverſias componit, ibid. Poſtulat ad regendam Ecclesiam Ultrajectinam, p. 716. Variis monaſteriis benefacit, p. 717. Obſiſtit diſſolutioni communis vitae, ibid. Feliciter moveri in Twentios, p. 718. moritur Zwollis, p. 719.

*Willegiſus Archiep. Moguntinus* in tutelam ſuſcipit Ottonem III Imp. p. 224. Conſecrat Sophiam Monialem Gandersheimſem ſororem Ottonis Imp. p. 228. Contendit cum D. Bernwardo de iurisdictione in Gandersheim. p. 241. perdit cauſam, p. 243. pertinax ab officio ſuſpenderitur, ibid. Paderbornae S. Cunigundam Reginam coronat, & Sophiae moniali Gandersheimenſi velum imponit, p. 248.

*Willibertus* ſuccedit Gunthario Archiepiscopo Colon. p. 114 moritur, p. 119.

*Witmarus* monachus Corbeienſis ſocius eſt S. Anſcharii in expeditione Suecica, p. 54.

*Wotelolfus Episcopus Osnabrug.* confirmationem privilegiorum pro Ecclesia ſua impetrat ab Henrico Bavaro. p. 251.

*Wulfarius Episcopus Mindenſis* obit. p. 131.

## Z.

*Zundiboldus Slavorum Dux* obit. p. 155.

*Zwentiboldus filius Arnulphi R.* Rex Lotharingiae, comitia Aquisgrani habet, ubi Werthinenſes a vectigalibus immunes facit, p. 158. Occumbit in praelio. pag. 160.

# FINIS.

